

Holy Bible

Aionian Edition®

Библия церковно-славянском
Church Slavonic Elizabeth Bible

AionianBible.org
The world's first Holy Bible untranslation
100% free to copy and print
also known as " The Purple Bible "

Holy Bible Aionian Edition ®
Библия церковно-славянском
Church Slavonic Elizabeth Bible

CC Attribution NoDerivatives 4.0, 2018-2024
Source text: Crosswire.org
Source version: 8/10/2022
Source copyright: Public Domain
RusBible.ru with modern spelling, 1757

Formatted by Speedata Publisher 4.19.15 (Pro) on 7/5/2024
100% Free to Copy and Print
TOR Anonymously
<https://AionianBible.org>

Published by Nainoia Inc
<https://Nainoia-Inc.signedon.net>

We pray for a modern public domain translation in every language
Report content and format concerns to Nainoia Inc
Volunteer help is welcome and appreciated!

Celebrate Jesus Christ's victory of grace!

Preface

церковно-славянском at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aīdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aīdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is *eternal*! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to *eternal* life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of *eternal punishment*. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by-nd/4.0, allowing 100% freedom to copy and print, if respecting source copyrights. Check the Reader's Guide and read online at AionianBible.org, with Android, and TOR network. Why purple? King Jesus' Word is royal... and purple is the color of royalty!

History

церковно-славянском at AionianBible.org/History

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible project nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEPBible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 135 languages.
- 05/01/24 - 371 translations now available in 151 languages.

Table of Contents

OLD TESTAMENT

Бытие	11
Исход	45
Левит	72
Числа	92
Второзаконие	120
Книга Иисуса Навина	145
Книга Судей израилевых	162
Книга Руфи	179
Первая книга Царств	182
Вторая книга Царств	205
Третья книга Царств	224
Четвертая книга Царств	246
Первая книга Паралипоменон	267
Вторая книга Паралипоменон	286
Книга Ездры	309
Книга Неемии	316
Книга Есфири	326
Книга Иова	331
Псалтирь	348
Притчи Соломона	387
Книга Екклезиаста	403
Песнь песней Соломона	408
Книга пророка Исаии	411
Книга пророка Иеремии	442
Плач Иеремии	478
Книга пророка Иезекииля	482
Книга пророка Даниила	516
Книга пророка Осии	526
Книга пророка Иоиля	531
Книга пророка Амоса	533
Книга пророка Авдия	537
Книга пророка Ионы	538
Книга пророка Михея	540
Книга пророка Наума	543
Книга пророка Аввакума	545
Книга пророка Софонии	547
Книга пророка Аггея	549
Книга пророка Захарии	551
Книга пророка Малахии	557

NEW TESTAMENT

От Матфея святое благовествование	561
От Марка святое благовествование	582
От Луки святое благовествование	595
От Иоанна святое благовествование	617
Деяния святых апостолов	634
Послание к Римлянам	656
Первое послание к Коринфянам	665
Второе послание к Коринфянам	674
Послание к Галатам	680
Послание к Ефесянам	683
Послание к Филиппийцам	686
Послание к Колоссянам	689
Первое послание к Фессалоникийцам	691
Второе послание к Фессалоникийцам	693
Первое послание к Тимофею	694
Второе послание к Тимофею	697
Послание к Титу	699
Послание к Филимону	700
Послание к Евреям	701
Послание Иакова	708
Первое послание Петра	711
Второе послание Петра	714
Первое послание Иоанна	716
Второе послание Иоанна	719
Третье послание Иоанна	720
Послание Иуды	721
Откровение ап. Иоанна Богослова	722

APPENDIX

Reader's Guide


Glossary

Maps

Destiny

Illustrations, Doré

OLD TESTAMENT



И изрину Адама, и всели его прямо рая Сладости: и пристави Херувима,
и пламенное оружие обращаемое, хранити путь древа жизни.

Бытие 3:24

Бытие

1 В начале сотвори Бог небо и землю. **2** Земля же бе невидима и неустроена, и тма верху бездны, и Дух Божий ношащеся верху воды. **3** И рече Бог: да будет свет. И бысть свет. **4** И виде Бог свет, яко добро, и разлучи Бог между светом и между тмою. **5** И нарече Бог свет день, а тму нарече нощь. И бысть вечер, и бысть утро, день един. **6** И рече Бог: да будет твердь посреде воды, и да будет разлучающи посреде воды и воды. И бысть тако. **7** И сотвори Бог твердь, и разлучи Бог между водою, яже бе под твердию, и между водою, яже бе над твердию. **8** И нарече Бог твердь небо. И виде Бог, яко добро. И бысть вечер, и бысть утро, день второй. **9** И рече Бог: да соберется вода, яже под небесем, в собрание едино, и да явится суша. И бысть тако. И сabrasя вода, яже под небесем, в собрания своя, и явися суша. **10** И нарече Бог сушу землю, и собрания вод нарече моря. И виде Бог, яко добро. **11** И рече Бог: да прорастит земля былие травное, сеющее семя по роду и по подобию, и древо плодовитое творящее плод, емуже семя его в нем, по роду на земли. И бысть тако. **12** И изнесе земля былие травное, сеющее семя по роду и по подобию, и древо плодовитое творящее плод, емуже семя его в нем, по роду на земли. И виде Бог, яко добро. **13** И бысть вечер, и бысть утро, день третий. **14** И рече Бог: да будут светила на тверди небесней, освещати землю и разлучати между днем и между нощию: и да будут в знамения и во времена, и во дни и в лета, **15** и да будут в просвещение на тверди небесней, яко светити по земли. И бысть тако. **16** И сотвори Бог два светила великая: светило великое в начала дне, и светило меньшее в начала нощи, и звезды: **17** и положи я Бог на тверди небесней, яко светити на землю, **18** и владети днем и нощию, и разлучати между светом и между тмою. И виде Бог, яко добро. **19** И бысть вечер, и бысть утро, день четвертый. **20** И рече Бог: да изведут воды гады душ живых, и птицы летающие по земли, по тверди небесней. И бысть тако. **21** И сотвори Бог киты великия, и всяку душу животных гадов, яже изведоша воды по родом их, и всяку птицу пернату по роду. И виде Бог, яко добра. **22** И благослови я Бог, глаголя: раститесь и множитесь, и наполните воды, яже в морях, и птицы да умножатся на земли. **23** И бысть вечер, и бысть утро, день пятый. **24** И рече Бог: да изведет земля душу живу по роду, четвероногая и гады, и звери земли по роду. И бысть тако. **25** И сотвори Бог звери земли по роду, и

скоты по роду их, и вся гады земли по роду их. И виде Бог, яко добра. **26** И рече Бог: сотворим человека по образу Нашему и по подобию, и да обладает рыбами морскими, и птицами небесными, (и зверми) и скотами, и всею землею, и всеми гады пресмыкающимися по земли. **27** И сотвори Бог человека, по образу Божию сотвори его: мужа и жену сотвори их. **28** И благослови их Бог, глаголя: раститесь и множитесь, и наполните землю, и господствуйте ею, и обладайте рыбами морскими, (и зверми) и птицами небесными, и всеми скотами, и всею землею, и всеми гадами пресмыкающимися по земли. **29** И рече Бог: се, дах вам всякую траву семенную сеющую семя, еже есть верху земли всяя: и всякое древо, еже имать в себе плод семене семенного, вам будет в снедь: **30** и всем зверем земным, и всем птицам небесным, и всякому гаду пресмыкающемуся по земли, иже имать в себе душу живота, и всякую траву зелену в снедь. И бысть тако. **31** И виде Бог вся, елика сотвори: и се добра зело. И бысть вечер, и бысть утро, день шестый.

2 И совершишася небо и земля, и все украшение их. **2** И соверши Бог в день шестый дела Своя, яже сотвори: и почи в день седьмый от всех дел Своих, яже сотвори. **3** И благослови Бог день седьмый, и освяти его: яко в той почи от всех дел Своих, яже начат Бог творити. **4** Сия книга бытия небесе и земли, егда бысть, в онъже день сотвори Господь Бог небо и землю, **5** и всякий злак селный, прежде даже быти на земли, и всякую траву селную, прежде даже прозябнути: не бо одожди Господь Бог на землю, и человек не бяше делати ю: **6** источник же исходаше из земли и напаяше все лице земли. **7** И созда Бог человека, перстъ (взем) от земли, и вдуну в лице его дыхание жизни: и бысть человек в душу живу. **8** И насади Господь Бог рай во Едеме на востоцах, и введе тамо человека, егоже созда. **9** И прозябие Бог еще от земли всякое древо красное в видение и доброе в снедь: и древо жизни посреде рая, и древо еже ведети разуметелное доброго и лукаваго. **10** Река же исходит из Едема напаяти рай: оттуду разлучается в четыри начала. **11** Имя единей Фисон: сия окружающая всю землю Евилатскую: тамо убо есть злато. **12** Злато же онъя земли доброе: и тамо есть анфракс и камень зеленый. **13** И имя реце второй Геон: сия окружающая всю землю Ефиопскую. **14** И река третия Тигр: сия проходящая прямо Ассириом. Река же четвертая Евфрат. **15** И взя Господь Бог человека, егоже созда, и введе его в рай Сладости, делати его и хранити. **16** И заповеда

Господь Бог Адаму, глаголя: от всякаго древа, еже в раи, сnedиу снеси: 17 от древа же, еже разумети доброе и лукавое, не снесте от него: а в онъже аще день снесете от него, смертию умрете. 18 И рече Господь Бог: не добро быти человеку единому: сотворим ему помощника по нему. 19 И созда Бог еще от земли вся звери селныя и вся птицы небесныя, и приведе я ко Адаму видети, что наречет я: и всяко еже аще нарече Адам душу живу, сие имя ему. 20 И нарече Адам имена всем скотом, и всем птицам небесным, и всем зверем земным. Адаму же не обретеся помощник подобный ему. 21 И наложи Бог изступление на Адама, и успе: и взя едино от ребр его, и исполни плотию вместо его. 22 И созда Господь Бог ребро, еже взя от Адама, в жену, и приведе ю ко Адаму. 23 И рече Адам: се, ныне кость от костей моих и плоть от плоти моей: сия наречется жена, яко от мужа своего взята бысть сия. 24 Сего ради оставит человек отца своего и матери и прилепится к жене своей, и будета два в плоть едину. 25 И беста оба нага, Адам же и жена его, и не стыдястася.

3 Змий же бе мудрейший всех зверей сущих на земли, ихже сотвори Господь Бог. И рече змий жене: что яко рече Бог: да не ясте от всякаго древа райскаго? 2 И рече жена змию: от всякаго древа райскаго ясти будем: 3 от плода же древа, еже есть посреде рая, рече Бог, да не ясте от него, ниже прикоснетесь ему, да не умрете. 4 И рече змий жене: не смертию умрете: 5 ведяше бо Бог, яко в онъже аще день снесе от него, отверзутся очи ваши, и будете яко бози, ведающе доброе и лукавое. 6 И виде жена, яко добро древо в сnedи и яко угодно очима видети и красно есть, еже разумети: и вземши от плода его яде, и даде мужу своему с собою, и ядоста. 7 И отверзша очи обема, и разумеша, яко нази беша: и сшиста листвие смоковное, и сотвориста себе препоясания. 8 И услышаша глас Господа Бога ходяща в раи по полуодни: и скрыстася Адам же и жена его от лица Господа Бога посреде древа райскаго. 9 И призыва Господь Бог Адама и рече ему: Адаме, где еси? 10 И рече Ему: глас слышаш Тебе ходяща в раи, и убоихся, яко наг есмь, и скрыхся. 11 И рече ему Бог: кто возвести тебе, яко наг еси, аще не бы от древа, егоже заповедах тебе сего единаго не ясти, от него ял еси? 12 И рече Адам: жена, юже дал еси со мною, та ми даде от древа, и ядох. 13 И рече Господь Бог жене: что сие сотворила еси? И рече жена: змий прельсти мя, и ядох. 14 И рече Господь Бог змию: яко сотворил еси сие,

проклят ты от всех скотов и от всех зверей земных: на персех твоих и чреве ходити будеши, и землю снеси вся дни живота твоего: 15 и вражду положу между тобою и между женою, и между семенем твоим и между семенем тоя: той твою блюсти будет главу, и ты блюсти будеши его пяту. 16 И жене рече: умножая умножу печали твоя и вздохания твоя: в болезнях родиши чада, и к мужу твоему обращение твое, и той тобою обладати будет. 17 И Адаму рече: яко послушал еси гласа жены твоей и ял еси от древа, егоже заповедах тебе сего единаго не ясти, от него ял еси: проклята земля в делах твоих, в печалех снеси туя вся дни живота твоего: 18 терния и волчцы возрастит тебе, и снеси траву селную: 19 в поте лица твоего снеси хлеб твой, дондеже возвратишися в землю, от неяже взят еси: яко земля еси, и в землю отидеши. 20 И нарече Адам имя жене своей Жизнь, яко та мати всех живущих. 21 И сотвори Господь Бог Адаму и жене его ризы кожаны, и облече их. 22 И рече Бог: се, Адам бысть яко един от Нас, еже разумети доброе и лукавое: и ныне да не когда прострет руку свою и возмет от древа жизни и снест, и жив будет во век. 23 И изгна его Господь Бог из рая Сладости делати землю, от неяже взят бысть. 24 И изрину Адама, и всели его прямо рая Сладости: и пристави Херувима, и пламенное оружие обращающее, хранити путь древа жизни.

4 Адам же позна Еву жену свою, и заченши роди Каина и рече: стяжах человека Богом. 2 И приложи родити брата его, Авеля. И бысть Авель пастырь овец, Каин же бе делая землю. 3 И бысть по днех, принесе Каин от плодов земли жертву Богу: 4 и Авель принесе и той от первородных овец своих и от туков их. И призре Бог на Авеля и на дары его: 5 на Каина же и на жертвы его не внял. И опечалися Каин зело, и испаде лице его. 6 И рече Господь Бог Каину: вскую прискорбен был еси? И вскую испаде лице твое? 7 Еда аще право принесл еси, право же не разделил еси, не согрешил ли еси? Умолкни: к тебе обращение его, и ты тем обладаеш. 8 И рече Каин ко Авеля брату своему: пойдем на поле. И бысть всегда быти им на поли, воста Каин на Авеля брата своего и уби его. 9 И рече Господь Бог ко Каину: где есть Авель брат твой? И рече: не вем: еда страж брату моему есмь аз? 10 И рече Господь: что сотворил еси сие? Глас крове брата твоего вопиет ко Мне от земли: 11 и ныне проклят ты на земли, яже разверзе уста своя прияти кровь брата твоего от руки твоей: 12 егда делаеш землю, и не приложит силы своея дати тебе: стена и трясяйся будеши на

земли. 13 И рече Каин ко Господу Богу: вящшая вина моя, еже оставитися ми: 14 аще изгониши мя днесъ от лица земли, и от лица Твоего скрыюся, и буду стена и трясыйся на земли, и будет, всяк обретаяй мя убийт мя. 15 И рече ему Господь Бог: не тако: всяк убивый Каина седмижды отмстится. И положи Господь Бог знамение на Каине, еже не убить его всякому обретающему его. 16 И изыде Каин от лица Божия и вселился в землю Наид, прямо Едему. 17 И позна Каин жену свою, и заченши роди Еноха. И бе зиждяй град, и именова град во имя сына своего Енох. 18 Родися же Еноху Гаидад: и Гаидад роди Малелеила: и Малелеил роди Мафусала: Мафусал же роди Ламеха. 19 И взя себе Ламех две жены: имя единей Ада и имя второй Селла. 20 И роди Ада Иовила: сей бяше отец живущих в селениях скотопитателей. 21 И имя брату его Иувал: сей бяше показавый певнице и гусли. 22 Селла же и тая роди Фовела: сей бяше млатобиец, ковачь меди и железа: сестра же Фовелова Ноема. 23 Рече же Ламех своим женам: Ада и Селла, услышите глас мой, жены Ламеховы, внушиите моя словеса: яко мужа убих в язву мне и юношу в струп мне: 24 яко седмицею отмстися от Каина, от Ламеха же седмъдесят седмицею. 25 Позна же Адам Еву жену свою: и заченши роди сына, и именова имя ему Сиф, глаголющи: воскреси бо ми Бог семя другое, вместо Авеля, егоже уби Каин. 26 И Сифу бысть сын: именова же имя ему Енос: сей упова призываю имя Господа Бога.

5 Сия книга бытия человечка, в онъже день сотвори Бог Адама, по образу Божию сотвори его, 2 мужа и жену сотвори их и благослови их: и нарече имя ему Адам, в онъже день сотвори их. 3 Поживе же Адам лет двесте тридесять и роди сына по виду своему и по образу своему, и нарече имя ему Сиф. 4 Быша же дни Адамовы, яже поживе, по еже родити ему Сифа, лет седмъ сот, и роди сыны и дщери. 5 И быша вси дни Адамовы, яже поживе, лет девять сот и тридесять: и умре. 6 Поживе же Сиф лет двесте пять и роди Еноса. 7 И поживе Сиф, по еже родити ему Еносу, лет седмъ сот и седьмъ, и роди сыны и дщери. 8 И быша вси дни Сифовы лет девять сот и дванадесять: и умре. 9 И поживе Енос лет сто девятьдесят и роди Каинана. 10 И поживе Енос, по еже родити ему Каинана, лет седмъ сот и пятьдесят, и роди сыны и дщери. 11 И быша вси дни Еносовы лет девять сот и пять: и умре. 12 И поживе Каинан лет сто седмъдесят и роди Малелеила. 13 И поживе Каинан, по еже родити ему Малелеила, лет

семь сот и четыредесять, и роди сыны и дщери. 14 И быша вси дни Каинановы лет девять сот и десять: и умре. 15 И поживе Малелеил лет сто шестьдесят пять и роди Иареда. 16 И поживе Малелеил, по еже родити ему Иареда, лет седмъ сот и тридесять, и роди сыны и дщери. 17 И быша вси дни Малелеиловы лет осмъ сот и девятьдесят пять: и умре. 18 И поживе Иаред лет сто шестьдесят два и роди Еноха. 19 И поживе Иаред, по еже родити ему Еноха, лет осмъ сот, и роди сыны и дщери. 20 И быша вси дни Иаредовы лет девять сот и шестьдесят два: и умре. 21 И поживе Енох лет сто шестьдесят пять и роди Мафусала. 22 Угоди же Енох Богу, и поживе Енох, по еже родити ему Мафусала, лет двесте, и роди сыны и дщери. 23 И быша вси дни Еноховы лет триста шестьдесят пять. 24 И угоди Енох Богу, и не обреташеся, зане преложи его Бог. 25 И поживе Мафусал лет сто осмъдесят седмъ и роди Ламеха. 26 И поживе Мафусал, по еже родити ему Ламеха, лет седмъ сот осмъдесят два, и роди сыны и дщери. 27 И быша вси дни Мафусаловы, яже поживе, лет девять сот и шестьдесят девять: и умре. 28 И поживе Ламех лет сто осмъдесят осмъ и роди сына, 29 и нарече имя ему Ноем, глаголя: сей упокоит нас от дел наших и от печали рук наших, и от земли, юже прокля Господь Бог. 30 И поживе Ламех, по еже родити ему Ною, лет пять сот и шестьдесят пять, и роди сыны и дщери. 31 И быша вси дни Ламеховы лет седмъ сот и пятьдесят три: и умре. 32 И бе Ноем лет пяти сот, и роди сыны три, Сима, Хама, Иафефа.

6 И бысть егда начаша человечы мнози бывати на земли, и дщери родишаася им: 2 видевше же сынове Божии дщери человечи, яко добры суть, пояса себе жены от всех, яже избраша. 3 И рече Господь Бог: не имать Дух Мой пребывати в человецех сих во век, зане суть плоть: будут же дни их лет сто двадесять. 4 Исполини же бяху на земли во дни оны: и потом, егда входжаху сынове Божии к дщерем человеческим, и раждаху себе: тии бяху исполнити, иже от века, человечы именитии. 5 Видев же Господь Бог, яко умножишаася злобы человеков на земли: и всяк помышляет в сердцы своем прилежно на злата во вся дни: 6 и помысли Бог, яко сотвори человека на земли, и размысли. 7 И рече Бог: потреблю человека, егоже сотворих, от лица земли, от человека даже до скота, и от гад даже до птиц небесных: зане размыслих, яко сотворих я. 8 Ноем же обрете благодать пред Господем Богом. 9 Сия же бытия Ноева: Ноем человек праведен совершен сый в роде своем, Богу угоди Ноем. 10 Роди же Ноем три сыны, Сима, Хама,

Иафефа. 11 Раstлесь же земля пред Богом, и наполнися земля неправды. 12 И виде Господь Бог землю, и бе раstленна: яко раstли всяка плоть свой на земли. 13 И рече Господь Бог Ною: время всякаго человека прииде пред мя, яко исполнися земля неправды от них: и се, Аз погублю их и землю. 14 Сотвори убо себе ковчег от древ (негниющих) четвероугольных: гнезда сотвориши в ковчезе, и посмолиши его внутрь уду и внеуду смолою. 15 И тако сотвориши ковчег: трех сот лактей дюгота ковчега, и пятидесяти лактей широта, и тридесети лактей высота его. 16 Собирай сводом сотвориши ковчег, и в лакоть свершиши его свыше: дверь же ковчега сотвориши от страны: обиталища двокровна и трекровна сотвориши в нем. 17 Аз же, се, наведу потоп, воду на землю, погубити всяку плоть, внейже есть дух жизни под небесем: и елика суть на земли, скончается. 18 И поставилю завет Мой с тобою: внидеш же в ковчег ты и сынове твои, и жена твоя и жены сынов твоих с тобою. 19 И от всех скотов и от всех гад, и от всех зверей, и от всякия плоти, два два от всех введенши в ковчег, да питаети с собою: мужеский пол и женский будут. 20 От всех птиц пернатых по роду, и от всех скотов по роду, и от всех гадов ползающих по земли по роду их, два два от всех внидут к тебе, питати с тобою, мужеский пол и женский. 21 Ты же возми себе от всех брашен, яже имате ясти, и собереши к себе, и будут тебе и оным брашно. 22 И сотвори Ноe вся елика заповеда ему Господь Бог, тако сотвори.

7 И рече Господь Бог к Ною: вниди ты и весь дом твой в ковчег, яко тя видех праведна предо Мною в роде сем: 2 от скотов же чистых введи к себе седмь седмь, мужеский пол и женский: от скотов же нечистых два два, мужеский пол и женский: 3 и от птиц небесных чистых седмь седмь, мужеский пол и женский: и от всех птиц нечистых две две, мужеский пол и женский, препитати семя по всей земли: 4 еще бо дний седмь, Аз наведу дождь на землю четыредесять дний и четыредесять ношней: и потреблю всякое восстание, еже сотворих, от лица всяя земли. 5 И сотвори Ноe вся, елика заповеда ему Господь Бог. 6 Ноe же бе лет шести сот, и потоп водный бысть на земли. 7 Внide же Ноe и сынове его, и жена его и жены сынов его с ним в ковчег, воды ради потопа. 8 И от птиц чистых и от птиц нечистых, и от скот чистых и от скот нечистых, (и от зверей,) и от всех гадов пресмыкающихся по земли, 9 два два внидоша к Ною в ковчег, мужеский пол и женский, яже заповеда (Господь) Бог Ною. 10 И бысть по седми днех, и вода

потопная бысть на земли. 11 В шестьсотное лето в житии Ноеве, втораго месяца, в двадесять седмый день месяца, в день той разверзошаася вси источници бездны, и хляби небесныя отверзошаася: 12 и бысть дождь на землю четыредесять дний и четыредесять ношней. 13 В день той вниде Ноe, Сим, Хам, Иафеф, сынове Ноевы, и жена Ноева, и три жены сынов его с ним в ковчег. 14 И вси зверие земни по роду, и вси скоти по роду, и всякий гад движущийся на земли по роду, и всякая птица пернатая по роду своему, 15 внидоша к Ною в ковчег два два, мужеский пол и женский, от всякия плоти, внейже есть дух животный: 16 и входящая мужеский пол и женский от всякия плоти, внидоша к Ною в ковчег, яже заповеда Господь Бог Ною: и затвори Господь Бог ковчег отвне его. 17 И бысть потоп четыредесять дний и четыредесять ношней на земли, и умножися вода и взя ковчег, и возвысишаася от земли: 18 и возмогаше вода, и умножашеася зело на земли, и ношашеася ковчег верху воды. 19 Вода же возмогаше зело зело на земли: и покры вся горы высокия, яже бяху под небесем: 20 пятьнадесять лактей горе возвысишаася вода, и покры вся горы высокия. 21 И умре всякая плоть движущаяся по земли птиц и скотов и зверей, и всякий гад движущийся на земли, и всякий человек, 22 и вся елика имут дыхание жизни, и все еже бе на суши умре. 23 И потребися всякое восстание, еже бяше на лица всяя земли, от человека даже до скота и гадов и птиц небесных, и потребишаася от земли: и оста Ноe един, и иже с ним в ковчезе. 24 И возвысишаася вода над землею дний сто пятьдесят.

8 И помяну Бог Ноa, и вся звери, и вся скоты, и вся птицы, и вся гады пресмыкающыяся, елика беху с ним в ковчезе: и наведе Бог дух на землю, и преста вода. 2 И заключишаася источници бездны и хляби небесныя: и удержася дождь от небесе. 3 И всплы пойде вода идущая от земли: и умалишаася вода по сте пятидесяти днех. 4 И седе ковчег в месяц седмый, в двадесять седмый день месяца, на горах Ааратских. 5 Вода же уходяща умалишаася даже до десятаго месяца: и в десятый месяц, в первый день месяца явишаася верси гор. 6 И бысть до четыредесяти днех отверзе Ноe оконце ковчега, еже сотвори, 7 и послана врана (видети, аще уступила вода от лица земли): и изшед не возвратися, дондеже изсяче вода от земли. 8 И послана голубица по нем видети, аще уступила вода от лица земли: 9 и не обретши голубица покоя ногама своим, возвратися к нему в ковчег, яко вода бяше по всему

лицу всяя земли: и простер руку свою, прият ю и внесе ю к себе в ковчег. 10 И премедлив еще седьмь дний, паки послал голубицу из ковчега. 11 И возвратися к нему голубица к вечеру, и имеяше сучец масличен с листвилем во устех своих: и позна Ноe, яко уступи вода от лица земли. 12 И премедлив еще седьмь дний других, паки послал голубицу, и не приложи возвратитися к нему потом. 13 И бысть в первое и шестьсотное лето жития Ноeа, в первый день первого месяца, изсяче вода от лица земли: и откры Ноe покров ковчега, егоже сотвори, и виде, яко изсяче вода от лица земли. 14 В месяц же второй, в двадесять седьмый день месяца изсле земля. 15 И рече Господь Бог Ноeа, глаголя: 16 изыди из ковчега ты и жена твоя, и сынове твои и жены сынов твоих с тобою: 17 и вся звери, елицы суть с тобою, и всяку плоть от птиц даже до скотов, и всяк гад движущийся по земли изведи с собою: и раститесь и множитеся на земли. 18 И изыде Ноe и жена его, и сынове его и жены сынов его с ним, 19 и вси зверие, и вси скоти, и вся птицы и вси гади движущиися по роду своему на земли изыдоша из ковчега. 20 И созда Ноe жертвеннник Господеви: и взя от всех скотов чистых и от всех птиц чистых и вознесе во всесожжение на жертвеннник. 21 И обоня Господь воню благоухания. И рече Господь Бог размыслив: не приложу кому прокляти землю за дела человеческая, зане прилежит помышление человеку прилежно на злая от юности его: не приложу убо кому поразити всякую плоть живущую, якоже сотворих: 22 во вся дни земли сеяства и жатва, зима и зной, лето и весна, день и нощь не престанут.

9 И благослови Бог Ноa и сыны его и рече им: раститесь и множитеся, и наполните землю и обладайте ею: 2 и страх и трепет ваш будет на всех зверех земных (и на всех скотех земных,) на всех птицах небесных и на всех движущихся по земли и на всех рыбах морских: в руце ваши вдах (я). 3 И всякое движущееся, еже есть живо, вам будет в снедь: яко зелие травное дах вам все. 4 Точию мяса в крови души да не снесте. 5 Крови бо вашей, душ ваших, от руки всякаго зверя изыщу (ея): и от руки человека брата изыщу ея. 6 Проливая кровь человечу, в ея место его пролиется: яко во образ Божий сотворих человека. 7 Вы же раститесь и множитеся, и наполните землю, и множитеся на ней. 8 И рече Бог Ноeа и сыном его с ним, глаголя: 9 се, Аз поставляю завет Мой вам и семени вашему по вас, 10 и всякой души живущей с вами от птиц и от скот и всем зверем земным,

елика с вами (суть) от всех изшедших из ковчега: 11 и поставлю завет Мой с вами: и не умрет всяка плоть кому от воды потопная, и кому не будет потоп водный, еже истлити всю землю. 12 И рече Господь Бог Ноeа: сие знамение завета, еже Аз даю между Мною и вами, и между всякою душою живою, яже есть с вами, в роды вечныя: 13 дугу Мою полагаю во облаце, и будет в знамение завета (вечнаго) между Мною и землею. 14 И будет егда наведу облаки на землю, явится дуга Моя во облаце: 15 и помяну завет Мой, иже есть между Мною и вами, и между всякою душою живущею во всякой плоти, и не будет кому вода в потоп, яко потребити всяку плоть. 16 И будет дуга Моя во облаце: и узрю ю, еже помянути завет вечный между Мною и землею, и между всякою душою живущею во всякой плоти, яже есть на земли. 17 И рече Бог Ноeа: сие знамение завета, егоже положих между Мною и между всякою плотию, яже есть на земли. 18 Быша же сынове Ноeа изшедши из ковчега, Сим, Хам, Иафеф: Хам же бяше отец Ханаанъ. 19 Трие сии суть сынове Ноeа: от сих разселяся по всей земли. 20 И начат Ноe человек делатель (быти) земли, и насади виноград: 21 и испи от вина, и упился, и обнажися в дому своем. 22 И виде Хам отец Ханаанъ наготу отца своего, и изshed вон поведа обема братома своим. 23 И вземше сим и Иафеф ризу, возложиша (ю) на обе раме свои, и идоша вспять зряще, и покрыша наготу отца своего: и лице их вспять зря, и наготы отца своего не видеша. 24 Истрезвися же Ноe от вина, и разуме елика сотвори ему сын его юнейший, 25 и рече: проклят (буди) Ханаан отрок: раб будет братиям своим. 26 И рече: благословен Господь Бог Симов: и будет Ханаан отрок раб ему: 27 да распространит Бог Иафефа, и да вселится в селениех Симовых, и да будет Ханаан раб ему. 28 Поживе же Ноe по потопе лет триста пятьдесят. 29 И быша вси дние Ноeа лет девять сот пятьдесят: и умре.

10 Сия же (суть) бытия сынов Ноeвых, Сима, Хама, Иафефа. И родишася им сынове по потопе. 2 Сынове Иафефовы: Гамер и Магог, и Мадай и Иован, и Елиса и Фовел, и Мосох и Фирас. 3 Сынове же Гамеровы: Асханас и Рифаф и Форгама. 4 Сынове же Иовани: Елиса и Фарисис, Китийстии и Родийстии. 5 От сих разделишася острови языков (всех) в земли их: кийждо по языку в племенех своих и в народех своих. 6 Сынове же Хамовы: Хус и Месраин, Фуд и Ханаан. 7 Сынове Хусовы: Сава и Евила, и Савафа и Регма, и Савафака. Сынове же Регмановы: Сава и Дадан. 8 Хус же роди

Неврода: сей начат быти исполин на земли: 9 сей бе исполин ловец пред Господем Богом: сего ради рекут: яко Неврод исполн ловец пред Господем. 10 И бысть начало царства его Вавилон и Орех, и Архад и Халанни на земли Сеннаар. 11 От земли той изыде Ассур: и созда Ниневию, и Роово град, и Халах. 12 И дасем между Ниневио и между Халахом: сей есть град великий. 13 Месраин же роди Лудима и Неффалима, и Енеметиима и Лавимиа, 14 и Патросонима и Хасмонима, отнюдже изыде Филистиим, и Гаффориим. 15 Ханаан же роди Сидона первенца (своего) и Хеттеа, 16 и Иевусеа и Аморреа, и Гергесеа 17 и Евеа, и Арукеа и Асеннеа, 18 и Арадиа и Самареа, и Амафию. И посем разселяся племена Хананейская: 19 и быша пределы Хананейстии от Сидона даже прийти до Герара и Газы, идуще даже до Содома и Гоморры, до Адамы и Севоима, даже до Даса. 20 Сии сынове Хамовы в племенех своих, по языком своим, в странах своих и в народех своих. 21 И Симу родися и тому, отцу всех сынов Еверовых, брату Иафефа старейшаго. 22 Сынове Симовы: Елам и Ассур, и Арфаксад и Луд, и Арам и Каинан. 23 И сынове Арамли: Ос и Ул, и Гатер и Мосох. 24 И Арфаксад роди Каинана, Каинан же роди Салу, Сала же роди Евера. 25 И родистася Еверу два сына: имя единому Фалек: во дни бо его разделися земля: и имя брату его Иектан. 26 Иектан же роди Елмодада и Салефа, и Сармофа и Иараха, 27 и Одорра и Евила и Декла, 28 и Евала и Авимаила и Совева, 29 и Уфира и Евила и Иовава: вси сии сынове Иектановы. 30 И бысть селение их от Маси даже прийти до Сафира, горы восточныя. 31 Сии сынове Симовы, в племенех своих, по языком их, в странах их и в народех их. 32 Сия племена сынов Ноевых по родом их, по языком их: от сих разселяся острови языков на земли по потопе.

11 И бе вся земля устне едине, и глас един всем. 2 И бысть внегда поити им от восток, обретоша поле в земли Сеннаарстей и вселишася тамо. 3 И рече человек ближнему своему: приидите, сотворим плинфы и испечем их огнем. И бысть им плинфа в камень, и брение вместо мела. 4 И рекоша: приидите, созиждем себе град и столп, егоже верх будет даже до небесе: и сотворим себе имя, прежде неже разселятися нам по лицу всей земли. 5 И снide Господь видети град и столп, егоже созидаша сынове человечестии. 6 И рече Господь: се, род един, и устне едине всех, и сие начаша творити: и ныне не оскудеют от них вся, елика аще восхотят

творити. 7 Приидите, и сошедше смесим тамо язык их, да не услышат кийждо гласа ближняго (своего). 8 И разсее их оттуду Господь по лицу всей земли: и престаша зиждуще град и столп. 9 Сего ради наречеся имя его Смешение, яко тамо смеси Господь устна всей земли, и оттуду разсее их Господь по лицу всей земли. 10 И сия бытия Симова: и бяше Сим сын ста лет, егда роди Арфаксада, во второе лето по потопе: 11 и поживе Сим, повнегда родити ему Арфаксада, лет пять сот и роди сыны и дщери: и умре. 12 И поживе Арфаксад лет сто тридесять пять и роди Каинана: 13 и поживе Арфаксад, повнегда родити ему Каинана, лет триста тридесять и роди сыны и дщери: и умре. И поживе Каинан лет сто тридесять и роди Салу: и поживе Каинан, повнегда родити ему Салу, лет триста тридесять и роди сыны и дщери: и умре. 14 И поживе Сала лет сто тридесять и роди Евера: 15 и поживе Сала, повнегда родити ему Евера, лет триста тридесять и роди сыны и дщери: и умре. 16 И поживе Евер лет сто тридесять четыри и роди Фалека: 17 и поживе Евер, повнегда родити ему Фалека, лет триста седмьдесят и роди сыны и дщери: и умре. 18 И поживе Фалек лет сто тридесять и роди Рагава: 19 и поживе Фалек, повнегда родити ему Рагава, лет двесте девять и роди сыны и дщери: и умре. 20 И поживе Рагав лет сто тридесять два и роди Серуха: 21 и поживе Рагав, повнегда родити ему Серуха, лет двесте седмь и роди сыны и дщери: и умре. 22 И поживе Серух лет сто тридесять и роди Нахора: 23 и поживе Серух, повнегда родити ему Нахора, лет двесте и роди сыны и дщери: и умре. 24 И поживе Нахор лет седмьдесят девять и роди Фарру: 25 и поживе Нахор, повнегда родити ему Фарру, лет сто двадесять девять и роди сыны и дщери: и умре. 26 И поживе Фарра лет седмьдесят и роди Аврама и Нахора и Аррана. 27 Сия же бытия Фарры: Фарра роди Аврама и Нахора и Аррана. Арран же роди Лота: 28 и умре Арран пред Фаррою отцем своим в земли, внейже родися, в стране Халдейстей. 29 И пояста Аврам и Нахор себе жены: и имя жене Аврамли Сара, и имя жене Нахорове Мельха, дщи Арраня: сей есть отец Мельхин и отец Есхин. 30 Бяше же Сара неплоды и не раждаше детей. 31 И поят Фарра Аврама сына своего и Лота сына Арраня, сына сына своего, и Сару сноху свою, жену Аврама сына своего: и изведе я из земли Халдейский ити на землю Ханаанскую: и придоша даже до Харрана и вселишася тамо. 32 Быша же вси дни Фаррины в земли Харрани лет двесте пять: и умре Фарра в Харране.

12 И рече Господь Авраму: изыди от земли твоей, и от рода твоего, и от дому отца твоего, и иди в землю, юже ти покажу: 2 и соторю тя в язык велий, и благословлю тя, и возвеличу имя твое, и будеши благословен: 3 и благословлю благословящая тя, и кленущая тя проклену: и благословятся о тебе вся племена земная. 4 И иде Аврам, якоже глагола ему Господь, и идяше с ним Лот: Аврам же бе лет седмидесяти пяти, егда изыде от (земли) Харран. 5 И поят Аврам Сару жену свою, и Лота сына брата своего, и вся имения своя, елика стяжаша, и всякую душу, юже стяжаша в Харране: и изыдоша поити в землю Ханааню. 6 И пройде Аврам землю в долготу ея даже до места Сихем, до дуба Высокаго: Ханаане же тогда живяху на земли (той). 7 И явися Господь Авраму и рече ему: семени твоему дам землю сию. И созда тамо Аврам жертвенник Господу явльшемуся ему. 8 И отступи оттуду в гору на восток (лицем) прямо Вефилю, и постави тамо кущу свою в Вефили при мори, и Агге к востоком: и созда тамо жертвенник Господу, и призыва во имя Господа (явльшася ему). 9 И воздвигжеся Аврам, и шед ополчися в пустыни. 10 И бысть глад на земли: и снide Аврам во Египет вселитися тамо, яко одоле глад на земли. 11 Бысть же егда приближися Аврам внизи во Египет, рече Аврам Саре жене своей: вем аз, яко жена добролична еси: 12 будет убо егда увидят тя Египтяне, рекут, яко жена его есть сия: и убьют мя, тебе же снабдят: 13 рцы убо, яко сестра ему есмь, да добро мне будет тебе ради, и будет жива душа моя тебе ради. 14 Бысть же егда вниде Аврам во Египет, видевше Египтяне жену его, яко добра бяше зело, 15 и видеша ю князи фараони и похвалиша ю пред фараоном, и введоша ю в дом фараонов. 16 И Авраму добре бяше ея ради: и быша ему овцы и телцы и ослы, и рабы и рабыни, и мски и велблуды. 17 И мучи Господь казньми великими и лютыми фараона и дом его Сары ради жены Аврамли. 18 Призвав же фараон Аврама, рече ему: что сие соторил еси мне, яко не поведал ми еси, яко жена твоя есть? 19 Вскую рекл еси, яко сестра ми есть? И поях ю себе в жену. И ныне се, жена твоя пред тобою: поемъ ю отиди. 20 И заповеда фараон мужем о Авраме, проводити его и жену его, и вся, елика быша его, и Лота с ним.

13 Изыде же Аврам от Египта сам и жена его, и вся, елика его, и Лот с ним в пустыню. 2 Аврам же бяше богат зело скоты и сребром и златом. 3 И иде отнудже прииде, в пустыню до Вефила, до места, идже бе ему куща первее, между Вефилем и между Агге, 4 на место

жертвенника, идже сотори его первее: и призыва тамо Аврам имя Господне. 5 И Лоту ходящу со Аврамом бяху овцы, и волы, и кущы. 6 И не вмещаше их земля жити вкупе, яко имения их бяху многа: и не можаху жити вкупе. 7 И бысть распра между пастухи скота Аврамля и между пастухи скота Лотова: Ханаане же и Ферезе тогда живяху на земли (той). 8 Рече же Аврам Лоту: да не будет распра между мною и тобою, и между пастухи твоими и между пастухи моими, яко человецы братия мы есмы: 9 не се ли вся земля пред тобою есть? Отлучися ты от мене: аще ты на лево, аз на десно: аще же ты на десно, аз на лево. 10 И возвед Лот очи свои, виде всю окрестную страну Иорданскую, яко вся напаяема бяше водою, прежде неже низвратити Богу Содом и Гоморр, яко рай Божий, и яко земля Египетска, даже приими до Зогора: 11 и избра себе Лот всю окрестную страну Иорданскую, и отиде Лот от востока: и разлучистася кийждо от брата своего. 12 Аврам же вселился в земли Ханаанстей, Лот же вселился во граде окрестных стран и вселился в Содоме. 13 Человецы же сущии в Содоме зли и грешни пред Богом зело. 14 Бог же рече Авраму, повнегда разлучитися Лоту от него: взори очима твоими и виджь от места, идже ты ныне еси, к северу, и ливе, и к востоку, и морю: 15 яко всю землю, юже ты видиши, тебе дам ю и семени твоему во веки, 16 и соторю семя твое, яко песок земный: аще кто может исчести песок земный, то и семя твое изочтет: 17 востав проиди землю в долготу ея и в широту: яко тебе дам ю и семени твоему во век. 18 И отселився Аврам, пришед вселился у дуба Мамврийского, иже бяше в Хевроне: и созда ту жертвенник Господу.

14 Бысть же в царство Амарфала царя Сеннаарска, и Ариох царь Елласарск, и Ходоллогомор царь Еламск, и Фаргал царь языческий 2 соториша рать с Валлою царем Содомским и с Варсою царем Гоморрским, и с Сеннааром царем Адамы и с симовором царем Севоимским, и с царем Валаки: сия есть Сигор. 3 Вси сии совещашася на юдоль Сланую: сия есть море Сланое. 4 Дванадесять лет тии работаша Ходоллогомору: третияго же надесять лета отступиша. 5 И в четвертое надесять лето, прииде Ходоллогомор, и цари иже с ним, и изсекоша Исполинов сущих во Астарофе и в Карнаине, и языки крепки вкупе с ними, и омеов, иже в Сави граде, 6 и Хорреов, иже в горах Сириских, даже до Теревинфа Фарана, иже есть в пустыни. 7 И возвратившеся приидоша ко источнику Судному, иже

есть Кадис: и ссекоша вся князи Амаликовы, и Аморреов живущих во Асасанфамаре. 8 Изиде же царь Содомский и царь Гоморрский, и царь Адаманский и царь Севоимский, и царь Валаки, сия есть Сигор: и ополчишася противу их на брань во юдоли Сланой, 9 на Ходоллогомора царя Еламска и Фаргала царя языческа, и Амарфала царя Сеннаарска и Ариоха царя Елласарска: четыри цари на пять. 10 Юдоль же Сланая имяше кладязи смолянья. И побеже царь Содомский и царь Гоморрский, и падоша тамо: оставшия же бежаша в горняя (и одержаша я). 11 Взяша же вся конныя Содомская и Гоморрская и вся брашна их, и отидоша. 12 Взяша же и Лота сына брата Аврамова и имение его, и отидоша: бе бо в Содомех живый. 13 Пришед же един от уцелевших, возвести Авраму пришелцу, иже живяше у дуба Мамврийского, Аморреа брата Есхоля и брата Авнана, иже беша союзницы Аврамовы. 14 Слышав же Аврам, яко пленен бысть Лот братаничъ его, соchte домочадцы своя триста и осмынадесьть, и погна вслед их даже до Dana. 15 И нападе на ня нощию сам и отроцы его (с ним): и порази их и гони их даже до Ховала, иже есть ошуюю Дамаска: 16 и возврати вся конныя Содомская, и Лота сына брата своего возврати, и вся имения его, и жены, и люди. 17 Изиде же царь Содомский в сретение ему, повнегда возвратитися ему от сечи Ходоллогоморского, и царей сущих с ним, в юдоль Савину: сие же бяше поле царево: 18 и Мелхиседек царь Салимский изнесе хлебы и вино: бяше же священник Бога Вышняго. 19 И благослови Аврама, и рече: благословен Аврам Богом Вышним, иже созда небо и землю: 20 и благословен Бог Вышний, Иже предаде враги твоя под руки тебе. И даде ему десятину Аврам от всего. 21 Рече же царь Содомский ко Авраму: дажь ми мужы, а кони возми себе. 22 Рече же Аврам к царю Содомску: воздвигну руку мою ко Господу Богу Вышнему, иже сотвори небо и землю: 23 аще от нити до ременя сапожного возму от всего твоего, да не речеши, яко аз обогатих Аврама: 24 кроме сих, яже снедоша отроцы, и части мужей, иже ходиша со мною, Есхол, Авнан, Мамврий: сии да возмут части (своя).

15 По глаголех же сих, бысть слово Господне ко Авраму в видении нощию, глаголя: не бойся, Авраме: Аз защищаю тя, мзда твоя многа будет зело. 2 Глагола же Аврам: Владыко Господи, что ми даси? Аз же отпускаю безчаден: сын же масек домочадицы моя, сей Дамаск Елиезер. 3 И рече Аврам: понеже мне не дал еси семене, домочадец же мой наследник мой будет. 4 И

абие глас Господень бысть к нему, глаголющий: не будет сей наследник твой, но иже изыдет из тебе, той будет наследник тебе. 5 Изведе же его вон и рече ему: воззри на небо и изочти звезды, аще возможеши исчести я. И рече: тако будет семя твое. 6 И верова Аврам Богу, и вменися ему в правду. 7 Рече же к нему: Аз (есмь) Бог изведый тя от страны Халдейскуя, яко дати тебе землю сию наследствовати. 8 И рече: Владыко Господи, по чесому уразумею, яко наследити ю имам? 9 Рече же к нему: возми Мне юницу трилетну и козу трилетну и овна трилетна, и горлицу и голубя. 10 Взя же он вся сия и раздели я на полы, и положи я противолична едина ко другому: птиц же не раздели. 11 Слетеша же птицы на телеса растесаная их: и седе близу их Аврам. 12 Заходящу же солнцу, ужас нападе на Аврама, и се, страх темен велий нападе на нань. 13 И речено бысть ко Авраму: ведый увеси, яко преселно будет семя твое в земли не своей, и поработят я, и озлобят я, и смирят я лет четыриста: 14 языку же, ему же поработают, сужду Аз: по сих же изыдут семо со именем многим: 15 ты же отидаши ко отцем твоим в мире, препитан в старости добрей: 16 в четвертем же роде возвратятся семо: не бо исполнышася греси Аморреев до ныне. 17 Егда же бысть солнце на западе, пламень бысть: и се, пещь дымящися, и свещи огненны, яже проиша между растесани сими. 18 В день той завеща Господь Авраму завет, глаголя: семени твоему дам землю сию от реки Египетской даже до реки великия Евфрата: 19 Кенеов и Кенезеов и Кедмонеов, 20 и Хеттеев и Ферезеев и Рафайнев, 21 и Аморреев и Хананеев, и Евеев и Гергесеев и Иевусеев.

16 Сара же жена Аврамля не раждаше ему: бяше же ей раба Египтяниня, ейже имя Агарь. 2 Рече же Сара ко Авраму: се, заключи мя Господь, еже не раждати: вниди убо к рабе моей, да чада сотворю от нея. Послуша же Аврам гласа Сарина. 3 И поимиши Сара жена Аврамля Агарь Египтянину рабу свою, по десяти летех вселения Аврамля в земли Ханаани, даде ю в жену Авраму мужу своему. 4 И вниде ко Агари, и зачат: и виде, яко во чреве имать, и укорена бысть госпожа (ея) пред нею. 5 И рече Сара ко Авраму: обида ми от тебе: аз дах рабу мою в недро твое: она же видевши, яко во чреве имать, укорена бых пред нею: суди Бог между мною и тобою. 6 Рече же Аврам к Саре: се, раба твоя в руку твою: твори ей, яко же ти есть угодно. И озлоби ю Сара: и отбеже от лица ея. 7 И обрете ю Ангел Господень у источника воды в пустыни, у источника на пути Сур. 8 И рече ей Ангел

Господень: Агарь, рабо Сарина, откуду идеши и камо грядеши? И рече: от лица Сары госпожи моей аз бегу. 9 Рече же ей Ангел Господень: возвратися к госпоже своей и покорися под руку ея. 10 И рече ей Ангел Господень: умноожая умноожу семя твое, и не сочтется от множества. 11 И рече ей Ангел Господень: се, ты во чреве имаши и родиши сына, и наречеши имя ему Исмаил: яко услыша Господь смиление твое: 12 сей будет селный человек: руце его на всех, и руки всех на него, и пред лицем всея братии своея вселится. 13 И призыва Агарь имя Господа глаголющаго к ней: Ты Бог призревый на мя: яко рече: ибо предо мною видех явльшагося мне. 14 Сего ради прозва кладязь той: Кладязь, идеже предо мною видех: се между Кадисом и между Варадом. 15 И роди Агарь Авраму сына, и нарече Аврам имя сыну своему, егоже роди ему Агарь, Исмаил. 16 Аврам же бе лет осмидесяти шести, егда роди Агарь Авраму Исмаила.

17 Бысть же Авраму лет девяньдесят девять: и явися

Господь Авраму и рече ему: Аз есмь Бог твой, благоугождай предо Мною и буди непорочен: 2 и положу завет Мой между Мною и между тобою: и умножу тя зело. 3 И паде Аврам на лицы своеем, и рече ему Бог, глаголя: 4 и Аз се, завет Мой с тобою, и будеш отец множества языков: 5 и не наречетсякому имя твое Аврам, но будет имя твое Авраам: яко отца многих языков положих тя: 6 и возвращу тя зело зело, и положу тя в народы, и царие из тебе изыдуть: 7 и поставлю завет Мой между Мною и между тобою, и между семенем твоим по тебе в роды их, в завет вечен, да буду тебе Бог и семени твоему по тебе: 8 и дам тебе и семени твоему по тебе землю, внейже обитаеш, всю землю Ханааню во одержание вечное, и буду им Бог. 9 И рече Бог ко Аврааму: ты же завет Мой соблюдеш, ты и семя твое по тебе в роды их. 10 И сей завет, егоже соблюдеш между Мною и вами, и между семенем твоим по тебе в роды их: обрежется от вас всяк мужеск пол, 11 и обрежете плоть крайнюю вашу, и будет в знамение завета между Мною и вами. 12 И младенец осми дній обрежется вам, всяк мужескій пол в родах ваших: и домочадец, и купленый от всякаго сына чуждаго, иже несть от семене твоего: обрезанием обрежется домочадец дому твоего и купленый. 13 И будет завет Мой на плоти вашей в завет вечен. 14 Необрязаный же мужескій пол, иже не обрежет плоти крайния своея в день осмый, погубится душа та от рода своего: яко завет Мой разори. 15 И рече Бог Аврааму: Сара жена твоя не наречется имя ея Сара, но Сара будет имя ей: 16

благословлю же ю и дам тебе от нея чадо: и благословлю е, и будет в языки, и царие языков из него будут. 17 И паде Авраам на лице свое, и посмеяся, и рече в мысли своей, глаголя: еда столетному (мужу) родится сын? Еда и Сарра девянидесяти лет (сущи) родит? 18 Рече же Авраам к Богу: Исмаил сей да живет пред Тобою. 19 Рече же Бог ко Аврааму: воистинну, се, Сарра жена твоя родит тебе сына, и наречеши имя ему Исаак: и поставлю завет Мой с ним в завет вечен, да буду ему в Бога и семени его по нем. 20 О Исмаиле же се послушаши тебе: и се благослових его, и возвращу его, и умножу его зело: дванадесять языки родит: и дам его в язык велий. 21 Завет же Мой поставлю со Исааком, егоже родит тебе Сарра, во время сие, в лето второе. 22 Сконча же (Бог) глаголя к нему, и взыде Бог от Авраама. 23 И пой Авраам Исмаила сына своего, и вся домочадцы своя и вся купленыя, и весь мужеск пол мужей, иже в дому Авраамли, и обреза плоть крайнюю их во время дне того, якоже глагола ему Бог. 24 Авраам же девянидесяти девяти лет бяше, егда обреза плоть крайнюю свою. 25 Исмаил же сын его бяше лет трехнадесяти, егда обреза плоть крайнюю свою. 26 Во время (же) дне онаго обрезася Авраам и Исмаил сын его, 27 и вси мужие дому его, и домочадцы (его) и куплении от инородных языков, и обреза я.

18 Явися же ему Бог у дуба Мамврийска, седящу

ему пред дверми сени своея в полудни. 2 Воззрев же очима своими, виде, и се, трие мужие стояху над ним: и видев притече в сретение им от дверей сени своея: и поклонися до земли 3 и рече: Господи, аще убо обретох благодать пред Тобою, не мини раба Твоего: 4 да принесется вода и омыются ноги ваши, и прохладитеся под древом: 5 и принесу хлеб, да ясте, и посем пойдете в путь свой, егоже ради уклонистесь к рабу вашему. И рекоша: тако сотвори, якоже глаголал еси. 6 И потщася Авраам в сень к Сарре и рече ей: ускори и смеси три меры муки чисты, и сотвори потребники. 7 И тече Авраам ко кравам, и взя телца млада и добра, и даде рабу, и ускори приготовити е. 8 И взя масло, и млеко, и телца, егоже приготови: и предложи им, и ядоша: сам же стояше пред ними под древом. 9 Рече же к нему: где Сарра жена твоя? Он же отвещав, рече: се, в сени. 10 Рече же: (се) возвращаясь прииду к тебе во время сие в часы, и родит сына Сарра жена твоя. Сарра же услыша пред дверми сени сущи за ним. 11 Авраам же и Сарра стара (беста,) заматеревшая во днех: и престаша Сарре бывати

женская. 12 Разсмеяся же Сарра в себе, глаголющи: не у было ми убо доселе, господин же мой стар. 13 И рече Господь ко Аврааму: что яко разсмеяся Сарра в себе, глаголющи: еда истинно рожду? Аз же состарехся. 14 Еда изнеможет у Бога слово? В сие время возвращуся к тебе в часы, и будет Сарре сын. 15 Отречеся же Сарра, глаголющи: не разсмеяхся: убояся бо. И рече ей: ни, но разсмеялася еси. 16 Воставше же оттуду мужие, возвреща на лице Содома и Гоморра: Авраам же идяше с ними, провождая их. 17 Господь же рече: еда утаю Аз от Авраама раба Моего, яже Аз творю? 18 Авраам же бывая будет в язык велик и мног, и благословятся о нем все языцы земнии: 19 вем бо, яко заповесть сыном своим и дому своему по себе, и сохранят пути Господни творити правду и суд, яко да наведет Господь на Авраама вся, елика глагола к нему. 20 Рече же Господь: вопль Содомский и Гоморрский умножися ко Мне, и греси их велицы зело: 21 сошед убо узрю, аще по воплю их грядущему ко Мне совершаются: аще же ни, да разумею. 22 И обратившеся оттуду мужие, придоша в Содом: Авраам же еще бяше стояй пред Господем. 23 И приближився Авраам, рече: погубиши ли праведнаго с нечестивым, и будет праведник яко нечестивый? 24 Аще будут пятьдесят праведницы во граде, погубиши ли я? Не пощадиши ли всего места пятидесяти ради праведных, аще будут в нем? 25 Никакоже Ты сотвориши по глаголу сему, еже убить праведника с нечестивым, и будет праведник яко нечестивый: никакоже, Судий всей земли, не сотвориши ли суда? 26 Рече же Господь: аще будут в Содомех пятьдесят праведницы во граде, оставлю весь град и все место их ради. 27 И отвещав Авраам, рече: ныне начах глаголати ко Господу моему, аз же есмь земля и пепел: 28 аще же умалятся пятьдесят праведницы в четыредесять пять, погубиши ли четыредесяти пятих ради весь град? И рече: не погублю, аще обрящу тамо четыредесять пять. 29 И приложи еще глаголати к Нему, и рече: аще же обрящутся тамо четыредесять? И рече: не погублю ради четыредесяти. 30 И рече: что, Господи, аще возглаголю? Аще же обрящутся тамо тридесять? И рече: не погублю тридесятых ради. 31 И рече: понеже имам глаголати ко Господу: аще же обрящутся тамо двадесять? И рече: не погублю, аще обрящутся тамо двадесять. 32 И рече: что, Господи, аще возглаголю еще единую? Аще же обрящутся тамо десять? И рече: не погублю десятих ради. 33 Отиде же Господь, яко преста глаголя ко Аврааму: и Авраам возвратися на место свое.

19 Приидоста же два Ангела в Содом в вечер: Лот же седяше пред враты Содомскими. Видев же Лот, воста в сретение им и поклонися лицем на землю 2 и рече: се, господи, уклонитеся в дом раба вашего и почите, и омыте ноги вашя, и обутреневавше отидете в путь свой. Реша же: ни, но на стогне почием. 3 И принуди я, и уклониша к нему, и внидоша в дом его: и сотвори им учреждение, и опресноки испече им, и ядоша. 4 Пред спланием же мужие града Содомляне оыдоша дом, от юноши даже до старца, весь народ вкупе: 5 и иззываху Лота, и глаголаху к нему: где суть мужие вшедши к тебе ношио? Изведи я к нам, да будем с ними. 6 Изыде же Лот к ним в преддверие, двери же затвори за собою. 7 Рече же к ним: никакоже, братие, не дейте зла: 8 суть же ми две дщери, яже не познаша мужа: изведу их к вам, и творите им, яко же угодно есть вам: точию мужем сим не сотворите обиды, того бо ради внидоша под кров дому моего. 9 Реша же ему: отди отсюду: пришел еси (семо) обитати, еда ли и суд судити? Ныне убо тя озлобим паче, нежели оных. И насилиствоваша мужа Лота зело, и приближиша разбити двери. 10 Простерше же мужие руки, вовлекоша Лота к себе в храмину, и двери храмины заключиша: 11 мужы же, сущыя пред дверми дому, поразиша слепотою от мала даже до велика: и разслабиша ишуще дверий. 12 Реша же мужие к Лоту: суть ли тебе зде зятие или сынове или дщери? Или аще кто тебе ин есть во граде, изведи (я) от места сего: 13 яко мы погубляем место сие, понеже возвысиша вопль их пред Господем, и посла нас Господь истребити его. 14 Изыде же Лот и глагола к зятем своим, поимшим дщери его, и рече: востаните и изыдите от места сего, яко погубляет Господь град. Возмнесь же играть пред зятми своими. 15 Егда же утро бысть, понуждаху Ангели Лота, глаголюще: востав, поими жену твою и две дщери твоя, яже имаша, и изыди, да не и ты погибнеш со беззаконии града. 16 И смутишася, и взяша Ангели за руку его, и за руку жену его, и за руки двух дщерей его, понеже пощаде и Господь. 17 И бысть егда изведоша я вон, и реше: спасая спасай твою душу: не озирайся вспять, ниже постой во всем пределе (сем): в горе спасайся, да не когда купно ят будеш. 18 Рече же Лот к ним: молуся, Господи, 19 понеже обрете раб Твой милость пред Тобою, и возвеличили еси правду Твою, юже твориши на мне, еже жити души моей: аз же не возмогу спастися в горе, да не когда постигнут мя злая, и умру: 20 се, град сей близ еже убежати ми тамо, иже есть мал, и тамо спасуся: не мал ли есть? И жива будет душа моя Тебе ради.

21 И рече ему: се, удивихся лицу твоему, и о словеси сем, еже не погубити града, о немже глаголал еси: 22 потицися убо спастися тамо: не возмогу бо сотворити дела, дондеже внидеши тамо: сего ради прозва имя граду тому Сигор. 23 Солнце взыде над землю, Лот же вниде в Сигор. 24 И Господь одожди на Содом и Гоморру жупел, и огнь от Господа с небесе. 25 И преврати грады сия, и всю окрестную страну, и вся живущая во градех, и вся прозябающая от земли. 26 И озрея жена его вспять, и бысть столп слан. 27 Востав же Авраам заутра (иде) на место, идеже стояше пред Господем, 28 и воззре на лицо Содома и Гоморра, и на лицо окрестная страны, и виде: и се, восходжаще пламень от земли, аки дым пещный. 29 И бысть егда преврати Бог вся грады страны тоя, помяну Бог Авраама и изсла Лота от среды превращения, егда преврати Господь грады, в нихже живяще Лот. 30 Изыде же Лот от Сигора, и седе в горе сам, и две дщери его с ним: убояся бо жити в Сигоре: и вселися в пещеру сам и дщери его с ним. 31 Рече же старейшая к юнейшей: отец наш стар, и никтоже есть на земли, иже внидет к нам, якоже обычно всей земли: 32 гряди убо, упоим отца нашего вином и преспим с ним, и возставим от отца нашего семя. 33 Упоиша же отца своего вином в нощи оней: и вшедши старейшая, преспа со отцем своим тоя нощи: и не поразуме он, егда преспа и егда воста. 34 Бысть же наутрие, и рече старейшая к юнейшей: се, (аз) преспах вчера со отцем нашим: упоим его вином и в сию нощь, и вшедши преспи с ним, и возставим от отца нашего семя. 35 Упоиша же и в ту нощь отца своего вином: и вшедши юнейшая преспа со отцем своим: и не поразуме он, егда преспа и егда воста. 36 И зачаша обе дщери Лотовы от отца своего: 37 и роди старейшая сына и нарече имя ему Моав, глаголющи: от отца моего. Сей отец Моавитом даже до нынешняго дне. 38 Роди же юнейшая сына и нарече имя ему Амман, глаголющи: сын рода моего. Сей отец Амманитом до нынешняго дне.

20 И пойде оттуду Авраам на землю полуденную и вселися между Кадисом и между Суром: и обита в Герарех. 2 Рече же Авраам о Сарре жене своей, яко сестра ми есть: убояся бо речи, яко жена ми есть, да не когда убият его мужие градстии ея ради. Посла же Авимелех царь Герарский и взя Сарру. 3 И прииде Бог ко Авимелеху нощию во сне и рече ему: се, ты умираши жены ради сея, юже поял еси: сия же есть сожителствующая мужу. 4 Авимелех же не прикоснуся ей и рече: Господи, язык неведущий и праведен погубиши

ли? 5 Не сам ли ми рече: сестра ми есть? И сия ми рече: брат ми есть? Чистым сердцем и в правде рук сотворих сие. 6 Рече же ему Бог во сне: и Аз познах, яко чистым сердцем сотворил еси сие, и пощадех тя, да не согрешиши ко Мне: сего ради не попустих ти коснутися ея: 7 ныне же отдахъ жену мужу, яко пророк есть, и помолится о тебе, и жив будеш: аще же не отдаши, веждъ, яко умрещи ты и вся твоя. 8 И воста рано Авимелех, и призыва вся отроки своя, и глагола словеса сия вся во уши их: убоящая же вси человецы зело. 9 И призыва Авимелех Авраама и рече ему: что сие сотворил еси нам? Еда что согрешихом тебе, яко навел еси на мя и на царство мое грех великий? Дело, еже никтоже сотвори, сотворил еси мне. 10 И рече Авимелех Аврааму: что умыслив, сотворил еси сие? 11 Рече же Авраам: реко бо: негли несть благочестия на месте сем: и убию мя жены ради моя: 12 ибо истинно сестра ми есть по отцу, а не по матери: бысть же ми в жену: 13 и бысть егда изведе мя Бог от дому отца моего, и рех ей: правду сию сотвориши ми: во всяко место, идеже аще приидем, тамо рцы о мне, яко брат ми есть. 14 Взя же Авимелех тысячу дидрахм (серебра), и овцы, и телцы, и рабы, и рабыни, и даде Аврааму: и отдаде ему Сарру жену его. 15 И рече Авимелех Аврааму: се, земля моя пред тобою: идеже аще тебе угодно есть, вселися. 16 Сарре же рече: се, дах тысячу дидрахм брату твоему: сия будут тебе в честь лица твоего, и всем, яже суть с тобою, и во всем истинствуй. 17 Помолися же Авраам Богу, и исцели Бог Авимелеха и жену его и рабыни его, и начаша раждати: 18 яко заключая заключи Господь от внеуду всяка ложесна в дому Авимелеха, Сарры ради жены Авраамли.

21 И Господь посети Сарру, якоже рече: и сотвори Господь Сарре, якоже глагола. 2 И заченши Сарру роди Аврааму сына в старости, во время, якоже глагола ему Господь: 3 и нарече Авраам имя сыну своему рождшемуся ему, егоже роди ему Сарра, Исаак: 4 обреза же Авраама Исаака во осмый день, якоже заповеда ему Бог. 5 Авраам же бе ста лет, егда бысть ему Исаак сын его. 6 Рече же Сарра: смех мне сотвори Господь: иже бо аще услышит, обрадуется со Мною. 7 И рече: кто возвестит Аврааму, яко млеком питает отроча Сарра, яко родих сына в старости моей? 8 И возрасте отроча, и отдоено бысть: и сотвори Авраам учреждение велие, в онъже день отдоися Исаак сын его. 9 Видевши же Сарру сына Агари Египтяныни, иже бысть Аврааму, играюща со

Исааком сыном своим, 10 и рече Аврааму: изжени рабу сию и сына ея: не наследит бо сын рабы сея с сыном моим Исааком. 11 Жесток же явися глагол сей зело пред Авраамом о сыне его Исмаиле. 12 И рече Бог Аврааму: да не будет жестоко пред тобою о отроце и о рабыни: вся елика аще речет тебе Сарра, слушай гласа ея: яко во Исааце наречется тебе семя: 13 сына же рабыни сея в язык велик створю его, яко семя твое есть. 14 Воста же Авраам заутра и взя хлебы и мех воды, и даде Агари: и возложи на плещы ея отроча и отпусти ю. Отшедши же заблуждаше в пустыни, у кладязя Клятвенного: 15 оскуде же вода из меха: и поверже отроча под елию единую. 16 Отшедши же седяше прямо ему издалече, яко же дострелити из лука: рече бо: да не вижду смерти детища моего. И седе прямо ему издалече. Воскричав же отроча, восплакася: 17 услыша же Бог глас отрочате от места, идеже бяше: и воззва Ангел Божий Агарь с небесе и рече ей: что есть, Агарь? Не бойся: услыша бо Бог глас отрочища от места, идеже есть: 18 востан и поими отроча, и ими рукою твою его: в язык бо велик створю его. 19 И отверзе Бог очи ея, и узре кладязь воды живы: и иде, и налия мех воды, и напои отроча. 20 И бяше Бог со отрочатем, и возрасте, и вселися в пустыни, и бысть стрелец. 21 И поселися в пустыни Фаран: и поят ему мати его жену от земли Египетской. 22 Бысть же в то время, и рече Авимелех, и Охозаф невестоводитель его, и Фихол воевода силы его, ко Аврааму, глаголя: Бог с тобою во всех, яже твориши: 23 ныне убо кленися ми Богом, не обидети мене, ниже семене моего, ниже имене моего: но по правде, юже створих с тобою, створиши со мною и земли, идеже ты вселился еси на ней. 24 И рече Авраам: аз кленуся. 25 И обличи Авраам Авимелеха о кладязех водных, яже отяша отроцы Авимелеховы. 26 И рече ему Авимелех: не ведех, кто створи тебе вещь сию: ниже ты ми поведал еси, ниже аз слыхах, токмо днесъ. 27 И взя Авраам овцы и юнцы и даде Авимелеху: и завещаста оба завет. 28 И постави Авраам седмь агниц овчих единах. 29 И рече Авимелех Аврааму: что суть седмь агницы овец сих, яже поставил еси едины? 30 И рече Авраам: яко седмь сих агниц возмеши у мене, да будут ми во свидетелство, яко аз ископах кладязь сей. 31 Сего ради наименова имя месту тому кладязь Клятвенный: яко тамо клястася оба 32 и завещаста завет у кладязя Клятвенного. Воста же Авимелех, и Охозаф невестоводитель его, и Фихол воевода силы его, и возвратишаася в землю Филистимску. 33 И насади Авраам ниву у кладязя Клятвенного, и призыва ту имя

Господа, Бога вечнаго. 34 Обита же Авраам в земли Филистимсдей дни многи.

22 И бысть по глаголех сих, Бог искушаше Авраама и рече ему: Аврааме, Аврааме. И рече: се аз. 2 И рече: поими сына твоего возлюбленного, егоже возлюбил еси, Исаака, и иди на землю Высоку и вознеси его тамо во всесожжение, на едину от гор, икже ти реку. 3 Востав же Авраам утром, оседла осля свое: поят же с собою два отрочища и Исаака сына своего: и растнив дрова во всесожжение, востав иде, и прииде на место, еже рече ему Бог, в третий день. 4 И воззрев Авраам очима своими, виде место издалече. 5 И рече Авраам отроком своим: сидите здесь со ослятем: аз же и детищъ пойдем до онде, и поклонившеся возвратимся к вам. 6 Взя же Авраам дрова всесожжения и возложи на Исаака сына своего: взя же в руки и огнь, и ножъ, и идоста оба вкупе. 7 Рече же Исаак ко Аврааму отцу своему: отче. Он же рече: что есть, чадо? Рече же: се, огнь и дрова, где есть овча еже во всесожжение? 8 Рече же Авраам: Бог узрит Себе овча во всесожжение, чадо. Шедша же оба вкупе, 9 приидоста на место, еже рече ему Бог: и созда тамо Авраам жертвенник и возложи дрова: и связав Исаака сына своего, возложи его на жертвенник верху дров. 10 И простре Авраам руку свою, взяти ножъ, заклати сына своего. 11 И воззва и Ангел Господень с небесе, и рече: Аврааме, Аврааме. Он же рече: се, аз. 12 И рече: да не возложиши руки твои на отрочища, ниже да створиши ему что: ныне бо познах, яко боишися ты Бога, и не пощадел еси сына твоего возлюбленного Мене ради. 13 И воззрев Авраам очима своими виде, и се, овен един держимый рогами в саде савек: и иде Авраам, и взя овна, и вознесе его во всесожжение вместо Исаака сына своего. 14 И нарече Авраам имя месту тому: Господь виде: да рекут днесъ: на горе Господь явися. 15 И воззва Ангел Господень Авраама вторицею с небесе, 16 глаголя: Мною Самем кляхся, глаголет Господь, егоже ради створил еси глагол сей и не пощадел еси сына твоего возлюбленного Мене ради: 17 воистину благословия благословлю тя, и умножая умножу семя твое, яко звезды небесныя, и яко песок вскрай моря: и наследит семя твое грады супостатов, 18 и благословятся о семени твоем вси языцы земнии, занеже послушал еси гласа Моего. 19 Возвратися же Авраам ко отроком своим, и воставше идоша купно ко кладязю Клятвенному: и вселился Авраам у кладязя Клятвенного. 20 Бысть же по глаголех сих, и поведаша

Аврааму, глаголюще: се, роди Мелха и та сыны брату твоему Нахору, 21 Окса первенца, и Вавкса брата его, и Камуила отца Сирска, 22 и Хазада, и Азава, и Фалдеса, и Елдафа, и Вафуила: 23 Вафуил же роди Ревекку: осмь сии сынове, иже роди Мелха Нахору брату Авраамлю: 24 и наложница его, ейже имя Ревма, роди и сия Тавека, и Таама, и Тахоса, и Моха.

23 Бысть же житие Сарпино лет сто двадесять седьмь.

2 И умре Сарпа во граде Арвоце, иже есть в раздолии: сей есть Хеврон в земли Ханаанстей. Прииде же Авраам рыдати по Сарре и плакати. 3 И воста Авраам от мертвца своего и рече сыном Хеттеовым, глаголя: 4 преселник и пришлец аз есмь у вас, дадите ми убо стяжание гроба между вами, да погребу мертвца моего от мене. 5 Отвещаша же сынове Хеттеовы ко Аврааму, глаголюще: ни, господине: 6 послушай же нас: царь от Бога ты еси в нас: во избранных гробех наших погреби мертвца твоего: никотоже бо от нас возбранит гроба своего от тебе, еже погребсти мертвца твоего тамо. 7 Востав же Авраам поклонися народу земли, сыном Хеттеовым, 8 и рече к ним Авраам, глаголя: аще имате в души вашей, яко погребсти мертвца моего от лица моего, послушайте мене и рцыте о мне Ефрону Саарову: 9 и да даст ми пещеру Сугубую, иже есть его, сущую на части села его: сребром достойным да даст ми ю у вас в стяжание гроба. 10 Ефрон же седяше посреде сынов Хеттеовых. Отвешав же Ефрон Хеттейский ко Аврааму, рече слышащым сыном Хеттеовым и всем приходящим во град, глаголя: 11 у мене буди, господине, и послушай мене: село и пещеру яже в нем, тебе даю: пред всеми гражданы моими дах тебе, погреби мертвца твоего. 12 И поклонися Авраам пред народом земли 13 и рече Ефрону во ушеса пред всем народом земли: понеже по мне еси, послушай мене: сребро села возми у мене, и погребу мертвца моего тамо. 14 Отвеша же Ефрон Аврааму, глаголя: 15 ни, господине: слыхаш бо, яко земля четырех сот дидрахм сребра: но что было бы сие между мною и тобою? Ты же мертвца твоего погреби. 16 И послуша Авраам Ефрону, и даде Авраам Ефрону сребро, еже глагола во ушеса сынов Хеттеовых, четыре ста дидрахм сребра искушена купцами. 17 И бысть село Ефроново, еже бе в Сугубей пещере, еже есть лицем к Мамврии, село и пещера яже бе в нем, и всякое древо, иже бе на селе, и все еже есть в пределех его окрест, 18 Аврааму (бысть) в стяжание пред сыны Хеттеовыми и пред всеми приходящими во град. 19 По сих погребе Авраам Сарпу

жену свою в пещере селней Сугубей, яже есть противу Мамврии: сия есть Хеврон в земли Ханаанстей. 20 И утверждено есть село и пещера, яже бе на нем, Аврааму в стяжение гроба от сынов Хеттеовых.

24 Авраам же бяше стар, заматеревший во днех:

и Господь благослови Авраама во всех. 2 И рече Авраам рабу своему старейшему дому своего, обладающему всеми его: положи руку твою под стегно мое, 3 и заклену тя Господем Богом небесе и Богом земли, да не поймеши сыну моему Исааку жены от дщерей Хананейских, с нимиже аз живу в них: 4 но токмо на землю мою, идеже родихся, пойдеши, и ко племени моему, и поймеши жену сыну моему Исааку оттуду. 5 Рече же к нему раб: еда убо не восходит ити жена вслед со мною на землю сию, возвращу ли сына твоего в землю, от неяже изшел еси? 6 Рече же к нему Авраам: внемли себе, да не возвратиши сына моего онамо. 7 Господь Бог небесе и Бог земли, Иже поя мя из дому отца моего и от земли, в нейже родихся, Иже глагола мне и Иже кляся мне, глаголя: тебе дам землю сию и семени твоему, Той послет Ангела Своего пред тобою, и поймеши жену сыну моему Исааку оттуду: 8 аще же не восходит жена поити с тобою в землю сию, чист будеши от заклятия моего: точию сына моего не возврати тамо. 9 И положи раб руку свою под стегно Авраама господина своего, и кляся ему о словеси сем. 10 И взя раб десять велблoud от велблoud господина своего, и от всех благ господина своего с собою, и востав иде в Месопотамию во град Нахоров: 11 и постави велблoudы вне града у кладязя воднаго под вечер, егда исходят (жены) почерпать воды, 12 и рече: Господи, Боже господина моего Авраама, благоустрой предо мною днесь, и сотвори милость с господином моим Авраамом: 13 се, аз стах у кладязя воднаго, дщери же живущих во граде исходят почерпать воды: 14 и будет девица, ейже аз реку: преклони водонос твой, да пию, и речет ми: пий ты, и велблoudы твоя напою, дондеже напилются: сию уготовал еси рабу Твоему Исааку: и по сему увем, яко сотворил еси милость с господином моим Авраамом. 15 И бысть прежде неже скончати ему глаголющу во уме своем, и се, Ревекка исходяше, яже родися Вафуилу, сыну Мелхи жены Нахора, брата же Авраамля, держащи водонос на рамех своих: 16 девица же бяше доброзрочна зело: дева бе, муж не позна ея. Сошедши же на кладязь, наполни водонос свой и взыде. 17 Тече же раб во сретение ей и рече: напой мя мало водою от водоноса твоего. 18 Сия же рече: пий,

господине. И потщася, и сня водонос на мышца своя, и напои его, дондеже напися. 19 И рече: и велблудом твоим налию, дондеже вси напиются. 20 И потщася, и испразни водонос в поило: и тече паки на кладязь почерпнути воды, и влия велблудом всем. 21 Человек же выразумеваше ю и помолчеваше, да уразумеет, аще благоустрои Бог путь ему, или ни. 22 Бысть же егда престаша вси велблуды пиюще, взя человек усерязи златы весом по драхме и два запястия на руки ея: десять златниц вес их. 23 И вопроси ю и рече: чия еси дщерь? Повежь ми, аще есть у отца твоего место нам витати? 24 Она же рече ему: дщерь Вафуилева есьмь (сына) Мелхина, егоже роди Нахору. 25 И рече ему: и плевы и сена много у нас, и место витати. 26 И благословив человек, поклонися Господу 27 и рече: благословен Господь Бог господина моего Авраама, Иже не остави правды Своей и истины от господина моего: и мене благоустрои Господь в дом брата господина моего. 28 И текши девица в дом матере своея, поведа по глаголом сим. 29 Ревекце же бяше брат, ему же имя Лаван: и тече Лаван к человеку вон на кладязь. 30 И бысть егда виде усерязи, и запястия на руку сестры своея, и егда слыша словеса Ревекки сестры своея, глаголющия: сице глагола мне человек: и прииде к человеку, стоящу ему у велблуд у кладязя, 31 и рече ему: гряди, вниди благословенный от Господа, почто стоиши вне? Аз же уготовах храмину и место велблудом. 32 И вниде человек в дом, и разседла велблуды, и даде плевы и сено велблудом, и воду умыти нозе его, и ноги мужем, иже бяху с ним: 33 и предложи им хлебы ясти, и рече: не ям, дондеже возглаголю словеса моя. И рече: глаголи. 34 И рече: раб Авраамъ есьмь аз: 35 Господь же благослови господина моего зело, и возвысися: и даде ему овцы и телцы, сребро и злато, рабы и рабыни, и велблуды и ослы: 36 и роди Сарру, жена господина моего, сына единаго господину моему, состаревшемуся ему, и даде ему елика имяше: 37 и закля мя господин мой, глаголя: не поймеши жены сыну моему от дщерей Хананейских, в нихже аз обитаю в земли их: 38 но в дом отца моего пойдеши, и в племя мое, и поймеши жену сыну моему оттуду: 39 рех же (аз) господину моему: а егда не восхощет жена со мною ити? 40 И рече ми: Господь Бог, Ему же благоугодих пред ним, он послет Ангела Своего с тобою и благоустроит путь твой, и поймеши жену сыну моему от племене моего и от дому отца моего: 41 тогда будеш чист от заклинания моего: егда бо дойдеши в племя мое, и не дадят ти, и будеш чист от заклинания моего:

42 и пришед днесь на кладязь, рекох: Господи, Боже господина моего Авраама, аще Ты благоустроиши путь мой, в онъже нынѣ аз иду: 43 се, аз стах у кладязя воднаго, и дщери граждан исходят почерпати воды: и будет девица, ейже аще аз реку: напой мя от водоноса твоего мало водою: 44 и речет ми: и ты пий, и велблудом твоим влию: сия (будет) жена, юже уготова Господь рабу Своему Исааку: и по сему уразумею, яко сотворил еси милость господину моему Аврааму. 45 И бысть прежде неже скончати мне глаголющу во уме своем, аbie Ревекка исходаше держащи водонос на раму, и сниде на кладязь, и почерпе воды: и рекох ей: напой мя. 46 И потщавши сня водонос с себе на мышцу свою и рече: пий ты, и велблуды твоя напою. И напихся, и велблуды моя напои. 47 И вопросих ю и рекох: чия еси дщерь? Повежь ми. Она же рече: дщерь Вафуилева есьмь сына Нахорова, егоже роди ему Мелхъ. И дах ей усерязи, и запястия на руце ея, 48 и благоволив поклонихся Господу: и благословив Господа Бога господина моего Авраама, Иже благоустрои мя на пути истины поити дщерь брата господина моего сыну его: 49 аще убо сотворите вы милость и правду к господину моему: аще же ни, поведите ми: да обращуся или на десно, или на лево. 50 Отвещавша же Лаван и Вафуил, рекоста: от Господа прииде дело сие: не возможем ти противу рещи зло или благо: 51 се, Ревекка пред тобою: поемъ ю, иди: и да будет жена сыну господина твоего, якоже глагола Господь. 52 Бысть же егда услыша раб Авраамъ словеса сия, поклонися до земли Господу. 53 И изнес раб сосуды златы и сребряны и ризы, даде Ревекце: и дары даде брату ея и матери ея. 54 И ядоша и пиша и той и мужие, иже бяху с ним, и почиша. И востав заутра, рече: отпустите мя, да отиду к господину моему. 55 Реша же братия ея и матери: да пребудет девица с нами яко десять дний, и посем пойдет. 56 Он же рече к ним: не держите мя, Господь бо благоустрои путь мой во мне: отпустите мя, да иду к господину моему. 57 Они же реша: призовем девицу и вопросим ея изоуст. 58 И призваша Ревекку и реша ей: пойдеш ли с человеком сим? Она же рече: пойду. 59 И отпустиша Ревекку сестру свою, и имения ея, и раба Авраамъя, и иже с ним быша. 60 И благословиша Ревекку и реша ей: сестра наша еси, буди в тысящи тем, и да наследит семя твое грады супостат. 61 Воставши же Ревекка и рабыни ея, вседоша на велблуды и поидаша с человеком. И поим раб Ревекку, отиде. 62 Исаак же прехождаше сквозе пустыню на кладязя Видения: сам же живяше на земли на полудне. 63 И изыде Исаак

поглумитися на поле к вечеру, и воззрев очима своима, виде велблуды идущая. 64 И воззревши Ревекка очима своима, виде Исаака: и изскочи с велблуда. 65 И рече рабу: кто есть человек оный, иже идет по полю во сретение нам? Рече же раб: сей есть господин мой. Она же вземши ризу летнюю, облечеся. 66 И поведа раб Исааку вся словеса, яже соторви. 67 Внide же Исаак в дом матере своей, и поя Ревекку, и бысть ему жена: и возлюби ю, и утешися Исаак по Сарре матери своей.

25 Приложив же Авраам, пая жену, ейже имя Хеттура:

2 роди же ему Зомврана и Иезана, и Мадала и Мадиама, и Иесвока и Соиена. 3 Иезан же роди Савана и Фамана и Дедана. Сынове же Дедани быша: Рагуил и Навдеил, и Асуриим и Латусиим и Лаомим. 4 Сынове же Мадиамли: Ефар и афир, и Енох и Авида и Елдага. Вси сии быша сынове Хеттурины. 5 Даде же Авраам вся своя имения Исааку сыну своему: 6 сыном же наложниц своих даде Авраам дары и отпусти я от Исаака сына своего, еще жив сый, к востоку на землю восточную. 7 Сия же лета дний жития Авраамля, елика поживе, лет сто седмъдесят пять: 8 и ослабев умре Авраам в старости добрей, старец исполнен дний, и приложися к людем своим. 9 И погребоша его Исаак и Исмаил два сынове его в пещере Сугубей, на селе Ефронове сына Саарова Хеттеанина, еже есть прямо Мамврии, 10 на селе и в пещере, юже притяжа Авраам от сынов Хеттеовых: тамо погребоша Авраама и Сарру жену его. 11 Бысть же по умертвии Авраамли, благослови Бог Исаака сына его: и вселися Исаак у кладязя Видения. 12 Сия же бытия Исмаила сына Авраамля, егоже роди Агарь Египтансыя, раба Саррина, Аврааму: 13 и сия имена сынов Исмаилих, по именом родов его: первенец Исмаилов Наваиоф, и Кидар и Навдеил, и Массам 14 и Масма, и Дума и Масси, 15 и Ходдан и Феман, и Иетур и Нафес и Кедма. 16 Сии суть сынове Исмаили: и сия имена их в скиниях их и в селех их: двадесять князи в языцах их. 17 И сия лета жития Исмаилова, сто тридесять седмь лет: и ослабев умре, и приложися к роду своему. 18 Вселися же от Евилата даже до Сура, иже есть в лице Египту, даже доити ко Ассирион: пред лицем всех братий своих вселися. 19 И сия бытия Исаака сына Авраамля: Авраам роди Исаака. 20 Бяше же Исаак лет четыредесяти, егда пая Ревекку дщерь Вафуила Сирина от Месопотамии Сирской, сестру Лавана Сирина, себе в жену. 21 Моляшеся же Исаак Господеви о Ревекце жене своей, яко неплоды бяше: послуша же его Бог, и зачат во утробе Ревекка жена его. 22 Играста же младенца

в ней, и рече: аще тако ми хощет быти, почто ми сие? И иде вопрошати Господа. 23 И рече ей Господъ: два языка во утробе твоей суть, и двои людие от утробы твоей разлучатся: и людие людий превзыдут, и большии поработает меньшему. 24 И исполнишася дние родити ей, и бяху сей близната во утробе ея: 25 изыде же сын первенец чермен, весь, яко кожа, космат: и нарече имя ему Исаев: 26 и посем изыде брат его, рука же его придержася пяте Исаевове: и нарече имя ему Иаков. Исааку же бе шестьдесят лет, егда роди им Ревекка. 27 Возрастоша же юноши: и бысть Исаев человек ведый ловити, селный: Иаков же бысть человек нелукав, живый в дому. 28 И возлюби Исаак Исаева, яко ловитва его бяше брашно ему: Ревекка же любляше Иакова. 29 Свари же Иаков варение: и прииде Исаев с поля изнемог, 30 и рече Исаев Иакову: напитай мя варением сочива сего, яко изнемогаю. Сего ради прозвася имя ему Едом. 31 И рече Иаков Исаеву: отдахъ ми днесь первенство свое. 32 Рече же Исаев: се, аз иду умрети, и вскую ми первенство сие? 33 И рече Иаков ему: кленися ми днесь. И кляся ему, и отдахъ Исаев Иакову первенство свое. 34 Иаков же даде Исаеву хлеб и варение сочевно: яде же и пи, и востав отиде: и нивочто же вмени себе Исаев первенство.

26 Бысть же глад на земли, кроме глада бывшаго прежде во время Авраамле. Отиде же Исаак ко Авимелеху царю Филистимску в Герар: 2 явися же ему Господь и рече: не ходи во Египет, вселися же в земли, в нейже ти реку, зи обитай в земли той, и буду с тобою, и благословлю тя: тебе бо и семени твоему дам всю землю сию и поставлю клятву Мою, юже кляхся Аврааму отцу твоему: 4 и умножу семя твое, яко звезды небесныя, и дам семени твоему всю землю сию: и благословятся о семени твоем вси языцы земнин: 5 понеже послуша отец твой Авраам Моего гласа и соблюде заповеди Моя и повеления Моя, и оправдания Моя и законы Моя. 6 Вселися же Исаак в Герарех. 7 Вопросиша же мужие места того о Ревекце жене его, и рече: сестра ми есть. Убояся бо рещи, яко жена ми есть, да не когда убият его мужие места того Ревекки ради, понеже бе доброзначна. 8 Бысть же много время тамо: и приникнув Авимелех царь Герарский окном, виде Исаака играюща с Ревеккою женою своею. 9 Призыва же Авимелех Исаака и рече ему: убо жена твоя есть? Потко рекл еси, яко сестра ми есть? Рече же ему Исаак: рех бо, да не умру ея ради. 10 Рече же ему Авимелех: что сие соторвил еси нам? Вмале не бысть некто от рода моего с женою твою, и навел бы еси на ны неведение. 11 Заповеда же Авимелех

всем людем своим, глаголя: всяк, иже прикоснется мужу сему, или жене его, смерти повинен будет. 12 Сея же Исаак в земли той, и приобрете в то лето стократный плод ячменя: благослови же его Господь. 13 И возвысился человек, и преуспевая больши бываше, дондеже велик бысть зело. 14 Быша же ему скоти овец и скоти волов и земледелия многа. Позавидеша же ему Филистимляне: 15 и вся кладязи, яже ископаша раби отца его, во время отца его, заградиша я Филистимляне и наполниша тыя землею. 16 Рече же Авимелех ко Исааку: отди от нас, яко силнейший створился еси от нас зело. 17 И отиде оттуди Исаак и обита в дебри Герарстей, и вселися тамо. 18 И паки Исаак ископа кладязи водныя, яже ископаша раби Авраама отца его, и заградиша тыя Филистимляне, по умертвии Авраама отца его: и прозва им имена, по именам, имиже прозва Авраам отец его. 19 И ископаша раби Исааковы в дебри Герарстей, и обретоша тамо кладязь воды живы. 20 И прахуся пастьрие Герарстии с пастьрми Исааковыми, глаголюще: наша есть вода. И прозва имя кладязю тому Обида: обидяю бо его. 21 Отшед же оттуди Исаак, ископа кладязь другий. Прахуся же и о том: и прозва имя ему Вражда. 22 Отшед же оттуди, ископа кладязь другий. И не прахуся о том, и прозва имя ему Пространство, глаголя: яко ныне распространи Господь нам и возрасти нас на земли. 23 Взыде же оттуди ко кладязю Клятвенному: 24 и явися ему Господь в ту нощь и рече: Аз есмь Бог Авраама отца твоего, не бойся, с тобою бо есмь: и благословлю тя, и умножу семя твое Авраама ради отца твоего. 25 И созда тамо жертвеннник, и прозва имя Господне: и постави тамо скинию свою: ископаша же тамо раби Исааковы кладязь в дебри Герарстей. 26 И Авимелех прииде к нему от Герар, и Охозаф невестоводитель его, и Фихол воевода сил его. 27 И рече им Исаак: вскую приидосте ко мне? Вы же возненавидесте мене и отсласте мя от себе. 28 Они же реша: видевше узрехом, яко бе Господь с тобою, и рехом: буди клятва между нами и между тобою, и завещаим с тобою завет, 29 да не створиши с нами зла, яко же не возгнушахомся тобою мы, и яко же створишихом тебе добро, и отпустихом тя с миром: и ныне благословен ты от Господа. 30 И створи им пир, и ядоша и пиша. 31 И воставше заутра, клятся кийждо ближнему: и отпусти я Исаак, и отидаша от него здравы. 32 Бысть же в той день, и пришедше раби Исааковы поведаша ему о кладязе, егоже ископаша, и рекоша: не обретохом воды. 33 И прозва его Клятва. Сего ради прозва имя граду оному кладязь Клятвенный, даже до днешняго дне. 34 Бяше

же Исаав лет четыредесяти: и поя жену Иудифу, дщерь Веоха Хеттеина, и Васемафу, дщерь Елона Хеттеина. 35 И быша противящеся Исаакови и Ревекце.

27 Бысть же, повнегда состаретися Исаакови, и притупиша очи его еже видети: и прозва Исаав сына своего старейшаго, и рече ему: сыне мой. И рече: се, аз. 2 И рече Исаак: се, состарехся, и не вем дне скончания моего: з ныне убо возми орудие твое, тул же и лук, и изыди на поле, и улови ми лов: 4 и створи ми снеди, яко же люблю аз: и принеси ми, да ям, яко да благословит тя душа моя, прежде даже не умру. 5 Ревекка же слыша глаголюща Исаака ко Исааву сыну своему. Изыде же Исаав на поле уловити лов отцу своему. 6 Ревекка же рече ко Иакову сыну своему меньшему: се, аз слышах отца твоего беседующа ко Исааву брату твоему, глаголюща: 7 принеси ми лов, и створи ми снеди, да ядый благословлю тя пред Господем, прежде неже умрети ми: 8 ныне убо, сыне мой, послушай мене, яко же аз заповедаю ти: 9 и шед во овцы, поими мне оттуди два козлища мягка и добра, и створю я снеди отцу твоему, яко же любит: 10 и внесеши отцу твоему, и будет ясти, яко да благословит тя отец твой, прежде даже не умрет. 11 Рече же Иаков к Ревекце матери своей: Исаав брат мой есть муж космат, Аз же муж гладкий: 12 да не како осяжет мя отец мой, и буду пред ним яко презирай, и наведу на себе клятву, а не благословение. 13 Рече же ему мати: на мне клятва твоя, чадо: точно послушай гласа моего, и шед принеси ми. 14 Шед же взя и принесе матери, и створи мати его снеди, яко же любляше отец его. 15 И вземши Ревекка одежду Исаава сына своего старейшаго добрую, яже бысть у нея в дому, облече оною Иакова сына своего меньшаго, 16 и кожицами козлячими обложи мышцы его, и нагое выи его: 17 и даде снеди и хлебы, яже створи, в руце Иакову сыну своему. 18 И внесе отцу своему и рече: отче. Он же рече: се, аз: кто еси ты, чадо? 19 И рече Иаков отцу: аз Исаав первенец твой, створих, яко же рекл ми еси: востав сяди и яждь от лова моего, яко да благословит мя душа твоя. 20 Рече же Исаак сыну своему: что сие, еже скоро обрел еси, о чадо? Он же рече: еже даде Господь Бог твой предо мною. 21 Рече же Исаак Иакову: приближися ко мне, и осяжу тя, чадо, аще ты еси сын мой Исаав, или ни. 22 Приближися же Иаков ко Исааку отцу своему, и осяза его и рече: глас убо глас Иаковль, руце же руце Исаавове. 23 И не позна его: бесте бо руце его, яко руце Исаава брата его космате. И благослови его 24 и рече:

ты ли еси сын мой Исаев? Он же рече: аз. 25 И рече: принеси ми, и ям от лова твоего, чадо, да благословит тя душа моя. И принесе ему, и яде, и принесе ему вино, и пи. 26 И рече ему Исаак отец его: приближися ко мне и облобызай мя, чадо. 27 И приближився лобыза его: и обона воню риз его, и благослови его и рече: се, воня сына моего, яко воня нивы исполнены, юже благослови Господь: 28 и да даст тебе Бог от росы небесныя и от туха земли, и множество пшеницы и вина: 29 и да поработают тебе языцы, и да поклонятся тебе князи, и буди господин брату твоему, и поклоняются тебе сынове отца твоего: проклиная тя проклят, благословляя же тя благословен. 30 И бысть по еже престати Исааку благословляющу Иакова сына своего: и бысть егда изыде Иаков от лица Исаака отца своего, и Исаев брат его прииде с ловитвы. 31 Сотвори же и той снеди и принесе отцу своему, и рече отцу: да востанет отец мой, и да яст от лова сына своего, яко да благословит мя душа твоя. 32 И рече ему Исаак отец его: кто еси ты? Он же рече: аз есмь сын твой первенец Исаев. 33 Ужасеся же Исаак ужасом велиим зело и рече: кто убо уловивый мне лов и принесый ми? И ядох от всех, прежде неже приими тебе, и благослових его, и благословен будет. 34 Бысть же егда услыша Исаев глаголы отца своего Исаака, возопи гласом велиим и горьким зело, и рече: благослови убо и мене, отче. 35 Рече же ему: пришед брат твой с лестию, взя благословение твое. 36 И рече (Исаев): праведно наречеся имя ему Иаков: запя бо мя се уже вторицею, и первенство мое взя, и ныне взя благословение мое. И рече Исаев отцу своему: не оставил ли еси (и) мне благословения, отче? 37 Отвещав же Исаак, рече Исаеву: аще господина его сотворих тебе, и всю братию его сотворих рабы ему, пшеницею и вином утвердих его: тебе же что сотворю, чадо? 38 Рече же Исаев ко отцу своему: еда едино есть благословение у тебе, отче? Благослови убо и мене, отче. Умилившуся же Исааку, возопи гласом велиим Исаев и восплакася. 39 Отвещав же Исаак отец его, рече ему: се, от туха земли будет вселение твое, и от росы небесныя свыше: 40 и мечем твоим жити будеши, и брату твоему поработаеши: будет же (время) егда низложиши и отрешиши ярем его от выи твоей. 41 И враждоваше Исаев на Иакова о благословении, имже благослови его отец его. Рече же Исаев во уме своем: да приближатся дни плача отца моего, да бых убил Иакова брата моего. 42 Возвещена же быша Ревекце словеса Исаева сына ея старейшаго: и пославши призыва Иакова сына своего юнейшаго и рече ему: се, Исаев брат

твой грозит тебе убить тя: 43 ныне убо, чадо, послушай моего гласа, и востав бежи в Месопотамию к Лавану брату моему в Харран, 44 и поживи с ним дни некия, дондеже отвратится ярость и гнев брата твоего от тебе, 45 и забудет яже ему сотворил еси, и пославши приведу тя оттуду, да не когда безчадна буду от обоих вас в день един. 46 Рече же Ревека ко Исааку: стужих си жизнию мою дщерей ради сынов Хеттейских: аще поймет Иаков жену от дщерей земли сея, то вскую ми жити?

28 Призвав же Исаак Иакова, благослови его и заповеда ему, глаголя: да не поймеши жены от дщерей Хананейских: 2 востав отбежи в Месопотамию в дом Вафуила отца матере твоей, и поими себе оттуду жену от дщерей Лавана брата матере твоей: 3 Бог же мой да благословит тя и возрастит тя и умножит тя, и будеши в собрания языков: 4 и да даст тебе благословение Авраама отца моего, тебе и семени твоему по тебе наследити землю обитания твоего, юже даде Бог Аврааму. 5 Посла же Исаак Иакова: и отиде в Месопотамию к Лавану сыну Вафуила Сирину, к брату же Ревекки матере Иаковли и Иисавли. 6 Виде же Исаев, яко благослови Исаак Иакова и послав в Месопотамию сирскую пояти оттуду себе жену, егда благослови его и заповеда ему, глаголя: да не поймеши жены от дщерей Хананейских. 7 И послуша Иаков отца и матере своея, и отиде в Месопотамию сирскую. 8 Видев же Исаев, яко злы суть дщери Хананейских пред Исааком отцем его, 9 отиде Исаев ко Исмаилу и взя Маелефу дщерь Исмаила сына Авраамля, сестру Навеофову, жену к женам своим. 10 И отиде Иаков от кладязя Клятвенного и иде в Харран, 11 и обрете место и успе тамо, зайде бо солнце: и взя от камения места (того) и положи в возглавие себе, и спа на месте онем. 12 И сон виде: и се, лествица утверждена на земли, еяже глава досязаше до небесе, и Ангели Божии восходжаху и низходжаху по ней: 13 Господь же утверждашеся на ней и рече: Аз есмь Бог Авраама отца твоего и Бог Исаака, не бойся: земля, идеже ты спиши на ней, тебе дам ю и семени твоему: 14 и будет семя твое яко песок земный, и распространится на море, и ливу, и север, и на востоки: и благословятся о тебе вся колена земная и о семени твоем: 15 и се, Аз есмь с тобою, сохраняя тя на всяком пути, аможе аще пойдеши, и возвращу тя в землю сию: яко не имам тебе оставити, дондеже сотворити ми вся, елика глаголах тебе. 16 И воста Иаков от сна своего и рече: яко есть Господь на месте сем, аз же не ведех. 17 И убояся и рече: яко страшно место сие: несть сие, но дом Божий, и сия врата

небесная. 18 И воста Иаков заутра, и взя камень, егоже положи тамо в возглавие себе: и постави его в столп, и возлия елей верху его. 19 И прозва Иаков имя месту тому Дом Божий: Уламлуз же бе имя граду первее. 20 И положи Иаков обет, глаголя: аще будет Господь Бог со мною и сохранит мя на пути сем, в онъже аз иду, и даст ми хлеб ясти, и ризы облещися, 21 и возвратит мя здрава в дом отца моего, и будет Господь мне в Бога: 22 и камень сей, егоже поставих в столп, будет ми дом Божий, и от всех, яже ми даси, десятину одесятствую та Тебе.

29 И востав Иаков на нозе, иде в землю восточную к Лавану сыну Вафуила Сирина, брату же Ревекки матере Иаковли и Иасави. 2 Узре же, и се, кладязь на поли: и бяху тамо три стада овец, почивающе при нем: от того бо кладязя напаяхуся стада. Камень же велий бяше над устии кладязя. 3 И собирахуся тамо вся стада: и отваляху камень от устия кладязя и напаяху овцы: и паки полагаху камень на устии кладязя на месте своем. 4 Рече же им Иаков: братия, откуду есте вы? Они же реша: от Харрана есмы. 5 Рече же им: знаете ли Лавана сына Нахорова? Они же реша: знаем. 6 Рече же им: здравствует ли? Они же реша: здравствует. И се, Рахиль дщи его идяше со овцами. 7 И рече Иаков: еще есть дне много, не у час собирати скота: напоивше овцы, шедше пасите. 8 Они же реша: не можем, дондеже соберутся вси пастуси и отвалят камень от устия кладязя, и напоим овцы. 9 Еще ему глаголющу к ним, и се, Рахиль дщи Лавания грядяше со овцами отца своего: она бо пасяше овцы отца своего. 10 Бысть же яко узре Иаков Рахиль дщерь Лавана брата матере своея и овцы Лавана брата матере своея, и приступив Иаков отвали камень от устия кладязя: 11 и напои овцы Лавана брата матере своея, и целова Иаков Рахиль, и возопив гласом своим, восплакася: 12 и поведа Рахиль, яко брат отца ея есть и яко сын Ревеккин есть. И текши поведа отцу своему по словесем сим. 13 Бысть же яко услыша Лаван имя Иакова сына сестры своея, тече во сретение ему и объемь его лобза, и введе его в дом свой. И поведа Лавану вся словеса сия. 14 И рече ему Лаван: от костей моих и от плоти моей еси ты. И бе с ним месяц дний. 15 Рече же Лаван Иакову: понеже брат мой еси ты, да не поработаеш мne туне: повежь ми, что мзда твоя есть? 16 У Лавана же бесте две дщери: имя старейшей Лия, имя же юнейшей Рахиль. 17 Очи же Лиины болезненны: Рахиль же бе добра видом и красна взором зело. 18 Возлюби же Иаков Рахиль. И рече: поработаю тебе

семь лет за Рахиль дщерь твою меншую. 19 Рече же ему Лаван: лучше ми тебе дати ю, нежели иному отдать мужеви: со мною живи. 20 И работа Иаков за Рахиль семь лет: и быша пред ним яко малы дни, занеже любяше ю. 21 Рече же Иаков Лавану: дажь ми жену мою, понеже совершилася дни, да вниду к ней. 22 Собра же Лаван вся мужы места того, и сотвори брак. 23 И бысть вечер, и поемь Лаван Лию дщерь свою, введе ко Иакову: и вниде к ней Иаков. 24 Даде же Лаван Лии дщери своей Зелфу рабыню свою, ей в рабу. 25 Бысть же заутра, и се, бяше Лия, и рече Иаков Лавану: что сие сотворил ми еси? Не Рахили ли ради работах у тебе? Вскую же обидел мя еси? 26 Отвеща же Лаван: несть тако в нашем месте вдати меншую прежде старейшия. 27 Скончай убо седмины сея, и дам ти и сию за дело, еже делаеши у мене еще семь лет другия. 28 Сотвори же Иаков тако: и исполни седмины сея: и даде ему Лаван Рахиль дщерь свою ему в жену. 29 Даде же Лаван Рахили дщери своей Валлу рабу свою, ей в рабу. 30 И вниде (Иаков) к Рахили: возлюби же Рахиль паче, неже Лию: и работа ему семь лет другия. 31 Видев же Господь Бог, яко ненавидима бяше Лия, отверзе ложесна ея: Рахиль же бяше неплоды. 32 И зачат Лия и роди сына Иакову: нарече же имя ему Рувим, глаголя: яко призре Господь на мое смирение и даде ми сына: ныне убо возлюбит мя муж мой. 33 И зачат паки Лия и роди сына втораго Иакову и рече: зане услыша Господь, яко ненавидима есмь, и пригаде ми и сего. И нарече имя ему Симеон. 34 И зачат еще и роди сына и рече: в нынешнее время у мене будет муж мой, родих бо ему три сыны. Сего ради нарече имя ему Левий. 35 И заченши еще роди сына и рече: ныне еще сие исповем Господу. Сего ради нарече имя ему Иуда, и преста раждати.

30 Видевши же Рахиль, яко не роди Иакову, и поревновавши сестре своей и рече Иакову: дажь ми чада: аще же ни, умру аз. 2 Разгневався же Иаков на Рахиль, рече ей: еда вместо Бога аз есмь, Иже лиши тя плода утробнаго? 3 Рече же Рахиль Иакову: се, раба моя Валла: вниди к ней, и да родит на коленах моих, и чадо сотворю и аз от нея. 4 И даде ему Валлу рабу свою ему в жену: и вниде к ней Иаков. 5 И зача Валла раба Рахилина и роди Иакову сына. 6 И рече Рахиль: суди ми Бог и послуша гласа моего, и даде ми сына. Сего ради прозва имя ему Дан. 7 И зачат еще Валла раба Рахилина и роди сына втораго Иакову. 8 И рече Рахиль: подя мя Бог, и сравнихся с сестрою мою, и

возмогох. И прозва имя его Неффалим. 9 Виде же Лия, яко преста раждати, и взя Зелпу рабу свою и даде ю Иакову в жену: и вниде к ней. 10 И зачат Зелфа раба Лиина и роди Иакову сына. 11 И рече Лия: благо мне случися. И нарече имя ему Гад. 12 И зачат еще Зелфа раба Лиина и роди Иакову сына втораго. 13 И рече Лия: блажена аз, яко ублажат мя жены. И прозва имя ему Асир. 14 Иде же Рувим в день жатвы пшеницы и обрете яблока мандрагорова на поля, и принесе я к Лии матери своей. Рече же Рахиль к Лии сестре своей: дажь ми от мандрагоров сына твоего. 15 Рече же Лия: не доволно ли тебе, яко взяла еси мужа моего? Еда и мандрагоры сына моего возмеш? Рече же Рахиль: не тако: да будет сея нощи с тобою за мандрагоры сына твоего. 16 Прииде же Иаков с поля в вечер, и изыде Лия во сретение ему и рече: ко мне внидеши днес: наяла бо тя есть за мандрагоры сына моего. И бысть с нею тоя нощи. 17 И послуша Бог Лию, и заченши роди Иакову сына пятаго. 18 И рече Лия: даде ми Бог мзду мою, зане дах рабу мою мужу моему. И прозва имя ему Иссахар, еже есть мзда. 19 И зачат еще Лия и роди сына шестаго Иакову. 20 И рече Лия: дарова ми Бог дар добр в нынешнее время: возлюбит мя муж мой: родих бо ему шесть сынов. И прозва имя ему Завулон. 21 И поsem роди дщерь, и прозва имя ей Дина. 22 Помяну же Бог Рахиль, и услыша ю Бог, и отверзе утробу ея: 23 и заченши, роди Иакову сына. И рече Рахиль: отя Бог укоризну мою. 24 И нарече имя ему Иосиф, глаголющи: да придаст ми Бог сына другаго. 25 Бысть же яко роди Рахиль Иосифа, рече Иаков Лавану: отпусти мя, да иду на место мое и в землю мою: 26 отдахъ ми жены мои и дети мои, ихже ради работах тебе, да отиду: ты бо веси работу, юже работах ти. 27 Рече же ему Лаван: аще обретох благодать пред тобою: усмотрин бо, яко благослови мя Бог пришествием твоим: 28 раздели мзду свою у мене, и дам ти. 29 Рече же Иаков: ты веси, яже работах тебе, и колико бе скота твоего у мене: 30 мало бо бе елико твоего у мене и возрасте во множество: и благослови тя Господь пришествием моим: ныне убо когда сотворю и аз себе дом? 31 И рече к нему Лаван: что ти дам? Рече же ему Иаков: не даси ми ничтоже: аще сотвориши ми глагол сей, паки пасти имам овцы твоя, и сохрани: 32 овцы вся овцы твоя ныне и разлучи оттуду всякою овцу пелесою во овцах, и всяку беловатую и пеструю в козах, будет ми мзда (и будет мое): 33 и послушает мене правда моя во утрешний день, яко есть мзда моя пред тобою: все еже аще не будет пестро и беловатое в козах,

и пелесо во овцах, за украденое будет мною. 34 Рече же ему Лаван: буди по словеси твоему. 35 И разлучи в той день козлы пестрыя и беловатыя, и вся козы пестрыя и беловатыя, и все еже бе пелесо во овцах, и все еже бяше белое в них: и даде в руце сыном своим: 36 и разстави путем трех дній, и между ими и между Иаковом: Иаков же пасяще овцы Лавановы оставшияся. 37 Взя же Иаков себе жезл стиракинов зеленый, и орехов, и яворовый: и острога я Иаков пестрением белым, сострогая кору: являшеся же на жезлах белое, еже острога, пестро. 38 И положи жезлы, яже острога, в поилных корытех воды: да егда приидут овцы пити, пред жезлы пришедшым им пити, зачнут овцы по жезлом: 39 и зачинаху овцы по жезлом, и раждаху овцы беловатыя и пестрыя и пепеловидныя пестрыя. 40 Агницы же разлучи Иаков и постави прямо овцам овна беловатаго и всякое пестрое во агнцах: и разлучи себе стада по себе, и не смеси сих со овцами Лавановыми. 41 Бысть же во время, в неже зачинаху овцы во чреве приемлюща, положи Иаков жезлы пред овцами в корытех, еже зачинати им по жезлом: 42 егда же раждаху овцы, не полагаше: быша же неназнаменаныя Лавановы, а знаменаныя Иаковли. 43 И разбогате человек зело зело: и быша ему скоти мнози, и волове, и раби, и рабыни, и велблуды, и ослы.

31 Слыша же Иаков словеса сынов Лавановых, глаголющих: взя Иаков вся яже отца нашего, и от сущих отца нашего сотвори всю славу сию. 2 И виде Иаков лице Лаване, и се не бяше к нему, яко вчера и третияго дне. 3 Рече же Господь ко Иакову: возвратися в землю отца твоего и в род твой, и буду с тобою. 4 Послав же Иаков, призыва Лию и Рахиль на поле, идеже бяху стада, 5 и рече им: вижду аз лице отца вашего, яко несть ко мне, якоже вчера и третияго дне: Бог же отца моего бе со мною: 6 и вы сами весте, яко всею силою моею работах отцу вашему: 7 отец же ваш обиде мя и измени мзду мою десяти агнцев, но не даде ему Бог зла сотворити мне. 8 Аще сице речет: пестрыя, будет твоя мзда: и родятся вся овцы пестрыя. Аще же речет: белыя, будет твоя мзда: и родятся вся овцы белыя. 9 И отя Бог вся скоты отца вашего и даде я мне. 10 И бысть егда зачинаху овцы во чреве приемлюща, и видех очима моима во сне: и се, козлы и овны восходяще бяху на овцы и козы, беловатыя и пестрыя и пепеловидныя пестрыя. 11 И рече ми Ангел Божий во сне: Иакове. Аз же рех: что есть? 12 И рече: воззри очима твоими и виждь козлы и овны восходящыя на овцы и козы, белыя и

пестрыя и пепеловидная пестрыя: видех бо, елика тебе Лаван творит: 13 Аз есмь Бог явивыйся тебе на Месте Божии, идеже помазал Ми еси тамо столп, и обетовал Ми еси тамо обет: ныне убо востани и изыди от земли сея, и иди в землю рождения твоего, и буду с тобою. 14 И отвещавши Рахиль и Лия, рекосте ему: еда есть нам еще часть или наследие в дому отца нашего? 15 Не яко ли чужыя вменихомся ему? Продаде бо нас и снеде снедию сребро наше: 16 все богатство и слава, юже от Бог от отца нашего, нам будет и чадом нашым: ныне убо, елика тебе рече Бог, твори. 17 Востав же Иаков, взя жены своя и дети своя на велблуды, 18 и забра вся имения своя и вся стяжания, яже притяжка в Месопотамии, и вся своя, еже отити ко Исааку отцу своему в землю Ханаанскую. 19 Лаван же отиде оstriщи овцы своя: украде же Рахиль идолы отца своего. 20 Утаи же Иаков от Лавана Сирина, не поведати ему, яко уходит, 21 и отбеже сам, и вся яже его, и прейде реку, и взыде на гору Галаад. 22 Поведася же Лавану Сирину в третий день, яко бежа Иаков: 23 и поим сыны и братию свою с собою, гна вслед его путем седмь дний: и достиже его на горе Галаад. 24 Прииде же Бог к Лавану Сирину нощю во сне и рече ему: блюди себе, да не когда возглаголеши ко Иакову зла. 25 И постиже Лаван Иакова: Иаков же постави кущу свою на горе: Лаван же разстави братию свою на горе Галаад. 26 Рече же Лаван Иакову: что сотворил еси? Вскую тайно ушел еси и окрал еси мя, и отвел дщери моя, яко пленницы оружием? 27 И аще бы ми поведал еси, отпустил бых тя с веселием и с мусикию, и тимпаны и гусльми: 28 и не сподобихся целовати детей моих и дщерей моих: ныне же несмысленно сотворил еси: 29 и ныне рука моя может озлобити тя. Но Бог отца твоего вчера рече ко мне, глаголя: блюди себе, да не когда возглаголеши ко Иакову зла. 30 Ныне убо отшел еси: желанием бо возжелал еси отити в дом отца твоего: вскую украде еси боги моя? 31 Отвещав же Иаков рече к Лавану: понеже убояхся: рех бо, да не како отимеши дщери твоя от мене, и вся моя. 32 И рече Иаков: у него же аще обрящеши боги твоя, да не будет жив пред братиою нашею: узнавай, что есть твоего у мене, и возми. И не позна у него ничтоже: не ведяще же Иаков, яко Рахиль жена его украде я. 33 Вшед же Лаван, оыска в кущи Линне, и не обрете. И изыде из кущи Линны, и оыска кущу Иаковлю и в кущи двоих рабынь, и не обрете. Внide же и в кущу Рахилину. 34 Рахиль же взя идолы и положи онья под седло велблюже и седе на них, 35 и рече отцу своему: не имей себе тяжко, господине: не

могу востати пред тобою, яко обычна женская ми суть. Иска же Лаван по всей кущи, и не обрете идолов. 36 Разгневася же Иаков и пряшеся с Лаваном. Отвещав же Иаков рече Лавану: кая неправда моя? И кий грех мой, яко погнал еси вслед мене, 37 и яко оыскал еси вся сосуды дому моего? Что обрел еси от всех сосудов дому твоего? Положи зде пред братиою твою и братиою мою, и да разсудят между обема нама: 38 се, двадесять лет аз есмь с тобою: овцы твоя и козы твоя не быша без плода: овнов овец твоих не поядох: 39 звероядины не принесох к тебе: аз воздаях тебе от мене самаго татбины денныя и татбины нощныя: 40 бых во дни жегомъ зноем, и студению в нощи, и отхождаше сон от очию мою: 41 се, мне двадесять лет аз есмь в дому твоем, работах тебе четыренадесять лет двух ради дщерей твоих и шесть лет за овцы твоя, и преобидел еси мзду мою десятию агнцами: 42 аще не бы Бог отца моего Авраама, и страх Исаака был мне, ныне тща отпустил бы мя еси: смирение мое и труд руку мою увиде Бог, и обличи тя вчера. 43 Отвещав же Лаван, рече ко Иакову: дщери дщери моя и сынове сынове мои, и скоти скоти мои, и вся елика ты видиши моя суть и дщерей моих: что сотворю им днесь, или чадом их, яже родиста? 44 Ныне убо гряди, завещаим завет аз и ты: и будет во свидетелство между мною и тобою. Рече же ему Иаков: се, никтоже с нами есть: виждь, Бог свидетель между мною и тобою. 45 И взем Иаков камень, постави его в столп. 46 Рече же Иаков братии своей: соберите камение. И собраша камение и сотвориша холм: и ядоша, и пиша тамо на холме. Рече же ему Лаван: холм сей свидетелствует между мною и тобою днесь. 47 И прозва его Лаван холм Свидетелства: Иаков же прозва холм Свидетель. 48 Рече же Лаван ко Иакову: се, холм сей и столп, егоже поставих между мною и тобою, свидетелствует холм сей и свидетелствует столп сей: сего ради прозвася имя холм Свидетелствует, 49 и Видение, еже рече: да видит Бог между мною и тобою, яко отидем друг от друга: 50 аще смириши дщери моя, аще поймеши жены над дщери моя виждь, никтоже с нами есть видай: Бог свидетель между мною и между тобою. 51 И рече Лаван Иакову: се, холм сей свидетель и столп сей: 52 аще бо аз не прейду к тебе, ниже ты да прейдеши ко мне холма сего и столпа сего со злобою: 53 Бог Авраамъ и Бог Нахоров да судит между нама. И кляся Иаков страхом отца своего Исаака, 54 и пожре Иаков жертву на горе и воззва братию свою: ядоша же и пиша и спаша на горе. 55 Востав же Лаван

заутра, лобыза сыны и дщери своя и благослови я: и возвратився Лаван, отиде на место свое.

32 И Иаков иде в путь свой. И воззрев виде полк

Божий воополчившийся: и сретоша его Ангели Божии. 2 Рече же Иаков, егда виде их: полк Божий сей. И прозва имя мести тому Полки. 3 Посла же Иаков послы пред собою ко Исаю брату своему в землю Сири, в страну Едом, 4 и заповеда им глаголя: тако рцыте господину моему Исаю: тако глаголет раб твой Иаков: у Лавана обитах и умудлих даже до ныне: 5 и быша ми волове и ослы и овцы, и раби и рабыни: и послах поведати господину моему Исаю, дабы обрел раб твой благодать пред тобою. 6 И возвратишаася послы ко Иакову, глаголюще: ходихом ко брату твоему Исаю, и се, сам идет во сретение тебе, и четыриста мужей с ним. 7 Убояся же Иаков зело и в недоумении бе: и раздели люди сущыя с собою, и волы и велблуды и овцы на два полка, 8 и рече Иаков: аще приидет Исаю на един полк и изсечет и, будет второй полк во спасении. 9 Рече же Иаков: Бог отца моего Авраама и Бог отца моего Исаака, Господи Боже, Ты рекий ми: иди в землю рождения твоего, и благо тебе соторю: 10 довлеет ми от всяя правды и от всяя истины, юже соторвил еси рабу Твоему: с жезлом бо сим преидох Иордан сей, ныне же бех в два полка: 11 изми мя от руки брата моего, от руки Исаю: яко боюся аз его, да не когда пришед убииет мя и мать с чады: 12 ты же рекл еси: благо тебе соторю и положу семя твое яко песок морской, иже не изочтется от множества. 13 И спа тамо нощи тоя, и взя, яже имяше дары, и послы Исаю брату своему: 14 коз двести, козлов двадесять, овец двести, овнов двадесять, 15 велблудов дойных, и жребят их тридесять, волов четыредесять, юнцов десять, ослов двадесять и жребят десять: 16 и даде их рабом своим, (коеждо) стадо особо, и рече рабом своим: идите предо мною, и разстояние творите между стадом и стадом. 17 И заповеда первому глаголя: аще тя срятет Исаю брат мой и вопросит тя глаголя: чий еси, и камо идеши, и чия сия, яже пред тобою идут? 18 Речеши: раба твоего Иакова: дары послы господину моему Исаю: и се, сам за нами (идет). 19 И заповеда первому, и второму, и третиemu, и всем предидущим вслед стад сих глаголя: по словеси сему глаголите Исаю, егда обрящете его вы, 20 и рцыте: се, раб твой Иаков идет за нами: рече бо: укрошу лице его дарами предидущими его, и посем узрю лице его: негли бо примет лице мое? 21 И предидяху дары пред лицем его, сам же преспа тоя нощи в полце.

22 Востав же тоя нощи, пой обе жены (своя) и обе рабыни и единадесять сынов своих, и прейде брод Иаков: 23 и взя их, и прейде поток, и преведе вся своя. 24 Остася же Иаков един. И боряшеся с ним Человек даже до утра. 25 Виде же, яко не может противу ему: и прикоснуся широте стегна его: и отерпе широта стегна Иаковия, егда боряшеся с Ним. 26 И рече ему: пусти мя: взыде бо заря. Он же рече: не пущу Тебе, аще не благословиши мене. 27 Рече же ему: что ти имя есть? Он же рече: Иаков. 28 И рече ему: не прозовется ктому имя твое Иаков, но Израиль будет имя твое: понеже укрепился еси с Богом и с человеки силен будеши. 29 Вопроси же Иаков и рече: повеждь ми имя Твое. И рече: вскую сие вопрошаеш ты имене Моего? Еже чудно есть. И благослови его тамо. 30 И прозва Иаков имя мести тому Вид Божий: видех бо Бога лицем к лицу, и спасеся душа моя. 31 Возсия же ему солнце, егда прейде Вид Божий: он же хромаше стегном своим. 32 Сего ради не ядят сынове Израилевы жилы, яже отерпе, яже есть в широте стегна, даже до дне сего: понеже прикоснуся широте стегна Иаковли жилы, яже отерпе.

33 Возвзрев же Иаков очима своими, виде: и се, Исаю

брат его идый, и четыриста мужей с ним. И раздели Иаков дети Лии и Рахили и двум рабыням, 2 и постави обе рабыни и сыны их в первых, Лию же и дети ея позади, а Рахиль и Иосифа в последних: 3 сам же изыде первее пред ними и поклониша до земли седмижды, дондеже приближися к брату своему. 4 И притече Исаю во сретение ему: и объемь его, припаде на выю его и облобыза его: и плакастася оба. 5 И воззрев Исаю, виде жены и дети и рече: что сии тебе суть? Он же рече: дети, имиже помилова Бог раба твоего. 6 И приступиша рабыни и дети их и поклониша: 7 и приступи Лия и дети ея и поклониша: посем же приступи Рахиль и Иосиф и поклонистася. 8 И рече: что сия тебе суть, полцы сии вси, яже сретох? Он же рече: да обрящет раб твой благодать пред тобою, господине. 9 Рече же Исаю: суть мне многа, брате: да будут тебе твоя. 10 И рече Иаков: аще обретох благодать пред тобою, приеми дары от руку мою: сего ради видех лице твое, яко бы аще кто видел лице Божие: и возблаговолиши о мне: 11 приеми благословение мое, еже принесох тебе, яко помилова мя Бог, и суть ми вся. И принуди его, и взя. 12 И рече: воставше пойдем прямо. 13 Рече же ему: господин мой весть, яко дети мои юны, овцы же и говядя бременны у мене: аще убо пожену я един день, измрет весь скот: 14 да предидет господин мой

пред рабом своим: аз же укреплюся на пути умножением
шествия моего, еже предо мною, и якоже возмогут ити
дети, дондеже прииду к господину моему в Сиир. 15 И
рече Исаю: оставлю с тобою от людей сущих со мною.
Он же рече: вскую сие? Довлеет, яко обретох благодать
пред тобою, господине. 16 Возвратися же Исаю в том дни
путем своим в Сиир: 17 и Иаков пойде в Кущы, и постави
себе тамо храмы, и скоту своему сотвори кущы: сего
ради нарече имя месту тому Кущы. 18 И прииде Иаков
в салим град Сикимск, иже есть в земли Ханаанстей,
егда прииде от Месопотамии Сирский, и ста пред лицем
града: 19 и купи часть села, идеже постави кущу свою
тамо, у Еммора отца Сихемля, стома агнцы: 20 и постави
тамо жертвеннник, и призыва Бога Израиleva.

34 Изъиде же Дина дщи Лиина, юже роди Иакову,
познати дщери обитателей. 2 И виде ю Сихем сын
Емморов Хорреанин, князь той земли: и поим ю, бысть с
нею и смири ю: 3 и внят душою Дине дщери Иаковли, и
возлюби девицу, и глагола к ней по мысли девицы. 4
Рече же Сихем ко Еммору отцу своему, глаголя: поими
мене отроковицу сию в жену. 5 Иаков же слыша, яко
оскверни сын Емморов Дину дщерь его: сынове же его
бяху со скоты его на поли: премолча же Иаков, дондеже
приими им. 6 Изъиде же Еммор отец Сихемль ко Иакову
глаголати к нему. 7 Сынове же Иаковли придоша с
поля: егда же услышаша, смутишася мужие, и жалостно
им бысть зело, яко не лепо сотвори во Израили, быв
со дщерию Иаковлею: и не будет сице. 8 И рече им
Еммор, глаголя: Сихем сын мой избра душою дщерь
вашу: дадите убо ю в жену ему: 9 и сосватайтесь с
нами: дщери вашя дадите нам, и дщери наша поимите
сыновом своим, 10 и у нас населитесь: и се, земля
пространна пред вами: населитесь и куплю дейте на
ней, и притяжите на ней. 11 Рече же Сихем ко отцу ея
и ко братиям ея: да обрящу благодать пред вами, и
еже аще речете, дадим: 12 умножите вено зело, и дам,
якоже речете ми: и дасте ми отроковицу сию в жену. 13
Отвещаша же сынове Иаковли Сихему и Еммору отцу
его с лестию, и глаголаша к ним, яко оскверниша Дину
сестру их. 14 И рекоста им Симеон и Левий, братия
Динини (сынове Лии): не возможем сотворити глагола
сего, дати сестру нашу человеку, иже имать крайнюю
плоть необрязанну: есть бо укоризна нам: 15 токмо в сем
уподобимся вам и вселимся у вас, аще будете якоже
мы и вы, егда обрежете весь мужеск пол: 16 и дадим
дщери наша вам, и от дщерей ваших поймем себе жены
и вселимся у вас, и будем яко един род: 17 аще же не

послушаете нас, еже обрезатися, поимше дщерь нашу
отидем. 18 И угодна быша словеса пред Еммором и пред
Сихемом сыном Емморовым: 19 и не премедли юноша
с сотворити глагол сей: любяше бо дщерь Иаковлю. Сей же
бяше славнейший всех, иже в дому отца его. 20 Прииде
же Еммор и Сихем сын его пред врата града своего и
глаголаста к мужем града своего, рекуще: 21 человече
си мирни суть, с нами да населятся на земли и да куплю
дяют на ней: земля же се пространна пред ними: дщери
их да поймем себе в жены, и дщери наша дадим им:
22 в сем точию уподобятся нам человече, еже жити с
нами, яко быти людем единем: внегда обрезати нам весь
мужеск пол, якоже и тии обрезаны суть: 23 и скоти их и
четвероногая, и имения их не наша ли будут? Точию в
сем уподобимся им, и вселятся с нами. 24 И послушаша
Еммора и Сихема сына его вси исходящии из врат града
своего и обрезаша плоть крайнюю свою, всяк мужеск пол.
25 Бысть же в третий день, егда бяху в болезни, взяша два
сына Иаковля Симеон и Левий, братия Динини, кийдо
свой мечь, и внидоша во град безопасно и изсекоша
весь мужеск пол: 26 Еммора же и Сихема сына его
усекнуша остирем меча, и взяша Дину от дому Сихема и
изыдоша. 27 Сынове же Иаковли внидоша к побиенным
и разграбиша град, в немже оскверниша Дину сестру
их: 28 и овцы их и говядя их и ослы их, и елика бяху
во граде, и елика бяху на поли, взяша: 29 и вся чада
их и вся сосуды их и жены их пленши: и разграбиша,
елика бяху во граде, и елика бяху в домех. 30 Рече же
Иаков к Симеону и Левии: ненавистна мя сотвористе,
яко злу мне быти всем живущым на земли, в Хананеах и
Ферезеах, аз же мал есмь числом: и собравшеся на мя
изсекут мя, и истреблен буду аз и дом мой. 31 Они же
рекоша: аки блудници ли возимеют сестру нашу?

35 Рече же Бог ко Иакову: востав взыди на место
Вефиль, и живи тамо, и сотвори тамо жертвеннник
Богу явльшемуся тебе, егда бежал еси от лица Исаева
брата твоего. 2 Рече же Иаков дому своему и всем иже
с ним: поверзите боги чуждыя, иже с вами, от среды
вас и очиститесь, и измените ризы своя: 3 и воставше
взыдем в Вефиль и сотворим тамо жертвеннник Богу
послушавшему мене в день скорбения, Иже бе со мною и
спасе мя на пути, в онъже ходих. 4 И вдаша Иакову боги
чуждыя, иже бяху в руках их, и усерязи яже во ушесех
их: и скры я Иаков под теревинфом иже в Сикимех: И
погуби я до днешняго дне. 5 И воздвигся Израиль от
Сикимов, и бысть страх Божий на градех, иже окрест

их: и не гнаша вслед сынов Израилевых. 6 Прииде же Иаков в Лузу, яже есть в земли Ханаанстей, яже есть Вефиль, сам и вси людие, иже бяху с ним, 7 и созда тамо жертвенник, и прозва имя месту тому Вефиль: тамо бо явися ему Бог, егда бежаше он от лица Иисава брата своего. 8 Умре же Девора, доилица Ревеккина, и погребоша ю ниже Вефиля под дубом, и прозва имя ему дуб плача. 9 Явися же Бог Иакову еще в Лузе, егда прииде от Месопотамии Сирский, и благослови его Бог 10 и рече ему Бог: имя твое не прозовется ктому Иаков, но Израиль будет имя тебе. И нарече имя ему Израиль. 11 Рече же ему Бог: Аз Бог твой: расти и множися: языцы и собрания языков будут от тебе, и царие из чреспл твоих изыдут: 12 и землю, юже дах Аврааму и Исааку, тебе дах ю, тебе будет, и семени твоему по тебе дам землю сию. 13 Взыде же Бог от него от места, идеже глагола с ним: 14 и постави Иаков столп на месте, идеже глагола с ним Бог, столп каменный, и пожре на нем жертву и возлия на него елей: 15 и прозва Иаков имя месту тому, идеже глагола с ним Бог, Вефиль. 16 (Востав же (Иаков) от Вефиля, и постави кущу свою далее столпа Гадер.) бысть же егда приближися к хаврафе прийти до земли Ефрафа, роди Рахиль и возбездествова в рождении: 17 бысть же внегда жестоко ей родити, рече ей баба: дерзай, ибо сей тебе есть сын. 18 Бысть же егда оставляше ю душа, умираше бо, прозва имя ему Сын Болезни моя: отец же прозва имя ему Вениамин. 19 Умре же Рахиль, и погребоша ю на пути ипподрома Ефрафы: сия есть Вифлеем: 20 и постави Иаков столп на гробе ея: сей есть столп над гробом Рахилиным даже до дне сего. 21 Изыде же оттуду Израиль и постави кущу свою за столпом Гадер. 22 Бысть же егда вселися Израиль в земли той, иде Рувим и спа с Валлою, наложницею отца своего Иакова. И слыша Израиль, и зло явися пред ним. Беша же сынове Иаковли дванадесять. 23 Сынове Лиины: Рувим, первенец Иаковль, Симеон, Левий, Иуда, Иссахар, Завулон. 24 Сынове же Рахилины: Иосиф и Вениамин. 25 Сынове же Валлы, рабы Рахилины: Дан и Неффалим. 26 Сынове же Зелфы, рабы Лиины: Гад и Асир. Сии сынове Иаковли, иже родишаася ему в Месопотамии Сирстей. 27 Прииде же Иаков ко Исааку отцу своему (еще живу сущу ему) в Мамврию, во Град Польный: сей есть Хеврон в земли Ханаанстей, идеже обита Авраам и Исаак. 28 Быша же дни Исааковы, яже поживе, сто осмьдесят лет: 29 и ослабев Исаак умре, и приложися к роду своему стар исполну дний: и погребоста его Иисав и Иаков, сынове его.

36 Сии же родове Иисавли, сей есть Едом. 2 Иисав же поя себе жены от дщерей Хананейских: Аду, дщерь Елома Хеттеина, и Оливему, дщерь Анану сына Севегона Евейна, з и Васемафу, дщерь Исаилю, сестру Навеофову. 4 Роди же Ада Иисаву Елифаса, и Васемаф роди Рагуила, 5 и Оливема роди Иеуса и Иеглома и Корея: сии сынове Иисавли, иже быша ему в земли Ханаанстей. 6 Поя же Иисав жены своя и сыны своя и дщери своя, и вся телеса дому своего и вся имения своя и вся скоты, и вся, елика притяжа, и вся, елика приобрете в земли Ханаанстей, и отиде Иисав из земли Ханаанской от лица Иакова брата своего: 7 бяху бо имения их многа, еже жити вкупе: и не можаше земля обитания их вместити их, от множества имений их. 8 Вселися же Иисав на горе Сиир: Иисав той есть Едом. 9 Сии же родове Иисава, отца Едомля, на горе Сиир: 10 и сия имена сынов Иисавлих: Елифас, сын Ады, жены Иисавли, и Рагуил, сын Васемафы, жены Иисавли. 11 Быша же Елифасу сынове: Феман, Омар, Софар, Гофом и Кенез. 12 Фамна же бяше наложница Елифаса, сына Иисавля, и роди Елифасу Амалика: сии сынове Ады, жены Иисавли. 13 Сии же сынове Рагуиловы: Нахоф, Заре, Соме и Мозе: сии быша сынове Васемафы, жены Иисавли. 14 Сии же сынове Оливемы дщере Анани сына Севегона, жены Иисавли: роди же Иисаву Иеуса и Иеглома и Корея. 15 Сии старейшины сына Иисавля, сынове Елифаса, первенца Иисавля: старейшина Феман, старейшина Омар, старейшина Софар, старейшина Кенез, 16 старейшина Корей, старейшина Гофом, старейшина Амалик: сии старейшины Елифаса в земли Идумейстей, сии сынове Адны. 17 И сии сынове Рагуила, сына Иисавля: старейшина Нахоф, старейшина Заре, старейшина Соме, старейшина Мозе: сии старейшины Рагуиловы в земли Едомстей, сии сынове Васемафы, жены Иисавли. 18 Сии же сынове Оливемы, жены Иисавли: старейшина Иеус, старейшина Иеглом, старейшина Корей: сии старейшины Оливемы, дщере Анани, жены Иисавли, 19 сии сынове Иисавли и сии старейшины их, сии суть сынове Едомли. 20 Сии же сынове Сиира Хорреова жившаго на земли: Лотан, Совал, Севегон, Ана 21 и Дисон, и Асар и Рисон: сии старейшины Хорреова сына Сиира в земли Едомстей. 22 Быша же сынове Лотани: Хорри и Еман, сестра же Лотания Фамна. 23 Сии же сынове Соваловы: Голам и Манахаф, и Гевил и Софар и Омар. 24 И сии сынове Севегони: Аие и Ана: сей есть Ана, иже обрете иаминъ в пустыни, егда пасяще подяремники Севегона, отца своего. 25 Сии

же сынове Анани: Дисон и Оливема, дщи Ананя. 26 Сии же сынове Дисоновы: Амада и Асван, и Ифран и Харран. 27 Сии же сынове Асаровы: Валаам и Зукам, и Укам и Укан. 28 Сии же сынове Рисоновы: Ос и Аран. 29 Сии же старейшины Хорриовы: старейшина Лотан, старейшина Совал, старейшина Севегон, старейшина Ана, 30 старейшина Дисон, старейшина Асар, старейшина Рисон: сии старейшины Хорриовы во областех их в земли Едомли. 31 И сии царие царствовавши во Едоме, прежде царствования царей во Израили: 32 и царствова во Едоме Валак, сын Веоров: имя же граду его Деннава. 33 Умре же Валак, и царь бысть по нем Иовав, сын Зарин от Восорры. 34 Умре же Иовав, и царь бысть по нем Асом от земли Феманони. 35 Умре же Асом, и бысть царь по нем Адад сын Варадов, иже изсече Мадиама на поли Моавли: имя же граду его Гетфем. 36 Умре же Адад, и царь бысть по нем Самада от Массеккаса. 37 Умре же Самада, и царь бысть по нем Саул из Роовофа, иже есть близ реки. 38 Умре же Саул, и царь бысть по нем Ваалленон, сын Аховорь. 39 Умре же Ваалленон сын Аховорь, и царь бысть по нем Арад, сын Варадов: и имя граду его Фотор, имя же жене его Метевеиль, дщерь Матраифа, сына Мезоовля. 40 Сия имена старейшин Исавлих в племенех их, по мести их, во странах их и в языщех их: старейшина Фамна, старейшина Гола, старейшина Иефер, 41 старейшина Оливема, старейшина Ила, старейшина Финон, 42 старейшина Кенез, старейшина Феман, старейшина Мазар, 43 старейшина Магедиил, старейшина Зафой: сии старейшины Едомли, живущи в земли притяжания их: сей Исав отец Едомль.

37 Вселился же Иаков в земли, идеже обита Исаак, отец его, в земли Ханаани. 2 Сии же роди Иаковли. Иосиф же бяше седминадесяти лет, пасый овцы отца своего с братиею своею, юн сый, с сынми Валлы и с сынми Зелфы, жен отца своего: нанесоша же на Иосифа злу клевету ко Израилю отцу своему. 3 Иаков же любляше Иосифа паче всех сынов своих, яко сын в старости ему бысть: и створи ему ризу пестру. 4 Видевше же братия его, яко любит его отец паче всех сынов своих, возненавидеша его и не можаху глаголати к нему ничтоже мирно. 5 Видев же Иосиф сон, поведа и братии своей 6 и рече им: послушайте сна сего, егоже видех: 7 мнех вас вяжущих снопы среде поля: и воста мой сноп и ста прямо, ваши же снопы обратившеся поклонишася моему снопу. 8 Реша же ему братия его: еда царствуя царствовати будеши над нами, или господствуя

господствовать будеши над нами? И приложиша еще ненавидети его снов ради его и ради словес его. 9 Виде же сон другой и поведа его отцу своему и братии своей, и рече: се, видех другой сон: аки бы солнце и луна и единонадесять звезд покланяхуся мне. 10 И запрети ему отец его и рече ему: что сон сей, егоже еси видел? Еда пришедше приидем аз и мати твоя и братия твоя поклонитися тебе до земли? 11 Позавидеша же ему братия его: отец же его соблюде слово сие. 12 Отидоша же братия его пасти овцы отца своего в Сихем. 13 И рече Израиль ко Иосифу: еда братия твоя не пасут в Сихем? Гряди да послю тя к ним. Рече же ему: се, аз. 14 Рече же ему Израиль: шед, виждь, аще здравствуют братия твоя и овцы, и повеждь ми. И посла его от юдоли Хеврони. И прииде в Сихем: 15 и обрете его человек заблуждающа на поли: вопросы же его человек глаголя: чесого ищещи? 16 Он же рече: братии моя ишу: повеждь ми, где пасут. 17 Рече же ему человек: отидоша отсюду: слышах бо их глаголющих: пойдем в Дофайм. И иде Иосиф вслед братии своея и обрете я в Дофайме. 18 Предузврежа же его издалече, прежде приближения его к ним, и зле умыслиша убить его: 19 рече же кийждо к брату своему: се, сновидец оный идет: 20 ныне убо приидите, убием его и ввержим его во един от рвов, и речем: зверь лют снеде его: и узрим, что будут сония его. 21 Слышав же Рувим, отя его из рук их и рече: не убием его на души. 22 Рече же им Рувим: не пролийте крове, вверзите его во един от рвов сих, иже в пустыни, руки же не возложите на него: (тщащеся бо) яко да изымет его от рук их и отдаст его отцу своему. 23 Бысть же егда прииде Иосиф к братии своей, совлекоша со Иосифа ризу пеструю, яже на нем, 24 и поемше его ввергша в ров: ров же тощъ, воды не имаше. 25 И седоша ясти хлеб, и воззревше очима видеша, и се, путники Исмаилтяне идяху от Галаада, и велблуды их полны фимиама и ритини и стакти: идяху же везуще во Египет. 26 Рече же Иуда ко братии своей: кая польза, аще убием брата нашего и скрыем кровь его? 27 Грядите продадим его Исмаилтяном сим: руце же наши да не будут на нем, яко брат наш и плоть наша есть. Послушаша же братия его. 28 И мимоидоша человекцы Мадиамстии купцы: и извлекоша и возведоша Иосифа из рова, и продаша Иосифа Исмаилтяном на двадесять златниц. И поведоша Иосифа во Египет. 29 Возвратися же Рувим к рову и не узре Иосифа в рове: и растерза ризы своя, 30 и прииде ко братии своей и рече: отрочища несть, аз же камо иду ктому? 31 Вземше же ризу Иосифову, заклаша козлище от коз и помазаша ризу

кровию: 32 и послаша ризу пеструю, и принесоша ко отцу своему и рекоша: сию обретохом: познавай, аще риза сына твоего есть, или ни? 33 И познаю и рече: риза сына моего есть: зверь лют снеде его: зверь восхити Иосифа. 34 И растерза Иаков ризы своя, и возложи вретище на чресла своя, и плакашеся сына своего дни многи. 35 Собрахася же вси сынове его и дщери и придоша утешити его: и не хотяше утешитися, глаголя: яко сниду к сыну моему сетуя во ад. И плакася о нем отец его. (Sheol h7585) 36 Мадиане же продаша Иосифа во Египет Пентефию евнуху фараонову, архимаги.

38 Бысть же в то время, отиде Иуда от братии своея и прииде к человеку некоему Одолламитину, ему же имя Ирас: 2 и виде тамо Иуда дщерь человека Хананейска, ейже имя Сава: и поятю, и виде к ней: 3 и заченши роди сына, и нарече имя ему Ир: 4 и заченши еще роди сына и нарече имя ему Авнан: 5 и приложивши роди сына (третияго) и нарече имя Силом: сия же бе в Хасве, егда роди сих. 6 И поя Иуда жену Иру первенцу своему, ейже имя Фамарь. 7 Бысть же Ир первенец Иудин зол пред Господем: и уби его Бог. 8 Рече же Иуда Авнану: види к жене брата твоего и совокупися с нею, и возстави семя брату твоему. 9 Познав же Авнан, яко не ему будет семя, бысть егда вхождаше к жене брата своего, проливаше (семя) на землю, еже не дати семене брату своему: 10 зло же явися пред Богом, яко сотвори сие: и умертви и сего. 11 Рече же Иуда Фамари, невестце своей (по смерти дву сынов своих): седи вдовою в дому отца твоего, дондеже велик будет Силом, сын мой. Рече бо (во уме си): да не когда умрет и сей, якоже и братия его. Отшедши же Фамарь, седяше в дому отца своего. 12 Умножишася же дни, и умре Сава жена Иудина. И утешився Иуда, взыде к стригущым овцы его сам, и Ирас пастырь его Одолламитин, во Фамну. 13 И возвестиша Фамари невестце его, глаголюще: се, свекор твой восходит во Фамну стрищи овцы своя. 14 Она же свергши ризы вдовства с себе, облечеся в ризу летнюю и украсися, и седе пред враты Енани, яже суть на пути Фамны: ведяше бо, яко велик бысть Силом: сей же не даде ея ему в жену. 15 И видев ю Иуда, возмне ю блудницу быти: покры бо лице свое, и не позна ея. 16 Уклонися же к ней путем и рече ей: попусти ми внити к себе. Не позна бо, яко невестка ему есть. Она же рече: что ми даси, аще внидеш ко мне? 17 Он же рече: аз тебе послио козлище коз от овец моих. Она же рече: аще даси ми залог, дондеже пришлеши. 18 Он же рече: кий

залог тебе дам? Она же рече: перстень твой и гривну, и жезл иже в руце твоей. И даде ей, и виде к ней, и зача во утробе от него. 19 И воставши отиде, и сверже ризу летнюю с себе и облечеся в ризы вдовства своего. 20 Посла же Иуда козлище от коз рукою пастыря своего Одолламитина взяти залог от жены, и не обрете ея. 21 Вопроси же мужай места того и рече им: где есть блудница бывшая во Енане на распутии? И реше: не бе зде блудница. 22 И возвратися ко Иуде и рече: не обретох: и человецы места того глаголют: несть зде блудницы. 23 Рече же Иуда: да имать та: но да не когда посмеются нам: аз убо послах козлище сие, ты же не обрел еси. 24 Бысть же по трех месяцах, поведаша Иуде, глаголюще: соблуди Фамарь невестка твоя, и се, во утробе имать от блуда. Рече же Иуда: изведите ю, и да сожгут ю. 25 Она же ведома послана к свекру своему, глаголющи: от человека, егоже сия суть, аз во утробе имам. И рече: познай, чий перстень и гривна и жезл сей. 26 Позна же Иуда и рече: оправдася Фамарь паче мене, яко не дах ея Силому сыну моему. И не приложи ктому познati ю. 27 Бысть же егда раждаше, и беста близната во утробе ея. 28 Бысть же в рождении ея, един произнесе руку: вземши же баба навяза на руку его червленъ, глаголющи: сей изыдет первый. 29 Егда же вовлече руку, и абие изыде брат его. Она же рече: что пресечеся тебе ради преграждение? И прозва имя ему Фарес. 30 И посем изыде брат его, ему же бе на руце его червленъ: и прозва имя ему Зара.

39 Иосиф же приведен бысть во Египет. И купи его Пентефрий евнух фараонов архимагир, муж Египтянин, от рук Исмаилян, иже приведоша его тамо. 2 И бяше Господъ со Иосифом: и бяше муж благополучен, и бысть в дому господина своего Египтянина. 3 Ведяше же господин его, яко Господъ бе с ним, и елика творит, Господъ благоустроит в руку его. 4 И обрете Иосиф благодать пред господином своим и благоугоди ему: и постави его над домом своим, и вся, елика быша ему, даде в руки Иосифовы. 5 Бысть же егда постави его над домом своим и над всеми, елика имеяше, и благослови Господъ дом Египтянина Иосифа ради: и бысть благословение Господне на всем имении его в дому и в селех его. 6 И предаде вся, елика быша ему, в руки Иосифовы: и не ведяше от сущих у себе ничтоже, кроме хлеба, егоже ядяше сам: и бяше Иосиф добр образом и красен взором зело. 7 И бысть по словесех сих, и возложи жена господина его очи своя на Иосифа и рече: пребуди со мною. 8 Он же не хотяше и рече жене

господина своего: аще господин мой не весть мене ради ничтоже в дому своем, и вся, елика суть ему, вдаде в руце мои, 9 и ничто есть выше мене в дому сем, ниже изято бысть от мене чотибо, кроме тебе, понеже ты жена ему еси: и како сотворю глагол злый сей и согрешу пред Богом? 10 Егда же Иосифу глаголаше день от дне, и не послушаше ея еже спати и быти с нею. 11 Бысть же сицевый некий день, и вниде Иосиф в дом делати дела своя, и никто же баше от сущих в дому внутрь: 12 и ухвати его за ризы, глаголющи: лязи со мною. И оставил ризы своя в руках ея, убеже и изыде вон. 13 И бысть егда виде, яко оставил ризы своя в руках ея, бежа и изыде вон: 14 и воззваша сущих в дому и рече им глаголющи: видите, введе нам отрока Евреина наругатися нам: вниде ко мне, глаголя: преспи со мною: и возопих гласом великим: 15 и егда услыша он, яко воззвыших глас мой и возопих, оставил ризы своя у мене, отбеже и изыде вон. 16 И удержа ризы у себе, дондеже прииде господин в дом свой. 17 И поведа ему по словесех сих, глаголющи: вниде ко мне отрок Евреин, егоже ввел еси к нам, поругатися мне, и рече ми: да буду с тобою: 18 егда же услыша, яко воздвиго глас мой и возопих, оставил ризы своя у мене, отбеже и изыде вон. 19 И бысть егда услыша господин его глаголы жены своея, елика рече к нему, глаголющи: сице сотвори ми отрок твой: и разгневався яростию, 20 и взем господин Иосифа, вверже его в темницу, в место, идже узники царевы держатся тамо в твердыни. 21 И баше Господь со Иосифом, и возлия на него милость, и даде ему благодать пред начальным стражем темничным: 22 и вдаде старейшина стражей темницу в руце Иосифу и всех вверженых в темницу: и вся, елика творяху тамо, той бе творяй. 23 Старейшина же стражей темничных ничтоже бе ведый его ради: вся бо баша в руках Иосифовых, занеже Господь баше с ним: и елика той творяше, Господь благопспешаше в руку его.

40 Бысть же по словесех сих, согреши старейшина винарск царя Египетска и старейшина житарск господину своему царю Египетскому. 2 И разгневався фараон на оба евнухи своя, на старейшину винарска и на старейшину житарска, 3 и вверже их в темницу во узилище, в место, идже Иосиф ввержен баше. 4 И вручи их старейшина темницы Иосифу, и предста им: и беста дни (некия) в темнице, 5 и видеста оба сон во едину нощь: видение же сонное старейшины винарска и старейшины житарска, иже беста царя Египетска, суще в темнице,

бяше сие. 6 Вниде же к ним Иосиф заутра и виде их, и бяху смущени: 7 и вопрошаše евнухов фараоних, иже быша с ним в темнице, у господина своего, глаголя: что, яко лица ваша уныла днесъ? 8 Они же реша ему: сон видехом, и разсуждая его несть. Рече же им Иосиф: еда не Богом изявление их есть? Поведите убо мне. 9 И поведа старейшина винарск сон свой Иосифу и рече: во сне моем бяше виноград предо мною: 10 в винограде же три леторасли, и той цветущъ произнесе отрасли, зрелы грозды лозныя: 11 и чаша фараонова в руце моей: и взях грезн, и изжах оный в чашу, и дах чашу в руку фараоню. 12 И рече ему Иосиф: сие разсуждение сему: три леторасли три дни суть: 13 еще три дни, и помянет фараон сан твой, и паки поставит тя в старейшинство твое винарско, и подаси чашу фараону в руку его по сану твоему первому, яко же был еси виночерпий: 14 но помяни мя тобою, егда благо ти будет, и сотвориши надо мною милость, и да помянемши о мне фараону, и изведеши мя от твердыни сея: 15 яко татьбо украден бых из земли Еврейския, и зде ничто зло сотворих, но вверглаша мя в ров сей. 16 И виде старейшина житарск, яко прямо разсуди, и рече Иосифу: и аз виде сон, и мняхся три кошницы хлебов держати на главе моей: 17 в кошнице же верхней от всех родов, яже фараон яст, дело хлебенное, и птицы небесныя ядяху тая от кошницы, яже на главе моей. 18 Отвещав же Иосиф, рече ему: сие разсуждение его: три кошницы три дни суть: 19 еще три дни, и отимет фараон главу твою от тебе и повесит тя на древе, и изядят птицы небесныя плоть твою от тебе. 20 Бысть же в день третий, день рождения баше фараона, и творяше пир всем отроком своим: и помяну старейшинство старейшины винарска и старейшинство старейшины житарска, посреде отрок своих: 21 и постави старейшину винарска в старейшинство его: и подаде чашу в руку фараоню: 22 старейшину же житарска повеси (на древе), яко же сказа има Иосиф. 23 И не помяну старейшина винарск Иосифа, но забы его.

41 Бысть же по двою лету дний, фараон виде сон: мнящеся стояти при реце: 2 и се, аки из реки исходаху седмь крав добры видом и избранны телесы, и пасяхуся по брегу: 3 другия же седмь крав изыдоша по сих из реки, злы видом и телесы худы, и пасяхуся с кравами по брегу речному: 4 и поядоша седмь кравы злыя и худыя телесы седмь крав добрых видом и избранных телесы: (и сия невидимы баша, яко внидоша в чресла их). Воста же фараон. 5 И виде сон второй: и се, седмь класи исходаху из стеблия единаго избранны

и добры: 6 друзии же седьмь класи тонцыи, истончени ветром, израстаху по них: 7 и пожроша седьмь класи тонцыи и истончени ветром седьмь класов избранных и полных. Воста же фараон, и бяше сон. 8 Бысть же заутра, и возмутися душа его: и послав, созва вся сказатели Египетскии и вся мудрыя его: и поведа им фараон сон свой: и не бяше сказуя того фараону. 9 И рече старейшина винарск к фараону, глаголя: грех мой воспоминаю днесъ: 10 фараон разгневався на рабы своя и вверже нас в темницу в дому архимагира, мене и старейшину житарска: 11 и видехом сон оба единиа нощи аз и он, кийждо свой сон видехом: 12 бяше же тамо с нами юноша, отрок Евреин архимагиров, и поведахом ему, и разсуди нам: 13 бысть же, якоже сказа нам, тако и случися, мне паки быти во своем старейшинстве, а оному повешену. 14 Послав же фараон, призва Иосифа: и изведоша его из твердыни, и остириоша его, и измениша ризы ему, и прииде к фараону. 15 Рече же фараон Иосифу: сон видех, и сказуя его несть: аз же слышах о тебе глаголющих, яко слышав сны разсуждаши тыя. 16 Отвещав же Иосиф фараону, рече: без Бога не отвещается спасение фараону. 17 Рече же фараон Иосифу, глаголя: во сне моем мняхся стояти на брезе речнем: 18 и аки из реки исходаху седьмь кравы добры видом и избранны телесы, и пасяхуся по брегу: 19 и се, другия седьмь крав исходаху вслед их из реки, злы и недобры видом и худы телесы, яковых не виде таковых во всей земли Египетстей хуждших: 20 и изядоша седьмь кравы злыя и худыя седьмь крав первых добрых и избранных: 21 и внидоша во утробы их, и не явишася, яко внидоша во утробы их: и обличия их зла быша, яко и исперва. Востав же, (паки) уснух, 22 и видех паки во сне моем, и аки седьмь класи исходаху из единаго стеблия полны и добры: 23 друзьяи же седьмь класи тонцыи и ветром истончени изницаху вслед их: 24 и пожроша седьмь класи тонцыи и ветром истончени седьмь класов добрых и полных. Рех убо сказателем, и не бысть поведаяй мне того. 25 И рече Иосиф фараону: сон фараонов един есть: елика Бог творит, показа фараону: 26 седьмь кравы добрыя седьмь лет суть: и седьмь класи добрии седьмь лет суть: сон фараонов един есть: 27 и седьмь кравы худыя, яже изыдоша по сих, седьмь лет суть, и седьмь класи тонцыи и истончени ветром седьмь лет суть: будут седмь лет глада: 28 слово же еже рех фараону, елика Бог творит, показа фараону: 29 се, седьмь лет приходит, обилиность многа во всей земли Египетстей: 30 приидут же седмь лет глада по сих, и забудут сътости

будущия во всем Египте, и погубит глад землю, 31 и не познается обилие на земли от глада будущаго по сих: силен бо будет зело: 32 повторися же сон фараону дважды, яко истинно будет слово еже от Бога, и ускорит Бог сотворити оно: 33 ныне убо усмотря человека мудра и смыслена и постави его над землею Египетскою: 34 и да сотворит фараон и поставит местоначалники по земли, и да собирают пятую часть от всех плодов земли Египетския седми лет обильных, 35 и да соберут всякую пищу седми лет грядущих добрых сих: и да соберется пшеница под руку фараоню, пища во градех да хранится: 36 и будет пища соблюдена земли на седмь лет гладных, яже имут быти в земли Египетстей, да не потребится земля в гладе. 37 Угодно же бысть слово пред фараоном и пред всеми рабы его. 38 И рече фараон всем рабом своим: еда обрящем человека сицеваго, иже имать Духа Божия в себе? 39 Рече же фараон Иосифу: понеже показа Бог тебе вся сия, несть человека мудрейша и смысленнейша паче тебе: 40 ты будеши в дому моем, и уст твоих да послушают вси людие мои, разве престолом аз более тебе буду. 41 Рече же фараон Иосифу се, поставляю тя днесъ над всею землею Египетскою. 42 И снем фараон перстень с руки своея, возложи его на руку Иосифову, и облече его в ризу червлену, и возложи гривну злату на выю его, 43 и всади его на колесницу свою вторую, и проповеда пред ним проповедник: и постави его над всею землею Египетскою. 44 Рече же фараон Иосифу: аз фараон: без тебе не воздвигнет руки своея никто же во всей земли Египетстей. 45 И нарече фараон имя Иосифу Псонфомфаних: и даде ему Асенефу, дщерь Петефрия жреца Илиопольского, ему в жену. 46 Иосиф же бяше лет тридесяти, егда предста фараону царю Египетскому. Изыде же Иосиф от лица фараона и пройде всю землю Египетскую. 47 И сотвори земля в седми летех обилну жатву. 48 И собра всякую пищу седми лет, в нихже бяше обилиность в земли Египетстей: и положи пищу во градех: пищи поль града, сущих окрест его, положи в нем. 49 И собра Иосиф пшеницу яко песок морской многу зело, дондеже не можаху исчести: без числа бо бяше. 50 Иосифу же беста два сына, прежде пришествия седми лет гладных, ихже роди ему Асенефа, дщерь Петефрия жреца Илиопольска: 51 нарече же Иосиф имя первенцу Манассиа, (глаголя:) яко забыти мне сотвори Бог вся болезни моя, и вся, яже отца моего. 52 Имя же второму нарече Ефраим, (глаголя:) яко возрасти мя Бог в земли смирения моего. 53 Минуша же седмь лет обильных, яже быша в земли Египетстей, 54 и начаша седмь лет

гладных приходити, яко же рече Иосиф. И бысть глад по всей земли: во всей же земли Египетстей быша хлебы. 55 И взалка вся земля Египетская: возопи же народ к фараону о хлебех. Рече же фараон всем Египтяном: идите ко Иосифу, и еже речет вам, сотворите. 56 И глад бяше на лицах всея земли. Отверзе же Иосиф вся житницы, и продаяше всем Египтяном: 57 и вся страны приходжаху во Египет, куповати ко Иосифу: обдергаше бо глад всю землю.

42 Видев же Иаков, яко купля есть (пшеницы) во

Египте, рече сыном своим: почто не радите? 2 Се, слышах, яко есть пшеница во Египте: идите тамо и купите нам мало пищи, да живи будем и не умрем. 3 Идоша же братия Иосифовы десять купити пшеницы во Египет. 4 Вениамина же, брата Иосифова, не отпусти с братиою его, рече бо: да не когда случится (на пути) ему зло. 5 Придоша же сынове Израилевы купити с приходящими: бяше бо глад в земли Ханаанстей. 6 Иосиф же бяше князь земли: сей продаяше всем людем земли (той). Пришедш же братия Иосифовы, поклонишаася ему лицем до земли. 7 Видев же Иосиф братию свою, позна: и отчуждашеся их, и глаголаше им жестоко, и рече им: откуду приидосте? Они же реша: от земли Ханаанский купити пищи. 8 Позна же Иосиф братию свою: они же не познаша его. 9 И помяну Иосиф сны своя, яже виде он: и рече им: соглядатаи есте, соглядати путий страны (сех) приидосте. 10 Они же реша: ни, господине, раби твои приидохом купити пищи: 11 вси есмы сынове единаго человека: мирницы есмы, не суть раби твои соглядатаи. 12 Рече же им: ни, но пути земли (сех) приидосте соглядати. 13 Они же реша: дванадесять есмы братия раби твои в земли Ханаани: и се, менший (от нас) со отцем нашим днесь, а другаго несть. 14 Рече же им Иосиф: сие есть, еже рекох вам, глаголя, яко соглядатаи есте: 15 в сем явитеся: тако ми здравия фараона, не изыдете отсюду, аще брат ваш менший не приидет сено: 16 послите от себе единаго, и возмите брата вашего: вы же держими будите, дондеже яве будут словеса ваша, аще истинствуете, или ни: аще же ни, тако ми здравия фараона, воистину соглядатаи есте. 17 И даде я под стражу на три дни. 18 Рече же им в день третий: сие сотворите, и живи будете: Бога бо аз боюся: 19 аще мирницы есте, брат ваш да удержится един под стражею: сами же идите и отвезите купленую пшеницу вашу, 20 и брата вашего меншаго приведите ко мне, и верна будут словеса ваша: аще же ни, умрете. И сотвориша тако. 21 И рече кийждо к брату своему: ей, во гресех бо есмы

брата ради нашего, яко презрехом скорбение души его, егда моляшеся нам, и не послушахом его: и сего ради прииде на ны скорбение сие. 22 Отвешав же Рувим, рече им: не рех ли вам, глаголя: не преобидите детища? И не послушасте мене: и се, кровь его взыскуется. 23 Ти же не ведеша, яко разумеет Иосиф: толмачь бо между ими бяше. 24 Отвратився же от них, проплакася Иосиф: и паки прииде к ним и рече им. И поя Симеона от них, и связа его пред ними. 25 Повеле же Иосиф наполнити сосуды их пшеницы и возвратити сребро их комуждо во вретище свое и дати им брашно на путь. И бысть им тако. 26 И возложивше пшеницу на ослы своя, отиода оттуду. 27 Отречив же един вретище свое дати пищу ослом своим, идеже сташа, и виде узел сребра своего, и бе верху устия вретищаго. 28 И рече братии своей: возвращено ми есть сребро, и се, сие во вретищи моем. И ужасеся сердце их: и возмятошаася, друг ко другу глаголюще: что сие сотвори Бог нам? 29 Придоша же ко Иакову, отцу своему, в землю Ханааню и поведаша ему вся случившаяся им, глаголюще: 30 глагола муж господин земли (онъя) к нам жестоко и вверже нас в темницу, аки соглядающих землю: 31 рехом же ему: мирницы есмы, несмы соглядатаи: 32 дванадесять братия есмы, сынове отца нашего: единаго несть, а менший со отцем нашим днесь в земли Ханаани: 33 рече же нам муж господин земли (той): по сему uwem, яко мирницы есте: брата единаго оставите зде у мене, а купленую пшеницу дому вашему вземше отидите 34 и приведите ко мне брата вашего меншаго: и uwem, яко не соглядатаи есте, но яко мирницы есте: и брата вашего отдам вам, и куплю творите в земли. 35 Бысть же егда испраздняху вретища своя, и бяше узел сребра во вретищи коегождо их: и видеша узлы сребра своего сами и отец их, и убояшася. 36 Рече же им Иаков отец их: мене безчадна сотвористе: Иосифа несть, Симеона несть, и Вениамина ли поймете? На мя быша сия вся. 37 Рече же Рувим отцу своему, глаголя: двоих сынов моих убий, аще не приведу его к тебе: даждь его в руце мои, и аз приведу его к тебе. 38 Он же рече: не пойдет сын мой с вами, яко брат его умре, и той един оста: и случится ему зло на пути, в онъже аще пойдете, и сведете старость мою с печалию во ад. (Sheol h7585)

43 Глад же одоле на земли. 2 Бысть же егда скончаша пшеницу ядуще, юже принесоша из Египта: и рече им отец их: паки шедше купите нам мало пищи. 3 Рече же ему Иуда, глаголя: клятвою засвидетельствова нам муж господин земли (той) глаголя: не узрите лица моего,

аще брат ваш менший не приидет с вами: 4 аще убо послеши брата нашего с нами, пойдем и купим тебе пищи: 5 аще же не послеши брата нашего с нами, не пойдем: муж бо рече нам, глаголя: не узрите лица моего, аще брат ваш менший не приидет с вами. 6 Рече же Израиль: почему зло сотористе ми, поведавше мужу, яко есть вам брат? 7 Они же реша: вопрошаю вопроси нас муж и рода нашего, глаголя: аще еще отец ваш жив есть, и аще есть вам брат? И поведаю ему по вопросу сему: еда ведехом, яко речет нам: приведите брата вашего? 8 Рече же Иуда ко Израилю, отцу своему: отпусти отрица со мною: и воставше пойдем, да живи будем и не умрем, и мы и ты и имение наше: 9 аз же возму его: от руку мою взыщи его: аще не приведу его к тебе, и поставлю его пред тобою, грешен буду к тебе вся дни: 10 аще бо быхом не умели, уже возвратилися бы дважды. 11 Рече же им Израиль отец их: аще тако есть, сие соторите: возмите от плодов земных в сосуды своя и донесите человеку дары, ритину, мед, фимиама же и стакти, и теревинф и орехи: 12 и сребро сугубо возмите в руце свои, и сребро обретенное во вретицах ваших возвратите с собою, да не како неведение есть: 13 и брата своего поимите, и воставше идите к мужу: 14 Бог же мой да даст вам благодать пред мужем и отпустит брата вашего единаго, и Вениамина: аз бо яко же обезчадех, обезчадех. 15 Вземше же мужие дары сия, и сребро сугубое взяша в руце свои, и Вениамина: и воставше придоша во Египет, и стала пред Иосифом. 16 Виде же их Иосиф, и Вениамина брата своего единоматеря, и рече строителю дому своего: введи мужы (сия) в дом, и заколи от скота, и уготовай: со мною бо ясти имут мужие (сии) хлеб в полудне. 17 Сотори же человек, яко же рече Иосиф, и введе мужы в дом Иосифов. 18 Видевше же мужие, яко введоша их в дом Иосифов, реша: сребра ради возвращенного во вретицах наших первее, вводят ны, еже бы оклеветати нас и нанести на ны, да поймут нас в рабы, и ослы наша. 19 Приступивше же к человеку сущему над домом Иосифовыим, рекоша ему при вратах дому, 20 глаголюще: молим тя, господине: придохом первее купити пищи: 21 бысть же егда придохом на стан и отрешихом вретица своя, и се, сребро коегождо во вретица его: тое сребро наше весом возвратихом ныне руками нашими: 22 и сребро другое принесохом с собою купити пищи: не вемы, кто вложи сребро во вретица наша. 23 Рече же им: мир вам, не бойтесь: Бог ваш и Бог отец ваших даде вам сокровища во вретицах ваших: а сребро ваше за приятное имею. И изведе к ним Симеона:

24 и принесе воду омыти нозе им, и даде пажити ослом их. 25 Уготоваша же дары, дондеже приидет Иосиф в полудне: слышаша бо, яко тамо имать обедати. 26 Прииде же Иосиф в дом: и принесоша ему дары, яже имаху в руках своих, в дом: и поклонишаася ему лицем до земли. 27 И вопросы их: здрави ли есте? И рече им: здрав ли есть отец ваш, старец, егоже рекосте, еще ли жив есть? 28 Они же рекоша: здрав есть раб твой, отец наш, еще жив есть. И рече: благословен человек оный Богу. И приникши поклонишаася ему. 29 Воззрев же очима своими Иосиф, виде Вениамина брата своего единоматеря и рече: сей ли есть брат ваш юнейший, егоже рекосте ко мне привести? И рече: Бог да помилует тя, чадо. 30 Возмутися же Иосиф: подвигжеся бо утроба его о брате своем, и искаше плакати: вшед же в ложницу, плакася тамо. 31 И умыв лице, изшед удержася и рече: предложите хлебы. 32 И предложиша ему единому, и оным особно, и Египтяном, иже с ним ядяху, особно: не можаху бо Египтяне ясти хлеба со Евреи: мерзость бо есть Египтяном (всяк пастух овчий). 33 Седоша же прямо ему первенец по старейшинству своему и менший по меньшеству своему, и дивляхуся мужие кийждо ко брату своему: 34 и взяша части от него к себе: вящшая же бысть часть Вениаминова паче всех частей пятерицею, неже оных: пиша же и упишася с ним.

44 И заповеда Иосиф домостроителю своему, глаголя: наполните вретища мужем пищи, елико могут понести: и вложите комуждо сребро верху устия вретица: 2 и чашу мою сребряную вложите во вретище меньшаго, и цену пшеницы его. Бысть же по словеси Иосифову, яко же рече. 3 Утро возсия, и мужие отпустишаася сами, и осяляти их. 4 Изшедше же они из града, не отидоша далече: и рече Иосиф домостроителю своему: востав гони вслед мужей и постигни их, и рцы им: что яко воздасте (ми) злая за благая? 5 Вскую украдосте чашу мою сребряну? Не сия ли есть, из неяже пиет господин мой? Он же и волхвованием волхвует в ней: злая совершисте, яже сотористе. 6 Обрет же их, рече им по словесем сим. 7 Они же реша ему: вскую глаголет господин словеса сия? Не буди рабом твоим соторити по словеси сему: 8 аще сребро, еже обретохом во вретицах наших, возвратихом к тебе от земли Ханаани, како быхом украли из дому господина твоего сребро или злато? 9 У негоже аще обрящеши чашу от раб твоих, да умрет: и мы будем раби господину нашему. 10 Он же рече: и ныне, яко же глаголете, тако будет: у негоже аще обрящется чаша,

будет мой раб, вы же будете чисти. 11 И потщахася, и сверже кийждо вретище свое на землю, и отверзоша кийждо вретище свое. 12 Изыска же от старейшаго зачен, дондеже прииде до меньшаго, и обрете чашу во вретищи Вениамини. 13 И растерзаша ризы своя, и возложиша кийждо вретище свое на осля свое, и возвратиша в град. 14 Внide же Иуда и братия его ко Иосифу, еще ему сущу ту, и падоша пред ним на землю. 15 Рече же им Иосиф: что дело сие сотвористе? Не ведасте ли, яко несть волхвователь человек, якоже аз? 16 Рече же Иуда: что отвещаем господину, или что возглаголем, или чим оправдимся? Бог же обрете неправду рабов твоих: се, мы есмы раби господину нашему, и мы, и у него же обретеся чаша. 17 Рече же Иосиф: не буди ми сотворити глагол сей: муж, у него же обретеся чаша, той будет ми раб: вы же поидите в целости ко отцу своему. 18 Приступив же к нему Иуда, рече: молю тя, господине, да речет раб твой слово пред тобою, и не прогневайся на раба твоего, яко ты еси по фараоне: 19 господине, ты вопроша еси рабов твоих, глаголя: аще имате отца, или брата? 20 И рехом господину: есть нам отец стар, и отроиць на старость меньший ему, а брат его умре, он же един останя у матере своея, отец же возлюби его. 21 Ты же рекл еси рабом твоим: приведите его ко мне, да вижду его. 22 И рехом господину: не возможет отроиць оставити отца своего: аще же оставит отца, умрет. 23 Ты же рекл еси рабом твоим: аще не приидет брат ваш меньший с вами, не приложите ктому видети лица моего. 24 Бысть же егда приидох к рабу твоему отцу нашему, поведахом ему словеса господина нашего, 25 рече же нам отец наш: идите паки и купите нам мало пищи. 26 Мы же рекохом: не возможем ити: но аще брат наш меньший идет с нами, пойдем: ибо не возможем видети лицо мужа, брату нашему меньшему не сущу с нами. 27 Рече же раб твой, отец наш к нам: вы весте, яко двоих роди мне жена: 28 и отиде един от мене, и рекосте, яко зверем снеден бысть, и не видех его даже до ныне: 29 аще убо поймете и сего от лица моего, и случится ему зло на пути, и сведете старость мою с печалию во ад. (Sheol h7585) 30 Ныне убо аще пойду к рабу твоему, отцу же нашему, и отроиць не будет с нами: (душа же его связана есть с душою сего,) 31 и будет егда увидит он не суща отроиць с нами, умрет: и сведут раби твои старость раба твоего, отца же нашего, с печалию во ад: (Sheol h7585) 32 раб бо твой от отца взя отроиць, глаголя: аще не приведу его к тебе и поставлю его пред тобою, грешен буду ко отцу вся дни. 33 Ныне

убо пребуду тебе раб вместо отроиць, раб господину: отроиць же да идет с братиою своею: 34 како бо пойду ко отцу, отроиць не сущу с нами? Да не вижду злых, яже обрящут отца моего.

45 И не можаше Иосиф удержатися всем предстоящым ему, но рече: отослите всех от мене. И не предстояше ни един Иосифу, егда познавашеся братии своей. 2 И испусти глас с плачем: слышаша же вси Египтяне, и слышано бысть в дому фараонове. 3 Рече же Иосиф братии своей: аз есмь Иосиф: еще ли отец мой жив есть? И не могоша братия отвещати ему: смутиша бо. 4 Рече же Иосиф братии своей: приближитеся ко мне. И приблишился. И рече: аз есмь Иосиф, брат ваш, егоже продасте во Египет: 5 ныне убо не скорбите, ниже жестоко вам да явится, яко продасте мя семо: на жизнь бо посла мя Бог пред вами: 6 сие бо второе лето глад на земли, и еще пять лет оста, в нихже не будет орания, ни жатвы: 7 посла бо мя Бог пред вами оставити вам останок на земли и препитати ваш останок велий: 8 ныне убо не вы посласте мя семо, но Бог: и сотвори мя яко отца фараону и господина всему дому его и князя всей земли Египетстей: 9 потщавшеся убо, взыдите ко отцу моему и рцыте ему: сия глаголет сын твой Иосиф: сотвори мя Бог господина всей земли Египетстей: сниди убо ко мне и не умедли: 10 и вселишися в земли Гесемли аравийстей, и будеши близ мене ты и сынове твои, и сынове сынов твоих, овцы твоя и волове твои, и елика суть твоя: 11 и препитаю тя тамо, еще бо пять лет будет глад на земли, да не погибнеша ты и сынове твои, и вся имения твоя. 12 Се, очи ваши видят, и очи Вениамина брата моего, яко уста моя глаголющая к вам: 13 возвестите убо отцу моему всю славу мою сущую во Египте, и елика видите: и ускоривше, приведите отца моего семо. 14 И напад на выю Вениамина, брата своего, плакася над ним, и Вениамин плакася на выу его. 15 И облобызав всю братию свою, плакася над ними: и по сих глаголаша к нему братия его. 16 И пронесеся глас в дому фараонове, глаголюще: приидоша братия Иосифова. Возрадовася же фараон и раби его. 17 Рече же фараон ко Иосифу: рцы братии своей: сие сотворите: наполните сосуды ваша (пшеницы) и идите в землю Ханааню, 18 и вземше отца вашего и имения ваша, приидите ко мне: и дам вам от всех благ Египетских, и снесте тук земли: 19 ты же заповеждь сия: взяти им колесницы от земли Египетской, детем их и женам их: и поимще отца своего, приидите: 20 и не пощадите очима сосудов ваших: вся

бо благая Египетская вам будут. 21 Соториша же тако сынове Израилевы: даде же им Иосиф колесницы по повелению фараона царя (Египетска), и даде им брашно на путь: 22 и всем даде сугубы ризы, Вениамину же даде триста златниц и пятеры ризы пременныя: 23 и отцу своему посла такожде, и десять ослов везущих от всех благ Египетских, и десять мсков везущих хлебы на путь отцу его. 24 И отпусти братию свою. И отидаша. И рече им: не гневайтесь на пути. 25 Изыдоша же из Египта и придоша в землю Ханааню ко Иакову отцу своему 26 и поведаша ему глаголюще: яко сын твой Иосиф жив есть, и он владеет над всею землею Египетскою. И ужасеся в мысли Иаков: не вероваше бо им. 27 Глаголаша же ему вся реченная от Иосифа, елика рече им. Узрев же колесницы, яже посла Иосиф, еже взяти его, оживе дух Иакова, отца их, 28 и рече Израиль: велико ми есть (сие), аще еще Иосиф сын мой жив есть: шед узрю его, прежде неже умрети ми.

46 Востав же Израиль сам и вся сущая его, прииде ко кладязю Клятвенному и пожре жертву Богу отца своего Исаака. 2 Рече же Бог ко Израилю в видении ношию, глаголя: Иакове, Иакове. Он же рече: что есть? 3 Он же рече ему: Аз есмь Бог отцев твоих, не убойся изыти во Египет: в язык бо велий соторио тя тамо: 4 и Аз сниду с тобою во Египет, и Аз возведу тя до конца: и Иосиф возложит руки своя на очи твои. 5 Воста же Иаков от кладязя Клятвенного, и взяша сынове Израиля отца своего, и стяжение, и жены своя на колесницы, яже посла Иосиф, взяти его: 6 и вземше имения своя и все стяжение, еже стяжаша в земли Ханаанстей, внидоша во Египет Иаков и все семя его с ним: 7 сынове и сынове сынов его с ним, дщери и дщери дщерей его, и все семя свое введе во Египет. 8 Сия же имена сынов Израилевых вшедших во Египет купно со Иаковом отцем своим: Иаков и сынове его: первенец Иаковль Рувим. 9 Сынове же Рувимли: Енох и Фаллос, Асрон и Харми. 10 Сынове же Симеони: Иемуил и Иамин, и Аод и Ахин, и Саар и Саул, сын Хананитидин. 11 Сынове же Левини: Гирсон, Кааф и Мерарий. 12 Сынове же Иудины: Ир и Авнан, и Силом и Фарес и Зара: умроша же Ир и Авнан в земли Ханаани. Быша же сынове Фаресу: Есром и Иемуил. 13 Сынове же Иссахаровы: Фола и Фуа, и Асум и Самвран. 14 Сынове же Завулони: Серед и Аллон и Ахоил. 15 Сии сынове Лиини, ихже роди Иакову в Месопотамии Сирстей, и Дину дщерь его: всех душ сынов и дщерей тридесять три. 16 Сынове же Гадовы: Сафон и Ангис, и

Саннис и Фасован, и Аидис и Ароидис и Ареилис. 17 Сынове же Асировы: Иемна и Есса, и Иеул и Вария, и Сара сестра их. Сынове же Варини: Ховор и Мелхиил. 18 Сии сынове Зелфины, юже даде Лаван Лии, дщери своей, яже роди сих Иакову, шестьнадесять душ. 19 Сынове же Рахили, жены Иаковли: Иосиф и Вениамин. 20 Быша же сынове Иосифу в земли Египетстей, ихже роди ему Асенефа, дщи Петефрия жреца Илиопольска, Манассию и Ефрема. Быша же сынове Манассиины, ихже роди ему наложница Сира, Махира. Махир же роди Галаада. Сынове же Ефраима, брата Манассиина: Суталаам и Таам. Сынове же Суталаамли, Едом. 21 Сынове же Вениамини: Вала и Ховор и Асфил. Быша же сынове Валовы: Гира и Ноеман, и Анхис и Рос, и Мамфим и Офимим. Гира же роди Арада. 22 Сии сынове Рахилины, ихже роди Иакову, всех душ осмынадесять. 23 Сынове же Дановы: Асом. 24 Сынове же Неффалимли: Асиил и Гони, и Иссаар и Селлим. 25 Сии сынове Валлины, юже даде Лаван Рахили дщери своей, яже роди сих Иакову: всех душ седмь. 26 Всех же душ вшедших со Иаковом во Египет, яже изыдоша из чресел его, кроме жен сынов Иаковлих, всех душ шестьдесят шесть. 27 Сынове же Иосифовы, иже быша ему в земли Египетстей, душ девять: всех душ дому Иаковля, яже придоша со Иаковом во Египет, душ седьмьдесят пять. 28 Иуду же посла пред собою ко Иосифу срести его у Иройска града в земли Рамессийстей. 29 Впряг же Иосиф колесницы своя, изыде во сретение Израилю, отцу своему, ко Ироону граду: и явився ему, нападе на выю его и плакася плачем великим. 30 И рече Израиль ко Иосифу: да умру отныне, понеже видех лице твое: еще бо ты еси жив. 31 Рече же Иосиф ко братии своей: шед повем фараону и реку ему: братия моя и дом отца моего, иже быша в земли Ханаани, придоша ко мне: 32 они же суть мужие пастуси, мужие бо скотопитатели быша: и скоты, и волы, и вся своя приведоша: 33 аще убо призовет вас фараон и речет вам: что дело ваше есть? 34 Рцыте: мужие скотопитатели есмы, раби твои, издетска даже до ныне, и мы и отцы наши: да вселитесь в земли Гесем аравийстей: мерзость бо есть Египтяном всяк пастух овчий.

47 Пришед же Иосиф, поведа фараону глаголя: отец мой и братия моя, и скоти и волове их, и вся сущая их придоша из земли Ханаани: и се, суть в земли Гесем. 2 От братий же своих поя пять мужей и постави их пред фараоном. 3 И рече фараон к братиям Иосифовым:

что дело ваше? Они же реша фараону: пастуси овчи, раби твои, и мы и отцы наши отдетска и доселе. 4 Рекоша же фараону: обитати в земли приидохом, несть бо пажити скотом раб твоих: одоле бо глад на земли Ханаани: ныне убо да вселимся раби твои в земли Гесем. 5 И рече фараон Иосифу, глаголя: отец твой и братия твоя приидоша к тебе: 6 се, земля Египетская пред тобою есть: на лучшей земли посели отца твоего и братию твою, да вселятся в земли Гесем: аще же веси, яко суть в них мужие сильнии, постави их старейшины скотом моим. (приидоша же во Египет ко Иосифу Иаков и сынове его: и услыша фараон царь Египетский). 7 Введе же Иосиф Иакова отца своего и постави его пред фараоном, и благослови Иаков фараона. 8 Рече же фараон ко Иакову: колико лет дний жития твоего? 9 И рече Иаков фараону: дни лет жития моего, яже обитаю, сто тридесять лет: малы и злы быша дни лет жития моего: не достигша во дни лет жития отец моих, яже дни обиташа. 10 И благословив Иаков фараона, отиде от него. 11 И всели Иосиф отца своего и братию свою, и даде им обдержание в земли Египетской, на лучшей земли, в земли Рамессийской, якоже повеле фараон. 12 И деляше Иосиф пшеницу отцу своему и братии своей и всему дому отца своего по числу лиц. 13 Пшеницы же не бяше во всей земли, одоле бо глад зело: скончавашся же земля Египетская и земля Ханаания от глада. 14 Собра же Иосиф все сребро обретшееся в земли Египетской и в земли Ханаани, за пшеницу, юже куповаху, и размеряше им пшеницу, и внесе Иосиф все сребро в дом фараонов. 15 И оскуде все сребро от земли Египетская и от земли Ханаанская: приидоша же вси Египтяне ко Иосифу, глаголюще: дажь нам хлебы, и вскую умираем пред тобою? Скончася бо сребро наше. 16 Рече же им Иосиф: пригоните скоты вашя, и дам вам хлебы за скоты ваши, аще скончася сребро ваше. 17 Пригнаша же скоты своя ко Иосифу, и даде им Иосиф хлебы за кони и за овцы, и за волы и за ослы, и прекорми их хлебами за вся скоты их в том лете. 18 Прейде же то лето, и приидоша к нему во второе лето и рекоша ему: да не како погибнем от господина нашего? Аще бо скончася сребро наше, и имение и скоты пред тобою, господине, и не остался нам пред господином нашим, точию единого тело и земля наша: 19 да не умрем убо пред тобою, и земля опустеет, купи нас и землю нашу хлебами: и будем мы и земля наша раби фараону: дажь семя, да посеем и живи будем, и не умрем, и земля не опустеет. 20 И купи Иосиф всю землю Египетскую фараону: продаша бо

Египтяне землю свою фараону, ибо одоле им глад: и бысть земля фараону. 21 И люди поработи ему в рабы, от края предел Египетских даже до краев, 22 кроме земли жреческия токмо, тоя бо не купи Иосиф: даянием бо даде в дар жерцем фараон, и ядяху даяние, еже даде им фараон: сего ради не продаша земли своея. 23 Рече же Иосиф всем Египтю: се, купих вас и землю вашу днесъ фараону: возмите себе семена и сейте на земли: 24 и будут плоды ея, и да дасте пятую часть фараону, четыри же части будут вам самем в семена земли и на препитание вам и всем сущым в домех ваших. 25 И рекоша: оживил ны еси, обретохом благодать пред господином нашим, и будем раби фараону. 26 И устави им Иосиф заповедь даже до сего дне на земли Египетской пятую часть даяти фараону, кроме земли жреческия: та точию не бяше фараоня. 27 Вселился же Израиль в земли Египетской, на земли Гесем, и наследствование ю: и возраштоша, и умножиша зело. 28 Поживе же Иаков в земли Египетской седмьнадесять лет: и быша дни Иаковли лет жизни его, сто четыредесять седмь лет. 29 Приближиша же дни Израилю еже умрети, и призыва сына своего Иосифа и рече ему: аще обретох благодать пред тобою, подложи руку твою под стегно мое и сотвориши надо мною милость и истину, еже не погребсти мене во Египте, 30 но да почию со отцы моими: и изнесеши мя из Египта, и погребеши мя во гробе их. Он же рече: аз сотворю по словеси твоему. 31 Рече же: кленися мне. И клятся ему. И поклонися Израиль на конец жезла его.

48 Бысть же по глаголех сих, и поведано бысть Иосифу, яко отец твой изнемогает: и поим два сына своя, Манассию и Ефрема, прииде ко Иакову. 2 Поведаша же Иакову, глаголюще: се, сын твой Иосиф грядет к тебе. И укрепився Израиль седе на одре, 3 и рече Иаков ко Иосифу: Бог мой явися мне в Лузе, в земли Ханаани, и благослови мя 4 и рече ми: се, Аз возвращу тя и умножу тя, и сотворю тя в собрания языков: и дам ти землю сию и семени твоему по тебе во одержание вечное. 5 Ныне убо два сына твоя, иже быша тебе в земли Египетской прежде пришествия моего к тебе во Египет, мои суть: Ефрем и Манассия, аки Рувим и Симеон будут мне: 6 сыны же, яко аще родиши по сих, будут тебе: во имя братии своя призовутся ко жребиям оных: 7 аз же егда идях от Месопотамии Сирския, умре Рахиль мати твоя в земли Ханаани, приближающуся ми ко ипподрому Хаврафы земли, еже приими во Ефрафу: и погребох

ю на пути ипподрома: сей есть Вифлеем. 8 Видев же Израиль сыны Иосифовы, рече: что тебе сии? 9 Рече же Иосиф отцу своему: сынове мои суть, яже даде ми Бог зде. И рече Иаков: приведи ми я, да благословлю их. 10 Очи же Израилю тяжко видеста от старости, и не можаше видети: и приближи их к нему, и лобза их, и обял я. 11 И рече Израиль ко Иосифу: се, лица твоего не лишихся, и се, показа ми Бог и семя твое. 12 И отведе их Иосиф от колен его, и поклониша ему лицем до земли. 13 Пoiим же Иосиф два сына своих, Ефрема в деснице, прямо левицы Израиля, Манассию же в левую, прямо десницы Израилевы, приближи их к нему. 14 Простер же Израиль руку десную, возложи на главу Ефремлю, сей же бяше меньший, а левую на главу Манассину, пременив руце, 15 и благослови я и рече: Бог, Ему же благоугодиша отцы мои пред ним, Авраам и Исаак, Бог, Иже питает мя измлада даже до дне сего, 16 Ангел, иже мя избавляет от всех зол, да благословит детища сия, и прозовется в них имя мое, и имя отец моих, Авраама и Исаака, и да умножатся во множество многое на земли. 17 Видев же Иосиф, яко возложи отец его руку десную свою на главу Ефремлю, тяжко ему явися: и прия Иосиф руку отца своего отятию от главы Ефремли на главу Манассину, 18 и рече Иосиф отцу своему: не тако, отче: сей бо (есть) первенец, возложи руку десную твою на главу его. 19 И не хотяше, но рече: вем, чадо, вем: и сей будет в люди, и сей вознесется: но брат его меньший болий его будет, и семя его будет во множество языков. 20 И благослови я в том дни, глаголя: в вас благословится Израиль, глаголюще: да сотворит тя Бог якоже Ефрема и яко Манассию. И постави Ефрема выше Манассии. 21 Рече же Израиль Иосифу: се, аз умираю, и будет Бог с вами, и возвратит вас от земли сея на землю отец ваших: 22 аз же даю ти Сикиму избранную свыше братии твоей, юже взях из руки Аморрейски мечем моим и луком.

49 Призва же Иаков сыны своя и рече им: соберитеся, да возвещу вам, что срящет вас в последния дни: 2 соберитеся и послушайте мене, сынове Иаковли, послушайте Израиля, послушайте отца вашего. 3 Рувим, первенец мой, ты крепость моя и начало чад моих: жесток терпети и жесток упорник: 4 досадил еси яко вода, да не воскипиши: возшел бо еси на ложе отца твоего, тогда осквернил еси постелью, идже возшел еси. 5 Симеон и Левий братия совершиста обиду от воли своея: 6 в совет их да не приидет душа моя, и к собранию их да не прилепятся внутренняя моя: яко во гневе своем

избиста человеки, и в похоти своей пререзаста жилы юнца: 7 проклята ярость их, яко упорна, и гнев их, яко ожесточися: разделю их во Иакове и разсею их во Израили. 8 Иудо, тебе похвалят братия твоя, руце твои на плещу враг твоих: поклоняются тебе сынове отца твоего: 9 скимен львов Иуда: от леторасли, сыне мой, возшел еси: возлег уснул еси яко лев и яко скимен: кто возбудит его? 10 Не оскудеет князь от Иуды и вождь от чреспа его, дондеже приидут отложенная Ему, и Той чаянне языков: 11 привязуя к лозе хребта свое и к винничию жребца осялят своего, исперет вином одежду свою и кровию гроздия одеяние свое: 12 радосттоворны очи его паче вина, и белы зубы его паче млека. 13 Завулон при мори вселится, и той на пристанищи кораблей, и прострется даже до Сидона. 14 Иссахар доброе возжела, почивая посреде пределов, 15 и видев покой, яко добр, и землю, яко тучна, подложи рамы свои на труд, и бысть муж земледелец. 16 Дан судити имать люди своя, яко и едино племя во Израили, 17 и да будет Дан змий на пути, седяя на распутии, угрязая пяту конску: 18 и падет конник вспять, спасения ждый Господня. 19 Гад, искушение искуст его: он же искуст того при ногах. 20 Асир, тучен его хлеб, и той даст пищу князем. 21 Неффалим стебль распращающаяся, издаяй во отрасли доброту. 22 Сын возвращен Иосиф, сын возвращен мой ревностный, сын мой юнейший, ко мне обратися: 23 на негоже советующе укоряху и налящау наань господие стреляний, 24 и сотрошаася с крепостию луки их, и разслабеша жилы мышцей рук их, рукою сильного Иакова: оттуду укрепися Израиль от Бога отца твоего, 25 и поможе тебе Бог мой, и благослови тя благословением небесным свыше и благословением земли и имущия вся: благословения ради сосцев и ложесн, 26 благословения отца твоего и матере твоей: преодоле паче благословения гор пребывающих и благословения холмов вечных: будут на главе Иосифове и на версе (главы) братий, имиже обладаше. 27 Вениамин волк хищник, рано яст еще и на вечер дает пищу. 28 Вси сии сынове Иаковли дванадесять: и сия глагола им отец их, и благослови их: коегождо по благословению его благослови их, 29 и рече им: аз прилагаюся к людем моим: погребите мя со отцы моими в пещере, яже есть в селе Ефрана Хеттеанина, 30 в пещере Сугубей, яже прямо Мамврии в земли Ханаани, юже стяжа Авраам пещеру у Ефрана Хеттеанина в стяжение гроба. 31 Тамо погребоша Авраама и Сарру жену его, тамо погребоша Исаака и Ревекку жену его, тамо погребоша Лию, 32 в стяжании села и пещеры, яже есть в нем у сынов

Хеттеовых. 33 И преста Иаков завещая сыном своим, и возложив Иаков нозе свои на одр умре, и приложися к людем своим.

50 И припад Иосиф на лице отца своего, плакася

(горько) о нем и облобыза его: 2 и повеле Иосиф рабом своим погребателем погребсти отца своего. И погребоша погребателие Израиля. 3 И исполнишася ему четыредесять дний: тако бо исчисляются дни погребения: и плакася его Египет седмъдесят дний. 4 Егда же преидоша дни плача, глагола Иосиф ко вельможам фараоновым, глаголя: аще обретох благодать пред вами, рѣти о мнѣ во уши фараону, глаголюще: 5 отец мой закля мя прежде скончания (своего), глаголя: во гробе, егоже ископах себе в земли Ханаани, тамо мя погреби: ныне убо возshed погребу отца моего и возвращуся. И рекоша фараону по словеси Иосифову. 6 И рече фараон ко Иосифу: взыди, погреби отца твоего, якоже закля тя. 7 И взыде Иосиф погребсти отца своего. И совзыдоша с ним вси раби фараони и старейшины дому его, и вси старейшины земли Египетския, 8 и весь дом Иосифов и братия его, и весь дом отца его и сродницы его: овцы же и волы оставиша в земли Гесем. 9 И совзыдоша с ним и колесницы и конницы, и бысть полк велик зело. 10 И приидоша на Гумно Атадово, еже есть об он пол Иордана, и рыдаша его рydанием велиим и крепким зело: и сотвори плачь отцу своему седьмъ дний. 11 И видеша жителie земли Ханаанския плачь на Гумне Атадове и реша: плачь велик сей есть Египтяном. Сего ради наречеся имя месту тому плачь Египетск, еже есть об он пол Иордана. 12 И сотвориша ему тако сынове его, якоже заповеда им. 13 И взяша его сынове его в землю Ханааню и погребоша его в пещере Сугубей, юже стяжа Авраам пещеру в стяжание гроба от Ефрана Хеттеанина, прямо Мамврии. 14 И возвратися Иосиф во Египет, сам и братия его и вси совозшедши погребсти отца его. 15 Видевше же братия Иосифовы, яко умре отец их, реша: да не когда воспомянет злобу нашу Иосиф и воздаянием воздаст нам за вся злая, яже показахом ему. 16 И пришедшe ко Иосифу рекоша: отец твой закля прежде кончины своея, глаголя: 17 тако рѣти Иосифу: остави им неправду и грех их, яко лукавая тебе показаша: и ныне приими неправду рабов Бога отца твоего. И плакася Иосиф, глаголющим им к нему. 18 И пришедшe к нему рекоша: се, мы тебе раби. 19 И рече к ним Иосиф: не бойтесь, Божий бо есмъ аз: 20 вы совещасте на мя злая, Бог же совеща о мне благая,

дабы было якоже днесь, и препиталися бы людие мнози. 21 И рече им: не бойтесь, аз препитаю вас и домы вашя. И утеши их, и глагола им по сердцу их. 22 И вселился Иосиф во Египте сам и братия его и весь дом отца его: и поживе Иосиф лет сто десять. 23 И виде Иосиф Ефремли дети до третияго рода: и сынове Махира сына Манассиина родишася при бедрех Иосифовых. 24 И рече Иосиф братии своей, глаголя: аз умираю, посещением же посетит вас Бог и изведет вас от земли сея в землю, о нейже клятся Бог отцем нашим Аврааму, Исааку и Иакову. 25 И закля Иосиф сыны Израилевы, глаголя: в посещении, имже посетит вас Бог, совознесите и кости моя отсюду с вами. 26 И скончася Иосиф сый лет ста десяти: и погребоша его, и положиша в раце во Египте.

Исход

1 Сия имена сынов Израилевых, входящих во Египет вкупе со Иаковом отцем их, кийждо со всем домом своим внидоша: 2 Рувим, Симеон, Левий, Иуда, 3 Иссахар, Завулон и Вениамин, 4 Дан и Неффалим, Гад и Асир: Иосиф же бяше во Египте. 5 Бяше же всех душ изшедших из Иакова седьмъдесят пять. 6 Умре же Иосиф, и вся братия его, и весь род оный: 7 сынове же Израилевы возрастша и умношиася, и мнози быша и укрепиша зело зело: умножи же их земля. 8 Воста же царь ин во Египте, иже не знаше Иосифа, 9 рече же языку своему: се, род сынов Израилевых великое множество и укрепляется паче нас: 10 приидите убо, прехитрим их, да не когда умношатся: и егда аще приключится нам брань, приложатся и сии к супостатом, и одолевше нам изыдут из земли (нашя). 11 И пристави над ними приставники дел, да озлобят их в делах. И создаша грады тверды фараону: Пифо, и Рамесси, и он, иже есть Илиополь. 12 По елику же их смиряху, толико множайши бываху и укрепляху зело зело. И гнушаху Египтяне сыны Израилевыми, 13 и насилие творяху Египтяне сыном Израилевым нуждею, 14 и болезненну тем жизнь творяху в делах жестоких брением и плинфоделанием, и всеми дельы, яже в полях, во всех делах, имиже порабощаху их с нуждею. 15 И рече царь Египетский бабам Ерейским: единей их имя Сепфора и имя второй Фуа, 16 и рече (им): егда бабите Ереаныям, и суть к рождению, аще убо мужеский пол будет, убивайте его: аще же женский, снабдевайте его. 17 Убоявшись же бабы Бога, и не сотвориша, якоже повеле им царь Египетский, и живляху мужеский пол. 18 Призыва же царь Египетский бабы и рече им: что яко сотвористе вещь сию, и оживляете мужеский пол? 19 Рекоша же бабы фараону: не яко жены Египтяныни, тако и жены Ереаныни: рождают бо прежде неже внути к ним бабам, и раждаху. 20 Благо же творяще Бог бабам, и множахуся людие и укрепляху зело. 21 И понеже бояхуся бабы Бога, сотвориша себе жилища. 22 Заповеда же фараон всем людем своим, глаголя: всяк мужеский пол, иже родится Ереом, в реку ввергайте, и всяк женский пол снабдевайте и жив.

2 Бяше же некто от племене Левинина, иже поя от дщерей Левининых, и имаше ю: 2 и зача во чреве и роди мужеский пол. Видевше же его лепа, крыша его три месяцы: 3 и понеже не можаху его ктому крыти, взя ему мати его ковчежец ситовый и помаза и kleem и смолою,

и вложи отроча в него, и положи его в лучице при реце: 4 и наблюдаше сестра его издалеча, да уведает, что будет ему. 5 Сниде же дщерь фараонова измытися на реку, и рабыни ея проходаху при реце. И видевши ковчежец в лучице, пославши рабыню, взя и. 6 Отверзши же, видит отроча плачущеся в ковчежце, и пощаде е дщерь фараона, и рече: от детей Ерейских сие. 7 И рече сестра его дщери фараонове: хощеши ли, призову ти жену кормилицу от Ереи, и воздоит ти отроча? 8 И рече ей дщерь фараонова: иди. Шедши же отроковица, призыва мать отрочате. 9 Рече же к ней дщерь фараонова: соблюди ми отроча сие и воздой ми е: аз же дам ти мзду. Взя же отроча жена и дояше е. 10 Возмужавшу же отрочати, введе е ко дщери фараонове, и бысть ей в сына, и нарече имя ему Моисей, глаголющи: от воды взях его. 11 Бысть же во дни многия оны, велик быв Моисей, изыде к братиям своим, сыном Израилевым. Разумев же болезнь их, виде человека Египтянина биоша некоего Ереанина от братии его сынов Израилевых. 12 Обозревся же семо и овамо, ни когоже виде: и поразив Египтянина, скры его в песце. 13 Изshed же во второй день, виде два мужа Ереанина биоша и глагола обидящему: чесо ради ты биеша искренняго? 14 Он же рече: кто тя постави князя и судио над нами? Еда убити мя ты хощеши, имже образом убил еси вчера Египтянина? Убоялся же Моисей и рече: аще сице явлен бысть глагол сей? 15 Услыша же фараон глагол сей и искаше убить Моисея. Отиде же Моисей от лица фараонова и вселился в земли Мадиамстей: пришед же в землю Мадиамскую седе при кладязе. 16 Священнику же Мадиамскому беша седмъ дщерей, пасущих овцы отца своего Иофора: пришедша же черпаху, дондеже наполниша корыту, наполти овцы отца своего Иофора. 17 Пришедш же паstryrie изгнаша я. Востав же Моисей избави их, и налия им и напои овцы их. 18 Придоша же к Рагуилу отцу своему. Он же рече им: что яко ускористе прийти днесъ? 19 Оныя же рекоша: человек Египтянин избави нас от паstryрей, и начерпа нам и напои овцы наша. 20 Он же рече дщерем своим: и где есть? И вскую сице остависте человека? Призовите убо его, да яст хлеб. 21 Вселился же Моисей у человека: и даде Сепфору дщерь свою Моисею в жену. 22 Во чреве же заченши жена роди сына, и нарече Моисей имя ему Гирсам, глаголя: яко пришелец есмъ в земли чуждей. Еще же заченши роди сына втораго, и нарече имя ему Елиезер, глаголя: Бог бо отца моего помощник мой и избави мя из руки фараоновы. 23 По днех же многих тех, умре

царь Египетский, и возстенаша сынове Израилевы от дел и возопиша, и взыде вопль их к Богу от дел. 24 И услыша Бог стенание их: и помяну Бог завет Свой иже ко Аврааму и Исааку и Иакову, 25 и призре Бог на сыны Израилевы, и познан бысть ими.

3 Моисей же бяше пасынок овцы Иофора тестя своего, священника Мадиамска: и гнаше овцы в пустыню, и прииде в гору Божию Хорив. 2 Явися же ему Ангел Господень в пламени огненне из купины: и видит, яко купина горит огнем, купина же не сгораще. 3 Рече же Моисей: мимошед увижду видение великое сие, яко не сгорает купина. 4 Егда же виде Господь, яко приступает видети, воззва его Господь из купины, глаголя: Моисее, Моисее. Он же рече: что есть, Господи? 5 Он же рече: не приблизяйся семо: изуй сапоги от ног твоих: место бо, на немже ты стоиш, земля свята есть. 6 И рече ему: Аз есмь Бог отца твоего, Бог Авраамов и Бог Исааков и Бог Иаковль. Отврати же Моисей лицо свое: благовогеяше бо воззрети пред Бога. 7 Рече же Господь к Моисею: видя видех озлобление людей Моих, иже во Египте, и вопль их услышах от дел приставников: уведех болезнь их, 8 и снidoх изяти их от руку Египетску, и извести я из земли тоя, и ввести их в землю благу и многу, в землю кипящую млеком и медом, в место Хананейско и Хеттейско, и Аморрейско и Ферезейско, и Гергесейско и Евейско и Иевусейско: 9 и се, ныне вопль сынов Израилевых прииде ко Мне, и Аз видех тугу, еюже Египтяне стужают им: 10 и ныне гряди, да послю тя к фараону царю Египетскому, и изведеши люди Моя, сыны Израилевы из земли Египетской. 11 И рече Моисей к Богу: кто есмь аз, яко да пойду к фараону царю Египетскому, и яко да изведу сыны Израилевы от земли Египетской? 12 Рече же Бог к Моисею, глаголя: яко буду с тобою: и сие тебе знамение, яко Аз тя посылаю: всегда извести тебе люди Моя из Египта, и помолитесься Богу в горе сей. 13 И рече Моисей к Богу: се, аз пойду к сыном Израилевым и реку к ним: Бог отец наших послал мя к вам: и аще вопросыят мя, что имя Ему, что реку к ним? 14 И рече Бог к Моисею, глаголя: Аз есмь Сый. И рече: тако речеши сыном Израилевым: Сый послал мя к вам. 15 И рече Бог паки к Моисею: тако речеши сыном Израилевым: Господь Бог отец наших, Бог Авраамов и Бог Исааков и Бог Иаковль, послал мя к вам: сие Мое есть имя вечное и память родов родом: 16 пришед убо собери старцы сынов Израилевых и рцы к ним: Господь Бог отец наших явися мне, Бог Авраамов и Бог Исааков

и Бог Иаковль, глаголя: присещением присетих вас, и елика случишася вам во Египте: 17 и рече: изведу вас от озлобления Египетского в землю Хананейскую и Хеттейскую, и Аморрейскую и Ферезейскую, и Гергесейскую и Евейскую и Иевусейскую, в землю кипящую млеком и медом: 18 и послушают гласа твоего, и внидеш ты и старейшины Израилевы к фараону царю Египетскому, и речеши к нему: Господь Бог Еврейский воззва нас: да пойдем убо путем трех дній в пустыню, да покрем Господу Богу нашему: 19 Аз же вем, яко не отпустит вас фараон царь Египетский пойти, аще не рукою крепкою: 20 и простер руку Мою, поражу Египтяны всеми чудесы Моими, яже сотворю в них: и по сих отпустит вы, 21 и дам благодать людем сим пред Египтянами: егда же пойдете, не отидете тъцы: 22 но да испросит жена от соседы и подруги своея сосуды сребряны и златы, и ризы: и украсите сыны ваши и дщери ваши, и оберите Египтян.

4 Отвеша же Моисей и рече: аще не уверуют ми, ниже послушают гласа моего, рекут бо, яко не явися тебе Бог, что реку к ним? 2 И рече к нему Господь: что сие есть в руце твоей? Он же рече: жезл. 3 И рече: поверзи его на землю. И верже и на землю, и бысть змий: и отбеже Моисей от него. 4 И рече Господь к Моисею: простри руку и ими за хвост. Простер убо руку, взя за хвост, и бысть жезл в руце его. 5 Да уверуют ти, яко явися тебе Господь Бог отец твоих, Бог Авраамов и Бог Исааков и Бог Иаковль. 6 Рече же ему Господь паки: вложи руку твою в недро твое. И вложи руку в недро свое, и изят ю от недра своего, и бысть рука его прокажена яко снег. 7 И рече паки ему Господь: вложи руку твою в недро твое. И вложи руку свою в недро свое, и изят ю от недра своего, и бысть паки в румянистве плоти своея. 8 Аще же не уверуют тебе, ниже послушают гласа знамения первого, уверуют тебе ради гласа знамения втораго: 9 и будет аще не уверуют тебе двема знамениями сими, ниже послушают гласа твоего, да возмеши от воды речныя, и пролиши на сухо: и будет вода, юже возмеши от реки, кровию на сусе. 10 Рече же Моисей ко Господу: молюся ти, Господи: недоброречив есмь прежде вчерашняго и третияго дне, ниже отнележе начал еси глаголати рабу Твоему: худогласен и косноязычен аз есмь. 11 И рече Господь к Моисею: кто даде уста человеку? И кто сотвори нема и глуха, и видяща и слепа? Не Аз ли Господь Бог? 12 И ныне иди, и Аз отверзу уста твоя и устрою тебе, еже имаши глаголати. 13 Рече же Моисей: молюся ти, Господи, избери могуща иного, егоже послеши. 14 И

разгневався яростию Господь на Моисея, рече: не се ли брат твой Аарон Левитин? Вем, яко глаголя возглаголет он вместо тебе: и се, той изыдет во сретение тебе, и узрев тя, возрадуется в себе: 15 и речеши к нему, и вдаси словеса Моя во уста его: Аз же отверзу уста твоя и уста его, и устрою вам яже имате творити: 16 и той возглаголет от тебе к людем, и той будет уста твоя: ты же будеш ему в тех, яже к Богу: 17 и жезл сей обращенный в змию, возми в руку твою, сим сотвориши знамения. 18 Пойде же Моисей, и возвратися ко Иофору тестю своему и рече: пойду и возвращуся ко братии моей, иже во Египте, и увижу, аще еще живи суть. И рече Иофор к Моисею: иди здрав. По днех же оных многих, умре царь Египетский. 19 И рече Господь к Моисею в земли Мадиамстей: иди, отди во Египет: измроша бо вси ищущии души твою. 20 Поим же Моисей жену свою и отрочата, всади я на осята, и возвратися во Египет. И взя Моисей жезл, иже от Бога, в руку свою. 21 Рече же Господь к Моисею: идущу тебе и возвращающуся во Египет, зри вся чудеса, яже дах в руце твои, да сотвориши Я пред фараоном: Аз же ожесточу сердце его, и не отпустит людий: 22 ты же возглаголеши фараону: сия глаголет Господь Бог Еврейский: сын Мой первенец Израиль: 23 рех же тебе: отпусти люди Моя, да Ми послужат: аще убо не хощеши отпустити их, блюди убо, Аз убию сына твоего первенца. 24 Бысть же на пути на стану, срете его Ангел Господнь и искаше его убити. 25 И вземши Сепфора камень, обреза конечную плоть сына своего, и припаде к ногам его и рече: ста кровь обрезания сына моего. 26 И отиде от него Ангел, занеже рече: ста кровь обрезания сына моего. 27 Рече же Господь ко Аарону: изыди во сретение Моисею в пустыню. И иде, и срете его в горе Божии: и целовастася оба. 28 И поведа Моисей Аарон вся словеса Господня, яже послал, и вся знамения, яже заповеда ему. 29 Иде же Моисей и Аарон, и собираша вся старцы сынов Израилевых: 30 и глагола им Аарон вся словеса сия, яже глагола Бог к Моисею: и сотвори знамения пред людьми. 31 И вероваша людие, и возрадовашася, яко посети Бог сыны Израилевы и яко призре на их скорбение: и преклоняшеся людие поклонишаася.

5 И по сих вниде Моисей и Аарон к фараону и реше ему: сия глаголет Господь Бог Израилев: отпусти люди Моя, да праздник сотворят Мне в пустыни. 2 Рече же фараон: кто есть, Егоже послушаю гласа, яко отпустити имам сыны Израилевы? Не вем Господа, и Израиля не

отпушу. 3 И глаголют ему: Бог Еврейский призыва нас: пойдем убо путем трех дний в пустыню, да пожрем Господу Богу нашему, да не когда случится нам смерть или убийство. 4 И рече им царь Египетский: вскую, Моисей и Аарон, развращаете люди моя от дел их? Идите кийждо вас на дела своя. 5 И рече фараон: се, ныне умножишаася людие сии на земли: убо не дадим почити им от дел. 6 Заповеда же фараон приставником дел людских и книгочиям, глаголя: 7 не ктому приложите даяти плев людем к плинфоделанию, якоже вчера и третияго дне: но сами да идут и собирают плевы себе: 8 и урок плинфоделания, еже они творят, на кийждо день наложите им: не уемлите ничтоже: праздни бо суть: сего ради возопиша, глаголюще: да пойдем, и пожрем Богу нашему: 9 да отягчатся дела людий сих, и да пекутся о них, и не помысят о словесех суетных. 10 Понуждаху же их приставницы и книгочия и глаголаху людем, рекуще: сия глаголет фараон: не ктому даю вам плев: 11 сами вы шедше собираите себе плевы, идоже аще обрящете: ибо не будет уято от урока вашего ничтоже. 12 И разыдошаася людие по всей земли Египтстей собирати тростие на плевы. 13 Приставницы же понуждаху их, глаголюще: совершайте дела ваша урочная на всякий день, якоже и егда плевы даяхом вам. 14 И биени быша книгочия рода сынов Израилевых, иже быша приставлены над ними от приставников фараоновых, глаголюще: почто не совершисте урока вашего плинфенного, якоже вчера и третияго дне, такожде и днес? 15 Вшедше же книгочия сынов Израилевых, возопиша к фараону, глаголюще: почто ты тако твориши рабом твоим? 16 Плев не дают рабом твоим, и плинфы нам глаголют творити: и се, раби твои мучими суть: обидиши убо людий твоих. 17 И рече им: праздни, праздни есте: сего ради глаголете: да идем, пожрем Богу нашему: 18 ныне убо шедше делайте плев бо не дам вам, урок же делания плинфенного да отдаете. 19 Видяху же книгочии сынов Израилевых себе во злых, глаголюще: не оставите плинфоделания урочнаго дню. 20 Сретоша же Моисея и Аарона, идущих во сретение им, исходища им от фараона, 21 и реше им: да видит Бог и судит вам, яко огнусисте дух ваш пред фараоном и пред рабы его, дати мечь в руки его убити нас. 22 Возвратися же Моисей ко Господу и рече: молютися, Господи, почто озлобил еси люди сия? И вскую послал еси мя? 23 И отнележе внидох к фараону, глаголати Твоим именем, (он) озлоби люди сия, и не избавил еси людий Твоих.

6 И рече Господь к Моисею: се, узриши, что сотворю фараону: рукою бо крепкою отпустит их и мыщею высокою изжнет их от земли своея. **2** Глагола же Бог к Моисею и рече ему: Аз Господь, з и явихся Аврааму, и Исааку, и Иакову, Бог Сый их, и имени Моего Господь не явих им: **4** и поставил завет Мой с ними, яко дати им землю Ханаанску, землю пришествия их, на нейже и обитаху: **5** Аз же услышах стенание сынов Израилевых, имже Египтяне поработиша их, и помянух завет Мой: **6** иди, рцы сыном Израилевым глаголя: Аз Господь, и изведу вас от насилия Египетска, и избавлю вас от работы (их), и отиму вас мыщею высокою и судом великим, **7** и приму вас Себе в люди, и буду вам Бог: и уразумеете, яко Аз Господь Бог ваш, изведый вас от земли Египетския и от насилия Египетска: **8** и введу вас в землю, на нюже простирах руку Мою, дати ю Аврааму и Исааку и Иакову: и дам ю вам в наследие, Аз Господь. **9** Глагола же Моисей тако сыном Израилевым, и не послушаша Моисея от малодушия и от дел жестоких. **10** Рече же Господь к Моисею, глаголя: **11** вниди, глаголи фараону царю Египетскому, да отпустит сыны Израилевы из земли своея. **12** Рече же Моисей пред Господем глаголя: се, сынове Израилевы не послушаша мене, и како послушает мене фараон? Аз же несловесен есмь. **13** Рече же Господь к Моисею и Аарону и завеща им внити к фараону царю Египетскому, да отпустит сыны Израилевы от земли Египетския. **14** И сии старейшины домов отечеств их: сынове Рувима, первенца Израилева, Енох и Фаллос, Асрон и Харми: сии племя Рувимово. **15** Сынове же Симеоновы: Иемуил и Иамин, и Аод и Ахин, и Саар и Саул, иже от Финиссины: сия рождения сынов Симеоновых. **16** И сия имена сынов Левиних по сродством их: Гирсон, Кааф и Мерари: лет же жития Левинина сто тридесять седмь. **17** Сии же сынове Гирсони: Ловени и Семей: домове рождения их. **18** Сынове же Каафовы: Амврам и Исааэр, Хеврон и Озиил: лет же жития Каафова сто тридесять три. **19** Сынове же Мерарини: Мооли и Омуси: сии домове рождения Левинина по сродством их. **20** И пой Амврам Иохаведу, дщерь брата отца своего, себе в жену, и роди ему Аарона и Моисея и Мариам сестру их: лет же жития Амврамова сто тридесять седмь. **21** Сынове же Исаафовы: Коре и Нафек и Зехри. **22** Сынове же Озииловы: Мисаил и Елисафан и Серги. **23** Поя же Аарон Елисавету, дщерь Аминадавову, сестру Наассонову, себе в жену, и роди ему Надава и Авиуда, и Елеазара и Ифамара. **24** Сынове же Кореовы: Асир и Елкана и

Авиасар: сия рождения Кореова. **25** И Елеазар, сын Ааронов, пой от дщерей Футиловых себе в жену, и роди ему Финееса: сия старейшины отечества левитска по сродством их. **26** Сей Аарон и Моисей, имже рече Бог извести сыны Израилевы из земли Египетския с силою их. **27** Сии суть, иже глаголаста к фараону царю Египетскому, еже извести сыны Израилевы от земли Египетския: сей Аарон и Моисей, **28** в онъже день глагола Господь к Моисею в земли Египетской. **29** И рече Господь к Моисею глаголя: Аз Господь: глаголи к фараону царю Египетскому, елика Аз глаголю к тебе. **30** И рече Моисей пред Господем: се, аз худогласен есмь, и како послушает мене фараон?

7 И рече Господь к Моисею, глаголя: се, дах тя Бога фараону, и Аарон брат твой будет твой пророк: **2** ты же возглаголеши ему вся, елика тебе заповедаю: Аарон же брат твой возглаголет к фараону, да отпустит сыны Израилевы от земли своея: **3** Аз же ожесточу сердце фараоново и умножу знамения Моя и чудеса в земли Египетской: **4** и не послушает вас фараон, и возложу руку Мою на Египет и изведу с силою Моею люди Моя сыны Израилевы от земли Египетския, со отмщением великим: **5** и уведят вси Египтяне, яко Аз есмь Господь, простирая руку Мою на Египет, и изведу сыны Израилевы от среды их. **6** Сотвори же Моисей и Аарон, якоже заповеда им Господь, тако сотвориша. **7** Моисей же бе осмидесяти лет, Аарон же брат его осмидесяти трех лет, егда глаголаста к фараону. **8** И рече Господь к Моисею и Аарону глаголя: **9** и аще речет к вам фараон, глаголя: дадите нам знамение или чудо: и речеши Аарону брату твоему: возми жезл и повержи на землю пред фараоном и пред рабы его, и будет змий. **10** Вниде же Моисей и Аарон пред фараона и пред рабы его, и сотвориша тако, якоже заповеда им Господь: и поверже Аарон жезл пред фараоном и пред рабы его, и бысть змий. **11** Созва же фараон мудрецы Египетския и волхвы: и сотвориша и волсви египетския чарованиями своими такожде: **12** и повергша кийждо жезл свой, и быша змиеве: и пожре жезл Ааронов онъх жезлы. **13** И укрепися сердце фараоне, и не послуша их, якоже глагола им Господь. **14** И рече Господь к Моисею: отягчися сердце фараоне, еже не отпустити людий: **15** иди к фараону заутра: се, той исходит на воды, и буди сретая его на брезе речнем: и жезл обращайся в змия возми в руку твою, **16** и речеши к нему: Господь Бог Ерейский посла мя к тебе, глаголя: отпусти люди Моя, да Ми послужат в пустыни: и се, не послушал еси

доселе: 17 сия глаголет Господь: по сему увеси, яко Аз Господь: се, аз ударю жезлом, иже в руце моей, по воде речней, и преложится в кровь: 18 и рыбы, яже в реце изомрут, и возсмердится река, и не возмогут Египтяне пити воды от реки. 19 Рече же Господь к Моисею: рцы Аарону брату твоему: возми жезл твой в руку твою, и простри руку твою на воды Египетския и на реки их и на кладязи их и на езера их и на всякое собрание вод их, и будет кровь, и бысть кровь по всей земли Египетстей, в древесех же и в камениех. 20 И сотвориша тако Моисей и Аарон, якоже заповеда им Господь: и взем Аарон жезл свой, удари воду речную пред фараоном и пред рабы его, и преложи всю воду речную в кровь: 21 и рыбы яже в реце изомроша, и возсмердится река, и не можаху Египтяне пити воды от реки, и бяше кровь по всей земли Египетстей. 22 Сотвориша же и волсви Египетстии волхвованиями своими такожде: и ожесточися сердце фараоново, и не послуша их, якоже рече Господь. 23 Возвратився же фараон вниде в дом свой, и не положи себе и сего во уме. 24 Ископаша же вси Египтяне окрест реки, да пиют воду: и не можаху пити воды от реки. 25 И исполниша седмь дний, по ударении Господни в реку.

8 И рече Господь к Моисею: вниди к фараону и речеши к нему: сия глаголет Господь: отпусти люди Моя, да Ми послужат: 2 аще же не хощеши ты отпустити, се, Аз побиваю вся пределы твоя жабами: 3 и изрыгнет река жабы, и излезша внидут в дома твоя и в клети ложниц твоих, и на постели твоя и в дома рабов твоих и людий твоих, и в теста твоя и в пещы твоя, 4 и на тя и на рабы твоя и на людии твоя возлезут жабы. 5 Рече же Господь к Моисею: рцы Аарону брату твоему: простри рукою твою жезл твой на реки и на кладязи и на езера, и изведи жабы на землю Египетскую. 6 И простре Аарон руку на воды Египетския и изведе жабы: и излезша жабы и покрыша землю Египетскую. 7 Сотвориша же и волсви Египетстии волхвованиями своими такожде и изведоша жабы на землю Египетскую. 8 Призва же фараон Моисея и Аарона и рече: помолитесь о мне ко Господу, да отженет от мене жабы и от людий моих: и отпущу люди, и пожрут Господви. 9 Рече же Моисей к фараону: определи мне, когда помолюся о тебе и о рабах твоих и о людех твоих, да погибнут жабы от тебе и от людий твоих и от домов ваших, точию в реце да останутся. 10 Он же рече: заутра. Рече убо: якоже рекл еси, да увеси, яко несть иного разве Господа: 11 и отженутся жабы от тебе и от домов ваших и от сел, и от рабов твоих и от людий твоих, точию в реце

останутся. 12 Изыде же Моисей и Аарон от фараона, и возопи Моисей ко Господу о определении жаб, якоже совеща с фараоном. 13 Сотвори же Господь, якоже рече Моисей: и изомроша жабы от домов и от сел и от нив их: 14 и собраша я в стоги стоги, и возсмердеся земля. 15 Видев же фараон, яко бысть отрада, отяготися сердце его, и не послуша их, якоже рече Господь. 16 И рече Господь к Моисею: рцы Аарону: простри рукою жезл твой и удари в персть земную, и будут скнипы в человецех и в скотех, и на фараоне и на доме его и рабех его, и весь песок земный станет скнипами во всей земли Египетстей. 17 Простре убо Аарон рукою жезл и удари в персть земную: и быша скнипы в человецех и в скотех, и во всякой персти земной быша скнипы во всей земли Египетстей. 18 Твориша же и волсви волхвованиями своими такожде извести скнипы, и не возмогоша: и быша скнипы в человецех и скотех. 19 Реша убо волсви фараону: перст Божий есть сие. И ожесточися сердце фараоново, и не послуша их, якоже рече Господь. 20 Рече же Господь к Моисею: востани заутра и стани пред фараоном, и се, он изыдет на воду, и речеши ему: сия глаголет Господь: отпусти люди Моя, да Ми послужат в пустыни: 21 аще же не хощеши отпустити людий Моих, се, Аз посылаю на тя и на рабы твоя, и на люди твоя и на дома ваша песия мухи: и наполнятся домове Египетстии песиих мух и в земли, на нейже суть: 22 и прославлю в той день землю Гесемску, на нейже людие Мои сташа, на нейже не будет тамо песиих мух, да увеси, яко Аз есмь Господь, Бог всея земли: 23 и положу разлучение между людьми Моими и людьми твоими: во утрии же будет знамение сие на земли. 24 Сотвори же Господь тако: и прииде песиих мух множество в дома фараоновы и в дома рабов его и во всю землю Египетску, и погибе земля от песиих мух. 25 Возвза же фараон Моисея и Аарона, глаголя: шедше пожрите жертву Господу Богу нашему в земли сей. 26 И рече Моисей: не может се тако быти, хулно бо се Египтяном: не положим требу Господу Богу нашему: аще бо положим требу по хулению Египетску пред ними, камением побиют ны: 27 путем трех дний пойдем в пустыню и пожрем Господу Богу нашему, якоже рече Господь нам. 28 И рече фараон: аз отпускаю вы, и пожрите Господу Богу нашему в пустыни: но не далече простирайтесь ити: помолитесь убо и о мне ко Господу. 29 Рече же Моисей: се, аз изыду от тебе и помолюся ко Господу Богу, и отидут песия мухи от тебе и от рабов твоих и от людий твоих заутра: да не приложиши еще, фараоне, прельстити, еже не отпустити людий пожрети

Господу. **30** Изыде же Моисей от фараона и помолися Богу. **31** Створи же Господь, якоже рече Моисей, и отя песия мухи от фараона и от рабов его и от людий его, и не осталася ни едини. **32** И отяготи фараон сердце свое и во время сие, и не восхоте отпустити людей.

9 Рече же Господь к Моисею: вниди к фараону и речеши ему: сия глаголет Господь Бог Ерейский: отпусти люди Моя, да послужат Мне: **2** аще убо не восхощеши отпустити людий Моих, но и еще их удержиши: **3** се, рука Господня будет на скоты твоя в полях и на кони, и на ослы и на велблуды, и на говядя и на овцы, смерть велика зело: **4** и дивна соторю Аз во время оно между скоты Египетскими и между скоты сынов Израилевых: и не умрет от всех скотов сынов Израилевых ни едини. **5** И даде Бог предел глаголя: во утрие соторит Господь глаголгол сей на земли. **6** И сотори Господь глаголгол сей на утрии, и измре весь скот Египетский: от скота же сынов Израилевых не умре ни едини. **7** Видев же фараон, яко не умре от всех скотов сынов Израилевых ни едини, отягчися сердце фараону, и не отпусти людей. **8** Рече же Господь к Моисею и Аарону, глаголя: возмите вы полны руце пепела пещнаго, и да разсыплет Моисей к небеси пред фараоном и пред рабы его: **9** и да будет прах по всей земли Египетской, и будут на человекех и на скотех гнойни струпи, горящии на человекех и на скотех по всей земли Египетской. **10** И взя пепел пещный пред фараоном, и разсыпа его Моисей к небеси: и быша гнойни струпи, горящии на человекех и на скотех, **11** и не можаху волсви стояти пред Моисеем струпов ради: быша бо струпи на волсвех и на всей земли Египетской. **12** Ожесточи же Господь сердце фараоново, и не послуша их, якоже повеле Господь Моисею. **13** И рече Господь к Моисею: востани заутра и стани пред фараоном, и рцы к нему: сице глаголет Господь Бог Ерейский: отпусти люди Моя, да послужат Мне: **14** в сей бо час Аз испущу вся казни Моя в сердце твое и рабов твоих и людий твоих: да увеси, яко несть ин, якоже Аз, во всей земли: **15** ныне бо пустив руку Мою, поражу тя и люди твоя умерщвлю, и потребиши от земли: **16** и сего ради пощаден еси доселе, да покажу на тебе крепость Мою, и яко да проповестся имя Мое по всей земли: **17** еще ли убо ты востаеш на людий Моих, еже не отпустити их? **18** Се, Аз одожду в сей же час заутра град мног зело, яков не бяше во Египте, от негоже дне создася, даже до дне сего: **19** ныне убо потчися собрати скот твой, и елика ти суть на поли: вси бо человекы и скоти, елицы аще обрящутся

на полях и не внидут в дом, падет же на ня град, измрут. **20** Иже убояся слова Господня от рабов фараоновых, собра скоты своя в домы: **21** а иже не вня мыслию слову Господню, оставил скоты на полях. **22** Рече же Господь к Моисею: простри руку твою на небо, и будет град по всей земли Египетской, на человеки и на скоты и на всю траву земную. **23** Простре же Моисей руку на небо, и Господь даде громы и град, и течаше огнь по земли, и одожди Господь град по всей земли Египетской: **24** бяше же град и огнь горящъ со градом, град же мног зело зело, яков не бысть во Египте, отнележе быша люди в нем. **25** Порази же град во всей земли Египетской от человека до скота, и всяку траву яже на поли порази град, и вся древа яже на полях сотре град: **26** токмо в земли Гесемстей, идеже бяху сынове Израилевы, не бысть град. **27** Послав же фараон, призыва Моисея и Аарона и рече им: согрехи ныне: Господь праведен аз же и людие мои нечестиви: **28** помолитесь убо о мне ко Господу, и да престанут быти громи Божии и град и огнь на земли, и отпущу вы, и кому не приложите медлти. **29** Рече же ему Моисей: егда изыду из града, простру руце мои на небо ко Господу, и громи престанут, и град и дождь не будет кому, да увеси, яко Господня есть земля: **30** ты же и раби твои, вем, яко еще не убоястеся Господа. **31** Лен же и ячмень побит есть, ячмень бо испущаше класы, а лен семя: **32** пшеница же и жито не побиты, поздны бо бяху. **33** Изыде же Моисей от фараона из града и простре руце свои ко Господу, и громове престаша, и град и дождь не укану на землю кому. **34** Видев же фараон, яко преста дождь и град и громи, приложи согрешати еще, и отягчи сердце свое и рабов своих: **35** и ожесточися сердце фараоново и рабов его, и не отпусти сынов Израилевых, якоже глагола Господь к Моисею.

10 Рече же Господь к Моисею глаголя: вниди к фараону: Аз бо ожесточих сердце его и рабов его, да и еще приидут знамения сия на них: **2** яко да повесте во ушеса чад ваших и чадом чад ваших, елико наругахся Египтяном, и знамения Моя, яже соторих в них, и увесте, яко Аз Господь. **3** Вниде же Моисей и Аарон пред фараона и реста ему: сия глаголет Господь Бог Ерейский: доколе не хощеши усранития Мене? Отпусти люди Моя, да послужат Ми: **4** аще же не хощеши ты отпустити люди Моя, се, Аз наведу в сей час заутра пруги многи на вся пределы твоя, **5** и покрывают лице земли, и не возможеши видети земли, и поядят весь останок земли оставшийся, егоже оставил вам град, и изядят

всяко древо растущее вам на земли: 6 и наполнятся домове твои и домове рабов твоих, и вси домове по всей земли Египетстей: ихже никогдаже видеша отцы твои, ни прадеды их, от негоже дне быша на земли, даже до дне сего. И уклонився Моисей, изыде от фараона. 7 Рекоша же раби фараоновы к нему: доколе нам сия будет мука? Отпусти люди, да послужат Господу Богу своему: или видети хощши, яко погибнет Египет? 8 И возвратиша Моисея и Аарона пред фараона, и рече им фараон: идите и послужите Господу Богу вашему: кто же и кто суть идущии? 9 И рече Моисей: с юнотами нашими и с старцы пойдем, с сынми и дщерьми, и со овцами и волами нашими: будет бо праздник Господа Бога нашего. 10 И рече им фараон: да будет тако, Господь с вами: яко же отпускаю вас, еда и стяжение ваше? Видите, яко лукавство обретается в вас: 11 не тако: но да идут мужие и да послужат Богу: сего бо сами просите. И изгнаша их от лица фараонова. 12 Рече же Господь Моисею: прости руку твою на землю Египетскую, и да взыдут прузы на землю Египетскую, и снедят всю траву земную и весь плод древесный, егоже остави град. 13 И воздвиге Моисей жезл на небо, Господь же наведе ветр южный на землю во весь той день и во всю нощь: утро бысть, и ветр южный взя пруги, 14 и наведе я на всю землю Египетскую: и нападоша на вся пределы Египетская мнози зело: прежде сих не быша сицевии прузы, и по сих не будут тако, 15 и покрыша лице земное, и истле земля: и снедоша всю траву земную и весь плод древесный, иже остался от града: не остался зелено ничтоже на древех и во всей траве польней, по всей земли Египетстей. 16 Потща же фараон призвати Моисея и Аарона, глаголя: согреших пред Господем Богом вашим и к вам: 17 простите убо мой грех еще ныне и помолитеся Господу Богу вашему, да отимет от мене смерть сию. 18 Изыде же Моисей от фараона и помолися ко Господу: 19 и премени Господь от моря ветр велик и взя пруги, и вверже их в море Чермное: и не остался ни един пруг на всей земли Египетстей. 20 И ожесточи Господь сердце фараоново, и не отпусти сынов Израилевых. 21 Рече же Господь Моисею: прости руку твою на небо, и да будет тма по земли Египетстей, осаждаемая тма. 22 Простре же Моисей руку свою на небо, и бысть тма, мрак, буря по всей земли Египетстей три дни: 23 и не виде никотоже брата своего три дни, и не воста никотоже от одра своего три дни, всем же сыном Израилевым бяше свет во всех (жилищах), в нихже пребываху. 24 И призва фараон Моисея и Аарона, глаголя: идите, послужите Господу Богу вашему: токмо

овцы и волы оставите: стяжение же ваше да идет с вами. 25 И рече Моисей: ни: но и ты нам даси всесожжения и жертвы, яже сотворим Господу Богу нашему: 26 и скот наш пойдет с нами, не оставим и копыта: от них бо возмем на службу Господу Богу нашему: мы же не вемы, чим послужим Господу Богу нашему, дондеже дойдем тамо. 27 Ожесточи же Господь сердце фараоново, и не восхоте отпустити их: 28 и рече ему фараон: отди от мене, внемли себе кому, да не приложиши видети лица моего: в оньже бо день аще явишися мне, умреши. 29 Рече же Моисей: яко же рекл еси, кому не явлюся пред лицем твоим.

11 Рече же Господь к Моисею: еще едину язву Аз наведу на фараона и на Египет, и по сих отпустит вы отсюду: егда же отпустит вы со всем, изженет вас изгнанием: 2 глаголи убо отай во уши людем, и да испросит кийждо у соседа, и жена у соседы своея сосуды сребряны и златы, и ризы. з Господь же даде благодать людем Своим пред Египтяны, и даша им. Человек же Моисей велик бысть зело пред Египтяны и пред фараоном, и пред рабы его и пред очима всех людей. 4 И рече Моисей: сия глаголет Господь: в полуночи Аз вниду посреде Египта. 5 И измрет всяк первенец в земли Египетстей, от первенца фараонова, иже седит на престоле, и даже до первенца рабыни, яже у жернов, и до первенца всякаго скота: 6 и будет вопль велик по всей земли Египетстей, яков не бе, и таков кому не будет. 7 Во всех же сынех Израилевых не поскомлет пес языком своим, от человека до скота: да узриши елико прославится Господь между Египтяны и сынми Израилевыми: 8 и приидут вси отроцы твои сии ко мне и поклоняются мне, глаголюще: отди ты, и вси людие твои, ихже ты отводиши: и по сих отиду. Изыде же Моисей от фараона со гневом. 9 И рече Господь к Моисею: не послушает вас фараон, да умножая умножу знамения Моя и чудеса в земли Египетстей. 10 Моисей же и Аарон сотвориша вся знамения и чудеса сия пред фараоном: и ожесточи Господь сердце фараоново, и не восхоте отпустити сынов Израилевых от земли Египетской.

12 Рече же Господь к Моисею и Аарону в земли Египетстей, глаголя: 2 месяц сей вам начало месяцев, первый будет вам в месяцах лета: 3 рцы ко всему сонму сынов Израилевых, глаголя: в десятый месяца сего да возмет кийждо овча по домом отечеств, кийждо овча по дому: 4 аще же мало их есть в дому, яко не доволным быти на овча, да возмет с собою

соседа ближняго своего по числу душ: кийждо доволне себе сочтет на овча: 5 овча совершенно, мужеск пол, непорочно и единолетно будет вам, от агнец и от козлищ примите: 6 и будет вам соблюдено даже до четвертагонацдесять дне месяца сего: и заколют то все множество собора сынов Израилевых к вечеру, 7 и примут от крове и помажут на обою подвою и на прагах в домех, в нихже снедят тое, 8 и снедят мяса в нощи той печена огнем и опресноки с горким зелием снедят: 9 не снесте от них сурово, ниже варено в воде, но печеное огнем, главу с ногами и со утробою: 10 не оставите от него до утра и кости не сокрушите от него, останки же от него до утра огнем сожжете: 11 сице же снесте е: чресла ваша препоясана, и сапози ваши на ногах ваших, и жезлы ваши в руках ваших, и снесте е со тщанием: Пасха есть Господня: 12 и пройду землю Египетскую ся нощи, и убию всякаго первенца в земли Египетстей, от человека до скота, и во всех бозех Египетских сотворю отмщение: Аз Господъ: 13 и будет кровь вам в знамение на домех, в нихже вы будете тамо, и узрю кровь и покрыю вы, и не будет в вас язвы, еже погибнути, егда поражу землю Египетскую: 14 и будет вам день сей в память, и празднуйте той праздник Господу во вся роды вашя: законно вечно празднуйте его: 15 седмь дний опресноки ядите, от первого же дне измите квас из домов ваших: всяк, иже снесть кисло, погибнет душа та от Израиля, от дне первого даже до дне седмого: 16 и первый день наречется свят, и седмый день нарочит свят да будет вам: всякаго дела работна да не сотворите в них, разве елика (снести) сотворятся всякой души, сия точию да сотворятся вам: 17 и сохраните заповедь сию: в сей бо день изведу силу вашу от земли Египетсия: и сотворите день сей в роды вашя, законно вечно: 18 начинаяще в четвертыйнадесять день первого месяца, с вечера да снесте опресноки, до двадесять первого дне месяца, до вечера: 19 седмь дний квас да не явится в домех ваших: всяк, иже аще снесть квасно, погубится душа та от сонма сынов Израилевых и в пришелцах и в жителех той земли: 20 всякаго кваснаго да не ясте, во всех же домех ваших да ясте опресноки. 21 Созва же Моисей вся старцы сынов Израилевых и рече им: шедше поимите себе овча по сродством вашим и пожрите пасху: 22 возмите же кисть иссопа, и омочивше в кровь, яже близ дверий, помажите праги, и на обою подвою, от крове, яже есть близ дверий: вы же да не изыдете кийждо из дверий дому своего до заутрия: 23 и мимо пройдет Господъ избити Египтяны, и узрит кровь на празе и на обою подвою,

и минет Господъ двери, и не попустит погубляющему винти в домы вашя убивати: 24 и сохраните слово сие законно себе и сыном вашым до века: 25 аще же внидете в землю, юже даст Господъ вам, якоже глагола, сохраните служение сие, 26 и будет егда возглаголют вам сынове ваши: что есть служение сие? 27 И рече им: жертва пасха сия Господу, Иже покры домы сынов Израилевых во Египте, егда поби Египтяны, домы же наша избави. И преклонишися людие поклониша. 28 И отшедше сотвориша сынове Израилевы, якоже заповеда Господъ Моисею и Аарону, тако сотвориша. 29 Бысть же в полунощи, и Господъ порази всякаго первенца в земли Египетстей, от первенца фараонова седящаго на престоле, до первенца пленницы, яже в рове, и до первенца всякаго скотска. 30 Воста же фараон ношио, и вси раби его, и вси Египтяне, и бысть вопль велик по всей земли Египетстей, ибо не бысть дом, в немже не бе мертвреца. 31 И призыва фараон Моисея и Аарона в нощи и рече им: востаните и отидите от людий моих, и вы, и сынове Израилевы: идите и послужите Господу Богу вашему, якоже глаголете: 32 и овцы и говядя вашя поимше идите, благословите же и мене. 33 И нуждаху Египтяне людий со тщанием изринути их от земли: рекоша бо, яко вси мы измрем. 34 Взяша же людие муку свою прежде вскисения теста своего, и ввязавше в ризы, (возложиша) на рамы своя. 35 Сынове же Израилевы сотвориша, якоже заповеда им Моисей: и испросиша от Египтян сосуды сребряны и златы, и ризы: 36 и даде Господъ благодать людем Своим пред Египтян: и даша им, и обраща Египтян. 37 Воздвигоша же сынове Израилевы от Рамессы в Сокхоф до шести сот тысяц пеших мужей, кроме домочадства: 38 и пришелцы мнози изыдоша с ними, и овцы, и волы, и скоти мнози зело. 39 И испекоша тесто, еже изнесоша из Египта, опресноки не кислы, не вскисоша бо: ибо изгнаша их Египтяне, и не возмогоша помедлить, ниже брашна сотвориша себе на путь. 40 Обитания же сынов Израилевых, иже обиташа в земли Египетстей и в земли Ханаани сии и отцы их, лет четыреста тридесять. 41 И бысть по четырех стех и тридесети летех, изыде вся сила Господня от земли Египетсия в нощи. 42 Стражба есть Господу, еже извести их от земли Египетсия: оная нощ самая стражба Господу, яко всем сыном Израилевым быти в роды их. 43 И рече Господъ к Моисею и Аарону: сей закон Пасхи: всяк иноплеменник да не яст от нея, 44 и всякаго раба или купленаго обрежеши его, и тогда да яст от нея: 45 пришелец или наемник да не яст от нея: 46 в

дому единем да снестся: не оставите от мяс на утрие, и не изнесите мяс вон из дома, и кости не сокрушите от него: **47** весь сонм сынов Израилевых сотворит сие: **48** аще же кто приидет пришелец к вам сотворити Пасху Господню, обрежеши его всяк мужеский пол, и тогда приступит сотворити ю, и будет аки житель земли тоя: всяк же необрязаный да не яст от нея: **49** закон един да будет той земли жителю и пришелцу пришедшему в вас. **50** И сотвориша сынове Израилевы, якоже заповеда Господь Моисею и Аарону, тако сотвориша. **51** И бысть в день он, изведе Господь сыны Израилевы от земли Египетской с силою их.

13 И рече Господь к Моисею глаголя: **2** освяти Ми всякаго первенца перворожденного, разверзающаго всякая ложесна в сынех Израилевых от человека до скота, яко Мне есть. **3** Рече же Моисей к людем: помните день сей, в онъже изыдосте от земли Египетской, из дому работы: рукою бо крепкою изведе вас Господь отсюду: и не ядите квасна, **4** понеже в днешний день исходите в месяце плодов новых: **5** и будет, егда введет тя Господь Бог твой в землю Хананейску и Хеттейску, и Аморрейску и Евейску, и Иевусейску и Гергесейску и Ферезейску, еюже клятся ко отцем твоим, дати тебе землю тощащую млечко и мед, и сотвориши службу сию сего месяца: **6** шесть дний ядите опресноки, в седьмый же день праздник Господу, **7** опресноки ядите седьмь днй: да не явится тебе квасное, ниже будет тебе квас во всех пределах твоих, **8** и возвестиши сыну твоему в день он, глаголя: сего ради сотворил Господь Бог мне, егда исходах из Египта: **9** и будет тебе знамение на руце твоей, и воспоминание пред очима твоими, яко да будет закон Господень во устех твоих, рукою бо крепкою изведе тя Господь Бог из Египта: **10** и сохраните закон сей по временем установленым, от дний до дний, **11** и будет егда введет тя Господь Бог твой в землю Хананейску, якоже кляся отцем твоим, и даст ю тебе: **12** и отлучиши всякое разверзающее ложесна, мужеск пол Господу: всякое разверзающее ложесна от стад или от скот твоих, елика будут тебе, мужеск пол освятиши Господу: **13** всякое разверзающее утробу ослию премениши овцею: аще же не премениши, искупиши е: и всякаго первенца человека сынов твоих да искупиши: **14** аще же вопросит тя сын твой по сих, глаголя: что сие? И речеши ему: яко рукою крепкою изведе нас Господь из земли Египетской, из дому работы, **15** егда бо ожесточися фараон отпустити нас, изби Господь всякаго первенца в земли Египетстей,

от первенца человеча до первенца скотия: сего ради аз в жертву приношу всякое разверзающее ложесна, мужеск пол Господу, и всякаго первенца сынов моих искуплю, **16** и будет в знамение на руце твоей, и непоколебимо пред очесы твоими: рукою бо крепкою изведе тя Господь из Египта. **17** Егда же отпусти фараон люди, не поведе их Бог путем земли Филистимския, яко близ бяше, ибо рече Бог: да не когда раскаются людие, видевше рать, и возвратятся во Египет. **18** И обведе Бог люди путем, иже в пустыню к Чермному морю. Пятаго же рода изыдоша сынове Израилевы от земли Египетской. **19** И взя Моисей кости Иосифовы с собою: клятвою бо закля Иосиф сыны Израилевы, глаголя: присещением присетит вас Господь, и изнесете отсюду кости мои с собою. **20** Воздвигшеся же сынове Израилевы от Сокхофа, ополчишася во Офоме при пустыни. **21** Бог же вождаше их, в день убо столпом облачным, показати им путь, нощю же столпом огненным, светити им: **22** и не оскуде столп облачный во дни и столп огненный нощю пред всеми людьми.

14 И рече Господь к Моисею глаголя: **2** рицы сыном Израилевым, и обратившеся да ополчатся прямо при дворию, между Магдолом и между Морем, прямо Веельсепфону: пред ними ополчишися при мори: **3** и речет фараон людем своим о сынех Израилевых: заблуждают сии по земли, затвори бо их пустыня: **4** Аз же ожесточу сердце фараоново, и поженет созади их, и прославлюся в фараоне и во всем воинстве его: и уразумеют вси Египтяне, яко Аз есмь Господь. И сотвориша тако. **5** И возвещено бысть царю Египетскому, яко бежаша людие, и превратися сердце фараоново и рабов его на люди, и рекоша: что сие сотворихом, отпустивше сыны Израилевы, да не работают нам? **6** Впряже убо фараон колесницы своя, и вся люди своя собра с собою: **7** и поят шесть сот колесниц избранных, и вся кони Египетская, и тристаты над всеми. **8** И ожесточи Господь сердце фараона царя Египетского и рабов его, и погна созади сынов Израилевых. Сынове же Израилевы исходаху рукою высококо. **9** И погнаша Египтяне вслед их, и обретоша их ополчившихся при мори: и вся кони и колесницы фараоновы, и конницы, и воинство его прямо при дворию, противу Веельсепфона. **10** И фараон приближащеся. Возврече же сынове Израилевы очима, видеша: и се, Египтяне ополчишася вслед их: и убоявшись зело, и возопиша сынове Израилевы ко Господу **11** и рекоша к Моисею: за еже не быти гробом во Египте, извел еси нас умертвiti в пустыни: что сие сотворил еси

нам, извед нас из Египта? 12 Не сей ли бяше глагол, егоже рекохом к тебе во Египте, глаголюще: остави нас, да работаем Египтюном: лучше бо бяше нам работати Египтюном, нежели умрети в пустыни сей. 13 Рече же Моисей к людем: дерзайте, стойте и зрите спасение еже от Господа, еже сотворит нам днес: имже бо образом видесте Египтюн днес, не приложите ктому видети их в вечное время: 14 Господь поборет по вас, вы же умолкните. 15 И рече Господь к Моисею: что вопиеш ко Мне? Рцы сыном Израилевым, и да путешествуют, 16 ты же возми жезл твой и простри руку твою на море, и расторгни е: и да внидут сынове Израилевы посреде моря по суху: 17 и се, Аз ожесточу сердце фараоново и всех Египтюн, и внидут вслед их: и прославлюся в фараоне и во всем воинстве его, и в колесницах и в конех его, 18 и уведят вси Египтюне, яко Аз есмь Господь, егда прославляюся в фараоне и в колесницах и в конех его. 19 Взятся же Ангел Божий ходяй пред полком сынов Израилевых и пойде созади их, взятся же и столп облачный от лица их и ста созади их. 20 И вниде посреде полка Египетска и посреде полка сынов Израилевых и ста: и бысть тма и мрак, и прииде нощь, и не смесишася друг с другом во всю нощь. 21 Простре же Моисей руку на море, и возгна Господь море ветром южным сильным всю нощь, и сотвори море сушу, и разступися вода. 22 И внидоша сынове Израилевы посреде моря по суху, и вода им стена бысть одесную и стена ошую. 23 Погнаша же Египтюне и внидоша вслед их, и всяк конь фараонов, и колесницы, и всадники посреде моря. 24 Бысть же в стражу утреннюю, и воззре Господь на полк Египетский в столпе огненнем и облачнем, и смяте полк Египетский, 25 и связа оси колесниц их, и ведяще их с нуждею. И рекоша Египтюне: бежим от лица Израилева, Господь бо поборает по них на Египтюны. 26 И рече Господь к Моисею: простри руку твою на море, и да совокупится вода и да покрьет Египтюны, колесницы же и всадники. 27 Простре же Моисей руку на море, и устроися вода ко дню на место: Египтюне же бежаша под водою, и истрясе Господь Египтюны посреде моря: 28 и обратившияся вода покры колесницы и всадники и всю силу фараонову, вшедши вслед их в море: и не оста от них ни един. 29 Сынове же Израилевы проиша по суху посреде моря: вода же им стена (бысть) одесную и стена ошую, 30 и избави Господь Израиля в день он из руки Египетских: и видеша сынове Израилевы Египтюн измерших при краи моря. 31 Виде же Израиль руку велику, яже сотвори Господь Египтюном, и убояшася

людие Господа и вероваша Богу и Моисею угоднику Его. Тогда воспе Моисей и сынове Израилевы песнь сию Господви, и рекоша глаголюще:

15 Поим Господви, славно бо прославися: коня и всадника вверже в море: 2 Помощник и Покровитель бысть мне во спасение: Сей мой Бог и прославлю Его, Бог отца моего и вознесу Его: 3 Господь сокрушаяй брани, Господь имя Ему, 4 колесницы фараоновы и силу его вверже в море, избранныя всадники тристаты потопи в Чермнem мори, 5 пучиною покры их, погрязоша во глубине яко камень: 6 десница Твоя, Господи, прославися в крепости, десная Твоя рука, Господи, сокруши враги: 7 и множеством славы Твоей стерл еси сопротивных, послал еси гнев Твой, пойде я яко стеблие, 8 и духом ярости Твоей разступися вода: огустеша яко стена воды, огустеша и волны посреде моря: 9 рече враг: гнав постигну, разделяю корысть, исполню душу мою, убию мечем моим, господствовати будет рука моя: 10 послал еси духа Твоего, покры я море, погрязоша яко олово в воде зелней: 11 кто подобен Тебе в бозех, Господи, кто подобен Тебе? Прославлен во святых, дивен в славе, Творяй чудеса: 12 простерл еси десницу Свою, пожре я земля, 13 наставил еси правдою Твою людя Твоя сия, яже избавил еси, утешил еси крепостию Твою во обитель святую Твою: 14 слышаша языцы и прогневашася, болезни прияша живущии в Филистиме: 15 тогда потщаша владыцы Едомстии и князи Моавитстии, прият я трепет: растаяша вси живущии в Ханаане: 16 да нападет на я страх и трепет: величием мышцы Твоей да окаменятся, дондеже пройдут людие Твои, Господи, дондеже пройдут людие Твои сии, яже стяжал еси: 17 введ насади я в гору достояния Твоего, в готовое жилище Твое, еже соделал еси, Господи, святыню, Господи, юже уготовасте руце Твои: 18 Господь царствия веки, и на век, и еще: 19 егда вниде конница фараонова с колесницами и всадники в море, и наведе на них Господь воду морскую: сынове же Израилевы проиша сушю посреде моря. 20 Взя же Мариам пророчица, сестра Ааронова, тимпан в руце свои, и изыдоша вся жены вслед ея со тимпаны и лики: 21 преднача же им Мариам, глаголющи: поим Господви, славно бо прославися: коня и всадника вверже в море. 22 Поят же Моисей сыны Израилевы от моря Чермнаго и веде их в пустыню Сур: и идяху три дни в пустыни, и не обретаху воды пити. 23 Приодоша же в Мерру, и не можаху пити воды от Мерры, горька бо бе: сего ради наречеся имя месту тому

Горесть. 24 И роптаху людие на Моисеа, глаголюще: что пием? 25 Возопи же Моисей ко Господу, и показа ему Господь древо, и вложи е в воду, и усладися вода: тамо положи ему оправдания и судбы, и тамо его искуси, 26 и рече: аще слухом услышиши глас Господа Бога твоего, и угодная пред ним сотвориши, и внушиши заповедем Его, и сохраниши вся оправдания Его: всяку болезнь, юже наведох Египтяном, не наведу на тя: Аз бо есмь Господь Бог твой исцеляй тя. 27 И прииша во Елим, и бяху тамо дванадесять источников вод, и седмъдесят стебли финиковых: и ополчишася тамо при водах.

16 Воздвигоша же от Елима, и прииде весь сонм сынов Израилевых в пустыню Син, яже есть между Елином и между Синою. В пятый же надесять день втораго месяца изшедшым им от земли Египетския, 2 возропта весь сонм сынов Израилевых на Моисеа и Аарона, 3 и рекоша к ним сынове Израилевы: о дабы быхом измерли мы уязвени от Господа в земли Египетстей, егда седяхом над котлы мясными и ядохом хлебы до сътости: яко изведосте ны в пустыню сию уморити весь сонм сей гладом. 4 Рече же Господь к Моисею: се, Аз одожду вам хлебы с небесе: и изыдут людие, и соберут доволное дню, на (всяк) день, яко да искушу их, аще пойдут в законе Моем, или ни. 5 И будет в день шестый, и уготовят, еже внесут, и да будет сугубо, еже собираша на всяк день. 6 Рече же Моисей и Аарон ко всему сонму сынов Израилевых: в вечер (сей) увесте, яко Господь изведе вы от земли Египетския, 7 и заутра узрите славу Господню, всегда услышати Господу роптанье ваше на Бога: мы же что есмы, яко ропщете на ны? 8 И рече Моисей: егда даст Господь вам в вечер мяса ясти и хлебы заутра до сътости, понеже услыша Господь роптанье ваше, имже ропщете на ны: мы же что есмы? Не на нас бо роптанье ваше, но точию на Бога. 9 И рече Моисей ко Аарону: глаголи ко всему сонму сынов Израилевых: приидите пред Бога, услыша бо роптанье ваше. 10 Егда же глаголаше Аарон всему сонму сынов Израилевых, и обратишася в пустыню, и слава Господня явися во облаце, 11 и рече Господь к Моисею глаголя: 12 слышах роптанье сынов Израилевых: рцы к ним глаголя: к вечеру да снесте мяса и заутра насытитеся хлебов, и увесте, яко Аз есмь Господь Бог ваш. 13 Бысть же вечер, и прииша крастели и покрыша полк. Заутра же бысть спадшай росе около полка, 14 и се, на лицы пустыни мелко яко кориандр, бело аки лед на земли. 15 Узревше же то сынове Израилевы, реша

друг ко другу: что есть сие? Не ведяху бо, что бяше. Рече же Моисей к ним: сей хлеб, егоже даде Господь вам ясти: 16 сей глаголол, егоже завеща Господь: соберите от него кийждо на домашния, гомор поглавно по числу душ ваших, кийждо вас с домашними своими соберите. 17 И сотвориша тако сынове Израилевы, и собираша ов много, ов же мало: 18 и измеривше гомором, не преизбыточествова иже много, и иже мало, не мнее прият: кийждо на домашних своих собраша. 19 И рече Моисей к ним: никто же да оставит на утрье от него. 20 И не послушаша Моисеа, но оставиша нецыи от него на утрье, и воскипе червми и возсмердеся. И оскорбися на них Моисей. 21 И собираша оное рано рано, кийждо надлежащее себе: егда же огреваше солнце, растаяваше. 22 Бысть же в день шестый, собираша потребное сугубо, два гомора комуждо. Прииша же вси князи сонма и поведаша Моисею. 23 Рече же Моисей к ним: сие слово есть, еже глагола Господь: суббота покой свят Господу заутра: елика аще печете, пецьте, и елика аще варите, варите, все же избыточное оставите в скрове на утрье. 24 И оставиша от того до утрия, яко же заповеда им Моисей: и не возсмердеся, ниже червь бысть в нем. 25 Рече же Моисей: ядите днесь, есть бо суббота покой Господу: днесь не обрящете на поли: 26 шесть днй собираите, в седмый же день суббота: яко не будет в нем. 27 Бысть же в седмый день, изыдоша нецыи от людий собирати, и не обретоша. 28 Рече же Господь Моисееви: доколе не хощете послушати заповедий Моих и закона Моего? 29 Зрите: Господь бо даде вам субботу день сей: сего ради Той даде вам в день шестый хлеба на два дни: седите кийждо вас в дому своем у себе, никто же да исходит от места своего в день седмый. 30 И субботствоваша людие в день седмый. 31 И прозваша сынове Израилевы имя тому манна: бяше же яко семя кориандрово бело, вкус же его аки мука с медом. 32 Рече же им Моисей: сей глаголол, егоже завеща Господь: наполните гомор от манны в скров в роды ваша: да видят хлеб, егоже ядосте вы в пустыни, егда изведе вас Господь от земли Египетския. 33 И рече Моисей ко Аарону: возми стамну златую едину и вложи в ню гомор полный от манны, и положиши тую пред Богом в соблюдение в роды ваши. 34 Яко же заповеда Господь Моисею, положи ю Аарон пред свидением в соблюдение. 35 Сынове же Израилевы ядоша манну лет четыредесять, дондеже прииша в землю обитаемую, и ядоша манну, дондеже прииша во страну Финикийскую: 36 гомор же десятая часть трех мер бяше.

17 И воздвигеся весь сонм сынов Израилевых от пустыни Син по полком своим словом Господним и ополчишася в Рафидине. Не бяше же воды людем пити, 2 и хуляху людие Моисея, глаголюще: даждь нам воду, да пием. И рече им Моисей: что хулите мя? И что искушаете Господа? 3 Возжаждаша же тамо людие воды и роптаху на Моисея, глаголюще: вскую сие? Извел еси нас из Египта уморити нас и чада наша и скоты жаждею? 4 Возопи же Моисей ко Господу глаголя: что сотворю людем сим? Еще мало, и побиют мя камением. 5 И рече Господь к Моисею: пойди пред людьми сими, и поими с собою от старец людских, и жезл, имже пресекл еси море, возми в руку твою, и пойди: 6 Аз же стану тамо прежде пришествия твоего у камене в Хориве: и удариши в камень, и изыдеть из него вода, и да пиют людие. Сотвори же Моисей тако пред сыны Израилевыми, 7 и прозва имя месту тому Искушение и Похуление, хулы ради сынов Израилевых, и занеже искусиша Господа, глаголюще: аще есть в нас Господь, или ни? 8 Прииде же Амалик и воева на Израиля в Рафидине. 9 Рече же Моисей ко Иисусу: избери себе мужы сильны и изshed ополчися на Амалика заутра: и се, аз стану на верху горы, и жезл Божий в руце моей. 10 И сотвори Иисус, якоже рече ему Моисей, и изshed ополчися на Амалика: Моисей же и Аарон и Ор взыдоша на верх горы. 11 И бысть егда воздвигаше Моисей руце, одолеваше Израиль: егда же опускаше руце, одолеваше Амалик: 12 руце же Моисеовы тяжки беша: и вземше камень, подложиша ему, и седяше на нем: Аарон же и Ор поддержаста руце ему, един отсюду, а другой оттуду: и быша Моисеови руце укреплены до захождения солнца: 13 и преодоле Иисус Амалика и вся люди его убийством меча. 14 Рече же Господь к Моисею: впиши сие на память в книги и вдай во уши Иисусу, яко пагубою погублю память Амаликову от поднебесныя. 15 И созда Моисей олтарь Господу и прозва имя ему Господь Прибежище мое: 16 яко рукою тайною ратует Господь на Амалика от рода в род.

18 Услыша же Иофор, иерей Мадиамский, тесть Моисеев, вся, елика сотвори Господь Израилю Своим людем, яко изведе Господь Израиля из Египта: 2 и пой Иофор, тесть Моисеев, Сепфору, жену Моисееву, по отпущении ея, з и два сына ея: имя единому от них Гирсам, глаголя: пришлец бых в земли чуждей, 4 и имя второму Елиезер, глаголя: Бог бо отца моего помощник мой и избави мя из руки фараони. 5 И прииде Иофор, тесть Моисеев, и сынове и жена к Моисею в пустыню, идже ополчися при горе Божией. 6 Возвестиша же

Моисею, глаголюще: се, Иофор, тесть твой, идет к тебе, и жена твоя, и оба сына твоя с ним. 7 Изъде же Моисей во сретение тестю своему и поклонися ему и целова его, и приветствоваша друг друга: и введе их Моисей в кущу. 8 И поведа Моисей тестю своему вся, елика сотвори Господь фараону и всем Египтяном Израиля ради, и весь труд бывший им на пути, и яко избави их Господь от руки фараони и от руки Египетския. 9 Ужасеся же Иофор о всех благих, яже сотвори им Господь, яко избави их Господь от руки Египетския и от руки фараони, 10 и рече Иофор: благословен Господь, яко избави люди Своя из руки Египетския и из руки фараони: 11 ныне уведех, яко велик Господь паче всех богов, сего ради, яко налегоша на них. 12 И взя Иофор тесть Моисеев всесожжения и жертвы Богу: прииде же Аарон и вси старцы Израилевы ясти хлеба с тестем Моисеевым пред Богом. 13 И бысть на утрье, седе Моисей судити люди: стояху же пред Моисеем вси людие от утра до вечера. 14 Видев же Иофор вся, елика творяше людем, рече: что сие, еже ты твориши людем? Почто ты един седиши, вси же людие предстоят тебе от утра до вечера? 15 Рече же Моисей тестю: понеже приходят людие ко мне просити суда от Бога: 16 егда бо бывает им распра, и приходят ко мне, разсуждаю коемуждо и сказую им повеления Божия и закон Его. 17 Рече же тесть Моисеев к нему: не право ты твориши глагол сей: 18 трудом утрудиших несносным и ты, и вси людие сии, иже суть с тобою: тяжек тебе глагол сей, не возможеша творити ты един: 19 ныне убо послушай мене и присоветую тебе, и будет Бог с тобою: буди ты людем в тех яже к Богу, и донесеши словеса их к Богу, 20 и засвидетельствуй им повеления Божия и закон Его, и повежь им пути Его, имже пойдут, и дела, яже сотворят: 21 ты же усмотри себе от всех людий мужы сильны, Бога боящяся, мужы праведны, ненавидящия гордости, и поставиши их над ними тысященачалники и стонаначалники, и пятьдесятнаначалники и десятнаначалники и писмовводители, 22 и судят людий по вся часы: слово же неудоборешителное донесут к тебе: малыя же суды да судят они, и облегчат тя и спомогут тебе: 23 аще слово сие сотвориши, укреплит тя Бог, и возможеша настоятелствовати, и вси людие сии приидут во свое место с миром. 24 Послуша же Моисей гласа тестя своего и сотвори вся, елика рече ему: 25 и избра Моисей мужы сильны от всего Израиля, и сотвори я над ними тысященачалники и стонаначалники, и пятьдесятнаначалники и десятнаначалники и писмовводители: 26 и суждаху людем по вся часы:

всякое же слово неудоборешителное доносиша к Моисею, всякое же слово легкое суждаху сами. 27 Отпусти же Моисей тестя своего, и отиде в землю свою.

19 Месяца же третяго изшествия сынов Израилевых

от земли Египетской, в сий день придоша в пустыню Синайскую: 2 и воздвигошася от Рафидина и придоша в пустыню Синайскую, и ополчися тамо Израиль прямо горы. 3 Моисей же взыде на гору Божию, и воззва его Бог от горы глаголя: сия возглаголеши дому Иаковлю и повеси сыном Израилевым: 4 сами видесте, елика сотворих Египтяном, и подях вас яко на крилех орлих и приведох вас к Себе: 5 и ныне аще слухом послушаете гласа Моего и сохраните завет Мой, будете Ми людие избранни от всех язык: Моя бо есть вся земля: 6 вы же будете Ми царское священие и язык свят: сия словеса да речеши сыном Израилевым. 7 Прииде же Моисей и призва старцы людския и предложи им вся словеса сия, яже завеща им Бог. 8 Отвещаша же вси людие единодушно и рекоша: вся, елика рече Бог, сотворим и послушаем. Донесе же Моисей словеса сия к Богу, 9 и рече Господь к Моисею: се, Аз прииду к тебе в столпе облачне, да услышат людие глаголюща мя к тебе и да тебе веруют во веки. Поведа же Моисей словеса людий ко Господу. 10 Рече же Господь Моисею: сошед засвидетелствуй людем и очисти я днесъ и утре, и да исперут ризы, 11 и да будут готовы в день третий: в третий бо день снидет Господь на гору Синайскую пред всеми людьми: 12 и устроши люди окрест глаголя: внемлите себе не восходити на гору и ни чимже коснутися ея: всяк прикоснувыйся горе смертию умрет: 13 не коснется ей рука, камением бо побиется или стрелою устрелится, аще скот, аще человек, не будет жив: егда же гласи и трубы и облак отидет от горы, сии взыдут на гору. 14 Сниде же Моисей с горы к людем, и освяти я, и испраша ризы своя: 15 и рече людем: будите готови, три дни не входите к женам. 16 Бысть же в третий день бывшу ко утру, и быша гласи и молния и облак мрачен на горе Синайской, глас трубный глашаще зело: и убоявшись вси людие, иже в полце: 17 изведе же Моисей люди во сретение Богу из полка, и стала под горою. 18 Гора же Синайская дымяшеся вся, схождения ради Божия на ню во огни, и восходжаще дым, яко дым пещный: и ужасошася вси людие зело. 19 Быша же гласи трубний происходяще крепцы зело: Моисей глаголаше, Бог же отвещаваше ему гласом. 20 Сниде же Господь на гору Синайскую на верх горы, и воззва Господь Моисея на

верх горы, и взыде Моисей: 21 и рече Бог к нему глаголя: сошед засвидетелствуй людем, да не когда приступят к Богу уразумети, и падут от них мнози: 22 жерцы же приступающи ко Господу Богу да освятятся, да не когда погубит от них Господь. 23 И рече Моисей к Богу: не возмогут людие взыти на гору Синайскую: Ты бо завещал еси нам глаголя: определи гору и освяти ю. 24 И рече ему Господь: иди, снди и взыди ты и Аарон с тобою: жерцы же и людие да не нудятся взыти к Богу, да не когда погубит от них Господь. 25 Сниде же Моисей к людем и поведа им.

20 И глагола Господь вся словеса сия к Моисею

глаголя: 2 Аз есмь Господь Бог твой, изведый тя от земли Египетской, от дому работы: 3 да не будут тебе бози ини разве Мене. 4 Не сотвори себе кумира и всякаго подобия, елика на небеси горе и елика на земли низу, и елика в водах под землею: 5 да не поклонишися им, ни послужиши им: Аз бо есмь Господь Бог твой, Бог ревнитель, отдай грехи отец на чада до третяго и четвертаго рода ненавидающим Мене, 6 и творяй милость в тысячах любящим мя и хранящим повеления Моя. 7 Не возмеши имене Господа Бога твоего всуе: не очистит бо Господь приемлющя имя Его всуе. 8 Помни день субботний, еже святити его: 9 шесть дний делай и сотвориши (в них) вся дела твоя: 10 в день же седьмый, суббота Господу Богу твоему: да не сотвориши всякаго дела в онъ ты и сын твой и дщерь твоя, и раб твой и раба твоя, и вол твой и осля твое и всякий скот твой, и пришлец обитаяй у тебе: 11 зане в шести днех сотвори Господь небо и землю, море и вся яже в них, и почи в день седьмый: сего ради благослови Господь день седьмый и освяти его. 12 Чти отца твоего и матери твою, да благо ти будет и да долголетен будеши на земли блазе, юже Господь Бог твой дает тебе. 13 Не убий. 14 Не прелюбы сотвори. 15 Не укради. 16 Не послушествуй на друга своего свидетельства ложна. 17 Не пожелай жены искренняго твоего, не пожелай дому ближняго твоего, ни села его, ни раба его, ни рабыни его, ни вола его, ни осла его, ни всякаго скота его, ни всего, елика суть ближняго твоего. 18 И вси людие зряху глас и свещы, и глас трубный и гору дымящуюся: и убоявшись вси людие стала издалече, 19 и рекоша Моисею: глаголи ты с нами, и да не глаголет к нам Бог, да не когда умрем. 20 Рече же им Моисей: дерзайте: искушения бо ради прииде Бог к вам, яко да будет страх Его в вас, да не согрешаете. 21 Стояху же вси людие издалече: Моисей

же вниде во мрак, идже бяше Бог. 22 Рече же Господь к Моисею: сия речеши дому Иаковлю и возвестиши сыном Израилевым: вы видесте, яко с небесе глаголах к вам: 23 не сотворите себе сами богов сребряных и богов златых не сотворите самим себе: 24 олтарь из земли сотворите Ми и покрете на нем всесожжения ваша и спасителная ваша, и овцы и телцы вашя, на всяком месте, идже нареку имя Мое тамо, и прииду к тебе и благословлю тя: 25 аще же олтарь от камений сотвориши Mi, да не устроиши их тесаных: сечиво бо твое аще возложиши на них, то осквернятся: 26 да не взыдеши по степенем ко олтарю Моему, яко да не открыеши срамоты твоего на нем.

21 И сия оправдания, яже да положиши пред ними:

2 аще стяжеши раба Евреина, шесть лет да поработает тебе, в седьмое же лето отпустиши его свободна туне: 3 аще сам един внидет, то един и изыдет: аще же жена внидет с ним, то и жена отидет с ним: 4 аще же господин даст ему жену, и родит ему сыны или дщери, жена и дети да будут господину его, сам же един да отидет. 5 Аще же отвещав раб речет: возлюбих господина моего и жену мою и дети мои, не отхожду свободен: 6 да приведет его господин его пред судище Божие, и тогда приведет его пред двери на праг, и да провертил ему ухо господин его шилом, и да поработает ему во веки. 7 Аще же кто продаст свою дщерь в рабыню, да не отидет, яко же отходят рабыни: 8 аще не угодит пред очима господина своего, юже он взяти в жену обеща, да отпустит ю: языку же чуждему господин да не продаст ея, понеже отверже ю: 9 аще же сыну своему обещал ю, по обыкновению дщерей да сотворит ей: 10 аще же другую поймет себе, потребных и одежд и сообщения ея да не лишит: 11 аще же сих трех не сотворит ей, да отидет без сребра туне. 12 И аще кого кто ударит, и умрет, смертию да умрет (и той): 13 аще же не хотя, но Бог предаде в руце его, дам тебе место, в неже убежит тамо убивый: 14 аще же кто приложит убити ближняго своего лестию и прибегнет ко олтарю, от олтаря Моего да возмеши того умертвiti. 15 Иже биет отца своего или матерь свою, смертию да умрет. 16 Иже злословит отца своего или матерь свою, смертию да умрет. 17 Аще кто кого украдет от сынов Израилевых, и соодлев сему продаст его, и обрящется у него, смертию да скончается. 18 Аще же сваряются два мужа, и ударит един другаго каменем или пястию, и не умрет, но сложет на одре: 19 аще востав человек походит вне о жезле, неповинен

будет удариивый его: точию за неделание его да даст цену и на цельбу. 20 Аще же кто ударит раба своего или рабу свою жезлом, и умрет от руки его, судом да отмстится: 21 аще же преживет день един или два, да не мстится: сребро бо его есть. 22 Аще же биются два мужа, и поразят жену непраздну, и изыдет младенец ея неизображен, тщето да отщетится: яко же наложит муж жены тоя, подобающе да отдаст: 23 аще же изображен будет, да даст душу за душу. 24 око за око, зуб за зуб, руку за руку, ногу за ногу, 25 жжение за жжение, язву за язву, вред за вред. 26 Аще же кто исткнет око рабу своему или око рабыни своей и ослепит, свободны да отпустят я за око их: 27 аще же зуб рабу своему или зуб рабе своей избииет, свободны да отпустят я за зуб их. 28 Аще же вол убодет мужа или жену, и умрет, камением да побиется вол той, и да не снедят мяса его, господин же вола неповинен будет: 29 аще же вол бодлив будет прежде вчерашняго и третияго дне, и возвестят господину его, и не заключит его, и убийт мужа или жену: вол камением да побиется, и господин его купно да умрет: 30 аще же окуп наложится ему, да даст окуп за душу свою, елико наложат ему: 31 аще же сына или дщерь убодет, по сему же суду да сотворят ему: 32 аще же раба или рабу убодет вол, сребра тридесять дидрахм да даст господину их, и вол камением да побиется. 33 Аще же кто отверзет яму или ископает яму и не покрьет ея, и впадется в ню телец или осля, 34 господин ямы отдаст (цену), сребро даст господину их: умершее же ему да будет. 35 Аще же чий вол убодет вола ближняго, и умрет, да продадут вола живаго, и да разделят цену его, и вола умершаго да разделят: 36 аще же знаемъ есть вол, яко бодлив есть прежде вчерашняго и третияго дне, и глаголаша господину его, и той не заключит его: да отдаст вола за вола, мертвый же ему да будет.

22 Аще же кто украдет телца или овцу, и заколет или продаст, пять телцев да воздаст за телца и четыри овцы за овцу. 2 Аще же в подкопании обрящется тать, и язвен умрет, несть ему убийство: 3 аще же взыдет солнце над ним, повинен есть, умрет за него: аще же не имать имения, да продастся за татьбу: 4 аще же ят будет, и обрящется в руце его украденое от осляти до овцы живо, сугубо да отдаст я. 5 Аще же кто потравит ниву или виноград, и пустил скот свой пастися на чужей ниве, да даст от нивы своея по плоду его: аще же всю ниву потравит, лучшая нивы своея и лучшая винограда своего да отдаст. 6 Аще же изшед огнь обрящет терние и запалит

гумно, или класы, или ниву, да отдаст, иже возже огнь. 7 Аще же кто даст другу сребро или сосуд сохранити, и украдется из дома мужа того, аще обрящется украдый, да воздаст сугубо: 8 аще же не обрящется украдый, да приидет господин дому пред бога и да кленется, яко поистинне не слукавствова он о всем положении дружнем. 9 По всей реченней неправде, о теляти и о осляти и о овце, и о ризе и о всей гибели нанесенней, что убо ни было бы, пред богом да приидет суд обоих, и обвиненный богом да отдаст сугубо ближнему. 10 Аще же кто даст другу осля или телца, или овцу, или всяк скот хранити, и умрет или погибнет, или пленено будет, и никто же увесьть, 11 клятва да будет Божия между обоими, яко поистинне не слукавствова он о всем ближняго положении, и тако приемет господин его, и да не отдаст: 12 аще же украдено будет от него, да отдаст господину: 13 аще же зверь снеде, да ведет его на звероядину, и не отдаст: 14 аще же кто испросит у друга, и погибнет, или умрет, или пленится, господин же его не будет с ним, отдаст: 15 аще же господин его будет с ним, да не отдаст: аще же наемник есть, да будет ему вместо мзды его. 16 Аще же прельстит кто не обручену девицу, и будет с нею, веном да отвенит ю, (и поймет ю) себе в жену: 17 аще же возбраняя возбранит и не восходит отец ея дати ю ему в жену, сребро да воздаст отцу, елико есть вено девическо. 18 Волхвом живым быти не попустите. 19 Всякаго со скотом бывающа смертию убиете его. 20 Иже жертву приносит богом, смертию да потребится, но точию Господу единому. 21 И пришелца не озлобите, ниже оскорбите его: пришелцы бо бесте в земли Египетстей. 22 Всякия вдовы и сироты не озлобите: 23 аще же злобу озлобите Я, и возстенавше возопиют ко мне, слухом услышу глас их 24 и разгневаюся яростию, и побию вы мечем, и будут жены ваша вдовы, и чада ваша сироты. 25 Аще же даси сребро взаем брату нищему иже у тебе, не буди его понуждай, ниже наложиши ему лихвы. 26 И аще заложит в залог ризу друг твой, до захождения солнца отдаши ему: 27 есть бо сия покровение ему, сия едина риза стыдения его, в чем спати будет: аще убо возопиет ко Мне, услышу его: милостив бо есмь. 28 Богов да не злословиши и князю людий твоих да не речеши зла. 29 Начатки от гумна и от точила твоего да не косниши принести (Мне): первенцы сынов твоих да даси Мне: 30 тако сотвориши телцу твоему, и овце твоей, и ослу твоему: седмь дній да будет у матери, в осмый же день да отдаши оное Мне. 31 Люди святы будете Ми, и мяса звероядинаго да не снесте, пском повержете е.

23 Да не приемеши слуха суетна, да не приложишися с неправедным быти свидетель неправеден: 2 да не будеш со многими на злобу, да не приложишися ко множеству уклонитися со множайшими, яко превратити суд, 3 и нищаго да не помилуеши на суде. 4 Аще же срещеши говядо врага твоего или осля его заблуждающе, обратив да отдаши ему: 5 аще же узриши осля врага твоего падшее под бременем его, да не мимоидеш е, но да воздвигнеш е с ним. 6 Да не превратиши суда нищему в суде его. 7 От всякаго слова неправеднаго да отступиши: неповинна и праведна да не убиши, и не оправдиши нечестиваго даров ради, 8 и да не возмеши даров: дары бо ослепляют очи видящым и погубляют словеса праведна. 9 И пришелца не оскорбляйте, ни стужите (ему): вы бо весте душу пришелчу, понеже сами бесте пришелцы в земли Египетстей. 10 Шесть лет да сееси землю твою и да собереши плоды ея: 11 в седмое же оставление да сотвориши и опустиши ю, и да ясти будут убозии языка твоего, останки же да снедят зверие дивии: тако да сотвориши винограду твоему и масличию твоему. 12 В шесть дній да сотвориши дела твоя, в седьмый же день покой: да почнет вол твой и осел твой, и да почнет сын рабы твоиа и пришелец. 13 Вся, елика глаголах вам, сохраните, имен же богов инех не поминайте, ниже да слышатся изо уст ваших. 14 Три краты в лете сотворите Ми праздник: 15 праздник опресноков сохраните творити, седьмь дній ядите опресноки, якоже заповедах тебе, во время месяца новых плодов, в той бо изшел еси из Египта, да не явишися предо Мною тощъ: 16 и праздник жатвы первородных жит сотвориши от дел твоих, яже посееши на ниве твоей: и праздник скончания при исходе лета в собрании дел твоих, яже от нив твоих. 17 Три краты в лете да явится всяк мужеск пол твой пред Господем Богом твоим. 18 Егда бо изжену языки от лица твоего и разширю пределы твоя, да не пожрещи на квасе крове жертвы Моей, ниже да дожелит тук праздника Моего до утра. 19 Начатки первых жит земли твою да внесеши в дом Господа Бога твоего. Да не свариши ягнѧ во млече матере его. 20 И се, Аз посплю Ангела Моего пред лицем твоим, да сохранит тя на пути, яко да введет тя в землю, юже уготовах тебе: 21 вонми себе и послушай Его, и не послушайся Его: не обинется бо тебе, имя бо Мое есть на Нем: 22 аще слухом послушаеши гласа Моего и сотвориши вся, елика Аз заповедаю тебе, и сохраниши завет Мой, будете Ми люди избранни от всех язык: Моя бо есть вся земля, вы же будете Ми царское священие и язык свят. Сия словеса да речеши сыном

Израилевым. Аще слухом послушаеши гласа Моего и створиши вся, елика реку тебе, враг буду врагом твоим и сопротивлюся сопротивником твоим. 23 Пойдет бо Ангел Мой наставляй тя и введет тя ко Аморрею и Хеттею, и Ферезею и Хананею, и Гергесею и Евею и Иевусею, и потреблю их (от лица вашего): 24 да не поклонишися богом их, ниже послужиши им: да не створиши по делом их, но разорением разориши и сокрушением сокрушиши капища их, 25 и да послужиши Господу Богу твоему: и благословлю хлеб твой и вино твое и воду твою, и отвращу болезнь от вас. 26 Не будет безчаден, ниже неплоды на земли твоей: число дній твоих исполняя исполню. 27 И страх послю ведущий тя, и устрашу вся языки, в няже ты входиши к ним, и дам вся сопротивники твоя в бегуны: 28 и послю шершни пред тобою, и изжену Аморреи и Евеи, и Иевусеи и Хананеи и Хеттеи от тебе: 29 не изжену их в лете единем, да не будет земля пуста, и мнози будут на тя звери земни: 30 помалу помалу изжену их от тебе, дондеже возрастеши и наследиши землю. 31 И положу пределы твоя от Чермнаго моря до моря Филистимля, и от пустыни до реки великия Евфрата, и предам в руце ваши седящих на земли и изжену их от тебе: 32 да не смесишися с ними, и с боги их да не завещаеши завета, 33 и да не останутся на земли твоей, да не створят тя согрешити ко Мне: аще бо поработаеши богом их, сии будут тебе в соблазн.

24 И Моисею рече: взыди ко Господу ты и Аарон, и Надав и Авиуд и седмъдесят старец Израилевых, и да поклоняются издалече Господу: 2 и да приступит Моисей един к Богу, они же да не приступят: и людие с ними да не взыдут. 3 Прииде же Моисей и поведа людем вся словеса Божия и оправдания. Отвещаша же вси людие гласом единственным, глаголюще: вся словеса, яже глагола Господь, створим и послушаем. 4 И написа Моисей вся словеса Господня: обутрев же Моисей заутра, созда олтарь под горою, и дванадесять камений в дванадесять племен Израилевых: 5 и послы юноши сынов Израилевых, и принесоша всесожжения, и пожроша жертву спасения Господу Богу телцы. 6 Взем же Моисей половину крове, влия в чаши, половину же крове возлия на олтарь, 7 и взем книгу завета, прочте людем во уши. И рекоша: вся, елика глагола Господь, створим и послушаем. 8 Взем же Моисей кровь, окропи люди и рече: се, кровь завета, егоже завеща Господь к вам о всех словесех сих. 9 И взыде Моисей и Аарон, и Надав и Авиуд и седмъдесят от старец Израилевых, 10 и видеша место,

идеже стояше Бог Израилев: и под ногама Его яко дело камене сапфира, и яко видение тверди небесныя чистотою. 11 И от избранных Израилевых не повредися ни един: и явишася на месте Божии, и ядоша, и пиша. 12 И рече Господь к Моисею: взыди ко Мне на гору и стани тамо, и дам ти скрижали каменные, закон и заповеди, яже написах законоположити им. 13 И востав Моисей и Иисус предстоявый ему, взыдоша на гору Божию 14 и старцем реша: пождите в молчании зде, дондеже возвратимся к вам: и се, Аарон и Ор с вами: аще кому случится суд, да идут к ним. 15 И взыде Моисей на гору, и покры облак гору, 16 и сниде слава Божия на гору Синайскую, и покры облак шесть дній. И воззва Господь Моисея в день седмый из среды облака: 17 обличие же славы Господни, яко огнь пламеняя на версе горы, пред сыны Израилевы. 18 И вниде Моисей в среду облака и взыде на гору, и бетамо на горе четыредесять дній и четыредесять нощей.

25 И рече Господь к Моисею, глаголя: 2 рцы сыном

Израилевым, и да возмут Ми начатки от всех, яже угодна будут сердцу их, да возмете начатки Моя. 3 Сей же есть начаток, егоже возмете от них: злато и сребро и медь, 4 и синету и багряницу, и червленицу сугубу (пряденую), и виссон сканый, и власы козия, 5 и кожи овни очервленены, и кожи сини, и древа негниющая, 6 и елей в свещение, фимиам во елей помазания и в сложение фимиама, 7 и камени Сардийский, и камени ваяние на епомиду и подир. 8 И да сотвориши Ми освящение, и явлюся в вас: 9 и сотвориши ми по всему, елика Аз покажу тебе на горе, образ скинии и образ всех сосудов ея: сице да сотвориши. 10 И сотвориши кивот свидения от древ негниющих, двою лактий и пол в долготу, и лактия и пол в широту, и лактия и пол в высоту: 11 и позлатиши его златом чистым, внутрьруду и внеуду позлатиши его, и сотвориши верху его венец златый окрест: 12 и слишиши ему четыри колца злата, и возложиши на четыри страны его, два колца на едину страну, и два на другую страну. 13 Сотвориши же носила от древа негниюща и позлатиши я златом чистым: 14 и вложиши носила в колца, яже на странах кивота, носити ими кивот: 15 в колцах кивота да будут носила не зыблющеся: 16 и вложиши в кивот свидения, яже дам тебе. 17 И да сотвориши очистилице покров от злата чиста, двою лактий и пол в долготу, лактия же и пол в широту: 18 и сотвориши два херувима злата изваянна, и возложиши я от обоих стран очистилица: 19 да сотворятся херувими, един от страны сея и другой от страны другия

очистилища, и сотвориши два херувима на обоих странах: 20 да будут херувими распределяющими крила верху, соосеняющими крилами своими над очистилищем, и лица их ко другу другу, на очистилище будут лица херувимские: 21 и да возложиши очистилище на кивот верху, и в кивот да вложиши свидения, яже дам тебе. 22 И познан будут тебе оттуду, и возглаголю тебе с верху очистилища между двумя херувими, иже суть над кивотом свидения, и по всем, елика аще заповем тебе к сыном Израилевым. 23 И сотвориши трапезу от древ негниющих, двою лактий в долготу, и лактия в широту, и лактия и пол в высоту: 24 и позлатиши ю златом чистым, и сотвориши ей витое обложение златое окрест, и сотвориши ей венец длани окрест, 25 и сотвориши витое обложение венцу окрест. 26 И сотвориши четыри колца злата, и возложиши четыри колца на четыри страны ног ея под венец: 27 и да будут колца на влагалища носилам, яко воздвигати ими трапезу. 28 И сотвориши носила ея от древ негниющих, и позлатиши я златом чистым, и воздвигати будет на них трапеза. 29 И сотвориши блюда ея и фимиамники, и возливалники и чаши, имиже возливати будеши: от злата чиста да сотвориши я. 30 И возлагати будеши на трапезу хлебы предложения предо Мною присно. 31 И да сотвориши светилник от злата чиста, изваян да сотвориши светилник: стебль его и ветви, и чаши и крузи и крины от него да будут: 32 шесть же ветвей исходящих от стран, три ветви светилника от страны его единиля и три ветви светилника от страны вторыя: 33 и три чаши во образ ореха, на единей ветви круг и крин: тако шести ветвам исходящим от светилника: 34 и на светилнике четыри чаши во образ ореха, на единей ветви крузи и крины его: 35 круг под двумя ветвями от него, и круг под четырьмя ветвями от него: тако шести ветвам исходящим от светилника: и на светилнике четыри чаши во образ ореха: 36 крузи и ветви от него да будут: весь изваян от единаго злата чиста. 37 И да сотвориши светил его седьмь, и поставиши светила его, и светити будут от единаго лица его: 38 и щипцы его, и подставы его от злата чиста сотвориши: 39 талантом злата чиста да сотвориши вся сосуды сия. 40 Виждь, да сотвориши по образу показанному тебе на горе.

26 Скинию же да сотвориши от десяти опон от виссона сканаго и синеты, и багряницы и червленицы сканыя: херувими делом тканым да сотвориши я. 2 Долгота опоны единиля двадесять и ось лактий, и широта четырех лактий, оponsa единиля да будет: мера

таяжде да будет всем опонам. 3 Пять же опон да будут взаим придержащася едини от другия, и пять опон да будут содерящася друга о друзей. 4 И да сотвориши им петли из синеты у края опоны единиля, от единиля страны в сложение: и сице сотвориши на краю опоны внешния в сложению второму. 5 Пятьдесят же петлей сотвориши единей опоне, и пятьдесят петлей да сотвориши от края опоны по сложению вторыя, лицем к лицу сходящимся между собою каяждо. 6 И сотвориши пятьдесят крючков златых и совокупиши опоны едину ко друзей крючками: и будет скиния едини. 7 И да сотвориши опоны власяныя в покров над скиниею, единонадесять опон сотвориши их. 8 Долгота опоны единиля да будет тридесети лактий, и четырех лактий широта опоны единиля: таяжде мера да будет единонадесяти опонам. 9 И совокупиши пять опон вкапе, и шесть опон вкапе: и усугубиши опону шестую ко входу скинии. 10 И да сотвориши петлей пятьдесят на краи опоны единиля, яже среде по сложению, и пятьдесят петлей да сотвориши на краи опоны совокупляющимся вторыя. 11 И сотвориши крючков медяных пятьдесят: и совокупиши крючки с петлями, и да совокупиши опоны, и будет едини. 12 И да подложиши излишнее от опон скинии: полуопону оставшуюся да покрыши излишнее опон скинии: да прикрыши созади скинии. 13 Лакоть (един) от сего, и лакоть (един) от другаго, от излишняго опон, в долготу опон скинии: да будет покрывающее на стране скинии, сюду и сюду да покрывает. 14 И да сотвориши покров скинии от кож овних червленых, и прикрывала от кож синих сверху. 15 И да сотвориши столпы скинии от древ негниющих: 16 десяти лактий (в высоту) да сотвориши столп един, лактия же единаго и пол широта столпа единаго: 17 два закройца (на краях) столпу единому, противу стояща другу другу: тако сотвориши всем столпом скинии. 18 И да сотвориши столпы скинии, двадесять столпов от страны яже к северу: 19 и четыредесять стоялов сребряных да сотвориши двадесятим столпом: два стояла единому столпу на обоих краех его и два стояла другому столпу на обоих краех его: 20 и в стране второй южной двадесять столпов: 21 и четыредесять стоялов им сребряных: два стояла столпу единому на обоих краех его и два стояла столпу другому на обоих краех его. 22 И созади скинии по стране яже к морю да сотвориши шесть столпов, 23 и два столпа сотвориши во углах скинии созади. 24 И будут равни от долу: по тому же да будут равни от глав в состав един: тако да сотвориши обоим двум углам: равни да будут. 25 И да будут ось столпы и стояла их сребряна

шестьнадесять: два стояла единому столпу и два стояла другому столпу, на обоих краех его. 26 И да сотвориши вереи от древ негниющих: пять вереи столпу единому от единяя страны скинии, 27 и пять вереи столпу единому второй стране скинии, и пять вереи столпу заднему стране скинии, яже к морю: 28 и верея средняя посреде столпов да проходит от единяя страны в другую страну. 29 И столпы да позлатиши златом: и колца сотвориши злата, в няже вложиши вереи: и позлатиши вереи златом. 30 И возставиши скинию по образу показанному тебе на горе. 31 И да сотвориши завесу от синеты и багряницы, и червленицы сканья и виссона пряденаго: делом тканым да сотвориши ю херувимы. 32 И возложиши ю на четыри столпы негниющыя позлащены златом: и верхи их златы, и стояла их четыри сребряна. 33 И повесиши завесу на столпех, и внесши тамо внутрь завесы кивот свидения: и разделяти будет завеса вам посреде святилища и посреде Святая святых, 34 и закрыши завесою кивот свидения во Святая святых. 35 И поставиши трапезу вне завесы, и светилник прямо трапезы на стране скинии, яже к югу: и трапезу поставиши на стране скинии, яже к северу. 36 И да сотвориши закров в дверех скинии от синеты и багряницы, и червленицы сканья и виссона сканаго, делом пестрящаго. 37 И да сотвориши завесе пять столпов от древ негниющих, и позлатиши их златом, и верхи их златы: и да слиеши им пять стоял медяных.

27 И да сотвориши олтарь от древ негниющих, пяти лакот в долготу и пяти лакот в широту: четвероуголен да будет олтарь, и трех лактий высота его. 2 И да сотвориши роги на четырех углах: из него да будут роги, и покрыши я медию. 3 И да сотвориши венец олтарю: и покров его, и фиалы его, и виллицы его, и кадилник его, и вся сосуды его да сотвориши медяны. 4 И да сотвориши ему огнище на подобие мрежи медяно: и сотвориши огнищу четыри колца медяна на четыри страны, 5 и подложиши я под огнище олтаря снизу, и будет огнище до среды олтаря. 6 И да сотвориши олтарю носила от древес негниющих, и окуеши я медию, 7 и вложиши носила в колца: и да будут носила олтарю по бокам, еже поднимати его. 8 Тошь, дощатый сотвориши его: по показанному тебе на горе, тако сотвориши его. 9 И да сотвориши двор скинии: на стране, яже к югу, завесы двора из виссона сканаго: долгота сто лакот стране единей: 10 и столпы их двадесять, и стояла их двадесять медяна, и крючки их, и верхи столпов, и стояла их посребрена сребром. 11 Такожде на стране, яже к северу, завесы сто лакот в долготу, и столпы

их двадесять, и стояла их двадесять медяна, и крючки их, и верхи столпов, и стояла их посребрена сребром. 12 Широта же двора, яже к морю, опоны пятьдесят лакот: столпы их десять, и стояла их десять. 13 И широта двора, яже к востоку, завесы пятьдесят лактий: столпы их десять, и стояла их десять. 14 И пятьдесят лакот высота опон стране единей: столпы их три, и стояла их три: 15 и стране второй опон пятьдесят лакот высота: столпы их три, и стояла их три. 16 И вратам двора завеса двадесять лакот в высоту, от синеты и багряницы, и червленицы сканья и виссона сканаго пестрением швенным: столпы их четыри, и стояла их четыри. 17 Вси столпы двора окрест окованы сребром, и верхи их сребряны, и стояла их медяна. 18 Долгота же двора сто на сто, и широта пятьдесят на пятьдесят, и высота пяти лактий от виссона сканаго: и стояла их медяна. 19 И все устроение, и вся орудия, и гвозди двора медяны. 20 И ты заповеждь сыном Израилевым, и да возмут тебе елей от масличия без дрождей чист изжат в светение, да горит светилник всегда. 21 В скинии свидения вне завесы, яже над заветом, возжигати будет его Аарон и сынове его, от вечера даже до утра, пред Господем, законно вечно в роды ваши от сынов Израилевых.

28 И ты приведи к себе Аарона, брата твоего, и сыны его от сынов Израилевых, да священодействуют Мне Аарон и Надав, и Авиуд и Елеазар и Ифамар, сынове Аарони. 2 И да сотвориши ризу святы Аарону брату твоему в честь и славу. 3 И ты возглаголи ко всем премудрым умом, ихже наполних духа мудрости и смысления: и да сотворят ризу святы Аарону, в нейже имать священодействовать Мне во святилищи. 4 И сия суть ризы, ихже сотворят: наперсник и ризу верхнюю, и долгую ризу и ризу тресновиту, и наглавие и пояс: и да сотворят ризы святы Аарону и сыном его, во еже священодействовать Мне. 5 И сии да возмут злато и синету, и багряницу и червленицу и виссон, 6 и да сотворят ризу верхнюю от виссона сканаго, дело тканно пестрящаго. 7 Две ризы верхния да будут ему придержащяся едини друзей, на обе стране связанныя. 8 И ткание риз верхних, еже есть на них, по сотворению их да будет от злата чиста и синеты, и багряницы и червленицы пряденаго и виссона сканаго. 9 И возмеши два каменя, камене смарагда, и изваяши на них имена сынов Израилевых: 10 шесть имен на камени единем и шесть имен прочиих на камени друзем по родом их, 11 дело каменные хитрости: ваянием печати изваяши оба каменя имены сынов Израилевых. 12 И положиши оба

каменя на раменах верхния ризы: камени в память суть сыном Израилевым: и воздвигнет Аарон имена сынов Израилевых пред Господем на оба рамена своя в память о них. 13 И да сотвориши щиты от злата чиста, 14 и да сотвориши две тресновицы от злата чиста, смешены цветами, дело плетения: и возложиши тресновицы сплетеныя на щиты по нарамнику их сопреди. 15 И да сотвориши слово судное, дело пестрящаго: по составу ризы верхния да сотвориши сие от злата и синеты, и багряницы и червленицы пряденяя и виссона сканаго: 16 сотвориши е четвероугольно: да будет сугубо, пяди долгота его и пяди широта, 17 и нашиши на нем швение каменное в четыри ряда. Ряд камений да будет: сардий, топазий и смарагд, ряд един: 18 и ряд второй, анфракс и сапфир и иаспис: 19 и ряд третий, лигирий и ахат и амфист: 20 и ряд четвертый, хрисолиф и вириллий и онихий: объяты златом, исплетены в злате да будут по ряду своему. 21 И камение да будут от имен двунадесяти сынов Израилевых пред Господем: на дву раменах его двунадесять по именам их и по родом их, изваяни печатми, коегождо по имени да будут в двунадесять племен. 22 И да сотвориши на слове тресны сплетены, делом верижным, от злата чиста. 23 И да сотвориши на словеси два колца злата: и возложиши два колца злата на оба края словесе. 24 И возложиши тресны и чепи златы на два колца от обоих краев словесе. 25 И два края двух тресн наложиши на две чепочки, и возложиши на рамена верхних риз лицем ко другъдругу. 26 И сотвориши два колца злата, и возложиши на обе страны словесе на край от края задняго верхних риз, отвнутрь. 27 И сотвориши два колца злата, и возложиши на оба рамена верхния ризы снизу его, лицем по согбению свыше соткания верхних риз. 28 И стягнеши слово колцами, яже на нем, с колцами верхних риз сложеными, из синеты плетеными во ткане верхних риз, да не низпускается слово с верхних риз. 29 И да возмет Аарон имена сынов Израилевых на слове суднем на персех, входящъ во святое на память пред Богом. И да положиши на словеси суднем тресны: плетения на оба края словесе возложиши, и оба щита возложиши на обе раме нарамнику на лице. 30 И да возложиши на слово судное явление и истину: и да будет на персех Аарону, егда внидет в святое пред Господом: и да носит Аарон суды сынов Израилевых на персех пред Господем всегда. 31 И да сотвориши ризу внутреннюю подир всю синю. 32 И да будет устие посреде его, ожерелье имущо кругом устия делом тканым, сгиг сошвен от него, да не раздерется. 33 И да сотвориши на

омете ризнем снизу, аки шилка цветущаго, пугвицы из синеты и багряницы, и червленицы пряденяя и виссона сканаго, на омете ризы кругом: в тойже образ пугвицы златы, и звонцы между сими окрест. 34 При пугвице злат звонец, и цвет на омете ризнем, кругом. 35 И да будет Аарону, егда служит, слышан глас его, входящъ во святое пред Господом, и исходящъ, да не умрет. 36 И да сотвориши дщицу злату чисту: и изобразиши на ней образ печати, Святыня Господня, 37 и да возложиши ю на синету сканую, и да будет на увясле, спреди увясле да будет, 38 и да будет на челе Аарони: и отимет Аарон согрешения святых, елика освятят сынове Израилевы от всякаго даяния святых своих, и да будет на челе Аарони всегда приято ими пред Господем. 39 И тресны риз от виссона: и сотвориши клубок виссонный, и пояс да сотвориши дело пестрящаго. 40 И сыном Аароновым да сотвориши ризы и поясы, и клубки да сотвориши им в честь и славу: 41 и облечеши в ня Аарона брата твоего и сыны его с ним, и да помажеши их, и исполниши руце их и освятиши их, да Ми священнодействуют. 42 И да сотвориши им надраги льняны покрывать стыдения плоти их, от бедр даже до стегн будут, 43 и да иметь Аарон и сынове его, егда входят в скинию свидения, или егда приходят служити к жертвеннику святыни: и да не наведут на ся греха, да не умрут: законное вечное (да будет) ему и семени его по нем.

29 И сия суть, яже сотвориши им: освятиши я, яко священнодействовать им Мне: да возмеши же телца единаго от говяд и овна два непорочна: 2 и хлебы пресны смешены с елеем, и опресноки помазаны елеем: из муки пшеничны сотвориши я: 3 и да вложиши я в кош един, и принесеши я в коши, и телца и два овна. 4 И Аарона и сыны его приведеши пред двери скинии свидения, и измыеши я водою: 5 и взем ризы святыя, облечеши Аарона брата твоего, и в хитон подир, и в ризу верхнюю, и в слово: и совокупиши ему слово к нарамнику: 6 и возложиши на главу его клубок: и возложиши дщицу освящение на увясле: 7 и да возмеши от елеа помазания, и да возлиеши и на главу его и помажеши его. 8 И сыны его приведеши и облечеши я в ризы: 9 и опояшеши я поясы, и возложиши на них клубки, и будет ими священство мне во веки: и совершиши руце Аарони и руце сынов его. 10 И да приведеши телца пред двери скинии свидения, и возложат Аарон и сынове его руце свои на главу телца пред Господем у дверий скинии свидения. 11 И да заколеши телца пред Господем у

дверий скинии свидения: 12 и да возмеши от крове телчи и помажеши на рогах олтаревых перстом твоим: останок же весь крове пролиеши у стояла олтарного: 13 и да возмеши весь тук, иже на утробе, и препонку печени, и обе почки, и тук иже на них, и возложиши на олтарь: 14 мяса же телча, и кожу, и мотыла да сожжеши на огни вне полка: за грех бо есть. 15 И овна да поймеши единаго, и да возложат Аарон и сынове его руки своя на главу овню: 16 и заколеши его, и взем кровь пролиеши у олтаря окрест: 17 и овна да разсечеши на уды и измыеши внутрення и ноги в воде, и возложиши на разсеченные части со главою: 18 и вознесши всего овна на олтарь, всесожжение Господу в воню благоухания: жертва Господу есть. 19 И да поймеши овна втораго, и возложит Аарон и сынове его руки своя на главу овню: 20 и заколеши его, и возмеши от крове его, и возложиши на край ушесе Аарона деснаго и на край руки десныя и на край ноги десныя, и на край ушес сынов его десных и на край рук их десных и на край ног их десных: 21 и да возмеши от крове, яже на олтари, и от елеа помазания, и да воскропиши на Аарона и на ризу его, и на сыны его и на ризы сынов его с ним: и освятится сам и ризы его, и сыны его и ризы сынов его с ним: кровь же овню да пролиеши у олтаря окрест. 22 И да возмеши от овна тук его, и тук покрывающий утробу его, и препонку печени, и обе почки, и тук иже на них, и рамо десное: есть бо совершение сие: 23 и хлеб един с елеем, и опреснок един от коша опресноков, предложенных пред Господем: 24 и возложиши вся на руки Аарони и на руки сынов его, и отделиши я отделение пред Господем: 25 и да возмеши я от рук их, и вознесши на олтарь всесожжения в воню благоухания пред Господем: приношение есть Господу. 26 И да возмеши грудь от овна совершения, яже есть Аарону, и отделиши ю отделение пред Господем, и будет тебе в часть: 27 и освятиши грудь отделение, и рамо отлучения, еже отделися, и яже отся от овна совершения от Аарона и от сынов его, 28 и будет Аарону и сыном его законно вечно от сынов Израилевых: есть бо отделение сие, и отятие будет от сынов Израилевых от жертв спасительных сынов Израилевых, отделение Господу. 29 И ризы святы, яже суть Аарону, да будут сыном его по нем, помазатися им в них и совершиши руки своя. 30 Седмь дній да облачится в ня иерей великий, иже вместо его от сынов его, иже внидет в скинию свидения служити во святыищи. 31 И овна совершения да возмеши и испечеши мяса на месте святе, 32 и да ядят Аарон и сынове его мяса овня, и хлебы, яже в коши у дверий

скинии свидения: 33 да ядят сия, имиже освятишася в них, совершиши руки своя, освятити я: и иноплеменник да не снесет от них, суть бо свята. 34 Аще же останется от мяс жертвы совершения и от хлебов до утра, да сожжеши останки огнем: да не снедятся, освящение бо есть. 35 И сотвориши Аарону и сыном его тако по всем, елика заповедах тебе: седмь дній совершиши руце их. 36 И телца греха ради да сотвориши в день очищения: и да очистиши олтарь, егда освящаеши на нем: и помажеши его, яко освятити его. 37 Седмь дній очистиши олтарь и освятиши его, и будет олтарь святая святых: всяк прикасаяйся олтарю освятится. 38 И сия суть, яже сотвориши на олтари: агнца единолетна непорочна два на всяк день на олтари присно жертву непрестанную: 39 агнца единаго да сотвориши рано, и втораго агнца да сотвориши в вечер: 40 и десятую часть муки пшеничны с елеем смешены, в четвертую часть ина, и возлияние четвертую часть меры ина вина единому овну. 41 И агнца втораго да сотвориши в вечер, якоже утреннюю жертву, и возлияние его: сотвориши в воню благоухания приношение Господу. 42 Жертву всегдашнюю в слухи и в роды ваша пред дверми скинии свидения пред Господем, в нижке познан буду тебе тамо, якоже глаголати к тебе. 43 И завещаю тамо сыном Израилевым, и освящуся во славе Моея, 44 и освящу скинию свидения и олтарь, и Аарона и сыны его освящу, священнодействовать Мне, 45 и нарекуся в сынех Израилевых, и буду им Бог: 46 и уведят, яко Аз есмь Господь Бог их, изведый их из земли Египетския, нарециши им и быти им Бог.

30 И да сотвориши олтарь кадилный от древ негниющих: 2 и сотвориши и лактя в долготу и лактя в широту, четвероуголен да будет, и двою лактий в высоту: от него да будут роги его. 3 И позлатиши златом чистым огнище его, и стены его около, и роги его: и да сотвориши ему витый венец злат около. 4 И два колца злата чиста да сотвориши под витым венцем его на обою углу, да сотвориши на обоих странах: и будут колца носилам, якоже подимати оный ими. 5 И да сотвориши носила от древес негниющих, и позлатиши я златом: 6 и да положиши его прямо завесы, сущия у кивота свидения, в нижке познан буду тебе оттуду. 7 И да кадит над ним Аарон фимиамом сложеным благовонным рано: егда устрояет светила, да кадит над ним: 8 и егда вжигает Аарон светила с вечера, да кадит над ним: фимиам всегдашний присно пред Господем в роды их: 9 и да не принесши над него фимиама иного:

приношения, жертвы и возлияния да не пролиши на него. 10 И да очистит над ним Аарон у рогов его единую в лето: от крове очищения грехов умилостивления единую в лето да очистит его в роды их: святое святых есть Господу. 11 И рече Господь к Моисею, глаголя: 12 аще возмеши исчисление сынов Израилевых в пресмотрении их, и дадят кийдо искупление за душу свою Господу, и не будет в них падения в пресмотрении их. 13 И сие есть, еже дадят, елици аще приступят в пресмотрение, полдидрахмы, еже есть по дидрахме святей: двадесять цат дидрахма: пол же дидрахмы, дань Господу. 14 Всяк входяй в пресмотрение от двадесяти лет и выше, да дадут дань Господу: 15 богатый да не приложит, и нищий да не умалит от полудидрахмы, егда дают дань Господу (от сынов Израилевых), еже умоляти о душах ваших. 16 И да возмеши сребро дани от сынов Израилевых, и даси е на соделание скинии свидения: и да будет сыном Израилевым память пред Господем, еже умоляти о душах ваших. 17 И рече Господь Моисею, глаголя: 18 сотвори умывалницу медяну и стояло ей медяно, еже умыватися, и да поставиши ю между скинию свидения и между олтарем, и да влиши в ю воду: 19 и да умывает Аарон и сынове его из нея руки своя и ноги водою: 20 егда входят в скинию свидения, да омыются водою, и не умрут: или егда приходят ко олтарю служити и приносити всесожжения Господу, 21 умывают руце и нозе водою, егда входят в скинию свидения, да не умрут, и да будет им законно вечно, ему и родом его по нем. 22 И рече Господь к Моисею, глаголя: 23 и ты возми ароматы, цвет смирины избранныя пять сот сиклев, и киннамона благовонна пол сего, двести пятьдесят, и трости благовонныя двести пятьдесят, 24 и касии пять сот сиклев святаго, и елеа от маслин (меру) ин, 25 и сотвориши сей елей помазание святое, миро помазательное художеством мироварца: елей помазание святое будет, 26 и да помажеши от него скинию свидения, и кивот скинии свидения, 27 и вся сосуды ея, и светилник и вся сосуды его, и олтарь кадилный, 28 и олтарь всесожжения и вся его сосуды, и трапезу и вся ея сосуды, и умывалницу и стояло ея, 29 и освятиши я, и будут святая святых: всяк прикасаяйся им освятится: 30 и Аарона и сыны его помажеши, и освятиши я священнодействовати Мне: 31 и сыном Израилевым да речеши, глаголя: елей масть помазания свят да будет сей вам в роды ваша: 32 плоть человека да не помажется (им), и по сложению сему да не сотворите сами себе иного сице: свят есть и освящение будет вам: 33 иже аще сотворит сице, и иже аще даст от него иноплеменнику,

потребится от людий своих. 34 И рече Господь к Моисею: возми себе ароматы, стакти, ониха и халвана благовонна и ливана чистаго: все то в равну меру да будет: 35 и да сотворят в нем фимиам мироварный, дело мироварца смешеное, чисто, дело сто: 36 и раздробиши от сих по тонку, и положиши прямо свидению в скини свидения, отонудуже познан буду тебе тамо: святое святых будет вам фимиам: 37 по сложению сему да не сотворите себе сами, освящение будет вам от Господа: 38 иже аще сотворит сице, еже обоняти от него, погибнет душа того от людий своих.

31 И рече Господь к Моисею, глаголя: 2 се, нарекох именем Веселели сына Урии, сына Орова, от племене Иудина, 3 и наполних его Духом Божиим премудрости и смысления и ведения, во всяком деле разумети 4 и архитектонствовати, делати злато и сребро и медь, и синету и багряницу, и червленицу прядену и виссон сканый, 5 и каменное дело, и различная древоделства делати во всех делех: 6 и Аз дах его и Елиава сына Ахисамахова от племене Данова, и всякому смыслленному сердцем дах смысл, и потрудятся, и сотворят вся, елика заповедах тебе: 7 скинию свидения и кивот завета, и очистиши еже верху его, и утварь скинии, 8 и жертвеники, и трапезу и вся сосуды ея, и светилник чистый и вся сосуды его, 9 и умывалницу и стояло ея, 10 и ризы служебныя Аароновы и ризы сынов его, еже священнодействовати Мне, 11 и елей помазания, и фимиам сложения святаго: по всем, елика заповедах тебе, сотворят. 12 И рече Господь к Моисею, глаголя: 13 и ты заповежь сыном Израилевым, глаголя: смотрите и субботы Моя сохраните: есть бо знамение между Мною и вами в роды ваши, да увесте, яко Аз Господь освящая вас: 14 и сохраните субботу, яко свята сия есть Господу и вам: осквернивый ю смертию умрет: всяк, иже сотворит в ю дело, потребится душа та от среды людий своих: 15 шесть дний да сотвориши дела, в день же седьмый суббота, покой свят Господу: всяк, иже сотворит дело в седьмый день, смертию умрет: 16 и да сохранят сынове Израилевы субботы держати я в роды их: 17 завет вечен во Мне и в сынех Израилевых, знамение есть во мне вечное: яко в шести днех сотвори Господь небо и землю, в седьмый же день преста, и почи. 18 И даде (Бог) Моисею, егда преста глаголя ему на горе Синайстей, две скрижали свидения, скрижали каменны написаны перстом Божиим.

32 И видевше людие, яко умедли Моисей снити с горы, восташа людие на Аарона и глаголаша ему: востани и сотвори нам боги, иже пойдут пред нами: Моисей бо сей человек, иже изведе нас от земли Египетския, не вемы, что бысть ему. 2 И рече им Аарон: измите усерязи златыя, яже во ушесех жен ваших и дщерей, и принесите ко мне. 3 И изяша вси людие усерязи златы, яже во ушесех жен их, и принесоша ко Аарону. 4 И взя от рук их и слия их делом литым, и сотвори им телца литаго. И рекоша: сии бози твои, Израилю, иже изведоша тя из земли Египетския. 5 И видев Аарон, созда олтарь прямо ему, и проповеда Аарон, глаголя: праздник Господнь утре. 6 И обутреневав наутрие, вознесе всесожжения и принес жертву спасения. И седоша людие ясти и пити и восташа играти. 7 И рече Господь к Моисею глаголя: иди скоро, снidi отсюду, беззаконноваша бо людие твои, ихже извел еси из земли Египетския: 8 преступиша с пути скоро, егоже заповедал еси им: сотвориша себе телца, и поклонишася ему, и покроша ему, и реша: 9 сии бози твои, Израилю, иже изведоша тя из земли Египетския: 10 и ныне остави мя, и возярився гневом на мя, потреблю их, и сотворю тя в язык велик. 11 И помолися Моисей пред Господем Богом и рече: вскую, Господи, яришися гневом на люди Твоя, ихже извел еси из земли Египетския крепостию великою и мышцею Твою высокою? 12 Да не когда рекут Египтяне, глаголюще: с лукавством изведе их погубити в горах и потребити их от земли: утоли гнев ярости Твои и милостив буди о злобе людий Твоих, 13 помянув Авраама и Исаака и Иакова, Твоя рабы, имже клялся еси Собою, и рекл еси к ним, глаголя: зело умножу семя ваше, яко звезды небесныя множеством, и всю сию землю, юже рекл еси дати семени их, и обладают ею во веки. 14 И умилостивися Господь о зле, еже рече сотворити людем Своим. 15 И возвратився Моисей, снide с горы: и две скрижали свидения в руку его, скрижали каменны написаны от обою страну их, сюду и сюду быша написаны: 16 и скрижали дело Божие быша, и написание, написание Божие изваяно на скрижалех. 17 И услышав Иисус глас людий кричащих, рече к Моисею: глас ратный в полце. 18 И рече Моисей: несть глас начищающих одолевати, ниже глас начищающих бежати, но глас начищающих напиватися вином аз слышу. 19 И егда приближахся к полку, узре телца и лики: и возярився гневом Моисей, поверже из руку своею обе скрижали, и скруши я под горою: 20 и взем телца, егоже сотвориша, сожже его во огни и сотре его подробну, и разсыпа его по воде, и напои ею сыны Израилевы. 21 И

рече Моисей Аарону: что сотвориша тебе людие сии, яко навел еси на них грех велик? 22 И рече Аарон к Моисею: не гневайся, господине: ты бо веши людий сих устремление. 23 Глаголаша бо ми: сотвори нам боги, иже пойдут пред нами: Моисей бо сей человек, иже изведе нас от Египта, не вемы, что бысть ему: 24 и рекоша им: иже имать злато, измите: и изяша, и даша мне, и ввергох е во огнь, и излияся телец сей. 25 Видев же Моисей люди, яко разделившася, раздели бо их Аарон в порадование супостатом их: 26 ста же Моисей во вратах полка и рече: аще кто есть Господень, да идет ко мне. Снидоша убо к нему вси сынове Левиины. 27 И рече им: сия глаголет Господь Бог Израилев: препояшите кийждо свой мечь при бедре и пройдите, и возвратитесь от врат до врат сквозе полк, и убийте кийждо брата своего и кийждо ближняго своего и кийждо соседа своего. 28 И сотвориша сынове Левиины, якоже глагола им Моисей: и паде от людий в той день до трех тысящ мужей. 29 И рече им Моисей: наполните руки ваша днесъ Господу, кийждо в сыне своем и в брате своем, да дастся на вас благословение. 30 И бысть на утрие, рече Моисей к людем: вы согрешисте грех велик: и ныне взыду к Богу, да умоляю о грехе вашем. 31 И возвратился Моисей ко Господу и рече: молюся ти, Господи: согрешиша людие сии грех велик и сотвориша себе боги златы: 32 и ныне, аще убо оставиши им грех их, остави: аще же ни, изглади мя из книги Твоей, в нюже вписал еси. 33 И рече Господь к Моисею: аще кто согреши предо Мною, изглажу его из книги Моей: 34 ныне же иди, снidi и возведи люди сия на место, еже рех тебе: се, Ангел Мой предидет пред лицем твоим: в онъже день присещу, наведу на них грех их. 35 И порази Господь люди за сотворение телца, егоже сотвори Аарон.

33 И рече Господь к Моисею: предиди, взыди отсюду ты и людие твои, ихже извел еси от земли Египетския на землю, юже кляхся Аврааму и Исааку и Иакову, глаголя: семени вашему дам ю: 2 и послю купно Ангела Моего пред лицем твоим, и изженет Хананеа, Аморреа и Хеттеа, и Ферезеа и Гергесеа, и Евеа и Иевусеа: 3 и введе тя в землю текущую млеком и медом: Сам бо не пойду с тобою, яко людие жестоковийни суть, да не убию тебе на пути. 4 И услышавше людие слово сие страшное, восплакашася в плачевых (ризах). 5 И рече Господь к Моисею: глаголи сыном Израилевым: вы людие жестоковийни, блюдитесь, да не язву другую наведу на вы и потреблю вы: ныне убо сымите ризы

славы вашея и утварь, и покажу, яже сотворю вам. 6 И отяша сынове Израилевы утварь свою и ризы от горы Хорива. 7 И взем Моисей кущу свою, потче ю вне полка, далече от полка, и прозвася скиния свидения: и бысть, всяк взыскуя Господа исходаще в скинию, яже вне полка. 8 Егда же входаще Моисей в скинию вне полка, стояху вси людие смотряще кийждо пред дверми кущи своея, и зряху отходящу Моисею даже внiti ему в скинию. 9 Егда же вниде Моисей в скинию, снide столп облачный и ста пред дверми скинии, и глагола (Господь) Моисею. 10 И видяху вси людие столп облачный стоящь пред дверми скинии: и ставше вси людие, поклонишася кийждо из дверий кущи своея: 11 и глагола Господь к Моисею лицем к лицу, якоже аще бы кто возглаголал к своему другу, и отпушащеся в полк: слуга же Иисус, сын Навин, юноша не исходаще из скинии. 12 И рече Моисей ко Господу: се, Ты мне глаголеши: изведи люди сия: Ты же не явил ми еси, кого послеши со мною: Ты же мне рекл еси: вем тя паче всех и благодать имаши у Мене: 13 аще убо обретох благодать пред Тобою, яви ми Тебе самаго, да разумно вижду тя, яко да обрет буду благодать пред Тобою, и да познаю, яко людие Твои язык велик сей. 14 И глагола (ему Господь): Аз Сам предиду пред тобою и упокою тя. 15 И рече к Нему Моисей: аще Сам Ты не идеш с нами, да не изведеши мя отсюду: 16 и како ведомо будет воистинну, яко обретох благодать у Тебе аз же и людие Твои, точию идущу Ти с нами? И прославлен буду аз же и людие Твои паче всех язык, елицы суть на земли. 17 Рече же Господь к Моисею: и сие тебе слово, еже рекл еси, сотворю: обрел бо еси благодать предо Мною, и вем тя паче всех. 18 И глагола Моисей: покажи ми славу Твою. 19 И рече (Господь к Моисею): Аз предиду пред тобою славою Моею и возвозу о имени Моем, Господь пред тобою: и помилую, егоже аще милую, и ущедрю, егоже аще щедрю. 20 И рече: не возможеши видети лица Моего: не бо узрит человек лицо Мое, и жив будет. 21 И рече Господь: се, место у Мене, и станеши на камени: 22 егда же прейдет слава Моя, и положу тя в разселине камене, и покрыю рукою Моею над тобою, дондеже мимоиду: 23 и отиму руку Мою, и тогда узриши задняя Моя: лице же Мое не явится тебе.

34 И рече Господь к Моисею: истеши себе две скрижали каменны, якоже и первыя, и взыди ко Мне на гору: и напишу на скрижалех словеса, яже бяху на скрижалех первых, яже сокрушил еси: 2 и буди готов заутра, и взыдеш на гору Синайскую и предстанеш Мне тамо

на версе горы: з и да никтоже взыдет с тобою, ниже да явится на всей горе: и овцы и говяд да не пасутся близ горы тоя. 4 И истеса две скрижали каменны, якоже и первыя: и утренневав Моисей заутра, взыде на гору Синайскую, якоже завеща ему Господь: и взя Моисей с собою две скрижали каменныя. 5 И снide Господь во облаце, и предста ему тамо Моисей, и призыва именем Господним. 6 И мимоиде Господь пред лицем его и воззва: Господь, Господь Бог щедр и милостив, долготерпелив и многомилостив и истинен, 7 и правду храняй, и творяй милость в тысящи, отемляй беззакония и неправды и грехи, и повиннаго не очистит, наводяй грехи отцев на чада, и на чада чад, до третияго и четвертаго рода. 8 И потщався Моисей, приник на землю, поклонися Богу 9 и рече: аще обретох благодать пред Тобою, да идет Господь мой с нами: людие бо жестоковыи суть: и отимеши ты грехи наша и беззакония наша, и будем Твои. 10 И рече Господь к Моисею: се, Аз полагаю тебе завет пред всеми людьми твоими, и сотворю славная, яже не быша по всей земли и во всех языцех: и узрят вси людие, в нихже еси ты, дела Господня, яко чудна суть, яже Аз сотворю тебе: 11 внемли ты вся, елика Аз заповедаю тебе: се, Аз изжену пред лицем вашим Аморреа и Хананеа, и Хеттеа и Ферезеа, и Евеа и Гергесеа и Иевусеа: 12 внемли себе, да не когда завещаши завет седящым на земли, в нюже внидеши, да не будет соблазн в вас: 13 капища их разорите и кумиры их сокрушите, и дубравы их посечите, и изваянья богов их сожжите огнем, 14 не бо поклонитеся богом иным: ибо Господь Бог ревниво имя, Бог ревнив есть: 15 да не когда завещаши завет седящим на земли, и соблудят дщери твоя вслед богов их, и пожрут богом их, и призовут тя, и снеси от жертв их: 16 и поймеши от дщерей их сыном твоим, и от дщерей твоих даси сыном их, и соблудят дщери твоя вслед богов их, и сынове твои соблудят вслед богов их: 17 и богов слияных да не сотвориши себе: 18 и праздник опресночный да сохраниши: седмь дний да яси опресноки, якоже заповедах тебе, во время в месяце новых плодов: в месяце бо новых плодов изшел еси от земли Египетския: 19 всяко разверзающее ложесна мужеск Мне пол (да будет), всяко первородное телца и первородное овцы: 20 и первородное осляте искупиши овцею: аще же не искупиши е, цену да даси его: всякаго первенца от сынов твоих да искупиши, да не явишися предо Мною тощь: 21 в шесть дний да делаеши, в седьмый же день да почиеши, от сеяты и жатвы да почиеши, 22 и праздник седмиц да сотвориши ми, начало жатвы пшеницы, и

праздник собрания посреде лета: 23 в три времена лета да явится всяк мужеск пол твой пред Господем Богом Израилевым: 24 егда бо изжену языки от лица твоего и разшию пределы твоя, никто же возжелает земли твоей, егда приидеш явитися пред Господем Богом твоим в три времена лета: 25 да не заколеши с квасом крове жертв Моих, и да не прележит до утрая жертва праздника Пасхи: 26 первородная жит земли твоей да внесеши в дом Господа Бога твоего: да не свариши агнца во млеце матере его. 27 И рече Господь к Моисею: напиши себе словеса сия, в словесех бо сих положих тебе завет и Израилю. 28 И бе тамо Моисей пред Господем четыредесять дний и четыредесять нощей: хлеба не яде и воды не пи: и написа (Моисей) на скрижалех словеса сия завета, десять словес. 29 Сходяще же Моисею с горы Синайская, и обе скрижали в руку Моисею: сходяще же ему с горы, и Моисей не ведяше, яко прославися зрак плоти лица его, егда глаголаше с ним. 30 И виде Аарон и все сынове Израилевы Моисея, и бяше прославлен зрак плоти лица его: и убоявшись приступити к нему. 31 И воззвав их Моисей, и обратиша к нему Аарон и все князи сонма: и глагола Моисей к ним. 32 И по сих приидша к нему все сынове Израилевы: и заповеда им вся, елика глагола к нему Господь на горе Синайской. 33 И егда преста глаголя к ним, возложи на лицо свое покров. 34 Егда же входиша Моисей пред Господа глаголати к Нему, снимаше покров, дондеже исходиша: и изшед глаголаше ко всем сыном Израилевым, елика заповеда ему Господь. 35 И видеша сынове Израилевы лицо Моисеово, яко прославися: и возлагаше Моисей покров на лицо свое, дондеже внидет глаголати с Ним.

35 И собра Моисей весь сонм сынов Израилевых и рече к ним: сия словеса, яже глагола Господь творити я: 2 шесть дний сотвориши дела, в день же седьмый почииши, свята суббота, покой Господу: всяк творяй дело в ню, да умрет: 3 да не возгните огня во всех домех ваших в день субботный: Аз Господь. 4 И рече Моисей ко всему сонму сынов Израилевых, глаголя: сие слово, еже завеща Господь глаголя: 5 возмите от себе самих участие Господу: всяк по воли сердца своего да принесет начатки Господу, злато, сребро, медь, 6 синету, багряницу, червленицу сугубу спрядену, и виссон сканый и волну козию, 7 и кожи овни очервлены, и кожи сини, и древеса негниюща, 8 и елей во свещение, и фимиам в елей помазания, и в сложение фимиама: 9 и камени сардийски, и камени в ваяние на ризу верхнюю

и на подир: 10 и всяк премудрый сердцем в вас шед да делает вся, елика заповеда Господь: 11 скинию и завесы, и покровы и разворы, и колки и вереи, и столпы и стояла: 12 и кивот свидения и носила его, и очистиша его и завесу, (и опоны двора, и столпы его, и камени смарагдовы, и фимиам и елей помазания,) 13 и трапезу и носила ея, и вся сосуды ея, и хлебы предложения, (и олтарь и вся сосуды его, и светила его и елей светильный, 15 и олтарь кадилный и носила его, и елей помазания, и фимиам сложения, и завесу дверий скинии, 16 и олтарь всесожжения, и огнище его медяно и носила его, и вся сосуды его, и умывалницу, и стояло ея, 17 и опоны двора, и столпы его и стояла его, и завесу дверий двора, 18 и колки скинии, и колки двора, и ужи их: 19 и ризы святая Аарона жерца, и ризы, в нихже служити имут во святым, и ризы сыном Аароновым священства (и елей помазания, и фимиам сложения). 20 И изыде весь сонм сынов Израилевых от Моисея. 21 И принесоша кийждо, яже возлюби сердце их, и якоже возмнеша души их, принесоша участие Господу на вся дела скинии свидения, и на вся сосуды ея, и на вся ризы святыища: 22 и принесоша мужие от жен своих, кийждо, якоже помысли умом, принесоша печати и усерязи, и перстни и пленицы, и мониста и всяк сосуд злат: и все елицы принесоша участие злата Господу, 23 и всяк у негоже обретеся синета и багряница, и червленица и виссон, и кожи сини и кожи сини очервлены, (и кожи козия) принесоша: 24 всяк отделяй участие, сребро и медь, принесоша участия Господу: и у нихже обретошаася древеса негниюща, на вся соделования сосудов принесоша: 25 и всяка жена мудрая умом руками прядети, принесе пряденая, синету и багряницу и червленицу и виссон: 26 и вся жены, имже возлюбися во уме их, хитростию спрядоша волну козию: 27 и князи принесоша камени смарагдовы и камени на совершение ризе верхней, и на слово, 28 и на сложение, и на елей помазания, и на сложение фимиама: 29 и всяк муж, или жена, имже наносяще ум их, вшедшим творити вся дела, елика заповеда Господь творити я Моисеом, принесоша сынове Израилевы участие Господу. 30 И рече Моисей сыном Израилевым: се, нарече Бог именем Веселеила сына Уриина, сына Орова, от племене Иудина, 31 и наполни его Духа Божия, премудрости и разума, и умений всех, 32 архитектонствовати во всех делесех древоделания, творити злато и сребро и медь, 33 и ваяти камени, и делати древо, и творити по всему делу премудрости: 34 и преуспевати даде во уме

ему и Елиаву Ахисамахову, от племене Данова: 35 и наполни их премудрости, ума, еже разумети творити вся дела святыни, ткания и пестрения ткati червленицею и багряницею и виссоном, творити всякое дело художества различна.

36 И сотвори Веселей и Елиав, и всяк мудрый умом, ему же дана есть премудрость и хитрость в них, разумети творити вся дела, яже ко святыни надлежащая, по всем, елика заповеда Господь. 2 И призыва Моисей Веселей и Елиава и вся имущая премудрость, имже даде Бог разум в сердцы, и вся волею хотящая приходити к делам, еже совершати я: 3 и взяша от Моисея вся участия, яже принесоша сынове Израилевы на вся дела святыни творити я: и тии приимаха еще приносимая от приносящих заутра заутра. 4 И приходжаху вси мудрии, иже творяху дела святыни, кийждо по своему делу, еже сами делаю: 5 и рекоша Моисею, яко много приносят людие свыше дел, елика заповеда Господь сотворити. 6 И повеле Моисей, и проповеда в полце, глаголя: муж и жена кому да не делают на начатки святыни. И возбранени быша людие кому приносити. 7 И дела быша им доволна на строение творити, и преизбыша. 8 И сотвори всяк премудрый в делающих ризы святыни, яже суть Аарону иерею, якоже заповеда Господь Моисею. 9 И сотвориша ризу верхнюю от злата и синеты, и багряницы и червленицы прядены и виссона сканаго: 10 и изрезаша дщицы златы аки власы, еже соткати с синетою и с багряницею, и с червленицею пряденою и с виссоном сканым: дело тканое сотвориша е. 11 Ризы верхния придержащаяся от обоих стран, 12 дело тканно, между собою сплетено: от него сотвориша е по его творению, от злата и синеты, и багряницы и червленицы спрядены и виссона сканаго, якоже заповеда Господь Моисею. 13 И сотвориша оба камени смарагдовы состеганы вервию и обложены златом, изваяны и вырезаны ваянием печати, от имен сынов Израилевых: 14 и возложиша я на рамена ризы верхния камение в память сынов израилевых, якоже заповеда Господь Моисею. 15 И сотвориша слово, дело тканно пестротою, по делу ризы верхния, от злата и синеты, и багряницы и червленицы спрядены и виссона сканаго, 16 четвероугольно сугубо сотвориша логион пяди в долготу, и пяди в широту, сугубо: 17 и сшиста на нем швением по три камени четырьми ряды: ряд камений: сардий и топазий и смарагд, ряд един: 18 и ряд второй, анфракс и сапфир и иаспис: 19 и ряд третий, лигирий и ахат и амефист: 20 и ряд четвертый, хрисолиф и

вириллий и онихий, окованы около златом и всаждени в злате: 21 и камение бяху от имен сынов Израилевых двадесять, по именам их изваяно в печати, кийждо своим именем в двадесять племен. 22 И сотвориша над логионом тресны сплетены, дело плетеное от злата чиста: 23 и сотвориша два щитца злата и два колца злата, и возложиша два колца злата на оба конца логиона: 24 и вложиша плетеницы златы в колца, со обоих стран логиона, 25 и в два сложения две плетеницы, и возложиша на два щитца: и возложиша на рамена ризы верхния, противу лицем к лицу. 26 И сотвориша два колца злата, и возложиша на два крила на край логиона, и на край созади верхния ризы, внутрьду: 27 и сотвориша два колца злата, и положиша на оба рамена ризы верхния с низу его на лице по согбению свыше состава ризы верхния: 28 и стягнуша логион колцами, яже на нем, с колцами верхния ризы сложеными, из синеты сплетенными, во тканье ризы верхния, да не низпускается логион от ризы верхния, якоже заповеда Господь Моисею. 29 И сотвориша исподнюю ризу, яже под верхнюю, дело тканно, все синее: 30 ожерелье же во внутренней ризе, на среде швенно, сплетено, ометы имущо около ожерелье неразлучено. 31 И сотвориша на омете ризы внутренния долу яко процветающего шипка пугвицы от синеты и багряницы, и червленицы прядены и виссона сканаго. 32 И сотвориша звонцы златы, и возложиша звонцы на омете ризы внутренния окрест между пугвицами: 33 звонец злат и пугвица на омете внутренния ризы окрест, к служению, якоже повеле Господь Моисею. 34 И сотвориша ризы виссонные дело тканно, Аарону и сыном его, 35 и клубки из виссона, и увясле из виссона, и надраги из виссона сканаго, 36 и поясы их из виссона и синеты, и багряницы и червленицы прядены, дело пестрящаго, якоже заповеда Господь Моисею. 37 И сотвориша дщицу злату, отделение святыни от злата чиста, и написаша на ней писмена изваяна печати: освящение Господу: 38 и возложиша ю на омет синь, еже бы лежати на увясле свыше, якоже заповеда Господь Моисею.

37 И сотвориша скинии десять опон: 2 двадесять и осмь лакот долгота единия опоны, таяжде бяше всем, и четырех лакот широта опоны единия. 3 И сотвориша завесу от синеты и багряницы, и червленицы спрядены и виссона сканаго, дело швенно херувими: 4 и возложиша ю на четыри столпы негнущаща позлащены златом, и верхи их златы, и стояла их четыри сребряна.

5 И сотвориша завесу дверем скинии свидения от синеты и багряницы, и червленицы спрядены и виссона сканаго, дело швенно херувимы, 6 и столпы их пять и крючки их: и главицы их и верхи их позлатиша златом, и стояла их пять медяна. 7 И сотвориша двор к югу, оponы двора из виссона сканаго, сто на сто: 8 и столпы их двадесять, и стояла их двадесять медяна: 9 и страна к северу, сто на сто: и страна к югу, сто на сто, и столпы их двадесять, и стояла их двадесять медяна: 10 и страна к морю, оponы пятидесят лактей, столпы их десять, и стояла их десять: 11 и страна к востоку пятидесят лактей, 12 оponы пятинаадесяти лактей, яже созади, и столпы их три, и стояла их три. 13 И на второй задней стране сюду и сюду у дверий двора, оponы пятинаадесяти лактей: столпы их три, и стояла их три. 14 Вся оponы скинии из виссона сканаго, 15 и стояла столпов их медяна, и петли их сребряны, и главицы их посребрены сребром, и столпы их посребрены сребром, вси столпи двора. 16 И завеса дверий двора дело пестрящаго, из синеты и багряницы, и червленицы прядены и виссона сканаго: двадесяти лактей долгота, и высота и широта пяти лактей, равны оponам двора: 17 и столпы их четыри, и стояла их четыри медяна, и петли их сребряны, и главицы их посребрены сребром: 18 и вси колки двора около медяны, и тии посребрены сребром. 19 И сие сочинение скинии свидения, яко же заповедано бысть Моисею, служению быти левитов чрез Ифамара сына Аарона иерея: 20 и Веселеил, сын Уриев, от племене Иудина, сотвори, яко же заповеда Господь Моисею, 21 и Елиав, сын Ахисамахов, от племене Данова, иже созидаша тканыя вещи и швеныя и пестряя, еже ткati из червленицы и виссона.

38 И сотвори Веселеил кивот 2 и позлати его златом чистым внутрьуду и внеуду, 3 и сотвори ему злат обвод обоюду: и слия ему четыри колца злата на четыри страны его: два на стране единей, и два на стране друзей, 4 широки носилам, яко носити его ими. 5 И сотвори очистилище над кивотом от злата чиста, 6 и два херувима златы: 7 херувима единаго на стране очистилища, и херувима втораго на стране второй очистилища, 8 осеняющыя крилами своими над очистилищем. 9 И сотвори трапезу предложения от злата чиста, 10 и слия ей четыри колца злата: два колца на стране единей, и два колца на стране второй, широки яко носити носилами в них. 11 И носила кивоту и трапезе сотвори, и позлати их златом. 12 И сотвори сосуды трапезе, блюда и

фимиамники, и чаши златы и возливалники, имиже возливати будет, от злата. 13 И сотвори светилник, еже светити, златый, крепок стеблом, 14 и ветви от обоих стран его: 15 и от ветвий его отрасли исходящыя, три от единиля и три от вторыя страны, равны друг другу: 16 и светила их, яже на верху их, во образ ореха, от них: и цветцы от них, (и крузи их,) да будут светила на них: и цветец седмый, иже на краю светила, на верху свыше, крепкий весь злат: 17 и седмь светил на нем златых, и щипцы его златыя, и подставы их златы. 18 Сей посребри столпы и слия столпом колца злата, и позлати вереи златом, и позлати столпы завесе златом, и сотвори петли златы: 19 сей сотвори и крючки скинии златы, и крючки двора, и крючки на распространение завесы сверху медяны: 20 сей слия главицы сребряны скинии, и главицы медяны дверий скинии, и двери двора, и петли сотвори сребряны на столпах: сей посребри их: 21 сей сотвори колки скинии и колки двора медяны. 22 сей сотвори олтарь медян из кадилниц медяных, яже быша мужем вскрамолившимся с Кореовым сонмищем: 23 сей сотвори вся сосуды олтаря и кадилник его, и стояло его и чаши, и вилицы его медяны: 24 сей сотвори олтарю окрест обложение делом мрежным, снизу огнища под ним даже до среды его, и положи на нем четыри колца от четырех стран обложения олтаря медяны, широки носилам, еже носити олтарь на них: 25 сей сотвори елей помазания святый, и сложение фимиама, дело чистое мироварца: 26 сей сотвори умывалницу медяну и стояло ея медяно из зерцал постниц, яже постишася у дверий скинии свидения, в онъже день постави ю: 27 и сотвори умывалницу, да омывают из нея Моисей и Аарон и сынове его руце свои и нозе, входящым им в скинию свидения: или егда приходят ко олтарю служити, омывают из нея, яко же заповеда Господь Моисею.

39 Все злато, еже соделано бысть в деле по всякому деланию святых, бяше злата начатков двадесять девять талантов и седьмь сот тридесять сиклев, по сиклю святому: 2 и сребра участие от исчисленных мужей сонма, сто талантов и тысяча седьмь сот седмьдесят пять сиклев: 3 драхма едини с главы пол сикля, по сиклю святому: всяк приходяй к пресмотрению от двадесяти лет и вышше, на шестьдесят тем и на три тысячи пять сот и пятьдесят. 4 И быша сто талант сребра на слияние ста главиц скинии и на главицы завесыя, сто главиц на сто талант, талант на главицу: 5 и тысячу седьмь сот седмьдесят пять сиклев сотвори на петли столпам,

и позлати главицы их, и украси я. 6 И медь участия, седьмьдесят талант и две тысящи и четыреста сиклев. 7 И сотвориша из нея стояла дверная скиния свидения, 8 и стояла двора окрест, и стояла дверий двора, и колки скинии, и колки двора окрест, 9 и обложение медяно окрест олтаря, и вся сосуды олтаря, и вся орудия скинии свидения. 10 И сотвориша сынове Израилевы, якоже заповеда Господь Моисею, тако сотвориша. 11 От избывшаго же злата участия сотвориша сосуды, еже служити в них пред Господем: 12 и от оставшия синеты и багряницы, и червленицы и виссона, сотвориша ризы служебная Аарону, еже служити в них во святилищи. 13 И принесоша ризы к Моисею, и скинию и сосуды ея, и вереи ея и столпы и стояла ея, 14 и кивот завета и носила его, 15 и олтарь и вся сосуды его, и елей помазания и фимиам сложения, 16 и светилник чистый и светила его, светила вжигания и елей светения: 17 и трапезу предложения и вся сосуды ея, и хлебы предложенные: 18 и ризы святыя, яже суть Аарони, и ризы сынов его на жречество: 19 и опоны двора, и столпы, и стояла его, и завесу дверий скинии и дверий двора: и вся сосуды скинии и вся орудия ея: 20 и покровцы кожы овни очервлены, и покровы кожи синия, и прочих опоны: 21 и колки, и вся орудия на дела скинии свидения: 22 елика заповеда Господь Моисею, тако сотвориша сынове Израилевы все устроение. 23 И виде Моисей вся дела, и бяху сотворена та, якоже заповеда Господь Моисею, тако сотвориша я, и благослови их Моисей.

40 И рече Господь к Моисею, глаголя: 2 в день первый месяца первого, в новомесячие поставиши скинию свидения: 3 и да положиши кивот свидения, и покрыши кивот завесою: 4 и внесеши трапезу, и предложиши предложение ея: и внесеши светилник, и поставиши светила его: 5 и положиши олтарь златый, в каждение пред кивотом свидения, и возложиши покров завесы над дверию скинии свидения: 6 и олтарь приношений поставиши у дверий скинии свидения, 7 и поставиши умывалницу между скиникою свидения и между олтарем, и влиеши в ню воду: 8 и поставиши двор окрест и даси завесу дверий двора: 9 и возмеши елей помазания и помажеши скинию и вся яже в ней, и освятиши ю и вся сосуды ея, и будут свята: 10 и да помажеши олтарь приношений и вся сосуды его, и освятиши олтарь, и будет олтарь святый святых: 11 и помажеши умывалницу и стояло ея и освятиши ю: 12 и да приведеши Аарона и сынов его пред двери скинии свидения и измыеши их водою: 13 и да облечеши Аарона в ризы святыя и

помажеши его, и освятиши его, и да жрет Мне: 14 и сыны его да приведеши и облечеши я в ризы, 15 и да помажеши я, якоже помазал еси отца их, да жрут Мне: и будет, еже быти им помазанию жречества во век, в роды их. 16 И сотвори Моисей вся, елика заповеда ему Господь, сице сотвори. 17 И бысть в первый месяц во второе лето исходящим им от Египта, в новомесячии ста скиния. 18 И постави Моисей скинию, и подложи стояла ея, и возложи главицы, и вложи разворы, и постави столпы, 19 и простре опоны на скинию, и возложи покрывало скинию на ню с верху, якоже заповеда Господь Моисею: 20 и взем свидения, вложи в кивот, и подстави ноги под кивотом, и возложи очистилице над кивотом: 21 и внесе кивот в скинию, и возложи покров завесы, и закры кивот свидения, якоже заповеда Господь Моисею: 22 и постави трапезу в скинии свидения, на страну скинии свидения, яже к северу, внеуду завесы скинии: 23 и возложи на ню хлебы предложения пред Господем, якоже заповеда Господь Моисею: 24 и постави светилник в скинии свидения прямо трапезы, на страну скинии, яже к югу: 25 и постави свещники его пред Господем, якоже заповеда Господь Моисею: 26 и постави олтарь златый в скинии свидения противу завесы, 27 и покади над ним фимиам сложения, якоже заповеда Господь Моисею: 28 и положи завесу дверий скинии, 29 и олтарь приношений постави у дверий скинии покрова свидения, и вознese на нем всесожжение и жертву, якоже заповеда Господь Моисею: 30 и сотвори умывалницу между скиникою свидения и между жертвенником, 31 и влия в ню воду, да умывают от нея Моисей и Аарон и сынове его руки своя и ноги, входящим им в скинию свидения: 32 или приходяще к жертвеннику служити, умывахуся от нея, якоже заповеда Господь Моисею: 33 и постави двор окрест скинии и олтаря и положи завесу двора. И сконча Моисей вся дела. 34 И покры облак скинию свидения, и славы Господни исполнися скиния, 35 и не можаше Моисей внити в скинию свидения, яко осеняше над нею облак, и славы Господни исполнися скиния: 36 егда же восходаше облак от скинии, воздвихахуся сынове Израилевы со именем своим: 37 аще же не взыде облак, не воздвихахуся даже до дне, в онъже взыдет облак: 38 облак бо Господнь бяше над скиникою в день, и огнь бяше над нею в нощь пред всем Израилем во всех путешествиих их.

Левит

1 И воззва Господь Моисеа, и рече ему из скинии свидения, глаголя: 2 глаголи сыном Израилевым, и речеши к ним: человек от вас аще принесет дары Господу, от скотов и от говяд и от овец да принесете дары вашия: 3 аще всесожжение дар его, от говяд мужеск пол непорочен принесет, пред двери скинии свидения да принесет е приятно пред Господем, 4 и да возложит руку на главу приношения, приятно ему, умилостивити о нем: 5 и да заколют телца пред Господем: и да принесут сынове Аароновы жерцы кровь, и да пролиют кровь на олтарь окрест, иже у дверей скинии свидения, 6 и одравше всесожжение, да раздробят е на уды, 7 и да возложат сынове Аарони жерцы огнь на олтарь, и да вскладут дрова на огнь: 8 и да вскладут сынове Аарони жерцы раздробленая, и главу, и тук на дрова сущая на огни яже на олтари, 9 утробу же и ноги да измыют водою: и да возложит жрец вся на олтарь: приношение есть жертва, воня благоухания Господу. 10 Аще же от овец дар свой Господви (принесет) от агнца и от козлищ во всесожжение, мужеск пол непорочен да принесет и, 11 и да возложит руку на главу его, и да заколют е в стране олтаря к северу пред Господем: и да пролиют сынове Аарони жерцы кровь его на олтарь окрест: 12 и да раздробят его на уды, и главу, и тук его, и да вскладут я жерцы на дрова сущая на огни яже на олтари, 13 и утробу и ноги измыют водою: и принесет жрец вся, и да возложит на олтарь: приношение есть жертва, воня благоухания Господу. 14 Аще же от птиц приношение принесет дар свой Господу, и принесет от горлиц или от голубов дар свой, 15 и да принесет и жрец ко олтарю, и да отторгнет главу его, и да возложит жрец на олтарь и исцедит кровь у стояла олтаря: 16 и да отлучит гортанны с перием, и извергнет ю от олтаря на восток на место пепела: 17 и да изломит его от крил, и да не разделит: и да возложит е жрец на олтарь на дрова, яже на огни: приношение есть жертва, воня благоухания Господу:

2 Аще же душа принесет дар жертву Господу, мука пшенична да будет дар его, и да возлиет на ню елей, и возложит на ню ливан: жертва есть: 2 и да принесет ю к сыном Аароним жерцем, и возмет от нея полну горсть муки пшеничны с елеем и весь ливан ея, и да возложит жрец память ея на олтарь: жертва воня благоухания Господу: 3 и останок от жертвы Аарону и сыном его: святое святых от жертв Господних. 4 Аще же принесет

дар жертву печену в пещи от муки пшеничны, хлебы пресны спряжены с елеем и опресноки помазаны елеем. 5 Аще же жертва от сковрады дар твой, мука пшенична смешана со елеем, пресна да будут: 6 и да разломиши я на укрухи, и возлиши на на елей: жертва есть Господу. 7 Аще же жертву от огнища дар твой, мука пшенична с елеем да сотворена будет: 8 и принесет жертву, юже аще сотворит от сих Господу, и да принесет к жерцу: 9 и приступив ко олтарю, да отимет жрец от жертвы память ея, и да возложит жрец на олтарь: приношение воня благоухания Господу: 10 останок же от жертвы Аарону и сыном его: святая святых от приношений Господу. 11 Всяку жертву, юже аще приносите Господу, не сотворите квасну: всяк бо квас и всяк мед да не принесете от него, еже приносити Господу дар. 12 От начатков да принесете я Господу: на олтарь же да не вознесутся в воню благоухания Господу. 13 И всяк дар жертвы вашея солию да осолится: да не отставите соли завета Господня от жертв ваших, во всяком даре вашем да принесете Господу Богу вашему соль. 14 Аще же принесеши жертву от начатков жит Господу, новы спряжены зелены класы истлачены Господу, и принесеши жертву от начатков жит: 15 и да возлиши на ню елей, и да возложиши на ню ливан: жертва есть: 16 и да вознесет жрец память ея от спряженых с елеем, и весь ливан ея: принос есть Господу.

3 Аще же жертва спасения дар его Господу, аще убо от говяд е принесет, аще мужеск пол или женск, непорочен да принесет и пред Господа: 2 и возложит руце свои на главу дара, и да заколет и пред Господем у дверей скинии свидения: и да возлиют сынове Аарони жерцы кровь на олтарь всесожжений окрест, 3 и да принесут от жертвы спасения принос Господу, тук покрывающий утробу, и весь тук иже на утробе, 4 и обе почки, и тук иже на них и иже на стегнах, и препонку, яже на печени, с почками отимет: 5 и да вознесут я сынове Аарони жерцы, на олтарь во всесожжения на дрова сущая на огни, яже на олтари: принос воня благоухания Господу. 6 Аще же от овец дар его жертва спасения Господу, мужеск пол или женск, непорочен да принесет, 7 аще агнца принесет дар свой, да приведет его пред Господа, 8 и да возложит руку на главу дара своего, и да заколет его у дверей скинии свидения: и да пролиют сынове Аарони жерцы кровь на олтарь окрест, 9 и да принесет от жертвы спасения принос Господу, тук и чресла чиста с лядвиями да отлучит и: и весь тук покрывающий утробу, и весь

тук иже на утробе, 10 и обе почки, и тук иже на них, иже на стегнах: и препонку, яже на печени, с почками отемъ, 11 да вознесет жрец на олтарь: воня благоухания, принос Господви. 12 Аще же от козлов дар его Господу, да принесет пред Господа: 13 и возложит руце на главу его, и да заколют е пред Господем у дверий скинии свидения: и да пролиют сынове Аарони жерцы кровь на олтарь около: 14 и да вознесет от него принос Господу тук покрывающий утробу, и весь тук иже на утробе, 15 и обе почки, и весь тук, иже на них, иже на стегнах, и препонку, яже на печени, с почками отлучит: 16 и да вознесет жрец на олтарь, принос воня благовония Господу: весь тук Господу. 17 Законное в веки в роды ваша, во всяком обитании вашем: всякаго тука и всякия крове да не ясте.

4 И рече Господъ к Моисею, глаголя: 2 Рцы к сынов

Израилевым, глаголя: душа аще согрешит пред Господем не хотящи от всех повелений Господних, иже не леть есть творити, и сотворит едино что от них: 3 аще убо архиерей помазанный согрешит, во еже людем согрешити, и да приведет о гресе своем, имже согрешил, телца от говяд непорочна Господви от гресе: 4 и да приведет телца к дверем скинии свидения пред Господа, и да возложит руку свою на главу телца пред Господем, и да заколет телца пред Господем: 5 и взем жрец помазанный совершен руками от крове телца, и да внесет ю в скинию свидения, 6 и да омочит жрец перст в крови, и да покропит от крове седмижды перстом пред Господем, у завесы святыни: 7 и да возложит жрец от крове телчи на роги олтаря фимиама сложения иже пред Господем, иже есть в скинии свидения, и всю кровь телчу да излиет у стояла олтаря всесожжений, иже есть у дверий скинии свидения, 8 и весь тук телца, иже от гресе, да отимет от него, тук покрывающий утробу, и весь тук иже на утробе, 9 и обе почки, и тук иже на них, иже есть на стегнах, и препонку, яже на печени, с почками отимет е, 10 яко же отемлется оное от телца жертвы спасения, и да вознесет жрец на олтарь приношения: 11 и кожу телчу, и всю его плоть со главою, и с крайними частми, и со утробою, и с мотылы: 12 и да изнесут всего телца вне полка на место чисто, идже изсыпают пепел, и да сожгут его на дровах огнем: на месте изсыпания пепела да сожжен будет. 13 Аще же весь сонм сынов Израилевых согрешит не хотящи, и утаится глагол от лица сонма, и сотворят едину от всех заповедей Господних, еяже не леть есть творити, и согрешат, 14 и увестся им грех, имже согрешиша в нем: и да приведет сонм телца от волов непорочна от гресе, и приведет и пред двери скинии свидения: 15 и

да возложат старцы сонма руки своя на главу телца пред Господем, и да заколют телца пред Господем, 16 и да внесет жрец помазанный от крове телчи в скинию свидения, 17 и да омочит жрец перст свой в крови телчи, и да покропит седмижды пред Господем, пред завесою святыни: 18 и от крове да возложит жрец на роги олтаря фимиамов сложения, иже есть пред Господем, иже есть в скинии свидения: и всю кровь да излиет у стояла олтаря приношений, иже есть у дверий скинии свидения, 19 и весь тук его да возмет от него, и вознесет на олтарь: 20 и сотворит телцу сему, яко же сотвори телцу, иже о гресе, тако сотворится: и да помолится от них жрец, и оставится им грех: 21 и да изнесут телца всего вне полка, и да сожгут телца, яко же сожгла телца первого: грех (бо) сонма есть. 22 Аще же князь согрешит, и сотворит едину от всех заповедей Господа Бога своего, не хотя, иже не леть есть творити, и согрешит, и преступит, 23 и увестся ему грех, имже согреши в нем: да принесет дар свой козла от коз мужеск пол непорочен греха ради, 24 и возложит руку свою на главу козла: и да заколют его на месте, идже закалают всесожжения пред Господем: о гресе (бо) есть: 25 и да возложит жрец от крове, яже от гресе, перстом на роги олтаря всесожжений, и всю кровь его да излиет у стояла олтаря всесожжений, 26 и весь тук его вознесет на олтарь, яко же тук жертвы спасения: и да помолится о нем жрец греха ради его, и оставится ему. 27 Аще же душа едина согрешит не хотящи от людий земли, внгда сотворити едину от всех заповедей Господних, еже не леть есть творити, и согрешит, 28 и увестся ему грех, имже согреши в нем, и да принесется дар свой козу от коз женеск пол непорочну, да принесет греха ради, имже согреши: 29 и да возложит руку свою на главу греха своего: и заколют козу, яже греха ради, на месте, идже закалают всесожжения: 30 и да возмет жрец от крове ея перстом, и да возложит на роги олтаря всесожжений, и всю кровь ея излиет у стояла олтаря: 31 и весь тук да отимет, яко же отемлется тука от жертвы спасения, и да вознесет жрец на олтарь в воню благовония Господу: и да помолится жрец о нем, и оставится ему. 32 Аще же овцы принесет дар свой греха ради, женеск пол непорочен да принесет ю: 33 и да возложит руку свою на главу яже о гресе, и да заколют ю греха ради на месте, на немже закалают всесожжения (на месте святы): 34 и взем жрец от крове, яже о гресе, перстом своим, да возложит на роги олтаря всесожжения: и всю кровь ея да излиет у стояла олтаря всесожжения, 35 и весь тук ея да отимет, яко же отемлется тук овцы от жертвы спасения: и да

возложит его жрец на олтарь на всесожжение Господне: и да помолится за него жрец о грехе, имже согреши, и оставится ему.

5 Аще же душа согрешит, и услышит глас клятвы, и сей свидетель или виде или сведа, аще не возвестит, примет грех. **2** Душа она, яже аще прикоснется ко всякой вещи нечистей, или мертвчине, или звероядине нечистей, или мертвчинам гнусностей нечистых, или мертвчинам скотов нечистых, и мертвчине гад нечистых, и забыв их осквернится: **3** или прикоснется нечистоте человечи, от всякия нечистоты его, ейже прикоснувшись осквернится, и забудет, посем же увесь, повинен будет греху. **4** Душа беззаконная, аще обещает устнами своима зле или добре сотворити, по всем, елика изречет человек с клятвою, и утаится его пред очесы, и сей увесь, и согреши едино что от сих, **5** и исповесть грех, имже согреши противу себе: **6** и да принесет Господу о грехе, имже согреши, женск пол, от овец агницу, или козу от коз греха ради: и да помолится о нем жрец греха ради его, имже согреши, и оставится ему грех. **7** Аще же не может рука его доволства имети на овцу, да принесет греха ради своего, имже согреши, две горлицы, или два птенца голубина Господу, един греха ради и един во всесожжение: **8** и принесет я к жерцу, и приведет жрец еже за грех прежде, и да отторгнет жрец главу его созади, но да не отлучит: **9** и да покропит от крове, яже за грех, на стену олтаря, останок же крове да исцедит на стояло олтаря: о грехе бо есть: **10** и вторым да сотворит всесожжение, якоже подобает, и да помолится от нем жрец греха ради его, имже согреши, и оставится ему. **11** Аще же не обрящет рука его супруга горлиц, или двух птенцев голубиных, и принесет дар свой за грех, десятую часть меры ефимуки пшеничны за грех: да не возлият на ню елеа, ниже да возложит на ню ливана, понеже о грехе есть: **12** и да принесет ю к жерцу, и взем жрец о няя полну горсть в память его, возложит на жертвенник всесожжения Господня: о грехе (бо) есть: **13** и да помолится о нем жрец греха ради его, имже согреши отединако сих, и оставится ему: останок же будет жерцу, якоже жертва муки пшеничны. **14** И рече Господь к Моисею, глаголя: **15** душа яже аще забудет забвением, и согреши не хотящи от святынь Господних, и да принесет о преступлении своем Господу овна непорочна от овец, ему же цена сребра сиклев, по сиклю святых, о немже согреши: **16** и еже согреши от святых, да отдаст е, и пятую часть приложит нань, и даст е жерцу: и жрец да

помолится о нем овнов преступления его, и оставится ему. **17** И душа яже аще согрешит, и сотворит едину от всех заповедей Господних, ихже не леть есть творити, и не уведе, и согрешит, и примет грех свой, **18** и да принесет овна непорочна от овец, ценою сребра греха ради, к жерцу и да помолится о нем жрец, о неведении его, егоже не веде, и сам не ведяще, и оставится ему: **19** согреши бо согрешением пред Господем.

6 И рече Господь к Моисею, глаголя: **2** душа яже аще согрешит, и презрев презрит заповеди Господня, и солжет к другу о вдании, или о общине, или о хищении, или преобиде чим ближняго, **3** или обрете погубленое, и солжет о нем, и кленется в неправду о единем от всех, яже аще сотворит человек яко согрешити в них: **4** и будет егда согрешил и преступит, и отдаст похищеное, еже похити, или обиду, еюже преобиде, или вданье, еже вдано бысть ему, или погибшее, еже обрете: **5** от всякия вещи, еяже ради кляся в неправду, и да отдаст самое то истое, и пятую часть свою приложит ктому: егоже есть, тому да отдаст, в онъже день обличится: **6** и о преступлении своем да принесет Господу овна от овец непорочна, ценою в немже прегреши: **7** и да помолится жрец о нем пред Господем, и оставится ему за едино от всех, яже сотвори и преступи в нем. **8** И рече Господь к Моисею, глаголя: **9** заповѣдь Аарону и сыном его, глаголя: сей закон всесожжения: сие всесожжение на горении его на олтари всю нощь до заутра, и огнь олтаря да горит на нем, и не угасает: **10** и да облечется жрец в срачицу льняну, и надраги льняны да возвлечет на тело свое, и да изнесет принос, егоже аще изжжет огнь всесожжения от олтаря, и да поставит близ олтаря: **11** и да совлечет ризы своя, и да облечется в ризы ины, и да изнесет принос вне полка на место чисто: **12** и огнь на олтари да горит на нем и не угасает: и да возжжет на нем жрец дрова по вся утра, и да возкладет нань всесожжение, и да возложит нань тук спасения: **13** и огнь всегда да горит на олтари, не угасает: **14** сей закон жертвы, юже принесут сынове Аарони жерцы пред Господем, прямо олтаря: **15** и да возмет от него (жрец) горсть муки пшеничны жертвенныя с елеем ея и со всем ливаном ея, сущими на жертве: и да вознесет на олтарь принос в воню благовония, в память ея Господу: **16** оставшееся же от нея снесет Аарон и сынове его: пресна да снедятся в месте святе, в притворе скинии свидения да снедят я: **17** да не испечется квасна: часть сию дах им от приносов Господних: святая святых суть, якоже еже

о грехе, и яко же еже о преступлении: **18** всяк мужеск пол жреческ да снедят ю: законно вечно в роды вашя от принос Господних: всяк, иже аще прикоснется им, освятится. **19** И рече Господь к Моисею, глаголя: **20** сей дар Аарону и сыном его, егоже принесут Господу в день, в онъже аще помажеши его: десятую часть меры ефи муки пшеничны в жертву всегда, пол ея заутра и пол ея в вечер: **21** на сковраде в елеи да соторится, спряжену да принесет ю витую жертву от укрухов, жертву в воню благовония Господу: **22** жрец помазанный, иже вместо его от сынов его, да соторит ю: законно вечно, все да совершится: **23** и всяка жертва жреческа всесожженна да будет и да не снестся. **24** И рече Господь Бог Моисею, глаголя: **25** рцы Аарону и сыном его, глаголя: сей закон согрешения: на месте, на немже закалают всесожжения, да закалают яже греха ради пред Господем: святая (бо) святых суть: **26** жрец приносяй ю да снест ю: в месте святе да снестся, в притворе скинии свидения: **27** всяк прикасайся мяс ея освятится: и ему же аще воскропится от крове ея на ризу, яже аще воскропится на ню, да исперется на месте святе: **28** и сосуд глинян, в немже варится, да разбиятся: аще же в медян сосуде сварится, да изтрет его, и измынет водою: **29** всяк мужеск пол в жерцех да снест ю: святая (бо) святых суть Господу: **30** и вся, яже от грехе аще принесутся от крове их в скинию свидения, ко очищению во святыни, да не снедятся, огнем да сожгутся.

7 И сей закон овна иже о преступлении: святая святых суть: **2** на месте, на немже закалают всесожжение, да заколют овна иже о преступлении пред Господем, и кровь да пролиют на стояла олтаря окрест: **3** и весь тук его да принесет от него, и чресла, и весь тук покрывающий утробу, и весь тук иже на утробе, **4** и обе почки, и тук иже на них, иже на стегнах, и препонку, яже на печени, с почками да отимет я: **5** и вознесет я жрец на олтарь, принос в воню благовония Господу: о преступлении (бо) есть: **6** всяк мужеск пол от жрец да снест я, на месте святе да снедят я: святая святых суть: **7** яко же греха ради, тако и преступления ради, закон един их: жрец иже помолится о нем, ему да будет: **8** и жрец приносяй всесожжение человечо, кожа всесожжения, еже приносит он, ему да будет: **9** и всяка жертва, яже соторится в пещи, и всяка, яже соторится на огнищи, или на сковраде, жерцу, иже приносит ю, тому да будет: **10** и всяка жертва спряжена с елеем, и яже не спряжена, всем сыном Аароним комуждо равно да будет. **11** Сей

закон жертвы спасения, юже принесут Господу: **12** аще убо похваления ради принесет ю, и принесет на жертву хваления хлебы от муки пшеничны пряжены в елеи, и опресноки помазаны елеем, и муку пшеничну смешену с елеем: **13** с хлебы квасными да принесет дар свой на жертву хваления спасителного: **14** и да принесет един от всех даров своих участие Господу: жерцу возливающему кровь жертвы спасения, тому да будет: **15** и мяса жертвы хваления спасителного тому да будут, и в онъже день принесутся, да снедятся: да не оставят от него на утре: **16** и аще обет будет, или вольный пожрет дар свой, в онъже аще день жертву свою принесет, да снестся, и на утре: **17** и оставшеся от мяс жертвы до дне третияго на огни да сожжется: **18** аще же ядый снест от мяс в день третий, не приемется приносящему ю, ниже вменится ему: осквернение есть: душа же, яже аще снест от них, грех приемет: **19** и мяса, яже аще прикоснется всякому нечисту, да не снедятся, на огни да сожгутся: всякий чистый да снест мяса: **20** душа же, яже аще снест от мяс жертвы спасения, яже есть Господу, и нечистота его на нем, погибнет душа она от людей своих: **21** всякой вещи нечистей, или от нечистоты человечи или от четвероногих нечистых, или всякой мерзости нечистей, и снест от мяс жертвы спасения, яже есть Господня, погибнет душа та от людей своих. **22** И рече Господь к Моисею, глаголя: **23** рцы сыном Израилевым, глаголя: всякаго тука говяжа и овча и козия да не снесте: **24** и тук мертвенин и звероядный да соторится на всяко дело, в ядении же да не снестся: **25** всяк ядый тук от скотов, от нихже принесет дар Господу, погибнет душа та от людей своих: **26** всякия крове да не снесте во всех селениих ваших и от скотов и от птиц: **27** всяка душа, яже аще снест кровь, погибнет душа та от людей своих. **28** И рече Господь к Моисею, глаголя: **29** и сыном Израилевым речеши, глаголя: приносяй жертву спасения Господу да принесет дар свой Господу, и от жертвы спасения: **30** руце его да принесут принос Господу: тук иже на грудех, и препонку печени да принесет я, яко же возложити дар пред Господа: **31** и да вознесет жрец тук иже на грудех, на олтарь, и груди да будут Аарону и сыном его, **32** и рамо десное да дастся участие жерцу от жертв спасения вашего: **33** приносящему кровь спасения и тук от сынов Аароновых, тому да будет рамо десное во участие: **34** грудь бо возложения и рамо участия взях от сынов Израилевых от жертв спасения вашего, и дах я Аарону жерцу и сыном его, законно вечно от сынов Израилевых. **35** Сие помазание Аароне и помазание сынов его от

приносов Господних, в оньже день приведе я жрети Господу: **36** якоже заповеда Господь дати им, в оньже день помаза я от сынов Израилевых: законно вечно в роды их. **37** Сей закон всесожжений и жертвы, и о грехе и о преступлении, и совершении и жертве спасения: **38** якоже заповеда Господь Моисею на горе Синайстей, в оньже день заповеда сыном Израилевым приносити дары своя пред Господа, в пустыни Синайстей.

8 И рече Господь к Моисею, глаголя: **2** поими Аарона

и сыны его, и ризы его, и елей помазания, и телца иже за грех, и два овна, и кошницу опресноков, **3** и весь сонм собери пред двери скинии свидения. **4** И сотвори Моисей, якоже повеле ему Господь: и собра сонм пред двери скинии свидения. **5** И рече Моисей к сонму: сие есть слово, еже завеща Господь сотворити. **6** И приведе Моисей Аарона и сыны его и измы я водою: **7** и облече его в срачицу, и опояса его поясом, и облече его в исподнюю ризу, и возвлече нань верхнюю ризу: **8** и опояса его по устроению ефуда, и стисне его им: и возложи нань слово, и возложи на слово явление и истину: **9** и возложи увяслу на главу его, и возложи на увяслу против лица его дцицу златую освященную святую, якоже повеле Господь Моисею. **10** И взя Моисей от елеа помазания, **11** и воскропи от него на олтарь седмижды, и помаза олтарь и освяти его и вся сосуды его, и умывалницу и стояло ея, и освяти я, и помаза скинию и вся сосуды ея, и освяти ю, **12** и возлия Моисей от елеа помазания на главу Аароню, и помаза его, и освяти его. **13** И приведе Моисей сыны Аарони, и облече я в срачицы, и опояса я поясы, и возложи на ня клобуки, якоже повеле Господь Моисею. **14** И приведе Моисей телца иже за грех, и возложи Аарон и сынове его руки на главу телца иже за грех, **15** и закла его ю взя Моисей от крове, и возложи на роги олтаря окрест перстом, и очисти олтарь: и кровь пролия на стояло олтаря, и освяти его, еже молитися у него. **16** И взя Моисей весь тук иже на утробе, и препонку яже на печени, и обе почки, и тук иже на них, и вознесе Моисей на олтарь: **17** телца же и кожу его, и мяса его и мотылы его, сожже я огнем вне полка, якоже повеле Господь Моисею. **18** И приведе Моисей овна иже во всесожжение, и возложи Аарон и сынове его руки своя на главу овню. **19** И закла Моисей овна, и пролия Моисей кровь на олтарь окрест: **20** овна же раздроби на уды его, и вознесе Моисей главу и уды и тук, и утробу и ноги измы водою: **21** и вознесе Моисей всего овна на олтарь: всесожжение есть в воню благовония:

принос есть Господу, якоже заповеда Господь Моисею. **22** И приведе Моисей овна втораго, овна совершения: и возложи Аарон и сынове его руки своя на главу овню, **23** и закла его: и взя Моисей от крове его, и возложи на край уха Аарона деснаго, и на край руки его десныя, и на край ноги его десныя. **24** И приведе Моисей сыны Аарони, и возложи Моисей от крове на край ушес их десных, и на край рук их десных, и на край ног их десных: и пролия Моисей кровь на олтарь окрест: **25** и взя Моисей тук и чресла, и тук иже на утробе, и препонку печени, и обе почки, и тук иже на них, и рамо десное, **26** и от кошницы совершения, яже есть пред Господем, и взя хлеб един пресный, и хлеб елеен един, и опреснок един, и возложи на тук, и рамо десное: **27** и возложи вся на руце Аарони и на руце сынов его, и вознесе я участие пред Господа. **28** И взя Моисей от рук их и вознесе на олтарь на всесожжение совершения, еже есть воня благоухания: принос есть Господу. **29** И взем Моисей грудъ, отлучи ю возложение пред Господем от овна совершения: и бысть Моисею в масть, якоже заповеда Господь Моисею. **30** И взя Моисей от елеа помазания и от крове яже на олтари, и воскропи на Аарона и на ризы его, и на сыны его и на ризы сынов его с ним: и освяти Аарона и ризы его, и сыны его и ризы сынов его с ним. **31** И рече Моисей Аарону и сыном его: сварите мяса во дворе скинии свидения на месте святе, и тамо да снесте я, и хлебы иже в кошнице совершения, якоже заповедано бысть мне глаголя: Аарон и сынове его да снедят я: **32** и останок мяс и хлебов на огни да сожжете: **33** и из дверий скинии свидения да не изыдете седмь дний, дондеже день скончается, день совершения вашего: в седмь бо дний совершил руки ваши: **34** якоже сотвори в день сей, в оньже заповеда Господь сотворити, яко молитися о вас: **35** и у дверий скинии свидения седите седмь дний, день и нощь, и сохраните повеления Господня, да не умрете: тако бо заповеда мне Господь Бог. **36** И сотвори Аарон и сынове его вся словеса, яже завеща Господь Моисею.

9 И бысть в день осмый, призыва Моисей Аарона и сыны его и старцы Израилевы, **2** и рече Моисей ко Аарону: возми себе телца от говяд греха ради и овна на всесожжение, непорочны, и принеси я пред Господа: **3** и старцем Израилевым речеши, глаголя: возмите козла от коз единаго от грехе, и овна, и телца и агнца единолетна, в приношение, непорочны: **4** и телца от говяд, и овна на жертву спасения пред Господа, и муку пшеничну спряжену с елеем: зане днес Господь явится в вас. **5** И взяша, якоже заповеда Моисей пред скиникою свидения:

и прииде весь сонм, и сташа пред Господем. 6 И рече Моисей: сие слово, еже рече Господъ, сотворите, и явится в вас слава Господня. 7 И рече Моисей Аарону: приступи ко олтарю и сотвори еже греха ради твоего, и всесожжение твое, и помолися о себе и о доме твоем: и сотвори дары людския, и помолися о них, яко же заповеда Господь Моисею. 8 И приступи Аарон ко олтарю, и закла телца, иже греха ради его. 9 И принесоша сынове Аарони кровь к нему: и омочи перст свой в кровь, и возложи на роги олтаря, и кровь излия у стояла олтаря: 10 и тук, и обе почки, и препонку печени, яже греха ради, возложи на олтарь, яко же заповеда Господь Моисею: 11 мяса же и кожу сожже на огни вне полка, 12 и закла всесожжение. И принесоша сынове Аарони кровь к нему: и пролия на олтарь окрест. 13 И всесожжение принесоша к нему по удам: сия и главу возложи на олтарь, 14 и измы утробу и ноги водою, и возложи во всесожжение на олтарь. 15 И принес дар людский: и взя козла, иже греха ради людска, и закла его, и очисти его, яко же и первого, 16 и принес всесожжение, и сотвори е, яко же достоит. 17 И принес жертву, и наполни руце от нея, и возложи на олтарь кроме всесожжения утренняго, 18 и закла телца и овна жертвы спасения людска. И принесоша сынове Аарони кровь к нему: и пролия на олтарь окрест. 19 И тук телчий, и овняя чресла, и тук покрывающий утробу, и обе почки, и тук иже на них, и препонку печени: 20 и возложи туки на груди, и вознес туки на олтарь: 21 и груди и рамо десное отя Аарон участие пред Господем, яко же повеле Господь Моисею. 22 И воздвиг Аарон руце к людем, благослови я: и снide сотворив приношение греха ради, и всесожжение, и яже о спасении. 23 И вниде Моисей и Аарон в скинию свидения, и изшедше благословиста вся люди. И явися слава Господня всем людем: 24 и изыде огнь от Господа, и пойде яже на олтари, и всесожжения и туки. И видеша вси людие, и ужасошася, и падоша на лице.

10 И вземше два сына Аароня, Надав и Авиуд, кийждо свою кадилницу, вложиста в ня огнь и возложиста нань фимиам, и принесоста пред Господа огнь чуждъ, егоже не повеле имя Господь. 2 И изыде огнь от Господа, и пойде я, и умроста пред Господем. 3 И рече Моисей ко Аарону: сие есть, еже рече Господъ, глаголя: в приближающихся Мне освящуся и во всем сонме прославлюся. И умилися Аарон. 4 И призыва Моисей Мисаила и Елисафана, сыны Озиилевы, сыны брата отца Аароня, и рече им: приступите и возмите братий своих от

лица святых вне полка. 5 И приступиша, и взяша их в ризах их, (и изнесоша) вне полка, яко же рече Моисей. 6 И рече Моисей ко Аарону и Елеазару и Ифамару, сыном его оставшымся: глав ваших не открывайте и риз ваших не раздирайте, да не умрете, и на весь сонм будет гнев: кратия же вашя весь дом Израилев да плачутся запаления, имже запалиша от Господа: 7 и из дверий скинии свидения не исходите, да не умрете: елей бо помазания, иже от Господа, на вас есть. И сотвориша по словеси Моисееву. 8 И рече Господъ ко Аарону, глаголя: 9 вина и сикера не пийте, ты и сынове твои с тобою, егда входите в скинию свидения, или приступающим вам ко олтарю, да не умрете: (и будет сие) законно вечно в роды вашя: 10 отлучити между вещми святыми и между сквернавыми, и между нечистыми и между чистыми, 11 и устроити сыном Израилевым вся законная, яже глагола Господь к ним рукою Моисеевою. 12 И рече Моисей ко Аарону, и Елеазару и Фамару, сыном, его оставшымся: возмите жертву оставшуюся от приносов Господних и ядите опресноки у олтаря: яко святая святых суть: 13 и ядите я на месте святе: законно бо тебе есть, и законно сыном твоим, сие от приносов Господних: сице бо ми заповеда Господь: 14 и груди участия и рамо участия ядите на месте святе ты и сынове твои, и дом твой с тобою: законно бо тебе, и законно сыном твоим дадеся от жертв спасении сынов Израилевых: 15 рамо участия и груди участия в приносех тучных да принесут, участие еже приносити пред Господа: и да будет тебе и сыном твоим и дщерем твоим с тобою законно вечно, яко же повеле Господь Моисею. 16 И козла, иже греха ради, взыскуя взыска Моисей: и сей сожжен бяше. И разгневася Моисей на Елеазара и Ифамара, сыны Аарони оставльшияся, глаголя: 17 почто не снедосте на месте святе, еже греха ради, яко святая святых суть, сие даде вам ясти, да отимете грех сонма и помолитеся о них пред Господем: 18 не внесеся бо от крове его в святое: пред лицем внутрь да ясте е на месте святе, яко же повеле мне Господь. 19 И рече Аарон к Моисею, глаголя: аще днесъ принесоша яже греха ради своего и всесожжения своего пред Господа, и случишася мне сицевая, и снем, яже греха ради, днесъ, еда угодно будет Господу? 20 И слыша Моисей, и угодно ему бысть.

11 И рече Господъ к Моисею и Аарону, глаголя: 2 рците сыном Израилевым, глаголюще: сии скоти, ихже имате ясти от всех скотов, иже на земли: 3 всяк скот раздвоющъ копыто и пазнокти имеющъ на двое, и отрыгаяй жвание в скотех, сия да ясте: 4 токмо от сих

да не снесте от отрыгающих жвание и от раздвоящих копыта и делящих пазнокти: велблуда, яко сей износит жвание, но пазноктей не делит на двое, нечист сей вам: 5 и хирогриля, яко износит жвание, а пазноктей не делит, нечист сей вам: 6 и заяца, иже отрыгает жвание, но пазноктей не делит на двое, нечист сей вам: 7 и свинии, яко делит пазнокти на двое и копыто раздвояет, но не отрыгает жвания, нечиста сия вам: 8 от мяс их да не ясте и мертвчине их да не прикасаетесь, нечиста сия вам. 9 И сия да ясте от всех, яже в водах: вся, имже суть перия и чешуя в водах, и в морях и в езерах, сия да ясте: 10 и всем, Имже несть перие ни чешуи в водах, и в морях и в езерах, от всех, яже износят воды, и всяка душа живущая в воде, скверна есть, и скверна да будут вам: 11 от мяс их да не ядите и мертвчины их гнушайтесь: 12 и вся, имже несть перия и чешуи, иже в водах, скверна сия суть вам. 13 И сих гнушайтесь от птиц, и да не ясте их, гнуши суть: орла и грифа и морского орла, 14 и неясыти и иктина и подобных сим: 15 и струфа и совы, и сухолапля и подобных им: 16 и всякаго врана и подобных ему: и ястреба и подобных ему: 17 и врана нощного и лилика и ивины, 18 и порфириона и пелекана и лебедя, 19 и еродиа и харадриона и подобных ему: и ввода и нощного нетопыря. 20 И вся гады птичия, иже ходят на четырех, мерзость есть вам: 21 но сия да ясте от всех гад птичных, иже ходят четвероножны, иже имут голени выше плесну своею, скакати ими по земли: 22 и сия да ясте от сих: вруха и подобная ему, и аттака и подобная ему, офиомаха и еже подобно к нему, и акриду и подобная ей: 23 и всяк гад от птиц, имже суть четыри ноги, мерзость есть вам, и в сих да не осквернитеся: 24 всяк прикасайся мертвчине их нечист будет до вечера: 25 и всяк вземляй мертвчину их да измыет ризы своя и нечист будет до вечера. 26 Во всех скотех, иже раздвояет копыто и пазнокти имеет, а жвания не отрыгает, нечиста да будут вам: всяк прикасайся мертвчине их нечист будет даже до вечера: 27 и всяк иже ходит на лапах, во всех зверех, иже ходят на четырех, нечиста будут вам: всяк прикасайся мертвчине их нечист будет до вечера: 28 и вземляй мертвчину их да исперет ризы своя и нечист будет до вечера: нечиста сия будут вам. 29 И сия вам нечиста от гад плежущих по земли: ласица и мыш и крокодил земный, 30 мигали и хамелеон, и халавотис и ящер и кроторыя: 31 сии нечисти вам от всех гад плежущих по земли: всяк прикасайся мертвчине их нечист будет до вечера. 32 И всяко, в неже аще впадет от них нечто от мертвчины их, нечист будет

всяк сосуд древян, или риза, или кожа, или вретище: всякий сосуд, в немже творится дело, в воде погрузится и нечист будет до вечера, и по сих чист будет: 33 и всяк сосуд глинян, в онъже аще впадет от сих внутрь, елика суть в нем, нечиста будут, и сосуд да разбиятся. 34 И всяка снедь юже ясте, на нюже аще возлияется вода, нечиста будет вам: и всякое питие, еже пиете во всяком сосуде, нечисто будет (вам): 35 и все, еже аще впадет в не от мертвчины их, нечисто будет: пеци и огнища да сокрушатся, нечиста сия суть и нечиста будут вам. 36 Кроме источник водных и поток, и собраний водных, будут чисти: а иже прикасается мертвчинам их, нечист будет. 37 Аще же впадет от мертвчины их на всяко семя семянное, еже сеется, чисто будет: 38 аще же возлияется вода на всяко семя, и впадет от мертвчины их на не, нечисто будет вам. 39 Аще же умрет от скота, егоже вам ясти, прикасайся мертвчине его, нечист будет до вечера: 40 и ядый от мертвчин сих да исперет ризы своя и нечист будет до вечера: и вземляй мертвчину их да измыет ризы своя и измыется водою, и нечист будет до вечера. 41 И всяк гад плежущий по земли мерзость вам есть сие, да не снестся. 42 И всяко ходящее на чреве, и всяко ходящее на четырех всегда, и (всяко) многоноожное во всех гадех, иже плежут по земли, да не снесте е, яко мерзость вам есть: 43 и да не омерзите душ ваших во всех гадех плежущих по земли, и да не осквернитеся ими, и да не будете нечисти в них, 44 яко Аз есмь Господь Бог ваш: и да освятитеся и будете святы, яко свят есмь Аз Господь Бог ваш: и да не оскверните душ ваших во всех гадех движущихся по земли, 45 яко Аз есмь Господь, изведый вас из земли Египетския, да буду вам Бог, и будете святы, яко свят есмь Аз Господь. 46 Сей закон о скотех и о птицах, и всякой души движущейся в водах и всякой души пресмыкающейся по земли, 47 разлучити между нечистыми и между чистыми, и научити сыны Израилевы между оживляющими ядомая и между оживляющими не ядомая.

12 И рече Господь к Моисею, глаголя: 2 глаголи сыном Израилевым и речеши к ним, глаголя: жена, яже аще зачнет и родит мужеск пол, нечиста будет седьмий дний: по днем (естественного) разлучения скверны ея, нечиста будет: 3 и в день осмый да обрежет плоть конечную его: 4 и сидети будет тридесять и три дни в крови нечистей своей: всякой вещи святей да не прикоснется и в святилище да не внидет, дондеже скончаются дни очищения ея. 5 Аще же женск пол родит, и нечиста будет четыренадесять дний по (естественней) скверне ея, и

шестьдесят и шесть дний сидети будет в крови нечистоты своея. 6 И егда исполнятся дни очищения ея о сыне ея или дщери, да принесет агнца непорочна единолетна во всесожжение, и птенца голубина или горлицу греха ради, пред двери скинии свидения к жерцу, 7 и да принесет е пред Господа: и помолится о ней жрец и очистит ю от тока крови ея: сей закон раждающий мужеск пол или женск. 8 Аще же не обрящет рука ея доволнаго на агнца, и да возмет две горлицы или два птенца голубина, единаго на всесожжение и другаго греха ради: и помолится о ней жрец, и очистится.

13 И рече Господь к Моисею и Аарону, глаголя: 2

человеку ему же аще будет на кожи плоти его струп знамения или блеск, и будет на кожи плоти его язва прокажения, да приведется ко Аарону жерцу или ко единому от сынов его жерцов: 3 и узрит жрец язву на кожи плоти его, и влас в язве изменится в бело, и взор язвы уменьшится от кожи плоти его, язва проказы есть: и узрит жрец, и осквернит его. 4 Аще же и блеск бел будет на кожи плоти его, и не меньший будет взор его от кожи, и влас его не изменится во влас бел, и той есть темен, и отлучит жрец язву на седьмь дний: 5 и узрит жрец язву в день седьмый, и се, язва пребывает пред ним, и не изменится язва на коже, и отлучит его жрец на другия седьмь дний: 6 и узрит его жрец в седьмый день вторицею, и се, язва потемне, и не изменится язва на коже, и очистит его жрец: знамение бо есть: и измыв ризы своя, чист будет. 7 Аще же изменяющеся изменится знамение на коже, повнегда видети его жерцу еже очистити его, и явится второе жерцу: и узрит его жрец, и се, изменится знамение в коже, 8 и да осквернит его жрец: проказа бо есть. 9 И язва прокажения аще будет на человеке, и приидет к жерцу: 10 и узрит жрец, и се, струп бел на коже, и сей изменил влас бел, и от здравыя плоти живыя в струпе: 11 проказа ветхая есть на коже плоти его, и осквернит его жрец и отлучит его, яко нечист есть. 12 Аще же процветая процветет проказа на коже, и покрьет проказение всю кожу язвою, от главы да ногу его, по всему взору жерцову: 13 и узрит жрец, и се, покрыло проказение всю кожу плоти его, да очистит жрец язву: яко вся изменится в бело, чист есть. 14 И в оньже день аще явится на нем плоть жива, осквернится: 15 и узрит жрец плоть здраву, и осквернит его плоть здрава, яко нечиста есть, проказение есть. 16 Аще же составится плоть здрава, и изменится в бело, и приидет к жерцу: 17 и узрит жрец, и се, изменится язва в бело, и очистит

жрец язву, чист есть. 18 И тело аще будет на коже его болячка гнойна, и исцелеет, 19 и будет на месте болячки струп бел, или блеск белеюща или рдяща, и явится жерцу: 20 и узрит жрец, и се, взор ниже кожи, и влас его изменится в бело, и осквернит его жрец, яко блеск проказения есть, на болячке процвете. 21 Аще же увидит жрец, и се, несть в нем влас бел, и не ниже есть от кожи плотския, и сей есть темен, и отлучит его жрец на седьмь дний. 22 Аще ли разсыпанием разсыплется по коже, и осквернит его жрец, блеск проказения есть, на болячке процвете. 23 Аще ли на месте своем пребывает блеск и не разсыпается, струп болячки есть, и очистит его жрец. 24 И плоть аще будет на коже его жжение огнено, и будет на коже его исцелевшее от жжения блещащее бело или червлено или пробелующееся: 25 и узрит его жрец, и се, пременился влас бел в блещащийся, и взор ему ниже от кожи, проказение есть, во жжении процвете, и осквернит его жрец, язва проказы есть. 26 Аще же увидит его жрец, и се, несть на блещащемся влас бел, и не ниже есть от кожи, само же темно, и отлучит его жрец на седьмь дний: 27 и узрит его жрец в день седьмый, и аще разсыпанием разсыплется по коже, и осквернит его жрец: язва проказы есть, бо гной процвете. 28 Аще же на месте пребудет блещание и не разсыплется по коже, сие же темно есть, струп сожжения есть, да очистит его жрец: образ бо сожжения есть. 29 Мужу же или жене, аще будет на них язва проказы на главе или на браде, 30 и узрит жрец язву, и се, обличие ея глубочае кожи, в нейже влас желтуяся тонок, и осквернит его жрец: вред есть, проказение главы или проказение брады есть. 31 И аще увидит жрец язву вреда, и се, не будет обличие ниже кожи, и влас желтуяся не будет в нем, да отлучит жрец язву вреда на седьмь дний: 32 и узрит жрец язву в день седьмый, и се, не разсыпается вред, и влас желтуяся несть в нем, и обличие вреда несть ниже кожи: 33 и остирижет кожу, вред же да не остирижется, и отлучит жрец вред на седьмь дний второе: 34 и узрит жрец вред в день седьмый, и се, не разсыпается вред по коже по остирании его, и обличие вреда несть ниже кожи, и очистит его жрец, и измыв ризы, чист будет. 35 Аще же разсыпанием разсыплется вред по коже по очищении его: 36 и узрит его жрец, и се, не разсыпается вред по коже, да не присетит жрец о власе желтеющемуся, яко нечист есть. 37 Аще же пред ним будет на месте вред, и влас черен явится в нем, исцеле вред, чист есть, и очистит его жрец. 38 Мужу же или жене, аще будут на коже плоти его блещаща белеющаяся: 39 и увидит жрец, и се, на коже

плоти его блещания и блещаща белеющаяся, лишай есть, процвете на кожи плоти его, чист есть. 40 Аще же кому облезе глава, плешив есть, чист есть: 41 аще же спреди облезе глава, взлыс есть, чист есть: 42 аще же будет на плеши его или на взлысине его блеск бел или червленуся, прокажение процветающее на плеши его или на взлысине его: 43 и увидит его жрец, и се, обличие блеска бело или червлено на плеши его или на взлысине его, яко обличие прокажения на кожи плоти его: 44 человек прокажен есть, осквернением осквернит его жрец, на главе его блеск его. 45 И прокажен, на немже есть язва, ризы его да будут раздраны, и глава его не покровена, и около уст своих да обвиется, и нечист прозовется: 46 вся дни, в няже будет на нем язва, нечист сый, нечист будет: отлучен да седит, вне полка да будет ему пребывание. 47 И риза аще будет на ней язва прокажения, на ризе сукняне, или на изгребийней, 48 или на прядене, или на кроках, или на льнех, или на волне, или на кожи, или на всякой кожи деланей, 49 и явится язва зелена или червленуся на кожи, или на ризе, или на пряденех, или на кроках, или на всяком деле кожанем, язва прокажения есть, и покажет жерцу: 50 и увидит жрец язву, и отлучит жрец язву на седмь дний. 51 И да увидит жрец язву в день седмый: аще же разсыпется язва по ризе, или по прядене, или по кроках, или по коже, по всему елика творятся кожи в делании, прокажение исто есть язва, нечист есть: 52 да сожжет ризу, или прядения, или кроки, или на волне, или на льне, или на всяком сосуде кожане, на немже аще будет язва: понеже прокажение исто есть, на огни да сожжется. 53 Аще ли узрит жрец, и не разсыплется язва по ризе, или по прядене, или по кроках, или по всякому сосуду кожану: 54 и повелит жрец, и измыет, на немже будет язва, и да отлучит жрец язву на другия седмь дний: 55 и увидит жрец по измытии его язву, и аще не изменила язва лица своего, и язва не разсыпается, нечисто есть, на огни да сожжется: утвердися бо на ризе, или на прядене, или на кроках. 56 И аще увидит жрец, и будет темна язва по испрании ея, да отторгнет е от ризы, или от прядена, или от крок, или от кожи. 57 И аще явится еще на ризе или на прядене, или на кроках, или на всякому сосуде кожане, прокажение процветающее есть, на огни да сожжется, на немже есть язва. 58 И риза, или прядено, или кроки, или всяк сосуд кожан, еже исперется, и отступит от него язва, и измыется второе, и чисто будет. 59 Сей закон язве прокажения ризы сукняны, или изгребийны, или

прядены, или куделныя, или всякаго сосуда кожана, во еже очистити е, или осквернити е.

14 И рече Господь к Моисею, глаголя: 2 сей закон прокаженному, в онъже день аще очистится, и приведется к жерцу: 3 и да изыдет жрец вне полка, и узрит жрец, и се, исцеле язва прокажения от прокаженнаго: 4 и повелит жрец, да возмутся очищенному два птичища жива чиста и древо кедрово, и соскана червленица и иссоп: 5 и повелит жрец, да заколют птичище едино в сосуд глинян, над водою живою, 6 и живое птичище да возмет, и древо кедрово и соскану червленицу и иссоп, и да омоит их и птичище живое в крови закланаго птичища над водою живою: 7 и да воскроплит на очистившагося от прокажения седмижды, и чист будет: и да отпустит птичище живое на поле: 8 и да исперет очистившися ризы своя и да острижет вся власы своя и да измыется водою, и чист будет: и по сих да внидет в полк и да пребудет вне дому своего седмь дний. 9 И будет в день седмый, обриются вси власы его, глава его и брада и брови, и всяк влас его да обриется: и да измыет ризы своя, и да омыется тело его водою, и чист будет. 10 И в день осмый да возмет два агнца единолетна непорочна и овцу едину единолетну непорочну, и три десятины муки пшеничны на жертву смешаныя с елеем и меру елеа едину: 11 и да поставит жрец очищаяй человека очищаемаго и сия пред Господем, у дверий скинии свидения: 12 и возмет жрец агнца единаго и приведет его преступления ради, и чашу елеа, и отлучит я жрец во отлучение пред Господем: 13 и заколют агнца на месте идеже закалают всесожжения и яже греха ради, на месте святе: есть бо еже греха ради, якоже и преступления ради есть жерцу: святая святых суть: 14 и возмет жрец от крове яже преступления ради, и возложит жрец на обущие уха очищаемаго деснаго, и на край руки его десныя, и на край ноги его десныя: 15 и взем жрец от чаши елеа, возлияет на руку левую свою: 16 и да омоит жрец перст свой десныи в елей, иже есть в руце его левей, и да воскроплит от елеа перстом седмижды пред Господем: 17 оставшийся же елей, иже в руце его, да возложит жрец на обущие уха очищаемаго деснаго, и на край руки его десныя, и на край ноги его десныя, на место крове яже преступления ради: 18 оставшийся же елей, иже в руце жерца, да возложит жрец на главу очищенному: и помолится о нем жрец пред Господем: 19 и сотворит жрец еже греха ради, и помолится жрец от очищающемся от греха своего: и по сем заколет

жрец всесожжение: 20 и вознесет жрец всесожжение и жертву на олтарь пред Господем, и помолится о нем жрец, и очистится. 21 Аще же убог есть, и рука его не достигнет, да возмет агнца единолетного единаго, в онъже преступил на отлучение, яко помолитися о нем, и десятину муки пшеничны смешаны с елеем в жертву, и чашу елеа едину, 22 и два горлища, или два птенца голубина, елика обрете рука его, и да будет един греха ради, и другой во всесожжение: 23 и да принесет я в день осмый, во еже очистити его, к жерцу, пред двери скинии свидения пред Господа: 24 и взем жрец агнца иже преступления ради, и чашу елеа, возложит я возложение пред Господем, 25 и заколет агнца иже преступления ради, и возмет жрец от крове яже преступления ради, и возложит на обущие уха очищаемаго деснаго, и на край руки его десныя, и на край ноги его десныя: 26 и от елеа возлияет жрец на руку свою левую, 27 и воскроплит жрец перстом своим десным от елеа, иже в руце его левой, седмижды пред Господем: 28 и возложит жрец от елеа сущаго в руце его на обущие уха очищаемаго деснаго, и на краи руки его десныя, и на край ноги его десныя, на месте крове яже преступления ради: 29 оставшееся же от елеа, еже есть в руце жерца, да возложит на главу очистившемуся: и помолится о нем жрец пред Господем, 30 и сотворит едину от горлиц, или от птенцев голубиных, якоже обрете рука его, 31 едину греха ради, и другую во всесожжение с жертвою: и помолится жрец о очищаемем пред Господем. 32 Сей закон в немже есть язва прокажения, и не обретающему рукою во очищение свое. 33 И рече Господь к Моисею и Аарону, глаголя: 34 егда внидете в землю Ханаанскую, юже Аз даю вам в притяжение, и дам язву прокажения в домех земли притяжанная вам: 35 и приидет, егоже дом, и повесть жерцу глаголя: аки язва является в дому моем. 36 И повелит жрец испразднити сосуды дому, прежде неже внити жерцу видети язву, и да не будут нечиста вся яже в дому. По сих же внидет жрец соглядати дом: 37 и узрит жрец язву, и се, язва на стенах дому удолия зеленоющаяся или червленеющаяся, и обличие их худее стен: 38 изshed жрец из дома к дверем дому, и отлучит жрец дом на седьмъ дний. 39 И возвратится жрец в седьмъ день, и узрит дом, и се, разсыпаясь язва по стенам дому: 40 и повелит жрец, да изимут камение, на нихже есть язва, и да изнесут е вон из града на место нечисто: 41 и да постружут извнутри дом окрест, и изсыплют персть состраганую вне града на место нечисто: 42 и да возмут камение ино острогано, и вложат я вместо камения: и

персть ину да возмут, и помажут дом. 43 Аще же паки найдет язва, и явится в дому но изнесении камения и по острогании дому и по помазании, 44 и внидет жрец, и узрит аще разсыпаясь язва в дому, прокажение пребывающее есть в дому, нечист есть: 45 и разорят дом, и древа его и камение его и всю персть дому изнесут вне града, на место нечисто. 46 И входяй в дом вся дни, в няже есть отлучен, нечист будет до вечера: 47 и спай в дому да исперет ризы своя и нечист будет до вечера: и ядый в дому да исперет ризы своя и нечист будет до вечера. 48 Аще же пришедый внидет жрец, и увидит: и се, разсыпанием не разсыпаясь язва в дому но помазании дому, да очистит жрец дом, яко исцелея язва: 49 и возмет очистити дом, два птичища жива чиста и древо кедрово, и соскану червленицу и иссоп: 50 и да заколет птичище едино в сосуд глинян над водою живою: 51 и возмет древо кедрово и соскане червленое, и иссоп и птичище живое, и да омоит е в кровь птичища закланаго над водою живою, и да окропит ими в дому седмижды: 52 и очистит дом кровию птичищю и водою живою, и птичищем живым и древом кедровым, и иссопом и сосканою червленицею: 53 и да отпустит птичище живое вне града на поле и помолится о доме, и чист будет. 54 Сей закон о всякой язве прокажения и вреда, 55 и прокажения ризы и дому, 56 и струпа, и знамения, и блещащася, 57 и поведати в онъже день нечисто, и в онъже день очистится: сей закон прокажения.

15 И рече Господь к Моисею и Аарону, глаголя: 2 глаголи сыном Израилевым и речеши к ним: мужу, мужу, ему же аще будет излияние от тела его, излияние его нечисто есть. 3 И сей закон нечистоты его: изливая семя из тела своего, от излияния, имже составлено есть тело его излиянием, сия нечистота его в нем: вся дни излияния тела его, имже составлено тело его излиянием его, нечистота его есть: 4 всяко ложе, на немже аще сядет верху его изливая семя, нечисто есть: и всяк сосуд, на немже аще сядет верху его изливая семя, нечист будет: 5 и человек, иже аще прикоснется ложа его, да исперет ризы своя и да омыет тело свое водою, и нечист будет до вечера: 6 и сядя на сосуде, на немже аще сядет верху его изливая семя, да исперет ризы своя и да омыется водою, и нечист будет до вечера: 7 и прикоснувшись к плоти изливающаго семя да исперет ризы своя и да омыется водою, и нечист будет до вечера. 8 Аще же плонет изливая семя на чистаго, да исперет ризы своя и да измыется водою, и нечист будет до вечера: 9 и всяко седло ослее, на неже

аще всядет верху его изливаяй семя, нечисто будет до вечера: 10 и всяк прикоснувыйся всем, яже суть под ним, нечист будет до вечера: и вземляй я да исперет ризы своя и омыется водою, и нечист будет до вечера: 11 и еликум аще коснется изливаяй семя и рук своих не омыет водою, да исперет ризы своя и омыет тело водою, и нечист будет до вечера: 12 и сосуд глинян, ему же аще прикоснется изливаяй семя, да разбиятся: а сосуд древяный да измыется водою, и чист будет. 13 Аще же очистится изливаяй семя от излияния своего, и изчистит себе седьмь дний на очищение свое, и исперет ризы своя и омыет тело свое водою живою, и чист будет: 14 и в день осмый да возмет себе два горличища или два птенца голубина, и да принесет я пред Господа к дверем скинии свидения, и даст я жерцу: 15 и соторвот я жрец един греха ради, и другой во всесожжение: и да помолится о нем жрец пред Господем о излиянии его. 16 И человек, ему же аще изыдет от ложа его семя, и да омыет водою все тело свое, и нечист будет до вечера: 17 и всяка риза и всяка кожа, на нейже аще будет ложе семенное, да измыется водою, и нечиста будет до вечера. 18 И аще ляжет муж с женою своею на ложи семене, да измыются водою, и нечисты будут до вечера. 19 И жена яже аще будет кровь тощаи, и будет течение ея в телеси ея, седьмь дний да будет в скверне своей: и всяк прикасаяйся ей нечист будет до вечера: 20 и все, на немже аще сидит в течении своем, нечисто будет, и всяко, на неже аще присядет (она), нечисто будет: 21 и всяк, иже аще прикоснется ложа ея, да исперет ризы своя и да измыет водою тело свое, и нечист будет до вечера: 22 и всяк прикасаяйся всякому сосуду, на немже аще сидет, да исперет ризы своя и да измыется водою, и нечист будет до вечера: 23 аще же на ложи ей сущей, или на сосуде, на немже аще сидет (она), егда прикоснется кто ей, нечист будет до вечера. 24 Аще же кто будет на ложи с нею, и будет нечистота ея на нем, нечист будет седьмь дний: и всяко ложе, на немже аще ляжет, нечисто будет. 25 И жена аще точит течение крове дни многи, не во время скверны ея, аще и течет по осквернении ея, вся дни течения нечистоты ея, якоже дни скверны ея, нечиста будет: 26 и всяко ложе, на немже аще ляжет вся дни течения ея, по ложи скверны ея будет ей: и всяк сосуд, на немже аще сидет, нечист будет по нечистоте скверны ея: 27 и всяк прикасаяйся ей нечист будет, да исперет ризы своя и омыет водою тело свое, и нечист будет до вечера. 28 Аще же очистится от течения своего, да сочтет себе седьмь дний, и по сих чиста будет: 29 и

во осмый день да возмет себе два горличища или два птенца голубина, и принесет я к жерцу к дверем скинии свидения, 30 и да соторвот жрец, един греха ради и другой во всесожжение, и да помолится о ней жрец пред Господем о течении нечистоты ея. 31 И благоговейны соторвите сыны Израилевы от нечистот их: и да не умрут нечистоты ради своея, внегда осквернити им скинию Мою яже в них. 32 Сей закон изливающему семя, и аще кому изыдет из него ложе семенное, якоже осквернится в нем, 33 и тощающей кровь в скверне своей, и изливающему семя во излиянии своем мужеску полу или женску, и мужу, иже аще поспит со сквернавою.

16 И глагола Господь к Моисею, по умертвии двух сынов Аароних, егда принесоста огнь чуждий пред Господа и скончастася. 2 И рече Господь к Моисею: глаголи Аарону, брату твоему, да не входит по вся часы в святое внутрь завесы, пред лице очистилица, еже есть над кивотом свидения, и да не умрет: во облаце бо явлюся над очистилицем: 3 сице видет Аарон в святое: с телцем от говяд греха ради, и со овном на всесожжение, 4 и в ризу льняну освящену да облечется, и надраги льняны да будут на теле его, и поясом льняным да опояшется, и клубок льнян да возложит, ризы святы суть: и да омыет водою все тело свое, и да облечется в ня: 5 и от сонма сынов Израилевых да возмет два козла от коз греха ради, и овна единаго во всесожжение, 6 и да приведет Аарон телца, иже греха ради своего, и да помолится о себе и о доме своем, 7 и да возмет два козла, и поставит я пред Господем у двери скинии свидения: 8 и да возложит Аарон на оба козла жребия: жребий един Господу и жребий другой отпущению. 9 И да приведет Аарон козла, на немже паде жребий Господу, и да принесет греха ради: 10 и козла, на немже паде жребий отпущения, да поставит его жива пред Господем, яко помолитися над ним и яко отпустити его во отпущение, и да отпустит его в пустыню: и возмет козел на ся беззакония их в землю непроходиму. 11 И да приведет Аарон телца, иже греха ради своего, и да помолится о себе и о доме своем: и да заколет телца, иже греха ради своего. 12 И да возмет кадилник полн углия огненна от олтаря, иже пред Господем, и да наполнит руце фимиама сложения чиста, и да принесет внутрь завесы: 13 и да возложит фимиам на огнь пред Господем, и покрыет дым фимиамный очистилице еже на свидениих, и не умрет. 14 И да возмет от крове телца, и да воскропит перстом на очистилице на востоки: пред

лицем очистилище да воскропит седмижды от крове перстом своим. 15 И да заколет козла иже греха ради, иже за люди, пред Господем: и да внесет от крове его внутрь завесы, и да сотворит крови его, якоже сотвори крови телчи, и да воскропит кровию его на очистилище прямо очистилищу, 16 и очистит святое от нечистот сынов Израилевых и от неправд их, о всех грехах их: и тако сотворит скинии свидения сотворенней в них посреде нечистоты их. 17 И всяк человек да не будет в скинии свидения, егда входит молитися во святое, дондеже изыдет: и да помолится о себе и о доме своем и о всем сонме сынов Израилевых. 18 И изыдет ко олтарю, иже есть пред Господем, и помолится на нем, и да возмет от крове телца и от крове козла, и возложит на роги олтаря окрест: 19 и да воскропит перстом своим нань седмижды от крове, и очистит его и освятит его от нечистот сынов Израилевых. 20 И совершил очищаю святое и скинию свидения и олтарь, и от жерцех очистит, и приведет козла живаго: 21 и да возложит Аарон обе руце свои на главу козла живаго, и да исповесть на нем вся беззакония сынов Израилевых и вся неправды их и вся грехи их: и возложит я на главу козла живаго, и отпустит рукою человека уготованного в пустыню: 22 и возмет козел на ся неправды их в землю непроходиму: и да отпустит козла в пустыню. 23 И да внидет Аарон в скинию свидения, и да совлечет ризы льняны, в няже оболчен бяше, входящу ему во святое, и положит я тамо: 24 и омыт тело свое водою на месте святе и да облечется в ризы своя, и изshed да сотворит всесожжение свое и всеплодие людское, и да помолится о себе и о доме своем, и о людех якоже и о жерцех: 25 и тук иже грехов ради да вознесет на олтарь. 26 И отпутивый козла отпущенаго во отпущение да исперет ризы своя и да омыет плоть свою водою, и по сих да внидет в полк. 27 И телца иже греха ради, и козла иже греха ради, ихже кровь внесеся на очищение во святое, да изнесут я вне полка и да сожгут я на огни, и кожи их и мяса их и мотыла их: 28 сожгайя же я да исперет ризы своя и да омыет тело свое водою, и по сем да внидет в полк. 29 И будет сие вам законное вечное: в месяц седьмый, в десятый день месяца, покорите души ваша, и всякаго дела да не сотворите, ни туземец, ни пришелец прилежай в вас: 30 в той бо день помолится о вас, еже очистити вас от всех грехов ваших пред Господем, и чисти будете: 31 суббота суббот покой да будет сия вам, и покорите души ваша, законно вечно. 32 Помолится жрец, егоже аще помажут и егоже аще совершат руце его, еже жрети

ему по отце своем, и да облечется в ризу льняну свою, ризу святу, 33 и да очистит Святое святаго и скинию свидения, и олтарь да очистит, и о жерцех и о всем сонме да помолится. 34 И будет сие вам законное вечное, еже молитися о сынах Израилевых о всех грехах их, единую в лето да сотворится, якоже заповеда Господь Моисею.

17 И рече Господь к Моисею, глаголя: 2 глаголи Аарону и сыном его и ко всем сыном Израилевым, и речеши к ним: сие слово еже заповеда Господь, глаголя: 3 человек человек от сынов Израилевых или от пришелец, иже прилежат в вас, иже аще заколет телца или овцу или козу в полце, и иже аще заколет вне полка 4 и пред двери скинии свидения не принесет, якоже сотворити е во всесожжение или спасение Господу приятно, в воню благовония: и иже аще заколет вне и пред двери скинии свидения не принесет его, яко принести дар Господу пред скинию Господню: и вменится человеку тому кровь: кровь пролиял, да потребится душа она от людий своих: 5 яко да принесут сынове Израилевы жертвы своя, елики аще сии заколют на поли, и да принесут я ко Господу к дверем скинии свидения к жерцу, и пожрут я в жертву спасения Господу. 6 И да возлиет жрец кровь на олтарь окрест пред Господем у дверий скинии свидения: и да вознесет тук в воню благоухания Господу: 7 и да не пожрут ктому жертв своих суетным, имже сами блудодействуют вслед их: законное вечное будет вам в роды ваша. 8 И речеши к ним: человек человек от сынов Израилевых или от сынов пришельцов прилежащих в вас, иже аще сотворит всесожжение или жертву, 9 и к дверем скинии свидения не принесет сотворити е Господви, потребится душа та от людий своих. 10 И человек человек от сынов Израилевых или от пришелец прилежащих в вас, иже аще яст всякую кровь, и утвержу лице Мое на душу ядущую кровь, и погублю ю от людий своих: 11 зане душа всякия плоти кровь его есть, и Аз дах ю вам у олтаря умоляти от душах ваших: кровь бо его вместо души умолит. 12 Сего ради рекох сыном Израилевым: всяка душа от вас да не снест крове, и пришелец прилежащий в вас да не снест крове. 13 И человек человек от сынов Израилевых или от пришелец прилежащих в вас, иже аще уловит ловитву зверя или птицу, еже ястся: пролиет кровь ея, и покрьет ю землею: 14 душа бо всякия плоти кровь его есть. И рекох сыном Израилевым: крове всякия плоти да не снесте, яко душа всякия плоти кровь его есть: всяк ядый ю потребится: 15 и всяка душа яже яст мертвочину или звероядину, от туземец или от пришелец, да исперет

ризы своя и да омыет тело водою, и нечист будет до вечера, по сем же чист будет: 16 аще же не исперет риз своих, ни омыет тела водою, то примет беззаконие свое.

18 И рече Господь к Моисею, глаголя: 2 глаголи сыном

Израилевым и речеши к ним: Аз Господь Бог ваш: 3 по делом земли Египетской, в нейже обитасте, да не сотворите, и по начинанием земли Ханаанской, в нюже Аз веду вы тамо, не сотворите, и по законом их не ходите: 4 судьбы Моя сотворите, и повеления Моя сохраните и ходите в них: Аз Господь Бог ваш: 5 и сохраните вся повеления Моя и вся судьбы Моя, и сотворите я: Створивый та человек жив будет в них: Аз Господь Бог ваш. 6 Человек человек ко всякому ближнему плоти своея да не приступит открыти срамоты: Аз Господь. 7 Срамоты отца твоего и срамоты матере твоей да не открыши: мати бо твоя есть, да не открыши срамоты ея. 8 Срамоты жены отца твоего да не открыши: срамота отца твоего есть. 9 Срамоты сестры твоей яже от отца твоего или от матере твоей, в дому рожденныя или вне рожденныя, да не открыши срамоты их. 10 Срамоты дщере сына твоего или дщере дщере твоей, да не открыши срамоты их, яко твоя срамота есть. 11 Срамоты дщере жены отца твоего да не открыши, единотча сестра ти есть, да не открыши срамоты ея. 12 Срамоты сестры отца твоего да не открыши, своя бо отцу твоему есть. 13 Срамоты сестры матере твоей да не открыши, своя бо матери твоей есть. 14 Срамоты брата отца твоего да не открыши и к жене его да не внидиши, сродник бо ти есть. 15 Срамоты невестки твоей да не открыши, жена бо сына твоего есть, да не открыши срамоты ея. 16 Срамоты жены брата твоего да не открыши, срамота брата твоего есть. 17 Срамоты жены и дщере ея, да не открыши, дщере сына ея, и дщери дщере ея да не поймеши открыти срамоты их, ближнии бо ти суть, нечестие есть. 18 Сестру жены твоей да не поймеши в наложницу, открыти срамоту ея пред нею, еще живе сущей ей. 19 И к жене во отлучении нечистоты ея да не внидиши открыти срамоты ея. 20 И к жене ближняго твоего да не даси ложа семене твоего, осквернитися с нею. 21 И от семене твоего да не даси служити Молоху, да не оскверниши имене Святаго: 22 и с мужеским полом да не ляжеши женским ложем, мерзость бо есть. 23 И всякому четвероногому да не даси ложа своего в семенение, осквернитися с ним: и жена да не станет ко всякому четвероногому снитися, гнусно бо

есть. 24 Не оскверняйтесь во всех сих: во всех бо сих осквернишася языцы, ихже Аз отжену пред лицем вашим: 25 и осквернися земля, и воздух неправду им ея ради: и возненавиде земля седящих на ней. 26 И сохраните вся законы Моя и вся повеления Моя, и не сотворите от всех гнусностей сих, туземец и прибывший пришлец в вас: 27 вся бо сия гнусности сотвориша человеческие земни, бывшии прежде вас, и осквернися земля. 28 И да не вознегодует на вас земля, внегда осквернити вам ю, имже образом вознегодова на языки иже прежде вас: 29 яко всяк, иже аще сотворит от всех гнусностей сих, потребятся души творящи сие от людей своих. 30 И сохраните повеления Моя, яко да не сотворите от всех законов гнусных, иже беша прежде вас: и да не осквернитеся в них, яко Аз Господь Бог ваш.

19 И рече Господь к Моисею, глаголя: 2 глаголи всему

солнцу сынов Израилевых, и речеши к ним: святы будите, якоже Аз свят (есмь) Господь Бог ваш. 3 Вийждо отца своего и матере своея да боится, и субботы Моя сохраните: Аз Господь Бог ваш. 4 Не последуйте идолом, и богов сияльных не сотворите себе: Аз Господь Бог ваш. 5 И аще покрете жертву спасения Господу, приятну вам покрите: 6 в оньже день аще покрете, (в той день) да снестися, и на утрье: и аще останется до третияго дне, на огни да сожжется: 7 аще же ли ядением сястся в день третий, не жертвенно есть, не примется: 8 и иже яст е, грех примет, яко святая Господня оскверни: и потребятся души ядущи от людей своих. 9 И пожинающим вам жатву земли вашея, да не скончаете жатвы вашея, нивы твоей пожинания: и падающих клас от жатвы твоей да не собереши: 10 и винограда твоего вторицю да не обереши, ниже греzn винограда твоего да собереши: нищему и пришелец да оставиши я: Аз есмь Господь Бог ваш. 11 Не украдите, ни солжите, ниже да оклеветает кийждо ближняго. 12 И не кленитесь именем Моим в неправде, и да не оскверните имене святаго Бога вашего: Аз Господь Бог ваш. 13 Да не обидиши ближняго: и да не отимеши, и да не прележит мзда наемника твоего у тебе до утрья. 14 Зла да не речеши глухому, и пред слепым да не положиши претыкания: и да убоишися Господа Бога твоего: Аз Господь Бог ваш. 15 Не сотворите неправды в суде: да не примеши лица нищаго, ниже почудишися лицу могущаго: по правде да судиши ближнему твоему. 16 Да не ходиши лестию во своем языце, и не востанеши на кровь ближняго твоего: Аз Господь Бог ваш. 17 Да не возненавидиши брата твоего во уме твоем, обличением

да обличиши ближняго твоего: и не приимеш ради его греха. 18 И да не отмщает рука твоя, и да не враждуши на сыны людий своих, и возлюбиши ближняго своего яко сам себе: Аз Господь Бог ваш. 19 Закон Мой сохраните: и скота твоего да не смесиши со скотом иного рода, и винограда твоего да не насадиши различна: и ризы из двух (вещей) сотканыя гнусныя да не возложиши на ся. 20 И аще кто будет с женою ложем семене, и сия бяше раба хранима мужу, и ценою не искуплена или свобода не дана ей, наказаны да будут: не умрут, яко не свободися: 21 и да приведет за преступление свое Господу к дверем скинии свидения овна преступления, 22 и да помолится о нем жрец овном преступления пред Господем о грехе имже согреши, и оставится ему грех, егоже сотвори. 23 Егда же внидете в землю, юже Господь Бог ваш дает вам, и насадите всяко древо снедное, и очистите нечистоту его, плод его три лета нечист да будет вам, да не снестся: 24 в лето же четвертое будет всякий плод его свят, похвален Господу: 25 в лето же пятое да снесте плод его, прибыток вам плоды его: Аз Господь Бог ваш. 26 Не ядите на горах, и не вражите, и ни сряща смотрите от птиц. 27 Не сотворите обстрижения кругом от влас глав ваших, ниже бриете брад ваших. 28 И кроения не сотворите на теле вашем о души: и язв настrekанных да не сотворите в вас: Аз Господь Бог ваш. 29 Да не оскверниши дщере твою еже блудити ей: и да не прелюбы деет земля, и наполнится земля беззаконий. 30 Субботы Моя сохраните, и от святых Моих убоятесь: Аз Господь. 31 Не последуйте утробным баснем, и к волхвом не прилепитесь, осквернитесь в них: Аз Господь Бог ваш. 32 Пред лицем седаго востани и почти лицо старчо, и да убоишися Господа Бога твоего: Аз Господь Бог ваш. 33 Аще же кто приидет к вам пришелец в землю вашу, не стужите ему: 34 якоже туземец будет в вас пришелец, иже приидет к вам, и возлюбиши его яко сам себе: яко (и вы) пришелцы бесте в земли Египетстей: Аз Господь Бог ваш. 35 Не сотворите неправды в суде, в мерах и в весах и в мерилех: 36 мерила праведна и весы праведны и мера праведна да будет в вас: Аз есмь Господь Бог ваш, изведый вас от земли Египетской. 37 И сохраните весь закон Мой и вся повеления Моя, и сотворите я: Аз Господь Бог ваш.

20 И рече Господь к Моисею, глаголя: 2 рцы сыном Израилевым, глаголя: аще кто от сынов Израилевых, или от прибывших пришелцев во Израили, иже аще даст от семене своего Молоху, смертию да умрет: людие земли да побиют его камением: 3 и Аз утвржу лице

Мое на человека того и погублю его от людий его, яко от семене своего даде Молоху, да осквернит святыню Мою и осквернит имя освященных Мне. 4 Аще же презрением презят туземцы земли очима своими от человека того, внемда дати ему от семене своего Молоху, еже не убить его: 5 и утвржу лице Мое на человека того и на сродники его, и погублю его и всех единомыслящих с ним, еже соблуждати ему со идолы от людий своих. 6 И душа яже аще последует утробным баснем или волхвом, яко соблудити вслед их, утвржу лице Мое на душу ту и погублю ю от людий ея. 7 И будете святы, яко Аз свят Господь Бог ваш. 8 И сохраните повеления Моя и сотворите я: Аз Господь освящая вас. 9 Человек человек, иже аще зло речет отцу своему или матери своей, смертию да умрет: отцу своему или матери своей зле рече, повинен будет. 10 Человек человек, иже аще прелюбы содеет с мужнею женою, или кто прелюбы содеет с женою ближняго своего, смертию да умрет прелюбодей и прелюбодейца. 11 И иже аще пребудет с женою отца своего, срамоту отца своего открыл есть, смертию да умрут оба, повинни суть. 12 И аще кто будет с невесткою своею, смертию да умрут оба, нечестоваша бо, повинни суть. 13 И аще кто будет с мужеским полом ложем женским, гнусность сотвориша оба, смертию да умрут, повинни суть: 14 иже аще поймет жену и матери ея, беззаконие есть, огнем да сожгут его и оныя, и не будет беззаконие в вас. 15 И иже аще даст ложе свое четвероножному, смертию да умрет, четвероножное же убие. 16 И жена яже аще приступит ко всячому скоту, еже быти с ним, да убииет жену и скот, смертию да умрут, повинни суть. 17 Иже аще поймет сестру свою от отца своего или от матере своея, и увидит срамоту ея, и она увидит срамоту его, укоризна есть, да потребятся пред сыны рода их: срамоту сестры своея откры, грех примут. 18 И муж иже будет с женою сквернавою и откроет срамоту ея, течение ея откры, и она откры течение крове своея, да потребятся оба от рода их. 19 И срамоту сестры отца твоего и сестры матере твоей да не открыши: ужичество бо откры, грех понесут. 20 Иже аще будет со сродницею своею, срамоту сродства своего откры, безчадни измрут. 21 И человек иже аще поймет жену брата своего, нечистота есть: срамоту брата своего открыл есть, безчадни измрут. 22 И сохраните вся повеления Моя и вся судьбы Моя и сотворите я, и не вознегодует на вас земля, в нюже Аз введу вы тамо вселитися на ней. 23 И не ходите в законы языческия, ихже Аз изгоню от вас: яко сия вся сотвориша, и возгнушахся ими. 24 И

рех к вам: вы наследите землю их, и Аз дам вам ю в притяжение, землю текущую медом и млеком, Аз Господь Бог ваш, отлучивый вас от всех язык. 25 И отлучите себе между скоты чистыми и между скоты нечистыми, и между птицами чистыми и нечистыми: и не оскверните душ ваших в скотех и в птицах и во всех гадех земных, яже Аз отлучих вам в нечистоте. 26 и будете Ми святы, яко Аз свят есмь Господь Бог ваш, отлучивый вас от всех язык быти Моими. 27 И муж или жена иже аще будет от них чревобасник или волшебник, смертию да умрут оба: камением да побиете их, повинни суть.

21 И рече Господь к Моисею, глаголя: рцы жерцем

сыном Аароним, и речеши им: над душами да не осквернятся в языце своем, 2 но разве в дому ближняго своего, над отцем и материю, и сынами и дщерьми, над братом 3 и над сестрою своею девою, яже есть ближняя ему, не дана мужу, над сими да осквернятся: 4 да не осквернится внезапу в людех своих, во осквернение свое. 5 И да не обриете главы по мертвем, и обличия брады да не обриют, и на плотех своих да не сотворят язв: 6 святы да будут Богу своему и не осквернят имене Бога своего: жертвы бо Господни дары Бога своего сами приносят, и будут святы. 7 Жены блудницы и осквернены да не поймут, и жены изгнаныя от мужа ея да не поймут: яко святы суть Господу Богу своему: 8 и да освятиши его: дары Господа Бога вашего сей приносит, свят буде: яко свят Аз есмь Господь Бог ваш освящая их. 9 И дщерь человека жерца аще осквернится, еже соблудити, имя отца своего сия оскверняет: огнем да сожжется. 10 И жрец великий от братий своих, ему же возлиян на главу елей помазания, и совершенный, еже облачитися в ризы, главы да не откроет, и риз своих да не раздерет, 11 и ко всякой души умершай да не приидет: над отцем своим и над материю своею да не осквернится, 12 и от святых да не изыдет, и да не осквернит имене святаго Бога своего, яко святый елей помазания Бога его на нем: Аз Господь. 13 Сей в жену деву от рода своего да поймет: 14 вдовицы же и изгнаныя, и оскверненныя и блудницы, сих да не поймет: но девицу от племене своего да поймет в жену: 15 и да не осквернит семене своего в людех своих: Аз Господь Бог освящая его. 16 И рече Господь к Моисею, глаголя: 17 рцы ко Аарону, глаголя: человек от рода твоего в родах ваших, аще коему будет на нем порок, да не приступит приносити дары Бога своего: 18 всяк человек, ему же аще будет на нем порок, да не приступит: человек слеп, или хром, или корносый, или

ухорезан, 19 или человек, ему же есть сокрушение руки или сокрушение ноги, 20 или горбат, или гноеточив очима, или бельмоочен, или человек, на немже суть красты дивия, или лишай, или единоятрный: 21 всяк, ему же аще будет на нем порок от семене Аарона жерца, да не приступит принести жертв Богу твоему, зане порок на нем: даров Божиих да не приступит приносити: 22 дары Бога своего святая святых, и от святых да снест: 23 обаче к завесе да не приступит, и ко олтарю да не приближится, яко порок имать: и да не осквернит святынища Бога своего, яко Аз Господь освящая их. 24 И глагола Моисей ко Аарону и сыном его, и ко всем сыном Израилевым.

22 И рече Господь к Моисеовы, глаголя: 2 рцы

Аарону и сыном его, да внимают от святынь сынов Израилевых, и да не осквернят имене святаго Моего, елика они освящают Ми: Аз Господь. 3 Рцы им: в роды ваша всяк человек, иже аще приступит от всякаго семене вашего ко святым, елика аще освятят сынове Израилевы Господу, и нечистота его на нем будет, потребится душа оная от Мене: Аз Господь Бог ваш. 4 И человек от семене Аарона жерца, и сей прокажен, или семя изливает, от святых да не снест, дондеже очистится: и прикасаясь всякой нечистоте души, или человек, ему же аще изыдет от его ложа семя, 5 или иже аще прикоснется всякому гаду нечисту, иже осквернит его, или человеку, иже осквернит его, по всякой нечистоте его: 6 душа, яже аще прикоснется их, нечиста будет до вечера: да не снест от святых, аще не омыт тела своего водою, 7 и зайдет солнце, и чист буде: и тогда да снест от святых, яко хлеб его есть. 8 Мертвени и звероядины да не снест, еже осквернится ему в них: Аз Господь. 9 И да сохранят повеления Моя, да не примут сих ради греха, и измрут за них, аще осквернят их: Аз Господь Бог освящая их. 10 И всяк иноплеменник да не снест святынь: приселник иереев или наемник да не снест святынь. 11 Аще же жрец пристяжет душу пристяжаную сребром, сия да снест хлебы его: и домочадцы его, и сии да снедят хлебы его. 12 И дщерь человека жерца, аще посягнет за мужа иноплеменника, сия от начатков святых да не снест. 13 И дщерь жерца аще будет вдова или отпущена, плода же не будет ей, возвратится в дом отца своего, по юности своей, от хлебов отца своего да снест: всяк же иноплеменник да не снест от них. 14 И человек, иже аще яст святая по неведению, и да приложит пятую свою часть ко истому, и да даст сие жерцу святое. 15 И да не осквернят святынь сынов Израилевых, ихже они

отделяют Господу: 16 и да не наведут на себе беззаконие преступления, внегда ясти им святыню их, яко Аз Господь освящаяй их. 17 И рече Господь к Моисею, глаголя: 18 глаголи Аарону и сыном его и всему сонму Израилеву и речеши к ним: человек человек от сынов Израилевых, или от пришлец прилежащих к ним во Израили, иже аще принесет дары своя по всякому исповеданию своему, или по всякому изволению своему, елика аще принесут Господу на всесожжение, 19 приятны вам непорочны мужеск пол от стад волов, или от овен и от коз: 20 всех, елика аще имут порок на себе, да не принесут Господу, понеже неприятно будет вам. 21 И человек иже аще принесет жертву спасения Господу, отлучив обет или по изволению, или в праздники вашия, от стад волов или от овец, непорочно да будет в приятие, всяк порок да не будет на нем: 22 слепо, или сокрушено, или язык урезан имущо, или червиво, или краштово, или лишаво, да не принесут тех Господу, и в жертву не дадите от них на олтарь Господви: 23 и телца или овцу ухорезну, или безхвостну, в заколение сотвориши я себе (по изволению), в обет же твой да не примитеся: 24 ему же суть ятра сокрушена, и ему же раздавлена, и изрезана, и исторжена, да не принесете сих Господу, и в земли вашей да не сотворите. 25 И от руки иноплеменника да не принесете даров Богу вашему от всех сих, яко вреждения суть на них, порок на них, не примутся сия от вас. 26 И рече Господь к Моисею, глаголя: 27 телец, или овча, или козля, егда родится, да будет седмь дний под материю своею, в день же осмый и далее принесется в дар, принос Господу: 28 и телца и овчате вкупе с материю да не заколете в един день, 29 аще же пожреши жертву обет радования Господви, приятно вам пожрите е: 30 сия в тойже день да снестся, да не оставите от мяс на утре: Аз есмь Господь. 31 И сохраните заповеди Моя и сотворите я: Аз Господь: 32 и не оскверните имене Святаго, и освящуся посреде сынов Израилевых: Аз Господь освящаяй вас, 33 изведый вы из земли Египетския, яко быти вам в Бога: Аз Господь.

23 И рече Господь к Моисею, глаголя: 2 глаголи сыном Израилевым и речеши к ним: праздницы Господни, яже наречете нарочитыя святыя, сии суть праздницы Мои: 3 в шесть дний да сотвориши дела, и в день седмый суббота, покой нареченный свят Господви, всякаго дела да не сотворите: суббота есть Господви во всем обитании вашем. 4 Сии праздницы Господу наречены святы, яже наречете сия во времена их: 5 в

первом месяце в четвертыйнадесять день месяца, между вечерними, Пасха Господу: 6 и в пятыйнадесять день месяца первого праздник опресноков Господу: седмь дний опресноки да ясте. 7 И день первый наречен свят будет вам: всякаго дела работня не сотворите: 8 и да принесете всесожжения Господу седмь дний, и день седмый наречен свят будет вам: всякаго дела работня не сотворите. 9 И рече Господь к Моисею, глаголя: 10 глаголи сыном Израилевым и речеши к ним: егда внидете в землю, юже Аз даю вам, и пожнете жатву ея, и принесете снопы начаток жатвы вашея к жерцу, 11 и вознесет сноп пред Господа приятен вам: на утре первого дне субботы да вознесет его жрец. 12 И сотворите в день, в онъже аще принесете сноп, овча непорочно единолетно во всесожжение Господу: 13 и жертву его две десятины муки пшеничны спряжены в елеи: жертва Господу, в воню благовония Господу: и возлияние его вина четвертую часть ина. 14 И хлеба, и пряженых класов новых да не снесте, даже до того дне самаго, дондеже принесете вы дары Богу вашему: законно вечно в роды ваша во всем населении вашем. 15 И сочтите себе от наутрия суббот, от дне, в онъже аще принесете снопы возложения, седмь седмиц целых 16 даже до наутрия последния седмицы да сочтете пятьдесят дний, и да принесете жертву нову Господу. 17 От вселения вашего да принесете хлебы возложение, два хлеба: от двух десятин муки пшеничны да будут, квашены да испекутся от первых плодов Господу: 18 и да принесете со хлебами седмь агнцев непорочных единолетных, и телца единаго от стад, и овна два непорочна: и будут во всесожжение Господу, и жертвы их, и возлияния их, жертва воня благовония Господу. 19 И сотворите козла от коз единаго о гресе, и два агнца единолетна в жертву спасения с хлебами первых жит. 20 И да возложит я жрец с хлебами первых жит, возложение пред Господем со обема агнцы: свята будут Господу, жерцу иже приносит я, тому да будут. 21 И прозовете сей день, нарочит свят будет вам: всякаго дела работня не сотворите в онъ: законно вечно в роды вашия во всем населении вашем. 22 И егда жнете жатву земли вашея, не потребите останка жатвы нивы своея, егда жнете, и от падающих от жатвы вашея да не собереши: нищему и пришелцу оставиши я: Аз Господь Бог ваш. 23 И рече Господь к Моисею, глаголя: 24 рцы сыном Израилевым, глаголя: месяца седмаго, в первый день месяца, да будет вам покой, память труб: наречен свят будет вам: 25 всякаго дела работня не сотворите, и принесете всесожжение

Господу. 26 И рече Господь к Моисею, глаголя: 27 и в десятый день седьмого месяца сего день очищения, наречен свят да будет вам: и смирите души вашя, и принесите всесожжение Господу: 28 всякого дела не сотворите в самый день сей: есть бо день очищения сей вам, юмолити о вас пред Господем Богом вашим: 29 всяка бо душа, яже не покорится в день той, потребится от людий своих: 30 и всяка душа, яже сотворит дело в самый день сей, погибнет душа та от людий своих: 31 всякого дела не сотворите, законно вечно в роды вашя, во всех селениях ваших. 32 Субботы суббот будут вам: и смирите души вашя, от девятаго дне месяца от вечера, даже до десятаго дне месяца, до вечера, субботствуйте субботы вашя. 33 И рече Господь к Моисею, глаголя: 34 рцы сыном Израилевым, глаголя: в пятыйнадесять день месяца седьмого сего, праздник кущей седьмъ дний Господу: 35 и день первый наречен свят будет: всякаго дела работня не сотворите: 36 седьмъ дний да принесете всесожжения Господу: и день осмый наречен свят будет вам, и принесете всесожжения Господу: исходное есть, всякого дела работня не сотворите. 37 Сии праздники Господни, яже наречете нарочиты святы, еже приносити приносы Господу: всесожжения и жертвы их, и возлияния их от дне до дне, 38 кроме суббот Господних и кроме даров ваших, и кроме всех обетов ваших и кроме благовольных ваших, яже аще дадите Господу. 39 И в пятыйнадесять день месяца седьмого сего, егда скончаете жита земли, празднуйте Господу седьмъ дний: в день первый покой, и в день осмый покой: 40 и да возмете себе в день первый плод дерева красен, и ветвь финическую, и ветви дерева частыя, и вербы, и агновы ветви от потока, и возвеселитесь пред Господем Богом вашим седьмъ дний в лето: 41 законно вечно в роды вашя, в месяц седьмый празднуйте его: 42 в кущах да пребудете седьмъ дний: всяк туземец во Израили да пребудет в кущах: 43 яко да уведят роды вашия, яко в кущах вселих сыны Израилевы, внегда извести мне их из земли Египетския: Аз Господь Бог ваш. 44 И поведа Моисей праздники Господни сыном Израилевым.

24 И рече Господь к Моисею, глаголя: 2 заповежь сыном Израилевым, да возмут ти елей от масличия чист исцежен в светение, да горит светило всегда, 3 вне завесы в скинии свидения, и возжигати будут его Аарон и сынове его от вечера до заутра пред Господем непрестанно, законно вечно в роды вашия: 4 на светильнице чистем возжигати будете светила пред Господем даже до

утра. 5 И возмете муки пшеничны, и сотворите от нея двадесять хлебов: дву десятин да будет хлеб един: 6 и возложите их на два положения, по шести хлебов едино положение на трапезе чисте пред Господем: 7 и возложите на едино положение ливан чист и соль, и да будут хлебы в память предлежащя пред Господем: 8 в день субботы да предлагаются пред Господем всегда от сынов Израилевых, завет вечный: 9 и да будут Аарон и сыном его, и да снедят я на месте святе, суть бо святая святых: сие им от жертв Господу в закон вечный. 10 И изыде сын жены Израилтяныни, и сей бе сын Египтянина в сынех Израилевых: и пряхуся в полце иже от Израилтяныни и муж Израилтянин: 11 и нарек сын жены Израилтяныни имя (Господне) прокля. И приведоша его к Моисею. Имя же матере его Саломииф, дщерь Давриина, от племене Данова. 12 И ввергоса его в темницу, разсудити о нем повелением Господним. 13 И рече Господь к Моисею, глаголя: 14 изведи клявшаго вне полка, и да возложат виси слышавши руце свои на главу его, и да побиют его камением весь сонм: 15 и сыном Израилевым глаголи и речеши к ним: человек человек, иже аще прокленет Бога своего, грех примет: 16 нарицай же имя Господне смертию да умрет: камением да побиют его весь сонм израильский: аще туземец, или пришлец, егда наречет имя Господне, да умрет: 17 и человек, иже аще поразит всяку душу человечу, и умрет, смертию да умрет: 18 и иже аще ударит скота, и умрет, да воздаст душу вместо души: 19 и аще кто сотворит порок ближнему, яко же сотвори ему, такожде и ему да сотворят: 20 изломление за изломление, око за око, зуб за зуб: яко же сотворил порок человеку, такожде да сотворят и ему: 21 иже аще ударит человека, и умрет смертию да умрет: 22 оправдание едино будет пришелцу и туземцу, яко Аз есмь Господь Бог ваш. 23 И глагола Моисей к сыном Израилевым, и изведоша клявшаго вне полка, и побиша его камением весь сонм: и сынове Израилевы сотвориша, яко же заповеда Господь Моисею.

25 И рече Господь к Моисею на горе Синайстей, глаголя: 2 глаголи сыном Израилевым и речеши к ним: егда внидете в землю, юже Аз даю вам, и почиет земля, юже Аз даю вам, субботы Господу. 3 Шесть лет да сееси ниву твою, и шесть лет да режеши виноград твой и собереши плод его: 4 в седьмое же лето суббота, покой да будет земли, суббота Господня: нивы твои сеяти и винограда твоего резати не будеши, 5 и сама собою произрастающая нивы твои да не пожнеши, и винограда отлучения твоего да не собереши: лето покоя

будет земли. 6 И будут субботы земли яди тебе, и рабу твоему и рабыни твоей, и наемнику твоему и обиталищу прилежащему к тебе, 7 и скотом твоим и зверем сущим на земли твоей да будет всякий плод его в снедь. 8 И исчислиши себе седьмь лет покоя, седьмь лет седмижды: и будут тебе седьмь седмин лет, четырнадесять девять лет. 9 И возвестите трубным гласом во всей земли вашей месяца седмого в десятый день месяца: в день очищения возвестите трубою во всей земли вашей. 10 И освятите лето, пятьдесятное лето, и разгласите оставление на земли всем живущим на ней: лето оставления знамение сие будет вам: и да отидет кийждо вас в притяжение свое, и кийждо во отечество свое отидете. 11 Оставления знамение сие будет вам, лето пятьдесятное, лето будет вам: ни сеяти, ниже жати будете, еже само произникнет на ней, и да не объемлемши освященных (Богу) ея: 12 яко оставления знамение есть, свято да будет вам: от нив ядите плоды ея: 13 и в лето оставления знамения сего да возвратится кийждо в притяжение свое. 14 Аще же отдаши куплею ближнему твоему, или аще притяжеши от ближняго твоего, да не оскорбляет человек ближняго: 15 по числу лет по знамении, да притяжеши от ближняго, по числу лет плодов да продасться тебе. 16 Яко же аще более лет, умножит притяжение его, и яко же аще мнее лет, уменьшит притяжение его: яко число плодов его, тако да продасть тебе. 17 Да не оскорбят человек ближняго, и да убоишися Господа Бога твоего: Аз Господь Бог ваш. 18 И сотворите вся оправдания Моя и вся суды Моя, сохраните же и сотворите я, и вселитесь на земли уповающе. 19 И даст земля плоды своя, и снесте в сытость, и вселитесь на ней уповающе. 20 Аще же речете: что ясти будем в седьмое лето сие, аще не сеем, ни собираем плодов своих, 21 и посплю благословение Мое вам в лето шестое, и сотворит плоды своя на три лета: 22 и посеете в лето осмое, и снесте от плодов ветхих даже до лета девятаго: дондеже приспелют плоды ея, снесте ветхая ветхих. 23 И земля да не продасться во утверждение: Моя бо есть земля, яко пришельцы и приселницы вы есть предо Мною: 24 и по всей земли одержания вашего, искуп дадите земли. 25 Аще же нищетствует брат твой, иже с тобою, и продасть от одержания своего, да приидет ужик ближний ему и искупит продание брата своего. 26 Аще же не будет кому ужика, и возможет рука его обрести доволен искуп его, 27 и исчислит лета продания его, и воздаст еже излише имать, человеку ему же продано бе оное, и возвратится во одержание свое. 28 Аще же не обрящет рука его доволное, еже отдать ему, да будет проданое

купившему е даже до шестаго лета оставления, и изыдет во оставление, и возвратится во одержание свое. 29 Аще же кто продаст дом обитаемый во граде огражденном, и будет искупление его, дондеже исполнится: лето дний будет искупление его. 30 Аще же не искупит, дондеже скончается лето все, да укрепится дом сущий во граде имущем ограждение в твердость купившему его, в роды его, и не возвратится во оставление. 31 Домы же иже на селех, имже несть окрест их ограждения, к селу земли да приложатся: искупуемы всегда да будут, и во оставление да возвратятся. 32 И гради левитстии, дома градов одержания их, искупуемы да будут всегда левитом. 33 И иже аще искупит от левит: и изыдет продание домов града одержания их во оставление, яко дома градов левитских одержание их, посреде сынов Израилевых. 34 И села отделеная градом их да не продадутся, яко одержание вечное сие их есть. 35 Аще же нищетствует брат твой, иже с тобою, и изнеможет руками у тебе, заступи его яко пришельца и приселника, да поживет брат твой с тобою: 36 да не возмеши от него лихвы, ниже более (данаго), и убоишися Бога твоего: Аз Господь: и поживет брат твой с тобою. 37 Сребра твоего да не даси ему в лихву, и ради прибытка не даси ему пищей твоих. 38 Аз Господь Бог ваш, изведый вы из земли Египетския, еже дати вам землю Ханаанску, яко быти Мне Богу вашему. 39 Аще же оубожает брат твой у тебе, и продасть тебе, да не поработает тебе работы рабския: 40 аки наемник или пришлец да будет тебе, даже до лета оставления делати будет у тебе, 41 и да изыдет от тебе, и дети его с ним в лето оставления, и да отидет в род свой, и во одержание отчее свое возвратится, 42 понеже раби Мои суть сии, ихже изведох из земли Египетския, да не продасться проданием рабиим: 43 да не отяготиши его трудом, и убоишися Господа Бога твоего. 44 И раб и рабыня, иже ще будут у тебе от языка, иже окрест тебе суть, от тех да притяжете раба и рабыню. 45 И от сынов приселничих, иже суть в вас, от сих притяжете, и от сродников их, елици аще будут в земли вашей, да будут вам во одержание, 46 и да разделите я детем вашым по вас, и да будут вам во одержание во век: братии же вашея, сынов Израилевых, кийждо брата своего да не отяготит его в трудех. 47 Аще же обрящет рука пришельца или приселника иже у тебе, и обнищав брат твой продасться к пришельцу или приселнику иже у тебе, или родившемуся от рода пришельца, 48 по продании ему, искуп да будет ему, един от братий его да искупит его: 49 брат отца его, или сын брата отца его, да искупит его,

или от свойственных плоти племене его искупит его: аще же возможет рука его, искупит себе, 50 да сочтется с притяжавшим его, от лета в неже прадася ему даже до лета оставления, и будет сребро продания его аки день наемника: от лета до лета да будет с ним. 51 Аще же кому множае лет будет, против тех отдаст искуп свой, от сребра продания своего. 52 Аще же мало останется от лет до лета оставления, и да сочтет ему по летом его, и отдаст искуп его аки наемник: 53 от года до года да будет с ним: да не отяготиши его трудом пред тобою. 54 Аще же не искупится по сим, да изыдет в лето оставления сам и дети его с ним: 55 яко Мои сынове Израилевы раби суть, отроцы Мои сии суть, ихже изведох из земли Египетския: Аз Господь Бог ваш.

26 Не сотворите себе (образов) рукотвореных, ниже изваянных, ниже столпа поставите себе, ниже камене поставите в земли вашей во знамение, ко еже покланятися ему: Аз есмь Господь Бог ваш. 2 Субботы Моя сохраните, и от святых Моих убоятесь: Аз есмь Господь. 3 Аще в повелениях Моих ходите, и заповеди Моя сохраните сотворите я: 4 и дам дождь вам во время свое, и земля даст плоды своя, и древеса селная отадят плод свой: 5 и постигнет вам млачение (жит) обрание вина, и обрание вина постигнет сеятву, и снесте хлеб ваш в сытость, и вселитесь с твердостию на земли вашей, и рать не пройдет сквозе землю вашу: 6 и дам мир в земли вашей, и уснете, и не будет устрашай вас: и погублю звери лютыя от земли вашея: 7 и рать сквозе землю вашу не пройдет, и поженете враги ваши, и падут пред вами убиением: 8 и поженут от вас пять сто, и сто вас поженет тмы, и падут врази ваши пред вами мечем: 9 и призрю на вас и благословлю вас, и возвращу вас и умножу вас, и поставлю завет Мой с вами: 10 и снесте ветхая и ветхая ветхих, и ветхая от лица новых изнесете: 11 и поставлю завет Мой в вас, и не возгнушается душа Моя вами: 12 и похожду в вас, и буду вам Бог, и вы будете Ми людие: 13 Аз есмь Господь Бог ваш, изведый вас из земли Египетския, сущым вам рабом: и сокруших узы ярма вашего, и изведох вас со дерновением. 14 Аще же не послушаете Мене, ниже сотворите повелений Моих сих, 15 но ни покоритеся им, и о судах Моих вознегодует душа ваша, яко не творити вам всех заповедей Моих, яко разорити завет Мой, 16 и Аз сотворю сице вам, и наведу на вас скудость и красту, и желтняцу вреждающую очи ваша и души ваша истаевающую: и поссеете вотще семена ваша, и поядят я супостаты ваша: 17 и утвержу лицо Мое на вас, и падете пред враги вашими, и поженут

вы ненавидящии вас, и побегнете ни комуже гонящу вас. 18 И аще до сего не послушаете Мене, и приложу наказати вы язвами седмижды за грехи ваша: 19 и сокрушу досаждение гордыни вашея, и положу небо вам аки железно, и землю вашу аки медяну: 20 и будет вотще крепость ваша, и не даст земля ваша семене своего, и древа села вашего не дадут плода своего. 21 И аще по сих пойдете страною и не восходите послушати Мене, приложу вам язв седьмь по грехом вашим, 22 и послю на вы звери лютыя земныя, и изядят вы и потребят скоты ваши, и умалены сотворю вы, и пусты будут путие ваши. 23 И аще сими не накажется, но пойдете ко Мне страною, 24 пойду и Аз с вами в ярости страною, и поражу вы и аз седмижды грех ради ваших, 25 и наведу на вы мечь мстяя месть завета, и вбегнете в грады вашия: и послю на вы смерть, и преданы будете в руце враг ваших: 26 всегда скорбети вам скудостию хлебов, и испекут десять жен хлебы ваши в пещи единей, и отадят хлебы ваши весом, и ясти будете, и не насытитесь. 27 Аще же в сих не послушаете Мене и пойдете ко Мне страною, 28 и Аз пойду с вами в ярости страною, и накажу вы аз седмижды по грехом вашим: 29 и ясти будете плоти сынов ваших, и плоти дщерей ваших ясти имате, 30 и сотворю пустая капища ваша и потреблю древяная рукотворения ваша, и положу трупы ваши на трупех кумир ваших, и возненавидит вас душа Моя: 31 и сотворю грады ваши пусты, и опустошу святая вашиа, и не обоняю вони жертв ваших: 32 и сотворю пусту аз землю вашу, и удивятся о ней врази ваши, живущии на ней: 33 и разсыплю вы в языки, и потребит вы находяй мечь, и будет земля ваша пуста, и грады ваши будут пусты. 34 Тогда возблаговолит земля субботы своя, во вся дни запустения своего, и вы будете в земли враг ваших: тогда воспразднует земля и возблаговолит субботы своя: 35 во вся дни опустения своего воспразднует, яже не празднова в субботах ваших, егда живясте на ней. 36 И оставльшился от вас вложу страх в сердца их в земли враг их, и поженет их глас листа летяща, и побегнут яко бежащи от рати, и падут ни кимже гоними. 37 И презрит брат брата аки на рати, ни кому нападающу, и не возможете противстati врагом вашим: 38 и погибнете в языцех, и потребит вас земля враг ваших. 39 И оставльшился от вас истлеют за грехи своя и за грехи отец своих, в земли враг своих истают, 40 и исповедят грехи своя и грехи отец своих, яко преступиша и презреща Мя, и яко ходиша предо Мною страною: 41 и Аз пойду с ними в ярости страною и погублю их в земли

врагов их: тогда усрамится сердце их необрезаное и тогда познают грехи своя: 42 и помяну завет Иаковль и завет Исааков, и завет Авраамль помяну, 43 и землю помяну, и земля останется от них. Тогда примет земля субботы своя, всегда опустет ей их ради: и они примут своя беззакония, иже ради презреща судьбы Моя, и о повелениях Моих вознегодова душа их: 44 обаче сущым им в земли врагов своих, не презрех их, ниже вознегодовах о них, яко потребити я и разорити завет Мой иже к ним: Аз бо есмь Господь Бог их. 45 И помяну завет их первый, егда изведох их из земли Египетския, из дома работы пред языки, еже быти Мне Богу их: Аз есмь Господь. 46 Сия судьбы Моя и повеления Моя, и закон, егоже даде Господь между Собою и между сыны Израилевы, на горе Синайстей, рукою Моисеовою.

27 И рече Господь к Моисею, глаголя: 2 глаголи сыном Израилевым и речеши к ним, глаголя: человек, иже аще обещает обет, яко цену души своея Господу, 3 да будет цена мужеска полу от двадесяти лет до шестидесяти лет, да будет цена его пятьдесят дидрахм сребра весом святым, 4 женска же полу да будет цена тридесять дидрахм: 5 аще же от пяти лет до двадесяти лет, да будет цена мужеску полу двадесять дидрахм, женска же полу десять дидрахм: 6 от месяца же единаго до пяти лет, да будет цена мужеска полу пять дидрахм сребра, женска же полу три дидрахмы сребра: 7 аще же от шестидесяти лет и выше, аще убо мужеск пол будет, да будет цена его пятьдесят дидрахм сребра, аще же женск пол, десять дидрахм. 8 Аще же убог будет ценою своею, да станет пред жерцем, и да оценит его жрец: яко же может рука обещавшагося, тако оценит его жрец. 9 Аще же от скотов приносимых от них дар Господу, иже аще даст от сих Господу, будет свято. 10 Да не пременит добра злым, ниже зла добрым: аще же изменения изменит оный скот скотом, да будет и той и пременение свята. 11 Аще же всяк скот нечист, от нихже не приносится дар Господу, да поставит скота пред жерцем, 12 и оценит его жрец между добрым и между злым: яко же оценит его жрец, тако да будет. 13 Аще же искупя искупит его, да приложит пятую часть к цене его. 14 И человек, иже аще освятит дом свой свят Господу, и оценит его жрец между добрым и между злым: яко же оценит его жрец, тако да станет. 15 Аще же освятивый его искупит дом свой, да приложит к сему пятую часть сребра цены его, и будет ему. 16 Аще же от нив одержания своего освятит человек Господу, и да будет цена его по сеянию его, за

спуд ячменя пятьдесят дидрахм сребра. 17 Аще же от лета оставления освятит ниву свою, по цене ея да станет. 18 Аще же напоследок по оставлении освятит ниву свою, да причтет ему сребро жрец к летом оставшимся даже до лета оставления, и отимется от цены его 19 аще же искупит ниву освятивый ю, да приложит пятую часть сребра к цене ея, и да будет ему. 20 Аще же не искупит нивы, и отдаст ниву человеку иному, не кому да искупит ю: 21 но да будет нива минувшу лету оставления, свята хвална Господу, яко же земля отлученая: жерцу да будет во одержание его. 22 Аще же от нивы, юже стяжа, яже несть от села одержания его, освятит Господу, 23 да сочтет ему жрец останок цены от лета оставления, и да отдаст цену в той день святу Господу: 24 и в лето оставления да отдастся нива человеку, от негоже притяжа ю, егоже бе одержание земли. 25 И всяка цена да будет весами святыми, двадесять пенязей будет дидрахма. 26 И всяк первенец, иже аще родится в скоте твоем, да будет Господу, и да не освятит его никто же: аще телец, аще овча, Господу есть. 27 Аще же от четвероножных нечистых, да пременит по цене его, и да приложит пятую часть его к сему, и да будет ему: аще же не искупится, да продастся по цене его. 28 Всяк же обет, егоже аще обещает человек Господу от всех, елика ему суть, от человека даже до скота, и от нив одержания его, не продастся, ниже искупится всякий обет святых будет Господу. 29 И всяк обет, иже аще обещан будет от человек, не искупится, но смертию да умертвится. 30 Всяка десятина земли, от семене земнаго и от плода древяного Господу есть, свято Господу. 31 Аще же искупя искупит человек десятину свою, пятую часть его да приложит к нему, и да будет ему. 32 И всяка десятина волов и овец, и всяко, еже аще приидет в число под жезл десятое, будет свято Господу. 33 Не премениши доброго злым, ниже добрым злого: аще же премениши е, то и пременение его будет свято, да не искупится, 34 сия суть заповеди, яже заповеда Господь Моисею к сыном Израилевым на горе Синайстей.

Числа

1 И глагола Господь к Моисею в пустыни Синайской, в скиии свидения, в первый день месяца втораго, втораго лета изшедшим им от земли Египетския, глаголя: 2 возмите сочтение всего сонма сынов Израилевых по сродством их, по домом отечества их, по числу имен их, по главам их: 3 всяк мужеск пол от двадесяти лет и вышше, всяк исходяй с силою Израилевою, соглядайте их с силою их, ты и Аарон созирайте их: 4 и с вами да будут с силою своею кийждо, кийждо по племени коегождо от князей, по домом отечества да будут. 5 И сия имена мужей, иже станут с вами: от Рувима Елисур сын Седиуров, 6 от Симеона Саламиил сын Сурисадаев, 7 от Иуды Наассон сын Аминадавль, 8 от Иссахара Нафанаил сын Согаров, 9 от Завулона Елиав сын Хелонъ, 10 от сынов Иосифовых, иже от Ефрема, Елисам сын Семиудов, от Манассии Гамалиил сын Фадассуров, 11 от Вениамина Авидан сын Гадеониев, 12 от Дана Ахиезер сын Амисадаев, 13 от Асира Фагаил сын Ехранов, 14 от Гада Елисаф сын Рагуилов, 15 от Неффалима Ахирей сын Енанъ. 16 Сии нареченные сонма князи от племен, по отечествам их, тысяченачалницы Израилевы суть. 17 И поя Моисей и Аарон мужы сия нареченные именем. 18 И весь сонм собираша в первый день месяца втораго лета, и соглядаша я по родом их, по отечествам их, по числу имен их, от двадесяти лет и вышше, всяк мужеск пол по главам их, 19 яко же повеле Господь Моисею: и соглядаша сии в пустыни Синайской. 20 И быша сынове Рувима, первенца Израилева, по сродством их, по сонмом их, по домом отечеств их, по числу имен их, по главам их, всяк мужеск пол от двадесяти лет и вышше, всяк исходяй с силою, 21 соглядание их от племени Рувимля четыредесять шесть тысящ и пять сот. 22 Сынов Симеоновых по сродством их, по сонмом их, по домом отечеств их, по числу имен их, по главам их, всяк мужеск пол от двадесяти лет и вышше, всяк исходяй с силою, 23 соглядание их от племени Симеона пятьдесят девять тысящ и триста. 24 Сынов Иудиных по сродством их, по сонмом их, по домом отечеств их, по числу имен их, по главам их, всяк мужеск пол от двадесяти лет и вышше, всяк исходяй с силою, 25 соглядание их от племени Иудина седьмдесят четыри тысящи и шесть сот. 26 От сынов Иссахаровых по сродством их, по сонмом их, по домом отечеств их, по числу имен их, по главам их, всяк мужеск пол от двадесяти лет и вышше, всяк исходяй с силою, 27 соглядание их от племени Иссахарова

пятьдесят и четыри тысящи и четыре ста. 28 От сынов Завулоних по сродством их, по сонмом их, по домом отечеств их, по числу имен их, по главам их, всяк мужеск пол от двадесяти лет и вышше, всяк исходяй с силою, 29 соглядание их от племене Завулона пятьдесят седмь тысящ и четыре ста. 30 От сынов Иосифовых, сынов Ефремлих по сродством их, по сонмом их, по домом отечеств их, по числу имен их, по главам их, всяк мужеск пол от двадесяти лет и вышше, всяк исходяй с силою, 31 соглядание их от племене Ефремля четыредесять тысящ и пять сот. 32 От сынов Манассииных по сродством их, по сонмом их, по домом отечеств их, по числу имен их, по главам их, всяк мужеск пол их от двадесяти лет и вышше, всяк исходяй с силою, 33 соглядание их от племене Манассиина тридесять и две тысящи и двести. 34 От сынов Вениаминовых по сродством их, по сонмом их, по домом отечеств их, по числу имен их, по главам их, всяк мужеск пол их от двадесяти лет и вышше, всяк исходяй с силою, 35 соглядание их от племене Вениамина тридесять и пять тысящ и четыре ста. 36 От сынов Гадовых, по сродством их, по сонмом их, по домом отечеств их, по числу имен их, по главам их, всяк мужеский пол их от двадесяти лет и вышше, всяк исходяй с силою, 37 соглядание их от племене Гадова четыредесять пять тысящ и шесть сот пятьдесят. 38 От сынов Дановых по сродством их, по сонмом их, по домом отечеств их, по числу имен их, по главам их, всяк мужеск пол их от двадесяти лет и вышше, всяк исходяй с силою, 39 соглядание их от племене Данова шестьдесят и две тысящи и седмь сот. 40 От сынов Асировых по сродством их, по сонмом их, по домом отечеств их, по числу имен их, по главам их, всяк мужеск пол их от двадесяти лет и вышше, всяк исходяй с силою, 41 соглядание их от племене Асирова четыредесять едини тысяща и пять сот. 42 От сынов Неффалимлих по сродством их, по сонмом их, по домом отечеств их, по числу имен их, по главам их, всяк мужеск пол их от двадесяти лет и вышше, всяк исходяй с силою, 43 соглядание их от племене Неффалимля пятьдесят и три тысящи и четыре ста. 44 Сие сочисление, еже соглядаша Моисей и Аарон и князи Израилевы, двадесять мужей, муж един от племени единаго, по племени домов отечества их быша. 45 И бысть всего соглядания сынов Израилевых с силою их, от двадесяти лет и вышше, всяк исходяй ополчатися во Израили, 46 шесть сот тысящ и три тысящи и пять сот и пятьдесят. 47 Левити же от племене отечества их не сочислиша в сынех Израилевых. 48 И рече Господь к

Моисею, глаголя: 49 виждь, плеюмене Левинина да на сочилиши, и числа их да не примиши среди сынов Израилевых: 50 и ты пристави левиты к скинии свидения и ко всем сосудом ея, и ко всем, елика суть в ней: да носят сии скинию и вся сосуды ея, и тии да служат в ней, и окрест скинии да ополчаются: 51 и всегда воздвигати скинию, да снимают ю левиты, и всегда поставити скинию, да возставят: и иноплеменник приступая да умрет. 52 И да ополчаются сынове Израилевы, всяк в своем чине и всяк по своему старейшинству, с силою своею: 53 левиты же да ополчаются сопротив, окрест скинии свидения, и не будет согрешения в сынех Израилевых, и да стрегут левиты сами стражу скинии свидения. 54 И сотвориша сынове Израилевы по всем, елика заповеда Господь Моисею и Аарону, тако сотвориша.

2 И рече Господь к Моисею и Аарону, глаголя: 2 человек держайся по чину своему, по знамениям, по домом отечеств своих, да ополчаются сынове Израилевы пред Господем, окрест скинии свидения да ополчаются сынове Израилевы. 3 И ополчающиеся первии на восток чин полка Иудина с силою их, и князь от сынов Иудиних Наассон сын Аминадавль: 4 сила его согляданая седьмидесят и четыри тысячи и шесть сот. 5 И ополчающиеся близ от племене Иссахарова, и князь сынов Иссахаровых Нафанаил сын Согаров: 6 сила его согляданая пятьдесят и четыри тысячи и четыре ста. 7 И ополчающиеся близ от племене Завулоня, и князь сынов Завулоних Елиав сын Хелонъ: 8 сила его согляданая пятьдесят седьмь тысячи и четыре ста. 9 Всех сочтенных от полка Иудина сто седьмидесят шесть тысячи и четыре ста, с силою их первии да воздвигаются. 10 Чины полка Рувимля к югу с силою его, и князь сынов Рувимлих Елисур сын Седиуров: 11 сила его согляданая четыредесять и шесть тысячи и пять сот. 12 И ополчающиеся близ его от племене Симеона, и князь сынов Симеоних Саламииль сын Сурисадаин: 13 сила его сочтена пятьдесят и девять тысячи и три ста. 14 И ополчающиеся близ его от племене Гадова, и князь сынов Гадовых Елисаф сын Рагуиль: 15 сила его согляданая четыредесять и пять тысячи и шесть сот и пятьдесят. 16 Всех же сочтенных полка Рувимля сто пятьдесят едини тысяча и четыре ста и пятьдесят, с силою их втории да воздвигаются. 17 И да воздвигнется скиния свидения и полк левитский посреде полков: якоже ополчается, тако и да воздвигнутся, кийждо держася по чину своему. 18 Чин полка Ефремля к морю с силою их, и князь сынов Ефремлих Елисама сын Емиудов:

19 сила его сочтена четыредесять тысячи и пять сот. 20 И ополчающиеся близ племя Манассиино, и князь сынов Манассииных Гамалиил сын Фадассуров: 21 сила его согляданая тридесать две тысячи и двести. 22 И ополчающиеся близ от племене Вениамина, и князь сынов Вениаминых Авидан сын Гадеониев: 23 сила его сочтена тридесать пять тысячи и четыре ста. 24 Всех сочтенных полка Ефремля сто осмь тысячи и сто, с силою их гретии да воздвигаются. 25 Чин полка Данова к северу с силою их, и князь сынов Дановых Ахиезер сын Амисадаин: 26 сила его согляданая шестьдесят две тысячи и седмь сот. 27 И ополчающиеся близ его племя Асирово, и князь сынов Асировых Фагаил сын Ехранов: 28 сила его согляданая четыредесять едини тысяча и пять сот. 29 И ополчающиеся близ племя Неффалимле, и князь сынов Неффалимлих Ахирей сын Енанъ: 30 сила его согляданая пятьдесят три тысячи и четыре ста. 31 Всех сочтенных полка Данова сто пятьдесят седмь тысячи и шесть сот, с силою их последний да воздвигаются по чину своему. 32 Сие сочтение сынов Израилевых по домом отечеств их: вся соглядания полков с силами их шесть сот три тысячи и пять сот пятьдесят. 33 Левиты же не соглядашася среди сынов Израилевых, якоже заповеда Господь Моисею. 34 И сотвориша сынове Израилевы вся, елика заповеда Господь Моисею: тако ополчахуся по чином своим, и тако воздвигахуся кийждо близ по сонмом своим, по домом отечеств своих.

3 И сия рождения Аарона и Моисея, в день в онъже глагола Господь Моисею на горе Синайстей: 2 и сия имена сынов Аароних: первенец Надав и Авиуд, и Елеазар и Ифамар: 3 сия имена сынов Аароних, жерцы помазаныя, имже совершишася руце их жрети: 4 и скончашася Надав и Авиуд пред Господем, приносящым им огнь чуждъ пред Господем в пустыни Синайстей, и чад не бе им: и жречествовоаху Елеазар и Ифамар со Аароном, отцем своим. 5 И рече Господь к Моисею, глаголя: 6 поими племя Левинино, и поставиши я пред Аароном жерцем, и да служат ему: 7 и да стрегут стражбы его и стражбы сынов Израилевых пред скинию свидения, делати дела скини: 8 и да хранят вся сосуды скинии свидения и стражбы сынов Израилевых по всем делом скинии: 9 и да даси левиты Аарону брату твоему и сыном его жерцем: в дар даны сии Мне суть от сынов Израилевых: 10 и Аарона и сыны его поставиши над скинию свидения, и да хранят жречество свое, и вся яже у олтаря и внутрь завесы: иноплеменник же прикасаяся

умрет. 11 И рече Господь к Моисею, глаголя: 12 и се, Аз взях левиты от среды сынов Израилевых, вместо всякаго первенца, отверзающаго ложесна от сынов Израилевых: искупления их будут, и да будут Мне левити: 13 Мне бо всяк первенец: в онъже день побих всякаго первенца в земли Египетской, освятих Себе всякаго первенца во Израиле, от человека до скота Мне да будут: Аз Господь. 14 И рече Господь к Моисею в пустыни Синайской, глаголя: 15 соглядай сынов Левииных по домом отечеств их по сонмом их, по рождению их: всяк мужеск пол от месяца единаго и выше да соглядяете их. 16 И сочте их Моисей и Аарон повелением Господним, якоже повеле им Господь. 17 И бяху сии сынове Левиины от имен их: Гирсон, Кааф и Мерари. 18 И сия имена сынов Гирсоних по сонмом их: Ловени и Семей. 19 И сынове Каафовы по сонмом их: Амрам и Иессаар, Хеврон и Озиил. 20 И сынове Мерарини по сонмом их: Мооли и Муси: сии суть сонми Левитии по домом отечеств их. 21 От Гирсона сонм Ловенин и сонм Семеинъ: сии суть сонми Гирсоновы. 22 Соглядание их по числу всего мужеска полу, от месяца единаго и выше, соглядание их седьмъ тысящ и пять сот. 23 И сынове Гирсоновы за скинию да ополчаются к морю. 24 И князь дому отечества сонма Гирсона Елисаф сын Даиль. 25 И стражба сынов Гирсоновых в скинии свидения, скиния и покров ея, и покров дверий скинии свидения, 26 и опоны двора, и завеса дверий двора, иже есть у скинии, и прочая всех дел его. 27 От Каафа сонм Амрамъ един и сонм Иессааров един, и сонм Хевронъ един и сонм Озиил един: сии суть сонми Каафовы: 28 по числу всяк мужеск пол от месяца единаго и выше осмь тысящ и шесть сот, стрегущии стражбы Святых. 29 Сонми сынов Каафовых да ополчаются от страны скинии к югу, 30 и князь дому отечеств сонмов Каафовых Елисафан сын Озиил: 31 и стражба их кивот и трапеза, и светилник и олтари, и сосуды святаго, в нихже служат, и покров, и вся дела их. 32 И князь над князи левитскими Елеазар сын Аарона жерца, поставлен стрещи стражбы святых. 33 От Мерара же сонм Мооли и сонм Муси: сии суть сонми Мерарини, 34 соглядание их по числу, всяк мужеск пол от месяца единаго и выше, шесть тысящ и двести. 35 И князь дому отечеств сонма Мерарина Суриил сын Авихеев: от страны скинии да ополчаются к северу, 36 соглядание стражбы сынов Мерариных главиць скинии и вереи ея, и столпы ея и стояла ея, и вся сосуды их и вся дела их, 37 и столпы двора окрест и стояла их, и колки их и верви их. 38 Ополчающиися сопреди скинии свидения на востоки Моисей и Аарон и сынове его, стрегуще

стражбы святаго, в стражбах сынов Израилевых: и иноплеменник прикасаяйся да умрет. 39 Все соглядание левитов, ихже согляда Моисей и Аарон повелением Господним по сонмом их, всяк мужеск пол от месяца единаго и выше, двадесять и две тысящи. 40 И рече Господь к Моисею, глагола: соглядай всякаго первенца мужеска полу сынов Израилевых от месяца единаго и выше, и возми число их по имени, 41 и да поймеши Мне левиты за вся первенцы сынов Израилевых: Аз Господь: и скоты левитски вместо всех первенцев в скотех сынов Израилевых. 42 И согляда Моисей, якоже заповеда ему Господь, всякаго первенца в сынах Израилевых. 43 И быша вси первенцы мужескаго полу, по числу имен от месяца единаго и выше, от соглядания их двадесять две тысящи двести и седмъдесят три. 44 И рече Господь к Моисею, глаголя: 45 поими левиты вместо всех первенцев сынов Израилевых, и скоты левитски вместо скотов их, и будут Мне левиты: Аз Господь: 46 и искуп дву сот седмидесяти трех, иже преизбывают сверх левитов от первенцов сынов Израилевых: 47 и да возмеши по пяти сикль на главу, по сиклю святому возмеши двадесять пенязей сикль, 48 и даси сребро Аарону и сыном его искуп от преизбывающих в них. 49 И взя Моисей сребро искупное от преизбывающих в них на искуп левитом: 50 от первенец сынов Израилевых взя сребра тысячу триста шестьдесят пять сиклев, по сиклю святому. 51 И даде Моисей окун от преизбывающих Аарону и сыном его, повелением Господним, якоже заповеда Господь Моисею.

4 И рече Господь к Моисею и Аарону, глаголя: 2 возми сочисление сынов Каафовых от среды сынов Левииных, по сонмом их, по домом отечеств их, 3 от двадесяти и пяти лет и выше, даже до пятидесяти лет, всяк входяй служити, творити вся дела в скинии свидения. 4 И сия дела сынов Каафовых от среды сынов Левииных, по сонмом их, по домом отечеств их, в скинии свидения Святое Святых. 5 И да внидут Аарон и сынове его, егда воздвигнется полк, и да снимут завесу осеняющую, и да обвиют в ню кивот свидения, 6 и да покрывают его покровом кожаным синим, и да возложат на нь одежду всю синетную сверху, и да вложат носила: 7 и на трапезе предложения да положат на ней одежду всю багряную и блюда, и кадилницы и чаши, и возливалницы, иимиже возливают, и хлебы на ней всегда да будут: 8 и да возложат на ню одежду червлену, и да покрывают ю покровом кожаным синим, и да вложат носила ея: 9 и да

возмут одежду синю, и покрывают светилник светящий и свещи его, и щипцы его и очищала его, и вся сосуды елеа его, имиже служат в них: 10 и да вложат его и вся сосуды его в покров кожан синий, и да возложат его на носила: 11 и на олтарь златый да положат одежду синю, и да покрывают его покровом кожаным синим, и да вложат носила его: 12 и да возмут вся сосуды служебныя, еликими служат в них во святых, и вложат во одежду синю, и да покрывают их покровом кожаным синим, и да возложат на носила: 13 и покров да возложат на олтарь, и покрывают его одеждою всею багряною: 14 и да возложат на него вся сосуды его, еликими служат на нем в них, и кадилники, и вилицы и чаши, и покровы и вся сосуды олтаря, и да возложат на него покров кожан синь и да вложат носила его: и да возмут одежду багряну, и да покрывают умывалницу и стояла ея: и да вложат ю в покров кожаный синий, и да возложат на носила. 15 И совершат Аарон и сынове его, покрывающе святая и вся сосуды святая, всегда воздвигатися полку: и по сих да внидут сынове Каафовы воздвигати, и да не прикоснутся святых, да не умрут. Сия да воздвигают сынове Каафовы в скинии свидения. 16 Надсмотритель Елеазар, сын Аарона жерца, елей светилный, и фимиам сложения, и жертва яже по вся дни, и елей помазания, надсмотрение всяя скинии и елика суть в ней во святем, во всех делех. 17 И рече Господь к Моисею и Аарону, глаголя: 18 не потребите сонм племене Каафова от среды левитов: 19 сие сотворите им, и живи будут и не умрут: приходящим им ко Святым Святых, Аарон и сынове его да внидут и да устроят их коегождо по ношению его, 20 и да не внидут внезапу видети святая, и умрут. 21 И рече Господь к Моисею, глаголя: 22 возми сочисление сынов Гирсоних, и иже по домом отечеств их, по сонмом их и по племенем их, 23 от двадесяти и пяти лет и вышше, даже до пятидесяти лет, соглядайте я, всяк входяй служити и творити дела в скинии свидения. 24 Сия служба сонма Гирсонова, служити и воздвигати. 25 И да воздвигнет опоны скинии и скинию свидения, и покров ея и покров синий сущий сверх ея, и опону дверий скинии свидения, 26 и опоны двора, и завесу дверий двора, елика над скинию свидения, и яже окрест олтаря, и прочая их, и вся сосуды служебныя, еликими служат в них, да сотворят. 27 По слову Аарона и сынов его да будет вся служба сынов Гирсоновых по всем службам их и по всем делам их: и да соглядаеши их по именам, вся носимая ими. 28 Сия служба сонма сынов Гирсоновых в скинии свидения, и стражба их рукою Ифамара, сына

Аарона жерца. 29 Сынове Мерарини по сонмом их, по домом отечеств их, соглядайте их, 30 от двадесяти и пяти лет и вышше, даже до пятидесяти лет, соглядайте их, всяк входяй служити дела скинии свидения. 31 И сия хранения воздвигаемых ими, по всем делом их в скинии свидения: главицы скинии и вереи ея, и столпы ея и стояла ея, и покровы и стояла их, и столпы их, и покровы дверий скинии, 32 и столпы двора окрест и стояла их, и столпы завесы дверий двора и стояла их, и колки их и верви их, и вся сосуды их и вся служения их: по именам соглядайте их и вся сосуды стражбы воздвигаемых ими. 33 Сия служба сонма сынов Мерариних во всех делех их, в скинии свидения рукою Ифамара, сына Аарона жерца. 34 И согляда Моисей и Аарон и князи Израилевы сыны Каафовы по сонмом их, по домом отечеств их, 35 от двадесяти и пяти лет и вышше, даже до пятидесяти лет, всяк входяй служити и творити дела в скинии свидения. 36 И бысть соглядание их по сонмом их, две тысячи семьсот пятьдесят. 37 Сие сочтение сонма Каафова, всех служащих в скинии свидения, якоже согляда Моисей и Аарон повелением Господним, рукою Моисеовою. 38 И соглядани быша сынове Гирсони по сонмом своим, по домом отечеств своих, 39 от двадесяти и пяти лет и вышше, даже до пятидесяти лет, всяк входяй служити и творити дела в скинии свидения. 40 И бысть соглядание их по сонмом их, по домом отечеств их, две тысячи шестьсот тридесят. 41 Сие соглядание сонма сынов Гирсоновых, всех служащих в скинии свидения, иихже соглядаша Моисей и Аарон по глаголу Господню, рукою Моисеовою. 42 Соглядани же быша сынове Мерарини по сонмом своим, по домом отечеств своих, 43 от двадесяти и пяти лет и вышше, даже до пятидесяти лет, всяк входяй служити на дела скинии свидения. 44 И бысть сочтение их по племеном их, по сонмом их, по домом отечеств их, три тысячи и двести. 45 Сие сочисление сонма сынов Мерариних, иихже согляда Моисей и Аарон по глаголу Господню, рукою Моисеовою. 46 Вси согляданни левиты, иихже согляда Моисей и Аарон и князи сынов Израилевых, по сонмом их и по домом отечеств их, 47 от двадесяти и пяти лет и вышше, даже до пятидесяти лет, всяк входяй на дело дел, и к делам воздвигаемым в скинии свидения. 48 И быша согляданни осмь тысяч пятьсот осмьдесят. 49 Повелением Господним соглядаше их Моисей, мужа по мужу над делы их, и яже воздвигаху сии, и соглядани суть, якоже повеле Господь Моисею.

5 И рече Господь к Моисею, глаголя: 2 повели сыном Израилевым, и да изгонят из полка всякаго прокаженнаго, и всякаго проливающаго семя, и всякаго нечистаго душою: 3 от мужеска полу до женска, изгоните вне полка, и да не осквернят полков своих, в нихже Аз пребываю. 4 И сотвориша сынове Израилевы тако, и изгнаша их вне полка: яко же глагола Господь Моисею, тако сотвориша сынове Израилевы. 5 И рече Господь к Моисею, глаголя: 6 рцы сыном Израилевым, глаголя: муж или жена, иже аще сотворит от всех грехов человеческих и презирая презрит Господа, и преступит душа она: 7 да исповесть грех, егоже сотвори, и да отдаст преступление истое, пятую часть его да приложит к тому, и да отдаст, ему же согреши. 8 Аще же несть человеку ужика, яко отдати ему преступление, преступление отдаемое Господу, жерцу да будет, кроме овна очищения, имже помолится о нем. 9 И всяк начаток, и вся освящаемая в сынех Израилевых, елика аще приносят Господу, жерцу самому да будут: 10 и коего жерцу освященая, тому да будут и муж аще даст жерцу, тому да будет. 11 И рече Господь к Моисею, глаголя: 12 глаголи сыном Израилевым и речеши к ним: мужа, мужа аще преступит жена его, и презирающи презрит его, 13 и будет кто с нею ложем семене, и утаится от очию мужа ея, и укрыется, она же будет осквернена, и свидетеля не будет на ню и сия несть ята, 14 и приидет на него дух ревнования, и возревнует к жене своей, она же осквернена есть, или приидет ему дух ревнования, и возревнует к жене своей, она же не будет осквернена, 15 и да приведет муж жену свою к жерцу, и да принесет дар за ню, десятую часть меры ефи муки ячныя: да не возлиет на ню елеа, ниже да возложит на ню ливана: жертва боревнования есть, жертва памяти воспоминающая грех. 16 И приведет ю жрец и поставит ю пред Господем: 17 и да возмет жрец воду живу чисту в сосуде глиняне, и от персти на земли сущия у скинии свидения, и взем жрец да всыплет в воду: 18 и да поставит жрец жену пред Господем, и да откроет главу жене, и да даст в руце ея жертву памяти, жертву ревнования: в руце же жерца да будет вода обличения клятвенная сия. 19 И да закленет ю жрец и речет жене: аще никтоже бысть с тобою, и неси преступила осквернитися под мужем твоим, невинна буди от воды обличения клятвенныя сея: 20 аще же преступила еси, мужата сущи, или осквернена еси, и даде кто тебе ложе свое, кроме мужа твоего. 21 И закленет жрец жену клятвами клятвы сея, и речет жрец жене: да даст тя Господь в клятву и проклятие

среди людий твоих, внегда дати Господу стегну твоему отпасти и чреву твоему разсестися: 22 и внидет вода клятвенная сия во чрево твое, еже расторгнуты утробу твою, и отпасти стегну твоему. И отвещает жена: 23 и да напишет жрец клятвы сия в книзе, и изгладит в воде обличения клятвенного: 24 и напоит жену водою обличения клятвенную, и внидет в ню вода клятвенная обличения. 25 И да возмет жрец от руки женски жертву ревнования, и да возложит жертву пред Господем, и да принесет ю ко олтарю: 26 и да возмет жрец горстю от жертвы память ея, и да принесет ю на олтарь, и по сем напоит водою жену. 27 И будет аще есть осквернена, и аще утаением утаится от мужа своего, и внидет в ню вода клятвенная обличения, и надмет чрево ея, и отпадет стегно ея, и будет жена в проклятие в людех своих: 28 аще же не будет осквернена жена, и чиста есть, и невинна будет, и плодствовати будет семя. 29 Сей закон ревнования, комулибо аще преступит жена, мужата сущи, и осквернится: 30 или человек, ему же аще найдет на нь дух ревнования, и возревнует к жене своей, и поставит жену свою пред Господем, и да сотворит ей жрец весь закон сей: 31 и чист будет человек от греха, и жена та возмет грех свой.

6 И рече Господь к Моисею, глаголя: 2 глаголи сыном Израилевым и речеши к ним: муж или жена, иже аще обещается зело обетом, еже очиститися чистотою Господу, з да воздержится от вина и сикера, и оцта винна и оцта от сикера да не пиет: и, елика делаются от грозд винных, да не пиет, и гроздия свежаго и сухаго да не снет. 4 Во вся дни обета своего от всех, елика бываю от винничины вина, от кости и до скорлупы да не пиете, ниже ясте от всего. 5 Во вся дни обета очищения своего бритва да не взыдет на главу его, дондеже скончаются дни, елика обещал есть Господу: свят будет растя власы главы своея. 6 Во вся дни обета своего Господу, ко всякой душе скончавшися да не внидет. 7 Над отцем и над материю, и над братом и над сестрою, да не осквернится над ними, умершим им, яко обет Бога его на главе его. 8 Вся дни обета его свят будет Господу. 9 Аще же кто смертию внезапу умрет у него, абие осквернится глава обета его, и обриет главу свою, в онъже день очистится, в день седьмый да обриется, 10 и в день осмый да принесет два горличища или два птенца голубина к жерцу пред двери скинии свидения: 11 и да сотворит жрец едину греха ради, и другую во всесожжение, и да помолится о нем жрец, о нихже согреши, о души, и освятит главу свою в той день, в онъже освятился

Господу, во дни обета своего. 12 И да приведет агнца единолетна в преступление, и дни прежни да не будут ему в число, понеже осквернился глава обета его. 13 И сей закон обещавшагося, в онъже день скончает дни обета своего, да принесет сам к дверем скинии свидения: 14 и да приведет дар свой Господу агнца единолетна непорочна единаго во всесожжение, и агнцу единолетну едину непорочну греха ради, и овна единаго непорочна во спасение, 15 и кош опресноков от муки пшеничны, хлебы смешаны с елеем, и опресноки помазаны елеем, и жертву их и возлияние их. 16 И да принесет жрец пред Господа, и да сотворит еже греха ради его, и всесожжение его, 17 и овна сотворит жертву спасения Господу на кошнице опресноков, и да сотворит жрец жертву его и возлияние его. 18 И да обриет обещавый пред дверми скинии свидения главу обета своего, и да возложит власы на огнь, иже есть под жертвою спасения: 19 и да возмет жрец рамо варено от овна, и хлеб един опресночный от кошницы, и опреснок един, и да возложит на руки обещавшемуся, по обритии главы его, 20 и да принесет я жрец возложение пред Господа: свято да будет жерцу на грудех возложения и на раме участия: и по сих обещавшися да пьет вино. 21 Сей закон обещавшагося, иже аще обещает дар Господу о обете, кроме сих яже обрящет рука его: по силе обета его, егоже аще обещает, по закону очищения. 22 И рече Господь к Моисею, глаголя: 23 Рцы Аарону и сыном его, глаголя: сице благословите сыны Израилевы, глаголюще им: 24 да благословит тя Господь и сохранит тя: 25 да просветит Господь лицо Свое на тя и помилует тя: 26 да воздвигнет Господь лицо Свое на тя и даст ти мир: 27 и да возложат имя Мое на сыны Израилевы, и Аз Господь благословлю я.

7 И бысть в день в онъже сконча Моисей, якоже поставити скинию, и помаза ю, и освяти ю и вся сосуды ея, и олтарь и вся сосуды его, и помаза я. 2 И приведоша князи Израилтесии дванадесять, князи домов отечеств своих, сии князи коегождо племене, сии предстоящии над согляданием: 3 и приведоша дары своя пред Господа шесть колесниц покрытых и дванадесять волов: колесницу едину от двоих князей, и телца от коегождо и приведоша пред скинию. 4 И рече Господь к Моисею, глаголя: 5 возми от них, и да будут на дела служебная скиния свидения: и даси я левитом, коемуждо по его служению. 6 И взем Моисей колесницы и волы, даде я левитом: 7 две колесницы и четыри волы

даде сыном Гирсоним по службам ихже, 8 и четыри колесницы и осмь волов даде сыном Мерариним по службам их, чрез Ифамара, сына Аарона жерца: 9 и сыном Каафовим не даде, яко службы святаго имеют: на раменах да воздвизают я. 10 И принесоша князи на обновление олтаря в день, в онъже помаза его, и принесоша князи дары своя пред олтарь. 11 И рече Господь к Моисею: князь един на день, князь на день да принесут дары своя на обновление олтаря. 12 И бяше приносай дар свой в первый день Наассон сын Аминадавль, князь племене Иудина: 13 и принесе дар свой, блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 14 фимиамник един десяти златник, полн фимиама: 15 телца единаго от волов, овна единаго, агнца единаго единолетна во всесожжение: 16 и козла от коз единаго греха ради: 17 и на жертву спасения юницы две, овнов пять, козлов пять, агнц единолетных пять: сей дар Наассона сына Аминадавля. 18 Во второй день принесе Нафанаил сын Согаров, князь племене Иссахаря: 19 и принесе дар свой, блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 20 фимиамник един десяти златник, полн фимиама: 21 телца единаго от волов, овна единаго, агнца единаго единолетна во всесожжение: 22 и козла от коз единаго греха ради: 23 и на жертву спасения юницы две, овнов пять, козлов пять, агнц единолетных пять: сей дар Нафанаила сына Согарова. 24 В третий день князь сынов Завулоних, Елиав сын Хелонов: 25 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 26 фимиамник един десяти златник, полн фимиама: 27 телца единаго от волов, овна единаго, агнца единаго единолетна во всесожжение: 28 и козла от коз единаго греха ради: 29 и на жертву спасения юницы две, овнов пять, козлов пять, агнц единолетных пять: сей дар Елиава сына Хелонова. 30 В четвертый день князь сынов Рувимлих, Елисур сын Седиуров: 31 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 32 фимиамник един десяти златник, полн фимиама: 33 телца единаго от волов, овна единаго, агнца единаго единолетна во всесожжение: 34 и

козла от коз единаго греха ради: 35 и на жертву спасения юницы две, овнов пять, козлов пять, агниц единолетных пять: сей дар Елисура сына Седиурова. 36 В пятый день князь сынов Симеоних, Саламиил сын Сурисадаиль: 37 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 38 фимиамник един десяти златник, полн фимиама: 39 телца единаго от волов, овна единаго, агнца единаго единолетна во всесожжение: 40 и козла от коз единаго греха ради: 41 и на жертву спасения юницы две, овнов пять, козлов пять, агниц единолетных пять: сей дар Саламиила сына Сурисадаиля. 42 В шестый день князь сынов Гадовых, Елисаф сын Рагуилев: 43 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 44 фимиамник един десяти златник, полн фимиама: 45 телца единаго от волов, овна единаго, агнца единаго единолетна во всесожжение: 46 и козла от коз единаго греха ради: 47 и на жертву спасения юницы две, овнов пять, козлов пять, агниц единолетных пять: сей дар Елисафа сына Рагуилева. 48 В седьмый день князь сынов Ефремлих, Елисама сын Емиудов: 49 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 50 фимиамник един десяти златник, полн фимиама: 51 телца единаго от волов, овна единаго, агнца единаго единолетна во всесожжение: 52 и козла от коз единаго греха ради: 53 и на жертву спасения юницы две, овнов пять, козлов пять, агниц единолетных пять: сей дар Елисамы сына Емиудова. 54 В осмый день князь сынов Манассииних, Гамалиил сын Фадассуров: 55 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 56 фимиамник един десяти златник, полн фимиама: 57 телца единаго от волов, овна единаго, агнца единаго единолетна во всесожжение: 58 и козла от коз единаго греха ради: 59 и на жертву спасения юницы две, овнов пять, козлов пять, агниц единолетных пять: сей дар Гамалиила сына Фадассурова. 60 В девятый день князь сынов Вениамииних, Авидан сын Гадеонин: 61 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны

спряжены с елеем на жертву: 62 фимиамник един десяти златник, полн фимиама: 63 телца единаго от волов, овна единаго, агнца единаго единолетна во всесожжение: 64 и козла от коз единаго греха ради: 65 и на жертву спасения юницы две, овнов пять, козлов пять, агниц единолетных пять: сей дар Авидана, сына Гадеонина. 66 В десятый день князь сынов Дановых, Ахизер сын Амисадаин: 67 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 68 фимиамник един десяти златник, полн фимиама: 69 телца единаго от волов, овна единаго, агнца единаго единолетна во всесожжение: 70 и козла от коз единаго греха ради: 71 и на жертву спасения юницы две, овнов пять, козлов пять, агниц единолетных пять: сей дар Ахизера сына Амисадаина. 72 В первыйнадесять день князь сынов Асировых, Фагаили сын Ехран: 73 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 74 фимиамник един десяти златник, полн фимиама: 75 телца единаго от волов, овна единаго, агнца единаго единолетна во всесожжение: 76 и козла от коз единаго греха ради: 77 и на жертву спасения юницы две, овнов пять, козлов пять, агниц единолетных пять: сей дар Фагаила сына Ехраня. 78 Во вторыйнадесять день князь сынов Неффалимлих, Ахирей сын Енань: 79 дар его блюдо сребряно едино, вес его сто и тридесять сикль: чашу едину сребряну седмьдесят сикль, по сиклю святому: обоя полны муки пшеничны спряжены с елеем на жертву: 80 фимиамник един десяти златник, полн фимиама: 81 телца единаго от волов, овна единаго, агнца единаго единолетна во всесожжение: 82 и козла от коз единаго греха ради: 83 и на жертву спасения юницы две, овнов пять, козлов пять, агниц единолетных пять: сей дар Ахиреа сына Енаня. 84 Сие обновление олтаря, в онъже день помаза его, от князей сынов Израилевых, блюд сребряных дванадесять, чаш сребряных дванадесять, фимиамников златых дванадесять: 85 по святу и тридесятия сикль в коемждо блюде, и по седмидесяти сикль чаша едина: всего сребра в сосудех две тысячи четыреста сиклев, по сиклю святому: 86 фимиамников златых дванадесять полных фимиама, по десяти златник в коемждо фимиамнике, по сиклю святому: всего злата в фимиамницах сто и двадесять златник. 87 Всех говяд во всесожжение, телцов дванадесять, овнов дванадесять, агнцев единолетных

дванадесять, и жертвы их и возлияния их: и козлов от коз дванадесять, греха ради: 88 всех говяд на жертву спасения, юниц двадесять четыре, овнов шестьдесят, козлов единолетных шестьдесят, агниц единолетных непорочных шестьдесят. Сие обновление олтаря, по исполнении рук его и по помазании его. 89 Егда входяше Моисей в скинию свидения глаголати ему, и услыша глас Господа, глаголюща к нему свыше очистилица, еже есть над ковчегом свидения между двема херувими: и глаголаше к нему.

8 И рече Господь к Моисею, глаголя: 2 глаголи Аарону и речеши к нему: егда поставиши светила, от страны спреди светилника да светят седь светила. 3 И сотвори тако Аарон: от единяны страны спреди светилника возжже светила его, яко же повеле Господь Моисею. 4 И сие устроение светилника: слияно злато стебль его и крины его, слияно все: по образу, егоже показа Господь Моисею, тако сотвори светилник. 5 И рече Господь к Моисею, глаголя: 6 поими левиты от среды сынов Израилевых, и да очистиши я: 7 и сице да сотвориши им очищение их: покропиши на них воду очищения, и да взыдёт бритва на все тело их, и исперут ризы своя, и чисти будут: 8 и да возмут телца единаго от волов, и сего жертву муки пшеничны, спряжены с елеем, и телца единолетна от волов да возмеши греха ради: 9 и да приведеши левиты пред скинию свидения, и собереши весь сонм сынов Израилевых: 10 и приведеши левиты пред Господа, и да возложат сынове Израилстии руки своя на левиты: 11 и да отлучит Аарон левиты отданье пред Господа от сынов Израилевых, и да служат службы Господви: 12 левити же да возложат руки на главы телцев: и да сотвориши единаго от грече и единаго во всесожжение Господу, умилиостивити о них: 13 и поставиши левиты пред Господем и пред Аароном и пред сыны его, и отдаши я отданье Господу: 14 и да отлучиши левиты от среды сынов Израилевых, и будут Мне: 15 и по сих да внидут левиты делати дела скинии свидения: и да очистиши их, и отдаши я пред Господем: яко отданье отданы сии Мне суть от среды сынов Израилевых: 16 вместо отверзающих всяка ложесна первенцев всех от сынов Израилевых, приях я Себе: 17 яко Мне есть всяк первенец от сынов Израилевых, от человека до скота: в день в онъже поразих всякаго первенца в земли Египетстей, освятих я Себе, 18 и взях левиты вместо всякаго первенца сынов Израилевых, 19 и отдах левиты отданием Аарону и сыном его от среды сынов

Израилевых делати дела сынов Израилевых в скинии свидения и умилиостивити о сынах Израилевых: да не будет язва на сынах Израилевых, всегда приступати им к святым. 20 И сотвори Моисей и Аарон и весь сонм сынов Израилевых левитом, яко же заповеда Господь Моисею о левитех, тако сотвориша им сынове Израилевы. 21 И очистиши левити и испраша ризы своя: и отдаде я Аарон отданье пред Господем, и помолися о них Аарон, очищения ради их. 22 И по сих внидоша левити служити службы своя в скинии свидения пред Аароном и пред сыны его: яко же повеле Господь Моисею о левитех, тако сотвориша им. 23 И рече Господь к Моисею глаголя: 24 сие есть еже о левитех: от двадесяти пяти лет и выше, да внидут служити служение в скинии свидения: 25 и от пятидесяти лет да отстанут от служения и не служат кому. 26 И да служат братия его в скинии свидения еже стреци стражи, дел же да не делают. Тако сотвориши левитом в стражах их.

9 И глагола Господь к Моисею в пустыни Синайстей, во второе лето изшедшым им из земли Египетския, в первый месяц, глаголя: 2 рцы да сотворят сынове Израилстии Пасху во время ея, 3 в четвертыйнадесять день месяца первого к вечеру, и сотвориши ю во время ея: по закону ея и по уставу ея сотвориши ю. 4 И рече Моисей сыном Израилтеским сотворити Пасху. 5 И сотвориша Пасху, начинающуся первому месяцу в четвертыйнадесять день в пустыни Синайстей: яко же повеле Господь Моисею, тако сотвориша сынове Израилевы. 6 И придоша мужие, иже бяху нечисти о души человечи, и не можаху сотворити Пасхи в той день: и придоша пред Моисея и Аарона в той день. 7 И рекоша мужие Онии к нему: мы нечисти есмы о души человечи: еда убо лишимся принести дар Господу во время свое посреде сынов Израилевых? 8 И рече Моисей к ним: станите ту, да ясльшу, что повелит Господь о вас. 9 И рече Господь к Моисею, глаголя: 10 рцы сыном Израилевым, глаголя: человек человек, иже аще будет нечист о души человечи, или на пути далече, или в вас, или в родах ваших, и да сотворит Пасху Господу, 11 в месяц второй, в четвертыйнадесять день (месяца) к вечеру да сотворят ю, со опресноки и с горьким зелием да снедят ю: 12 да не оставят от нея на утрие, и кости да не сокрушат от нея, по всему закону Пасхи да сотворят ю. 13 И человек, иже аще чист будет, и на пути далече несть, и оставит сотворити Пасху, потребится душа та от людий своих: яко дара

Господви не принесе во время свое, грех свой примет человек той. 14 Аще же приидет к вам пришелец в землю вашу и сотворит Пасху Господу, по закону Пасхи и по чину ея, тако сотворит ю: закон един да будет вам и пришелцу и туземцу. 15 И в день, в онъже поставися скиния, покры облак скинию и дом свидения: от вечера же бяше над скиникою аки вид огнен до заутрия: 16 тако бываше всегда: облак покрываще ю в день, и вид огнен ношию: , 17 и егда восходаше облак от скинии, и по сих воздвизахуся сынове Израилтстии: и на месте, на немже стояше облак, тамо ополчахуся сынове Израилевы. 18 По повелению Господню да ополчаются сынове Израилевы и повелением Господним да воздвигаются: во вся дни, в няже осеняет облак над скиникою, да ополчаются сынове Израилевы: 19 и егда премедлит облак над скиникою дни многи, да стрегут сынове Израилтстии стражу Господню и да не воздвигутся: 20 и будет егда покрыет облак дни числа над скиникою, глаголом Господним да ополчаются и повелением Господним да воздвигутся: 21 и будет егда пребудет облак от вечера до заутрия, и аще воздвигнется облак заутра, да воздвигнутся днем или ношию, 22 и аще воздвигнется облак, да пойдут: или день или месяц дний умножит облак осеняющъ над нею, да ополчаться сынове Израилевы, и да не воздвигутся: во отступлении его, воздвизахуся: 23 яко повелением Господним да ополчаются и повелением Господним да воздвигутся: стражу Господню стрежаху по повелению Господню рукою Моисеовою.

10 И рече Господъ к Моисею, глаголя: 2 сотвори себе две трубы сребряны: кованы сотвориши я, и будут тебе на сование сонма и возставляти полки: 3 и да вострубиши ими, и да соберется к тебе весь сонм пред двери скинии свидения 4 аще же единою трубою вострубят, да приидут к тебе вси князи и тысященачалники Израилтстии: 5 и вострубите в знамение, и воздвигнутся полцы ополчающиися на востоки: 6 и вострубите в знамение второе, и воздвигнутся полцы ополчающиися от юга: и вострубите в знамение третие, и да воздвигнутся полцы ополчающиися от моря: и вострубите в знамение четвертое, и воздвигнутся полцы ополчающиися от севера: знамением да вострубят в воздвижение их. 7 И егда соберете сонм, вострубите, не в знамение. 8 И сынове Аарони жерцы да вострубят трубами: и да будет вам законно вечно в роды ваша. 9 Аще же изыдете на брань в земли вашей к супостатом супротивящимся вам, и вострубите и назнаменуйте трубами, и воспомянетесь пред Господем и избавитесь от враг ваших. 10 И во днех

веселия вашего и в праздницах ваших и в новомесячиих ваших вострубите трубами на всесожжения и на жертвы спасений ваших, и будет вам воспоминание пред Богом вашим: Аз Господъ Бог ваш. 11 И бысть во второе лето, во второй месяц, в двадесятый месяца, вознесеся облак от скинии свидения, 12 и воздвигоша сынове Израилевы со имениями своими от пустыни Синайского, и ста облак в пустыни Фарани. 13 И воздвигоша первии по гласу Господню рукою Моисеовою: 14 и воздвигоша знамя полка сынов Иудиных первии с силою своею: и над силою их Наассон сын Аминадавъ: 15 и над силою племене сынов Иссахаровых Нафанаил сын Согаров: 16 и над силою племене сынов Завулоних Елиав сын Хелонъ. 17 И сложиша скинию, и воздвигоша сынове Гирсони и сынове Мерарини, носящии скинию. 18 И воздвигоша знамя полка Рувимля с силою своею: и над силою их Елисур сын Седиуров: 19 и над силою племене сынов Симеоних Саламиил сын Сурисадаев: 20 и над силою племене сынов Гадовых Елисаф сын Рагуилев: 21 и воздвигоша сынове Каафовы, воздвигающие святая: и поставиша скинию, дондеже придоша. 22 И воздвигоша знамя полка Ефремля с силою своею: и над силою их Елисама сын Емиудов: 23 и над силою племене сынов Манассиних Гамалиил сын Фадассуров: 24 и над силою племене сынов Вениаминих Авидан сын Гадеонин. 25 И воздвигоша знамя полка сынов Дановых, последний всех полков с силою своею: и над силою их Ахиезер сын Амисадаев: 26 и над силою племене сынов Асировых Фагаиил сын Ехранъ: 27 и над силою племене сынов Неффалимлих Ахирей сын Енанъ. 28 Сии полцы сынов Израилевых, и воздвигоша с силою своею. 29 И рече Моисей Иоваву сыну Рагуилеву Мадианитину, тестю Моисееву: воздвигаемся мы на место, о немже Господъ рече: сие дам вам: пойди с нами, и сотворим тебе добро, яко Господъ добрая глагола о Израили. 30 И отвеща к нему: не пойду, но в землю мою и в род мой иду. 31 И рече: не остави нас, понеже был еси с нами в пустыни, и будеши в нас старейшина: 32 и будет аще пойдеши с нами, и будут благая оная, елика благословит Господъ нам, благословим и тебе. 33 И отидаша от горы Господни в путь трех дній: и кивот завета Господня предидяше пред ними в путь трех дній, соглядати им стана. 34 И бысть егда воздвизаху кивот, и рече Моисей: востани, Господи, и да разсыплются врази Твои, и да бежат вси ненавидящии Тебе. 35 И в поставлении (кивота) рече: возвращай, Господи, тысящи

тем во Израили. 36 И облак Господнь бысть осеняющъ над ними въ день, егда воздвихауся изъ полка.

11 И быша людие ропщуще злая пред Господем: и слыша Господь и разгневався гневом, и разгореся въ нихъ огнь отъ Господа и потреби часть некую отъ полка. 2 И возопиша людие къ Моисею: и помолися Моисей къ Господу, и преста огнь. 3 И прозвася имя мести тому Запаление: яко разгореся въ нихъ огнь отъ Господа. 4 И общий народ иже въ нихъ похотеша похотением: и седше плакахуся сынове Израилевы и рекоша: кто ны напитает мясы? 5 Помянухомъ рыбы, яже ядохомъ въ земли Египетстя туне, и огурцы и дыни, лукъ и червленый лукъ и чеснокъ: 6 нынѣ же душа наша исохла, ничтоже точию манна пред очима нашима. 7 Манна же бяше аки семя кориандрово, и видѣя яко вид кристалла: 8 и исходжаху людие и собираху, и меляху въ жерновахъ и толцаху въ ступахъ, и варяху въ горшкахъ и творяху изъ нея потребники: и бяше вкус ея, яко вкус муки пряжены съ елеемъ: 9 и егда схождаше роса на полкъ нощию, схождаше манна нань. 10 И услыша Моисей плачущихъ ихъ въ сонмехъ своихъ, коегождо ихъ предъ своими дверми: и разгневався Господь гневомъ зело, и предъ Моисеемъ бяше зло. 11 И рече Моисей ко Господу: вскую озлобилъ еси раба Твоего? И почто не обретохъ благодати предъ Тобою, еже возложити устремление людий сихъ на мя? 12 Еда азъ во утробе зачахъ вся люди сия? Или азъ родихъ я? Яко глаголеши ми: возми ихъ въ недра твоя, якоже доилица носитъ доимыя, въ землю, еюже клялся еси отцемъ ихъ: 13 откуда мне мяса дати всемъ людемъ симъ? Яко плачутъ на мя, глаголюще: даждъ намъ мяса, да ядимъ: 14 не возмогу азъ единъ водити людий сихъ, яко тяжко мне есть слово сие: 15 аще же тако Ты твориши мне, то убий мя убиениемъ, аще обретохъ благодать предъ Тобою, да не вижу озлобления моего. 16 И рече Господь къ Моисею: собери Ми седмъдесятъ мужей отъ старецъ Израилевыхъ, иихъ ты самъ веси, яко тии суть старцы людстии и книгочия ихъ: и да приведешъ яко скини свидения, и да станутъ тамо съ тобою: 17 и сниду и возглаголю тамо съ тобою, и уйму отъ Духа, иже въ тебе, и возложу на ня: да подимутъ съ тобою устремление людий, и не будешъ водити ихъ ты единъ: 18 и людемъ речеши: очиститеся наутрие, и снесте мяса, яко плакастеся предъ Господемъ, глаголюще: кто ны напитаетъ мясы? Яко добро намъ бысть во Египтѣ: и дастъ Господь вамъ мяса ясти, и снесте мяса: 19 не единъ день ясти будете, ни два, ни пять дній, ни десять дній, ниже двадесять дній: 20 до месяца дній ясти будете, дондеже изыдетъ изъ ноздрии вашихъ: и будетъ вамъ

въ мерзость, яко не покористеся Господу, Иже есть въ васъ, и плакастеся предъ Нимъ, глаголюще: вскую бе намъ изыти изъ Египта? 21 И рече Моисей: шесть сотъ тысячъ пешихъ людий, въ нихъ Азъ есмъ, и Ты рекл еси: мяса имъ дамъ ясти, и будутъ ясти месяцъ дній: 22 еда овцы и волы заколются имъ, и доволно будетъ имъ? Или вся рыбы морския соберутся имъ, и доволно будетъ имъ? 23 И рече Господь къ Моисею: еда рука Господня не доволна будетъ? Нынѣ уразумеши, аще постигнетъ тя слово Мое, или ни. 24 И изыде Моисей и глагола людемъ словеса Господня: и собра седмъдесятъ мужей отъ старецъ людскихъ, и постави я окрестъ скини. 25 И снide Господь во облаце и глагола къ нему: и уя отъ Духа, иже на немъ, и возложи на седмъдесятъ мужей старецъ: егда же препочи Духъ на нихъ, и пророчествоваша, и кому не приложиша. 26 И осталася два мужа въ полце: имя единому Елдад, и имя второму Модад: и препочи на нихъ Духъ. И сии беша отъ вписаныхъ, и не придоша ко скини, и пророчествоваша въ полце. 27 И притекъ юноша возвести Моисею, и рече, глаголя: Елдад и Модад пророчествуютъ въ ползехъ. 28 И отвѣщавъ Иисусъ Навинъ, предстояй Моисею избранный ему, рече господи мой Моисею, запрети имъ. 29 И рече ему Моисей: еда ревнуши ты мне? И кто дастъ всемъ людемъ Господнимъ (быти) пророки, егда дастъ Господь Духа Своего на нихъ? 30 И идѣ Моисей въ полкъ самъ и старцы Израилестии. 31 И духъ изыде отъ Господа, и изведе крастели изъ моря и наведе на полкъ день ходу отъсюду и день ходу отъсюду, окрестъ полка яко на два лактя отъ земли. 32 И воставше людие весь день и всю нощь, и весь день наутрие, и собираша крастели: иже мало, собра десять спудъ: и иссущиша себѣ сушаницы окрестъ полка. 33 И мяса бяху имъ еще въ зубехъ ихъ, прежде оскудения, и Господь разгневався зело на люди, и порази Господь люди язвою великою зело: 34 и прозвася имя мести тому Гробы Похотения: яко тамо погребоша людий похотевшихъ. 35 (И) воздвигошаася людие отъ Гробовъ Похотения во Асирофъ, и быша людие во Асирофѣ.

12 И возглаголаста Мариамъ и Ааронъ на Моисея жены ради Ефиоплянинъ, юже пойа Моисей, ибо жену пойа Ефиоплянину, 2 и рекоста: еда Моисею единому глагола Господь? Еда и намъ не глаголаше? И услыша Господь. 3 И человекъ Моисей кротокъ зело паче всехъ человекъ сущихъ на земли. 4 И рече Господь внезапу къ Моисею и Аарону и Мариамъ: изыдите вы трие въ скинию свидения. 5 И изыдоша трие въ скинию свидения. И снide Господь въ столпе облачне ста надъ дверми скини свидения: и призыва Аарона и Мариамъ. И изыдоста оба.

6 И рече к ним: послушайте словес Моих: аще будет в вас пророк Господень, в видении ему познаюся, и во сне возлагою ему: 7 не тако якоже раб Мой Моисей, во всем дому Моем верен есть: 8 усты ко устом возлагою ему яве, и не гаданием, и славу Господню виде: и почто не убоятесь глаголати на раба Моего Моисея? 9 И гнев ярости Господни (бысть) на них. И отиде. 10 И облак отступи от скинии, и се, Мариам прокажена бысть яко снег: и возрзе Аарон на Мариам, и се, прокажена. 11 И рече Аарон к Моисею: молю тя, господи, не возлагай на ны греха, понеже не ведяхом, яко согрешихом: 12 да не будет сия яко мертвя, яко изверг извержен из ложесн матерних, и (се, уже) пойде пол плоти ея. 13 И возопи Моисей ко Господу, глаголя: Боже, молютися, исцели ю. 14 И рече Господь к Моисею: аще бы отец ея плюя заплевал в лице ея, не посрамится ли седьмь днй? Да отлучится седьмь днй вне полка, и по сих да внидет. 15 И отлучися Мариам вне полка на седьмь днй: и люди не воздвигошася, дондеже очистися Мариам. 16 И по сих воздвигошася люди от Асирофа и ополчишася в пустыни Фарани.

13 И рече Господь к Моисею, глаголя: 2 посли от себе мужы, и да соглядывают землю Ханаанскую, юже Аз даю сыном Израилевым во одержание: мужа единаго от племене, по сонмом отечеств их, да послеши их всякаго старейшину от них. 3 И посля я Моисей от пустыни Фарани глаголголом Господним: вси мужи старейшины сынов Израилевых сии, и сия имена их: 4 от племене Рувимля Самуил сын Закхуров: 5 от племене Симеона Сафат сын Сурин: 6 от племене Иудина Халев сын Иефоннийн: 7 от племене Иссахаря Игал сын Иосифль: 8 от племене Ефремля Авсис сын Навин: 9 от племене Вениамина Фалтий сын Рафуов: 10 от племене Завулона Гудиил сын Судин: 11 от племене Иосифля сынов Манассииных Гадди сын Сусин: 12 от племене Данова Амиил сын Гамалин: 13 от племене Асирова Сафур сын Михаиль: 14 от племене Неффалимля Навий сын Савинъ: 15 от племене Гадова Гудиил сын Махииль. 16 Сия имена мужей, ихже послы Моисей соглядати землю: и прозва Моисей Авсия сына Навина Иисус. 17 И посля я Моисей от пустыни Фарани соглядати земли Ханаанских, и рече к ним: взыдите пустынею сею, и взыдете на гору. 18 И узрите землю, какова есть, и люди седящя на ней, аще сильни суть, или немощни, мало ли их есть, или много? 19 И какова земля, на нейже сии седят, добра ли есть, или зла? И какови гради, в нихже живут сии,

ограждени ли суть, или не ограждени? 20 И какова земля, изюбилна ли, или не изюбилна? Суть ли на ней древеса, или ни? И укрепившеся, возмите от плодов земли. Дни же бяху весенни, предваряющии ягоды. 21 И шедше соглядаша землю от пустыни Син даже да Роова, до входов Емаф. 22 И идоша по пустыни, и придоша до Хеврон: и тамо (живяше) Ахиман и Сессий и Феламин, роды Енаковы: и Хеврон создася седмию леты прежде Танина (града) Египетскаго. 23 И придоша до дебри Гроздныя, и соглядаша ю: и урезаша оттуду ветвь, и грозд винограда един на ней, и воздвигоша ю на жердь, и от шипков, и от смоквей. 24 И место оно назваша дебрь Гроздная, грозда ради, егоже урезаша оттуду сынове Израилтстии. 25 И возвратиша оттуду, соглядавше землю по четыредесяти днех. 26 И ходивше придоша к Моисею и Аарону и ко всему сонму сынов Израилевых в пустыню Фараню в Кадис: и поведаша им слово и всему сонму, и показаша им плод земный., 27 и поведаша ему, и рекоша: ходихом на землю, на нюже посыпал еси нас, на землю кипящую млеком и медом, и сий плод ея: 28 кроме яко люди сильни зело, иже на ней живут, и гради утверждени ограждением велицы зело, и род Енаков видехом тамо: 29 и Амалик живет в земли к югу: и Хеттей и Евей, и Иевусей и Аморрей живут в горах: и Хананей живет при мори и при Иордане реце. 30 И утиши Халев люди пред Моисеом, и рече ему: никакоже, на восходя взыдем и приемим ю в наследие, яко сильни есмы преодолети им. 31 И человече ходивши с ним рекоша: не идем, яко не можем изыти противу языку (сему), яко крепльшии есть паче нас. 32 И изнесоша ужас земли, юже соглядаша, к сыном Израилевым, глаголюще: землю юже проидохом соглядающе, земля есть поядоющи живущяя на ней, и вси люди, ихже видехом на ней, мужи превысоцыи: 33 и тамо видехом исполины, сыны Енаковы, и бехом пред ними яко прузи, и тако бехом пред ними.

14 И взем весь сонм, даде глас: и плакахуся людие всю нощь ту: 2 и роптаху на Моисея и Аарона вси сынове Израилтстии, и рекоша к ним весь сонм: зо дабы умерли быхом в земли Египетстей, или в пустыни сей да быхом умерли: и вскую вводит нас Господь в землю сию, еже пасти на брани? Жены наша и дети наша будут в разграбление: ныне убо лучше есть нам возвратитися во Египет. 4 И рече друг ко другу: поставим себе старейшину, и возвратимся бо Египет. 5 И падоста Моисей и Аарон ниц пред всем сонмом сынов Израилевых. 6 Иисус же сын

Навин и Халев сын Иефонний от соглядавших землю, растерзаста ризы своя. 7 И рекоста ко всему сонму сынов Израилевых, глаголюще: земля, юже соглядахом, добра есть зело зело: 8 аще любит нас Господь, введет нас в землю ту и даст ю нам: земля же есть кипящая медом и млеком: 9 но от Господа не будите отступници: вы же не убоятесь людей земли той, понеже в снедь нам есть: отступило бо время от них, Господь же с нами: не убоятесь их. 10 И рече весь сонм побити их камением: и слава Господня явися во облаце над скиникою свидения всем сыном Израилевым. 11 И рече Господь к Моисею: доколе преогорчевают Мя людие сии? И доколе не веруют Мне во всех знамениих, яже сотворих в них? 12 Поражу их смертию и погублю их: и сотворю тя и дом отца твоего в язык велик и мног паче нежели сей. 13 И рече Моисей ко Господу: иуслышат Египтяне, яко возвел еси крепостию Твою люди Твоя сия от них: 14 но и вси живущии на земли сей слышаша, яко Ты еси Господь в людех сих, иже очима ко очесем являющи, Господи, и облак Твой ста над ними, и столпом обличным идеши Ты пред ними в день, и столпом огненным в ноши: 15 и потребиши люди сия аки единаго человека: и рекут вси языцы, елицы слышаша имя Твое, глаголюще: 16 занеже не возможе Господь людей Своих ввести в землю, о нейже клятся им, погуби их в пустыни: 17 и ныне да вознесется рука Твоя, Господи, яко же рекл еси, глаголя: 18 Господь долготерпелив и многомилостив и истинен, отемляй беззакония и неправды и грехи, и очищением не очистит повиннаго, отдая грехи отцев на чада, до третияго и четвертаго рода: 19 остави грех людем сим по велицей милости Твоей, яко же милостив был еси им от Египта даже до ныне. 20 И рече Господь к Моисею: милостив им есмь по словеси твоему: 21 но живу Аз, и присно живет имя Мое, и наполнит слава Господня всю землю: 22 яко вси мужие видящии славу Мою и знамения, яже сотворих во Египте и в пустыни сей, и искусиша Мя, се, десятое, и не послушаша гласа Моего, 23 истинно не узрят земли, еюже кляхся отцем их: разве чадом их, яже суть со Мною зде, иже не ведят добра и зла, всяк юноша не ведый, сим дам землю: вси же разгневавши Мя не узрят ю: 24 раб же Мой Халев, яко бысть дух ин в нем, и возследова Мне, введу его в землю, в нюже ходил тамо, и семя его наследит ю: 25 Амалик же и Хананей живут во юдоли: утре возвратитесь и подвигнитеся вы в пустыню путем моря Чермнаго. 26 И рече Господь к Моисею и Аарону, глаголя: 27 доколе сонм сей злый? Яже они ропщут противу Мне, роптанье сынов

Израилевых, имже возропташа о вас, слыхах: 28 рцы им: живу Аз, глаголет Господь: истинно, яко же глаголасте во уши Мои, тако сотворю вам: 29 в пустыни сей падут телеса ваша, и все соглядание ваше, и сокращение ваша, от двадесяти лет и выше, елицы ропташа на Мя: 30 аще вы внидете в землю, на нюже простирах руку Мою, вселити вас на ней, разве Халев сын Иефонний и Иисус сын Навин: 31 и чада ваша, иже ресте в разграблении быти, введу Я в землю, и наследят землю, от неяже вы отвергостеся: 32 и телеса ваша падут в пустыни сей: 33 сынове же ваши пасоми будут в пустыни четыредесять лет, и носити имут блуждение ваше, дондеже потребятся телеса ваша в пустыни: 34 по числу дній, в нихже соглядасте землю, четыредесять дній, за день лето целое, понесете грехи вашя четыредесять лет, и увесьте ярость гнева Моего: 35 Аз Господь глаголах вам: истинно тако сотворю сонму сему злому, воставшему на Мя: в пустыни сей потребятся, и тамо измрут. 36 И мужие, иже посыла Моисей соглядати землю, и пришедшее возропташа на ню к сонму, еже бы изнести словеса зла о земли, 37 и изомроша мужи, глаголавши о земли зло, язово пред Господем: 38 и Иисус сын Навин и Халев сын Иефонний живы осталася от мужей тех ходивших соглядати землю. 39 И глагола Моисей словеса сия ко всем сыном Израилевым: и восплачашася людие зело, 40 и воставше заутра, взыдоша на верх горы, глаголюще: се, мы взыдем на место, еже рече Господь, яко согрехихом. 41 И рече Моисей: вскую вы преступаете слово Господне? Не благопспешно будет вам: 42 не восходите: несть бо Господь с вами: и падете пред лицем враг ваших: 43 зане Амалик и Хананей тамо пред вами, и падете мечем, понеже отвратистеся, не покаряющеся Господу, и не будет Господь с вами. 44 И понудившееся взыдоша на верх горы: кивот же завета Господня и Моисей не двигнувшись из среды полка. 45 И сниде Амалик и Хананей седяй в горе той, и сотроша их, и изсекоша их даже до Ермана: и возвратишиася в полк.

15 И рече Господь к Моисею, глаголя: 2 глаголи сыном Израилевым и речеши к ним: егда внидете в землю вселения вашего, юже Аз даю вам, 3 и сотворите принос Господу во всесожжение или жертву, еже возвеличиши мольбу, или благовольну, или в праздники ваши в воню благовония Господу, аще убо от волов, или от овец: 4 и да принесет приносай дар свой Господу жертву, муки пшеничны десятую часть ефи (меры), вмешены в елей четвертая части ина (меры): 5 и вина на возлияние четвертую часть ина сотворите во всесожжение или в

жертву: агнцу единому да сотвориши толико, принос воню благовония Господу. 6 И овну, егда творите его во всесожжение или в жертву, да сотвориши жертву муки пшеничны две десятины вмешаны в елеи, третию часть ина (меры): 7 и вина на возлияние третию часть ина принесете в воню благовония Господу. 8 Аще же творите от волов во всесожжение или в жертву, еже возвеличиши мольбу, или во спасительное Господу, 9 и принесет с телцем принос муки пшеничны три десятины вмешаны в елей, пол ина (меры): 10 и вина на возлияние пол ина (меры), принос в воню благовония Господу. 11 Тако да сотвориши телцу единому, или овну единому, или агнцу единому от овец или от коз: 12 по числу их, яже аще сотворите, тако сотворите единому по числу их. 13 Всяк туземец да сотворит тако сицевая принести приношения в воню благовония Господу: 14 аще же пришлец в вас прибудет в земли вашей, или иже аще будет в вас в родах ваших, и сотворит принос в воню благовония Господу, якоже творите вы, тако да сотворит. 15 Сонме Господнь, закон един да будет вам и пришлецем прилежащым в вас, закон вечный в роды ваша: якоже вы, (тако) и пришлец да будет пред Господем: 16 закон един да будет и оправдание едино да будет вам и пришлецу прилежащему в вас. 17 И рече Господь к Моисею, глаголя: 18 глаголи сыном Израилевым и речеши к ним: егда внидете в землю, в нюже Аз ввожду вас тамо, 19 и будет егда ясте от хлебов земли (той), отложите участие во отделение Господу: начаток теста вашего, 20 хлеб отлучите участие оное: якоже участие от гумна, 21 тако отделите той хлеб, начаток теста вашего, и дадите Господу участие в роды ваша. 22 Егда же согрешите и не сотворите всех заповедей сих, ихже глагола Господь Моисею, 23 якоже повеле Господь Бог к вам рукою Моисеовою, от дне в онъже повеле Господь к вам, и потом в роды ваша, 24 и будет аще от очес сонма сотворится неволею, и да сотворит весь сонм телца единаго непорочна от волов во всесожжение, в воню благовония Господу, и жертву сего, и возлияние его по уставлению, и козла единаго от коз греха ради: 25 и да помолится жрец от всем сонме сынов Израилевых, и оставится им, яко нехотение есть: и сии принесоша дар свой, принесение Господу греха ради своего пред Господем, нехотений ради своих, 26 и оставится всему сонму сынов Израилевых и пришлецу прилежащему в вас, яко всем людем нехотенное. 27 Аще же душа едини не хотиши согрешит, да приведет козу едину единолетну греха ради: 28 и да помолится жрец о души нехотевшей

и согрешшей нехотением пред Господем, и да помолится о ней, и оставится ей. 29 Населнику (земли) сынов Израилевых и пришельцу прилежащему в них, закон един да будет им, иже аще сотворит не хотиши. 30 И душа яже сотворит рукою гордости от туземец или от пришельцев, Бога сия разгневает, и потребится душа та от людий своих: 31 яко слово Господне презре и заповеди Его разсыпа, сотрением да сотрется душа та: и грех ея на ней. 32 И бяху сынове Израилевы в пустыни, и обретоша мужа собирающа дрова в день субботный, 33 и приведоша его обретши собирающа дрова в день субботный к Моисею и Аарону и ко всему сонму сынов Израилевых, 34 и ввергша его в темницу: не совещаша бо, что сотворят ему. 35 И рече Господь к Моисею, глаголя: смертию да умрет человек сей, да побиете его камением весь сонм вне полка. 36 И изведоша его весь сонм вне полка, и побиша его камением весь сонм вне полка, якоже глагола Господь Моисею. 37 И рече Господь к Моисею, глаголя: 38 глаголи сыном Израилевым и речеши им: и да сотворят себе рясны на воскрилиих риз своих в роды своя: и возложите на рясны воскрилий прядение синее, 39 и будет вам на ряснах: и узрите их, и воспомяните вся заповеди Господни и сотворите я, и не развратитесь вслед мыслей своих и вслед очес ваших, имиже вы соблудисте вслед их: 40 яко да помяните и сотворите вся заповеди Моя, и будете святы Богу вашему: 41 Аз Господь Бог ваш, изведый вас из земли Египетския, быти вам Бог: Аз Господь Бог ваш.

16 И глагола Корей, сын Иссаара сына Каафа сына Левинна, и Дафан и Авирон, сынове Елиави, и Авнан сын Фалефа сына Рувимля: 2 и восташа на Моисея, и мужи сынов Израилевых двести и пятьдесят начальницы сонма, сигклитики совета и мужи именити. 3 Состошася на Моисея и Аарона и реша к ним: довлеет вам, яко весь сонм вси святы, и в них Господь: и чесо ради востаете на сонм Господнь? 4 И слышав Моисей, падеши. 5 И глагола к Корею и ко всему сонму его, глаголя: согляди и позна Господь сущих Его и святых, и приведе к Себе: и ихже не избра Себе, не приведе к себе: 6 сие сотворите: возмите себе сами кадилники, Корей и весь сонм его, 7 и вложите огнь в ня, и вложите в ня фимиам пред Господем утре: и будет муж, егоже аще изберет Господь, сей свят: да довлеют вам сынове Левинны. 8 И рече Моисей Корею: послушайте мене, сынове Левинни: 9 еда мало есть сие вам, яко отлучи вас Бог от сонма Израилева и приведе вас к Себе служити службы в скинии Господни и стояти пред сонмом Господним, еже

служити им? 10 И приведе тя и всю братию твою, сыны Левинны с тобою, и просите священствовати? 11 Тако ты и весь сонм твой собравшийся на Бога: и Аарон кто есть, яко ропщете на них? 12 И послал Моисей призвати Дафана и Авириона, сыны Елиавли. И решал: не идем: 13 еда мало се, яко извел еси ны из земли кипящая млеком и медом, еже погубити нас в пустыни, яко владеши нами? Князь еси: 14 и ты ли в землю кипящую медом и млеком ввел еси нас и дал еси нам часть села и винограда? Очи человек тех изткнул еси: не идем. 15 И отягча Моисей гневом зело и рече к Господу: не внемли на жертву их: ни единаго похотения от них приял, ниже озлобих кого от них. 16 И рече Моисей к Корею: освяти сонм твой, и будите готови пред Господом ты и Аарон и они заутра: 17 и возмите кийждо кадилник свой, и возложите на ня фимиам, и принесите пред Господа кийждо кадилник свой, двести и пятьдесят кадилников, и ты и Аарон кийждо кадилник свой. 18 И взяша кийждо свой кадилник, и возложиша на ня огнь, и вложиша в ня фимиам, и сташа пред дверми скинии свидения Моисей и Аарон. 19 И собра на ня Корей весь сонм свой пред дверми скинии свидения: и явися слава Господня всему сонму. 20 И рече Господь к Моисею и Аарону, глаголя: 21 отступите кийждо от среды сонма сего, и потреблю Я аби. 22 И падоста на лица своя и рекоста: Боже, Боже духов и всякия плоти: аще человек един согреши, на весь ли сонм гнев Господень? 23 И рече Господь к Моисею, глаголя: 24 рцы сонму, глаголя: отступите от сонма Кореева и Дафана и Авириона. 25 И воста Моисей, и иде к Дафану и Авириону: и идоша с ним все старцы Израилтестии. 26 И рече к сонму, глаголя: отступите от кущ человек жестокосердых сих, и не прикоснитесь ко всем, елика суть им, да не погибнете купно во всем грече их. 27 И отступиша от кущ Корея и Дафана и Авириона окрест: Дафан же и Авирион изыдоста и стаста пред дверми кущ своих, и жены их, и дети их и имение их. 28 И рече Моисей: в сем познаете, яко Господь послал мя сотворити вся дела сия, яко не от себе (аз творю сия): 29 аще смертию всех людей умрут сии, и аще по присещению всех человек посещение будет им, то не Господь послал мене: 30 но явно покажет Господь, и отверзши земля уста своя пожрет я и дома их, и кущи их и вся, елика суть их, и снидут живи во ад, и уведите, яко разгневавши человека сии Господа. (Sheol h7585) 31 Егда же преста глаголя вся слова сия, разседея земля под ногами их: 32 и разверзется земля, и пожрет я и дома их, и вся люди сущия с Кореем, и скоты

их: 33 и снидоша тии, и вся, елика суть их, живи во ад, и покры их земля, и погибша от среды сонма: (Sheol h7585) 34 и весь Израиль, и иже окрест их, отбегоша от вопля их, зане рекоша, глаголюще: да не пожрет нас земля. 35 И огнь изыде от Господа и пойде двести и пятьдесят мужей принесших фимиам. 36 И рече Господь к Моисею. 37 И ко Елеазару сыну Ааронову жерцу: соберите кадилники медяныя от среды изгоревших, и огнь чуждий сей разсыпите тамо, яко освятиша кадилницы грешных сих в душах их: 38 и сотворите я дщицы кованы, обложение у олтаря, яко принесоша пред Господа и освятиша, и быша в знамение сыном Израилевым. 39 И взя Елеазар сын Аарона жерца кадилники медяныя, елики принесоша изгоревши, и обложиша я во обложение олтаря, 40 в память сыном Израилевым яко да никто же приидет иноплеменник, иже несть от семене Аарона, еже возложити фимиам пред Господем, и да не будет, яко же Корей и советницы его, яко же глагола ему Господь рукою Моисеовою. 41 И возропташа сынове Израилтестии на утрие на Моисея и Аарона, глаголюще: вы избисте люди Господни. 42 И бысть егда нападе сонм на Моисея и Аарона, и устремиша к скинии свидения: 43 и покры оную облак, и явися слава Господня: и вниде Моисей и Аарон пред скинию свидения. 44 И рече Господь к Моисею и Аарону, глаголя: 45 уступите от среды сонма сего и потреблю я единицею. И падоста на лица своя. 46 И рече Моисей ко Аарону: возми кадилник, и вложи в него огнь от олтаря, и возложи на них фимиам, и понеси скоро в полк, и помолися о них: изыде бо гнев от лица Господня, и нача губити люди. 47 И взя Аарон, яко же глагола ему Моисей, и тече в сонм, уже бо начася пагуба в людех: и возложи фимиам, и помолися о людех: 48 и ста между мертвыми и живыми, и преста пагуба. 49 И бысть умерших в пагубе четыренадесять тысяч и седмь сот кроме умерших Корея ради. 50 И возвратился Аарон к Моисею, к дверем скинии свидения, и преста пагуба.

17 И рече Господь к Моисею, глаголя: 2 глаголи сыном Израилевым, и возми от них но единому жезлу, жезл от всех князей их, по домом отечества их, двадцать жезлов, имя же коегождо напиши на жезле его, 3 и имя Аароне напиши на жезле Левинне: есть бо жезл един: по племени дому отечества своих да дадят: 4 и да положиши их в скинии свидения, прямо свидению, в них же явлюся тебе ту: 5 и будет человек, егоже аще изберу, жезл его прозябнет: и отиму от мене роптание сынов Израилевых, елика сии ропщут на вы. 6 И глагола

Моисей сыном Израилевым: и даша ему вси князи их по жезлу, князя единаго жезл, по княжению, по домом отечеств их, дванадесять жезлов: и жезл Аарон посреде жезлов их. 7 И положи Моисей жезлы пред Господем в скинии свидения. 8 И бысть на утрье, и вниде Моисей и Аарон в скинию свидения: и се, прозябе жезл Ааронъ в дому Левинне, и израсти ветвь, и процветоша цвети, и израсти орехи: 9 и изнесе Моисей вся жезлы от лица Господня ко всем сыном Израилевым: и видеша, и взя кийждо жезл свой. 10 И рече Господъ к Моисею: отложи жезл Ааронъ пред свидением в сохранение, в знамение сынов ослушивых: и да престанет роптанье их от Мене, и не измрут. 11 И сотвори Моисей и Аарон, якоже повеле Господъ Моисею, тако сотвориша. 12 И рекоша сынове Израилевы к Моисею, глаголюще: се, потребихомся, погибом, исчезохом: 13 всяк прикасаяйся ко скинии свидения Господня умирает: даже до конца ли умирающе погибнем?

18 И рече Господъ ко Аарону, глаголя: ты и сынове твои, и дом отца твоего с тобою, возмите грехи святых, ты же и сынове твои возмите грехи жречества вашего: 2 и братию твою, племя Левинно, сонм отца твоего приведи к себе, и да приложатся к тебе, и да служат тебе, и ты и сынове твои с тобою пред скининою свидения, 3 и да блoudут стражбы твоя и стражбы скинии: токмо к сосудом святым и ко олтарю да не приступают, да не измрут и сии, и вы: 4 и приложатся к тебе и да блoudут стражбы скинии свидения по всем службам скинии, и иноплеменник да не приступит к тебе, 5 и соблюдете стражбы святых и стражбы олтаря, и не будет ктому гнева на сынах Израилевых: 6 и Аз взях братию вашу левиты от среды сынов Израилевых в дар данный Господу служити службы скинии свидения. 7 И ты и сынове твои с тобою сохраните жречество ваше по всему образу олтаря, и еже внутрь завесы, и да служите службы в дар жречества вашего: и иноплеменник приступаяй умрет. 8 И рече Господъ ко Аарону: и се, Аз дах вам снабдение начатков моих от всех освященных Мне от сынов Израилевых: тебе дах я в честь, и сыном твоим по тебе законно вечно: 9 и сие да будет вам от освященных святых приношений, от всех даров их и от всех жертв их, и от всякаго преступления их и от всех грех их, елика отдают Мне, от всех святынь, тебе да будут и сыном твоим. 10 Во свяtem святых ядите я: всяк мужеский пол да яст я, ты и сынове твои: свята будут тебе. 11 И сие да будет вам от начатков даяний их, от всех возложений

сынов Израилевых: тебе дах я, и сыном твоим и дщерем твоим с тобою, законно вечно: всяк чистый в дому твоем да яст я. 12 Всяк начаток елеа, и всяк начаток вина и пшеницы, начаток их, елика аще отдадят Господу, тебе дах я: первородная вся елика в земли их, елика аще принесут Господу, тебе да будут: 13 всяк чистый в дому твоем да яст я. 14 Всяко освященное в сынах Израилевых тебе да будет, 15 и всякое разверзающее всяка ложесна от всякия плоти, елика приносят Господу, от человека до скота, тебе да будут: но токмо искуплением искупятся первенцы человечестии, и первенцы скотов нечистых да искупятся: 16 и искуп его от единаго месяца, сценение пять сикль, по сиклю святыму: двадесять медниц есть: 17 обаче первородная телцев и первородная овец и первородная коз да не искупятся: свята суть: и кровь их пролиши у олтаря, и тук принесши принос в воню благовония Господу. 18 И мяса тебе да будут, якоже и груди возложения: и по раму десному тебе да будут. 19 Всяко участие святых, елика аще отлучат сынове Израилтстии Господу, тебе дах и сыном твоим и дщерем твоим с тобою, законно вечно: завет соли вечныя есть пред Господем, тебе и семени твоему по тебе. 20 И рече Господъ ко Аарону: в земли их да не наследиши наследия, и части да не будет тебе в них: яко Аз часть твоя и наследие твое посреде сынов Израилевых. 21 И сыном Левинным, се, дах всю десятину во Израили в жребий за службы их, елико служат тии служение в скинии свидения: 22 и да не приступают по сем сынове Израилтстии к скинии свидения прияти грех смертоносный: 23 и да служат левити сами службу скинии свидения, и тии возмут грехи их: законно вечно в роды их: и посреде сынов Израилевых да не наследят наследия: 24 яко десятины сынов Израилевых, елики аще отлучат Господу, участие дах левитом в жребий: сего ради рекох им: среди сынов Израилевых да не наследят жребия. 25 И рече Господъ к Моисею, глаголя: 26 и левитом да глаголеши и речеши к ним: аще возмуте десятину от сынов Израилевых, юже дах вам от них во жребий, и отделите вы от нея участие Господу, десятину от десятины ея, 27 и вменяйтесь вам участия ваша яко пшеница от гумна и яко участие от тоцила: 28 тако отделите их и вы от всех участий Господних, от всех десятин ваших, елики аще возмуте от сынов Израилевых, и дадите от них участие Господу, Аарону жерцу: 29 от всех даяний ваших отделите участие Господу, или от всех начатков освященное от него, 30 и речеши к ним: егда отделите начаток от него, и вменится левитом аки жито

от гумна и яко участие от точила: 31 и ядите то во всяком месте вы и сынове ваши и домове ваши, яко мзда сия вам есть за службы вашя, яже в скинии свидения: 32 и не примите за сие греха, яко аще отлучите начаток от него: и святынь сынов Израилевых не оскверните, да не умрете.

19 И рече Господь к Моисею и Аарону, глаголя: 2 се, расположение закона, елика заповеда Господь, глаголя: глаголи сыном Израилевым, и да приведут к тебе юницу рыжу непорочну, яже не имать на себе порока, и на нюже не бе возложено иго: 3 и даси ю ко Елеазару жерцу: и да изведут ю вне полка на место чисто, и да заколют ю пред ним: 4 и да возмет Елеазар от крове ея и да покропит спреди скинии свидения от крове ея седмижды: 5 и да сожгут ю пред ним, и кожу ея и мяса ея и кровь ея с мотылы ея да сожгут: 6 и да возмет жрец древо кедрово, и иссоп, и соскание червленое, и да вложат в средину сожжения юницы: 7 и да измыет ризы своя жрец и да омыет тело свое водою, и потом да внидет в полк, и нечист будет жрец до вечера: 8 и иже сожигает ю, да исперет ризы своя и да омыет тело свое водою, и нечист будет до вечера: 9 и да соберет чистый человек пепел юницы и да изнесет вне полка на место чисто, и да будет сонму сынов Израилевых в сохранение: вода окропления очищение есть: 10 и сибирай пепел юницы да исперет ризы своя, и нечист будет до вечера: и да будет сыном Израилевым и пришелцем прилежащым посреде вас законно вечно. 11 Прикасаяйся мертвому всякия души человечи нечист будет седьмь дній: 12 сей да очистится (сею водою) в день третий и в день седьмой, и чист будет: аще же не очистится ю в день третий и в день седьмой, нечист будет. 13 Всяк прикасаяйся мертвому от всякия души человечи, аще умрет, и не очистится, скинию Господню оскверни: потребится душа та от Израиля, яко вода окропления не воскропися нань, нечист есть, еще нечистота его на нем есть. 14 И сей закон: человек аще умрет в дому, всяк входяй в дом, и елика суть в дому, нечиста будут седьмь дній. 15 И всяк сосуд непокровен, и елики обвязанием не обвязаны, нечисти суть. 16 И всяк иже аще прикоснется на поли язвенному, или мертвому, или кости человечи, или гробу, седьмь дній нечист будет: 17 и да возмут нечистому от пепела сожженного очищения, и да возлиют нань воду живу в сосуд: 18 и да возмет иссоп и омоит в воду муж чист, и да воскропит на дом и на сосуды и на души, елики суть тамо, и на коснувшася кости человечей,

или язвенному, или мертвенине, или гробу: 19 и да воскропит чистый на нечистаго в день третий и в день седьмой, и очистится седмаго дне: и да исперет ризы своя и да омыет тело свое водою, и нечист будет до вечера. 20 И человек, иже аще осквернится, и не очистит себе, потребится душа та от среды сонма, яко святая Господня осквернави, яко вода окропления не воскропися Нань, нечист есть. 21 И да будет вам законно вечно, и окропляй водою окропления да исперет ризы своя, и прикасаяя воде окропления нечист будет до вечера. 22 И всякое, ему же прикоснется нечистый, нечисто будет: и душа прикасающаяся нечиста будет до вечера.

20 И придоша сынове Израилтестии, весь сонм, в пустыню Син, в месяц первый, и пребываху людие в Кадисе: и скончася ту Мариам, и погребеся тамо. 2 И не бяше воды сонму: и сбирахася на Моисея и Аарона, з и ропташа людие на Моисея, глаголюще: о, дабы умерли быхом в погибели братии нашея пред Господем: 4 и вскую введосте сонм Господнь в пустыню сию, погубити ны и скоты наши? 5 И вскую сие? Изведосте ны из Египта, еже приити (нам) на место злое сие, место, в немже не сеется, ни смокви, ни винограды, ниже яблоки, ниже вода есть пити. 6 И прииде Моисей и Аарон от лица сонма пред двери скинии свидения, и падоста ниц: и явися слава Господня над ними. 7 И рече Господь к Моисею, глаголя: 8 возми жезл твой и созови сонмы и Аарон, брат твой, и рцыте ко каменю пред ними, и даст воды своя: и изведете им воды из камене, и напойте сонм и скоты их. 9 И взя Моисей жезл иже пред Господем, якоже повеле Господь. 10 И созва Моисей и Аарон сонм пред камень, и рече к ним: послушайте мене, непокориви: еда из камене сего изведем вам воду? 11 И воздвиг Моисей руку свою, удари в камень жезлом дважды: и изыде вода многа, и напися сонм (весь) и скоты их. 12 И рече Господь к Моисею и Аарону: понеже не веровасте освятити мя пред сынми Израилтескими, сего ради не введете вы сонма сего в землю, юже дах им: 13 сия вода Пререкания, яко возропташа сынове Израилтестии пред Господем, и освятися в них. 14 И посла Моисей послы от Кадиса к Царю Едомскому, глаголя: тако глаголет брат твой Израиль: ты веси весь труд обретши нас: 15 и снidoша отцы наши в Египет, и жихом во Египте дни многи, и озлобиша нас Египтяне и отцев наших: 16 и возопихом ко Господу, и услыша Господь глас наш, и послав Ангела, изведе ны из Египта: и ныне есмы в Кадисе граде, на конце предел твоих: 17

да прейдем сквозе землю твою: не пройдем сквозе села, ни сквозе винограды, ни пием воды в потоцах твоих: путем царским пойдем, не сорватимся ни на десно, ни на лево, дондеже прейдем пределы твоя. 18 И рече к ним Едом: не пройдеш сквозе мене: аще же ни, ратию изыду противу тебе. 19 И рекоша к нему сынове Израилевы: под горою пройдем: аще же от воды твоей испием аз и скоты мои, дам цену тебе: но вещь сия ничтоже есть, под горою да пройдем. 20 Он же рече: не пройдеш сквозе мене. И изыде противу им Едом с народом тяжким и рукою крепкою. 21 И не восхоте Едом дати Израилю пройти сквозе пределы своя, и уклонися Израиль от него. 22 И воздвигоша от Кадиса, и прииодоша сынове Израилестии, весь сонм, в гору Ор. 23 И рече Господь к Моисею и Аарону в горе Ор у предел земли Едомли, глаголя: 24 да приложится Аарон к людем своим, яко не внидете в землю, юже дах сыном Израилевым в наследие, понеже преогорчисте Мя у воды Пререкания: 25 возми Аарона брата твоего и Елеазара сына его, и возведи я на Ор гору пред всем сонмом: 26 и совлецы Аарону ризы его и облещи Елеазара сына его, и Аарон приложився да умрет тамо. 27 И сотвори Моисей, якоже повеле ему Господь: и возведе я на Ор гору пред всем сонмом, 28 и совлече Аарона с риз его, и облече в ня Елеазара сына его: 29 и умре Аарон тамо на версе горы: и сниде Моисей и Елеазар с горы. И виде весь сонм, яко умре Аарон: и плакашася по Аароне тридесять дній весь дом Израилев.

21 И услыша Хананей царь Арадский живый при пустыни, яко прииде Израиль путем Афаримским, и ратова противу Израиля, и взя от них плен. 2 И обещася Израиль обетом Господу и рече: аще мне предаси люди сия подручны, погублю их и грады их. 3 И услыша Господь глас Израилев и предаде Хананеа подручна ему: и опустоши его и грады его, и прозва има mestу тому Запустение. 4 И воздвигшеся от Ора горы путем иже к морю Чернному, обыдоша землю Едомлю: и малодушествоваша людие на пути, 5 и роптаху людие на Бога и на Моисея, глаголюще: вскую извел еси ны из Египта убить нас в пустыни, яко несть хлеба, ни воды? И душа наша негодует о хлебе сем тщем. 6 И послы Господь на люди змиев умерщвляющих, и угрязаху людей: и умроша люди мнози от сынов Израилевых. 7 И пришедше людие к Моисею глаголаша: согрехихом, яко роптахом на Господа и на тя: помолися убо ко Господу, да отженет от нас змии. И помолися Моисей ко Господу о людех. 8 И рече Господь к Моисею: сотвори

себе змию (медяну) и положи ю на знамя: и будет аще угрывает змия человека, всяк угрязенный видев ю жив будет. 9 И сотвори Моисей змию медяну и постави ю на знамени: и бысть егда угрязаше змия человека, и взираше на змию медяну, и оживаше. 10 И воздвигоша сынове Израилевы, и ополчиша во Овофе: 11 и воздвигшеся от Овофа, ополчиша во Ахалге об ону страну пустыни, яже есть пред лицем Моавитским, на восток солнца: 12 и оттуду воздвигоша, и ополчиша в дебри Заред: 13 и оттуду воздвигшеся, ополчиша об ону страну Арнона в пустыни, яже исходит от предел Аморрейских: есть бо Арнон предел Моавль между Моавом и между Аморреем. 14 Сего ради глаголется в книзе брань Господня: Заову попали, и потоки Арнони, 15 и потоки устрои в селение Ир, и прилежит пределом Моавлим. 16 И оттуду (воздвигоша) ко Кладязю: сей есть кладязь, о немже рече Господь к Моисею: собери люди, и дам им воду пити. 17 Тогда воспе Израиль песнь сию у кладязя: начинайте ему: 18 кладязь, ископаша его князи, изсекоша его царие язычестии во царствии их, внегда обладати ими. И от кладязя (воздвигоша) в Манфанаил: 19 и от Манфанаила в Наадиил, и от Наадиила в Вамофф: 20 и от Вамофа в Напин, иже есть на поли Моавли, от верха Изсеченаго, зрящаго пред лице пустыни. 21 И послы Моисей послы к Сиону царю Аморрейску, словесы мирными глаголя: 22 да пройдем сквозе землю твою, путем пойдем: не уклонимся ни на села, ни на винограды, не испием воды от кладязь твоих: путем царским пойдем, дондеже пройдем пределы твоя. 23 И не даде Сион Израилю пройти сквозе пределы своя: и собра Сион вся люди своя, и изыде ополчиться на Израиля в пустыню: и прииде во Иассан, и ополчился на Израиля. 24 И порази его Израиль убийством меча, и обладаше землею его от Арнона до Иавока, даже до сынов Амманех: яко Иазир пределы сынов Амманех суть. 25 И взя Израиль вся грады сия: и вселися Израиль во всех градех Аморрейских, во Есевоне и во всех подлежащих ему: 26 есть бо Есевон град Сиона царя Аморрейска: и сей повоева царя Моавля прежде и взя всю землю его от Ароира даже до Арнона. 27 Сего ради рекут приточницы: приидите во Есевон, да соградится и созиждется град Сион: 28 яко огнь изыде от Есевона и пламень от града Сиона, и пойде даже до Моава, и пожре столпы Арнонския: 29 горе тебе, Моаве, погибосте, людие Хамосовы: проданы быша сынове их в заключение и дщери их пленницы царю Аморрейскому Сиону: 30 и семя их погибнет, Есевон даже до Девона: и жены их еще

разожгла огнь на Моава. 31 Вселился же Израиль во вся грады Аморрейски: 32 и послал Моисей соглядати Иззира: и взяша его и села его, и изгнаша Аморреа живущаго тамо: 33 и возвратившеся, придоша путем в Васан. И изыде Ог, царь Васанский, противу им и вси люди его на брань во Едрани. 34 И рече Господь к Моисею: не убойся его, яко в руце твои предах его и вся люди его и всю землю его: и сотвориши ему, якоже сотворил еси Сиону царю Аморрейску, иже живяше во Есевоне. 35 И порази его и сыны его и вся люди его, даже не оста в них живый: и наследиша землю его.

22 И воздвигшеся сынове Израилтесии, ополчишася на запады Моава у Иордана ко Иерихону. 2 И видев Валак сын Сепфоров вся, елика сотвори Израиль Аморрею, 3 и убоимся Моав людей зело, яко мнози бяху, и оскорбе Моав от лица сынов Израилевых, 4 и рече Моав старейшинам Мадиамлим: ныне потребит сонмей всех, иже окрест нас, якоже потребляет телец злак на поли. И Валак, сын Сепфоров, бяше царь Моавль в то время, 5 и послал послы к Валааму, сыну Веорову, во Фафуру яже есть у реки земли сынов людей его, призвати его, глаголя: се, люди изыдоша из Египта, и се, покрыша лице земли, и сии седят при одержании моем: 6 и ныне приди, проклени мне люди сия, понеже крепльши суть паче нас, аше возможем сих избити, и изжену их из земли: яко вем, ихже аще благословиши ты, благословени суть, и ихже аще прокленеши ты, прокляти. 7 И идоша старейшины Моавли и старейшины Мадиамли, и волхвования в руках их: и придоша к Валааму и глаголаша ему словеса Валакова. 8 И рече к ним: препочирайте зде нощь (сию), и отвещаю вам деяния, яже аще возлаголет Господь ко мне. И пребыша князь Моавли у Валаама. 9 И прииде Бог к Валааму и рече ему: что человеки сии у тебе? 10 И рече Валаам к Богу: Валак сын Сепфоров, царь Моавль, послал их ко мне, глаголя: 11 се, люди изыдоша из Египта и покрыша лице земли, и сии седят при одержании моем: и ныне приди, проклени ми их, негли возможу избити их и изгнati я от земли. 12 И рече Бог к Валааму: да не идеш с ними, ниже да кленеши людей: суть бо благословени. 13 И востав Валаам заутра, рече князь Валаковы: возвратитесь к господину своему: не попущает ми Бог ити с вами. 14 И воставше князь Моавли придоша к Валаку и рекоша ему: не хощет Валаам прийти с нами. 15 И приложи Валак еще послати князь множайши и честнейши сих. 16 И придоша к Валааму и глаголаша ему: сия глаголет

Валак, сын Сепфоров: молю тя, не обленися прийти ко мне: 17 честне бо тя почту, и вся, елика аще речеши ми, сотворю тебе: и приди, и проклени ми люди сия. 18 И отвеща Валаам и рече князь Валаковы: аще ми даст Валак полну храмину свою злата и сребра, не могу преступити слова Господа Бога, еже сотворити то мало или велико в разуме моем: 19 и ныне потерпите зде и вы нощь сию, и увем, что приложит Господь глаголати ко мне. 20 И прииде Бог к Валааму нощю и рече ему: аще звати тя придоша человеки сии, востав иди вслед их, но слово, еже аще реку тебе, то да сотвориши. 21 И востав Валаам заутра, оседла осля свое и иде со князи Моавли. 22 И разгневався яростю Бог, яко иде сей: и воста Ангел Божий препятни ему на пути. Сей же седяше на осляти своем и два раба его с ним. 23 И узрев осел Ангела Божия супротив стояща на пути, и мечь извлечен в руце его, и сорвавшися осел с пути и идяше на поле: и бияше (Валаам) осля жезлом своим, еже направити е на путь: 24 и ста Ангел Божий на браздах виноградных: ограждение отсюду, и ограждение отюнуду: 25 и узрев осел Ангела Божия, приложися ко ограде и прижмем ногу Валааму ко ограде, и приложи еще бити его: 26 и приложи Ангел Божий, и шед свята в месте узком, в немже не бяше уклонитися ни на десно, ни на лево: 27 и видя осля Ангела Божия, паде под Валаамом: и разгневався Валаам, и бияше осля жезлом. 28 И отверзе Бог уста осляти, и рече Валааму: что сотворих тебе, яко се, в третие биеш мя? 29 И рече Валаам осляти: яко поругалося ми еси: и аще бых мечь имел в руку мою, пробол бых тя. 30 И рече осля Валааму: не аз ли ослица твоя, на нейже ты ездиши от юности своея до днешняго дне? Еда презорством презревши сотворих тебе сие? Он же рече: ни. 31 Отверзе же Бог очи Валааму, и узре Ангела Божия противостояща на пути, и мечь извлечен в руце его: и приклонився поклонися ему лицем своим. 32 И рече ему Ангел Божий: почто биеш осля твое сие в третие? И се, Аз придох на препятие твое, яко неприятен путь твой предо Мною: и видя мя ослица, сорвавшися от Мене се третие: 33 и аще бы не уклонилася от Мене, ныне тя убо убил бых, сию же сохранил бых. 34 И рече Валаам ко Ангелу Господню: согреших, не ведех бо, яко Ты мне противостоял еси на пути: и ныне аще Тебе не угодно, возвращуся. 35 И рече Ангел Божий к Валааму: иди ты с человеками: обаче слово, еже аще реку тебе, сие сохрани глаголати. И иде Валаам со князи Валаковы. 36 И услышав Валак, яко приходит Валаам, изыде во сретение ему во град Моавль, иже есть в

пределех Арноних, иже есть на краи пределов. 37 И рече Валак к Валааму: не послах ли к тебе звати тя? Почто не пришел еси ко мне? Или не возмогу почтити тебе? 38 И рече Валаам к Валаку: се, приходу к тебе ныне: мощен ли буду глаголати что? Слово, еже аще вложить Бог во уста моя, сие реку. 39 И идет Валаам с Валаком, и внидоша во Грады Селныя. 40 И закля Валак телцы и овцы, и послал Валааму и князем иже с ним. 41 И бысть заутра, и взяв Валак Валаама, возведе его на столп Ваалов, и показа ему оттуду часть некую людей.

23 И рече Валаам к Валаку: созижди мне зде седмь требиц, и уготовай мне зде седмь телцев и седмь овнов. 2 И сотвори Валак, якоже рече ему Валаам: и вознесе телца и овна на требище. 3 И рече Валаам к Валаку: стани у требы своея, и пойду, аще явится мне Бог в сретение, и слово, еже мне укажет, повем тебе. И ста Валак у требы своея. 4 И Валаам иде вопросити Бога, и иде прямо: и явися Бог Валааму. И рече к нему Валаам: седмь требиц изготових и возложих телца и овна на требище. 5 И вложи Бог слово во уста Валааму и рече: возвратився к Валаку тако глаголи. 6 И возвратися к нему: он же стояше у всесожжений своих, и вси князи Моавли с ним: и бысть Дух Божий на нем. 7 И восприим притчу свою рече: от Месопотамии приведе мя Валак царь Моавль, от гор восточных, глаголя: гряди, проклени ми Иакова, и гряди, проклени ми Израиля: 8 что проклену, егоже не кленет Господь? Или что зло реку, егоже не злословит Бог? 9 Яко от верха гор узрю его и от холм проуразумею его: се, люди едини населятся и со языки не вменятся: 10 кто изследит семя Иаковле? И кто изочтет сонмы Израиля? Да умрет душа моя в душах праведных, и буди семя мое, якоже семя их. 11 И рече Валак к Валааму: что сотворил еси ми? На проклятие враг моих призвах тя, и се, благословил еси (я) благословением. 12 И рече Валаам к Валаку: не елика ли вложит Бог во уста моя, сие сохраню глаголати? 13 И рече к нему Валак: пойди еще со мною на место ино, с негоже не узриши их оттуду, но разве часть некую их узриши, всех же не узриши, и проклени ми их оттуду. 14 И пой его на стражу села, на верх Истесанаго, и созда тамо седмь требиц, и возложи телца и овна на требище. 15 И рече Валаам к Валаку: стани у требы своея, аз же пойду вопросити Бога. 16 И срете Бог Валаама, и вложи слово во уста ему и рече: возвратися к Валаку, и речеш сия. 17 И возвратися к нему: он же стояше у всесожжений своих, и вси князи Моавли с ним. И рече ему Валак: что глагола Господь?

18 И восприим притчу свою, рече: востани, Валак, и послушай, внуши свидетель, сыне Сепфоров: 19 не яко человек Бог колеблется, ниже яко сын человеческий изменяется: Той глаголаше, не сотворит ли? Речет, и не пребудет ли? 20 Се, благословляти приведен есмь: благословлю, и не отвращу: 21 не будет труда во Иакове, ниже узрится болезнь во Израилю: Господь Бог его с ним, слава царская на нем: 22 Бог изведый его из Египта, якоже слава единорога в нем: 23 несть бо вражбы во Иакове, ниже волхвования во Израилю: во время наречется Иакову и Израилю, что совершил Бог: 24 се, люди яко львичища востанут, и яко лев вознесется: не уснет, дондеже снет лов и кровь посеченых испиет. 25 И рече Валак к Валааму: ни клятвами мне клени их, ниже благословением благослови их. 26 И отвещав Валаам, рече к Валаку: не рех ли ты, глаголя: слово, еже аще возглаголет Бог, сие сотворю? 27 И рече Валак к Валааму: гряди, пойму тя на место ино, аще угодно будет Богу, и проклени ми их оттуду. 28 И пой Валак Валаама на верх Фогора, простирающа в пустыню. 29 И рече Валаам к Валаку: созижди мне зде седмь требиц, и уготовай мне зде седмь телцев и седмь овнов. 30 И сотвори Валак, якоже рече ему Валаам: и вознесе телца и овна на требище.

24 И видев Валаам, яко добро есть пред Господем благословляти Израиля, не иде по обычаю своему в сретение волхвованием, и возврати лицо свое в пустыню. 2 И возвед Валаам очи свои, узре Израиля ополчившася по племеном: и бысть Дух Божий на нем. 3 И восприим притчу свою рече: глаголет Валаам, сын Веоров, глаголет человек истинно зряй, 4 глаголет слушая слова Крепкаго, иже видение Божие виде во сне: отверсты очи его: 5 коль добри доми твои, Иакове, и кущы твоя, Израилю: 6 яко дубравы осеняющия и яко садие при реках, и яко кущы, яже водрузи Господь, и яко кедри при водах: 7 изыдет человек от семене его, и обладает языки многими: и возвысится паче Гога царство его, и возрастет царство его: 8 Бог изведе его из Египта, якоже слава единорога ему: поист языки враг своих и толщи их измождит, и стрелами своими устрелит врага: 9 возлег почи яко лев и яко скимен: кто возбудит его? Благословящии тя благословени, и проклинающии тя прокляти. 10 И разгневався Валак на Валаама, и плесну руками своими, и рече Валак к Валааму: кляти тя врага моего призвах, и се, благословил еси их в третие: 11 ныне убо бежи на место свое: рекох, почту тя: и ныне лиши тя

Господь славы. 12 И рече Валаам к Валаку: и послом твоим, ихже послал еси ко мне, не рекох ли, глаголя: 13 аще ми даст Валак храмину свою полну сребра и злата, не могу преступити слова Божия, еже сотворити е зло или добро от мене самаго: елика аще речет ми Бог, сия возглаголю? 14 И ныне, се, иду до места своего: гряди, присоветую тебе, что сотворят людие сии людем твоим, в последняя дни. 15 И восприим притчу свою рече: глаголет Валаам сын Веоров, глаголет человек истинно зряй, 16 слышай словеса Божия, умение Вышняго и видение Божие видевый во сне: отверсты очи его: 17 покажу ему, и не ныне: ублажаю, и не приближается: возсияет звезда от Иакова, и востанет человек от Израиля и погубит князи Моавитския, и пленит вся сыны Сифовы: 18 и будет Едом наследие, и будет наследие Исаа враг его, и Израиль сотвори крепость: 19 и востанет от Иакова, и погубит спасаемаго от града. 20 И видев Амалика и восприим притчу свою, рече: начало языков Амалик, и семя их погибнет. 21 И видев Кенеона и восприим притчу свою, рече: сильно селение твое: и аще положиши на камени гнездо твое, 22 и аще будет Веору гнездо коварства, Ассириане пленят тя. 23 И видев Ога и восприим притчу свою, рече: горе, горе, кто жив будет, егда положит Бог сия? 24 И изыдут из рук Китиейских, и озлобят Ассура, и озлобят Евреев, и сами вкупе погибнут. 25 И востав Валаам отиде, возвратився на место свое: и Валак отиде к себе.

25 И живяше Израиль в Саттиме, и осквернишася людие блуждением со дщерми Моавли: 2 и призываша я в требы кумир своих, и ядоша людие требы их и поклонишася кумиром их: 3 и причастися Израиль Веельфегору, и разгневався яростию Господь на Израиля. 4 И рече Господь к Моисею: поими вся князи людския, и обличи я Господу прямо солнцу, и отвратится гнев ярости Господни от Израиля. 5 И рече Моисей к племенем Израилским: избийте кийждо ужика своего служившаго Веельфегору. 6 И се, человек от сынов Израилевых пришед приведе брата своего к Мадианитыне пред Моисеем и пред всем сонмом Израилевым: сии же плакахуся пред дверми скинии свидения. 7 И видев Финеес, сын Елеазара сына Аарона жерца, воста из среды сонма, и взем сулицу в руку, 8 вниде вслед человека Израилтянина в блудилище, и прободе обоих, и человека Израилтянина, и жену сквозе ложесна ея: и преста вред от сынов Израилевых. 9 И быша умерши язою двадесять четыри тысящи. 10 И рече Господь

к Моисею, глаголя: 11 Финеес сын Елеазара сына Аарона жерца утоли гнев Мой от сынов Израилевых, егда возвреноша ревность Моя в них, и не потребих сынов Израилевых в ревности Моей: 12 тако рцы: се, Аз даю ему заветзает Мой мирный, 13 и будет ему и семени его по нем завет жречества вечный, понеже возвреноша по Бозе своем и умилостиши о сынах Израилевых. 14 Имя же человеку Израилтянину, егоже уби с Мадианитыне, Замврий сын Салмонъ, князь дому отечества сынов Симеоних: 15 и имя жене Мадианитыне прободеной Хазви, дщи Сура, князя рода Соммофова, дому отечества есть Мадиамля. 16 И рече Господь к Моисею, глаголя: рцы сыном Израилевым, глаголя: 17 враждуйте Мадианитом и бийте я: 18 зане враждуют вам сии лестию, елико прельщают вас Фогором и Хазвиею дщерию князя Мадиамля, сестрою своею прободеною, в день язвы Фогора ради.

26 И бысть но язве, и рече Господь к Моисею и Елеазару жерцу, глаголя: 2 возми начало всего сонма сынов Израилевых от двадесяти лет и выше, но дном отечеств их, всяк исходяй вооружитися во Израили. 3 И глагола Моисей и Елеазар жрец к ним во Аравофе Моавли при Иордане у Иерихона, глаголя: 4 от двадесяти лет и выше, якоже заповеда Господь Моисею: и сынове Израилтстии изшедши из Египта: 5 Рувим первенец Израилев. Сынове же Рувимли: Енох и сонм Енохов, Фаллу сонм Фаллов, 6 Асрону сонм Асронов, Харму сонм Хармин. 7 Сии сонми Рувимли: и бысть соглядание их четыредесять три тысящи и шесть сот и тридесять. 8 И сынове Фалловы Елиав. 9 И сынове Елиавли Намуил и Дафан и Авирон: сии нарочитии сонму: сии суть воставше на Моисея и Аарона в сонме Кореове в крамоле на Господа: 10 и отверзши земля уста своя пожре их и Кореа в смерти сонма его, егда пойде огнь двести и пятьдесят, и быша в знамение. 11 Сынове же Кореовы не измроша. 12 И сынове Симеони, сонм сынов Симеоних: Намуилу сонм Намуилов, Иамину сонм Иаминов, Иахину сонм Иахинов, 13 Заре сонм Зарин, Саулу сонм Саулов. 14 Сии сонми Симеони от соглядания их двадесять две тысящи и двести. 15 Сынове же Иудины Ир и Авнан и Силом, и Фарес и Зара: и умре Ир и Авнан в земли Ханаани. 16 И быша сынове Иудины по сонмом своим: Силому сонм Силомль, Фаресу сонм Фаресов, Заре сонм Зарин. 17 И быша сынове Фаресовы: Асрону сонм Асронов, Иамуилу сонм Иамуилов. 18 Сии сонми Иудины по согляданию

их седьмьдесят шесть тысяч и пять сот. 19 И сынове Иссахаровы по сонном своим: Фоле сонм Фолин Фуеви сонм Фунин, 20 Иасуву сонм Иасувин, Амвраму сонм Амврамль. 21 Сии сонми Иссахаровы но согляданию их шестьдесят и четыри тысящи и четыреста. 22 Сынове Завулони по сонном своим: Сареду сонм Саредин, Аллону сонм Аллонин, Аллилу сонм Аллилин. 23 Сии сонми Завулони по согляданию их шестьдесят тысящ и пять сот. 24 Сынове Гадовы по сонном их: Сафону сонм Сафонин, Аггину сонм Аггинов, Сунину сонм Сунинов, 25 Азену сонм Азенин, Адду сонм Аддин, 26 Ароаду сонм Ароадин, Ариилу сонм Арииль. 27 Сии сонми сынов Гадовых но согляданию их четыредесять и четыри тысящи и пять сот. 28 Сынове Асировы по сонном их: Иамину сонм Иаминов, Иесую сонм Иесуинъ, 29 Варяю сонм Варяинъ, Ховеру сонм Ховерин, Мелхиилу сонм Мелхиилин, 30 имя же дщери Асирове Сара, 31 сии сонми Асировы но согляданию их четыредесять три тысящи и четыреста. 32 Сынове Иосифли по сонном их: Манассия и Ефрем. 33 Сынове Манассиины: Махири сонм Махири: и Махир роди Галаада, Галааду сонм Галаадин. 34 И сии сынове Галаадины: Ахиезеру сонм Ахиезеров, Хелеку сонм Хелеков, 35 Есриилу сонм Есрилов, Сихему сонм Сихемль, 36 Симаеру сонм Симаерин, и Оферу сонм Оферов. 37 И Салпааду сыну Оферову не быша ему сынове, но токмо дщери. И сия имена дщерем Салпаадовым: Маала и Нуя, и Егла и Мелха и Ферса. 38 Сии сонми Манассиины по согляданию их пятьдесят и две тысящи и седьмь сот. 39 И сии сынове Ефремли: Суфалу сонм Суфалин, Танаху сонм Танахин. 40 Сии сынове Суфаловы: Едену сонм Еденин. 41 Сии сонми Ефремли по согляданию их тридесять две тысящи и пять сот. Сии сонми сынов Иосифовых по сонном их. 42 Сынове Вениамины по сонном их: Валу сонм Валин, Асивиру сонм Асивиров, Иахирану сонм Иахиранин, Софану сонм Софанин. 43 И быша сынове Валу Адеръ и Ноеман: 44 Адеру сонм Адерин, и Ноеману сонм Ноеманин. 45 Сии сынове Вениамины по сонном их по согляданию их четыредесять и пять тысяч и шесть сот. 46 И сынове Дановы по сонном их: Самею сонм Самеин: сии сонми Дановы но сонном их. 47 Вси сонми Самеини по согляданию их шестьдесят четыри тысящи и четыреста. 48 Сынове Неффалимли по сонном их: Асиилу сонм Асиилев, Гоину сонм Гоинин, 49 Иесрию сонм Иесриев, Селлиму сонм Селлимов. 50 Сии сонми Неффалимли по согляданию их четыредесять пять тысяч и четыреста. 51 Сие соглядание сынов Израилевых шесть сот едини

тысяща и седмь сот тридесять. 52 И рече Господь к Моисею, глаголя: 53 сим разделится земля в наследие по числу имен: 54 множайшим да умножиши наследие, и малейшим да умалиши наследие их: коемуждо, якоже суть соглядани, да дастся наследие их: 55 по жребием да разделится земля именам, по племенем отечеств своих да наследят: 56 от жребия да разделиши наследие их между многими и малыми. 57 И сынове Левини но сонном их: Гирсону сонм Гирсонов, Каафу сонм Каафов, Мераре сонм Мерарин. 58 Сии сонми сынов Левининых: сонм Ловенин, сонм Хевронин, и сонм Мусин, и сонм Кореов. И Кааф роди Амрама. 59 Имя же жене Амрамли Иохавеф, дщци Левиниа, яже роди сих Левии во Египте, и роди Амраму Аарона и Моисея и Мариам сестру их. 60 И родишаася Аарону Надав и Авиуд, и Елеазар и Ифамар. 61 И умре Надав и Авиуд, егда принесоста огнь чуждий пред Господем в пустыни Синайстей. 62 И быша от соглядания их двадесять три тысящи, всяк мужеск пол от единаго месяца и вышше: не быша бо соглядани посреде сынов Израилевых, яко не дадеся им жребий посреде сынов Израилевых. 63 И сие соглядание Моисея и Елеазара жерца, иже соглядаша сынов Израилевых во Аравофе Моавли, у Иордана при Иерихоне. 64 И в сих не бяше человек от согляданых Моисеом и Аароном, иихже соглядаша сынов Израилевых в пустыни Синайстей. 65 Понеже рече Господь им: смертию измрут в пустыни. И не остался от них ни един, кроме Халева сына Иефонниина и Иисуса сына Навина.

27 И пришедша дщери Салпаада сына Оферова, сына Галаадова, сына Махирова, сонма Манассиина, сынов Иосифовых, и сия имена их: Маала и Нуя, и Егла и Мелха и Ферса, 2 и ставша пред Моисеом и пред Елеазаром жерцем, и пред князи и пред всем сонном у дверий скинии свидения, глаголаша: 3 отец наш умре в пустыни, и сей не бе среде сонма воставшаго на Господа в сонме Кореове, яко греха ради своего умре, и сынове не быша ему: 4 да не погибнет имя отца нашего от среды сонма своего, яко несть сына ему: дадите нам наследие посреде братии отца нашего. 5 И принесе Моисей суд их пред Господа. 6 И рече Господь к Моисею, глаголя: 7 право глаголаша дщери Салпаадовы: даяние да даси им одержание наследия посреде братий отца их, и да приложиши им жребий отца их: 8 и сыном Израилевым да речеши, глаголя: человек аще умрет, и не будет сына ему, дадите наследие его дщери его: 9 аще же дщери не будет ему, дадите наследие его брату его: 10 аще же не будут ему братия, дадите наследие брату отца его:

11 аще же не будут братия отца его, дадите наследие ужику ближнему его от племене его наследити яже его: и да будет сие сыном Израилевым оправдание суда, якоже заповеда Господь Моисею. 12 И рече Господь к Моисею: взыди на гору, яже об ону страну Иордана, сия гора Навав, и виждь землю Ханааню, юже Аз даю сыном Израилевым во одержание: 13 и узриши ю, и приложишися к людем своим и ты, якоже приложишися Аарон брат твой на горе Ор: 14 понеже преступисте слово Мое в пустыни Син, внегда супротивитися сонму освятити Мя, не освятисте Мене у воды пред ними: сия есть вода Пререкания в Кадисе в пустыни Син. 15 И рече Моисей ко Господу: 16 да изберет Господь Бог духов и всякия плоти человека над сонмом сим, 17 иже изыдет пред лицем их, иже внидет пред лицем их, и иже изведет их и иже введет их, и да не будет сонм Господень, яко овцы не имуща паstryя. 18 И рече Господь к Моисею, глаголя: поими к себе Иисуса сына Навина, человека, иже имать Духа в себе: и да возложиши руце твои на него: 19 и поставиши его пред Елеазаром жерцем, и заповеждь ему пред всем сонмом, и заповеждь о нем пред ними: 20 и даси на него от славы твоей, яко да послушают его все сынове Израилевы: 21 и пред Елеазаром жерцем да станет, и да вопросят от него суда явленных пред Господем: по словеси его да исходят, и по словеси его да входят сам и сынове Израилевы вкупе, и весь сонм. 22 И сотвори Моисей, якоже повеле ему Господь Бог: и взем Иисуса постави его пред Елеазаром жерцем и пред всем сонмом: 23 и возложи руце свои на него, и устрои его, якоже повеле Господь Моисею.

28 И рече Господь к Моисею, глаголя: 2 заповеждь сыном Израилевым, и речеши к ним, глаголя: дары Моя, даяния Моя, приносы Моя, в воню благовония соблюдите приносити Мне на праздники Моя. 3 И да речеши к ним: сия приношения, яже принесете Господу, агнцев единолетных непорочных два на день во всесожжение выну: 4 агнца единаго сотворите рано, и агнца втораго сотворите в вечер: 5 и да сотвориши десятую часть ефи (меры) муки пшеничны на жертву, вмешану в елеи четвертую часть (меры) ина: 6 всесожжение непрестанное, якоже бысть в горе Синайстей, в воню благовония Господу. 7 И возлияние его четвертую часть (меры) ина агнцу единому: во святем да возлиши возлияние сикеру Господу: 8 и агнца втораго сотвориши к вечеру: по жертве его и по возлиянию его да сотвориши, в воню благовония Господу. 9 И в

день суббот приведете два агнца единолетна непорочна и две десятины муки пшеничны вмешаны в елеи на жертву и возлияние, 10 всесожжения субботы в субботах, на всесожжение всегдашнее и возлияние его. 11 И в новомесячии да принесете во всесожжение Господу телца два от говяд и овна единаго, агнцев единолетных седмь непорочных: 12 три десятины муки пшеничны вмешаны в елеи телцу единому, и две десятины муки пшеничны вмешаны в елеи овну единому, 13 по десятине муки пшеничны вмешаны в елеи агнцу единому: жертву в воню благовония принос Господу. 14 Возлияние их от вина пол (меры) ина да будет телцу единому: и третия часть (меры) ина да будет овну единому: и четвертая часть (меры) ина да будет агнцу единому: сие всесожжение от месяца до месяца в месяцы лета. 15 И козла единаго от коз греха ради Господу на всесожжение присное сотворите и возлияние его. 16 И в месяце первем в четвертыйнадесять день месяца Пасха Господу: 17 и в пятыйнадесять день месяца сего праздник: седмь дний опресноки да ясте. 18 И день первый нарочит свят да будет вам: всякаго дела служебна да не сотворите. 19 И принесете всесожжения принос Господу, телца от волов два, овна единаго, агнцев единолетных седмь: непорочни будут вам. 20 И жертва их мука пшенична вмешана в елеи: три десятины телцу единому и две десятины овну единому да сотворите: 21 по десятине сотвориши агнцу единому, седми агнцем: 22 и козла единаго от коз греха ради, во еже умолити о вас. 23 Кроме всесожжения всегдашняго утренняго, еже есть всесожжение всегдашнее, сотворите сия. 24 По сему сотворите на (всяк) день, в седмь дний, дар, принос в воню благовония Господу: на всесожжение всегдашнее сотвориши возлияние его. 25 И день седмый нарочит свят да будет вам: всякаго дела служебного да не сотворите в онь. 26 И день новых (плодов), егда принесете Господеви жертву нову седмиц, нарочит свят будет вам: всякаго дела служебна да не сотворите. 27 И да принесете всесожжения в воню благовония Господу, телца от волов два, овна единаго, агнцев единолетных седмь непорочных. 28 Жертва их мука пшенична вмешана в елеи: три десятины телцу единому и две десятины овну единому: 29 по десятине агнцу единому, седми агнцем: 30 и козла единаго от коз греха ради, во еже умолити о вас. 31 Кроме всесожжения всегдашняго, и жертву их сотворите Мне, непорочни да будут вам, и возлияния их.

29 И в месяц седьмый, первый (день) месяца нарочит свят да будет вам: всякого дела служебна да не сотворите: день знамения будет вам. 2 И сотворите всесожжения в воню благовония Господу, телца от волов единаго, овна единаго, агнцев единолетных седьмь непорочных: 3 жертва их мука пшенична вмешана в елеи: три десятины телцу единому и две десятины овну единому: 4 по десятине агнцу единому, седми агнцем: 5 и козла от коз единаго греха ради, во еже умолити о вас: 6 кроме всесожжений новомесия и жертвы их, и возлияния их, и всесожжение всегдашнее: и жертвы их и возлияния их, по уставу их, в воню благовония Господу. 7 И десятый день месяца сего нарочит свят да будет вам: и озлобите души вашя, и всякого дела служебна да не сотворите, 8 и принесете всесожжение в воню благовония Господу, приносы Господу: телца единаго от говяд, овна единаго, агнцев единолетных седьмь: непорочны да будут вам: 9 жертва их мука пшенична вмешана в елеи: три десятины телцу единому и две десятины овну единому: 10 по десятине агнцу единому, на седьмь агнцев: 11 и козла единаго от коз греха ради, во еже умолити о вас: кроме еже греха ради очищения, и всесожжение всегдашнее: жертва его и возлияние его, по уставу его в воню благовония принос Господу. 12 И пятыйнадесять день седьмого месяца сего нарочит свят да будет вам: всякого дела служебна да не сотворите, и празднуйте той праздник Господеви седьмь дней, 13 и принесите всесожжения принос в воню благовония Господу: в первый день телцев от говяд тринаадесять, овна два, агнцев единолетных четыренадесять: непорочны да будут вам: 14 жертвы их мука пшенична вмешана в елеи: три десятины телцу единому, тремнадесяти телцем, и две десятины овну единому, на два овна: 15 по десятине агнцу единому, на четыренадесять агнцев: 16 и козла единаго от коз греха ради: кроме всесожжения всегдашняго, жертвы их и возлияния их. 17 И в день второй телцев дванаадесять, овна два, агнцев единолетных четыренадесять непорочных: 18 жертва их и возлияния их телцем и овном и агнцем по числу их, по уставу их: 19 и козла единаго от коз греха ради: кроме всесожжения всегдашняго, жертвы их и возлияния их. 20 В день третий телцев единнадесять, овна два, агнцев единолетных четыренадесять непорочных: 21 жертва их и возлияния их телцем и овном и агнцем по числу их, по уставу их: 22 и козла от коз единаго греха ради: кроме всесожжения всегдашняго, жертвы их и возлияния их. 23 В день четвертый телцев десять, овна два, агнцев

единолетных четыренадесять непорочных: 24 жертвы их и возлияния их телцем и овном и агнцем по числу их, по уставу их: 25 и козла от коз единаго греха ради: кроме всесожжения всегдашняго, жертвы их и возлияния их. 26 В день пятый телцев девять, овна два, агнцев единолетных четыренадесять непорочных: 27 жертвы их и возлияния их телцем и овном и агнцем по числу их, по уставу их: 28 и козла от коз единаго греха ради: кроме всесожжения всегдашняго, жертвы их и возлияния их. 29 В день шестый телцев осмь, овна два, агнцев единолетных четыренадесять непорочных: 30 жертвы их и возлияния их телцем и овном и агнцем по числу их, по уставу их: 31 и козла от коз единаго греха ради: кроме всесожжения всегдашняго, жертвы их и возлияния их. 32 В день седьмый телцев седьмь, овна два, агнцев единолетных четыренадесять непорочных: 33 жертвы их и возлияния их телцем и овном и агнцем по числу их, по уставу их: 34 и козла от коз единаго греха ради: кроме всесожжения всегдашняго, жертвы их и возлияния их. 35 И в день осмый исход будет вам: всякого дела служебна да не сотворите в онъ, 36 и да принесете всесожжение в воню благовония Господу, телца единаго, овна единаго, агнцев единолетных седьмь непорочных: 37 жертвы их и возлияния их телцу и овну и агнцем по числу их, по уставу их: 38 и козла от коз единаго греха ради: кроме всесожжения всегдашняго, жертвы их и возлияния их. 39 Сия сотворите Господу в праздники вашя, кроме обетов ваших, и вольная ваша, и всесожжения ваша, и жертвы ваша, и возлияния ваша, и спасительная ваша. 40 И глагола Моисей сыном Израилевым по всем, елика заповеда Господь Моисею:

30 и глагола Моисей князем племен сынов Израилевых, глаголя: сие слово, еже повеле Господь. 2 Человек человек, иже аще обещает обет Господу, или закленется клятвою, или определит пределом о души своей, не осквернавит словесе своего: вся, елика изыдут из уст его, да сотворит. 3 Аще же обещает жена обет Господу, или определит определение в дому отца своего в юности своей, 4 и услышит отец ея обеты ея и определения ея, яже определи на душу свою, и премолчит отец ея, и да состоятся вся обеты ея, и вся определения, яже определи на душу свою, да пребудут ей. 5 Аще же возбранением возбранит отец ея, в онъже день услышит вся обеты ея и определения, яже определи на душу свою, не состоятся: и Господь очистит ю, яко возбраны отец ея. 6 Аще же посягла за мужа, и обеты ея на ней, по определении

уст ея, елика определи на душу свою, 7 и услышит муж ея, и премолчит ей, в оньже день услышит, и тако состоятся вся обеты ея, и определения ея, яже определи на душу свою, да состоятся. 8 Аще же возбранением возбранит муж ея, в оньже день услышит вся обеты ея и определения ея, яже определи на душу свою, да не пребудут, яко муж возбрани ей: и Господь очистит ю. 9 И обет вдовицы и пущеницы, елика аще обещают на душу свою, да пребудут им. 10 Аще же в дому мужа ея обет ея или определение, еже на душу ея с клятвою, 11 и услышит муж ея, и премолчит ей, и не возбранит ей, и состоятся вся обеты ея, и вся определения ея, яже определи на душу свою да состоятся на ню. 12 Аще же отлучая отлучит муж ея, в оньже день услышит, вся елика изыдоша из уст ея по обетом ея и по определением ея яже на душу ея, не пребудут ей: муж бо ея отлучил есть, и Господь очистит ю. 13 Всяк обет и всяка клятва союза во еже озлобити душу, муж ея поставит ей, и муж ея отимет. 14 Аще же молча премолчит ей день от дне, и поставит ей вся обеты ея, и определения яже на ней, поставит ей, яко умолча ей в день, в оньже услыша. 15 Аще же отлучая отлучит муж ея по дни, в оньже услыша, и примет грех свой. 16 Сия оправдания, елика заповеда Господь Моисею, между мужем и между женою его, и между отцем и дщерию в юности ея, в дому отчи.

31 И рече Господь к Моисею, глаголя: 2 отмсти месть сынов Израилевых от Мадианитов, и последи приложишися к людем своим. 3 И рече Моисей к людем, глаголя: вооружите от вас мужы и ополчитеся пред Господем на Мадиама, отдати отмщение от Господа Мадиаму: 4 тысячу от племене и тысячу от племене, от всех племен сынов Израилевых, послите ополчиться. 5 И сочтова от тысячи Израилевых, по тысячи от племене, дванадесять тысячи вооруженных на брань. 6 И послав я Моисей тысячу от племене и тысячу от племене с силою их, и Финееса сына Елеазарова сына Аарона жерца: и сосуды святыя, и трубы знаменные в руках их. 7 И ополчишася на Мадиама, якоже повеле Господь Моисею, и избиша весь мужеск пол: 8 и царей Мадиамских убиша вкупе с язвенными их, и Евина и Рокома, и Сура и Ура и ровока, пять царей Мадиамлих: и Валаама сына Веорова убиша мечем с язвенными их: 9 и плениша жен Мадиамлих и имения их, и скоты их и вся притяжания их, и силу их плениша: 10 и вся грады их, яже во обитаниях их, и веси их пожгла огнем, 11 и взяша весь плен их и вся корысти их, от человека до скота:

12 и приведоша к Моисею и ко Елеазару жерцу и ко всем сыном Израилевым плен и корысти и имение в полк, во аравоф Моавль, иже есть у Иордана при Иерихоне. 13 И изыде Моисей и Елеазар жрец и вси князи сонма в сретение им вне полка. 14 И разгневався Моисей на надзирателей силы, тысяченачалников и стоначеналников идущих от ополчения брани. 15 И рече им Моисей: вскую жив остависте весь женск пол? 16 Тыя бо быша сыном Израилевым, по словеси Валаамлю, еже отступити и презрети слово Господне Фогора ради, и бысть язва в сонме Господни: 17 и ныне избийте всяк мужеск пол во всяком возрасте, и всяку жену, яже позна ложе мужеско, избийте: 18 и всяк возраст женск, яже не познаша ложа мужеска, живых оставите я: 19 и вы станите вне полка седьмь дней: всяк убивый душу и прикоснувыйся убиеному да очистится в третий день и в день седьмый, вы и плен ваш: 20 и всяку одежду, и всяк сосуд кожан, и всяко соделаное от козличины, и всяк сосуд древян очистите. 21 И рече Елеазар жрец к мужем силы приходящым от ополчения ратнаго: сие оправдание закона, еже заповеда Господь Моисею: 22 кроме сребра и злата, и меди и железа, и касситера и олова, 23 всяка вещь, яже пройдет сквозе огнь, и (огнем) очистится, но и водою очищения очистится: и вся, елика аще не пройдут сквозе огнь, да пройдут сквозе воду: 24 и исперите ризы ваши в день седьмый, и очиститесь: и по сих внидете в полк. 25 И рече Господь к Моисею, глаголя: 26 возмите сочисление корыстей плены от человека до скота, ты и Елеазар жрец и князи отечеств сонма, 27 и разделите корысти между воины ходившими на брань и между всем сонмом, 28 и отлучите дань Господу от людий военных ходивших на брань, едину душу от пяти сот, от человек и от скотов, и от волов и от овец и от ослят, 29 и от половины их да возмете, и даси Елеазару жерцу начатки Господни: 30 и от половины сынов Израилевых да возмеши едино от пятидесяти человек, и от волов и от овец, и от ослят и от всех скотов, и даси я левитом, иже стрегут стражбы в скинии Господни. 31 И сотвори Моисей и Елеазар жрец, якоже повеле Господь Моисею. 32 И бысть множество плены, егоже плениша мужи воинстии, от овец шесть сот седмьдесят пять тысячи, 33 и волов седмьдесят две тысячи, 34 и ослов шестьдесят едини тысячи, 35 и душ человеческих от женска полу, яже не познаша ложа мужеска, всех душ тридесять две тысячи: 36 и бысть половина часть ходивших на брань, от числа овец триста тридесять седмь тысячи и пять сот: 37 и бысть дань Господу от овец шесть сот седмьдесят

пять: 38 и волов тридесять шесть тысяч, и дань Господу седьмьдесят и два: 39 и ослов тридесять тысяч пять сот, и дань Господу шестьдесят един: 40 и душ человеческих шестьдесят тысяч, и дань от сих Господу тридесять две души. 41 И даде Моисей дань Господу, участие Божие Елеазару жерцу, якоже повеле Господь Моисею. 42 От половины сынов Израилевых, ихже раздели Моисей от мужей военных: 43 и бысть половина от сонма, от овец триста и тридесять седьмь тысяч и пять сот: 44 и волов тридесять шесть тысяч: 45 ослов тридесять тысяч и пять сот: 46 и человечих душ шестьдесят тысяч: 47 и взя Моисей от половины сынов Израилевых, едино от пятидесяти, от человек и от скотов, и даде я левитом стрегущим стражбы скинии Господни, якоже повеле Господь Моисею. 48 И придоша к Моисею вси поставленни над тысячами силы, тысячечалники и стоначалники, 49 и рекоша к Моисею: отроцы твои взяша сочтение от мужей воинских, иже суть у нас, и никто же погиб от них: 50 и принесохом дар Господу, муж еже обрете, сосуд злат и обручие, и гривну и перстень, и усерязи и чель златую, умолити о нас пред Господем. 51 И взя Моисей и Елеазар жрец злато от них, всяк сосуд соделан. 52 И бысть всего злата участие, еже отлучися Господу, шестьдесят тысяч и седмь сот и пятьдесят сикль от тысячечалников и от стоначалников. 53 И мужи воинстии плениша кийждо себе. 54 И взяша Моисей и Елеазар жрец злато от тысячечалников и от стоначалников и внесоша е в скинию свидения, в память сынов Израилевых пред Господем.

32 И скота множество бяше сыном Рувимли и сыном Гадовым, много зело. И видеша страну Иазирову и страну Галаадову, и бяше место, место скотно. 2 И пришедше сынове Рувимли и сынове Гадовы рекоша к Моисею и ко Елеазару жерцу и ко князем сонма, глаголюще: 3 Атароф и Девон, и Иазир и Намра, и Есевон и Елеали, и Севама и Навав и Веан, 4 земля, юже предаде Господь пред сыны Израилевыми, земля скотопитателна есть, рабом же твоим скот есть. 5 И реша: аще обретохом благодать пред тобою, да дастся нам земля сия рабом твоим во одержание, и не преводи нас чрез Иордан. 6 И рече Моисей сыном Гадовым и сыном Рувимли: братия ваша пойдут на брань, и вы ли сядете ту? 7 И вскую развращаете сердце сынов Израилевых, не прейти на землю, юже дает Господь им? 8 Не тако ли сотвориша отцы ваши, егда послах я от Кадис-Варни соглядати землю? 9 И взыдоша до

дебри Грэзновныя, и соглядаша землю, и отвратиша сердце сынов Израилевых, яко да не виидут в землю, юже даде им Господь? 10 И разгневався яростю Господь в день Он и клятся, глаголя: 11 аще узрят человецы сии изшедшии из Египта, от двадесети лет и выше, ведущии добро и зло, землю, юже кляхся Аврааму и Исааку и Иакову: не последоваша бо вслед Мене, 12 точию Халев сын Иефонний Отлученный и Иисус сын Навин, яко последоваша вслед Господа. 13 И разгневався яростю Господь на Израиля, и томи я в пустыни четыредесять лет, дондеже потребится весь род творящий злая пред Господем. 14 Се, востаще вместо отец ваших, сокрушение человек грешников, приложити еще к яости гнева Господня на Израиля: 15 яко отвратитесь от Него, приложити еще оставити его в пустыни, и возбеззаконуете на весь сонм сей. 16 И придоша к нему и глаголаша: ограды овцам да соградим зде скотом своим, и грады имением нашим: 17 и мы вооружени пойдем на стражбу первии сыном Израилевым, дондеже введем я в место их: и да вселятся имения наша во градех утвержденых ради живущих на земли: 18 не возвратимся в дома наша, дондеже разделятся сынове Израилестии, кийждо в наследие свое: 19 и кому не наследим в них об ону страну Иордана и далее, яко прияхом жребия наша сию страну Иордана на востоки. 20 И рече к ним Моисей: аще сотворите по словеси сему, аще вооружитеся пред Господем на брань, 21 и прейдет всяк оружник ваш Иордан пред Господем на брань, дондеже потребится враг Его от лица Его, 22 и обладана будет земля пред Господем, и посем возвратитесь, и будете безвинни пред Господем и от Израиля: и будет земля сия вам во одержание пред Господем: 23 аще же не сотворите тако, согрешите пред Господем, и увесте грех ваш, егда вас постигнут злая: 24 и соградите вы себе грады имению вашему и ограды скотом вашим: и исходящее из уст ваших сотворите. 25 И рекоша сынове Рувимли и сынове Гадовы к Моисею, глаголюще: раби твои сотворят, якоже Господь наш повелел есть: 26 имение наше, и жены наши, и весь скот наш да будут во градех Галаадовых: 27 раби же твои прейдут вси вооружени и уготовани пред Господем на брань, якоже глаголет Господь. 28 И пристави им Моисей Елеазара жерца и Иисуса сына Навина, и князи отечеств племен сынов Израилевых. 29 И рече к ним Моисей: аще прейдут сынове Рувимли и сынове Гадовы с вами чрез Иордан, всяк вооружен на брань пред Господем, и обладаете землею пред собою, и

дадите им землю Галаадову во одержание. **30** Аще ли не прейдут вооружени с вами на брать пред Господем, то предположите имение их и жены их и скоты их прежде вас на землю Ханааню, и да наследят купно с вами в земли Ханааны. **31** И отвещаша сынове Рувимли и сынове Гадовы, глаголюще: елика глаголет Господь рабом Своим, тако сотворим мы: **32** прейдем вооружени пред Господем в землю Ханааню, и дадите нам во одержание страну сию Иордана. **33** И даде им Моисей сыном Гадовым и сыном Рувимлим и полулемени Манассину сынов Иосифовых царство Сиона царя Аморрейска и царство Ога царя Васанка, землю и грады с пределы ея, грады окрестныя земли. **34** И соградиша сынове Гадовы Девон и Атароф и Ароир, **35** и Софан и Иазир, и вознесоша их, **36** и Намрам и Вефаран грады тверды, и ограды овцам. **37** И сынове Рувимли соградиша Есевон и Елеали и Кариафайм, **38** и Навон и Веельмеон ограждены, и Севама: и прозваша по именом своим имена градом, яже соградиша. **39** И иде ур сын Махиров, внук Манассиев, в Галаад, и взя его, и погуби Аморрея живущаго в нем: **40** и даде Моисей Галаад Махиру сыну Манассину, и вселися ту. **41** И Иаир сын Манассиев иде и взя села их, и прозваша я села Иаирова. **42** И Навав иде и взя Каафа и села его, и именова я Навоф от имени своего.

33 И сии станове сынов Израилевых, егда изыдоша из земли Египетския с силою своею рукою Моисеовою и Ааронею. **2** И написа Моисей воздвижения их и станы их, по словеси Господню. И сии станове шествия их: **3** и воздвигоша от Рамессы в месяц первый, в пятнадесять день первого месяца: наутрие Пасхи изыдоша сынове Израилтстии рукою высокою пред всеми Египтяны: **4** и Египтяне погребау умершяя от них вся, яже изби Господь всякаго первенца в земли Египтстей: и в бозех их сотвори отмщение Господь. **5** И воздвигшеся сынове Израилевы от Рамессы, ополчиша в Сокхое: **6** и воздвигшеся от Сокхоя, ополчиша в Вуфане, иже есть часть некая пустыни: **7** и воздвигоша от Вуфана, и ополчиша во устии Ирофа, иже есть прямо Веельсепфону, и ополчиша прямо Магдолу: **8** и воздвигоша прямо Ирофу, и проиша среди моря в пустыню: и идоша путем три дни в пустыни тии, и ополчиша в Горькостех. **9** И воздвигоша от Горькостей и прииша в Елим: и в Елиме (быша) двадесять источники вод, и седмадесят стеблий фиников, и ополчиша у воды тамо. **10** И воздвигоша от Елима и ополчиша у моря Чемнаго:

11 и воздвигоша от моря Чемнаго и ополчиша в пустыни Син: **12** и воздвигоша от пустыни Син и ополчиша в Рафаке: **13** и воздвигоша от Рафака и ополчиша в Елусе: **14** и воздвигоша от Елуса и ополчиша в Рафидине: и не бысть тамо воды людем пити. **15** И воздвигоша от Рафидина и ополчиша в пустыни Сина: **16** и воздвигоша от пустыни Сина и ополчиша во гробех Похотения: **17** и воздвигоша от Гробов Похотения и ополчиша во Асирофе: **18** и воздвигоша от Асирофа и ополчиша в Рафаме: **19** и воздвигоша от Рафама и ополчиша в Ремнон-Фаресе: **20** и воздвигоша от Ремнон-Фареса и ополчиша в Лемвоне: **21** и воздвигоша от Лемвона и ополчиша в Рессане: **22** и воздвигоша от Рессана и ополчиша в Макеллафе: **23** и воздвигоша от Макеллафа и ополчиша во Арсафафе: **24** и воздвигоша от Арсафафа горы и ополчиша в Харадафе: **25** и воздвигоша от Харадафа и ополчиша в Макидофе: **26** и воздвигоша от Макидофа и ополчиша в Катаафе: **27** и воздвигоша от Катаафа и ополчиша во Фарафе: **28** и воздвигоша от Фарафа и ополчиша в Мафекке: **29** и воздвигоша от Мафекка и ополчиша во Асемоне: **30** и воздвигоша от Асемона и ополчиша в Масуруфе: **31** и воздвигоша от Масуруфа и ополчиша в Ванаккане: **32** и воздвигоша от Ванаккане и ополчиша в горе Гаддад: **33** и воздвигоша от горы Гаддад и ополчиша во Етевафе: **34** и воздвигоша от Етевафа и ополчиша во Евроне: **35** и воздвигоша от Еврона и ополчиша в Гесион-Гавере: **36** и воздвигоша от Гесион-Гавера и ополчиша в пустыни Син: и воздвигоша от пустыни Син и ополчиша в пустыни Фарани, яже есть Кадис: **37** и воздвигоша от Кадиса и ополчиша в горе Ор близ земли Едомли. **38** И взыде Аарон жрец на гору Ор повелением Господним, и умре тамо в четыредесятое лето изшествия сынов Израилевых из земли Египетския, месяца пятаго в первый день месяца. **39** И Аарон бяше ста двадесяти трех лет, егда умре в горе Ор. **40** И услыша Хананей царь Арадский, и сей живяше в земли Ханаани, егда вхождау сынове Израилевы. **41** И воздвигоша от горы Ор и ополчиша в Селмоне: **42** и воздвигоша от Селмона и ополчиша в Финоне: **43** и воздвигоша от Финона и ополчиша во Овофе: **44** и воздвигоша от Овофа и ополчиша в Гаи, об ону страну предел Моавлих: **45** и воздвигоша от Гаи и ополчиша в Девон-Гаде: **46** и воздвигоша от Девон-Гада и ополчиша в Гелмон-Девлафайме: **47** и воздвигоша от Гелмон-Девлафайма и ополчиша в

горах Аваримлих прямо Нававу: 48 и воздвигоша от гор Аваримлих и ополчиша на западе Моавли, у Иордана при Иерихоне: 49 и воздвигоша от запада Моавля и ополчиша у Иордана, между Есимофором, до Велсаттима на запады Моава. 50 И рече Господь к Моисею в западе Моава у Иордана при Иерихоне, глаголя: 51 глаголи сыном Израилевым и речеши к ним: вы преходите Иордан в землю Ханааню, 52 и погубите вся живущыя на земли от лица вашего, и разрушите стражбы их, и вся идолы излияnnыя их сокрушите я, и вся капища их разрушите, 53 и погубите вся живущыя на земли, и вселитесь в ню: вам бо дах землю их по жребию: 54 и наследите землю их жребием по племенам вашим: многим умножите одержание их, и малым умалите одержание их: в неже изыдет имя его, тамо да будет жребий его: по племенам отечествий ваших наследите: 55 аще же не погубите живущих на земли от лица вашего, будут, иже оставите от них, остны во очесех ваших и стрелы в ребрах ваших, и совраждуют вам на земли, на нейже вы вселитесь: 56 и будет якоже умыслих соторвоти онем, то соторвоти вам.

34 И рече Господь к Моисею, глаголя: 2 заповеждь сыном Израилевым, и речеши к ним: вы входите в землю Ханааню, сия будет вам в наследие, земля Ханааня с пределы ея: 3 и будет вам страна, яже к ливе от пустыни Син даже до Едома: и будут вам пределе к ливе, от края моря Сланаго от востоков, 4 и обидут вас пределы от ливы до возшествия Акравиня, и пройдут Еннак, и будет исход его к ливе Кадис-Варни, и изыдет на село Арад, и пройдет Асемона: 5 и обидут пределы от Асемона водотечу Египетскую, и будет исход море (великое): 6 и пределы морстии будут вам, море великое определит, сие будет вам пределы морстии: 7 и сие будет вам предел к северу: от моря великаго измерите сами себе при горе Гору: 8 и от горы Гору измерите сами себе, входяще во Емаф, и будут преход его пределы Садада: 9 и изыдут пределы Зефроня, и будет исход его Арсенайн: сие будет вам пределы от севера: 10 и измерите сами себе пределы восточныя от Арсенайна до Сепфамара: 11 и снидут пределы от Сепфамар-Вила от восток на источники, и снидут пределы Вилы, и пройдут на хребет моря Хенереф, от восток: 12 и снидут пределы на Иордан, и будет преход его море Сланое: сия будет земля вам, и пределы ея окрест. 13 И заповеда Моисей сыном Израилевым, глаголя: сия земля, юже примите в наследие по жребию, якоже повеле Господь, дати ю девяти племеном и полулемени

Манассину: 14 яко взя племя сынов Рувимлих и племя сынов Гадовых, по домом отечеств их, и пол племене Манассинина восприяша жребия своя: 15 два племена и пол племене прияша жребия своя за Иорданом при Иерихоне от полудня на востоки. 16 И рече Господь к Моисею, глаголя: 17 сия имена мужей, иже разделят вам землю: Елеазар жрец и Иисус Навин: 18 и по князю единому от племене возмете разделити вам землю. 19 И сия имена мужем: племене Иудина Халев сын Иефоннин, 20 племене Симеона Саламиил сын Семиудов, 21 племене Вениамина Елдад сын Хаслонь, 22 племене Данова князь Воккор сын Иеклинил, 23 сынов Иосифовых племене сынов Манассиных князь Аниил сын Суфидов, 24 племене сынов Ефремлих князь Камуил сын Сафтанов, 25 племене Завулоня князь Елисафан сын Харнахов, 26 племене сынов Иссахаровых князь Фалтиил сын Озайн, 27 племене сынов Асировых князь Ахиор сын Селемин, 28 племене Неффалимля князь Фадаил сын Амиудов. 29 Сим заповеда Господь разделити сыном Израилевым в земли Ханаани.

35 И рече Господь к Моисею на западе Моавли у Иордана при Иерихоне, глаголя: 2 заповеждь сыном Израилевым, да дадят левитом от жребий одержания своего грады вселитися, и предградия градская окрест их да дадят левитом: 3 и будут им грады вселятися, и участия их да будут скотом их и всем четвероножным их: 4 и прилежащая градом, ихже дадите левитом, от стены града и вне, две тысячи лакот окрест: 5 и да измериши страну вне града, яже на восток, две тысячи лакот, и страну, яже к ливе, две тысячи лакот, и страну, яже к морю, две тысячи лакот, и страну, яже к северу, две тысячи лакот, и град посреде сего будет вам, и пределы градов: 6 и грады яже дадите левитом, шесть градов (да будут) убежных, ихже дадите убегати в ня убившему, и к сим четыредесять и два града: 7 всех градов дадите левитом четыредесять и осмь градов, сия и предградия их: 8 и грады, ихже дадите от одержания сынов Израилевых, от многих многа, а от малых мала: кийждо по наследию своему, еже наследят, да дадят от градов левитом. 9 И рече Господь к Моисею, глаголя: 10 глаголи сыном Израилевым и речеши к ним: вы преходите Иордан в землю Ханааню: 11 и разделите сами себе грады убежища да будут вам убегати в ня убийце, всяк убивый душу нехотяй: 12 и будут гради вам убежища от ужика крове, и да не умрет убивый, дондеже станет пред сонмом на суде: 13 и грады, яже дадите, шесть градов,

убежища да будут вам. 14 Три грады дадите об ону страну Иордана, и три грады дадите в земли Ханаани: 15 убежище да будет сыном Израилевым, и пришелцу, и обиталинику иже в вас, да будут гради сии во убежище убегати тамо всякому убившему душу нехотением. 16 Аще же орудием железным убийца, и умрет, убийца есть: смертию да умрет убийца. 17 Аще же камением из руки убийца, и умрет от него, убийца есть: смертию да умрет убийца. 18 Аще же орудием древяным из руки, от негоже умрет, убийца, и умрет, убийца есть: смертию да умрет убийца. 19 Ужик крове, сей да убийца убившаго: егда усрашает его, сей да убийца. 20 Аще же вражды ради ринет его и вержет на него всяк сосуд по навету, и умрет, 21 или от ненависти поразил его рукою, и умрет, смертию да умрет убивший, убийца есть: смертию да умрет убивший: ужик крове да убийца, егда сретится с ним. 22 Аще же внезапу не вражды ради ринет его, или вержет на него всяк сосуд не по навету, 23 или всяким каменем, имже вержет не ведый, и падет на него, и умрет, он же враг его не бе, ниже ищя зла ему творити, 24 и да судит сонм между убившим и между ужиком крове, по судбам сим, 25 и избавит сонм убившаго от ужика крове, и да возвратит его сонм во град убежища его, в онъже убежища, и да поживет тамо, дондеже умрет жрец великий, егоже помазаша елеем святым. 26 Аще же исходом изыдет убивший вне предел града, в онъже убежища тамо, 27 и обрящет его ужик крове вне предел града убежища его, и убийца ужик крове убившаго, несть повинен: 28 во граде бо убежища да живет, дондеже умрет жрец великий, и по умертвии жерца великаго да возвратится убивший в землю одержания своего. 29 И да будут сия вам во оправдание суда в роды вашя во всех селениях ваших. 30 Всякаго убившаго душу, пред свидетелми да убииши убившаго: и свидетель един да не свидетелствует на смерть души. 31 И да не возмете искупа за душу от убившаго, повинна суща убиению: смертию бо умрет: 32 ниже да возмете искупа убежища во град убежища, да паки живет на земли, дондеже умрет жрец великий. 33 И да не убийте земли, на нейже вы обитаете: кровь бо сия убивает землю, и не очистится земля от крове пролиянныя на ней, но токмо кровию проливающаго: 34 и да не оскверните земли, на нейже живете, на нейже Аз вселяюся посреде вас: Аз бо есмъ Господь вселяйся посреде сынов Израилевых.

36 И приидоша князи племене сынов Галаадовых, сына Махирова сына Манассиона от племене

сынов Иосифовых, и глаголаша пред Моисеом и пред Елеазаром жерцем и пред князи домов отечеств сынов Израилевых, 2 и рекоша: господину нашему повеле Господь отдать землю наследия по жребию сыном Израилевым: и господину нашему заповеда Господь дати наследие Салпаада брата нашего дщерем его: 3 и будут единому от племен сынов Израилевых в жены, и отлучится жребий их от одержания отец наших, и приложится к наследию племене, имже будут в жены, и от жребия наследия нашего отлучится: 4 аще же будет оставление сынов Израилевых, и приложится наследие их к наследию племене, имже аще будут в жены, и от наследия племене отечества нашего отимется наследие их. 5 И заповеда Моисей сыном Израилевым по повелению Господню, глаголя: сице племя сынов Иосифовых глаголют: 6 сие слово, еже заповеда Господь дщерем Салпаадовы, глаголя: идеже угодно им, да будут в жены, токмо от сонма отечества своего да будут в жены, 7 и не превратится наследие сынов Израилевых от племене в племя ино: яко кийждо в наследии племене отечества своего женитися имут сынове Израилевы: 8 и всяка дщи, ужичествующая наследие от племен сынов Израилевых, единому сущих от сонма отца ея да будет жена: да ужичествуют сынове Израилевы кийждо наследие отца своего: 9 и не превратится жребий от племене в племя ино, но кийждо в наследии своем да женятся сынове Израилевы. 10 Яко же повеле Господь Моисею, тако сотвориша дщери Салпаадовы. 11 И быша Маала и Ферса, и Егла и Мелха и Нуя, дщери Салпаадовы, сыном братии своея, от сонма Манассиона сынов Иосифовых, быша в жены: 12 и бысть наследие их в племени сонма отца их. 13 Сия заповеди и оправдания и суды, яже заповеда Господь рукою Моисеовою на западе Моавли при Иордане прямо Иерихону.

Второзаконие

1 Сия словеса, яже глагола Моисей всему Израилю об ону страну Иордана, в пустыни на запады, близ Чернаго моря, между Фараном и Тофолом, и Ловоном и Авлоном и златыми рудами: 2 единонаадесяти дний от Хорива путь через гору Сиир даже до Кадис-Варни. 3 И бысть в четыредесятое лето, в первыйнаадесять месяц, в первый день месяца глагола Моисей ко всем сыном Израилевым, по всему елико заповеда ему Господь к ним, 4 по убиении Сиона царя Аморрея, жившаго во Есевоне, и Ога царя Васанска, жившаго во Астарофе и во Едране, 5 об ону страну Иордана в земли Моавли, нача Моисей изясняти закон сей, глаголя: 6 Господь Бог наш глагола нам в Хориве, глаголя: да довлеет вам жити в горе сей: 7 обратитеся и воздвигнитеся вы, и внидите в гору Аморреи, и ко всем населником Аравы, в гору и поле, и к югу и в приморскую землю Ханааню, и во Антиливан, даже до реки великия, реки Евфрата: 8 видите, предах пред вами землю, вшедше наследите землю, еюже клятся Господь отцем вашим, Аврааму и Исааку и Иакову, дати ю им и семени их по них. 9 И рекох к вам во время оно глаголя: не возмогу един водити вас: 10 Господь Бог ваш умножил вы есть, и се, есте днесъ яко звезды небесныя множеством: 11 Господь Бог отец ваших да приложит вам, яко да будете тысящами сугубо, и да благословит вас, яко же глагола вам: 12 како возмогу един носити труды вашя и тяжести вашя и пререкания ваша? 13 Изберите себе мужы мудры и уметелны и смыслленны в племенех ваших, и поставлю их над вами старейшины вам. 14 И отвещасте ми и рекосте: добро слово, еже глаголал еси сотворити. 15 И взях от вас мужы мудры и уметелны и смыслленны, и поставих их владети над вами тысященачалники и стоначалники, и пятьдесятначалники и десятоначалники, и писмовводители судиям вашим. 16 И заповедах судиям вашим во время оно, глаголя: разслушайте посреде братий ваших, и судите праведно посреде мужа и посреде брата его и посреде пришелца его: 17 да не познаете лица в суде, малому и великому судиши, и не устыдишися лица человека, яко суд Божий есть: и речь, яже аще жестока будет у вас, донесете ю ко мне, и услышу ю. 18 И заповедах вам во время оно вся словеса, яже сотворите. 19 И воздвигшеся от Хорива, проидохом всю пустынно великую и страшную ону, юже видесте, путь горы Аморреиски, яко же заповеда нам Господь Бог наш: и придохом до Кадис-Варни. 20 И

рекох вам: приидосте до горы Аморреиски, юже Господь Бог наш дает вам: 21 видите, предаде Господь Бог ваш пред лицем вашим землю: вшедше наследите, яко же глагола Господь Бог отец ваших вам: небойтесь, ни ужасайтесь. 22 И приидосте ко мне вси и рекосте: да послем мужы пред нами, и да соглядают нам землю, и да поведят нам ответ, путь, имже дойдем ея, и грады, в няже внидем. 23 И угодно бысть слово предо мною, и поях от вас дванадесять мужей, мужа единаго от коегождо племене. 24 И обратившеся взыдоша на гору, и придоша до дебри Грэзновныя, и соглядаша ю: 25 и взяша в руце свои от плода земли и принесоша к нам, и глаголаху: блага земля, юже Господь Бог наш дает нам. 26 И не восхотесте взыти, но преслушасте глаголол Господа Бога вашего: 27 и возроптасте в кущах своих и рекосте: ненависти ради изведе ны Господь из земли Египетския предати нас в руки Аморрея, потребити нас: 28 камо мы взыдем? Братия же ваша отвратиша сердца ваша, глаголюще: язык велик и мног и крепчае нас, и грады велицы и ограждени даже до небесе, но и сыны Исполинов видехом тамо. 29 И глаголах к вам: не ужасайтесь, ниже убойтесь от них: 30 Господь Бог ваш предходяй пред лицем вашим, Той повоюет их с вами, по всему елико сотвори вам в земли Египетстей пред очима вашими, 31 и в пустыни сей, юже видесте: яко воспита тебе Господь Бог твой, яко же некий человек питает сына своего, по всему пути в онъже ходисте, дондеже приидосте на место сие. 32 И в словеси сем не веровасте Господеви Богу вашему, 33 иже предходит пред вами в путь избрati вам место, путеводя вас огнем ношию, показуя вам путь, имже ити по нем, и облаком во дни. 34 И услыша Господь (Бог) глас словес ваших, и разгневався клятся, глаголя: 35 аще узрит кто от мужей сих землю благую сию, еюже Аз кляхся отцем их, 36 разве Халев сын Иефонний, сей узрит ю, и сему дам землю, на нюже взыде, и сыном его, понеже прилежит Господеви. 37 И на мя разгневався Господь вас ради, глаголя: ниже ты внидеш тамо: 38 Иисус сын Навин, иже стоит пред тобою, сей внидет тамо: сего укрепи, яко сей даст ю в наследие Израилю: 39 и отрочата ваша, о нихже глаголасте, яко в пленении имут быти, и всяко отроча младо, еже не весть днесъ добра или зла, сии внидут тамо, и сим дам ю, и сии наследят ю: 40 и вы обратившеся ополчистесь в пустыню, путем к Черному морю. 41 И отвещасте и рекосте мне: согрешихом пред Господем Богом нашим: мы шедше повоюем, по всему елико заповеда Господь Бог наш нам. И вземше кийждо

орудия ратная своя и собравшеся взыдсте на гору. 42 И рече Господь ко мне: рцы им: не восходите, ниже ратуйте, несмъ бо с вами, и да не будете сотрени пред враги вашими. 43 И глаголах к вам, и не послушасте мене: и преступисте слово Господне, и понудившеся взыдсте на гору. 44 И изыде Аморрей живущий на горе той противу вам, и прогна вас, аки бы пчелы творили, и уязвляху вас от Сирия даже до Ермы. 45 (И возвратистесь,) и седше плакасте пред Господем, и не послуша Господь гласа вашего, ниже внят вам: 46 и седесте в Кадисе дни многи, елики дни тогда седесте.

2 И возвратившеся воздвигохомся в пустыню, путем моря Чернаго, якоже глагола Господь ко мне: и обходихом гору Сирия дни многи. 2 И рече Господь ко мне: з довлеет вам обхождати гору сию: возвратитеся убо к северу: 4 и людем заповеждъ, глаголя: вы пройдите сквозе пределы братии вашея, сынов Исауловых, живущих в Сирие, и убоится вас и ужаснется зело: 5 не сотворите с ними рати: не дах бо вам от земли их ниже стопы ноги, яко во жребий дах сыном Исауловым гору Сирия: 6 сребром пищу купите себе у них и ядите, и воду в меру возмите от них на цене и пийте: 7 ибо Господь Бог твой благослови тебе во всяком деле руку твою: разумей, како прошел еси пустыню великую и страшную сию: се, четыредесять лет Господь Бог твой с тобою, и не востребовал еси словесе. 8 И минутом братию свою сыны Исаули, живущыя в Сирие, у пути Аравскаго от Елона и от Гесион-Гавера, и возвратившеся преидохом путь в пустыню Моавлю. 9 И рече Господь ко мне: не совраждуйтеся Моавитом и не сотворите с ними рати: не дах бо вам от земли их во жребий, сыном бо Лотовым дах Ароир наследити. 10 Оммины прежде седяжу на ней, народ велик и мног и крепок якоже Енакими: 11 Рафайны глаголются и сии, якоже и Енакими: и Моавити прозывают я Оммины. 12 И в Сирие седяще Хорреи прежде, но сынове Исауловы потребиша я и искорениша я от лица своего: и вселишася вместо их, имже образом сотвори Израиль земли наследия своего, юже даде Господь им. 13 Ныне убо вы востаните и воздвигнитеся, и пройдите дебрь Заретову. 14 И дни, в няже отидохом от Кадис-Варни дондеже преидохом дебрь Заретову, тридесять и осмь лет, дондеже паде весь род мужей воинских от полка, якоже клятся им Господь Бог. 15 И рука Божия бяше на них, погубити я от полка, дондеже падоша. 16 И бысть внегда падоша вси мужи воинстии умирающе от среды людий, 17 и рече Господь ко мне, глаголя:

18 ты прейдеши днесь пределы Моавлими Ароир: 19 и пришедше близ сынов Амманех, не совраждуйтесь им и не сотворите с ними рати: не дам бо тебе от земли сынов Амманех во жребий, яко сыном Лотовым дах ю во жребий. 20 Земля Рафайнска возименуются: Рафайни бо на ней прежде живяху: Амманитяне же прозывают их Зоммин: 21 язык велик и мног и крепок, якоже и Енакими: и погуби я Господь от лица их, и прияша наследие и вселишася вместо их даже до сего дне: 22 якоже сотвориша сыном Исауловым живущым в Сирие, имже образом потребиша Хоррея от лица своего и наследиша их, и вселишася вместо их даже до сего дне: 23 и Евее живущии во Асирофе даже до Газы, и Каппадоки изшедши из Каппадокии потребиша я, и вселишася вместо их. 24 Ныне убо востаните и воздвигнитеся, и прейдите вы дебрь Ароню: се, предах в руце твои Сиона царя Есевона Аморрейска и землю его: начни наследовать, сотвори с ним рать днешний день: 25 начинай даяти трепет твой и страх твой пред лицем всех языков сущих под небесем, иже слышавше имя твое возмутится, и болезнь примут от лица твоего. 26 И послах послы от пустыни Кедамофф к Сиону царю Есевоню словесы мирными, глаголя: 27 да пройду сквозе землю твою: по пути пройду, не совращуся ни на десно, ни на лево: 28 пищу на цене даси ми, и ям: и воду на цене даси ми, и пию: точию ногама моима да прейду: 29 якоже сотвориша ми сынове Исаули живущии в Сирие и Моавити живущии во Ароире, дондеже прейду Иордан на землю, юже Господь Бог наш дает нам. 30 И не восхоте Сион цар Есевонъ, да пройдем сквозе его, яко ожесточи Господь Бог наш дух его и укрепи сердце его, да предастся в руце твои якоже во днешний день. 31 И рече Господь ко мне: се, начах предаяти пред лицем твоим Сиона царе Есевона Аморрейска и землю его, и начинай наследити землю его. 32 И изыде Сион царь Есевонъ противу нам сам и вси людие его на брань во Иассу: 33 и предаде его Господь Бог наш пред лицем нашим в руце наши: и убихом его, и сыны его и вся люди его: 34 и одержихом вся грады его во оно время, и разорихом вся град, кому и жены их и дети их не оставихом живы: 35 токмо скот пленихом себе, и корысти градов взяхом. 36 Из Ароира, иже есть при устии водотечи Ариони, и град иже есть в дебри, и даже до горы Галаадовы, не бысть град уцелевый от нас: вся предаде Господь Бог наш в руце наши: 37 токмо в земли сынов Амманех не приступахом ко всем прилежащым к водотечи Иавокове

и ко градом иже в горах, якоже повеле нам Господь Бог наш.

3 И обратившеся взыдохом путем иже к Васану: и изыде

Ог царь Васанский противу нам, сам и вси люди его с ним на брань во Едраим. 2 И рече Господь ко мне: не убойся его, яко в руце твои предах его, и вся люди его, и всю землю его: и сотвориши ему, якоже сотворил еси Сиону царю Аморрейску, иже живяше во Есевоне. 3 И предаде его Господь Бог наш в руце наши, и Ога царя Васанска, и вся люди его: и избихом его, дондеже не остался от него семя: 4 и одержахом вся грады его во время оно, не бысть града, егоже не взяхом от них: шестьдесят градов, вся пределы Аргова царя Ога в Васане, 5 вся грады тверды, стены высоки, врата и вереи, кроме градов ферезейских многих зело: 6 потребихом их, якоже сотворихом Сиону царю Есевоню, и потребихом вся грады, вкупе и жены их и чада: 7 и вся скоты, и корысти градныя пленихом себе, 8 и взяхом в то время землю от рук двух царей Аморрейских, иже быша об оны пол Иордана, от водотечи Арнони, даже и до горы Аермона. 9 Финикиане прозывают Аермон Саниором, Аморрей же прозва его Саниром. 10 Вси грады мисоровы, и весь Галаад, и весь Васан даже до Елхи и Едраима, грады царствия Огова в Васане: 11 яко точию Ог царь Васанский остался от Рафаинов: се, одр его одр железен, се, той есть в Краеградии сынов Аммановых: девять лакот долгота его и четыри лакти широта его лактем мужеским. 12 И землю ту наследихом во оно время от Ароира, иже есть у устия водотечи Ариони, и пол горы Галаадовы: и грады его дах Рувиму и Гаду: 13 и оставшее Галаадово, и все Васанское царство Огово дах полуплемени Манассиину, и весь предел Аргова, весь Васан оный, земля Рафаиня вменится. 14 И Иаир сын Манассиин взя вся пределы Аргова, даже до предел Гаргасинских и Махафинских: прозва я по имени своему Васан Авоф Иаир, даже до сего дне: 15 и Махиру дах Галаад, 16 и Рувиму и Гадови дах от Галаада даже до водотечи Арнони, среди водотечи предел, и даже до Иавока: водотеча предел сынов Амманих: 17 и арава и Иордан предел от Махенерефа и даже до моря Аравского, моря Сланаго, под асидофом Фазги от востока. 18 И повелех вам во время оно, глаголя: Господь Бог ваш даде вам землю сию во жребий: вооружени поидите пред лицем братии вашея сынов Израилевых, всяк сильный: 19 точию жены ваша и дети ваша и скоти ваша, яко скот мног есть вам, да пребудут во градех

ваших, яже дах вам: 20 дондеже упокоит Господь Бог наш братию вашу, якоже и вас, и наследят и сии землю, юже Господь Бог ваш дает им об ону страну Иордана: и возвратитеся кийждо в наследие свое иже дах вам. 21 И Иисусу заповедах во время оно, глаголя: очи ваши видеша вся, елика сотвори Господь Бог наш обоим царем сим, тако сотворит Господь Бог наш всем царством, ихже сквозе ты пройдеша тамо: 22 не убойтесь от них, яко Господь Бог наш Сам поборет по вас. 23 И молихся Господви во оно время, глаголя: 24 Господи Боже, Ты начал еси показовати Твоему рабу крепость Твою и силу Твою, и руку крепкую и мышцу высокую: кто бо есть бог на небеси или на земли, иже сотворит, якоже сотворил еси Ты, и по крепости Твоей? 25 Прешед убо увижду землю благую сию, яже об ону страну Иордана, гору сию благу и Антиливан. 26 И презре мя Господь вас ради, и не послуша мене, и рече Господь ко Мне: довлеет ти, не приложи к сему глаголати словесе сего: 27 взыди на верх горы Изсеченыя и воззри очима твоима к морю и северу, и югу и на востоки, и виждь очима твоима, яко не прейдеши Иордана сего: 28 и заповежь Иисусу, и укрепи его, и утеши его: яко сей прейдет пред лицем людий сих, и сей разделит им в наследие всю землю, юже еси видел. 29 И пребыхом во юдоли близ дому Фогорова.

4 Иныне, Израилю, послушай оправданий и судов, елика

аз учу вас днесь делать, да поживете и умножитеся, и вшедшее наследите землю, юже Господь Бог отец ваших дает вам в наследие: 2 да не приложите к словеси, еже аз заповедаю вам, ниже да отимете от него: сохраните заповеди Господа Бога нашего, елика аз заповедаю вам днесь. 3 Очи ваши видеша вся, елика сотвори Господь Бог наш Веельфегору: яко всяк человек иже иде вслед Веельфегора, потреби его Господь Бог наш от вас: 4 вы же, прилежащии Господеви Богу вашему, живете вси до днесь: 5 видите, показах вам оправдания и суды, якоже заповеда мне Господь Бог мой сотворити сице на земли, в нюже вы идете тамо, наследити ю: 6 и сохраните, и сотворите, яко сия премудрость ваша и смысление пред всеми языками, елицы аще услышат вся оправдания сия и рекут: се, людие премудрии и уметелны: языки великий сей. 7 Кий бо язык тако велий, ему же есть бог, приближаяйся ему, яко Господь Бог наш во всех, в нюже аще призовем Его? 8 И кий язык велик, ему же суть оправдания и суды правы по всему закону сему, егоже аз даю пред вами днесь? 9 Вонми себе и снабди душу твою зело, и не забуди всех словес, яже видеста очи твои, и

да не отступят от сердца твоего вся дни живота твоего: и да наставиши сыны твоя и сыны сынов твоих, 10 в день в оньже стоясте пред Господем Богом вашим в Хориве в день собрания, егда рече Господь ко мне: собери ко Мне люди, и да слышат слова Моя, да научатся боятися Мене вся дни, в няже сии живут на земли, и сыны своя да научат. 11 И приидосте, и стащте под горою: и гора горяще огнем даже до небесе, тма, мрак, и вихрь. 12 И глагола Господь к вам на горе из среды огня: глас словес Его вы слышасте, и образа не видесте, токмо глас: 13 и возвести вам завет Свой, егоже заповеда вам творити, десять словес, и написа я на двоих скрижалех каменных: 14 и мне заповеда Господь во время оно, научити вас оправданием и судам, творити вам я на земли, в нюже вы входите тамо наследити ю. 15 И снабдите души своя зело, яко не видесте всякаго подобия в день, в оньже глагола Господь к вам в горе Хориве из среды огня: 16 не беззаконнуйте, и не сотворите себе самим подобия ваянна, всякаго образа подобия мужеска пола или женска: 17 и подобия всякаго скота, иже есть на земли, подобия всякия птицы пернатыя, под небесем парящия: 18 подобия всякаго гада, иже плежет по земли: подобия всякия рыбы, елики суть в водах под землею: 19 да не когда воззрев на небо и видев солнце и луну и звезды, и всю красоту небесную, прельстився поклонишися им и послужиши им, яже раздели Господь Бог твой всем языком, иже под небесем. 20 Вас же взя Господь Бог и изведе вас от пещи железны из Египта, да будете Ему люди в жребий, якоже в днешний день. 21 И Господь Бог разгневався на мя о словесех ваших, и клятся, да не прейду Иордана сего и да не вниду в землю, юже Господь Бог твой дает тебе в наследие: 22 аз бо умру в сей земли, и не прейду Иордана сего, вы же прейдете и наследите землю благую сию. 23 Вонмите вы, да не когда забудете завета Господа Бога вашего, егоже завеща к вам, и да не сотворите сами себе извянянна подобия всех, яже заповеда тебе Господь Бог твой, 24 яко Господь Бог твой огнь потребляй есть, Бог ревнитель. 25 Аще же родиши сыны и сыны сынов твоих, и умудлите на земли, и возбеззаконнуете, и сотворите извянянно подобие всякаго, и сотворите злое пред Господем Богом, вашим, еже раздражити Его, 26 засвидетелствуя вам днесь небесем и землею, яко пагубою погибнете от земли, на нюже вы преходите чрез Иордан тамо наследити ю: не пребудете много дний на ней, но потреблением потребитеся: 27 и разсыплет вы Господь во всех языцах, и останется мали числом во языцах, в няже введет вы Господь тамо, 28 и

послужите тамо богом иным, делом рук человеческих, древу и камению, иже не узрят и не услышат, ни ядят, ни обоняют: 29 и взыщете тамо Господа Бога вашего, и обрящете Его, егда взыщете Его от всего вашего сердца и от всея души вашея в скорби вашей. 30 И постигнутя вся сия словеса в последняя дни, и обратишися к Господеви Богу твоему, и услышиши глас Его, 31 яко Бог щедр и милосерд Господь Бог твой, не оставит тебе, ниже потребит тебе, не забудет завета отец ваших, имже клятся им. 32 Вопросите дний первых, бывших прежде вас, от дне в оньже сотвори Бог человека на земли, и от края небесе даже до края небесе, аще бысть по словеси великому сему, аще слышано бысть сицево: 33 аще (кий) язык слыша глас Бога живаго глаголюща от среды огня, имже образом слышал еси ты, и жив был еси: 34 аще искуси бог вшед взяти себе язык от среды языка искущением, и знамении и чудесы, и бранию и рукою сильною, и мышцею высокою и видении великими, по всему елико сотвори Господь Бог наш во Египте пред тобою зрящим, 35 яко да разумеши ты, яко Господь Бог твой сей Бог есть, и несть разве Его. 36 От небесе слышан сотвори тебе глас Свой, еже научити тя, и на земли показа тебе огнь Свой великий, и глаголголы Его слышал еси из среды огня: 37 занеже возлюби отцы твоя, избра семя их по них вас, и изведе тя Сам силою Свою великою из Египта 38 потребити языки великия и крепчайшия тебе пред лицем твоим, ввести тя, дати тебе землю их в наследие, якоже имаши днесъ. 39 И увеси днесъ, и обратишися умом, яко Господь Бог твой Сей Бог на небеси горе и на земли долу, и несть разве Его, 40 и да сохраниши заповеди Его и оправдания Его, елика аз заповедаю тебе днесъ, да благо тебе будет и сыном твоим по тебе, яко да будете долголетни на земли, юже Господь Бог твой дает тебе вся дни. 41 Тогда отдели Моисей три грады об ону страну Иордана на восток солнца, 42 еже убегати тамо убийце, иже аще убий ближняго не ведый, и сей не ненавида его прежде вчера и третияго дне, и да вбегнет во един град от сих и жив будет: 43 Восор в пустыни в земли селней Рувиму, и Раммоф в Галааде Гадду, и Гавлон в Васане Манассии. 44 Сей закон, егоже предложи Моисей пред сыны Израилитескими: 45 сия свидения и оправдания и суды, елика глагола Моисей сыном Израилевым в пустыни, изшедшим им из земли Египетския, 46 об он пол Иордана, в дебри, близ дому Фогорова, в земли Сиона царя Аморрейска, иже живяше во Есевоне, егоже изби Моисей и сынове Израилевы, изшедшим им из

земли Египетсия. 47 И наследиша землю его и землю Ога царя Васанка, дву царей Аморрейских, иже бяху об он пол Иордана на восток солнца, 48 от Ароира, иже есть во устии водотечи Арнони и у горы Сиона, яже есть Аермон, 49 всю араву об ону страну Иордана, на восток солнца под асиодом Тесаным.

5 И призва Моисей всего Израиля и рече к ним: слыши,

Израилю, оправдания и суды, елика аз глаголю во уши ваши во днешний день, и научитесь их, и сохраните творити я. 2 Господь Бог ваш завеща вам завет в Хориве: 3 не отцем вашим завеща Господь завет сей, но токмо вам: вы же где все живи днесь. 4 Лицем к лицу глагола Господь к вам на горе из среды огня, 5 и из стоях между Господем и вами во время оно возвестити вам глаголголы Господня, яко убоистеся от лица огня и не взыдосте на гору, глаголя: 6 Аз есмъ Господь Бог твой, изведый тя из земли Египетсия, от дому работы: 7 да не будут тебе бози ини пред лицем Моим. 8 Да не сотвориши себе кумира, ни всякаго подобия, елика на небеси горе, и елика на земли низу, и елика в водах под землею, 9 да не поклонишися им, ниже послужиши им: яко Аз есмъ Господь Бог твой, Бог ревнив, отдаяй грехи отцев на чада до третияго и четвертаго рода ненавидящим Мене, 10 и творяй милость в тысячах любящим Мене и хранящим повеления Моя. 11 Да не приимиши имене Господа Бога твоего всуе: не очистит бо Господь Бог твой приемлюща имя Его всуе. 12 Снабди день субботный святити его, якоже заповеда тебе Господь Бог твой: 13 шесть днй делай, и да сотвориши вся дела твоя, 14 в день же седмый суббота Господу Богу твоему: да не сотвориши в онь всякаго дела, ты и сын твой и дщерь твоя, раб твой и раба твоя, вол твой и осел твой и всяк скот твой, и пришлец обитаяй у тебе, да почиет раб твой и раба твоя, и осел твой, якоже и ты: 15 и да помяняши, яко (ты) раб был еси в земли Египетстей и изведе тя Господь Бог твой оттуду рукою крепкою и мышцею высоокою: сего ради повеле тебе Господь Бог твой, еже хранити день субботный и святити его. 16 Чти отца твоего и матерь твою, якоже заповеда тебе Господь Бог твой, да благо ти будет и да долголетен будеш на земли, юже Господь Бог твой дает тебе. 17 Не убий. 18 Не прелюбодействуй. 19 Не укради. 20 Не послушествуй на ближняго твоего свидетелства ложна. 21 Не пожелай жены ближняго твоего, не пожелай дому ближняго твоего, ни села его, ни раба его, ни рабыни его, ни вола его, ни осляте его, ни всякаго скота его, ниже

всех, елика ближняго твоего суть. 22 Сия словеса глагола Господь ко всему сонму вашему на горе из среды огня: тма, мрак, буря, глас велик, и не приложи: и написа я на двоих скрижалех каменных, и даде мне. 23 И бысть яко услышаште глас из среды огня, и гора горяше огнем, и приидосте ко мне вси начальницы племен ваших и старейшины ваши, 24 и ресте: се, показа нам Господь Бог наш славу Свою, и глас Его слышахом из среды огня: во днешний день видехом, яко возглаголет Бог человеку, и жив будет: 25 и ныне да не измрем, яко потребит нас огнь великий сей, аще приложим мы слышати глас Господа Бога нашего ктому, и умрем: 26 кая бо плоть, яже слыша глас Бога жива, глаголюща из среды огня, яко же мы, и жива будет? 27 Приступи ты, и послушай вся, елика к тебе речет Господь Бог наш, и ты речеши к нам вся, елика речет Господь Бог наш к тебе, и услышим, и сговорим. 28 И услыша Господь глас словес ваших, глаголющим вам ко мне, и рече Господь ко мне: слышах глас словес людий сих, елика глаголаша к тебе: право вся, елика глаголаша: 29 кто даст еже быти тако сердцу их в них, яко боятися Мене и хранити заповеди Моя во вся дни, да благо будет им и сыном их во веки? 30 Гряди, рцы им: возвратитеся в домы своя: 31 ты же где стани со Мною, и возглаголю к тебе вся заповеди и оправдания и суды, еликим научиши их: и да сотворят сице в земли, юже Аз даю им в жребий: 32 и сохраните творити, якоже заповеда тебе Господь Бог твой: не сорватитеся ни на десно, ни на лево, 33 по всему пути, егоже заповеда тебе Господь Бог твой ходити в нем, да тя упокоит, и благо тебе будет: и многи дни будете на земли, юже наследите.

6 И сия заповеди и оправдания и суды, елика заповеда

Господь Бог ваш научити вас творити тако на земли, в нюже вы входите тамо, наследити ю: 2 да боитеся Господа Бога вашего, хранити вся оправдания Его и заповеди Его, яже аз заповеда тебе днесь, ты и сынове твои, и сыны сынов твоих, во вся дни живота твоего, да многи дни пребудете. 3 И послушай, Израилю, и снабди творити, да благо ти будет, и да умножитя зело, якоже глагола Господь Бог отец ваших, дати тебе землю кипящу млеком и медом. И сия оправдания и суды, елика заповеда Господь (Бог) сыном Израилевым в пустыни, изшедшым им из земли Египетсия. 4 Слыши, Израилю: Господь Бог наш Господь един есть. 5 И возлюбиши Господа Бога твоего от всего сердца твоего и от всяя души твоей и от всяя силы твоей. 6 И да будут словеса сия, яже Аз заповеда тебе днесь, в

сердцы твоем и в души твоей, 7 и да накажеши ими сыны твоя, и да возглаголеши о них седя в дому и идый путем, и лежа и востая: 8 и навяжеши я в знамение на руку твою, и да будут непоколеблема пред очима твоими: 9 и да напишете я на празех храмине ваших и врат ваших. 10 И будет егда введет тя Господь Бог твой в землю, еюже клятся отцем твоим, Аврааму и Исааку и Иакову, дати тебе грады велики и добры, ихже не создал еси, 11 домы полны всяких благ, ихже не наполнил еси, потоки ископаны, ихже не ископал еси, винограды и маслины, ихже не насадил еси: и ядый и насытился, 12 вонми себе, да не разширится сердце твое, да не забудеши Господа Бога твоего, изведшаго тебе из земли Египетския, от дому работы. 13 Господа Бога твоего да убоишся, и тому единому послужиши, и к Нему прилепишися, и именем Его кленешися. 14 Да не ходите вслед богов иных, богов языческих, иже окрест вас: 15 яко Бог ревнин Господь Бог твой посреде тебе: да не разгневався яростю Господь Бог твой на тя, потребит тя от лица земли. 16 Да не искусиши Господа Бога твоего, яко же искушасте во Искушении. 17 Храня да сохраниши заповеди Господа Бога твоего, свидения Его и оправдания Его, елика заповеда тебе: 18 и да сотвориши угодное и благое пред Господем Богом твоим, да благо будет тебе, и внидеши и наследиши землю благую, еюже клятся Господь отцем вашым, 19 отгнati вся враги твоя от лица твоего, яко же глагола Господь. 20 И будет егда вопросит тя сын твой утре, глаголя: что суть свидения и оправдания и суды, елика заповеда Господь Бог наш нам? 21 И речеши сыну твоему: раби бехом фараону в земли Египетстей, и изведе нас Господь Бог оттуду рукою крепкою и мышцею высококою: 22 и даде Господь (Бог) знамения и чудеса велика и зла во Египте на фараона и на дом его и на силу его пред нами, 23 и нас изведе Господь Бог наш оттуду, да введет нас дати нам землю сию, еюже клятся Господь Бог наш отцем нашым, дати ю нам: 24 и заповеда нам Господь творит вся оправдания сия, боятися Господа Бога нашего, да благо будет нам во вся дни, да живем, яко же и днес, 25 и милосердие будет нам, аще сохраним творит вся заповеди закона сего пред Господем Богом нашим, яко же заповеда нам.

7 И будет егда введет тя Господь Бог твой в землю, в нюже входиши тамо наследити ю, и изженет языки великия и многия от лица твоего, Хеттеа и Гергесеа, и Аморреа и Хананеа, и Ферезеа и Евеа и Иевусеа, седмь языков великих и многих, и крепчае вас: 2 и

предаст их Господь Бог твой в руце твои, и избиши я, пагубою погубиши я, да не завещаеш к ним завета, ниже да помилуши их, 3 ниже сватовства сотвориши с ними: дщери своя не даси сыну его, и дщере его да не поймеш сыну твоему: 4 отвратит бо сына твоего от Мене, и послужит богом имен: и разгневается Господь гневом на вы, и потребит тя вскоре. 5 Но сице да сотворите им: требища их разсыплете, и столпы их да сокрушите, и дубравы их да посечете, и ваяния богов их да сожжете огнем: 6 яко люди святы есте Господеви Богу вашему: и вас избра Господь Бог ваш, да будете Ему люди избранни паче всех языков, елицы на лицы земли. 7 Не яко мнози есте паче всех языков, предприя вас Господь и избра вас Господь, вы бо есте меньши от всех языков: 8 но яко возлюби Господь вас, и храня клятву, еюже клятся отцем вашим, изведе Господь вас рукою крепкою и мышцею высококою, и избави тя от дому работы, от руки фараона царя Египетска, 9 и да увеси, яко Господь Бог твой Сей Бог: Бог верный, храняй завет Свой и милость любящим Его и хранящим заповеди Его в тысящи родов: 10 и воздай ненавидящим Его в лице потребити я, и не умилит ненавидящим, в лице воздаст им. 11 И да сохраниши заповеди и оправдания и суды сия, елика аз заповедаю тебе творити днесь. 12 И будет егда послушаете вся оправдания сия, и сохраните и сотворите я, сохранит и Господь Бог твой тебе завет и милость, яко же клятся отцем вашим, 13 и возлюбит тя, и благословит тя и умножит тя, и благословит плод чрева твоего и плод земли твоей, пшеницу твою и вино твое и елей твой, и стада волов твоих и паства овец твоих на земли, юже клятся Господь отцем твоим дати тебе: 14 и благословен будеши паче всех языков и не будет в вас безчадный, ниже неплоды, и в скотех твоих: 15 и отимет Господь Бог твой от тебе всяко разслабление и всяку язю Египетскую злую, яже видел еси и елика веси: не возложит на тя, но возложит я на вся ненавидящая тебе: 16 и ясти будеши вся корысти языков, яже Господь Бог твой дает тебе: да не пощадит их око твое, и да не послужиши богом их, яко претыканье тебе есть сие. 17 Аще же речеши во уме твоем: яко язык сей множа паче мене, како возможу аз потребити я? 18 Не убоишся их: памяти да помянеши, елика сотвори Господь Бог твой фараону и всем Египтяном, 19 искушения великая, яже видеста очи твои, знамения она и чудеса великая, руку крепкую и мышцу высокую, яко же изведе тя Господь Бог твой: тако сотворит Господь Бог ваш всем языком, ихже ты боишся от лица их: 20 и шершни послет Господь

Бог твой на них, дондеже потребятся оставшиися и скрывшиися от тебе: 21 не повредиши от лица их: яко Господь Бог твой в тебе, Бог великий и крепкий: 22 и погубит Господь Бог твой языки сия от лица твоего, помалу малу: не возможеши погубити их вскоре, да не будет земля пуста, и умножатся зверие дивии на тя: 23 и предаст их Господь Бог твой в руце твои, и погубиши их погублением великим, дондеже искорените их: 24 и предаст цари их в руце твои, и погубите имя их от места оного: ниже един постоит пред лицем твоим, дондеже погубиши их. 25 Ваяния богов их да сожжете огнем, да не похощеши злата и сребра взяти себе от них, да не когда согрешиши того ради, яко мерзость есть Господеви Богу твоему: 26 и да не внесеши мерзости в свой дом, и проклят будеши яко сия: ненавидением да возненавидиши, и омерзением да омерзиши, яко проклятие есть.

8 Вся заповеди, яже аз заповедаю вам днесь, снабдите творити, да живете, и умножитеся, и внидете, и наследите землю благую, еюже клятся Господь Бог отцем вашим. 2 И да помянеши весь путь, имже проведе тебе Господь Бог твой, сие четыредесятое лето в пустыни, да искусит тя и озлобит тя, и уразумеются яже в сердцы твоем, аще сохраниши заповеди Его или ни. 3 И озлоби тя, и гладом замори тя, и напита тя манною, еяже ты не уведел еси, ни отцы твои: да возвестит тебе, яко не от хлебе единем жив будет человек, но о всяком словеси исходящем из уст Божиих жив будет человек. 4 Ризы твоя не обеташа на тебе: нозе твои не язвиша ся, се, четыредесять лет. 5 И уразумеши сердцем твоим, яко имже образом аще кий человек накажет сына своего, тако Господь Бог твой накажет тя. 6 И сохраниши заповеди Господа Бога твоего ходити в путех Его и боятися Его. 7 Господь бо Бог твой введет тя в землю благую и многу, идеже водотечи водныя и источники бездны исходящия по полям и горам, 8 в землю пшеницы и ячменя, (идеже) виногради, смокви и щипцы, в землю масличия елеа и меда: 9 в землю на нейже не с нищетою снеси хлеб твой, иничесого востребуеши на ней: в землю в нейже камение железно, и от гор ея ископаеши медъ: 10 и ясти будеши, и насытишися, и благословиши Господа Бога твоего на земли блазей, юже даде тебе. 11 Вонми себе, не забуди Господа Бога твоего, еже не сохраниши заповеди Его и суды и оправдания Его, елика аз заповедаю тебе днесь: 12 да не когда ядый и насытився, и домы добры соградив и вселився в ня, 13 и волом твоим и овцам твоим

умножившимся тебе, сребру и злату умножившимся тебе, и всем, елика тебе будут, умножившимся тебе, 14 вознесеши сердцем твоим, и забудеши Господа Бога твоего, изведшаго тя из земли Египетския, из дому работы: 15 проведшаго тя сквозе пустыню велику и страшную ону, в нейже змии угрьзывающыя, и скорпии, и жажда, в нейже не бяше воды: изведшаго тебе из камене несекома источник водный: 16 питавшаго тя манною в пустыни, еяже не ведел еси ты, ниже ведаху отцы твои, да озлобит тя и да искусит тя, и благо тебе сотворит на последок твой: 17 да не речеши в сердцы твоем: крепость моя и сила руки моей сотвори мне силу великую сию, 18 и помянеши Господа Бога твоего, яко Той даде тебе крепость, еже сотворит силу, и да уставит завет Свой, имже клятся отцем твоим, яко же днесь. 19 И будет аще забвением забудеши Господа Бога твоего, и пойдеши вслед богов иных, и послужиши им, и поклониши им, засвидетелствуя вам днесь небесем и землею, яко пагубою погибнете: 20 яко же и прочии языцы, яже Господь Бог погубляет от лица вашего, тако погибнете, занеже не послушасте гласа Господа Бога вашего.

9 Слыши, Израилю, ты преходиши Иордан днесь, внизи еже наследити языки великия и крепчайши паче вас, грады велики и ограждены до небесе, 2 люди велики и многи и предолги, сыны Енаковы, яже ты веси, и ты слышал еси: кто противу станет сыном Енаковым? 3 И увеси днесь, яко Господь Бог твой Сей предидет пред лицем твоим: огнь попаляя есть: Сей потребит я, и Сей отвратит я от лица твоего, и потребит я вскоре, яко же рече тебе Господь. 4 Не рцы в сердцы твоем, егда потребит Господь Бог твой языки сия пред лицем твоим, глаголя: правд ради моих введе мя Господь наследити землю благую сию: 5 не ради правды твоея, ниже преподобия ради сердца твоего ты входиши наследити землю их, но нечестия ради и беззакония языков сих Господь от лица твоего потребит я, и да уставит завет, имже клятся Господь отцем вашим, Аврааму и Исааку и Иакову: 6 и да увеси днесь, яко не ради правды твоея Господь Бог твой дает тебе землю благую сию наследити: яко людие жестоковийни есте. 7 Помни, не забуди, колико разгневавшися Господа Бога своего в пустыни: от негоже дне изыдосте из земли Египетския, даже внидосте в место сие, не покаряющеся совершасте яже противу Господа: 8 и в Хориве разгневавшися Господа, и разгневавшися Господь на вы, потребити вас, 9 восходящу

мне на гору, взяти скрижали каменные, скрижали завета, яже завеща Господь к вам: и пребых в горе четыредесять дний и четыредесять нощей: хлеба не ядох и воды не пих. 10 И даде ми Господь две скрижали каменны, написаны перстом Божиим, и на них бяху написана вся словеса, яже глагола Господь к вам в горе из среды огня в день собрания: 11 и бысть но четыредесяти днех и по четыредесяти нощех, даде ми Господь две скрижали каменны, скрижали завета, 12 и рече Господь ко мне: востан и снди скоро отсюду, яко беззаконноваша людие твои, яже извел еси из земли Египетски: сопутиша скоро с пути, егоже заповедал еси им, и сотвориша себе слияние. 13 И рече Господь ко мне: глаголах тебе единою и дважды, глаголя: видех люди сия, и се, людие жестоковыиини суть: 14 остави Мя, да потреблю Я, и погублю имя их под небесем, и сотворю тя в язык велик и крепок и мног паче сих. 15 И возвратився сндиох с горы, и гора горяще огнем: и две скрижали свидений во обю руку мою: 16 и видев, яко согрешисте пред Господем Богом вашим, и сотвористе себе телца слияна, и сопутисте с пути скоро, егоже заповеда Господь вам творити, 17 и взем обе скрижали, повергох я из руку мою и сокруших их пред вами. 18 И молихся пред Господем второе, яко же и первое, четыредесять дний и четыредесять нощей, хлеба не ядох и воды не пих, всех ради грехов ваших, имиже согрешисте, творяще злое пред Господем Богом вашим, еже разгневати Его: 19 и боязнен бех гнева ради и ярости, яко разгневався Господь на вы, да потребит вас: и послуша мене Господь и в то время. 20 И на Аарона разгневався Господь зело, еже погубити его: и молихся и за Аарона во время оно. 21 И грех ваш, егоже сотвористе, телца, взях его и сожгох его на огни, и избих его и сотрох его зело, даже бысть дробен, и бысть яко прах, и изсыпах прах в водотечу сходящую с горы. 22 И в Запалении, и во Искушении, и во гробех Похотения разгневасте Господа Бога вашего. 23 И егда послы вас Господь от Кадис-Варни, глаголя: взыдите и наследите землю, юже Аз даю вам: и сопротивитися глаголгу Господа Бога вашего, и не веровасте Ему, и не послушасте гласа Его: 24 и не покаряющеся бысте Господу от дне, в онъже познася вам. 25 И молихся пред Господем четыредесять дний и четыредесять нощей, в няже молихся: рече бо Господь погубити вас. 26 И молихся Богу и рекох: Господи, Господи Царю богов, не погуби людий Твоих и наследия Твоего, еже избавил еси крепостию Твою великою, яже извел еси из земли Египетская крепостию Твою великою и рукою сильною и

мышщею Твою высокою: 27 помяни Авраама и Исаака и Иакова, рабы Твоя, имже клялся еси Собою: не призираи на жестокость людий сих, и на нечестие их и на грехи их: 28 да не когда рекут живущии на земли, отнюдже извел еси нас, глаголюще: не могий Господь ввести их в землю, юже им обеща, и ненавидя их Господь, изведе погубити их в пустыни: 29 и сии людие Твои и жребий Твой, ихже извел еси из земли Египетская крепостию Твою великою и мышщею Твою высокою.

10 Во оно время рече Господь ко мне: истеши себе две скрижали каменны яко же первыя, и взыди ко Мне на гору, и да сотвориши себе ковчег древян: 2 и напишу на скрижалех словеса, яже бяху на скрижалех первых, ихже сокрушил еси, и да вложиши я в ковчег. 3 И сотвориши ковчег от древ негниющих, и истесах две скрижали каменны яко же и первыя, и взыдох на гору: и обе скрижали во юбою руку мою: 4 и написа на скрижалех по писанию первому десять словес, яже глагола Господь к вам на горе от среды огня, и даде я Господь мне. 5 И обратився сндиох с горы, и вложих скрижали в ковчег, егоже сотворих: и беста ту, яко же повеле ми Господь. 6 И сынове Израилевы воздвигохася от Вирофа сынов Иакимлих в Мисадай: тамо умре Аарон, и погребен бысть ту, и бысть жрец Елеазар сын его вместо его. 7 Оттуду же воздвигохася в Гадгад, и от Гадгада до Етавафа, земли водотечи вод. 8 Во оно время отдали Господь племя Левинно носити ковчег завета Господня, предстояти пред Господем, служити и молитися и благословляти о имени Его до днешняго дне: 9 сего ради несть левитом части и жребия в братии их: Господь Сам жребий их, яко же рече им. 10 И аз стоях на горе четыредесять дний и четыредесять нощей, и послуша Господь мене и во время сие, и не восхоте Господь погубити вас. 11 И рече Господь ко мне: гряди, воздвигнися пред людьми сими, и да внидут и наследят землю, юже кляхся отцем их, дати ю им. 12 И ныне, Израилю, что просит Господь Бог твой у тебе, точно еже боятися Господа Бога твоего и ходити во всех путех Его, и любити Его и служити Господу Богу твоему от всего сердца твоего и от всяе души твоея, 13 хранити заповеди Господа Бога твоего и оправдания Его, елика аз заповедао тебе днесь, да благо тебе будет? 14 Се, Господа Бога твоего небо и небо небесе, земля и вся елика суть на ней: 15 обаче отцы ваши произволи Господь любити их, и избра семя их по них, вас, паче всех язык, в день сей. 16 И обрежите жестокосердие ваше, и выи вашея не ожесточите ктому: 17 ибо Господь Бог ваш сей Бог богов и Господь господей,

Бог великий и крепкий и страшный, иже не дивится лицу, ниже вземлет дара: 18 творяй суд пришелцу и сиру и вдовице, и любит пришелца дати ему хлеб и ризу. 19 И возлюбите пришелца: пришелцы бо бесте в земли Египетстей. 20 Господа Бога твоего да убоишися, и Тому (единому) послужиши, и к Нему прилепишися, и именем Его кленешися: 21 Той хвала твоя и Той Бог твой, иже сотвори тебе великая и славная сия, яже видесте очи твои: 22 в седмидесятих и пяти душах снidoша отцы твои во Египт: ныне же сотвори тя Господь Бог твой яко звезды небесныя множеством.

11 И да возлюбиши Господа Бога твоего, и сохраниши стражбы Его и оправдания Его и заповеди Его и суды Его во вся дни. 2 И увесте днесъ, яко не чада ваша, елицы не сведеша, ниже видеша наказания Господа Бога твоего и величества Его, и руки сильныя и мышцы высокия, 3 и знамений Его и чудес Его, елика сотвори посреде Египта фараону царю Египетску и всей земли его, 4 и елика сотвори силе Египетстей: колесницы их и кони их како потопи вода моря Чермнаго, пред лицем их, гонящим им вслед вас, и погуби их Господь Бог до днешняго дне: 5 и елика сотвори вам в пустыни, дондеже приидосте на место сие: 6 и елика сотвори Дафанду и Авирону сыном Елиава сына Рувимля, яже отверзши земля уста своя пожре их, и дома их, и кущы их, и все их имение с ними, среди всего Израиля: 7 яко очи ваши видеста вся дела Господня великая, елика сотвори в вас днесъ. 8 И сохраните вся заповеди Его, елики аз заповедаю вам днесъ, да живете и умножитеся, и внидете и наследите землю, на нюже вы преходите чрез Иордан тамо наследити ю: 9 да многи дни будете на земли, яже клятся Господь отцем вашым дати им и семени их по них землю кипящую млеком и медом. 10 Есть бо земля, на нюже вы идете тамо наследити ю, не яко земля Египетска есть, отнюдже изыдосте, егда сеют семя и напаяют ю ногами своими, аки вертоград зелейный: 11 земля же, в нюже ты входиши тамо наследити ю, земля нагорная и равная, от дождя небеснаго напаеется водою: 12 земля, на нюже Господь Бог твой присещает всегда, очи Господа Бога твоего на ней от начала лета и до конца лета. 13 Аще же слухом послушаете всех заповедий Его, яже аз заповедаю тебе днесъ, любити Господа Бога твоего и служити Ему от всего сердца твоего и от вся души твоей, 14 и даст дождь земли твоей во время ранний и поздний, и соберети жита твоя и вино твое и елей твой: 15 и даст пищу на селех скотом твоим. 16

И ядый и насытився, внемли себе, да не разширится сердце твое, и преступите, и послужите богом иным, и поклонитеся им: 17 и яростю разгневается Господь на вы и затворит небо, и не будет дождя, и земля не даст плода своего, и погибнете вскоре от земли благия, юже Господь даде вам. 18 И вложите словеса сия в сердца ваша и в душу вашу, и наважите я в знамение на руку вашу, и будут непоколебима между очима вашима, 19 и научите сим чада своя глаголати сия, седящу тебе в дому и идущу тебе в пути, и возлежащу ти и востающу ти: 20 и напишите я на праздех домов ваших и врат ваших, 21 да умножатся дни ваши и дни сынов ваших на земли, яже клятся Господь отцем вашим дати им, яко же дни неба на земли. 22 И будет аще слухом послушаете всех заповедий сих, яже аз заповедаю вам днесъ творити, любити Господа Бога вашего и ходити во всех путех Его и прилепятися к Нему, 23 тогда изженет Господь вся языки сия от лица вашего, и одержите языки великия и крепкия паче вас. 24 Всякое место, на немже станет стопа ног ваших, вам будет: от пустыни и Антиливана, и от реки великия Евфрата, и даже до моря, еже на западе, будут пределы ваши: 25 никто же противостанет пред лицем вашим: и трепет ваш и страх ваш возложит Господь Бог ваш на лице всей земли, на нюже аще взыдете, яко же глагола Господь к вам. 26 Се, Аз даю пред вами днесъ благословение и клятву: 27 благословение, аще послушаете заповедий Господа Бога вашего, елики аз заповедаю вам днесъ: 28 и клятву, аще не послушаете заповедий Господа Бога вашего, елики аз заповедаю вам днесъ, и сорватитесь с пути, егоже заповедах вам, идуще послужити богом иным, ижже не весте. 29 И будет егда введет тебе Господь Бог твой в землю, в нюже преходиши тамо наследити ю, да даси благословение на горе Гаризин и клятву на горе Гевал: 30 не се ли сия суть об ону страну Иордана, за путем иже на западе солнца, в земли Ханаана обитающаго на западе солнца близ Галгала у дуба Высокаго? 31 Вы бо преходите Иордан, вшедше наследити землю, юже Господь Бог ваш дает вам в жребий вся дни, и приимете ю, и вселитесь в ню: 32 и да сохраните творити вся заповеди Его и суды Его, яже аз даю пред вами днесъ.

12 И сия заповеди и суды, яже снabdите творити на земли, юже Господь Бог отец ваших дает вам в жребий во вся дни, в няже вы жити будете на земли: 2 пагубою погубите вся места, в нихже служиша тамо языцы богом своим, яже вы приимете, на горах высоких

и холмех и под древом сеновным: 3 и да раскопаете требища их и сокрушите столпы их, и дубравы их ссечете, и ваяние богов их сожжете огнем, и погубите имя их от места того. 4 Да не сотворите тако Господу Богу нашему, 5 токмо на месте, идеже изберет Господь Бог ваш, во единем от племен ваших, нарещи имя Его тамо и призвати, и взыщете, и внидете тамо: 6 и принесете тамо всесожжения ваша, и жертвы вашя, и начатки ваши, и обеты ваши, и вольная ваша, и исповедания ваша, первенцы волов ваших и овец ваших, 7 и ясти будете тамо пред Господем Богом вашим и возвеселитесь о всех, на няже возложите руки ваша вы и домове ваши, якоже тя благословил есть Господь Бог твой. 8 Да не сотворите тамо всех, елика вы творите зде днесъ, кийждо угодное пред собою: 9 не приидосте бо до ныне в покой и в наследие, еже Господь Бог ваш дает вам. 10 И егда прейдете Иордан и вселитесь на земли, юже Господь Бог ваш даст в наследие вам, и упокоит вас от всех враг ваших, иже окрест вас, и вселитесь со утверждением: 11 и будет место, иже изберет Господь Бог ваш призвати има Его тамо, ту принесете вся, елика аз заповедаю вам днесъ: всесожжения ваша и жертвы вашя, и десятины вашя и начатки рук ваших, и всяк избран дар ваш, елика обещаете Господеви Богу нашему: 12 и возвеселитесь пред Господем Богом вашим вы и сынове ваши и дщери ваши, и рабы ваши и рабыни ваши, и левити, иже у врат ваших: яко несть им части ни жребия с вами. 13 Внемли себе, да не принесеши всесожжений твоих на всяком месте, еже аще узриши, 14 токмо на месте, еже изберет Господь Бог твой, в единем от племен твоих, тамо да принесеши всесожжения твоя и тамо сотвориши вся, елика аз заповедаю тебе днесъ. 15 Но токмо всем желанием души твою да покрещи, и снеси мяса по благословению Господа Бога твоего, еже даде тебе во всяком граде: нечистый при тебе и чистый вкупе да ястя, яко серну, или еленья. 16 Токмо крове да не снесте: на землю пролиете ю, аки воду. 17 Не возможеши ясти в градех твоих десятины пшеницы твою и вина твоего и елеа твоего, первенцов волов твоих и овец твоих, и всех обетове, елики обещаете, и исповеданий ваших, и начатков рук ваших: 18 токмо пред Господем Богом твоим да снеси я на месте, еже изберет Господь Бог твой Себе, ты и сын твой и дщерь твоя, и раб твой и раба твоя, и левит, и пришлец иже во градех твоих, и возвеселишися пред Господем Богом твоим во всех, на няже возложиши руку твою. 19 Внемли себе, да не оставиши левитина во все время, дондеже еси жив на

земли. 20 Аще же разширят Господь Бог твой пределы твоя, якоже глагола тебе, и речеши: снем мяса, аще вожделеет душа твоя, яко ясти мяса, во всем желании души твоей да снеси мяса. 21 Аще же далече отстоит место от тебе, иже изберет Господь Бог твой призвати има Его тамо, и заколеши от волов твоих и от овец твоих, яже даст тебе Бог твой, якоже заповедах тебе, и снеси во градех твоих по желанию души твоей. 22 Якоже ястся серна и елень, тако да снеси е: нечистый при тебе, и чистый такожде да снест. 23 Вонми крепце, еже не ясти крове: кровь бо есть душа его: да на снестся душа с мясы: 24 да не снесте ея, на землю пролиете ю аки воду: 25 да не снеси ю, да благо тебе будет и сыном твоим по тебе во веки, аще сотвориши се, еже добро и угодно есть пред Господем Богом твоим. 26 Разве святая твоя, яже аще будут тебе, и обеты твоя взем да приидеш на место, еже изберет Господь Бог твой оное себе призвати има Его тамо: 27 и сотвориши всесожжения твоя: мяса да вознесши на олтарь Господа Бога твоего, кровь же жертв твоих да пролиеш пред степени олтаря Господа Бога твоего, мяса же да снеси. 28 Снабди и послушай, и да сотвориши вся словеса, яже Аз заповедаю тебе, да благо тебе будет и сыном твоим во веки, аще сотвориши добро и угодно пред Господем Богом твоим. 29 Аще же потребит Господь Бог твой языки, в няже входиши ты тамо, наследити землю их, от лица твоего, и приимеш ю в наследие, и вселишися в земли их: 30 внемли себе, да не взыщеши последовати им, по потреблении их от лица твоего, не взыщи богов их, глаголя: якоже творят языцы сии богом своим, сотворю и аз: 31 да не сотвориши Господу Богу твоему тако: мерзостна бо Господеви, яже возненавиде, сотвориша богом своим, яко сыны своя и дщери своя жгут огнем богом своим. 32 Всяко слово, еже аз заповедаю тебе днесъ, сие снабди творити: да не приложиши к сему, ни отимеши от него.

13 Аще же востанет в тебе пророк, или видяй соние, и даст тебе знамение или чудо, 2 и приидет знамение или чудо, еже рече к тебе, глаголя: идем да послужим богом иным, ихже не весте: 3 да не послушаете глагол пророка того, или видящаго сон той: яко искушает Господь Бог твой вас, иже уведети, аще любите Господа Бога вашего всем сердцем вашим и всею душою вашею: 4 вслед Господа Бога вашего ходите, и Того бойтесь, и заповеди Его сохраните, и гласа Его послушайте, и Тому служите, и к Нему прилепитеся: 5 и пророк той или видяй сон да умрет: глагола бо, иже прельстити тя от

Господа Бога твоего изведшаго тя из земли Египетския, избавльшаго тя из работы, еже соратити тя с пути, егоже заповеда тебе Господь Бог твой ходити по нему: и погубите сами злое от вас самих. 6 Аще же помолит тя брат твой от отца твоего или от матере твоей, или сын твой, или дщерь твоя, или жена твоя яже на лоне твоем, или друг твой, равен души твоей, отай глаголя: идем и послужим богом иным, ихже не видел еси ты и отцы твои, 7 от богов языков, иже окрест вас, близ сущих тебе, или дальних от тебе, от конца земли до конца земли, 8 да не соизволиши ему и не послушаши его, и да не пощадит его око твое, и не возлюбиши его, ниже прикрыши его: 9 возвещая да возвестиши о нем, и рука твоя да будет на нем в первых убить его, и руки всех людей послежде: 10 и побиют его камением, и умрет, яко взыскал есть отвратити тебе от Господа Бога твоего, изведшаго тя из земли Египетския, от дому работы: 11 и весь Израиль услышав убоится, и не приложит ктому сотворити по словеси сему злому еже в вас. 12 Аще же услышиши в единем от градов твоих, яже Господь Бог дает тебе, вселитися тамо, глаголющих: 13 изыдоша мужи беззаконии от вас и отвратиша вся живущая во граде их, глаголюще: идем, да послужим богом иным, ихже не весте, 14 и да взыщеши и вопросиши и обыщеши зело, и се, истинно слово яве, сотворися мерзость сия в вас: 15 убивая да убиеши вся живущая во граде онем убийством меча, проклятием проклените его, и вся яже в нем, 16 и вся корысти его собереши на распутья его, и зажжеши град огнем, и вся корысти его всенародно пред Господем Богом твоим, и будет пуст во веки, не возградится по сем: 17 и да ничтоже прилепится от проклятия руце твой, да отвратится Бог от яости гнева Своего: и даст тебе милость и помилует тя, и умножит тя, якоже глагола тебе, якоже клятся Господь отцем твоим, 18 аще послушаеши гласа Господа Бога твоего, еже хранити вся заповеди Его, яже аз заповедао тебе днесь, творити доброе и угодное пред Господем Богом твоим.

14 Сынове есте Господа Бога вашего: да не нарезуетесь и не возложите плеши между очима вашима над мертвым: 2 яко людие святы есте Господеви Богу вашему, и вас избра Господь Бог ваш быти вам людем избранным Ему от всех языков иже на лици земли. 3 Да не снесте всякия мерзости. 4 Сия скоты ядите: телца от говяд и агнца от овец и козла от коз: 5 елена и серну, и буйвола и ланя, и зубря и онагра и сайгака. 6 Всяк

скот на двое деля пазнокти, и копыто на двое копыта, и отрыгая жвание в скотех, да ясте. 7 И сих да не снесте от отрыгающих жвание и от делящих пазнокти на двое, но копыт не раздвоюющих: велблюда и заяца и хирогриля: яко отрыгают жвание сии, но копыт не раздвоюют, нечиста сия вам суть. 8 И свинии, яко на двое делит пазнокти и копыта раздвояет, и сия жвания не отрыгает, нечиста сия вам есть: от мяс их да не ясте, и мертвенинам их да не прикоснетесь. 9 И сия да ясте от всех яже в воде: вся, имже суть перие и чешуя, ядите. 10 И всех, имже несть перия, на чешуи, да не ясте: нечиста суть вам. 11 Всяку птицу чисту да ясте. 12 И сих да не ясте от них: 13 орла и грифа и орла морского, 14 и неясыти и иктина и подобных сим: 15 и врана и врабия, и выпелицы и сухолапля, и ястреба и подобных сим: 16 и врана нощного и лилика и подобных сим: 17 и еродия и лебедя, и ивины и катараракта, и ввода 18 и нощного нетопыря, и сыча и теслоноса, и харадриона и подобных сим, и порфириона. 19 Вся гады птичия нечиста суть вам: да не ясте от них. 20 Всяку птицу чисту да ясте. 21 Всякия мертвенины да не ясте: приселнику, иже во градех твоих, да дасте, и да яст, или да продасте страннику: яко людие святы есте Господеви Богу вашему. Да не свариши ягните во млеце матере его. 22 Десятины да даси от всего плода семене своего, плод нив твоих от года до года, 23 и да снеси я пред Господем Богом твоим на месте, идеже изберет Господь Бог твой призывати имя Его тамо: да принесеши десятину пшеницы твоей и вина твоего и елея твоего, и первенцыолов твоих и овец твоих, да научишися боятися Господа Бога твоего вся дни. 24 Аще же далече будет путь от тебе и не возможеши донести их, яко далече место от тебе, еже изберет Господь Бог твой призывати имя Его тамо, яко да благословит тя Господь Бог твой: 25 и продаси сие на цене, и возмеши сребро в руку твою, и пойдеш на место, иже изберет Господь Бог твой, 26 и даси сребро за все, на неже пожелает душа твоя, на волы и овцы, или на вино, или на сикеру, или на все, егоже желает душа твоя, и да снеси тамо пред Господем Богом твоим, и возвеселишися ты и дом твой. 27 И левит иже во градех твоих, не оставивши его, яко несть ему части ни жребия с тобою: 28 по трех летех да изнесеши всю десятину жит твоих в лето оно, да положиши ю во градех твоих: 29 и приидет левит, яко несть ему части ни жребия с тобою, и пришелец, и сирота и вдова, яже во градех твоих, да ядят и насытятся: да благословит тя Господь Бог твой во всех делех твоих, яже аще сотвориши.

15 В седьмое лето да сотвориши отпущение. 2 И сице заповедь отпущения: да оставивши весь долг твой, имже должен ближний тебе, и от брата своего не истяжеш, яко наречеся отпущение Господу Богу твоему. 3 От чуждаго да истяжеш, елика суть твоя у него: брату же твоему отпущение да сотвориши долга твоего. 4 Яко не будет у тебе недостаточен: сего ради словесе благословением благословит тя Господь Бог твои в земли, юже тебе Господь Бог дает во жребий прияти ю. 5 Аще же слухом послушаете гласа Господа Бога вашего хранити и творити вся заповеди сия, яже аз заповедаю тебе днесъ, яко Господь Бог твой благословил тя есть, якоже глагола тебе, 6 и взаим даси языком многим, ты же не займеши, и обладати будеши ты языки многими, тобою же не возобладают. 7 Аще же брат от братии твоей будет тебе недостаточен во единем от градов твоих в земли, юже Господь Бог твои дает тебе, да не отвратиши сердца твоего, ниже сожмеши руки твоей пред братом твоим требующим: 8 отверзая да отверзеш руку твою ему, и взаим да даси ему, елико просит, и елико ему не достанет. 9 Внемли себе: да не будет слово тайно в сердцы твоем беззакония, глаголя: близ есть седьмое лето, лето отпущения, и возлукавнет око твое брату твоему требующему, и не даси ему, и возопиет на тя ко Господу, и будет тебе грех велик: 10 даянием да даси ему, и взаим да даси ему, елико воспросит, якоже требует: и не опечалися в сердцы своем, дающу ти ему, яко сего ради слова благословит тя Господь Бог твой во всех дялех твоих, и во всем, на неже возложиши руку твою: 11 ибо не оскудеет недостаточный от земли твоей, сего ради аз заповедаю тебе творити слово сие, глаголя: отверзая отверзи руце твои брату твоему нищему и просящему на земли твоей. 12 Аще же продастя тебе брат твой Евреанин, или Евреаныня, да поработает тебе шесть лет, и в седьмое да отпустиши его свободна от себе: 13 егда же пустиши его свободна от себе, да не отпустиши его тща: 14 напутное ему да уготовиши от овец твоих и от пшеницы твоей и от вина твоего: якоже благослови тя Господь Бог твой, да даси ему, 15 и помяни, яко раб и ты был еси в земли Египетстей, и свободи тя Господь Бог твой оттуду: сего ради аз заповедаю тебе творити слово сие. 16 Аще же речет к тебе: не отиду от тебе, яко возлюбих тя и дом твой, яко добро есть есть у тебе: 17 да возмешши шило, и провериши ему ухо пред дверми у степени, и будет ти раб во веки: и рабе твоей сотвориши такожде. 18 Да не будет жестоко пред тобою, отпущаемым им от тебе свободным, понеже годовую мзду наемничу работа тебе

шесть лет: и благословит тя Господь Бог твой во всем, еже твориши. 19 Всяко первородное, еже родится от волов твоих и от овец твоих, мужеск пол да освятиши Господеви Богу твоему: да не делаеши первородным телцем твоим и да не стрижеши первенца во овцах твоих. 20 Пред Господем Богом твоим да яси я от лета до лета, на месте, идеже изберет Господь Бог твои, ты и дом твой. 21 Аще же будет на нем порок, хромота, или слепота, и всякий порок зол, да не пожрещи его Господу Богу твоему. 22 Во градех твоих да снеси я: нечистый и чистый у тебе такожде да яст, яко серну или еленя. 23 Токмо крове да не снесте: на землю проливай ю аки воду.

16 Храни месяцъ новых (плодов), и да сотвориши Пасху Господеви Богу твоему, яко в месяце новых изшел еси из Египта нощю. 2 И да пожрещи Пасху Господеви Богу твоему, овцы и говядя на месте, еже изберет Господь Бог твой призывати имя Его тамо. 3 Да не снеси в ню кваснаго: седмь дній да яси в ню опресноки, хлеб озлобления, яко со тщанием изыдосте из Египта, да поминаете день исхода вашего от земли Египетския вся дни жития вашего: 4 да не явится тебе квасно во всех пределех твоих седмь дній, и да не преноществует от мяс, яже пожрещи в вечер в первый день, до утра. 5 Не возможеши жрети Пасхи ни в единем от градов твоих, яже Господь Бог твой дает тебе: 6 но токмо на месте, еже изберет Господь Бог твой призывати имя Его ту, тамо пожрещи Пасху в вечер при захождении солнца, во время в неже изшел еси из земли Египетския: 7 и свариши, и испечеши, и снеси на месте, идеже изберет Господь Бог твой: и возвратишися заутра, и пойдеши в дом твой. 8 Шесть дній да яси опресноки, в седмий же день исходный праздник Господеви Богу твоему: да не сотвориши в нем всякаго дела, кроме яже суть души. 9 Седмь седмицъ всецельых да сочтеши себе: в начало же твоего серпа на жатву начни исчисляти седмь седмицъ, 10 и да сотвориши праздник седмицъ Господеви Богу твоему, якоже рука твоя может, елика даст тебе, якоже благослови тя Господь Бог твой. 11 И возвеселиши пред Господем Богом твоим ты и сын твой и дщерь твоя, и раб твой и раба твоя, и левит иже во градех твоих, и пришлец, и сирота и вдова, яже в вас, на месте, идеже изберет Господь Бог твой призывати имя Его тамо: 12 и помянеши, яко раб был еси (ты) в земли Египетстей, и сохраниши и сотвориши заповеди сия. 13 Праздник кущей да сотвориши себе седмь дній, егда собереши от

нивы твоя и от точила твоего: 14 и да возвеселишися в празднице твоем ты и сын твой и дщи твоя, раб твой и раба твоя, и левит и пришлец, и сирота и вдова, яже во градех твоих: 15 седмь дний да празднуши Господеви Богу твоему на месте, еже изберет Господь Бог твой призывати имя Его тамо: аще же благословит тя Господь Бог твой во всех плодех твоих и во всяком деле рук твоих, и будеш веселяся. 16 В три времена лета да явится всякий мужеск пол пред Господем Богом твоим, на месте, еже изберет Господь Бог твой: в праздник опресноков, и в праздник седмиц, и в праздник кущей: да не явишися пред Господем Богом твоим тоще: 17 кийдо по силе рук своих, по благословению Господа Бога твоего, еже даде тебе. 18 Судии и книгоочи поставиши себе во всех градех твоих, яже Господь Бог твой дает тебе по племенам, и да судят людем суд праведный: 19 да не уклонят суда, ниже познают лице, ниже да возмут даров: дары бо ослепляют очи мудрых и отмечут словеса праведных. 20 Праведне праведное гоните, да поживете, и вшедше наследите землю, юже Господь Бог твой дает вам. 21 Да не насадиши себе дубравы: всякаго древа близ олтаря Господа Бога твоего да не сотвориши себе, 22 да не поставиши себе капища, еже возненавиде Господь Бог твой.

17 Да не пожреши Господеви Богу твоему телца или овчате, на немже есть порок, всякий глагол зол: яко мерзость Господеви Богу твоему есть. 2 Аще же обрящется у тебе во единем от градов твоих, яже Господь Бог твои дает тебе, муж или жена, иже сотворит лукавое пред Господем Богом твоим, преступити завет Его: 3 и шедше послужат богом иным и поклонятся им, солнцу, или луне, или всякому яже от красоты небесныя, иже не повелех тебе: 4 и возвестится тебе, и взыщеш зело, и се, истинно бысть слово, мерзость сотворися сия во Израили: 5 да изведеши человека того, или жену ту, иже сотвориша дело злое сие, пред двери, и побиете их камением, и да умрут. 6 При двою свидетелех или при трех да умрет: умирай да не умрет при единем свидетели: 7 и рука свидетелей да будет на нем в первых, умертвiti его, и рука всех людий послежде: и измите злое от вас самех. 8 Аще же неудоборешимо слово у тебе в суде между кровию и кровию, и между судом и судом, и между язвою и язвою, и между прением и прением, словеса судная в градех твоих, и востав взыдши на место, еже изберет Господь Бог твой призвати имя Его тамо: 9 и приидеш к жерцем левитом, и к судии, иже

будет в тыя дни, и взыскавше возвестят тебе суд: 10 и сотвориши по словеси, еже возвестят тебе от места, еже изберет Господь Бог твой призывати имя Его тамо, и да сохраниши зело творити вся, елика законоположатся тебе: 11 по закону и по суду, егоже рекут тебе, сотвориши, да не уклонишися от словесе, еже известят тебе, ни на десно, ни на лево. 12 И человек, иже сотворит в гордости, еже не послушати жерца предстоящаго служити во имя Господа Бога твоего, или судии, иже в тыя дни будет, да умрет человек той, и да измеши злое от Израиля: 13 и вси людие услышавше убоится, и не будут нечестовати ктому. 14 Аще же внидеши в землю, юже Господь Бог твой дает тебе в жребий, и примиши ю, и вселишися на ней, и речеши: поставлю князя над собою, яко же и прочии языцы, иже окрест мене: 15 поставляя да поставиши над собою князя, егоже изберет Господь Бог твой, от братии твоей да поставиши над собою князя, не возможеши поставить над собою князя человека чуждаго, яко не брат твой есть. 16 Обаче да не умножит себе коней, ниже да возвратит людий во Египет, яко да не умножит себе коней: Господь же рече вам: не приложите возвратитися путем сим ктому: 17 и да не умножит себе жен, да не превратитися сердце его: и сребра и злата да не умножит себе зело. 18 И будет егда сядет на престоле власти своея, да напишет себе второзаконие сие в книзе от жерцов левитов, 19 и будет с ним, и да чтет ю во вся дни жития своего, да научится боятися Господа Бога своего и хранити вся заповеди сия и оправдания сия, творити я: 20 да не возвысится сердце его от братии его, да не преступит от заповедей ни на десно, ни на лево яко да будет многа лета во власти своей, той и сыны его с ним, в сынех Израилевых.

18 Да не будет жерцем левитом всему племени Левинну части ниже жребия со Израилем: приношения Господу жребий их, да ядят я: 2 жребий же да не будет ему в братии его: Господь Сам жребий его, яко же рече ему. 3 И сей суд жерцов, яже от людий, от приносящих жертвы, аще телца, аще овцу: и даси жерцу рамо, и челюсти, и утробу: 4 и начатки пшеницы твоей и вина твоего и елея твоего, и начаток стрижения овец твоих да даси ему: 5 яко того избра Господь Бог твой от всех племен твоих предстояти пред Господем Богом твоим, служити и благословити во имя Господне, той и сынове его во вся дни. 6 Аще же приидет левит от единаго градов ваших, от всех сынов Израилевых, идже той обитает, яко же желает душа его, на место, еже изберет Господь,

7 да служит имени Господа Бога вашего, якоже и вся братия Его левити предстоящии тамо пред Господем: 8 часть отделеную да яст, кроме продажи яже по отечеству. 9 Аще же внидеши в землю, юже Господь Бог твой дает тебе, да не навыкнеши творити по мерзостем языков тех: 10 да не обрящется в тебе очищая сына своего и дщерь свою огнем, волхвя волхвованием и чаруя и птицеволшебствуй, 11 чародей обавая обаванием, утробоволхвуй и знаменосмотритель, и вопрошай мертвых: 12 есть бо мерзость Господеви Богу твоему всяк творяй сия: сих бо ради мерзостей потребит я Господь Бог твой от лица твоего. 13 Совершен да будеш пред Господем Богом твоим. 14 Языцы бо сии, ихже ты наследиши, сии чарований и волхвований послушают: тебе же не тако даде Господь Бог твой. 15 Пророка от братии твоей, якоже мене, возставит тебе Господь Бог твой, Того послушайте: 16 по всему, елико просил еси от Господа Бога твоего в Хориве в день собрания, глаголющ: да не приложим слышати гласа Господа Бога нашего, и огня великаго сего не увидим по сем, да не измрем. 17 И рече Господь ко мне: право вся, елика глаголаху к тебе: 18 Пророка возставлю им от среды братии их, якоже тебе: и вдам слово Мое во уста Его, и возглаголет им, якоже заповедаю Ему: 19 и человек той, иже не послушает словес Его, елика возглаголет Пророк оный во имя Мое, Аз отмщу от него: 20 обаче пророк, иже вознечествует глаголати во имя Мое слово, егоже не повелех ему глаголати, и иже аще возглаголет во имя богов инех, да умрет пророк той. 21 Аще же речеши в сердцы своем: како познаем слово, егоже не глагола Господь? 22 Елика аще возглаголет пророк во имя Господне, и не сбудется, и не случится слово сие, егоже не рече Господь: в нечестии глагола Пророк той, не убийтесь его.

19 Егда же погубит Господь Бог твой языки, ихже Господь Бог твой дает тебе землю, и наследиши их и вселишися во градех их и в домех их, 2 три грады да отлучиши себе среди земли твоей, юже Господь Бог твой дает тебе в наследие. 3 Уготови себе путь, и на трое раздели пределы земли твоей, юже разделяет тебе Господь Бог твой: и да будет убежище тамо всякому убийце. 4 Сие же да будет заповедание убийце, иже аще убежит тамо, и жив будет: иже аще убийт ближняго своего не ведя, и сей не ненавиде его прежде вчерашияго дне и третияго, 5 и иже аще пойдет с подругом своим в лес собирати дрова, и поползнется рука его с секирою

секущаго дрова, и спадши секира с топорища улучит подруга его, и умрет, сей да убежит во един от градов сих, и жив да будет: 6 да не погнав ужик крове вслед убившаго, яко разгорится сердце ему, и постигнет его, аще должайший будет путь, и убийт душу его, и умрет: и сему несть суд смертный, понеже не бе ненавида его прежде вчерашияго и третияго дне: 7 сего ради заповедаю аз тебе слово сие, глаголя: три грады да отлучиши себе. 8 Аще же разширят Господь Бог твой пределы твоя, якоже клятся отцем твоим, и даст тебе Господь всю землю, юже рече дати отцем твоим, 9 аще послушаши творити вся заповеди сия, яже аз заповедаю тебе днесъ, любити Господа Бога твоего, ходити во всех путех Его вся дни: и да приложиши себе еще три грады к сим трием градом, 10 и да не пролиется кровь безвинна в земли твоей, юже Господь Бог твой дает тебе в жребий, и да не будет в тебе крови повинен. 11 Аще же будет у тебе человек ненавидая ближняго своего, и навет сотворит нань, и востанет нань, и поразит душу его, и умрет, и вбегнет во един от градов сих, 12 да послют старейшины града того, и возмут его оттуду, и да предадят его в руце ужиков крове, и да умрет: 13 да не пощадит его око твое, и да очистиши кровь неповинную от Израиля, и благо будет тебе. 14 Да не предвижеши пределов ближняго своего, яже поставил отцы твои в наследии твоем, еже наследовал еси в земли, юже Господь Бог твой дает тебе во жребий. 15 Да не пребудет свидетель един во свидетелство на человека по всякой обиде и по всякому преступлению и по всякому греху, имже аще согрешит: при устех двою свидетелей и при устех триех свидетелей да станет всяк глагол. 16 Аще же востанет свидетель неправеден на человека, глаголя на него нечестие, 17 да станут оба человека, имже есть пря, пред Господем и пред жерцы и пред судиями, иже будут в тыя дни, 18 и да испытают их судии прилежно, и се, свидетель неправеден свидетелства неправду, воста на брата своего: 19 да сотворите ему, якоже и он умысли сотворити супротив брата своего, и измите злое от вас самех: 20 да и прочии услышавше убоятся, и не приложат ктому творити словесе злого сего в вас: 21 да не пощадит его око твое: душу за душу, око за око, зуб за зуб, руку за руку, ногу за ногу, якоже аще кто даст порок на ближняго своего, сице воздастся ему.

20 Аще же изыдеши на братья на враги твоя, и узриши кони и всадники и люди множашя тебе, да не убоишися их: яко Господь Бог твой с тобою, изведый тя

из земли Египетского. 2 И будет егда приблишился к рати, и приступив жрец да возглашает к людем и речет к ним: 3 послушай, Израилю, вы исходите днесь на рать ко врагом вашим: да не ослабеет сердце ваше, ни убойтесь, ниже устрашитесь и не уклонитеся от лица их: 4 яко Господь Бог ваш идый пред вами спборствует вам на враги вашя и спасет вас. 5 И да рекут книгочия к людем, глаголюще: кий человек создавый храмину нову, и не обнови ея? Да идет, и да возвратится в дом свой, да не умрет на рати, и человек ин обновит ю: 6 и кий человек, иже насади виноград, и не веселися от него? Да идет, и возвратится в дом свой, да не умрет на рати, и человек ин возвеселится от него: 7 и кий человек, иже обручи себе жену, и не понял ю? Да идет, и возвратится в дом свой, да не умрет на рати, и ин человек поймет ю. 8 И да приложат книгочия глаголати к людем, и да рекут: кий человек страшлив и slab сердцем? Да идет, и возвратится в дом свой, да не устрашит сердца брата своего, аки сердце свое. 9 И будет егда умолкнут книгочия глаголюще к людем, и поставят воеводы воинства вожды людей. 10 Аще же приидеши ко граду воевати нань, и возвзовеш я с миром: 11 аще убо мирное отвещают ти, и отверзут тебе (град), вси людие обретшиися во граде да будут тебе дань дающе и послушающии тебе: 12 аще же не покорятся тебе, и сотворят с тобою рать, да обсядеши его, 13 дондеже предаст я Господь Бог твой в руце твои: да избиши всяк мужеск пол в нем убийством меча, 14 кроме жен и имения, и вся скоты, и вся елика суть во граде, и все стяжание да плениши себе, и да снеси весь плен врагов твоих, яже Господь Бог твой дает тебе. 15 Тако да сотвориши всем градом, иже суть далече от тебе зело, иже не суть от градов языков сих, ихже Господь Бог дает тебе наследити землю их: 16 от них да не оставите жива всякаго дыхания: 17 но и проклятием проклените их, Хеттеа и Аморреа, и Хананеа и Ферезеа, и Евеа и Иевусеа и Гергесеа, яко же заповеда тебе Господь Бог твой: 18 да не научат вас творити всякия мерзости своя, елики твориша богом своим, и согрешите пред Господем Богом вашим. 19 Аще же обсядеши град един дни многи воевати его в приятие себе, да не истребиши садовия его, возложив железо нань, но токмо да яси плод от них, самого же да не посечеши: еда древо, еже в дубраве, человек есть, иже внити от лица твоего в забрала? 20 Но древо, еже веси, яко не ястся плод его, сие потребиши и посечеши, и сотвориши лествицы на град, иже творит на тя рать, дондеже предастся.

21 Аще же обрящется убиеный на земли, юже Господь Бог дает тебе наследити, лежащ на поли, и не ведят убившаго и: 2 да изыдут старцы и судии твои и да измерят до градов, иже окрест убиенаго: 3 и будет град приближаяйся убиеному, и да возмут старейшины града того юницу от говяд, еюже не делано, и яже ярма не понесе: 4 и да изведут старейшины града того юницу в дебрь суху, яже не оранна, ниже насеяна, и да пресекут жилы юницы в дебри: 5 и да приступят жерцы Левити: яко сих избра Господь Бог твой предстояти Ему и благословляти во имя Его: и во устех их да будет всякое прекословие и всякая язва: 6 и вси старейшины града того, приближающиися убиеному, да омыют руце над главою юницы, ейже пресечены суть жилы в дебри, 7 и отвещавше да рекут: руце наши не пролияша крове сея, и очи наши не видеша: 8 милостив буди людем Твоим Израилю, ихже извел еси, Господи, из земли Египетской, да не будет кровь неповинна на людех Твоих Израиля: и очистится им кровь: 9 ты же отимеши кровь неповинну от среды себе, аще сотвориши доброе и угодное пред Господем Богом твоим. 10 Аще же изыдеши на брань противу врагом твоим, и предаст я Господь Бог твой в руце твои, и плениши плен от них, 11 и узриши в плene добру обличием, и возлюбиши ю, и поймеши ю себе в жену, 12 и введеши ю внутрь в дом твой, и да обриеши главу ея, и да обрежеши ногти ея, 13 и да совлечеши ризы пленныя ея с нея: и да сядет в дому твоем, и да плачется отца своего и матере своея месяц дний: и но сем внидеш к ней, и совокупиши с нею, и будет тебе жена. 14 И будет аще не восхощеши ея, да отпустиши ю свободну, продажею же да не продаси ея на цене: да не отринеши ея, понеже смирил еси ю. 15 Аще же будут мужу две жены, едини от них люба, и другая не люба, и породят ему любая и нелюбая, и будет сын перворожденный от нелюбимыя: 16 и будет в онъже день разделит сыном своим имение свое, не возможет первенцем быти сын любимыя, презрев сына нелюбимыя первенца: 17 но сына нелюбимыя за первенца да признает, и даст ему сугубо от всего, еже обрящется ему, яко сей есть начало чад его, и сему достоит первенство. 18 Аще же кому будет сын непокорив и грубитель, не послушай гласа отца своего и гласа матере своея, и накажут его, и не послушает их, 19 да возмут его отец его и мати его, и да изведут его пред старейшины града своего и пред врата места своего, 20 и да рекут к мужем града своего: сын наш сей непокорив есть и грубитель и не слушает речи нашея, сластолюбствуя пиянствует: 21 и да побиют его

мужие града того камением, и да умрет: и измите злое от себе самих, да и прочии слышавше убоятся. 22 Аще же будет на ком грех, суд смертный, и да умрет, и повесите его на древе, 23 да не пренощует тело его на древе, но во гробе погребите его в тойже день: яко проклят есть от Бога всяк висяй на древе: и да не оскверните земли, юже Господь Бог твой дает тебе во жребий.

22 Видев телца брата твоего или овцу его заблуждающыя на пути, да не презиши я: но возвращением возвратиши я к брату твоему, и да отдаши ему. 2 Аще же несть близ тебе брат твой, ниже увеси его, собери я внутрь дому твоего, и да будут у тебе, дондеже взыщет их брат твой, и отдаши их ему. 3 Такожь сотвориши осяти его, и тако да сотвориши ризе его, и тако да сотвориши всему погубленому брату твоего: елика аще погибнут от него, и обрящеша я, да не возможеши пренебрещи я. 4 Аще увидиши ося брата твоего или телца его падшяя на пути, да не презиши я: возставляя да возставиши я с собою. 5 Да не будет утварь мужеска на жене, ни да облачится муж в ризу женску: яко мерзость есть Господеви Богу твоему всяк творяй сия. 6 Аще же улучиши гнездо птичие пред лицем твоим на пути, или на древе некоем, или на земли, и в нем птенцы или яица, и мати сидит на птенцах или яицах, да не возмеши матере со птенцы: 7 отпущением да отпустиши матерь, птенцы же возмеши себе, да благо тебе будет и долгоденствен будеши. 8 Аще же созиждеши дом нов, и сотвориши ограждение дому твоему, и да не сотвориши убийства в дому твоем, аще падет падый от него. 9 Да не насеши винограда твоего различна, да не освятится плод, и семя, еже насеши с плодом винограда твоего. 10 Да не ореши юнцем и осятлем вкупе. 11 Нике да облечешися в ризу разноличну от льна и волны вкупе ткану. 12 Тресны да сотвориши себе на четырех краях одежды своея, в нюже облечешися. 13 Аще же кто поймет жену и будет с нею, и возненавидит ю, 14 и наложит на ю обвинительная словеса, и нанесет на ю имя злое, и возглаголет: жену сию поях, и пришед к ней, не обретох ю девицею: 15 и взем отец девицы и матерь, да изнесут девическая отроковици пред старейшины ко вратом, 16 и речет отец отроковици ко старейшинам: дщерь мою сию дах мужу сему в жену, и ныне возненавидев ю сей, 17 возлагает ей обвинительная словеса, глаголя: не обретох дщере твою девою: и се, девическая дщере моя: и да разгнут ризы пред старейшины града онаго, 18 и да возмут старейшины града онаго мужа того и накажут

его, 19 и да обвинят его стом сиклей, и дадят отцу отроковици, яко изнесе имя зло на девицу Израилтеску, и (паки) да будет ему жена: не возможет отпустити ю во вся лета. 20 Аще же будет воистину слово сие, и не обрящутся девическая отроковици, 21 и да изведут девицу пред врата дому отца ея, и побиют ю камением мужие градстии, и да умрет, яко сотвори безумие в сынах Израилевых, оскверни дом отца своего: и измите злое от себе самих. 22 Аще же обрящется человек лежай с женою мужатою, убийте обоих, человека лежащаго с женою и жену: и измите злое от Израиля. 23 Аще же будет дева обручена мужу, и обрет ю человек (другий) во граде, будет с нею, 24 изведите обоих пред врата града их, и побийте (обоих) камением, и да умрут: отроковици, понеже не волила во граде, и мужа, понеже обиде жену ближняго своего: и измите злое от себе самих. 25 Аще же на поли обрящет человек деву обрученную, и насиловав будет с нею, убийте человека единаго бывшаго с нею: 26 а отроковице ничтоже сотворите: несть бо деве греха смертнаго: яко же аще кто бы востал на ближняго своего, и убил бы душу его, тако сие дело: 27 понеже на селе обрете ю, возопи отроковица обручена, и не бе помогай ей. 28 Аще же кто обрящет отроковицу деву, яже несть обручена, и насиловав будет с нею, и обличится: 29 да даст человек бывый с нею отцу отроковицы пятьдесят дидрахм сребра, и тому да будет жена, понеже обиде ю: не возможет отпустити ю во все времена. 30 Да не поймет человек жены отца своего, и да не откроет покровения отца своего.

23 Да не входит каженик и скопец в сонм Господень. 2 Нике да внидет блудородный во храм Господень до десятаго рода. 3 Да не внидет Амманитин и Моавитин в храм Господень: и даже до десятаго рода да не входит в храм Господень, и даже до века, 4 понеже не сретоша они вас с хлебы и водою на пути, исходящым вам из земли Египетския, и яко наяша на тя Валаама сына Веорова от Месопотамии, да тя прокленет: 5 и не восхоте Господь Бог твой послушати Валаама, и обрати Господь Бог твой клятвы в благословение, зане возлюби тя Господь Бог твой: 6 да не совещаши мирная им и полезная им во вся дни твоя во веки. 7 Да не возгнушаешися Идумеанином, яко брат твой есть: да не возгнушаешися Египтянином, яко пришлец был еси в земли его: 8 сынове аще родятся им, в роде третием да внидут в храм Господень. 9 Аще же изыдеши ополчиться на враги твоя, и да сохранишися от всякаго слова зла. 10 Аще будет у тебе человек, иже

не будет чист от излияния его ношию, и да изыдет вне полка, и да не внидет в полк: 11 и егда будет к вечеру, да омыет тело свое водою, и зашедшу солнцу да внидет в полк. 12 И место тебе да будет вне полка, и изыдеши тамо вон: 13 и рылец да будет тебе за поясом твоим, и будет егда сядеши вне, и да ископаеш им (яму), и навратив покрыши стыдение твое вней: 14 яко Господь Бог твой ходит в полце твоем избавляти тя и предати враги твоя в руце твои пред лицем твоим: и да будет полк твой свят, и да не явится у тебе стыдение вещи, и отвратится от тебе. 15 Да не предади раба господину его, иже прииде к тебе от господина своего: 16 с тобою да обитает, с вами да живет во всяком месте, идже угодно будет ему: да не оскорбиши его. 17 Да не будет блудница от дщерей Израилевых, и да не будет блудник от сынов Израилевым. 18 Да не принесеши мзды блудничи, ниже цене песни в дом Господа Бога твоего на всяк обет, яко мерзость суть Господеви Богу твоему и обоя. 19 Да не даси брату твоему в лихву сребра и в лихву пищей и в лихву всякия вещи, ему же аще взаим даси: 20 чуждему да даси в лихву, брату же твоему да не даси в лихву, да благословит тя Господь Бог твой во всех делах твоих на земли, в нюже входиши тамо наследити ю. 21 Аще же обещаеш обет Господеви Богу твоему, да не умудлиши воздати его, яко взыская взыщет Господь Бог твой от тебе, и будет на тебе грех: 22 аще же не восхощеш обещати, несть ти греха. 23 Исходящая на уст твоих сохрани и сотвори, имже образом обещал еси Господеви Богу твоему дар, егоже глаголал еси устами твоими. 24 Аще же вниДЕши на ниву ближняго своего, и собереши в руце свои класы, а серпа да не возложиши на ниву ближняго. 25 Аще же вниДЕши в виноград ближняго своего, да яси гроздие, елико души твоей насытитися, в сосуд же да не вложиши.

24 Аще же кто поймет жену и поживет с нею, и будет аще не обрящет благодати пред ним, яко обрете вней срамное дело, да напишет ей книгу отпущения и вдаст в руце ея, и да отпустит ю из дома своего, 2 и отшедши будет (жена) мужу иному: 3 и аще возненавидит ю муж второй, и напишет ей книгу отпущения и даст ей в руце ея, и отпустит ю из дома своего, или умрет муж ея второй, иже бе ю поял себе в жену: 4 не возможет муж первый, отпутившй ю, возвратив пояти ю себе в жену, по осквернении ея, яко гнусно есть пред Господем Богом твоим: и да не осквернавите земли, юже Господь Бог ваш даает вам в наследие. 5 Аще же кто поймет жену

внове, да не идет на брань, и да не наложится ему ни каяже вещь: неповинен будет в дому своем лето едино, да веселит жену свою, юже поял есть. 6 Да не возмеши в залог жерновных каменей, яко душу сей дает в залог. 7 Аще же ят будет человек крадый душу от братии своея сынов Израилевых, и насилием продаёт ю, да умрет тать той, и измите злое от вас самих. 8 Внемли себе в язве проказы, и храни зело творити по всему закон, егоже возвестят вам жерцы левити: якоже заповедах вам, да храните творити: 9 помяни, елика сотвори Господь Бог твой Мариаме на пути, исходящым вам из Египта. 10 Аще же долг есть на ближнем твоем, долг каковыи либо, да не вниДЕши в дом его взяти залог его: 11 вне станеши, и человек той, на немже есть долг твой, изнесет залог вон. 12 Аще же человек убог есть, да не преноществует залог его у тебе: 13 отданием да отдаши ризу его до захождения солнца, и да почиет в ризе своей, и благословит тя, и будет тебе милость пред Господем Богом твоим. 14 Да не лишиши мзды убогаго и требующаго от братии твоего, или от пришлец иже во градех твоих: 15 в той же день да отдаши мзду ему, да не зайдет солнце ему, яко убог есть, и в том имать надежду, и да не возопиет на тя к Господеви, и будет тебе грех. 16 Да не умрут отцы за сыны, и сынове да не умрут за отцы: кийждо за свой грех да умрет. 17 Не уклониши суда пришельцу и сиру и вдове, и да не вземлеши в залог ризы вдовичи, 18 и помяниши, яко раб (и ты) был еси в земли Египетстей, и свободи тя Господь Бог твой оттуду: сего ради аз тебе заповедаю творити сие слово. 19 Аще же пожнеш ниву твою на селе твоем, и забудеш сноп на ниве твоей, да не возвратиши взяти его: пришельцу и убогу, и сиру и вдове да будет, да благословит тя Господь Бог твой во всех делах руку твою. 20 Аще же масличие собираеш, да не возвратиши останков собрати яже за тобою: пришельцу и сиру и вдове да будут: и воспомяниши, яко раб был еси в земли Египетстей: сего ради аз тебе заповедаю творити сие слово.

25 Аще же будет пря между человеки, и приидут на суд, и да судят, и оправдят праваго, и осудят нечестиваго: 2 и будет, аще достоин есть ран нечестивый, да поставиши его пред судиями, и да биот его пред ними по нечестию его: 3 и числом четыредесять ран да

наложат ему, и да не приложат к сему: аще же приложат паче ран сих бити его множае, срам будет брату твоему пред тобою. 4 Да не обротиши вола молотяща. 5 Аще же живут братия вкупе, и умрет един от них, семене же не будет ему, да не будет жена умершаго иному мужу несродну: брат мужа ея да внидет к ней и поймет ю себе в жену, и да поживет с нею: 6 и будет очроча, еже аще родится, да поставится во имя умершаго, и не погибнет имя его от Израиля. 7 Аще же не восходит человек пояти жены брата своего, да приидет жена ко вратам пред старейшины и речет: не хощет брат мужа моего возставити имя брата своего во Израили, не восходит брат мужа моего: 8 и да призовут его старейшины града того и рекут ему, и став речет: не хощу пояти ю: 9 и приступивши жена брата его к нему пред старейшины, и изует сапог его един от ноги его, и да плюнет на лицо его, и отвещавши речет: сице да сотворят человеку, иже не созиждет дому брата своего во Израили: 10 и прозовется имя его во Израили дом изутаго из сапога. 11 Аще же биются человека два вкупе, человек с братом своим, и приступит жена единаго от них отяти мужа своего от руки биющаго и, и простерши руку свою, имет за ятра его, 12 да отсечеши руку ея: да не пощадит око твое ея. 13 Да не будет во влагалищи твоем мерило и мерило, великое и малое, 14 да не будет в дому твоем мера и мера, велика и мала: 15 мерило истинно и праведно да будет тебе, и мера истинна и праведна да будет тебе, да многи дни будеши на земли, юже Господь Бог твой дает тебе в жребий, 16 яко мерзость Господеви Богу твоему всяк творяй сия, всяк творяй неправду. 17 Помяни, елика тебе сотвори Амалик на пути, исходящу тебе из Египта: 18 како сопротивоста тебе на пути и посече задний полк твой утружен за тобою: ты же алчен был еси и утружен: и не убося Бога: 19 и будет егда упокоит тя Господь Бог твой от всех враг твоих, иже окрест тебе на земли, юже Господь Бог твой дает тебе в жребий, еже наследити ю, да погубиши имя Амаликово от земли, яже под небесем, и да не забудеши.

26 И будет аще внидеши в землю, юже Господь Бог твой дает тебе в жребий еже наследити ю, и вселишися на ней, 2 и да возмеши от начатка плодов земли твоей, юже Господь Бог твой дает тебе в жребий, и вложиши в кошницу, и пойдеши на место, еже изберет Господь Бог твой призвати имя Его тамо: 3 и приидеши к жерцу, иже будет в тиа дни, и речеши к нему: возвещаю днесь Господеви Богу твоему, яко внидох в землю, еюже

клятся Господь отцем нашим дати нам: 4 и да возмет жрец от руку твою кошницу и да положит ю пред олтарем Господа Бога твоего: 5 и отвещав речеши пред Господем Богом твоим: Сирию остави отец мой и снide во Египте и обита тамо в числе малем, и бысть тамо в язык велик и во множество много и велико: 6 и озлобиша нас Египтяне, и смириша ны, и возложиша на ны дела жестокая: 7 и возопиши ко Господу Богу отец наших, и услыша Господь вольн наш и виде смириение наше и труд наш и скорбь нашу, 8 и изведе ны Господь из Египта Сам крепостию Свою великою и рукою сильною и мышцею высокою, и в видениих великих и в знамениих и в чудесех, 9 и введе ны в место сие, и даде нам землю сию, землю кипящую медом и млеком: 10 и ныне се, принесох начатки от плодов земли, юже дал ми еси, Господи, землю кипящую медом и млеком. И оставилши е пред Господем Богом твоим, и поклонишися тамо пред Господем Богом твоим, 11 и возвеселишися о всех благих, яже даде тебе Господь Бог твой, и дом твой, и левит, и пришлец иже у тебе. 12 Егда же совершиши одесятити всю десятину плодов земли твоей в лето третие, вторую десятину да даси левиту и пришлецу и сироте и вдове, и ядят во градех твоих и насытятся: 13 и речеши пред Господем Богом твоим: очистих святая из дому моего, и дах я левиту и пришлецу и сироте и вдове, по всем заповедем Твоим, яже заповедал еси мне: не преступиши заповеди Твои и не забых, 14 и не ядох в болезни моей от них, не принесох от них в нечистое, ниже дах от них умершему: послушах гласа Господа Бога моего, сотворих, якоже заповедал еси мне: 15 призри с небесе от храма святаго Твоего, и благослови люди Твоя Израиля и землю, юже дал еси им яко же клялся еси отцем нашим, дати нам землю кипящую медом и млеком. 16 В сей день заповеда тебе Господь Бог твой сотворити вся оправдания сия и суды: и сохраните и сотворите я от всего сердца вашего и от вся души вашея. 17 Господа избрал еси днесь быти тебе в Бога, и ходити во всех путех Его и хранити оправдания и заповеди и суды Его, и послушати гласа Его. 18 И Господь избра вас днесь, да будете Ему люди избранныи, яко же рече тебе, хранити вся заповеди Его, 19 и быти тебе выше всех язык, иже сотвори тя именита и хвальна и славна, быти вам людем святым Господу Богу вашему, яко же глагола.

27 И заповеда Моисей и старейшины сынов Израилевых, глаголя: сохраните вся заповеди сия, елики аз заповедаю вам днесь. 2 И будет в оньже

день прейдете Иордан на землю, юже Господь Бог твой дает тебе во жребий, и поставиши себе камение велико и обелиши я мелом, 3 и напишиши на каменех тех вся словеса закона сего, егда прейдете Иордан, егда внидете в землю, юже Господь Бог твой дает тебе, землю кипящую медом и млеком, якоже рече Господь Бог отец твоих тебе. 4 И будет егда прейдете Иордан, да поставите камение сие, яже аз повелеваю вам днесь, в горе Гевал, и побелиши их мелом: 5 и да созиждеши тамо олтарь Господеви Богу твоему, олтарь от камения: да не возложиши на них железа: 6 камением всеселым да созиждеши олтарь Господеви Богу твоему и вознесши на нем всесожжения Господеви Богу твоему, 7 и пожреши жертву спасения: и яси, и насытишися тамо, и возвеселишися пред Господем Богом твоим, 8 и напишиши на камениих сих весь закон сей яве зело. 9 И глагола Моисей и жерцы левити всему Израилю, глаголюще: молчи и слыши, Израилю, в день сей стался еси в люди Господеви Богу твоему: 10 и да послушаши гласа Господа Бога твоего, и да сотвориши вся заповеди Его и оправдания Его, яже аз заповедаю тебе днесь. 11 И заповеда Моисей людем в той день, глаголя: 12 сии да станут благословляти люди на горе Гаризин, прешедше Иордан: Симеон, Левий, Иуда, Иссахар, Иосиф и Вениамин: 13 и сии да станут на клятву на горе Гевал: Рувим, Гад и Асир, Завулон, Дан и Неффалим. 14 И отвещавше рекут левити всему Израилю гласом великим: 15 проклят человек, иже сотворит извяние и слияние, мерзость Господеви, дело рук художника, и положит е в сокровении. И отвещавше вси людие рекут: буди. 16 Проклят безчестия отца своего или матери свою. И рекут вси людие: буди. 17 Проклят прелагаяй пределы ближняго своего. И рекут вси людие буди. 18 Проклят прельщаяй слепаго в пути. И рекут вси людие: буди. 19 Проклят, иже уклонит суд пришелцу и сироте и вдове. И рекут вси людие: буди. 20 Проклят лежай с женою отца своего, яко открыл есть покровение отца своего. И рекут вси людие: буди. 21 Проклят лежай со всяким скотом. И рекут вси людие: буди. 22 Проклят лежай с сестрою своею, дщерию отца своего или дщерию матере своея и рекут вси людие: буди. 23 Проклят лежай с тещею своею. И рекут вси людие: буди. Проклят лежай с сестрою жены своея. И рекут вси людие: буди. 24 Проклят бияй ближняго с лестию. И рекут вси людие: буди. 25 Проклят, иже возмет дары поразити душу крове неповинныя. И рекут вси людие: буди. 26 Проклят всяк человек, иже не

пребудет во всех словесех закона сего, еже творити я. И рекут вси людие: буди.

28 И будет егда прейдете Иордан на землю, юже Господь Бог ваш дает вам, аще слухом послушаете гласа Господа Бога вашего хранити и творити вся заповеди Его, яже аз заповедаю тебе днесь, и даст тя Господь Бог твой вышше всех язык земли: 2 и приидут на тя вся благословения сия и обрящете тя. Аще слухом послушаши гласа Господа Бога твоего, з благословен ты во граде и благословен ты на селе, 4 благословена исчадия чрева твоего и плоды земли твоей, и стада волов твоих и паства овец твоих, 5 благословены житницы твои и останцы твои, 6 благословен ты внегда входити тебе и благословен ты внегда исходить тебе. 7 Да предаст тебе Господь Бог враги твоя, сопротивящаясь тебе, сокрушены пред лицем твоим: путем единем изыдут на тя и седмию путьми побежат от лица твоего. 8 Да послет Господь на тя благословение в хранилищах твоих и на вся, на няже возложиши руку твою на земли, юже Господь Бог твой дает тебе. 9 Да возставит тя Господь Бог твой Себе люд свят, якоже клятся отцем твоим. Аще послушаши гласа Господа Бога твоего и ходити будеши в путех Его, 10 и узрят тя вси языцы земни яко имя Господа (Бога твоего) призвася на тя, и убоятся тебе, 11 и умножит тя Господь Бог твой во благая во исчадиех утробы твоей и во исчадиех скотов твоих, и в плодех земли твоей, на земли твоей, юже клятся Господь отцем твоим дати тебе. 12 Да отверзет тебе Господь сокровище Свое благое, небо, иже дати дождь земли твоей во время свое, да благословит вся дела рук твоих: и даси взаим языком многим, ты же не одолжишися: и обладаеша ты многими языками, тобою же не возобладают. 13 Да поставит тя Господь Бог твой во главу, а не в хвост: и будеши тогда выше, и не будеши ниже, аще послушаши заповедей Господа Бога твоего, елика аз заповедаю тебе днесь хранити и творити: 14 да не преступиши от всех словес, яже аз заповедаю тебе днесь, на десно ниже на лево, ходити вслед богов иных служити им. 15 И будет аще не послушаши гласа Господа Бога твоего хранити и творити вся заповеди Его, елика аз заповедаю тебе днесь, и приидут на тя вся клятвы сия и постигнут тя: 16 проклят ты во граде и проклят ты на селе, 17 прокляты житницы твои и останки твои, 18 проклята исчадия утробы твоей и плоды земли твоей, стада волов твоих и паства овец твоих, 19 проклят ты внегда входити тебе и проклят ты внегда исходить тебе. 20 Да послет тебе

Господь скудость и глад и истребление на вся, на няже возложиши руку твою, елика аще сотвориши, дондеже потребит тя и дондеже погубит тя вскоре, злых ради начинаний твоих, зане оставил еси Мя. 21 Да прилепит Господь к тебе смерть, дондеже потребит тя от земли, в нюже ты входиши тамо наследити ю. 22 Да поразит тя Господь неимением и огневицею, и стужею и жжением, и убийством и ветром тлетворным и бледостию, и поженут тя, дондеже погубят тя. 23 И будет небо над главою твою медяно и земля под тобою железна. 24 Да даст Господь дождь земли твоей прах, и перстъ с небес снидет на тя, дондеже сокрушит тя и дондеже погубит тя. 25 Да даст тя Господь на изсечение пред враги твоими: путем единем изыдеши к ним и седмию пути побежиши от лица их, и будеши в разсение во всех царствах земных, 26 и будут мертвцы ваши снедь птицам небесным и зверем земным, и не будет отгоняя. 27 Да поразит тя Господь вредом Египетским в седалищах и крастою дивиою и свербом, яко не мощи тебе исцелитися. 28 Поразит тя Господь неистовством и слепотою и изступлением ума, 29 и будеши осязай в полудни, якоже осязает слепый во тме, и не исправит путий твоих: и будеши тогда обидим и расхищаем во вся дни, и не будет помогай тебе. 30 Жену поймеши, и ин муж возимеет ю: дом созиждеши, и не поживеши в нем: виноград насадиши, и не обереши его: 31 телец твой заклан пред тобою, и не снеси от него: осля твое отято от тебе, и не отдастся тебе: овцы твоя отданы (будут) врагом твоим, и не будет тебе помогай: 32 сынове твои и дщери твоя отданы (будут) языку иному, и очи твои узрят истаевающе на сия, и не возможет рука твоя: 33 плоды земли твоей и вся труды твоя поист язык, егоже не веси, и будеши обидим и сокрушаем во вся дни, 34 и будеши изумлен, видений ради очес твоих, яже узриши. 35 Да поразит тя Господь вредом злым на коленах и на голенех, яко не мощи исцелитися тебе от стоп ног твоих даже до верха (главы) твоей. 36 Да отведет тя Господь и князи твоя, яже поставиши себе, в язык, егоже не веси ты и отцы твои, и послужиши тамо богом иным, древу и камению, 37 и будеши тамо в гадание и в притчу и повесть во всех языцах, в няже введет тя Господь (Бог) тамо. 38 Семя много изнесши на поле, и мало внесши, яко поядят я прузи: 39 виноград насадиши и возделаши, и вина не испиши, ниже возвеселишися от него, яко пояст я червь: 40 маслины будут тебе во всех пределах твоих, и елеем не помажешися, яко истечет маслина твоя: 41 сыны и дщери родиши, и не будут тебе, отидут бо в плен: 42 вся древесная твоя и вся жита

земли твоей потребит ржа: 43 пришлец, иже есть у тебе, взыдёт над тя выше выше, ты же низидеши низу низу: 44 сей взаим даст тебе, ты же ему взаим не даси: сей будет глава, ты же будеши хвост. 45 И приидут на тя вся клятвы сия, и поженут тя и постигнут тя, дондеже потребят тя и дондеже погубят тя: яко не послушал еси гласа Господа Бога твоего, еже хранити заповеди Его и оправдания Его, елика заповеда тебе. 46 И будут на тебе знамения и чудеса, и в семени твоем до века, 47 понеже не послужил еси Господеви Богу твоему с веселием и благим сердцем, множества ради всех (благих), 48 и послужиши врагом твоим, яже послет Господь Бог твой на тя с гладом и жаждею, и наготою и оскудением всех: и возложит ярем железен на выю твою, дондеже сокрушит тя. 49 И наведет Господь на тя язык издалеча от края земли аки устремление орле, язык, егоже не уразумеши глагола, 50 язык безстуден лицем, иже не удивится лицу старчу и юна не помилует: 51 и поист плоды скотов твоих и плоды земли твоей, яко не оставит тебе пшеницы, ни вина, ни елеа, стад волов твоих и паств овец твоих, дондеже погубит тя: 52 и сокрушит тя во всех градех твоих, дондеже разорятся стены твоя высокия и крепкия, на низже ты уповаеш, во всей земли твой: и озлобит тя во всех градех твоих, яже даде тебе Господь Бог твой. 53 И снеси чада утробы твоей, плоть сынов и дщерей твоих, ихже даде тебе Господь Бог твой, в тесноте твой и в скорби твой, еюже оскорбит тя враг твой. 54 Юный в вас и младый зело позавидит оком своим брату своему и жене яже на лоне его, и оставшымся чадом, яже аще останутся ему: 55 яко дати единому их от плотей чад своих, ихже ял еси, понеже ничто остался ему в тесноте и скорби твой, еюже оскорбят тя врази твои во всех градех твоих. 56 И юная в вас (жена) и млада зело, еяже не обычне нога ея ходити по земли юности ради и младости, позавидит оком своим мужу своему иже на лоне ея, и сыну и дщери своей, 57 и блоне своей изшедшай из чресл ея, и чаду своему еже аще родит: снест бо я тайно, скудости ради всех в тесноте и скорби своей, еюже оскорбит тя враг твой во всех градех твоих. 58 Аще не послушаете творити вся словеса закона сего, написанная в книзе сей, еже боятися имене чуднаго и чуднаго сего, Господа Бога твоего, 59 и удивит Господь язвы твоя и язвы семене твоего, язвы великия и дивныя, и болезни злые и известныя, 60 и обратит на тя всю болезн Египетскую злую, еяже ты боялся еси от лица их, и прилепятся к тебе: 61 и все разслабление, и всю язву ненаписанную и всю писаную в книзе закона

сего наведет Господь на тя, дондеже потребит тя: 62 и останется в числе малем, вместо того егда бысте яко звезды небесныя множеством, яко не послушасте гласа Господа Бога вашего. 63 И будет, яко же возвеселися Господь о вас благотворит вам и умножит вас, тако возвеселится Господь о вас потребит вас: и возметесь от земли, в нюже вы входите тамо наследити ю, 64 и разсеет тя Господь Бог твой во вся языки, от края земли даже до края ея, и послужиши тамо богом иным, древу и камению, ихже не знал еси ты и отцы твои: 65 но и во языщех онех не упокоит тя, ниже будет стояния стопе ноги твои: и даст тебе Господь тамо сердце печальное и оскудевающая очеса и истаявающую душу: 66 и будет живот твой висящь пред очима твоими, и убоишися во дни и в нощи, и не будеши веры яти житию твоему: 67 заутра речеши: како будет вечер? И в вечер речеши: како будет утро? От страха сердца твоего, имже убоишися, и от видении очес твоих, имиже узриши: 68 и возвратит тя Господь Бог во Египет в кораблех, и на пути егоже рекох, не приложите ксему видети его: и продани будете тамо врагом вашим в рабы и в рабыни, и не будет купующаго.

29 Сия словеса завета, яко завеща Господь Моисею уставити сыном Израилевым в земли Моавли, кроме завета, егоже завеща им в Хориве. 2 И призыва Моисей вся сыны Израилевы и рече к ним: вы видесте вся, елика соторви Господь в земли Египетстей пред вами фараону и всем слугам его и всей земли его, 3 искушения великая, яко видеста очи твои, знамения и чудеса великая оная, руку крепкую и мышцу высокую: 4 и не даде Господь Бог вам сердца разумети и очес видети и ушес слышати, даже до дне сего: 5 и водил вас четыредесять лет по пустыни: не обеташа ризы вашя, и сапози ваши не сотрошася на ногах ваших: 6 хлеба не ядосте, вина и сикера не писте, да познаете, яко Сей Господь Бог ваш: 7 и приидосте до сего места: и изыде Сион царь Есевонский и Ог царь Васанский во сретение нам на брань, 8 и поразихом их на брани, и прияхом землю их: и дах ю во жребий Рувиму и Гаду и полуплемени Манассину. 9 И сохраните творити вся словеса завета сего творити я, да разумеете вся, елика соторите. 10 Вы стасте вси днесь пред Господем Богом вашим, племеноначалницы ваши и старейшины ваши, и судии ваши и писмоводители ваши, всяк муж Израилтеск, 11 и жены вашя и чада ваша, пришлец иже посреде полка вашего, от древосечца вашего даже до водоносца вашего, 12 еже прейти в завет Господа

Бога вашего и в клятвы Его, елика завещает Господь Бог твой к тебе днесь: 13 да поставит тя Себе в люди, и Той будет тебе Бог, яко же тебе рече и яко же клятся отцем твоим, Аврааму и Исааку и Иакову. 14 И не вам единем аз завет сей и клятву сию завещаваю, 15 но и зде сущым с вами днесь, пред Господем Богом вашим, и не сущым с вами зде днесь. 16 Яко вы весте, како жихом в земли Египетстей и како проидохом посреде языков, ихже преидосте, 17 и видесте мерзости их и кумиры их, древо и камение, сребро и злато, яже суть у них. 18 Еда кто есть в вас муж или жена, или отечество или племя, егоже сердце уклониша от Господа Бога вашего, или еже служити богом языков оных? Еда кий есть в вас корень горе прорастающь в желчи и горести? 19 И будет аще услышит словеса клятвы сея и похвалится в сердцы своем, глаголя: преподобно мне да будет, яко в прельщении сердца моего пойду, да не погубит грешник безгрешнаго (с собою): 20 не восхощет Бог милостив быти ему, но тогда разгорится гнев Господень и ревность Его на человека того: и прилепятся ему вся клятвы завета сего, писанныя в книзе закона сего: и потребит Господь имя его от поднебесныя, 21 и отлучит его Господь на злая от всех сынов Израилевых, по всем клятвам завета написанного в книзе закона сего. 22 И речет род ин, сынове ваши, иже востанут по вас, и чуждый иже приидет от земли далекия, и узрят язвы земли онья и недуги ея, яко посла Господь на ню, 23 жупел и соль сожженнюю: вся земля ея не насеется, ни прозябнет, ниже возникнет на ней всяк злак: яко же опровергяся Содом и Гоморр, Адама и Севоим, яко же опроверже Господь в ярости и гневе Своем. 24 И рекут вси языцы: почто соторви Господь сице земли сей? Кая ярость гнева великая сия? 25 И рекут: яко оставилша завет Господа Бога отец своих, егоже завеща отцем их, егда изведе их от земли Египетския, 26 и шедше послужиша богом иным, и поклониша им, ихже не ведяха, и не даде им ничтоже ни един: 27 и разгневався яростию Господь на землю ту, еже навести на ню по всем клятвам завета, писанным в книгах закона сего: 28 и изят их Господь от земли их яростию и гневом, и прогневанием великим зело, и изверже их в землю ину яко же ныне. 29 Тайная Господеви Богу нашему, нам же явленная и чадом нашым во веки, творити вся словеса закона сего.

30 И будет егда приидут на тя вся словеса сия, благословение и клятва, юже дах пред лицем твоим,

и примеши в сердце твое во всех языцах, в няже расточит тя Господь Бог твой тамо, 2 и обратишися ко Господу Богу твоему, и послушаши гласа Его по всем, елика аз заповедаю тебе днесъ, ты и сын твой, от всего сердца твоего и от всея души твоей, з и исцелит Господь грехи твоя и помилует тя, и паки соберет тя от всех языков, в няже разсыпа тя Господь Бог тамо. 4 Аще будет разсение твое от края небесе даже до края небесе, оттуду соберет тя Господь Бог твой и оттуду возмет тя, 5 и введет тя Господь Бог твой оттуду в землю, юже наследиша отцы твои, и наследиши ю: и благо тебе сотворит, и умножит тя паче отец твоих 6 и очистит Господь сердце твое и сердце семене твоего, любити Господа Бога твоего от всего сердца твоего и от всея души твоей, да живеши ты: 7 и даст Господь Бог твой клятвы сия на враги твоя и на ненавидящая тя, иже изгнаша тя: 8 и ты обратишися и послушаши гласа Господа Бога твоего и сотвориши заповеди Его, елика аз заповедаю тебе днесъ. 9 И благословит тя Господь Бог твой во всяком деле руку твою, в плодех утробы твоей и в плодех скотов твоих и в житех земли твоей, яко обратится Господь Бог твой возвеселитися о тебе во благих, якоже возвеселися от отцех твоих: 10 аще послушаши гласа Господа Бога твоего хранити и творити вся заповеди Его и оправдания Его и суды Его, написанныя в книзе закона сего: аще обратишися ко Господу Богу твоему от всего сердца твоего и от всея души твоей. 11 Яко заповедь сия, юже аз заповедаю тебе днесъ, не тяжка есть, ниже далече есть от тебе: 12 не на небеси есть, глаголя: кто взыдет от нас на небо и возмет ю нам, и услышавше ю сотворим? 13 Ниже об ону страну моря есть, глаголай: кто прейдет нам на юну страну моря и возмет ю нам, и услышавше ю сотворим? 14 Близ тебе есть глагол зело, во устех твоих и в сердцы твоем и в руку твою, творити его. 15 Се, дах пред лицем твоим днесъ жизнь и смерть, благо и зло. 16 Аще послушаши заповедий Господа Бога твоего, яже аз заповедаю тебе днесъ, любити Господа Бога твоего, ходити во всех путех Его и хранити оправдания Его и заповеди Его и суды Его, и поживеши, и умножишися, и благословит тя Господь Бог твой на всей земли, в нюже входиши наследити ю тамо. 17 И аще превратится сердце твое, и не послушаши, и заблудив поклонишися богом иным и послужиши им, 18 возвещаю вам днесъ, яко погибелио погибнете, и не многодневни будете на земли, юже Господь Бог дает тебе, в нюже вы преходите Иордан тамо наследити ю. 19 Засвидетелствуя вам днесъ небом и землею: живот и

смерть дах пред лицем вашим, благословение и клятву: и избери живот, да живеши ты и семя твое, 20 любити Господа Бога твоего, послушати гласа Его и прилепитися к Нему: яко сие живот твой, и долгота дний твоих, жити на земли, еюже клятся Господь Бог отцем твоим, Аврааму и Исааку, дати им.

31 И сконча Моисей глаголя вся словеса сия ко всем сыном Израилевым 2 и рече к ним: ста и двадесети лет аз есмь днесъ: не возмогу кесму входити и исходить: Господь же рече ко мне: не прейдеши Иордана сего: 3 Господь Бог твой предидый пред лицем твоим, Той потребит языки сия от лица твоего, и наследиши их: и Иисус предидый пред лицем твоим, якоже глагола Господь: 4 и сотворит им Господь, якоже сотвори Сиону и Огу, двум царем Аморрейским, иже быша об он пол Иордана, и земли их, якоже потреби их 5 и предаде их Господь в руце ваши: и сотворите им, якоже заповедах вам: 6 мужайся и крепися, не бойся, ни ужасайся, ни устрашайся от лица их: яко Господь Бог твой, Сей предидый с вами, и не отступит от тебе, ниже оставит тя. 7 И призва Моисей Иисуса и рече ему пред всем Израилем: мужайся и крепися: ты бо внидеши пред лицем людий сих в землю, юже клятся Господь отцем вашим дати им, и ты в наследие разделиши ю им: 8 и Господь, идый с тобою, не отступит от тебе, ниже оставит тя: не бойся, ни ужасайся. 9 И вписа Моисей вся словеса закона сего в книгу и даде жерцем сыном Левииним, воздвищым ковчег завета Господня, и старцем сынов Израилевых. 10 И заповеда им Моисей в той день, глаголя: по седми летех во время лета оставления, в праздник кущей? 11 Егда сходится весь Израиль явитися пред Господем Богом твоим на месте, еже изберет Господь, читайте закон сей пред всем Израилем во уши их: 12 соберите люди, мужы и жены и дети, и пришелца, иже во градех ваших, да услышат и научатся боятися Господа Бога вашего, и послушают творити вся словеса закона сего: 13 и сынове их, иже не ведят, услышат и научатся боятися Господа Бога вашего во вся дни, елика поживут на земли, на нюже вы преходите Иордан тамо наследити ю. 14 И рече Господь к Моисею: се, приближишася дни смерти твоя: призови Иисуса, и станите пред дверми скинии свидения, и заповем ему и иде Моисей и Иисус ко скинии свидения, и счастиа пред дверми скинии свидения. 15 И сниде Господь в столпе облачне, и ста у дверий скинии свидения: и ста столп облачный у дверий скинии свидения. 16 И рече Господь к

Моисею: се, ты почиеши со отцы твоими, и воставше людие сии соблудят вслед богов чуждих земли, в нюже входят сии тамо, и оставят Мя, и разорят завет Мой, егоже завещах им: 17 и разгневаюся яростию на ня в той день, и оставлю я, и отвращу лице Мое от них, и будут в снедь: и обрящут я зла многа и скорби, и рекут в день той: понеже несть Господа Бога в нас, постигнуша ны злая сия: 18 Аз же отвращением отвращу лице Мое от них в той день, злоб ради всех яже сотвориша, яко обратиша к богом чуждим: 19 и ныне напишите словеса песни сея, и научите ей сыны Израилевы, и вложите ю во уста их, да будет Мне песнь сия во свидетельство в сынех Израилевых: 20 введу бо их в землю благую, еюже кляхся отцем их, дати им землю кипящую медом и млеком, и ядят, и насытившимся утолстеют, и обратятся к богом чуждим, и послужат им, и разгневают Мя, и разорят завет Мой, егоже завещах им: 21 и будет егда постигнут их многа зла и скорби, и противостанет песнь сия пред лице их свидетельствующи, яко не забвена будет от яст их и от уст семене их: Аз бо вем злобу их, елика творят днесъ зде, прежде введения их в землю благую, еюже кляхся отцем их. 22 И написа Моисей песнь сию в той день и научи ей сыны Израилевы и заповеда Моисей Иисусу сыну Навину и рече ему: 23 мужайся и крепися: ты бо введеш сыны Израилевы в землю, еюже клятся им Господь, и Той будет с тобою. 24 Егда же сконча Моисей пиша вся словеса закона сего в книгу даже до конца, 25 и заповеда левитом воздвижущим ковчег завета Господня, глаголя: 26 вземше книгу закона сего, положите ю от страны ковчега завета Господя Бога вашего, и будет тамо вам во свидетельство: 27 яко аз вем рвение твое и вью твою жестокую: еще бо мне живу сущу с вами днесъ, преогорчающе бысте Господа, кольми паче по смерти моей? 28 Соберите ко мне племеноначалники вашя и старцы вашя, и судии вашя и книговодители вашя, да возлагою во уши их вся словеса сия и засвидетельствую им небом и землею: 29 вем бо, яко по скончании моем беззаконием собеззаконнуете и уклонитеся от пути, егоже (аз) заповедах вам, и срящут вас злая в последния дни, яко сотворите злое пред Господем Богом, прогневавши Его в делах рук ваших. 30 И глагола Моисей во ушеса всего сонма Израиела словеса песни сея даже до конца:

32 Вонми, небо, и возлагою, и да слышит земля глаголы уст моих, 2 да чаеся яко дождь вещание мое, и да снидут яко роса глаголи мои, яко туча на трескот и яко иней на сено: 3 яко имя Господне призвах, дадите величие Богу нашему. 4 Бог, истинна дела Его, и

вси путь Его суд: Бог верен, и несть неправды в Нем: праведен и преподобен Господь. 5 Согрешиша, не Того чада порочная: роде строптивый и развращенный, 6 сия ли Господеви воздаете, сии людие буии и не мудри? Не Сам ли сей Отец твой стяжа тя, и сотвори тя, и созда тя? 7 Помяните дни вечные, разумейте лета рода родов: вопросы отца твоего, и возвестит тебе, старцы твоя, и рекут тебе. 8 Егда разделяюще Вышний языки, яко разсей сыны Адамовы, постави пределы языков по числу ангел Божиих, 9 и бысть часть Господня, людие Его Иаков, уже наследия Его Израиль: 10 удовли его в пустыни, в жажди зноя в безводне: обыде его и наказа его, и сохрани его яко зеницу ока: 11 яко орел покры гнездо свое, и на птенцы своя возжеле: простер криле свои и прият их, и подят их на раму своею. 12 Господь един вождаше их, и не бе с ними бог чуждъ: 13 возведе я на силу земли, насыти их жит селных: ссаша мед из камене и елей от тверда камене, 14 масло кравие и млеко овчее с туком агнчим и овним сынов юнчих и козлих, с туком пшеничным, и кровь гроздову пияху вино. 15 И яде Иаков и насытился, и отвержеся возлюбленный: уты, утолсте, разшире: и остави Бога сотворшаго его, и отступи от Бога спаса своего. 16 Прогневаша Мя о чуждих, и в мерзостех своих преогорчиша Мя. 17 Пожроша бесовом, а не Богу, богом, ихже не ведеша: нови и секрати придоша, ихже не ведеша отцы их. 18 Бога рождшаго тя оставил еси и забыл еси Бога питающего тя. 19 И виде Господь, и возврнова, и раздражися за гнев сынов их и дщерей, 20 и рече: отвращу лице Мое от них и покажу, что будет им напоследок, яко род развращен есть, сынове, имже несть веры в них: 21 тии раздражиша Мя не от бозе, прогневаша Мя во идолех своих: и Аз раздражу их не о языце, от языце же неразумливе прогневаю их: 22 яко огнь возгорится от ярости Моея, разжжется до ада преисподняго, снесет землю и жита ея, попалит основания гор: (Sheol h7585) 23 соберу на них злая, и стрелы Моя сконча в них: 24 тающе гладом и снедию птиц, и горб неисцелен: зубы зверий посплю в на, с яростию пресмыкающихся по земли: 25 отвне обезчадит их мечь, и от храмов их страх: юноша с девою, сущее с совершенным старцем. 26 Рех: разсею их, уставлю же от человек память их: 27 токмо за гнев врагов, да не долголетствуют, и да не налягут супостати, да не рекут: рука наша высока, и не Господь сотвори сия вся: 28 яко язык погубивый совет есть, и несть в них художества, не смыслиша разумети: 29 сия вся да примут во грядущее лето. 30 Како поженет един тысячи, и два двигнета тмы,

аще не Бог отдаде их, и Господь предаде их? 31 Не суть бо бози их, яко Бог наш: врази же наши неразумливи. 32 От виноградов бо Содомских виноград их, и розга их от Гоморры: грозд их грозд желчи, грозд горести их: 33 ярость змиев вино их, и ярость аспидов неисцельна. 34 Не сия ли вся собирашася у Мене и запечатлешася в сокровищах Моих? 35 В день отмщения воздам, во время егда соблазнится нога их: яко близ день погибели их, и предстоят готовая вам: 36 яко судити имать Господь людем Своим, и о рабех Своих умолен будет: виде бо их разслабленны и истаявша во время и изнемогша. 37 И рече Господь: где суть бози их, на нихже уповаша, 38 иихже тук жертв их ядясте, и пиясте вино треб их? Да воскреснут и помогут вам, и будут вам покровители. 39 Видите, видите, яко Аз есмь, и несть Бог разве Мене: Аз убию и жити соторю: поражу и Аз исцелю, и несть иже измет от руки Моею: 40 яко воздвигну на небо руку Мою, и кленуся десницею Моею, и реку: живу Аз во веки: 41 яко поострю якоже молнию мечь Мой, и примет суд рука Моя, и воздам месть врагом и ненавидящим Мя воздам: 42 упою стрелы Моя от крове, и мечь Мой снесет мяса от крове язвенных и пленения, от глав князей языческих. 43 Возвеселитесь, небеса, купно с Ним, и да поклоняются Ему вси Ангели Божии: возвеселитесь, языцы, с людьми Его, и да укрепятся ему вси сынове Божии: яко кровь сынов Своих отмщает и отмстит, и воздаст месть врагом и ненавидящим Его воздаст: и очестит Господь землю людей Своих. 44 И написа Моисей песнь сию в той день, и научи ей сыны Израилевы: и вниде Моисей к людем и глагола вся словеса закона сего во уши людем, сам и Иисус Навин. 45 И сконча Моисей глаголя словеса сия вся всему Израилю, 46 и рече к ним: внимлите сердцем вашим вся словеса сия, яже аз засвидетелствую вам днесь, яже да заповесте сыном вашим, хранити и творити вся словеса закона сего, 47 яко не тщетно слово сие вам, зане сия жизнь ваша, и ради слова сего долги дни будете на земли, на нюже вы преходите Иордан тамо наследити ю. 48 И рече Господь к Моисею в день сей, глаголя: 49 взыди на гору Аварим, сия гора Навав, яже есть в земли Моавли прямо Иерихону, и виждь землю Ханааню, юже аз даю сыном Израилевым во обдергжание: 50 и скончайся тамо на горе, на нюже восходиши, и приложися к людем твоим, якоже умре Аарон брат твой на горе Ор и приложися к людем своим: 51 понеже не покористеся словеси Моему в сынех Израилевых у воды Пререкания Кадис в пустыни Син, понеже не освятисте Мене в сынех Израилевых: 52

яко прямо узриши землю, и тамо не внидеши, юже даю сыном Израилевым.

33 И сие благословение, имже благослови Моисей человек Божий сыны Израилевы прежде скончания своего, 2 и рече: Господь от Синаи прииде, и явися от Сиира нам, и приспе от горы Фарани, и прииде со тмами святых, одесную Его ангели с ним, 3 и пощаде люди Своя: и вси освященни под руками Твоими, и сии под Тобою суть. 4 И прия от словес Его закон, егоже заповеда нам Моисей, наследие сонму Иаковию: 5 и будет в Возлюбленнем князь, собравшимся князем людским купно с племенами Израилевыми. 6 Да живет Рувим, и да не умрет, и Симеон да будет мног числом. 7 И сие Иуде: услыши, Господи, глас Иудин и в люди его вниди: руце его поборют по нем, и помощник на враги его да будеши. 8 И Левию рече: дадите Левию явленная Его, и истину Его мужу преподобну, егоже искусиша Искущением, укориша его у воды Пререкания: 9 глаголай отцу своему и матери своей: не видех тебе: и братии своея не позна, и сынов своих не уведе: сохрани словеса Твоя и завет Твой соблюде: 10 явят оправдания Твоя Иакову и закон Твой Израилю: возложат фимиам во гневе Твоем всегда на олтарь Твой: 11 благослови, Господи, крепость его и дела руку его приими: порази чресла воставших на него врагов его, и ненавидящи его да не востанут. 12 И Вениамину рече: возлюбленный Господем уповаяй вселится (в Нем), и Бог осеняет его во вся дни, и посреде рамен Его почи. 13 И Иосифови рече: от благословения Господня земля его, от красот небесных и росы, и от безздн источников низу, 14 и во время плодов солнечных обращений, и от схождений месячных, 15 и от верха гор начала, и от верха холмов вечных, 16 и по времени земли исполнения: и приятная Явившемуся в купине, да приидут на главу Иосифу, и на версе прославившийся в братии. 17 Первородный юнца доброта его, рози единорога рози его: ими языки избодет вкупе даже до края земли: сия тмы Ефремовы, и сия тьсячи Манассиины. 18 И Завулону рече: возвеселися, Завулоне, во исходе твоем, и Иссахаре в селениих твоих: 19 языки потребят: и призовете тамо, и пожрете тамо жертву правды: яко богатство морское воздоит тя, и купли от язык при мори живущих. 20 И Гаду рече: благословен разширяй Гада: яко лев почи, сокрушивый мышцу и князя: 21 и виде начатки своя, яко тамо разделися земля, князей собранных вкупе с начальники людскими: правду Господь соторви и суд Свой со Израилем. 22 И Дану

рече: Дан, скимен львов, и изскочит от Васана. 23 И Неффалиму рече: Неффалиму насыщение приятных, и да насытится благословением от Господа: море и юг наследит. 24 И Асиру рече: благословен от чад Асир, и будет приятен братии своей: омоит в елей ногу свою: 25 железо и медь сапог его будет, и аки дни твоя крепость твоя. 26 Несть якоже Бог Возлюбленного: восходя на небо помощник твой, и великолепный в тверди: 27 и покрьет тя Божие начало, и под крепостию мышцей вечных: и отженет от лица твоего врага, глаголя: да погибнеши: 28 и вселится Израиль уповая един на земли Иаковли в вине и пшенице: и небо ему облачно росою. 29 Блажен еси, Израилю: кто подобен тебе, людие спасаемии от Господа? Защитит помощник твой, и мечь хвала твоя: и солжут тебе врази твои, и ты на выю их наступиши.

34 И взыде Моисей от аравофа Моавля на гору Навав, на верх Фазга, яже есть прямо Иерихону: и показа ему Господь всю землю Галаадску даже до Дана, 2 и всю землю Неффалимлю, и всю землю Ефремову и Манассину, и всю землю Иудину даже до моря последняго, 3 и пустыню и окрестная (села) Иерихона, град Фиников даже до Сигора, 4 и рече Господь к Моисею: сия земля, еюже кляхся Аврааму и Исааку и Иакову, глаголя: семени вашему дам ю: и показах ю очесем твоим, и тамо не внидеши. 5 И скончася тамо Моисей раб Господень в земли Моавли словом Господним. 6 И погребоша его в земли Моавли близ дому Фогорова. И не уведа никто же погребения его даже до дне сего. 7 Моисею же бе сто и двадесять лет, егда скончася: не отемнесте очи его, ни истлеста устне его. 8 И плакашася сынове Израилевы Моисея во Аравофе Моавли у Иордана близ Иерихона тридесять дний. И скончашася дни плача сетования о Моисей. 9 И Иисус сын Навин наполнился духа разума: возложи бо Моисей руце свои на него. И послушаша его сынове Израилевы, и сотвориша якоже заповеда Господь Моисею. 10 И не воста ктому пророк во Израиле якоже Моисей, егоже позна Господь лицем к лицу, 11 во всех знамениих и чудесех, егоже посла Господь сотворити я в земли Египетстей фараону и рабом его и всей земли его, 12 дивная великая, и руку крепкую (и мышцу высокую), яже сотвори Моисей пред всем Израилем.

Книга Иисуса Навина

1 И бысть по скончании Моисея раба Господня, и рече Господь Иисусу сыну Навину, служителю Моисееву, глаголя: **2** Моисей раб Мой скончася: ныне убо востав прейди Иордан ты и вси людие сии в землю, юже Аз даю им: **3** всякое место, по немуже прейдете стопою ног ваших, вам дам е, якоже глаголах Моисею: **4** пустыню и Антиливан сей даже до реки великия реки Евфрата, всю землю Ефеоню, и даже до моря последняго: от запада солнца будут пределы ваши: **5** не супротивится человек пред вами во вся дни живота твоего, и якоже бех с Моисеом, тако буду и с тобою: и не оставлю тебе, ниже презрю тя: **6** крепися и мужайся: ты бо разделиши людем сим землю, юже кляхся отцем вашим дати им: **7** крепися убо, и мужайся зело, хранити и творити, якоже тебе заповеда Моисей раб Мой, и не уклонися от них ни на десно, ни на лево, да смыслиши во всех, яже твориши: **8** и да не отступит книга закона сего от уст твоих, и да поучашися в ней день и нощь, да уразумеши творити вся писанная: тогда благоуспеши и исправиши пути твоя, и тогда уразумеши: **9** се, заповеда тебе: крепися и мужайся, ни ужасайся, ниже убойся: яко с тобою Господь Бог твой во всех, аможе аще пойдешি. **10** И заповеда Иисус книгочиям людским, глаголя: **11** внидите посреде полка людей и заповедайте людем, глаголюще: уготовайте брашно, яко еще три дни, и вы прейдете Иордан сей, вшедше прияти землю, юже Господь Бог отец ваших дает вам в причастие. **12** И Рувиму и Гаду и полуплемени Манассиину рече Иисус: **13** помяните слово, еже заповеда вам Моисей раб Господень, глаголя: Господь Бог ваш упокои вас и даде вам землю сию: **14** жены ваши и дети ваши и скоти ваши да живут на земли, юже даде вам Моисей у Иордана: вы же прейдете вооружени пред братию вашею, всяк крепок, и споборствуете им, **15** дондеже упокоит Господь Бог ваш братию вашу, якоже и вас, и наследят и сии землю, юже Господь Бог ваш дает им: и отидете кийждо в наследие свое, и наследите е, еже даде вам Моисей об Ону страну Иордана от востоков солнца. **16** И отвещавше Иисусу, реша: вся, елика заповеси нам, сотворим, и во всякое место, аможе послеши нас, пойдем: **17** по всем, елика слушахом Моисея, тебе послушаем: токмо да будет Господь Бог наш с тобою, якоже бе с Моисеем: **18** человек же, иже аще не покорится тебе и иже не послушает словес твоих, якоже заповеси ему, да умрет: точию крепися и мужайся.

2 И посла Иисус сын Навин из Саттина два юноши соглядати втай, глаголя: взыдите и видите землю и Иерихон. И шедша два юноши внидоста во Иерихон и внидоста в дом жены блудницы, ейже имя Раав: и витаста тамо. **2** И поведаша царю Иерихонскому, глаголюще: се, мужие внидоша семо (в сию нощь) от сынов Израилевых соглядати землю. **3** И посла царь Иерихонский и рече к Рааве, глаголя: изведи мужы вшедшя в дом твой нощю: соглядати бо землю придоша. **4** И поемши жена два мужа, сокры их: и рече им, глаголющи: придоша ко мне мужие, но не вем откуду быша: **5** егда же врата затворяху в сумраки, и мужие изыдоша: не вем камо поидоша: пожените скоро вслед их, аще постигнете их. **6** Она же возведе я на храмину и сокры я в паздере льняне собранем у нея на храмине. **7** И мужие гнаша вслед их путем ко Иордану к переходом, и врата затворены быша. **8** И бысть егда изыдоша женущии вслед их, и сии прежде неже уснути им, и она взыде к ним на храмину и рече к ним: **9** вем, яко предаде Господь землю (сию) вам: нападе бо страх ваш на ны, и ужасошася вси обитающие на земли от лица вашего: **10** слышахом бо, яко изсущи Господь Бог море Чермное пред лицем вашим, егда исходасте из Египта, и елика сотвористе двоим царем Аморрейским, иже быша об ону страну Иордана, Сиону и Огу, ихже потребисте: **11** и слышавше мы ужасохомся в сердцы нашем, и не ста ктому дух ни во единем от нас от лица вашего: яко Господь Бог ваш, Бог на небеси горе и на земли доле: **12** и ныне кленитеся мне Господем Богом (вашим), яко аз творю милость вам, да сотворите и вы милость в дому отца моего, и дадите ми знамение истинно: **13** и оживите дом отца моего, и мать мою, и братию мою, и сестры мои, и вся, елика суть им, и измите души наша от смерти. **14** И рекоша ей мужие: душа наша вместо вас на смерть, аще ныне не объявиши нас. Она же рече: и будет егда предаст Господь вам град (сей), сотворите мне милость и истину. **15** И свеси их на верве окном: яко дом ея при стене, и при стене сия живяще: **16** и рече им: отидите в гору, да не срятут вас гонящии, и скрыйтесь тамо три дни, дондеже возвратяся гонящии вслед вас: и по сих отидете в путь ваш. **17** И реша к ней мужие: неповинни есмы клятве сей твоей, юже закляла еси нас: **18** се, мы входим в часть града, и поставши знамение, вервь червлену, сию да обяжеши у окна, имже спустила еси нас: отца же твоего и мать твою, и братию твою и весь дом отца твоего да собереш к себе в дом твой: **19** и будет всяк, иже аще изыдет из дверий дому твоего вон, сам себе повинен будет, мы

же неповинни (будем) клятве твоей сей: и елицы аще с тобою будут в дому твоем, мы будем повинни, аще рука прикоснется их: **20** аще же кто нас обидит, или откроет словеса наша сия, будем неповинни клятве твоей сей, еюже закляла еси нас. **21** И рече им: по словеси вашему тако да будет. И отпусти их, и отидаша: и привяза верь червлену у окна. **22** И отидаша, и проидаша в гору, и пребыша тамо три дни, дондеже возвратиша гнавши. И искаша гонящии по всем путем, и не обретоша. **23** И возвратистася два юноши и сидоста с горы: и преидоста (Иордан) ко Иисусу сыну Навину, и поведаста ему вся случившаяся има: **24** и реста ко Иисусу: яко предаде Господь Бог наш в руце наши всю землю, и убояшася вси живущии на земли той от нас.

3 И воста заутра Иисус, и воздвигоша из Саттина, и придоша до Иордана той и вси сынове Израилевы, и сташа тамо прежде неже прейти. **2** И бысть по триех днех, проидаша книгочия чрез полк, **3** и заповедаша людем, глаголюще: егда узрите кивот завета Господа Бога нашего, и жерцы наша, и левиты воздвигающия его, да воздвигнетесь и вы от мест ваших и пойдете вслед его: **4** но подалее да будет между вами и онмы, елико две тысящи лакот станете: не приближитеся к нему, да увесте путь, по немуже пойдете: не ходисте бо путем тем ни вчера, ни третияго дне. **5** И рече Иисус к людем: очиститеся наутрие, яко заутра сотворит в вас Господь чудная. **6** И рече Иисус к жерцем: воздвигните кивот завета Господня и предидите пред людьми. И взяша жерцы кивот завета Господня и идоша пред людьми. **7** И рече Господь ко Иисусу: в сей день начинаю возвышати тя пред всеми сынми Израилевыми, да уведат, якоже бех с Моисеом, тако буду и с тобою: **8** и ныне заповеждь жерцем воздвигающим кивот завета, глаголя: егда внидете на часть воды Иордана, и во Иордане станете. **9** И рече Иисус сыном Израилевым: приступите семо, и слышите слово Господа Бога вашего: **10** в сих увестве, яко Господь живяй в вас и потребляй потребит от лица вашего Хананея и Хеттеа, и Ферезеа и Евеа, и Гергесеа и Аморреа и Иевусеа: **11** се, кивот завета Господа всяя земли преходит Иордан: **12** изберите себе дванадесять мужей от сынов Израилевых, единаго от коегождо племене, **13** и будет егда почют нози жерцев воздвигающих кивот завета Господа всяя земли в воде Иордана, вода Иорданова оскудеет, вода же низтекущая станет. **14** И бысть егда воздвигнувшись людие от кущ своих прейти Иордан, жерцы же воздвигоша кивот завета Господня пред людьми: **15** егда же внидоша жерцы

воздвижуще кивот завета Господня во Иордан, и нози жерцев воздвигающих кивот завета Господня омочишася в части воды Иордана, Иордан же наполняшеся во вся краи своя, якоже во дни жатвы пшеницы: **16** и сташа воды текущая свыше, ста огустение едино отлучившееся далече зело зело от Адами града даже до страны Кариафиарима: низтекущая же низтече в море Аравско, в море Сланое, дондеже до конца оскуде. **17** И людие стояху прямо Иерихону. И сташа жерцы воздвигающие кивот завета Господня на сусе посреде Иордана: и вси сынове Израилевы преходжаху по суху, дондеже скончаша вси людие преходяще Иордан.

4 И егда скончаша вси людие преходяще Иордан, и рече

Господь к Иисусу, глаголя: **2** поими дванадесять мужей от людий, мужа единаго от коегождо племене, **3** повели им, глаголя: возмите от среды Иордана, идеже стояша нози жречествии, готовых дванадесять каменей, и изнесше я с собою, положите в полце вашем, идеже станете тамо в нощи. **4** И призвав Иисус дванадесять мужей славных от сынов Израилевых, единаго от коегождо племене, рече им: **5** идите предо мною пред лицем Господним в средину Иордана: и взем оттуду кийждо камень един да возложит на рамена своя, по числу племен (сынов) Израилевых: **6** да будут вам сии в знамение посреде вас лежаше всегда, да егда вопросит тебе утро сын твой, глаголя: что суть камение сие вам? **7** И ты возвестиши сыну твоему, глаголя: яко оскуде Иордан река от лица кивота завета Господа всяя земли, егда преходжаše его, и изсяче вода Иорданова: и будут вам камение сие в память сынов Израилевых даже до века. **8** И сотвориша тако сынове Израилевы, якоже заповеда Господь Иисусу: и вземше дванадесять каменей от среды Иордана, якоже заповеда Господь Иисусу в скончании преходжения сынов Израилевых, и принесоша их с собою в полк, и положиша их тамо. **9** Постави же Иисус и другия дванадесять каменей в самом Иордане на месте, идеже стояху нози жерцев воздвигающих кивот завета Господня, и суть тамо даже до сего дне. **10** Стояху же жерцы воздвигающие кивот завета Господня во Иордане, дондеже сконча Иисус вся, елика заповеда Господь Иисусу поведати людем, по всем, елика заповеда Моисей Иисусу: и потщаша людие, и преидоша. **11** И бысть егда скончаша вси людие преходити (Иордан), преиде и кивот завета Господня, и камение пред ними. **12** И преидоша сынове Рувимли и сынове Гадовы и пол племене Манассиниа устроены пред сынми Израилевы,

якоже заповеда им Моисей: 13 четыредесять тысяч вооружени на рать преиодаша пред Господем на брань ко граду Иерихону. 14 В той день возвеличи Господь Иисуса пред всем родом Израилевым: и бояхуся его, якоже бояхуся Моисея, елико время поживе. 15 И рече Господь ко Иисусу, глаголя: 16 заповедь жерцем, воздвizaющим кивот завета свидения, изступити из Иордана. 17 И заповеда Иисус жерцем, глаголя: изыдите из Иордана. 18 И бысть егда изыдоша жерцы воздвizaющие кивот завета Господня от среды Иордана, и поставиша ноги на сусе, и устремися вода Иорданова на место и пойде якоже вчера и третияго дне по всему краю. 19 И людие взыдоша от Иордана в десятый день первого месяца: и ополчишася сынове Израилевы в Галгалех на стране, яже на восток солнца от Иерихона. 20 И дванадесять камения сия, яже взя от Иордана, постави Иисус в Галгалех, и рече к сыном Израилевым, глаголя: 21 егда вопросяте вас сынове ваши, глаголюще: что суть камение сие? 22 Возвестите сыном вашим: яко по суху прейде Израиль Иордан сей, 23 изсушившу Господу Богу вашему воду Иорданю пред ними, дондеже преиодаша, якоже сотвори Господь Бог ваш Чермному морю, еже изсуши Господь Бог ваш пред вами, дондеже преиодох: 24 да уведят вси языцы земнии, яко рука Господня крепка есть, и вы да чтете Господа Бога вашего во всякое время.

5 И бысть егда услышаша царие Аморрейстии, иже бяху об ону страну Иордана, и царие Финические, иже бяху близ моря, яко изсуши Господь Бог Иордан реку пред сыны Израилевыми, внегда преходити им, и истаяша мысли их, и ужасошася, и не бяше в них смысления ни единаго от лица сынов Израилевых. 2 В сие же время рече Господь Иисусу: сотвори себе ножи каменны от камене остраго, и сед обрежи сыны Израилевы второе. 3 И сотвори Иисус себе ножи каменны остры и обреза сыны Израилевы на месте нареченнем Холм обрезания. 4 И тако обреза Иисус сыны Израилевы: елицы тогда родишася на пути, и елицы тогда не обрезани быша от изшедших из Египта, всех сих обреза Иисус: вси людие изшедши из Египта мужеска полу, вси мужие ратни измроша в пустыни на пути, внегда изыдоша из Египта: 5 яко обрезани быша вси людие изшедши, вси же людие, иже родишася в пустыни на пути, егда изыдоша из Египта, не обрезани быша: 6 четыредесять бо и два лета хождаше Израиль в пустыни Мавдаритиде: сего ради не обрезани быша мнози от тех воинов изшедших из земли Египетския, не послушавши заповедей Господних,

имже и определи Господь не видети земли, еюже клятся Господь отцем их дати нам землю кипящую медом и млеком: 7 вместо же сих постави сыны их, иихже обреза Иисус, яко скончаныя плоти бяху им, яко родишася на пути не обрезани: 8 обрезавшеся же покой имяху тамо седаще в полце, дондеже исцелишася. 9 И рече Господь Иисусу: в днешний день отях поношение Египетско от вас. И нарече имя места тому Галгала, даже до сего дне. 10 И ополчишася сынове Израилевы в Галгалех и сотвориша Пасху в четвертыйнадесять день месяца от вечера на западе на поли Иерихонстем, 11 и ядоша от пшеницы земли оноя опресноки и новая: 12 в той день преста манна, повнегда ядоша от пшеницы земли, и ктому не бысть сыном Израилевым манны: но ядоша от плодов земли Финический в лето оное. 13 И бысть егда бяше Иисус у Иерихона, и воззрев очима своими, виде человека стояща пред ним, и мечь его обнажен в руце его. И приступив Иисус, рече ему: наш ли еси, или от сопостат наших? 14 Он же рече ему: аз архистратиг силы Господни, ныне прииодох (семо). И Иисус паде лицем своим на землю и поклонися ему, и рече: господи, что повелеваеши рабу твоему? 15 И рече архистратиг Господень ко Иисусу: иззуй сапог с ногу твою: место бо, на немже ты стоиши, свято есть. И сотвори Иисус тако.

6 Иерихон же заключен и огражден бысть от лица сынов Израилевых: и никто же из него исходжаše, ниже вхождаše. 2 И рече Господь ко Иисусу: се, Аз предао тебе в руце Иерихон и царя его, и сущыя в нем, сильны крепостию: 3 и обходите град окрест вси мужие крепцы едино (на день), тако сотворите шесть дний: 4 и седмь жерцы да возмут седмь труб рожаных пред кивотом: и в седмий день оидите град седмижды, и жерцы да вострубят в трубы рожаны: 5 и будет егда вострубите трубою рожаною, внегда услышати вам глас трубы, да воскликнут вси людие: и воскликнувшим им, падут сами стены града во основании своем, и внидут вси людие устремившеся кийждо прямо себе во град. 6 И вниде Иисус сын Навин к жерцем сынов Израилевых и рече им глаголя: возмите кивот завета Господня, и седмь жерцы да возмут седмь труб рожаных пред лицем кивота Господня. 7 И рече им глаголя: повелите людем ойти и окружити град, и воини да предидут вооружени пред кивотом Господним. 8 И бысть егда рече Иисус к людем, и седмь жерцы имуще седмь труб священных да предидут такожде пред Господем, и да вострубят доброгласно: и кивот завета Господня вслед по них

да идет: 9 воини же да предидут напреди, и жерцы трубяще в трубы, и последующии созади кивота завета Господня бяха идуще и трубяще трубами. 10 Людем же заповеда Иисус, глаголя: не вопите, ниже да слышит кто гласа вашего, ниже да изыдет из уст ваших слово до дне, в онъже повелю вам сам воскликнути, и тогда воскликните. 11 И общед кивот завета Божия окрест града (единою), абие иде в полк, и ста тамо. 12 Во второй же день воста Иисус заутра, и воздвигоша жерцы кивот завета Господня. 13 И жерцы седмь носящии седмь труб предидяху пред кивотом Господним и трубиша трубами, и воини вооружени идяху, и прочии людие вслед кивота завета Господня идуще, и жерцы вострубиша трубами рожаными. 14 И обыдоша град в день второй единою, и поидаша паки в полк: сице творяху шесть дний. 15 И бысть в седмый день, восташа в восстание утреннее, и обыдоша град в той день седмижды. 16 И бысть во обхождении седмем вострубиша жерцы трубами, и рече Иисус к сыном Израилевым: воскликните, предаде бо Господь вам град: 17 и будет град сей проклят, и вся, елика суть в нем, Господу сил: токмо Раав блуднику снабдите ю, и вся, елика суть в дому ея, яко сокры прелагатаи, ихже посылахом: 18 но вы соблюдитеся от клятвы, да не когда помысливш вы возмете от клятвы, и сотворите полк сынов Израилевых клятву, и потребите мы: 19 злато же все и сребро, и медь и железо свято да будет Господу: в сокровище Господне да внесется. 20 И вострубиша жерцы трубами: егда же услышаша людие глас трубный, воскликнуша всеи купно людие гласом великим и сильным: и падоша вся стены града окрест, и внидоша всеи людие во град, кийждо противу себе, и прияша град. 21 И прокля и Иисус, и елика быша во граде, от мужеска полу и до женска, от юноши и до старца, и от телца до овцы и до осляте, все под мечь. 22 И двоим юношам соглядавшым землю рече Иисус: внидите в дом жены блудницы, и изведите ю оттуду, и вся, елика суть ея, яко же клястеся ей. 23 И внидоста два юноши соглядавши град в дом жены, и изведосте Раав блуднику, и отца ея и матери ея, и братию ея и все сродство ея, и вся елика быша ей, изведоста и поставиля я вне полка Израилева. 24 И град сожгоша огнем со всем, еже бе в нем, кроме золата и сребра, меди и железа, яже отдаша в дом Господень внести Господеви. 25 И Раав блуднику и весь дом ея отеческий оставил живы Иисус, и обитати сотвори во Израили даже до дне сего, понеже сокры прелагатаи, ихже посла Иисус соглядати Иерихона. 26 И прокля Иисус в той день, глаголя: проклят

человек пред Господем, иже поставит и созиждет град сей Иерихон: на первенце своем оснует его, и на меньшем своем поставит врата его. И сице сотвори Азан, иже от Вефиля: на Авироне первенце своем основа и, и на меньшем спасенем постави врата его. 27 И бяше Господь со Иисусом, и бе имя его по всей земли.

7 И прегрешиша сынове Израилевы прегрешением великим, и взяша от клятвы: взя бо Ахар сын Хармии, сына Замврии, сына Зары, от племене Иудина, от клятвы. И разгневався Господь яростю на сыны Израилевы. 2 И посла Иисус мужы от Иерихона в Гай, иже есть противу Вифавн на восток Вефиля, и рече им, глаголя: шедше соглядайте землю. И идоша мужие и соглядаша Гай. 3 И возвратиша ко Иисусу и рекоша ему: да не идут вси людие, но яко две тысящи или три тысящи мужей да идут и да воюют Гай: да не ведеши тамо всех людий, мало бо есть их (тамо). 4 И идоша от людий тамо, аки три тысящи мужей, и побегоша от лица мужей Гайских: 5 и убираша от них мужие Гайстии яко тридесять и шесть мужей, и отгнаша их от врат, дондеже сокрушиша их на стремнине: и ужасеся сердце людий, и бысть яко вода. 6 И растерза Иисус ризы своя, и паде на земли на лице свое пред Господем даже до вечера, сам и старцы Израилевы: и посыпаша персть на главы своя. 7 И рече Иисус: молюся, Господи Господи, вскую преведе раб Твой люди сия чрез Иордан предати их Аморреем на погубление? От, да быхом пребыли и вселилися у Иордана: 8 Господи, что реку? Понеже отврати Израиль выю свою пред враги своими: 9 и услышав Хананей и всем живущим на земли обыдут нас и потребят нас от земли: и что сотвориши имени Твоему великому? 10 И рече Господь ко Иисусу: востани, вскую ты пал еси на лице твое? 11 Согрешиша людие и преступиша завет Мой, егоже завещах к ним, и украдше от клятвы, скрыша в сосудех своих: 12 сего ради не могут сынове Израилевы стати пред лицем врагов своих, но хребет обратят пред враги своими, яко клятвою сташася: не приложу кесму быти с вами, аще не измете клятвы от себе самих: 13 востав очисти люди и рцы: очиститесь на утро: яко сия глаголет Господь Бог Израилев: клятва есть в вас, не возможете стати пред враги вашими, дондеже измете от себе самих клятву: 14 и соберитеся вси заутра по племеном (вашим), и будет племя, еже покажет Господь, да приведете по сонмом: и сонм, егоже покажет Господь, да приведете по домом: и дом, егоже покажет Господь, да приведете по мужем: 15 и иже обличится, да

сожжется огнем, сам и вся елика суть его, яко преступи завет Господень и сотвори беззаконие во Израили. 16 И воста Иисус заутра, и приведе людий по племеном: и обличися племя Иудино. 17 И приведеся по сонмом, и обличися сонм Зараин: и приведеся сонм Зараин по мужем, и обличися дом Замвриин. 18 И приведеся дом его по мужем, и обличися Ахар сын Хармин сын Замвриина, сына Зараня, от племене Иудина. 19 И рече Иисус Ахару: сыне мой, даждь славу днесь Господу Богу Израилеву, и даждь Ему исповедание, и исповежь ми, что сотворил еси, и не утай от мене. 20 И отвеша Ахар Иисусу и рече: поистинне аз согрехих пред Господем Богом Израилевым: сице и сице сотворих: 21 видех в плene ризу красну и добру и двести дидрахм сребра, и сосуд един злат, пятьдесят дидрахм вес его: и помыслив на ня взях: и се, сия сокровенна суть в земли в кущи моей, и сребро сокровенно под ними. 22 И послы Иисус послы, и идоша в кущу в полк: и сия бяху сокровенна в кущи его, и сребро под ними, 23 и изнесоша я из кущи, и принесоша ко Иисусу и к старцем Израилевым, и положиша я пред Господем. 24 И взя Иисус Ахара сына Зараня, и сребро и ризу и сосуд златый, и возведе его в дебрь Ахор, и сыны его и дщери его, и телцы его и осятла его и вся овцы его, и кущу его и вся имения его, и весь Израиль по нем: и возведе я (со всем) во емек Ахор. 25 И рече Иисус Ахару: почто потребил еси нас? Да потребитя Господъ, якоже и днесь. И побиша его камением весь Израиль, и сожгла вся огнем, и наметаша их камением, 26 и наметаша на нем громаду камения велику. И преста Господъ от ярости гнева Своего. Сего ради прозвася имя миству тому емек Ахор даже до дне сего.

8 И рече Господъ ко Иисусу: не бойся, ниже ужасайся: поими с собою вся мужы воинския, и востав взыди в Гай: се, предах в руце твои царя Гайска и землю его, и люди его и град его: 2 и да сотвориши Гаю и царю его, якоже сотворил еси Иерихону и царю его: и плен его и скоты его да плениши себе: устрой же себе подсаду граду за собою. 3 И воста Иисус и вси мужи воинстии, да внидут в Гай: и избра Иисус тридесять тысящ мужей воинских сильных крепостию и послы их ношию, 4 и заповеда им, глаголя: вы скрыйтеся за градом: не далече будите от града зело, и будите вси готови: 5 аз же и вси людие иже со мною приступим ко граду: и будет егда изыдут живущии в Гай в сретение нам, якоже и прежде, и побегнем от лица их: 6 и егда изыдут вслед нас, отторгнем их от града: и рекут: бежат сии от лица

нашего, якоже и прежде: 7 вы же востанете от подсады, и пойдете во град, и предаст его Господъ Бог наш в руце ваши: 8 и будет егда возмете град, запалите его огнем, по словеси сему сотворите: се, заповедао вам. 9 И послы их Иисус, и идоша в подсаду: и седоша между Вефилем и между Гаием, от моря Гаиа. 10 И востав Иисус заутра, согляда люди: и взыде сам и старцы Израилтстии пред людьми в Гай. 11 И вси людие воинстии с ним взыдоша, и идуще придоша сопротив града от востоков: и подсады града от моря. 12 И ополчишася от севера Гаиа, и (бысть) дебрь между ими и между Гаием. И взя яко пять тысячъ мужей, и положи их на подсаду между Вефилем и Гаием от запада Гаиа. 13 И поставиша людие весь полк от севера града, а прочая его от моря града. И пойде Иисус в нощь ону посреде дебри. 14 И бысть егда увиде царь Гайский, потщася, и воста рано и изыде в сретение им прямо на брань, сам и вси людие его с ним во время, пред лицем подсады: он же не ведяще, яко подсада ему есть за градом (его). 15 И увиде, и отиде Иисус и весь люд от лица их, и побеже путем пустыни, 16 и укрепися весь люд гнати вслед их, и погнаша вслед сынов Израилевых, и отступиша от града. 17 (И) не остался никтоже в Гай и Вефили, иже не погна вслед Израиля: и оставиша град отверст, и гнаша вслед Израиля. 18 И рече Господъ ко Иисусу: простри руку твою с копием, еже в руце твоей, на град, зане в руку твою предах его: и подсады востанут вскоре от места своего. И простре Иисус руку свою и с копием на град. 19 И подсады восташа скоро от места своего: и изыдоша, егда простре руку, и внидоша во град, и взяша его: и потщавшеся запалиша град огнем. 20 И озревшеся обитатели Гайстии вспять себе, узреша дым восходящъ от града до небесе, и кому не имеша камо побегнути, семо или овамо: людие же бегущии в пустыню обратиша на гонящих. 21 Иисус же и весь Израиль увидеша, яко взяша подсады град, и яко восходит дым градный до небесе: и обратившеся избиша мужей Гайских. 22 И сии изыдоша из града противу им, и быша посреде полка Израилева, сии отсюду и сии отонуду: и избиша их, дондеже не остался ни един от них цел, ни убежа. 23 И царя Гайска яша жива, и приведоша его ко Иисусу. 24 И бысть егда престаша сынове Израилевы секуще всех сущих в Гай и сущих на полях и на горе исхода, идже гониша их, и падоша вси остирем меча на ней до конца: и обратися Иисус в Гай и посече их мечем. 25 И быша вси падши в той день от мужеска полу и до женска дванадесять тысящ, вси живущии в Гай. 26 Иисус же не обрати руки своея, юже простре с

копием, дондеже прокля всех обитающих в Гаи. 27 Кроме скотов (их) и имения, яже во граде онем, вся пленшиа себе сынове Израилевы по повелению Господню, якоже повеле Господь Иисусу. 28 И запали град Иисус огнем: землю необитаему во век положи его даже до сего дне. 29 И царя Гайска повеси на древе сугубем: и бяше на древе до вечера: и заходящу солнцу повеле Иисус, и сняша тело его с древа, и повергша и в ров пред враты града: и насыпна над ним громаду велику камения даже до сего дне. 30 Тогда созда Иисус олтарь Господу Богу Израилеву на горе Гевал, 31 якоже заповеда Моисей раб Господень сыном Израилевым, и якоже написася в законе Моисеове, олтарь от камений всецелых, на нихже не возложися железо: и вознесе тамо всесожжения Господу и жертву спасения. 32 И написа Иисус на камениих второй закон, закон Моисеов, егоже написа пред сыны Израилевыми. 33 И весь Израиль, и старцы их и судии их и книгочия их предходяжу сюду и сюду пред кивотом, и жерцы и левити воздвигаша кивот завета Господня, пришелец же и туземец: иже быша половина их близ горы Гаризин, и половина их близ горы Гевал, якоже заповеда Моисей раб Господень благословити людий Израилевых в первых. 34 И по сих тако прочте Иисус вся словеса закона сего, благословения и клятвы, по всему написанному в законе Моисеове. 35 Не бяше словесе от всех, яже заповеда Моисей Иисусу, егоже не прочте Иисус во уши всего сонма сынов Израилевых, мужем и женам, и детем и пришелцем приходящым ко Израилю.

9 Егда же услышаша вси царие Аморрейстии, иже об ону страну Иордана, иже в горней и иже в равней, и иже во всем примории моря великаго и иже при Антиливане, и Хеттеи и Аморреи, и Гергесеи и Хананеи, и Ферезеи и Евеи и Иевусеи, 2 сидошаася вкупе сеящися со Иисусом и со Израилем единомысленно. 3 И живущии в холме в Гаваоне слышаша вся, елика сотвори Господь Иерихону и Гаю, 4 и сотвориша и сии с лукавством, и шедше уготоваша брашна и уготовашася: и вземше вретища ветха на ослы своя, и мехи вина ветхи и разседышася завязаны: 5 и сапоги ветхи и заплачены на ногу их, и ризы обветшаны на них, и хлебы брашна их беша пресохли и сплеснели и сдроблены. 6 И придоша ко Иисусу в полк Израилев в Галгаль, и рекоша ко Иисусу и всему Израилю: от земли дальния придохом, и ныне завещайте нам завет. 7 И рекоша сынове Израилевы к Хоррею: виждь, не посреде ли нас живеши, и како тебе завещаю завет? 8 И рекоша ко Иисусу: раби есмы твои. И рече к ним Иисус: откуду есте? И откуду приидосте? 9

И рекоша к нему: от дальния земли зело придохом раби твои во имя Господа Бога твоего: слышахом бо имя Его и вся, елика сотвори во Египте, 10 и вся, елика сотвори двоим царем Аморрейским, иже быша об ону страну Иордана, Сиону царю Есевонску и Огу царю Васанску, иже живяше во Астарофе и во Едране. 11 И слышавше рекоша к нам старцы наши и вси живущии на земли нашей, глаголюще: возмите себе брашно на путь и идите противу им, и рците к ним: раби есмы ваши, и ныне завещайте нам завет: 12 сии хлебы наши, теплъя на путь взяхом их от домов наших, в онъже день изыдохом приити к вам: ныне же пресхоща и быша сдроблены: 13 и сии меси вина, ихже налияхом новы, и сии разседошаася: и ризы наша сия и обувища наша обеташа от долгаго пути зело. 14 И взяша князи брашно их, а Господа не вопросиша. 15 И сотвори Иисус с ними мир, и устави к ним завет, еже снабдetti их: и кляшася им князи сонма. 16 И бысть по триех днех по завещании к ним завета, услышаша, яко близ их суть и яко посреде их живут. 17 И восташа сынове Израилевы и внидоша во грады их в третий день: гради же их (бяху) Гаваон и Кефира, и Вирот и град Иарим. 18 И не сотвориша с ними рати (Иисус и) сынове Израилевы, яко кляшася им вси князи сонма Господем Богом Израилевым. И ролташа весь сонм Израилев на князей. 19 И рекоша вси князи всему сонму: мы кляхомся им Господем Богом Израилевым, и ныне не возможем коснуться их: 20 сие сотворим им, еже живити их, и снабдим их, и не будет на нас гнева клятвы ради, еюже кляхомся им. 21 И рекоша им князи: да живут сии, и будут древосечцы и водоносцы всему сонму. И сотвори весь сонм, якоже рекоша им князи. 22 И созва их Иисус и рече им, глаголя: почто прельстисте мя, глаголюще: далече есмы от тебе зело? Вс же населницы есте от живущих в нас: 23 и ныне прокляти есте: и не оскудеет от вас раб, ниже древосечец, ниже водоносец мне и Богу моему. 24 И отвещаша Иисусу, глаголюще: понеже возвестися нам (рабом твоим), елика заповеда Господь Бог твой Моисею рабу Своему, дати вам землю сию и потребити нас и вся живущая на ней от лица вашего, сего ради убояхомся зело от душах наших от лица вашего, и сотвориши дело сие: 25 и ныне, се, мы подручни вам, якоже угодно есть вам, и якоже вам мнится, творите нам. 26 И сотвориша им сице: и избави я Иисус в той день от руку сынов Израилевых, и не убиша их. 27 И постави я Иисус в той день древосечцы и водоносцы всему сонму и олтарю Божию. Сего ради быша живущии

в Гаваоне древосечцы и водоносцы олтарю Божиу, даже до днешняго дне, и на месте еже аще изберет Господь.

10 Егда же услыша Адонивезек царь Иерусалимский, яко взя Иисус Гай и потреби его, якоже сотвори Иерихону и царю его, тако сотвори и Гаю и царю его, и яко сами вдашася живущии в Гаваоне ко Иисусу и ко Израилю, и быша в них, 2 и убояшася сами в себе зело: ведя бо, яко град бяше велик Гаваон, яко един от великих градов, и вси мужие иже в нем крепцы. 3 И послала Адонивезек царь Иерусалимский к Еламу царю Хевронску и Фераану царю Иеримуфску, и ко Афию царю Лахисску, и к Давибу царю Одолламску, глаголя: 4 приидите, взыдите ко мне и помозите ми, да повоюем Гаваона: вдашася бо сами ко Иисусу и к сыном Израилевым. 5 И собрашаши и взыдоша пять царей Иевусейских: царь Иерусалимский и царь Хевронский, и царь Иеримуфский и царь Лахисский и царь Одолламский, сами и вси люди их, и обседоша Гаваона и воеваша на него. 6 И послала живущии в Гаваоне ко Иисусу в полк Израилев в Галгаль, глаголюще: не отрещай руки твою от раб твоих: взыди к нам скоро и помози нам, и изми нас: яко собраши суть на ны вси царие Аморреистии, живущии в горней. 7 И взыде Иисус от Галгала, сам и вси люди воинстии с ним, всяк сильный крепостию. 8 И рече Господь ко Иисусу: не убойся их, яко в руце твои предах я: не останет от них ни един пред вами. 9 И прииде на них Иисус внезапу: всю бо нощь иде от Галгала. 10 И ужаси я Господь от лица сынов Израилевых: и сокруши я Господь сокрушением великим в Гаваоне: и погнаша я путем восхода Вифоронска, и сечаху их даже до Азика и до Макида. 11 Внегда же бежати им от лица сынов Израилевых до восхода Вифоронска, и Господь верже на ня камение великое града с небесе даже до Азика, и бысть множе умерших от града каменна, неже убиенных от сынов Израилевых мечем на брани. 12 Тогда глагола Иисус ко Господу, в онъже день предаде Господь Бог Аморреа под руку Израилеву, егда сокруши их в Гаваоне, и сокрушиша от лица Израилева: и рече Иисус: да станет солнце прямо Гаваону, и луна прямо дебри Елон. 13 И ста солнце и луна в стоянии, дондеже отмсти Бог врагом их. Не сие ли есть писано в книгах Праведнаго: и ста солнце посреде небесе и не идяше на запад в совершение дне единаго? 14 И не бысть день таковий ниже прежде, ниже последи, еже послушати Богу тако гласа человеча, яко Господь споборствова Израилю. 15 И возвратися Иисус и весь Израиль с ним в полк в Галгаль. 16 И убегоша пять

царие сии и скрыша в пещере яже в Макиде. 17 И поведаша Иисусу, глаголюще: обретоша пять царие скрывшияся в пещере яже в Макиде. 18 И рече Иисус: привалите камение велие ко устии пещеры и приставите над ними мужы стреши их: 19 вы же не стойте зде, гоняще вслед врагов ваших, и постигните останок их, и не дадите внути им во грады их, предаде бо я Господь Бог наш в руце наши. 20 И бысть егда преста Иисус и вси сынове Израилевы секуще их сечением великим зело даже до конца, и уцелевши от них внидоша во грады тверды. 21 И возвратиша вси людие в полк ко Иисусу в Макиду здрави, и не возскомле никтоже от сынов Израилевых языкок своим. 22 И рече Иисус: отверзите устие пещеры и изведите ко мне пять царей сих из пещеры. 23 И сотвориша тако, и изведоша к нему пять царей из пещеры: царя Иерусалимска и царя Хевронска, и царя Иеримуфска и царя Лахисска и царя Одолламска. 24 И егда изведоша их ко Иисусу, и созва Иисус всего Израиля и начальники воинския ходящия с ним, глаголя к ним: приступите и наступите ногами вашими на выи царей сих. И приступивше наступиша ногами своими на выи их. 25 И рече к ним Иисус: не бойтесь их, ни ужасайтесь: мужайтесь и крепитеся, яко сице сотворит Господь всем врагом вашим, ихже вы повоюете. 26 И уби я Иисус, и повеси я на пяти древесех: и быша висяще на древах даже до вечера. 27 И бысть при захождении солнца, повеле Иисус, и сняша я с древес, и ввергша я в пещеру, в нюже вбегоша тамо: и завалиша камением великим пещеру до днешняго дне. 28 Взяша же и Макиду в той день, и избisha ю острием меча и царя ея, и потребиша их и все дышущее еже бяше в ней: и не остался никтоже в ней цел и избегший. И сотвориша царю Макидску, якоже сотвориша царю Иерихонску. 29 И отиде Иисус и весь Израиль с ним от Макиды в Левну, и облеже Левну. 30 И предаде ю Господь в руце Израилю: и взяша ю и царя ея, и избisha ю острием меча, и все дышущее в ней: и не остался в ней ни един цел и избегший. И сотвориша царю ея, якоже сотвориша царю Иерихонску. 31 И отиде Иисус и весь Израиль с ним от Левны в Лахис, и облеже его, и воеваше нань. 32 И предаде Господь Лахис в руце Израилевы: и взя его в день второй, и избisha его острием меча (и все дышущее в нем), и потребиша его, якоже сотвориша Левне. 33 Тогда взыде Орам царь Газерск, помогая Лахису: и порази его Иисус острием меча, и люди его, дондеже не остался от них ни един цел и избегший. 34 И отиде Иисус и весь Израиль с ним от Лахиса во Аглон, и облеже и, и воева на него.

35 И предаде и Господь в руце Израилю: и взя и в той день, и изби и оstriем меча, и все дышущее в нем уби, и сотвори ему якоже и Лахису. 36 И отиде Иисус и весь Израиль с ним в Хеврон, и обсяде и: 37 и взя его, и порази его оstriем меча, и царя его, и вся веси его, и вся дышущая елика бяху в нем: не бе уцелевый: якоже сотвориша Аглону, потребиша и и все дышущее, елика в нем бяху. 38 И обратиша Иисус и весь Израиль с ним в Давир: и обседше и, 39 взяша его и царя его и вся веси его, и поразиша и мечем, и потребиша и и все дышущее в нем, и не оставиша в нем ни единаго уцелевша: якоже сотвориша Хеврону и царю его, тако сотвориша Давиру и царю его, и якоже сотвориша Левне и царю ея. 40 И порази Иисус всю землю горную и Нагев, и равную и Асидоф, и вся цари его: не оставиша в нем ни единаго уцелевша: и все дышущее потребиша, якоже заповеда Господь Бог Израилю. 41 И изби их Иисус от Кадис-Варни даже до Газы, и всю землю Госом даже до Гаваона: 42 и вся цари сия и землю их взя Иисус единою: яко Господь Бог Израилев помогаше Израилю. 43 И возвратиша Иисус и весь Израиль с ним в полк в Галгали.

11 Егда же услыша Иавин царь Асорск, послав ко Иоваву царю Мадонску, и к царю Семеронску и к царю Ахиавску, 2 и к царем иже в Сидоне велицем и в горней, и в Араву прямо Хенерефу, и на поляну, и в Нафеддор, 3 и к приморским Хананеам от восток, и к приморским Аморреем и Хеттеом, и Ферезеом и Иевусеом, иже на горе, и Евеом, и иже под Аермоном, в землю Массифа. 4 И изыдоша сии и царие их с ними, людие мнози, яко песок иже при краи моря множеством, и кони и колесницы многи зело. 5 И сидиша вси царие сии, и придоша вкупе, и ополчишася при воде Маррон воевати на Израиля. 6 И рече Господь ко Иисусу: не убийся от лица их, яко заутра в сей час Аз предам их язвенных пред сыны Израилевы: конем их жилы пресечеши и колесницы их да сожжеши огнем. 7 И прииде Иисус и вси людие воинстии с ним на них к воде Марронстей внезапу, и нападоша на ня в горней. 8 И предаде их Господь под руце Израилевы: и секуще их, прогнаша даже до Сидона великаго и до Масреоф-Майма и до поль Массифских к востоком: и изсекоша их, дондеже не остался в них ни един цел и избегший. 9 И сотвори им Иисус, якоже заповеда ему Господь: конем их жилы пресече и колесницы их сожже огнем. 10 И обратиша Иисус в то время, и взя Асор, и царя его уби мечем: Асор бо бе прежде обладающий всеми

царствы сими: 11 и изби все дышущее, еже в нем бысть, оstriем меча, и потребиша вся, и не остался в нем все дышущее: и Асор запалиша огнем. 12 И вся грады царств сих и вся цари их взя Иисус и изби я мечем, и потреби их, якоже повеле им Моисей раб Господень. 13 Но вся грады крепки не запали Израиль, точию Асор един запали Иисус. 14 И вся корысти их и вся скоты их плениша себе сынове Израилевы: людий же всех потребиша мечем, дондеже погубиша их, и не оставиша от них ни единаго дышущаго. 15 Якоже повеле Господь Моисею рабу Своему, тако Моисей заповеда Иисусу: и тако сотвори Иисус, не преступи ни единаго же от всех, яже заповеда Господь Моисею. 16 И взя Иисус всю землю горную и всю землю нагев, и всю землю Госомску, и равную, и яже на запад, и гору Израилеву, и поля яже при горе, 17 от горы Хелха, и яже восходит к Сеиру, и даже до Валгада, и поле Ливана под горою Аермон: и вся цари их взя и изби. 18 И многи дни сотвори Иисус с цари сими брань: 19 и не бе ни единаго града, егоже не предаде Господь сыном Израилевым, кроме Евеа обитающаго в Гаваоне: всех взяша бранию: 20 яко Господем бысть укрепитися их сердцу, сопротивитися на брани противу Израиля, да потребят их, яко да не дастся им милость, но да потребятся, якоже глагола Господь к Моисею. 21 И прииде Иисус в то время, и потреби (вся) Енакимы от горных, от Хеврона и от Давира и от Анова, и от вся горы Израилевы и от вся горы Иудины, с грады их, и потреби я Иисус: 22 не остался ни един Енаким от сынов Израилевых, но точию в Газе и в Гефе и во Асидофе осталашася. 23 И взя Иисус всю землю, якоже заповеда Господь Моисею: и даде ю Иисус в наследие Израилю, разделением по племеном их. И преста земля воюема быти.

12 И сии царие земли, иже избиша сынове Израилевы и наследиша землю их об ону страну Иордана, от восток солнца, от дебри Арнонских даже до горы Аермон, и всю землю араву от восток: 2 Сиона царя Аморрейска, иже живяше во Есевоне, обладая от Ароира, иже есть в дебри Арнонских от страны дебри, и пол (земли) Галаада даже до Иавока, (идеже) пределы сынов Аммоних: 3 и арава даже до моря Хенереф на востоки, и даже до моря арава, моря Солищного от восток, путем иже ко Вифсимофи, и от Фемана иже под Асидоф-Фасгою: 4 и Ог царь Васанский остался от Исполинов, иже обита во Астарофе и во Едриане, 5 обладая от горы Аермон, и от Селхи, и всею землею Васан даже до предел

Гесури, и Махафи, и пол Галаада до предел Сиона царя Есевонска. 6 Моисей раб Господень и сынове Израилевы поразиша я: и даде ю Моисей раб Господень в наследие Рувиму и Гаду и полплемени Манассину. 7 И сии царие Аморрейстии, яже изби Иисус и сынове Израилевы об ону страну Иордана, при мори Валгад на поли Ливана, и даже до горы Алок, восходящих в Сиир: и даде ю Иисус племеном Израилевым в наследие по жребию их, 8 на горе и на поли, и во Араве и во Асидофе, и в пустыни и во нагеве, Хеттеа и Аморреа, и Хананеа и Ферезеа, и Евеа и Иевусеа: 9 царя Иерихонска и царя Гайска, иже есть близ Вефиля, 10 царя Иерусалимска, царя Хевронска, 11 царя Иеримуфска, царя Лахисска, 12 царя Еглонска, царя Газерска, 13 царя Давирска, царя Гадерска, 14 царя Ермафска, царя Адерска, 15 царя Левинска, царя Одолламска, 16 царя Макидска, царя Вефилска, 17 царя Апфуска, царя Оферска, 18 царя Афекска, царя Хесаромска, 19 царя Самвронска, царя Фувска, 20 царя Маронска, царя Ахсафска, 21 царя Фанахска, царя Магдедонска, 22 царя Кедесска, царя Иеконама Хермела, 23 царя Адорска Нафеддоря, 24 царя Гоимска Гелгеля, царя Ферска. Вси сии царие тридесять един.

13 Иисус же состареся прошед дни. И рече Господь ко Иисусу: ты состарелся еси денми, и земля осталася многа в наследие: 2 и сия земля оставшаяся: пределы Филистимли, Гесури и Хананей, з от Необитаемя, яже от лица Египта даже до предел Аккаронских ошуюю Хананеев, причисляется пятим областем Филистимским: Газеу и Азотию, и Аскалониту и Гетфею, и Аккарониту и Евею: 4 от Феман и всей земли Ханаанстей прямо Газе, и Сидонии даже до Афека, даже до предел Аморрейских: 5 и всю землю Гавли Филистимлю, и весь Ливан от восток солнца, от Галгал под горою Аермон даже до входа Емаф: 6 всяк обитающий в горней от Ливана даже до Масрефофмаима, всех Сидонян Аз потреблю от лица Израилева: но раздай ю во жребий Израилю, яко же заповедах тебе: 7 и ныне раздели землю сию в наследие девяти племеном и полплемени Манассину от Иордана даже до моря великаго, к западу солнца даси ю: море великое предел будет. 8 Дву же племеном и полулемени Манассину, Рувиму и Гаду, даде Моисей об ону страну Иордана: к востоком солнца даде им Моисей раб Господень, 9 от Ароира, иже есть на устии водотечи Арнони, и град иже посреде дебри, и весь Мисор от Медавана: 10 вся грады Сиона царя Аморрейска, иже царствова во Есевоне, даже до предел сынов Аммоних:

11 и Галаад, и пределы Гесури, и Махафи, всю гору Аермон, и всю Васанитску до Елхи: 12 все царство Огово в Васанитиде, иже царствова во Астарофе и во Едране: сей остался (един) от Исполинов, и уби его Моисей, и потреби. 13 И не потребиша сынове Израилевы Гесура и Махафа и Хананеа: и живяше царь Гесури и Махафи в сынех Израилевых даже до сего дне. 14 Токмо племени Левину не дадеся наследие: Господь Бог Израилев, сам наследие их, яко же рече им Господь. И сие разделение, еже раздели Моисей сыном Израилевым (по племеном их) во Аравофе Моавли об ону страну Иордана противу Иерихона. 15 И даде Моисей племени сынов Рувимлих по сонном их: 16 и быша им пределы от Ароира, иже есть прямо дебри Арнонских, и град, иже есть в дебри Арнонстей, 17 и всю землю Мисорску даже до Есевона, и вся грады иже суть в мисоре, и Девор, и Вамоф-Ваал, и домы Веелмони, 18 и Иасса и Кедимофа и Мифааф, 19 и Кариафем и Севама, и Сарф и Сиор на горе Енак, 20 и Веффогор и Асидоф-Фасга и Вифсимуф, 21 и вся грады Мисорски, и все царство Сиона царя Аморрейска, егоже уби Моисей самаго, и старейшины Мадиамли, и Евия и Рокома, и Сура и Ура и ровека, князи Сиорских, и живущих на земли (той): 22 и Валаама сына Веорова волхва убиша мечем сынове Израилевы в сражении. 23 Быша же пределы Рувимли, Иордан предел. Сие наследие сынов Рувимлих по сонном их, грады их и села их. 24 Даде же Моисей сыном Гадовым по сонном их, 25 и быша им пределы Иазир: вси гради Галаади и полземли сынов Аммоних до Ароира, иже есть пред лицем Раввафа: 26 и от Есевона до Рамофа к Масфе, и Вотаниму, и Манаиму до предел Давировых, 27 и во емеке Вифарам и Вифнамра, и Сохоф и Сафон, и прочее царство Сиона царя Есевонска: и Иордан определяет даже до страны моря Хенереф, об ону страну Иордана от восток. 28 Сие наследие сынов Гадовых по сонном их и по градом их и селам их. 29 И даде Моисей полулемени Манассину по сонном их, 30 и быша пределы их от Манаима, и все царство Васанско, и все царство Ога царя Васанска, и вся веси Иайра, яже суть в Васанитиде, шестьдесят градов: 31 и пол Галаада, и во Астарофе, и во Едране, грады царства Огово в Васанитиде: и дашася сыном Махировым, сыном Манассиным, и половине сынов Махировых по сонном их. 32 Сии суть, имже даде наследие Моисей об ону страну Иордана во Аравофе Моавли, прямо Иерихона на востоки. 33 Племени же Левину не даде Моисей наследия: понеже Сам Господь Бог Израилев наследие Его есть, яко же глагола им.

14

И сии наследовавши от сынов Израилевых в земли Ханаанстей, имже разделиша ю в наследие Елеазар жрец и Иисус сын Навин и князи отечеств племен сынов Израилевых: 2 по жребием наследиша, якоже заповеда Господь Моисеом дати девяти племеном и полплемени (Манассину), з даде бо Моисей наследие дву племеном и полплемени Манассину об ону страну Иордана: левитом же не даде жребия в них: 4 занеже быша сынове Иосифовы два племена, Манассину и Ефремле: и не дадеся части в земли левитом, но токмо грады обитати, и предградия скотом их, и скоты их. 5 Якоже заповеда Господь Моисею, тако сотвориша сынове Израилевы и разделиша землю. 6 И приидоша сынове Иудины ко Иисусу в Галгаль. И рече к нему Халев Иефонний Кенезей: ты веси слово, еже глагола Господь к Моисею человеку Божию о мне и о тебе в Кадис-Варни: 7 четыредесяти бо лет бех, егда посла мя Моисей раб Господень от Кадис-Варни соглядати землю: и отвещах ему слово по сердцу его: 8 братия моя ходивши со мною превратиша сердце людей, аз же приложихся последовать Господеви Богу моему: 9 и клятся Моисей в той день, глаголя: земля, на нюже возшел еси, тебе будет в жребий и чадом твоим во век, яко приложился еси последовать Господу Богу моему: 10 и ныне препита мя Господь, якоже рече, сие четыредесять и пятое лето, отнележе глагола Господь слово сие к Моисею, и хождаше Израиль в пустыни: и ныне се, ми днес осмьдесят и пять лет: 11 еще есмь днес магий, якоже егда посла мя Моисей: тако и ныне могу входити и исходить на брань: 12 и ныне прошу у тебе горы сея, якоже рече Господь в день он, яко ты слышал еси слово сие в день оный: ныне же Енакими тамо суть, грады тверды и велицы: аще убо будет Господь со мною, потреблю их, якоже рече ми Господь. 13 И благослови его Иисус, и даде Хеврон Халеву сыну Иефоннию, сыну Кенезину в жребий. 14 Сего ради бысть Хеврон Халеву Иефоннию Кенезеину в жребий даже до дне сего: понеже возследова повелению Господа Бога Израилева. 15 Имя же Хеврону прежде бяше Град Аргов: Митрополь Енакимлян сей. И почи земля от брани.

15

И быша пределы сынов Иудиних по сонмом их, от предел Идумейских, от пустыни Син к ливу даже до Кадис к югу: 2 и быша пределы их от полудне до части моря Сланаго, от верха клонящагося к югу, 3 и проходят прямо восхождению Акраввим, и обходят Сена, и восходят от юга до Кадис-Варни: и исходят из Есона, и

восходят во Аддару, и исходят на запады Кадис, обходят Акарки, 4 и исходят во Асемону, и преходят даже до дебри Египетския: и будет исход пределов его к морю. Сии суть пределы их от юга. 5 И пределы от восток, все море Сланое даже до части Иордана, и пределы их к северу, и от верха моря, и от части Иордански: 6 восходят пределы (тии) в Вифаглу и преходят от севера к Вефару, и восходят пределы к камени Веора сына Рувимля, 7 и восходят пределы к Девиру дебри Ахоровы, и нисходят до Галгаль, яже есть прямо схождению Адоммин, иже есть к югу дебри, и восходит предел к воде источника Солнечна, и будет исход его источник Рогиль: 8 и восходят пределы в дебрь Енном, созади Иевуса от полудне, сей есть Иерусалим: и исходят пределы на верх горы, яже есть пред лицем дебри Енном к морю, яже есть от части земли Рафайн к северу: 9 и преходит предел от верха горы ко источнику воды Наффо и преходит к горе Ефрони, и изведет предел в Ваал, сей есть Град Иарим: 10 и обыдет предел от Ваала к морю и прейдет в гору Сиир, и прейдет созади града Иарима от севера, сей есть Хасалон: и снидет ко граду Солнечну и прейдет к югу: 11 и преходит предел созади Аккарона до севера, и преходят пределы в Сакхарон, и прейдут гору земли Валаани, и преходят ко Иавнилу, и будет исход пределов к морю, и пределы их от моря, море великое определит. 12 Сии пределы сынов Иудиних окрест по сонмом их. 13 И даде (Иисус) Халеву сыну Иефоннию часть посреде сынов Иудиних повелением Божиим, и даде ему Иисус Град Арвок, отца Енакова: сей есть Хеврон. 14 И потреби оттуду Халев сын Иефонний три сыны Енаковы, Сусия и Фолмаи и Ахима: 15 и взыде оттуду Халев на живущих в Давире: имя же прежде бяше Давиру Град Писмен. 16 И рече Халев: иже аще возмет кто Град Писмен и возобладает им, дам ему Асхань дщерь мою в жену. 17 И взя его Гофониил сын Кенеза, брата Халевова, юнейший: и даде ему Асхань дщерь свою в жену. 18 И бысть всегда отходити ей, и совеща с ним, глаголющи: попрошо у отца моего села. И возвзва со осяти. И рече ей Халев: что ти есть? 19 И рече ему: дажь ми благословение, яко в землю полуденную отдал еси мя: дажь ми Голаф-Маим. И даде ей Халев Голаф-Маим вышний и Голаф нижний. 20 Сие наследие племене сынов Иудиних по сонмом их: 21 быша же гради их гради племене сынов Иудиних к пределом едомлим в пустыни, Кавсеил и Едрайм и Иагур, 22 и Кина и Димона и Адада, 23 и Кедес и Асор и Ифнаксиф, 24 и Телем и Валоф, 25 и Асор Новый и Град Асером (сей есть Акор): 26 Амам и Самаа

и Модада, 27 и Асергадда и Веффалеф, 28 и Асарсула и Вирсаве (и села их и предградия их): 29 и Ваала и Авим и Асем, 30 и Елфорад и Хесил и Ерма, 31 и Сикелег и Ведевина и Сансанна, 32 и Лавофф и Селеим, и Аин и Реммон: всех градов двадцать и девять, и села их. 33 В напольней, Есфаол и Сараа, и Асна (и Рамен), 34 и Зано и Ингоним, и Фаффуа и Инаим, 35 и Иеримуф и Одоллам, (и Немра) и Сохо и Азика, 36 и Сагарим и Адиафайм, и Гадира и села ея: гради четыренадесять и веси их. 37 Сеннам и Адаса и Магдалгад, 38 и Далаан и Масфа и Иекфаил, 39 и Лахис и Васхаф и Еглом, 40 и Хаввон и Ламас и Хафлос, 41 и Гадироф и Виф-Дагон, и Нома и Макида: гради шестьнадесять и веси их. 42 Левна и Афер и Асан, 43 и Иеффа и Асенна и Несив, 44 и Кеила и Ахзев, и Мариса (и Едом): гради девять и веси их. 45 Аккарон и села его и предградия его. 46 (И) от Аккарона, иемне и все елики суть близ Асдофа, и веси их: 47 Асдоф и веси его и предградия его: Газа и веси ея и предградия ея, даже до водотечи Египетская, и море великое определяет. 48 И в горней, Сафир и Иефер и Сохо, 49 и Ренна, Град Писмен (сей есть Давир), 50 и Анов и Есфемо и Аним, 51 и Госом и Хилуон и Гилон: градов единонадесять и веси их. 52 Ерев и Есан и Рума, 53 и Ианум и Вефф-Фапфуе и Афака, 54 и Хаммата и Град Арво (сей есть Хеврон) и Сиор: градов девять и села их. 55 Маон и Хермел, и Зиф и Иетта, 56 и Иездраель и Иекдаам и Зано, 57 Аким и Гаваа и Фамна: гради десять и веси их. 58 Алул и Веффсур и Гедор, 59 и Мароф и Веффанон и Елфекен: гради шесть и веси их: Феко и Еффрафа (сей есть Вифлеем): и Фагор и Етам, и Кулон и Татами, и Сорис и Кarem, и Галлим и Веффир и Манохон: градов единонадесять и веси их. 60 Кариаф-Ваал (сей Град Иарим) и Арева: гради два, и села их и предградия их. 61 Ваддартис и Вифараава, (и) Мадон и Сохона, 62 и Невсан и град Соли и Ингадди: гради шесть и веси их. 63 И Иевусей обиташе во Иерусалиме, и не возмогоша сынове Иудины погубити их: и обиташа Иевусе с сыными Иудиними во Иерусалиме даже до дне оного.

16 И быша пределы сынов Иосифовых от Иордана иже ко Иерихону от восток, и восходят от Иерихона в горную пустыню в Веффиль, 2 и исходят от Веффиля в Лузу, и преходят к пределом Ахиатарова: 3 и прейдут к морю к пределом Иефалтимским, даже до предел Вефорона нижняго и даже до Газера, и будет исход их к морю. 4 И наследствоваша сынове Иосифовы Ефрем и Манассий, 5 и быша пределы сынов Ефремлих по сонмом их: и

быша пределы наследия их от восток Атароф и Адар, даже до Вефорона вышняго и Газары, 6 и преходят пределы к морю в Махфоф от севера, и идут на восток во Финаф-Силом, и прейдут от восток во Ианоха, 7 и от Ианоха снидут во Атароф и в Наарафа и веси их: и приходят ко Иерихону и исходят ко Иордану, 8 и от Тапфу пройдут пределы к морю к водотечи Кана, и будет исход его к морю. Сие наследие племене сынов Ефремлих по сонмом их. 9 И грады отлученныя сыном Ефремлим посреде наследия сынов Манассииных, вси гради и веси их. 10 И не погуби Ефрем Хананея живущаго в Газере: и обиташа Хананеев посреде Ефрема, дающе ему дани до днешняго дне, дондеже взыде фараон царь Египетский, и взя град, и запали его огнем: и Хананеев и Ферезеев и живущих в Газере избодоша: и даде его фараон в вено дщери своей.

17 И быша пределы племене сынов Манассииных, яко сей первенец Иосифу, Махирови первенцу Манассиину, отцу Галаадову, (сей бо бысть муж храбр) в Галаадитиде и Васанитиде. 2 И быша сыном Манассиным прочым по сонмом их: сыном Ахиезеровым и сыном Елековым и сыном Есрилевым, и сыном Сехемовым и сыном Семираеловым и сыном Оферовым: сии суть сынове Манассиины, сына Иосифова, мужеск пол по племеном своим. 3 И Салпааду сыну Оферову, сына Галаадова, сына Махирова, сына Манассиина, не быша сыны, но токмо дщери: и сия имена дщерем Салпаадовы: Маала и Нуя, и Егла и Мелха и Ферса. 4 И стала пред Елеазаром жерцем и пред Иисусом сыном Навиным и пред князи, глаголюща: Бог заповеда рукою Моисеовою дати нам наследие посреде братии нашей. И дадеся им наследие повелением Господним, жребий в братии отца их. 5 И паде жребий Манассию поле лавеково кроме земли Галаадовы и Васани, яже есть об ону страну Иордана, 6 понеже дщери сынов Манассииных наследиша жребий посреде братий своих: земля же Галаадова бысть сыном Манассиным прочым. 7 И быша пределы сынов Манассииных от Асир-Махфофа, и данаф, яже есть пред лицем Сихема, и идут пределы на Иамин и на Иасиф ко источнику Фаффофф. 8 Манассию будет земля Фаффофф: и Фаффофф над пределы Манассииными сыном Ефремлих: 9 и снидут пределы к дебри Кана на юг по дебри Иарим: Теревинф Ефрему посреде града Манассиина. И пределы Манассиины к северу на водотечь, и будет исход его море: 10 от юга Ефрему, и к северу Манассии, и будет море предел им: и ко Асиру

совокупятся к северу, и Иссахару от восток. 11 И будет Манассию (предел) между Иссахаром и между Асиром Вефсан и веси их, и Иевлаам и веси его, и живущая в Доре и веси его, и живущая в ендоре и веси его, и живущая в Магедде и веси его, и живущая в Танахе и веси его, и третия часть Нафефа и веси его. 12 И не возмогоша сынове Манассиины потребити градов сих: и нача Хананей жити в земли сей. 13 И бысть егда укрепиша сынове Израилевы, и сотвориша Хананеов послушных, потреблением же не потребиша их. 14 Противореша же сынове Иосифовы Иисусу, глаголюще: почто наследствовал еси нас жребием единственным и ужем единственным? Аз же люд мног есмь, и благослови мя Бог (даже доселе). 15 И рече им Иисус: аще люд мног еси, взыди в дубраву и отреби себе тамо место в земли Ферезеа и Рафайма, аще утесняет тя гора Ефремля. 16 И реша сынове Иосифовы: не доволно нам горы Ефремли: и конь преизбранный и железо всему Хананею живущему в земли емек, в Вефсане и в весех ея, и во юдоле Иезраель. 17 И рече Иисус к сынови Иосифовы, Ефрему и Манассию, глаголя: аще люд мног еси и силу велику имаши, не будет ти жребий един: 18 зане дубрава будет тебе, понеже дубрава есть, и отребиши ю, и будет тебе, и концы ея, егда потребиши Хананеа, аще конь преизбранный ему есть: (и сам силен,) ты бо пресилиши его.

18 И собрася весь сонм сынов Израилевых в Силом, и водрузиша тамо скинию свидения: и земля одержася от них. 2 И осталася сынове Израилевы, иже не наследиша наследия своего седьмь племен. 3 И рече Иисус сыном Израилевым: доколе вы разслабляетесь внути наследити землю, юже даде вам Господъ Бог отец ваших? 4 Дайте от вас по три мужы от племене, и послю их, и воставше да пройдут землю и да опишут ю предо мною, якоже есть лепо разделити ю. И придоша к нему. 5 И раздели им на седьмь частей: Иуда да поставит предел своим от лива, и сынове Иосифли да поставят предел своим от севера: 6 вы же разделите землю на седьмь частей, и принесите ко мне семо, и изнесу вам жребий пред Господем Богом вашим: 7 несть бо части у вас сыном Левииним, зане жречество Господне часть их: Гад же и Рувим и полплемене Манассиина взяша наследие свое об ону страну Иордана на востоки, еже даде им Моисей раб Господень. 8 И воставше мужие поидоша. И заповеда Иисус мужем идущым описати землю, глаголя: идите и обыдите землю, и опишите ю, и приидите ко

мне, и изнесу вам зде жребий пред Господем в Силоме. 9 И идоша мужие, и обыдоша землю и соглядаша ю, и описаша ю по градом ея на седьмь частей в книгу, и принесоша ко Иисусу в полк в Силом. 10 И верже им Иисус жребий пред Господем в Силоме: и раздели тамо землю Иисус сыном Израилевым по разделению их. 11 И изыде жребий племене сынов Вениаминовых первый по сонмом их: и изыдоша пределы жребия их посреде сынов Иудиних и посреде сынов Иосифовых. 12 И быша пределы их от севера: от Иордана взыдут пределы созади Иерихона к северу и взыдут к горе к морю, и будет исход его Мавдарат Вефавн: 13 и пройдут оттуду пределы Лузы созади Лузы от юга: сия есть Вефиль: и снидут пределы сии от Атароф-Аддар на горную, яже есть к ливу Вефорон нижний, 14 и прейдут пределы, и обыдут к стране зрящи к морю от ливы, от горы к лицу Вефорон Лива, и будет исход его в Кариаф-Ваал: сей есть Кариафиарим, Град сынов Иудиних. Сия есть часть яже к морю. 15 И часть яже к ливу от части Кариаф-Ваал: и пройдут пределы морския в Гайн, на источник воды Наффоновы, 16 и снидут пределы на страну горы, яже есть пред лицем дубравы, сына Енома, яже есть от части емек Рафайн от севера, и снидут к Геенному созади Иевуса от юга, и снидут на источник Рогиль, 17 и пройдут сквозе от севера, и пройдут на источник Самеса, и пройдут на Галилоф, иже есть прямо к восходу Едомим: и снидут на камень Ваан сынов Рувимлих, 18 и пройдут созади вефаравы от севера, и снидут ко араве, 19 и снидут с Аравы (на) пределы созади Вефагла от севера, и будет исход пределов на холм моря Сланаго от севера в страну Иорданову от ливы. Сии пределы суть от юга: и Иордан определит ю от страны востока. 20 Сие наследие сынов Вениаминовых, пределы его окрест по сонмом их. 21 И быша грады племене сынов Вениаминовых по сонмом их, Иерихо и Вифагла и Амеккасис, 22 и Вефарава и Семрим и Вифил, 23 и Авим и Афара, и Афра (и Екарен), 24 и Кафираммин и Афни и Гаваа: грады дванадесять и веси их: 25 Гаваон и Рама и Вироф, 26 и Масфа и Хефира и Амоса, 27 и Рекем и Иерфаил и Фарала, 28 и Силалеф и Иевус (сей есть Иерусалим), и Гавааф и Град Иарим: грады тринаадесять и веси их. Сие наследие сынов Вениаминовых по сонмом их.

19 И изыде второй жребий Симеону, племени сынов Симеоновых по сонмом их, и бысть наследие их посреде жребия сынов Иудиних. 2 И бысть жребий их Вирсавее и Савее и Молада, 3 и Асерсуал и Вафул, и Вельвала и Асом, 4 и Елфулад и Ерма, 5 и Секелаг и

Вефаммаргасвоф, и Асерсусим 6 и Вефалваф, и села их: грады тринаадесять и веси их. 7 Аин и Реммоф, и Еефер и Асам, грады четыри и веси их: 8 и вся предградия, яже окрест градов сих даже до Ваалферираммоф, идущих во Иамеф к ливу. Сие наследие племен сынов Симеоновых по сонном их. 9 От жребия Иудина наследие племене сынов Симеоновых, яко бысть часть сынов Иудиних большая нежели их: и наследиша сынове Симеоновы посреде жребия их. 10 И изыде жребий третий Завулону по сонном их: и будут пределы наследия их до Сарида: 11 и восходят пределы их к морю и Мариле, и дойдут к Давасефу, и снидутся в дебрь, яже есть к лицу Иекнама, 12 и обратятся от Сарида противу от востоков Самес на пределы Хасалоф-Фавор, и пройдут к Даврафу, и взыдут к Иафаги: 13 и оттуду обыдут супротив на востоки в Гефаефер, во град Касим, и пройдут на Реммонах Мафарим Аннуа, 14 и обыдут пределы к северу на Еннафофф, и будет исход их к Гаю Иеффаил, 15 и Каттаф и Наалол, и Семрон и Иадила и Вифлеем: грады дванадесять и веси их. 16 Сие наследие племене сынов Завулоновых по сонном их, грады их и веси их. 17 И Иссахару изыде жребий четвертый, сыном Иссахаровым по сродством их, 18 и быша пределы их Иезраель и Ахаселоф и Сунам, 19 и Аферарим и Сиан, (и Ренаф) и Анахареф, 20 и Раввоф и Кесион и Аеме, 21 и Рамаф и Инганим, и Инадда и Веффасис: 22 и снидутся пределы к Фавору и к Сасимафу к морю, и вефсмас, и будет его исход предел Иордан: грады шестьнадесять и веси их. 23 Сие наследие племене сынов Иссахаровых по сонном их, грады и предградия их. 24 И изыде жребий пятый племене сынов Асировых по сонном их, 25 и быша пределы их Хелкаф и Ооли, и Ватне и Ахсаф, 26 и Елимелех и Амад и Масал: и приближатся к Кармилу к морю, и Сиору и Лаванафу, 27 и обратятся от восток солнца в Виф-Дагон, и приближатся к Завулону, и в Гай Иеффаил к северу, (и внидут пределы Асафа) в Виф-Аемек, и да идут по долине Аниила, и пройдут в Хавол ошуюю, 28 и Ахран и Роов, и Аммон и Кана, даже до Сидона великаго: 29 и возвратятся пределы в Раму, и даже до града тверда Тириан, и возвратятся пределы до Сусы, и будет исход его море, и от ужа в Ахзиф, 30 и Амма и Афек и Раов: грады двадесять два и веси их. 31 Сие наследие племене сынов Асировых по сонном их, грады их и веси их. 32 И Неффалиму изыде жребий шестый, сыном Неффалимли по сонном их, 33 и быша пределы их Меелеф и Милон, и Весенаним и Арме, и Накев и Иавнил, даже до Лаккун: и быша исходи их Иордан:

34 и возвратятся пределы к морю в Азаноф-Фавор, и пройдут оттуду во Иок, и приткнутся к Завулону от юга, и Асиру приближатся к морю, и ко Иуде Иордан от восток солнца. 35 И грады ограждени Тириан, Тир и Амаф, и Реккаф и Хенероф, 36 и Адами и Рама и Акор, 37 и Кедес и Едраи и источник Акор, 38 и Иарион и Магдалил, Оран и Вефанаф и Фасмус: грады девятьнадесят и веси их. 39 Сие наследие племене сынов Неффалимли по сродству их, грады и предградия их. 40 И Дану и племени сынов Дановых по сонном их изыде жребий седьмый, 41 и быша пределы их Сараа и Есфаол и грады Самес, 42 и Саламинъ и Еалон и Иефла, 43 и Елон и Фамна и Аккарон, 44 и Елфеко и Гавафон и Ваафоф, 45 и Иуф и Ваниварак и Гефреммон, 46 и от моря Иераконска, и Ираккон, предел близ Иоппы, и изыде предел сынов Дановых от них. 47 И изыдоша сынове Дановы и воеваша Ласем, и взяша его и поразиша его острием меча: и обиташа в нем, и нарекоша имя его Ласендан, по имени Дана отца своего. И Аморрей остался жити во Еломе и в Саламине: и отяготе рука Ефремля на них, и быша им данницы. 48 Сие наследие племене сынов Дановых по сонном их, грады их и веси их. И не истребиша сынове Дановы Аморреа озлобляющаго их на горе, и не даяху им Аморреа исходить на юдоль, и утесниша от них предел части их. 49 И совершиша разделяти землю в пределех ея: и даша сынове Израилевы жребий Иисусу сыну Навину повелением Господним среде себе, 50 и даша ему град, егоже проси, Фамнаф-Сараи, иже есть в горе Ефраим: и созда град, и вселился в нем. 51 Сия разделения, яже разделиша Елеазар жрец и Иисус Навин и князи отечеств в племенех Израилевых по жребиям в Силоме пред Господем, у дверий скинии свидения. И скончаша делити землю.

20 И рече Господь ко Иисусу, глаголя: 2 рцы сыном Израилевым, глаголя: дадите грады убежений, яже рекох к вам Моисеом: з убежище убийце поразившему душу неволею: и будут вам грады убежище, и не умрет убийца от ужика крове, дондеже предстанет пред сонном на суд. 4 И (аще кто) убегнет во един от градов сих, и станет во вратех града, и исповесть во уши старцем града того словеса своя: и приимут его сонм к себе, и дадут ему место жити с ними: 5 и егда поженет ужик крове вслед его, и не дадут убившаго в руце его: яко не ведый уби ближняго своего и не ненавида той его от вчера и третияго дне: 6 и да вселится в той град, дондеже станет пред лицем сонма на суд, и дондеже

умрет жрец великий, иже будет в тыя дни: тогда да обратится убийца, и внидет во град свой и в дом свой, и во град, отнюдже избеже. 7 И отдалиша Кедес в Галилеи, в горе Неффалимли, и Сихем в горе Ефремли, и Град Арво (сей есть Хеврон) в горе Иуде: 8 и об ону страну Иордана ко Иерихону на восток, даша Восор в пустыни в поли от племене Рувимля, и Рамофф в Галааде от племене Гадова, и Голан в Васанитиде от племене Манассиона: 9 сии грады избранны быша всем сыном Израилевым и пришелцу прилежащему в них, еже убежати тамо всякому убивающему душу неволею, да не умрет от руку ужика крове, дондеже станет пред сонмом на суд.

21 И придоша старейшины отечеств сынов Левииных

к Елеазару жерцу и ко Иисусу сыну Навину и к старейшинам отечеств от племен сынов Израилевых, 2 и реша к ним в Силоме в земли Ханаани, глаголюще: заповеда Господь рукою Моисеовою дати нам грады еже обитати, и окрестная их предградия скотом нашым. 3 И даша сынове Израилевы левитом от участий своих по повелению Господню грады сия и окрестная предградия их. 4 И изыде жребий сонму Каафову, и бысть сыном Аароним жерцем левитом от племене Иудина и от племене Симеона и от племене Вениамина по жребием грады тринаадесять: 5 и сыном Каафовым оставшымся от (сродства) племене Ефремова и от племене Данова и от полуплемене Манассиона по жребию грады десять: 6 и сыном Гирсоним от племене Иссахарова и от племене Асирова, и от племене Неффалимля и от полуплемене Манассиона (еже) в Васане, по жребию грады тринаадесять: 7 и сыном Мерариним по сонмом их, от племене Рувимля и от племене Гадова и от племене Завулоня, по жребию грады дванадесять. 8 И даша сынове Израилевы левитом грады сия и окрестная их, яко же заповеда Господь Моисею, по жребию. 9 И даде племя сынов Иудиних и племя сынов Симеоновых и племя сынов Вениаминовых грады сия: и нарекоша по имени. 10 И быша сыном Аароновым от сонма Каафова сынов Левииных, яко сим бысть жребий первый. 11 И даде им Кариафарвок, Митрополь сынов Енаковых (сей есть Хеврон в горе Иудине), и окрестная их. 12 И села града (сего) и веси его даде Иисус Халеву сыну Иефоннину во обдержание его. 13 И сыном Аарона жерца даде град убежище убившему Хеврон и отлученная яже к нему: 14 и Левну и отлученная яже к ней: и Иефер и отлученная яже к нему: и Есфемо и

отлученная яже к нему: 15 и Олон и отлученная яже к нему: и Давир и отлученная яже к нему: 16 и Аин и отлученная ему: и Иетта и отлученная ему: и Вефсамис и отлученная ему: грады девять от дву племен сих. 17 И от племене Вениамина Гаваон и отлученная ему: и Гаве и окрестная его: 18 и Анафофф и окрестная его: и Алмон и окрестная его: грады четыри. 19 Вси грады сынов Аароновых жерцев, грады тринаадесять и окрестная их. 20 И сонмом сынов Каафовых левитом, оставшымся от сынов Каафовых, и бысть град пределов их от племене Ефремова. 21 И даша им град убежище убившему Сихем и окрестная его в горе Ефремли: и Газер и окрестная его: 22 и Кавсам и окрестная его: и Вефорон и окрестная его: грады четыри. 23 И от племене Данова Елфеко и окрестная его: и Гавефон и окрестная его: 24 и Елон и окрестная его: и Гефремон и окрестная его: грады четыри. 25 И от полуплемене Манассиона Фаанах и окрестная его: и Вефсам и окрестная его: града два. 26 Вси грады десять и окрестная их сонмом сынов Каафовых оставшымся. 27 И сыном Гирсоним сродником левитским, от полуплемене Манассиона, грады отлученные убившым, Голан в Васанитиде и окрестная его: и Веесфера и окрестная его: града два. 28 И от племене Иссахарова Кисион и окрестная его: и Девраф и окрестная его: 29 и Иермофф и окрестная его: и Источник Писмен и окрестная его: грады четыри. 30 И от племене Асирова Масаал и окрестная его: и Авдон и окрестная его: 31 и Фелкаф и окрестная его: и Роов и окрестная его: грады четыри. 32 И от племене Неффалимова град определенный убившему Кедес в Галилеи и окрестная его: и Емафдор и окрестная его: и Ноеммон и отлученная его: грады три. 33 Вси грады Гирсоновы по сонмом их, грады тринаадесять и отлученная их. 34 И сонму сынов Мерариних левитом прочым, от племене сынов Завулоних, Иекнаам и окрестная его: и Карфа и окрестная его: 35 и Дамна и окрестная его: и Наалол и окрестная его: грады четыри. 36 И об ону страну Иордана ко Иерихону от племене Рувимова даде град убежище убившему Восор в пустыни Мисор и окрестная его: и Иазир и окрестная его: 37 и Гедсон и окрестная его: и Масфа и окрестная его: грады четыри. 38 И от племене Гадова град убежища убившему Рамофф в Галааде и окрестная его: и Манаим и окрестная его: 39 и Есевон и окрестная его: и Иазир и окрестная его: грады четыри. 40 Вси грады сыном Мерариним по сонмом их, оставшихся от племене Левиина, и быша пределы их грады дванадесять. 41 Вси грады левитстии

посреде обдержания сынов Израилевых четыредесять и осмь градов и окрестная их, окрест градов сих: 42 град и окрестная окрест града: тако всем градом сим. И соверши Иисус разделивый землю в пределех ея: и даша сынове Израилевы часть Иисусу повелением Господним: даша ему град, егоже проси: Фамнасахар даша ему на горе Ефремове. И созда Иисус град, егоже проси, и вселился в нем. И взя Иисус ножы каменные, имиже обрезова сыны Израилевы, родившыся на пути в пустыни, яко не обрезашася в пустыни, и положи я во Фамнасахаре. 43 И даде Господь Израилю всю землю, юже клятся дати отцем их: и наследиша ю и вселишася в ней. 44 И упокои Господь их окрест, якоже клятся отцем их: не воста никотоже противу им от всех врагов их: и вся враги их предаде им Господь в руки их. 45 Не оскуде слово (ни едино) от всех глаголол благих, яже рече Господь сыном Израилевым: вся сбышася.

22 Тогда созва Иисус сыны Рувимли и сыны Гадовы и полплемене Манассина, и рече им: 2 вы слышасте вся, елика заповеда вам Моисей раб Господень, и послушасте гласа моего, по всему елика заповедах вам: 3 не остависте братии вашея в сия дни и множайшия, даже до дне сего: сохранисте заповедь Господа Бога вашего: 4 ныне же упокои Господь Бог ваш братию вашу, якоже рече им: ныне убо возвратившеся отидите в домы вашя и в землю обдержания вашего, юже даде вам Моисей раб Господень об ону страну Иордана: 5 но сохраните зело творити заповеди и закон, егоже заповеда вам Моисей раб Господень, любити Господа Бога вашего и ходити во всех путех Его, хранити заповеди Его и прилежати Ему и служити Ему от всего сердца вашего и от всея души вашея. 6 И благословив их Иисус отпусти их: и отидаша в домы своя. 7 И полу (племене) Манассину даде Моисей (обдержание) в Васане, и половине даде Иисус с братиою их у Иордана к морю. И егда отпусти их Иисус в домы их, и благослови их: 8 и со именiem многим отидаша в домы своя: и скоты многи зело, и сребро и злато, и медь и железо, и ризы многи зело, и разделиша плен врагов своих с братиою своею. 9 И возвратившеся отидаша сынове Рувимли и сынове Гадовы и полплемене Манассина от сынов Израилевых, от Силома земли Ханаани, отти в землю Галаадску, в землю обдержания своего, юже наследиша по повелению Господню рукою Моисеовою. 10 И приидоша в Галилоф Иорданск, иже есть в земли Ханаани: и создаша сынове Рувимли и сынове Гадовы и полплемене Манассина тамо олтарь

у Иордана, олтарь велик еже видети. 11 И услышаша сынове Израилевы глаголющи: се, создаша сынове Рувимли и сынове Гадовы и полплемене Манассина олтарь у пределов земли Ханаани, в галилофе у Иордана об ону страну сынов Израилевых. 12 И услышаша сынове Израилевы, и собрашася вси сынове Израилевы в Силон, еже возшедше воевати их. 13 И послаша сынове Израилевы к сыном Рувимлим и к сыном Гадовым и к полплемени Манассину в землю Галаадску Финееса сына Елеазара, сына Аарона жерца, 14 и десять князей с ним: князь един от дому отечества, от всех племен сынов Израилевых: мужие князи домов отечеств их, иже суть тысященачалницы Израилевы. 15 И приидоша к сыном Рувимлим и к сыном Гадовым и к полплемени Манассину в землю Галаадову, и решаша к ним, глаголюще: 16 сия глаголет весь сонм Господень: кое прегрешение сие, имже согрешисте пред Господем Богом Израилевым, отвратитися днесъ от Господа Бога Израилева, создавше себе требище, еже отступником вам быти днесъ от Господа? 17 Еда мал вам грех Фогоров, яко не очистихомся от него даже до сего дне? И бысть язва в сонме Господни: 18 и вы отвратистесь днесъ от Господа: и будет егда отступите днесъ от Господа, и заутра на всем Израили будет гнев Господень: 19 и ныне аще мала вам земля обдержания вашего, прейдите вы в землю обдержания Господня, идеже пребывает скиния Господня, и наследите среде нас, и не будите отступници от Господа, и от нас не отступите, за еже создати вам требище кроме олтаря Господа Бога нашего: 20 не се ли Ахар сын Заранов прегрешением прегреши от проклятия, и бысть на весь сонм Израилев гнев? Аще и един бяше, но не един умре грехом своим. 21 И отвещаша сынове Рувимли и сынове Гадовы и полплемене Манассина, и решаша тысященачалником Израилевым, глаголюще: 22 Бог бог, Господь есть, и Бог бог Господь Сам весть, и Израиль сам познает, аще во отступлении прегрешихом пред Господем, да не избавит нас во днешний день: 23 и аще создахом себе требище, еже отступити нам от Господа Бога нашего, или вознести нам наань жертву всесожжений, или еже сотворити на нем жертву спасения, Сам Господь взыщет: 24 но ради благоговения глагола сотворихом сие, глаголюще: да не рекут заутра чада ваша чадом нашым, глаголюще: что вам и Господеви Богу Израилеву? 25 И пределы постави Господь между вами и нами, сынове Рувимли и сынове Гадовы, Иордан, и несть вам части Господни: и отчуждят сынове ваши сынов наших, яко да не служат Господу: 26

и рекохом соторити сице, еже создати требище сие, не приношений ради, ниже жертв ради, 27 но да будет свидетелство сие между вами и нами и между роды нашими по нас, еже служити службу Господеви пред ним в приношениях наших и в жертвах наших и в жертвах спасений наших: и да не рекут чада ваша заутра чадом нашым: несть вам части Господни. 28 И рекохом: аще будет когда, и возлаголют к нам или к родом нашым заутра и рекут: зрите подобие жертвенника Господня, егоже соториша отцы наши, не приношения ради, ниже жертв ради, но свидетелство есть между нами и между вами и между сыны нашими: 29 да не будет убо нам отступити от Господа, еже отвратитися во днешний день от Господа, еже соторити нам жертвенник приношением и жертвам саламин и жертве спасения, кроме олтаря Господа Бога нашего, иже есть пред скинию Его. 30 И услышавше Финеес жрец и вси князи сонма, и тысященачалницы Израилевы, иже быша с ним, словеса сия, яже глаголаша сынове Рувимли и сынове Гадовы и полплемене Манассиина, и угодно им бысть сие. 31 И рече Финеес жрец сыном Рувимлим и сыном Гадовыми и полплемени Манассину: днесъ познахом, яко с нами есть Господь, иже не погрешисте пред Господем прегрешения, но днесъ избависте сыны Израилевы от руки Господни. 32 И возвратися Финеес жрец и князи отечеств от сынов Рувимлих и от сынов Гадовых и от полплемене Манассиина от земли Галаадовы в землю Ханааню к сыном Израилевым: и отвещаша им словеса сия. 33 И угодно бысть слово сие сыном Израилевым, и благословиша Бога сынове Израилевы и рекоша: кому да не изыдем к ним на брань потребити землю сынов Рувимлих и сынов Гадовых и полплемене Манассиина. И вселишася на ней. 34 И нарече Иисус требище сынов Рувимлих и сынов Гадовых и полплемене Манассиина и рече: яко свидение есть между ими, яко Господь Бог Бог их есть.

23 И бысть по днех мнозех, егда упокои Господь Бог Израиля от всех врагов его иже окрест, и Иисус состареся прошед дни. 2 И созва Иисус вся сыны Израилевы и старейшины их, и князи их и судии их и книгочия их, и рече к ним: аз состарехся и проиход дни: 3 вы же видесте вся, елика сотори Господь Бог ваш всем языком сим от лица вашего, зане Господь Бог наш споборствовавый нам: 4 видите, яко низвергох вам языки оставшыся вам сия во жребиих племеном вашым, от Иордана вся языки потребих, и от моря великаго,

еже определит на запад солнца: 5 Господь же Бог ваш Сам потребит их от лица вашего, дондеже погибнут, и послет на ня звери дивия, дондеже потребит их и цари их от лица вашего, и наследите землю их, якоже глагола вам Господь Бог ваш: 6 укрепитеся убо зело хранити и творити вся написанная в книгах закона Моисеова, да не уклонитеся от него на десно или на лево: 7 яко да не винидете во языки оставшыся сия, и имена богов их да не возименуются в вас, ниже да кленетесь ими, ниже да послужите им, ниже поклонитеся им: 8 но токмо Господу Богу вашему прилепитеся, якоже твористе до сего дне: 9 и потреби Господь от лица вашего языки велики и сильны, и никто противоста вам до сего дне: 10 един от вас прогна тысящи, яко Господь Бог ваш споборствоваше вам: 11 и сохраните зело любити Господа Бога вашего: 12 аще бо отвратитеся и приложитеся ко оставшимся языком сим, иже с вами, и браки соторите с ними, и смеситеся с ними, и они с вами, 13 ведением уведите, яко не приложит Господь потребити языки сия от лица вашего: и будут вам в сети и в соблазны, и в гвоздия в пятах ваших и в стрелы во очесех ваших, дондеже погибнете от земли благия сея, юже даде вам Господь Бог ваш: 14 аз же днесъ отхожду в путь, якоже и вси иже на земли: и познаете всем сердцем вашим и душою вашею, яко ни едино слово отпаде от всех словес благих, яже рече Господь Бог ваш к вам: вся приходят вам, и не разнствова от них ни едино слово: 15 и будет, имже образом приходят на вас вся словеса добрая, яже глагола Господь Бог к вам, тако наведет Господь на вы вся словеса злая, дондеже потребит вы от земли благия сия, юже даде вам Господь Бог ваш: 16 всегда преступите завет Господа Бога вашего, егоже заповеда вам, и шедше послужите богом иным и поклонитеся им: и разгневается яростю Господь на вы, и погибнете скоро от земли благия, юже даде Господь вам.

24 И собра Иисус вся племена Израилева в Сихем, и созва старейшины Израилевы и князи их, и судии их и книгочия их, и сташа пред Господем Богом. 2 И рече Иисус ко всем людем, глаголя: сия глаголет Господь Бог Израилев: об ону страну реки жиша отцы ваши исперва, Фара отец Авраамов и отец Нахоров, и служиша богом иным: 3 и поях отца вашего Авраама от об ону страну реки, и водих его во всей земли Ханаанстей: и умножих семя его, и дах ему Исаака: 4 Исааку же дах Иакова и Иисава и дах Иисаву гору Сиир наследие ему: Иаков же и сынове его снидоша во Египет, и быша тамо в язык

велик и крепок и мног, и озлобиша их Египтяне: 5 и послах Моисея и Аарона, и поразих Египта во знамениях, яже сотворих в них, и по сем изведох вас, 6 и изведох отцы ваша из Египта, и внидосте в море Чермное: и погнаша Египтяне вслед отец ваших на колесницах и на конех в море Чермное: 7 и возопихом ко Господу, и даде облак и мглу между нами и между Египтяны, и наведе на них море, и покры их: и видеша очеса ваша, елика сотвори Господь в земли Египетской: и бысте в пустыни дни многи: 8 и приведе вас в землю Аморреев живущих об ону страну Иордана, и ополчишася на вы: и предаде я Господь в руки вашя, и наследисте землю их, и потребисте их от лица вашего: 9 и воста Валак сын Сепфоров, царь Моавль, и ополчился противу Израиля, и послав призыва Валаама сына Веорова кляти вас: 10 и не восходе Господь Бог погубити тя, но благословением благослови вас и избави вас от рук их: 11 и преидосте Иордан и приидосте во Иерихон, и биша с вами живущии во Иерихоне, Аморрей и Фerezей, и Хананей и Хеттей, и Гергесей и Евей и Иевусей, и предаде их Господь в руки ваша: 12 и посла пред вами шершни, и изгна от лица вашего два царя Аморрейска, не оружием твоим, ниже луком твоим, 13 и даде вам землю, онейже не трудистеся на ней, и грады, ихже не создасте, и пожисте в них, и винограды и масличие, ихже не насадисте вы, ядосте: 14 и ныне убийтесь Господа, и послужите Ему в правде и правоте: и отвержите боги чуждыя, имже служиша отцы ваши об ону страну реки и во Египте, и служите Господеви: 15 аще же не угодно вам служити Господеви, изберите сами себе днесъ, кому послужите, или богом отец ваших, иже быша об ону страну реки, или богом Аморрейским, в нихже вы живете на земли их: аз же и дом мой служити будем Господеви, яко свят есть. 16 И отвещавше людие, реша: не буди нам оставити Господа, еже служити богом иным: 17 Господь бо Бог наш Той Бог есть, Той изведе нас и отцы наши от земли Египетской, от дому работы, иже сотвори пред очима нашими знамения велия, и сохрани нас во всем пути, по немуже идохом, и во всех языцах, ихже сквозе проидохом: 18 и изгна Господь вся языки и Аморрея живущаго на земли от лица нашего: но и мы послужим Господеви, Сей бо есть Бог наш. 19 И рече Иисус к людем: не возможете служити Господеви Богу, яко Бог свят есть и ревнитель сей: не оставит грех ваших и беззаконий ваших: 20 егда оставите Господа и послужите богом чуждим, и пришед озлобит вас и потребит вас, вместо еже благо сотвори вам. 21 И рекоша людие ко

Иисусу: ни, но Господеви послужим. 22 И рече Иисус к людем: свидетели вы сами на ся, яко вы избрaste служити Господеви Самому. И рекоша: свидетели мы. 23 И ныне отвержите боги чуждыя, иже суть в вас, и исправите сердца ваша ко Господу Богу Израилеву. 24 И рекоша людие ко Иисусу: Господеви Богу нашему послужим, и гласа Его послушаем. 25 И завеща Иисус завет к людем в день он, и даде им закон и суд в Сихеме, пред скинию Господа Бога Израилева. 26 И вписа Иисус словеса сия в книгу закона Божия: и взя камень велий, и постави его под теревинтом, иже есть пред Господем. 27 И рече Иисус к людем: се, камень сей будет вам во свидение: яко сей слыша вся глаголанная от Господа, елика глагола к вам днесъ, и сей будет вам во свидение в последния дни, и егда солжете Господеви Богу вашему. 28 И отпусти Иисус люди, коегождо в места своя. 29 И послужи Израиль Господеви во вся дни Иисусовы и во вся дни старцев, иже препроводиша время со Иисусом и иже видеша вся дела Господня, елика сотвори Израилю. 30 И бысть по сих, и умре Иисус сын Навин раб Господень, (пожив) сто и десять лет. 31 И погребоша его в пределех жребия его во Фамнасахаре, в горе Ефремли, от севера горы Гаасовы, и положиша тамо с ним во гробе, в немже погребоша его, ножы каменные, имиже обреза сыны Израилевы в Галгалех (Иисус), егда изведе их из Египта, яко же повеле Господь: и тамо суть даже до дне сего. 32 И кости Иосифовы изнесоша сынове Израилевы из Египта и закопаша их в Сихемех, в части села, еже притяжя Иаков от Аморрея живущих в Сихемех стом агниц, и даде ю Иосифу в часть. 33 И бысть по сих, и Елеазар сын Ааронов архиерей скончася: и погребен бысть в Гаваафе Финееса сына своего, егоже даде ему в горе Ефремове.

Книга Судей израилевых

1 И бысть по скончании Иисусове, и вопрошаху сынове Израилевы Господа, глаголюще: кто взыдет нам к Хананею воевода, ратовати на них? **2** И рече Господь: Иуда взыдет: се, дах землю в руку его. **3** И рече Иуда к Симеону брату своему: взыди со мною в жребий мой, и ополчимся на Хананеа: и пойду и аз с тобою в жребий твой. И пойде с ним Симеон. **4** И взыде Иуда, и предаде Господь Хананеа и Фerezеа в руце их: и избиша их в Везеце до десяти тысяч мужей. **5** И обретоша Адонивезека в Везеце, и секоша с ним: и избиша Хананеа и Фerezеа. **6** И побеже Адонивезек: и гнаша вслед его, и яша его, и отсекоша краи рук его и краи ног его. **7** И рече Адонивезек: седмидесяти царем обсекоха краи рук их и краи ног их, и быша собирающе (от крупиц) под трапезою мою: якоже убо сотворих, тако воздаде ми Бог. И приведоша его во Иерусалим, и умре тамо. **8** И воеваша сынове Иудины на Иерусалим, и взяша его, и поразиша его острием меча, и град сожгла огнем. **9** И по сих снidoша сынове Иудины воевати на Хананеа живущаго в горней к югу и в равней. **10** И пойде Иуда на Хананеа живущаго в Хевроне. И изыде Хеврон со страны: имя же бе Хеврону прежде Кариафарвок-Сефер: и убиша Сесина и Ахимана и Фолмии, роды Енаковы. **11** И взыдоша оттуду к живущым в Давире: имя же Давиру бе прежде Кариафсефер, Град Писмен. **12** И рече Халев: иже аще поразит Град Писмен и возмет его, дам ему Асханъ дщерь мою в жену. **13** И взя его Гофониил сын Кенеза брата Халевова юнейший, и даде ему Халев Асханъ дщерь свою в жену. **14** И бысть всегда отходити ей, и подвиге ю Гофониил просити у отца своего села, и ропташе (седящи) на осляти, и вопияше со осляти: на землю южную отдал мя еси. И рече ей Халев: что ти есть? **15** И рече ему Асханъ: дажь ми благословение: яко на землю южную отдал еси мя, да даси мне и исходища водная. И даде ей Халев по сердцу ея исходища вышних и исходища низких. **16** И сынове Иофора Кинеева, ужика Моисеева, взыдоша от града Финическая к сыном Иудиним в пустыню сущую на юг Иуды ко исходу Аредову, и поидаша, и вселиша с людьми. **17** И пойде Иуда с Симеоном братом своим, и изби Хананеа живущаго в Сефефе, и потребиша его: и прозваша имя граду Потребление. **18** И взя Иуда Газу и предел ея, и Аскалона и предел его, и Аккарон и

предел его, и Азот и окрестная его. **19** И бяше Господь со Иудою. И взя гору, яко не возможоша потребити живущих во юдоли, зане Рихав противоста им, и колесницы железныя бяху там. **20** И даша Халеву Хеврон, якоже глагола Моисей: и наследствова тамо три грады сынов Енаковых, и изгна оттуду три сыны Енаковы. **21** И Иевусеа живущаго во Иерусалиме не изгнаша сынове Вениамины, и живяше Иевусей с сыны Вениамины во Иерусалиме даже до сего дне. **22** И взыдоша сынове Иосифли и сии в Вефиль: и Господь бяше с ними. **23** И ополчиша, и соглядаша (сынове Иосифовы) Вефиль: имя же бе прежде граду Луз. **24** И видеша стрегущии мужа исходящаго из града, и яша его и рекоша ему: покажи нам вход во град, и сотворим с тобою милость. **25** И показа им вход градный: и поразиша град острием меча, мужа же и сродство его отпустиша. **26** И отиде муж в землю Хеттиим, и созда тамо град, и прозва имя ему Луз: сие имя ему даже до дне сего. **27** И не разори Манассий Вефсана, иже есть Скифский град, ниже дщерей его, ниже окрестных (предел) его, ниже Фанаха, ниже дщерей его, ниже живущих в Доре, ниже дщерей его, ниже живущих во Иевламе, ниже окрестных его, ниже дщерей его, и живущих в Магеддоне, ниже окрестных его и дщерей его. И нача Хананей жити на земли сей. **28** И бысть егда укрепися Израиль, и сотвори Хананеа данника: изгнанием же не изгна его. **29** И Ефрем не изгна Хананеа живущаго в Газере: и живяше Хананей среде его в Газере, и бысть ему в даннике. **30** И Завулон не изгна живущих в Хевроне и живущих во Аммане: и вселися Хананей посреде их и бысть ему данник. **31** И Асир не изгна живущих во Акхоре, (и бысть ему данник,) ни живущих в Доре, ни живущих в Сидоне, ни живущих в Далафе и во Ахазиве, и во Елве и во Афеке и в Роове. **32** И вселися Асир посреде Хананеа живущаго на земли (той), зане не возможно изгнati его. **33** И Неффалим не изгна живущих в Вефсамисе, ниже живущих в Вефанахе: и вселися Неффалим среде Хананеа живущаго на земли (сей): живущи же в Вефсамисе и в Вефанахе быша ему данницы. **34** И утесни Аморрей сыны Дановы в горе, яко не попусти им низходити во юдоль. **35** И нача Аморрей жити в горе Чрепней, идеже медведи и лисицы, в Мирсиноне и в Салавине: и отяготе рука дому Иосифля на Аморрея, и бысть ему данник. **36** И предел Аморрейский идумей от восхода Акравиня, от Камене и выше.

2 И взыде Ангел Господень от Галгал к месту Плача и к Вефилю и к дому Израилеву, и рече к ним: сия глаголет Господь: изведох вас из Египта, и введох вас в землю, еюже кляхся отцем вашим дати вам: и рекох: не разорю завета Моего, иже с вами, во веки: 2 и вы не завещайте завета с седящими на земли сей, ниже богом их да поклонитеся, но извянная их сокрушите, и олтари их раскопайте: и не послушасте гласа Моего, яко сия сотвористе: 3 и Аз рех: не приложу преселити людей, ихже рех изгнati, ниже отиму их от лица вашего, и будут вам в терние, и бози их будут вам в соблазн. 4 И бысть егда глагола Ангел Господень словеса сия ко всем сыном Израилевым, и воздвигоша людие глас свой, и восплакашася. 5 И сего ради прозвася има месту тому Плач: и пожроша тамо Господеви. 6 И отпусти Иисус люди, и отидаша сынове Израилевы кийждо в домы своя и кийждо в наследие свое наследити землю. 7 И работаша людие Господеви во вся дни Иисусовы и во вся дни старейшин, елицы пожиша многи дни со Иисусом, елицы разумеша все дело Господне великое, еже сотвори Израилю. 8 И скончася Иисус сын Навин раб Господень, сын ста и десяти лет. 9 И погребоша его в пределех наследия его в Фамнафаресе, в горе Ефремли, от севера горы Гаас: 10 и весь род он приложиша ко отцем своим. И воста род другой по сих, иже не познаша Господа и дела, еже сотвори во Израили. 11 И сотвориша сынове Израилевы злое пред Господем и послужиша Ваалу, 12 и оставиша Господа Бога отец своих, изведшаго их из земли Египетски, и поидаша вслед богов иных, от богов языческих, Иже окрест их, и поклониша им: и разгневаша Господа, 13 и оставиша Его, и послужиша Ваалу и Астартом. 14 И разгневався яростию Господь на Израиля и предаде его в руки пленяющих, и плениша их: и отаде их в руки врагов их, иже окрест их, и не возмогоша ктому противостати пред лицем врагов своих, во всех в нихже проходаху. 15 И рука Господня бяше на них во злая, яко же глагола Господь и яко же клятся Господь им, и озлоби их зело. 16 И возстави (им) Господь судии, и избави их Господь от руки пленяющих я. 17 Но и судий не послушаша, яко соблудиша вслед богов иных и поклониша им, и разгневаша Господа: и уклониша с пути скоро, по немуже ходиша отцы их послушати заповедий Господних: не сотвориша тако. 18 И яко возстави им Господь судий, и бяше Господь с судиею, и спасе я от руки врагов их во вся дни судии: яко умилися Господь от воздыхания их, от лица воюющих на ня и озлобляющих я. 19 И бысть егда умираше судия,

и отвращаухся, и паки растлевахуся паче отец своих, идуще вслед богов иных служити им и покланятися им: не отвергоща начинаний своих и не отступиша от путей своих жестоких. 20 И разгневався яростию Господь на Израиля и рече: понеже остави род сей завет Мой, егоже заповедах отцем их, и не послушаша гласа Моего, 21 и Аз не приложу изгнati мужа от лица их от сих языков, ихже остави Иисус сын Навин на земли и умре, 22 еже искушати в них Израиля, аще сохранят путь Господень ходити в нем, яко же сохраниша отцы их, или ни. 23 И остави Господь языки сия не истребити их вскоре, и не предаде их в руку Иисусову.

3 И сия языки, яже остави Господь, да искусит ими Израиля, вся неведущия браней Ханаанских, 2 токмо ради родов сынов Израилевых, еже научити я брани, обаче иже прежде их не уведаша их: 3 пять воеводств иноплеменных, и всего Хананея и Сидония, и Евеа живущаго в Ливане от горы Ваал-Ермон до Лавоемафа. 4 И бысть да искусит ими Израиля, да увестъ, аще послушают заповедей Господних, яже заповеда отцем их рукою Моисеовою. 5 И сынове Израилевы обиташа посреде Хананея и Хеттеа, и Аморея и Ферезеа, и Евеа и Гергесеа и Иевусеа, 6 и пояша дщери их себе в жены, и дщери своя даша сыном их, и послужиша богом их. 7 И сотвориша сынове Израилевы злое пред Господем и забыша Господа Бога своего, и послужиша Ваалу и Дубравам. 8 И разгневався яростию Господь на Израиля и предаде их в руки Хусарсафема царя Месопотамии Сирския: и работаша сынове Израилевы Хусарсафему лет осмъ. 9 И возопиша сынове Израилевы ко Господу. И возстави Господь спасителя Израилю, и спасе их, Гофонила, сына Кенеза брата Халевова юнейшаго его. 10 И бысть на нем Дух Господень, и суди Израиля. И изыде на рать к Хусарсафему: и предаде Господь в руце его Хусарсафема царя Сирска, и укрепися рука его над Хусарсафемом. 11 И бысть в покой земля четыредесять лет. И умре Гофонил сын Кенезов. 12 И приложиша сынове Израилевы сотворити злое пред Господем: и укрепи Господь Еглома царя Моавля на Израиля, занеже сотвориша злое пред Господем. 13 И собра к себе вся сыны Аммони и Амаликовы: и иде, и порази Израиля, и взя град Финический. 14 И работаша сынове Израилевы Еглому царю Моавлю лет осмынадесять. 15 И возопиша сынове Израилевы ко Господу: и возстави им Господь спасителя, Аода сына Гираня, сына Иеменина, мужа ободесноручна: и послаша сынове Израилевы дары

руково его Еглому царю Моавлю. 16 И сотвори себе Аод нож обоюдоустр, на пядь едину долгота его, и припояса его под ризу по бедре десней своей. 17 И иде, и принесе дары Еглому царю Моавлю: Еглом же муж добротелесен бе зело. 18 И бысть егда сконча Аод принося дары, и отсла носящих дары: 19 и Еглом обратися от идол иже в Галгахе. И рече Аод: слово мне есть к тебе тайно, царю. И рече Еглом к нему: молчи. И отсла от себе всех предстоящих пред ним. 20 И Аод вниде к нему. Сей же седяше в горнице летней своей един. И рече Аод: слово Божие мне к тебе, царю. И воста Еглом со престола близ его. 21 И бысть егда воста, и простре Аод руку левую свою, и извлече нож, иже над стегном его десным, и вонзе во чрево егломово: 22 и втисне и рукоять за острием, и заключи тук за острием, яко не извлече ножа из чрева его, (и изыде лайно). 23 И изыде Аод в притвор, и пройде стрегущих, и затвори двери горницы за собою и заключи, 24 и сам изыде. И раби его придоша и узреша, и се, двери горницы заключены, и реша: еда у потребы седит во отлучении ложа? 25 И преждеша дондеже посрамишася: и се, не бысть отверзая двери горницы. И взяша ключь, и отверзоша: и се, господин их лежит на земли мертв. 26 И Аод спасеся внегда смущауся, и не бе помышляющаго о нем: а он преиде идолы, и спасеся в Сетирофе. 27 И бысть егда прииде Аод в землю Израилеву, и воструби рогом в горе Ефремли: и снidoша с ним с горы сынове Израилевы, и той пред ними. 28 И рече к ним: идите вслед мене, яко предаде Господь Бог враги наша Моавляни в руки наша. И идоша вслед его, и предвзяша преходы Иордана Моавля, и ни единому мужу попустиша преити. 29 И изиша Моава в то время яко десять тысяч мужей, вся воины, иже в них, и всякаго мужа сильна: и ни един муж спасеся. 30 И пременися Моав в той день под руку Израилеву, и бысть в покой земля осьмидесят лет: и суди их Аод дондеже умре. 31 И по нем воста Самегар сын Анафов: и изи иноплеменников шесть сот мужей ралом воловым: и спасе и сей Израиля.

4 И приложиша сынове Израилевы сотворити злое пред Господем: и Аод умре. 2 И отдаде их Господь в руку Иавина царя Ханаанска, иже царствова во Акоре. И воевода силы его Сисара, и той живяше во Арисофе языков. 3 И возопиша сынове Израилевы ко Господу, яко девять сот колесниц железных бяше ему: и той озлоби Израиля зело лет двадесять. 4 И Деввора, жена пророчица, жена Лафидофова, сия судяше Израилю

в то время: 5 и сия живяше под Фиником Деввора между Рамою и между Вефилем, в горе Ефремли: и восходжаху сынове Израилевы к ней тамо на суд. 6 И посла Деввора, и призыва Варака сына Авинеемля из Кедеса Неффалимова, и рече к нему: не заповеда ли тебе Господь Бог Израилев? И пойдеши в гору Фавор, и поймеши с собою десять тысяч мужей от сынов Неффалимлих и от сынов Завулоних: 7 и приведи к тебе в водотечь Кисонь Сисару воеводу силы Иавини, и колесницы его, и множество (вой) его, и предам его в руки твоя. 8 И рече к ней Варак: аще пойдеши со мною, пойду, и аще не пойдеши со мною, не пойду: яко не вем дне, в онъже благоустроит Господь Ангела со мною. 9 И рече Деввора к нему: идущи пойду с тобою: обаче веждъ, яко не будет тебе слава на пути, в онъже ты идеши: понеже в руку женску предаст Господь Сисару. И воста Деввора и пойде с Вараком до Кадиса. 10 И воззва Варак Завулона и Неффалима до Кадиса, и поидаша вслед его десять тысяч мужей, и иде с ним Деввора. 11 И Хавер Киней отлучился от Кены и от сынов Иовава, ужика Моисеова: и потче кущу свою под дубом Почивающих, иже есть при Кедесе. 12 Известиша Сисаре, яко взыде Варак сын Авинеемль на гору Фавор. 13 И созва Сисара вся колесницы своя, девять сот колесниц железных, и вся люди иже с ним, от Арисофа языков в водотечь Кисонь. 14 И рече Деввора к Вараку: востани, яко сей день, в онъже предаде Господь Сисару в руку твою, зане Господь изыдет пред тобою. И снide Варак с горы Фавор, и десять тысяч мужей вслед его. 15 И сотре Господь Сисару и вся колесницы его и весь полк его острием меча пред Вараком. И снide Сисара с колесницы своея и побеже ногами своими. 16 И Варак гоняй вслед колесниц его и вслед полка, даже до Дубравы языков. И паде весь полк Сисарин острием меча: не остался ни един. 17 И Сисара убеже ногами своими в кущу Иаили, жены Хавера Кинеева: яко мир бяше между Иавином царем Асорским и между домом Хавера Кинеева. 18 И изыде Иаиль во сретение Сисаре и рече к нему: уклонися, господине мой, уклонися ко мне, не бойся. И уклонися к ней в кущу: и покры его одеждею своею. 19 И рече Сисара к ней: напой мя мало воды, яко вожаждах. И отреши мех млечный, и напои его, и покры его. 20 И рече к ней Сисара: стани во дверех кущи, и будет аще кто приидет к тебе, и вопросит тя, и речет: есть ли зде муж? И речеши: несть. 21 И взя Иаиль, жена Хаверова, кол кущный, и взя млат в руку свою, и вниде к нему тихо, и водрузи кол во скрании его, и пронзе до земли: и сей утруждся спаше, и издше. 22

И се, Варак гоняй Сисару. И изыде Иаиль во сретение ему и рече ему: приди, и покажу тебе мужа, егоже ты ищеш. И вниде к ней, и се, Сисара лежаше мертв, и кол во скрании его. 23 И покори Господь Бог в той день Иавина царя Ханаана пред сыны Израилевыми: 24 и хождаше рука сынов Израилевых ходящи, и ожесточися на Иавина царя Ханаанска, дондеже истребиша его.

5 И воспес Деввора и Варак сын Авинеемов в той день, и рече: 2 внегда начати вождом во Израили, и в произволении людей, благословите Господа. 3 Услышите, царие, и внушиите, князи: аз Господеви воспою и пою Богу Израилеву. 4 Господи, во исходе Твом от Сирия, внегда воздвзатися Тебе от села Едомова, земля потрясется, и небо возмутится, и облакы искаапаша воду: 5 горы подвигоша от лица Господа Елои, тая Сина от лица Господа Бога Израилева. 6 Во дни Самегара сына Анафова, во дни Иаили, оскудеша путе, и идоша в пути кривы, и идоша в пути развращенны: 7 оскудеша жнвиущи во Израили, оскудеша дондеже воста Деввора, дондеже воста мати во Израили: 8 избраша боги новы, яко хлеб ячен, тогда воеваша грады князей: щит не явися, ниже копие в четыредесяти тысячах во Израили. 9 Сердце мое на учиненная во Израили: сильнии людей, благословите Господа. 10 Ездящии на ослях белых в полудне, и седящии на судищи, и ходящии на пути сонмов, провещайте. 11 Глас плещащих посреде веселящихся: тамо дадят правду. Господи, правды укрепи во Израили: тогда разыдоша во грады своя людие Господни. 12 Востани, востани, Деввора: востани, востани, глаголи с песнию: востани, Вараке, и плени плен твой, сыне Авинеемль. 13 Тогда возвеличиша сила Его: Господь смири мне крепльшыя мене. 14 Людие Ефремли утомиша их в долине: брат твой Вениамин в людех твоих: от мене Махир снidoша взыскующии, и от Завулона укрепляющиися в скрипте повествования писменника. 15 И начальницы во Иссахаре с Девворою и Вараком: тако Варак отпусти пеших своих в долину, в разделения Рувимова, велика испытания сердца. 16 Вскую ми седиши посреде мосфафемов, слышати звездание воставающих проити в разделения Рувимля? Велия испытания сердца. 17 Галаад, об ону страну Иордана вселися: и Дан, вскую обитаеш в кораблех? Асир обита при брезех морских, и в разделениях своих вселися. 18 Завулон, людие укориша душу свою на смерть: и Неффалим на высотах села. 19 И приидоша к нему царие, и ополчиша, тогда воеваша царие

Ханаанстии во Фанаахе, у воды Магеддо: множества серебра не взяша. 20 От небесе ополчиша звезды, от чина своего ополчиша с Сисарою. 21 Водотечь Кисонов изверже их, водотечь Кадимин, водотечь Кисонов: поперет его душа моя сильна. 22 Тогда отсекоша копыта конская от топтания сильных его. 23 Проклинаите Мазора, рече Ангел Господень, проклятием проклените живущих в нем, яко не приидоша в помощь Господню, в помощь (Господню) в сильных. 24 Да благословится в женах Иаиль, жена Хавера Кинеева, от жен в куши да благословится: 25 воды проси у нея, и даде ему молоко в чаши: преимущества принесе масло кравие: 26 руку свою левую к колу простре, и десницу свою ко млату работающих, и уби Сисару: разби главу его, и порази, прободе скрания его: 27 между ногама ея повалися: паде утружен, и умре посреде ног ея, и тамо паде бедне. 28 Оконцем взираше мати Сисарина, окном сквозе решетку, что замедли колесница его приити? Вскую умудлиша стопы колесниц его? 29 Мудрии начальствующи ея отвещаша ей, и сама отвещавше словеса своя себе: 30 не обрящут ли его разделяюща корысти, удружающа другом на главу мужа сильна? Корысти шаров Сисаре, корысти шаров различия, шары испещренных, сия выи его корысти. 31 Тако да погибнут вси врази Твои, Господи: и любящии Его, якоже восток солнца в силе своей. И бысть в покой земля четыредесять лет.

6 И сотвориша сынове Израилевы злое пред Господем, и предаде их Господь в руку Мадиамлю седьмь лет. 2 И укрепиша рука Мадиамля на Израиля: и сотвориша себе сынове Израилевы от лица Мадиамля ограды в горах и в пещерах и в твердынях. 3 И бысть егда сяше муж Израилев, и восходаше Мадиам и Амалик и сынове восточни, и восходаху на него, 4 и ополчахуся на них, и разоряху плоды земные, дондеже внути в Газу: и не оставляху бытия жизненного во Израили, и стад и телца и осла: 5 яко сами и скоти их восходаху, и кущы их преношаху, и приходаху яко прузи множеством, и самем и велблюдом их не бяше числа: и приходаху на землю Израилеву разорити ю. 6 И обница Израиль зело от лица Мадиамля. 7 И возопиша сынове Израилевы ко Господу Мадиама ради, 8 и послал Господь мужа пророка к сыном Израилевым, и рече им: сия глаголет Господь Бог Израилев: Аз есмь изведый вас из Египта, и изведох вас из дому работы: 9 и избавив вас от руки Египетския и от руки всех стужающих вам: и изгнах я от

лица вашего, и дах вам землю их, 10 и рекох вам: Аз есмъ Господь Бог ваш, не убийтеся богов Аморрейских, в нихже вы живете в земли их: и не послушасте гласа Моего. 11 И прииде Ангел Господень, и седе под дубом, иже есть во Ефрафе, иже бысть Иоаса отца Езри. И Гедеон сын его млачаше пшеницу на гумне его, бежати от лица Мадиамля. 12 И явися ему Ангел Господень и рече к нему: Господь с тобою, сильный крепостию. 13 И рече к нему Гедеон: во мне, Господи мой: и аще есть Господь с нами, и вскую обретоша ны вся злая сия? И где суть вся чудеса Его, елика поведаша нам отцы наши, глаголюще: не из Египта ли изведе нас Господь? И ныне отверже нас Господь и предаде нас в руку Мадиамлю. 14 И воззре на него Ангел Господень и рече ему: иди в крепости твоей сей, и спасеши Израиля от руки Мадиамли: и се, послах тя. 15 И рече к нему Гедеон: во мне, Господи, в чесом спасу Израиля? Се, тысяща моя хуждша в Манассии, и аз есмъ мний в дому отца моего. 16 И рече к нему Господь: понеже Аз буду с тобою, и избиши Мадиама яко мужа единаго. 17 И рече к Нему Гедеон: и аще обретох благодать пред очима Твоими, и да сотвориши мне днесь знамение, яко Ты глаголеши со мною: 18 не отиди отсюду, дондеже приими мне к Тебе, и принесу жертву мою, и пожру пред Тобою. И рече: Аз есмъ, премедлю, дондеже обратишися ты. 19 И Гедеон вниде, и сотвори козлище от коз, и четверть ифи муки опресноков, и мяса вложи в кошницу, и юху влия в горнец: и изнесе к Нему под дуб, и поклонися. 20 И рече к нему Ангел Господень: возми мяса и хлебы пресныя, и положи у камене онаго, и юху близ излий. И сотвори тако. 21 И простре Ангел Господень конец жезла, иже в руце его, и прикоснуся мясом и хлебом пресным: и возгореся огнь из камене, и пойде мяса и опресноки: и Ангел Господень отиде от очей его. 22 И виде Гедеон, яко Ангел есть Господень, и рече Гедеон: увы мне, Господи, Господи, яко видех Ангела Господня лицем к лицу. 23 И рече ему Господь: мир тебе, и не бойся, не умрещи. 24 И созда тамо Гедеон жертвенник Господу, и назва его Мир Господень, даже до дне сего, еще сущу ему во Ефрафе отца Езри. 25 И бысть в ту нощь, и рече ему Господь: возми телца упитанного (от скотов) отца твоего, и телца втораго седми лет, и разориши олтарь Ваалов, иже есть отца твоего, и дубраву, яже у него, да посечеши: 26 и да соградиши олтарь Господеви Богу твоему явившемуся тебе на верху (горы) маози во предчинии: и да поймеши телца втораго и вознесиши всесожжения на древех дубравы, юхе посечеши. 27 И пой Гедеон десять мужей

от рабов своих, и сотвори, якоже заповеда ему Господь. И бысть яко убояся дому отца своего и мужей града, еже сотворити во дни, и сотвори нощю. 28 И обутреневаша мужие градстии заутра: и се, раскопан олтарь Ваалов, и дубрава яже у него посечена, и видеша телца втораго вознесена на всесожжение на олтарь новосогражденный. 29 И рече муж к ближнему своему: кто сотвори вещь сию? И вопрошаху и искаху, и познаша, яко Гедеон сын Иоасов сотвори вещь сию. 30 И рекоша мужие градстии ко Иоасу: изведи сына твоего, и да умрет, яко раскопа олтарь Ваалов и яко посече дубраву яже над ним. 31 И рече Иоас к мужем воставшим на него: еда вы ныне суд глаголете о Ваале? Или вы его спасете? Иже аще кто сотвори обиду, да умрет до заутрия: аще Бог есть, да мстит себе, яко раскопа олтарь его. 32 И прозва его в той день Иероваалом, глаголя: да отмстит на нем Ваал, яко раскопа олтарь его. 33 И весь Мадиам и Амалик и сынове востоков снидоша вкупе, и преиодаша (реку), и ополчишася в долине Иезраель. 34 И Дух Божий укрепи Гедеона, и воструби рогом, и возопи Авиезер вслед его. 35 И послы посы ко всему Манассию, и созвася и сей вслед его. Посем послы во Асир и в Завулон и в Неффалим, и взыдоша во сретение им. 36 И рече Гедеон к Богу: аще Ты спасаеш рукою мою Израиля, якоже глаголал еси, 37 се, аз положу руно овчее на гумне: и аще будет роса на руне точию, и по всей земли суша, уразумею, яко спасеши рукою мою Израиля, якоже глаголал еси. 38 И бысть тако: и урани Гедеон наутрие, и исцеди руно, и истече роса из руна, исполнен окрин воды. 39 И рече Гедеон к Богу: да не разгневается ярость Твоя на мя, и возглаголю еще единую, и искушу еще единую руном: да будет суша на руне токмо, и по всей земли да будет роса. 40 И сотвори Бог тако в нощи той: и бысть суша на руне токмо, и по всей земли бысть роса.

7 И обутренева Иероваал, сей есть Гедеон, и вси людие иже с ним, и ополчишася у источника Арад: и полк Мадиамль и Амаликов бяше ему с севера на холме Мое Гавааф-Аморе в долине. 2 И рече Господь к Гедеону: мнози людие иже с тобою, сего ради не предам Мадиама в руку их, да не когда похвалится Израиль на мя, глаголя: рука моя спасе мя: 3 и ныне рцы во уши людем, глаголя: кто боязлив и ужастив, да возвратится и да отидет от горы Галаадовы. И возвратиша от людий двадесять две тысячи, и десять тысяч осталася. 4 И рече Господь к Гедеону: еще людие мнози суть: сведи я на воду, и искушу тебе их тамо: и будет егоже аще реку тебе, сей

да идет с тобою, той да пойдет с тобою: и всяк егоже аще реку тебе, сей да не пойдет с тобою, той да не пойдет с тобою. 5 И сведе люди на воду, и рече Господь к Гедеону: всяк иже полочет языком своим от воды, якоже лочет пес, да поставиши его особь: и всяк иже на колену падет пити, отлучи его особь. 6 И бысть число в горстех локавших языком триста мужей: и все оставши людие преклониша на колена своя пити воду. 7 И рече Господь к Гедеону: tremи сты мужей локавшими воду спасу вас, и предам Мадиама в руку твою: и все людие да пойдут, кийждо на место свое. 8 И взяша себе брашно от людий в руку свою и роги своя: и всякаго мужа Израилтеска отпусти коегождо в кущу свою, а триста мужей удержа: полк же Мадиамль бяше ниже его в долине. 9 И бысть в ту нощь, и рече к нему Господь: востав сниди отсюду скоро в полк, яко предах их в руку твою: 10 и аще боишися ты снити, сниди ты и Фара раб твой в полк, 11 и услышиши, что возлаголют: и по сем укрепятся руце твои, и снидеши в полк. И сниде сам и Фара раб его в часть пятьдесятников, иже быша в полце. 12 И Мадиам и Амалик и все сынове востоков стояху в долине яко прузи множеством, и велблудом их не бяше числа, но бяху яко песок на краи морстем множеством. 13 И вниде Гедеон, и се, муж поведаше сон подругу своему, и рече: сей сон егоже видех, и се, тесто хлеба ячна валяющеся в полце Мадиамли, и привалися к кущи Мадиамли, и поби ю, и преврати ю, и паде куща. 14 И отвеша подругу его и рече: несть (сие тесто), но меч Гедеона сына Иоасова мужа Израилева: предаде Бог в руку его Мадиама и весь полк. 15 И бысть яко услыша Гедеон поведание сна и разсуждение его, и поклониша Господеви, и возвратиша в полк Израилев и рече: востаните, яко предаде Господь в руки наша полк Мадиамль. 16 И раздели триста мужей на три начальства, и вдаде роги в руце всем, и водоносы тыщи, и свещы среде водоносов, 17 и рече им: мене смотрите, и такожде творите: и се, аз виду в часть полка, и будет якоже соторю, такожде соторите: 18 и аз вострублю рогом, и все иже со мною, да вострубите и вы в роги окрест всего полка, и да речете: (мечь) Богу и Гедеону. 19 И вниде Гедеон и сто мужей иже с ним в часть полка в начале стражи средния: и убужением возбудиша стрегущих, и вострубиша в роги, и сразиша водоносы иже в руках их. 20 И вострубиша три начальства в роги и сокрушиша водоносы, и удержаша в левых руках своих свещы, и в десных руках их роги, в няже трубити: и возопиша: мечь Господеви и Гедеону. 21 И сташа кийждо о себе окрест

полка: и смятесь весь полк, и возопиша, и побегоша. 22 И вострубиша в триста рогов: и положи Господь мечь мужа на подруга его во всем полце, и пробеже полк до Вифасетта, и сбрася до страны Авелмаула и к Тавафу. 23 И возопиша мужие Израилтески от Неффалима и от Асира и от всего Манассии, и погнаша вслед Мадиама. 24 И послы Гедеон во всю гору Ефремлю, глаголя: снидите во сретение Мадиаму и удержите им воду до Вефира и Иордана. И воззвава всяк муж Ефремль, и предотяша воду до Вефира и Иордана, 25 и яша два князя Мадиамля, Орива и Зива: и убиша Орива в Суре, и Зива убиша во Иакефзиве: и погнаша Мадиама, и главу Орива и Зива принесоша к Гедеону от оноя страны Иордана.

8 И рекоша к Гедеону мужие Ефремли: что сие сотворил еси нам, яко не позвал еси нас, егда ходил воевати на Мадиама? И прахуся с ним сильно. 2 И рече к ним (Гедеон): что сотворих ныне якоже вы? Не лучше ли грозец Ефремль, нежели обрание винограда Авиэзерова? 3 В руку вашу предаде Господь князя Мадиамли, Орива и Зива: и что возможох сотворити якоже вы? Тогда утолися дух их от него, егда глагола им слово сие. 4 И прииде Гедеон ко Иордану, и прейде сам и иже с ним триста мужей, алчни и утруждени гоняще. 5 И рече мужем Сокхофским: дадите хлебы на пищу мужем сим иже со мною, яко алчни суть: аз же гоню вслед Зевеа и Салмана, царей Мадиамских. 6 И рекоша князи Сокхофстии: еда рука Зевеа и Салмана ныне в руце твоей, яко дадим воем твоим хлебы? 7 И рече Гедеон: не тако: но егда предадет Господь Зевеа и Салмана в руку мою, аз сотру плоти вашия тернием пустынным и волчцами. 8 И взыде оттуду во Фануил и глагола к ним такожде. И отвешаша ему мужие Фануили, якоже отвешаша ему мужие Сокхофстии. 9 И рече Гедеон мужем Фануилским, глаголя: егда возвращуся с миром, раскопаю столп сей. 10 И Зевей и Салман бяша в Каркаре, и полк их с ними до пятьдесяти тысящ (мужей) оставшихся от всего полка сынов восточных: и умерших бяше сто и двадесять тысящ мужей держащих оружие. 11 И взыде Гедеон путем живущих в кущах от востоков прямо Навы и Иегевала: и изи полк, полк же бяше надежен. 12 И побегоста Зевей и Салман: и гна вслед их, и поима оба царя Мадиамля, Зевеа и Салмана, и весь полк их смяте. 13 И возвратиша Гедеон сына Иоасова от рати прежде восхода солнца, 14 и ят отрочища от мужей Сокхофских и вопросы его: и вписа от него имена князей Сокхофских и старейшин их, седмидесяти и седми мужей. 15 И прииде Гедеон

ко князем Сокхофским и рече им: се, Зевей и Салман, ихже ради укористе мя, глаголюще: еда рука Зева и Салмана ныне в руце твоей, яко дадим мужем твоим утруждшимся хлебы? 16 И пой князи и старейшины града, и терние от пустыни и волчцы, и сотре ими мужы Сокхофски: 17 и столп Фануилев раскопа, и изби мужы градския. 18 И рече к Зевею и Салману: какови мужие, ихже избисте в Фаворе? И реша: яко же ты, тако они, подобен ты еси им, яко подобие сынов царевых. 19 И рече Гедеон: братия моя и сынове матере моей суть: жив Господь, аще бысте живили их, не убил бых вас. 20 И рече Иеферу первенцу своему: востав убий их. И не извлече отроиць меча своего: зане убояся, яко млад бяше. 21 И рече Зевей и Салман: востани убо ты, и сопротивися нам: зане яко муж сила его. И воста Гедеон, и уби Зева и Салмана: и взя украшения, яже на выях велблудов их. 22 И рекоша мужие Израилстии ко Гедеону: владей нами и ты, и сынове твои, и сынове сынов твоих, яко ты спасл еси нас от руки Мадиамли. 23 И рече к ним Гедеон: не возобладаю аз вами, и не возобладает сын мой вами: Господь да владеет вами. 24 И рече к ним Гедеон: попрошу у вас прошения, и да даст мне всяк муж усерязь от плена своего: яко усерязи златы (мнози) и бяху им, зане Исаильтяне бяху. 25 И рекоша: дающе дадим. И простре ризу, и ввергла ту мужие по и усерязю от плена своего. 26 И бысть вес усерязь златых, ихже испроси, тысяща и седмь сот сикль злата, кроме плениц и монист (енфофовых), и риз багряных, яже на царех Мадиамлих, и кроме чепей златых, яже на выях велблудов их. 27 И сотвори от них Гедеон ефуд, и постави его во граде своем во Ефрафе. И соблуди весь Израиль по нем тамо: и бысть Гедеону и всему его дому в соблазн. 28 И смирися Мадиам пред сыны Израилевыми, и не приложиша воздвигнути главы своея. И бысть в покой земля четыредесять лет, во дни Гедеоновы. 29 И иде Иероваал сын Иоасов, и седе в дому своем. 30 И Гедеону быша седмьдесят сынов, изшедши от чреспл его, яко жены бяху многи ему. 31 И подложница его яже в Сикиме и сия роди ему сына, и нарече имя ему Авимелех. 32 И умре Гедеон сын Иоасов в старости блазе, и погребеся во гробе Иоаса отца своего, во Ефрафе, отца Езриева. 33 И бысть егда умре Гедеон, и совратиша сынове Израилевы и соблудиша вслед Ваалима, и сотвориша себе со Ваалверифом завет, да им будет бог: 34 и не воспомянуша сынове Израилевы Господа Бога своего, избавляшаго их из руки всех враг их окрестных: 35 и не сотвориша милости с домом Иеровааловым, сей

есть Гедеон, по всей благостили его, юже сотвори со Израилем.

9 И пойдe Авимелех сын Иероваалов в Сихем ко братии матери своея и глагола к ним и ко всему сродству дому отца матери своея, глаголя: 2 глаголите во уши всех мужей Сихемских: что лучше вам, еже владети вами седмидесяти мужем всем сыном Иеровааловым, или владети вами мужу единственному? И помяните, яко кость ваша и плоть ваша есмь аз. 3 И глаголаша братия матери его о нем во уши всех мужей Сихемских вся словеса сия. И уклониша сердце их вслед Авимелеха, рекоша бо: брат наш есть. 4 И даша ему седмьдесят сребренник от дому Ваалверифа: и ная ими Авимелех мужей праздных и скитающихся, и поидаша вслед его. 5 И вниде в дом отца своего во Ефрафу, и изби братию свою, сыны Иеровааловы, седмьдесят мужей, на камени единем, и остался Иоафам сын Иеровааль юнейший, зане скрыся. 6 И собрашаася вси мужие Сихемстии и весь дом Маалов, и поидаша, и поставиша Авимелеха царем у дуба стана, иже в Сихемех. 7 И поведаша Иоафаму, и пойде, и ста на версе горы Гаризин: и воздвиге глас свой, и воззва, и рече им: послушайте мене, мужие Сихемстии, и да услышит вас Бог. 8 Идуще идоша древа помазати себе царя и реша масличине: буди нам царь. 9 И рече им масличина: еда оставилши тучность мою, юже во мне прослави бог и человецы, пойду владети древами? 10 И рекоша древа смоковнице: приди, царствуй над нами. 11 И рече им смоковница: еда оставилши мою сладость и плод мой благий, пойду владети древами? 12 И рекоша древа к лозе виноградней: приди, буди нам царь. 13 И рече им лоза виноградная: еда оставилши вино мое, веселящее бога и человеци, пойду владети древами? 14 И рекоша вся древа терни: приди, буди нам царь. 15 И рече терние ко древам: аще по истине помазуете себе царя мене над вами, приидите и внидите под сень мою: аще ли же ни, да изыдет огнь из терния и поист кедры Ливанских. 16 И ныне аще по истине и по совершенству сотвористе, и постависте Авимелеха царем, и аще благо сотвористе со Иероваалом и с домом его, и аще по воздаянию руки его сотвористе ему, 17 яко же воева отец мой по вас, и поверже душу свою в страну, и избави вас от руки Мадиамли: 18 и вы востащите на дом отца моего днесь и избисте сыны его, седмьдесят мужей, на единем камени, и постависте царем Авимелеха сына рабыни его над мужи Сикимскими, яко брат ваш есть: 19 и аще по истине и по совершенству сотвористе

со Иероваалом и домом его днесь, благословени вы будите, и возвеселитесь о Авимелесе, и той о вас да возвеселится: 20 аще же ни, да изыдет огнь от Авимелеха и пояет мужы Сикимски и дом Мааллонь: и да изыдет огнь от мужей Сикимских и от дому Мааллоня и да пояет Авимелеха. 21 И избеже Иоафам, и побеже, и пойде в Виру, и вселися тамо от лица Авимелеха брата своего. 22 И облада Авимелех во Израили три лета. 23 И посла Бог дух зол между Авимелехом и между мужи Сикимскими: и возгнушающаяся мужие Сикимстии домом Авимелеховым, 24 еже навести неправду седмидесяти сынов Иероваалих и крови их возложити на Авимелеха брата их, иже уби их, и на мужы Сикимски, яко укрепиша руце его избити братию свою: 25 и поставиша на нань мужие Сикимстии подсады на версех гор, и разграбляху всех идущих к ним на пути. И возвестися сие Авимелеху. 26 И прииде Гаал сын Аведов и братия его, и придоша в Сикиму, и уповаша на него мужие Сикимстии: 27 и изыдоша на село, и обраща винограды своя, и изгнеша, и сотвориша лики: и ходиша во храм богов своих, и ядоша и пиша, кленуще Авимелеха. 28 И рече Гаал сын Аведов: кто есть Авимелех, и кто есть сын Сихемль, яко да поработаем ему? Не сын ли Иеровааль, и Зевул страж его раб его с мужи Еммора отца Сихемля? И почто имамы работати ему? 29 И кто даст люди сия в руку мою? И преставлю Авимелеха, и реку ко Авимелеху: умножи силу твою, и изыди. 30 И услыша Зевул князь града словеса Гаала сына Аведова, и разгневався яростию: 31 и посла послы ко Авимелеху отай, глаголя: се, Гаал сын Аведов и братия его придоша в Сихему, и се, сии обседят на тя град: 32 и ныне востани ношию ты и людие иже с тобою, и засяди до заутрия на селе: 33 и будет рано, егда взыдет солнце, обутреши и протягнешися ко граду: и се, той и людие иже с ним изыдут к тебе, и сотвориши ему, елико возможет рука твоя. 34 И воста Авимелех и все людие, иже с ним, ношию, и заседоша на Сихем на четыри части. 35 И бысть заутра, и изыде Гаал сын Аведов и ста пред дверию врат градских. И воста Авимелех и людие, иже с ним, от засады. 36 И виде Гаал сын Аведов люди и рече к Зевулу: се, народ людий исходит с верхов гор. И рече к нему Зевул: стень гор ты видиши яко мужы. 37 И приложи еще Гаал глаголати и рече: се, людие исходят при мори от высоты земли, и полк един идет путем дубравы Маоненим. 38 И рече к нему Зевул: и где суть ныне уста твоя глаголющая: кто есть Авимелех, яко поработаем ему? Не сии ли суть людие, яже ты уничтожил еси? Изыди убо ныне, и ополчиша

противу их. 39 И изыде Гаал пред мужы Сихемски, и ополчиша противу Авимелеху: 40 и погна его Авимелех, и побеже от лица его: и падоша язвенни мнози даже до врат градских. 41 И вниде Авимелех во Ариму: и Зевул изгна Гаала и братию его, да не живут в Сихеме. 42 И бысть наутрие, и изыдоша и людие на поле, и поведаша Авимелеху: 43 и взя людий, и раздели их на три части, и засяде на селе: и виде, и се, людие изыдоша из града, и воста на ня, и изби их. 44 И Авимелех и начальницы, иже с ним, протягояша и сташа у дверий врат градских: и две части пролияша на вся, яже на селе, и избиша я. 45 Авимелех же добываше града весь день той, и взя град, и люди иже в нем изби, и разори град, и посея в нем соль. 46 И услышаша сие вси мужие столпа Сихемля и внидоша в твердь дому (бога) Вефилвериф. 47 И возвестися Авимелеху, яко собрашася вси мужие столпа Сихемска. 48 И взыде Авимелех на гору Селмон сам и вси людие, иже с ним: и взя Авимелех секири в руку свою, и усече ветвь от дерева, и воздвиге ю, и возложи на раму свою: и рече людем иже с ним: еже видесте мя творяща, сотворите скоро якоже и аз. 49 И усекоша вси людие ветвия и взяша, и поидаша вслед Авимелеха, и возложиша на твердыню, и запалиша на них твердыню огнем: и изомроша вси людие столпа Сихемска до тысячи мужей и жен. 50 И иде Авимелех в Фивис и обсяде его, и взя его: 51 и столп бе тверд среде града, и вбегоша ту вси мужие и жены и вси старейшины града, и заключиша и взыдоша на кров столпа: 52 и прииде Авимелех до столпа, и супротивиша ему: и приступи Авимелех ко вратом столпа, еже запалити его огнем: 53 и сверже жена едина уломок жерновный на главу Авимелеха, и сокруши ему темя: 54 и возопи скоро Авимелех ко отроку носящему сосуды его и рече ему: извлецы мечь твой и убий мя, да не рекут, яко жена уби его. И прободе его отрок его, и умре. 55 И видеша мужие Израилстии, яко умре Авимелех: и отидаша кийждо на свое место. 56 И воздаде Бог зло Авимелеху, еже сотвори отцу своему, убив седмидесят братий своих: 57 и всяку злобу мужей Сихемлих обрати Бог на главы их: и взыде на ня клятва Иоафама сына Иероваала.

10 И воста по Авимелесе спасти Израиля Фола сын Фуи, сын брата отца его, муж от Иссахара: и сей живяше в Самире в горе Ефремове, 2 и суди Израиля лет двадесять три, и умре, и погребен быти в Самире. 3 И воста по нем Иайир Галаадитин, и суди Израиля лет двадесять два: 4 и быша ему сынове тридесять два

ездящии на тридесяти двух ослех: и грады им тридесять два: и прозываху их грады Иаировы, даже до днесъ, иже суть в земли Галаадове: 5 и умре Иаир, и погребен бысть в Камоне. 6 И приложиша сынове Израилевы творити зло пред Господем и послужиша Ваалимам и Астарофам и богом Сирским и богом Сидонским и богом Моавским и богом сынов Аммоних и богом иноплеменников: и оставилиша Господа и не работаша Ему. 7 И разгневався Господь яростю на Израиля и предаде их в руку Филистимску и в руку сынов Аммоних. 8 И озлобиша, и сокрушиша сынов Израилевых в то время осмынадесять лет, всех сынов Израилевых, иже об ону страну Иордана в земли Аморреа иже в Галааде. 9 И преиодша сынове Аммони Иордан воевати на Иуду и Вениамина и на дом Ефремов: и оскорблени быша сынове Израилевы зело. 10 И возопиша сынове Израилевы ко Господу, глаголюще: согрешихом Тебе, яко оставихом Бога нашего и работахом Ваалиму. 11 И рече Господь к сыном Израилевым: не от Египта ли и от Аморреа и от сынов Аммоних и от Филистима 12 и от Сидонян и от Амалика и от Мадиама, иже стужиша вам, и возописте ко Мне, и спасох вы от руки их? 13 Вы же остависте Мене и работасте богом иным: сего ради не приложу спасти вас: 14 идите и возопийте к богом, ихже избрасте себе, и тии да спасут вы во время скорби вашея. 15 И реша сынове Израилевы ко Господу: согрешихом, сотвори ты нам по всему, елико угодно пред очима Твоими: точию избави нас в сей день. 16 И извергаша боги чуждяя от среды себе и послужиша Господеви единому: и сжалася душа Его о утруждении Израилеве. 17 И взыодша сынове Аммони, и ополчиша в Галааде: и собирашася и сынове Израилевы, и ополчиша в Массифе. 18 И реша людие князи Галаадстии кийжко ко ближнему своему: муж, иже начнет битися с сыныи Аммоновыми, той будет князь всем живущым в Галааде.

11 И бяше Иеффай Галаадитянин силен крепостио: и той бысть сын жены блудницы, яже роди Галааду Иеффая. 2 И роди жена Галаадова сынов ему: и возмужаша сынове жены и изгнаша Иеффая, и рекоша ему: не наследиши в дому отца нашего, яко сын жены блудныя еси ты. 3 И отбеже Иеффай от лица братии своея и вселися в земли Тов: и собирахуся ко Иеффаю мужие праздни, и хождаху с ним. 4 И бысть по днех сих, и воеваша сынове Аммони на Израиля. 5 И егда воеваша сынове Аммони на Израиля, и поиодша старейшины Галаадовы пояти Иеффая от земли Тов, 6 и рекоша

ко Иеффаю: приди и буди нам начальник, и ополчимся на сыны Аммони. 7 И рече Иеффай старейшинам Галаадским: не вы ли возненавидесте мя, и изгнасте мя из дому отца моего, и отпустисте мя от себе? И почто приидосте ко мне ныне, егда нужду возиместе? 8 И рекоша старейшины Галаадстии ко Иеффаю: сего ради ныне придохом к тебе, да пойдеши с нами, и ополчимся на сыны Аммони: и будеши нам князь всем живущым в Галааде. 9 И рече Иеффай ко старейшинам Галаадовым: аще возвращаете мя ополчитися на сыны Аммони, и предаст их Господь предо мною, и аз вам буду ли князь? 10 И рекоша старейшины Галаадстии ко Иеффаю: Господь да будет послух между нами, аще по слову твоему тако не сотворим. 11 И пойде Иеффай со старейшинами Галаадскими, и поставиша его людие над собою главу и князя: и глагола Иеффай вся словеса своя пред Господем в Массифе. 12 И послы Иеффай послы к царю сынов Аммоних, глаголя: что мне и тебе, яко пришел еси ко мне воевати на земли моей? 13 И рече царь сынов Аммоних к послом Иеффаевым: яко взя Израиль землю мою, егда изыде из Египта, от Арона даже до Иавока и до Иордана: и ныне возврати ю с миром, и отиду. 14 И возвратиша послы ко Иеффаю. И приложи еще Иеффай, и послы послы к царю сынов Аммоних, и рекоша ему: 15 тако глаголет Иеффай: не взя Израиль земли Моавли и земли сынов Аммоних, 16 понеже егда исходаше из Египта, пойде Израиль по пустыни до моря Чермнаго, и прииде до Кадиса: 17 и послы Израиль послы к царю Едомску, глаголя: да прейду сквозе землю твою: и не послуша царь Едомск: такожде посыла и к царю Моавску, и не восхоте: и седе Израиль в Кадисе: 18 и иде пустынею, и обыде землю Едомлю и землю Моавлю, и прииде на востоки солнца земли Моавли, и ополчися об ону страну Арона, и не вниде в пределы Моавли, яко Арон бяше предел Моавль: 19 и послы Израиль послы к Сиону царю Аморрейску, царю Есевонску, и рече к нему Израиль: да прейдем по земли твоей до места нашего: 20 и не восхоте Сион Израилю преити по пределом своим, и собра Сион вся люди своя, и ополчися во Иасе, и воева на Израиля: 21 и предаде Господь Бог Израилев Сиона и вся люди его в руки Израиля, и изби их: 22 и наследова Израиль всю землю Аморреа живущаго на земли той: и взя весь предел Аморрейск от Арона даже до Иавока, и от пустыни до Иордана: 23 и ныне Господь Бог Израилев изгна Аморреа от лица людей Своих Израиля, и ты ли хощеши наследити его? 24 Ни, но елико даде в наследие

тебе Хамос бог твой, сия да наследиши: а всех, ихже изгна Господь Бог наш от лица нашего, сия мы наследим: 25 и ныне еда лучший еси ты Валака сына Сепфорова, царя Моавля? Не бранию ли боряшеся со Израилем, или воюя воева его? 26 Егда вселися Израиль во Есевоне и в пределех его, и во Ароире и в пределех его, и во всех градех, иже у Иордана, триста лет, и почто не избавил еси их во время оно? 27 Аз же не согреших тебе, и ты твориши со мною зло, воюя на мя: да судит Господь судяй днесъ между сыны Израилевыми и между сыны Аммони. 28 И не послуша царь сынов Аммоних словес Иеффаевых, яже посылаше к нему. 29 И бысть на Иеффа Дух Господень, и прейде Галаада и Манассию, и прейде Стражбу Галаадову, и от Стражбы Галаадовы иде на ону страну сынов Аммоних. 30 И обеща Иеффай обет Господеви и рече: аще преданием предаси сыны Аммони в руку мою, 31 и будет исходяй, иже аще изыдет из врат дому моего во сретение мне, егда возвращуся с миром от сынов Аммоних, и будет Господеви, и вознесу его во всесожжение. 32 И прииде Иеффай к сыном Аммоним воевати на ня: и предаде я Господь в руце его 33 и изби их от Ароира, дондеже приими в Мениф, двадесять градов, и даже до Авеля Виноградов, язвою великою зело. И покорени быша сынове Аммони пред лицем сынов Израилевых. 34 И прииде Иеффай в Массифу в дом свой: и се, дщерь его исходаше во сретение его с тимпаны и лики: и сия бяше единородна ему возлюбленна: и не бе ему сына, ни другия дщере, кроме ея. 35 И бысть егда увиде ю сам, растерза ризы своя и рече: о, дщи моя, смущающи смущила мя еси: и ты ныне в претыкание была еси пред очима моими: аз бо отверзох уста моя на тя ко Господу и не возмогу вспять возвратити. 36 И рече к нему: отче, аще отверзл еси уста твоя ко Господу, сотвори мне, яко же изыде изо уст твоих, занеже сотвори тебе Господь месть врагом твоим от сынов Аммоних. 37 И рече ко отцу своему: сотвори, отче мой, сие слово: остави мя два месяца, да пойду и взыду на горы и плачуся девства моего аз и другини мои. 38 И рече: иди. И отпусти ю на два месяца: и иде сама и другини ея, и плакася девства своего на горах. 39 И бысть в конце двою месяцу, и возвратися ко отцу своему: и сотвори на ней обет свой, имже обещася: и сия не позна мужа. И бысть в повеление во Израили: 40 от дний до дний исходаху дщери Израилевы плакати о дщери Иеффая Галаадитина четыри дни в лете.

12 И обращася мужие Ефремли и придоша в Сефину, и реша Иеффаю: почто ходил еси ополчиться на сыны Аммони, и нас не позвал еси ити с тобою? Дом твой с тобою сожжем огнем. 2 И рече к ним Иеффай: имех прю аз и людие мои, и сынове Аммони оскорбиша мене зело: и воззвах вас, и не избависте мене от руки их: 3 и видех, яко не бяше спасающаго, и положих душу мою в руку мою, и придох к сыном Аммоним, и предаде я Господь в руку мою: и вскую приисто ко мне днесъ, ополчiti ли ся на мя? 4 И собра Иеффай вся мужы Галаадски и ополчися на Ефрема: и избиша мужие Галаадстии Ефрема, понеже глаголаху: уцелевши от Ефрема, вы Галаад среде Ефрема и среде Манассии. 5 И засяде Галаад проходы у Иордана Ефремовы. И бысть егда реша уцелевши от Ефрема: прейдем: и рекоша им мужие Галаадстии: еда ли от Ефрема вы? И реша: несмы. 6 И реша им: рцыте, клас. И не упрашиша речи тако: и имаху их, и закалаху у преходов Иорданих: и падоша в то время от Ефрема четыредесять и две тысячи. 7 И суди Иеффай Израилеви лет шесть: и умре Иеффай Галаадитин, и погребен бысть во граде своем в Галааде. 8 И суди по нем Израилеви Есевон от Вифлеема: 9 и быша ему тридесять сыны и тридесять дщери, яже отдаде вон (мужем), и тридесять жен приведе сыном своим отвне: и суди Израилеви седмь лет: 10 и умре Есевон, и погребен бысть в Вифлееме. 11 И суди по нем Израилеви Елон Завулонянин десять лет: 12 и умре Елон Завулонянин, и погребен бысть во Елиме в земли Завулони. 13 И суди по нем Израилеви Авдон сын Елихов Фарафонитин: 14 и быша ему четыредесять сынове и тридесять внуцы, ездящии на седмидесяти ослех: и суди Израилеви осмь лет: 15 и умре Авдон сын Елихов Фарафонитин, и погребен бысть в Фарафоне, в земли Ефремли, в горе Амаликове.

13 И приложиша еще сынове Израилевы творити зло пред Господем: и предаде я Господь в руку Филистимску четыредесять лет. 2 И бяше муж един от Сараи, от племене Данова, имя же ему Маное: и жена ему бяше неплоды и не раждаше. 3 И явися Ангел Господень к жене и рече к ней: се, ты неплоды и не раждала еси, и зачнеши и родиши сына: 4 и ныне блюдися, и не пий вина и сикера, и не яждь всякаго нечистаго: 5 яко се, ты во утробе примиши и родиши сына: и железо на главу его не взыдет, яко назорей Богови будет сие отроча от чрева: и сей начнет спасати Израиля из руки Филистимли. 6 И вниде жена и рече

мужу своему, глаголющи: человек Божий прииде ко мне, и образ его яко образ Ангела Божия, страшен зело: и вопрошах его, откуду еси? И имене своего не поведа ми, 7 и рече мне: се, ты во утробе зачнеши и родиши сына: и ныне не пий вина, ни сикера, и не яждь всякаго нечистаго, яко назорей Богу будет отрочиць от утробы даже до дне смерти своея. 8 И помолися Маное ко Господу и рече: во мне, Господи, человек Божий, егоже послал еси, да приидет еще к нам и наставит ны, что сотворим отрочати раждающемуся. 9 И послуша Бог молитвы Маноевы: и прииде паки Ангел Божий к жене, сия же седяше на селе, и Маное муж ея не бяше с нею. 10 И потщася жена, и текши скоро поведа мужу своему, и рече к нему: се, явися мне муж, иже приходил в день он ко мне. 11 И востав иде Маное вслед жены своея, и прииде к мужу и рече ему: ты ли еси муж глаголавый к жене (моей)? И рече Ангел: аз. 12 И рече Маное: ныне убо да приидет слово твое, кий будет суд отрочати, и что дела его? 13 И рече Ангел Господень к Маною: от всех, яже глаголах к жене, да сохранится: 14 от всего, еже исходит из винограда, да не яст, и вина и сикера да не пиет, и всякаго нечистаго да не яст: и вся, елика заповедах ей, да хранит. 15 И рече Маное ко Ангелу Господню: да удержим тя зде, и сотворим пред тобою козлище от коз. 16 И рече Ангел Господень к Маною: аще мя понудиши, не буду ясти хлеба твоего: но аще сотвориши всесожжение Господеви, то вознеси е. Не ведяше бо Маное, яко Ангел Господень той. 17 И рече Маное ко Ангелу Господню: что имя твое? Да егда сбудется слово твое, прославим тя. 18 И рече ему Ангел Господень: почто сие вопрошаши имене моего? И то есть чудно. 19 И взя Маное козлища от коз и жертву, и вознесе на камень Господеви чудная творящему: Маное же и жена его зряста. 20 И бысть егда пламень взыде выше олтаря даже до небесе, и взыде Ангел Господень в пламени олтаря: Маное же и жена его смотряста, и падоста лицем своим на землю. 21 И не приложи ктому Ангел Господень явитися Маною и жене его. Тогда уведе Маное, яко Ангел Господень есть. 22 И рече Маное к жене своей: смертию умрем, яко Бога видехом. 23 И рече ему жена его: аще бы хотел Господь умертвiti нас, не бы взял от рук наших всесожжения и жертвы, и не бы показал нам сих всех, и не бы слышана сия сотворил нам якоже ныне. 24 И роди жена сына, и нарече имя ему Сампсон. И возмужа отроча, и благослови е Господь: 25 и нача Дух Господень ходити с ним в полце Данове, посреде Сараи и посреде Есфаола.

14 И снide Сампсон во Фамнафу и виде жену во Фамнафе от дщерей Филистимских, и угодна бысть пред ним. 2 И взыде и поведа отцу своему и матери своей, и рече: жену видех во Фамнафе от дщерей Филистимских, и ныне поимите ю мне в жену. 3 И рече ему отец его и мати его: еда несть дщерей от братии твоему и от всех людий моих жены, яко ты идеши пояти жену от дщерей иноплеменников необрезанных? И рече Сампсон ко отцу своему: сию поими мне, яко та угодна есть пред очима моими. 4 Отец же его и мати его не разумеша, яко сие от Господа есть, яко отмщения он ищет от Филистимлян: в то бо время владяху Филистимляне сыны Израилевыми. 5 И снide Сампсон и отец его и мати его во Фамнафу, и прииода до винограда Фамнафа: и се, львичиць рыкающь во сретение ему. 6 И снide на него Дух Господень, и растерза его яко козлища от коз, и ничтоже бяше в руку его: и не поведа отцу своему и матери своей, еже сотвори. 7 И поиода и рекоша жене, и угодна бысть пред очима Сампсона. 8 И возвратися по днех пояти ю, и обратися видети труп львов, и се, рой пчел во устех львовых и мед: 9 и изя его от уст его в руце свои, и идяше идый и ядый: и пойде ко отцу своему и матери своей, и даде им, и ядоша: и не поведа им, яко от уст львовых изя сей мед. 10 И снide отец его к жене, и сотвори Сампсон тамо пир седьмь дний, яко тако творят юноши: 11 и бысть внегда боятися им его, приставиша к нему тридесять друзов, и быша с ним: 12 и рече им Сампсон: предлагаю ныне вам гадание, и аще отгадающе поведите мне сие в седьмь дний пира и обрящете, дам вам тридесять поняв и тридесять риз одежд: 13 аще же не возможете сие поведати мне, дадите вы мне тридесять поняв и тридесять риз измених. И рекоша ему: предложи гадание твое, и услышим е. 14 И глагола им: от ядущаго ядомое изыде, и от крепкаго изыде сладкое. И не могоша поведати гадания до трех дний. 15 И бысть в день четвертый, и рекоша жене Сампсонове: прельсти мужа своего, и да повесть тебе гадание, да не сожжем тя и дом отца твоего огнем: или оубожити призвасте ны? 16 И плакася жена Сампсонова пред ним и рече: разве возненавидел еси мене и не возлюбил еси мене, яко гадания, еже еси предложил сыном людий моих, не поведал еси его мне. И рече ей Сампсон: се, отцу моему и матери моей не поведах сего, и тебе ли повем? 17 И плакася пред ним седьмь дний, в няже бе им пир. И бысть в день седьмый, и поведа ей, яко стужи ему: и та поведа сыном людий своих. 18 И рекоша ему мужи градстии в день седьмый прежде зашествия

солнца: что слаждше меда? И что креплее льва? И рече им Сампсон: аще не бысте орали юницею мою, не бысте уведали гадания моего. 19 И нападе на него Дух Господень, и снide во Аскalon, и изби тамо тридесять мужей, и взя ризы их, и даде ризы поведавшым гадание. И разгневався яростию Сампсон, и взыде в дом отца своего. 20 Жена же Сампсонова иде за иного мужа, иже бысть един от других его.

15 И бысть по днех во дни жатвы пшеницы, и посети

Сампсон жену свою, несый козлище от коз, и рече: да вниду к жене моей в ложницу. И не даде ему отец я внити. 2 И рече отец я, глаголя: рех, яко ненавидая возненавидел еси ю, и отдах ю единому от других твоих: не се ли сестра ея меншая добрейши ея есть? Да будет тебе ныне вместо ея. 3 И рече ему Сампсон: чист есмь ныне от Филистимлян, яко сотворю аз с ними зло. 4 И пойде Сампсон, и ят триста лисиц, и взя свещи, и связа ошиб ко ошибу, и устрои едину свещу между двема ошибома: 5 и разжже огнь в свещах, и пусти я в нивы Филистимски: и запали нивы от гумен и даже до класов простых и до винограда и масличия. 6 И рекоша иноплеменници: кто сотвори сия? И рекоша: Сампсон зять Фамнафеев, яко взя жену его и даде ю единому от других его. И взыдоша иноплеменници и сожгла ю и дом отца ея огнем. 7 И рече им Сампсон: аще и сотвористе вы тако ей, аз не благоизволю, но отмщение мое единому комуждо вас сотворю, и поsem почию. 8 И порази их голени до бедр язвою велиею: и снide, и вселися у водотечи в пещере камене Итама. 9 И изыдоша Филистимляне, и ополчишаася во Иуде, и разселяяася в Лехи. 10 И рече им всяк муж Иудин: почто приидосте на ны? И рекоша иноплеменници: связати Сампсона придохом и сотворити ему, якоже сотвори нам. 11 И снidoша три тысячи мужей от Иуды к пещере камене Итама и рекоша к Сампсону: не веси ли, яко владеют нами Филистимляне? И вскую сия сотворил еси нам? И рече им Сампсон: якоже ми сотвориша, тако сотворих им. 12 И рекоша ему: связати тебе придохом и предати тя в руце иноплеменником. И рече им Сампсон: кленитеся мне, да не убьете мене вы. 13 И рекоша ему, глаголюще: ни, но токмо соузом свяжем тя и предадим тя в руки их, смертию же не умертвим тебе. И связаша его двема ужы новыми и изведоша его от камене того. 14 И той прииде до Челюсти: иноплеменници же восклинуша и текоша противу ему. И снide на него Дух Господень, и быша ужя на мышцах его яко изгребие, егда зажкется

огнем: и разрешишася узы его от руку его: 15 и обрете челюсть ослю повержену, и простре руку свою, и взя ю: и изби ю тысячу мужей. 16 И рече Сампсон: челюстию ослею потребляя потребих их, яко челюстию ослею избих тысячу мужей. 17 И бысть егда преста глаголя, и поверже челюсть от руки своея: и нарече место тое Избиение Челюстное. 18 И возжажда зело, и возопи ко Господу, и рече: Ты благоволил еси в руце раба Твоего спасение великое сие, и ныне умираю жаждею, и впаду в руки необрзанных. 19 И разверзе Бог язву на Челюсти, и изыде из нея вода, и пи: и возвратися дух его, и оживе: сего ради прозвася имя ей Источник призывающаго, иже есть в Челюсти, даже до дне сего. 20 И суди Израилю во дни Филистимлян двадесять лет.

16 И иде Сампсон в Газу, и виде тамо жену блудницу

и вниде к ней. 2 И поведаша Газяном, глаголюще: прииде Сампсон семо. И обыдоша и подседоша ему всю нощъ у врат градных, и утаишаася всю нощъ, глаголюще: дондеже осветает утро, и убием его. 3 И спа Сампсон до полуночи: и воста в полуночи, и восхити двери у врат града со обеими вереями, и подя онья с заворю, и возложи я на рамена своя, и вознесе я на верх горы, яже пред лицем Хеврона, и положи их тамо. 4 И бысть по сем, и возлюби жену от водотечи Сориховы: имя же ей Далида. 5 И взыдоша к ней князи иноплеменници и рекоша ей: прельсти его, и виждь, в чем есть крепость его великая, и чим преможем его, и свяжем его, яко смирити его: и мы тебе дадим кийждо тысячу и сто сребреников. 6 И рече Далида к Сампсону: повеждь ми ныне, в чем крепость твоя (тако) великая, и чим свяжешися и смиришися? 7 И рече ей Сампсон: аще свяжут мя седмию тятивами сырьими неистлевшими, и изнемогу, и буду яко един от человек. 8 И принесоша ей князи от иноплеменник седмь тятив мокрых неистлевших, и связа его ими: 9 и подсада ему седяше в храмине. И рече ему: иноплеменници на тя, Сампсоне. И расторже тятивы, аки бы кто расторгнул соскание изгребий, егда коснется ему огнь: и не уведася крепость его. 10 И рече Далида к Сампсону: се, прельстил еси мя, глаголя ко мне лжу: ныне убо повеждь ми, чим свяжешися? 11 И рече к ней: аще вяжуще свяжут мя ужы новыми, имиже не делано, и изнемогу, и буду яко един от человек. 12 И взя Далида ужы новы и связа его ими, и рече ему: иноплеменници на тя, Сампсоне. Подсада же седяше в храмине. И расторже я от руку своею аки нить. 13 И рече Далида к Сампсону: даже до ныне прельщал мя еси и глаголал ко мне лжу: повеждь ми убо, чим свяжешися? И

рече ей: аще сплетеши седмь плениц влас главы моей спрядением и вбииши колом в стену, и буду немощен яко един от человек. 14 И успи Далида его на коленех своих, и бысть всегда уснути ему, взя Далида седмь плениц влас главы его и сплете спрядением и вонзее колом в стену, и рече: иноплеменницы на тя, Сампсоне. И возбну от сна своего иistorже кол сплетеши из стены, и не уведешия крепость его. 15 И рече к нему Далида: како глаголеши, возлюбих тя, и сердце твое несть со мною? Се, третие прельстил еси мя, и не поведал еси мне, в чем крепость твоя великая. 16 И бысть егда стужи ему словесы своими по вся дни, и убеди его, и изнеможе даже до умертвия. 17 И поведа ей все сердце свое, и рече к ней: железо не взыде на главу мою, яко назорей есмь аз Господу от утробы матере моей: аще убо обриося, отступит от мене крепость моя, и изнемогу, и буду якоже вси человецы. 18 И виде Далида, яко поведа ей все сердце свое, посла и призыва князи иноплеменничи, глаголющи: взыдите еще единою, яко поведа ми все сердце свое. И взыдоша к ней вси князи иноплеменничи, и принесоша сребро в руках своих. 19 И успи Далида Сампсона на коленех своих: и призыва стригача, и остириже седмь плениц влас главы его: и нача смирятися, и отступи крепость его от него. 20 И рече Далида: иноплеменницы на тя, Сампсоне. И возбудиша от сна своего и рече: изыду якоже и прежде, и отряся. И не разуме, яко Господь отступи от него. 21 И яша его иноплеменницы, и избодоша ему очи, и введоша его в Газу, и оковаша его путы медяны: и бяше меля в храмине темничней. 22 И начаша власы главы его расти по остиржении. 23 И князи иноплеменничи собираша пожрети жертву велику Дагону богу своему и возвеселитися, и рекоша: предаде бог наш в руки наша Сампсона врага нашего. 24 И видеша его людие, и похвалиша бога своего, яко реша: предаде бог наш в руки наша врага нашего, опустошившаго землю нашу, и иже умнохи язвенных наших. 25 И бысть егда возблажа сердце их, и рекоша: призовите Сампсона из дома темничнаго, и да играет пред нами. И призваша Сампсона из дома темничнаго, и играша пред ними: и заушаху его, и поставиша его между столпы. 26 И рече Сампсон ко юноши держащему его за руку: остави мене, да осяжу столпы, на нихже дом сей утвержден есть, и опруся на них. Юноша же сотвори тако. 27 Дом же бяше полн мужей и жен, и тамо вси князи иноплеменничи: на крове же том до трех тысяч мужей и жен, зряще ругаемаго Сампсона. 28 И воззва Сампсон ко Господу и рече: Адонаи Господи, Господи Сил, помяни мя ныне, и укрепи

мя еще единою, Боже, да воздам мщение едино за два ока моя Филистимом. 29 И объя Сампсон оба столпа средния, на нихже храмина бяше утверждена, и опресь на них, держа един рукою десною, а другой левою. 30 И рече Сампсон: да умрет душа моя со иноплеменники. И преклониша крепостию, и паде храмина на князи и на вся люди иже в ней: и бысть мертвых, ихже умертви Сампсон при смерти своей, множе неже ихже умертви в животе своем. 31 И снidoша братия его и весь дом отца его, и взяша его: и взыдоша, и погребоша его между Сарая и между Есфаолом во гробе Маноя отца его. И сей суди Израилю лет двадесять. (и воста по Сампсоне Емегар сын Енань, и уби от иноплеменников шесть сот мужей кроме скота, и спасе и он Израиля.)

17 И бысть муж от горы Ефремли, и имя ему Миха: 2 и рече матери своей: тысяща и сто сребреников иже украдены у тебе, и заклинала мя еси и глаголала еси во уши мои: се, сребро у мене, аз взях е. И рече мати его: благословен сын мой Господеви. 3 И отдаде тысячу и сто сребреников матери своей. И рече мати его: освящающи освятих сребро Господеви от руки моей, тебе сынови моему сотворити (кумир) изваян и слиян, и ныне отдам е тебе. 4 И отдаде сребро матери своей. И взя мати его двести сребреников и даде их среброделю, и сотвори тое (кумир) изваян и слиян: и бысть в дому Михи. 5 И дом Михин ему дом Божий. И сотвори ефуд и ферафин: и наполни руку единому от сынов своих, и бысть ему жрец. 6 В тыя же дни не бяше царя во Израили: кийждо муж, еже право видяшеся пред очима его, творяше. 7 И бысть юноша от Вифлеема Иудина и от рода племене Иудина, и сей левитин, и обиташе тамо: 8 и пойде сей муж от града Вифлеема Иудина обитати, идже обрящет место: и прииде до горы Ефремли и даже до дому Михина, еже сотворити путь свой. 9 И рече ему Миха: откуду идеши? И рече ему левитин: аз есмь от Вифлеема Иудина, и иду обитати, идже обрящет место. 10 И рече ему Миха: седи со мною и буди ми отец и жрец, и аз дам тебе сребреников десять в год и двои ризы, и яже на житие тебе. 11 И пойде левит, и нача обитати у мужа. И бысть юноша ему яко един от сынов его. 12 И наполни Миха руку левитину, и бысть ему юноша жрец, и бяше в дому Михи. 13 И рече Миха: ныне уведех, яко благословит мнe Господь, яко бысть мне левитин жрец.

18 В тыя дни не бяше царя во Израили: и в тыя дни племя Даново искаше себе наследия вселитися,

яко не паде ему наследие до дний оных среде племен сынов Израилевых. 2 И послаша сынове Дановы от сонмов своих пять мужей от части своея, мужы сильны от Сараи и Есфаола, соглядати землю и изследити ю, и рекоша к ним: идите и изследите землю. И придоша до горы Ефремли, до дому Михина, и сташа тамо в дому Михи. 3 И тии познаша глас юноши левитина, и уклонишася тамо, и рекоша ему: кто тя приведе семо? И что твориши в месте сем? И что тебе где? 4 И рече им: сице и сице сотвори мне Миха, и ная мя, и бых ему жрец. 5 И рекоша ему: вопросы убо Бога, и уверь, аще благопоспешится путь наш, в оньже мы идем. 6 И рече им жрец: идите с миром: пред Господем путь ваш, в оньже идете. 7 И идоша пять мужи и придоша в Лаис: и видеша людий живущих в нем, седящих со упование по обычаю Сидонян, в тишине и надежде, и не бе устрашай, или посрамляй словесе на земли, наследник истязуяй сокровища: зане далече бяху от Сидонян, и не имаху словесе с ким либо человеком. 8 И придоша пять мужей ко братии своей в Сараю и Есфаол и рекоша братии своей: что вы седите? 9 И реша: востаните, и взыдем на ня, зане видехом землю, и се, блага зело, и вы молчите: не обленитеся ити и внести еже наследити землю: 10 и егда приидете, внидете в люди живущыя со упование, а земля пространна: яко предаде ю Бог в руки вашя, место на немже несть скудости во всем еже на земли. 11 И воздигоша оттуду от племене Данова, от Сараи и Есфаола, шесть сот мужей препоясани во оружие ополчения, 12 и взыдоша и ополчишася в Кариафиариме во Иуде: сего ради наречеся место то полк Данов и до сего дне: се созди Кариафиарима. 13 И преиодоша оттуду в гору Ефремлю и придоша до дому Михина. 14 И отвещаша пять мужей ходивши соглядати землю Лаис и рекоша ко братии своей: разуместе ли, яко есть в дому сем ефуд и ферафин, и изваяно и слияно? И ныне уведите, что сотворите. 15 И уклонишася тамо и внидоша в дом юноши левитина, в дом Михин, и вопросы его в мире. 16 И шесть сот мужей препоясани во оружие ополчения своего, стояще у дверий вратных, иже от сынов Дановых. 17 И взыдоша пять мужей ходивших соглядати землю: и вшедше тамо взяша изваяно, и ефуд и ферафин, и слияно: жрец же стояше у дверий вратных, и шесть сот мужей препоясани во оружие воинско: 18 и сии внидоша в дом Михин и взяша ефуд и ферафин, и слияно и изваяно. И рече к ним жрец: что вы творите? 19 И реша ему: умолчи, положи руку твою на уста твоя и пойди с

нами, и буди нам отец и жрец: еда уне есть тебе быти жерцу единаго мужа дому, нежели быти жерцу племени и дому и сонма Израилева? 20 И возблажа сердце жреческо, и взя ефуд и ферафин, и изваяное и слияное, и вниде посреде людий. 21 И возвратишася и отиодаша, и пустиша пред собою чада и притяжение свое честное. 22 Удалившися же им от дому Михина, и се, Миха и мужи иже в жилищах, яже с домом Михиным быша, воззваша и постигла сыны Дановы, 23 и возопиша к сыном Дановым: и обратиша сынове Дановы лица своя и реша к Михе: что есть тебе, яко возвзвал еси? 24 И рече Миха: яко изваяное мое, еже сотворих, взясте, и жерца, и поидосте: и что мне еще? И что сие глаголете мне: что вопиши? 25 И рекоша ему сынове Дановы: да не услышится ныне глас твой вслед нас, да не востанут на вы мужи лютою душою, и положиши душу твою и душу дому твоего. 26 И идоша сынове Дановы в путь свой. И виде Миха, яко сильнейшии суть паче его, и возвратися в дом свой. 27 И сынове Дановы взяша, елика сотвори Миха, и жерца, иже бяше у него, и придоша в Лаис, к людем молчащым и уповающим надеждею, и извиша их остирем меча, и град сожгла огнем: 28 и не бяше избавляяй, яко далече бяху от Сидонян, и словесе не бяше им с человеком: и сей (град бысть) во удолии Дому Роовля: и соградиша град и вселишася в нем, 29 и нарекоша граду имя Дан, во имя Дана отца своего, иже родиша Израилю: и бяше прежде имя граду Лаис. 30 И поставиша себе сынове Дановы изваянное: Ионафан же сын Гирсонъ сын Манассин, той и сынове его бяху жерцы племени Данову до дне преселения земли: 31 и поставиша себе изваянное, еже сотвори Миха, во вся дни, в няже бяше дом Божий в Силоме.

19 И бысть в тыя дни не бяше царя во Израили: и бысть муж левитин живый во стране горы Ефремовы, и поя себе жену подложницу от Вифлеема Иудина: 2 и разгневався нань подложница его, и отиде от него в дом отца своего в Вифлеем Иудин, и бе тамо четыри месяцы: 3 и воста муж ея и иде вслед ея глаголати в сердце ея, обратити ю к себе и привести паки к себе: и отрок его с ним, и двое ослят: она же введе его в дом отца своего: 4 и виде его отец отроковици и изыде с веселием во сретение его, и удержа его тесть его отец отроковици, и пребысть с ним три дни, и ядоша и пиша, и спаша тамо. 5 И бысть в день четвертый, и обутреша заутра, и воста поити. И рече отец отроковици к зятю своему: укрепи сердце твое укрухом хлеба, и по сем пойдете.

6 И седоша, и ядоша оба вкупе и пиша. И рече отец отроковици к мужу: иди ныне и преспи, и возблажает сердце твое. 7 И воста муж поити: и понуди его тесть его, и седе, и пребысть тамо. 8 И воста рано в пятый день да идет. И рече отец отроковици: укрепи убо сердце твое хлебом, и пребуди дондеже преклонится день. И ядоша и пиша оба. 9 И воста муж да идет сам и подложница его и отрок его. И рече ему тесть его отец отроковици: се, уже преклонися день к вечеру, пребуди где, и возблажает сердце твое, и обутреете утро в путь ваш, и отидеш в селение свое. 10 И не изволи муж пребыти, и воста и отиде: и прииде даже прямо Иевусу, сей есть Иерусалим, и с ним двое ослят с бременами, и подложница его с ним. 11 И придоша до Иевуса, и день преклонися к вечеру зело: и рече отрок ко господину своему: гряди убо, да уклонимся во град сей Иевус и пребудем в нем. 12 И рече к нему господин его: не уклонимся во град чуждъ, в немже несть от сынов Израилевых, но прейдем до Гаваона. 13 И рече ко отроку своему: гряди, да приступим ко единому от мест Гаваонских и пребудем в Гаваоне или в Раме. 14 И минуша, и идоша, и зайде им солнце близ Гаваона, иже есть Вениамины: 15 и уклонишася тамо внизи превитати в Гаваоне, и внидоша и седоша на стогнах града: и не бе муж вводяй их в дом превитати. 16 И се, муж стар идяше с дела своего из поля в вечер, и сей муж от горы Ефремли, и той обиташе в Гаваоне: и мужи места сынове Вениамины. 17 И возвед очи свои, виде мужа путника на стогнах градных, и рече муж старец: камо идеш и откуду грядеши? 18 И рече к нему: грядем мы от Вифлеема Иудина даже до стран горы Ефремли, отюнудже аз есмъ: и ходих до Вифлеема Иудина, и иду аз в дом мой: и несть мужа вводящаго мя в дом: 19 а плевы и пища ослятом нашым есть, и мне хлеб и вино есть, и отроковице и отроку: рабом твоим несть скудно ни кояя вещи. 20 И рече муж стар: мир тебе: и весь недостаток твой на мне, обаче на стогнах не лязи. 21 И введе его в дом свой, и даде место ослятом его: и омыша ноги своя, и ядоша и пиша. 22 Егда же возвеселися сердце их, и се, мужиес градстии сынове беззаконников обыдоша дом биюще в двери, и реши мужу господину дому старцу, глаголюще: изведи мужа иже вниде в дом твой, да познаем его. 23 И изыде к ним муж господин дому и рече: ни, братия, не сотворите зла мужу сему повнегда внизи ему в дом мой, и не сотворите безумия сего: 24 се, дщерь моя дева, и подложница его: изведи их, и смирите их, и сотворите им еже благо пред очима вашима: а мужу сему не сотворите словесе безумия

сего. 25 И не изволиша мужиес послушати его. И взя муж подложницу его и изведе ю к ним вон: и познаша ю и ругашася над нею всю нощь даже до утра, и отпустиша ю, егда взыде денница. 26 И прииде жена к заутрию, и паде у двери дому, идже бяше муж ея, до разсветания. 27 И воста муж ея заутра, и отверзе двери дому и изыде поити в путь свой: и се, жена его подложница лежаше при дверех дому, и руце ея на преддверии. 28 И рече к ней: востани, да идем. И не отвеша ему, бяше бо мертвa. И возложи ю на осля, и воста муж и пойде на место свое. 29 И прииде в дом свой, и взя нож, и взя подложницу свою, и раздроби ю по удесем ея на дванадесять частей, и посла я во вся племена Израилева. 30 И бысть всяк видящий глаголаше: не бысть, ни видено бе сице от дне изшествия сынов Израилевых от земли Египетской даже до дне сего. И заповеда мужем, ихже посла, глаголя: сице глаголите ко всему Израилю: аще бысть по словеси сему? Уставите сами себе о ней совет и глаголите.

20 И изыдоша вси сынове Израилевы, и собирахася весь сонм яко един муж, от Dana и до Вирсавии, и земля Галаадска к Господеви в Массифу, 2 и сташа пред лицем Господним вся племена Израилева в сонме людий Божиих, четыреста тысящ мужей пеших воззвишающих оружия. 3 И услышаша сынове Вениамины, яко взыдоша сынове Израилевы в Массифу, и рекоша сынове Израилевы: глаголите, где бысть злоба сия? 4 И отвеша муж левитин, муж жены умереняя, глаголя: в Гаваон Вениамины придох аз и подложница моя витати: 5 и восташа на мя мужиес Гаваонстии и обыдоша мя во дворе нощю, и хотеша мя убить, и подложницу мою обидеша и обругаша, и умре: 6 и взях подложницу мою и раздроби ю, и послах ю во вся пределы наследия Израилева, яко сотвориша безумие во Израили: 7 се, вси вы сынове Израилевы, дадите себе слово и совет зде. 8 И восташа вси людие яко един муж, глаголюще: не отидет муж в селение свое, и не возвратится муж в дом свой: 9 и ныне слово сие, еже сотворим Гаваону: взыдем на него по жребию, 10 токмо возмем по десяти мужей от ста во всех племенех Израилевых, и сто от тысящи, и тысяща от тмы, взяти брашно людем исходящым в Гаваон Вениамины, сотворити ему по всему согрешению, еже сотвори во Израили. 11 И собирахася вси мужиес Израилевы ко граду, яко един муж из градов исходящи, 12 и послаша племена Израилева мужей во все племя Вениамины, глаголюще: как злоба сия бывшая в вас? 13 И ныне дадите мужей беззаконных, иже в Гаваи,

сынов велиаловых, и умртвим их, и очистим зло от Израиля. И не изволиша сынове Вениамины послушати гласа братии своея сынов Израилевых. 14 И собирахся сынове Вениамины от градов своих в Гаваю, изыти на брань к сыном Израилевым. 15 И сочтозася сынове Вениамины от градов в той день двадесять и пять тысячъ мужей воздвигающих оружия, кроме живущих в Гаваи: 16 ихже сочтозася седмь сот мужей избранных от всехъ людей ободесноручных: сии вси пращицы мещуще каменіе ко власу и не погрешающе. 17 И всехъ мужей Израилевых сочтозася, кроме сынов Вениаминовых, четыреста тысячи мужей воздвигающих оружие: вси сии мужи воини. 18 И восташа, и взыдоша в Вефиль, и вопросиша Бога, и рекоша сынове Израилевы: кто от насъ взыдет в начале воевати на сыны Вениамины? И рече Господь: Иуда в начале да взыдет вождь. 19 И восташа сынове Израилевы заутра и ополчишася на Гаваю. 20 И изыде всяк муж Израилев на брань с Вениамином, и сразиша с ними мужи Израилевы на брани у Гаваи. 21 И изыдоша сынове Вениаминовы из Гаваи, и избиша во Израили в той день двадесять две тысячи мужей на земли. 22 И укрепися всяк муж Израилев, и приложиша снитися на брань на место, идже снидоша ся в день первый. 23 И взыдоша сынове Израилевы и плакашася пред Господем до вечера, и вопросиша Господа, глаголюще: аще приложим еще приступити на брань к сыном Вениаминим братиям нашым? И рече Господь: взыдите к ним. 24 И приидоша сынове Израилевы к сыном Вениаминим в день второй. 25 И изыдоша сынове Вениамины противу им от Гаваи в день второй, и избиша еще от сынов Израилевых осмынадесять тысячи мужей на земли: сии вси воздвигающи оружие. 26 И взыдоша вси сынове Израилевы и вси людие, и приидоша в Вефиль, и плакашася, и седоша тамо пред Господем, и постиша ся в той день даже до вечера: 27 и вознесоша всесожжение спасения пред Господем, яко тамо кивот завета Господа Бога во дни оны, 28 и Финеес сын Елеазара сына Аарона предстоя пред ним в тиа дни. И вопросиша сынове Израилевы Господа, глаголюще: аще приложим взыти еще на брань к сыном Вениаминим братиям нашым, или оставим? И рече Господь: взыдите, заутра предам их в руки вашя. 29 И поставиша сынове Израилевы подсаду окрест Гаваи. 30 И взыдоша сынове Израилевы к сыном Вениаминим в день третий: и ополчишася на Гаваю яко единою и единою. 31 И изыдоша сынове Вениамины противу людем и протягояшася из града, и начаша убивати людей уязвленых, якоже первое и

второе на путех, от нихже есть един сходяй в Вефиль, а другой в Гаваю на селе, яко тридесять мужей во Израили. 32 И рекоша сынове Вениамины: падают пред нами якоже и прежде. И сынове Израилевы рекоша: побежим и отторгнем их от града на пути. И сговориша тако. 33 И вси мужи Израилевы восташа от места своего и снидоша в Баал-Фамаре: подсада же Израилева находаше от места своего от запада Гаваи. 34 И приидоша противу Гаваи десять тысячъ мужей избранных от всего Израиля, и брань бяше тяжка: и тии не разумеша, яко постиает их зло. 35 И порази Господь Вениамина пред сыны Израилевыми: и избиша сынове Израилевы от Вениамина в той день двадесять пять тысячи и сто мужей: сии вси воздвигаухи оружие. 36 И видеша сынове Вениамины, яко поражени суть. И даша место сынове Израилевы Вениамины, понеже уповаша на подсаду, юже подсадиша у Гаваи: 37 и подвижеся подсада, и устремися на Гаваю, и избиша весь град остирем меча. 38 И Израилитяне имаху знамение с подсадою брани, явити знамение дыма из града. 39 И возвратися Израиль на брань, и Вениамин нача убивати язвеных во Израили до тридесяти мужей, яко рекоша: паки падением падают пред нами, якоже и первая брань. 40 И знамение взыде наипаче над градом, аки столп дыма: и озреся Вениамин вспять, и се, взыде скончание града до небеси. 41 И муж Израилев возвратися: и потщашася мужи Вениамины, видеша бо, яко постиже их зло, 42 и побегоша пред сыны Израилевыми на путь пустыни, брань же постиже их, и иже из градов избиваша их среде себе: 43 и побиваху Вениамина, и гнаша его от Нуя вслед его до Гаваи без опочивания, и поразиша его даже противу Гаваи на восток солнца. 44 И падоша от Вениамина осмынадесять тысячи мужей, сии вси мужи сильни. 45 И озрешася оставши, и побегоша в пустыню к каменю Реммоню: и пожаша от них сынове Израилевы по стезям яко стеблие пять тысячи мужей, и гнаша вслед их до Гадаама и избиша от них две тысячи мужей. 46 И быти всехъ падших от Вениамина в той день двадесять пять тысячъ мужей воздвигающих оружие, вси сии мужи сильни. 47 И озрешася оставши, и вбегоша в пустыню к каменю Реммоню шесть сот мужей, и седеша в камени Реммони четыри месяцы. 48 Сынове же Израилевы возвратишася к сыном Вениаминим, и избиша я оружием от града вне, даже и до скота, и все еже обретеся во всехъ градех, и грады вся обретшыся пожгла огнем.

21 И сынове Израилевы кляшася в Массифе, глаголюще: муж от нас да не даст Вениамиину дщере своея в жену. **2** И приидоша людие в Вефиль и седеша тамо до вечера пред Богом: и воздвигоша глас свой, и плакашася плачем велиим, и рекоша: з вскую, Господи Боже Израилев, бысть сице днесъ во Израили, еже оскудести от Израиля племени единому? **4** И бысть на утрия, и обутреща людие, и соградиша тамо олтарь, и вознесоша всесожжение спасения, и рекоша сынове Израилевы: **5** кто не взыде в сонм от всех племен Израилевых ко Господу? Яко велика клятва бяше не вшедшим ко Господу в Массифу, глаголюще: смертию да умрет. **6** И умилишася сынове Израилевы о Вениамиине брате своем, и рекоша: изсечено днесъ едино племя от Израиля: **7** что сотворим оставшимся о женах? И мы кляхомся Господем не дати им от дщерей наших в жены. **8** И рекоша: кто един от племен Израилевых, иже не взыде ко Господу в Массифу? И се, ни един прииде в полк от Иависа Галаадова в сонм. **9** И соглядаша людий, и се, не бяше тамо мужа от живущих во Иависе Галаадове. **10** И послаша тамо сонм дванадесять тысячъ мужей от сынов силы и заповедаша им, глаголюще: идите и избийте живущыя во Иависе Галаадове оружием жены и народы: **11** и сие сотворите: всяк мужеский пол и всяку жену, познавшую ложе мужеско, побиете: девицы же снабдите. И сотвориша тако. **12** И обретоша от живущих во Иависе Галаадове четыре ста отроковиц дев, яже не познаша ложа мужеска: и приведоша я в полк в Силом, иже есть в земли Ханаани. **13** И послаша весь сонм и глаголаша к сыном Вениаминовым, иже в камени Реммони, и призваша их с миром. **14** И возвратися Вениамин к сыном Израилевым в то время, и даша им сынове Израилевы жены, яже живо сохраниша от дщерей Иависа Галаадова: и угодно бысть им тако. **15** И людие умилишася о Вениамиине, яко сотвори Господь истребление в племенех Израилевых. **16** И рекоша старейшины сонма: что сотворим оставшим о женах? Яко погибе от Вениамина жена: **17** и како будет наследие уцелевших от Вениамина, да не погибнет племя от Израиля? **18** И мы не возможем дати им жен от дщерей наших, яко кляшася сынове Израилевы, глаголюще: проклят даяй жену Вениамиину. **19** И рекоша: се, праздник Господень в Силоме от дний во дни, иже есть от севера Вефиля, на восток солнца на пути восходящем от Вефиля в Сихем, и от юга Левоны. **20** И заповедаша сыном Вениаминим, глаголюще: идите и засядите в виноградех, **21** и узрите, и се, егда изыдут дщери живущих в Силоме

плясати в лики, да изыдете из виноградов и восхитите муж жену себе от дщерей Силомлих, и идите на землю Вениамииню: **22** и будет егда приидут отцы их или братия их судитися к нам, и речем им: помилуйте нас ими, яко не взя муж жены своея в полце: понеже вы не дали есте им яко жребий, согрешисте. **23** И сотвориша тако сынове Вениамиини, и пояса жены по числу своему от пляшущих, яже восхитиша: и отидоша и возвратиша в наследие свое, и создаша грады и вселиша в них. **24** И отидоша оттуду сынове Израилевы в то время, муж во племя свое и в род свой: и изыде оттуду муж в наследие свое. **25** И в тя дни не бяше царя во Израили: муж еже угодно пред очима его, творяше.

Книга Руфи

1 И бысть внема судяху судии, бысть глад на земли. И иде муж от Вифлеема Иудина обитати в селе Моавли, сам и жена его, и два сыны его: 2 имя же мужеви Елимелех, имя же жене его Ноемминь и имя двема сынома его Маалон и Хелеон, Ефрафейстии от Вифлеема Иудина. И приидоша в село Моавле, и беша тамо. 3 И умре Елимелех муж Ноемминин, и осталася она и оба сыны ея: 4 и пояста себе жены Моавитския: имя единей Орфа и имя второй Руфь: и жиша тамо до десяти лет. 5 И умрости оба сыны ея, Маалон и Хелеон, и осталася жена от мужа своего и от обоих сынов ея. 6 И воста она и обе снохи ея, и возвратиша с села Моавля: зане услыша на селе Моавли, яко присети Господь людий Своих дати им хлебы. 7 И отиде от места, идже бе, она и обе снохи ея с нею, и идяху в путь возвратитися в землю Иудину. 8 И рече Ноемминь обема снохама своима: идите убо, возвратитеся каяждо в дом отца своего: да сотворит Господь с вами милость, якоже сотвористе со умершими и со мною: 9 да даст Господь Бог вам обрести покой коеиждо в дому мужа своего. И целова я: они же воздвигоша гласы своя и плакашася, 10 и рекоша ей: ни, но идем с тобою в люди твоя. 11 И рече Ноемминь: обратитеся убо, дщери мои, вскую идете со мною? Или еще мне сынове во утробе моей, и будут вам мужи? 12 Возвратитеся убо, дщери мои и отидите, яко состарехся, и не буду мужу: аще же бых и рекла, яко у мене есть надежда, да буду мужу и рожду сыны, 13 вы ли пождете их, дондеже возрастут? И вы ли удержитеся, да не будете иному мужу? Ни, дщери мои, яко горько бысть мне паче вас, яко изыде на мя рука Господня. 14 И воздвигоша гласы своя, и плакаша паки. И целова Орфа свекровь свою, и возвратиша в люди своя, Руфь же последова ей. 15 И рече Ноемминь к Руфе: се, возвратиша ятровь твоя к людем своим и к богом своим, возвратиша убо и ты вслед ятрове своея. 16 И рече Руфь: не срящи мене то, еже оставити тебе или обратитися мне от тебе, но идже идеши ты, и аз пойду, и идже водворишися ты, водворюся и аз: людие твои людие мои, и Бог твой Бог мой: 17 и идже аще умреши, умру и тамо погребуся: тако да сотворит мне Господь, и сия да приложит, яко смерть разлучит между мною и тобою. 18 Видевши же Ноемминь, яко укрепися она ити с нею, умолче глаголати к ней ктому. 19 Идосте же обе, дондеже приидосте в Вифлеем. И бысть егда приидосте они в Вифлеем, и возгласи весь град о них, и рекоша:

еда сия есть Ноемминь? 20 И рече к ним: не зовите убо мене Ноемминь, но зовите мене Горька: яко исполни мя горести Вседержитель зело: 21 аз исполнъ отидох, и ныне тщу мя возврати Господь: и вскую мя нарищаете Ноемминь, Господь смири мя и Вседержитель озлоби мя? 22 И возвратися Ноемминь и Руфь Моавитина сноха ея с нею, обращающыся с села Моавля: и приидосте в Вифлеем в начале жатвы ячменя.

2 И бе муж знаемый мужу Ноемминю: муж же силен от рода Елимелехова, имя же ему Вооз. 2 И рече Руфь Моавитина к Ноеммини: да иду убо на ниву и соберу класы вследствующи, идже аще обрящу благодать пред очима его. Рече же ей: иди, дщи (моя). 3 И иде, и пришедши собираше на ниве вследствующи жателем: и прииде по случаю в часть нивы Воозовы, иже от сродства Елимелехова. 4 И се, Вооз прииде от Вифлеема и рече жнущым: Господь с вами. И реша ему: да благословит тя Господь. 5 И рече Вооз отроку своему стоящему над жателем: чия отроковица сия? 6 И отвеша отрок стояй над жнущими, и рече: отроковица Моавитина есть, пришедшая с Ноемминою от села Моавля: 7 и рече: да соберу ныне и сложу в снопех по следу жнущих: и прииде, и ста от утра даже и до вечера, и ни мало почи на ниве. 8 И рече Вооз к Руфе: слыши, дщи, не ходи собирати на ниву ину, и ты да не отидеш отсюду: но зде прилепися ко отроковицам моим, 9 и очи твои да будут на ниве, идже жнут, и да ходиши вслед их: се, заповедах отроком не коснуться тебе: и егда возкаждеш, и да идеш к сосудом, и пиеши отнюдже черплют отроцы. 10 И паде (отроковица) ниц и поклонися до земли, и рече ему: что яко обретох благодать пред очима твоими, еже познати мя, аз же есмь странна? 11 И отвеша Вооз и рече к ней: возвещением возвестися мне, елика сотворила еси со свекровию твою по умертвии мужа твоего, и како оставила еси отца твоего и матерь твою и землю рождения твоего, и пришла еси в люди, ихже не ведала отчера и третияго дне: 12 да воздаст Господь дело твое, и да будет мзда твоя исполнъ от Господа Бога Израилева, к Немуже пришла еси уповати под крилома Его. 13 Она же рече: обретох благодать пред очима твоими, господине мой, яко утешил мя еси, и яко глаголал еси в сердце рабы твоей, и се, аз буду яко едини от рабынъ твоих. 14 И рече ей Вооз: уже час ясти, приближися убо семо, да яси хлеб мой, и омочи укрух твой во оцет. И сяде Руфь от страны жателей: и подаде ей Вооз пряжмо, и яде и насытися, и оста: 15 и воста собирати. И заповеда

Вооз отроком своим, глаголя: среде снопов да собирает, и не посрдите ю: 16 и носяще носите ей, и отлагающе отлагайте ей от снопов, и оставите ю собирати и ясти, и не возвращайте ей. 17 И собира до вечера на ниве, и измлати еже собра, и бысть яко ифи мера ячменя: 18 и взя, и прииде во град. И виде свекровь ея еже собра: и иземши Руфь от недр своих, даде свекрови своей, еже оставила, от нихже насытился. 19 И рече к ней свекровь ея: где еси собирала днесъ, и где работала? Да будет благословен познавый тя. И поведа Руфь свекрови своей, где работала, и рече: имя мужу Вооз, у негоже работах днесъ. 20 Рече же Ноемминь снохе своей: благословен есть Господем, яко не оставил милости своея с живыми и со умершими. И рече ей Ноемминь: ужик есть нам муж той, и есть от ужик наших. 21 И рече Руфь ко свекрови своей: и мне убо рече: ко отроковицам моим пристани, дондеже скончают всю жатву, яже есть мне. 22 И рече Ноемминь к Руфе снохе своей: благо, дщи, яко ходила еси со отроковицами его, и не сопротивялся тебе на иной ниве. 23 И приста Руфь ко отроковицам Воозовым собирати (класы), дондеже скончася жатва ячменя и пшеницы: и седе со свекровию своею.

3 Рече же ей Ноемминь свекровь ея: дщи (моя), не поищу ли тебе покоя, да благо ти будет? 2 И ныне Вооз не ужик ли нам, идеже со отроковицами его была еси? Се, той веет на гумне ячмень сея нощи: 3 ты же измыся, и помасти лицо твое, и облецься в ризы твоя (светлья), и изыди на гумно: не явися мужу, дондеже скончает ясти и пити: 4 и будет внегда уснути ему, и познаеши место, где ляжет, тамо да видиши, и открыши у ног его, и ляжеш: и той повесть тебе, яже имаша творити. 5 И рече Руфь к ней: вся елика речеши мне, сотворю. 6 И иде на гумно, и сотвори по всему, елика заповеда ей свекровь ея. 7 И яде Вооз и пи, и возблажа сердце его, и иде спати со страны стога: она же прииде втай, и открыя же у ног его, и ляже. 8 И бысть в полуночи, ужасеся муж и возмаятесь, и се, жена лежит у ног его: 9 и рече (ей Вооз): кто еси ты? Она же рече: аз есмь Руфь раба твоя, да возложиши крило твое на рабу твоя, яко ужик ты еси. 10 И рече Вооз: благословена ты Господем Богом, дщи, яко разблажила еси милость твою последнюю паче первыя, еже не ити тебе вслед юнот, аще убог, аще богат: 11 и ныне, дщи, не бойся: вся елика речеши, сотворю тебе: весть бо все племя людий моих, яко жена силы ты еси: 12 и ныне поистинне ужик есмь аз: но еще есть ужик ближший мене: 13 прележи сию нощь, и будет заутра аще

приимет тя, то благо: да поймет: аще ли не восхощет пойти тебе, то поиму тя аз, жив Господь: прележи до заутрия. 14 И лежа у ног его до заутрия: она же воста, прежде неже познати мужу подруга своего. И рече Вооз: да не уверяся, яко приходила жена на гумно. 15 И рече ей: принеси покрывало еже на тебе, и держи е. Она же держа е, и намери ей шесть мер ячменя, и заде ей: и иде во град. 16 И прииде Руфь ко свекрови своей. Она же рече ей: что есть, дщи? И поведа ей вся, елика сотвори ей муж. 17 И рече ей: шесть мер сих ячменя даде ми, глагола бо ко мне: да не идеши тища ко свекрови своей. 18 Она же рече: седи, дщи, дондеже увеси, како падет слово: не умолчит бо муж, дондеже совершится слово днесъ.

4 И Вооз прииде ко вратом и седе тамо: и се, ужик мимоидяше, о немже глагола Вооз. И рече ему Вооз: уклонився сяди зде. Он же уклонися и седе. 2 И пой Вооз десять мужей от старейшин града, и рече: сядите зде. И седоша. 3 И рече Вооз ужiku: часть села, яже есть брата нашего Елимелеха, яже дадеся Ноеммине возвратившейся от села Моавля: 4 аз же рекох: явлю тебе сие во ухо твое, глаголя, пристяжи пред седящими и пред старейшинами людий моих: и аще ужичествуеши, ужичествуй: аще же не ужичествуеши, повеждь ми, да ведаю: яко несть разве тебе еже ужичествовати ближший, и аз есмь по тебе. Он же рече: аз есмь, ужичествую. 5 И рече Вооз: в день в онъже пристяжеш село от руки Ноеммини, и от Руфы Моавитянны жены умершаго, и сию достоити ти пойти, да возставиши имя умершаго в наследие его. 6 И рече ужик: не возможу ужичествовати себе, да не разыплю наследия моего: ужичествуй себе ты ужичество мое, аз бо не возможу ужичествовати. 7 И сие управление бысть прежде во Израили о ужичествовании и о пременении, еже укрепити всякое слово: и изуваше муж сапог свой, и даяше подругу своему ужичествующу ужичество его: и сие бяше свидетельство во Израили. 8 И рече ужик Воозу: пристяжи себе ужичество мое. И изув сапог свой, даде ему. 9 И рече Вооз старейшинам и всем людем: свидетеле вы днесъ, яко пристяжах днесъ вся, яже Елимелехова, и вся елика суть Хеленова и Маалонова, от руки Ноеммини: 10 кесему же Руфь Моавитянну жену Маалону поемлю себе в жену возставити имя умершаго в наследие его, да не погибнет имя умершаго от братии его и от племене людий его: свидетеле вы днесъ. 11 И отвещаша вси людие иже у врат: свидетеле есмы. И старейшины решаша да даст Господь жене твоей, входящей в дом твой, якоже

Рахили и яко Лии, яже создаша обе дом Израилев, и створиша силу во Ефрафе, и будет имя в Вифлееме: 12 и буди дом твой якоже дом Фаресов, егоже роди Фамарь Иуде, от семене твоего даст тебе Господь от рабы сея чада. 13 И пой Boоз Руфъ, и бысть ему жена, и вниде к ней: и даде ей Господь зачати, и роди сына. 14 И рекоша жены к Ноеммине: благословен Господь, Иже не разсыпа ужика твоего днесъ, и прозовется имя твое во Израили, 15 и будет тебе во обращающаго душу и в прекормление старости твоя, яко сноха твоя, возлюбившая тебе, роди сына, яже есть блага тебе паче седми сынов. 16 И взя Ноемминь отроча, и положи е на лоне своем, и бысть ему кормилица. 17 И прозваша соседи имя его, глаголюще: родися сын Ноеммине. И нарекоша имя ему Овид: сей есть отец Иессея, отца Давидова. 18 И сия родства Фаресова: Фарес роди Есрому: 19 Есрому же роди Арама: Арам же роди Аминадава: 20 Аминадав же роди Наассона: Наассон же роди Салмона: 21 Салмон же роди Вооза: Вооз же роди Овида: 22 Овид же роди Иессея: Иессей же роди Давида.

Первая книга Царств

1 И бысть человек от Армафем Сифы, от горы Ефремли, и имя ему Елкана сын Иеремииль, сына Илиина, сына Фокеля в Насиве от Армафема от горы Ефремли: 2 и сему две жены (быша): имя единей Анна и имя второй Феннана: и бяху Феннане дети, Анне же не бяше отрочате. 3 И восходаше человек от дне до дне из града своего Армафема покланятися и жрети Господу Богу Саваофу в Силом. И тамо бе Илий и два сына его Офни и Финеес, жерцы Господни. 4 И бысть день, и пожре Елкана и даде Феннане жене своей и сыном ея и дщерем ея части: 5 Анне же даде часть едину, яко не бе ей чада, обаче Анну любляше Елкана паче Феннаны. И Господъ затвори ложесна ея: 6 занеже не даде ей Господъ чада по скорби ея и по сетованию оскорблении ея, и сетоваше сего ради, яко затвори Господъ утробу ея не дати ей чада. 7 Тако творяше от года до года, внегда приходити ей в дом Господень: (уокряше ея тако,) и сетоваше, и плакаше, и не ядяше. 8 И рече ей Елкана муж ея: Анна. И рече ему: се, аз, господи. И рече ей: что ти есть, яко плачешься? И почто не яси? И почто биеши сердце твое? Несмь ли аз тебе добре паче десяти чад? 9 И воставши Анна по ядении их в Силоме, и ста пред Господем. Илий же жрец седяше на престоле, при празе двери храма Господня. 10 И та умиленна душою, и помолися Господу и плачущи проплака, 11 и обеща обет Господу, глаголющи: Адонаи Господи Елои Саваоф, аще призирая призриши на смиренне рабы Твоей и помянеши мя, и даси рабе Твоей семя мужеско, то дам е пред Тобою в дар до дне смерти его: и вина и пиянственаго не испиет, и железо не взыдёт на главу его. 12 И бысть егда умножи молящися пред Господем, Илий же жрец смотряше на уста ея. 13 И та глаголаше в сердцы своем, токмо устне ея двизастеся, а глас ея не слышашеся: и мняше ю Илий пияну сущу. 14 И рече ей Илий: доколе пияна будеш? Отими вино твое и иди от места Господня. 15 И отвеша Анна и рече: ни, господи: жена в жесток день аз есмь, вина и пиянства не пих, но изливаю пред Господем душу мою: 16 не даждь рабы твоей во дщерь погибели, яко от множества глумления моего и от множества сетования моего истаях даже доселе. 17 И отвеша Илий и рече к ней: иди с миром, Бог Израилев да даст ти все прошение твое, еже просила еси от Него. 18 И рече Анна: обрете раба твоя благодать пред очима твоими. И иде жена в путь свой, и вниде во обитель свою, и яде с мужем своим и пи, и лице ея не испаде ктому. 19 И утреневаша заутра,

и поклониша Господу, и идоша путем своим. И вниде Елкана в дом свой во Армафем и позна Елкана жену свою Анну: и помяне ю Господь, и зачат. 20 И бысть во время дний, и роди Анна сына и нарече имя ему Самуил: и рече: яко от Господа Бога Саваофа испросих его. 21 И взыде человек Елкана и весь дом его в Силом пожрети жертву дний и обеты своя и вся десятины земли своея. 22 Анна же не взыде с ним, яко рече мужеви своему: дондеже взыдёт отроча, и аще отдоу е, тогда явится лицу Господню и пребудет тамо до века. 23 И рече ей Елкана муж ея: твори благое пред очима твоими, седи дондеже отдоши е: но да утвердит Господь (слово твое), изшедшее из уст твоих. И седе жена, и млеком питаše сына своего, дондеже отдои его. 24 И взыде с ним в Силом, егда отдои его, с телцем трилетним и с хлебы и со ефи муки пшеничны и мехом вина: и внидоша в дом Господень в Силом, и отроча с ними. 25 И приведоша е пред Господа: и закла отец его жертву, юже творяше от дний на дни Господеви: и приведоша отроча, и закла телца. И приведе Анна мати отроча ко Илию 26 и рече: во мне, господи, да живет душа твоя, господине мой, аз жена стоявшая пред тобою, о сем помолитися Господу: 27 о отрочати сем молихся, и даде ми Господъ прошение мое, еже просих у Него: 28 и аз отдаю е Господеви во вся дни живота его на служение Господеви. И поклониша тато Господеви.

2 И помолися Анна и рече: утвердися сердце мое в Господе, вознесся рог мой в Бозе моем, разшириша уста моя на враги моя, возвеселихся о спасении Твоем: 2 яко несть свят яко Господъ, и несть праведен яко Бог наш, и несть свят паче Тебе: 3 не хвалитеся и не глаголите высокая в гордыни, ниже да изыдет велеречие из уст ваших: яко Бог разумов Господъ, и Бог уготовляй начинания Своя: 4 лук сильных изнеможе, и немоществующи препоясашася силою: 5 исполненний хлеба лишишася, и алчущиши пришелствоваша землю: яко неплоды роди седьмь, и многая в чадех изнеможе: 6 Господъ мертвят и живит, низводит во ад и возводит, (Sheol h7585) 7 Господъ убожит и богатит, смиряет и высит, 8 возставляет от земли убога и от гноища воздвигает нища посадити его с могущими людий, и престол славы дая в наследие им: 9 даяй молитву молящемуся и благослови лета праведнаго, яко не в крепости силен муж: 10 Господъ немощна сотвори сопостата Его, Господъ свят: да не хвалится премудрый премудростю своею, и да не хвалится сильный силою своею, и да не хвалится богатый

богатством своим: но о сем да хвалится хваляйся, еже разумети и знати Господа, и творити суд и правду посреде земли: Господь взыде на небеса и возгрече: той судит концем земли, праведен сый, и даст крепость царем нашим и вознесет рог христа Своего. 11 И оставилша его тамо пред Господем и отидаша во Армафем в дом свой: отроча же бе служа лицу Господню пред лицем Илии жерца. 12 Сынове же Илии жерца (быша) сынове погибелни, не ведуще Господа, 13 ни оправдания жреческа пред людьми всеми жрущими. И приходжаše отрок жреческ, егда варялся мяса, и удица трезубна в руку его, 14 и влагаше ю в коноб великий, или в медяный сосуд, или горнец, и все еже вонзеся на удицу, взимаше е себе жрец: и тако творяху всему Израилеви приходящему пожрети Господеви в Силоме. 15 И преждеаждения туха, приходжаše отрок жреческ и глаголаше мужеви жрущему: даждь мяса испещи жерцу, и не возму от тебе мяса варенаго от коноба. 16 И глаголаше муж жреческ: да покадится первее тук, якоже подобает, и тогда возмеши себе от всех, еже хощет душа твоя. И рече: ни, ныне даждь: аще же не даси, возму силою. 17 И бе пред Господем грех отроков велий зело, яко отметаху жертву Господню. 18 И Самуил бе служа пред Господем, отрочищъ сый опоясан во ефуд льянъ. 19 И хламиду малу сотвори ему мати его, и приношаše ему от дний во дни, егда восходжаše с мужем своим пожрети жертву дний. 20 И благослови Илий Елкану и жену его, глаголя: да воздаст ти Господь семя от жены сея за дар, егоже даровал еси Господеви. И отиде человек в место свое. 21 И посети Господь Бог Анну, и зача, и роди еще три сыны и дщери две. И возвеличился отрок Самуил пред Господем. 22 Илий же состареся зело: и услыша, яже творяху сынове его всем сыном Израилевым, и яко бываху с женами предстоящими у дверий скинии свидения, 23 и рече им: почто творите по глаголу сему, егоже аз слышу из уст всех людей Господних (о вас)? 24 Ни, чада, ни: яко не благ слух, егоже аз слышу о вас: не творите тако, яко не добры слухи, яже аз слышу, еже не работати людем Богу: 25 аще согрешая согрешит муж мужеви, помолятся о нем ко Господу: аще же Господеви согрешит, кто помолится о нем? И не послушаста гласа отца своего, яко хотяй восхоте Господь погубити я. 26 Отрок же Самуил хождаше предупспевая, и бе благ пред Господем и человеки. 27 И прииде человек Божий ко Илию и рече: сия глаголет Господь: открываяся открыхся в дому отца твоего, сущым им в земли Египетстей рабом в дому фараони, 28 и избрах дом отца твоего от всех домов

Израилевых Мне служити, еже восходити ко олтарю Моему и кадити кадилом и носити ефуд, и дах дому отца твоего вся, яже огня жертвенная сынов Израилевых, в снедь: 29 и почто ты воззрел еси на фимиам Мой и на жертву Мою безстудным оком, и прославил сыны твоя паче Мене, еже благословляти начаток всякия жертвы Израилевы предо Мною? 30 Сего ради сия глаголет Господь Бог Израилев, глаголя: рекох, дом твой и дом отца твоего прейдет предо Мною до века: а ныне глаголет Господь: никакоже Мне, зане токмо прославляющя Мя прославлю, и уничижай Мя безчестен будет: 31 се, дни идут, и потреблю семя твое и семя дому отца твоего, и не будет старца в дому твоем во вся дни, 32 и узриши державу Мою во всех, имиже разблажает Израиля, и не будет старца в дому твоем во вся дни: 33 и мужа не истреблю тебе от олтаря Моего, во еже оскудеть очесем его и истаяти души его: и вси прочии дому твоего падут оружием мужеским: 34 и сие тебе знамение, еже приидет на оба сына твоя сия Офни и Финееса: в день един умрут оба: 35 и возставлю Себе жерца верна, иже вся яже в сердцы Моем и яже в души Моей сотворит, и созижду ему дом верен, и предидет пред христом Моим во вся дни: 36 и будет всяк оставшийся в дому твоем приидет поклонитися ему с цатою сребра и хлебом единственным, глаголя: приими мя к единому от священнослужений твоих, еже ясти хлеб.

3 И отрочищъ Самуил бе служа Господеви пред Илием иереем, и глаголгол Господень бе честен в тиа дни, не бе видение посылаемо. 2 И бысть в день он, и Илий спаше на месте своем, и очи его начаста тяжце быти, и не можаше зрити: 3 и прежде неже угас светилник Божий, и Самуил спаше в церкви Господни, идже кивот Божий, 4 и воззва Господь: Самуиле, Самуиле. И рече: се, аз. 5 И тече ко Илию и рече: се, аз, яко звал мя еси. И рече (Илий): не звах тебе, возвратися и спи. И возвратися и спа. 6 И приложи Господь и воззва еще: Самуиле, Самуиле. И воста Самуил и иде ко Илию вторицею, и рече: се, аз, яко звал мя еси. И рече: не звах тебе, чадо мое, возвратися, спи. 7 Самуил же в то время еще не познаваше Бога, прежде откровения ему гласа Господня. 8 И приложи Господь призвати Самуила третицею: и востав, и иде ко Илию и рече: се, аз, яко звал мя еси. И разуме Илий, яко Господь призывает отрочища, и рече: возвратися и спи, чадо: 9 и будет аще воззовет тя Зовыи, и речеш: глаголи, Господи, яко слышит раб Твой. И иде Самуил, и спа на месте своем.

10 И прииде Господь и ста и возвза его якоже первое и второе: Самуиле, Самуиле. И рече Самуил: глаголи (Господи), яко слышит раб Твой. 11 И рече Господь к Самуилу: се, Аз творю глаголголы Моя во Израили, яко всякому слышащему сия пошумит во обоих ушесех его: 12 в день той воздвигну на Илия вся, елика глаголах на дом его: начну и скончаю: 13 и возвестих ему, яко отмущу Аз на доме его до века в неправдах сынов его, о нихже ведяще, яко злословица Бога сынове его, и не наказа их: 14 и сего ради кляхся дому Илиину, яко не очистится неправда дому Илиина в кадилах и жертвах его до века. 15 И спа Самуил до утра, и утренева заутра, и отверзе двери храма Господня. Самуил же убося поведати видения Илию. 16 И рече Илий к Самуилу: Самуиле чадо. И рече: се, аз. 17 И рече (Илий): что глаголгол глаголголанный к тебе? Не скрый убо от мене: сия да сотворит тебе Бог и сия да приложит, аще уташи от мене слово от всех словес глаголголанных к тебе во ушеса твоя. 18 И поведа Самуил Илию вся словеса, и не утаи от него (ни единаго глаголгола). И рече Илий: Господь Сам, еже благо пред Ним, да сотворит. 19 И возвеличен бысть Самуил, и Господь бе с ним, и не паде от всех словес его на земли (ни един глагол). 20 И разумеша вси Израилтяне от Даны даже и до Вирсавии, яко верен Самуил Господу во пророцех. 21 И приложи Господь явитися в Силоме, яви бо Ся Господь Самуилу: и уверися Самуил пророк быти Господеви во всем Израили, от конца до конца земли. Илий же состареся зело, и сынове его ходяще хождаху, и лукав путь их пред Господем.

4 И бысть во дни оны, и собирахася иноплеменници противу Израиля на брань: и изыде Израиль во сретение им на брань, и ополчишася во Авенезере, и иноплеменници ополчишася во Афеце: 2 и сразиша иноплеменници на брани со Израилтяны, и преклонися брань, и падоша мужи Израилевы пред иноплеменники, и убиени быша в брани на селе четыри тысящи мужей. 3 И придоша людие в полк, и реша старейшины Израилевы: почто порази нас Господь днес пред иноплеменники? Возмем кивот Бога нашего от Силома, и изыдет посреде нас и спасет ны от руки враг наших. 4 И послаша людие в Силом, и взяша оттуду кивот Господа седящаго на херувимех: и (быша) тамо оба сына Илиина с кивотом Божиим, Офни и Финеес. 5 И бысть егда прииде кивот Господень в полк, и возопи весь Израиль гласом великим, и возшуме земля. 6 И услышаша иноплеменници глас вопля и реша: что сей вопль великий в полце Еврейстя?

И уразумеша, яко кивот Господень прииде в полк. 7 И убояшася иноплеменници и реша: сии бози придоша к нам в полк: горе нам, изми ны, Господи, днес: яко не бысть тако вчера и третияго дне: 8 горе нам, кто ны измет от руки богов крепких сих? Сии суть бози, побивши Египта всякими язвами и в пустыни: 9 укрепитеся и будите в мужы, иноплеменници, яко да не поработаете Евреом, якоже поработаша нам, будите убо в мужы и бийтесь с ними. 10 И биша с ними: и падоша мужи Израилевы пред иноплеменники, и побеже кийждо в селение свое, и бысть язва велика зело: и паде от Израиля тридесять тысяч чинов: 11 и кивот Божий взят бысть, и оба сыны Илиини умроша, Офни и Финеес. 12 И тече муж от брани Иеминей, и прииде в Силом в день он, и ризы своя растерзав, и перстъ бе на главе его. 13 И прииде, и се, Илий седяще на престоле своем у дверий, смотря на путь, яко бе сердце его во ужасе (велице) о кивоте Божии. И человек вниде во град возвещая: и возопи весь град гласом великим: 14 и слыша Илий глас вопля и рече: что есть глас вопля сего? И человек потщався вниде и поведа Илию. 15 И бе Илий девятидесяти осми лет, и очи его изнемогоста, и не видяше. 16 И рече Илий мужем предстоящым себе: что глас вопля сего? И муж потщався вниде ко Илию и рече ему: аз есмь пришедый из полка, и аз прибехах от брани днес. И рече Илий: что бывши глагол, чадо? 17 И отвеща отроища и рече: побежаша мужи Израилевы от лица иноплеменников, и язва велия бысть в людех, и оба сыны твоя умроша, и кивот Божий взят есть. 18 И бысть егда помяну о кивоте Божии, и паде (Илий) с престола знак близ дверий, и сокрушился хребет его, и умре, яко стар бе человек и тяжек: и той суди Израилеви четыредесять лет. 19 И сноха его жена Финеесова заченшая родити, и слыша весть, яко взят бысть кивот Божий и яко умре свекор ея и муж ея, и восплакася (горько), и роди, яко обратиша на ню болезни ея. 20 И во время, всегда умираше, реше ей жены предстоящая ей: не бойся, яко сына родила еси. И не отвеща, и не разуме сердце ея. 21 И нарече отроища Уехавоф: и реша о кивоте Божии и о свекре ея и о мужи ея: преселися слава от Израиля, яко взяты кивот Господень, и яко умре свекор ея и муж ея. 22 И рече: преселися слава Израилева, яко взят бысть кивот Божий.

5 И взяша иноплеменници кивот Божий и изнесоша его от Авенезера во Азот: 2 и взяша иноплеменници кивот Господень и внесоша его в храм Дагонов, и поставиша

его близ Дагона. 3 И обутреневаша Азотяне наутрие и внидоша в храм Дагонов: и увидеша, и се, Дагон паде на землю на лице свое пред кивотом Божиим. И воздвигоша Дагона, и поставиша его на месте своем. 4 И бысть егда восташа заутра, и се, Дагон лежаше лицем на земли пред кивотом завета Господня: глава же Дагонова и обе плесне ног его отяты на празе особо каяждо, и обе длани рук его лежаше при дверех, точию труп Дагонов остался. 5 Того ради не вступают жерцы Дагоновы и вси входящии в храм Дагонов на прагу дому Дагонова во Азоте даже до дне сего: яко преступающе преступают. 6 И отяготе рука Господня на Азоте, и наведе на них, и воскипе им на седалищах их, во Азоте и в пределех Его, и посреде страны его умножиша мыши: и бысть смущение смерти велико во граде. 7 И видеша мужие Азотстии, яко тако (бысть), и глаголаша: яко не пребудет кивот Бога Израилева с нами, яко жестока рука Его на ны и на Дагона бога нашего. 8 И пославше собраша воевод иноплеменничих к себе и глаголаша: что сотворим кивоту Бога Израилева? И реша Гефее: да прейдет кивот Бога Израилева к нам в Геф. И прейде кивот Бога Израилева в Геф. 9 И бысть по прешествии его, и бысть рука Господня на граде, мятеж велий зело: и порази мужы града от мала до велика, и порази их на седалищах их. И сотвориша Гефее себе седалища (злата), 10 и отпустиша кивот Божий во Аскalon. И бысть егда вниде кивот Бога Израилева во Аскalon, и возопиша Аскалоняне глаголюще: что возвратисте кивот Бога Израилева к нам, уморити ны и люди наша? 11 И послаша и собраша вся воеводы иноплеменничии и реша: отпустите кивот Бога Израилева, и да поставится на месте своем, и да не уморит нас и людий наших. Яко бысть мятеж смерти во всем граде тяжек зело, егда вниде кивот Бога Израилева тамо. 12 И живущии и не умершии уязвишася на седалищах, и взыде вопль града до небесе.

6 И бе кивот Господень на селе иноплеменников седьмь месяц: и воскипе земля их мышами. 2 И призываша иноплеменницы жерцев и волхвов и обаянников своих, глаголюще: что сотворим кивоту Господню? Скажите нам, како послем его на место его? 3 И реша: аще отпущаете вы кивот завета Господа Бога Израилева, да не послете его тща, но отдающе отадите Ему за муки (дары), и тогда исцелитеся, и умилостивится вам: еда ли не отступит рука Его от вас? 4 И глаголаша: что Ему за муки отадим? И реша: по числу воевод и иноплеменничих пять седалищ

златых и пять мышей златых, яко прегрешения в вас и в князех ваших и в людех: 5 и сотворите подобие седалищ ваших и подобие мышей ваших, раствлающих землю, и воздадите славу Богу (Израилеву), яко да облегчит руку Свою от вас и от богов ваших и от земли вашея: 6 и почто отягощаете сердца ваша, якоже отягчи Египет и фараон сердце свое? Не егда ли поругася им, отпусти их, и отидаша? 7 И ныне возмите и сотворите колесницу нову едину и две кравы первородившия без телят, на нихже не бяше ярмо: и впрязите кравы в колесницу, а телята их возвратите вспять в дом: 8 и возмите кивот Господень, и возложите и на колесницу, и сосуды златые отадите Ему за муки, и положите в ковчежце от страны его: и отпустите его, да идет: 9 и узрите, аще путем пределов своих пойдет в Вефсамис, той сотвори нам зло велико сие: аще же ни, то уразумеем, яко не рука его прикоснуся нас, но приключение сие бысть нам. 10 И сотвориша иноплеменницы тако, и взяша две кравы первородившия, и впрягоща я в колесницу, телята же их затвориша в доме: 11 и возложиша кивот Господень на колесницу, и ковчежец, и мыши златыя, и подобия седалищ своих: 12 и управиша кравы на пути в путь Вефсамский, на пути имже идяху, и труждахуся, и не совращауся на десно, ниже на шуе: и воеводы иноплеменничи идяху вслед его даже до предел Вефсамских. 13 И иже в Вефсамисе жняху жатву пшеницы во юдоли: и возведоша очи свои, и видеша кивот Господень, и возвеселиша во сретение ему. 14 И колесница вниде в село Осиево сущее в Вефсамисе, (и ста тамо,) и поставиша тамо при нем камень велий: и иссекоша древеса колесничная, и кравы вознесоша на всесожжение Господу. 15 Левити же вознесоша кивот Господень, и ковчежец иже с ним, и яже в нем сосуды златы, и положиша на камени велицием: мужие же Вефсамстии вознесоша всесожжения и пожроша жертву в той день Господу. 16 И пять воевод иноплеменничи зряху, и возвратишася во Аккарон в день той. 17 И сия седалища златая, яже воздаша иноплеменницы за муку Господу: Азотско едино, Газско едино, Аскалонско едино, Гефско едино, Аккаронско едино. 18 И златыя мыши по числу всех градов иноплеменничих пяти воевод, от града утвержена и даже до веси ферезеовы и до камене великаго, на немже положиша кивот завета Господня, иже есть даже до сего дне, на селе Осиеве Вефсамиситянина. 19 И не порадовашася сынове Иехониины в мужех Вефсамских, яко видеша кивот Господень: и уби в них пятьдесят тысящ и седмъдесят мужей. И плакашася

людие, яко порази Господъ людий язвою великою зело. 20 И реша мужие иже от Вефсамиса: кто возможет пойти пред Господем Богом святым сим? И к кому взыдет кивот завета Господня от нас? 21 И послала послы к живущим в Кариафиариме, глаголюще: возвратиша иноплеменницы кивот Господень, снидите и вознесите его к себе.

7 И придиша мужие Кариафиаримстии и взяша кивот завета Господня, и внесоша его в дом Аминадавль иже на холме: и Елеазара сына его освятиша сохраняти кивот завета Господня. 2 И бысть от негоже дне бе кивот в Кариафиариме, умножиша дние, и быти двадесять лет: и воззре весь дом Израилев вслед Господа. 3 И рече Самуил ко всему дому Израилеву, глаголя: аще всем сердцем вашим вы обращаетесь ко Господу, отимите боги чуждыя от среды вас, и Дубравы, и уготовайте сердца ваша ко Господу, и поработайте Ему единствому, и избавит вас от руки иноплеменнически. 4 И отвергша сынове Израилевы Ваалима и дубравы Астарофа, и поработаша Господу единствому. 5 И рече Самуил: соберите ко мне всего Израиля в Массифаф, и помолюся о вас ко Господу. 6 И собирашася людие в Массифаф, и почерпаху воду и проливаху пред Господем на землю: и постишася в той день, и реша: согрешихом пред Господем. И судяше Самуил сыны Израилевы в Массифафе. 7 И услышаша иноплеменницы, яко собирашася вси сынове Израилевы в Массифафе, и взыдоша воеводы иноплеменнически на Израиля. И слышаша сынове Израилевы и убояшася от лица иноплеменник: 8 и реша сынове Израилевы к Самуилу: не буди мне еже отступити от Господа Бога моего и не волити о вас с молением. 9 И взя Самуил ягня едино сущее, и принесе е на всесожжение со всеми людьми Господеви: и возопи Самуил ко Господу о Израиля, и послуша его Господь. 10 И бяше Самуил возносяй всесожжение, и иноплеменницы приближиша на брань на Израиля: и возгриме Господь гласом велиим в день он на иноплеменники, и смятоша и падоша пред Израилем: 11 и изыдоша мужие Израилевы от Массифафа, и погнаша иноплеменников, и биша их даже до подоля Вефхор. 12 И взя Самуил камень един и постави его между Массифафом и между Ветхим: и нарече имя ему Авенезер, сиречь камень помощи, и рече: до зде поможе нам Господь. 13 И смири Господь иноплеменники, и не приложиша ктому ити в пределы

Израилевы: и бысть рука Господня на иноплеменников во вся дни Самуиловы. 14 И отдашася грады, иихже взяша иноплеменници от сынов Израилевых, и отдаша их Израилю, от Аккарона даже до Гефа, и пределы Израиля свободиша от руки иноплеменнически: и бе мир между Израилем и между Аморреем. 15 И судяше Самуил Израилю во вся дни живота своего. 16 И хождаше от года до года, и окрест Вефиля и Галгальи и Массифафа, и суждаше Израиля во всех священных сих. 17 Бяше же ему возвращение во Армафем, яко тамо бяше дом его: и судяше тамо Израиля, и созда тамо олтарь Господеви.

8 И бысть егда состареся Самуил, и постави сыны своя судити Израилеви. 2 И сия имена сыном его: первенец Иоиль, и имя второму Авиа, судии в Вирсавии. 3 И не поидаша сынове его путем его: и уклонишаася вслед лихомания, и приемаху дары, и развращааху суды. 4 И собирашася мужие Израилевы, и придиша к Самуилу во Армафем 5 и реша ему: се, ты состарелся еси, сынове же твои не ходят по пути твоему: и ныне постави над нами царя, да судит ны, якоже и прочии языки. 6 И бысть лукав глагол пред очима Самуиловыма, яко решаша: дааждь нам царя, да судит ны. И помолися Самуил ко Господу. 7 И рече Господь Самуилу: послушай гласа людий, якоже глаголют к тебе, яко не тебе уничижиша, но Мене уничижиша, еже не царствовати Ми над ними: 8 по всем делом, яже сотвориша Ми, от негоже дне изведох их из земли Египетски до днешняго дне, и оставиша мя, и послужиша богом иным, тако тии творят и тебе: 9 и ныне послушай гласа их: обаче засвидетельствуя засвидетельствуши им и возвестиши им правду цареву, иже царствовать будет над ними. 10 И рече Самуил вся слова Господня к людем просящым от него царя, 11 и глагола (им): сие будет оправдание царево, иже царствовать имать над вами: сыны вашия возмет и поставит я колесничники своя, и на кони всадит их, и предтекущих пред колесницами его: 12 и поставит я себе сотники и тысящики и жателми жатвы своея, и оымут оыманием гроздия его, и творити орудия воинская его и орудия колесниц его: 13 и дщери вашия возмет в мироварницы и в поварницы и в хлебницы: 14 и села вашия и винограды вашия и масличины вашия благия возмет и даст рабом своим: 15 и семена вашия и винограды вашия одесятствует и даст скопцем своим и рабом своим: 16 и рабы вашия и рабыни вашия и стада вашия благая и ослы вашия отимет и одесятствует на дела своя: 17 и пажити вашия одесятствует, и вы будете ему раби: 18 и

возопиете в день он от лица царя вашего, егоже избрасте себе, и не услышит вас Господь в день он, яко вы сами избрасте себе царя. 19 И не восхотела людие послушати Самуила и реша ему: ни, но царь да будет над нами, 20 и будем и мы яко же вси языцы: и судити имать нас царь наш, и изыдет пред нами, и поборет поборением о нас. 21 И слыша Самуил вся глаголы людий и глагола я во уши Господеви. 22 И рече Господь к Самуилу: послушай гласа их, и постави им царя. И рече Самуил к мужем Израилевым: да идет кийждо вас во свой град.

9 И бе муж от сынов Вениаминовых, ему же имя Кис, сын Авиилов, сына Иаредова, сына Вахирова, сына Афекова, сына мужа Иеминеова, муж силен крепостию. 2 И сему бе сын, имя ему Саул, добровеличен, муж благ: и не бе в сынех Израилевых благ паче его, от рамен и выше высок паче всех людий. 3 И заблудиша осяля Киса отца Саулова. И рече Кис к Саулу сыну своему: возми с собою единаго от отрок, и воставше идите и поищите осяля. 4 И проиша гору Ефремлю, и проиша землю Селха, и не обретоша: и проиша землю Сегалимлю, и не бе: и проиша землю Иаминю, и не обретоша. 5 И пришедшим им в землю Сифову, и рече Саул ко отроку своему иже с ним: гряди и возвратимся, да не како отец мой оставя осяля, печется о нас. 6 И рече ему отрок: се, зде человек Божий во граде сем, и человек славен: все еже аще речет приходящим к нему, будет им: и ныне пойдем тамо, да возвестит нам путь наш, имже пойдем. 7 И рече Саул отроку своему иже с ним: се, пойдем, и что принесем к человеку Божию? Яко хлебы оскудеша от вретищ наших, и кому несть у нас, еже внести к человеку Божию от имения нашего. 8 И приложи отрок отвещати Саулу и рече: се, обретается в руце моей четвертая часть сикля сребра, и даси человеку Божию, и возвестит нам путь наш. 9 Прежде бо во Израили сице глаголаше кийждо, егда кто идяше вопрошати Бога: гряди, да идем к прозорливцу: яко пророка нарицаху людие прежде прозорливцем. 10 И рече Саул отроку своему: добр глагол твой: гряди, да идем. И идоша во град, идеже бе человек Божий. 11 Восходящим же им на восход града, и се, обретоша девиц изшедших почерпсти воды, и реша им: есть ли зде прозорливец? 12 И отвещаша им девицы, глаголюща: есть, се пред лицем вашим: ныне же потщитеся, яко дне ради грядет во град, яко жертва днесъ людем в вам: 13 и егда внидете во град, тако обрящете его во граде, прежде неже взыти ему в ваму ясти: яко не имут ясти людие, дондеже

внидет сей, яко той благословит жертву, и по сих ядят странни: и ныне взыдите, яко дне ради обрящете его. 14 И взыдоша во град. Имже входящим среди града, и се, Самуил изыде во сретение им, еже взыти в ваму. 15 И Господь откры во ухо Самуилу днем единственным прежде пришествия к нему Сауля, глаголя: 16 яко же время сие, утро послю к тебе мужа от племене Вениамина, и да помажеши его царя над людьми Моими Израилем, и спасет люди Моя от руки иноплеменничи: яко призрех на смирение людий Моих, яко взыде вопль их ко Мне. 17 И виде Самуил Саула, и Господь рече к нему: се, человек, о немже рекох ти: сей будет в людех Моих царствовать. 18 И приближися Саул к Самуилу посреде града и рече: возвести ми, который дом прозорливца. 19 И отвеща Самуил Саулу и рече: аз сам есмь: взыди предо мною в ваму, и яждь со мною днесъ, и отпущу тя заутра, и вся яже в сердцы твоем возвещу ти: 20 и о осялях твоих заблудивших днесъ третий день, не помышляй в сердцы своем о них, ибо обретоша: и кому красная Израилева? Не тебе ли и дому отца твоего? 21 И отвеща Саул и рече: не сын ли есмь аз мужа иеминеа, меньшаго скрипта племене Израилева? И племене малейшаго от всего скрипта Вениамина? И отчество мое меньшее паче всех отечеств Вениаминовых? И вскую глаголал еси ко мне по глаголу сему? 22 И поят Самуил Саула и отрока его, и введе я во обиталище, и даде им тамо место в первых званных, яко в седмидесяти мужех. 23 И рече Самуил повару: дажь ми часть, юже дах ти, и о нейже рех ти положити ю у себе. 24 И взя повар плече, и предложи е Саулови. И рече Самуил Саулу: се, избыток, предложи пред ся и яждь, яко во свидетелство предложися тебе паче иных, прикоснися. И яде Саул с Самуилом в той день. 25 И снide от вамы во град, и постлаша Саулови на горнице, и спа. 26 И бысть егда приближашеся утро, и воззва Самуил Саула на горнице, и рече: востани, и отпущу тя. И воста Саул, и изыде сам и Самуил вон. 27 Имже исходящим в часть града, и рече Самуил к Саулу: рцы юноши, да предидет пред нами: а ты стани яко же днесъ, и слышан соторю тебе глаголол Божий.

10 И взя Самуил сосуд с елеем, и возлия на главу его, и лобыза его, и рече ему: не помаза ли тебе Господь на царство людем Своим иже во Израили? И ты царствовать будеши в людех Господних, и ты спасеши я от руки враг их окрест: и сие тебе знамение, яко помаза тя Господь над наследием Своим в князя: 2

егда отидеши днесъ от мене, обрящеши два мужа при гробех Рахиличиных в пределех Вениаминых в Силоме, в Вакалафе скачущих зелно, и рекут тебе: обретоша ся ослята, ихже ходисте искати: и се, отец твой отверже глагол о ослятех и зело печется вас ради, глаголя: что соторю о сыне моем? 3 И отидеши оттуду, и далее приидеши до дубравы Фавора, и обрящеши тамо три мужа восходящыя к Богу в Вефиль, единаго ведуща трое козлят, а другаго несуща три вретища хлебов, а третияго несуща мех вина: 4 и вопросы тя яже о мире, и дадут ти два начатка хлебов, и возмеши от рук их: 5 и по сих да взыдеши на холм Божий, идже есть собрание иноплеменник, тамо начальници иноплеменничи: и будет егда внидеши тамо во град, срящеши лик пророков исходящих от вами, и пред ними свирели и тимпаны, и сопели и гусли, и тии прорицающи: 6 и снидет на тя Дух Господень, и воспрочестуешь с ними, и обратишися в мужа иного: 7 и будет егда приидут знамения сия на тя, твори вся, елика обрящет рука твоя, яко Бог с тобою: 8 и снидеши прежде мене в Галгаль, и се, аз сниду к тебе вознести всесожжение и пожрети жертвы мирны: седмъ дний пождеши, дондеже прииду к тебе, и покажу ти, что соториши. 9 И бысть внегда отвратити ему плещи своя отити от Самуила, преложи ему Бог сердце на ино. И приидша вся знамения сия в день он. 10 И взыде оттуду на холм, и се, лик пророческий противу ему: и взыде на нань Дух Божий, и прорицаше среде их. 11 И быша вси видевши его вчера и третияго дне, и видеша, и се, той посреде пророк прорицая. И реша людие кийждо ко искреннему своему: что сие бывшее сыну Кисову? Еда и Саул во пророцах? 12 И отвеша некто от них и рече: и кто отец ему? Не Кис ли? И сего ради бысть в притчу: еда и Саул во пророцах? 13 И сконча пророчествуя, и прииде оттуду на холм. 14 И рече ужик его к нему и ко отроищу его: камо ходисте? И реша: ослят искати, и видехом, яко несть их, и внидохом к Самуилу. 15 И рече ужик к Саулу: возвести ми ныне, что ти рече Самуил? 16 И рече Саул ужуку своему: вестию возвести ми, яко обретоша ся ослята. Словесе же о царстве не возвести ему, еже рече Самуил. 17 И заповеда Самуил всем людем приидти ко Господу в Массифаф. 18 И рече Самуил к сыном Израилевым: сия рече Господъ Бог Израилев, глаголя: Аз изведох отцы ваша сыны Израилевы из Египта, и изях вы от руки фараона царя Египетскаго и от всех царств оскорбляющих вы: 19 и вы днесъ уничижисте Бога вашего, Иже Сам есть спасай вы от всех зол ваших и скорбей ваших, и ресте: ни, но царя да поставиши

над нами: и ныне станите пред Господем по хоругвам вашим и по племенем вашим и по тысящам вашим. 20 И приведе Самуил вся колена Израилева, и паде жребий на хоругвь Вениамино. 21 И приведе хоругвь Вениамино по племенам, и паде жребий на племя Маттарино: и приведоша племя Маттарино по мужем, и паде жребий на Саула сына Кисова: и искаху его, и не обреташеся. 22 И вопросы Самуил еще Господа, глаголя: аще приидет семо муж еще? И рече Господъ: се, той сокрься в сосудех. 23 И тече Самуил, и взя его оттуду, и постави его посреде людий: и бысть выше всех людий, от рамен и выше. 24 И рече Самуил ко всем людем: видесте ли, егоже избра себе Господъ, яко несть подобен ему во всех вас? И познаша вси людие и реша: да живет царь. 25 И рече Самуил к людем оправдания царствия, и написа в книзе, и положи пред Господем. 26 И отпусти Самуил вся люди, и идоша кийждо во своя си, и Саул иде в дом свой в Гаваю: и идоша с ним сынове сил, ихже коснесь Господъ сердц их, с Саулом. 27 Сынове же погибелни реша: кто спасет нас, сей ли? И безчествоваша его, и не принесоша ему даров.

11 И бысть аки по месяце, и взыде Наас Аманитянин, и ополчися на Иавис Галаадский. И реша вси мужие Иависстии к Наасу аманитянину: положи нам завет, и поработаем ти. 2 И рече к ним Наас Аманитянин: сей завет положу вам, изверчу комуждо вас око десное, и положу поношение на Израиля. 3 И реша ему мужие Иависа Галаадскаго: остави нам седмъ дний, да послем вестники во вся пределы Израилевы: и аще не будет спасающаго нас, изыдем к вам. 4 И приидша вестницы в Гаваю к Саулу и поведаша словеса сия во уши людий: и воздвигша вси людие глас свой и плакаша. 5 И се, Саул прииде по заутрии от села, и рече Саул: что яко плачут людие? И поведаша ему глаголы мужей Иависских. 6 И сниде Дух Господень на Саула, егда услыша словеса сия, и разгневався на них зело: 7 и взя две кравы, и раздроби я на уды, и посла во вся пределы Израилевы руками вестников, глаголя: иже не будет идый вслед Саула и вслед Самуила, по сему соторят говядом его. И сниде ужас Господень на Израилтян, и изыдоша яко един муж. 8 И соchte их в Везеце, в ваме, и бысть всех мужей Израилтеских шесть сот тысящ, и мужей Иудиных седмъдесят тысящ. 9 И рече вестником пришедшым: сия поведите мужем Иависа Галаадскаго: заутра будет вам спасение восходящу солнцу. И приидша вестницы во град и возвестиша мужем Иависским: и возрадовашася,

10 и реша мужие Иависстии к Наасу аманитянину: утро изыдем к вам, и сотворите нам, еже благо пред очима вашими. 11 И бысть по заутрии, и Саул раздели люди на три начала: и внидоша посреде полка в стражу утреннюю, и бияху сынов Аммонитских, дондеже разогреся день: и бысть, и оставшия разбегоша ся, и не осталася ни два от них вкупе. 12 И реша людие к Самуилу: кто есть рекий, яко да Саул не воцарится над нами? Предаждь мужей, и избии их. 13 И рече Саул: да не умрет ни един в днешний день, яко днесъ сотвори Господь спасение во Израиле. 14 И рече Самуил к людем, глаголя: приидите да идем в Галгалы и обновим тамо царство. 15 И идоша вси людие в Галгалы, и помаза тамо Самуил Саула на царство пред Господем в Галгалех. И пожроша тамо жертвы и мирная пред Господем, и возвеселися тамо Саул и вси мужие Израилевы зело.

12 И рече Самуил ко всем мужем Израилевым: се, послушах гласа вашего о всех, елика ми ресте, и поставих над вами царя: 2 и се, ныне царь предходит пред вами, аз же состарехся и седети буду, и сынове мои се с вами: и аз се, ходих пред вами от юности моей и даже до днешняго дне: 3 се, аз, отвещайте на мя пред Господем и пред христом Его, еда у кого телца взях, или осля, или кого от вас насилиствовах, или кого утесних, или от руки некоего приях мзду, или обушу? Извещайте на мя, и возвращу вам. 4 И реше к Самуилу: не обидел еси нас, ниже насилиствовал еси нам, ниже утеснил еси нас, ниже взял еси от руки чиея что. 5 И рече Самуил к людем: свидетель есть Господь в вас, и свидетель христос Его днесъ в сей день, яко ничтоже обретосте в руку мою. И реше людие: свидетель. 6 И рече Самуил к людем, глаголя: свидетель Господь сотворивый Моисея и Аарона и изведый от земли Египетския отцы наша: 7 и ныне предстаните, и разсуждуся с вами пред Господем и возвещу вам вся оправдания Господня, яже сотвори вам и отцем вашим: 8 егда вниде Иаков и сынове его во Египет, и смириша их Египтяне: и возопиша отцы наши ко Господу, и послы Господь Моисея и Аарона, и изведе отцы наша из Египта и всели их на месте сем: 9 и забыша Господа Бога своего, и вдаде я в руце Сисаре архистратигу Иавина царя Асорска, и в руки иноплеменнич, и в руки царя Моавска, и воеваша их: 10 и возопиша ко Господу и реше: согрехихом, яко оставихом Господа и поработахом Ваалиму и Дубравам, и ныне изми ны от рук враг наших, и поработаем Тебе: 11 и послы Господь Иероваала и Варака и Иеффая и

Самуила, и изят вы из рук враг ваших окрестных, и обитасте уповающе: 12 и весте, яко Наас царь сынов Аммоних прииде на вы, и ресте: ни, но царь да царствует над нами: егда Господь Бог царствова над вами: 13 и се, ныне царь, егоже избрасте и егоже просисте: и се, даде Господь над вами цара: 14 аще убоитесь Господа и поработаете Ему, и послушаете гласа Его и не воспротивитесь устом Господним, и будете и вы и царь царствуй над вами вслед Господа ходяще: то рука Господня не будет на вас: 15 аще же не послушаете гласа Господня и воспротивитесь устом Господним, будет рука Господня на вас и на царя вашего: 16 и ныне станите и видите глаголгол сей великий, егоже сотворит Господь пред очима вашими: 17 несть ли жатва пшеницы днесъ? Призову Господа, и даст громы и дождь, и уразумеете и увидите, яко злоба ваша велика, юже сотвористе пред Господем, испросивше себе царя. 18 И призыва Самуил Господа, и даде Господь гром и дождь в той день: и убоявшись вси людие зело Господа и Самуила, 19 и реше вси людие к Самуилу: помолися о рабех твоих ко Господу Богу твоему, да не умрем: яко приложихом ко всем грехом нашым злобу, просяще себе царя. 20 И рече Самуил к людем: не бойтесь: вы сотвористе всю злобу сию: токмо не уклонитеся от последования Господня и поработайте Господу всем сердцем вашим, 21 и не преступите вслед ничтоже сущих, иже не пособствуют и не изумят, яко ничтоже суть: 22 понеже не отринет Господь людей Своих имени ради Своего великаго, яко кротце Господь прият вас Себе в люди: 23 и да никакоже ми согрешити Господу, оставити еже молитися о вас ко Господу, и поработаю Господеви и покажу вам путь благ и прав, 24 токмо бойтесь Господа и работайте Ему во истине и всем сердцем вашим, яко видите яже великая сотвори Господь с вами: 25 и аще злобою зло сотворите, то вы и царь ваш погибнете.

13 Сын единаго лета Саул, егда нача царствовати, и два лета царствова над Израилем. 2 И избра себе Саул три тысящи мужей от мужей Израилевых, и быша с Саулом две тысящи в Махмасе и в горе Вефили, и тысяща беша со Ионафаном в Гаваи Вениаминове: и останок людей отпусти коегождо во своя селения. 3 И порази Ионафан насила иноплеменника иже в холме. И услышаша иноплеменницы, и Саул воструби трубою во всю землю, глаголя: отвергшаяся раби. 4 И слыша весь Израиль глаголющих, яко порази Саул насила иноплеменника, и омерзе Израиль во иноплеменницах.

И собирахся людие вслед Саула в Галгалех. 5 И иноплеменници собирахся на брань на Израиля: и приодоша на Израиля тридесять тысяч колесниц и шесть тысяч конник и множество людий, яко песок иже при мори: и шедше ополчишася в Махмасе противу Вефорону на юг. 6 И видеша мужие Израилевы, яко не могоша противу стати, и скрыхася людие в вертепех и в оградех и в камениих и в пропастех и во рвах: 7 и преходяще преидоша Иордан в землю Гадову и Галаадску. И Саул бяше еще в Галгалех, и вси людие ужасошася, иже бяху с ним. 8 И ждаше седмь дний по свидетелству, яко же рече Самуил, и не прииде Самуил в Галгаль: и разсехася людие его от него. 9 И рече Саул: приведите, яко да сотворю всесожжение и мирная. И вознесе всесожжение. 10 И бысть егда соверши вознося всесожжение, и се, Самуил прииде: и Саул изыде на сретение ему благословитися им. 11 И рече Самуил: что сотворил еси? И рече Саул: видех, яко отиода людие от мене, и ты не пришел еси, яко же определил еси свидетелством дний, иноплеменници же собирахся в Махмас, 12 и рех: ныне приидут иноплеменници ко мне в Галгаль, и лица Господня не умолих: и не удержахся, и вознесох всесожжение. 13 И рече Самуил к Саулу: безумие бысть тебе, понеже не сохранил еси заповеди моя, юже заповеда ти Господь: яко ныне уготовал бы Господь царство твое во Израили до века: 14 и ныне царство твое не станет тебе, и изыщет Господь Себе человека по сердцу Своему, и повелит ему Господь властелину быти над людьми Своими, яко не сохранил еси, елика заповеда тебе Господь. 15 И воста Самуил и иде от Галгал в путь свой: и останок людий идоша вслед Саула на сретение людем ратным. Имже приходящым от Галгал в Гаваю Вениаминову, и соchte Саул люди обретшася с ним яко шесть сот мужей. 16 Саул же и Ионафан сын его и людие обретшиися с ними седоша в Гаваи Вениаминове и плакашася: иноплеменници же ополчишася в Махмасе. 17 И изыдоша губящи от села иноплеменников тремя начальы: начало едино зрящее путь Гоффера на землю Совалю: 18 и начало едино зрящее путь Вефоронъ: и начало едино зрящее путь Гаваи, клонящийся к Гаисавим пустыни. 19 И ковач железа не обреташеся во всей земли Израилеве, яко реша иноплеменници, да не сотворят Евреи меча и копия. 20 И хождаху вси сынове Израилевы в землю иноплеменничу ковати кийждо своя косы и орудия своя, и кийждо секиры своя и серпы своя. 21 И притушишася вся орудия приспевшей жатве, секиры и серпы, поправления

же има не бысть. 22 И бысть во дни брани Махмаския, и не обретеся меча и копия в руках всех людий, иже с Саулом и со Ионафаном: точию у Саула и Ионафана сына его. 23 И изыдоша от стана иноплеменнича об ону страну Махмаса.

14 И бысть во един день, и рече Ионафан сын Саулов оточищу носящему оружие его: гряди, и прейдем в мессаву иноплеменников иже на оней стране. И отцу своему не возвести сего. 2 И Саул седяше на верху холма под древом яблонным еже в Магдоне, и бяше с ним яко шесть сот мужей. 3 И Ахия сын Ахитов, брата Иохаведова, сына Финеесова, сына Илии, иерей Божий в Силоме нося ефуд: и людие не ведяха, яко отиде Ионафан. 4 Посреде же прехода, идже хотяше Ионафан прейти в стан иноплеменнич, бысть камень острый отсюда и камень острый отонуду: имя единому Васес и другому Сенна: 5 камень един стояше от севера противу Махмаса, и камень второй от юга противу Гаваи. 6 И рече Ионафан ко оточищу носящему оружие его: гряди, прейдем в мессаву необрязанных сих, негли что сотворит нам Господь, яко несть Господу не удобно спасти во многих или в малых. 7 И рече ему носяй оружие его: твори все, на неже сердце твое склоняется: се, аз с тобою есмъ, яко же сердце твое сердце мое. 8 И рече Ионафан: се, мы прейдем к мужем и явимся к ним: 9 аще сия рекут к нам: помедлите тамо, дондеже возвестим вам: то постоим сами на месте своем и не пойдем к ним: 10 аще же к нам сице рекут: взыдите к нам: то взыдем, яко предаде их Господь в руки наша: сие нам знамение (да будет). 11 И внидоста оба в мессаву иноплеменников. И глаголаша иноплеменници: се, Евреи исходят из разселин своих, идже скрыхася. 12 И отвещаша мужие мессавли ко Ионафану и к носящему оружие его, и реша: взыдите к нам, и явим вам глагол. И рече Ионафан к носящему оружие его: гряди по мне, яко предаде их Господь в руки Израилевы. 13 И взыде Ионафан (ползущь) на руках и на ногах своих, и носяй оружие его за ним. И узреща иноплеменници лицо Ионафана, и порази их: и носяй оружие его идяше вслед его. 14 И бысть язва первая, еюже порази Ионафан и носяй оружие его, яко двадесять мужей копийцами и каменовержением и кремением полевым. 15 И бысть ужас в полце и на селе: и вси людие иже в мессаве и губящи ужаснувшись, и тии не хотяху братися: и вострепета земля, и бысть ужас от Господа. 16 И видеша соглядатае Сауловы в Гаваи Вениамини, и се, полк смятеся семо и онамо. 17 И рече Саул людем сущым

с ним: разсмотрите ныне и видите, кто отиде от вас. И разсмотрши, и се, не обретеся Ионафан и носяй оружие его. 18 И рече Саул ко Ахии: принеси ефуд, яко бе кивот Божий в той день с сынми Израилевыми. 19 И бысть егда глаголаше Саул ко иерею, и шум в полце иноплеменничи ходя идше и множашеся. И рече Саул ко иерею: пригни руки твоя. 20 И изыде Саул и вси люди иже с ним, и изыдоша до сечи. И се, бысть оружие коегождо на ближняго своего, (и бысть) мяtek велик зело. 21 Но и раби, иже быша со иноплеменникои вчера и третияго дне, вшедшии в полк, обратишася и тии еже быти им со Израилтяны сущими с Саулом и со Ионафаном. 22 И вси Израилтяне скрывшиися в горе Ефремли услышаша, яко отбегоша иноплеменници: приложишася и тии вслед их на брань. 23 И спасе Господь в той день Израиля: брань же пройде даже до Вамофа: и вси люди бяху с Саулом, яко десять тысящ мужей, и бе брань разсыпана во весь град на горе Ефремли. 24 И Саул сотвори безумие велие в день той, и закля люди, глаголя: проклят человек, иже ясти будет хлеб даже до вечера, дондеже отмщу врагом моим. И не вкусиша люди вси хлеба: 25 и вся земля обедаше: и се, бяше дубрава пчелная пред лицем села: 26 и внидоша люди во пчелник, и се, исходжаху глаголюще: (яко истече мед,) и не бе возвращающаго руки своея ко устом своим, яко убояшася люди клятвы Господни. 27 Ионафан же не слышаше, егда заклинаше отец его люди: и простре конец жезла своего, иже в руку ему, и омочи его в сote медвене, и обрати руку свою во уста своя, и прозреща очи его. 28 И рече един от людей, глаголя: кленый прокля отец твой люди, глаголя: проклят человек, иже ясти будет хлеб в день сей: и изнемогоша людие. 29 И уразуме Ионафан и рече: смути отец мой землю: виждь, яко прозреща очи мои, егда вкусих мало от меда сего: 30 о, дабы яли ядуще днесь людие от корыстей врагов своих, ихже обретоша, множайшая бы днесь язва была во иноплеменницах. 31 И поразиша в день той от иноплеменников множае нежели в Махмасе: и утрудишася людие зело. 32 И устремишася людие на корысти, и пояша людие стада и буйволы и говяд: и закалаху на земли, и ядоша людие с кровию. 33 И возвестиша Саулу, глаголюще: согрешиша людие ко Господу, ядуще с кровию. И рече Саул: от гефема привалите мне семо камень велий. 34 И рече Саул: шедше к людем рцыте им: да принесет кийждо семо телца своего и кийждо овцу свою, и да заколют на камени сем, и ядите я, и не согрешайте Господу ядуще с кровию. И приведоша ноцию вси людие свое кийждо, еже имяше

в руце своей, и закалаху тамо. 35 И созда Саул тамо олтарь Господу: сей нача Саул созидати олтарь Господу. 36 И рече Саул: снидем вслед иноплеменник ноцию, и расхитим их, дондеже заря будет, и не оставим от них мужа. И реша: все еже благо пред очима твоима, твори. И рече иерей: приступим семо к Богу. 37 И вопросы Саул Бога: сниду ли вслед иноплеменников? Предаси ли их в руки Израилтян? И не отвеша ему Господь в день той. 38 И рече Саул: приведите семо вся колена Израилева, и уразумейте и увеждьте, на ком бысть грех сей днесъ, 39 яко жив Господь спасый Израиля, яко аще ответ будет на Ионафана сына моего, смертию да умрет. И не бе отвешающаго от всех людей. 40 И рече Саул всему Израилю: вы станите на едину страну, аз же и Ионафан сын мой станем на другую страну. И реша людие к Саулу: еже благо пред тобою, твори. 41 И рече Саул: Господи Боже Израилев, что яко не отвешал еси рабу Твоему днесъ? Или моя есть, или сына моего Ионафана неправда? Господи Боже Израилев, даждь знамение: и аще речеши сия, даждь ныне людем Твоим Израилю, даждь ныне преподобие. И паде жребий на Ионафана и Саула, и людие изыдоша. 42 И рече Саул: верзите жребий на мя и на Ионафана сына моего: егоже объявит Господь, смертию да умрет. И реша людие к Саулу: несть сей глагол. И преможе Саул люди, и вергоща о нем и Ионафане сыне его, и паде на Ионафана жребий. 43 И рече Саул ко Ионафану: возвести ми, что сотворил еси? И возвести ему Ионафан и рече: вкушая вкусих мало меду омочив конец жезла, иже в руку мою, и се, аз умираю. 44 И рече ему Саул: сия да сотворит ми Бог, и сия да приложит ми, яко смертию умреши днесъ. 45 И реша людие к Саулу: еда днесъ умрет сотворивый спасение сие велие во Израили? Не буди то, жив Господь, аще падет влас главы его на землю, яко милость Божию сотвори в день сей. И помолишася людие о Ионафане в день той, и не умре. 46 И не иде Саул вслед иноплеменников: иноплеменници же отидоша в место свое. 47 И Саул укрепися царствовати во Израили, и побеждаше окрест вся враги своя в Моеаве и в сынех Аммоних и в сынех Едомлих и в Вефоре и в царствии Сувани и во иноплеменницах: и аможе аще обращашеся, спасашеся. 48 И сотвори силу, и победи Амалика, и избави Израиля из руки попирающих его. 49 И беша сынове Сауловы Ионафан и Иисуй и Мелхисе: имена же двою дщерио его, имя первородней Мерова и имя второй Мелхола: 50 имя же жене его Ахиноама, дщерь Ахимаасова: и имя старейшине вой его Авенир

сын Нира сына ужика Саулова: 51 Кис же отец Саулов, и Нир отец Авениров сын иамина сына Авиилева. 52 И брань крепка на иноплеменники во вся дни Сауловы: и видев Саул всяка мужа сильна и всяка мужа сына силы, собираше их к себе.

15 И рече Самуил к Саулу: посла мя Господь помазати тя на царство в людех Его во Израили: и ныне послушай гласа словес Господних: 2 сия рече Господь Саваоф: ныне отмщу, яже сотвори Амалик Израилю, егда скрете его на пути, восходящу ему от Египта: 3 и ныне ты иди, и поразиши Амалика и Иерима, и вся яже суть его, и не снабдиши от них (ничто же), и искорениши его: и проклененши его и вся сущая его, и не пощадиши его: и да убиши от мужеска полу и до женска и от юнош и до ссущих млечо, и от говяд до овец и от велблюд до ослят. 4 И собра люди Саул и сочте я в Галгалех двесте тысячи пеших и десять тысячи от Иуды в ползех: 5 и прииде Саул до градов Амаликовых и засяде в потоце. 6 И рече Саул ко Кинеови: иди и уклонися от среды Амалика, да не погублю тя с ним, ты бо сотворил еси милость с сыными Израилевыми, егда исходаху из Египта. И уклонися Киней от среды Амалика. 7 И порази Саул Амалика от Евилы даже до Сура, иже пред лицем Египта: 8 и ят Агага царя Амаликова жива, и вся люди изби, и Иерима уби мечем. 9 И сохрани Саул и вси люди Агага царя жива и благая от стад и буйволов, и снедей (и одежд), и виноградов и от всех благих: и не хотях искоренити я, точию хуждшее и уничиженое истребиша. 10 И бысть глаголгол Господень к Самуилу, глаголя: 11 раскаяхся, яко помазах Саула на царство, понеже отвратися от Мене и словес Моих не соблюде. И опечалился Самуил и вопияше ко Господу всю нощь. 12 И воста рано Самуил, и идяше на сретение Израилитяном рано. Известиша Самуилу, глаголюще: идет Саул в Кармил, и се, воздвиге руку себе, и возврати колесницу, и снide в Галгалы. И прииде Самуил к Саулу, и се, той возношаще всесожжение Господу, первая от корыстей, иже взя от Амаликов. 13 И прииде Самуил к Саулу, и рече ему Саул: благословен ты Господу, сотворих бо вся, елика (ми) глагола Господь. 14 И рече Самуил: и кий глас стад сих во ушию мою, и глас говяд, егоже аз слышу? 15 И рече Саул: от Амалика пригнах я, иже сохраниша людие лучшая от стад и от волов, еже пожрети я Господу Богу твоему, прочая же избих. 16 И рече Самуил к Саулу: потерпи, и возвещу ти, яже глагола Господь ко мне ношию. 17 И рече ему (Саул): глаголи. И рече Самуил к Саулу: еда не мал был еси ты

перед Ним, и не властелина ли тя постави хоругви колена Израилева? И помаза тя Господь на царство Израилево: 18 и посла тя Господь путем и рече тебе: иди и искорени Амалика, и погуби согрехших предо Мною, и воюй их, дондеже скончаши их: 19 и почто не послушал еси гласа Господня по всему, елико глагола тебе, но устремился еси на корысти и сотворил еси лукавое пред Господем? 20 И рече Саул к Самуилу: послушах гласа людий и идо путем, имже посла мя Господь, и приведох Агага царя Амаликова, и Амалики искорених: 21 и взяша людие корысти от стад и буйволов, первая от истребляемых на пожрение Господу Богу нашему в Галгалех. 22 И рече Самуил: еда угодны Господу всесожжения и жертвы, яко же послушати гласа Господня? Се, послушание паче жертвы благи, и покорение паче тука овня: 23 яко же грех есть чарование, тако (грех есть) противление, и яко же грех есть идолопоклонение, тако непокорение: понеже уничижил еси глаголгол Господень, и уничижит тя Господь не быти тебе царем во Израили. 24 И рече Саул к Самуилу: согрехих, яко преступих слово Господне и глагол твой, убояхся бо людий и послушах гласа их: 25 и ныне возми грех мой и возвратися со мною, да поклонюся Господу Богу твоему. 26 И рече Самуил к Саулу: не возвращуся с тобою, яко уничижил еси глаголгол Господень, и уничижит тя Господь не быти тебе царем во Израили. 27 И отврати Самуил лицо свое еже отти: и ят Саул за воскриле ризы его и раздра е. 28 И рече ему Самуил: раздра Господь царство Израилево от руку твою днесь, и даст е ближнему твоему, лучшему паче тебе, 29 и разделится Израиль на двоен: и не обратится, ниже раскаться Святый Израилев, занеже не яко человек есть, еже раскаться Ему, запретит, и не пребудет. 30 И рече Саул: согрехих, но прослави мя ныне пред старейшины Израилевы и пред людьми моими, и возвратися со мною, и поклонюся Господу Богу твоему. 31 И возвратися Самуил вслед Саула, и поклонися Саул Господу. 32 И рече Самуил: приведите ми Агага царя Амаликова. И прииде к нему Агаг трепеща, и рече Агаг: тако ли горька смерть? 33 И рече Самуил ко агагу: яко же обезчадствова жен оружие твое, тако обезчадится в женах мати твоя. И закла Самуил Агага пред Господем в Галгалех. 34 И отиде Самуил во Армафем: и Саул отиде в дом свой в Гаваю. 35 И не приложи Самуил ктому видети Саула даже до дне смерти своея, понеже плакаше Самуил о Сауле, занеже раскаялся Господь, яко постави Саула царя во Израили.

16 И рече Господь к Самуилу: доколе ты плачеши о Сауле, Аз же уничтих его, не царствовати во Израили? Наполни рог твой елеа и приди, посли тя ко Иессею до Вифлеема, яко узрех в сынех его Себе царя. **2** И рече Самуил: како пойду? И услышит Саул, и убийт мя. И рече Господь: юницу от волов возми в руце твои и речеши: пожрети Господеви иду: з и призовеш Иессея и сыны его к жертве: и Аз ти покажу, яже сотвориши, и помажеши Ми, егоже ты реку. **4** И сотвори Самуил вся, елика рече ему Господь: и прииде в Вифлеем, и ужасошасть старейшины града о пришествии его и решат: мир ли вход твой, о, прозорливче? **5** И рече: мир: пожрети Господу придох: освятитесь и возвеселитесь днесъ со мною. И освяти Иессея и сыны его, и призыва я к жертве. **6** И бысть внемла им, и виде Елиава и рече: сей ли пред Господем помазанник Его? **7** И рече Господь Самуилу: не зри на лице его, ниже на возраст величества его, яко уничтих его: понеже не тако зрит человек, яко зрит Бог: яко человек зрит на лице, Бог же зрит на сердце. **8** И призыва Иессей Аминадава и представи его пред лицо Самуила. И рече (Самуил): ниже сего избра Господь. **9** И приведе Иессей Сammaa. И рече: и сего не избра Господь. **10** И приведе Иессей седмь сынов своих пред Самуила. И рече Самуил ко Иессею: не избра Господь от сих. **11** И рече Самуил ко Иессею: не достало ли уже детей? И рече Иессей: еще есть един мал, и сей пасет на пажити. И рече Самуил ко Иессею: посли и приведи его, яко не возляжем, дондеже приидет той семо. **12** И послы, и введе его: и той чермен, добрыма очима, и благ взором Господеви. И рече Господь к Самуилу: востан и помажи Давида, яко сей благ есть. **13** И прия Самуил рог со елеем и помаза его посреде братии его. И ношащеся Дух Господень над Давидом от того дне и потом. И воста Самуил и отиде во Армафем. **14** И Дух Господень отступи от Саула, и давляше его дух лукавый от Господа. **15** И решат отроцы Сауловы к нему: се, ныне дух лукавый от Господа давит тя: **16** да рекут раби твои ныне пред тобою, и взыщут господину нашему мужа знающа пети в гусли: и внемла будет дух лукавый на тебе, и тогда да поет в гусли своя, и благо ти будет, и упокоит тя. **17** И рече Саул ко отроком своим: посмотрите ми мужа добре поюща и введите его ко мне. **18** И отвеша един от отрок его и рече: се, видех сына Иессеева из Вифлеема, и той весть пение, и муж разумен, и борец, и мудр в словеси, и муж благ видом, и Господь с ним. **19** И послы Саул вестники ко Иессею, глаголя: отпусти ко мне Давида сына твоего, иже у стада твоего. **20** И взя Иессей

бремя хлебов и мех вина и козля от коз одно, и послы к Саулу рукою Давида сына своего. **21** И вниде Давид к Саулу, и предстояше пред ним, и возлюби его зело Саул, и бысть ему носяй оружие его. **22** И послы Саула ко Иессею, глаголя: да предстоит Давид предо мною, яко обрете благодать пред очима моими. **23** И бысть внемла быти духу лукаву на Сауле, и взимаше Давид гусли и играше рукою своею, и отыхаше Саул, и благо ему бяше, и отступаше от него дух лукавый.

17 И собираша иноплеменницы полки своя на брань, и собирашася в Сокхое Иудеистем, и ополчишася среде Сокхоя и среди Азика во Афесдоммине. **2** Саул же и мужи Израилевы собирашася и ополчишася во удоли Теревинфа и устрояхуся на брань противу иноплеменником. **3** И иноплеменницы стояху на горе отсюду особы, Израиль же стояше на горе отюнуду, и удоль между ими бяше. **4** И изыде муж силен из полка иноплеменничка, имя ему Голиаф от Гефа, высота его шесть лакот и пядь: **5** и шлем медян на главе его, и в броню кольчату той оболчен бяше: и вес брони его пять тысячи сикль меди и железа: **6** и поножы медяны верху голений его, и щит медян на плечах его: **7** и ратовище копия его аки орудие ткущих, и копие его шесть сот сикль железа: и носяй оружие его идяше пред ним. **8** И ста и возопи пред полки Израилевыми и рече им: почто изыдосте, ополчитися ли на брань противу нам? Несмы ли аз иноплеменник, вы же Евреи Сауловы? Изберите себе мужа, и да снидет ко мне: **9** и аще возможет со мною братися и одолеет ми, будем вам раби: аще же аз возможу одолети ему, будете вы нам раби и поработаете нам. **10** И рече иноплеменник: се, аз днесъ уничтих полк Израилев в сей день: дадите ми мужа, иже поборется со мною един. **11** И слыша Саул и весь Израиль глаголы иноплеменничеси сия и ужасошася и убоящася зело. **12** Давид же Ефрафеев, сей бе от Вифлеема Иудина, имя же отцу его Иессей, ему же бе осмь сынов. Во дни же Сауловы бе муж той состареся в мужех. **13** И идоша три сыны Иессеевы старейши на брань с Саулом: имена же сынов его пошедших на брань, Елиав первородный его, и второй Аминадав, и третий Сamma. **14** Давид же бе юнейший, и три болшии его идоша вслед Саула. **15** Давид же возвратився от Саула, отиде пасти овцы отца своего в Вифлеем. **16** И приходяше иноплеменник утром и в вечер, являся пред Израилем четыредесять дній. **17** И рече Иессей Давиду сыну своему: возми убо братиям твоим меру ефи муки и десять хлеб сих, и иди в полк, и дажь братиям твоим: **18** и десять сыров от млека сего, и

даждь тысящнику: и братию свою посети в мире, и еликих аще требуют, увеси, субботствовати же будеши со мною. 19 Саул же и вси людие бяху во удоли дуба ратующеся со иноплеменники. 20 И воста Давид рано, овцы же оставил со стражею, и взя, и отиде, якоже заповеда ему отец его Иессей: и прииде на место, идже исходаху сильнии на брань и волияху в ползех. 21 Занеже вооружашеся Израиль противу иноплеменником, и иноплеменницы вооружахуся противу Израиля. 22 И положи Давид бремя свое в руках страже, и тече в полк, и пришед вопроси братию свою в мире. 23 Глаголющу же ему с ними, и се, муж месейский, ему же имя Голиаф, Филистимлянин от Гефы, изыде от полков иноплеменничих и глагола по словесем сим, и услыша Давид. 24 И вси мужи Израилевы егда увидеша мужа, и бежаша от лица его и убояшася зело. 25 И реша мужи Израилтесии: видесте ли мужа сего восходяща, яко поносити Израиля прииде? И аще будет муж, иже убииет его, обогатит его царь богатством велиим, и дщерь свою даст ему, и дом отца его сотворит свободен во Израили. 26 И рече Давид к мужем стоящым с ним, глаголя: что сотворите мужу, иже убииет иноплеменника онаго и отимет поношение от Израиля? Яко кто есть иноплеменник необрязанный сей, иже поносит полку Бога живаго? 27 И рекоша ему людие по словеси сему, глаголюще: тако сотворится мужу, иже убииет его. 28 И услыша Елиав брат его болший, всегда глаголати ему к мужем: и разгневався яростию Елиав на Давида и рече: почто семо пришел еси? И кому оставил еси малыя овцы оны в пустыни? Вем аз гордость твою и злобу сердца твоего, яко видения ради брани пришел еси. 29 И рече Давид: что сотворих ныне? Несть ли речь? 30 И отвратися от него ко иному и рече по словеси сему. И отвещаша ему людие по словеси прежнему. 31 И слышаны быша глаголы, ихже глагола Давид, и возвестиша пред Саулом: и пояса его людие и приведоша его пред Саула. 32 И рече Давид к Саулу: да не ужасается сердце господину моему о сем, раб твой пойдет и поборется со иноплеменником сим. 33 И рече Саул к Давиду: не возможеши пойти ко иноплеменнику сему братися с ним, яко ты детище еси, сей же муж борец есть от юности своея. 34 И рече Давид к Саулу: егда пасяще раб твой отца своего стадо, и егда приходаше лев или медведица и восхищаше от стада овцу едину: 35 и аз вслед его исходах и поражах его, и исторгах из уст его (взятое): и аще воспротивляшеся ми, то взем за гортань его, поражах и умерщвлях его: 36 и льва и медведицу бияше раб твой, и будет иноплеменник

необрязанный сей яко един от сих: не поиуди ли, и поражу его, и отиму днесъ поношение от Израиля? Понеже кто необрязанный сей, иже уничжи полк Бога живаго? 37 И рече Давид: Господь иже изят мя от руки львовы и от руки медведици, той измет мя от руки иноплеменника сего необрязанного. И рече Саул к Давиду: иди, и да будет Господь с тобою. 38 И облече Саул Давида одеждею, и шлем медян возложи на главу его, 39 и препояса Давида оружием своим верху одежды его. Давид же походив (во оружии) семо и овамо, утрудися, яко не обычне. И рече Давид Саулу: не могу ити в сих, яко не обыкох. И взяша от него сия. 40 И взя палицу свою в руку свою, и избра себе пять камений гладких от потока, и вложи я в тоболец пастьрский егоже ношаши, и прашу свою имый в руце своей, и иде к мужу иноплеменнику. 41 И идяше иноплеменник приближаяся к Давиду, и носяй оружие его пред ним (идяше). 42 И виде Голиаф иноплеменник Давида и обезчествова его, зане той детищ бе, и чермен и леп очима. 43 И рече иноплеменник к Давиду: еда пес аз есмъ, яко ты идеши противу мене с палицею и камением? И рече Давид: ни, но и хуждий пса. И прокля иноплеменник Давида боги своими. 44 И рече иноплеменник к Давиду: гряди ко мне, и дам плоть твою птицам небесным и зверем земным. 45 И рече Давид иноплеменнику: ты идеши на мя с мечем и с копием и щитом, аз же иду на тя во имя Господа Бога Саваофа, Бога ополчения Израилева, егоже ты уничтиши еси днесъ: 46 и предаст тя Господь днесъ в руце мои, и убию тя, и отиму главу твою от тебе, и дам тело твое и телеса полка иноплеменничаго в день сей птицам небесным и зверем земным: и уразумеет вся земля, яко есть Господь Бог во Израили, 47 и уразумеет весь сонм сей, яко не мечем ни копием спасает Господь, яко Господня брань, и предаст Господь вас в руки наша. 48 И воста иноплеменник и иде во сретение Давиду. И ускори Давид и тече на сражение во сретение иноплеменнику. 49 И простре Давид руку свою в тоболец, и изя из него камень един, (и вложи в прашу,) и верже прашею, и порази иноплеменника в чело его, и унз камень под шлемом его в чело его, и паде (Голиаф) на лици своеем на землю. 50 И укрепися Давид над иноплеменником прашею и каменем, и порази иноплеменника, и умертиши его: оружия же не бе в руце Давидове. 51 И тече скоро Давид, и ста над ним, и взя мечъ его, и извлече его от недр его, и умертиши его, и отсече им главу его. И видеша иноплеменницы, яко умре сильный их, и бежаша. 52 И восташа мужи Израилевы и Иудини и воскликуша, и погнаша созади их даже до

входа Гефова и до врат Аскalonских: и падоша уязвленни (мнози) иноплеменницы по пути врат и даже до Гефа и Аккарона. 53 И возвратишася мужие Израилевы гнавши вслед иноплеменник, и потопташа полки их. 54 И взя Давид главу иноплеменника и внесе ю во Иерусалим, и оружие его положи во храмине своей. 55 И егда виде Саул Давида исходяща во сретение иноплеменника, рече ко Авениру князю силы: чий есть сын юноша сей, Авенире? И рече Авенир: да живет душа твоя, царю, яко не вем. 56 И рече царь: вопросы убо ты, чий есть сын юноша сей? 57 Егда же возвратиша Давид по убиении иноплеменника, взя его Авенир и приведе его пред Саула: глава же иноплеменница бе в руце его. 58 И рече к нему Саул: чий еси сын, юноше? И рече Давид: сын раба твоего Иессея от Вифлеема.

18 И бысть егда преста глаголати к Саулу, и душа Ионафана с душею Давидовою спряжеся, и возлюби его Ионафан от души своея. 2 И поят его Саул во дни оны и не даде ему возвратитися в дом отца его. 3 И завеща Ионафан и Давид завет, понеже возлюби его от души своея: 4 и совлече Ионафан ризу свою верхнюю и даде ю Давиду, и ины одежды своя даже до меча своего и до лука своего и до пояса своего. 5 И хождаше Давид разумно во всех, аможе аще посылаше его Саул: постави же его Саул над мужи воинскими, и угоден бе пред очима всех людей и пред слугами Сауловыми. 6 И бысть, внегда входити им, егда возвратиша Давид от победы над иноплеменником: и изыдоша (девы) ликовствующа во сретение Саула царя от всех градов Израилевых поюща и скачуща в тимпанех с радостию и с гусльми. 7 И исходжаху жены ликующа и глаголюща: победи Саул с тысячами своими, а Давид со тмами своими. 8 И разгневався Саул зело, и лукавы явишася глаголы пред очима сауловыми о словеси сем. И рече Саул: Давиду даша тмы, мне же даша тысящи: и чего ему (несть), точию царства? 9 И бе Саул подзирая Давида от дне онаго и потом. 10 И бысть от утешняго дне, и нападаше дух лукавый от Бога на Саула, и прорицаша посреде дому своего: и Давид пояше рукою своею (в гусли), якоже и по вся дни: копие же в руце Саула: 11 и взя Саул копие и рече: поражу Давида к стене. И уклониша Давид от лица его дважды. 12 И убояся Саул от лица Давида, яко Господь бе с ним, а от Саула отступи: 13 и отстави его Саул от себе, и постави его себе тысяченачалника: и исходжаше и вхождаше пред людьми. 14 И бе Давид во всех путех своих смысля, и Господь бе с ним. 15 И

виде Саул, яко той смыслит зело, и боящеся от лица его. 16 Весь же Израиль и Иуда любляху Давида, яко той вхождаше и исходжаше пред лицем людий. 17 И рече Саул к Давиду: се, дци моя большая Меров, сию тебе дам в жену, токмо буди ми в сына силы и поборай брани Господни. И Саул рече: да не будет рука моя на нем, но да будет рука иноплеменница. 18 И рече Давид к Саулу: кто аз есмъ? И кое житие сродства отца моего во Израили, яко да буду зять царский? 19 И бысть во время, егда даней быти подобаше Мерове дщери Саулове Давиду, сия дадеся Адриилу Молафитскому в жену. 20 И возлюби Мелхола дщерь Саурова Давида: и возвестися Саулу, и угодно бысть пред очима его слово. 21 И рече Саул: дам ему ю, и будет ему в соблазн. И бе на Саула рука иноплеменница. И рече Саул к Давиду: в силах будеши ми зять днесъ. 22 И заповеда Саул отроком своим, глаголя: рцыте вы тайно Давиду, глаголюще: се, благоволит о тебе царь, и вси отроцы его любят тя, и ты буди зять царю. 23 И глаголаша отроцы Сауловы во уши Давиду глаголы сия. И рече Давид: еда легко пред очима вашима, еже быти (ми) зятем царю? Аз бо есмъ муж смирен и не славен. 24 И возвестиша отроцы Саулу сия словеса, яже глагола Давид. 25 И рече Саул: тако рцыте Давиду: не хощет царь с богатством (зятя), но токмо во сте краенеобраззаний иноплеменнических отмстити врагом царевым. Саул бо мысляше вдати Давида в руце иноплеменником. 26 И возвестиша отроцы Сауловы глаголы сия Давиду, и угодна быша словеса сия пред очима Давидовыми, еже быти в зятя царю. 27 И не по мнозех днех, воста Давид и иде сам и мужие его с ним, и уби от иноплеменник двести мужей: и принесе краенеобраззания их царю и вдаде я ему, и бысть зять царю, и вдаде ему царь Мелхола дщерь свою в жену. 28 И виде Саул, яко Господь есть с Давидом, и весь Израиль любит его: 29 и приложи Саул оттоле паче боятиша Давида. И бысть Саул враждуя на Давида во вся дни. 30 И исходжаху князи иноплеменнические, и бысть от начала исхождения их, Давид разумен бе паче всех слуг Сауловых, и почтеся имя его зело.

19 И глагола Саул к Ионафану сыну своему и ко всем отроком своим, да умрят Давида. Ионафан же сын Саулов любяше Давида зело. 2 И возвести Ионафан Давиду, глаголя: отец мой Саул ищет тя убить: сохранися убо заутра рано, и скрыйся, и сяди втайне: 3 и аз изыду, и стану при отце моем на селе, идеже еси ты: и аз возглаголю отцу моему о тебе, и узрю,

что будет, и возвещу тебе. 4 И глагола Ионафан о Давиде благая к Саулу отцу своему, и рече к нему: да не согрешает царь на раба своего Давида, яко не согреши пред тобою, и дела его блага суть зело: 5 и положи душу свою в руце своей и победи иноплеменника, и сотвори Господъ спасение велико всему Израилю, и вси видеша и возрадовашася: и почто согрешаши в кровь неповинну, еже убили Давида туне? 6 И послуша Саул гласа Ионафана: и клятся Саул, глаголя: жив Господъ, яко не умрет (Давид). 7 И призыва Ионафан Давида и возвести ему вся глаголы сия, и введе Ионафан Давида к Саулу, и бе пред ним яко вчера и третияго дне. 8 И приложися брань быти на Саула, и укрепися Давид, и победи иноплеменники, и изби язвою великою зело, и бежаша от лица его. 9 И бысть от Бога дух лукавый на Сауле, и той в дому своем седяше, и копие в руце его, Давид же играше руками своими: 10 и искаше Саул копием поразити Давида, и отступи Давид от лица Сауля, и удари Саул копием в стену: Давид же отшед спасеся в нощь ту. 11 И послал Саул вестники в дом Давидов стреши его, еже убили его рано. И возвести Давиду Мелхола жена его, глаголющи: аще ты не спасеши души твоей в нощь сию, заутра умреши. 12 И свеси Мелхола Давида оконцем, и отиде, и убежа, и спасеся: 13 и прият Мелхола тщепогребальная, и положи на одре, и печень козио положи на возглавии его, и покры язами. 14 И послал Саул вестники, да имут Давида, и рекоша, яко болен есть. 15 И послал Саул, да оглядят Давида, глаголя: принесите его на одре ко мне, еже умретви его. 16 И приходша слуги, и се, тщепогребальная на одре и козия печень при возглавии его. 17 И рече Саул к Мелхоле: почто тако обманула мя еси, и отпустила еси врага моего, и гонзе мене? И рече Мелхола Саулу: сам ми рече: отпусти мя: аще же ни, погублю тя. 18 И Давид убежа и спасеся, и иде к Самуилу во Армафем и поведа ему вся, елика сотвори ему Саул. И идоста Давид и Самуил и седоста в Навафе в Раме. 19 И возвестиша Саулу, глаголюще: се, Давид в Навафе в Раме. 20 И послал слуги Саул яти Давида, и видеша собор пророков, и Самуил стояше настоятель над ними: и бысть Дух Божий на слугах Саулих, и начаша прорицати. 21 И возвестиша Саулу, и послал другия слуги, и прорицати начаша и тии. И приложи Саул послати слуги третия, и начаша и тии прорицати. 22 И разгневався гневом Саул, и иде и сам во Армафем, и прииде даже до кладязя гумна, еже есть в Сефе, и вопросы и рече: где есть Самуил и Давид? И решаш: се, в Навафе в Раме. 23 И иде оттуду в Наваф

(иже) в Раме: и бысть и на нем Дух Божий, и идяше идый и прорицая, дондеже принити ему в Наваф иже в Раме. 24 И совлече ризы своя и прорицаше пред ними: и паде наг весь день той и всю нощь. Того ради глаголаху: еда и Саул во пророцах?

20 И отбеже Давид от Навафа (иже) в Раме и прииде ко Ионафану и рече: что сотворих? И что неправда моя? И что согреших пред отцем твоим, яко ищет души моей? 2 И рече ему Ионафан: никакоже, ты не умреши: се, не имать сотворити отец мой глагола велика, или мала, и не откроет уха моего: и что яко скрыт отец мой глагол сей от мене? Не буди сие. 3 И отвеща Давид Ионафану и рече: ведая ведает отец твой, яко обретох благодать пред очима твоими, и глаголет: да не познает сего Ионафан, негли не восхощет: но жив Господъ и жива душа твоя, зане якоже рекох, исполнися между мною и между отцем твоим даже до смерти. 4 И рече паки Ионафан к Давиду: чесого желает душа твоя, и что сотворю тебе? 5 И рече Давид ко Ионафану: се, новомесячие заутра, и аз седя не сяду с царем ясти, и послеши мя, и скрыюся на поли до вечера дне третияго: 6 и аще смотря усмотрит мя отец твой, и речеш: прося упросися от мене Давид отити до Вифлеема града своего, яко жертва дний тамо всему племени: 7 аще тако речет: благо: мир рабу твоему: аще же жестоко отвещает тебе, разумей, яко совершился злоба от него: 8 и да сотвориши милость с рабом твоим, яко ввел еси в завет Господень раба твоего с собою: и аще есть неправда в рабе твоем, умретви мя ты, а ко отцу твоему почто тако имаши мя вводити? 9 И рече Ионафан: никакоже (буди) тебе: егда аще разумевая уразумею, яко совершился злоба отца моего, еже принити на тебе, аще и не будеши во градех твоих, аз возвещу тебе. 10 И рече Давид ко Ионафану: кто возвестит ми, аще отвещает отец твой жестоко? 11 И рече Ионафан к Давиду: иди, и пребуди на поли. И идоста оба на поле. 12 И рече Ионафан к Давиду: Господъ Бог Израилев весть, яко искушу отца моего во время (сие) заутра, или третияго дне, и сие, аще благо будет о Давиде, и не имам послати к тебе на поле и возвестити сия во уши твои: 13 сия да сотворит Бог Ионафану и сия да приложит, аще не возвещу злая на тя, и открыю ухо твое, и отпущу тя, и отидеша в мире: и будет Господъ с тобою, якоже бе со отцем моим: 14 и аще убо еще жив буду аз, да сотвориши милость со мною: 15 и аще смертию умру, да не отимеш милости твоей от дому моего до века: 16 аще же ни, егда искоренит

Господь враги Давидовы, коего ждо от лица земли, да обрящется имя Ионафан в дому Давидове, и изыщет Господь враги Давидовы. 17 И приложи Ионафан еще клятися Давиду, яко возлюби душу любящаго его. 18 И рече Ионафан к нему: заутра новомесячие, и присмотрен будеши, яко праздно усмотрено будет место тво: 19 ты же премедлиши три дни и пребудеши на месте твоем, идже скрыешися в день делания, и сядеши при Ергаве онем: 20 и аз утрою стрелами стреляя, и стрелю вергая до амагарии: 21 и се, послю отрока, глаголя: иди и обрящи ми стрелу: и аще реку отроку: зде стрела от тебе, и зде, возми ю: и ты гряди ко мне, яко мир тебе, и несть о тебе слова, жив Господь: 22 аще же тако реку юноши: тамо стрела от тебе и далее: иди, яко отсла тя Господь: 23 и глагол егоже аз и ты глаголахом, се, Господь свидетель между тобою и мною до века. 24 И скрыся Давид на поли, и прииде новомесячие, и прииде царь на трапезу ясти, 25 и седе царь на месте своем якоже и всегда на престоле при стене, и предвари Ионафана, и седе Авенир от страны Сауловы, и усмотрено бысть (праздно) место Давидово. 26 И не глагола Саул ничтоже в той день, помысли бо, случай видится, нечисту быти, яко не очистися. 27 И бысть наутрие месяца в день второй, и усмотрено бысть праздно место Давидово, и рече Саул ко Ионафану сыну своему: что яко не прииде сын Иессеев ни вчера, ни днес на трапезу? 28 И отвеша Ионафан к Саулу и рече ему: упросися от мене Давид до Вифлеема града своего ити, 29 и рече: отпусти мя ныне (в Вифлеем), яко жертва колена нашего во граде, и заповедаша мне братия моя: и ныне аще обретох благодать пред очима твоими, да пойду ныне и узрю братию мою: сего ради не прииде на трапезу цареву. 30 И разгневався гневом Саул на Ионафана зело и рече ему: сыне девок блудниц, не вем ли, яко сообщник еси ты сыну Иессееву в срамоту твою и в срамоту откровения матере твоей? 31 Яко во вся дни, в няже сын Иессеев жити имать на земли, не уготовится царство тво: ныне убо послав, поими юношу, яко сын смерти есть сей. 32 И отвеша Ионафан Саулу отцу своему и рече: за что умирает? Что сотвори? 33 И верже Саул копием на Ионафана, еже умертвти его. И позна Ионафан, яко совершился злоба сия от отца его, да умертвит Давида: 34 и вскочи Ионафан от трапезы во гневе ярости, и не яде хлеба в день второй месяца, яко сокрушился о Давиде, зане соверши (злобу) на него отец его. 35 И бысть заутра, и изыде Ионафан на село, якоже совещася о свидении с Давидом, и отрок мал с ним. 36 И рече отроку: тецы, и

обрящи ми стрелы, имиже аз стреляю. И отрок тече, и он стрели стрелою за него. 37 И прииде отрок до места стрелы, идже стрелил Ионафан. И возопи Ионафан вслед отрока и рече: тамо стрела от тебе и далее. 38 И паки возопи Ионафан вслед отрока своего, глаголя: потщися скоро, и не стой. И собра отрок Ионафану стрелы и принесе их к господину своему. 39 Отрок же не уведеничесоже, токмо Ионафан и Давид ведеста вещь. 40 И отда Ионафан оружие свое отроку своему и рече отроку своему: поиди и отнеси во град. 41 И егда отиде отрок, и Давид воста от Ергава, и паде на лице свое, и поклонися ему трижды, и облобыза кийждо друг друга, и плакася кийждо о друг друзе до скончания велика. 42 И рече Ионафан Давиду: иди с миром, и якоже кляхомся мы оба именем Господним, глаголюще: Господь да будет свидетель между мною и тобою и между семенем моим и между семенем твоим до века. И воста Давид и отиде. Ионафан же вниде во град.

21 И прииде Давид в Номву ко Авимелеху иерею: и ужасеся Авимелех о пришествии его и рече ему: что яко ты един, и никто же с тобою? 2 И рече Давид иерею: царь заповеда ми глагол днес и рече ко мне: никто же да уразумеет глагола, егоже ради аз посыла тя и о немже аз заповедаю ти: и отроки оставих на месте глаголем еммоним: 3 и ныне аще суть у тебе пять хлебы, дажь ми елико имаши. 4 И отвеша иерей Давиду и рече: не суть хлебы прости у мене, но точию хлебы у мене священни: аще сохранени отроцы суть токмо от жены, снедят. 5 И отвеша Давид иерею и рече ему: и (мы) от жен воздержахомся вчера и третияго дне: отнележе изыдох аз на путь, быша вси отроцы очищени, и сей путь нечист, но освятится днес сосуд ради моих. 6 И даде ему Авимелех иерей хлебы предложения, яко тамо не бе хлеба, но токмо хлебы лица, иже взяты от лица Господня, еже предложитися хлебу теплому, в онъже день взя их. 7 И бе тамо един от отрок Сауловых в день он удержан пред Господем, и имя ему Доик Сирин, (старейшина от пастырь Сауловых,) пасый мски Сауловы. 8 И рече Давид ко Авимелеху: виждь, аще есть зде у тебе копие или мечь, яко меча моего и оружия моего не взях с собою, яко царево повеление внезапу ми бысть. 9 И рече иерей: се, мечь Голиафа иноплеменника, егоже ты убил еси во юдоли Ила, и той обвит бяше в ризу за ефудом: аще той хощеш взяти, возми себе, несть бо иного зде кроме сего. И рече Давид: се, несть якоже той: дажь ми его. И даде его ему. 10 И воста Давид, и убеже в

той день от лица Саулова, и прииде Давид ко Анхусу царю Гефску. 11 И реша отроцы Анхусовы к нему: не сей ли Давид царь земли? Не сему ли изыдоша (жены) ликующыя, глаголюща: победи Саул с тысячами своими, и Давид со тмами своими? 12 И положи Давид глаголы сия в сердцы своем, и убояся зело от лица Анхуса царя Гефска. 13 И измени лицо свое пред ним, и притворися в день той, и бияше во врата града, яко в тимпан, и падаше на руки своя, и паде у врат града, и слины своя точаше по браде своей. 14 И рече Анхус ко отроком своим: се, видесте мужа неистова, почто его введосте ко мне? 15 Еда не имею аз неистовых, яко введосте его, да беснуется предо мною? Сей да не внидет в дом мой.

22 И отиде Давид оттуду, и спасеся, и прииде в пещеру

Оддламску: и слышавше братия его и дом отца его, придоша к нему тамо. 2 И сбирахася к нему всяк иже в нужде, и всяк должник, и всяк печальный душою, и бе ими обладаяй, и бияше с ним яко четыреста мужей. 3 И отиде Давид оттуду в Массифаф Моавитский и рече к царю Моавитску: да будут ныне отец мой и мати моя у тебе, дондеже познаю, что сотворит мне Бог. 4 И умоли лице царя Моавитска, и пребываху у него по вся дни, сущу Давиду во области той. 5 И рече Гад пророк к Давиду: не седи во области сей: иди, и да внидеш в землю Иудину. И иде Давид и пришед седе в граде Сарих. 6 И слыша Саул, яко познан бысть Давид, и мужие иже с ним: и Саул седяше на холме под дубравою яже в Раме, и копие в руку его, и вси отроцы его предстояху ему. 7 И рече Саул ко отроком своим предстоящим ему: слышите ныне, сынове Вениаминовы, аще воистинну всем вам даст сын Иессеев села и винограды и поставит вас всех в сотники и тысячи: 8 яко вси согласистесь на мя, и несть открываяй во ухо мое, егда положи завет сын мой с сыном Иессеевым, и несть от вас ни един боляй о мне и возвещаяй во уши мои, яко воздвиге сын мой раба моего на мя врага, якоже день сей? 9 И отвеща Доник Сирин приставленный над мсками Сауловыми и рече: видех сына Иессеева пришедшего в Номву ко Авимелеху сыну Ахитову иерею: 10 и вопрошаše о нем Бога, и брашно вдаде ему, и меч Голиафа иноплеменника вдаде ему. 11 И послал царь призвати Авимелеха сына Ахитова, и вся сыны отца его иереи от Номвы. И придоша вси к царю. 12 И рече Саул: слыши ныне, сыне Ахитов. И рече: се, аз, глаголи, господине. 13 И рече ему Саул: почто совещался еси на мя ты и сын Иессеев, яко вдал еси ему хлеб и меч, и вопрошал еси о нем Бога положити его на мя

во врага, якоже день сей? 14 И отвеща Авимелех царю и рече: и кто во всех рабах твоих верен якоже Давид, и зять царев, и князь всем заповедем твоим, и славен в дому твоем? 15 Еда днесъ начахъ вопрошати о нем Бога? Никако: да не возложиши, царю, на раба твоего словесе сего, и на весь дом отца моего, яко не ведяше раб твой во всех сих словесе мала, или велика. 16 И рече царь Саул: смертию умреши, Авимелех, ты и весь дом отца твоего. 17 И рече царь скороходцем предстоящим пред ним: приведите и избийте иереи Господни, яко рука их с Давидом, и понеже познаша, яко бежит той, и не возвестиша во ушино моею. И не хотяхъ отроцы царевы возложити рук своих на иереи Господни. 18 И рече царь Доину: обратися ты, и устремися на иереи. И обратися Доин Сирин, и уби иереев Господних в той день, триста пять мужей, всех носящих ефуд: 19 и Номву град иерейский погуби острием оружия от мужеска полу и до женска, от отрока и до сущаго, и телца и осла и овчате. 20 И угонзе един сын Авимелеха сына Ахитова, имя ему Авиафар, и бежа вслед Давида. 21 И возвести Авиафару Давиду, яко изби Саул вся иереи Господни. 22 И рече Давид ко Авиафару: ведях в день той, яко тамо бе Доин Сирин, яко возвещая возвестит Саулу: аз есмъ виновен о душах дому отца твоего: 23 седи со мною, не бойся, яко идже аще взыщу души моей место, взыщу и души твоей, яко сохранен будешъ ты у мене.

23 И возвестиша Давиду, глаголюще: се, иноплеменницы облегоша Кеиль, и расхищают и попирают плоды. 2 И вопросы Давид Господа, глаголя: аще пойду и избию иноплеменники сия? И рече Господъ: иди, и победиши иноплеменники сия, и спасеши Кеиль. 3 И решавши мужие Давидовы к нему: се, мы где во Иудеи боимся, и како будет, аще идем в Кеиль, в плен иноплеменников внидем? 4 И приложи еще Давид вопросити Господа. И отвеща ему Господъ и рече ему: востани и снди в Кеиль, яко Аз предаю иноплеменники в руце твои. 5 И идет Давид и мужие его с ним в Кеиль, и брашася со иноплеменниками: и бежаша (иноплеменницы) от лица его, и взя скоты их, и порази их язвою великою, и спасе Давид живущыя в Кеиле. 6 И бысть егда бежа Авиафар сын Авимелехов к Давиду, и той с Давидом в Кеиль снди, имъ ефуд в руце своей. 7 И возвестися Саулу, яко прииде Давид в Кеиль. И рече Саул: предаде его Бог в руце мои, яко заключися вшед в град (имущъ) врата и вереи. 8 И заповеда Саул всем людем на брань снити в Кеиль, яти Давида и мужы его. 9 И уведе Давид,

яко не премолкает злобы о нем Саул, и рече Давид ко Авиафару жерцу: принеси ефуд Господень. 10 И рече Давид: Господи Боже Израилев, слышав услыша раб Твой, яко ищет Саул приити на Кеиль растлiti град мене ради: 11 аще заключится? И ныне аще снидет Саул, якоже слыша раб Твой? Господи Боже Израилев, возвести рабу Твоему. И рече Господь: заключится. 12 И рече Давид: аще предадят мя иже в Кеиле, и мужы мои в руки Саули? И рече Господь: предадят. 13 И воста Давид и мужие его с ним, яко четыреста, и изыдоша из Кеилы, и идоша, аможе хотяху. И возвестиша Саулу, яко угонзе Давид из Кеилы: и остави ити. 14 И седе Давид в Масереме в пустыни во узинах, и седяше в пустыни на горе Зиф, в земли знойне: и искаше его Саул во вся дни, и не предаде его Бог в руце его. 15 И виде Давид, яко исходит Саул искати его: и Давид бяше на горе знойне, в дубраве Зиф. 16 И воста Ионафан сын Саулов и иде к Давиду в дубраву, и утверди руце его во Господе, 17 и рече к нему: не бойся, яко не имать обрести тебе рука отца моего Саула, и ты имаши царствовати во Израиле, и аз буду по тебе другой, и Саул отец мой уведа тако. 18 И положиста оба завет пред Господем: и седяше Давид в дубраве, а Ионафан отиде в дом свой. 19 И изыдоша Зифе от знойных земли к Саулу на холм, глаголюще: не се ли Давид скрыся у нас в Мессаре во узинах в дубраве на холме Ехелатсте, иже одесную Иесемона? 20 И ныне все еже по души цареве ко исхождению, да снидет (убо) к нам: заключиша бо его в руки царевы. 21 И рече им Саул: благословени вы Господеви, яко поболесте о мне: 22 идите ныне, и уготовите еще, и познайте место его, идже будет нога его вскоре, тамо идже ресте, да не како прехитрит: 23 и видите и уразумейте о всех местех, идже той крыется, и возвратитеся ко мне на готово, и иду с вами: и будет, аще есть на земли, изыскати имам его во всех тысящах Иудиных. 24 И восташа Зифе, и идоша пред Саулом: Давид же и мужие его бяху в пустыни Маон к западу одесную Иесемона. 25 И иде Саул и мужие его искати Давида. И возвестиша Давиду, и сниде ко камению иже в пустыни Маон. И услыша Саул, и погна вслед Давида в пустыню Маон. 26 И идяше Саул и мужие его от страны горы отсюду. Давид же бе и мужие его от страны горы отионуду: и бе Давид укрываяся ити от лица Сауля, а Саул и мужие его ополчишася на Давида и на мужы его яти их. 27 И прииде вестник к Саулу глаголя: потщися иди, яко нападоша иноплеменници на землю твою. 28 И возвратился Саул не гнati вслед Давида, и иде противу иноплеменником: сего ради наречеся место

оно Камень Разделенный. 29 И воста Давид оттуди и седе во узинах Енгадди.

24 И бысть егда возвратися Саул вспять от иноплеменник, и возвестиша ему, глаголюще: се, Давид в пустыни Енгадстей. 2 И взя Саул с собою три тысячи мужей избранных от всего Израиля и иде искати Давида и мужей его прямо лицу саддеем: 3 и прииде до стад пасомых на пути, и бе тамо вертеп: и Саул вниде испразднитися, Давид же и мужие его во внутренних вертепа седяху. 4 И реша мужие Давидовы к нему: се, день сей, о немже рече Господь тебе предати врага твоего в руце твои, и сотвориши ему якоже угодно пред очима твоими. И воста Давид, и отреза воскрилие одежды Саули отай. 5 И бысть по сих, и вострепета Давиду сердце его, яко отреза воскрилие одежды Саули: 6 и рече Давид к мужем своим: никакоже ми от Господа, аще сотворю глагол сей господину моему христу Господню, еже нанести руку мою нань, яко христос Господень есть сей. 7 И увеща Давид мужы своя словесы и не даде им воставшым убить Саула. И воста Саул, и сниде на путь. 8 И изыде Давид вслед его из вертепа: и возопи Давид вслед Саула, глаголя: господине царю. И озрея Саул вслед себе, и преклонися Давид лицем своим до земли, и поклонися ему. 9 И рече Давид к Саулу: почто слушаеш словес людий глаголющих: се, Давид ищет души твои? 10 Се, днесь видеста очи твои, яко предаде тя Господь днесь в руце мои в вертепе, и не восхотех убить тебе, и пощадех тя, и рех: не нанесу руки моей на господа моего, яко помазанник Господень сей есть: 11 и се, воскрилие одежды твоей в руце моей, аз отя воскрилие одежды твоей, и не убих тебе: и уразумей, и виждь днесь, яко несть злобы в руце моей, ниже нечестия и презорства, ниже согрехих к тебе, а ты ищеш души моиа изъти ю: 12 да судит Господь между мною и тобою, и да защитит мя Господь от тебе: рука же моя не будет на тя, 13 якоже глаголется притча древняя: от беззаконник изыдет преступление: рука же моя не будет на тя: 14 и ныне ты, царю Израилев, вслед кого исходиши? Кого ты гониши? Вслед ли пса умерша и вслед блохи единья? 15 Да будет Господь судия и отмститель между мною и тобою, да видит Господь и судит суд мой, и осудит мя от руки твоей. 16 И бысть, егда сконча Давид глаголы сия, глаголя к Саулу, и рече Саул: твой ли глас сей, чадо Давиде? И возвдиге Саул глас свой и восплакася. 17 И рече Саул к Давиду: праведен еси ты паче мене, яко ты воздал ми еси благая, аз же тебе воздах злая: 18 и

ты возвестил ми еси днесъ, яже сотворил ми благая, яко заключи мя Господь в руки твоя днесъ, и не убил мя еси: 19 и яко же аще кто обрел бы врага своего в печали, и отпустил бы его в путь благ, и Господь воздаст ему благая, яко же ты сотворил еси днесъ: 20 и ныне се, аз вем, яко царю царствовати имаши, и стати имать в руце твоей царство Израилево: 21 и ныне кленися ми Господем, яко не искорениши семене моего по мне и не погубиши имене моего от дому отца моего. 22 И клятся Давид Саулу. И отиде Саул на место свое, Давид же и муже его взыдоша в мессеру тесную.

25 И умре Самуил, и собирахася весь Израиль, и плакашася его, и погребоша его в дому его во Армафеме. И воста Давид, и снide в пустыню Маоню. 2 И бе человек в Маоне и стада его на Кармиле, и человек велик зело: и сему овец три тысящи и коз тысяща: и бысть егда стрижаше стада своя на Кармиле: з имя же человеку Навал и имя жene его Авигеа: и жена его блага смыслом и добра взором зело, муж же ея человек жесток и лукав в начинаниях и человек зверонравен. 4 И услыша Давид в пустынни, яко стрижет Навал на Кармиле стада своя. 5 И посла Давид десять отроков и рече отроком: взыдите на Кармил и идите к Навалу и вопросите его именем моим с миром, 6 и рците сия: здрав ли еси ты и дом твой, и вся твоя здрава ли суть? 7 И ныне се, услышах, яко стригут тебе ныне пастуси твои, иже беша с нами в пустынни, и не возбранихом им, и не повелехом имничесоже во вся дни, егда беша на Кармиле: 8 вопросы отроков твоих и возвестят ти: и да обрящут отроцы твои благодать пред очима твоими, яко в день благ приидохом: дажъ убо ныне еже обрящет рука твоя отроком твоим и сыну твоему Давиду. 9 И приидша отроцы Давидовы и глаголаша словеса сия к Навалу, по всем глаголом сим именем Давидовым. 10 И возскочи Навал и отвеша отроком Давидовым и рече: кто Давид? И кто сын Иессеев? Днесъ умножени суть раби отходяще кийждо от лица господина своего: 11 и возму ли хлебы моя и вино мое и закланая моя, яже заклах стригущым моя овцы, и дам ли оная мужем, ихже не вем откуду суть? 12 И возвратиша отроцы Давидовы путем своим, и возвращащеся приидоша и возвестиша Давиду по глаголом сим. 13 И рече Давид мужем своим: препояштесь кийждо оружием своим. И препоясашася оружием своим, и сам Давид препоясашася мечем своим, и идоша вслед Давида, яко четыреста мужей, а двести их осталася у сосудов. 14 И Авигеи

жене Навалове поведа един отрок, глаголя: се, присыла Давид послы от пустыни благословити господина нашего, он же отвратися от них: 15 мужие же блази (беша) нам зело, не возбраниху нам, ниже повелеваху нам что во вся дни, в няже бехом с ними: 16 и сущим нам на селе, аки стена беша окрест нас, и в нощи и во дни, по вся дни в няже бехом с ними пасуще стада: 17 и ныне разумей и виждъ ты, что сотвориши, яко совершиша злоба на господина нашего и на дом его, и сей сын губитель, и не возможно глаголати к нему. 18 И потщася Авигеа, и взя двести хлебов и два сосуда вина и пять овец устроенных и пять мер муки чистыя и кошничу гроздия и двести вязаниц смоквей, и возложи на ослята, 19 и рече ко отроком своим: поидите предо мною, и се, аз вслед вас иду. Мужу же своему не возвести. 20 И бысть, вседшей ей на ослицу и сходящей в подгорие, и се, Давид и муже его идяху сопротиву ея, и срете их. 21 И рече Давид: воистинну всуе вся навалова сохраних в пустынни, иничесоже повелех взяти от всех яже его, и воздаде ми злая за благая: 22 сия да сотворит Бог Давиду и сия да приложит, аще до утра оставлю от всех Наваловых даже до мочащаюся к стене. 23 И увиде Авигеа Давида, и потщася и скочи со осляте, и паде пред Давидом на лице свое, и поклониша ему до земли, 24 и паде на ноги его и рече: во мне, господине мой, неправда моя: да глаголет ныне раба твоя во уши твои, и послушай словес рабы твоего: 25 да не возложит ныне господин мой сердца своего на человека гибелнаго сего, яко по имени своему той есть: Навал имя ему, и безумие с ним: аз же раба твоя не видех отроков господина моего, ихже послал еси: 26 и ныне, господине мой, жив Господь и жива душа твоя, яко же возбрани тебе Господь еже не приити на кровь неповинну и спасти тебе руку твою: и ныне да будут яко же Навал врази твои и ищущи господину моему зла: 27 и ныне возми благословение сие, еже принесе раба твоя господину моему, и дажъ отроком предстоящым господину моему: 28 отими ныне неправду рабы твоего, яко твоя сотворит Господь дом верен господину моему, яко на брани господина моего Господь спбoret, и злоба не обрящется в тебе никогдаже: 29 и аще востанет человек гоняй тя и ищай души твою, и будет душа господина моего привязана соузом жизни у Господа Бога, и душу врагов твоих поразиши пращею посреде пращи: 30 и будет егда сотворит Господь господину моему вся, елика глаголаше благая о тебе, и повелит тебе Господь (быти) вождем во Израили, 31 и не будет тебе сие мерзость и соблазн сердцу господина моего, еже излияти

кровь неповинную туне и спасти руку свою себе: и да благо сотворит Господь господину моему, и воспомянеши рабу твою, еже благосотворит ей. 32 И рече Давид ко Авигеи: благословен Господь Бог Израилев, иже послал тя днес на сретение ми, 33 и благословен совет твой, и благословена ты удержавшая мя в день сей ити на пролитие крови, и спасти ми руку мою: 34 обаче жив Господь Бог Израилев, иже возбрани ми днес зло сотворит тебе: зане аще бы не потщалася и не пришла еси на сретение мне, тогда рех: аще останется Навалу до утреняго света мочащийся к стene. 35 И прия Давид от руки ея вся, яже принесе ему, и рече ей: иди с миром в дом свой: виждь, послуша гласа твоего и приях лицо твое. 36 И прииде Авигея к Навалу: и се, у него пир в дому его, яко пир царев: и сердце навалово весело в нем, и той пьян до зела. И не возвести Авигея Навалу глагола ни велика ни мала до света утреняго. 37 И бысть заутра, егда истрезвися Навал от вина, поведа ему жена его вся глаголы сия, и умре сердце его в нем, и той бысть яко камень. 38 И бысть яко десять дний, и порази Господь Навала, и умре. 39 И услыша Давид и рече: благословен Господь, иже суди суд поношения моего от руки Навали, и раба Своего удержа от руки злых, и злобу Навалю обрати Господь на главу его. И послал Давид и глагола ко Авигеи пояти ю себе в жену. 40 И прииша отроцы Давидовы ко Авигеи в Кармил, и реша ей, глаголюще: Давид послал нас к тебе, да тя поймет себе в жену. 41 И воста и поклонися до земли лицем и рече: се, раба твоя в рабыню умывати ноги отроком твоим. 42 И воста Авигея, и вседе на осля, и пять девиц идяխу вслед ея, и пойде вслед отроков Давидовых, и бысть ему в жену. 43 И Ахинааму поят Давид от Иезраеля, и бесте ему обе жены. 44 Саул же даде Мелхолу дщерь свою жену Давидову Фалтию сыну Амисову иже от Роммы.

26 И прииша Зифе от знойня к Саулу на холм, глаголюще: се, Давид скрыся у нас на холме Ехелаф, прямо Иессемону. 2 И воста Саул, и снide в пустыню Зиф, и с ним три тысячи мужей избранных от Израиля, искати Давида в пустыни Зиф. 3 И ополчился Саул на холме Ехелаф иже прямо Иессемону при пути, Давид же седяше в пустыни. И виде Давид, яко идет Саул вслед его в пустыню, 4 и послал Давид соглядатай, и разуме, яко идет Саул готов из Кеиля: 5 и воста Давид отай, и вниде в место, идеже почиваше Саул, и тамо бяше Авенир сын Ниров, первый воевода его, и Саул

спаше в колеснице царстей, и людие ополчившиеся окрест его. 6 И отвеща Давид и рече ко Авимелеху Хеттейну и ко Авессе сыну Саруину брату Иоавлю, глаголя: кто внидет со мною к Саулу в полк? И рече Авесса: аз вниду с тобою. 7 И внидоста Давид и Авесса в люди ношию: и се, Саул спля сном в колеснице царстей, и копие его водружено в землю при главе его, Авенир же и воини его спаху окрест его. 8 И рече Авесса к Давиду: заключи Господь днес врага твоего в руце твои, и ныне поражу его копием в землю единожды, и не повторю ему. 9 И рече Давид ко Авессе: не убивай его, яко кто прострет руку свою на христа Господня, и неповинен будет? 10 И рече Давид: жив Господь, аще не Господь поразит его, или день его приидет, и умрет, или на брань снидет и погибнет: 11 да не будет ми от Господа нанести руку мою на христа Господня: и ныне возми копие от возглавия его и сосуд водный, и отидем мы о себе. 12 И взя Давид копие и сосуд водный от возглавия его, и отидоста о себе: и не бе иже бы видел или разумел, и не бяше востающаго, вси бо спаху, яко сон крепок от Господа нападе на ня. 13 И прейде Давид на он пол и ста на версе горы издалеча, и мног бе путь между ими. 14 И воззвा Давид к людем, и Авениру рече глаголя: не отвещаши ли, Авенире? И отвеща Авенир и рече: кто ты еси зовъ мя? 15 И рече Давид ко Авениру: не муж ли еси ты? И кто, якоже ты, во Израили? И почто не храниши господина твоего царя? Яко вниде един от людий убити господина твоего царя: 16 и не благо сие (зело), еже сотворил еси: жив Господь, яко сынове смерти вы, не хранящии господа своего царя христа Господня: и ныне виждь, где есть копие царево и сосуд водный, яже беша при главе его? 17 И позна Саул глас Давидов и рече: твой ли глас сей, чадо Давиде? И рече Давид: аз раб твой, господи царю. 18 И рече Давид: почто гониши раба твоего, господи царю? Яко что (ти) согреших? И кая обретеся во мне неправда? 19 И ныне да послушает господь мой царь глаголов раба своего: аще Бог поощряет тя на мя, да будет благовонна жертва твоя: аще же сынове человечестии, прокляти сии пред Господем, яко изгнаша мя днес не утвердитися в жребии Господни, глаголюще: пойди, работай богом чуждим: 20 и ныне да не падет кровь моя на землю пред лицем Господним, яко изыде царь Израилев искати души моей, и гонит якоже нощный вран по горам. 21 И рече Саул: согреших: возвратися, чадо Давиде, яко ктому не сотворю ти зла, зане честна душа моя пред очима твоими в день сей: безумно сотворих, и погреших много зело. 22 И отвеща Давид и рече: се, копие царево, да

приидет отрок един и возмет е: 23 и Господь да возвратит коемуждо по правде его и по вере его: якоже предаде тя Господь днесь в руце мои, и не восхотех нанести руки мои на христа Господня: 24 и се, якоже возвеличиша душа твоя днесь во очию мою, тако да возвеличится душа моя пред Господем, и да покрьет мя и измет мя от всякия печали. 25 И рече Саул к Давиду: благословен ты, чадо, и творяй сотвориши и могий возможеши. И отиде Давид в путь свой, а Саул возвратися на место свое.

27 И рече Давид в сердцы своем, глаголя: ныне впаду

в день един в руки Саули, и не будет ми благо, аще не спасуся в земли иноплеменнической, и престанет Саул искати мене во всяком пределе Израилеве, и спасуся из руки его. 2 И воста Давид и шесть сот мужей иже с ним, и иде ко Агхусу сыну Аммахову царю Гефску. 3 И пребысть Давид у Агхуса в Гефе, сам и мужие его вси и дом его, и Давид и обе жены его, Ахинаам Иезраилитъя и Авигеа жена Навала Кармилскаго. 4 И возвестиша Саулу, яко отбеже Давид в Геф, и не приложи ктому (Саул) искати его. 5 И рече Давид ко Агхусу: аще обрете раб твой благодать пред очима твоими, да даси ми место во единем от градов иже на селе, и сяду тамо: и вскую седит раб твой во граде царственном с тобою? 6 И даде ему Агхус в день той Секелаг: сего ради бысть царю Иудейску Секелаг до днешняго дне. 7 И бысть число дний, в няже седяще Давид на селе иноплеменническом, четыри месяцы. 8 И восходаше Давид и мужие его и нападаху на всякаго Гессера и на Амаликита, и се, земля населяшеся от Ламсура и до земли Египетску: 9 и поражаше Давид землю, и не оставляше в живых мужеска полу и женска: и взимаху стада, и буйволицы и ослята, и велблoudы и ризы, и возвращающеся приходаху ко Агхусу. 10 И рече Агхус к Давиду: на кого нападосте ныне? И рече Давид ко Агхусу: к югу Иудеи и к югу Иесмеги и к югу Кенезии: 11 и мужеска полу и женска не оставлях в живых еже вводити в Геф, глаголя: да не возвестят в Гефе на нас, глаголюще: сия творит Давид. И сие оправдание его во вся дни, в няже седяще Давид на селе иноплеменническом. 12 И уверися Давид Агхусу зело, глаголя: омерзением омерзе в людех своих во Израиле, и будет ми раб во веки.

28 И бысть во дни оны, и собрашаши иноплеменнические

в полки своя изыти братися со Израилиты. И рече Агхус к Давиду: разумея разумей, яко со мною изыдеши на брань ты и мужие твои. 2 И рече Давид ко Агхусу: тако ныне уразумеши, яже сотворит раб твой.

И рече Агхус к Давиду: темже начальника хранителей телу (моему) поставлю тя во вся дни. 3 И Самуил умре, и рыдаше по нем весь Израиль, и погребоша его во Армафеме во граде его: и Саул изби чревобасники и волхвы земли своея. 4 И собрашаши иноплеменнические и придоша и ополчишаши в Сонаме: и собра Саул вся мужи Израилевы, и ополчишаши в Гелве. 5 И виде Саул полки иноплеменнические, и убояся, и ужасеся сердце его зело. 6 И вопросы Саул Господу, и не отвеша ему Господь ни во сне, ни во явлениях, ни во пророцах. 7 И рече Саул отроком своим: поищите ми жены волшебницы, и пойду к ней, и вопросу ея. И реше отроцы его к нему: се, жена волшебница во Аендоре. 8 И прикрыся Саул и облечеся в ризы ины, и иде сам и два мужа с ним, и прииде нощю к жене и рече ей: поволхвуй ми чревоволшеством, и возведи ми, егоже реку ти. 9 И рече ему жена: се, ныне ты сам веси, елика сотвори Саул, како истреби чревобасники и волхвы от земли, и вскую ты ловиши душу мою, еже умртвити ю? 10 И клятся ей Саул, глаголя: жив Господь, аще срящет тя неправда о словеси сем. 11 И рече жена Саулу: кого возведу ти? И рече Саул: Самуила возведи ми. 12 И виде жена Самуила, и возгласи гласом велиим, и рече жена к Саулу: почто мя прельстил еси? И ты еси Саул. 13 И рече ей царь: не бойся, рцы кого видела еси? И рече ему жена: боги видех восходящая от земли. 14 И рече ей: что познала еси? И рече ему (жена): (видех) мужа стара восходяща от земли, и сей оболчен одеянием долгим. И уразуме Саул, яко сей Самуил (есть), и преклони лице свое на землю и поклонися ему. 15 И рече ему Самуил: почто понудил еси мя взыти ми? И рече Саул: скорблю зело, яко иноплеменнические воюют на мя, и Бог отступи от мене, и не услыша мене ктому ни в руках пророческих, ни во снегах, ни во явлениях: и ныне призвах тя, да скажеши ми, что сотворю. 16 И рече Самуил: почто спрашашаши мя, а Господь отступи от тебе и бысть со ближним твоим? 17 И сотвори Господь тебе, якоже глагола Господь рукою мою, и исторгнет Господь царство твое из руки твоей и вдаст е ближнему твоему Давиду, 18 понеже не послушал еси гласа Господня и не исполнил еси гнева ярости Его на Амалике, глагола ради того сотвори тебе Господь в день сей: 19 и предаст Господь Израиля с тобою в руки иноплеменнические, и заутра ты и сынове твои падут с тобою, и полк Израилев предаст Господь в руки иноплеменнические. 20 И потщаши Саул, и паде стоящь на землю, и убояся зело от словес Самуиловых, и не бысть ктому крепости в нем: яко не яде хлеба во весь день

той и во всю нощь ту. 21 И вниде жена к Саулу, и виде его, яко смятеся зело, и рече к нему: се, ныне послуша раба твоя гласа твоего, и положи душу мою в руце мои, и послуша словес, яже ми глаголал еси: 22 и ныне послушай гласа рабы твоей, и положи пред тобою укрух хлеба, и яждь, и будет в тебе крепость, яко идеши в путь. 23 И не хотяше ясти: и понудиша его отроцы его и жена, и послуша гласа их, и воста от земли, и седе на седалищи. 24 Жене же бяше юница питомая в дому: и потщася, и закла ю: и взя муку и смеси, и испече опресники, 25 и принесе пред Саула и пред отроки его: и ядоша, и восташа и отидаша в нощь ону.

29 И собраша иноплеменницы вся полки своя во Афек, Израилыне же ополчиша во Аендоре иже во Израели. 2 И воеводы иноплеменничи предидаху со стами и тысячами, Давид же и мужие его идяху в последних со Агхусом. 3 И реша воеводы иноплеменничи кто суть идущии сии? И рече Агхус к воеводам иноплеменничим: не сей ли Давид раб Саула царя Израилева, иже бысть с нами дний сие второе лето? И не обретох в нем ничтоже, от дне в онъже прииде ко мне даже до сего дне. 4 И прискорбни быша о нем воеводы иноплеменничи и глаголаша ему: возврати мужа, и да возвратится на место свое, идже поставил еси его тамо, и да не идет с нами на брань, и да не будет наветник в ползех: и чим примирится сей господину своему? Не главами ли мужей сих? 5 Не сей ли есть Давид, ему же изыдоша с лики, глаголюще: победи Саул с тысячами своими, и Давид со тмами своими? 6 И призыва Агхус Давида и рече ему: жив Господь, яко прав ты и благ пред очима моими, и вход твой и исход твой со мною в полце, и яко не обретох в тебе злобы, отнележе еси пришел ко мне до днешняго дне, но пред очима воевод не благ еси ты: 7 и ныне возвратися иди с миром, и да не сотвориши зла пред очима воевод иноплеменничих. 8 И рече Давид ко Агхусу: что сотворих ти? И что обрел еси в рабе твоем, от негоже дне бех пред тобою, и даже до сего дне, да не иду воевати врагов господина моего царя? 9 И отвеща Агхус Давиду: вем, яко благ ты пред очима моими яко Ангел Божий, но воеводы иноплеменничи глаголют: да не идет с нами на брань: 10 и ныне востани рано ты и отроцы господина твоего ходящии с тобою и идите на место, идже поставих вас, и словесе пагубна да не положиши на сердцы твоем, яко благ еси ты предо мною: и востаните рано в путь, егда разсветает вам, и идите. 11 И урани Давид сам и мужие его отити и стречи

земли иноплеменничи, и иноплеменницы взыдоша на брань во Израель.

30 И бысть приходящу Давиду и мужем его к Секелагу в день третий, и Амалик нападе на южную страну и на Секелаг, и порази Секелаг и сожже его огнем: 2 жен же и всех сущих в нем от мала до велика не умертиша мужа ни жены, но плениша, и отидаша в путь свой. 3 И прииде Давид и мужие его во град, и се, сожжен бяше огнем, жены же их и сынове их и дщери их плени быша. 4 И воздвиге Давид и мужие его глас свой и плакашася дондеже не бе в них силы ктому плакатися. 5 И жены обе Давидовы плени быша, Ахинаам Израилитыня, и Авигеа бывшая жена Навала Кармилского. 6 И оскорбие Давид зело, яко совещашася людие камением побити его, яко скорбна бяше душа всех людий коегождо о сынах своих и о дщерех своих. И укрепися Давид о Господе Бозе своем, 7 и рече Давид ко Авиафару иерею сыну Авимелехову: принеси ефуд. И принесе Авиафар ефуд к Давиду. 8 И вопросы Давид Господа, глаголя: пожену ли вслед полчища сего? И постигну ли их? И рече Господъ: гони, яко постизая постигнеши их и избавляя избавиши. 9 И иде Давид сам и шесть сот мужей с ним, и придоша даже до потока Восорска, прочии же оставашася: 10 и гна с четырьми сты мужей, двести же мужей оставашася, иже седоша об он пол потока Восорска. 11 И обретоша мужа Египтянина на селе, и яша его, и приведоша его к Давиду, и даша ему хлеба, и яде, и напоиша его водою: 12 и даша ему часть смоквей, и яде, и укрепися дух его в нем, яко не яде хлеба и не пи воды три дни и три нощи. 13 И рече ему Давид: откуду еси, и чий еси ты? И рече отрок Египтянин: аз есмь раб мужа Амаликитянина, и оставил мя господин мой, яко изнемогох днесъ уже третий день: 14 и мы ходиҳом на юг до Хелефи и на Иудейския страны и на Гелвуй, и Секелагу пожгохом огнем. 15 И рече ему Давид: доведеши ли мя до полчища сего? И рече: кленися ми Богом, яко не убиеши мя и не предаси мя в руце господину моему, и доведу тя до полчища сего. 16 (И клятся ему Давид:) и приведе его онамо, и се, тии разсияни быша по лицу всяя земли, ядуще и пиюще и празднующе о всех корыстех великих, яже взяша от земли иноплеменничи и от земли Иудины. 17 И прииде на них Давид, и изби их от утра даже до вечера и наутрие: и не спасеся от них муж, разве четыреста отрок, иже вседоша на велблуды и убежаша. 18 И отя Давид вся елика взяша Амаликиты, и обе жены своя отя, 19 и не погибе им от мала даже до велика, и от корыстей, и даже до сынов

и дщерей и даже до всех, яже взяша, и вся возврати
Давид: 20 и взя Davид вся стада и паства, и погна пред
пленом: и плен оный нарища сея плен Davидов.
21 И прииде Davид к двема стом мужем оставшимся
ити вслед Davida, ихже посади на потоце Восорсте, и
изыдоша на сретение Davиду и на сретение людем иже
с ним: и прииде Davид до людий, и вопросиша его о
мирных. 22 И отвещаша вси мужие пагубни и лукавни
от мужей ратных ходивших с Davидом и реша: яко не
гониша с нами, не дадим им от плена, егоже взяхом,
но токмо кийдо жену свою и чада своя да возмут и
возвратятся. 23 И рече Davид: не сотворите, братия моя,
тако, повнегда предаде Господь нам и сохрани нас, и
предаде Господь полуице сие нашедшее на ны в руки
наша: 24 и кто послушает ваших словес сих? Яко не
менши нас суть: понеже по части исходящаго на брань,
тако будет часть седящаго при сосудех, по тому же
разделятся. 25 И бысть от дне того и выше, и бысть в
повеление и на оправдание Израилю даже до дне сего.
26 И прииде Davид в Секелаг, и посла старейшинам от
корыстей Иудиних и искренним своим, глаголя: се, вам
благословение от корыстей врагов Господних, 27 сущым
в Вефсуре и в Раме южней и в Гефоре, 28 и во Ариоре и
во Аммаде, и во Сафе и во Есфифе и в Гефе, 29 и в
Кинане и в Сафеце, и в Фимафе и в Кармиле, и сущым
во градех Иеремиила и во градех Кенезия, 30 и сущым
во Иеримуфе и во Вирсавии и в Номве, 31 и сущым в
Хевроне, и во вся места, яже пройде Davид тамо сам и
мужие его.

31 И иноплеменницы воеваху на Израиля, и бежаша
мужие Израилевы от лица иноплеменнича, и падаху
язвенини на горе Гелвуе. 2 И сидоша иноплеменницы
с Саулом и с сыни миего, и убиша иноплеменницы
Ионафана и Аминадава и Мелхисуа, сыны Сауловы. 3
И отяготе брань на Саула, и обретоша его копейницы
мужие стрелцы, и уязвен бысть (Саул) во утробу. 4 И рече
Саул к носящему оружие его: изсуни мечь твой и прободи
мя им, да не приидут необрязанни сии и избодут мя,
и поругаются мне. И не хотяше носяй оружие его, яко
убоялся зело. И взя Саул мечь свой и паде на него. 5 И
виде носяй оружие его, яко умре Саул, и паде и той на
мечь свой и умре с ним. 6 И умре Саул и трие сынове его,
и носяй оружие его, и вси мужие его в день той купно. 7
И видеша мужие Израилстии, иже об он пол юдоли и
иже об он пол Иордана, яко бежаша мужие Израилстии,
и яко умре Саул и сынове его, и оставиша грады своя

и бежаша: и придоша иноплеменницы и вселиша в
них. 8 И бысть на утрие, и придоша иноплеменницы
обнажити мертвых, и обретоша Саула и три сыны его
падшыя на горе Гелвуе, 9 и обратиша его, и сняша
оружие его, и отсекоша главу его, и послаша в землю
иноплеменничу окрест возвещающе идолом их и людем
их: 10 и положиша оружие его у Астарта, тело же его
воткнуша на стене Вефсамли. 11 И услышаша живущи во
Иависе Галаадитиystem, яже сотвориша иноплеменницы
Саулу, 12 и восташа вси мужие сильнии, и идоша всю
нощь, и взяша тело Саулово и тело Ионафана сына его с
стены Вефсамски, и принесоша я во Иавис, и сожгоша я
тамо: 13 и взяша кости их, и погребоша я в дубраве яже
во Иависе, и постишася седмь дній.

Вторая книга Царств

1 И бысть егда умре Саул, и Давид возвратися победив Амалика, и пребысть Давид в Секелазе дни два. **2** И бысть в третий день, и се, муж прииде от полка людей Сауловых, ризы же его (бяху) раздраны, и перстъ на главе его: и бысть егда вниде к Давиду (отрок), и пад на земли поклонися ему. **3** И рече ему Давид: откуду ты пришел еси? И рече ему: от полка Израилева аз избегох. **4** И рече ему Давид: что слово сие? Возвести ми. И рече: яко побегоша людие от брани, и падоша мнози от людей, и измроша, и Саул и Ионафан сын его умре. **5** И рече Давид отроку возвестившему ему: како знаеш, яко умре Саул и Ионафан сын его? **6** И рече отрок возвещаяй ему: по слухаю приидох в гору Гелвуйскую, и се, Саул нападаше на копие свое, и се, колесницы и вельможи собирашася на нань: **7** и обозресья вспять (Саул) и виде мя, и призыва мя, и рех: се, аз: **8** и рече ми: кто ты еси? И рех: Амаликитин есмъ аз: **9** и рече ми: прииди убо на мя и убий мя, яко объят мя тма лютая, яко еще душа моя во мне: **10** и стах над ним, и убих его: ведех бо, яко не будет жив по падении своем: и взяв венец царский, иже бе на главе его, и нарамницу, яже бе на плещу его, и принесох сия к господину моему семо. **11** И емъся Давид за ризы своя, и раздра я, и вси мужие иже с ним раздраша ризы своя, **12** и рыдаша и плакашася, и постишася до вечера о Сауле, и о Ионафане сыне его, и о людех Иудиных и о доме Израилеве, яко избиени быша мечем. **13** И рече Давид отроку возвестившему ему: откуду ты еси? И рече: сын мужа прищелца Амаликитина есмъ аз. **14** И рече ему Давид: како не убоялся еси воздвигнути руку твою погубити христа Господня? **15** И призыва Давид единаго от отрок своих и рече: иди, убий его. И уби его, и умре. **16** И рече ему Давид: кровь твоя на главе твоей, яко уста твоя на тя возвещаша, глаголюще: яко аз убих христа Господня. **17** И плакася Давид плачем сим о Сауле и о Ионафане сыне его, **18** и рече еже научти сыны Иудины стрелянию. Се написано в книзе Праведнаго. **19** И рече: воздвигни столп, Израилю, над умершими на высоких твоих язвенными: како падоша сильни? **20** Не возвещайте в Гефе, ниже поведайте на исходищах Аскалоних, да не возвеселятся дщери иноплеменничи, ни да возрадуются дщери необрезанных. **21** Горы Гелвуйская, да не снидет роса ниже дождь на вас: и села начатков (житных), яко тамо повержен бысть щит сильных: щит Саулов не быти помазан елеем: **22** от крове язвенных и от туха сильных лук Ионафанов не возвратися тощъ вспять, и

мечь Саулов не возвратися тощъ: **23** Саул и Ионафан возлюбленни и прекрасни неразлучни, благолепни в животе своем, и в смерти своей не разлучиша: паче орлов легцы и паче львов крепцы: **24** плачите по Сауле, дщери Израилевы, иже вас облачаша в червленицы со увреждением вашим, и возлагаше увреждение злато на ризы ваша: **25** како падоша сильни посреде брани? Ионафане, до смерти на высоких твоих язвен еси: **26** болезнью о тебе, брате мой Ионафане, красный ми зело, удивися любовь твоя от мене паче любви женския: **27** како падоша сильни, и погибоша оружия бранная?

2 И бысть по сих, и вопросы Давид Господа, глаголя: вниди ли в един от градов Иудиных? И рече Господъ к нему: и вниди. И рече Давид: камо вниди? И рече: в Хеврон. **2** И иде тамо Давид в Хеврон, и обе жены его, Ахинаам Израилитыня и Авигея (бывшая) жена Навала Кармилскаго, **3** и мужие иже с ним кийждо, и домове их, и начаша жити во градех Хевронских. **4** И придоша мужие от Иудеи и помазаша тамо Давида, да царствует над домом Иудиным. И возвестиша Давиду, глаголюще: яко мужие Иависа Галаадититскаго погребоша Саула. **5** И послы Давид послы к старейшинам Иависа Галаадититскаго и рече к ним Давид: благословени вы Господу, яко сотористе милость сию над господином вашим Саулом, христом Господним, и погребосте его и Ионафана сына его: **6** и ныне да соторит Господъ с вами милость и истину: и аз соторю с вами сие благое, понеже сотористе глагол сей: **7** и ныне да укрепятся руки ваши, и да будете сынове сильни, яко умре господин ваш Саул, мене же помаза дом Иудин, да царствую над ними. **8** И Авенир сын Ниров, начальный воевода Саулов, взя Иевосфея сына Сауля, и изведе его из полка в Манаем, **9** и воцари его над Галаадитио и над Фасирио и над Иезраилем и над Ефремом и над Вениамином и над всем Исаилем. **10** Четыредесять лет Иевосфею бе сыну Саулову, егда нача царствовать над Исаилем, и два лета царствова, кроме дому Иудина, иже бысть за Давидом. **11** И быша дние, в няже Давид царствова в Хевроне над домом Иудиным, седмь лет и шесть месяц. **12** И изыде Авенир сын Ниров и отроцы Иевосфея сына Сауля из Манаема в Гаваон. **13** И Иоав сын Саруиев и отроцы Давидовы изыдоша от Хеврона и сретоша си над потоком отсюду, и тии оттуду. **14** И рече Авенир ко Иоаву: да востанут ныне отроцы и да поиграют пред нами. И рече Иоав: да востанут. **15** И восташа и преидоша от отрок

Вениаминовых, числом двадцать Иевосфеа сына Сауля, и от отрок Давидовых двадцать: 16 и взя кийдо рукою за главу искренняго своего, и мечь его в ребра искренняго его, и падоша вкупе: и наречеся имя мести тому Часть Наветников, яже есть в Гаваоне. 17 И бысть брань жестока зело в той день: и паде Авенир и мужие Израилстии пред отроки Давидовы. 18 И быша тамо три сынове Саруиевы, Иоав и Авесса и Асаил: Асаил же бе легок ногама своим, яко едина серна от сущих на селе. 19 И погна Асаил вслед Авенира, и не уклонися ни на десно ни на лево, но вслед Авенира: 20 и озрея Авенир назад себе и рече: ты ли еси сам, Асаил? И рече: аз есмъ. 21 И рече ему Авенир: уклонися ты на десно или на шуе, и возми себе единаго от отрок, и возми себе все оружие его. И не восхоте Асаил уклонитися от него. 22 И приложи еще Авенир глаголати ко Асаилу: отступи от мене, да не поражу тя о землю: и како явлю лице мое ко Иоаву? 23 И где суть сия? Возвратися ко Иоаву брату твоему. И не хотяше отступити. И удари его Авенир копием созади в лядвия: и пройде копие сквозе его, и паде тамо и умре пред ним: и бысть всяк приходий до места, идеже паде Асаил и умре, и остановляшеся. 24 И погнаша Иоав и Авесса вслед Авенира, и солнце заходяше: и тии придоша даже до холма Амма, иже есть пред лицем Гаи, путь пустыни Гаваони. 25 И сбираша сынове Вениаминовы за Авениром и быша в снитии единем, и сташа на версе холма единаго. 26 И воззва Авенир ко Иоаву и рече: еда в победу поист мечь? Или не веси, яко горька будут последия? И доколе не речеши людем возвратитися созади братий наших? 27 И рече Иоав: жив Господъ, яко, аще бы не рекл еси, тогда от утра бы людие мои престали гоняще кийдо вслед брата своего. 28 И воструби Иоав трубою, и сташа вси людие, и не погнаша вслед Израилтян, и не приложиша кому ратовать. 29 Авенир же и мужие его идоша на запад всю нощь ону, и преидоша Иордан, и проидоша всю страну ту, и придоша в Полк. 30 И Иоав возвратися вспять от Авенира, и собра вся люди, и исчислиша отрок Давидовых (падших) девятьнадесять мужей, и Асаила. 31 Отроцы же Давидовы убisha сынов Вениаминых мужей Авенировых триста и шестьдесят мужей. 32 И взяша Асаила, и погребоша его во гробе отца его в Вифлееме. И иде Иоав и мужие его с ним всю нощь, и осветоша в Хевроне.

3 И бысть брань на много между домом Саули и между домом Давидовым, и дом Давидов возвышающеся

и укрепляющеся, дом же Сауль идяше и изнемогаше. 2 И родишася Давиду в Хевроне сынов шесть: и бе первородный ему Аммон от Ахинаамы Израилитыни, 3 и второй ему сын Далуиа от Авигеи Кармилския, и третий Авессалом сын Маахи дщере Фолми царя Гессирска, 4 четвертый Адония сын Аггицы, и пятый Сафатия от Авиталы, 5 и шестый Иеффераам от Еглы жены Давидовы: сии родишася Давиду в Хевроне. 6 И бысть внегда быти брани между домом Саули и между домом Давидовым, и бяше Авенир держа дом Саулов. 7 И Сауловы подложница бе, ейже бе имя Ресфа, дщерь Иоля. И вниде к ней Авенир, и рече Иевосфей сын Сауль ко Авениру: что яко вшел еси к подложнице отца моего? 8 И разгневавася зело Авенир о словеси сем на Иевосфеа и рече ему Авенир: еда песня глава есмъ аз? Створих днесь милость дому Саула отца твоего и братии и знаемым, и не отступих в дом Давидов, и ищеши на мне ты о неправде жены днесъ? 9 Сия да сотворит Бог Авениру и сия да приложит ему, зане якоже клятся Господь Давиду, тако сотворю ему в сей день, 10 еже отяти царство от дому Сауля и воздвигнути престол Давидов во Израили и во Иуде от Дана даже до Вирсавии. 11 И не возможе кому Иевосфей отвещати Авениру словесе от боязни, яже к нему. 12 И послы Авенир к Давиду послы в Фелам, идеже бе, абие, глаголя: положи завет твой со мною, и се, рука моя с тобою, еже возвратити ми к тебе весь дом Израилев. 13 И рече Давид: добрe, аз положу с тобою завет, токмо словесе единаго прошу у тебе, глаголя: не имаши видети лица моего, аще не приведеши Мелхолы дщере Саули, приходящути видети лицо мое. 14 И послы Давид ко Иевосфеа сыну Саулю вестники, глаголя: отдахъдь мне жену мою Мелхолу, юже взяхъ за сто необрзаний иноплеменничих. 15 И послы Иевосфей, и взяты от мужа ея от Фалтила сына Селлимова. 16 И идяше муж ея с нею плачася даже до Варакима. И рече к нему Авенир: иди, возвратися. И возвратися. 17 И рече Авенир к старейшинам Израилевым, глаголя: вчера и третияго дне искасте Давида, да царствует над вами: 18 и ныне сотворите, якоже Господь глагола о Давиде, глаголя: рукою раба Моего Давида спасу люди Моя Израиля от руки иноплеменничих и от руки всех врагов их. 19 И глагола Авенир во уши Вениамину: и иде Авенир глаголати во уши Давидовы в Хеврон вся, елика угодна беша пред очима Израилевыми и пред очима всего дому Вениамина. 20 И прииде Авенир к Давиду в Хеврон, и с ним двадцать мужей. И сотвори Давид пир Авениру и

мужем его иже с ним. 21 И рече Авенир к Давиду: востану ныне и пойду и соберу к господину моему царю всего Израиля, и положу с ним завет, и царствовати имаши всеми, ихже желает душа твоя. И посла Давид Авенира, и иде с миром. 22 И се, отроцы Давидовы и Иоав идяху от исхода и корысть многу несяху с собою, и Авенир уже не бе с Давидом в Хевроне, яко отслан бяше, и отиде с миром. 23 Иоав же и все воинство его прииде: и возвестиша Иоаву, глаголюще: приходаше Авенир сын Ниров к Давиду, и отсла его, и отиде с миром. 24 И вниде Иоав к царю и рече: что сие сотворил еси? Се, приходаше Авенир к тебе, и почто отпустил еси его, и отиде с миром? 25 Или не веси злобы Авенира сына Нирова, яко слукавствовати к тебе прииде, и уразумети исход твой и вход твой, и уведати вся елика твориши ты? 26 И возвратися Иоав от Давида, и посла послы вслед Авенира, и возвратиша его от кладзя Сеирамска: Давид же не ведаше. 27 И возврати Авенира в Хеврон, и соврати его Иоав на страну от врат глаголати к нему лукавно: и удари его в лядвия, и умре в крови Асаила брата Иоавля. 28 И услыша Давид по сих и рече: чист есмь аз и царство мое от Господа и отныне и до века от крове Авенира сына Нирова: 29 да снидет на главу Иоавлю и на весь дом отца его, и да не оскудеет от дому Иоавля изливаяй семя, и прокаженный, и держайся жезла, и падай оружием, и умаленный хлебами. 30 Иоав же и Авесса брат его наблюдаху Авенира, понеже уби Асаила брата их в Гаваоне на брани. 31 И рече Давид ко Иоаву и ко всем людем его: раздерите ризы ваша и препояшитесь вретищи, и рыдайте о Авенире. Сам же царь Давид идяше вслед одра. 32 И погребоша Авенира в Хевроне. И воздвиге царь глас свой и плакася над гробом его, и все людие плакаша о Авенире. 33 И плакася царь над Авениром и рече: еда смертию Навала умре Авенир? 34 Руце твои не связаны, нозе твои не во оковах: не приступил еси якоже Навал, пред сыни ми неправды пал еси. И собрашася все людие плакатися его, 35 и придоша все людие предложити Давиду ясти хлебы еще сущу дни. И клятся Давид, глаголя: сия да сотворит ми Бог и сия да приложит, яко аще не зайдет солнце, не имам вкусити хлеба ни иного чего. 36 И познаша все людие, и угодна быша пред ними вся, елика сотвори царь перед людьми. 37 И разумеша все людие и весь Израиль в той день, яко не бысть от царя убийства Авениру сыну Нирову. 38 И рече царь отроком своим: не весте ли, яко властелин велик паде в сей день во Израили? 39 И яко аз есмь ближний днесъ и возставлен

в царя? Мужие же сии сынове Саруини жесточайшии мене суть: да воздаст Господь творящему лукавная по злобе его.

4 И слыша Иевосфей сын Сауль, яко умре Авенир сын

Ниров в Хевроне, и ослабеша руце его, и вси мужие Израилевы изнемогоша. 2 И два мужа старейшины полков Иевосфеа сына Сауля: имя единому Ваана и имя другому Рихав, сынове Реммона Вирофейского от сынов Вениаминых: яко Вироф вмениялся в сынех Вениаминых. 3 И отбегоша Вироф в Гефем, и беша тамо живуще до днешняго дне. 4 И Ионафану сыну Саулю сын бе хром ногама, сын пяти лет: и той, егда прииде возвещение о Сауле и Ионафане сыне его от Иезраеля, и взят его пестунница его, и бежа: и бысть тщащейся ей на отшествие, и паде, и охроме, имя же ему Мемфивосфей. 5 И поидоста сынове Реммона Вирофейского, Рихав и Ваана, и внидоста во время зноя дневнаго в дом Иевосфеев, и той почиваше на одре в полудне: 6 и се, вратник дому очищаще пшеницу и воздрема и спаше, Рихав же и Ваана братия утаившася внидоста в дом: 7 Иевосфей же почиваше на одре своем в ложнице своей: и биста его, и умертвила его, и отяста главу его, и взяста главу его, и отидоста путем иже на запад всю нощь: 8 и принесоста главу Иевосфеову к Давиду в Хеврон и реста к царю: се, глава Иевосфеа сына Саулова врага твоего, иже искаше души твою, и даде Господь господину нашему царю отмщение врагов его, якоже день сей, от Саула врага твоего и от семене его. 9 И отвеша Давид Рихаву и Ваане брату его, сыном Реммона Вирофейского, и рече има: жив Господь, иже избави душу мою от всякия скорби: 10 ибо возвестивый мне, яко умре Саул и Ионафан, и той бяше аки благовествуй предо мною, и ях его и убих его в Секелазе, ему же должен бех дати дар: 11 и ныне мужие лукавии убиша мужа праведна в дому его на одре его, и ныне взыщу крове его от руки вашея и искореню вас от земли. 12 И заповеда Давид отроком своим, и убиша их, и отсекоша руце их и нозе их, и повесиша их над источником в Хевроне, и главу Иевосфеову погребоша во гробе Авенира сына Нирова (в Хевроне).

5 И придоша вся племена Израилева к Давиду в

Хеврон и глаголаша ему: се, кости твоя и плоть твоя мы есмы: 2 и вчера и третияго дне Саулу сущу царю над нами, ты был еси вводяй и изводяй Израиля, и рече Господь к тебе: ты уласши люди Моя Израиля и ты будеши вождь людем Моим Израилю. 3 И придоша

вси старейшины Израилевы к царю в Хеврон, и положи им царь Давид завет в Хевроне пред Господем: и помазаша Давида на царство над всем Израилем. 4 Сын тридесети лет Давид всегда воцарился ему, и царствова четыредесять лет: 5 седьмь лет и месяцей шесть царствова в Хевроне над Иудою, и тридесять три лета царствова над всем Израилем и Иудою во Иерусалиме. 6 И пойде Давид и вси мужие его во Иерусалим ко Иевусею, живущему на земли той. И реша Давиду: не внидеш сemo, яко восташа хромии и слепии глаголюще: яко не внидет Давид сemo. 7 И взя Давид крепость Сионю: сия есть град Давидов. 8 И рече Давид в день той: всяк поражая Иевусеа да касается мечем и хромых и слепых и ненавидящих души Давидовы. Сего ради рекут: слепии и хромии не внидут в дом Господень. 9 И седе Давид в крепости, и наречеся сия град Давидов: и созда той град около от Краеградия, и дом свой. 10 И идяше Давид идый и величаем, и Господь Вседержитель с ним. 11 И послы Хирам царь Тирский послы к Давиду, и древа кедрова, и древоделей, и каменоделателей, и создаша дом Давиду. 12 И уразуме Давид, яко уготова его Господь в царя над Израилем, и яко вознесеся царство его людий Его ради Израиля. 13 И поят Давид еще жены и подложницы от Иерусалима по пришествии своем от Хеврона: и быша Давиду еще сынове и дщери. 14 И сия имена родившимся ему во Иерусалиме: Самус и Савав, и Нафан и Соломон, 15 и Евеар и Елисие, и Нафек и Иефие, 16 и Елисама и Елидае и Елифалаф, Самае, Иесиваф, Нафан, Галамаан, Иеваар, Феисус, Елифалаф, Нагеф, Нафек, Ианафан и Леасамис, Ваалимаф, Елифааф. 17 И услышаша иноплеменницы, яко помазася Давид царь над Израилем, и взыдоша вси иноплеменницы искати Давида. И услыша Давид, и снide в крепость. 18 Иноплеменницы же придоша и соединиша во юдоли Титанстей. 19 И вопросы Давид Господа, глаголя: взыду ли ко иноплеменником? И предаси ли я в руце мои? И рече Господь к Давиду: взыди, яко предая предам иноплеменники в руце твои. 20 И прииде Давид с Вышних Сечей и посече иноплеменники тамо. И рече Давид: изсече Господь враги моя иноплеменники предо мною, якоже пресекаются воды. Сего ради наречеся имя места того Свыше Сечей. 21 И оставилша тамо (иноплеменницы) боги своя, и взя их Давид и мужие иже с ним (и рече Давид сожеши их во огни). 22 И приложиша паки прийти иноплеменницы и собрашася на юдоли Титанстей. 23 И вопросы Давид Господа: взыду ли ко иноплеменником? И предаси ли их в руце мои? И рече ему Господь: не

исходи на сретение им, но уклонися от них, и приступиши к ним близ дубравы плача: 24 и будет, егда услышиши глас шума от дубравы плача, тогда снideши к ним, яко тогда изыдет Господь пред тобою сеши на брани иноплеменники. 25 И сотвори Давид, якоже заповеда ему Господь, и изби иноплеменники от Гаваона даже до земли Газира.

6 И собра Давид еще всякаго юношу от Израиля, яко седмъдесят тысящ. 2 И воста и иде Давид и вси людие, иже с ним, и от князей Иудиных, на восход, еже вознести оттуду кивот Божий, над нимже призвася имя Господа Сил, седящаго на херувимех над ним: 3 и возложиша кивот Господень на колесницу нову, и отвезоша его из дому и Аминадавля иже на холме: Оза же и братия его сынове Аминадавли везяху колесницу с кивотом (Господним): 4 и братия его идяху пред кивотом (Божиим), 5 Давид же и сынове Израилевы (идяху) пред Господем, играюще во органы устроенные в крепости, и в пениях и в гуслех, и в свирелех и в тимпанех, и в кимвалех и в цевницах, 6 и придоша до гумна Нахорова. И простре Оза руку свою на кивот Божий придержати его, и ятся за него, понеже превращаше его телец. 7 И разгневався гневом Господь на Озу и порази его тамо Бог, и умре тамо у кивота Господня пред Богом. 8 И опечалися Давид, понеже порази Господь поражением Озу: и наречеся место то поражение Озино и до сего дне. 9 И убоялся Господа Давид в день той, глаголя: како внидет ко мне кивот Господень? 10 И не хотяше Давид, да приидет к нему кивот завета Господня во град Давидов: и уклони его Давид в дом Аведдара Гефеанина. 11 И стояше кивот Господень в дому Аведдара Гефеанина месяцы три, и благослови Господь весь дом Аведдаров и вся, яже его. 12 И возвестиша царю Давиду, глаголюще: благослови Господь дом Аведдаров и вся, яже его, кивота ради Божия. И иде Давид, и взя кивот Божий из дома Аведдара во град Давидов в веселии: 13 и беша с ним несуще кивот Господень седьмь ликов, и жертва телец и агнцы: 14 и Давид бряща во органы устроены пред Господем, и оболчен бысть Давид во одежду изящну: 15 и Давид и весь дом Израилев несяху кивот Господень с воплем и со гласом трубным. 16 И бысть кивоту приносиму ко граду Давидову, и Мелхола дци Саулова приницаша оконцем и виде царя Давида скачуща и играюща пред Господем, и уничижи его в сердцы своем. 17 И внесоша кивот Господень, и поставиша его на месте его посреде скинии, юже постави ему Давид: и

вознесе Давид всесожигаемая пред Господа и мирная, 18 и соверши Давид возносяй всесожжения и мирная, и благослови люди о имени Господа Сил, 19 и раздели всем людем на всю силу Израилеву от Дана даже до Вирсавии, и от мужа даже до жены, коемуждо по укруху хлеба, и по части печеного мяса, и по сковрадному млину. И отидаша вси людие, кийждо в дом свой. 20 И возвратися Давид благословити дом свой, и изыде Мелхола дщи Сауловна на сретение Давиду, и благослови его и рече: коль прославися днесъ царь Израилев, иже открыся днесъ пред очима рабынь рабов своих, якоже открывается открывшийся един от пляшущих? 21 И рече Давид к Мелхоле: пред Господем плясати буду: и благословен Господъ, иже избра мя паче отца твоего и паче всего дому его, поставити мя властелина над людьми Своими над Израилем, и буду играть и плясати пред Господем: 22 и открыюся еще такожде и буду непотребен пред очима твоими, и с рабынями, о нихже рекла еси, непрославлену быти ми. 23 И у Мелхолы дщере Саули не бысть детища до дне смерти ея.

7 И бысть егда сяде царь в дому своем, и Господъ унаследи его окрест от всех врагов его окрестных, 2 и рече царь к Нафану пророку: се, ныне аз живу в дому кедровем, кивот же Божий стоит посреде скинии. 3 И рече Нафан к царю: вся елика суть в сердцы твоем, иди и твори, яко Господъ с тобою. 4 И бысть в нощи той, и бысть слово Господне к Нафану, глаголя: 5 иди и рцы рабу Моему Давиду: сия глаголет Господъ: не ты созиждиши Мне дом, еже обитати Мне: 6 яко не обитах в дому, от негоже дне изведох сыны Израилевы из земли Египетской до дне сего, но бех ходя во обиталищи и в кущи, 7 во всех идеже хождах во всем Израили: аще глаголя глаголах ко единому колену Израилеву, ему же заповедах пасти люди Моя Израиля, глаголя: почто не создасте Ми дому кедрова? 8 И ныне сия речеши рабу Моему Давиду: сице глаголет Господъ Вседержитель: поях тя от пажити овчия на властелинство людем Моим Израилю, 9 и бех с тобою во всех, аможе ходил еси, и искорених вся враги твоя от лица твоего, и сотворих тя именита по имени великих иже на земли, 10 и положу место людем Моим Израилю, и насажду их, и вселятся о себе сами, и не попекутся ктому: и не приложит сын неправды обидети их, якоже исперва, 11 и от дний в няже поставих судии в людех Моих во Израили: и упокою тя от всех враг твоих: и возвестити Господъ, яко созиждиши дом Ему: 12 и будет егда исполнятся дни твои, и уснеши

со отцы твоими, и возставлю семя твое по тебе, иже будет от чрева твоего, и уготовлю царство его: 13 той созиждет дом имени Моему, и управлю престол его до века: 14 Аз буду ему во отца, и той будет Ми в сына: и аще приидет неправда его, и обличу его жезлом мужей и язвами сынов человеческих: 15 милости же Моей не отставлю от него, якоже отставих от тех, ихже отставих от лица Моего: 16 и верен будет дом его и царство его до века предо Мною: и престол его будет исправлен во век. 17 По всем словесем сим и по всему видению сему, тако глагола Нафан ко Давиду. 18 И вниде царь Давид и седе пред Господем и рече: кто есмь аз, Господи мой, Господи? И что дом мой, яко возлюбил мя еси даже до сих? 19 И мала сия пред Тобою суть, Господи мой, Господи, и глаголал еси о доме раба Твоего вдалеко: сей же закон человека, Господи мой, Господи: 20 и что приложит Давид еще глаголати к Тебе? И ныне Ты веси раба Твоего, Господи мой, Господи, 21 и раба Твоего ради сотворил еси и по сердцу Твоему сотворил еси все величество сие, сказати рабу Твоему, 22 величия ради Твоего, Господи мой, Господи: несть бо ин якоже Ты, и несть Бога разве Тебе во всех, яже слышахом ушима нашима: 23 и кто якоже людие Твои Израиль языки на земли? Яко настави их Бог, еже избавити Себе людий, еже положити Тебе имя, еже сотворити величие и просвещение, еже изринути тебе от лица людий Твоих, ихже избавил еси Себе от Египта, языки и селения, 24 и уготовал еси Себе люди Твоя Израиля в люди до века, и Ты, Господи, был еси им в Бога: 25 и ныне, Господи мой, Господи, слово, еже глаголал еси о рабе Твоем и о доме его, увери до века, якоже глаголал еси, сотвори: 26 и ныне да возвеличится имя Твое до века, глаголя: Господъ Вседержитель Бог над Израилем, и дом раба Твоего Давида да будет исправлен пред Тобою: 27 яко Ты Господъ Вседержитель Бог Израилев, отверзл еси ухо рабу Твоему, глаголя: дом созижду тебе: сего ради обрете раб Твой сердце свое еже помолитися к Тебе молитвою сею: 28 и ныне, Господи мой, Господи, Ты еси Бог, и словеса Твоя будут истинна, и глаголал еси о рабе Твоем благая сия, 29 и ныне начни и благослови дом раба Твоего, еже быти ему во век пред Тобою, яко Ты, Господи мой, Господи, глаголал еси, и от благословения Твоего да благословится дом раба Твоего, еже быти во век пред Тобою.

8 И бысть по сих, и порази Давид иноплеменники и победи их, и взя Давид отлученное от руки

иноплеменнич. 2 И порази Давид Моава, и размери их ужами, положив их на земли: и быша два ужа на умерщвление, и два ужа на оживление: и бысть Моав Давиду в раба дающа дань. 3 И порази Давид Адраазара сына Раава царя Сувска, идущу ему поставить руку свою на реце Евфрате: 4 и предвзя Давид от него тысячу колесниц и седьмь тысячи конник и двадесять тысячи мужей пешцев, и разруши Давид вся колесницы, и оставил себе от них сто колесниц. 5 И прииде Сирия Дамаскова помочи Адраазару царю Сувску, и порази Давид от Сирии двадесять две тысячи мужей, 6 и поставил Давид стражу в Сирии, яже под Дамаском, и бысть Сирия Давиду в рабы дающая дань: и спасе Господь Давида во всех, аможе хождаше. 7 И взя Давид гринвы златые, яже быша на отрочех Адраазара царя Сувска, и принесе я во Иерусалим: и взя их Сусаким царь Египетск, егда взыде во Иерусалим во дни Ровоама сына Соломоня. 8 И от Метевака и от избранных градов Адраазаровых взя Давид медь многу зело, из неяже сотвори Соломон море медяно и столпы, и умывалницы и вся сосуды. 9 И услыша Фoa царь Имафский, яко порази Давид всю силу Адраазарову, 10 и послал Фoa Иеддурому сына своего к царю Давиду вопросити его яже о мире, и благословити его, понеже победи Адраазара и уби его, зане сопротивляся бе Адраазару: и в руку его быша сосуды сребряны и сосуды златы и сосуды медяны: 11 и сия освяти царь Давид Господу со сребром и златом, еже освяти от всех градов, имиже возоблада, 12 от Идумеи и от Моава, и от сынов Аммоних и от иноплеменник, и от Амалика и от корыстей Адраазара сына Раава, царя Сувска. 13 И сотвори Давид (себе) имя: и егда возвращающеся, порази Идумею в Гевелеме, до осминадесять тысяч: 14 и поставил во Идумеи Давид стражу, во всей Идумеи, и быша вси Идумеане раби царю Давиду: и спасе Господь Давида во всех, аможе хождаше. 15 И царствова Давид над всем Израилем, и бе Давид творяй суд и правду над всеми людьми своими. 16 И Иоав сын Саруин над воинствы (его), и Иосафат сын Ахилудов над памятописаниями, 17 и Садок сын Ахитов и Ахимелех сын Авиафарь жерцы, и Саса книжник, 18 и Ванеа сын Иодаев советник, и Хелефий и Фелетий, и сынове Давидовы начальцы двора быша.

9 И рече Давид: есть ли еще оставшийся в дому Саули, и сотворю с ним милость Ионафана ради? 2 И от дому Сауля бе отрок, и имя ему Сива: и призваша его к Давиду, и рече к нему царь: ты ли еси Сива? И рече: аз раб твой. 3 И рече царь: остался ли от дому Сауля еще

муж, и сотворю с ним милость Божию? И рече Сива к царю: еще есть сын Ионафанов, хром ногама. 4 И рече царь: где есть? И рече Сива к царю: се, в дому Махира сына Амилия от Лодавара. 5 И послал царь Давид, и взя его из дому Махира сына Амилия от Лодавара. 6 И прииде Мемфивосфей сын Ионафана сына Саулову к царю Давиду, и паде на лицы своем и поклонися ему. И рече ему Давид: Мемфивосфей. И рече: се, раб твой. 7 И рече ему Давид: не бойся, яко творя сотворю с тобою милость Ионафана ради отца твоего, и возвращу тебе вся села Саула деда твоего, и ты яждь хлеб на трапезе моей всегда. 8 И поклонися ему Мемфивосфей и рече: кто есмъ аз раб твой, яко призрел еси на пса умершаго подобнаго мне? 9 И призыва царь Сиву отрочища Сауля, и рече ему: вся елика суть Сауля и весь дом его дах сыну господина твоего: 10 и делай ему землю ты и сынове твои и раби твои, и да приносиши сыну господина твоего хлебы, да яст: и Мемфивосфей сын господина твоего да яст хлеб всегда на трапезе моей. У Сивы же бяху пятьнадесять сынов и двадесять рабов. 11 И рече Сива к царю: по всем, елика заповеда господин мой царь рабу своему, тако сотворит раб твой. И Мемфивосфей ядяше на трапезе Давидове, якоже един от сынов царевых. 12 И Мемфивосфей сын бе мал, и имя ему Миха, и все обитание дому Сивина раби бяху Мемфивосфеовы. 13 И Мемфивосфей живяше во Иерусалиме, яко на трапезе цареве ядяше всегда: и той бяше хром обема ногама своими.

10 И бысть по сих, и умре царь сынов Аммоних, и царствова сын его Аннон вместо его. 2 И рече Давид: сотворю милость со Анноном сыном Наасовым, имже образом сотвори отец его милость со мною. И послал Давид утешити его рукою рабов своих о отце его. И придоша отроцы Давидовы в землю сынов Аммоних. 3 И реша старейшины сынов Аммоних ко Аннону господину своему: еда прославления ради отца твоего пред тобою послана к тебе Давид утешители? Не да испытают ли град, и соглядают его, еже разрушити его, послана Давид рабы своя к тебе? 4 И взя Аннон отроки Давидовы, и остириже половину брад их, и обреза одеяния их половину даже до чресл их, и отпусти их. 5 И возвестиша Давиду о мужех, и послал в сретение им, яко беша мужие тии обезчещени зело. И рече царь: седите во Иерихоне, дондеже возрастут брады вашя, и возвратитесь. 6 И видеша сынове Аммони, яко посрамлени быша людие Давидовы: и послаша сынове Аммони, и наяша Сирию Вефраамлю, и Сирию Сувску и Роовлю двадесять тысяч

пещцев, и царя Амалика Мааха тысячу мужей, и Истова двадцать тысяч мужей. 7 И слыша Давид, и послал Иоава и всю силу сильных. 8 И изыдоша сынове Аммони, и устроиша брань пред враты града: Сирия же Сувска и Роов, и Истов и Амалик, едини (сташа) на селе. 9 И виде Иоав, яко бысть на него противное лицо брани сопреди и созади, и избра от всех юнош Израилевых, и устрои их противу Сириан, 10 останок же людий даде в руце брату своему Авессе и устрои я противу сынов Аммоних, 11 и рече (Иоав ко Авесссе): аще укрепится Сирия паче мене, и будете мне на спасение: аще же укрепятся сынове Аммони паче тебе, и будем спасати тя: 12 мужаимся и укрепимся о людех наших и о градех Бога нашего, и Господь сотворит благое пред очима Своими. 13 И прииде Иоав и людие его с ним на брань на Сирию, и побегоша от лица его. 14 И видеша сынове Аммони, яко бежаша Сириане, и бежаша от лица Авессы и внидоша во град. И возвратися Иоав от сынов Аммоних, и прииде во Иерусалим. 15 И видеша Сириане, яко падоша пред Израилем, и собрашася вкупе. 16 И послал Адраазар, и собра Сирианы, иже об он пол реки Халамака, и придоша во Елам: и Савак старейшина силы Адраазаровы пред ними. 17 И возвестиша Давиду, и собра всего Израиля, и прейде Иордан, и прииде во Елам. И устроишася Сириане на Давида, и брашася с ним, 18 и бежаша Сириане от лица Израилян. И отя Давид от Сирии седьмь сот колесниц и четыредесять тысяч конник, и Савака старейшину силы его уби, и умре тамо. 19 И видеша вси царие раби Адраазаровы, яко падоша пред Израилем, и пребегоша ко Израилю и работаша им: и убояшася Сириане спасати ктому сынов Аммоних.

11 И бысть по возвращении лета, во время исходения царей (на брань), и послал Давид Иоава и отроки своя с ним, и всего Израиля: и расточиша сыны Аммони и обседоша окрест Раввафа, и Давид седе во Иерусалиме. 2 И бысть при вечере, и воста Давид от ложа своего, и хождаше на крове дому царскаго, и увиде жену с кровя мыющуюся: жена же взором добра велми: з и послал Давид, и взыска жену, и рече: не сия ли Вирсавия дщерь Елиавля, жена Урии Хеттеанина? 4 И послал Давид слуги, и взя ю, и вниде к ней, и преспа с нею: и та бе очистилася от нечистоты своея, и возвратися в дом свой. 5 И зачат жена во чреве: и пославши возвести Давиду и рече: се, аз есмь во чреве имущая. 6 И послал Давид ко Иоаву, глаголя: посли ко мне Урию Хеттеанина. И послал

Иоав Урию к Давиду. 7 И прииде Урия и вниде к нему, и вопросы его Давид о мире Иоава и о мире людий и о мире брани. 8 И рече Давид ко Урии: иди в дом твой, и умый нозе твои. И изыде Урия из дому царева, и иде вслед его снедь царева. 9 И спа Урия пред враты дому царева с рабы господина своего, а не иде в дом свой. 10 И возвестиша Давиду, глаголюще: яко не ходи Урия в дом свой. И рече Давид ко Урии: не с пути ли пришел еси? Пото не вшел еси в дом твой? 11 И рече Урия к Давиду: кивот Божий и Израиль и Иуда пребывают в кущах, и господин мой Иоав и раби господина моего на лицы сел пребывают, аз же вниду ли в дом мой ясти и пити и спати с женою мою? Како? Жива душа твоя, аще сотворю глагол сей. 12 И рече Давид ко Урии: поседи зде и днесь, и заутра отпущу тя. И пребыть Урия во Иерусалиме в той день и во утренний. 13 И призыва его Давид, и яде пред ним и пияше, и упо его, и отиде в вечер спати на ложе свое с рабы господина своего, в дом же свой не иде. 14 И бысть утро, и написа Давид писание ко Иоаву, и послал рукою Урииною. 15 И написа в писании, глаголя: введи Урию противу брани крепкия и возвратитеся вспять от него, да язвен будет и умрет. 16 И бысть егда стражаше Иоав у града, и постави Урию на месте, идже ведяше, яко мужие сильни тамо. 17 И изыдоша мужие из града и бияхуся со Иоавом: и падоша от людий от рабов Давидовых, умре же и Урия Хеттеанин. 18 И послал Иоав, и возвести Давиду вся словеса, яже о брани, глаголати к царю. 19 И заповеда (Иоав) послу, глаголя: егда скончаши вся речи, яже от брани, к царю глаголати, 20 и будет аще разгневается царь и речет ти: почто приближистеся ко граду на брань? Не ведасте ли, яко стреляти будут с стены? 21 Кто уби Авимелеха сына Иероваала сына Нирова? Не жена ли верже нань уломком жернова с стены, (и урази его,) и умре в Фамасе? Пото приступасте к стене? И речеши: и раб твой Урия Хеттеанин (убиен бысть, и) умре. 22 И иде посол Иоавль к царю во Иерусалим, и прииде, и возвести Давиду вся, елика глагола ему Иоав, вся глаголы брани. И разгневавася Давид на Иоава и рече к послу: почто приближистеся ко граду битися? Не ведасте ли, яко язвени будете со стены? Кто уби Авимелеха сына Иероваала? Не жена ли верже нань уломок жернова со стены, и умре в Фамасе? Пото приближистеся к стене? 23 И рече посол к Давиду: яко укрепиша на ны мужие и изыдоша на ны на село, и гонихом я до врат града: 24 и стреляша стрелцы со стены на рабы твоя, и умроша от отрок царских, и раб твой Урия Хеттеанин умре. 25

И рече Давид к послу: сице да речеши ко Иоаву: да не будет зло пред очима твоими слово сие, яко овогда убо сице, овогда же иначе поядает мечь: укрепи брань твою на град, и раскопай и: и укрепи его. 26 И услыша жена Уриина, яко умре Урия муж я, и рыдаше по мужи своем. 27 И прейде плачь, и послала Давид, и введе ю в дом свой, и бысть ему жена, и роди ему сына. И зол явися глагол, егоже сотвори Давид, пред очима Господними.

12 И послала Господь Нафана пророка к Давиду. И вниде

к нему (и рече ему: отвещай ми, царю, ныне суд сей:) и рече ему: два мужа беста во единем граде, един богат, а другой убог: 2 и у богатаго стада бахъ и буйволи мнози зело, 3 у убогаго же ничтоже бе, но токмо агница единага мала, юже стяжа и снабде, и вскори ю, и возрасте с ним и с сынаими его вкупе: от хлеба его ядяше и от чаши его пияше, и на лоне его почиваше, и бе ему яко дщерь: 4 и прииде некто с пути к мужу богатому, и не восхоте взяти от стад своих и от буйволиц своих на сотворение обеда путнику пришедшу к нему: но взя агницу убогаго, и уготова ю на обед мужу пришедшу к нему. 5 И разгневавася гневом зело Давид на мужа (того), и рече Давид к Нафану: жив Господь, яко сын смерти есть муж сотворивый сие: 6 и агници возвратит седмерицею за сие, яко сотворил глагол сей, и за сие, яко не пощаде. 7 И рече Нафан к Давиду: ты еси муж сотворивый сие: сия глаголет Господь Бог Израилев: Аз есмь помазавый тя в царя над Израилем, и Аз есмь избавивый тя от руки Сауловы: 8 и дахъ ти дом господина твоего и жены господина твоего на лоно твое, и дахъ ти дом Израилев и Иудин: и аще мало ти есть, приложу тебе к сим: 9 и что яко презрел еси слово Господне, еже сотворити лукавое пред очима Его? Урию Хеттеанина убил еси мечем, и жену его паял еси себе в жену, и того убил еси мечем сынов Аммоних: 10 и ныне не отступит мечь от дому твоего до века: зане уничижил Мя еси и паял еси жену Урию Хеттеанина в жену себе: 11 сия глаголет Господь: се, Аз воздвигну на тя злая от дому твоего, и возму жены твоя пред очима твоими и дам ближнему твоему, и будет спати со женами твоими пред солнцем сим: 12 яко ты сотворил еси втайне, Аз же сотворю глаголгол сей пред всем Израилем и пред солнцем сим. 13 И рече Давид к Нафану: согреших ко Господу. И рече Нафан к Давиду: и Господь отя согрешение твое, не умреши: 14 обаче яко поощряя изострил еси врагов Господних глаголом сим, и сын твой родивыйся тебе смертию умрет. 15 И отиде Нафан в дом свой. И сокруши Господь детище,

еже роди жена Уриина Давиду, и разболеся. 16 И взыска Давид Бога о детищи, и постися Давид постом, и вниде и водворися, и лежаше на земли: 17 и внидоша к нему старейшины дому его воздвигнути его от земли, и не восхоте, и не яде с ними хлеба. 18 И бысть в день седмый, и умре отроча. И убоявшись раби Давидовы поведати ему, яко умре отроча, решати: се, егда отроча еще живо бяше, глаголахом к нему, и не послуша гласа нашего: и како речем к нему, яко умре отроча, и сотворит злая? 19 И разуме Давид, яко отроцы его шепчут, и позна Давид, яко умре отроча. И рече Давид отроком своим: умре ли отроча? И решати: умре. 20 И воста Давид от земли, и умыся и помазася, и измени ризы своя, и вниде в дом Божий, и поклонися ему, и вниде в дом свой, и проси ясти хлеба, и предложиша ему хлеб, и яде. 21 И решати отроцы его к нему: что глагол сей, егоже сотворил еси отрочате ради, яко еще сущу отрочати живу, постился еси и плакал и бдел еси: егда же умре отроча, востал, и ял еси хлеб, и пил еси? 22 И рече Давид: егда бе отроча еще живо, постися и плаках, яко рех: кто весть, помилует ли мя Господь и живо будет отроча? 23 Ныне же умре, почто мне поститися? Еда возможу возвратити е ктому? Аз имам ити к нему, тое же не возвратится ко мне. 24 И утеши Давид Вирсавию жену свою, и вниде к ней и спа с нею, и зача и роди сына, и нарече имя ему Соломон: и Господь возлюби его. 25 И послала рукою Нафана пророка, и нарече имя ему Иеддеди словом Господним. 26 Иоав же воева в Раввафе сынов Аммоних и взя град царства. 27 И послала Иоав вестники к Давиду и рече: воевах на Равваф и взях град вод: 28 и ныне собери останок людей и ополчися на град, и приими его, да не аз возму град, и наречется имя мое на нем. 29 И собра Давид вся люди, и пойде в Равваф, и ополчися на нань, и взя его: 30 и взя венец Молхома царя их с главы его, талант злата вес его, и от камения драга, и бе на главе Давидове, и корысть изнесе из града многу зело: 31 и люди сущыя в нем изведе, и положи на пилы и на трезубы железны и секиры железны, и превождаше их сквозе пещь плинфяну. И тако сотвори всем градом сынов Аммоних. И возвратися Давид и весь Израиль во Иерусалим.

13 И бысть по сих, и у Авессалома сына Давидова бе сестра добра взором зело, имя же ей Фамары, и возлюби ю Амнон сын Давидов: 2 и скорбяше Амнон, яко и разболетися (ему) сестры своея ради Фамары, зане дева бяше сия, и не удобно бе пред очима Амнонима что

соторити ей. 3 И бе Амнону друг, имя же ему Ионадав, сын Самаа брата Давида, и Ионадав муж мудр зело. 4 И рече ему (Ионадав): что ти, яко ты тако болиши, сыне царев, утро утро? И не возвещаши ми? И рече ему Амнон: Фамару сестру Авессалома брата моего аз люблю. 5 И рече ему Ионадав: лязи на постели твоей и разболися, и внидет отец твой видети тя, и речеши к нему: да приидет ныне Фамаръ сестра моя, и да ми даст ясти, и да соторит пред очима моими снедь, да увижу и вкушу от рук ея. 6 И ляже Амнон и разболеся: и вниде царь видети его. И рече Амнон к царю: да приидет ныне Фамаръ сестра моя ко мне и да испечет два пряжма пред очима моими, и имам ясти от руки ея. 7 И посла Давид к Фамаре в дом, глаголя: иди ныне в дом Амнона брата твоего и сотори ему снедь. 8 И иде Фамаръ в дом Амнона брата своего, и той лежаше. И взя тесто, и смеси, и устрои пред очима его, и испече пряжма: 9 и взя сковораду и изложи пред него, и не восхоте ясти. И рече Амнон: изжените вся мужы от мене. И изгнаша вся мужы от него. 10 И рече Амнон к Фамаре: внеси ми снедь во внутреннюю храмину, и ям от руки твою. И взя Фамаръ пряжма, яже испече, и внесе Амнону брату своему во внутреннюю храмину, 11 и представи ему да яст. И ят ю, и рече ей: гряди, лязи со мною, сестро моя. 12 И рече ему: ни, брате мой, не обругай мене, понеже не соторится тако во Израили, не сотори безумия сего: 13 и аз камо скрью безчестие мое? И ты будеш яко един от безумных во Израили: и ныне глаголи к царю, да не отлучит мене от тебе. 14 И не восхоте Амнон послушати гласа ея, и преодоле ей, и смири ю, и преспа с нею. 15 И возненавиде ю Амнон ненавистию великою зело, яко велиим ненавидением возненавиде ю паче любве, еюже любляше ю, и рече ей Амнон: востани и отиди. 16 И рече ему Фамаръ: (ни, брате,) яко злоба болши есть последняя паче первыя, юже соторил еси со мною, еже отслати мене. И не восхоте Амнон слышати гласа ея. 17 И призыва отрока своего, приставника дому своего, и рече ему: отсли ныне сию от мене вон, и заключи двери вслед ея. 18 И бе риза на ней испещрена, понеже тако облачахуся дщери царевы, сущыя девицы, во одежды своя. И изведе ю вон слуга его и затвори двери вслед ея. 19 И взя Фамаръ пепел, и насыпа на главу свою, и одежду испещренную растерза на себе, и возложи руце свои на главу свою, и идущи идяше и вопияше. 20 И рече к ней Авессалом брат ея: еда Амнон брат твой бысть с тобою? И ныне, сестро моя, умолчи, яко брат твой есть: не полагай на

сердцы твоем еже глаголати слово сие. И седе Фамаръ вдовствующи в дому Авессалома брата своего. 21 И слыша царь Давид вся словеса сия, и разгневався зело, и не опечали духа Амнона сына своего, понеже любляше его, яко первенец бе ему. 22 И не глагола Авессалом со Амноном ни о добре, ни о зле, понеже возненавиде Авессалом Амнона того ради, понеже Фамару сестру его обругал. 23 И бысть по двух летех дний, и беша стригуще (овцы) Авессаломы (раби) в Веласоре близ Ефрема: и призыва Авессалом вся сыны царевы. 24 И прииде Авессалом ко царю и рече: се, ныне стригут рабу твоему, да идет убо царь и отроцы его с рабом твоим. 25 И рече царь ко Авессалому: ни, сыне мой, да не пойдем вси мы, и да не отяготим тя. И нуждаше его: и не восхоте (царь) ити, и благослови его. 26 И рече Авессалом к нему: аще же ни, поне да идет с нами Амнон брат мой. И рече ему царь: почто идет с тобою Амнон? 27 И принуди его Авессалом, и отпусти с ним Амнона и вся сыны царевы. И сотори Авессалом пир, яко же творит пир царь. 28 И заповеда Авессалом отроком своим, глаголя: видите егда возблажает сердце Амноне от вина, и реку вам: поразите Амнона, и умртвите его: не убейтесь, яко не аз ли есь повелеваяй вам? Мужайтесь и будите в сыны силы. 29 И соториша отроцы Авессаломи Амнону, яко же заповеда им Авессалом. И восташа вси сынове царевы, и вседе кийждо на мска своего, и бежаша. 30 И бысть, сущым им на пути, и слух дойде до Давида, глаголя: изби Авессалом вся сыны царевы, и не избысть от них ни един. 31 И воста царь, и растерза ризы своя, и ляже на земли, и вси отроцы его предстоящи ему растерза ризы своя. 32 И рече Ионадав, сын Самаа брата Давида, и рече: да не речет господин мой царь, яко вся отроки сыны царевы уби, но Амнон есть един убиен, яко той из уст Авессалому не исходаше, отнележе обруга сестру его Фамару: 33 и ныне да не полагает господин мой царь словесе на сердцы своем, глаголя: вси сынове царевы умроща: яко Амнон един умре. 34 И побеже Авессалом. И воздвигне отрок страж очеса своя и виде: и се, людие мнози идуще путем вслед его со страны гор в низходжение. И прииде страж и возвести царю и рече: мужи видех от пути Оронска со страны горы. 35 И рече Ионадав ко царю: се, сынове царевы приходят: по словеси раба твоего, тако бысть. 36 И бысть егда сконча глаголя, и се, сынове царевы придоша и воздвигша глас свой и плакаша: и сам царь и вси отроцы его плакаша плачом великим зело. 37 И Авессалом убеже, и прииде ко Фолму сыну Емиуда, царю

Гедсурску, в землю Хамаахадску. И плакаше Давид царь о сыне своем вся дни. 38 И Авессалом убеже, и иде в Гедсур, и бе тамо три лета. 39 И оставил царь Давид изыти вслед Авессалома, яко утешися о Амноне, яко умре.

14 И разуме Иоав сын Саруин, яко сердце царево преклонися ко Авессалому. 2 И послал Иоав в Фекою, и взя оттуду жену мудру и рече к ней: сетуй ныне, и облещься в ризы сетования, и не помажися елеем, и будеш яко жена сетующая о умершем дни многи: зи и внидеши ко царю и речеши к нему по глаголу сему. И положи Иоав словеса своя во уста ея. 4 И вниде жена Фекоитяныня ко царю и паде на лицы своем на землю, и поклонися ему, и рече: спаси, царю, спаси мя. 5 И рече ей царь: что ти есть? Она же рече: издавна вдова жена аз есть, и умре муж мой: 6 и рабе твоей два сына, и бистася оба на селе, и не бысть кто бы их разлучил, и нападе един на брата своего, и умертви его: 7 и се, воста все отечество на рабу твою и реше: дай убившаго брата своего, и умертвим его вместо души брата, егоже уби, и погубим и наследника вашего: и угасят искру мою оставшуюся, яко не оставити мужу моему останка и имене на лицы земли. 8 И рече царь к жене: иди здрава в дом свой, и аз заповедаю о тебе. 9 И рече жена Фекоитяныня ко царю: на мне беззаконие, господи мой царю, и на дому отца моего, царь же и престол его неповинен. 10 И рече царь: кто глаголяй к тебе, и приведеш его ко мне, и не приложит ктому коснуться ему? 11 И рече жена: да воспомянет ныне царь Господа Бога своего, внегда умножити ужика крове, еже растлiti, и не имут погубити сына моего. И рече (царь): жив Господь, аще и влас падет сыну твоему с главы на землю. 12 И рече жена: да глаголет ныне раба твоя ко господину моему царю слово. Он же рече: глаголи. 13 И рече жена: почто помыслил еси тако о людех Божиих? Еда от уст царевых слово сие аки преступление, еже не возвратити царю отриновенного своего? 14 Яко смертию умрем, и яко вода низходящая на землю, яже не соберется, и примет Бог душу, и помышляй спасти от Него отриновенного: 15 и ныне яко придох глаголати ко царю господину моему глагол сей, яко увидят мя людие, и речет раба твоя: да глаголет убо ко господину моему царю, негли сговорит царь слово рабы своея, 16 яко услышит царь: да измет рабу свою из рук мужей ищущих погубити мя и сына моего от участия Божия: 17 и речет раба твоя: да будет ныне слово господа моего царя на жертву: яко же бо Ангел Божий, тако господь мой царь, еже слышати

благое и злое: и Господь Бог твой будет с тобою. 18 И отвеща царь и рече к жене: никакоже да уташи от мене глагола, о немже аз вопрошу тя. И рече жена: да глаголет убо господь мой царь. 19 И рече царь: еда рука Иоавля о всем сем с тобою? И рече жена к царю: да живет душа твоя, господи мой царю, аще есть одесную или ошую от всех, яже глагола господин мой царь, яко раб твой Иоав твой заповеда мне, и твой вложи во уста рабе твоей вся словеса сия: 20 за еже приити лицу глагола сего, еже сговори раб твой Иоав слово сие: господин же мой царь мудр, яко же мудрость Ангела Божия, еже разумети вся, яже на земли. 21 И рече царь ко Иоаву: се, ныне сговорих ти по словеси твоему сему: иди, возврати отрока Авессалома. 22 И паде на лицы своем Иоав на землю, и поклонися, и благослови царя. И рече Иоав: днесъ позна раб твой, яко обретох благодать пред очима твоими, господи мой царю, яко сговори господин мой царь слово раба своего. 23 И воста Иоав и иде в Гедсур, и приведе Авессалома во Иерусалим. 24 И рече царь: да возвратится в дом свой, лица же моего да не видит. И возвратися Авессалом в дом свой, лица же царева не виде. 25 И яко же Авессалом не бе муж во всем Израили хвален зело: от пяты ноги его и до верха его не бе в нем порока: 26 и внегда стрищи ему главу свою, и бысть от начала дний до дний в няже стрижашеся, яко тяжко бяше ему от них, и стригущься весяще власы главы своея двести сиклей по сиклю царскому. 27 И родишаася Авессалому три сыны и дщерь едини, и имя ей Фамарь: сия бе жена добра зело взором, и бысть жена Ровоаму сыну Соломоню, и роди ему Авию. 28 И седяше Авессалом во Иерусалиме два лета дний, и лица царева не виде. 29 И послал Авессалом ко Иоаву, дабы послати его ко царю, и не восххоте приити к нему: и послал второе к нему, и не восххоте приити. 30 И рече Авессалом ко отроком своим: видите, часть на селе Иоавли близ мене, его тамо ячмень, идите и запалите его огнем. И запалиша раби Авессаломли часть (Иоавлю) огнем. И приидоша раби Иоавли к нему раздравше ризы своя, и реше: пожгла раби Авессаломли часть твою огнем. 31 И воста Иоав и прииде ко Авессалому в дом, и рече к нему: почто сожгла раби твои часть мою огнем? 32 И рече Авессалом ко Иоаву: се, посылах к тебе, глаголя: иди семо, и послю тя ко царю, глаголя: почто придох из Гедсур? Лучше ми бе быти еще тамо: и ныне се, лица царева не видех: аще же есть во мне неправда, то умертви мя. 33 И вниде Иоав ко царю и возвести ему. И призыва Авессалома, и прииде ко царю, и поклонися ему,

и паде лицем своим на землю пред лицем царевым, и облобыза царь Авессалом.

15 И бысть по сих, и сотвори себе Авессалом колесницы и кони и пятьдесят муж текущих пред ним: 2 и воставаше рано Авессалом, и стояше при самем пути врат: и бысть всяк муж, ему же бяше пря, прииде пред царя на суд, и возопи к нему Авессалом, и глаголаше ему: от коего града ты еси? И рече ему муж: от единаго колен Израилевых раб твой. 3 И рече к нему Авессалом: се, словеса твоя блага и удобна, но слушающаго несть ти от царя. 4 И рече Авессалом: кто мя поставит судию на земли, и ко мне приидет всяк муж имей прю и суд, и оправдаю его? 5 И бысть егда приближашеся муж поклонитися ему, и простираше руку свою, и приемаше его, и целоваше его. 6 И сотвори Авессалом по глаголу сему всему Израилю приходящым на суд к царю и приусвои Авессалом сердца сынов Израилевых. 7 И бысть от конца четыредесяти лет, и рече Авессалом ко отцу своему: пойду ныне и воздам обеты мои, яже обещаш Господу в Хевроне: 8 зане обет обеща раб твой, егда жих в Гедсуре Сирийstem, глаголя: аще возвращая возвратит мя Господь во Иерусалим, и послужу Господу. 9 И рече ему царь: иди с миром. И востав иде в Хеврон. 10 И послы Авессалом соглядатай во вся колена Израилева, глаголя: егда услышите вы глас трубы рожаны, и рцыте: воцарися царь Авессалом в Хевроне. 11 И идоша со Авессаломом двести мужей от Иерусалима позвани: и идяху в простоте своей, и не разумеша всякаго глагола. 12 И послы Авессалом, и призыва Ахитофела Галамонийского, советника Давида, от града его Голамы, егда жряше жертвы. И бысть смятение крепко: и людий множество идущих со Авессаломом. 13 И прииде вестник к Давиду, глаголя: бысть сердце мужей Израилевых со Авессаломом. 14 И рече Давид всем отроком своим сущым с ним во Иерусалиме: востаните, и бежим, яко несть нам спасения от лица Авессаломля: ускорите ити, да не ускорит и возмет нас, и наведет на нас злобу, и избииет град острием меча. 15 И реша отроцы царевы к царю: вся елика заповесть господу наш царь, се, мы отроцы твои. 16 И изыде царь и весь дом его ногами своими, и остави царь десять жен подложниц своих хранити дом. 17 И изыде царь и вси отроцы его пеши и сташа в Дому Сущем Далече: 18 и вси отроцы его от обою страну его идяху, и вси Хелефее и вси Фелефее и вси Гефее, шесть сот мужей шедше пеши от Гефа предидяху пред лицем царевым. 19 И рече царь ко

Еффею Геффеину: почто и ты идеш с нами? Возвратися и живи с царем, яко чуждъ еси ты, и яко преселился еси ты от места твоего: 20 аще вчера пришел еси, и днес ли подвигну тя ити с нами? И аз иду, аможе пойду: иди и возвратися, и возврати братию твою с тобою, и Господь да сотворит с тобою милость и истину. 21 И отвеща Еффей к царю и рече: жив Господь, и жив господин мой царь, яко на месте, идеже будет господин мой царь, или в смерти, или в животе, тамо будет раб твой. 22 И рече царь ко Еффею: гряди, и прейди со мною. И прейде Еффей Геффеин и царь и вси отроцы его и весь народ иже с ним. 23 И вся земля плакашеся гласом великим. И вси людие прехождаху по потоку Кедрску, и царь прейде чрез поток Кедрский, и вси людие и царь идяху к лицу пути пустыннаго. 24 И се, и Садок иерей и вси левити с ним, носяще кивот завета Господня от Вефары: и поставиша кивот Божий: и Авиафар взыде, дондеже престаша вси людие исходить из града. 25 И рече царь к Садоку: возврати кивот Божий во град, и да станет на месте своем: аще обрящу благодать пред очима Господними, и возвратит мя, и покажет мя его и лепоту его: 26 и аще тако речет: не благоволих в тебе: се, аз есмъ, да сотворит мя по благому пред очима Своими. 27 И рече царь Садоку иерею: видите, ты возвращаешися во град с миром и Ахимаас сын твой и Ионафан сын Авиафаров, два сыны ваши с вами: 28 видите, аз вселяюся во аравоф пустынны, дондеже приидет мя слово от вас, еже возвестити мя. 29 И возврати Садок и Авиафар кивот Божий во Иерусалим, и седе тамо. 30 И Давид восхождаше восходом на гору Елеонскую восходя и плачая, и покрыв главу свою, и сам идяше босыма ногама: и вси людие иже с ним покрыша кийждо главу свою, и восхождаху восходяще и плачущеся. 31 И возвестиша Давиду глаголюще: и Ахитофел в мятежницах со Авессаломом. И рече Давид: разруши совет Ахитофелев, Господи, Боже мой. 32 И бе Давид грядый даже до роса, идеже поклонися Богу. И се, на сретение ему (изыде) Хусий первый друг Давидов, растерзав ризы свои, и персть на главе его. 33 И рече ему Давид: аще пойдеш со мною, и будеш ми в тягосты: 34 аще же возвратишися во град и речеши Авессалому: минуша братия твоя, и царь за мною мину отец твой, и ныне раб твой есмъ, царю, пощади мя жива быти: раб бех отца твоего тогда и доселе, ныне же аз твой раб: и разруши ми совет Ахитофелев: 35 и се, с тобою тамо Садок и Авиафар иерее: и будет всяк глагол, егоже услышши из уст царских, и скажеши Садоку и Авиафару

иереем: 36 се, тамо с ними два сына их, Ахимаас сын Садоков и Ионафан сын Авиафаров: и послите рукою их ко мне всяк глагол, егоже аще услышите. 37 И вниде Хусий друг Давидов во град, и Авессалом тогда входаше во Иерусалим.

16 И Давид прейде мало что от роса, и се, Сива отрок

Мемфивосфеов в сретение ему: и супруг осялят оседланых, и на них двести хлебов, и сто гроздий, и сто фиников, и мех вина. 2 И рече царь к Сиве: что сия тебе? И рече Сива: осялят на яждение дому цареву, а хлебы и финики на снедение отроком, и вино пити ослабевшим в пустыни. 3 И рече царь: и где сын господина твоего? И рече Сива ко царю: се, седит во Иерусалиме, яко рече: днесъ возвратят ми весь дом Израилев царство отца моего. 4 И рече царь к Сиве: се, тебе вся елика суть Мемфивосфеова. И рече Сива поклонився: да обрящу благодать пред очима твоими, господи мой царю. 5

И прииде Давид царь до Вафирима, и се, оттуду муж исходаше от рода дому Сауля, имя же ему Семей сын Гирань: изыде же исходя и проклиная 6 и камением метая на Давида и на вся отроки царя Давида: и вся людие и вся сильнии одесную и ошуюю царя бяху. 7 И тако рече Семей проклиная его: изыди, изыди, мужу кровей и мужу беззаконный: 8 возврати на тя Господъ вся крови дому Сауля, понеже воцарился еси вместо его: и даде Господъ царство в руце Авессалома сына твоего: и се, ты в злобе твоей, яко муж кровей ты. 9 И рече Авесса сын Саруин ко царю: почему проклинает пес умерший сей господина моего царя? Ныне пойду, и отиму главу его. 10 И рече царь ко Авессе: что мне и вам, сынове Саруины? Оставите его, и тако да проклинает, яко Господь рече ему проклинати Давида: и кто речет: почему сотворил еси тако? 11 И рече Давид ко Авессе и ко всем отроком своим: се, сын мой изшедый из чрева моего ищет души моей, а кольми паче сын Иеминиев: оставите его проклинати мя, яко рече ему Господъ: 12 негли призрит Господь на смирене мое, и возвратит ми благая вместо клятвы Его во днешний день. 13 И идяше Давид и вся мужие его путем: а Семей идяше со страны горы близ его идый и проклиная, и камением меща со страны его, и перстию сыпая. 14 И прииде царь и вся людие иже с ним утруждени, и препочиша ту. 15 Авессалом же и вся мужие Израилевы внидоша во Иерусалим, и Ахитофел с ним. 16 И бысть егда прииде Хусий первый друг Давидов ко Авессалому: и рече Хусий ко Авессалому: да живет царь. 17 И рече Авессалом к

Хусию: сия ли милость твоя со другом твоим? Пото не отшел еси со другом твоим? 18 И рече Хусий ко Авессалому: ни, но вслед (иду), егоже избра Господь и людие сии и вси мужие Израилевы, того есмь, и с тем буду: 19 и второе, кому аз поработаю? Не пред сыном ли его? Якоже работах пред отцем твоим, тако буду и пред тобою. 20 И рече Авессалом ко Ахитофелу: дадите себе совет, что сотворим? 21 И рече Ахитофел ко Авессалому: вниди к подложницам отца твоего, яже остави стреци дом свой, и услышат вси Израилтяне, яко посрамил еси отца твоего, и возмогут руки всех сущих с тобою. 22 И поставиша Авессалому шатер на палате, и вниде Авессалом к подложницам отца своего пред очима всех Израилтян. 23 И совет Ахитофелев, егоже совещаваше во дни первыя, имже образом вопросил бы кто Бога о словеси, тако всяк совет Ахитофелев, и иже Давиду, и иже Авессалому.

17 И рече Ахитофел ко Авессалому: изберу ныне себе

дванадесять тысяч мужей и востану, и пожену вслед Давида нощю, 2 и найду на него, и той утружен и ослаблен руками, и устрашу его, и побежат вси людие иже с ним, и убию царя единаго: 3 и возвращу вся люди к тебе, имже образом обращается невеста к мужеви своему: ты бо токмо души единаго мужа ищеш, всем же людем будет мир. 4 И угодно слово бысть пред очима Авессаломлима и пред очима всех старейшин Израилевых. 5 И рече Авессалом: призовите же и Хусия Арахиина, и услышим что из уст его. 6 И вниде Хусий ко Авессалому, и рече Авессалом к нему, глаголя: по глаголу сему глагола Ахитофел: сотворим ли по словеси его? Аще же ни, ты глаголи. 7 И рече Хусий ко Авессалому: не благ совет сей, егоже совеща Ахитофел едину сие. 8 И рече Хусий: ты веси отца твоего и мужей его, яко сильни суть зело, и гневливи душами своими, яко медведица чад лишеная на селе, и аки вепрь свирепый на поли: и отец твой муж борец, и не даст почти людем: 9 се бо, той ныне скрыся на некоторем холме или на некоторем месте: и будет внегда напасти на них в начале, и услышит слушаяй, и речет: бысть сокрушение в людех иже за Авессаломом: 10 и той сын силы, ему же сердце якоже сердце льву таящо истает: понеже весть весь Израиль, яко силен отец твой, и сынове силы вси иже с ним: 11 тако советуя аз усоветовах, и собираяся соберется к тебе весь Израиль от Дана и до Вирсавии, аки песок иже при мори во множестве, и лицо твое идущее посреде их: 12 и приидем к нему на едино место, идеже обрящем его

тамо, и ополчимся на него, якоже спадает роса на землю, и не оставим в нем и в мужех его иже с ним ни единаго: 13 и аще во град соберутся, и возмет весь Израиль ко граду тому ужи, и совлечем его в поток, дондеже не останется тамо ниже камень. 14 И рече Авессалом и вси мужие Израилтстии: благ совет Хусия Арахиниа паче совета Ахитофелева. И Господь заповеда разорити совет Ахитофелев благий, яко да наведет Господь на Авессалома злая вся. 15 И рече Хусий арахин ко Садоку и Авиафару иереем: тако и тако советова Ахитофел Авессалому и старейшинам Израилевым: и аз тако и тако советовах: 16 и ныне послите скоро и возвестите Давиду, глаголюще: не пребуди нощ сию во Аравофе пустыни, но пойти потщися, да не како пожерт будет царь и вси людие иже с ним. 17 И Ионафан и Ахимаас стояста на студенце Рогили, и иде рабыня и поведа има: и тии идоста и возвестиста Давиду царю, яко не могоста явитися еже вnitи во град. 18 И виде их отрочища и поведа Авессалому. И идоста оба скоро и приидоста в дом мужа в Ваурим: и тому ров на дворе, и сnidоста тамо. 19 И взя жена, и положи покров на устии рова, и суши на нем арафоф, и не познася глагол. 20 И придоша отроцы Авессаломи к жене в дом и реша: где Ахимаас и Ионафан? И рече им жена: преидоста в мале воду. И искаша, и не обретоша, и возвратиша во Иерусалим. 21 Бысть же по отшествии их, и излезоста из рова, и идоста, и возвестиста Давиду царю и глаголаста ему: востаните, и прейдите скоро воду, яко сице совеща на вы Ахитофел. 22 И воста Давид и вси людие иже с ним и преидоша Иордан до света заутра, и ни един не оста, иже бы не прешел Иордана. 23 И Ахитофел виде, яко не сбыстся совет его, и оседла осля свое, и воста, и отиде в дом свой, во град свой: и заповеда дому своему, и удавися, и умре, и погребен бысть во гробе отца своего. 24 И Давид прейде в Манаим, Авессалом же прейде Иордан сам и вси мужие Израилтстии с ним. 25 И Амессая постави Авессалом вместо Иоава над силою: Амессай же сын мужа, ему же имя Иефер Израилитин, сей вниде ко Авигеи дщери Иессеине, сестре Саруини матере Иоавли. 26 И ополчися Авессалом и весь Израиль в земли Галаадстей. 27 И бысть егда вниде Давид в Манаим, и Уесвий сын Наасов от Раввафа сынов Аммоних, и Махир сын Амииль иже из Лодавара, и Верзеллий Галаадитин из Рогеллима, 28 принесоша десять постель устроенных и конобов десять и сосуды скуделны и пшеницу и ячмень и муку и пшено и боб и сочевицу 29 и мед и масло и овцы и сыры кравия, и

принесоша Давиду и людем иже с ним ясти: быша бо людие гладни и утруждени и жаждни в пустыни.

18 И согляда Давид всех людий сущих с ним, и постави над ними тысященачалники и сотники. 2 И посла Давид третию часть людий под рукою Иоавлею и третию часть под рукою Авессы сына Саруина брата Иоавля, и третию часть под рукою Еффеа Геффеина, и рече Давид к людем: шед изыду и аз с вами. 3 И реша: не изыди, яко аще бегством побегнем, не положат на нас сердца: и аще умрем пол нас, не положат на нас сердца, понеже ты аки мы десять тысяч: и ныне лучше, яко останеши во граде на помошь нам. 4 И рече им цари: еже угодно пред очима вашими, сотворю. И ста царь при вратех: и вси людие исходаху стами и тысячами. 5 И заповеда царь Иоаву и Авессесе и Еффееви, глаголя: пощадите ми отрока Авессалома. И вси людие слышаша заповедающа царя всем князем о Авессаломе. 6 И изыдоша вси людие в дубраву сопротив Израилю: и бысть брань в дубраве Ефремли. 7 И падоша тамо людие Израилевы пред отроки Давидовыми, и бысть сокрушение велико в той день, яко двадесять тысяч мужей. 8 И бысть тамо брань разсыпана по лицу всяя земли: и умножи дубрава пядати людий, паче неже их пяде мечь в той день. 9 И набежа Авессалом на отроки Давидовы: Авессалом же бе седяя на мске своем, и вбежа (с ним) меск в чащу дуба великаго, и обвишася власы главы его на дубе, и повисе между небом и землею, меск же под ним пройде. 10 И виде муж един и возвести Иоаву, и рече: се, видех висяща Авессалома на дубе. 11 И рече Иоав мужу возвестившему ему: аще видел еси, почто не убил еси его тамо на землю? И аз дал бых тебе пятьдесят сикль сребра и пояс един. 12 И рече муж Иоаву: аще ты вложиши в руце мои и тысячу сикль сребра, то не возложу руки моея на сына царева, яко при ушесах наших заповеда царь тебе и Авессесе и Еффееви, глаголя: соблюдите ми отрока Авессалома, 13 не сотворити души его неправды: и всяко слово не утается пред царем, ты же стоиши сопротивно. 14 И рече Иоав: сие аз начну, не тако пребуду пред тобою. И взя Иоав три стрелы в руце свои, и вонзе я в сердце Авессалому. И еще ему живу сущу на дубе, 15 и обступиша десять отрок носящии оружие Иоавле, и поразиша Авессалома, и умртвиша его. 16 И воструби Иоав трубою рожаною, и возвратиша людие не гнати вслед Израиля, яко щадяше Иоав людий. 17 И взя Иоав Авессалома, и вверже его в пропасть велику в дубраве, и складе над

ним купу камения велику зело. И вси Израилтяне бежаша кийдо в селения своя. 18 Авессалом же еще жив сый, взя и постави себе столп во юдоли царстей, рече бо, яко несть ми сына на память имене моего: и нарече столп именем своим и нарече его рука Авессаломя, даже до днешняго дне. 19 И Ахимаас сын Садоков рече ко Иоаву: потеку ныне и возвещу царю, яко суди ему Господь от руки врагов его. 20 И рече ему Иоав: неси муж ты возвещаяй благо днесь, но возвестиши в день другой: в днешний же день не добро возвещение, понеже сын царев умре. 21 И рече Иоав Хусию: шед повеждь царю елика видел еси. И поклонися Хусий Иоаву и отиде. 22 И приложи еще Ахимаас сын Садоков и рече ко Иоаву: что будет, аще и аз теку вслед Хусиа? И рече Иоав: почто ты хощеши тещи, сыне мой? Гряди, несть тебе возвещение в пользу идущему. 23 И рече Ахимаас: что бо аще потеку? И рече ему Иоав: тещи. И бежаше Ахимаас путем равным и предвари Хусиа. 24 Давид же седяще посреде двою врат. И изыде страж на кров врат ко стене, и воздвиге очи свои, и виде, и се, муж текий един пред ним. 25 И возопи страж и сказа цареви. И рече царь: аще един есть, благо возвещение во устех его. И идяше идый и приближаяся. 26 И виде страж мужа другаго текуща, и возопи к дверем и рече: се, муж и другой текущъ един. И рече царь: и той есть благо возвещаяй. 27 И рече страж: аз вижду течение первого, яко течение Ахимааса сына Садокова. И рече царь: муж благ сей, и возвестие благое приидет. 28 И возопи Ахимаас и рече ко царю: мир. И поклонися царю лицем своим на землю и рече: благословен Господь Бог твой, иже затвори мужей воздвигших руки своя на господина моего царя. 29 И рече царь: мир ли отрочищу Авессалому? И рече Ахимаас: видех множество велико веселящееся, егда отпушаше раб царев Иоав раба твоего, и не разумех что тамо. 30 И рече царь: возвратися, и стани зде. И шед ста созади. 31 И се, Хусий вслед его прииде и рече царю: возвещается благо господину моему царю, яко суди тебе Господь днесь от руки всех востающих на тя. 32 И рече царь к Хусию: мир ли отрочищу Авессалому? И рече Хусий: да будут, яко же отрочищъ, врази господина моего царя, и вси елицы восташа нань злобою. 33 И смятесь царь, и взыде на горницу яже на вратех, и плакася: и тако глаголаше, егда плакаше: сыне мой, Авессаломе, сыне мой, сыне мой, Авессаломе: кто даст смерть мне вместо тебе? Аз вместо тебе, Авессаломе, сыне мой, сыне мой, сыне мой Авессаломе.

19 И поведаша Иоаву, глаголюще: се, царь плачет и рыдает о Авессаломе. 2 И бысть спасение в той день в ръдание всем людем, услышаша бо людие в той день, глаголюще: яко печален есть царь о сыне своем. 3 И украдауся людие в той день еже входити во град, яко же украдаются людие посрамлении, всегда бегати им на брани. 4 И царь покры лицо свое: и возопи царь гласом великим, глаголя: сыне мой, Авессаломе, Авессаломе, сыне мой. 5 И вниде Иоав к царю в дом и рече: посрамил еси днесь лица раб твоих всех иземших тя днесь и душу сынов твоих и дщерей твоих и душу жен твоих и подложниц твоих, 6 еже любити ненавидящая тебе и ненавидети любящая тя: и явил еси днесь, яко не суть тебе князи, ниже отроцы: но разумех днесь, яко аще бы Авессалом жив был, мы вси днесь мертвы быхом были, яко тогда право было бы пред очима твоима: 7 и ныне востав изыди и глаголи в сердца рабов твоих, яко о Господе кляхся, яко аще не изыдеши днесь, не останет ни един муж с тобою в ноць сию: и разумей в себе, яко зло ти есть сие паче всех зол, яже придоша на тя от юности твоего до ныне. 8 И воста царь и седе при дверех. И возвестиша всем людем глаголюще: се, царь седит в дверех. И внидоша вси людие пред лице царево пред двери: мужие же Израилевы бежаша во селения своя. 9 И прахуся вси людие во всех коленах Израилевых, глаголюще: царь Давид избави ны от всех враг наших, и се, изя нас от руки иноплеменничи, и ныне бежа от земли и от царства своего и от Авессалома: 10 Авессалом же, егоже помазахом над нами, умре на брани: и ныне что вымолчите, еже возвратити царя? И глагол всего Израиля прииде ко царю. 11 И царь Давид послы ко Садоку и ко Авиафару иереом, глаголя: ръците старейшинам Иудиным, глаголюще: почто бысте последнии, еже возвратити царя в дом его? Слово же всего Израиля прииде к царю в дом его: 12 братия мои вы, кости моя и плоть моя вы есте, то почто бысте последни, еже возвратити царя в дом его? 13 И Амессао ръците: неси ли кость моя и плоть моя ты? И ныне сия ми да сотворит Бог и сия да приложит, аще не будеши князь силы предо мною во вся дни вместо Иоава. 14 И преклони сердца всех мужей Иудиных яко мужа единаго. И послаша к царю, глаголюще: возвратися ты и вси раби твои. 15 И возвратися царь и прииде до Иордана, и мужие Иудины придоша в Галгалы еже изыти на сретение царю, превести царя чрез Иордан. 16 И ускори Семей сын Гирань сына Иеминиева, иже от Ваурима, и снide с мужми Иудиными во сретение царю Давиду, 17 и тысяча

мужей с ним от Вениамина, и Сива отрок дому Сауля, и пятьнадесять сынов его с ним, и двадесять рабов его с ним: и управиша на Иордан путь пред царем, **18** и послужиша служением о преведении цареве. И прейде преход еже превести дом царев и соторити правое пред очима его. И Семей сын Гирань паде на лицы своем пред царем, егда преходаше Иордан, **19** и рече ко царю: да не вменит господин мой беззакония, и не помяни елика неправдова раб твой в день он, в онъже господин мой царь исходиша из Иерусалима, еже содержати царю в сердцы своем: **20** понеже разуме раб твой, яко аз согреших, и се, аз приидох днесъ первее всего Израиля и дому Иосифля, еже снити ми на сретение господину моему царю. **21** И отвеща Авесса сын Саруин и рече: сего ли ради не умертвится Семей, яко прокля христа Господня? **22** И рече Давид: что мне и вам, сынове Саруины, яко бысте мне днесъ в навет? днесъ не умертвится муж от Израиля, понеже не вем ли, яко днесъ царствую аз над Израилем? **23** И рече царь и Семею: не умреши. И клятся ему царь. **24** И се, Мемфивосфей сын Ионафана сына Сауля снide на сретение царю, и не омы ног своих, и не обреза ногтей, ниже управи брады своея, и риз своих не измы от дне того, в онъже изыде царь, до дне в онъже той возвратися с миром. **25** И бысть егда вниде во Иерусалим на сретение царю, и рече ему царь: что яко не пошел еси со мною, Мемфивосфей? **26** И рече к нему Мемфивосфей: господи мой царю, пренебреже мене раб мой, яко рече раб твой ему: оседлай ми осля, и всяду на не, и пойду с царем, яко хром раб твой: **27** и оболга раба твоего ко господину моему царю: и господин мой царь яко Ангел Божий, и сотори благое пред очима твоими: **28** яко не бе весь дом отца моего, разве мужие (повинни) смерти господину моему царю, и посадил еси раба твоего с ядущими на трапезе твоей: и кое есть мне еще оправдание, и возопити мне еще к царю? **29** И рече ему царь: почто глаголеши еще словеса твоя? Рех тебе и Сиве: разделите себе села. **30** И рече Мемфивосфей к царю: и вся да возмет, повнегда принити господину моему царю в мире в дом свой. **31** И Верзеллий Галаадитин снide из Рогелдима, и прейде с царем Иордан, еже превести его чрез Иордан. **32** И Верзеллий муж стар зело, сын осмидесяти лет, и той препита царя, егда живяше в Манаиме, яко муж бе велий зело. **33** И рече царь к Верзеллию: ты прейдеш со мною, и препитаю старость твою со мною во Иерусалиме. **34** И рече Верзеллий к царю: колици дни лет живота моего, яко да взыду с царем во Иерусалим? **35** Сын осмидесяти лет аз днесъ

есмь: еда уразумею посреде блага и посреде лукава? Или уразумеет еще раб твой, еже ям, или еже пию? Или услышу глас еще поющих и воспевающих? И вскую будет еще раб твой в тяжесть господину моему царю? **36** Мало прейдет раб твой Иордан с царем: и почто воздает ми царь воздаяние сие? **37** Да возвратится ныне раб твой, и умр во граде моем, у гроба отца моего и матере моей: и се, раб твой сын мой Хамаам прейдет с господем моим царем, и сотори ему благое пред очима твоими. **38** И рече царь: со мною да прейдет Хамаам, и аз соторю ему благое пред очима моими, и вся елика изберет себе у мене, соторю тебе. **39** И преидоша вси людие Иордан, и царь прейде, и целова царь Верзеллия и благослови его, и отпусти его в дом его. **40** И прейде царь в Галгали, и Хамаам прейде с ним, и вси людие Иудины провождаху царя и пол людий Израилевых. **41** И се, вси мужие Израилевы придоша к царю и реша к царю: что яко украдоша тебе братия наша мужие Иудины, и преведоша царя и дом его чрез Иордан, и вси мужие Давидовы с ним? **42** И отвещаша вси мужие Иудины к мужем Израилевым и реша: зане ближний нам царь: и почто тако разгневастеся от словеси сем? Еда яди ядохом от царя? Или дары даде нам, Или дани отя от нас? **43** И отвещаша мужие Израилстии к мужем Иудиним и реша: десять рук мы у царя, и в Давиде есмы паче тебе, и первенец аз, нежели ты: и почто сице укоряеш мя? И не вменися слово мое прежде мене Иуде возвратити царя мне? И отягча слово мужей Иудиних паче словес мужей Израилевых.

20 И тамо бяше сын беззаконный, имя же ему Савей, сын Вохоров, муж Иеминиов, и воструби трубою рожаною и рече: несть нам части в Давиде, ниже наследия нам в сыне Иессеееве: (возвратитеся,) мужие Израилстии, в селения ваша. **2** И отступиша вси мужие Израилевы от Давида вслед Савея сына Вохорова: мужие же Иудины прилепиша к царю своему от Иордана даже и до Иерусалима. **3** И вниде Давид в дом свой во Иерусалим, и взя царь десять жен подложниц своих, яже остави стрещи дом, и даде их в дом стражбы: и препита их, и (оттоле) не вниде к ним: и беша храними до дне смерти своея, вдовски живуща. **4** И рече царь ко Амессаю: созови ми мужы Иудины в три дни, ты же зде стани. **5** И пойде Амессай созвати мужей Иудиних, и умедли от времене, в неже повеле ему Давид. **6** И рече Давид ко Авессе: ныне зло соторит нам Савей сын Вохоръ паче Авессалома: и ныне ты поими с собою

отроки господина своего, и пожени вслед его, да не како обрящет себе грады тверды и застенится от очес наших. 7 И изыдоша вслед его Авесса и мужие Иоавли, и Хереффи и Фелеффи и вси сильни, и изыдоша из Иерусалима гнати вслед Савеа сына Вохорова. 8 И тии (бяху) у камене великаго, иже в Гаваоне, и Амессай вниде пред ними: Иоав же препоясан ризами одеяния своего, и верху того препоясан мечем припряженым при чреслех его в ножнах его, и егда отиде, и мечъ изсунуся и паде. 9 И рече Иоав Амессаю: здрав ли еси, брате? И взя Иоав рукою десною за браду Амессаеву лобзати его: 10 Амессай же не побрежеся меча, иже в руце Иоавли: и удари его Иоав мечем в чресла его, и излияся чрево его на землю, и не повтори ему, и умре (Амессай). Иоав же и Авесса брат его гната вслед Савеа сына Вохоря. 11 И муж ста над ним от отрок Иоавлих и рече: кто хощет (быти) Иоавль, и кто Давидов, вслед Иоава (да идет). 12 Амессай же мертв валяшеся в крови посреде пути. И виде муж, яко остановляхуся над ним вси людие, и соврати Амессая с пути на село, и возложи на него ризу, понеже видяше всяко приходяща над ним стоявша: 13 и бысть егда принесе от пути, преиодша вси мужие Израилевы вслед Иоава, еже гнати вслед Савеа сына Вохоря. 14 И сей пройде вся колена Израилева во Авель и во Вефмаху: и вси в Харре, и вси грады собирахася, и идоша вслед его, 15 и приодша и ополчишася на него окрест во Авели и во Вефмахе: и насыпаша землю ко граду, и ста на предстении: и вси людие иже со Иоавом помышляху низложити стену (градскую). 16 И возопи жена мудрая со стены и рече: слышите, слышите, рцыте ныне Иоаву, да приближится до зде, и возглаголю к нему. 17 И приблихися к ней (Иоав), и рече жена: ты ли еси Иоав? Он же рече: аз. И рече ему: послушай словес рабы твоея. И рече Иоав: послушаю, аз есмъ. 18 И рече глаголюще: слово глаголаша в первых, глаголюще: вопрошаешь вопросен бысть во Авели и в Дане, аще оскудеша, яже положиша верни Израилевы: вопрошающе да вопросят во Авели, и тако рече, аще оскудеша: 19 аз есмъ мирная утверждений Израилевых, ты же ищеши умертвити град и матерь градов Израилевых: и почто потопляши достояние Господне? 20 И отвеща Иоав и рече: милостив мне, милостив мне, аще потоплю и аще разрушу: 21 не тако слово, яко муж с горы Ефремли, Савей сын Вохоръ имя ему, и воздвиже руку свою на царя Давида: дадите ми того единаго, и отиду от града. И рече жена ко Иоаву: се, глава его сверхется к тебе со стены. 22 И вниде жена ко

всем людем и глагола ко всему граду мудростию своею, отяти главу Савеа сына Вохоря. И отсекоша главу Савеа сына Вохоря, и свергоща ю ко Иоаву. И Иоав воструби в трубу, и разыдоша мужие от града вси в селения своя. Иоав же возвратися во Иерусалим ко царю. 23 И (бе) Иоав над всею силою Израилевою, и Ванеа сын Иодаев над Хереффи и над Фелеффи, 24 Адонирам же над данми, и Иосафат сын Ахилуфов воспоминай, 25 и Суса книгочий, Садок же и Авиафар иерее, 26 Ирас же Иаринъ бысть жрец Давидов.

21 И бысть глад на земли во дни Давидовы три лета, лето по лету. И вопросы Давид лица Господня и рече Господь: над Саулом и над домом его обида в смерти кровей его, понеже умертви Гаваониты. 2 И призва царь Давид Гаваониты и рече к ним: и Гаваонитяне не суть сынове Израилевы, но токмо от остатков Аморрейских, и сынове Израилевы кляшася им: Саул же взыска поразити я, внегда поревновати ему по сынех Израилевых и Иудиних. 3 И рече Давид ко Гаваонитяном: что сотворю вам? И чим умолю, да благословите достояние Господне? 4 И реше ему Гаваонитяне: несть нам сребра или злата со Саулом и с домом его, и несть нам мужа умертвiti от всего Израиля. И рече: что вы глаголете, и сотворю вам? 5 И реше ко царю: мужа, иже соверши над нами и погна ны, иже умысли потребити ны, потребим его, да не будет во всех пределех Израилевых: 6 дадите нам седьмъ мужей от сынов его, и повесим их на солнце Господеви в Гаваоне Саули избранных Господних. И рече царь: аз дам. 7 И пощаде царь Мемфивосфеа, сына Ионафана сына Сауля, клятвы ради Господни, яже посреде их и посреде Давида и посреде Ионафана сына Сауля. 8 И взя царь два сына Ресфы дщерь Аиа, подложницы Саули, ихже роди Саул, Ермония и Мемфивосфеа, и пять сынов Мелхолы дщерь Саули ихже роди Есдриилу сыну Верзеллии Моулафиеву, 9 и даде их в руки Гаваонитом. И повесиша я на солнце на горе пред Господем, и падоша тамо сии седьмъ вкупе: тии же умроша во днех жатвы первых, в начале жатвы ячменя. 10 И взя Ресфа дщи Аиину вретище, и потче е себе при камени, в начале жатвы ячменя дондеже снидоша на них воды Божия с небесе, и не даде птицам небесным днем почити на них, ниже зверем земным ношию. 11 И поведаша Давиду вся елика сотвори Ресфа дщерь Аиа, подложница Сауля. И истлеша, и взя я Дан сын Иой, иже от исчадий исполниновых. 12 И иде Давид, и взя кости Саули и кости Ионафана сына его от мужей сынов Иависа Галаадскаго,

иже украдоша их от стогны Вефсани, зане повесиша их тамо иноплеменницы в день, в оньже поразиша иноплеменницы Саула в Гельви. 13 И вознесе Давид кости Саули оттуду и кости Ионафана сына его, и собра кости повешенных на солнце: 14 и погребоша кости Саули и кости Ионафана сына его, и кости повешенных на солнце, в земли Вениаминове, при Краи во гробе Киса отца его, и сотвориша вся елика заповеда царь. И послуша Бог земли по сих. 15 И бысть паки брань иноплеменником со Израильтяны. И снide Давид и отроцы его с ним, и бишася со иноплеменники: и утрудиша Давид. 16 И Иесвий, иже бе от внук Рафаних, (у негоже) бе вес копия его триста сикль веса медяна, и той бе препоясан оружием, и хотяше поразити Давида. 17 И поможе ему Авесса сын Саруин, и избави Давида Авесса, и порази иноплеменника, и умертви его. Тогда клящася мужие Давидовы, глаголюще: не изыдеши ктому с нами на брань, да не угасиши светилника Израилева. 18 И бысть по сих еще брань в Гефе со иноплеменники: тогда порази Совохей иже от Асифы собранныя внуки Гигантовы. 19 И бысть паки брань в Роме со иноплеменники: и порази Елеанан сын Ариогрима Вифлеемлянин Голиафа иже от Геффеа, и древо копия его бысть аки навой ткущих. 20 И бысть паки брань в Гефе: и бе муж от мадона, и персты рук его и персты ног его по шести, числом двадесять четыри: и той родиша от Рафы, 21 и уничижи Израиля: и уби его Ионафан сын Сафая брата Давида. 22 Четыри сии родишаася внуцы Гигантовы рафе в Гефе, и падоша от руки Давидову и от руки рабов его.

22 И глагола Давид ко Господу словеса песни сея
в день, в оньже избави и Господь из руки всех
враг его и из руки Сауловы, 2 и рече песнь: Господи,
каменю мой и утверждение мое, и избавляй мя мне:
з Бог мой, хранитель мой будет мне, уповая буду на
Него: защитник мой и рог спасения моего, Заступник
мой и прибежище мое спасения моего, от неправедного
спасеши мя. 4 Хвального призову Господа, и от враг
моих спасуся: 5 яко одержаша мя болезни смертныя и
потоцы беззакония смятоша мя, 6 болезни смертныя
обыдоша мя, предвариша мя жестокости смертныя.
(Sheol h7585) 7 Внегда скорбети ми призову Господа,
и к Богу моему воззову, и услышит от храма святаго
Своего глас мой, и вопль мой внидет во уши Его.
8 И смятесь и трепетна бысть земля, и основания
небесе смятошася и подвигошася, яко прогневася на
ня Господь: 9 взыде дым гневом Его, и огнь из уст

Его пояст: углие возгорешася от Него, 10 и преклони
небеса и снide, и мрак под ногама Его, 11 и вседе на
Херувимы и лете, и явися на крилу ветреню, 12 и положи
тму закров Свой: окрест Его селение Его, темноту вод
огусти во облацах воздушных: 13 от сияния пред Ним
разгорешася углие огненни. 14 И возгриме с небесе
Господь, и Вышний даде глас Свой, 15 и послал стрелы, и
расточи их: и блесну молнию, и устраши я: 16 и явишася
источницы морстии, и открышаася основания вселенныя
от запрещения Господня, от дохновения духа гнева Его:
17 послал с высоты и прият мя, извлече мя от вод многих:
18 избави мя от враг моих сильных и от ненавидящих мя,
яко укрепишаася паче мене: 19 предвариша мя в день
печали моей. И бысть Господь утверждение мое, 20 и
изведе мя на широту, и избави мя, яко благоволи во мне.
21 И воздаде ми Господь по правде моей, и по чистоте
руку мою воздаде ми, 22 яко сохраних пути Господни и
не нечестовах от Бога моего, 23 яко вся судбы Его предо
мною, и оправдания Его не отступиша от мене, 24 и буду
непорочен Ему, и сохранюся от беззакония моего. 25 И
воздаст ми Господь по правде моей и по чистоте руку
мою пред очима Его. 26 С преподобным преподобен
будеши, и с мужем неповинным неповинен будеши:
27 и со избранным избран будеши, и со строптивым
развратишися: 28 люди же смиренныя спасеши, и очи
гордых смириши. 29 Яко Ты просвещаш светилник
мой, Господи, и Господь просветит ми тму мою: 30
яко Тобою потеку препоясан, и о Бозе моем прелезу
стену. 31 Крепок, непорочен путь Его: глаголгол Господень
дежавен, разжен: защитник есть всем уповающым на
Него. 32 Яко кто крепок разве Господа? И кто творец
разве Бога нашего? 33 Крепок укрепляй мя силою, и
положи непорочен путь мой: 34 положивый нозе мои яко
елени, и на высоких поставляй мя: 35 научаяй руце
мои на брань, и положивый лук медян мышца моя. 36
И дал ми еси защищение спасения моего, и кротость
Твоя умножи мя. 37 Разширил еси стопы мои подо мною,
и не позыбнуся голени мои. 38 Пожену враги моя
и потреблю я, и не возвращуся дондеже скончаю их:
39 и сокрушу их, и не востанут, и падут под ногама
моими. 40 И укрепиши мя силою на брань, подклониши
востающыя на мя под мя. 41 И враги моя дал ми еси
хребет, ненавидящыя мя, и умертвил еси их: 42 возопиют,
и несть помощника, ко Господу, и не услыша их: 43 и
истных я яко прах земный, яко брение путий истончих я.
44 И избавиши мя от пререкания людий моих, сохраниши
мя в главу языков. И людие, ихже не ведях, работаша

ми. 45 Сынове чуждии соглаша ми, в слух уха услыша мя: 46 сынове чуждии отвержени будут, и вострепещут во градех своих. 47 Жив Господь, и благословен хранитель мой, и вознесется Бог мой, хранитель спасения моего. 48 Крепкий Господь даяй отмщения мне и наказуяй люди под мя, 49 и изводяй мя от враг моих, и от встающих на мя вознесши мя, от мужа неправедна избавиши мя. 50 Сего ради исповемся Тебе, Господи, во языцах, и имени Твоему воспою: 51 величая спасения царя Своего, и творяй милость христу Своему Давиду и семени его до века.

23 И сия словеса Давида последняя. Верен Давид сын Иессеев, и верен муж, егоже возстави Господь в христа Бога Иаковля, и благолепны псалмы Израилевы. 2 И Дух Господень глагола во мне, и слово Его на языце моем. 3 Глаголет Бог Израилев: мне глагола хранитель Израилев притчу: рех в человеках: како удержите страх Божий? 4 И во свете Божии утреннем, и воссия солнце заутра, не прейде от сияния, и яко от дождя злачна от земли. 5 Не тако бо дом мой с Крепким: завет бо вечен положи ми, готов во всяком времени сохранен: яко все спасение мое и все хотение во Господе, яко не имать прозябнути беззаконный. 6 Якоже терние извержено вси сии, яко не возмутся рукою, 7 и муж не потрудится в них: и множество железа, и древо копийное, и огнем сожжет, и попалятся в срамоту свою. 8 Сия имена сильных Давидовых: Иевосфей Хананеанин князь третияго есть: адинон асоней, сей обнажи мечь свой на осмь сот воинов (и победи) единою. 9 И по нем Елеазар, сын отца брата его, в триех сильных братиях, сей бе со Давидом (во сирране) всегда поносити ему во иноплеменницих: и иноплеменницы собирашася тамо на брань, 10 и изыдоша мужие Израилевы противу лица их, и той воста и убиваше иноплеменники, дондеже утрудися рука его и прильпе рука его к мечу: и сотвори Господь спасение велико в той день: и людие обратишаася вслед его токмо совлачати. 11 И по нем Самаина сын Асы, Арухейский: и собирашася иноплеменницы во Фирию: и бе тамо часть села исполнъ лящи: и людие бежаша от лица иноплеменника: 12 и ста аки столп посреде части, и исхити ю, и порази иноплеменники: и сотвори Господь спасение велико. 13 И снidoша три князи от тридесятых, и придоша в касон к Давиду в вертеп Одоллам: и чинове иноплеменник ополчишаася во юдоли Рафайнстей. 14 И Давид тогда бе во обдержании, и стан иноплеменническ бе тогда в Вифлееме. 15 И возжада Давид и рече: кто

напоит мя водою из рова, иже в Вифлееме при вратех? Стан же бе тогда иноплеменничь в Вифлееме. 16 И расторгоша трие сильнии ополчение иноплеменничо, и почерпоша воды из рова Вифлеемскаго, иже при вратех: и взяша, и придоша ко Давиду, и не восхоте пити ея: и возлия ю Господу 17 и рече: милостив мне, Господи, еже сотворити сие, кровь ли мужей пошедших в душах своих пити имам? И не восхоте пити ея. Сия сотвориша трие сильнии. 18 И Авесса брат Иоавль сын Саруин, сей бе князь в триех, и сей воздвиже копие свое на триста язеных, и тому имя есть в триех. 19 От триех оных славный, и бысть им князь, и даже до триех не прииде. 20 И Ванеа сын Иодаев, муж сей премног в делех, от Кавасаила, и сей уби два сына Ариила Моавскаго: и той снide, и уби льва посреде рова в день снежен: 21 и той порази мужа Египтянина, мужа красна, в руце же Египтянина копие яко древо лествицы корабленья: и снide к нему со палицею, и исторже копие из руки Египтянина, и уби его копием его: 22 сия сотвори Ванеа сын Иодаев, и тому имя в триех сильных, 23 от триех славный, и ко трием не прииде: и постави его Давид над таинники своими. 24 И сия имена сильных Давида царя: Асаил брат Иоавль, сей в тридестих: Елеанан сын отца брата его от Вифлеема: 25 Семофф Ародин: 26 Хеллис Келофийский: Ира сын Еккиса Фекоитскаго: 27 Авиезер Анафофтитский: Савухей иже от Асофиты: 28 Еллон Алонитский: моей Нетофафитянин: 29 Ели сын Ваань, иже от Нетофафит: Еффи сын Ривань от Гаваона сынов Вениаминих: 30 Ванеас Фарафонитский: Урий от Наалгеа: 31 Ариил сын Аравофитянина: Заор Варсамитский: 32 Елеаса сын Салавонитский: Васей гонитский: 33 Ионафан сын Самана Аоритскаго: Ахиан сын Арати Арафурскаго: 34 Елифалаф сын Маахиавль: Елиав сын Ахитофела Гелонитскаго: 35 Асараи Кармилский: Урем сын Асви: 36 и Гала сын Нафанов: и Ваан сын Агарин: 37 Елли Амманитский: Гелорей Вирофийский, носяй оружие Иоава сына Саруина: 38 Ирас Еффирский: Гарев Иерфейский: и Урия Гефейский. 39 Всех тридесять и седмь.

24 И приложи Господь гневу разгоретися во Израили, и подвиге в них Давида, глаголя: иди и изочти Израиля и Иуду. 2 И рече царь ко Иоаву князю силы иже с ним: пройди ныне вся колена Израилева и Иудина, от Дана даже и до Вирсавии, и сочи люди, и да увем число людем. 3 И рече Иоав ко царю: да приложит Господь Бог твой к людем твоим, якоже быти им сторицею, и очи господина моего царя да увидят: и господин мой

царь почто помышляет о словеси сем? 4 И превозможе слово царево ко Иоаву и ко князем силы. И изыде Иоав и князи крепости пред царем сочести люди Израилевы. 5 И преиоша Иордан, и ополчишася во Ароире одесную града иже посреде дебри Гад и Елиезер. 6 И прииоша в Галаад и в землю Фавасон и Истон и в Дасу, и внидоша в Данидан и обыдоша Сидон, 7 и прииоша во Мансар Тирский и во вся грады Евеини и в Хананеины, и идоша на юг Иуды в Вирсавию, 8 и обыдоша всю землю, и прииоша во Иерусалим, скончавше девять месяц и двадесять дний. 9 И даде Иоав число сочтенных людей царю: и бе Израиля числом осмь сот тысящ сильных держащих оружие, и мужей Иудиних пять сот тысящ мужей борцов. 10 И убояся сердце Давидово по счислении людей, и рече Давид ко Господу: согреших зело, яко сотворих глагол сей: и ныне, Господи, отими беззаконие раба Твоего, яко обух зело. 11 И воста Давид заутра: и слово Господне бысть ко Гаду пророку прозорливцу, глаголя: 12 иди и рцы Давиду, глаголя: тако глаголет Господь: трое Аз наведу на тя, и избери себе едино от сих, и сотворю ти. 13 И вниде Гад к Давиду, и поведа, и рече ему: избери себе быти: или приидут тебе три лета глада на землю твою: или три месяцы бегати имаши пред враги твоими, и будут гоняще тя: или три дни быти смерти в земли твоей: ныне убо разумей и виждь, что отвещаю Пославшему мя. 14 И рече Давид ко Гаду: тесна ми суть отвсюду зело три сия: да впаду убо в руце Господни, яко многи суть щедроты Его зело: в руце же человечи да не впаду. И избра себе Давид смерть и дни жатвенные пшеницы. 15 И даде Господь смерть во Израили от утра до часа обедняго, и начася язва быти в людех, и умроша от людей Господних от Дана и до Вирсавии седьмъдесят тысящ мужей. 16 И простре Ангел Божий руку свою на Иерусалим погубити его, и раскаяся Господь о зле, и рече Ангелу погубляющему люди: доволно ныне, отими руку твою. И Ангел Господнь бе стоя пред гумном Орны Иевусеанина. 17 И рече Давид ко Господу, егда виде Ангела биюща люди, и рече: се, аз есмь согрешивый, аз есмь паstryр зло сотворивый, а сии овцы что сотвориша? Да будет ныне рука Твоя на мне и на дому отца моего. 18 И прииде Гад к Давиду в день той и рече ему: взыди, и постави Господеви олтарь на гумне Орны Иевусеанина. 19 И взыде Давид по глаголу Гада пророка, имже образом заповеда ему Господь. 20 И преклонися Орна, и виде царя и отроки его восходящая выше его, и изыде Орна, и поклонися царю на лице своем на земли, 21 и рече Орна: что яко прииде

господин мой царь к рабу своему? И рече Давид: купити у тебе гумно (прииодох), на создание олтаря Господня, и престанет язва от людей. 22 И рече Орна к Давиду: да приемет и вознесет господин мой царь Господу (Богу) еже благо пред очима его: се, волове во всесожжение, и колеса и сосуди волов на дрова. 23 Вся даде Орна царю. И рече Орна к царю: Господь Бог твой да благословит тя. 24 И рече царь ко Орне: ни, но токмо купя куплю от тебе ценою, и не вознесу Господу Богу моему всесожжения туне. И купи Давид гумно и волы на пятидесяти сиклех сребра. 25 И созда тамо Давид олтарь Господеви: и вознесе всесожжения и мирная. И приложи Соломон ко олтарю последи, зане мал бе прежде. И послуша Господь земли, и отят язву от Израиля.

Третья книга Царств

1 И царь Давид бысть стар прешед дни, и одеваху его ризами (многими), и не согревавшеся. **2** И реша отроцы его ему: да поищут господину нашему царю девицы юныя, и предстоит цареви, и будет греющи его, и да лежит с ним, и согреется господин наш царь. **3** И искаша отроковицы добрыя от всего предела Израилева, и обретоша Ависагу Сумантяныню, и приведоша ю ко царю. **4** И бе отроковица добра видением зело: и бысть греющи царя и служаше ему: царь же не позна ея. **5** И Адония сын Аггифин вознесеся, глаголя: аз имам царствовати. И сотвори себе колесницы и конники, и пятьдесят мужей еже ходити пред ним. **6** И не возбрани ему отец его никогда, глаголя: почто сие ты сотворил еси? И бе той красен зраком зело, и того роди по Авессаломе. **7** И беша совети его со Иоавом сыном Саруиным и со Авиафаром иереом, и помогаху вслед Адонии. **8** Садок же иерей и Ванеа сын Иодаев, и Нафан пророк и Семей, и Рисий и сынове сильнии Давидовы не быша по Адонии. **9** И пожре Адония овцы и телцы и агнцы при камени Зоелефе, иже бе близ источника Рогиля: и призыва всю братию свою, сыны царевы, и вся мужы Иудовы, отроки царевы: **10** Нафана же пророка и Ванея и сильных и Соломона брата своего не зва. **11** И рече Нафан ко Вирсавии матери Соломони, глаголя: не слышала ли еси, яко воцарися Адония сын Аггифин, господин же наш Давид не весть: **12** ныне убо совеща ти совет, и избавиши душу свою и душу сына твоего Соломона: **13** гряди, вниди к царю Давиду и речеши к нему, глаголющи: не ты ли, господи мой царю, клялся еси рабе твоей, глаголя: яко Соломон сын твой имать царствовати по мне, и той сядет на престоле моем? И что яко воцарися Адония? **14** И се, еще глаголюще тебе тамо со царем, и аз вниду вслед тебе и дополню словеса твоя. **15** И вниде Вирсавия ко царю в ложнице. И царь стар зело, и Ависаг Сумантяныня бяше служащи царю. **16** И приклониша Вирсавия и поклониша цареви. И рече царь: что ти есть? **17** Она же рече: господи мой царю, ты клялся еси пред Господем Богом твоим рабе твоей, глаголя: яко сын твой Соломон имать царствовати по мне, и той сядет на престоле моем: **18** и се, ныне Адония царствует, ты же, господи мой царю, не веси: **19** и пожре телцы и агнцы и овцы во множестве, и созва вся сыны царевы, и Авиафара жерца и Иоава князя силы, Соломона же раба твоего не призыва: **20** ты же, господи мой царю, очи всего Израиля к тебе: да возвестиши им, кто сядет на

престоле господина моего царя по нем: **21** и будет егда уснет господин мой царь со отцы своими, и буду аз и сын мой Соломон грешни. **22** И се, еще ей глаголюще с царем, и Нафан пророк прииде. **23** И возвестиша царю, глаголюще се, Нафан пророк. И вниде пред лицем царево, и поклониша царю пред лицем его до земли, **24** и рече Нафан: господи мой царю, ты ли рекл еси: Адония да царствует по мне, и той да сядет на престоле моем? **25** Яко сниде днесь и закла телцы и агнцы и овцы во множестве, и созва вся сыны царевы и князи сильных, и Авиафара иереа: и се, суть ядуще и пиюще пред ним, и реша: да живет царь Адония: **26** и мене самаго раба твоего, и Садока иереа, и Ванея сына Иодаева, и Соломона раба твоего не зва: **27** от господина ли царя моего бысть глагол сей? И не сказал еси рабу твоему, кто сядет на престоле господина моего царя по нем? **28** И отвеша царь Давид и рече: призовите ми Вирсавию. И вниде (Вирсавия) пред царя и ста пред лицем его. **29** И клятъ царь и рече: жив Господъ, иже избави душу мою от всяя печали: **30** яко же бо кляхтися пред Господем Богом Израилевым, глаголя: яко Соломон сын твой воцарится по мне, и той сядет на престоле моем вместо мене, яко тако сотворю ему в днешний день. **31** И преклониша Вирсавия лицем на землю, и поклониша царю и рече: да живет господин мой царь Давид во веки. **32** И рече царь Давид: призовите мне Садока жерца и Нафана пророка, и Ванея сына Иодаева. И внидоша пред царя. **33** И рече им царь: поимите с собою рабы господина вашего, и всадите сына моего Соломона на мску моего, и ведите его к Гиону, **34** и да помажет его тамо Садок иерей и Нафан пророк в царя над Израилем, и вострубите трубою рожаною и речете: да живет царь Соломон: **35** и изыдите вслед его, и внидет, и сядет на престоле моем, и той воцарится вместо мене: и аз заповедах, да будет властелин над Израилем и Иудою. **36** И отвеша Ванеа сын Иодаев царю и рече: буди тако: да утвердит Господъ Бог глагол сей господина моего царя: **37** яко же бе Господъ со господином моим царем, тако да будет и с Соломоном, и да возвеличит престол его паче престола господина моего царя Давида. **38** И сниде Садок иерей и Нафан пророк, и Ванеа сын Иодаев, и Хереффи и Фелеффи, и всадиша Соломона на мску царя Давида, и возведоша его к Гиону: **39** и взя Садок иерей рог с елеем от скинии, и помаза Соломона, и воструби трубою рожаною, и реша вси людие: да живет царь Соломон. **40** И взыдоша вси людие вслед его и ликоваша в лицах, и веселяхуся веселием великим, и разседеся земля от гласа их. **41**

И слыша Адония и вси званныи его, и тии скончаша уже ядуще. И слыша Иоав глас трубы рожаны и рече: кий глас есть града шумяща? 42 И еще Ему глаголющу, и се, Ионафан сын Авиафара иерей прииде. И рече Адония: вниди, яко муж силы ты еси, и благая возвести. 43 И отвеша Ионафан и рече: известно, господин наш царь Давид поставил Соломона царем: 44 и послал с ним царь Садока иерей и Нафана пророка, и Ванея сына Иодаева, и Хереффи и Фелеффи, и всадиша его на мсса царева: 45 и помазаша его Садок иерей и Нафан пророк на царство в Гионе, и взыдоша оттуду веселящеся, и возшуме град: сей глас, егоже слышасте: 46 и седе Соломон на престоле царствем: 47 и внидоша раби царевы благословити господина нашего царя Давида, глаголюще: да ублажит Бог имя Соломона сына твоего паче имене твоего, и да возвеличит престол его паче престола твоего: и поклонися царь на одре своем, 48 и сице рече царь: благословен Господь Бог Израилев, Иже даде днесъ от семене моего седяща на престоле моем, и очи мои видят. 49 И ужасоша ся ужасом, и восташа вси званныи Адониевы, и отиде кийждо путем своим. 50 И Адония убояся от лица Соломона, и воста и отиде, и ятся за рог олтаря. 51 Известиша Соломону, глаголюще: се, Адония убояся царя Соломона, и держится за рог олтаря, глаголя: да кленетмися днесъ царь Соломон, яко не убии раба своего оружием. 52 И рече Соломон: аще будет сын силы, ни влас главы его упадет на землю: аще же злоба обрящется в нем, умрет. 53 И послал царь Соломон, и сведоша его со олтаря. И вниде, и поклонися царю Соломону. И рече ему Соломон: иди в дом свой.

2 И приближишася Давиду дние умрети ему, и заповеда Соломуны сыну своему, глаголя: 2 аз отхожду в путь вся земли: ты же крепися, и буди муж совершен, 3 и сохрани завет Господа Бога твоего, еже ходити во всех путех Его, хранити заповеди Его и оправдания Его, и судбы Его и свидения Его, писанная в законе Моисеове: да разумеши яже сотвориши по всем, елика заповедах тебе: 4 да утвердит Господь слово Свое, еже рече о мне, глаголя: аще сохранят сынове твои пути своя, еже ходити предо Мною во истине всем сердцем своим и всею душою своею, глаголя: не искоренится тебе муж с престола Израилева: 5 и ты веси, елика сотвори мне Иоав сын Саруин, елика сотвори двема воеводама сил Израилевых, Авениру сыну Нирову и Амессаю сыну Иеферову, и уби их, и излия крови брани в мире, и даде кровь неповинных на поясе своем,

иже на чреслех его, и на сапозе своем сущем на нозе его: 6 и сотвориши по мудрости твоей, и не сведеши старости его с миром во ад: (Sheol h7585) 7 сыном же Верзелли Галаадитина сотвориши милость, и да будут с ядущими трапезу твою: яко тако приближишася мне, всегда бежати мне от лица Авессалома брата твоего: 8 и се, с тобою Семей сын Гирань сын Иеменин от Ваурима, и той прокля мя проклятием горьким, в день в онъже исходах в Полки: и той снide на сретение ми на Иордан, и кляхся ему о Господе, глаголя: не убио тя оружием: 9 и да не обезвиниши его, яко муж мудр еси ты, и увеси что сотвориши ему, и сведеши старость его с кровию во ад. (Sheol h7585) 10 И успе Давид со отцы своими, и погребен бысть во граде Давидове. 11 И бысть дний, в няже царствова Давид во Израили, четыредесять лет: в Хевроне царствова седьмь лет, во Иерусалиме же тридесять три лета. 12 И Соломон седе на престоле Давида отца своего сын дванадесяти лет, и уготовася царствие его зело. 13 И вниде Адония сын Аггифин к Вирсавии матери Соломони, и поклонися ей. Она же рече: мир ли вход твой? И рече: мир. 14 И рече: слово мне к тебе. И рече ему: глаголи. 15 И рече ей: ты веси, яко мне бе царство, и на мя весь Израиль положи лице свое, еже царствовати, и обратися царство, и бысть брату моему, яко от Господа бысть ему: 16 и ныне прошения единаго аз прошу от тебе, не отврати лица своего. И рече ему Вирсавия: глаголи. 17 И рече к ней: рцы к Соломуну царю, яко не иметь отвратити лица своего от тебе, и дабы ми дал Ависагу Сумантяныю в жену. 18 И рече Вирсавия: добрe, аз имам глаголати о тебе к царю. 19 И вниде Вирсавия пред царя Соломона глаголати ему о Адонии. И воста царь на сретение ей, и поклонися ей, и седе на престоле своем: и поставиша престол другой матери цареве, и седе одесную его, 20 и рече ему: прошения мала единаго аз прошу у тебе, не отврати лица моего. И рече к ней царь: проси, мати моя, яко не отвращуся от тебе. 21 И рече: дажь Ависагу Сумантяныю Адонии брату твоему в жену. 22 И отвеша царь Соломон и рече матери своей: вскую ты просиши Ависаги Сумантяныи Адонии? Еще проси ему и царства, яко той брат мой болший мене, и ему Авиафар иерей, и ему Иоав сын Саруин воевода друг. 23 И клятся царь Соломон Господем, глаголя: сия да сотворит мя Бог и сия да приложит, яко на душу свою глагола Адония слово сие: 24 и ныне жив Господь, Иже уготова мя, и посади мя на престоле отца моего Давида, и Той сотвори ми дом, якоже глагола Господь, яко днесъ

умрет Адония. 25 И посла царь Соломон рукою Ванеа сына Иодаева, и уби его, и умре Адония в той день. 26 И Авиафару иерею рече царь: тецы ты во Анафоф на село твое, яко муж смерти еси ты в днешний день, но не умерщвлю тебе, яко носил еси кивот завета Господня пред отцем моим (Давидом), и яко озлоблен был еси во всех, имиже озлоблен бе отец мой. 27 И изгна Соломон Авиафара, еже не быти ему иереем Господним, якоже сбытия словеси Господню, еже глагола на дом Илиев в Силоме. 28 И слух дойде до Иоава сына Саруина, яко Иоав последова Адонии, и в след Соломонъ не уклонися. И бежа Иоав в скинию Господню, и ятся рогов олтаревых. 29 И возвестиша Соломону, глаголюще: яко бежа Иоав в скинию Господню, и се, держится рогов олтаревых. И посла царь Соломон ко Иоаву, глаголя: что ти бысть, яко убежал еси во олтарь? И рече Иоав: яко убояхся от лица твоего, и бежах ко Господу. И посла Соломон Ванеа сына Иодаева, глаголя: иди, и убий его, и погреби его. 30 И прииде Ванеа сын Иодаев ко Иоаву в скинию Господню, и рече ему: сия глаголет царь: изыди. И рече Иоав: не изыду, но да зде умру. И возвратися Ванеа сын Иодаев и рече царю, глаголя: сия глагола Иоав и сия отвеща мне. 31 И рече ему царь: иди и сотвори ему, якоже рече, и убий его, и погреби его, и отими днесь кровь, юже туне пролия Иоав, от мене и от дому отца моего: 32 и возврати Господъ кровь неправды его на главу его, якоже нападе на два мужа праведна и блага паче его, и уби их оружием: и отец мой Давид не разуме крове их, Авенира сына Нирова, воеводу Израилева, и Амессая сына Иеферова, воеводу Иудина: 33 и возвратися кровь их на главу его и на главу семене его во веки: Давиду же и семени его, и дому его, и престолу его мир да будет до века от Господа. 34 И взыде Ванеа сын Иодаев и нападе на него, и уби его, и погребе его в дому его в пустыни. 35 И постави царь Соломон Ванеа сына Иодаева вместо его над воинством: царство же управляющееся во Иерусалиме. И Садока иерея даде Соломон царь во иерея первого вместо Авиафара. 36 И послав царь Соломон, призыва Семеа и рече ему: созижди себе дом во Иерусалиме и седи тамо, и не исходи оттуду никакоже: 37 и будет в день исхода твоего, и прейдеши поток Кедрский, разумея разумей, яко смертию умрещи: кровь твоя будет на главе твоей. И заклят его царь в день той. 38 И рече Семей к царю: благ глагол, егоже глаголал еси, господи мой царю: тако сотворит раб твой. И седе Семей во Иерусалиме три лета. 39 И бысть по триех летех, и бежаста два раба Семеина ко Агхусу

сыну Мааханину, царю Гефску. И возвестиша Семею, глаголюще: се, раби твои во Гефе. 40 И воста Семей, и оседла осля свое, и иде во Геф ко Агхусу взыскати рабы своя: и пойде Семей, и приведе рабы своя от Гефа. 41 И возвестиша Соломону, глаголюще: яко Семей ходи из Иерусалима в Геф и возврати рабы своя. 42 И посла царь и призыва Семеа и рече к нему: не заклях ли тя Господем, и засвидетельствовах тебе, глаголя: в онъже аще день изыдеши из Иерусалима и пойдеши на десно или на шуе, разумея разумей, яко смертию умрещи? И рекл ми еси: благ глагол, егоже слышах: 43 и что яко не сохранил еси клятвы Господни и заповеди, юже заповедах на тя? 44 И рече царь к Семею: ты веси всю злобу твою, юже весть сердце твое, яже сотворил еси Давиду отцу моему: и возврати Господъ злобу твою на главу твою: 45 и царь Соломон благословен, и престол Давидов будет готов пред Господем во веки. 46 И заповеда царь Соломон Ванею сыну Иодаеву: и изыде, и уби его, и умре (Семей).

3 Егда же царство утвердиша в руце Соломона, сватовство сотвори Соломон с фараоном царем Египетским: и поят дщерь фараоню и введе ю во град Давидов, дондеже сконча здати дом свой и дом Господень и стену Иерусалима окрест. 2 Обаче людие тогда бяху жруще на высоких, яко не бе создан дом Господеви даже до дне онаго. 3 И возлюби Соломон Господа, ходити в заповеданиях Давида отца своего, токмо на холмех жряше и кадяше. 4 И воста Соломон, и иде в Гаваон пожрети тамо, яко тамо бе высота велия: тысячу всесожжения вознесе на жертвеннице в Гаваоне. 5 И явися Господъ Соломону во сне ноющи и рече ему: проси что хощеши себе. 6 И рече Соломон: Ты сотворил еси с рабом Твоим Давидом отцем моим милость велию, якоже ходи пред Тобою истину и правдою и правым сердцем с Тобою, и сохранил еси ему милость великую сию, еже дати сыну его седети на престоле его, якоже днесъ: 7 и ныне, Господи Боже мой, Ты дал еси раба Твоего вместо Давида отца моего: и аз есмь отрочиць мал, и не вем исхода моего и входа моего: 8 раб же Твой посреде людий Твоих, икже избрал еси людий многих, иже не изочтутся от множества: 9 и даси рабу Твоему сердце смыслено слышати и судити люди Твоя в правде, еже разумевати посреде добра и зла: яко кто может судити людем Твоим тяжким сим? 10 И угодно бысть слово сие пред Господем, яко испроси Соломон глагол сей. 11 И рече Господъ к нему: занеже просил еси от мене глагола сего, и не просил еси от мене дний многих, и не

просил еси богатства, ниже просил еси душ враг твоих, но испросил еси себе разума, еже слышати суд: 12 се, створих по глаголу твоему, се, дах ти сердце смыслено и мудро: яко же ты, не бысть муж прежде тебе и по тебе не востанет подобен тебе: 13 и яже не просил еси, дах тебе, и богатство и славу, яко же ты, не бысть муж подобен тебе в царех во вся дни твоя: 14 и аще пойдеши путем Моим сохранити заповеди Моя и повеления Моя, яко же хождаше Давид отец твой, и умножу дни твоя. 15 И возбудися Соломон, и се, сновидение. И воста, и иде во Иерусалим, и ста пред лицем жертвенника, пред лицем кивота завета Господня в Сионе, и вознese всесожжения и створи мирная, и створи пир велий себе и всем отроком своим. 16 Тогда явистесь две жене блуднице пред царем и стасте пред ним. 17 И рече жена едини: во мне, господи мой: аз и жена сия жихоме в дому единем и родихоме в дому: 18 и бысть по третиим дни рождения моего, и роди и жена сия: и бехом купно, и не бе никтоже с нами, кроме обоих нас в дому: 19 и умре сын жены ся в нощи, яко лежа на нем: 20 и воста в полунощи, и взя отроча мое от объятий моих, и успи е на лоне своем, а отроча свое умершее положи на лоне моем: 21 и востах заутра накормити отроча мое, и обретох и мертвто: и се, разсмотрих его рано, и се, не бе сын мой, егоже родих: 22 и рече другая жена: ни, но се есть сын мой живый, се же есть сын твой умерый. И прястеся пред царем. 23 И рече има царь: ты глаголеши, яко сей сын мой живый, сын же сея мертвый: и ты глаголеши: ни, но живый есть сын мой, твой же сын умерший. 24 И рече царь: принесите ми мечь. И принесоша мечь пред царя. 25 И рече царь: разсцеыте отроча сущее живое на двое, и дадите половину его сей, и другую половину оней. 26 И отвеща жена, еяже бе сын живый, и рече ко царю, понеже смятесь утроба ея о сыне ея, и рече: во мне, господи мой, дадите ей отроча живое, смертию же не умртвите его. И та рече: да не будет ни мне, ни тебе, но пресецыте е. 27 И отвеща царь и рече: дадите детище живо жене рекшей: дадите сей е, смертию же не умртвите его: сия мати его. 28 И слыша весь Израиль суд сей, имже суди царь, и убоявшись от лица царева, разумеша бо, яко разум Божий в нем еже творити оправдания.

4 И бе царь Соломон царствуй над Израилем. 2 И сии старейшины иже беша с ним: 3 Азария сын Садоков, жрец: Елиаф и Ахия сынове Сивини, книгоочи: и Иосафат сын Ахилудов, напоминатель: 4 и Ванеа сын Иодаев над силою: и Садок и Авиафар, иерее: 5 и Азария сын

Нафань над настоятелми: и Завуф сын Нафань друг царев: 6 и Ахисар бе строитель, и Елиав сын Сафатов над отечеством: и Адонирам сын Авдонов над даньми. 7 И у Соломона бяху двадесять приставник над всем Израилем, еже подаяти царю и дому его: по месяцу в лете бываше един, еже подаяти, 8 и сия имена их: Вен сын Оров на горе Ефремли, един: 9 сын Дакарь во Махемате и во Висаламине и Вефсамисе и Елоне, даже до Вефанана, един: 10 сын Седов во Аравофе, сего Сохо и вся земля Оферова: 11 сына Аминадавля вся Неффадор: Тифаф дщи Соломона бе ему в жену, един: 12 Вана сын Ахилуфов во Ифаанахе и Магеддо и весь Дом Саныи, иже при Сесафане под Езраелем, и от Вифсаны даже до Савелмаула, даже до Маевер Лукам, един: 13 сын Наверов в Равофе Галаадстем: сему область Ергав в Васане, шестьдесят градов великих огражденных стенами, и вереи медяны, един: 14 Ахинадав сын Саддов во Маанайме: 15 Ахимаас в Неффалиме: и сей поят Васемафу дщерь Соломону в жену, един: 16 Ваана сын Хусин во Асире и во Ваалофе, един: 17 Иосафат сын Фаруев во Иссахаре, 18 Семей сын Илы во Вениамине, 19 Гавер сын Адаев в земли Галааде, в земли Сиона царя Есевонска и Ога царя Васанска, и Насиф един в земли Иудове. 20 Иуда и Израиль мнози аки песок иже при мори во множестве, ядуще и пиюще и веселящиеся. 21 И Соломон бе начальствуй во всех царствах, от реки земли Филистимских и даже до предел Египетских, (и бяху) приносяще дары и работающе Соломону во вся дни живота его. 22 И сия потребная Соломону в день един: тридесять мер муки семидалныя и шестьдесят мер муки смешаныя, 23 десять телцев избранных и двадесять волов тучных и сто овец, кроме еленей и серн и птиц, избранна от избранных тучна. 24 Понеже бе начальствуй во всех об он пол реки от Фапсы и даже до Газы, над всеми царми об он пол реки, и мир бе ему от всех стран окрест. 25 И живяху Иуда и Израиль беспечально, кийждо под виноградом своим и под смоковницею своею, ядуще и пиюще, от Дана и даже до Вирсавии, во вся дни Соломона. 26 И бяше у Соломона четыредесять тысящ кобылиц в колесници и двадесять тысящ конник. 27 И тако подаяху приставники царю Соломону, и вся повеленная на трапезу цареву, кийждо в месяц свой, не пременяюще словесе: 28 и ячмень и плевы конем, и колесницами привозяху на место, идеже бе царь, кийждо по чину своему. 29 И даде Господь смысл и мудрость Соломону многу зело, и широту сердца, яко песок иже при мори: 30 и умножися мудрость Соломонова зело, паче

смысла всех древних человек и паче всех смысленных Египетских: 31 и умудрися паче всех человек, и умудрися паче Гефана Езраилитна и Емана, и Халкада и Дарды, сына Самадова, и прославися имя его во всех странах окрест. 32 И изглагола Соломон три тысячи притчей, и быша песни его пять тысяч: 33 и глагола о древех, от кедра иже в Ливане и даже до иссопа исходящаго из стены: и глагола о скотех и о птицах и о гадех и о рыбах. 34 И приходаху вси люди слышати премудрость Соломоню: и принимаше дары от всех царей земных, елицы слышаху премудрость его.

5 И послы Хiram царь Тирский отроки своя к Соломону: услыша бо, яко помазаша его на царство вместо Давида отца его, яко любяше Хiram Давида во вся дни. 2 И послы Соломон к Хiramу, глаголя: з ты веси отца моего Давида, яко не возможе создати дому имени Господа Бога моего, от лица противных, окруживших его, дондеже даде я Господъ под стопы ног его: 4 и ныне упокой Господъ Бог мой мне окрест, несть наветника, ниже сопротивника лукаваго: 5 и се, аз глаголю создати дом имени Господа Бога моего, якоже глагола Господъ Бог к Давиду отцу моему, глаголя: сын твой, егоже дам вместо тебе на престол твой, той созиждет дом имени Моему: 6 и ныне заповеждь, да наскут ми древ от Ливана, и се, раби мои с рабы твоими, и мзду трудов твоих дам ти по всему елика речеши, понеже ты веси, яко несть нам ведущаго древа сеши, якоже Сидоняне. 7 И бысть егда услыша Хiram словеса Соломоня, возрадовався зело и рече: благословен Бог днесь, Иже даде Давиду сына разумна над людьми сими многими. 8 И послы Хiram к Соломону, глаголя: слыхаш о всех, ихже ради послал еси ко мне: аз сотворю все хотение твое о древах кедровых и певговых: 9 слуги мои изнесут я от Ливана к морю, и аз положу я в складения на место, идеже возвестиши мне, и довезу я тамо: и ты возмеши, и сотвориши хотение мое, еже дати хлебы дому моему. 10 И бе Хiram дая Соломону кедры и певги и всю волю его. 11 И даде Соломон Хiramу двадесять тысяч мер пшеницы, и пищу дому его, и двадесять тысяч мер елеа чистаго: по сему даваше Соломон Хiramу на всяко лето. 12 И Господъ даде Соломону премудрость, якоже глагола ему. И бе мир между Хiramом и между Соломоном, и положиша завет между собою. 13 И взя царь дань от всего Израиля, и бе дань тридесять тысяч мужей. 14 И послы я в Ливан, десять тысяч на месяц в премену: месяц быша в Ливане и два месяца в дому своем: и бяше Адонирам над данию.

15 И бяше Соломону седмъдесят тысячъ носящих бремена и осмъдесят тысячъ секущих камение в горе, 16 кроме старейшин приставленых над делами Соломоними, три тысячи и шесть сот приставник делающих дела. 17 И заповеда царь, и взяша камение великое, камение честное на основание храма, и камение нетесаное. 18 И истесаша сынове Соломони и сынове Хiramли и каменосечцы Гевалстии: и изготвиша камения и древа в три лета.

6 И бысть в четыредесятное и в четвертосотное лето исхода сынов Израилевых из Египта, в лето четвертое, в месяцъ второй, царствующу царю Соломону над Израилем, и созда храм Господеви. 2 И храм, егоже созда Соломон царь Господеви, (бяше) шестьдесят лакот долгота его, и двадесяти лакот широта его, и тридесати лакот высота его: з и притвор, иже пред лицем храма, двадесяти лакот долгота его в широту дому, и десяти лакот широта его пред лицем дому: и созда храм, и соверши его. 4 И сотвори храму окна преклонены сокровены. 5 И созда на стенае дому притворы около храма и давира. 6 И сотвори бока около, бок иже с низу, пяти лакот широта его, и средний шести лакот широта, и третий седми лакот широта его: понеже разстояние дому сотвори окрест внеуду храма, яко да не досягают стен храма. 7 И храму зиждему сущу, камением краесоковым нетесанным создася: млат же, и теслица, и всякое орудие железно не слышася в храме, егда созидатися ему. 8 И двери бока нижняго под стеною храма десною, и извиенный восход до средины, а от средины до трекровных. 9 И созда храм, и соверши его: и обстави храм дсками кедровыми. 10 И сотвори вязания окрест всего храма, пять лакот в высоту его, и связа вязание древом кедровым. 11 И бысть слово Господне к Соломону, глаголюще: 12 храм сей егоже ты созидаеш, аще пойдеш по заповедем Моим, и судбы Моя сотвориши, и сохраниши вся повеления Моя, еже пребывати в них, утвержу слово Мое с тобою, еже глаголах Давиду отцу твоему, 13 и вселюся посреде сынов Израилевых, и не оставлю людей Моих Израиля. 14 И созда Соломон храм, и сконча его. 15 И созда стены храму внутрь древом кедровым, от земли храма и даже до стен и даже до верха: около обстави содержащая древами внутрьуду и укрепи внутрь храма боками певговыми. 16 И созда двадесяти лакот от края стены бок един от земли даже до верха: и сотвори ему внутрь от давира стену до Святая святых. 17 И четыредесяти лакот бяше храм: сей (есть) храм внутреннейший. 18 И

от кедра во храме внутрь постави плетение и дщцы и ваяния вся кедрова: камень не являшеся. 19 Пред лицем давира, посреде храма внутрь уготова поставить тамо кивот завета Господня. 20 И пред лицем давира двадесяти лакот долгота, и двадесяти лакот широта, и двадесяти лакот высота его, и объят его златом чистым: и сотвори олтарь кедровый: и повлече Соломон храм внутрь златом чистым, и пригвозди гвоздами златыми пред лицем давира, и объят и златом. 21 И весь храм объят златом до скончания всего храма. 22 И все внутрь давира покры златом. 23 И сотвори в давире два херувима от древ кипарисных, десять лакот мeroю величество: 24 и пяти лакот крило херувима единаго, и пяти лакот крило его второе, десяти лакот от края крила его до края крила его: 25 и десяти лакот такожде (мера) херувиму второму, мера едина совершение едино обоим херувимом: 26 и высота херувима единаго десять лакот, такожде и второму херувиму. 27 И постави оба херувима посреде храма внутренняго: и простираху крила своя, и досязаше крило едино до стены храма, и крило другаго херувима досязаше до стены вторыя: и крила их яже бяху посреде храма, касашеся крило с крилом: 28 и объяты быша херувимы златом. 29 И на всех стенах храма около ваяния написа подобием херувимов, и финики, и изваянна произницающая внутрьду и внеуду. 30 И помост храма из внутрьду и внеуду объят златом. 31 И входу давира сотвори двери от древ смерчиих, и праги пятеричны, 32 и двои двери от древ певговых, и изваяния на них изваяна, херувимы, и финики, и дщцы простертыя, и объят я златом, и бяше златом устроено до херувимов и до фиников. 33 И тако сотвори вратом храма: и праги от древ смерчиих, притворы четверогубо. 34 И на обоих дверях древа певгова: два затвора дверь едини и вереи их, и два затвора дверь вторая вращающаяся в себе, 35 (на нихже сотвори) изваянны херувимы и финики, и дщцы простертыя, и объяты златом свешеным на изображение. 36 И созда двор внутренний: в три ряда нетесаных, и ряд тесанаго кедра около. 37 В лето четвертое основа храм Господень в месяце зии, во второй месяц. 38 Во единонадесятое лето в месяце Вул, сей месяц осмый, совершился храм по всему словеси своему и по всему устроению своему: и созда его в седьмь лет.

7 И дом свой созда Соломон треминадесять леты, и соверши Соломон весь дом свой. 2 И созда дом древом Ливанским, сто лакот долгота его, и тридесять

лакот высота его, и пятьдесят лакот широта его, и три ряды столпов кедровых, и рамена кедрова столпом. 3 И покры дсками кедровыми дом свыше над странами столпов: и число столпов четыредесять и пять, 4 по пятинаадесяти ряд: и окон три ряда, и камара над камарою трегубо. 5 И вся двери и камары четырехугольны притворени: от дверий над дверми трегубо. 6 И елам столпов, пятьдесят лакот в долготу, и тридесять лакот в широту привязаны ко Еламу пред лицем их: и столпи и толстота пред лицем того елама. 7 И елам престолов идже судити, елам судилища, и покры и от земли даже до верха дщциами кедровыми. 8 И дом в немже живяше, двор един рас простерт сим по делу сему: и дом созда дщери фараони, юже взя Соломон, по еламу сему. 9 Вся сия бяху от каменей драгоценных изваяна от разстояния внутрьду, и от основания до крова. 10 И внеуду ко двору великому основаному камением драгим великим, камением десяти лакот и осми лакот, 11 и с верху честным камением, по той же мере несеченных, и кедрами. 12 Окрест двора великаго три ряда нетесаных, и ряд тесанаго кедра: и созда двор храма внутреннейший притвора дому Сущаго пред лицем храма. 13 И посла царь Соломон в Тир, и взя Хирама от Тира, 14 сына жены вдовицы, и той бе от колена Неффалимля: и отец его бе муж Тирин, делатель меди, и исполнен художества и разума и ведения, еже делати всяко дело медяное. И приведоша его ко царю Соломуону: и сотвори вся дела: 15 и слия два столпа еламу храма, осминадесяти лакот высота столпа, и окрест мера его четыренадесятих лакот окружаше его толстота столпа: четырех перстов вглубления: такожде бе и второй столп: 16 и два возложения сотвори, лежати на главах столпов излияная от меди: пяти лакот высота возложения единаго, и пяти лакот высота возложения втораго: 17 и сотвори две мрежи еже покрыти возложения столпов: и мрежу возложению единому, и мрежу возложению второму: 18 и дело висимо, два ряда яблок медяных сорежены, дело висимо, ряд над рядом: такожде сотвори возложению второму: 19 и возложения на главах столпов, подобна крину, якоже во еламе, четырех лакот: 20 и строение над обоими столпами, и свыше стран возложение строения, и яблоков двести рядов около на второй главе. 21 И постави столпы во еламе храма: и постави столп един и нарече имя ему Иахун, и постави столп второй и нарече имя ему Воос. 22 И на главах столпов дело криново, и сконча дело столпов. 23 И сотвори море лияно десять лакот от края до края его, кругло окрест его: пять лакот

высота его, и объятие его тридесять лактей окружаше е окрест: 24 и подкрепления под краем его окрест, окружаху е десять лакот около: два ряда подкреплений слиты во слиянии его стояща. 25 И дванадесять волов под морем, три зрящии на север, и три зрящии на юг, и три на запад, и три на восток, и вся задняя их внутрьуду, и море верху их. 26 И устие его бяше яко устие потиря прозябающаго крина, и толстота его на длань. 27 И сотвори десять меҳонофов медных, пять лакот долгота меҳонофа единаго, и четыри лакти широта его, и шесть лакот высота его: 28 и сие дело меҳонофов, споеное о себе и споеное посреде произницающих: 29 и на споениих их посреде произницающих львы и волы и херувимы, и над произницающими, также и свыше и снизу львов и волов места, дело низходжения: 30 и четыри колеса медна и меҳонофу коемждо, и придержания медяна, и четыри части их, и рамена их под умывалницами, и рамена слияная об ону страну коегождо прилежаще. 31 И уста его внутрь главы, и выше единаго лактя, и уста его кругла: дело такожде лактя единаго и пол лактя: и на устах его изваяния, и между столпия их четвероуголна, а не кругла. 32 И четыри колеса под между столпиями, и руце в колесех в меҳонофе: и высота единаго колеса лакот и пол. 33 И дело колес, яко дело колес колесницы: руце их и выи их, и хребты их и делания их вся лияна. 34 Четыри рамена на четырех углах меҳонофа единаго, и от меҳонофа рамена его. 35 И на главе меҳонофа пол лактя величество его, кругло окрест над главою меҳонофовою: и начало рук его и спаяния его от него: и отверзашеся в началех рук своих. 36 И спаяния его подобия херувимов и львов и фиников стоящая, держащееся коеждо противу лица его внутрь и окрест. 37 По томужде сотвори вся десять меҳонофы, по чину единому и по мере единей, мера единиа всем. 38 И сотвори десять конобов медных вмещающих по четыредесяти мер во един коноб, мерою четырех лактей: коноб един на коемждо меҳонофе, от десяти меҳонофов. 39 И постави пять меҳонофов по десней стране храма на восток, и пять по левой стране храма: и море от страны храма одесную на востоки в угле полуденнем. 40 И сотвори Хирам конобы и теплицы и фиалы: и сконча Хирам вся дела творя, яже творяше цареви Соломону во храме Господни: 41 столпа два, и обвятия столпов над главами столпов два: и мрежи две, еже покрывают оба обвятия изваянных, яже на столпех суть: 42 яблоков медных четыреста обема мрежема, два ряда яблоков мрежи единей, покрывают оба обвятия меҳонофа, яже на обоих столпех: 43 и меҳонофов десять

и конобов десять на меҳонофе: 44 и море едино, и волов двадесять под морем: 45 и конобы и теплицы и фиалы, и вся сосуды, яже сотвори Хирам царю Соломону во храме Господни: и столпов четыредесять и осьмь дому царева и дому Господня: вся дела царева, яже сотвори Хирам, быша медяна вся. 46 Близ Иордана слия их царь в толстоте земли, между Сокхофом и между Сирамом. 47 Не бе веса меди, от неяже творяше вся дела сия, от множества зело, не бе предела весу меди. 48 И даде царь Соломон вся сосуды, яже сотвори во храм Господень: олтарь златый и трапезу, на нейже хлебы приношения, златую, 49 и свещники пять одесную и пять ошую пред лицем давира (Святая святых) златыя спаяны, и лампады, и светилники, и щипцы златыя, 50 и преддверие, и гвоздие, и фиалы и блюда и кадилницы златы спаяны: и вереи врат дому внутренняго Святаго Святых, и двери храма златая. 51 И совершился дело, еже сотвори Соломон во храме Господни: и внесе Соломон святая Давида отца своего и вся святая Соломонова, сребро и злато, и сосуды даде в сокровище храма Господня.

8 И собра царь Соломон вся старейшины Израилевы, вся начала колен, старейшины отечеств сынов Израилевых к себе во Сион, еже пренести кивот завета Господня от града Давидова: той есть Сион. 2 И собрашася ко царю Соломону вси людие Израилевы в месяц Афаним в праздник: сей есть месяц седьмый. 3 И придоша вси старейшины Израилевы, и взяша иерее кивот, 4 и вознесоша кивот Господень, и скинию свидения, и вся сосуды святыя яже во скинии свидения: и вознесоша я иерее и левити. 5 Царь же Соломон и весь собор Израилский, собравшеся к нему, с ним пред кивотом жреху волы и овцы несочтены, безчисленны от множества. 6 И внесоша иерее кивот завета Господня на место его во давир храма, во Святая Святых, под крила херувимов. 7 Херувими бо беша распространше криле над местом кивота: и окрываху херувими над кивотом и над святыми его сверху. 8 И обдергаста освящена: и зряхуся главы освященных от святых к лицу давира, и не являхуся вне. 9 Не бе в кивоте токмо две скрижали каменны, скрижали завета, ихже положи Моисей в Хориве, яже завеща Господь со сынаами Израилевыми, всегда исходить им от земли Египетския. 10 И бысть егда изыдоша иерее из святилища, и облак исполни храм Господень, 11 и не можаху иерее стати служити от лица облака, яко исполни слава Господня

храм. 12 Тогда рече Соломон: Господь рече еже обитати во мгле, 13 аз же создах дом имени Твоему свят Тебе и готов, и престолу твоему, еже обитати Тебе в нем во веки. 14 И обрати царь лицо свое и благослови царь всего Израиля: весь же собор Израилев стояше. 15 И рече (царь): благословен Господь Бог Израилев днесь, Иже глагола усты Своими о Давиде отце моем и руками Своими исполни, глаголя: 16 от дне в оньже изведо люди Моя Израиля из Египта, не избрах града от всех племен Израилевых на создание храму, еже быти имени Моему тамо: но избрах во Иерусалиме быти имени Моему тамо: и избрах Давида быти ему властелину над людьми Моими Израилем: 17 и бысть на сердцы отцу моему Давиду, еже создати храм имени Господа Бога Израилева, 18 и рече Господь к Давиду отцу моему: понеже взыде на сердце твое еже создати храм имени Моему, добрे сговорил еси, яко бысть на сердцы твоем: 19 обаче ты не созиждеши храма, но разве сын твой, иже изыде из чресл твоих, той созиждёт храм имени Моему: 20 и возстави Господь глаголгол Свой егоже глагола: и востах вместо Давида отца моего, и седох на престоле Израилеве, якоже глагола Господь, и создах храм имени Господа Бога Израилева, 21 и поставил тамо место кивоту, в немже есть тамо завет Господень, егоже завеща Господь со отцы нашими во извождении их из земли Египетской. 22 И ста Соломон пред лицем олтаря Господня пред всем собором Израилевым и воздвиге руце свои на небо, 23 и рече: Господи Боже Израилев, несть якоже Ты Бог на небеси горе и на земли низу, храняй завет и милость рабу Твоему ходящему пред Тобою всем сердцем своим, 24 яже сохранил еси рабу Твоему Давиду отцу моему: ибо глаголал еси усты Твоими и руками Твоими совершил еси, якоже день сей: 25 и ныне, Господи Боже Израилев, сохрани рабу Твоему Давиду отцу моему, яже рекл еси ему, глаголя: не оскудеет муж от лица Моего седяй на престоле Израилеве, токмо аще сохранят чада твоя пути своя, еже ходити предо Мною, якоже ходил еси предо Мною: 26 и ныне, Господи Боже Израилев, да уверится глаголгол Твой, егоже рекл еси Давиду отцу моему: 27 яко аще истинно вселится Бог с человеки на земли? Аще небо и небо небесе не довлеют Ти, кольми паче храм сей, егоже создах имени Твоему? 28 И да призиши на молитву мою, Господи Боже Израилев, послушати молитвы, еюже молится раб Твой пред тобою к Тебе днесь, 29 да будут очи Твои отверсты на храм сей день и нощь, на место о немже рекл еси: будет имя Мое тамо на услышание молитвы, еюже молится

раб Твой на месте сем день и нощь: 30 и услышиши молитву раба Твоего и людий Твоих Израиля, о нихже помолятся на месте сем: и ты услышиши на месте обиталища Твоего на небеси, и сотвориши и помилуеши: 31 елика аще согрешит кийждо ко искреннему своему, и аще примет на него клятву еже кляти его, и приидет, и исповесть пред лицем олтаря Твоего в храме сем: 32 и Ты услышиши от небесе, и сотвориши суд людем Твоим Израилю: осудити беззаконного, дати путь его на главу его, и оправдити праведнаго, дати ему по правде его: 33 егда падут людие Твои Израиль пред враги, яко согрешат Ти, и обратятся к Тебе, и исповедятся имени Твоему, и помолятся и возглаголют молитву к Тебе в храме сем: 34 и Ты услышиши с небесе, и милостив будеши о согрешениих людий Своих Израиля, и возвратиши я в землю, юже дал еси отцем их: 35 всегда заключитися небеси и не быти дождю, яко согрешат Ти, и помолятся на месте сем, и исповедятся имени Твоему, и от грех своих обратятся, егда смириши их: 36 и услышиши с небесе, и милостив будеши о грехах раба Твоего и людий Твоих Израиля: яко явиши им путь благий ходити по нему, и даси дождь на землю, юже дал еси людем Твоим в достояние: 37 глад аще будет, смерть аще будет, егда будет возжжение, гусеницы, ржа аще будет, и аще оскорбят я врази их в единем от градов их: все противное, всяка болезнь, 38 всяка молитва, всяко моление аще будет всякому человеку от людий Израилевых, егда познает кийждо болезнь сердца своего, и воздвигнет руце свои в храме сем: 39 и Ты услышиши от небесе, от готоваго жилища Твоего, и милостив будеши, и сотвориши, и даси коемуждо по путем его, якоже увеси сердце его, яко Ты един токмо веси всех сердца сынов человеческих: 40 да боятся Тебе вся дни, в няже поживут на земли, юже дал еси отцем нашим: 41 и чуждему, иже несть от людий Твоих Израиля, той аще приидет от земли издалеча ради имени Твоего, зане услышат имя Твое велико, и руку Твою крепкую, и мышцу Твою высокую, 42 и приидет, и помолится на месте сем: 43 и ты услышиши с небесе от готоваго жилища Твоего, и сотвориши по всем, в еликих аще призовет Тя чуждий, яко да уразумеют вси людие земни имя Твое и убоятся Тебе, якоже людие Твои Израиль, и разумеют, яко имя Твое наречеся на храме сем, егоже создах: 44 егда изыдут людие Твои на брань на враги своя, путем имже возвратиши я, и помолятся именем Господним путем града, егоже избрал еси Себе, и ко храму, егоже аз создах имени Твоему: 45 и ты услышиши с небесе молитву их и моления их,

и сотвориши оправдание им: 46 яко согрешат Ти, яко несть человек, иже не согрешит, и разгневашия на ня, и предаси я пред враги, и попленят их пленяши в землю далече, или близ, 47 и обратят сердца своя в земли, аможе преселишася, и обратятся, и помолятся Тебе в земли преселения своего, глаголюще: согрешихом, беззаконновахом, неправдовахом: 48 и обратятся ко Тебе всем сердцем своим и всею душою своею в земли враг своих, аможе превел еси их, и помолятся к Тебе по пути земли своей, юже дал еси отцем их, и ко граду, егоже избрал еси, и ко храму, егоже создах имени Твоему: 49 и услышиши от небесе, от готоваго жилища Твоего молитву их и моление их, и сотвориши оправдание им, 50 и милостив будеши неправдам их, имиже согрешиша Ти, и по всем отметанием их, имиже отвергояшася Тебе, да даси их в щедроты пред пленившими их, и ущедрят я: 51 яко людие Твои и наследие Твое суть, ихже извел еси из земли Египетския от среды пещи железныя: 52 и да будут уши Твои и очи Твои отверсты на молитву раба Твоего и к молению людий Твоих Израиля, послушати их о всех, о нихже призовут Тя, 53 яко Ты избрал еси Я Себе в наследие от всех людий земли, яко же глаголал еси рукою раба Твоего Моисея, внегда извести Тебе отцы наша из земли Египетския, Господи Господи. Тогда глагола Соломон о храме, егда соверши созидати его: солнце познано сотвори на небеси: Господь рече пребывати во мгле: созижи храм Мой, храм благолепный себе, еже пребывати в новости: не сие ли писано в книгах песни? 54 И бысть егда сконча Соломон моляся ко Господу всею молитвою и молением сим, и воста от лица олтаря Господня припад на колена своя, и руце свои возде на небо, 55 и ста, и благослови весь собор Израилев, гласом велиим глаголя: 56 благословен Господь (Бог) днесь, Иже даде покой людем Своим Израилю, по всем елика глагола: не пременися слово ни едино во всех словесех Его благих, имиже глагола рукою Моисея раба Своего: 57 да будет Господь Бог наш с нами, яко же бе со отцы нашими: да не оставит нас, ниже да отвратит нас, 58 преклонити сердца наша к Нему, еже ходити во всех путех Его и хранити вся заповеди Его и повеления Его и оправдания Его, яже заповеда отцем нашым: 59 и да будут слова сия, имиже молихся пред Господем Богом нашим днесь, приближающеся Господу Богу нашему день и нощь, еже творити оправдания рабу Твоему и оправдания людем Твоим Израилю во вся дни: 60 яко да разумеют вси людие земли, яко Господь Бог Той Сам Бог, и несть иного, 61 и да будут сердца наша совершенна ко

Господу Богу нашему преподобно ходити в повелениих Его и хранити заповеди Его, яко же день сей. 62 И царь и вси сынове Израилевы пожроща жертву пред Господем. 63 И пожре царь Соломон жертвы мирныя, яже пожре Господу, волов двадесять две тысячи и овец сто и двадесять тысячи. И обнови царь храм Господень и вси сынове Израилевы. 64 В той день освяти царь (Соломон) средину двора, яже пред лицем храма Господня: яко сотвори тамо всесожжение и дары, и жертвы и тучная мирных, яко олтарь медяный, иже пред Господем, мал бе, еже не возмоши вместити всесожжения даров и жертвы мирных. 65 И сотвори Соломон праздник в той день, и весь Израиль с ним, собор велий, от входа Емафа даже до реки Египта, пред Господем Богом нашим, у храма, егоже созда, ядый и пия и веселяся пред Господем Богом нашим седьмь дний, 66 и во осмый день распусти люди. И благословиша царя, и идоша кийждо в дома своя, радующеся веселым сердцем о благих, яже сотвори Господь Давиду рабу Своему и Израилю людем Своим.

9 И бысть егда сконча Соломон зиждяй храм Господень и дом царев и всякое дело свое Соломон, елика восхоте сотворити, 2 и явися Господь Соломону вторицею, яко же явися ему в Гаваоне, 3 и рече к нему Господь: услышах глас молитвы твоей и моления твоего, имже молился еси предо Мною: сотворих ти по всей молитве твоей, и освятих храм сей, егоже создал еси, еже положити имя Мое тамо во веки, и будут очи Мои ту и сердце Мое во вся дни: 4 и ты аще пойдеш предо Мною, яко же ходи Давид отец твой в преподобии сердца и в правоте, и еже творити по всем, яже заповедах ему, и повеления Моя и заповеди Моя сохраниши: 5 и возставлю престол царствия твоего во Израили во веки, яко же глаголах к Давиду отцу твоему, глаголя: не оскудеет ти муж властелин во Израили: 6 аще же отвращающеся отвратитесь вы и чада ваша от Мене и не сохраните заповедей Моих и повелений Моих, яже даде Моисей пред вами, и пойдете и поработаете богом иным и поклонитеся им: 7 и изрину Израиля из земли, юже дах им, и храм сей, егоже освятих имени Моему, отвергут от лица Моего: и будет Израиль в погубление и во глаголание всем людем: 8 и дом сей будет высокий, всяк преходяй сквозе его ужаснется, и воззвищет и речет: чесо ради сотвори Господь тако земли сей и храму сему? 9 И рекут: понеже оставилши Господа Бога своего, иже изведе отцы их из Египта, из дому работы, и прияша боги чуждяя, и поклонишася им, и поработаша им, сего ради наведе на ня Господь зло сие. 10 И бысть по двадесяти

летех, в няже созда Соломон два дома, храм Господень и дом царев, 11 Хiram царь Тирский помогаше Соломону древы кедрскими и древы певговыми и златом и всем хотением его: тогда даде Соломон Хiramу двадесять градов в земли Галилейстей. 12 И изыде Хiram из Тира и пойде в Галилею видети грады, яже даде ему Соломон: и не быша ему угодни, 13 и рече: что гради сии, яже дал ми еси, брате? И нарече я предел (Хавуль), до днешняго дне. 14 И принесе Хiram Соломону сто и двадесять талант злата. 15 Сие же есть число даяния еже принесе царь Соломон, да созиждет храм Господень и дом царев, и Мелон и стену Иерусалимску и Краеградие еже оградити стену града Давидова, и Асур и Магедо и Газер. 16 Фараон царь Египетский взыде и взя Газер и сожже и огнем, и Ханаана живущаго во граде том погуби: и даде его в дар дщери своей, жене Соломони. 17 И согради Соломон Газер и Вефорон нижний, 18 и Валааф и Фамор в пустыни. 19 И вся грады крепкия, иже быша Соломону, и вся грады, идеже бяху колесницы, и вся грады, идеже бяху конницы его, и все еже бысть угодно царю Соломону, созда во Иерусалиме, и в Ливане и во всей земли царства своего. 20 Всех людей оставшихся от Аморреа и Хеттеа, и Ферезеа и Хананеа, и Евеа и Иевусеа и Гергесеа, не сущих от сынов Израилевых, 21 сынов их оставшихся по них на земли, ихже не возмогша сынове Израилевы потребити их, царь Соломон поработи их даяти дань даже до дне сего: 22 от сынов же Израилевых не даде в работу Соломон, яко тии бяху мужие храбрии, и отроцы его, и князи его, и тристаты его, и воеводы колесниц его, и конницы его. 23 И бяху старейшины приставленным над дельы царя Соломона, пять сот пятьдесят повелевающи людем делающим дело. 24 Дщерь же фараона прейде из града Давидова в дом свой, егоже созда ей Соломон, тогда созда Мелон. 25 И приношаще Соломон трижды в год всесожжения и мирныя жертвы на олтарь, егоже созижде Господу, и кадяше фимиам пред Господем: и соверши храм. 26 И сотвори царь Соломон корабль в Гасионе Гаверстем, иже при Елафе, при устии моря Последняго, в земли Едомстей. 27 И посла Хiram на корабли от отрок своих мужы корабелники управляти ведущих море со отроки Соломони: 28 и приноша в Софир, и взяша оттуду злата четыре ста и двадесять талант и принесоша царю Соломону.

10 И царица Савска услыша имя Соломоне и имя Господне, и прииде искусити его притчами: 2 и прииде во Иерусалим с силою тяжкою зело: и на

велблюдех привезоша ароматы и злата много зело, и камение драгое: и вниде к Соломону и глагола ему вся, елика име на сердцы своем. 3 И возвести ей Соломон вся глаголы ея: и не бе слово презreno от царя, егоже не возвести ей. 4 И виде царица Савска весь смысл Соломони и дом егоже созда, 5 и снеди Соломони, и жилища отроков его, и предстояние служащих ему, и облачение его, и виночерпцы его, и всесожжения его, яже приношаще во храме Господни, и вне себе бысть, 6 и рече к Соломону царю: истинна суть словеса, яже слышах в земли моей, 7 о словесех твоих и о смысле твоем: и не ях веры глаголющым ми, дондеже приидох сено, и видеста очи мои: и се, несть ни пол того, якоже ми поведаша: приложил еси премудрость и благая к сим паче всякаго слуха, егоже слышах в земли моей: 8 блаженны жены твоя, блажени отроцы твои сии, иже предстоят пред тобою всегда, слышаще всякий смысл твой: 9 буди Господь Бог твой благословен, иже восхотея дати на престол Израилев, понеже возлюби Господь Израиля утвердити во веки и постави тя царя над ними творити суд в правде и в судбах их. 10 И даде Соломону сто и двадесять талант злата, и ароматы многи зело, и камение драгое: не придоша еще таковыя ароматы во множестве, яже даде царица Савска царю Соломону. 11 И корабль Хiramъ приносящ злато из Софира, (и) принесе древа нетесана многа зело, и камение драгое. 12 И сотвори царь древом нетесаным подпоры храму Господню и дому цареву, и сопели и гусли певцем: не придоша по сем таковая древеса нетесаная на земли, ниже видена быша где даже до дне сего. 13 И царь Соломон даде царице Савстей вся, елика восхоте и елики проси у него, кроме всех, яже даде ей рукама своим Соломон царь, и возвратися, и отиде в землю свою, сама и вси отроцы ея. 14 И бе вес принесенного злата Соломону во едино лето шесть сот и шестьдесят и шесть талант злата, 15 кроме даней от подданных и от купцов и от всех царей странных и от воевод земных. 16 И сотвори царь Соломон триста копий златых кованых, по триста златых во едино копие вдла: 17 и триста щитов кованых златых, по три литры злата бяше на коемждо щите: и даде я царь во храм дубравы Ливанския. 18 И сотвори царь престол от костей слоновых велий и позлати его златом искушеным: 19 шесть степеней престолу, и образы телцов престолу созади, и верх престола кругл бе созади его, и руце сюду и сюду на престоле седалища, и два льва стояща при руках, 20 и двадесять львы стояще ту на шести степенех сюду и сюду: не бяше

тако во всяком царстве. 21 И вси сосуди, иже бяху при царе Соломоне, злати беша, и умывалницы златы и вси сосуди в храме дубравы Ливанския златокованни: не бяше сребра, понеже за ничто бе сребро во дни Соломони: 22 корабль бо Фарсийский царю Соломону на мори с корабли Хирамлими, единю во триех летех приходаше цареви корабль из Фарисса и приношаše злато и сребро, и зубы слоновы, и пифики и павы, и камение точеное и тесаное. 23 И возвеличился Соломон паче всех царей земных и богатством и смыслом. 24 И вси царие земстии искаху видети лице Соломона, еже бы услышати смысла его, егоже даде ему Господь в сердцы его: 25 и тии приношаху кийждо дары своя, и сосуды златы и сребряны, и ризы, стакти и сладкости, и кони и мски на всякое лето. 26 И собра Соломон колесницы и кони, и бяху Соломону четыредесять тысящ кобылиц в колесницы, и двадесять тысящ конных: и постави я во градех колесниц, а (друзии бяху) у царя во Иерусалиме: и бе властелин всем царем от реки и до земли иноплеменник и до предел Египта. 27 И сложи царь злато и сребро во Иерусалиме якоже камение, и кедры сложи якоже черничие, еже на поли во множестве. 28 И привождаху Соломону кони от Египта и от Фекуя купцы царстии и куповаху от Фекуя променою. 29 И приходаху колесницы из Египта за шесть сот сребреник, и конь за сто пятьдесят сребреник: такоже и ко всем царем Хеттимским и Сирийским по морю исходжаху.

11 И царь Соломон бе женолюбив, и поя жены чуждыя, и дщерь фараоню, Моавитяныни, Амманитяныни, и Аморреаныни, 2 от язык, ихже отрече Господь сыном Израилевым: не входите в ня, и тии да не входят в вас, да не отвратят душ ваших вслед идол своих: к тем прилепися Соломон любити, 3 и бяша ему жен начальных седмь сот, и подложниц триста. 4 И бысть в время старости Соломони, и совратиша жены чуждия сердце его вслед богов иных, и не бе сердце его совершенно с Господем Богом его, якоже сердце Давида отца его, 5 и хождаше Соломон вслед Астарта мерзости Сидонския и вслед царя их, идола сынов Аммоних. 6 И сотвори Соломон лукавое пред Господем: и не хождаше вслед Господа, якоже Давид отец его. 7 Тогда созда Соломон высоко (калище) Хамосу, идолу Моавлю, и царю их, идолу сынов Аммоних, и Астарте, мерзости Сидонстей, на горе яже пред Иерусалимом: 8 и тако сотвори всем женам своим чуждим, яже кадяху и жряху идолом своим. 9 И разгневався Господь на Соломона, яко уклони сердце свое

от Господа Бога Израилева, и явльшагося ему дважды 10 и заповедавшаго ему дважды о словеси сем, весма не ходити ему вслед богов инех, но хранити и творити яже заповеда ему Господь Бог, 11 и рече Господь к Соломону: понеже бяша сия с тобою, и не сохранил еси заповедий Моих и повелений Моих, яже заповедах тебе, раздирая раздеру царство твое из руку твою и дам е рабу твоему: 12 обаче во дни твоя не сотворю сих Давида ради отца твоего: от руки же сына твоего отиму е: 13 токмо всего царства не возму, скипетр един дам сыну твоему Давида ради раба Моего и Иерусалима ради града, егоже избрах. 14 И воздвиге Господь противника на Соломона Адера Идумеанина от семене царска во Идумеи. 15 И бысть егда искорени Давид Едома, егда иде Иоав воевода вой погребати побиенныхя, изсече всяк мужеск пол во Идумеи: 16 яко шесть месяц седяще тамо Иоав и весь Израиль во Идумеи, дондеже изби всяк мужеск пол в Идумеи: 17 и избеже Адер сам и вси мужи Идумейстии от отроков отца его с ним, и внидоша во Египет: Адер же бяше отроиць мал. 18 И восташа мужи из града Мадиамска, и придоша в Фаран, и взяша мужей с собою и придоша к фараону царю Египетскому. И вниде Адер к фараону, и даде ему (царь) дом, и пищу определи ему, и землю даде ему. 19 И обрете Адер благодать пред очима фараонима зело, и даде ему в жену сестру жены своея, сестру Фекемини большую. 20 И роди ему сестра Фекемини Адеру Ганивафа сына своего, и воскорми его Фекемина посреде сынов фараоних, и бе Ганиваф посреде сынов фараоних. 21 И Адер услыша бо Египте, яко успе Давид со отцы своими, и яко умре Иоав воевода воинству, и рече Адер к фараону: отпусти мя, да возвращуся в землю мою. 22 И рече фараон Адеру: чим ты не доволен еси у мене? И се, ты просишися отити в землю свою? И рече ему Адер: яко отпущая да отпустиши мя. И возвратися Адер в землю свою. 23 И воздвиге Господь противника Соломону Разона, сына Елиадаева, иже убеже от Ададезера царя Сувска, господина своего. 24 И собраша к нему мужи, и бе воевода полка мятежнаго, егда убиваše я Давид: и идоша в Дамаск, и седоша в нем, и воцариша в Дамасце. 25 И бе стужая Израилеви во вся дни Соломони: сия злоба Адера: и отягчи Израиля и воцариша в земли Едомстей. 26 И Иеровоам сын Наватов, Ефрафянин от Сариры, сын жены вдовицы, раб Соломонов, и воздвиге руце на царя Соломона. 27 И сия вина, яко воздвиге руце на царя Соломона: царь Соломон созидаше Краеградие и ограждаше стеною град Давида отца своего: 28 Иеровоам же человек крепок

силою. И виде Соломон отрока, яко муж дел есть, и постави его над бременами дому Иосифова. 29 И бысть во время оно, и Иеровоам изыде из Иерусалима, и обрете его Ахия Силонитянин пророк на пути, и соврати его с пути: и бе Ахия облечен в ризу нову: и (беста) оба едины на поли. 30 И взя Ахия за ризу свою нову, яже бе на нем, и раздра ю на двадесять жребий, 31 и рече Иеровоаму: приими себе десять жребий, яко тако глаголет Господь Бог Израилев: се, Аз отторгаю царство из руки Соломони, и дам ти хоругвий десять: 32 и две хоругви будут ему, раба ради Моего Давида и Иерусалима ради града, егоже избрах Себе от всех колен Израилевых, 33 занеже остави Мя и поклонися Астарте мерзости Сидонстей и Хамосу и кумиром Моавлим и царю их претыканию сынов Аммоних, и не пойде по путем Моим, еже творити угодная предо Мною, якоже Давид отец его: 34 и не отиму царства всего от руку его, понеже защищая защищу его во вся дни живота его, Давида ради раба Моего, егоже избрах, иже сохрани заповеди Моя и оправдания: 35 и отиму царство от руки сына его, и дам ти десять хоругвий, 36 сыну же его дам две хоругви, яко да будет престол рабу Моему Давиду во вся дни предо Мною во Иерусалиме граде, егоже избрах Себе на положение имени Моему тамо: 37 и приму тя, и воцаришися, в нихже желает душа твоя, и ты будеш царь над Израилем: 38 и будет аще сохраниши вся, елика заповеда ти, и пойдеш по путем Моим, и сотвориши угодная предо Мною, хранити заповеди Моя и повеления Моя, якоже сотвори Давид раб Мой, и буду с тобою, и созижду ти дом верен, якоже создах Давиду, и дам ти Израиля: 39 и озлоблю род Давидов за сия, но не во вся дни. 40 И искаше Соломон убить Иеровоама. И воста Иеровоам, и убежа во Египет к Сусакиму царю Египетску, и бе во Египте, дондеже Соломон умре. 41 И прочая словес Соломоних, и вся елика сотвори, и весь смысл его, не се ли, сия писана быша в книзе словес Соломоних? 42 И днies, в няже царствова Соломон во Иерусалиме над всем Израилем, четыредесять лет. 43 И успе Соломон со отцы своими: и погребоша его во граде Давида отца его, и воцариша Ровоам сын его вместо его.

12 И иде царь Ровоам в Сикиму, яко в Сикиму прииде весь Израиль воцарити его. 2 И бысть егда услыша Иеровоам сын Наватов, сущу ему еще во Египте, яко убегл бе от лица Соломона, и возвратися Иеровоам из Египта: 3 и послаша, и призваша его. И прииде Иеровоам и весь сонм Израилев, и рекоша людие к царю

Ровоаму глаголюще: 4 отец твой отягчи ярем наш, ты же ныне облегчи от работы отца твоего жестокия и от ярма его тяжкаго, егоже возложи на ны, и поработаем ти. 5 И рече к ним: отидите (и пребудите) до третияго дне, и возвратитеся ко мне. И идоша. 6 И возвести Ровоам царь старейшинам, иже быша предстояще пред Соломоном отцем его, еще живу ему сущу, глаголя: како вы мыслите, да отвещаю людем сим слово? 7 И реша ему, глаголюще: аще в днешний день будеши раб людем сим и поработаеш им, и речеши им словеса блага, и будут ти раби во вся дни. 8 И пренебреже совет старейшин, яже совещаша ему, и советова со отроки воспитанными с ним предстоявшими пред лицем его, 9 и рече им: что вы совещаваете? И что отвещаю людем сим, иже решаш ко мне, глаголюще: облегчи наш ярем, егоже возложи отец твой на ны? 10 И глаголаша к нему отроцы воспитанныи с ним и решаша ему: сица да глаголеши людем сим, иже решаш к тебе, глаголюще: отец твой отягчи ярем наш: ты же ныне облегчи от нас: сия речеши к ним: юность моя толстее чресл отца моего: 11 и ныне отец мой наложи на вы ярем тяжек, аз же приложу к ярму вашему: отец мой наказа вы ранами, аз же накажу вы скорпионами. 12 И прииде весь Израиль к царю Ровоаму в день третий, якоже рече им царь, глаголя: возвратитеся ко мне в день третий. 13 И отвеща царь к людем жестоко: и остави царь Ровоам совет старейшин, яже совещаша ему, 14 и рече к ним по совету отроков, глаголя: отец мой отягчи ярем ваш, аз же приложу к ярму вашему: отец мой наказа вы ранами, аз же накажу вы скорпионами. 15 И не послуша царь людий, яко бе превращение от Господа, яко да утвердит глаголгол Свой, егоже глагола рукою Ахии Силонитянина о Иеровоаме сыне Наватове. 16 И виде весь Израиль, яко не послуша царь гласа их, и отвещаша людие царю, глаголюще: кая нам часть в Давиде? И несть нам наследия в сыне Иессеове: бежи, Израилю, в кровы своя: ныне паси дом твой, Давиде. И отиде Израиль в кровы своя. 17 Над сыними же Израилевыми, иже живяху во градех Иудиних, воцариша Ровоам над ними. 18 И послла царь Ровоам Адонирама, иже над данию, и поби его камением весь Израиль, и умре. Царь же Ровоам потщася взыти на колесницу убежати во Иерусалим. 19 И отложися Израиль от дому Давидова даже до днесъ. 20 И бысть егда услыша весь Израиль, яко возвратися Иеровоам от Египта, и послаша, и призваша его на собор, и воцариша его над Израилем: и не бе вслед дому Давидова, токмо хоругвь Иудина и Вениаминова. 21 И Ровоам вниде во Иерусалим и собра весь сонм

Иудин и хоругвь Вениамию, сто и двадесять тысяч юношей, творящих брань, ратовати на дом Израилев, еже возвратити царство Ровоаму сыну Соломоню. 22 И бысть слово Господне ко Самею человеку Божио, глаголя: 23 рцы к Ровоаму сыну Соломону царю Иудину и ко всему дому Иудину и Вениаминову и ко оставшимся людем, глаголя: 24 тако глаголет Господь: не восходите, ниже ратуйте на братию вашу, на сыны Израилевы: но возвратитесь кийждо в домы своя, яко от Мене бысть глаголгол сей. И послушаша словесе Господня, и престаша ити по глаголгу Господню. 25 И созда Иеровоам Сикиму в горе Ефремли, и вселися в ней, и изыде оттуду, и созда Фануила. 26 И рече Иеровоам в сердцы своем: се, ныне возвратится царство в дом Давидов, 27 аще взыдут людие сии вознести жертву в храме Господни во Иерусалим, и обратится сердце людий ко Господу и господину своему, к Ровоаму царю Иудину, и убият мя, и возвратятся к Ровоаму царю Иудину. 28 И усоветова царь, и сотвори две юницы златы, и рече к людем: довлеет вам восходить во Иерусалим: се, бози твои, Израилю, изведши тя из земли Египетския. 29 И постави едину в Вефили, а другую в Дане. 30 И бысть слово сие на согрешение, и идяху людие пред лицем юницы единыя даже до Dana, и оставиша храм Господень. 31 И сотвори капища на высоких, и сотвори жерцов часть от людий, иже не беша от сынов Левиных. 32 И сотвори Иеровоам праздник в осмый месяц в пятьнадесять день месяца, по празднику, иже в земли бе Иудине, и взыде на олтарь, егоже сотвори в Вефили, жрети юницам, яже сотвори, и постави в Вефили жерцы на высоких, яже сотвори. 33 И взыде на олтарь, егоже сотвори в Вефили, в осмый месяц, в пятьнадесять день в праздник, егоже состави по сердцу своему: и сотвори праздник сыном Израилевым, и взыде на олтарь еже пожрети.

13 И се, человек Божий прииде от Иуды по словеси Господню в Вефиль, и Иеровоам стояше на олтари своем жрети хотя: 2 и воззва ко олтарю словом Господним и рече: олтарю, олтарю, сице глаголет Господь: се, сын раждается дому Давидову, Иосиа имя ему, и пожрет на тебе жерцы, иже на высоких жрущая на тебе, и кости человеческия сожжет на тебе. 3 И даст в день той чудо, глаголя: сей глаголгол, егоже рече Господь, глаголя: се, олтарь разсядется, и излияется тук иже на нем. 4 И бысть егда услыша царь Иеровоам словеса человека Божия возвзвавшаго ко олтарю иже в Вефили, и простре царь

руку свою от олтаря, глаголя: имите его. И се, усне рука его, юже простре нань, и не можаше возвратити ю к себе: 5 и олтарь разседеся, и излияся тук от олтаря, по чудеси, еже даде человек Божий словом Господним. 6 И рече царь Иеровоам человеку Божио: помолися ныне пред лицем Господа Бога твоего, дабы возвратилася рука моя ко мне. И помолися человек Божий пред лицем Господним, и возвратися рука царя к нему, и бысть яко же прежде. 7 И глагола царь к человеку Божио: вниди со мною в дом, и обедай, и дам ти дар. 8 И рече человек Божий к цареви: аще даси ми пол дому твоего, не вниду с тобою, ниже ям хлеба, ниже пию воды на месте сем, 9 яко тако заповеда ми Господь словом, глаголя: ни яждь хлеба, ни пий воды, ниже возвратися путем, имже шел еси. 10 И отиде путем иным, и не возвратися путем, имже прииде во Вефиль. 11 И пророк един стар живяше в Вефили, и придоша сынове его и поведаша ему вся дела, яже сотвори человек Божий в день той в Вефили, и словеса, яже глагола цареви, поведаша отцу своему. 12 И рече к ним отец их, глаголя: киим путем иде? И показаша ему сынове его путь, имже иде человек Божий изшедший от Иуды. 13 И рече сыном своим: оседлайте ми осля. И оседлаша ему осля, и вседе на не, 14 и иде вслед человека Божия, и обрете его под дубом седяща, и рече ему: ты ли еси человек Божий пришедший от Иуды? И рече ему: аз. 15 И рече ему: гряди со мною, и яждь хлеб. 16 И рече ему: не могу возвратитися с тобою, ниже ям хлеба, ни пию воды на месте сем, 17 яко тако заповеда ми Господь словом, глаголя: не яждь хлеба тамо, ниже пий воды тамо, и да не возвратишися путем тем, имже шел еси. 18 И рече к нему: и аз пророк есмъ яко же ты, и Ангел глагола ко мне словом Господним, глаголя: возврати его к себе в дом твой, да снеси хлеба и пиет воду. И согла ему, 19 и возврати его: и яде хлеб, и пи воду в дому его. 20 И бысть им седящим на трапезе, и бысть слово Господне ко пророку возвращшему его. 21 И рече к человеку Божию пришедшему от Иуды, глаголя: сице глаголет Господь: понеже преогорчил еси глаголгол Господень и не сохранил еси заповеди, юже заповеда тебе Господь Бог твой, 22 и возвратився ял еси хлеб и пил еси воду на месте сем, о немже рече к тебе, глаголя: да не яси хлеба и не пиши воды: сего ради не внидет во гроб тело твое со отцы твоими. 23 И бысть по ядении хлеба и по питии воды, и оседла осля тому пророку, и возвратися, и отиде: 24 и обрете его лев на пути, и умертви его: и бе тело его повергено на пути, и осел стояше над ним, и лев стояше близ телесе (его): 25

и се, мужие мимоидуще, и видеша мертвя повержена на пути и льва стояща близ мертваго: и придоша, и поведаша во граде, в немже живяще пророк старый. 26 И услыша (сие пророк) возвративый его с пути и рече: человек Божии сей есть, иже преступи глаголгол Божий, и предаде его Господь льву, и сокруши его, и умерти его по глаголгу Господню, егоже рече ему. 27 И повеле сыном своим, глаголя: оседлайте ми осля. И оседлаша. 28 И пойде, и обрете тело его повержено на пути, и осел и лев стояста над телом, и не снеде лев телесе человека Божия и не сокруши осла. 29 И взя пророк тело человека Божия, и возложи е на осля, и возврати е пророк, и вниде во град погребсти его, 30 и положи тело его во гробе своем, и рыдаше по нем: увы, брате. 31 И бысть по рыдании о нем, и рече к сыном своим, глаголя: аще умру, погребите мя во гробе сем, идже человек Божий погребен есть, при костех его положите мя, да спасутся кости мои с костями его, 32 яко сбудется глагол, егоже глагола словом Господним о олтари, иже во Вефили, и о домех высоких, иже в Самарии. 33 И по глаголе сем не обратися Иеровоам от злобы своея, и возвратися, и сотвори от части единиля людий жерцы высоких: иже хотяше, исполняше руку свою, и бываше жрец на высоких. 34 И бысть глагол сей в прегрешение дому Иеровоамли, и на испровержение, и на изчезновение от лица земли.

14 Во время оно разболеся Авиа сын Иеровоамль. 2 И рече Иеровоам к жене своей: востан и измени ризы своя, да не познают, яко ты жена Иеровоамова, и иди в Силом: се бо, тамо Ахия пророк: той глагола мне еже царствовати над людьми сими: 3 и возми в руце твои человеку Божию десять хлебов, и опресноки чадом его, и гроздие и сосуд меда, и иди к нему: той возвестит ти, что будет отрочати. 4 И сотвори тако жена Иеровоамля: и воста и иде в Силом, и вниде в дом Ахии: человек же стар бяше еже видети, и притупистася очи его от старости его. 5 И рече Господь ко Ахии: се, жена Иеровоамова входит вопрошати тя о сыне своем, яко болезнет: по сему и по сему да глаголеши к ней. И бысть всегда внутри ей, и она странноявляяша. 6 И бысть егда услыша Ахия шум ног ея, входящей ей во врата, и рече: вниди, жено Иеровоамова, почто ты тако странноявляяшися? Аз бо есмь посланник к тебе жесток: 7 шедши рцы Иеровоаму: сия глаголет Господь Бог Израилев: понеже толико вознесох тя от среды людий, и дах тя вожда над людьми Моими Израилем, 8 и раздрах царство от дому

Давидова, и дах е тебе, ты же не был еси якоже раб Мой Давид, иже сохрани заповеди Моя, и иже хождаше вслед Мене всем сердцем своим, еже творити всякую правоту пред очима Моими, 9 и излукавствовал еси, еже творити паче всех елицы быша пред лицем твоим, и пошел еси и сотворил еси себе боги чужды и слияны, еже раздражити мя, и отвергл мя еси назад себе: 10 сего ради се, Аз навожду злата на дом Иеровоамов, и потреблю Иеровоамля мочащаго к стене, держащагося и оставленаго во Израили, и истреблю дом Иеровоамов, якоже истребляется гной, дондеже скончатися ему: 11 умерших Иеровоамлих во граде снедят пси, и умершаго на селе снедят птицы небесныя, яко Господь глагола: 12 ты же воставши иди в дом твой: всегда входити ногама твоима во град, умрет детищъ, 13 и восплачется по нем весь Израиль, и погребут его, яко той един внидет Иеровоаму во гроб, яко обретеся в нем глагол благ о Господе Бозе Израилеве в дому Иеровоамли: 14 и возставит Господь Себе царя над Израилем, иже поразит дом Иеровоамов в сей день: а что, и ныне? 15 И поразит Господь Бог Израиля, якоже колеблется трость на воде: и истребит Израиля свыше земли благия сея, юже даде отцем их, и завеет их за ону страну реки, понеже сотвориша дубравы своя, прогневляюще Господа, 16 и предаст Господь Израиля за грехи Иеровоамли, иже согреши и иже во грех введе Израиля. 17 И воста жена Иеровоамля и прииде во Сариру. И бысть егда вниде в преддверие дому, и детищ умре. 18 И погребоша его, и плакаша его весь Израиль по словеси Господню, еже глагола рукою раба Своего Ахии пророка. 19 И останок словес Иеровоамовых, елика ратоваше и елика царствоваше, се, сия написана в книзе словес дний царей Израилевых. 20 И дние, в нихже царствова Иеровоам, двадесять два лета: и успе со отцы своими, и воцарися Нават сын его вместо его. 21 Ровоам же сын Соломонов царствова над Иудою: бе четыредесяти и единаго лета, егда нача царствовати, и седмьнаадесять лет царствова во Иерусалиме граде, егоже избра Господь положити имя Свое тамо от всех племен Израилевых. И имя матере его Наама Амманитяныя. 22 И сотвори Ровоам лукавое пред Господем: и раздражи Его о всех, яже сотвориша отцы их, о грехах их, имиже согрешиша: 23 и создаша сии себе высокая, и столпы, и калища на всячем холме высоцем и под всячем древом сеновным: 24 и смешение бе в земли их, и сотвориша от всех мерзостей языческих, яже отя Господь от лица сынов Израилевых. 25 И бысть в лето пятое царствующаго Ровоама, взыде Сусаким

царь Египетский на Иерусалим 26 и взя вся сокровища дому Господня и сокровища дому царева, и копия златая, яже взя Давид из руки отроков Адраазара царя Сувского и внесе я во Иерусалим: вся сия взя, и щиты златые, яже сотвори Соломон, и внесе я во Египет. 27 И сотвори царь Ровоам щиты медяныя вместо тех, и постави над ними властели от предходящих пред ним, иже храняху врата дому царева: 28 и бысть егда вхождаше царь в дом Господень, и ношаху онъя предходящи, и паки возвращаху тъя во оружехранилище предходящих. 29 Прочая же словес Ровоамлих, и вся яже сотвори, не се ли, сия писана суть в книзе словес дній царства Иудина? 30 И брань бе между Ровоамом и между Иеровоамом во вся дни. 31 И успе Ровоам со отцы своими, и погребен бысть со отцы своими во граде Давидове. И воцарися Аvia сын его вместо его.

15 И во осмоенадесять лето царства Иеровоама сына Наватова, воцарися Аvia сын Ровоамъль над Иудою, 2 и три лета царствова во Иерусалиме. Имя же матере его Мааха, дцци Авессаломля. 3 И хождаше во всех грехах отца своего, яже сотвори пред ним, и не бе сердце его совершено с Господем Богом его, якоже сердце Давида отца его: 4 яко Давида ради оставил ему Господь Бог его останок во Иерусалиме, да возставит по нем чада его и утвердит Иерусалим, 5 понеже сотвори Давид правое пред Господем и не уклонися от всех, яже заповеда ему вся дни живота его, кроме слова Урии Хеттеанина. 6 И брань бе между Ровоамом и между Иеровоамом во вся дни живота их. 7 И прочая словес Авииных, и вся яже сотвори, не се ли, сия написана в книзе слов дній царей Иудиних? И брань бе между Авию и между Иеровоамом. 8 И успе Аvia со отцы своими в двадесятое лето Иеровоама, и погребоша его со отцы его во граде Давидове. И воцарися Аса сын его вместо его. 9 И в лето двадесятое Иеровоама царя Израилева, царствоваше Аса над Иудою, 10 и четыредесять и едино лето царствова во Иерусалиме. Имя же матере его Ана, дцци Авессаломля. 11 И сотвори Аса правое пред Господем, якоже Давид отец его, 12 и отя скверная от земли, и искорени вся изваянная, яже сотвориша отцы его, 13 и Ану мать свою отстави еже не владети ей, понеже сотвори сонмище в Дубраве своей: и изсече Аса Гай ея и сожже огнем в потоце Кедрстем: 14 высоких же не искорени, обаче сердце Асы бе совершенно пред Господем во вся дни его: 15 и внесе столпы отца своего, и столпы своя внесе во храм

Господень сребряны и златы, и сосуды. 16 И брань бе между Асою и между Ваасом царем Израилевым во вся дни их. 17 И взыде Вааса царь Израилев на Иуду и созда Раму, яко не быти на исхождение и вхождение Асе царю Иудину. 18 И взя Аса все сребро и злато обретшееся в сокровищах дому Господня и в сокровищах дому царева и даде я в руце отрок своим: и послы их царь Аса ко сыну Адерову сыну Таверема во Рамман, ко сыну Азаила, царя Сирского, живущаго в Дамасце, глаголя: 19 положи завет между мною и тобою, и между отцем моим и отцем твоим: се, послы ти дары, сребро и злато: приди, разруши завет твой, иже со Ваасом царем Израилевым, да отидет от мене. 20 И послуша сын Адеров царя Асы, и послы воеводы сил своих на грады Израилевы, и поразиша Аину и Дана, и Авеля, Дому Маахина, и весь Хеннереф, даже до всея земли Нефалимли. 21 И бысть яко услыша Вааса, и оставил созидати Раму, и возвратися во Ферсу. 22 Царь же Аса заповеда всему Иуде во енакиме, и вязша каменіе из Рамы и древа ея, имиже основа Вааса, и созда в них царь Аса всях Холм Вениамины и Стражбища. 23 Прочая же словес Асиных, и вся сила его, и вся яже сотвори, и грады яже созда, не се ли, сия писана суть в книзе словес дній царей Иудиних? Обаче во время старости своея начат болети ногама своими: 24 и успе Аса со отцы своими, и погребен бысть во граде Давида отца своего. И воцарися Иосафат сын его вместо его. 25 Нават же сын Иеровоамъль нача царствовати над Израилем во второе лето Асы царя Иудина, и царствова над Израилем два лета, 26 и сотвори лукавое пред Господем, и хождаше путем отца своего и во грехах его, имиже согрехши сотвори Израилю. 27 И обседе его Вааса сын Ахин в дому Велаана сына Ахина, и уби его во Гавафоне иноплеменничи: Нават же и весь Израиль обседоша Гавафон. 28 И умертви его Вааса в лето третие Асы царя Иудина, и воцарися вместо его. 29 И бысть егда воцарися, изби весь дом Иеровоамъль и не оставил ничтоже от всего дыхания Иеровоамъля, дондеже искорени их по глаголу Господню, егоже глагола рукою раба Своего Ахии Силонитского, 30 грех ради Иеровоамлих, иже согрехи, иже введе во грех Израиля, и в прогневании его, имиже прогнева Господа Бога Израилева. 31 И прочая словеса Навата, и вся яже сотвори, не се ли, сия писана суть в книзе словес дній царей Израилевых? 32 И бяше брань между Асою (царем Иудиним) и Ваасом царем Израилевым во вся дни их. 33 И в третие лето Асы царя Иудина царствова Вааса сын Ахин над всем Израилем во Ферсе двадесять и

четыре лета, 34 и сотвори лукавое пред Господем, и иде путем Иеровоама сына Наватова, и во грешех его, имиже в согрешение приведе Израиля.

16 И бысть слово Господне рукою Иуа сына Ананиева ко Баасе, глаголя: 2 понеже вознесох тя от земли и дах тя властеля над людьми Моими Израилем, и пошел еси путем Иеровоамлим и ввел еси в грех люди Моя Израиля, еже прогневати Мя суетными их: 3 се, Аз отверг наследие Баасы и наследие дому его, и сотворю дом твой яко дом Иеровоама сына Наватова: 4 умершаго Баасова во граде снедят его пси, и умершаго на полу снедят его птицы небесныя. 5 И прочая словес Баасовых, и вся яже сотвори, и сильная его, не се ли, суть писана в книзе словес дний царей Израилевых? 6 И успе Бааса со отцы своими, и погребен бысть во Ферсе, и воцарися Ила сын его вместо его. 7 И рукою Иуа сына Анании пророка глагола Господь на Баасу и на дому его всю злобу, юже сотвори пред Господем, еже прогневати Его делами рук своих, быти ему яко же и дому Иеровоамлю, и о еже ему поражену быти. 8 В лето двадесять шестое Асы царя Иудина, царствова Ила сын Баасин над Израилем во Ферсе два лета. 9 И воздвигже (Господь) на него отроки его, и Замврия воеводу половины конников: и Ила бе во Ферсе упиваяся, и пиян сый в дому Арсы домостроителя во Ферсе: 10 и вниде Замврий, и порази его, и умерти его, в лето двадесять седьмое Асы царя Иудина, и воцарися вместо его. 11 И бысть царствующу ему, всегда сести ему на престоле его, и изби весь дом Баасов: не остави ему мочащаго к стене, и ужиков его, и друга его. 12 И изби Замврий весь дом Баасов по глаголу Господню, егоже глагола на дом Баасов и ко Иую пророку, 13 о всех грешех Баасовых и Илы сына его, яко сотвори согрешити Израилю, еже разгневати Господа Бога Израилева суетными их. 14 Прочая же словес Илы, яже сотвори, не се ли, сия писана в книзе словес дний царей Израилевых? 15 В лето двадесять седьмое Асы царя Иудина царствова Замврий седьм дний во Ферсе: и бе полк Израилев на Гавафон иноплеменнический. 16 И слышаша люди сущии в полце, глаголющи: превратися Замврий и порази царя. И поставиша царем во Израили Амврия воеводу, иже над воями во Израили в день он в полце. 17 И взыде Амврий и весь Израиль с ним от Гавафона и обседе Ферсу. 18 И бысть егда увиде Замврий, яко предвзят бысть град его, и вниде во внутренний дом царский, и зажже над собою дом царев огнем, и умре 19

за грехи своя, яже сотвори, сотворения ради лукаваго пред Господем, еже ходити путем Иеровоама сына Наватова, и во грешех его, яже сотвори, яко введе во грех Израиля. 20 И прочая словес Замврииных, и наветы его, яже совеща, не се ли, сия суть писана в книгах словес дний царей Израилевых? 21 Тогда разделишася люди Израилстии, пол людий бысть за Фамнием сыном Гонафовым, яко да царствует он, и пол людий бысть со Амврием. 22 Людие же сущии по Амврии превозмогша людий бывших со Фамнием сыном Гонафовым и умре Фамний и Иорам брат его во время оно, и воцарися Амврий по фамнии. 23 В лето тридесять первое Асы царя Иудина царствова Амврий во Израили двадесять лет, во Ферсе же шесть лет царствова. 24 И купи Амврий гору Семира господина горы оныя, гора Семирон. 25 И сотвори Амврий лукавое пред Господем, и прелукавнова паче всех бывших пред ним: 26 и хождаше по всем путем Иеровоама сына Наватова и во грешех его, имиже введе во грех Израиля, еже разгневати Господа Бога Израилева в суетных их. 27 И прочая словес Амвриевых, и вся яже сотвори, и вся сила его, не се ли, сия писана в книзе словес дний царей Израилевых? 28 И успе Амврий со отцы своими, и погребен бысть в Самарии. И воцарися Ахаав сын его вместо его. 29 Ахаав же сын Амвриев воцарися над Израилем в лето тридесять осмое Асы царя Иудина: царствова же Ахаав сын Амвриев над Израилем в Самарии двадесять два лета: 30 и сотвори Ахаав лукавое пред Господем, и прелукавнова паче всех бывших прежде его: 31 и не бе ему доволно, еже ходити во грешех Иеровоама сына Наватова, и взя жену Иезавель дщерь Иефеваала царя Сидонского: и иде, и нача служити Ваалу, и поклонися ему, 32 и постави требище Ваалу в дому мерзостей его, егоже созда в Самарии: 33 и сотвори Ахаав дубраву: и приложи Ахаав творити прогневания, еже разгневати Господа Бога Израилева и душу свою погубити: злодействова паче всех царей Израилевых бывших прежде его. 34 Во дни же его созда Ахиил Вефилянин Иерихон: на Авироне первороднем своем основа его, и на Сегуве юнейшем своем постави двери его, по глаголу Господню, егоже глагола рукою Иисуса сына Навина.

17 И рече Илия пророк Фесвитянин, иже от фесвии Галаадских, ко Ахааву: жив Господь Бог сил, Бог Израилев, Ему же предстою пред Ним, аще будет в лета

сия роса и дождь, точию от уст словесе моего. 2 И бысть глагол Господень ко Илии: з иди отсюду на восток и скрыйся в потоце Хорафа прямо лицу Иорданову: 4 и будеши пити от потока воду, и враном заповедах препитати тя тамо. 5 И сотвори Илия по глаголу Господню, и седе при потоце Хорафове прямо лицу Иорданову: 6 и вранове приношаху ему хлебы и мяса заутра, и хлебы и мяса к вечеру, и от потока пияше воду. 7 И бысть по днех, и изсше источник, яко не бе дождя на землю, 8 и бысть глагол Господень ко Илии глаголя: 9 востани иди в Сарепту Сидонскую, и пребуди тамо: се бо, заповедах тамо жене вдовице препитати тя. 10 И воста и иде в Сарепту Сидонскую, и прииде ко вратом града: и се, тамо жена вдова собираше дрова. И возопи Илия вслед ея и рече ей: принеси ныне ми мало воды в сосуде, и испию. 11 И иде взяти. И возопи вслед ея Илия и рече ей: приими убо мне и укрух хлеба в руце своей, да ям. 12 И рече жена: жив Господь Бог твой, аще есть у мене опреснок, но токмо горсть муки в водоносе и мало елеа в чванце: и се, аз соберу два поленца, и вниду, и сотворю е себе и детем моим, и снемы е, и умрем. 13 И рече к ней Илия: дерзай, вниди и сотвори но глаголу твоему: но сотвори ми оттуду опреснок мал прежде, и принеси ми, себе же и чадом своим да сотвориши послежде, 14 яко тако глаголет Господь Бог Израилев: водонос муки не оскудет, и чванец елеа не умалится до дне, дондеже даст Господь дождь на землю. 15 И иде жена, и сотвори по глаголу Илиину, и даде ему, и яде той, и та, и чада ея. 16 И от того дне водонос муки не оскуде, и чванец елеа не умалися, по глаголу Господню, егоже глагола рукою Илииною. 17 И бысть по сих, и разболеся сын жены госпожи дому, и бе болезнь его крепка зело, дондеже не остался в нем дух его. 18 И рече ко Илии: что мне и тебе, человече Божий? Вшел еси ко мне воспомянути неправды мои и уморити сына моего. 19 И рече Илия к жене: дажь ми сына твоего. И взят его от недра ея, и вознесе его в горницу, идже сам почиваше, и положи его на одре своем. 20 И возопи Илия ко Господу и рече: увы мне, Господи, свидетлю вдовы, у неяже аз ныне пребываю, Ты озлобил еси еже уморити сына ея. 21 И дуну на отрочища трижды, и призыва Господа и рече: Господи Боже мой, да возвратится убо душа отрочища сего в онъ. 22 И бысть тако: и возопи отрочищъ, 23 и сведе его с горницы в дом, и даде его матери его. И рече Илия: виждь, жив есть сын твой. 24 И рече жена ко Илии: се, уразумех, яко человек Божий еси ты, и глагол Господень во устех твоих истинен.

18 И бысть по днех мнозех, и глагол Господень бысть ко Илии в лето третие глаголя: иди и явися Ахааву, и дам дождь на лице земли. 2 И иде Илия ко Ахааву явитися, и бе глад крепок в Самарии. 3 И призыва Ахаав Авдия строителя дому: и Авдий бе бояся Господа зело. 4 И бысть егда нача избивати Иезавель пророки Господни, и взя Авдий сто мужей пророки и скры я по пятидесяти во двоих вертепех и кормяше их хлебом и водою. 5 И рече Ахаав ко Авдию: гряди, и прейдем на землю, и на источники водныя, и на вся потоки, да негли како обрящем былие и прекормим кони и мски, да не изгibнут от скот. 6 И разделиша себе путь ити по нему: Ахаав иде путем единственным, и Авдий иде путем другим единственным. 7 И бе Авдий един на пути: и прииде Илия на сретение ему един. И Авдий потщася, и паде на лице свое и рече: ты ли еси сам, господи мой Илие? 8 И рече Илия ко Авдию: аз есмъ: иди и повеждь господину твоему, глаголя: се, Илия. 9 И рече Авдий: что согреших аз, яко предаешь раба твоего в руце Ахаавли еже умертвить мя? 10 Жив Господь Бог твой, аще есть язык или царство, аможе не послал господин мой искати тебе: и решай, несть: и закля царство и страны его, яко не обрете тебе: 11 и ныне ты глаголеши ми: иди, возвести господину твоему: се, Илия: 12 и будет егда аз отиду от тебе, и Дух Господень возмет тя в землю, еяже не вем, и вниду возвестити Ахааву, и не обрящет тебе, и убийт мя: раб же твой есть бояся Господа от юности своея: 13 или не возвестися тебе господину моему, яже сотворих, егда убиваше Иезавель пророки Господни, и сокрых пророки Господни сто мужей, по пятидесяти в вертепе, и кормих их хлебом и водою? 14 И ныне ты глаголеши ми: иди, повеждь господину твоему: се, Илия: и убийт мя. 15 И рече Илия: жив Господь Сил, ему же предстою пред Ним, яко днесъ покажуся ему. 16 И иде Авдий во сретение Ахааву и возвести ему. И ускори Ахаав и иде во сретение Илии. 17 И бысть егда узре Ахаав Илию, и рече Ахаав ко Илии: ты ли еси развращаю Израиля? 18 И рече Илия: не развращаю аз Израиля, но разве ты и дом отца твоего, егда остависте вы Господа Бога вашего и идосте вслед Ваала: 19 и ныне посли и собери ко мне всего Израиля на гору Кармилскую, и пророки студныя Вааловы четыреста и пятьдесят, и пророков дубравных четыреста, ядущих трапезу Иезавелину. 20 И послал Ахаав во весь Израиль, и приведе вся пророки на гору Кармилскую. 21 И приведе ко всем им Илию, и рече им Илия: доколе вы храмлете на обе плесне ваши? Аще есть Господь Бог, идите вслед Его: аще же Ваал

есть, то идите за ним. И не отвещаша людие словесе. 22 И рече Илия к людем: аз остал пророк Господень един: и пророцы Вааловы четыреста и пятьдесят мужей, и пророков дубравных четыреста. 23 (И рече Илия:) да дадят нам два вола, и да изберут себе единаго, и да растешут и (на уды), и возложат на дрова, и да не возгнется огня: и аз растешу вола другаго, и возложу на дрова, и огня не возгнешу: 24 и да призовете имена богов ваших, и аз призову имя Господа Бога моего: и будет Бог, Иже аще послушает огнем, Той есть Бог. И отвещаша вси людие и решаша: добр глагол (Илиин), егоже глагола (да будет тако). 25 И рече Илия пророком студным: изберите себе юнца единаго, и сотворите вы прежде, яко вас есть множество: и призовите имена богов ваших, и огня не возгнешайте. 26 И пояша юнца, и сотвориша (тако), и призываху имя Ваалово от утра до полудне, и решаша: послушай нас, Ваале, послушай нас. И не бе гласа, ни послушания. И ристаху около жертвеннника, егоже сотвориша. 27 И бысть в полудне, и поругаясь им Илия Фесвитянин и рече: зовите гласом великим, яко бог есть, яко непраздность ему есть, и негли что ино строит, или спит сам, и востанет. 28 И зовяху гласом великим, и крохахся по обычаю своему ножами, и мнози бишася бичми, до пролития крове своея, 29 и прорицаху, дондеже прейде вечер: и бысть егда прииде время взыти жертве, и не бе гласа, ниже послушания. И рече Илия Фесвитянин пророком студным, глаголя: отступите ныне, да и аз сотворю жертву мою. И отступиша тии, и умолкнуша. 30 И рече Илия к людем: приступите ко мне. И приступиша вси людие к нему. 31 И взя Илия дванадесять камений по числу колен Израилевых, якоже глагола к нему Господь, глаголя: Израиль будет имя твое. 32 И созда камение во имя Господне, и изцели олтарь раскопанный, и сотвори море вмещающее две меры семене окрест олтаря. 33 И воскладе дрова на олтарь, егоже сотвори, и растеса на уды всесожегаемая, и возложи на дрова, и воскладе на олтарь. 34 И рече Илия: принесите ми четыри водоносы воды, и возливайте на всесожжение и на полена. И сотвориша тако. И рече: удвойте. И удвоиша. И рече: утройте. И утроиша. 35 И проходаше вода окрест олтаря, и море исполнися воды. 36 И возопи Илия на небо и рече: Господи Боже Авраамов и Исааков и Иаковль, послушай мене, Господи, послушай мене днесь огнем, и да уразумеют вси людие сии, яко Ты еси Господь един Израилев, и аз раб Твой, и Тебе ради сотворих дела сия: 37 послушай мене, Господи, послушай мене огнем, и да разумеют вси людие сии,

яко Ты еси (един) Господь Бог, и Ты обратил еси сердца людий сих вслед Тебе. 38 И спаде огнь от Господа с небесе, и пойде всесожегаемая, и дрова, и воду, яже в мори, и камение и персть полиза огнь. 39 И падоша вси людие на лице свое и решаша: воистину Господь Бог Той есть Бог. 40 И рече Илия к людем: поимайте пророки Вааловы, да ни един скрытъся от них. И яша их, и веде я Илия на поток Киссов, и закла их тамо. 41 И рече Илия ко Ахааву: взыди, и яждь и пий, яко глас есть дождевнаго хождения. 42 И взыде Ахаав ясти и пити. Илия же взыде на Кармил, и преклониша на землю, и положи лице свое между коленома своим, 43 и рече оточищу своему: взыди и воззри на путь морский. И взыде, и воззре оточищъ, и рече: несть ничтоже. И рече Илия: и ты обратися седмижды. 44 И обратися оточищъ седмижды: и бысть в седьмое, и се, облак мал, аки след ноги мужеския, возносящъ воду из моря. И рече: взыди и рцы Ахааву: впрязи колесницу твою и снди, да не постигнет тебе дождь. 45 И бысть до зде и до зде, и небо примрачися облаки и духом, и бысть дождь велий. И плакася, и иде Ахаав до Иезраеля. 46 И рука Господня бысть на Илии, и стягне чресла своя, и тече пред Ахаавом во Иезраель.

19 И возвести Ахаав Иезавели жене своей вся, елика сотвори Илия, и яко изби пророки оружием. 2 И послы Иезавель ко Илии и рече: аще ты еси Илия, аз же Иезавель: сия да сотворят ми бози и сия да приложат ми, яко в сей же час утро положу душу твою, якоже душу единаго от них. 3 И убояся Илия, и воста, и отиде души ради своея, и прииде в Вирсавию землю Иудину, и оставил оточище свое тамо, 4 сам же иде в пустыню дне путь, и прииде, и седе под смерчием, и проси души своей смерти, и рече: довлеет ныне (ми), возми убо от мене душу мою, Господи, яко несмъ аз лучший отец моих. 5 И ляже, и успе под садом: и се, Ангел Господень коснуся ему и рече ему: востани, яждь и пий. 6 И воззре Илия: и се, у возглавия его отреснок ячменный и чванец воды. И воста, и яде и пи, и возвратився успе. 7 И обратися Ангел Господень вторицею, и коснуся ему, и рече ему: востани, яждь и пий, яко мног от тебе путь. 8 И воста, и яде и пи: и иде в крепости яди тоя четыредесять дний и четыредесять нощй до горы Божия Хорив. 9 И вниде тамо в пещеру, и вселися в ней. И се, глагол Господень к нему и рече: что ты зде, Илие? 10 И рече Илия: ревнуя поревновах по Господе (Бозе) Вседержители, яко оставил Ты сынове Израилевы: олтари Твоя раскопаша, и пророки Твоя избиха оружием, и остал аз един, и ищут

души моя изъятию. 11 И рече: изыди утро и стани пред Господем в горе: и се, мимо пойдет Господь, и дух великий и крепок разоря горы и сокруша камение в горе пред Господем, (но) не в дусе Господь: и по дусе трус, и не в трусе Господь: 12 и по трусе огнь, и не во огни Господь: и по огни глас хлада тонка, и тамо Господь. 13 И бысть яко услыша Илия, покры лицо свое милотию своею, и изыде и ста пред вертепом. И се, к нему бысть глас и рече: что ты где, Илия? 14 И рече Илия: ревнуя поревновах по Господе Бозе Вседержители, яко оставил завет Твой сынове Израилевы, и олтари Твоя раскопаша, и пророки Твоя избиша оружием, и оставах аз един, и ищут души мои изъятию. 15 И рече Господь к нему: иди, возвратися путем своим, и изыдеша на путь пустыни Дамасковы, и помажеши Азаила на царство Сирийское, 16 и Ииу сына Намессиона помажеши на царство над Израилем, и Елиссея сына Сафатова от Авелмаула помажеши вместо себе пророка: 17 и будет спасаемаго от оружия Азаилева убийт Ииу, и спасемаго от оружия Ииуна убийт Елиссея: 18 и оставили во Израили седмь тысячищ мужей, вся колена, яже не преклониша колена Ваалу, и всяка уста, яже не молишаася ему. 19 И иде оттуду, и обрете Елиссея сына Сафатова, и сей оряше двеманадесятъма супругома волов пред ним, и той сам по двоюнадесяти супруг. И прииде Илия к нему, и поверже милотъ свою на него. 20 И оставил Елиссея волы, и тече вслед Илии, и рече: (молю тя,) да облобыжу отца моего и матерь мою, и иду вслед тебе. И рече ему Илия: иди, возвратися, яко сотворих тебе. 21 И возвратися от него: и взя супруги волов, и закла, и испече я в сосудех воловых, и даде людем, и ядоша. И воста, и иде вслед Илии, и служаше ему.

20 И сын Адеров царь Сирский собра всю силу свою, и возшед обседе Самарию, и с ним тридесять два царя и вси конницы и колесницы: и взыдоша, и обседоша Самарию, и ратоваша на ню: 2 и послала к Ахааву царю Израилеву во град и рече к нему: сице глаголет сын Адеров: з сребро твое и злато твое мое есть, и жены твоя и чада твоя добрая моя суть. 4 И отвеща царь Израилев и рече: яко же глаголал еси, господи мой царю, твой есмъ аз и вся моя. 5 И возвратишаася послы и реше: сице глаголет сын Адеров: аз посылах к тебе, глаголя: сребро и злато твое и жены твоя и чада твоя даждь мне: 6 яко в сей час утро послю рабы мои к тебе, и изыщут дом твой и домы отрок твоих, и будут вся желаемая очес их, на нихже аще возложат руки своя, и возмут. 7 И призыва

царь Израилев вся старейшины земли и рече: знайте ныне и видите, яко той зле просит, яко присла ко мне (глаголя) о женах моих и о сынах моих и о дщерех моих: сребра моего и злата моего не возбраных ему. 8 И реше ему старейшины и вси людие: не послушай, ни восходи (дати). 9 И рече послом сына Адерова: рцыте господину вашему: вся, ихже ради посыпал еси к рабу твоему прежде, сотворю, сего же глагола не могу сотворити. И отидаша мужи (адеровы) и возвестиша ему слово. 10 И паки послала к нему сын Адеров, глаголя: сия да сотворят ми бози и сия да приложат, аще доволна будет персть Самарии горстем всех людей пещев моих. 11 И отвеща царь Израилев и рече: доволно: да не хвалится слячен, яко же прямый. 12 И бысть егда отвеща ему слово сие, бе пиющъ сам и вси царие, иже баху с ним в кущах: и рече отроком своим: сотворите вал. И Сотвориша вал над градом. 13 И се, пророк един прииде к Ахааву царю Израилеву и рече: сия глаголет Господь: видиши ли весь народ сей великий? Се, Аз дам его днесъ в руце твои, и уразумеши, яко Аз (есмъ) Господь. 14 И рече Ахаав: в чём? И рече: сице глаголет Господь: во отрочех князей градских. И рече Ахаав: кто начнет брань? И рече: ты. 15 И сочте Ахаав отроки князей градских, и бысть их двести тридесять и два: и по сих сочте люди вся сыны силы, седмь тысячищ. 16 И изыде в полудне: и сын Адеров пиян бе зело в Сокхое сам и царие (иже с ним), тридесять два царя помощника ему. 17 И изыдоша отроцы воевод градских в первых. И послала сын Адеров, и возвестиша царю сирскому, глаголяюще: мужи изыдоша из Самарии. 18 И рече им: аще на мир изыдоша, поимите их живых: и аще на брань изыдоша, живых поимите их, да не исходят из града. 19 И тии изыдоша из града отроцы воевод градских, и сила вслед их. 20 И порази кийждо противнаго себе, и удвои кийждо противнаго себе. И бежа Сирия: и погна их Израиль, и гонзе токмо сын Адеров царь Сирский на кони конника. 21 И изыде царь Израилев, и взя вся кони и колесницы, и порази язвою великою в Сирии. 22 И прииде пророк к царю Израилеву и рече: укрепися и разумей, и виждь, что сотвориши, яко преходящу лету сему, сын Адеров, царь Сирийский, приидет на тя. 23 И отроцы царя Сирийска реше ему: Бог гор Бог Израилев, а не Бог юдойский, сего ради укрепися паче нас: аще же сразимся с ними на равнине, истинно укрепимся паче их: 24 по глаголу же сему сотвори: распусти цари коегождо на место свое, и постави вместо их воеводы, 25 и пременим тебе силу вместо силы падшия у тебе, и кони вместо коней, и колесницы вместо

колесниц, и сразимся с ними на равнине, и укрепимся паче их. И послуша гласа их и сотвори тако. 26 И бысть минувшу лету тому, и соchte сын Адеров Сирию, и взыде во Афеку на брань на Израиля. 27 И сынове Израилевы сочислиша и изыдоша во сретение им. И ополчиша Израилтяне противу им, аки два стада коз: Сириане же наполниша землю. 28 И прииде человек Божий и рече к царю Израилеву: сице глаголет Господь: понеже рече Сириа: Бог гор Господь Бог Израилев, и не Бог юдолий той, и дам силу великую сию в руку твою, и уразумеши, яко Аз Господь. 29 И ополчиша ти противу им седьмь дний. И бысть в день седьмый, и приближися брань, и порази Израиль Сириан, сто и двадесять тысяч пещев во един день. 30 И бежаша оставшия во Афеку град, и паде стена на двадесять седьмь тысяч мужей оставшихся: сын же Адеров бежа и вниде в дом ложа, в чертог. 31 И реша к нему отроцы его: се, ныне вемы, яко царие дому Израилева милостиви суть: да возложим ныне вретища на чресла наша и ужа на выи наша, и изыдем ко царю Израилеву, да негли оживит души наша. 32 И препоясашася во вретища по чреслом своим, и возложиша ужа на выи своя, и придоша к царю Израилеву и реша: раб твой сын Адеров глаголет: да живет душа моя. И рече: аще есть еще жив, брат ми есть. 33 И мужие за знак и в залог прияша слово от уст его, и реша: брат твой сын Адеров. И рече: идите и приведите его. И изыде к нему сын Адеров. И возведоша его к нему на колеснице. 34 И рече к нему: грады, яже взя отец мой от отца твоего, отдам тебе: и на исход сотвориша я себе в Дамасце, якоже положи отец мой в Самарии, и аз в завете пущу тя. И положи ему завет и отпусти его. 35 И человек един от сынов пророчих рече ко ближнему своему по словеси Господню: бий мя ныне. И не восхоте человек бити его. 36 И рече к нему: понеже не послушал еси гласа Господня, се, ты отидеш от мене, и поразит тя лев. И отиде от него, и обрете его лев и порази его. 37 И обрете человека иного и рече: бий мя ныне. И би его человек, и поразив сокруши его. 38 И иде пророк и предста царю Израилеву на пути и покры покрывалом очи свои. 39 И бысть егда мимоидяше царь, и сей возопи ко царю и рече: раб твой изыде на войну брани, и се, муж приведе ко мне мужа и рече ко мне: сохрани мужа сего: аще же отрещився отскочит, и будет душа твоя вместо души его, или талант отдаси сребра: 40 и бысть яко озреся раб твой семо и овамо, и сего не бысть. И рече к нему царь Израилев: се, суд твой при мне, сам себе убил еси. 41 И ускори и отя покрывало от очес

своих. И позна его царь Израилев, яко от пророк сей есть. 42 И рече к нему: тако глаголет Господь: понеже испустил еси ты мужа пагубного из руки твоей, и будет душа твоя вместо души его, и людие твои вместо людий его. 43 И отиде царь Израилев к дому своему смущен и разслаблен, и прииде в Самарию.

21 И бысть по глаголех сих, и виноград един бе у Навуфеа Иезраилитянина при гумне Ахаава царя Самарийска. 2 И рече Ахаав к Навуфею, глаголя: дажь ми виноград твой, и будет ми во вертоград зелий, яко близ есть сей дому моего, и дам ти вместо сего виноград ин добр паче сего: аще же угодно пред тобою, дам ти сребро измену винограда сего, и будет ми во вертоград зелий. 3 И рече Навуфей ко Ахааву: да не будет мне от Господа Бога моего дати наследие отец моих тебе. 4 И прииде Ахаав в дом свой смущен и оскорблен о словеси, еже глагола к нему Навуфей Иезраилитянин, и рече: не дам тебе наследия отец моих. И бысть дух Ахаавль смущен, и успе на одре своем и покры лице свое и не яде хлеба. 5 И вниде Иезавель жена его к нему и рече к нему: что дух твой есть смущен, и не яси ты хлеба? 6 И рече к ней (Ахаав): яко глаголах Навуфею Иезраилитянину глаголя: дажь ми виноград твой за сребро: и аще хощеш, дам ти виноград ин вместо его: и рече: не дам ти наследия отец моих. 7 И рече к нему Иезавель жена его: ты ли ныне твориши тако, царю Израилев? Востани и яждь хлеб и молча буди, аз же дам ти виноград Навуфеа Иезраилитянина. 8 И написа книгу на имя Ахаавле, и запечата ю печатию его, и послала книгу к старейшинам и свободным живущим с Навуфеем. 9 И писано бяше в книзе тако: поститесь постом и посадите Навуфеа и в начале людий: 10 и посадите два мужа сыны законопреступных противу ему, и да засвидетельствуют о нем, глаголюще, яко (не) благослови Бога и царя: и да изведут его и побиют камением, и да умрет. 11 И сотвориша тако мужие града его старейши и свободни живущии во граде его, якоже послана к ним Иезавель, и якоже писано бяше в книгах, яже послана к ним: 12 и нарекоша пост, и посадиша Навуфеа в начале людий, 13 и приидоста два мужа сынове законопреступных и седоста противу его, и засвидетельствоваша на него мужие отступницы Навуфеевы пред людьми, глаголюще: сей (не) благослови Бога и царя. И изведоша его вон из града и побиша его камением, и умре. 14 И послана ко Иезавели, глаголюще: камением побиен бысть Навуфей и умре. 15 И бысть егда услыша Иезавель глаголющих,

яко побиен Навуфей и умре, и рече Иезавель ко Ахааву: востани, наследуй виноград Навуфеа Иезраилитянина, иже не взя у тебе сребра, и уже несть Навуфей жив, но умре. 16 И бысть егда услыша Ахаав, яко убиен бысть Навуфей Иезраилитянин, и раздра ризы своя и облечеся во вретище. И бысть по сих, и воста и снide Ахаав в виноград Навуфеа Иезраилитянина наследити его. 17 И рече Господь ко Илии Фесвитянину, глаголя: 18 востани и снidi на сретение Ахааву царю Израилеву, иже в Самарии, се бо, сей в винограде Навуфееве, яко снide тамо наследити его: 19 и речеши ему, глаголя: сице глаголет Господь: понеже ты убил еси (Навуфеа) и принял еси в наследие (виноград его), сего ради тако глаголет Господь: на месте, идеже полизаша свинии и пси кровь его, тамо полижут и кровь твою, и блудницы измыются в крови твоей. 20 И рече Ахаав ко Илии: обрел ли еси мя, враже мой? И рече Илия: обретох: понеже ты всуе продан еси соторити лукавое пред Господем, во еже разгневати Его: 21 сице глаголет Господь: се, Аз наведу на тя злая и попалю задняя твоя, и искорено Ахаавля мочащаюся к стене, и содерхимыя и оставшихся во Израили: 22 и предам дом твой якоже дом Иеровоама сына Наватова, и якоже дом Ваасы сына Ахиина, о прогневаниих, имиже прогневал мя еси, и грешити соторил еси Израиля. 23 И ко Иезавели рече Господь, глаголя: пси снедят ю в предградии Иезраеля: 24 умершаго Ахаавля во граде снедят пси, и умершаго его на поли снедят птицы небесныя: 25 и в суете ты еси, Ахааве, иже продан бысть соторити лукавое пред Господем, яко преврати его Иезавель жена его. 26 И омерзися зело, еже ходити вслед мерзостей, яже сотори Аморрей, егоже истреби Господь от лица сынов Израилевых. 27 И бысть егда услыша Ахаав словеса сия, умилися от лица Господня, и идяше плачася, и раздра ризы своя, и препоясася вретищем по телу своему и постися: и бе облечен во вретище от дне, в онъже уби Навуфеа Иезраилитянина, и хожаше скорбен. 28 И бысть глагол Господень рукою раба его Илии о Ахааве, 29 и рече Господь: видел ли еси, яко умилися Ахаав от лица Моего? Сего ради не наведу зла во днех его: но во днех сына его наведу зло на дом его.

22 И седе три лета, и не бе браны между Сириею и между Израилем. 2 И бысть в лето третие, и снide Иосафат царь Иудин к царю Израилеву. 3 И рече царь Израилев ко отроком своим: весте ли, яко моя есть Реммафа Галаадская, и мы молчим взяти ю

от руки царя Сирийска? 4 И рече царь Израилев ко Иосафату: взыдеши ли с нами в Реммафу Галаадскую на брань? И рече Иосафат: якоже аз, такожде и ты: якоже людие мои, людие твои: якоже кони мои, кони твои. 5 И рече Иосафат царь Иудин к царю Израилеву: вопросите убо днесь Господа. 6 И собра царь Израилев вся пророки яко четыреста мужей, и рече царь им: взыдили в Реммафу Галаадскую на брань, или оставилю? И реша: взыди, яко дая предаст Господь в руки царевы. 7 И рече Иосафат к царю Израилеву: несть ли зде пророка Господня, и вопросыли быхом Господа им? 8 И рече царь Израилев ко Иосафату: еще есть един муж на вопрошение им Господа, и аз возненавидех его, яко не глаголет о мне добре, но злая, Михеа сын Иемвлаань. И рече царь Иосафат Иудин: не глаголи, царю, тако. 9 И призва царь Израилев скопца единаго и рече: скоро иди по Михею сына Иемвлааня. 10 Царь же Израилев и Иосафат царь Иудин седяста кийждо на престоле своем вооружени во вратех Самарийских, и вси пророцы прорицаху пред ними. 11 И сотори себе Седекия сын Ханаань рога железна и рече: тако глаголет Господь: сими рогами избодеши Сирию, дондеже скончается. 12 И вси пророцы прорицаху тако, глаголюще: взыди в Реммафу Галаадскую, и наставит тя, и предаст Господь в руце твои царя Сирийского. 13 И посол шед призвати Михею, рече ему, глаголя: се, ныне вси пророцы усты едиными глаголют добрая о цари, буди убо ты в словесех твоих по словесем единаго от сих и глаголи добрая. 14 И рече Михеа: жив Господь, яко яже речет Господь ко мне, сия возглаголю. 15 И прииде ко царю. И рече ему царь: Михе, взыду ли в Реммафу Галаадскую на брань, или оставилю? И рече ему: взыди, и благопоспешит Господь в руки царевы. 16 И рече ему царь: еще аз дважды заклинаю тя, да речеши истину пред Господем. 17 И рече Михеа: не тако: видех всего Израиля разсияна по горам якоже стада, имже несть пастьря: и рече Господь: не Господь ли сим в Бога? Да возвратится кийждо в дом свой с миром. 18 И рече царь Израилев ко Иосафату царю Иудину: не рех ли тебе, яко не проричет сей ми добрая, но токмо злая? 19 И рече Михеа: не тако: не аз: слыши глагол Господень: не тако: видех Господа Бога Израилева седящаго на престоле Своем, и все воинство небесное стояще окрест Его одесную Его и ошуюю Его: 20 и рече Господь: кто прельстит Ахаава царя Израилева, и взыдет и падет в Реммафе Галаадстей? И рече сей тако, и сей тако: 21 и изыде дух, и ста пред Господем, и рече: аз прельщу и: 22 и рече к нему Господь: в чем?

И рече: изыду и буду дух лжив во устех всех пророк его: и рече: прельстиши и возможеши: изыди и сотвори тако: 23 и се, ныне даде Господь дух лжив во уста всех пророк твоих сих, и Господь глагола на тя злая. 24 И приступи Седекия сын Ханаань, и порази Михею в лице и рече: каковый сей прейде дух Господень от мене, еже глаголати в тебе? 25 И рече Михея: се, ты узриши в день он, егда внидеш в ложнице сокровища твоего, еже скрытия ту. 26 И рече царь Израилев: поимите Михею, и возвратите его ко Аммону князю града и ко Иоасу сыну цареву, 27 и рцыте, да посадят его в темнице, и да кормят его хлебом печальным и водою печальною, дондеже возвращуся в мире. 28 И рече Михея: аще возвращаясь возвратишися в мире, то не глагола Господь мною. И рече: слышите, людие вси. 29 И взыде царь Израилев и Иосафат царь Иудин с ним в Реммафу Галаадскую. 30 И рече царь Израилев ко Иосафату царю Иудину: прикрый мя, и вниду в сечь, и ты облечься в ризу мою. И прикрыся царь Израилев и вниде в сечь. 31 Царь же Сирский заповеда князем колесниц своих тридесятим и двум, глаголя: не бийтесь ни с великим ни с малым, но токмо с царем Израилевым единственным. 32 И бысть егда узреша воеводы колесниц Иосафата царя Иудина, и реша: видится царь Израилев сей. И обступиша его еже сразитися с ним: и возопи Иосафат. 33 И бысть егда узреша воеводы колесниц, яко несть царь Израилев той, и возвратишися от него: 34 и наляче лук един муж приметно, и порази царя Израилева между легким и щитом. И рече (царь) всаднику своему: обрати руки твоя, и изведи мя от брани, яко язвен есмь. 35 И умнохися брань в той день, и царь бе стоя на колеснице противу Сириан от утра даже до вечера, и лияшеся кровь из язвы в недра колесницы, и умре в вечер, и изливашеся кровь от язвы даже до недр колесницы. 36 И ста проповедник о западе солнца, глаголя: кийждо вас да идет во свой град и во свою землю, яко умре царь. 37 И прииодша в Самарию, и погребоша в Самарии царя. 38 И омыша кровь с колесницы на источнице Самарийстем, и полизаша свинии и пси кровь его, и блудницы измышася в крови его, по глаголу Господню, егоже глагола. 39 Прочая же словес Ахаавлих, и вся яже сотвори, и храм слоновый, егоже созда, и вся грады, яже сотвори, не се ли, сия писана быша в книзе словес дний царей Израилевых? 40 И успе Ахаав со отцы своими, и воцарися Охозия сын его вместо его. 41 И Иосафат сын Асы воцарися над Иудою в четвертое лето Ахаава царя Израилева. 42 Иосафат сын тридесяти пяти

лет (бе), егда нача царствовать, и двадесять пять лет царствова во Иерусалиме. Имя же матери его Азува, дщи Салаиля. 43 И хождаше по всем путем Асы отца своего, не уклонися от него, творя правое пред очима Господним, токмо высоких не разори: еще людие жраху и каджу на высоких. 44 И умирися Иосафат с царем Израилевым. 45 Прочая же словес Иосафатовых, и силы его, елика сотвори, не се ли, писана суть в книзе словес дний царей Иудиных? 46 И прочее мерзости, еже остался во дни Асы отца его, отя от земли. 47 И царя не бе во Едоме поставленного. 48 Царь же Иосафат сотвори корабли Фарсийских, еже ити во Офир по злату, но не поидоша, зане сокрушишася корабли во Асекон-Гавере. 49 Тогда рече Охозия сын Ахаавль ко Иосафату: да идут раби мои с рабы твоими в кораблех. И не восхоте Иосафат. 50 И умре Иосафат со отцы своими, и погребен бысть у отец своих во граде Давида отца своего. И воцарися Иорам сын его вместо его. 51 И Охозия сын Ахаавов воцарися над Израилем в Самарии, в лето седмоенадесять Иосафата царя Иудина, и царствова над Израилем в Самарии лета два, 52 и сотвори лукавое пред Господем, и нача ходити по путем отца своего Ахаава и по пути Иезавели матере своея, и во гресех дому Иеровоама сына Наватова, иже введе во грех Израиля: 53 и поработа Ваалу, и поклонися ему, и разгнева Господа Бога Израилева, по всем бывшим прежде его.

Четвертая книга Царств

1 И отступи Моав от Израиля, по умертвии Ахаавли. 2

Охозия же паде из окна, еже в горнице его в Самарии, и разболеся, и послы послы и рече к ним: идите и вопросите у Ваала сквернаго бога Аккаронса, аще жив буду от болезни моей сея? И идоша вопрошати его ради. 3 И Ангел Господень рече ко Илии Фесвитянину, глаголя: востав, иди на сретение послом Охозии царя Самарийска и речеши к ним: или несть Бога во Израиля, яко грядете вопрошати Ваала сквернаго бога во Аккароне? 4 И сего ради сице глаголет Господъ одр, на негоже возшел еси ту, не имаши слезти с него, яко ту смертию умреши, и иде Илия и рече к ним. 5 И возвратиша послы к нему, и рече к ним: что яко возвратистесь? 6 И реше к нему: муж изыде в сретение нам и рече к нам: идите возвратитеся к царю пославшему вы и глаголите к нему: сице глаголет Господъ: или нему Бога во Израиля, яко вы грядете вопрошати Ваала сквернаго бога во Аккароне? Сего ради от одра, на негоже возшел еси, не имаши слезти с него, яко ту смертию умреши. 7 И рече к ним царь, глаголя: каков взором бяше муж той вшедый в сретение вам и глаголавый вам словеса сия? 8 И реше к нему: муж космат и поясом усменным препоясан о чреслех своих. И рече царь: Илия Фесвитянин сей есть. 9 И послы к нему стареишину пятьдесятнику и пятьдесят мужей его. И взыде и прииде к нему: и се, Илия бе седя верху горы. И глагола пятьдесятник к нему и рече: человече Божий, царь зовет тя, снidi. 10 И отвеща Илия и рече к пятьдесятнику: аще есмь человек Божий аз, то да снидет огнь с небесе и снест тя и пятьдесят твоих (с тобою). И снide огнь с небесе и снеде его и пятьдесят мужей его. 11 И приложи царь послати к нему другаго пятьдесятнику и пятьдесят (мужей) с ним. И возshed, и глагола пятьдесятник к нему и рече: человече Божий, сице глаголет царь: потщався снidi. 12 И отвеща Илия и глагола к нему и рече: аще человек Божий аз есмь, то да снидет огнь с небесе, и да снест тя и пятьдесят (мужей) с тобою. И снide огнь с небесе и снеде его и пятьдесят мужей его. 13 И приложи царь еще послати стареишину, пятьдесятнику третияго, и пятьдесят мужей с ним. И прииде к нему пятьдесятник третий, и поклониша на колена своя пред Илиею, и моли его, и глагола к нему и рече: человече Божий, пощади душу мою и душу раб твоих сих пятьдесят пред очима твоими: 14 се, снide огнь с небесе и пойде два пятьдесятника первыя с пятидесятыми их: и ныне да пощадится душа рабов

твоих пред очима твоими. 15 И глагола Ангел Господень ко Илии и рече: снidi с ним, не убояся от лица их. И воста Илия и снide с ним к царю, 16 и глагола к нему и рече: сице глаголет Господъ: что яко послал еси послы вопрошати Ваала сквернаго бога во Аккароне, аки бы не был Бог во Израиле, еже вопросити от Него словесе? Сего ради от одра, наньже возшел еси ту, не имаши слезти с него яко смертию умреши. 17 И умре по глаголу Господню, егоже глаголгола Илия. И царства Иорам брат Охозин вместо его, понеже не име сына Охозии, в лето второе Иорама сына Иосафата царя Иудина. 18 И прочая словес Охозиных, елика сотвори, не се ли, сия писана в книгах словес дний царей Израилевых?

2 И бысть всегда взяти Господу Илию в вихре яко на

небо и идяше Илия и Елиссею от Галгал. 2 И рече Илия ко Елиссею: седи убо зде, яко Господъ послы мя до Вефиля и рече Елиссею: жив Господъ и жива душа твоя, аще оставлю тя и приидоста в Вефиль. 3 И придоша сынове пророчестии, иже в Вефили, ко Елиссею и реше к нему: разумеши ли, яко взимает Господъ днесъ господина твоего верху главы твоей (от тебе)? И рече: и аз уразумех, молчите. 4 И рече Илия ко Елиссею: сяди убо зде, яко Господъ послы мя во Иерихон. И рече Елиссею: жив Господъ и жива душа твоя, аще оставлю тя. И приидоста во Иерихон. 5 И приближиша сынове пророков, иже во Иерихоне, ко Елиссею и реше ему: разумеши ли, яко днесъ вземлет Господъ господина твоего свыше главы твоей (от тебе)? И рече: ибо и аз уразумех, молчите. 6 И рече ему Илия: седи зде, яко Господъ послы мя до Иордана. И рече Елиссею: жив Господъ и жива душа твоя, аще оставлю тебе. И поидоста оба, 7 и пятьдесят мужей от сынов пророческих, и стала противу издалеча: и сии оба стаста при Иордане. 8 И прият Илия мильтъ свою, и свит ю, и удари ею в воду, и разступися вода сюду и сюду: и приодоста оба по суху. 9 И бысть преходящема има, и рече Илия ко Елиссееви: проси, что сотворю ти прежде неже взят буду от тебе. И рече Елиссею: да будет убо дух, иже в тебе, сугуб во мне. 10 И рече Илия: ожесточил еси просити: аще узриши мя вземлема от тебе, будет ти тако: аще ли не (узриши), и будет. 11 И бысть идущема има, идяста и глаголаста: и се, колесница огненная и кони огненни, и разделиша между обема. И взят бысть Илия вихром яко на небо. 12 И Елиссею зряше и вопияше: отче, отче, колесница Израилева и конница его. И не увиде его кому: и ятся (Елиссею) за ризы своя, и растерза

я в два растерзания, 13 и взя милоть Илину Елиссею падшую верху его, и возвратися Елиссею, и ста на брезе Иорданове. 14 И прият (Елиссею) милоть Илиину, яже паде верху его, и удари в воду, и не разступися вода. И рече: где Бог Илиин Аффо? И удари Елиссею воды (вторицю), и разступишася сюду и сюду, и прейде Елиссею по суху. 15 И видеша его сынове пророчествии, иже во Иерихоне сопротив, и реше: почи дух Илиин на Елиссеи. И приодоша на сретение ему и поклонишася ему до земли, 16 и реше к нему: се, ныне со отроки твоими пятьдесят мужей сынов сильных: шедше да взыщут господина твоего, еда како Дух Господень взя, и поверже его на Иордане, или на единей от гор, или на единем от холмов и рече Елиссею: не посытайте. 17 И принудиша его, и дондеже устыдеся, и рече: послите. И послаша пятьдесят мужей, и искаша три дни, и не обретоша его, 18 и возвратиша к нему: и той седяше во Иерихоне. И рече Елиссею к ним: не глаголах ли к вам, не идите? 19 И реше мужие града ко Елиссею: се, жилище града благо, якоже ты, господине, видиши, но воды злы и земля неплодна. 20 И рече Елиссею: принесите ми водонос нов, и всыплите в онъ соль. И взяша, и принесоша к нему. 21 И изыде Елиссею на исходища водная, и всыпа ту соль, и рече: сице глаголет Господъ: изцелих воды сия, не будет от них кому смерти и неплодства. 22 И изцелеша воды до дне сего, по глаголу Елиссееву, егоже глагола. 23 И взыде оттуду во Вефиль. И восходящу ему путем, и дети малы изыдоша из града, и ругахуся ему, и реше ему: гряди, плешиве, гряди. 24 И озрея вслед их, и виде я, и проклят я именем Господним. И се, изыдоша две медведицы из дубравы и растерзаша от них четыредесять два отроища. 25 И иде оттуду в гору Кармилскую, и оттуду возвратися в Самарию.

3 И Иорам сын Ахаавов воцарися над Израилем в Самарии, в лето осмоенадесять Иосафата царя Иудина, и царствова лет дванадесять, 2 и сотвори лукавое пред очима Господним: обаче не якоже отец его и не якоже мати его: и разруши капища Ваалова, яже сотвори отец его: 3 обаче ко греху Иеровоама сына Наватова, иже введе во грех Израиля, прилепися и не отступи от него. 4 И Моса царь Моавль бе нокид и даяше дань царю Израилеву, сто тысящ агнцев и сто тысящ овнов с рунами. 5 И бысть по умертвии Ахаави и отвержеся царь Моавль царя Израиleva. 6 И изыде царь Иорам во дни оны от Самарии и согляда Израиля, 7 и

иде, и посла ко Иосафату царю Иудину, глаголя: царь Моавль отвержеся мене: идеши ли со мною на брань на Моава? И рече: взыду: сице мне, якоже и тебе: якоже людие мои, людие твои: якоже кони мои, кони твои. 8 И рече: киим путем взыдем? И рече: путем пустыни Едомския. 9 И иде царь Израилев и царь Иудин и царь Едомль, и идоша путем седмъ дній: и не бе полку воды и скотом сущым с ними. 10 И рече отроком своим царь Израилев: о, яко созва Господъ три сия цари идущыя предати их в руце Моавли. 11 И рече Иосафат к нему царь Иудин: есть ли зде пророк Господень, и вопросим Господа им? И отвеша един отрок царя Израилева и рече: зде есть Елиссея сын Сафатов, иже возливаше воду на руце Илиине. 12 И рече Иосафат: есть с ним глагол Господень. И снide к нему царь Израилев и Иосафат царь Иудин и царь Едомль. 13 И рече Елиссея ко царю Израилеву: что мне и тебе? Иди ко пророком отца твоего и ко пророком матере твоей. И рече ему царь Израилев: еда созва Господъ три цари, еже предати я в руце Моавли? 14 И рече Елиссею: жив Господъ Сил ему же предстою пред Ним, яко аще бых не лице Иосафата царя Иудина аз принял, то воззрел ли бых на тя, и видел ли бых тя? 15 И ныне приведи ми певца. И бысть егда воспеваше певец, и бысть на нем рука Господня, 16 и рече: тако глаголет Господъ: сотворите поток сей рвами рвами, 17 яко тако глаголет Господъ: не узрите духа, и ниже увидите дождя: и поток сей наполнится воды, и пиете вы и стяжания ваша и скоти ваши: 18 и легко сие пред очима Господним, и предам Моава в руки ваши, 19 и поразите всяк град тверд, и всяко древо благо низложите, и всяк источник воды заградите, и всяку часть благу разбииете камением. 20 И бысть заутра восходящей жертве, и се, воды идяху путем Едомским, и исполнися воды земля. 21 И вси Моавитяне услышаша, яко взыдоша тридесяти царя братися с ними. И возопиша отвсюду препоясаннii оружием и реше: ох: и стала у предела. 22 И ураниша заутра, и солнце возсия на воды: и виде Моав сопротив воды чермны яко кровь, 23 и рече: кровь сия есть от оружия: и бишася царие, и уби муж искренняго своего: и ныне (гряди) на корысти, Моаве. 24 И внидоша в полк Израилев, Израилтяне же восташа. И избиша Моавля: и побегоша от лица их: и внидоша входяще и биюще Моава, 25 и грады разбииша, и всяку часть благу навергоша мужи камением, и наполниша ю, и всяк источник заградиша, и всяко древо благо изсекоша, донележе оставиша камение стен разбииено: и обступиша пращницы и разбииша его. 26 И виде царь

Моавль, яко укрепися над ним брань, и взя с собою седьмь сот мужей со обнаженным оружием, еже просещися ко царю Едомску: и не возмогоша. 27 И поят сына своего первенца, егоже воцари вместо себе, и вознесе его во всесожжение на стене: и бысть раскаяние великое во Израили: и отступиша от него и возвратиша в землю свою.

4 И жена едина от сынов пророчих возопи ко Елиссею, глаголющи: раб твой муж мой умре, ты же веси, яко раб твой бе бояся Господа: и заимодавец прииде взяти два сына мои себе в рабы. 2 И рече Елиссея: что сотворю ти? Повежь ми, что имаша ныне в дому? Она же рече: несть у рабы твоей ничтоже в дому, токмо мало елеа, имже помажуся. 3 И рече к ней: иди, испроси себе сосуды отвне от всех сосед твоих, сосуды праздны, не умали: 4 и вниди, и затвори дверь за собою и за сынома твоима, и влиши (от елеа твоего) во вся сосуды сия, и наполненное возмеши. 5 И отиде от него и сотвори тако, и затвори дверь за собою и за сынома svoима: та приношаста к ней, она же вливаше: 6 и бысть егда наполнишася вси сосуды, и рече сынома svoима: приближита ми еще сосуд. И реста ей: несть еще сосуда. И ста елей. 7 И прииде и возвести человеку Божию. И рече Елиссея: иди и продаждь сей елей, и заплати лихву твою, и ты и сына твоя жити будете от оставшаго елеа. 8 И бысть во един день, и прейде Елиссея в Соман, и ту жена велия и удержа его снести хлеба: и бысть ему входити и исходити множицею, и уклоняшеся тамо ясти хлеба. 9 И рече жена к мужу своему: се, ныне разумех, яко человек Божий свят сей мимо ходит нас присно: 10 сотворим убо ему горницу, место мало, и поставим ему тамо одр и трапезу, и престол и свещник: и будет внегда входити ему к нам, и уклоняется тамо. 11 И бысть во един день, и вниде тамо, и уклониша в горницу, и спа тамо. 12 И рече ко Гиезию оточищу своему: призови ми Соманитяныю сию. И призва ю, и ста пред ним. 13 И рече ему: рцы убо ей: се, удивила еси нас всем попечением сим: что подобает сотворити тебе? Аще есть тебе слово к царю или ко князю силы? Она же рече: (несть,) посреде людей моих аз есмъ живущи. 14 И рече ко Гиезию: что подобает сотворити ей? И рече Гиезий оточища его: воистину сына несть у нея и муж ея стар. 15 И рече призови ю. И призва ю, и ста при дверех. 16 И рече Елиссея к ней: во время сие, якоже час сей живущи, ты зачнеш сына. Она же рече: ни, господине, не солжи рабе твоей. 17 И зачат во чреве жена, и роди сына во

время сие, якоже час сей живущи, якоже глагола к ней Елиссея. 18 И возмужа оточища. И бысть, егда изыде ко отцу своему, к жнущым, 19 и рече ко отцу своему: глава моя, глава моя (болит). И рече ко отроку: неси его к матери его. 20 И несе его к матери его, и лежаше на колену ея до полудне, и умре. 21 И вознесе его, и положи его на одре человека Божия: и затвори его, и изыде, и призва мужа своего, и рече ему: 22 посли ми убо единаго от отрок, и едино от ослят, и теку до человека Божия, и возвращуся. 23 И рече: что яко ты идеш к нему днесъ? Не нов месяц, ниже суббота. Она же рече: мир. 24 И оседла осля, и рече ко оточищу своему: веди, и иди, да не удержиши мене, еже всести, якоже реку тебе: гряди, и иди, и приди к человеку Божию на гору Кармилскую. 25 И иде, и прииде до человека Божия в гору Кармилскую. И бысть яко виде ю Елиссея грядущую, и рече ко Гиезию оточищу своему: се, убо Соманитяныю оная: 26 ныне течи во сретение ея и речеши ей: мир ли тебе? И тече во сретение ей и рече ей: мир ли тебе? Мир ли мужу твоему, мир ли оточищу твоему? Она же рече: мир. 27 И прииде ко Елиссею на гору, и ятся за нозе его. И приближся Гиезий отринути ю. И рече Елиссея: остави ю, яко душа ея болезнenna в ней, и Господь укры от мене и не возвести мне. 28 Она же рече: еда просих сына у господина моего, яко рекох: не прельсти мене? 29 И рече Елиссея ко Гиезию: препояши чресла твоя и возми жезл мой в руце твои, и иди, яко аще обрящеши мужа, да не благословиши его, и аще благословит тя муж, не отвещай ему: и возложи жезл мой на лицо оточища. 30 И рече мати оточища: жив Господь и жива душа твоя, аще оставлю тебе. И воста Елиссея и иде вслед ея. 31 И Гиезий иде пред нею, и возложи жезл на лице оточища, и не бе гласа, и не бе слышания. И возвратися во сретение его и поведа ему глаголя: не воста оточища. 32 И вниде Елиссея в храмину, и се, оточища умерый положен на одре его. 33 И вниде Елиссея в дом и затвори дверь за двою собою, и помолися Господу. 34 И взыде, и ляже на оточища, и положи уста своя на устех его, и очи свои на очи его, и руце свои на руце его, и плесне свои на плесну его: и слячеся над ним, и дуну на него, и согреся плоть оточища. 35 И обратися, и походи в храмине сюду и сюду: и взыде, и слячеся над оточищем седмижды, и отверзе оточища очи свои. 36 И возопи Елиссея ко Гиезию и рече: призови ми Соманитяныю сию. И призва ю, и вниде к нему. И рече Елиссея: приими сына твоего. 37 И вниде жена, и паде на ногу его, и поклониша ему до земли: и прият сына своего, и изыде.

38 И Елиссея возвратися в Галгаль. И бе глад в земли той, и сынове пророчи седяху пред ним. И рече Елиссея отроищу своему: настави коноб велий и свари варение сыном пророчим. 39 И изыде един на село собрати зелия дивия: и обрет виноград на селе, и набра в нем яблока дивияго полну ризу свою, и всыпа в котел на сварение, яко не разумеша, 40 и принес мужем ясти. И бысть ядущым им от варения, и се, возопиша и решася: смерть в конобе, человече Божий. И не могоша ясти. 41 И рече: возмите муки и всыплите в коноб. И рече Елиссея ко Гиезию отроищу своему: изнеси людем, да ядят. И не бысть ктому злого глагола в конобе. 42 И муж прииде от Вефариса и принесе к человеку Божию первородных двадесять хлебов ячменных и смоквы. И рече: дадите людем, да ядят. 43 И рече отрок его: что дам сие сту мужем? И рече: даждь людем я, да ядят, яко сице глаголет Господь: будут ясти, и останет. 44 И ядоша, и оста по глаголу Господню.

5 И Нееман князь силы Сирийская бе муж велий пред господином своим и дивен лицем, яко им даде Господь спасение Сирии: и муж бе силен крепостию прокажен. 2 И из Сирии изыдоша воини и плениша юнотку малу от земли Израилевы: и бе пред женою Неемановою (служа) 3 и рече госпоже своей: о, дабы господин мой был у пророка Божия, иже в Самарии, той бы очистил его и проказы его. 4 И вниде и возвести господину своему и рече: тако и тако глагола юнотка, яже от земли Израилевы. 5 И рече царь Сирийский ко Нееману: иди, вниди, и послю писание ко царю Израилеву. И пойде, и взя в руце свои десять талант сребра и шесть тысяч златник и десять изменяемых риз. 6 И внесе писание к царю Израилеву глаголя: и ныне егда приидет писание сие к тебе, се, послах к тебе Неемана раба моего, да очистиши его от проказы его. 7 И бысть егда прочте писание царь Израилев, раздра ризы своя и рече: еда аз Бог есмь, еже мертвти и животворити, яко сей послы и мне, да очищу мужа от проказы его? Прочее разумейте и видите, яко се ищет вины ко мне. 8 И бысть егда услыша Елиссеи, яко раздра ризы своя царь Израилев, и послы к царю Израилеву, глаголя: почто раздрал еси ризы твоя? Да приидет ко мне ныне Нееман, и да разумеет, яко есть пророк во Израиле. 9 И прииде Нееман на конех и на колесницах и ста при дверех дому Елиссеева. 10 И послы Елиссея посланника к нему, глаголя: шед измыся седмижды во Иордане, и возвратится плоть твоя к тебе, и очистишися. 11 И разгневався Нееман, и отиде, и рече:

се, убо глаголах, яко изыдет ко мне, и станет, и призовет во имя Бога своего, и возложит руку свою на место, и очистит проказу: 12 не благи ли Авана и Фарфар реки Дамасковы паче Иордана и всех вод Израилевых? Не шед ли измыся в них и очишуся? И уклониша и отиде во гневе. 13 И приближиша отроцы его и решася ему: аще бы велие слово глаголал пророк тебе, не бы ли сотворил еси? А яко рече к тебе: измыся, и очистишися. 14 И снide Нееман, и погрузиша во Иордане седмижды, по глаголу Елиссееву: и возвратился плоть его яко плоть отрочате млада, и очистиша. 15 И возвратился ко Елиссею сам и все ополчение его, и прииде и ста пред ним и рече: се, ныне разумех, яко несть Бога во всей земли, но токмо во Израили: и ныне приими благословение от раба твоего. 16 И рече Елиссея: жив Господь, Ему же предстах пред ним, аще приими. И понуждаше его взяти, и не послуша. 17 И рече Нееман: аще ли не (хощеш взяти), то даждь рабу твоему время, супруг мсков, от земли сея червленыя: яко и сотворит отселе раб твой всесожжения и жертвы богом иным, но Господу единому, 18 по глаголу сему и о словеси сем: и очистит Господь раба твоего, егда внидет господин мой в дом Ремманов на поклонение тамо: и той почнет на руку мою, и поклонюся в дому Реммани, внегда кланятися ему в дому Реммани, и очистит Господь раба твоего по словеси сему. 19 И рече Елиссея ко Нееману: иди с миром. И отиде от него на Хаврафа земли. 20 И рече Гиезий отроищъ Елиссеев: се, пощаде господин мой Неемана Сирянина сего, еже не взяти от руки его, яже принесе: жив Господь, яко имам тещи вслед его, и возму от него нечто. 21 И тече Гиезий во след Нееманов. И виде его Нееман текуща вслед себе, и возвратился с колесници на сретение ему и рече: мир ли? 22 И рече Гиезий: мир: господин мой послы мя, глаголя: се, ныне приидоста ко мне два отроища от горы Ефремли от сынов пророчих: даждь убо има талант сребра и две премены риз. 23 И рече Нееман: возми два таланта сребра. И взя два таланта во два мешца и две премены риз, и возложи на два отроища своя, и несоста пред ним: 24 и прииодша в сумраки, и взя от рук их и сокры во храмине, и отпусти мужы. 25 И сам вниде и предста господину своему. И рече к нему Елиссея: откуду (пришел еси), Гиезие? И рече Гиезий: не исходил раб твой никаможе. 26 И рече к нему Елиссея: не ходило ли сердце мое с тобою, и видех, егда возвращашся муж с колесници своей во сретение тебе? И ныне взял еси сребро и ризы взял еси, да купиши за них вертограды и маслины и винограды, и овцы и волы, и отроки и

отроковици: 27 и проказа Нееманова да прильпнет к тебе и к семени твоему во веки. И изыде от лица его прокажен яко снег.

6 И реша сынове пророчи ко Елиссею: се, убо место,

идеже мы живем противу тебе, тесно нам: 2 да идем ныне до Иордана, и да возмем оттуду кийждо муж по бервну единому и соторим себе ту обиталища пребывать тамо. И рече: идите. 3 И рече един кротце: гряди и сам с рабы твоими. И рече: аз пойду. 4 И иде с ними: и придоша ко Иордану, и секоша древа: 5 и егда един отсекаше бервно, и се, железо спаде с топорища и впаде в воду. И возопи: о, господине, и сие заемное. 6 И рече человек Божий: где паде? И показа ему место. И отсече древо и вверже и тамо: и всплыве железо. 7 И рече: возми себе. И простре руку свою и взят е. 8 И царь Сирский бе воюя на Израиля, и совеща со отроки своими, глаголя: на месте некоем сокровенном ополчуся. 9 И посла Елиссея ко царю Израилеву, глаголя: блюдися не преити на место сие, яко ту Сирияне залягоша. 10 И посла царь Израилев на место, о немже рече ему Елиссея, и соблюдеся оттуду не единою, ниже дважды. 11 И смущися душа царя Сирска о словеси сем: и призыва отроки своя и рече и ним: не возвестите ли мне, кто предает мя царю Израилеву? 12 И рече един от отрок его: ни, господине мой царю: яко пророк Елиссея, иже во Израили, возвещает царю Израилеву вся словеса, яже аще глаголеши в сокровищи ложницы твою. 13 И рече: идите, видите, где сей, и послав возму его. И возвестиша ему, глаголюще: се, есть в Дофайме. 14 И посла тамо кони и колесницы и силу тяжку: и придоша ношию и окружиша град. 15 И урани раб Елиссеев востати, и изыде: и се, сила обступи град, и кони и колесницы. И рече отрок его к нему: о, господине, что соторим? 16 И рече Елиссея: не бойся, яко множа иже с нами, нежели с ними. 17 И помолися Елиссея и рече: Господи, отверзи ныне очи отрока, да узрит. И отверзе Господь очи его, и виде: и се, гора исполнъ коней, и колесница огненна окрест Елиссея. 18 И снудоша к нему: и помолися Елиссея ко Господу и рече: порази убо язык сей невидением. И порази их невидением по глаголу Елиссееву. 19 И рече к ним Елиссея: не сей путь и не сей град: грядите по мне, и отведу вы к мужу, егоже ищете. И отведе их в Самарию. 20 И бысть егда внидоша в Самарию, и рече Елиссея: отверзи убо, Господи, очи их, и да видят. И отверзе Господь очи их, и видеша: и се, бяху посреде Самарии. 21 И рече царь Израилев ко

Елиссею, егда увиде я: аще поражу я поражением, отче?

22 И рече Елиссеи: да не поразиши: еда ли пленил еси их мечем твоим и луком твоим, да избиши? И предложи им хлебы и воду, да ядят и да пият и да отидут ко господину своему. 23 И предложи им предложение велие, и ядоша и пиша, и отпусти я, и идоша ко господину своему: и не приложиша ктому воини приходи из Сирии в землю Израилеву. 24 И бысть по сих, и собра сын Адеров царь Сирийский все ополчение свое, и взыде и обседе Самарию. 25 И бысть глад велик в Самарии: и се, обседоша ю, дондеже бысть глава ословъ за пятьдесят сикль сребра, и четвертая часть меры гноя голубинаго за пять сикль сребра. 26 И бысть царь Израилев обходяй по стенам: и жена (некая) возопи к нему, глаголющи: спаси мя, господине мой царю. 27 И рече ей: аще тебе не спасает Господъ, како аз спасу тя? Еда от гумна или от точила? 28 И рече ей царь: что ти есть? И рече: сия жена ко мне рече: даждъ сына твоего, да съядим его днесъ, а утро моего сына съядим: 29 и испекохом сына моего и снедохом его: и рех к ней в день второй: даждъ сына твоего, и съядим его: и скры сына своего. 30 И бысть егда услыша царь Израилев словеса жены, раздра ризы своя и сам хождаше по стене, и видеша людие вретище на плоти его внутрь. 31 И рече царь: сия да соторит ми Бог и сия да приложит ми, аще будет глава Елиссеева на нем днесъ. 32 Елиссея же седяше в дому своем, и старцы седяху с ним. И посла царь мужа пред лицем своим. И прежде даже прийти посланному к нему, и той рече ко старцем: не весте ли, яко посла сын убийцы сей, да отсечет главу мою? Видите, егда приидет вестник, заключите двери и стисните его во дверех: не топот ли ног господина его вслед его? 33 И еще ему глаголющу с ними, и се, вестник сниде к нему и рече: се, сие зло от Господа: что потерплю Господеви ксему?

7 И рече Елиссея: слышите слово Господне, сице

глаголет Господъ: якоже час сей, утро мера муки пшеничны будет за сикль един, и две меры ячменя за сикль един во вратех Самарии. 2 И отвеша тристат, на егоже руку царь почиваше, и рече и Елиссео: се, аще отверзет Господь и хляби небесныя, то не будет глагол сей. И Елиссея рече: се, ты узриши очима твоима, и оттуду не имаши ясти. 3 И бяху четыре мужа прокажени при вратех града. И рече муж ко искреннему своему: что мы седим зде дондеже умрем? 4 Аще речем: внидем во град, то глад есть во граде, и умрем тамо: аще же седим зде, то и тако умрем: и ныне идем и внидем в

полк Сирийский: аще живят ны, живи будем: аще ли умрят ви, то умрем. 5 И восташа в сумраце ити в полк Сирийский и внидоша среде полка Сирийска, и се, не бе мужа ту. 6 И Господь слышан сотвори полку Сирийску глас колесниц и глас коней и глас силы великия. И рече муж ко брату своему: се, ныне наял есть на нас царь Израилев цари Хеттейски и цари Египетския приими на ны. 7 И восташа, и бежаша в сумраце, и оставиша сени своя и кони своя и ослы своя, якоже быша во стану, и бежаша души ради своея. 8 И внидоша прокаженни сии до среды полка, и внидоша в сень едину, и ядоша и пиша, и взяша оттуду сребро и злато и одежды, и отидаша, и скрыша: и возвратиша, и внидоша в другую сень, и взяша оттуду, и отидаша, и скрыша. 9 И рече муж ко искреннему своему: не тако мы творим: день сей день благовещения есть, мы же молчим и медлим до света утренняго, и обрящем беззаконие: и ныне приидем и внидем, и возвестим в дому цареве. 10 И внидоша, и возопиша ко вратом града и возвестиша им, глаголюще: внидохом в полк Сирийский, и се, не бысть ту мужа, ни гласа человеча, но токмо кони привязаны, и ослята, и сени их якоже суть. 11 И возопиша вратницы, и возвестиша в дому цареве внутрь. 12 И воста ношию царь и рече ко отроком своим: возвещу вам ныне, яже сотвориша нам Сириане: разумеша, яко гладни есмы, и изыдоша из стана, и скрыша на селе, глаголюще: яко изыдут из града, и имем я живы и во град внидем. 13 И отвеща един от отрок его и рече: да возмут ныне пять коней оставших, иже оставаша зде, се, суть у толикаго множества Израилева оставшия, и послем тамо, и узрим. 14 И взяша два всадника коней: и посла царь Израилев вслед царя Сирского, глаголя: идите и видите. 15 И идоша вслед их даже до Иордана, и се, весь путь исполнен одежд и оружия, яже повергша Сириане, внегда устрашится им. И возвратиша посланини, и возвестиша царю. 16 И изыдоша люди, и разграбиша весь стан Сирский. И бысть мера муки пшеничны за сикль един и две меры ячменя за сикль, по глаголу Господню. 17 И царь пристави тристат, на егоже руце царь почиваше, у врат: и попраша его люди во вратах, и умре, якоже глагола человек Божий, иже глагола, егда посланный прииде к нему. 18 И бысть якоже рече Елиссея к царю глаголя: две меры ячменя за сикль един, и мера муки пшеничны за сикль: и будет якоже сей час заутра во вратах Самарии. 19 И отвеща тристат Елиссею и рече: аще Господь отверзет хляби небесныя, не будет глагол сей. И рече Елиссея: се, узриши очима твоима, и оттуду

и не имаши ясти. 20 И бысть тако, и попраша его людие во вратах, и умре.

8 И глагола Елиссея к жене, еяже воскреси сына, глаголя: востани и иди ты и дом твой, и обитай идже аще можеши обитати, яко призыва Господь глад на землю, и приидет на землю седьмь лет. 2 И воста жена, и сотвори но глаголу Елиссееву, и пойде сама и дом ея, и обита на земли иноплеменни седьмь лет. 3 И бысть но скончании седми лет, и возвратиша жена от земли иноплеменни во град, и прииде возопити к царю о доме своем и о селех своих, и рече Гиезий: господине царю, сия жена и сей сын ея, егоже жива сотвори Елиссея. 6 И вопросы царь жену: и поведа ему. И даде ей царь скопца единаго, глаголя возврати вся, яже ея суть, и вся плоды села ея, от да, в онъже остави землю, даже до ныне. 7 И прииде Елиссея в Дамаск. И сын Адеров царь Сирский разболелся, и возвестиша ему, глаголюще: прииде человек Божий до зде. 8 И рече царь ко Азаилу: приними в руку свою дар, и иди во сретение человеку Божию, и вопросы Господа им, глаголя: аще ли жив буду от болезни сея? 9 И иде Азаил на сретение ему, и взя дар в руку свою, и вся благая Дамаскова, бремя четыредесять велблудов, и прииде, и ста пред ним, и рече ко Елиссею: сын твой, сын Адеров, царь Сирский, посла мя к тебе вопросити, глаголя: буду ли жив от болезни моей сея? 10 И рече к нему Елиссея: иди и рцы ему: живя поживеши: но показа ми Господь, яко смертию умрет. 11 И предста лицу его, и возложи (руки) даже до постыдения, и плакася человек Божий. 12 И рече Азаил: что яко господин мой плачет? И рече: вем елика сотвориши сыном Израилевым зла: крепости их сожжеши огнем, и избранныя их избииши мечем, и младенцы их разбииши, и во чреве имеющиеся их расторгнеши. 13 И рече Азаил: кто есть раб твой, пес мертвый, яко сотворит глагол сей? И рече Елиссея: показа ми тя Господь царствующа над Сирию. 14 И отиде от Елиссея и вниде ко господину своему. И рече ему (царь): что ти рече Елиссея? Отвеща: рече ми Елиссея, живя поживеши. 15 И бысть во утрии, и взя одеяло, и намочи в воде, и обложи на лице его, и умре: и воцарися Азаил вместо его. 16 В лето пятое Иорама сына Ахава царя Израилева и Иосафата царя Иудина,

воцарися Иорам сын Иосафатов царь Иудин: 17 сын тридесяти и двою лету бе, внегда воцаритися ему, и осмь лет царствова во Иерусалиме, 18 и ходи в пути царей Израилевых, якоже сотвори дом Ахаавль, бе бо дщи Ахаавля жена ему, и сотвори лукавое пред Господем. 19 И не хотяше Господь потребити Иуды, Давида ради раба Своего, якоже рече дати ему светилник и сыном его во вся дни. 20 Во дни его отвержеся Едом из под руки Иудины и постави над собою царя. 21 И взыде Иорам в Сиор, и вся колесницы яже с ним. И бысть ему воставшу, и изби Едома обступившаго окрест его, и князи колесниц, и бежаша людие в селения своя. 22 И отступи Едом из под руки Иудины да дне сего: тогда отвержеся Ловна во время оно. 23 И прочая словес Иорамлих, и вся елика сотвори, не се ли, сия писана в книзе словес дний царей Иудиних? 24 И успе Иорам со отцы своими, и погребен бысть со отцы своими во граде Давида отца своего: и царствова Охозия сын его вместо его. 25 В лето второенадесять Иорама сына Ахаавля царя Израилева, царствовати нача Охозия сын Иорама царя Иудина: 26 сын двадесяти двух лет бысть Охозия, егда нача царствовати, и лето едино царствова во Иерусалиме. Имя же матери его Гофолия, дщерь Амврия царя Израилева. 27 И хождаше по путем дому Ахаавля, и сотвори лукавое пред Господем, якоже дом Ахаавль: зять бо бе дому Ахаавля. 28 И иде со Иорамом сыном Ахаавлим на брань, на Азаила царя иноплеменнича в Рамофе Галаадском, и уязвиша Сиране Иорама. 29 И возвратися царь Иорам целитися во Израель от язв, имиже уязвиша его в Рамофе, егда ратоваше той на Азаила царя Сирска, и Охозия сын Иорамъ царь Иудин снide видети Иорама, сына Ахаавля, во Израель, яко боляше той.

9 Елиссея пророк призва единаго от сынов пророчих и рече ему: препояши чресла своя, и возми сосуд елеа сего в руку твою, и иди в Рамофе Галаадский: 2 и внидеша тамо, и узриши тамо Ииуа сына Иосафата сына Намессиева, и внидеша, и изведеши его от среды братии его, и введеши его во внутреннюю клеть: 3 и возмеша сосуд елеа, и возлиши на главу его, и рцы: сице глаголет Господь: помазах тя в царя над Израилем: и отверзеши двери, и да бежиши, и да не пребудеша тамо. 4 И иде отрочищ пророк в Рамофе Галаадский: 5 и вниде, и се, князи силы седяху, и рече: слово ми есть к тебе, о, княже. И рече Ииуй: к кому от всех нас? И рече: к тебе, княже. 6 И воста и вниде в дом: и возли елей на главу его и рече

ему: сице глаголет Господь Бог Израилев: помазах тя в царя над людьми Господними, над Израилем. 7 И да потребиши дом Ахаава господина твоего от лица Моего, и отмстиши кровь рабов Моих пророков и кровь всех рабов Господних от руки Иезавелины. 8 И от руки всего дому Ахаавля, и потребиши от дому Ахаавля мочащася к стене, и содержащася, и оставльшагося во Израили: 9 и предам дом Ахаавль, якоже дом Иеровоама сына Наватова и якоже дом Ваасы сына Ахинна: 10 и Иезавель снедят пси в части Израеля, и не будет погребающаго ю. И отверзе двери и убежа. 11 Ииуй же изыде ко отроком господина своего. И реша ему: мир ли? Что яко вниде неистовый сей к тебе? И рече им: вы весте мужа и суесловие его. 12 И реша: не правда, (аще не возвестиши?) возвести убо нам. И рече Ииуй к ним: тако и тако рече ко мне, глаголя: сице глаголет Господь: помазах тя в царя над Израилем. 13 И слышавше текоша спешно, и взя кийждо ризы своя, и положиша под ним, понеже на единем от степеней седяше, и вострубиша в рог и реша: воцарися Ииуй. 14 И возвратися Ииуй сын Иосафата сына Намессиева ко Иораму. Иорам же сам стражаше в Рамофе Галаадстем и весь Израиль от лица Азаила царя Сирийска. 15 И возвратися Иорам царь целитися во Израели от язв, имиже уязвиша его Сиране, егда брашеся со Азаилом царем Сирийским. И рече Ииуй: аще есть душа ваша со мною, да не изыдет из града белгец, ити и возвестити во Израели. 16 И вседе на коня, и пойде Ииуй, и снide во Израель, яко Иорам царь Израилев целяшеся во Израели от стреляний, имиже устрилиша его Арамини в Рамофе на брани со Азаилом царем Сирским, яко той бе силен и муж силы, и лежаше тамо. И Охозия царь Иудин прииде видети Иорама. 17 И страж взыде на столп во Израели, и виде прах Ииуев, егда ити ему и рече: прах аз вижу. И рече Иорам: всади мужа на конь и посли противу им, и да речет: мир ли? 18 И иде всадник конный на сретение ему и рече: тако глаголет царь: мир ли? И рече Ииуй: что тебе и миру? Обратися вслед мене. И возвести страж, глаголя: прииде посланный до них и не возвратися. 19 И посла всадника коннаго втораго, и прииде к нему и рече: тако рече царь: мир ли? И рече Ииуй: что тебе и миру? Возвратися вслед мене. 20 И возвести страж, глаголя: прииде до них и не возвратися: и вождь ведяше Ииуа сына Намессина, яко в премене бысть. 21 И рече Иорам: впряженте. И впряжен колесницу: и изыде Иорам царь Израилев и Охозия царь Иудин, кийждо на колеснице своей, и изыдоста на сретение Ииуя, и

обретоста его и части Навуфеа Иезраилитина. 22 И бысть яко увиде Иорам Ииуа, и рече мир ли, Ииуе? И рече Ииуй что тебе и миру? Еще блуды Иезавели матери твоей, и чарове ея многия. 23 И обрати Иорам руки своя и бежа, и рече ко Охозии: лесть, Охозие. 24 И наяче Ииуй рукою свою лук и устрили Иорама посреде плащу его, и изыде стрела сквозе сердце его: и преклонися на колена своя. 25 И рече Ииуй к Вадекару тристату своему: возми и верзи его на части села Навуфеа Иезраилитина, яко помню, аз и ты вседши на колесницы идохом вслед Ахаава отца его, и Господь рече о нем пророчество сие, глаголя: 26 не видех ли крове Навуфеевы и крове сынов его вчера, рече Господь? И воздам ему на части сей, рече Господь: и ныне убо взем поверзи его на части сей по глаголу Господню. 27 И Охозия царь Иудин виде, и побеже путем вефган и гна по нем Ииуй и рече: и сего (не имам оставити). И порази его на колеснице егда идяше в Гай, иже есть Иевлаам и убежа в Магеддон, и умре тамо. 28 И возложиша его отроцы его на колесницу и везоша его во Иерусалим, и погребоша его во гробе его во граде Давидове. 29 И в первоенадесять лето Иорама царя Израиела воцарися Охозия над Иудою. 30 И прииде Ииуй во Иезраель (град). Иезавель же услыша, и намаза лице свое и украси главу свою, и приниче окном. 31 И Ииуй вхождаше во град и рече: мир ли Замврию, убийце господина своего? 32 И взоре лицею своим на окно и виде ю и рече: кто ты еси? Сниди ко мне. И преклонистася к нему два скопца. 33 И рече Ииуй: сверзита ю. И свергоста ю, и окропиша кровию ея стены и кони, и попраша ю. 34 И вниде Ииуй, и яде и пи, и рече: осмотрите ныне проклятую сию, и погребите ю, яко дщерь царева есть. 35 И идоша погребсти ю, и не обретоша от нея ничто ино, токмо лоб и ноги и длань рук. 36 И возвратиша и возвестиша ему. И рече: слово Господне, еже глагола рукою раба Своего Илии Фесвиянина, глаголя: в части Иезраеля снедят пси плоть Иезавелину: 37 и будет труп Иезавелин аки гной на лицы села в части Иезраеля, яко не рещи им: сия есть Иезавель.

10 И Ахааву беша седмъдесят сынове во Самарии.

И написа писание Ииуй и послал в Самарию ко князем Самарийским и к старейшинам и ко кормилем сынов Ахаавлих, глаголя: 2 и ныне егда приидет писание сие к вам, и с вами сынове господина вашего, и с вами колесницы и кони, и грады тверды и оружия: 3 и узрите благого и праваго в сынах господина вашего, и

поставите его на престоле отца его, и да воюете о доме господина вашего. 4 И убояшася зело и решася: се, два царя не возможоста стати противу лицу его, и како мы станем? 5 И послала иже над домом и иже над градом, и старейшины, и кормилем ко Ииую, глаголголюще: отроцы мы твои, и елика аще речеши к нам, сотворим: не воцарим мужа, благое пред очима твоима сотворим. 6 И написа к ним Ииуй писание второе, глаголя: аще вы мои и гласа моего вы послушаете, возмите главы мужей сынов господина вашего и принесите ко мне, яко же час утро, во Иезраель. И бе сынов царевых седмъдесят мужей, сии начальницы града вскориша их. 7 И бысть егда прииде к ним писание, и взяша сыны царевы и заклаша их седмъдесят мужей, и возложиша главы их в кошницы и послала их к нему во Иезраель. 8 И прииде вестник, и возвести ему, глаголя: принесоша главы сынов царевых. И рече: положите я в два холма при вратах града до заутра. 9 И бысть заутра, и изыде и ста во вратах града, и рече ко всем людем: праведни вы: се, аз есмъ, обратихся на господина моего и убих его: и кто порази всех сих? 10 Видите убо, яко не падет от глагола Господня на землю, егоже глагола Господь на дом Ахаавль: и Господь сотвори, елика глагола рукою раба Своего Илии. 11 И изби Ииуй всех оставшихся в дому Ахаавли во Иезраели, и вся вельможы его, и знаемыя его, и жерцы его, яко не остатися его останку. 12 И воста и иде в Самарию сам, в Вефакад пастырский при пути. 13 И Ииуй обрете братию Охозии царя Иудина и рече: кто вы? И решася: братия Охозиины мы, и снidoхом поздравити сыны царевы и сыны обладающие. 14 И рече: поимите я живы. И взяша их живых, и заклаша их в Вефакаде, четыредесять два мужа: и не остави мужа от них. 15 И иде оттуду, и обрете Ионадава сына Рихавля на пути во сретение себе, и благослови его. И рече к нему Ииуй: аще есть сердце твое с сердцем моим право, яко же сердце мое с сердцем твоим? И рече Ионадав: есть. И рече Ииуй: и аще есть, дажъ руку твою. И даде руку свою. И возведе его к себе на колесницу 16 и рече к нему: гряди со мною и виждъ, внегда ревновати мне по Господе саваофе. И посади его на колесницу свою. 17 И вниде в Самарию, и изби всех оставшихся Ахаавлих в Самарии, дондеже истребити ему по глаголу Господню, егоже глагола ко Илии. 18 И собра Ииуй вся люди и рече к ним: Ахаав поработа Ваалу мало, Ииуй же поработает ему много: 19 и ныне вся пророки Вааловы, вся рабы его и жерцы его призовите ко мне, муж да не потаится, яко жертва велика Ваалу: и всяк иже потаится, не будет

жив. И Ииуй сотвори лестию, да погубит рабы Вааловы. 20 И рече Ииуй: освятите жертву Ваалу и служение. И проповедаша. 21 И посла Ииуй во весь Израиль и рече, глаголя: и ныне вси раби Вааловы, и вси жерцы его, и вси пророцы его, да никтоже останется, яко жертву велику творю: иже останется, не будет жив и приидоша вси раби Вааловы, и вси жерцы его, и вси пророцы его: не останася муж, иже не прииде: и внидоша во храм Ваалов, и наполнися храм Ваалов от края да края. 22 И рече Ииуй к сущим над домом одежд: изнесите одежды всем рабом Вааловым. И изнесе им ризохранитель. 23 И вниде Ииуй и Ионадав сын Рихавль в храмину Ваалову и рече рабом Вааловым: испытайтайте и видите, аще есть с вами от рабов Господних, и вышлите всех рабов Господних обретшихся тамо. И бысть якоже глагола Ииуй, яко не бе от рабов Господних, но токмо едини раби Вааловы. 24 И вниде сотворити жертвы и всесожжения и Ииуй постави себе вне осьмидесят мужей и рече: муж иже аще угонзет от мужей, ихже аз извожду в руки ваша, душа его вместо души его. 25 И бысть егда сконча творяй всесожжения, и рече Ииуй предтекущим и трестатом: вшедше избийте их, да не изыдет от них муж. И избира их острием меча и повергла предтекущии и трестаты, и идоша даже до града храма Ваалова: 26 и изнесоша кумир Ваалов и сожгоша его: 27 и разбира кумиры Вааловы, и низвергла дом Ваалов, и определиша его на афедрон даже до дне сего. 28 И погуби Ииуй храм Ваалов от Израиля. 29 Обаче от грехов Иеровоама сына Наватова, иже введе в грех Израиля, не отступи Ииуй от последования их: юницы златыя, яже в Вефили и в Дане. 30 И рече Господь ко Ииую: за сия, елика ублажил еси сотворити правое пред очима Моима, и вся елика по сердцу Моему сотворил еси дому Ахаавлю, сынове твои до четвертаго рода сядут на престоле во Израили. 31 И Ииуй не сохрани ходити в законе Господни всем сердцем своим: не отступи от грехов Иеровоама сына Наватова, иже в грех введе Израиля. 32 Во дни оны нача Господь посещати во Израилю: и порази их Азаил во всех пределах Израилевых, 33 от Иордана на восток солнца, всю землю Галаадску и Гаддиску, и Рувимову и Манассину, от Ароира, иже есть при устии потока Аронска, и Галаад и Васан. 34 И прочая словес Ииуевых, и вся яже сотвори, и вся сила его, и совещания, яже совеща, не се ли, сия написана в книзе словес дний царей Израилевых? 35 И успе Ииуй со отцы своими, и погребоша его в Самарии. И воцарися Иоахаз сын его

вместо его. 36 И дний бяше, в няже Ииуй царства над Израилем в Самарии, двадесять осьмь лет.

11 И Гофолия мати Охозина виде, яко умре сын ея, и воста и погуби все семя царево. 2 Иосавеef же дци царя Иорама, сестра Охозина, поя Иоаса сына брата своего, и украде его от среды сынов царевых избиенных, того и доилицу его в клети постельней, и утаи его от лица Гофолина, и не умертвиша его: 3 и бе с нею крьемь в дому Господни шесть лет: и Гофолия бе царствующи в земли той. 4 И в седмое лето посла Иодай жрец, и поят стоначалники хорримски и расимски, и возведе я к себе в дом Господень, и завеща им завет Господень, и закля их пред Господем: и показа им Иодай сына царска, 5 и заповеда им, глаголя: сие слово, еже сотворите: третия часть от вас да снидет в субботу, и да стражете стражбу дому царева во вратех, 6 и третия часть у дверий Пути, и третия часть у врат созади протекаюших, и да устрежете стражбу дому: 7 и две части в вас, всяк исходай в субботу, и да хранят стражбу дому Господня при цари: 8 и обступите царя около, кийждо оружие свое имый в руце своей, и входай в садироф и да умрет: и будите с царем, егда входити ему и исходити. 9 И сотвориша стоначалницы вся, елика заповеда Иодай смысленый: и поя кийждо мужы своя, и входящиа в субботу со исходящими в субботу, и внидоша ко Иодаю жерцу. 10 И даде жрец сотником копия и щиты царя Давида, яже быша в дому Господни: 11 и быша в руках воевод и предтекущих, и сотвориша сотницы и предходящии по всему, елико заповеда им жрец. И собра жрец Господень вся люди земли в дом Господень: и сташа предтекущии, кийждо их оружие имый в руце своей, от страны дому десныя, даже да страны дому шуяя жертвенныя, и дому царева около: 12 и изведе сына царева, и возложи на него венец (царский) и свидение, и воцари его, и помаза его. И восплескаша руками и реша: да живет царь. 13 И услыша Гофолия глас предтекущих людей, и вниде к народу в дом Господень, 14 и виде, и се, царь стояше на столпе по обычаю: и бяху пред царем певцы и трубы, и вси людие земли радующеся и трубяще в трубы. И раздра Гофолия ризы своя и возопи: измена, измена. 15 И заповеда Иодай жрец стоначалником и властелем силы, и рече к ним: изведите ю вон из полков, и входяя вслед ея смертию да умрет от оружия: понеже рече жрец, да не умрет в дому Господни. 16 И возложиша на ню руце, и изведоша ю скопцы путем исхода коней дому царева, и умре ту. 17 И завеща Иодай

завет между Господем и между царем и между людьми, яко быти им в люди Господни: и между царем и между людьми. 18 И внидоша вси людие земли в дом Ваалов и разбира его, и жертвенники его и образы его сокрушиша доброе, и Мафана жерца Ваалова убиша пред лицем жертвенников. И постави жрец властели в дому Господни, 19 и взя стоначалники, и хоррима и расима, и вся люди земли, и изведе царя от дому Господня: и внидоша путем врат предтекущих дому царева, и посадиша его на престоле цареве. 20 И возрадовашася вси людие земли, и град умолче: и Гофолию умертвиша мечем в дому цареве. 21 Сын седми лет Иоас егда нача царствовати.

12 В лето седьмое Ииуа воцарися Иоас, и четыредесять лет царствова во Иерусалиме. Имя же матере его Савия от Вирсавии. 2 И сотвори Иоас правое пред Господем во вся дни, в няже просвети его Иодай иерей: 3 обаче высоких не преставиша, и тамо еще людие жряху и кадяху на высоких. 4 И рече Иоас к жерцем: все сребро святых вносимое в дом Господень, сребро оценения, муж сребро взявый оценения, все сребро, еже аще взыдет на сердце мужа внести в дом Господень, 5 да возмут себе жерцы, муж от продания своего, и тии да укрепят ведек дому во всех, идеже аще обрящется ведек. 6 И бысть в двадесять третие лето царя Иоаса, не укрепиша жерцы ведека храма: 7 и призыва царь Иоас Иодая жерца и жерцы, и рече к ним: что яко не укреписте ведека храма? И ныне не принимайте сребра от продажей ваших, яко на ведек храма дасте е. 8 И совещашася жерцы не принимати сребра от людий и не укрепляти ведека храма. 9 И взя Иодай жрец кивот един, и сотвори в нем скважню, и положи его при олтари одесную входящих мужей в дом Господень: и влагаху тамо жерцы хранящии дверь все сребро приносимое в дом Господень. 10 И бысть егда увидеша, яко много сребра в ковчезе, и взыде писчий царев, и жрец великий, и сребросечцы и открыша, и сочтова сребро обретшееся в дому Господни: 11 и даша сребро уготованное в руце творящих дела на сосуды дому Господня: и раздаша древоделем и делателем зиждущым в дому Господни, 12 и стеноделателем, и художником, и секущим камения на купление древес, и камения тесанаго на строение ведека дому Господня, на вся елика иждивена быша на утверждение храма. 13 Обаче не твориша храм Господню двери сребряны, гвоздие, фиалы и трубы, ни вси сосуды златы, и сосуды сребряны от сребра принесенного в дом Господень: 14 понеже творящим

дела дадеся сие, и утвердиша тем дом Господень. 15 И не сочитаху мужей, имже даяху сребро в руки, даяти творящим дела, зане верно творяху. 16 Сребро за грехи и сребро за преступление, елико внесено бысть в дом Господень, жерцем бысть. 17 Тогда взыде Азаил царь Сирский и воева на Геф, и взя его Азаил и разби его: и обрати Азаил лицо свое взыти на Иерусалим. 18 И взя Иоас царь Иудин вся святая, елика освяти Иосафат и Иорам и Охозия, отцы его и царие Иудини, и святая его, и все золото обретшееся в сокровищах дому Господня и дому царева, и послал Азаилу царю Сирску, и отиде от Иерусалима. 19 И прочая словес Иоасовых, и вся елика сотвори, не се ли, сия писана в книзе словес дний царей Иудиних? 20 И восташа отроцы его, и совещаша всяк совет, и убиша Иоаса в доме Маллони, иже в Саале. 21 И Иезехар сын Иемуафов, и Иезевуф сын Сомиров, раби его убиша его, и умре, и погребоша его со отцы его во граде Давидове. И воцарися Амессия сын его вместо его.

13 В лето двадесять третие Иоаса сына Охозиона царя Иудина царствова Иоахаз сын Ииуев над Израилем в Самарии седьмьнадесять лет, 2 и сотвори лукавое пред очима Господним, и иде вслед грехов Иеровоама сына Наватова, иже в грех введе Израиля и не осталася злобы тоя. 3 И разгневався Господь гневом на Израиля, и вдаде их в руце Азаилу царю Сирску и в руце сына Адера, сына Азаилева, во вся дни. 4 И помолися Иоахаз лицу Господню, и услыша его Господь, яко виде скорбь Израилеву, понеже оскорби их царь Сирский. 5 И даде Господь спасение Израилю, и избыша от руку Сирску: и вселишася и сынове Израилевы в селения своя якоже и вчера и третияго дне: 6 обаче не отступиша от грехов дому Иеровоама сына Наватова, иже и в грех введе Израиля, в нем ходяху: и дубрава стояше в Самарии. 7 Яко не осталася Иоахазу людие, но токмо пятьдесят конник, и десять колесниц, и десять тысячи пешцев, яко изгубил их царь Сирский, и положи яко прах на попрание. 8 И прочая словес Иоахазовых, и вся елика сотвори, и силы его, не сия ли писана в книзе словес дний царей Израилевых? 9 И успе Иоахаз со отцы своими, и погребоша его в Самарии: и воцарися Иоас сын его вместо его. 10 В лето тридесять седьмое Иоаса царя Иудина царствова Иоас сын Иоахазов над Израилем в Самарии шестьнадесять лет, 11 и сотвори лукавое пред очима Господним: и отступи от всех грехов Иеровоама сына Наватова, иже в грех введе Израиля, в

том хождаше. 12 И прочая словес Иоасовых и вся елика соторви, и силы его, яже соторви со Амессием царем Иудиным, не сия ли писана в книзе словес дний царей Израилевых? 13 И успе Иоас со отцы своими, Иеровоам же седе на престоле его: и погребен бысть Иоас в Самарии с царми Израилевыми. 14 И Елиссея разболеся болезню своею, от неяже умре. И прииде к нему Иоас царь Израилев, и плакася над лицем его, и рече: отче, отче, колесница Израилева и кони его. 15 И рече ему Елиссея возми лук и стрелы. И взя к себе лук и стрелы. 16 И рече царю: возложи руку свою на лук. И возложи Иоас руку свою на лук, и Елиссея возложи руки своя на руки царевы, 17 и рече: отверзи окно еже на восток. И отверзе. И рече Елиссея: стрели. И стрели (царь). И рече Елиссея: стрела спасения Господня и стрела спасения на Сирию, и победиши Сирию во Афеке даже до скончания. 18 И рече ему Елиссея: возми лук. И взя. И рече царю Израилеву: удари на землю. И удари царь трижды, и ста. 19 И оскорбе человек Божий о нем и рече: аще бы ударил еси пятици или шестици, тогда бы еси поразил Сирию до скончания, ныне же победиши Сирию трижды. 20 И умре Елиссея, и погребоша его. Воини же Моавли придоша в землю наставающу лету тому. 21 И бысть им погребающим мужа, и се, видеша воинов, и повергоша мужа во гробе Елиссееве: (и впаде тело человека мертвa,) и прикоснуся костем Елиссеевым, и оживе и воста на ноги своя. 22 Азаил же оскорбляше Израиля во вся дни Иоахазовы. 23 И помилова и Господь, и ущедри я, и призре на ня завета ради Своего, иже со Авраамом и Исааком и Иаковом, и не восхоте Господь потребити их, ниже отверже их от лица Своего. 24 И умре Азаил царь Сирский, и воцарися Адер сын его вместо его. 25 И возвратися Иоас сын Иоахазов, и взя грады от руки Адера сына Азаила, ихже взя от руку Иоахаза отца его в брани: трижды победи его Иоас, и возврати грады Израилевы.

14 В лето второе Иоаса сына Иоахаза царя Израилева, и воцарися Амессия сын Иоасов, царь Иудин: 2 сын двадесяти пяти лет бе, внгда царствовати ему и двадесять пять лет царствова во Иерусалиме. Имя же матере его Иоадина от Иерусалима. 3 И соторви правое пред очима Господним, обаче не якоже Давид отец его: по всем, елика соторви отец его Иоас, соторви, 4 токмо высоких не разруши: еще людие жряху и кадяху на высоких. 5 И бысть егда утвердиша царство в руку его, и изби рабы своя убившия отца его: 6 сынов же убийц

тех не изби, якоже писано в книзе закона Моисеова, якоже заповеда Господъ, глаголя: да не умирают отцы за сыны, и сынове да не умирают за отцы, но токмо кийждо за своя грехи да умрет. 7 Сей порази Едома в Гемеле десять тысяч и взя Камень и на брани, и нарече имя ему Иефоил до днешняго дне. 8 Тогда послы Амессии послы ко Иоасу сыну Иоахаза сына Ииуа царя Израилева, глаголя: приди, да видимся в лице. 9 И послы Иоас царь Израилев ко Амессии царю Иудину, глаголя: терн, иже в Ливане, послы к кедрови сущему в Ливане, глаголя: даждь дщерь твою сыну моему в жену: и придоша зверие лужни, иже в Ливане, и попраша терние: 10 побивая поразил еси Идумею, и вознес тя сердце твое, прославися седя в дому твоем, и почто любопришился в злобе твоей? И падеши ты, и Иуда с тобою. 11 И не послуша Амессия. И взыде Иоас царь Израилев, и видестася лицем той и Амессия царь Иудин в Вефсамисе Иудине. 12 И паде Иуда пред лицем Израилевым, и побеже кийждо в домы своя. 13 И Амессию сына Иоасова, сына Охозии, царя Иудина, ят Иоас сын Иоахазов царь Израилев в Вефсамисе: и прииде во Иерусалим, и разби стену Иерусалиму от врат Ефремлих до врат угольных, на четыреста лакот: 14 и взя сребро и злато, и вся сосуды обретеные в дому Господни и в сокровищах дому царева, и сыны смесившихся, и возвратися в Самарию. 15 И прочая словес Иоасовых, елика соторви в силе своей, якоже брася со Амессиою царем Иудиных, не сия ли писана в книзе словес дний царей Израилевых? 16 И успе Иоас со отцы своими и погребен бысть в Самарии с цари и Израилевыми. И воцарися Иеровоам сын его вместо его. 17 И поживе Амессия сын Иоасов, царь Иудин, по умертвии Иоаса сына Иоахаза царя Израилева пятьнадесять лет. 18 И прочая словес Амессиевых, и вся елика соторви, не сия ли писана в книзе словес дний царей Иудиных? 19 И восташа на него полки во Иерусалиме: и убеже в Лахисы, и послаша вслед его в Лахисы, и убisha его ту: 20 и взяша его на кони, и погребен бысть со отцы своими во Иерусалиме во граде Давидове. 21 И пояша вси людие Иудины Азарию, и той сын шестинадесяти лет, и поставиша его царем вместо отца его Амессии: 22 той созда Елоф, и возврати его Иуде по умертвии царя со отцы его. 23 В лето пятонаадесять Амессии сына Иоаса царя Иудина, царствова Иеровоам сын Иоасов над Израилем в Самарии четыредесять и едино лето, 24 и соторви лукавое пред Господем: не отступи от всех грехов Иеровоама сына Наватова, иже в грех введе Израиля: 25 той приврати предел Израилев

от входа Емафова даже и до моря аравитского, по глаголу Господа Бога Израилева, егоже глагола и рукою раба Своего Ионы, сына Амафина, пророка, иже от Гефаховера, 26 яко виде Господь смиление Израилево горько зело, и мало содержимых, и умаленных, и оставленых, и не бе помогающаго им. 27 И не глагола Господь искоренити семене Израилева под небесем: и спасе я рукою Иеровоама сына Иоасова. 28 И прочая словес Иеровоамовых, и вся елика сотвори, и силы его, елика повоева, и како возврати Дамаск и Емаф Иуде во Израили, не сия ли писана в книзе словес дний царей Израилевых? 29 И успе Иеровоам со отцы своими, со царии Израилевыми: и воцарися Захария сын его вместо его.

15 В лето двадесять седмое Иеровоама царя Израилева воцарися Азария сын Амессии царя Иудина: 2 сын шестинадесяти лет бе, егда нача царствовати, и пятьдесят два лета царствова во Иерусалиме. Имя же матере его Иехелия от Иерусалима. 3 И сотвори правое пред очима Господнима по всему, елика сотвори отец его Амессия, 4 обаче высоких не разори: еще людие жряху и кадяху на высоких. 5 И коснуся Господь царя, и бысть прокажен до дне смерти своея: и царствова в дому агфусоф. И Иоафам сын царев бе над домом судя людем земли той. 6 И прочая словес Азарии, и вся елика сотвори, не сия ли написана в книзе словес дний царей Иудиних? 7 И успе Азария со отцы своими, и погребоша его со отцы его во граде Давидове. И воцарися Иоафам сын его вместо его. 8 В лето тридесять осмое Азарии царя Иудина царствова Захария сын Иеровоамль над Израилем в Самарии шесть месяц. 9 И сотвори лукавое пред очима Господнима, якоже сотвориша отцы его, не отступи от всех грехов Иеровоама сына Наватова, иже в грех введе Израиля. 10 И востаста нань Селлум сын Иависов и Кевлаам, и поразиста его, и умертвиста его: и воцарися Селлум вместо его. 11 И прочая словес Захариевых, се, суть написана в книзе словес дний царей Израилевых. 12 Сие слово Господне, еже глагола ко Ииу, рекий: сынове четвертии сядут тебе и на престоле Израилеве. И бысть тако. 13 И Селлум сын Иависов воцарися во Израили: и в лето тридесять девятое Азарии царя Иудина, царствова Селлум месяц дний в Самарии. 14 И взыде Манаим сын Гаддин от Ферсилы, и прииде в Самарию, и уби Селлума сына Иависова в Самарии, и умертви его, и воцарися вместо его. 15 И прочая словес Селлумовых, и совещание его, имже совещася, се, суть написана в книзе

словес дний царей Израилевых. 16 Тогда порази Манаим и Ферсу, и вся, яже в ней, и пределы ея от Ферсы, понеже не отверзоша ему, и разби ю и всех, иже в ней, и имущих во чреве разсече. 17 В лето тридесять девятое Азарии царя Иудина, царствова Манаим сын Гаддин над Израилем десять лет в Самарии, 18 и сотвори лукавое пред очима Господнима, (во вся дни своя) не отступи от всех грехов Иеровоама сына Наватова, иже в грех введе Израиля. 19 Во дни его взыде Фула царь Ассирийский на землю (Израилеву), и Манаим даде Фуле тысячу талант сребра, да будет рука его с ним, (еже укрепити царство в руку его). 20 И возложи Манаим дань на Израиля, на всех сильных, дати царю Ассирийску пятьдесят сикль сребра мужу коемуждо: и возвратися царь Ассирийск, и не ста тамо в земли. 21 И прочая словес Манаимовых, и вся елика сотвори, не се ли, сия написана в книзе словес дний царей Израилевых? 22 И успе Манаим со отцы своими, и воцарися Факия сын его вместо его. 23 В лето пятьдесят Азарии царя Иудина, царствова Факия сын Манаимль над Израилем в Самарии лета два, 24 и сотвори лукавое пред очима Господнима, и отступи от грехов Иеровоама сына Наватова, иже в грех введе Израиля. 25 И воста на него Факей сын Ромелиин, тристат его, и уби его в Самарии близ дому царева, со Арговом и со Арием, и с ним (бяху) пятьдесят мужей от Галаадитов, и умертви его, и воцарися вместо его. 26 И прочая словес Факиевых, и вся елика сотвори се, суть, писана в книзе словес дний царей Израилевых. 27 В лето пятьдесят второе Азарии царя Иудина, царствова Факей сын Ромелиин над Израилем в Самарии двадесять лет, 28 и сотвори лукавое пред очима Господнима, не отступи от всех грехов Иеровоама сына Наватова, иже в грех введе Израиля. 29 Во дни Факеа царя Израилева прииде Фелгаффелласар царь Ассирийский, и взя Аин и Авелвефмааха, и Аоха и Кенезу, и Акора и Галаад и Галилею, всю землю Неффалимлю, и приведе я ко Ассирианом. 30 И воста Осия сын Илы на Факеа сына Ромелиина, и порази его, и умертви его, и воцарися вместо его в двадесятое лето Иоафама сына Азариина. 31 И прочая словес Факиевых, и вся елика сотвори, се, сия написана в книзе словес дний царей Израилевых. 32 В лето второе Факеа сына Ромелиина царя Израилева воцарися Иоафам, сын Азарии царя Иудина: 33 сын двадесяти пяти лет бе, егда нача царствовати, и шестьдесят лет царствова во Иерусалиме. Имя же матере его Иеруса дци Садокова. 34 И сотвори правое пред очима Господнима, по всему

елика сотвори отец его Азария, 35 обаче высоких не разори: еще людие жр axle и кадаю на высоких. Той созда двери храму Господню вышния. 36 И прочая словес Иоафамовых, и вся елика сотвори, не сия ли написана в книзе словес дний царей Иудиних? 37 Во дни оны начат Господь посылати на Иуду Раассона царя Сирска и Факеа сына Ромелиина. 38 И успе Иоафам со отцы своими, и погребен бысть со отцы своими во граде Давида отца своего. И воцарися Ахаз сын его вместо его.

16 В лето седмоенадесять Факеа сына Ромелиина, воцарися Ахаз сын Иоафама царя Иудина: 2 сын двадести лет бе Ахаз, егда нача царствовати, и шестьнадесять лет царствова во Иерусалиме, и не сотвори правое пред очима Господа Бога своего верно, якоже Давид отец его, 3 и ходи в пути Иеровоама сына Наватова царя Израилева, ксему и сына своего преведе сквозе огнь по мерзостем языков, ихже отят Господь от лица сынов Израилевых: 4 и жряше и кадяше на высоких и на холмех и под всяким древом частым. 5 Тогда взыде Раассон царь Сирск и Факей сын Ромелиин царь Израилев во Иерусалим на брань, и воеваста на Ахаза, и не можаста (ему) одолети. 6 Во время оно возврати Раассон царь Сирский Елаф Сирии и изгна Иудеев из Елафа, и Идумее приодоша во Елаф и вселишася тамо даже до дне сего. 7 И послы Ахаз послы к Фелгаффелласару царю Ассирийску, глаголя: раб твой и сын твой аз есть, взыди и отими мя от руки царя Сирска и от руки царя Израилева, воставших на мя. 8 И взя Ахаз злато и сребро обретшееся в сокровищах дому Господня и в сокровищах дому царева, и послы царю Ассирийску дары. 9 И послуша его царь Ассирийский: и взыде царь Ассирийский в Дамаск, и взя его, и пресели его, и Раассона царя уби. 10 И иде царь Ахаз на сретение Фелгаффелласару царю Ассирийску в Дамаск, и виде жертвенник в Дамасце: и послы царь Ахаз ко Урии иерою подобие жертвенника, и начертание, и все творение его. 11 И созда Урия иерей жертвенник по всем, елика послы царь Ахаз от Дамаска. 12 И прииде царь Ахаз из Дамаска и виде жертвенник, и взыде на него, 13 и покади всесожжение свое и жертву свою и возлияние свое, и пролия кровь мирных на жертвенник, 14 олтарь же медяный, ихже пред Господем, принесе от лица дому Господня, и от среды жертвенника и от среды дому Господня: и постави его о едину страну жертвенника к северу. 15 И заповеда царь Ахаз Урии иерою, глаголя: на жертвеннице велицем приношай всесожжения утренняя, и жертву вечернюю, и всесожжения царева, и жертву его,

и всесожжения всех людий, и жертву их, и возлияния их, и всяку кровь всесожжения, и всяку кровь жертвенную излиши на нем: олтарь не медян да будет мне на утро. 16 И сотвори Урия иерей по всем, елика заповеда ему царь Ахаз. 17 И изсече Ахаз царь споения подставов, и пренесе от них умывалницу, и море низложи от волов медяных, ихже беша под ним, и положи е на подставе каменном: 18 и основание седалища создано в дому Господни, и вход царев внешний обрати в дому Господень, от лица царя Ассирийска. 19 И прочая словес Ахазовых, елика сотвори, не сия ли написана в книзе словес дний царей Иудиних: 20 и успе Ахаз со отцы своими, и погребен бысть со отцы своими во граде Давидове. И воцарися Езекия сын его вместо его.

17 В лето второенадесять Ахаза царя Иудина, царствова Осия сын Илы в Самарии над Израилем девять лет, 2 и сотвори лукавое пред очима Господним, обаче не якоже царие Израилевы, ихже беша прежде его. 3 И взыде нань Саламанассар царь Ассирийск. И бысть ему Осия раб и даваше ему дань. 4 И обрете царь Ассирийск во Осии неправду, занеже послы к Сигору царю Египетску и не принесе дани царю Ассирийску лета того. И осади его царь Ассирийский и связа его в храмине темничней. 5 И прииде царь Ассирийск во всю землю (его), и взыде в Самарию, и воева ю три лета. 6 В лето девятое Осии взя царь Ассирийский Самарию, и заведе Израилтян во Ассирию, и посели их на Алаи и на Аворе, реках Гозанских, и в пределах Мидских. 7 И (сие) бысть, яко согрешиша сынове Израилевы Господу Богу своему изведшему их из земли Египетсия, из под руки фараона царя Египетска, и убояшася богов инех, 8 и ходиша по предданию языков, ихже истреби Господь от лица сынов Израилевых, и царие Израилевы елицы сотвориша, 9 и елицы сокрыша сынове Израилевы словеса, не тако на Господа Бога своего: и создаша себе высокая во всех градех своих, от столпа стрегущих даже до града тверда, 10 и поставиша себе кумиры и Дубравы на всяцем холме высоце и под всяким древом чащным, 11 и кадяю тамо на всех высоких, якоже языцы, яже удали Господь от лица их, и сотвориша общники, и начаша яве прогневляти Господа, 12 и послужиша идолом, о нихже рече им Господь: не сотворите глагола сего Господеви. 13 И засвидетелствова Господь во Израили и во Иуде, и руками всех пророк Своих всякаго прозорливаго, глаголя: обратитеся от путий ваших лукавых, и сохраните заповеди Моя и оправдания Моя, и весь закон, егоже заповедах отцем вашым, елика

послах им руками раб Моих пророков. 14 И не послушаша, и ожесточиша въю свою паче выи отец своих, иже не вероваша Господу Богу своему: 15 и отвергаша завет Его и оправдания, яже завеща отцем их и свидений Его, елика засвидетелствова им, не сохраниша, и идоша вслед суетных и осутишася, и вслед языков сущих окрест их, о нихже заповеда Господь их, еже не сотворити по сему: 16 и оставилша заповеди Господа Бога своего и сотвориша себе две юницы слиты, и сотвориша дубравы, и поклонишаася всей силе небесней и послужиша Баалу: 17 и превождаху сыны своя и дщери своя чрез огнь, и волхвоваху волхвованием и вражаху: и продашася, еже творити лукавое пред очима Господним, еже прогневати Его. 18 И разгневався Господь на Израиля зело и отрину их от лица Своего, и не остался, токмо едино колено Иудино. 19 И Иуда такожде не сохрани заповедий Господа Бога своего: и хождаху по оправданием Израилевым, яже сотвориша, и отвергашася Господь. 20 И разгневався Господь на все семя Израилево и поколеба я, и даде я в руки расхищающим я дондеже отверже я от лица Своего. 21 Яко отторжеся Израиль от дому Давицова, и поставилша себе царя Иеровоама сына Наватова: и отрину Иеровоам Израиля от Господа и введе их во грех великий. 22 И хождаху сынове Израилевы по всему греху Иеровоамлю, егоже сотвори: не отступиша от него, 23 дондеже отверже Господь Израиля от лица Своего, яко же глагола Господь рукою всех раб Своих пророков. И преселен бысть Израиль от земли своея во Ассирианы, даже до дне сего. 24 И приведе царь Ассирийский из Вавилона иже от Хуфы и от Аиа, и от Емафа и Сепфаруима, и вселени быша во градех Самарийских вместо сынов Израилевых, и наследиша Самарию и вселишаася во градех ея. 25 И бысть в начале седения их, не убояшася Господа, и пусти на ня Господь львы, и бяху убивающе я. 26 И реша царю Ассирийску, глаголюще: языки, иже превел и пресадил еси во градех Самарийских, не разумеша суда Бога земли, и посла Господь на них львы, и се, суть убивающе их, яко не разумеша суда Бога земли. 27 И заповеда царь Ассирийский глаголя: отведите тамо единаго жерца от плененых, да идут и да вселятся тамо, и да просветят их судом Бога земли. 28 И отведоша единаго от жерцев иже взяша от Самарии, и седе в Вефили, и бе просвещая жрец их, яко да убоятся Господа. 29 И беша творяще кийждо язык боги своя: и поставилша я во храмех на высоких, иже сотвориша Самаряне, кийждо язык во градех своих, в нихже живяху. 30 И мужие Вавилонстии сотвориша Сокхоф Вениф, и

мужие Хуфовы сотвориша Гигель, и мужие Емафовы сотвориша Асимаф, 31 и Евее сотвориша Авлазер и Фарфак и Сепфаруим, егда сожигаху сыны своя огнем Андрамелеху и Анемелеху, богом Сепфаруимским. 32 И бяху боящеся Господа: и вселиша мерзости своя во храмех на высоких, иже сотвориша в Самарии, кийждо язык во граде, в немже живяху. 33 И беша боящеся Господа и сотвориша себе жерцы в высоких, и сотвориша себе в храмине высоких и Господа бояхуся, и идолом своим служаху по обычая языков отонудже преселиша их. 34 Даже до дне сего тии творяху по обычая их: не бояхуся Господа, и не творяху по оправданием их, и по суду их, и по закону, и по заповеди, юже заповеда Господь сыном Иаковлим, идже и нарече имя ему Израиль. 35 И положи Господь с ними завет и заповеда им, глаголя: не убойтесь богов иных и не поклонитеся им, и не послужите им и не покрите им: 36 но токмо Господеви, иже изведе вы из земли Египта крепостию великою и мышцею высокою: Того убойтесь, и Тому поклонитеся, и Тому покрите: 37 и оправдания Его, и суды Его, и закон Его, и заповеди, яже написа вам творити, храните во вся дни, и не убойтесь богов иных: 38 и завета, егоже завеща с вами, не забывайте: и не убойтесь богов иных, 39 но токмо Господа и вашего убойтесь, и Той измет вы от всех враг ваших. 40 И не послушаша сего, но по обычаем своим преждним твориша. 41 И бяху языцы сии боящеся Господа, и изваянным своим служаще: такожде и сынове их и сынове сынов их, яко же сотвориша отцы их, тако творят и до сего дне.

18 И бысть в лето третие Осии сына Илы царя Израиела, воцаряся Езекия сын Ахаза царя Иудина: 2 сын двадесяти пяти лет бе егда нача царствовати, и двадесять девять леть царствова во Иерусалиме. Имя же матере его Авуфа дщи Захариина. 3 И сотвори правое пред очима Господним, по всем елика сотвори отец его Давид: 4 той разруши высокая, и сокруши вся капища, и искорени дубравы и змию медяную, юже сотвори Моисей, яко и до дний тех сынове Израилевы беху кадяще ей: и назва имя ей Неестан. 5 На Господа Бога Израиела упова, и но нем не бысть подобен ему в царех Иудиних и в бывших прежде его: 6 и прилепися Господеви, не отступи от Него, и сохрани заповеди Его, елики заповеда Моисей: 7 и бе Господь с ним, и во всех, яже творяше, смысяше. И сопротивися царю Ассирийскому и не поработа ему: 8 той победи иноплеменники даже до Газы и до предел ея,

от столпа стрегущих и даже и града тверда. 9 И бысть в лето четвертое царя Езекии, сие же лето седьмое Осии, сыну Илы, царю Израилеву, възде Саламанассар царь Ассирийск на Самарию и обседе ю, 10 и взя ю при концы триех лет, в шестое лето Езекиево, сие лето девятое Осии царя Израилева, и пленена бысть Самария. 11 И преведе царь Ассирийский Самаряны во Ассирию, и посади я на Алаи и на Аворе, реках Гозанских, и в пределех Мидских: 12 понеже не послушаша гласа Господа Бога своего и преступиша завет Его, вся елика заповеда Моисей раб Господень, и не послушаша, и не сотвориша. 13 И в четвертоенадесять лето царя Езекии, възде Сеннахирим царь Ассирийский на грады Иудины твердья и взят я. 14 И посла Езекия царь Иудин послы к царю Ассирийску в Лахис, глаголя: согрехих, возвратися от мене: еже аще возложиши на мя, то понесу. И возложи царь Ассирийский на Езекию царя Иудина триста талант сребра и тридесять талантов злата. 15 И даде Езекия все сребро обретшееся в дому Господни и в сокровищах дому царева. 16 Во время оно ссече Езекия царь Иудин двери храма Господня и утверждения, яже позлати Езекия царь Иудин, и даде их царю Ассирийску. 17 И посла царь Ассирийск Фарфана и Рапсака от Лахиса на Иерусалим к царю Езекии с силою тяжкою зело. И взыдоша, и придоша ко Иерусалиму, и сташа у водотечи купели вышния, яже есть на пути села белилнаго, 18 и возопиша ко Езекии. И изыде к ним Елиаким сын Хелкиев строитель, и Сомнас книгочий, и Иоас сын Сафатов воспоминатель. 19 И рече к ним Рапсак: рѣте ныне ко Езекии: сице глаголет царь великий, царь Ассирийский: что упование сие, на неже уповаешь? 20 Рекл еси: токмо словеса устен, совет и сила на брань: ныне убо на кого надежду отвергл еси мене? 21 Ныне с, надешися ты на жезл тростяный сломленый сей, на Египет ли? Наньже аще опрется муж, внидет в руку его и пронзет ю: тако фараон царь Египетский всем надеющимся нань: 22 и аще мне речете: на Господа Бога надеемся: не той ли сей, егоже и отстави Езекия высокая его и жертвеники его, и рече Иуде и Иерусалиму: поклонитеся пред жертвеником сим во Иерусалиме? 23 И ныне соединитеся с господином моим царем Ассирийским, и дам тебе две тысящи коней, аще можеш имети всадники на ня: 24 и како отвратиши лицо топарха единаго от рабов господина моего малейших, и уповал еси сам на Египет, на колесницы и кони? 25 И ныне убо еда без Господа взыдохом на место сие, еже потребити и рече бо Господь ко мне: взыди на землю сию

и потреби ю. 26 И рече Елиаким сын Хелкиин и Сомнас и Иоас ко Рапсаку: глаголи ныне ко отроком твоим сирски, яко слышим мы, а не глаголи к нам иудейски, и почто глаголеши во уши людей, иже на стене? 27 И рече к ним Рапсак: еда к господину твоему и к тебе посла мя господин мой глаголати словеса сия? Не к мужем ли седящым на стене, еже ясти им гной свой и пити им сечь свою с вами вкупе? 28 И ста Рапсак, и возопи гласом великим иудейски, и глагола, и рече: слышите словеса великаго царя Ассирийска: 29 сице глаголет царь: да не возносит вас царь Езекия словесы, понеже не возможет вас изъти из руки моей: 30 и да не обнадеживает вас Езекия Господем, глаголя: измая измет вы Господь, и не имать предатися град сей в руце царя Ассирийска: 31 не послушайте Езекии, яко сице глаголет царь Ассирийский: сотворите со мною благословение и изъдите ко мне, и да пиет муж от винограда своего, и муж вкусит от смоквей своих, и да пиет воду от рова своего, 32 дондеже прииду и поиму вы в землю (такову) якоже земля ваша, земля пшеницы и вина, и хлебов и виноградов, земля масличин елеа и меда, и живи будете и не умрете: и не послушайте Езекии, яко прельщает вы, глаголя: Господь ны избавит: 33 еда избавляюще избавиша бози языков кийждо их свою страну из руки царя Ассирийска? 34 Где есть бог Емафа и Арфада? Где есть бог Сепфаруима, Ана и Ава? Еда избавиша Самарию из руку мою? 35 Кто во всех бозех земных, иже избавиша земли и от руки мои? И како измая Господь Иерусалима из руки моей? 36 И умолкоша людие и не отвещаша ему слова, яко заповеда им царь глаголя: не отвещайте ему. 37 И вниде Елиаким сын Хелкиин строитель, и Сомнас книгочий, и Иоас сын Сафатов воспоминатель ко Езекии, раздравше ризы своя, и возвестиша ему словеса Рапсакова.

19 И бысть егда услыша царь Езекия, и раздра ризы своя, и облечеся во вретище, и вниде в дом Господень. 2 И посла Елиакима строителя, и Сомнаса книгочия и старейшины жерцев облечены во вретище ко Исаии пророку сыну Амосову. 3 И реша ему: сице глаголет Езекия: день скорби и обличения и прогневания день сей, яко придоша сынове даже до болезнорождения, и крости несть раждающей: 4 аще како послушает Господь Бог твой всех словес Рапсаковых, егоже и посла царь Ассирийский господин его поносити Богу живому и хулити словесы, ихже слыша Господь Бог твой, и приими молитву о останце обретающемся. 5 И придоша отроцы царя Езекии и ко Исаии. 6 И рече им Исаия: сице рѣте

господину вашему: тако глаголет Господь: не убойся от лица словес, ихже слышал еси, имиже похулиша Мя отроцы царя Ассирийска: 7 се, Аз даю ему духа, и услышит возвещение и возвратится в землю и свою: и низложу его оружием в земли и его. 8 И возвратися Рапсак и обрете и царя Ассирийска воююща на Ловну: услыша бо, яко отступи от Лахиса. 9 И слыша о Фараке цари Ефиопстем, глаголя: се, изыде ратоватися с тобою. И возвратися и послы послы ко Езекии, глаголя: тако рече Езекии царю Иудейску: 10 да не возносит тя Бог твой, на негоже ты надеялся глаголя: не имать предан быти Иерусалим в руце и царя Ассирийска: 11 се, ты слышал еси вся, елика и сотвориша царие Ассирийстии всем землем, еже прокляти их, и ты ли избудеши? 12 Еда избавляюще избавиша их и бози языков, ихже расточиша отцы и мои, Гозану и Харану, и Фаресу и сыны Едомли, иже во Фалассаре? 13 Где есть царь Емафов и царь и Арфадов? И где есть царь града Сепфаруима, Ана и Ава? 14 И прият царь Езекия книги от руки послов и прочте я: и вниде в храм Господень, и разгну их Езекия пред Господем, 15 и молися Езекия пред Господем и рече: Господи Боже Израилев, седяй на Херувимех, Ты еси и Бог един бо всех царствии земли, Ты сотворил еси небо и землю: 16 приклони, Господи, ухо Твое и услыши мя: отверзи, Господи, очи Твои и виждь, и услыши словеса Сеннахирима, яже посла поношай Тебе Богу живу: 17 яко поистинне, Господи, опустошиша царие Ассирийстии языки, 18 и даша боги их на огнь, яко не бози беша, но дела руку человечу, древа и камения, и погубиша я: 19 и ныне, Господи Боже наш, спаси ны из руки его, и уразумеют вся царствия земли, яко Ты еси Господь Бог един. 20 И послы Исаиа сын Амосов ко Езекии, глаголя: тако глаголет Господь Бог Сил, Бог Израилев: слышах, о нихже молился еси ко Мне, о Сеннахириме царе Ассирийсте. 21 Сие слово, еже глагола Господь на него: уничжи тя и поругаясь тебе девица и дщи Сиона, над тобою главою своею покива дщи Иерусалимля: 22 кому поносил еси, и кого похулил еси? И на кого вознесл еси глас, и воздвигл еси на высоту очи твои? На Святаго Израилева. 23 Рукою послов твоих поносил еси Господу, и рекл еси: со множеством колесниц моих взыду аз на вышнюю часть горы Ливанская, и усеку величество от кедр ея и избранныя кипарисов ея, и прииду в средину чащи Кармилская: 24 аз изсущих, и пиях воды чуждая, и опустоших стопами ног моих вся реки окрестныя: 25 еда не слышал еси? Издавна ю сотворих, от дній первых создах ю и принесох ю: и бысть в холмы преселников

воюющих грады тверды: 26 и живущи в них изнемогоша рукою, сотрясаючи и постыдешася, быша (яко) трава селная, или злачно былие, злак иже на зданиих, и попрания противу стоящаго: 27 и седение твое, и исход твой, и вход твой разумех, и гнев твой на Мя, 28 занеже разгневался еси на Мя и шум твой вниде во уши Мои, и вложу удицу Мою в ноздри твоя и бразду во устне твои, и возвраща тя по пути, имже пришел еси. 29 И сие тебе знамение, (Езекие): яждь в сие лето прозябающая самородная, и в лето второе прозябающая, и в лето третие сейте семена и жните, садите винограды, и да ясте плод их: 30 и приложит спасшееся дому Иудова, оставшееся, корень доле, и сотворит плод горе, 31 яко из Иерусалима изыдет останок, и спасаемый из горы Сиони: ревность Господа Сил сотворит сие. 32 Сего ради тако глаголет Господь (Сил) на царя Ассирийска: не имать внизи во град сей, и не имать устрелити нам стрелы, и не достигнет к нему щит, и не имать осыпали его землею: 33 но путем, имже прииде темже возвратится, и во град сей не имать внизи, глаголет Господь, 34 и защищу град сей, еже спаси его Мене ради и Давида ради раба Моего. 35 И бысть в нощь ону, и снide Ангел Господень и уби от полка Ассирийского сто осмыдесят и пять тысячи. И восташа заутра, и се, вся трупия мертвя. 36 И воста, и отиде, и возвратися Сеннахирим царь Ассирийский, и вселился в Ниневию. 37 И бысть ему кланяющся во храме Месераха бога своего, и Адрамелех и Сарасар сынове его убиста его мечем: сами же бежаста в землю Ааратску. И воцарися Акордан сын его вместо его.

20 Во днех онех разболеся Езекия (царь) да смерти. И вниде к нему Исаиа пророк сын Амосов и рече к нему: тако глаголет Господь: заповежь дому твоему, умреши бо ты и не будеши жив. 2 И обрати Езекия лицо свое ко стене и помолися ко Господу, глаголя: 3 Господи помяни ныне, яко истину ходих пред Тобою и сердцем совершенным, и угодная пред очима Твоими створих. И плакася Езекия плачем великим. 4 И бяше Исаиа еще посреде двора, и бысть слово Господне к нему, глаголя: 5 возвратися и рцы Езекии вожду людий Моих: тако глаголет Господь Бог Давида отца твоего: услышах молитву твою и видех слезы твоя: се, Аз изцело тя, и в день третий взыдеши в дом Господень: 6 и приложу к летом твоим лет пятьнадесять, и от руки царя Ассирийска избавлю тя и град сей, и защищу град сей Мене ради и Давида ради раба Моего. 7 И рече Исаиа: да возмут перевясло смоквей и да положат на вред, и

изцелеет. 8 И рече Езекия ко Исаии: кое знамение, яко изцелит мя Господь и взыду в дом Господень в день третий? 9 И рече Исаия: сие знамение от Господа, яко сотворит Господь слово, еже глагола: (хощеши ли да) пойдет стень десять степеней, или возвратится десять степеней? 10 И рече Езекия: удобно стени уклонитися десять степеней: ни, но да возвратится стень на десять степеней вспять. 11 И возопи Исаия пророк ко Господу, и возвратися стень по числу назад десять степеней. 12 Во время оно посла Мародах Валадан, сын Валаданов, царь Вавилонский, книги и дары ко Езекии: слыша бо, яко разболеся (царь) Езекия. 13 И порадовася Езекия о них, и показа им весь дом свой сокровищный, сребро и золото, и ароматы и елей добрый, и дом сосудов и елика обретошаися в сокровищах его: и не бе места, егоже не показа им Езекия в дому своем и во всей области своей. 14 И вниде Исаия пророк ко Езекии царю и рече к нему: что глаголаша мужие сии, и откуду придоша к тебе? И рече Езекия: от земли дальния придоша ко мне, от Вавилона. 15 И рече: что видеша в дому твоем? И рече Езекия: вся, елика в дому моем, видеша: несть в дому моем, егоже им не показах, но и яже в сокровищах моих (видеша). 16 И рече Исаия ко Езекии: слыши слово Господне: 17 се, дни грядут, рече Господь, взята будут вся, яже в дому твоем, и вся, яже собраша отцы твои до дне сего, внидут в Вавилон: и не останется слово, еже рече Господь. 18 И сынове твои, иже изыдуть из тебе, ихже родиши, возмутятся и будут скопцы в дому царя Вавилонского. 19 И рече Езекия ко Исаии: благо слово Господне еже глагола: да будут мир во дни мои. 20 И прочая словес Езекиевых, и вся сила его, и елика сотвори, источник и водотечь, и введе воду во град, не се ли, сия написана в книзе словес дний царей Иудиных? 21 И успе Езекия со отцы своими, и погребен бысть во граде Давидове. И воцарися Манассия сын его вместо него.

21 Сын двадесяти лет Манассия, егда нача царствовати, и пятьдесят пять лет царствова во Иерусалиме. Имя матере его Офовия. 2 И сотвори лукавое пред очима Господним, и хождаше вслед мерзостей языков, ихже отрину Господь от лица сынов Израилевых: 3 и обратися, и созда высокая, иже разори отец его Езекия, и воздвиге жертвеннник Ваалу, и сотвори дубравы, яже сотвори Ахаав царь Израилев, и поклонися всей силе небесней и поработа им: 4 и созда олтарь в дому Господни, якоже рече Господь: во Иерусалиме

положу имя Мое. 5 И сотвори олтарь всей силе небесней на дву двору дому Господня: 6 и провождаше сыны своя чрез огнь, и вражаше, и волшевения творяше, и сотвори капища, и волшебницы умножи творити лукавое пред очима Господним, еже прогневати Его: 7 и постави изваянное Дубравы в храме, о немже рече Господь к Давиду и к Соломону сыну его: в храме сем и во Иерусалиме, егоже избрах от всех колен Израилевых, и положу ту имя Мое на веки, 8 и не приложу подвигнутия нозе Израилеве от земли, юже дах отцем их, аще тии соблюдут вся елика заповедах, по всей заповеди, юже заповеда им раб Мой Моисей. 9 И не послушаша, и прельсти их Манассия, еже сотворити лукавое пред очима Господним паче язык, яже истреби Господь от лица сынов Израилевых. 10 И глагола Господь рукою рабов Своих пророков, глагола: 11 за сия, елика сотвори Манассия царь Иудин мерзости сия лукавия, паче всех яже сотвориша Аморрее, иже прежде сего быша, и введе во грех и Иуду, в кумирих своих: 12 не тако: сице глаголет Господь Бог Израилев: се, Аз наведу злая на Иерусалим и на Иуду, яко всяко му слышащему пошумят обоя уха его, 13 и простру на Иерусалим меру Самарийскую и весы дому Ахаавля: и истреблю Иерусалима, якоже изглаждается алавастр изглаждаемый и превращается в лице свое: 14 и изрину останки достояния Моего и предам их в руки врагов их, и будут в расхищение и в плен всем врагом своим: 15 понеже сотвориша лукавое пред очима Моима и быша прогневляюще мя от дне, в онъже изведох отцы их от земли Египетския, и до дне сего. 16 Еще же кровь неповинную излия Манассия многу зело, дондеже наполни Иерусалиму уста до уст, кроме грехов его, имиже во грех введе Иуду, сотворити лукавое пред очима Господним. 17 И прочая словес Манассиных, и вся елика сотвори, и грех его, имиже согреши, не сия ли написана в книзе словес дний царей Иудиных? 18 И успе Манассия со отцы своими, и погребен бысть в ветрограде дому своего, в ветрограде Озы. И воцарися Аммон сын его вместо его: 19 сын двадесяти дву лет бе Аммон, егда нача царствовати и два лета царствова во Иерусалиме. Имя же матери его Месоллам, дщци Арусова из Иетевы. 20 И сотвори лукавое пред очима Господним, якоже сотвори Манассия отец его, 21 и хождаше по всему пути, имиже ходи отец его, и поработа кумиром, имиже поработа отец его, и поклонися им: 22 и оставил Господа Бога отец своих, и не ходи путем Господним. 23 И восташа отроцы Аммоновы нань и умертвиша царя в дому его. 24 Людие же земли (той) избираша всех воставших на царя Аммона,

и воцариша людие земли тоя Иосию сына его вместо его.
25 И прочая словес Аммоновых, елика сотвори, не се ли, сия написана и в книзе словес дний царей Иудиных?
26 И погребоша его во гробе его в вертограде Озине. И воцарися Иосия сын его вместо его.

22 Сын осми лет бе Иосия, егда нача царствовать, и тридесять едино лето царствова во Иерусалиме. Имя же матери его Иедида, дщи Едеева, от Васурофа. 2 И сотвори правое пред очима Господним, и хождаше во всех путех Давида отца своего, не совратися ни на десно, ни на шуе. 3 И бысть во осмоеадеять лето царства Иосинина, в седмый месяц, посла царь Сафана, сына Езелина, сына Месолламля, книгою дому Господня, глаголя: 4 взыди к Хелкии жерцу великуму и запечатлей сребро внесеное в дом Господень, еже собираша стрегущии врат от людей, 5 и да дадут е в руки творящих дела приставником в храме Господни: да дадят е творящым дела в дому Господни, еже подкрепляти разселины храма, 6 древоделем и каменосечцем и покупающим древа и камение тесаное на утверждение разселин храма. 7 Обаче не сочисляху их о сребре даемем им, яко верно тии творяху. 8 И рече Хелкия жрец великий ко Сафану книгою: книгу закона (Божия) обретох в дому Господни. И даде Хелкия книгу Сафану, и прочте ю. 9 И вниде в дом Господень и царю Иосии, и возвести царю слово и рече: слыша раби твои сребро обретшееся в дому Господни, и даша е приставницы в руки творящим дела в храме Господни. 10 И рече Сафан книгою к царю, глаголя книгу закона даде ми Хелкия жрец. И прочте ю Сафан пред царем. 11 И бысть яко услыша царь словеса книги законныя, и раздра ризы своя, 12 и заповеда царь Хелкии жерцу и Ахикаму сыну Сафаню, и Аховору сыну Михеину и Сафану книгою и Асаю рабу цареву, глаголя: 13 приидите, испросите Господа о мне и о всех людех и о всем Иуде, и о словесех книги обретшия сяя, яко велик гнев Господень разжженый на нас, понеже не послушаша отцы наши словес книги сяя, еже творити по всем написанным на ны. 14 И иде Хелкия жрец и Ахикам, и Аховор и Сафан и Асаиас ко Олдаме пророчице, жене Селима сына Фекуева, сына Араса ризохранителя: и сия живяше во Иерусалиме в масене: и глаголаша к ней по сему. 15 И рече им: сице глаголет Господь Бог Израилев: рцыте мужеви пославшему вы ко мне: 16 тако глаголет Господь: се, Аз наведу злая на место сие и на живущия в нем, вся словеса книжная, яже прочте царь Иудин: 17 понеже

оставиша Мя и кадяху богом другим, яко да прогневают Мя делесы рук своих, и разжжется ярость Моя на место сие и не угаснет: 18 и ко царю Иудину пославшему вас вопросити Господа, сице рцыте ему: тако глаголет Господь Бог Израилев: словеса, яже слышал еси, 19 за сия, яко умягчися сердце твое и смирился еси пред лицем Господним, услышав елика глаголах на место сие и на живущия в нем, еже быти в погубление и в проклятие, и раздрал еси ризы твоя, и плакался предо Мною, и Аз убо услышах, глаголет Господь: 20 сего ради Аз приложу тя ко отцем твоим, и соберешися во гроб твой в мире, и не узриши очима твоима всех злых, яже Аз имам навести на место сие и на живущия в нем.

23 И возвестиша сия глаголы цареви: и посла царь, и собра к себе вся старейшины Иудины и Иерусалимляны, 2 и вниде царь в дом Господень, и вси мужие Иудины и вси живущии во Иерусалиме с ним, и жерцы, и пророцы, и вси людие от мала и до велика, и прочте во ушеса их вся словеса книги завета обретшияся в дому Господни: 3 и ста царь у столпа и завеща завет пред Господем, еже ходити вслед Господа и хранити заповеди Его и свидения Его и оправдания Его всем сердцем и всею душою, еже возставити словеса завета сего, яже писана в книзе сей. И стала вси людие в завете. 4 И заповеда царь Хелкии жерцу великому и жерцем вторым и стрегущым врат изнести от храма Господня вся сосуды сотворенныя Ваалу и Дубраве и всей силе небесней, и сожже и вне Иерусалима в Садимофе Кедрсте и изверже прах их в Ве菲尔: 5 и сожже хомаримы, ихже даша царие Иудины, и кадяху в высоких и во градех Иудиних и во окрестных Иерусалима, и кадящих Ваалу, и солнцу, и луне, и планетам и всей силе небесней: 6 и изнесе кумир из храма Господня вне Иерусалима на поток Кедрск, и сожже его в потоце Кедрсте, и истни в прах, и вверже прах их в гробы сынов людских: 7 и разруши храм кадисимов, иже бе в храме Господни, идже жены прядяху ризы кумиру: 8 и возведе вся жерцы от градов Иудиних, и оскверни высокая, идже кадяху жерцы, от Гаваи да Вирсавеи: и разруши храм врат, иже бе при дверех врат Иисуса князя граднаго, иже ошуюю входящим дверми града. 9 Обаче не входаху жерцы высоких ко олтарю Господню во Иерусалиме, но токмо ядяху опресноки посреде братии своея. 10 И оскверни Тафефа, иже в дебри сынов Еномлих, еже не превести мужу сына своего и мужу дщерею своею Молоху сквозе огнь: 11 и

сожже кони, иже даша царие Иудины солнцу во входе храму Господня, при влагалищи Нафана, царева скопца во Фаруриме: и колесницу солнечную сожже огнем: 12 и олтари, яже на крове горницы Ахазовы, яже сотвориша царие Иудины и олтари, иже созда Манассия во двою двору храма Господня, раскопа царь, и сверже оттуду, и всыпа прах их в поток Кедрск: 13 и храм, иже пред лицем Иерусалима, одесную горы Мосфаф, егоже созда Соломон царь Израилев Астарте мерзости Сидонстей и Хамосу мерзости Моавли и Молхолу мерзости сынов Аммоних, оскверни царь: 14 и сокруши столпы, и искорени дубравы, и наполни места их костми человеческими: 15 и олтарь иже во Вефили высокий, егоже сотвори Иеровоам сын Наватов, иже в грех введе Израиля, и олтарь той высокий раскопа, и сокруши камение его, и истни в прах, и сожже кумиры. 16 И восклониша Иосиа, и виде гробы сущыя во граде тамо, и послы, и взя кости от гроб, и сожже на олтари, и оскверни его по глаголу Господню, егоже глагола человек Божий, егда стояше Иеровоам в праздник пред олтарем: и обращься возведе очи свои на гроб человека Божия глаголавшаго словеса сия. 17 И рече: что могила сия, юже аз вижду? И реше ему мужие града: гроб сей человека Божия есть, иже прииде от Иуды и проглагола словеса сия, яже сотворил еси ныне над олтарем, иже в Вефили. 18 И рече: оставите его, да не подвижет ни един муж костей его. И оставиша кости его с костьми пророка пришедшаго от Самарии. 19 Еще и вся храмы высоких сущих во градех Самарийских, яже сотвориша царие Израилевы прогневляюще Господа, отверже Иосиа, и сотвори им вся дела, яже сотвори в Вефили, 20 и закла вся жерцы высоких сущых тамо пред олтарми, и сожже на них кости человечи, и возвратиша во Иерусалим. 21 И заповеда царь всем людем, глаголя: сотворите пасху Господеви Богу нашему, якоже писано в книзе завета сего: 22 яко не бысть пасха сия от дний судий, иже судиша Израилеви, и во всех днех царей Израилевых и царей Иудиних: 23 но токмо во осмоенадесять лето царя Иосии бысть пасха Господу во Иерусалиме. 24 Еще и волшебники, и вражбиты, и ферафимы, и кумиры, и вся мерзости бывшия в земли Иудине и во Иерусалиме, искорени царь Иосиа, да утвердит словеса законная писанная в книзе, юже обрете Хелкиа жрец в храме Господни. 25 Подобен ему не бысть пред ним царь, иже обратиша к Господеви всем сердцем своим и всею душою своею и всею силою своею по всему закону Моисеву, и по нем не воста подобен ему. 26 Обаче не отвратиша Господъ от

яности гнева Своего великаго, имже возярися гневом на Иуду, на прогневания, имиже прогнева Его Манассия, 27 и рече Господъ: еще и Иуду отрину от лица Моего, якоже отринух Израиля, и град сей отвергу, егоже избрах, Иерусалима, и храм, о немже рече: будет имя Мое ту. 28 И прочая словес Иосиевых, и вся елика сотвори, не сия ли написана в книзе словес дний царей Иудиных? 29 Во днех же его взыде фараон Нехао царь Египетск на царя Ассирийска на реку Евфрат: и изыде царь Иосиа на сретение ему, и уби его Нехао царь в Магеддоне, егда его узре. 30 И взяша его отроцы его мертвя из Магеддона и принесоша его во Иерусалим, и погребоша его во гробе его во граде Давидове. И пояса людие земли тоя Иоахаза сына Иосинна и помазаша его, и воцариша его вместо отца его. 31 Сын двадесяти и трех лет бе Иоахаз, внегда нача царствовати и три месяцы царствова во Иерусалиме. Имя же матери его Амитала, дщи Иеремии из Ловны. 32 И сотвори лукавое пред очима Господними, по всем елика сотвориша отцы его. 33 И пресели его фараон Нехао в Ревлаам в землю Емаф, да не царствует во Иерусалиме, и возложи дань на землю ту сто талант сребра и сто талант злата. 34 И постави царем фараон Нехао над ними Елиакима, сына Иосии царя Иудина, вместо Иосии отца его, и премени имя ему Иоаким: Иоахаза же взя и введе во Египет и умре тамо. 35 И сребро и злато даде Иоаким фараону, обаче написа землю даяти сребро по словеси фараону: муж по оценению своему даяше сребро и злато от людий земли тоя даяти фараону Нехао. 36 Сын бе двадесяти и пяти лет Иоаким, егда нача царствовати, и единонадесять лет царствова во Иерусалиме. Имя же матери его Иелдаф, дщи Фадаиля, от Румы. 37 И сотвори лукавое пред очима Господними, по всем елика сотвориша отцы его.

24 Во днех его взыде Навуходоносор царь Вавилонский, и бысть ему Иоаким раб три лета, и отвратиша, и отвержеся его. 2 И послы Господъ ему единопоясники Халдейския и единопоясники Сирийския, поясники сынов Аммоних, и послы их в землю Иудову на побеждение по словеси Господню, еже глагола рукою рабов Своих пророков. 3 Обаче прииде по гневу Господню на Иуду, еже отставити его от лица Своего грех ради Манассиных, по всем елика сотвори, 4 и кровь неповинную пролия, и наполни Иерусалим крове неповинныя, сего ради не восхоте Господъ умилостивитися. 5 И прочая словес Иоакимовых, и вся елика сотвори, не се ли, сия написана в книзе словес

дний царей Иудиних? 6 И успе Иоаким со отцы своими, и воцарися Иехония вместо его. 7 И не приложи ксему царь Египетский изыти из земли своея, яко взя царь Вавилонский от потока Египетска даже до реки Евфрата, вся елика быша царя Египетска. 8 Сын осминадесяти лет Иехония, егда нача царствовать, и три месяцы царствова во Иерусалиме. Имя же матере его Несфа, дщи Еланасфана, от Иерусалима. 9 И сотвори лукавое пред очима Господни, по всему елико сотвори отец его. 10 И в время то взыде Навуходоносор царь Вавилонскими на Иерусалим, и бысть град во облежении. 11 И прииде Навуходоносор царь Вавилонский на град Иерусалим, и отроцы его около обседяху град. 12 И изыде Иехония царь Иудин ко царю Вавилонскому, сам и отроцы его, и матери его, и князи его, и скопцы его, и взя его царь Вавилонский в осмое лето царства своего. 13 И изнесе вся сокровища оттуду сущая во храме Господни и сокровища дому царева, и сокруши вся сосуды златыя, яже сотвори Соломон царь Израилев во храме по глаголу Господню, 14 и пресели Иерусалимляны и вся князи, и сильныя крепостию, плена десять тысяч пленив, и всякаго древоделя, и художники: и никотоже остался, токмо убозии земли тоя: 15 и преведе Иехонию в Вавилон, и матери цареву, и жены царевы, и скопцы его, и крепкия земли тоя введе на преселение из Иерусалима в Вавилон: 16 и вся мужы силы, седмь тысяч, и древодель и художников тысячу, вси сильнии творяции брань, и введе их царь Вавилонский в преселение в Вавилон. 17 И постави царем Вавилонский царь Ватфанию сына его и вместо его, и преложи имя ему Седекия. 18 Сын двадесяти и единаго лета Седекия, внегда нача царствовать, и единонадесяти лет царствова во Иерусалиме. Имя же матере его Амитала, дщи Иеремиина, от Ловны. 19 И сотвори лукавое пред очима Господни, по всему елика сотвори Иоаким, 20 яко ярость бе Господня на Иерусалиме и на Иуде, дондеже отверже я от лица Своего. И отвержеся Седекия царя Вавилонска.

25 И бысть в лето девятое царства его, в месяц десятый, прииде Навуходоносор царь Вавилонский и вся сила его на Иерусалим: и обступи его отвсюду, и создаша окрест его бойницы. 2 И бысть град во облежении до первагонадесяти лета царства Седекина, девятаго дне месяца: 3 и превозможе во граде глад, и не бысть хлеба людем земли тоя: 4 и разседеся град, и вси мужие воинстии изыдоша ношию путем врат, яже посреде стен, яже суть у вортограда царева, и Халдее, окрест града (беша). И побеже (царь Седекия) путем

пустынным: 5 и погна сила Халдейская вслед царя, и яша его во Аравофе Иерихонстем, и вся сила его разсыпаясь от него: 6 и пояса царя и поведоша его к царю Вавилонску в Ревлафу: и глагола с ним суд: 7 и сыны Седекинны закла пред очима его, и очи Седекинны избоде, и связа его узами, и отведе его во Вавилон. 8 В месяц же пятый, в седьмый день месяца, сие лето девятоенадесять Навуходоносора царя Вавилонска, прииде Навузардан архимагир, раб царя Вавилонского, во Иерусалим 9 и зажже храм Господень и дом царев, и вся domы Иерусалимли и вся domы великия сожже архимагир: 10 и стены Иерусалимли окрест раскопа сила Халдейская. 11 И останок людий избывших во граде и впадших, иже отпадоша ко царю Вавилонску, и прочее и утверждение пренесе Навузардан воевода. 12 И от ницих земли тоя остави архимагир винограды блюсти и вортограды. 13 И столпы медяны в храме Господни, и подставы, и море медное сущее во храме Господни сокрушиша Халдее, и взяша медь их во Вавилон: 14 и конобы, и котлы и фиалы, и кадилницы, и вся сосуды медяныя, в нижне служаю, взяша: 15 и кадилницы, и фиалы златыя и сребряныя взя архимагир, 16 столпы два, и моря едино, и подставы, яже сотвори Соломон храму Господню: не бе веса меди всех сосудов. 17 Осминадесяти лакот бысть высота столпа единаго, и глава медяна на нем: и высота главе три лакти, и на главе мрежи и шипки окрест, вся медяна: по сему же и столп второй со мрежею. 18 И поят архимагир Сареа жерца первого и Софонию жерца втораго, и три стражи вратныя: 19 и от града взя скопца единаго, иже бе приставник над мужи военными, и пять мужей предстоящих пред лицем царевым, обретшихся во граде, и книгочия князя силы, иже строяще люди земли тоя, и шестьдесят мужей людий земли тоя обретшихся во граде: 20 и поят я Навузардан архимагир, и приведе я к царю Вавилонскому в Ревлафу. 21 И порази их царь Вавилонский, и умори я в Ревлафе, в земли Емафове. И преселися Иуда свыше земли своея. 22 И людие оставшия в земли Иудове, иже остави Навуходоносор царь Вавилонский, и постави над ними Годолию, сына Ахикамля, сына Сафана. 23 И услышаша вси князи силы сами и мужие их, яко постави царь Вавилонский Годолию, и придоша к Годолии в Массифу, и Исаимаил сын Нафаниин, и Иоанан сын Карицов, и Сараиа сын Фанамафов Нетофафитский, и Иезония сын Махаффов, сами и мужие их (придоша). 24 И клятся им Годолия и мужем их и рече им: не бойтесь пришествия Халдеев:

седите на земли и работайте царю Вавилонскому, и добро будет вам. 25 И бысть в месяц седьмый, прииде Исмаил сын Нафаниин сына Елисамля от семене царска, и десять мужей с ним, и порази Годолию, и умре, и Иудеев и Халдеев, иже с ним бяху в Массифе. 26 И восташа вси людие, от мала и до велика, и князи сил, и внидоша во Египет, яко убояшася от лица Халдейска. 27 И бысть в лето тридесять седьмое преселения Иоахина царя Иудина, в двадесятый месяц, в двадесять седьмый день месяца, вознесе Евилмародах царь Вавилонский, в лето царства своего, главу Иоахина царя Иудина, и изведе его из дому темницы его, 28 и глагола с ним благая, и даде престол ему свыше престолов царей, иже бяху с ним в Вавилоне: 29 и измени ризы его темничныя, и ядяше хлеб с ним всегда, во вся дни живота своего. 30 И пища его от дому царска давана бяше, и все изобилие во дни его, во вся дни живота его.

Первая книга Паралипоменон

1 Адам, Сиф, Енос, **2** Каинан, Малелеил, Иаред, **3** Енох, Мафусал, Ламех, **4** Ное, Сим, Хам, Иафеф. **5** Сынове Иафефовы: Гамер и Магог и Мадай, Иован, Елиса и Фовел, и Мосох и Фирас. **6** Сынове же Гамеровы: Асханаз и Рифаф и Форгама. **7** Сынове же Иовани: Елиса и Фарсис, и Хеттим и Доданим. **8** Сынове же Хамовы: Хус и Месраим, Фуд и Ханаан. **9** Сынове же Хусовы: Сава и Евила, и Савафа и Регма и Севефаха. Сынове же Регмановы: Сава и Дадан. **10** Хус же роди Неврода: сей нача быти исполин ловец на земли. **11** Месраим же роди Лодимиа и Анамиима, и Лавимиа и Неффосеимы, **12** и Фафериомы и Патросонимы, и Хаслоимы, от нихже изыдоша Филистими, и Каффориомы. **13** Ханаан же роди Сидона первенца своего и Хеттеа, **14** и Евусеа и Аморреа, и Гергесеа. **15** и Евеа, и Арукеа и Асенеа, **16** и Арадиа и Самареа и Амафия. **17** Сынове же Симовы: Елам и Ассур, и Арфаксад и Луд и Арам. Сынове же Арамли: Уз и Ул, и Гефер и Мосох. **18** Арфаксад же роди Каинана, Каинан же роди Салу, Сала же роди Евера. **19** Еверу же родистася два сына: имя единому Фалек, яко бо дни его разделена бысть земля, и имя брату его Иектан. **20** Иектан же роди Елмодада и Салефа, и Асермофа и Иадера, **21** и Адорама и Узала, и Деклу **22** и Гамаала, и Авимеила и Саву, **23** и Уфира и Евилата и Иоава: все сии сынове Иектановы. **24** Сынове же Симовы: Арфаксад, Каинан, Сала, **25** Евер, Фалек, Рагав, **26** Серух, Нахор, Фара, **27** Аврам, той есть Авраам. **28** Сынове же Авраами: Исаак и Исаимил. **29** Сии же роди их: первенец Исаимилов Наваиоф и Кидар, и Навдеил и Мавсан, **30** и Масма и Идума, и Массий и Ходдад, и Феман **31** и Иетур, и Нафес и Кедма: сии суть сынове Исаимили. **32** Сынове же Хеттуры подложницы Авраамовы, и роди ему Зомврана и Иезана, и Мадала и Мадиама, и Иесвока и Суеа. Сынове же Иезани: Сава и Дедан. Сынове же Дедановы: Рагуил и Навдеил, и Ассириим и Латусиим и Асомин. **33** Сынове же Мадиамли: Гефар и Офер, и Енох и Авида и Еллад: все тии сынове Хеттурини. Роди же Авраам Исаака. **34** Сынове же Исааковы Исаав и Израиль. **35** Сынове же Исаевовы: Елифаз и Рагуил, и Иевул и Иеглом и Корей. **36** Сынове Елифазовы: Феман и Омар, и Софар и Гофам и Кенез. Фамна же подложница Елифазова роди ему Амалика. **37** Сынове же Рагуилевы: Нахеф и Заре, и Сомме и Мозе. **38** Сынове

же Сириовы: Лотан и Совал, и Севегон и Ана, и Дисон и Асар и Рисон. **39** Сынове же Лотани: Хорри и Еман, и сестре Лотания Фамна. **40** Сынове же Совали: Адуар и Манааф, и Увал и Саифи и онан. Сынове же Севегони: Аиа и Онам. **41** Сынове же Анани: Дисон и Еливама, дщи Анания, двое. Сынове же Дисоновы: Амада и Есеван, и Ефран и Харран. **42** Сынове же Асаровы: Валаам и Занан и Илакан, и сынове Дисони: Ос и Арран. **43** И сии царие их, иже царствоваша в земли Едомли, прежде неже бысть царь над сыны Израилевыми: Валак сын Веоров, и имя граду его Деннава: **44** умре же Валак, и царствова вместо его Иовав, сын Зарин, от Восорры. **45** И умре Иовав, и царствова вместо его Асом от земли Феманони. **46** И умре Асом, и царствова вместо его Адад, сын Варадов, иже порази Мадиама на поли Моавли: и имя граду его Гетфем. **47** И умре Адад, и царствова вместо его Самаа от Мессеккаса. **48** И умре Самаа, и царствова вместо его Саул от Роовофа, иже близ реки. **49** Умре же Саул, и царствова вместо его Валаенон сын Аховоров. **50** И умре Валаенон, и царствова вместо его Адад сын Варадов, егоже граду имя бе Фогор и имя жене его Метевеиль, дщерь Матраифа. **51** И умре Адад, и начаша быти князи Едомли: князь Феман, князь Алуа, князь Иефаф, **52** князь Еливама, князь Ила, князь Финон, **53** князь Кенез, князь Феман, князь Вамаил, **54** князь Гамесил, князь Арераман. Сии быша князи Едомстии.

2 Сынове же Израилевы сии суть: Рувим, Симеон, Левий, Иуда, Иссахар, Завулон, **2** Дан, Иосиф, Вениамин, Неффалим, Гад и Асир. **3** Сынове Иудины: Ир, Авнан и Силом: сии трие родишаася ему от дщере Савы Хананитяныни. Бысть же Ир первенец Иудин лукав пред Господем: и уби его. **4** Фамаръ же невестка его роди ему Фареса и Зару. Всех сынов Иудиних пять. **5** Сынове же Фаресовы: Есром и Иемуил. **6** Сынове же Зарини: Замврий и Ифам, и Емуан и Калхад и Даралей: всех пять. **7** Сынове же Хармины Ахар, иже смути Израиля, иже сложися на проклятие. **8** И сынове Ифамли Азарии. **9** Сынове же Есромовы, иже родишаася ему: Иерамеил и Арам и Халови. **10** Арам же роди Аминадава, Аминадав же роди Наассона, князя дому Иудину, **11** Наассон же роди Салмона, и Салмон роди Вооза, **12** и Вооз роди Оvida, и Овид роди Иессея. **13** Иессей же роди первенца своего Елиава, и втораго Аминадава, и третияго Самеа, **14** и четвертаго Нафанаила, и пятаго Реила, **15** и шестаго Асака, и седмаго Давида. **16** И сестры их быша: Саруиа и Авигеа. Сынове же Саруини:

Авесса и Иоав и Асаил, трие сии. 17 Авигеа же роди Амессу, егоже отец бысть Иофор Иismaилтянин. 18 И Халев сын Есромов поя жену Азуву и Иериофу. И сии сынове ея: Иасар и Сував и Ардон. 19 И умре Азува, и взя себе Халев жену Ефрафу, яже роди ему Ора, 20 Ор же роди Uriю, и Uriя роди Веселеила. 21 По сем же вниде Есром ко дщери Махира отца Галаадова, и сей поя ю, сый в летех шестидесяти пятих: и роди ему Сегува. 22 Сегув роди Иаира, и беша ему двадесять три грады в земли Галаадстей. 23 Взя же Гедсур и Арам веси Иаировы, Канаф и села его, шестьдесят градов. Всити сынове Махира отца Галаадова. 24 И по умертвии Есрома вниде Халев во Ефрафу, жена же Есромля Авия, и роди ему Асдома отца Фекоева. 25 И беша сынове Иерамеила первенца Есромля: Рам первенец и Ваана, и Арам и Асом брат его. 26 И бе жена ина Иерамеилу, именем Атара, яже бысть мати Унамля. 27 И быша сынове Рама первенца Иерамеиля: Маас и Иамин и Акор. 28 И быша сынове Унамли Сammaа и Еddай. Сынове же Сammaины Надав и Ависур. 29 И имя жене Ависурове Авигеа: и роди ему Озва и Моддия. 30 Сынове же Надавли Салад и Апфайн: и умре Салад не имый чад. 31 И сынове Апфани Иесий: и сын Иесиев Сосан: и сынове Сосани Дадай. 32 Сынове же Дадаини: Ахисама и Иефер и Ионафан: и умре Иефер не имый чад. 33 Сынове же Ионафани Фалеф и Заза. Тии быша сынове Иерамеили. 34 Сосан же не име сынов, но точио дщери, и имяше Сосан раба Египтянина, именем Иерая: 35 и даде Сосан дщерь свою Иерая рабу своему в жену, и роди ему Еффеа, 36 Еффей же роди Нафана, и Нафан роди Заведа, 37 Завед же роди Оффлада, Оффлад же роди Иовида, 38 Иовид же роди Ииуа, Ииуй роди Азарию, 39 Азария же роди Хеллиса, и Хеллис роди Елеаса, 40 Елеас же роди Сосомаиа, и Сосомай роди Саллума, 41 Саллум же роди Иекомию, и Иекомия роди Елисама. 42 Сынове же Халева брата Иерамеиля, Мариса первенец его: той отец Зифов: и сынове Марисы отца Хевронова. 43 И сынове Хеврони: Корей и Фафуй, и Реком и Самаа. 44 Самаа же роди Раема, отца Иеркаанова, Иеркаан же роди Сammaа. 45 Сын же Сammaин Маон, и Маон отец Вефсиров. 46 Гефа же подложница Халевова роди Арана и Мосаа и Газера: Аран же роди Газиза. 47 Сынове же Аддаини: Регма и Иоафам, и Гирсом и Фалет, и Гефа и Сегав. 48 И подложница Халевова Моха роди Севера и Фархана. 49 Роди же Сагаф отца Мадминаева, и Саула отца Мадевина, и отца Аговдаева, и дщи Халевова Ахса. 50 Сии бяху сынове Халевовы, сынове Ора первенца

Ефрафова: Совал, отец Кариафиаримов, 51 и Соломон отец Вифлеемов, и Аrim отец Вефгедоров. 52 Быша же сынове Совалу отцу Кариафиаримлю: Араа и Есий, и Амманиф 53 и Умасфае, и Кариафиарим и Мифифим, и Исамафим и Изамареим: от тех изыдоша Сарафее и Есфаголее. 54 Сынове же Соломони: Вифлеем и Нетофат и Атароф, дому Иоавля, и половина Манафиев Исаара, 55 отечества Писарей обитающих во Иависе, Фаргафиим и Самафиим и Сохафим: сии суть Кинее, иже придоша от Емафа, отца дому Рихавля.

3 Сии же быша сынове Давидовы, иже родишаася ему в Хевроне: перворожденный Аммон от Ахинаамы Иезраилитиды: второй Далуна от Авигеи Кармилския: 2 третий Авессалом сын Маахи, дщере Фоломии царя Гесурска: четвертый Адония сын Аггифин: 3 пятый Сафатия от Авиталы: шестый Иефраам от Аглаи жены его: 4 шесть родишаася ему в Хевроне, идже царствова седмь лет и шесть месяц: и тридесять три лета царствова во Иерусалиме. 5 И сии родишаася ему во Иерусалиме: Самаа и Совал, и Нафан и Соломон, четыри от Вирсавии дщере Амииловы: 6 и Евар и Елисама, и Елифалет 7 и Нагис, и Нафек и Иафие, 8 и Елисама и Елиадак и Елифалет, девять. 9 Вси сынове Давидова кроме сынов подложничих и Фамары сестры их. 10 Сынове же Соломони: Ровоам, Авия сын его, Аса сын его, Иосафат сын его, 11 Иорам сын его, Охозия сын его, Иоас сын его, 12 Амасия сын его, Озия сын его, Иоафам сын его, 13 Ахаз сын его, Езекия сын его, Манассия сын его, 14 Амон сын его, Иосиа сын его. 15 Сынове же Иосиниы: первенец Иоахаз, второй Иоаким, третий Седекия, четвертый Селлум. 16 Сынове же Иоакимовы: Иехония сын его, Седекия сын его. 17 Сынове же Иехониины: Асир, Салафииль сын его, 18 Мелхирам, Фадаиа и Анесар, и Иезекия и Осамон и Савадиа. 19 Сынове же Салафииловы: Зоровавель и Семей. Сынове же Зоровавелевы: Мосоллам и Анания, и Салимин сестра их, 20 и Асувеа и Оел, и Варахия и Асадия и Асовед, пять. 21 Сынове же Ананины: Фалтиас, и Иесиа сын его, Рафал сын его, Орна сын его, Авидя сын его, Сехения сын его, 22 и сын Сехениин Самеа. И сынове Самеини: Хаттус и Иоил, и Веррия и Ноадия и Саф, шесть. 23 И сынове Ноадиниы: Елионей и Езекия и Езрикам, трие. 24 Сынове Елионеевы: Уадиа и Елиасевон, и Фадаиа и Акаум, и Иоанан и Далеа и Анан, седмь.

4 Сынове же Иудины: Фарес, Есром и Хармий, и Ор и Сувал, 2 и Рада сын Суваль. Сувал же роди Иефа,

Иеф же роди Ахимеа и Лаада: сии родове Арафинны. 3 И сии сынове Етановы: Иезраиль и Иесман и Иевдан: имя же сестре их Есиадесфон. 4 И Фануил отец Гедоров, и Езер отец Осань: сии сынове Ора первенца Ефрафа, отца Вефлаемля. 5 Ассуру же отцу Фекоеву бысте две жене: Халла и Маара: 6 роди же ему Маара Ахаза и Афера, и Фемана и Аасфира: все сии сынове Маарини. 7 И сынове Хеллани: Сереф и Саар и Есфранам. 8 Кое же роди Енова и Совива и рождение брата Рихава, сына Иаримля. 9 Бысть же Иавис честнейший братии своея: и мати его нарече имя его в болезни. 10 И призыва Иавис Бога Израилева, глаголя: аще благословляя благословиши мене и распространши пределы мои, и будет рука Твоя со мною, и сотвориши мя во уразумение, еже не смирити мя. И даде ему Бог вся, елика просих есть. 11 Халев же отец Асхань роди Махира: сый отец Ассафонов. 12 И Ассафон роди Сафрефу и Фессию, и Фана отца града Нааса, брата Селома Кенезина и Ахазова: сии мужие Рихавли. 13 Сынове же Кенезини: Гофониил и Сараиа. Сынове же Гофониилевы Араф. 14 Манафай же роди Гофора, и Сараиа роди Иорама, отца Гисасариимля, зане художницы быша. 15 Сынове же Халева сына Иефоннина Ир, Ила и Наам. Сынове же Илы Кенез. 16 Сынове же Амелимли: Зиф и Зефа, и Фириа и Есерил. 17 Сынове же Еврины: Иефер, Морад, и Афер и Иамон: и роди Иефер Марона, и Семею, и Иесву отца Гедорова и отца Есфамоня. 18 Жена же его сия Адия роди ему Иареда отца Гедоря, и Авера отца Сохоня, и Ехфиля, отца Заноня. Сии же сынове Веффии дщере фараоновы, юже поят Морил. 19 И сынове жены Идумеаныни, сестры Ханема и Далиа отца Кеила, и Симеон отец Иомамов. И сынове Наимовы отца Кеилова: Гармий и Есфемоний иже из Махафы. 20 Сынове же Симеони: Амнон и Рамнон сын Анань и Фимнон. И сынове Еси: Зохаф, и сынове Зохафовы. 21 Сынове Силома, сына Иудина: Ир отец Лихавль, и Лаада отец Марисанъ: и племя дому делателей виссона в дому Есовы, 22 и Иоаким, и мужие Хозива и Иоас и Сараф, иже вселиша в Моаве: и возврати их Аведир в Мафукким. 23 Сии скудельницы обитающи во атаме и гадире с царем, и в царстве его укрепиша и вселиша тамо. 24 Сынове Симеони: Намуил и Иамин и Иарив, Саре, Саул. 25 Салем сын его, масан сын его, Масма сын его, 26 Амуил сын его, Савуд сын его, Закхур сын его, Семей сын его. 27 Сынове же Семеины шестьнадесять и дщерей шесть. Братиям же их не быша сынове мнози, и вся племена их не умножиша якоже сынове Иудины, 28 и обитаху в

Вирсавеи и саваде, и Монаде и во Есеруале, 29 и в Валааи и во Асеме, и во Фоладе 30 и в Вафуиле, и в Ерме и в Сикелаи, 31 и во Вефмаримофе и во Имисусеосине и в дому Варусеоримли: сии грады их даже до царя Давида, 32 и села их: Етам и Ин, Рамнон и Фоккан и Есар, градов пять. 33 И вся веси их окрест градов сих, даже до Ваала: сие обдержание их и разделение их. 34 Молосав же и Иемолох, и Иосиа сын Амасиев, 35 и Иоиль и Ииу сын Асавиев, сын Сараев, сын Асииль, 36 и Елионай и Иокава, и Иасуна и Асеа, и Иедиил и Исаимил и Ванеа 37 и Зуза сын Сафнеев, сына Алоня, сына Иедиина, сына Семириня, сына Самеина. 38 Сии произшедши во именех князей, в родах своих и в домех отечеств своих умножиша во множество, 39 и поидаша да внидут в Герары даже до восток дебри взыскати пажити скотом своим: 40 и обретоша пажити премноги и благи: и земля пространна пред ними, и мир и покой, зане прежде обитаху от сынов Хамовых тамо. 41 И придиша сии написанни имены во дни Езекии царя Иудина и побиша жителей их и обитание, ихже обретоша ту, и искорениша их даже до дне сего: и вселиша вместо их, яко пажити скотом их бяше тамо. 42 От сих же от сынов Симеоних идоша в гору Сиир мужей пять сот, и Фалтии и Ноадиа, и Рафаиа и Озиил, сынове Иесы, князи их: 43 и побиша останки оставшияся от Амалика, и вселиша тамо даже до дне сего.

5 Сынове же Рувима первенца Израилева: яко той первенец: и внегда ему взыти на ложе отца своего, даде благословение его сыну своему Иосифу, сыну Израилеву, и не бысть (той) вменен в первенство, 2 яко Иуда силен крепостию и в братии своей, и в вожда из него, и благословение Иосифу. 3 Сынове Рувима первенца Израилева: Енох и Фаллус, Асрон и Хармий. 4 Сынове Иоилевы: Семей и Ванеа сын его. Сынове же Гога сына Семеина: 5 сын его Миха, сын его Риха, сын его Ваал, 6 Векра сын его, егоже пресели Фаглафалласар царь Ассирийский: сей бысть князь колена Рувимова. 7 И братия его во отечестве своем, в исчислениих своих, по родом их, князь Иоиль и Захария, 8 и Валек сын Азузов, сын Сяммы, сын Иоилев: той обита во Ароире и в Наване и Веелмаоне, 9 и противу востока обита даже до входа пустыни, от реки Евфрате, яко скот их мног в земли Галаадстей. 10 Во дни же Саула возведоша брань противу Агарян: и падоша в руках их обитающи в жилищах своих вси к востоку Галаадску. 11 Сынове Гадовы прямо их обиташа в земли Васани до Селха: 12 Иоиль первенец, и

Сафам второй, и Ианин книжник Васанский. 13 И братия их, по домом отечеств их: Михаил и Мосоллам, и Савей и Иора, и Иохан и Иовиа и Овид, седмь. 14 Сии сынове Авиахила сына Рувиона, и Адди, сына Галаадова, сына Михаилова, сына Иессеина, сына Иедаина, сына Вузова, 15 брата сына Авдиила, сына Гуниина, князь дому отечеств их. 16 Обиташа в Галааде, в Васане и в весех их и во всех окрестных Саронских, даже до исхода. 17 Вси сии сочтени быша во дни Иоафама царя Иудина и во дни Иеровоама царя Израилева. 18 Сынове Рувимовы и Гадовы и полплемене Манассиона (биша) сынове сильни, мужие носяще щиты и мечи и напрязающе луки и научени брани, четыредесять и четыри тысящи и седмь сот и шестьдесят, исходящии на ополчение. 19 И твориша брань со Агаряны и Итуреаны, и Нафисеаны и Надавеаны, 20 и укрепиша над ними: и предашася в руце их Агаряне и вся обитания их, зане к Богу возваша во брани, и услыша их, зане уповаша на Него. 21 И плениша имения их, велблудов пятьдесят тысяч, и овец двести пятьдесят тысяч, и ослов две тысящи, и душ человеческих сто тысяч: 22 ранении же мнози падоша, зане (бысть) от Бога брань: и вселиша вместо их даже до преселения. 23 И полплемене Манассиона вселиша в земли от Васана даже до Ваала Ермона и Санира и горы Аермонски: и сии в Ливане умножишася. 24 И сии (быша) князи дому отечеств их: Гофер и Иеси, и Елиил и Иеремия, и Иодуя и Иедиил, мужие сильни в крепости, мужие именитии, князи по домом отечеств своих. 25 И оставилша Бога отец своих и соблудиша вслед богов людий земли, ихже потреби Бог от лица их: 26 и воздвиге Бог Израилев дух Фула царя Ассирийска и дух Фаглафалласара царя Ассирийска, и пресели Рувима и Гада и полплемене Манассиона, и введе их во Аллан и Иовор, и во Аран и на реку Гозан, даже до дне сего.

6 Сынове Левии: Герсон, Кааф и Мерари. 2 Сынове же Каафовы: Амрам и Исаар, Хеврон и Озиил. 3 Сынове же Амрамли: Аарон и Моисей и Мариам. Сынове же Аароновы: Надав и Авиуд, Елеазар и Ифамар. 4 И Елеазар роди Финееса, и Финеес роди Авиуда, 5 и Авиуд роди Воккиа, и Воккий роди Озию, 6 Озия же роди Сареа, и Сарей роди Мариофа, 7 Мариоф же роди Амарию, Амария же роди Ахитова, 8 Ахитов же роди Садока, и Садок роди Ахимааса, 9 Ахимаас же роди Азарию и Азария роди Иоанана, 10 Иоанан же роди Азарию, той есть Азария, ихже священствова в дому, егоже созда Соломон во Иерусалиме. 11 Роди же Азария Амарию,

и Амария роди Ахитова, 12 Ахитов же роди Садока, и Садок роди Селлума, 13 и Селлум роди Хелкию, и Хелкия роди Азарию, 14 и Азария роди Сареа, и Сарей роди Иоседека. 15 Иоседек же изыде, егда пресели Господь Иуду и Иерусалима рукою Навуходоносора в Вавилон. 16 Сынове же Левиини: Герсон, Кааф и Мерари. 17 И сия имена сынов Герсоних: Ловений и Семей. 18 Сынове же Каафовы: Амрам и Исаар, Хеврон и Озиил. 19 Сынове же Мерарини: Мооли и Муси. И сии роди Левиини по отечеством их. 20 Герсонови: Ловений сын его, Иеф сын его, Семна сын его, 21 Иола сын его, Аддо сын его, Зара сын его, Иефри сын его. 22 Сынове Каафовы: Исаар сын его, Аминадав сын его, Корей сын его, Асир сын его, 23 Елкана сын его, Ависаф сын его, Асир сын его, 24 Кааф сын его, Уриил сын его, Озия сын его, Саул сын его. 25 Сынове же Елкановы: Амаси сын его, Амиоф сын его, 26 Елкана сын его, Суфий сын его, и Нааф сын его, 27 Елиав сын его, Иеремеил сын его, Елкана сын его, Самуил сын его. 28 Сынове же Самуили: первенец его Иоиль и второй Авия. 29 Сынове же Мерарини: Мооли сын его, Ловений сим его, Семей сын его, Озия сын его, 30 Самма сын его, Ананий сын его, Асаиа сын его. 31 Сии же суть, ихже постави Давид над певцы в дому Господни, егда постави кивот: 32 и бяху служаще пред скиниею дому свидения в пении, дондеже созда Соломон дом Господень во Иерусалиме, и стояху по чину своему в служении своем. 33 И сии предстоящи и сынове их от сынов Каафовых: Еман певец сын Иоиля, сына Самуилева, 34 сына Елканова, сына Еремеилева, сына Елиавля, сына Наафова, 35 сына Суфова, сына Елкананаева, сына Амиофова, сына Амасова, 36 сына Елканова, сына Иоилева, сына Азарииева, сына Сафаниева, 37 сына Маафова, сына ассерова, сына Авиасафова, сына Асирова, сына Кореова, 38 сына аминадавова, сына Исаарова, сына Каафова, сына Левиина, сына Израилева: 39 и брат его Асаф, ихже стояша одесную его: Асаф сын Варахии, сына Самааева, 40 сына Михаилова, сына Масилова, сына Мелхиева, 41 сына Афаниева, сына Зараева, сына Адаиева, 42 сына Ифамова, сына Земмина, сына Семеиева, 43 сына Иеевова, сына Герсонова, сына Левиина. 44 Сынове же Мерарини братия их ошуюю: Ефам сын Хусии, сына Авдиина, сына Малохова, 45 сына Савиева, сына Амасиева, сына Хелкиева, 46 сына Амасиева, сына Ванинина, сына Семирова, 47 сына Моолиина, сына Мусиева, сына Мерарина, сына Левиина. 48 Братия же их по домом отечеств их, левитяне даны во всякое дело служения

скинии дому Божия: 49 и Аарон и сынове его кадяху над олтарем всесожжений и над олтарем фимиама во всякое дело Святых Святым, и да молятся за Израиля по всему, елика повеле Моисей раб Божий. 50 Сии же сынове Аарони: Елеазар сын его, Финеес сын его, Авиуд сын его, 51 Вокхий сын его, Озий сын его, Сарей сын его, 52 Мариоф сын его, Амария сын его, Ахитов сын его, 53 Садок сын его, Ахимаас сын его. 54 И сия обитания их, по селам их и в пределех их, сыном Аароним племени Каафову, тем бо бысть жребий: 55 и даша им Хеврон в земли Иудине и подградия его окрест его: 56 и села града и веси его даша Халеву сыну Иефоннину. 57 Сыном же Аароним даша грады убежищ: Хеврон и подградия его, и Ловну и подградия ея, и Алом и окрестная его, 58 и Келом и окрестная его, и Давир и окрестная его, 59 и Асан и подградия его, и Вефсамис и подградия его, и Вефсур и подградия его: 60 от колена же Вениаминова Гаваон и подградия его, и Еламоф и подградия его, и еламвей и подградия его, и Анафофф и подградия его: всех градов их тринаадесять, градов по племенем их. 61 И сыном Каафовыим оставшимся от племене рода, от полулемене Манассиина, даша по жребию десять градов. 62 И сыном Герсоним по племенем их от колена Иссахарова и от колена Асирова, и от колена Неффалимова и от колена Манассиина в Васане, грады тринаадесять. 63 И сыном Мерариним по племенем их от колена Рувимова и от колена Гадова и от колена Завулоня даша по жребию градов дванадесять. 64 Даша же сынове Израилевы левитом грады и подградия их. 65 Даша же по жребию от колена сынов Иудиних и от колена сынов Симеоних и от колена сынов Вениаминых грады сия, ихже назвшаша имены (своими). 66 И от племен сынов Каафовых, и быша грады пределов их от колена Ефремова: 67 и даша им грады убежищ: Сихем с подградиями его в горе Ефремове и Газер с подградиями его, 68 и Екмаан с подградиями его, и Вефорон и подградие его, 69 и Елон с подградиями его, и Гефремон с подградиями его: 70 и от половины колена Манассиина Анеир и подградия его, и Иевлаам и подградная его, по племени сыном Каафовыим оставшимся. 71 Сыном Герсоним от отечеств полулемене Манассиина Гавлон от Васана и подградная его, и Асирофф с подградными его: 72 и от колена Иссахарова Кедес с подградными его, и Надар с подградными его, 73 и Рамофф и подградная его, и Енан с подградными его: 74 и от колена Асирова Масию с подградными его, и Рамофф и подградие его, 75 и Аак и подградие его, и Роов с подградными его: 76 и от колена

Неффалимля Кадис в Галилеи и подградная его, и Хамофф с подградными его, и Кариафаим и подградная его. 77 И сыном Мерариним оставшимся от колена Завулоня Реммон и подградная его, и Фавор с подградными его, 78 и за Иорданом Иерихон противу востока Иорданова: от колена Рувимова Восор в пустыни с подградными его, и Есса с подградными его, 79 и Кадимофф и подградная его, и Моапсафф с подградными его: 80 и от колена Гадова Раммофф Галаадский и подградная его, и Наим с подградными его, 81 и Есевон с подградными его, и Иазир с подградными его.

7 И сии сынове Иссахаровы: Фола и Фуа, и Ясув и Сомврам, четыре. 2 Сынове же Фолы: Озий и Рафеа, и Иериил и Амин, и Иаффам и Самуил, князи по домом отечеств их, иже от колена Фолина, крепцы силою по родом их, ихже число во дни Давидовы двадесять и две тысячи и шесть сот. 3 Сынове же Озиины Иезрий, и сынове Иезриини Михаил и Авдия, и Иоиль и Иесия, пять всех князей. 4 И с ними по родом их, по домом отечеств их, препоясаны и сильни ко ополчению на брань, тридесять и шесть тысячи: много бо имеша жен и сынов. 5 Братия же их во всех племенех Иссахаровых крепцы силою, осьмидесят и седмь тысячи сочтение всех их. 6 Сынове же Вениаминовы: Валай и Ховор и Иедиил, три. 7 Сынове же Вллаевы: Есевон и Озия, и Озиил и Иеримуфф и Урия, пять князей домов отечеств их, крепцы силою, и число их двадесять и две тысячи и тридесять четыре. 8 Сынове же Ховоровы: Замириа и Иоав, и Елиезер и Елиана, и Амария и Иеримуфф и Авия и Анафофф и Елмефем: вси сии сынове Ховоровы. 9 Сочтение же их по родом их, князи домов отечеств их, крепцы силою, двадесять тысячи и двести. 10 Сынове же Иедиилевы Валаам, и сынове Валаамовы Иеос и Вениамин, и Аофф и Аханаан, и Зифан и Фарисис и Асаир: 11 вси сии сынове Иедиилевы, князи племен крепчайши силою, седмьнадесять тысячи и двести ко ополчению с силою исходящии. 12 И Сафан и Ифран, сынове Иеримуфовы, Есуд сын его, 13 Неффалим сын его, и Есиил и Гоини, и Иесер и Селлим, сынове его, Валаам сын его. 14 Сынове Манассии: Езриил, егоже роди наложница его Сира, роди же ему и Махира отца Галаадова. 15 Махир же поят жену Офирови и Сафинови, и имя сестре его Мооха, имя же второму Саллаад. Родиша же Саллааду дщери. 16 И роди Мооха жена Махирова сына и нарече имя его Фарес: и имя брату его Сороор: и сынове его Улам и Ракам. 17 Сынове же Уламовы Валаам: сии сынове

Галаада сына Махирова сына Манассиева. 18 Сестра же его Малехеф роди Иесуда и Авиэзера и Маалу. 19 Беху же сынове Семира: Аим и Сихем, и Докиим и Ениам. 20 Сынове же Ефремли Фусалам, и Раам сын его, и Фаам сын его, и Елаад сын его, и Фаа сын его, 21 и Завад сын его, и Софела сын его, и Езер и Езлада. Убisha же их мужие Гефстии, иже родишася в земли той: зане изыдоша взяти скоты их. 22 И плакася Ефрем отец их многи дни: и прииодаша братия его, да утешат его. 23 И вниде к жене своей: и зача во чреве, и роди сына, и нарече имя его Вария, яко в злых дому его рожден есть. 24 Дщи же его Сараа, и бо оных оставшихся: и созда Вефорон нижний и вышний и Садру. 25 Рафай же сын его, и Расеф и Фалай сынове его, и Фаан сын его, 26 и Ладан сын его, и Амиуд сын его, Елисама сын его, 27 Рун сын его, Иосий сын его. 28 И одержание их и обитание их Вефиль и веси его противу востока Наараня, и к западней стране Газера и веси его, и Сихем и веси его даже до Газы и веси ея, 29 и даже до предел сынов Манассиных, Вефсан и веси его, Фанаах и веси его, и Магеддон и веси его, Дор и веси его: в тех вселившася сынове Иосифа сына Израилева. 30 Сынове Асировы: Иамна и Есуд, и Иесуе и Вария, и Сарреа сестра их. 31 Сынове же Варииевы Ховер и Мелхиил: сей отец Завефов. 32 И Ховер роди Иафлете и Сомира, и Хофана и Сулу сестру их. 33 И сынове Иафлетовы: Фасех и Амамааф и Асоаф: сии сынове Иафлетовы. 34 Сынове же Сомировы: Ихиур, Равгоа и Иава и Арам. 35 Сынове же Асугда брата его: Софа и Иамна, и Елим и Аlam. 36 Сынове Софовы: Суе, Ариафер и Суан, и Ворин и Имрам, 37 и Васар и Иуд, и Сamma и Селимван, и Иефран и Веера. 38 Сынове же Иеферовы: Иефон и Фасфа и Арей. 39 Сынове же Олани: Орех и Аниил и Расиа. 40 Вси сии сынове Асировы, вси князи домов отечества избранныи и крепцы силою, князи, воеводы: сочтение их во время брани на ополчение двадесять шесть тысящ мужей.

8 Вениамин же роди Валу первенца своего, и Азвила втораго, и Диеру третияго, 2 и Науила четвертаго, и Рафу пятаго. 3 Быша же сынове Вале: Адир, Гира и Авиуд, 4 и Ависуй и Ноаман, и Ахия 5 и Гира, и Сефуфам и Урам. 6 Сии сынове Аоди, сии суть князи племен обитающим в Гаваи, ихже преселиша в Мануаф: 7 и Нааман и Ахия, и Гира, тойже иглаам, и (Гира) роди Азана и Нуя. 8 И Сеорим роди на поли Моавли, повнегда отпустити ему Осими и Вааду жены своя: 9 роди же от Валы жены своея Иовава и Самию, и Мису и Мелхома,

10 и Иоаса и Сехио и Мармию: сии сынове его князи отечеств: 11 от Осими же роди Амитова и Елифаада. 12 Сынове же Елифаадовы: Евер и Мисоам и Самиил: той созда Анон и Лодон и веси их, еод и веси его: 13 Верия же и Самиа. Сии князи племенем живущим во Еламе, и тии изгнаша живущих в Гефе. 14 И братия их Сосил и Иеримоф, 15 и Завадия и Орид, и Агад 16 и Мосоллам, и Иесфа и Иезиа, сынове Вериины. 17 И Завадия и Мосоллам, и Азаки и Авер, 18 и Иассий и Самари, и Иезелиа и Иовав, сынове Елфаали. 19 И Иаким и Хезрий, и Завдий 20 и Елионай, и Салафий и Елиил, 21 и Адаиа и Вареа и Самараф, сынове Семеины. 22 И Иесфан и Авер, и Елеил (и Адриа), 23 и Авдон и Зехрий, и Анан 24 и Анания, и Илам и Анафафия, 25 и Иефадия и Фануил, сынове Сосиковы. 26 И Самоас и Сареа, и Ефния 27 и Иарасиа, и Илиа и Зехрия, сынове Иеромоимли. 28 Сии князи отечеств по племенем их: начальницы сии обиташа во Иерусалиме. 29 В Гаваоне же вселился Иеиль отец Гаваона и имя жене его Мааха: 30 сын же его первенец Авдон, и Сур и Кис, и Ваел и Надав, и Нир 31 и Геддор и Аиуй и братия его, и Саур и Махелод. 32 Махелод же роди Самаа. Сии же обиташа прямо братии своей во Иерусалиме с братиесю своею. 33 Нир же роди Киса, и Кис роди Саула, Саул же роди Ионафана и Мелхисуа, и Аминадава и Иесваала. 34 Сын же Ионафанов Мемфиваал (или Мемфивосфей): и Мемфиваал роди Миху. 35 Сынове же Михины: Фифоф и Малофф, и Фарес и Хааз. 36 Хааз же роди Иаду, Иада же роди Салемефа и Асмофа и Замврия, Замврий же роди Месу, 37 Меса же роди Ваану: Рафеа сын его, Еласа сын его, Асаил сын его. 38 Асаилу же шесть сынов, и сия имена их: Езрикам первенец его, и Исаил и Азарии, и Авдии и Сараиа и Анан: вси тии сынови Асаилевы. 39 Сынове же Асена брата его: Улам первенец его, и Иесус второй, и Елифас третий. 40 Быша же сынове Уламли мужие крепцы силою, напрязывающе лук и умножающе сыны и сыны сынов, сто пятьдесят. Вси сии от сынов Вениаминых.

9 И весь Израиль сочен есть: и се, суть писаны в книзе царей Израилевых и Иудиных со преселившимися в Вавилон за беззакония своя, имиже беззаконноваша. 2 И иже обиташа первее во одержаниих своих во градех Израилевых, священницы и левити и вданнии (на служение). 3 И во Иерусалиме обиташа от сынов Иудиных и от сынов Вениаминых и от сынов Ефремлих и Манассиных: 4 Уфий сын Амиуды сына Амвриина, сына

Амвраимова, сына Ваниина, сына сынов Фареса сына Иудина: 5 и от Силона Асаиа первенец его и сынове его: 6 от сынов же Зары Иеил и братия их шесть сот и девятьдесят. 7 И от сынов Вениаминых: Сахом сын Васоллама, сына Одуиева, сына Сануина: 8 и Иевнаа сын Иеровоамов и Елав: и сии сынове Озии сына Махирова: и Мосоллам сын Сафатии, сына Рагуилева, сына Иевана. 9 Братия же их по родом их девять сот пятьдесят шесть, все мужи князи племенем по домом отечеств своих. 10 От священник же Иодаиа и Иоарим, и Иоаким 11 и Азария сын Хелкии, сына Мосолламова, сына Садокова, сына Марарифова, сына Ахитова начальника дома Божия: 12 и Адиам сын Иероамль, сына Фасгора, сына Мелхиаева, и Маасий сын Адиила, сына Езирова, сына Мосолламля, сына Маселимова, сына Еммара. 13 Братия же их князи по домов отечеств своих, тысяча и седмь сот и шестьдесят, сильни крепостию к деланию служения в дому Божии. 14 От левит же Самеиа сын Асувов, сына Езрикамова, сына Савиева от сынов Мерариных, 15 Ваквакар же и Арис, и Гарея и Мафания сын Михаев, сына Зехри, сына Асафова: 16 и Авдия сын Самеа, сына Галилова, сына Идифуня, и Варахиа сын Ассы, сына Елканова, иже обита во дворех Нетофатовых. 17 Дверницы же: Селлум и Акум, и Телмон и Емман, и братия их: Селлум князь. 18 И даже доселе во вратах царских к востоку: сия врата на ополчения сынов Левинных. 19 И Селлум сын Корея, сына Авиасафова, сына Кореова: и братия его по дому отечеств их, Кореане над делами служения стрегущे стражбы скинии: а отцы их над полком Господним, стрегуще входа. 20 Финеес же сын Елеазаров бысть вождь их пред Господем, и сии с ним. 21 Захария сын Мосолламов, дверник врат скинии свидения. 22 Вси избранныи дверницы над врата двести двадесять, сии в селех своих сочтени: сих постави Давид и Самуил провидец в вере их. 23 И сии и сынове их (быша) при вратах дому Господня и в дому скинии стрещи поочередно. 24 По четырем ветром быша двери к востоку, к западу, к северу, к югу. 25 Братия же их, иже живяха в селех своих, приходяха по седми днех от времене даже до времене (на премену тем): 26 понеже четырем дверником сильным вверени быша двери: и левити быша над хранилищи, и над сокровищи дому Божия ополчахся, 27 и окрест дому Божия живяха: яко на них бе стражба их: и сии над ключами, еже утро утво отверзати двери святынища. 28 От тех же (бяху) над сосуды служения, по числу бо вношаху сосуды и по числу изношаху я. 29 От тех же поставлени над сосуды и

над всеми сосуды святыми, и над мукою пшеничною и вином и елеем, и фимиамом и ароматы. 30 От сынов же священнических беша мироварцы, миро соделоваху из аромат. 31 И Маттафия от левит, сей первенец Селлуму Кореанину, ему же вверена дела жертвы сковрадныя великаго жерца: 32 и Ванеа Каафитянин от братий их над хлебы предложения, еже уготовляти в субботы и субботы. 33 И сии псалмопевцы князи отечеств левитских, определени поочередно во храминах, повседневно, яко да день и нощь свое служение отслуживают. 34 Сии князи отечеств левитских по племенем своим, начальницы сии пребываху во Иерусалиме. 35 В Гаваоне же живяше отец Гаваонь Иеиль: и имя жене его Мааха: 36 и сын первенец его Авдон, и Сур и Кис, и Ваель и Нир, и Надав 37 и Гедор, и братия его Аиун и Зехриа и Макелоф. 38 Макелоф же роди Саму: и сии вселишася посреде братий своих во Иерусалиме с братиями своими. 39 Нир же роди Киса, и Кис роди Саула, и Саул роди Ионафана и Мелхисуа, и Аминадава и Иесваала. 40 Сын же Ионафань Мемфиваал: и Мемфиваал роди Миху. 41 Сынове же Михи: Филоф и Мелхиил, и Фараа и Хааз. 42 Хааз же роди Иаду, Иада же роди Алефа и Асмофа и Замвриа: Замврий же роди Месу, 43 Меса же роди Ваану: Рафеа сын его, Еласа сын его, Асаил сын его. 44 Асаилу же (быша) шесть сынов, и сия имена их: Езрикам первенец его, и Исмаил и Азария, и Авдия и Анан и Аса: сии сынове асаиловы.

10 Филистими же воеваша противу Израиля, и бежаша мужи Израилевы от лица иноплеменническа и падоша ранени на горе Гелвуи. 2 И погнаша иноплеменницы вслед Саула и вслед сынов его: и убиша иноплеменницы Ионафана и Аминадава и Мелхисуа, сынов Сауловых. 3 И отягчя брань на Саула, и обретоша его стрелцы в луках и в трудех, и изнеможе от стрел. 4 И рече Саул к носящему оружие его: извлецы меч твой и прободи мя им, да не когда приидут необрязнни сии и поругаются мн. И не восхоте носяй оружие его, яко убояся зело. И взя Саул меч и нападе нань. 5 И виде носяй оружие его, яко умре Саул, и нападе и он на меч свой и умре. 6 И умре Саул и три сына его в день он: и весь дом его купно умре. 7 И видеша вси мужи Израилевы, иже во юдоли, яко побежа Израиль, и яко умре Саул и сынове его, и оставилша грады своя и побегоша: и приидоша иноплеменницы и вселишася в них. 8 И бысть заутра, и приидоша иноплеменницы совлачати падших корысти, и обретоша

Саула и сынов его падших на горе Гелвуи: 9 и обнажиша его, и взяша главу его и оружие его, и послаша в землю иноплеменничу, да обносится (и покажется) идолом их и людем: 10 оружия же их положиша в капищи бога своего: и главу его поткнуша в капищи Дагонове. 11 И услышаша вси живущии во Иависе Галаадстем вся, яже Филистими сотвориша Саулу и сыном его и Израилю: 12 и восташа от Галаада вси мужи крепцы, и придоша и взяша труп Саулов и труп сынов его, и принесоша их во Иавис, и погребоша кости их под дубом во Иависе: и постиша се седьмь дній. 13 И умре Саул за беззакония своя, имиже беззаконнова Господеви по словеси Господню, понеже не сохрани, яко вопросы Саул волшебницы еже вопросити, и отвеща ему Самуил пророк. 14 И не взыска Господа Саул: сего ради уби его и возврати царство его Давиду сыну Иессееву.

11 И собрася весь Израиль к Давиду в Хеврон, глаголюще: се, кости твоя и плоть твоя мы: 2 вчера же и третияго дне, егда еще царствоваше Саул, ты был еси изводяй и вводяй Израиля, и тебе рече Господь Бог твой: ты упасеши люди Моя Израиля, и ты будеши князь над людьми Моими Израилем. 3 И придоша вси старейшины Израилевы ко царю в Хеврон: и утверди Давид с ними завет в Хевроне пред Господем: и помазаша Давида в царя над Израилем по словеси Господню, (еже глагола) рукою Самуиловою. 4 И иде царь Давид и весь Израиль во Иерусалим, сей есть Иевус, идже бяху Иевусе жители земли. 5 Рекоша же Давиду, иже обиташа в Иевусе: не внидеши семо. И взя Давид крепость Сионю, яже есть град Давидов. 6 Рече же Давид: всяк иже убийт Иевусеа в первых, будет князь и воевода. И взыде нань прежде Иоав сын Саруиев и бысть князем. 7 И седе Давид во обдержании: сего ради именова е град Давидов. 8 И созда град окрест от Маала даже да окружения: Иоав же прочее града сострои: и воева и взя град. 9 Преспеваше же Давид идый и растый, и Господь Вседержитель бе с ним. 10 Сии же князи сильных Давидовых, иже помогаху ему в царстве его со всем Израилем, да царь будет по словеси Господню, над Израилем, 11 и сие число крепких Давидовых: Иесваал сын Ахамань, первый между тридесятми: той извлече мечь свой единожды на триста язвенных во едино время. 12 И по нем Елеазар, сын Додеа Ахохии: сей бе между треми сильными: 13 сей бе с Давидом в Фасодомине, идже иноплеменницы собраны быша на брань, и бе часть нивы полна ячменя, и людие побегоша от лица

иноплеменничя: 14 и ста посреде части и защити ю, и изби иноплеменники, и сотвори Господь спасение велие (людем Своим). 15 Снидоша же тии трие от тридесети князей на камень ко Давиду в пещеру Одолламлю, а полк иноплеменнич стояше во юдоли Гигантов. 16 Давид же бе тогда в крепости, полк же иноплеменнич бе тогда в Вифлееме. 17 И возжада Давид и рече: кто напоит мя водою от кладязя Вифлеемска, иже есть во вратах? 18 И трие тии проторгояшася сквозе полк иноплеменнич и почерпоша воду из кладязя, иже в Вифлееме, иже бе во вратах, и взяша и принесоша к Давиду, да пиет. И не восхоте Давид пити ея и возлия ю Господеви 19 и рече: милостив ми Бог, еже сотворити глагол сей: аще кровь мужей сих исплю в душах их, понеже душами своими принесоша. И не восхоте пити ея. Сие сотвориша трие сильни. 20 И Авесса брат Иоавль, той бе первый в триех: сей извлече мечь свой противу триех сот мужей во един час и уби их, и той бе посреде триех именит: 21 от триех между двема преславный, и бе им начальник, обаче ко трием первым не достиже. 22 И Ванеа сын Иодаев, сын мужа крепкаго, многа дела его, от Каваслиа: той уби двоих Ариилов Моавских, и той снide и уби льва у кладязя во время снега: 23 и той уби мужа Египтянина, ему же возраст бе пять лакот, и в руце Египтянина копие яко вратило ткущих: и снide к нему Ванеа с жезлом, и восхити копие из руки Египтянина и уби его копием его: 24 сия сотвори Ванеа сын Иодаев, и бе именит посреде триех сильных: 25 над тридесятю бе славен сей, а ко трием не достиже: и постави его Давид над отечеством своим. 26 И сильни сил: Асаил, брат Иоавль, Елеанан, сын Додоев от Вифлеема, 27 Саммоф Аддитянин, Хелкий Афелонин, 28 Орей сын от Киса Фекуйский, Авиезер Анафофский, 29 Совохай Асофийский, Илий Ахойский, 30 Воорай сын Нетофафиев, Еллаф сын Ваинака Нетофафийского, 31 Ифай сын Ривеин от холма Вениаминя, Ванеа сын Фарафониев, 32 Урий от Неали, Галсавиил Аравефийский, 33 Азмоф Варсамийский, Елиава Саламийский, 34 Ирас Гоинийский, Ионафан сын Саги Араийский, 35 Ахиам сын Сахара Араийского, Зифаал сын Орин, 36 Афер Мехурафинский, Ахия Фелонийский, 37 Асарай Мармелинский, Ноорай сын Авдиеv, 38 Иоиль брат Нафанов, Мавар сын Тараиев, 39 Селлик Аммонин, Наарей Вирофин, иже носил оружие Иоава сына Саруиева, 40 Ира Иеферинин, Гарив Феринин, 41 Урия Хетфейский, Вазаф сын Оолиев, 42 Адина сын Саха, Рувима князь, и у него тридесять, 43 Анан сын Маахин, и Иосафат Фафаин, 44 Озия Астарофин,

Самма и Иеил сынове Хофана Аариина, **45** Иедиил сын Саамерин, и Иозае брат его Фосаин, **46** Иелиил Маон, и Арива, и Осона сын его, Енаам, и Иефема Моавитский, **47** Елиил, и Овид, и Иесиил Месовиев.

12 И сии придоша ко Давиду в Сикелаг, егда еще обдергимь бяше от лица Саула сына Кисова: и сии от сильных помогающе во брани, **2** напрязающе лук десными и шуими руками, и пращницы каменем и стрелами, от братий Сауловых от (колена) Вениамина: **3** князь Ахиезер, и Иоас сын Самаа Гавафита, и Иезиил, и Фалиф, сынове Замофовы, и Варахиа, и Ииуа Анафофитин, **4** и Самаиа Гаваонитин, сильный посреде тридестих и над тридестию, и Иеремия, и Иезекииль, и Иоаннан, и Иозаваф Гадарафитин, **5** Елиозий, и Иеримуф, и Ваалиа, и Самария, и Сафатия Аруфин, **6** Елкана, и Иесиа, и Иелиил, и Иезаар, и Иесваам, Коритяне, **7** и Иоила, и Завадиа, сынове Иероамли, и иже от Гедора. **8** И от Гадди прибегоша к Давиду, (егда таящеся) в пустыни, мужие крепцы и бойцы нарочити, держащии щиты и копия: лица же их яко лица львова, и легцы яко серны на горах скоростию: **9** Азэр в первых, Авдия второй, Алиад третий, **10** Масман четвертый, Иеремия пятый, **11** Иеффрия шестый, Елиил седьмый, **12** Иоанан осмый, Ельзавель девятый, **13** Иеремия десятый, Махавенай первыйнадесять. **14** Сии от сынов Гадовых князи воинстии, един над стом малый, великий же над тысящею: **15** сии иже преидоша Иордан месяца первого: и сей наполнен во всех брезех своих: и изгнаша всех, иже живяху в юдолех от восток даже до запад. **16** Придоша же от сынов Вениаминых и Иудиних на помощь Давиду. **17** И изыде Давид во сретение им и рече им: аще мирно приидосте ко мне, да будет сердце мое такожде к вам: аще же предати мя супостатом моим не во истине руки, да видит Бог отец наших и судит. **18** И облече дух Амасию князя над тридестию, и рече: иди, Давида сыне Иессеев, и людие твои: мир, мир тебе, и мир помощником твоим, яко тебе помогает Бог твой. И восприят их Давид и постави их князей сил. **19** И от Манассии прибегоша к Давиду, егда идяху иноплеменницы на Саула на брань, и не поможе им Давид, яко совет быти у воевод иноплеменичих, глаголющих: с главами мужей сих обратится ко господину своему Саулу. **20** И егда идяше Давид в Сикелаг, прибегоша к нему от Манассии Еднай и Иозаваф, и Иавнил и Михаил и Иосафаф и Елиу и Салафий, князи над тысящами у Манассии: **21** сии даша помошь Давиду на полчище геддуротов, вси бо

крепцы силою: и беша крепцы начальницы в воинстве силою. **22** Зане на всяк день приходжаху к Давиду на помошь ему, в силу велику, аки сила Божия. **23** И сия имена князей воинства, иже придоша ко Давиду в Хеврон, да возвратят царство Саулову к нему по словеси Господню: **24** сынове Иудины носящии щиты и копия шесть тысящ и осмь сот, крепцы ко ополчению: **25** от сынов Симеоних, крепцы силою на ополчение седмь тысящ и сто: **26** от сынов Левиних четыри тысящи и шесть сот: **27** и Иодда князь от колена Аарона, и с ним три тысящи и седмь сот: **28** и Садок, отрок крепкий силою, и дому отца его князи двадесять два: **29** от сынов же Вениаминых братий Сауловых три тысящи, и еще большая часть их наблюдаше стражбу дому Сауля: **30** и от сынов Ефремлих двадесять тысящ и осмь сот крепцы силою, мужие именитии по домом отечеств их: **31** и от полуплемене Манассиина осмьнадесять тысящ, и иже нарекоша именем, да поставят царем Давида: **32** от сынов Иссахаровых мужие учени, иже познаваху времена разсуждению, что сотворити имать Израиль, в начала их двести, и вся братия их с ними: **33** и от Завулона исходящии ко ополчению брани, со всякими оружии бранными, пятьдесят тысящ, в помошь Давиду не с праздными руками: **34** и от Неффалима князей тысяща, и с ними в щитах и с копиями тридесять и седмь тысящ: **35** и от сынов Дановых ополчающиися на брань двадесять осмь тысящ и шесть сот: **36** и от Асира исходящии помощи в брани четыредесять тысящ: **37** и со онья страны Иордана от сынов Рувимовых и от Гадовых и от полуплемене Манассиина во всем оружии браннем сто и двадесять тысящ. **38** Вси сии мужие браннии управлени ко ополчению сердцем мирным: и придоша в Хеврон, да поставят царя Давида над всем Израилем: и прочии от Израиля едино сердце бяху, да царь будет Давид. **39** Быша же ту с Давидов три дни, ядуще и пиюще, уготоваша бо им братия их. **40** И иже близ их бяху даже до Иссахара и Завулона и Неффалима, приношаху им на ослех и велблюдех, и мсках и волех пищу, муку, перевяслы смоквой и гроздие сухое, вино и елей, и волы и овны во множестве, радость бо бысть во Израили.

13 И сотвори совет Давид (со князи) и тысящники, и сотники и всеми начальники, **2** и рече Давид ко всему собранию Израилеву: аще угодно вам, и от Господа Бога нашего благопоспешится, да послем к братиям нашым оставшимся во всей земли Израилеве, и с ними священницы и левити, во градех обдергания их, да

соберутся к нам, 3 и да принесем кивот Бога нашего к нам, не взыскахом бо его во дни Саули. 4 И отвеща все собрание, да тако будет, зане угодно бысть слово сие всем людем. 5 И собра Давид всего Израиля от предел Египетских даже до входа Имафова, еже внести кивот Божий от Града Иарима. 6 И принесе его Давид: и весь Израиль взыде во град Давидов, иже бяше Иудин, еже вознести тамо кивот Господа Бога седяща на Херувимех, идже призвано есть имя Его: 7 и постави кивот Божий на колесницу нову из дома Аминадавля: Оза же и братия его ведяху колесницу: 8 Давид же и весь Израиль играху пред Богом всею силою и в песнях и в гуслех, и псалтири и тимпанех, и кимвалех и в трубах: 9 и приодоша ко гумну Хидоню: и простре Оза руку свою, да поддержит кивот, юнец бо уклони его: 10 и прогневася Господь гневом на Озу и порази его ту, того ради, яко простре руку свою (и прикоснуся) кивоту, и умре ту пред Богом. 11 И оскорбися Давид, яко пресече Господь пресечением Озу, и нарече место то пресечение Озане, даже до дне сего. 12 И убояся Давид Бога в той день, глаголя: како внесу ко мне кивот Божий? 13 И не возврати Давид кивота к себе во град Давидов, но возврати и в дом Аведдара Гефеина: 14 и пребываше кивот Божий в дому Аведдарове три месяцы, и благослови Бог Аведдара и вся, яже имеяше.

14 И посла Хiram царь Тирский послы к Давиду, и древа кедровл, и здателей стен, и древоделей, да созиждут ему дом. 2 И позна Давид, яко уготова его Господь царем над Израилем, яко воздвигся в высоту царство его, ради людий его Израиля, 3 и поят Давид еще жены во Иерусалиме: и родишаася ему еще сынове и дщери. 4 И сия имена их, иже родишаася ему во Иерусалиме: Саммаа и Савав, Нафан и Соломон, 5 и Иеваар и Елисуй и Елифааф 6 и Нагеф, и Нафаг и Иафие, 7 и Елисама и Валиада и Елифалет. 8 И услышаша иноплеменницы, яко помазан бысть Давид в царя над всем Израилем, и изыдоша вси иноплеменницы взыскати Давида. И услыша Давид и изыде противу их. 9 Иноплеменницы же приодоша и разлияшаася во юдоли Исполинов. 10 И вопросы Давид Бога, глаголя: аще взыду на иноплеменники, и предаси ли их в руки мои? И рече ему Бог: взыди, и предам их в руки твоя. 11 И изыде во Ваал-Фарасин, и порази их тамо Давид. И рече Давид: разсече Бог враги моя рукою мою, якоже разсечение воды. Сего ради нарече имя месту тому Фарасин, Разсечение. 12 И оставиша тамо боги своя иноплеменницы, ихже Давид повеле сожеши огнем. 13 И

приложиша еще иноплеменницы, и разлияшаася еще во юдоли Исполинов. 14 И вопросы паки Давид Бога. И рече ему Бог: не исходи за ними: отвратися от них, и приидеш на них прямо грушей: 15 и будет егда услышиши глас шума верхов грушей, тогда изыдеш на брань, яко изыде Бог пред тобою, да поразит полки иноплеменнически. 16 И сотвори Давид, якоже повеле ему Бог: и порази полки филистимов от Гаваона даже до Газира. 17 И прославися имя Давидово во всех странах, и Господь даде страх его на вся языки.

15 И сотвори себе домы во граде Давидове, и уготова место кивоту Божию, и сотвори ему скинию. 2 Тогда рече Давид: не леть есть, (да от всякаго) носится кивот Божий, но токмо от левит, понеже избра их Господь носити кивот Господень и служити Ему даже до века. 3 И собра Давид весь Израиль во Иерусалим, да внесется кивот Божий на место, еже уготова ему. 4 И собра Давид сынов Аароновых и левиты: 5 от сынов Каафовых Уриил начальник и братия его, сто двадесять: 6 от сынов Мерариних Асана начальник и братия его, двести пятьдесят: 7 от сынов Герсоних Иоиль начальник и братия его, сто тридесять: 8 от сынов Елисафаних Семеиа начальник и братия его, двести: 9 от сынов Хевроновых Елиил начальник и братия его, осьмидесят: 10 от сынов Озиилевых Аминадав начальник и братия его, сто двадесять. 11 И призва Давид Садока и Авиафара священники, и левиты Уриила, Асана и Иоиля, и Семеиана и Елиила и Аминадава, 12 и рече к ним: вы, начальницы отечеств левитских, освятитесь вы и братия ваша, и принесите кивот Господа Бога Израилева (на место), идже уготовах ему: 13 яко прежде вам не готовым сущым, раздели Господь Бог наш в нас, яко не взыскахом Его по разсуждению. 14 И освятишаася священницы и левити, да внесут кивот Господа Бога Израилева. 15 И взяша сынове левитстии кивот Божий, якоже повеле Моисей словом Божиим по писанию, рамены своими на носилех. 16 И рече Давид начальником левитским: поставите братию свою певцов во органех, песнях мусикийских, псалтирих, в гуслех и кимвалех, да возгласят в высоту гласом веселия. 17 И поставиша левити Емана сына Иоилева: и от братий его Асафа сына Варахиня: и от сынов Мерариних, братий его, Ефана сына Кисеова: 18 и с ними братия их, втории (чином), Захария и Озиил, и Семирамофф и Иеиил, и Ананий и Елиав, и Ванеа и Маасия, и Маттафия и Елифала, и Макения и Авдедом, и Иеиил и Озия, дверницы.

19 И певцы Еман, Асаф и Ефам в кимвалы медяны (возглашающе) в слышание: 20 Захария же и Озиил, и Семирамоф и Иеиил, и Ананий и Елиав, и Маасия и Ванеа со гусльми тайны пояху: 21 и Маттафия и Елифала, и Макения и Авдедом, и Иеиил и Озия в кимвалех пояху, еже превзыти: 22 и Хонения начальник левитский, начальник пений, зане разумен бе: 23 и Варахия и Елкана дверницы кивота: 24 и Совения и Иосафат, и Нафанаил и Амасия, и Захария и Ванай и Елиезер священницы трубящии трубами пред кивотом Божиим: и Авдедом и Иеиил дверницы кивота Божия. 25 И бе Давид и старейшины Израилевы и тысящницы идущии, еже изнести кивот завета Господня из дому Авдедомля с веселием. 26 И бысть егда укрепляше Бог левиты носящыя кивот завета Господня, и пожроша седмь телцев и седмь овнов: 27 Давид же бяше одеян ризою виссонною, и вси левити, носящии кивот завета Господня, певцы же и Хонения начальник песней поющих, на Давиде же бе ефуд виссонный. 28 И весь Израиль провождаше кивот завета Господня с восклицанием и гласом трубным, и с трубами и кимвалы, глашающе в гусли и кифары. 29 И бысть егда прииде кивот завета Господня даже до града Давидова, и Мелхола дщи Сауля смотряше во окно, и виде царя Давида скачуща и играюща и уничижи его в сердцы своем.

16 Принесоша убо кивот Божий и поставиша его посреде скинии, юже водрузи ему Давид, и принесоша всесожжения и спасителная пред Господем. 2 И соверши Давид вознося всесожжения и спасителная, и благослови люди во имя Господне, 3 и раздели всякому мужу Израилску, от мужа даже до жены, мужу хлеб един печеньй, (и часть печена мяса,) и пряженый со елеем семидал: 4 постави же пред лицем кивота завета Господня от левит, еже служити и возглашати (дела Его), и исповедати и хвалити Господа Бога Израилева: 5 Асаф начальник, и другой по нем Захария, Иеиил и Семирамоф, и Иеиил и Маттафия, и Елиав и Ванеа и Авдедом: Иеиил же во органех и псалтири и гуслях, Асаф же в кимвалех возглашаш: 6 и Ванеа и Озиил священницы (трубиша) выну в трубы пред кивотом завета Божия. 7 В той день устрои Давид в начале хвалити Господа рукою Асафа и братии его. 8 Песнь. Исповедайтесь Господеви и призываите Его во имени Его, знаема соторвите людем начинания Его: 9 пойте Ему и воспойте Ему, поведите вся чудеса Его, яже соторви Господь: 10 хвалите имя святое Его, да возвеселится сердце ищущее благоволения Его:

11 взыщите Господа и укрепитеся, взыщите лица Его выну: 12 помяните чудеса Его, яже соторви, знамения и судбы уст Его, 13 семя Израилево, раби Его, сынове Иаковли, избраннии Его. 14 Той Господь Бог наш, во всей земли судбы Его. 15 Помянем во век завет Его, слово Его, еже заповедал в тысящи родов, 16 еже завеща Аврааму, и клятву Свою Исааку: 17 и постави е Иакову в повеление, Израилю в завет вечен, 18 глаголя: тебе дам землю Ханааню, уже достояния вашего. 19 Внегда быти им малым числом, яко умалишася и преселишася в ню, 20 и преидоша от языка в язык и от царствия к людем иным, 21 не остави мужа обидети их, и обличи о них цари: 22 не прикасайтесь помазанным Моим, и во пророцах Моих не лукавнуйте. 23 Воспойте Господеви, вся земля, возвестите от дне на день спасение Его, 24 возвестите во языщах славу Его, во всех людех чудеса Его, 25 яко велий Господь и хвален зело, страшен есть над всеми боги. 26 Яко вси бози языков идоли: Господь же наш небеса соторви. 27 Слава и величество пред лицем Его, крепость и похвала в месте Его святем. 28 Дадите Господеви, отечествия языков, дадите Господеви славу и крепость, 29 дадите Господеви славу имени Его: возмите дары и принесите пред лице Его, и поклонитеся Господеви во дворех святых Его. 30 Да убоится от лица Его вся земля, да исправится земля и да не подвигжится: 31 да возвеселятся небеса и да возрадуется земля, и да рекут во языщах: Господь царствует. 32 Да возгласит море и исполнение его, и древа польская, и вся яже на них. 33 Тогда возвеселятся древа дубравная пред лицем Господним, яко прииде судити земли. 34 Исповедайтесь Господеви, яко благ, яко в век милость Его, 35 и глаголите: спаси ны, Боже, Спасителю наш, и собери нас, и изми нас от языка, да хвалим имя святое Твое, и хвалимся во хвалениих Твоих. 36 Благословен Господь Бог Израилев от века даже и до века. И рекут вси людие: аминь. И восхвалиша Господа. 37 И оставиша тамо пред кивотом завета Господня Асафа и братию его, да служат пред кивотом выну по вся дни: 38 и Авдедом и братия его, шестьдесят осмь: и Авдедом сын Идифунь и Осай (поставлени) во дверники: 39 Садока же священника и братию его священниками пред скинию Господнею в вышних иже в Гаваоне, 40 да возносят всесожжения Господеви на олтари всесожжений выну утро и вечер, и по всем яже писана суть в законе Господни, елика повеле сыном Израилевым рукою Моисея раба Божия: 41 и с ними Еман и Идифум и прочии избраннии кийждо званием своим еже хвалити Господа, яко в век милость

Его: 42 и с ними трубы и кимвалы еже возглашати, и органы пений Божиих: сынове же Идиуми во вратах (стояху). 43 И идоша вси людие кийждо в дом свой, и Давид возвратися, да благословит дом свой.

17 И бысть егда обитаše Давид в дому своем, и рече Давид к Нафанию пророку: се, аз живу в дому кедрове, кивот же завета Господня под кожами. 2 И рече Нафан к Давиду: все еже в сердцы твоем твори, яко Бог с тобою есть. 3 И бысть нощи тоя, и бысть слово Господне к Нафанию, глаголя: 4 иди и рцы Давиду рабу Моему: сия рече Господь: не созиждеши ты Мне дому, еже обитати Ми в нем: 5 яко не обитах в дому от дне, в онъже изведох Израиля (от земли Египетския), даже до дне сего, но бых в скинии и в шатре: 6 во всех аможе ходих со всем Израилем, аще глаголя глаголах коему колену Израилеву, имже повелех да пасут люди Моя, глаголя: чесо ради не создасте Мне дому кедрова? 7 И ныне тако рцы рабу Моему Давиду: сия рече Господь Вседержитель: Аз изях тя от паства, егда последовал еси стаду, еже быти тебе вождем над людьми Моими Израилем, 8 и бых с тобою во всех, идеже ходил еси, и потребих вся враги твоя от лица твоего, и сотворих тебе имя якоже имя великих, иже на земли: 9 и дах место людем Моим Израилю, и насадих я, и обитают в нем, и не возскорбят ктому: ни сынове беззакония приложат смирити их якоже от начала 10 и от дний, в наяже дах судии людем Моим Израилю, и смирих вся враги твоя, и возвращу тя, и дом созиждеть ти Господь: 11 и будет егда исполнятся дни твои и почиеши со отцы твоими, и воздвигну семя твое по тебе, еже будет от чрева твоего, и возставлю царство его: 12 той созиждеть Мне дом, и укреплю престол его даже до века: 13 Аз буду ему во отца, и той будет Мне в сына: и милость Мою не отиму от него, якоже отях от бывших прежде тебе: 14 и уверю его в дому Моем и во царствии его даже до века, и престол его будет исправлен до века. 15 По всем словесем сим и по всему видению сему тако глаголал есть Нафан к Давиду. 16 И прииде царь Давид, и седе пред Господем, и рече: кто есмь аз, Господи Боже мой? И что дом мой, яко возлюбил мя еси до века? 17 И сия мала суть пред Тобою, Боже, и глаголал еси на дом раба Твоего (еще) издалеча, и призрел еси на мя яко видение человека, и возвысил мя еси, Господи Боже: 18 что приложит еще Давид к Тебе еже прославити? И ты раба Твоего веси: 19 Господи, раба Твоего ради сотворил еси все величие сие и по сердцу Твоему, еже знаема

с сотворити вся величия Твоя: 20 Господи, несть подобен Тебе, и несть Бога разве Тебе, по всем елика слышахом уshima нашима, 21 и несть, якоже людие Твои Израиль, язык еще на земли, яко пойде Бог избавити люди Себе, еже положити имя Себе велие и славное, еже изгнati от лица людий Твоих, ихже избавил еси от Египта, языки: 22 и дал еси люди Твоя Израиля Тебе в люди даже до века, и Ты, Господи, был еси им в Бога: 23 и ныне, Господи, слово Твое, еже глаголал еси рабу Твоему и на дом его, да уверится до века: и сотвори якоже глаголал еси, 24 и да уверится и возвеличится имя Твое даже до века, глаголюших: Господи, Господи Вседержителю, Боже Израилев, и дом Давида раба Твоего да будет исправлен пред Тобою: 25 Ты бо, Господи Боже мой, отверзл еси ухо раба Твоего создати ему дом, сего ради обрете раб Твой (дерновение) молится пред лицем Твоим: 26 и ныне, Господи, Ты еси Сам Бог, и глаголал еси к рабу Твоему благая сия: 27 и ныне начни благословити дом раба Твоего, да будет во веки пред Тобою: яко Ты, Господи, благословил еси, и благослови во веки.

18 И бысть по сих, и порази Давид иноплеменники, и прогна их: и взя Геф и веси его от руки иноплеменниччи. 2 И порази Давид Моава, и бяху Моавити раби Давиду приносяще ему дань. 3 И порази Давид Адраазара царя Сувска во Емафе, идущу ему поставить руку свою над рекою Евфратом: 4 и взя от него Давид тысячу колесниц и седмь тысяч конник и двадесять тысяч мужей пешцев, и разби Давид вся колесницы, и оставил от них сто колесниц, (ихже удержа себе). 5 И прииде Сир от Дамаска, да помошь даст Адраазару царю Сувску, и порази Давид от Сироных двадесять две тысячи мужей: 6 и поставил Давид стражу в Сирии, яже близ Дамаска, и бяху Давиду в рабы приносяще дань: и спасе Господь Давида во всех, в нихже хождаше. 7 И взя Давид гравны златыя, ихже имеша раби Адраазаровы, и принесе я во Иерусалим. 8 И из Метавефа и от избранных градов Адраазаровых взя Давид меди много зело, из неяже сотвори Соломон море медяно, и столпы, и сосуды медяныя. 9 И услыша Фоа царь Емафский, яко порази Давид всю силу Адраазара царя Сувска, 10 и послал Адурама сына своего к царю Давиду, да вопросит его, яже о мире, и благословити его о сем, яко победи Адраазара и порази его, понеже муж противен бяше Фоа Адраазару. 11 И вся сосуды златыя и сребряныя и медяныя, и сия освяти царь Давид Господу со сребром и златом, яже взя от всех язык, от Идумеи и Моава, и

от сынов Аммоних и от иноплеменник и от Амалика. 12 Авесса же сын Саруиев порази Идумею во юдоли Сланей, осмынадесять тысящ: 13 и постави во юдоли стражу, и беша вси Идумеане раби Давиду. И спасаше Господь Давида во всех, в нихже хождаше. 14 И воцарися Давид над всем Израилем, и бе творя суд и правду всем людем своим. 15 Иоав же сын Саруиев (бысть) над воинством, и Иосафат сын Ахилудов памятописец, 16 и Садок сын Ахитов и Авимелех сын Авиафаров священники, и Суса книгочий, 17 и Ванеа сын Иодаев над Херефием и над Фелефием: сынове же Давидовы первии преемницы царевы.

19 И бысть по сих, умре Наас царь сынов Аммоних, и воцарися Амам сын его вместо его. 2 И рече Давид: сотворю милость со Ананом сыном Наасовым, якоже сотвори отец его милость со мною. И послы Давида послы на утешение ему о отце его. И придоша отроцы Давидовы в землю сынов Аммоних ко Анану, да утешат его. 3 И рекоша начальници сынов Аммоних ко Анану: еда прославляя Давид отца твоего пред тобою, послы к тебе утешители? Никако: но да испытают град и соглядают землю, придоша к тебе отроцы его. 4 И взя Анан рабов Давидовых, и обри их, и отреза от риз их половину даже до чресл, и отпусти их. 5 И придоша возвестити Давиду о мужех: и послы во сретение им, яко быша обезчещени зело. И рече царь: седите во Иерихоне, дондеже возрастут брады ваши, и возвратитесь. 6 И видеша сынове Аммони, яко посрамлени быша людие Давидовы, и послы Анан и сынове Аммони тысящу талант сребра, да наймут себе от Сирии Месопотамски, и от Сирии Мааха, и от Сувы колесницы и конники: 7 и наяша себе тридесять две тысящи колесниц и царя Мааха и людий его: и придоша и ополчишася прямо Мидаве: и сынове Аммони собирахася от градов своих и придоша на брань. 8 И услыша Давид, и послы Иоава и все воинство сильных. 9 И изыдоша сынове Аммони и ополчишася на брань при вратах градских: царие же пришедши ополчишася особно на поли. 10 И виде Иоав, яко бысть на него противное лицо брани сопреди и созади, и избра от всех юнош Израилевых и устрои их противу Сира, 11 и останок людий даде в руце брату своему Авессе, и ополчишася противу сынов Аммоних. 12 И рече: аще укрепится Сир паче мене, то будеши мне во спасение: аще же сынове Аммони укрепятся паче тебе, то аз спасу тя: 13 мужайся, и укрепимся о людех наших и о градех Бога нашего, и Господь, еже

благо пред очима его, сотворит. 14 И ополчися Иоав и вси людие, иже с ним, противу Сирян на брань, и побегоша от них. 15 Сынове же Аммони видеша, яко побегоша Сиряне, и побегоша и они от лица Авессы и от лица Иоава брата его, и внидоша во град: Иоав же возвратися во Иерусалим. 16 И виде Сир, яко победи его Израиль, и послы послы: и изведоша Сира, иже бе за рекою, Софак же первоначалник тысящником силы Адраазаровы пред ними. 17 И возвещено бысть Давиду, и собра весь Израиль, и прейде Иордан, и прииде на них, и ополчися противу их: и ополчися Давид противу Сира на брань и воева нань. 18 И убеже Сир от лица Израилева, и уби Давид от Сира седмь тысящ колесниц и четырдесять тысящ пешцев, и Софака первоначалника силы уби. 19 И видеша раби Адраазаровы, яко падоша от лица Израилева, и прибегоша к Давиду, и служаху ему: и не восхоте Сир помогати сыном Аммоним ктому.

20 И бысть в находящее лето во время исходения царей (ко брани), и собра Иоав всю силу воинства, и опустоши землю сынов Аммоних: придоша же и обседоша Равваф. Давид же пребываше во Иерусалиме: Иоав же порази Равваф и разори его. 2 Взя же Давид венец Молхома царя их от главы его, и обретеся вес в нем талант злата, и в нем камень драгий, и бе на главе Давидове: плены же градски взя многи зело, 3 и людий сущих в нем изведе и претре пилами и орудии железными и разсецающими: тако сотвори Давид всем градом сынов Аммоних, и возвратися Давид и вси людие его во Иерусалим. 4 И бысть по сем, и начася еще брань в Газере со иноплеменники: тогда порази Совохай Усафитянин Сафута от сынов Исполиновых и смири его. 5 И бысть еще брань противу иноплеменник, и порази Елеанан сын Иаиров Лаомиа, брата Голиафа Гефейского, ему же древо копия его яко навой ткущих. 6 И бысть еще брань в Гефе, и бе муж зело велик, по шести имеющ перстов, всех двадесять четыре, и сей бе от колена Исполинов, 7 и поноси Израиля: и порази его Ионафан сын Сammaа брата Давидова. 8 Сии родишася Рафаю в Гефе, всех их бе четыри исполнины, и падоша рукою Давидовою и рукою рабов его.

21 Воста же диавол на Израиля и подусти Давида, да сочислит Израиля. 2 И рече царь Давид ко Иоаву и к начальником силы: идите и сочтите Израиля от Вирсавии даже до Dana, и принесите ко мне, да познаю число их. 3 И рече Иоав: да приложит Господь к людем Своим, якоже сии сторицею, и очи господина моего царя да видят: не

вси ли господину моему царю раби суть? И почто хощет сего господин мой? Дабы не вменилося в грех Израилю. 4 Но слово царево преможе Иоава: и пойде Иоав, и обиде всего Израиля, и прииде во Иерусалим. 5 И даде Иоав Давиду число сочтения людей: и обретеся всего Израиля тысяща тысящ и сто тысящ мужей и носящих оружия: и от сынов Иудиных четыре ста и седмьдесят тысящ мужей носящих оружие: 6 Левии же и Вениамина не сочте среде их, понеже вознегодова о словеси цареве Иоав. 7 И не угодно явися пред Богом повеление сие, и порази Израиля. 8 Рече же Давид ко Богу: согрехи зело, яко сотворих веъщ сию: и ныне молю, отими беззаконие раба Твоего, яко обезумихся зело. 9 И рече Господь ко Гаду пророку Давидову, глаголя: 10 иди и рцы к Давиду, глаголя: тако глаголет Господь: трие Аз наведу на тя, избери себе едино от них, и сотворю тебе. 11 И прииде Гад к Давиду и рече ему: 12 сице глаголет Господь: избери себе, (еже хощеш,) или три лета глада, или три месяцы бегати тебе от лица враг твоих, и оружие враг твоих постигнет тя, или три дни мечь Господень, и смерть на землю, и Ангел Господень убиваяй во всем наследии Израилеве: ныне убо разсмотрит, что отвещаю Пославшему мя со словом. 13 И рече Давид ко Гаду: тесна ми суть три сия зело: но лучше ми есть впасти в руце Господни, зане многи щедроты Его зело, в руки же человеческия да не впаду. 14 И посла Господь смерть во Израиля, и падоша от Израиля седмьдесят тысящ мужей. 15 И послы Бог Ангела во Иерусалим, да избият его. И егда избиваше, виде Господь и раскася о зле, и рече Ангелу избивающему: довлеет ти, отими руку твою. Ангел же Господень стояше на гумне Орны Иевусеанина. 16 И возведе Давид очи своя, и виде Ангела Господня стояща между землею и небом, и мечь его извлечен в руку его, простерт на Иерусалим. И паде Давид и старейшины (Израилевы) облечениии во вретище на лице свое, 17 и рече Давид к Богу: не аз ли повелех сочислiti люди? Аз есмъ, иже согрехих, и зло творя зло сотворих, сия же овцы что сотвориша? Господи Боже мой, да будет рука Твоя на мне и на дому отца моего, а не на людех Твоих в погубление, Господи. 18 Ангел же Господень рече Гаду, еже глаголати к Давиду: да взыдет и созиждет олтарь Господу Богу на гумне Орны Иевусеанина. 19 И взыде Давид по словеси Гадову, еже глагола именем Господним. 20 И обратися Орна и виде царя, и четыри сынове его с ним крыющиися. Орна же бе (в то время) младя на гумне пшеници. 21 И прииде Давид ко Орне, и обратися Орна, и узре Давида, и пойде от

гумна, и поклонися Давиду лицем на землю. 22 Рече же Орне Давид: дажь мне место гумна твоего, да созижду на нем олтарь Господеви, на сребре достойне дажь ми е, и престанет язва от людий. 23 Рече же Орна к Давиду: возми себе, и да сотворит господин мой царь, еже угодно пред ним: се, даю телцы на всесожжение, и плуг на дрова, и пшеницу в жертву, вся (добровольно) даю. 24 И рече царь Давид Орне: ни, но куплею куплю, сребром достойным, понеже не возму Господеви, яже суть твоя, еже вознести всесожжение туне Господеви. 25 И даде Давид Орне за место то сикль златых весом шесть сот. 26 И созда ту Давид олтарь Господеви, и вознесе всесожжения и спасителная и воззва ко Господу, и услыша его во огни от небесе на олтарь всесожжения, и потреби всесожжение. 27 И рече Господь ко Ангелу: и вложи мечь во влагалище его. 28 Во время оно, егда виде Давид, яко услыша его Господь на гумне Орны Иевусеанина, и пожре ту жертвы. 29 И скиния Господня, юже сотвори Моисей в пустыни, и олтарь всесожжения во время оно бысть в вышнем, еже в Гаваоне. 30 И не возможе Давид ити пред него, еже вопросити Бога, понеже устрашен бысть от лица меча Ангела Господня.

22 Рече же Давид: се есть дом Господа Бога, и сей олтарь на всесожжения Израилю. 2 И рече Давид собрати вся пришелцы, иже на земли Израилеве, и постави каменосечцев сеци камения тесаная, да созиждется дом Божий. 3 Железо же много на гвозди дверем и вратом на спаяние уготова Давид, и меди множеству не бе числа: 4 и древам кедровым не бе числа: яко принесоша Сидоняне и Тиряне древ кедровых множество Давиду. 5 И рече Давид: Соломон сын мой детищ млад, дом же еже созидати Господеви в величество высоко, во имя и в славу во всю землю, уготовлю ему. И уготова Давид (всего) множество прежде скончания своего. 6 И призыва Давид Соломона сына своего и заповеда ему, да созиждет дом Господу Богу Израилеву. 7 Рече же Давид к Соломону: чадо, мне бяше в сердцы, да созижду дом имени Господа Бога моего: 8 и бысть слово Господне ко мне, глаголюще: многи крови пролиял еси и многи брани сотворил еси, не созиждиши дому имени Моему, яко многи крови пролиял еси на землю предо Мною: 9 се, сын родится тебе, сей будет муж покоя, и упокою его от всех враг его окрест, зане Соломон имя ему, и мир и покой дам ему над Израилем во дни его: 10 той созиждет дом имени Моему, и той будет Мне в сына, и Аз буду ему во отца: и исправлю

престол царства его во Израили до века: 11 ныне убо, сыне мой, будет Господь с тобою и благопоспешит, и созиждеши дом Господу Богу твоему, якоже глагола о тебе: 12 да даст же тебе премудрость и разум Господь и да укрепит тя над Израилем, еже хранити и творити закон Господа Бога твоего: 13 тогда благопоспешит, аще сохраниши творити заповеди и суды, яже повеле Господь Моисеови, (да учит) Израилю: мужайся и крепися, не бойся, ниже устрашися: 14 и се, аз по убожеству моему уготовах на дом Господень злата талантов сто тысящ, и сребра тысяща тысящ талантов, медь же и железо, ему же несть веса, понеже множество есть, и древа и камения уготовах, и к сим да приложиши: 15 и с тобою Господь, и приложиши ко множеству творящих дела, художницы, и строителье камений, и древоделе, и всяк мудрец во всяком деле, 16 в злате и сребре, в меди и железе несть числа: востани убо и твори, и Господь с тобою. 17 И повеле Давид всем начальником Израилевым, да помогают Соломону сыну его, глаголя: 18 не Господь ли с вами? И даде вам покой окрест, зане даде в руки ваша живущих на земли, и покорена земля пред Господем и пред людьми Его: 19 ныне убо дадите сердца ваша и души ваша еже взыскати Господа Бога вашего, и востаните и созидайте святыню Господу Богу нашему, да внесется кивот завета Господня и сосуды святыя Божии в дом созидаемый имени Господню.

23 И Давид стар и исполнен дний, и воцари Соломона сына своего вместо себе над Израилем: 2 и собра всех князей Израилевых, и священников, и левитов: 3 сочтени же быша левити, от тридесяти лет и выше, и бысть число их по главам их, мужей тридесять и осмь тысяч: 4 от сих избраны на дела дому Господня двадесать четыри тысящи, и книгочей и судий шесть тысяч, 5 и четыри тысящи дверников, и четыри тысящи поющих Господеви во органы, иже створи ко хвалению Господню. 6 И раздели их Давид на чреды сыном Левииним, Гирсону, Каафу и Мераре: 7 и Гирсону и Леадану и Семею. 8 Сынове Леадами: начальник Иеил и Зеффор и Иоиль, трие. 9 Сынове же Семеовы: Саломиф и Азаил и Арам, трие: сии начальники отечества Леаданих. 10 И сыном Семеовым Иеф и Зизай, и Иоас и Верия: тии сынове Семеовы четыре. 11 Бе же Иеф первый и Зизай второй: Иоас же и Верия не имesta многих сынов и быста в дому отечества в прichtение едино. 12 Сынове Каафовы: Амврам и иссаар, Хеврон, Озиил, четыри. 13 Сынове Амврамли: Аарон и Моисей: отлучен

же бысть Аарон еже освящати Святая Святых, той и сынове его во веки, и да кадит фимиамом пред Господем, служит Ему и молится во имя Его до века. 14 Моисей же человек Божий и сынове его прichtени суть в колено Левиино. 15 Сынове Моисеовы: Гирсам и Елиезер. 16 Сынове Гирсамли, Суваил начальник. 17 Быша же сынове Елиезеру, Равии начальник: и не беша Елиезеру сынове инии: сынове же Равиины умножени суть зело. 18 Сынове иссааровы, Саллумоф начальник. 19 Сынове Хеврони: Иериав первый, Амария второй, Иазиил третий Иезекия четвертый. 20 Сынове же Озиили: Миха первый, и Иессия второй. 21 Сынове Мерарини: Мооли и Муси. 22 Сынове моолиевы: Елеазар и Кис. Умре же Елеазар, и не быша ему сынове, но токмо дщери: и пояса их сынове Кисовы братия их. 23 Сынове Мусини: Мооли и Едер и Иаримоф, трие. 24 Сии сынове Левиини по домом отечеств их, начальницы отечеств их, по согляданию их, по числу имен их, по главам их, иже творяху дела служения дому Господня, от двадесати лет и выше. 25 Рече бо Давид: покой даде Господь Бог людем Своим Израилю, и вселися во Иерусалиме даже да века, 26 и левити не быша носяще скинию и вся сосуды ея к служению ея. 27 По повелению бо Давидову последнему есть число сыновом Левииным от двадесати лет и выше: 28 зане постави их под руку сыном Аароним, еже служити в дому Господни во дворех и в притворех, и во очищении всех святынь, и в делех служения дому Божия, 29 и над хлебами предложения, и над мукою пшеничною жертвы, и над прямами опресночными, и над сковордою, и над печеным, и над всяким весом и мерою, 30 и еже стояти, утро хвалити и исповедатися Господеви, такожде и к вечеру, 31 и над всеми возносимыми всесожжении Господеви в субботы, и в новомесячиих, и в праздницах, по числу, по чину их выну Господеви, 32 и да сохранят стражбы скинии свидения, и стражу святилища, и стражбы сынов Аароних братий своих, да служат в дому Господни.

24 И сыном Аароним разделения: сынове Аарони: Надав и Авиуд, и Елеазар и Ифамар. 2 И умрosta Надав и Авиуд прежде отца своего, и сынове не быша има: и священствова Елеазар и Ифамар, сынове Аарони. 3 И раздели их Давид, и Садок от сынов Елеазаровых, Ахимелех же от сынов Ифамаровых по сочислению их, по служению их и по домом отечеств их. 4 И обретошася сынове Елеазаровы множайшии в начальники сил, нежели сынове Ифамаровы: и раздели их сыном Елеазаровым в начальники в домы отечеств шестьнаадесять, и сыном

Ифамаровым по домом отечеств их, осмь. 5 Раздели же их по жребием между ими, понеже бяху начальницы святынища и начальницы Божии в сынех Елеазаровых и в сынех Ифамаровых: 6 описа же их Самаиа сын Нафанаиль писарь от левит пред царем и князи и Садоком священником и Ахимелехом сыном Авиафара, и начальницы отечеств священников и левитов дому отечества, един ко Елеазару и един ко Ифамару. 7 И изыде жребий первый Иоариму, Иедию второй, 8 Хариву третий, Сеориму четвертый, 9 Мелхио пятый, Мениамину шестый, 10 Аккосу седьмый, Авии осмый, 11 Иисусу девятый, Сехении десятый, 12 Елиасиву единонаадесятый, Иакиму дванадесятый, 13 Оффаю тринадесятый, Иесваалу четыренадесятый, 14 Велгии пятыйнадесять, Еммиру шестыйнадесять, 15 Иефию седьмыйнадесять, Афессию осмыйнадесять, 16 Феттию девятыйнадесять, и Езекиилю двадесятый, 17 Ахину двадесять первый, Гамуилу двадесять второй, 18 Далеию двадесять третий, Иеилю двадесять четвертый. 19 Сие сочисление их по служению их входити в дом Господень по чину своему, рукою Аарона отца их, якоже повеле Господь Бог Израилев. 20 И сыном Левининым прочиим: сыном Амврамлим Соваил, сыном Соваилим Иадаиа, 21 сыном Равининым начальник Иесиа, 22 сыном Иасарининым Саломофф, сыном Саломофовым Иаф: 23 сынове Иедиуа: Иериав первый, Амадия второй, Иазил третий, Иекмоам четвертый. 24 Сыном Озиилим Миха, сынове Михины Самир: 25 брат Михин Исиа, сын Исиин Захария. 26 Сынове Мерарини: Мооли и Муси, сын Озин Вонний: 27 сынове Мерарини Озиа: сынове его Иесома и Закхур и Иовфи: 28 Моолио Елеазар (и Ифамар). Умре же Елеазар, не беша ему сынове. 29 Кису сын Кисов Иерамеил. 30 Сынове Мусины: Мооли и Едер и Еrimоф. Сии сынове левитстии по домом отечеств своих. 31 Прияша же и тии жребия, якоже и братия их сынове Аарони, пред Давидом царем и Садоком и Ахимелехом и начальники отечеств священнических и левитских: патриарси Аарони, якоже и братия его юнейшии.

25 И постави Давид царь и князи силы над дельы сыны Асафовы и Емани и Идифумовы, иже провещаваху в гуслех и псалтирех и кимвалех, и бысть число их по главам мужей творящих дела своя. 2 Сынове Асафовы: Закхур и Иосиф, и Нафания и Асиил: сынове Асафовы держащеся Асафа пророка близ царя. 3 Идифуму сынове Идифумли: Годоллиа и Сури, и Исеа и Семей, и Асавии и Маттафия, шесть по отце своем

Идифуме в гусли бряща исповедание и хваление Господеви. 4 Еману сынове Емана: Вукиа и Мафания, и Озиил и Суваил, и Иеримуф и Анания, и Анан и Елиафа, и Годоллафий и Ромамфиезер, и Савах и Маллифий, а Офир и Мазиоф. 5 Вси сии сынове Емана бряща царю в словесех Божиих, да вознесется рог. Даде же Бог Еману сынов четыренадесять и три дщери: 6 вси сии со отцем своим воспевающе в дому Божии в кимвалех и во псалтирах и гуслех, в служение дому Божия близ царя, и Асаф и Идифум, и Еман. 7 Бысть же число их со братиою их научени пению Господню и всех разумеющих (пения) двести осмьдесят и осмь. 8 Вергоша же и сии жребия чреды дневныя, по малу и по велику совершенных и учащихся. 9 И изыде жребий первый сынов его и братии его Асафу Иосифову, Годолииа: второй иниа, сынове его и братия его дванадесять: 10 третий Закхур, сынове его и братия его дванадесять: 11 четвертый Иезрий, сынове его и братия его дванадесять: 12 пятый Нафан, сынове его и братия его дванадесять: 13 шестый Вукиа, сынове его и братия его дванадесять: 14 седьмый Иериил, сынове его и братии его дванадесять: 15 осмый Иосиа, сынове его и братии его дванадесять, 16 девятый Матфания, сынове его и братии его дванадесять: 17 десятый Семеиа, сынове его и братии его дванадесять: 18 первыйнадесять Езриил, сынове его и братии его дванадесять: 19 второйнадесять Асавии, сынове его и братии его дванадесять: 20 третийнадесять Суваил, сынове его и братии его дванадесять: 21 четвертыйнадесять Матфафия, сынове его и братии его дванадесять: 22 пятыйнадесять Иеримуф, сынове его и братии его дванадесять: 23 шестыйнадесять Анания, сынове его и братии его дванадесять: 24 седьмыйнадесять Иесвак, сынове его и братии его дванадесять: 25 осмыйнадесять Анания, сынове его и братии его дванадесять: 26 девятыйнадесять Меллифий, сынове его и братии его дванадесять: 27 двадесятый Елиафа, сынове его и братии его дванадесять: 28 двадесять первый Иефир, сынове его и братии его дванадесять: 29 двадесять второй Годоллафий, сынове его и братии его дванадесять: 30 двадесять третий Меазоф, сынове его и братии его дванадесять: 31 двадесять четвертый Рометфиезер, сынове его и братии его дванадесять.

26 Разделение же дверников: сынове Кореовы, Моселлемии сын Кореов от сынов Асафовых. 2 Сынове же Моселлемии: Захария первенец и Иадиил

вторый, Завадиа третий и Иафанаил четвертый, з Олам пятый, Ионафан шестый, Елионай седмый, Авдедом осмый. 4 Авдедому же сынове: Самиа первенец, Иозаваф второй, Иоаф третий, Сахар четвертый, Рофануил пятый, 5 Амиил шестый, Иссахар седмый, Фелафий осмый, яко благослови его Бог. 6 Семею же сыну его рождени суть сынове первенца начальницы в дому отечествем его, бяху бо сильни. 7 Сынове Семеиевы: Офни и Рафаил, и Овид и Елзавад и Ахия, сынове сильни, Елиу и Савахия и Искваком. 8 Вси тии от сынов Авдедомлих, сии и сынове их и братия их тружающеся крепко в делании, вси шестьдесят два Авдедому. 9 Моселлемию же сынове и братия осмынадесять, сильни. 10 Осе же от сынов Мерариных сынове Стрегущии начало, понеже не быть ему первенец: и постави его отец его в начальника разделения втораго: 11 Хелкиа второй, Тавелиа третий, Захария четвертый: вси сии сынове и братия Осины тринадесять. 12 Сии разделени суть в дверницы, да начальствуют над сильными чреды, якоже и братия их служити в дому Господни. 13 И метнуша жребия на коегождо мала и велика по домом отечеств своих на каяждо врата: 14 и паде жребий сущих на востоки Селемию и Захарии. Сынове соазовы мелхии метнуша жребия, и паде жребий к северу. 15 Авдедому к югу прямо дому Ессефима. 16 Во второе Осе к западу по вратах притвора восхождения, стражи противу стражи. 17 Ко востоку по шести на день: к северу четыре на день: к полудни на день четыре: и к дому совета по два пременяющеся. 18 И Осе к западу по вратах притвора три, стражба противу стражбы восхождения к востоком, по шести на день, и на север по четыре, и к югу четыре, и к дому совета два пременяющеся, и к западу четыре, и к стези два пременяющеся. 19 Сия разделения дверником сыном Кореовым и сыном Мерариним. 20 Левити же братия их (беша) над сокровищи дому Господня и над сокровищи святынь. 21 Сынове Ладановы, сии сынове Герсони: Ладану начальницы отечеств Ладаних, Герсону Иеиил. 22 Сынове Иеиили Земеф и Иоиль братия над сокровищи дому Господня, 23 Амвраму и Иессаару, Хеврону и Озиилу. 24 Суваил же сын Гирсама сына Моисеова настоятель над сокровищи. 25 Брату же его Елиезеру Равиа сын его, и Иосиа и Иорам, и Зехрий и Саломоф. 26 Той Саломоф и братия его над всеми сокровищи святыми, ихже освяти Давид царь и начальницы отечеств, тысящицы и сотницы и вождеве силы, 27 яже взя из градов и от корыстей, и освяти я на пособление зданию дому Господня. 28

И над всеми, яже освяти Богу Самуил пророк и Саул сын Кисов, и Авенир сын Ниров и Иоав сын Саруиев, все еже освятиша рукою Саломофовою и братии его. 29 Иссаарию Хонениа и сынове его делания внешняго над Израилем, к наказанию и суждению. 30 Хеврону Асавиа и братия его сынове сильни, тысяща и седмь сот над созирианием Израиля за Иорданом противу запада, на всякую службу Господню и на делание царево. 31 Хеврону Урия начальник Хевронитов по родом их, по отечеством, в четыредесятое лето царства Давидова сочтени суть, и обретени мужие сильни в них во Иазире Галаадитствем. 32 И братия его сынове сильни, две тысящи седмь сот, начальницы отечеств, и постави их Давид царь над Рувимом и Гадом и над половиною колена Манассиина, во всякое повеление Господне и слово царево.

27 Сынове же Израилевы по числу своему, начальницы отечеств, тысящицы и сотницы и книгоочи служащии царю, и на всякое слово царево по разделением, и на всякое слово входящаго и исходящаго, месяц от месяца, во вся месяцы лета разделение едино, двадесять четыре тысящи. 2 И над первым разделением в первый месяц быть Извоаз сын Завдиилов, в разделении его двадесять четыре тысящи: 3 от сынов Фаресовых, начальник всем князем воинства месяца первого. 4 И над разделением месяца втораго Додай Екхотский и над разделением его, и Макеллоф вождь, и в разделении его двадесять четыре тысящи, князи силы. 5 Третий месяца третияго Ванеа сын Иодаев, иже священник начальный, и в разделении его двадесять четыре тысящи: 6 сей Ванеа крепчайший между тридесетми, и над тридесетми: и над разделением его Завад сын его. 7 Четвертый месяца четвертаго Асаил брат Иоавль, и Завадиа сын его и братия, и в полце его двадесять четыре тысящи. 8 Пятый пятаго месяца начальник Самаоф сын Иезраев, и в полце его двадесять и четыре тысящи. 9 Шестый месяца шестаго Одуиа сын Еккисов Фекутиянин, и в полце его двадесять и четыре тысящи. 10 Седьмый месяца седмаго Хеллис иже от Фалуса, от сынов Ефремлих, и в полце его двадесять и четыре тысящи. 11 Осмый месяца осмаго Совохай Усафитянин, от колена Зараина, и в полце его двадесять и четыре тысящи. 12 Девятый месяца девятаго Авиезер, иже от Анафофа, от земли Вениамиини, и в полце его двадесять и четыре тысящи. 13 Десятый месяца десятаго Мейрай, иже от Нетофафита, от колена Зараина, и в полце его двадесять и четыре

тысящи. 14 Первыйнадесять месяца первагонадесять Ванаиа, иже от Фарафона, от сынов Ефремлих и в полце его двадесять и четыре тысящи. 15 Вторыйнадесять месяца вторагонадесять Холдия, иже от Нетофафита, от колена Гофониилева, и в полце его двадесять и четыре тысящи. 16 И над племены Израилевыми, Рувиму вождь Елиезер, сын Зехриев: Симеону Сафатиа, сын Мааха: 17 Левию Асавиа, сын Камуилев: Аарону Садок: 18 Иуде Елиав от братий Давидовых: Иссахару Амри, сын Михаилов: 19 Завулону Самаиа, сын Авдииев: Неффалиму Иеримофф, сын Озииль: 20 Ефрему Осий, сын Озазииев: полулемени Манассиину Иоиль, сын Фадеев: 21 полулемени Манассиину существу в земли Галаадстей Иаддай сын Завадин: сыном Вениаминим Иасиил, сын Авениров: 22 Дану Азариил, сын Иорамов. Сии быша начальници племеном Израилевым. 23 Не хоте же Давид счести их от двадесятилетнаго и ниже: зане рече Господь умножити Израиля, яко звезды небесныя. 24 Иоав же сын Саруиев нача считати люди, и не соверши: сего ради бысть гнев Божий на Израиля: и не внесеся сочисление в книгу словес царя Давида. 25 Над сокровищи же царскими бысть Асмофф сын Одиилев: и над сокровищи, иже на нивах и в селех, и в весех и в столпех, Ионафан сын Озиев: 26 и над земледелатели землю делающими Ездрай сын Хелувов: 27 и над селы Семей Армафейский: и над сокровищами виноградными Замвдия сын Сефамиев: 28 над маслинами же и над черничием, иже бяху на полях, Валанан Гедоритянин: над сокровищи елеа Иоас: 29 над скоты же, иже пасяхуся в Сароне, Сатрай Саронитянин: и над волы, иже во юдолех, Софат сын Адан: 30 над велблуды же Увия Исмаилитянин: над ослы же Иадиа, иже от Марафона: 31 и над овцами Иоас Агаритин. Вси тии начальници имений Давида царя. 32 Ионафан же дядя Давидов (бысть) советник, муж мудр и книжен сый: и Иеиль сын Ахаманияев бе с сынами царевыми. 33 Ахитофел советник царев, и Хусия первыйший друг царев, 34 и по (нем) Ахитофеле бысть (близ) Иодай сын Ванеин и Авиафар: и Иоав начальный воевода царев.

28 Собра же Давид вся начальники Израилевы, начальники судий и колен, и вся начальники полков, почредно стрегущих царя, и начальники тысячей и сотней, и стражи сокровищ, и сущия над имениями своими и над всем стяжанием царевым, и сынов своих со евнухами, и сильныя и храбрыя воинства во Иерусалим. 2 И воста Давид царь посреде собрания и рече: слышите мя,

братия моя и людие мои: бысть мне на сердцы создати дом упокоения кивоту завета Господня и подножие ног Господа (Бога) нашего, и уготовах на созидание потребная: з Бог же рече: не созиждеши мне дому еже именовать имя Мое в нем, зане человек воин еси ты и крови пролиял еси: 4 и избра Господь Бог Израилев мене от всего дому отца моего, да буду царь над Израилем во веки, и во Иуде избра царство, и от дому Иудина дом отца моего: и от сынов отца моего во мне благоволи, еже быти ми царю над всем Израилем: 5 от сынов же моих всех, сыны бо мне многи даде Господь, избра Соломона сына моего, да седит на престоле царства Господня, над Израилем: 6 и рече мне Бог: Соломон сын твой созиждет дом Мой и двор Мой, зане того избрах Мне в сына быти, и Аз буду ему во Отца 7 и укреплю царство его даже до века, аще укрепится хранити заповеди Моя и судбы Моя, якоже и днес: 8 ныне убо пред лицем всего собрания Господня и во уши Бога нашего, храните и взыщите вся заповеди Господа Бога нашего, да наследите землю благу и оставите в наследие сыном вашым по вас даже до века: 9 и ныне, Соломоне, сыне мой, да знаеши Бога отец твоих и служи Ему сердцем совершенным и душевною волею, вся бо сердца испытует Господь и всяко помышление разумеет: аще взыщеши Его, обрящетися: аще же оставиши Его, оставит тя в конец: 10 ныне убо виждь, яко избра тя Господь, да созиждеши ему дому во освящение, крепися и соверши. 11 Даде же Давид Соломону сыну своему начертание храма и домов его, и камар его, и горниц, и полагалищ внутренних, и дому очищения, 12 и подобие, еже помысли духом своим, дворов дому Господня, и всех камар окрест в сокровищах дому Господня, и влагалищ святынь, 13 и виталищ, и дневных чред иерейских и левитских, во вся дела служения дому Господня, и влагалищ служебных сосудов службы дому Господня: 14 и меру веса их златых и сребряных, 15 светилников вес даде ему и свещников. 16 Даде ему подобне вес трапезы предложения, кияждо трапезы златыя, такожде и сребряныя, 17 и удиц, и возлияниц, и фиал златых, и вес златых и сребряных, и кадилниц златых, коегождо веса: 18 и жертвенника фимиамов от злата чиста вес оказа ему, и подобие колесницы херувимов простирающих крила и осеняющих над кивотом завета Господня. 19 Вся писанная рукою Господнею даде Давид Соломону, по существу в нем разуму дела изображения. 20 И рече Давид Соломону сыну своему: укрепляйся и мужайся и твори: не бойся, ниже страхися, зане Господь Бог мой с тобою, не

отступит от тебе, ниже оставит тя, дондеже совершиши ты все дело служения дому Господня: и се, подобие храма и дому Его, и камар Его, и горниц, и полагалищ внутренних, и дому очищения, и подобие дому Господня: 21 и се, дневная чреды иереев и левитов во всяко служение Дому Господня, и с тобою во всяком действе, и всяк усердный в мудрости во всяком художестве, и князи, и все людие во вся словеса твоя.

29 И рече Давид царь ко всему собранию: Соломон

сын мой, егоже избра себе Господь, юн и млад, а дело велико, занеже не человеку уготовится здание, но Господу Богу: 2 всею силою уготовах на дом Бога моего злато, сребро, медь, железо, древа, камение мраморное, и множество каменій многоценных и различных, и всякое честное камение, и каменій парижских много: 3 и еще внегда благоволити ми в дому Бога моего, есть у мене еже приготовах злато и сребро, и се, дах в дом Бога моего, в высоту, кроме оных, яже уготовах на дом святых: 4 три тысячи талант злата Суфирска и седмь тысячи талант сребра искушена к позлащению стен святилища, 5 идже дело златое златом, а идже сребряное сребром, и на всякое дело рукою художников: и кто благоволяй исполнити руку свою днесъ Господу? 6 И обещаша усердно начальници отечеств и князи сынов Израилевых, и тысячи и сотници, и начальници дел и икономы царевы, 7 и даша на дела дому Господня злата талант пять тысячи, и златник десять тысячи, и сребра талант десять тысячи, и меди талант осмынадесять тысячи, железа же сто тысячи талант: 8 и у нихже обретеся камение, даша во влагалище дому Господня, под руку Иеииля Герсонина. 9 И возвеселиша людие о усерднем подаянии, понеже всем сердцем приноша Господу, и Давид царь возвеселился зело: 10 и благослови царь Давид Господа пред всем множеством, глаголя: благословен еси, Господи Боже Израилев, Отец наш, от века и до века: 11 Тебе, Господи, величество, и сила, и слава, и одоление, и исповедание, и крепость, яко Ты всеми, иже на небеси и на земли, владычествуши: от лица Твоего трепещет всяк царь и язык: и Тебе, Господи, царство и великолепие во всех и во всяком начале: 12 от Тебе богатство и слава, Ты над всеми начальствуши, Господи, начало всякаго начала, и в руку Твою крепость и власть, и в руку Твою милость, Вседержителю, возвеличили и укрепити вся: 13 и ныне, Господи, исповедаемся Тебе и хвалим имя хваления Твоего: 14 и кто аз есмъ, и кто людие мои, яко возможохом сия Тебе благовольне обещати? Твоя бо

суть вся, и от твоих дахом Тебе: 15 пришелцы бо есмы пред Тобою и преселницы, якоже вси отцы наши: дни наши яко сень на земли, и несть постояния: 16 Господи Боже наш, ко всему множеству сему, еже уготовах, да созиждется дом имени святому Твоему, от руку Твою суть, и Тебе вся: 17 и вем, Господи мой, яко Ты еси испытуя сердца, и правду любиши: в простоте сердца моего произволих сия вся, и ныне людий Твоих, иже зде обретоша, видех с радостию Тебе произволивших (принести дары): 18 Господи Боже Авраама и Исаака и Израиля отец наших, сохрани сия в воли сердца людий Твоих во веки, и исправи сердца их к Тебе: 19 Солому же сыну моему дажь сердце благо, да хранит заповеди Твоя и свидения Твоя и повеления Твоя, и к совершению привести здание дому Твоего. 20 И рече Давид всему собранию (людий): благословите Господа Бога нашего. И благословиша все собрание Господа Бога отец своих: и преклонше колена поклониша Господу и царю. 21 И покре Давид жертвы Господу, и вознесе всесожжения Богу на утрие первого дне, телец тысячу, овнов тысячу, агнец тысячу, и возлияния их, и жертвы множество от всего Израиля. 22 И ядоша и пиша пред Господем в день той с великим веселием: и поставиша царем второе Соломона сына Давида, и помазаша его Господу в царя, и Садока же во архиерея. 23 И седе Соломон на престоле Господни в царя, вместо Давида отца своего, и благоугоден бысть: и покорися ему весь Израиль. 24 Князи и сильни и все сынове царя Давида отца его повинушася ему. 25 И возвеличи Господь Соломона над всем Израилем и даде ему славу царства, еяже ни един царь име прежде его. 26 И Давид сын Иессеев царствова над всем Израилем четыредесять лет, 27 в Хевроне седмь лет, а во Иерусалиме лет тридесять три, 28 и умре в старости блазе, исполнъ дний, в богатстве и славе, и воцарися Соломон сын его вместо его. 29 Прочая же словеса царя Давида первая и последняя написана суть в словесех Самуила видящаго и в словесех Нафана пророка и в словесех Гада прорицавшаго, 30 о всем царстве его и крепости его, и времена яже быша при нем и во Израили и во всех царствах земных.

Вторая книга Паралипоменон

1 И укрепися Соломон сын Давидов на царстве своем, и Господь Бог его (бѣ) с ним и возвеличи его в высоту. **2** И рече Соломон ко всему Израилю, тысящником и сотником, и судиям и всем начальником пред Израилем. **3** И иде Соломон и все множество в вышний Гаваон, идеже бѣ скиния свидения Божия, юже сотвори Моисей раб Божий в пустыни. **4** Кивот же Господень принесе Давид от Града Кариафирима на место, еже уготова ему Давид, яко водрузи ему скинию во Иерусалиме. **5** И олтарь медян, егоже содела Веселейл сын Урии сына Орова, ту бѣ пред скинию Господнею и взыска его Соломон и вся церковь. **6** Вознесе же ту Соломон на олтари медянем пред Господем, иже в скинии свидения, и принесе на нем тысячу всесожжений. **7** В ту нощь явися Господь Соломону и рече ему: проси (что хощеш) да дам тебе. **8** Рече же Соломон к Богу: Ты сотворил еси с Давидом отцем моим милосердие велико и поставил мя еси царя вместо его: **9** и ныне, Господи Боже, да исполнится слово Твое к Давиду отцу моему, Ты бо мене сотворил царя над людьми многими, яко же прах земный: **10** ныне даждь мне премудрость и разум, да вниду и изыду пред людьми твоими сими, кто бо может судити сих людей Твоих многих: **11** И рече Бог к Соломону: понеже бысть сие в сердцы твоем, и не попросил еси богатства имений, ниже славы, ниже душ противящихся тебе, и дний многих не просил еси, но просил еси себе премудрости и разума, да судити можеши люди Моя, над нимиже поставил тя царя, **12** премудрость и разум даю тебе, богатство же и имения и славу дам тебе, яко не бысть в царех преждебывших тебе подобен тебе, и по тебе такожде не будет. **13** Прииде же Соломон от вышняго Гаваона во Иерусалим пред скинию свидения и царствова над Израилем. **14** И собра Соломон колесницы и конники, и быша ему тысяща и четыреста колесниц и двадесять тысячи конник: и оставил их во градех колесничных, людие же с царем во Иерусалиме. **15** И положи царь сребро и злато во Иерусалиме яко камение, кедры же во Иудеи яко черничие, еже на поли во множестве. **16** Исходжение же коней Соломоновых из Египта ценою купцов царских, иже хождаху и куповаху. **17** И восходжаху и привождаху из Египта колесницу едину за шесть сот сребреник, и коня за сто и пятьдесят сребреник: такожде и от всех царств

Хеттейских и от царей Сирийских руками их приводима бываху.

2 И повеле Соломон созидати дом имени Господню и дом царству своему. **2** И собра царь Соломон седмъдесят тысячи мужей носящих времена и осмыдесят тысячах каменосечев в горах, приставленных же над ними три тысячи и шесть сот. **3** И послал Соломон к Хiramу царю Тирску, глаголя: яко же сотворил еси с Давидом отцем моим и послал еси ему кедры, да созиждат себе дом, в немже ему обитати, **4** и се, аз сын его созидаю дом имени Господа Бога моего, да освяшу его Ему, еже кадити пред Ним фимиам ароматов и предложение всегда, и возносити всесожжения выну, утро и к вечеру, и в субботы, и в новомесячиих, и в праздницах Господа Бога нашего: во век сие бо Израили: **5** и дом, егоже аз созидаю, велик, велико есть Господь Бог наш паче всех богов, **6** и кто возможет создати Ему дом? Аще бо небо и небо небесе не могут вместити славы Его: и кто аз, созидаю Ему дом? Но токмо еже кадити фимиам пред Ним: **7** ныне убо посли мне мужа мудра, иже весть дела творити в злате и сребре, и меди и железе, и порфире и в червлени и в синете, и иже знает ваяти ваяние, с мудрыми, иже у мене во Иудеи и во Иерусалиме, яже уготова Давид отец мой: **8** и посли ми древа кедровы и аркевфова и певгова от Ливана, вем бо аз, яко раби твои умеют сеци древа от Ливана: **9** и се, раби твои с рабы моими пойдут, да уготовают мне древа многа, дом бо, егоже аз созидаю, велик и преславен: **10** и се, делателем, иже секут древа, дах в пищу рабом твоим пшеницы мер двадесять тысячи и ячменя мер двадесять тысячи, и вина мер двадесять тысячи и елеа мер двадесять тысячи. **11** Рече же Хiram царь Тирский чрез писание и послал к Соломону, глаголя: понеже возлюби Господь люди Своя, постави тя над ними царя. **12** И рече Хiram: благословен Господь Бог Израилев, иже сотвори небо и землю, иже даде Давиду царю сына премудра и учена, и умна и разумна, иже созиждат дом Господу и дом царству своему: **13** и ныне послах тебе мужа мудра и сведуща разум, Хiramа раба моего: **14** матерь его от дщерей Дановых, отец же его муж Тирянин, иже весть делати в злате и сребре, и в меди и в железе, и в камениих и в древах, и ткati в порфире и в синете и в виссоне и в червленице, и ваяти всякую резь, и разумети всяко разумение, елика аще даси ему, с мудрыми твоими и с мудрыми господина моего Давида, отца твоего: **15** и ныне пшеницу и ячмень,

и елей и вино, яже обещал еси, господине мой, посли рабом твоим, 16 мы же будем сеци древа от Ливана на всякую потребу твою и послем я плотами по морю Иоппийскому, ты же приведеш я во Иерусалим. 17 И собра Соломон всех мужей пришелцев, иже бяху в земли Израилеве, по сочтению, имже соchte их Давид отец его, и обретени суть сто пятьдесят три тысящи и шесть сот: 18 сотвори же от них седьмдесят тысящ бременоносцев и осмыдесят тысящ каменосечев, три тысящи и шесть сот приставники над делами людскими.

3 И нача Соломон созидати дом Господень во Иерусалиме, на горе Амории, на месте, еже уготова Давид на гумне Орны Иевусеанина: 2 нача же созидати в месяц второй лета четвертаго царства своего. 3 И сице нача Соломон созидати дом Божий: в долготу лакот, размѣр первый, лакот шестьдесят, в широту же лакот двадесѧт: 4 и притвор пред лицем дому, долгота по лицу широты дому, лакот двадесѧт, высота же лакот сто двадесѧт и позлати его внутрь златом чистым. 5 Дом же великий окры дсками кедровыми и позлати златом чистым: извая же на нем подобия фиников и яко мрежици промежъ себе сплетающаѧ, 6 и украси храм камением драгим славно, и позлати златом, еже от Фаруима. 7 И позлати дом и стены его, и врата и праги, и окна и двери златом, и извая херувимы на стенах. 8 Сотвори же дом Святая Святых, долгота его по лицу широты дому, лакот двадесѧт, широта такожде двадесѧт лакот, и позлати и златом чистым на херувимех, талант шесть сот. 9 И вес гвоздий, вес гвоздя единаго пятьдесят сикль злата, и горницу позлати златом. 10 И сотвори в дому Святая Святых Херувима два, дело от древ негниющих и позлати их златом. 11 И криле херувимов, долгота двадесѧт лакот, и едино крило лакот пяти, прикасающеся стене дому, 12 и другое крило пяти лакот, прикасающеся крилу херувима другаго: 13 криле же херувимов сих рас простерте на лакот двадесѧт, тии же стояху на нозех своих, лица же их (зряще) к дому. 14 Сотвори же завесу от синеты и багряницы, и червленицы и виссона, и сотка на ней херувимы. 15 И сотвори пред храмом столпа два, лакот тридесѧт пять в высоту, и главы их пять лакот. 16 И сотвори чепи в давире и положи на главах столпов, и шипков сотвори сто, иже положи на мрежи. 17 И постави столпы пред лицем храма, единаго одесную, а другаго ошуюю: и нарече имя сущему одесную Исправление, имя же сущему ошуюю Крѣпость.

4 Сотвори же и олтарь медян, двадесѧт лакот в долготу и двадесѧт лакот в широту и десять лакот в высоту. 2 И сотвори море (медяно) сляно, десять лакот от устия до устия его, кругло окрест, и пяти лакот в высоту, и округлость его тридесѧт лактей: з и подобие телцев под ним окрест окружающих е: десять лакот обдерожаху умывалницу окрест: два рода сляща телцев в слянине их, 4 имже сотвориша их двадесѧт телцев, иже трие сматряху к северу и трие к западу, и трие к полудню и трие к востоку, и море на них (наставлено), задня же их бяху внутрь (под морем): 5 и толстота его дланная, и устие его яко устие потира, извяянна яко отрасли крина, вмѣщающее три тысящи мер: и соверши. 6 Сотвори же омывалниц десять и постави пять одесную и пять ошуюю, да омывают в них вся приносимая на всесожжения и очищают в них, море же, да омываются священницы в нем. 7 Сотвори же и подсвѣщник златых десять по мере их и постави я в храм пять одесную и пять ошуюю. 8 И сотвори столов десять и постави в храм пять одесную и пять ошуюю, и фиал златых сотвори сто. 9 И сотвори двор священником и двор великий, и двери двора и вереи их помедяны медио. 10 И море постави от угла дому одесную аки к востоку прямо. 11 Сотвори же Хирам удицы мясныя, и кадилницы, и сковраду жертвеннную, и вся сосуды его: и соверши Хирам творити всякое дело, еже сотвори Соломону царю в дому Божии: 12 столпа два, и на них окружилия, и венцы на главах дву столпу, и мрежице две, еже покрываюти главы венцев иже суть над главами столпов: 13 и звонцев златых четыреста в две мрежи, и два ряда шипков во мрежи единей, еже покрываюти два окружилия венцев, иже суть верху столпов: 14 и подставов сотвори десять, и умывалницы сотвори на подставах, 15 и море едино и волов двадесѧт под ним, 16 и котлы, и удицы мясныя и вся сосуды их, яже сотвори Хирам и принесе царю Соломону в дом Господень от меди чистыя. 17 Во стране Иордана слия их царь, в толщи земней, между Сокхофом и между Саридофом. 18 И сотвори Соломон вся сосуды сия многочисленны зело, понеже не оскуде тягость меди. 19 Сотвори же Соломон вся сосуды дому Божия, и олтарь злат, и трапезы, и на них хлебы предложения, 20 и подсвѣщники, и светилники света, да светят пред Святая святых по чину, от злата чиста, 21 и щипцы их, и светилники их, и фиалы, и чашицы, и кадилницы от злата чиста, 22 и двери храма внутренния яже во Святая Святых и двери дому храма златыя. И совершился все дело еже сотвори Соломон в дому Господни.

5 И внесе Соломон святая Давида отца своего, сребро и злато и вся сосуды, и даде в сокровище дому Господня. **2** Тогда собра Соломон вся старейшины Израилевы и вся начальники колен, вожды отечеств сынов Израилевых во Иерусалим, да вознесут кивот завета Господня от града Давида, иже есть Сион. **3** И собирахася ко царю вси мужи Израилевы в праздник, сей есть месяц седьмый. **4** И прииша вси старейшины Израилевы, и взяша вси левити кивот **5** и внесоша его и скинию свидения и вся сосуды святая, иже в скинии, и внесоша его священницы и левити. **6** Царь же Соломон и весь сонм сынов Израилевых, и боящися и собрании пред кивотом, жряху телцы и овцы безчисленны и несочисляемы от множества. **7** И внесоша священницы кивот завета Господня на место его, еже есть молитвенник храма, во Святая Святых, под криле херувимов. **8** И бяху херувими распространше крила своя над местом кивота, и покрываху херувими над кивотом и над носилами его свыше. **9** И длиннее бяху носила, и видихуся главы носил от святых в лице молитвенника, и не видяхуся вне, и быша тамо даже до настоящаго дне. **10** Ничтоже бе в кивоте, токмо две скрижали, ихже положи Моисей в Хориве, егда закон даде Господь сыном Израилевым, исходящим им из земли Египетския. **11** И бысть исходящим священником от святых, вси бо священницы, иже ту обретошаася, освящени быша и не бяху расположени в дневную чреду, **12** левити же и певцы вси с сыны Асафовыми, со Еманом, Идифумом, и с сыны их и с братиями их, облечени в ризы льняны, в кимвалех и псалтири и гуслех (возглашаху) стояще пред олтарем, и с ними жерцев сто двадесять трубяще трубами: **13** и бысть един глас в трублении и в псалмопении и в возглашении гласом единственным еже хвалити и исповедатися Господеви. И егда воздвигоша глас в трубах и кимвалех и органех песней, и глаголаху: исповедатися Господеви, яко благ, яко в век милость Его: и дом исполнися облака славы Господни, **14** и не могоша священницы стати служити от лица облака, наполни бо слава Господня дом Божий.

6 Тогда рече Соломон: Господь рече обитати во мgle, **2** аз же создах дом имени Твоему Святый Тебе, и уготован еже обитати Тебе во веки. **3** И обрати царь лицо свое и благослови все собрание Израилево, и все собрание Израилево предстояше, и рече: **4** благословен Господь Бог Израилев, яко же глагола усты Своими ко Давиду отцу моему, и руками Своими соверши, глаголя: **5** от дне, в онъже изведох люди Моя от земли Египетския, не

избрах града от всех колен Израилевых, да созиждется в нем дом имени Моему ту, ниже избрах мужа быти вождем над людьми Моими во Израили: **6** но избрах Иерусалима, да будет имя Мое в нем, и избрах Давида быти над людьми Моими Израилем: **7** и бысть на сердцы Давида отца моего создати дом имени Господа Бога Израилева: **8** и рече Господь ко Давиду отцу моему: понеже бысть на сердцы твоем создати дом имени Моему, доброе сотворил еси, яко бысть на сердцы твоем, **9** обаче ты не созиждеши Мне дому, но сын твой, иже изыдет из чресл твоих, той созиждет дом имени Моему: **10** и соверши Господь слово сие, еже глагола, и бых вместо Давида отца моего, и седох на престоле Израилеве, яко же глагола Господь, и создах дом имени Господа Бога Израилева, **11** и поставил в нем кивот, в немже есть завет Господень, егоже завеща Израилю. **12** И ста пред олтарем Господним, пред всем множеством Израилевым, и простре руце свои: **13** сотвори бо Соломон стояло медно и постави его посреде двора святилища, пять лакот долгота его и пять лакот широта его и три лакти высота его: и ста на нем, и паде на колена своя пред всем множеством Израилевым, и простре руки своя на небо и рече: **14** Господи Боже Израилев, несть подобен Тебе Бог на небеси и на земли, сохраняй завет и милость с рабы Твоими, иже ходят пред Тобою всем сердцем своим, **15** яже сохранил еси рабу Твоему Давиду отцу моему, елика рекл еси ему глаголя, и глаголал еси усты Твоими и руками Твоими совершил еси, яко же день сей: **16** и ныне, Господи Боже Израилев, сохрани рабу Твоему Давиду отцу моему, яже рекл еси ему глаголя, и глаголал еси усты Твоими и исполнил еси яко же в день сей, глаголя: не оскудеет тебе муж от лица Моего седяй на престоле Израилеве, токмо аще сохранят сынове твои пути Моя ходити в законе Моем, яко же ходил еси предо Мною: **17** и ныне, Господи Боже Израилев, да укрепится слово Твое, еже глаголал еси рабу Твоему Давиду: **18** убо истинно ли Бог обитати будет с человеки на земли? Аще небо и небесе не довлеют Ти, и кольми паче дом сей, егоже создах? **19** И призри на моление раба Твоего и на молитву мою, Господи Боже мой, еже услышати молитвы мои и моление, имже раб Твой молится пред Тобою днесъ, **20** еже быти очесем Твоим отверстым на дом сей день и нощь, на место сие, о немже глаголал еси, да призовется имя Твое тамо, еже услышати молитву, еюже раб Твой молится на месте сем: **21** и послушати мольбу раба Твоего и людий Твоих Израиля, елика аще помолятся на месте

сем и ты услышиши на месте жилища Твоего с небесе, и услышиши, и милостив будеш: 22 аще согрешит муж ко искреннему своему и примет на него клятву еже клясти его, и приидет и прокленет пред олтарем в дому сем, 23 и Ты услыши от небесе и суди рабом Твоим, еже воздати беззаконному, и воздати пути его на главу его, и оправдити праведнаго, воздая ему по правде его: 24 и аще одолени будут людие Твои Израиль от враг, аще согрешат Тебе и обратятся, и исповедятся имени Твоему, и помолятся пред Тобою в храме сем, 25 и Ты услыши с небесе и милостив буди грехом людий Твоих Израиля и возврати их в землю, юже дал еси им и отцем их: 26 егда заключиши небо, и не будет дождя, яко согрешат Тебе, и помолятся на месте сем, и восхвалят имя Твое, и обратятся от грех своих, егда смириши их, 27 и Ты услыши с небесе и милостив буди грехом рабов и людий Твоих Израиля, яко явиши им путь благ, по немуже пойдут, и даждь дождь на землю Твою, юже дал еси людем Твоим в наследие: 28 глад аще будет на земли, губительство аще будет, воздуха растление и иктер, прузы и гусеницы аще будут, и аще оскорбит их враг пред градами их, всяко язво и всяко болезню, 29 и всяка молитва, и всяко моление, еже аще будет всякому человеку и всем людем Твоим Израилю, аще познает человек язву свою и грех свой и прострет руце свои в дому сем, 30 и Ты услыши с небесе от готоваго жилища Твоего, и очести, и даждь коемуждо по путем его, якоже веси по сердцу его, Ты бо един веси сердца сынов человеческих, 31 яко да боятся Тебе, еже ходити бо всех путех Твоих вся дни, в няже живут на лици земли юже дал еси отцем нашим: 32 и всяч чуждии, иже несть от людий Твоих Израиля, и приидет от земли дальния ради имени Твоего великаго и ради руки Твоей сильная и мышцы Твоей высокия, и приидет и помолится на месте сем, 33 и Ты услыши с небесе от готоваго жилища Твоего, и сотвориши по всему, елико призовет Тя чуждий, да уведят вси людие земли имя Твое и убоятся Тебе, якоже людие Твои Израиль, и познают, яко имя Твое призвано есть на дом сей, егоже создах: 34 аще же изыдут людие Твои на брань противу супостат своих по пути, имже послеши их, и помолятся Тебе по пути града сего, егоже избрал еси Себе, и дому, егоже создах имени Твоему, 35 да услышиши с небесе молитву их и моление их, и сотвориши оправдание их: 36 зане согрешат Тебе, яко несть человек, иже не согрешит, и поразиши их, и предаси их в руки врагов их, и пленят их пленяющии в землю врагов, в землю дальнюю или ближнюю, 37 и обратят сердце свое в

земли их, в нюже пленени будут, и тамо обратятся, и помолятся Тебе в пленении своем, глаголюще: согрешихом, беззаконновахом, неправдовахом, 38 и обратятся к Тебе всем сердцем своим и всею душею своею в земли пленивших я, идже плениша их, и помолятся путем земли своея, юже дал еси отцем их, и града, егоже избрал еси, и дому, егоже создах имени Твоему: 39 да услышиши с небесе от готоваго жилища Твоего молитву их и моление их, и сотвориши суд, и милостив буди людем Твоим согрешившим Ти: 40 и ныне, Господи, да будут отверсте очи Твои, и уши Твои внятне к молению места сего: 41 и ныне востани, Господи Боже, в покой Твой, Ты и киот крепости Твоей: священницы Твои, Господи Боже, да облекутся во спасение, и преподобни Твои возвеселятся во благих: 42 Господи Боже, да не отвратиши лица христа Твоего, помяни щедроты Давида раба Твоего.

7 И егда соверши Соломон моляся, и огнь снide с небесе и пойде всесожжения и жертвы и слава Господня исполни дом: 2 и не можаху священницы внiti в храм Господнь во время оно, яко исполни слава Господня дом Господень. 3 И вси сынове Израилевы видяху сходящь огнь и славу Господню на дом, и падоша ниц на землю на помост постлан камением, и поклонишася, и восхвалиша Господа, яко благ, яко во век милость Его. 4 Царь же и вси людие пожроша жертвы пред Господем. 5 И пожре царь Соломон жертву волов двадесять и две тысячи, овец сто и двадесять тысяч, и освяти дом Божий царь и вси людие. 6 Священницы же стояху на стражах своих, и левити во органы пояху песни Господни, яже сотвори Давид царь к похвалению Господа: (яко благ,) яко во век милость Его, песни Давидовы (поюще) руками своими: и священницы пояху трубами пред ними, и весь Израиль стояше. 7 Освяти же Соломон среднее двора, иже пред церковию Господнею, принесе бо ту всесожжения и туки мирных, яко олтарь медян, егоже сотвори Соломон, не можаше вместити всесожжений и жертв и туков. 8 И сотвори Соломон праздник во время оно седьмъ дний, и весь Израиль с ним, собрание велико зело от входа во Емаф даже до потока Египетска: 9 сотвори же в день осмый торжество, понеже освящению олтаря сотвори седьмъ дний праздник. 10 И в день двадесять третий месяца седьмаго отпусти людей в жилище их веселящихся и радующихся о благих, яже сотвори Господь Давиду и Соломону и Израилю людем Своим. 11 И соверши Соломон дом Господень и дом царев: и вся, елика восхоте

в сердцы своем Соломон творити в дому Господни и в дому своем, благопоспешися. 12 И явися Господь Соломону ноющи и рече ему: услышах моление твое и избрах место сие мне в дом жертвы: 13 аще заключу небо, и дождь не излиется, и аще повелю пругом поисти древо, и аще послю губительство на люди Моя, 14 и аще посрамлени будут людие Мои, на нихже призвано есть имя Мое, и помолятся, и взыщут лица Моего, и отвратятся от путей своих злых: и Аз услышу с небес и милостив буду грехом их, и изцелю землю их: 15 и ныне очи Мои будут отверстие, и уши Мои послушне к молению места сего: 16 и ныне избрах и освятих дом сей, да будет на Мое ту даже до века, и будут очи Мои и сердце Мое ту вся дни: 17 ты же аще ходити будеши предо Мною, яко же ходил Давид отец твой, и сотвориши по всем, яже повелех тебе, и повеления Моя и суды Моя сохраниши: 18 и воздвигну престол царства твоего, яко же завещах Давиду отцу твоему глаголя: не отимется от тебе муж воаждь во Израили: 19 аще же отвратитесь вы и оставите повеления Моя и заповеди Моя, яже предах вам, и пойдете и послужите богом иным и поклонитесь им, 20 истрогну вас от земли, юже дах вам: и дом сей, егоже освятих имени Моему, отвергут от лица Моего и предам его в притчу и в повесть всем языком: 21 и дом сей высокий (в притчу), всяк мимоходяй его ужаснется и речет: почто сотвори Господь тако земли сей и дому сему? 22 И отвещают: яко оставиша Господа Бога отец своих, иже изведе их от земли Египетския, и прияша боги чуждия, и поклониша им, и поработаша им, и сего ради наведе на них вся сия злая.

8 И бысть по двадесяти летех, в нихже созда Соломон дом Господень и дом свой, 2 и грады яже даде Хiram Соломону, созда оны Соломон и всели ту сыны Израилевы. 3 И прииде Соломон во Емаф-Сува и одержа его. 4 И созда Федмор в пустыни и вся грады крепкия, яже созда во Емафе. 5 Сострои же Вефорон вышний и Вефорон нижний, грады укреплены стенами, вратами и вереями: 6 и Валаф, и вся грады крепкия, иже быша Соломону, и вся грады колесниц и грады конник, и елика восхоте Соломон по желанию создати бо Иерусалиме и в Ливане и во всем царстве своем. 7 Весь народ оставшийся от Хеттеа и Аморреа, и Ферезеа и Евеа и Иевусеа, иже не бяху от племене Израилева, 8 но беша от сынов их оставшихся по них на земли, ихже не избира сынове Израилевы, подведе их Соломон в дань даже до дне сего. 9 От сынов же Израилевых

не даде Соломон в рабы царству своему: тии бо бяху мужие ратницы и князи, и сильни и начальницы колесниц и конник его. 10 И сии начальницы предстоящих царю Соломону, двести пятьдесят приставницы над дельы людскими. 11 Дщерь же Фараону преведе Соломон от града Давидова в дом, егоже созда ей, рече бо: да не обитает жена моя в дому Давида царя Израилева, понеже освящен есть, аможе вниде кивот Господень. 12 Тогда вознесе Соломон всесожжения Господеви на олтарь, егоже созда Господеви пред храмом, 13 по словеси от дне до дне возносити, по повелению Моисееву, в субботы и в новомесия и в праздники, трижды в год, в праздник опресноков и в праздник седмиц и в праздник кущей. 14 И постави по разсуждению Давида отца своего разделения священником и по служению их: и левиты над стражами их, да хвалят и служат пред священники по чину единаго коегождо днин: и дверницы по разделению их, по вратом и вратом: тако бо повеле Давид человек Божий. 15 Не преступиша заповедий царевых о священицах и левитех по всякому словеси, и в сокровищах. 16 И уготовася всяко делание от дне, в онъже основа, до дне, в онъже соверши Соломон дом Господень. 17 Тогда иде Соломон в Гасионъгавер и во Елаф, иже при мори в земли Идумейстей. 18 И посла Хiram рукою слуг своих корабли и рабы знаощыя морския проходы, и хождаху с рабы Соломоними в Софир, и взяша оттуду четыреста и пятьдесят талант злата и принесоша ко царю Соломуону.

9 Царица же Савска услыша имя Соломоново и прииде искусити его гаданьми во Иерусалиме с силою тяжкою зело: и велблуды носящии ароматы и злата множество и камения драгаго: и прииде к Соломону и глагола ему вся, елика беша в сердцы ея. 2 И возвести ей Соломон вся словеса ея, и не прейде слово, егоже бы не возвестил ей. 3 И виде царица Савска премудрость Соломоню, и дом егоже созда, 4 и яди столов его, и седалища рабов его, и состояние служебников его и ризы их, и виночерпция его и украшение их, и всесожжения, яже жряше в дому Господни, и вне себе бысть. 5 Рече же ко царю: истинно есть слово, еже слышах в земли моей о словесех твоих и о премудрости твоей: 6 и не веровах словесем их, дондеже придох, и видеста очи мои, и се, не возвестиша мне половины множества премудрости твоей: приложил еси ко слышанию яже слышах: 7 блажени мужие твои и блажени раби твои сии, иже предстоят пред тобою на всяко время и слышат премудрость твою: 8 да будет Господь Бог твой благословен, иже благоволи в тебе, еже

дати тя на престол Свой царя Господу Богу твоему: зане возлюби Господь Бог твой Израиля, еже утверди его во век, и постави тя над ними царя, да сотвориши суд и правду. 9 Даде же царю сто двадесять талант золота и ароматы многи зело и камение драгое, и не быша ароматы таковы яко сия, яже даде царица Савска царю Соломону. 10 Но и раби Хирамовы с рабы Соломоними приношау золото Соломону драгое. 11 И сотвори Соломон царь от древ певговых степени в дом Господень и в дом царев, и гусли и псалтири песней, и никогдаже видена быша в земли Иудине прежде такоая. 12 Царь же Соломон даде царице Савской вся по желанию ея, ихже просила, кроме всех яже принесе царю Соломону, и возвратися в землю свою. 13 Бе же вес золота приносимаго к Соломону на всяко лето шесть сот шестьдесят шесть талант золота, 14 кроме мужей подданных и купцов, иже приношау, и всех царей Аравских и властелей земли, иже вси приношау золото и сребро царю Соломону. 15 Сотвори убо царь Соломон двести щитов златых тягненых, шесть сот златник чистых бяху во единем щите: 16 и триста щитов златых тягненых, по триста златник бяше во единем коемждо щите, и положи я царь в дому древа Ливанова. 17 Сотвори же царь престол от слоновых зубов велик, и позлати его златом чистым, 18 и шесть степеней у престола позлащени златом, и мышчицы две туду и сюду над престолом седалища, и два льва стояща близ мышчиц, 19 и двадесять львов стоящих тамо на шести степенех от обоих стран: и не бысть таков престол во всяцем царстве. 20 Вси же сосуди царя Соломона бяху золоты, и вси сосуди дому дубравы Ливанской златом окружены, сребро бо во днех Соломоних ни во что вменяшеся: 21 зане корабль царев хождаше в Фарисис с рабы Хирамовыми, единицею в лета три приходяше корабль от Фарисиса ко царю, полн золата и сребра и зубов слоновых и обезян. 22 И возвеличися Соломон паче всех царей земных богатством и мудростю. 23 Вси же царие земстии желау видети лице Соломоне и слышати премудрость его, юже даде Бог в сердце его: 24 и приношау ему кийждо дары своя, сосуды сребряны и золты, и одеяния и стакту, и сладости, кони и мски, на всякое лето. 25 И бяху царю Соломону четыредесять тысяч кобылиц к колесницам и двадесять тысяч конник, и постави их во градех колесничных и со царем во Иерусалиме. 26 И быть вождь всех царей от реки (Евфрата) даже до земли иноплеменник и даже до предел Египетских. 27 И даде царь золото и сребро во Иерусалиме яко камение, и кедры

яко черничие, еже (раждается) в полях множество. 28 И приводяху кони Соломону от Египта и от всей земли. 29 И прочая словеса Соломона первая и последняя, се, сия писана суть в словесех Нафана пророка и в словесех Ахии Силониты и в видении Иоиля видящаго, противу Иеровоама сына Наватова. 30 И царствова Соломон во Иерусалиме над всем Израилем четыредесять лет. 31 И успе Соломон со отцы своими, и погребоша его во граде Давида отца его. И воцарися Ровоам сын его вместо его.

10 И прииде Ровоам в Сихем, зане в Сихем весь Израиль снideся поставити его царем. 2 И бысть егда услыша Иеровоам сын Наватов, иже бе во Египте, яко убеже от лица Соломона царя, и обита Иеровоам во Египте, и возвратися Иеровоам от Египта. 3 И послаша и призваша его. И прииде Иеровоам и все собрание Израилево ко царю Ровоаму, глаголюще: 4 отец твой ожесточи иго наше, ты же ныне ослаби от работы отца твоего жестокия и от ига его тяжкаго, еже возложи на нас, и послужим тебе. 5 И рече им: поидите даже до триех дній и приидите ко мне. И отиода людие. 6 И собра царь Ровоам старейшины, иже стояху пред Соломон отцем его, егда еще живяше, глаголя: каков вы даете совет отвещати людем сим? 7 И реше ему: аще днесь будеши во благое людем сим, и благоугодиши, и речеши им словеса благая, то послужат тебе во вся дни. 8 И оставил совет старейшин, егоже совещаша ему: и советоваше со юношами, иже с ним воспитаны бяху и стояху пред ним, 9 и рече к ним: что вы собетуете, да отвещаю людем сим, иже реше мне, глаголюще: облегчи иго, еже наложи на ны отец твой? 10 И отвещаша ему отроцы воспитанни с ним, глаголюще: тако речеши людем, ихже рекоша тебе, глаголюще: отец твой отягчи иго наше, ты же облегчи нам: тако отвещай к ним: меньший перст мой толстее есть чресл отца моего: 11 отец мой наложи вам тяжкое иго, аз же (тягости) приложу на иго ваше: отец мой бил вас бичми, аз же буду бити вас скорпионами. 12 И прииде Иеровоам и все людие к Ровоаму в день третий, якоже повеле им царь, глаголя: возвратитесь ко мне в день третий. 13 И отвеща царь жестоко, и оставил царь Ровоам совет старейшин, и рече к ним по совету юнош, глаголя: 14 отец мой отяготи иго ваше, аз же приложу к нему: отец мой бил вас бичми, аз же бити буду вы скорпионами. 15 И не послуша царь людий, яко бе превращение от Бога, глаголя: возстави Господь слово Свое, еже глагола рукою Ахии Силониты о Иеровоаме сыне Наватове 16 и о всем Израиля, зане не послуша царь их. И отвещаша людие ко царю,

глаголюще: кая нам часть в Давиде и наследие в сыне Иессееве? Возвратися в жилища твоя, Израилю, ныне смотри дому твоего, Давиде. И иде весь Израиль в жилища своя. 17 Мужие же Израилевы, иже обитаху во градех Иудиних, воцариша над собою Ровоама. 18 И послы царь Ровоам к ним Адонирама бывша над даньми, и камением побиша его сынове Израилевы, и умре. И услыша царь Ровоам, и потщася взыти на колесницу, и побеже во Иерусалим. 19 И отвержеся Израиль от дому Давида даже до дне сего.

11 Прииде же Ровоам во Иерусалим, и созва (весь) дом Иудин и Вениамины, сто осмындесят тысящ избранных юношай творящих брань, и воеваше противу Израиля и Иеровоама, да обратит к себе царство. 2 И бысть слово Господне к Самею человеку Божиу, глаголя: 3 глаголи к Ровоаму сыну Соломоню, царю Иудину, и ко всему Израилю, иже есть во Иуде и Вениамине: 4 сия рече Господь: не восходите, ниже ополчайтесь противу братии вашея: возвратитеся кийждо в дом свой, зане от Мене бысть глаголгол сей. И послушаша слова Господня, и возвратишася, и не поидаша противу Иеровоама. 5 Обита же Ровоам во Иерусалиме и созда грады стены во Иудеи: 6 сострои же Вифлеем и Етам, и Фекуе 7 и Вефсур, и Сокхоф и Одоллам, 8 и Геф и Марисан, и Зиф 9 и Адурем, и Лахис и Азику, 10 и Салаю и Елон и Хеврон, иже есть Иудин и Вениамины, грады крепкия: 11 и укрепи их стенами, и постави в них начальники, житохранилища, и елей и вино, 12 во всяцем граде щиты и копия, и укрепи их во множестве зело, и быста под ним Иуда и Вениамин. 13 Священницы же и левиты, иже бяху во всем Израили, собираша к нему от всех предел: 14 яко оставиша левити селения одержания своего и поидаша ко Иуде во Иерусалим, понеже изгна их Иеровоам и сынове его, еже не служити Господеви: 15 и постави себе жерцы на высоких, и идолом, и суетным, и телцем, иже створи Иеровоам. 16 И изгна их от всех колен Израилевых, иже вдавша сердце свое, да взыщут Господа Бога Израилева: и придоша во Иерусалим покрети Господу Богу отец своих: 17 и укрепиша царство Иудино. И укрепися Ровоам сын Соломонъ в три лета, хождаше бо по путем Давида и Соломона отца своего лета три. 18 И взя себе Ровоам жену Моллафу, дщерь Иеримофа сына Давида, и Авигею дщерь Елиава сына Иессеева. 19 И роди ему сыны: Иеуса и Самории и Заама. 20 По сих же поя себе Мааху дщерь Авессаломлю, и роди ему Авию и Иеффиа, и Зизу и Салимофа. 21 И возлюби Ровоам Мааху дщерь

Авессаломлю паче всех жен своих и подложниц своих, яко жен осмындесят име и подложниц шестьдесят: и роди двадесят осьмь сынов и шестьдесят дщерей. 22 И постави в начальника Ровоам Авию сына Маахина и князем над всею братиою его, того бо и царем соторвоти помышляше. 23 И возрасте паче всех братий своих во всех пределех Иудиних и Вениаминых и во градех крепких, и даде им пищи множество много, и многих взыска жен.

12 И бысть егда устроися царство Ровоамово, и укрепися, оставил заповеди Господни, и весь Израиль с ним. 2 И бысть в лето пятое царства Ровоамля взыде Сусаким царь Египетский на Иерусалим, зане согрешиша пред Господем, 3 с тысячию и двема сты колесниц и шестьдесят тысяц конник, и не бе числа народу пришедшему с ним от Египта, Ливиане, Троллодитяне и Ефиопляне: 4 и взяша грады крепкия, иже бяху во Иуде, и придоша даже до Иерусалима. 5 Самеа же пророк вниде к Ровоаму и к начальником Иудиним, иже собрани бяху во Иерусалим от лица Сусакимова, и рече к ним: сия рече Господь: вы остависте мя, и Аз оставлю вас в руку Сусакима. 6 И посрамиша начальницы Израилевы и царь и рекоша: праведен Господь. 7 Егда же виде Господь, яко смиришася, и бысть слово Господне к Самею, глаголя: смиришася, не разорю их, и дам им вмале спасение, и не уканет ярость Моя на Иерусалим, 8 обаче будут в рабы, да познают работу Мою и работу царства земли. 9 И взыде Сусаким царь Египетский во Иерусалим, и взя сокровища, яже в дому Господни, и сокровища, яже в дому цареве, вся взя: и взя щиты златыя, иже створи Соломон. 10 И створи царь Ровоам щиты медяны вместо их. И постави на них Сусаким царь Египетский начальников предходящих стрегущих врата царева: 11 и бысть внегда входити царю в дом Господень, входяшу стрегущии и предходящии, и обращающеся восходяшу предходящии ко оружехранителнице своей. 12 И егда смирися той, отвратися от него ярость Господня, а не в разорение в конец: ибо и во Иуде бяху словеса блага. 13 И укрепися царь Ровоам во Иерусалиме и царствова: четыредесяти же и единаго лета бысть Ровоам, егда царствовати нача, и седмынадесять лет царствова во Иерусалиме, во граде, егоже избра Господь, да именуется имя Его ту от всех колен Израилевых. Имя же матери его Ноома Амманитыня. 14 И створи лукавое, яко не исправи сердца своего, да взыщет Господа. 15 Словеса же Ровоамова первая и последняя не се ли, суть писана в словесех Самеа пророка и Адда провидящаго,

и деяния его? И воеваше Ровоам и Иеровоам во вся дни. 16 И умре Ровоам и погребен бысть со отцы своими во граде Давидове. И воцарися Авиа сын его вместо его.

13 В лето осмоеадесять царства Иеровоамля

воцарися Авиа над Иудою: 2 три лета царствова во Иерусалиме. Имя же матери его Мааха дщерь Уриилева от Гаваона. И бе брань между Иеровоамом и между Авиею. 3 И ополчился Авиа в силе воинских силы, в четырех стах тысячах мужей сильных: Иеровоам же устрои сопротиву его брань во осми стах тысячах мужей военных крепких силою. 4 Стая же Авиа на горе Сомори, яже есть на горе Ефремли, и рече: слышите Иеровоам и весь Израиль: 5 или не весте, яко Господь Бог Израилев даде царство Давиду над Израилем во веки и сыновом его в завет вечен? 6 И воста Иеровоам сын Наватов, раб Соломона сына Давидова, и отвержеся от господина своего: 7 и обращася к нему мужие пагубни, сынове законопреступни, и воста противу Ровоама сына Соломонова, Ровоам же бе юнейший и сердцем страшлив, и не возможе противостати лицу его: 8 и ныне вы глаголете противостати лицу царства Господня в руце сынов Давидовых: и вы мнози зело, и с вами телцы златии, ихже сотвори вам Иеровоам в боги: 9 не извергосте ли священников Господних сынов Аароних и левитов, и сотвористе себе жерцы от людий всея земли, приходай наполнити руку свою телцем от волов и овнами седмию, и сотворися жерцем не сущему богу: 10 мы же Господа Бога нашего не оставихом, и священницы Его служат Господу, сынове Аарони и левити, 11 и по чредам своим жрут Господу всесожжения утро и пред вечером, и фимиам сложения, и предложения хлебов на трапезе чистей, и светилник златый, и свещники возжжения возжизати к вечеру: мы бо храним стражбы Господа Бога отец наших, вы же Его остависте: 12 и се, с нами в начале Господь, и священници Его, и трубы знаменования, еже знаменати противу вам: сынове Израилевы, не ратуйте противу Господа Бога отец ваших, понеже не благопоспешится вам. 13 Иеровоам же обрати подсаду приити ему созади, и бысть противу Иуды (сам), подсада же созади. 14 И обратися Иуда, и се, ему брань сопреди и созади, и возопиша ко Господу, и священницы вострубиша трубами: 15 и возопиша мужие Иудини. И бысть вопиющим мужем Иудиним, и Господь порази Иеровоама и Израиля пред Авию и Иудою: 16 и бежаша сынове Израилевы от лица Иуды, и предаде их Господь Бог в руки их: 17 и порази их Авиа и людие его язвою

великою, и падоша ранени от Израиля пять сот тысяч мужей крепких. 18 И смиришася сынове Израилевы в день той, и укрепиша сынове Иудини, яко уповаша на Господа Бога отец своих. 19 Погна же Авиа вслед Иеровоама и взя от него грады: Вефиль и села его, и Иесину и села ея, и Ефрон и села его. 20 И не возможе ктому противитися Иеровоам во вся дни Авии, и порази его Господь: и умре. 21 Авиа же укрепиша, и поят себе жен четыренадесять, и роди двадесять два сына и шестьнадесять дщерей. 22 Прочая же слова Авиева и деяния его и слова его писана в книзе Аddy пророка.

14 И успе Авиа со отцы своими, и погребоша его во

граде Давидове. И воцарися Аса сын его вместо его во дни же Асы почи земля Иудина лет десять. 2 И сотвори Аса благое и правое пред Господем Богом своим: 3 и отверже олтари чужды и высокая, и сокруши идолы и посече дубравы: 4 и повеле Иуде, да взыщет Господа Бога отец своих и да сотворит закон Его и заповеди: 5 и изверже из всех градов Иудиных олтари и идолы, и царствова в мире. 6 И созда грады крепки в земли Иудине, зане в покой бысть земля, и не бе ему брани в лета сия, мир во Господь даде ему. 7 Рече же Иуде: созиждем грады сия, и сотворим стены и столпы, и врата и вереи, дондеже землею господствуем: зане якоже взыскахом Господа Бога нашего, взыска и нас, и воздаде нам мир окрест, и благопоспешства нам. 8 И бысть сила Аса оруженосцев носящих щиты и копия в земли Иудине триста тысяч, в земли же Вениамины щитников и стрелцев двести осмьдесят тысяч: вси сии воини сильни. 9 Изыде же противу их Зарай Ефиоплянин с силою в тысячи тысящ, и колесниц триста, и прииде даже до Мариса. 10 И изыде Аса противу ему и устрои брань в дебри на север Мариса. 11 И возопи Аса ко Господу Богу своему и рече: Господи, не изнеможет у Тебе спасати во многих и в малых, укрепи нас, Господи Боже наш, яко на Тя уповахом и о имени Твоем изыдохом на множество многое сие: Господи Боже наш, Ты еси Бог, да не превозможет противу Тебе человек. 12 И порази Господь Ефиопы пред Асю и Иудою и бежаша Ефиопи: 13 и погна их Аса и людие его даже до Гедора: и падоша Ефиопи, даже не быти в них останку, яко сотрени быша пред Господем и пред силою Его, и плениша корысти многи: 14 и изсекоша веси их окрест Гедора, велик бо страх Господень обяты их, и плениша вся грады их, зане многи корысти быша в них: 15 и кущы

скотския и амазонов изсекоша, и взяша скота множество и велблуды, и возвратиша во Иерусалим.

15 Азария же сын Ададов, бысть на нем Дух Божий: 2

и изыде во сретение Асе и всему Иуде и Вениамины и рече ему: услышите мя, Аса и весь Иуда и Вениамин: Господь с вами, яко бысте с Ним: и аще взыщете Его, обрящется вам, аще же оставите Его, оставит вас: 3 мнози дни (будут) во Израили без Бога истиннаго и без священника учащаго и без закона: 4 егда же обратятся в печали ко Господу Богу Израилеву и взыщут Его, и обрящется им: 5 и во время оно не будет мир исходящему и входящему, яко ужас Господень на всех обитающих на земли 6 и ополчится язык на язык и град противу града, яко Господь смутит их во всяцей печали: 7 и вы укрепитесь, и да не ослабеют руки ваша, есть бо мзда делу вашему. 8 И егда услыша Аса словеса сия и пророчество Азарии пророка, укрепися и отя вся идолы от всяя земли Иудини и Вениамины и от градов, ихже содержаша Иеровоам в горе Ефремли, и освяти олтарь Господень, иже бе пред храмом Господним: 9 собра же (всего) Иуду и Вениамина и пришелцев обитающих с ним от Ефрема и от Манассии и от Симеона, мнози бо к нему прибегша от Израиля, егда увидеша, яко Господь Бог его с ним. 10 И собраша во Иерусалим в месяц третий, в лето пятоенадесять царства Асы, 11 и пожроща Господу в день той от корыстей, ихже приведоша, волов седмь сот и овец седмь тысяц, 12 и поидаша в завете, еже искати Господа Бога отец своих всем сердцем и всею душою своею: 13 и (рече): всяк, иже аще не взыщет Господа Бога Израилева, да умрет от юнаго даже до старейшаго, от мужа даже до жены. 14 И кляшася Господу гласом великим в восклицании и в трубах и в рожаных. 15 И возрадовася весь Иуда о клятве, яко от всяя души кляшася, и всею волею взыскаша Его, и обретеся им, и даде им Господь покой окрест. 16 И Мааху материю свою отлучи, да не служит Астарту, и сокруши идола и сожже в потоце Кедрстем. 17 Токмо высоких не отстави, еще бо баху во Израили, но сердце Асы бе совершенно во всех днех его: 18 и внесе святая Давида отца своего и святая своя в дом Божий, сребро и злато и сосуды. 19 И брань не бысть ему даже до тридесять пятаго лета царства Асина.

16 И в лето тридесять осмое царства Асина, взыде

Вааса царь Израилев на Иуду и стенами укрепи Раму, да не даст входа и исхода Асе царю Иудину. 2 И взя Аса сребро и злато от сокровищ дому Господня и

дому царева, и посла ко (Венададу) сыну Адера царя Сирска, живущему в Дамасце, глаголя: з положи завет между мною и тобою и между отцем моим и отцем твоим: се послах тебе сребро и злато: приди и отжени от мене Ваасу царя Израилева, и да отидет от мене. 4 И послуша сын Адеров царя Асы и посла начальники воев своих на грады Израилевы, и порази Аинона и Дана, и Авелмаина и вся окрестная Неффалимля. 5 И бысть егда услыша Вааса царь Израилев, остави ктому созидати Раму и оставил дело свое. 6 Аса же царь взя всего Иуду и взя камение от Рамы и лес ея, яже на создание уготова Вааса, и созда из них Гаваю и Массфу. 7 И во время оно прииде Ананий пророк ко Асе царю Иудину и рече ему: понеже имел еси упование на царя Сирска, а не уповал еси на Господа Бога твоего, того ради спасеся сила царя Сирского от руки твою: 8 не Ефиопи ли и Ливиане баху на тя в силе мнозе, в дерзости колесниц и конник во множество зело? И егда уповал еси на Господа, предаде их в руку твою: 9 очи бо Господни назирают всю землю, еже укрепити сущих сердцем совершенным к Нему: буе сотворил еси сие, (сего ради) отныне будет на тя брань. 10 Разгневася же Аса на пророка и всади его в темницу, понеже прогневася о сем: и уби Аса от людий во время то (многих). 11 И се, словеса Асы, первая и последняя, писана суть в книзе царей Иудиних и Израиля. 12 И разболелся Аса в лето тридесять девятое царства своего ногама, болезню зелнейшею: и ниже в немощи своей взыска Господа, но врачев. 13 Успе же Аса со отцы своими, и умре в лето четыредесять первое царства своего: 14 и погребоша его во гробе, егоже ископа себе во граде Давидове, и положиша его на одре, и наполниша ароматами и родами миров благоуханных, и сотвориша ему погребение велико зело.

17 И воцарися Иосафат сын его вместо его, и укрепися

Иосафат над Израилем: 2 расположи же силу во всех градех Иудиних крепких и постави воеводы во градех Иудиних и во градех Ефремовых ихже побра прежде Аса отец его. 3 И бысть Господь со Иосафатом, яко хождаше в путех Давида отца своего первых и не взыска идолов, 4 но Господа Бога отца своего взыска и пойде в повелениих отца своего, а не по делом Израилевым: 5 и укрепи Господь царство в руку его, и даша вся Иудея дары Иосафату, и бысть ему богатство и слава многа. 6 И вознесеся сердце его в пути Господни, и ктому изя высокая и дубравы от земли Иудины. 7 В третие же лето царства своего посла начальники своя и

сынов сильных Авдию и Захарию, и Нафанаила и Михеа, да учат во градех Иудиних: 8 и с ними левити Самеа и Нафания, и Завдия и Асиил, и Семирамоф и Ионафан, и Адония и Товия и Товадония левити, и с ними Елисама и Иорам жерцы: 9 учаху же во Иудеи, имеюще книгу закона Господня, и проходжаху грады Иудины и учаху люди. 10 И бысть страх Господень на всех царствах земных окрест Иуды, и не воеваша противу Иосафата. 11 И от иноплеменник Иосафату дары приношаху сребро и дани: Арави же привождаху ему овнов овчих седмь тысячъ и седмь сот, и козлов седмь тысячъ седмь сот. 12 И бе Иосафат предуспевая велик в высоту и созда во Иудеи домы и грады крепки. 13 И многа дела быша ему во Иудеи: и мужие ратницы крепцы сильни во Иерусалиме. 14 И сие число их по домом отечеств их: и во Иуде тысящечнечалницы Еднас вождь и с ним сынове сильни силы триста тысячъ: 15 и по нем Иоанан начальник и с ним двести осмьдесят тысячъ: 16 по немже Амасия, сын Захарии, усердсвяя Господу и с ним двести тысячъ мужей сильных. 17 И от Вениамина сильни силы Елиад, и с ним держащих лук и щиты двести тысячъ сильных: 18 и по нем Иозавад, и с ним сто осмьдесят тысячъ, сильни ко брани. 19 Сии служащии царю, кроме оных, ихже постави царь по градом крепким во всей Иудеи.

18 И бысть Иосафату богатство и слава многа, и поят
жену в дому Ахаавли. 2 И сниде при концы лет ко Ахааву в Самарию: и закла ему Ахаав овны и волы многи, и людем сущым с ним, и увещаваше его, да снидет с ним в Рамофе Галаадский. 3 И рече Ахаав царь Израилев ко Иосафату царю Иудину: пойдеш ли со мною в Рамофе Галаадский? И рече ему: якоже аз, тако и ты: и якоже людие твои, тако и людие мои с тобою на брань. 4 И рече Иосафат царю Израилеву: вопросы убо днесъ Господа. 5 И собра царь Израилев пророков четыреста мужей и рече к ним: пойду ли в Рамофе Галаадский на брань, или удержуся? И реша: взыди, и предаст Бог в руку цареву. 6 Рече же Иосафат: несть ли зде пророка Господня еще, да от него вопросим? 7 И рече царь Израилев ко Иосафату: есть еще муж един, имже вопросити Господа, но аз ненавижду его, понеже не прорицает мне во благая, зане все дни его во злая: сей Михеа сын Иемвлин. Рече же Иосафат: не глаголи, царю тако. 8 И призыва царь Израилев единаго от евнух и рече ему: (призови) скоро Михею сына Иемвлина. 9 Царь же Израилев и Иосафат царь Иудин кийждо седяще на престоле своем, и облечена красотою царскою, седяста же на

пространстве близ врат Самарийских, и вси пророцы пророчествоваху пред нима. 10 И сотвори себе Седекия сын Ханаань роги железны и рече: сия глаголет Господь: сими избодеш Сирию, дондеже скончается. 11 И вси пророцы прорицаху тако, глаголюще: взыди в Рамофе Галаадский и предуспеши, и предаст Господь в руку цареву. 12 Вестник же, шедый призвати Михею, рече ему: се, рекоша пророцы единеми усты благая о цари да будут убо и твоя словеса, якоже единаго от них, и да речеши благая. 13 И отвеща Михеа: жив Господь, яко еже аще речет Бог ко мне, сие возглаголю. 14 И прииде ко царю, и рече ему царь: Михея, имам ли ити Рамофе Галаадский на брань, или удержуся? И отвеща: взыди и предуспеши, и предадутся (врази) в руки ваши. 15 И рече ему царь: колико крат заклинаю тя, да не глаголеши мне, токмо истину во имя Господне. 16 И рече Михеа: видех всего Израиля расточена по горам яко овцы, имже несть пастьря: и рече Господь: не имут сии вожда, да возвратятся кийждо в дом свой в мире. 17 И рече царь Израилев ко Иосафату: не рех ли тебе, яко не прорицает о мне благая, но токмо злая? 18 И рече Михеа: не тако: слышите слово Господне: видех Господа седяща на престоле Своем, и вся сила небесная предстояше одесную Его и ошуюю Его: 19 и рече Господь: кто прельстит Ахаава царя Израилева, да взыдет и падет в Рамофе Галаадстем? И глаголаше един тако, и ин рече тако: 20 и изыде дух, и ста пред Господем, и рече: аз прельщу его: ему же Господь, в чем, рече, (прельстиши)? 21 И рече: изыду и буду дух лжив во устех всех пророков его: рече же (Господь): прельстиши и превозможеши, изыди и сотвори тако: 22 и ныне се, Господь даде духа лжива во уста всем пророком твоим сим, и Господь глагола о тебе злая. 23 И приступи Седекия сын Ханаань, и удари Михею в ланиту и рече ему: коим путем пройде Дух Господень от мене, еже глаголати к тебе? 24 Рече же Михеа: се, узриши в день той, егда внидиши в ложницу из ложницы, да укрыешися. 25 И рече царь Израилев: возмите Михею, и отведите ко Еммиру начальнику града и ко Иоасу князю сыну цареву, 26 и рече: сия глаголет царь: вверзите сего в темницу, и да яст хлеб печали и воду печали, дондеже возвращуся в мире. 27 Рече же Михеа: аще возвращаяся возвратиши в мире, не глагола Господь мною. И рече: слышите, вси людие. 28 И взыде царь Израилев и Иосафат царь Иудин в Рамофе Галаадский. 29 Рече же царь Израилев ко Иосафату: прикрыся и вниди во брань, ты же облечься в ризы моя. И прикрыся царь Израилев и вниде во брань. 30 Царь

же Сирский повеле вождем колесниц своих, глаголя: не устремляйтесь на мала и на велика, но токмо на самого царя Израилева. 31 И бысть егда увидеша начальницы колесниц Иосафата, глаголаша: царь Израилев есть сей. И обыдоша его воююще. Иосафат же возопи ко Господу, и Господъ послуша его, и отврати их Бог от него. 32 И бысть егда увидеша воеводы колесниц, яко не бяше царь Израилев, оставилша его. 33 И муж наяче лук приметно и порази царя Израилева между легким и персами. И рече возатаю своему: обрати руку твою и изведи мя от брани яко изнемогох. 34 И скончана бысть брань в день той, и царь Израилев бе стоя на колеснице своей противу Сириом даже до вечера, и умре заходящу солнцу.

19 И возвратися Иосафат царь Иудин в дом свой мирно во Иерусалим. 2 И изыде во сретение ему Ииуы сын Ананиин пророк и рече к нему: царю Иосафате, нечестиву ли даеши помощь, или ненавидимому от Господа дружиши? И рече ему Ииуя: сего ради бысть на тя гнев Господень: 3 но токмо дела благая обретоша в тебе, зане отял еси кумиры от земли Иудины и исправил еси сердце твое взыскати Господа. 4 И вселился Иосафат во Иерусалиме, и паки изыде к людем от Вирсавии даже до горы Ефремли, и возврати их ко Господу Богу отец своих. 5 И постави судии во всех градех Иудиних крепких, во всяцем граде, 6 и рече судиям: видите, что вы творите, не человеческий бо вы суд творите, но Господень, и с вами словеса суда: 7 и ныне да будет страх Господень на вас, и храните и творите, яко несть у Господа Бога нашего неправды, ниже дивления лицу, ни приятия мзды. 8 Во Иерусалиме же постави Иосафат левитов и священников и отченачальников от Израиля в суд Господень, да судят живущих во Иерусалиме. 9 Повеле же им, глаголя: тако творите во страсе Господни, во истине и сердцем совершенным: 10 всякою расплю, яже приидет к вам, братий ваших обитающих во градех своих, между кровию крове, и между повелением и заповедию, и оправданьми и судбами, разсудите им, да не согрешают Господеви, и не приидет гнев на вас и на братию вашу: тако творите и не согрешите: 11 и се Амария, священник вождь над вами во всяко слово Господне: и Завдия сын Исмаиль вождь в дому Иудине во всякому слову цареву: и книжницы и левити пред вами: укрепитеся и творите, и будет Господъ со благим.

20 По сих же приидоша сынове Моавли и сынове Аммони и с ними от Амманитов ко Иосафату на брань. 2 Приидоша же и сказаша Иосафату, глаголюще:

идет противу тебе велико множество от об он пол моря от Сирии, и се, стоят во Асасан-Фамаре, иже есть Енгадди. 3 И убояся, и вдаде Иосафат лице свое взыскати Господа, и проповеда пост во всей Иудеи. 4 И сбрася весь Иуда взыскати Господа: и от всех градов Иудиных придоша ко умолению Господню. 5 И ста Иосафат в собрании Иуды во Иерусалиме, в дому Господни пред лицем двора новаго, 6 и рече: Господи Боже отец наших, не Ты ли еси Бог на небеси горе, и Ты владычествуши всеми царствы язык, и в руку Твою есть крепость силы, и кто противостанет Тебе? 7 Не Ты ли еси Бог наш искоренивый живущыя на земли сей от лица людий Твоих Израиля, и дал еси ю семени Авраамлю возлюбленному Твоему во веки? 8 И вселился на ней, и устроша в ней святыню имени Твоему, глаголюще: 9 аще нападут на ны злая, мечь, суд, губительство, глад, станем пред домом сим и пред Тобою, яко призвано имя Твое в дому сем, и возопием к Тебе от скорбей наших, и услышиши и спасеши: 10 и ныне се, сынове Аммони и Моавли и гора Сиир, сквозе яже не изволил еси Израилю прориti, егда исходжаху от земли Египетския, но уклониша от них и не избираша их: 11 и се, ныне сии нападают на ны исходяще изгонити нас от наследия нашего, еже предал еси нам. 12 Господи Боже наш, не судиши ли им? В нас бо несть толика крепость, да можем сему множеству сопротивитися, еже нападе на ны, и не вемы что соделати имамы им: но токмо очи наши к Тебе. 13 И весь Иуда стояше пред Господем, и чада их, и жены их. 14 Бе же Иозиил сын Захариин, сынов Ванеа, сынов Елеила, сынов Мафания левитина, от сынов Асафовых, и бысть на нем Дух Господень посреде народа, 15 и рече: слышите, весь Иуда и обитающии во Иерусалиме, и ты, царю Иосафате: сия рече Господъ вам: не бойтесь, ниже ужасайтесь от лица народа сего многаго, несть бо ваше ополчение, но Божие: 16 заутра изыдите противу их: се, восходят по восходу Ассис, и обрящете их на краи реки противу пустыни Иериил: 17 не ваше есть воевати: сия разумейте и узрите сие спасение Господне с вами, Иудо и Иерусалиме: не убойтесь, ни ужасайтесь заутра изыти противу их, и Господъ с вами. 18 И преклонясь Иосафат на лице свое, и весь Иуда, и обитающии во Иерусалиме, падоша пред Господем поклонитися Господеви. 19 И восташа левити от сынов Кафовых и от сынов Кореовых, хвалити Господа Бога Израилева гласом великим в высоту. 20 И заутра восташа рано и изыдоша в пустыню Фекое. И внегда исходити им, ста Иосафат (посреде их), и возопи и рече: услышите мя, мужие Иудини и вси обитающии во Иерусалиме: веруйте

в Господа Бога нашего и уверитеся: веруйте пророку Его, и благопоспешится вам. 21 И советова с людьми, и постави псалмопевцы, и хвалящих исповедатся, и хвалити святая, внегда изыти пред силою, и глаголаху: исповедайтесь Господеви, яко благ, яко в век милость Его. 22 Егда же начаша хваления и исповедания, обрати Господь воевати сынов Аммоних на Моава и гору Сири, изшедших на Иуду, и поражени быша. 23 И восташа сынове Аммони и Моавли на обитающих в горе Сири, да побиют их и сокрушат: и егда скончаша обитающих в Сирие, восташа друг на друга, да потребятся. 24 Иуда же прииде на созирание от пустыни, и возвзре, и виде множество: и се, все мертвии падше на землю, и не бе спасыйся. 25 И изыде Иосафат и людие его взяти корысти их, и обретоша скота много, и одежды, и корысти, и сосуды дражайшя и плениша их: и быша собирающе корысти их три дни, яко многи бяху. 26 Дне же четвертаго собрахуся во удоль благословения, ибо тако благословиша Господа: сего ради прозваша место то удоль благословения даже до сего дне. 27 И возвратиша вси мужие Иудини во Иерусалим и Иосафат вождь их с веселием великим: яко возвесели их Господь о вразех их. 28 И внидоша во Иерусалим со псалтирии и гусльми и трубами в дом Господень. 29 И бысть страх Господень на вся царства земная, внегда услышати им, яко порази Господь враги Израилевы. 30 И умирися царство Иосафатово, и даде ему Господь покой окрест. 31 И царствова Иосафат над Иудою, сый лет тридесети пяти, егда царство прия и двадесать пять лет царствова во Иерусалиме. Имя же матери его Азува, дщи Салинина. 32 И хождаше в путех отца своего Асы, и не уклониши от них творити правое пред Господем: 33 обаче высокая еще бяху, и еще людие не управиша сердца своего ко Господу Богу отец своих. 34 Прочая же деяния Иосафатова первая и последняя, се, писана суть во словесех Ииу сына Ананиина, иже написа книгу царей Израилевых. 35 И по сих сообщиша Иосафат царь Иудин со Охозиею царем Израилевым, и сей беззаконнова, 36 занеже сотвори, и отиде к нему, да сотворят корабли, еже ити во Фарисис: и сотвори корабли в Гасион-Гавере. 37 И пророчествова Елиезер сын Додиа от Марисиса на Иосафата, глаголя: понеже возимел еси любовь со Охозиею, сокруши Господь дело твое, и сокрушиша корабли твоя и не возмогоша пойти во Фарисис.

21 И успе Иосафат со отцы своими, и погребен бысть с ними во граде Давидове. И воцарися Иорам сын

его вместо его. 2 И братия его сынове Иосафатовы шесть: Азария и Иеил, и Захария и Азария, и Михаил и Сафатия: вси сии сынове Иосафата царя Иудина. 3 И даде им отец их многи дары: сребро и злато, и оружие со грады крепкими во Иудеи, царство же даде Иораму, понеже сей бе первенец. 4 И воста Иорам на царство свое, и укрепися, и изби всю братию свою мечем и неких от начальник Израилевых. 5 Тридесети и дву лет бе Иорам, егда нача царствовать, и осмь лет царствова во Иерусалиме, 6 и хождаше по путем царей Израилевых, яко же содела дом Ахаавль: дщи би Ахаавля бысть жена его: и сотвори злое пред Господем. 7 И не хоте Господь искоренити дому Давидова ради завета, егоже завеща с Давидом, и яко же рече ему, дати ему светилник и сыном его во вся дни. 8 Во днех онех отступи Едом от Иуды и постави себе цара. 9 И пойде Иорам с начальники своими, и вся конница с ним: и бысть, и воста нощю, и порази Едома, иже обыде окрест его, и начальники колесниц: и побегоша людие в селения своя. 10 И отступи от Иуды Едом даже до сего дне тогожде времене и Ловна отступи из под руки его, зане оставил Господа Бога отец своих: 11 ибо той сотвори высокая бо градех Иудиних, и блудити сотвори обитающих во Иерусалиме и прельсти Иуду. 12 И прииде к нему писание от Илии пророка, глаголя: сия рече Господь Бог Давида отца твоего: понеже не ходил еси по пути Иосафата отца твоего и в путех Асы царя Иудина, 13 и ходил еси в путех царей Израилевых, и блудити сотворил еси Иуду и обитающих во Иерусалиме, яко же соблуди дом Ахаавль, и братию твою, сыны отца твоего, лучших тебе избил еси, 14 се, Господь поразит тя язвою великою с людьми твоими и с сынми твоими и с женами твоими и со всем имением твоим: 15 ты же будеш в язве лютей, в болезни чрева, дондеже изыдуть внутренняя твоя с язвою от дний во дни. 16 И воздвиге Господь на Иорама иноплеменники и Аравов и сопредельныя Ефиопы: 17 и взыдоша на Иуду, и преодолеша, и плениша вся сокровища, яже обретоша в дому цареве, и сынов его и дщери его и жены его, и не остался ему сын, токмо Охозия менший сынов его. 18 И по сих всех порази его Господь чрева болезню неизцельною. 19 И бысть от дний во дни, и егда прииде время дний два дни, и изыде чрево его с болезню, и умре в разслаблении лютем. И не сотвориша ему людие по обычю погребения, яко же погребение отцем его. 20 Тридесети двою лет бяше, егда царствовать нача, и осмь лет царствова во Иерусалиме: ходи же не хвально, и

погребоша его во граде Давидове, обаче не во гробех царских.

22 Поставиша же царем обитающии во Иерусалиме

Охозию сына его меньшаго вместо его: всех бо старших избиша нашедшии на них разбойницы Арави и Алимазоняне, и воцарися Охозия сын Иорамов царь Иудин: 2 двадесети дву лет сый Охозия царствовати нача, и едино лето царствова во Иерусалиме. И имя матери его Гофолия дци Амврина. 3 И сей ходил есть по пути дому Ахаавля, мати бо его бе советница, да грешит: 4 и сотвори лукавое пред Господем якоже дом Ахаавов, сии бо быша ему советницы по смерти отца его, в погубление ему, 5 и в советех их хождаше: и пойде со Иорамом сыном Ахаава царя Израилева на брань противу Азаила царя Сирска в Рамофф Галаадский. И поразиша стрелцы Иорама. 6 И возвратися Иорам изцелитися во Иезраель от ран, имиже раниша его Сирияне в Рамофе, внегда братися ему со Азаилем царем Сирским. Охозия же сын Иорамль царь Иудин снide посетити Иорама сына Ахаавля во Иезраель, разболеся бо. 7 И от Бога бысть превращение Охозии, да приидет ко Иораму: и внегда приими ему, изыде с ним Иорам противу Ииуя сына Намессиина, егоже помаза Господъ на дом Ахаавль. 8 И бысть егда отмсти Ииуй дому Ахаавлю, и обрете начальники Иудины и братию Охозиину, служащих Охозии, и уби их: и уби Ииуй Иорама, и убежа Охозия. 9 И рече Ииуй, еже взыскати Охозию: и яша его врачающаися в Самарии и приведоша его ко Ииуеви, и уби его, и погребоша его: реша бо, яко сын Иосафатов есть, иже взыска Господа всем сердцем своим. И не бысть в дому Охозиине восприяти силу о царстве. 10 И Гофолия мати Охозиина виде, яко умре сын ея, и воста и погуби все семя царское в дому Иудине. 11 И взя Иосавеef дци царева Иоаса сына Охозиина, и украде его от среды сынов царевых, егда убиваху их, и даде его и кормилицу его в храмину постельнюю, и скры его Иосавеef дщерь царя Иорама, сестра Охозиина, жена Иодаа архиереа, и скры его от лица Гофолиина, и не уби его. 12 И бысть с ними в дому Божии сокрыт шесть лет, и царствова Гофолия на земли.

23 В лето же седмое укрепиша Иодай, и взя сотники,

Азарию сына Иорамля и Исмаила сына Иоананя, и Азарию сына Овидова и Амасию сына Адиева и Елисафана сына Захариина с собою в дом Господень. 2 И обыдша Иудею, и собираша левиты от всех градов Иудиних и начальники отечеств Израилевых, и придоша

во Иерусалим. 3 И завеща все собрание Иудино завет в дому Божии со царем: и показа им сына царева и рече им (Иодай): се, сын царев да воцарится, якоже глагола Господь о доме Давидове: 4 и ныне слово сие, еже сотворите: третия часть от вас да изыдет в субботу, священников и левитов, и во врата входов, 5 и третия часть в дому цареве, и третия часть во вратах средних, и вси людие (да будут) во дворех дому Господни: 6 и никто же да внидет в дом Господень, токмо священницы и левити и иже служат от левит: тии внидуть, яко освящени суть, вси же людие да держат стражу Господню: 7 левити же да ходят окрест царя, кийждо имея оружие свое в руку своею, и входяй в церков да убиется, и да будут со царем, входящу ему и исходящу. 8 И сотвориша левити и весь Иуда по всему, елика повеле им Иодай жрец: и взяша кийждо мужы своя от начала субботы даже до исхода субботы: занеже не остави Иодай жрец службы дневныя. 9 И даде Иодай священник сотником по чину поставленным мечы и щиты и броня, яже бяху царя Давида в дому Божии, 10 и постави вся люди, коегождо во оружии его, от десныя страны церкве даже до левыя страны олтаря и церкве, над царем окрест: 11 и изведе сына царева, и возложиша на него диадиму и свидения, и поставиша его царем, и помаза его Иодай жрец и сынове его и рекоша да живет царь. 12 И услыша Гофолия глас людей текущих и исповедающих и хвалящих царя, и вниде ко царю в церковь Господню, 13 и виде, и се, царь стояше на степени своем, на входе же князи и трубы, и начальники окрест царя: и вси людие земли возрадовашася и вострубиша трубами, и поюще во органы певцы, и хваляще хвалою. И растерза Гофолия ризы своя, и возопи и рече: нападающе нападаете. 14 Изыде же Иодай архиерей, и повеле сотником и начальником силы и рече им: изрините ю вон из церкве, и изыдите вслед ея, и да убиется мечем. Рече бо священник да не умрет в дому Господни. 15 И даша ей ослабу на мало, дондеже пройде врата конник дому царева и убиша ю тамо. 16 И завеща Иодай завет между собою и всеми людьми и царем, да быша были людие Господни. 17 И внидоша вси людие земли в дом Ваалов и разориша его, и олтари его и идолы его сокрушиша, и Матфана жерца Ваалова убиша пред олтарем его. 18 И вручи Иодай жрец дела дому Господни в руку священников и левитов, и возстави дневныя чреды жерцев и левитов, яже раздели Давиде в дому Господни, и вознесе всесожжения Господеви, якоже писано есть в законе Моисееве, в радости и пениях по расположению

Давидову: 19 и постави придверники во вратех дому Господня, и да не внидет нечист во всяцей вещи: 20 и взя отечество начальники, и сильныя, и начальники людий, и вся люди земли, и возведоша царя от дому Господня, и вниде вратами внутренними в дом царев, и посадиша царя на престоле царствем. 21 И возвеселился вси люди земли и град упокоился, и Гофолия убиена есть мечем.

24 Седми лет бе Иоас, егда царствовати нача, и четыредесять лет царствова во Иерусалиме. Имя же матери его Савия от Вирсави. 2 Створи же Иоас угодное пред Господем во вся дни Иодаа священника. 3 И поят ему Иодай жены две, и родиша сыны и дщери. 4 И бысть по сих, и взыде на сердце Иоасу, да возновит дом Господень. 5 И собра священники и левиты и рече им: идите во грады Иудины, и соберите от всего Израиля сребро ко обновлению храма Господня от лета до лета, и поспешно сотворите. Левити же не потщащася. 6 И призыва царь Иоас Иодаа начальника и рече ему: почто не надсматрят еси левитов, еже принести от Иуды и от Иерусалима, еже уставлено есть от Моисея человека Божия, егда собра Израиля в скинию свидения? 7 Гофолия бо не нечестива, и сынове ея разориша дом Божий, яко святая дому Господня сотвориша Ваалиму. 8 И повеле царь, да сотворят ковчежец и поставят при вратех Господних извне, 9 и да проповедят во Иудеи и во Иерусалиме, приносити Господу, якоже устави Моисей раб Божий над Израилем в пустыни. 10 И даша вси начальники и вси людие, и вношаху и влагаху в ковчежец, дондеже наполнися. 11 И бысть егда приношаху ковчежец к настоятелем царевым руками левитскими, и егда увидеша, яко умножися сребро, и приходаше писарь царев и настоятель великаго жерца, и выбираву из ковчежца, (паки) поставляху на место его: тако творяху от дне до дне, и собираша сребра много. 12 И вдаде е царь и Иодай жрец творящим дела на дело дому Господня: и наимаху каменосечцы и древодели, да устрояют дом Господень, и ковачи железу и меди, да укрепят дом Господень. 13 И творяху творящии дела, и взыде долгота дел руками их, и возставиша дом Господень в состояніе (прежнее) его, и укрепиша. 14 Егда же совершиша, принесоша ко царю и ко Иодаю останок сребра, из негоже сотвориша сосуды в дом Господень, сосуды в служение всесожжений, и кадилницы златыя и сребряныя, и приношаху всесожжения в дому Господни непрестанно, во вся дни Иодаевы. 15 И состареся Иодай исполнен дний, и умре сый ста тридесети лет внегда

скончатися ему: 16 и погребоша его во граде Давидове со царми, понеже сотвори благое со Израилем и с Богом и с домом Его. 17 И бысть по скончании Иодаеве, внидоша начальницы Иудини и поклонишаца царю: тогда послуша их царь. 18 И оставиша церковь Господа Бога отец своих и служаху Астарте и истуканным: и бысть гнев (Господень) на Иуду и Иерусалим в день той. 19 И послал к ним пророки, да обратятся ко Господу, и не послушаша: и засвидетельствова им, и не покоришаася. 20 И Дух Божий облече Азарию священника сына Иодаева, и ста пред людьми и рече им: сия глаголет Господь: почто преступаете повеления Господня? Не поспешитесь вам, яко остависте Господа, и оставит вас. 21 И нападоша на него и побиша и камением по повелению Иоаса царя, во дворе дому Господня. 22 И не воспомяну Иоас царь милосердия, еже сотвори Иодай отец его с ним, но уби сына его: иже, егда умираше, рече: да видит и судит Господь. 23 И бысть по скончании лета, воста на него сила Сирская, и прииде на Иуду и на Иерусалим, и убила вся начальники в людех в церкви, и весь плен их послаша ко царю в Дамаск: 24 зане в малых мужех прииде сила Сирская, и Бог предаде в руце их силу многу зело, зане оставиша Господа Бога отец своих: и на Иоаса сотвори суд. 25 И по отшествии их от него, оставлену ему сущу в болезнях великих, и нападоша на него раби его за кровь священника сына Иодаева, и убила его на постели его, и умре: и погребоша его во граде Давидове, но не погребоша его во гробех царских. 26 Нападши же на него, Завед сын Семафов Амманитянин и Иозавед сын Самарифов Мовавитянин, 27 и сынове его вси, и приступиша к нему пять. И прочая словес его, се, написана в летописце царствем. И воцарися Амасия сын его вместо его.

25 Двадесяти пяти лет бысть Амасия, егда царствовати нача, и двадесять девять лет царствова во Иерусалиме. Имя же матери его Иоадаень от Иерусалима. 2 И сотвори правое пред Господем, обаче не сердцем совершенным. 3 И бысть егда утвердиша царство в руце его, и умерти рабы своя иже убила царя отца его. 4 Сынов же их не изби по заповедем закона Господня, якоже писано есть в книзе закона Моисеова, якоже повеле Господь, глаголя: не умрут отцы за сыны, и сынове не умрут за отцы, но кийждо во грехе своем умрет. 5 И собра Амасия дом Иудин, и постави их по домом отечеств их в тысящники и сотники, во всей Иудеи и Вениамине: и соchte их от двадесяти лет и выше, и

обрете их триста тысяч сильных исходити на брань, держащих копия и щиты. 6 Еще же ная от Израиля сто тысяч храбрых в силе, за сто талант сребра. 7 И прииде человек Божий к нему, глаголя: о, царю да не изыдёт с тобою сила Израилева, несть бо Господь со Израилем, со всеми сыны Ефреми: 8 яко аще мниши укрепитися с ними, в бегство обратит тя Господь пред враги, зане от Господа есть укрепитися и в бегство обратитися. 9 Рече же Амасия к человеку Божию: и что сотворю о сте талантах, яже дах силе Израилеве? И рече человек Божий: имать Господь дати тебе множе сих. 10 И отлучи Амасия силу пришедшую к нему от Ефрема, отити на место свое. И разгневавшая зело на Иуду, и возвратиша во страну свою во гневе ярости. 11 И Амасия укрепися, и взя люди своя и иде во удоль Сланую, и порази тамо сынов Сиир десять тысяч. 12 И десять тысяч живых яша сынове Иудины, и приведоша их на верх некоторыя стremнины, и свергша их стremглав с высоты стremнины, и вси разседошася. 13 Сынове же силы, ихже отсла Амасия, да не идут с ним на брань, нападоша на грады Иудины от Самарии даже до Вефорона: и убisha от них три тысячи, и плениша плен мног. 14 И бысть егда возвратися Амасия поразив Идумею, и принесе себе богов сынов Сиир, и постави в боги себе, и покланяющеся им и сам кадяще им. 15 И бысть гнев Господень на Амасию, и послал к нему пророка, и рече ему: почто взыскал еси богов людских, иже не избавиша людей своих от руку твою? 16 И бысть егда той глаголаше к нему, и отвеща ему: еда советника царева поставих тя? Внемли, да не биен будеши. И умолча пророк и рече: вем, яко восхоте Господь потребити тя, занеже сотворил еси сие зло) и не послушал еси совета моего. 17 И совеща Амасия царь Иудин, и послал ко Иоасу сыну Иоахаза сына Ииуева, ко царю Израилеву, глаголя: приди, да увидимся между собою в лице. 18 И послал Иоас царь Израилев ко Амасии царю Иудину, глаголя: терн, иже в Ливане, послал ко кедру ливанску, глаголя: даждь дщерь твою сыну моему в жену, и се, приидут зверие, иже в дубраве Ливанской: и приидоша зверие и потопташа терн: 19 рекл еси: се, поразих Идумею, и воздвигается сердце твое в гордыню: ныне седи в дому твоем, и почто совещаваши себе лукавое? Падеши ты и Иуда с тобою. 20 И не послуша Амасия, зане от Господа бысть, да предастся в руки Иоасу, яко взыска богов Идумейских. 21 И взыде Иоас царь Израилев, и явистася друг другу, той и Амасия царь Иудин, в Вефсамисе, иже есть Иудин. 22 И паде Иуда пред лицем Израилевым, и бежа кийждо в

жилище свое. 23 И Амасию царя Иудина сына Иоасова, сына Охозина, ят Иоас царь Израилев в Вефсамисе, и ввede его во Иерусалим, и разори стены Иерусалимли от врат Ефремлих даже до врат угла на четыреста лакот: 24 и все злато и сребро, и вся сосуды обретшяся в дому Господни и у Авдедома, и сокровища дому царева, и сынов залога, и возврати в Самарию. 25 И поживе Амасия сын Иоасов, царь Иудин, по умертвии Иоаса сына Иоахазова царя Израилева пятьнадесять лет. 26 Прочая же словеса Амасиина первая и последняя, не сели, писана суть в книзе царей Иудиних и Израилевых? 27 И во время егда Амасия отступи от Господа, и нападоша на него нападением, и побеже из Иерусалима в Лахис. И послаша вслед его в Лахис, и убша его ту. 28 И взяша его на конех и погребоша его со отцы его во граде Давидове.

26 И взяша вси людие Иудины (сына его) Озию, он же бе лет шестинадесяти, и поставиша его царем вместо Амасии отца его. 2 Той созда Елаф, той возврати его Иуде по успении царя со отцы его. 3 Шестинадесяти лет бысть Озия, егда царствовати нача, и пятьдесят два лета царствова во Иерусалиме. Имя же матери его Иехелия от Иерусалима. 4 И сотвори правое пред Господем по всем, елика сотвори Амасия отец его, 5 и бе взыская Господа во дни Захарии разумеющаго во страсе Господни, и во дни его взыска Господа, и благопоспеши ему Господь. 6 И изыде, и ополчился противу иноплеменников, и разори стены Гефски и стены Иавнира и стены Азота и созда грады Азотски и во иноплеменницах. 7 И укрепи его Господь противу иноплеменников и противу Аравов, иже обитаху в камених, и противу Минеев. 8 И даша Мине дары Озии, и прослы имя его даже до входа Египетскаго, понеже укрепися до высоты. 9 Созда же Озия столпы во Иерусалиме и над враты угла и над враты юдольными и над углами, и укрепи их: 10 и устрои столпы в пустыни, и искона кладязи многи, понеже имяше многи скоты на поли и в пустыни, и делатели виноградов на горах и на Кармиле, бе бо муж любоземледелен. 11 Бысть же Озии сила творящая брань, исходящая к ополчению на брань, и входящая на ополчение в число: и бе число их под рукою Иеиля писаря и Маасии судии и под рукою Анании наместника царска. 12 Все число отечеств начальников сильных на брань две тысячи шесть сот, 13 и с ними силы военные триста седмь тысячи пять сот: сии творяху брань в силе крепце, помогающе царю противу супостат.

14 Уготова же им Озия всей силе щиты и копия, и шлемы и броня, луки же и пращи на метание камения. 15 И створи во Иерусалиме хитрости ухищреняя вымыслом, еже быти им на столпех и на углех, да мещут стрелы и камения велия: и слышано бысть устроение его до далеча, понеже удивлен бысть ища помощи (от Господа), дондеже укрепися. 16 И егда укрепися, вознесеся сердце его на пагубу (свою): и обиде Господа Бога своего, и вниде в церковь Господню покадити над олтарем фимиамов. 17 И вниде по нем Азария священник и с ним священницы Господни осмыслят, сынове сильний. 18 И стала противно Озии царю и рекоша ему: несть твое, Озие, да кадиши фимиамом Господеви, но токмо священником сыном Аароним освященным кадити: изыди из святилища, яко отступил еси от Господа: и не вменится тебе сие во славу от Господа Бога. 19 И прогневася Озия, и в руку его кадилница еже кадити во храме: и внегда разярится он на жерцы Господни, и проказа взыде на чело егоже пред священники в дому Господни, на олтари фимиамнем. 20 И обратися к нему Азария архиерей и священницы, и се, той прокажен на челе своем, и изгнаша его оттуду, ибо и сам тщахеся изыти, яко обличи его Господь. 21 Бысть же Озии царь прокажен даже до дне смерти своея и седяше в дому отлучене прокажен, понеже отторжен бысть от дому Господню: Иоафам же сын его бе над царством его судя людем земли. 22 Прочая же словеса Озии первая и последняя написана у Исаии сына Амосова пророка. 23 И успе Озии со отцы своими, и погребоша его со отцы его в поли царских гробов, зане реша, яко прокажен бысть. И воцарися Иоафам сын его вместо его.

27 Сын двадесяти и пяти лет бяше Иоафам, егда царствовати нача, и шестьнадесять лет царствова во Иерусалиме. Имя же матере его Иеруса, дщи Садокова. 2 И створи правое пред Господем по всем, яже створи Озия отец его, обаче не вниде в церковь Господню, и еще людие согрешаху. 3 Той созда врата дому Господня высокая, и на стene Офли созда многа: 4 и грады созда на горах Иудиних, и в дубравех дворы и столпы. 5 И той ополчился противу царя сынов Аммоних и одоле его: и даяху ему сынове Аммони на всякое лето по сту талант сребра и десять тысяч кор (мер) пшеницы и десять тысяч ячменя: сия ему приношаще царь сынов Аммоних на лето, в первое лето и второе и третие. 6 И укрепися Иоафам, яко уготова пути своя пред Господем Богом своим. 7 Прочая же словеса Иоафамля, и брань, и деяния

его, се, писана в книзе царей Иудиних и Израилевых. 8 Сын двадесяти и пяти лет бяше, егда царствовати нача, и шестьнадесять лет царствова во Иерусалиме. 9 Успе же Иоафам со отцы своими и погребен бысть во граде Давидове. И воцарися Ахаз сын его вместо его.

28 Сын двадесяти и пяти лет бе Ахаз, егда царствовати нача, и шестьнадесять лет царствова во Иерусалиме: и не створи правое пред Господем, якоже Давид отец его. 2 И пойде по путем царей Израилевых: ибо и изваянная створи, 3 и идолом их пожре в земли Веенномли и проведе сынов своих сквозе огнь по мерзостем языков, ихже потреби Господь от лица сынов Израилевых: 4 и кадяще на высоких и на холмех и под всяким древом дубравным. 5 И предаде его Господь Бог его в руце царя Сирска и порази его, и плени от них плен мног, и приведе в Дамаск, и в руки царя Израилева предаде его, и порази его язвою великою. 6 И уби Факей сын Ромелиев царь Израилев от Иуды во един день сто двадесять тысяч мужей крепких силою, егда оставил Господа Бога отец своих. 7 И уби Зехрий муж силен от Ефрема Маасию сына царева и Езрикама начальника дому его и Елкана наместника царева. 8 Плениша же сынове Израилевы от братии своих триста тысячи жен, сынов и дщерей: и плен мног плениша от них, и принесоша корысти в Самарию. 9 И бе тамо пророк Господень, именем Оид, иже изыде во сретение воем грядущим в Самарию и рече им: се, гнев Господа Бога отец ваших противу Иуды, и предаде их в руки ваши, и убисте их во гневе, и даже до небес достиже (ваше немилосердие): 10 и ныне сынов Иудиних и Иерусалимлих вы глаголете покорити в рабы и рабыни: не се ли, аз есмь с вами, свидетельствовати Господу Богу вашему? 11 И ныне послушайте мене и возвратите плен, егоже пленисте от братий ваших, яко гнев ярости Господни на вас. 12 И восташа начальницы от сынов Ефремлих, Азария сын Иоанан и Варахия сын Васаллимофов, и Езекия сын Селлумов и Амасия сын Елдаев на грядущих от брани, 13 и рекоша им: не введите пленя семо к нам, зане согрешим Господу, вы хощете приложити ко грехом нашым и к безумию нашему, велик бо грех наш, и гнев ярости Господни на Израили. 14 И оставили воини плен и корысти пред начальники и пред всем множеством. 15 И восташа мужие речениии по имени и взяша плененых, и всех нагих облекоша от корыстей, и одеяша их и обуша их, и даша ясти и пити им и помазатися, и всадиша на подъемника всякаго

немощнаго, и отвезоша их во Иерихон град финический ко братии их, и возвратиша в Самарию. 16 Во время оно посла царь Ахаз ко царю Ассурскому, прося помочи себе и в том, 17 понеже Идумеане нападоша и поразиша Иуду и плениша плен: 18 и иноплеменницы нападоша на грады напольныя и от полуденныя Иудеи и взяша Вефсамис, и яже в дому Господни, и яже в дому царствем, и князей, и даша царю Аилон и Гадироф, и Сохоф и веси его, и Гамзон и веси его, и Фамну и веси ея, и вселишася тамо. 19 Яко смири Господь Иудею ради Ахаза царя Иудина, понеже отступи отступлением от Господа. 20 И прииде на него Фелгателласар царь Ассурский, и озлоби его, и пресели, иже бяху в Дамасце, в Мидию, из Сирии же пресели в Дамаск пребывати. 21 И взя Ахаз сущая в дому Господни и яже в дому царствем и у начальников, и даде царю Ассурскому: и не бысть на помошь ему, но токмо к печали его. 22 И приложи отступити от Господа и рече царь Ахаз: 23 взышу богов Дамасковых биющих мя. И рече: бози царя Сирска, тии укрепляют их, сим убо покру, и будут ми в помошь. Тии же быша к падению его и всего Израиля. 24 И оставил Ахаз сосуды дому Господня и скруши их, и заключи врата дому Божия, и сотвори себе требища во всех углах Иерусалима, 25 и во всех градех Иудиных сотвори высокая, еже кадити богом чуждим, и разгнева Господа Бога отец своих. 26 Прочая же словеса его и деяния его первая и последняя, се, писана суть в книзе царей Иудиных и Израилевых. 27 И успе Ахаз со отцы своими, и погребоша его во граде Давидове, ибо не внесоша его во гробы царей Израилевых. И воцарися Езекия сын его вместо его.

29 И Езекия нача царствовать сый двадесяти и пяти лет, и двадесять девять лет царствова во Иерусалиме. Имя же матери его Авия, дщерь Захариина. 2 Сотвори же правое пред Господем по всем, яже сотвори Давид отец его. 3 И бысть егда ста на царстве своем в месяц первый, отверзе двери дому Господня и обнови их, 4 и введе священники и левиты, и постави их на стране яже к востоку, 5 и рече им: послушайте мя, левити, ныне очиститеся и очистите дом Господа Бога отец наших, и изрините нечистоту из святыни: 6 яко отступиша отцы наши и сотвориша лукавое пред Господем Богом нашим, и оставили Его, и отвратиша лицо свое от скинии Господни, и даша хребет, 7 и заключиша врата храма, и погасиша светилники, и фимиамом не кадиша, и всесожжений не принесоша во святыни Богу Израилеву: 8 и разгневася яростию Господь на Иуду и на Иерусалим, и предаде

их во ужас и погубление и на звездание, яко же вы видите очима вашима: 9 и се, поражени быша отцы наши мечем, и сынове наши и дщери наша и жены наша в пленении в земли не своей, яко же и ныне суть: 10 ныне убо положите на сердца ваша, еже завещати завет с Господем Богом Израилевым, и отврати гнев ярости Своей от нас: 11 и ныне не пренебрегайте, яко вас избра Господь стояти пред Ним, служити Ему, и да будете Ему служаще и кадяще. 12 И восташа левити, Маал сын Амасиев и Иоиль сын Захарииев от сынов Кафовых, и от сынов Мерариних Кис сын Авдиив и Азарии сын Илаелилов, и от сынов Гедсоних Иоадад сын Земмань и Иоадам, сии сынове Иоахани: 13 от сынов Елисафаних Самарий и Иеиил, и от сынов Асафовых Захария и Матфания, 14 и от сынов Еманиих Иеиил и Семей, от сынов же Идифумлих Самафии и Озиил: 15 собираша же братию свою и освятиша по заповеди цареве повелением Господним, да очистят дом Божий: 16 и внидоша священницы внутрь церкве Господни, да очистят ю, и извергша всю нечистоту обретенную в дому Господни и во дворе дому Господня: и вземше левити, изнесоша к потоку Кедрску вон. 17 И начаша в первый день новомесия первого месяца очищати, и в день осмый того месяца внидоша во храм Господень, и очистиша церковь Господню во осми днех, и в день шестый надесять месяца первого совершиша. 18 И внидоша внутрь ко Езекии царю и рекоша: очистихом вся, яже в дому Господни, олтарь всесожжения и сосуды его, и трапезу предложения со всеми сосуды ея, 19 и вся сосуды, яже оскверни царь Ахаз в царство свое во отступлении своем, уготовахом и очистихом, и се, суть пред олтарем Господним. 20 И воста рано Езекия царь, и собра начальники града, и взыде в дом Господень, 21 и вознесе телцев седьмь и овнов седьмь, агнцев седьмь и козлов от коз седьмь за грех, за царство и за святынице и за Израиля, и рече сыном Аароним священником, да взыдут на олтарь Господень жрети телцев. 22 И заклаша телцев, и взяша кровь священницы и излияша на олтарь: и заклаша овнов и кровь на олтарь возлияша: и заклаша агнцев и облияша кровию олтарь: 23 и приведоша козлов, иже за грех, пред царя и церковь, и возложиша руки своя на них, 24 и пожроша их священницы, и покропиша кровию их пред олтарем, и помолишася о всем Израили: зане рече царь, о всем Израили всесожжение и яже о гресе. 25 Постави же левиты в дому Господни с кимбалы и псалтирии и гуслами, по заповеди Давида царя и Гада провидца царю и Нафана пророка, яко по заповеди

Господней повеление (бысть) рукою пророков Его. 26 Сташа же левити со органы Давидовы и священницы с трубами. 27 И повеле Езекия, да вознесут всесожжение на олтарь: и егда начаша возносити всесожжение, начаша хвалы пети Господеви и трубити при органех Давида царя Израилева. 28 И вся церковь покланяшася, и певцы похуя, и трубы трубяху, дондеже совершиша всесожжение. 29 Егда же скончаша приношение, преклониша царь и вси иже бяху с ним и поклониша Господеви. 30 Повеле же Езекия царь и князи левитом, да восхвалят Господа словесы Давидовыми и Асафа пророка: иже восхвалиша в веселии, и падоша, и поклониша Господеви. 31 И отвеща Езекия и рече: ныне исполнисте руки вашя Господу, приведите и принесите жертвы хваления в дом Господень. И принесе (все) собрание жертвы и хвалы в дом Господень, и всяк усердный сердцем всесожжения. 32 И бысть число всесожжения, еже принесе собрание, телцев седмъдесят, овнов сто, агнцев двести, вся сия во всесожжение Господеви: 33 освященных же телцев шестьсот, овец три тысячи. 34 Но священницы не мнози бяху и не можаху одирати кож всесожжения, и помогоша им братия их левити, дондеже исполниша дело и дондеже освятиша жерцы, левити бо усерднее освятиша, нежели священницы: 35 всесожжения же много в тухах совершения спасения, и возлияний всесожжения: и исправися дело в дому Господни. 36 Возвеселиша же Езекия и вси людие, яко уготова Бог людем, понеже внезапу бысть слово.

30 Поста же Езекия ко всему Израилю и Иуде, и написа послания ко Ефрему и Манассии, да приидут к дому Господню во Иерусалим створити пасху Господу Богу Израилеву. 2 И усоветова царь и князи и все множество во Иерусалиме створити пасху во второй месяц: 3 не возможоша бо створити во время свое, яко священницы не очистиша доволни, и людие не у собрашаша во Иерусалим. 4 И угодно бысть слово цареви и всему множеству. 5 И поставиша слово, да пройдет проповедь во весь Израиль от Вирсави даже до Дана, да приидут створити пасху Господу Богу Израилеву во Иерусалиме, мнози бо не створиша по писанию. 6 И поидаша гонцы с посланьми от царя и от начальников во весь Израиль и Иудею по повелению цареву, глаголюще: сынове Израилевы, обратитеся ко Господу Богу Авраамлю и Исаакову и Иаковлову, и обратите спасшихся, иже избыша от руки царя Ассурска, 7 и не будите яко же отцы ваши и братия ваша, иже отступиша от Господа Бога отец своих, и предаде их в погубление,

яко же вы видите: 8 и ныне не ожесточите сердец ваших, яко же отцы ваши: дадите славу Господу Богу и внидите во святилище Его, еже освяти во век, и служите Господу Богу вашему, и отвратит от вас гнев ярости Своей: 9 понеже егда обратитеся вы ко Господу, братия ваша и чада ваша будут в щедротах пред всеми пленившими их, и возвратит в землю сию, зане милостив и щедр Господь Бог наш, и не отвратит лица Своего от нас, аще обратимся к Нему. 10 И бяху гонцы проходяще от града во град, на горе Ефремли и Манассиине, даже и до Завулона: и быша яко посмеяvаеми и поругаеми. 11 Но мужие от Асира и от Манассии и от Завулона устыдишася и прииоша в Иерусалим и во Иудею. 12 И бысть рука Господня дати им сердце едино приити, еже створити по повелению цареву и князей слово Господне. 13 И собрашаша во Иерусалим людие мнози, да створят праздник опресноков в месяц второй, сонм мног зело. 14 И восташа, и разориша олтари, иже во Иерусалиме, и вся, в нихже кадяху идолом, испровергша и ввергша их в поток Кедрский, 15 и пожроща пасху в четвертыйнадесять день месяца втораго: священницы же и левити умилишася и освятишася, и принесоша всесожжения в дом Господень: 16 и сташа в чине своем по обычю своему, по заповеди Моисея человека Божия, и священницы приемляху кровь от руки левитску. 17 Понеже мног народ освящен не бысть, левити же бяху жруще пасху всякому, иже не можаше освятитися Господу: 18 понеже большая часть людий от Ефрема и Манассии, и Иссахара и Завулона освященна не бысть, но ядоша пасху не по писанию. 19 И помолися Езекия о них глаголя Господь Бог благ да умилостивится о всяцем сердцы направившемся еже взыскати Господа Бога отец своих, а не по очищению святынь. 20 И услыша Господь Езекию и изцели люди. 21 И створиша сынове Израилевы обретшиша во Иерусалиме праздник опресноков седьм дний в веселии велице хваляще Господа на всякий день, левити же и священницы во органы Господу. 22 И глагола Езекия ко всякому сердцу левитов, иже имех разум благ ко Господу: и скончаша праздник опресноков седьм дний жруще жертву спасения и исповедающеся Господу Богу отец своих. 23 И усоветова весь собор купно створити ины седьм дний (праздника): и створиша седьм дний иных в веселии. 24 Понеже Езекия царь Иудин даде начатки всему народу тысячу телцев и седьм тысячи овец: начальницы же даша людем телцев тысячу и овец десять тысячи, и освятиша священников множество. 25 И возрадовася вся церковь, священницы и левити, и

все множество Иудино и обретшия из Иерусалима, и пришелцы пришедши от земли Израилевы и обитающие во Иудеи. 26 И бысть веселье велие во Иерусалиме: яко от дній Соломона, сына Давидова царя Израилева, не бысть таковыі праздник во Иерусалиме. 27 И восташа священницы и левити и благословиша людий, и услышан бысть глас их, и прииде моление их в жилище святое Его на небо.

31 Егда же сия вся совершиша, изыде весь Израиль обретшия во градех Иудиних, и сокрушиша идолы и посекоша дубравы, и разориша высокая и требища от всея Иудеи и Вениамина, и от Ефрема и от Манассии в конец: и возвратиша весь Израиль, кийждо во одержание свое и во грады своя. 2 И устави Езекия чреды священников и левитов, и чреды коегождо по служению его, священников и левитом, во всесожжение и в жертву спасения, и дабы хвалили и исповедалися и служили во вратех во дворех дому Господня. 3 Часть же царева бысть от имения его во всесожжение утреннее и вечернее, и всесожжения в субботы и в новомесия и в праздники писанныя в законе Господни. 4 И заповеда людем живущым во Иерусалиме дати часть священником и левитом, да укрепятся во служении дому Господни. 5 И егда устави слово, даша много сынове Израилевы начаток пшеницы и вина и елеа и меда, и вся яже родит земля, и десятины вся принесоша зело много сынове Израилевы и Иудины. 6 И иже обитаху во градех Иудиних, и тии принесоша десятины от телцев и овец, и десятины от коз, и посвятиша Господу Богу своему, и внесоша и положиша купы многи. 7 Месяца третияго начаша купам полагати основания, и месяца седмаго и совершиша их. 8 И вниде Езекия и начальницы, и видеша купы, и благословиша Господа и люди Его Израиля. 9 Вопроси же Езекия священников и левитов о купах. 10 И отвеша к нему Азария священник начальный в дому Садоков и рече отнележе начаша приносити начатки в дом Господень, ядохом и пихом, и оставихом даже до множества, яко благослови Господъ люди Своя, и оставихом еще множество сие. 11 И повеле Езекия еще уготовити житницы в дому Господни: и уготоваша. 12 И внесоша тамо начатки и десятины верно: над ними же бе настоятель Хонения левит, и Семей брат его второй, 13 и Иеиил и Озия, и Наеф и Асаил, и Иеримоф и Иозавад, и Елиил и Самахия, и Мааф и Ванаиа, и сынове его приставлени рукою Хонении и Семеа брата его, якоже повеле Езекия царь Азария начальник дому

Господня. 14 И Корей сын Иемнаин левит, дверник к востоку над даяными, еже даяти начатки Господни и Святая святых, 15 рукою Одома и Вениамина, и Иисуса и Семеа, и Амария и Сехонии, рукою священников верно, даяти братии своей по чредам, малу и велику, 16 кроме рожденных мужеска полу от лет триех и выше, всем, иже входаху в церковь Господню по числу дній на день, в службу чред расположения их. 17 Сие разделение священников по домом отечеств: и левити в чредах своих, от двадесяти лет и выше, по чином, в разделениих. 18 Всякому рожденному жен их и сынов их и дщерей их во все множество, понеже верно освятиша святое. 19 И сыновом Аароним священствующим в селех, и иже от градов их во всяцем граде и граде, мужие иже именовани суть по имени, даяти часть всякому мужеску полу во священницах и всякому сочисляемому в левитех. 20 И сотвори тако Езекия во всей Иудеи, и сотвори благое и правое и истинное пред Господем Богом своим, 21 и во всяцем деле, еже нача делати в дому Господни, и в законе и в повелениях взыска Бога своего всем сердцем своим и сотвори, и благопоспешися ему.

32 И по словесех сих и по истине сей, прииде Сеннахирим царь Ассирийский, и прииде на Иудею, и ополчился на грады крепкия хотя взяти их. 2 И виде Езекия, яко прииде Сеннахирим, и лице его воевати на Иерусалим: 3 и советова со старейшины своими и с сильными, да заключат воды источников, иже беша вне града: и соизволиша ему. 4 И собра много людей, и заключи воды источников и поток текущ посреде града, глаголя: да не приидет царь Ассирийский, и обрящет вод много, и укрепится. 5 И укрепиша Езекия, и созда вся стены, яже быша разсыпаны, и столпы, и отвне предстение ино, и укрепи разрушенная града Давидова, и уготова оружия многа: 6 и постави начальники бранем над людьми, и собирашася к нему на площадь врат дебри, и глагола в сердца их глаголя: 7 укрепитеся и мужайтесь и не устрашайтесь, ниже ужасайтесь от лица царя Ассирийска и от лица всего множества, еже с ним: яко множайши с нами суть неже с ним: 8 с ним мыща плотская, с нами же Господъ Бог наш, еже спасати и поборати на брани нашей. И укрепиша людие словесы Езекии царя Иудина. 9 И по сих послы Сеннахирим царь Ассирийский рабы своя во Иерусалим, сам же со всеми вои своими обстояше Лахис, и послы ко Езекии царю Иудину и ко всему Иуде, иже во Иерусалиме, глаголя: 10 сия глаголет Сеннахирим царь Ассирийский: на что

вы уповаете и седите во обстоянии во Иерусалиме? 11 Ни ли Езекия прельщает вас, да предаст вы в смерть и в глад и жажду, глаголя: Господь Бог наш спасет нас от руки царя Ассирийска? 12 Не сей ли есть Езекия, иже разори олтари Его и вышняя Его, и повеле Иуде и живущым во Иерусалиме, глаголя: олтарем пред олтарем сим покланяйтесь и в нем кадите фимиам? 13 Или не весте сего, что аз соторих и отцы мои всем людем земли? Еда могуще возмогша бози языков всяя земли избавити люди своя от руки моей? 14 Кто во всех бозех языков сих, ихже искорениша отцы мои? Еда возмогша избавити люди своя от руки моей, и како может Бог ваш избавити вас от руки моей? 15 Ныне убо да не прельщает вас Езекия и да не творит вас уповать по сему, и не веруйте ему: аще бо ни един бог всякаго языка и царства возможе избавити люди своя от руки моей и от руку отец моих, то ниже Бог ваш возможет избавити вас от руки моей. 16 И ина (многа) глаголаша раби его противу Господа Бога и противу Езекии раба Его. 17 И послания написа поношая Господа Бога Израилева, и рече Нань, глаголя: якоже бози язык земли не могоша избавити людий своих от руки моей, тако ниже Бог Езекин избавит люди Своя от руки моей. 18 И возопи воплем великим языком Иудейским к людем, иже седяху на стенах Иерусалимлих, да устрашит их и ужасит, и возмет град: 19 и глагола на Бога Иерусалимля, якоже и на богов людий земли, дела рук человеческих. 20 И помолися Езекия царь и Исаиа сын Амосов пророк о сих, и возопиша на небо. 21 И послы Господь Ангела, и порази всех мужей храбрых и бранников, и начальников и воевод в ползех царя Ассирийска: и возврати лице его со стыдом на землю его, и прииде в дом бога своего, и сынове его изшедшши из чрева его погубиша его мечем. 22 И спасе Господь Езекию и обитающих во Иерусалиме от руки Сеннахирима царя Ассирийска и от руку всех, и подаде им покой окрест. 23 И мнози приношау дары Господу во Иерусалим и даяния Езекии царю Иудину, и возвышен бысть пред очесы всех языков по сих. 24 Во днех оных разболеся Езекия даже до смерти и помолися ко Господу: и услыша его и даде ему знамение. 25 И не по воздаянию, еже даде ему, воздаде Езекия, но вознесеся сердце его, и бысть на него гнев и на Иуду и на Иерусалим. 26 И смирися Езекия от высоты сердца своего сам и живущии во Иерусалиме, и не прииде на них гнев Господень во дни Езекиины. 27 И бысть Езекиеви богатство и слава многа зело: и сокровища себе собра сребра и злата и камения честнаго, и ароматы, и

оружия хранилницы, и сосуды драгоценны, 28 и житницы жит, пшеницы и вина и елеа, и села, и ясли всякому скоту, и ограды стадом, 29 и грады, яже созда себе, и строения овцам и волом множество: зане даде ему Господь собрания многа зело. 30 Той Езекия загради исход воды Геона вышняго и проведе ю в низ к полудню града Давидова. И преуспе Езекия во всех делех своих. 31 И тако послом князей от Вавилона, иже посланы бяху к нему, да вопросят его о чудеси, еже случися на земли, остави его Господь, да искусит его уведати, яже в сердцы его. 32 Прочая же словес Езекииных, и щедроты его, се, писана суть в пророчестве Исаии пророка сына Амосова и в книзе царей Иудиних и Израилевых. 33 И успе Езекия со отцы своими, и погребоша его на восходех гробов сынов Давидовых: и славу и честь даша ему в смерти его весь Иуда и живущии во Иерусалиме. И воцарися Манассия сын его вместо его.

33 Дванадесяти лет бе Манассия, егда царствовати нача, и пятьдесят пять лет царствова во Иерусалиме: 2 сотвори же лукавое пред Господем по всем мерзостем языческим, ихже истреби Господь от лица сынов Израилевых: 3 и возврати и созда высокая, яже раскопа Езекия отец его, и сострои кумиры Ваалиму, и сотвори дубравы, и поклонися всему воинству небесному, и послужи им, 4 и созда олтари в дому Господни, о немже глагола Господь: во Иерусалиме будет имя Мое во веки: 5 созда же жертвенные иконы всему воинству небесному во двою дворех дому Господня. 6 Той же проведе чада своя чрез огнь во удоли Веенномли и вражаше (со жребии), и последоваше гаданием, и волхвованием служаше, и имеяше чревоволшебники и обаянники, и многа лукавая сотвори пред Господем, да прогневает Его: 7 истуканы же и слияны образы сотвори и постави в дому Божии, о немже глагола Бог к Давиду и к Соломуону сыну его: в дому сем и во Иерусалиме, егоже избрах от всех колен Израилевых, положу имя Мое во век, 8 и не приложу подвигнути ногу Израилеву от земли, юже предах отцем их, токмо аще сохранят сотворити вся, яже повелех им, по всему закону и повелению и судбам, рукою Моисеовою. 9 И прельсти Манассия Иуду и живущих во Иерусалиме, да сотворят лукавое паче всех языков, ихже испроверже Господь от лица сынов Израилевых. 10 И глагола Господь к Манассии и к людем его, и не послушаша. 11 И наведе Господь на них начальники воев царя Ассирийска, и яша Манассию во узах, и связаша его оковы ножными, и отведоша в Вавилон. 12 И егда

озлоблен бысть, взыска лице Господа Бога своего, и смирился зело пред лицем Бога отец своих, 13 и помолился к Нему и послуша его, и услыша вопль его, и возврати его во Иерусалим на царство его: и позна Манассия, яко Господь Той есть Бог. 14 И по сих созда стену вне града Давидова от Ливы к югу в потоце и ко входу врат Рыбных, исходящим вратами сущими окрест в высоту, и возвыси зело: и постави начальники воем во всех градех Иудиных стенах, 15 и отят боги чуждия и идолы от дома Господня, и вся олтари, яже созда в горе дому Господня и во Иерусалиме, и изверже вся вон из града. 16 И паки воздвиге олтарь Господень, и пожре на том жертву спасения и хваления, и заповеда Иуде, да служат Господу Богу Израилеву. 17 Но еще людие жряху на высоких, обаче Господу Богу своему. 18 Прочая же словес Манассиных, и молитва его, яже к Богу, и словеса провидящих, иже глаголаху к нему во имя Господа Бога Израилева, 19 се, во словесех молитвы его, и яко услыша его, и все греси его и отступления его, и места, на нихже созида высокая, и сотвори тамо Дубравы и изваянная, прежде неже обратитися ему, се, писана суть во словесех провидящих. 20 Успе же Манассия со отцы своими, и погребоша его в саду дому его. И воцарися вместо его сын его Амон. 21 Двадесяти дву лет бе Амон, егда царствовати нача, и два лета царствова во Иерусалиме, 22 и сотвори лукавое пред Господем, якоже творяше Манассия отец его, и всем идолом, ихже сотвори Манассия отец его, пожре Амон и послужи им: 23 и не смирился пред Господем, якоже смирился Манассия отец его, зане сын его Амон умножи грехи. 24 И нападоша нань раби его и убиша его в дому его. 25 И убиша людие земли нападших на царя Амона, и поставиша людие земли царя Иосию сына его вместо его.

34 Осми лет бысть Иосия, егда царствовати нача, и тридесять едино лето царствова во Иерусалиме, 2 и сотвори правое пред Господем, и ходи в путех Давида отца своего, и не уклонися ни на десно, ни на лево. 3 И во осмое лето царства своего, и той еще сый отрок, нача взыскати Господа Бога отца своего Давида: и во второнадесять лето царства своего нача очищати Иудею и Иерусалим от высоких и лесов, и от капищ и от истуканных. 4 И разориша пред лицем его олтари Ваалимли, и высокая, яже на них: и посече дубравы и истуканныя, и слянная сокруши и истни, и растопи и поверже пред лицем гробов жрущих им: 5 и кости

жерцев сожже на олтарех их, и очисти Иуду и Иерусалим, 6 и во градех Манассиных и Ефремлих и Симеоних даже до Неффалима, и в местех их окрест: 7 и олтари размета и лесы, и идолы разсече в частицы, и вся высокая изсече от всея земли Израилевы, и возвратися во Иерусалим. 8 И во осмоеадесять лето царства своего, егда очищена бысть земля и церковь Господня, посла Сафана сына Еселиева и Амесию начальника града и Иоаса сына Иоахазова памятописца своего, да утвердят дом Господа Бога своего. 9 И придоша ко Хелкии священнику великому, и даша сребро принесенное в дом Господень, еже собираша левити хранящии дверь от руки Манассины и Ефремли, и от начальников и от всех прочих во Израили, и от сынов Иудиних и Вениаминых и обитающих во Иерусалиме, 10 и даша оное в руце творящих дела, приставици в дому Господни, и даша е творящим дела, иже творяху в дому Господни да, обновят и укрепят храм: 11 и даша тектоном и домоздателем, да купят камение четырехугольное и древа на бервна на покрытие домов, ихже разориша царие Иудины. 12 И мужие верно творяху в делех, и над ними надзирателе Иеф и Авдия левити от сынов Мерариних, и Захарии и Мосоллам от сынов Каафовых надзирати, и всяк левитин, и всяк знаяй во органы пети: 13 и над носящими бремена и над всеми творящими дела, всяким деланием: и от левит беша писареве и судии и дверницаи. 14 И всегда износити им сребро принесенное в церковь Господню, обрете Хелкии священник книгу закона Господня, (яже дана бысть) рукою Моисеовою. 15 И отвеща Хелкии и рече к Сафану писарю: книгу закона обретох в дому Господни. И даде Хелкии книгу Сафану. 16 И принесе Сафан книгу ко царю, и возвести еще ко царю слово, глаголя: все сребро дано в руки рабов твоих творящих дела: 17 и сляша сребро обретенное в дому Господни, и даша в руки надзирателей и в руки творящих дела. 18 И возвести Сафан писарь слово царю, глаголя: книгу даде ми Хелкии священник. И прочте ю Сафан пред царем. 19 И бысть егда услыша царь словеса закона, и растерза ризы своя. 20 И повеле царь Хелкиеви и Ахикаму сыну Сафанову и Авдону сыну Михееву, и Сафану писарю и Асанию рабу цареву, глаголя: 21 идите и молитеся Господу за мя и за всякаго оставшагося во Израили и Иуде, о словесех книги, яже обретена есть, велик бо гнев Господень разгореся на нас, понеже не послушаша отцы наши словес Господних, еже творити по всем написанным в книзе сей. 22 И иде Хелкия, и имже повеле царь, ко Олдане пророчице, жене Селлима сына Фекуева, сына

Есении ризохранителя, хранящей заповеди, яже обиташе во Иерусалиме в масане, и глаголаша ей по сим. 23 И та отвеща им: сия рече Господь Бог Израилев: глаголите мужу, иже посла вас ко мне: сия рече Господь: 24 се, Аз наведу злая на место сие и на обитающих в нем вся словеса, яже писана суть в книзе прочтенней пред царем Иудиным, 25 зане оставилша Мя и кадяху богом чуждим, да прогневают Мя во всех делех рук своих: и разгореся ярость Моя на место сие и не угасится: 26 и ко царю Иудину, иже посла вас ко Господу помолитися, тако глаголите ему: сия рече Господь Бог Израилев: словеса, яже слышал еси, 27 и сокрушился сердце твое, и смирился еси пред лицем Моим, егда услышал еси словеса Моя на место сие и на обитающих в нем, и смирился еси предо Мною, и растерзал еси ризы твоя, и плакал еси предо Мною, и Аз услышах, рече Господь: 28 се, приложутя ко отцем твоим, и приложишися ко гробом твоим в мире, и не узрят очи твои всякаго зла, яже Аз наведу на место сие и на обитающих в нем. И возвестиша царю слово. 29 И посла царь, и собра старейшины Иудины и Иерусалимли. 30 И взыде царь в дом Господень и вси мужи Иудины и живущии во Иерусалиме, и священники и левити, и вси людие от мала даже до велика: и читаше во ушеса их вся словеса книги завета обретенныя в дому Господни. 31 И ста царь на столпе, и завеща завет пред Господем ходити пред Господем, хранити заповеди Его и свидения Его и повеления Его всем сердцем и всею душою, еже творити словеса завета написанная в книзе сей. 32 И постави всех, иже обретени бяху во Иерусалиме и Вениамине, и сотвориша обитающих во Иерусалиме завет в дому Господа Бога отец своих. 33 И отя Иосии вся мерзости от всея земли, яже бе сынов Израилевых, и сотвори всех обретшихся во Иерусалиме и во Израили служити Господу Богу своему во вся дни своя, и не уклонися от Господа Бога отец своих.

35 И сотвори Иосии во Иерусалиме пасху Господу Богу своему, и пожре пасху в четвертыйнадесять день месяца перваго: 2 и постави священники на стражах их, и укрепи их на дела дому Господня, 3 и рече левитом сильным во всем Израили, да освятятся Господу и поставят кивот святый в дому Господни. И поставиши кивот святый во храме, егоже созда Соломон сын Давида царя Израилева. И рече царь: несть вам на раменах носити ничтоже: ныне убо служите Господу Богу вашему и людем Его Израилю, 4 и уготовайтесь по домом отечеств ваших и по чредам вашым, по писанию

Давида царя Израилева и рукою Соломона сына его, 5 и стойте во храме по разделением домов отечеств ваших во братии вашей сынех людских, и по части дому отечества в левитех: 6 и пожрите пасху и святая уготовайте братии вашей, еже сотворити по словеси Господню, (еже глагола) рукою Моисеовою. 7 И даде начатки Иосии сыном людским овцы и агнцы и козлы от коз, вся на пасху, и всех обретеных в число тридесять тысящ, и волов три тысящи, сия от царева имения. 8 И начальницы его даша начатки людем и священником и левитом: даде же и Хелкиа и Захария и Иеиил начальницы священником дому Господня, и даша на пасху овец и агнцев и козлищ две тысящи шесть сот и волов триста. 9 Хонениа же и Ванеа, и Самеа и Нафанаил брат его, и Асавия и Иеиил и Иозавад, начальницы левитов, даша левитом на пасху пять тысящ овец и волов пять сот. 10 И уготовано бысть служение, и сташа священницы в чине своем и левити по разделению своим по повелению цареву, 11 и пожроща пасху, и пролияша священницы руками своима кровь, и левити одираху кожи: 12 и уготоваша всесожжения предати им по разделению, по домом отечеств сыном людским, принести Господеви всесожжения, якоже писано есть в книзе закона Моисеова: тако и заутра: 13 и испекоша пасху на огни по чину, и святая свариша в медницах и в котлах, и предупсе им, и разделиша всем сыном людским: 14 себе же и священником потом уготоваша, яко в возношении всесожгаемых и туков даже до нощи священницы (быша не праздни), и левити уготоваша им и братии их сыном Аароним. 15 И певцы сынове Асафовы (стояху) в чине своем по повелению Давида, и Асафа и Емана и Идифума пророков царевых: и начальницы и дверницы всех врат, имже не бе возможно отлучитися от службы святых, понеже братия их левити уготоваша им (брашна). 16 И управися и уготовався вся служба Господня в день той, да сотворят пасху и принесут всесожжения на олтарь Господень по повелению царя Иосии. 17 И сотвориша сынове Израилевы, иже обретени бяху, пасху во время то и праздник опресноков седьмь дний. 18 И не бысть пасхи подобныя той во Израили от дний Самуила пророка, и вси царие Израилева не сотвориша пасхи, юже сотвори Иосии и священницы и левити, и весь Иуда и Израиль, иже обретен бысть, и обитающих во Иерусалиме, Господу. 19 Во осмоенадесять лето царства Иосиня сия пасха празднована бысть. 20 И изыде фараон Нехо царь Египетский на царя Ассирийского на реку Евфрат, еже ратовати его в Хархамисе. И изыде

во сретение ему Иосия царь. 21 И посла к нему послы, глаголя: что мне и тебе, царю Иудин? Не противу тебе днесь иду воевати, но на место брани моей: и Бог рече потщатися мне: внемли ты о Бозе иже со мною, да не убииет тя. 22 И не возврати Иосия лица своего от него, но ратовати его укрепися, ниже послуша словес Нехаовых, яже от уст Божиих, но иде, да воюет на поли Магеддо. 23 И устрелиша стрелцы в царя Иосию. И рече царь отроком своим: изведите мене (от брани), яко изнемогох зело. 24 И сведоша его отроцы его с колесницы, и в другую колесницу посадиша его, яже бяше ему, и привезоша его во Иерусалим, и умре и погребен бысть со отцы своими: и весь Иуда и Иерусалим плакаша о Иосии. 25 И Иеремия возвыда по Иосии, и глаголаша вси князи и княгини плачь по Иосии даже до днесь: и даша его в повеление Израилю, и се, писано есть в ръданиях. 26 Прочая же словеса Иосинина и упование его бяху писана в законе Господни: 27 дела же его, первая и последняя, се, писана суть в книзе царей Израилевых и Иудиных.

36 И взяша людие земли Иоахаза сына Иосинина, и помазаша его, и поставиша его царем вместо отца его во Иерусалиме. 2 Двадесети триех лет бысть Иоахаз, егда царствовати нача, и три месяцы царствова во Иерусалиме. Имя же матере его Амитал, дщерь Иеремиина от Ловны. И сотвори лукавое пред Господем по всем, яже сотвориша отцы его. (и плени Иоахаза,) и окова его фараон Нехао в Девлафе в земли Ефамли, еже не царствовати ему во Иерусалиме, з и преведе его царь во Египет, и возложи дань на землю (Израилеву) сто талант сребра и талант злата. 4 И постави фараон Нехао Елиакима сына Иосинина царем над Иудою и Иерусалимом вместо Иосии отца его, и премени имя его Иоаким. Иоахаза же брата его взя фараон Нехао и введе его во Египет. 5 Двадесети пяти лет бе Иоаким, егда царствовати нача, и единонадесять лет царствова во Иерусалиме. Сотвори же лукавое пред Господем по всем. 6 И взыде на него Навуходоносор царь Вавилонский, и окова его оковами медяными, и приведе его в Вавилон: 7 и часть сосудов дому Господня пренесе в Вавилон и постави я во храме своем в Вавилоне. 8 Прочая же словес Иоакимовых, и вся, яже содела, не се ли, сия писана в книзе словес дний царей Иудиних? И успе Иоаким со отцы своими и погребен бысть в Ганозане со отцы своими. И воцарися Иехония сын его вместо его. 9 Осминадесяти лет бе Иехония, егда царствовати нача, и три месяцы и десять дний царствова во Иерусалиме, и

створи лукавое пред Господем. 10 Егда же лету круг вращащеся, посла Навуходоносор царь, иже и введе его в Вавилон с предрагими сосуды дому Господня, а царем постави Седекию брата отцу его над Иудою и Иерусалимом. 11 Двадесять едино лето бысть Седекии, егда царствовати нача, единнадесять лет царствова во Иерусалиме: 12 и сотвори лукавое пред Господем Богом своим, и не усрамися лица Иеремии пророка от уст Господних, 13 егда от царя Навуходоносора отвержеся, иже закля его пред Богом: и ожесточи выю свою и сердце свое укрепи, да не обратится ко Господу Богу Израилеву. 14 И вси славни Иудини и священници и людие земли умножиша еже преступити преступления мерзостей языческих, и оскверниша дом Господень, иже во Иерусалиме. 15 И посылаше Господь Бог отец их к ним рукою пророков Своих утренюя и посылая вестники Своя, понеже щадяше людий Своих и святилища Своего: и тии поношаху послом Божиим, 16 и уничтиха словеса Его, и ругахуся пророком Его, дондеже сниде гнев Господень на люди Его, дондеже не бысть изцеления. 17 И наведе на них царя Халдейска, и поби младенцы их мечем в дому святыни его: и не пощаде Седекии и дев их не помилова, и старцы их изведе, и всех предаде в руки их, 18 и вся сосуды дому Божия великия и малыя, и сокровища церкве Господни, и вся сокровища царева и вельмож, вся внесе в Вавилон: 19 и зажже дом Господень и разори стену Иерусалимлю, и столпы его сожже огнем и всяк сосуд драгий истни: 20 и пресели оставшихся в Вавилон, и быша ему и сыном его в рабы даже до царства Мидского, 21 да исполнится слово Господне устами Иеремии, донележе прия земля субботы своя субботствовати во вся дни запустения своего: субботствова до совершения седмидесяти лет. 22 В лето первое Кира царя Персского, повнегда исполнитися словесем Господним усты Иеремии, воздвиге Господь дух Кира царя Персского, и повеле проповедати во всем царствии своем писанием, глаголя: 23 сия глаголет Кир царь Персский: вся царства земли даде ми Господь Бог небесный, и Той заповеда мне создати Себе дом во Иерусалиме, иже есть во Иудеи: кто в вас от всех людий Его? Да будет Бог его с ним, и да взыдет.

Книга Ездры

1 В лето первое Кира царя Персского, да исполнится слово Господне от уст Иереминых, воздвиге Господь дух Кира царя Персского, и повеле проповедати во всем царствии своем, и писаными, глаголя: 2 сия глаголет Кир царь Персский: вся царства земная даде мне Господь Бог небесный, и Той повеле ми, да созижду Ему дом во Иерусалиме, иже во Иуде: 3 кто в вас от всех людей Его? И будет Бог его с ним, и да взыдет во Иерусалим, иже во Иуде, и да созиждет дом Богу Израилеву, Той есть Бог, Иже во Иерусалиме: 4 и всяк оставшийся от всех мест, идже той обитает, и да помогут ему мужие от места его сребром и златом, и сосуды и скоты, с добровольными обещаниями (принесут) в церковь Божию, яже во Иерусалиме. 5 И восташа князи отечеств Иудиних и Вениаминих и священницы и левити, и вси, имже воздвиге Бог дух их, да взыдут созиданию церкве Господни, яже во Иерусалиме: 6 и вси, иже бяху окрест, помогоша рукам их сосуды сребрятьными, златом, потребными, и скотами, и драгими вещми, кроме добровольных. 7 И царь Кир изнесе сосуды церкве Господни, ихже взя Навуходоносор из Иерусалима и положи тыя в церкви бога своего: 8 изнесе же тыя Кир царь Персский рукою Мифридата Гасваринова, и соchte тыя Сасавассару князю Иудейску. 9 И сие число их: умывалниц златых тридесять, умывалниц же сребряных тысяча, ножей двадесять девять, 10 и чаш златых тридесять, и сребряных двойных четыреста десять, и сосудов иных тысяча: 11 всех сосудов златых и сребряных пять тысящ и четыреста, вся взя с собою Сасавассар от преселения Вавилонского во Иерусалим.

2 Сии же суть сынове страны, иже взыдоша от плена преселения, ихже пресели Навуходоносор царь Вавилонский в Вавилон: и возвратиша во Иерусалим и Иудею кийдо муж во град свой. 2 Иже придоша с Зоровавелем: Иисус, Неемия, Сараиа, Реелиа, Мардохей, Валасан, Масфар, Вагуй, Реум, Ваана. Сие число мужем людей Израилевых: 3 сынове Фаресовы две тысячи сто седьмьдесят и два, 4 сынове Сафатиевы триста седьмьдесят два, 5 сынове Аресовы седьмь сот седьмьдесят пять, 6 сынове Фааф-Моавли от сынов Иисуевух и Иоавлих две тысячи осмь сот дванадесять, 7 сынове Еламли тысяча двести пятьдесят четыри, 8 сынове Зафуевы девять сот четыредесять пять, 9 сынове Закхани седьмь сот шестьдесят, 10 сынове

Вануевы шесть сот четыредесять два, 11 сынове Ваваевы шесть сот двадесять три, 12 сынове Авгадовы тысяча двести двадесять два, 13 сынове Адоникамовы шесть сот шестьдесят шесть, 14 сынове Вагуевы две тысячи пятьдесят шесть, 15 сынове Адины четыриста пятьдесят четыри, 16 сынове Атировы, иже бяху от Езекии, девятьдесят осмь, 17 сынове Вассуевы триста двадесять три, 18 сынове Иоравовы сто дванадесять, 19 сынове Асумли двести двадесять три, 20 сынове Гаверовы девятьдесят пять, 21 сынове Вефламли сто двадесять три, 22 сынове Нетофаевы пятьдесят шесть, 23 сынове Анафоевы сто двадесять осмь, 24 сынове Азмоевы четыредесять три, 25 сынове Кариафиаримли, Хафира и Вироф, седмь сот четыредесять три, 26 сынове от Рамы и Гаваи шесть сот двадесять един, 27 мужей Махмаских сто двадесять два, 28 мужей Вефилских и Гайских четыреста двадесять три, 29 сынове от Навы пятьдесят два, 30 сынове Магевисовы сто пятьдесят шесть, 31 сынове Иламаровы тысяча двести пятьдесят четыри, 32 сынове Ирамли триста двадесять, 33 сынове Лиддоновы, Лодадидовы и Оновы седмь сот двадесять пять, 34 сынове Иерихони триста четыредесять пять, 35 сынове Сеннааевы три тысячи шесть сот тридесять. 36 Священницы же: сынове Иедуевы в дому Иисуеве девять сот седьмьдесят три, 37 сынове Еммировы тысяча пятьдесят два, 38 сынове Фассуровы тысяча двести четыредесять седмь, 39 сынове Иремли тысяча седмьдесят седмь. 40 Левити же сынове Иисуевы и Кадмили от сынов Одиивевых седьмьдесят четыри. 41 Певцы же сынове Асафовы сто двадесять осмь. 42 Сынове дверников: сынове Селлумли, сынове Атировы, сынове Телмоновы, сынове Акувовы, сынове Атитовы, сынове Соваиевы, всех сто тридесять девять. 43 Нафине: сынове Суавли, сынове Суфатовы, сынове Тавваофли, 44 сынове Кирасовы, сынове Сирсавли, сынове Фадонины, 45 сынове Лавановы, сынове Агавовы, сынове Акувовы, 46 сынове Агавовы, сынове Селамиини, сынове Анановы, 47 сынове Геддилини, сынове Гааровы, сынове Раиаевы, 48 сынове Расоновы, сынове Некодовы, сынове Газемли, 49 сынове Азоковы, сынове Фасиевы, сынове Расини, 50 сынове Асенаевы, сынове Мунниновы, сынове Нефусимли, 51 сынове Ваквуковы, сынове Акуфаевы, сынове Ануровы, 52 сынове Васалофовы, сынове Мидановы, сынове Арсановы, 53 сынове Варкосовы, сынове Сисарини, сынове Фемавли, 54 сынове Нафиевы, сынове Атифовы. 55 Сынове слуг Соломоновых: сынове Сотаевы, сынове

Сефирины, сынове Фадуровы, 56 сынове Иеалаевы, сынове Дерконовы, сынове Геддилины, 57 сынове Сафатиевы, сынове Аттилевы, сынове Фахерафовы, сынове Асевоимли, сынове Имеевы: 58 все нафанимовы и сынове слуг Соломоновых триста девятьдесят два. 59 И сии, иже восходжаху от Фелмелеха, Фелариса, Херув, Идан, Еммир, и не могша сказать дому отечества своего и семене своего, от Израиля ли быша: 60 сынове Далаиевы, сынове Товиевы, сынове Некодаевы, шесть сот пятьдесят два: 61 и от сынов священнических сынове Оваиевы, сынове Аккусовы, сынове Верзеллаевы, иже поя от дщерей Верзелла Галаадитина жену и наречеся именем их: 62 тии искаша писания роду своему и не обретоша, и изгнани суть от священства. 63 И рече Аферсафа им, да не ядят от святаго святых, дондеже востанет священник со изявлением и истиною. 64 Все же множество купно яко четыри тмы две тысячи триста шестьдесят, 65 кроме рабов их и рабынь их, сих седмь тысящ триста тридесять седмь: и сии певцы и певницы двести. 66 Коней их седмь сот тридесять шесть, мсков их двести четыредесять пять, 67 велблудов их четыреста тридесять пять, ослов их шесть тысящ седмь сот двадесять. 68 И от князей отечеств, егда вхождаху тии в церковь Господню, яже во Иерусалиме, добровольно принесоша в дом Божий, поставити его на основании его: 69 по силе своей даша в росход дела, злата драхм шестьдесят тысящ и тысячу, и сребра мнас пять тысящ, и одеяний священнических сто. 70 И седоша священницы и левити, и иже от людей, и певцы и дверницы и нафинимляне во градех своих, и весь Израиль во градех своих.

3 Пришедшу же месяцу седмому, и бяжу сынове Израилевы во градех своих, и собирашася людие аки человек един во Иерусалим. 2 И воста Иисус сын Иоседеков и братия его священницы, и Зоровавель сын Салафиилев и братия его, и создаша олтарь Богу Израилеву, да принесут на нем всесожжения, яко же писано есть в законе Моисея человека Божия. 3 И уготоваша олтарь на основании его, понеже страх бе на них от людей земных, и вознесоша на том всесожжение Господеви утро и в вечер: 4 и сотвориша праздник кущей, яко же писано, и всесожжения на всякий день числом по повелению, дело дне в день свой: 5 и посем всесожжения непрестанная и в новомесячия и во вся праздники Господеви освященныя, и о всяком добровольно приносящем со усердием Господеви. 6

От первого дне месяца седмаго начаша возносити всесожжения Господеви, дом же Господень не бе еще основан. 7 И вдаша пенязи каменосечем и древоделем, пищу же и питие и елей Сидоняном и Тиряном, да принесут древа кедрова от Ливана к морю Иоппийскому, яко же соизволи Кир царь Персский о них. 8 И в лето второе, внегда приими к дому Божию во Иерусалим, месяца втораго нача Зоровавель сын Салафиилев и Иисус сын Иоседеков, и прочии от братии их священницы и левити, и вси, иже прииодоша от пленения во Иерусалим, и поставиша левитов от двадесяти лет и выше над творящими дела во храме Господни. 9 И ста Иисус и сынове его и братия его, Кадоил и сынове его, сынове Иудины, яко же муж един да единодушно настоит над творящими дела в дому Божии, сынове Инададовы, сынове их и братия их левити. 10 И основаша созидающе дом Господень: и сташа священницы во укращении своем со трубами, и левити сынове Асафовы, в кимвахах да хвалят Господа, по уставу Давида царя Израилева: 11 и волияху в песнех и исповедании Господеви, яко благ, яко в век милость Его над Израилем: и вси людие возглашаху гласом великим хваление Господу при основании дому Господня. 12 И мнози от священников и левит, и князи отечеств и старейшины, иже видеша дом преждний на основании своем, и сей дом пред очесы своими, плакаху гласом велиим: и народ возглашающъ, в веселии возвышаху: 13 и не можаху людие познати гласа восклицания веселящихся от гласов плача народнаго, понеже людие восклицау гласом великим, и глас велик слышашеся издалеча.

4 И услышаша врази Иудины и Вениамины, яко сынове преселения созидают церковь Господу Богу Израилеву, 2 и приступиша к Зоровавелю и ко князям отечеств и рекоша им: созиждем с вами, понеже, яко же и вы, ищем Бога вашего и Ему мы жрем жертву от днин Асарадана царя Ассурска приведшаго ны семо. 3 И рече им Зоровавель и Иисус и прочии князи отечеств Израилевых: несть нам и вам создати дом Богу нашему, понеже мы сами особно созиждем Господу Богу нашему, яко же повеле нам Кир царь Персский. 4 И быша людие земли (той) ослабляюще руки людей Иудейских, и препинаху им в созидании, 5 и наимаху на них советников, да разорят совет их, во вся дни Кира царя Персского и даже до царства Дария царя Персского. 6 В царство же Ассиира, (иже есть Артаксеркс,) в начале царства его, написаша свиток на живущих во Иудеи и во Иерусалиме.

7 И во дни Арфасафана написа в мире Мифридат и Тавеил со прочими сослужители ко Артаксерксу царю Персскому: написа писмоносец писание Сирским языком и претолковано. 8 Рейм Валтаам и Сампса книгочий написаста послание едино на Иерусалим ко Артаксерксу царю: 9 тако судил Рейм Валтаам и Сампса книгочий и прочии сослужители наши, Дине, Афарсафахе, Тарфале, Арфасе, Архие, Вавилоняне, Сусанахе, Саве, Еламите 10 и прочии от язык, иже преведе Ассенафар великий и преславный и всели их во градех Самарийских и прочих об он пол реки. 11 Сие есть сказание послания, еже послаша к нему, ко Артаксерксу царю: раби твои, мужие, иже за рекою: 12 ведомо да будет царю, яко Иуде, иже взыдоша от тебе к нам, придоша во Иерусалим град отступный и лукавый, егоже созидают: и стены его состроены суть, и основание его возвысиша: 13 ныне убо ведомо да будет царю, яко, аще град сей создан будет, и стены его совершатся, дани не будут тебе, ниже (летяго воздаяния) дадут: и сие царем зло творит, 14 и посрамощения царева не леть нам видети: сего ради послахом и возвестихом царю, 15 да разсмотрено будет в книзе памятописней отцев твоих, и обрящеши в книзе памятописней и познаеши, яко град он отступный есть и обидящь царей и страны, и убежища слуг бывають посреде его от дний древних, сего ради и град той опустошен есть: 16 ведомо убо творим царю, яко, аще град той создан будет и стены его совершатся, то не будет ти мира. 17 И посла царь ко Рейму Валтааму и Сампса книгочию и ко прочим сослужителям их обитающим в Самарии и прочим за рекою Мир 18 и рече: писмоносец, егоже посласте к нам, призван пред мене, 19 и от мене повелено есть, и соглядахом и обретохом, яко град той от дний древних на царей возносится, отступления и убежища бывають в нем: 20 и царие крепцы быша во Иерусалиме и обладаху всею страною, яже за рекою, дани же многи и часть давашеся им: 21 и ныне повелите мужем оным престати от дела, и град оный да не созидаётся ктому: 22 яко да от повеления сего опасни будете нерадение творити о сем, да не когда умнохится погибель на зло царем. 23 Тогда писмоносец Артаксеркса царя прочте свиток пред Реймом Валтаамом и Сампсаем книгочием и сослужителями их: и идоша тщательно во Иерусалим и во Иудею, и удержаша их мышцею сильною. 24 Тогда преста дело дому Божия, еже во Иерусалиме, и не творяшеся даже до лета втораго царства Дария царя Персскаго.

5 Пророчествова же Аггей пророк и Захария сын Аддов прорицание ко Иудеом, иже бяху во Иудеи и Иерусалиме, во имя Бога Израилева на них. 2 Тогда востаста Зоровавель сын Салафиилев и Иисус сын Иоседеков и начаста здати дом Божий, иже во Иерусалиме: и с нима пророцы Божии помогающе има. 3 В то время прииде к ним Фафанай князь сущий за рекою и Сафарвузанай и сослужители их, и сия рекоша им: кто даде вам власть созидати дом сей и стены сия возставляти? 4 Тогда сия рекоша им: кая суть имена мужей созидающих град сей? 5 И очи Божии на пленение Иудино, и не возбраниша им, дондеже послание к Дарию отнесено, и тогда послася с писмоносцем о сем. 6 Изявление послания, еже посла Фафанай князь об он пол реки и Сафарвузанай и сослужители их Афарсафахе, иже бяху за рекою, Дарию царю: 7 словесы послаша к нему, и сия писана в нем: Дарию царю мир всяк: 8 ведомо да будет царю, яко ходихом во Иудейскую страну к дому Бога великаго, и той созидаётся камением избранным, и древа ставятся в стенах, дело же то со тщанием строится и благопспешается в руках их: 9 тогда вопросихом старейшин тех и тако рекохом им: кто даде вам власть дом сей созидати и стены сия возставляти? 10 И о именех их вопросихом их, да возвестим тебе, яко да напишем тебе имена мужей, иже суть начальницы их: 11 и сицева словеса отвещаша нам глаголюще: мы есмы раби Бога небесе и земли, и созидаём дом, иже бысть устроен прежде сего за лета многа, и царь Израилев великий созда его и соверши его им: 12 егда же прогневаша отцы наши Бога небеснаго, предаде их в руки Навуходоносора царя Вавилонского Халдеанина, и дом сей разори и люди преведе в Вавилон: 13 но в лето первое Кира царя, Кир царь Вавилонский постави повеление, да дом Божий сей созиждется, 14 и сосуды дому Божия златыя и сребряныя, яже Навуходоносор взя из дома, иже во Иерусалиме, и отнесе я в храм Вавилонский, изнесе тыя Кир царь от храма Вавилонского и даде их Саванасару хранителю, иже над сокровищем, 15 и рече ему: вся сосуды сия возми иди, и постави их в дому, иже есть во Иерусалиме, на место их: 16 тогда Саванасар той прииде и постави основание дому Божия во Иерусалиме, и от того времене даже доныне созидаётся, и еще не совершен есть: 17 и ныне аще (видится) царю благо, да посмотрит в дому сокровища царя Вавилонского, да увеси, яко от царя Кира бысть повеление созидати дом Божий сей, иже во Иерусалиме, и уведав о сем царь да послет к нам.

6 Тогда Дарий царь повеле, и искаша во книгохранителницах, идеже сокровище лежит в Вавилоне. **2** И обретеся во Амафе граде Мидийстем в палате главизна едини, и сие писано бе в ней на память: **3** в лето первое Кира царя, Кир царь царь повеле о доме Божии, иже во Иерусалиме: дом да созиждется, и место, идеже жрут жертвы: и положи меру высоты лакот шестьдесят, широта его лакот шестьдесят: **4** и стены каменные твердья три, и стена древяная едини, иждивение же от дому царева да дастся: **5** и сосуды дому Божия златии и сребрянии, ихже Навуходоносор взя от дому, иже во Иерусалиме, и пренесе их в Вавилон, да отпадутся и внесутся в дом, иже во Иерусалиме, на место, идеже и поставлени бяху в дому Божии: **6** ныне убо дадите, князие сущии за рекою, Сафарвузанай и сослужителие их Афарсахе, иже за рекою, далече отидите оттуду: **7** ныне оставите дело дому Божия: князие Иудейстии и старейшины их дом Божий той да созидают на месте своем: **8** и от мене повелено бысть, да не когда что сотворите противно старейшинам Жидовским в созидании дому Божия онаго: и от имений царских даней сущих за рекою прилежно на иждивение да дается мужем тем, еже бы не престало дело то: **9** и еже аще оскудеет, и телцы и овны и агнцы, во всесожжения Богу небесному, пшеница, соль, вино, елей, по словеси священников, иже во Иерусалиме, да дается им по вся дни, еже аще воспросят, **10** да будут приносящии благоухания Богу небесному и да молятся о жизни царя и сынов его: **11** и от мене уставлено повеление, да всяч человек, иже преступит повеление сие, возмется древо от дому его, и воздвижен обесится на нем, и дом его мне будет взят: **12** и Бог, Егоже обитает имя тамо, да низвратит всякаго царя и люди, иже прострут руку свою пременити или разорити дом Божий, иже есть во Иерусалиме: аз Дарий поставил повеление, с приложением да будет. **13** Тогда Фафанай князь страны заречныя, Сафарвузанай и сослужебницы его, якоже посла Дарий царь, тако сотвориша тщателно. **14** Старейшины же Иудейстии созидаху и левити по пророчеству Аггея пророка и Захарии сына Аддова. И создаша и совершиша по повелению Бога Израилева и по повелению Кира и Дарии и Артаксеркса царей Персских, **15** и совершиша дом той даже до дне третияго, месяца Адара, иже есть в лето шестое царства Дарии царя. **16** Сотвориша же сынове Израилевы, священницы и левити, и прочии сынов преселения обновление дому Божия в радости, **17** и принесоша на обновление дому

Божия телцев сто, овнов двести, агнцев четыреста, козлов от коз за грехи всего Израиля дванадесять, по числу колен Израилевых: **18** и поставиша священников в чинех своих и левиты в частех своих на служение дому Божия во Иерусалиме, якоже писано есть в книзе Моисеове. **19** И сотвориша сынове преселения пасху в четвертыйнадесять день месяца первого: **20** очищени бо бяху священницы и левити даже до единаго вси чисти, и пожроша пасху всем сыном преселения и братии их священником и себе самым. **21** И ядоша сынове Израилевы пасху, иже от преселения, и всяк отлучивыйся от осквернения языков земли к ним, еже взыскати Господа Бога Израилева. **22** И сотвориша праздник опресночный седьмь дний в веселии, яко возвесели их Господь и обрати сердце царя Ассурска к ним, укрепити руки их в делех дому Бога Израилева.

7 По сих же словесех, в царство Артаксеркса царя Персского, взыде Ездра сын Сареа, сына Азариева, сына Хелкиева, **2** сына Селлумля, сына Саддукова, сына Ахитовля, **3** сына Самариева, сына Есриева, сына Мареофова, **4** сына Зараиева, сына Езенева, сына Воккиева, **5** сына Ависуева, сына Финеесова, сына Елеазарова, сына Аарона священника первого: **6** сей Ездра взыде от Вавилона и сей писец скор в законе Моисеове, егоже даде Господь Бог Израилю. И даде ему царь, яко рука Господа Бога его на нем бе во всех, яже искаше он. **7** И взыдоша от сынов Израилевых и от священников и от левитов, и певцы и придверници и нафиними во Иерусалим, в лето седьмое Артаксеркса царя, **8** и придоша во Иерусалим месяца пятаго: сие есть лето седьмое царево: **9** зане в первый день месяца первого той нача восходить от Вавилона, и в первый день месяца пятаго придоша во Иерусалим, яко рука Бога его блага на нем бе: **10** Ездра бо уготова сердце свое, да взыщет закона (Господня) и да творит и учит во Израили повелением и судбам. **11** И сие есть сказание послания еже даде царь Артаксеркс Ездре священнику, писцу книги словес заповедей Господних и повелений Его во Израили: **12** Артаксеркс царь царей Ездре священнику, писцу закона Господа Бога небеснаго: да совершится слово и ответ: **13** от мене повелено есть, да кийждо, иже имать усердие благо во царстве моем от людей Израилевых и от священников и от левитов поити во Иерусалим, с тобою да идет: **14** от лица царева и седми советников его послан еси, да посетиши Иудею и Иерусалим в законе Бога их, сущем в руку твою, **15**

и да отнесеши в дом Господень сребро и злато, еже царь и советницы его со усердием даша Богу Израилеву. Иже во Иерусалиме обитает, 16 и все злато и сребро, еже аще обрящеши во всей области Вавилонстей, с добровольным даянием людским и священников, волею приносящих в дом Божий, иже во Иерусалиме: 17 и всякий доход той усердно впиши в книгу сию: телцы, овны, агнцы, и жертвы их и возлияния их: и принеси та на олтарь дому Бога вашего, иже есть во Иерусалиме: 18 и аще что тебе и братии твоей благо возмнится от оставшагося сребра и злата соторити, якоже угодно Богу вашему, соторите: 19 и сосуды, иже даны тебе в службу дому Божия, вдаждь пред Богом во Иерусалиме: 20 и прочая потребы дому Бога твоего, еже аще возмнится тебе дати, да даси из домов сокровища царева 21 и от мене аз Артаксеркс царь уставил повеление всем хранителем сокровищ, иже суть за рекою, да все, еже аще воспросит от вас Ездра священник и писец закона Бога небеснаго, готово да будет: 22 сребра даже до ста талант, и пшеницы даже до ста мер, и вина даже до ста бочек, и елеа даже до ста чванов, а соли без записания: 23 все, еже есть по воли Бога небеснаго, да будет в дому Бога небеснаго: воините, да не кто прострет руку на дому Бога небеснаго, да не когда будет гнев на царство царева и сынов его: 24 и вам знаемо творим сие, от всех священников и левитов, певцев, дверников, нафинимов и слуг дому Божия дань да не будет тебе, ниже имейте власти порабощати их: 25 ты же, Ездра, по премудрости Бога твоего, яже в руце твоей, постави книжники и судии, да судят вся люди, иже суть за рекою, всем знающим закон Бога твоего, и не ведающему ведати соторите: 26 и всяк, иже не соторит закона Бога твоего и закона царева усердно, суд да будет соторен на него, аще в смерть, или в наказание, или во отщетение живота, или в темницу. 27 Благословен Господь Бог отец наших, иже даде сице в сердце царево, да прославит дом Господень, иже во Иерусалиме, 28 и на мя уклони милосердие пред очима царя и советников его и всех князей царевых сильных: и аз укреплен бых, яко рука Божия благая на мне, и собрах от Израиля князей взыти со мною.

8 И сии князие отечеств их вождеве, иже взыдоша со мною в царство Артаксеркса царя Вавилонска: 2 от сынов Финесовых Гирсон, от сынов Ифамарих Даниил, от сынов Давидовых Аттус, 3 от сынов Саханииных, от сынов Форосовых Захарии, и с ним мужей сто пятьдесят, 4 от сынов Фааф-Моава Елиана сын Сараиев, и с ним

двести мужей, 5 и от сынов Зафоисовых Ехения сын Азиилев, и с ним триста мужей, 6 и от сынов Адиных Овин сын Ионафанов, и с ним пятьдесят мужей, 7 и от сынов Едамлих Исаиа сын Афелиин, и с ним седьмьдесят мужей, 8 и от сынов Сафатиевых Завдия сын Михаилов, и с ним осьмьдесят мужей, 9 и от сынов Иоавлих Авдия сын Иеилиев и с ним двести осьмьдесят мужей, 10 и от сынов Вааниевых Селимуш сын Иосефиев, и с ним сто шестьдесят мужей, 11 и от сынов Вавиевых Захария сын Вавиев, и с ним двадесять осмь мужей, 12 и от сынов Азгадовых Ионан сын Икатанов, и с ним сто десять мужей, 13 и от сынов Адоникамлих последний, и сия имена их: Едифалаф, Иеилил и Самаиа, и с ним шестьдесят мужей, 14 и от сынов Вагуаевых Уфай и Завуд, и с ними седьмьдесят мужей. 15 Собрах же их к реце текущей ко Евии, и пребыхом ту три дни: исках же в людех и во священницех, и от сынов Левининых не обретох тамо. 16 И послах ко Елеазару, Ариилу, Семеию и к Маонану, и Иериу и Елнафаму, и Нафанду и Захарии и Месолламу, и ко Иоариму и Елнафану, премудрых, 17 и изведох их ко Адаю начальнику на месте Касфии и вложих во уста их словеса глаголати ко Адаю и братии его афинимом на месте Касфии, привести нам поющих в дом Бога нашего. 18 И придоша к нам, понеже рука Бога нашего бе блага на нас, муж сафон от сынов Моолиевых сына Левинина, сына Израилева, и Саравиа, и сынове его и братия его осьмьдесят: 19 и Асевиа, и Исаиа от сынов Мерариних и братия его и сынове его двадесять: 20 и от нафинимов, иже даде Давид и князие ко службе левитом, нафинимов двести двадесять, вси собирахся по именом. 21 И проповедах тамо пост близ реки Ауи, еже смирился пред Господем Богом нашим, просити от Него пути праваго нам и чадом нашым и всему стяжанию нашему: 22 устыдехся бо испросити от царя силы и конник защитити нас от врага на пути, понеже рехом царю глаголюще: рука Бога нашего есть на всех ищущих Его во благое и крепость Его, ярость же Его на всех оставляющих Его. 23 Постихомся же и молихомся Богу нашему о сем, и услыша нас. 24 И отлучих от князей священнических двадесять, Сараию, Асавию и с ними от братии их десять: 25 возвесих же им сребро и злато и сосуды начатков дому Бога нашего, яже вознese царь и советницы его и князие его, и весь Израиль обретаяйся, 26 и дах весом в руки их сребра талантов шесть сот пятьдесят, и сосудов сребряных сто, и злата сто талант, 27 и чаш златых двадесять, драхм тысячу, и сосуды меди светлыя добрья различныя, драгоценныя яко злато, 28

и рекох им: вы святы Господу Богу, и сосуды святы и сребро и злато, еже волею вдано есть Господу Богу отец наших: 29 бдите и стрегите, дондеже весом отадите пред князи священников и левитов и пред князи отечеств Израилевых во Иерусалиме, во скиниих дому Господня. 30 И прияша священницы и левити вес сребра и злата и сосудов, да вознесут во Иерусалим в дом Бога нашего. 31 И воздвигохомся от реки Ауи во вторыйнадесять день месяца первого, да идем во Иерусалим: и рука Бога нашего бе на нас и избави нас от рук вражиих и ратников на пути, 32 и придохом во Иерусалим и пребыхом ту три дни. 33 И бысть в день четвертый, отдахом весом сребро и злато и сосуды в дому Бога нашего под руку Маримофа сына Урии священника, и с ним Елеазар сын Финеесов, и с ними Иозавад сын Иисусов и Ноадиа сын Ванаиев левити, 34 по числу и весу вся: и написан бысть весь вес. 35 Во время то, иже придоша от пленения сынове преселения, принесоша всесожжения Богу Израилеву, телцев дванадесять за всего Израиля, овнов девятьдесят шесть, агнцев седьмьдесят седьмь, козлов за грехи дванадесять, вся во всесожжение Господу. 36 И даша повеление царево правителем царским и князем, иже за рекою: и прославиша людий и дом Божий.

9 И егда совершена быша сия, приступиша ко мне князие, глаголюще: не отлучишаася людие Израилевы и священницы и левити от людий земных, (но) в мерзостех их (суть), иже суть Хананее, Еффее, Ферезее, Иевусее, Аммонитяне, Моавитяне и Мосеритяне и Аморреане, 2 понеже пояша от дщерей их себе и сыном своим, и смесиша семя святое с людьми земными, и рука князей и воевод в преступлении сем в начале. 3 И егда услышах слова сия, раздрах ризы мои, и вострепетах, и терзах власы главы моей и брады моей, и седох тужа. 4 И собрашася ко мне все боящися слова Бога Израилева за преступление пришедших от пленения, и аз седях прискорбен даже до жертвы вечерния. 5 И в жертву вечернюю востах от сетования моего, и внегда раздрах ризы мои, и трепетах, и преклоних колена моя, и прострох руце мои ко Господу Богу моему 6 и рекох: Господи Боже мой, стыжуся и срамляюся воздвигнути лице мое к Тебе, яко беззакония наша умножишаася паче глав наших, и прегрешения наша возрастоша даже до небес: 7 от дний отец наших в преступлении велицием есмы даже до дне сего, и в беззакониих наших преданы есмы мы и царие наши и священницы наши и сынове наши в руку царей языческих, в мечь и в пленение, и в расхищение и в стыдение лица нашего, яко же в

день сей: 8 и ныне умилостивися над нами Бог наш, еже оставилы ны во спасение и дати нам твердость на месте святыни Его, еже просветити очеса наша и дати оживление малое в работе нашей: 9 яко раби есмы, и в работе нашей не оставилы нас Господь Бог наш: и преклони на нас милосердие пред цари Персскими, дати нам живот, еже воздвигнути им дом Богу нашему и возставити запустевшая его, и дати нам ограждение во Иудеи и Иерусалиме: 10 и ныне что речем, Боже наш, по сем? Яко оставилых повеления Твоя, 11 яже дал еси нам рукою раб Твоих пророков, глаголя: земля, на нюже вы входите наследити ю, земля нечиста есть, по нечистоте людий языческих, в мерзостех их, имиже наполниша ю от уст даже до уст во сквернениих своих, 12 и ныне дщерей ваших не дадите сыном их и дщерей их не приемлите сыновом вашым, и не ищите мира их и блага их даже до века, яко да укрепитеся и снесте благая земли, и наследие дадите сыновом вашым даже до века: 13 и по всех, яже придоша на нас в делех наших злых и грехе нашем велицием, понеже несть яко же Бог наш, иже избавил еси нас от беззаконий наших и дал еси нам спасение: 14 зане обратиши разорити заповеди Твоя и смеситися с людьми земными: не прогневайся на нас даже до скончания, еже не быти останку и спасаемому: 15 Господи Боже Израилев, праведен еси Ты, яко осталомся спасени, яко же день сей: се, мы пред Тобою есмы вси в беззакониих наших, понеже не возможно стати пред Тобою сего ради.

10 И егда моляшеся Ездра и егда исповедашеся плачущъ и моляся пред домом Божиим, обращася к нему от Израиля собрание велие зело, мужие и жены и отроцы яко плакахуся людие и вознесоша плачь. 2 И отвеша Сехения сын Иеилев от сынов Иламлих и рече Ездре: мы преступиши пред Богом нашим и пояхом жены чуждия от людий земли, и ныне есть упование Израилю о сем: 3 и ныне завещаем завет Богу нашему, да отвержем вся жены и рожденых от них, яко же хотет: востани и устраши их заповедьми Бога нашего, и по закону да будет: 4 востани, понеже на тебе есть глагол, и мы с тобою: укрепися и соторви. 5 И воста Ездра, и закля князи, священники и левиты и всего Израиля, да соторят по словеси сему. И кляяша. 6 И воста Ездра от лица дому Божия и иде в сокровищный дом Ионана сына Елисувова и седе тамо: хлеба не яде и воды не пи, плакаше бо о преступлении пришедших от пленения. 7 И послано бысть слово во Иудею и во Иерусалим всем сыновом преселения, да соберутся во Иерусалим: 8

всяк, иже аще не приидет в три дни, по совету князей и старейшин, возмется все имение его, и той отлучен будет от сонмища преселения. 9 И собирашася вси мужие Иудины и Вениамины во Иерусалим треми денми: сей есть месяц девятый: в двадесятый день месяца седоша вси людие пред домом Божиим трепещуще о словеси и от зимы. 10 И воста Ездра священник и рече к ним: вы преступисте и взясте жены иноплеменнически, еже приложити ко греху Израилеву: 11 и ныне дадите хвалу Господу Богу отец наших, и сотворите угодное пред Ним, и отлучитесь от людий земли и от жен иноплеменнических. 12 И отвещаша все множество гласом великим и реша: по словеси твоему к нам сотворим: 13 обаче людие мнози суть, и время зимнее, и несть мощно стояти вне: и дело несть дне единаго или двух, зело бо много согрешихом во словеси сем: 14 да поставятся князие наши во всем множестве и во всех градех наших, иже пояша жены иноплеменничи, да приидут во времена повеленная, и с ними старейшины от всякаго града и судии, еже отвратити гнев ярости Бога нашего от нас словесе ради сего. 15 Обаче Ионафан сын Асаилев и Иасса сын Фекуев со мною о сем, и Месоллам и Савафай левитин помагай им. 16 И сотвориша тако сынове преселения: и разыдошася Ездра священник и мужие князие отечества в дому, и вси по именом, яко обратишася в день первый месяца десятаго, да взыщут глагола: 17 и совершиша во всех мужех, иже пояша жены иноплеменничи, даже до дне первого месяца первого. 18 И обретени суть от сынов священнических иже введоша жены иноплеменничи, от сынов Иисуса сына Иоседекова и братия его Маасия и Елиезер, и Иарим и Гадалиа: 19 и даша руки своя изгонити жены своя, и согрешившии принесоша от овец о преступлении своем овна: 20 и от сынов Еммировых Ананий и Завдия: 21 и от сынов Ирамлих Маасия и Еллиа, и Самиа и Иеиил и Озия: 22 и от сынов Фассуровых Елионай, Маасия и Исмаил, и Нафанаель и Иозавад и Иласа: 23 и от левитов Иозавад, и Фамуй и Колиа, тойже и Колит, и Фефеиа, и Иуда и Елиезер: 24 и от певцев Елисав: и от дверник Солмин и Телмин и Одуда: 25 и от Израиля, от сынов Форосовых Рамиа и Азия, и Мелхия и Мелмин, и Елиазар и Асавия и Ванеа: 26 и от сынов Иламовых Матфания и Захария, и Иаиил и Авдий, и Иеримофф и Илиа: 27 и от сынов Зафуевых Елионай, Елисув, Мафанай и Армофф, и Завад и Озиза: 28 и от сынов Вавеиных Ионан, Анания и Завуй и Фали: 29 и от сынов Вануевых Мосоллам, Маллух, Адаиа, Иасув и Саал и Римофф: 30 и от сынов Фаафф-Моавлих Еднеа и

Халил и Ванаиа, Маасия, Матфания, Веселеил и Вануй и Манассии: 31 и от сынов Ирамовых Елиезер, Иесиа, Мелхия, Самаиа, Семеон, 32 Вениамин, Маллух, Самария: 33 и от сынов Асимовых Метфанаиа, Мафафа, Завад, Елифалет, Иерами Манассий, Семей: 34 и от сынов Ванийных Модиа, Амрам и Уил, 35 Ванаиа, Вадаиа, Хелиа, 36 Уания, Маримофф и Елиасив, 37 Матфания Мафанай. 38 И сотвориша сынове Вануиевы и сынове Семеини, 39 и Салемия и Нафан и Адаиа, 40 Махнада, Авусесей, 41 Аруесриил и Самария, 42 Селлум, Амария, Иосиф: 43 от сынов Навииных Иеиил, Мафафия, Завад, Зевенай, Иадай и Иоиль и Ванеа. 44 Вси тии пояша жены иноплеменнически, и родиша от них сыны.

Книга Неемии

1 Словеса Неемии сына Ахалиина. И бысть в месяце Хаселев, двадесятаго лета, и аз бех в Сусан-Авире. 2 И прииде (ко мне) Анания един от братий моих с мужи Иудовы, и вопросих их о спасшихся, иже осталася от плениения, и о Иерусалиме. 3 И рекоша ми: оставшия от плениения тамо во стране, во озлоблении велице и в поношении, и стены Иерусалимския разорены, и врата его сожжена огнем. 4 И бысть егда услышах словеса сия, седох и плаках и рыдах дни (многи), и бех постыся и моляся пред лицем Бога небеснаго, 5 и рекох: молю Тя, Господи Боже небесныи, крепкий, великий и страшный, храняй завет и милосердие любящим Тя и хранящим заповеди Твоя: 6 да будут уши Твои внемлюще и очи Твои отверсте, еже слышати молитву раба Твоего, еюже аз молюся пред Тобою днесь, день и нощь, о сынех Израилевых рабех Твоих: и исповедаюся о грехах сынов Израилевых, имиже согрехиом пред Тобою, и аз и дом отца моего согрехиом: 7 преступлением преступиши Тебе и не сохранихом заповедий (твоих) и повелений и судеб, яже повелел еси Моисею рабу Твоему: 8 помяни убо слово, еже заповедал еси Моисею рабу Твоему глаголя: аще преступите вы, Аз расточу вы в люди, 9 и аще обратитеся ко Мне и сохраните заповеди Моя и сотворите я, аще будет разсение ваше до конца небесе, оттуду соберу вы и введу вы в место, еже избрах вселитися имени Моему тамо: 10 и тии раби Твои и людие Твои, ихже искупил еси силою Твоей великою и рукою Твою крепкою: 11 молю, Господи, да будет ухо Твое внемлющее на молитву раба Твоего и на молитву рабов Твоих хотящих боятися имене Твоего: и благопоспеши убо рабу Твоему днесь, и дажъ его в щедроты пред мужем сим. И аз бых виночерпий царев.

2 И бысть в месяце Нисане лета двадесятаго Артаксеркса царя, и вино бе предо мною: и взях вино и дах царю, и не бе ин пред ним. 2 И рече ми царь: чесо ради лице твое прискорбно есть, а неси болезнуй? И несть сие, разве скорбь сердца. И убояхся зело 3 и рекох царю: царю, во веки живи: како не быти прискорбну лицу моему, понеже град, дом гробов отец моих опусте, и врата его сожжена суть огнем. 4 И рече ми царь: почто о сем ты вопрошаеш? И помолихся Господу Богу небесному 5 и рекох ко царю: аще царю видится благо, и аще угоден будет раб твой пред тобою, да послеши мене во Иудею, во град гробов отец моих, и возсозижду его. 6

Рече же ми царь, и наложница седяше близ его: до коего времене будет путь твой, и когда возвратишся? И угодно бысть пред лицем царевым, и посла мя, и положих ему время. 7 И рекох царю: аще царю видится благо, дажъ мне послание ко воеводам стран за рекою, да преведут мене, дондеже прииду во Иудею, 8 и послание ко Асафу стражу дубравы царевы, да даст ми древа покрыти врата столпа дому, и на стены градныхя, и на дом, в онъже вниду. И даде ми царь, якоже рука Божия благая (бе) со мною. 9 И придох ко воеводам стран за рекою и дах им послание царево: посла же царь со мною начальники силы и конницы. 10 И услыша Санаваллат Аронитин и Товия раб Аммонитин, и зло има бысть, яко прииде человек взыскати блага сыновом Израилевым. 11 И придох во Иерусалим и бых ту три дни. 12 И востах нощю аз и мужие не мнози со мною, и ни комуже возвестих, что Бог дает в сердце мое сотворити со Израилем, и скота не бе со мною, токмо скот, на немже аз седях. 13 И внидох во врата Юдоли нощю, ко устию источника Смоковничаго и ко вратом Гнойным, и бых размышляя о стене Иерусалимстей разореней и о вратах его пойденых огнем. 14 И придох ко вратом Источника и ко купели цареве, и не бысть места скоту, на немже седях, да пройдет. 15 И взыдох на стену потока нощю, и размышлях о стене, и бех во вратах Юдоли, и возвратихся. 16 Стругущии же не ведаху, камо ходих и что аз творю, и Иудеом и священником, и честным и воеводам и прочым творящим дела даже до тогда не сказах. 17 И рекох им: вы видите озлобление сие, в немже есмы, како Иерусалим опустошен, и врата его предана огню: приидите, и созиждем стены Иерусалима, и не будем кому в поношении. 18 И сказах им руку Божию, яже есть блага со мною, и словеса царева, яже глагола мне, и рекох: востанем и созиждем. И укрепиша руцы их во благое. 19 И услыша Санаваллат Аронитин и Товия раб Аммонитин и Гисам Аравитин, и посмеявшись нам, и придоша к нам, и уничижиша, и рекоша: что дело сие, еже вы творите? Еда вы противу царя отмаетесь? 20 И воздах им слово и рекох к ним: Бог Небесе, Той благопоспешит нам, и мы раби Его чистии, (востанем) и созиждем: вам же несть части и правды и памяти во Иерусалиме.

3 И воста Елиасув священник великий и братия его священницы, и создаша врата Овчая: сии освятиша их и поставиша двери их и даже до столпа Статакот освятиша их, даже до столпа Анамеиля. 2 И близ его созидаша мужие Иерихонстии, и близ их созида

Закхур сын Аманиин. з Врата же Рыбная созидаша сынове Асанаевы: сии покрыша их и поставиша двери их и заворы их и вереи их. 4 И близ их созидаше из Рамофи сын Уриин, сына Аккосова: и близ его созидаше Мосоллам сын Варахин, сына Мазевиля: и близ их созидаше Садок сын Ваанаев: 5 и близ их созидаша Фекоими, сильнии же их не положиша выи своея в дело Господа Бога своего. 6 И врата старая созидаше Иоида сын Фасеков и Месуллам сын Васодиев: тии покрыста их и постависта двери их и заворы и вереи их. 7 И близ их созидаша Малтия Гаваонитин и Еварон Миронофит, мужие от Гаваона и Масфы, даже до престола князя (иже бысть) об он пол реки. 8 И близ его созида Озиил сын Арахиев златарь: и близ его созида Анания сын Рокеима, и возставиша Иерусалим даже до стены широкия. 9 И близ их созидаше Рафаиа сын Сурин, начальник половины окрестныя страны Иерусалимли. 10 И близ их созидаше Иедеа сын Еромафов, и противу дому его: и близ его созида Аттуф сын Асаваниин. 11 И вторую часть созидаше Мелхия сын Ирамов и Асув сын Фааф-Моавль, и даже до столпа Пещнаго. 12 И близ его созидаше Саллум сын Аллоисов, начальник половины страны окрестныя Иерусалимли, той и дщери его. 13 Врата Юдоли созидаша Анун и обитающии в Заноне: тии создаша их и поставиша двери их и заворы их и вереи их, и тысяща лакот в стene даже до врат Гнойных. 14 И врата Гнойная созидаше Мелхия сын Рихавль, начальник окрестныя страны Вифакрамсия, той и сынове его, и покрыша их и поставиша двери их и заворы их и вереи их. 15 И врата Источника созидаше Соломон сын Халезеов, начальник страны Масфы: той созда их и покры их, и постави двери их и заворы их и вереи их, и стену купели Силоамли ко вертограду цареву и даже до степеней низходящих от града Давида. 16 По немже созидаше Неемия сын Завухов, начальник половины страны Вифсуроны, даже до вертограда гроба Давида и даже до купели устроеняя и даже до дому сильных. 17 По нем созидаша левити, Раум сын Ванаимль: по нем созидаше Асавия, начальник половины страны Кеилы на стране своей, 18 и по нем созидаша братия их, Веней сын Инададов, начальник половины окрестныя страны Кеилы. 19 И созидаше близ его Азур сын Иисусов, начальник Масфы, меру вторую столпа восхода касающагося углу. 20 И по нем созидаше Варух, сын Завуев, меру вторую от угла даже до врат дому Елиасува священника великаго. 21 По нем созидаше Мерамоф сын Урии, сына Аккосова, меру вторую от врат дому Елиасува даже до конца

дому Елиасува. 22 И по нем созидаша священницы, мужие от поля (иорданска). 23 И по нем созидаста Вениамин и Асув противу домов своих: и по нем созидаше Азария сын Маасиев, сына Ананина, близ дому своего. 24 По нем созидаше Ваней сын Ададов меру вторую от дому Азарии даже до угла и даже до уклонения. 25 Фалах сын Узайн противу угла и столпа возвышенаго из дому царева высоко, иже во дворе темничнем: и по нем Фадаиа сын Форосов. 26 И нафиними обиташа во Офale, даже до вертограда врат Водных ко востоком и даже до столпа, иже бе возвышен. 27 И по них созидаша Фекоими меру вторую от страны столпа великаго и высокаго даже до стены Офлы. 28 Вышше врат Конских созидаша священницы, един кийждо противу дому своего. 29 И по нем созидаше Саддук сын Еммир противу дому своего: и по нем созидаше Самаиа сын Сехениев, страж врат восточных. 30 По нем созидаше Анания сын Селемиев и Аном сын Селефов шестый меру вторую: по нем созидаше Месуллам сын Варахиев противу сокровищницы своея. 31 По нем созидаше Мелхия сын Сарефиев даже до дому нафинимля и щиты продающих, противу врат Судных, и даже до горницы угла. 32 И посреде врат Овчих созидаша ковачи и щитопродавцы.

4 И бысть егда услыша Санаваллат, яко мы созидаем стены, и зло ему вменися, и разгневавшася зело, и посмеяшеся Иудеом, 2 и рече пред братию своею, иже бяху сила Соморов, и рече: что Иудеи сии созидают свой град? Еда жрети будут? Или возмогут? Или днесъ изцелят камение, повнегда быти им в прах земли сожженымъ? з И Товия Амманитянин близ его прииде и рече им: еда покрут, или ясти имут на месте своем? Не взыдеть ли лисица и разорит стену каменей их? 4 И рече Неемия: услыши, Боже наш, яко соторвени есмы в посмение, 5 и обрати поношение их на главу их, и дажъ их в посмение в землю пленения, 6 и не покрый беззакония их. 7 Бысть же егда услыша Санаваллат и Товия, и Аравляне и Амманите, яко взыде отрасль стен Иерусалимских, зане начаша разселины заграждати, и зло им явися зело. 8 И сбирахася вси вкупе, да приидут и ополчаться на Иерусалим и разорят его. 9 И молихомся ко Богу нашему и поставихом стражи на стene противу их день и нощь от лица их. 10 Рече же Иуда: истомлена есть сила (от) враг, и земля многа есть, и мы не можем созидати стены. 11 И рекоша оскорбляющии нас: не познают и не увидят, дондеже приидем посреде их и убием их, и престати соторим делу. 12 И бысть егда приидоша Иудеи, иже обитаху близ их, и реша нам: восходят от всех языков на

ны. 13 И поставих в нижайших местех созади стен в закровении, и поставих люди по племеном с мечи их и с сулицами их и с луками. 14 И видех, и востах, и рекох ко честным и к воеводам и ко прочым людем: не убейтесь от лица их, помяните Господа Бога нашего великаго и страшаго, и ополчитеся за братию вашу, за сыны вашя и дщери вашя, жены вашя и домы вашя. 15 Бысть же егда услышаша врази наши, яко ведомо бысть нам, и разори Бог совет их: и возвратихомся вси мы на стены, кийждо ко делу своему. 16 И бысть от дне того, пол вчиненых делау дела, и половина их уготована бысть ко брани с сулицами и щитами, и луки и бронями, и начальницы созади всего дому Иудина. 17 Созидающии стену и носящии бремена со оружием: единою рукою своею творяху дело, а другою держаху мечь. 18 Созидающим же единому коемуждо мечь бысть опоясан при бедре его, и созидаху, и трубаху трубами близ их. 19 И рекох ко честным и ко старейшинам и ко прочым людем: дело велико есть и пространно, и мы разлучени есмы на стene далече кийждо от брата своего: 20 на месте идеже услышите глас трубный, тамо течьтe к нам, и Бог наш ополчится о нас. 21 И мы быхом творяще дело, и пол нас держаху сулици от восхода зари утренния даже до восхода звезд. 22 Во время же то рекох людем: кийждо со отроком своим да пребывает в среде Иерусалима: и будет вам нощь на стражу, а день на делание. 23 Аз же и братия мои и отроцы и мужие стражи, иже бяху созади мене, не снимахом одеяний наших тамо ни един от нас.

5 И бысть вопль людей и жен их велик на братию свою Иудеи. 2 И быша нецы глаголюще: сынове наши и дщери наша мнози суть нам, и да вознем (за цену) пшеницу и ядим и живи будем. 3 И быша нецы глаголюще: села наша и винограды наша и домы наша мы да дадим в залог, и вознем пшеницу, и ясти будем. 4 И быша нецы глаголюще: взаим взяхом сребро на дани царевы, дадим села наша и винограды наша и домы наша: 5 и ныне якоже плоть братий наших, плоть наша, якоже сынове их, сынове наши: и се, мы поработаем сыны наша и дщери наша в рабы, и суть от дщерей наших поработы, и несть силы в руках наших (откупити) и села наша и винограды наша у вельмож. 6 И оскорбех зело, егда услышах вопль их и словеса сия. 7 И усоветова сердце мое во мне, и воспретих державным и начальным и рекох им: лихвы ли кийждо от брата своего истяжет, юже вы истяжете? И собрах противу им собрание велико 8 и рекох им: мы искупихом братию нашу Иудеев, проданых языкок, по силе нашей: вы же

продасте братию вашу, и отдаутся нам? И умолчаша, и не обретоша что отвещати. 9 И рекох: не добро дело, еже вы творите: тако не во страсе Бога нашего (ходяще) убежите ли от поношения языков врагов наших? 10 И аз и братия моя и знаемии мои взаим дахом им пенязи и пшеницу: оставим убо лихомиство сие: 11 возвратите же им днес села их и винограды их и маслины их и домы их, и от сребра пшеницу и вино и елей отадите им. 12 И рекоша: отадим и от них не взыщем, тако сотворим, якоже ты глаголеши. И призвах священников и заклях их сотворити по словеси сему. 13 И отрясах одежду мою и рекох: тако да истрясет Бог всякаго мужа, иже не исполнит слова сего, от дому его и от трудов его, и да будет тако оттрясен и тощъ. И рече все множество: аминъ. И восхвалиша Бога. И сотвориша людие по глаголу сему. 14 От дне того, в онъже повеле (царь) мне быти вождем их в земли Иудине, от лета двадесятаго и даже до лета тридесять втораго Артаксерса царя, лет двадесать, аз и братия моя оброку их не ядох. 15 И оброков первых, имиже прежде мене отягчиша их, и прияша от них в хлебе и в вине, по сих сребра (на всяк день) дидрахм четыредесять: и служебницы их обладаша людьми. Аз же не сотворих тако ради страха Божия. 16 И в деле стены сия созидах: и села не стяжах, и вси отроцы мои собрани бяху тамо на дело. 17 Иудей же и начальников сто пятьдесят мужей, и приходящи к нам от язык, иже окрест нас, при трапезе Моея. 18 И бе уготовано мне на всяк день: телец един и овец шесть избранных и козел быша мне (и птицы), и между десяти дній всем вина много: и с сими хлеба господству моему не взысках, зане тяжка работа на людех сих. 19 Помяни мя, Боже мой, во благо по всем, елика сотворих людем сим.

6 Бысть же егда услыша Санаваллат и Товия и Гисам Аравийский и прочии врази наши, яко созади стены, и не остался в них скважня: и аз даже до времене онаго дверий не поставих во вратех: 2 и послы Санаваллат и Гисам ко мне, глаголюща: приди, и соберемся вкупе в весех на поли Оно (глаголем). Тии же помышляста мне сотворити злое. 3 И послах к нима послов, глаголя: дело велико аз творю и не могу снити, да не престанет дело: егда же совершу е, взыду к вама. 4 И посласта ко мне, якоже глагол сей, четырижды, и послах к нима по сим. 5 И присла ко мне Санаваллат пятое отрока своего, и послание отверсто в руку его, и бе написано в нем: 6 во языцах услышано есть, и Гисам рече, яко ты и Иудеев мыслите отступити, сего ради ты созидаеши

стену, и ты да будеши им в царя: 7 и к сим пророки поставил еси себе, да будеши во Иерусалиме царем над Иудою: и ныне возвестяся царю словеса сия: и сего ради ныне приди, да соторима совет вкупе. 8 И послах к нему, глаголя: не соторися по словесем сим, якоже ты глаголеши, зане от сердца твоего ты лжеши в сих: 9 яко вси страшат нас, глаголюще: ослабеют руцы их от дела сего, и не соторится: и ныне укрепих руки мои. 10 И аз внидох в дом Семеа сына Далаиева, сына Метавеилева, и той заключен, и рече: да соберемся в дом Божий посреде его и заключим двери его, яко приходят ношио, да ублют тя. 11 И рекох: кто есть муж, яков аз, и убежит? Или кто яко аз, иже внидет в дом, и жив будет? Не вниду. 12 И уразумех, и се, Бог не посла его: яко пророчествова слово на мя. 13 И Товия и Санаваллат наяста на мя народ, да устрашуся, и соторю тако, и согрешу, и да буду им во имя зло, яко да поносят ми. 14 Помяни, Боже, Товию и Санаваллата по делом их сим, и Ноадиа пророка и прочих пророк, иже страшаху мя. 15 И совершися стена в двадесять пятый месяца Елула в пятьдесят и два дни. 16 И бысть егда услышаша вси врази наши, и убояшася вси языцы, иже окрест нас, и нападе страх велик пред очи их, и познаша, яко от Господа Бога нашего совершено бысть дело сие. 17 И во дни оны от многих державных Иудиных послания приходжаху к Товии, и Товинии (послания) приходжаху к ним. 18 Мнози бо во Иудеи кляшася ему, яко зять бе Сехении сына Ираева: и Ионафан сын его поя дщерь Месулама сына Варахиниа в жену. 19 И словеса его быша глаголющии ко мне, и словеса моя быша износящии ему. И послание послана Товии, да устрашит мене.

7 И бысть егда создася стена, и поставих двери, и сочех придверники и певцы и левиты: 2 и повелех Анании брату моему и Анании начальнику дому, иже во Иерусалиме: той бо бе яко муж истинен и боялся Бога паче прочих: 3 и рекох има: да не отверзутся врата Иерусалимская, дондеже взыдет солнце: и еще им бдящим, да заключатся врата и засунута да будут засовами: и постави стражы от обитающих во Иерусалиме, кийждо во стражи своей и кийждо противу дому своего. 4 Град же бысть широк и велик, и людий мало в нем, и не бяху домы созданы. 5 И даде Бог в сердце мое, и собрах честных и князей и народ в собрание: и обретох книгу сочисления тех, иже взыдоша первее, и обретох написано в ней: 6 и тии сынове страны возшедши от плнения преселения, ихже пресели Навуходоносор царь

Вавилонский, и возвратиша во Иерусалим и Иудею, кийждо муж во град свой, 7 с Зоровавелем и Иисусом и Неемиею, Азария и Веелма, Наеман, Мардохей, Ваасан, Маасфараф, Ездра, Вогуиа, Инаум, Ваана, Масфар, мужие людий Израилевых: 8 сынове Форосовы две тысячи сто седьмъдесят два, 9 сынове Сафатиевы триста седьмъдесят два, 10 сынове Ираевы шесть сот пятьдесят два, 11 сынове Фааф-Моавли сынов Иисусовых и Иоавлих две тысячи шесть сот и осмынадесять, 12 сынове Еламовы тысяча двести пятьдесят четыри, 13 сынове Соффуевы осмь сот четыредесять пять, 14 сынове Заханевы седмь сот шестьдесят, 15 сынове Вануиевы шесть сот четыредесять осмь, 16 сынове Веренеевы шесть сот двадесять осмь, 17 сынове Гетадовы две тысячи триста двадесять два, 18 сынове Адоникамли шесть сот шестьдесят седмь, 19 сынове Вагуиевы две тысячи шестьдесят седмь, 20 сынове Идии шесть сот пятьдесят четыри, 21 сынове Атировы и сынове Езекииевы девятьдесят осмь, 22 сынове Иسامииевы триста двадесять осмь, 23 сынове Васеиевы триста двадесять четыри, 24 сынове Арифовы сто двадесять, сынове Асеновы двести двадесять три, 25 сынове Гаваони девятьдесят пять, 26 сынове Вефалеимли сто двадесять три, сынове Атофовы пятьдесят шесть, 27 сынове Анафофовы сто двадесять осмь, 28 сынове Азамофовы, мужие Вифовы, четыредесять два, 29 мужие Кариафиаримли, Кафировы и Вирофовы седмь сот четыредесять три, 30 мужие Арама и Гаваа шесть сот двадесять един, 31 мужие Махимасовы сто двадесять два, 32 мужие Вефили и Аиевы сто двадесять три, мужие анавиа другаго сто пятьдесят два, 33 сынове Мегевосовы сто пятьдесят шесть, 34 мужие Иламаевы тысяча двести пятьдесят два, 35 сынове Ирамли триста двадесять, 36 сынове Иериховы триста четыредесять пять, 37 сынове Лодовы, Аидовы и Оновы седмь сот двадесять един, 38 сынове Анании три тысячи девять сот тридесять: 39 священницы, сынове Иодаевы в дому Иисусове девять сот седьмъдесят три, 40 сынове Еммировы тысяча пятьдесят два, 41 сынове Фассеуровы тысяча двести четыредесять седьмь, 42 сынове Ирамовы тысяча седмънадесять: 43 левиты, сынове Иисуса Кадмильского от сынов Удуилих седмъдесят четыри: 44 певцы, сынове Асафовы сто двадесять осмь: 45 дверницы сынове Селумли, 46 сынове Атировы, сынове Телмони, сынове Аккувовы, сынове Атитовы, сынове Савиниы сто тридесять осмь: 47 нафиними, сынове Илаевы, сынове Асефовы, сынове Заваофовы, 48 сынове

Кирасовы, сынове Сисаины, сынове Фадони, сынове Лавани, сынове Агавовы, сынове Акувовы, 49 сынове Утаевы, сынове Китаровы, сынове Гавовы, сынове Селмени, сынове Анановы, 50 сынове Садеины, сынове Гааровы, сынове Рааини, 51 сынове Раасони, сынове Некодовы, 52 сынове Гизамли, сынове Озины, сынове Фессовы, 53 сынове Висини, сынове Мейноновы, сынове Нефосаины, 54 сынове Ваквуковы, сынове Ахифовы, сынове Арурины, 55 сынове Васалофовы, сынове Мидаевы, сынове Адасани, 56 сынове Варкуевы, сынове Сисарафовы, сынове Фимаевы, 57 сынове Нисиини, сынове Атифовы: сынове рабов Соломоновых, 58 сынове Сутеины, сынове Сафаратовы, сынове Ферииды, 59 сынове Лелилины, сынове Доркони, сынове Гадаили, сынове Фарахасовы, 60 сынове Саваини, сынове Иммиини: 61 вси Нафиними и сынове слуг Соломоновых триста девятьдесят два. 62 И сии взыдоша от Фелмефа, Феласар, Харув, Ирон, Иемир, и не могоша сказать домов отечеств своих и семене своего, от Израиля ли быша: 63 сынове Далеаевы, сынове Вуаевы, сынове Товинны, сынове Некодаевы, шесть сот четыредесять два: 64 и от священник сынове Авиевы, сынове Аккосовы, сынове Верзелланины, яко пояша от дщерей Верзеллаа Галаадитина жены и прозвавшаяся по имени их. 65 Сии искаша писания своего родословия, и не обретоша, и извержени суть от священства. 66 Рече же Аферсафа им, да не ядят от святая святых, дондеже востанет священник изявляя. 67 И бысть весь собор единодушно аки четыредесять две тысящи триста шестьдесят, 68 кроме рабов их и рабынь их, иже бяху седмь тысящ триста тридесять седмь: и певцы и певницы двести тридесять шесть. 69 Кони (их) седмь сот тридесять шесть, мски их двести четыредесять пять, велблуды их четыре ста тридесять пять, ослы их шесть тысящ седмь сот двадесять. 70 И от части начальников отечеств даша в дело Аферсафе, даша в сокровище златых тысящи, фиал пятьдесят и риз жреческих тридесять. 71 И от начальников отечеств даша в сокровище дела злата драхм двадесять тысящ и сребра мнас две тысящи и триста. 72 И даша прочии людие злата драхм двадесять тысящ и сребра мнас две тысящи и двести, и риз священнических шестьдесят седмь. 73 И седоша священницы и левити и дверницы и певцы и прочий народ и нафиними и весь Израиль во градех своих.

8 И прииде месяц седьмый, сынове же Израилевы бяху во градех своих: и собирашаася вси людие яко муж един

на пространство, еже пред враты Водными, и рекоша Ездре писарю, да принесет книгу закона Моисеова, егоже заповеда Господь Израилю. 2 И принесе Ездра священник закон пред множество от мужей даже до жен, и всем, иже можаху разумети слышаще, в день первый месяца седмаго, 3 и че в нем (явно на пространстве, еже пред враты Водными), от утра даже до полудне, пред мужи и женами, и сии бяху разумеюще, и уши всех людий ко книзе закона. 4 И ста Ездра писец на стелени древянем, егоже сотвориша к народовещанию, и сташа близ его Матфафия и Самеа, и Анания и Урия, и Хелкия и Маасия одесную его, ошую же Фадаиа и Мисаил, и Мелхия и Осам, и Асавадма и Захария и Месоллам. 5 И разгну Ездра книгу пред всеми людьми, яко той бе над людьми, и бысть егда разгибаше ю, сташа вси людие. 6 И благослови Ездра Господа Бога великаго, и отвещаша вси людие и реш аминь, воздвигше руце свои, и преклонишаася и поклонишаася Господеви лицем на землю. 7 Иисус же и Ванаяа и Саравия, Акан, Саватей, Камптас, Азария, Иозавадан, Анифанес и левити бяху вразумляюще людий в законе: людие же стояху на стоянии своем. 8 И чтоша в книзе закона Божия, и поучаше Ездра и изясняше ко разумению Господню, и разумеша людие чтение. 9 Рече же Неемия и Ездра священник и писец, и левити и толкующи людем, и реш а всем людем: день свят есть Господу Богу нашему, не рыйдайте и не плачите. Понеже плакаша вси людие, егда услышаша словеса закона. 10 И рече им: идите и ядите тучная и пийте сладкая, и послите части не имущым, яко свят есть день Господеви нашему, и не печалитесь, ибо радость Господня сия есть сила наша. 11 Левити же молчание творяху во всех людех, глаголюще: молчите, яко день свят есть, и не тужите. 12 И отиодаша вси людие ясти и пити, и послати части, и сотворити веселие велико, яко разумеша словеса, имже научиша их. 13 И в день второй собирашаася князие отечеств со всеми людьми, священницы и левити ко Ездре писцу, да протолкует всем словеса законная. 14 И обретоша писано в законе, егоже заповеда Господь рукою Моисеовою, да обитают сынове Израилевы в кущах в праздник месяца седмаго, 15 и да проповедят трубами во всех градех их и во Иерусалиме. И рече Ездра: изыдите на гору, и принесите ветви масличны, и ветви древес кипарисных, и ветви мирсинныя, и ветви финиковых, и ветви древес дубравных, сотворити кущы по писаному. 16 И изыдоша людие, и принесоша, и сотвориша себе кущы кийждо на крове своем и во дворех своих, и во дворех дому Божия

и на пространстве врат Водных и на пространстве врат Ефремлих. 17 И сотвориша весь сонм возвратившийся от плена кущы, и седоша в кущах, яко не сотвориша от дній Иисуса сына Навина тако сынове Израилевы даже до дне того. И бысть веселie велико. 18 И читаху в книзе закона Божия на всяк день, от дне первого даже до дне последняго. И сотвориша праздник седьм дний, и в день осмый собрание по обычаю.

9 В день же двадесять четвертый месяца сего собирахася сынове Израилевы в посте и во вретищах, и перстъ на главах их. 2 И отлучиша сынове Израилевы от всякаго сына чужда, и исповедаху грехи своя и беззакония отецъ своихъ. 3 И сташа на стояннии своемъ и чтоша в книзе закона Господа Бога своего четверицю в день, и бяху исповедающи Господеви и покланяющи Господу Богу своему. 4 И сташа на степени левитов Иисус и сынове Кадмили, Сахания сын Саравин, сынове Ханани, и возопиша гласом великимъ ко Господу Богу своему, 5 и рекоша левити, Иисус и Кадмиил: востаните, благословите Господа Бога нашего от века даже до века: и благословят имъ славы Твои, и вознесут во всяцемъ благословении и хвале. 6 И рече Ездра: Ты еси Самъ Господъ един, Ты сотворил еси небо и небо небесе и вся вои ихъ, землю и вся, елика на ней суть, моря и вся, яже в нихъ, и Ты оживляєши вся, и вои небеснии покланяются Тебе: 7 Ты еси Господъ Богъ, ты избрал еси Аврама и извел еси его от страны Халдейскаго, и положил еси имъ ему Авраамъ, 8 и обрел еси сердце его верно пред Тобою, и завещал еси с нимъ завет дати ему землю Хананейскую и Хеттейскую, и Аморрейскую и Ферезейскую, и Иевусейскую и Гергесейскую, и семени его: и утвердил еси словеса Твоя, яко праведен еси: 9 и видел еси озлобление отецъ нашихъ во Египте, и вопль ихъ услышал еси на мори Чернмнem, 10 и дал еси знамения и чудеса во Египте на фараона и на вся рабы его и на вся люди земли его: познал бо еси, яко возгордешася на нихъ, и сотворил еси Себе имя, яко же день сей: 11 и море расторгл еси пред ними, и проиша посреде моря по суху, и гонители ихъ ввергл еси в глубину, яко камень в воде зелней: 12 и в столпе облачне водил еси ихъ во дни и в столпе огненне в нощи, еже осветити имъ путь, по немуже идоша: 13 и на гору Синайскую сшел еси, и глаголал еси к нимъ с небесе, и дал еси имъ судьбы правы и закон истинный, повеления и заповеди благи: 14 и субботу святую Твою явил еси имъ, заповеди, повеления и закон повелел еси имъ рукою Моисея раба Твоего: 15 хлеб же с небесе дал еси имъ во

алчбе ихъ в пищу имъ, и воду из камене извел еси имъ в жажды ихъ, и рекл еси имъ, да внидут и наследят землю, на нюже простерл еси руку Твою дати имъ: 16 тии же и отцы наши возгордешася и ожесточиша выя своя и не послушаша заповедей Твоихъ, 17 и не восхотеша слышати, и не воспомянуша чудес Твоихъ, яже сотворил еси имъ: и ожесточиша выю свою, и даша начало возвратитися на работу свою во Египет: Ты же, Боже, милостив и щедр, долготерплив и многомилостив, и не оставил еси ихъ: 18 еще же сотвориша себе и телца слияна и рекоша: сии бози изведоша нас из Египта: и сотвориша раздражения велия: 19 Ты же в щедротах Твоихъ многихъ не оставил еси ихъ в пустыни, столпъ облачный не уклонил еси от нихъ во дни, еже наставити ихъ на путь, и столпъ огненный в нощи, еже осветити имъ путь по немуже идоша, 20 и Духъ Твой благ дал еси, еже научити ихъ, и манны Твои не лишил еси от уст ихъ, и воду дал еси имъ в жажды ихъ, 21 и четыредесять лет препитал еси ихъ в пустыни, ничтоже имъ оскуде: одеяния ихъ не состарешася, и сапози ихъ не раздрашася: 22 и дал еси имъ царства, и люди разделил еси имъ, и наследиша землю Сиона царя Есевонска и землю Ога царя Васанска: 23 и умножил еси сыны ихъ яко звезды небесныя, и ввел еси ихъ в землю, о нейже глаголал еси отцемъ ихъ внути и наследити ю: 24 (и внидоша сынове ихъ) и наследиша землю: и сокрушил еси пред ними обитающихъ в земли Хананейстей, и дал еси ихъ в руку ихъ, и цари ихъ и люди земли, да сотворят имъ яко же угодно пред ними: 25 и взяша грады высокия, и одержаша дома полны всел благихъ, кладязи ограждены камениемъ, винограды и маслины и всяко древо снедное во множестве, и ядоша и насытиша, и утолстеша и разшириша во благости Твоей велицей: 26 и измениша и отступиша от Тебе, и повергша закон Твой созади плоти своея, и пророки Твоя извиша, иже засвидетелствоваху имъ, да обратятся к Тебе, и сотвориша хулы велики: 27 и дал еси ихъ в руку оскорбляющихъ я, и озлобиша ихъ: и во бремя печали своея возопиша к Тебе, и Ты с небесе Твоего услышал еси, и по щедротам Твоим многим дал еси имъ спасителей, и спасл еси ихъ от рукъ врагъ ихъ: 28 и егда упокоиша, возвратиша сотворити лукавое пред Тобою: и оставил еси ихъ в рукахъ врагъ ихъ, и обладаша ими: и паки возопиша к Тебе, Ты же от небесе услышал еси, и избавил еси ихъ в щедротах Твоихъ мнозехъ, 29 и засвидетелствовал еси имъ, да обратятся к закону Твоему: они же возгордешася и не послушаша, но в заповедехъ Твоихъ и в судахъ Твоихъ согрешиша, яже сотворив человек живъ будет в нихъ: и

даша плещы непокоривыя, и выю свою ожесточиша, и не послушаша: 30 и продолжил еси на них лета многа, и засвидетельствовал еси им Духом Твоим и рукою пророк Твоих, и не вняша, и предал еси их в руку людий земных: 31 в милосердиих же Твоих многих не сотворил еси их в скончание, ниже оставил еси их, яко Бог силен еси и милостив и щедр: 32 и ныне, Боже наш крепкий, великий, державный и страшный, храняй завет Твой и милость Твою, да не явится мал пред Тобою всякий труд, иже обрете нас и цари наша, и начальники наша и священники наша, и пророки наша и отцы наша и вся люди Твоя, от дний царей Ассурских и даже до дне сего: 33 и Ты праведен во всех, яже придоша на нас, яко истину сотворил еси, мы же согрешихом: 34 и царие наши и начальцы наши, и священницы наши и отцы наши не сотвориша закона Твоего и не внимаша повелением Твоим и свидением Твоим, имиже засвидетельствовал еси им, 35 и тии во царствии Твоем и во благостины Твоей множе, юже дал еси им, и в земли широцей и тучней, юже дал еси пред ними, не послужиша Тебе и не отвратиша от начинаний своих лукавых: 36 се, мы днесь есмы раби, и земля, юже дал еси отцем нашим ясти плод ея и благая ея, се, есмы раби на ней: 37 и плоды ея мнози царем, имже предал еси нас за грехи наша, и телесы нашими владычествуют и скоты нашими, яко же угодно им, и в печали велицей есмы: 38 и во всех сих мы полагаем завет верен и пишем, и печатают вси начальники наши, левити наши и священницы наши.

10 И в печатлеющих быша сии: Неемия Артасаста сын Ахалиев и Седекия 2 сын Араиев, и Азарии и Иеремии, 3 Фасур, Амариа, Мелхиа, 4 Аттус, Севания, Малух, 5 Ирам, Мерамоф, Авдия, 6 Даниил, Ганафон, Варух, 7 Месуллам, Авиа, Миамин, 8 Маазия, Велгай, Самаиа: сии священницы. 9 Левити же: Иисус сын Азариин, Ваней от сынов Инададовых, Кадмиил 10 и братия его Савания, Одуиа, Калитан, Фелиа, Анан, 11 Миха, Роов, Асевия, 12 Закхор, Саравия, Севания, 13 Одуя, сынове Ванууни. 14 Начальницы людий: Форос, Фааф-Моав, Илам, Зафуна, 15 сынове Ваннины Азгад, Вивай, 16 Анания, Вагой, Идин, 17 Атир, Езекия, Азур, 18 Одувия, Исаам, Висий, 19 Ариф, Анаоф, Новай, 20 Мегафис, Месуллам, Изир, 21 Месозевил, Садук, Иеддуа, 22 Фалтиа, Анан, Анаиа, 23 Осиа, Анания, Асув, 24 Адой, Фалаа, Совик, 25 Раум, Ессавана, Маасия 26 и Аиа, Енан, Инам, 27 Малух, Ирам, Ваана. 28 И прочии от людий, священницы, левити, дверницы, певцы, нафиними и всяк приходяй от людий земских ко закону Божию, жены

их, сынове их, дщери их, всяк ведяй и разумеяй, 29 укрепляхуся над братиесю свою, и заклинаша их, и внидоша в клятву и в роту, еже ходити в законе Божии, иже дан есть рукою Моисея раба Божия, да сотворят и сохранят вся заповеди Господни и судьбы Его и повеления Его, 30 и еже не дати дщерей наших людем земским, и дщерей их не возмем сыновом нашим: 31 людие же земли носящии продаемая и вся купуемая во дни субботы продавати, не купим от них в субботы, ни в день святый: и оставим лето седмое, и даяние всех рук. 32 И поставим над нами заповедь даяти нам третию часть дидрахмы на лето, на дело дому Бога нашего, 33 на хлебы предложения и на жертвы повседневныя, и во всесожжение присное суббот, новомесячий, в праздники и во святая, и яже о гресех, помолитися за Израиля, и на дела дому Бога нашего. 34 И жребий метнухом о ношении древес, священницы и левити и людие, носити в дом Бога нашего, по домом отечеств наших, от времене до времене, от лета до лета возжигати на олтари Господу Богу нашему, яко же писано есть в законе, 35 и приносити первородная земли нашея и первородная плода всякаго древа, от лета до лета, в дом Господень, 36 и первенцы сынов наших и скотов наших, яко же писано есть в законе, и первенцыоловов наших и стад наших приносити в дом Бога нашего, священником служащим в дому Бога нашего: 37 и начатки жит наших и плод всякаго древа, вина и елеа, приносити будем священником в сокровище дому Божия, и десятину земли нашея левитом, и тии левити десятину приемлют во всех градех дел наших. 38 Будет же священник сын Ааронов с левиты в десятинах левитов, и левити имут приносити десятую часть десятины в дом Бога нашего в сокровище дому Божия, 39 яко в сокровища принесут сынове Израилевы и сынове левитстии начатки пшеницы и вина и елеа, и тамо (будут) сосуди святии, и священницы и служителie и дверницы и певцы, и не оставим дому Бога нашего.

11 И вселишася начальницы людий во Иерусалиме, и прочии людие метнуша жребия взяти единаго от десяти, да пребывает во Иерусалиме граде святем, и девять частей во градех. 2 И благословиша людие всех мужей, иже сами произволиша обитати во Иерусалиме: 3 И сии начальницы страны, иже обиташа во Иерусалиме: и во градех Иудиних обиташе кийждо во одержании своем, во градех своих Израилевых, священницы и левити, и нафинии и сынове рабов Соломоновых. 4 И во Иерусалиме обиташа от сынов Иудиних и от сынов

Вениаминых. От сынов Иудиних Афая сын Озин, сын Захариин, сын Самарин, сын Сафатиев, сын Масеиль и от сынов Фаресовых, 5 и Маасия, сын Варухов, сын Халазов, сын Озиев, сын Адаиев, сын Иоаривль, сын Захарииев, сын Силониев: 6 все сынове Фаресовы, иже обиташа во Иерусалиме, четыреста шестьдесят осьмь мужие крепцы. 7 Сии же сынове Вениамины: Силон сын Месулаев, сын Иоадов, сын Фадаиев, сын Колиев, сын Маасиев, сын Ефииль, сын Иессиев, 8 и по нем Гевеил, Силиев, девять сот двадесять осьмь. 9 И Иоиль сын Зехрин настоятель над ними, и Иуда сын Асанаев, от града, второй. 10 От священников: и Иадиа сын Иоаривль, Иахинъ, 11 Сареа сын Елхиев, сын Месуламов, сын Саддуков, сын Мариофов, сын Етофов, начальник дому Божия, 12 и братия их делающе дело церкве осьмь сот двадесять два: и Адаиа сын Иероамль, сына Фалалиина, сына Намасова, сына Захариина, сына Фасефурова, сына Мелхиина, 13 и братия его начальницы отечества двести четыредесять два: и Амесай сын Езрииль, сына Сакхиева, сына Масаримофова, сына Еммирова, 14 и братия его сильнии во бранех сто двадесять осьмь: и настоятель их Сохриил, сын Великих. 15 И от левит: Самаиа сын Асуга, сына Езрикама, сына Асавии, сына Вонни, 16 и Саввафей, и Иосавад над делами дому Божия внешняго и от начальников левитских, 17 и Матфания, сын Михаев, сын Зехриев, сына Асафова, начальник хваления, и Иуда молитвы, и Вокхия второй от братий своих, и Авдия сын Самеа сына Галелова, сына Идифунова: 18 всех левитов во граде святым двести осьмьдесят четыре. 19 И дверницы: Акув, Теламин и братия их, стрегущии врат, сто седьмьдесят два. 20 Прочии же от Израиля иерее же и левити во всех градех Иудеи кийждо в наследии своем. 21 И нафине, иже обиташа во Офле, Сиай и Гесф от нафинеев. 22 И начальник левитов во Иерусалиме Озий сын Ваниин сына Савиева, сына Матфанияева, сына Михаева, от сынов Асафовых поющих над делом дому Божия, 23 яко заповедь царева (бе) им: и пребываше верно над певцами оброк коегождо дне в день свой. 24 И Фафеа, сын Массизавилов от сынов Зариних, сына Иудина, при руце цареве всякия потребы ради людий. 25 И при дворех, иже на селех их: и от сынов Иудиних обиташа в Кариафарвоце и в селех его, и в Девоне и в селех его, и в Кафсеиле и в селех его, 26 и во Иисусе, и в Моладе, и в Веффалате, 27 и во Асерсоале, и в Вирсавии и в селех ея, 28 и в Секелаге, и Мавне и в селех ея, 29 и в Ремаоне, и в Саре, и во Иеримуфе, 30 и в Заннои, и во Одолламе и в

селех их, и в Лахисе и в селех его, и во Азике и в селех ея: и ополчишася в Вирсавии даже до дебри Еннон. 31 И сынове Вениамины от Гаваи и Магмаса и Вефиля и от весей его, 32 и во Анафофе, в Нове, во Ании, 33 во Акоре, в Раме, в Гефайме, 34 в Адоде, в Севоиме, в Навалате, 35 в Лидде и во Оногиарасим. 36 И от левитов части Иудины и Вениамины.

12 И сии суть священницы и левити, возшедши с Зоровавелем сыном Салафилем и Иисусом: Сараиа, Иеремия, Ездра, 2 Амариа, Малух, Аттуй, 3 Сехения, Реум, Маримоф, 4 Адаиа, Генафон, Авиа, 5 Миамин, Маадиа, Велга, 6 Семииа, Иоарив, Идиа, 7 Салуй, Амук Хелкиа, Одуиа: сии начальницы священников и братия их во дни Иисуса. 8 И левити: Иисус, Вануй, Кадмиил, Саравиа, Иодай и Матфания, при руках той, и братия их в чредныя служения: 9 и Ваквакия и Аней, братия их, прямо их во чреды дневныя. 10 Иисус же роди Иоакима, Иоаким роди Елиасива, Елиасив роди Иодаа, 11 Иодай же роди Ионафана, и Ионафан роди Адуя. 12 Во дни же Иоакима беху братия его священницы и начальницы отечеств: Сараии Амариа, Иеремиии Анания, 13 Ездре Месуллам, Амариа Иоанан, 14 Амалуху Ионафан, Сехении Иосиф, 15 Аресу Еднас, Мариофу Елкей, 16 Аddaо Захария, Ганафону Месуллам, 17 Авии Зехрий, Миамину Маадай, Фелетию, 18 Валгасу Самуей, Семии Ионафан, 19 Иоариву Матфаний, Едию Озий, 20 Салаио Калаиа, Амеку Авед, 21 Елкии Асавиа, Иедии Нафанаил. 22 Левити во дни Елиасива, Иода и Иоа, и Иоанан и Иуда, написаны начальницы отечеств, и священницы в царство Дария Персского. 23 И сынове Левии начальницы отечеств писаны в книзе словес дний и даже до дний Иоанана сына Елисеува. 24 И начальницы левитом Асавии и Саравии и Иисус, и сынове Кадмиловы и братия их пред ними в песнех хвалити и исповедовати, по заповеди Давида человека Божия, по чредам от дне до дне. 25 Матфания и Ваквакия, Авдия, Месуллам, Телмон, Акув, стрегущии дверницы стражу, всегда собрати ми дверники. 26 Во дни Иоакима сына Иисусова, сына Иоседекова, и во дни Неемии и Ездры священника и книгоочии, 27 и во обновлении стены Иерусалимская, взыскаша левитов в местех их да возведут их во Иерусалим сотворити обновление и веселие во хвалении и песнех, в кимвалех и псалтирях и гуслях. 28 И собрашася сынове поющих и от страны окрестныя во Иерусалим, и от сел Нетофатиевых, 29 и от Дому (Галгал) и от стран (Гева и Азмавет), яко села создаша себе певцы окрест Иерусалима: 30 и очистиша

священницы и левити, и очистиша людий и врата и стену. 31 И возведох начальников Иудиных на стену, и поставих два клироса велика, хвалы ради, и проиодаша от десныя страны на стену ко вратом Гнойным. 32 И идоша за ними Осаиа и половина начальников Иудиных, 33 и Азария и Ездра и Месуллам, 34 Иуда и Вениамин, и Самаиа и Иеремия: 35 и от сынов священничих с трубами Захария сын Ионафанов, сын Самаии, сын Мафанин, сын Михаин, сын Закхуров, сын Асафов, 36 и братия его Самаиа и Озиил, Гелол, Маиа, Нафанаил и Иуда и Ананий, еже хвалити в песнех Давида человека Божия: 37 и Ездра книгочий пред ними при вратах Источника, хвалити прямо их. И взыдоша на лествицы града Давидова, на восход стены выше дому Давидова и даже до врат Водных к востоку. 38 И клирос второй хвалу воздающих идяше сопротив их, и аз по нем, и половина людий по стене, верху столпа Фануримля и даже до стены пространнейшия, 39 и на врата Ефраима, и на врата старая, и на врата Рыбная, и на столп АNAMEЛЬ, и на столп Емаф, и даже до врат Овчих. 40 И сташа на вратах Стражи, сташа же два клироса хваляща в дому Божии, и аз и половина воевод со мною, 41 и священницы Елиаким, Маасиа, Миамин, Михеа, Елиона, Захария, Анания с трубами, 42 и Маасиа и Семеиа, и Елеазар и Озия, и Иоанан и Мелхиа, и Елеамий и Иезур. И слышани быша певцы и Иезриа, и соглядани, и восхвалиша. 43 И пожроша в день той жертвы великия и возвеселишася, яко Бог возвесели их вельми: и жены их и чада их радовахся, и слышано бысть веселье то во Иерусалиме издалеча. 44 И поставиша в день той мужей над сокровищными хранилищи, на начатки и десятину, и да собирают сими начальниками от градов части священником и левитом, яко веселье бе во Иудеи, во священницах и в левитех предстоящих, 45 и стрежаху стражу Бога своего, и хранение очищения, и певцов и дверников, по повелению Давида и Соломона сына его. 46 Яко во дни Давидовы Асаф от начала первый в певцах и в песнех и хвалении Богу, 47 и весь Израиль во дни Зоровавеля и во дни Неемии даюх оброк певцем и дверником от дне до дне и освящаю левитом, левити же освящаю сыновом Аароним.

13 В день той члено бысть в книзе Моисеове во слышание людем, и обретеся написано в ней: да не имут винти Амманитяне и Моавитяне в церковь Божию даже до века, 2 понеже не сретоша сынов Израилевых со хлебом и водою и наяша на них Валаама на проклятие

их: и обрати Бог наш проклятство на благословение. 3 И бысть егда слышау закон, и отлучиша всех чуждих от Израиля. 4 И прежде сего Елиасив священник живяше в сокровищем дому Бога нашего, сродник Товииин, 5 и сотвори ему сокровищный дом велик: таможе бяху прежде приносяще жертву и ливан, и сосуды и десятину пшеницы и вина и елеа, уставлена левитом и певцем и дверником, и начатки священническия. 6 Во всех же сих не бых во Иерусалиме, понеже в лето тридесять второе Артаксерса царя Вавилонского придох ко царю: и по скончании дний испросих от царя 7 и придох во Иерусалим, и уразумех зло, еже сотвори Елиасив Товииин, сотворити ему сокровищный дом во дворе дому Божия, 8 и зло явися ми зело: и извергох вся сосуды дому Товииева вон из дому сокровищного, 9 и рекох, и очистиша сокровищный дом: и возвратих онамо сосуды дому Божия, жертву и ливан. 10 И познах, яко части левитския не быша даны, и побегоша кийждо на село свое левити и певцы творяции дело. 11 И пряхся со стратигами и рекох: чесо ради оставлен бысть дом Божий? И собрах их и поставих оных во стояниях своих. 12 И весь Иуда принесоша десятину пшеницы и вина и елеа в сокровища под руку Селемии священника и Садока писца и фадаии от левит, 13 и при них Анан сын Закхуров, сын Матфаниев, яко верни искушени суть над ними разделяти братиям своим. 14 Помяни мя, Боже, того ради, и да не погибнет милость моя, юже сотворих в дому Господа Бога моего и в чинех его. 15 Во днех тех видех во Иуде топчуших точило в субботу, и носящих снопы, и возлагающих на ослы и вино, и гроздие, и смоквы, и всякое бремя, и носящих во Иерусалим во дни субботныя: и засвидетелствовах им в день продаяния их. 16 И Тиряне обиташа в нем приносяще рыбы, и вся продаляема продающе в субботы сыновом Иудиным и во Иерусалиме. 17 И обличих сынов Иудиных свободных и рекох им: что сия вещь злая, юже вы творите, и скверните день субботный? 18 Не сияли сотвориша отцы ваши, и наведе на них Бог наш и на нас вся злая сия, и на град сей, и вы прилагаете гнев на Израиля, скверняще субботу? 19 Бысть же егда поставиша врата во Иерусалиме прежде субботы, и рекох, и запроша двери и повелех, да не отверзают их даже по субботе: и от отрок моих поставих над враты, да ни един вносит бремя в день субботный. 20 И сташа вси и творяху куплю вне Иерусалима единози и дващи. 21 И засвидетелствовах о них и рекох им: что вы пребываете пред стеною? Аще вторицею сие

створите, простру руку мою на вас. И от времене того не придоша в субботу. 22 И рекох левитом, иже бяху очищени, дабы приходили хранити врат и святити день субботный. И сих ради помяни мя, Боже, и прости ми по множеству милости Твоей. 23 И во днех онех видех Иудеев поемших жены Азотских, Амманитяны, Моавитския, 24 и сынове их от полу глаголаху азотским языком и не умеяху глаголати иудейски: 25 и запретих им, и проклях их, и поразих от них мужей, и оплещих их, и заклях их Богом, аще дадите дщери ваша сыновом их и аще поймете от дщерей их сыновом вашим и себе: 26 не тако ли согреши Соломон царь Израилев? И во языцах мнозех не бысть царь подобен ему, и возлюблен Богу бе, и постави его Бог царем над всем Израилем, и того прельстиша жены чуждия: 27 и мы послушаем ли вас творити всяко зло сие, согрешити Богу нашему, еже пояти жены иноплеменничи? 28 И от сынов Иоада сына Ельтува священника великаго, зятя Санаваллатова Уранитина, и изгнах его от мене. 29 Помяни им, Боже, за осквернение священства и завета священническа и левитска. 30 И очистих их от всякия чуждия нечистоты, и поставил их чреды священником и левитом, комуждо по делу его, 31 и даяние древес во временех установленых и первородных. Помяни мя, Боже наш, во благое.

Книга Есфири

1 И быть по словесех сих во днех Артаксеркса: сей

Артаксеркс от Индии обладаше сто двадесять седмию странами (даже до Ефиопии): 2 во дни же тыя, егда седе на престоле царь Артаксеркс в Сусех граде, 3 в третие лето царства своего, сотвори пир другом и прочым языком, и Персским и Мидским славным, и начальным сатрапом, 4 и по сих, егда показа им богатство царства своего и славу веселия своего, во сто осьмидесят дний. 5 И егда исполнишася дни пира, сотвори царь пиршество языком обретшымся во граде (Сусех) на дний шесть во дворе дому царева, 6 украшеннем виссонными и зеленими завесами, простертными на ужах виссонных и червленичных, на колцах златых и сребряных, на столпех мраморных и каменных: 7 ложа злата и сребряна, на помосте камене смарагдова, и пиннинска и паринска мрамора, и плащаницы пестротами различными разцвечены, окрест шипцы разсейни: 8 сосуди злати и сребряни, и чаша анфракса (камене) предложенная, ценою талант тридесять тысяч: вино много и сладко, еже сам царь пияше: питие же сие не по установленному закону бысть, тако бо восхоте царь и заповеда икономом сотворити волю свою и мужей. 9 И Астинь царица сотвори пир женам в дому цареве, идеже царь Артаксеркс. 10 В день же седьмый развеселився царь, рече Аману и Вазану, и Фарре и Варазу, и Зафолфанду и Аватазу и Фараву, седмим евнухом, иже служаю пред царем Артаксеркском, 11 привести (Астинь) царицу пред него, еже воцарити ю и возложити на ню венец царский и показати ю всем начальствующым и языком красоту ея, зане прекрасна бе. 12 И не послуша его Астинь царица принити со евнухи. 13 И опечалился царь, и разгневася, и рече ближним своим: сице рече Астинь: сотворите убо о сем закон и суд. 14 И приступиша к нему Аркесей и Сарсофей и Малисеар, начальницы Персстии и Мидстии, иже близ царя, первии седящии при цари, 15 и возвестиша ему по законом, како подобает сотворити царице Астини, яко не сотвори повеленных от царя чрез евнухи. 16 И рече Мухей ко царю и к боляром: не царя единаго обиде Астинь царица, но и вся князи и начальники царевы, 17 ибо поведа им словеса царицы, и како противорече царю: 18 яко же убо противно рече царю Артаксерксу, сице и днесъ госпожи жены прочия князей Персских и Мидских, услышавши царю реченная от нея, дерзнут такожде безчествовати мужеи своих: 19 аще убо угодно царю, да повелит царским повелением, и

да напишется по законом Мидским и Персским, и иначе да не будет, ниже да внидет к тому царица к нему, и царство ея да предаст царь жене лучшей ея: 20 и да будет услышан закон, иже от царя, егоже сотворит во царствии своем, и сице вся жены возложат честь на мужы своя от богата даже до убога. 21 И угодно бысть слово пред царем и начальники, и сотвори царь, якоже рече ему Мухей, 22 и посла царь книги во все царство по странам по языку их, да будет страх им в жилищах их.

2 И по словесех сих утолиша царь от гнева, и не

вспомяну к тому Астини, воспоминая, елика глагола и како осуди ея. 2 И реша слуги царевы: да изыщутся царю девици нерастленны, красны зраком, и да поставит царь взыскатели во всех странах царствия своего, 3 и да изберут отроковиц девственных доброзрачных в Сусы град, в чертог женский, и да отпадутся евнухови цареву стражу жен, и да дадутся масти и прочия потребы: 4 и жена, юже возлюбит царь, да будет царицею вместо Астини. И угодно бе царю слово, и сотвори тако. 5 И муж бе Иудеанин во граде Сусех, и имя ему Мардохей сын Иаиров, сына Семеина, сына Кисеова, от племене Вениамина, 6 иже бяше пленен от Иерусалима Навуходоносором царем Вавилонским: 7 и бяше ему отроковица воспитана, дщерь Аминадава брата отцу его, и имя ей Есфири. По преставлении же родителей ея, прия ю Мардохей во дщере место: и бяше девица красна и доброзрачна. 8 И егда услышано бысть повеление царево, собраны быша девици многи во град Сусы, под руку Гаиеву, и приведена бысть Есфири ко Гаию хранителю жен: 9 и угодна бысть ему отроковица и окрете благодать пред ним: и потщася дати ей масти и участие, и седмь девиц пристави к ней из дому царева, и снабдеваше ю и рабынъ ея добре в дому женствем. 10 И не поведа Есфири рода своего, ниже отечества, Мардохей бо заповеда ей не возвещати. 11 На всяк же день хождаше Мардохей по двору женскому, назирай, что Есфири случится. 12 Сие же бе время девиц входити ко царю, егда исполняются дванадесять месяцев: тако бо наполняхся дни украшения, шесть месяц во ароматах и в мастех женских, и шесть месяц намазующаяся смирновым елеем, 13 и тогда вхождаху ко цареви: и ему же речет привести ю, входит с ним купно из дому женского даже до дому царева: 14 на вечер вхождаше и заутра возвращающеся в дом женский второй, идеже Гай евнух царев хранитель жен, и не вхождаше паки ко царю, аще не будет позвана именем. 15 Егда же исполнися время Есфири дщери Аминадава, брата

отца Мардохеова, (иже поял ю себе в дщере место,) внути ко цареви, ничтоже преступи от сих, яже заповеда ей евнух хранитель жен: бе бо Есфирь обретающая благодать пред всеми зрящими ю. 16 И вниде Есфирь ко царю Артаксерксу во вторыйнадесять месяц, иже есть Адар, в лето седьмое царства его. 17 И возлюби царь Есфирь, и обрете благодать паче всех девиц, и возложи венец женский на главу ея. 18 И сотвори царь пир всем другом своим и силам седьмь дний, и вознесе брак Есфири, и сотвори отраду сущым во царствии его. 19 Мардохей же служаше во дворе (цареве). 20 Есфирь же не повела рода своего, (ни людий своих): сице бо заповеда ей Мардохей боятися Бога и творити заповеди Его, якоже бе с ним, Есфирь же не измени обычая своего. 21 И опечалистася два евнуха царева начальнейшии стражы тела его, яко предпочтен бысть Мардохей, и искаста убити Артаксерса царя. 22 И возвестися слово Мардохею, и сказа Есфири: она же повела царю, яже наветуют. 23 Царь же испыта дву евнуху, (и исповедаста,) и обеси их. И повеле царь вписати на память в царстей книгохранителнице о благодеянии Мардохеове в похвалу.

3 И по сих прослави царь Артаксеркс Амана сына Амадафуина Вугеанина и вознесе его, и председяше вышше всех других его: 2 и вси, иже во дворе (цареве), покланяхуся Аману: сице бо повеле царь творити. Мардохей же не кланяшеся ему. 3 И глаголаша сущии во дворе цареве Мардохею: мардохее, чесо ради не слушаши глаголемых от царя? 4 По вся же дни глаголаху ему, и не послушаше их. И возвестиша Аману, яко Мардохей сопротивляется повелению цареву, и поведа им Мардохей, яко Иудеанин есть. 5 И уведав Аман, яко не кланяется ему Мардохеи, разгневавася зело 6 и умысли погубити вся Иудеи, иже в царстве Артаксерксове: 7 и сотвори совет в лето второенадесять царства Артаксерксова, и меташе жребия день от дне и месяц от месяца, яко погубити во един день род Мардохеев: и паде жребий на четвертыйнадесять день месяца, иже есть Адар. 8 И рече (Аман) ко царю Артаксерксу, глаголя: есть язык разсейанный во языщех во всем царстве твоем: законы же их странни паче всех язык, и законов царских не слушают, и не пользует царю оставити их: 9 и аще где есть цареви, да повелит погубити я: аз же запишу в сокровище царево десять тысяч талант сребра. 10 И снем царь перстень (с руки своея), даде в руце Аману, да запечатает писания написанная на Иудей. 11 И рече царь Аману: сребро убо имей ты себе, людем жетвори,

якоже хощеши. 12 И призвани быша писцы царевы в третийнадесять день месяца первого, и написаша, якоже повеле Аман, к воеводам и начальником по всем странам, от Индийския области даже и до Ефиопии, сто двадесяти седми странам, начальствующим над языками по их языку, именем Артаксерса царя. 13 И послана с писмоносцы писания в царство Артаксерксово, да побиют род Жидовский в день един месяца вторагонадесять, иже есть Адар, и да расхитят имenia их. 14 Списания же епистолии посылахуся по странам, и повелено бысть всем языком готовым быти в нареченный день. 15 Приспе же дело и в Сусы: и царь убо и Аман пирующая наслаждастася, град же (Сусы) мятяшеся.

4 Мардохей же разумев замышляемое, раздра ризы своя и облечеся во вретище и посыпаясь пепелом: и скочив в пространную улицу града, возопи воплем великим и горьким: взимается род ничтоже преступивый. 2 И прииде даже до врат царевых и ста: не леть бо бе ему внути во двор во вретище облечену и пепелом осыпану сущу. 3 И во всяцей стране, идеже показовашася писания (царева), вопль бе и плачь и рыданье превелие Иудеом, вретище и пепел постилаху себе. 4 И внидоша рабыни и евнуси царицыны и возвестиша ей. И смятеся услышавши бывшее: и послана ризы облещи Мардохеа и сняти вретище его. И не послуша. 5 Есфирь же призыва Ахрафеа скопца своего, предстоящаго ей, 6 и послана его уведати от Мардохеа истину. 7 Мардохей же сказа ему бывшее, и обещание, еже обеша Аман царю в сокровищный дом (положити) десять тысяч талант сребра, да погубит Иудей: 8 и списание (повеления) изданного в Сусех (граде) на погубление их даде ему, да покажет Есфири: и рече ему, заповедати ей ити молити царя и просити его о людех, поминающи дни смирения твоего, како воспитана еси в руце моей, зане Аман второй по цари глагола противу нам на смерть: призови Господа и глаголи царю о нас, да избавит нас от смерти. 9 Вшед же Ахрафей, поведа Есфири вся глаголы сия. 10 И рече Есфирь ко Ахрафею: иди к Мардохею и рцы: 11 понеже вси языцы царствия ведят, яко всяк муж или жена, иже аще внидет ко царвеи во внутренний дом не призван, несть ему спасения, точию к немуже аще простишет царь златый жезл, сей спасен будет: аз же несмы звана внути ко царю се уже тридесять дний. 12 И возвести Ахрафей Мардохею вся глаголы Есфирины. 13 И рече Мардохей ко Ахрафею: иди и рцы ей: Есфири, да не речеши в себе, яко ты единна спасешися во царствии

паче всех Иудей: 14 зане аще преслушаеши в сие время, отинуду помошь и покров будет Иудеом, ты же и дом отца твоего погибнете: и кто весть, аще на сие время воцарилася еси? 15 И посла Есфири пришедшаго к ней ко Мардохею, глаголющи: 16 шед собери Иудеи иже в Сусех, и поститесь о мне, и не ядите ниже пийте три дни день и нощъ: аз же и служебницы моя (такожде) не имамы ясти: и тогда вниду ко царю кроме закона, аще и погибнути ми приключится. 17 И шед Мардохей сотвори, елика заповеда ему Есфири.

5 И бысть по триех днех... и сия червленеющися добротою красоты своея... И прошедши вся двери, ста пред царем. Он же седяше на престоле царства своего, оболчен во все одеяние славы своея. 2 И взем златый жезл (царь) возложи на вью ея и облобыза ю и рече: глаголи ми. И рече ему: видех тя, господине, яко Ангела Божия, и смятесь сердце мое от страха славы твоего, яко дивен еси, господине, и лицо твое благодатей исполнено. Беседующи же она к нему, паде от ослабления. Царь же смятесь, и вси раби его утешаху ея. 3 И рече ей царь: что хощеши, Есфири? И что прошение твое? Будет ти даже и до полуцарства моего. 4 И рече Есфири: день моего празднования днес есть: аще убо угодно есть цареви, да приидет царь и Аман на пир, егоже сотворю днес. 5 И рече царь: ускорите ити по Амана, да сотворим слово Есфирино. И приидоста оба на пир, егоже сотвори Есфири. 6 На пиру же рече царь ко Есфири: что есть, Есфири царице? (и кая есть мысль прошения твоего? Дам ти и до полуцарства моего,) и будет елико просиши. 7 И рече Есфири: прошение мое и моление: 8 аще обретох благодать пред царем, да приидет царь и Аман еще заутра на пир, егоже сотворю има, и заутра сотворю сие прошение. 9 И изыде Аман от царя зело радостен и весел: видев же Мардохея Иудеанина во дворе (цареве не подвигнувшася и не кланяющята пред ним), возвярши зело: 10 и вшед в дом свой, призыва други своя и Зосару жену свою 11 и показа им богатство свое и славу, еюже возвеличи его царь, и яко сотвори его первого быти и правити царствие. 12 И рече Аман: не зва царица ни единаго на пир со царем, но точию мене, и наутрие зваше мя: 13 но сия не суть ми угодна, егда вижду Мардохея Иудеанина во дворе (цареве). 14 И рече ему Зосара жена его и друзья: приготови древо лакот пятьдесят, и заутра речеши цареви, и да повешен будет Мардохей на древе: ты же вниди со царем на пир и веселися. И угоден бысть Аману глагол сей, и уготова древо.

6 Господъ же отя сон от царя в нощи оней. И повеле рабу своему принести книги памятныя дний прочитати ему: 2 и обрете писания написанная о Мардохеи, како поведа царю о двою евнуху царскую, внегда стреши има, и умыслиста убити (царя) Артаксеркса. 3 И рече царь: кую славу или благодать сотворихом Мардохею? И рекоша отроцы царевы: ничтоже сотворил еси ему? 4 Вопрошающу же царю о благодеянии Мардохеове, се, Аман прииде во двор, и рече царь: кто есть во дворе? Аман же прииде рещи цареви, да повесит Мардохея на древе, еже уготова. 5 И рекоша отроцы царевы: се, Аман стоит во дворе. И рече царь: призовите его. 6 И рече царь Аману: что сотворю мужу, егоже аз хощу прославити? Рече же в себе Аман: кого хощет царь прославити, разве мене? 7 Рече же царю: мужа, егоже хощет царь прославити, 8 да принесут отроцы царевы одежду виссонную, еюже царь облачается, и коня, на немже царь ездит, 9 и да дастся единому от других царевых славных, и да облечет мужа, егоже царь любит, и да посадит его на коня и проповесть на улицах града, глаголя: тако будет всякому человеку, егоже царь прославит. 10 И рече царь Аману: доброе рекл еси: тако сотвори Мардохею Иудеанину, угодно служащему во дворе (нашем), и да не изменится слово твое от сих, яже рекл еси. 11 И взя Аман одежду и коня, и облече Мардохея, и возведе его на коня, и пройде по улицам града, и проповедаше (пред ним), глаголя: сице будет всякому человеку, егоже хощет цар прославити. 12 И возвратися Мардохеи во двор (царев): Аман же иде в дом свой скорбя преклонив главу. 13 И сказа Аман случившаяся ему Зосаре жене своей и другом своим. И реше ему друзья его и жена: аще от племене Иудейскаго Мардохей, начал еси смирятися пред ним, падая падеши, и не возможеши ему отмстити, яко Бог живый есть с ним. 14 И еще глаголющим им, придоша евнуси, спешно зовуще Амана на пир, егоже уготова Есфири.

7 Внide же царь и Аман пировати со царицею. 2 И рече царь Есфири во второй день на пиру: что есть, Есфири царице? И что прошение твое? И что моление твое? И будет тебе до полуцарствия моего. 3 И отвещавши (Есфири царица) рече: аще обретох благодать пред очима твоими, царю, да дастся душа моя прошению моему и людие мои молению моему: 4 продани бо есмы, аз же и людие мои, на погибель и расхищение и в работу, мы же и чада наша в рабы и рабыни, и небрегох: несть бо достоин клеветник двора

царева. 5 И рече царь: кто есть сей, иже дерзну сотворити веъщ сию? 6 И рече Есфири: человек враг, Аман лукавый сей. Аман же смятется от царя и царицы. 7 Царь же воста со гневом от пира (и иде) в вертоград: Аман же моляше царицу, видяше бо себе в бедах суща. 8 Возвратися же царь из вертограда, и Аман припаде к ложу, на немже бе Есфири, моля царицу. И рече царь: егда и жену насилиут в дому моем? Аман же слышав изменися лицем. 9 Рече же Вугафан един от скопцев, сей же ведяше о том древе, видев е в дому Аманове, егда призываще его на обед царский, и о сем испытав единаго от отрок, уразумев замышляемое, и рече ко царю: се, и древо уготова Аман Мардохею глаголавшему благая о цари, и стоит в дому Аманове возвышено на лакот пятьдесят. И рече царь: да повесится (Аман) на нем. 10 И повешен бысть Аман на древе, еже уготова Мардохею. И тогда царь утолися от ярости.

8 И в той день царь Артаксеркс дарова Есфири, елика бяху Амана клеветника (Иудейска): и Мардохеи призван бысть от царя, поведа бо Есфири, яко сродник есть ей. 2 И сня царь перстень свой, егоже отя у Амана, и даде Мардохееви. И постави Есфири Мардохея над всем именем Амановым, 3 и приложи глаголати ко царю, и припаде пред ногама его (и восплака), и моляше его отвратити злобу Аманову и мысль его, юже помысли на Иудеи. 4 И простре царь Есфири жезл злат: воста же Есфири и ста пред царем. 5 И рече Есфири: аще угодно ти есть, и обретох благодать пред тобою, посли возвратити писания посланная от Амана, писаная на погубление Иудеов, иже обитают во (всем) царствии твоем: 6 како бо возможу видети озлобление людей моих и како возможу спастися в погибели отечества моего? 7 И рече царь Есфири: аще вся имения Аманова дах и даровах тебе, и того повесих на древе, яко руце вознесе на Иудеи, что еще просиши? 8 Напишите и вы именем моим, якоже угодно есть вам, и запечатайте перстнем моим: елика бо писана бывают царевым повелением и запечатаются перстнем моим, не возможно им противоречи. 9 И призвани быша писцы (царевы) в первый месяц, иже есть Нисан, в двадесять третий день тогожде месяца, и написаша о Иудеех, елика заповеда Мардохей, ко управителем и ко начальником воевод от Индийской страны даже до Ефиопии, сто двадесять седми воеводам, во всякую страну по своему их языку. 10 Написана же быша велением царевым и запечатлешася перстнем его: и послаша писания чрез писмоносцы, 11 яко повеле им

жити по законом их во всячем граде, и да помогают им, и да сотворят соперником их и противником их, якоже хотят, 12 в день един по всему царству Артаксерксову, в третийнадесять день вторагонадесять месяца, иже есть Адар. 13 И списания сия да предложатся очевидно во всем царстве, еже готовым быти всем Иудеом на сей день ратовати своих противных. 14 Конницы убо изыдоша спешно повеленная от царя совершити. Предлагашеся же повеление и в Сусех. 15 И Мардохей изыде облечен в царскую одежду и венец имущъ златый, диадиму виссонную, червленную. Видевше же сущии в Сусех возрадовашася, 16 яко Иудеом бысть свет и веселie: 17 во (всياцем) граде и стране, идеже аще предлагашеся повеление радость и веселie бе Иудеом, пирование и утешение. И мнози от язык обрезовахуся и закон Иудейский примаху, страха ради Иудейского.

9 Во вторыйнадесять месяц, иже есть Адар, в третийнадесять день месяца придоша писания от царя. 2 В той же день погибоша супостаты Иудеев: ни един бо сопротивися им бояся их. 3 Началствующи бо странам и властительне и царстии книгочия почитаху Иудей: 4 страх бо Мардохеев належаше на них. 5 Приложися бо повеление царево именоватися ему по всему царствию. 6 И в Сусех граде избиша Иудеи пять сот мужей: 7 Фарсана, нестанна и Делфона, и Фасгана 8 и Фардафана, и Вареа и Сарвакана, 9 и Мармасима и Руфеа, и Арсеа и Завуфефама, 10 десять сынов Амана Амадафуева Вугеанина врага Иудеом, иже от Фармафеа, и разграбиша в той день (имения их): 11 и сказаша число избиенных царю в Сусех граде. 12 И рече царь ко Есфири: избиша Иудеи в Сусе граде пять сот мужей, по окрестным же странам колико, мниши, погубиша? И чесого еще просиши, и будет ти? 13 И рече Есфири ко царю: да дастся такожде Иудеом творити заутра, яко да повесят десять сынов Амановых. 14 И повеле царь тако быти, и попусти Иудеом вне града повесити телеса сынов Амановых. 15 И собрашася Иудеи, иже в Сусех, в четвертыйнадесять деень Адара, и избиша мужей триста, и ничтоже разграбиша. 16 Прочии же Иудеи, иже во царствии, собрашася и себе помогаху и почиша от браней: избиша бо от них пятьнадесять тысящ в третийнадесять Адара, и ничтоже расхитиша. 17 И почиша в четвертыйнадесять день тогожде месяца и провождаху той день упокоения с радостию и веселием. 18 Иудеи же в Сусех граде собрашася и в четвертыйнадесять почиша: проводиша же и пятьнадесять с радостию и веселием.

19 Сего ради Иудеи разсейнни во всяцей стране внешней провождают четвертыйнадесять день Адара благ с веселием, посылающе части кийждо ближнему: живущий же в митрополиях и в пятыйнадесять день Адара веселия благий провождают, посылающе части ближним. 20 Написа же Мардохей словеса сия в книгу и послы Иудеом, елицы беша в царствии Артаксерксове, близ и далече сущым, 21 уставити дни сия благи, еже провождати четвертыйнадесять и пятыйнадесять день Адара: 22 в сих бо днех почиша Иудеи от враг своих: и месяц Адар, иже обратися им от плача в радость и от болезни во благий день, провождати весь во благих днех радости и веселия, посылающе части ко другом и нищым. 23 И прияша Иудеи, якоже написа им Мардохей: 24 како Аман Амадафуев Македонянин ратоваше Иудеев, и како изнese суд и жребий, еже погубити их, 25 и яко вниде ко царю, глаголя, да повесит Мардохеа: елика нача наводити на Иудеи злая, на него быша, и повешен бысть сам и чада его. 26 Сего ради нарекоша дни сии Фурим ради жребий, зане диалектом их жребии нарицаются фурим, ради словес епистолии сея, и елика пострадаша сих ради, и елика им приключиша. 27 Устави убо, и тако прияша Иудеи на себе и на семя свое и на ириложившихся к ним, ниже иначе да употребляют: дни же сии памяти совершаю по роду и роду, и граду и отечеству и стране. 28 Дни же сии Фурим да провождают во всякое лето, и память да не оскудеет от родов. 29 И написа Есфири царица дщи Аминадавля и Мардохей Иудеанин, елика сотвориша во утверждение епистолии о днех Фурим. 31 И Мардохей и Есфири царица устависта себе сами, и тогда устависта в посте своем совет свой. 32 И Есфири слово постави во веки, и написано бысть в память.

10 Написа же царь по всему царствию своему, еже на земли и на мори, 2 и силу свою, и мужественная исправления, богатство же и славу царствия своего: се, писана суть в книзе царей Персских и Мидских, на память. 3 Мардохей бо второй бе по цари Артаксерксе, и велик бе во царствии и прославлен от Иудей и любимъ, поведаше содеянная всему языку своему.

Книга Иова

1 Человек некий бяше во стране Авситидийстей, емуже имя Иов, и бе человек он истинен, непорочен, праведен богочестив, удаляся от всякия лукавыя вещи. **2** Быша же ему сынове седмь и дщери три. **3** И бяху скоти его, овец седмь тысяц, велблудов три тысячи, супруголов пять сот, и ослиц пасомых пять сот, и слуг много зело, и дела велия бяху ему на земли: и бе человек оный благороднейший сущих от Восток солнца. **4** Сходящеся же сынове его друг ко другу, творяху пир на кийждо день, споемлюще вкупе и три сестры своя, ясти и пити с ними. **5** И егда скончавашеся дни пира, посылаше Иов и очищаše их, востая заутра, и приношаše о них жертвы по числу их, и телца единаго о гресе о душах их. Глаголаше бо Иов: негли когда сынове мои согрешиша и в мысли своей злая помыслиша противу Бога? Тако убо творяше Иов вся дни. **6** И бысть яко день сей, и се, приидоша Ангели Божии предстати пред Господем, и диавол прииде с ними. **7** И рече Господъ диаволу: откуду пришел еси? И отвещав диавол Господеви, рече: общед землю и прошел поднебесную, се, есмъ. **8** И рече ему Господъ: внял ли еси мыслию твою на раба Моего Иова? Зане несть яко он на земли: человек непорочен, истинен, богочестив, удаляся от всякия лукавыя вещи. **9** Отвеща же диавол и рече пред Господем: **10** еда туне Иов читит Господа? Не Ты ли оградил еси внешняя его и внутренняя дому его, и яже вне всех сущих его окрест? Дела же руку его благословил еси и скоты его многи сотворил еси на земли: **11** но посли руку Твою и коснися всех, яже имать, аще не в лице Тя благословит, **12** тогда рече Господъ диаволу: се, вся, елика суть ему, даю в руку твою, но самого да не коснешися. И изыде диавол от Господа. **13** И бысть яко день сей, сынове иовлевы и дщери его пияху вино в дому брата своего старейшаго. **14** И се, вестник прииде ко Иову и рече ему: супрузыолов оряху, и ослицы пасяхуся близ их: **15** и пришедше пленитие плениша их и отроки избиша мечем, и спасохся же аз един и приидох возвестити тебе. **16** Еще сему глаголющу, прииде ин вестник и рече ко Иову: огнь спаде с небесе и поже овцы и пастиры пойде подобне, спасохся же аз един и приидох возвестити тебе. **17** Еще сему глаголющу, прииде ин вестник и рече ко Иову: конницы сотвориша началства три и окружиша велблуды и плениша их и отроки избиша мечми, спасохся же аз един и приидох возвестити тебе. **18** Еще сему глаголющу, ин вестник прииде, глаголя Иову: сыном твоим и дщерем твоим

ядущым и пиющым у брата своего старейшаго, **19** внезапу ветр велик найде от пустыни и коснуся четырем углом храмины, и паде храмина на дети твоя, и скончашася: спасохся же аз един и приидох возвестити тебе. **20** Тако (услышав) Иов, востав растерза ризы своя и остриже власы главы своея, (и посыпа перстии главу свою,) и пад на землю, поклоняся (Господеви) **21** и рече: сам наг изыдо от чрева матере моей, наг и отиду тамо: Господь даде, Господь отят: яко Господеви изволися, тако бысть: буди имя Господне благословено (во веки). **22** Во всех сих приключившихся ему ничтоже согреши Иов пред Господем, (ниже устнама своима,) и не даде безумия Богу.

2 Бысть же яко день сей, и приидоша Ангели Божии предстати пред Господем, и диавол прииде посреде их предстати пред Господем. **2** И рече Господъ диаволу: откуду ты грядеш? Тогда рече диавол пред Господем: прошел поднебесную и общед всю землю, приидох. **3** И рече Господъ ко диаволу: внял ли еси убо (мыслию твою) рабу Моему Иову? Яко несть такова от сущих на земли: человек незлобив, истинен, непорочен, богочестив, удаляся от всякаго зла, еще же придержится незлобия: ты же рекл еси имения его погубити вотще. **4** Отвещав же диавол Господеви, рече: кожу за кожу, и вся, елика имать человек, даст за душу свою: **5** обаче посли руку Твою и коснися костем его и плоти его, аще не в лице Тя благословит. **6** Рече же Господъ диаволу: се, предаю ти его, токмо душу его соблюди. **7** Изыде же диавол от лица Господня и порази Иова гноем лютым от ногу даже до главы. **8** И взя (Иов) чреп, да острогает гной свой, и той седяше на гноищи вне града. **9** но рцы глагол некий ко Господу и умри. **10** Он же воззрев рече к ней: вскую яко едина от безумных жен возглаголала еси? Аще благая прияхом от руки Господни, злых ли не стерпим? Во всех сих приключившихся ему, ничимже согреши Иов устнама пред Богом (и не даде безумия Богу). **11** Услышавше же трие друzie его вся злая нашедшая нань, приидоша кийждо от своея страны к нему: Елифаз Феманский царь, Валдад Савхейский правитель, Софар Минейский царь: и приидоша к нему единодушно утешити и посетити его. **12** Увидевше же его издалеча, не познаша, и возопивше гласом велиим восплакашася, растерзавше кийждо одежду свою и посыпавше перстии главы своя: **13** седеша при нем седмь дний и седмь ношней, и никто же от них возглагола к нему словесе: видяху бо язву люту сущу и велику зело.

3 Посем отверзе Иов уста своя и прокля день свой, 2 глаголя: 3 да погибнет день, в онъже родихся, и нощь оная, в нюже реша: се, мужеск пол: 4 та нощь буди тма, и да не взыщет ея Господь свыше, ниже да приидет на ню свет, 5 и да примет ю тма и сень смертная, да приидет на ню сумрак: проклят буди день той 6 и нощь оная: да постигнет ю тма, да не будет во днех лета, ниже да вчислится во днех месяцей: 7 но нощь оная да будет болезнь, и да не приидет на ню веселье и радость, 8 но да прокленет ю проклиная той день, иже имать одолети великаго кита: 9 да померкнут звезды тоя нощи, да ожидает и на свет да не приидет, и да не видит денница возсиявающия, 10 яко не затвори врат чрева матере моей: отяла бо бы болезнь от очию моему: 11 почто бо во утробе не умрох? Из чрева же изshed, и аbie не погибох? 12 Почто же мя прияша на колена? Почто же ссах сосца? 13 Ныне убо уснув умолчал бых, уснув же почил бых 14 со царьми и советники земли, иже хвалихся оружии, 15 или со князи, имже много злата, иже наполниша домы своя сребра, 16 или якоже изверг излазий из ложесн матерних, или якоже младенцы, иже не видеша света: 17 тамо нечестивии утолиша ярость гнева, тамо почиша претруженни телом, 18 вкупе же в веце сем бывши не слышат гласа собирающаго дань: 19 мал и велик тамо есть, и раб не бояйся господина своего: 20 почто бо дан есть сущым в горести свет и сущым в болезн душам живот, 21 иже желают смерти и не получают, ищуще якоже сокровища, 22 обрадовани же бывают, аще улучат (смерть)? 23 Смерть бо мужу покой, егоже путь сокровен есть, затвори бо Бог окрест его: 24 прежде бо брашен моих воздыханье ми приходит, слезю же аз одержим страхом, 25 страх бо, егоже ужасахся, прииде ми, и егоже бояхся, срете мя: 26 ни умирихся, ниже умолчах, ниже почих, и найде мя гнев.

4 Отвеша же Елифаз Феманитин, глаголя: 2 еда множицю глаголано ти бысть в труде? Тяжести же глагол твоих кто стерпит? 3 Аще бо ты научил еси многи и руце немощных утешил еси, 4 немощная же воздвигл еси словесы, коленом же немощным силу обложил еси. 5 Ныне же прииде на тя болезнь и коснуся тебе, ты же возмутился еси. 6 Еда страх твой есть не в безумии, и надежда твоя и злоба пути твоего? 7 Помяни убо, кто чист сый погибе? Или когда истинни вси из корене погибоша? 8 Якоже видех орющих неподобная, сеющии же я болезни пожнут себе, 9 от повеления Господня погибнут, от духа же гнева Его изчезнут. 10 Сила львова,

глас же львицы, веселье же змиев угасе: 11 мраволев погибе, занеже не имеяше брашна, скимни же львовы оставиша друг другу. 12 Аще же глагол кий истинен бе во словесех твоих, ни коеже бы от сих тя сретило зло. Не примет ли ухо мое предивных от него? 13 Страхом же и гласом нощным, нападающ страх на человека, 14 ужас же мя срете и трепет, и зело кости моя стрясе: 15 и дух на лице ми найде: устрашишася же ми власи и плоти, 16 востах и не разумех, видех, и не бе обличия пред очима моима, но токмо дух тих и глас слышах: 17 что бо? Еда чист будет человек пред Богом? Или в делех своих без порока муж? 18 Аще рабом Своим не верует, и во Ангелех Своих стропотно что усмотре, 19 живущих же в бренных храминах, от нихже и мы сами от тогожде брения есмы, порази, якоже молие, 20 и от утра даже до вечера кому не суть: занеже не могоша себе помощи, погибоша: 21 дхну бо на ня, и изсхоша, и понеже не имеяху премудрости, погибоша.

5 Призови же, аще кто тя услышит, или аще кого от святых Ангел узриши. 2 Безумнаго бо убивает гнев, заблуждшаго же умерщвляет рвение. 3 Аз же видех безумных укореняющихся, но аbie поядено бысть их жилище. 4 Далече да будут сынове их от спасения, и да сотрутся при дверех хуждших, и не будет изимая. 5 Иже бо они собраша, праведницы поядят, сами же от зол не изяти будут: изможденна буди крепость их. 6 Не имать бо от земли изыти труд, ни от гор прозябнути болезнь: 7 но человек раждается на труд, птенцы же суповы высоко парят. 8 Обаче же аз помолюся Богови, Господа же всех Владыку призову, 9 Творящаго велия и неизследимая, славная же и изрядная, имже несть числа: 10 дающаго дождь на землю, посылающаго воду на поднебесную: 11 возносящаго смиренныя на высоту и погибшяя воздвигающаго во спасение: 12 расточающаго советы лукавых, да не сотворят руце их истины. 13 Уловляй премудрых в мудрости их, совет же коварных разори. 14 Во дни обымет их тма, в полудне же да осяжут якоже в нощи, 15 и да погибнут на брани: немощный же да изыдет из руки сильного. 16 Буди же немощному надежда, неправеднаго же уста да заградяется. 17 Блажен же человек, егоже обличи Бог, наказания же Вседержителева не отвращайся: 18 Той бо болети творит и паки возставляет: порази, и руце Его изцелят: 19 шестижды от бед измет тя, в седмем же не коснетися зло: 20 во гладе избавит тя от смерти, на брани же из руки железа изрещит тя: 21 от бича

языка скрыет тя, и не убоишися от зол находящих: 22 неправедным и беззаконным посмешился, от дивиих же зверей не убоишися, 23 зане с камением дивии завет твой: зверие бо дивии примиряется тебе. 24 Потом уразумеши, яко в мире будет дом твой, жилище же храмины твоей не иметь согрешити: 25 уразумеши же, яко много семя твое, и чада твоя будут яко весь злак селный: 26 внидеши же во гроб яко же пшеница созрелая во время пожатая, или яко же стог гумна во время свезенный. 27 Се, сия сице изследиХом: сия суть, яже слышахом: ты же разумей себе, аще что сотворил еси.

6 Отвещав же Иов, рече: 2 аще бы кто веся извесил гнев мой, болезни же моя взял бы на мерило вкупе, 3 то песка морского тяжайши были бы: но, яко же мнится, слова моя зла суть. 4 Стрелы бо Господни в теле моем суть, ихже ярость испивает кровь мою: егда начну глаголати, бодут мя. 5 Что бо? Еда вотще возревет дивий осел, разве брашна прося? Или возревет гласом вол, в яслех имей брашно? 6 Снестся ли хлеб без соли? Или есть вкус во тщих словесех? 7 Не может бо утишитися душа моя: смрад бо зрю брашна моя, яко же воню львову. 8 Аще бо дал бы, да приидет прощение мое, и надежду мою дал бы Господь. 9 Начен Господь да уязвляет мя, до конца же да не убийт мя. 10 Буди же ми град гроб, на егоже стенах скаках в нем: не пощажу: не соглах бо во словесех святых Бога моего. 11 Кая бо крепость моя, яко терплю? Или кое ми время, яко терпит мя душа? 12 Еда крепость камения крепость моя? Или плоти моя суть медяны? 13 Или не уповах на него? Помощь же от мене отступи, 14 отречеся от мене милость, посещение же Господне презре мя. 15 Не воззреща на мя близкии мои: яко же поток оскудеваяй, или яко же волны преиодаша мя: 16 иже мене бояхуся, ныне нападоша на мя: 17 яко же снег или лед смерзлый, егда истает теплоте бывшей, не ктому познавается, что бе: 18 тако и аз оставлен есмь от всех, погибо же и бездомок бых: 19 видите пути Феманский, на стези Савонский смотряции, 20 и студа исполнени будут на грады и на имения надеюшияся. 21 Ныне же и вы найдосте на мя немилостиво: убо видевше мой струп убийтесь. 22 Что бо? Еда что у вас просих, или ваша крепости требую, 23 да спасете мя от врагов, или из руки сильных избавите мя? 24 Научите мя, аз же умолчу: аще что погреших, скажите ми. 25 Но, яко же мнится, зла (суть) мужа истинного словеса, не от вас бо крепости прошу: 26 ниже обличение ваше

словесы мя утолит, ниже бо вещания вашего словес стерплю. 27 Обаче яко на сира нападаете, наскакете же на друга вашего. 28 Ныне же возрев на лица ваша, не солжу. 29 Сядите ныне, и да не будет неправедно, и паки ко праведному снидитеся. 30 Ибо несть в языце моем неправды, и гортань мой не разуму ли поучается?

7 Не искушение ли житие человеку на земли, и яко же наемника повседневна жити^ь его? 2 Или яко же раб боялся господа своего и улучив сень? Или яко же наемник ждый мзды своея? 3 Такожде и аз ждах месяцы тьщи, нощи же болезней даны ми суть. 4 Аще усну, глаголю: когда день? Егда же востану, паки: когда вечер? Исполнен же бывао болезней от вечера до утра. 5 Месится же мое тело в гнои червей, обливаю же груди земли, гной стружа. 6 Житие же мое есть скорые беседы, погибе же во тщай надежди. 7 Помяни убо, яко дух мой живот, и ктому не возвратится око мое видети благая. 8 Не узрит мене око видящаго мя: очи Твои на мне, и ктому несмь, 9 яко же облак очищен от небесе: аще бо человек снидет во ад, ктому не взыдет, (Sheol h7585) 10 ни возвратится во свой дом, ниже имать его познати ктому место его. 11 Убо ниже аз пощажу уст моих, возлаголю в нужди сый, отверзу уста моя горестию души моей сотеснен. 12 Еда море есть, или змий, яко учинил еси на мя хранение? 13 Рекох, яко утешит мя одр мой, произнесу же ко мне на едине слово на ложи моем: 14 устрашаеши мя сониями и видениями ужасаеши мя: 15 свободиши от духа моего душу мою, от смерти же кости моя. 16 Не поживу бо во век, да долготерплю: отступи от мене, тще бо житие мое. 17 Что бо есть человек, яко возвеличил еси его? Или яко внимаша умом к нему? 18 Или посещение твориши ему по всяко утро и в покой судити его имаш? 19 Доколе не оставиши мене, ниже отпускаеш мя, дондеже поглощу слины моя в болезни? 20 Аще аз согреших, что Тебе возможу соделати, сведый ум человечь? Почто мя еси положил прекословна Тебе, и есмь Тебе бременем? 21 Почто неси сотворил беззаконию моему забвения, и очищения греха моего? Ныне же в землю отиду, утренюй же несмь ктому.

8 Отвещав же Валдад Савхейский, рече: доколе глаголати будеши сия? 2 Дух многоглаголив во устех твоих. 3 Еда Господь обидит судяй? Или вся сотворивый возмият правду? 4 Аще сынове твои согрешиша пред Ним, посла руку на беззакония их: 5 ты же утренюй ко Господу Вседержителю моляся: 6 аще чист еси и истинен, молитву твою услышит, устроит же ти паки житие правды:

7 будут убо первая твоя мала, последняя же твоя без числа. 8 Вопроси бо рода первого, изследи же по роду отцев: 9 вчерашни бо есмы и не вемы, сень бо есть наше житие на земли: 10 не сии ли научат тя и возвестят ти и от сердца изнесут словеса? 11 Еда произничет рогоз без воды, или растет ситник без напаения? 12 Еще сущу на корени, и не пожнется ли? Прежде напаения всякое былие не изыхает ли? 13 Тако убо будут последняя всех забывающих Господа: надежда бо нечестиваго погибнет: 14 не населен бо будет дом его, паучина же сбудется селение его. 15 Аще подпрет храмину свою, не станет: емшуся же ему за ню, не пребудет. 16 Влажный бо есть под солнцем, и от тления его леторасль его изыдет: 17 на собрании камения спит, посреде же кремения поживет: 18 аще поглотит место, солжет ему, не видел еси таковая, 19 яко превращение нечестиваго таково, из земли же иного произрастит. 20 Господь бо не отринет незлобиваго: всякаго же дара от нечестиваго не примет. 21 Истинным же уста исполнит смеха, устне же их исповедания. 22 Врази же их облекутся в студ: жилище же нечестиваго не будет.

9 Отвещав же Иов, рече: 2 воистинну вем, яко тако есть: како бо будет праведен человек у Господа? 3 Аще бо восходит судитися с Ним, не послушает Его, да не преречет ко единому словеси Его от тысящи. 4 Премудр бо есть мыслию, крепок же и велик: кто жесток быв противу Его, пребысть? 5 Обетшай горы, и не ведят, превращая я гневом: 6 трясый поднебесную из оснований, столпи же ея колеблются: 7 глаголяя солнцу, и не восходит, звезды же печатствуют: 8 прострый един небо и ходай но морю, яко по земли: 9 творяй Плиады и Еспера, и Арктура и сокровища южная: 10 творяй велия и неизследованная, славная же и изрядная, имже несть числа. 11 Аще приидет ко мне, не имам видети: и аще мимоидет мене, никако уразумех. 12 Аще возмет, кто возвратит? Или кто речет Ему: что сотворил еси? 13 Сам бо отвращает гнев, слякоша под Ним кити поднебесни. 14 Аще же мя услышит, или разсудит глаголы мои? 15 Аще бо и праведен буду, не услышит мене, суду Его помолюся: 16 аще же воззову, и услышит мя, не иму веры, яко услыша глас мой. 17 Да не мглою мя потребит, многа же ми сотрения сотвори всуе, 18 не оставляет бо мя отдохнути, исполни же мя горести. 19 Понеже силен есть крепостию: кто убо суду Его воспротивится? 20 Аще бо буду праведен, уста моя нечестия сотворят: аще же буду непорочен, стропотен

буду. 21 Аще бо нечестие сотворих, не вем душою мою: обаче отемлется ми живот. 22 Темже рех: велика и сильна губит гнев. 23 Яко лукавии смертию лютою погибнут, обаче праведным посмеваются. 24 Предана есть земля в руце нечестиваго, лица судий ея покрывает: аще же не Сам есть, кто есть? 25 Житие же мое есть легче скоротечца: отбегоша и не видеша. 26 Или есть кораблем след пути, или орла летяща, ищаща яди? 27 Аще бо реку: забуду глаголя, приникнув лицем воздуху, 28 тряуся всеми удесы: вем бо, яко не безвинна мя оставиши. 29 Аще же нечестив есмь, почто не умрох? 30 Аще бо измыюся снегом и очищуся руками чистыми, 31 доволно во скверне омочил мя еси, возгнушася же мною одежда моя. 32 Неси бо человек, якоже аз, Ему же противопрюся, да приидем вкупе на суд. 33 О, дабы ходатай нам был, и обличай и разслушай между обема. 34 Да отимет от мене жезл, страх же Его да не смущает мене: 35 и не убоюся, но возглашю, ибо тако не вем сам себе.

10 Труждаюся душою мою, стена испущу на мя глаголы моя, возглашю горестию души моей одержимъ 2 и реку ко Господеви: не учи мя нечествовати, и почто ми сице судил еси? 3 Или добро Ти есть, аще вознеправдую, яко презрел еси дела руку Твою, совету же нечестивых внял еси? 4 Или якоже человек видит, видиши? Или якоже зрит человек, узриши? 5 Или житие Твое человеческо есть? Или лета Твоя яко дние мужа? 6 Яко истязал еси беззаконие мое и грехи мои изследил еси. 7 Веси бо, яко не нечествовах: но кто есть изимая из руку Твою? 8 Руце Твои сотвористе мя и создасте мя: потом же преложив, поразил мя еси. 9 Помяни, яко брение мя создал еси, в землю же паки возвращаеш мя. 10 Или не якоже млеко измелзил мя еси, усырил же мя еси равно сыру? 11 Кожею же и плотию мя облекл еси, костьми же и жилами сшил мя еси: 12 живот же и милость положил еси у мене, посещение же Твое сохрани мой дух. 13 Сия имей в Тебе, вем, яко вся можеши, и невозмъжно Тебе ничтоже. 14 Аще бо согрещу, храниши мя, от беззакония же не безвинна мя сотворил еси. 15 Аще бо нечестив буду, люте мне, аще же буду праведен, не могу возникнути: исполнен бо есмь безчестия, 16 ловимъ бо есмь аки лев на убийство: паки же преложив, люте убивающи мя. 17 Обновляй на мя испытание мое, гнева бо великаго на мя употребил еси и навел еси на мя искушения. 18 Почто убо мя из чрева извел еси, и не умрох, око же мене не видело бы, 19 и бых бы аки не был? Почто убо из чрева во гроб не снidoх? 20 Или не

мало есть время жизни моей? Остави мене почити мало, 21 прежде даже отиду, отнюдже не возвращуся, в землю темну и мрачну, 22 в землю тмы вечныя, идеже несть света, ниже видети живота человеческаго.

11 Отвешав же Софар Минейский, рече: 2 глаголай много, и противоуслышит: или многоречив мнится быти праведен? Благословен рожденный от жены малолетен. 3 Не мног во словесех буди: несть бо противовещая ти. 4 Не глаголи бо, яко чист есмь дельы и беспорочен пред Ним: 5 но како Господь возглаголет к тебе и отверзет устне Свои с тобою? 6 Потом возвестити силу премудрости, яко сугуб будет в сих, яже противу тебе: и тогда уразумеши, яко достойная тебе сбышася от Господа, имиже согрешил еси, 7 или след Господень обрящеш? Или в последияя достигл еси, яже сотвори Вседержитель? 8 Высоко небо, и что сотвориши?

Глубочае же сущих во аде что веси? (Sheol h7585) 9 Не должае ли меры земныя, или широты морских? 10 Аще же превратит вся, кто речет Ему: что сотворил еси? 11 Той бо весть дела беззаконных: видев же нелепая, не презрит. 12 Человек же иначе обилует словесы: земный же рожденный от жены равен ослу пустынному. 13 Аще бо ты чисто положил еси сердце твое, воздеваеши же руце твои к Нему, 14 аще беззаконно что есть в руку твою, далече сотвори е от тебе, неправда же в жилищи твоем да не вселится: 15 тако бо ти возсияет лице, якоже вода чиста: совлечешия же скверны, и не убоишися, 16 и труда забудеши, якоже волны мимошедшия, и не устрашишися. 17 Молитва же твоя, аки денница, и паче полуудне возсияет ти жизнь: 18 уповая же будеши, яко будет ти надежда: от туги же и попечения явится ти мир: 19 упокоишися бо, и не будет боряй тя: пременяющиимя же мнози имут просити тя, 20 спасение же оставит их: надежда бо их пагуба, очи же нечестивых истают.

12 Отвешав же Иов, рече: 2 убо вы ли едини есте человечы, или с вами скончается премудрость? 3 И у мене сердце есть якоже и у вас. 4 Праведен бо муж и беспорочен бысть в поругание: 5 во время бо определеное уготован бысть пасти от иных, домы же его опустошены быти беззаконными. Обаче никто же да уповать, лукав сый, неповинен быти, 6 елици разгневляют Господа, аки и истязания им не будет. 7 Но вопросы четвероногих, аще ти рекут, и птиц небесных, аще ти возвестят: 8 повежьдь земли, аще ти скажет, и исповедят ти рыбы морския. 9 Кто убо не разуме во всех сих, яко рука Господня сотвори сия? 10 Не в руце ли Его душа всех живущих и дух всякаго

человека? 11 Ухо бо слова разсуждает, гортань же брашна вкушает. 12 Во мнозем времени премудрость, во мнозе же житии ведение. 13 У Него премудрость и сила, у Того совет и разум. 14 Аще низложит, кто созиждет? Аще затворит от человеков, кто отверзет? 15 Аще возбранит воду, изсушит землю: аще же пустит, погубит ю превратив. 16 У Него держава и крепость, у Того ведение и разум. 17 Проводай советники пленены, судии же земли ужаси: 18 посаждая цари на престолех и обвязуя поясом чресла их: 19 отпущая жерцы пленники, сильных же земли низврати: 20 изменяя устне верных, разум же старцев уразуме: 21 изливая безчестие на князи, смиренныя же изцели: 22 открывая глубокая от тмы, изведе же на свет сень смертную: 23 прельщая языки и погубляй их, низлагая языки и наставляй их: 24 изменяя сердца князей земных, прельсти же их на пути, егоже не ведаху, 25 да осяжут тму, а не свет, да заблудят же яко пияный.

13 Се, сия виде око мое, и слыша ухо мое, 2 и вем, елика и вы весте: и не неразумнее есмь вас. 3 Но обаче и аз ко Господу возглаголю, обличу же пред Ним, аще восхощет. 4 Вы бо есте врачеве неправедни и целителе злых вси, 5 буди же вам онемети, и сбудется вам в премудрость. 6 Слышиште же обличение уст моих, суду же устен моих воините. 7 Не пред Богом ли глаголете и пред Ним вещаете лесть? 8 Или уклонитеся, вы же сами судии будите. 9 Добро бо, аще изследит вас: аще бо вси творящи приложитеся к нему, обаче обличит вы. 10 Аще же и тай лицам удивитеся, 11 не движение ли Его смятет вас, боязнь же от Него нападет на вы? 12 Отидет же величание ваше равно пепелу, тело же бренно. 13 Умолчите, да возглаголю и почию от гнева. 14 Вземля плоти моя зубами, душу же мою положу в руце моей. 15 Аще мя убииет Сильный, понеже и нача, обаче возглаголю и обличу пред Ним: 16 и сие ми сбудется во спасение: не внидет бо пред Ним лесть. 17 Послушайте, послушайте глагол моих: возвещу бо вам слышащым. 18 Се, аз близ есмь суда моего, вем аз, яко праведен явлюся. 19 Кто бо есть судяся со мною, да ныне умолчу и изчезну? 20 Двое же ми сотвориши, тогда от лица Твоего не скроюся: 21 руку от мене отими, страх же Твой да не ужасает мя: 22 посем призовеши, аз же Тя послушаю, или возглаголеши, аз же Ти дам ответ. 23 Колици суть греси мои и беззакония моя? Научи мя, кая суть? 24 Почто крьешися от мене? Мниши же мя противна суща Тебе? 25 Или яко лист движимъ ветром убоишися? Или яко сену носиму ветром противлявшимися? 26 Яко написал еси на

мя злая, обложил же ми еси юношныя грехи: 27 положил же еси ногу мою в возбранение: сохранил же еси дела моя вся: в корении же ног моих пришел еси: 28 иже обетшают якоже мех, или якоже риза молием изядена.

14 Человек бо рожден от жены малолетен и исполнъ гнева: 2 или якоже цвет процветый отпаде, отбеже же яко сень, и не постоит. 3 Не и о сем ли слово сотворил еси, и сему сотворил еси внити на суд пред Тя? 4 Кто бо чист будет от скверны? Никтоже, 5 аще и един день житие его на земли: изочтени же месяцы его от Тебе, на время положил еси, и не преступит. 6 Отступи от него, да умолкнет и изберет житие якоже наемник. 7 Есть бо древу надежда: аще бо посечено будет, паки процветет, и леторасль его не оскудеет: 8 аще бо состареется в земли корень его, на камени же скончается стебло его, 9 от вони воды процветет, сотворит же жатву, якоже новосажденное. 10 Муж же умерый отиде, пад же человек, ктому несть. 11 Временем бо оскудевает море, река же опустевши изсше: 12 человек же уснув не востанет, дондеже не будет небо сошвено, и не возбудятся от сна своего. 13 Убо, о, дабы во аде мя сохранил еси, скрыл же мя бы еси, дондеже престанет гнев Твой, и вчиниши ми время, в неже память сотвориши ми. (Sheol h7585) 14 Аще бо умрет человек, жив будет: скончав дни жития своего, потерплю, дондеже паки буду. 15 Посем воззовеши, аз же послушаю Тя: дел же руку Твою не отвращайся: 16 изчисли же еси начинания моя, и ничтоже Тя мимоидет от грех моих: 17 запечатл же ми еси беззакония в мешце, назнаменал же еси, аще что неволею преступих. 18 Обаче и гора падающи распадется, и камень обетшает от места своего: 19 камение огладиша воды, и потопиша воды знак холмы земныя, и ожидание человеческо погубил еси. 20 Отринул еси его до конца, и отиде: изменил еси ему лицо и испустил еси. 21 Многим же бывшим сыном его, не весть: аще же и мало их будет, не знает: 22 но плоти его болеша, душа же его о себе сетова.

15 Отвещав же Елифаз Феманитин, рече: 2 еда премудрый даст ответ разумен на ветр, и наполни болезнию чрево, з обличая глаголы, имиже не подобает, и словесы, ихже ни кая польза? 4 Не и ты ли отринул еси страх? Скончал же еси глаголы таковы пред Господем? 5 Повинен еси глаголом уст твоих, ниже разсудил еси глаголы сильных. 6 Да обличат тя уста твоя, а не аз, и устне твои на тя возсвидетствуют. 7 Что бо? Еда первый от человек рожден еси? Или прежде холмов

сгустился еси? 8 Или строение Господне слышал еси? Или в советника тя употреби Бог? И на тя (единаго) ли прииде премудрость? 9 Что бо веси, егоже не вемы? Или что разумеши ты, егоже и мы (не разумеем)? 10 И стар и древен есть в нас, старший отца твоего деньми. 11 Мало, о нихже согрешил еси, уязвлен еси, вельми выше меры возглаголал еси. 12 Что дерзостно бысть сердце твое? Или что вознесостеся очи твои? 13 Яко ярость изрыгнул еси пред Господем, изнесл же еси изо уст такова словеса? 14 Кто бо сый человек яко будет непорочен? Или аки будущий праведник рожден от жены? 15 Аще во святых не верит, небо же нечисто пред Ним, 16 кольми паче мерзкий и нечистый муж, пияй неправды, якоже питие. 17 Возвещу же ти, послушай мене: яже ныне видех, возвещу ти, 18 яже премудрии рекут, и не утиша отцы их, 19 имже единым дана бысть земля, и не найде иноплеменник на ня. 20 Все житие нечестиваго в попечении, лета же изочтена дана сильному, 21 страх же его во ушесех его: егда мнит уже в мире быти, тогда приидет нань низвращение: 22 да не верует отвратитися от тмы, осужден бо уже в руки железа, 23 учинен же есть в брашно неясытим: весть же в себе, яко ждет падения, день же темен превратит его, 24 беда же и скорбь оымет его, якоже военачалник напреди стояй падает, 25 яко вознесе руце на Господа, пред Господем же Вседержителем ожесточи выю, 26 тече же противу Ему укоризно в толщи хребта щита своего: 27 яко покры лицо свое туком своим и сотвори омет на стегнах: (хвала же его укоризна). 28 Да вселится же во градех пустых, внидет же в домы ненаселенные: а яже они уготоваша, инии отнесут. 29 Ниже обогатится, ниже останет имение его, не имать положити на землю сени, 30 ниже избежит тмы: прозябение его да усушит ветр, и да отпадет цвет его: 31 да не верит, яко стерпит, тщетная бо сбудутся ему. 32 Посечение его прежде часа растлеет, и леторасль его не облиственеет: 33 да оыман будет якоже недозрелая ягода прежде часа, да отпадет же яко цвет масличия. 34 Послушество бо нечестиваго смерть, огнь же пождет домы мздоимцев: 35 во чреве же примет болезни, сбудется же ему тщета, чрево же его понесет лесть.

16 Отвещав же Иов, рече: 2 слышах сицевая многа, утешитель зол вси. 3 Что бо? Еда чин есть во словесех ветра? Или кую ти пакость сотворит, яко отвещаеш? 4 И аз якоже вы возглаголю: аще бы душа ваша подлежала вместо моей, тогда наскочил бых на вы словесы, покиваю же на вы главою мою. 5 Буди же

крепость во устех моих, движения же устен не пощажу. 6 Аще бо возглаголю, не возболю ли язвою? Аще же и умолчу, чим менше уязвен буду? 7 Ныне же преутуждена мя сотвори, буя, согнавша, и ят мя. 8 В послушество бых, и воста во мне лжа моя, противно лицу моему отвеша. 9 Гневен быв низложи мя, всокрежета зубы на мя, стрелы разбойников Его нападоша на мя. 10 Остротою очес наскака, мечем порази мя в колена: вкупе же потекша на мя: 11 предаде бо мя Господь в руки неправедных, нечестивым же поверже мя. 12 Мирствующа разсыпа мя, взяв мя за власы оборва, постави мя аки примету. 13 Обыдоша мя копиями будуще во истесы моя, не щадяща: излияша на землю желчь мою, 14 низложиша мя труп на труп, текоша ко мне могущии, 15 вретище сошиша на кожу мою, и мощь моя на земли угасе. 16 Чрево мое сгоре от плача, на веждах же моих стень смертная, 17 неправедно же ни едино бе в руку мою: молитва же моя чиста. 18 Земле, да не покрыеш над кровию плоти моей, ниже да будет место воплю моему. 19 И ныне се, на небесех Послух мой, Свидетель же ми во вышних. 20 Да приидет моя мольба ко Господу, пред Нимже да каплет око мое. 21 Буди же обличение мужу пред Господем, и сыну человеческому ко ближнему его. 22 Лета же изочтеная придоша, и путем, имже не возвращуся, пойду.

17 Тлею духом носимъ, прошу же гроба и не улучаю. 2 Молю болезнуя, и что сотворю? Украдоша же ми имение чуждии. 3 Кто есть сей? Рукою мою связан да будет. 4 Яко сердце их сокрыл еси от мудрости, сего ради да не вознесши их. 5 Части возвестит злобы: очи же на сынех истаяста. 6 Положил же мя еси в притчу во языщех, смех же бых им. 7 Ослепоста бо от гнева очи мои, повоеван бых вельми от всех: 8 чудо объя истинных о сем, праведник же на беззаконника да востанет: 9 да содержит же верный путь свой, чистый же рукама да примет дерзость. 10 Но обаче вси належите и приидите, не бо обретаю в вас истины. 11 Дние мои преидоша в течении, растрошася же удове сердца моего. 12 Нощь в день преложих: свет близ от лица тмы. 13 Аще бо стерплю, ад ми есть дом, в сумраце же постлasisя ми постеля. (Sheol h7585) 14 Смерть назвах отца моего быти, матери же и сестру ми гной. 15 Где убо еще есть ми надежда, или благая моя узрю? 16 Или со мною во ад снидут, или вкупе в перстъ снидем. (Sheol h7585)

18 Отвещав же Валдад Савхейский, рече: 2 доколе не престанеш? Пожди, да и мы возглаголем. 3 И почто

аки четвероножная умолчахом пред тобою? 4 Пребыть ти гнев. Что бо? Аще ты умреши, не населенна ли будет поднебесная? Или превратятся горы из оснований? 5 И свет нечестивых угаснет, и не произыдет их пламень: 6 свет его тма в жилищи, светилник же в нем угаснет: 7 да уловят меншии имения его, погрешит же его совет: 8 ввержена же бысть нога его в пругло, мрежею да повиется: 9 да приидут же нань пругла, укрепит нань жаждущих: 10 скрыся в земли уже его, и ятие его на стези. 11 Окрест да погубят его болезни: мнози же окрест ног его обыдуть во гладе теснем: 12 падение же ему уготовано велико. 13 Поядены же да будут плесны ног его, красная же его да пояст смерть. 14 Отторжено же буди от жития его изцеление, да имет же его беда виною царскою. 15 Да вселится в храмине его в нощи его, посыпана да будут лепотная его жупелом: 16 под ним корения его да изсохнут, свыше же нападет пожатие его. 17 Память его да погибнет от земли, и (не) будет имя его на лице внешнем: 18 да отринет его от света во тму: 19 не будет знаемъ в людех его, ниже спасен в поднебесней дом его: 20 но в своих ему поживут ини, над ним воздохнуша последний, первых же объя чудо. 21 Сии суть домове неправедных, сие же место неведущих Бога.

19 Отвещав же Иов, рече: 2 доколе притрудну творите душу мою и низлагаете мя словесы? Уразумейте токмо, яко Господь сотвори мя сице. 3 Клевещете на мя, не стыдяща: мене належите ми. 4 Буди, яко воистину аз прельстихся, и у мене водворяется погрешение, глаголати словеса, яже не подобаше, словеса же моя погрешают, и не во время: 5 буди же, яко на мя величаетесь, наскакаете же ми поношением: 6 разумейте убо, яко Господь есть иже смяте мя и ограду Свою на мя вознese. 7 Се, смеюся поношению, не возглаголю: возопию, и нигдже суд. 8 Окрест огражден есмъ и не могу прейти: пред лицем моим тму положи, 9 славу же с мене совлече и отя венец от главы моей: 10 растерза мя окрест, и отидох: посече же яко древо надежду мою. 11 Люте же гнева употреби на мя и возмне мя яко врага. 12 Вкупе же приидоша искушения Его на мя, на путех же моих обыдоша мя наветницы. 13 Братия моя отступиша от мене, познаша чуждих паче мене, и друзья мои немилостиви быша: 14 не снабдеша мя ближнии мои, и ведящии имя мое забыша мя. 15 Соседи дому и рабыни моя, (яко) иноплеменник бых пред ними: 16 раба моего звах, и не послуша, уста же моя моляхуся: 17 и просих

жену мою, призывах же лаская сыны подложниц моих: 18 они же мене в век отринуша, егда востану, на мя глаголют. 19 Гнушауся мене видящи мя, и ихже любих, восташа на мя. 20 В кожи моей согниша плоти моя, кости же моя в зубех содержатся. 21 Помилуйте мя, помилуйте мя, о, друзья! Рука бо Господня коснувшаяся ми есть. 22 Почто мя гоните якоже и Господь? От плотей же моих не насыщаетесь? 23 Кто бо дал бы, да напишутся словеса моя, и положатся оная в книзе во век? 24 И на дцице железне и олове, или на камениих извягаются? 25 Вем бо, яко присносущен есть, иже имать искупити мя, 26 (и) на земли воскресити кожу мою терпящую сия, от Господа бо ми сия совершилася, 27 яже аз в себе свем, яже очи мои видеста, а не ин: вся же ми совершилася в недре. 28 Аще же и речете: что речем противу ему? И корень словесе обрящем в нем. 29 Убойтесь же и вы от меча: ярость бо на беззаконныя найдет, и тогда увидят, где есть их вещество.

20 Отвещав же Софар Минейский, рече: 2 не тако мнех сия тебе рещи противу, и не разумеете паче нежели и аз. 3 Наказание срамления моего услышу, и дух от разума отвещавает ми. 4 Еда сих не уразумел еси от века, отнележе положен человек бысть на земли? 5 Веселие бо нечестивых падение страшно, обрадование же беззаконных пагуба. 6 Аще взыдут на небо дары его, жертва же его облаков коснется: 7 егда бо мнится уже утвержден быти, тогда в конец погибнет. Видевши же его рекут: где есть? 8 Якоже сон отлетевый не обрящется, отлете же аки мечтание нощное. 9 Око призре, и не приложит, и ктому не познает его место его. 10 Сынов его да погубят меншии, и руце его возжгут болезни. 11 Кости его наполниша грехов юности его и с ним на персти уснут. 12 Аще усладится во устех его злоба, скрьет ю под языком своим: 13 не пощадит ея, и не оставит ея, и соберет ю посреде гортани своего, 14 и не возможет помочи себе: желчь аспидов во чреве его. 15 Богатство неправедно собираемо изблюется, из храмины его извлечет его Ангел. 16 Ярость же змиеву да ссет, да убииет же его язык змиин. 17 Да не узрят отдоения скотов, ниже прибытка меда и масла кравия. 18 Вотще и всуе трудися, богатство, от негоже не вкусит, якоже клоки не сожваемы и не поглощаемы. 19 Многих бо немощных домы сокруши, жилище же разграби и не постави. 20 Несть спасения имению его, в вожделении своем не спасется. 21 Несть останка брашну его, сего ради не процветут ему благая. 22 Егда же мнит уже исполну

быти, оскорбится, всяка же беда нань приидет. 23 Аще како либо исполнит чрево свое, напустит нань ярость гнева, одождит на него болезни: 24 и не спасется от руки железа, да устрелит его лук медян, 25 и да пройдет сквозе тело его стрела: звезды же в жилищах его: да приидут нань страси, 26 и всяка тма на нем да пребудет: да поист его огнь нераздеженый, да озлобит же пришлец дом его: 27 и да откроет небо беззакония его, и земля да востанет нань: 28 да извлечет дом его пагуба до конца, день гнева да приидет нань. 29 Сия часть человека нечестиваго от Господа и стяжение имений его от Надзирателя.

21 Отвещав же Иов, рече: 2 послушайте, послушайте словес моих, да не будет ми от вас сие утешение: 3 потерпите ми, аз же возлаголю, таже не посмеетемися. 4 Что бо? Еда человеческо ми обличение? Или почто не возярюся? 5 Воззревши на мя удивитеся, руку положиша на ланите. 6 Аще бо воспомяну, ужаснуся: обдергат бо плоть мою болезни. 7 Почто нечестивии живут, обеташа же в богатстве? 8 Семя их по души, чада же их пред очима. 9 Домове их обилнии суть, страх же нигде, раны же от Господа несть на них. 10 Говядо их не изверже: спасена же бысть их имущая во чреве и не лишися. 11 Пребывают же яко овцы вечныя, дети же их предиграют, 12 вземше псалтири и гусли, и веселятся гласом песни. 13 Скончаша во благих житие свое, в покой же адове успоша. (Sheol h7585) 14 Глаголют же Господеви: отступи от нас, путий Твоих ведети не хощем: 15 что достоин, яко да поработаем Ему? И кака польза, яко да взыщем Его? 16 В руках бо их баху благая, дел же нечестивых не надзирает. 17 Обаче же и нечестивых светилник угаснет, найдет же им развращение, болезни же их омыут от гнева: 18 будут же аки плевы пред ветром, или якоже прах, егоже взя вихр. 19 Да оскудеют сынам имения его: воздаст противу ему, и уразумеет. 20 Да узрят очи его свое убие, от Господа же да не спасется. 21 Яко воля его с ним в дому его, и числа месяцей его разделиша. 22 Не Господь ли есть научаяй разуму и хитрости? Тойже мудрых разсуждает. 23 Той умрет в силе простоты своея, всецел же благодушествуяй и благоуспеваяй, 24 утроба же его исполнена туга, мозг же его разливается. 25 Ов же умирает в горести души, не ядый ничтоже блага. 26 Вкупе же на земли спят, гнилость же их покры. 27 Темже вем вас, яко дерзостию належите ми, 28 яко речете: где есть дом княжъ? И где есть покров селений нечестивых? 29 Вопросите мимоходящих путем, и знамения их не чужда сотворите. 30 Яко на день пагубы соблюдается

нечестивый, и в день гнева Его отведен будет. 31 Кто возвестит пред лицем его путь его, и еже той сотвори, кто воздаст ему? 32 И той во гроб отнесен бысть, и на гробищах победе. 33 Усладися ему дробное камение потока, и вслед его всяк человек отидет, и пред ним безчислении. 34 Како же мя утешаете суетными? А еже бы мне почити от вас, ничтоже.

22 Отвещав же Елифаз Феманитин, рече: 2 не Господь ли есть научая разуму и хитрости? 3 Ибо кое попечение Господу, аще ты был еси делы непорочен? Или (кая) польза, яко прост творити будеши путь твой? 4 Или опасение имея от тебе обличит тя и внидет с тобою в суд? 5 Еда злоба твоя есть не многа? Безчислении же твои суть грехи? 6 В залог бо имал еси от братии твоейа вотще, одежду же нагих отнимал еси, 7 ниже водою жаждущих напоил еси, но алчущих лишил еси хлеба: 8 удивлялся же еси неких лицу и повергал еси убогих на земли: 9 вдовицы же отпустил еси тщи и сироты озлобил еси. 10 Сего ради обыдоша тя сети, и поспеши на тя рать велика: 11 свет тебе тма бысть, уснувшаго же вода тя покры. 12 Еда на высоких живый не призирает? Укоризною же возносящихся смири. 13 И рекл еси: что разуме Крепкий? Или во мраце разсудит? 14 Облак покровов Его, и неувидим будет, и круг небесе обходит. 15 Еда стезю древнюю сохраниши, в нюже ходиша мужи неправедни, 16 иже яти быша прежде времене? Река текущая основания их, 17 глаголющии: что сотворит нам Господь? Или что нанесет на ны Вседержитель? 18 Иже исполнил есть домы их благими: совет же нечестивых далече от Его. 19 Видевше праведницы возсмеяша, непорочен же глумляшеся им: 20 не погибле ли имение их, и останки их пояст огнь? 21 Буди убо тверд, аще претерпиши, потом плод твой будет во благих. 22 Приими же из уст Его изречение и восприими словеса Его в сердце твое. 23 Аще же обратиши и смириши себе пред Господем, и далече сотвориши от жилища твоего неправду, 24 и положен будеши на персти в камени, и яко же камень потока Офирска. 25 Будет убо тебе Вседержитель помощник от враг, чиста же сотворит тя яко же сребро разжжено, 26 потом дерновение возимеши пред Богом, возврев весело на небо. 27 Помольшуся же тебе к Нему, услышит тя, даст же ти обеты твоя воздати, 28 устроит же ти жилище правды, на путех же твоих будет свет: 29 яко смирил еси себе, тогда речеш: вознесеся, и поникша

очима спасет, 30 избавит неповиннаго, и спасешися чистыми руками твоими.

23 Отвещав же Иов, рече: 2 вем убо, яко из руки моей обличение мое есть, и рука Его тяжка бысть паче моего воздыхания. 3 Кто убо увесь, яко обрящу Его и прииду ко кончине? 4 И реку мой суд, уста же моя исполню обличения, 5 уразумею же изцеления, яже ми речет, и ощущу, что ми возвестит. 6 И аще со многою крепостию найдет на мя, посем же не воспретит ми. 7 Истина бо и обличение от Его: да изведет же в конец суд мой. 8 Аще бо во первых пойду, кому несмы: в последних же, како вем Его? 9 Ошуюю творящу Ему, и не разумех: обложит одесную, и не узрю. 10 Весь бо уже путь мой, искуси же мя яко злато. 11 Изыду же в заповедех Его, пути бо Его сохраних, и не уклонюся от заповедей Его 12 и не преступлю, в недрех же моих сокрых глаголголы Его. 13 Аще же и Сам судил тако, кто есть рекий противу Ему? Сам бо восхоте и сотвори. 14 Сего ради о Нем трепетен бых, наказуем же попекохся о Нем: 15 сего ради от лица Его потщуся, почуся и убоюся от Его. 16 И Господь умягчил сердце мое, и Вседержитель потщася о мне: 17 не ведех бо, яко найдет на мя тма, пред лицем же моим покрыт мрак.

24 Почто же Господа утаиша часы, 2 нечестивии же предел преидоша, стадо с пастьрем разграбивше? 3 Подяремника сирых отведоша и вола вдовича в залог взяша: 4 уклониша немощных от пути праведнаго, вкупе же скрыша кротцы земли: 5 изыдоша же, яко осли на село, на мя, изступивше своего чина: сладок бысть хлеб им ради юных. 6 Ниву прежде времене не свою сущу пожаша, немощни же виноград нечестивых без мзды и без брашна возделаша: 7 нагих многих успиша без риз, одежду же души их отяша: 8 каплями горскими мокнут, занеже не имеяху покрова, в камение облекошася: 9 восхитиша сироту от сосца, падшаго же смириша: 10 нагия же успиша неправедно, от алчущих же хлеб отяша: 11 в теснинах неправедно заседоша, пути же праведнаго не ведеша. 12 Уже из града и из домов своих изгоними бываху, душа же младенцев стеняше вельми: Бог же почто сих посещения не сотвори? 13 На земли сущым им, и не разумеша, пути же праведнаго не ведеша, ни по стезям его ходиша. 14 Разумев же их дела, предаде их во тму, и в ноши будет яко тать. 15 И око прелюбодея сохрани тму, глаголя: не узрит мя око: и покрывало лицу наложи. 16 Прокопа в ноши храмини, во днех же запечатлеша себе, не познаша света: 17 яко аbie заутра

им сень смерти, понеже познает мятеж сени смертныя. 18 Легок есть на лицы воды: проклята буди часть их на земли, да явятся же садовия их на земли суха: 19 рукоятие бо сирых разграбиша. (Sheol h7585) 20 Потом воспомянен бысть ему грех, и якоже мгла росы изчез: воздано же буди ему, еже содея, сокрушен же буди всяк неправдив яко древо неизцельно: 21 неплодней бо не добро сотвори и жены не помилова. 22 Яростию же низврати немощныя: востав убо не иметь веры яти о своем житии. 23 Егда же разболится, да не надеется здрав быти, но падет недугом. 24 Многи бо озлоби высота его:увяде же яко злак в знои, или якоже клас от стебла сам отпад. 25 Аще же ни, кто есть глаголяй лже ми глаголати, и положит ни во чюже глаголы моя?

25 Отвещав же Валдад Савхейский, рече: 2 что бо начало, аще не страх от Него, иже творит всяческая в вышних? 3 Да никтоже бо мнит, яко есть умединение воинством: и на кого не найдет навет от Него? 4 Како бо будет праведен человек пред Богом? Или кто очистит себе рожденный от жены? 5 Аще луне повелевает, и не сияет, звезды же нечисты суть пред Ним, 6 кольми паче человек гной, и сын человеческий червь.

26 Отвещав же Иов, рече: 2 кому прилежиши, или кому хощеши помогати? Не сему ли, ему же многа крепость и ему же мышца крепка есть? 3 Кому совет дал еси? Не ему ли вся премудрость? Кого поженеши? Не ему же ли превелия сила? 4 Кому возвестил еси глаголы? Дыхание же чие есть исходящее из тебе? 5 Еда исполнини родятся под водою и соседми ея? 6 Наг ад пред Ним, и несть покрываала Пагубе. (Sheol h7585) 7 Простирая север ни на чемже, повешая землю ни на чемже, 8 связуя воду на облацах Своих, и не расторжеся облак под нею: 9 держай лице престола, простирая над ним облак Свой: 10 повеление окружи на лице воды даже до скончания света со тмою. 11 Столпи небеснии прострошася и ужасошася от запрещения Его. 12 Крепостию укроти море, и хитростию его низложен бысть кит: 13 вереи же небесныя убояшася Его: повелением же умертви змия отступника. 14 Се, сия части пути Его: и о капли слова услышим в Нем: силу же грома Его кто уведа, когда сговорит?

27 Еще же приложив Иов, рече в притчах: 2 жив Господь, иже ми сице суди, и Вседержитель, Иже огорчи ми душу: 3 дондеже еще дыхание мое есть и дух Божий сущий в ноздрях моих, 4 не возлаголют устне мои беззакония, ниже душа моя поучится неправде. 5 Не буди

мне правдивыми нарещи вас, дондеже умру: не изменю бо незлобия моего. 6 Правде же внимая, не оставлю я, не свем бо себе злых соделавша. 7 Обаче же, дабы были врази мои, якоже низвращение нечестивых, и востающи на мя, якоже пагуба пребеззаконных. 8 И кая бо есть надежда нечестивому, яко ожидает? Надеяся на Господа спасется ли? 9 Или мольбу его услышит Бог? Или нашедшей ему беде, 10 еда имать кое дерзновение пред Ним? Или яко призвавшу ему, услышит ли Его? 11 Сего ради возвещу вам, что есть в руце Господни, и, еже есть у Вседержителя, не солжу. 12 Се, вси весте, яко тщетная ко тщетным прилагаете. 13 Сия часть человека нечестиваго от Господа: и жребий сильных приидет от Вседержителя на ня. 14 Аще мнози будут сынове их, на заколение будут: аще же и возмужают, ницы будут: 15 оставшия же ему смертию умрут, и вдовиц их никтоже помилует. 16 Аще соберет якоже землю сребро, и якоже брение уготовит злато, 17 сия вся праведнии одержат, имения же его истиннии возмут: 18 будет же дом его яко молие, и яко паучина, яже снабде. 19 Богатый уснет и не приложит, очи свои отверзе, и несть. 20 Обыдоша его якоже вода болезни, нощю же ят его примрак. 21 Возмет же его вар, и отидет, и возвеет его от места его, 22 и вержет на него, и не пощадит, из руку его бежанием побежит: 23 восплещет нань рукама своими и с шумом возмет его от места своего.

28 Есть бо сребру место, отюнудже и бывает, и место злату, отюнудже очищается. 2 Железо бо из земли рождается, медь же равно каменио сечется. 3 Чин положи тме, и вся концы сам испытует, камык тмы и сень смерти. 4 Пресечение потока от праха: забывающи же путь правый изнемогша, от человек подвигошася. 5 Есть земля, из нея же изыдет хлеб: под нею обратися яко огнь. 6 Место сапфира камение ея, и перстъ злато ему. 7 Стезя, не позна ея птица, и не узре ю око супово, 8 и не ходиша по ней сынове величавых, и не прейде по ней лев. 9 На несекоме камени простре руку свою, преврати же из корения горы: 10 бреги рек расторже, всякое же честное виде око мое: 11 глубины же рек откры и показа силу свою на свет. 12 Премудрость же откуду обретеся? И кое место есть ведения? 13 Не весть человек пути ея, ниже обретеся в человечех. 14 Бездна рече: несть во мне: и море рече: несть со мною. 15 Не дастся сокровище за ню, и не извесится сребро на изменение ея, 16 и не сравнится со златом Софирским, со ониксом честным и сапфиром: 17 не равно будет ей злато и кристаль, и

изменение ея сосуди злати. 18 Превысокая и бисерие не помянутся, и притяжи премудрость паче внутреннейших: 19 не уравнится ей топазий Ефиопский, со златом чистым не сравнится. 20 Премудрость же откуду обретеся? И кое место есть разуму? 21 Утаися от всякаго человека, и от птиц небесных скрыся. 22 Пагуба и смерть рекосте: слышахом ея славу. 23 Бог благо позна ея путь: Сам бо весть место ея. 24 Ибо Сам поднебесную всю надзирает, ведый, яже на земли, вся, яже сотвори. 25 Ветров вес и воде меру егда сотворил, 26 тако видяй соchte, и путь в сотрясении гласов, 27 тогда виде ю и поведа ю, уготовав изследи 28 и рече человеку: се, благочестие есть премудрость, а еже удалятися от зла есть ведение.

29 Еще же приложив Иов, рече в притчах: 2 кто мя устроит по месяцам преждних дний, в нихже мя Бог храняше, 3 якоже егда светяшеся светилник Его над главою мою, егда светом Его хождах во тме, 4 егда бех тяжек в путех, егда Бог посещение творяше дому моему, 5 егда бех богат зело, окрест же мене раби, 6 егда обливахуся путие мои маслом кравиим, горы же моя обливахуся млеком, 7 егда исхождах изутра во град, на стогнах же поставляшеся ми престол? 8 Видяще мя юноши скрывахася, старейшины же вси воставаша: 9 вельможи же преставаху глаголати, перст возложше на уста своя. 10 Слышавши же блахиша мя, и язык их прильпе гортани их: 11 яко ухо слыша и ублажи мя, око же видев мя уклонися. 12 Спасох бо убогаго от руки сильнаго, и сироте, ему же не бе помощника, помогох. 13 Благословение погибающаго на мя да приидет, уста же вдовича благословиша мя. 14 В правду же облачахся, одевахася же в суд яко в ризу. 15 Око бех слепым, нога же хромым: 16 аз бых отец немощным, расплю же, еяже не ведях, изследих: 17 сотрох же членовныя неправедных, от среды же зубов их грабление изях. 18 Рех же: возраст мой состареется якоже стебло финиково, многа лета поживу. 19 Корень разверзеся при воде, и роса пребудет на жатве моей. 20 Слава моя нова со мною, и лук мой в руце моей пойдет. 21 (Старейшины) слышавши мя внимаху, молчаху же о моем совете. 22 К моему глаголу не прилагаху, радовахася же, егда к ним глаголах: 23 якоже земля жаждущая ожидает дождя, тако сии моего глаголания. 24 Аще возсмеяся к ним, не вериша: и свет лица моего не отпадаше. 25 Избрах путь их, и седех князь, и вселяхся якоже царь посреде храбрых, аки утешай печальных.

30 Ныне же поругашася малейши: ныне учат мя от части, ихже отцев уничтожах, ихже не вменях достойными псов моих стад. 2 Крепость же рук их во что мне бысть? У них погибаше скончание. 3 В скудости и гладе безплоден: иже бежаху в безводное вчера сотеснение и бедность: 4 иже обхождаху былие в дебрех, имже былие бяше брашно, безчестии же и похулении, скудни всякаго блага, иже и корение древес жваху от глада великаго. 5 Восташа на мя татие, 6 ихже домове беша пещеры каменны: 7 от среды доброгласных возопиют, иже под храстием дивиим живаху: 8 безумных сынове и безчестных, имя и слава угашена на земли. 9 Ныне же гусли есмь аз им, и мене в притчу имут: 10 возгнушалися же мною отступивше далече, ни лица моего пощадеша от плюновения. 11 Отверз бо тул Свой уязви мя, и узду устам моим наложи. 12 На десную отрасли восташа, нозе свои простроша и путесотовиша на мя стези пагубы своея. 13 Сотрошася стези моя, совлекоша бо ми одежду. 14 Стрелами своими устрили мя: сотвори ми, якоже восхоте: в болезнех скисохся, обращаются же ми скорби. 15 Отиде ми надежда якоже ветр, и якоже облак спасение мое. 16 И ныне на мя излияется душа моя: и одержат мя дни печалей: 17 ношию же кости моя смятошася, жилы же моя разслабеша. 18 Многою крепостию ятся за ризу мою: якоже ожерелье ризы моей обя мя. 19 Вменяши же мя равна брению, в земли и пепеле часть моя. 20 Возопих же к Тебе, и не услышал мя еси: сташа же и смотриша на мя. 21 Наидша же на мя без милости, рукою крепкою уязвил мя еси: 22 вчинил же мя еси в болезнех и отвергл еси мя от спасения. 23 Вем бо, яко смерть мя сотрет: дом бо всякому смертну земля. 24 Аще бы возможно было, сам бых себе убил, или молил бых иного, дабы ми то сотворил. 25 Аз же о всяцем немощнем восплакахся, воздухнух же видев мужа в бедах. 26 Аз же ждах благих, и се, сретоша мя паче дни зол. 27 Чрево мое воскипе и не умолчит: предвариша мя дни нищеты. 28 Стена ходих без обуздания, стоях же в соборе вопия. 29 Брат бых сиринам, друг же птичий. 30 Кожа же моя помрачился вельми, и кости моя сгореша от зноя. 31 Обратишася же в плач гусли моя, песнь же моя в рydание мне.

31 Завет положих очима моима, да не помышлю на девицу. 2 И что удели Бог свыше, и наследие Всесильного от вышних? 3 Увы, пагуба неправдивому и отчуждение творящим беззаконие. 4 Не Сам ли узрит путь мой и вся стопы моя изочтет? 5 Аще ходих с

посмеятели, и аще потщася нога моя на лесть, 6 стах бо на мериле праведне, виде же Господь незлобие мое. 7 Аще уклонися нога моя от пути, аще и вслед ока моего иде сердце мое, и аще рукама моима прикоснухся даров, 8 да посюо убо, а инии да поядят, без корене же да бых был на земли. 9 Аще вслед иде сердце мое жены мужа иного, и аще приседяй бых при дверех ея, 10 угодна убо буди и жена моя иному мужу, младенцы же мои смириени да будут: 11 ярость бо гнева недержаня, еже осквернити мужа иного жену: 12 огнь бо есть горяй на вся страны, идеже найдет, из корения погубит. 13 Аще же презрех суд раба моего или рабыни, прящымся им предо мною: 14 что бо соторю, аще испытание соторити Господь? Аще же и посещение, кий ответ соторю? 15 Еда не якоже и аз бех во чреве, и тии быша? Бехом же в томже чреве. 16 Немощнии же, аще когда чесого требоваху, не не получиша, вдовича же ока не презрех. 17 Аще же и хлеб мой ядох един и сирому не преподах от него: 18 понеже от юности моей кормих якоже отец, и от чрева матере моей наставлях: 19 аще же презрех нага погибающа и не облекох его: 20 немощнии же аще не благословиша мя, от стрижения же агнцев моих согрешася плещи их: 21 аще воздвигох на сироту руку, надеяся, яко многа помошь мне есть: 22 да отпадет убо рамо мое от состава, мышца же моя от лактя да скокрушится: 23 страх бо Господень объя мя, и от тягости Его не стерплю. 24 Аще вчиних злато в крепость мою и аще на камения многоценная надеяхся, 25 аще же и возвеселихся, многу ми богатству сущу, аще же и на безчисленных положих руку мою: 26 или не видим солнца возсиявшаго оскудевающа, луны же умаляющияся? Не в них бо есть: 27 и аще прельстися отай сердце мое, аще и руку мою положив на устах моих лобзах: 28 и сие ми убо в беззаконие превелие да вменится, яко соглах пред Богом Вышним. 29 Аще же обрадовахся о падении враг моих, и рече сердце мое: благоже, благоже: 30 да услышит убо ухо мое клятву мою, озлославлен же да буду от людей моих озлобляем. 31 Аще же и многажды реша рабыни моя: кто убо дал бы нам от плотей его насытитися, зело мне благу сущу? 32 И вне не водворяшеся странник, дверь же моя всякому приходящему отверста бе. 33 Аще же и согрешая неволею, скрых грех мой: 34 не посрамихся бо народнаго множества, еже не поведати пред ними: аще же и оставил маломощнаго изытии из дверий моих тщим недром: (аще бы не убоялся). 35 Кто даст слушающаго мене? Руки же Господни аще бых не убоялся, писание же, еже имех на кого, 36 на плещах

возложив аки венец, читах, 37 и аще не раздрав его отдах, ничтоже взем от должника: 38 аще на мя когда земля возстена, аще и бразды ея восплакашася вкупе: 39 аще и силу ея ядох един без цены, или аще и душу господина земли взем оскорбих: 40 вместо пшеницы да взыдеть ми кропива, а вместо ячменя терние.

32 И умолча Иов словесы. Умолчаша же и трие дружие его ктому пререковати Иову, бе бо Иов праведен пред ними. 2 Разгневався же Елиус сын Варахиилев Вузитянин, от ужичества Арамска Авситидийская страны, разгневався же на Иова зело, занеже нарече себе праведна пред Богом, 3 и на триех же другов разгневався зело, яко не возмогоша отвещати противу Иову и судиша его быти нечестива. 4 Елиус же терпяше дати ответ Иову, яко старейшии его суть деньгими (дружие его). 5 И виде Елиус, яко несть ответа во устех триех мужей, и возярися гневом своим. 6 Отвещав же Елиус сын Варахиилев Вузитянин, рече: юнейший убо есмь леты, вы же есте старейшии: темже молчах, убоявся возвестити вам хитрость мою: 7 рех же: время есть глаголюще, и во мнозех летех ведят премудрость, 8 но дух есть в человечех, дыхание же Вседержителеvo есть научающе: 9 не многолетнии суть премудри, ниже старии ведят суд: 10 темже рех: послушайте мене, и возвещу вам, яже вем, внушите глаголы мои: 11 реку бо вам послушающим, дондеже испытаете словеса, и даже вас уразумею, 12 и се, не бе Иова обличаяй, отвещаяй противно глаголом его от вас: 13 да не речете: обретохом премудрость, Господеви приложившеся: 14 человеку же попустите глаголати таковая словеса: 15 ужаснувшись, не отвещаша ктому, обеташа от них словеса: 16 терпех, не глаголах бо, яко сташа, не отвещаша, яко да отвещаю и аз часть. 17 Отвеша же Елиус, глаголя: 18 паки возглаголю, исполнен бо есмь словес: убивает бо мя дух чрева: 19 чрево же мое яко мех мста вряща завязан, или якоже мех коваческий расторгнутый: 20 возглаголю, да почию, отверз уста: 21 человека бо не постыжуся, но ниже бренного посрамлюся: 22 не вем бо чудитися лицу: аще же ни, то и мене молие изядят.

33 Но послушай, Иове, словес моих и беседу мою внуши: 2 се бо, отверзох уста моя, и возглагола язык мой: 3 чисто сердце мое во словесех, разум же устну мою чистая уразумеет: 4 Дух Божий соторивый мя, дыхание же Вседержителеvo поучающе мя: 5 аще можеши, дажь ми ответ к сим: потерпи, стани противу мене, и аз противу тебе. 6 От брения соторен еси ты,

якоже и аз: от тогожде сотворения есмы: 7 не страх мой тя смятет, ниже рука моя тяжка будет на тя. 8 Обаче рекл еси во уши мои, и глагол твоих услышах, занеже глаголеши: 9 чист есмь аз, не согрешая, непорочен же есмь, ибо не беззаконновах: 10 зазор же на мя обрете и мнит мя, яко противника Себе: 11 вложи же ногу мою в древо и надсмотрял пути моя вся. 12 Како бо глаголеши, яко прав есмь, и не послуша мене? Вечен бо есть, иже над земными. 13 Глаголеши бо: чесо ради правды моей не услыша всяко слово? 14 Единою бо возглаголет Господь, второе же во сне, или в поучении нощнем, 15 или, яко егда нападает страх лют на человека, во дреманиих на ложи: 16 тогда откроет ум человеческий, виденьми страха тацеми их устрашит, 17 да возвратит человека от неправды, тело же его от падения избави, 18 пощаде же душу его от смерти, еже не пасти ему на брани. 19 Паки же обличи его болезниу на ложи и множество костей его разслаби: 20 всяка же брашна пшенична не возможет прияти, а душа его яди хощет, 21 дондеже согниют плоти его, и покажет кости его тоща: 22 приближися же на смерть душа его, и живот его во аде. (questioned) 23 Аще будет тысяща Ангел смертоносных, един от них не уязвит его: аще помыслит сердцем обратитися ко Господу, повесть же человеку свой зазор, и безумие свое покажет, 24 заступит е, еже не впасти ему в смерть, обновит же тело его якоже поваление на стене, кости же его исполнит мозга: 25 умягчит же его плоть якоже младенца, и устроит его возмужавша в человечех. 26 Помолится же ко Господу и прият им будет, внидет же лицем веселым со исповеданием, воздаст же человеком правду свою. 27 Посем тогда зазрит человек сам себе, глаголя: яковая содеява? И не по достоинству истяза мя, о нихже согреших: 28 спаси душу мою, еже не внити во истление, и жизнь моя свет узрит. 29 Се, сия вся творит Крепкий (Бог) пути три с мужем: 30 но избави душу мою от смерти, да живот мой во свете хвалит его. 31 Внимай, Иове, и послушай мене, премолчи, и аз возглаголю: 32 и аще тебе суть словеса, отвещай ми: глаголи, хощу бо оправдитися тебе: 33 аще же ни, ты послушай мене, умолчи, и научу тя премудrostи.

34 Отвещав же Елиус, рече: 2 послушайте мене, премудрии: сведущии, внушилте (доброе), 3 яко ухо словеса искушает, гортань же вкушает брашна. 4 Суд изберем себе, уразумеем посреде себе, что лучшее. 5 Яко рече Иов: праведен есмь, Господь отят ми суд, 6 солга же суду моему: насильна стрела моя

без неправды. 7 Кто муж, якоже Иов, пияй поругание, якоже воду, 8 не согрешая, ниже нечестовав, ниже приобщився к творящим беззакония, еже ходити с нечестивыми? 9 Не рцы бо, яко несть посещения мужеви, и посещения ему от Господа. 10 Темже, разумивши сердцем, послушайте мене, не буди ми пред Господем нечестовати и пред Вседержителем возмутити правду: 11 но воздает человекови, якоже творит кийдо их, и на стези мужестей обрящет и. 12 Мниши же Господа нелепая сотворити, или Вседержитель смятет суд, иже сотвори землю? 13 Кто же есть творяй поднебесную и яже в ней всяческая? 14 Аще бо восхощет запретити и дух у Себе удержанати, 15 умрет всяка плоть вкупе, всяк же человек в землю пойдет, отнюдже и создан бысть. 16 Аще же не увещаши, послушай сих, внуши глас глагол. 17 Виждь ты ненавидящаго беззаконная и губящаго лукавыя, суща, вечна, праведна. 18 Нечестив есть глаголяй цареви, закон преступаеш, нечестивейше, князем: 19 иже не постыдеся лица честнаго, ниже весть честь возложити сильным, удивитися лицам их. 20 Тще же им сбудется, еже возопити и молити мужа: зане употребиша беззаконно, безчестяще немощных. 21 Той бо зрител есть дел человеческих, утаися же от Него ничтоже от тех, яже творят: 22 ниже будет место укрытия творящим беззаконная: 23 яко не на мужа положит еще. 24 Господь бо всех видит, постизай неизследная, славная же и изрядная, имже несть числа, 25 сведый их дела, и обратит нощь, и смирятся. 26 Угаси же нечестивыя, видими же пред ним: 27 яко уклониша от закона Божия, оправданий же Его не познаша, 28 еже вознести к Нему вопль нищих, и вопль убогих услышит. 29 И Той тишину подаст, и кто осудит? И сокрьет лице, и кто узрит Его? И на язык, и на человека вкупе, 30 иже поставляет царем человека лицемера за строптивость людей. 31 Яко к Крепкому глаголай: взях, не отиму вместо залога: 32 без мене узрю, Ты покажи ми: аще неправду содеалах, не имам приложити. 33 Еда от тебе истязет ю, яко ты отринеши, яко ты избереши, а не аз ли? И что разумеши? Глаголи. 34 Темже смысленнии сердцем рекут сия, муж же премудр услыша глагол мой. 35 Иов же не в разуме глаголаше, словеса же его не в хитrostи. 36 Обаче навыкни, Иове, не даждь еще ответа, якоже немудрии: 37 да не приложим на грехи нашя: беззаконие же на нас вменится, многая глаголющих словеса на Господа.

35 Отвещав же еще Елиус, рече: 2 что сие мнил еси на суде? Ты кто еси, яко рекл еси: прав есмь пред Господем? 3 Или речеши: что сотворю согрешив? 4 Аз же ти дам ответ и трием другом твоим. 5 Воззри на небо и виждь: смотри же на облаки, коль высоки суть от тебе. 6 Аще согрешил еси, что сотвориши? Аще же и много беззаконновал еси, что можеша сотворити? 7 Понеже убо праведен еси, что даси Ему? Или что из руки твоей возмет? 8 Мужеви подобному тебе нечестие твое, и сыну человеческому правда твоя. 9 От множества оклеветаемии возвозут, возопиут от мышцы многих: 10 и не рече: где есть Бог сотворивый мя, устрояй стражбы нощных, 11 отделяй мя от четвероногих земных и от небесных птиц? 12 Тамо возвозут, и не имаша услышати, и от досады злых. 13 Безместная бо видети не хочет Господь: Сам бо Вседержитель зритль есть творящих беззаконная, и спасет мя. 14 Судися же пред Ним, аще можеша похвалити Его, якоже есть и ныне. 15 Яко несть посещаяй гневом Своим, и не позна прегрешения коеголибо зело. 16 Иов же всуе отверзает уста своя, неведением словеса отягощает.

36 Приложив же еще Елиус, рече: 2 пожди ми мало еще, да тя научу: еще бо у мене есть слово. 3 Приим хитрость мою отдалеча, дель же моими праведная реку воистину: 4 и не неправедны глаголы без правды уразумеши. 5 Виждь же, яко Господь не отринет незлобиваго: 6 силен крепостию сердца нечестивых не оживит и суд нищым даст, 7 не отимет от правдиваго очес Своих, и со цары на престоле посадит их на победу, и вознесутся. 8 Связанныи в ручных узах яти будут ужами нищеты, 9 и возвестит им дела их и прегрешение их, яко укреплятся: 10 но правдиваго услышит, и рече, яко обратятся от неправды. 11 Аще услышат и поработают, скончаут дни своя во благих и лета своя в благолепоте: 12 нечестивых же не спасет, зане не хотеша познати Господа и занеже учими не послушливи беша. 13 И лицемери сердцем возмутят ярост: не возопиут, яко связа их: 14 да умрет убо в юности душа их, житие же их уязвлямо Ангелы, 15 занеже оскорбиша недужна и немощна, суд же кротких изложит. 16 Еще же исторгну тя от уст вражиих: бездна, пролитие под нею, и сниде трапеза твоя исполнена туха. 17 Не оскудеет же от праведных суд: 18 ярост же на нечестивыя будет, нечестия ради даров их, ихже примаху на неправде. 19 Да не уклонит тя волею ум от мольбы в беде сущих немощных и всех содержащих крепость. 20 Не привлечеи нощи, еже взыти

людем вместо их: 21 но сохранися, да не содеши зла: сих бо ради изят еси от нищеты. 22 Се, Крепкий удержит крепостию Свою: кто бо есть, якоже Той, силен? 23 И кто есть испытуяй дел Его? Или кто рекий: содея неправду? 24 Помяни, яко велия дела Его суть, имиже владеша мужие. 25 Всяк человек видит в себе, елицы уязвляеми суть человецы. 26 Се, Крепкий великий, и не увемы: число лет Его бесконечное: 27 изочтены же ему суть капли дождевныя, и излиются дождем во облак: 28 потекут обетшания, осениша же облаки над премногими людьми: время постави скоту, ведят же ложа чин. О всех сих не дивитлиси ум, и не изменяетсяти сердце от тела? 29 И аще уразумеет простертые облака, равенство скинии Его: 30 се, простирает на ню свет и корения морская покры: 31 теми бо судит людем, даст пищу могущему. 32 На руку покры свет и заповеда о нем сретающему: 33 возвестит о нем другу своему Господь, стяжение, и о неправде.

37 И от сих возмутяся сердце мое и отторжеся от места своего. 2 Послушай слуха во гневе ярости Господни, и поучение изо уст Его изыдет. 3 Под всем небом началство его, и свет его на крилу земли. 4 Вслед его возопиет гласом, возгримит гласом величия Своего, и не изменит их, яко услышит глас Его. 5 Возгримит Крепкий гласом Своим дивная: сотвори бо велия, ихже не ведахом. 6 Повелеваяй снегу: буди на земли, и буря дождя, и буря дождевыя могутства Его. 7 В руце всякаго человека знаменает, да познает всяк человек свою немощь. 8 Внедоша же зверие под кров и умолкоша на ложи. 9 Из хранилищ внутренних находят болезни, и от внешних стран студень. 10 И от дыхания Крепка даст лед: управляет же воду, якоже хотет, 11 и избранное устрояет облак: разженет облак свет Его, 12 и Сам окрестная превратят, якоже хотет, в дела их: вся, елика заповесть им, сия чиноположена суть от Него на земли, 13 аще в наказание, аще на землю свою, аще на милость обрящет и. 14 Внуши сия, Иове: стани учайся силе Господни. 15 Вемы, яко Господь положи дела Своя, свет сотворив из тмы. 16 Весть же различие облаков и велия падения злых. 17 Твоя же одежда тепла, почивает же на земли от юга. 18 Утверждения с Ним в древности, крепка якоже видение слития. 19 Чесо ради, научи мя, что речем Ему? И престанем многа глаголюще. 20 Еда книга, или книгочия ми предстоит? Да стоящъ сотворю человеку молчати. 21 Не всем же видимъ свет: светлый есть в древностех, якоже еже от него на облатах. 22

От севера облацы златозарни: в сих велия слава и честь Вседержителея. 23 И не обретаем иного подобна крепости Его: иже судит праведно, мниши ли, яко не слышит Той? 24 Темже убоятся Его человецы: убоятся же Его и премудрии сердцем.

38 Преставшу же Елиусу от беседы, рече Господь

Иову сквозе бурю и облаки: 2 кто сей скрываяй от Мене совет, содержай же глаголы в сердцы, Мене же ли мнится утаити? 3 Препояши яко муж чресла твоя: вопрошу же тя, ты же Ми отвещай. 4 Где был еси, егда основах землю? Возвести ми, аще веси разум. 5 Кто положи меры ея, аще веси? Или кто наведый вервь на ню? 6 На чемже столпи ея утверждени суть? Кто же есть положивый камень краеугольный на ней? 7 Егда (створены) быша звезды, восхвалиша мя гласом велиим вси Ангели Мои. 8 Заградих же море врата, егда изливахся из чрева матере своея исходящее: 9 положих же ему облак во одеяние, мглою же пових е: 10 и положих ему пределы, обложив затворы и врата: 11 рех же ему: до сего дойдеши и не прейдеши, но в тебе сокрушаются волны твоя. 12 Или при тебе составих свет утренний, денница же весть чин свой, 13 ятися крил земли, отрясти нечестивыя от нея? 14 Или ты, брение взем, от земли создал еси животно, и глаголиваго сего посадил еси на земли? 15 Отял же ли еси от нечестивых свет, мышцу же гордых сокрушил ли еси? 16 Пришел же ли еси на источники моря, во следах же бездны ходил ли еси? 17 Отверзаются же ли тебе страхом врата смертная, вратницы же адовои видевше тя убоявшася ли? 18 Навыкли же ли еси широты поднебесныя? Повеждь убо ми, колика есть? 19 В коей же земли вселяется свет, тме же кое есть место? 20 Аще убо введеши мя в пределы их, аще же ли и веси стези их? 21 Вем убо, яко тогда рожден еси, число же лет твоих много. 22 Пришел же ли еси в сокровища снежная, и сокровища градная видел ли еси? 23 Подлежат же ли тебе в час врагов, в день браней и рати? 24 Откуду же исходит слана, или разсыпается юг на поднебесную? 25 Кто же уготова дождю велию пролияние, и путь молнии и грома, 26 одождити на землю, на нейже несть мужа, пустыню, идехе человека несть в ней, 27 насытити непроходиму и ненаселену, и прозябнути исход злака? 28 Кто есть дождю отец? Кто же есть родивый капли росныя? 29 Из чиего чрева исходит лед? Слану же на небеси кто родил, 30 яже нисходит яко вода текущая? Лице нечестива кто устраши? 31 Разумел же ли еси соуз Плиад, и ограждение Орионово отверзл

ли еси? 32 Или отверзеши знамения небесная во время свое? И вечернюю звезду за власы ея привлечеши ли? 33 Веси же ли пременения небесная, или бывающая вкупе под небесем? 34 Призовеши же ли облак гласом? И трепетом воды великия послушает ли тя? 35 Послеши же ли молнии, и пойдут? Рекут же ли ти: что есть? 36 Кто же дал есть женам ткания мудрость, или испещрения хитрость? 37 Кто же изчисляй облаки премудростию, небо же на землю преклонил, 38 разлияся же яко земля прах, спаях же е, аки каменем, на четыри углы? 39 Уловиши же ли львам ядь, и души змиев насытиши ли? 40 Убоявшись бо на ложах своих и седят в дебрех уловляюще. 41 Кто же врану уготова пишу? Птичиши бо его ко Господу возвзываша, облетающе брашна ищуще.

39 Аще уразумел еси время рождения коз живущих на горах каменных? Усмотрил же ли еси болезнь при рождении еленей? 2 Изчислил же ли еси месяцы их исполнены рождения их, болезни же их разрешил ли еси? 3 В скормил же ли еси детища их вне страха, болезни же их отслеши ли? 4 Извергнут чада своя, умножатся в порождении, изыдут и не возвратятся к ним. 5 Кто же есть пустивый осла дивияго свободна, узы же его кто разрешил? 6 Положих же жилище его пустыню и селения его сланость: 7 смеялся многу народу града, стужания же данническаго не слышай, 8 усмотрит на горах пажить себе и вслед всякаго злака ищет. 9 Похощет же ли ти единорог работати, или поспати при яслех твоих? 10 Привяжеши ли ремением иго его, и провлечет ти бразды на поли? 11 Надешился на нань, яко многа крепость его? Попустиши же ли ему дела твоя? 12 Повериши же ли, яко воздаст ти семя? Внесет же ли ти в гумно? 13 Крило веселящихся нееласса, аще зачнет асида и несса? 14 Яко оставит на земли яица своя, и на персти согреет, 15 и забы, яко нога разбииет, и зверие селни поперут: 16 ожесточися на чада своя, аки бы не ея, вотще трудися без страха, 17 яко сокры Бог ей премудрость и не удели ей в разуме: 18 во время же на высоту вознесет, посмеется коню и седящему на нем. 19 Или ты обложил еси коня силою, и облекл же ли еси выю его в страх? 20 Обложил же ли еси его всеюоружием, славу же персей его дерзостию? 21 Копытом копая на поли играет и исходит на поле с крепостию: 22 сретая стрелы посмеяется и не отвратится от железа: 23 над ним играет лук и мечь, 24 и гневом потребит землю и не имать веры яти, дондеже вострубит труба: 25 трубе же вострубившай глаголет, благоже: издалеча же обоняет рать, со скаканием и ржанием. 26 И твою ли хитростию

стоит ястреб, распростер криле недвижимъ, зря на юг? 27 Твоим же ли повелением возносится орел, неясть же на гнезде своем седя вселяется, 28 на версе камене и в сокровене? 29 Тамо же сый ищет брашна, издалеча очи его наблюдают, 30 птичищи же его валяются в крови: идже аще будут мертвчины, аbie обретаются.

40 И отвеща Господь Бог ко Иову и рече: 2 еда суд со Всесильным укланяется? Обличаяй же Бога отвещати имать Ему. 3 Отвещав же Иов, рече Господеви: 4 почто еще аз прюся, наказуемъ и обличаемъ от Господа, слышай таковая ничтоже сый? Аз же кий ответ дамъ к симъ? Руку положу на устех моихъ: 5 единою глаголахъ, вторицею же не приложу. 6 Паки же отвещав Господъ, рече ко Иову из облака: 7 ни, но препояши яко муж чресла твоя: вопрошу же тя, ты же Ми отвещай. 8 Не отвергай суда Моего: мниши ли Мя иначе тебе сотворша, разве да явишися правдив? 9 Еда мышца ти есть на Господа, или гласом на Него гремиши? 10 Приими же высоту и силу, в славу же и в честь облецыся: 11 пусти же Ангелы гневом и всякаго укорителя смири, 12 величава же угаси и согнай нечестивыя аbie: 13 скрый же в землю вне вкупе и лица ихъ безчестия исполни. 14 Исповемъ, яко может десница твоя спасти. 15 Но убо се, зверие у тебе, траву аки волове ядят: 16 се убо, крепость его на чреслехъ, сила же его на пупе чрева: 17 постави ошиб яко кипарис, жилы же его (яко уже) сплетены суть, 18 ребра его ребра медяна, хребет же его железо слияно. 19 Си есть начало создания Господня: сотворен поруган быти Ангелы Его: 20 возшед же на гору стреминную, сотвори радость четвероногим в тартаре: 21 под всяkim древом спит, при рогозе и тростии и ситовии: 22 осеняют же над ним древеса велика с леторасльми и ветви напольныя: 23 аще будет наводнение, не ощутит: уповать, яко внидет Иордан во уста его: 24 во око свое возмет его, ожесточився продиравит ноздри.

41 Извлечеши ли змиа удицею, или обложиши узду о ноздрех его? 2 Или вдожеши колце в ноздри его? Шилом же провертиши ли устне его? 3 Возглаголет же ли ти с молением, (или) с прошением кротко? 4 Створит же ли завет с тобою? Поймеши же ли его раба вечна? 5 Поиграши же ли с ним, яко же со птицею, или свяжеши его яко врабия детищу? 6 Питаются ли же имъ языцы, и разделяют ли его Финикийстии народи? 7 Вся же плавающая собравшеся не подимут кожи единыя ошиба его, и корабли рыбарей главы его. 8 Возложиши же ли нань руку, воспомянув брань бывающую на теле его? И

кому да не будет. 9 Не видел ли еси его, и глаголемым не удивился ли еси? Не убоялся ли еси, яко уготовася Ми? 10 Кто бо есть противляся Мне, или кто противостанет Ми и стерпит, 11 аще вся поднебесная Моя есть? 12 Не умолчу его ради и словом силы помилую равнаго ему. 13 Кто откроет лице облечения его, в сгобнение же персей его кто внидет? 14 Двери лица его кто отверзет? Окрест зубов его страх, 15 утроба его щиты медяны, союз же его яко же смирит камень, 16 един ко другому прилипают, дух же не пройдет его: 17 яко муж брату своему прилепится, содержатся и не отторгнутся. 18 В чхании его возблестает свет: очи же его видение денницы. 19 Из уст его исходят аки свещи горящыя, и размечутся аки искры огненные: 20 из ноздрей его исходит дым пещи горящия огнем углия: 21 душа же его яко углие, и яко пламы из яст его исходит. 22 На выи же его водворяется сила, пред ним течет пагуба. 23 Плоти же телесе его сольпнувшись: лиет нань, и не подвижится. 24 Сердце его ожесте аки камень, стоит же аки наковальня неподвижна. 25 Обращающя же ему, страх зверем четвероногим по земли скачущим. 26 Аще срящут его копия, ничтоже сотворят ему, копие вонзено и броня: 27 вменяет бо железо аки плевы, медь же аки древо гнило: 28 не уязвит его лук медян, мнит бо каменометную пращу аки сено: 29 аки стеблие вменившася ему млатове, ругаётся трусы огненосному. 30 Ложе его остни острии, всяко же злато морское под ним, яко же брение безчисленно. 31 Возжизает бездну, яко же пещь медяну: мнит же море яко мироварницу 32 и тартар бездны яко же пленика: вменил бездну в прохождение. 33 Ничтоже есть на земли подобно ему сотворено, поругано быти Ангелы Моими: 34 все высокое зрит: сам же царь всем сущым в водах.

42 Отвещав же Иов, рече ко Господу: 2 вем, яко вся можеши, невозможно же Тебе ничтоже. 3 Кто есть таяй от Тебе совет, щадяй же словеса и от Тебе мнится утаити? Кто же возвестит ми, ихже не ведех, велия и дивная, ихже не знах? 4 Послушай же мене, Господи, да и аз возглаголю: вопрошу же Тя, ты же мя научи: 5 слухом убо уха слышах Тя первее, ныне же око мое виде Тя: 6 темже укорих себе сам, и истаях, и мню себе землю и пепел. 7 Бысть же егда изглагола Господь вся глаголголы сия Иову, рече Господь ко Елифазу Феманитину: согрешил еси ты и оба друзья твои: не глаголасте бо предо Мною ничтоже истинно, яко же раб Мои Иов: 8 ныне же возмите седмъ телцев и седмъ овнов и идите ко рабу Моему Иову, и сотворит жертву о

vas: Иов же раб Мой помолится о вас, понеже точию
лице его приimu: аще бо не его ради, погубил бых убо
vas: не глаголасте бо истины на раба Моего Иова. 9
Отиде же Елифаз Феманитин и Валдад Савхейский
и Софар Минейский и сотвориша, якоже повеле им
Господь. И отпусти грехи им Иова ради. 10 Господь
же возрасти Иова: молящуся же ему и о друзьях своих,
отпусти им грехи их, и даде Господь сугубая, елика бяху
прежде Иову во усугубление. 11 Услышаша же вси братия
его и сестры его вся случившаяся ему, и придоша к
нему, и вси елицы знаху его первее: ядше же и пивше
у него, утешиша его и дивишася о всех, яже наведе
нань Бог: даде же ему кийждо агницу едину и четыре
драхмы злата назнаменована. 12 Господь же благослови
последняя Иовля, неже прежняя: бяху же скоти его, овец
четыренадесять тысяч, велблюдов шесть тысяч, супруг
волов тысяча, ослиц стадных тысяча. 13 Родишаjesя
ему сынове седмь и дщери три: 14 и нарече первую убо
День, вторую же Кассио, третию же Амалфеев Рог: 15 и
не обретошася подобны в лепоте дщерем Иовлевым в
поднебесней: даде же им отец наследие в братии их. 16
Поживе же Иов по язве лет сто седмьдесят, всех же лет
поживе двести четыредесять осмь. И виде Иов сыны
своя и сыны сынов своих, даже до четвертаго рода. 17 И
скончася Иов стар и исполнъ дний.

Псалтирь

1 Блажен муж, иже не иде на совет нечестивых, и на пути грешных не ста, и на седалищи губителей не седе: 2 но в законе Господни воля его, и в законе Его поучится день и нощь. 3 И будет яко древо насажденое при исходящих вод, еже плод свой даст во время свое, и лист его не отпадет: и вся, елика аще творит, успеет. 4 Не тако нечестивии, не тако: но яко прах, егоже возметает ветр от лица земли. 5 Сего ради не воскреснут нечестивии на суд, ниже грешницы в совет праведных. 6 Яко весть Господь путь праведных, и путь нечестивых погибнет.

2 Вскую шаташася языцы, и людие поучишася тщетным? 2 Предсташа царие земстии, и князи собирашася вкупе на Господа и на Христа Его. 3 Растрогнем узы их и отвержем от нас иго их. 4 Живый на небесех посмеется им, и Господь поругается им. 5 Тогда возглаголет к ним гневом Своим и яростю Свою смятет я: 6 Аз же поставлен есмь Царь от Него над Сионом, горою святою Его, 7 возвещаяй повеление Господне. Господь рече ко Мне: Сын Мой еси Ты, Аз днесъ родих Тя: 8 проси от Мене, и дам ти языки достояние Твое, и одержание Твое концы земли: 9 упасеши я жезлом железным, яко сосуды скудельничи сокрушиши я. 10 И ныне, царие, разумейте, накажитеся вси судящии земли. 11 Работайте Господеви со страхом, и радуйтесь Ему со трепетом. 12 Приимите наказание, да не когда прогневается Господь, и погибнете от пути праведнаго, егда возгорится вскоре ярость Его: блажени вси надеющиися Нань.

3 Псалом Давиду, внегда отбегаше от лица Авессалома сына своего. Господи, что ся умножиша стужающии ми? Мнози востают на мя, 2 мнози глаголют души моей: несть спасения ему в Бозе его. 3 Ты же, Господи, заступник мой еси, слава моя, и возносяй главу мою. 4 Гласом моим ко Господу воззвах, и услыша мя от горы святыя Своя. 5 Аз уснух, и спах, востах, яко Господь заступит мя. 6 Не убоюся от тем людий, окрест нападающих на мя. 7 Воскресени, Господи, спаси мя, Боже мой: яко Ты поразил еси вся враждующиа ми всуе, зубы грешников сокрушил еси. 8 Господне есть спасение, и на людех Твоих благословение Твое.

4 В конец, в песнех, Псалом Давиду. Внегда призвати ми, услыша мя Бог правды моей: в скорби распространил мя еси: ущедри мя и услыши молитву мою. 2 Сынове человечестии, доколе тяжкосердии? Вскую любите суету и

ищете лжи? 3 И уведите, яко удиви Господъ преподобнаго Своего. Господъ услышит мя, внегда возврати ми к Нему. 4 Гневайтесь, и не согрешайте, яже глаголете в сердцах ваших, на ложах ваших умилитесь: 5 пожрите жертву правды и уповайте на Господа. 6 Мнози глаголют: кто явит нам благая? Знаменася на нас свет лица Твоего, Господи. 7 Дал еси веселье в сердцы моем: от плода пшеницы, вина и елеа своего умножишася: 8 в мире вкупе усну и почю, яко Ты, Господи, единаго на упование вселил мя еси.

5 О наследствующем, Псалом Давиду. Глаголы моя внуши, Господи, разумей звание мое. 2 Вонми гласу моления моего, Царю мой и Боже мой: яко к Тебе помолюся, Господи. 3 Заутра услыши глас мой: заутра предстану Ти, и узриши мя: 4 яко Бог не хотят беззакония Ты еси: не приселится к Тебе лукавнуйя, 5 ниже пребудут беззаконницы пред очима Твоими: возненавидел еси вся делающия беззаконие, 6 погубиши вся глаголующая лжу: мужа кровей и льстива гнушаются Господь. 7 Аз же множеством милости Твоей вниду в дом Твой, поклоняся ко храму святому Твоему, в страсе Твоем. 8 Господи, настави мя правдою Твою, враг моих ради исправи пред Тобою путь мой. 9 Яко несть во устех их истины, сердце их суетно, гроб отверст гортань их, языки своими лъщаю. 10 Суди им, Боже, да отпадут от мыслей своих: по множеству нечестия их изрини я, яко преогорчиша Тя, Господи. 11 И да возвеселятся вси уповающии на Тя, во век возрадуются, и вселишися в них: и похвалятся о Тебе любящии имя Твое. 12 Яко Ты благословиши праведника, Господи, яко оружием благоволения венчал еси нас.

6 В конец, в песнех о осмем, псалом Давиду. Господи, да не яростю Твою обличиши мене, ниже гневом Твоим накажеши мене. 2 Помилуй мя, Господи, яко немощен есмь: изцели мя, Господи, яко смятота кости моя, 3 и душа моя смятется зело: и Ты, Господи, доколе? 4 Обратися, Господи, избави душу мою, спаси мя ради милости Твоей: 5 яко несть в смерти поминай Тебе, во аде же кто исповестся Тебе? (Sheol h7585) 6 Утрудихся вздоханием моим, измыв на всяку нощь ложе мое, слезами моими постелью мою омочу. 7 Смятота от ярости око мое, обеташ во всех вразех моих. 8 Отступите от мене, вси делающии беззаконие, яко услыша Господъ глас плача моего, 9 услыша Господъ моление мое, Господъ молитву мою прият. 10 Да постыдятся и смятутся вси врази мои, да возвратятся и устыдятся зело вскоре.

7 Псалом Давиду, егоже воспет Господеви о словесех Хусиевых, сына Иемениниа. Господи Боже мой, на Тя уповах, спаси мя от всех гонящих мя и избави мя: 2 да не когда похитит яко лев душу мою, не сущу избавляющу, ниже спасающу. 3 Господи Боже мой, аще сотворих сие, аще есть неправда в руку мою, 4 аще воздах воздающим ми зла, да отпаду убо от враг моих тощ: 5 да поженет убо враг душу мою, и да постигнет, и поперет в землю живот мой, и славу мою в перстъ вселит. 6 Воскресени, Господи, гневом Твоим, вознесися в концах враг Твоих, и востани, Господи Боже мой, повелением, имже заповедал еси, 7 и сонм людей обыдет Тя: и о том на высоту обратися. 8 Господь судит людем: суди ми, Господи, по правде моей и по незлобе моей на мя. 9 Да скончается злоба грешных, и исправиши праведного, испытай сердца и утробы, Боже, праведно. 10 Помощь моя от Бога, спасающего правыя сердцем. 11 Бог судитель праведен и крепок, и долготерпелив, и не гнев наводяй на всяк день. 12 Аще не обратитесь, оружие Свое очистит, лук Свой напряже, и уготова и, 13 и в нем уготова сосуды смертныя, стрелы Своя сгарамым содела. 14 Се, боле неправдою, зачат болезнь и роди беззаконие: 15 ров изры и ископа и, и падет в яму, юже содела. 16 Обратится болезнь его на главу его, и на верх его неправда его снидет. 17 Исповемся Господеви по правде Его и пою имени Господа Вышняго.

8 В конец, о точилех, Псалом Давиду. Господи Господь наш, яко чудно имя Твое по всей земли, яко взялся великолепие Твое превыше небес. 2 Из уст младенец и сущих совершил еси хвалу, враг Твоих ради, еже разрушити врага и местника. 3 Яко узрю небеса, дела перст Твоих, луну и звезды, яже Ты основал еси: 4 что есть человек, яко помниши его? Или сын человечь, яко посещаеш его? 5 Умалил еси его малым чим от Ангел, славою и честию венчал еси его: 6 и поставил еси его над делы руку Твою, вся покорил еси под нозе его: 7 овцы и волы вся, еще же и скоты польския, 8 птицы небесныя и рыбы морския, преходящяя стези морския. 9 Господи Господь наш, яко чудно имя Твое по всей земли.

9 В конец, о тайных сына, псалом Давиду. Исповемся Тебе, Господи, всем сердцем моим, повем вся чудеса Твоя. 2 Возвеселися и возврадуюся о Тебе, пою имени Твоему, Вышний. 3 Внегда возвратитися врагу моему вспять, изнемогут и погибнут от лица Твоего. 4 Яко сотворил еси суд мой и прю мою: сел еси на престоле, судяй правду. 5 Запретил еси языком, и погибе

нечестивый: имя его потребил еси в век и в век века. 6 Врагу оскудеша оружия в конец, и грады разрушил еси: погибе память его с шумом. 7 И Господь во век пребывает, уготова на суд престол Свой: 8 и Той судити имать вселенней в правду, судити имать людем в правоте. 9 И бысть Господь прибежище убогому, помощник во благовремениих, в скорбех. 10 И да уповают на Тя знающии имя Твое, яко не оставил еси взыскающих Тя, Господи. 11 Пойте Господеви, живущему в Сионе, возвестите во языцех начинания Его: 12 яко взыскай крови их помяну, не забы звания убогих. 13 Помилуй мя, Господи, виждь смирение мое от враг моих, возносяй мя от врат смертных: 14 яко да возвещу вся хвалы Твоя во вратах дщере Сиони: воздадуемся о спасении Твоем. 15 Углебоша языцы в пагубе, юже сотвориша: в сети сей, юже скрыша, увязе нога их. 16 Знаем есть Господь судьбы творяй: в делех руку своею увязе грешник. 17 Да возвратятся грешницы во ад, вси языцы забывающии Бога. (Sheol h7585) 18 Яко не до конца забвен будет нищий, терпение убогих не погибнет до конца. 19 Воскресени, Господи, да не крепится человек, да судятся языцы пред Тобою. 20 Постави, Господи, законоположителя над ними, да разумеют языцы, яко человецы суть.

10 Вскую, Господи, отстоя далече, презираеш во благовремениих, в скорбех? 2 Внегда гордитися нечестивому, возгараются нищий: увязают в советех, яже помышляют. 3 Яко хвалимъ есть грешный в похотех души своея, и обидяй благословимъ есть. 4 Раздражи Господа грешный: по множеству гнева своего не взыщет: несть Бога пред ним. 5 Оскверняются путие его на всяко время: отемлются судьбы Твоя от лица его: всеми враги своими обладает. 6 Рече бо в сердцы своем: не подвижуся от рода в род без зла: 7 егоже клятвы уста его полна суть, и горести и льсти: под языком его труд и болезнь. 8 Приседит в ловителстве с богатыми в тайных, еже убити неповиннаго: очи его на нищаго призираете. 9 Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и в сети своей. 10 Смирит его: преклонится и падет, внегда ему обладати убогими. 11 Рече бо в сердцы своем: забы Бог, отврати лице Свое, да не видит до конца. 12 Воскресени, Господи Боже мой, да вознесется рука Твоя, не забуди убогих Твоих до конца. 13 Чесо ради прогнева нечестивый Бога? Рече бо в сердцы своем: не взыщет. 14 Видиши, яко Ты болезнь и ярость смотряши, да предан будет в руце Твои: тебе оставлен есть нищий, сири Ты буди помощник. 15 Сокруши мышцу грешному и

лукавому: взыщется грех его и не обрящется. 16 Господь царь во век и в век века: погибнете, языцы, от земли Его. 17 Желание убогих услышал еси, Господи, уготованию сердца их внят ухо Твое. 18 Суди сири и смирену, да не приложит кому величатися человек на земли.

11 В конец, псалом Давиду. На Господа уповах, како речете души моей: превитай по горам, яко птица? 2 Яко се, грешницы налякоша лук, уготоваша стрелы в тule, состреляти во мраце правыя сердцем. 3 Зане яже ты совершил еси, они разрушиша: праведник же что сотвори? 4 Господь во храме свяtem Своем. Господь, на небеси престол Его: очи Его на нищаго призираете, вежди Его испытаете сыны человеческия. 5 Господь испытает праведнаго и нечестиваго: любяй же неправду ненавидит свою душу. 6 Одождит на грешники сети: огнь и жупел, и дух бурен часть чаши их. 7 Яко праведен Господь и правды возлюби: правоты виде лице Его.

12 В конец, о осмей, псалом Давиду. Спси мя, Господи, яко оскуде преподобный: яко умалишася истины от сынов человеческих. 2 Суетная глагола кийждо ко искреннему своему: устне льстивыя в сердцы, и в сердцы глаголаша злая. 3 Потребит Господь вся устны льстивыя, язык велеречивый, 4 рекшыя: язык наш возвеличим, устны наша при нас суть: кто нам господь есть? 5 Страсти ради нищих и воздыхания убогих ныне воскресну, глаголет Господь: положуся во спасение, не обинюся о нем. 6 Словеса Господня слова чиста, сребро разжено, искушено земли, очищено седмерицею. 7 Ты, Господи, сохраниши ны и соблюдеши ны от рода сего и во век. 8 Окрест нечестивии ходят: по высоте твоей умножил еси сыны человеческия.

13 В конец, псалом Давиду. 2 Доколе, Господи, забудеши мя до конца? Доколе отвращаеши лице Твое от мене? 3 Доколе положу советы в души моей, болезни в сердцы моем день и нощ? Доколе вознесется враг мой на мя? 4 Призри, услыши мя, Господи Боже мой: просвети очи мои, да не когда усну в смерть: 5 да не когда речет враг мой: укрепихся на него. 6 Стужающи ми возрадуются, аще подвижуся. Аз же на милость Твою уповах: возрадуется сердце мое о спасении Твоем: воспою Господеви благодевашему мне и пою имени Господа Вышняго.

14 Рече безумен в сердцы своем: несть Бог. Растиша и омерзишася в начинаниих: несть творяй благостыню. 2 Господь с небесе приниче на сыны

человеческия, видети, аще есть разумеваяй, или взыскай Бога. 3 Вси уклонишася, вкупе неключими быша: несть творяй благостыню, несть до единаго. 4 Ни ли уразумеют вси делающи беззаконие, снедающии люди моя в снедь хлеба? Господа не призываша. 5 Тамо убояшася страха, идже не бе страх: яко Господь в роде праведных. 6 Совет нищаго посрамисте: Господь же упование его есть. 7 Кто даст от Сиона спасение Израилю? Внегда возвратит Господь пленение людий Своих, возврадуется Иаков, и возвеселится Израиль.

15 Господи, кто обитает в жилищи Твоем? Или кто вселится во святую гору Твою? 2 Ходай непорочен и делаяй правду, глаголай истину в сердцы своем: 3 иже не ульсти языком своим и не сотвори искреннему своему зла, и поношения не прият на ближния своя: 4 уничжен есть пред ним лукавнуй, боящяжеся Господа славит: кленыйся искреннему своему и не отметаяся: 5 сребра своего не даде в лихву и мзды на неповинных не прият. Творяй сия не подвижится во век.

16 Сохрани мя, Господи, яко на Тя уповах. 2 Реч Господеви: Господь мой еси Ты, яко благих моих не требуши. 3 Святым, иже суть на земли его, удиви Господь вся хотения Своя в них. 4 Умножиша немощи их, по сих ускориша: не соберу соборы их от кровей, ни помяну же имен их устнами моими. 5 Господь часть достояния моего и чаши моя: Ты еси устрояй достояние мое мне. 6 Ужя нападоша ми в державных моих: ибо достояние мое державно есть мне. 7 Благословлю Господа вразумившаго мя: еще же и до нощи наказаша мя утробы мои. 8 Предзрех Господа предо мною выну, яко одесную мене есть, да не подвижуся. 9 Сего ради возвеселися сердце мое, и возврадовася язык мой: еще же и плоть моя вселится на упновании. 10 Яко не оставилши душу мою во аде, ниже даси преподобному Твоему видети истилния. (Sheol h7585) 11 Сказал ми еси пути живота: исполниши мя веселия с лицем Твоим: красота в деснице Твоей в конец.

17 Молитва Давиду. Услыши, Господи, правду мою, вонми молению моему, внуши молитву мою не во устнах льстивых. 2 От лица Твоего судба моя изыдет: очи мои да видита правоты. 3 Искусил еси сердце мое, посетил еси нощию: искусил мя еси, и не обретеся во мне неправда. 4 Яко да не возглаголют уста моя дел человеческих, за словеса устен Твоих аз сохраних пути жестоки. 5 Соверши стопы моя во стезях Твоих, да не

подвижутся стопы моя. 6 Аз воззвах, яко услышал мя еси, Боже: приклони ухо Твое мне и услыши глаголы мои. 7 Удиви милости Твоя, спасая уповающыя на Тя от противящихся деснице Твоей: 8 сохрани мя, Господи, яко зеницу ока: в крове крилу Твою покрыши мя 9 от лица нечестивых острастших мя: врази мои душу мою одержаша 10 тук свой затвориша, уста их глаголаша гордыню. 11 Изгоняющ мя ныне обыдоша мя, очи свои возложиша уклонити на землю. 12 Объяша мя яко лев готов на лов и яко скимен обитаяй в тайных. 13 Воскресени, Господи, предвари я и запни им: избави душу мою от нечестиваго, оружие Твое 14 от враг руки Твои, Господи, от малых от земли: раздели я в животе их, и сокровенных Твоих исполнися чрево их: насытишася сынов, и оставилаша останки младенцем своим. 15 Аз же правою явлюся лицу Твоему, насыщуся, внегда явитимся славе Твоей.

18 В конец, отроку Господню Давиду, яже глагола

Господеви слова песни сея, в день, в онъже избави его Господь от руки всех враг его и из руки Саули: и рече: возлюблю Тя, Господи, крепости мои: 2 Господь утверждение мое, и прибежище мое, и Избавитель мой, Бог мой, Помощник мой, и уповаю на Него: Зашититель мой, и рог спасения моего, и Заступник мой. 3 Хвала призову Господа и от враг моих спасуся. 4 Одержаша мя болезни смертныя, и потоцы беззакония смятоша мя: 5 болезни адовои обыдоша мя, предвариша мя сети смертныя. (Sheol h7585) 6 И внегда скорбети ми, призвах Господа и к Богу моему воззвах: услыша от храма святаго Своего глас мой, и вопль мой пред Ним внидет во уши Его. 7 И подвижеся и трепетна бысть земля, и основания гор смятошася и подвигошася, яко прогневася на ня Бог. 8 Взыде дым гневом Его, и огнь от лица Его воспламенится: углие возгореся от Него. 9 И приклони небеса и снide, и мрак под ногама Его. 10 И взыде на Херувимы и лете, лете на крилу ветреню. 11 И положи тму закров Свой: окрест Его селение Его: темна вода во облацах воздушных. 12 От облистания пред Ним облаки проиодаша, град и углие огненное. 13 И возгрече с небес Господь, и Вышний даде глас Свой. 14 Низпосла стрелы и разгна я, и молнии умножи и смяте я. 15 И явилася источницы водни, и открышася основания вселенныя от запрещения Твоего, Господи, от дохновения духа гнева Твоего. 16 Низпосла с высоты и прият мя, восприят мя от вод многих. 17 Избавит мя от врагов моих сильных и от ненавидящих мя: яко

утвердиша паче мене. 18 Предвариша мя в день озлобления моего: и бысть Господь утверждение мое. 19 И изведе мя на широту: избавит мя, яко восхоте мя. 20 И воздаст ми Господь по правде моей, и по чистоте руку мою воздаст ми, 21 яко сохраних пути Господни и не нечествовах от Бога моего. 22 Яко вся судьбы Его предо мною, и оправдания Его не отступиша от мене. 23 И буду непорочен с Ним и сохранюся от беззакония моего. 24 И воздаст ми Господь по правде моей и по чистоте руку мою пред очима Его. 25 С преподобным преподобн будеши, и с мужем неповинным неповинен будеши, 26 и со избранным избран будеши, и со строптивым развратишися. 27 Яко Ты люди смиренныя спасеши и очи гордых смириши. 28 Яко Ты просветиши светилник мой, Господи: Боже мой, просветиши тму мою. 29 Яко Тобою избавлюся от искушения, и Богом моим прейду стену. 30 Бог мой, непорочен путь Его: словеса Господня разжена. Зашититель есть всех уповающих на Него. 31 Яко кто Бог, разве Господа? Или кто Бог, разве Бога нашего? 32 Бог препоясая мя силою, и положи непорочен путь мой: 33 совершая нозе мои яко елени, и на высоких поставляй мя: 34 научая руце мои на брань, и положил еси лук медян мышца мя: 35 и дал ми еси защищение спасения, и десница Твоя восприят мя: и наказание Твое исправит мя в конец, и наказание Твое то мя научит. 36 Уширил еси стопы мои подо мною, и не изнемогосте плесне мои. 37 Пожену враги мои, и постигну я, и не возвращуся, дондеже скончаются: 38 оскорблю их, и не возмогут стати, падут под ногама моими. 39 И препоясал мя еси силою на брань, спля еси вся востающыя на мя под мя. 40 И врагов моих дал ми еси хребет и ненавидяща мя потребил еси. 41 Возвваша, и не бе спасай: ко Господу, и не услыша их. 42 И истину я яко прах пред лицем ветра, яко брение путий погляжу я. 43 Избавиши мя от пререкания людей: поставиши мя во главу языков: людие, ихже не ведех, работаша ми, 44 в слух уха послушаша мя. Сынове чуждии соглаша ми, 45 сынове чуждии обеташа и охромоша от стезь своих. 46 Жив Господь, и благословен Бог, и да вознесется Бог спасения моего, 47 Бог дай отмщение мне и покоривый люди под мя, 48 избавитель мой от враг моих гневливых: от востающих на мя вознесши мя, от мужа неправедна избавиши мя. 49 Сего ради исповемся Тебе во языцах, Господи, и имени Твоему пою: 50 величаяй спасения царева и творяй милость христу Своему Давиду и семени его до века.

19 В конец, псалом Давиду. Небеса поведают славу Божию, творение же руку Его возвещает твердь. 2 День дни отыгает глагол, и нощь нощи возвещает разум. 3 Не суть речи, ниже словеса, иже не слышатся гласи их. 4 Во всю землю изыде вещание их, и в концы вселенные глаголы их: в солнце положи селение свое: 5 и той яко жених исходя от чертога своего, возрадуется яко исполнин тещи путь. 6 От края небесе исход его, и сретение его до края небесе: и несть, иже укрыться теплоты его. 7 Закон Господень непорочен, обращая души: свидетельство Господне верно, умудряющее младенцы. 8 Оправдания Господня права, веселящая сердце: заповедь Господня светла, просвещивающая очи. 9 Страх Господень чист, пребывая в век века: судьбы Господни истинны, оправданы вкупе, 10 вожделенны паче злата и камене честна многа, и слаждша паче меда и сата. 11 Ибо раб Твой хранит я: всегда сохранит я, воздаяние много. 12 Грехопадения кто разумеет? От тайных моих очести мя, 13 и от чуждих пощади раба Твоего: аще не обладают мною, тогда непорочен буду, и очищуся от греха велика. 14 И будут во благоволение словеса уст моих, и поучение сердца моего пред Тобою выну, Господи, помощниче мой и Избавителю мой.

20 В конец, псалом Давиду. Услышит тя Господь в день печали, защитит тя имя Бога Иаковля. 2 Послет ти помощь от Святаго, и от Сиона заступит тя. 3 Помянет всяку жертву твою, и всесожжение твое тучно буди. 4 Даст ти Господь по сердцу твоему, и весь совет твой исполнит. 5 Возрадуемся о спасении твоем, и во имя Господа Бога нашего возвеличимся: исполнит Господь вся прошения твоя. 6 Ныне познах, яко спасе Господь Христа Своего: услышит его с небесе святаго Своего: в силах спасение десницы его. 7 Сии на колесницах, и сии на конех: мы же во имя Господа Бога нашего призовем. 8 Тии спяти быша и падоша: мы же востахом и исправихомся. 9 Господи, спаси царя, и услыши ны, в онъже аще день призовем Тя.

21 Псалом Давиду. Господи, силою Твою возвеселился царь, и о спасении Твоем возрадуется зело. 2 Желание сердца его дал еси ему, и хотения устну его неси лишил его. 3 Яко предварил еси его благословением благостынным, положил еси на главе его венец от камене честна. 4 Живота просил есть у Тебе, и дал еси ему долготу дний во век века. 5 Велия слава его спасением Твоим: славу и велелепие возложиши на него. 6 Яко даси ему благословение во век века: возвеселиши его

радостию с лицем Твоим. 7 Яко царь уповаает на Господа, и милостию Вышняго не подвижится. 8 Да обрящется рука Твоя всем врагом Твоим, десница Твоя да обрящет вся ненавидящая Тебе. 9 Яко положиши их яко пещь огненную во время лица Твоего: Господь гневом Своим смят я, и снесь их огнь. 10 Плод их от земли погубиши, и семя их от сынов человеческих. 11 Яко уклониша на Тя злая, помыслиша советы, иже не возмогут составити. 12 Яко положиши я хребет: во избытцах Твоих уготовиши лице их. 13 Вознесися, Господи, силою Твою: воспоеи и поем силы Твоя.

22 В конец, о заступлении утреннем, псалом Давиду. Боже, Боже мой, вонми ми, вскую оставил мя еси? Далече от спасения моего слова грехопадений моих. 2 Боже мой, возвозу во дни, и не услышиши, и в нощи, и не в безумие мне. 3 Ты же во Святем живеши, хвало Израиleva. 4 На Тя уповаша отцы наши: уповаша, и избавил еси я: 5 к Тебе возваша, и спасошася: на Тя уповаша, и не постыдешася. 6 Аз же есмь червь, а не человек, поношение человеков и уничижение людей. 7 Вси видящии мя поругашася, глаголаша устнами, покиавша главою: 8 упова на Господа, да избавит его, да спасет его, яко хощет его. 9 Яко Ты еси исторгий мя из чрева, упование мое от сосы матере моей. 10 К Тебе привержен есмь от ложесн, от чрева матере моей Бог мой еси Ты. 11 Да не отступиши от мене, яко скорбь близ, яко несть помогай мя. 12 Обыдоша мя телцы мнози, юнцы тучни одержаша мя: 13 отверзоша на мя уста своя, яко лев восхищаяй и рыкаю. 14 Яко вода излияхся, и разсыпашася вся кости мя: бысть сердце мое яко воск таяй посреде чрева моего. 15 Изсие яко скудель крепость мя, и язык мой прильпе гортани моему, и в персть смерти свел мя еси. 16 Яко обыдоша мя пси мнози, сонм лукавых одержаша мя: ископаша руце мои и нозе мои. 17 Изчелоша вся кости мя: тии же смотрши и презреща мя. 18 Разделиша ризы мя ся себе, и о одежди моей меташа жребий. 19 Ты же, Господи, не удали помошь твою от мене: на заступление мое вонми. 20 Избави от оружия душу мою, и из руки песии единородную мою. 21 Спаси мя от уст львовых, и от рог единорожь смирение мое. 22 Повем имя Твое братии моей, посреде церкве востою Тя. 23 Боящися Господа, восхвалите Его, все семя Иаковле, прославите Его, да убоится же от Него все семя Израиleva: 24 яко не уничижи, ниже негодова молитвы нищаго, ниже отврати лице Свое от мене, и егда воззвах к Нему, услыша мя. 25 От Тебе похвала моя,

в церкви велицей исповемся Тебе: молитвы моя воздам пред боящимися Его. 26 Ядят убозии, и насытятся, и восхвалят Господа взыскающий Его: жива будут сердца их в век века. 27 Помянутся и обратятся ко Господу вси концы земли, и поклонятся пред Ним вся отечествия язык: 28 яко Господне есть царствие, и Той обладает языки. 29 Ядоша и поклонишаася вси тучни земли: пред Ним припадут вси низходящии в землю: и душа моя тому живет. 30 И семя мое поработает Ему: возвестит Господеви род грядущий: 31 и возвестят правду Его людем рождшимся, яже сотвори Господь.

23 Господь пасет мя, и ничтоже мя лишит. 2 На месте злачне, тамо всели мя, на воде покойне воспита мя. 3 Душу мою обрати, настави мя на стези правды, имене ради Своего. 4 Аще бо и пойду посреде сени смертныя, не убоюся зла, яко Ты со мною еси: жезл Твой и палица Твоя, та мя утешиста. 5 Уготовал еси предо мною трапезу сопротив стужающимъ мнене: умастил еси елеом главу мою, и чаша твоя упоявающи мя, яко державна. 6 И милость Твоя поженет мя вся дни живота моего, и еже вселитимся в дом Господень в долготу дний.

24 Господня земля, и исполнение ея, вселенная и вси живущии на ней. 2 Той на морях основал ю есть и на реках уготовал ю есть. 3 Кто взыдет на гору Господню? Или кто станет на месте святем Его? 4 Неповинен рукама и чист сердцем, иже не прият всуе душу свою и не клятся лестию искреннему своему: 5 сей примет благословение от Господа и милостыню от Бога Спаса своего. 6 Сей род ищущих Господа, ищущих лицо Бога Иаковля. 7 Возмите врата князи ваша, и возмитеся врата вечная: и внидет Царь славы. 8 Кто есть сей Царь славы? Господь крепок и силен, Господь силен в брани. 9 Возмите врата князи ваша, и возмитеся врата вечная: и внидет Царь славы. 10 Кто есть сей Царь славы? Господь сил, Той есть царь славы.

25 К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеються врази мои: 2 ибо вси терпящии Тя не постыдятся. 3 Да постыдятся беззаконнующии вотще. 4 Пути Твоя, Господи, скажи ми и стезям Твоим научи мя. 5 Настави мя на истину Твою и научи мя: яко Ты еси Бог спас мой, и Тебе терпех весь день. 6 Помяни щедроты Твоя, Господи, и милости Твоя, яко от века суть. 7 Грех юности моей и неведения моего не помяни: по милости Твоей помяни мя Ты, ради благости Твоей, Господи. 8 Благ и прав Господь, сего ради законоположит

согрешающим на пути. 9 Наставит кроткия на суд, научит кроткия путем Своим. 10 Вси путь Господни милость и истина, взыскающим завета Его и свидения Его. 11 Ради имени Твоего, Господи, и очести грех мой, мног бо есть. 12 Кто есть человек боящийся Господа? Законоположит ему на пути, егоже изволи. 13 Душа его во благих водворится, и семя его наследит землю. 14 Держава Господь боящихся Его, и завет Его явит им. 15 Очи мои выну ко Господу, яко Той исторгнет от сети нозе мои. 16 Призри на мя и помилуй мя, яко единород и нищ есмь аз. 17 Скорби сердца моего умножишаася, от нужд моих изведи мя. 18 Виждь смирение мое и труд мой, и остави вся грехи мои. 19 Виждь враги мои, яко умножишаася, и ненавидением неправедным возненавидела мя. 20 Сохрани душу мою и избави мя, да не постыжуся, яко уповах на Тя. 21 Незлобивии и правии прилепляхуся мне, яко потерпех Тя, Господи. 22 Избави, Боже, Израиля от всех скорбей его.

26 Суди мя, Господи, яко аз незлобию мою ходих: и на Господа уповая не изнемогу. 2 Искуси мя, Господи, и испытай мя, разожжи утробы мои и сердце мое. 3 Яко милость Твоя пред очима моими есть, и благоугодих во истине Твоей. 4 Не седох с сонмом суетным, и со законопреступными не вниду. 5 Возненавиده церковь лукавиющих, и с нечестивыми не сяду. 6 Умыю в неповинных руце мои, и обыду жертвеннник Твой, Господи, 7 еже услышати ми глас хвалы Твоего и поведати вся чудеса Твоя. 8 Господи, возлюбих благолепие дому Твоего и место селения славы Твоей. 9 Да не погубиши с нечестивыми душу мою и с мужи кровей живот мой, 10 ихже в руку беззакония, десница их исполнися мзды. 11 Аз же незлобию мою ходих: избави мя, Господи, и помилуй мя. 12 Нога моя ста на правоте: в церквях благословлю Тя, Господи.

27 Господь просвещение мое и спаситель мой, кого убоюся? Господь защититель живота моего, от кого устрашуся? 2 Внегда приближатися на мя злобующим, еже снести плоти моя, оскорбляющии мя и врази мои, тии изнемогша и падоша. 3 Аще ополчится на мя полк, не убоится сердце мое: аще востанет на мя брань, на него аз уповаю. 4 Едино просих от Господа, то взышу: еже жити ми в дому Господни вся дни живота моего, зretи ми красоту Господню и посещати храм Святый Его. 5 Яко скры мя в селении Своем в день зол моих, покры мя в тайне селения Своего, на камень вознес мя. 6 И ныне се, вознес главу мою на враги мои: обыдох и

пожрех в селении Его жертву хваления и воскликновения: пою и воспою Господеви. 7 Услыши, Господи, глас мой, имже возвзах, помилуй мя и услыши мя. 8 Тебе рече сердце мое: Господа взыщу, взыска Тебе лицо мое, лица Твоего, Господи, взыщу. 9 Не отврати лица Твоего от мене и не уклонися гневом от раба Твоего: помощник мой буди, не отрини мене и не остави мене, Боже, Спасителю мой. 10 Яко отец мой и мати моя остависта мя, Господь же восприят мя. 11 Законоположи ми, Господи, в пути Твоем, и настави мя на стезю правую враг моих ради. 12 Не предаждь мене в души стужающих ми: яко восташа на мя свидете неправедни, и согла неправда себе. 13 Верую видети благая Господня на земли живых. 14 Потерпи Господа, мужайся, и да крепится сердце твое, и потерпи Господа.

28 К Тебе, Господи, возвозу, Боже мой: да не премолчиши от мене: да не когда премолчиши от мене, и уподоблюся низходящим в ров. 2 Услыши, Господи, глас моления моего, внегда молитимся к Тебе, внегда воздети ми руце мои ко храму святому Твоему. 3 Не привлеки мене со грешники, и с делающими неправду не погуби мене, глаголющими мир с ближними своими, злая же в сердцах своих. 4 Даждь им, Господи, по делом их и по лукавству начинаний их, по делом руку их даждь им, воздаждь воздаяние их им. 5 Яко не разумеша в дела Господня и в дела руку Его: разориши я и не созиждеши я. 6 Благословен Господь, яко услыша глас моления моего. 7 Господь помощник мой и защититель мой: на Него упова сердце мое, и поможе ми, и процвете плоть моя: и волею мою исповемся Ему. 8 Господь утверждение людей Своих и защититель спасений Христа Своего есть. 9 Спаси люди Твоя, и благослови достояние Твое, и упаси я, и возми я до века.

29 Принесите Господеви, сынове Божии, принесите Господеви сыны овни, принесите Господеви славу и честь: 2 принесите Господеви славу имени Его: поклонитесься Господеви во дворе святем Его. 3 Глас Господень на водах, Бог славы возгреме, Господь на водах многих. 4 Глас Господень в крепости, глас Господень в великолепии. 5 Глас Господа, сокрушающего кедры: и стрынет Господь кедры Ливанских, 6 и истнит я яко телца Ливанска: и возлюбленный яко сын единорожь. 7 Глас Господа, пресецающего пламень огня. 8 Глас Господа, стрысающего пустыню: и стрясет Господь пустыню Каддийскую. 9 Глас Господень, свершающий елени, и откроет дубравы: и в храме Его всякий глаголет

славу. 10 Господь потоп насылает, и сидет Господь царь в век. 11 Господь крепость людем Своим даст, Господь благословит люди Своя миром.

30 Псалом песни обновления дому Давидова. Вознесу

Тя, Господи, яко подял мя еси, и не возвеселил еси врагов моих о мне. 2 Господи Боже мой, возвзах к Тебе, и изцелил мя еси. 3 Господи, возвел еси от ада душу мою, спасл мя еси от низходящих в ров. (Sheol h7585) 4 Пойте Господеви, преподобнii Его, и исповедайте память святыни Его: 5 яко гнев в ярости Его, и живот в воли Его: вечер водворится плачь, и заутра радость. 6 Аз же рех во обилии моем: не подвижуся во век. 7 Господи, волею Твою подаждь доброте моей силу: отвратил же еси лицо Твое, и бых смущен. 8 К Тебе, Господи, возвозу, и к Богу моему помолюся. 9 Кая польза в крови моей, внегда сходити ми во истление? Еда исповестся Тебе перстъ? Или возвестит истину Твою? 10 Слыша Господь и помилова мя: Господь бысть помощник мой. 11 Обратил еси плачь мой в радость мне, растерзал еси вретище мое и препоясал мя еси веселием, 12 яко да воспоешь Тебе слава моя, и не умилюся. Господи Боже мой, во век исповемся Тебе.

31 В конец, псалом Давиду, изступления. На Тя,

Господи, уповах, да не постыжуся во век: правдою Твою избави мя и изми мя. 2 Приклони ко мне ухо Твое, ускори изъти мя: буди ми в Бога защитителя и в дом прибежища, еже спасти мя. 3 Яко держава моя и прибежище мое еси Ты: и имене Твоего ради наставиши мя и препитаешь мя. 4 Изведеши мя от сети сея, юже скрыша мя: яко Ты еси защититель мой, Господи. 5 В руце Твои предложу дух мой: избавил мя еси, Господи Боже истины. 6 Возненавидел еси хранящая суеты вотще: аз же на Господа уповах. 7 Возрадуюся и возвеслюся о милости Твоей, яко призрел еси на смирене мое, спасл еси от нужд душу мою 8 и неси мене затворил в руках вражиих, поставил еси на пространне нозе мои. 9 Помилуй мя, Господи, яко скорблю: смятесь яростию око мое, душа моя и утроба моя. 10 Яко изчезе в болезни живот мой, и лета моя в воздыханиях: изнеможе нищетою крепость моя, и кости моя смятошася. 11 От всех враг моих бых поношени, и соседом моим зело, и страх знаемым моим: видящий мя вон бежаша от мене. 12 Забвен бых яко мертв от сердца: бых яко сосуд погублен. 13 Яко слыхаш гаждение многих живущих окрест: внегда собратися им вкупе на мя, прияти душу мою совещаша. 14 Аз же на Тя, Господи, уповах, рех: Ты еси Бог мой. 15 В

руку Твою жребии мои: избави мя из руки враг моих и от гонящих мя. 16 Просвети лицо Твое на раба Твоего: спаси мя милостию Твою. 17 Господи, да не постыжуся, яко призвах Тя: да постыдятся нечестивии, и снидут во ад. (Sheol h7585) 18 Немы да будут устыны льстивыя, глаголующая на праведного беззаконие, гордынею и уничижением. 19 Коль многое множество благости Твоей, Господи, юже скрыл еси боящимся Тебе, соделал еси уповающим на Тя, пред сыны человеческими: 20 скрыши их в тайне лица Твоего от мятеха человеческа, покрыши их в крове от пререкания языка. 21 Благословен Господь, яко удиви милость Свою во граде ограждения. 22 Аз же рече во изступлении моем: отвержен есмь от лица очиу Твою: сего ради услышал еси глас молитвы моей, всегда возвзвах к Тебе. 23 Возлюбите Господа, вси преподобни Его: яко истины взыскает Господь и воздает излише творящим гордыню. 24 Мужайтесь, и да крепится сердце ваше, вси уповающие на Господа.

32 Блажени, ихже оставишаася беззакония, и ихже прикрышаася грехи. 2 Блажен муж, ему же не вменит Господь греха, ниже есть во устех его лесть. 3 Яко умолчах, обеташа кости моя, от еже звати ми весь день, 4 яко день и нощь отяготе на мне рука Твоя: возвратихся на страсть, егда унзе ми терн. 5 Беззаконие мое познах и греха моего не покрых, рече: исповем на мя беззаконие мое Господеви: и Ты оставил еси нечестие сердца моего. 6 За то помолится к Тебе всяк преподобный во время благопотребно: обаче в потопе вод многих к нему не приближатся. 7 Ты еси прибежище мое от скорби обдержаша мя: радосте моя, избави мя от обышедших мя. 8 Вразумлю тя, и наставлю тя на путь сей, в онъже пойдеш: утвержу на тя очи Мои. 9 Не будите яко конь и меск, имже несть разума: броздами и уздою челюсти их востягнеши, не приближающиися к тебе. 10 Многи раны грешному: уповающаго же на Господа милость обыдет. 11 Веселитеся о Господе и радуйтесь праведни, и хвалитеся, вси правии сердцем.

33 Радуйтесь, праведни, о Господе: правым подобает похвала. 2 Исповедайтесь Господеви в гуслех, во псалтири десятоструннем пойте Ему: 3 воспойте Ему песнь нову, добрее пойте Ему со восклицием: 4 яко право слово Господне, и вся дела Его в вере. 5 Любят милостыню и суд Господь, милости Господни исполны земля. 6 Словом Господним небеса утвердишаася, и духом уст Его вся сила их: 7 собирая яко мех воды морския, полагай в сокровищах бездны. 8 Да убоится

Господа вся земля, от Него же да подвижутся вси живущи по вселенне: 9 яко Той рече, и быша: Той повеле, и создашася. 10 Господь разоряет советы языков, отмечает же мысли людей и отмечает советы князей. 11 Совет же Господень во век пребывает, помышления сердца Его в род и род. 12 Блажен язык, ему же есть Господь Бог Его, людие, яже избра в наследие Себе. 13 С небесе призре Господь, виде вся сыны человеческия: 14 от готоваго жилища Своего призре на вся живущыя на земли: 15 создавый на едине сердца их, разумевай на вся дела их. 16 Не спасается царь многою силою, и исполин не спасется множеством крепости своея. 17 Ложь конь во спасение, во множестве же силы своея не спасется. 18 Се, очи Господни на боящаяся Его, уповающия на милость Его: 19 избавити от смерти души их, и препитати я в глад. 20 Душа же наша чает Господа, яко помощник и защититель наш есть: 21 яко о Нем возвеселится сердце наше, и во имя святое Его уповахом. 22 Буди, Господи, милость Твоя на нас, якоже уповахом на Тя.

34 Псалом Давиду, всегда измени лице свое пред Авимелехом: и отпусти его, и отиде. Благословлю Господа на всякое время, выну хвала Его во устех моих. 2 О Господе похвалится душа моя: да услышат кротцы и возвеселятся. 3 Возвеличите Господа со мною, и вознесем имя Его вкупе. 4 Взысках Господа, и услыша мя и от всех скорбей моих избави мя. 5 Приступите к Нему и просветитеся, и лица ваша не постыдятся. 6 Сей нищий возвзва, и Господь услыша и, и от всех скорбей его спасе и. 7 Ополчится Ангел Господень окрест боящихся Его и избавит их. 8 Вкусите и видите, яко благ Господь: блажен муж, иже уповаает Нань. 9 Бойтесь Господа, вси святии Его, яко несть лишения боящимся Его. 10 Богатии обищаща и взялкаша: взыскающии же Господа не лишатся всякаго блага. 11 Приидите, чада, послушайте мене, страху Господню научу вас. 12 Кто есть человек хотяй живот, любай дни видети благи? 13 Удержи язык твой от зла и устне твои, еже не глаголати льсти. 14 Уклонися от зла и сотвори благо: взыщи мира и пожени и. 15 Очи Господни на праведныя, и уши Его в молитву их. 16 Лице же Господне на творящия злая, еже потребити от земли память их. 17 Возвзваши праведни, и Господь услыша их и от всех скорбей их избави их. 18 Близ Господь сокрушенных сердцем, и смиренныя духом спасет. 19 Многи скорби праведным, и от всех их избавит я Господь. 20 Хранит Господь вся кости их, ни едини от них сокрушится. 21 Смерть грешников лютя, и

ненавидящии праведного прегрешат. 22 Избавит Господь души раб Своих, и не прегрешат все уповающие на Него.

35 Суди, Господи, обидящая мя, побори борющия

мя. 2 Приими оружие и щит и востани в помощь мою: 3 изсуни мечь и заключи сопротив гонящих мя: рцы души моей: спасение твое есть Аз. 4 Да постыдятся и посрамятся ищащи душу мою, да возвратятся вспять и постыдятся мыслящии ми злая. 5 Да будут яко праки пред лицем ветра, и Ангел Господень оскорбляя их: 6 да будет путь их тма и ползок, и Ангел Господень погоняя их: 7 яко туне скрыша ми пагубу сети своея, всуе поносиша души моей. 8 Да приидет ему сеть, юже не весть, и ловитва, юже скры, да обымет и, и в сеть да впадет в ню. 9 Душа же моя возрадуется о Господе, возвеселится о спасении Его. 10 Вся кости моя рекут: Господи, Господи, кто подобен Тебе? Избавляй нища из руки крепльших его, и нища, и убога от расхищающих его. 11 Воставше на мя свидете неправедни, яже не ведя, вопрошау мя. 12 Воздаша ми лукавая воз благая, и безчадие души моей. 13 Аз же, внегда они стужаху ми, облачахся во вретище и смирях постом душу мою, и молитва моя в недро мое возвратится. 14 Яко ближнему, яко брату нашему, тако угождах: яко плача и сетя, тако смиряхся. 15 И на мя возвеселишася и собирахся: собирахся на мя раны, и не познах: разделишася, и не умилишася. 16 Искусиша мя, подражниша мя подражнением, поскрежеташа на мя зубы своими. 17 Господи, когда узриши? Устрой душу мою от злодейства их, от лев единородную мою. 18 Исповемся Тебе в церкви мнозе, в людех тяжцех восхвалю Тя. 19 Да не возрадуются о мне враждующии ми неправедно, ненавидящии мя туне и помизающи очима: 20 яко мне убо мирная глаголаху, и на гнев лести помышляху. 21 Разшириша на мя уста своя, решая: благоже, благоже, видеша очи наши. 22 Видел еси, Господи, да не премолчиши: Господи, не отступи от мене. 23 Востани, Господи, и вонми суду моему, Боже мой и Господи мой, на прю мою. 24 Суди ми, Господи, по правде Твоей, Господи Боже мой, и да не возрадуются о мне. 25 Да не рекут в сердцах своих: благоже, благоже души нашей: ниже да рекут: пожрохом его. 26 Да постыдятся и посрамятся вкупе радующиимся злом моим: да облекутся в студ и срам велеречующии на мя. 27 Да возрадуются и возвеселятся хотящии правды моей: и да рекут выну, да возвеличится Господь, хотящии мира рабу Его. 28 И язык мой поучится правде Твоей, весь день хвале Твоей.

36 В конец, отроку Господню Давиду. Глаголет пребеззаконный согрешати в себе: несть страха Божия пред очима его: 2 яко ульсти пред ним обрести беззаконие свое, и вознавидети. 3 Глаголы уст его беззаконие и лесть: не восхоте разумети еже ублажити. 4 Беззаконие помысли на ложи своем: предста всяко му пути неблагу, о злобе же не негодова. 5 Господи, на небеси милость Твоя, и истина Твоя до облак: 6 правда Твоя яко горы Божия, суды Твоя бездна многа: человеки и скоты спасеши, Господи. 7 Яко умножил еси милость Твою, Боже: сынове же человеческии в криве крилу Твою надеятися имут. 8 Упиняются от туха дому Твоего, и потоком сладости Твоей напоиши я. 9 Яко у Тебе источник живота, во свете Твоем узрим свет. 10 Пробави милость Твою ведущим Тя и правду Твою правым сердцем. 11 Да не приидет мне нога гордыни, и рука грешница да не подвигит мене. 12 Тамо падоша вси делающие беззаконие: изриновени быша, и не возмогут стати.

37 Не ревнуй лукавнующим, ниже завиди творящим беззаконие. 2 Зане яко трава скоро изсшут, и яко зелие злака скоро отпадут. 3 Уповай на Господа и твори благостию: и насели землю, и уласешися в богатстве ея. 4 Насладися Господеви, и даст ти прошения сердца твоего. 5 Открый ко Господу путь твой и уповай на Него, и Той сотворит. 6 И изведет яко свет правду твою и судбу твою яко полудне. 7 Повинися Господеви и умоли Его. Не ревнуй спеющему в пути своем, человеку творящему законопреступление. 8 Престани от гнева и остави ярость: не ревнуй, еже лукавновати, 9 зане лукавнующии потребятся, терпящии же Господа, тии наследят землю. 10 И еще мало, и не будет грешника: и взыщеши место его и не обрящеши. 11 Кротцы же наследят землю и насладятся о множестве мира. 12 Назирает грешный праведного и поскрежет нань зубы своими: 13 Господь же посмеется ему, зане прозирает, яко приидет день его. 14 Мечь извлекоша грешницы, напрягоша лук свой, низложити убога и нища, заклати правыя сердцем. 15 Мечь их да внидет в сердца их, и луцы их да сокрушатся. 16 Лучше малое праведнику, паче богатства грешных многа. 17 Зане мышцы грешных сокрушатся, утверждает же праведная Господь. 18 Весть Господь пути непорочных, и достояние их в век будет. 19 Не постыдятся во время лютое и во днех глада насытятся, яко грешницы погибнут. 20 Врази же Господни, купно прославитися им и вознестися, изчезающе яко дым изчезоша. 21 Заемлет грешный и не возвратит:

праведный же щедрит и дает. 22 Яко благословящии Его наследят землю, кленуущи же Его потребятся. 23 От Господа стопы человеку исправляются, и пути Его восходит зело. 24 Егда падет, не разбиятся, яко Господь подкрепляет руку его. 25 Юнейший бых, ибо состарехся, и не видех праведника оставлена, ниже семене его просяща хлебы. 26 Весь день милует и взаим дает праведный, и семя его во благословение будет. 27 Уклонися от зла и сотвори благо, и вселися в век века. 28 Яко Господь любит суд и не оставит преподобных Своих: во век сохранятся: беззаконницы же изженутся, и семя нечестивых потребится. 29 Праведницы же наследят землю и вселятся в век века на ней. 30 Уста праведного поучатся премудрости, и язык его возлаголет суд. 31 Закон Бога его сердцы его, и не запнутся стопы его. 32 Сматряет грешный праведного и ищет еже умертвить его: 33 Господь же не оставит его в руку его, ниже осудит его, егда судит ему. 34 Потерпи Господа и сохрани путь Его, и вознесет тя еже наследити землю: всегда потреблятися грешником, узриши. 35 Видех нечестиваго превозносящася и высяща яко кедры Ливанских: 36 и мимо идох, и се, не бе, и взысках его, и не обретеся место его. 37 Храни незлобие и виждь правоту, яко есть останок человеку мирну. 38 Беззаконницы же потребятся вкупе: останцы же нечестивых потребятся. 39 Спасение же праведных от Господа, и защититель их есть во время скорби: 40 и поможет им Господь и избавит их, и измет их от грешник и спасет их, яко уповаша на Него.

38 Псалом Давиду, в воспоминание о субботе. Господи, да не яростю Твою обличиши мене, ниже гневом Твоим накажеши мене: 2 яко стрелы Твоя унзаша во мне, и утвердил еси на мне руку Твою. 3 Несть изцеления в плоти моей от лица гнева Твоего, несть мира в костех моих от лица грех моих. 4 Яко беззакония моя превзыдоша главу мою, яко бремя тяжкое отяготеша на мне. 5 Возсмердеша и согниша раны мои, от лица безумия моего. 6 Пострадах и слякохся до конца, весь день сетую хождах: 7 яко лядвия моя наполнишася поруганий, и несть изцеления в плоти моей. 8 Озлоблен бых и смирихся до зела, рыках от воздыхания сердца моего. 9 Господи, пред Тобою все желание мое, и воздыхание мое от Тебе не утаися. 10 Сердце мое смятется, остави мя сила моя, и свет очию моему, и той несть со мною. 11 Друзи мои и искренни мои прямо мне приближишася и сташа. 12 И ближний мои отдалече мене сташа, и нуждахуся ищущи душу мою: и ищущи злая мне глаголаху суетная, и льстивым весь день

поучахуся. 13 Аз же яко глух не слыхах, и яко нем не отверзая уст свои: 14 и бых яко человек не слышай и не имый во устех своих обличения. 15 Яко на Тя, Господи, уповах, Ты услышиши, Господи Боже мой. 16 Яко рех: да не когда порадуются врази мои: и всегда подвожатися ногам моим, на мя велеречеваша. 17 Яко аз на раны готов, и болезнь моя предо мною есть выну. 18 Яко беззаконие мое аз возвещу и попекуся о грехе моем. 19 Врази же мои живут и укрепишиша паче мене, и умножиша ненавидящи мя без правды: 20 воздающиши ми злая воз благая оболгаху мя, зане гонях благостыню. 21 Не остави мене, Господи Боже мой, не отступи от мене: 22 вонми в помошь мою, Господи спасения моего.

39 В конец, Идифуму, песнь Давиду. Рех: сохраню пути моя, еже не согрешати ми языком моим: положих устом моим хранило, всегда востати грешному предо мною. 2 Онемех и смирихся, и умолчах от благ, и болезнь моя обновися. 3 Согреяся сердце мое во мне, и в поучении моем разгорится огнь: глаголах языком моим: 4 скажи ми, Господи, кончину мою и число дний моих, кое есть, да разумею, что лишаюся аз. 5 Се, пяди положил еси дни мои, и состав мой яко ничтоже пред Тобою: обаче всяческая суета всяк человек живый. 6 Убо образом ходит человек, обаче все мятется: сокровиществует, и не весть, кому соберет я. 7 И ныне кто терпение мое? Не Господь ли? И состав мой от Тебе есть. 8 От всех беззаконий моих избави мя: поношение безумному дал мя еси. 9 Онемех и не отверзох уст моих, яко Ты сотворил еси. 10 Отстави от мене раны Твоя: от крепости бо руки Твои аз изчезох. 11 Во обличениях о беззаконии наказал еси человека, и истаял еси яко паучину душу его: обаче все мятется всяк человек. 12 Услыши молитву мою, Господи, и моление мое внуши, слез моих не премолчи: яко преселник аз есмь у Тебе и пришелец, якоже вси отцы мои. 13 Ослаби ми, да почию, прежде даже не отиду, и ктому не буду.

40 В конец, псалом Давиду. Терпя потерпех Господа, и внят ми и услыша молитву мою: 2 и возведе мя от рова страстей и от брения тины, и постави на камени нозе мои и исправи стопы мои: 3 и вложи во уста моя песнь нову, пение Богу нашему. Узрят мнози и убоятся, и уповают на Господа. 4 Блажен муж, ему же есть имя Господне упование его, и не призре в суеты и неистовления ложная. 5 Многа сотворил еси Ты, Господи Боже мой, чудеса Твоя, и помышлением Твоим несть кто уподобится Тебе: возвестих и глаголах: умножиша

паче числа. 6 Жертвы и приношения не восхотел еси, тело же свершил ми еси: всесожжений и о гресе не взыскал еси. 7 Тогда рех: се, прииду: в главизне книжне писано есть о мне: 8 еже сотворити волю Твою, Боже мой, восхотех, и закон Твой посреде чрева моего. 9 Благовестих правду в церкви велицей, се, устнам моим не возбраню: Господи, Ты разумел еси. 10 Правду Твою не скрых в сердцы моем, истину Твою и спасение Твое рех, не скрых милость Твою и истину Твою от сонма многа. 11 Ты же, Господи, не удали щедрот Твоих от мене: милость Твоя и истину Твоя выну да заступите мя. 12 Яко одержаша мя злая, имже несть числа: постиглаша мя беззакония моя, и не возможох зрети: умножишася паче влас главы моей, и сердце мое остави мя. 13 Благоволи, Господи, избавити мя: Господи, во еже помоши ми, вонми. 14 Да постыдятся и посрамятся вкупе ищущи душу мою, изъти ю: да возвратятся вспять и постыдятся хотящии ми злая. 15 Да примут аbie студ свой глаголющии ми: благоже, благоже. 16 Да возрадуются и возвеселятся о Тебе вси ищущии Тебе, Господи, и да рекут выну, да возвеличится Господь, любящии спасение Твое. 17 Аз же ниць есмь и убог, Господь попечется о мне: помощник мой и защититель мой еси ты, Боже мой, не закосни.

41 В конец, псалом Давиду. Блажен разумеваяй на нища и убога, в день лют избавит его Господь. 2 Господь да сохранит его и живит его, и да ублажит его на земли и да не предаст его в руки врагов его. 3 Господь да поможет ему на одре болезни его: все ложе его обратил еси в болезни его. 4 Аз рех: Господи, помилуй мя, изцели душу мою, яко согреших Ти. 5 Врази мои реша мне злая: когда умрет, и погибнет имя его? 6 И входаше видети, всуе глаголаше сердце его: собра беззаконие себе, исходяще вон и глаголаше вкупе. 7 На мя шептаху вси врази мои, на мя помышляху злая мне. 8 Слово законопреступное возложиша на мя: еда спяй не приложит воскреснути? 9 Ибо человек мира моего, на негоже уповах, ядый хлебы моя, возвеличи на мя запинание. 10 Ты же, Господи, помилуй мя и возстави мя, и воздам им. 11 В сем познах, яко восхотел мя еси, яко не возрадуется враг мой о мне. 12 Мене же за незлобие принял, и утвердил мя еси пред Тобою в век. 13 Благословен Господь Бог Израилев от века и до века: буди, буди.

42 В конец, в разум сынов Кореевых, псалом Давиду. Имже образом желает елень на источники водные, сице желает душа моя к Тебе, Боже. 2 Возжада душа моя

к Богу крепкому, живому: когда прииду и явлюся лицу Божию? з Быша слезы моя мне хлеб день и нощь, всегда глаголатися мне на всякий день: где есть Бог твой? 4 Сия помянух, и излиях на мя душу мою: яко пройду в место селения дивна, даже до дому Божия, во гласе радования и исповедания, шума празднующаго. 5 Вскую прискорбна еси, душа моя? И вскую смущаши мя? Уповай на Бога, яко исповемся Ему, спасение лица моего и Бог мой. 6 Ко мне самому душа моя смятесь: сего ради помянух Тя от земли Иордански и Ермонийски, от горы Малыя. 7 Бездна бездну призывает во гласе хлябий Твоих: вся высоты Твоя и волны Твоя на мне преидоша. 8 В день заповесть Господь милость Свою, и ношию песнь Его от мене, молитва Богу живота моего. 9 Реку Богу: заступник мой еси, почто мя забыл еси? И вскую сетую хожду, всегда оскорбляет враг? 10 Внегда сокрушатися костем моим, поношуаху ми врази мои, всегда глаголати им мне на всякий день: где есть Бог твой? 11 Вскую прискорбна еси, душа моя? И вскую смущаши мя? Уповай на Бога, яко исповемся Ему, спасение лица моего и Бог мой.

43 Суди ми, Боже, и разсуди прою мою: от языка не преподобна, от человека неправедна и льстива избави мя. 2 Зане Ты еси, Боже, крепость моя, вскую отринул мя еси? И вскую сетую хожду, всегда оскорбляет враг? 3 Посли свет Твой и истину Твою: та мя настависта, и введенста мя в гору святую Твою и в селения Твоя. 4 И вниду к жертвеннику Божию, к Богу веселящему юность мою: исповемся Тебе в гуслех, Боже, Боже мой. 5 Вскую прискорбна еси, душа моя? И вскую смущаши мя? Уповай на Бога, яко исповемся Ему, спасение лица моего и Бог мой.

44 В конец, сынов Кореевых, в разум, псалом. Боже, ушима нашима услышахом, и отцы наши возвестиша нам дело, еже соделал еси во днех их, во днех древних. 2 Рука Твоя языки потреби, и насадил я еси: озлобил еси люди и изгнал еси я. 3 Не бо мечем своим наследиша землю, и мышца их не спасе их, но десница Твоя и мышца Твоя и просвещение лица Твоего, яко благоволил еси в них. 4 Ты еси сам Царь мой и Бог мой, заповедаяй спасения Иаковля. 5 О Тебе враги наша избодем роги, и о имени Твоем уничтим востающыя на ны. 6 Не на лук бо мой уповаю, и меч мой не спасет мене: 7 спасл бо еси нас от стужающих нам, и ненавидящих нас посрамил еси. 8 О Бозе похвалимся весь день, и о имени Твоем исповемся во век. 9 Ныне же отринул еси и посрамил еси нас, и не изыдеши, Боже, в силах

наших. 10 Возвратил еси нас вспять при вразех наших, и ненавидящии нас расхищау себе. 11 Дал еси нас яко овцы снеди, и во языщех разсеял ны еси. 12 Отдал еси люди Твоя без цены, и не бе множество в восклицаниях наших. 13 Положил еси нас поношение соседом нашым, подражнение и поругание сущым окрест нас. 14 Положил еси нас в притчу во языщех, покиыванию главы в людех. 15 Весь день срам мой предо мною есть, и студ лица моего покры мя, 16 от гласа поношающаго и оклеветающаго, от лица вражия и изгоняющаго. 17 Сия вся придоша на ны, и не забыхом Тебе, и не неправдовахом в завете Твоем, 18 и не отступи вспять сердце наше: и уклонил еси стези нашя от пути Твоего, 19 яко смирил еси нас на месте озлобления, и прикры ны сень смертная. 20 Аще забыхом имя Бога нашего, и аще воздехом руки наша к богу чуждему, 21 не Бог ли взыщет сих? Той бо весть тайная сердца. 22 Зане Тебе ради умерщвляемся весь день, вменихомся яко овцы заколения. 23 Востани, вскую спиши, Господи? Воскресени, и не отрини до конца. 24 Вскую лице Твое отвращаеш? Забываеш нищету нашу и скорбь нашу? 25 Яко смирился в перстъ душа наша, прильп земли утроба наша. 26 Воскресени, Господи, помози нам, и избави нас имене ради Твоего.

45 В конец, о изменяемых сыном Кореовым в разум, песнь о возлюбленнем. Отрыгну сердце мое слово благо, глаголю аз дела моя Цареви: язык мой трость книжника скорописца. 2 Красен доброю паче сынов человеческих, излияя благодать во устнах Твоих: сего ради благослови Тя Бог во век. 3 Препояши мечь Твой по бедре Твоей, Сильне, 4 красотою Твою и доброю Твою: и наяцы, и успевай, и царствуй истины ради и кротости и правды: и наставит Тя дивно десница Твоя. 5 Стрелы Твоя изощрены, Сильне: людие под Тобою падут в сердцы враг Царевых. 6 Престол Твой, Боже, в век века: жезл правости жезл царствия Твоего. 7 Возлюбил еси правду и возненавидел еси беззаконие: сего ради помаза Тя, Боже, Бог Твой елеем радости паче причастник Твоих. 8 Смирина и стакти и касия от риз Твоих, от тяжестей слоновых, из нижне возвеселиша Тя. 9 Дщери царей в чести Твоей: предста царица одесную Тебе, в ризах позлащенных одеяна преиспещрена. 10 Слыши, дщи, и виждь, и приклони ухо твое, и забуди люди твоя и дом отца твоего: 11 и возжелает Царь доброты твоей, зане Той есть Господь твой, и поклонишися Ему, 12 и дщи Тирова с дары: лицу Твоему помолятся богатии людстии. 13 Вся слава дщере Царевы внутрь: рясны златыми одеяна и преиспещрена. 14 Приведутся Царю девы

вслед ея, искренния ея приведутся Тебе: 15 приведутся в веселии и радовании, введутся в храм Царев. 16 Вместо отец Твоих быша сынове Твои: поставиши я князи по всей земли. 17 Помяну имя Твое во всяком роде и роде: сего ради людие исповедятся Тебе в век и во век века.

46 В конец, о сынах Кореевых, о тайных, псалом.

Бог нам прибежище и сила, помощник в скорбех обретших ны зело. 2 Сего ради не убоимся, всегда смущается земля, и прелагаются горы в сердца морская. 3 Возшумела и смятошася воды их, смятошася горы крепостию его. 4 Речная устремления веселят град Божий: освятил есть селение свое Вышний. 5 Бог посреде его, и не подвижится: поможет ему Бог утро заутра. 6 Смятошася языцы, уклониша царствия: даде глас Свой Вышний, подвижеся земля. 7 Господь сил с нами, заступник наш Бог Иаковль. 8 Приидите и видите дела Божия, яже положи чудеса на земли: 9 отемля браны до конец земли, лук сокрушит и сломит оружие, и щиты сожжет огнем. 10 Упразднитеся и разумейте, яко Аз есть Бог: вознесуся во языщех, вознесуся на земли. 11 Господь сил с нами, заступник наш Бог Иаковль.

47 В конец, о сынах Кореевых, псалом. Вси языцы,

воспещите руками, восклікните Богу гласом радования: 2 яко Господь Вышний страшен, Царь велий по всей земли: 3 покори люди нам и языки под ноги наша: 4 избра нам достояния свое, доброту Иаковлю, юже возлюби. 5 Взыде Бог в воскликновении, Господь во гласе трубне. 6 Пойте Богу нашему, пойте: пойте Цареви нашему, пойте. 7 Яко Царь всея земли Бог, пойте разумно. 8 Воцарися Бог над языки: Бог сидит на престоле святем Своем. 9 Князи людстии собирашася с Богом Авраамлим: яко Божии державни зело вознесошася.

48 Псалом песни сынов Кореевых, вторыя субботы.

Велий Господь и хвален зело во граде Бога нашего, в горе святей Его, 2 благокоренным радованием всея земли: горы Сионския, ребра северова, град Царя великаго. 3 Бог в тяжестех его знаем есть, егда заступает и. 4 Яко се, царие земстии собирашася, сидошася вкупе: 5 тии видевше тако, удивиша ся, смятошася, подвигошася: 6 трепет прият я тамо, болезни яко раждающая. 7 Духом бурным сокрушиши корабли Фарсийския. 8 Якоже слышахом, тако и видехом во граде Господа сил, во граде Бога нашего: Бог основа и в век. 9 Прияхом, Боже, милость Твою посреде людий Твоих. 10 По имени

Твоему, Боже, тако и хвала Твоя на концах земли: правды исполнь десница Твоя. 11 Да возвеселится гора Сионская, и да возврадуются дщери Иудейских, судеб ради Твоих, Господи. 12 Обыдите Сион и обымите его, поведите в столпех его: 13 положите сердца ваша в силу его, и разделите дома его, яко да повесте в роде инем. 14 Яко Той есть Бог наш во век и в век века: Той упасет нас во веки.

49 В конец, сыном Кореевым, псалом. Услышите сия, вси языцы, внушите, вси живущии по вселенной, 2 земнородни же и сынове человечесстии, вкупе богат и убог. 3 Уста моя возлагают премудрость, и поучение сердца моего разум. 4 Приклоню в притчу ухо мое, отверзу во псалтири ганание мое. 5 Вскую боюся в день лют? Беззаконие пяты моя обыдет мя. 6 Надеющиися на силу свою и о множестве богатства своего хвалящиися: 7 брат не избавит, избавит ли человек? Не даст Богу измени за ся, 8 и цену избавления души своея: и утрудися в век, 9 и жив будет до конца, не узрит пагубы. 10 Егда увидит премудрыя умирающыя, вкупе безумен и несмыслен погибнут, и оставят чуждим богатство свое. 11 И гроби их жилища их во век, селения их в род и род, нарекоша имена своя на землях. 12 И человек в чести сый не разуме, приложися скотом несмысленным и уподобися им. 13 Сей путь их соблазн им, и по сих во устех своих благоволят. 14 Яко овцы во аде положени суть, смерть упасет я: и обладают ими правии заутра, и помошь их обетшае во аде: от славы своея изриновени быша. (Sheol h7585) 15 Обаче Бог избавит душу мою из руки адовой, егда приемлет мя. (Sheol h7585) 16 Не убойся, егда разбогатеет человек, или егда умножится слава дому его: 17 яко всегда умрети ему, не возмет вся, ниже снидет с ним слава его. 18 Яко душа его в животе его благословится, исповестся тебе, егда благосвториши ему. 19 Внедет даже до рода отец своих, даже до века не узрит света. 20 И человек в чести сый не разуме, приложися скотом несмысленным и уподобися им.

50 Бог Богов Господь глагола, и призва землю от восток солнца до запад. 2 От Сиона благолепие красоты Его: 3 Бог яве приидет, Бог наш, и не премолчит: огнь пред Ним возгорится, и окрест Его буря зелна. 4 Призовет небо свыше, и землю, разсудити люди Своя. 5 Соберите Ему преподобныя Его, завещающыя завет Его о жертвах. 6 И возвестят небеса правду Его: яко Бог судия есть. 7 Услышите, людие Мои, и возлаголю вам, Израилю, и засвидетелству тебе: Бог, Бог твой есмь Аз. 8 Не о

жертвах твоих обличу тя, всесожжения же твоя предо Мною суть выну: 9 не приimu от дому твоего телцев, ниже от стад твоих козлов. 10 Яко Мои суть вси зверие дубравни, скоти в горах и волове: 11 познах вся птицы небесныя, и красота селная со Мною есть. 12 Аще взалчу, не реку тебе: Моя бо есть вселенная и исполнение ея. 13 Еда ям мяса юнча? Или кровь козлов пию? 14 Пожри Богови жертву хвалы и воздаждь Вышнему молитвы твоя: 15 и призови мя в день скорби твоя, и изму тя, и прославиши мя. 16 Грешнику же рече Бог: вскую ты поведаши оправдания Моя и восприемлеши завет Мой усты твоими? 17 Ты же возненавидел еси наказание и отвергл еси словеса Моя вспять. 18 Аще видел еси татя, текл еси с ним, и с прелюбодеем участие твое полагал еси: 19 уста твоя умножиша злобу, и язык твой сплеташе льщени: 20 седя на брата твоего клеветал еси и на сына матери твоя полагал еси соблазн. 21 Сия сотворил еси, и умолчах, вознепещевал еси беззаконие, яко буду тебе подобен: обличу тя и представлю пред лицем твоим грехи твоя. 22 Разумейте убо сия, забывающи Бога, да не когда похитит, и не будет избавляяй. 23 Жертва хвалы прославит мя, и тамо путь, имже явлю ему спасение Мое.

51 В конец, псалом Давиду, внегда внити к нему Нафану пророку, егда вниде к Вирсавии жене Uriеве. Помилуй мя, Боже, по велицей милости Твоей, и по множеству щедрот Твоих очисти беззаконие мое. 2 Наипаче омый мя от беззакония моего и от греха моего очисти мя: з яко беззаконие мое аз знаю, и грех мой предо мною есть выну. 4 Тебе единому согреших и лукавое пред Тобою сотворих: яко да оправдиши во словесех Твоих и победиши, внегда судити Ти. 5 Се бо, в беззакониих зачат есмь, и во грехах роди мя мати моя. 6 Се бо, истину возлюбил еси, безвестная и тайная премудрости Твоей явил ми еси. 7 Окропиши мя иссопом, и очищуся: омыши мя, и паче снега убелюся. 8 Слуху моему даси радость и веселие: возврадуются кости смиренныя. 9 Отврати лицо Твое от грех моих и вся беззакония моя очисти. 10 Сердце чисто созижди во мне, Боже, и дух прав обнови во утробе моей. 11 Не отвержи мене от лица Твоего и Духа Твоего Святаго не отими от мене. 12 Воздаждь ми радость спасения Твоего и Духом владычним утверди мя. 13 Научу беззакония путем Твоим, и нечестивии к Тебе обратятся. 14 Избави мя от кровей, Боже, Боже спасения моего: возврадуется язык мой правде Твоей. 15 Господи, устне мои отверзеши, и уста моя возвестят хвалу Твою. 16 Яко аще бы

восхотел еси жертвы, дал бых убо: всесожжения не благоволиши. 17 Жертва Богу дух сокрушен: сердце сокрушенно и смиренно Бог не уничожит. 18 Ублажи, Господи, благоволением Твоим Сиона, и да созиждутся стены Иерусалимских: 19 тогда благоволиши жертву правды, возношение и всесожгаемая: тогда возложат на олтарь Твой телцы.

52 В конец, разума Давиду, внегда приити Доику

Идумейску, и возвестити Саулу, и реши ему: прииде Давид в дом Авимелехов. Что хвалишися во злобе, сильне? Беззаконие весь день. 2 Неправду умысли язык твой: яко бритву изощрену сотворил еси лесть. 3 Возлюбил еси злобу паче благостины, неправду неже глаголати правду: 4 возлюбил еси вся глаголы потопныя, язык льстив. 5 Сего ради Бог разрушит тя до конца: восторгнет тя, и преселит тя от селения твоего и корень твой от земли живых. 6 Узрят праведни и убоятся, и о нем возсмеются и рекут: 7 се, человек, иже не положи Бога помощника себе, но упова на множество богатства своего, и возможе суетою своею. 8 Аз же яко маслина плодовита в дому Божии: уповах на милость Божию во век и в век века. 9 Исповемся Тебе в век, яко сотворил еси: и терплю имя Твое, яко благо пред преподобными Твоими.

53 В конец, о Маелефе, разума Давиду. Рече безумен в

сердцы своем: несть Бог. Растилаша и омерзящая в беззакониях, несть творяй благое. 2 Бог с небесе приниче на сыны человеческия, видети, аще есть разумеваяй или взыскай Бога. 3 Вси уклонишася, вкупе непотребни быша: несть творяй благое, несть до единаго. 4 Ни ли уразумеют вси делающие беззаконие, снедающие люди моя в снедь хлеба? Господа не призваша. 5 Тамо устрашишася страха, идже не бе страх: яко Бог разсыпа кости человекаугодников: постыдешася, яко Бог уничожи их. 6 Кто даст от Сиона спасение Израилево? Внегда возвратит Бог пленение людей Своих, возрадуется Иаков и возвеселится Израиль.

54 В конец, в песнех разума Давиду, внегда приити

Зифеем и реши Саулови: не се ли, Давид скрыся в нас? Боже, во имя Твое спаси мя и в силе Твоей суди ми. 2 Боже, услыши молитву мою, внуши глаголы уст моих: 3 яко чуждии восташа на мя, и крепцы взыскаша душу мою, и не предложиша Бога пред собою. 4 Се бо, Бог помогает ми, и Господь заступник души моей. 5 отвратит злая врагом моим: истину Твою потреби их. 6 Волею

пожру Тебе, исповемся имени Твоему, Господи, яко благо: 7 яко от всякия печали избавил мя еси, и на враги моя воззре око мое.

55 В конец, в песнех разума, Асафу, псалом. Внуши,

Боже, молитву мою и не презри моления моего: 2 вонми ми и услыши мя: возскорбех печалию мою, и смятохся з от гласа вражия и от стужения грешника: яко уклониша на мя беззаконие и во гневе враждоваху мя. 4 Сердце мое смятесь во мне, и боязнь смерти нападе на мя: 5 страх и трепет прииде на мя, и покры мя тма. 6 И рех: кто даст ми криле яко голубине? И полещу, и почю. 7 Се, удалихся бегая и водворихся в пустыни. 8 Чаях Бога спасающего мя от малодушия и от бури. 9 Потопи, Господи, и раздели языки их: яко видех беззаконие и пререкание во граде. 10 Днем и нощию обидет и по стенам его: беззаконие и труд посреде его, и неправда: 11 и не оскуде от стогн его лихва и лесть. 12 Яко аще бы враг поносил мя, претерпел бых убо: и аще бы ненавидя мя на мя велеречевал, укрылбыхся от него. 13 Ты же, человече равнодушне, владыко мой и знаемый мой, 14 иже купно наслаждался еси со мною брашен: в дому Божии ходиход единомышлением. 15 Да приидет же смерть на мя, и да снидут во ад живи: яко лукавство в жилищах их, посреде их. (Sheol h7585)

16 Аз к Богу воззвах, и Господь услыша мя. 17 Вечер и заутра и полудне повем и возвещу, и услышит глас мой. 18 Избавит миром душу мою от приближающихся мне: яко во мнозе бяжу со мною. 19 Услышит Бог, и смирит я сый прежде век: несть бо им изменения, яко не убояшася Бога. 20 Простре руку свою на воздаяние: оскверниша завет Его. 21 Разделишася от гнева лица Его, и приближаются сердца их: умякнуша словеса их паче елеа, и та суть стрелы. 22 Возверзи на Господа печаль твою, и Той тя препитает: не даст в век молвы праведнику. 23 Ты же, Боже, низведеши их в студенец истиления: мужие кровей и листи не преполовят дний своих. Аз же, Господи, уповаю на Тя.

56 В конец, о людех от святых удаленных, Давиду в

столописание, внегда удержаша и иноплеменницы в Гефе, псалом. Помилуй мя, Боже, яко попра мя человек: весь день боря стужи ми. 2 Попраша мя врази мои весь день: яко мнози борющи мя с высоты. 3 В день не убоюся, аз же уповаю на Тя. 4 О Бозе похвалю словеса Моя: на Бога уповах, не убоюся: что сотворит мне плоть? 5 Весь день словес моих гнушауся: на мя вся помышления их на зло. 6 Вселяются и скрывают, тии

пяту мою сохранят, якоже потерпеша душу мою. 7 Ни о чесомже отринеши я, гневом люди низведеши. 8 Боже, живот мой возвестих Тебе: положил еси слезы моя пред Тобою, яко и во обетовании Твоем. 9 Да возвратятся врази мои вспять, в онъже аще день призову Тя: се, познах, яко Бог мой еси Ты. 10 О Бозе похвалю глаголог, о Господе похвалю слово. 11 На Бога уповах, не убоюся: что сотворит мне человек? 12 Во мне, Боже, молитвы, яже воздам хвалы Твоему: 13 яко избавил еси душу мою от смерти, очи мои от слез и нозе мои от пополнования: благоугожду пред Господем во свете живых.

57 В конец, да не растлиши, Давиду в столпописание, внегда ему отбегати от лица Саулова в пещеру. Помилуй мя, Боже, помилуй мя: яко на Тя упова душа моя, и на сень крилу Твоему надеюсь, дондеже прейдет беззаконие. 2 Воззову к Богу Вышнему, Богу благодеявшему мне. 3 Посла с небесе и спасе мя, даде в поношение попирающыя мя: послы Бог милость Свою и истину Свою, 4 и избави душу мою от среды скимнов. Поспах смущен: сынове человечестии, зубы их оружия и стрелы, и язык их мечь остр. 5 Вознесися на небеса, Боже, и по всей земли слава Твоя. 6 Сеть уготоваша ногам моим, и слякоша душу мою: ископаша пред лицем моим яму, и впадоша в ню. 7 Готово сердце мое, Боже, готово сердце мое: воспою и пою во славе моей. 8 Востани, слава моя, востани, псалтирю и гусли: востану рано. 9 Исповемся Тебе в людех, Господи, воспою Тебе во языцах: 10 яко возвеличился до небес милость Твоя и даже до облак истина Твоя. 11 Вознесися на небеса, Боже, и по всей земли слава Твоя.

58 В конец, да не растлиши, Давиду в столпописание. Аще воистинну убо правду глаголете, правая судите, сынове человечестии. 2 Ибо в сердцы беззаконие делаете на земли, неправду руки ваши сплетают. 3 Очуждишася грешницы от ложесн, заблудиша от чрева, глаголаша лжу. 4 Ярость их по подобию змиину, яко аспида глуха и затыкающаго уши свои, 5 иже не услышит гласа обавающих, обаваляем обавается от премудра. 6 Бог сокрушит зубы их во устех их: членовныя львов сокрушил есть Господь. 7 Уничижатся яко вода мимотекущая: напряжет лук свой, дондеже изнемогут. 8 Яко воск растаяв отимутся: паде огнь на них, и не видеша солнца. 9 Прежде еже разумети терния вашего рамна, яко живы, яко во гневе пожрет я. 10 Возвеселится праведник, егда увидит отмщение: руце свои умыет в крови грешника. 11

И речет человек: аще убо есть плод праведнику, убо есть Бог судя им на земли.

59 В конец, да не растлиши, Давиду в столпописание, внегда посла Саул и стреже дом его, еже умертвии его. Изми мя от враг моих, Боже, и от востающих на мя избави мя: 2 избави мя от делающих беззаконие, и от муж кровей спаси мя. 3 Яко се, уловиша душу мою, нападоша на мя крепцы: ниже беззаконие мое, ниже грех мой, Господи: 4 без беззакония текох и исправих: востани в сретение мое и виждь. 5 И Ты, Господи Боже сил, Боже Израилев, воини посетити вся языки: да не ущедриши вся делающая беззаконие. 6 Возвратятся на вечер, и взалчат яко пес, и обыдут град. 7 Се, тии отвещают усты своими, и мечь во устнах их: яко кто слыша? 8 И Ты, Господи, посмеешися им, уничижиши вся языки. 9 Державу мою к Тебе сохраню: яко Ты, Боже, заступник мой еси. 10 Бог мой, милость Его предварит мя: Бог мой, явит мне на вразех моих. 11 Не убий их, да не когда забудут закон Твой: расточи я силою Твою и низведи я, защитниче мой, Господи, 12 грех уст их, слово устен их: и яти да будут в гордыни своей, и от клятвы и лжи возвестятся в кончине, 13 во гневе кончины, и не будут: и уведят, яко Бог владычествует Иаковом и концы земли. 14 Возвратятся на вечер, и взалчат яко пес, и обыдут град: 15 тии разыдутся ясти: аще ли же не насытятся, и поропщут. 16 Аз же воспою силу Твою и возврадуюся заутра о милости Твоей: яко был еси заступник мой и прибежище мое в день скорби моей. 17 Помощник мой еси, Тебе пою: яко Бог заступник мой еси, Боже мой, милость моя.

60 В конец, о изменитися хотящих, в столпописание Давиду, в научение: внегда сожже Средоречие Сирийское и Сирию Совалскую, и возвратися Иоав и порази Едома в дебри Солей дванадесять тысяч. Боже, отринул ны еси и низложил еси нас, разгневался еси и ущедрил еси нас. 2 Стрясл еси землю и смутил еси ю: изцели сокрушение ея, яко подвигяся. 3 Показал еси людем Твоим жестокая: напоил еси нас вином умиления. 4 Дал еси боящымся Тебе знамение, еже убежати от лица лука. 5 Яко да избавятся возлюбленни Твои, спаси десницею Твою и услыши мя. 6 Бог возглагола во святем Своем: возврадуюся, и разделю Сикиму, и юдоль Жилищ размерю. 7 Мой есть Галаад, и Мой есть Манассий, Ефрем крепость главы Моей, Иуда царь Мой. 8 Моав коноб упования Моего: на Идумею простру сапог Мой: Мне иноплеменницы покоришаася. 9 Кто введет мя во

град ограждения? Или кто наставит мя до Идумеи? 10 Не Ты ли, Боже, отринувый нас? И не изыдеши, Боже, в силах наших? 11 Даждь нам помошь от скорби: и суетно спасение человеческо. 12 О Бозе сотворим силу: и Той уничтожит стужающыя нам.

61 В конец, в песнех, Давиду Псалом. Услыши, Боже, моление мое, воинни молитве моей: 2 от конец земли к Тебе возвзах, внегда уны сердце мое: на камень вознесл мя еси, наставил мя еси, 3 яко был еси упование мое, столп крепости от лица вражия. 4 Вселился в селении Твоем во веки, покрылся в крове крил Твоих. 5 Яко Ты, Боже, услышал еси молитвы мои, дал еси достояние боящимся имене Твоего. 6 Дни на дни царевы приложиши, лета его до дне рода и рода. 7 Пребудет в век пред Богом: милость и истину его кто взыщет? 8 Тако воспою имени Твоему во веки, воздати ми молитвы моя день от дне.

62 В конец, о Идифуме, псалом Давиду. Не Богу ли повинется душа моя? От Того бо спасение мое. 2 Ибо Той Бог мой и спас мой, заступник мой: не подвижуся наипаче. 3 Доколе належите на человека? Убиваете вси вы, яко стene преклонене и оплоту возриновену. 4 Обаче цену мою совещаша отринути, текоша в жажди: усты своими благословляху, и сердцем своим кленяху. 5 Обаче Богови повинися, душе моя: яко от Того терпение мое. 6 Ибо Той Бог мой и спас мой, заступник мой: не преселюся. 7 О Бозе спасение мое и слава моя: Бог помоши моя, и упование мое на Бога. 8 Уповайте на Него, весь сонм людей: излияйте пред Ним сердца ваша, яко Бог помощник наш. 9 Обаче суетни сынове человечестии, лживи сынове человечестии в мерилих еже неправдовати: тии от суеты вкупе. 10 Не уповайте на неправду, и на восхищение не желайте: богатство аще течет, не прилагайте сердца. 11 Единою глагола Бог, двоя сия слышах, зане держава Божия, 12 и Твоя, Господи, милость: яко Ты воздаси комуждо по делом его.

63 Псалом Давиду, внегда быти ему в пустыни Иудейстей. Боже, Боже мой, к Тебе утренюю: возжада Тебе душа моя, коль множицю Тебе плоть моя, в земли пусте и непроходне и безводне. 2 Тако во святем явихся Тебе, видети силу Твою и славу Твою. 3 Яко лучши милость Твоя паче живот: устне мои похвалите Тя. 4 Тако благословлю Тя в животе моем и о имени Твоем воздежу руце мои. 5 Яко от тука и масти да исполнится душа моя, и устнама радости восхвалят Тя уста моя. 6 Аще поминах Тя на постели моей, на утренних поучахся

в Тя: 7 яко был еси помощник мой, и в крове крилу Твою возрадуюся. 8 Прильп душа моя по Тебе: мене же прият десница Твоя. 9 Тии же всуе искаша душу мою: внидут в преисподня земли: (questioned) 10 предадятся в руки оружия, части лисовом будут. 11 Царь же возвеселится о Боге: похвалится всяк кленыйся Им, яко заградишася уста глаголющих неправедна.

64 В конец, псалом Давиду. Услыши, Боже, глас мой, внегда молитимся к тебе: от страха вражия изми душу мою. 2 Покрый мя от сонма лукавнующих, от множества делающих неправду: 3 иже изостриша яко мечь языки своя, напрягла лук свой, веъщ горьку, 4 состреляти в тайных непорочна: внезапу состреляют его, и не убоятся. 5 Утвердиша себе слово лукавое: поведаша скрыти сеть, реша: кто узрит их? 6 Испытана беззаконие: изчезоша испытывающи испытания: приступит человек, и сердце глубоко. 7 И вознесется Бог: стрелы младенец быша язвы их, 8 и изнемогоша на ня языцы их: смутишася вси видящии их. 9 И убояся всяк человек: и возвестиша дела Божия, и творения Его разумеша. 10 Возвеселится праведник о Господе и уповаает на Него: и похвалятся вси правии сердцем.

65 В конец, псалом песни Давиду, песнь Иеремиева и иезекиилева, людий преселения, егда хотяху исходити. Тебе подобает песнь, Боже, в Сионе, и Тебе воздастся молитва во Иерусалиме. 2 Услыши молитву мою: к Тебе всяка плоть приидет. 3 Словеса беззаконник премогоша нас: и нечестия наша Ты очестиши. 4 Блажен, егоже избрал еси и принял, вселится во дворех Твоих. Исполнимся во благих дому Твоего: свят храм Твой. 5 Дивен в правде, услыши ны, Боже, Спасителю наш, упование всех концей земли и сущих в мори далече: 6 уготовляй горы крепостию Свою, препоясан силою: 7 смущая глубину морскую, шуму волн его кто постоит? Смутятся языцы, 8 и убоятся живущии в концах от знамений Твоих: исходы утра и вечера украсиши. 9 Посетил еси землю и упоил еси ю, умножил еси обогатити ю: река Божия наполнися вод: уготовал еси пищу им, яко тако (есть) уготование. 10 Бразды ея упой, умножи жита ея: в каплях ея возвеселится возсияющи. 11 Благословиши венец лета благости Твоей, и поля Твоя исполнятся тука: 12 разботеют красная пустыни, и радостию холми препояшутся. 13 Одеяшася овни овчии, и удолия умножат пшеницу: воззовут, ибо восплюют.

66

В конец, песнь псалма воскресения. 2 Восхлопните Господеви вся земля, пойте же имени Его, дадите славу хвале Его. 3 Рече Богу: коль страшна дела Твоя? Во множестве силы Твоей солжут Тебе врази Твои. 4 Вся земля да поклонится Тебе и поет Тебе, да поет же имени Твоему, Вышний. 5 Приидите и видите дела Божия, коль страшен в советех паче сынов человеческих. 6 Обращая море в сушу, в реце пройдут ногами: тамо возвеселимся о Нем, 7 владычествующем силою Свою веком: очи Его на языки призираете: преогорчевающи да не возносятся в себе. 8 Благословите, языцы, Бога нашего, и услышан сговорите глас хвалы Его, 9 положшаго душу мою в живот, и не давшаго во смятение ног моих. 10 Яко искусили ны еси, Боже, разжегли ны еси, яко же разжигается сребро. 11 Ввел ны еси в сеть, положил еси скорби на хребте нашем. 12 Возвел еси люди на главы наши: проходом сквозе огнь и воду, и извел еси ны в покой. 13 Внайду в дом Твой со всесожжением, воздам Тебе молитвы мои, 14 яже изрекосте устне мои, и глаголаша уста моя в скорби моей. 15 Всесожжения тучна вознесу Тебе с кадилом, и овны, вознесу Тебе волы с козлы. 16 Приидите, услышите, и повем вам, вси боящиися Бога, елика створи души моей. 17 К Нему усты моими воззвах, и вознесох под языком моим. 18 Неправду аще узрех в сердцы моем, да не услышит мене Господь. 19 Сего ради услыша мя Бог, внят гласу моления моего. 20 Благословен Бог, Иже не отстави молитву мою и милость Свою от мене.

67

В конец, в песнях, псалом песни Давиду. Боже, щедри ны и благослови ны, просвети лице Твое на ны и помилуй ны: 2 познати на земли путь Твой, во всех языщех спасение Твое. 3 Да исповедятся Тебе людие, Боже, да исповедятся Тебе людие вси. 4 Да возвеселятся и да возрадуются языцы: яко судиши людем правотою, и языки на земли наставиши. 5 Да исповедятся Тебе людие, Боже, да исповедятся Тебе людие вси. 6 Земля даде плод свой: благослови ны, Боже, Боже наш, 7 благослови ны, Боже: и да убоится Его вси концы земли.

68

В конец, псалом песни Давиду. Да восхреснет Бог, и расточатся врази Его, и да бежат от лица Его ненавидящии Его. 2 Яко исчезает дым, да изчезнут: яко тает воск от лица огня, тако да погибнут грешницы от лица Божия: 3 а праведницы да возвеселятся, да возрадуются пред Богом, да насладятся в веселии. 4 Воспойте Богу, пойте имени Его: путесловите Возшедшему на запады, Господь имя Ему: и радуйтесь пред Ним. 5 Да смятутся

от лица Его, Отца сирых и судии вдовиц: Бог в месте святым Своем. 6 Бог вселяет единомысленныя в дом, изводя окованныя мужеством, такожде преогорчевающыя живущыя во гробех. 7 Боже, внегда исходиши Тебе пред людьми Твоими, внегда мимоходиши Тебе в пустыни, 8 земля потрясется, ибо небеса кануша от лица Бога Синаина, от лица Бога Израилева. 9 Дождь волен отлучиши, Боже, достоянию Твоему, и изнеможе, Ты же совершил еси е. 10 Животная Твоя живут на ней: уготовал еси благостию Твою нищему, Боже. 11 Господь даст глагол благовествующим силою многою: 12 царь сил возлюбленного, красотою дому разделити корысти. 13 Аще поспите посреде предел, криле голубине посребрене, и междорамия ея в блещании золата: 14 внегда разнствит Небесный цари на ней, оснежатся в Селмоне. 15 Гора Божия, гора тучная, гора усыренная, гора тучная. 16 Вскую непещуете, горы усыренныя? Гора, юже благоволи Бог жити в ней: ибо Господь вселится до конца. 17 Колесница Божия тмами тем, тысяща гобзующих: Господь в них в Синаи во святым. 18 Возшел еси на высоту, пленил еси плен: приял еси даяния в человечех, ибо непокаряющыяся, еже вселитися. 19 Господь Бог благословен, благословен Господь день дне: поспешит нам Бог спасений наших. 20 Бог наш Бог еже спасати: и Господня, Господня исходища смертная. 21 Обаче Бог сокрушит главы врагов Своих, верх влас преходящих в прегрешениях своих. 22 Рече Господь: от Васана обращаю, обращаю во глубинах морских: 23 яко да омочится нога твоя в крови, язык пес твоих от враг от него. 24 Видена быша шествия Твоя, Боже, шествия Бога моего Царя, иже во святым. 25 Предвариша князи близ поющих, посреде дев тимпанниц. 26 В церквях благословите Бога, Господа от источник Израилевых. 27 Тамо Вениамин юнейший во ужасе, князи Иудовы владыки их, князи Завулони, князи Неффалимли. 28 Заповедъ, Боже, силою Твою: укрепи, Боже, сие, еже соделал еси в нас. 29 От храма Твоего во Иерусалим Тебе принесут царие дары. 30 Запрети зверем тростным: сонм юнец в юницах людских, еже затворити искушенныя сребром: расточи языки хотящыя бранем. 31 Приидут молитвеницы от Египта: Ефиопия предварит руку свою к Богу. 32 Царства земная, пойте Богу, воспойте Господеви, 33 возшедшему на небо небесе на востоки: се, даст гласу Своему глас силы. 34 Дадите славу Богови: на Израили велелепота Его, и сила Его на облацах. 35 Дивен Бог во святых Своих: Бог Израилев, Той даст силу и державу людем Своим. Благословен Бог.

69

В конец, о изменившихся, псалом Давиду. Спаси мя, Боже, яко внидоша воды до души моей. 2 Углебох в тимении глубины, и несть постояния: придох во глубины морских, и буря потопи мя. 3 Утрудихся зовый, измолче гортань мой: изчезосте очи мои, от еже уповати ми на Бога моего. 4 Умножишася паче влас главы моей ненавидящии мя туне: укрепишиася врази мои, изгоняющи мя неправедно: яже не восхищах, тогда воздаях. 5 Боже, Ты уведел еси безумие мое, и прегрешения моя от Тебе не утаишася. 6 Да не постыдятся о мне терпящии Тебе, Господи, Господи сил: ниже да посрамятся о мне ищущии Тебе, Боже Израилев. 7 Яко Тебе ради претерпех поношение, покры срамота лице мое. 8 Чуждъ бых братии моей и странен сыновом матере моей: 9 яко ревность дому Твоего снеде мя, и поношения поносящих Ти нападоша на мя. 10 И покрых постом душу мою, и бысть в поношении мне: 11 и положих одеяние мое вретище, и бых им в притчу. 12 О мне глумляхуся седящии во вратех, и о мне пояху пиющи вино. 13 Аз же молитвою мою к Тебе, Боже: время благоволения, Боже: во множестве милости Твоей услыши мя, во истине спасения Твоего. 14 Спаси мя от брения, да не углебну: да избавлюся от ненавидящих мя и от глубоких вод. 15 Да не потопит мене буря водная, ниже да пожрет мене глубина, ниже сведет о мне ровенник уст своих. 16 Услыши мя, Господи, яко блага милость Твоя: по множеству щедрот Твоих призри на мя. 17 Не отврати лица Твоего от отрока Твоего, яко скорблю: скоро услыши мя. 18 Вонми души моей и избави ю: враг моих ради избави мя. 19 Ты бо веси поношение мое, и студ мой, и срамоту мою: пред Тобою вси оскорбляющии мя. 20 Поношение чаяше душа моя и страсть: и ждах сокорбящаго, и не бе, и утешающих, и не обретох. 21 И даша в снедь мою желчь, и в жажду мою напоиша мя оцта. 22 Да будет трапеза их пред ними в сеть и в воздаяние и в соблазн. 23 Да помрачатся очи их, еже не видети, и хребет их выну сляцы. 24 Пролий на ня гнев Твой, и ярость гнева Твоего да постигнет их. 25 Да будет двор их пуст, и в жилищах их да не будет живый. 26 Зане егоже Ты поразил еси, тии погнаша, и к болезни язв моих приложиша. 27 Приложи беззаконие к беззаконию их, и да не внидут в правду Твою. 28 Да потребятся от книги живых, и с праведными да не напишутся. 29 Нищъ и боляй есьм аз: спасение Твое, Боже, да примет мя. 30 Восхвалю имя Бога моего с песнию, возвеличу Его во хвалении: 31 и угодно будет Богу паче телца юна, роги износяща и пазнокти. 32 Да узрят нищии и возвеселятся: взыщите Бога, и жива будет

душа ваша. 33 Яко услыша убогия Господь, и окованная Своя не уничижи. 34 Да восхвалят Его небеса и земля, море и вся живущая в нем. 35 Яко Бог спасет Сиона, и созиждутся гради Иудейстии, и вселятся тамо и наследят и: 36 и семя рабов Твоих удержит и, и любящии имя Твое вселятся в нем.

70 В конец Давиду, в воспоминание, во еже спаси мя Господу. Боже, в помощь мою вонми: Господи, помоши ми потщися. 2 Да постыдятся и посрамятся ищущии душу мою. Да возвратятся вспять и постыдятся хотящии ми злая: 3 да возвратятся абие стыдящиеся глаголущии ми: благоже, благоже. 4 Да возрадуются и возвеселятся о Тебе все ищущии Тебе, Боже: и да глаголют выну, да возвеличится Господь, любящии спасение Твое. 5 Аз же нищъ есьм и убог, Боже, помози ми: помощник мой и Избавитель мой еси Ты, Господи, не закосни.

71 На Тя, Господи, уповах, да не постыжуся в век. 2 Правдою Твою избави мя и изми мя: приклони ко мне ухо Твое и спаси мя. 3 Буди ми в Бога защитителя и в место крепко спаси мя: яко утверждение мое и прибежище мое еси Ты. 4 Боже мой, избави мя из руки грешнаго, из руки законопреступнаго и обидящаго: 5 яко Ты еси терпение мое, Господи, Господи, упование мое от юности моей. 6 В Тебе утврдихся от утробы, от чрева матере моей Ты еси мой покровитель: о Тебе пение мое выну. 7 Яко чудо бых многим: и Ты помощник мой крепок. 8 Да исполнятся уста моя хваления, яко да восплою славу Твою, весь день великолепие Твое. 9 Не отвержи мене во время старости: всегда оскудевати крепости моей, не остави мене. 10 Яко реша врази мои мне, и стрегущи душу мою совещаша вкупе, 11 глаголюще: Бог оставил есть его, пожените и имите его, яко несть избавляй. 12 Боже мой, не удалися от мене: Боже мой, в помощь мою вонми. 13 Да постыдятся и изчезнут оклеветающии душу мою, да облекутся в студ и срам ищущии злая мне. 14 Аз же всегда возуповаю на Тя, и приложу на всяку похвалу Твою. 15 Уста моя возвестят правду Твою, весь день спасение Твое, яко не познах книжная. 16 Внуди в силе Господни: Господи, помяну правду Тебе единаго. 17 Боже мой, имже научил мя еси от юности моей, и доныне возвещу чудеса Твоя. 18 И даже до старости и престарения, Боже мой, не остави мене, дондеже возвещу мышцу Твою роду всему грядущему, 19 силу Твою и правду Твою, Боже, даже до вышних, яже сотворил ми еси величия: Боже, кто

подобен Тебе? 20 Елики явил ми еси скорби многи и злы? И обращься оживотворил мя еси и от бездн земли возвел мя еси. 21 Умножил еси на мне величествие твое, и обращься утешил мя еси, и от бездн земли паки возвел мя еси. 22 Ибо аз исповемся Тебе в людех, Господи, в сосудех псаломских истину Твою, Боже: воспою Тебе в гуслех, Святый Израилев. 23 Воздрадуетсѧ устне мои, егда воспою Тебе, и душа моя, юже еси избавил: 24 еще же и язык мой весь день поучится правде Твоей, егда постыдятся и посрамятся ищущии злая мне.

72 Боже, суд Твой цареви дажъ, и правду Твою сыну

цареву: 2 судити людем Твоим в правде и нищым Твоим в суде. 3 Да воспримут горы мир людем и холми правду. 4 Судит нищым людским, и спасет сыны убогих, и смирит клеветника. 5 И пребудет с солнцем, и прежде луны рода родов. 6 Снидет яко дождь на руно, и яко капля каплющая на землю. 7 Возсияет во днех его правда и множество мира, дондеже отимется луна. 8 И обладает от моря до моря, и от рек до конец вселенныя. 9 Пред ним припадут Ефиопляне, и врази его перстъ полижут. 10 Царие Фарсийстии и острови дары принесут, царие Аравстии и Сава дары приведут: 11 и поклонятся ему все царие земстии, все языцы поработают ему. 12 Яко избави нища от сильна, и убога, ему же не бе помощника. 13 Пощадит нища и убога, и души убогих спасет: 14 от лихвы и от неправды избавит души их, и честно имя его пред ними. 15 И жив будет, и дастся ему от злата Аравийска: и помолятся о нем выну, весь день благословят его. 16 Будет утверждение на земли на версех гор: превознесется паче Ливана плод его, и процветут от града яко трава земная. 17 Будет имя его благословено во веки, прежде солнца пребывает имя его: и благословятся в нем вся колена земная, все языцы ублажат его. 18 Благословен Господь Бог Израилев, творяй чудеса един, 19 и благословено имя славы Его во век и в век века: и исполнится славы Его вся земля: буди, буди.

73 Коль благ Бог Израилев правым сердцем. 2 Мои же

вмале не подвижастся нозе: вмале не пролияшася стопы моя: 3 яко возвренонах на беззаконныя, мир грешников зря: 4 яко несть восклонения в смерти их и утверждения в ране их: 5 в трудах человеческих не суть, и с человеки не примут ран. 6 Сего ради удержа я гордыня их до конца: одеяшася неправдою и нечестием своим. 7 Изыдет яко из туха неправда их: преидоша в любовь сердца. 8 Помыслиша и глаголаша в лукавстве,

неправду в высоту глаголаша: 9 положиша на небеси уста своя, и язык их прейде по земли. 10 Сего ради обратятся людие Мои семо, и дние исполнени обрящутся в них. 11 И реша: како уведе Бог? И аще есть разум в Вышнем? 12 Се, сии грешницы и гобзующи в век удержаша богатство. 13 И рех: еда всуе оправдих сердце мое и умых в неповинных руце мои, 14 и бых язвен весь день, и обличение мое на утрених? 15 Аще глаголах, повем тако: се, роду сынов Твоих, ему же обещахся: 16 и непещехах разумети: сие труд есть предо мною, 17 дондеже вниду во святило Божие и разумею в последиях их. 18 Обаче за льщения их положил еси им злая, низложил еси я, внегда разгордешася. 19 Како быша в запустение? Внезапу изчезоша, погибоша за беззаконие свое. 20 Яко соние востающаго, Господи, во граде Твоем образ их уничижиши. 21 Яко разжжеся сердце мое, и утробы моя измениша: 22 и аз унижен, и не разумех, скотен бых у Тебе. 23 И аз выну с Тобою: удержал еси руку десную мою, 24 и советом Твоим наставил мя еси, и со славою приял мя еси. 25 Что бо ми есть на небеси? И от Тебе что восхотех на земли? 26 Изчезе сердце мое и плоть моя, Боже сердца моего, и часть моя, Боже, во век. 27 Яко се, удаляющи съебе от Тебе погибнут: потребил еси всякаго любодеющаго от Тебе. 28 Мне же прилеплятися Богови благо есть, полагати на Господа упование мое, возвестити ми вся хвалы Твоя, во вратах дщере Сиони.

74 Вскую, Боже, отринул еси до конца? Разгневався

ярость Твоя на овцы пажити Твоей? 2 Помяни сонм Твой, егоже стяжал еси исперва, избавил еси жезлом достояния Твоего, гора Сион сия, в нейже вселился еси. 3 Воздвигни руце Твои на гордыни их в конец, елика лукавнова враг во святым Твоем. 4 И восхвалившася ненавидящии Тя посреде праздника Твоего: положиша знамения своя знамения, и не познаша. 5 Яко во исходе превыше: яко в дубраве древяне секирами разsekossa 6 двери его вкупе, сечивом и оскордом разрушиша и. 7 Возжгоша огнем святило Твое: на земли оскверниша жилище имени Твоего. 8 Реша в сердцы своем южики их вкупе: приидите, и отставим вся праздники Божия от земли. 9 Знамения их не видехом: несть кому пророка, и нас не познает кому. 10 Доколе, Боже, поносит враг? Раздражит противный имя Твое до конца? 11 Вскую отвращаеши руку Твою и десницу Твою от среды недра Твоего в конец? 12 Бог же, Царь наш, прежде века содела спасение посреде земли. 13 Ты утвердил еси силою

Твою море: Ты стерл еси главы змиев в воде: 14 Ты сокрушил еси главу змиеву, дал еси того брашно людем Ефиопским. 15 Ты расторгл еси источники и потоки: Ты изсушил еси реки ифамских. 16 Твой есть день, и Твоя есть нощь: Ты совершил еси зарю и солнце. 17 Ты сотворил еси вся пределы земли: жатву и весну Ты создал еси я. 18 Помяни сия: враг поноси Господеви, и людие безумни раздражиша имя Твое. 19 Не предаждь зверем душу исповедающуюся Тебе: душ убогих Твоих не забуди до конца. 20 Призри на завет Твой: яко исполнишася помраченни земли домов беззаконий. 21 Да не возвратится смиренный посрамлен: ниць и убог восхвалита имя Твое. 22 Востани, Боже, суди прю Твою: помяни поношение Твое, еже от безумнаго весь день. 23 Не забуди гласа молитвенник Твоих: гордыня ненавидящих Тя взыде выну.

75 В конец, да не растлиши, псалом песни Асафу.

Исповемыся Тебе, Боже, исповемыся Тебе и призовем имя Твое: повем вся чудеса Твоя. 2 Егда приими время, Аз правоты возсуджу. 3 Растався земля и вси живущи на ней, Аз утверди столпы ея. 4 Рех беззаконнующим, не беззаконнуйте: и согрешающим, не возносите рога. 5 Не воздвигайте на высоту рога вашего и не глаголите на Бога неправду: 6 яко ниже от исход, ниже и запад, ниже от пустых гор. 7 Яко Бог судия есть: сего смиряет, и сего возносит. 8 Яко чаша в руце Господни, вина нерастворена исполнъ растворения, и уклони от сея в сию: обаче дрождие его не истощися, испиют вси грешни земли. 9 Аз же возрадуюся в век, воспою Богу Иаковлю: 10 и вся роги грешных сломлю, и вознесется рог праведнаго.

76 В конец, в песнях, псалом Асафу, песнь ко

Ассирианину. Ведом во Иудеи Бог: во Израили велие имя Его. 2 И бысть в Мире место Его, и жилище Его в Сионе. 3 Тамо сокруши крепости луков, оружие и мечь и брань. 4 Просвещающи ты дивно от гор вечных. 5 Смятошася вси неразумни сердцем: уснуша сном своим, и ничтоже обретоша вси мужие богатства в руках своих. 6 От запрещения Твоего, Боже Иаковль, воздремаша вседшии на кони. 7 Ты страшен еси, и кто противостанет Тебе? Оттоле гнев Твой. 8 С небесе слышан сотворил еси суд: земля убояся и умолча, 9 всегда востати на суд Богу, спаси вся кроткия земли. 10 Яко помышление человеческое исповестся Тебе, и останок помышления празднует Ти. 11 Помолитесь и воздадите Господеви Богу нашему: вси, иже окрест Его, принесут дары 12

Страшному и отемлющему духи князей, страшному паче царей земных.

77 В конец, о Идифуме, псалом Асафу. Гласом моим ко Господу воззвах, гласом моим к Богу, и внят ми.

2 В день скорби моей Бога взысках руками моими, нощю пред ним, и не прельщен бых: отвержеся утешитися душа моя. 3 Помянух Бога и возвеселихся, поглумляхся, и малодушествоваше дух мой. 4 Предваристе стражбы очи мои: смятохся и не глаголах. 5 Помыслих дни первыя, и лета вечная помянух, и поучахся: 6 нощю сердцем моим глумляхся, и тужаше дух мой: 7 еда во веки отринет Господь и не приложит благоволити паки? 8 Или до конца милость Свою отсчет, сконча глаголгол от рода в род? 9 Еда забудет ущедрить Бог? Или удержит во гневе Своем щедроты Своя? 10 И рех: ныне начах, сия измена десницы Вышняго. 11 Помянух дела Господня: яко помяну от начала чудеса Твоя, 12 и поучуся во всех делах Твоих, и в начинаниях Твоих поглумлюся. 13 Боже, во святем путь Твой: кто Бог велий, яко Бог наш? 14 Ты еси Бог творяй чудеса: сказал еси в людех силу Твою, 15 избавил еси мышцею Твою люди Твоя, сыны Иаковли и Иосифовы. 16 Видеша Тя воды, Боже, видеша Тя воды и убояшася: смятошася бездны. 17 Множество шума вод: глас даша облакы, ибо стрелы Твоя преходят. 18 Глас грома Твоего в колеси, осветиша молния твоя вселенную: подвижеся и трепетна бысть земля. 19 В мори путие Твои, и стези Твоя в водах многих, и следы Твои не познаются. 20 Наставил еси яко овцы люди Твоя рукою Моисеовою и Ааронею.

78 Внемлите, людие мои, закону моему, приклоните

ухо ваше во глаголы уст моих. 2 Отверзу в притчах уста моя, провеща ганания исперва. 3 Елика слышахом и познахом я, и отцы наши поведаша нам: 4 не утаишася от чад их в род ин, возвещающе хвалы Господни, и силы Его и чудеса Его, яже сотвори. 5 И воздвиже свидение во Иакове, и закон положи во Израили, елика заповеда отцем нашым сказать я сыновом своим, 6 яко да познает род ин, сынове родящийся, и востанут и поведят я сыновом своим: 7 да положат на Бога упование свое, и не забудут дел Божиих, и заповеди Его взышут: 8 да не будут якоже отцы их, род строптив и преогорчеваяй, род иже не исправи сердца своего и не увери с Богом духа своего. 9 Сынове Ефремли наляцающе и стреляюще луки возвратиша в день брани: 10 не сохраниша завета Божия, и в законе Его не восхотеша ходити. 11 И забыша благодеяния Его и чудеса Его, яже показа им 12 пред

отцы их, яже сотвори чудеса в земли Египетстей, на поли Танеосе: 13 разверзе море и проведе их: представи воды яко мех, 14 и настави я облаком во дни и всю нощь просвещением огня. 15 Разверзе камень в пустыни и напои я яко в бездне мнозе: 16 и изведе воду из камене и низведе яко реки воды. 17 И приложиша еще согрешати Ему, преогорчиша Вышняго в безводней: 18 и искусиша Бога в сердцах своих, воспросити брашна душам своим. 19 И клеветаша на Бога и реша: еда возможет Бог уготовати трапезу в пустыни? 20 Понеже порази камень, и потекша воды, и потоцы наводниша: еда и хлеб может дати? Или уготовати трапезу людем Своим? 21 Сего ради слыша Господь и презре, и огнь возгореся во Иакове, и гнев взыде на Израиля: 22 яко не вероваша Богови, ниже уповаша на спасение Его. 23 И заповеда облаком свыше, и двери небесе отверзе: 24 и одожди им манну ясти, и хлеб небесный даде им. 25 Хлеб ангельский яде человек: брашно посла им до сътости. 26 Воздвиге юг с небесе, и наведе силою Свою лива: 27 и одожди на ня яко прах плоти, и яко песок морской птицы пернаты. 28 И нападоша посреде стана их, окрест жилищ их. 29 И ядоша и насытиша зело, и желание их принесе им. 30 Не лишиша от желания своего: еще брашну сущу во устех их, 31 и гнев Божий взыде на ня, и уби множайшая их, и избранным Израилевым запят. 32 Во всех сих согрешиша еще и не вероваша чудесем Его: 33 и изчезоша в суете дни их, и лета их со тщанием. 34 Егда убиваше я, тогда взысаху Его и обращауся и утреневаху к Богу: 35 и помянуша, яко Бог помощник им есть, и Бог Вышний Избавитель им есть: 36 и возлюбиша Его усты своими, и языком своим соглаша Ему: 37 сердце же их не бе право с Ним, ниже увериша в завете Его. 38 Той же есть щедр, и очистит грехи их, и не растлит: и умножит отвратити ярость Свою, и не разжжет всего гнева Своего. 39 И помяну, яко плоть суть, дух ходай и не обращаяйся: 40 колькраты преогорчиша Его в пустыни, прогневавша Его в земли безводней? 41 И обратишася, и искусиша Бога, и Святаго Израилева раздражиша: 42 и не помянуша руки Его в день, в онъже избави я из руки оскорбляющаго: 43 яко же положи во Египте знамения Своя, и чудеса Своя на поли Танеосе: 44 и преложи в кровь реки их и источники их, яко да не плюют. 45 Посла на ня песия мухи, и поядоша я, и жабы, и растли я: 46 и даде рже плоды их, и труды их пругом. 47 Уби градом винограды их и черничие их сланою: 48 и предаде граду скоты их, и имение их огню. 49 Посла на ня гнев ярости Своей, ярость и гнев и скорбь, послание

аггелы лютыми. 50 Путесотвори стезю гневу Своему, и не пощаде от смерти душ их, и скоты их в смерти заключи: 51 и порази всякое первородное в земли Египетстей, начаток всякаго труда их в селениих Хамовых. 52 И воздвиге яко овцы люди Своя, и возведе я яко стадо в пустыни: 53 и настави я на упование, и не убояшася: и враги их покры море. 54 И введе я в гору святыни Свою, гору сию, юже стяжа десница Его. 55 И изгна от лица их языки, и по жребию даде им (землю) ужем жребодаяния, и всели в селениих их колена Израилева. 56 И искусиша и преогорчиша Бога Вышняго, и свидений Его не сохраниша: 57 и отвратиша и отвергося, яко же и отцы их: превратиша в лук развращен: 58 и прогневавша Его в холмех своих, и во истуканных своих раздражиша Его. 59 Слыша Бог и презре, и уничижи зело Израиля: 60 и отрину скинию Силомскую, селение еже вселися в человекех: 61 и предаде в плен крепость их, и доброту их в руки врагов: 62 и затвори во оружии люди Своя и достояние Свое презре. 63 Юноши их пойде огнь, и девы их не осетованы быша: 64 священницы их мечем падоша, и вдовицы их не оплаканы будут. 65 И воста яко спя Господь, яко силен и шумен от вина: 66 и порази враги своя вспять, поношение вечное даде им: 67 и отрину селение Иосифово, и колено Ефремово не избра: 68 и избра колено Иудово, гору Сионю, юже возлюби: 69 и созда яко единорога святилище Свое: на земли основа и в век. 70 И избра Давида раба Своего, и восприят его от стад овчих: 71 от доилец поят его, пасти Иакова раба Своего, и Израиля достояние Свое. 72 И уласе я в незлобии сердца своего, и в разумех руку свою наставил я есть.

79 Боже, придоша языцы в достояние Твое, оскверниша храм святый Твой, 2 положиша Иерусалим яко овощное хранилище: положиша трупия раб Твоих брашно птицам небесным, плоти преподобных Твоих зверем земным: 3 пролияша кровь их яко воду окрест Иерусалима, и не бе погребаяй. 4 Быхом поношение соседом нашым, подражнение и поругание сущым окрест нас. 5 Доколе, Господи, прогневаешся до конца? Разжжется яко огнь рвение Твое? 6 Пролий гнев Твой на языки незнающия Тебе, и на царствия, яже имене Твоего не призываша: 7 яко пойдоша Иакова, и место его опустошиша. 8 Не помяни наших беззаконий первых: скоро да предварят ны щедроты Твоя, Господи, яко обнищаю зело. 9 Помози нам, Боже, Спасителю наш, славы ради имени Твоего: Господи, избави ны и

очести грехи наша имене ради Твоего. 10 Да не когда рекут языцы: где есть Бог их? И да увестся во языцах пред очима нашима отмщение крове раб Твоих пролитыя. 11 Да внидет пред Тя воздыхание окованных: по величию мышцы Твои снабди сыны умерщвленных. 12 Воздаждь соседом нашим седмицею в недро их поношение их, имже поносиша Тя, Господи. 13 Мы же людие Твои и овцы пажити Твоему исповемыся Тебе, Боже, во век, в род и род возвестим хвалу Твою.

80 В конец, о изменившихся, свидение Асафу, псалом.

Пасый Израиля вонми: наставляй яко овча Иосифа, седай на Херувимех, явися: 2 пред Ефремом и Вениамином и Манассием воздвигни силу Твою, и приди во еже спсти нас. 3 Боже, обрати ны, и просвети лицо Твое, и спасемся. 4 Господи Боже сил, доколе гневаешься на молитву раб Твоих? 5 Напиташи нас хлебом слезным, и напоиши нас слезами в меру. 6 Положил еси нас в пререкание соседом нашим, и врази наши подражниша ны. 7 Господи Боже сил, обрати ны, и просвети лицо Твое, и спасемся. 8 Виноград из Египта пренесл еси: изгнал еси языки, и насадил еси и: 9 путестворил еси пред ним, и насадил еси корения его, и исполни землю. 10 Покры горы сень его, и ветвия его кедры Божия: 11 простре розги его до моря, и даже до рек отрасли его. 12 Вскую низложил еси оплот его, и омыают и вси мимоходящии путем? 13 Озоба и вепрь от дубравы, и уединенный дивий пойде и. 14 Боже сил, обратися убо, и призри с небесе и виждь, и посети виноград сей: 15 и соверши и, егоже насади десница Твоя, и на сына человеческаго, егоже укрепил еси Себе. 16 Пожжен огнем и раскопан: от запрещения лица Твоего погибнут. 17 Да будет рука Твоя на мужа десницы Твоей и на сына человеческаго, егоже укрепил еси Себе, 18 и не отступим от Тебе: оживиши ны, и имя Твое призовем. 19 Господи Боже сил, обрати ны, и просвети лицо Твое, и спасемся.

81 В конец, о точилех, псалом Асафу. Радуйтесь Богу помощнику нашему, восхлопните Богу Иаковлю: 2 примите псалом и дадите тимпан, псалтирик красен с гусьми: 3 вострубите в новомесячии трубою, во благознаменитый день праздника вашего: 4 яко повеление Израилеви есть, и судба Богу Иаковлю. 5 Свидение во Иосифе положи е, внегда изыти ему от земли Египетския: языка, егоже не ведяще, услыша. 6 Отят от бремене хребет его: руце его в коши поработасте. 7 В скорби призвал Мя еси, и избавих тя: услышаши тя в тайне бурне: искуших тя на воде Пререкания. 8 Слышите, людие

Мои, и засвидетельствую вам, Израилю, аще послушаешь Мене: 9 не будет тебе бог нов, ниже поклонишися богу чуждему. 10 Аз бо есмь Господь Бог твой, изведый тя от земли Египетския: разшири уста твоя, и исполню я. 11 И не послушаша людие Мои гласа Моего, и Израиль не внял Ми: 12 и отпустих я по начинанием сердец их, пойдут в начинаниях своих. 13 Аще быша людие Мои послушали Мене, Израиль аще бы в пути Моя ходил: 14 ни о чесомже убо враги его смирил бых, и на оскорбляющыя их возложил бых руку Мою. 15 Врази Господни соглаша ему, и будет время их в век: 16 и напита их от тука пшенична, и от камене меда насыти их.

82 Бог ста в сонме богов, посреде же боги разсудит.

2 Доколе судите неправду, и лица грешников приемлете? 3 Судите сири и убогу, смиренна и нища оправдайте: 4 измите нища и убога, из руки грешничи избавите его. 5 Не познаша, ниже уразумеша, во тме ходят: да подвижатся вся основания земли. 6 Аз реч: бози есте, и сынове Вышняго вси: 7 вы же яко человецы умираете, и яко един от князей падаете. 8 Воскресени, Боже, суди земли: яко Ты наследиши во всех языцах.

83 Песнь псалма Асафу. Боже, кто уподобится Тебе?

Не премолчи, ниже укроти, Боже: 2 яко се, врази Твои возшумеша, и ненавидящии Тя воздвигоша главу. 3 На люди Твоя лукавноваша волею, и совещаша на святыя Твоя. 4 Реша: приидите и потребим я от языка, и не помянется имя Израилево кому. 5 Яко совещаша единомышлением вкупе, на Тя завет завещаша: 6 селения Идумейска и Исмаилите, Моав и Агаряне, 7 Гевал и Аммон и Амалик, иноплеменницы с живущими в Тире: 8 ибо и Ассур прииде с ними, быша в заступление сыновом Лотовым: 9 сотвори им яко Мадиаму и Сисаре, яко Иавиму в потоце Киссове: 10 потребишиася во Аендоре, быша яко гной земный. 11 Положи князи их яко Орива и Зива, и Зева и Салмана, вся князи их, 12 иже реша: да наследим себе святыни Божие. 13 Боже мой, положи я яко коло, яко трость пред лицем ветра. 14 Яко огнь попалаяй дубравы, яко пламень пожигаяй горы: 15 тако поженеши я бурею Твою, и гневом Твоим смятеши я. 16 Исполни лица их безчестия, и взыщут имене Твоего, Господи. 17 Да постыдятся и смятутся в век века, и посрамятся и погибнут. 18 И да познают, яко имя Тебе Господь, Ты един Вышний по всей земли.

84 В конец, о точилех, сыном Кореовым, псалом. Коль возлюбленна селения Твоя, Господи сил. 2 Желает и скончавается душа моя во дворы Господни: сердце мое и плоть моя возрадовастася о Бозе живе. 3 Ибо птица обрете себе храмину, и горлица гнездо себе, идже положит птенцы своя, олтари Твоя, Господи сил, Царю мой и Боже мой. 4 Блажени живущи в дому Твоем: в веки веков восхвалят Тя. 5 Блажен муж, ему же есть заступление его у Тебе: восхождения в сердцы своем положи, 6 во юдоли плачевную, в место еже положи: ибо благословение даст законополагай. 7 Пойдут от силы в силу: явится Бог богов в Сионе. 8 Господи Боже сил, услыши молитву мою, внуши, Боже Иаковль. 9 Защитниче наш, виждь, боже, и призри на лице христа Твоего. 10 Яко лучше день един во дворех Твоих паче тысячи: изволих притетатися в дому Бога моего паче, неже жити ми в селениях грешничих. 11 Яко милость и истину любит Господь, Бог благодать и славу даст: Господь не лишит благих ходящих незлобием. 12 Господи Боже сил, блажен человек уповаяй на Тя.

85 В конец, сыном Кореовым, псалом. Благоволил еси, Господи, землю Твою, возвратил еси плен Иаковль. 2 Оставил еси беззакония людей Твоих, покрыл еси вся грехи их. 3 Укротил еси весь гнев Твой, возвратился еси от гнева ярости Твоей. 4 Возврати нас, Боже спасений наших, и отврати ярость Твою от нас. 5 Еда во веки прогневаешся на ны? Или простреши гнев Твой от рода в род? 6 Боже, Ты обращаешься оживиши ны, и людие Твои возвеселятся о Тебе. 7 Яви нам, Господи, милость Твою, и спасение Твое даждь нам. 8 Услышу, что речет о мне Господь Бог: яко речет мир на люди Своя, и на преподобных Своя, и на обращающиеся сердца к нему. 9 Обаче близ боящихся Его спасение Его, вселит славу в землю нашу. 10 Милость и истина сретостеся, правда и мир облобызастася: 11 истина от земли возсия, и правда с небесе приниче: 12 ибо Господь даст благость, и земля наша даст плод свой. 13 Правда пред Ним предидет, и положит в путь стопы своя.

86 Приклони, Господи, ухо Твое, и услыши мя: яко нищ и убог есмь аз. 2 Сохрани душу мою, яко преподобен есмь: спаси раба Твоего, Боже мой, уповающего на Тя. 3 Помилуй мя, Господи, яко к Тебе возвозу весь день. 4 Возвесели душу раба Твоего: яко к Тебе взях душу мою. 5 Яко Ты, Господи, благ и кроток и многомилостив всем призывающим Тя. 6 Внуши, Господи, молитву мою и вонми гласу моления моего. 7 В день скорби моей

возвозах к Тебе, яко услышал мя еси. 8 Несть подобен Тебе в бозех, Господи, и несть по делом Твоим. 9 Вси языцы, елико сотворил еси, приидут и поклонятся пред Тобою, Господи, и прославят имя Твое: 10 яко велий еси Ты и творяй чудеса, Ты еси Бог един. 11 Настави мя, Господи, на путь Твой, и пойду во истине Твоей: да возвеселится сердце мое боятися имене Твоего. 12 Исповемся Тебе, Господи Боже мой, всем сердцем моим и прославлю имя Твое в век: 13 яко милость Твоя велия на мне, и избавил еси душу мою от ада преисподнейшаго. (Sheol h7585) 14 Боже, законопреступники восташа на мя, и сонм державных взыскаша душу мою, и не предложиша Тебе пред собою. 15 И Ты, Господи Боже мой, щедрый и милостивый, долготерпеливый и многомилостивый и истинный, 16 призри на мя и помилуй мя: даждь державу Твою отроку Твоему и спаси сына рабы Твоей. 17 Сотвори со мною знамение во благо: и да видят ненавидящии мя, и постыдятся, яко Ты, Господи, помогл ми и утешил мя еси.

87 Сыном Кореовым, псалом песни. 2 Основания его на горах святых: любит Господь врата Сиона паче всех селений Иаковлих. 3 Преславная глаголашася о тебе, граде Божий. 4 Помяну Раав и Вавилона ведущимя: и се, иноплеменницы и Тир и людие Ефиопстии, сии быша тамо. 5 Мати Сион речет: человек и человек родися в нем, и Той основа и Вышний. 6 Господь повесть в писании людей и князей, сих бывших в нем. 7 Яко веселящихся всех жилище в тебе.

88 Песнь псалма Сыном Кореовым, в конец, о Маелефе еже отвещати, разумя Еману Израилтянину. Господи Боже спасения моего, во дни возвозах и в нощи пред Тобою: 2 да внидет пред Тя молитва моя, приклони ухо Твое к молению моему. 3 Яко исполнился зол душа моя, и живот мой аду приближися. (Sheol h7585) 4 Привменен бых с низходящими в ров: бых яко человек без помощи, 5 в мертвых свободъ: яко язвенни спящии во гробе, ихже не помянул еси кому, и тии от руки Твоей отриновени быша. 6 Положиша мя в рове преисподнем, в темных и сени смертней. 7 На мне утвердиша ярость Твоя, и вся волны Твоя навел еси на мя. 8 Удалил еси знаемых моих от мене: положиша мя мерзость себе: предан бых и не исходах. 9 Очи мои изнемогосте от нищеты: возвозах к Тебе, Господи, весь день, воздух к Тебе руце мои. 10 Еда мертвыми твориши чудеса? Или врачеве воскресят, и исповедятся Тебе? 11 Еда повесть кто во гробе милость Твою, и истину Твою в погибели? 12

Еда познана будут во тме чудеса Твоя, и правда Твоя в земли забвенней? 13 И аз к Тебе, Господи, воззвах, и утро молитва моя предварит Тя. 14 Вскую, Господи, отреши душу мою? Отвращаеш лице Твое от мене? 15 Нищъ есмъ аз, и в трудех от юности моей: вознесжеся смирихся и изнемогох. 16 На мне преидоша гневи Твои, устрашения Твоя возмутиша мя: 17 обыдоша мя яко вода весь день, одержаша мя вкупе. 18 Удалил еси от мене друга и искренняго, и знаемых моих от страстей.

89 Разума Ефама Израилтянина. Милости Твоя,

Господи, во век воспою, в род и род возвещу истину Твою усты моими. 2 Зане рекл еси: в век милость созиждется: на небесех уготовится истина Твоя. 3 Завещах завет избранным Моим, кляхся Давиду рабу Моему: 4 до века уготова семя твое, и созижду в род и род престол твой. 5 Исповедят небеса чудеса Твоя, Господи, ибо истину Твою в церкви святых. 6 Яко кто во облацах уравнится Господеви? Уподобится Господеви в сынех Божиих? 7 Бог прославляемъ в совете святых, велий и страшен есть над всеми окрестными Его. 8 Господи Боже сил, кто подобен Тебе? Силен еси, Господи, и истина Твоя окрест Тебе. 9 Ты владычествуеш державою морскою: возмущение же волн его Ты укрочаеш. 10 Ты смирил, еси, яко язвена, гордаго: мышцею силы Твоей расточил еси враги Твоя. 11 Твоя суть небеса, и Твоя есть земля: вселенную и исполнение ея Ты основал еси. 12 Север и море Ты создал еси: Фавор и Ермон о имени Твоем возврадуетася. 13 Твоя мышца с силою: да укрепится рука Твоя, и вознесется десница Твоя. 14 Правда и судба уготование престола Твоего: милость и истина предидете пред лицем Твоим. 15 Блажени людие ведущии воскликновение: Господи, во свете лица Твоего пойдут, 16 и о имени Твоем возврадуются весь день, и правдою Твоею вознесутся. 17 Яко похвала силы их Ты еси, и во благоволении Твоем вознесется рог наш: 18 яко Господне есть заступление, и Святаго Израилева царя нашего. 19 Тогда глаголал еси в видении сыновом Твоим, и рекл еси: положих помощь на сильного, вознесох избранного от людей Моих: 20 обретох Давида раба Моего, елеем святым Моим помазах его. 21 Ибо рука Моя заступит его, и мышца Моя укрепит его. 22 Ничтоже успеет враг на него, и сын беззакония не приложит озлобити его. 23 И ссеку от лица его враги его, и ненавидящая его побеждуд: 24 и истина Моя и милость Моя с ним, и о имени Моем вознесется рог его: 25 и положу на мори руку его, и на реках десницу его. 26 Той призовет мя: отец мой еси Ты, Бог мой и заступник спасения моего. 27

И Аз первенца положу его, высока паче царей земных: 28 в век сохранию ему милость Мою, и завет Мой верен ему: 29 и положу в век века семя его, и престол его яко дни неба. 30 Аще оставят сынове его закон Мой, и в судах Моих не пойдут: 31 аще оправдания Моя осквернят, и заповедий Моих не сохранят: 32 посещу же зелом беззакония их, и ранами неправды их, 33 милость же Мою не разорю от них, ни преврежду во истине Моеи: 34 ниже оскверню завета Моего, и исходящих от уст Моих не отвергуся. 35 Единою кляхся о святем Моем: аще Давиду солжу? 36 Семя его во век пребудет, и престол его яко солнце предо Мною, 37 и яко луна совершена в век, и свидетель на небеси верен. 38 Ты же отринул еси и уничижил, негодовал еси помазанного Твоего: 39 разорил еси завет раба Твоего, осквернил еси на земли святыню его: 40 разорил еси вся оплоты его, положил еси твердая его страх. 41 Расхищау его вси мимоходящии путем, бысть поношение соседом своим. 42 Возвысил еси десницу стужающих ему, возвеселил еси вся враги его: 43 отвратил еси помощь меча его и не заступил еси его во брани: 44 разорил еси от очищения его, престол его на землю повергл еси: 45 умалил еси дни времене его, облиял еси его студом. 46 Доколе, Господи, отвращаешися в конец, разжжется яко огнь гнев Твой? 47 Помяни, кий мой состав: еда бо всуе создал еси вся сыны человеческия? 48 Кто есть человек, иже поживет и не узрит смерти, избавит душу свою из руки адовой? (Sheol h7585) 49 Где суть милости Твоя древния, Господи, имиже клялся еси Давиду во истине Твоей? 50 Помяни, Господи, поношение раб Твоих, еже удержах в недре моем многих язык: 51 имже поносиша врази Твои, Господи, имже поносиша изменению христа Твоего. 52 Благословен Господъ во век: буди, буди.

90 Молитва Моисея человека Божия. 2 Господи, прибежище был еси нам в род и род. 3 Прежде даже горам не быти и создатися земли и вселенней, и от века и до века Ты еси. 4 Не отврати человека во смирение, и рекл еси: обратитесь, сынове человечестии. 5 Яко тысяща лет пред очима Твоими, Господи, яко день вчерашний, иже мимо иде, и стража нощная. 6 Уничиженія их лета будут: утро яко трава мимо идет, утро процветет и прейдет: на вечер отпадет, ожестеет и изсхнет: 7 яко изчезох гневом Твоим, и яростю Твоею смутихомся. 8 Положил еси беззакония наша пред Тобою, век наш в просвещение лица Твоего. 9 Яко вси дни наши оскудеша, и гневом Твоим изчезохом:

10 лета наша яко паучина поучахуся: дние лет наших в нихже седмъдесят лет, аще же в силах, осмъдесят лет, и множае их труд и болезнь: яко прииде кротость на ны, и накажемся. 11 Кто весть державу гнева Твоего, и от страха Твоего ярость Твою изчести? 12 Десницу Твою тако скажи ми, и окованная сердцем в мудрости. 13 Обратися, Господи, доколе? И умолен буди на рабы Твоя. 14 Исполнюхомся заутра милости Твоей, Господи, и возрадовахомся и возвеселихомся: 15 во вся дни наша возвеселихомся, за дни, в няже смирил ны еси, лета, в няже видехом злая. 16 И призри на рабы Твоя и на дела Твоя, и настави сыны их. 17 И буди светлость Господа Бога нашего на нас, и дела рук наших исправи на нас, и дело рук наших исправи.

91 Живый в помощи Вышняго, в крови Бога небеснаго водворится, 2 речет Господеви: заступник мой еси и прибежище мое, Бог мой, и уповаю на Него. 3 Яко Той избавит тя от сети ловчи и от словесе мятехна: 4 плещма Своима осенит тя, и под криле Его надеешися: оружием обыдет тя истина Его. 5 Не убоишися от страха нощного, от стрелы летящия во дни, 6 от вещи во тме преходящия, от сряча и беса полуденного. 7 Падет от страны твоей тысяща, и тма одесную тебе, к тебе же не приближится: 8 обаче очима твоими смотриши и воздаяние грешников узриши. 9 Яко ты, Господи, упование мое: Вышняго положил еси прибежище твое. 10 Не приидет к тебе зло, и рана не приближится телеси твоему: 11 яко Ангелом Своим заповесть о тебе, сохранити тя во всех путех твоих. 12 На руках возмут тя, да не когда преткнеши о камень ногу твою: 13 на аспида и василиска наступиши, и попереши льва и змия. 14 Яко на мя упова, и избавлю и: покрью и, яко позна имя Мое. 15 Возвозет ко Мне, и услышу его: с ним есьмь в скорби, изму его и прославлю его: 16 долготою дний исполню его и явлю ему спасение Мое.

92 Псалом песни, в день субботний. Благо есть исповедатися Господеви и пети имени Твоему, Вышний: 2 возвещати заутра милость Твою и истину Твою на всяку нощь, 3 в десятоструннем псалтири с песнико в гуслех. 4 Яко возвеселил мя еси, Господи, в творении Твоем, и в делех руку Твою возрадуюся. 5 Яко возвеличишася дела Твоя, Господи: зело углубишася помышления Твоя. 6 Муж безумен не познает, и неразумив не разумеет сих. 7 Внегда прозябаша грешницы яко трава, и проникоша вси делающии беззаконие, яко да потребятся в век века: 8 Ты же вышний во век, Господи. 9

Яко се, врази Твои, Господи, яко се, врази Твои погибнут, и разыдутся вси делающии беззаконие. 10 И вознесется яко единорога рог мой, и старость моя в елеи мастите: 11 и воззре око мое на враги моя, и востающия на мя лукавнующия услышит ухо мое. 12 Праведник яко финикс процветет: яко кедр, иже в Ливане, умножится. 13 Насаждени в дому Господни во дворех Бога нашего процветут: 14 еще умножатся в старости мастите, и благоприемлюще будут. 15 Да возвестят, яко прав Господь Бог наш, и несть неправды в Нем.

93 Господь воцарися, в лепоту облечеся: облечеся Господь в силу и препоясаясь: ибо утверди вселенную, яже не подвижится. 2 Готов престол Твой оттоле: от века Ты еси. 3 Воздвигоша реки, Господи, воздвигоша реки гласы своя: 4 возмут реки сотрения своя, от гласов вод многих. 5 Дивны высоты морския: дивен в высоких Господь. Свидения Твоя увершася зело. Дому Твоему подобает святыня, Господи, в долготу дний.

94 Бог отмщений Господь, Бог отмщений не обинулся есть. 2 Вознесися, Судяй земли, воздаждь воздаяние гордым. 3 Доколе грешницы, Господи, доколе грешницы восхваляются? 4 Провещают и возглаголют неправду, возглаголют вси делающии беззаконие? 5 Люди Твоя, Господи, смириша, и достояние Твое озлобиша: 6 вдовицу и сира умориша, и пришелца убиша, 7 и реша: не узрит Господь, ниже уразумеет Бог Иаковль. 8 Разумейте же, безумии в людех, и буии некогда, умудритеся: 9 насаждей ухо, не слышит ли? Или создавый око, не сматрят ли? 10 Наказуй языки, не обличит ли, учай человека разуму? 11 Господь весть помышления человеческая, яко суть суетна. 12 Блажен человек, егоже аще накажеши, Господи, и от закона Твоего научиши его: 13 укротити его от дний лютых, дондеже изрытается грешному яма. 14 Яко не отринет Господь людий Своих, и достояния Своего не оставит: 15 дондеже правда обратится на суд, и держащися ея вси правии сердцем. 16 Кто востанет ми на лукавнующия? Или кто спредстанет ми на делающия беззаконие? 17 Аще не Господь помогл бы ми, вмале вселилася бы во ад душа моя. 18 Аще глаголах: подвижеся нога моя, милость Твоя, Господи, помогаше ми: 19 по множеству болезней моих в сердцы моем, утешения Твоя возвеселиша душу мою. 20 Да не пребудет Тебе престол беззакония, созидаюй труд на повеление. 21 Уловят на душу праведничу, и кровь неповинную осудят. 22 И бысть мнѣ Господь в прибежище,

и Бог мой в помощь упования моего: 23 и воздаст им Господь беззаконие их, и по лукавству их погубит я Господь Бог.

95 Приидите, возрадуемся Господеви, восхликаем

Богу спасителю нашему: 2 предварим лицо Его во исповедании, и во псалмех восхликаем Ему: 3 яко Бог велий Господь, и Царь велий по всей земли: 4 яко в руце Его все концы земли, и высоты гор Того суть. 5 Яко Того есть море, и Той сотвори е, и сушу руце Его создасте. 6 Приидите, поклонимся и припадем ему, и восплачемся пред Господем сотворшим нас: 7 яко Той есть Бог наш, и мы люди пажити Его и овцы руки Его. Днесь аще глас Его услышите, 8 не ожесточите сердец ваших, яко в прогневании, по дни искушения в пустыни: 9 в онъже искусиша мя отцы ваши, искусиша мя, и видеша дела Моя. 10 Четыредесять лет негодовах рода того, и рех: присно заблуждают сердцем, тии же не познаша путей Моих: 11 яко кляхся во гневе Моем, аще внидут в покой Мой.

96 Воспойте Господеви песнь нову, воспойте Господеви

вся земля: 2 воспойте Господеви, благословите имя Его: благовестите день от дне спасение Его. 3 Возвестите во языщах славу Его, во всех людех чудеса Его. 4 Яко велий Господь и хвален зело, страшен есть над всеми боги. 5 Яко все бози язык бесове: Господь же небеса сотвори. 6 Исповедание и красота пред Ним, святыни и великолепие во святиле Его. 7 Принесите Господеви, отечествия язык, принесите Господеви славу и честь. 8 Принесите Господеви славу имени Его: возмите жертвы и входите во дворы Его. 9 Поклонитесь Господеви во дворе святем Его: да подвижится от лица Его вся земля. 10 Рцыте во языщах, яко Господь воцарися: ибо исправи вселенную, яже не подвижится: судит людем правостию. 11 Да возвеселятся небеса, и радуется земля: да подвижится море и исполнение его: 12 возрадуются поля, и вся яже на них: тогда возрадуются вся древа дубравная 13 от лица Господня, яко грядет, яко грядет судити земли: судити вселенней в правду, и людем истину Свою.

97 Господь воцарися, да радуется земля, да веселятся

острови мнози. 2 Облак и мрак окрест Его: правда и судба исправление престола Его. 3 Огнь пред Ним предидет и попалит окрест враги Его. 4 Осветиша молния Его вселенную: виде и подвижеся земля. 5 Горы яко воск растаяша от лица Господня, от лица Господа всея

земли. 6 Возвестиша небеса правду Его, и видеша все людие славу Его. 7 Да постыдятся все кланяющиися истуканным, хвалящиися о идолех своих: поклонитеся Ему, все ангели Его. 8 Слыша и возвеселися Сион, и возрадовашася дщери Иудейския, судеб ради Твоих, Господи: 9 яко Ты Господь вышний над всею землею, зело превознесся еси над всеми боги. 10 Любящи Господа, ненавидите злая: хранит Господь души преподобных Своих, из руки грешничи избавит я. 11 Свет возсия праведнику, и правым сердцем веселье. 12 Веселитесь, праведни, о Господе, и исповедайте память святыни Его.

98 Воспойте Господеви песнь нову, яко дивна сотвори

Господь: спасе Его десница Его и мыща святая Его. 2 Сказа Господь спасение Свое, пред языки откры правду Свою. 3 Помяну милость Свою Иакову и истину Свою дому Израилеву: видеша все концы земли спасение Бога нашего. 4 Восхликаем Богови, вся земля, воспойте и радуйтесь и пойте. 5 Пойте Господеви в гуслех, в гуслех и гласе псаломсте, 6 в трубах кованых и гласом трубы рожаны: вострубите пред Царем Господем. 7 Да подвижится море и исполнение его, вселенная и все живущи на ней. 8 Реки восплачут рукою вкупе, горы возрадуются 9 от лица Господня, яко грядет, яко идет судити земли: судити вселенней в правду, и людем правостию.

99 Господь воцарися, да гневаются людие: седяя на

Херувимех, да подвижится земля. 2 Господь в Сионе велик, и высок есть над всеми людьми. 3 Да исповедятся имени Твоему великому, яко страшно и свято есть. 4 И честь царева суд любит: Ты уготовал еси правоты, суд и правду во Иакове Ты сотворил еси. 5 Возносите Господа Бога нашего и покланяйтесь подножию ногу Его, яко свято есть. 6 Моисей и Аарон во иереях Его, и Самуил в призывающих имя Его: призываху Господа, и Той послушаше их. 7 В столпе облачне глаголаше к ним: яко храняху свидения Его и повеления Его, яже даде им. 8 Господи Боже наш, Ты послушал еси их: Боже, Ты милостив бывал еси им, и мщая на вся начинания их. 9 Возносите Господа Бога нашего и покланяйтесь в горе святей Его: яко свят Господь Бог наш.

100 Восхликаем Богови вся земля: 2 работайте

Господеви в веселии, внидите пред Ним в радости. 3 Уведите, яко Господь Той есть Бог наш: Той сотвори нас, а не мы: мы же люди Его и овцы пажити Его. 4 Внидите во врата Его во исповедании, во дворы Его в пении:

исповедайтесь Ему, хвалите имя Его. 5 Яко благ Господь, в век милость Его, и даже до рода и рода истина Его.

101 Милость и суд воспою Тебе, Господи: 2 пою и разумею в пути непорочне: когда приидеш ко мне? Прехождах в незлобии сердца моего посреде дому моего. 3 Не предлагах пред очима моима веъш законопреступную: творящая преступление возненавидех. 4 Не прильпе мне сердце строптиво: уклоняющагося от мене лукаваго не познах. 5 Оклеветающаго тай искренняго своего, сего изгонях: гордым оком и несътым сердцем, с сим не ядях. 6 Очи мои на верныя земли, посаждати я со мною: ходай по пути непорочну, сей ми служаше. 7 Не живяше посреде дому моего творяй гордыню: глаголяй неправедная не исправляше пред очима моима. 8 Воутрия избивах вся грешныя земли, еже потребити от града Господня вся делающыя беззаконие.

102 Молитва нищаго, егда уныет и пред Господем пролиет моление свое. Господи, услыши молитву мою, и вопль мой к Тебе да приидет. 2 Не отврати лица Твоего от мене: в оньже аще день скорблю, приклони ко мне ухо Твое: в оньже аще день призову Тя, скоро услыши мя. 3 Яко изчезоша яко дым дни мои, и кости моя яко сушило сосошася. 4 Уязвлен бых яко трава, и изсше сердце мое, яко забых снести хлеб мой. 5 От гласа воздыхания моего прильпе кость моя плоти моей. 6 Уподобихся неясыти пустынней, бых яко нощный вран на нырици. 7 Бдех и бых яко птица особящаяся на зде. 8 Весь день поношаху ми врази мои, и хвалящии мя мною кленяхуся. 9 Зане пепел яко хлеб ядрах и питие мое с плачем растворяях, 10 от лица гнева Твоего и яности Твоей: яко вознес низвергл мя еси. 11 Дни мои яко сень уклонишася, и аз яко сено изсхо. 12 Ты же, Господи, во век пребываеш, и память Твоя в род и род. 13 Ты воскрес ущедриши Сиона: яко время ущедрити его, яко прииде время. 14 Яко благоволиша раби Твои камение его, и персть его ущедрят. 15 И убоятся языцы имене Господня, и вси царие земстии славы Твоей: 16 яко созиждет Господь Сиона и явится во славе Своей. 17 Призре на молитву смиренных и не уничижи моления их. 18 Да напишется сие в род ин, и людие зиждемии восхвалят Господа: 19 яко приниче с высоты святыя Своего, Господь с небесе на землю призре, 20 услышати вздохание окованых, разрешити сыны умерщвленных: 21 возвестити в Сионе имя Господне и хвалу Его во Иерусалиме, 22 внегда собратися людем вкупе и царем,

еже работати Господеви. 23 Отвеща Ему на пути крепости Его: умаление дний моих возвести ми: 24 не возведи мене во преполовение дний моих: в роде родов лета Твоя. 25 В началех Ты, Господи, землю основал еси, и дела руку Твою суть небеса. 26 Та погибнут, Ты же пребываеш: и вся яко риза обетшают, и яко одежду свиши я, и изменяются. 27 Ты же тойже еси, и лета Твоя не оскудеют. 28 Сынове раб Твоих вселятся, и семя их во век исправится.

103 Благослови, душе моя, Господа, и вся внутренняя моя, имя святое Его: 2 благослови, душе моя, Господа, и не забывай всех воздаяний Его: 3 очищающаго вся беззакония твоя, изцеляющаго вся недуги твоя, 4 избавляющаго от истления живот твой, венчающаго тя милостию и щедротами, 5 исполняющаго во благих желание твое: обновится яко орля юность твоя. 6 Творяй милостины Господь и суду всем обидимым. 7 Сказа пути Своя Моисеови, сыновом Израилевым хотения Своя. 8 Щедр и милостив Господь, долготерпелив и многомилостив. 9 Не до конца прогневается, ниже во век враждует: 10 не по беззаконием нашим сотворил есть нам, ниже по грехом нашим воздал есть нам. 11 Яко по высоте небесней от земли, утвердил есть Господь милость Свою на боящихся Его: 12 елико отстоят востоцы от запад, удалил есть от нас беззакония наша. 13 Якоже щедрят отец сыны, ущедри Господь боящихся Его. 14 Яко Той позна создание наше, помяну, яко персть есмы. 15 Человек, яко трава дни его, яко цвет селный, тако оцветет: 16 яко дух пройде в нем, и не будет, и не познает ктому места своего. 17 Милость же Господня от века и до века на боящихся Его, 18 и правда Его на сынех сынов, хранящих завет Его и помнящих заповеди Его творити я. 19 Господь на небеси уготова престол Свой, и царство Его всеми обладает. 20 Благословите Господа, вси Ангели Его, сильни крепостию, творящии слово Его, услышати глас словес Его. 21 Благословите Господа, вся силы Его, слуги Его, творящии волю Его. 22 Благословите Господа, вся дела Его на всяком месте владычества Его: благослови, душе моя, Господа.

104 Благослови, душе моя, Господа. Господи Боже мой, возвеличился еси зело: во исповедание и в велелепоту облеклся еси: 2 одеяйся светом яко ризою, простирай небо яко кожу: 3 покрываай водами превыспрення Своя, полагай облаки на восхождение Свое, ходай на крилу ветреню: 4 творяй ангелы Своя духи, и слуги Своя пламень огненный: 5 основай

землю на тверди ея: не преклонится в век века. 6 Бездна яко риза одеяние ея, на горах станут воды: 7 от запрещения Твоего побегнут, от гласа грома Твоего убоятся. 8 Восходят горы, и низходят поля, в место еже основал еси им. 9 Предел положил еси, егоже не прейдут, ниже обратятся покрыты землю. 10 Посылаяй источники в дебрех, посреде гор пройдут воды. 11 Напаяют вся звери селныя, ждут онагри в жажду свою. 12 На тых птицы небесныя привлекают: от среды камения дадят глас. 13 Напаяяй горы от превыспренних Своих: от плода дел Твоих насытится земля. 14 Прозябай траву скотом, и злак на службу человеком, извести хлеб от земли: 15 и вино веселит сердце человека, умастити лице елеем: и хлеб сердце человека укрепит. 16 Насытятся древа польская, кедри Ливанстии, ихже еси насадил: 17 тамо птицы вогнездятся, еродиево жилище предводителствует ими. 18 Горы высокия еленем, камень прибежище заяцем. 19 Створил есть луну во времена: солнце позна запад свой. 20 Положил еси тму, и бысть нощь, внейже пройдут вси звери дубравнии, 21 скимни рыкающие восхитити и взыскати от Бога пищу себе. 22 Возсия солнце, и собирахася, и в ложах своих лягут. 23 Изъдет человек на дело свое и на делание свое до вечера. 24 Яко возвеличишася дела Твоя, Господи: вся премудростию створил еси: исполнися земля твари Твоей. 25 Сие море великое и пространное: тамо гади, ихже несть числа, животная малая с великими: 26 тамо корабли преплавают, змий сей, егоже создал еси ругатися ему. 27 Вся к Тебе чают, дати пищу им во благо время. 28 Давшу Тебе им, соберут: отверзшу Тебе руку, всяческая исполнятся благости: 29 отвращшу же Тебе лице, возмутятся: отимеши дух их, и изчезнут и в перстъ свою возвратятся: 30 послеши духа Твоего, и созиждутся, и обновиши лице земли. 31 Буди слава Господня во веки: возвеселится Господь о делах Своих: 32 призираяй на землю и творяй ю трястися: прикасайся горам, и дымятся. 33 Воспою Господеви в животе моем, пою Богу моему, дондеже есмь: 34 да усладится Ему беседа моя, аз же возвеселюся о Господе. 35 Да изчезнут грешницы от земли, и беззаконницы, якоже не быти им. Благослови, душа моя, Господа.

105 Исповедайтесь Господеви и призываите имя Его, возвестите во языцах дела Его: 2 воспойте Ему и пойте Ему, поведите вся чудеса Его. 3 Хвалитеся о имени святем Его: да возвеселится сердце ищущих Господа: 4 взыщите Господа и утвердитесь, взыщите

лица Его выну. 5 Помяните чудеса Его, яже сотвори, чудеса Его и судбы уст Его, 6 семя Авраамле раби Его, сынове Иаковли избранни Его. 7 Той Господь Бог наш: по всей земли судбы Его. 8 Помяну в век завет Свой, слово, еже заповеда в тысячи родов, 9 еже завеща Аврааму, и клятву Свою Исааку: 10 и постави ю Иакову в повеление и Израилю в завет вечен, 11 глаголя: тебе дам землю Ханааню, уже достояния вашего. 12 Внегда быти им малым числом, малейшим и пришелцем в ней, 13 и преидоша от языка в язык и от царствия в люди ины: 14 не остави человека обидети их и обличи о них цари: 15 не прикасайтесь помазанным Моим, и во пророцах Моих не лукавнуйте. 16 И призыва глад на землю: всяко утверждение хлебное сотры. 17 Посла пред ними человека: в раба продан бысть Иосиф. 18 Смириша во оковах нозе его, железо пройде душа его, 19 дондеже прииде слово Его: слово Господне разоже его. 20 Посла царь и разреши его: князь людий, и оставил его. 21 Постави его господина дому своему и князя всему стяжанию своему, 22 наказати князи его яко себе и старцы его умудрити. 23 И вниде Израиль во Египет, и Иаков пришелствова в землю Хамову. 24 И возрасти люди Своя зело и укрепи я паче врагов их. 25 Преврати сердце их возненавидети люди Его, лесть сотворити в рабех Его. 26 Посла Моисея раба Своего, Аарона, егоже избра себе: 27 положи в них словеса знамений Своих и чудес Своих в земли Хамове. 28 Посла тму и помрачи, яко преогорчиша словеса Его. 29 Преложи воды их в кровь и измори рыбы их. 30 Воскиле земля их жабами в сокровищницах царей их. 31 Рече, и придоша песия мухи и скнипы во вся пределы их. 32 Положи дожди их грады, огнь попалающъ в земли их: 33 и порази винограды их и смоквы их, и сотры всякое древо предел их. 34 Рече, и придоша прузы и гусеницы, имже не бе числа, 35 и снедоша всяку траву в земли их, и поядоша всяк плод земли их. 36 И порази всякаго первенца в земли их, начаток всякаго труда их: 37 и изведе я с сребром и златом: и не бе в коленех их болят. 38 Возвеселися Египет во исходении их: яко нападе страх их на ня. 39 Распростре облак в покров им, и огнь, еже просветити им нощю. 40 Просиша, и придоша крастели, и хлеба небеснаго насыти я: 41 разверзе камень, и потекоша воды, потекоша в безводных реки: 42 яко помяну слово святое Свое, еже ко Аврааму рабу Своему. 43 И изведе люди Своя в радости и избранныя Своя в веселии. 44 И даде им страны язык, и труды людий наследоваша: 45 яко да сохранят оправдания Его и закона Его взыщут.

106 Исповедайтесь Господеви, яко благ, яко в век милость Его. 2 Кто возлаголет силы Господни, слышаны сотворит вся хвали Еgo? 3 Блажени хранящи суд и творящи правду во всякое время. 4 Помяни нас, Господи, во благоволении людей Твоих, посети нас спасением Твоим, 5 видети во благости избранныя Твоя, возвеселитися в веселии языка Твоего, хвалитися с достоянием Твоим. 6 Согрешихом со отцы нашими, беззаконновахом, неправдовахом: 7 отцы наши во Египте не разумеша чудес Твоих, ни помянуша множества милости Твоей: и преогорчиша восходяще в Чермное море. 8 И спасе их имене Своего ради, сказати силу Свою: 9 и запрети Чермному морю, и изсяче: и настави я в бездне яко в пустыни. 10 И спасе я из руки ненавидящих и избави я из руки врагов. 11 Покры вода стужающая им: ни един от них избысть. 12 И вероваша словеси Его и воспеша хвалу Его. 13 Ускориша, забыша дела Его, не стерпеша совета Его: 14 и похотеша желанию в пустыни и искусиша Бога в безводней. 15 И даде им прощение их, послав сытость в души их. 16 И прогневаша Моисея в стану, Аарона святаго Господня. 17 Отверзеся земля и пожре Дафана и покры на сонмищи Авирана: 18 и разожжеся огнь в сонме их, пламень попали грешники. 19 И сотвориша телца в Хориве и поклонишася истуканному: 20 и измениша славу Его в подобие телца ядущаго траву. 21 И забыша Бога спасающаго их, сотворшаго велия во Египте, 22 чудеса в земли Хамове, страшная в мори Чермнем. 23 И рече потребити их, аще не бы Моисей избранный Его стал в сокрушении пред Ним, возвратити ярость Его, да не погубит их. 24 И уничижиша землю желанную, не яша веры словеси Его: 25 и поропташа в селениих своих, не услышаша гласа Господня. 26 И воздвиге руку Свою на ня, низложити я в пустыни, 27 и низложити семя их во языцах, и расточити я в страны. 28 И причастишаася Веельфегору и снедоша жертвы мертвых: 29 и раздражиша Его в начинаниях своих, и умнохися в них падение. 30 И ста Финеес и умилостиви, и преста сечь: 31 и вменися ему в правду, в род и род до века. 32 И прогневаша Его на воде Пререкания, и озлоблен бысть Моисей их ради: 33 яко преогорчиша дух его и разнствова устнама своиа. 34 Не потребиша языки, яже рече Господь им. 35 И смесишаася во языцах и навыкоша делом их: 36 и поработаша истуканным их, и бысть им в соблазн. 37 И пожроша сыны своя и дщери своя бесовом, 38 и пролияша кровь неповинную, кровь сынов своих и дщерей, яже пожроша истуканным Ханаанским: и убиена бысть земля их кровьми 39

и осквернися в делех их: и соблудиша в начинаниях своих. 40 И разгневавася яростию Господь на люди Своя и омерзи достояние Свое: 41 и предаде я в руки врагов, и обладаша ими ненавидящи их. 42 И стужиша им врази их: и смиришаася под руками их. 43 Множицею избави я: тии же преогорчиша Его советом своим, и смиришаася в беззакониях своих. 44 И виде Господь, всегда скорбети им, всегда услышаше моление их: 45 и помяну завет Свой, и раскаяся по множеству милости Своей: 46 и даде я в щедроты пред всеми пленившими я. 47 Спаси ны, Господи, Боже наш, и собери ны от языка, исповедатися имени Твоему святому, хвалитися во хвале Твоей. 48 Благословен Господь Бог Израилев от века и до века. И рекут вси людие: буди, буди.

107 Исповедайтесь Господеви, яко благ, яко в век милость Его. 2 Да рекут избавлении Господем, ихже избави из руки врага, 3 и от стран собра их, от восток и запад, и севера и моря: 4 заблудиша в пустыни безводней, пути града обителнаго не обретоша: 5 алчуше и жаждуще, душа их в них изчезе. 6 И возваша ко Господу, всегда скорбети им, и от нужд их избави я: 7 и настави я на путь прав, внити во град обителный. 8 Да исповедятся Господеви милости Его и чудеса Его сыновом человеческим: 9 яко насытил есть душу тщу, и душу алчуше исполни благ: 10 седящя во тме и сени смертней, окованная нищетою и железом, 11 яко преогорчиша словеса Божия, и совет Вышняго раздражиша. 12 И смириша в трудех сердце их, и изнемогша, и не бе помагаяй. 13 И возваша ко Господу, всегда скорбети им, и от нужд их спасе я: 14 и изведе я из тмы и сени смертныя, и узы их растерза. 15 Да исповедятся Господеви милости Его и чудеса Его сыновом человеческим: 16 яко сокруши врата медная, и вереи железныя сломи. 17 Восприят я от пути беззакония их: беззаконий бо ради своих смиришаася. 18 Всякаго брашна возгнушася душа их, и приближишаася до врат смертных. 19 И возваша ко Господу, всегда скорбети им, и от нужд их спасе я: 20 послав слово Свое, и изцели я, и избави я от растлений их. 21 Да исповедятся Господеви милости Его и чудеса Его сыновом человеческим: 22 и да покрут Ему жертву хвалы и да возвестят дела Его в радости. 23 Сходящи в море в кораблех, творящи делания в водах многих, 24 тии видеша дела Господня и чудеса Его во глубине. 25 Рече, и ста дух бурен, и вознесошася волны его: 26 восходят до небес и низходят до бездн: душа их в злых таяше: 27 смятошася, подвигошася яко пияный, и вся мудрость их поглощена бысть. 28 И возваша ко

Господу, внегда скорбети им, и от нужд их изведе я: 29 и повеле бури, и ста в тишину, и умолкоша волны его. 30 И возвеселишася, яко умолкоша, и настави я в пристанище хотения Своего. 31 Да исповедятся Господеви милости Его и чудеса Его сыновом человеческим: 32 да вознесут Его в церкви людстей, и на седалищи старец восхвалят Его. 33 Положил есть реки в пустыню и исходища водная в жажду, 34 землю плодоносную в сланость, от злобы живущих на ней. 35 Положил есть пустыню во езера водная и землю безводную во исходища водная. 36 И насели тамо алчущая, и составиша грады обителны: 37 и насяша (села) и насадиша винограды, и сотвориша плод житен. 38 И благослови я, и умножиша зело: и скоты их не умали. 39 И умалиша и озлобиша от скорби зол и болезни: 40 излияся уничижение на князи их, и облазни я по непроходней, а не по пути. 41 И поможет убогу от нищеты и положи яко овцы отечествия. 42 Узрят правии и возвеселятся, и всякое беззаконие заградит уста своя. 43 Кто премудр и сохранит сия? И уразумеют милости Господни.

108 Песнь, псалом Давиду. Готово сердце мое, Боже, готово сердце мое: востпою и пою во славе моей. 2 Востани, слава моя, востани, псалтирю и гусли: востану рано. 3 Исповемся Тебе в людех, Господи, пою Тебе во языщех: 4 яко велия верху небес милость Твоя и до облак истина Твоя. 5 Вознесися на небеса, Боже, и по всей земли слава Твоя, 6 яко да избавяются возлюбленни Твои: спаси десницаю Твою и услыши мя. 7 Бог возглагола во святем Своем: вознесуся и разделю Сикиму, и удоль Селений размерью. 8 Мой есть Галаад, и Мой есть Манассий, и Ефрем заступление главы Моей: Иуда царь Мой, 9 Моав коноб упования Моего: на Идумею наложу сапог Мой: мне иноплеменницы покоришася. 10 Кто введет мя во град ограждения? Или кто наставит мя до Идумеи? 11 Не Ты ли, Боже, отринувый нас, и не изыдеши, Боже, в силах наших? 12 Даждь нам помошь от скорби: и суетно спасение человеческо. 13 О Бозе сотворим силу, и Той уничтожит враги наша.

109 Боже, хвалы моей не премолчи: 2 яко уста грешница и уста льстиваго на мя отверзошася, глаголаша на мя языком льстивым, 3 и словесы ненавистными обыдоша мя, и брашася со мною туне. 4 Вместо еже любити мя, оболгаху мя, аз же моляхся: 5 и положиша на мя злая за благая, и ненависть за возлюбление мое. 6 Постави на него грешника, и диавол да станет одесную его: 7 внегда судитися ему, да изыдет

осужден, и молитва его да будет в грех. 8 Да будут дни его мали, и епископство его да примет ин: 9 да будут сынове его сири, и жена его вдова: 10 движущеся да преселятся сынове его и воспрося, да изгнани будут из домов своих. 11 Да взыщет заимодавец вся, елика суть его: и да восхитят чуждии труды его. 12 Да не будет ему заступника, ниже да будет ущедряй сироты его: 13 да будут чада его в погубление, в роде единем да потребится имя его. 14 Да воспомяняться беззаконие отец его пред Господем, и грех матере его да не очистится: 15 да будут пред Господем выну, и да потребится от земли память их: 16 занеже не помяну сотворити милость, и погна человека нища и убога, и умилена сердцем умертвии. 17 И возлюби клятву, и приидет ему: и не восхоте благословения, и удалится от него. 18 И облечеся в клятву яко в ризу, и вниде яко вода во утробу его и яко елей в кости его: 19 да будет ему яко риза, в нюже облачится, и яко пояс, имже выну опоясуется. 20 Сие дело оболгающих мя у Господа и глаголющих лукавая на душу мою. 21 И Ты, Господи, Господи, сотвори со мною имене ради Твоего, яко блага милость Твоя: 22 избави мя, яко ниць и убог есмь аз, и сердце мое смятеся внутрь мене. 23 Яко сень, внегда уклонитися ей, отяхся: стрясохся яко прузи. 24 Колена моя изнемогоста от поста, и плоть моя изменися елеа ради. 25 И аз бых поношение им: видеша мя, покиавша главами своими. 26 Помози ми, Господи Боже мой, и спаси мя по милости Твоей: 27 и да разумеют, яко рука Твоя сия, и Ты, Господи, сотворил еси ю. 28 Прокленут тии, и Ты благословиши: востающие на мя да постыдятся, раб же Твой возвеселится. 29 Да облекутся оболгающие мя в срамоту и одеждуются яко одеждою студом своим. 30 Исповемся Господеви зело усты моими и посреде многих восхвалю Его: 31 яко преста одесную убогаго, еже спасти от гонящих душу мою.

110 Рече Господь Господеви моему: седи одесную Мене, дондеже положу враги Твоя подножие ног Твоих. 2 Жезл силы послет Ти Господь от Сиона, и господствуй посреде врагов Твоих. 3 С Тобою начало в день силы Твоей, во светлостех святых твоих: из чрева прежде денница родих Тя. 4 Клятся Господь и не раскается: Ты иерей во век по чину Мелхиседекову. 5 Господь одесную Тебе сокрушил есть в день гнева Своего цари: 6 судит во языщех, исполнит падения, сокрушит главы на земли многих. 7 От потока на пути пиет: сего ради вознесет главу.

111 Исповемся Тебе, Господи, всем сердцем моим
в совете правых и сонме. 2 Велия дела Господня,
изыскана во всех волях его: 3 исповедание и великолепие
дело Его, и правда Его пребывает в век века. 4 Память
соторвил есть чудес Своих: милостив и щедр Господь. 5
Пишу даде боящымся Его: помянет в век завет Свой. 6
Крепость дел Своих возвести людем Своим, дати им
достояние язык. 7 Дела рук Его истина и суд, верны вся
заповеди Его, 8 утвержены в век века, соторвены во
истине и правоте. 9 Избавление посла людем Своим:
заповеда в век завет Свой: свято и страшно имя Его. 10
Начало премудрости страх Господень, разум же благ
всем творящим и: хвала Его пребывает в век века.

112 Блажен муж боялся Господа, в заповедех Его
восходит зело. 2 Сильно на земли будет семя
его, род правых благословится: 3 слава и богатство в
дому его, и правда его пребывает в век века. 4 Возсия во
тме свет правым: милостив и щедр и праведен. 5 Благ
муж щедря и дая: устроит словеса своя на суде, яко в
век не подвигится. 6 В память вечную будет праведник.
7 От слуха зла не убоится: 8 готово сердце его уповати
на Господа: утвердися сердце его, не убоится, дондеже
воззрит на враги своя. 9 Расточи, даде убогим: правда
его пребывает во век века: рог его вознесется в славе. 10
Грешник узрит и прогневается зубы своими поскрежещет
и растает: желание грешника погибнет.

113 Хвалите, отроцы, Господа, хвалите имя Господне.
2 Буди имя Господне благословено отныне и до
века. 3 От восток солнца до запад хвально имя Господне.
4 Высок над всеми языки Господь: над небесы слава
Его. 5 Кто яко Господь Бог наш? На высоких живый,
6 и на смиренныя призирая на небеси и на земли: 7
воздвизая от земли нища, и от гноища возвышая угоба:
8 посадити его с князи, с князи людий своих: 9 вселяя
неплодовь в дом, матерь о чадех веселящуся.

114 Во исходе Израилеве от Египта, дому Иаковля
из людий варвар, 2 бысть Иудея святыня Его,
Израиль область Его. 3 Море виде и побеже, Иордан
возвратися вспять: 4 горы взыграшася яко овни, и холми
яко агнцы овчии. 5 Что ти есть, море, яко побегло еси, и
тебе, Иордане, яко возвратился еси вспять? 6 Горы, яко
взыграстеся яко овни, и холми яко агнцы овчии? 7 От
лица Господня подвижеся земля, от лица Бога Иаковля:
8 обращшаго камень во езера водная и несекомый во
источники водныя.

115 Не нам, Господи, не нам, но имени Твоему даждь
славу о милости Твоей и истине Твоей: 2 да
не когда рекут языцы: где есть Бог их? 3 Бог же наш
на небеси и на земли, вся елика восхоте, соторви. 4
Идоли язык сребро и злато, дела рук человеческих: 5
уста имут, и не возглаголют: очи имут, и не узрят: 6 уши
имут, и не услышат: ноздри имут, и не обоняют: 7 руце
имут, и не осяжут: нозе имут, и не пойдут: не возгласят
гортанем своим. 8 Подобни им да будут творящии я и вси
надеющися на ня. 9 Дом Израилев упова на Господа:
помощник и защититель им есть. 10 Дом Аарон упова на
Господа: помощник и защититель им есть. 11 Боящися
Господа уповаша на Господа: помощник и защититель
им есть. 12 Господь помянув ны благословил есть нас:
благословил есть дом Израилев, благословил есть дом
Аарон, 13 благословил есть боящися Господа, малыя
с великими. 14 Да приложит Господь на вы, на вы и на
сыны ваши: 15 благословени вы Господеви, соторшему
небо и землю. 16 Небо небесе Господеви, землю же даде
сыновом человеческим. 17 Не мертвии восхвалят Тя,
Господи, ниже вси низходящии во ад: 18 но мы живии
благословим Господа отныне и до века.

116 Возлюбих, яко услышит Господь глас моления
моего, 2 яко приклони ухо Свое мне: и во дни моя
призову. 3 Объяша мя болезни смертныя, беды адовы
обретоша мя: скорбь и болезнь обретох и имя Господне
призвах: (Sheol h7585) 4 о, Господи, избави душу мою:
милостив Господь и праведен и Бог наш милует. 5 Храняй
младенцы Господь: смирихся, и спасе мя. 6 Обратися,
душе моя, в покой твой, яко Господь благодействова тя:
7 яко изят душу мою от смерти, очи мои от слез и нозе
мои от пополнования. 8 Благоугожду пред Господем
во стране живых. 10 Веровах, темже возглаголах: аз
же смирихся зело. 11 Аз же рех во изступлении моем:
всяк человек ложь. 12 Что воздам Господеви о всех,
яже воздаде ми? 13 Чашу спасения приму и имя
Господне призову: 14 молитвы мои Господеви воздам
перед всеми людьми Его. 15 Честна перед Господем смерть
преподобных Его. 16 О, Господи, аз раб Твой, аз раб
Твой и сын рабыни Твоей: растерзал еси узы мои. 17
Тебе пожру жертву хвалы, и во имя Господне призову. 18
Молитвы мои Господеви воздам перед всеми людьми Его,
19 во дворех дому Господня, посреде тебе, Иерусалиме.

117 Хвалите Господа, вси языцы, похвалите Его, вси
людие: 2 яко утвердися милость Его на нас, и
истина Господня пребывает во век.

118 Исповедайтесь Господеви, яко благ, яко в век милость Его. 2 Да речет убо дом Израилев: яко благ, яко в век милость Его. 3 Да речет убо дом Ааронъ: яко благ, яко в век милость Его. 4 Да рекут убо вси боящися Господа: яко благ, яко в век милость Его. 5 От скорби призывах Господа, и услыша мя в пространство. 6 Господъ мне помощник, и не убоюся: что сотворит мне человекъ? 7 Господъ мне помощник, и аз возвръю на враги мои. 8 Благо есть надеяться на Господа, нежели надеяться на человека: 9 благо есть уповати на Господа, нежели уповати на князи. 10 Вси языцы обыдоша мя, и именем Господним противляхся им: 11 обышедше обыдоша мя, и именем Господним противляхся им: 12 обыдоша мя яко пчелы сот, и разгорешася яко огнь в тернии: и именем Господним противляхся им. 13 Отриновен превратихся пасти, и Господъ прият мя. 14 Крепость моя и пение мое Господъ, и бысть ми во спасение. 15 Глас радости и спасения в селениих праведных: десница Господня сотвори силу. 16 Десница Господня вознесе мя, десница Господня сотвори силу. 17 Не умру, но жив буду и повем дела Господня. 18 Наказуя наказа мя Господъ, смерти же не предаде мя. 19 Отверзите мне врата правды: вшед в ня, исповемся Господеви. 20 Сия врата Господня: праведни внидут в ня. 21 Исповемся Тебе, яко услышал мя еси и был еси мне во спасение. 22 Камень, егоже небрегоша зиждущии, сей бысть во главу угла: 23 от Господа бысть сей, и есть дивен во очесех наших. 24 Сей день, егоже сотвори Господъ, возрадуемся и возвеселимся в онъ. 25 О, Господи, спаси же: о, Господи, поспеши же. 26 Благословен грядый во имя Господне: благословихом вы из дома Господня. 27 Бог Господъ, и явися нам: составите праздник во учащающих до рог олтаревых. 28 Бог мой еси Ты, и исповемся Тебе: Бог мой еси Ты, и вознесу Тя: исповемся Тебе, яко услышал мя еси и был еси мне во спасение. 29 Исповедайтесь Господеви, яко благ, яко в век милость Его.

119 Блажени непорочнии в путь, ходящии в законе Господни. 2 Блажени испытывающи свидения Его, всем сердцем взыщут Его. 3 Не делающи бо беззакония в путех Его ходиша. 4 Ты заповедал еси заповеди Твоя сохранити зело: 5 дабы исправилися путие мои, сохранити оправдания Твоя. 6 Тогда не постыжуся, внегда призрети ми на вся заповеди Твоя. 7 Исповемся Тебе в правости сердца, внегда научитимся судам правды Твоей. 8 Оправдания Твоя сохранию: не остави мене до зела. 9 В чесом исправит юнейший путь свой? Внегда

сохранити слова Твоя. 10 Всем сердцем моим взысках Тебе: не отрини мене от заповедей Твоих. 11 В сердцы моем скрых слова Твоя, яко да не согрешу Тебе. 12 Благословен еси, Господи: научи мя оправданием Твоим. 13 Устнама моима возвестих вся судьбы уст Твоих. 14 На пути свидений Твоих насладихся, яко о всяком богатстве. 15 В заповедех Твоих поглумлюся, и уразумею пути Твоя. 16 Во оправданиях Твоих почуся: не забуду словес Твоих. 17 Воздаждъ рабу Твоему: живи мя, и сохраню слова Твоя. 18 Открый очи мои, и уразумею чудеса от закона Твоего. 19 Пришлец аз есмъ на земли: не скрый от мене заповеди Твоя. 20 Возлюби душа моя возжелати судьбы Твоя на всякое время. 21 Запретил еси гордым: прокляти уклоняющиися от заповедей Твоих. 22 Отими от мене понос и уничижение, яко свидений Твоих взысках. 23 Ибо седоша князи и на мя клеветаху, раб же Твой глумляшеся во оправданиях Твоих: 24 ибо свидения Твоя поучение мое есть, и совети мои оправдания Твоя. 25 Прильпе земли душа моя: живи мя по словеси Твоему. 26 Пути моя возвестих, и услышал мя еси: научи мя оправданием Твоим. 27 Путь оправданий Твоих вразуми, и поглумлюся в чудесех Твоих. 28 Воздрема душа моя от уныния: утверди мя в словесех Твоих. 29 Путь неправды отстави от мене и законом Твоим помилуй мя. 30 Путь истины изволих и судьбы Твоя не забых. 31 Прилепихся свидением Твоим, Господи, не посрами мене. 32 Путь заповедий Твоих текох, егда разширил еси сердце мое. 33 Законоположи мне, Господи, путь оправданий Твоих, и взыщу и выну: 34 вразуми мя, и испытаю закон Твой и сохраню и всем сердцем моим. 35 Настави мя на стезю заповедей Твоих, яко тую восхотех. 36 Приклони сердце мое во свидения Твоя, а не в лихоимство. 37 Отврати очи мои еже не видети суеты: в пути Твоем живи мя. 38 Постави рабу Твоему слово Твое в страх Твой. 39 Отими поношение мое, еже непещавах: яко судьбы Твоя благи. 40 Се, возжелах заповеди Твоя: в правде Твоей живи мя. 41 И да приидет на мя милость Твоя, Господи, спасение Твое по словеси Твоему: 42 и отвеша поношающим ми слово, яко уповах на слова Твоя. 43 И не отими от уст моих словесе истинна до зела, яко на судьбы Твоя уповах: 44 и сохраню закон Твой выну, в век и в век века. 45 И хождах в широте, яко заповеди Твоя взысках: 46 и глаголах о свидениях Твоих пред цари и не стыдяхся: 47 и поучахся в заповедех Твоих, яже возлюбих зело: 48 и воздвигох руце мои к заповедем Твоим, яже возлюбих, и глумляхся во оправданиях Твоих. 49 Помяни слова Твоя рабу Твоему, ихже упование дал ми еси. 50

То мя утеши во смирении моем, яко слово Твое живи мя. 51 Гордии законопреступоваху до зела: от закона же Твоего не уклонихся. 52 Помянух судбы Твоя от века, Господи, и утешихся. 53 Печаль прият мя от грешника, оставляющих закон Твой. 54 Пета бяху мне оправдания Твоя на месте пришелства моего. 55 Помянух в ноци имя Твое, Господи, и сохраних закон Твой. 56 Сей бысть мне, яко оправданий Твоих взысках. 57 Часть моя еси, Господи: рех сохранити закон Твой. 58 Помолихся лицу Твоему всем сердцем моим: помилуй мя по словеси Твоему. 59 Помыслих пути Твоя и возвратих нозе мои во свидения Твоя. 60 Уготовихся и не смутихся сохранити заповеди Твоя. 61 Ужя грешник обязашася мне, и закона Твоего не забых. 62 Полуночи востах исповедатися Тебе о судах правды Твоей. 63 Причастник аз есмь всем боязящимся Тебе и хранящим заповеди Твоя. 64 Милости Твои, Господи, исполнъ земля: оправданием Твоим научи мя. 65 Благость сотворил еси с рабом Твоим, Господи, по словеси Твоему: 66 благости и наказанию и разуму научи мя, яко заповедем Твоим веровах. 67 Прежде даже не смиритися, аз прегреших: сего ради слово Твое сохраних. 68 Благ еси Ты, Господи: и благостию Твою научи мя оправданием Твоим. 69 Умножися на мя неправда гордых: аз же всем сердцем моим испытываю заповеди Твоя. 70 Усырился яко млеко сердце их: аз же закону Твоему поучихся. 71 Благо мне, яко смирил мя еси, яко да научуся оправданием Твоим. 72 Благ мне закон уст Твоих паче тысячи злата и сребра. 73 Руце Твои сотвористе мя и создастте мя: вразуми мя, и научуся заповедем Твоим. 74 Боящися Тебе узрят мя и возвеселятся, яко на словеса Твоя уповах. 75 Разумех, Господи, яко правда судьбы Твоя, и воистину смирил мя еси. 76 Буди же милость Твоя, да утешит мя, по словеси Твоему рабу Твоему: 77 да приидут мне щедроты Твоя, и жив буду, яко закон Твой поучение мое есть: 78 да постыдятся гордии, яко неправедно беззаконноваша на мя: аз же поглумлюся в заповедех Твоих. 79 Да обратят мя боящися Тебе и ведящии свидения Твоя. 80 Буди сердце мое непорочно во оправданиях Твоих, яко да не постыжуся. 81 Изчезает во спасение Твое душа моя, на словеса Твоя уповах: 82 изчезоша очи мои в слово Твое, глаголюще: когда утешиши мя? 83 Зане бых яко мех на слане: оправданий Твоих не забых. 84 Колико есть дний раба Твоего? Когда сотвориши ми от гонящих мя суд? 85 Поведаша мне законопреступницы глумления, но не яко закон Твой, Господи. 86 Вся заповеди Твоя истина: неправедно погнаша мя, помози ми. 87 Вмале не

скончаша мене на земли: аз же не оставил заповедий Твоих. 88 По милости Твоей живи мя, и сохранию свидения уст Твоих. 89 Во век, Господи, слово Твое пребывает на небеси. 90 В род и род истина Твоя: основал еси землю, и пребывает. 91 Учинением Твоим пребывает день: яко всяческая работна Тебе. 92 Яко аще бы не закон Твой поучение мое был, тогда убо погибл бых во смирении моем: 93 во век не забуду оправданий Твоих, яко в них оживил мя еси. 94 Твой есмь аз, спаси мя: яко оправданий Твоих взысках. 95 Мене ждаша грешницы погубити мя: свидения Твоя разумех. 96 Всякяя кончины видех конец: широка заповедь Твоя зело. 97 Коль возлюбих закон Твой, Господи: весь день поучение мое есть. 98 Паче враг моих умудрил мя еси заповедию Твою, яко в век моя есть. 99 Паче всех учащих мя разумех, яко свидения Твоя поучение мое есть. 100 Паче старец разумех, яко заповеди Твоя взысках. 101 От всякаго пути лукава возбраних ногам моим, яко да сохрани словеса Твоя: 102 от судеб Твоих не уклонихся, яко Ты законоположил ми еси. 103 Коль сладка гортани моему словеса Твоя: паче меда устом моим. 104 От заповедий Твоих разумех: сего ради возненавидех всяк путь неправды. 105 Светилник ногама моима закон Твой, и свет стезям моим. 106 Кляхся и поставих сохранити судьбы правды Твоей. 107 Смирихся до зела: Господи, живи мя по словеси Твоему. 108 Вольная уст моих благоволи же, Господи, и судбам Твоим научи мя. 109 Душа моя в руку Твою выну, и закона Твоего не забых. 110 Положиша грешницы сеть мне: и от заповедий Твоих не заблудих. 111 Наследovah свидения Твоя во век, яко радование сердца моего суть: 112 приклоних сердце мое сотворити оправдания Твоя в век за воздаяние. 113 Законопреступная возненавидех, закон же Твой возлюбих. 114 Помощник мой и заступник мой еси Ты: на словеса Твоя уповах. 115 Уклонитеся от мене, лукавнующии, и испытаво заповеди Бога моего. 116 Заступи мя по словеси Твоему, и жив буду: и не посрами мене от чаяния моего: 117 помози ми, и спасуся, и поучуся во оправданиях Твоих выну. 118 Уничижил еси вся отступающыя от оправданий Твоих: яко неправедно помышление их. 119 Преступающыя непщевах вся грешныя земли: сего ради возлюбих свидения Твоя. 120 Пригвозди страху Твоему плоти мою: от судеб бо Твоих убояхся. 121 Сотворих суд и правду: не предаждь мене обидящим мя. 122 Восприими раба Твоего во благо, да не оклеветают мене гордии. 123 Очи мои изчезосте во спасение Твое и в слово правды Твоей: 124 сотвори с рабом Твоим по милости Твоей, и оправданием Твоим

научи мя. 125 Раб Твой есмь аз: вразуми мя, и увем свидения Твоя. 126 Время сотворити Господеви: разориша закон Твой. 127 Сего ради возлюбих заповеди Твоя паче злата и топазиа. 128 Сего ради ко всем заповедем Твоим направляхся, всяк путь неправды возненавидех. 129 Дивна свидения Твоя: сего ради испыта я душа моя. 130 Явление словес Твоих просвещает и вразумляет младенцы. 131 Уста моя отверзох и привлекох дух, яко заповедий Твоих желах. 132 Призри на мя и помилуй мя, по суду любящих имя Твое. 133 Стопы моя направи по словеси Твоему, и да не обладает мною всякое беззаконие: 134 избави мя от клеветы человеческия, и сохраню заповеди Твоя. 135 Лице Твое просвети на раба Твоего и научи мя оправданием Твоим. 136 Исходища водная изведосте очи мои, понеже не сохраних закона Твоего. 137 Праведен еси, Господи, и прави суди Твои: 138 заповедал еси правду свидения Твоя, и истину зело. 139

Истаяла мя есть ревность Твоя: яко забыша словеса Твоя врази мои. 140 Разжено слово Твое зело, и раб Твой возлюби е. 141 Юнейший аз есмь и уничижен: оправданий Твоих не забых. 142 Правда Твоя правда во век, и закон Твой истина. 143 Скорби и нужди обретоша мя: заповеди Твоя поучение мое. 144 Правда свидения Твоя в век: вразуми мя, и жив буду. 145 Воззвах всем сердцем моим, услыши мя, Господи: оправдания Твоя взыщу. 146 Воззвах Ти, спаси мя, и сохраню свидения Твоя. 147 Предварих в безгодии и возввах: на словеса Твоя уповах. 148 Предваристе очи мои ко утру, поучитися словесем Твоим. 149 Глас мой услыши, Господи, по милости Твоеи: по судбе Твоей живи мя. 150 Приближишася гонящии мя беззаконием: от закона же Твоего удалишася. 151 Близ еси Ты, Господи, и вси путье Твои истина. 152 Исперва познах от свидений Твоих, яко в век основал я еси. 153 Виждь смирение мое и изми мя: яко закона Твоего не забых. 154 Суди суд мой и избави мя: словесе ради Твоего живи мя. 155 Далече от грешник спасение, яко оправданий Твоих не взыскаша. 156 Щедроты Твоя многи, Господи: по судбе Твоей живи мя. 157 Мнози изгоняции мя и стужающии ми: от свидений Твоих не уклонихся. 158 Видех неразумевающыя и истаях: яко словес Твоих не сохраниша. 159 Виждь, яко заповеди Твоя возлюбих: Господи, по милости Твоей живи мя. 160 Начало словес Твоих истина, и во век вся судьбы правды Твоя. 161 Князи погнаша мя туне: и от словес Твоих убояся сердце мое. 162 Возрадуюся аз о словесех Твоих, яко обретаяй корысть многу. 163 Неправду возненавидех и омерзих: закон же Твой возлюбих. 164 Седмерицею

днем хвалих Тя о судбах правды Твоей. 165 Мир мног любящым закон Твой, и несть им соблазна. 166 Чаях спасения Твоего, Господи, и заповеди Твоя возлюбих. 167 Сохрани душа моя свидения Твоя и возлюби я зело. 168 Сохраних заповеди Твоя и свидения Твоя, яко вси путье мои пред Тобою, Господи. 169 Да приближится моление мое пред Тя, Господи: по словеси Твоему вразуми мя. 170 Да внидет прошение мое пред Тя: Господи, по словеси Твоему избави мя. 171 Отрыгнут устне мои пение, егда научиши мя оправданием Твоим. 172 Провещает язык мой словеса Твоя, яко вся заповеди Твоя правда. 173 Да будет рука Твоя еже спаси мя, яко заповеди Твоя изволих. 174 Возжелах спасение Твое, Господи, и закон Твой поучение мое есть. 175 Жива будет душа моя и восхвалит Тя: и суды Твоя помогут мне. 176 Заблудих яко овча погибшее: взыщи раба Твоего, яко заповедий Твоих не забых.

120 Ко Господу, внегда скорбети ми, воззвах, и услыша мя. 2 Господи, избави душу мою от устен неправедных и от языка льстива. 3 Что дастся тебе, или что приложится тебе к языку льстиву? 4 Стрелы сильного изощрены, со угльми пустынными. 5 Увы мне, яко пришествие мое продолжится, вселихся с селении Кидарскими: 6 много пришествовала душа моя: с ненавидящими мира бех мирен: 7 егда глаголах им, боряху мя туне.

121 Возведох очи мои в горы, отнюдуже приидет помошь моя. 2 Помошь моя от Господа, сотворшаго небо и землю. 3 Не даждь во смятение ноги твои, ниже воздремлет храняй тя: 4 се, не воздремлет, ниже уснет храняй Израиля. 5 Господь сохранит тя, Господь покров твой на руку десную твою. 6 Во дни солнце не ожжет тебе, ниже луна нощю. 7 Господь сохранит тя от всякаго зла, сохранит душу твою Господь: 8 Господь сохранит вхождение твое и исхождение твое, отныне и до века.

122 Возвеселихся о рекших мне: в дом Господень пойдем. 2 Стояще бяху ноги наша во дворех твоих, Иерусалиме. 3 Из Иерусалим зиждемый яко град, ему же причастие его вкупе. 4 Тамо бо взыдоша колена, колена Господня, свидение Израилево, исповедатися имени Господню: 5 яко тамо седоша престоли на суд, престоли в дому Давидове. 6 Вопросите же яже о мире Иерусалима: и обилие любящым тя. 7 Буди же мир в силе твоей, и обилие в столпостенах твоих. 8 Ради

братий моих и ближних моих глаголах убо мир о тебе. 9
Дому ради Господа Бога нашего взысках благая тебе.

123 К Тебе возведох очи мои, Живущему на небеси.
2 Се, яко очи раб в руку господий своих, яко
очи рабыни в руку госпожи своея: тако очи наши ко
Господу Богу нашему, дондеже ущедрит ны. 3 Помилуй
нас, Господи, помилуй нас, яко помногу исполнихомся
уничижения: 4 наипаче наполнися душа наша поношения
гобзующих и уничижения гордых.

124 Яко аще не Господь бы был в нас, да речет
убо Израиль: 2 яко аще не Господь бы был
в нас, внегда востати человеком на ны, убо живых
пожерли быша нас: 3 внегда прогневатися ярости их на
ны, убо вода потопила бы нас. 4 Поток прейде душа
наша: 5 убо прейде душа наша воду непостоянную. 6
Благословен Господь, иже не даде нас в ловитву зубом
их. 7 Душа наша яко птица избавися от сети ловящих:
сеть сокрушился, и мы избавлени быхом. 8 Помощь наша
во имя Господа, сотворшаго небо и землю.

125 Надеющися на Господа, яко гора Сион: не
подвижится в век живый во Иерусалиме. 2 Горы
окрест его, и Господь окрест людей Своих, отныне и до
века. 3 Яко не оставит Господь жезла грешных на жребий
праведных, яко да не прострут праведни в беззакония
рук своих. 4 Ублажи, Господи, благия и правыя сердцем.
5 Уклоняющыяся же в развращения отведет Господь с
делающими беззаконие: мир на Израиля.

126 Внегда возвратити Господу плен Сионь, быхом
яко утешени. 2 Тогда исполнися радости уста
наша, и язык наш веселия: тогда рекут во языцех:
возвеличил есть Господь сотворити с ними. 3 Возвеличил
есть Господь сотворити с нами: быхом веселящеся. 4
Возврати, Господи, пленение наше, яко потоки югом. 5
Сеюши слезами, радостию пожнут. 6 Ходящии хождаху
и плакахуся, метающе семена своя: грядуще же приидут
радостию, вземлюще рукояти своя.

127 Аще не Господь созиждет дом, всуе трудишася
зиждущии: аще не Господь сохранит град, всуе
бде стрегий. 2 Всye вам есть утреневати: востанете по
седении ядущии хлеб болезни, егда даст возлюбленным
Своим сон. 3 Се, достояние Господне сынове, мзда
плода чревяного. 4 Яко стрелы в руце сильнаго, тако
сынове отрясенных. 5 Блажен, иже исполнит желание

свое от них: не постыдятся, егда глаголют врагом своим
во вратах.

128 Блажени вси боящиися Господа, ходящии в
путех Его: 2 труды плодов твоих снеси: блажен
еси, и добро тебе будет. 3 Жена твоя яко лоза
плодовита в странах дому твоего: 4 сынове твои яко
новосаждения масличная окрест трапезы твоей. 5
Се, тако благословится человек боящийся Господа. 6
Благословит тя Господь от Сиона, и узриши благая
Иерусалима вся дни живота твоего, и узриши сыны сынов
твоих: мир на Израиля.

129 Множицо брашася со мною от юности моей,
да речет убо Израиль: 2 множицо брашася со
мною от юности моей, ибо не премогоща мя. 3 На хребте
моем делаша грешницы, продолжиша беззаконие свое. 4
Господь праведен ссече выя грешников. 5 Да постыдятся
и возвратятся вспять вси ненавидящии Сиона: 6 да будут
яко трава на здех, яже прежде восторжения изсше: 7
еюже не исполни руки своея жнай, и недра своего рукояти
собираи: 8 и не реша мимоходящии: благословение
Господне на вы, благословихом вы во имя Господне.

130 Из глубины возввах к Тебе, Господи: Господи,
услыши глас мой. 2 Да будут уши Твои внимлюще
гласу моления моего. 3 Аще беззакония назриши,
Господи, Господи, кто постоит? 4 Яко у Тебе очищение
есть, Имене ради Твоего потерпех Тя 5 Господи, потерпе
душа моя в слово Твое: 6 упова душа моя на Господа
от стражи утренния до нощи, от стражи утренния 7 да
уповает Израиль на Господа: яко у Господа милость, и
многое у Него избавление:

131 Господи, не вознесеся сердце мое, ниже
вознесостеся очи мои: ниже ходих в великих,
ниже в дивных паче мене. 2 Аще не смиреномудрствовах,
но вознесох душу мою, яко отдоеное на матерь свою,
тако воздаси на душу мою. 3 Да упovает Израиль на
Господа отныне и до века.

132 Помяни, Господи, Давида и всю кротость его: 2
яко клятся Господеви, обещаися Богу Иаковлю:
3 аще вниди в селение дому моего, или взыду на одр
постели моей: 4 аще дам сон очима моима, и веждома
моима дремание, и покой скриами моими: 5 дондеже
обрящу место Господеви, селение Богу Иаковлю. 6 Се,
слышахом я во Евфрафе, обретохом я в полях Дубравы:
7 внидем в селения Его, поклонимся на место, идеже
стоясте нозе Его. 8 Воскресени, Господи, в покой Твой,

Ты и кивот святыни Твоей. 9 Священницы Твои облекутся правдою, и преподобнii Твои возрадуются. 10 Давида ради раба Твоего, не отврати лицо помазанного Твоего. 11 Клятся Господь Давиду истиной, и не отвергнется ея: от плода чрева твоего посажу на престоле твоем.

12 Аще сохранят сынове твои завет Мой и свидения Моя сия, имже научу я, и сынове их до века сядут на престоле твоем. 13 Яко избра Господь Сиона, изволи и в жилище Себе. 14 Сей покой Мой во век века, где вселюся, яко изволих и. 15 Ловитву его благословляй благословлю, ницья его насыщу хлебы: 16 священники его облеку во спасение, и преподобнii его радостию возрадуются. 17 Тамо возвращу рог Давидови, уготовах светилник помазанному Моему. 18 Враги его облеку студом, на немже процветет святыня моя.

133 Се, что добро, или что красно, но еже жити братии вкупе? 2 Яко миро на главе, сходящее на браду, браду Аарону, сходящее на ометы одежды его: 3 яко роса Аермонская сходящая на горы Сионские: яко тамо заповеда Господь благословение и живот до века.

134 Се, ныне благословите Господа, все раби Господни, стоящии в храме Господни, во дворех дому Бога нашего. 2 В нощех воздежите руки ваши во святая и благословите Господа. 3 Благословит тя Господь от Сиона, сотворивый небо и землю.

135 Хвалите имя Господне, хвалите, раби Господа, 2 стоящии во храме Господни, во дворех дому Бога нашего. 3 Хвалите Господа, яко благ Господь: пойте имени Его, яко добро: 4 яко Иакова избра Себе Господь, Израиля в достояние Себе: 5 яко аз познах, яко велий Господь, и Господь наш над всеми боги: 6 вся, елика восхоте Господь, сотвори на небеси и на земли, в морях и во всех безднах. 7 Возводя облаки от последних земли, молнии в дождь сотвори, изводя ветры от сокровищ Своих. 8 Иже порази первенцы Египетские от человека до скота: 9 послы знамения и чудеса посреде тебе, Египте, на фараона и на вся рабы его. 10 Иже порази языки многи и изби цари крепки: 11 Сиона царя Аморрейска и Ога царя Васанска, и вся царствия Ханаанска: 12 и даде землю их достояние, достояние Израилю людем Своим. 13 Господи, имя Твое в век, и память Твоя в род и род: 14 яко судити имать Господь людем Своим, и о рабех Своих умолится. 15 Идоли язык сребро и злато, дела рук человеческих: 16 уста имут, и не возлаголют: очи имут, и не узрят: 17 уши имут, и не услышат: ниже бо есть дух во устех их. 18 Подобни им да будут творящии я и все

надеющиеся на ня. 19 Доме Израилев, благословите Господа: доме Ааронъ, благословите Господа: доме Левиниин, благословите Господа: 20 боящися Господа, благословите Господа. 21 Благословен Господь от Сиона, живый во Иерусалиме.

136 Исповедайтесь Господеви, яко благ: яко в век милость Его. 2 Исповедайтесь Богу богов: яко в век милость Его. 3 Исповедайтесь Господеви господей: яко в век милость Его. 4 Сотворшему чудеса велия единому: яко в век милость Его. 5 Сотворшему небеса разумом: яко в век милость Его. 6 Утвердившему землю на водах: яко в век милость Его. 7 Сотворшему светила велия единому: яко в век милость Его: 8 солнце во область дне: яко в век милость Его: 9 луну и звезды во область нощи: яко в век милость Его. 10 Поразившему Египта с первенцы его: яко в век милость Его: 11 и изведшему Израиля от среды их: яко в век милость Его: 12 рукою крепкою и мышцею высокою: яко в век милость Его. 13 Раздельшему Чермное море в разделения: яко в век милость Его: 14 и проведшему Израиля посреде его: яко в век милость Его: 15 и истрясшему фараона и силу его в море Чермное: яко в век милость Его. 16 Проведшему люди Своя в пустыни: яко в век милость Его. 17 Поразившему цари велия: яко в век милость Его. 18 И убившему цари крепкия: яко в век милость Его: 19 Сиона царя Аморрейска: яко в век милость Его: 20 и Ога царя Васанска: яко в век милость Его. 21 И давшему землю их достояние: яко в век милость Его: 22 достояние Израилю рабу Своему: яко в век милость Его. 23 Яко во смирении нашем помяну ны Господь: яко в век милость Его. 24 И избавил ны есть от врагов наших: яко в век милость Его: 25 дай пищу всякой плоти: яко в век милость Его. 26 Исповедайтесь Богу небесному: яко в век милость Его.

137 На реках Вавилонских, тамо седохом и плакахом, внегда помянути нам Сиона: 2 на вербах посреде его обесиком органы наша. 3 Яко тамо вопросиша ны пленши нас о словесех песней, и ведши нас о пении: воспойте нам от песней Сионских. 4 Како воспоеш песнь Господню на земли чуждей? 5 Аще забуду тебе, Иерусалиме, забвена буди десница моя. 6 Прильпни язык мой гортани моему, аще не помяну тебе, аще не предложу Иерусалима, яко в начале веселия моего. 7 Помяни, Господи, сыны Едомских в день Иерусалимъ глаголющия: истощайте, истощайте до оснований его. 8 Дщи Вавилона окаянная, блажен, иже воздаст тебе

воздаяние твое, еже воздала еси нам: 9 блажен, иже имет и разбиец младенцы твоя о камень.

138 Исповемся Тебе, Господи, всем сердцем моим, и пред ангелы воспою Тебе, яко услышал еси вся глаголы уст моих: 2 поклонюся ко храму святому Твоему и исповемся имени Твоему о милости Твоей и истине Твоей, яко возвеличил еси над всем именем Твое святое. 3 В оньже аще день призову Тя, скоро услыши мя: умножиши мя в души моей силою Твою. 4 Да исповедятся Тебе, Господи, вси царие земстии, яко услышаша вся глаголы уст Твоих: 5 и да воспоют в путех Господних, яко велия слава Господня: 6 яко высок Господь, и смиренныя призирает, и высокая издалеча весть. 7 Аще пойду посреде скорби, живиши мя: на гнев враг моих простиру еси руку Твою, и спасе мя десница Твоя. 8 Господь воздаст за мя: Господи, милость Твоя во век: дел руку Твою не прези.

139 Господи, искусил мя еси и познал мя еси: ты познал еси седание мое и востание мое. 2 Ты разумел еси помышления моя издалеча: 3 с тезею мою и уже мое Ты еси исследовал и вся пути моя провидел еси. 4 Яко несть льсти в языце моем: се, Господи, Ты познал еси 5 вся последняя и древняя: Ты создал еси мя и положил еси на мне руку Твою. 6 Удивися разум Твой от мене, утвердися, не возмогу к нему. 7 Камо пойду от Духа Твоего? И от лица Твоего камо бежу? 8 Аще взыду на небо, Ты тамо еси: аще снуди во ад, тамо еси. (Sheol h7585) 9 Аще возму криле мои рано и вселюся в последних моря, 10 и тамо бо рука Твоя наставит мя, и удержит мя десница Твоя. 11 И рех: еда тма поперет мя? И нощь просвещение в сладости моей. 12 Яко тма не помрачится от Тебе, и нощь яко день просветится: яко тма ея, тако и свет ея. 13 Яко Ты создал еси утробы моя, восприял мя еси из чрева матере моей. 14 Исповемся Тебе, яко страшно удивился еси: чудна дела Твоя, и душа моя знает зело. 15 Не утаися кость моя от Тебе, юже сотворил еси в тайне, и состав мой в преисподних земли. 16 Несоделанное мое видесте они Твои, и в книзе Твоей вси напишутся: во днех созиждутся, и никто же в них. 17 Мне же зело честни быша друзья Твои, Боже, зело утвердишася владычествия их: 18 изочту их, и паче песка умножатся: востах, и еще есмь с Тобою. 19 Аще избиши грешники, Боже: мужие кровей, уклонитеся от мене. 20 Яко ревниви есте в помышлениях, примут в суету грады Твоя. 21 Не ненавидящая ли Тя, Господи, возненавидех, и о вразех Твоих истаях? 22 Совершенною ненавистию

возненавидех я: во враги быша ми. 23 Искуси мя, Боже, и увеждь сердце мое: истяжи мя и разумей стези моя: 24 и виждь, аще путь беззакония во мне, и настави мя на путь вечен.

140 Изми мя, Господи, от человека лукава, от мужа неправедна избави мя: иже помыслиша неправду в сердцы, весь день ополчаху брани: 2 изостриша язык свой яко змиин: яд аспидов под устнами их. 3 Сохрани мя, Господи, из руки грешничес, от человек неправедных изми мя, иже помыслиша запяты стопы мои. 4 Скрыша гордии сеть мне и ужы, препяша сеть ногами моими: 5 при стези соблазны положиша ми. 6 Рех Господеви: Бог мой еси Ты, внуши, Господи, глас моления моего. 7 Господи, Господи, сило спасения моего, осенил еси над главою мою в день брани. 8 Не предаць мене, Господи, от желания моего грешнику: помыслиша на мя, не остави мене, да не когда вознесутся. 9 Глава окружения их, труд устен их покрыт я. 10 Падут на них угли огненная, низложиши я во страстех, и не постоят. 11 Муж язычен не исправится на земли: мужа неправедна злая уловят во истрение. 12 Познах, яко сотворит Господь суд нищым и месть убогим. 13 Обаче праведни исповедятся имени Твоему, и вселятся правии с лицем Твоим.

141 Господи, воззвах к Тебе, услыши мя: воини гласу моления моего, внегда воззвати ми к Тебе. 2 Да исправится молитва моя яко кадило пред Тобою: воздаяние руку мою, жертва вечерняя. 3 Положи, Господи, хранение устом моим и дверь ограждения о устнах моих. 4 Не уклони сердце мое в словеса лукавствия, непещевати вины о грехах с человеки делающими беззаконие: и не сочтуся со избранными их. 5 Накажет мя праведник милостию и обличит мя, елей же грешнаго да не намастит главы моей: яко еще и молитва моя во благоволениях их. 6 Пожерты быша при камени судии их: услышатся глаголи мои, яко возмогша. 7 Яко толща земли проседеся на земли, расточиша кости их при аде. (Sheol h7585) 8 Яко к Тебе, Господи, Господи, очи мои: на Тя уповах, не отими душу мою: 9 сохрани мя от сети, юже составиша ми, и от соблазн делающих беззаконие. 10 Падут во мрежу свою грешницы: един есмь аз, дондеже прейду.

142 Разума Давиду, внегда быти ему в вертепе молящемуся. 2 Гласом моим ко Господу воззвах, гласом моим ко Господу помолихся. 3 Пролио пред Ним моление мое, печаль мою пред ним возвещу. 4 Внегда

изчезати от мене духу моему, и ты познал еси стези моя: на пути сем, по немуже хождах, скрыша сеть мне. 5 Сматрях одесную и возглядах, и не бе знай мене: погибе бегство от мене, и несть взыскай душу мою. 6 Возввах к Тебе, Господи, рех: Ты еси упование мое, часть моя еси на земли живых. 7 Вонми молению моему, яко смирихся зело: избави мя от гонящих мя, яко укрепиша паче мене. Изведи из темницы душу мою, исповедатися имени Твоему: мене ждут праведницы, дондеже воздади мне.

143 Господи, услыши молитву мою, внуши моление мое во истине Твоей, услыши мя в правде Твоей: 2 и не вниди в суд с рабом Твоим, яко не оправдится пред Тобою всяк живый. 3 Яко погна враг душу мою: смирил есть в землю живот мой: посадил мя есть в темных, яко мертвяя века. 4 И уны во мне дух мой, во мне смятеся сердце мое. 5 Помянух дни древния, поучихся во всех делах Твоих, в творениих руку Твою поучахся. 6 Воздех к Тебе руце мои: душа мя яко земля безводная Тебе. 7 Скоро услыши мя, Господи, изчезе дух мой: не отврати лица Твоего от мене, и уподоблюся низходящым в ров. 8 Слышану сотвори мне заутра милость Твою, яко на Тя уповах: скажи мне, Господи, путь, в онъже пойду: яко к Тебе взях душу мою. 9 Изми мя от враг моих, Господи, к Тебе прибегох. 10 Научи мя творити волю Твою, яко Ты еси Бог мой: Дух Твой благий наставит мя на землю праву. 11 Имене Твоего ради, Господи, живиши мя правдою Твою: изведеши от печали душу мою: 12 и милостию Твою потребиши враги моя и погубиши вся стужающая души моей: яко аз раб Твой есмь.

144 Благословен Господь Бог мой, научаяй руце мои на ополчение, персты мои на брань. 2 Милость моя и прибежище мое, заступник мой и Избавитель мой, защититель мой, и на Него уповах: повинуяй люди моя под мя. 3 Господи, что есть человек, яко познался еси ему? Или сын человечь, яко вменяеши его? 4 Человек суете уподобися: дни его яко сень преходят. 5 Господи, преклони небеса, и снди: коснися горам, и воздымятся: 6 блесни молнию, и разженеши я: посли стрелы Твоя, и смятеши я. 7 Посли руку Твою с высоты, изми мя и избави мя от вод многих, из руки сынов чуждих, 8 иже уста глаголаша суету, и десница их десница неправды. 9 Боже, песнь нову воспою Тебе, во псалтири десятоструннем пою Тебе: 10 дающему спасение царем, избавляющему Давида раба Своего от меча лютя. 11 Избави мя и изми мя из руки сынов чуждих, иже уста

глаголаша суету, и десница их десница неправды: 12 иже сынове их яко новосаждения водружена в юности своей, дщери их удобрены, преукрашены яко подобие храма: 13 хранилища их исполнена, отыгающая от сего в сие: овцы их многоплодны, множащаяся во исходящих своих: волове их толсты: 14 несть падения оплоту, ниже прохода, ниже волня в стогнах их. 15 Ублажиша люди, имже сия суть: блажени людие, имже Господь Бог их.

145 Вознесу Тя, Боже мой, Царю мой, и благословлю

имя Твое в век и в век века. 2 На всяк день

благословлю Тя, и восхвалю имя Твое в век и в век века. 3 Велий Господь и хвален зело, и величию Его несть конца. 4 Род и род восхвалят дела Твоя и силу Твою возвестят: 5 великолепие славы святыни Твоей возлагают и чудеса Твоя поведят: 6 и силу страшных Твоих рекут и величие Твое поведят: 7 память множества благости Твоей отыгнут и правдою Твою возрадуются. 8 Щедр и милостив Господь, долготерпелив и многомилостив. 9 Благ Господь всяческим, и щедроты Его на всех делах Его. 10 Да исповедятся Тебе, Господи, вся дела Твоя, и преподобии Твои да благословят Тя: 11 славу царствия Твоего рекут и силу Твою возлагают, 12 скажати сыновом человеческим силу Твою и славу великолепия царствия Твоего. 13 Царство Твое царство всех веков, и владычество Твое во всяком роде и роде: верен Господь во всех словесех Своих и преподобен во всех делах Своих. 14 Утверждает Господь вся низпадающая и возставляет вся низверженныя. 15 Очи всех на Тя уповают, и Ты даеш им пищу во благовремении: 16 отверзаеш ты руку Твою и исполняеш всякое животно благоволения. 17 Праведен Господь во всех путех Своих и преподобен во всех делах Своих. 18 Близ Господь всем призывающим Его, всем призывающим Его во истине: 19 волю боящихся Его сотворит, и молитву их услышит, и спасет я. 20 Хранит Господь вся любящая Его, и вся грешники потребят. 21 Хвалу Господню возлагают уста моя: и да благословит всяка плоть имя святое Его в век и в век века.

146 Хвали, душе моя, Господа: 2 восхвалю Господа в животе моем, пою Богу моему, дондеже есмь. 3

Не надейтесь на князи, на сыны человеческия, в нихже несть спасения. 4 Изыдет дух его, и возвратится в землю свою: в той день погибнут вся помышления его. 5 Блажен, ему же Бог Иаковль помощник его, упование его на Господа Бога своего, 6 сотворшаго небо и землю, море, и вся, яже в них: хранящаго истину в век, 7 творящаго

суд обидимым, дающего пищу алчущим. Господь решит окованья: 8 Господь умудряет слепцы: Господь возводит низверженныя: Господь любит праведники. 9 Господь хранит пришелцы, сира и вдову примет, и путь грешных погубит. 10 Воцарится Господь во век, Бог твой, Сионе, в род и род.

147 Хвалите Господа, яко благ псалом: Богови нашему да усладится хваление. 2 Зиждай Иерусалима Господь: разсения Исаиева соберет: 3 изцеляй сокрушенныя сердцем и обвязуй сокрушения их: 4 изчитай множество звезд, и всем им имена нарицай. 5 Велий Господь наш, и велия крепость Его, и разума Его несть числа. 6 Приемляй кроткия Господь, смиряй же грешники до земли. 7 Начните Господеви во исповедании, пойте Богови нашему в гуслех: 8 одевающему небо облаки, уготовляющему земли дождь: прозябающему на горах траву и злак на службу человеком: 9 дающему скотом пищу их, и птенцем врановыим призывающим Его. 10 Не в силе констей восходит, ниже в лыстех мужеских благоволит: 11 благоволит Господь в боящихся Его и во уповающих на милость Его. 12 Похвали, Иерусалиме, Господа, хвали Бога твоего, Сионе: 13 яко укрепи вереи врат твоих, благослови сыны твоя в тебе. 14 Полагай пределы твоя мир, и тука пшенична насыщая тя: 15 посыпай слово Свое земли, до скорости течет слово Его, 16 дающаго снег свой яко волну, мглу яко пепел посыпающаго, 17 метающаго голоть Свой яко хлебы: противу лица мраза Его кто постоит? 18 Послет слово Свое, и истает я: дхнет дух Его, и потекут воды. 19 Возвещая слово Свое Иакову, оправдания и суды Своя Израилеви: 20 не сотвори тако всякому языку, и суды Своя не яви им.

148 Хвалите Господа с небес, хвалите Его в вышних. 2 Хвалите Его вси Ангели Его: хвалите Его, вся силы Его. 3 Хвалите Его, солнце и луна: хвалите Его вся звезды и свет. 4 Хвалите Его, небеса небес и вода, яже превыше небес. 5 Да восхвалят имя Господне: яко Той рече, и быша: Той повеле, и создашася. 6 Постави я в век и в век века: повеление положи, и не мимо идет. 7 Хвалите Господа от земли, змиеве и вся безды: 8 огнь, град, снег, голоть, дух бурен, творящая слово Его: 9 горы и вси холми, древа плодоносна и вси кедри: 10 зверие и вси скоти, гади и птицы пернаты: 11 царие земстии и вси людие, князи и вси судии земстии: 12 юноши и девы, старцы с юнотами. 13 Да восхвалят имя Господне: яко вознесеся имя Того единаго, исповедание Его на

земли и на небеси. 14 И вознесет рог людий Своих: песнь всем преподобным Его, сыновом Израилевым, людем приближающимся Ему.

149 Воспойте Господеви песнь нову: хваление Его в церкви преподобных. 2 Да возвеселится Израиль о сотворшем его, и сынове Сиони возрадуются о Цари своем. 3 Да восхвалят имя Его в лице, в тимпане и псалтири да поют Ему. 4 Яко благоволит Господь в людех Своих, и вознесет кроткия во спасение. 5 Восхвалятся преподобнii во славе и возрадуются на ложах своих. 6 Возношения Божия в гортани их, и мечи обоюду остры в руках их: 7 сотворити отмщение во языцах, обличения в людех: 8 связати цари их путы, и славныя их ручными оковы железными: 9 сотворити в них суд написан. Славия будет всем преподобным Его.

150 Хвалите Бога во святых Его, хвалите Его во утвержении силы Его: 2 хвалите Его на силах Его, хвалите Его по множеству величествия Его: 3 хвалите Его во гласе трубнем, хвалите Его во псалтири и гуслех: 4 хвалите Его в тимпане и лице, хвалите Его во струнах и органе: 5 хвалите Его в кимвалях доброгласных, хвалите Его в кимвалях восклицания. 6 Всякое дыхание да хвалит Господа.

Притчи Соломона

1 Притчи Соломона сына Давидова, иже царствова во Израили, 2 познати премудрость и наказание и уразумети словеса мудрости, 3 прияти же извятия словес и разрешения гаданий, уразумети же правду истинную и суд исправляти: 4 да даст незлобивым коварство, отрочати же юну чувство же и смысл. 5 Сих бо послушав, мудрый премудрее будет, а разумный строителство стяжет: 6 уразумеет же притчу и темное слово, речения же премудрых и гадания. 7 Начало премудрости страх Господень, разум же благ всем творящим его: благочестие же в Бога начало чувства, премудрость же и наказание нечестивии унижат. 8 Слыши, сыне, наказание отца твоего и не отрини заветов матере твоей: 9 венец бо благодатей приимиши на твоем версе и гривну злату о твоей выи. 10 Сыне, да не прельстят тебе мужие нечестивии, ниже да восхощеш, 11 аще помолят тя, глаголюще: иди с нами, приобщися кропе, скрьем же в землю мужа праведна неправедно: 12 пожрем же его якоже ад жива, и возмем память его от земли, (Sheol h7585) 13 стяжание его многоценное приимем, исполним же домы наша корыстей: 14 жребий же твой положи с нами: обще же влагалище стяжем вси, и мещец един да будет всем нам. 15 Не иди в путь с ними: уклони же ногу твою от стезь их: 16 нозе бо их на зло текут, и скори суть излияниа кровь. 17 Не без правды бо простираются мрежи пернатым: 18 тии бо убийству приобщающеся, сокровищуют себе злая: разрушение же мужей законопреступных зло. 19 Сии путе суть всех творящих беззаконная: нечестием бо свою душу отемлют. 20 Премудрость во исходех поется, в стогнах же дерзновение водит, 21 на краех же стен проповедуется, у врат же сильных приседит, во вратех же града дерзающи глаголет: 22 елико убо время незлобивии держатся правды, не постыдятся: безумни же досады суще желателье, нечестивии бывше, возненавидаша чувство 23 и повинни быша обличением. Се, предложу вам моего дыхания речение, научу же вас моему словеси. 24 Понеже звах, и не послушасте, и простирах словеса, и не внимасте, 25 но отметасте моя советы и моим обличием не внимасте: 26 убо и аз вашей погибели посмеюся, порадуюся же, егда приидет вам пагуба, 27 и егда приидет на вы внезапу мятеж, низвращение же подобно бури приидет, или егда приидет вам печаль и градоразорение, или егда найдет на вы пагуба. 28 Будет бо егда призовете мя, аз же не послушаю вас:

взыщут мене злии и не обрящут. 29 Возненавидаша бо премудрость, словесе же Господня не прияша: 30 ниже хотеша внимати моим советом, ругахуся же моим обличием. 31 Темже снедят своих путей плоды и своего нечестия насытятся: 32 ибо, зане обидеша младенцев, убиени будут, и истязание нечестивыя погубит. 33 Мене же слушаяй вселится на упование и почиет без страха от всякаго зла.

2 Сыне, аще приим глагол моей заповеди, скрыши в себе, 2 послушает премудрости твое ухо, и приложиши сердце твое к разуму: приложиши же е в наказание сыну твоему. 3 Аще бо премудрость призовеши и разуму даси глас твой, чувство же взыщеш великим гласом, 4 и аще взыщеш ея яко сребра, и якоже сокровища испыташи ю: 5 тогда уразумеши страх Господень и познание Божие обрящеш: 6 яко Господь дает премудрость, и от лица Его познание и разум: 7 и сокровищует исправляющим спасение, защищает же шествие их, 8 еже сохранити пути оправданий, и путь благовеинствующих Его сохранит. 9 Тогда уразумеши правду и суд и исправиши вся стези благия. 10 Аще бо приидет премудрость в твою мысль, чувство же твоей души добро быти возмнится. 11 Совет добр сохранит тя, помышление же преподобное соблюдет тя, 12 да избавит тя от пути злого и от мужа, глаголюща ничтоже верно. 13 О, оставивши пути правыя, еже ходити в путех тмы! 14 О, веселящися о злых и радующися о развращении злем! 15 Ихже стези стропотны, и крива течения их, еже далече тя сотворити от пути права, 16 и чужда от праведнаго разума. Сыне, да тя не постигнет совет злый, 17 оставляй учение юности, и завета Божественного забывай: 18 постави бо при смерти дом свой и при аде с земными деяния своя. (questioned) 19 Вси ходящи по нему не возвратятся, ниже постигнут стезь правых: ни бо достигнут лет жизни. 20 Аще бо быша ходили в стези благия, обрели убо быша стези правы гладки: блази будут жителе на земли, незлобивии же останут наней: 21 яко правии вселятся на земли, и преподобни останут на ней. 22 Путь нечестивых от земли погибнут, пребеззаконни же изринутся от нея.

3 Сыне, моих законов не забывай, глаголы же моя да соблюдает твое сердце: 2 долготу бо жития и лета жизни и мир приложат тебе. 3 Милостыни и вера да не оскудевают тебе: обложи же я на твоей выи и напиши я на скрижали сердца твоего: и обрящеши благодать. 4 И промышляй добрая пред Господем (Богом)

и человеки. 5 Буди уповая всем сердцем на Бога, о твоей же премудрости не возносися: 6 во всех путех твоих познавай ю, да исправляет пути твоя. 7 Не буди мудр о себе: бойся же Бога и уклоняйся от всякаго зла: 8 тогда изцеление будет телу твоему и уврачевание костем твоим. 9 Чти Господа от праведных твоих трудов и начатки давай ему от твоих плодов правды: 10 да исполнятся житницы твоя множеством пшеницы, вино же точила твоя да источают. 11 Сыне, не пренебрегай наказания Господня, ниже ослабевай от Него обличаем: 12 егоже бо любит Господь, наказует, биет же всякаго сына, егоже приемлет. 13 Блажен человек, иже обрете премудрость, и смертен, иже уведе разум. 14 Лучше бо сию куповати, нежели зата и сребра сокровища: 15 честнейша же есть камений многоценных: не сопротивляется ей ничтоже лукаво, благознатна есть всем приближающимся ей: всяко же честное недостойно ея есть. 16 Долгота бо жития и лета жизни в деснице ея, в шуйце же ея богатство и слава: от уст ея исходит правда, закон же и милость на языце носит. 17 Путие ея путие добри, и вся стези ея мирны. 18 Древо живота есть всем держащимся ея, и восклянющимся на ню, яко на Господа, тверда. 19 Бог премудростию основа землю, уготова же небеса разумом: 20 в чувстве Его бездны разверзоша, облакы же источиша росу. 21 Сыне, да не преминеши, соблюди же мой совет и мысль: 22 да жива будет душа твоя, и благодать будет на твоей выи: (будет же изцеление плотем твоим и уврачевание костем твоим:) 23 да ходиши надеяся в мире во всех путех твоих, нога же твоя не поткнется. 24 Аще бо сядеши, безбоязnen будеши, аще же поспиши, сладостно поспиши. 25 И не убоишися страха нашедшаго, ниже устремления нечестивых находящаго: 26 Господь бо будет на всех путех твоих и утвердит ногу твою, да не пополненши. 27 Не отрецыся благоворити требующему, егда имать рука твоя помогати. 28 Не рцы: отшед возвратися, и заутра дам, сильну ти сущу благоворити: не веси бо, что породит день находяй. 29 Не соплетай на друга твоего зла, пришелца суща и уповающа на тя. 30 Не враждуй на человека туне, да не что на тя содеет злое. 31 Не стяжи злых мужей поношения, ни возвречный путем их. 32 Нечист бо пред Господем всяк законопреступник и с праведными не сочетавается. 33 Клятва Господня в домех нечестивых, дворы же праведных благословляются. 34 Господь гордым противится, смиренным же дает благодать. 35 Славу премудрии наследят, нечестивии же вознесоша нечестие.

4 Послушайте, дети, наказания отча и внемлите разумети помышление, 2 дар бо благий дарую вам: моего закона не оставляйте. 3 Сын бо бых и аз отцу послушливый, и любимый пред лицем матере, 4 иже глаголаша и учиша мя: да утверждается наше слово в твоем сердци: храни заповеди, не забывай: 5 стяжи премудрость, стяжи разум: не забуди, ниже презри речения моих уст, ниже уклонися от глагол уст моих. 6 Не остави ея, и имется тебе: возжелей ея, и соблюдет тя. 7 Начало премудрости: стяжати премудрость, и во всем стяжании твоем стяжи разум. 8 Огради ю, и вознесет тя: почти ю, да тя оымет, 9 да даст главе твоей венец благодатей, венцем же сладости защитит тя. 10 Слыши, сыне, и приими моя словеса, и умножатся лета живота твоего, да ти будут мнози путие жития. 11 Путем бо премудрости учу тя, наставля же тебе на течения правая: 12 аще бо ходиши, не запнутся стопы твоя: аще ли течеши, не утрудишися. 13 Имися моего наказания, не остави, но сохрани е себе в жизнь твою. 14 На пути нечестивых не иди, ниже возвречный путем законопреступных. 15 На немже аще месте воя соберут, не иди тамо: уклонися же от них и измени: 16 не уснут бо, аще зла не сотворят: отимется сон от них, и не спят: 17 тии бо пытаются пищею нечестия, вином же законопреступным упиваются. 18 Путие же праведных подобне свету светятся: предходят и просвещают, дондеже исправится день. 19 Путие же нечестивых темни: не ведят, како претыкаются. 20 Сыне, моим глаголом внимай, к моим же словесем прилагай ухо твое: 21 да не оскудеют ти источники твои, храни я в сердци твоем: 22 живот бо суть всем обретающим я и всей плоти их изцеление. 23 Всяцем хранением блюди твое сердце: от сих бо исходища живота. 24 Отими от себе строптива уста, и обидливы устне далече от тебе отрини. 25 Очи твои право да зрят, и вежди твои да помавают праведная. 26 Права течения твори твоима ногама и пути твоя исправляй. 27 Не уклонися ни на десно, ни на шуе: отврати же ногу твою от пути зла:

5 Сыне, моей премудрости внимай, к моим же словесем прилагай ухо твое, 2 да сохраниши мысль благую: чувство же моих устен заповедает тебе. 3 Не внимай злой жене: мед бо каплет от устен жены блудницы, яже на время наслаждает твой гортань: 4 последние же горча желчи обрящеши, и изощренну паче меча обояду остра: 5 безумия бо нозе низводят употребляющих ю со смертию во ад, стопы же ея не утверждаются: (Sheol

h7585) 6 на пути бо животныя не находит, заблужденна же течения ея и неблагоразумна. 7 Ныне убо, сыне, послушай мене и не отриновенна сотвори моя словеса: 8 далече от нея сотвори путь твой и не приближися ко дверем домов ея, 9 да не предаст иным живота твоего, и твоего жития немилостивым, 10 да не насытятся ини твоего крепости, твои же труды в домы чуждыя внидут, 11 и раскаешися на последок твой, егда иструтся плоти тела твоего, и речеши: 12 како возненавидех наказание, и от обличений уклонися сердце мое? 13 Не послушах гласа наказующаго мя, и ко учащему мя не прилагах уха моего: 14 вмале бех во всяцем зле посреде церкве и сонмища. 15 Сыне, пий воды от своих сосудов и от твоих кладенцев Источника: 16 да преизливаются тебе воды от твоего источника, во твоя же пути да происходят твоя воды. 17 Да будут тебе единому имения, и да никтоже чуждъ причастится тебе. 18 Источник твоего воды да будет тебе твой, и веселися с женою, яже от юности твоего: 19 елень любве и жребя твоих благодатей да беседует тебе, твоя же да предидет тебе и да будет с тобою во всяко время: в дружбе бо сея спребываят умножен будеши. 20 Не мног буди к чуждей, ниже обьят буди обьятни не твоего: 21 пред очима бо суть Божиима путие мужа, вся же течения его назирает. 22 Законопреступления мужа уловляют: пленициами же своих грехов кийждо затязается. 23 Сей скончавается с ненаказанными: от множества же своего жития извержется и погибает за безумие.

6 Сыне, аще поручишися за твоего друга, предаси твою руку врагу. 2 Сеть бо крепка мужу свои устнє, и пленяется устнами своих уст. 3 Твори, сыне, яже аз заповедую ти, и спасайся: идеши бо в руце злых за твоего друга: буди не ослабевая, поощряй же и твоего друга, егоже испоручил еси. 4 Не дажь сна твоима очима, ниже да воздремлеши твоима веждома, 5 да спасешися аки серна от тенет и яко птица от сети. 6 Иди ко мравию, о, лениве, и поревнуй видев пути его, и буди оного мудрейший: 7 он бо, не сущу ему земледелцу, ниже нудящаго его имей, ниже под владыкою сый, 8 готовит в жатву пищу и многое в лето творит уготование. Или иди ко пчеле и увеждъ, коль делателница есть, делание же коль честное творит: еяже трудов царие и простили во здравие употребляют, любима же есть всеми и славна: аще силою и немощна суши, (но) премудростю почтена произведеся. 9 Доколе, о, лениве, лежиши? Когда же от сна востанеши? 10 Мало убо спиши, мало же седиши, мало же дремлеши, мало же объемлеши перси рукама: 11

потом же найдет тебе аки зол путник убожество: скудость же аки благий течец. Аще же не ленив будеши, приидет яко источник жатва твоя, скудость же аки злыи течец (от тебе) отбежит. 12 Муж безумен и законопреступный ходит в пути не благи: 13 той же намизает оком и знамение дает ногою, учит же помаванием перстов. 14 Развращенно же сердце кует злая: на всякое время таковый мятежи составляет граду. 15 Сего ради внезапу приходит ему погибель, разсечение и сокрушение неизцельное. 16 Яко радуется о всех, иже ненавидит Бог, сокрушаются же за нечистоту души: 17 око досадителя, язык неправедный, руце проливающа кровь праведнаго, 18 и сердце кущющее мысли злы, и нозе тщащяя зло творити потребятся. 19 Разжизнит лжи свидетель неправеден и насыпает суды посреде братий. 20 Сыне, храни законы отца твоего и не отрини наказания матере твоей: 21 навяжи же я на твою душу присно и обяжи их о твоей выи. 22 Егда ходиши, води ю, и с тобою да будет: егда же спиши, да хранит тя, да востающу ти глаголет с тобою. 23 Зане светилник заповедь закона и свет, и путь жизни, и обличение, и наказание, 24 еже сохранити тя от жены мужаты и от наваждения языка чуждаго. 25 Сыне, да не победит тя доброты похоть, ниже уловлен буди твоима очима, ниже да совосхитишися веждами ея. 26 Цена бо блудницы, елика единаго хлеба: жена же мужей честныя души уловляет. 27 Ввяжет ли кто огнь в недра, риз же (своих) не сожжет ли? 28 Или ходити кто будет на улицих огненных, ног же не сожжет ли? 29 Тако вшедый к жене мужатей не без вины будет, ниже всяк прикасайся ей. 30 Не дивно, аще кто ят будет крадый: крадет бо, да насытит душу свою алчущую: 31 аще же ят будет, воздаст седмерицею, и вся имения своя дав, избавит себе. 32 Прелюбодей же за скудость ума погибель души своей содевает, 33 болезни же и безчестие понесет: поношение же его не загладится во век: 34 исполнена бо ревности ярость мужа ея: не пощадит в день суда, 35 не изменит ни единую ценою вражды, ниже разрешится многими дарми.

7 Сыне, храни моя словеса, моя же заповеди скрый у себе. Сыне, чти Господа, и укрепишися: кроме же Его не бойся иного. 2 Храни моя заповеди, и поживеши, словеса же моя яко зеницы очио: 3 обложи же ими твоя персты, напиши же я на скрижали сердца твоего. 4 Нарцы премудрость сестру тебе быти, разум же знаемъ сотвори тебе, 5 да тя соблюдет от жены чуждия и лукавыя, аще тя словесы льстивыми облагати начнет: 6 оконцем бо из дому своего на пути приничущи, 7 егоже аще узрит от безумных чад юношу скудоумна, 8 проходящаго мимо

угла в распутниих дому ея 9 и глаголющаго в темный вечер, егда упокоеие будет нощное и мрачное: 10 жена же срящет его, зрак имущи прелюбодейничъ, яже творит юных парити сердцам: воскрилена же есть и блудна, 11 в дому же не почивают нозе ея: 12 время бо некое вне глумится, время же на распутниих при всяцем угле присидет: 13 потом емши лобзает его, безстудным же лицем речет к нему: 14 жертва мирна ми есть, днесъ воздаю обеты мои: 15 сего ради изыдох в сретение тебе, желающи лица твоего, обретох тя: 16 простиралиами покрых одр мой, коврами же сугубыми постлах, иже от Египта, 17 шафраном посыпах ложе мое и дом мой корицою: 18 прииди и насладимся любве даже до утра, гряди и поваляемся в похоти: 19 несть бо мужа моего в дому, отиде в путь далече, 20 доволно сребра взя с собою, по многих днех возвратится в дом свой. 21 И прельсти его многою беседою, тенетами же устен (в блуд) привлече его. 22 Он же абие последова ей объородев, и якоже вол на заколение ведется, и яко пес на узы, 23 или яко елень уязвлен стрелою в ятра: и спешит яко птица в сеть, не ведый, яко на душу свою течет. 24 Ныне убо, сыне, послушай мене и внимай глаголом уст моих, 25 да не уклонитя в пути ея сердце твое, 26 и да не прельстишися в стезях ея: многих бо уязвивши низверже, и безчисленни суть, ихже убила есть: 27 путие адовы дом ея, низводящи в сокровища смертная. (Sheol h7585)

8 Темже ты премудрость проповеждь, да разум послушает тебе. 2 На высоких бо краех есть, посреде же стезь стоит: 3 при вратех бо сильных присидет, во входех же поется. 4 Вас, о, человецы, молю, и вдаю мой глас сыном человеческим. 5 Уразумейте, незлобивии, коварство, ненаказаний же, приложите сердце. 6 Послушайте мене: честная бо реку и изнесу от устен правая. 7 Яко истине поучится гортань мой, мерзки же предо мною устны лживыя. 8 С правдою вси глаголы уст моих, ничто же в них стропотно, ниже развращенно. 9 Вся права разумевающыи, и права обретающыи разум. 10 Примите наказание, а не сребро, и разум паче злата искушена: избирайте же ведение паче злата чиста. 11 Лучши бо премудрость камений многоценных, всякое же честное недостойно ея есть. 12 Аз премудрость вселих совет, и разум и смысл аз призывах. 13 Страх Господень ненавидит неправды, досаждения же и гордыни, и пути лукавых: возненавидех же аз развращенныхы пути злых. 14 Мой совет и утверждение, мой разум, моя же крепость. 15 Мною царие царствуют, и сильнии пишут правду: 16

мною вельможи величаются, и властитиlie мною держат землю. 17 Аз любящая мя люблю, ищаущи же мене обрящут благодать. 18 Богатство и слава моя есть, и стяжание многих и правда. 19 Лучше есть плодити мене, паче злата и камения драга: мои же плоды лучше сребра избранна. 20 В путех правды хожду и посреде стезь оправдания живу, 21 да разделю любящим мя имение, и сокровища их исполню благих. Аще возвещу вам бывающая на всяк день, помяну, яже от века, извести. 22 Господь созда мя (евр.: стяжа мя) начало путий Своих в дела Своя, 23 прежде век основа мя, в начале, прежде неже землю сотворити, 24 и прежде неже бездны соделати, прежде неже произыти источником вод, 25 прежде неже горам водрузитися, прежде же всех холмов рождает мя. 26 Господь сотвори страны и ненаселенныя, и концы населенныя поднебесныя. 27 Егда готовяше небо, с Ним бех, и егда отлучаше престол Свой на ветрех, 28 и егда крепки творяше вышния облаки, и егда тверды полагаше источники поднебесныя, 29 и егда полагаше морю предел его, да воды не мимо идут уст его, и крепка творяше основания земли, бех при нем устрояющи. 30 Аз бех, о нейже радовашеся, на всяк же день веселяхся пред лицем Его на всяко время, 31 егда веселяхся вселенную совершив, и веселяхся о сынех человеческих. 32 Ныне убо, сыне, послушай мене: и блажени, иже пути моя сохранят. 33 Услышите премудрость, и умудритеся, и не отмечите. 34 Блажен муж, иже послушает мене, и человек, иже пути моя сохранит, бдай при моих дверех присно, соблюдаяй праги моих входов: 35 исходи бо мои исходи живота, и уготовляется хотение от Господа: 36 согрешающи же в мя нечестивают на своя души, и ненавидящи мя любят смерть.

9 Премудрость созда себе дом и утверди столпов седмы: 2 закла своя жертвенная, и раствори в чаши своей вино, и уготова свою трапезу: 3 посла своя рабы, созывающи с высоким проповеданием на чашу, глаголющи: 4 иже есть безумен, да уклонится ко мне. 5 И требующым ума рече: приидите, ядите мой хлеб и пийте вино, еже растворих вам: 6 оставите безумие и живи будете, да во веки воцаритеся: и взыщите разума, да поживете и исправите разум в ведении. 7 Наказуяй злъя примет себе безчестие, обличая же нечестиваго порочна сотворит себе (обличения бо нечестивому раны ему). 8 Не обличай злых, да не возненавидят тебе: обличай премудра, и возлюбит

тя. 9 Даждь премудрому вину, и премудрейший будет: скажи праведному, и приложит примати. 10 Начало премудрости страх Господень, и совет святых разум: разумети бо закон, помысла есть благо. 11 Сим бо образом многое поживеши время, и приложатся тебе лета живота твоего. 12 Сыне, аще премудр будеши, себе премудр будеши и искренним твоим: аще же зол будеши, един почерпнеши злая. Сын наказан премудр будет, безумный же слугою употребится. Иже утверждается на лжах, сей пасет ветры, той же поженет птицы парящыя: остави бо пути своего винограда, в стезях же своего земледелания заблуди, проходит же сквозе пустыню безводную и землю определенную в жаждех, собирает же руками неплодие. 13 Жена безумная и продерзая скудна хлебом бывает, яже не весть стыдения, 14 седе при дверех дому своего, на столце яве на стогнах, 15 призывающая мимоходящих и исправляющих пути своих: 16 иже есть от вас безумнейший, да уклонится ко мне: и лишенным разума повелеваю, глаголющи: 17 хлебом сокровенным в сладость прикоснитесь и воду татбы сладкую пийте. 18 Он же не весть, яко земнороднii у нея погибают и во дне ада обретаются. (Sheol h7585)

10 Сын премудр веселит отца, сын же безумен печаль матери. 2 Не пользуют сокровища беззаконных, правда же избавит от смерти. 3 Не убивает гладом Господь душу праведную, живот же нечестивых низвратит. 4 Нищета мужа смиряет: руце же мужественных обогащаются. 5 Сын наказан премудр будет, безумный же слугою употребится: спасется от зноя сын разумный, ветротленен же бывает на жатве сын беззаконный. 6 Благословение Господне на главе праведного: уста же нечестивых покрывает плачь бывшеменный. 7 Память праведных с похвалами: имя же нечестивых угасает. 8 Премудр сердцем примет заповеди: непокровенный же устами остроптевая запнется. 9 Иже ходит просто, ходит надеяся: развораща же пути своих, познан будет. 10 Намизая оком с лестию собирает мужем печали: обличая же со дерновением миротворит. 11 Источник жизни в руце праведного: уста же нечестивого покрывает пагуба. 12 Ненависть воздвигает расплю: всех же нелюбопритечных покрывает любовь. 13 Иже от устен произносит премудрость, жезлом бьет мужа безсердечна. 14 Премудрии скрыт чувство, уста же прорезаго приближаются сокрушению. 15 Стяжание богатых град тверд, сокрушение же нечестивых нищета. 16 Дела праведных живот творят, плодове же нечестивых грехи.

17 Пути жизни хранит наказание: наказанием же не обличеный заблуждается. 18 Покрывают вражду устне правыя: износящи же укоризну безумнейшии суть. 19 От многословия не избежиши греха: щадя же устне, разумен будеши. 20 Сребро разжженое язык праведного: сердце же нечестиваго изчезнет. 21 Устне праведных ведят высокая: безумни же в скудости скончаваются. 22 Благословение Господне на главе праведного, сие обогащает, и не иметь приложитися ему печаль в сердцы. 23 Смехом безумный творит злая: премудрость же мужеви рождает разум. 24 В погибели нечестивый обносится: желание же праведного приятно. 25 Переходящей бури, нечестивый изчезает, праведный же уклонився спасается во веки. 26 Якоже гроздие зеленое вред зубом и дым очима, тако законопреступление творящим е. 27 Страх Господень прилагает дни: лета же нечестивых умалятся. 28 Пребывает с праведными веселье, упование же нечестивых погибает. 29 Утверждение преподобному страх Господень, сокрушение же творящим злая. 30 Праведник во веки не поколебляется: нечестивии же не населят земли. 31 Уста праведного каплют премудрость, язык же неправедного погибнет: 32 устне мужей праведных каплют благодати, уста же нечестивых разворачиваются.

11 Мерила льстивая мерзость пред Господем, вес же праведный приятен Ему. 2 Идеже аще внидет досаждение, тамо и бесчестие: уста же смиренных поучаются премудрости. 3 Умриая праведник остави раскаяние, удобна же бывает и посмеятна нечестивых погибель. 4 Совершенство правых наставит их, и поползвование отрицающихся пленит их. Не упользуют имения в день ярости: правда же избавит от смерти. 5 Правда непорочного исправляет пути, нечестие же впадает в неправду. 6 Правда мужей правых избавит их, безсоветием же уловляются беззаконии. 7 Скончавшуся мужу праведну, не погибнет надежда: похвала же нечестивых погибнет. 8 Праведный от лова убегнет, в негоже место предается нечестивый. 9 Во устех нечестивых сеть гражданом, чувство же праведных благопоспешно. 10 Во благих праведных исправится град, и в погибели нечестивых радование. 11 В благословении правых возвысится град, усты же нечестивых раскопается. 12 Ругается гражданом лишенный разума, муж же мудр безмолвие водит. 13 Муж двоязычен открывает советы в сонмиши, верный же духом таит вещы. 14 Умже и несть управления, падают

аки листвие, спасение же есть во мнозе совете. 15 Лукавый злодействует, егда сочетается с праведным, ненавидит же гласа утверждения. 16 Жена благодатна возносит мужу славу: престол же безчестия жена ненавидящая правды. Богатства ленивии скудни бывають, крепцы же утверждаются богатством. 17 Души своей благоворит муж милостивый, погубляет же тело свое немилостивый. 18 Нечестивый творит дела неправедная: семя же праведных мзда истины. 19 Сын праведный рождается в живот: гонение же нечестиваго в смерть. 20 Мерзость Господеви путье развращенни, приятни же Ему вси непорочнии в путех своих. 21 В руку руце вложив неправедно, не без муки будет злых: сей же правду примет мзду верну. 22 Яко же усерязь златый в ноздрях свинии, тако жене злоумней лепота. 23 Желание праведных все благое, надежда же нечестивых погибнет. 24 Суть, иже своя сеюще, множайшая творят: суть же и собирающе чуждая, умаляются. 25 Душа благословенна всякая простая: муж ярый неблагообразен. 26 Удержавай пшеницу оставит ю языком: продаяй пшеницу скupo, от народа проклят, благословение же Господне на главе подавающаго. 27 Творяй благая ищет благодати добры: ищащаго же злая постигнут его. 28 Надеяся на богатство свое, сей падет: заступаяй же праведных, той возсияет. 29 Не сматряй своего дому наследит ветры: поработает же безумный разумному. 30 От плода правды древо жизни прозябает: отемлются же безвременно души беззаконных. 31 Аще праведный едва спасается, нечестивый же и грешный где явится?

12 Любяй наказание любит чувство: ненавидяй же обличения безумен. 2 Лучше обретый благодать от Господа Бога: муж же законопреступен премолчан будет. 3 Не исправится человек от беззаконного: корения же праведных не отимутся. 4 Жена мужественная венец мужу своему: яко же в древе червь, тако мужа погубляет жена злоторная. 5 Мысли праведных судьбы: управляют же нечестивии лести. 6 Словеса нечестивых льстивы в кровь, уста же правых избавят их. 7 Аможе обратится нечестивый, исчезает: храмины же праведных пребывают. 8 Уста разумна хвалима бывають от мужа: слабосерд же поругаемъ бывает. 9 Лучше муж в безчестии работаяй себе, нежели честь себе обложив и лишаяйся хлеба. 10 Праведник милует души скотов своих: утробы же нечестивых немилостивы. 11 Делаяй свою землю исполнится хлебов: гонящи же суетная лишиши разума. Иже есть сладостен в виннем пребывании, во своих

тврдынех оставит безчестие. 12 Желания нечестивых зла: корение же благочестивых в твердостех. 13 За грех устен впадает в сети грешник: избегает же от них праведник. Сматряй кротко помилован будет, а сретаяй во вратех оскорбит души. 14 От плодов уст душа мужа наполнится благих, воздаяние же устен его воздастся ему. 15 Путье безумных прави пред ними: послушает советов мудрый. 16 Безумный абие исповесть гнев свой: крьет же свое безчестие хитрый. 17 Явленную веру возвещает праведный: свидетель же неправедных льстив. 18 Суть, иже глаголюще уязвляют аки мечи: языцы же премудрых изцеляют. 19 Устне истинны исправляют свидетелство: свидетель же скор язык имать неправеден. 20 Лесть в сердцы кующаго зла: хотяющи же мира возвеселятся. 21 Ничтоже неправедное угодно есть праведному: нечестивии же исполняются злых. 22 Мерзость Господеви устне лживы: творяй же верно приятен Ему. 23 Муж разумивый престол чувствия: сердце же безумных срятет клятвы. 24 Рука избранных одержит удобы: льстивии же будут во пленении. 25 Страшное слово сердце мужа праведна смущает, весть же благая веселит его. 26 Разумив праведник себе друг будет: мысли же нечестивых некротки: согрешающих постигнут злая, путь же нечестивых прельстит я. 27 Не улучит льстивый ловитвы: стяжение же честное муж чистый. 28 В путех правды живот, путье же злопомнящих в смерть.

13 Сын благоразумный послушлив отцу, сын же непокорликий в погибель. 2 От плодов правды снести благий: души же беззаконных погибают безвременно. 3 Иже хранит своя уста, соблюдает свою душу: продерзивый же устнама устрашит себе. 4 В похотех есть всяк праздный: руки же мужественных в приложении. 5 Словесе неправедна ненавидит праведник: нечестивый же стыдится и не возимет дерзновения. 6 Правда хранит незлобивыя: нечестивыя же злы творит грех. 7 Суть богатяще себе,ничесоже имуще: и суть смиряющеся во мнозе богатстве. 8 Избавление мужа души свое ему богатство: нищий же не терпит прещения. 9 Свет праведным всегда, свет же нечестивых угасает: души льстивыя заблуждают во грехах, праведни же щедрят и милуют. 10 Злый с досаждением творит злая: себе же знающи премудри (суть). 11 Имение поспешаемо со беззаконием умалено бывает, собирая же себе со благочестием изобилстовати будет: праведный щедрит и дает. 12 Лучше начинай помогати сердцем обещающаго и в надежду ведущаго: древо бо жизни желание доброе.

13 Иже презирает вещь, презрен будет от нея: а боялся заповеди, сей здравствует. Сыну лукавому ничтоже есть благо: рабу же мудру благопоспешна будут дела, и исправится путь его. 14 Закон мудрому источник жизни: безумный же от сети умрет. 15 Разум благ даёт блага: разумети же закон, мысли есть благия: путь же презирающих в погибели. 16 Всяк хитрый творит с разумом, безумный же прострет свою злобу. 17 Царь дерзостен впадет во злая, вестник же мудр избавит его. 18 Нищету и безчестие отемлет наказание: храня же обличения прославится. 19 Желания благочестивых наслаждают душу, дела же нечестивых далече от разума. 20 Ходай с премудрыми премудр будет, ходай же с безумными познан будет. 21 Согрешающих постигнут злая, праведных же постигнут благая. 22 Благ муж наследит сыны сынов: сокровиществуется же праведным богатство нечестивых. 23 Праведни насладятся в богатстве лета многа: неправедни же погибнут вскоре. 24 Иже щадит жезл (свой), ненавидит сына своего: любой же наказует прилежно. 25 Праведный ядый насыщает душу свою: души же нечестивых скудны.

14 Мудрыя жены создаша домы: безумная же раскопа рукаами своима. 2 Ходай право боится Господа: развращая же пути своя обезчестится. 3 Из уст безумных жезл досаждения: устне же мудрых хранят я. 4 Идеже несть волов, ясли чисты: а идеже жита многа, явна волу крепость. 5 Свидетель верен не лжет: разжизнует же ложная свидетель неправеден. 6 Взыщеши премудрости у злых, и не обрящаши: чувство же у мудрых удобно. 7 Вся противна (суть) мужеви безумну: оружие же чувствия устне премудры. 8 Премудрость коварных уразумеет пути их: буйство же безумных в заблуждении. 9 Домове беззаконных требуют очищения, домове же праведных приятни. 10 Сердце мужа чувственно печаль души его: егда же веселится, не примешается досаждению. 11 Домове нечестивых изчезнут, селения же право творящих пребудут. 12 Есть путь, иже мнится человеком прав быти, последняя же его приходят во дно ада. (questioned) 13 Ко веселием не примешавшися печаль: последняя же радости в плаче приходит. 14 Путий своих насытится дерзосердый, от размышлений же своих муж благ. 15 Незлобивый веру емлет всякою словеси, коварный же приходит в раскаяние. 16 Премудр убоявся уклонится от зла, безумный же на себе надеявся смешавшися со беззаконным. 17 Остряростный без совета творит, муж же мудрый многая терпит. 18 Разделяют безумнини

злобу, коварни же удержат чувство. 19 Поползнутся злии пред благими, и нечестивии послужат пред дверьми праведных. 20 Друзие возненавидят друзов убогих: друзие же богатых мнози. 21 Безчестия убогия согрешает, милуй же нищия блажен. 22 Заблуждающии (неправедницы) делают злая, милость же и истину делают благии. Не ведят милости и веры делателие злых: милостыни же и веры у делателей благих. 23 Во всячем пекущемся есть изюбилие: любосластный же и беспечальный в скудости будет. 24 Венец премудрых богатство их, житие же безумных зло. 25 Избавит от злых душу свидетель верен, разжизнует же лживая лестный. 26 Во страже Господни упование крепости, чадом же Своим оставит утверждение (мира). 27 Страх Господень источник жизни, творит же уклонятия от сети смертныя. 28 Во мнозе языце слава царю: во оскудении же людсте сокрушение сильному. 29 Долготерпелив муж мног в разуме, малодушный же крепко безумен. 30 Кроткий муж сердцу врачь: моль же костем сердце чувствено. 31 Оклеветай убогаго раздражает Сотворшаго и, почитая же Его милует нищаго. 32 Во злобе своей отринется нечестивый: надеяжися на Господа своим преподобием праведен. 33 В сердцы блазе мужа почиет премудрость, в сердцы же безумных не познавается. 34 Правда возвышает язык: умалиют же племена греси. 35 Приятен цареви слуга разумный, своим же благообращением отемлет безчестие.

15 Гнев губит и разумныя: ответ же смирен отвращает ярость, а слово жестоко возвизает гневы. 2 Язык мудрых добрая свесть: уста же безумных возвещают злая. 3 На всячем месте очи Господни сматряют злые же и благия. 4 Изцеление языка древо жизни: храня же его исполнится духа. 5 Безумный ругается наказанию отчу: храня же заповеди хитрейший. Во мнозе правде крепость многа: нечестивии же от земли искоренятся. 6 В домех праведных крепость многа: плоды же нечестивых погибают. 7 Устне мудрых связуются чувством, сердца же безумных не тверда. 8 Жертвы нечестивых мерзость Господеви, обеты же правоходящих приятни Ему. 9 Мерзость Господеви путь нечестивых: гонящая же правду любит. 10 Наказание незлобиваго познавается от мимоходящих: ненавидящи же обличения скончавшися срамно. 11 Ад и Пагуба явна пред Господем, како не и сердца человеков? (Sheol h7585) 12 Не возлюбит ненаказанный обличающих его, с мудрыми же не побеседует. 13 Сердцу веселящуся, лице цветет: в печалех

же сущу, сетует. 14 Сердце правое ищет чувства: уста же ненаказанных уразумеют злая. 15 На всяко время очи злых приемлют злая: добрии же безмолвствуют присно. 16 Лучше частица малая со страхом Господним, нежели сокровища велия без боязни. 17 Лучше учреждение от зелий с любовию и благодатию, нежели представление телцев со враждою. 18 Муж ярый устрояет браны, долготерпеливый же и будущую укрощает. Терпеливый муж угасит суды, нечестивый же воздвигает паче. 19 Путье праздных постлани тернием, мужественных же углаждени. 20 Сын премудр веселит отца, сын же безумен раздражает матерь свою. 21 Несмысленного стези скудны ума: муж же разумен исправляя ходит. 22 Отлагают помышления не чущии сонмищ: в сердцах же советных пребывает совет. 23 Не послушает злый его, ниже речет полезно что и добро общему. 24 Путье живота помышления разумнаго, да уклонився от ада спасется. (Sheol h7585) 25 Домы досадителей разоряет Господь, утверди же предел вдовицы. 26 Мерзость Господеви помысл неправедный, чистых же глаголы честны. 27 Губит себе мздоимец, ненавидяй же даров приятия спасется: милостынями и верами очищаются грехи, страхом же Господним уклоняется всяк от зла. 28 Сердца праведных поучаются вере, уста же нечестивых отвещают злая: приятни пред Господем путие мужей праведных, имиже и врази друзья бывают. 29 Далече отстоит Бог от нечестивых, молитвы же праведных послушает: лучше малое приятие со правдою, нежели многа жита с неправдою: сердце мужа да мыслит праведная, да от Бога исправятся стопы его. 30 Видящее око добрая веселит сердце, слава же благая утчиляет кости. 31 Слушаяй обличений живота посреде премудрых водворится. 32 Иже отметает наказание, ненавидт себе: соблюдаяй же обличения любит свою душу. 33 Страх Господень наказание и премудрость, и начало славы отвещает ей (, предидет же смиренным слава).

16 Человеку предложение сердца: и от Господа ответ языка. 2 Вся дела смиренного явленна пред Богом, и укрепляй духи Господь. 3 Приближи ко Господу дела твоя, и утвердятся помышления твоя. 4 Вся содела Господь Себе ради: нечестивии же в день зол погибнут. 5 Нечист пред Богом всяк высокосердый: в руку же руце влагаяй неправедно не обезвинится. 6 Начало пути блага, еже творити праведная, приятна же пред Богом паче, нежели жрети жертвы. 7 Ищай Господа обрящет разум со правдою: 8 праве же ищущии его обрящут мир. 9 Вся

дела Господня со правдою: хранится же нечестивый на день зол. 10 Пророчество во устнх царевых, в судищи же не погрешат уста его. 11 Превеса мерила правда у Господа: дела же Его мерила праведная. 12 Мерзость цареви творяй злая: со правдою бо уготовляется престол начальства. 13 Приятны царю устне праведны, словеса же правая любит Господь. 14 Ярость царева вестник смерти: муж же премудр утолит его. 15 Во свете жизни сын царев: приятни же ему яко облак позден. 16 Угнеджения премудрости избраннее злата: вселения же разума дражайши сребра. 17 Путье жизни укланяются от злы: долгота же жития путье праведни. Приемляй наказание во благих будет, храняй же обличения умудрится. Иже хранит своя пути, соблюдает свою душу: любяй же живот свой щадит своя уста. 18 Прежде сокрушения предваряет досаждение, прежде же падения злопомышление. 19 Лучше кротокудшен со смирением, нежели иже разделяет корысты с досадительми. 20 Разумный в вещех обретатель благих, надеяйся же на Господа блажен. 21 Премудрья и разумныя злыми наричат, сладции же в словеси множае услышани будут. 22 Источник животен разум стяжавшим, наказание же безумных зло. 23 Сердце премудраго уразумеет яже от своих ему уст, во устнах же носит разум. 24 Сотове медовнни словеса добрая, сладость же их изцеление души. 25 Суть путье мнящися прави быти мужу, обаче последняя их зрят во дно адово. 26 Муж в трудех труждается себе и изнуждает погибель свою: строптивый во своих устах носит погибель. 27 Муж безумен копает себе злая и во устнах своих сокровищует огнь. 28 Муж строптивый разсылает злая, и светилник льсти вжигает злым, и разлучает други. 29 Муж законопреступен прельщает други и отводит их в пути не благи. 30 Утверждай очи свои мыслит развращенная, грызый же устне свои определяет вся злая: сей пещь есть злобы. 31 Венец хвалы старость, на путех же правды обретается. 32 Лучше муж долготерпелив паче крепкаго, (и муж разум имеяй паче земледелца великаго:) удержаваяй же гнев паче вземлющаго град. 33 В недра входят вся неправедным: от Господа же вся праведная.

17 Лучше укрух хлеба со сластию в мире, нежели дом исполнен многих благих и неправедных жертв со бранию. 2 Раб смыслен обладает владыки безумными, в братиих же разделит (имение) на части. 3 Якоже искушается в пещи сребро и злато, тако избранная сердца у Господа. 4 Злый послушает языка законопреступных,

праведный же не внимает устнам лживым. 5 Ругайся убогому раздражает Сотворшаго его, радуяся же о погибающем не обезвинится: милуй же помилован будет. 6 Венец старых чада чад: похала же чадом отцы их. Верному весь мир богатство, неверному же ниже пенязь. 7 Неприличны суть безумному устне верны, ниже праведному устне лживы. 8 Мэда благодатей наказание употребляющим: и аможе аще обратится, успеет. 9 Иже таит обиды, ищет любве: а иже ненавидит скрывати, разлучает други и домашния. 10 Сокрушает прещение сердце мудраго: безумный же биемь не чувствует (ран). 11 Прекословия воздвижет всяк злый: Господь же ангела немилостища послет нань. 12 Впадет попечение мужу смысленну: безумни же размышляют злая. 13 Иже воздает злая за благая, не подвигнутся злая из дома его. 14 Власть дает словесем начало правды: предводителствует же скудости пря и брань. 15 Иже судит праведнаго неправедным, неправеднаго же праведным, нечист и мерзок у Господа. 16 Вскую бяше имение безумному? Стяжати бо премудрости безсердый не может. Иже высок творит свой дом, ищет сокрушения: остроптевая же учитися впадет во злая. 17 На всяко время друг да будет тебе, братия же в нуждах полезни да будут: сего бо ради рождаются. 18 Муж безумен плашет и радуется себе, якоже поручайся испоручит друга своего, на своих же устнах огнь сокровиществует. 19 Грехолюбец радуется сваром, а жестокосердый не усрящет благих. 20 Муж удобропреложный языком впадет во злания: сердце же безумнаго болезнь стяжавшему е. 21 Не веселится отец о сыне ненаказаннем: сын же мудр веселит матери свою. 22 Сердце веселящеся благоиметися творит: мужу же печальну засыщут кости. 23 Приемлющему дары неправедно в недра не предуспевают путие: нечестивый же укланяет пути правды. 24 Лице разумно мужа премудра, очи же безумнаго на концах земли. 25 Гнев отцу сын безумен, и болезнь рождшей его. 26 Тщеты творити мужу праведну не добро, ниже преподобно наветовати властем праведным. 27 Иже щадит глагол произнести жесток, разумен: долготерпеливый же муж премудр, лучше ищущаго науки. 28 Несмысленному вопросившу о мудрости, мудрость вменится: нема же кто себе творит, возмнится разумен быти.

18 Вины ищет муж хотя отлучитися от друзов, на всяко же время поносимъ будет. 2 Не требует премудрости муж скудоумен, зане паче водится безумием. 3 Егда приидет нечестивый во глубину зол, нерадит: находит же ему безчестие и поношение. 4 Вода глубока слово в

сердцы мужа, река же изскачуши и источник жизни. 5 Чудитися лицу нечестиваго не добро, ниже преподобно укланяти праведное на суде. 6 Устне безумнаго приводят его на зло, уста же его дерзостная призывают смерть. 7 Уста безумнаго сокрушение ему, устне же его сеть души его. 8 Ленивия низлагает страх: души же мужей женам подобных взалчут. 9 Не изцеляй себе во своих делех брат есть погубляющему себе самаго. 10 Из величества крепости имя Господне, к немуже притекающе праведницы возносятся. 11 Имение богату мужу град тверд, слава же его вельми присеняет. 12 Прежде сокрушения возносится сердце мужу и прежде славы смиряется. 13 Иже отвещает слово прежде слышания, безумие ему есть и поношение. 14 Гнев мужа укрощает раб разумный: малодушна же человека кто терпит? 15 Сердце разумнаго стяжет чувство, ушеса же мудрых ищут смысла. 16 Даяние человека распространяет его и с сильными посаждает его. 17 Праведный себе самаго оглашник во первословии: егда же приложит супостат, обличается. 18 Прекословия утоляет молчаливый и во властех определяет. 19 Брат от брата помогаем, яко град тверд и высок, укрепляется же якоже основаное царство. 20 От плодов уст муж насыщает чрево свое, и от плодов устен своих насытится. 21 Смерть и живот в руце языка: удержавающи же его снедят плоды его. 22 Иже обрете жену добру, обрете благодать, приял же есть от Господа тишину. 23 Иже изгоняет жену добрую, изгоняет благая: держай же прелюбодейцу безумен и нечестив. С молении глаголет убогий, богатый же отвещает жестоко. 24 Муж любовен к дружбе, и есть друг прилепивыйся паче брата.

19 Лучше есть убог ходяй в простоте своей, неже богатый строптив устны своими и несмыслен. 2 Идеже несть учения души, несть добро, и иже скор есть ногама, поткнется. 3 Неразумие мужа погубляет пути его, и Бога виновна творит в сердцы своем. 4 Богатство прилагает други многи: нищий же и от сущаго друга оставляемъ бывает. 5 Свидетель лжив без муки не будет: оклеветай же неправедно не убежит ея. 6 Мнози угождают лицам царским: всяк же зол бывает в поношение мужеви. 7 Всяк, иже убогаго брата ненавидит, и от содружества далече будет. Мысль благая ведящымъ приближается, муж же мудр обрящет ю. Много творяй зла совершаєт злобу, а иже раздражает словесы, не спасется. 8 Стяжавый мудрость любит себе, а иже сохраняет разум, обрящет благая. 9 Свидетель лживый

не без муки будет, а иже разжизнит злобу, погибнет от нея. 10 Не пользует безумному сладость, и аще раб начнет с досаждением обладати. 11 Милостив муж долготерпит, похвала же его превосходит законопреступных. 12 Царево прещение подобно рыканю львову, и якоже роса злаку, тако тихость его. 13 Студ есть отцу сын безумен, и нечисты обеты от мэды блудницы. 14 Дом и имение разделяют отцы чадом: от Господа же сочетавается жена мужеви. 15 Страх содержит мужа женонаравна: душа же празднаго взалчет. 16 Иже хранит заповеди, соблюдает свою душу, а нерадий о своих путех погибнет. 17 Милуй нища взаим дает Богови, по даянию же его воздастся ему. 18 Наказуй сына твоего, тако бо будет благонадежен: в досаждение же не вземлися душою твою. 19 Злоумен муж много отщетится: аще же губитель есть, и душу свою приложит. 20 Слушай, сыне, отца твоего наказания, да мур будеши в последняя твоя. 21 Многи мысли в сердцы мужа: совет же Господень во век пребывает. 22 Плод мужеви милостыня: лучше же нищъ праведный, нежели богат лжив. 23 Страх Господень в живот мужеви: а безстрашный водворится на местех, идже не наблюдается разум. 24 Скрывайай в недрех руце свои неправедно ниже ко устом своим принесет я. 25 Губителю раны приемлющу, безумный коварнее будет: аще же обличаеши мужа разумна, уразумеет чувство. 26 Безчестияй отца и отревай матерь свою срамоту примет и поношение. 27 Сын оставляй хранити наказание отчее поучится словесем злым. 28 Выручай отрока несмыслена досаждает оправданию: уста же нечестивых покрут суд. 29 Уготовляются невоздержным раны, и мучения подобне неразумным.

20 Невинно вино, укоризненно же пиянство, и всяк пребываяй в нем не будет премудр. 2 Не разнствует прещение царево от яости львовы: раздражаяй же его и примешаяйся ему согрешает в свою душу. 3 Слава мужу отвращатися от досаждения: всяк же безумен сими соплетается. 4 Пеносим ленивый не усрамляется, такожде и заемляй пшеницу в жатву. 5 Вода глубока совет в сердцы мужа: муж же премудр изчерплет ю. 6 Велика вещь человек, и драгая муж творяй милость: мужа же верна (велико) дело обрести. 7 Иже без порока живет в правде, блажены оставит дети своя. 8 Егда царь праведен на престоле сядет, не противится пред очима его ничтоже лукаво. 9 Кто похвалится чисто имети сердце? Или кто дерзнет реци чиста себе быти от грехов? 10 Вес велик и мал, и мера сугуба, нечиста

перед Господем обоя: 11 и творяй я в начинаниях своих запнется: юнота с преподобным, и правый путь его. 12 Ухо слышит, и око видит: Господня дела обоя. 13 Не люби клеветати, да не вознесеши: отверзи очи твои и насыщаися хлеба. 14 Зло, зло, речет стяжаваяй, и отшед тогда похвалится. 15 Есть злато и множество камений драгих, сосуд честен устне разумны. 16 Возми ризу его, яко испоручник бысть чуждыя, и за чуждую возми залог от него. 17 Сладок есть человеку хлеб лжи, но потом исполнятся уста его камения. 18 Помышление в совете уготовится, в правлении же творит брань. 19 Открывай тайну ходит лестию: и прельщающему устнами своими не примешайся. 20 Злословящему отца или матери угаснет светилник, зеницы же очес его узрят тму. 21 Часть поспешна в начале, в последних не благословится. 22 Не рцы: отмщу врагу: но потерпи Господа, да ти поможет. 23 Мерзость Господеви сугубый вес, и мерилло лживо не добро пред ним. 24 От Господа исправляются стопы мужу: смертный же како уразумеет пути своя? 25 Сеть мужеви скоро нечто от своих освящати: по обете бо раскаяние бывает. 26 Веятель нечестивых есть царь мур и наложит на ня коло. 27 Свет Господень дыхание человеком, иже испытает тайная утробы. 28 Милостыня и истина сохранение царю, и обидут престол его в правде. 29 Лепота (есть) юным премудрость: слава же старым седины. 30 Раны и сокрушения сретают злых, язвы же в сокровищах чрева.

21 Якоже устремление воды, тако сердце царево в руце Божией: аможе аще восхощет обратити, тамо уклонит е. 2 Всяк муж является себе праведен: управляет же сердца Господь. 3 Творити праведная и истинствовати угодна Богу паче, нежели жертв кровь. 4 Велемудрый во укоризне дерзосерд, светило же нечестивых греси. 5 Помышления тщалива во изюбилии, и всяк нерадивый в лишении. 6 Делаяй сокровища языком лживым суетная гонит в сети смертныя. 7 Всегубительство на нечестивыя устремляется: не хотят бо творити праведная. 8 К стропотным стропотныя пути посылает Бог: чиста бо и права дела Его. 9 Лучше жити во угле непокровенном, нежели в повалленных с неправдою и в храмине общей. 10 Душа нечестиваго не помилуется ни от единаго от человеков. 11 Тщету приемлющу невоздержному, коварнейший будет незлобивый, разумеваяй же мурый примет разум. 12 Разумевает праведный сердца нечестивых и уничтожает нечестивыя в злых. 13 Иже затыкает ушеса своя, еже не послушати немощнаго,

и той призовет, и не будет послушаяй его. 14 Даяние тайно отвращает гневы, щадяй же даров воздвигает ярость крепкую. 15 Веселие праведных творити суд: преподобный же нечист у злодеев. 16 Муж заблуждай от пути правды в сонмищи исполнинов почиет. 17 Муж скуден любит веселие, любяй же вино и елей не обогатится. 18 Отребие же праведнику беззаконник. 19 Лучше жити в земли пусте, неже жити с женою сварливою и язычною и гневливою. 20 Сокровище вожделенно почиет во устех мудраго: безумни же мужи пожирают е. 21 Путь правды и милостины обрящет живот и славу. 22 Во грады крепки вниде премудрый и разруши утверждение, на неже надеяшася нечестивии. 23 Иже хранит своя уста и язык, соблюдает от печали душу свою. 24 Продерзый и величавый и горделивый губитель нарицается: а иже памятозлобствует, беззаконен. 25 Похоти лениваго убивают: не производяют бо руце его творити что. 26 Нечестивый желает весь день похоти злых, праведный же милует и щедрит нещадно. 27 Жертвы нечестивых мерзость Господеви: ибо беззаконно приносят я. 28 Свидетель ложный погибнет, муж же послушлив сохраняемъ возглаголет. 29 Нечестив муж безстудно стоит лицем: правый же сам разумевает пути своя. 30 Несть премудрости, несть мужества, несть совета у нечестиваго. 31 Конь уготовляется на день брани: от Господа же помошь.

22 Лучше имя доброе, неже богатство много, паче же сребра и золата благодать благая. 2 Богат и ниць скретоста друг друга, обоих же Господь сотвори. 3 Худог, видев лукаваго мучима крепко, сам наказуется: безумни же мимошедшее отщетиша. 4 Род премудрости страх Господень, и богатство и слава и живот. 5 Волчцы и сети на путех стропотных, храняй же свою душу избежит их. 6 Богатии убогими имут обладати, 7 и раби своим господем взаим дадут. 8 Сеявый злая пожнет злая, язву же дел своих совершил. 9 Мужа тиха и даятеля любит Господь, суету же дел его скончает. 10 Милуй ницаго сам препитается: от своих бо хлебов даде убогому. Победу и честь устрояет даяй дары, обаче душу погубляет стяжавших. 11 Изжени от сонмища губителя, и изыдет с ним прение: егда бо сядет в сонмищи, всех нечестит. 12 Любит Господь преподобная сердца, приятни же Ему вси непорочнii в путех своих: устнама пасет царь (люди своя). 13 Очи Господни сబлюдают чувство: презирает словеса законопреступный. 14 Вины ищет и глаголет ленивый: лев на стезях, на путех же разбойницы. 15 Яма

глубока уста законопреступных: возненавиденъ же от Господа впадется в ню. Суть путь злии пред мужем, и не любит возвратитися от них: возвратитися же подобает от пути стропотна и злаго. 16 Безумие висит на сердцы юнаго: жезл же и наказание далече (отгонит) от него. 17 Обидяй убогаго многага себе зла творит, дает же богатому во оскудение (себе). 18 Ко словесем мудрых прилагай твое ухо, и услыши моя словеса: свое же сердце утверди (к ним), да разумеши, яко добра суть. 19 И аще вложиши я в сердце твое, возвеслят тебе купно во твоих устнех. 20 Да будет ти на Господа надежда, и покажет ти путь Свой. 21 Ты же напиши я себе трижды, на совет и смысл и разум, на широте сердца твоего: учь бо тя истинному словеси, и разума благаго слушати на ответы словесем истинным предлагаемым тебе. 22 Не насильствуй ницаго, зане убог есть, и не досаждай немощному во вратех: 23 Господь бо имать судити его суд, и избавиши твою безбедную душу. 24 Не бывай друг мужу гневливу и со другом жестокосердым не совардворяйся: 25 да не когда научишишися путем его и примеши тенета души твоей. 26 Не вдавайся в поручение, стыдяся лица: 27 егда бо не будеш имети чим искупитися, возмут постелью, яже под ребры твоими. 28 Не прелагай предел вечных, яже положиша отцы твои. 29 Прозрительну человеку и острому в делах своих пред царыми подобает стояти, и не стояти пред мужми простыми.

23 Аще сядеши вечеряти на трапезе сильнаго, разумно разумевай предлагаемая тебе, 2 и налагай руку твою, ведьй, яко сицевая тебе подобает уготовити: з аще же несытнейший еси, не желай брашен его: сия бо имут живот ложен. 4 Не распространяйся убог сый с богатым, твою же мыслию удаляйся. 5 Аще устремиши на него око твое, никогдаже явится: соделаны бо суть ему крила яко орлу, и обращается в дом настоятеля своего. 6 Не вечеряй с мужем завистливым, ниже похощеш пищей его: 7 имже бо образом аще кто поглотит власы, сице яст и пиет: ниже к себе да введеши его и снеси хлеб твой с ним: 8 изблюет бо его и осквернит словеса твоя добрая. 9 Во ушию безумнаго ничтоже глаголи, да не когда поругает разумная словеса твоя. 10 Не прелагай предел вечных и в стяжание сирот не вниди: 11 избавляй бо их Господь крепок есть и разсудит суд их с тобою. 12 Даждь в наказание сердце твое, ушеса же твоя уготовай словесем чувственным. 13 Не преставай младенца наказовати: аще бо жезлом биеши его, не умрет (от него): 14 ты бо побиеши его жезлом, душу же его избавиши

от смерти. (Sheol h7585) 15 Сыне, аще премудро будет сердце твое, возвеселиши и мое сердце, 16 и пребудут в словесех твои устне к моим устнам, аще права будут. 17 Да не ревнует сердце твое грешником, но в страсе Господни буди весь день: 18 аще бо соблюдиши я, будут ти внуцы, и упование твое не отступит. 19 Слушай, сыне, и премудр бывай и исправляй мысли твоего сердца: 20 не буди винопийца, ниже прилагайся к сложению и купованием мяс: 21 всяк бо пияница и блудник обнищает, и облечется в раздранная и в рубища всяк сонливый. 22 Слушай, сынне, отца родившаго тя, и не презирай, егда состареется мати твоя. 23 Истину стяжи и не отрини мудрости и учения и разума. 24 Добре воспитывает отец праведен, о сыне же премудрем веселится душа его. 25 Да веселится отец и матери о тебе, и да радуется рождая тя. 26 Даждь ми, сынне, твое сердце, очи же твои моя пути да соблюдают. 27 Сосуд бо сокрушен чуждий дом, и студенец тесен чуждий: 28 сей бо вскоре погибнет, и всякий законопреступник потребится. 29 Кому горе? Кому молва? Кому судове? Кому горести и свары? Кому сокрушения вотще? Кому сини очи? 30 Не пребывающим ли в вине? И не назирающим ли, где пироны бываю? 31 Не упивайтесь вином, но беседуйте ко человеком праведным, и беседуйте во проходех: аще бо на чаши и стекляницы вдаси очи твои, последи имаши ходити нажайший белилнаго древа: 32 последи же яко от змии уязвен прострется, и якоже от кераста разливается ему яд. 33 Очи твои егда узрят (жену) чуждую, уста твоя тогда возглашуют стропотная: 34 и возляжеши яко в сердцы моря и якоже кормчий во мнозе волнении. 35 Речеши же: биша мя, и не поболех, и поругашася ми, аз же не разумех: когда утро будет, да шед взыщу, с нимике снидуся?

24 Сыне, не ревнуй мужем злым, ниже возжелей быти с ними: 2 лжам бо поучается сердце их, и болезни устне их глаголют. 3 С премудростю зиждется дом и с разумом исправляется. 4 С чувствием исполняются сокровища от всякаго богатства честнаго и доброго. 5 Лучше мудрый крепкаго, и муж разум имей земледелца велика. 6 Со управлением бывает брань, помощь же с сердцем советным. 7 Премудрость и мысль блага во вратех премудрых: смысленни не уклоняются от закона Господня, 8 но советуют в сонмищах. Ненаказанных сретает смерть, 9 умирает же безумный во гресех. Нечистота мужу губителю: 10 осквернится в день зол и в день печали, дондеже оскудеет. 11 Избави ведомыя на

смерть и искупи убиваемых, не щади. 12 Аще же речеши: не вем сего: разумей, яко Господь всех сердца весть, и создавый дыхание всем, сей весть всяческая, Иже воздаст комуждо по делом его. 13 Яждь мед, сынне, благ бо есть сот, да насладится гортань твой: 14 сице уразумеши премудрость душою твою: аще бо обрящеши, будет добра кончина твоя, и упование не оставит тебе. 15 Не приводи нечестиваго на пажить праведных, ниже прельщайся насыщением чрева: 16 седмерицю бо падет праведный и востанет, нечестивии же изнемогут в злых. 17 Аще падет враг твой, не обрадуйся ему, в преткновении же его не возносися: 18 яко узрят Господь, и не угодно Ему будет, и отвратит ярость Свою от него. 19 Не радуйся о злодеюющих и не ревнуй грешным, 20 не пребудут бо внуцы лукавых, светило же нечестивых угаснет. 21 Бойся Бога, сынне, и царя, и ни единому же их противися: 22 внезапу бо истяжут нечестивых, мучения же обоих кто увесь? 23 Сия же вам смысленным глаголю разумети: срамлятися лица на суде не добро. 24 Глаголай нечестиваго, яко праведен есть, проклят от людий будет и возненавиден во языцех: 25 обличающи же лучшии явятся, на няже приидет благословение благо: 26 и устне облобызают отвещающия словеса блага. 27 Уготовляй на исход дела твоя, и уготовися на село, и ходи вслед мене, и созиждеши дом твой. 28 Не буди свидетель лжив на твоего гражданина, ниже пространяйся твоима устнама. 29 Не рцы: имже образом сотвори ми, сотворю ему и отмщу ему, имиже мя преобиде. 30 Якоже нива муж безумный, и яко виноград человек скудоумный: 31 аще оставиши его, опустеет и травою порастет весь, и будет оставлен, ограды же каменные его раскопаются. 32 Последи аз покаяхся, воззрех избрати наказание: 33 мало дремлю, мало же сплю и мало объемлю руками перси: 34 аще же сие твориши, приидет предидущи нищета твоя и скудость твоя, яко благ тече.

25 Сия притчи Соломони бывшия нерасположенны, яже списаша друзие Езекии царя Иудейска. 2 Слава Божия крыет слово, слава же царева почтает повеления Его. 3 Небо высоко, земля же глубока: сердце же царево необличително. 4 Куй неискушенное сребро, и очистится чисто все. 5 Убивай нечестивыя от лица царева, и исправится в правде престол его. 6 Не гордися пред лицем царевым и на месте сильных не стани: 7 лучше бо ти есть, егда речет: взыди ко мне: нежели смиритися тебе пред лицем сильнаго. 8 Иже видеста очи твои, глаголи. Не впадай в тяжбу скоро, да не раскаешися

последжи, егда тебе досадит друг твой. 9 Вступай вспять, не неради, да не поносит убо тебе друг: 10 свара же твоя и вражда твоя не отступит, но будет ти равна со смертию. Благодать и любы свобождает, в нихже утверди себе, да не в поношении будеши, но сохрани пути твоя добре устроены. 11 (Якоже) яблоко злато во усерязи сардийского камене, сице реши слово приличных ему. 12 И (якоже) во усерязь златый сардийский камень многоценный вяжется, (сице) слово премудро во ухо благополучно. 13 Якоже исходище снега в жатву зноя пользует, тако вестник верен пославших его: души бо употребляющих его пользует. 14 Якоже ветри и облаци и дождеве являющиися, тако и хвалящийся о даянии ложнем. 15 В долготерпении благополучие царем: язык же мякок сокрушает кости. 16 Мед обрет яждь умеренно, да не како пресыщен изблюеши. 17 Не учащай вносити ногу твою ко другу твоему, да не когда насыщься тебе, возненавидит тя. 18 Дреколь и мечь и стрела остра, тако и муж свидетельствуя на друга своего свидетельство ложное. 19 Путь злого и нога законопреступного погибнут в день зол. 20 Якоже оцет неполезен вреду и дым очима, тако припадшая страсть в телеси сердце оскорбляет. 21 Якоже молие в ризе и червие в древе, тако печаль мужу вредит сердце. 22 Аще алчет враг твой, ухлеби его: аще ли жаждет, напой его: 23 сие бо творя, углие огненное собираши на главу его, Господь же воздаст тебе благая. 24 Ветр северный воздвигает облаки, лице же безстудно язык раздражает. 25 Лучше жити во угле непокрытем, неже во храмине общей со женою клеветливою. 26 Якоже вода студеная души жаждущей благоприятна, тако весть благая от земли издалеча. 27 Якоже аще кто источник заграждает и исходище воды губит, тако не лепо праведнику пасти пред нечестивым. 28 Ясти мед много не добро: почитати же подобает словеса славна. Якоже град стенами разорен и не огражден, тако муж творяй что без совета.

26 Якоже роса в жатву и якоже дождь в лете, тако несть безумному чести. 2 Якоже птицы отлетают и врабиеве, тако клятва суетная не найдет ни на кого же. 3 Якоже бичь коню и остеи ослу, тако жезл языку законопреступну. 4 Не отвещай безумному по безумию его, да не подобен ему будеши: 5 но отвещай безумному по безумию его, да не явится мудр у себе. 6 От путий своих поношение творит, иже посла вестником безумным слово. 7 Отими шествие от глези и законопреступление от уст безумных. 8 Иже привязует камень в пращи,

подобен есть дающему безумному славу. 9 Терния прозябают в руце пияницы, и порабощение в руце безумных. 10 Многими волнуется всяка плоть безумных, сокрушаются бо изступление их. 11 Якоже пес, егда возвратится на своя блевотины, и мерзок бывает, тако безумный своею злобою возвращаясь на свой грех. Есть стыд наводяй грех, и есть стыд слава и благодать. 12 Видех мужа непещавша себе мудра быти, упование же имать безумный паче его. 13 Глаголет ленивый послан на путь: лев на путех, на стогнах же разбойницы. 14 Якоже дверь обращается на пяте, тако ленивый на ложи своем. 15 Скрыв ленивый руку в недро свое не возможет принести ко устом. 16 Мудрейший себе ленивый является, паче во изюбилии износящаго весть. 17 Якоже держай за ошиб пса, тако председателствуя чуждему суду. 18 Якоже врачуемии мещут словеса на человека, сретаяй же словом первый запнется: 19 тако вси коварствующи над своими други: егда же увидени будут, глаголют, яко играя содеях. 20 Во множех древех растет огнь: а идеже несть разгневляюща, умолкает свар. 21 Огнище углино, и дрова огневи: муж же клеветлив в мятеж свара. 22 Словеса ласкателей мягка: сия же ударяют в сокровища утроб. 23 Сребро даемо с лестию, якоже скудель вменяемо: устне гладки сердце покрывают прискорбно. 24 Устнама вся обещавает плачай враг, в сердцы же содевает лесть. 25 Аще тя молит враг велиим гласом, не веруй ему, седмь бо есть лукавствий в души его. 26 Таяй вражду составляет лесть: открывает же своя грехи благоразумный на сонмищих. 27 Изрывая яму искреннему впадается в ню: валяй же камень на себе валит. 28 Язык лжив ненавидит истины, уста же непокровенна творят нестроение.

27 Не хвалися о утрии, не веси бо, что родит (день) находящий. 2 Да хвалит тя искренний, а не твоя уста, чуждий, а не твои устне. 3 Тяжко камень и неудобноно песок, гнев же безумнаго тяжкий обоего. 4 Безмилостивна ярость и остр гнев, но ничтоже постоит ревности. 5 Лучше обличения откровенна тайная любве. 6 Достовернее суть язвы друга, нежели вольная лобзания врага. 7 Душа в сътости сущи сотам ругается: души же нищетней и горькая сладка являются. 8 Якоже егда птица отлетит от гнезда своего, тако человек порабощается, егда устранится от своих мест. 9 Миры и вином и фимиамы красуется сердце, растерзваются от бед душа. 10 Друга твоего или друга отча не оставляй: в дом же брата своего не вниди неблагополучно: лучше друг

близ, неже брат далече живый. 11 Мудр буди, сыне, да веселится сердце твое, и отврати от себе поносила словеса. 12 Хитрый злым находящим укрывается: безумни же нашедше тщету постраждут. 13 Отими ризу его, прейде бо досадитель, иже чуждая погубляет. 14 Иже аще благословит друга утро велиим гласом, от кленущаго ни чимже разнствовати возмнится. 15 Капли изгоняют человека в день зимен из дому его, тако и жена клеветливая из своего дома. 16 Север жесток ветр, именем же приятен нарицается. 17 Железо железа острит: муж же поощряет лице дружне. 18 Иже насаждает смоковницу, снести плоды ея: а иже хранит господа своего, честен будет. 19 Якоже суть неподобна лица лицам, сице ниже сердца человеков. 20 Ад и Погибель не насыщаются: такожде и очи человеческии несыти. (Sheol h7585) 21 Искушение сребру и злату раздежение: муж же искушается усты хвалящих его. 22 Аще биеша безумнаго посреде сонмища срамляя его, не отимеши безумия его. 23 Разумне разумевай души стада твоего, и да приставиши сердце твое ко твоим стадам. 24 Яко не во век мужеви держава и крепость, ниже предает от рода в род. 25 Прилеки о злацах сущих на поли и пожнеши траву, и сбирай сено нагорное, 26 да имаши овцы на одеяние: почитай поле, да будут ти агнцы. 27 Сыне, от мене имаши речения крепка в жизнь твою и в жизнь твоих служителей.

28 Бегает нечестивый ни единому же гоняшу, праведный же яко лев уповая. 2 За грехи нечестивых судове востают: муж же хитрый угасит я. 3 Продерзый в нечестиих оклеветает ницья, якоже дождь сильный не полезен: 4 тако оставивши закон хвалят нечестие, любящии же закон ограждают себе стену. 5 Мужие злии не уразумеют суда, ищущии же Господа уразумеют о всем. 6 Лучше ниць ходяй во истине, нежели богат ложь. 7 Хранит закон сын разумный: а иже пасет несътость, беъчестит отца своего. 8 Умножаяй богатство свое с лихвами и прибытки милующему ницья собирает е. 9 Укланяй ухо свое не послушати закона и сам молитву свою омерзил. 10 Иже льстит правыя на пути злем, во истление сам впадет: беззаконни же минуют благая и не внидут в ня. 11 Премудр у себе муж богатый, убогий же разумив презрят его. 12 Помощию праведных многа бывает слава, на местех же нечестивых погибают человече. 13 Покрываяй нечестие свое не успеет во благая, поведая же обличения возлюблен будет. 14 Блажен муж, иже боится всех за благоговение,

а жестосердый впадает во злая. 15 Лев алчен и волк жажден, иже тиранствует, ниць сый, над языком убогим. 16 Царь скуден уроком велик клеветник (бывает), а ненавидяй неправды долго лет поживет. 17 Мужа, иже в вине смертне, выручаяй беглец будет, а не утвержден. Наказуй сына, и возлюбит тя и даст лепоту твоей души, не послушает языка законопреступна. 18 Ходяй праведно помошь приимет, ходяй же в стропотны пути увязнет. 19 Делаяй свою землю насытится хлебов, гоняй же праздность насытится нищеты. 20 Муж веры достойный много благословится, злый же не без мучения будет. 21 Иже не срамляется лица праведных, не благ: таковый за укрух хлеба продаст мужа. 22 Тщится обогатитися муж завидлив, и не весть, яко милостивый возобладает им. 23 Обличаяй человечы пути благодать имать паче языком ласкающаго. 24 Иже отвергает отца или матери и мнится не согрешати, сей сопричастник есть мужу нечестиву. 25 Неверный муж судит туне, а иже надеется на Господа, в прилежании будет. 26 Иже надеется на дерзо сердце, таковый безумен: а иже ходит в премудрости, спасется. 27 Иже дает убогим, не оскудеет: а иже отвращает око свое, в скудости будет мнозе. 28 На местех нечестивых стенят праведнии, в погибели же их умножатся праведнии.

29 Лучше муж обличаяй, нежели муж жестоковыйный: внезапу бо палиму ему, несть изцеления. 2 Похваляемы праведным, возвеселятся людие: начальствующим же нечестивым, стенят мужие. 3 Мужу любящу премудрость, веселится отец его: а иже пасет любодейцы, погубит богатство. 4 Царь праведен возвышает землю, муж же законопреступник раскоповает. 5 Иже уготовляет на лице своему другу мрежу, облагает ю на своя ноги. 6 Согрешающему мужу велия сеть: праведный же в радости и в веселии будет. 7 Умеет праведный суд творити убогим, а нечестивый не разумеет разума, и убогому несть ума разумевающаго. 8 Мужие беззаконни сожгла град, мудрии же отвратиша гнев. 9 Муж мудр судит языки, муж же злый гневаяйся посмеваемь бывает, а не устрашает. 10 Мужие кровей причастни возненавидят преподобного, правии же взыщут душу его. 11 Весь гнев свой произносит безумный: премудрый же скрывает по части. 12 Царю послушающу словесе неправедна, вси, иже под ним, законопреступницы. 13 Заимодавцу и должнику, друг со другом сошедшимся, посещение творит обема Господь. 14 Царю во истине судящему ницьям, престол его во свидетелство устроится. 15 Язвы и обличения дают мудрость: отрок же заблуждаяй срамляет родители своя.

16 Многим сущым нечестивым мнози греси бывают, праведни же, оным падающим, устрашаем бывают. 17 Наказуй сына твоего, и упокой тя и даст лепоту души твоей. 18 Не будет сказатель языку законопреступну, храняй же закон блажен. 19 Не накажется словесы раб жесток: аще бо и уразумеет, но не послушает. 20 Аще увидиши мужа скора в словесех, разумей, яко упование имать паче его безумный. 21 Иже ласкосерд будет от детства, поработится, на последок же болезнавати будет о сем. 22 Муж гневливый воздвигает свар, муж же ярый открывает грехи. 23 Досаждение мужа смиряет, а смиренныя утверждает Господь в славе. 24 Иже сообщается татю, ненавидит своея души: аще же клятву предложенную слышавши не возвестят, 25 убоявши ся и постыдевши ся человека, преткнутся: надеяыйся же на Господа возвеселится. Нечестие мужу дает соблажнение: уповаяй же на Владыку спасется. 26 Мнози угощают лицам начальников: от Господа же сбываются правда мужу. 27 Мерзость праведнику муж неправеден: мерзость же законопреступному пути правоведия.

30 Сия глаголет муж верующым Богови, и почиваю: 2 безумнее бо есть от всех человек, и разума человеческаго несть во мне: 3 Бог же научи мя премудрости, и разум святых уразумех. 4 Кто взыде на небо и сниде? Кто собра ветры в недра? Кто возврати воду в ризу? Кто обдеря вся концы земли? Кое имя его? Или кое имя сыну его, да разумеши? 5 Вся бо словеса Божия раздежена: защищает же Сам благовеющи Ему. 6 Не приложи ко словесем Его, да не обличит тя, и ложь будеш. 7 Двое прошу у Тебе: не отими от мене благодати прежде умертвия моего: 8 суетно слово и ложно далече от мене сотвори, богатства же и нищеты не даждь ми: устрой же ми потребная и самодоволная, 9 да не насыщься ложь буди и реку: кто мя видит? Или обнищав украду и кленуся именем Божиим. 10 Не предаждь раба в руце господина, да не когда прокленет тя, и изчезнеш. 11 Чадо зло кленет отца и матерь не благословит. 12 Чадо зло праведна себе судит, исхода же своего не измы. 13 Чадо зло высоки очи имать, веждома же своима возносится. 14 Чадо зло мечь зубы (своя) имать, и членовныя яко сечиво, еже губити и поядати смиренныя от земли и убогия их от человек. 15 Пиявица име три дщери, любовию возлюблены, и три сия не насытиша ся, и четвертая не удовлуся реши: доволно (ми есть). 16 Ад и похоть жены, и земля ненапоеная водою и вода и огнь не рекут: довлеет. (Sheol h7585) 17 Око ругающееся

отцу и досаждающее старости матери, да исторгнут е вранове от дебрия и да снедят е птенцы орли. 18 Три ми суть невозможная уразумети, и четвертаго не вем: 19 следа орла паряща (по воздуху) и пути змия (ползуща) по камени, и стези корабля пловуща по морю и путий мужа в юности (его). 20 Таков путь жены блудницы: яже егда сотворит, и измывшия, ничтоже, рече, содеях нелепо. 21 Треми трясется земля, четвертаго же не может понести: 22 аще раб воцарится, и безумный исполнится пищею, и раба аще изженет свою госпожу, 23 и мерзкая жена аще ключится добру мужу. 24 Четыри же суть малейшая на земли, сия же суть мудрейша мудрых: 25 мравие, имже несть крепости и уготовляют в жатву пищу: 26 и хирогрилли, язык не крепок, иже сотвориша в камених домы своя: 27 безцарни суть прузие, и воюют от единаго повеления благочинно: 28 ящерица, руками опирающися и удобь уловляема сущи, живет во твердех царевых. 29 Три суть, яже благопоспешно ходят, четвертое же, еже добре проходит: 30 скимен львов крепча зверей, иже не отвращается, ни устрашается скота, 31 и петель ходя в кокошех благодушен, и козел предводитель стаду, и царь глаголяй к народу во языце. 32 Аще вдаси себе в веселие и простреши руку твою со сваром, поруган будеш. 33 Мельзи млеко, и будет масло. Аще ли ноздри чешеши, изыдет кровь: аще же извлечеши словеса, изыдут судове и тяжбы.

31 Моя словеса рекошася от Бога, царево пророчество, егоже наказа мати его: 2 что, чадо, (соблюдиши,) что речение Божие? Первородне, тебе глаголю, сыне: что, чадо моего чрева? Что, чадо моих молитв? 3 Не даждь женам твоего богатства и твоего ума и жития в последний совет. 4 С советом все твори, с советом пий вино: сильнии гневливи суть, вина да не пиют, 5 да напившиеся не забудут мудрости и право судити немощным не возмогут. 6 Дадите сикера сущым в печалех и вино пить сущым в болезнех, 7 да забудут убожества и болезней не воспомянут кому. 8 Сыне, отверзай уста твоя слову Божиу и суди вся здраво: 9 отверзай уста твоя и суди праведно, разсуждай же убога и немощна. 10 Жену доблю кто обрящет, дражайши есть камения многоценнаго таковая: 11 дерзает на ню сердце мужа ея: таковая добрых корыстей не лишится: 12 делает бо мужу своему благая во все житие: 13 обретши волну и лен, сотвори благопотребное руками своима. 14 Бысть яко корабль куплю дея, издалеча собирает себе богатство: 15 и востает из нощи, и даде брашна дому и дела рабыням.

16 Узревши село купи, от плодов же рук своих насади стяжение. 17 Препоясавши крепко чресла своя, утвердит мышцы своя на дело, 18 и вкуси, яко добро есть делати, и не угасает светилник ея всю нощь. 19 Лакти своя простирает на полезная, руце же свои утверждает на вретено, 20 и руце свои отверзает убогому, длань же простре нищу. 21 Не печется о сущих в дому муж ея, егда где замедлит: вси бо у нея одеяни суть. 22 Сугуба одеяния сотвори мужу своему, от виссона же и порфиры себе одеяния. 23 Славен бывает во вратах муж ея, всегда аще сядет в сонмищи со старейшины жительми земли. 24 Плащаницы сотвори и продаде Финикианом, опоясания же Хананеом. 25 Уста своя отверзе внимателно и законно и чин заповеда языку своему. 26 Крепостию и лепотою облечеся, и возвеселися во дни последния. 27 Тесны стези дому ея, брашна же леностнаго не яде. 28 Уста своя отверзе мудро и законно. 29 Милостыня же ея возстави чада ея, и обогатишася: и муж ея похвали ю: 30 многи дщери стяжаша богатство, многи сотвориша силу: ты же предуспела и превознеслася еси над всеми: 31 ложнаго угождения и суетныя доброты женския несть в тебе: жена бо разумная благословена есть: страх же Господень сия да хвалит. Дадите ей от плодов устен ея, и да хвалимъ будет во вратах муж ея.

Книга Екклезиаста

1 Глаголы Екклезиаста, сына Давида, царя Израилева во Иерусалиме. 2 Суeta суетствий, рече Екклезиаст, суeta суетствий, всяческая суeta. 3 Кое изюбилие человеку во всем труде его, имже трудится под солнцем? 4 Род преходит и род приходит, а земля во век стоит. 5 И восходит солнце и заходит солнце и в место свое влечется, сие возсиявая тамо. 6 Идет к югу и обходит к северу, обходит окрест, идет дух и на круги своя обращается дух. 7 Вси потоцы идут в море, и море несть насыщаемо: на место, аможе потоцы идут, тамо тии возвращаются ити. 8 Вся словеса трудна, не возможет муж глаголати: и не насытится око зреши, ни исполнится ухо слышания. 9 Что было, тожде есть, еже будет: и что было сотвореное, тожде имать сотворитися: 10 и ничтоже ново под солнцем. Иже возглаголет и речет: се, сие ново есть: уже бысть в вецах бывших прежде нас. 11 Несть память первых, и последним бывшим не будет их память с будущими на последок. 12 Аз Екклезиаст бых царь над Израилем во Иерусалиме 13 и вдах сердце мое, еже взыскати и разсмотрити в мудрости о всех бывающих под небесем: яко попечение лукаво даде Бог сыном человеческим, еже упраждятися в нем. 14 Видех всяческая сотворения сотворенная под солнцем: и се, вся суетство и произволение духа. 15 Развращенное не может исправитися, и лишение не может изчислиться. 16 Глаголах аз в сердцы моем, еже реши: се, аз возвеличхся и умнохих мудрость паче всех, иже быша прежде мене во Иерусалиме, 17 и сердце мое вдах, еже ведети премудрость и разум: и сердце мое виде многая, премудрость и разум, притчи и хитрости: уразумех аз, яко и сие есть произволение духа: 18 яко во множестве мудрости множество разума, и приложивый разум приложит болезнъ.

2 Рекох аз в сердцы моем: прииди убо, да тя искушу в веселии, и виждь во блазе: и се, такожде сие суетство. 2 Смеху рекох: погрешение, и веселию: что сие твориши? 3 И разсмотрих, аще сердце мое повлечет аки вино плоть мою: и сердце мое настави мя в мудрости, и еже удержати веселье, дондеже увижу, кое благо сыном человеческим, еже творят под солнцем в число дній живота своего. 4 Возвеличих творение мое: создах ми домы, насадих ми винограды, 5 сотворих ми вортограды и сады и насадих в них древес всякаго плода, 6 сотворих ми купели водныя, еже напаяти от них прозябение древес: 7 притяжах рабы

и рабыни, и домочадцы быша ми: и стяжение скота, и стад много ми бысть, паче всех бывших прежде мене во Иерусалиме: 8 собрах ми злато и сребро и имения царей и стран, сотворих ми поющих и поющыя, и услаждения сынов человеческих, виночерпцы и виночерпицы. 9 И возвеличхся, и приложихся мудрости паче всех бывших прежде мене во Иерусалиме: и мудрость моя пребыть со мною. 10 И все, егоже просиста очи мои, не отях от них и не возбраних сердцу моему от всякаго веселия моего, яко сердце мое возвеселися во всяцем труде моем. И сие бысть часть моя от всего труда моего. 11 И призрех аз на вся творения моя, яже сотвористе руце мои, и на труд, имже трудихся творити. И се, вся суeta и произволение духа, и несть изюбилие под солнцем. 12 И призрех аз видети мудрость, лесть и безумие: яко кто человек, иже пойдет вслед совета, елика сотвори в нем? 13 И видех аз, яко есть изюбилие мудрости паче безумия, якоже изюбилие света паче тмы: 14 мудраго очи его во главе его, а безумный во тме ходит: и уведех и аз, яко случай един случится всем им. 15 И рех аз в сердцы моем: якоже случай безумнаго, и мне случится: и вскую умудрихся? Аз тогда излишне глаголах в сердцы моем, яко и сие суeta, понеже безумный от избытка глаголет: 16 яко несть памяти мудраго с безумным во век, зане уже во днех грядущих вся забвена быша: и како умрет мудрый с безумным? 17 И возненавидех живот, яко лукавно мне сотворение сотворенное под солнцем: понеже всяческая суeta и произволение духа. 18 И возненавидех аз всяческая міра и труд мой, имже аз тружаюся под солнцем, яко оставляю его человеку будущему по мне. 19 И кто весть, мудр ли будет или безумен? И обладати ли имать всем трудом моим, имже трудихся и имже мудрствовах под солнцем? И сие же суeta. 20 И обратихся аз отрещися сердцу моему о всем труде, имже трудихся под солнцем: 21 яко есть человек, егоже труд в мудрости и в разуме и в мужестве: и человек, иже не потрудися о нем, даст ему часть свою. И сие суeta и лукавство велие. 22 Яко бывает человеку во всем труде его и в произволении сердца его, имже той труждается под солнцем, 23 яко вси дніе его болезней и ярости попечение ему, ибо в нощи не спит сердце его. И сие же суeta есть. 24 Несть благо человеку, но (разве) еже яст и пиет и еже покажет души своей благо в труде своем: и сие видех аз, яко от руки Божия есть: 25 яко кто яст и пиет кроме Его? 26 Яко человеку благу пред лицем Его даде мудрость и разум и веселье, согрешающему же даде попечение, еже прилагати и сибирати, во еже

дати благому пред лицем Божиим: яко и сие суета и произволение духа.

3 Всем время и время всяцей вещи под небесем: 2 время раждати и время умирати, время садити и время исторгати сажденое, 3 время убивати и время целити, время разрушати и время созидати, 4 время плакати и время смеятися, время рыдати и время ликовати, 5 время разметати камение и время собирати камение, время обымати и время удалятися от обымания, 6 время искати и время погубляти, время хранити и время отречти, 7 время раздрати и время сшити, время молчати и время глаголати, 8 время любити и время ненавидети, время брани и время мира. 9 Кое изюбилие творящаго, в нихже сам трудится? 10 Видех попечение всяческое, еже даде Бог сыном человеческим, еже пещися в нем. 11 Всяческая, яже сотвори, добра (суть) во время свое, ибо всякий век дал есть в сердце их, яко да не обрятет человек створения, еже сотвори Бог от начала и даже до конца. 12 Уразумех, яко несть благо в них, но токмо еже веселитися и еже творити благо в животе своем: 13 ибо всякий человек, иже яст и пиет и видит благое во всем труде своем, сие даяние Божие есть. 14 Разумех, яко вся, елика сотвори Бог, сия будут во век: к тем несть приложити и от тех несть отяти, и Бог сотвори, да убоятся от лица Его: 15 бывшее уже есть, и елика имут быти, уже быша, и Бог взыщет гонимаго. 16 И еще видех под солнцем место суда, тамо нечестивый, и место праведнаго, тамо благочестивый. 17 И рех аз в сердцы моем: праведнаго и нечестиваго судит Бог: яко время всяцей вещи и на всяцем створении тамо. 18 Рех аз в сердцы моем о глаголании сынов человеческих, яко разсудит их Бог: и еже показати, яко сии скоти суть: 19 ибо и тем яко же случай сынов человеческих и случай скотский, случай един им: яко же смерть того, тако и смерть сего, и дух един во всех: и что излишне имать человек паче скота? Ничтоже: яко всяческая суета. 20 Вся идут во едино место: вся быша от персти и вся в персть возвращаются. 21 И кто весть дух сынов человеческих, аще той восходит горе? И дух скотский, аще низходит той долу в землю? 22 И видех, яко несть благо, но токмо еже возвеселится человек в творениях своих, яко сия часть его: понеже кто приведет его видети то, еже будет по нем?

4 И обратихся аз и видех вся оклеветания бывающая под солнцем: и се, слезы оклеветанных, и несть им утешающаго, и от руки клевещущих на ня крепость, и несть им утешающаго. 2 И похвалих аз всех умерших,

иже умроша уже, паче живых, елицы живи суть доселе: з и благ паче обоих сих, иже еще не бысть, иже не виде всякаго створения лукаваго створенного под солнцем. 4 И видех аз весь труд и всяко мужество створения, яко сие ревность мужа от подруга своего. И сие суета и произволение духа. 5 Безумный объят руце свои и снеде плоти своя. 6 Благо есть исполнение горсти покоя, паче исполнения двою горстю труда и произволения духа. 7 И обратихся аз и видех суетство под солнцем: 8 есть един, и несть втораго, ни сына, ниже брата несть ему, и несть конца всему труду его, ниже око его насыщается богатства. И кому аз труждаюся и лишаю душу мою от благостыни? И сие суета и попечение лукавно есть. 9 Блази два паче единаго, имже есть мзда блага в труде их: 10 яко аще падется един от них, воздвигнет другой причастника своего: и горе тому единому, егда падет и не будет втораго воздвигнути его. 11 И аще уснета два, тепло има будет, а един како согреется? 12 И аще укрепится един, два станета противу ему: и веръя треплетена не скоро расторгнется. 13 Благ отрок ниць и мурд, паче стара царя и безумна, иже не разуме внимати еще: 14 яко из дому юзников изыдет царствовати, понеже и в царстве своем родися ниць. 15 Видех всех живущих, ходящих под солнцем, с юным вторым, иже востанет вместо его. 16 Несть конца всем людем, всем, иже пред ними быша, ибо последни не возвеселятся о нем: яко и сие суета и произволение духа.

5 Сохрани ногу твою, егда аще идеш в дом Божий, и близ (буди) еже слушати: паче даяния безумных жертв твоя, понеже не ведят, яко творят зло. 2 Не скор буди усты твоими, и сердце твое да не ускоряет износити слово пред лицем Божиим, яко Бог на небеси горе, ты же на земли долу: сего ради да будут слова твоя мала: з яко приходит соние во множестве попечения, тако и глас безумнаго во множестве словес. 4 Аще обещаеш обет Богу, не умели отдать его, яко несть хотения в безумных: ты убо, елика аще обещаеш, отдашь. 5 Благо тебе еже не обещаватися, нежели обещавшуся тебе, не отдать. 6 Не даждь устнам твоим еже во грех ввести плоть твою, и да не речеши пред лицем Божиим, яко неведение есть: да не прогневается Бог о гласе твоем и растлит творения рук твоих: 7 яко во множестве соний и суетствия, (тако) и словеса многа, темже Бога бойся. 8 Аще обиду нищаго и расхищение суда и правды увидиши во стране, не дивися о вещи: яко высокий над высоким надзиратель, и высоки над ними, 9 и изюбилие земли над всем есть

царь села возделанна. 10 Любяй сребро не насытится сребра: и кто насладится во множестве его плода? И сие суета. 11 Во множестве блага умножиша ядущи е: и кое мужество имущему е? Яко начало еже видети очима своима. 12 Сон сладок работающему, аще мало или много снести: а насытившагося богатство не оставляет уснути. 13 Есть недуг, егоже видех под солнцем, богатство хранимо от стяжателя во зло ему: 14 и погибнет богатство оно в попечении лукавне: и роди сына, и несть в руце его ничтоже: 15 якоже изыде из чрева матере своея наг, возвратится ити, якоже и прииде, и ничтоже возмет от труда своего, да понесет в руце своей. 16 И сие зол недуг: якоже бо прииде, тако и отидет, и кая польза ему, яко трудится на ветр? 17 Ибо вси дни его во тме и плачи и в ярости мнозе, и в недузе и во гневе. 18 Се, видех аз благое, еже есть изрядно, еже ясти и пити и видети благостыню во всем труде своем, имже трудился бы под солнцем, в число дний живота своего, яже дал есть ему Бог, яко сие часть его: 19 ибо всякому человеку, ему же дал есть Бог богатство и имения, и власть даде ему ясти от того и прияти часть свою и возвеселитися о труде своем, сие дар Божий есть: 20 яко не много памятствовати имать дни живота своего, понеже Бог облагает его попеченьми в веселии сердца его.

6 Есть лукавствие, еже видех под солнцем, и много есть над человеком: 2 муж, ему же даст Бог богатство и имение и славу, и несть лишаяй души своей от всех, ихже вожделеет, и не даст ему Бог власти от него ясти, яко чуждъ муж ясти имать от него. И сие суета и недуг зол есть. 3 Аще родит муж сто (чад) и лета многа поживет, и мнози будут дни лет его, и душа его не насытится от благостыни, и погребения не бысть ему, рех: блага паче его изверг, 4 яко в суете прииде и во тму идет, и во тме имя его покрытся: 5 и солнца не виде, ниже разуме, покой сему паче того: 6 и поживе тысячу лет сугубо, и благостыни не виде: еда не во едино место вся идут? 7 Весь труд человечь во уста его, и душа его не исполнится. 8 Яко кое изубилие (человеку) мудрому паче безумнаго? Понеже ниць позна ходити противу живота. 9 Благо видение очио паче ходящаго душою. И се существо и произволение духа. 10 Аще что бысть, уже именовася имя его, и познася, еже есть человек и не возможет судитися с крепчайшим паче себе: 11 яко суть словеса многа умножающая суету. 12 Что излишне человеку, яко кто весть, что благо человеку в животе (его)

число дний живота суетства его? И сотвори я в сени: яко кто возвестит человеку, что будет по нем под солнцем?

7 Блага имя паче елеа блага, и день смертный паче дня рождения его. 2 Блага ходити в дом плача, нежели ходити в дом пира, понеже сие конец всякому человеку, и живый даст благо в сердцы его. 3 Блага ярость паче смеха, яко во злобе лица ублажится сердце. 4 Сердце мудрых в дому плача, а сердце безумных в дому веселия. 5 Блага еже слышати прещение премудра, паче мужа слышащаго песнь безумных: 6 якоже глас терния под котлом, тако смех безумных. И сие суета. 7 Яко клевета льстит мудраго и погубляет сердце благородствия его. 8 Блага последняя словеса паче начала его: блага терпеливый паче высокаго духом. 9 Не тщися в дuse своем яритися, яко ярость в недре безумных почиет. 10 Да не речеши: что бысть, яко дни преждни беша блази паче сих? Яко не в мудрости вопросил еси о сем. 11 Блага мудрость с наследием, паче же видящым солнце: 12 яко в сени его мудрость, якоже сень сребра, и изубилие разума премудрости оживляет, иже от нея. 13 Виждь творения Божия: яко кто может украсити, егоже аще Бог превратит? 14 В день благостыни (Его) живи во блазе и виждь в день зла: виждь, и с ним согласно сие сотвори Бог, о глаголании, да не обрящет человек за Ним ничтоже. 15 Всяческая видех во днех суетства моего: есть праведный погибаяй во своей правде, и есть нечестивый пребываяй во своей злобе. 16 Не буди правдив вельми, ни мудрися излишне, да не когда изумишися. 17 Не нечестивъ много и не буди жесток, да не умреши не во время свое. 18 Блага ти есть держатися сего, и от сего не оскверни руки твои, яко боящымся Бога поспешатся вся. 19 Премудрость поможет мудрому паче десяти обладающих во граде: 20 яко несть человек праведен на земли, иже сотворит благое и не согрешит. 21 И во вся словеса, яже возглаголют нечестивии, не вложи сердца своего, да не услышши раба своего кленуща тебе: 22 яко многажды возлукавнет на тя, и обхождении многими озлобит сердце твое, якоже и ты клял еси иныя (многия). 23 Вся сия искусих в мудрости: рех, умудрюся: и сия удалися от мене 24 далече паче неже бех, и бездны глубина, кто обрящет ю? 25 Обыдох аз, и сердце мое, еже разумети, еже разсмотрити, и еже взыскати мудрость и разум, и еже разумети нечестиваго безумие и ожесточение и лесть: 26 и обретох аз ю, и реку горчайшу паче смерти жену, яже есть ловитва, и сети сердце ея, узы в руку ея: благий пред лицем

Божиим изимется от нея, а согрешаяй ят будет от нея. 27 Се, сие обретох, рече Екклесиаст: едину единою еже обрести помысл, еже взыска душа моя, и не обретох: 28 и человека единаго от тысячи обретох, а жены во всех сих не обретох: 29 обаче се, сие обретох, еже сотвори Бог человека праваго, и сии взыскаша помыслов многих.

8 Кто уведе мудрость? И кто весть разрешение глагола?

Мудрость человека просветит лицо его, а безстудный возненавиден будет лицем своим. 2 Уста царева сохрани, и о словеси клятвы Божия не скор буди. 3 От лица его пойдеши, не стани во словеси лукавне, яко все, еже (аще) восходит, сотворит, 4 яко же царь обладаяй, и кто речет ему: что твориши? 5 Храняй заповедь не увесь глагола лукавна: и время суда весть сердце мудраго, 6 яко всяцей вещи есть время и суд: яко разум человека мног (есть) на нем, 7 яко несть ведящаго, что будущее: зане яко же будет, кто возвестит ему? 8 Несть человека владущаго духом, еже воззранити духу: и несть владущаго в день смерти, и несть посла в день брани: и не спасет нечество сущаго в нем. 9 И все сие видех, и вдах сердце мое во все створение, еже сотворено есть под солнцем, вся, во еликих обладан есть человек над человеком, еже озлобити его. 10 И тогда видех нечестивыя во гробы внесены, и от святаго: и идоша и похвалени быша во граде, яко сице сотвориша. И сие суeta. 11 Яко несть пререкания бывающаго творящим лукавое вскоре: сего ради уверися сердце сынов человеческих в них, еже сотворити лукавое. 12 Иже согреши, сотворил есть лукавое, оттоле, и от долготы их: ибо и вем аз, яко есть благо боящимся Бога, да боятся от лица Его, 13 и не будет благо нечестивому, и не продолжит дний в сени, иже несть боялся от лица Божия. 14 Есть суeta, яже сотворена есть на земли: яко суть праведнии, на нихже постизает яко творение нечестивых, и суть нечестивии, на нихже постизает яко творение праведных. Рех, яко и сие суeta. 15 И похвалих аз веселье, яко несть благо человеку под солнцем, но токмо еже ясти и пити и еже веселитися: и то прибыток ему в труде его во днех живота его, ихже дал есть ему Бог под солнцем. 16 В нихже дах сердце мое, еже разумети мудрость и еже ведети попечение сотвореное на земли: яко и во дни и в нощи сна во очию своею несть видяй. 17 И видех вся творения Божия, яко не может человек изобрести творение сотвореное под солнцем: елика аще потрудится человек обрести, и не обрящет: и елика аще речет

мудрый уразумети, не возможет обрести. Темже все сие вдах в сердце мое, и сердце мое все сие виде.

9 Яко праведни и мудрии и делания их в руце Божией,

и любве же и ненависти несть ведяй человек: вся пред лицем их, суeta во всех. 2 Случай един праведному и нечестивому, благому и злому, и чистому и нечистому, и жрущему и не жрущему: яко же благий, тако согрешаяй, яко же кленыйся, тако бояйся клятвы. 3 Сие лукаво во всяцем сотворенем под солнцем, яко случай един всем: и сердце сынов человеческих исполнися лукавствия, и прелесть в сердцах их и в животе их, и по сих к мертвым. 4 Понеже кто есть, иже приобщается ко всем живым? Есть надежда, яко пес живый, той благ паче льва мертваго. 5 Понеже живии разумеют, яко умрут, мертвии же не суть ведущии ничтоже: и ктому несть им мзды, яко забвена есть память их, 6 и любовь их и ненависть их и рвение их уже погибе, и части несть им ктому во веки во всяцем творении под солнцем. 7 Приди, яждь в веселии хлеб твой и пий во блазе сердцы вино твое, яко уже угодна Богу творения твоя. 8 Во всяко время да будут ризы твоя белы, и елей на главе твоей да не оскудеет. 9 И виждь житие с женою, юже возлюбил еси, во вся дни живота юности твоей, данныя ти под солнцем, вся дни суетствия твоего: яко сие часть твоя в животе твоем и в труде твоем, имже ты трудишися под солнцем. 10 Вся, елика аще обрящет рука твоя сотворити, яко же сила твоя, сотвори: зане несть створение и помышление и разум и мудрость во аде, аможе ты идеша тамо. (Sheol h7585) 11 Обратихся и видех под солнцем, яко ни легким течение, ниже сильным брань, ниже самому мудрому хлеб, ниже разумным богатство, ниже ведущым благодать: яко время и случай случится всем сим. 12 Яко убо не разуме человек времене своего: яко же рыбы уловлямы во мрежи зле, и аки птицы уловлямы в сети: яко же сия, уловляются сынове человечествии во время лукаво, егда нападет на ня внезапу. 13 И сие видех, мудрость под солнцем, и велика есть во мне: 14 град мал, и мужей в нем мало, и приидет на нань царь велик и окрест обляжет его, и соделает на него остроги велия, 15 и обрящет в нем мужа нищаго мудра, и сей спасет град мудростю своюю, и человек не воспомяну мужа нищаго онаго. 16 И рех аз: блага мудрость паче силы, и мудрость нищаго уничижена, и словеса его не суть послушаема. 17 Словеса мудрых в покой слышатся, паче клича обладающих в безумии. 18 Блага мудрость паче

орудий ратных: и согрешаяй един погубит благостыню многу.

10 Мухи умершыя згнояют елеа сладость: честно малое мудрости паче славы велики безумия. 2

Сердце мудраго одесную его, сердце же безумнаго ошуюю его: 3 и в путь егда безумный идет, сердце его лишается, и яже помышляет, вся безумие суть. 4 Аще дух владеющаго взыдет на тя, места твоего не остави: яко изцеление утолит грехи велики. 5 Есть лукавство, еже видех под солнцем, аки невольно изыде от лица владеющаго: 6 вдан безумный в высоты велики, а богатии во смиренных сядут: 7 видех рабов на конех, и князей идущих яко рабов на земли. 8 Копая яму впадет в ню, и раззоряющаго ограду угрызнет его змий. 9 Иземляй камение поболит от них, разсецаяй дрова беду приимет в них: 10 аще спадет сечиво, и сам лицем смятется: и силы укрепит, и изюбилие мужу мудрость. 11 Аще угрызнет змий не в шепте, и несть излишества обавающему. 12 Словеса уст премудраго благодать, устне же безумнаго потопят его: 13 начало словес уст его безумие, и последняя уст его прелесть лукава. 14 Безумный умножает словеса: не разуме человек, что бывшее и что будущее, что созади его, (и) кто возвестит ему? 15 Труд безумных озлобит их, иже не разуме ити во град. 16 Горе тебе, граде, в немже царь твой юн, и князи твои рано ядят. 17 Блаженна ты, земле, еяже царь твой сын свободных, и князи твои во времяя ядят в силе и не постыдятся. 18 В леностех смирится строп, и в празднестве рук прокаплет храмина. 19 Во смех творят хлеб и вино и елей, еже веселитися живущым: и сребра со смирением послушают всяческая. 20 И в совести убо твоей не клени царя, и в клети ложницы твою не клени богатаго: яко птица небесная донесет глас твой, и имеяй криле возвестит слово твое.

11 Посли хлеб твой на лице воды, яко во множестве дний обрящеши его. 2 Даждь часть седмим и осмим, яко не веси, что будет лукаво на земли. 3 Аще исполнятся облацы дождя, на землю изливают: и аще падет древо на юг, и аще на север, на месте, идеже падет древо, тамо будет. 4 Блюдый ветра не сеет, и сматряя во облацах не пожнет. 5 В нихже несть ведый, кии путь духа, яко же кости во чреве раждающия: тако не уразумеши дел Божиих, елика сотворит всяческая. 6 В заутрии сей семя твое, и в вечер да не оставляет рука твоя: яко не веси, кое произыдет сие или оно, и аще обоя вкупе благая. 7 И сладко свет, и благо очима зрети солнце: 8 яко аще и

многа лета поживет человек, и о всех сих возвеселится, и помянет дни тмы, яко мнози будут: все грядущее суета. 9 Веселися, юноше, во юности твоей, и да ублажит тя сердце твое во днех юности твоей, и ходи в путех сердца твоего непорочен и не в видении очию твою: и разумей, яко о всех сих приведет тя Бог на суд: 10 и отстави ярость от сердца твоего, и отрини лукавство от плоти твоей: яко юность и безумие суета.

12 И помяни Сотворшаго тя во днех юности твоей, дондеже не приидут днне злобы твоей, и приспелот лета, в нихже речеши: несть ми в них хотения: 2 дондеже не померкнет солнце и свет, и луна и звезды, и обратятся облацы созади дождя: 3 в день, в онъже подвигнутся стражие дому, и развратятся мужие силы, и упразднятся мелюзии, яко умалишася, и помрачаться зрящии во скважнех: 4 и затворят двери на торжищи, в немощи гласа мелюзия, и востанет на глас птицы, и смирятся вся дщери песни: 5 и на высоту узрят, и ужас на пути, и процветет амидгал, и отолстеют прузие, и разрушится каппарис: яко отиде человек в дом века своего, и обыдоша на торжищи плачущии: 6 дондеже не превратится уже сребряное, и не сокрушится повязка златая, и сокрушится водонос у источника, и сломится колесо в колии. 7 И возвратится персть в землю, яко же бе, и дух возвратится к Богу, иже даде его. 8 Суета суетствий, рече Екклесиаст, всяческая суета. 9 И лишшее, яко бысть Екклесиаст мудр, и яко научи разуму человека: и ухо исследит красоту притчей. 10 Много взыска Екклесиаст, еже обрести словеса хотения, и написаное правости, словеса истины. 11 Словеса мудрых яко же остыны воловии и яко же гвоздие вонзено, иже от сложений дани быша от пастьря единаго. 12 И множае от них, сыне мой, храниши: творити книги многи несть конца, и учение многое труд плоти. 13 Конец слова, все слушай: Бога бойся и заповеди Его храни, яко сие всяк человек: 14 яко все творение приведет Бог на суд о всяком погрешении, аще благо и аще лукаво.

Песнь песней Соломона

1 2 Да лобжет мя от лобзаний уст своих: яко блага сосца твоя паче вина, 3 и воня мира твоего паче всех аромат. Миро излияное имя твое: сего ради отроковици возлюбиша тя. 4 Привлекоша тя: вслед тебе в воню мира твоего течем. Введе мя царь в ложницу свою: возрадуемся и возвеселимся о тебе, возлюбим сосца твоя паче вина: правость возлюби тя. 5 Черна есмь аз и добра, дщери Иерусалимских, якоже селения Кидарска, якоже завесы Соломони. 6 Не зрите мене, яко аз есмь очернена, яко опали мя солнце: сынове матере моей сваряхуся о мне, положиша мя стражи в виноградех: винограда моего не сохраних. 7 Возвести ми, егоже возлюби душа моя, где пасеши? Где почиваши в полуудне? Да не когда буду яко облагающаяся над стады других твоих. 8 Аще не увеси самую тебе, добрая в женах, изыди ты в пятах пасть и паси козлища твоя у кущей пастырских. 9 Конем моим в колесницах фараоновых уподобих тя, ближняя моя. 10 Что украшены ланиты твоя яко горлицы, выя твоя яко монисты? 11 Подобия злата сотворим ти с пестротами сребра. 12 Дондже (будет) царь на восклонении своем, нард мой даде воню свою. 13 Вязание стакти брат мой мне, посреде сосцу моему водворится: 14 грезн кипров брат мой мне в виноградех Енгаддовых. 15 Се, еси добра, искрення моя, се, еси добра: очи твои голубине. 16 Се, еси добр, брат мой, и еще красен: одр наш со осенением, 17 преклади дому нашего кедровии, дски наша кипарисныя.

2 Аз цвет польный и крин удольный. 2 Якоже крин в тернии, тако искрення моя посреде дщерей. 3 Яко яблонь посреде древес лесных, тако брат мой посреде сынов: под сень его восхотех и седох, и плод его сладок в гортани моем. 4 Введите мя в дом вина, вчините ко мне любовь: 5 утвердите мя в мирех, положите мя во яблочех: яко уязвлена (есмь) любовию аз. 6 Шуйца его под главою мою, и десница его оымет мя. 7 Заклях вас, дщери Иерусалимли, в силах и крепостех села: аще возставите и возбудите любовь, дондже восхощет. 8 Глас брата моего: се, той идет, скача на горы и прескача на холмы. 9 Подобен есть брат мой серне или млад еленю на горах вефильских. Се, сей стоит за стеною нашею, проглядай оконцами, приницая сквозе мрежи. 10 Отвещает брат мой и глаголет мне: востани, прииди,

ближняя моя, добрая моя, голубице моя. 11 Яко се, зима прейде, дождь отиде, отиде себе: 12 цвети явишася на земли, время обрезания приспе, глас горлицы слышан в земли нашей: 13 смоквь изнесе цвет свой, виногради зреюще даша воню. Востани, прииди, ближняя моя, добрая моя, голубице моя, и прииди. 14 Ты, голубице моя, в покрове каменне, близ предстяния: яви ми зрак твой, и услышан сотвори ми глас твой: яко глас твой сладок, и образ твой красен. 15 Имите нам лисы малья, губящыя винограды: и виногради наши созревают. 16 Брат мой мне, и аз ему, пасый в кринах, 17 дондже дхнет день, и движутся сени. Обратися, уподобися ты, брате мой, серне или младу елену на горах юдолий.

3 На ложи моем в нощех исках, егоже возлюби душа моя, исках его, и не обретох его: возвзвах его, и не послуша мене. 2 Востану убо и обыду во граде и на торжищих и на стогнах, и поищу, егоже возлюби душа моя. Поисках его, и не обретох его: звах его, и не послуша мене. 3 Обретоша мя стрегущии, обходяще во граде: видесте ли, егоже возлюби душа моя? 4 Яко мало егда преидох от них, дондже обретох, егоже возлюби душа моя: удержах его, и не оставил его, дондже введох его в дом матере моей и в чертог заченшия мя. 5 Заклях вас, дщери Иерусалимских, в силах и в крепостех селных: аще подвигнете и воздвигнете любовь, дондже аще восхощет. 6 Кто сия восходящая от пустыни, яко стебло дыма кадящее смиру и ливан, от всех благовоний мироварца? 7 Се, одр Соломонъ, шестьдесят сильных окрест его от сильных Израилевых, 8 вси имуще оружия, научени на брань: муж, оружие его на бедре его от ужаса в нощех. 9 Одр сотвори себе царь Соломон от древес Ливанских. 10 Столпы его сотвори сребряны и восклонение его злато: восход его багрян, внутрь его камение постлано, любовь от дщерей Иерусалимских. 11 Дщери Сиони, изыдите и видите в цари Соломоне в венце, имже венча его мати его в день обручения его и в день веселия сердца его.

4 Се, еси добра, ближняя моя, се, еси добра: очи твои голубине, кроме замолчания твоего: власи твои яко стада козиц, яже открышася от Галаада. 2 Зубы твои яко стада остиженых, яже изыдоша из купели, вся двоеплодны, и неродящия несть в них. 3 Яко вервь червлена устне твои, и беседа твоя красна: яко оброщение шипка ланиты твоя, кроме замолчания твоего. 4 Яко столп Давидов выя твоя, создан в Фаллиофе: тысяча щитов висит на нем, вся стрелы сильных. 5

Два сосца твоя яко два млада близнца серны, пасомая во кринах, 6 дондеже дхнет день, и подвигнутся сени. Пойду себе к горе смирней и к холму ливански. 7 Вся добра еси, ближняя моя, и порока несть в тебе. 8 Гряди от Ливана, невесто, гряди от Ливана: прииди и прейди из начала Веры, от главы Санира и Аермона, от оград львовых, от гор пардалеов. 9 Сердце наше привлекла еси, сестро моя невесто, сердце наше привлекла еси единственным от очию твою, единственным монистом выи твою. 10 Что удобреста сосца твоя, сестро моя невесто? Что удобреста сосца твоя паче вина, и воня риз твоих паче всех аромат? 11 Сот искапают устне твои, невесто, мед и млеко под языком твоим, и благовоние риз твоих яко благоухание Ливана. 12 Вертоград заключен сестра моя невеста, вертоград заключен, источник запечатлен. 13 Леторасли твоя сад шипков с плодом яблочным, кипри с нардами, 14 нард и шафран, трость и киннамон со всеми древами ливанскими, смирна, алой со всеми первыми мирами, 15 источник вертограда, и кладязь воды живы и истекающая от Ливана. 16 Востани, севере, и гряди, юже, и повей во вертограде моем, и да потекут ароматы мои.

5 Да снидет брат мои в вертоград свой и да яст плод овощий своих. Внидох в вертоград мой, сестро моя невесто: оымах смиру мою со ароматами моими, ядох хлеб мой с медом моим, пих вино мое с млеком моим. Ядите, ближнии, и пийте и упийтесь, братия. 2 Аз сплю, а сердце мое бдит: глас брата моего ударяет в двери: отверзи ми, сестро моя, ближняя моя, голубице моя, совершенная моя: яко глава моя наполнися росы, и власи мои капель нощных. 3 Совлекохся ризы моя, како облекуся в ню? Умых нозе мои, како оскверню их? 4 Брат мой посла руку свою сквозе скважню, и чрево мое вострепета от него. 5 Востах аз отверсти брату моему: руце мои искапаша смиру, персты мои смирны полны на руках заключения. 6 Отверзох аз брату моему: брат мой прейде. Душа моя изыде в слово его: взысах его, и не обретох его: звах его, и не послуша мене. 7 Обретоша мя стражие обходящии во граде: биша мя, язвиша мя, взяша верхнюю ризу от мене стражие стеннини. 8 Заклях вы, дщери Иерусалимских, в силах и в крепостех селных: аще обрящете брата моего, возвестите ему, яко уязвлена любовию аз есмъ. 9 Что брат твой паче брата, добрая в женах? Что брат твой от брата, яко тако закляла еси нас? 10 Брат мой бел и чермен, избран от тем: 11 глава его злато избранно, власы его кудрявы, черны яко вран: 12 очи его яко голубицы на исполнениих вод, измовени

во млеце, седящая в наполнениих (вод): 13 ланиты его аки фиалы аромат, прозябающия благовоние: устне его крины, каплющи смиру полну: 14 руце его обточены златы, наполнены фарисса: чрево его сосуд слоновый на камени сапфирове: 15 листа его столпи мраморовы, основани на степенех златых: вид его яко Ливан, избран яко кедрове: 16 гортань его сладость, и весь желание: сей брат мой и сей ближний мой, дщери Иерусалимли.

6 Камо отиде брат твой, добрая в женах? Камо уклонися брат твой? И взыщем его с тобою. 2 Брат мой сниде в вертоград свой, в места аромат, паствити в вертоградех и собирати крины. 3 Аз брату моему и брат мой мне, пасынк в кринах. 4 Добра еси, ближняя моя, яко благоволение, красна яко Иерусалим, ужас яко вчиненны. 5 Отврати очи твои от мене, яко тии воскрилиша мя: власи твои, яко стада коз, яже взыдоша от Галаада: 6 зубы твои, яко стада остроженных, яже взыдоша от купели, вся близната родящая, и безчадныя несть в них: яко вервь червлена устне твои, и беседа твоя красна: 7 яко оброщение шипка ланиты твоя, кроме замолчания твоего. 8 Шестьдесят суть цариц и осьмидесят наложниц, и юнот, имже несть числа: 9 едини есть голубица моя, совершенная моя: едини есть матери своей, избранна есть родившей ю: видеши ю дщери и ублажиша ю, царицы и наложницы, и восхвалиша ю. 10 Кто сия проницающая аки утро, добра яко луна, избранна яко солнце, ужас яко вчиненны? 11 В вертоград орехов снидох видети в плодех потока, видети, аще процвете виноград и возрастоша шипки. 12 Тамо дам сосца моя тебе: не разуме душа моя, положи мя на колеснице Аминадавли. 13 Обратися, обратися, суламитино, обратися, обратися, и узрим в тебе. Что увидите у Суламиты? Приходящая яко лики полков,

7 что украсиша стопы твоя во обутиих твоих, дщи Надавля? Чины бедру твою подобни усеряземь, делу рук художника: 2 пуп твой чаша источена, не лишаемая мста: чрево твое яко стог пшеницы, огражден в кринах: 3 два сосца твоя, яко два млада близнцы серны: 4 выя твоя яко столп слоновый: очи твои яко езера во Есевоне, во вратах дщерей многих: нос твой яко столп Ливанский, сматряй лицо Дамаска: 5 глава твоя на тебе яко Кармил (гора), и заплетение главы твоей яко багряница, царь увязан в преристаниих. 6 Что украсилася еси, и что уладилася еси, любы, во сладостех твоих? 7 Сие величество твое: уподобилася еси финику, и сосца твоя грезном. 8 Рекох: взыду на финик, удержу высоту его: и будут сосцы твои яко грезнове винограда,

и воня ноздрей твоих яко яблока: 9 и гортань твой яко вино благо, ходящее брату моему в правость, довольно устнам моим и зубом. 10 Аз брату моему, и ко мне обращение его. 11 Приди, брате мой, и взыдем на село, водворимся в селех: 12 урамим в винограды, увидим аще процвете виноград, процветоша ли овощие, процветоша ли яблока? Тамо дам тебе сосца моя. 13 Мандрагоры даша воню, и при дверех наших вси плоды новии: до ветхих, брате мой, соблюдох ти.

8 Кто даст тя, брате мой, ссуща сосцы матере моей?

Обретши тя вне целую тя, и кому не уничижат мене. 2 Пойму тя, введу тя в дом матере моей и в ложницу заченшия мя: тамо мя научиши: напою тя от вина с вонями строенаго, от воды яблок моих. 3 Шуйца его под главою мою, и десница его омыт мя. 4 Заклях вас, дщери Иерусалимских, в силах и в крепостех селных: аще подвигете и воздвигете любовь, дондеже аще восхощет. 5 Кто сия восходящая убелена и утверждаема о брате своем? Под яблонею возбудих тя: тамо роди тя мати твоя, тамо поболе тобою рождшая тя. 6 Положи мя яко печать на сердцы твоем, яко печать на мышце твоей: зане крепка яко смерть любы, жестока яко ад ревности: крила ея крила огня, (углие огненно) пламы ея. (Sheol h7585) 7 Вода многа не может угасити любве, и реки не потопят ея. Аще даст муж все имение свое за любовь, уничижением уничижат его. 8 Сестра наша мала и сосцу не имать: что сотворим сестре нашей в день, в онъже аще глаголатися будет ей? 9 Аще стена есть, соградим на ней забрала сребряна: и аще дверь есть, напишем на ней дску кедрову. 10 Аз стена, и сосцы мои яко столпи: аз бех во очию их аки обретающая мир. 11 Виноград бысть Соломону во Вееламоне: даде виноград свой стрегущым: муж принесет в плоде его тысячу сребреник. 12 Виноград мой предо мною: тысяща Соломону и двести стрегущим плод его. 13 Седай в вертоградех, и другие внемлющии гласу твоему: глас твой внуши мнe. 14 Бежи, брате мой, и уподобися серне или юнцу еленей, на горы ароматов.

Книга пророка Исаии

1 Видение, еже виде Исаиа сын Амосов, еже виде на Иudeю и на Иерусалим, в царство Озии и Иоафама, и Ахаза и Езекии, иже царствоваша во Иудеи. **2** Слыши, небо, и внуши, земле, яко Господь возглагола: сыны родих и возвысих, тии же отвергощася Мене. **3** Позна вол стяжавшаго и, и осел ясли господина своего: Израиль же Мене не позна, и людие Мои не разумеша. **4** Увы, язык грешный, людие исполнени грехов, семя лукавое, сынове беззаконни, оставиле Господа и разгневасте Святаго Израилева, отвратистесь вспять. **5** Что еще уязвляется, прилагающе беззаконие? Всякая глава в болезнь, и всякое сердце в печаль. **6** От ног даже до главы несть в нем целости: ни струп, ни язва, ни рана палящаяся: несть пластиря приложити, ниже елеа, ниже обвязания. **7** Земля ваша пуста, гради ваши огнем пожжени, страну вашу пред вами чуждии поядают, и опусте низвращена от людий чуждих. **8** Оставится дщерь Сиона яко куща в винограде и яко овощное хранилище в вортограде, яко град воюемый. **9** И аще не бы Господь Саваоф оставил нам семене, яко Содома убо были быхом, и яко Гоморру уподобилися быхом. **10** Услышите слово Господне, князи Содомстии: внемлите закону Божию, людие Гоморстии. **11** Что Ми множество жертв ваших, глаголет Господь? Исполнен есмь всесожжений овних и тука агнцев, и и крове юнцев и козлов не хощу. **12** Ниже приходите явитися Ми: кто бо изыска сия из рук ваших? Ходити по двору Моему не приложите. **13** И аще принесете Ми семидал, всуе: кадило мерзость Ми есть. **14** Новомесячий ваших и суббот и дне великаго не потерплю: поста и праздности, и новомесячий ваших и праздников ваших ненавидит душа Моя: бысте Ми в сътость, ктому не стерплю грехов ваших. **15** Егда прострете руки (вашя) ко Мне, отвращу очи Мои от вас: и аще умножите моление, не услышу вас: руки бо ваша исполнены крове. **16** Измыйтесь, (и) чисти будите, отимите лукавства от душ ваших пред очима Моима, престаните от лукавств ваших. **17** Научитесь добро творити, взыщите суда, избавите обидимаго, судите сиru и оправдите вдовицу, **18** и приидите, и истяжимся, глаголет Господь. И аще будут греси ваши яко багряное, яко снег убелю: аще же будут яко червленое, яко волну убелю. **19** И аще хощете и послушаете Мене, благая земли снесте: **20** аще же не хощете, ниже послушаете Мене, мечь вы пояст: уста бо Господня глаголаша сия. **21** Како бысть блудница град верный Сион полн суда? В

немже правда почиваше, ныне же (в нем) убийцы. **22** Сребро ваше неискушено, корчемницы твои мешают вино с водою. **23** Князи твои не покаряются, общницы татем, любяще дары, гоняще воздаяние, сирым не судящии и суду вдовиц не внимающии. **24** Сего ради тако глаголет Владыка Господь Саваоф: горе крепким во Израили: не престанет бо ярость Моя на противныя, и суд врагом Моим соторю: **25** и наведу руку Мою на тя, и разжегу в чистоту, непокаряющихся же погублю, и отиму всех беззаконных от тебе, и всех гордых смирю. **26** И приставлю судии твоя яко же прежде, и советники твоя яко от начала: и по сих наречешися град правды, мати градовом, верный Сион. **27** С судом бо спасется пленение его и с милостынею. **28** И сокрушатся беззаконни и грешницы вкупе, и оставилши Господа скончаются: **29** занеже постыдятся о идолех своих, ихже сами восхотеша, и посрамятся о садех своих, ихже возжелеша. **30** Будут бо яко теревинф отметнувый листвия (своя), и яко вертоград не имый воды. **31** И будет крепость их яко стебль изгребия, и делания их яко искры огненныея, и сожгутся беззаконни и грешницы вкупе, и не будет угашай.

2 Слово бывшее от Господа ко Исаии сыну Амосову о Иудеи и о Иерусалиме. **2** Яко будет в последния дни явлена гора Господня, и дом Божий на версе гор, и возвысится превыше холмов: и приидут к ней вси языцы. **3** И пойдут языцы мнози и рекут: приидите, и взыдем на гору Господню и в дом Бога Иаковля, и возвестит нам путь Свой, и пойдем по нему. От Сиона бо изыдет закон, и слово Господне из Иерусалима: **4** и судити будет посреде язык и изобличит люди многи: и раскуют мечы своя на орала и копия своя на серпы, и не возмет язык на язык меча, и не навыкнут ктому ратоватися. **5** И ныне, доме Иаковль, приидите, пойдем светом Господним. **6** Остави бо люди Своя, дом Иаковль: зане яко же из начала наполнися страна их волхвований, яко же иноплеменников, и чада многа иноплеменнича родишася им. **7** Наполнися бо страна их сребра и злата, и не бяше числа сокровищ их: и наполнися земля их коней, и не бяше числа колесниц их: **8** и наполнися земля мерзостей дел рук их, и поклонишася тем, яже соториша персты их: **9** и преклонися человек и смирися муж, и не претерплю им. **10** И ныне внидите в камение и скрытесь в землю от лица страха Господня и от славы крепости Его, егда востанет сокрушити землю. **11** Очи бо Господни высоки, человек же смирен: и смирится высота человеческая, и

возиесется Господь един в день оный. 12 День бо Господа Саваофа на всякаго досадителя и горделиваго, и на всякаго высокаго и величаваго, и смирятся: 13 и на всяк кедр Ливанский высоких и превознесенных и на всяк древо желудя Васанска, 14 и на всякую гору высокую и на всякий холм высокий, 15 и на всякий столп высок и на всякую стену высокую, 16 и на всякий корабль морский и на всяко видение доброты кораблей. 17 И смирятся всякий человек, и падется высота человеча, и вознесется Господь един в день оный. 18 И рукотвореная вся скрыт, 19 внесше в пещеры и в разселины камений и в вертепы земныя, от лица страха Господня и от славы крепости Его, егда востанет сокрушити землю. 20 В день бо оный изринет человек мерзости своя златыя и сребряныя, яже сотвориша, да покланяются суетным и нетопырем, 21 еже внити в вертепы твердаго камене и в разселины камений, от лица страха Господня и от славы крепости Его, егда востанет сокрушити землю. 22 Оставите (убо) вам человека, емуже есть дыхание в ноздрех его: яко в чем вменися сей?

3 Се, Владыка Господь Саваоф отимет от Иерусалима и от Иудеи крепкаго и крепкую, крепость хлеба и крепость воды, 2 исполнна и крепкаго, и человека ратника и судиу, и пророка и смотреливаго, и старца 3 и пятьдесятначалника, и дивнаго советника и премудраго архитектона и разумнаго послушателя. 4 И поставлю юноши князи их, и ругателие господствовати будут ими. 5 И нападати имут людие, и человек на человека, и человек на ближняго своего: приразится отроча к старцу, и безчестный к честному. 6 Яко имется человек брата своего, или домашняго отца своего, глаголя: ризу имаши, началовождь нам буди, и брашно мое под тобою да будет. 7 И отвещав в день оный речет: не буду твой началовождь, несть бо в дому моем ни хлеба, ни ризы: не буду началовождь людем сим. 8 Яко оставлен бысть Иерусалим, и Иудеа паде, и язык их со беззаконием, не покаряюща Господеви. 9 Сего ради ныне смирися слава их, и студ лица их противу ста им: грех же свой яко Содомский возвестиша и явиша. Горе души их, зане умыслиша совет лукавый на себе самих, 10 рекше: свяжем праведнаго, яко непотребен нам есть. Убо плоды дел своих снедят. 11 Горе беззаконному: лукавая бо приключатся ему по делом руку его. 12 Людие Мои, приставницы ваши пожинают вас, и истязающии обладают вами: людие Мои, блажащии вас льстят вы и стези ног ваших возмущают. 13 Но ныне устроится

Господь на суд и поставит на суд люди Своя: 14 Сам Господь на суд приидет со старейшины людий и со князи их. Вы же почто запалисте виноград Мой, и разграбление убогаго в домех ваших? 15 Почто вы обидите людий Моих и лицо убогих посрамляете? Глаголет Господь Саваоф. 16 Сия глаголет Господь: понеже вознесошася дщери Сиони и ходиша высокою выею и помизанием очес и ступанием ног, купно ризы влекущыя (по долу) и ногама купно играющыя: 17 и смирит Господь начальния дщери Сиони, и Господь откроет срамоту их. 18 В день он, и отимет Господь славу риз их и красоты их, и вплетения златая (на главе) и тресны ризныя, и луницы гравенныя 19 и срачицы тонкия, и красоту лица их и состроение красы славныя, 20 и обручи и перстни, и мониста и запястия и художния усерязи, 21 и багряницы и пребагряная, и утварь храмную 22 и светлая лаконская, и виссоны и синеты, и червленицы 23 и виссон со златом и синетою претыканы, и тончицы преиманы златом: 24 и будет вместо вони доброя смрад, и вместо пояса ужем препояшешися, и вместо украшения златаго, еже на главе, плешь имети будеши дел твоих ради, и вместо ризы багряныя препояшешися вретищем: 25 и сын твой добрейший, егоже любиши, мечем падет, и крепцы ваши мечем падут и смирятся: 26 и восплачутся хранилища утварей ваших, и останешися едини и о землю ударена будеши.

4 И имутся седмь жен за мужа единаго, глаголюща: хлебы наш ясти будем и в ризы наша одеватися, точию имя твое да наречется на нас, отими укоризну нашу. 2 В день оный возсияет Бог в совете со славою на земли, еже вознести и прославити останок Израиля. 3 И будет останок в Сионе и останок во Иерусалиме, святы нарекутся вси написанныи в жизнь во Иерусалиме: 4 яко отмыет Господь скверну сынов и дщерей Сионских и кровь Иерусалимску очистит от среды их духом суда и духом зноя. 5 И приидет Господь, и будет все место горы Сиони, и вся яже окрест ея осенит облак во дни, и яко дыма и света огненна горяща в нощи, всею славою покрытается: 6 и будет в сень от зноя и в покров и в сокровение от жестости и дождя.

5 Воспою ныне Возлюбленному песнь Возлюбленнаго моего винограду моему: виноград бысть Возлюбленному в розе, на месте тучне: 2 и ограждением оградих и окопах, и насадих лозу избранну, и создах столп посреде его, и предточлие ископах в нем, и ждах, да сотворит гроздие, и сотвори терние. 3 И ныне, живущии

во Иерусалиме и человече Иудин, судите между Мною и виноградом Моим. 4 Что соторю еще винограду Моему, и не соторих ему? Занеже ждах, да соторит гроздие, сотори же терние. 5 Ныне убо возвещу вам, что Аз соторю винограду Моему: отиму ограждение его, и будет в разграбление: и разорю стену его, и будет в попрание. 6 И оставлю виноград Мой, и ктому не обрежется, ниже покопается, и взыдеть на нем, якоже на лядине, терние: и облаком заповем, еже не одождти на него дождя. 7 Виноград бо Господа Саваофа, дом Израилев есть, и человек Иудин новый сад возлюбленный: ждах, да соторит суд, сотори же беззаконие, и не правду, но вопль. 8 Горе совокупляющим дом к дому и село к селу приближающим, да ближнему отимут что: еда вселитесь едини на земли? 9 Услышашася бо во ушесех Господа Саваофа сия: аще бо будут домове мнози, в запустение будут велицы и добрии, и не будут живущии в них: 10 идеже бо возорют десять супруг волов, соторит корчаг един, и сеяй артавас шесть соторит меры три. 11 Горе встающим заутра и сикер гонящим, ждущим вечера: вино бо сожжет я: 12 со гульми бо и певницами, и тимпаны и свирельми вино пиют, на дела же Господня не взирают и дел руку Его не помышляют. 13 Убо пленени быша людие мои, за еже не ведети им Господа, и множество бысть мертвых глада ради и жажды водныя. 14 И разшири ад душу свою и разверзе уста своя, еже не престати: и снидут славни и велицы и богатии и губительие их и веселяйся в нем: (Sheol h7585) 15 и смирится человек, и обезчестится муж, и очи высокоглядающии смирятся. 16 И вознесется Господь Саваоф в суде, и Бог Святый прославится в правде: 17 и упасутся расхищении яко юнцы, и пустыни плененных агнцы поядят. 18 Горе привлечающим грехи яко ужем долгим, и яко ига юнична ременем беззакония своя, 19 глаголяющим: скоро да приближатся, яже соторит, да видим, и да приидет совет Святаго Израилева, да разумеем. 20 Горе глаголяющим лукавое доброе, и доброе лукавое, полагающим тму свет, и свет тму, полагающим горькое сладкое, и сладкое горькое. 21 Горе, иже мудри в себе самих и пред собою разумни. 22 Горе крепким вашым, вино пиющим, и вельможам растворяющим сикер, 23 оправдающим нечестива даров ради, и еже есть праведное праведнаго вземлющим от него. 24 Сего ради якоже сгорит трость от углия огненного и сожжется от пламене разгоревшагося, корень их яко перст будет, и цвет их яко прах взыдеть: не восхотеша бо закона Господа Саваофа, но слово Святаго Израилева

раздражиша. 25 И возярится гневом Господь Саваоф на люди Своя, и наложи руку Свою на них, и порази их: и раздражиша горы, и быша трупи их яко гной посреде пути. И во всех сих не отвратися ярость Его, но еще рука Его высока. 26 Воздвигнет убо знамение во языщех сущих далече и позвиждет им от конец земли, и се, скоро легче грядут: 27 не взалчат, ни утрудятся, ни воздремлют, ни поспят, ни распояшут поясов своих от чресл своих, ниже расторгнутся ремени сапогов их: 28 ихже стрелы остры суть, и луцы их напряжени: копыта коней их яко тверд камень вменишася, колеса колесниц их яко буря. 29 Ярятся яко львове, и предсташа яко львичища: и имет, и возопиет яко зверь, и извержет, и не будет отемлющаго их. 30 И возопиет их ради в той день, яко шум моря волнующаяся: и воззрят на землю, и се, тма жестока в недоумении их.

6 И бысть в лето, в неже умре Озия царь, видех Господа седяща на престоле высоце и превознесенне, и исполнъ дом славы Его. 2 И Серафими стояху окрест Его, шесть крил единому и шесть крил другому: и двема убо покрываху лица своя, двема же покрываху ноги своя и двема летаху. 3 И взываху друг ко другу и глаголаху: Свят, Свят, Свят Господь Саваоф: исполнъ вся земля славы Его. 4 И взяся наддверие от гласа, имже вопияху, и дом наполнися дыма. 5 И рекох: о, окаянный аз, яко умилихся, яко человек сый и нечисты устне имый, посреде людий нечистия устне имущих аз живу: и Царя Господа Саваофа видех очима моими. 6 И послан бысть ко мне един от Серафимов, и в руце своей имяше угль горящъ, егоже клещами взят от олтаря, 7 и прикоснуся устнам моим и рече: се, прикоснуся сие устнам твоим, и отимет беззакония твоя и грехи твоя очистит. 8 И слыхаш глас Господа глаголюща: кого послю, и кто пойдет к людем сим? И рекох: се, аз есмь, посли мя. 9 И рече: иди и рцы людем сим: слухом услышите, и не уразумеете: и видяще узрите, и не увидите: 10 одебеле бо сердце людий сих, и ушима своима тяжко слышаша, и очи свои смежиша, да не когда узрят очима и ушима услышат, и сердцем уразумеют и обратятся, и изцелю я. 11 И рекох: доколе, Господи? И рече: дондеже опустеют гради, от еже ненаселеным быти, и домы, от еже ненаселеным быти, и домы от еже не быти человеком, и земля останется пуста. 12 И посем продолжит Бог человеки, и умножатся оставшияся на земли. 13 И еще на ней есть десятина, и паки будет в расхищение якоже теревинф и яко желудь, егда испадет из плюски своея: семя свято стояние его.

7 И быть во дни Ахаза сына Иоафамля, сына Озии, царя Иудина, взыде Расин царь Арамль, и Факей сын Ромелиев, царь Израилев, на Иерусалим, воевати на него, и не возмогша разорити его. **2** И возвестися в дому Давидове, глаголя: совещася Арам со Ефремом, и ужасеся душа его и душа людей его, якоже в дубраве древо ветром возколеблется. **3** И рече Господь ко Исаии: изыди во сретение Ахазу ты и оставыся Иасув сын твой, к купели горячаго пути села белилнича, **4** и речеши ему: блюди, еже молчати, и не бойся, ниже душа твоя да изнеможет от двою древу главень дымящихся сих: егда бо гнев ярости Моей будет, паки изцело. **5** Сын же Арамль и сын Ромелиев яко совещаста совет лукавый на тя, глаголюще: **6** взыдем во Иудею, и собеседовавше с ними отвратим я к нам и воцарим в ней сына Тавеилева: **7** сия же глаголет Господь Саваоф: не пребудет совет сей, ниже сбудется, **8** но глава Араму Дамаск, и глава Дамаску Расин: но еще шестьдесят и пять летъ, оскудеет царство Ефремово от людей, **9** глава же Ефремови Соморон, и глава Соморону сын Ромелиев: и аще не уверите, ниже имате разумети. **10** И приложи Господь глаголати ко Ахазу, рекий: **11** проси себе знамения от Господа Бога твоего во глубину, или в высоту. (Sheol h7585)

12 И рече Ахаз: не имам просити, ниже искушу Господа. **13** И рече (Исаия): слышите убо, доме Давидов: еда мало вам есть труд даяти человеком, и како даете Господеви труд? **14** Сего ради даст Господь Сам вам знамение: се, Дева во чреве зачнет и родит Сына, и наречеши имя Ему Еммануил: **15** масло и мед снесть, прежде неже разумети ему изволити злая, или избрати благое: **16** зане прежде неже разумети отрочати благое или злое, отринет лукавое, еже избрати благое, и оставится земля, еяже ты боишися, от лица двух царей. **17** Но наведет Господь на тя и на люди твоя и на дом отца твоего дни, иже еще не пришли, от дне в оньже отя Ефрема от Иуды, царя Ассирийска. **18** И будет в той день, позвигнет Господь мухам, яже владеют частию реки Египетския, и пчеле, яже есть во стране Ассирийстей: **19** и приидут вси и почют в дебрех страны и в пещерах каменных, и во вертепех и во всяцей разселине и во всяцем древе. **20** В день оный обриет Господь бритвою наятою об ону страну реки царя Ассирийска, главу и власы ног, и браду отимет. **21** И будет в той день, кормити будет человек юницу от волов и две овце: **22** и будет от множества творения млечнаго, масло и мед снесть всяк оставшийся на земли. **23** И будет в той день, всяко место, идеже аще будет тысяща лоз винограда, по тысячи сикль, в

лядину будет и в терние: **24** со стрелою и луком внидут тамо, яко лядиною и тернием будет вся земля: **25** и всяка гора оремая возорется, не найдет тамо страх: будет от лядины и от терния в паству овцам и в попрание волу.

8 И рече Господь ко мне: приими себе свиток нов велик и напиши в нем писалом человечим, еже скоро пленение соторити корыстей, приспе бо: **2** и свидетели мне сотори верны человеки, Урию иерея и Захарию сына Варахина. **3** И приступих ко пророчице, и во чреве зачат и роди сына. И рече Господь мне: нарцы имя ему: скоро плени, нагло расхити, **4** зане прежде неже разумети отрочати назвати отца или матери, примет силу Дамаскову, и корысти Самарийския пред царем Ассирийским. **5** И приложи Господь глаголати ко мне еще, глаголя: **6** понеже не восхотеша людие сии воды Силоамли текущия тисе, но восхотеша имети Рассона и сына Ромелиева царя над вами, **7** сего ради се, возводит Господь на вы воду реки сильну и многу, царя Ассирийска и славу его: и взыдет на всяку дебрь вашу, и обыдет всяку стену вашу, **8** и отимет от Иудеи человека, иже возможет главу воздвигнути, или могущаго что совершити: и будет полк его, во еже наполнити ширину страны Твою, с нами Бог! **9** Разумейте, языцы, и покарайтесь, услышите даже до последних земли: могущии, покарайтесь: аще бо паки возможете, паки побеждени будете, **10** и иже аще совет совещаете, разорит Господь, и слово, еже аще возглаголете, не пребудет в вас, яко с нами Бог. **11** Тако глаголет Господь: крепкою рукою не покаряются хождению пути людей сих, глаголюще: **12** да не когда рекут: жестоко: все бо, еже аще рекут людие сии, жестоко есть: страха же их не убоятесь, ниже возмятитесь. **13** Господа Сил, Того освятите, и Той будет тебе в страх. **14** И аще будеши уповая на Него, будет тебе во освящение, а не якоже о камень претыкания преткнешися, ниже яко о камень падения: домове же Иаковли в пругле, и в раздолии седящии во Иерусалиме. **15** Сего ради изнемогут в них мнози, и падут, и сокрушатся, и приближатся, и яти будут человечи в твердыни суще. **16** Тогда явлени будут печатлеющии закон, еже не учитися. **17** И речет: пожду Бога отвращшаго лице Свое от дому Иаковля и уповая буду Нань. **18** Се, аз и дети, яже ми даде Бог: и будут знамения и чудеса в дому Израилеве от Господа Саваофа, иже обитает на горе Сион. **19** И аще рекут к вам: изыщите чревоволшебников и от земли возглашающих, тщесловующих, иже от чрева глашают,

не язык ли к Богу своему взыщет? Что испытуют мертвяя о живых? 20 Закон бо в помощь даде, да рекут не якоже слово сие, заньже не леть дары даяти. 21 И приидет на вы жесток глад, и будет, егда взалчете, скорбни будете и зло речете князю и отечеству: 22 и воззрят на небо горе, и на землю низу призрят, и се, скудость тесна и тма, скорбь и теснота и тма, якоже не видети: и не оскудеет в тесноте сый даже до времене.

9 Сие прежде испий, скоро твори, страно Завулоня и земле Неффалимля, и прочии при мори живущии, и об ону страну Иордана, Галилеа языков. 2 Людие ходящии во тме видеша свет велий: живущии во стране и сени смертней, свет возсияет на вы. 3 Множайшии людие, яже извел еси, в веселии Твоем: и возвеселятся пред тобою, якоже веселящиися в жатву, и якоже веселятся делящи корысти. 4 Зане отятся ярем лежай на них, и жезл, иже на выи их: жезл бо истязующих разсыпа Господь, якоже в день, иже на Мадиама. 5 Яко всякую одежду собранну лестию и ризу с примирением отдадут, и восхсят, да быша огнем сожжены были. 6 Яко отроча родися нам, Сын, и дадеся нам, егоже начальство бысть на раме Его: и нарицаится имя Его: велика совета Ангел, Чуден, Советник, Бог крепкий, Владетельн, Князь мира, Отец будущаго века: приведу бо мир на князи, мир и здравие Ему. 7 И велие начальство Его, и мира Его несть предела на престоле Давидове и на царстве его, исправити е и заступити его в суде и правде, отныне и до века: ревность Господа Саваофа сотворит сия. 8 Смерть посла Господь на Иакова, и прииде на Израиля: 9 и уразумеют вси людие Ефремовы и живущии в Самарии, в досаждении и высоцем сердцы глаголюще: 10 плинфы падоша, но приидите, изсечем камение и посечем черничие и кедры, и созиждем себе столп. 11 И разрушит Бог встающыя на гору Сионю, и враги его разсыплет: 12 Сирию от восток солнца и Еллины от запада солнца, поядающыя Израиля всеми усты. Во всех сих не отвратися ярость Его, но еще рука Его высока. 13 И людие не обратишася, дондеже язвени быша, и Господа не взыскаша. 14 И отят Господь от Израиля главу и ошиб, велика и мала, во един день: 15 старца и чудящихся лицам, сие начало: и пророка учаща беззаконная, сей ошиб. 16 И будут блажащии людий сих льстяще, и льстят, яко да поглятят я. 17 Сего ради о юношах их не возвеселится Господь, и сирот их и вдовиц их не помилует: яко вси беззаконни и лукавии, и всякая уста глаголют неправду. Во всех сих не отвратися ярость Его, но еще рука Его высока. 18 И разгорится

яко огнь беззаконие, и яко троскот сухий пойден будет огнем, и разгорится в чащах дубравных и пояс, яже окрест холмов вся. 19 За ярость гнева Господня сгоре вся земля, и будут людие яко огнем пожжени: человек брата своего не помилует, 20 но уклонится на десно, яко взалчет, и снести от шуих, и не насытится человек ядый плоти мышцы своея: снести бо Манассий Ефремово, и Ефрем Манассино, яко вкупе повоюют Иуду. 21 Во всех сих не отвратися ярость (Его), но еще рука Его высока.

10 Горе пишущим лукавство: пишущи бо лукавство пишут, 2 уклоняюще суд убогих, восхищающе суд нищих людий Моих, яко быти им вдовице в расхищение и сироте в разграбление. 3 И что сотворят в день посещения? Скорбь бо вам отдалече приидет. И к кому прибегнете, да поможет вам? И где оставите славу вашу, 4 еже не впасти в пленение? И под убиенными падут. И во всех сих не отвратися гнев Его, но еще рука Его высока. 5 Горе Ассирием, жезл ярости Моей и гнев есть в руку их. 6 Гнев Мой послю на язык беззаконен, и своих людий повелю сотворити корысти и пленение, и попрати грады и положити я в прах. 7 Сей же не тако помысли и душою не тако возмн: но отступит ум его, и еже потребити языки не малы. 8 И аще рекут ему: ты ли еси един князь? 9 И речет: не взях ли страны, яже выше Вавилона и Халани, идеже столп создан, и взях Аравию и Дамаск и Самарии? 10 Якоже сия взях, и вся княжения возму. Возрыдайте, извяянная во Иерусалиме и в Самарии: 11 якоже бо сотворих Самарии и рукотворенным ея, тако сотворю и Иерусалиму и кумиром его. 12 И будет, егда скончает Господь вся творя в горе Сиони и во Иерусалиме, наведет на ум великий на князя Ассирийска и на высоту славы очию его. 13 Рече бо: крепостию руки моей сотворю, и премудростию разума (моего) отиму пределы языков, и силу их пленю, 14 и сотрясу грады населеня, и вселенную всю оыму рукою мою яко гнездо, и яко оставленя яица возму: и несть, иже убежит мене, или противу мне речет, и отверзет уста и глумит. 15 Еда прославится секира без секущаго ею? Или вознесется пила без влекущаго ю? Такоже аще кто возмет жезл, или древо: и не тако. 16 Но послет Господь Саваоф на твою честь безчестие, и на твою славу огнь горя возгорится. 17 И будет свет Израилев во огнь, и освятит его огнем горящим, и пояс яко сено вещество. 18 В той день угаснут горы и холми и дубравы, и пояс от души даже до плотей: и будет бежай, яко бежай от пламене горящага: 19 и оставльшиися от них будут в число, и отроча малое напишет я. 20 И будет в той день,

не приложится ктому останок Израилев, и спасеннии Иаковли не будут ктому уповающе на обидевшыя их, но будут уповающе на Бога Святаго Израилева истиною. 21 И обратится останок Иаковль к Богу крепкому. 22 И аще будут людие Израилевы яко песок морской, останок их спасется: 23 слово бо совершая и сокращая правдою, яко слово сокращено сотворит Господь во всей вселенней. 24 Сего ради сия глаголет Господь Саваоф: не бойтесь, людие Мои, от Ассириан, живущи в Сионе, яко жезлом поразит тя: язву бо наводит на тя, еже видети путь Египта. 25 Еще бо мало, и престанет гнев, ярость же Моя на совет их: 26 и воздвигнет Бог Сил на ня язву, яко язву Мадиамлю на месте Скорби, и ярость Его на путь иже к морю, на путь иже во Египет: 27 и будет в той день, отимется иго его от рамен твоего и страх его от тебе, и согнет иго от рамен ваших. 28 Приидет бо во град Аггай, и прейдет в Магеддо, и в Махмасе положит сосуды своя. 29 И минет дебрь, и приидет во Аггай: страх приимет Раму град Саулов, 30 побегнет дщерь Галимля, услышится в Лайсе, услышится во Анафофе. 31 И ужасеся Мадемина и живущи во Гивиме. 32 Утешайт днесь еже на пути пребыти: утешайт рукою гору дщерь Сионю, и холми, иже во Иерусалиме: 33 се Владыка Господь Саваоф смятет славныя со крепостию, и высоции укоризною сокрушаются, и высоцы смирятся, 34 и падут высоцы мечем, Ливан же с высокими падется.

11 И изыдет жезл из корене Иессеова, и цвет от корене его взыдет: 2 и почнет на нем Дух Божий, дух премудрости и разума, дух совета и крепости, дух ведения и благочестия: 3 исполнит его дух страха Божия: не по славе судити имать, ниже по глаголанию обличит, 4 но судит правою смиренному суд и обличит правостию смиренныя земли, и поразит землю словом уст Своих и духом устен убийт нечестиваго: 5 и будет препоясан правою о чреслех Своих и истину обвит по ребрам Своим: 6 и пастися будут вкупе волк с агнцем, и рысь почнет со козлищем, и телец и юнец и лев вкупе пастися будут, и отроча мало поведет я: 7 и вол и медведь вкупе пастися будут, и вкупе дети их будут, и лев аки вол ясти будет плевы: 8 и отроча младо на пещеры аспидов и на ложе изчадий аспидских руку возложит: 9 и не сотворят зла, ни возмогут погубити ни когоже на горе святей Мой: яко наполнился вся земля ведения Господня, аки вода многа покры море. 10 И будет в день оный корень Иессеов, и востай владети языки, на того языцы уповати будут: и будет покой его честь. 11

И будет в день оный, приложит Господь показати руку Свою, еже возревновати по останку пречему людий, иже аще останет от Ассириов и от Египта, и Вавилона и от Ефиопии, и от Еламитов и от Востоков солнца, и от Аравии и от островов морских. 12 И воздвигнет знамение в языки, и соберет погибшыя Израилевы, и расточенный Иудины соберет от четырех крил земли. 13 И отимется ревность Ефремова, и врази Иудины погибнут: Ефрем не возревнует Иуде, и Иуда не оскорбит Ефрема. 14 И полетят в кораблех иноплеменничих, море купно пленят, и сущих от Восток солнца, и Идумею: и на Мова первее руки возложат, сынове же Аммони первии покорятся. 15 И опустошил Господь море Египетское и возложит руку Свою на реку духом пресильным: и поразит на седьмь дебрий, якоже преходити ю во обувении: 16 и будет пропастье людем Моим оставшим во Египте, и будет Израилю, якоже в день, егда изыде от земли Египетская.

12 И речеши в день оный: благословлю и Тя, Господи, яко разгневался еси на мя, и отвратил еси ярость Твою (от мене), и помиловал мя еси. 2 Се, Бог мой спас мой, уповая буду на Него и не убоюся: зане слава моя и похвала моя Господь, и бысть ми во спасение. 3 И почерпите воду со веселием от источник спасения. 4 И речеши в день оный: хвалите Господа, воспойте имя Его, возвестите во языцех славная Его, поминайте, яко вознесеся имя Его. 5 Хвалите имя Господне, яко высокая сотвори: возвестите сия по всей земли. 6 Веселитесь и радуйтесь, живущи в Сионе, яко вознесеся Святый Израилев посреде тебе.

13 Видение на Вавилона, еже виде Исаиа сын Амосов. 2 На горе польней воздвигните знамение, вознесите глас им, не бойтесь, поущайте рукою, отверзите, князи. 3 Аз повелеваю, освященни суть: и Аз веду их, исполни идут исполнити ярость Мою радующеся, вкупе и укаряюще. 4 Глас языков многих на горах, подобен языков многих, глас царей и языков собравшихся: Господь Саваоф заповеда языку оружеборцу 5 приими от земли издалеча, от края основания небесе, Господь и оружеборцы Его, растлти всю вселенную. 6 Рыдайте: близ бо день Господень, и сокрушение от Бога приидет: 7 сего ради всяка рука разслабеет, и всяка душа человека убоится, 8 и смятутся послы, и болезни примут я яко жены раждающия: и поскорбят друг ко другу, и ужаснутся, и лице свое яко пламень изменят. 9 Се бо, день Господень грядет неизъельный, ярости и гнева, положити вселенную (всю) пусту и грешники погубити от нея. 10 Звезды бо

небесныя и орион и все украшение небесное света своего не дадят, и помрачится солнце возсиявающее, и луна не даст света своего. 11 И заповем всей вселенной злая и нечестивым грехи их, и погублю укоризну беззаконных и укоризну гордых смирю: 12 и будут оставшии честнii паче, нежели злато нежженое, и человек честен будет паче, нежели камень, иже от Суфира. 13 Разярится бо небо, и земля потрясется от оснований своих, за ярость гнева Господа Саваофа в день, в онъже приидет ярость Его. 14 И будут оставшии яко серна бежащая и яко овца заблудившая, и не будет собиряй, яко человеку в люди своя возвратитися, и человек во страну свою побегнет. 15 Иже бо аще пленится, поразится, и иже собрани суть, мечем падут. 16 И чада их пред ними разбият, и дома их пленят, и жены их поймут. 17 Се, Аз возбуждаю на вы Мидов, иже сребра не вменяют, ниже злата требуют: 18 стреляния юношеская сокрушат, и чад ваших не помилуют, ниже пощадят чад твоих очи их. 19 И будет Вавилон, иже нарицается славный от царя Халдейска, якоже разсыпа Бог Содому и Гоморру, 20 не населится в вечное время, и не внидут в онъже чрез многия роды, ниже пройдут его Аравляне, ниже пастуши почиют в нем. 21 И почиют тамо зверие, и наполняются домове шума, и почиют ту сирини, и беси тамо воспляшут, 22 и онокентавры тамо вселятся, и вогнездятся ежеве в домех их.

14 Скоро идет и не умудрит: и помилует Господь Иакова и изберет паки Израиля, и почиют на земли своей, и пришлец приложится к ним и приложится к дому Иаковлю, 2 и поймут их языцы и введут на место их, и наследят и умножатся на земли Божии в рабы и рабыни: и будут пленени пленившии я, и обладани будут обладавшии ими. 3 И будет в той день, упокоитя Господь от болезни и яности твоей и от работы жестокия, еюже работал еси им. 4 И примиши плач сей на царя Вавилонска и речеши в той день: како преста истязуя и преста понуждаяй? 5 Сокруши Бог ярем грешников, ярем князей, 6 поразив язык яростю, язвою неизъельною, поражай язык язвою яности, еюже не пощаде, почи уповающи. 7 Вся земля вопиет со веселием, 8 и древа ливанова возвеселишаася о тебе и кедр ливанский: отнележе ты уснул еси, не взыде посекаяй нас. 9 Ад доле огорчися, срет тя: восташа с тобою вси Исполини обладавшии землею, подвизавши от престолов своих всех царей языческих. (Sheol h7585) 10 Вси отвещают и рекут тебе: и ты пленен еси, якоже и мы:

и в нас вменен еси. 11 Сниде слава твоя во ад, многое веселие твое: под тобою постелют гнилость, и покров твой червь. (Sheol h7585) 12 Како спаде с небесе денница восходящая заутра? Сокрушия на земли посылаяй ко всем языком. 13 Ты же рекл еси во уме твоем: на небо взыду, выше звезд небесных поставлю престол мой, сяду на горе высоче, на горах высоких, яже к северу: 14 взыду выше облак, буду подобен Вышнему. 15 Ныне же во ад снедиши и во основания земли. (Sheol h7585) 16 Видевши тя удивяется о тебе и рекут: сей человек раздражая землю, потрясаяй цари, 17 положивый вселенную всю пусту и грады ея разсыпа, плененых не разреши. 18 Вси царие языков успоша в чести, кийждо в дому своем. 19 Ты же повержен будеши в горах, яко мертвец мерзкий со многими мертвеви изсеченными мечем, сходящими во ад. 20 Якоже риза в крови намочена не будет чиста, такожде и ты не будеши чист, зане землю Мою погубил еси и люди Моя избил еси: не пребудеши в вечное время, семя злое. 21 Уготови чада твоя на убийсне грехами отца твоего, да не востанут и наследят землю и наполнят землю ратьми. 22 И востану на ня, глаголет Господь Саваоф, и погублю имя их, и останок, и семя: сия глаголет Господь. 23 И положу Вавилона пуста, яко вогнездитися ехем, и будет ни во чюже: и положу и брения пропасть в пагубу. 24 Сия глаголет Господь Саваоф: якоже глаголах, тако будет, и якоже совещах, тако пребудет, 25 еже погубити Ассириан на земли Моеи и на горах Моих: и будут в попрание, и отимется от них ярем их, и слава их от рамен их отимется. 26 Сей совет, егоже совеща Господь на всю вселенную, и сия рука на вся языки вселенныя: 27 яже бо Бог Святый совеща, кто разорит? И руку Его высокую кто отвратит? 28 В лето, в неже умре Ахаз царь, бысть глагол сей: 29 не радуйтесь, вси иноплеменницы, сокрушия бо ярем биющаго вы: от семене бо змиини изыдуть изчадия аспидов, и изчадия их изыдуть змиини парящии: 30 и упасутся убозии им, нищии же человецы в мире почиют: и потребит гладом семя твое, и останок твой избет. 31 Восплачитеся, врата градов, да возопиут грады смятенини, иноплеменницы вси, зане дым от севера идет, и несть, иже пребудет. 32 И что отвещают царие языков? Яко Господь основа Сиона, и тем спасутся смиреннии людий Его.

15 Нощю погибнет Моавитска земля, нощю бо погибнет стена Моавитская. 2 Плачитеся о себе, погибнет бо и Дивон, идже требище ваше: тамо взыдете плакатися над Нававом Моавитским. Плачитеся, на всячей главе плеши, вся мышцы обсечены, 3 на

стогнах его препояштесь во вретища, и восплачитеся на храминах его и на улицах его и на стогнах его, вси возьрайтесь с плачем. 4 Яко возопи Есевон и Елеала, даже до Иассы услышашася глас их: сего ради чресла Моавитиды вопиют, душа ея увесь. 5 Сердце Моавитиды вопиет в ней даже до Сигора: юница бо есть трилетна. В возшествии же Луифа к тебе плачущеся взыдут путем Арониммим: вопиет сотрение и трус. 6 Вода Немримля пуста будет, и трава ея оскудеет: травы бо зелены не будет. 7 Еда и сице спасется? Наведу бо на дебрь Аравлян, и возмут ю: 8 прейде бо вопль предел земли Моавитския до Агаллима, и плачь ея даже до Кладязя Елимля. 9 Вода бо Димоня наполнится крове: наведу бо на Димона Аравляны, и возму семя Моавле и Ариилево и останок Адаминь.

16 Послю аки гады на землю: еда камень и пуст есть гора дщере Сиони? 2 Будеши бо аки птицы парящия птенец отятый, дщи Моавля, потом же Арнон множайше совещавай. 3 Сотворите покров плача ея присно: в полуденней тме бегут, ужаснувшись: да не отведешися, 4 обитати будут в тебе беглецы Моавли: будут в покровение вам от лица гонящаго, яко отяся помошь твоя, и князь погибе попираяй от земли. 5 И исправится с милостию престол, и сядет на нем со истиною во скинии Давидове, судя и взыская суд и ускоряя правду. 6 Слышаюм укоризну Моавлю, укоритель (бысть) зело, гордыню отяж: не тако волхвование твое, не тако. 7 Восплачется Моав, в Моавитиде бо вси восплачутся: живущим же в Сефе помышления, и не усрамишися. 8 Поля Есевония возьрают, виноград Севаманъ: пожирающии языков, поперите винограды его, даже до Иазира: не совокупитеся, обходите пустыню, посланныи оставашася, проиша бо море. 9 Сего ради восплачуся яко плачем Иазировым о винограде Севамани: древа твоя посече Есевон и Елиала, яко на жатву твою и на омынание вина поперу, и вся падутся. 10 И отимется радость и веселье от виноградов, и в виноградех твоих не возрадуются, и не изгнут вина в точилех, престало бо есть: 11 сего ради чрево мое на Моава аки гусли возгласит, и внутрення моя аки стену обновил еси. 12 И будет в посрамление тебе, и яко утрудися Моав о требищих, и внидет в рукотворенная своя, да помолится, и не возмогут избавити его. 13 Сие слово еже глагола Господь на Моава, егда возглагола. 14 И ныне глаголю: в триех летех лет наемника обезчестится слава Моавля во всем богатстве мнозе, и оставится умален и нечестен.

17 Се, Дамаск возмется от градов и будет в падение. 2 Оставлен в век, в ложе стадам и в покой, и не будет отгоняя. 3 И ксему не будет укреплен, еже вбегнути тамо Ефрему: и ксему не будет царство в Дамасце, и останок Сирян погибнет: неси бо ты лучший от сынов Израилевых и славы их: сия глаголет Господь Саваоф. 4 Будет в той день помрачение славы Иаковли, и тучная славы его потрясутся. 5 И будет, яко же кто собирает жатву стоящую, и семя класов пожинает: и будет, яко же аще кто собирает класы в дебри Тверде. 6 И останется в ней стеблие, или аки зерна маслична две или три на версе высоче, или четыре или пять на ветвии ея останут: сия глаголет Господь Бог Израилев. 7 В той день уповая будет человек на Сотворшаго и, и очи его ко Святому Израилеву возврят, 8 и не будут уповающе на требища, ниже на дела рук своих, яже сотвориша персты их, и не будут смотрити на Дубравы, ниже на мерзости их. 9 В той день будут гради твои оставлени, яко же оставил Аморрея и Евее от лица сынов Израилевых: и будут пусты, 10 зане оставил еси Бога спаса твоего и Господа помощника твоего не помянул еси: сего ради насадиши сад неверен и семя неверно. 11 В онъже бо день аще насадиши, прельстишися: а еже аще заутра посеши, то процветет на жатву, во онъже день наследиши, и аки отец человечь наследие даси сыном твоим. 12 О, люте множеству языков многих! Аки море волнующееся, тако смятется, и хребет языков многих яко вода возшумит: 13 аки вода многа языцы мнози, аки (шум) воды многия нуждею носимыя: и отвержет его и далече поженет его, аки прах плевный веющих противу ветра, и яко прах колесный буря возносящая. 14 К вечеру, и будет плач: прежде заутрия, и не будет: сия часть пленивших ны, и жребий наследивших нас.

18 Горе корабельным крилам земли, яже об ону страну рек Ефиопских. 2 Посылай по морю послы в залог и послания книжная верху воды: пойдут бо вестницы легцы ко языку высоку и к людем странным и строптивым. Кто далее их? Язык безнадежен и попран. 3 Ныне реки земные вся аки страна населена наследится, страна их аки знамение от горы воздвигнется, аки глас трубы услышан будет. 4 Яко тако ми рече Господь: утверждение будет в Моем граде, аки свет зноя полуденного и аки облак росный в день жатвы будет. 5 Прежде жатвы, егда совершился цвет, и грезн произыдет по цвете недозрел: и отимет гроздие малое серпами и лозие отимет и посечет, 6 и оставит вкупе птицам небесным и зверем земным: и

соберутся на ня птицы небесныя, и вси зверие земли нань приидут. 7 В то время принесутся дары Господу Саваофу от людий оскорбленных и отторженых и от людий великих, отныне и в вечное время: язык надеющъся и попран, иже есть в части речней страны своего, на место, идеже имя Господа Саваофа, на гору Сионю.

19 Се, Господь седит на облаце легце и приидет во Египет, и потрясутся рукотворенная Египетская от лица Его, и сердца их разслабнут в них. 2 И востанут Египтяне на Египтяны, и вооружится человек на брата своего, и всяк на ближняго своего, востанет град на град и закон на закон. 3 И взмаятся дух Египтян в них, и совет их разсыплю, и вспросят богов своих и кумиров своих, и гласящих от земли и чревоволшебников. 4 И предам Египет в руце человеков властелей жестоких, и царие жестоцы обладати будут ими: сия глаголет Господь Саваоф. 5 И испиют Египтяне воду, яже при мори, а река оскудеет и исхнет. 6 И оскудеют реки и ровенницы речни: и исхнет весь сонм водный, и во всяцем лузе тростнем и ситнем, 7 и злак зеленый весь иже окрест реки, и все сеемое при реце посхнет ветром растленно. 8 И возстенят рыбарие, и возстенят вси мещущии удицу в реку, и мещущии неводы и мещущии сети возьридают. 9 И студ примет делающих лен разчесаный и делающих виссон, и будут делающие я в болезни, 10 и вси творящии сикеру опечалятся и поболят душами. 11 И юродиви будут князи Танесовы: мудрии царевы советницы, совет их объюродеет. Како речете царю: сынове смыслленых мы, сынове царей древних? 12 Где суть ныне мудрии твои, и да возвестят тебе и рекут: что совеща Господь Саваоф на Египет? 13 Оскудеша князи Танесовы, и вознесошася князи Мемфитсии, и прельстят Египта по племеном. 14 Господь бо раствори им дух прельщения, и прельстиша Египта всеми делесы своими, яко же прельщается пияный и купно блюющъ. 15 И не будет Египтяном дела, еже бы сотворило главу и ошиб, и начало и конец. 16 В той день будут Египтяне аки жены во страсе и трепете от лица руки Господа Саваофа, юже Той возложит на ня. 17 И будет страна Иудейска во страх Египтяном: всяк, иже аще воспомянет ю им, убоятся совета ради, егоже совеща Господь Саваоф нань. 18 В той день будет пять градов во Египте, глаголющих языкок Ханаанитским и кленуящихся именем Господа Саваофа: град Аседек прозовется един град. 19 В той день будет жертвенник Господеви в земли Египетской и столп в пределах его Господеви. 20 И будет в знамение

во век Господеви в земли Египетской: яко возопиют ко Господу на оскорбляющыя их, и послет им Господь человека, иже спасет я, судяй спасет я. 21 И познан будет Господь Египтяном: и уведят Египтяне Господа в той день и створят жертвы и дары, и обещают обеты Господеви и воздадят. 22 И поразит Господь Египтян язою великою и изцелит их цельбою, и обратятся ко Господеви, и услышит их и изцелит их цельбою. 23 В той день будет путь от Египта ко Ассирианом, и внидут Ассириане во Египет, и Египтяне пойдут ко Ассирианом, и поработают Египтяне Ассирианом. 24 В той день будет Израиль третий во Египтянех и во Ассирианех, благословен на земли, 25 юже благослови Господь Саваоф, глаголя: благословени людие Мои, иже во Египте и иже во Ассириях, и наследие Мое Израиль.

20 В лето, в неже вниде Танафан во Азот, егда послан бысть от Арны, царя Ассирийского, и воева на Азот и взя его, 2 тогда рече Господь ко Исаии сыну Амосову, глаголя: иди и сверзи вретище со чреспъ своих, и сандалия твоя иззуй с ног твоих, и створи сице, ходя наг и бос. 3 И рече Господь: яко же ходил раб Мой Исаия наг и бос три лета, три лета будут знамения и чудеса Египтяном и Ефиопляном: 4 яко такожде отведет царь Ассирийск плен Египетск и Ефиопск, юноши и старцы, наги и босы, откровены во стыдение Египту. 5 И постыдятся побеждени Египтяне о Ефиоплянех, на нихже уповаху Египтяне, бяху бо им слава. 6 И рекут живущии на острове сем в день оный: се, мы бехом уповающе бежати к ним на помошь, иже не могоша спастися от царя Ассирийска, и како мы спасемся?

21 Яко же буря сквозе пустыню проходит, от пустыни исходящая из земли, 2 страшно видение и жестоко поведася мне: преступаяй преступает, и беззаконный беззаконствует: на мя Еламите, и посты Персии на мя идут: ныне воздуху и утешу себе. 3 Сего ради наполниша чресла моя разслабления, и болезни прияша мя аки раждающую: неправдовах еже не слышати, потщахся еже не видети. 4 Сердце мое заблуждает, и беззаконие погружает мя, душа моя стоит во страсе. 5 Уготовите трапезу, ядите, пийте: воставше, князи, уготовите щиты, 6 яко тако рече Господь ко мне: шед постави себе стражу, и еже аще узриши, возвести. 7 И узрех всадники конныя два, всадника на осляти и всадника на велблуде. Послушай слушанием многим 8 и призови Урию на стражбу Господню. И рече: стоях вынуу день, и у полчища аз стоях всю нощь, 9 и се, сам

грядет (муж) всадник двоконный, и отвещав рече: паде, паде Вавилон, и вси кумиры его и вся рукотворенная его сокрушишася на земли. 10 Послушайте, оставшиися, и болезнующии, услышите: еже слыхах от Господа Саваофа, Бог Израилев возвести нам. 11 Ко мне зови от Сирия: стрегите забрала. 12 Стрегу заутра и нощю. Аще ищеши, ищи и у мене обитай. 13 В дубраве в вечер преспиши, или на пути Деданове. 14 Во сретение жаждущему воду принесите, живущи во стране Феманове, со хлебы сретайт бежащая множества ради убиенных 15 и множества ради заблуждающих, и множества ради мечей и множества ради луков напряженных, и множества ради падших на сечи. 16 Яко сице рече Господь ко мне: еще лето (едино), якоже лето наемника, оскудеет слава сынов Кидарских, 17 и останок луков сильных сынов Кидарских будет мал, яко Господь Бог Израилев глагола.

22 Что бысть тебе, яко ныне возлезосте вси на храмины тщетныя? 2 Наполнися град вопиющих, уязвлении твои не мечьми уязвлени, ниже мертвцы твои умерщвлени ратию: 3 вси князи твои побегоша, и пленении жестоце суть связани, и крепции в тебе далече отбежаша. 4 Сего ради рекох: оставите мене, да горце восплачуся: не належите утешати мя о сокрушении дщере рода моего: 5 яко день мятежа и пагубы и попрания, и смятение от Господа Саваофа: в дебри Сиони скитаются, от мала даже до велика скитаются по горам. 6 Еламите же взяша тулы, и всадници человечы на конех, и собор ополчения. 7 И будут избранны дебри твоя, наполнятся колесниц, конницы же заступят врата твоя 8 и открыют врата Иудина, и воззрят в той день во избранныя дома града, 9 и открыют сокровенная домов краеградия Давидова, и узрят, яко множайши суть, и яко отвратиша воду древния купели во град, 10 и яко разориша дома Иерусалимли на утверждение стене градней. 11 И сотвористе себе воду между двема стенами, внутрьду купели древния, и не воззресте на Сотворившаго ю исперва, и Сограждшаго ю не видесте. 12 И призва Господь, Господь Саваоф в той день плачь и рыданье, и остижение и препоясание во вретища: 13 тии же сотвориша радость и веселие, закалающе телцы и жруще овцы, яко ясти мяса и пити вино, глаголюще: да ямы и пием, утре бо умрем. 14 И откровенна сия суть во ущю Господа Саваофа, яко не оставится вам той грех, дондеже умрете. 15 Сице глаголет Господь Саваоф: иди в кущу ко Сомнану строителю дому и рцы ему: 16

что ты зде, и что тебе зде, яко истесал еси себе зде гроб и соториол еси себе на высоце гроб, и написал еси себе на камени кущу? 17 Се, ныне Господь Саваоф извержет и сотрет мужа, и отимет утварь твою и венец твой славный, 18 и повержет тя во страну велику и безмерну, и тамо умрещи: и положит колесницу твою добрую в безчестие и дом князя твоего в попрание: 19 и извержешися от строителства твоего и от степене твоего. 20 И будет в той день, и призову раба Моего Елиакима сына Хелкиева 21 и облеку его во утварь твою, и венец твой дам ему и державу твою, и строителство твое дам в руце его, и будет яко отец живущим во Иерусалиме и живущим во Иудеи. 22 И дам ему славу Давидову, и обладеет, и не будет противоглаголющаго: и дам ему ключу дому Давидова на рамо его, и отверзет, и не будет затворяющаго, и затворит, и не будет отверзающаго. 23 И поставлю его князя на месте верне, и будет на престоле славы дому отца своего. 24 И будет уповаяй на него всяк славный в дому отца его, от мала даже до велика: и будут зависяще на нем. 25 В той день, сия глаголет Господь Саваоф, подвигнется человек утвержден на месте верне, и отимется, и падет, и потребится слава, яже на нем, яко Господь глагола.

23 Плачитеся, корабли Кархидонстии, яко погибе, и кому не идут от земли Китиейския, отведеся пленен. 2 Кому подобни быша живущии во остреве, купцы Финичстии, преходящии море? 3 В воде мнозе семя купеческо, аки жатве вносимей купцы язычестии. 4 Усрамися, Сидоне, рече море. Крепость же морская рече: не болех, ни породих, ни вскормих юнош, ниже вознесох девиц. 5 Егда же слышано будет во Египте, примет я болезнь о Тире. 6 Идите в Кархидон, плачитеся, живущии во остреве сем. 7 Не сие ли бе величание вам исперва, прежде неже предану быти ему? 8 Кто сия совеща на Тира? Еда хуждший есть, или не крепкий есть? Купцы его славни князи земли. 9 Господь Саваоф совеща разсыпати всякую гордыню славных и обезчестити всякое славное на земли. 10 Делай землю твою, ибо корабли кому не приидут от Кархидона. 11 И рука Твоя кому не укрепеет по морю, разгневляющая царей. Господь Саваоф заповеда о Ханаане, еже погубити крепость его. 12 И рекут: кому не приложите укаряти и обидети дщерь Сидоню: и аще отидеши ко Китию, ниже тамо будет тебе покой: 13 и в землю Халдейску, но и та опустела от Ассириан, яко стена ея падеся. 14 Плачитеся, корабли Кархидонстии, яко погибе твердыня ваша. 15 И будет в той день, оставлен будет Тир седмьдесят лет, якоже

время (единаго) царя, яко время человеческо: и по седмидесятих летех будет Тир яко песнь блудницы. 16 Возми гусли, обыди град, блудница забвеная, добрे погуди, много воспой, да память твоя будет. 17 И будет по седмидесятих летех, присещение сотворит Бог Тиру, и паки возставится на прежднее и будет торжище всем царствам вселенная на лицы земли. 18 И будет его купля и мзда свято Господеви, не им собрано будет, но живущим пред Господем, вся купля его, ясти и пити и наполнитися, и в сътость, на память пред Господем.

24 Се, Господь разыплет вселенную и опустошит ю, и откроет лицо ея и расточит живущая на ней. 2 И будут людие аки жрец, и раб аки господин, и раба аки госпожа: будет купуя яко продаяй, и взаим емляй аки заимодавец, и должностный аки ему же есть должен. 3 Тлением истлеет земля, и расхищением расхищена будет земля: уста бо Господня глаголаша сия. 4 Восплакася земля, и растленна бысть вселенная, восплакашася высоцы земли. 5 Земля бо беззаконие сотвори живущих ради на ней, понеже преступиша закон и измениша заповеди, разрушиша завет вечный. 6 Сего ради проклятие погаст землю, яко согрешиша живущи на ней: сего ради убози будут живущии на земли, и останется человеков мало. 7 Восплачется вино, возвыдат виноград, возстенут вси радующиися душою. 8 Престало есть веселение тимпанов, преста высокодерзость и богатство нечестивых, престал есть глас гуслей: 9 усрамишася, не пиша вина, горька бысть сикера пиющим. 10 Опусте всяк град, заключит храм, еже не внити. 11 Плачется о вине всюду, престала есть радость вся земная, отиде вся радость земли. 12 И останут гради пусты, и домове оставлены погибнут. 13 Сия вся будут на земли среди языков: якоже аще кто отрясает масличину, тако отрясют их: и (якоже) аще останет от омыния винограда, 14 сии гласом возопиют: оставшиися же на земли возрадуются со славою Господнею, возмаятся вода морская. 15 Сего ради слава Господня во островех будет морских, имя Господне прославлено будет. 16 Господи Боже Израилев, от крил земных чудеса слышахом, надежда благочестивому: и рекут: (горе хулящым, иже хулят закон,) горе преступником, иже преступают закон. 17 Страх и пропасть и сеть на вас живущих на земли. 18 И будет, бежай страха впадет в пропасть, и излазий из пропасти имется в сеть: яко окна с небесе отверзошася, и потрясутся основания земная. 19 Мятежем возмаятся земля, и скудостию оскудеет земля. 20 Преклонися и

потрясеся земля аки овощное хранилище, и аки пиян и шумен падет и не возможет востати, преодоле бо на ней беззаконие. 21 И будет в той день, наведет Господь на утварь небесную руку и на цари земныя. 22 И соберут собрание ея и затворят в тверди и в темницы: мноземи роды будет посещение их. 23 И истает плинфа и падет стена, и устыдится луна и посрамится солнце: яко воцарится Господь в Сионе и во Иерусалиме и пред старейшины славен будет.

25 Господи Боже мой, прославлю Тя, воспою имя Твое, яко сотворил еси чудна дела, совет древний истинный: да будет, Господи. 2 Яко положил еси грады в перст, грады твердыя, еже пасти основанием их, нечестивых град да не созиждется во век. 3 Сего ради благословят Тя людие нищии, и гради человеков обидимых возблагословят Тя. 4 Был бо еси всяко граду смиренному помощник, и изнемогающим за оскудение покров, от человек злых избавиши их: покров жаждущих, и дух человеков обидимых. 5 Аки человекы малодушни жаждущии в Сионе, яко избавиши их от человек нечестивых, имже нас предал еси. 6 И сотворит Господь Саваоф всем языком: на горе сей испиют радость, испиют вино, 7 помажутся миром на горе сей: предаждь сия вся языком: той бо совет на вся языки. 8 Пожре смерть возмогши, и паки отят Господь Бог всякую слезу от всякаго лица: поношение людий отят от вся земли, уста бо Господня глаголаша (сия). 9 И рекут в день оный: се, Бог наш, Нанъже уповахом, и спасет нас: Сей Господь, потерпехом Его, и возрадовахомся и возвеселихомся о спасении нашем. 10 Покой даст Бог на горе сей, и поперется Моавитида, якоже топчут ток колесницами. 11 И возвдвигнет руце свои, якоже и той смири, еже погубити: и смирит гордыню его, на няже руце возложи. 12 И высоту убежища ограды твою смирит, и обнизится даже до земли.

26 В той день воспоют песнь сию в земли Иудейстей, глаголюще: се, град крепок, и спасение нам положит стену и ограждение. 2 Отверзите врата, да внедут людие хранящии правду и хранящии истину, 3 приемлющи истину и хранящии мир. 4 Яко на тя надеянием надеяшася, Господи, во век, Боже великий, вечный, 5 иже смирив низвел еси живущия в высоких: грады крепкия разориши и обнизиши я даже до земли. 6 И поперут я ноги кротких и смиренных. 7 Путь благочестивых прав бысть, и приготован путь благочестивых. 8 Путь бо Господень суд: уповахом на имя Твое и память,

яже желает душа наша. 9 От нощи утренюет дух мой к Тебе, Боже, зане свет повеления Твоя на земли: правде научитесь, живущии на земли. 10 Преста бо нечестивый: всяк, иже не научится правде на земли, истины не сотворит: да возмется нечестивый, да не видит славы Господни. 11 Господи, высока Твоя мышца, и не ведеша, разумевше же постыдятся: ревность примет люди ненаказанныя, и ныне огнь супостаты пояст. 12 Господи Боже наш, мир дааждь нам, вся бо воздал еси нам. 13 Господи Боже наш, стяжи ны: Господи, разве Тебе иного не вемы: имя Твое именуем. 14 Мертвии же живота не имут видети, ниже врачеве воскресят: сего ради навел еси и погубил еси, и взял еси всяк мужеск пол их. 15 Приложи им зла, Господи, приложи зла славным земли. 16 Господи, в скорби помянухом Тя, в скорби мале наказание Твое нам. 17 И яко болящая приближается родити и в болезни своей воскричала, тако быхом возлюбленному Твоему. 18 Страха ради Твоего, Господи, во чреве прияхом и поболехом, и родихом дух спасения Твоего, егоже сотворихом на земли: не падемся, но падутся вси живущии на земли. 19 Воскреснут мертвии и востанут иже во гробех, и возрадуются иже на земли: роса бо, яже от Тебе, изцеление им есть, земля же нечестивых падет. 20 Идите, люди мои, внидите во храмину вашу, затворите двери своя, укрыйтесь мало елико елико, дондеже мимоидет гнев Господень. 21 Се бо, Господь от святаго (места) наводит гнев на живущия на земли: и открыет земля кровь свою и не покрыт избиенных.

27 В той день наведет Господь мечь святый и великий и крепкий на драконта змия бежаща, на драконта змия лукаваго, и убьет драконта сущаго в мори. 2 В той день виноград добрий, желание пети над ним: з аз град крепкий, град воюемый, всуе напою его: пленен бо будет ношию, в день же падется стена его: несть того, иже не возмет его. 4 Кто мя приставит стречи стеблие на ниве? Ради вражды сея отринух и. Убо сего ради сотвори Господь Бог вся, елика совеща. 5 И спорех, возопиют живущии в нем: сотворим мир Ему, сотворим мир, 6 приходящая чада Иаковия: прозябнет и процветет Израиль, и наполнится вселенная плода его. 7 Еда яко же Той порази, и сам сице уязвится? И яко же сам уби, такожде убиен будет? 8 Сваряся и укоряя отпустит я: не Ты ли был еси помышляя духом жестоким, убити я духом ярости? 9 Сего ради отимется беззаконие Иаковле, и сие есть благословение его, егда отиму грех его, егда положат

все камение требищ сокрушено аки прах дробный: и не пребудут древеса их, и кумиры их будут посечени, аки дубрава далече. 10 Обитающее стадо отпущенное будет, аки стадо оставленное: и будет много время в пажить, и тамо почиют стада. 11 И по времени не будет в нем всякого злака, занеже исхнет: жены грядущая с позорища, приидите: не суть бо людие имуще смысла, сего ради не ущедрит Сотворивый я, ниже Создавый их помилует. 12 И будет в той день, заградит Господь от ровенника речнаго, даже до Ринокоруры (града): вы же соберите сыны Израилевы по единому. 13 И будет в той день, вострубят трубою великою, и приидут погубляемии во стране Ассирийстей и погубляемии во Египте, и поклоняются Господеви на горе святей во Иерусалиме.

28 Горе венцу гордыни, наимницы Ефремовы, цвет отпадый от славы, на версе горы тучныя пияни без вина. 2 Се, крепка и жестока ярость Господня, аки град низпущаемый не имый кровя, насильно низпущаемый: яко же воды многое множество влекущее страну, земли сотворит покой рукама, 3 и ногама поперется венец гордыни, наимницы Ефремовы. 4 И будет цвет отпадый от надежды славы на версе горы высокия, аки ранний плод смоквин: видевый его, прежде взятия в руце свои, восходит поглотити его. 5 В той день будет Господь Саваоф венец надежди, сплетеный славою оставшимся людем. 6 И оставятся духом судным на суд, и крепость возбраняющих погубляти. 7 Сии бо вином суть прельщени: прельстишася сикеры ради, жрец и пророк изступиша ума от сикеры, пожертвьты быша вином, потрясошася от пиянства сикеры, прельстишася: сие есть привидение. 8 Проклятие пояст сей совет, сей бо совет ради лихомства. 9 Кому возвестихом злая и кому поведахом весть? Иже отдоенни (суть) от млека, отторженни от сосца. 10 Печали на печаль ожидай, надежды к надежди, еще мало, еще мало, 11 яко худостию устен, языком иным возлаголют людем сим, рекуще им: 12 сей покой алчному и сие сокрушение, и не восхотеша слышати. 13 И будет им слово Господа Бога, печаль к печали, надежда к надежди, еще мало, еще мало, да идут и падутся вспять и в беду впадут, и сокрушатся и пленени будут. 14 Сего ради услышите слово Господне, мужие озлобленнии и князи людий сущих во Иерусалиме. 15 Яко рекосте: сотворихом завет со адом и со смертию сложение: буря носима аще мимоидет, не приидет на нас: положихом лжу надежду нашу и лжею покрыемся. (Sheol h7585) 16 Сего ради тако глаголет Господь: се, Аз полагаю во основание Сиону камень

многоценен, избран, краеуголен, честен, во основание ему, и веряй в онъ не постыдится: 17 и положу суд в надежду, милость же моя на мерилих, и уповавши вотще на лжу, яко не минет вас буря: 18 и не отимет от вас завета смертнаго, и надежда ваша, яже ко аду, не пребудет. Буря идущая аще найдет, будете ей в попрание: (Sheol h7585) 19 егда мимоидет, возмет вас: яко по всяко утро преходити будет в день, и в нощи будет надежда зла. Научитеся слышати, утесняеми: 20 не можем ратовати, сами же изнемогаем, еже обратися нам. 21 Яко же гора на нечестивых востанет Господь, и будет (яко же) в дебри Гаваонстей, с яростию сотворит дела Своя, горести дело: ярость же Его чуждо употребится, и погубление Его странно. 22 И вы не радуйтесь, ниже да возмогут ваши узы: зане скончаны и сокращены вещи слышах от Господа Саваофа, яже сотворит над всею землею. 23 Внушите и слышите глас мой, внемлите и слышите словеса моя. 24 Еда весь день будет орять орати? Или сея уготовит прежде возделания земли? 25 Не егда ли умягчит лице ея, тогда всеет мало чернухи и кимина, потом же сеет пшеницу и ячмень и просо в пределах твоих? 26 И научишися суду Бога твоего и возрадуешися. 27 Ибо не с жестокостию очищается чернуха, ниже коло колесничное обыдет кимина, но жезлом истрясается чернуха, кимин же со хлебом снастся. 28 Не во век бо Аз разгневаюся на вы, ниже глас гнева Моего поперет вас. 29 И сия от Господа Саваофа изыдоша чудеса: советуйте, вознесите тщетное утешение.

29 Горе граду Ариилу, нанъже Давид воева. Соберите жита от года до года, снесте бо вкупе с Моавом: 2 озлоблю бо Ариила, и будет крепость его и богатство Мне: 3 и обсяду тя аки Давид, и поставлю окрест тебе острог, и согражду столпы. 4 И смирятся словеса твоя до земли, и в землю внидут словеса твоя: и будет глас твой аки гласящих от земли, и ко земли изнеможет глас твой. 5 И будет яко перстъ от колесе богатство нечестивых, и аки прах летяй множество утесняющих тя, и будет аки черта внезапу от Господа Саваофа. 6 Присещение бо будет со громом и с трусом и гласом великим, буря несома и пламень огненный пойдаяй. 7 И будет аки соние видяй во сне нощю, богатство всех языков, елицы воеваша на Ариила, и вси, иже воеваша на Иерусалима, и вси собраннии наань и озлобляющии его. 8 И будут аки во сне ядуции и пиючи, и воставшым, тощъ их сон: и яко же во сне жаждай аки пияй, воспрянув же еще жаждет, душа же его вотще надеяся: тако будет богатство всех языков, елицы воеваша на гору Сионю.

9 Разслабейте и ужаснитеся, и упийтесь не сикером, ни вином, 10 яко напои вас Господь духом умиления, и смежит очи их и пророков их и князей их, видящих сокровенная. 11 И будут вам вся сия словеса, аки слова книги запечатленныя сея, юже аще дадут человеку ведущему писания, глаголюще: прочти сие. И речет: не могу прочести, запечатленна бо. 12 И дастся книга сия в руце человеку не ведущему писания, и речется ему: прочти сие. И речет: не вем писания. 13 И рече Господь: приближаются Мне людие сии усты своими и устнами своими почитают мя, сердце же их далече отстоит от Мене: всуе же почитают мя, учаще заповедем человеческим и учением. 14 Сего ради се, Аз приложу, еже преселити люди сия, и преставлю я, и погублю премудрость премудрых и разум разумных скрываю. 15 Горе творящим глубоко совет, а не Господем: горе в тайне совет творящим, и будут во тме дела их, и рекут: кто ны виде, и кто ны уразумеет, яже мы творим? 16 Не яко же ли брене скудельника вменитеся? Еда речет здание создавшему е: не ты мя создал еси? Или творение сотворшему: не разумно мя сотворил еси? 17 Не еще ли мало, и приложится Ливан, аки гора Хермель, и Хермель в дубраву вменится? 18 И услышат в день онъг глусии словеса книги (сия), и иже во тме и иже во мгле очи слепых узрят. 19 И возрадуются ниции ради Господа в веселии, и отчаявшись человеки исполнятся веселия. 20 Изчезе беззаконник, и погибет гордый, и потребишаася вси беззаконнующи во злобе 21 и творящии согрешати люди во слове: всем же обличающим во вратех претыканье положат, понеже совратиша в неправдах праведнаго. 22 Сего ради тако глаголет Господь на дом Иаковль, егоже определи от Авраама: не ныне постыдится Иаков, ниже ныне лицо свое изменит Израиль: 23 но егда увидят чада их дела Моя, Мене ради освятят имя Мое и освятят Святаго Иаковля, и Бога Израилева убоятся. 24 И уразумеют заблуждающии духом смысл, и ропщущии научатся послушати, и языцы немотствующи научатся глаголати мир.

30 Горе чада отступившая, сия глаголет и Господь: сотвористе совет не Мною и заветы не духом Моим, приложити грехи ко грехом: 2 идущии снити во Египет, Мене же не вопросиша, еже помочь имети от фараона и заступление от Египтян. 3 Будет бо вам покров фараонов в постыдение и уповающим на Египет укоризна: 4 яко суть в Тане старейшины его, и вестницы его зли. 5 Вотще

потрудятся людий ради, иже не упользуют их, ниже на помощь, ниже на пользу, но на студ и на укоризну. 6 В печали и в тесноте лев и львицы: оттуду аспиды и племя аспидов парящих, иже везяху на ослех и на велблюдах богатство свое ко языку, иже не поможет им в помощь, но на студ и укоризну. 7 Египтяне вотще и всуе успеют вам: возвести им, яко тщетно утешение ваше сие. 8 Ныне убо сед напиши сия на дске и в книгу: яко будут сия во дни времен и даже до века. 9 Яко людие непокориви суть, сынове лживии, иже не похотеша слышати закона Божия, 10 глаголюще пророком: не поведайте нам: и видения видящим: не глаголите нам, но нам глаголите и возвещайте нам иное прельщение 11 и совратите нас с пути сего: отимите от нас путь сей и отимите от нас суд Израилев. 12 Того ради сице глаголет Господь Святый Израилев: понеже не покористеся словесем сим и надеястся на лже, и яко поропасте и уповающе бысте на слово сие, 13 сего ради будет вам грех сей, аки стена падающая внезапу града тверда пленена, егоже абие настоит падение: 14 и падение его будет яко сокрушение сосуда глиняна, от глины дробны, яко не можно обрести в них чрепа, имже огнь возмеши и в онъже влиеши воды мало. 15 Тако глаголет Господь, Господь Святый Израилев: егда возвратився воздухи, тогда спасешися и уразумеши, где еси был: егда уповал еси на суетна, тщетна крепость ваша бысть, и не хотите послушати, 16 но рекосте: на конех побегнем. Того ради побегнете. И рекосте: на легких всадницы будем. Того ради легцы будут гонящи вас. 17 От гласа единаго побегнут тысяща, и от гласа пяти побегнут мнози, дондеже оставлени будете аки щогла на горе и яко знамя носят на холме. 18 И паки пождет Бог, еже ущедрити вас, и сего ради вознесется еже помиловати вас: зане судия Господь Бог ваш есть, и где оставите славу вашу? Блажени вси пребывающии в Нем. 19 Зане людие святии в Сионе вселятся, Иерусалим же плачем восплакася: помилуй мя. Помилует тя, егда узре глас вопля твоего, послуша тебе. 20 И даст Господь вам хлеб печали и воду тесную, и кому не приближатся к тебе льстяции тя: яко очи твои узрят прельщающих тя, 21 и ушеса твоя услышат словеса созади тебе прельщающих, иже глаголют: сей путь, поидим по нему или на десно, или на лево. 22 И отвержеши кумиры посребренныя, и позлащенные раздробиши, и развеши яко воду жены месячныя, и аки мотыла отвержеши я. 23 Тогда будет дождь семени земли твоей, и хлеб жита земли твоей будет изюблен и тучен, и напасутся

скоти твои в той день на месте тучне и пространне. 24 Юнцы ваши и волове делающи землю наядятся плев смешенных со ячменем извеяным. 25 И будет на всяцей горе высоце и на всяцем холме вознесение вода текущая в день оный, егда погибнут мнози, и егда падутся столпи: 26 и будет свет луны аки свет солнца, и свет солнечный будет седмерицею в той день, егда изцелит Господь сокрушение людий Своих и болезнь язвы твоей изцелит. 27 Се, имя Господне идет временем многим, горящая ярость Его: со славою слово устен Его, слово гнева полно, и гнев ярости яко огнь пояет: 28 и дух Его аки вода в дебри влекущи приидет даже до выи и разделится, еже смутити языки о прельщении суетнем, и поженет я прелесть тща, и возмет я пред лицем их. 29 Еда присно подобает вам радоватися и входити во святая Моя всегда, аки празднющим и яко веселящимся винти со сопелию в гору Господню к Богу Израилеву? 30 И слышану сотворит Господь славу гласа Своего, и ярость мышцы Своей показати, с яростию и гневом, и со пламенем поядющим возгримет зелно, и яко вода и град низходящъ нуждею. 31 Гласом бо Господним побеждени будут Ассириане язвою, еюже аще поразит я. 32 И будет ему окрест, отюнудже бе их надежда помочи, на юже той уповаше: тии со тимпаны и гусльми ратовати будут нань от пременения. 33 Ты бо прежде дний истязан будеш: еда и тебе уготоваясь царствовати? Дебрь глубокую, древеса лежаща, огнь и древа многа, ярость Господня аки дебрь жупелом горящая.

31 Горе сходящим во Египет помочи ради, уповающим на кони и на колесницы: суть бо многа, и конническое множество много зело: и не беша уповающе на Святаго Израилева, и Бога не взыскаша. 2 Тойже премудре наведе на них злая, и слово Его не отринется, и востанет на домы человеков злых и на надежду их тщетную, 3 Египтянина человека, а не Бога, конски плоти, и не будет помочи: Господь же наведет руку Свою на ня, и утрудятся помагающии, и вси вкупе погибнут. 4 Занеже тако рече мне Господь: якоже возревет лев, или львицы о ловитве, юже имет, и возопиет над нею, дондеже наполнятся горы гласа его, и победиша и множества ярости убояшася: тако Господь Саваоф снедет на гору Сиону и на горы его воевати. 5 Яко же птицы парящыя, сице защитит Господь Саваоф о Иерусалиме, защитит и избавит, и снабдит и спасет. 6 Обратитеся, совещающии глубок совет и беззаконен, сынове Израилевы: 7 яко в той

день отвергут человецы рукотворенна своя сребряная и рукотворенна златая, яже сотвориша руки их. 8 И падет Ассур не мечем человеческим, ни мечь мужеский пояс его, и побегнет не от лица меча: юноты же будут в побеждение. 9 Камением бо омытуся яко острогом и побеждени будут, а бежай пленен будет. Сия глаголет Господь: (блажен,) иже имеет племя в Сионе и южики во Иерусалиме.

32 Се бо, Царь праведный воцарится, и князи со судом владети начнут. 2 И будет человек скрываи словеса своя, и скрытъся, аки от воды носимыя: и явится в Сионе яко река текущая славная в земли жаждущей. 3 И кему не будут уповающе на человека, но уши вдадят на слышание, 4 и сердце изнемогших вонмет послушати, и языцы немотствующи скоро научатся глаголати мир: 5 и кему не рекут юродивому владети, и кему не рекут слуги твои: молчи. 6 Юрод бо юродивая изречет, и сердце его тщетная уразумеет, еже совершати беззаконная и глаголати на Господа прелесть, еже растлти души алчныя и души жаждущыя тища сотворити. 7 Совет бо злых беззаконная совещавает, растлти смиренныя словесы неправедными и разыплати словеса смиренных на суде. 8 Благочестиви же смысленне совещаша, и той совет пребудет. 9 Жены богатыя, востаните и услышите глас мой: дщери, с надеждею слышите словеса моя: 10 дня летняго память сотворите в болезни с надеждею: потребиша оымание винное, преста сеяние, и (собирание) ктому не приидет. 11 Ужаснитеся, сжалитеся, упавшыя, совлецитеся, наги будите, препояшите чресла своя во вретища 12 и в перси бийтесь о селе желаемем и о винограднем рождении. 13 На земли людий моих терние и былие возникнет, и от всего дому радость восхитится: град богат, 14 домове оставленнии, богатство града и домы вожделения оставят: и будут веси пещеры до века, радость ослом дивиим, паства паствухов: 15 дондеже найдет на ны Дух от вышняго, и будет пустыня в Хермель, а Хермель в дубраву вменится. 16 И почнет в пустыни суд, и правда в Кармиле вселится: 17 и будут дела правды мир, и одержит правда покой, и уповающе будут до века: 18 и вселятся людие его во граде мира и обитати будут уповающе, и почнут с богатством. 19 Град же, аще снидет, то не на вы приидет: и будут живущии в дубравах уповающе, яко же суции на полях. 20 Блажени сеющие при всяцей воде, идже вол и осел попирает.

33 Горе обидящим вас! Вас никто же и изобидит, и отвергай вас не отвержет: пленени будут

отметающии (вас) и предадятся, и яко молие в ризе, тако побеждени будут. 2 Господи, помилуй ны, на Тя бо уповахом: бысть племя непокаряющиша в пагубу, спасение же наше во время печали. 3 Гласом страха Твоего ужасошася людие от страха Твоего, и разсияшася языцы. 4 Ныне же соберутся корысти вашя малаго и велиаго: яко же аще кто соберет пруги, тако наругаются вам. 5 Свят Бог живый в вышних, наполнися Сион суда и правды. 6 В законе предадятся, в сокровищах спасение наше, тамо премудрость и хитрость и благочестие ко Господеви: сия суть сокровища правды. 7 Се, ныне во страсе вашем тии убоятся: ихже боястся, возопиут от вас: вестницы бо посланы будут горце плачущеся, просяще мира. 8 Опустеют бо сих путь: преста страх языков, и завет иже к ним вземлется, и не вмените их в человека. 9 Восплакася земля, посрамлен Ливан, блато бысть Саронъ: явлена будет Галилеа и Хермель. 10 Ныне воскресну, глаголет Господь, ныне прославлюся, ныне вознесуся. 11 Ныне узрите, ныне ощутите, тщетна будет крепость духа вашего: огнь вы пояст. 12 И будут языцы пожжени, аки терние на ниве разметано и пожжено. 13 Услышат дальнии, яже сотворих, (глаголет Господь,) уведят приближающиша крепость Мою. 14 Отступиша, иже в Сионе, беззаконницы, примет трепет нечестивыя: кто возвестит вам, яко огнь горит? Кто возвестит вам место вечное? 15 Ходай в правде, глаголай правый путь, ненавидяй беззакония и неправды и руце отрясаяй от даров: отягчавая уши, да не услышит суда крове: смежай очи, да не узрит неправды, 16 сей вселится во высоче пещере камене крепкаго: хлеб ему дастся и вода его верна. 17 Царя со славою узрите, и очи ваши узрят землю издалеча, 18 душа ваша поучится страху Господню: где суть книгочии? Где суть совещавающии? Где есть изчитаяй питаемыя малы и велики люди? 19 Имже не совещаше, ниже ведяше глубокий глас имущаго, яко не слышати людем уничтоженным, и несть слышащему смысла. 20 Се, Сион град, спасение наше, очи твои узрят, Иерусалиме, граде богатый, кущы не поколеблются, ниже подвигнутся колие храмины его в вечное время, и ужя его не преторгнутся. 21 Яко имя Господне велико вам есть, место вам будет, реки и ровенницы широцы и пространни: не пойдеши по сему пути, ниже пойдет корабль пловущъ: 22 Бог бо мой велик есть: не минет мене Господь судия наш, Господь князь наш, Господь царь наш, Господь Той нас спасет. 23 Прервашася ужя твоя, яко не укрепиша: щогла твоя преклонися, не распустит ветрил, не воздвигнет знамения, дондеже предастся на

пленение: темже мнози хромии плен сотворят, 24 и не рекут: труждаемся, люди живущии в них, оставися бо им грех.

34 Приступите, языцы, и услышите, князи: да слышит

земля и живущии на ней, вселенная и людие, иже на ней. 2 Зане ярость Господня на вся языки и гнев на число их, еже погубити их и предати я на заклание. 3 И язвении их повергнутся и мертвцы, и взыдет их смрад, и намокнут горы кровию их: 4 и истают вся силы небесныя, и свиется небо аки свиток, и вся звезды спадут яко листвие с лозы, и якоже спадает листвие смоковницы. 5 Упися мечь Мой на небеси: се, на Идумею снидет и на люди пагубныя с судом. 6 Мечь Господень наполнися крове, растолсте туком, от крове козлов и агнцев и от тука козлов и овнов: яко жертва Господеви в Восоре, и заклание велие во Идумеи. 7 И падут с ними сильни, и овны и юнцы, и упиется земля от крове и от тука их насытится: 8 день бо суда Господня, и лето воздаяния суда Сиона. 9 И обратятся дебри его в смолу, и земля его в жупел, 10 и будет земля его горяща яко смола днем и нощю, и не угаснет в вечное время, и взыдет дым ея высоце, в роды своя опустеет. 11 И во время много птицы и ежеве, совы и вранове возгнездятся в нем: и возложат нань уже землемерно пустыни, и онокентаври вселятся в нем. 12 Князи его не будут: царие бо и вельможи его будут в пагубу. 13 И возникнут во градех их терновая древеса и во твердынех его, и будут селения сирином и селища струвионом: 14 и срятся беси со онокентавры и возопиют друг ко другу, ту почиют онокентаври, обретше себе покоища: 15 тамо возгнездится ежь, и сохранит земля дети его со утверждением: тамо елени сретошася и увидеша лица друг друга. 16 Числом преидоша, и един и них не погибе, друг друга не взыска, яко Господь заповеда им, и дух Его собра я. 17 И Той вержет им жребия, и рука Его раздели пастися: в вечное время наследите, в роды родов почиют в нем.

35 Радуйся, пустыня жаждущая, да веселится пустыня

и да цветет яко крин. 2 И процветет и возвеселится пустыня Иорданова: и слава Ливанова дадеся ей, и честь Кармилова, и узрят людие мои славу Господню и высоту Божию. 3 Укрепитесь, руце ослабленыя и колена разслабленыя: 4 утешитесь, малодушни умом укрепитесь, не бойтесь: се, Бог наш суд воздает и воздаст, Той приидет и спасет нас. 5 Тогда отверзутся очи слепых, и уши глухих услышат. 6 Тогда скочит хромый яко елень, и ясен будет язык гугнивых: яко проторжеся вода в

пустыни и дебрь в земли жаждущей. 7 И безводная будет во езера, и на жаждущей земли источник водный будет: тамо будет веселие птицам, и селитва трости, и лузи. 8 И тамо будет путь чист, и путь свят наречется: и не прейдет тамо нечистый, ниже будет тамо путь нечист: разсиянни же пойдут по нему и не заблудят. 9 И не будет тамо льва, ни от зверей злых не взыдет нань, ниже обрящется тамо, но пойдут по нему избавлении: 10 и собраннии Господем обратятся и приидут в Сион с радостию, и радость вечная над главою их: над главою бо их хвала и веселие, и радость приемет я, отбеже болезнь и печаль и вздохание.

36 И бысть во четвертоенадесять лето царствующу

Езекии, взыде Сеннахирим царь Ассирийск на грады тверды Иудейски и взя оныя. 2 И посла царь Ассирийск Рапсака от Лахиса во Иерусалим ко царю Езекии с силою великою, и ста у водоважды купели вышния на пути села Кнафеова. 3 И изыде к нему Елиаким сын Хелкиев домостроитель, и Сомнас книгочий, и Иоах сын Асафов памятописец. 4 И рече им Рапсак: рцыте Езекии: сия глаголет царь великий, царь Ассирийск: на что уповаши? 5 Еда советом и словесы устными битва бывает? И ныне на кого уповаши, яко не покаряяшися мне? 6 Се, уповаеши на жезл тростян сокрушенный сей, на Египет, на негоже аще опрется муж, внидет в руку его и прободет ю: тако есть фараон царь Египетский, и вси уповаущи на него: 7 аще же глаголете, на Господа Бога нашего уповаляем: не сей ли есть, егоже разори Езекии высокая и требища его, и заповеда Иуде и Иерусалиму: пред олтарем сим поклонитеся? 8 Ныне соединитеся господину моему царю Ассирийску, и дам вам две тысячи коней, аще можете дати вседающие на них: 9 и како можете отвратити лице воеводы единаго? Раби суть, иже уповают на Египтян, на коней и всадников: 10 и ныне еда без Господа приидохом на страну сию, воевати на ню? Господь рече ко мне: взыди на землю сию и погуби ю. 11 И рече к нему Елиаким и Сомнас книгочий и Иоах: глаголи к рабом твоим сирски, разумеем бо мы, а не глаголи к нам иудейски: и вскую глаголеши во уши человеком седящим на стене? 12 И рече к ним Рапсак: еда ко господину вашему, или к вам посла мя господин мой глаголати словеса сия? Не к человеком ли седящим на ограде, да ядят мотыла и пиют мочь с вами вкупе? 13 И ста Рапсак, и возопи гласом велиим иудейски и рече: слышите словеса царя великаго, царя Ассирийска: 14 сия глаголет царь: да не прельщает вас Езекия словесы,

не может избавити вас: 15 и да не глаголет вам Езекия, яко избавити вы Бог, и не предастся град сей в руце царя Ассирийска: 16 не слушайте Езекии: сия глаголет царь Ассирийский: аще хощете благословени быти, изыдите ко мне и ядите кийждо виноград свой и смокви, и пийте от потока вашего, 17 дондеже прииду и поиму вы в землю, яже аки ваша земля, земля пшеницы и вина и хлебов и виноградов: 18 да не прельщает вас Езекия, глаголя: Бог ваш избавит вы: еда избавиша бози язычествии, кийждо страну свою от руки царя Ассирийска? 19 Где есть бог Емафов и Арфафов? И где бог града Сепфарима? Еда возможоша избавити Самарию от руки моей? 20 Кто от богов всех языков сих, иже избави землю свою от руки моей, яко избавит Бог Иерусалима от руки моей? 21 И умолкоша, и никтоже отвеща ему словесе, повеления ради царева, да никтоже отвещает. 22 И вниде Елиаким сын Хелкиев домостроитель, и Сомнус книжочий силы, и Иоах сын Асафов памятописец ко Езекии в растерзаных ризах и поведаша ему словеса Рапсакова.

37 И бысть егда услыша царь Езекия, растерза ризы и облечеся во вретище и вниде во храм Господень: 2 и посла Елиакима домостроителя, и Сомнус книжочия, и старейшины жречески оболчены во вретища ко Исаии пророку сыну Амосову. 3 И рекоша ему: сия глаголет Езекия: день печали и укоризны и обличения и гнева днешний день, понеже прииде болезнь раждающей, крепости же не имеет родити: 4 да услышит Господь Бог твой словеса Рапсакова, яже послы царь Ассирийский, господин его, укаряти Бога живаго и поносити словесы, яже слыша Господь Бог твой, и да помолишися ко Господеви Богу твоему о оставшихся сих. 5 И придоша отроцы царя Езекии ко Исаии. 6 И рече им Исаия: сице рече ко господину вашему: сия глаголет Господь: не убояся от словес, яже еси слышал, имиже укориша Мя послы царя Ассирийска: 7 се, Аз вложу в него дух, и услышав весть возвратится во страну свою и падет мечем на своей земли. 8 И возвратися Рапсак и обрете царя Ассирийского облежаща Ловну: и услыша царь Ассирийск, яко отиде от Лахиса, 9 и изъде Фарака царь Ефиопский воевати нань: и услышав возвратися и послы ко Езекии, глаголя: 10 сице рече Езекии царю Иудейску: да не прельщает Бог твой тебе, на Негоже уповая еси, глаголя, яко не предастся Иерусалим в руце царя Ассирийска: 11 или не слышал еси ты, что сотвориша царие Ассирийстии, како всю землю погубиша, и ты ли избавишися? 12 Еда избавиша сих

бози язычествии, ихже погубиша отцы мои Гозан и Харран и Расем, иже суть во стране Феемафи? 13 Где суть царие Емафовы, и где Арфафовы, и где града Епфаруема, Анаугана? 14 И взя Езекия книгу от послов и прочте ю, и вниде во храм Господень и отверзе ю пред Господем. 15 И помолися Езекия ко Господеви, глаголя: 16 Господи Саваоф, Боже Израилев, седяй на Херувимех, Ты еси Бог един Царь всякаго царства вселенныя, Ты сотворил еси небо и землю: 17 приклони, Господи, ухо Твое, услыши, Господи, отверзи, Господи, очи Твои, призри, Господи, и виждь и слыши вся словеса Сеннахиримля, яже послы укаряти Бога живаго: 18 поистинне бо, Господи, пусту сотвориша царие Ассирийстии всю землю и страны их, 19 и ввергла кумиры их во огнь, не беша бо бози, но дела рук человеческих, древа и камение, и погубиша я: 20 ныне же, Господи Боже наш, спаси ны от руки их, да уведят вся царствия земная, яко Ты еси (Господь) Бог един. 21 И послан бысть Исаия сын Амосов ко Езекии и рече ему: сия глаголет Господь Бог Израилев: слышах, о нихже молился еси ко Мне о Сеннахириме цари Ассирийстем. 22 Сие слово, еже глагола о нем Бог: похули тя и поругася тебе девица дци Сиона, на тя главою покива дци Иерусалимля: 23 кого укорил и разгневал еси? Или к кому возвысил еси глас твой, и не воздвигл еси на высоту очес твоих? Ко Святому Израилеву! 24 Яко послами укорил еси Господа, ты бо рекл еси: множеством колесниц аз взыдох на высоту гор и на последняя Ливана, и посекох высоту кедра его и доброту кипарисову, и внидох в высоту части дубравныя 25 и положих мост, и опустоших воды и все собрание водное: 26 не слышал ли еси издревле сих, яже Аз сотворих? От древних дній совещах, ныне же показах опустошили языки в твердынях и живущыя во твердых градех: 27 опустих руце, и изсxoша и быша аки сухо сено на кровех и аки троскот: 28 ныне же покой твой и исход твой и вход твой Аз вем, 29 ярость же твоя, еюже разгневался еси, и огорчение твое взыде ко Мне, и вложу бродзу в ноздри твоя, и узду во уста твоя, и возвращу тя путем, имже еси пришел. 30 Сие же тебе знамение: яждь сего лета, еже еси всеял, а во второе лето, еже от себе растет: а в третие насеваше пожнете и насадите винограды и снесте плоды их: 31 и будут оставши во Иудеи, прорастят корение долу и сотворят в верх плод, 32 яко от Иерусалима будут оставшися и спасшися от горы Сиони: ревность Господа Саваофа сотворит сия. 33 Сего ради тако глаголет Господь на царя Ассирийска: не внидет в сей град, ниже пустит

нань стрелу, ниже возложит нань щита, ниже оградит окрест его ограждения: 34 но путем, имже прииде, темже возвратится, и во град сей не внидет. Сия глаголет Господь: 35 защищу град сей, еже спасти его Мене ради и ради Давида раба Моего. 36 И изыде Ангел Господень и изби от полка Ассирийска сто осмыдесят пять тысяч. И воставше заутра, обретоша вся телеса мертвa. 37 И отиде возвращься Сеннахирим царь Ассирийский и вселился во Ниневии. 38 И внегда покланялся ему и в дому Насараху отечествоначалнику своему, Адрамелех и Сарасар сынове его убиista его мечми, сами же убежаsta во Арmenию. И воцарися Асордан сын его вместо его.

38 Бысть же в то время, разболеся Езекия до смерти.

И прииде к нему Исаия пророк сын Амосов и рече к нему: сия глаголет Господь: устрой о доме твоем, умираеш бо ты и не будеши жив. 2 И обрати Езекия лицо свое ко стене и помолися ко Господеви глаголя: 3 помяни, Господи, како ходих пред Тобою со истиною и сердцем истинным, и угодная пред Тобою сотворих. И плакася Езекия плачем великим. 4 И бысть слово Господне ко Исаии глаголя: 5 иди и рцы Езекии: тако глаголет Господь Бог Давида отца твоего: услышах молитву твою и видех слезы твоя, се, прилагаю к летом твоим лет пятьнадесят, 6 и от руки царя Ассирийска избавлю тя и град сей, и защищу о граде сем: 7 сие же тебе знамение от Господа, яко Бог сотворит глаголгол сей, якоже глагола: 8 се, аз возвращу сень степеней, имиже снide солнце десять степеней дому отца твоего, возвращу солнце десять степеней, имиже снide сень. 9 Молитва Езекии царя Иудейска, егда боле и воста от недуга своего. 10 Аз рекох в высоте дний моих: пойду во врата адова, оставило лета прочая. (Sheol h7585) 11 Рекох: кому не узрю спасения Божия на земли живых, кому не узрю спасения Израилева на земли, кому не узрю человека со живущими: 12 остал от сродства моего, оставил прочее живота моего, изыде и отиде от мене аки разрушая кущу поткнувый: аки платно дух мой во мне бысть, ткателнице приближающейся отрезати. 13 В той день предан бых до заутра аки льву, тако сокруши вся кости моя: от дне до нощи предан бых. 14 Яко ластовица, тако возопио, и яко голубь, тако поучуся: изчезосте бо очи мои, еже взирати на высоту небесную ко Господу, Иже избави мя и отя болезнь души моей: 15 и Той сотвори путеводство во вся лета моя. 16 Господи, о той бо возвестися Тебе, и

воздвигл еси дыхание мое, и утешився ожих. 17 Избавил бо еси душу мою, да не погибнет, и завергл еси за мя вся грехи мои. 18 Не похвалят бо Тебе, иже во аде, ни умерши возблагословят Тя, и не надеются, иже во аде, милости Твоей. (Sheol h7585) 19 Живии же возблагословят Тя, якоже и аз: отднесь бо дети сотворю, яже возвестят правду Твою, 20 Господи спасения моего: и не престану благословия тя с песнико вся дни живота моего прямо дому Божию. 21 И рече Исаия ко Езекии: возми от смоквий и сотри, и приложи пластиры на язву и здрав будеши. 22 И рече Езекия: сие знамение, яко взыду в дом Божий.

39 В то время послы Меродах Валадан сын Валаданов, царь Вавилонский, писания и послы и дары Езекии:

слыша бо, яко болел есть до смерти и воста. 2 И обрадовася о них Езекия радостию великою, и показа им дом ароматов и мира, и стакти и фимиама, и сребра и золата, и вся домы сосудов сокровищных, и вся елика бяху во сокровищах его: и не оста ничтоже, егоже не показа им Езекия в дому своем и во всей области своей. 3 И прииде Исаия пророк ко Езекии царю и рече к нему: что глаголют сии мужие, и откуду придоша к тебе? И рече Езекия: от земли далекия придоша ко мне, от Вавилона. 4 И рече Исаия: что видеша в дому твоем? И рече Езекия: вся, елика в дому моем, видеша, и несть в дому моем, егоже бы не видели, но и яже в сокровищах моих. 5 И рече ему Исаия: послушай словесе Господа Саваофа: 6 се, дние грядут, глаголет Господь, и возмут вся, яже в дому твоем, и елика собраша отцы твои даже до дне сего, в Вавилон прейдут, иничесоже оставят: 7 рече Господь, яко и от чад твоих, ихже родил еси, поймут и сотворят каженики в дому царя Вавилонска. 8 И рече Езекия ко Исаии: благо слово Господне, еже глагола: да будет ныне мир и правда бо дни мои.

40 Утешайте, утешайте люди Моя, глаголет Бог: 2 священницы, глаголите в сердце Иерусалиму, утешайте и, яко наполнися смирение его, разрешися грех его, яко прият от руки Господни сугубы грехи своя. 3 Глас вопиющаго в пустыни: уготовайте путь Господень, правы сотворите стези Бога нашего: 4 всяка дебрь наполнится, и всяка гора и холм смирятся, и будут вся стропотная в право, и острая в пути гладки. 5 И явится слава Господня, и узрит всяка плоть спасение Божие, яко Господь глагола. 6 Глас вопиющаго: возопий. И рекох: что возопию? Всяка плоть сено, и всяка слава человеча яко цвет травный: 7 изсше трава, и цвет отпаде, 8 глаголгол же Бога нашего пребывает во веки. 9 На гору высоку

взыди, благовествуя Сиону, возвыси крепостию глас твой, благовествуя Иерусалиму: возвысите, не бойтесь. Рцы градом Иудиным: 10 се, Бог ваш, се, Господь, Господь со крепостию идет, и мышца Его со властию: се, мзда Его с Ним, и дело Его пред Ним: 11 аки паstryр упасет паству Свою, и мышцею Свою соберет агнцы, и имущыя во утробе утешит. 12 Кто измери горстию воду и небо пядию и всю землю горстию? Кто постави горы в мериле и холмы в весе? 13 Кто уразуме ум Господень, и кто советник Ему бысть, иже научает Его? 14 Или с ким советова, и настави И? Или кто показа Ему суд? Или путь разумения кто показа Ему? Или кто прежде даде Ему, и воздастся Ему? 15 Аще вси языцы, аки капля от кади, и яко претяжение веса вменишаися, и аки плюновение вменияся? 16 Дубрава же Ливанова не доволна на сожжение, и вся четвероногая не доволна на всесожжение. 17 И вси языцы яко ничтоже суть, и в ничтоже вменишаися. 18 Кому уподобисте Господа, и коему подобию уподобисте Его? 19 Еда образ сотвори древоделатель, или златарь слияв злато позлати его, или подобием сотвори его? 20 Древо бо негниюще избирает древоделатель и мудре ищет, како поставит образ его, и да не поколеблется. 21 Не разуместе ли, не слышасте ли, не возвестися ли вам исперва? Не разуместе ли основания земли? 22 Содержай круг земли, и живущи на ней аки прузи: поставив небо яко камару и простер е, яко скинию обитати: 23 даяй князи аки ничтоже владети, и землю аки ничтоже сотвори. 24 Не насадят бо, ниже насеют, и не вкоренится в земли корение их: дхну на них ветр, и изсхоша, и буря аки стеблии возмет их. 25 Ныне убо кому Мя уподобисте, и вознесуся? Рече Святый. 26 Воззрите на высоту очима вашима и видите, кто сотвори сия вся: носяй по числу утварь Свою, и вся по имени прозовет от многия славы и в державе крепости Своей: ничтоже утаися и Тебе. 27 Еда бо речеши, Иакове, и что глаголал еси, Израилю: утаися путь мой от Бога, и Бог мой суд отя, и отступи? 28 И ныне не уразумел ли еси ни ли слышал еси? Бог вечный, Бог устроивый концы земли, не взалчет, ниже утрудится, ниже есть изобретение премудрости Его, 29 даяй алчущым крепость и неболезненным печаль. 30 Взлчут бо юнейшии, и утрудятся юноты, и избранныи не крепцы будут: 31 терпящии же Господа изменят крепость, окрылатеют аки орли, потекут и не утрудятся, пойдут и не взалчут.

41 Обновляйтесь ко Мне, острови князи бо изменят крепость: да приближатся и да глаголют вкупе, тогда суд да возвещают. 2 Кто возстави от восток правду, призываю к ногам своим, и пойдет? Даст пред языки, и цари ужасит: и повергнет на землю мечи их, и аки стеблии отвержени луцы их, 3 и проженет я, и пройдет с миром путь ног его. 4 Кто содела и сотвори сия, призываю призываю ю от начала родов. Аз Бог первый, и в грядущая Аз есмь. 5 Видеша языцы и убояшася, концы землии приближишаися и придоша вкупе. 6 Судяй кийждо ближнему, и брату помощи, и речет: 7 превозможе муж древоделатель и ковачь бияй млатом, вкупе проковаяй: овогда убо речет: спаяние добро есть, утвердиша я гвоздьми, положат я, и не подвигнутся. 8 Ты же, Израилю, рабе Мой, Иакове, егоже избрах, семя Авраамле, егоже возлюбих, 9 егоже поях от конец земли, и от стражб ея призвах тя, и рекох ти: раб Мой еси, избрах тя, и не оставил тебе: 10 не бойся, с тобою бо есмь, не прельщаю: Аз бо есмь Бог твой, укрепивый тя, и помохог ти, и утвердих тя десницею Моею праведною: 11 се, постыдятся и посрамятся вси сопротивляющиися тебе, будут бо яко не сущии, и погибнут вси соперницы твои: 12 взыщеши их, и не обрящеши человеков, иже поругаются тебе: будут бо аки не бывши и не будут ратующии тебе. 13 Яко Аз Бог твой держай десницу твою, глаголяй тебе: 14 не бойся, Иакове, малый Израилю, Аз помохог ти, глаголет Бог твой, Избавляй тя Святый Израилев: 15 се, сотворих тя аки колеса колесничная новая, стирающая аки пила, и сотреши горы, и источиши холмы, и аки прах положиши, 16 и извеши, и ветр возмет я, и буря развеет я: ты же возвеселишися во Святых Израилевых. 17 И возрадуются убозии и неимущии: поищут бо воды, и не будет, язык их от жажды изсше. Аз Господь Бог, Аз услышу их, Бог Израилев, и не оставил их, 18 но отверзу на горах реки и среди поля источники, сотворю пустыню в луги водныя и жаждущую землю в водотечи, 19 положу в безводную землю кедр и смерчие, и мицсину и кипарис и тополю: 20 да узрят и уразумеют, и помысят и уведят вкупе, яко рука Господня сотвори сия вся, и Святый Израилев показа. 21 Приближается суд ваш, глаголет Бог: приближишася совети ваши, глаголет Царь Иаковль. 22 Да приближатся и возвестят вам, яже сбудутся, или яже прежде быша, рцы: и приставим ум и уразумеем, что последняя и будущая: рцы нам, 23 возвестите нам грядущая на последок, и увемы, яко бози есте: благо сотворите и зло сотворите, и почудимся и узрим вкупе. 24 Яко откуда есте

вы, и откуду дело ваше? От земли мерзость избираша вас. 25 Аз же возставих, иже от севера и иже от восток солнечных прозовутся именем Моим: да приидут князи, и яко брение скудельника и яко скудельник топчуць брение, тако попрани будете. 26 Кто бо возвестит, яже исперва, да увемы, яже напреди, и речем, яко истинна суть? Несть предглаголющаго, ни слышащаго словес ваших. 27 Начало Сиону дам и Иерусалима утешу на пути. 28 От язык бо, се, ни един и от кумир их несть возвещай. И аще вопросу их, откуду есте? Не отвешают ми. 29 Суть бо творящии вас и все прельщающии вас.

42 Иаков Отрок Мой, восприиму и: Израиль избранный

Мой, прият Его душа Моя, дах дух Мой Нань, суд языком возвестит: 2 не возопиет ниже ослабит, ниже услышится вне глас Его: з трости сокрушены не сотрет и льна курящая не угасит, но во истину изнесет суд: 4 возсияет и не потухнет, дондеже положит на земли суд, и на имя Его языцы уповати имут. 5 Тако глаголет Господь Бог, сотворивый небо и водрузивый е, утверждай землю и яже на ней, и даяй дыхание людем, иже на ней, и дух ходящым на ней: 6 Аз Господь Бог призвах Тя в правде, и удержу за руку Твою и укреплю Тя: и дах Тя в завет рода Израилева, во свет языков, 7 отверсти очи слепых, извести от уз связанныя и из дому темницы и седящия во тме. 8 Аз Господь Бог, сие Мое есть имя, славы Моей иному не дам, ниже добротелей Моих истуканным. 9 Иже из начала, се, придоша, и новая, яже Аз возвещу, и прежде неже возвестити, явишася вам. 10 Воспойте Господеви песнь нову: началство Его, прославите имя Его от конец земли, сходящии в море и плавающии по нему, острови и живущии на них. 11 Возвеселися, пустыне, и веси ея, придвория, и живущии в Кидаре: возвеселятся живущии на камени, от края гор возопиют, 12 дадят Богу славу, добротелы Его во островех возвестят. 13 Господь Бог Сил изыдет и сокрушит рать, воздвигнет рвение и возопиет на враги Своя со крепостию. 14 Молчах, еда и всегда умолчу и потерплю? Терпех яко раждающая, истреблю и изсушу вкупе, 15 опустошу горы и холмы, и всяку траву их изсушу, и положу реки во островы, и луги изсушу: 16 и наведу слепяя на путь, егоже не видеша, и по стезям, ихже не знаша, ходити сотворю им: сотворю им тму во свет и стропотная в правая: сия глаголголы сотворю, и не оставлю их. 17 Тии же возвратишася вспять: посрамитеся стыдением, уповающии на извяянная, глаголющии слянным: вы есте бози наши. 18 Глусии, услышите, и слепии, прозрите

видети. 19 И кто слеп, разве раби Мои? И глуси, разве владеющии ими? И ослепоша раби Божии. 20 Видесте многажды, и не сохранисте: отверсты уши (имуще), и не слышасте. 21 Господь Бог восхоте, да оправдится и возвеличит хвалу. 22 И видех, и быша людие расхищени и разграблени: пругло бо в ложах везде, и в домех вкупе, идеже скрыша я, быша в плен: и не бысть изимай разграбления и не бе глаголющаго: отдаждь. 23 Кто в вас, иже внушит сия? И услышит во грядущая. 24 Кто даде на разграбление Иакова, и Израиля пленяющим его? Не Бог ли, Ему же согрешиша и не восхотеша в путех Его ходити, ни слушати закона Его? 25 И наведе на ня гнев ярости Своей, и укрепися на ня рать, и палящии их окрест, и не уведеша кийдо их, ниже положиша на уме.

43 И ныне сице глаголет Господь Бог сотворивый тя,

Иакове, и создавый тя, Израилю: не бойся, яко избавих тя, прозвах тя именем твоим: Мой еси ты. 2 И аще преходиши сквозе воду, с тобою есмь, и реки не покрывают тебе: и аще скозе огнь пройдеши, не сожжешися, и пламень не опалит тебе, 3 яко Аз Господь Бог твой, Святый Израилев, Спасай тя: сотворих премену твою Египет и Ефиопию, и Сиону за тя. 4 Отнелиже честен был еси предо Мною, прославился еси, и Аз тя возлюбих, и дам человеки за тебе и князи за главу твою. 5 Не бойся, яко с тобою есмь: от восток приведу семя твое и от запад соберу тя: 6 реку северу: приведи: и ливу: не возбраняй, приведи сыны Моя от земли дальния и дщери Моя от краев земных, 7 всех, елици нарицаются именем Моим: во славе бо Моеи устроих его и создах его и сотворих и. 8 И изведох люди слепы, и очи суть такожде слепы, и глуси уши имущии. 9 Вси языцы собирашася вкупе, и собираутся князи от них. Кто возвестит сия? Или яже исперва кто возвестит вам? Да приведут свидетели своя и оправдятся, и да услышат и да рекут истину. 10 Будите Ми свидетели, и Аз свидетель, глаголет Господь Бог, и отрок Мой, егоже избрах, да увесте и веруете Ми и уразумеете, яко Аз есмь: прежде Мене не бысть ин Бог, и по Мне не будет. 11 Аз Бог, и несть разве Мене Спасай. 12 Аз возвставих и спасох, укорих, и не бе в вас чуждий: вы Мне свидетели, и Аз свидетель, глаголет Господь Бог, 13 еще от начала, и несть изимай от руки Моею: сотворю, и кто отвратит е? 14 Тако глаголет Господь Бог, Избавляй вас, Святый Израилев: вас ради послю в Вавилон и воздвигну вся бежащя, и Халдее в кораблех свяжутся. 15 Аз Господь Бог Святый ваш, показавый Израиля Царя вашего. 16 Сице глаголет Господь, даяй путь по морю и по воде сильне стезю: 17 изводяй колесницы и

кони и народ силен: но успоша и не востанут, угасоша аки лен угашен. 18 Не поминайте первых, и ветхих не помышляйте, 19 се, Аз творю новая, яже ныне возсияют, и уверте я: и сотворю в пустыни путь и в безводней реки. 20 Возблагословят мя зверие селнии, сирини и дщери струфовы: яко дах в пустыни воду и реки в безводней, напоити род мой избранный, 21 люди моя, яже снабдех, добродетели моя поведати. 22 Не ныне призвах тебе, Иакове, ниже трудитися сотворих тя, Израилю. 23 Не принесл еси мне овец твоих всесожжения твоего, ни в жертвах твоих прославил мя еси, не поработих тя в жертвах, ниже утруждена сотворих тя в Ливане: 24 не купил еси мне на сребро фимиама, ниже туха треб твоих возжелах, но во гресех твоих стал еси предо мною и в неправдах твоих. 25 Аз есмь, Аз есмь заглаждаяй беззакония твоя мене ради и грехи твоя, и не помяну. 26 Ты же помяни, и да судимся: глаголи ты беззакония твоя прежде, да оправдишися. 27 Отцы ваши первии согрешиша, и князи ваши беззаконноваша на мя. 28 И оскверниша князи святая моя, и дах погубити Иакова и Израиля во укоризну.

44 Ныне же слыши, рабе мой Иакове, и Израилю, егоже избрах. 2 Сице глаголет Господь Бог сотворивый тя и создавый тя из утробы: еще поможет ти: не бойся, рабе мой Иакове, и возлюбленный Израилю, егоже избрах. 3 Яко Аз дам воду в жажду ходящым в безводней, наложу дух мой на семя твое и благословения моя на чада твоя, 4 и прозябнут аки трава посреде воды и яко верба при воде текущей. 5 Сей речет: Божий есмь: и сей возопиет о имени Иаковли, и другой напишет рукою своею: Божий есмь: и о имени Израилеве возопиет. 6 Сице глаголет Бог Царь Израилев, и Избавлей его Бог Саваоф: Аз первый и Аз по сих, кроме мене несть Бога: 7 кто яко же Аз? Да станет и да призовет, и да возвестит и да уготовит Ми, отнележе сотворих человека во век, и грядущая прежде неже приими, да возвестят вам. 8 Не укрывайтесь, ниже заблуждайте: не исперва ли внушисте, и возвестих вам? Свидетелье вы есте, аще есть Бог разве мене. 9 И не послушаша тогда созидающии, и ваяющии вси тщетни, творящии желания своя, яже не упользуют их: 10 но посрамятся вси созидающии бога и ваяющии вси неполезная. 11 И вси, отнодуже быша, изсхаша: и глусии от человек да соберутся вси и да станут вкупе, и да посрамятся и устыдятся вкупе. 12 Яко наостри древоделатель сечиво, теслою содела оное, и свердлом состави е, и длатом издолбе е, и содела е крепостию

мышцы своея: и взалчет, и изнеможет, и не напиется воды. 13 И избрав древоделя древо, постави в меру, и kleem сострои е, и сотвори е аки образ мужеск и аки красоту человечу, поставити е в дому. 14 Посече древо в дубраве, еже насади Господь, сосну, и дождь возрасти, 15 да будет человеком на жжение: и взял от него, согреся, и изжегше я, испекоша ими хлебы, из оставшаго же сотвориша боги и покланяются им: сотвори е изваянное, и прекланяется им. 16 Пол его сожже огнем, и пол его сожже на углие, и испече в них хлебы, и на них испече мясо, и яде, и насытился, и согревся рече: сладко мне, яко согрехся и видех огнь. 17 Из оставшаго же сотвори бога изваянна, прекланяется ему и покланяется, и молится ему глаголя: избави мя, яко бог мой еси ты. 18 Не уведаша смыслити, яко отемнеша очи их еже видети и разумети сердцем своим. 19 И не помысли в души своей, ни уведе смыслением, яко пол его сожже огнем, и испече на углиех его хлебы, и испек мяса снеде, и оставшее его в мерзость сотвори, и покланяются ему. 20 Увеждъ, яко пепел есть сердце их, и прельщаются, и ни един может души своея избавити: видите, не рцыте, яко лжа в деснице моей. 21 Помяни сия, Иакове и Израилю, яко раб мой еси ты, сотворих тя раба моего, и ты, Израилю, не забывай мене. 22 Се бо, отях яко облак беззакония твоя и яко примрак грехи твоя: обратися ко мне, и избавлю тя. 23 Возвеселитесь, небеса, яко помилова Бог Израиля: вострубите, основания земная, возопийте, горы, веселие, холми и вся древеса, яже на них: яко избави Бог Иакова, и Израиль прославится. 24 Сице глаголет Господь избавляяя тя и создавый тя от чрева: Аз Господь совершаяя вся, распстрох небо един и утверди землю. 25 Кто ин разсыплет знамения чревоволшебников и волшбы от сердца, отвращая мудрья вспять и советы их обуяй, 26 и уставля глагол раба Своего, и совет вестников Своих истинен творяй? Глаголай Иерусалиму: населишися: и градом Иудейским: возградитеся, и пустыни его просияют, 27 глаголай бездне: опустеши, и реки твоя изсушу, 28 глаголай Киру смыслити, и вся воли моя сотворит: глаголай Иерусалиму: возградишися, и храм святый мой осную.

45 Сице глаголет Господь Бог помазанному моему Киру, егоже удержах за десницу, повинути пред ним языки, и крепость царей разрушу, отверзу пред ним врата, и гради не злворятся: 2 Аз пред тобою пойду и горы уравню, врата медяная сокрушу и вореи железныя сломлю, 3 и дам ти сокровища темная сокровенная:

невидимая отверзу тебе, да увеси, яко Аз Господь Бог твой прозывая имя твое, Бог Израилев. 4 Ради раба Моего Иакова и Израиля избранного Моего, Аз прозову тя именем твоим и прииму тя: 5 ты же не познал еси Мене, яко Аз Господь Бог, и несть разве Мене еще Бога: укрепих тя, и не познал еси Мене, 6 да быша уведели, иже от восток солнечных и иже от запад, яко несть Бог разве Мене: Аз Господь Бог, и несть еще. 7 Аз устроивый свет и сотворивый тму, творяй мир и зиждай злая, Аз Господь Бог, творяй сия вся. 8 Да возрадуется небо свыше, и облацы да кропят правду: да прозябнет земля, и да прорастит милость, и правду да прозябнет вкупе: Аз есмь Господь создавый тя. 9 Что лучшее устроих яко глину скудельничу? Еда оряй орати будет землю весь день? Еда речет брение скудельнику: что твориши, яко не делаеши, ниже имаши рук? Еда отвешает здание создавшему е? 10 Еда глаголет отцу: что родиши? И матери: что чревоболиши? 11 Яко тако глаголет Господь Бог, Святый Израилев, Сотворивый грядущая:问问 Мене о сынех Моих и о дщерех Моих, и о дех руку мою заповедите Мне. 12 Аз сотворих землю и человека на ней, Аз рукою Моею утвердих небо, Аз всем звездам заповедах. 13 Аз возставил его со правдою царя, и вси путие его правы: сей созиждет град Мой и пленение людий Моих возвратит, не по мзде, ни по даром, рече Господь Саваоф. 14 Тако глаголет Господь Саваоф: утрудися Египет и купли Ефиопския, и Саваимстии мужие высоцыи к тебе прейдут и тебе будут раби, и вслед тебе пойдут связани узами ручными, и прейдут к тебе и поклонятся тебе, и в тебе помолятся, яко в тебе Бог есть, и рекут: несть Бога разве тебе: 15 Ты бо еси Бог, и не ведехом, Бог Израилев Спас. 16 Постыдятся и посрамятся вси противища ему и пойдут в стude: обновляйтесь ко мне, острови. 17 Израиль спасается от Господа спасением вечным: не постыдятся, ни посрамятся даже до века ктому. 18 Зане тако глаголет Господь сотворивый небо, Сей Бог показавый землю и сотворивый ю, Той раздели ю, не вотще сотвори ю, но на вселение созда ю: Аз есмь Господь, и несть ктому. 19 Не отай глаголах, ни в темне месте земли: не рекох племени Иаковлю: суетнаго взыщите. Аз есмь, Аз есмь Господь глаголяй правду и возвещая истину. 20 Соберитеся и приидите, совещайтесь вкупе, спасаемии от языка. Не разумеша воздвижущии древо извяжние свое и молящеся богом, иже не спасают. 21 Аще возвестят, да приближатся, да уведят вкупе, кто слышана сотвори сия исперва? Тогда возвестися вам: Аз Бог, и несть иного разве Мене,

праведен и Спаситель, несть кроме Мене. 22 Обратитеся ко Мне и спасетесь, иже от края земнаго: Аз есмь Бог, и несть иного. 23 Кленуся Мною Самим, аще не изыдет изо уст Моих правда, словеса Моя не возвратятся: яко Мне поклонится всяко колено, и исповестся всяк язык Богови, глаголя: 24 правда и слава к Нему приидет: и посрамятся вси отлучающиися. 25 От Господа оправдятся, и о Бозе прославится все семя сынов Израилевых.

46 Паде Вил, сокрушился Дагон, быша ваяния их во звери и скоты: носите я связана яко бремя тружающимся и разслабевшу, 2 и алчуши и не могуши вкупе, иже не помогут спастися от рати, сами же пленени приведоша. 3 Послушайте Мене, доме Иаковль и весь останок Израилев, носимии от чрева и наказумии от детска даже до старости: 4 Аз есмь, и дондеже состареется, Аз есмь, Аз терплю вам, Аз сотворих и Аз понесу, Аз подиму и спасу вы. 5 Кому Мя уподобисте? Видите, ухитрите, заблуждающие, 6 слагающие злато из меха, и сребро весом поставляют в мериле, и наемше златаря сотвориша рукотворенная, и преклонившися покланяются им: 7 воздвижут я на рамех и ходят: аще же положат я на месте своем, ту лежат, ниже подвижутся: и иже аще возопиет к ним, не услышат, от бед не спасут его. 8 Помяните сия и возстените, покайтесь, прельстившияся, обратитеся сердцем 9 и помяните первую от века, яко Аз есмь Бог, и несть еще разве Мене: 10 возвещаяй первое последняя, прежде неже быти им, и аbie сбыша: и рекох: весь совет Мой станет, и вся, елика совещах, сотворю. 11 Призываю от восток птицу, и от земли издалеча, о нынче совещах: рекох и приведох, создах и сотворих, приведох и благопоспеших путь его. 12 Послушайте Мене, погубльши сердце, сущии далече от правды: 13 приближих правду Мою, и не удалится, и спасение, еже от Мене, не умудлю: дах в Сионе спасение Израилю во прославление.

47 Сниди, сяди на земли, дево, дщи Вавилоня, вниди во тму, дщи Халдейска, яко не приложиши ксему прозыватися мягка и юна. 2 Возми жерновы, мели муку, открый покрываю твою, открый седины, возсучи голени, прейди реки: 3 откроется студ твой, явятся укоризны твоя, праведное от тебе возму, ктому не предам человеком. 4 Рече Избавивый тя Господь Саваоф, имя Ему Святый Израилев: 5 сяди умилена, вниди во тму, дщи Халдейска, ксему не прозовешися крепость царства. 6 Разгневахся на люди Моя, осквернила еси наследие Мое: Аз вдах я в руку твою, ты же не дала им милости,

старчий ярем отягчила еси зело 7 и рекла еси: в век буду владычица: не помыслила еси сих в сердцы твоем, ниже помянула еси последних: 8 ныне же слыши сие, юная, седящая, уповающая, глаголющая в сердцы своем: аз есмъ, и несть иныя, не сяду вдовою и не познаю сиротства. 9 Ныне же приидут на тя два сия внезапу во един день, безчадие и вдовство внезапу приидет на тя, в волшебстве твоем и в крепости волхвов твоих зело, 10 в надеянии злобы твоей: ты бо рекла еси: аз есмъ, и несть иныя: увеждъ, яко смысление сих и служение твое будет тебе срам: и рекла еси сердцем своим: аз есмъ, и несть иныя. 11 И приидет на тя пагуба, и не увеси, пропасть, и впадеш в ню: и приидет на тя печаль, и не возможеш чиста быти: и приидет на тя внезапу пагуба, и не увеси. 12 Стани ныне с волхвами и со многими чары твоими, имже научилася еси из юности твоей, аще возмогут ти помочи. 13 Утрудилася еси в советех твоих: да станут ныне и спасут тя звездочетцы небесе, смотряющии звезд, да возвестят ти, что иметь на тя приити. 14 Се, вси яко хвастие огнем погорят и не изимут души своея из пламене, понеже имаши углие огненное, сяди на них. 15 Сии будут тебе помочь: трудилася еси в преложении от юности, человек сам в себе прельстися, тебе не не будет спасения.

48 Услышите сия, доме Иаковль, прозваннии именем

Израилевым и изшедшими из Иуды, кленущимися именем Господа Бога Израилева, поминающие не со истиною, ниже со правдою, 2 и придергавшиеся имени града святаго, и о Бозе Израилеве подтверждающиися: Господь Саваоф имя Ему. 3 Преждняя еще возвестих, и из уст Моих изыдоша, и слышано бысть: внезапу сотворих, и найде. 4 Вем, яко жесток еси, и жила железна выя твоя, и чело твое медяно. 5 И возвестих ты, яже древле, прежде неже приити на тя: слышана тебе сотворих, да не когда речеши, яко идоли мне сия сотвориша, и не рцы, яко изваянна и сляянна заповедаша мне. 6 Слышасте вся, и вы не разуместе: но и слышана тебе сотворих новая отныне, яже имут быти: 7 и не рекл еси: ныне бывают, а не прежде, и не в преждняя дни слышал еси сия: не рцы: ей, вем сия. 8 Не ведел еси, ниже разумел еси, ниже исперва отверзох ушеса твоя: ведех бо, яко отвергая отринеши и беззаконник еще от чрева прозовешися. 9 Имене Моего ради покажу ти ярость Мою, и славная Моя наведу на тя, да не потреблю тебе. 10 Се, продах тя не сребра ради: изях же тя из пещи убожества. 11 Мене ради сотворю ти, яко Мое имя

оскверняется, и славы Моей иному не дам. 12 Послушай Мене, Иакове и Израилю, егоже Аз призываю: Аз есмъ первый и Аз есмъ во век. 13 И рука Моя основа землю, и десница Моя утверди небо: призову я, и станут вкупе, 14 и соберутся вси и услышат: кто им возвести сия? Любя тя сотворих волю твою над Вавилоном, еже отяты племя Халдейско. 15 Аз глаголах, Аз призвах, приведох и, и благопоспешит путь его. 16 Приступите ко Мне и слышите сия, исперва не отай глаголах: егда бываху, тамо бех, и ныне Господь Господь посла мя и Дух Его. 17 Тако глаголет Господь, Избавивый тя, Святый Израилев: Аз есмъ Господь Бог твой, научих тя, еже обрести тебе путь, по немуже пойдеши. 18 И аще бы еси послушал заповедий Моих, то был бы убо аки река мир твой, и правда твоя яко волна морская, 19 и было бы яко песок семя твое, и изчадия чрева твоего яко перстъ земли: ниже ныне потребишися, ниже погибнет имя твое предо Мною. 20 Изыди от Вавилона, бежай от Халдеев: глас радости возвестите, и да слышано будет сие, возвестите даже до последних земли, глаголите: избави Господь раба Своего Иакова. 21 И аще вжаждут, пустынею проведет их и воду из камене изведет им: разсядется камень, и потечет вода, и испиют людие Мои. 22 Несть радоватися нечестивым, глаголет Господь.

49 Послушайте Мене, острови, и внимлите, языцы.

Временем многим стояти будет, глаголет Господь: от чрева матере Моей нарече имя Мое, 2 и положи уста Моя яко мечь остр, и под кровом руки Свои скры мя: положи мя яко стрелу избранну, и в тule своем скры мя, 3 и рече Ми: раб Мой еси Ты, Израилю, и в Тебе прославлюся. 4 Аз же рекох: вотще трудихся, всуе и ни во что дах крепость Мою: сего ради суд Мой пред Господем и труд Мой пред Богом Моим. 5 И ныне тако глаголет Господь, создавый мя от чрева раба Себе, еже собрати Иакова к Нему и Израилю: соберуся и прославлюся пред Господем, и Бог Мой будет Мне крепость. 6 И рече Ми: велие Ти есть, еже назватися Тебе рабом Моим, еже возставити племена Иаковля и разсение Израилево обратити: се, дах Тя в завет рода, во свет языком, еже быти Тебе во спасение даже до последних земли. 7 Тако глаголет Господь, Избавивый Тя Бог Израилев: освятите уничижающаго душу Свою, гнушаемаго от языка рабов княжеских: царие узрят Его, и востанут князи и поклоняются Ему Господа ради, яко верен есть Святый Израилев, и избрах Тя. 8 Тако глаголет Господь: во время приятно послушах Тебе и в день спасения помогох Ти, и

соториих Тя и дах Тя в завет вечный языков, еже устроити землю и наследити наследия пустыни, 9 глаголюща сущым во узах: изыдите, и сущым во тме: открыйтесь. На всех путех пастися будут, и на всех стезях пажить их: 10 не взалчут, ниже вжаждут, ниже поразит их знай, ниже солнце, но Милуй их утешит их и сквозе источники водныя проведет их. 11 И положу всяку гору в путь и всяку стезю в паству им. 12 Се, сии издалеча приидут, сии от севера и от моря, инии же от земли Перссия. 13 Радуйтесь, небеса, и веселися, земле, да отрыгнут горы веселие и холми правду, яко помилова Бог люди Своя и смиренныя людий Своих утеши. 14 Рече же Сион: остави мя Господь, и Бог забы мя. 15 Еда забудет жена отроча свое, еже не помиловати изчадия чрева своего? Аще же и забудет сих жена, но Аз не забуду тебе, глаголет Господь. 16 Се, на руках Моих написах стены твоя, и предо Мною еси присно, 17 и вскоре возградишися, от нихже разорился еси, и опустошивши тя изыдут из тебе. 18 Возведи окрест очи твои и видъ вся, се, сбирашася приидоша к тебе, живу Аз, глаголет Господь: яко всеми ими аки в красоту облечешися и обложиши себе ими яко утварио невеста. 19 Понеже пустая твоя и разсыпаная и падшая ныне утеснен от обитающих, и удалятся от тебе поглощающии тя. 20 Рекут бо во уши твои сынове твои, ихже был погубил еси: тесно ми место, сотори ми место, да вселюся. 21 И речеши в сердцы своем: кто мне породи сих? Аз же безчадна и вдова, сих же кто воспита мне? Аз же остался един, сии же мне где быша? 22 Тако глаголет Господь Господь: се, воздвигаю на языки руку Мою и на островы воздвигну знамение Мое, и приведут сыны твоя в лоне и дщери твоя на плещах возмут. 23 И будут царие кормителе твои, и княгини их кормилицы твоя: до лица земли поклонятся тебе и прах ног твоих оближут, и увеси, яко Аз Господь Бог, и не посрамятся терпящии мя. 24 Еда возмет кто от исполнна корысти? И аще кто пленит неправедне, спасетися? 25 Зане тако глаголет Господь: аще кто пленит исполнна, возмет корысти: вземляй же от крепкаго спасется: Аз же про твою разсужду и Аз сыны твоя избавлю: 26 и оскорбивши тебе снедят плоть свою и испиют яко вино ново кровь свою, и упиются: и увестъ всяка плоть, яко Аз Господь Избавивый тя и заступаи крепость Иаковлю.

50 Тако глаголет Господь: кая книга отпущения матере вашея, еюже отпустих ю? Или коему заимодавцу продах вы? Се, грехми вашими продастесь, и беззаконий ради ваших отпустих матерь вашу. 2 Что яко приидох, и не бяше человека? Звах, и не бе послушающаго? Еда

не может рука Моя избавити, или не могу изъти? Се, запрещением Моим опустошу море и положу реки пусты, и изсихнут рыбы их не сущей воде и умрут жаждею: 3 облеку небо во тму и положу аки вретище одежду его. 4 Господь Господь дает Мне язык научения, еже разумети, егда подобает реци слово: положи мя утро утро, приложи Ми ухо, еже слышати, 5 и наказание Господне отверзает уши Мои: Аз же не противлюся, ни противоглаголю. 6 Плещы Мои вдах на раны и ланите Мои на заущения, лица же Моего не отвратих от студа заплеваний, 7 и Господь Господь помощник Ми бысть: сего ради не усрамихся, но положих лице Свое аки твердый камень и разумех, яко не постыжуся: 8 зане приближается оправдавый мя. Кто прядяся со Мною? Да сопротивостанет Мне купно. И кто судяся со Мною? Да приближится ко Мне. 9 Се, Господь Господь поможет Ми: кто озлобит мя? Се, вси вы яко риза обетшае, и яко молие изяст вы. 10 Кто в вас бояйся Господа? Да послушает гласа Отрока Его. Ходящи во тме, и несть им света, надейтесь на имя Господне и утвердитесь о Бозе. 11 Се, вси вы огнь раждизаете и укрепляете пламень: ходите светом огня вашего и пламенем, егоже разжегосте. Мене ради быша сия вам, в печали успнете.

51 Послушайте Мене, гонящии правду и взыскающие Господа, возврите на твердый камень, егоже изсекосте, и в юдоль потока, юже ископасте. 2 Воззрите на Авраама отца вашего и на Сарпу породившую вы: яко един бе, и призвах его, и благослових его, и возлюбих его, и умножих его. 3 И тебе ныне утешу, Сионе, и утеших вся пустыни его, и поставлю пустыню его яко рай, и яже ко западом его аки рай Господень: радость и веселие обрящут в нем, исповедание и глас хваления. 4 Послушайте Мене, людие Мои, послушайте, и царие, ко Мне внушице: яко закон от Мене изыдет, и суд Мой во свет языком. 5 Приближается скоро правда Моя, и изыдет яко свет спасение Мое, и на мышцу Мою языцы надеятися будут: Мене острови ожидати и на мышцу Мою уповати будут. 6 Воздвигните на небо очи ваши и возврите на землю долу, понеже небо яко дым утвердися, и земля яко риза обетшае, живущи же на земли яко же сия изомрут, спасение же Мое во век будет, и правда Моя не оскудеет. 7 Послушайте Мене, ведящии суд, людие Мои, имже закон Мой в сердцы вашем, не бойтесь укорения человече и похуленю их не покаряйтесь. 8 Яко же риза снедена будет временем, и яко сукно изястся мольми, правда же Моя во веки будет и спасение Мое в роды родов. 9 Востани, востани, Иерусалиме,

и облецыся во крепость мышцы твои, востань яко в начале дне, яко род века: не ты ли еси победил гордаго и расторгнул змиа? 10 Не ты ли еси опустошай море, воду бездны многу? Положивый глубины морския путь прохода изятым и избавленым? 11 Господем бо возвратяся и приидут в Сион с радостию и со веселием вечным: на главе бо их веселье и хвала, и радость приемет я: отбеже болезнь и печаль и воздыхание. 12 Аз есмъ, Аз есмъ Утешай тя: разумей, кто сый убоился еси человека смертна и сына человечи, иже яко трава изсхоша, 13 и забыл еси Бога Создавшаго тя, Создавшаго небо и основавшаго землю: и боялся еси присно во вся дни лица ярости стужающаго тебе: како бо восхоте взяти тя, и ныне где ярость стужающаго тебе? 14 Внегда бо спастися тебе, не станет, ниже умедлит: 15 яко Аз Бог твой, возмущай море и творяй шум волнам его: Господь Саваоф имя Мне. 16 Положу словеса Моя во уста твоя и под сению руки Мои покрью тя, еюже поставих небо и основах землю: и речет Сиону: люди Мои есте вы. 17 Востань, востань, воскресени, Иерусалиме, испивый чашу ярости от руки Господни: чашу бо падения, фиал ярости испил и истощил еси, 18 и не бысть утешай тебе от всех чад твоих, яже родил еси, и не бысть подемлющаго руки твои, ниже от всех сынов твоих, ихже вознесл еси. 19 Два сия противна тебе, кто сожалеет тебе? Падение и сокрушение, глад и мечь, кто утешит тя? 20 Сынове твои обнищавши, седяще на краи всякаго исхода, яко свекла недовареная, исполнени ярости Господни, разслаблени Господем Богом. 21 Сего ради слыши, смиренный и упившийся не вином: 22 тако глаголет Господь Бог судяй людем Своим: се, взях от руки твои чашу падения, фиал ярости Мои, и не приложиши ксему пити ея: 23 и вложи ю в руце преобидевших тя и смиривших тя, иже рекоша души твои: преклонися, да минем: и положил еси равно земли плащи твоя отвне мимоходящим.

52 Востань, востань, Сионе, облецыся во крепость твою, Сионе, и ты облецыся во славу твою, Иерусалиме, граде святый, кому не приложит прости сквозе тя необрзанный и нечистый. 2 Истряси прах и востань, сяди, Иерусалиме, совлецы узу выи твои, плененая дщи Сиона. 3 Яко сия глаголет Господь: туне проданы бысте, и не сребром избавитеся. 4 Тако глаголет Господь: во Египет снidoша люди Мои прежде, еже пришелцем быти тамо, и во Ассирию нуждею отведоша. 5 И ныне что зде есте? Сия глаголет Господь: яко взяшася люди Мои туне, чудитеся и плачитеся. Тако глаголет

Господь: вас ради присно имя Мое хулится во языцах. 6 Сего ради познают людие Мои имя Мое в той день, яко Аз есмъ Сам глаголай, ту есмъ. 7 Коль красны на горах ноги благовествующих мир, благовествующих благая, яко слышано соторю спасение твое, глаголя: Сионе, воцарится Бог твой. 8 Яко глас хранящих тя вознесеся, и гласом вкупе возрадуются: яко очи ко очесем возврят, егда помилует Господь Сиона. 9 Да отрыгнут веселье вкупе пустыни Иерусалимския, яко помилова Господь людий Своих и избави Иерусалима: 10 и откроет Господь мышцу Свою святую пред всеми языки, и узрят вси концы земли спасение, еже от Бога нашего. 11 Отступите, отступите, изыдите отсюду и нечистоте не прикасайтесь, изыдите от среды его, отлучитесь, носящии сосуды Господни: 12 яко не с мятежем изыдете, ниже убежанием пойдете: пойдет бо пред вами Господь, и собираяй вы Господь Бог Израилев. 13 Се, уразумеет отрок Мой и вознесется и прославится зело. 14 Яко же ужаснутся о Тебе мнози, тако обезславится от человек вид Твой, и слава Твоя от сынов человеческих. 15 Тако удивятся языцы мнози о Нем, и загадят царие уста своя: яко, имже не возвестися о Нем, узрят, и иже не слышаша, уразумеют.

53 Господи, кто верова слуху нашему, и мышца Господня кому открыся? 2 Возвестихом, яко отроча пред Ним яко корень в земли жаждущей, несть вида Ему, ниже славы: и видехом Его, и не имяше вида, ни доброты: 3 но вид Его безчестен, умален паче всех сынов человеческих: человек в язве сый и ведый терпет болезнь, яко отвратися лицо Его, безчестно бысть, и не вменися. 4 Сей грехи наша носит и о нас болезнует, и мы вменихом Его быти в труде и в язве от Бога и во озлоблении. 5 Той же язвен бысть за грехи наша и мучен бысть за беззакония наша, наказание мира нашего на Нем, язвою Его мы изцелехом. 6 Вси яко овцы заблудихом: человек от пути своего заблуди, и Господь предаде Его грех ради наших. 7 И Той, зане озлоблен бысть, не отверзает уст Своих: яко овча на заколение ведеся, и яко агнец пред стригущим его безгласен, тако не отверзает уст Своих. 8 Во смирении Его суд Его взялся: род же Его кто исповесть? Яко вземлется от земли живот Его, ради беззаконий людий Моих ведеся на смерть. 9 И дам лукавыя вместо погребения Его и богатыя вместо смерти Его: яко беззакония не сотори, ниже обретеся лесть во устех Его. 10 И Господь хощет очистити Его от язвы: аще дастся о грехе, душа ваша узрит семя долгоживотное. 11 И хощет Господь рукою Свою отяти

болезнь от души Его, явити Ему свет и создати разумом, оправдати праведного благо служаща многим, и грехи их Той понесет. 12 Сего ради Той наследит многих и крепких разделит корысти, зане предана бысть на смерть душа Его, и со беззаконными вменися, и Той грехи многих вознесе и за беззакония их предан бысть.

54 Возвеселися, неплоды, нераждающая возгласи и возопий, нечревоболевшая, яко многа чада пустыя паче, нежели имущия мужа. 2 Рече бо Господь: разшири место, кущи твои и покровов твоих, водрузи, не пощади, продолжи ужя твоя и колие твое укрепи, 3 еще на десно и на лево простри: и семя твое языки наследит, и грады опустевшая наследиши. 4 Не бойся, яко посрамлена еси, ниже устыдися, яко укорена еси: понеже срамоту вечную забудеши и укоризны вдовства твоего не помянеши ктому. 5 Яко Господь Творяй тя, Господь Саваоф имя Ему: и Избавивый тя Святый Бог Израилев, всей земли прозовется. 6 Не яко жену оставлену и малодушну призыва Господь, ниже яко жену из юности возненавидену, рече Бог твой. 7 На время мало оставил тя, а с милостию великою помилую тя: 8 во ярости мале отвратих лицо Мое от тебе, но милостию вечною помилую тя, рече Избавивый тя Господь. 9 От воды, яже при Нои, сие Ми есть, яко же кляхся Ему во время оно на землю, не разгневатися о тебе ктому, ниже во прещении твоем 10 горы преставити, и холми твои не предвигнутся: тако ниже, яже от Мене к тебе, милость оскудеет, ниже завет мира твоего преставится: рече бо милостив к тебе Господь. 11 Смиренная и колеблемая не имела еси утешения: се, Аз уготовляю тебе анфракс камень твой и на основание твое сапфир: 12 и положу забрала твоя и аспис, и врата твоя камение кристалла, и ограждение твое камение избранное, 13 и вся сыны твоя научены Богом, и во мнозе мире чада твоя. 14 И правдою возградишися: удалися от неправедного, и не убоишися, и трепет не приближится тебе. 15 Се, пришелцы приидут к тебе Мною и вселятся у тебе и к тебе прибегнут. 16 Се, Аз создах тя, не яко же кузнец раздувай углие и износя сосуд на дело: Аз же создах тя не на пагубу, еже истлити. 17 Всяк сосуд соделан на тя не благопспешу, и всяк глас, иже на тя востанет на прю, одолеши им всем: повиннин же твои будут в нем есть наследие служащим Господеви, и вы будете Мне праведни, глаголет Господь.

55 Жаждущии, идите на воду, и елицы не имате сребра, шедше купите, и ядите (и пийте) без сребра и цены вино и тук. 2 Вскую цените сребро не в хлебы, и труд

ваш не в сътость? Послушайте Мене, и снесте благая, и насладитесь во благих душа ваша. 3 Внемлите ушиша вашима и последуйте путем Моим: послушайте Мене, и жива будет во благих душа ваша, и завещаю вам завет вечен, преподобная Давидова верная. 4 Се, свидетельство во языцах дах Его, князя и повелителя языком. 5 Се, языцы, иже не ведяху тебе, призовут тя, и людие, иже не познаша тебе, ко тебе прибегнут ради Господа Бога твоего, Святаго Израилева, яко прослави тя. 6 Взыщите Господа, и внегда обрести вам Того, призовите: егда же приближится к вам, 7 да оставит нечестивый пути своя, и муж беззаконен советы своя, и да обратится ко Господу, и помилован будет, яко попремногу оставит грехи ваша. 8 Не суть бо совети Мои яко же совети ваши, ниже яко же путь ваши путь Мои, глаголет Господь. 9 Но яко же отстоит небо от земли, тако отстоит путь Мой от путий ваших, и помышления ваша от мысли Моей. 10 Яко же бо аще снидет дождь или снег с небесе, и не возвратится, дондеже напоит землю, и родит, и прозябнет, и даст семя сеющему и хлеб в снедь: 11 тако будет глаголгол Мой, иже аще изыдет из уст Моих, не возвратится ко Мне тощь, дондеже совершил (вся), елика восхотех, и поспешу пути твоя и заповеди Моя. 12 Со веселием бо изыдете и с радостию научитесь: горы бо и холми возскочут ждуще вас с радостию, и вся древеса селная восплачут ветвьми: 13 и вместо драчия взыдет кипарис, и вместо кропивы взыдет мирсина: и будет Господь во имя и во знамение вечное, и не оскудеет.

56 Сия глаголет Господь: сохраните суд и сотворите правду, приближися бо спасение Мое приими и милость Моя открытися. 2 Блажен муж творяй сия, и человек держайся их, и храняй субботы не оскверняти, и блюдый руце свои не творити неправды. 3 Да не глаголет иноплеменник приложивыйся ко Господеви: еда отлучит мя Господь от людий Своих? И да не глаголет каженик, яко аз есмь древо сухо. 4 Сия глаголет Господь кажеником: елицы сохранят субботы Моя и изберут яже Аз хощу и содержат завет Мой, 5 дам им в дому Моем и во ограде Моей место именито, лучшее от сынов и дщерей, имя вечно дам им, и не оскудеет: 6 и иноплеменником приложившимся Господеви работати Ему и любити имя Господне, еже быти Ему в рабы и рабыни, и вся снабдящая субботы Моя не оскверняти и держащая завет Мой, 7 введу я в гору святую Мою и возвеслю я в дому молитвы Моей: всесожжения их и жертвы их будут приятны на требнице Моем: дом бо Мой дом молитвы наречется всем языком, 8 глаголет Господь, собираяй

разсейныя Израилевы, яко соберу к нему собор. 9 Вси зверие дивии, приидите, ядите, вси зверие дубравни. 10 Видите, яко вси ослепоша, не разумеша смыслити, вси пси немии не возмогут лаяти, видяще сны на ложи, любяще дремати, 11 и пси безстудни душею, не ведяще сътости: и суть лукави, не ведяще смысла, вси путем своим последоваша, кийдо уклониша в лихомство свое, от первого и до последняго. 12 Приидите, да возмем вино и наполнимся пиянства, и будет яко днесъ, тако и заутра, и много множа.

57 Видите, како праведный погибе, и никто же не приемлет сердцем, и мужие праведни вземлются, и никто же разумеет: от лица бо неправды взяся праведный. 2 Будет с миром погребение его, взяся от среды. 3 Вы же приидите сего, сынове беззаконии, семя прелюбодеев и блудницы: 4 в чем услаждастеся и на кого отверзосте уста ваша? И на кого изсунусте язык ваш? Не вы ли есте чада пагубы, семя беззаконно, 5 молящиися кумиром под древием частым, закалающе чада своя в дебрех посреде камения? 6 То твоя часть, сей твой жребий, и тем пролиял еси возлияния, и тем принесл еси жертвы: о сих убо не разгневаюся ли? 7 На горе высоце и превознесенне, тамо твое ложе, и тамо вознесл еси требы твоя: 8 и за подвоями дверий твоих положил еси память твою: мыслил еси, яко аще от Мене отступиши, более нечто возимеши: возлюбил еси спящя с тобою, 9 и умножил еси блуждение твое с ними, и многи сотворил, иже далече от тебе, и послал еси послы за пределы твоя, и смирился еси даже до ада. (Sheol h7585) 10 Многими путами твоими трудился еси, и не рекл еси: престану крепящься, яко сотворил еси сия, сего ради не помолился ми еси ты. 11 Кого благопочет убоился еси, и соглал Ми, и не помянул еси Мене, ниже приял Мя еси во ум, ниже в сердце твое? И Аз тя видя, презираю, и не убоился еси Мене. 12 И аз возвещу правду твою и злобы твоя, яже не успеют тебе: 13 егда возопиши, да избавят тя во печалех твоих: сия бо вся ветр возмет, и отнесет буря: а держащиися Мене стяжут землю и наследят гору святую Мою. 14 И рекут: очистите пред лицем его пути и отимите претыкания от пути людей Моих. 15 Сия глаголет Господь Вышний, Иже живет во высоких во век, Святый во святых имя Ему, Вышний, во святых почиваяй, и малодушным даяй долготерпение и даяй живот сокрушенным сердцем: 16 не во век отмщу вам, ни всегда гневатися буду на вы: дух бо от Мене изыдет, и всякое дыхание Аз сотворих. 17 За грех мало что опечалих его и поразих его и отвратих

лице Мое от него: и опечалися и пойде дряхл во путех своих. 18 Пути его видех и изцелих его, и утеших его и дах ему утешение истинно, 19 мир на мир далече и близ сущым: и рече Господь: изцело я. 20 Неправедни же возволнуются и почти не возмогут. 21 Несть радоватися нечестивым, рече Господь Бог.

58 Возопий крепостию и не пощади: яко трубу возвыси глас твой и возвести людем Моим грехи их и дому Иаковлю беззакония их. 2 Мене день от дне ищут и разумети пути Моя желают, яко людие правду сотворивши и суда Бога своего не оставивши: просят ныне у Мене суда праведна и приближитися ко Господу желают, глаголюще: з что яко постихомся, и не увидел еси? Смирихом души наша, и не уведел еси? Во дни бо пощений ваших обретаете воли ваша, и вся подручныя ваша томите: 4 аще в судех и сварех поститесь и биете пястыми смиренного, вскую Мне поститесь якоже днесъ, еже услышану быти с воплем гласу вашему? 5 Не сицеваго поста Аз избрах и дне, еже смирити человеку душу свою: ниже аще слячеши яко серп выю твою, и вретище и пепел постелеши, ниже тако наречете пост приятен. 6 Не такового (бо) поста Аз избрах, глаголет Господь: но разрешай всяк соуз неправды, разрушай обдолжения насильных писаний, отпусти сокрушенныя во свободу и всякое писание неправедное раздери: 7 раздробляй алчущым хлеб твой и ницыя безкровныя введи в дом твой: аще видиши нага, одей, и от свойственных племене твоего не презри. 8 Тогда разверзется рано свет твой, и изцеления твоя скоро возсияют, и предидет пред тобою правда твоя, и слава Божия омыт тя. 9 Тогда воззовеши, и Бог услышит тя, и еще глаголющу ти, речет: се, придох. Аще отимеши от себе соуз и рукобиение и глагол роптания 10 и даси алчущему хлеб от души твоего и душу смиренную насытиши, тогда возсияет во тме свет твой, и тма твоя будет яко полудне, 11 и будет Бог твой с тобою присно: и насытишися, якоже желает душа твоя, и кости твоя утучнеют, и будут яко вертоград напоен, и яко источник, емуже не оскуде вода: и кости твоя прозябнут яко трава, и разбогают, и наследят роды родов. 12 И созиждутся пустыни твоя вечныя, и будут основания твоя вечная родом родов: и прозовешися здатель оград, и стези твоя посреде упокоиши. 13 Аще отвратиши ногу твою от суббот, еже не творити хотений твоих в день святый, и прозовеши субботы сладостны, святы Богови твоему: не воздвигнеши ноги своея на дело, ниже возглаголеши

словесе во гневе из уст твоих, 14 и будеши уповая на Господа, и возведет тя на благоты земныя, и ухлебит тя наследием Иакова отца твоего: уста бо Господня глаголаша сия.

59 Еда не может рука Господня спасти? Или отягчил
есть слух Свой, еже не услышати? 2 Но греси
васи разлучают между вами и между Богом, и грех ради
ваших отврати лице Свое от вас еже не помиловать.
3 Руце бо ваши осквернене кровию, и персты ваши во
гресех, устне же ваши возглаголаша беззаконие, и язык
ваш неправде поучается. 4 Никтоже глаголет правды,
ниже есть суд истинен: уповают на суетная и глаголют
тщетная, яко зачинают труд и раждают беззаконие. 5
Яица аспидска разбира и постав паучинный ткут, и
хотай от яиц их ясти, разбив запорток (его), обрете и
в нем василиска. 6 Постав их не будет на ризу, и не
одеждуются от дел своих: дела бо их дела беззакония.
7 Нозе же их на зло текут, скори пролиятия кровь, и
мысли их мысли о убийствах: сокрушение и бедность
во путех их, 8 и пути мирнаго не познаша, и несть суда
во путех их: стези во их развращены, по нихже ходят
и не ведят мира. 9 Того ради отступи от них суд, и не
постигнет их правда: ждущым им света, бысть им тма,
ждуще зари во мраце ходиша. 10 Осяжут яко слепии
стену, яко суще без очес осязати будут, и падутся в
полудни яко в полунощи, яко умирающе возстенут 11
яко медведь, и яко голубь вкупе пойдут. Ждахом суда,
и несть, спасение далече отступи от нас. 12 Много бо
беззаконие наше пред Тобою, и греси наши противу
сташа нам: беззакония бо наша в нас, и неправды наша
уразумехом: 13 нечествовахом и согахом и отступихом
от последования Бога нашего: глаголахом неправду и не
покорихомся, во утробе зачахом и поучихомся от сердца
нашего словесем неправедным: 14 и оставилихом созади
суд, и правда далече отступи от нас: яко изнеможе во
путех их истина, и правым (путем) не возмогша прейти:
15 и истина взяся, и преставиша ум свой еже смыслити.
И виде Господь и негодова, яко не бяше суда: 16 и виде,
и не бяше мужа, и помысли, и не бяше избавляющаго: и
мсти им мышцею Свою, и помилованием утверди. 17 И
одеяся правдою яко щитом, и возложи шлем спасения на
главу, и облечеся в ризу отмщения, и одеждею Свою:
18 яко воздаваяй воздаяние укоризну супостатом. 19
И убоятся, иже от запад, имене Господня, и иже от
восток солнца, имене Его славнаго: приидет бо яко река
насильная гнев от Господа, приидет со яростию. 20 И

приидет Сиона ради Избавляй, и отвратит нечестие от
Иакова. 21 И сей им иже от Мене завет, рече Господь: Дух
Мой, иже есть в тебе, и глаголголы, яже Аз дах во уста
твоя, не оскудеют от уст твоих и от уст семене твоего:
рече бо Господь отныне и во век.

60 Светися, светися Иерусалиме, прииде бо твой свет,
и слава Господня на тебе возсия. 2 Се, тма покрыет
землю, и мрак на языки, на тебе же явится Господь, и
слава Его на тебе узрится. 3 И пойдут царие светом
твоим, и языцы светлостию твою. 4 Возведи окрест
очи твои и виждь собраная чада твоя: се, придоша вси
сынове твои издалеча, и дщери твоя на рамех возмутся. 5
Тогда узриши и возрадуешися, и убоишися и ужаснешися
сердцем, яко преложится к тебе богатство морское и
языков и людий: 6 и приидут к тебе стада велблуд, и
покрыют тя велблуди Мадиамстии и Гефарстии: вси от
Савы приидут, носяще злато, и Ливан принесут и камень
честен, и спасение Господне благовозвестят: 7 и вся
овцы Кидарский соберутся тебе, и овни Навеофстии
приидут к тебе, и вознесутся приятная на жертвенник
Мой, и дом молитвы Моей прославится. 8 Кии суть, иже
яко облаци летят, и яко голубие со птенцы ко мне? 9
Мене острови ждаша, и корабли Фарсийстии во первых,
привести чада твоя издалеча, и сребро и злато их с
ними, имене ради Господня Святаго, и за еже Святому
Израилеву славну быти. 10 И созиждут сынове инородни
стены твоя, и царие их предстояти будут тебе: за гнев бо
Мой поразих тя и за милость Мою возлюбих тя. 11 И
отверзутся врата твоя присно, день и нощь не затворятся,
ввести к тебе силу язык и цари их ведомыя. 12 Языцы
бо и царие, иже не поработают ти, погибнут, и языцы
запустением запустяют. 13 И слава Ливанова к тебе
приидет, кипарисом и певгом и кедром вкупе, прославити
место святое Мое, и место ногу Моею прославлю.
14 И пойдут к тебе боящеся сынове смиривших тя и
раздраживших тя, и поклоняются следам ногу твою вси
прогневавши тя, и наречеши град Господень, Сион
Святаго Израилева. 15 За сие, яко был еси оставлен
и возненавиден и не бе помагающаго ти, положу тя в
радость вечную, веселие родом родов. 16 И иссеси
млеко языков и богатство царей снеси, и уразумеши,
яко Аз Господь Спасай тя и Избавляй тя Бог Израилев.
17 И вместо меди принесу ти злато, и вместо железа
принесу ти сребро, и вместо древес принесу ти медь,
и вместо камения железо: и вдам князи твоя в мир и
надзиратели твоя в правду. 18 И не услышится посем

неправда в земли твоей, ни сокрушение ни бедность во пределах твоих, но прозовется спасение забрала твоя и врата твоя хвала. 19 И не будет тебе кому солнце во свет дне, ниже восход луны просветит твою нощь, но будет тебе Господь свет вечный и Бог слава твоя. 20 Не зайдет бо солнце тебе, и луна не оскудеет тебе: будет бо Господь тебе свет вечный, и исполнятся дни рydания твоего. 21 И люди твои вси праведнии в век наследят землю, храняще сад дела руку Его в славу. 22 Малый будет в тысящи, а малейший во язык велик: Аз Господь по времени соберу их.

61 Дух Господень на Мне, Его же ради помаза

Мя, благовестити нищым посла мя, изцелити сокрушенныя сердцем, проповедати пленником отпущение и слепым прозрение, 2 нарещи лето Господне приятно и день воздаяния, утешити вся плачущыя, 3 дати плачущым Сиона славу вместо пепела, помазание веселия плачущым, украшение славы вместо, духа уныния: и нарекутся родове правды насаждение Господне во славу. 4 И созиждуть пустыни вечныя, запустевшыя прежде воздвигнут: и обновят грады пустыя, опустошенныя в роды. 5 И приидут инороднии, пасущии овцы твоя, и иноплеменницы оратели и виноградарие ваши: 6 вы же священницы Господни наречетесь, служителие Бога вашего, речется вам: крепость язык снесте и в богатстве их чудни будете. 7 Сице землю свою вторицю наследят, и веселие вечное над главою их. 8 Аз бо есмь Господь любяй правду и ненавидяй грабления от неправды: и дам труд их праведником и завет вечен завещаю им. 9 И познается во языцах семя их, и внуцы их посреде людей: всяк видяй я познает я, яко сии суть семя благословено от Бога, и радостию возрадуются о Господе. 10 Да возрадуется душа моя о Господе: облече бо мя в ризу спасения и одеждео веселия (одея мя): яко на жениха возложи на мя венец, и яко невесту украси мя красотою. 11 И яко земля растищая цвет свой, и яко вертоград семена своя прозябает: тако возрастит Господь Господь правду и веселие пред всеми языками.

62 Сиона ради не умолчу и Иерусалима ради не

попущу, дондеже изыдет яко свет правда моя, и спасение мое яко светило разжжется. 2 И узрят языцы правду твою, и царие славу твою, и прозовут тя именем новым, имже Господь наименует е. 3 И будеши венец доброты в руце Господни и диадима царствия в руце Бога твоего: 4 и не прозовешися кому оставлен, и земля твоя кому не наречется пуста: тебе бо прозовется воля

Моя, и земля твоя вселенная, яко благоволи Господь в тебе, и земля твоя вкупе населится. 5 И якоже живя юноша с девою, тако поживут сынове твои с тобою: и будет якоже радуется жених о невесте, тако возрадуется Господь о тебе. 6 И на стенах твоих, Иерусалиме, приставих стражы весь день и всю нощь, иже до конца не премолкнут поминающе Господа. 7 Несть бо вам подобен: аще исправиши и сотвориши, Иерусалиме, радование на земли. 8 Клятся Господь десницею Свою и крепостию мышцы Свои: аще кому отдашь пшеницу твою и пищу твою врагом твоим, и аще кому испиши вино твое сынове чуждии, о немже трудился еси: 9 но собирающии снедят я и похвалят Господа, и омымающии испиши я во дворех святых Моих. 10 Идите врата Моими и путь сотворите людем Моим, и камение, еже на пути, размежщите: воздвигните знамение на языки. 11 Се бо, Господь слышано сотвори до последних земли: ръците дщери Сионове: се, Спаситель твой грядет, имеяй с Собою мзду и дело Свое пред лицем Своим. 12 И прозовет я люди святы, избавлены Господем: ты же прозовешися взыскан град и не оставлен.

63 Кто Сей пришедый от Едома, червлены ризы Его от

Восора, Сей красен во утвари, зело с крепостию? Аз глаголю правду и суд спасения. 2 Почто червлены ризы Твоя и одежды Твоя яко от истоптания точила? з Исполнен истоптания, и от язык несть мужа со Мною: и попрах я яростю Моею, и сотрох я яко перстъ, и сведох кровь их в землю и вся ризы Моя омочих: 4 день бо воздаяния прииде на них, и лето избавления приспе: 5 и воззрех, и не бе помощника: и помыслих, и никтоже застути: и избави я мышца Моя, и яростъ Моя наста: 6 и попрах я гневом Моим и сведох кровь их в землю. 7 Милость Господню помянух, добродетели Господни во всех, имже нам воздает: Господь, судия благ дому Израилеву, наводит нам по милости Своей и по множеству правды Своей. 8 И рече: не людие ли Моя? Чада, и не отвергнутся. И бысть им во спасение и всякия скорби их. 9 Не ходатай, ниже Ангел, но Сам Господь спасе их, зане любит их и щадит их: Сам избави их и восприят их и вознесе их во вся дни века. 10 Тии же не покоришася и разгневаша Духа Святаго Его, и обратиша им на вражду, и Той воева на ня. 11 И помяну дни вечныя: где возведый от земли пастыря овец Своих? Где есть вложивый в них Духа Святаго? 12 Возведшая десницею Моисея, мышца славы Его раздели воду пред лицем его сотворити Ему имя вечно, 13 проведе их сквозе

бездну, якоже коня сквозе пустыню, и не утрудишася, 14 и яко скоты по полю, и снide Дух от Господа и настави их: тако провел еси люди Твоя сотворити Тебе Самому имя славно. 15 Обратися, Господи, от небесе и виждь от дому святаго Твоего и славы Твоей: где есть ревность Твоя и крепость Твоя? Где есть множество милости Твоей и щедрот Твоих, яко терпел еси нам? 16 Ты бо еси Отец наш, понеже Авраам не уведе нас, и Израиль не позна нас, но Ты, Господи, Отец наш, избави ны, исперва имя Твое на нас есть. 17 Что уклонил еси нас, Господи, от пути Твоего? И ожесточил еси сердца наша, еже не боятися Тебе? Обратися ради раб Твоих, ради племен достояния Твоего, 18 да (поне) мало наследим горы святыя Твои. Противницы наши попраша святыни Твою: 19 быхом яко исперва, егда не владел еси нами, ниже бе наречено имя Твое на нас.

64 Аще отверзеши небо, трепет примут от Тебе горы и растают, 2 яко тает воск от лица огня, и попалит огнь супостаты, и явлено будет имя Твое в сопротивных Твоих: от лица Твоего языцы возмятутся: 3 егда сотвориши славная, трепет примут от Тебе горы. 4 От века не слышахом, ниже очи наши видеша бога, разве Тебе, и дела Твоя, яже сотвориши ждущым милости. 5 Милость бо сръщет творящих правду, и пути Твоя помянутся: се, Ты разгневался еси, и мы согрешихом. 6 Сего ради заблудихом и быхом яко нечисти вси мы, якоже порт нечистыя вся правда наша, и отпадохом яко листвие беззаконий ради наших: тако ветр восхитит нас. 7 И несть призываия имя Твое и помянувый удержати Тя: яко отвратил еси лицо Твое от нас и предал ны еси беззаконий ради наших. 8 И ныне, Господи, Отец наш еси Ты, мы же брение, дела руку Твою вси: 9 не прогневайся на ны зело и не помяни во времяя беззаконий наших, и ныне призри, яко людие Твои вси мы. 10 Град святилища Твоего бысть пуст, Сион якоже пустыня бысть, Иерусалим на проклятие: 11 дом святый наш и слава, юже благословиша отцы наши, бысть огнем пожжен, и вся славная наша купно падоша. 12 И о всех сих терпел еси, Господи, и молчал, и смирил еси ны зело.

65 Явлен бых не ищущым Мене, обретохся не вопрошающим о Мне, рекох: се, есмь: языку, иже не призываша имене Моего. 2 Прострох руце Мои весь день к людем не покаряющимся и противу глаголющим, иже не ходиша путем истинным, но вслед грехов своих. 3 Людие сии разгневляющии мя пред лицем Моим присно: тии жертвы приносят в вертоградех и кадят во чрепех бесом,

иже не суть, 4 и во гробех и во пещерах лежат соний ради, иже ядят мяса свиняя и юху треб, осквернени сосуди их вси: 5 иже глаголют: отиди от мене, не прикоснися мне, яко чист есмь. Сей дым ярости Моей, огнь горит в нем вся дни. 6 Се, написася предо Мною: не умолчу, дондеже отдам в недра им грехи их и грехи отец их глаголет Господь: 7 иже кадяху на горах и на хомех укориша мя, отдам дела их в недра им. 8 Тако глаголет Господь: имже образом обретается ягода на грезне, и рекут: не погуби его, яко благословение есть в нем: тако сотворю служащаго Ми ради, не имам всех погубити ради его: 9 и изведу из Иакова семя и из Иуды, и наследит гору святую Мою, и наследят избранныи Мои и раби Мои и вселятся тамо. 10 И будут во дубраве ограды стадом, и юдоль Ахорская в покоище говядов людем Моим, иже взыскаша Мене. 11 Вы же, оставивши мя и забывающии гору святую Мою, и уготовляющии демону трапезу и исполняющии щастию растворение, 12 Аз предам вас под мечь, вси закланием падете: яко звах вас и не послушасте, глаголах, и преслушасте и сотвористе лукавое предо Мною и яже не хотех избрасте. 13 Сего ради тако глаголет Господь: се, работающии Ми ясти будут, вы же взалчете: се, работающии Ми пити будут, вы же возжаждете: 14 се, работающии Ми возрадуются, вы же посрамитеся: се, работающии Ми возвеселятся в веселии сердца, вы же возопиете в болезни сердца вашего и от сокрушения духа восплачуетесь. 15 Оставите бо имя ваше в насыщение избранным Моим, вас же избииет Господь: работающим же Мне наречется имя новое, 16 еже благословится на земли, благословят бо Бога истиннаго: и кленуущиися на земли клятися будут Богом истинным, забудут бо печаль свою первую, и не взыдят им на сердце. 17 Будет бо небо ново и земля нова, и не помянут прежних, ниже взыдут на сердце их, 18 но радость и веселье обрящут на ней, яко се, Аз творю веселье Иерусалиму и людем Моим радость. 19 И возвеселюся о Иерусалиме и возрадуюся о людех Моих, и кему не услышится в нем глас плача, ни глас вопля, 20 ниже будет тамо младенец, ни старец, иже не исполнит лет своих: будет бо юный ста лет, умирая же грешник ста лет и проклят будет. 21 И созиждут домы и сами вселятся, и насадят винограды и сами снедят плоды их. 22 Не созиждут, да ини вселятся, и не насадят, да ини снедят: якоже бо дни древа жизни, будут дни людий Моих: дела бо трудов их обетшают. 23 Избранныи же мои не имут трудитися вотще, ниже породят чад на проклятие, яко семя благословено есть Богом, и внуцы

их с ними будут. 24 И будет, прежде неже возврати им, Аз услышу их, еще глаголющим им, реку: что есть? 25 Тогда волцы и агнцы имут пастися вкупе, и лев яко вол снесть плевы, и змия землю яко хлеб: не повредят, ниже погубят на горе святей Моея, глаголет Господь.

66 Тако глаголет Господь: небо престол Мой, земля же подножие ногу Моею: кий дом созиждете Ми, и кое место покоища Моего? 2 Вся бо сия сотвори рука Моя, и сия суть вся Моя, глаголет Господь. И на кого воззрю, токмо на кроткаго и молчаливаго и трепещущаго словес Моих? 3 Беззаконник же жрят ми телца, яко убиваят пса: и приносят семидал, яко кровь свиную: даяй ливан в память, аки хулник. И тии избраша пути своя, и мерзости их, яже душа их изволи. 4 И Аз изберу поругания их и грехи их воздам им: яко звах их, и не послушаша Мене, глаголах, и преслушаша и сотвориша злое предо Мною, и яже не хотех избраша. 5 Услышите глаголол Господень, трепещущии словесе Его: рцыте, братия, ненавидящим вас и гнушающимся, да имя Господне прославится и явится во веселии их, и они посрамятся. 6 Глас вопля от града, глас от храма, глас Господа воздающаго воздаяние сопротивящимся. 7 Прежде неже чревоболети ей, роди, прежде неже приими труду чревоболения, избеже и породи мужеск пол. 8 Кто слыша сицевое, и кто виде сице? Аще родила земля с болезню во един день? Или и родися язык весь купно, яко поболе и роди Сион дети своя? 9 Аз же дах чаяние сие, и не помянул еси Мене, рече Господь. Не се ли, Аз родящю и неплодную сотворих? Рече Бог твой. 10 Веселися, Иерусалиме, и торжествуйте в нем, вси любящии его и живущии в нем: радуйтесь вкупе с ним радостию, вси елицы плакасте о нем, 11 да ссете и насытитеся от сосца утешения его, да ссавше насладитеся от входа славы его. 12 Яко сия глаголет Господь: се, Аз укланяю на ня аки реку мира, и аки поток наводняемый славу языков: дети их на рамена взяты будут и на колену утешатся. 13 Якоже аще кого мати утешает, тако и Аз утешу вы, и во Иерусалиме утешитесь 14 и узрите, и возрадуетесь сердце ваше, и кости вашя яко трава прозябнут: и познается рука Господня боящимся Его, и запретит непокаряющимся. 15 Се бо, Господь яко огнь приидет, и яко буря колесницы Его, воздати яростию отмщение Свое и прещение во пламени огненне: 16 огнем бо Господним судитися будет вся земля, и мечем Его всяка плоть: мнози язвени будут от Господа. 17 Очищающиися и освящающиися во вертоградех и в преддвериих ядущии мясо свиное

и мерзости и мыши вкупе погибнут, рече Господь. 18 И Аз дела их и помышление их вем, и гряду собрати вся народы и языки, и приидут и узрят славу Мою: 19 и оставлю на них знамение, и послю от них спасеных во языки, во Фарсис и в Фуд, и в Луд и в Мосох, и в Фовель и во Елладу, и во островы дальния, иже не слышаша имене Моего, ниже видеша славу Мою: и возвестят славу Мою во языщех, 20 и приведут братию вашу от всех язык дар Господеви, с коньми и колесницами и с носилами мсков, под сеньми во святый град Иерусалим, рече Господь, аки бы принесли сынове Израилевы жертвы своя Мне со псалмы в дом Господень: 21 и от тех поиму себе жерцы и левиты, рече Господь. 22 Якоже бо небо ново и земля нова, яже Аз творю, пребывают предо Мною, глаголет Господь, тако станет семя ваше и имя ваше: 23 и будет месяц от месяца, и суббота от субботы, приидет всяка плоть поклонитися предо Мною во Иерусалим, рече Господь: 24 и изыдут и узрят трупы человеков преступивших Мне: червь бо их не скончается, и огнь их не угаснет, и будут в позор всяцей плоти.

Книга пророка Иеремии

1 Слово Божие, еже бысть ко Иеремии сыну Хелкиеву от священник, иже обиташе во Анафофе, в земли Вениаминове, 2 якоже бысть слово Господне к нему, во дни Иосии сына Амоса царя Иудина, в третиенадесять лето царства его, 3 и бысть во дни Иоакима сына Иосии царя Иудина, даже до первагонадесять лета Седекии сына Иосии царя Иудина, даже до пленения Иерусалимского в месяц пятый. 4 И бысть слово Господне ко мне глаголя: 5 прежде неже мне создати тя во чреве, познах тя, и прежде неже изыти тебе из ложеси, освятих тя, пророка во языки поставих тя. 6 И рекох: о, Сый Владыко Господи, се, не вем глаголати, яко отрок аз есмъ. 7 И рече Господь ко мне: не глаголи, яко отрок аз есмъ, ибо ко всем, к нимже послио тя, пойдеши, и вся, елика повелю тебе, возглаголеши: 8 не убойся от лица их, яко с тобою Аз есмъ, еже избавити тя, глаголет Господь. 9 И простре Господь руку Свою ко мне и прикоснуся устом моим, и рече Господь ко мне: се, дах словеса Моя во уста твоя: 10 се, поставих тя днесь над языки и над царства, да искорениши и разориши, и расточиши и разрушиши, и паки созиждиши и насадиши. 11 И бысть слово Господне ко мне глаголя: что ты видиши Иеремие? И рекох: жезл ореховый (аз вижду). 12 И рече Господь ко мне: благо видел еси, понеже бдех Аз над словесы Моими, еже соторити я. 13 И бысть слово Господне вторицею ко мне глаголя: что ты видиши? И рекох: коноб поджигаемый (аз вижду) и лице его от лица севера. 14 И рече Господь ко мне: от лица севера возгорятся злая на всех обитающих на земли, 15 зане се, Аз созову вся царства земная от севера, рече Господь и приидут и поставят кийждо престол свой в преддвериих врат Иерусалимских и на всех стенах окрест его и на всех градех Иудиних: 16 и возглаголю к ним с судом о всяцей злобе их, како оставиша Мя и покроша богом чуждим и поклонишася делом рук своих. 17 Ты же препояши чресла твоя, и востани и глаголи к ним вся, елика заповедаю тебе: не убойся от лица их, ниже устрашися пред ними, яко с тобою есмъ, еже избавити тя, глаголет Господь: 18 се, положих тя днесь аки град тверд и в столп железный, и аки стену медяну, крепку всем царем Иудиным и князем его, и священником его и людем земли: 19 и ратовати будут на тя и не премогут тя, понеже с тобою Аз есмъ, да избавлю тя, рече Господь.

2 И бысть слово Господне ко мне глаголюще: иди и волий во уши Иерусалиму, рекий: сия глаголет Господь: 2 помянух милость юности твоей и любовь совершенства твоего, егда последовал еси в пустыни ненасеянней Святому Израилеву, глаголет Господь. 3 Свят Израиль Господеви, начаток плодов Его: всеи поядиши его согрешат, злая приидут на них, рече Господь. 4 Услышите слово Господне, доме Иаковль и вся племена дому Израиleva. 5 Сия глаголет Господь: кое обретоша отцы ваши во Мне погрешение, яко удалишася от Мене и ходиша вслед суетных и осутишася, 6 и не рекоша: где есть Господь, изведый нас от земли Египетския, преведый нас по пустыни, по земли необитанней и непроходней, по земли безводней и неплодней, по земли, по нейже не ходил муж никогдаже и не обитал человек тамо? 7 И введох вас в землю Кармил, да снесте плоды его и благая того: и внидосте, и осквернили есте землю Мою, и достояние Мое поставили есте в мерзость. 8 Священницы не рекоша: где есть Господь? И держации закон не ведеша Мя, и паstryrie нечестововаша на Мя, и пророцы пророчествоваша в Ваала и идолом последоваша. 9 Сего ради еще судом претися имам с вами, рече Господь, и с сыны вашими препрюся. 10 Того ради приидите во островы Хеттим и видите, и в Кидар послите и разсмотрите прилежно и видите, аще сотворена быша таковая? 11 Аще премениша языцы боги своя, и тии не суть бози? Людие же Мои премениша славу свою на то, от негоже не упользуются. 12 Ужасеся небо о сем и вострепета попремногу зело, глаголет Господь. 13 Два бо зла сотвориша людие Мои: Мене оставиша источника воды живы, и ископаша себе кладенцы сокрушеняя, иже не возмогут воды содержати. 14 Еда раб есть Израиль, или домочадец есть? Вску бысть в пленение? 15 На него рыкаша львове и издаша глас свой, иже поставиша землю его в пустыню, и грады его сожжени суть, еже не обитати в них. 16 И сынове Мемфиса и Тафны познаша тя и поругашася тебе. 17 Не сия ли сотвори тебе то, яко оставил еси Мене? Глаголет Господь Бог твой. 18 И ныне что тебе и пути Египетскому, еже пити воду Геонскую? И что тебе и пути Ассирийскому, да пиши воду речную? 19 Накажет тя отступление твое и злоба твоя обличит тя и увеждъ и виждъ, яко зло и горько ти есть, еже оставил мя, глаголет Господь Бог твой: и не благоволих от тебе, глаголет Господь Бог твой. 20 Понеже от века сокрушил еси иго твое и растерзал еси узы твоя и рекл еси: не имам тебе служити, но пойду на всякий холм высокий и под всяким древом лиственным

тамо разлиюся в блуде моем. 21 Аз же насадих тя виноград плодоносен, весь истиен: како превратился еси в горесть, виноград чуждий? 22 Аще умышешися нитром и умножиши себе травы борифовы, порочен еси во беззакониях твоих предо Мною, рече Господь Бог. 23 Како речеши: не осквернихся и вслед Ваала не ходи? Виждь пути твоя на месте многогробищем и увеждь, что сотворил еси. В вечер глас его рыдаше, 24 пути своя разшири на воды пустынныя, в похотех души своея ветром ношащеся, предан бысть, кто обратит его? Вси ищащии его не утрудятся, во смирении его обрящут его. 25 Отврати ногу твою от пути стропотна и гортань твой от жажды. И рече: возмужаюся, яко возлюби чуждих и вслед их хождаше. 26 Яко же стыд татю, егда ят будет, тако постыдятся сынове Израилевы, тии и царие их, и начальницы их и священницы их и пророцы их. 27 Древу рекоша: яко отец мой еси ты: и камени: ты мя родил еси: и обратиша ко Мне хребты, а не лица своя: и во время озлобления своего рекут: востани и избави нас. 28 И где суть бози твои, яже сотворил еси тебе? Да востанут и избавят тя во время озлобления твоего: по числу бо градов твоих быша бози твои, Иудо, и по числу путей Иерусалимских жряху Ваалу. 29 Вскую глаголете ко Мне? Вси вы нечестновосте и вси вы беззаконновосте ко Мне, глаголет Господь. 30 Всye поразих чада ваша, наказания не приятсте, мечь пойде пророки вашя, аки лев погубляй, и не убоястеся. 31 Слышиште слово Господне, тако глаголет Господь: еда пустыня бых Израилю, или земля неплодна? Вскую реша людие Мои: обладаеми не будем и потом не приидем к Тебе? 32 Еда забудет невеста красоту свою, и дева мониста персий своих? Людие же Мои забыша Мене дни безчисленны. 33 Что еще добро ухитриши на путех твоих, еже взыскати любве? Не тако: но и ты лукавновала еси, еже оскверниши пути твоя, 34 и в руках твоих обретеся кровь душ (убогих) неповинных: не в ровех обретох их, но во всяцей дубраве. 35 И рекла еси: неповинна есмь, но да отвратится ярость Твоя от мене. Се, Аз сужуся с тобою, внегда реши тебе: не согреших: 36 понеже презрела еси зело, еже повторити пути твоя: и от Египта постыдишися, яко же постыдена еси от Ассура: 37 яко и оттуду изыдеши, и руце твои на главе твоей: яко отрину Господь надеяние твое, и не благопоспешится тебе в нем.

3 Аще отпустит муж жену свою, и отидет от него и будет мужу иному, еда возвращающиша возвратится к нему паки? Еда непорочна будет и неосквернена жена та? Ты

же соблудила еси с пастырьми многими, и возвращалася еси и ко Мне, глаголет Господь. 2 Воздвигни очи твои на правоту и виждь, где не смесилася еси? На путех сидела еси аки врана особящаяся и осквернила еси землю в любодеяниях и в лукавствах твоих, з и имела еси пастырей многих в претыкание себе: лицо жены блудницы бысть тебе, не хотела еси постыдется ко всем. 4 Не аки ли домом Мене наrekла еси и Отцем и воождем девства твоего? 5 Еда пребудет во век, или сохранится в победу? Сия глаголала еси, и сотворила еси злая, и возмогла еси. 6 И рече Господь ко мне во дни Иосии царя: видел ли еси, яже сотвори ми дом Израилев? Поидоша на всяку гору высоку и под всяко древо листяно и соблудиша тамо. 7 И рекох по внегда прелюбодействовать ему во всех сих: ко Мне обратися. И виде преступление его преступница Иудеа сестра его. 8 И видех, яко о всех (изобличен есть), в нижне ят бысть, в нижне любодействова дом Израилев: сего ради отпустих и дах ему книгу распустную в руце его. Обаче не убояся преступница Иудеа (сестра его), но иде и соблудила есть и та: 9 и бысть ни во что блуд ея, и оскверни землю, и соблудила есть с каменем и со древом. 10 И во всех сих не обратися ко Мне преступница сестра ея Иудеа от всего сердца своего, но во лжи, рече Господь. 11 И рече Господь ко мне: оправда душу свою отступница Израиль, паче преступницы Иудеи: 12 иди, и прочти словеса та к северу, и речеши: обратися ко мне, доме Израилев, рече Господь: и не утвержду лица Моего на вас, яко милостив Аз есмь, рече Господь, и не прогневаюся на вы во веки. 13 Обаче веждь беззаконие твое, яко в Господа Бога твоего преступила еси, и расточила еси пути твоя чуждим под всяким древом листяным, гласа же Моего не послушала еси, рече Господь. 14 Обратитесь, сынове отступивши, глаголет Господь: яко Аз возобладаю вами и поиму вы единаго от града и двух от племене, и введу вас в Сион 15 и дам вам пастыри по сердцу Моему, и упасут вас разумом и учением. 16 И будет, егда умножитеся и возрастете на земли, глаголет Господь, во дни оны не рекут ктому: кивот завета Святаго Израилева: не взыдеть на сердце, ни воспомянется, ниже посетится, ниже сотворится ктому. 17 Во дни оны нарекут Иерусалима престол Господень, и соберутся к нему виши языцы во имя Господне во Иерусалим, и не пойдут ктому вслед похотей сердца своего злешаго. 18 Во днех тех приидет дом Иудин ко дому Израилеву, и пойдут вкупе от земли северныя и от всех стран к земли, юже дах в наследие отцем их. 19 Аз же рех: да

будет, Господи, яко положу тя в чада и дам тебе землю избранную, достояние Бога Вседержителя языков: и рекох: отцем наречете Мя и от Мене не отвратитесь. 20 Обаче якоже отвергается жена сожителя своего, тако отвержеся от Мене дом Израилев, рече Господь. 21 Глас из устен слышан бысть плача и моления сынов Израилевых, яко беззаконноваша в путех своих, забыша Господа Бога святаго своего. 22 Возвратитесь, сынове возвращающися, и изцело сокрушения ваша. Се, рабы мы будем Тебе, Ты бо еси Господь Бог наш. 23 Истинно лживи быша холми и множество гор, токмо Господем Богом нашим спасение Израилево. 24 Студ же пояде труды отец наших, от юности нашея, овцы их и телцы их, и сыны их и дщери их. 25 Уснухом в постыдении нашем, и покры нас безчестие наше, яко Господу Богу нашему согрешихом, мы и отцы наши, от юности нашея даже до сего дне, и не послушахом гласа Господа Бога нашего.

4 Аще обратишися, Израилю, глаголет Господь, ко

Мне обратися: и аще отимеш мерзости твоя от уст твоих, и от лица Моего убоишися, 2 и кленешися, живет Господь, во истине и в суде и в правде, и благословят в Нем языцы и в Нем восхвалят Бога во Иерусалиме. 3 Сия бо глаголет Господь мужем Иудиным и обитателем Иерусалимлім: поновите себе поля и не сейте на терни: 4 обрежитеся Богу вашему и обрежите жестосердие ваше, мужие Иудины и обитающии во Иерусалиме, да не изыдет яко огнь ярость Моя, и возгорится, и не будет угашай, ради лукавства начинаний ваших. 5 Возвестите во Иудеи, и да услышится во Иерусалиме: глаголите, воспойте трубою на земли, возопийте зело и рцыте: соберитеся, и внидем во грады тверды. 6 Воздвигше (знамение) бежите в Сион, потщитеся, не стойте, яко злая Аз навожду от севера и сопрение велико. 7 Взыде лев от ложа своего, и погубляй языки воздвигся и изыде от места своего, да положит землю твою в пустыню, и гради твои разорятся, оставши без обитателей. 8 О сих препояшитесь во вретища и плачите и рьдайте, яко не отвратися гнев ярости Господни от вас. 9 И будет в день той, глаголет Господь, погибнет сердце царево и сердце начальников, и священницы ужаснутся, и пророцы удивятся. 10 И рекох: о, Владыко Господи, еда обольстил еси люди сия и Иерусалима, рекий: мир будет вам? И се, пройде мечь даже до души их. 11 Во время оно речется людем сим и Иерусалиму: дух заблуждения в пустыни, путь дщере людий Моих, не ко очищению, ниже во святое: 12 дух исполнения от

сих приидет Мне, и ныне Аз возлаголю суды Моя к ним. 13 Се, яко облак взыдет, и яко вихрь колесницы его, быстрее орлов кони его: горе нам, яко бедствуем. 14 Омыт от лукавства сердце твое, Иерусалиме, да спасешися: доколе будут в тебе помышления бед твоих? 15 Глас бо возвещающаго от Дана приидет, и слышана будет болезнь от горы Ефремли. 16 Рцыте языком: се, придоша: возвестите во Иерусалиме: полцы идут от земли дальния и даша на грады Иудины глас свой, 17 аки стражи селни быша над ним окрест: яко пренебрел Мя еси, глаголет Господь. 18 Пути твоя и начинания твоя сотвориша тебе сия: сие лукавство твое, понеже горько, яко прикоснуся сердцу твоему. 19 Чрево мое, чрево мое болит мне, и чувства сердца моего, смущается душа моя, терзается сердце мое: не умолчу, яко глас трубы услышала душа моя, вопль рати и беды: 20 сотрение (на сотрение) призывается, понеже опустела вся земля, внезапу опусте жилище мое, расторгшаяся кожы моя. 21 Доколе зреши имам бежащих, слышащ гласы трубныя? 22 Понеже вождеве людий Моих Мене не познаша: сынове буии суть и безумни, мудри суть, еже творити злая, благо же творити не познаша. 23 Воззрех на землю, и се, ничтоже, и на небо, и не бе света его. 24 Видех горы, и трепетаху, и вси холми возмутишася. 25 Воззрех, и се, не бе человека, и вся птицы небесныя ужасахуся. 26 Видех, и се, Кармил пуст, и вси гради сожжени огнем от лица Господня, и от лица гнева ярости Его погибша. 27 Сия глаголет Господь: пуста будет вся земля, скончания же не соторю. 28 О сих да плачет земля, и да помрачится небо свыше: понеже глаголах, и не раскаюся: устремихся и не отвращуся от него. 29 От гласа яздающих и напряженна лука побеже всяка страна: внидоша в разселины и в дубравы скрыша и на камение взыдоша: вси гради оставлены суть, не обитает в них человек. 30 Ты же, запустелая, что сотвориши? Аще облечеши во багряницу и украсиши монисты златыми, аще намажеши стилем очи твои, все укращение твое: отринуша тя любовницы твои, души твою ищут. 31 Глас бо яко родящия слышах стенания твоего: аки первородящия глас дщере Сиони истает, и опустит руце свои: горе мне, яко изчезает душа моя над убиенными.

5 Обыдите пути Иерусалимских и возрите, и познайте и поищите на стогнах его, аще обрящете мужа творящаго суд и ищаща веры: и милосерд буду ему, глаголет Господь. 2 Живет Господь, глаголют, сего ради не во лжах ли кленутся? 3 Господи, очи Твои (зрят)

на веру: бил еси их, и не поболеша, сокрушил еси их, и не восхотеша прияти наказания: ожесточиша лица своя паче камене и не хотеша обратитися. 4 Аз же рех: негли убози суть (и буии), того ради не возмогоша, яко не уведаша пути Господня и суда Бога своего. 5 Пойду ко державным и возглаголю им, тии бо познаша путь Господень и суд Бога своего. И се, единодушно сии сокрушиша иго, расторгоща узы. 6 Сего ради порази их лев от дубравы, и волк даже до домов погуби их, и рысь бдяше над градами их: вси исходящии от них будут яти, яко умножиша нечестия своя, укрепиша во отвращениих своих. 7 О чём от сих милосерд буде тебе? Сынове твои оставиша мя и кляшася теми, иже не суть бози: насытих их, и прелюбодействоваша и в домех блудниц обиташа, 8 кони женонеистовни сотворишася, кийждо ко жене искренняго своего ржаше. 9 Еда о сих не посещу? Рече Господь: или языку сицевому не мстит душа Моя? 10 Взыдите на стены его и разорите, окончания же не сотворите: оставите подпоры его, яко Господни суть. 11 Преступлением бо преступил есть на мя дом Израилев и дом Иудин глаголет Господь. 12 Солглаша Господу своему и рекоша: не суть сия, ниже приидут на нас злая и меча и глада не узрим: 13 пророцы наши быша на ветр, и слово Господне не бе в них, тако будет им. 14 Сего ради тако глаголет Господь Сил: занеже глаголали есте слово сие, се, Аз даю словеса Моя во уста твоя огнь, и люди сия древа, и поясят их. 15 Се, Аз наведу на вас язык издалеча, доме Израилев, рече Господь, язык сильный, язык старый, егоже языка не увеси, (ни уразумеши, что глаголет): 16 тул его яко гроб отверст, вси крепцы и поядят жатву вашу 17 и хлебы вашия, и поядят сынов ваших и дщерей ваших, и снедят овец ваших и телцев ваших, и поядят винограды вашия и смокви вашия и масличия вашия, и сокрушат грады вашия твердьяя, на нихже вы уповасте, мечем. 18 Обаче во днех онех, глаголет Господь Бог твой, не сотворю вас во истребление. 19 И будет, егда речете: почто сотвори Господь Бог наш нам сия вся? И речеши к ним: яко остависте мя и послужисте богом чуждим в земли вашей, тако послужите богом чуждим в земли не вашей. 20 Возвестите сия дому Иаковлю и слышано сотворите в дому Иудине (рекуще): 21 слышите сия, людие буии и не имущии сердца, иже, имеюще очи, не видите, и уши, и не слышите: 22 Мене ли не убоитесь? Рече Господь: или от лица Моего не устыдитесь? Иже положих песок предел морю, заповедь вечну, и не превзьдет его, и возмутится и не возможет: и возшумят волны его, и не прейдут того. 23

Людем же сим бысть сердце непослушно и непокориво, и уклониша и поидаша, 24 и не рекоша в сердцы своем: убоимся Господа Бога нашего, дающего нам дождь ранний и поздний во время исполнения повеления жатвы и хранящаго нам. 25 Беззакония наша уклониша сия, и грехи наши отринуша благая от нас. 26 Яко обретоша в людех Моих нечестивии, и сети поставиша, еже погубити мужы, и уловиша. 27 Аки клетка поставлена полна птиц, тако домы их полни лести: сего ради возвеличиша и обогатиша: 28 утыша и утолстеша и преступиша словеса Моя злейши: прю вдовицы не судиша, суда сира не управиша и суда убогим не судиша. 29 Еда сих ради не посещу? Рече Господь: или языку сицевому не отмстит душа Моя? 30 Ужас и страшная содеяша на земли: 31 пророцы пророчествоваша неправедная, и священники восплескаша руками своими, и людие Мои возлюбиша таковая. И что сотворите в последняя сих?

6 Укрепитеся, сынове Вениамины, посреде Иерусалима, и в Фекуи вострубите трубою, и над Вефахармом воздвигните хоругвь: яко злая произникоша от севера, и сотрение велико бывает: 2 и отимется высота твоя, дщи Сионя. 3 К ней приидут пастырие и стада их, и поставят на ней кущы окрест, и упасут кийждо рукою своею. 4 Уготовитеся на ню на крань, востаните и взыдем на ню о полудни: горе нам, яко уклониша день, яко изчезают сени дневныя. 5 Востаните и взыдем на ню нощю и расточим основания ея. 6 Яко сия глаголет Господь Сил: посечи древа его, излий на Иерусалим силу: о, граде лживый, всякое насильство в нем! 7 Якоже студену творит кладязь воду свою, тако студену творит ю злоба ея: нечестие и пакости услышатся в нем над лицем его всегда. 8 Немощию и язвою накажешися, Иерусалиме: да не отступит душа Моя от тебе, да не сотворю тя непроходну, землю необитанну. 9 Яко сия глаголет Господь Сил: обирайте, обирайте, аки виноград, останки Израилевы, обратитеся аки обирайтель на кощницу свою. 10 Кому возглаголю и (кому) засвидетельствую, и услышит? Се, необрезана ушеса их, и слышати не возмогут: се, слово Господне бысть к ним в поношение, и не восприимут того. 11 И ярость Мою исполних, и терпех, и не скончах их: излию на младенцы отвне и на собрание юнош вкуге: муж бо и жена яти будут, старец со исполненным днём. 12 И прейдут домы их ко иным, поля и жены их такожде, яко простру руку Мою на обитающих на земли сей, глаголет Господь. 13 Понеже от меньшаго и даже до

болжаго вси совершиша беззаконная, от священника и даже до лжепророка вси сотвориша ложная 14 и целяху сотрение людий Моих, уничижаще и глаголюще: мир, мир: и где есть мир? 15 Постыдешася, яко оскудеша: и ниже аки посрамляеми постыдешася и безчестия своего не познаша: сего ради падут падением своим и во время посещения своего погибнут, рече Господь. 16 Сия глаголет Господь: станите на путех и видите, и вопросите о стезях Господних вечных и видите, кий есть путь благ, и ходите по нему и обрящете очищение душам вашым. И рекоша: не пойдем. 17 И поставих над вами стражы: слышите глас трубы. И рекоша: не послушаем. 18 Сего ради услышаша языцы и пасущии стада своя. 19 Слыши, земле: се, Аз навожду на люди сия злая, плод отвращения их, яко словес Моих не послушаша и закон Мой отвергла. 20 Вскую Мне кадило от Савы приносите и кинамон от земли дальния, всесожжения ваша не суть приятна, и жертвы вашя не усладиша Мя. 21 Сего ради тако глаголет Господь: се, Аз дам на люди сия болезнь, и изнемогут отцы и сынове вкупе, сосед и искренний его погибнут. 22 Сия глаголет Господь: се, людие грядут от севера, и язык велик востанет от конец земли, 23 лук и щит возмут: мучителен есть и не умилосердится: глас его, яко море шумящее: на конех и колесницах ополчится аки огнь на брань на тя, дщи Сиона. 24 Слышаю слух его, ослабеша руце наши, скорбь обятьт нас, болезни яко родящия. 25 Не исходите на нивы и на пути не ходите, понеже меч вражий обитает окрест. 26 Дщи людий моих, препояшися вретищем и посыплися пепелом, плачь возлюбленного сотвори тебе рыдание горько, понеже внезапу приидет запустение на вас. 27 Искусителя дах тя в людех искусствых, и увеси Мя, внегда искусити Ми путь их: 28 вси непослушни ходящии строптиво: медь и железо, вси растлени суть. 29 Оскуде мех от огня, истле олово: всуе ковачь сребро кует, лукавства бо их не истаяша. 30 Сребро отриновено нарцыте их, яко Господь отверже их.

7 Слово, еже бысть ко Иеремии от Господа, глаголюще: 2 стани во вратах дому Господня и проповежь тамо слово то и глаголи: слышите слово Господне, вся Иудеа, ходящии сквозе врата сия, да поклонитеся Господу: з сия глаголет Господь Сил, Бог Израилев: исправити пути ваша и начинания ваша, и вселю вы на месте сем. 4 Не надейтесь на себе во словесех лживых, понеже весьма не упользуют вас, глаголюще: храм Господень, храм Господень, храм Господень есть. 5 Яко аще исправляюще исправите пути ваша и умышления ваша, и творяще

створите суд посреде мужа и посреде искренняго его, 6 и пришелцу и сири и вдовице не сотворите насилия, и крове неповинныя не излиете на месте сем, и вслед богов чуждих не пойдете на зло вам, 7 вселю вас на месте сем, в земли, юже дах отцем вашим от века даже и до века. 8 Аще же вы надеетесь на словеса лживая, отионудже не будет вам пользы, 9 и крадете и убиваете, и блудствуете и кленетесь лживо, и жрете Баалу и ходите вслед богов чуждих, иже не весте, яко во зло вам суть, 10 и приидосте и стащете предо Мною в дому сем, в немже призвано есть имя Мое, и рекли есте: удалихомся, еже не творити вся мерзости сия: 11 еда вертеп разбойником есть дом Мой, в немже призвася имя Мое тамо во очию вашею? И се, Аз видех, глаголет Господь. 12 Сего ради идите к месту Моему, еже в Силоме, идеже вселих имя Мое от начала, и видите, что сотворих ему лукавств ради людий Моих Израиля. 13 И ныне, понеже сотвористе вся дела сия, рече Господь, и глаголах к вам рано востающ и глаголющ, и не услышаще Мене, и звах вас, и не отвещасте: 14 убо и Аз сотворю дому сему, в немже призвано есть имя Мое, на негоже вы уповасте, и месту, еже дах вам и отцем вашим, якоже сотворих Силому. 15 И отвергу вас от лица Моего, якоже отвергох всю братию вашу, все семя Ефремово. 16 Ты же не молися о людех сих и не проси еже помилованым быти им, и не моли, ниже приступай ко Мне о них, яко не услышу тя. 17 Еда не видиши, что сии творят во градех Иудиных и на путех Иерусалимских? 18 Сынове их собирают дрова, и отцы их зажигают огнь, и жены их месят муку, да сотворят опресноки воинству небесному, и возлияша возлияния богом чуждим, да прогневают Мя. 19 Мене ли тии прогневляют? Глаголет Господь: еда не себе самих? Да постыдятся лица их. 20 Сего ради тако глаголет Господь: се, гнев и ярость Моя лиется на место сие и на люди, и на скоты и на всяко древо страны их и на плоды земныя, и возжется и не угаснет. 21 Сия глаголет Господь Сил, Бог Израилев: всесожжения ваша соберите со жертвами вашими и изядите мяса: 22 яко не глаголах ко отцем вашим и не заповедах им в день, в онъже изведо их от земли Египетския, о всесожжениях и жертвах, 23 но (токмо) слово сие заповедах им, рекий: услышите глас Мой, и буду вам в Бога, и вы будете Мне в люди, и ходите во всех путех Моих, в нижке повелех вам, да благо будет вам. 24 И не услышаша Мене, и не внят ухо их: но поидаша в похотех и стропотстве сердца своего лукаваго, и сотвориша на задняя, а не на предняя, 25 от дне, в онъже изыдоша отцы их

от земли Египетския, и даже до дне сего: и послах к вам вся рабы Моя пророки, в день и рано востая и посылая: 26 и не услышаша мя, ни приклониша ухо свое, но ожесточиша въю свою паче отец своих. 27 И речеши к ним вся слова сия, и не услышат тя, и возвовеши их, и не отвещают тебе. 28 И речеши к ним: сей язык, иже не послуша гласа Господа Бога своего, ни восприят наказания: погибе вера и отята есть от уст их. 29 Остризи главу твою и отметни, и восприими во устне ръдание, яко отверже Господь и отрину род творяй сия. 30 Понеже сотвориша сынове Иудины лукавое во очию Моею, рече Господь: поставилша мерзости своя в дому, в немже призвано есть имя Мое, да осквернят его, 31 и создаша требище Тафефу, еже есть во юдоли сына Енномля, да сожигают сыны своя и дщери своя огнем, егоже не повелех им, ниже помыслих в сердцы Моем: 32 сего ради се, дни грядут, глаголет Господь, и не рекут ктому: требище Тафефово и юдоль сына Енномля, но юдоль закланых: и погребутся во Тафефе, занеже несть места. 33 И будут трупие людий сих во снедь птицам небесным и зверем земным, и не будет отгоняющаго. 34 И упраздню от градов Иудиних и от путей Иерусалимских глас радующихся и глас веселящихся, глас жениха и глас невесты, во опустении бо будет вся земля.

8 Во время оно, глаголет Господь, извергут кости царей Иуды и кости князей его, и кости священников и кости пророков и кости обитающих во Иерусалиме из гробов их 2 и повергут их противу солнца и луны и противу всех звезд небесных и противу всего воинства небеснаго, иихже возлюбиша и имже служиша и вслед их ходиша, и иихже держахуся и имже поклониша: неоплакани и непогребени будут и в пример на лица земли будут: 3 яко избраша паче смерть, неже живот, и всем, иже оставша от племене сего строптиваго во всех местех, аможе изрину их рече Господь Сил. 4 И речеши к ним: понеже сия глаголет Господь: еда падай не востает, или отврашайся не обратится? 5 Вскую отвратиша людие Мои сии во Иерусалиме отвращением безстудным и укрепиша во произволении своем и не восхотеша обратитися? 6 Внимайте и слушайте: не тако ли возглашуют: несть человек творяй покаяние о грехе своем, глаголя: что сотвориши? Изнеможе бежай от течения своего, аки конь утружен во ржании своем. 7 Еродиа на небеси позна время свое, горлица и ластовица селная, врабие сохраниша времена входов своих: людие же Мои сии не познаша судеб Господних. 8 Како речете, яко мы

мудри есмы и закон Господень с нами есть? Истинно всуе бысть трость лживая книжником. 9 Постыдешася премудрии, и устрашени и поимани быша, слово бо Господне отвергша: кая мудрость есть в них? 10 Сего ради дам жены их иным и села их наследником, понеже от мала даже до велика вси златолюбию последуют и от пророка даже до священника вси творят лжу, 11 и изцеляху сотрения дщере людий Моих, ко безчестию глаголюще: мир, мир. И не бе мира. 12 Постыждени суть, яко гнусство сотвориша и постыдением не постыдешася и посрамитися не ведеша: сего ради падут между падающими, во время посещения своего падут рече Господь. 13 И соберут плоды их, глаголет Господь: несть грозда на лозе, и не суть смокви на смоковницах, и листвие отпадоша: и дах им, и мимоидоша их. 14 Почто мы седим? Совокупитеся и внидем во грады тверды и повержемся тамо, яко Господь Бог наш отрину нас и напои нас водою желчи, согрехиом бо пред Ним. 15 Ждахом мира, и не бляху благая: времене уврачевания, и се, боязнь. 16 От Дана слышано бысть ржание коней его, от гласа ржания яждения коней потрясся вся земля: и приидет и покрет землю и исполнение ея, град и обитающих в нем: 17 яко се, Аз посли на вас змии умерщвляющия, имже несть обаяния, и угрьзут вас, рече Господь, 18 неизцельно со болезню сердца вашего изчезающаго. 19 Се, глас вопля и дщере людий Моих от земли издалеча: еда Господь несть в Сионе? Или Царя несть в нем? Понеже прогневаша мя во изваянных своих и в суетных чуждих. 20 Пройде жатва, мимоиде лето, и мы несмы спасени. 21 Над сокрушением дщере людий моих сокрушен есмы и скорбен: во ужасе объяша мя болезни аки раждающия. 22 Или ритины несть в Галааде? Или врача несть тамо? Чесо ради несть изцелена рана дщере людий моих?

9 Кто даст главе моей воду и очесем моим источник слез? И плачуся день и нощь о побиенных дщере людий моих. 2 Кто даст мне в пустыни виталище последнее? И оставлю люди мои и отиду от них: понеже вси любодействуют, соборище преступников. 3 И налякоша язык свой яко лук: лжа и неверство укрепиша на земли, ибо от злых во злата произыдоша и Мене не познаша, рече Господь. 4 Кийждо от искренняго своего да стрежется, и на братию свою не уповайте, ибо всяк брат запинанием запнет, и всяк друг льстиво наскочит. 5 Кийждо другу своему посмеется, истины не возглашуют: научиша язык свой глаголати лжу, неправдоваша и не

восхотеша обратитися. 6 Лихва на лихву и лесть на лесть: не восхотеша уведети Мене, рече Господь. 7 Сего ради тако глаголет Господь Сил: се, Аз разжегу их и искушу их: что бо ино соторю от лица лукавства дщери людий Моих? 8 Стрела уязвляющая язык их, льстивии глаголы уст их: приятелю своему глаголет мирная, внутрь же себе имеет вражду. 9 Еда на сих не посещу? Рече Господь: или людем таковым не отмстит душа Моя? 10 На горах воспримите плачь и тужение и на стезях пустыни рыдание, яко оскудеша, за еже не быти человеком преходящим: не слышаша гласа обитания от птиц небесных и даже до скотов, ужасошася, отидаша. 11 И дам Иерусалим в преселение и в жилище змием и грады Иудины положу в разорение, яко не будет обитающимо. 12 Кто муж премудр, и уразумеет сие? И к немуже слово уст Господних, да возвестит вам, чесо ради погибе земля, сожжена есть яко пустыня, еяже никтоже проходит? 13 И рече Господь ко мне: понеже оставилша закон Мой, егоже дах пред лицем их, и не послушаша гласа Моего и не ходиша по нему, 14 но поидаша по изволению сердца своего лукаваго и вслед идолов, имже научиша их отцы их: 15 сего ради тако глаголет Господь Сил, Бог Израилев: се, Аз напитаю люди сия теснотами и в питие дам им воду желчную, 16 и расточу их во языки, ихже не знаша тии и отцы их, и послю на них мечь, дондеже истлятся. 17 Сия рече Господь Сил: призовите плачевниц, и да приидут, и ко женам премудрым послите, и да вещают 18 и да примут над вами плачь, и да изведут очи ваши слезы, и вежди ваши да излиют воду: 19 зане глас плача слышан бысть во Сионе: како бедни быхом, постыждени зело, яко оставилхом землю и отринухом жилища наша? 20 Темже слышите, жены, слово Господне, и примите уshima вашима словеса уст Его, и научите дщери ваша рыйданию, и каяждо искренною свою плачу: 21 понеже взыде смерть сквозе окна ваша и вниде в землю вашу погубити отрочата отвне и юноши от стогн. 22 (Глаголи:) сия рече Господь: и будут мертвии человечы в пример на лица поля земли вашея, яко сено созади жнуЩаго, и не будет собирающаго. 23 Тако глаголет Господь: да не хвалится мудрый мудростю своею, и да не хвалится крепкий крепостию своею, и да не хвалится богатый богатством своим: 24 но о сем да хвалится хвалящаяся, еже разумети и знати, яко Аз есмь Господь творяй милость и суд и правду на земли, яко в сих воля Моя, глаголет Господь. 25 Се, дни грядут, глаголет Господь, и посещу на всех, иже обрезаную имут плоть свою: 26

на Египет и на Идумею, и на Едом и на сыны Аммони, и на сыны Моави и на всякаго остразывающаго власы по лицу своему, обитающимо в пустыни, яко вси языцы не обрезаны плотию, весь же дом Израилев не обрезаны суть сердцы своими.

10 Слышите слово Господне, еже глагола Господь на вас, доме Израилев. 2 Сия глаголет Господь: по путем языков не учитеся и от знамений небесных не страшитесь, яко их боятся языцы. 3 Понеже законы языков суетни суть: древо есть от леса изсеченое, дело тектонское и слияние: 4 сребром и златом украшена суть, и млатами и гвоздями утвердиша я, да не движутся: 5 сребро изваяно есть, не глаголют, носими носятся, понеже ходити не возмогут: не убоятесь их, яко не соторят зла, и блага несть в них. 6 Несть подобен Тебе, Господи: велик еси Ты и велико имя Твое в крепости. 7 Кто не убоится Тебе, о, Царю языков! Твоя бо честь между всеми премудрыми языков, и во всех царствах их ни един есть подобен Тебе. 8 Купно буии и безумнии суть, учение суетных их древо есть: 9 сребро извито от Фарисса приходит, злато от Офаза, и рука златарей, дела вся художников: в синету и багряницу одеют их, дела умоделников вся сия. 10 Господь же Бог истинен есть, Той Бог живый и Царь вечный, от гнева Его подвигнется земля, и не стерпят языцы прещения Его. 11 Тако рече им: бози, иже небесе и земли не соториша, да погибнут от земли и от сих, иже под небесем суть. 12 Господь соторивый землю во крепости Своей, устроивый вселенную в премудрости Своей, и разумом Своим простре небо. 13 Ко гласу Своему дает множество вод на небеси: и возведе облаки от последних земли, блистания в дождь сотори и изведе ветр от сокровищ Своих. 14 Буй соторися всяк человек от ума (своего), постыдеся всяк златоделник во извяниих своих, яко ложная слия, несть духа в них: 15 суетна суть дела, смеху достойна, во время посещения своего погибнут. 16 Несть сицевая часть Иакову, яко Создавый вся Той есть, и Израиль жезл достояния Его, Господь Сил имя Ему. 17 Собра отвне имение, обитающее во избранных, 18 понеже тако глаголет Господь: се, Аз отвергу обитатели земли сея в скорби и смущу их, яко да обрящется язва твоя. 19 Горе во сокрушении твоем, болезненна язва твоя: аз же реч: воистину сия болезнь моя (есть) и объят мя, жилище мое опусте, погиб: 20 скиния моя опусте, погиб, и вся кожа моя растерзашася: сынов моих и овец моих несть, несть ктому места скинии моей, места кожам моим:

21 понеже обуяша пастырие и Господа не взыскаша, сего ради не уразуме все стадо и расточено бысть. 22 Глас слышания, се, грядет и трус велий от земли северныя, да положит грады Иудины в запустение и во обитание змием. 23 Вем, Господи, яко несть человеку путь его, ниже муж пойдет и исправит шествие свое. 24 Накажи нас, Господи, обаче в суде, а не в ярости, да не умаленых нас сотвориши. 25 Излий гнев Твой на языки не знающыя Тя и на племена, яже имене Твоего не призываша, яко поядша Иакова и потребиша его и пажить его опустишиа.

11 Слово еже бысть от Господа ко Иеремии, глаголюще: 2 слышите слова завета сего и глаголите ко мужем Иудиним и ко обитателем Иерусалимским, 3 и речеши к ним: сия глаголет Господь Бог Израилев: проклят муж, иже не послушает словес завета сего, 4 егоже заповедах отцем вашим в день, в онъже изведох их от земли Египетския, от пещи железныя, глаголя: услышите глас Мой и сотворите вся, елика заповедао вам, и будете Мне в людии, и Аз буду вам в Бога: 5 да утвержду клятву Мою, еюже кляхся отцем вашим, еже дати им землю точащую млеко и мед, яко же есть день сей. И отвещах и рекох: буди, Господи. 6 И рече Господь ко мне: прочти вся слова сия во градех Иудиних и вне Иерусалима, рекий: слышите слова завета сего и сотворите та: 7 яко свидетелствуя засвидетельствовах отцем вашим в день, в онъже изведох их от земли Египетския, даже до дне сего, заутра востая засвидетельствовах глаголя: слышите глас Мой. 8 И не слышаша, ни приклониша уха своего, но идоша кийждо в стропотстве сердца своего злого: и наведох на них вся слова завета сего, егоже заповедах да сотворят, и не сотвориша. 9 И рече Господь ко мне: обретено есть совещание (на зло) в мужех Иудиних и во обитающих во Иерусалиме: 10 возвратиша ко беззаконию первым отец своих, иже не хотеша слышати словес Моих, и се, тии поядша по бозех чуждих, да служат им: и разори дом Израилев и дом Иудин завет Мой, егоже завещах со отцы их. 11 Сего ради сия глаголет Господь: се, Аз наведу на них злая, от нихже изыти не возмогут, и возопилют ко Мне, и не услышу их: 12 и пойдут грады Иудины и обитателе Иерусалима и возопилют ко богом, имже тии кадят, иже не спасут их во время скорбей их. 13 По числу бо градов твоих беху бози твои, Иудо, и по числу путий Иерусалимских постависте олтари студныя, олтари на каждение Ваалу. 14 Ты же не молися о людех сих и не

проси о них в мольбе и молитве: не услышу бо во время вопля их ко Мне и во время озлобления их. 15 Почто возлюбленная в дому Моем сотвори мерзости (многи)? Еда обеты и мяса святая отимут от тебе лукавства твоя, или сими избежиши? 16 Маслину благосенну, красну зраком нарече Господь имя твое, ко гласу обрезания ея: разгореся огнь в ней, велика скорбь на тебе, непотребны быша ветви ея. 17 И Господь Сил, иже насади тебе, глаголал есть на тя зло за злая дому Израилева и дому Иудина, елика сотвориша себе ко прогневанию Мене кадяще Ваалу. 18 Господи, скажи ми, и уразумею: тогда видех начинания их. 19 Аз же, яко агня незлобиво ведомо на заколение, не разумех, яко на мя помыслиша помысл лукавый, глаголюще: приидите и вложим древо во хлеб его и истребим его от земли живущих, и имя его да не помянется ктому. 20 Господь Саваоф, судяй праведно, испытуяй сердца и утробы, да вижду мщение Твое на них, яко к Тебе открых оправдание мое. 21 Сего ради сия глаголет Господь на мужы Анафофски ищащыя души мою, глаголющыя: да не пророчествуеши о имени Господни, аще ли же ни, умрещи в руках наших. 22 Сего ради сия глаголет Господь Сил: се, Аз посещу на них: юноши их мечем умрут, и сынове их и дщери их скончаются гладом, 23 и останка не будет от них, наведу бо злая на живущыя во Анафофе в лето посещения их.

12 Праведен еси, Господи, яко отвещаю к Тебе: обаче судьбы возлаголю к Тебе: что, яко путь нечестивых спеется, угбзишася вси творящии беззакония? 2 Насадил еси их, и укоренишася, чада сотвориша и сотвориша плод: близ еси Ты уст их, далече же от утроб их. 3 И Ты, Господи, разумеши мя, видел мя еси и искусил еси сердце мое пред Тобою: собери их яко овцы на заколение и очисти их в день заколения их. 4 Доколе плакати имать земля, и трава вся селная изсхнет от злобы живущих на ней? Погибоша скоти и птицы, яко рекоша: не узрит Бог путий наших. 5 Нозе твои текут и разслабляют тя: како уготовиши с коньми? И в земли мира твоего уповал еси, како сотвориши в шуме Иорданстем? 6 Понеже и братия твоя и дом отца твоего, и сии отвергояшася тебе и тии возопиша, созади тебе обращающася: не веруй им, егда глаголати будут тебе благая. 7 Оставил дом Мой, оставил достояние Мое, дах возлюбленную душу Мою в руки врагов ея: 8 бысть Мне достояние Мое яко лев в дубраве, даде противу Мене глас свой: сего ради возненавидех е. 9 Не вертеп ли иенин достояние Мое Мне, или пещера окрест его? Идите, соберите вся звери селныя, и да

приидут снести е. 10 Пастырие мнози растлиша виноград Мой, оскверниша часть Мою, даша часть желаемую Мою в пустыню непроходную, 11 положиша в потребление пагубы: Мене ради разорением разорена есть вся земля, яко ни един есть, иже размышляет сердцем. 12 Во всякий путь пустыни придоша опустошающи, яко мечь Господень поист от края земли даже до края ея: несть мира всяцей плоти. 13 Посеясте пшеницу, а терние пожасти: достояния их не полезна будут им: постыдитесь стыдением от похваления вашего, от поношения пред Господем. 14 Яко сия глаголет Господь о всех соседех лукавых, прикасающихся наследию Моему, еже разделих людем Моим Израилю: се, Аз исторгну их от земли их и дом Иудин извергну от среды их: 15 и будет, егда исторгну их, обращуся и помилую их, и вселю их когождо в достояние свое и когождо в землю свою: 16 и будет, аще учащеся научатся путем людий Моих, еже клятися именем Моим, жив Господь, якоже научиша людий Моих клятися Ваалом, и созиждутся посреде людий Моих: 17 аще же не послушают, исторгну язык оный исторганием и погублением, рече Господь.

13 Сия глаголет Господь ко мне: иди и стяжи себе чреспеник лъняный и препояши того на чреспех твоих, и в воду да не внесеши того. 2 И стяжах чреспеник по словеси Господню и обложих окрест чреспел моих. 3 И бысть слово Господне ко мне вторицею, рекущее: 4 возми чреспеник, егоже стяжал еси, иже есть окрест чреспех твоих, и востани иди ко Евфрату, и скрый того тамо во разселине каменне. 5 И идох и скрых того во Евфрате, якоже заповеда мне Господь. 6 И бысть по днех мнозех, и рече Господь ко мне: востани иди ко Евфрату, и возми оттуду чреспеник, егоже заповедах тебе скрыти тамо. 7 И идох ко Евфрату и раскопах, и взях чреспеник от места, идже скрых его, и се, изгнил бе (чреспеник), яко ни на что же быти потребну ему. 8 И бысть слово Господне ко мне, рекущее: сия глаголет Господь: 9 тако согнити соторю гордыню Иудину и гордыню Иерусалимлю, многую гордыню сию людий сих строптивых, 10 иже не хотят послушати словес Моих, ходящих во строптивстве сердца своего и шедших вслед богов чуждих, да служат им и да покланяются им: и будут якоже чреспеник той, иже ни к чему потребен. 11 Зане, якоже придержится чреспеник ко чреспелу мужа, тако прилепих Мне (весь) дом Израилев и весь дом Иудин, рече Господь: да будут Мне в людии имениты, и в хвалу и в славу, и не послушаша Мене. 12 И речеши к людем сим словеса сия: тако рече

Господь Бог Израилев: всяк меч исполнится вина. И будет, аще рекут к тебе: еда ведяще не увемы, яко всяк меч исполнится вина? 13 И речеши к ним: сия глаголет Господь: се, Аз исполню всех обитателей земли сея, и царей их седящих от колена Давида на престоле их, и священники и пророки, и Иуду и всех обитающих во Иерусалиме пиянством, 14 и расточу их, мужа и брата его, и отцы их и сыны их вкупе: не пожелаю, рече Господь, не пощажу, и не умилосердлю, еже не погубити их. 15 Слышите и внемлите, и не возноситеся, яко Господь глаголал есть. 16 Дадите Господу Богу вашему славу прежде даже не смеркнется и прежде даже не преткнется нозе ваши ко горам темным: и пождете света, и тамо сень смертная, и положени будут во мрак. 17 Аще же не послушаете, в тайне восплачется душа ваша от лица гордыни и плача восплачует, и изведут очи ваши слезы, яко сотрено есть стадо Господне. 18 Рцыте царю и владыкам: смиритеся, сядите, яко взятся от главы ваше венец славы ваше. 19 Грады южни затворени суть, и несть отверзая: преведен есть весь Иуда, совершиша преселение совершенное. 20 Воздвигни очи твои, Иерусалиме, и виждь приходящая от севера: где стадо даное тебе, овцы славы твоей? 21 Что речеши, егда посетят тя? И ты научил еси их на тя учением в началство: еда не оымут тя болезни яко жену родящую? 22 Аще же речеши в сердцы твоем: почто придоша ми сия? За множество беззакония твоего откровена суть задняя твоя, да обруганы будут стопы твоя. 23 Аще пременит Ефиоплянин кожу свою, и ръсы пестроты своя, и вы можете благотворити научившеся злу. 24 И развею их, яко стеблие носимое ветром в пустыню. 25 Сей жребий твой и часть непокорства твоего на Мя, глаголет Господь, яко забыл еси Мя и надеялся на лжу: 26 темже и аз обнажу бедры твоя противу лица твоего, и явится срамота твоя 27 и прелюбодейство твое, и ржание твое и отчуждение блуда твоего: на горах и на селех видех мерзости твоя. Горе тебе, Иерусалиме, яко не очистился еси, последуя мне. Доколе еще?

14 И бысть слово Господне ко Иеремии о бездождии. 2 Рыдала Иудеа, и врата ея разрушилася, и отемнишася на земли, и вопль Иерусалима взыде. 3 И вельможи его послаша менших своих к воде: придоша на кладязи и не обретоша воды, и отнесоша сосуды своя тъы: постыждени суть и посрамлени, и покрыша главы своя. 4 И дела земли оскудеша, яко не бяше дождя на землю: постыждени суть земледелцы, покрыша

главы своя. 5 И еленицы на ниве родиша и оставиша, яко не бе травы. 6 Онағри сташа на камениих, браша в себе ветр яко змиеве, оскудеша очи их, яко не бе травы. 7 Беззакония наша противусташа нам: Господи, сотвори нам ради имени Твоего, яко мнози греси наши пред Тобою, Тебе согрешихом. 8 Ожидание Израилево, Господи, Спасителю наш во время скорби! Вскую яко пришелец еси на земли и яко путник укланяющся во виталище? 9 Еда будеша якоже человек сплай, или аки муж не могий спаси? Ты же в нас еси, Господи, и имя Твое призвано бысть на нас, не забуди нас. 10 Сия глаголет Господь людем сим: возлюбиша подвигати нозе свои и не упокоиша, и Бог не благопоспеши в них, ныне воспомянет беззакония их и посетит грехи их. 11 И рече Господь ко мне: не молися о людех сих во благо: 12 егда поститися будут, не услышу прошения их, и аще принесут всесожжения и жертвы, не благоволю в них: яко мечем и гладом и мором Аз скончаю их. 13 И рекох: сый Господи Боже, се, пророцы их прорицают и глаголют: не узрите меча, и глад не будет вам, но истину и мир дам на земли и на месте сем. 14 И рече Господь ко мне: лживо пророцы прорицают во имя Мое, не послах их, ни заповедах им, ни глаголал есмь к ним: понеже видения лжива и гадания и волшебства и произволы сердца своего тии прорицают вам. 15 Сего ради сия глаголет Господь о пророцах, иже пророчествуют во имя Мое ложная, и Аз не послах их, иже глаголют: мечь и глад не будет на земли сей: смертию лютую умрут и гладом скончаются пророцы тии. 16 И людие, имже тии пророчествуют, будут извержени на путех Иерусалима от лица меча и глада, и не будет погребай их, и жены их и сынове их и дщери их, и излию на них злая их. 17 И речеши к ним слово сие: да изведут очи ваши слезы день и нощь, и да не престанут, яко сотрением великим сотрена (дева) дщерь людий моих и язвою злою зело. 18 Аще изыду на поле, и се, заклани мечем: и аще вниду во град, и се, истаявши гладом: яко пророк и священник отидаша в землю, еяже не ведяху. 19 Еда отмещущь отвергл еси Иуду, и от Сиона отступи душа Твоя? Вскую поразил еси нас, и несть нам изцеления? Ждахом мира, и не бяху благая: времене уврачевания, и се, боязнь. 20 Познахом, Господи, грехи наша, беззакония отец наших, яко согрешихом пред Тобою. 21 Престанши ради имени Твоего, не погуби престола славы Твоей: воспомяни, не разори завета Твоего иже с нами. 22 Еда есть во извяянных языческих, иже дождит? Или небеса могут

дати влагу свою? Не Ты ли еси, Господи Боже наш? И пождем Тебе, Господи, Ты бо сотворил еси вся сия.

15 И рече Господь ко мне: аще станут Моисей и Самуил пред лицем Моим, несть душа Моя к людем сим: изирини тех (от лица Моего), и да изыдут. 2 И будет, аще рекут к тебе: камо изыдем? И речеши к ним: сия глаголет Господь: иже ко смерти, ко смерти: и иже к мечу, к мечу: и иже ко гладу, ко гладу: и иже ко пленению, ко пленению. 3 И отмущь имъчетырьми образы, рече Господь: мечь на заклание, и пси на растерзание, и птицы небесе и зверие земли на пожрения и расхищение. 4 И предам их во утеснение всем царствам земным, ради Манассии сына Езекиина царя Иудина за вся, яже сотвори во Иерусалиме. 5 Кто умилосердится к тебе, Иерусалиме? И кто поскорбит о тебе, или кто пойдет молити о мире тебе? 6 Ты оставил мя еси, рече Господь, вспять пошел еси: и простру руку Мою на тя и убию тя, и кому не пощажу их. 7 И расточу их расточением во вратех людий Моих: обезчадеша, погубиша людий Моих злобами своими, и не обратиша. 8 Умножиша вдовици их паче песка морскаго: наведох на матерь юноши, бедность о полудни, навергох на ню внезапу страх и трепет. 9 Праздна бысть родившая седьмь, оскуде душа ея, зайде ей солнце еще среди полудне, постыждена бысть и укорена: прочия их в мечь дам пред враги их, рече Господь. 10 Горе мне, мати (моя), вскую мя родила еси мужа прителнаго и судимаго по всей земли? Не заях, ниже заят у мене кто: сила моя оскуде от кленущих мя, (рече Господь). 11 Буди, Владыко, исправляющим им: аще не притехох ко Тебе во время озлобления их и во время скорби их, во благая на врага. 12 Еда познается железо? И одеяние медяно крепость твоя. 13 И сокровища твоя в расхищение дам, измену за вся грехи твоя, и во всех пределех твоих: 14 и порабоющу тя окрест врагом твоим, в земли, еяже не веси: яко огнь возжожеся от ярости Моея, на вас горети будет. 15 Ты веси, Господи, воспомяни мя и посети мя и защити мя от гонящих мя, не в долготерпение Твое восприими мя: веждь, яко приях Тебе ради поношения от отвергающих словеса Твоя: 16 скончай их, и будет слово Твое мне в радость и во веселие сердца моего, яко призвано есть имя Твое на мне, Господи Боже Сил. 17 Не седох в сонме их играющих, но бояхся от лица руки Твоей: на едине седях, яко горести исполнихся. 18 Вскую оскорбляющии мя возмогают на мя? Язва моя тверда, откуду изцелуюся? Бысть мне яко вода лживая, не имущая верности. 19 Сего ради сия глаголет Господь: аще обратишися, возставлю

тя, и пред лицем Моим станеши: и аще изведеши честное от недостойного, яко уста Моя будеши: и обратятся ти к тебе, и ты не обратишься к ним. 20 И дам тя людем сим аки стену крепку, медяну: и поратуют на тя и не возмогут на тя, яко Аз с тобою есмь, да спасу тя и избавлю тя, рече Господь: 21 избавлю тя от рук злых и искуплю тя от рук губителей.

16 И бысть слово Господне ко мне, рекущее: и ты да не поймеши жены, 2 и не родится тебе сын, ниже дщерь на месте сем. 3 Яко сия глаголет Господь от сынов и дщерей, иже родятся на месте сем, и о матерех их, яже родиша их, и о отцех их родивших я в земли сей: 4 смертию лютою изомрут, не оплачутся и не погребутся: во образ на лице земли будут и мечем падут и гладом скончаются, и будут трупие их во снедь птицам небесным и зверем земным. 5 Сия глаголет Господь: да не внидеши в дом их пирный, ни да ходиши плакати, ниже да рыдаеши их, понеже отяг мир Мой от людей сих, рече Господь, милость и щедроты. 6 И умрут велицы и малии в земли сей: не погребутся, ни оплачутся, ниже терзание о них будет, ниже обриются ради их, 7 и не преломят хлеба во стенании их ко утешению над мертвым, и не дадут им пития чаши ко утешению над отцем и материю их. 8 И в дом пирный да не внидеши седети с ними, еже ясти и пити. 9 Понеже сия глаголет Господь Сил, Бог Израилев: се, Аз отиму от места сего во очию вашею и во днех ваших глас радости и глас веселия, глас жениха и глас невесты. 10 И будет, егда возвестиши людем сим вся словеса сия, и рекут к тебе: вскую глаголал есть Господь на нас вся злая сия? Кая неправда наша? И кий грех наш, имже согрехом Господу Богу нашему? 11 И речеши к ним: понеже оставиша мя отцы ваши, глаголет Господь, и идоша вслед богов чуждих, и послужиша им и поклониша им, Мене же оставиша и закона Моего не сохраниша: 12 и вы горше деласте, неже отцы ваши, и се, вы ходите кийждо вслед похотей сердца вашего лукаваго, еже не слушати Мене: 13 и изрину вас от земли сея в землю, еже не весте вы и отцы ваши, и послужите тамо богом чуждим день и нощь, иже не дадут вам милости. 14 Сего ради, се, дни грядут, глаголет Господь, и не рекут ктому: жив Господь, иже изведе сынов Израилевых от земли Египетской: 15 но: живет Господь, иже изведе сынов Израилевых от земли северныя и от всех стран, аможе извержени быша: и возвращу их в землю их, юже дах отцем их. 16 Се, Аз послю рыбари многи, рече Господь, и уловят их: и

посем послю многи ловцы, и уловят их на всячей горе и на всячем холме и от пещер каменных. 17 Яко очи Мои на всех путех их, не сокровени суть от лица Моего, и не утаена суть беззакония их от очию Моему. 18 И воздам первее сугубая беззакония и грехи их, имиже оскверниша землю Мою в мертвчинах мерзостей своих и в беззакониях своих, имиже наполниша достояние Мое. 19 Господи, Ты крепость моя и помощь моя и прибежище мое во днех злых: к Тебе языцы приидут от последних земли и рекут: воистинну лживых стяжаша отцы наши идолы, и несть в них пользы. 20 Еда сотворит себе человек боги, и тии не суть бози? 21 Сего ради, се, Аз покажу им во время сие руку Мою и знаему сотворю им силу Мою, и познают, яко имя Мне Господь.

17 Грех Иудин написан есть писалом железным на ногти адамантове, начертан на скрижали сердца их и на розех олтарей их. 2 Егда воспомянут сынове их олтари своя и дубравы своя при древе лиственне и на холмех высоких, 3 о, нагорный (жителю)! Крепость твою и сокровища твоя в расхищение дам, и высокая твоя, грех ради твоих, яже во всех пределех твоих, 4 и останешся един от наследия твоего, еже дах тебе: и служити тя сотворю врагом твоим в земли, еяже не веси: яко огнь разжегл еси в ярости Моей, даже во век горети будет. Сия глаголет Господь: 5 проклят человек, иже надеется на человека и утвердит плоть мышцы своея на нем, и от Господа отступит сердце его: 6 и будет яко дивия мирика в пустыни и не узрит, егда приидут благая, и обитати будет в сухоте и в пустыни, в земли сланей и необитаемой. 7 И благословен человек, иже надеется на Господа, и будет Господь упование его: 8 и будет яко древо насажденное при водах, и во влаге пустит корение свое: не убоится, егда приидет зной, и будет на нем стеблие зелено, и во время бездождия не устрашится и не престанет творити плода. 9 Глубоко сердце (человеку) паче всех, и человек есть, и кто познает его? 10 Аз Господь испытуй сердца и искушай утробы, еже воздати комуждо по пути его и по плодом изобретений его. 11 Возгласи раб, собра, ихже не роди, творяй богатство свое не с судом: в преполовении дний своих оставит е и на последок свой будет безумен. 12 Престол славы возвышен от начала, место святыни наша. 13 Чаяние Израилево, Господи! Вси оставляющи Тя да постыдятся, отступающи (от Тебе) на земли да напишутся, яко оставиша источник живых вод, Господа. 14 Изцели мя, Господи, и изцелео: спаси мя, и спасен буду, яко хвала моя Ты еси. 15 Се, тии глаголют ко мне: где есть слово Господне? Да приидет. 16 Аз же не

утрудихся, Тебе (пастырю) последуй, и дне человече не пожелах: Ты веси исходящая от устен моих, пред лицем Твоим суть: 17 не буди ми во отчуждение, упование мое Ты в день лют. 18 Да постыдятся гонящии мя, аз же да не постыжуся: да устрашатся тии, аз же да не устрашуся: наведи на них день озлобления, сугубым сокрушением сотри их. 19 Сия глаголет Господь ко мне: иди и стани во вратах сынов людей твоих, имиже входят царие Иудины и исходят, и во всех вратах Иерусалимских и речеши к ним: 20 слышите слово Господне, царие Иудины и вся Иудеа и весь Иерусалим, входящии во врата сия. 21 Сия глаголет Господь: сохраните души ваши и не носите бремен в день суббот, и не исходите врата Иерусалима, 22 и не износите бремен из домов ваших в день субботный, и всякаго дела не творите: освятите день субботный, яко же заповедах отцем вашим: 23 и не услышаша, ни приклониша уха своего, но ожесточиша выи своя паче отец своих, да не услышат мя и да не примут наказания. 24 И будет, аще послушаете Мене, глаголет Господь, еже не вносити бремен во врата града сего в день субботный, и святити день субботний, не творити в онь всякаго дела, 25 и внидут во врата града сего царие и начальницы, седящии на престоле Давидове и восходящии на колесницах и конех своих, тии и начальницы их, мужие Иудины и обитатели Иерусалима: и обитати будут во граде сем во веки: 26 и приидут от градов Иудиних и от окрестных Иерусалима, и от земли Вениамины и от польных, и от горных и от юга, носяще всесожжения и жертву, и фимиам и ману и ливан, носяще хвалу в дом Господень. 27 И будет, аще не послушаете Мене еже святити день субботний и не носити бремен, ниже входити вратами Иерусалима в день субботний, то зажгу огнь во вратах его, и пожрет дома Иерусалимли и не угаснет.

18 Слово, еже бысть ко Иеремии от Господа, рекущее: 2 востани и снди в дом скудельничь, и тамо услышиши словеса Моя. 3 И сндох в дом скудельничь, и се, той творяше дело на каменех. 4 И разбися сосуд, егоже той творяше от глины рукама своима: и паки той сотвори из него иный сосуд, яко же угодно во очию его творити. 5 И бысть слово Господне ко мне, рекущее: 6 еда, яко же скудельник сей, не возмогу сотворити вас, доме Израилев? Рече Господь: се, яко же брение в руку скудельника, тако вы есте, доме Израилев, в руку Моею: 7 наконец возглаголю на язык и на царство, да искореню их и разорю и расточу я: 8 и аще обратится язык той от всех лукавств своих, то раскаюся о озлоблениих, яже

помыслих сотворити им: 9 и наконец реку на язык и царство, да возсозижду и насажду я, 10 и аще сотворят лукавая пред очима Моими, еже не послушати гласа Моего, то раскаюся о благих, яже глаголах сотворити им. 11 И ныне рцы ко мужем Иудиним и обитателем Иерусалима, рекий: сия рече Господь: се, Аз творю на вас злая и мышлю на вас умыщление: да обратится убо кийждо от пути своего лукаваго, и исправите пути ваша и умыщления ваша. 12 И рекоша: укрепимся, ибо по развращением нашим пойдем, и кийждо угодное сердца своего лукаваго сотворим. 13 Сего ради сия глаголет Господь: вопросите ныне языков, кто слыша сицевая страшная, яже сотвори зело дева Израилева? 14 Еда оскудеют от камене сосцы, или снег от Ливана? Еда уклонится вода зелно ветром носимая? 15 Понеже забыша Мене людие Мои всуе жруще, и изнемогут на путех своих и на стезях вечных, еже взыти на стези не имущыя пути на хождение, 16 еже положити землю свою в запустение и во звездание вечное: всяк, иже прейдет по ней, почудится и покивает главою своею: 17 яко же ветр палящ разсею их пред враги их, хребет, а не лице покажу им в день погибели их. 18 И рекоша: приидите и умыслим на Иеремию совет, ибо не погибнет закон от священника, ни совет от премудраго, ни слово от пророка: приидите и поразим его языком, и не воинем всем словесем его. 19 Вонми, Господи, мне и услыши глас оправдания моего. 20 Еда воздаются злая за благая? Яко глаголаша словеса на душу мою и мучительство свое скрыша ми. Помяни стоявшаго мя пред Тобою, еже глаголати за них благая, да отвращу гнев Твой от них. 21 Сего ради дажь сыны их в глад и собери их в руце меча: да будут жены их безчадны и вдовы, и мужие их да будут убиени смертию, и юноши их да падут мечем на рати: 22 да будет вопль в домех их: наведи на них разбойники внезапу, понеже совещаша слово, да имут мя, и сети скрыша на мя. 23 Ты же, Господи, веси весь совет их на мя в смерть: да не очистиши беззакония их и грехов их от лица Твоего да не изгладиши: да будет болезнь их пред Тобою, и во время ярости Твоей сотвори им.

19 Сия рече Господь ко мне: иди и стяжи сосуд скудельничь жжен, и приведи от старец людских и от старец священнических: 2 и изыди в место многогробищное сынов Енноних, еже есть близ придверия врат Харсифских, и прочти тамо вся словеса, яже Аз возглаголю тебе, 3 и речеши им: слышите слово Господне, царие Иудины и мужие Иудины, и обитатели Иерусалима

и входящими вратами сими: сия глаголет Господь Сил, Бог Израилев: се, Аз наведу злая на место сие, яко всякому слышащему сия зазвучит во ушию его: 4 понеже оставилша мя, и чужде сотвориша место сие, и пожроща на нем богом чуждим, ихже не ведеша тии и отцы их: и царие Иудини наполниша место сие крове неповинных 5 и создаша высокая Баалу на сожжение сынов своих огнем, во всесожжение Баалу, яже не заповедах ни глаголах, ниже взыдаша на сердце Мое. 6 Сего ради, се, дни грядут, глаголет Господь, и не прозовется ктому место сие Падение и место многогробищное сынов Еннонин, но место многогробищное заклания: 7 и расточу совет Иудин и совет Иерусалима в месте сем, и превращу их мечем пред враги их и в руку ищащих душ их: и дам трупие их в ядь птицам небесным и зверем земным: 8 и поставлю град сей в разорение и во звездание: всяк, иже мимоидет, о нем почудится и позвиждет о всей язве его: 9 и снедят плоти сынов своих и плоти дщерей своих, и кийждо плоти подруга своего снести во обстоянии и в тесноте, в нейже запрут их врази их, ищащии души их. 10 И да сокрушиши сосуд пред очима мужей исходящих с тобою 11 и речеши к ним: сия глаголет Господь Сил: тако сокрушу люди сия и град сей, якоже сокрушается сосуд скудельный, иже не может ктому изцелитися: и в Тофефе погребутся того ради, яко не будет иного места на погребение. 12 Тако сотворю месту сему, глаголет Господь, и обитателем его, да поставлю град той яко Падающ. 13 И будут домы Иерусалима и домы царей Иудиних, якоже место Падающее, от нечистот своих во всех домех, в нихже жряху на кровех своих всему воинству небесному и приношаху возлияния богом чуждим. 14 И прииде Иеремия от (места) Падения, аможе посла его Господь пророчествовати, и ста во дворе дому Господня и рече ко всем людем: 15 сия глаголет Господь Сил, Бог Израилев: се, Аз наведу на град сей и на вся грады его и на вся села его вся злая, яже глаголал есмь нань: яко ожесточиша выи своя, еже не слышати заповедей Моих.

20 И услыша Пасхор сын Еммеров священник, иже поставлен бе начальник в дому Господни, Иеремию пророчествующа словеса сия: 2 и удари Пасхор Иеремию пророка и вверже его в кладу, яже бе во вратех Вениаминых вышних в дому Господни. з Бывшу же утру, изведе Пасхор Иеремию от клады. И рече к нему Иеремия: не Пасхор нарече (Господь) имя твое, но Преселника Отвсюду. 4 Понеже сия глаголет Господь: се,

Аз дам тя в преселение и всех других твоих: и падут мечем враг своих, и очи твои узрят, и тебе и всего Иуда дам в руки царя Вавилонска, и преведут их в Вавилон и побиют их мечми. 5 И дам всю силу града сего и вся труды его и вся сокровища царя Иудина дам в руки врагов его, и расхитят их и возмут и отведут в Вавилон. 6 Ты же, Пасхор, и вси обитателие дому твоего, отидете во пленение, и в Вавилон приидеш и тамо умреши, тамо же и погребешся ты и вси друзьяе твои, имже пророчествовал еси лжу. 7 Прельстил мя еси, Господи, и прельщен есмь, креплайший мене еси и превозмог еси: бых в посмех весь день, вси ругаются мне. 8 Понеже горьким словом моим посмеялся, отвержение и бедность наведу, яко бысть в поношении мне слово Господне и в посмех весь день. 9 И рекох: не воспомяну имене Господня, ниже возглаголю ктому во имя Его. И бысть в сердцы моем яко огнь горящъ, палящъ в костех моих, и разслабех отвсюду, и не могу носити: 10 слышах бо досадительства многих собравшихся окрест: нападите, нападим нань, вси мужие друзие его: наблюдайте помышление его, аще (како) прельстится, и преможем нань и сотворим отмщение наше ему. 11 Господь же со мною есть яко борец крепкий: сего ради погнаша и уразумети не могоша: постыдешася зело, яко не разумеша бедствия своего, еже во век не забвено будет. 12 И Ты, Господи сил, искушай праведная, ведай утробы и сердца, (молюся,) да вижду мщение Твое на них, Тебе бо открых прю мою. 13 Пойте Господу, хвалите Господа, яко избави душу убогаго от руки лукавых. 14 Проклят день, в онъже родихся: день, в онъже породи мя мати моя, да не будет благословен. 15 Проклят муж, иже возвести отцу моему, рекий: родися тебе отрок мужеск, и яко радостию возвесели его. 16 Да будет человек той якоже гради, яже преврати Господь яростию и не раскаяся: да слышит вопль заутра и рыдание во время полуденное: 17 яко не убил мене в ложеснах матере, и была бы мне мати моя гроб мой и ложесна зачатия вечнаго. 18 Вскую изыдох из ложесн, да вижду труды и болезни, и скончашася в постыдении дние мои?

21 Слово, еже бысть от Господа ко Иеремии, егда послана к нему царь Седекия Пасхора сына Мелхина и Софонию сына Васаиева, священника, глаголя: 2 вопросы о нас Господа, яко Навуходоносор царь Вавилонский воста на нас: сотворит ли Господь с нами по всем чудесем Своим, и отидет от нас? 3 И рече Иеремия к ним: тако рече Седекий: сия глаголет Господь Бог Израилев: 4 се,

Аз обращаю оружия бранная, яже суть в руках ваших, имиже вы ополчаетесь на царя Вавилонска и Халдейска, иже обстоят вас окрест вне стен: и соберу та посреде града сего, 5 и поборю Аз по вас рукою простертою и мыщею крепкою с яростию и гневом великим, 6 и побию всех обитающих во граде сем, люди и скоты, губительством великим, и измрут. 7 И по сих, тако глаголет Господь, дам Седекию царя Иудина и рабы его, и люди его и оставльшияся во граде сем от губительства и глада и меча, в руку Навуходоносора царя Вавилонска и в руку врагов их и в руку ищущих душ их, и побиет их остирем меча: и не пощажу их, ниже милостив буду им. 8 И к людем сим речеши: сия глаголет Господь: се, Аз даю пред вами путь живота и путь смерти: 9 иже обитает во граде сем, умрет мечем и гладом и губительством, а исходай, иже прибежит ко Халдеем обстоящим вас, жив будет, и будет душа его в плен, и жив будет. 10 Утвердих бо лице Мое на град сей во злая, а не во благая, рече Господь: в руки царя Вавилонска предастся, и сожжет его огнем. 11 Доме царя Иудина, слышите слово Господне: 12 дому Давидов, сия глаголет Господь: судите заутра суд и исправите, и избавите силою угнетенного от руки обидащего и, да не зажжется яко огнь ярость Моя и возгорится, и не будет угашающего, ради лукавых умышлений ваших. 13 Се, Аз к тебе обитающему во крепце и польне удолии, рече Господь, иже глаголете: кто побиет нас? Или кто внидет в домы наша? 14 И посещу на вас по лукавым начинанием вашым, рече Господь, и возжгу огнь в лесе его, и пояст вся, яже окрест его.

22 Сия рече Господь: иди и вниди в дом царя Иудина и рцы тамо слово сие, 2 и речеши: слыши слово Господне, царю Иудин, иже седиши на престоле Давидове, ты и дом твой, и раби твои и людие твои и входящи дверьми сими: 3 сия глаголет Господь: творите суд и правду, и избавите силою угнетена от руки обидащего и, и пришелца и сира и вдовицы не оскорбляйте, не угнетайте беззаконно, и крове неповинныя не изливайте на месте сем. 4 Аще бо творяще сотворите слово сие, то внидут вратами дому сего царие седящи на престоле Давидове и вседающие на колесницах и на кони, тии и раби их и людие их. 5 Аще же не послушаете словес сих, Сам Собою закляхся, рече Господь, яко в пустыню будет дом сей. 6 Понеже тако глаголет Господь на дом царя Иудина: Галаад ты Мне, глава Ливанская, аще не поставлю тебе в пустыню, во грады необитанны, 7 и наведу на тя убивающа мужа и секиу его, и посекут избранныя

кедры твоя и вергут на огнь. 8 И пройдут языцы мнози сквозе град сей, и речет кийждо искреннему своему: вскую сотвори Господь тако граду сему великому? 9 И отвещают: сего ради, яко оставилша завет Господа Бога своего и поклонишася богом чуждим и послужиша им. 10 Не плачите мертваго, ниже рыдайте о нем: плачите плачем о исходящем, яко не возвратится ктому, ниже увидит земли рождения своего. 11 Понеже сия рече Господь к Селлиму сыну Иосину царю Иудину царствующему вместо Иосии отца своего, иже изшел есть от места сего: не возвратится ктому семо, 12 но на месте том, аможе преведох его, тамо умрет и земли сея не узрит ктому. 13 Горе созидающему дом свой с неправдою и горницы своя не в суде, у негоже ближний его делает туне, и мзды его не воздаст ему: 14 иже рече: созижду себе дом пространен, и горницы широки со отверстыми окнами и своды кедровыми, и расписаны червленцем. 15 Еда царствовати будеши, яко ты поощряеши о ахазе отце твоем? Не ядят, ниже пиют: лучше тебе было творити суд и правду благу. 16 Не познаша, не судиша суда смиренных, ниже суда нища: не сие ли тебе есть, еже не знати тебе Мене, рече Господь? 17 Се, не суть очи твои, ниже сердце твое благо, но к сребролюбию твоему и крове неповинныя пролиянию, и ко обидам и ко убийству, еже творити я. 18 Сего ради сия рече Господь ко Иоакиму сыну Иосину царю Иудину: горе мужу сему, не оплачут его: горе, брате! Ниже возвращают о нем: увы мне, господине! 19 Погребением ослим погребется, влачим извержен будет вне врат Иерусалима. 20 Взыди на Ливан и возопий, и в Васан дажь глас твой, и возопий на он пол моря, яко сотрени суть вси любовни твои. 21 Глаголах к тебе в падении твоем, и рекл еси: не услышу. Сей путь твой от юности твоей, яко не послушал еси гласа Моего. 22 Всех пастьрей твоих упасет ветр, и любовни твои во плениение пойдут, и тогда постыдишися и посрамишися от всех любящих тя: 23 иже седиши в Ливане и гнездишися в кедрех, возстенеши, егда приидут к тебе болезни, яко раждающия. 24 Живу Аз, рече Господь, аще будет Иехония сын Иоакима царь Иудин, перстень на руце десней Моеи, оттуду исторгну тя 25 и предам тя в руки ищущих души твоей и в руки, ихже ты боишися лица, и в руки Навуходоносора царя Вавилонска и в руки Халдеем, 26 и отвергу тя и матерь твою, яже роди тя, в землю чужду, в нейже несте рождени, и тамо умрете: 27 а в землю, в нюже тии желают душами своими возвратитися, не возвратятся. 28 Обезчестися Иехония, аки сосуд

непотребен, яко отриновен бысть той и семя его, и извержен в землю, еяже не ведяше. 29 Земле, земле, земле, слыши слово Господне! 30 Сия рече Господь: напиши мужа сего отвержена, мужа, иже во днех своих не предупсепт: ниже бо будет от семене его муж, иже сядет на престоле Давидове, и власть имей ктому во Иуде.

23 Горе паstryем, иже погубляют и расточают овцы паstryи Моея, рече Господь. 2 Сего ради сия рече Господь Бог Израилев к пасущим людий Моих: вы расточили есте овцы Моя, и отвергосте я, и не посетисте их, се, Аз посещу на вас по лукавству умышлений ваших, рече Господь: 3 и Аз соберу останки стада Моего от всех земель, в няже изверго их тамо, и возвращу их к селению их, и возрастут и умножатся. 4 И возставлю над ними паstryи, и упасут их, и не убоятся ктому, ниже ужаснутся, и ни един погибнет от числа, рече Господь. 5 Се, дни грядут, глаголет Господь, и возставлю Давиду Восток праведный, и царствовати будет Царь и премудр будет и сотворит суд и правду на земли: 6 во днех Его спасется Иуда, и Израиль пребудет в надежди, и сие имя Ему, имже нарекут Его: Господь праведен наш. 7 Сего ради, се, дни грядут, рече Господь, и не рекут ктому: живет Господь, иже изведе сыны Израилевы от земли Египетския: 8 но: живет Господь, иже изведе и преведе семя дому Израилева от земли северски и от всех земель, в няже изверже их тамо, и обитати имут в земли своей. 9 О пророцах сотрено есть сердце мое во мне, вострепеташа вся кости мои, бых яко муж пиян и яко человек, егоже одоле вино, от лица Господня и от лица благолепия славы Его. 10 Яко прелюбодеяными исполнена есть земля, яко от лица их плакася земля, изсхожа пажити пустынныя: и бысть течение их лукаво, и крепость их такожде. 11 Понеже пророк и священник осквернишася, и в дому Моем обретох лукавство их, рече Господь: 12 того ради путь их будет им ползок во тме, и поткнутся и падут в нем: наведу бо на них злая в лето посещения их, рече Господь. 13 И во пророцах Самарийских видех беззакония: пророчествоваху чрез Ваала и прельщаху люди Моя Израиля. 14 И во пророцах Иерусалимских видех ужасная, прелюбодействующих и ходящих во лжи и скрепляющих руки строптивым, да не отвратится кийждо от пути своего лукаваго: быша Мне все аки Содом, и обитаюши в нем яко Гоморр. 15 Сего ради тако рече Господь Сил ко пророком: се, Аз напитаю их пельнем и напою их желчию, от пророков бо

Иерусалимских изыде осквернение на всю землю. 16 Сия глаголет Господь Сил: не слушайте словес пророков, иже пророчествуют вам и прельщают вас: видение от сердца своего глаголют, а не от уст Господних. 17 Глаголют отвергающим мя: глагола Господь, мир будет вам: и всем, иже ходят в похотех своих, и всякому, ходящему в строптивстве сердца своего, рекоша: не приидут на вас злая. 18 Кто бо бысть в совете Господни, и виде и слыша словеса Его? Кто внят слово Его и слыша? 19 Се, буря от Господа и ярость исходит в сотрясение, устремившияся приидет на нечестивыя. 20 И ктому не возвратится ярость Господня, дондеже сотворит сие и дондеже совершил помышление сердца Своего. В последния дни уразумеете совет Его. 21 Не посылах пророки, а они течаху: не глаголах к ним, и тии пророчествоваху. 22 И аще бы стали в совете Моем, слышана сотворили бы слова Моя и отвратили бы людий Моих от пути их лукаваго и от начинаний их лукавых. 23 Бог приближаяся Аз есмь, глаголет Господь, а не Бог издалеча. 24 Аще утаится кто в сокровенных, и Аз не узрю ли его? Рече Господь. Еда небо и землю не Аз наполняю? Рече Господь. 25 Слышах, яже глаголют пророцы, пророчествующе во имя Мое лжу и глаголюще: видех сон, (видех сон). 26 Доколе будет в сердцы пророков прорицающих лжу и пророчествующих лъщения сердца своего, 27 мыслящих, да забвен будет закон Мой в соних их, яже вещают кийждо искреннему своему, яко забыша отцы их имя Мое ради Ваала? 28 Пророк, иже имать сновидение, да вещает сновидение свое, а иже имать слово Мое, да глаголет слово Мое во истине. Что плевы ко пшенице? Тако слово Мое, рече Господь. 29 Еда словеса Моя не суть яко же огнь горящъ, рече Господь, и яко млат сотряющъ камень? 30 Сего ради, се, Аз ко пророком, рече Господь, иже крадут словеса Моя кийждо от искренняго своего. 31 Се, Аз на пророки, глаголет Господь, износящия пророчествия языком и дремлющия дремание свое. 32 Се, Аз на пророки, прорицающия соние лживо, рече Господь, и провещаша та, и прельстиша люди Моя во лжах своих и во прелестех своих, Аз же не послах их, ни заповедах им, и пользою не упользуют людий сих, (рече Господь). 33 И аще вопросят людие сии, или пророк, или священник, рекуще: кое (есть) бремя Господне? И речеши к ним: вы есть бремя, и повергут вас, рече Господь. 34 И пророк, и священник, и людие, иже рекут: бремя Господне, посещу местию на мужа того и на дом его. 35 Сице рѣте кийждо ко искреннему и ко брату своему: что отвѣща Господь? И что глагола Господь? 36 И бремя Господне не помянется

кому, ибо бремя будет комуждо слово его: и превратисте словеса Бога живаго, Господа Сил, Бога нашего. 37 Сия рцы ко пророку: что отвеща тебе Господь? И что глагола Господь? 38 Аще же речете: бремя Господне: сего ради тако рече Господь: понеже рекли есте глагол сей бремя Господне, и послах к вам, рекий: не глаголите бремя Господне: 39 сего ради, се, Аз возму и повергу вас и град, егоже дах вам и отцем вашим, от лица Моего, 40 и дам вас в поношение вечное и в срамоту вечную, яже никогда забвением загладится.

24 Показа мне Господь, и се, две кошницы полны смоквий поставлены пред храмом Господним, повнегда преведе Навуходоносор царь Вавилонский Иехонию сына Иоакимова, царя Иудина, и начальников его и художников, и узников и богатых от Иерусалима, и преведе их в Вавилон. 2 Кошница едина смоквий добрых зело, яко обычай смоквам быти первых времен, и кошница другая смоквий злых зело, ихже ясти не возможно за худость их. 3 И рече Господь ко мне: что ты видиши, Иеремие? И рекох: смокви, смокви добрыя, добры зело: и злые, злы зело, ихже ясти не возможно за худость их. 4 И бысть слово Господне ко мне, рекущее: 5 сия глаголет Господь Бог Израилев: яко же смокви сия благи, тако познаю преселеных Иудеев, ихже послах от места сего в землю Халдейску во благая: 6 и утверждаю очи Мои на них во благая и преведу их паки в землю сию во благая: и возсозижду их и не разорю, и насажду их и не исторгну: 7 и дам им сердце, да уведят мя, яко Аз есть Господь, и будут Мне в люди, и Аз буду им в Бога: понеже обратятся ко Мне всем сердцем своим. 8 И яко же смокви злые, ихже ясти не возможно за худость их, сия рече Господь, тако предам Седекию царя Иудина и начальники его и останок от Иерусалима, иже оставша во граде сем и иже обитают во земли Египетстей, 9 и дам их в расточение и озлобление всем царствам земным, и будут в поношение и в притчу, и в ненависть и в проклятие во всех местех, в няже извергох их: 10 и послио на них мечь и глад и пагубу, дондеже изчезнут от земли, юже дах им и отцем их.

25 Слово, еже бысть ко Иеремии на вся люди Иудины, в лето четвертое Иоакима сына Иосиина, царя Иудина: то лето первое Навуходоносора царя Вавилонского: 2 еже глагола Иеремия пророк ко всем людем Иудиним и ко всем обитателем Иерусалима, рекий: 3 в третиенадесять лето Иосии сына Амосова, царя Иудина, и даже до дне сего, сие двадесять третие

лето, бысть слово Господне ко мне, и глаголах к вам, заутра востая и глаголя: и не слышасте. 4 И посылаше Господь к вам всех раб Своих пророк, востая заутра и посылая: и не слышасте, ни приклонисте ушес ваших, да слышите, егда глаголаше: 5 отвратитесь кийдо от пути своего злого и от злейших умышлений ваших, и обитати будете в земли, юже Господь даде вам и отцем вашим, от века даже и до века: 6 и не ходите вслед богов чуждих, еже служити им и покланятися им, да не прогневаете мя в делах рук ваших, еже озлобити вас. 7 И не послушасте мя, рече Господь, еже не подвизати мя ко гневу в делах руку вашею на зло вам. 8 Сего ради сия глаголет Господь Сил: понеже не послушасте словес Моих, 9 се, Аз послио и возму вся племена северска, (рече Господь,) и Навуходоносора царя Вавилонска раба Моего: и приведу их на землю сию и на обитатели ея и на вся языки, иже окрест ея, и убию их и поставлю их во ужас и во звездание и в поношение вечное: 10 и погублю от них глас радости и глас веселия, глас жениха и глас невесты, благоухание мира и свет светилицника: 11 и будет вся земля сия в запустение и во ужас, и поработают сии во языщах царю Вавилонску седьмьдесят лет. 12 Егда же исполнени будут седьмьдесят лет, посещу на царя Вавилонска и на язык оный, рече Господь, беззакония их, и на землю Халдейску, и положу тую в запустение вечное, 13 и наведу на землю ону вся словеса Моя, яже глаголах на ню, вся писанная в книзе сей, и елика пророчествова Иеремия на вся языки: 14 яко работаша им, егда беша языцы мнози и царие велицы, и воздам им по делом их и по творению рук их, 15 елико прорече Иеремия до всех стран: тако бо глаголет Господь Бог Израилев: возми чашу вина нерастворенного от руки Моея, да напоши вся языки, к нимже Аз послио тя. 16 И испиют и изблют, и обуют от лица меча, егоже Аз послио среде их. 17 И взях чашу от руки Господни и напоих вся языки, к нимже посла мя Господь: 18 Иерусалима и грады Иудины, и цари его и князи его, яко положити я во опустение и в непрохождение, и во звездание и в проклятие, яко день сей, 19 и фараона царя Египетского и отроков его, и вельможы его и вся люди его 20 и вся примесники его, и вся цари земли Ус и вся цари иноплеменников, Аскалона и Газу, и Аккарона и останок Азота, 21 и Идумею и Моавитиду и сыны Аммони, 22 и вся цари Тирски и цари Сидонски и цари, иже об ону страну моря, 23 и Дедана и Фемана, и Роса и всякаго оstriженаго по лицу его, 24 и вся цари Аравии и вся смесники обитающыя в пустыни, 25 и вся цари Замврийских и вся цари Еламских, и вся

цари Персия 26 и вся цари от восточия, дальния и ближния, коегождо ко брату его, и вся царства, яже на лицы земли, и царь Сесах испиет последи их. 27 И речеши им: тако рече Господь Сил, Бог Израилев: пийте и упийтесь, и изблуйте и падите, и не востаните от лица меча, егоже Аз послю среде вас. 28 И будет, егда не восхотят прияти чаши от руки твоей, еже пити, речеши к ним: тако рече Господь: пиюще пийте. 29 Яко во граде, в немже именовася имя Мое, Аз начну озлобляти, и вы очищением не очиститесь: понеже мечь Аз призываю на вся седящыя на земли, рече Господь Сил. 30 Ты же проречеши на них вся словеса сия и речеши: Господь с высоты суд воздаст, от святаго Своего даст глас Свой, слово проречет на место Свое, сии же яко объемлюще виноград отвещают: и на вся седящыя на земли прииде пагуба, 31 на часть земли, яко суд во языцах Господу: судитися имать Той со всякою плотию, нечестивии же преданы быша мечу, глаголет Господь. 32 Тако глаголет Господь: се, злая грядут от языка на язык, и вихор велик исходит от конца земли. 33 И будут язвении от Господа в день Господень, от края земли и до края земли: не оплачутся, ниже соберутся и не погребутся, в гной на лицы земли будут. 34 Восхлиknите, пастуси и возопийте, и восплачите, овни овчии, яко исполнишася дни ваши на заколение, и падете яко же овни избранныи, 35 и изгibнет бегство от пастухов и спасение от овнов овчих. 36 Глас вопля пастырска и клич овец и овнов, яко потреби Господь пажити их: 37 и умолкнут останцы мира от лица ярости гнева Господня. 38 Остави яко же лев виталище Свое, яко бысть земля их в непрохождение от лица меча великаго.

26 В начале царства Иоакима сына Иосинина бысть слово сие от Господа: 2 тако рече Господь: стани во дворе дому Господня и проповежь всем Иудеом, входящым кланятися в дом Господень, вся словеса, яже завещах тебе проповедати им, не уйми словесе: 3 негли послушают и отвратятся кийждо от пути своего злого, и почюю от зол, яже помышляю сотворити им злых ради начинаний их. 4 И речеши: тако рече Господь: аще не послушаете Мене, еже ходити в законех Моих, яже дах пред лицем вашим, 5 в послушание словес отрок Моих пророков, ихже Аз посылаю к вам из утра, и послах, и не послушасте Мене, 6 и дам дам сей яко же Силом, и град сей дам в клятву всем языком всея земли. 7 И слышаща жерцы и лжепророцы и вси людие Иеремию глаголюща словеса сия в дому Господни. 8 И бысть,

егда Иеремия преста глаголати вся, елика завеща ему Господь глаголати всем людем, и яша Иеремию жерцы и лжепророцы и вси людие, глаголюще: смертию да умрет, 9 яко прорече именем Господним, глаголя: яко же Силом будет сей дом, и град сей опустеет от живущих. И собрашаася вси людие на Иеремию в дому Господни. 10 И слышаща князи Иудини словеса сия, и взыдоша от дому царева в дом Господень и седоша во преддверии врат дому Господня новых. 11 И реша жерцы и лжепророцы князем и всем людем, глаголюще: суд смертный человеку сему, яко прорече на сей град, яко же слышасте во уши ваши. 12 И рече Иеремия ко всем князем и ко всем людем, глаголя: Господь посла мя прорещи на дом сей и на град сей вся словеса, яже слышасте: 13 и ныне лучшыя сотворите пути ваша и дела ваша и послушайте гласа Господа Бога вашего, и престанет Господь от зол, яже глагола на вы: 14 и се, аз в руках ваших, сотворите ми яко же угодно и яко же лучше вам является: 15 но разумеюще да уразумеете, яко аще убисте мя, кровь неповинну дадите сами на ся и на град сей и на живущыя в нем: яко поистинне посла мя Господь к вам глаголати во уши ваши вся словеса сия. 16 И реша князи и вси людие ко жерцем и ко лжепророком: несть человеку сему суд смертный, яко во имя Господа нашего глагола к нам. 17 И восташа мужие от старейшин земских и реша всему собору людскому, глаголюще: 18 Михеа Морафитский бе пророчествуя во дни Езекии царя Иудина и рече всем людем Иудиным, глаголя: тако рече Господь: Сион яко нива изорется, и Иерусалим яко в путь непроходный будет, и гора храма будет в луг дубравный. 19 Еда убивая уби его Езекия царь Иудин и вси людие Иудини? Не убояшалися убо Господа? И понеже помолишаася лицу Господню, и почи Господь от зол, яже глаголаше на ня: и мы сотворихом злобы велики на души наша. 20 И бе человек прорицая именем Господним, Урия сын Самеев от Кариафиарима, и прорече на град сей и о земли сей по всем словесем Иеремииним. 21 И слыша царь Иоаким и вси князи вся словеса его и искаху убить его: и слыша Урия и убояся, и бежа и прииде во Египет. 22 И посла царь Иоаким мужы во Египет, Елдафана сына Ахорова и мужы с ним во Египет, 23 и изведоша его оттуду и приведоша его ко царю, и порази его мечем и вверже его во гроб сынов людий своих. 24 Обаче рука Ахикама сына Сафанина бе со Иеремию, еже не предати его в руце людий, да не убият его.

27 В начале царства Иоакима сына Иосиона, царя Иудина, бысть слово сие ко Иеремии от Господа глаголя: 2 тако рече Господь: сотвори себе узы и клады и возложи на выю свою, 3 и да послеши я ко царю Идумейску и ко царю Моавску и ко царю сынов Аммоних, и ко царю Тирску и ко царю Сидонску, в руку послов их идущих сретением своим во Иерусалим ко Седекии царю Иудину, 4 и завещай им ко господем их рещи: тако рече Господь Бог Израилев: тако рцыте ко господем своим: 5 Аз сотворих землю и человека и скоты, яже на лицы земли, крепостию Моею великою и мыщею Моею высокою, и дам ю, емуже будет угодно пред очима Моима. 6 И ныне Аз дах всю землю сию в руце Навуходоносору царю Вавилонску, да ему работают, и звери селныя дах делати ему: 7 и послужат ему вси языцы и сыну его и сыну сына его, дондеже приидет время земли его и его самого, и послужат ему мнози народи и царие велицы: 8 страна же и царство, елицы аще не поработают царю Вавилонску и елицы не вдежут выи своея в ярем царя Вавилонска, мечем и гладом посещу их, рече Господь, дондеже скончаются в руце его. 9 Вы же не слушайте лжепророк ваших и волхвующих вам и видящих сония вам, ни чарований ваших, ни обаятелей ваших глаголющих: не послужите царю Вавилонскому: 10 яко лжу прорицают тии вам, еже бы удалитися вам от земли вашея, извергнути вас и еже погибнути вам. 11 Страна же, яже склонит выю свою под ярем царя Вавилонска и послужит ему, оставлю ю на земли своей, глаголет Господь: и орати будет ю и вселится на ней. 12 И ко Седекии царю Иудину глаголах по всем словесем сим, глаголя: склоните выи ваша под иго царя Вавилонска и служите ему и людем его, и живи будете: 13 почто умираете, ты и людие твои, мечем и гладом и мором, яко же рече Господь ко странам, не хотевшым служити царю Вавилонску? 14 Не послушайте слов пророков глаголющих вам: не послужите царю Вавилонску: 15 яко неправедно тии прорицают вам: яко не послах их, рече Господь, тии же прорицают именем Моим о неправде, еже бы погубити вас, и погибнете вы и пророцы ваши, прорицающии вам о неправде ложная. 16 Вам и всем людем сим и жерцем глаголах, рекий: тако рече Господь: не слушайте словес пророческих, прорицающих вам лжу и глаголющих: се, сосуди дому Господня возвратятся от Вавилона ныне вскоре: яко лжу прорицают вам, 17 не послушайте их, но служите царю Вавилонскому, да живи будете. Вскую даете град сей в запустение? 18 Аще суть пророцы и есть слово Господне в них, да

предстанут Господу Вседержителю, да не отидут сосуди, оставшияся в дому Господни и в дому царя Иудина и во Иерусалиме, в Вавилон. 19 Тако бо глаголет Господь Вседержитель о столпех и о умывалнице, и о подставах и о прочих сосудех оставшихся во граде сем, 20 ихже не взя Навуходоносор царь Вавилонский, егда пресели Иехонию сына Иоакимова, царя Иудина, из Иерусалима в Вавилон, и вся старейшины Иудины и Иерусалимли. 21 Тако бо глаголет Господь Вседержитель Бог Израилев о сосудех оставшихся в дому Господни и в дому царя Иудина и в Иерусалиме: 22 в Вавилон принесутся и тамо будут даже до дне посещения своего, глаголет Господь: и повелю принести я и возвратити на место сие.

28 И бысть в четвертое лето, царствующу Седекии царю Иудину, в пятый месяц, рече ми Анания сын Азоров лживый пророк Гаваонитский в дому Господни, пред очима жерцев и всех людей, глаголя: 2 тако рече Господь Вседержитель Бог Израилев: сокруших ярем царя Вавилонска: 3 еще два лета дний, возвращу Аз на место сие вся сосуды дому Господня, яже взя Навуходоносор царь Вавилонский от места сего и пренесе я до Вавилона, 4 и Иехонию сына Иоакимова царя Иудина, и все преселение Иудино вшедшее в Вавилон возвращу в место сие, глаголет Господь, яко сокрушу ярем царя Вавилонска. 5 И рече Иеремия пророк ко Анании лжепророку пред очима жерцев и пред очима всех людей стоящих в дому Господни, 6 и рече Иеремия: поистинне тако да сотворит Господь, да утвердит Господь слово твое, еже ты прорицаеш, еже возвратити сосуды дому Господня и вся преселенныя из Вавилона на место сие: 7 обаче слышите слово сие, еже аз глаголю во уши ваши и во уши всех людей: 8 пророцы, бывши прежде мене и прежде вас от века, прорекоша на многи земли и на царства велика о рати и о погублении и о гладе: 9 пророк прорекий мир, пришедшу слову познают пророка, егоже послан им Господь в вере. 10 И взя Анания пред очима всех людей клады от выи Иеремиины и сокруши я. 11 И рече Анания пред очима всех людей глаголя: сице рече Господь: тако сокрушу ярем Навуходоносора царя Вавилонска еще два лета дний со выи всех языков. И отиде Иеремия на путь свой. 12 И бысть слово Господне ко Иеремии, по сокрушении Ананиине клад со выи его, глаголя: 13 иди и рцы ко Анании глаголя: тако рече Господь: клады древяныя сокрушил еси и сотвориши вместо тех клады железны, 14 яко тако рече Господь: ярем железен возложих на выи всех языков, служити

Навуходоносору царю Вавилонску, и послужат ему: кому и звери земныя дах ему. 15 И рече Иеремия пророк ко Анании: слыши, Анание: не посла тебе Господь, ты же сотворил еси людий сих уповати на неправду. 16 Того ради сице рече Господь: се, Аз отпущу тя от лица земли, в сем лете умреши, яко на Господа (Бога) глаголал еси. 17 И умре Анания лжепророк в сем лете месяца седмаго.

29 И сия словеса книги, юже посла Иеремия из

Иерусалима ко старейшинам преселеным и ко жерцем и лживым пророком и всем людем, ихже пресели Навуходоносор из Иерусалима до Вавилона, 2 последние изшедшу Иехонии царю и царице, и кажеником и всякою свободну, и художнику и юзнику из Иерусалима, 3 рукою Елеаса сына Сафания и Гамарии сына Хелкинина, егоже посла Седекия царь Иудин ко царю Вавилонску в Вавилон, глаголя: 4 тако рече Господь Бог Израилев о преселеных, ихже пресели из Иерусалима в Вавилон: 5 соградите храмины и вселитесь, и насадите вертограды и ядите плоды их, 6 и поимите жены и чадотворите сыны и дщери, и приведите сыном вашым жены и дщери ваша дадите за мужы, и да рождают сыны и дщери, и умножайтесь, а не умалияйтесь: 7 и взыщите мира земли, на нюже преселих вас тамо, и молите Господа за ня, яко в мире их будет мир вам. 8 Яко тако рече Господь Сил, Бог Израилев: да не препирают вас лживии пророцы, иже в вас, и да не препирают вас волсви ваши, и не послушайте соний своих, яже вы видите во сне, 9 яко неправедните прорицают вам во имя Мое, а не послах их, рече Господь. 10 Яко тако рече Господь: егда исполняются в Вавилоне седмъдесят лет, посещу вас и уставлю словеса Моя на вас, еже возвратити люди Моя на место сие: 11 и помышлю на вы помышление мира, а не злая, еже дати вам сия: 12 и помолитесь ко Мне, и послушаю вас, 13 и взыщете Мене, и обрящете Мя: и егда взыщете Мене всем сердцем вашим, 14 и явлюся вам, глаголет Господь, и возвращу узники ваши и соберу вас от всех стран и от всех градов, в няже изгнах вас, глаголет Господь: и возвратитися повелю вам на место откуду превести вас повелех. 15 Понеже рекосте: возстави нам Господь пророки в Вавилоне. 16 Тако бо рече Господь ко царю седящу на престоле Давидове и ко всем людем живущым во граде том, и братиям вашим, не изшедшым с вами в плен, 17 тако глаголет Господь Вседержитель: се, Аз послю на ня меч и глад и мор, и положу я яко смоквы худыя, ихже немощно ясти, понеже зело худы быша: 18 и сотру я мечем и гладом и мором, и дам я в погубление

всем царствам земным и в проклятие, и во удивление и в посмех и в поругание всем языком, к нимже изверго я: 19 занеже не послушаша словес Моих, глаголет Господь, яже послах к ним рабы Моими пророки, рано востая и посылая, и не послушаште, глаголет Господь. 20 Вы убо слышите слово Господне, все преселение, еже выслах из Иерусалима в Вавилон. 21 Тако глаголет Господь Вседержитель Бог Израилев на Ахиава сына Колиева и на Седекию сына Маасиева, иже прорицают вам во имя Мое лживо: се, Аз предаю я в руце Навуходоносора царя Вавилонска, и побиет я пред очима вашими: 22 и возмется от них проклятие всему преселению Иудину, еже в Вавилоне, глаголюще: да сотворити Господь якоже Седекии сотвори и якоже Ахиаву, ихже сожже царь Вавилонский во огни, 23 беззакония ради, еже сотвориша во Иерусалиме, и любодеяху с женами граждан своих и слово глаголаша во имя Мое лживо, егоже не повелех им, Аз же есмь судия и послух, глаголет Господь. 24 И к Самеи Еламитину речеши: 25 тако глаголет Господь Вседержитель, Бог Израилев: понеже послал еси во имя твое послания ко всем людем, иже во Иерусалиме, и ко Софонии сыну Маасееву жерцу и ко всем жерцем, глаголя: 26 Господь даде тя жерца вместо Иодаа жерца, быти приставнику в дому Господни, всякому человеку прорицающу и всякому человеку неистововищу, и вдаси его в затвор и в кладу. 27 И ныне почто не запретисте Иеремии, иже от Анафофа, прорицающему вам? 28 Яко того ради посла к нам в Вавилон, глаголя: долгое есть время, соградите храмины и вселитесь, и насадите вертограды и ядите плоды их. 29 И прочте книгу сию Софонии во уши Иеремии пророка. 30 И бысть слово Господне ко Иеремии глаголя: 31 посли ко преселником глаголя: тако рече Господь на Самею Еламитина: понеже прорече вам Самеа, Аз же не послах его, и сотвори вас уповати на неправду: 32 того ради сице рече Господь: се, Аз посещу на Самею и на род его, и не будет ему человека посреде вас, еже видети благая, яже Аз сотворю вам, глаголет Господь, зане отступление глагола на Господа.

30 Слово бывшее ко Иеремии от Господа глаголя: 2 тако рече Господь Бог Израилев глаголя: впиши вся словеса в книги, яже глаголах к тебе. 3 Яко се, дни грядут, рече Господь, и возвращу преселение людий Моих Израиля и Иуды, рече Господь Вседержитель, и возвращу я на землю, юже дах отцем их, и овладеют ею. 4 И сия словеса, яже глагола Господь о Израили и о Иуде.

5 Тако рече Господь: глас страха услышите: страх, и несть мира. 6 Вопросите и видите, аще раждает мужеск пол? И о страсе, в немже имети будут чресла и спасение? Понеже видех всякого человека, и руце его на чреслах его аки раждающая: обратиша лица в желтую болезнь. 7 О, люте! Яко бысть велик день той и несть подобна ему: и время тесно есть Иакову, и от того спасется. 8 В той день, рече Господь, сокрушу ярем со выи их и узы их расторгну: и не послужат тии ктому чуждим, 9 но послужат тии Господу Богу своему: и Давида царя их возставлю им. 10 Сего ради ты не бойся, рабе Мой Иакове, глаголет Господь, ни устрашайся, Израилю: яко се, Аз спасу тя из земли дальния и семя твое из земли пленения их: и возвратится паки Иаков и почиет и всякого добра исполнен будет, и не будет устрашайт тя. 11 Яко Аз с тобою есмь, глаголет Господь, спасаят тя: яко сотворю скончание во всех языцах, в няже разсеях тя: тебе же не сотворю во скончание, но накажу тя в суде и очищая не очищу тя. 12 Тако бо глаголет Господь: возставих сокрушение твое, болезненна есть язва твоя, 13 несть судай суда твоего, на болезнь врачевался еси, пользы несть тебе: 14 вси друzie твои забыша тя, ниже вопросята, яже о мире твоем: яко язвою вражиею поразих тя, наказанием твердым: множества ради неправды твоей превозмогоша греси твои. 15 Что вопиши о сокрушении твоем? Неизцельна есть болезнь твоя множества ради неправды твоей, и твердых ради грехов твоих сотворих ти сия (вся). 16 Того ради вси ядущии тя изядени будут, и вси врази твои плоть их всю изядят: во множестве неправды твоей умножиша греси твои, сотвориша сия тебе: и будут разграбляющии тя в разграбление, и всех пленяющих тя дам во пленение. 17 Яко обяжу язву твою и от ран твоих уврачую тя, рече Господь: яко расточенным называху тя, Сионе ловитва наша есть, яко несть взыскающаго его. 18 Тако глаголет Господь: се, Аз возвращу преселение Иаковле и пленники его помилую, и возградится град в высоту свою, и храм по чину своему утвердится: 19 и изыдут из него поющии и глас играющих, и умножу я, и не умалится. 20 И внедут сынове их якоже и прежде, и свидения их пред лицем Моим исправятся: и посещу на вся стужающыя им, 21 и будут крепльшии его на ня, и князь его из него изыдет: и соберу я, и обратятся ко Мне: кто бо есть той, иже приложит сердце свое обратитися ко Мне? Рече Господь. 22 И будете Ми в люди, и Аз вам буду в Бога. 23 Яко гнев Господень изыде яр, изыде гнев обращаемъ, на нечестивыя приидет. 24 Не отвратится

гнев ярости Господни, дондеже сотворит и дондеже исполнит умыщление сердца Своего: в последния дни познаете я.

31 Во время оно рече Господь, буду в Бога роду

Израиеву, и тии будут Ми в люди. 2 Тако рече Господь: обретох теплоту в пустыни со изгибшими от меча: идите и не потребите Израиля, з Господь издалеча явится ему: любовию вечною возлюбих тя, того ради вовлекох тя в щедроты. 4 Яко возгражду тя, и возградишися, дево Израиева: возмеша тимпаны своя и изыдеша с собором играющих. 5 Еще насадите винограды в горе Самарийстей, насаждающе насадите и похвалите. 6 Яко есть день воззвания отвещавающих в горах Ефремовых: востаните и взыдите в Сион ко Господеви Богу нашему: 7 яко тако рече Господь Иакову: возвеселитесь веселием и воскликните на главу языков: слышано сотворите и похвалите, рцыте: спасе Господь люди Своя, останок Израилев. 8 Се, Аз веду их от севера и соберу их от конец земли в праздник Пасхи: и чадородит народ мног, и возвратятся семо. 9 С плачем изыдоша, а со утешением возведу я, проводя через ровенники вод по пути праву, и не заблудят по нему: яко Аз бех Израилеви во отца, и Ефрем первенец Ми есть. 10 Слышите, языцы, слово Господне, и возвестите во островех дальних и рцыте: Развеявый Израиля соберет его и снабдит его, яко пастырь стадо свое. 11 Яко избави Господь Иакова и изят его от руки сильнейших его. 12 И приидут и возвеселятся в горе Сион, и приидут ко благотам Господним, на землю пшеницы и вина и плодов, и скотов и овнов: и будет душа их якоже древо плодовито, и не взлчут ктому. 13 Тогда возрадуются девицы в собрании юношей, и старцы возрадуются: и обращу плач их на радость, и утешу их, и сотворю их веселы. 14 Возвеличу и упою душу жерцев сынов Левиниых, и людие Мои благот Моих насытятся. 15 Тако рече Господь: глас в Раме слышан бысть плача и рыдания и вопля: Рахиль плачущиша чад своих, и не хотяше утешитися, яко не суть. 16 Тако рече Господь: да почиет глас твой от плача и очи твои от слез, яко есть мзда делом твоим, глаголет Господь, и возвратятся от земли вражия: 17 и есть надежда последним твоим, (глаголет Господь,) и возвратятся сынове твои в пределы своя. 18 Слышиша слыша Ефрема плачуща: наказал мя еси, (Господи,) и наказахся: аз якоже телец не научихся: обрати мя, и обращуся, яко Ты еси Господь Бог мой: 19 понеже последи пленения моего покаяхся и последи разумения

моего возстенах в день посрамления и показах тебе, яко приях укоризну от юности моей. 20 Сын любезен Мне, Ефрем, отрока питеющееся, понеже слова Моя в нем, памяти воспомяну и: того ради потщахся о нем, милуй помилую его, рече Господь. 21 Постави себе самого, Сионе, стражу, сотвори мучение, направи сердце твое на путь прав, имже ходил еси: возвратися, девице Израилева, обратися во грады твоя рыдающи. 22 Доколе отвращаешься, дци обезчествована? Яко созда Господь спасение в насаждение ново, в немже спасении обыдут человецы. 23 Яко тако рече Господь: еще рекут слово сие в земли Иудейстей и во градех ея, егда возвращу преселение его: благословен Господь на праведней горе святей своей: 24 и живущи во градех Иудиных и во всей земли его, купно со земледельцем, и вознесется во стаде. 25 Яко упоих всяку душу жаждущу и всяку душу алчущу насытих. 26 Того ради востах от сна и видех, и сон ми сладок бысть. 27 Се, дни грядут, глаголет Господь, и всею Израиля и Иуду семя человечо и семя скотское. 28 И будет, яко же бдех на ня потребити и озлобити, тако бдеть буду о них, еже созидати и насаждати, рече Господь. 29 В тыя дни не рекут ктому: отцы ядоша кислая, а зубы детем оскомнишася: 30 но кийждо своим грехом умрет, и ядшему кислая оскоменятся зубы его. 31 Се, дни грядут, глаголет Господь, и завещаю дому Израилеву и дому Иудину завет нов, 32 не по завету, егоже завещах отцем их в день, в онъже емшу ми за руку их, извести я от земли Египетского, яко тии не пребыша в завете Моем, и Аз небрегох их, глаголет Господь. 33 Яко сей завет, егоже завещаю дому Израилеву по днех онех, глаголет Господь: дая законы Моя в мысли их, и на сердцах их напишу я, и буду им в Бога, и тии будут Ми в людя: 34 и не научит кийждо ближняго своего и кийждо брата своего, глаголя: познай Господа: яко вси познают мя от мала даже и до великаго их: яко милостив буду неправдам их и грехов их не помяну ктому. 35 Аще возиесется небо на высоту, рече Господь, и аще смирится испод земли низу, и Аз не отвергу рода Израилева о всех, яже сотвориша, глаголет Господь. 36 Тако рече Господь, давый солнце во свет дне, луну и звезды на свет нощи, и вопль на мори, и возшумеша волны его, Господь Вседержитель имя Ему. 37 Аще премолкнут законы сии от лица Моего, рече Господь, то и род Израилев престанет быти язык пред лицем Моим во вся дни. 38 Се, дни грядут, рече Господь, и созиждется град Господеви от столпа Анамеила до врат уголных: 39 и изыдет размерение его противу ему до могил Гарив, и омытесь окрест избранным камением,

40 и всю юдоль мертвых и пепела, и весь Ассаримоф даже до водотечи Кедрского, даже до угла коний врат восточных, освящение Господеви, и кому не исторгнется и не потребится даже до века.

32 Слово бывшее от Господа ко Иеремии в десятое лето Седекии, царя Иудина, то лето осмое надесять Навуходоносору царю Вавилонску. 2 И тогда сила царя Вавилонска острог обложи окрест Иерусалима, Иеремия же стегомъ бяше во дворе темничнем, иже есть во дворе царя Иудина, 3 в нейже заключи его Седекия царь, глаголя: почто ты прорицаеш, глаголя: тако рече Господь: се, Аз даю сей град в руце царя Вавилонска, и возмет его, 4 и Седекия царь Иудин не спасется от руки Халдейски, яко преданием предастся в руце царя Вавилонска, и соглаголет усты своими ко устом его, и очи его очи его узрят, 5 и в Вавилон внидет Седекия и ту будет, дондеже посещу его, глаголет Господь: аще же воевати будете на Халдее,ничесоже успеете? 6 И рече Иеремия: бысть слово Господне ко мне глаголя: 7 се, Анамеил, сын Саломль, брата отца твоего, идет к тебе, глаголя: прикупи себе село мое, еже во Анафофе, яко тебе суд ужичества прияти во притяжение. 8 И прииде ко мне Анамеил, сын Саломль, брата отца моего, по словеси Господню во двор темничный и рече ми: прикупи себе село мое, еже во Анафофе в земли Вениамины: яко тебе суд прикупити е, ты бо старей. И разумех, яко слово Господне есть, 9 и прикупих село Анамеиле, сына брата отца моего, от Анафофа, и поставил ему седьмнаадесять сикль сребра, 10 и вписах в книгу и запечатах, и засвидетелствовах послухи и поставил сребро на весах. 11 И взях книгу купления прочтену и запечатану. 12 И дах книгу купления Варухови сыну Нирину, сына Маассеова, пред очима Анамеила сына брата отца моего, и пред очима стоящих послух и вписавших в книгу купления, и пред очима всех Иудеев, седящих во дворе темничнем. 13 И завещах Варуху пред очима их, глаголя: 14 тако рече Господь Вседержитель Бог Израилев: возми книгу сию купления запечатленну и книгу прочтеную и вложи ю в сосуд глинян, да пребудет дни множайшия. 15 Яко тако рече Господь Вседержитель Бог Израилев: еще притягутся храмины и села и винограды на сей земли. 16 И молихся ко Господеви по отдании книги прикупления Варуху сыну Нирину, глаголя: 17 о, сый Господи Боже! Ты сотворил еси небо и землю крепостию Твою великою и мышцею Твою высокою, не утаится от Тебе ничтоже, 18 творяй милость в тысящи и отдаляй грехи отчи в недра

чад их по них: Бог великий и крепкий, 19 Бог велика совета и силен делесы, Бог великий Вседержитель и великоименит Господь: очи Твои отверсты на вся пути сынов человеческих, дати комуждо по пути его и по плоду начинаний его: 20 иже сотворил еси знамения и чудеса во земли Египетстей, даже до сего дне и во Израили и в людех, и сотворил еси имя Себе, якоже день сей, 21 и извел еси люди Твоя Израиля из земли Египетский знамении и чудесы, рукою крепкою и мышцею высокою и видении великими, 22 и дал еси им сию землю, еюже клялся еси отцем их, землю кипящую медом и млеком. 23 И внидоша и прияша ю, и не послушаша гласа Твоего и в заповедех Твоих не ходиша: вся, яже заповедал еси им (творити), не сотвориша, и сотвориша, да сбудутся им вся злая сия. 24 Се, народ идет на сей град взяти его, и град предан есть в руце Халдеев воюющих нань от лица меча и глада и мора. Якоже глаголал еси, тако и бысть: и се, Ты зриши. 25 А Ты ко мне глаголеши: притяжи себе село сребром: и вписах в книгу, и запечатах, и засвидетельствовах послухи, град же предастся в руце Халдейсте. 26 И бысть слово Господне ко мне глаголя: 27 Аз Господь Бог всяя плоти, еда от Мене утаится что? 28 Сего ради тако рече Господь Бог Израилев: отдан предастся сей град в руце царя Вавилонска, и возмет его, 29 и приидут Халдее воюющии на сей град, и пожгут его огнем, и храмины сожгут, в нихже кадиша на кровех своих Баалу и возливаша возлияния богом инем, ко еже разгневати Мя. 30 Понеже беша сынове Израилевы и сынове Иудины едини творяще зло пред очима Моима от юности своея, сынове Израилевы подвизают Мя на гнев в делех рук своих, рече Господь. 31 Яко на гнев Мой и на ярость Мою бе град сей, от негоже дне соградиша его и даже до сего дне, яко отставити его от лица Моего, 32 злобы ради всякия сынов Израилевых и Иудиних, яко сотвориша разгневати Мя тии и царие их, и князи их и вельможи их, и жерцы их и пророцы их, мужие Иудины и живущии во Иерусалиме, 33 и обратиша хребет ко мне, а не лице: и наказах я из утра, и не послушаша прияти наказания, 34 и положиша осквернения своя в дому, идже наречеся имя Мое, в нечистотах своих: 35 и соградиша требища Баалу, яже в дебри сына Енномля, еже возносити сыны своя и дщери своя Молоху, ихже не заповедах им, и не взыде на сердце Мое, еже сотворити мерзость сию на согрешение Иуде. 36 И ныне тако рече Господь Бог Израилев ко граду, о немже ты глаголеши: предан будет в руце царя Вавилонска мечем и гладом и мором. 37 Се, Аз соберу я от всяя земли, идже разсех я

я во гневе Моем и ярости Моей и в преогорчении велием, и обращаю я на сие место, и посажу я во упование, 38 и будут Ми в люди, и Аз буду им в Бога: 39 и дам им путь ин и сердце ино, боятися Мене вся дни, на благоту им и чадом их по них: 40 и завещаю им завет вечный, егоже не отвращу последи их, и страх Мой дам в сердце их, ко еже не отступити им от Мене: 41 и посещу еже ублажити я и насажду я в сей земли с верою и со всем сердцем Моим и со всею душою Моею. 42 Яко тако рече Господь: якоже наведох на люди сия вся злая сия великая, тако Аз наведу на них вся благоты, яже Аз глаголах к ним. 43 И возобладают паки сельы на земли, о нейже ты глаголеши: непроходна будет от человек и скота, и предашася в руце Халдейсте. 44 И притяжут села сребром: и впишеши в книги, и запечатаеши, и опослушиши послухи в земли Вениамины и окрест Иерусалима, и во градех Иудиних и во градех горных, и во градех польных и во градех нагев и: яко возвращу преселения их, глаголет Господь.

33 И бысть слово Господне ко Иеремии вторицею, тойже бяше еще связан во дворе темничнем, глаголя: 2 тако рече Господь, творяй землю и устрояй ю, еже исправити ю, Господь имя Ему: 3 возопий ко Мне, и отвеща ти и возвещу тебе великая и крепкая, ихже не разумел еси. 4 Яко тако рече Господь Бог Израилев о домех града сего и о храмех царя Иудина, растерзанных на остроги и на забрала, 5 еже противитися ко Халдеем, и наполни его мертвими человеки, ихже поразих во гневе Моем и в ярости Моей, и отвратих лице Мое от них всех ради злоб их. 6 Се, Аз наведу на ня срастение язвы и изцеление, и изврачу я и явлю им, еже слушати, и изцелю я и сотворю им мир и веру: 7 и обращаю преселение Иудино и преселение Израилево, и согражду я, якоже и прежде, 8 и очищу я от всех неправд их, имиже согрешиша Ми, и милостив буду всем неправдам их, имиже отступиша от Мене. 9 И будет в веселие и во хвалу и в величие всем людем земли, иже услышат вся благоты, яже Аз сотворю им, и убоятся, и огорчатся о всех благотах и о всем мире, егоже Аз сотворю им. 10 Тако рече Господь: еще услышится в сем месте, о немже вы глаголете: пусто есть от человек и от скот, во градех Иудиних и вне Иерусалима, опустевших, понеже несть человека, ни скота, 11 глас веселия и глас радости, глас жениха и глас невесты, глас глаголющих: исповедайтесь Господеви Вседержителю, яко благ Господь, яко в век милость Его: и принесут дары похваления в дом Господень, яко возвращу все преселение земли тоя по прежнему,

рече Господь. 12 Тако глаголет Господь Сил: еще будут на сем месте пустем, за еже не быти человеку, ни скоту, во всех градех его обиталища пастухов пасущих овцы, 13 во градех горних и во градех польных, и во градех нагев и в земли Вениамины, и во окрестных Иерусалима и во градех Иудиных, еще пойдут овцы к руце изчисляющего, глаголет Господь. 14 Се, дни грядут, рече Господь, и возставлю слово благо, еже глаголах к дому Израилеву и к дому Иудину. 15 Во днех онех и в то время произрастити соторю Давиду Отрасль правды, и соторит суд и правду на земли. 16 Во днех онех спасен будет Иуда, и Иерусалим пребудет в надежди: и сие есть имя, имже нарекут Его: Господь праведен наш. 17 Тако бо рече Господь: не оскудеет от Давида муж седяй на престоле дому Израилева: 18 и от жерцев и от левитов не погибнет муж от лица Моего, приносяй всесожжения и дар и творяй жертвы по вся дни. 19 И бысть слово Господне ко Иеремии глаголя: 20 тако глаголет Господь: может ли разоритися завет Мой со днем и завет Мой с нощию, еже не быти дню и нощи во время свое? 21 То и завет Мой разорится с Давидом рабом Моим, еже не быти от него сыну царствующу на престоле его, и с левиты и священники рабы Моими. 22 Якоже сочтены быти не могут звезды небесныя, ни измерен быти песок морской, тако умножу семя раба Моего Давида и левиты служители Моя. 23 И бысть слово Господне ко Иеремии глаголя: 24 еда не видел еси, что рекоша людие сии, глаголюще: два народа, ихже избра Господь, и се, отверже я: и преогорчиша людий Моих, (сего ради) яко да не будет ктому народ пред ними? 25 Тако рече Господь: не положих ли убо завета Моего между днем и нощию и законов небеси и земли? 26 Тогда и семя Иаковле и Давида раба Моего отвергут, еже не прияти от семене его князей семене Авраама и Исаака и Иакова: яко паки возвращу плен их и помилую их.

34 Слово, еже бысть ко Иеремии от Господа, егда Навуходоносор царь Вавилонский и все вои его, и вся земля власти его и все людие воеваху на Иерусалим и на вся грады Иудины, глаголя: 2 тако рече Господь Бог Израилев: иди ко Седекии царю Иудину и речеши ему: тако рече Господь: преданием предастся сей град в руце царя Вавилонска, и возмет его и пожмет его огнем: 3 и ты не уцелеешь от руку его, и ят будеши, и в руце его предадися: и очи твои очи его узрят, и уста его со усты твоими соглаголют, и в Вавилон внидеши. 4 Но

обаче слыши слово Господне, Седекие, царю Иудин! Тако глаголет Господь к тебе: не умреши от меча, но в мире умреши: 5 и якоже плакаша отцев твоих царствовавших прежде тебе, восплачутся и тебе: увы, господи, и: увы, господи! Восплачутся и тебе, яко слово Аз соглаголах, рече Господь. 6 И глагола Иеремия пророк ко Седекии царю Иудину вся словеса сия во Иерусалиме. 7 И сила царя Вавилонска воева на Иерусалим и на грады Иудини оставшияся: на Лахис и на Азику, яко тии осташася во градех Иудиных грады тверды. 8 Слово бывшее ко Иеремии от Господа, повнегда скончати царю Седекии завет к людем, иже во Иерусалиме, еже нарещи им отпущение, 9 еже отпустити комуждо раба своего и комуждо рабыню свою, Евреанина и Евреаныню, свободны, да не работает муж от Израиля. 10 И обратишаася вси вельможи и вси людие вступивши в завет еже отпустити комуждо раба своего и комуждо рабу свою свободны и кому не владети ими. Слышаша убо и отпустиша. 11 И обратишаася по сих вспять и удержанша паки рабы и рабыни своя, ихже отпустиша свободных, и взяша в рабы и рабыни. 12 И бысть слово Господне ко Иеремии от Господа глаголя: 13 тако рече Господь Бог Израилев: Аз завещаш завет ко отцем вашим в день, в онъже избавих я от земли Египетской, из дому работы, глаголя: 14 егда скончаются шесть лет, да отпустиши брата своего Евреанина, иже продан есть тебе: и да делает ти шесть лет, и да отпустиши его свободна от себе. И не послушаша Мене отцы ваши, ни приклониша уха своего. 15 И обратистесь вы днесъ соторити правая пред очима Моима, еже нарещи комуждо отпущение ближняго своего: и совершисте завет пред лицем Моим в дому, идже наречеся имя Мое в нем: 16 и отвратистесь, и осквернисте завет Мой, еже возвратити комуждо раба своего и комуждо рабу свою, ихже отпустисте свободны душою их: и покористе их, якоже быти у вас в рабы и в рабыни. 17 Того ради сице рече Господь: вы не послушаше Мене, нарещи отпущения кийждо брату своему и кийждо ближнему своему: се, Аз нарицаю отпущение вам на мечь и на смерть и на глад, и дам вы на разсыпание всем царствам земным: 18 и дам мужы преступившия завет Мой и не хранящыя словес завета Моего, ему же соизволиша пред лицем Моим: телца егоже разскеоша на две части и ходиша между разделенными частями его: 19 князи Иудины и князи Иерусалимли, и вельможы и жерцы и вся люди земли ходящыя между разделенным телцем, 20 и дам я в руки врагом их и в руки ищащих души их, и будут трупи их в

ядь птицам небесным и зверем земным: 21 и Седекио царя Иудейска и князи его дам в руце врагов их и в руку ищущих души их и в руку воинства царя Вавилонска, отбегающих от них. 22 Се, Аз завещаю, рече Господь, и возвращу я в землю сию, и повоюют на ню, и возмут ю, и пожгут ю огнем и грады Иудины: и дам я в непроходны от живущих.

35 Слово бывшее ко Иеремии от Господа, во дни Иоакима сына Иосиона, царя Иудина, глаголя: 2 иди в дом Рихавль и призови я и веди я в дом Господень, во един от дворов, и напоиши я вином. 3 И изведох Иезонию сына Иеремиина, сына Хавасиона, и братию его, и сыны его, и весь дом Рихавль, 4 и введох я в дом Господень, во хранилище имenia сынов Анании, сына Годолиона, человека Божия, иже есть близ дому князей, выше дому Маасеова, сына Селомля, стрегущаго двор. 5 И поставил пред ними корчаг вина и чаши, и рекох: пийте вино. 6 И рекоша: не пием вина, яко Ионадав сын Рихавль, отец наш, заповеда нам, глаголя: не пийте вина вы и сынове ваши до века: 7 и храмин да не соградите, и семене не сейте, и виноград да не будет вам, но в кущах да живете вся дни живота вашего, да поживете дни многи на земли, на нейже обитаете вы. 8 И послушахом словесе Ионадава отца нашего, еже не пити вина вся дни живота нашего, мы и жены наша, и сынове наши и дщери наша, 9 и еже не сограждати храмин жити тамо: и винограда и нивы и семене не бысть нам. 10 И жихом в кущах, и послушахом и сотворихом по всем, елика заповеда нам Ионадав отец наш. 11 И бысть, егда прииде Навуходоносор царь Вавилонский на землю нашу, и рекохом: вшедше да внидем во Иерусалим от лица Халдейска и от лица силы Ассирийская: и вселихомся ту. 12 И бысть слово Господне ко Иеремии глаголя: 13 тако глаголет Господь Сил, Бог Израилев: иди и рцы человеку Иудину и живущым во Иерусалиме: еда не восприимете наказания послушати словес Моих? 14 Утвердиша слово сынове Ионадава, сына Рихавля, еже заповеда сыном своим, еже не пити вина, и не пиша даже до дне сего, яко послушаша заповеди отца своего: Аз же глаголах к вам заутра, и не послушасте Мене: 15 и посылах к вам рабы Моя пророки, утренюю и глаголя: обратитесь кийждо от пути своего злого, и лучше сотворите дела своя, и не ходите вслед богов инех, еже служити им, и вселитесь на земли, юже дах вам и отцем вашым: и не приклонисте ушес ваших и не послушасте. 16 И уставиша сынове Ионадавли, сына Рихавля, заповедь отца своего, юже

заповеда им: а людие Мои не послушаша Мене. 17 Сего ради сице рече Господь Сил, Бог Израилев: се, Аз наведу на Иуду и на вся живущя во Иерусалиме вся злая, яже соглаголах на ня: понеже глаголах к ним, и не послушаша, призывах я, и не отвещаша Ми. 18 Дому же Рихавлю рече Иеремия: тако рече Господь Бог Вседержитель: понеже послушаша сынове Ионадава, сына Рихавля, заповеди отца своего, творити, елика заповеда им отец их: 19 сего ради сия глаголет Господь Сил, Бог Израилев: не оскудеет муж от сынов Ионадавлих, сына Рихавля, стояй пред лицем Моим, вся дни земли.

36 И бысть в лето четвертое Иоакима, сына Иосиона, царя Иудина, бысть слово Господне ко Иеремии глаголя: 2 возми себе свиток книжный и напиши в нем вся словеса, яже соглаголах к тебе на Израиля и на Иуду и на вся языки, от негоже дне глаголах к тебе, от дне Иосии царя Иудина и до сего дне: 3 негли услышит дом Иудин вся злая, яже Аз помышляю сотворити им, да отвратятся от пути своего злого, и милостив буду неправдам их и грехом их. 4 И призыва Иеремииа Варуха, сына Нириниа: и вписа Варух от уст Иеремииных вся словеса Господня, яже соглагола к нему, во свиток книжный. 5 И заповеда Иеремииа Варуху глаголя: мене стрегут, и не могу винти в дом Господень, 6 ты убо вниди и прочти во свитце сем, в немже написал еси от уст моих словеса Господня, во уши людей в дому Господни в день поста и во уши всему дому Иудину, приходящым от градов своих, да прочтеши им: 7 негли падет молитва их пред лицем Господним, и отвратятся от пути своего злого: яко велика ярость и гнев Господень, егоже соглагола на люди сия. 8 И сотвори Варух сын Нирини во всему, елика заповеда ему Иеремииа пророк прочести во книзе словеса Господня в дому Господни. 9 И бысть в пятое лето Иоакима царя Иудина, в девятый месяц, заповедаша пост пред лицем Господним всем людем во Иерусалиме и всему множеству, еже снideся от градов Иудиных во Иерусалим. 10 И прочте Варух во книзе словеса Иеремиина в дому Господни, в дому Гамарииеве, сына Сафана книгочия, во дворе вышнем, во преддверии врат дому Господня новых, во уши всех людей. 11 И слыша Михей сын Гамарииев, сына Сафана, вся словеса Господня от книги. 12 И снide в дом царев, в дом книжника, и се, тамо вси князи седяху, Елисам книгочий и Далеа сын Селемиев, и Нафан сын Аховоров и Гамария сын Сафань, и Седекия сын Ананиин и вси князи, 13 и возвести им Михей вся словеса, яже слыша

чуща Варуха во уши людем. 14 И послаша вси князи ко Варуху сыну Нириину, Иудину сыну Нафаниину, сына Селемиина, сына Хусиина, глаголюще: книгу, юже ты чтеши во уши людем, возми ю в руку свою и приди. И взя Варух сын Нириин книгу в руку свою и снide к ним. 15 И рекоша ему: паки прочти во уши наши. И прочте Варух во уши их. 16 И бысть яко услышаша вся словеса, совещашася кийждо со ближним своим и реша Варуху: возвещающе возвестим царю вся словеса сия. 17 И вопросиша Варуха, глаголюще: откуду еси вписал вся словеса сия? 18 И рече Варух: от уст своих поведа ми Иеремия вся словеса сия, аз же писах в книгу. 19 И рекоша князи Варуху: иди и скрыйся ты и Иеремия, и человек да не увесь, где вы. 20 И внидоша ко царю во двор, книгу же вдаша хранити в дому Елисама книгочия, и возвестиша царю вся словеса сия. 21 И послала царь Иудина взяти книгу. И взя ю от дому Елисамы книгочия, и прочте Иудин во уши царевы и во уши всех князей стоящих окрест царя. 22 Царь же седяше во храмине зимней, в девятый месяц, и поставлено бе пред ним огнище со огнем. 23 И бысть чтуща Иудину третий лист и четвертый, раздроби я бритвою книгочия и возметаше на огненное огнище, дондеже скончася весь свиток на огненном огнищи. 24 И не ужасошася и не растерзаша риз своих царь и вси отроцы его, слышавши вся словеса сия. 25 Елнафан же и Далеа, и Гамария и Годолия глаголаша царю, еже бы не сожеши свитка. И не послуша их. 26 И повеле царь Иеремеилу сыну цареву и Сараеву сыну Езрилеву и Селемию сыну Авдеилеву, да изымают Варуха книгочия и Иеремию пророка. Но скоры я Господь. 27 И бысть слово Господне ко Иеремии, егда сожже царь свиток, вся словеса, яже вписа Варух от уст Иеремииных, глаголя: 28 паки возми ты свиток другой и впиши вся словеса бывшая во свитце, яже сожже царь Иоаким: 29 и ко Иоакиму царю Иудину речеши: тако рече Господь: ты сожегл еси сию книгу, глаголя: почто вписал еси в ней, глаголя: входя внидет царь Вавилонский и потребит землю сию, и потребятся от нея человекы и скоти? 30 Того ради сице рече Господь на Иоакима царя Иудина: не будет ему седящаго на престоле Давидове, и будет тело его мертвое повержено на знои дневнем и на мразе нощнем: 31 и посещу нань и на его род и на отроки его, и наведу нань и на живущыя во Иерусалиме и на землю Иудину вся злая, яже соглаголах на ня, и не послушаша. 32 И взя Варух свиток другой и вписа в нем от уст Иеремииных вся словеса книги, яже сожже

Иоаким царь Иудин: и еще приложишаася ему словеса множаша неже первая.

37 И царствова Седекия сын Иосин вместо Иехонии сына Иоакимова, егоже постави Навуходоносор царь Вавилонский царствовати во Иудеи. 2 И не послуша той и отроцы его и людие земли словес Господних, яже глагола рукою Иеремииною. 3 И послала царь Седекия Иоахала сына Селемиина и Софонию сына Массея жерца ко Иеремии пророку, глаголя: молися за ны ко Господу Богу нашему. 4 Иеремия же свободен приходяше и проходяше среде града, не введоша бо его во храмину темничную. 5 И сила фараона изыде из Египта, и слышавше Халдее облегши Иерусалим слух их, отступиша от Иерусалима. 6 И бысть слово Господне ко Иеремии глаголя: 7 тако рече Господъ Бог Израилев: тако речеши царю Иудину, пославшему к тебе вопросити мя: се, сила фараона, изшедшая вам на помошь, возвратится паки до земли Египетския, 8 и возвратятся Халдее и повоюют град сей, и возмут его и пожгут его огнем. 9 Яко тако рече Господь: не прельщайте душ своих, глаголюще: отходяше отидут от нас Халдее: яко не отидут. 10 И аще побиете всю силу Халдеев воюющих на вы, и останут нецы язвени, кийждо на месте своем, сии востанут и пожгут град сей огнем. 11 И бысть егда взыде сила Халдейска от Иерусалима, от лица силы фараони, 12 изыде Иеремия из Иерусалима ити в землю Вениаминю, еже купити оттуду посреде людий. 13 Внегда же быти ему во вратех Вениаминих, и (бысть) тамо человек, у негоже обита Саруиа сын Селемиин, сына Ананиина, и взя Иеремию, глаголя: ко Халдеем ты бежиши. 14 И рече Иеремия: лжа, не ко Халдеем аз бегу. И не послуша его. И взя Саруиа Иеремию и приведе его ко князем. 15 И разгневашася князи на Иеремию и биша его, и послаша его в дом Ионафана книгочия, яко той сотвориша храминою темничною. 16 И прииде Иеремия в дом рва и в херет, и седе ту дни многи. 17 И послала Седекия царь и призва его, и вопрошаše его царь отай, аще есть слово от Господа? И рече ему Иеремия: есть. И рече: в руце царя и Вавилонска предан будеши. 18 И рече Иеремия царю: чим преобидех тя и отроки твоя и люди сия, яко ты вдаеш мя в дом темничный? 19 И где суть пророцы ваши прорицавши вам, глаголюще, яко не приидет царь Вавилонский на вас и на землю сию? 20 Ныне же послушай, молютися, господи мой, царю, да падет моление мое пред лицем твоим: и не посытай мя паки в дом Ионафана книгочия, да не умру

тамо. 21 И повеле царь, и вверглашо его во храмину темничную, и даяху ему хлеб един на день извне, идже пекут, дондеже скончашася хлебы из града. И седяше Иеремия во дворе темничнем.

38 И слыша Сафания сын Нафань и Годолия сын Пасхоров, и Иоахал сын Селемин и Фасхор сын Мелхиев словеса, яже Иеремия глагола ко всем людем, глаголя: 2 тако рече Господь: седяй во граде сем умрет мечем и гладом и мором, исходяй же ко Халдеем жив будет, и будет душа его на обретение, и жив будет. 3 Яко тако рече Господь: преданием предастся град сей в руце силы царя Вавилонска, и возмет его. 4 И рекоша царю: да умрет человек той, яко сей разслабляет руце мужей воюющих оставшихся во граде и руки всех людей, глаголя к ним по словесем сим: яко человек сей не проповедает людем сим мира, но токмо злая. 5 И рече царь Седекия: се, той в руках ваших. Понеже не можаше царь противу им. 6 И взяша Иеремию и вверглашо его в ров Мелхиина, сына царева, иже бяше во дворе темничнем: и свесиша его ужами в ров, в рове же не бяше воды, но тина, и бяше в тине Иеремия. 7 И слыша Авдемелех Мурин, и той бяше во дворе цареве, яко вверглашо Иеремию в ров: царь же (в той час) седяше во вратах Вениаминых. 8 И изыде Авдемелех от дома царева и рече ко царю глагола: 9 злостворил еси, яже сотворил еси, убивая человека сего от лица глада, яко несть хлеба во граде ктому. 10 И повеле царь Авдемелеху, глагола: поими с собою отсюду тридесять мужей и извлецы Иеремию из рова, да не умрет. 11 И поят Авдемелех мужы, и прииде в дом царев подземный, и взя оттуду ветхи порты и ветхия ужи, и вверже яко Иеремии в ров, и рече к нему: 12 положи сия под ужи. И сотвори Иеремия сице. 13 И извлекоша его ужами и изяша его из рова. И седе Иеремия во дворе темничнем. 14 И послала царь, и призыва к себе Иеремию в дом Аселисиль, иже в дому Господни. И рече ему царь: вопрошаю тя словесе (единаго), и не утай от мене словесе. 15 И рече Иеремия царю: аще повем ти, то не смертию ли умориши мя? И аще совещаю ти, то не послушаши мене. 16 И клятся ему царь, глагола: жив Господь, иже сотвори нам душу сию, аще убию тя и аще предам тя в руце человек сих ищущих души твоей (на смерть). 17 И рече ему Иеремия: тако рече Господь Сил, Бог Израилев: аще изыдый изыдеши к воеводам царя Вавилонска, жива будет душа твоя, и град сей не пожжется огнем, и жив будеш ты и дом твой. 18 аще же не изыдеши ко князем царя Вавилонска, предастся

град сей в руце Халдейсте, и пожгут его огнем, и ты не спасешся от руки их. 19 И рече царь Иеремии: аз опасение имам от Иудеев избежавших ко Халдеем, да не предадут мя (Халдее) в руце их, и поругаются ми. 20 И рече Иеремия: не предадят тебе: послушай убо словесе Господня, еже аз глаголю тебе, и лучше ти будет, и жива будет душа твоя: 21 и аще не восходиши ты изыти, сие слово, еже сказа мне Господь: 22 и се, вся жены, оставшияся в дому царя Иудина, изведутся ко князем царя Вавилонска: и тыя глаголаху: прельстиша тя и премогоша тя мужие мирницы твои, и ослабиша во пополновениих ногу твою и отвратиша от тебе: 23 и жены твоя и чада твоя изведут ко Халдеем, и ты не уцелееш, яко рукою царя Вавилонска ят будеши, и град сей пожжется. 24 И рече ему царь: человек да не увесь словес сих, и да не умреши ты. 25 И аще услышат князи, яко глаголах с тобою, и приидут к тебе и рекут ти: повеждь нам, что глагола к тебе царь? Не утай от нас, и не убием тебе: и что глагола к тебе царь? 26 И речеши им: поверго аз моление мое пред лицем царевым, яко да не возвратит мене в дом Ионафанъ, умрети ми тамо. 27 И приидоша вси князи ко Иеремии и вопросиша его. И поведа им по всем словесем сим, яже заповеда ему царь. И умолкнуша, яко несть слышано слово господне. 28 И седяше Иеремия во дворе темничнем, дондеже взяша Иерусалим.

39 И бысть в девятое лето Седекии царя Иудина, в месяц десятый, прииде Навуходоносор царь Вавилонский и вся сила его на Иерусалим, и воеваху нань. 2 И в первоенадесять лето Седекии, в месяц четвертый, в девятый день месяца, разседеся град. 3 И внидоша вси князи царя Вавилонска и седоша во вратах средних, Ниргелсарап, Самагад, Навусахар, Навусарис, Нагаргас, Насерравамаг, и прочии воеводы царя Вавилонского. 4 И бысть егда узре я Седекии царь Иудин и вси мужие ратни, и избегоша, и изыдоша в нощи от града по пути вортограда царева и сквозе врата, яже беша между стеною и предстением: и изыдоша в путь пустыни. 5 И гнаша вслед их воинство Халдейско, и постигша Седекию и поли пустыни Иерихонский, и емше приведоша к Навуходоносору царю Вавилонску во Ревлаф, иже в земли Емаф, и глагола к нему с судом. 6 И изби царь Вавилонский сыны Седекиины во Ревлафе пред очима его, и вся вельможы Иудины поби царь Вавилонский. 7 И очи Седекии изят, и окова его путь, и отведе его в Вавилон. 8 Дом же царев и домы всех

людей пожгла Халдее огнем и стену Иерусалимскую превратиша: 9 и останок людей, и оставших во граде, и убегшыя, иже утекша ко царю Вавилонску, и останок людей, и оставших пресели Навузардан воевода в Вавилон: 10 а от людей убогих, ничтоже имущих, оставил Навузардан воевода воинств в земли Иудине, и даде им винограды и нивы в той день. 11 И заповеда Навуходоносор царь Вавилонский о Иеремии пророце Навузарданови воеводе воинств и рече: 12 возми его и положи на них очи твои и ничтоже ему сотвори зла: но яко восхощет, тако сотвори ему. 13 Посла убо Навузардан воевода воинства и Навузезван, и Рапсарис и Ниргел, и Сарасар и Фавман, и вси воеводы царя Вавилонска: 14 и послаша, и пояса Иеремию от двора темничного, и даша его Годолии сыну Ахикамову, сына Сафана, и изведоша его, и седе среди людей. 15 И ко Иеремии бысть слово Господне ко дворе темничнем глаголя: 16 иди и рцы ко Авдемелеху Мурину, глаголя: тако рече Господь Бог Израилев: се, Аз приношу словеса Моя на град сей во злания? А не во благая: и будут пред лицем твоим в той день: 17 и избавлю тя в той день, и не дам тебе в руце человек, иже ты боишися от лица их: 18 яко избавляя спасу тя, и мечем не падеш: и будет душа твоя на обретение, яко уповал еси на мя, рече Господь.

40 Слово бывшее ко Иеремии от Господа, повнегда отпусти его Навузардан архимагир из Рамы, егда взя его связанаго путы от среды, от Иерусалима и от Иуды преселения, ведомых в Вавилон. 2 И взя его архимагир и рече ему: Господь Бог твой соглаголал есть злая сия на место сие: 3 и приведе, и сотвори Господь, яко же рече, зане согрехисте Ему и не послушасте гласа Его, и бысть вам глагол сей. 4 И се, ныне разреших тя от уз, яже на руку твою: аще ти есть добро ити со мною в Вавилон, поиди, и положи очи мои на тя: аще же ни, остань зде: се, вся земля пред лицем твоим есть: что изволиши, и аможе восхощеш ити, тамо иди: 5 и возвратися ко Годолии, сыну Ахикамову, сыну Сафаню, егоже поставил царь Вавилонский в земли Иудине, и живи с ним среди людей, во всех благих пред очима твоими, еже ходити, и ходи. И даде ему архимагир пищу и дары и отпусти его. 6 И прииде Иеремия ко Годолии сыну Ахикамову в Массифаф и седе среди людей своих оставшихся на земли. 7 И егда услышаша вси воеводы силы яже на селе, тии и силы их, яко поставил есть царь Вавилонский Годолию сына Ахикамова (властелина) над землею, и яко предаде ему мужы и жены и дети, и от убогих земли, иже

не преведени быша в Вавилон: в придоша ко Годолии в Массифаф Исмаил сын Нафаниин и Иоанан, и Ионафан сын Кариев и Сарея сын Фанаемефов, и сынове Офи, иже беша из Нетофафы, и Иезония сын Махафы, тии и мужие их. 9 И клятся им Годолии и мужем их, глаголя: не убийтесь от лица отрок Халдейских: вселитесь на земли и служите царю Вавилонску, и лучше вам будет: 10 и се, аз сежу в Массифафе, стати противу лицу Халдейску, иже аще приидут на вас: вы же соберите вино и овощь, и соберите масло, и влейте в сосуды своя, и вселитесь во грады, яже удержасте. 11 И вси Иудеи, иже в земли Моавли и в сынех Аммоних, иже во Идумеи и иже во всей земли, услышаша, яко дал есть царь Вавилонский останок во Иуде и яко поставил есть над ними Годолию сына Ахикамова, сына Сафanova. 12 И придоша вси Иудеи от всех мест, в няже бяжу убегли, и придоша ко Годолии в землю Иудину в Массифафе, и собраша вино и овощь и масло много зело. 13 Иоанан же сын Кариев и вси воеводы силы, иже на селех, придоша ко Годолии в Массифаф 14 и рекоша ему: веси ли, яко Велиса царь сынов Аммоних посла к тебе Исмаила сына Нафаниева поразити душу твою? И не верова им Годолии сын Ахикамль. 15 Иоанан же сын Кариев рече ко Годолии отай в Массифафе, глаголя: да иду убо и побию Исмаила, сына Нафанина: и никто же да уверсть, да не како поразит душу твою, и разсыплется весь Иуда собранный к тебе, и погибнет останок Иудин. 16 И рече Годолии ко Иоанану сыну Кариеву: не сотвори дела сего, яко лжу ты глаголеши на Исмаила.

41 И бысть в седьмый месяц, прииде Исмаил сын Нафаниин сына Елисамова, от рода царева, и вельможи царевы десять мужей с ним ко Годолии в Массифаф, и ядоша ту вкупе хлеб. 2 И воста Исмаил и десять мужей иже с ним, и поразиша Годолию мечем, и убиша, егоже поставил царь Вавилонский над землею, 3 и всех Иудеев, иже беша с ним в Массифафе, и всех Халдеев, иже обретоша тамо, и мужей военных изби Исмаил. 4 И бысть во второй день по убиении Годолиеве, и человек не уведе. 5 И придоша мужие от Сихема и от Салима и от Самарии осьмидесят мужей, обрityми брадами и растерзаными ризами, плачущеся, и дары и фимиам в руку их, еже внести в дом Господень. 6 И изыде противу им Исмаил сын Нафаниев от Массифы: тии же идяху и плакахуся: и егда сретеся с ними, рече к ним: внидите ко Годолии. 7 И бысть, вшедшим им среди града, изсече я Исмаил у кладязя, той и мужие, иже беша

с ним. 8 И обретоша десять мужей ту и реша Исмаилу: не убий нас, яко суть нам имения на нивах, пшеница и ячмень, и мед и масло. И мину их и не уби их посреде братий их. 9 И кладязь, в оньже вверже Исмаил вся, яже изби, сей кладязь велик есть, егоже сотвори царь Аса, от лица Ваасы царя Израилева, сей наполни Исмаил убиенными. 10 И обрати Исмаил вся люди оставшя в Массифафе и дщери царевы, яже вручил архимагир Годолии сыну Ахикамову, и взя их Исмаил сын Нафань: и отиде на ону страну сынов Аммоних. 11 И слыша Иоанан сын Кариев и все воеводы силы, иже с ним, вся злая, яже сотвори Исмаил сын Нафаниев, 12 и приведоша вся воя своя и идяху воевати нань, и обретоша его при воде мнозе во Гаваоне. 13 И бысть, егда увидеша все людие, иже со Исмаилом, Иоанана сына Кариева и все воеводы силы, иже быша с ним, возрадовашася: 14 и возвратишаася все людие, ихже плени Исмаил от Массифы, и возвратившеся отиодоша ко Иоанану сыну Кариеву. 15 Исмаил же уцеле со осмию мужи от лица Иоанана и иде ко сыном Аммоним. 16 И взя Иоанан и все воеводы силы, иже с ним, вся оставшяся люди, ихже возврати от Исмаила сына Нафания из Массифафа, повнегда уби Годолию, сына Ахикамля, мужы сильны на рати, и жены, и останки, и каженики, ихже обрати от Гаваона, 17 и идоша, и седоша на земли Вирофоамли, яже ко Вифлеему, еже ити и внити во Египет от лица Халдейска: понеже убояшася от лица их: 18 яко уби Исмаил Годолию, егоже постави царь Вавилонский на земли Иудине.

42 И придоша все воеводы силы, и Иоанан сын Кариев и Азария сын Маасеев, и все людие от мала и до велика 2 ко Иеремии пророку и рекоша ему: да падет молитва наша пред лицем твоим, и помолися о нас ко Господеви Богу твоему о оставшихся сих: яко остался мало нас от многих, яко же очи твои видят: 3 и да возвестит нам Господь Бог твой путь, по немуже пойдем, и слово, еже сотворим. 4 И рече им Иеремия пророк: слышах: се, аз помолюсь о вас Господеви Богу нашему по словесем вашим: и будет, слово, еже отвещает Господь, повем вам и не потаю от вас словесе. 5 Тии же рекоша Иеремии: буди Господь в нас послух правдив и верен, яко по всему слову, еже аще послет Господь к нам, тако сотворим: 6 аще добро и аще зло, гласа Господа нашего, к Немуже мы посылаем тя, послушаем, да лучше нам будет, яко послушаем гласа Господа Бога нашего. 7 И егда скончашася десять дний, бысть слово Господне ко

Иеремии. 8 И призва Иоанана сына Кариева и воеводы силы, иже с ним быша, и вся люди от мала и до велика, 9 и рече им: тако рече Господь Бог Израилев, к Немуже посыласте мя, да простру молитвы ваша пред Ним: 10 аще седяще сядете на земли сей, то созижду вас, а не разорю, и насажду вас, а не исторгну, яко престах от зол, яже сотворих вам. 11 Не убойтесь от лица царя Вавилонска, егоже вы боитесь: от лица его не убойтесь, рече Господь: яко Аз с вами есмь, еже избавляти вас и спасати вас от руки его: 12 и дам вам милость и помилую вас и возвращу вас на землю вашу. 13 Аще же речете вы: не сядем на земли сей, еже не слышати гласа Господа Бога нашего, 14 глаголюще: никако, но в землю Египетску внидем, и не узрим рати, и гласа трубного не услышим, и о хлебех не взалчем, и тамо вселимся: 15 того ради слышите слово Господне, оставши Иудины, тако рече Господь Вседержитель, Бог Израилев: аще вы дадите лице ваше во Египет и внидете тамо жити, 16 и будет, мечь, егоже вы боитесь от лица его, обрящет вы во Египте, и глад, от негоже вы опасение имате от лица его, постигнет вы вслед вас во Египте, и тамо измрете вы. 17 И будут все мужие и все иноплеменницы положивши лице свое на землю Египетску жити тамо, оскудеют гладом и мечем, и будет от них ни един спасаемъ от зол, яже Аз наведу на ня. 18 Яко тако рече Господь Сил, Бог Израилев: яко же вскала ярость Моя на живущя во Иерусалиме, тако вскалечт ярость Моя на вас, вшедшим вам во Египет: и будете в непроходимая и подручни, и в кляту и во укоризну, и не узрите кому места сего. 19 Сия глагола Господь на вас оставшихся от Иуды: не входите во Египет. И ныне ведяще уведаете, яко засвидетелствовах вам днесъ: 20 яко слукавновасте в душах ваших, пославше мя ко Господу Богу вашему, глаголюще: помолися о нас Господеви: и по всему, елико возглаголет тебе Господь Бог наш, тако возвести нам, и сотворим. 21 И возвестих вам днесъ, и не послушасте гласа Господа Бога вашего во всем, егоже посла к вам: 22 и ныне ведуще ведайте, яко мечем и гладом и мором изчезните на месте, на неже хощете ити жити тамо.

43 И бысть, егда преста Иеремия глаголя к людем вся словеса Господня, яже посла Господь к ним, 2 и рече Азария сын Маасеев и Иоанан сын Кариев и все мужие презорливи ко Иеремии, глаголюще: лжеши, не посла тя к нам Господь Бог наш глаголати: не входите во Египет жити тамо: 3 но Варух сын Нирин подушает тя на нас, да нас вдаси в руце Халдейсте уморити нас

и превести нас в Вавилон. 4 И не послуша Иоанан и вси воеводы силы и вси людие (не послушаша) гласа Господня, еже жити на земли Иудине. 5 И взя Иоанан и вси воеводы силы вся оставши Иудины, возвращеныя от всех языков, аможе разсияни быша, еже жити на земли Иудине, 6 мужы сильныя и жены, и младенцы и дщери царевы, и души, яже остави Навузардан воевода силы со Годолием сыном Ахикамовым сына Сафанова, и Иеремию пророка, и Варуха сына Ниринна, 7 и внидоша во Египет, яко не послушаша гласа Господня, и внидоша во Тафнас. 8 И бысть слово Господне ко Иеремии во Тафнасе глаголя: 9 возми себе камени велики и скрый я пред враты дому фараона во Тафнасе пред очима мужей Иудиних, и речеши к ним: 10 тако глаголет Господь Сил, Бог Израилев: се, Аз послю и приведу Навуходоносора царя Вавилонска раба Моего, и поставит престол свой на камених сих, ихже скрыл еси, и воздвигнет оружие свое на ня, 11 и внидет и поразит землю Египетску: ихже на смерть, на смерть, и ихже на преселение, на преселение, а ихже под мечь, под мечь: 12 и пожмет огнем домы богов их, и пожмет я, и преселит я, и покрьет землю Египетскую, яко же покрывается пастих ризою своею: и изыдет оттуду с миром 13 и сокрушит столпы Илиуполя, иже во Египте, и домы богов Египетских пожмет огнем.

44 Слово бывшее ко Иеремии (от Господа) и ко всем

Иудеем сущым в земли Египетстей и седящым во Магдале и во Тафнасе, и во Мемфисе и в земли Пафурсте, глаголя: 2 тако глаголет Господь Бог Израилев: вы видесте вся злая, яже наведох на Иерусалим и на грады Иудины: и се, пусти суть ныне от живущих, 3 от лица злобы их, юже сотвориша разгневати мя, ходяще кадити богом чуждим, ихже не ведесте вы сами и отцы ваши. 4 И послах к вам отроки Моя пророки заутра, и посылах я, глаголя: не творите дела осквернения сего, егоже возненавидех. 5 И не послушаша Мене, ни приклониша уха своего обратитися от злоб своих, еже не кадити богом инем. 6 И вскапа ярость Моя и гнев Мои и разгореся во вратех Иудиних и вне Иерусалима: и быша во опустение и в непроходимую до сего дне. 7 И ныне сице рече Господь Вседержитель, Бог Израилев: вскую вы творите злая велики на души своя, еже изсечи вам мужы и жены, младенца и сущаго от среды Иуды, да не останется ни един от вас, 8 разгневати мя в делех рук ваших, кадити богом инем в земли Египетстей, в нюже приидосте жити тамо, да изсечени будете и в проклятие да будете и на укоризну во всех языцех земли? 9 Еда

забысте злобы отец ваших и злобы царей Иудиних, и злобы князей ваших и злобы вашя, и злобы жен ваших, яже сотвориша в земли Иудине и вне Иерусалима? 10 И не престаша даже до сего дне и не убояшася и не держахуся законов Моих и повелений Моих, яже дах пред лицем вашим и пред очима отец ваших. 11 Того ради тако глаголет Господь Сил, Бог Израилев: се, Аз приставлю лице Мое на вы во зло, еже погубити вся люди Иудины: 12 и возмуща останки Иудины, иже поставиша лица своя, еже внити в землю Египетску и жити тамо, и изчезнут вси в земли Египетстей, и падут мечем и гладом, и изчезнут от мала даже до велика: и будут на укоризну и в пагубу и в проклятие: 13 и посещу на седящих в земли Египетстей, яко же посетих на Иерусалим, мечем и гладом и смертию, 14 и не будет уцелевша ни единаго же от оставших Иудиних, обитающих в земли Египетстей, еже возвратитися на землю Иудину, к нейже тии надеются душами своими возвратитися тамо: не возвратятся, разве избегши. 15 И отвещаша Иеремии вси мужи разумеющии, яко кадят жены их богом иным, и вся жены собор велик, и вси людие седящии в земли Египетстей, в земли Пафурсте, глаголюще: 16 слово, еже глаголал еси к нам во имя Господне, не послушаем тебе, 17 яко творяще сотворим всякое слово, еже изыдет из уст наших, кадити царице небесней и возливати ей возлияния, яко же сотворихом мы и отцы наши, и царие наши и князи наши во градех Иудиних и вне Иерусалима: и насытихомся хлебов, и благо нам бысть, и зла не видехом. 18 И егда престахом кадити царице небесней и возливати возлияния, оскудехом хлебы вси мы, и мечем и гладом скончахомся. 19 И егда кадихом мы царице небесней и возливахом ей возлияния, еда без мужей наших творихом ей опресноки и возливахом ей возлияния? 20 И рече Иеремия всем людем сильным и всем женам и всем людем отвещавшим ему словеса, глаголя: 21 не каждение ли, еже кадисте во градех Иудиних и внеуду Иерусалима вы и отцы ваши, и царие ваши и князи ваши и людие земли, помяну Господь, и взыде на сердце Его? 22 И не можаше Господь терпети ктому от лица злобы деяний ваших и от гнусностей, яже сотвористе: и бысть земля ваша во опустение и в непрохождение и в клятву, еже не быти живущим, яко же есть день сей, 23 от лица сих, имже кадисте (идолом) и имиже согрешисте Господеви: и не послушасте гласа Господня, и в повелениях Его и в законе и во свидениях Его не ходисте, и постигнуша вы злая сия, яко же день сей. 24 И рече Иеремия людем и женам: слышите слово

Господне, весь Иуда, иже есте в земли Египетстей: 25 тако рече Господь Вседержитель, Бог Израилев, глаголя: вы и жены ваша усты вашими соглаголасте и руками вашими исполнисте, глаголюще: творяще соторим исповедания наша, яже обещахом кадити царице небесней и возливати возлияния ей: пребывающе пребыте во обетех ваших и творяще сотористе я. 26 Того ради слышите слово Господне, весь Иуда, седящии в земли Египетстей: се, кляхся именем Моим великим, рече Господь, аще будет ктому имя Мое во устех всего Иуды, еже реши, жив Господь Бог, во всей земли Египетстей. 27 Яко се, Аз возбудихся на ня озлобити их, а не благосотворити, и изчезнут весь Иуда живущии в земли Египетстей мечем и гладом, дондеже скончаются. 28 И уцелевши от меча возвратятся на землю Иудину малым числом: и уведят оставши Иудины, преселившись в землю Египетску обитати тамо, слово чие пребудет, Мое, или их? 29 И сие вам знамение, глаголет Господь, яко посещу Аз на вы на месте сем, да уведите, яко воистинну исполнятся словеса Моя на вас во злая. 30 Тако рече Господь: се, Аз предаю фараона Вафриа царя Египетска в руце врага его и в руце ищащих души его, якоже дах Седекию царя Иудина в руце Навуходоносора царя Вавилонска врага его и ищащаго души его.

45 Слово, еже глагола Иеремия пророк к Варуху сыну Ниринеу, егда вписа словеса сия в книгу от уст Иереминых, в четвертое лето Иоакима, сына Иосиона, царя Иудина, глаголя: 2 тако глаголет Господь Вседержитель о тебе, Варуше: з яко рекл еси: о, люте мне! О, люте мне! Яко приложи Господь труд к болезни моей, успох стенанием, покоя не обретох. 4 Рцы ему, сице глаголет Господь: се, яже Аз соградих, Аз разорю: и яже насадих Аз, исторгну, и всю землю Мою. 5 И Ты ли взыщеши себе великих? Не ищи: яко се, Аз наведу злая на всяку плоть, глаголет Господь, и дам душу твою в корысть во всяком месте, аможе аще пойдеши.

46 Слово, еже бысть ко Иеремии пророку от Господа на языки, 2 ко Египту противу силы фараона Нехао царя Египетского, иже бысть над рекою Евфратом во Кархамисе, егоже порази Навуходоносор царь Вавилонский, в лете четвертем Иоакима сына Иосиона, царя Иудина. 3 Возмите оружие и щиты и идите на брань, 4 оседлайте кони и вседайте, всадницы, и станите во шлемех ваших, уставите копия и облецьтесь в броня вашя. 5 Что убо видех их страшливых и хребты обращающих? Крепцы их избити, побегоша скоро и не

озрешася вспять, отвсюду страх, глаголет Господь. 6 Не утечет легкий, ниже возможет избавитися крепкий на полунощь: близ реки Евфрата побеждени суть и падоша. 7 Кто есть той, иже яко река восходит, и яко реки воздвижутся волны его? 8 Воды Египта аки река взыдут, и аки река восколеблются воды его. И рече: взыду и покрью землю, и погублю град и живущая в нем. 9 Возсядите на кони и устройте колесницы, изыдите, сильни Муринстии, и Ливиане вооруженни щитами, и Лидяне, взыдите наляцающе лук. 10 День сей Господа Бога Вседержителя, день отмщения, да отмстит врагом Своим, и покрет я мечь Господень и насытится и упиется кровию их, яко жертва Господу Вседержителю в земли полунощней, близ реки Евфрата. 11 Взыди в Галаад и возми ритину, дево, дщи Египетска! Все умножила еси врачевания твоя, и цельбы несть тебе. 12 Услышаша языцы глас, и плачь твой наполни землю: яко сильный сретется с сильным, и оба вкупе изнемогости и падоста. 13 Слово, еже глагола Господь ко Иеремии пророку о сем: яко име приими Навуходоносор царь Вавилонский и поразити землю Египетску. 14 Возвестите Египту и разгласите во Магдалу, и возопите во Мемфисе и во Тафнасе поведите: стой и уготовися, яко покрет меч сия, яже окрест тебе суть. 15 Почто убежа от тебе апис? Телец избранный твой не пребысть, яко Господь разруши его. 16 И множество твое изнеможе и паде, и кийждо ко ближнему своему глаголаху: востаним и возвратимся к людем нашым и в землю рождения нашего от лица меча Еллинского. 17 Назовите имя фараона Нехао царя Египетска, смятение преведе время. 18 Живу Аз, глаголет Царь, Господь Вседержитель имя Его: ибо, якоже Фавор на горах и якоже Кармель в мори, приидет. 19 Сосуды пленения сотори себе, живущая дщи Египетска, яко Мемфис в запустение будет, и наречется, увы! И не будут в нем жити. 20 Юница (избранна и) украшена Египет, разорение от полунощи прииде на ню, 21 и наемницы его, живущии посреде его, якоже телцы тучни питаеми в нем: зане и тии обратишася и побегоша вкупе, и не могоша стати, яко день погибели их прииде на ня и время отмщения их. 22 Глас их, якоже змия звиздающаго, понеже с силою пойдут, со секирами приидут на него. 23 Яко древие секуще посекут лес его, глаголет Господь Бог: ибо не может сочтены быти, яко умножиша паче пругов, и несть им числа. 24 Посрамленна есть дщи Египетска и дана в руце людем полунощным. 25 Рече Господь Вседержитель, Бог Израилев: се, Аз посещу на Аммона сына ея, и на фараона и на Египет, и на боги его

и на цари его, и на фараона и на уповающыя на него, 26 и дам их в руце ищущих души их, и в руку Навуходоносора царя Вавилонска, и в руце слуг его: и посем поживут якоже и первее, глаголет Господь. 27 Ты же не убойся, рабе мой Иакове, ни устрашайся, Израилю: се бо, Аз тебе спасена соторю издалеча и семя твое от земли пленения их: и возвратится Иаков и почиет и благоупсеет, и не будет устрашай его. 28 Не бойся, рабе Мой Иакове, глаголет Господь, яко с тобою есмь Аз: яко соторю скончание во всех языцах, в няже извергох тя, тебе же не соторю оскудеть, но накажу тя судом и обезвиняя не обезвиню тя.

47 Слово Господне, еже бысть ко Иеремии пророку
на иноплеменники, прежде нежели порази фараон
Газу. 2 Тако глаголет Господь: се, воды восходят от
севера и будут яко поток наводняй, и потопят землю
и исполнение ея, град и живущая в нем: и возопиют
людие и восплачутся все живущии на земли, 3 от
шума устремления его, от оружия ног его и от гремения
колесниц его и от звука колес его: не обратиши отцы ко
сыном своим, опустивши руце свои, 4 в день находящий
еже погубити вся иноплеменники: и разорю Тир и Сидон
со всеми прочими помощники их, яко истребит Господь
Филистини, останки островов Каппадокийских. 5 Прииде
плешь на Газу, отвержен бысть Аскалон и останцы
енакимли. 6 Доколе сеци будеши, о, мечу Божий! Доколе
не упокоишися? Внidi в ножны твоя, почий и вознесися.
7 Како упокоится? Понеже Господь заповеда ему на
Аскалоне и на сущия при мори, на прочия востати.

48 О Моаве тако рече Господь Вседержитель, Бог
Израилев: о, люте Нававу, яко погибе, взяся
Кариафам и посрамися Масигаф и побежден есть. 2
Несть ктому целение в Моаве, веселье во Есевоне,
помыслиша на него злая: приидите и потребим я от языка:
(сего ради) молча умолкнеши, пойдет за тобою мечь. 3
Глас вопля от Оронайма, погубление и сотрение велико.
4 Сотресь Моав, возвестите вопль малых его. 5 Яко
исполнися Алаоф плача: взыдет рьда путем Оронайма,
врази, вопль сотрения слышасте. 6 Бежите и спасите
души ваши, и будете яко осел дивий в пустыни. 7 Понеже
имел еси надежду во оградах твоих и в сокровищах
твоих, и ты ят будеши: и пойдет Хамос во преселение,
и священницы его и князи его вкупе. 8 И приидет
губитель на всяк град, и не избавится ни един град, и
погибнут удолия, и погибнут поля, якоже рече Господь. 9
Дайте знамение Моаву, яко прикосновением прикосновен

будет, и вси гради его будут пусты и без живущих. 10
Проклят (человек) творяй дело Господне с небрежением,
и проклят возбраняя мечу своему от крове. 11 Почиавше
Моав от младости своея и бе уповая на славу свою:
не прелися от сосуда в сосуд и во преселение не
отиде: сего ради пребысть вкус его в нем, и воня его
несть пременена. 12 Сего ради, се, дни грядут, глаголет
Господь, и послю ему преселители, и преселят его, и
сосуды его истощат и роги его сокрушат: 13 и посрамится
Моав от Хамоса, якоже посрамлен есть дом Израилев
от Вефиля, в немже имаху надежду. 14 Како глаголете:
сильни есмы и мужие крепцы во бранех? 15 Погибе
Моав, град его, и избраннии юноши его сидоша под
мечь, глаголет Царь, Господь Вседержитель имя Его. 16
Близ день Моавль, еже приити, и зло его скоро зело. 17
Утешайте его вси, иже окрест его, и вси ведящии имя его:
рьците, како сокрушия жезл крепости, палица славна? 18
Сниди от славы и сяди, во влаге живущая, дщи Дивоня,
яко губитель Моавский взыдет на тя разрушая ограды
твоя. 19 На пути стани и возври, живущая во Ароире, и
вопроси бежащаго и избегшаго, и рьцы: что се бысть?
20 Посрамися Моав, зане побежден есть: рьдайте и
вопите, возвестите во Ароне, яко погибе Моав, 21 и суд
прииде на землю напольную, на Хелон и на Рефас и на
Мофаф, 22 и на Девон и на Наво и на дом Девлафайм,
23 и на Кариафам и на Вефгамул и на дом Маонов, 24
и на Кариоф и на Восора и на вся грады Моавли, иже
далече и иже близ суть. 25 Отсечен есть рог Моавль,
и мышца его сокрушия, глаголет Господь: 26 упойте
его, яко на Господа возвеличиша, и приразит Моав руку
свою (о блевотину), и будет в посмех и сам. 27 И аще
не в посмех бысть тебе Израиль, аще в татстве твоем
обретеся, яко воевал еси его: преселишися инамо. 28
Оставите грады и пребывайте на камени, живущии в
Моаве, и будите якоже голуби гнездящиися в каменех,
во устех скважни. 29 Слышахом гордость Моавлю, горд
бе зело: презорство его и кичение его, возношение и
воздвижение сердца его. 30 Аз же вем дела его, глаголет
Господь: не доволство ли его тако сотвори? 31 Сего ради
над Моавом возвыдайте всюду, возопите над мужи
Кирады смущения. 32 Яко плачем Иазировым восплачуся
о тебе, винограде Асеримль! Леторасли твоя проиодаша
море, градов Иазировых коснувшись, на жатву твою и на
винное сбириание твое хищник нападе. 33 Отята есть
радость и веселье от Кармила и от земли Моавли, и
вино от точил отяж: никакоже изгнется винну ягоду по
обычаю песни воспост. 34 От вопля Есевонска даже

до Елеала и Иаса грады их даша глас свой, от Сигора даже до Оронайма, и юница трилетная, понеже и воды Немрим во сожжение будут. 35 И отиму Моава, глаголет Господь, жрущаго на горах и кадящаго богом своим. 36 Того ради сердце Моава, яко цевницы звяцати будут, и сердце мое к мужем Кирады яко цевница звяцати будет: сего ради, яже пристяжа, погибша от человек. 37 Всяка бо глава на всяком месте оstriжена будет, и всяка брада оброснется, и всяка рука посечена будет, и на всяком чресле вретище, 38 и на всех храминах Моавских и на стогнах его всяк плачь, понеже сокруших Моава, якоже сосуд непотребен, глаголет Господь. 39 Како изменися? Возвращаша, како обрати хребет Моав и посрамися? И бысть Моав в посмех и в ненависть всем окрест себе. 40 Яко тако глаголет Господь: се, якоже орел полетит и распространет криле свои на Моава, 41 взят есть Кариоф, и ограды его обстоимы суть: и будет сердце сильных Моавских в той день, яко сердце жены родящия. 42 И погибнет Моав от людей, яко на Господа возвеличился. 43 Страх и пропасть и сеть на тя, о, живущий в Моаве, глаголет Господь. 44 Иже убежит от лица страха, впадет в пропасть: и излазяй из пропасти имется сетю: понеже наведу сия на Моава в лето посещения их, глаголет Господь. 45 Во стени Есевонстей сташа от силы избегше, огнь бо изыде от Есевона и пламень от среды Сеона, и поже часть Моава и верх сынов смятения. 46 Горе тебе, Моаве! Погибша людие Хамоса, яко отведоша сынове твои и дщери твоя в плен. 47 И возвращу плен Моавль в последния дни, глаголет Господь. До зде суд Моавль.

49 К сыном Аммоним тако глаголет Господь: еда не суть сынове Израилевы, или наследника несть им? Почто убо прия наследие Мелхом Гада, и людие его во градех его живяху? 2 Сего ради, се, дние грядут, глаголет Господь, и оглашу на Равваф сынов Аммоних ратный звук, и будет в непроходная и в пагубу, и требища его огнем сожжена будут, и восприимет Израиль власть свою, глаголет Господь. 3 Возопий, Есевоне, яко погибе Гай: возопийте, дщери Раввафски, препояштесь вретищами, рыдайте и бегайте по забралом, яко Мелхом во плен отведется, священницы и князи его вкупе. 4 Что хвалишися во удолиих? Стече удолие твое, дщи безстудная, уповающая на богатства своя, глаголющи: кто приидет на мя? 5 Се, Аз наведу на тя страх, глаголет Господь Вседержитель, от всех сущих окрест тебе: и разсеетсяе вси от лица его, и не будет собирающаго бежащих. 6 И посем возвращу пленники сынов Аммоних,

глаголет Господь. 7 Ко Идумеи сия глаголет Господь Вседержитель: еда есть кому мудрость во Фемане? Погибе совет от разумных, непотребна бысть мудрость их, 8 попрано бысть место их: сидите в пропасть к седению, живущи во Дедане: яко жестокая сотвори: (погибель Исафлю) наведох нань во время, в неже посетих его. 9 Яко оымателье вина придоша на тя, не оставят тебе останков: аки татие в ноши возложат руки своя. 10 Яко (Аз) обнажих Исафа, открых тайна его, не возможет утаитися, погибе рукою брата своего и соседа своего, 11 и несть остатися сироте твоей, да живет: Аз же сотворю жити, и вдовицы на мя уповаша. 12 Тако бо глаголет Господь: се, имже не бе закона пити чашу, пиюще испиют: и ты ли аки неповинный останешся? Не будеши неповинен, но пия испиеши. 13 Собою бо кляхся, глаголет Господь, яко в пустыню и в поругание и в посмех и в проклятие будеши посреде его, и вси гради его будут в пустыню вечную. 14 Слух слышаш от Господа, и послов во языки посла: соберитеся и идите противу ему и востаните на ополчение. 15 Се, мала дах тя во языщех и поругаема в людех. 16 Играние твое прельсти тя, безстудие сердца твоего обиташе в разселинах каменных, похити крепость холма высокаго: егда вознесши яко орел гнездо свое, оттоле свергу тя, глаголет Господь. 17 И будет Идумеа в запустение, всяк ходяй чрез ню подивится и позвиждет над всякою язвою ея. 18 Якоже превращена есть Содома и Гоморра и соседи ея, глаголет Господь, не поживет тамо муж, ниже пребудет тамо сын человечь. 19 Се, якоже лев изыдет от среды Иордана на место сильного, яко скоро сотворю им бежати от него, и кто будет избран, егоже поставлю над ним? Кто бо подобен Мне? И кто противостанет Ми? И кто есть сей пастырь, иже сопротивится лицу Моему? 20 Сего ради слышите совет Господень, егоже совеща на Едома, и умыщление Его, еже умысли на живущих во Фемане, не свергут ли их малая от стад, и не разметано ли будет на них жилище их? 21 От гласа бо падения их потрясеся земля, и вопль на мори Черннем слышаща гласа их. 22 Се, яко орел взыдёт и взлетит и прострет криле свои над твердынями его: и будет сердце сильных Идумейских в той день, яко сердце жены родящия. 23 К Дамаску: посрамися Емаф и Арфаф, яко слух зол слышаша, ужасошася, возмутишася на мори, (за попечение) упокоитися не могут. 24 Расторжеся Дамаск, обратися на бежание, трепет объят и, скорбь и болезнь одержаша его яко раждающую. 25 Како не оставиша града славнаго, крепости любезныя? 26 Сего ради падут

юноши на стогнах твоих, и вси мужи воинстии падут в той день, глаголет Господь Вседержитель. 27 И возжгу огнь на стене Дамаска, и пожжет стены сына Адерова. 28 К Кидару, царице двора, егоже порази Навуходоносор царь Вавилонский, тако глаголет Господь: востаните и взыдите на Кидар и погубите сыны восточныя. 29 Селения их и стада их возмут: одежды их и вся сосуды их и велблуды их возмут себе, и призовут на ня страх окрест. 30 Бежите и отидите вскоре, в пропастех сядите, живущии во дворе, глаголет Господь: яко совеща на вы Навуходоносор царь Вавилонский совет и помысли на вас умыщление. 31 Востаните и внидите к людем упокоенным, живущим в прохладе, глаголет Господь: иже ни дверий, ниже заворов имут, едини обитают. 32 И будут велблуды их в расхищение и множество скота их в разграбление, и развею я всяким ветром оstriженых окрест, и от всех окрестных их приведу на ня погибель, глаголет Господь. 33 И будет двор в жилище змием и пуст даже до века, не поживет тамо муж, ниже будет живяй в нем сын человечь. 34 Слово Господне, еже бысть ко Иеремии пророку на Елам, в начале царства Седекии царя Иудина, глаголя: 35 тако глаголет Господь Вседержитель: се, Аз сокрушу лук Еламль, начало силы их, 36 и наведу на Елам четыри ветры от четырех стран небесных и развею я во вся ветры тыя, и не будет языка, в онъже бы не пришли бежащии Еламитяне. 37 И устрашу их пред враги их и пред лицем ищущих души их, и наведу на ня злая, по гневу ярости Моея, глаголет Господь: и послю вслед их мечь Мой, дондеже сотру их: 38 и поставлю престол Мой во Еламе, и иждену оттуду царя и князи, глаголет Господь: 39 и будет в последния дни, возвращу плен Еламль, глаголет Господь.

50 Слово, еже рече Господь на Вавилон и на землю Халдейскую Иеремию пророком. 2 Возвестите во языщех и слышано сотворите, воздвигните знамение, возопите и не скрывайте, рцыте: пленен бысть Вавилон, посрамися Вил, победися Меродах, посрамишаися извания его, сокрушишаися кумиры их. 3 Яко прииде нань языкъ от севера, той положит землю его в запустение, и не будет живяй в ней от человека даже и до скота: подвигнувшись, отидаша. 4 В тыя дни и в то время, глаголет Господь, приидут сынове Израилевы, тии и сынове Иудины вкупе ходяще и плачуще пойдут и Господа Бога своего взыщут. 5 Во Сион испытают стези, тамо бо обративше лица своя приидут и приложатся ко Господу заветом вечным, иже забвению не предастся. 6 Овцы

погибшыя быша людие Мои, пастьрие их совратиша их и сотвориша якрытия по горам: с горы на холм ходиша. 7 Забыша ложа своего, вси обретаюши их снедаху их, и врази их рекоша: не пощадим их, зане согрешиша Господу, пажить правды, собирающему отцев их Господу. 8 Отидите от среды Вавилона и от земли Халдейски изыдите, и будите яко козлища пред овцами. 9 Яко се, Аз воздвигну и приведу на Вавилон собрания языков великих от земли полуночныя, и ополчаться нань: оттуду пленен будет, яко же стрела мужа сильна искусна и возвратится праздна. 10 И будет земля Халдейска в разграбление, вси грабителе ея наполняются глаголет Господь: 11 зане веселистя и велеречивасте, расхищающе наследие Мое, скакасте бо яко телцы на траве и бодосте яко же волы. 12 Поругана бысть мати ваша зело, и посрамися родившая вас: се, последняя во языщех пуста и непроходна и суха. 13 От гнева Господня не поживут во век: но будет весь в запустение, и вся ходяй сквозе Вавилон подвигится и позвиждет над всякою язвою Его. 14 Ополчитеся на Вавилон, вси окрестнии наляцающие лук, стреляйте нань, не щадите стрел ваших, понеже пред Господем согреши, 15 возмите его: ослабеша руце его, падоша основания его, сокрушишася забрала его, яко месть Господня есть: отмстите ему, яко же сотвори, сотворите ему: 16 потребите семя от Вавилона, и держащаго серп во время жатвы от лица меча Еллинска, кийждо к людем своим обратится, и кийждо в землю свою убежит. 17 Овча заблуждающее Израиль, львове изнуриша е: первее яде его царь Ассур, сей же последний и кости оглода ему Навуходоносор царь Вавилонский. 18 Сего ради тако глаголет Господь Вседержитель, Бог Израилев: се, Аз посещу на царя Вавилонска и на землю его, яко же посетих на царя Ассурска, 19 и возведу паки Израиля на пажить его, и упасется в Кармиле и Васане, и в горе Ефремли и в Галааде, и настытится душа его. 20 В тыя дни и в той час, глаголет Господь, поищут неправды Израилевы, и не будет, и грехов Иудиних, и не обрящутся: яко милостив буду им оставшымся. 21 На землю владеющих взыди и на живущих в ней посети, разори и убий сущия по них, глаголет Господь, и сотвори вся, елика заповеда тебе. 22 Глас брани и сотрение велико в земли Халдейстей. 23 Како сокрушиша и сотреся млат всея земли? Како обратися в пустыню Вавилон во языщех? 24 Взыдут на тя, и пленен будеш, и не познаеш, яко Вавилон еси: обретен и ят еси, понеже разгневал еси Господа. 25 Отверзе Господь сокровища Своя и изнесе сосуды гнева

Своего, яко дело есть Господу Вседержителю в земли Халдейстей: 26 яко придоша времена его: отверзите хранилища его и испытайте и, аки вертеп, и погубите его, да не будет останка его. 27 Изсушите вся плоды его, и да снидут в заклание: горе им, яко прииде день их и час отмщения их. 28 Глас бежащих и избегших от земли Вавилонской, да возвестят в Сионе отмщение Господа Бога нашего, отмщение храма Его. 29 Возвестите на Вавилон многим, всем налящающим лук, ополчитеся нань окрест: да не убежит ни един из него: воздайте ему по делом его, по всему, елика сотвори, сотворите ему, яко воста на Господа Бога Святаго Израиleva. 30 Сего ради падут юноши его на стогнах его, и вси мужие воинстии его низвержени будут в той день, глаголет Господь. 31 Се, Аз на тя, горде, глаголет Господь Бог Вседержитель, яко прииде день твой и час посещения твоего: 32 и падет гордыня твоя и разрушится, и не будет возставляй ю: и возжгу огнь в дубраве его, и поист вся окрестная его. 33 Тако глаголет Господь Вседержитель: порабощение терпят сынове Израилевы и сынове Иудины, вкупе вси пленивши их поработиша их, не хощут бо отпустити их. 34 Избавитель же их сильный, Господь Вседержитель имя Ему, судом судити имать супостаты своя, яко да избавит землю, и потрясет жительми Вавилонскими. 35 Мечь на Халдеев, глаголет Господь, и на жители Вавилонских, и на князи и на мудрыя его, 36 мечь на обаятели его, и буии будут, и мечь на сильныя его, и ослабеют: 37 мечь на кони его и на колесницы его, и на вся прочая люди, иже суть посреде его, и будут яко жены: мечь на сокровища его, и расхитятся: 38 мечь на воды его, и постыдятся, яко земля изваянных есть, и во островех хваляхся. 39 Сего ради поживут мечты во островех, и поживут в нем дщери сиринов, и не будет живуща в нем кому во веки, ниже соградится от рода в род. 40 Яко же преврати Господь Содома и Гоморра и окрестныя грады их, глаголет Господь, не пребудет тамо муж, ниже поживет в нем сын человечь. 41 Се, людие идут от севера, и язык велик, и царие мнози востанут от конец земли, 42 луки и щиты имуще, грозни суть и немилостиви: глас их яко море возшумит, на кони возсядут, уготованы яко же огнь на брань противу тебе, дщи Вавилоня. 43 Услыша царь Вавилонский слух их, и ослабеша руце его, скорбь объяят его и болезни, яко раждающую. 44 Се, яко лев изыдет от рыкания Иорданова на место Ефана, яко скоро отмщущих от него, и всякаго юношу над ним поставлю. Кто бо подобен Мне? И кто может стояти противу Мене? И кто есть паstryр сей, иже воспротивится лицу Моему?

45 Темже слышите совет Господень, егоже совеща на Вавилон, и умысления Его, яже умысли на землю Халдейску: аще не исторгнутся агнцы овец их, аще не будет разметана (вкупе с ними) пажить их. 46 От гласа бо пленения Вавилонского потрясется земля, и вопль во языщех слышан будет.

51 Тако глаголет Господь: се, Аз воздвигну на Вавилон и на живущыя Халдеи ветр зноен губительный: 2 и послю на Вавилон ругатели, и студно поругаются ему и истрят землю его: понеже горе на Вавилон окрест в день озлобления его. 3 Да наляцает наляцаяй лук свой, и да облечется в броня своя, и не пощадите юношего, и побийте все воинство его. 4 И падут избиennии в земли Халдейстей и язвенни во странах ея. 5 Понеже не овдове Израиль и Иуда от Бога Своего, от Господа Вседержителя, яко земля их наполнися неправды от Святых Израилевых. 6 Бежите от среды Вавилона и спасите кийжо душу свою и не погибнете в неправде его, зане время отмщения его есть от Господа, воздаяние Той воздаст ему. 7 Чаша златая Вавилон в руце Господни, напаяющи всю землю, от вина его пиша (вси) языцы, сего ради потрясошася. 8 Внезапу паде Вавилон и сокрушился: плачите по нем, возмите масти к болезни его, да изцелится. 9 Врачевахом Вавилона, и не изцеле: оставим его и отидем кийжо в землю свою, взыде бо к небеси суд его и воздвигжеся даже до звезд. 10 Изнесе Господь суд Свой: приидите и возвестим в Сионе дела Господа Бога нашего. 11 Наострите стрелы, наполните тулы: воздвиге Господь дух царей Мидских, яко противу Вавилона гнев Его, да погубит и, понеже отмщение Господне есть, отмщение людий Его. 12 На стенах Вавилонских воздвигните знамя, поставите стражи, уготовите стражей, уготовите оружие: яко умысли Господь, и сотворит, яже рече на живущыя в Вавилоне, 13 живый над водами многими и богат в сокровищах своих: прииде конец твой истинно во утробы твоя. 14 Клятся бо Господь Сил мышцею Свою, яко наполню тебе людьми, якоже акридами, и возгласят над тобою низходящии. 15 Господь сотворивый землю в силе Своей и устроивый вселенную в мудрости Своей, и разумением Своим распростране небеса, 16 егда Он даст глас, умножатся воды на небеси, воздвигая облаки от конец земли, молнию в дождь сотвори, изводяй свет от сокровищ Своих. 17 Обуя всяк человек от разума, посрамися всяк слянитель от изваяний своих, яко ложная слияния его, и несть духа в них: 18 суетна суть дела и смеху достойна,

в час посещения своего погибнут. 19 Не такова часть Иаковия, яко Сотворивый всяческая Той есть, (а Израиль) жезл достояния Его, Господь Вседержитель имя Его. 20 Сокрушаши ты Мне сосуды бранныя, и Аз сокрушу в тебе языки и погублю в тебе царствия: 21 и избию в тебе кони и всадники их, и избию в тебе колесницы и вседающих на них: 22 и избию в тебе мужа и жену, и избию в тебе стара и отрока, и избию в тебе юношу и деву: 23 и избию в тебе пастыря и стада его, и избию в тебе ороща и работна скота его, и избию в тебе воеводы и правители. 24 И воздам Вавилону и всем жителем Халдейским вся злобы их, яже сотвориша над Сионом пред очима вашима, глаголет Господь. 25 Се, Аз на тя, горо смертоносная, глаголет Господь, растлевающая всю землю, и простру руку Мою на тя и извергу тя из каменей, и дам тя в гору сожженою: 26 и не возмут от тебе камене во угл и камене во основание, яко потребишися во веки, глаголет Господь. 27 Воздвигните знамя на земли, вострубите трубою во языцах, освятите нань языки, возвестите нань царствам Ааратским от Мене и Асханазеом: утвердите над ним стрельницы, возведите нань кони, яко акридов множество. 28 Возведите нань языки, царя Мидска и вся земли, воевод его и всех воев его и вся земли области его. 29 И потрясеся земля и смутился, зане воста на Вавилон умыщление Господне, еже положити землю Вавилонску пусту и ненаселену. 30 Оскудеша крепцы Вавилонстии еже ратовати: сядут тамо во ограде, погибе храбрость их, и быша яко жены: пожжена суть селения, сотрены заворы его. 31 Гоняй во сретение текуща постигнет, и вестник сретит послы, да возвестит царю Вавилонску, яко взят бысть град его. 32 От края преходжений его яти быша, и твердыни его зажжены огнем, и мужие его воинстии исходят. 33 Тако бо глаголет Господь Вседержитель, Бог Израилев: домове царя Вавилонского яко гумно зрело измлачени будут: еще мало, и приидет жатва его. 34 Снеде мя, раздроби мя, прият мя тма тонка, Навуходоносор царь Вавилонский пожре мя, яко змий наполни чрево свое сладостию мою: и извергла мя. 35 Труды мои и беды моя на Вавилон, речет живущая в Сионе, и кровь моя на живущая в Халдеях, речет Иерусалим. 36 Сего ради тако глаголет Господь: се, Аз судити буду соперника твоего и отмщу отмщение твое, и пусто сотворю море его и изсушу потоки его. 37 И будет Вавилон в запустение, жилище змием, в чудо и позвидзание, понеже не будет живущаго. 38 Вкупе аки львы востанут и аки скимни львов. 39 В горячести их дам питие им и упою я, да спят

и уснут сном вечным и не востанут, глаголет Господь. 40 И низведу я яко агнцы на заклание и яко овны с козлы. 41 Како взяся Сесах, и ята слава всея земли? Како бысть во удивление Вавилон во языцах? 42 Взыде на Вавилон море в шуме волн своих, и покрыся. 43 Быша гради его в запустение, земля безводна и пуста, земля, в нейже никтоже поживет, и ниже будет витати в нем сын человечь. 44 И посещу на Вила в Вавилоне, и извергу то, еже поглоти, от уст его, и не соберутся вящше к нему языцы, зане и стены Вавилонских падут. 45 Изъдите от среды его, людие Мои, да спасет кийждо душу свою от гнева ярости Господни. 46 Да не когда умягчится сердце ваше, и убоитесь ради слуха, иже услышится на земли, и приидет в лето слышание, и по лете слышание, бедность и неправда на землю, и властелин на властелина. 47 Сего ради, се, дни грядут, и посещу на извяняя Вавилона: и вся земля его посрамится, и вси язвении его падут посреде его. 48 И возвеселятся над Вавилоном небеса и земля и вся сущая в них: от полуночи бо приидут наян всегубитель, глаголет Господь: 49 и яко же сотвори Вавилон падат язвенным во Израили, тако в Вавилоне падут язвении всяя земли. 50 Избегши меча, идите, не стойте: иже издалече, помяните Господа, и Иерусалим да взыдёт на сердце ваше. 51 Посрамихомся, зане слышахом ругание наше, покры срамота лице наше, яко придоша чуждии во святая наша в дом Господень. 52 Сего ради, се, дни грядут глаголет Господь, и посещу на извяния его, и по всей земли его падут язвении. 53 Яко аще взыдёт Вавилон на небо и аще утвердит на высоте крепость свою, от Мене приидут губитель его, глаголет Господь. 54 Глас вопля Вавилонска, и сотрение велико в земли Халдейстей: 55 яко погуби Господь Вавилона и сотре от него глас велий шумящъ яко воды многи, даде в пагубу глас его: 56 яко прииде на Вавилон хищник, яти быша сильнии его,увяде лук их, яко Бог воздает им, 57 Господь воздает ему воздаяние: и упоит князи его и мудрыя его, и воеводы его и вои его и сильныя его, и уснут сном вечным и не возбудятся, глаголет Царь, Господь Вседержитель имя Его. 58 Тако глаголет Господь Вседержитель: стена Вавилонска сия прещирока, подкопанием подкопана будет, и врата его высока огнем сожжена будут, и будут трудитися людие вотще, и языцы в начале погибнут. 59 Слово, еже заповеда Господь Иеремии пророку, рещи Сарею сыну Нирину, сына Маассеова, егда иде от Седекии царя Иудина в Вавилон, в четвертое лето царства его: Сарей же бе начальник даров. 60 И написа Иеремия вся злая, яже имаху принити

на Вавилон, во едину книгу вся словеса сия, яже писана суть на Вавилон. И рече Иеремия к Сарею: 61 егда внидиши в Вавилон, и узриши и прочтеши вся словеса сия, и речеши: 62 Господи, Ты рекл еси противу места сего погубити е, и да не будет живяй в нем от человека и до скота, и да будет в вечную пустыню: 63 и будет, егда прочтеши книгу сию, привяжи к ней камень и вверзи ю посреде Евфрата и рцы: 64 тако потопится Вавилон и не востанет от лица зол, яже Аз наведу нань, и разорится. Даже до зде словеса Иеремиина.

52 Сущу двадесяти и единому лету Седекии, внемда нача царствовать, и царствова во Иерусалиме единонацесья лет: и имя матери его Амиталь, дщи Иеремиина, от Ловны. 2 И сотвори лукавое пред очима Господнина по всему, елико творяше Иоаким: з яко ярость Господня бысть на Иерусалим и на Иуду, дондеже отверже их от лица Своего: и отступи Седекииа от царя Вавилонска. 4 И бысть в девятое лето царства его, в десятый месяц, в десятый день месяца, прииде Навуходоносор царь Вавилонский и вся сила его на Иерусалим, и облегоша его и сотвориша окрест его острог от четвероугольных каменей. 5 И бысть во облежении град даже до первагонадесяте лета царства Седекиина. 6 Месяца же четвертаго в девятый день, утвердиша глад во граде, и не бяше хлеба людем земли. 7 И просекоша град, и вси мужи воинстии изыдоша нощию путем врат, иже есть между двема стенами, иже бяше прямо вертограду цареву, Халдее же добываху град окрест лежаше, и отиодаша путем в пустыню. 8 И погна сила Халдейска вслед царя и постиже его об ону страну Иерихона, и вси отроцы его разсыпашася от него. 9 И яша царя и приведоша и ко царю Вавилонскому в Девлаф, иже есть в земли Емаф, и глагола ему с судом. 10 И изсече царь Вавилонский сыны Седекиины пред очима его, и вся князи Иудины изсече в Девлафе. 11 Очи же Седекии изят, и связа его оковами, и приведе его царь Вавилонский в Вавилон и вдаде его в дом жерновный до дне, в онъже умре. 12 В десятый же день пятаго месяца (лето сие девятоенадесять Навуходоносору царю Вавилонску) прииде Навуздардан архимагир, стоящ пред лицем царя Вавилонска, во Иерусалим, 13 и сожже храм Господень и дом царев, и вся домы градсия и всяк дом велик сожже огнем, 14 и всяку стену Иерусалимлю окрест разори сила Халдейска, яже бяше со архимагиром. 15 И от убогих людей, и останок людей, и оставшихся во граде и избегших, иже убежаша ко царю Вавилонску, и прочий

народ пресели Навуздардан воевода: 16 прочиих же оставил людий убогих в делатели винограда и земледелцев. 17 Столпы же медяныя, иже во храме Господни, и подставы, и море медяное, еже во храме Господни, сокрушиша Халдее, и взяша медь их, и отнесоша в Вавилон: 18 и венец и чаши, и вилицы и вся сосуды медяныя, в нихже служаху, 19 и фимиамники и чаши, и умывалницы и свещники, и кадилницы и чашицы, яже бяху златая и яже бяху сребряная, взя архимагир. 20 И столпа два и море едино, и телцев дванадесять медяных под морем, яже сотвори царь Соломон во храме Господни, не бе веса меди сосуд тех. 21 Столп же кийждо осминацесья лактей бе в высоту, вернь же дванадесяти лактей окрест его обдерожаше, и толстота его четырех перст окрест, 22 и глава на них медяна, пять лакот высота главы единия, и мрежа, и шипки на венце окрест, все бяше медяно: такожде бысть и второй столп. 23 И бяше шипков девятьдесят и шесть едини страны, и бяше всех шипков над мрежею окрест сто. 24 И взя архимагир Сарея жерца старейшаго и жерца Софонию втораго и триех стрегущих путь. 25 И от града взя каженика единаго, иже бе приставник людий воинских, и седмъ мужей нарочитых, иже пред лицем царевым обретошаася во граде, и книгочия сил учащаго людий земли, и шестьдесят мужей от людий земли, иже обретошаася среде града: 26 и взя их Навуздардан архимагир и приведе я ко царю Вавилонску в Девлаф. 27 И изби я царь Вавилонский в Девлафе в земли Емаф: и преселен бысть Иуда от земли своея. 28 Сии суть людие, ихже пресели Навуходоносор в седмое лето, Иудеев три тысящи и двадесять и три: 29 во осмоенадесять лето Навуходоносор из Иерусалима душ осмь сот тридесять и две пресели. 30 В двадесять третие лето Навуходоносора пресели Навуздардан архимагир Иудеев душ седмъ сот и четыредесять пять, всех же душ четыре тысящи и шесть сот. 31 И бысть в тридесять седмое лето преселения Иоакима царя Иудина, в двадесять пятый день месяца вторагонадесять, вознесе Евилмеродах царь Вавилонский в первое лето царства своего главу Иоакима царя Иудина, и изведе его из храма, в немже стражашеся, и глагола ему благая: 32 и даде престол его выше царей, иже с ним, в Вавилоне, 33 и измени ризы его темничныя, и ядяше хлеб всегда пред лицем его во вся дни живота своего: 34 и урок ему даяшеся всегда от царя Вавилонска, даже до дне, в онъже умре, во вся дни живота его.

Плач Иеремии

1 Алеф. Како седе един град умноженный людьми: бысть яко вдовица, умноженный во языцех, владяя странами бысть под данию. **2** Беф. Плачя плакася в ноши, и слезы его на ланитех его, и несть утешай его от всех любящих его: вси дружащися с ним отвергоящася его, быша ему врази. **3** Гимель. Преселися Иуда ради смирения своего и ради множества работы своея: седе во языцех, не обрете покоя. Вси гонящии его постигнуша и среде стужающих ему. **4** Далеф. Путие Сиони рыдают, яко несть ходящих по них в праздник, вся врата его разорена, жерцы его вздыхают, девицы его ведомы, и сам оторочеваем в себе. **5** Ге. Быша стужающие ему во главу, и врази его угобзящася, яко Господь смири его за множество нечестия его: младенцы его отиодаша пленени пред лицем стужающаго. **6** Вав. И отяся от дщере Сиони вся лепота ея: быша князи ея яко овни не имущии пажити, и хождаху не с крепостию пред лицем гонящаго. **7** Заин. Помяну Иерусалим дни смирения своего и отриновений своих, вся вожделения своя, яже имеяше от дний первых, егда падоша людие его в руце стужающаго, и не бе помагающаго ему: видевше врази его посмеявшись о преселении его. **8** Иф. Грехом согреши Иерусалим, того ради в мятеж бысть: вси славящи его смириша и, видеша бо срам его: сей же стенящъ обратися вспять. **9** Тиф. Нечистота его пред ногама его, не помяну последних своих и низведеся пречудно: несть утешай его. Виждь, Господи, смирение мое, яко возвеличился враг. **10** Иод. Руку свою простре стужай на вся вожделенная его, виде бо языки вшедшыя во святыню свою, имже повелел еси не входити во церковь Твою. **11** Каф. Вси людие его вздыхающе ищут хлеба: даша вожделенная своя за пищу, еже бы обратити душу. Виждь, Господи, и призри, яко бых безчестен. **12** Ламед. Вси, иже к вам проходящии путем, обратитесь и видите, аще есть болезнь, яко болезнь моя, яже бысть: глаголавый о мне смири мя Господь в день гнева яности Своей. **13** Мем. С высоты Своей послал огнь, в кости моя сведе его: простре сеть ногама моима, обрати мя вспять, даде мя Господь в погубление, весь день болезнующа. **14** Нуин. Бдяще на нечестия моя, в руку мою сплетоша: взыдоша на выю мою, изнеможе крепость моя, яко даде Господь в руце мои болезни, не возмогу стати. **15** Самех. Отя вся крепкия моя Господь от среды мене, призыва на мя время, еже сокрушити избранныя моя: точило истопта Господь девице, дщери Иудине: о сих

аз плачу. **16** Аин. Очи мои излиясте воду, яко удалися от мене утешая мя, возвращая душу мою: погибоша сынове мои, яко возможе враг. **17** Фи. Возде руце свои Сион, несть утешай его. Заповеда Господь на Иакова, окрест его врази его: бысть Иерусалим яко осквернена кровоточением в них. **18** Цади. Праведен есть Господь, яко уста Его огорчих. Слышите убо, вси людие, и видите болезнь мою: девицы моя и юноты отиодаша в плен. **19** Коф. Позвах любители моя, и тии прельстиша мя: жерцы мои и старцы мои во граде оскудеша, яко взыскаша пищи себе, да укрепят души своя, и не обретоша. **20** Реш. Виждь, Господи, яко скорблю, утроба моя смятеся во мне, и превратися сердце мое, яко горести исполнихся: отвне обезчади мене мечь, аки смерть в дому. **21** Шин. Слышиша убо, яко взыха аз, несть утешающего мя. Вси врази мои слышаша злая моя и порадовавшася, яко Ты сотворил еси: привел еси день, призвал еси время, и будут подобни мне. **22** Фав. Да приидет вся злоба их пред лице Твое, и отреби их, якоже сотвориша отребление во всех грехах моих, яко многа суть стечания моя, и сердце мое скорбит.

2 Алеф. Како омрачи во гневе Своем Господь дщерь Сионю: сверже с небесе на землю славу Израилеву, и не помяну поднохия ногу Свою в день гнева и яности Своей. **2** Беф. Погрузи Господь и не пощаде: вся красная Иаковля разори яностию Свою, твердыни дщере Иудини изверже на землю, оскверни царя ея и князи ея, з гимель. Сокруши во гневе яности Своиа весь рог Израилев, обрати вспять десницу его от лица врага, разжже во Иакове яко огнь пламы, и потреби вся окрест, **4** далеф. Напряже лук Свой яко ратник противный, утверди десницу Свою яко супостат и изби вся красная очио моею во селениих дщере Сиони, излия яко огнь ярость Свою. **5** Ге. Бысть Господь аки враг, погрузи Израиля, погрузи вся домы его, разсыпа вся стены его и умножи дщери Иудине смирина и смирену, **6** вав. И разверзе аки виноград селение Свое, разсыпа праздники Его: забы Господь, яже сотвори в Сионе праздники и субботы, и озлоби прещением гнева Своего царя и князя и жерца. **7** Заин. Отрину Господь жертвенник Свой, оттрясе святыню Свою, сокруши рукою вражиею стену забралов его: глас даша в дому Господни яко в день праздника. **8** Иф. Обратися Господь разсыпти стену дщере Сиони: протяже меру, не отврати руки Своиа от попрания: и сетова предградие, и ограда вкупе изнеможе. **9** Тиф. Врастоша в землю врата ея, погуби и сокруши вереи ея,

царя ея и князи ея во языщех, несть закона, и пророцы ея не видеша видения от Господа. 10 Иод. Седоша на земли, умолкоша старейшины дщере Сиони, посыпаша персть на главы своя, препоясашася во вретища, низведоша в землю старейшин дев Иерусалимских. 11 Каф. Оскудеша очи мои в слезах, смутися сердце мое, излияся на землю слава моя о сокрушении дщере людий моих, внегда оскуде младенец и сущий на стогнах градских. 12 Ламед. Матерем своим рекоша: где пшеница и вино? Внегда разслабленым быти им, яко язвенным на стогнах градских, егда изливахуся души их в лоно матерей их. 13 Мем. Что ти засвидетелствуя? Или что уподоблю тебе, дщи Иерусалимля? Кто тя спасет и кто тя утешит, девице, дщи Сионя? Яко возвеличися чаша сокрушения твоего, кто тя изцелит? 14 Нун. Пророцы твои видеша тебе суетная и безумие и не открыша о неправде твоей, еже возвратити пленение твое, и видеша тебе словеса суетная и изрновения. 15 Самех. Восплескаша рукама о тебе вси минуущи путем, позвиздаша и покиавша главою своею о дщери Иерусалимли, рекуще: сей ли град, венец славы, веселье вся земли? 16 Аин. Отверзоша на тя уста своя вси врази твои, позвиздаша и поскрежеташа зубы своими и реша: поглотим ю: обаче сей день, егоже чаяхом, обретохом его, видехом. 17 Фи. Сотвори Господь, яже помысли, сконча словеса Своя, яже заповеда от дній первых: разори и не пощаде, и возвесели о тебе врага, вознесе рог стужающаго ти. 18 Цади. Возопи сердце их ко Господу, стены дщере Сиони да излиют якоже водотеч слезы день и нощ: не дажь покоя себе, и да не умолкнет зеница очио твою. 19 Коф. Востани, поучися в нощи в начале стражбы твоей, пролий яко воду сердце твое пред лицем Господним, воздвигни к Нему руце твои о душах младенец твоих, разслабленых гладом в начале всех исходов. 20 Реш. Виждь, Господи, и призри, кого еси отребил сице? Еда снедят жены плод утробы своея? Отребление сотвори повар, изблюют ли младенцев сущих сосцы? Убиеш ли во святыни Господни жерца и пророка? 21 Шин. Успоша на исходищах отрок и старец: девицы моя и юноты мои отидаша в плен, мечем и гладом избил еси, в день гнева Твоего сварил еси, не пощадел. 22 Фав. Призвал еси яко день праздника пришелствия моя окрест, и не бысть в день гнева Господня уцелевый и оставыйся, яко сотворих возмощи и умножих враги моя вся.

3 Алеф. Аз муж видя нищету (мою) в жезле ярости Его на мя: 2 поят мя и отведе мя во тму, а не во свет. 3

Обаче на мя обрати руку Свою весь день, 4 беф. Обетши плоть мою и кожу мою, кости моя сокруши: 5 согради на мя и объя главу мою и утруди, 6 в темных посади мя, якоже мертвяя века: 7 гимель. Согради на мя, и не изыду, отяготи оковы моя, 8 и егда воскричу и возопию, загради молитву мою: 9 возгради пути моя, загради стези моя, возмите. 10 Далеф. Бысть яко медведь ловяй, (приседяй ми) яко лев в сокровенных, 11 гна отступившаго, и упокои мя, положи мя погибша: 12 напряже лук Свои, и постави мя яко знамение на стреляние, 13 ге. Пусти в лядвия мя стрелы тула Своего. 14 Бых в смех всем людем моим, песнь их весь день. 15 Насыти мя горести, напои мя желчи 16 вав. И изя каменем зубы моя, напита мя пепелом 17 и отрину от мира душу мою. Забых благоты 18 и рех: погибе победа моя и надежда моя от Господа. 19 Заин. Помяни нищету мою и гонение мое. 20 Горесть и желчь мою помяну, и стужит во мне душа моя. 21 Сия положу в сердцы моем, сего ради потерплю. 22 Иф. Милость Господня, яко не остави мене, не скончашася бо щедроты Его: пребывая во утриих, помилуй, Господи, яко не погибохом, не скончашася бо щедроты Твоя. 23 Новая во утриих, многа есть вера Твоя. 24 Часть моя Господь, рече душа моя: сего ради пожду Его. 25 Тиф. Благ Господь надеющимся Нань: 26 души ищущей Его благо (есть), и надеющейся с молчанием спасения Божия. 27 Благо есть мужу, егда возмет ярем в юности своей: 28 иод. Сядет на едине и умолкнет, яко воздвигну на ся: 29 положит во прахе уста своя, негли како будет надежда: 30 подаст ланиту свою биющему, насытится укоризн. 31 Каф. Яко не во век отринет Господь, 32 яко смиривый помилует по множеству милости Своя, 33 не отрину от сердца Своего и смири сыны мужеския. 34 Ламед. Еже смирити под нозе его вся узники земныя, 35 еже уклонити суд мужа пред лицем Вышняго, 36 осудити человека, внегда судитися ему, Господь не рече. 37 Мем. Кто есть той, иже рече, и быти, Господу не повелевшу? 38 Из уст Вышняго не изыдет зло и добро. 39 Что возропщет человек живущъ, муж о грехе своем? 40 Нун. Изыскася путь наш и испытася, и обратимся ко Господу. 41 Воздвигнем сердца наша с руками к Богу высокому на небеси. 42 Мы согрешихом и нечествовахом, сего ради не помиловал еси: 43 самех. Покрыл еси яростию и отгнал еси нас, убил и не пощадел еси: 44 покрылся еси облаком, да не дойдет к Тебе молитва, 45 сомжити очи мои и отринути, положил еси нас посреде людий. 46 Аин. Отверзоша на ны уста своя вси врази наши. 47 Страх и ужас бысть нам, надмение и сокрушение: 48

исходища водная излиет око мое о сокрушении дщере людий моих. 49 Фи. Око мое погрызну: и не умолкну, еже не быти ослаблению, 50 дондеже приклонится и увидит Господь с небесе. 51 Око мое закрывается о души моей, паче всех дщерей града. 52 Цади. Ловяще уловиша мя яко врабия врази мои туне: 53 умориша в рове жизнь мою и возложиша на мя камень. 54 Возлияся вода выше главы моей: рех: отриновен есмь. 55 Коф. Призыва имя Твое, Господи, из рова преисподняго: 56 глас мой услышал еси: не покрый ушес Твоих на мольбу мою: 57 на помошь мою приближился еси, в день, в онъже призыва Тя, рекл ми еси: не бойся. 58 Реш. Судил еси, Господи, прю души моей, избавил еси жизнь мою: 59 видел еси, Господи, смятения моя, разсудил еси суд мой: 60 веси все отмщение их и вся помышления их на мя. 61 Шин. Слышал еси укоризны их, вся советы их на мя, 62 устне востающих на мя и поучение их на мя весь день, 63 седение их и востание их: призри на очи их. 64 Фав. Воздаси им, Господи, воздаяние по делом руку их: 65 воздаси им заступление, сердца моего труд. 66 Ты их прженеши во гневе и потребиши их под небесем, Господи.

4 Алеф. Како потемне злато, изменися сребро доброе: разсыпашася камыцы святыни в начале всех исходов. **2** Беф. Сынове Сиони честнии, одеянии златом чистым, како вменишася в сосуды глиняны, дела рук скудельничих. **3** Гимель. Еще же змиеве обнажиша сосцы, воздиша скимни их дщерей людий моих в неизцеление, якоже птица во пустыни. **4** Далеф. Прильпе язык сущаго к гортани его в жажды, младенцы просиша хлеба, и несть им разломляющаго. **5** Ге. Ядуще сладостная погибаша во исходех, питаемии на багряницах одеяшася в гной. **6** Вав. И возвеличися беззаконие дщере людий моих паче беззакония Содомска, превращенный во окомгновении, и не поболеша о ней руками. **7** Зайн. Очистишася назорее ея паче снега и просветиша паче млека, чермни быша, паче камене сапфира усечение их. **8** Иф. Потемне паче сажи вид их, не познани быша во исходех: прильпе кожа их костем их, изсхаша, быша яко древо. **9** Тиф. Лучше быша язвени мечем, нежели погублены гладом: сии бо истлеша от неплодности земли. **10** Иод. Руце жен милосердых свариша дети своя, быша в ядь им, в сокрушении дщере людий моих. **11** Каф. Сконча Господь ярость Свою, излия ярость гнева Своего и возжече огнь в Сионе, и пойде основания его. **12** Ламед. Не вероваша царие земстии и вси живущии во вселенней, яко внидет враг и

стужай сквозе врата Иерусалимская, 13 мем. Ради грех пророков его и неправд жерцев его, проливающих кровь праведну посреде его. **14** Нун. Поколебашася бодрии его на стогнах, осквернившася в крови, внегда немощи им, прикоснувшись одежд своих. **15** Самех. Отступите от нечистых, призовите их: отступите, отступите, не прикасайтесь, яко возжоша и восколебашася: рцыте во языщех: не приложат, еже обитати (с ними). **16** Аин. Лице Господне часть их, не приложит призрети на них: лица жреческа не устыдешася, старых не помиловаша. **17** Фи. Еще сущым нам оскудеша очи наши, на помошь нашу всуе смотрящим нам, внегда надеяхомся на язык не спасающъ. **18** Цади. Уловиша малых наших еже не ходити на стогнах наших, приближися время наше, исполнившася днине наши, настоит конец наш. **19** Коф. Скорейшии быша гонящии ны паче орлов небесных, на горах гоняху нас, в пустыни приседоша нам. **20** Реш. Дух лица нашего, помазанный Господь ят бысть в растлениих их, о немже рехом: в сени его поживем во языщех. **21** Шин. Радуйся и веселися, дщи Идумейска, живущая на земли, и на тебе приидет чаша Господня, и упиишися и излиши. **22** Фав. Скончася беззаконие твое, дщи Сиона, не приложит ктому преселити тя: посетил есть беззакония твоя, дщи Едомля, откры нечестия твоя.

5 Молитва Иеремии пророка. Помяни, Господи, что бысть нам: призри и виждь укоризну нашу: **2** достояние наше обратися к чуждим и домы наша ко иноплеменником: **3** сири быхом, несть отца, матери наша яко вдовы. **4** Воду нашу за сребро пихом, дрова наша за цену куповахом: **5** на выя наша гоними быхом, трудихомся, не почихом. **6** Египет даде руку, Ассур в насыщение их. **7** Отцы наши согрешиша, и несть их, мы же беззакония их подяхом. **8** Раби обладаша нами, избавляющаго несть от руку их. **9** В душах наших носихом хлеб наш, от лица меча в пустыни. **10** Кожа наша аки пещь обгоре, разседоша от лица бурей глада. **11** Жен в Сионе смириша, девиц во градех Иудиних. **12** Князи в руках их повешени быша, старейшины не прославишиася. **13** Избранныи плач подяша, и юноши в кладе изнемогоша. **14** И старцы от врат оскудеша, избранныи от песней своих умолкоша. **15** Разсыпаясь радость сердец наших, обратися в плач лик наш, **16** спаде венец со главы нашей: горе нам, яко согрешихом. **17** О сем смутился сердце наше, о сем померкнуша очи наши. **18** На горе Сионе, яко погибе, лисицы ходиша. **19** Ты же, Господи, во веки вселишися, престол Твой в род и

род. 20 Вскую во веки забываеши нас, оставилши ли нас в продолжение дний? 21 Обрати ны, Господи, к Тебе, и обратимся, и вознови дни наша якоже прежде. 22 Яко отревая отринул еси нас, разгневался еси на ны зело.

Книга пророка Иезекииля

1 И бысть в тридесятое лето, в четвертый месяц, в пятый день месяца, и аз бых посреде пленения при реце Ховар: и отверзшася небеса, и видех видения Божия. **2** В пятый день месяца, сие лето пятое пленения царя Иоакима, з и бысть слово Господне ко Иезекиилю сыну Вузиеву, священнику, в земли Халдейстей при реце Ховар. И бысть на мне рука Господня, **4** и видех, и се, дух воздвигаяся грядяше от севера, и облак великий в нем, и свет окрест его, и огнь блистаяся: **5** и посреде его яко видение илектра посреде огня, и свет в нем: и посреде яко подобие четырех животных. И сие видение их, яко подобие человека в них: **6** и четыри лица единому, и четыри крила единому, **7** и голени их правы, и пернаты ноги их, и искры яко блистающаяся медь, и легка крила их, **8** и рука человеча под крилами их на четырех странах их: **9** и лица их, и крила их четырех держащаяся друг друга, лица же их четырех не обращающихся внегда ходити им: коеждо прямо лица своего хождаху. **10** И подобие лиц их, лице человече и лице львово одесную четырем, и лице телчее ошуюю четырем, и лице орлее четырем: **11** (и лица их) и крила их простерта свыше четырем, коемуждо два сопряжена друг ко другу, и два покрываху верху телесе их, и коеждо прямо лицу своему идяше: **12** идеже аще быше дух шествуяй, идяху и не обращающихся. **13** И посреде животных видение, яко углия огня горящаго, яко видение свещ сообщающихся посреде животных, и свет огня, и от огня исходаше яко молния: **14** и животная течаху и обращающихся, яко видение везеково. **15** И видех, и се, коло едино на земли держащееся животных четырех: **16** и видение колес и створение их, яко видение Фарисса, и подобие едино четырем: и дело их быше, яко же аще бы было коло в колеси: **17** на четыри страны их шествоваху: не обращающихся, внегда шествовати им, **18** ниже хребты их, и высота быше им. И видех та, и плеща их исполнена очес окрест четырем: **19** и внегда шествовати животным, шествоваху и колеса держащеся их: и внегда воздвигатися животным от земли, воздвихахуся и колеса. **20** Идеже аще быше облак, тамо быше и дух, еже шествовати: шествоваху и животная, и колеса воздвихахуся с ними, зане дух жизни быше в колесех. **21** Внегда идяху сия, идяху (и колеса), и внегда стояти им, стояху (и колеса с ними), и егда воздвихахуся от земли, воздвихахуся с ними (и

колеса), яко дух жизни быше в колесех. **22** И подобие над главою животных яко твердь, яко видение кристалла, простертое над крилами их свыше: **23** и под твердию крила их простерта, паряще друг ко другу, комуждо два спряжена, прикрывающе телеса их. **24** И слыхах глас крил их, внегда паряху, яко глас вод многих, яко глас Бога Саддаи: и внегда ходити им, глас слова яко глас полка: и внегда стояти им, почиваху крила их. **25** И се, глас превыше тверди сущия над главою их: внегда стояти им, низпускахуся крила их. **26** И над твердию, яже над главою их, яко видение камене сапфира, подобие престола на нем, и на подобии престола подобие яко же вид человечь сверху. **27** И видех яко видение илектра, яко видение огня внутрь его окрест: от видения чресл и выше и от видения чресл даже до долу видех видение огня, и свет его окрест: **28** яко видение дуги, егда есть на облацах в день дождя, тако стояние света окрест.

2 Сие видение подобие славы Господни. И видех, и падох ниц, и слыхах глас Глаголющаго, и рече ко мне: сыне человечь, стани на ноги твоя, и возглаголю тебе. **2** И прииде на мя дух, и взя мя, и воздвиге мя, и постави мя на ногах моих, и слыхах Его глаголюща ко мне. **3** И рече (Господь) ко мне: сыне человечь, послю тя Аз к дому Израилеву, огорчевающим Мя, иже огорчиша Мя: сами и отцы их отвергахася Мене до днешняго дне: **4** и сынове жестоколични и твердосердечни. Аз послю тя к тем, и речеши к ним: тако глаголет Адонаи Господь: **5** аще убо услышат, или убоятся, зане дом огорчеваяй есть, и познают, яко пророк еси ты посреде их. **6** И ты, сыне человечь, да не убоишися их, ни ужасайся от лица их: зане разсверепеют и обыдут тя окрест, посреде бо скорпиев ты живеш: словес их не убояся и от лица их не ужасайся, зане дом огорчеваяй есть: **7** и возглаголеши словеса Моя к ним, аще убо услышат, или убоятся, зане дом прогневаяй есть. **8** И ты, сыне человечь, послушай Глаголющаго к тебе, не буди огорчеваяй, яко же дом преогорчеваяй: отверзи уста твоя и снегъ, яже Аз даю тебе. **9** И видех, и се, рука простерта ко мне, и в ней свиток книжный: **10** и разви его предо мною, и в том писана быша предняя и задняя: и вписано быше в нем рыданье и жалость и горе.

3 И рече ко мне: сыне человечь, снегъ свиток сей, и иди и рцы сыном Израилевым. **2** И отверзох уста моя, и напита мя свитком сим **3** и рече ко мне: сыне человечь, уста твоя снедят, и чрево твое насытится свитка сего даннаго тебе. И снедох его, и бысть во устех моих яко

мед сладок. 4 И рече ко мне: сыне человечь иди и вниди в дом Израилев, и глаголи слова Моя к ним: 5 яко не к людем глубокоречивым и косноязычным посылаем еси, к дому Израилеву, 6 ниже к людем многим иноязычным, и норечивым, ни тяжким языком сущим, ихже не разумел бы еси словес: аще же и к тацем послал бых тя, то и тии послушали быша тебе: 7 а дом Израилев не восходит послушати тебе, понеже не хотят слушати Мене, яко весь дом Израилев непокорив суть и жестокосерди: 8 и се, дах лице твое сильно противу лица их, и про твою укреплю противу при их: 9 и будет, всегда крепча камене дах про твою: не убояся их, ни ужасайся лица их, зане дом разгневаяй есть. 10 И рече ко мне: сыне человечь, вся словеса, яже глаголах с тобою, возми в сердце твое и ушима твоима послушай: 11 и шед вниди в плен к сыном людий твоих, и речеши к ним и возглаголеши к ним: тако глаголет Адонаи Господь: аще убо послушают и аще убо повинутся. 12 И взя мя дух, и слыхаш глас за собою труса велика, глаголющи: благословена слава Господня от места Его. 13 И видех глас крил животных скриляющихся друг ко другу, и глас колес держащихся их, и глас труса велика. 14 И дух воздвиже мя и взя мя, и подох вознесен во устремлении духа моего, и рука Господня бысть на мне крепкая. 15 И внидох в пленники вознесен, и обыдох живущыя на реце Ховар, и седох ту седмь дний, ходя посреде их. 16 И бысть по седмих днех слово Господне ко мне глаголя: 17 сыне человечь стража дах тя дому Израилеву, да слышши слово от уст Моих и воспретиши им от Мене. 18 Внегда глаголати Ми беззаконнику: смертию умреши: и не возвестиши ему, ни соглаголеши, еже остатися беззаконнику и обратитися от пути своего, еже живу быти ему: беззаконник той в беззаконии своем умрет, крове же его от руки твоей взышу. 19 И ты аще возвестиши беззаконнику, и не обратится от беззакония своего и от пути своего (беззаконна): той беззаконник во беззаконии своем умрет, а ты душу твою избавиши. 20 И егда совратится праведник от правд своих и сотворит согрешение: и дам муку пред ним, той умрет, яко ты не воспретил еси ему, и во грехах своих умрет, зане не помянутся правды его, яже сотвори: крове же его от руки твоей взышу. 21 Ты же аще возвестиши праведному, еже не согрешити, и той не согрешит: праведный жизнию поживет, яко воспретил еси ему, и ты твою душу избавиши. 22 И бысть на мне рука Господня, и рече ко мне: востани и изыди на поле, и тамо возглаголется к тебе. 23 И востах и изыдох на поле: и се, тамо слава Господня стояше, яко же видение и яко же слава Господня, юже видех на

реце Ховар, и падох на лицы моем. 24 И прииде на мя дух и постави мя на ногу мою: и глагола ко мне и рече ми: вниди и затворися среде дому твоего. 25 И ты, сыне человечь, се, дашася на тя узы, и свяжут тя ими, и не изыдеши от среды их: 26 и язык твой привяжу к гортани твоему, и онемеши и не будеши им в мужа обличения, понеже дом разгневаяй есть: 27 и внегда глаголати Ми к тебе, отверзу уста твоя, и речеши к ним: сия глаголет Адонаи Господь: слышай да слышит, и не покаряяйся да не покаряется, зане дом преогорчеваяй есть.

4 И ты, сыне человечь, возми себе плинфу и положи ю пред лицем твоим, и да напишиши на ней град Иерусалим, 2 и да даси окрест его ограждение, и да соградиши над ним забрала и обложиши его острогом, и да поставиши окрест его полки и да учиниши поставления стрельниц окрест: 3 ты же возми себе сковраду железну, и да положиши ю в стену железну между тобою и между градом, и да уготовиши лице твое наань, и будет в затворе, и затвориши и: знамение сие есть сыном Израилевым. 4 Ты же да спиши на левем боку твоем, и да положиши неправды дому Израилева на нем, по числу дний пятьдесят и сто, в няже поспиши на нем, и возмеши неправды их. 5 И Аз дах тебе две неправды их в число дний, в девятьдесят и сто дний, и возмеши неправды дому Израилева. 6 И совершиши сия, и поспиши на десных ребрех твоих второе, и возмеши неправды дому Иудина четыредесять дний, день за едино лето положих тебе. 7 И на заключение Иерусалима да уготоваши лице твое, и мышцу твою утвердиши, и пророчествовати будеши на него. 8 И се, Аз дах на тя узы, и не превратиши от ребр твоих на ребра твоя, дондеже скончаются дни заключения твоего. 9 Ты же (сыне человечь) возми себе пшеницу и ячмень, и боб и лящу, и просо и пыро, и вложиши я в сосуд един глинян: и сотвориши я себе в хлебы, и по числу дний, в няже спиши на ребрех твоих, девятьдесят и сто дний ясти будеши онья. 10 Ядь же твоя, юже ясти будеши, весом двадесять сикль на день, от времене до времене снеси сия. 11 И воду мерою пити будеши, и шестую часть ина от времене до времене испиши. 12 И опреснок ячменный снеси я, в лайне мотыл человечих скрыши я пред очима их 13 и речеши: сия глаголет Господь Бог Израилев: тако снедят сынове Израилевы хлеб свой нечист во языцах, аможе разсыплю я. 14 И рех: никакоже, Господи Боже Израилев! Се, душа моя не осквернилася в нечистоте, и мертвчины и звероядины

не ядох от рождения моего даже доныне, ниже вниде во уста моя всякое мясо мерзко и сквернаво. 15 И рече ко мне: се, дах тебе мотыла говяжая вместо мотыл человечих, и сотвориши хлебы себе в них. 16 И рече ко мне: сыне человечь, се, Аз сотру утверждение хлебное во Иерусалиме, и снедят хлеб весом и во оскудении, и воду мерою и в пагубе испиют, 17 яко да скудни будут хлебом и водою: и погибнет человек и брат его, и истают в неправдах своих.

5 Ты же, сыне человечь, возми себе мечь остр паче бритвы стригущаго, притяжи его себе и возложи его на главу твою и на браду твою: и возми превес весов, и размерши я. 2 Четвертую часть да сожжеши на огни среде града по исполнению дний затворения: з и да возмеши четвертую часть и сожжеши ю среде града, четвертую же часть содробиши мечем окрест его, и четвертую часть разсыплеми ветром: и мечь извлеку вслед их. 4 И возмеши оттуду мало их числом и вяжеши я во одежду твою: и от теже возмеши еще и ввержеши я среде огня и сожжеши я на огни: и от того изыдет огнь на весь дом Израилев. И речеши всему дому Израилеву: 5 сия глаголет Адонаи Господь: сей Иерусалим, посреде языков положих его, и страны, яже окрест его. 6 И речеши: измени оправдания Моя паче языков, и законы Моя паче стран, яже окрест его: понеже оправдания Моя отринуша и по законом Моим не ходиша в них. 7 Сего ради тако глаголет Адонаи Господь: понеже вина ваша паче языка, иже окрест вас, и не ходисте и законех Моих и оправданий Моих не сотвористе, но и по судом языческим, яже окрест вас, не сотвористе: 8 сего ради сия глаголет Адонаи Господь: се, Аз на тя, и сотворю среде тебе суд пред языки, 9 и сотворю среде тебе, ихже не сотворих и ихже не сотворю подобных им комуто, по всем мерзостем твоим. 10 Сего ради отцы снедят чад среде тебе, и чада снедят отцев: и сотворю в тебе суды, и разсею вся оставшая от тебе по всему ветру. 11 Сего ради живу Аз, глаголет Адонаи Господь, воистину понеже святая Моя осквернил еси всеми мерзостями твоими, и Аз отрину тя, и не пощадит око Мое, и Аз не помилую тя. 12 Четверть тебе смертию потребится, и четверть тебе гладом скончается среде тебе, четверть же тебе падет мечем окрест тебе, четверть же тебе разсыплю по всему ветру, и мечь извлеку вслед их. 13 И скончается ярость Моя и гнев Мой на них, и утешуся, и уведят, яко Аз Господь глаголах во рвении Моем, всегда скончати ми гнев Мой на них. 14 И положу тя в пустыню и во укоризну языком сущым окрест тебе и пред всяким проходящим.

15 И будеши во стенание и ужас, наказанием и пагубою во языцах, иже окрест тебе, егда сотворю в тебе суды во гнев и в ярость и во отмщение ярости Моей: Аз Господь глаголах: 16 и егда послю стрелы глада на ня, и будут во скончание, и послю растлити вы, и глад соберу на вы, и сотру утверждение хлеба твоего, 17 и испущу на тя глад и звери люты, и умучу тя, смерть же и кровь пройдут сквозе тя, и мечь наведу на тя окрест: Аз Господь глаголах.

6 И бысть слово Господне ко мне глаголя: 2 сыне человечь, утверди лице твое к горам Израилевым и прорцы к ним, з и речеши: горы Израилевы, слышите слово Господне, сия глаголет Адонаи Господь горам и холмом, и каменем и дебрем: се, Аз наведу на вы мечь, и потребятся высоты ваша: 4 и скрущатся требища ваша и кумирницы ваша, и повергу язвенных ваших пред кумиры вашими: 5 и дам трупы сынов Израилевых пред кумиры их и расточу кости ваша окрест требищ ваших. 6 И во всем селении вашем опустеют грады, и высокая ваша погибнут, яко да потребятся требищи ваши и скрущатся, и престанут кумиры ваши, и отвергутся кумирницы ваши, и потребятся дела ваша: 7 и падут язвении посреде вас, и познаете, яко Аз Господь. 8 И оставлю еже быти от вас избешым от меча во языцах, и в разсыпании вашем во странах, 9 и помянут Мя уцелевши от вас во языцах, аможе быша пленени: кляхся бо сердцу их блудившему и отставшему от Мене и очесем их блудившым вслед начинаний их: и бити имут лица своя о злобах, яже твориша во всех мерзостех своих, 10 и познают, яко Аз Господь не туне глаголах сотворити им вся злая сия. 11 Тако глаголет Адонаи Господь: восплеми рукою и вострепли ногою и рцы: благоже, благоже о всех мерзостех злобы дому Израилева: яко мечем и гладом и смертию падут. 12 Дальни смертию скончаются, а ближни мечем падут: оставши же и обдергими гладом скончаются: и сконча гнев Мой на них, 13 и увесте, яко Аз Господь, егда будут язвении ваши среде кумир ваших окрест требищ ваших, на всячем холме высоцем и на всех версех горних, и под дубом сенным и под всяким древом чащным, идже даяху воню благоухания всем кумиром своим. 14 И простру руку Мою на ня, и положу землю в пагубу и в потребление от пустыни Девлафа, от всего селения их: и познаете, яко Аз Господь.

7 И бысть слово Господне ко мне глаголя: 2 и ты, сыне человечь, рцы: сия глаголет Господь: земли Израилеве конец прииде, конец прииде на четыри краи земли. 3

Пришел есть конец, ныне конец тебе, и испущу ярость Мою на тя, и отмщу тебе по путем твоим, и дам на тя вся мерзости твоя. 4 Не пощадит око Мое на тя, и не помилую, зане путь твой на тя дам, и мерзости твоя среде тебе будут, и увеси, яко Аз Господь. 5 Темже сия глаголет Адонаи Господь: зло едино зло, се, идет. 6 Конец пришел есть, прииде конец, воста на тя, се, прииде. 7 Прииде плетение на тя живущаго на земли: прииде время, приближися день, не с молвою, ниже с болезнами. 8 Ныне изблизу излию гнев Мой на тя и сконча ярость Мою на тебе, и осужду тя по путем твоим и дам на тя вся мерзости твоя. 9 Не пощадит око Мое, и не помилую, зане пути твоя на тя дам, и мерзости твоя посреде тебе будут, и познаши, яко Аз Господь бияй. 10 Се, день Господень приходит, се, конец пришел есть, изыде плетение, и процвете жезл, 11 прозябие укоризна, и сокрушит утверждение беззаконника: и не с плищем, ни с потщанием: и не от них суть, и несть красы в них. 12 Прииде время, приближися день: купуй да не радуяся, и продай да не плачется, яко гнев на все множество их. 13 Занеже притяжавая ко продающему кому не возвратится, и еще в жизни живущему, яко видение на все множество их не возвратится, и человек во очесех жизни своея не укрепится. 14 Вострубите трубою и разсудите вся, и не будет грядущаго на рать, яко гнев Мой на все множество их. 15 Рать отвне с мечем, глад же и смерть извнутрь: иже на поли мечем скончается, сущих же во граде глад и смерть скончает. 16 И уцелеют спасеннии от них и будут на горах яко голубицы скорбяще: и всех избию, коегождо в неправдах его. 17 Вся руки разслабеют, и вся стегна окаляются мокростию. 18 И препояшутся во вретища, и покрьет я ужас: и на всяком лице срам на них, и на всякой главе плешь. 19 Сребро их на стогнах повергся, и золото их презрено будет: сребро их и золото не возможет избавити их в день гнева Господня, души их не насытятся, и чрева их не наполнятся, зане казнь неправостей их бысть. 20 Избранныя утвари в гордыню положиша я, и образы мерзостей своих и гнусности сотвориша от них: сего ради дах оная им в нечистоту. 21 И предам я в чуждия руце, еже разграбити я, и губителем земли в корысти, и осквернят я. 22 И отвращу лицо Мое от них, и осквернят стражбу Мою, и внидут в ня неопасно, и осквернят я: 23 и сотворят мятеж, понеже земля полна суда крове, и град полн беззакония. 24 И приведу злых языки, и наследят домы их: и отвращу величание крепости их, и осквернятся святая их. 25 И моление приидет, и взыщет мира, и не будет. 26 Горе на

горе будет, и весть на весть будет, и не будет видение от пророка, и закон погибнет от жерца и совет от старец. 27 Царь восплачется, и князь облечется в пагубу, и руки людий земли разслабеют: по путем их соторю им и по судом их отмщу им, и уразумеют, яко Аз Господь.

8 И бысть в лето шестое в шестый месяц, в пятый день месяца, аз седех в дому моем, и старейшины Иудини седяжу предо мною, и бысть на мне рука Адоная Господа. 2 И видех, и се, подобие мужа, от чресл его и даже до низу огнь, от чресл же его в верх его якоже видение зари и яко взор илекстра. 3 И простре подобие руки и взя мя за верх главы моея, и взя мя дух среде земли и среде небесе и веде мя во Иерусалим в видении Божии на преддверие врат внутреннейших зрящих на север, идеже бе столп и образ ревности притяжавающаго. 4 И се, ту бяше слава Господа Бога Израилева по видению, еже видех на поли. 5 И рече ко мне: сыне человечъ, воззри очима твоими на север. И воззрех очима моими на север, и се, от севера ко вратом зрящым на восток требника, идеже образ ревности сего во входе. 6 И рече ко мне: сыне человечъ, видел ли еси, что сии творят? Беззакония велика дом Израилев творит зде, еже удалятися от святынь Моих: и еще обратився узриши большая беззакония. 7 И введе мя ко предвратию двора, и видех, и се, скважня едини в стене. 8 И рече ко мне: сыне человечъ, раскопай стену. И раскопах, и се, дверь едини. 9 И рече ко мне: вниди и виждь беззакония злая, яже творят сии зде. 10 И внидох и видех, и се, всякое подобие гада и скота, суетная гнущения и всячины кумиры дому Израилева написани быша на стене всюду около. 11 И седмьдесят мужей от старейшин дому Израилева, и Иезония сын Сафанов посреде их стояше пред лицем их, и кийждо кадилницу свою имеяше в руце своей, и дым кадила восходжаще. 12 И рече ко мне: видел ли еси, сыне человечъ, яже старцы дому Израилева творят зде, кийждо их на ложи тайнем своем, зане реша: не видит Господь, оставил Господь землю. 13 И рече ко мне: еще обратися, и узриши беззакония большая, яже сии творят. 14 И введе мя в преддверие врат дому Господня зрящих на север: и се, тамо жены седящыя плачущиа о Фаммузе. 15 И рече ко мне: сыне человечъ, видел еси, и еще узриши мерзости их большая сих. 16 И введе мя во двор дому Господня внутренний, и в преддверие храма Господня, между Еламом и между жертвеником, яко двадесять и пять мужей, задняя своя давших ко храму Господню, и лица их прямо к востоку: и сии покланяются на восток

солнцу. 17 И рече ко мне: видел еси, сыне человечь, еда мало дому Иудину, еже творити беззакония, яже сотвориша зде? Понеже наполниша землю беззакония, и обратиша разгневати мя: и се, сии простирают лозу аки ругающиеся Мне: 18 и Аз сотворю им с яростю: не пощадит око Мое, и не помилую: и воззовут во уши Мои гласом великим, и не услышу их.

9 И возопи во уши мои гласом великим, глаголя: приближися отмщение града: и кийдо имеяше сосуды истребления в руце своей. 2 И се, шесть мужей идоша от пути врат высоких зрящих на север, и коемуждо секира (погубления) в руце его: и муж един посреде их облечен в подир, и пояс от сапфира о чреслех его: и внидоша и сташа близ жертвенника медяного. 3 И слава Бога Израилева взыде от Херувимов сущая на них в непокровенное дому: и призыва мужа оболчена в подир, иже имеяше на чреслех своих пояс. 4 И рече Господь к нему: пройди среде града Иерусалима и дажь знамения на лица мужей стоящих и болезнующих о всех беззакониях бывающих среде их. 5 И сим рече, слышаще мne: идите во град вслед его, изсечьте и не пощадите очима вашима и не помилуйте: 6 старца и юношу и деву, и младенцы и жены избийте в потребление: а ко всем, на нихже есть знамение, не прикасайтесь: от освященных Моих начните. И начаша от мужей старых, иже беша внутрь в дому. 7 И рече к ним: оскверните дом, и наполните пути мертвцев исходяще, и изсечьте (сущих во граде). 8 И бысть внемла сечаху их, остат аз и падох ниц, и возопих рех: горе, (горе,) о, люте мне, Адонаю Господи! Еда потребляющи Ты останки Израилевы, егда разливающи ярость Твою на Иерусалим? 9 И рече ко мне: неправда дому Израилева и Иудина возвеличился зело зело, яко наполниша земля людей многих, и град наполниша неправд и нечистот, яко реша: оставил есть Господь землю и не видит Господь. 10 И Аз есмь, и не пощадит око Мое, ни помилую, пути их на главы их дах. 11 И се, муж, оболченый в подир и препоясан поясом о чреслех своих, отвещаваше, глаголя: сотворих, яко же заповедал ми еси.

10 И видех, и се, верху тверди сущия над главою Херувимов, яко камень сапфировый, подобие престола на них. 2 И рече к мужу облеченому во утварь: вниди среде колес, яже под Херувимами, и наполни горсти твоя углия огненного от среды Херувимов и разсыпли на град. И вниде предо мною: 3 Херувими же стояху одесную дому, внемла вхождаше муж, и облак

наполни двор внутренний. 4 И воздвижеся слава Господня от Херувимов в непокровение дому, и наполни дом облак, и двор наполниша сияния славы Господни: 5 и глас крил Херувимских слышащеся даже до внешняго двора, яко же глас Бога Саддаи глаголющаго. 6 И бысть внемла заповедаше мужу облеченому во утварь святую, глаголя: возми огнь от среды колес, иже среде Херувимов. И вниде и ста близ колес. 7 И простре Херувим руку свою в средину огня сущаго среде Херувимов, и взя и вдаде в руце оболченому во утварь святую, и взя и изыде. 8 И видех Херувими, и се, подобие рук человечих под крылы их. 9 И видех, и се, четыри колеса стояху держащеся Херувимов: коло едино держащеся единаго Херувима, и коло едино держащеся другаго Херувима: взор же колес яко же взор камения анфракса: 10 и взор их подобие едино четырем, акибы было коло в колеси: 11 внемла идяху, на четыри части их идяху, и не обращахуся внемла идяху: яко, на неже место аще зряще начало едино, идяху (вслед его), и не обращахуся, внемла ити им. 12 Вся же телеса их и хребты их, и руце их и крила их и колеса полна очес окрест четырех колес. 13 Колесам же сим возвзася гелгель, слышащеся мne. 14 Четыри же лица коемуждо их: единому лице херувимле, лице же другому лице человечо, третие же лице львово и четвертое лице орле. 15 И взяшася Херувими: сие есть животное, яко же видех на реце Ховар. 16 И егда идяху Херувими, идяху и колеса их, и сии держащеся их: и внемла воздвижаху Херувими крыла своя, яко возвыситися от земли, не обращахуся колеса их, и та держащеся их: 17 егда стояху тии, стояху и они, и внемла возвышащеся тии, возвышащеся и они с ними: зане дух жизни бе в них. 18 И изыде слава Господня от непокровения дому и взыде на Херувими. 19 И воздвигоша Херувими крыла своя и возвысиша от земли предо мною: егда изыдоша тии, и колеса держащеся их: и сташа над преддверием врат Дому Господня, яже противу востоку, и слава Господа Бога Израилева бе над ними свыше. 20 Сие животное есть, яко видех под Богом Израилевым на реце Ховар, и познах, яко Херувими суть. 21 Четыри лица единому, и четыри крыла единому, и подобие рук человечих под крылы их. 22 И подобие лиц их: сия лица суть, яко же видех под славою Бога Израилева при реце Ховар воззрение их: и сия кийдо прямо лицу своему идяху.

11 И воздвиже мя дух и возведе мя ко вратом дому Господня, яже прямо зрят на восток: и се, пред преддверием врат яко двадесять и пять мужей: и видех

среде их Иехонию сына Иазерова и Фалтию Ванеова, старейшины людския. 2 И рече Господь ко мне: сыне человечь, сии мужие помышляющи суетная и совет творящии лукав во граде сем, з глаголущи: не в нове ли соградишася домове? Сей есть коноб, мы же мяса. 4 Сего ради прорцы на ня, прорцы, сыне человечь. 5 И нападе на мя Дух Господень и рече ко мне: глаголи, сия глаголет Господь: тако рекосте, dome Израилев, и умышления духа вашего Аз вем: 6 умножисте мертвцы ваши во граде сем и наполнисте пути его язвенных. 7 Того ради тако глаголет Адонаи Господь: мертвцы ваши, яже избисте среде его, тии суть мяса, а сей коноб есть, и вас изведу от среды его. 8 Меча боитеся, и мечь наведу на вас, глаголет Адонаи Господь: 9 и изведу вас от среды его и предам вас в руце чужих и соторю в вас суд: 10 мечем падете, на горах Израилевых сужду вам, и увестве, яко Аз Господь: 11 той не будет вам в коноб, и вы не будете посреде его в мяса: на горах Израилевых сужду вам, 12 и увестве, яко Аз Господь, яко по заповедем Моим не ходисте и судов Моих не сотористе, но по обычаю языков сущих окрест вас сотористе. 13 И бысть всегда прорицати ми, и Фалтия сын Ванеов умре: и падох ниц и возопих гласом великим, глаголя: горе мне, люте мне, Адонаю Господи! На скончание ли твориши Ты останки Израилевы? 14 И бысть слово Господне ко мне глаголя: 15 сыне человечь, братия твоя и мужие плены твоего и весь дом Израилев скончаясь, имже рекоша живущии во Иерусалиме: далече удалитеся от Господа, нам дана есть земля в наследие. 16 Сего ради рекох: сия глаголет Адонаи Господь: яко отрину я во языки и разсею я по всей земли, и буду им во освящение мало во странах, аможе внидут тамо. 17 Сего ради рцы: сия глаголет Адонаи Господь: и прииму я от языка и соберу я от стран, идеже разсеях я в них, и дам им землю Израилеву: 18 и внидут тамо и отвергут вся мерзости ея и вся беззакония ея от нея: 19 и дам им сердце ино и дух нов дам им, и исторгну каменное сердце от плоти их и дам им сердце плотяно, 20 яко да в заповедех Моих ходят и оправдания Моя сохранят и соторят я: и будут Ми в люди, и Аз им буду в Бога. 21 А ихже сердце по гнусностем их и по беззаконием их ходит, пути тех на главы их положу, глаголет Адонаи Господь. 22 И воздвигоша Херувими крила своя, и колеса держащаяся их: слава же Бога Израилева бе на них свыше их. 23 И взыде слава Господня от среды града и ста на горе, яже бяше прямо града на восток. 24 И дух взя мя и принесе мя на землю Халдейску в пленники, в видении, Духом

Божиим. 25 И взыдох от видения, еже видех, и глаголах ко пленником вся словеса Господня, яже показа мне.

12 И бысть слово Господне ко мне глаголя: 2 сыне человечь, посреде неправд их ты живеш, иже очи имут видети, и не видят, и уши имут, еже слышати, и не слышат, зане дом преогорчеваяй есть. 3 И ты, сыне человечь, сотори себе сосуды пленнически, и пленен буди днем пред ними, и преселен буди от места твоего на место другое пред ними, яко да видят, зане дом прогневляяй есть. 4 И да изнесеши сосуды твоя, яко сосуд пленнический, днем пред очима их: ты же изыдеш в вечер пред ними, яко же исходит пленник. 5 Прокопай себе стену, и да изыдеш сквозе ю пред ними. 6 На раменех взят будеши и покровен изыдеши, лицо твое покрыши, и да не видиши земли, понеже чудо тя дах дому Израилеву. 7 И соториши тако все, елико ми заповеда Господь: и сосуды изнесох яко сосуды пленническими днем, и в вечер прокопах себе стену рукою, и отай изыдох, и на рамена взят бых пред ними. 8 И бысть слово Господне заутра ко мне глаголя: 9 сыне человечь, не решаш ли к тебе дом Израилев, дом прогневляяй: что ты твориши? 10 Рцы к ним: тако глаголет Господь Бог: ко князю и старейшинам Иерусалимлым, и всему дому Израилеву, иже суть среде их, 11 рцы, яко аз чудеса творю, яко же соториши, сице им будет: во преселении и во пленении изыдуть. 12 И князь среде их на рамена взят будет, и отай изыдет сквозе стену, и прокопает, еже ему изыти сквозе ю, лицо свое покрьет, да не видимъ буде очесы, и сам земли не узрит. 13 И простру мрежу Мою нань, и ят будет во одержании Моем, и введу его в Вавилон в землю Халдейску, и не узрит ея, и тамо скончается. 14 И вся, иже окрест его, помощники его, и вся заступающыя его разсею по всем ветром, и мечь излию вслед их: 15 и уведят, яко Аз Господь, егда разсыплю я во языки и разсею я по странам: 16 и оставлю от них мужы в число от меча и от глада и от смерти, яко да поведят вся беззакония их во языцах, аможе внидут: и уведят, яко Аз Господь. 17 И бысть слово Господне ко мне глаголя: 18 сыне человечь, хлеб твой с болезню снеси и воду твою со страданием и скорбию испиши. 19 И речеши к людем земли: сия глаголет Адонаи Господь живущим в Иерусалиме на земли Израилеве: хлебы своя с недостатком снедят и воду свою с пагубою испиши: яко да погибнет земля со исполнением своим, в нечестии бо вси живущии в ней. 20 И гради их населении опустеют, и земля их в

погибель будет, и увесте, яко Аз Господь. 21 И бысть слово Господне ко мне глаголя: 22 сыне человечь, кая притча сия вам на земли Израилеве, глаголющы: долги дни, погибе всякое видение? 23 Сего ради рцы к ним: тако глаголет Адонаи Господь: отвращу притчу сию, и потом не рекут притчи тоя дом Израилев, яко речеши к ним: приближашася дни и слово всякаго видения. 24 Зане не будет ктому всякое видение ложное, и волхвуюг угодная среде сынов Израилевых. 25 Яко Аз Господь возглаголю словеса Моя, возглаголю и соторю и не продолжу ктому: во дни вашя, доме прогневаяй, реку слово и соторю, глаголет Адонаи Господь. 26 И бысть слово Господне ко мне глаголя: 27 сыне человечь, се, дом Израилев преогорчеваяй глаголюще глаголют: видение, еже сей видит, на дни многи, и на времена долга сей прорицает. 28 Сего ради рцы к ним: сия глаголет Господь Бог: не продолжатся ктому вся словеса Моя, яже возглаголю: яко возглаголю слово и соторю, глаголет Адонаи Господь.

13 И бысть слово Господне ко мне глаголя: 2 сыне человечь, прорцы на пророки Израилевы прорицающыя и речеши пророком прорицающим от сердца своего, и прорцы и речеши к ним: слышите слово Господне, 3 сия глаголет Адонаи Господь: люте прорицающим от сердца своего, ходящым вслед духа своего, а отнюд не видящим. 4 Якоже лисицы в пустыни, (тако) пророцы твои (быша), Израилю! 5 Не сташа на тверди и собраша стада к дому Израилеву: не восташа глаголущии в день Господень, 6 видящи ложная и волхвующии суетная, глаголюще: тако глаголет Господь, Господь же не послал их, и начаша возставляти слово. 7 Не ложное ли убо видение видесте и волхвования суетная рекосте? И глаголете, рече Господь: Аз же не глаголах. 8 Сего ради рцы: сия глаголет Адонаи Господь: понеже словеса ваша лжива и волхвования ваша суетна, того ради, се, Аз на вы, глаголет Адонаи Господь, 9 и простиру руку Мою на пророки видящия лжу и провещавающыя суетная: в наказании людий Моих не будут, и в писании дому Израилева не впишутся, и в землю Израилеву не внидут, и уведят, яко Аз Адонаи Господь. 10 Понеже прельстиша людий Моих, глаголюще: мир, мир: и не бяше мира: и сей сограждает стену, а они помазуют ю, падется. 11 Глаголи к помазующым ю: падется, и будет туча потопляющая, и дам камение стрельное в свузы их, и падутся, и ветр воздвижущ размешет, и разсядется. 12 И се, падеся стена, и не рекут ли к вам: где есть помазание ваше, имже помазасте? 13 Того ради сия

глаголет Адонаи Господь: и навергу бурю разоряющую со яростию, и туча потопляющи гневом Моим будет, и камение стрельное наведу яростию во скончание: 14 и раскопаю стену, юже помазасте, и падется, и положу ю на земли, и открыются основания ея, и падется, и скончается со обличением и познаете, яко Аз Господь: 15 и скончая яость Мою на стене и на помазующих ю, и падет. И рекох к вам: несть стены, ни помазующих ея, 16 пророцы Израилевы, прорицающи на Иерусалим и видящии ему мир, и несть мира, глаголет Адонаи Господь. 17 И ты, сыне человечь, утверди лице твое на дщери людий твоих, на прорицающыя от сердца своего, и прорцы на них, 18 и речеши: сия глаголет Адонаи Господь: горе сшивающим возглавийцы под всякий лакоть руки и соторяющим покрывала над всякую главу всякаго возраста, еже развратити души: души развратиша людий Моих, и душ снабдеваху: 19 и осквернавляху Мя у людий Моих, горсти ради ячмене и ради укруха хлеба, еже избити души, имже не подобаше умрети, и оживити души, имже не подобаше жити, провещающе людем Моим, послушающим лживых провещаний. 20 Сего ради сия глаголет Господь: се, Аз на возглавия ваша, имже вы развращаете души тамо: и отторгну я от мышцей ваших, и послю души, яже вы развращасте души их на разсыпание, 21 и растерза покрывала ваша, и отиму люди Моя от руки вашея, и ктому не будут в руках ваших на развращение, и познаете, яко Аз Господь: 22 понеже развращасте сердце праведного неправедно, Аз же не развращах его, и укреплясте руце беззаконнику, еже отнюд не обратитися ему от пути его злого и живу быти ему, 23 сего ради не узрите лжи, и волхвования ктому не имате волхвовати: и избавлю люди Моя от рук ваших, и увесте, яко Аз Господь.

14 И придоша ко мне мужие от старец Израилевых и седоша предо мною. 2 И бысть слово Господне ко мне глаголя: 3 сыне человечь, мужие сии положиша помышления своя на сердцах своих и мучение неправд своих поставиша пред лицем своим: аще отвещаят отвещаю им? 4 Сего ради глаголи к ним и речеши им: сия глаголет Адонаи Господь: человек человек от дому Израилева, иже аще положит мысли своя в сердцы своим и мучение неправды своея учинит пред лицем своим и придет ко пророку, Аз Господь отвещаю ему о сих, имже держится мысль его: 5 яко да уклонят дом Израилев по сердцам их удаленным от Мене помышленными их. 6 Сего ради рцы дому Израилеву: сия глаголет Господь

Бог: обратитесь и отвратитесь от начинаний ваших и от всех нечестий ваших, и обратите лица ваша ко мне: 7 зане человек человек от дому Израилева и от пришелцев пришедших ко Израилеви, иже аще удалится от Мене и положит мысли своя на сердцы своем и мучение неправды своея учинит пред лицем своим и приидет ко пророку еже вопросити ему Мене, Аз Господь отвещаю ему, в немже держится он, 8 и утвержу лицо Мое на человека того и положу его в погибель и в потребление и извергу его от среды людей Моих, и увесте, яко Аз Господь. 9 И пророк аще прельстится и речет слово, Аз Господь прельстих пророка того, и простру руку Мою на нань и потреблю его от среды людей Израилевых. 10 И примут неправду свою по неправде вопрошающего, и по неправде такожде пророку будет, 11 яко да не прельстится ктому дом Израилев от Мене, и да не оскверняются ктому во всех грехах своих, и будут Ми в люди, Аз же буду им в Бога, глаголет Адонаи Господь. 12 И бысть слово Господне ко мне глаголя: 13 сыне человечь, земля аще согрешит Ми, еже пастися грехом, и простру руку Мою на ню и сотру утверждение хлебное и пущу на ню глад и возму с нея люди и скоты, 14 и аще будут сии трие мужие среде ея, Ноe и Даниил и Иов, тии во правде своей спасутся, глаголет Адонаи Господь: 15 аще и звери злые напущу на землю и умчую, и будет в пагубу, и не будет проходящаго сквозе ю от лица зверей, 16 и аще будут трие сии мужие среде ея, живу Аз, глаголет Адонаи Господь, ни сынове, ни дщери их спасутся, но токмо сии едини спасутся, а земля в потребление будет: 17 аще же наведу на ту землю мечь и реку: мечь да пройдет землю, и возму на нея человека и скота, 18 и трие мужие сии будут среде ея, живу Аз, глаголет Адонаи Господь, не избавят ни сынов, ни дщерей своих, но тии едини спасутся: 19 аще же и смерть пущу на землю ону и излию ярость Мою на ню в крови, еже потребити от нея люди и скоты, 20 Ноe же и Даниил и Иов будут посреде ея, живу Аз, глаголет Адонаи Господь, ни сынове, ни дщери не останут им, тии же во правде своей спасутся и избавят души своя. 21 Сия глаголет Адонаи Господь: аще же и четыри мести Моя лютыя пущу на Иерусалима, мечь и глад, и звери люты и смерть, еже потребити от него люди и скоты, 22 и се, оставлены в нем спасеннии от него, сии изведут сыны и дщери: се, тии изыдут к вам, и узрите пути их и помышления их, и раскаетесь о злых, яже наведох на Иерусалим, вся злая, яже наведох нань, 23 и утешат вас: понеже узрите пути их и помышления их, и уразумеете,

яко не всуе сотворил есмь вся, елика сотворих в нем, глаголет Адонаи Господь.

15 И бысть слово Господне ко мне глаголя: 2 сыне человечь, что было бы древо ложное от всех древес гроздных, сущих во древесех дубравных? 3 Аще возмут от него древо, еже сотворити дело? И аще возмут кол от него, еже обесити на нем кий либо сосуд? 4 Разве еже огневи предастся на потребление, летнее очищение его потребляет огнь, и изчезает до конца: еда потребно будет на дело? 5 И еще целу ему сущу не будет на дело, колыми паче аще огнь е попалит до конца, будет ли на дело потом? 6 Сего ради рцы: сице глаголет Господь Бог: яко же лоза виноградная во древех дубравных, юже дах на потребление огневи, тако дам живущыя во Иерусалиме: 7 и дам лице Мое на ня, от огня изыдут, и огнь поистя: и уведят, яко Аз Господь, егда утвержду лице Мое на них: 8 и дам землю в пагубу, зане впадоша в грех, глаголет Адонаи Господь.

16 И бысть слово Господне ко мне глаголя: 2 сыне человечь, засвидетельствуй Иерусалиму беззакония его 3 и речеши: сия глаголет Адонаи Господь дщери Иерусалимстей: корень твой и бытие твое от земли Хананейски: отец твой Аморреанин и мати твоя Хеттеаныя: 4 и рождение твое, в онъже день родилася еси, не обязаша сосец твоих, и водою не омыша тя на спасение, ни солию осолиша, ниже пеленами повиша: 5 и не пощаде тебе око Мое, еже сотворити тебе едино от всех сих, пострадати что о тебе, и отвержена была еси на лице поля стропотством души твоей, в день в онъже родилася еси. 6 И проиох сквозе тя и видех тя смешену во крови твоей и рекох ти: от крове твоей жива буди: и рекох тебе: во крови твоей живот твой: 7 умножайся, яко же прозябение селное дах тя, и умножилася еси и возвеличилася и вошла еси во грады градов: сосцы твои возрастиша, и власи твои просветлеша, ты же была еси нага и без красы. 8 И проиох сквозе тя и видех тя: и се, время твое, яко время витающих: и прострох криле Мои на тя и прикрыл студ твой, и кляхся тебе и внидох в завет с тобою, глаголет Адонаи Господь, и была еси Мне: 9 и омых тя водою и ополосках кровь твою от тебе и помазах тя елеем, 10 и облекох тя в пестроты и обух тя в червлены, и препоясах тя виссоном и возложих на тя трихаптон, 11 и украсих тя утварио и возложих запястие на руце твои и гринву на вью твою, 12 и дах усерязи на ноздри твоя и колца во уши твои и венец хвалы на главу твою: 13 и украшенна была еси златом и сребром,

и одежды твоя виссонны и трихалты и испещрения, семидал и мед и масло яла еси, и была еси добра зело зело, и управлялася еси на царство: 14 и изыде имя твое во языки в доброте твоей, зане совершенно бе лепотою в красоте, юже учиних на тебе, глаголет Адонаи Господь. 15 Ты же уповала еси на доброту твою и соблудила еси во имени твоем и излияла еси блуждение твое на всякаго мимоходящаго, тому была еси, емуже не подобаше: 16 и взяла еси от риз твоих и сотворила себе кумиры сошвеняя и соблудила еси с ними, и не внидеши, и не будет. 17 И взяла еси сосуды хвалы твоев от сребра Моего и злата Моего, от нихже дах тебе, и сотворила себе образы мужески, и соблудила еси в них. 18 И взяла еси ризы своя испещренныя и одеялася еси в ня, и масло Мое и фимиам Мой положила еси пред лицем их, 19 и хлебы Моя, яже дах тебе, семидалом и маслом и медом напитах тя, и положила еси та пред лицем их в воню благоухания. И бысть по сих, глаголет Адонаи Господь, 20 и взяла еси сыны твоя и дщери твоя, яже родила еси, и заклала еси им в потребление. Еда мало соблудила еси? 21 И заклала еси чада твоя и дала еси я, внегда принесла еси их на жертву им. 22 Сие паче всякаго блуда твоего и гнусностей твоих: и не помянула еси дний младенства твоего, егда была еси нага и безобразна, и смешена во крови твоей жила еси. 23 И бысть по всех злобах твоих, горе горе тебе, глаголет Адонаи Господь, 24 и создала еси себе храм блуднический и сотворила себе полагания на всех стогнах: 25 и в начале всякаго пути создала еси блудилица своя и растила доброту твою, и разложила голени твоя всякому мимоходящему и умножила еси блуд твой: 26 и соблудила с сыны Египетскими соседы твоими дебелоплотными, и многажды блудила еси, еже разгневави Мя. 27 И се, простру руку Мою на тя и отвергу законы твоя и предам тя душам ненавидящым тебе, дщерем иноплеменников, соврашающим тя с пути твоего, имже нечестовала еси. 28 И соблудила еси с сыныи Ассировыми и ниже тако насытилася еси: и соблудила и не насытилася, 29 и умножила заветы твоя ко земли Хананейстей, Халдейстей, и ниже в сих насытилася еси. 30 Что сотворю сердцу твоему, глаголет Адонаи Господь, внегда твориши вся сия дела жены блудницы прорезыя? И соблудила еси трегубо во дщерех твоих. 31 Егда соградила еси блудилице твое в начале всякаго пути и высокая твоя сотворила еси на всех стогнах, и не была яко блудница собирающая наем. 32 Жена любодейница подобна тебе, от мужа своего вземлющи наем, 33 всем блудившым с нею даяше наем:

и ты дала еси наем всем рачителем твоим и обременяла их, еже приходит им к тебе отвсюду в блуждения твоя. 34 И бысть в тебе сопротивно обычаю женску во блуждении твоем, и с тобою соблудившым, вместо еже бы дати тебе наем, и наем не дадеся тебе, и бысть в тебе сопротивно. 35 Сего ради слыши, блуднице, слово Господне. 36 Сия глаголет Адонаи Господь: зане излияла еси медь твою, и открыется срам твой во блуждении твоем ко рачителем твоим, и во вся помышления беззаконий твоих, и во крови чад твоих, яже дала еси им: 37 сего ради, се, Аз на тя соберу вся похотники твоя, с нимиже смесилася еси, и всех, ихже любила еси, со всеми, ихже ненавидела еси: и соберу я на тя отвсюду и открыю злобы твоя к ним, и узрят весь срам твой. 38 И отмщу ти отмщением любодейцы и проливающая кровь, и положу тя во крови ярости и рвения, 39 и предам тя в руце их, и раскопают блудилице твое и разорят высокая твоя, и совлекут с тебе ризы твоя и возмут сосуды хвалы твоев, и оставят тя нагу и безстудну: 40 и приведут на тя народы, и побиют тебе камением и изсекут тя мечми своими, 41 и запалят домы твоя огнем и сотворят в тебе отмщение пред женами многими: и обращу тя от блуждения, и найма ктому не даси. 42 И послю ярость Мою на тя, и отимется рвение Мое от тебе: и почю и ктому не попекуся. 43 Понеже не помянула еси дний младенства твоего и опечалила мя во всех сих: и се, Аз пути твоя на главу твою дах, глаголет Адонаи Господь: и тако сотворила еси нечестие по всем беззаконием твоим. 44 Сия суть вся, елика рекоша на тя в притчи, глаголюще: яко же мати, тако и дщерь. 45 Дщерь матере твоев ты еси, отринувшая мужа своего и чада своя: и сестры сестр твоих, отринувшия мужей своих и чад своих: мати ваша Хеттеаныня, а отец ваш Аморрей: 46 сестра ваша старейшая Самария, та и дщери ея живущая ошую тебе: и сестра твоя меньшая, живущая одесную тебе, Содома и дщери ея. 47 Но ниже по путем их ходила еси, ниже сотворила по беззаконием их поне мало, и превозшла еси их во всех путех твоих. 48 Живу Аз, глаголет Адонаи Господь, не сотворила Содома сия сестра твоя и дщери ея, яко же ты сотворила и дщери твоя. 49 Обаче сие беззаконие Содомы сестры твоев, гордость в съности хлеба и во изюбилии вина, и сластолюбствоваша та и дщери ея: сие бяше ей и дщерем ея: и руки убогому и нищему не подаяху, 50 и величахуся, и сотвориша беззакония предо Мною: и отвергах я яко же видех. 51 Самария же пол грехов твоих не согреши: и умножила еси беззакония твоя паче онех, и оправдала еси сестры твоя во всех беззакониях

твоих, яже сотворила еси. 52 И ты приими мучение твое, в немже растила еси сестры твоя во грехах твоих, имиже беззаконновала паче тех, и оправдала их паче тебе: и ты посрамися и приими безчестие твое, всегда оправдати тебе сестры твоя. 53 И обращаю обращения их, обращение Содомы и дщерей ея, и обращение Самарии и дщерей ея, и обращаю обращение твое среди их, 54 яко да приими мучение твое и безчестна будеши от всех, яже сотворила еси во разгневании моем. 55 И сестра твоя Содома и дщери ея возставятся, якоже беша исперва: и Самария и дщери ея возставятся, якоже беша исперва: и ты и дщери твоя возставитесь, якоже бесте прежде. 56 И не была Содома сестра твоя во слышание во устех твоих во днех гордыни твоей, 57 прежде откровения злоб твоих, якоже ныне укоризна еси дщерей Сирских и всех сущих окрест ея дщерей иноплеменничих одержащих тя окрест: 58 нечестия твоя и беззакония твоя ты понесла еси я, глаголет Господь. 59 Сия глаголет Адонаи Господь: и сотворю в тебе, якоже сотворила еси, якоже презрела еси еже преступити завет Мой: 60 и воспомяну Аз завет Мой, иже с тобою во днех младенства твоего, и возставлю тебе завет вечный: 61 и помянеши пути твоя и безчестна будеши, всегда поймеши сестры твоя старейшия со юнейшими твоими, и дам я тебе на созидание, но не от завета твоего: 62 и возставлю Аз завет Мой с тобою, и увеси, яко Аз Господь: 63 яко да помянеши и усрамишися, и не будет тебе ктому отверсти уст твоих от лица безчестия твоего, егда милостив буду тебе по всем, елика сотворила еси, глаголет Адонаи Господь.

17 И бысть слово Господне ко мне глаголя: 2 сыне человекъ, поваждь повесть и рцы притчу на дом Израилев, 3 и речеши: сия глаголет Адонаи Господь: орел великий, велиокрылый, долгий протяжением, исполнъ ногтей, иже имать повеление внути в Ливан, и взя избранныя кедра, 4 и верхи мягкости острога, и принесе я в землю Хананейску, во граде огражденнем положи я: 5 и взя от семене земнаго и даде е на поли плодне, (да утвердит корение) над водами многими, видено учини е: 6 и прозябе и бысть в виноград немощен и мал величеством, еже являтися лозию его на нем, и корение его под ним бяше: и бысть в виноград, и сотвори розги, и простре отрасли своя. 7 И бысть орел другой велик, велиокрылый, мног ногтими, и се, виноград сей оплетаясь об нем: и корение его к нему, и лозие свое испусти ему, еже напаяти себе со грудием сада

своего. 8 На поли добре, на воде мнозе питается той, еже сотворити прозябения и приносити плод, еже быти в виноград велик. 9 Сего ради рцы: сия глаголет Адонаи Господь: еда исправится? Не корение ли мягкоты его и плод изгниет? И изсхнут вся леторасли его, и не мыщею ли великою, ни людми многими еже исторгнути его из корения его? 10 И се, тыет: еда успеет? Не абие ли, егда коснется ему ветр знойный, посхнет сухотою? Со грудием прозябения своего изсхнет. 11 И бысть слово Господне ко мне глаголя: 12 сыне человечъ, рцы ко дому прогневляющему мя: не весте ли, что суть сия? Рцы им: се, грядет царь Вавилонск на Иерусалим, и возмет царя его и князя его, и отведет я к себе в Вавилон: 13 и поймет от племене царска, и завещает с ним завет, и введет его в клятве, и старейшины земли возмет, 14 еже быти в царство немощно, еже весьма не возноситися, (но) хранити завет его и стояти в нем: 15 и отвергнется от него посыла посли своя во Египет дати ему кони и люди многи: еда исправит? Спасется ли творий сопротивная? И преступлай завет спасется ли? 16 Живу Аз, глаголет Адонаи Господь, аще не на месте, идеже царь воцаривый его, иже похули клятву Мою и иже преступи завет Мой, с ним среде Вавилона скончается. 17 И не в силе велицей, ниже в народе мнозе сотворит с ним фараон брань во острозе и в сограждении стрельниц, еже изъти души многи. 18 И похули клятву, еже преступити завет, и се, даде руку свою и вся сия сотвори ему: не спасется. 19 Сего ради рцы: сия глаголет Адонаи Господь: живу Аз, аще не клятву Мою, юже похули, и завет Мой, егоже преступи, дам на главу его: 20 и простру мрежу Мою нань, и ят будет во одержании ея: и приведу его в Вавилон и разсуждуся с ним тамо о неправде его, еюже неправдова ко Мне: 21 и вси избегши его и вси избранныи со всеми ополчении его мечем падут, и вся оставшая их разсею по всему ветру, и увесте, яко Аз Господь глаголах. 22 Сего ради сия глаголет Адонаи Господь: и возму Аз от избранных кедра высокаго от верха и дам от главы отраслей его, сердца их остружу и насажду аз на горе высоце: 23 и повешу и в горе высоце Израилеве и насажду и, и прорастит отрасль и сотворит плод и будет в кедр велик: и почнет под ним всяк зверь, и под сению его почнет всяка птица, и лозие его паки устроятся: 24 и увесте всяко древо полевое, яко Аз Господь смиряя древо высокое и возносяй древо смиренное, и изсушай древо зеленое и прорашай древо сухое: Аз Господь глаголах и сотворю.

18

И бысть слово Господне ко мне глаголя: 2 сыне человечь, что вам притча сия на земли Израилеве, глаголющым: отцы ядоша терпкое, а зубом чад их оскомины быша? 3 Живу Аз, глаголет Адонаи Господь, аще будет еще глаголема притча сия во Израили. 4 Яко вся души Моя суть, якоже душа отча, тако и душа сыновия, Моя суть: душа, яже согрешит, та умрет, и зобавшаго пародки зубы оскоминны будут. 5 Человек же, иже есть праведен творяй суд и правду, 6 на горах не снесть и очес своих не воздвигнет на кумиры дому Израилева, и жены ближняго своего не осквернавит и к жене в месячных сущей не приближится, 7 и человеку не насильствует, залог должнику отдаст и хищением не восхитит, хлеб свой алчному даст и нагаго облечет в ризу, 8 и сребра своего в лихву не даст и прибытка не возмет, и от неправды отвратит руку свою и суд сотворит между мужем и ближним своим, 9 и в заповедех Моих ходил и оправдания Моя снабдел, еже творити та: праведен сей есть, жизнию жити имать, глаголет Адонаи Господь. 10 И аще родит сына губителя, проливающаго кровь и творяща грехи, 11 в путь отца своего праведнаго не ходил, но и на горах пожре, и жену ближняго своего осквернавил, 12 и убогаго и нищаго преобиде, и хищением восхитил и залога не отдал, и к кумиром положи очи свои, беззакония сотвори, 13 с лихвою даде и с примножением приял, сей жизнию не поживет: вся сия беззакония сотвори, смертию умрет, кровь его на нем будет. 14 Аще же родит сына, он же увидит вся грехи отца своего, яже сотворил есть, и убоится и не сотворит по ним, 15 на горах не снесть и очес своих не положит к кумиром дому Израилева, и жены подруга своего не осквернавит 16 и человека не насильствует, и залога не удержит и хищением не восхитит, хлеб свои алчному даст и нага одеет ризою, 17 и от неправды отвратит руку свою, лихвы и примножения не возмет, правду сотворит и в заповедех Моих ходити будет: не скончается в неправдах отца своего, (но) жизнию поживет. 18 Отец же его аще скорбию оскорбит и хищением восхитит, сопротивна сотворит посреде людий Моих, и умрет в неправдах своих. 19 И речете: что яко не взя сын неправды отца своего? Понеже сын правду и милость сотвори, вся законы Моя соблюде и сотвори я, жизнию поживет. 20 Душа же согрешающая, та умрет: сын не возмет неправды отца своего, и отец не возмет неправды сына своего: правда праведнаго на нем будет, и беззаконие беззаконника на нем будет. 21 И беззаконник аще обратится от всех беззаконий своих, яже сотворил, и сохранит вся заповеди Моя и сотворит

суд и правду и милость, жизнию поживет и не умрет: 22 вся согрешения его, елика сотворил, не помянутся ему: но в правде своей, юже сотворил, жив будет. 23 Еда хотением восхощу смерти грешника, глаголет Адонаи Господь, а не еже обратится ему от пути зла и живу быти ему? 24 И аще сорватся праведник от правды своея и сотворит неправду по всем беззаконием, яже сотворил беззаконник, вся правды его, яже сотворил есть, не помянутся: в преступлении своем, имже преступи, и во грехах своих, имиже согреши, в них умрет. 25 И рекосте: не управится путь Господень. Слышите убо, весь дом Израилев, еда путь мой не управится? Ваш ли путь убо управится? 26 Егда сорватся праведник от правды своея и сотворит грех, и умрет в преступлении, еже сотворил, в том умрет. 27 И егда обратится беззаконник от беззакония своего, еже сотворил, и сотворит суд и правду, той душу свою снабдел есть: 28 и виде и обратися от всех беззаконии своих, яже сотвори, жизнию поживет и не умрет. 29 И глаголет дом Израилев: не управится путь Господень. Еда путь Мой не управляется? О, доме Израилев, убо ваш ли путь управляется? 30 (Сего ради) комуждо по пути его сужду вам, доме Израилев, глаголет Адонаи Господь: обратитесь и отвержитесь от всех нечестий ваших, и не будут вам неправды в мучение: 31 отвержите от себе вся нечестия ваша, имиже нечестовасте ко Мне, и сотворите себе сердце ново и дух нов, и сотворите вся заповеди Моя: и вскую умираете, доме Израилев? Глаголет Господь. 32 Понеже не хощу смерти грешника умирающаго, глаголет Адонаи Господь, но еже обратится ему от пути своего и жити души его, глаголет Адонаи Господь: обратитесь убо, и живи будете.

19

Ты же, сыне человечь, возми плачь на князи Израилевы, 2 и речеши: почто мати твоя львица среде львов почи, посреде львов умножи львища своя? 3 И отскочи един от львищ ея и бысть лев, и научися восхищати восхищения и человеки снеде. 4 И слышаша о нем языцы, и ят бысть в растлении их, и приведоша его во узде во Египет. 5 И виде, яко отведен бысть от нея, и погибе чаяние ея: и взя иного от львищ своих и львом учини его, 6 и живяще посреде львов, бысть лев и научися восхищати восхищения: человеки изяде, 7 и пасящеся в лютости своей, и грады их пусты постави, и погуби землю и исполнение ея гласом рыкания своего. 8 И даша нань языцы окрест от стран и простроша нань мрежи своя, и в погублении их ят бысть. 9 И положиша его во узде и в клети, приведоша его ко царю Вавилонску

и ввергша его в темницу, яко да не слышится глас его ктому на горах Израилевых. 10 Мати твоя яко виноград и яко цвет шипчан на воде насажден, плод его и отрасль его бысть от воды многи. 11 И бысть ему жезл крепости над племенем старейшин, и вознесеся в величии своем среде лозия: и виде величество свое во множестве лозия своего, 12 и обломися в ярости, и на землю повержен бысть, и ветр знойный изсуши плоды его: увядоша, и изсше жезл крепости его: огнь потреби его. 13 И ныне насадиша его в пустыни, на земли безводне. 14 И изыде огнь от жезла избранных его и пойде и, и не бе в нем жезла крепости его: племя в притчу плача есть, и будет плач.

20 И бысть в лето седьмое, в пятый месяц, в десятый

день месяца, придоша мужие от старейшин дому Израилева вопросити Господа и седоша пред лицем моим. 2 И бысть слово Господне ко мне глаголя: 3 сыне человечь, глаголи ко старейшинам дому Израилева и речеши к ним: тако глаголет Адонаи Господь: еда вопросити Мене вы приходите? Живу Аз, аще отвешаю вам, глаголет Адонаи Господь. 4 Аще отмщением отмщу им: сыне человечь, беззакония отец их засвидетелствуй им, 5 и речеши к ним: сия глаголет Адонаи Господь: от негоже дне избрах дом Израилев, и уведен бых племени дому Иаковля и познан бых им во земли Египетстей, и приях я рукою Моею глаголя: Аз Господь Бог ваш: 6 в той день подях я рукою Моею, еже извести я из земли Египетской в землю, юже уготовах им, землю кипящую млеком и медом, сот есть паче всех земель, 7 и рекох к ним: кийждо мерзости от очес своих отвержите и во творениях Египетских не оскверняйтесь, Аз Господь Бог ваш. 8 И отвергшася Мене и не хотеша послушати Мя: кийждо мерзостей от очес своих не отвергша и творений Египетских не оставилша. И рекох, еже излиятия ярость Моя на ня и скончати гнев Мой на них среде земли Египетской. 9 И сотворих, яко да имя Мое весьма не осквернится пред языки, в нихже суть тии среде их, в нихже познан бых им пред лицем их, еже извести я из земли Египетской. 10 И изведох я из земли Египетской и введох я в пустыню, 11 и дах им заповеди Моя, и оправдания Моя явих им, яже аще сотворит человек, жив будет в них: 12 и субботы Моя дах им, еже быти в знамение между Мною и между ими, еже разумети им, яко Аз Господь освящаяй их. 13 И глаголах ко дому Израилеву в пустыни: в заповедех Моих ходите и оправдания Моя сохраните, еже творити я, яже сотворит

человек и жив будет в них. И разгнева Мя дом Израилев в пустыни: в заповедех бо Моих не ходиша и оправдания Моя отвергша, яже сотворит человек и жив будет в них: и субботы Моя оскверниша зело. И рекох, еже излиятия ярость Моя на ня в пустыни, еже потребити их. 14 И сотворих, яко да весьма имя Мое не осквернится пред языки, из нихже изведох я пред очима их. 15 И Аз воздвигох руку Мою на ня в пустыни весьма, еже не ввести их в землю, юже дах им, в землю текущую млеком и медом, сот есть паче всяя земли: 16 понеже судбы Моя отвергша и в заповедех Моих не ходиша, и субботы Моя оскверниша и вслед помышлений сердца своего хождаху. 17 И пощаде я око Мое, еже потребити их, и не сотворих им скончания в пустыни. 18 И рекох ко чадом их в пустыни: в законех отец ваших не ходите и оправданий их не храните, и ко творением Египетским не примешайтесь и не оскверняйтесь: 19 Аз Господь Бог ваш: в заповедех Моих ходите, и оправдания Моя снабдите и творите я, 20 и субботы Моя освящайтите и будет в знамение между Мною и между вами, еже ведети вам, яко Аз Господь Бог ваш. 21 И разгневавша Мя, и чада их в заповедех Моих не ходиша и оправданий Моих не снабдеша, еже творити я: сия бо сотворив человек жив будет в них: и субботы Моя оскверниша зело. И рекох: излию ярость Моя на ня, еже скончати гнев Мой на них в пустыни. 22 И сотворих, яко да имя Мое весьма не осквернится пред языки, от нихже изведох я пред очима их. 23 И Аз воздвигох руку Мою на ня в пустыни, еже расточити я во языцах и разсечея я во странах, 24 понеже оправданий Моих не сотвориша и заповеди Моя отринуша и субботы Моя оскверниша, и вслед кумиров отец их быша очеса их. 25 И дах им заповеди не добры и оправдания, в нихже не будут живи: 26 и оскверню я в даяниях их, внегда проводити (им) всякое разверзающее ложесна, да погублю их, да уразумеют, яко Аз Господь. 27 Сего ради глаголи к дому Израилеву, сыне человечь, и речеши к ним: сия глаголет Адонаи Господь: даже до сего разгневавша Мя отцы ваши во грехах своих, имиже согрешиша ко Мне: 28 и введох я в землю, в нюже воздвигох руку Мою, еже дати ю им: и видеша всяк холм высок и всяко древо присенное, и пожроша тамо богом своим и учиниша тамо ярость даров своих, и положиша тамо воню благовония своего и возлияша тамо возлияния своя. 29 И рекох к ним: что суть Аввама, яко вы входите тамо? И прозваша имя ему Аввама, даже до днешняго дне. 30 Сего ради рцы к дому Израилеву: сия глаголет Адонаи Господь:

аще во беззакониих отец ваших вы оскверняетесь и вслед мерзостей их вы соблуждаете, 31 и в приношении даров ваших и в нароцах ваших, егда проходят чада ваша сквозе огнь: вы оскверняетесь во всех кумирих ваших даже до днешняго дне, и Аз отвещаю ли вам, доме Израилев? Живу Аз, глаголет Адонаи Господь, аще отвещаю вам и аще взыдет на дух ваш сие. 32 И не будет, яко же вы глаголете: будем, яко же языцы и яко же племена земная, служити древу и камению. 33 Сего ради живу Аз, глаголет Адонаи Господь, аще не рукою крепкою и мыщею высокую и в яности излиянней царствовати буду над вами: 34 и изведу вы от людей и приму вы от стран, в нихже бесте разсейни, рукою крепкою и мыщею высокою и яростию излиянною, 35 и приведу вас в пустыни людскую и разсуждуся с вами тамо лицем к лицу: 36 яко же судихся со отцы вашими в пустыни земли Египетския, тако сужду и вам, глаголет Адонаи Господь: 37 и проведу вы под жезлом моим и введу вы в числе завета, 38 и изберу от вас нечестивыя и отвергшяся: из земли бо обитания их изведу я, и в землю Израилеву не внидут, и познаете, яко Аз Господь Бог. 39 Вы же, доме Израилев, сице глаголет Адонаи Господь: кийждо кумири своя отимите, и потом аще послушаете Мене, и имене Моего святаго не осквернавите ксему в дарех ваших и рукотворениих ваших: 40 понеже на горе Моеи святей, на горе высоце Израилеве, глаголет Адонаи Господь, тамо послужат Ми весь дом Израилев до конца на земли, и тамо приму я и тамо присещу на приношения ваша и начатки обетов ваших во всех освященных ваших. 41 В воню благовония приму вы, егда изведу вы из людей и приму вы от стран, в нихже расточени бысте, и освящуся в вас пред очима людскими: 42 и увесте, яко Аз Господь, егда введу вы в землю Израилеву, в землю, на нюже воздвигох руку Мою дати ю отцем вашым: 43 и помянете тамо пути ваша и вся мерзкия грехи вашя, в нихже осквернистеся, и посрамите лица ваша во всех злобах ваших, яже сотористе: 44 и познаете, яко Аз Господь, егда соторю вам тако, яко да имя Мое не осквернится по путем вашим злым и по рукотворением вашим растленным, доме Израилев, глаголет Адонаи Господь. 45 И бысть слово Господне ко мне глаголя: 46 сыне человечь, утверди лице твое на юг и воззри на дарома, и прорцы на дубраву старейшину нагева 47 и речеши дубраве нагевове: слыши слово Господне, сие глаголет Адонаи Господь: се, Аз возгнешу в тебе огнь, и пожжет в тебе всяко древо зеленое и всяко древо сухое, не угаснет пламень разжженый, и изгорит в нем всяко

лице от полудне до севера, 48 и увесть всяка плоть, яко Аз Господь разжегох его, и не угаснет. 49 И рекох: никакоже, Господи, Господи! Сии глаголют ко мне: не притча ли есть сия глаголема?

21 И бысть слово Господне ко мне глаголя: 2 сего ради прорцы, сыне человечь, и утверди лице твое на Иерусалим и воззри на святыни их, и прорцы на землю Израилеву, 3 и речеши ко земли Израилеве: сие глаголет Адонаи Господь: се, Аз на тя, и извлеку мечь Мой из ножен его, и потреблю от тебе неправеднаго и беззаконнаго. 4 Понеже потреблю от тебе неправеднаго и беззаконника, тако изыдет мечь Мой из ножен своих на всякую плоть от юга даже до севера, 5 и увесть всяка плоть, яко Аз Господь извлекох мечь Мой из ножен его, и кому не возвратится. 6 И ты, сыне человечь, воздохни в сокрушении чресл твоих и в болезнях возстени пред очима их. 7 И будет, аще рекут к тебе: чесо ради ты стенеш? И речеши: о возвещении, яко грядет: и сокрушится всяко сердце, и ослабеют вся руки, и издшет всяка плоть и всяк дух, и вся стегна осквернавсят мокротою: се, грядет и будет, глаголет Адонаи Господь. 8 И быти слово Господне ко мне глаголя: 9 сыне человечь, прорцы и речеши: сие глаголет Адонаи Господь: рцы: мечу, мечу! Изострися и разярися, 10 яко да изсечеш сечения: изострися, яко да будеш в блещание и готов на разсыпание: сецы, изничтожай, отрини всякое древо. 11 И даде его уготованна, еже держати в руках его: наострился мечь, готов есть, еже дан быти в руце секущаго. 12 Возопий и восплачися, сыне человечь, яко сей бысть в людех Моих, сей во всех старейшинах Израилевых: обитающии близ под мечь быша с людьми Моими: сего ради восплеми рука твоя, 13 яко оправдався. И что, аще и племя отринется? Не будет, глаголет Адонаи Господь. 14 И ты, сыне человечь, прорцы и восплеми рука твоя и усугуби мечь: третий мечь язвенным есть, мечь язвенным велик, и ужасиши я, 15 яко да сокрушится сердце их, и умножатся немощнii во всех вратах их, предаются на усечение мечное: благо остр бысть на сечение, благо бысть на блистание. 16 Проходи яко молния, острися одесную и ошуюю, аможе аще лице твое востанет: 17 и Аз восплеми рукою Моею к руце Моеи и напущу ярость Мою, Аз Господь глаголах. 18 И бысть слово Господне ко мне глаголя: 19 и ты, сыне человечь, учини себе пути два, еже внити мечу царя Вавилонска, от страны единыя изыдуть начала два, и руку уготовают в начале пути града, от начала пути учиниши, 20 яко внити мечу на Равваф

сынов Аммоних и на Иудею и на Иерусалим среде его. 21 Понеже станет царь Вавилонск на старем пути, на начале обоих путий, еже волховати волхвованием, яко же вскипети жезлу, и вопрошати ваяных и вражити во утробах. 22 И бысть одесную его волшебство на Иерусалим, еже обставити острог и еже отверсти уста с воплем и возвысити глас со глашением трубным, и яко поставити острог пред враты его и насыпати персти и поставити стрелницы. 23 И той аки волхвия им волхвование пред ними, уседмеряя седмерицу, и той воспоминай неправды его помянути. 24 Того ради сия глаголет Адонаи Господь: понеже воспомянусте неправды вашя, внегда открышася нечестия ваша, яко явитися грехом вашым во всех беззакониях ваших и во всех начинаниях ваших, понеже воспомянусте, в тех яти будете. 25 И ты, сквернаве, беззаконниче, старейшино Израилев, егоже грядет день во время неправды, конец: 26 сия глаголет Господь: сними кидар и отложи венец, сей не таков будет, смирил еси высокое и вознесл смиренное: 27 неправду, неправду, неправду положу его, и той не таков будет, дондеже приидет, Ему же достоит, и предам Ему. 28 И ты, сыне человечь, прорцы и речеши: се глаголет Адонаи Господь к сыном Аммоним и ко укоризне их, и речеши: мечу, мечу извлеченный на сечение, извлеченный на скончание, двигнися, яко да блисташи: 29 в видении твоем суетнем, и внегда вражбити тебе ложная, егда предаешься ты на выи язвенных беззаконников, ихже день приспе во время неправды, конец: 30 возвратися в ножны твоя и не стани на месте сем, в немже родился еси, на земли твоей имам тя судити: 31 и излию на тя гнев Мой, во огни гнева Моего дуну на тя и предам тя в руце мужей варвар, творящих пагубу: 32 огню будеша ядь, кровь твоя будет посреде земли твоей: не будет твоего памяти, занеже Аз Господь глаголах.

22 И бысть слово Господне ко мне глаголя: 2 и ты, сыне человечь, аще судити будеши граду кровей, и яви ему вся беззакония его, 3 и речеши: сия глаголет Адонаи Господь: о, граде проливаяй кровь среде себе, еже приими времени его, и творяй кумиры на себе, еже осквернитися самому: 4 в крови их, юже излиял еси, согрелил еси, и в кумирих твоих, яже творил, осквернился еси, и сократил еси дни твоя, и привед время лет твоих: сего ради дах тя на укоризну языком и на поругание всем странам, 5 близ тебе и далече от тебе сущим, и поругаются тебе и возопиют на тя: о, нечистый,

пресловутый и мног во беззакониих! 6 Се, старейшины дому Израилева, кийждо ко своим ужикам смесиша в тебе, яко да пролиют кровь: 7 отцу и матери злословяху в тебе и ко пришелцу обращающуся неправдами в тебе: сироту и вдовицу преобидяжу в тебе: 8 и святая Моя уничижаху и субботы Моя оскверняху в тебе: 9 мужие разбойницы беша в тебе, яко да пролиют в тебе кровь, и на горах ядяху в тебе и скверны творяху в тебе: 10 стыд отчий открыша в тебе, и в нечистоте седящую обругаша в тебе: 11 кийждо на жену подруга своего беззаконноваша, и кийждо невестку свою оскверняше в нечестии, и кийждо сестру свою, дщерь отца своего, обругаваше в тебе: 12 мзды взимаху в тебе, яко да пролиют кровь, лихву и избыток взимаху в тебе: и скончал еси скончание злобы твоей яже в насилии, Мене же забыл еси, глаголет Адонаи Господь. 13 Се убо, ударю рукою Моею о руку Мою на та, яже совершил еси и яже сотворил еси, и на крови твоя бывшяя посреде тебе: 14 аще устоит сердце твое, и аще преодолеют руце твои во днех, в няже Аз творю в тебе? Аз Господь глаголах, и сотворю. 15 И разсыплю тя во языцах и разсею тя в странах, и оскудеет нечистота твоя из тебе, 16 и владети буду тобою пред очима языков, и познаеши, яко Аз Господь. 17 И бысть слово Господне ко мне глаголя: 18 сыне человечь, се, быша Мне дом Израилев смешаны вси с медью и железом, и со оловом чистым и со свинцем, среде пещи сребро смешено суть. 19 Сего ради рцы: сия глаголет Адонаи Господь: понеже бысте вси во смешение едино, сего ради, се, Аз приму вас во средину Иерусалима: 20 яко же приемлется сребро и медь, и железо и свинец и олово чистое во средину пещи, еже дунуты на ня огню, да слиются, тако приму вас во гневе Моем и в ярости Моей, и соберу и слию вас, 21 и дуну на выи во огни гнева Моего, и слияни будете среде его: 22 яко же сливается сребро среде пещи, тако слияется посреде его и познаете, яко Аз Господь излиях ярость Мою на вас. 23 И бысть слово Господне ко мне глаголя: 24 сыне человечь, рцы ему: ты еси земля неодождимая, ниже дождь бысть на тя в день ярости. 25 Егоже старейшины среде его, яко львы рыкающе, восхищающе восхищения, души изъядающе насилием, богатство и честь приемлюще, и вдовицу твоя умножиша посреде тебе: 26 и жерцы его отвергоясся закона Моего и оскверниша святая Моя: между святым и сквернавым не разлучаху, и между нечистым и чистым не разделяху, и от суббот Моих покрываху очи свои, и оскверняху Мя посреде себе: 27 князи его среде его яко волцы восхищающе похищения, еже пролиятии кровь и

погубити души, яко да лихомиствуют: 28 и пророцы его помазующии их падут, видящии суетная, волхвующии ложная, глаголюще: сия глаголет Адонаи Господь: а Господь не глагола. 29 Людий земли утесняюще неправдою и восхищающе восхищения, нища и убога насильствующе и со пришелцем не живуще судом. 30 И исках от них мужа живуща право и стояща цело пред лицем Моим во время гнева Моего, еже бы не до конца погубити его, и не обретох. 31 И излиях нань ярость Мою во огни гнева Моего, еже скончати я: пути их на главы их дах, глаголет Адонаи Господь.

23 И бысть слово Господне ко мне глаголя: 2 сыне человечь, две же жене бесте дщери матере единиыа 3 и соблудисте во Египте, в юности своей соблудисте: тамо спадоша сосцы их, и тамо растлисте девство. 4 Имена же има: Оола старейшая, Оолива же меншая сестра ея: и бысте Мне и родисте сыны и дщери: имена же има: Самария Оола, и Иерусалим Оолива. 5 И соблуди Оола от Мене и возложися на похотники своя, на Ассирианы приближающыяся ей, 6 облеченные в червленицы, старейшины и воеводы: юноши избраннии, вси конницы яздающии на конех: 7 и даде блужение свое к ним: избранным сыном Ассирийским всем, и ко всем, на наяже возлагашеся, во всех нечистотах их оскверняшеся: 8 и блужения своего, еже из Египта, не остави, яко с нею спаху в юности ея, и тии растлиша девство ея и излияша блужение свое на ню. 9 Того ради предах ю в руце похотнику ея, в руце сыном Ассирийским, на наяже возлагашеся. 10 Тии открыша стыд ея, сыны и дщери ея пояша и самую мечем усекнуша: и бысть поношение в женах, и отмщение сотвориша в ней во дщерех ея. 11 И виде сестра ея Оолива, и растли возложение свое паче ея, и блуд свой паче блуда сестры своея умножи: 12 на сынов Ассирийских возложися, на старейшины и воеводы, иже близ ея, облечены во благоистканны, на конники яздающыя на конех, юноши избранни вси. 13 И видех, яко осквернился путь един обою. 14 И приложи ко блужжению своему, и виде мужы написаны на стене, образы Халдейски написаны шарами, 15 препоясаны пестротами о чреслех своих, и превои крашении на главах их, вид троякий всех, подобие сынов Вавилонских, Халдейских, земли отечества их: 16 и возложися на ная зрением очей своих, и послы посы к ним в землю Халдейску. 17 И придоша к ней сынове Вавилонстии на ложе витающих и оскверниша ю в блужжении ея, и осквернился в них, и отступи душа ея от них: 18 и

откры блужжение свое и откры срамоту свою. И отступи душа Моя от нея, якоже отступи душа Моя от сестры ея. 19 И умножила еси блужжение твое, еже помянути дни юности твоей, в наяже блудила еси во Египте, 20 и возлегла еси на Халдеи, ихже плоти быша аки плоти осли, и яко лона конская лона их, 21 и посетила еси беззаконие юности твоей, яже творила еси во Египте во виталищи твоем, идже сосцы юности твоей спадоста. 22 Того ради, Ооливо, сия глаголет Адонаи Господь: се, Аз воздвигну похотники твоя на тя, от наяже отступи душа твоя, и наведу их на тя окрест, 23 сынов Вавилонских и всех Халдеев, Факуда и Суда и Куда, и вся сыны Ассирийски с ними, юноши избранны, старейшины и воеводы, вся трестаты и нарочитыя, конники на конех вси. 24 И приидут на тя вси от севера, колесницы и колеса со многим народом, щиты и сулицы и шлемы, и поставят стражбу окрест тебе, и дам пред лицем их суд, и отмстят ти в судех своих: 25 и дам рвение Мое в тебе, и сотворят с тобою гнев ярости Мои, ноздри твоя и уши твои обрежут, и оставших твоих мечем изсекут: тии сынов твоих и дщерей твоих возмут, и оставших твоих потребит огнь: 26 и совлекут с тебе ризы твоя и возмут сосуды хвалы твоей. 27 И отвращу нечестия твоя от тебе и блуд твой от земли Египетской: и не воздвигнеш очес твоих на них и Египта не помянуши ктому. 28 Понеже сия глаголет Адонаи Господь: се, Аз предаю тя в руце, ихже ненавидиши, от наяже отступи душа твоя: 29 и сотворят в тебе в ненависти, и возмут вся труды твоя и дела твоя, и будеши нага и посрамлена, и откроется студ блуда твоего и нечестие твое. 30 И блужжение твое сотвори сия тебе, егда блудила еси вслед языков и осквернялася в кумирих их: 31 в пути сестры твоей ходила еси, и дам чашу ея в руце твои. 32 Сия глаголет Адонаи Господь: чашу сестры твоей испиеши глубокую и широкую, и будет на смех и подражнение, изубилную ко совершению пиянства, 33 и разслабления наполниши: чаша же потребления и погубления чаша сестры твоей Самарии: 34 и испиеши ю и истощиши, и чреп ея ядущи потребиши, и сосца твоя отторгнеши: и праздники и новомесячия твоя отвращу: понеже Аз глаголах, рече Адонаи Господь. 35 Сего ради сия глаголет Адонаи Господь: понеже забыла Мя еси и отвергла Мене назад тела твоего, и ты возми нечестие твое и блуд твой. 36 И рече Господь ко мне: сыне человечь, не будеши ли судити Ооле и Ооливе, и возвестиши ли има беззакония ею? 37 Яко любодействовасте, и кровь в руках ею, и в кумирих ею прелюбодействовасте, и чада своя, яже

родисте Мне, провождасте им сквозе огнь. 38 Даже и сия сотвористе Ми, осквернясте святая Моя в той день, и субботы Моя осквернясте: 39 и внегда закаласте чада своя кумиром своим, и входждасте во святая Моя в той день, еже сквернити я: и се, тако творясте среди дому Моего: 40 и посыласте ко мужем грядущим издалеча, к нимже послов посыласте. И егда приходити им, аbie умывалася еси и утваряла еси очи твои и украшалася утварию, 41 и седела еси на одре постлане, и трапеза украшена пред лицем ея, и фимиам Мой и елей Мой предлагала пред ними, и веселяхся в них: 42 и гласом сличным возглашаху, и ко мужем от множества человека приходящим от пустыни, и даяху перстни на руки их и венец хвалы на главы их. 43 И рекох: не в сих ли прелюбодействуют? И дела блудницы, и сама соблуди. 44 И входжаху к ней: якоже влазят к жене блуднице, тако влазяху ко Ооле и ко Ооливе, женам беззаконицам, еже сотворити беззаконие. 45 Мужие же праведнии, тии и отмстят има отмщением любодейниц и отмщением проливающих кровь, яко любодейцы суть, и кровь в руках их. 46 Сия глаголет Адонаи Господь: приведи на них народы и дажь на них мятех и разграбление, 47 и вержи камение на них, камение народов, и да избодут их мечми своими: сыны их и дщери их избиют и дома их огнем сожгут: 48 и отвращу нечестие от земли, и накажутся вся жены и не сотворят по нечестием их: 49 и дастся нечестие ваше на вы: и (вся) грехи кумир ваших приимете и уразумеете, яко Аз Адонаи Господь.

24 И бысть слово Господне ко мне, в девятое лето, в месяц десятый, в десятый день месяца, глаголя: 2 сыне человечь, напиши себе имя дне сего, от негоже укрепися царь Вавилонский на Иерусалим, от сего дне, иже днесъ, 3 и рцы притчу к дому прогневляющему, и речеши к ним: сия глаголет Адонаи Господь: настави коноб, настави и влив в онь воду, 4 и верзи в онь на двое разсеченая, всякое разсечение доброе, голень и рамо, обрезана от костей, 5 от избранных скотов взятая, и подгнешай костями под ними: возвре и воскипе, и сваришася кости его посреде его. 6 Того ради сия глаголет Адонаи Господь: о, граде кровей! Конобе, в немже есть яд, и яд не изыде из него: по удом его изнесе, не паде на нем жребий. 7 Яко кровь его среди его есть, на гладцем камени вчиних ю: не пролиях ея на землю, еже покрыти ю землею, 8 еже навести ярость Мою (на ню), во отмщение еже отмстити: дах кровь его на гладцем камени, еже не покрыти ея. 9 Того ради сия глаголет Адонаи Господь: о, люте, граде кровей! Аз же

возвеличу главню 10 и умножу дрова и возгнешу огнь, яко да истают мяса, и оскудеет юха, и кости истают, 11 и станет на главнях его, (тощъ) разгореся, яко да изгорит, и распалится и сгорит медь его, и истает среде его нечистота его, и оскудеет яд его: 12 да смирится яд его, и не изыдет из него многий яд его, и посрамится яд его: 13 в нечистоте твоей укроп, понеже осквернялся еси ты и не очистился от нечистоты твоего: и что будет аще не очистиши по сем, дондеже исполню ярость Мою в тебе? 14 Аз Господь глаголах, и приидет, и сотворю, и не укосню, и не пощажу, и не буду умолен: по путем твоим и по помыслом твоим сужду тебе, глаголет Адонаи Господь: сего ради, се, Аз сужду тебе по кровем твоим и по помыслом твоим сужду тебе, нечисте, пресловуте и великий на разгневание. 15 И бысть слово Господне ко мне глаголя: 16 сыне человечь, се, Аз вземлю от тебе желания очес твоих в поражении, не восплачи, ниже ворзыдай, ниже да приидут тебе слезы, 17 возстени молча: стенание крове, чресплать есть: да будут власи твои сплетени на тебе, и сапози твои на ногах твоих, и да не утешиши устнами их, и хлеба мужей да не снеси. 18 И глаголах к людем заутра, якоже заповеда ми, и умре жена моя в вечер, и сотворихи заутра, якоже повелеся ми. 19 И рекоша ко мне людие: не возвестиши ли нам, что суть сия, яже ты твориши? 20 И рекох к ним: слово Господне бысть ко мне глаголя: 21 рцы к дому Израилеву, сия глаголет Адонаи Господь: се, Аз оскверню святая Моя, величания крепости вашея, желания очес ваших, и иже щадят души ваша: и сынове ваши и дщери ваши, яже остависте, мечем падут: 22 и сотворите, якоже аз сотворих: от уст их не утешитесь и хлеба мужей не снесте, 23 и власи ваши на главах ваших, и сапози ваши на ногах ваших: не будете терзатися, ниже плакати, и истаете в неправдах ваших, и не утешите кийдо брата своего. 24 И будет вам Иезекииль в чудо: по всему елика сотворих, сотворите: егда приидут сия, и уразумеете, яко Аз Адонаи Господь. 25 И ты, сыне человечь, не в день ли той, егда возму от них крепость их, вознесение хвальбы их, желания очию их и возношение души их, сыны их и дщери их: 26 в той день приидет уцелевый к тебе возвестити тебе во уши, 27 в той день отверзутся уста твоя ко уцелевшему, и возглашоли и не премолчиши ктому, и будеши им в чудо: и уведят, яко Аз Адонаи Господь.

25 И бысть слово Господне ко мне глаголя: 2 сыне человечь, утверди лице твое на сыны Аммони и

прорцы на ня, 3 и речеши сыном Аммоним (глаголя): слышите слово Господа Адоная, сия глаголет Адонаи Господь: понеже порадовастесь о святых Моих, яко осквернена быша, и о земли Израилеве, яко погибе, и о дому Иудине, яко отиде в пленение: 4 того ради, се, Аз предаю вас сыном Кедемлим в наследие, и вселятся со имением своим в тебе и поставят в тебе селения своя: ти поядят плоды твоя, и тии испиют тук твой: 5 и дам град Аммонь паству велблудов и сыны Аммони на паству овец, и уразумеете, яко Аз Адонаи Господь. 6 Сего ради тако глаголет Господь Бог: понеже восплескал еси рукою твою и потоптал ногою твою и порадовался еси душею твою о земли Израилеве, 7 того ради, се, Аз простру руку Мою на тя и дам тя в разграбление языком, и потреблю тя от людей и погублю тя от стран пагубою, и увеси, яко Аз Адонаи Господь. 8 Сия глаголет Адонаи Господь: понеже рече Моав и Сири: се, яко же вси языцы, дом Израилев и Иуда, 9 сего ради, се, Аз разслаблю мышцу Моавлю от градов крайних его, избранную землю, Дом Иасимуфов над источником града приморского (Ваелмона и Кариафайма): 10 сыны Кедемли на сыны Аммони дах я в наследие, яко да не будет памяти сынов Аммоних во языщех: 11 и в Моаве соторю отмщение, и уведят, яко Аз Господь. 12 Сия глаголет Адонаи Господь: понеже соторви Идумеа, егда отмтиша тии отмщением (во гневе) дому Иудову, и памятозлобствоваша и отмтиша прю от них: 13 того ради сия глаголет Адонаи Господь: простру руку Мою на Идумею и потреблю от нея человеки и скот и поставлю ю пусту, и от Феман гоними мечем падут: 14 и дам отмщение Мое на Идумею рукою людей Моих Израиля, и соторяят во Идумеи по гневу Моему и по яности Моей, и уведят отмщение Мое, глаголет Адонаи Господь. 15 Сего ради сия глаголет Адонаи Господь: понеже соторвиша иноплеменницы во отмщении и возставиша месть радующеся всею душею еже потребити даже до века, 16 того ради сия глаголет Адонаи Господь: се, Аз простру руку Мою на иноплеменники, и потреблю Критян, и погублю оставшя живущя на примории, 17 и соторю в них отмщение велико, во обличениих яности Моей, и уразумеют, яко Аз Адонаи Господь, егда дам отмщение Мое на ня.

26 И бысть во единонадеятое лето, в первый день месяца, бысть слово Господне ко мне глаголя: 2 сыне человечь, понеже рече Сор на Иерусалима: благоже, сокрушися, погибаша языцы, обратися ко мне, иже бе исполненый, опусте: 3 того ради сия глаголет

Адонаи Господь: се, Аз на тя, Сор, и приведу на тя языки многи, яко же восходит море волнами своими. 4 И обвалят стены Сора и разорят столпы твоя, и развею прах его из него и дам его во гладок камень. 5 Сущение мрежей будет среде моря, яко Аз глаголах, глаголет Адонаи Господь: и будет на пленение языком, 6 и дщери его, яже на поли, мечем убиены будут, и уведят, яко Аз Господь. 7 Яко сия глаголет Адонаи Господь: се, Аз наведу на тя, Сор, Навуходоносора царя Вавилонска от севера, царь царем есть, с коньми и колесницами и с конниками и собранием многих языков зело: 8 сей дщери твоя на поли мечем избиет, и приставит на тя стражбу и оградит тя, и окопает тя ровом и соторит окрест тебе острог, и обставит оружием и копия своя прямо тебе поставит, 9 стены твоя и пирги твоя разорит оружием своим: 10 от множества коней его покрыт тя прах их, и от ржания коней его и от колес колесниц его потрясутся стены твоя, входящу ему во врата твоя, аки входящу во град с поля: 11 копытами коней своих поперут вся стогны твоя: люди твоя мечем изсечет, и состав крепости твоей на земли повержет, 12 и пленит силу твоя, и возмет имения твоя, и разсыплет стены твоя, и домы твоя вожделенные разорит, и древа твоя и камение твое и персть твою среде моря ввержет, 13 и упразднит множество мусикий твоих, и глас певниц твоих не услышится в тебе кому. 14 И дам тя во камень гладок, сущение мрежное будеши, не соградишися кому, яко Аз глаголах, глаголет Адонаи Господь. 15 Яко сия глаголет Адонаи Господь Сору: не от гласа ли падения твоего, егда возстенут язвении твои, егда извлечется мечь посреде тебе, потрясутся острови? 16 И снидут со престол своих вси князи языка морских, и свергут венцы со глав своих, и ризы своя испещренныя совлекут с себе, ужасом ужаснутся: на земли сядут, и убоятся погибели своея, и возстенут о тебе, 17 и примут о тебе плачь, глаголюще: како погибл и разсыпался еси от моря, граде хвалимый, иже был еси крепок на мори, ты и живущии в тебе, иже даял еси страх твой всем живущым в тебе? 18 И убоятся (вси) острови от дне падения твоего, и смятутся острови в мори от исхода твоего. 19 Яко сия глаголет Адонаи Господь: егда дам тя град опустевшь, яко же грады ненаселены никогдаже, всегда возведу на тя бездну, и покрыт тя вода многа: 20 и сведу тя к низходящым в пропасть к людем века, и вселю тя во глубинах земных, яко пустыню вечную с низходящими в пропасть, яко да не населишися, ниже востанеши на земли живота: 21 на пагубу тя отда, и не

будеши ктому, и взыщешися и не обрящешися во век,
глаголет Адонаи Господь.

27 И бысть слово Господне ко мне глаголя: 2 и ты,
сыне человечь, возми на Сор плачъ, 3 и речеши
Сору населенному на морстем входе, торжищу людий
от островов многих, сия глаголет Адонаи Господь Сору:
ты рекл еси: аз сам возложих на мя мою доброту, 4 в
сердцы морстем веелиму, и сынове твои возложиша
на тя доброту. 5 Кедр от Санира истесася тебе, тонкия
доски кипарисныя от Ливана взяты быша, еже сотворити
тебе ядрила елова: 6 от Васанитиды сотвориша весла
твоя: святилища твоя состроиша от слоновых (костей),
домы древяны от островов Хеттиимских: 7 виссон
со испещрением от Египта бысть тебе постеля, еже
обложити тебе славу и облещи тя в синету и во багряницу
от островов Елиссе, и бысть одежда твоя. 8 И князи твои
живущи во Сидоне и Арадиане быша весленицы твои:
премудрии твои, Сор, иже быша в тебе, сии кормчии
твои. 9 Старейшины Вивлийстии и премудрии их, иже
быша в тебе, тии укрепляху совет твой: и вси корабли
морстии и весленицы их быша в тебе ко западом
западов. 10 Персяне и Лидяне и Ливиане беша в силе
твоей, мужие доблии твои щиты и шлемы повесиша
в тебе, сии даша славу твою. 11 Сынове Арадийстии
и сила твоя на забралех твоих окрест: но и Мидяне
во пиргах твоих быша стражие, тулы своя обесиша на
забралех твоих окрест: сии совершиша твою доброту.
12 Кархидоняне купцы твои, от множества силы твоей,
серебро и злато, и медь и железо, и чистое олово и
свинец даша куплю твою. 13 Еллада вся и ближни твои
продаяху в тебе души человечы, и сосуды медяны даша
куплю твою. 14 От дому Форгамова кони и конники и
мощята даша куплю твою. 15 Сынове Родийстии купцы
твои от островов умножиша куплю твою, зубы слоновы,
и вводимым воздавал еси мэды твоя. 16 Человеки
куплю твою от множества примешенца твоего, стакти
и пестроты и синету от Фарисса, и рамоф и хорхор
даша куплю твою. 17 Иуда и сынове Израилевы, сии
купцы твои: продаянием пшеницы и миров и касии, и
первый мед и елей и ритину даша примешенцу твоему.
18 Дамаск купцы твои от множества всея силы твоей,
вино от Хельвона, и волну блещащую от Милита, и вино
Деданово и Ионаново и Мезозелево в куплю твою даша.
19 От ассиила железо деланое и колеса в примесницах
твоих суть. 20 Дедан купцы твои со скоты избранными в
колесницы. 21 Аравия и вси князи Кидарстии, сии купцы

рукою твою, велблуды и овны и агнцы в тебе продадят,
имиже куплю творят. 22 Купцы Савы и Раммы, тии купцы
твои с первыми сладостями и со камением драгим, и
злато даша куплю тебе. 23 Харран, Ханаа и Дедан,
сии купцы твои: Сава, Ассур и Харман купцы твои, 24
приносяще куплю синету и червленицу, и испещренная
и сокровища избранная связана ужами, и кипарисная.
25 Корабли, в тех купля твоя, (корабли) Кархидонстии
купцы твои, во множестве смесник твоих, и настылся
еси, и отягчал зело в сердцах морских. 26 В воде мнозе
привождаху тя весленицы твои: ветр южный сокруши
тя в сердцы морстем. 27 Быша силы твоя и мэда твоя
от смесник твоих, и весленицы твои и кормчии твои, и
советницы твои и смесницы от смесников твоих, и вси
мужие твои доблии в тебе и весь сонм твой падут среде
тебе в сердцы морстем, в день падения твоего. 28 От
гласа вопля твоего кормчии твои страхом убоятся. 29 И
снидут с кораблей своих вси весленицы твои, и всадницы
и ловцы морстии на земли станут: 30 и восклинут на
тя гласом своим, и воскричат горце, и возложат землю
на главы своя, и прах постелют: 31 и оплещивеют над
тобою плещьми, и облекутся во вретище, и восплачутся
о тебе в горести души, и плачом горьким ужаснутся: 32 и
возмут о тебе сынове их плачъ, возвыдают плаканием
о тебе: кто якоже Тир умолнувый среде моря? Колику
обрел еси мэду от моря? 33 Наполнил еси страны от
множества твоего и от смесник твоих обогатил еси вся
цари земныя. 34 Ныне же сокрушился еси в мори,
во глубинах водных смесницы твои, и весь сонм твой
среде тебе падоша, и вси весленицы твои. 35 Вси же
живущи во островех уныли по тебе, и царие их ужасом
ужасошася, и прослезися лице их. 36 Купцы от языка
позвиждут о тебе, в погибель был еси, и кому не будеши
в век, глаголет Господь Бог.

28 И бысть слово Господне ко мне глаголя: 2 и ты,
сыне человечь, рцы князю Тирску: сия глаголет
Адонаи Господь: понеже вознесеся сердце твое, и рекл
еси: аз есмъ бог, в селение божие вселихся в сердцы
морстем: ты же человек еси, а не Бог, и положил еси
сердце твое яко сердце Божие. 3 Еда премудрее ты
еси Даниила? Премудрии не наказаша тебе хитростию
свою. 4 Еда хитростию твою или смыслом твоим
соторил еси себе силу и притяжал еси серебро и злато в
сокровищах твоих? 5 Или во мнозей хитrostи твоей и в
купли твоей умножил еси силу твою? Вознесеся сердце
твое в силе твоей. 6 Того ради сия глаголет Адонаи

Господь: понеже дал еси сердце свое яко сердце Божие, 7 вместо сего, се, Аз наведу на тя чуждя губители от языка, и извлекут мечи своя на тя и на доброту хитрости твоей, и постелют доброту твою в погубление, 8 и сведут тя, и умреши смертию язвенных в сердцы морстем. 9 Еда речеши глаголя пред убивающими тя: бог есмь аз? Ты же человек еси, а не бог, в руце убивающих тя. 10 Смертьми необрезаных умреши в руках чуждих: яко Аз рекох, глаголет Адонаи Господь. 11 И бысть слово Господне ко мне глаголя: 12 сыне человечь, возми плач на князя Тирска и рцы ему: сия глаголет Адонаи Господь: ты еси печать уподобления, исполнен премудрости и венец доброты, 13 в сладости рая Божия был еси, всяким камением драгим украсился еси, сардием и топазием, и смаргдом и иакинфом, и анфраксом и сапфиром, и иасписом и сребром и златом, и лигирием и ахатом, и амефистом и хрисолифом, и вириллием и онихом и златом наполнил еси сокровища твоя и житницы твоя, от негоже дне создан еси. 14 Ты, с херувимом вчиних тя в горе святей Божии, был еси среде каменей огненных. 15 Был еси ты непорочен во днех твоих, от негоже дне создан еси, дондеже обретошася неправды в тебе. 16 От множества купли твоего наполнил еси сокровища твоя беззакония, и согрешил еси, и уязвлен еси от горы Божия: и сведе тя херувим осеняя от среды камыков огненных. 17 Вознесеся сердце твое в доброте твоей, истле хитрость твоя с добротою твою: множества ради грехов твоих на землю повергох тя, пред цари дах тя во обличение. 18 Множества ради грехов твоих и неправд купли твоего, осквернил еси святая твоя, и изведу огнь от среды твоей, сей снесть тя: и дам тя во прах на земли пред всеми видящими тя. 19 И вси ведящии тебе во языщах возстенут по тебе: пагуба учинен еси, и не будеши ктому во век. 20 И бысть слово Господне ко мне глаголя: 21 сыне человечь, утверди лицо твое на Сидона и прорцы о нем и рцы: 22 сия глаголет Адонаи Господь: се, Аз на тя, Сидоне, и прославлюся в тебе, и уразумеши, яко Аз есмь Господь, егда соторю в тебе суд и освящуся в тебе: 23 и послю на тя смерть, и кровь в стогнах твоих будет, и падут язвении среде тебе мечем, в тебе и окрест тебе, и уведят, яко Аз Господь: 24 и не будет ктому дому Израилеву оsten горести и терп болезни от всех окрестных его обезчестивших их, и уразумеют, яко Аз есмь Адонаи Господь. 25 Тако глаголет Адонаи Господь: и соберу дом Израилев от языка, идже разсыпашася тамо, и освящуся в них пред людьми и языки: и вселятся на земли своей, юже дах

рабу Моему Иакову, 26 и населятся на ней с надеждею, и созиждут domы, и насадят винограды, и вселятся на ней с надеждею, егда соторю суд во всех, иже укориша я во окрестных их: и уразумеют, яко Аз Господь Бог их и Бог отцев их.

29 В десятое лето, в десятый месяц, (в первый день) месяца, бысть слово Господне ко мне глаголя: 2 сыне человечь, утверди лицо твое на фараона царя Египетска и прорцы нань и на Египет весь: 3 глаголи и рцы: сице глаголет Адонаи Господь: се, Аз наведу на тя, фараоне, царю Египетский, змия великаго, седящаго среде рек своих, глаголющаго: моя суть реки, и аз соториих я. 4 Аз же дам узду в честности твоя, и прилеплю рыбы реки твоей ко крилома твоима, и возведу тя от среды реки твоей, и к чешумам твоим прильпнут: 5 и низвергну тя вскоре и вся рыбы реки твоей: на лицы поля падеши, и не соберешися, и не оградишися, зверем земным и птицам небесным дах тя во снедь. 6 И уведят вси живущии во Египте, яко Аз есмь Господь: зане был еси жезл тростян дому Израилеву: 7 егда ясся тебе рукою своею, сокрушился еси, и егда восплеска на них всяка рука, и егда почиша на тебе, стерлся еси и сломил еси их вся чресла. 8 Сего ради тако глаголет Адонаи Господь: се, Аз наведу на тя меч и погублю от тебе люди и скоты, 9 и будет земля Египетска в погибель и во опустение, и уразумеют, яко Аз есмь Господь. Понеже глаголал еси, яко реки моя суть, и аз соториих я: 10 того ради, се, Аз на тя и на и вся реки твоя, и дам землю Египетску во опустение и в меч и в погибель, от Магдоля и Синии и даже до предел Ефиопских: 11 не пройдет сквозе ея нога человечка, ни нога скотия не поступит по ней, и не населится четыредесять лет: 12 и дам землю его в пагубу среде земли опустелья, и гради его среди градов опустивших будут, в разорении будут четыредесять лет: и разсею Египта во языщах, и развею я по странам. 13 Сия глаголет Адонаи Господь: по четыредесятих летех соберу Египтяны от языка, аможе разсыпашася, 14 и возвращу пленники Египетскии и вселю я в землю Фафорскую, в землю, отюнудуже взяти быша, и будет власть смиренна: 15 паче всех властей будет смиренна, и не вознесется ктому над языки, и умалены соторю я, еже не быти им многим во языщах. 16 И не будут ктому дому Израилеву в надежду воспоминающую беззаконие, внегда последовати им по них: и уразумеют, яко Аз есмь Господь. 17 И бысть в двадесять седмое лето, во един день месяца первого,

бысть слово Господне ко мне глаголя: 18 сыне человечь, Навуходоносор царь Вавилонск поработи силу свою работою великою на Тира, всяка глава плашива и всяко рамо наго: и мзда не бысть ему ни силе его на Тира, за работу, еюже работаша нань. 19 Того ради сице глаголет Адонаи Господь: се, Аз даю Навуходоносору царю Вавилонску землю Египетску, и возмет множество ея, и пленит плен ея, и расхитит корысти ея, и будет мзда силе его: 20 за службу его, еюже послужи на Тира, дах ему землю Египетску, зане послужи Мне, сия глаголет Адонаи Господь. 21 В той день взыдет рог всему дому Израилеву, и тебе дам уста отверста среде их, и уведят, яко Аз есмь Господь.

30 И бысть слово Господне ко мне глаголя: 2 сыне человечь, прорцы и рцы: сия глаголет Адонаи Господь: 3 возрыдайте: оле, оле день! Яко близ день Господень, и приближается день облака, и конец языков будет: 4 и придет мечь на Египтяны, и будет мятеж во Ефиопии, и падут язвении во Египте, и взято будет множество их, и падутся основания его: 5 Персияне и Критяне, и Лидяне и Ливиане, и Мурины (и вся Аравия) и все примесницы, и сынове, иже от завета Моего, в нем мечем падут с ним. 6 Сия глаголет Господь: и падут подпоры Египта, и снидет укоризна крепости его от Магдоля даже до Синны, мечем падут в нем, глаголет Адонаи Господь. 7 И опустеют среде стран погибших, и гради их среде градов опустивших будут: 8 и уразумеют, яко Аз есмь Господь, егда дам огнь на Египет, и сокрушатся все помагающие ему. 9 В той день приидут вестницы от лица Моего в сиеим тщащеся погубити надежду Муринского земли, и будет им мятеж в день Египетск, яко се, приспе. 10 Сия глаголет Адонаи Господь: и погублю множество Египтян рукою Навуходоносора царя Вавилонска, 11 самаго и людий его с ним, губителье от языка посланы погубити землю: и извлекут все мечы своя на Египта, и наполнится земля язвенными. 12 И дам реки их во опустение и отда землю в руце злых, и погублю землю и исполнение ея руками чуждих, Аз Господь глаголах. 13 Яко сия глаголет Адонаи Господь: погублю кумиры и испражню вельможы от Мемфиса и старейшины от земли Египетской, и не будут ктому: и дам страх во земли Египетской. 14 И погублю землю Фафорскую, и дам огнь на Таниса, и сторю отмщение в Диосполи, 15 и излию ярость Мою на Саин крепость Египетску, и погублю множество Мемфы. 16 И дам огнь на Египта, и мятежем возмается Саис, и в Диосполи

будет разселина, и разлиются воды. 17 Юноши Илиуполя и Вуваста мечем падут, и жены в плен пойдут: 18 и в Тафнессе помрачится день, егда сокрушу тамо скипетры Египетски, и погибнет тамо укоризна крепости его, и того покрывает облак, и дщери его во пленение отведутся. 19 И сторю суд во Египте, и уразумеют, яко Аз есмь Господь. 20 И бысть во единонадеятое лето, в первый месяц, в седмый день месяца, бысть слово Господне ко мне глаголя: 21 сыне человечь, мышцы фараона царя Египетска сотрох, и се, не помолися, еже дати ему цельбу, приложити ему пластырь, (обязати,) дати силу, да возмет мечь. 22 Того ради сия глаголет Адонаи Господь: се, Аз на фараона царя Египетска, и сокрушу мышцы его крепкия и протяженяя и сотреняя, и изрину мечь его из руки его: 23 и разсею Египта во языки и развею их во страны: 24 и укреплю мышцы царя Вавилонска и дам мечь Мой в руку его, и наведет его на Египта, и пленит пленение его, и возмет корысти его: 25 и укреплю мышцы царя Вавилонска, мышцы же фараони падут: и уведят, яко Аз есмь Господь, егда дам мечь Мой в руце царя Вавилонска, и прострет его на землю Египетску, 26 и разсею Египта во языки и развею их во страны: и уведят все, яко Аз есмь Господь.

31 И бысть во единонадеятое лето, в третий месяц, во един день месяца, бысть слово Господне ко мне глаголя: 2 сыне человечь, рцы фараону царю Египетску и множеству его: кому уподобил еси себе в высоте твоей? 3 Се, Ассур кипарис в Ливане, добр отрасльми и высок величеством и част покровом, и среде облак бысть власть его: 4 вода воспита его, бездна вознесе его, реки своя приведе окрест садов своих, и составы своя испусти во вся древеса полевая. 5 Сего ради вознесеся величество его паче всех древес польных, разширишася ветвие его, и вознесошася отрасли его от воды многи, егда протяжеся. 6 Во отраслех его возгнездишася вся птицы небесныя, и под ветвьми его раждахуся вси зверие польни, под сению его вселися все множество языков. 7 И бысть добр в высоте своей множества ради ветвий своих, яко беша корение его в воде мнозе. 8 И кипариси не таковы в раи Божии, и сосны неподобны отраслем его, и елие не бысть подобно ветвиям его: всякое древо, еже в раи Божии, не бысть подобно ему в доброте его, множества ради ветвий его. 9 Добра соторих его во множестве ветвий его, и возревноваша ему древеса райская Сладости Божия. 10 Того ради сия глаголет Адонаи Господь: понеже был еси велик величеством и дал еси власть свою во средину облак, и вознесеся

сердце его в высоте его, и видех, егда вознесеся: 11 и предах его в руце князя языческа, и сотвори пагубу его, по нечестию его. 12 И изгнах его Аз, и потребиша его чуждии губителье от языка, и повергша его на горах: и во всех дебрех падоша ветви его, и сотрошася отрасли его на всяцем поли земнем, и снидоша от покрова его вси людие языков и разориша его. 13 Во падении его почиша вся птицы небесныя, и на стеблиех его быша вси звери селни, 14 яко да не возносятся величеством своим вся древеса, яже в воде, и не дадят власти своея среде облак, и не станут в высоте их к нему вси пионы воду, вси отданы быша во смерть во глубину земли, среде сынов человеческих к низходящим в пропасть. 15 Сия глаголет Адонаи Господь: в оньже день сведеся во ад, плакася о нем бездна: и удержах реки ея и возбраних множеству вод, и померче о нем Ливан, и вся древеса полевая о нем разслабиша: (Sheol h7585) 16 от гласа падения его потрясощася языцы, егда свождах его во ад со снизходящими в ров, и утешаху его в земли дальнейшей вся древеса Сладости, и избранная и добрая Ливанова, вся пиющая воду: (Sheol h7585) 17 и та бо сведоша с ним во ад со язвенными от меча, и семя его, и живущии под покровом его среде жизни своея погибша. (Sheol h7585) 18 Кому уподобился еси силою и славою и величеством во древесех Сладости? Слези и сниди со древесами Сладости во глубину земную: среде необрязаных успнеши со язвенными мечем: тако фараон и все множество крепости его, глаголет Адонаи Господь.

32 И бысть во второенадесять лето, во вторыйнадесять месяц, во един день месяца, 2 бысть слово Господне ко мне глаголя: сыне человечь, возми плачь на фараона царя Египетска и речеши ему: льву языков уподобился еси ты, и яко змий великий, иже в мори, и бил еси рогами в реках твоих, и возмущал еси воду ногама твоима, и попирал еси реки твоя. 3 Сия глаголет Адонаи Господь: и возложу на тя сети Моя в собрании людей многих, 4 и изведу тя удою мою, и простру тя на земли: поля наполнятся тебе, и посажду на тебе вся птицы небесныя, и насыщу тобою вся звери вся земли: 5 и повергу плоти твоя на горах, и наполню кровию твою всю землю, 6 и напиется земля от гноя твоего, от множества твоего на горах: и дебри наполню от тебе, 7 и покрью небо, егда угаснеши, и помрачу звезды его, солнце во облаце скрью, и луна не явит света своего: 8 вся светила небесная помрачу на тя и дам тму на землю твою, глаголет Адонаи Господь. 9 И разгневаю сердца людей многих, егда изведу пленники твоя во языки, в землю,

яже не знал еси. 10 И уныют о тебе языцы мнози, и царие их ужасом ужаснутся о тебе, егда налетит мечь Мой на лица их, чающе падения своего от дне падения твоего. 11 Яко сия глаголет Адонаи Господь: мечь царя Вавилонска приидет тебе, мечами исполинов, и поражу крепость твою: 12 губителье от язык вси, и погубят укоризну Египетску, и сокрушится вся крепость его. 13 И погублю вся скоты его от воды многи, и не возмутит ея нога человеческа ктому, и стопа скотия не ступит на ню. 14 Тако тогда умолкнут воды их, и реки их яко елей потекут, глаголет Адонаи Господь, 15 егда дам Египту в пагубу, и опустеет земля с полнотою своею, егда разсею вся живущая на ней, и уведят, яко Аз есмь Господь. 16 Плачь есть, и восплачевши о нем, и дщери языческия восплачутся о нем, над Египтом и над всею силою Его восплачутся, глаголет Адонаи Господь. 17 И бысть во второенадесять лето, первого месяца в пятыйнадесять день, бысть слово Господне ко мне глаголя: 18 сыне человечь, восплачевши о крепости Египетстей (прекланяя преведи его): и сведут дщерей его мертвых языцы во глубину земную ко низходящим в пропасть. 19 От вод благолепно сниди и поспи с необрязаными. 20 Среде язвеных мечем падут с ним, и успнет вся крепость его. 21 И рекут ти исполнини: во глубине пропасти буди, кого лучши еси ты? Сниди и лязи с необрязаными среде язвеных мечем. (Sheol h7585) 22 Тамо Ассур и весь сонм его, и вси язвении тамо дашася, и гроб их во глубине пропасти, и быти сонм его окрест гроба его, вси язвении падши мечем, 23 иже даша гробы его во стегнех рва, и бысть сонм его окрест гроба его, вси тии язвении падающии мечем, иже даша страх свой на земли живых. 24 Тамо Елам и вся сила его окрест гроба его, вси язвении падши мечем и низходящии необрязаны во глубину земную, давши страх свой на земли живых: 25 и прияша мучение свое с низходящими в пропасть, среде язвеных. 26 Тамо дашася Мосох, и Фовель, и вся сила его, окрест гроба его, вси необрязанни язвении от меча, давши страх свой на земли жизни. 27 И успоша со исполнини падшими от века, иже снидоша во ад во оружии воинствем и положиша мечы своя под главы своя, и быша беззакония их на костех их, яко устрашиша всех во житии своем, и страх сильным быша на земли живущым. (Sheol h7585) 28 И ты посреде необрязанных сокрушиши и поспиши со язвенными мечем. 29 Тамо Едом и царие его и вси князи Ассуроны, давши крепость свою на язву мечную: сии со язвенными успоша, с низходящими в ров. 30 Тамо князи северстии вси, тамо вси воеводы Ассуроны,

иже сведени быша со язвенными со страхом своим и со крепостию своею стыдящимся, успоша необрязанни со язвенными мечем, и прияша мучение свое с низходящими в пропасть. 31 Тех узрит царь фараон и утешится от всей крепости их: фараон и язвении мечем и вся сила его, глаголет Адонаи Господь. 32 Яко дах страх Мой на земли жизни, и успнет среде необрязанных со язвенными мечем фараон, и все множество его с ним, глаголет Адонаи Господь.

33 И быти слово Господне ко мне глаголя: 2 сыне человечь, глаголи ко сыном людий твоих и речеши к ним: земля, на нюже Аз аще наведу мечь, и поймут людие земли человека единаго от себе и поставят его себе во стражу, 3 и узрит мечь грядущь на землю, и вострубит трубою, и проповесть людем, 4 и услышит услышавый глас трубы, а не сохранится, и найдет мечь и постигнет его, кровь его на главе его будет: 5 яко слыша глас трубы и не сохранися, кровь его на нем будет: а сей, понеже сохранися, душу свою избавил. 6 И страж, аще увидит мечь грядущь, и не вострубит трубою, (и не проповесть людем,) и людие не охранят себе, и нашед мечь возмет от них душу, та убо беззакония ради своего взяся, а крове ея от руки стражиа взыщу. 7 И ты, сыне человечь, во стражи дах тя дому Израилеву, и услышиши от уст Моих слово, и проповеси им от Мене. 8 Егда реку грешнику: грешниче, смертию умреши: и не будеши глаголати (грешнику), еже сохранития нечестивому, (еже обратитися ему) от пути своего (и живу быти ему), той беззаконник во беззаконии своем умрет, а крове его от руки твоего взыщу. 9 Аще же ты проповеси нечестивому путь его, еже обратитися от него, и не обратится с пути своего, той в нечестии своем умрет, а ты душу твою избавил еси. 10 И ты, сыне человечь, рцы дому Израилеву: сице ресте глаголюще: прелести наша и беззакония наша в нас суть, и мы в них таем, и како нам живым быти? 11 Рцы им: живу Аз, глаголет Адонаи Господь, не хощу смерти грешника, но еже обратитися нечестивому от пути своего и живу быти ему: обращением обратитеся от пути вашего злого: и вскую умираете, дому Израилев? 12 И ты, сыне человечь, рцы ко сыном людий твоих: правда праведника не избавит его, в онъже день прельстится: и беззаконие беззаконника не убийет, в онъже день обратится от беззакония своего: и праведник не может спастися в день греха своего. 13 Егда реку праведнику: жизнию жив будеши: сей же уповая на правду свою и сотворит беззаконие, вся правды его не воспомянутся, в неправде своей, юже сотвори, в той

умрет. 14 И егда реку нечестивому: смертию умреши: и обратится от греха своего и сотворит суд и правду, 15 и залог отдаст и восхищеное возвратит, беззаконник в заповедех жизни ходити будет, еже не сотворити неправды, жизнию жив будет и не умрет: 16 вси греши его, яже согреши, не помянутся: понеже суд и правду сотвори, жив будет в них. 17 И рекут сынове людий твоих: неправ путь Господень. И се, путь их неправ. 18 Егда сотратится праведник от правды своей и сотворит беззаконие, и умрет в нем. 19 И егда грешник возвратится от беззакония своего и сотворит суд и правду, той жив будет в них. 20 И се есть, еже рекосте: неправ путь Господень. Комуждо по путем его сужду вам, дому Израилев. 21 И бысть во второнадесять лето, месяца вторагонадесять, в пятый день месяца пленения нашего, прииде ко мне от Иерусалима уцелевый глаголя: пленен бысть град. 22 И рука Господня бысть на мне в вечер, прежде пришествия его, и отверзе уста моя, дондеже прииде ко мне заутра: и отверзшаяся уста моя не затвориша ктому. 23 И бысть слово Господне ко мне глаголя: 24 сыне человечь, живущи на опустевших местех во земли Израилеве глаголют: един бяше Авраам и одержаше землю, а мы множайши есмы, нам дана есть земля во одержание. 25 Того ради рцы им: сице глаголет Адонаи Господь: понеже с кровию ясте и очи ваши воздвигосте ко кумиром и кровь проливаете, и землю ли наследите? 26 Стасте с мечем вашим, сотвористе мерзости, и кийждо жену ближняго своего осквернисте, и тако ли землю имате наследити? 27 Того ради рцы им: сия глаголет Адонаи Господь: живу Аз, яко падут мечем сущии во опустевших, и иже на лицы поля, зверем польным предадутся на изядение, и сущия во градех и иже в пещерах смертию поражу, 28 и дам землю на опустение, и погибнет гордость крепости ея, и опустеют горы Израилевы, занеже не будет проходящаго: 29 и уведят, яко Аз Господь: и сотворю землю их пусту, и опустеет всех ради мерзостей их, яже сотвориша. 30 И ты, сыне человечь, сынове людий твоих глаголющии о тебе у забрал и во вратех дворов, и глаголют кийждо ко ближнему своему и кийждо ко брату своему, глаголюще: соберимся и услышим исходящая от уст Господних. 31 И приходят к тебе, якоже сходятся людие, и седят людие Мои пред тобою, и послушают глаголов твоих, и не сотворят их: понеже лжа во устех их, и вслед скверн их сердце их ходит. 32 И будеши им яко глас песнища сладкогласнаго благосличнаго, и услышат глаголы твоя, и не сотворят их. 33 И егда приидеши, рекут: се, прииде. И уведят, яко пророк бе среде их.

34 И бысть слово Господне ко мне глаголя: 2 сыне человечь, прорцы на паstryи Израилевы, прорцы и рцы паstryем: сия глаголет Адонаи Господь: з оле, паstryи Израилевы! Еда пасут паstryи самих себе? Не овец ли пасут паstryи? Се, млеко ядите и волною одевается и тучное закалаете, а овец Моих не пасете: 4 изнемогшаго не подясте и болящаго не уврачевасте, и сокрушенаго не обязасте и заблуждащаго не обратисте, и погибшаго не взыскасте и крепкое оскорбисте трудом и властию наказасте я и нарганием. 5 И разсыпашася овцы Моя, понеже не имеяху паstryей, и быша на изядение всем зверем селным. 6 И расточишася овцы Моя по всем горам и (заблудиша) по всем холмом высоким, и на лицы всея земли разсыпашася овцы Моя, и не бе взыскающаго, ни обращающаго. 7 Того ради, о, паstryи, слышите слово Господне: в живу Аз, глаголет Адонаи Господь, понеже учинена суть стада Моя в расхищение, и овцы Моя быша во снедение всем зверем селным, занеже несть паstryей, и не поискаша паstryи овец Моих, но пасоша паstryи самих себе, а овец Моих не пасоша: 9 сего ради, паstryи, слышите слово Господне, 10 сия глаголет Адонаи Господь: се, Аз на паstryи, и взыщу овец Моих от рук их, и отставлю я от паstryи овец Моих, и не будут пасти их паstryи: ниже самих себе имут пасти, и отиму овцы Моя из уст их, и кому не будут им на изядение. 11 Сего ради сия глаголет Адонаи Господь: се, Аз взыщу овец Моих и присещу их: 12 якоже присещает пастух паству свою в день, егда есть облачен и мглян, среде овец своих разлученых, тако взыщу овец Моих и избавлю я от всякаго места, аможе суть разсыпаны в день облачен и примрачен. 13 И изведу я от язык и соберу и от стран, и введу я в землю их и упасу я на горах Израилевых и в дебрех и во всем селении земли, 14 на пажити блазе упасу я, на горе высоце Израилеве: и будут ограды их тамо, и успнут и почют тамо в пищи блазе, и на пажити тучне упасутся на горах Израилевых. 15 Аз упокою я, и уразумеют, яко Аз есмь Господь. 16 Сия глаголет Адонаи Господь: погибшее взыщу и заблудившее обращу, и скрушенное обяжу и немощное укреплю, и крепкое снабдю и упасу я с судом. 17 И вы, овцы Моя, сия глаголет Адонаи Господь: се, Аз разсужду между овцею и овцею, и овном и козлом. 18 Не доволно ли вам, яко на блазей пажити пасостеся, и останок пажити вашея ногами вашими попирасте, и устоявшуюся воду пивасте, и останок ногами вашими возмущасте, 19 и овцы Моя попранием ног ваших живяху, и возмущенную

воду ногами вашими пияху? 20 Того ради сия глаголет Адонаи Господь: се, Аз разсужду между овчатем сильным и между овчатем немощным. 21 Ребрами и плещами вашими реясте и рогами вашими бодосте, и всякое немощное пхасте, дондеже изгнасте я вон: 22 и спасу овцы Моя, и кому не будут на разграбление, и разсужду между овчатем и овчатем, и между овном и овном: 23 и возставлю им паstryя единаго, и упасет я, раба Моего Давида, той упасет я, (и той упокоит я,) и будет им паstryрь, 24 Аз же Господь буду им в Бога, и раб Мой Давид князь среде их: Аз Господь глаголах. 25 И завещао Давидови завет мирный, и потреблю звери злы от земли, и вселятся в пустыни, уповающе успнут в дубравах. 26 И дам им окрест горы Моей благословение, и испущу дождь вам во время свое, дождь благословения. 27 И древеса на поли дадут плод свой, и земля даст силу свою, и вселятся на земли своей с надеждею мира, и уведят, яко Аз есмь Господь, егда скрушу узы ига их: и избавлю я из руки поработивших я, 28 и не будут кому во пленение языкок, и зверие земни не поядят их кому: и вселятся с надеждею, и не будет устрашай их. 29 И возставлю им сад мирен, и не будут кому малы числом на земли, и не будут погублены гладом на земли, и не примут кому укорения от язык: 30 и уведят, яко Аз есмь Господь Бог их с ними, а тии людие Мои дом Израилев, глаголет Адонаи Господь: 31 вы же овцы Моя и овцы паstryи Моей есте, и Аз Господь Бог ваш, глаголет Адонаи Господь.

35 И бысть слово Господне ко мне глаголя: 2 сыне человечь, обрати лице твое к горе Сеир и прорцы на ню и рцы ей: з сия глаголет Адонаи Господь: се, Аз на тя, горо Сеир, и простру руку Мою на тя и поставлю тя пусту, и опустеши, 4 и во градех твоих пустыню сотворю, и ты в пустыню будеши, и уразумеши, яко Аз есмь Господь. 5 Понеже бысть в тебе вражда вечная, и приседела еси дому Израилеву лукавством, рукою врагов с мечем во время печали их и во время неправды, на последок: 6 сего ради живу Аз, глаголет Адонаи Господь, понеже в крови согрешила еси, и кровь поженет тя, кровь возненавида еси, и кровь ижденет тя. 7 И поставлю гору Сеир пусту и опустевшу, и погублю от нея человеки и скоты, (и приходяща и отходяща:) 8 и наполни язвенными твоими холмы твоя и дебри твоя, и на всех полех твоих язвении мечем падут в тебе: 9 и пусту во век поставлю тя, и гради твои не насятся кому, и уразумеши, яко Аз есмь Господь. 10 Понеже рекла еси: оба языка и обе стране мои буду, и возму их в наследие, а Господь тамо

есть: 11 сего ради живу Аз, глаголет Адонаи Господь, и соторю тебе по вражде твоей и по ревности твоей, юже соторила еси от ненавидения к ним, и познан буду тобою, егда имам тебе судити, и уразумеши, яко Аз есмь Господь. 12 Слышах глас всех хулений твоих, яже глаголала еси: горы Израилевы пусты даны нам во снедь: 13 и велеречила еси на мя усты твоими и умножила на мя словеса, Аз же услышах. 14 Сего ради тако глаголет Адонаи Господь: во веселии всея земли пусту тя соторю: 15 якоже порадовалася еси о наследии дому Израилева, яко погибе, тако соторю тебе: пуста будешি, горо Сеир, и вся Идумеа потребится, и уведят, яко Аз есмь Господь Бог их.

36 И ты, сыне человечь, прорцы на горы Израилевы и рцы: 2 горы Израилевы, слышите слово Господне, сия глаголет Адонаи Господь: понеже рече враг на вы: благоже, пустыня вечная во одержание нам бысть: 3 того ради прорцы и рцы: тако глаголет Адонаи Господь: зане быти вам погубленым и безчестным и возненавиденным от языкок окрестных вам, еже быти вам во одержание прочым языкок, и взыдосте и бысте в поношение устен и во укоризну странам: 4 сего ради, горы Израилевы, слышите слово Господне, сия глаголет Адонаи Господь горам и холмом, и потоком и дебрем, и полянам и опустошеным, и разоренным и градом оставленным, иже быша в пленение и в попрание оставшим языкок окрестным. 5 Того ради сия глаголет Адонаи Господь: аще не во огни рвения Моего глаголах на прочия языки и на Идумею всю, яко даша землю Мою себе во одержание со веселием (от всего сердца), обезчестивше души, еже потребити повоеванием: 6 того ради прорцы на землю Израилеву и рцы горам и холмом, и полянам и дебрем: сия глаголет Адонаи Господь: се, Аз во рвении Моем и в яости Моей глаголах, за укоризну, юже приясте от языкок. 7 Того ради сия глаголет Адонаи Господь: се, Аз воздвигну руку Мою на языки, иже окрест вас, тии безчестие свое примут. 8 Ваше же гроздие и плод ваш, горы Израилевы, поядят людие Мои, яко надеются принити. 9 Яко се, Аз к вам, и призрю на вы, и возделаете и насеете: 10 и умножу в вас человеки, весь дом Израилев до конца, и наследятся гради, и пустыни оградятся: 11 и умножу вас людьми и скотом, и умножатся и возрастут, и вселю вас якоже прежде, и благо соторю вам якоже бывшым прежде вас, и уразумеете, яко Аз есмь Господь: 12 и нарожду в вас человеки люди Моя Израиля, и наследят вас, и будете им во одержание, и не приложите ктому безчадни быти от

них. 13 Сия глаголет Адонаи Господь: понеже глаголаша тебе: земля поядающая человеки ты еси, и безчадная от языка твоего была еси: 14 того ради человеков ктому не пояси и языка твоего не обезчадиши ктому, глаголет Адонаи Господь. 15 И не услышится в вас ктому безчестие языкок, и укоризны людий не примите ктому, и язык твой не будет без чад ктому, глаголет Адонаи Господь. 16 И бысть слово Господне ко мне глаголя: 17 сыне человечь, дом Израилев вселися на земли своей, и оскверниша ю путем своим и кумирии своими и нечистотами своими, и по нечистоте месячная имущия бысть путь их пред лицем Моим: 18 и излиях ярость Мою на яя, крови ради, юже пролияша на землю, и кумирии своими оскверниша ю, 19 и разсыпах я во языки и развеях я во страны: по пути их и по начинанию их судих им. 20 И внидоша во языки, в няже внидоша тамо, и оскверниша имя Мое святое, внегда глаголатися им: людие Господни сии и от земли своея изыдоша. 21 И пощадих я имене ради Моего святаго еже оскверниша дом Израилев во языцах, аможе внидоша. 22 Того ради рцы дому Израилеву: сия глаголет Адонаи Господь: не вам Аз творю, дому Израилев, но имене Моего ради святаго, еже осквернисте во языцах, тамо аможе внидосте. 23 И освящу имя Мое великое, оскверненное во языцах, еже осквернисте среде их, и уразумеют языцы, яко Аз есмь Господь, глаголет Адонаи Господь, внегда освящуся в вас пред очима их. 24 И возму вы от язык и соберу вы от всех земель, и введу вы в землю вашу, 25 и воскроплю на вы воду чисту, и очиститеся от всех нечистот ваших и от всех кумириов ваших, и очищу вас. 26 И дам вам сердце ново и дух нов дам вам, и отиму сердце каменное от плоти вашея и дам вам сердце плотяно, и дух Мой дам в вас: 27 и соторю, да в заповедех Моих ходите, и суды Моя сохраните и соторите я. 28 И вселитесь на земли, юже дах отцем вашим, и будете Ми в люди, Аз же буду вам в Бога. 29 И спасу вы от всех нечистот ваших (и очищу вы от грех ваших всех), и призову пшеницу и умножу ю, и не дам на вы глада: 30 и распложу плод древесный и плоды селныя, яко да не примите ктому гладныя укоризны во языцах. 31 И помянете пути своя злые и начинания ваша не благая, и вознегодуете пред лицем их о беззакониих ваших и о мерзостех ваших. 32 Не вас ради Аз творю, дому Израилев, глаголет Адонаи Господь, вестно да будет вам, (дому Израилев:) постыдитесь и усранимтесь от путий ваших, дому Израилев. 33 Сия глаголет Адонаи Господь: во онъже день очищу вы от всех беззаконий ваших и наследю

грады, и соградятся пустыни, 34 и земля погибшая возделается вместо того, яко погублена бысть пред очима всяко гимоходящаго: 35 и рекут: земля оная погибшая бысть яко вертоград Сладости, и гради опустевшии и разореннии и раскопаннии, забралы утверждении сташа: 36 и уразумеют языцы, елицы останутся окрест вас, яко Аз Господь возградих разоренныя и насадих погубленныя: Аз Господь глаголах и соторю. 37 Сия глаголет Адонаи Господь: се, еще обрящуся дому Израилеву, еже соторити им: умножу их яко овцы, человеки яко овцы святыя, 38 яко овцы Иерусалимли во праздниках его, тако будут гради опустевшии полни стад человеческих: и уразумеют, яко Аз Господь.

37 И бысть на мне рука Господня, и изведе мя в дусе

Господни и постави мя среде поля: се же бяше полно костей человеческих: 2 и обведе мя окрест их около, и се, многи зело на лицы поля, и се, сухи зело. 3 И рече ко мне: сыне человечь, оживут ли кости сия? И рекох: Господи Боже, Ты веси сия. 4 И рече ко мне: сыне человечь, прорцы на кости сия и речеши им: кости сухия, слышите слово Господне: 5 се глаголет Адонаи Господь костем сим: се, Аз введу в вас дух животен 6 и дам на вас жилы, и возведу на вас плоть и простру по вам кожу, и дам дух Мой в вас, и оживете и увесте, яко Аз есмь Господь. 7 И прорекох, якоже заповеда ми Господь. И бысть глас внегда ми пророчествовати, и се, трус, и совокупляхуся кости, кость к кости, каяждо ко составу своему. 8 И видех, и се, быша им жилы, и плоть растише, и восходжаще (и протяжеся) им кожа верху, духа же не бяше в них. 9 И рече ко мне: прорцы о дусе, прорцы, сыне человечь, и рцы духови: сия глаголет Адонаи Господь: от четырех ветров приди, душа, и вдуни на мертвяя сия, и да оживут. 10 И прорекох, якоже повеле ми, и вниде в ня дух жизни, и ожива и сташа на ногах своих, собор мног зело. 11 И рече Господь ко мне глаголя: сыне человечь, сия кости весь дом Израилев есть, тии бо глаголют: сухи быша кости наша, погибе надежда наша, убиени быхом. 12 Того ради прорцы (сыне человечь) и рцы к ним: сия глаголет Адонаи Господь: се, Аз отверзу гробы вашя и изведу вас от гроб ваших, людие Мои, и введу вы в землю Израилеву: 13 и увесте, яко Аз есмь Господь, внегда отверсти Ми гробы вашия, еже возвести Ми вас от гробов ваших, людие Мои: и дам дух Мой в вас, и живи будете, 14 и поставлю вы на земли вашей, и увесте, яко Аз Господь: глаголах и соторю, глаголет Адонаи Господь. 15 И бысть слово Господне ко мне глаголя:

16 сыне человечь, возми себе жезл един и напиши на нем Иуду и сыны Израилевы прилежащая к нему: и жезл второй возми себе и напиши на нем Иосифа, жезл Ефремов, и вся сыны Израилевы приложившися к нему: 17 и совокупи я друг ко другу себе в жезл един, еже связати я, и будут (вкупе) в руце твоей: 18 и будет, егда рекут к тебе сынове людий твоих, вопрошающе: не возвестиши ли нам ты, что суть сия тебе? 19 И речеши к ним: сия глаголет Адонаи Господь: се, Аз поиму племя Иосифово, еже есть в руце Ефремове, и племена Израилева прилежащая к нему, и дам я в племя Иудино, и будут в жезл един в руце Иудине. 20 И будут жезли, на нихже писати будеши, в руце твоей пред очима их, 21 и речеши к ним: сия глаголет Адонаи Господь: се, Аз поемлю весь дом Израилев от среды языков, аможе внидоша, и соберу я от всех сущих окрест их и введу их в землю Израилеву, 22 и дам я во язык на земли Моей и в горах Израилевых: и Князь един будет во всех сих царем, и не будут ктому в два языка, ни разделятся ктому на два царства, 23 да не оскверняются ктому в кумирих своих и в мерзостех своих и во всех нечестиих своих: и избавлю я от всех беззаконий их, имиже согрешиша, и очищу я, и будут Ми в люди, и Аз буду им в Бога. 24 И раб Мой Давид Князь среде их и Пастьръ един будет всех, яко в заповедех Моих ходити будут и суды Моя сохранят и соторят я, 25 и вселятся на земли своей, юже дах рабу Моему Иакову, на нейже жиша тамо отцы их, и вселятся на ней тии и сынове их и сынове сынов их даже до века: и Давид раб Мой князь их будет во век. 26 И утвержу им завет мирен, и завет вечен будет с ними, и укореню я и умножу, 27 и дам освящение Мое посреде их во век, и будет вселение Мое в них, и буду им Бог, а они будут Ми людие: 28 и уведят языцы, яко Аз есмь Господь освящаяй я, внегда будут святая Моя среде их во век.

38 И бысть слово Господне ко мне глаголя: 2 сыне

человечь, утверди лице твое на Гога и на землю Магога князя Рос, Мосоха и Фовеля, и прорцы наань, 3 и рцы ему: сия глаголет Адонаи Господь: се, Аз на тя, Гог, и на князя Рос, Мосоха и Фовеля, 4 и обращау тя окрест, и вложу узду в челюсти твоя, и соберу тя и всю силу твою, кони и конники оболчены во броня вся, собор мног, шлемы и мечи и щиты вси тии имуще: 5 Персияне и Муряне, и Лидяне и Ливиане, вси сии щиты и шлемы имуще: 6 Гомер и вси иже окрест его, дом Форгаманъ от конец севера и вси иже окрест его, и языцы мнози с тобою. 7 Уготовися, уготовися сам ты и весь сонм твой

собранный с тобою, и будеши ми в преднюю стражбу. 8 От дній множайших уготвишися, и в последняя лета приидеши, и приидеши на землю низвращенную от меча, собранных от язык многих на землю Израилеву, яже бысть пуста весьма: и тии от язык изыдоша, и вселятся с миром вси. 9 И взыдиши аки дождь и приидеши аки облак, покрыти землю, и падеши ты и вси иже окрест тебе, и языцы мнози с тобою. 10 Сия глаголет Адонаи Господь: и будет в той день, взыдут глаголы на сердце твое, 11 и помыслиши помышления злая и речеши: взыду на землю отверженую, прииду на молчащая в тишине и живущая мирно, на вся живущая на земли, на нейже несть ограды, ни дверий, ни верей, 12 еже пленити плен и взяти корысти их, еже обратити руку мою на землю опустошеную, яже населися, и на язык собранный от языков многих, створивших притяжания имений и живущих на пупе земли. 13 Сава и Дедан и купцы Кархидонстии и вся веси их рекут тебе: еда на пленение, еже пленити, ты грядеши, и взяти корысти? И собрал еси люди твоя взяти сребро и злато, отвести притяжания и имения, еже пленити плен велик. 14 Того ради прорцы, сыне человечь, и рцы Гогу: сия глаголет Адонаи Господь: не в той ли день, егда жити будут людие Мои Израиль с миром, востанеши? 15 И приидеши от места своего от конца севера, и языцы мнози с тобою: конницы на конех вси, собор велик и сила многа, 16 и взыдиши на люди Моя Израиля, яко облак покрыти землю: в последния дни будет, и возведу тя на землю Мою, да Мя уведят вси языцы, егда освящуся в тебе пред ними, (о, Гог!) 17 сия глаголет Адонаи Господь Гогу: ты еси, о немже глаголах во дни первыя рукою раб Моих пророк Израилевых, прорекших в оныя дни и лета, еже привести тя на ня. 18 И будет в той день, в оньже приидет Гог на землю Израилеву, глаголет Адонаи Господь, взыдет ярость Моя во гневе Моем 19 и рвения Моя во огни гнева Моего: глаголах, аще не будет в той день трус велик на земли Израилеве: 20 и потрясутся от лица Господня рыбы морския и птицы небесныя, и зверие польни и вси гади ползающии по земли, и вси человецы иже на лица земли, и расторгнутся горы и падут дебри, и всяка стена на землю падет. 21 И призову нань весь страх мечный, глаголет Адонаи Господь: мечь человека на брата его будет. 22 И отсужду ему смертию и кровию, и дождем потопляющим и камением градным, огнь и камень горящъ одожду нань и на вся сущая с ним и на языки многия с ним: 23 и возвеличуся и освящуся,

и прославлюся и уведен буду пред языки многими, и уведят, яко Аз есмь Господь.

39 И ты, сыне человечь, прорцы на Гога и рцы: сия глаголет Адонаи Господь: се, Аз на тя, Гог, князя Рос, Мосоха и Фовеля, 2 и соберу тя и наставлю тя, и возведу тя от конца севера и возведу тя на горы Израилевы: 3 и исторгну лук твой от руки твоей левыя и стрелы твоя от руки твоей десныя, 4 и поражу тя на горах Израилевых, и падеши ты и вси иже окрест тебе, и языцы иже с тобою отдадятся во множество птиц всякому парящему, и всем зверем польным дах тя на изядение: 5 на лици поля падеши, яко Аз глаголах, глаголет Адонаи Господь. 6 И пущу огнь на Магога, и населятся острови с миром, 7 и уведят, яко Аз есмь Господь, и имя Мое святое вестно будет среде людий Моих Израиля, и не осквернится имя Мое святое кому, и уведят вси языцы, яко Аз есмь Господь Святый среде Израиля. 8 Се, приспе, и увеси, яко будет, глаголет Адонаи Господь: се есть день, о немже глаголах, 9 и взыдут живущии во градех Израилевых, и пожгут оружие, и щиты и копия, и луки и стрелы, и жезлы ручныя и сулицы, и раждегут ими огнь седьмь лет: 10 и не возмут древес с поля, ни изсекут от дубравы, но оружием раждегут огнь, и пленят пленившия их и расхитят расхитивших я, глаголет Адонаи Господь. 11 И будет, в той день дам Гогу место нарочито, гроб во Израили, многопогребательно, пришедших на восток моря, и заградят устие дебри и погребут тамо Гога и все множество его, и прозовется та дебри: многопогребательное Гога. 12 И закопают я дом Израилев, да очистится земля в седьмь месяц, 13 и погребут я вси людие земли, и будет им именито, в оньже день прославлюся, глаголет Адонаи Господь. 14 И мужей всегда поставят обходить всю землю, еже погребсти оставшихся на лици земли и очистити ю по седми месяцах, и взыщут опасно. 15 Всяк проходяй землю и узревый кость человечу сотворит у нея знамение, дондеже погребут ю погребающии в дебри, многопогребательнем Гогове. 16 Ибо имя месту (прозовется) Падение многопогребательное: и очистится земля. 17 И ты, сыне человечь, рцы: сия глаголет Адонаи Господь: рцы всячей птице парящей и ко всякому зверю селному: соберитеся и приидите от всех окрестных его на заколение Мое, еже заклах вам, заклание велие на горах Израилевых, ядите мяса и пийте кровь: 18 мяса исполинов изясте и кровь князей земных испиете, овны и телцы, и козлы и волы тучнии вси: 19 и да ясте тук до сытости и испиете кровь до пиянства

от заклания Моего, еже заклах вам: 20 и насытитесь от трапезы Моей, от коня и всадника, исполина и всякаго мужа воинскаго, глаголет Адонаи Господь. 21 И дам славу Мою в вас, и узрят вси языцы суд Мой, егоже соторих, и руку Мою, юже наведох на ня, 22 и увесь дом Израилев, яко Аз есмь Господь Бог их от сего дне и в прочыя. 23 И уведят вси языцы, яко грехов ради своих пленени быша дом Израилев, понеже отвергоясся Мене, и отвратих лицо Мое от них и предах я в руце врагов их, и падоша мечем вси: 24 по нечистотам их и по беззаконием их соторих им и отвратих лицо Мое от них. 25 Того ради сия глаголет Адонаи Господь: ныне возвращу пленение Иаковле и помилую дом Израилев, и возвретвную имене ради Моего святаго: 26 и возмут безчестие свое и всякую неправду свою, юже неправдоваша, егда вселятся на земли своей с миром и не будет устрашающаго, 27 всегда возвращу я от языка и соберу я от стран языческих и освящуся в них пред языки: 28 и уведят, яко Аз есмь Господь Бог их, всегда являся им во языцах и соберу я на землю их и не оставлю от них тамо кому: 29 и не отвращу лица Моего кому от них, зане излиях ярость Мою на дом Израилев, глаголет Адонаи Господь.

40 И бысть во двадесять пятое лето пленения нашего, первого месяца, в десятый день месяца, в четвертоенадесьть лето по пленении града, в той день бысть на мне рука Господня: и веде мя тамо, 2 в видении Божии веде мя на землю Израилеву и постави мя на горе высоце зело, на нейже яко сограждение града прямо (полудне), 3 и введе мя тамо: и се, муж, и зрак его бяше, яко видение меди блещащияся, и в руце его бяше вервь зиждущих и трость мерителная. Той же стояше у врат 4 и рече ко мне: видел ли еси, сыне человечъ? Виждь очима твоими и ушима твоими слыши, и учини в сердцы твоем вся, елика аз показую тебе, зане того ради вшел еси семо, да покажу тебе, и покажеша ты вся, елика видиши, дому Израилеву. 5 И се, ограда внеуду окрест храма, и в руце мужа мера тростяна шести лакот в лакоть шестодланный, и измери предстене ширину равно трости, и высоту его равно трости. 6 И вниде во врата зрящая на восток седмию степеньми, и измери фее, шесть о сию страну, шесть же об ону, и елам дверный равно трости. 7 И фее равно трости в долготу и равно трости в широту, и аилам среде феилаф шести лакот. И фее второе равно трости в широту и равно трости в долготу, елам же пяти лакот. 8 И фее третие равно трости в долготу и равно трости в широту,

9 елам же вратный, иже близ елама дверного осми лакот, аилев же двою лактей: и елам дверный внутрьду. 10 И фее дверная прямо фее, три о сию страну и три об ону, мера же едина трием: и мера едина аилам сюду и сюду. 11 И размери широту входа вратного десяти лактей, широту же вратную тринадесяти лактей, 12 и лакотъ един сводимо прямо фееим лактъ единаго и лактъ единаго, предел сюду и сюду, и фее шести лактей о сию страну и шести лактей об ону страну. 13 И размери врата от стены фее до стены фее, широта двадесяти и пяти лактей: сия врата ко вратом, 14 и непокровенное елама врат шестидесяти лактей, (двадесяти пяти) и фее двора окрест, 15 и непокровенное врат отвне в непокровенное (врат) елама врат внутрьду пятьдесят лактей. 16 И оконца сокровена феем и в аилам внутрь врат двора окрест: такожде и елам оконца внутрьду окрест, и на аилам финики сюду и сюду (изваяны). 17 И введе мя во двор внутренний, и се, преграждения и междустолпия окрест двора, преграждений же тридесять в междустолпиях, 18 и притворы противу задней стране врат, по долготе врат междустолпие нижнее. 19 И размери широту двора от непокровеного врат внешних внутрь ко непокровеному врат зрящих вне, лактей сто зрящих на восток: и введе мя на север, 20 и се, врата зрящая на север двору внешнему, и размери я, долготу их и широту. 21 И фее три о сию страну, три же об ону, и аилев, и еламы, и финики их: и бысть по мере врат зрящих на восток, пятидесяти лактей долгота их, а широта их двадесяти и пяти лактей: 22 и оконца их, и еламы, и финики их, яко же врата зрящая на восток: и седмию восходами восходжаху на ня, и еламы внутрьду. 23 И врата двора внутреннему зрящая ко вратом северным, яко же врата зрящая на восток: и размери двор от врат до врат лактей сто. 24 И веде мя к югу, и се, врата зрящая на юг, и размери я, и фее, и аилева, и еламы, по темже мерам. 25 И оконца их и еламы окрест яко же и оконца елаг, пятидесяти лактей долгота их, а широта двадесяти и пяти лактей, 26 и седьмь восходов им, и еламы внутрьду, и финики их, един о сию страну, а другий об ону над аилев. 27 И врата прямо вратом двора внутренняго на юг: и размери двор от врат до врат на юг, сто лактей в широту. 28 И введе мя во двор внутренний врат, яже на юг, и размери врата, яже на юг, по темже мерам: 29 и фее, и аилев, и еламы по темже мерам. 30 И оконца их и еламы окрест, пятидесяти лактей долгота их, а широта двадесяти и пяти лактей. 31 Еламы же во двор внешний, и финики аилев, и осмь восходов. 32 И

введе мя во врата зрящая на восток, и размери я по темже мерам, и фее и аилев и еламы по темже мерам. 33 И оконца им, и еламы и окрест, пятидесяти лактей долгота их, а широта их двадесяти и пяти лактей. 34 И еламы во двор внутренний, и финики на аилев сюду и сюду, и осмь восходов им. 35 И введе мя во врата яже на север, и размери по темже мерам, 36 и фее и аилев и еламы, и оконца им окрест, пятидесяти лактей долгота их, а широта двадесяти и пяти лактей, 37 и еламы во внешний двор, и финики аилеву сюду и сюду, и осмь восходов им. 38 И преграды их, и двери их, и еламы их пред враты их вторыми сток, тамо измывают всесожжения. 39 Во еламе же врат, две трапезы о сию страну, две же об ону, еже закалати на них всесожжения, яже за грехи и яже за неведение. 40 И созади стока всесожжений дверий зрящих на север две трапезы на восток противу задней стране (дверий) вторых, и противу елама врат две трапезы на восток. 41 Четыри о сию страну, четыри же об ону противу задней стране врат, на тех закалают заколения: прямо осми трапез заколений: 42 четыри же трапезы всесожжений каменны истесаны, в широту лактя единаго и пол, в долготу двух лактей и пол, а в высоту лакоть един: на тыя возлагают орудия, имиже закалают тамо всесожжения и заколения. 43 И имеют ограждение мало истесано на длань внутрьду окрест, верху же трапезы покров, еже покрываatisя им от дождя и зноя. 44 И введе мя во двор внутреннейший, и се, две преграды во внутреннейшем дворе, едина противу задней стране врат зрящих на север, вводящая на юг, а другая противу задней стране врат сущих на юг, зрящих же к северу. 45 И рече ко мне: преграда сия, яже зрит на юг, жерцем есть, иже стрегут стражбу храма: 46 а преграда, яже зрит к северу, жерцем есть стрегущым стражу требника: ти суть сынове Садуковы, приступающи от Левии ко Господеви, еже служити Ему. 47 И размери двор ста лактей в долготу и в широту ста лактей, на четыри страны его, и требник прямо храму. 48 И введе мя во елам храма: и размери аил елама пяти лактей широту о сию страну, пяти же лактей об ону, широта же дверная четырехнадесяти лактей, и бока дверная елама три лакти о сию страну, три же об ону. 49 Долгота же елама двадесять лактей, а широта двадесять лактей: и десятию степеньми восходжаху к нему, и столпи бяху у аилама, един о сию страну, а другой об ону.

41 И введе мя во храм, и размери аилам, шести лактей широта о сию страну и шести лактей широта аилам об ону, 2 и широта врат десять лактей, и бока врат пяти лактей о сию страну и пяти об ону: и измери долготу их четыредесять лактей, а широту двадесять лактей. 3 И вниде во двор внутренний, и размери аилам дверий двух лактей, и двери шести лактей, бока же дверная седми лактей о сию страну и седми об ону. 4 И размери долготу дверий четыредесять лактей, а широту двадесять лактей пред лицем храма, и рече ко мне: сие Святое Святых. 5 И размери стену храма шести лактей и широту страны четырех лактей окрест, 6 страны же страна до страны тридесять и три двации: и разстояние в стене храма во странах окрест, еже на прозрак быти входящым, да отнюд не прикасаются ко стенам храма. 7 Широта же вышния страны по приложению от стены к вышней окрест храма, яко да разширяется свыше, и да от долних восходят на горняя, а от средних на трекровная. 8 И видех храма высоту окрест разстояние стран равно трости шести лактей разстояния, 9 широта же стены страны внеуду пяти лактей, и прочая между странами храма, 10 и между преградами широта двадесяти лактей, окружность окрест храма. 11 Двери же преград ко прочему дверий единах яже к северу: и дверь едина к югу, широта же света прочаго пяти лактей широта окрест. 12 Раздел же противу прочему аки к морю седмъдесят лактей, широта стены разделяющия, широта окрест пять лактей, и долгота ея девятьдесят лактей. 13 И размери противу храма долготу сто лактей, и прочая и разделяющая, и стены их в долготу сто лактей. 14 И широта противу храма, и прочая противу ста лактей. 15 И размери долготу разделу противу лицу прочему созади храму тому, и прочая о сию страну и об ону ста лактей долготу: храм же и углы, и елам внешний, доски постланы. 16 И окна решетчатая свещения окрест трием (странам) еже приницати: храм же и яже близ его устлана древом окрест, и помост, и от помоста до окон: окна же отворяема трояко на приницание, 17 и даже до дому внутренняго и до внешняго, и на всей стене окрест внутренней и внешней меры, 18 и изваянни херувими и финики: финик посреде херувима и херувима: два лица херувиму: 19 лице человеческо к финику сюду и сюду, и лице львово к финику сюду и сюду, изваян весь храм окрест. 20 От помоста даже до свода херувими и финики изваяни. 21 Святое же и храм отверзаем на четыри страны, пред лицем святых видение яко зрак требника древяна, 22 три лакти высота его, а долгота дву лактей, и широта такожде: имеяше же роги, и основание его и

стены его древяны. И рече ко мне: сия трапеза, яже пред лицем Господним: 23 двои же двери храму и двои двери святым, 24 двоим дверем вращающыся: две вереи единственны, и две вереи вторым дверем. 25 И ваяния над ними и над дверьми храма херувим и финики, по ваянию святых, и древеса потребна пред лицем елама от внеуду, 26 и окна сокровена. И размери сюду и сюду в покровех елама, и страны храма древами сопряжены.

42 И введе мя во двор внешний на востоки, прямо врат

яже к северу, и введе мя (внутрь), и се, преград пять держащыся прочаго и держащыся предела к северу, 2 противу лица ста лактей долгота к северу, а широта пятьдесят лактей, 3 расписаны якоже врата двора внутренняго, и якоже междустолпия внешняго двора чинорасположены, прямоличны притворы три. 4 И прямо преградам проход десяти лактей в широту, во внутрення пути единаго лактая на сто лактей долгота, и двери их к северу. 5 И проходи горнични такожде, яко изницаше междустолпие из него, от долгнаго междустолпия, и разстояние: сице междустолпие и разстояние, 6 и сице притворы: понеже трегубы бяху и столпов не имеша, якоже столпи преград: того ради изницаху из низких и средних от земли. 7 И свет внеуду, якоже преграды двора внешняго, зрящыя противу преградам, яже к северу, долгота пятидесяти лактей. 8 Зане долгота преград зрящих во двор внешний бяше пятидесяти лактей, и тыя суть прямоличны тем: все же (бе) ста лактей. 9 Двери же преград тех входа, иже на востоки, еже входити ими от двора внешняго, 10 по свету сущаго в начале прохода: и к югу на лице юга, и прямо прочему, и прямо разделения, и преграды, 11 и проход противу лицу их, по мерам преград яже к северу и по долготе их и по широте их, и по всем исходом их и по всем вращением их, и по светом их и по дверем их, 12 преград яже к югу, и по дверем от начала прохода аки к свету разстояния трости, и на восток еже входити ими. 13 И рече ко мне: преграды, яже к северу, и преграды, яже к югу, сущая противу лицу разстояний, сия суть преграды святаго, в нихже ядят жерцы сынове Садуковы, иже приступают ко Господеви, Святая святых, и тамо положат Святая святых и жертву, и яже за грехи и яже за неведение, понеже место свято есть. 14 Да не входят тамо, кроме жерцев, и да не изходят от святаго во двор внешний, яко да присно святы будут приносящии, и да не прикасаются ризам их, в нихже служат, понеже свята суть, но да облекутся в ризы ины, егда прикасаются людем. 15

И совершися размерение храма внутрьду. И изведе мя по пути врат зрящих на восток, и размери подобие храма окрест чинорасположением. 16 И ста созади врат зрящих на восток, и размери пять сот тростию мерною. 17 И обратися на север, и размери на лице севера лактей пять сот тростию мерною. 18 И обратися к морю, и размери на лице моря пять сот лактей тростию мерною. 19 И обратися на юг, и размери противу югу пять сот тростию мерною. 20 Четыри страны тоюже тростию: и расположи его, и ограду окрест ему, пять сот лактей (долготу) на восток, и пять сот лактей широту, еже разлучати между святыми и между предстением сущим в чинорасположении храма.

43 И веде мя ко вратам зрящим на востоки и изведе мя:

2 и се, слава Бога Израилева грядше по пути врат зрящих на востоки, и глас полка аки глас усугубляющих многих, и земля светящаяся аки свет от славы Его окрест. 3 И видение, еже видех, по видению, еже видех, егда входаха помазати град: и видение колесницы, юже видех, подобяшееся видению, еже видех на реце Ховар. И падох на лице мое. 4 Слава же Господня вниде во храм по пути врат зрящих на восток. 5 И взя мя дух и введе мя во двор внутренний: и се, полн славы дом Господень. 6 И стах, и се, глас от храма глаголющаго ко мне, и муж стояше близ мене 7 и рече ко мне: сыне человечь, видел ли еси место престола Моего и место стопы ног Моих, идеже вселится имя Мое среде дому Израилева во век? И не осквернят ктому имене Моего святаго дом Израилев, тии и старейшины их во блуждении своем и во убийствах старейшин своих среде себе, 8 внемда полагаху преддверие Мое во преддвериих своих и праги Моя близ прагов своих: и даша стену Мою яко держащуюся Мене и онех, и оскверниша имя Мое святое в беззакониих своих, яже творяху: и скончах я в ярости Моей и во избиении: 9 и ныне да отринут блуждение свое и убийства старейшин своих от Мене, и вселюся среде их во век. 10 Ты же, сыне человечь, покажи дому Израилеву храм, и да престанут от грехов своих: и видение его, и чиноположение его, 11 и тии примут казнь свою о всех, яже сотвориша: и распишиши храм и уготование его, и исходы его и входы его, и бытие его и вся повеления его и вся законы его возвестиши им и да впишиши пред ними, и снабдят вся оправдания Моя и вся повеления Моя и сотворят я. 12 И расписание храма на верху горы: вси пределы его окрест Святая Святых суть. 13 Сей закон храма, и сия мера требника, в лакоть лактя и длани, недро глубины лакоть

на лакоть и лакоть в широту, и ограждение устия ему окрест, пяди. 14 И сия высота требника, и от глубины начала вдоления его ко очистилищу великому, еже внизу, двух лактей, широта же лакоть: а от очистилища малаго ко очистилищу великому лакти четыри, и широта лакоть. 15 И ариил четырех лактей, а от ариила и выше рогов лакоть: 16 ариил же дванадесять лактей в долготу и дванадесять лактей в широту, четвероуголен на четыри части своя. 17 И очистилище четыренадесять лактей в долготу и четыренадесять лактей в широту, четвероуголно на четыри части своя: и ограждение ему окрест окружающее его пол лактя, и обдергание его лакоть окрест, и степени его зрящя на восток. 18 И рече ко мне: сыне человечь, сия глаголет Господь Бог Израилев: сия заповеди требника в день сотворения его, еже возносити на нем всесожжения и возливати на нань кровь. 19 И даси жерцем и левитом, иже суть от семене Садукова, приступающим ко Мне, глаголет Господь Бог, еже служити Мне, телца от говяд за грех: 20 и да возмут от крове его и да возложат на четыри роги требника и на четыри части очистилища и на основание окрест, и окропиши е, и очистят е: 21 и да возмут телца, иже за грех, и да сожжется во отлученном храме вне святых. 22 А во второй день да возмут два козлища от коз непорочных за грех и да очистят требник, якоже очистиша телцем. 23 И егда скончат очищение, да принесут телца от говяд непорочна и овна от овец непорочна, 24 и да принесете пред Господа: и да возвергут на ня жерцы соль и да вознесут я Господеви всесожжения. 25 Седмь дний да сотвориши козлище за грех по вся дни, и телца от говяд и овна от овец непорочна, да сотворят седмь дний: 26 и да очистят требник и освятят его, и наполнят руки своя. 27 И скончат седмь дний, и будет от осмаго дне и потом, сотворят жерцы на жертвеннице всесожжения ваша и яже спасения вашего: и прииму вы, глаголет Господь.

44 И обрати мя на путь врат святых внешних, зрящих на востоки: и сия бяху затворенна. 2 И рече Господь ко мне: сия врата заключенна будут и не отверзутся, и никотоже пройдет ими: яко Господь Бог Израилев внидет ими, и будут заключенна. 3 Зане старейшина сей сядет в них ясти хлеб пред Господем: по пути елама врат внидет и по пути его изыдет. 4 И введе мя по пути врат яже к северу, прямо храму: и видех, и се, полн славы дом Господень. И падох ниц на лицы моем. 5 И рече Господь ко мне: сыне человечь, сложи в сердцы твоем, и виждь очима твоими и ушима твоими слыши

ся, елика Аз глаголю с тобою, по всем повелением храма Господня и по всем узаконением его: и устроши сердце твое на вход храма по всем исходам его во всех святых. 6 И речеши к дому прогневляющему мя, к дому Израилеву: сия глаголет Господь Бог: да довлеет вам от всех беззаконий ваших, дому Израилев, 7 еже вводити вам сыны иноплеменничи необрезаны сердцем и необрезаны плотию, еже бывати им во святых Моих, и оскверняху я, егда приносите вы хлебы, тук и мяса и кровь: и преступасте завет Мой во всех беззакониях ваших, 8 и не снабдесте хранити стражбы во святых Моих, и постависте стражей стрещи стражбы святых Моих себе. 9 Того ради сице глаголет Адонаи Господь: всяк сын иноплеменнич необрезан сердцем и необрезан плотию да не внидет во святая Моя во всех сынах иноплеменничих, иже суть среде дому Израилева: 10 но и левити, иже отвергоясся Мене, егда заблуждаше Израиль, иже заблудиша от Мене вслед помыслов своих, и возмут неправду свою 11 и будут служаще во святых Моих, вратари у дверий храма и служащии храму: тии да закалают жертвы и всесожжения людем и тии да станут пред людьми, еже служити им. 12 Понеже служиша им пред лицем кумиров своих, и бысть дому Израилеву в мучение неправды: того ради воздвигох на ня руку Мою, глаголет Господь Бог (Израилев), и возмут беззаконие свое, 13 и не приступят ко Мне служити Мне, ни приносити ко святым сынов Израилевых, ниже ко Святым Святынь Моих, и возмут безчестие свое в заблуждении, в немже прельстиша: 14 и учинят я стрещи стражбы храма на вся дела его 15 и на вся, елика сотворят жерцы и левити, сынове Садуковы, иже сохраниша стражбы святынь Моих (и пути Моя), егда заблуждаше дому Израилев от Мене: сии приступят ко Мне, еже служити Мне, и станут пред лицем Моим, еже приносити Мне жертву, тук и кровь, глаголет Адонаи Господь. 16 Сии внидут во святая Моя и сии приступят ко трапезе Мой, еже служити Мне, и сохранят стражбы Моя. 17 И будет внегда входити им во врата двора внутренняго, в ризы льняны да облекутся, а да не облекутся в волняны, внегда служити им от врат двора внутренняго. 18 И клубки льняны да имут на главах своих, и опоясания льняна да имут о чреслех своих, и да не препоясуются крепко: 19 и егда исходят к людем во внешний двор, да совлекутся риз своих, в нихже тии служат, и да положат я в преградах святых, и облекутся в ризы ины, и да не освятят людий в ризах своих: 20 и глав своих да не обриют, и влас своих да не растяят, покрывающе покрывают главы своя. 21 И вина да

не пиет всяк жрец, егда входит во внутренний двор. 22 И вдовицы и пущеницы да не поемлют себе в жену, но токмо девицу от племене дому Израилевы: и аще будет вдова жерча, да оную поймут. 23 И люди Моя да научат разлучати между святым и сквернавым, и между чистым и нечистым возвестят им. 24 И на суде крове тии да стоят, еже разсуждати: оправдания Моя да оправдят и суды Моя да судят, и законы Моя и повеления Моя во всех праздницах Моих сохранят, и субботы Моя освятят. 25 И над душу человека не приидут осквернитися, но точию над отцем и материю, и сыном и дщерию, и братом и сестрою своею, яже не посягла за мужа, осквернится. 26 И по очищении своем седьмъ дний да сочтет себе. 27 И во онъже день входят во двор внутренний, еже служити во святыища, да принесут очищение, глаголет Господь Бог. 28 И будет им в наследие: Аз им наследие, и одержание им не дастся в сынах Израилевых, яко Аз одержание их. 29 Жертвы же и яже за грехи и за неведение сии да ядят: и всякое отлученное во Израили тем да будет: 30 начатки всех и первенцы всех и участия вся, от всех начатков ваших жерцем да будут: и начатки жит ваших да дасте жерцу, еже положит благословения в домех ваших. 31 И всякия мертвенины и звероядины, от птиц и от скот да не ядят жерцы.

45 И егда разделети вам землю в наследие, отлучите начаток Господеви, свято от земли, в долготу двадесяти и пяти тысяч, а в широту десяти тысяч, свято да будет во всех пределех их окрест. 2 И да будут от того на святое пять сот, по пяти сот четвероугольно окрест, разстояние же их пятьдесят лактей окрест. 3 И от сего размерения да размериши в долготу двадесять пять тысяч, а в широту десять тысяч: и в том да будет освящение, Святая Святых. 4 Свято от земли да будет жерцем служащым во святем и да будет приступающим служити Господеви, и будет им место на домы отлученны освящению их, 5 двадесять пять тысяч в долготу и двадесять тысяч в широту да будет, левитом служащым храму, тем во одержание грады ко обитанию. 6 И одержание града да даси в широту пять тысяч, а в долготу двадесять пять тысяч, якоже начаток святых всему дому Израилеву да будет 7 и старейшине от того: и от сего в начатки святых, во одержание града по лицу начатков святынь и по лицу одержания града, яже к морю, и от сущих к морю, яже на восток: долгота же яко единица часть от предел иже к морю, и долгота ко пределом иже на восток земли. 8 И будет ему во одержание во

Израили, и да не насилют ктому старейшины Израилевы людем Моим, и землю да наследят дом Израилев по племеном своим. 9 Сия глаголет Господь Бог: да довлеют вам, старейшины Израилевы, неправду и озлобление отвержите, суд же и правду сотворите: изымите насилие от людей Моих, глаголет Господь Бог. 10 Вес праведный и мера праведна и хиникс праведен да будут вам в меры: 11 и хиникс такожде един да будет вам, еже примати, десятая часть гомора хиникс, и десятая часть гомора ефи, мера к гомору да будет равна. 12 И вес, двадесять оволи сикль, и двадесять пять сиклей, и двадесять сиклей, и пятьдесят сиклей мнас будет вам. 13 И сей начаток, егоже отлучите, шестую часть меры от гомора пшеницы и шестую часть ефи от кора ячменя. 14 Заповедь же о елеи, меру елеа от десяти мер, понеже десять мер суть гомор. 15 И овча едино от десяти овец участие от всех отечеств Израилевых, на жертвы и на всесожжения и на спасение, еже умолити о вас, глаголет Господь Бог. 16 Вси же люди земли да дадят сей начаток старейшине Израилеву, 17 и старейшино да бывают всесожжения: и жертвы и возлияния будут в праздники и в новомесячия, и в субботы и во вся праздники дому Израилеву: той сотворит яже за грехи и жертву, и всесожжения и яже спасения, еже умолят о доме Израилеве. 18 Тако глаголет Господь Бог: в первый месяц, во един день месяца, да возмете телца от говяд непорочна, еже очистити святое: 19 и да возмет жрец от крове очищения и да возлият на праги храма и на четыри углы святыища, и на жертвенник и на праги врат двора внутренняго. 20 И сице да сотвориши в седьмый месяц: во един (день) месяца возмеши от коего жрец неведущаго и от младенца, и очистите храм. 21 В первый месяц, четвертагонадесять дне месяца, да будет вам Пасха праздник: седьмъ дний да ясте опресноки. 22 И сотворит старейшина в той день за ся и за дом и за вся люди земли, телца за грех: 23 в седьмъ же дний праздника да сотворит всесожжения Господеви седьмъ телцев и седьмъ овнов непорочных по всяк день седми дний: и за грех козлище от коз на всяк день, и жертву, 24 и опресноки телцу и опресноки овну да сотвориши, и елеа и опресноку. 25 В седьмый же месяц, в пятыйнадесять день месяца, в празднице сотвориши по тому же, седьмъ дний, якоже и за грех, и якоже всесожжения, и якоже дар, и якоже масло древяное.

46 Сия глаголет Господь Бог: врата, яже во дворе внутреннем зрящая на восток, да будут затворена на

шесть дній делных: в день же субботный да отверзаются, и в день новомесия да отверзутся. 2 И внедит старейшина по пути елама врат внешних и да станет у преддверия врат, и да сотворят жерцы всесожжения его и яже спасения его: 3 и да поклонится у преддверия врат и изыдет, врата же да не заключатся до вечера, и да покланяются людие земли у преддверия врат тех в субботы и в новомесия пред Господем. 4 И всесожжения да принесет старейшина в день субботный Господеви, шесть агнцев непорочных и овна непорочна, 5 и манау, опреснок овну, и агнцем жертву, дар руки своея, и елеа ин опресноку. 6 И в день новомесия телец от стада непорочен и шесть агнцев и овен непорочен да будет, 7 и опреснок телцу и опреснок овну да будет манаа, и агнцем, якоже постигнет рука его, и масла ин опресноку. 8 И егда входит старейшина, по пути елама врат да внедит и по пути врат да изыдет. 9 И егда входят людие земли пред Господа в праздники, входящии по пути врат зрящих на север поклонитися, да исходят по пути врат яже на юг: и иже входят по пути врат яже на юг, да исходят по пути врат яже на север, да не возвращаются во врата, имиже внидоша, но прямо им да изыдуть. 10 И старейшина посреде их, егда тии входят, да внедит с ними, и егда исходят, да изыдет. 11 И в праздники и в торжества да будет манаа опреснок телцу и опреснок овну, и агнцем, якоже постигнет рука его, и елеа ин опресноку. 12 Аще же сотворит старейшина исповедание, всесожжение спасения Господеви, и отворит себе врата зряща на восток и сотворит всесожжение свое и яже спасения своего, якоже есть обычай творити в день субботний: и да изыдет и затворит двери по исходении своем: 13 агнца же единолетнаго непорочна да сотворит во всесожжение на всяк день Господеви, заутра да сотворит его. 14 И манаа да сотворит над ним заутра заутра, шестую часть меры, и елеа третию часть ина, еже смесити семидал манаа Господеви, заповедь вечная присно. 15 Да сотворите агнца, и манаа, и масло древяно да сотворите заутра всесожжение присно. 16 Сия глаголет Господь Бог: аще даст старейшина даяние единому от сынов своих от наследия своего, сие сыном его да будет: одержание их сие в наследие. 17 Аще же даст даяние единому от раб своих, да будет ему до лета отпущения, и да воздаст старейшине: обаче наследие сынов его им да будет. 18 И да не вземлет старейшина от наследия людий еже насилити им, от одержания своего даст наследие сыном своим: яко да не расточатся людие Мои кийждо от одержания своего. 19 И введе мя во вход врат, яже

к югу, в преграду святых жерцев, зрящю на север: и се, тамо место отлучено. 20 И рече ко мне: сие место есть, идже варят жерцы, яже за неведение и яже за грехи, и тамо да пекут манау весьма, еже не износити во двор внешний освящати люди. 21 И изведе мя во двор внешний и обведе мя на четыри части двора: и се, двор по углам двора. 22 По углу двора, на четырех углах двора, двор малый в долготу лактей четыредесять, а в широту лактей тридесять, мера единиа четырем. 23 И преграды окрест в них, окрест четырем: и поварни устроенны под преградами окрест. 24 И рече ко мне: сии домове поваров, идже варят служащии храму заколения людская.

47 И введе мя ко преддверию храма, и се, вода исходаше из под непокровенного храма на восток, яко лице храма зряще на восток, и исходаше вода от страны десныя, от юга к жертвеннику. 2 И изведе мя по пути врат яже на север и обведе мя путем вратным внеуду ко вратом двора, зрящаго на восток, и се, вода исходаше от страны десныя, 3 якоже исход мужа противу: и мера в руце его: и измери тысячу мерою, и прейде водою воду оставления. 4 И (паки) измери тысячу, и преведе мя чрез воду, и взыде вода до колен: и размери тысячу, и взыде вода даже до чресел. 5 И размери тысячу, поток, и не возможе прейти, яко кипяще вода, аки шум поточнаго, егоже не прейдуть. 6 И рече ко мне: видел ли еси, сыне человечъ? И веде мя и обрати мя на брег речный, во обращении моем: 7 и се, на брезе речнем древеса многа зело сюду и сюду. 8 И рече ко мне: вода сия текущая в Галилею, яже на восток, и низходаше ко Аравии, и грядяше до моря к воде исхода, и изцелит воды: 9 и будет всяка душа животных вреющи, на вся, на няже найдет тамо река, жива будут: и будут тамо рыбы многи зело, яко приидет тамо вода сия и изцелит, и живо будет всякое, на неже аще приидет река, тамо живо будет. 10 И станут тамо рыбарие от Ингадда до Ингалима: сущило мрежам будет, о себе будет: и рыбы ея яко рыбы моря великаго, множество много зело. 11 И во исходе ея и во обращении ея и в возвышении ея мелины ея не изцелятся, в соль впадутся: 12 и над реку взыдет, и на брезе ея оба полы, всякое древо ядомое не обетшает у няя, ни оскудеет плод его, новости своея первый плод принесет, ибо воды их сия от святых исходят, и будет плод их в снедь и прозябение их во здравие. 13 Сице глаголет Господь Бог: сия пределы наследите земли, двунадесяти племеном сынов Израилевых приложение

ужа. 14 И наследите ю кийждо, якоже брат его, на нюже воздвигох руку Мою, еже дати ю отцем их, и падет земля сия вам в наследие. 15 И сии пределы земли на север, от моря великаго сходящаго и отделяющаго вход Имаселдам, 16 Маавфирас, Еврамилиам среде предел Дамасковых и среде предел Имафовых, дворы Савнани, иже суть выше предел Авранитидских. 17 Сии пределы от моря: от двора Енанова, пределы Дамасковы, и яже к северу, и предел Емафов, и предел северск. 18 И яже на востоки: между Авранитидою и между Дамаском, и между Галаадитидою и между землею Израилевою, Иордан делит к морю, еже на востоки фиников: сия на востоки. 19 И яже к югу и ливу: от Фемана и фиников даже до воды Маримоф-Кадим, продолжающеся к морю великому. 20 Сия страна юга и лива, сия страна моря великаго разделяет даже прямо входу Имаф, даже до входа его: сия суть яже к морю Имаф. 21 И разделите землю вам, племеном Израилевым. 22 Расположите ю жребием вам и пришелцем обитающим среде вас, иже родиша сыны посреде вас, и будут вам яко туземцы в сынех Израилевых: с вами да ядят во участии среде племен Израилевых, 23 и будут в племени пришелцев, в пришелцех иже с ними: тамо дадите участие им, глаголет Господь.

48 Сия же имена племен от начала еже к северу, по стране схождения разделяющаго ко входу Имафову двора Енаня, предел Дамасков к северу по стране Имафова двора: и будут им яже на востоки, даже до моря, Даново едино. 2 И от предел Дановых к востоком даже до моря, Асирово едино. 3 И от предел Асировых, от сущих к востоком, даже до моря, Неффалимле едино. 4 От предел же Неффалимлих от страны восточных даже до страны моря, Манассиино едино. 5 От предел же Манассиных, сущих на востоки, даже до сущих к морю, Ефремле едино. 6 От предел же Ефремлих, иже на восток, даже до моря, Рувимле едино. 7 От предел же Рувимлих, иже на востоки, даже до моря, Иудино едино. 8 А от предел Иудиних, иже к востоком, даже до моря, будет начаток уделения двадесяти и пяти тысяч широта, и долгота якоже едина от частей сущих к востоком, и даже до тех яже к морю: и будет святое посреде их. 9 Начаток, егоже отделят Господеви, в долготу двадесять и пять тысяч и широту двадесять и пять тысяч. 10 От сих будет начаток святых жерцем, к северу (в долготу) двадесять и пять тысяч, и к морю в широту десять тысяч, и к востоку десять тысяч, и на юг в долготу

двадесять и пять тысяч: и гора святых будет посреде его 11 жерцем, освященным сыном Садуковым, стрегущим стражбы храма, иже не прельстишася во прельщение сынов Израилевых, якоже прельстишася левити. 12 И будет им начаток даемый от начатков земли, святое святых от предел левитских. 13 Левитом же ближняя пределов жреческих, двадесяти и пяти тысяч в долготу, а в широту десяти тысяч: вся долгота двадесяти и пяти тысяч, а широта десяти тысяч. 14 Да не прадастся от него, ни заменится, ниже отимутся первая жита земли, яко свято есть Господеви. 15 Пять же тысяч избыточных в широте двадесяти и пяти тысяч, предградие да будет граду на вселение и в разстояние его: и да будет град среде его. 16 И сия меры его: от севера четыре тысячи и пять сот, и от юга четыре тысячи и пять сот, и от восток четыре тысячи и пять сот, и от моря четыре тысячи и пять сот. 17 И да будет разстояние граду к северу двусту и пятидесяти, и к югу двусту и пятидесяти, и на восток двусту и пятидесяти, и к морю двусту и пятидесяти. 18 Избыток же долготы держащъся начатков святых десять тысяч к востоком и десять тысяч к морю: и будут начатки святаго, и будут жита ея во хлебы делающим град. 19 Делающии же град да делают его от всех племен Израилевых. 20 Весь начаток двадесяти и пяти тысяч на двадесять и пять тысяч: четвероугольно отделяте от него начаток святаго, от одержания градскаго, 21 а избыток старейшине от сего: и от оного, от начатков святаго и во участии града, спреди на двадесять и пять тысяч долгота, до предел, иже к морю и к востоком, спреди на двадесять и пять тысяч, до предел, иже к морю, близ частей старейшины: и да будет начаток святых и освящение храма среде его. 22 От участия же левитска и от участия града, среде старейшин, будет среде предел Иудиних и среде предел Вениаминых, и старейшин да будет. 23 А избыточное племен от сущих к востоком даже до сущих к морю, Вениамино едино. 24 От предел же Вениаминых к востоком даже до страны яже к морю, Симеоне едино. 25 От предел же Симеоних, от страны яже на восток даже до страны яже к морю, Иссахарово едино. 26 А от предел Иссахаровых, от востоков даже до моря, Завулоне едино. 27 От предел же Завулоних, от востока даже до страны моря, Гадово едино. 28 От предел же Гадовых, от востока даже до ливы: и будут пределы его от юга, и воды Варимоф-Кадиса, наследия даже до моря великаго. 29 Сия земля, юже расположите жребием племеном Израилевым: и сии разделят их, глаголет Господь Бог. 30 И сии исходы града, иже к

северу, четыре тысячи и пять сот мерою: 31 врата же града по именам племен Израилевых: врата троя на север: врата Рувимля едина, врата же Иудина едина и врата Левинна едина: 32 и на восток четыре тысячи и пять сот, и врата троя: врата едина Иосифова, врата же едина Вениамина и врата Данова едина: 33 и яже к югу четыре тысячи и пять сот мерою, и врата троя: врата едина Симеону, врата же едина Иссахару и врата едина Завулону: 34 и яже к морю четыре тысячи и пять сот мерою: врата троя: врата едина Гадова, и врата Асирова едина и врата Неффалимова едина. 35 Округлость же осминадесяти тысяч: имя же граду, от негоже дне будет, Господь тамо будет имя ему.

Книга пророка Даниила

1 В лето третие царства Иоакима царя Иудина, прииде

Навуходоносор царь Вавилонск на Иерусалим и воеваше нань. 2 И даде Господъ в руце его Иоакима царя Иудина и от части сосудов храма Божия. И принесе я в землю Сеннаар в дом бога своего и сосуды внесе в дом сокровищный бога своего. 3 И рече царь ко Асфанезу, старейшине евнухов своих, ввести от сынов плена Израилева и от племене царска и от князей 4 юноши, на нихже несть порока, и добры зраком и смыслены во всяцей премудрости, и ведущыя умение и размышляющыя разум, и имже есть крепость в них, еже предстояти в дому пред царем и научити я книгам и языку Халдейску. 5 И повеле им (даяти) царь по вся дни от трапезы царевы и от вина пития своего и кормити их лета три, и потом стати пред царем. 6 И бысть в них от сынов Иудиних Даниил и Анания, и Азарии и Мисаил. 7 И возложи им имена старейшина евнухов: Даниилу Валтасар, и Анании Седрах, и Мисаилу Мисах, Азарии же Авденаго. 8 И положи Даниил на сердцы своем, еже не осквернитися от трапезы царевы и от вина пития его, и моли старейшину евнухов, яко да не осквернится. 9 И вдаде Бог Даниила в милость и в щедроты пред старейшиною евнухов. 10 И рече старейшина евнухов Даниилу: боюся аз господина моего царя, заповедавшаго о пищи вашей и питии вашем, да не когда увидит лица ваша уныла паче отроков сверстников ваших, и осудите главу мою царю. 11 И рече Даниил ко Амелсару, егоже пристави старейшина евнухов к Даниилу и Анании, и Азарии и Мисаилу: 12 искуси отроки твоя до десяти дній, и да дадят нам от семен земных, да ядим, и воду да пием: 13 и да явятся пред тобою лица наша и лица отроков ядущих от трапезы царевы, и якоже узриши, сотвори со отроки твоими. 14 И послуша их и искуси я до десяти дній. 15 По скончании же десятих дній, явишася лица их блага и крепка плотию паче отроков ядущих от трапезы царевы. 16 И бысть Амелсар отемля яди их и вино пития их и даяше им семена. 17 И четырем отроком сим им даде им Бог смысл и мудрость во всяцей книжней премудрости: Даниил же разумен бысть во всяцем видении и сониих. 18 И по скончании тех дній, в няже рече царь привести я, введе я старейшина евнухов пред Навуходоносора. 19 И беседова с ними царь, и не обретошаася от всех их подобни Даниилу и Анании, и Азарии и Мисаилу: и сташа пред царем. 20 И во всяцем глаголе премудрости и умения, о нихже вопрошаše от

них царь, обрете я десятерицю паче всех обаятелей и волхвов сущих во всем царстве его. 21 И бысть Даниил даже до первого лета Кира царя.

2 В лето второе царства Навуходоносорова, соние виде

Навуходоносор, и ужасеся дух его, и сон его отступи от него: 2 и рече царь призвати обаятелей и волхвов, и чародеев и Халдеев, еже возвестити царю сон его. И придоша и сташа пред царем. 3 И рече им царь: видех сон, и ужасеся дух мой, еже уразумети сон. 4 И глаголаше Халдее сирски цареви: царю, во веки живи: ты повеждъ сон рабом твоим, и сказание его возвестим ти. 5 Отвеша же царь Халдеом и рече: слово отступило есть от мене: аще убо не возвестите ми сна и сказания его, в пагубу будете, и домове ваши разграбятся: 6 аще же сон и сказание его возвестите мне, даяния и дары и честь многу примите от мене: точию сон и сказание его возвестите мне. 7 И отвешаша второе и реша: царь да повесть сон рабом своим, и сказание его возвестим ему. 8 И отвеша царь и рече: поистинне вем аз, яко время вы (точию) искупуете, понеже видите, яко отступило есть слово от мене: 9 аще убо сна не возвестите мне, вем, яко слово ложно и растиленно совещацесь реши предо мною, дондеже время минет: сон мой поведите мне, и увем, яко и сказание его возвестите мне. 10 Отвешаша же паки Халдее пред царем и реша: несть человека на земли, иже слово царево возможет возвестити, яко всяк царь великий и князь не вопрошаает ссиеваго словесе обаятеля, волхва и Халдеа: 11 понеже слово, егоже вопрошаает царь, тяжко, и несть другаго, иже возвестит е пред царем, но точию бози, ихже несть житие со всякою плотию. 12 Тогда царь в ярости и во гневе мнозе рече погубити вся мудрыя Вавилонсия. 13 И изыде повеление, и мудрии убивахуся: и взыскаша Даниила и других его убить я. 14 Тогда Даниил отвеша совет и разум Ариоху архимагиру царску, иже изыде убить мудрых Вавилонских, 15 и вопрошаše и глаголя: княже царев, о чесом изыде изречение безстудное от лица царева? Возвести же Ариох слово Даниилу. 16 Даниил же вниде и моли царя, яко да время даст ему, и сказание его возвестит царю. 17 И вниде Даниил в дом свой и возвести слово Анании и Азарии и Мисаилу, другом своим: 18 и щедрот прошаху у Бога небеснаго отайне сей, яко да не погибнут Даниил и другие его со прочими мудрыми Вавилонскими. 19 Тогда Даниилу во сне ношио тайна открыся: и благослови Даниил Бога небеснаго 20 и рече: буди имя Господа Бога благословено от века

и до века, яко премудрость и смысл и крепость Его есть, 21 и Той пременяет времена и лета, поставляет цари и преставляет, даяй премудрость мудрым и разум ведущим смысление: 22 Той открывает глубокая и сокровенная, сведый сущая во тме и свет с Ним есть: 23 Тебе, Боже отцев моих, исповедаюся и хвалю, яко премудрость и силу дал ми еси и возвестил ми еси, яже просихом у Тебе, и видение царево возвестил ми еси. 24 И прииде Даниил ко Ариоху егоже пристави царь погубити мудрыя Вавилонских, и рече ему: мудрых Вавилонских не погубляй, но введи мя пред царя, и сказание сна возвещу ему. 25 Тогда Ариох с потщанием введе Даниила пред царя и рече ему: обретох мужа от пленик жидовских, иже сказание царю возвестит. 26 И отвеша царь и рече Даниилу, ему же имя Валтасар: можеш ли ми возвестити сон, егоже видех, и сказание его? 27 И отвеша Даниил пред царем и рече: тайны, еяже царь вопрошаєт, несть мудрых, волхвов, ниже обаятелей газаринов (сила) возвестити царю: 28 но есть Бог на небеси открываяй тайны и возвести царю Навуходоносору, имже подобает быти в последния дни. Сон твой и видение главы твоей на ложи твоем сие есть, царю: 29 помышления твоя на ложи твоем взыдоша, чесому подобает быти по сих, и Открываяй тайны яви тебе, имже подобает быти: 30 и мне не премудростию сущею во мне паче всех живущих тайна сия открыся, но ради того, яко да возвещу сказание царю, да уразумеши размышления сердца твоего. 31 Ты, царю видел еси: и се, тело едино, велие тело оно, и обличие его высоко, стояще пред лицем твоим, и образ его страшен: 32 тело, егоже глава от злата чиста, руце и перси и мышцы его сребряны, чрево и стегна медяна, 33 голени железны, нозе, часть убо некая железна и часть некая скудельна: 34 видел еси, дондеже отторжеся камень от горы без рук, и удари тело в нозе железны и скудельны, и истни их до конца: 35 тогда сотрошася вкупе скудель, железо, медь, сребро и злато, и бысть яко прах от гумна летня: и взят я премногий ветр, и место не обретеся им: камень же поразивый тело бысть гора велика и наполни всю землю. 36 Сей есть сон, а сказание его речем пред царем. 37 Ты, царю, царь царей, ему же Бог небесный царство даде крепко и державно и честно: 38 во всяком месте, идеже живут сынове человечи и зверие польстии, и птицы небесныя и рыбы морския дал есть в руку твою и поставил тя властелина всем: ты еси глава златая. 39 И последи тебе востанет царство другое меньшее тебе, еже есть сребро, царство же третие, еже есть медь,

еже соодолеет всей земли, 40 и царство четвертое, еже будет крепко аки железо: якоже железо стончевает и умягчает вся, такожде и то истончит и истнит вся. 41 А яко видел еси нозе и персты, часть убо некую железну, часть же некую глиняну, царство разделено будет, и от корене железна будет в нем, якоже видел еси железо смешено с глиною: 42 и персты ножни, часть убо некая железна, часть же некая глиняна, часть некая царства будет крепка и от него будет сокрушена. 43 Яко видел еси железо смешено со глиною, смешены будут во племени человечи, и не будут прилепляющеся сей к сему, якоже железо не смешается со глиною. 44 И во днех царей тех возставит Бог небесный царство, еже во веки не разсыплется, и царство Его людем инем не останется, истнит и развеет вся царства, тое же станет во веки, 45 якоже видел еси, яко отсечеся от горы камень без рук и истни глину, железо, медь, сребро, злато. Бог великий возвести царю, имже подобает быти по сих: и истинен сон, и верно сказание его. 46 Тогда царь Навуходоносор паде на лице и поклонися Даниилу, и рече дары и благовония возлияти ему. 47 И отвешав царь рече Даниилу: поистинне Бог ваш Той есть Бог богов и Господь господей и Царь царей, открываяй тайны, понеже возможл еси открыти тайну сию. 48 И возвеличи царь Даниила, и дары велики и многи даде ему, и постави его над всею страною Вавилонскою и князя воеводам, над всеми мудрыми Вавилонскими. 49 И Даниил проси у царя и пристави над дельы страны Вавилонская Седраха, Мисаха и Авденаго. Даниил же бяше во дворе цареве.

3 В лето осмонадесятое Навуходоносор царь сотвори тело злато, высота его лактий шестидесяти и широта его лактий шести, и постави е на поли Деире во стране Вавилонстей. 2 И посла (Навуходоносор царь) собрати ипаты и воеводы и местоначалники, вожди же и мучители, и сущыя на властех и вся князи стран, приими на обновление кумира, егоже постави Навуходоносор царь. 3 И сбирашася местоначалницы, ипатове, воеводы, вождеве, мучители велицыи, иже над властьми, и вси начальницы стран на обновление тела, еже постави Навуходоносор царь: и сташа пред телом, еже постави Навуходоносор царь. 4 И проповедник вопияше со крепостию: вам глаголется, народи, люди, племена, языцы: 5 в онъже час аще услышите глас трубы, свирели же и гусли, самвики же и псалтири и согласия, и всякаго рода мусикийска, падающе покланяйтесь телу златому, еже постави Навуходоносор царь: 6 и иже аще

не пад поклонится, в той час ввержен будет в пещь огнем горящую. 7 И бысть егда услышаша людие глас трубы, свирели же и гусли, самвики же и псалтири и согласия, и всякаго рода мусикийска, падающе вси людие, племена, языцы, покланяхуся телу златому, еже постави Навуходоносор царь. 8 Тогда приступиша мужие Халдейстии и оболгаша Иудеев, 9 отвещавше реша Навуходоносору цареви: царю, во веки живи: 10 ты, царю, положил еси повеление, да всяч человек, иже аще услышит глас трубы, свирели же и гусли, самвики же и псалтири и согласия, и всякаго рода мусикийска, 11 и не пад поклонится телу златому, ввержен будет в пещь огнем горящую. 12 Суть убо мужие Иудеев, иже поставил еси над дельы страны Вавилионския, Седрах, Мисах и Авденаго, иже не послушаша заповеди твои, царю, и богом твоим не служат и телу златому, еже поставил еси, не покланяются. 13 Тогда Навуходоносор в яности и гневе рече привести Седраха, Мисаха и Авденаго. И приведени быша пред царя. 14 И отвеща Навуходоносор и рече им: аще воистинну, Седрах, Мисах и Авденаго, богом моим не служите и телу златому, еже поставил, не поклоняйтесь? 15 Ныне убо аще есте готови, да егда услышите глас трубы, свирели же и гусли, самвики же и псалтири и согласия, и всякаго рода мусикийска, падше поклонитеся телу златому, еже сотворих: аще же не поклонитеся, в той час ввержени будете в пещь огнем горящую: и кто есть Бог, иже измет вы из руки мои? 16 И отвещаша Седрах, Мисах и Авденаго, глаголюще царю Навуходоносору: не требе нам о глаголе сем отвещати тебе: 17 есть бо Бог наш на небесех, Ему же мы служим, силен изъяти нас от пещи огнем горящия и от руку твою избавит нас, царю: 18 аще ли ни, ведомо да будет тебе, царю, яко богом твоим не служим и телу златому, еже поставил еси, не кланяемся. 19 Тогда Навуходоносор исполнился яности, и зрак лица его изменился на Седраха, Мисаха и Авденаго, и рече: разжжите пещь седмерицею, дондеже до конца разгорится. 20 И мужем сильным крепостию рече: оковавше Седраха, Мисаха и Авденаго, вверзите в пещь огнем горящую. 21 Тогда мужие оны окованы быша с гащами своими и покрывалы, и сапогми и со одеждами своими, и ввержени быша посреде пещи огнем горящия. 22 Понеже глагол царев превозможе, и пещь разжжена бысть преизлишше: и мужей оных, иже ввергаша Седраха, Мисаха и Авденаго, уби пламень огненный. 23 И мужие тии трие, Седрах, Мисах и Авденаго, падоша посреде пещи огнем горящия окованы, 24 Навуходоносор же слыша поющих их, и почудиша, и

воста со тщанием, и рече вельможам своим: не триех ли мужей ввергохом среде огня связанных? И реша цареви: воистинну, царю. 25 И рече царь: се, аз вижу мужы четыри разрешены и ходяща среде огня, и истления несть в них, и зрак четвертаго подобен сыну Божию. 26 Тогда прииде Навуходоносор ко устию пещи огнем разжженныя и рече: Седрах, Мисах, Авденаго, раби Бога Вышняго, изыдите и приидите. И изыдоша Седрах, Мисах, Авденаго от среды огня. 27 И собирахша князи и воеводы, и местоначалницы и вельможи царевы, и видяху мужей, яко не одоле огнь телесем их и власа главы их не опали, и ризы их не изменишася, и вони огненны не бяше в них. 28 И поклониша пред ними царь Богу, и отвеша Навуходоносор царь и рече: благословен Бог Седрахов, Мисахов и Авденаго, Иже посла Ангела Своего и изя отроки Своя, яко уповаша на Него: и слово царево премениша, и предаша телеса своя во огнь, яко да не послужат, ни поклоняются всякому богу иному, но точию Богу своему: 29 и аз заповедаю заповедь: вси людие, племя, язык, аще речет хулу на Бога Седрахова и Мисахова и Авденаго, в пагубу будут, и домове их в разграбление: понеже несть бога другаго, иже возможет избавити сице. 30 Тогда царь поставил Седраха, Мисаха и Авденаго во стране Вавилонстей, и возвеличи их, и сподоби их старейшинства Иудеев всех сущих во царстве его.

4 Навуходоносор царь всем людем, племеном и языком сущым во всей земли, мир вам да умножится. 2 Знамения и чудеса, яже сотвори со мною Бог Вышний, угодно бысть предо мною возвестити вам, з коль великая и крепкая: царство Его царство вечное, и власть Его в роды и роды. 4 Аз Навуходоносор обиляй бех в дому моем и благоцветый на престоле моем: 5 сон видех, и устраши мя, и смятохся на ложи моем, и видения главы моя смятоша мя: 6 и мною положися повеление, привести пред мя вся мужы мудрыя Вавилонския, да сказание сна возвестят мне. 7 И вхождаху обаятелие, волсви, газарини, Халдее, и сон аз рех пред ними, и сказания его не возвестиша ми, 8 дондеже вниде (пред мя) Даниил, ему же имя Валтасар, по имения бога моего, иже духа Божия свята имать в себе, и сон пред ним рех: 9 Валтасаре, княже обаятелей, егоже аз разумех, яко дух Божий святый имаша, и всякая тайна не изнемогает пред тобою, слыши видение сна моего, еже видех, и сказание его повеждъ мне. 10 И видение главы моя на ложи моем зрех, и се, древо среде земли, и высота

его велика: 11 и возвеличися древо то и укрепися, и высота его досязаше до небесе, и величина его до конец земли всея, 12 листвие его прекрасное, и плод его мног, и пища всех в нем, и под ним вселяхуся вси зверие дивии, и в ветвех его живяху (вся) птицы небесныя, и от него питашеся всяка плоть. 13 Видех во сне ношию на ложи моем, и се, Бодрый и Святый от небесе снide 14 и возгласи крепце и тако рече: посещите древо и обийте ветви его, и отрясите листвие его и разсыпите плод его, да позыблются зверие под ним и птицы с ветвий его: 15 точию отрасль корения его в земли оставите, и во узе железне и медне, и во злаце внешнем и в росе небесней вселится, и со зверьми (дивими) часть его во траве земней: 16 сердце его от человек изменится, и сердце зверино дастся ему, и седьмь времен изменятся над ним: 17 изречением Бодраго слово, и глагол Святых прошение: да уведят живущии, яко владеет Вышний царством человеческим, и ему же восходит, даст е, и уничтоженное человеков возставит над ним. 18 Сей сон, егоже видех аз Навуходоносор царь: ты же, Валтасаре, сказание его повеждь, яко все мудрии царства моего не могут сказания его поведати мне, ты же, Данииле, можеш, яко дух Божий свят в тебе. 19 Тогда Даниил, ему же имя Валтасар, ужасеся аки на един час, и размышления его смущаху его. И отвеща царь и рече: Валтасаре, сон мой и сказание его да не смущает тебе. И отвеща Валтасар и рече: господине, да будет сон сей ненавидящим тя, и сказание его врагом твоим. 20 Древо, еже видел еси возвеличившееся и укрепившееся, егоже высота досязаше до небесе и величина его на всю землю, 21 и листвие его благоцветное и плод его мног, и пища всем в нем, под ним живяху зверие дивии, и в ветвех его угнездяхуся птицы небесныя: 22 ты еси, царю, яко возвеличился еси и укрепел, и величество твое возвеличися и досяже небесе, и власть твоя до конец земли. 23 И яко виде царь Бодраго и Святаго сходяша с небесе, и рече: посещите древо и разсыпите е, точию проничение корения его в земли оставите, и во узе железне и медяне и во злаце внешнем и в росе небесней водворится, и со зверьми дивими часть его, дондеже седьмь времен пременятся над ним: 24 сие сказание его, царю, и изречение Вышняго есть, еже приспе на господина моего царя: 25 изженут тя от человек, и с дивими зверьми будет житие твое, и травою аки вола напитают тя, и от росы небесныя тело твое оросится, и седьмь времен изменятся над тобою, дондеже увеси, яко владеет Вышний царством человеческим,

и ему же восходит, даст е. 26 А еже рече: оставите проничение корения древа (в земли): царство твое тебе будет, отнележе увеси власть небесную. 27 Сего ради, царю совет мой да будет тебе угоден, и грехи твоя милостынями искупи и неправды твоя щедротами убогих: негли будет долготерплив грехом твоим Бог. 28 Сия вся постигла Навуходоносора царя. 29 По двоюнадесяти месяцах в дому царства своего, в Вавилоне бе хода, 30 отвеща царь и рече: несть ли сей Вавилон великий, егоже аз соградих в дом царства, в державе крепости моей, в честь славы моей? 31 Еще слову сущу во устех каря, глас с небесе бысть: тебе глаголется, Навуходоносоре царю: царство твое прейде от тебе, 32 и от человек отженут тя, и со зверьми дивими житие твое, и травою аки вола напитают тя и седьмь времен изменятся на тебе, дондеже увеси, яко владеет Вышний царством человеческим, и ему же восходит, даст е. 33 В той час слово скончася на цари Навуходоносоре, и от человек отгнася, и траву аки вол ядяше, и от росы небесныя тело его оросится, дондеже власи ему яко льву возрастоша и ногти ему аки птицам. 34 И по скончании тех дній, аз Навуходоносор очи свои на небо воздвиг, и ум мой ко мне возвратися, и Вышняго благослових, и Живущаго во веки похвалих и прославих, яко власть Его власть вечна, и царство Его в роды и роды, 35 и все живущии на земли ни во что же вменишася, и по воли Своей творит в силе небесней и в селении земнем: и несть, иже воспротивится руце Его и речет Ему: что сотворил еси? 36 В то время ум мой возвратися ко мне, и в честь царства моего придох, и зрак мой возвратися ко мне, и начальницы мои и вельможи мои искаху мене: и в царстве моем утвердихся, и величество изюбилнее приложися мне. 37 Ныне убо аз Навуходоносор хвалю и превозношу и славлю Царя Небеснаго, яко вся дела Его истинна, и путие Его судьбы, и вся ходящия в гордости может смирити.

5 Валтасар царь сотвори вечерю велию вельможам своим тысячи мужем, 2 пред тысящею же вино, и пия Валтасар рече при вкушении вина, еже принести сосуды златы и сребряны, яже изнесе Навуходоносор отец его из храма (Господа Бога), иже во Иерусалиме, и да пиют в них царь и вельможи его, и наложницы его и возлежащия (окрест) его. 3 И принесоша сосуды златыя и сребряныя, яже изнесе (Навуходоносор царь) из храма Господа Бога, иже во Иерусалиме: и пияху ими царь и вельможи его, и наложницы его и возлежащия

(окрест) его: 4 пияху вино и похвалиша боги златыя и сребряныя, и медяныя и железныя, и древяныя и каменныя, а Бога вечнаго не благословиша, имущаго власть духа их. 5 В той час изыдоша персты руки человечи и писаху противу лампады на повалении стены дому царева, и царь видяше персты руки пишущия. 6 Тогда царю зрак изменися, и размышления его смущаху его, и соузы чресл его разслабляхуся, и колена его сражастася: 7 и возопи царь силою, еже ввести волхвов, Халдеев, газаринов: и рече царь мудрым Вавилонским: иже прочтет писание сие и разум его возвестит мне, той в багряницу облечется, и гринва златая на выю его, и третий во царстве моем обладати начнет. 8 И входжаху вси мудрии ко царю и не можаху писания прочести, ни разума царю возвестити. 9 Царь же Валтасар возмаятесь, и зрак его изменися на нем, и вельможи его смущахуся. 10 И вниде царица в дом пирный, и рече царица: царю во веки живи: да не смущают тебе размышления твоя, и зрак твой да не изменяется: 11 есть муж во царстве твоем, в немже дух Божий: и во дни отца твоего бодрость и смысл обретеся в нем, и царь Навуходоносор отец твой князя постави его волхвом, обаятелем, Халдеем, газарином, 12 яко дух преизубилный (бяше) в нем, и премудрость и смысл (обретеся) в нем, сказуя сны и возвещая сокровенная и разрешая соузы, Даниил, и царь нарече имя ему Валтасар: ныне убо да призовется, и сказание его возвестит тебе. 13 Тогда Даниил введен бысть пред царя. И рече царь Даниилу: ты лиеси Даниил, от сынов пленник Иудейских, иже приведе Навуходоносор царь отец мой? 14 Слышах о тебе, яко дух Божий в тебе, и бодрость и смысл и премудрость изюбилна обретеся в тебе: 15 и ныне внидоша пред мя мудрии, волсви, газарини, да писание сие прочтут и сказания его возвестят ми, и не могоша возвестити мне: 16 аз же слышах о тебе, яко можеши суды сказать: ныне убо аще возможеши писание сие прочести и сказание его возвестити мне, в багряницу облечешися, и гринва златая на выи твоей будет, и третий во царстве моем обладати будеши. 17 Тогда отвеша Даниил и рече пред царем: даяния: твоя с тобою да будут, и дар дому твоего иному дажь, аз же писание прочту царю и сказание его возвещу тебе. 18 Царю! Бог Вышний царство и величество, и честь и славу даде Навуходоносору отцу твоему, 19 и от величества, еже ему даде, вси людие, племена, языцы бяху трепещуще и боящеся от лица его: ихже хотяше убиваше, и ихже хотяше бияше, и ихже хотяше возвышаше, и ихже хотяше, той смиряше: 20

и егда вознесеся сердце его и утвердиша дух его еже презорствовати, сведеся от престола царства, и слава и честь отяся от него, 21 и от человек отгнася, и сердце его со зверьми отдася, и житие его со дивими ослы, и травою аки вола питаху его, и от росы небесныя оросиша тело его, дондеже уразуме, яко владеет Бог Вышний царством человеческим, и ему же хощет, даст е. 22 И ты убо, сыне его Валтасаре, не смирил еси сердца твоего пред Господем: не вся ли сия ведал еси? 23 Но на Господа Бога небеснаго вознесся еси, и сосуды храма Его принесоша пред тебе, ты же и вельможи твои, и наложницы твоя и возлежащая (окрест) тебе, вино пиясте ими: и боги златыя и сребряныя, и медяныя и железныя, и каменныя и древяныя, иже ни видят, ни слышат, ни разумеют, похвалил еси, а Бога, у Него же дыхание твое в руце Его, и вси путие твои, Того не прославил еси. 24 Сего ради от лица Его послани быша персты ручни и писание сие вчиниша. 25 Се же есть писание вчиненое: мани, фекел, фарес. 26 Се сказание глагола: мани, измери Бог царство твое и сконча е: 27 фекел, поставися в мерилах и обретеся лишаемо: 28 фарес, разделися царство твое и дадеся Мидом и Персом. 29 И рече Валтасар: (облечьтесь и). И облекоша Даниила в багряницу, и гринву златую возложиша на выю его, и проповеда о нем, еже быти ему князю третиему во царстве его. 30 Валтасара царя Халдейска убиша в ту нощь, 31 Дарий же Мидянин прия царство, сый шестидесяти и двою лет.

6 И бысть угодно пред царем, и постави во царстве князей сто и двадесять, еже быти им во всем царстве его, 2 над ними же три чиновники, от нихже бе Даниил един, дабы отдавали им князи слово, яко да царю не стужают. 3 И бе Даниил над ними, яко дух бяше преизубилен в нем, и царь постави его над всем царством своим. 4 Чиновницы же и князи искаху вины обрести на Даниила: и всякия вины и соблазна и греха не обретоша на него, яко верен бяше. 5 И реща чиновницы не обрящем на Даниила вины, аще не в законех Бога его. 6 Тогда чиновницы и князи предсташа царю и реша ему: Дарие царю, во веки живи: 7 совещаша вси иже во царстве твоем воеводы и князи, ипати и обладающие странами, еже уставити устав царский и укрепити предел, яко аще кто попросит прошения от всякаго бога и человека до дний тридесети, разве точию от тебе, царю, да ввержен будет в ров левский: 8 ныне убо, царю, устави предел и положи писание, яко да не изменится заповедь Мидска и Персска, (да никтоже преступит ея). 9 Тогда царь Дарий

повеле влписати заповедь. 10 Даниил же егда уведе, яко заповедь вчинися, вниде в дом свой: дверцы же отверсты ему в горнице его противу Иерусалима, в три же времена дне баше прекланяя колена своя, моляся и исповедаяся пред Богом своим, якоже бе творя прежде. 11 Тогда мужие онии наблюдоша и обретоша Даниила просяща и моляща Богу своему, 12 и пришедше реша пред царем: царю, не вчинил ли еси ты предела, яко да всяк человек, иже аще попросит у всякаго бога и человека прошения до тридесети днй, но точиу у тебе, царю, да ввержется в ров левск? И рече царь: истинно слово, и заповедь Мидска и Персска не мимоидет. 13 Тогда отвещаша пред царем и глаголаша: Даниил, иже от сынов плена Иудейска, не покорися заповеди твоей (и не раде) о пределе, егоже вчинил еси: в три бо времена дне просит у Бога своего прошений своих. 14 Тогда царь, яко слышав слово сие, зело опечалися о нем, и о Данииле пряшеся еже избавити его, и бе даже до вечера пряся еже избавити его. 15 Тогда мужие онии глаголаша царю: важдь, царю яко Мидом и Персом не леть есть пременити всякаго предела и устава, егоже царь уставит. 16 Тогда царь рече, и приведоша Даниила и ввергоша его в ров левск. И рече царь Даниилу: Бог твой, Ему же ты служиши присно, Той избавит тя. 17 И принесоша камень един и возложиша на устие рва, и запечата царь перстнем своим и перстнем вельмож своих, да не изменится деяние о Данииле. 18 И отиде царь в дом свой и ляже без вечери, и яди не внесоша к нему: и сон отступи от него. И заключи Бог уста львом, и не стужиша Даниилу. 19 Тогда царь воста заутра на свете и со тщанием прииде ко рву левску. 20 И егда приближися ко рву, возопи гласом крепким: Данииле, рабе Бога живаго! Бог твой, Ему же ты служиши присно, возможно ли избавити тя из уст львовых? 21 И рече Даниил цареви: царю, во веки живи: 22 Бог мой посла Ангела Своего и затвори уста львов, и не вредиша мене, яко обретеся пред Ним правда моя, и пред тобою, царю, согрешения не сотворих. 23 Тогда царь вельми возвеселися о нем и рече Даниила извести из рва. И изведен бысть Даниил из рва, и всякаго тления не обретеся на нем яко верова в Бога своего. 24 И рече царь, и приведоша мужы оклеветавшя Даниила и в ров левск ввергоша я и сыны их и жены их: и не доидоша дна рва, даже соодолеша им львы и вся кости их истончиша. 25 Тогда Дарий царь написа всем людем, племеном, языком, живущим во всей земли: мир вам да умножится: 26 от лица моего заповедася заповедь сия во всей земли царства моего, да будут трепещуще и боящеся от лица

Бога Даниилова, яко Той есть Бог живый и пребываяй во веки, и царство Его не разсыплется, и власть Его до конца: 27 подемлет и избавляет, и творит знамения и чудеса на небеси и на земли, иже избави Даниила от уст львовых. 28 Даниил же управляше во царстве Дариеве и во царстве Кира Персиянина.

7 В первое лето Валтасара царя Халдейска, Даниил сон виде и видения главы его на ложи его, и сон свой влписа: 2 аз Даниил видех в видении моем нощию: и се, четыри ветри небесниня налегоша на море великое, 3 и четыри зверие велицыни исходжау из моря, различни между собою: 4 первый аки львица имый криле, криле же его аки орли, зрях, дондеже исторжена быша крила его, и воздвигся от земли, и на ногу человечу ста, и сердце человечо дадеся ему: 5 и се, зверь второй подобен медведице, и на стране единей ста, и три ребра во устех его, среде зубов его, и сице глаголаху ему: востани, яждь плоти многи: 6 созади сего видех: и се, зверь ин аки рысь, тому же крила четыри птичия над ним и четыри главы зверю, и власть дадеся ему: 7 созади сего видех: и се, зверь четвертый страшен и ужасен и крепок излиха, зубы же его железни велии, ядый и истончевая, останки же ногама своими попираше, тойже различаяя излиха паче всех зверей прежних, и рогов десять ему: 8 разсмотрях в розех его, и се, рог другой мал взыде среде их, и трие рози преднии его исторгнувшись от лица его, и се, очи аки очи человечи в розе том, и уста глаголюща великая. 9 Зрях дондеже престоли поставшася, и Ветхий денми седе, и одежда Его бела аки снег, и власи главы Его аки волна чиста, престол Его пламень огнен, колеса Его огнь палящъ: 10 река огненна текаше исходящи пред Ним: тысяща тысящ служаеху Ему, и тмы тем предстояху Ему: судище седе, и книги отверзошаася. 11 Видех тогда от гласа словес великих, яже рог оный глаголаше, дондеже убися зверь и погибе, и тело его дадеся во сожжение огненно: 12 и прочих зверей преставися власть, и продолжение жития дадеся им до времене и времене. 13 Видех во сне нощию, и се, на облацах небесных яко Сын человечь идый баше и даже до Ветхаго денми дойде и пред Него приведеся: 14 и Тому дадеся власть и честь и царство, и все людие, племена и языцы Тому поработают: власть Его власть вечная, яже не прейдет, и царство Его не разсыплется. 15 Вострепета дух мой в состоянии моем, аз Даниил, и видения главы моей смущаху мя. 16 И придох ко единому от стоящих и известия просих от него научитися

о всех сих. И поведа ми известие и сказание словес возвести ми: 17 сии зверие велицы четыри, четыри царства востанут на земли, 18 яже возмутся: и преимут царство святии Вышняго и содержати будут оное даже до века веков. 19 И впрошах испытно о звери четвертем, яко бяше различен паче всякаго зверя, страшен вельми, зубы его железни и ногти его медяни, ядый и истончевая, останки же ногама своима попираше: 20 и о десяти розех его иже на главе его, и о другем возшедшем и истряшшем первыя три, рог же той ему же очи и уста глаголюща великая, и видение его более прочиих: 21 зрях, и рог той творяше рать со святыми и укрепися на них, 22 дондеже прииде Ветхий денми и суд даде святым Вышняго: и время приспе, и царство прияша святии. 23 И рече: зверь четвертый царство четвертое будет на земли, еже превзыдет вся царства и пояст всю землю, и поперет ю и посечет: 24 и десять рогов его десять царей востанут, и по них востанет другой, иже превзыдет злобами всех прежних и три цари смирит, 25 и словеса на Вышняго возглаголет и святых Вышняго смирит, и помыслит пременити времена и закон, и дастся в руку его даже до времене и времен и полувремене: 26 и судище сядет, и власть его преставят еже потребити и погубити до конца: 27 царство же и власть и величество царей, иже под всем небесем, дастся святым Вышняго: и царство Его царство вечное, и вся власти Тому работати будут и слушати. 28 До зде скончание словесе. Аз Даниил, надолзе размышления моя смущаха мя, и зрак мой пременися на мне, и глагол в сердцы моем соблюдох.

8 В лето третие царства Валтасара царя видение явися мне, аз Даниил, по явльшемся мне прежде. 2 И бех в Сусех граде, иже есть во стране Еламстей, и видех в видении, и бех на Увале, з и воздвигох очи мои и видех: и се, овен един стоя пред увалом ему же рози, рози же высоцы, един же вышше другаго, и вышший восходжаше последи. 4 И видех овна бодуща на запад и на север, и на юг и на восток: и вси зверие не станут пред ним, и не бе избавляюща из руки его, и сотвори по воли своей, и возвеличися. 5 Аз же бех размышлля, и се козел от коз идяше от лива на лице всея земли и не бе прикасаяся земли, и козлу тому рог видимъ между очима его: 6 и прииде до овна имущаго рога егоже видех стояща пред увалом, и тече к нему в силе крепости своея. 7 И видех его доходяща до овна, и разсвирепе на него, и порази овна, и сокруши оба рога его: и не бе силы овну, еже стати противу ему: и поверже его на землю и попра его,

и не бе избавляй овна от руки его. 8 И козел козий возвеличися до зела: и внегда укрепися, сокрушился рог его великий, и взыдоша друзии четыри рози под ним, по четырем ветром небесным: 9 и от единаго их взыде рог един крепок, и возвеличися вельми к югу и к востоку и к силе, 10 и возвеличися даже до силы небесныя: и сотвори пасти на землю от силы небесныя и от звезд, и попра я: 11 и дондеже Архистратиг избавит пленники, и Его ради жертва смятесь, и благопоспешился Ему, и святое опустеет: 12 и дадеся на жертву грех, и повергся правда на землю: и сотвори, и благопоспешился. 13 И слыхаша единаго святаго глаголюща. И рече един святый другому некоему глаголющему: доколе видение станет, жертва отятая, и грех опустения данный, и святое и сила поперется? 14 И рече ему: даже до вечера и утра дний две тысящи и триста, и очистится святое. 15 И бысть, егда видех аз Даниил видение и взысках ведения, и се, ста предо мною аки образ мужеск, 16 и слыхаша глас мужеск среде Увала, и призыва и рече: Гаврииле, скажи видение оному. 17 И прииде и ста близ стояния моего: и егда прииде ужасохся и падох на лице мое. И рече ко мне: разумей, сыне человечь, еще бо до скончания времене видение. 18 И егда глаголаше со мною, падох ниц на земли, и прикоснуся мне, и постави мя на ноги моя, и рече: 19 се, аз возвещаю тебе будущая на последок гнева (сыном людий твоих): еще бо до конца времене видение. 20 Овен, егоже видел еси имуща рога, царь Мидский и Персский: 21 а козел козий царь Еллинский есть: рог же великий, иже между очима его, той есть царь первый: 22 сему же сокрушившуся восташа четыри рози под ним: четыри царие востанут от языка его, но не в крепости его, 23 и на последок царства их, исполняющыся грехом их, востанет царь безср amen лицем и разумея гадания, 24 и державна крепость его, не в крепости же своей, и чудесно растлит и управит и сотворит, и разсыплет крепкия и люди святы, 25 и ярем вериг своих исправит: лесть в руце его, и в сердцы своем возвеличится, и лестию разсыплет многих, и на пагубу многим возстанет, и яко яица рукою сокрушит. 26 И видение вечера и утра реченнаго истинно есть: ты же назнаменай видение, яко на дни многи. 27 Аз же Даниил успох и изнемогах на дни (многи), и востах и творях дела царева, и почуихся видению, и не бяше разумевающаго.

9 В первое лето Дария сына Ассуирова, от племене Мидска, иже царствова во царстве Халдейстем,

2 в лето первое царства его, аз Даниил разумех в книгах число лет, о немже бысть слово Господне ко Иеремии пророку, на скончание опустения Иерусалимля седмъдесят лет. 3 И дах лице мое к Господу Богу, еже взыскати молитвы и прошения в посте и во вретищи и пепеле, 4 и молихся ко Господу Богу моему и исповедахся и рех: Господи, Боже великий и чудный, храняй завет Твой и милость Твою любящым Тя и хранящим заповеди Твоя: 5 согрешихом, беззаконновахом, нечествовахом и отступихом и уклонихомся от заповедей Твоих и от судов Твоих 6 и не послушахом раб Твоих пророков, иже глаголаша во имя Твое ко царем нашим и князем нашим, и отцем нашим и всем людем земли. 7 Тебе, Господи, правда, нам же стыдение лица, яко же день сей, мужу Иудину, и живущим во Иерусалиме, и всему Израилю, и ближним и дальним во всей земли, идеже разсаял еси я тамо, во отвержении их, имже отвергоясся Тебе, Господи. 8 Тебе, Господи, есть правда, нам же стыдение лица, и царем нашим и князем нашим и отцем нашим, иже согрешихом Тебе. 9 Господу же Богу нашему щедроты и очищения, яко отступихом от Господа 10 и не послушахом гласа Господа Бога нашего, ходити в законех Его, ихже даде пред лицем нашим рукою раб Своих пророков. 11 И весь Израиль преступи закон Твой, и уклониша еже не послушати гласа Твоего: и прииде на ны клятва и заклятие вписаное в законе Моисея раба Божия, яко согрешихом Ему. 12 И устави словеса Своя, яже глагола на ны и на судии нашя, иже судиша нам, навести на ны злая великая, яковых не бысть под всем небесем, по (всем) бывшим во Иерусалиме, 13 яко же есть писано в законе Моисеове, вся злая сия придоша на ны: и не помолихомся лицу Господа Бога нашего, отвратитися от неправд наших, и еже смыслити во всей истине Твоей (Господи). 14 И убудися Господь Бог на злобу нашу и наведе сия на ны, яко праведен Господь Бог наш во всем деянии Своем, еже сотвори, и не послушахом гласа Его. 15 И ныне, Господи, Боже наш, иже извел еси люди Твоя от земли Египетской рукою крепкою и сотворил еси Себе Самому имя, яко же день сей, согрешихом, беззаконновахом. 16 Господи, всем помилованием Твоим да отвратится ярость Твоя и гнев Твой от града Твоего Иерусалима, от горы святыя Твоя: яко согрешихом неправдами нашими и беззаконием отец наших, Иерусалим и людие Твои во укоризну быша во всех окрестных нас. 17 И ныне, Господи, Боже наш, услыши молитву раба Твоего и прошение его, и яви лице Твое на святилище Твое опустившее, Тебе ради,

Господи. 18 Приклони, Господи, Боже мой, ухо Твое и услыши, отверзи очи Твои и виждь потребление наше и града Твоего, в немже призвася имя Твое, яко не на наша правды (уповающе) повергаем моление наше пред Тобою, но на щедроты Твоя многия, Господи. 19 Услыши, Господи, очести, Господи, вонми, Господи, и сотвори, и не закосни Тебе ради, Боже мой, яко имя Твое призвася во граде Твоем и в людех Твоих. 20 Еще же ми глаголющу и молящуся и исповедающу грехи мои и грехи людий моих Израиля, и припадающу с молением моим пред Господем Богом моим о горе святей Его: 21 и еще глаголющу ми в молитве, и се, муж Гавриил, егоже видех в видении моем в начале, парящъ, и прикоснуся мне, аки в час жертвы вечерния, 22 и вразуми мя, и глагола ко мне, и рече: Данииле, ныне изыдох устроити тебе разум: 23 в начале молитвы твоей изыде слово, и аз придох возвестити тебе, яко муж желаний еси ты, размысли о словеси и разумей во явлении. 24 Седмъдесят седмин сократиша о людех твоих и о граде твоем святым, яко да обетшает согрешение, и скончается грех, и запечатаются грехи, и загладятся неправды, и очищатся беззакония, и приведется правда вечная: и запечатается видение и пророк, и помажется Святый святых. 25 И увеси и уразумеши от исхода словесе, еже отвещати и еже соградити Иерусалим, даже до Христа Старейшины седмин седмъ и седмин шестьдесят две: и возвратится, и соградится стогна и забрала, и истощатся лета. 26 И по седминах шестидесяти двух потребится помазание, и суд не будет в нем: град же и святое разсыплется со старейшиною грядущим, и потребятся аки в потопе, и до конца рати сокращенный чином, погибельми. 27 И утвердит завет мнозем седмина едина: в пол же седмины отимется жертва и возлияние, и во святилищи мерзость запустения будет, и даже до скончания времене скончание дастся на опустение.

10 В лето третие Кира царя Персского, слово открыся Даниилу, ему же прозвася имя Валтасар: истинно же слово и сила велика и разум дадеся ему в видении. 2 В тыя дни аз Даниил бех рьдая три седмицы дний: з хлеба вожделенаго не ядох, и мясо и вино не вниде во уста моя, и мастию не помазахся до исполнения триех седмиц дний. 4 В день двадесять четвертый первого месяца аз бех близ реки великия, яже есть Тигр Еддекель, 5 и воздвигох очи мои и видех, и се, муж един облечен в ризу льняну, и чресла его препоясаны златом светлым: 6 тело же его аки фарсис, лице же его аки зреине молнии,

очи же его аки свещы огнены, и мышцы его и голени аки зрак меди блещащияся, глас же словес его аки глас народа. 7 И видех аз Даниил един явление, а мужие, иже со мною, не видеша явления, но ужас великий нападе на них, и отбегнуша во страсе. 8 Аз же остал един и видех явление великое сие, и не оста во мне крепость, и слава моя обратися в разсыпание, и не удержаха крепости. 9 И слышах глас словес его. И всегда слышах, бех сокрушен, лицо же мое на земли: 10 и се, рука прикасающися мне, и возстави мя на колена моя и на длани рук моих. 11 И рече ко мне: Данииле, мужу желаний, разумей во словесех сих, яже аз глаголю к тебе, и стани на стоянии своем, яко ныне послан есмь к тебе. И егда возглагола слово сие ко мне, востах трепетен. 12 И рече ко мне: не бойся, Данииле, яко от первого дне, в онъже подал еси сердце твое, еже разумети и трудитися пред Господем Богом твоим, услышана быша словеса твоя, аз же придох во словесех твоих: 13 князь же царства Персского стояще противу мне двадесять и един день: и се Михаил един от старейшин первых прииде помохи мне, и того оставил тамо со князем царства Персского, 14 и придох сказати тебе, елика срящут людий твоих в последния дни, яко еще видение на дни. 15 И егда глагола со мною по словесем сим, дах лице мое на землю и умилихся. 16 И се, аки подобие сына человечка прикоснуся устнам моим, и отверзох уста моя и глаголах, и рех ко стоящему предо мною: господи, в видении твоем обратися утроба моя во мне, и не имех силь: 17 и како возможет раб твой господи, глаголати с господем сим моим? Аз бо изнемогох, и отныне не станет во мне крепость, (сила бо) и дыхание не оста во мне. 18 И приложи, и прикоснуся мне яко зрак человечь, и укрепи мя, 19 и рече ми: не бойся, мужу желаний, мир тебе: мужайся и крепися и егда глагола со мною, укрепихся и рех: да глаголет господь мой яко укрепил мя еси. 20 И рече: веси ли, почто придох к тебе? И ныне возвращуся, еже ратися со князем Персским: аз же исхождах, князь же Еллинский грядяще: 21 но да возвещу ти вчиненое в писании истины, и несть ни единаго помогающаго со мною о сих, но точию Михаил князь ваш.

11 Аз же в первое лето Кирово стах в державу и крепость. 2 И ныне истину возвещу тебе се, еще трие царие востанут в Персиде четвертый же разбогатеет богатством великим паче всех и по одержании богатства своего востанет на вся царства Еллинская: 3 и востанет царь силен, и обладает властию многою, и сотворит по-

воли своей. 4 И егда станет царство его сокрушится и разделится на четыри ветры небесныя, и не в последняя своя, ниже по власти своей, еюже совладе, понеже исторгнется царство его и другим кроме сих отдастся. 5 И укрепится царь южский, и от князей их един укееет нань и обладает властию многою над властию его. 6 И по летех его смеясят, и дци царя южска внидет к северску царю, еже сотворити завет с ним, и не удержит крепости мышцы, и не станет племя ея, и предастся та и приведшию, и дева и укрепляяю во временех. 7 И востанет от цвета корене ея на уготование его и приидет в силу, и внидет во утверждения царя северского и сотворит в них и одержит: 8 и боги их со слиянными их, вся сосуды их вожделенны сребра и злата с пленники принесет во Египет, и той востанет паче царя северска: 9 и внидет в царство царя южского, и возвратится на свою землю. 10 И сынове его соберут народ силен мног, и внидет грядый и потопляя: и мимо прейдет и сядет, и даже до крепости его снится. 11 И разсвирипет царь южский, и изыдет и брань сотворит с царем северским, и поставит народ мног, и предастся народ в руце его. 12 И возмет народы, и возвысится сердце его, и соодолеет тмам, и не укрепеет. 13 И возвратится царь северский и приведет народ мног паче прежняго: и на конец времен лет приидет входом в силе велицей и со именем многим. 14 И в лета она мнози востанут на царя южска, и сынове губителей людий твоих воздвигнутся, еже поставити видение, и изнемогут. 15 И внидет царь северский и сотворит окоп и возмет грады тверды, мышцы же царя южского не станут и востанут избранни его, и не будет крепости еже стати. 16 И сотворит входя к нему по воли своей, и несть стоящаго противу лица его: и станет на земли савеи, и скончается в руце его. 17 И вчинит лице свое внити в силе всего царства своего, и праве вся сотворит с ним: и дщерь жен даст ему еже растлitiю, и не пребудет, и не будет ему. 18 И обратит лице свое на островы, и возмет многи, и погубит князи укоризны своея, обаче укоризна его возвратится ему. 19 И обратит лице свое в крепость земли своея, и изнеможет, и падется, и не обрящется. 20 И востанет от корене его сад царства на уготование его производя творя славу царства: и в тя дни еще сокрушится, и не в лицах, ни в рати: 21 станет во уготовании его ункчижися, и не даша нань славы царства: и приидет со обилием и соодолеет царству лестьми, 22 и мышцы потопляющаго потопятся от лица его и сокрушатся и старейшина завета. 23 И от совокуплений к нему сотворит лесть, и взыдет, и

преодолеет их в мале языце: 24 и во обилие и в тучныя страны приидет, и сотворит, яже не сотвориша отцы его и отцы отцев его: пленение и корысты и имение им расточит, и на Египта помыслит мыслию даже до времене. 25 И востанет крепость его, и сердце его на царя южскаго в силе велице, царь же южский сотворит с ним сечь силою великою и крепкою зело, и не станут: яко помышляют нань помышления 26 и изядят потребная его и сокрушат его, и силы разсыплет, и падут язвении мнози. 27 И оба царя, сердца их на лукавство, и на трапезе единей возглаголют лжу, и не предупсеет, яко еще конец на времяя. 28 И возвратится на свою землю со имением многим, и сердце его на завет святый, и сотворит, и возвратится на свою землю. 29 На времяя возвратится и приидет на юг, и не будет яко же первая и последняя. 30 И внидут с ним исходящии Китяне, и смирится, и возвратится, и возярится на завет святый: и сотворит, и возвратится, и умыслит на оставльшяя завет святый. 31 И мышцы и племена от него востанут и осквернят святыню могутства и преставят жертву всегдашнюю и дадят мерзость запустения, 32 и беззаконнующий завет наведут со прелестию: людие же ведуще Бога своего премогут и сотворят, 33 и смысленнии людие уразумеют много, и изнемогут в мечи и в пламени, и в пленении и в разграблении дний. 34 И егда изнемогут, поможется им помощио малою, и приложатся к ним мнози со прелестию. 35 И от смысливших изнемогут, еже разжеши я и избрати, и еже открыти даже до конца времене, яко еще на времяя. 36 И сотворит по воли своей, и царь возвысится и возвеличится над всяким богом, и на Бога богов возглаголет тяжкая, и управит, дондеже скончает гнев, в скончание бо бывает. 37 И о всех бозех отцев своих не смыслит, и рачении жен, и о всяцем бозе не уразумеет, понеже паче всех возвеличится. 38 И бога маозима на месте своем прославит, и бога, егоже не ведеша отцы его, почтит сребром и златом и камыком честным и похотьми, 39 и сотворит тверделем убежищ с богом чуждим, егоже познает, и умножит славу, и покорит им многи, и землю разделит в дары. 40 И на конец времене сразится ратию с царем южским: и соберется на него царь северский с колесницами и с конници и с корабли многими, и внидет в землю, и сокрушит, и мимоидет, 41 и внидет на землю саваимску, и мнози изнемогут: сии же спасутся от руки его, Едом и Моав и начало сынов Аммоних. 42 И прострет руку свою на землю, и земля Египетска не будет во спасение. 43 И владети начнет в сокровенных злата и сребра и во всех

вожделенных Египта и Ливиев и Ефиопов, в твердех их. 44 И слышания и поткнания возмутят его от восток и от севера: и приидет во ярости мнозе, еже погубити многи. 45 И поткнет кущу свою ефадано между морями, на горе святей савеи, приидет даже до части ея, и несть избавляяя его.

12 И во время оно востанет Михаил князь великий стояй о сынех людий твоих: и будет время скорби, скорбь, якова не бысть, отнележе создася язык на земли, даже до времене онаго: и в то время спасутся людие твои вси, обретшиися вписани в книзе, 2 и мнози от спящих в земней персти востанут, сии в жизнь вечную, а онии во укоризну и в стыдение вечное. 3 И смысляции просветятся аки светлость тверди, и от праведных многих аки звезды во веки и еще. 4 Ты же, Данииле, загради словеса и запечатай книги до времене скончания, дондеже научатся мнози, и умножится ведение. 5 И видех аз Даниил, и се, два инии стояху, един о сию страну устия реки, а другой об ону страну устия реки. 6 И рече к мужу оболненному в ризу льняну, иже бяше верху воды речныя: доколе окончание чудес, яже рекл еси? 7 И слышах от мужа оболненного в ризу льняну, иже бяше верху воды речныя, и воздвиге десницу свою и шуйцу свою на небо и клятся Живущим во веки, яко во время и во времене и в пол времене, егда скончается разсыпание руки людий освященных, и уведят сия вся. 8 Аз же слышах, и не разумех, и рех: господи, что последняя сих? 9 И рече: гряди, Данииле, яко заграждена словеса и запечатана даже до конца времене: 10 избранни будут и убелятся, и аки огнем искусятся и освятятся мнози: и собезаконнуют беззаконницы, и не уразумеют вси нечестивии, но умнии уразумеют: 11 от времене же пременения жертвы всегдашния, и дастся мерзость запустения на дни тысяча двести девятьдесят: 12 блажен терпляй и достигнувый до дний тысячи трех сот тридесати пяти: 13 ты же иди и почивай: еще бодние суть и часы во исполнение скончания, и почиеши, и востанеши в жребий твой, в скончание дний.

Книга пророка Осии

1 Слово Господне, еже бысть ко Осии сыну Веириину, во днех Озии и Иоафама, и Ахаза и Иезекии царей Иудиних, и во дни Иеровоама сына Иоасова царя Израилева. 2 Начало словесе Господня ко Осии. И рече Господь ко Осии: иди, поими себе жену блуждения, (и роди) чада блуждения: понеже блудящи соблудит земля от Господа. 3 И иде и пой Гомерь дщерь Девилаимлю: и зачат и роди ему сына. 4 И рече Господь к нему: прозови имя ему Иезраель: зане еще мало, и отмщу кровь Иезраелеву на дому Иудове и упокою царство дому Израилева: 5 и будет в той день, сокрушу лук Израилев во удоле Иезраелеве. 6 И зачат еще и роди дщерь. И рече ему (Господь): прозови имя ей Непомилована: зане не приложу ксему помиловати дому Израилева, но противляся возсопротивлюся им: 7 сыны же Иудины помилую и спасу я о Где Бозе их: и не спасу их луком, ни мечем, ни бранью, ни коньми, ниже конниками. 8 И отдои Непомилованную: и зачат паки и роди сына. 9 И рече (Господь): прозови имя ему Не Людие Мои: зане вы не людие Мои, и Аз несмъ Бог ваш: 10 и будет число сынов Израилевых аки песок морской, иже не измерится, ни изочтется: и будет, на месте, на немже речеся им: не людие Мои вы: сии тамо прозовутся сынове Бога живаго. 11 И соберутся сынове Иудины и сынове Израилевы вкупе, и поставят себе власть едину, и изыдут от земли, яко велик день Иезраелев.

2 Рцыте брату своему: людие Мои: и сестре своей: Помилованная. 2 Судитеся с матерю своею, судитеся, яко та не жена Моя, и Аз не муж ея: и отвергу блуждения ея от лица Моего и любодейство ея от среды сосцу ея: зяко да совлеку ю нагу и поставлю ю якоже в день рождения ея, и положю ю яко пустыню, и учиню ю яко землю безводну, и убию оную жаждею: 4 и чад ея не помилую, яко чада блуждения суть, 5 яко соблуди мати их, посрамися родившая их, рече бо: пойду вслед похотников моих, дающих мне хлебы моя и воду мою, и ризы моя и плащаницы моя, и масло мое и вся, елика мне достоят. 6 Сего ради, се, Аз загражду путь ея тернием и возгражду распутия ея, и стези своея не обрящет: 7 и поженет похотники своя и не постигнет их, и взыщет их и не обрящет, и речет: пойду и возвращуся к мужу моему первому, яко добре ми бе тогда, нежели ныне. 8 Но та не уразуме, яко Аз дах ей пшеницу и вино и масло, и сребро умножих ей: сия же сребряны и златы соторви

Ваалу. 9 Сего ради обращуся и возму пшеницу Мою во времяя ея и вино Мое во времяя его, и отиму ризы Моя и плащаницы Моя, да не покрывает студа своего: 10 и ныне открыю нечистоту ея пред похотниками ея, и никто же отимет ея от руки Моей: 11 и отвращу вся веселия ея и праздники ея, и новомесияя ея и субботы ея и вся празднества ея, 12 и погублю виноград ея и смоквы ея, о них же рече: мзды ми суть сия, яже даша мне похотницы мои: и положу я в свидение, и поядят я зверие селни и птицы небесныя и гади земни: 13 и отмщу на ней дни Ваалимовы, в няже требы кладяше им, и вдеваше усерязя своя и мониста своя, и хождаше вслед похотников своих, а Мене забы, глаголет Господь. 14 Сего ради, се, Аз соблажню ю, и учиню ю яко пустыню, и возглаголю в сердце ея, 15 и дам ей притяжение ея оттуду и поляну Ахорову, отверсти смысл ея: и смирится тамо по днем детства своего и по днем изведения своего от земли Египетски. 16 И будет в той день, наречет Мя муж мой, глаголет Господь, а не прозовет Мене ктому Ваалим. 17 И отвергну имена Ваалимля от уст ея, и не воспомянутся ксему имена их. 18 И завещаю им завет в той день со зверьми селними и со птицами небесными и с гады земными, и лук и меч и брань сокрушу от земли, и вселю я со упованием: 19 и обручу тя Себе во век и обручу тя Себе в правде и в суде и в милости и в щедротах: 20 и обручу тя Себе в вере, и увеси Господа. 21 И будет в той день, глаголет Господь, послушаю небесе, а оное послушает земли, 22 и земля послушает пшеницы и вина и масла, и сии послушают Иезраеля: 23 и всею оную Себе на земли и помилую Непомилованную: и реку не людем Моим: людие Мои есте вы: и тии рекут: Господь Бог наш Ты еси.

3 И рече Господь ко мне: еще иди и возлюби жену любящую зло и любодейцу, якоже любит Бог сыны Израилевы: сии же взирают к богом чуждим и любят варения с коринками. 2 И наях себе оную пятионадесять сребрениками и гомором ячменя и невелем вина, 3 и рекох ей: дни многи да седиши у мене и аз у тебе, и не соблудиши, ни будеши мужу иному: 4 зане дни многи сядут сынове Израилевы, не сущу царю, ни сущу князю, ни сущей жертве, ни сущу жертвеннику, ни жречеству, ниже явлением: 5 и посем обратятся сынове Израилевы и взыщут Господа Бога своего и Давида царя своего, и почудятся о Господе и о благостех Его в последния дни.

4 Слышите слово Господне, сынове Израилевы, яко суд Господеви к живущым на земли: зане несть истины,

ни милости, ни ведения Божия на земли: 2 клятва и лжа, и убийство и татьба и любодеяние разлияся по земли, и кровь с кровьми мешают. 3 Сего ради восплачется земля и умалится со всеми вселившимися на ней, со зверьми польскими и с гады земными и со птицами небесными, и рыбы морских оскудеют: 4 яко да никтоже не прится, ни обличается никтоже: людие же мои аки пререкаемый жрец, 5 и изнеможет во днех, и изнеможет пророк с тобою: нощи уподобих матерь твою. 6 Уподобишася людие Мои аки не имуще умения: яко ты умение отвергл еси, отвергу и Аз тебе, еже не жречествовати Мне, и забыл еси закон Бога своего, забуду и Аз чада твоя. 7 По множеству их тако согрешиша Мне: славу их в безчестие положу. 8 Грехи людий Моих снедят и в неправдах их возмут души их. 9 И будет яко же людие, тако и жрец: и отмщу на них пути их, и умышления их воздам им. 10 И будут ясти и не насытятся: соблудиша и не исправятся: понеже Господа оставиша еже снабдetti. 11 Блуд и вино и пиянство прият сердце людий Моих. 12 В знамениих вопрошаху и в жезлах своих поведаху тем: духом блуждения прельстишася и соблудиша от Бога своего: 13 на версех гор кадяху и на холмех жряху под дубом и под елию и под древом ветвенным, яко добр кров: сего ради соблудят дщери вашя, и невесты вашя возлюбодеют. 14 И не присещу на дщери вашя, егда соблудят, и на невесты вашя, егда возлюбодеют: яко и тии со блудницами смесишася и со блудниками требы жряху, и людие смысляции со блудницею сплетахуся. 15 Ты же, Израилю, не не разумевай, и Иудо: не входите в Галгаль и не восходите в Дом Онов, и не кленитеся Господем живым. 16 Зане яко же юница стрекалом стречема разсвирипет Израиль: ныне упасет я Господь, яко агнца на пространстве. 17 Причастник кумиром Ефрем положи себе соблазны, 18 избра Хананеов: блудяще возблудиша, возлюбиша безчестие от хрептетания своего. 19 Вихр духа возсвищет в крилех своих, и посрамятся от требищ своих.

5 Слышите сия, жерцы, и вонмите, доме Израилев, и доме царев, внушите, понеже к вам есть суд: яко пругло бысте стражбе, и яко же мрежа распростерта на Итавирии, 2 юже ловящии лов поткнуша, Аз же наказатель вам: 3 Аз познах Ефрема, и Израиль не отступи от Мене, зане ныне соблуди Ефрем, и осквернился Израиль: 4 не положиша помышлений своих, еже возвратитися к Богу своему, яко дух блуждения есть в них, и Господа не уведеша. 5 И смирился укоризна Израилева в лице ему, и Израиль и Ефрем изнемогут в неправдах своих,

изнеможет же и Иуда с ними. 6 Со овцами и телцы пойдут взыскати Господа и не обрящут Его, уклонися бо от них. 7 Яко Господа оставиша, яко чада чужда породиша себе: ныне поистя я ржа, и причастия их. 8 Вострубите трубою на холмех, возгласите на высоких, проповедите в Дому Онове, ужасеся Вениамин, 9 Ефрем в пагубу бысть во дни наказания: в племенех Израилевых показах верная. 10 Быша князи Иудины яко прелагающе пределы: на ня излию яко воду гнев Мой. 11 Соодоле Ефрем соперника своего, попра суд, яко нача ходити вслед суетных. 12 Аз же яко мятеж Ефремови и яко оsten дому Иудину. 13 И виде Ефрем немощь свою и Иуда болезнь свою: и иде Ефрем ко Ассирием и посла послы ко царю Иариму: и той не возможе изцелити вас, и не престанет от вас болезнь. 14 Зане Аз есмъ яко панфири Ефремови и яко лев дому Иудину: и Аз восхищу, и пойду, и возму, и не будет изимаяй: 15 пойду и возвращуся на место Свое, дондеже погибнут, и взыщут лица Моего.

6 В скорби своей утреневати будут ко Мне, глаголюще: идем и обратимся ко Господу Богу нашему, 2 яко Той поби ны, и изцелит ны: уязвит, и уврачует ны: 3 изцелит ны по двою дню, в день третий воскреснем и живи будем пред ним, и увемы: поженем, еже уведети Господа: яко утро готово обрящем Его, и приидет нам яко дождь ранний и поздний земли. 4 Что ти сотворю, Ефреме? Что ти сотворю, Иудо? Милость бо ваша яко облак утренний и яко роса рано падающая. 5 Сего ради пожах пророки вашя, убих я словесем уст Моих, и суд Мой яко свет изыдет. 6 Зане милости хощу а не жертвы, и уведения Божия, нежели всесожжения. 7 Сии же суть яко человек преступаяй завет: тамо презреща Мя. 8 Галаад град делаяй суетная, мутяй воду, 9 а крепость твоя яко мужа морского разбойника: скрыша жерцы путь Господень, убиша Сикиму, яко беззаконие сотвориша. 10 В дому Израилеве видех грозная: тамо блуждение Ефремово: осквернился Израиль и Иуда. 11 Начни оымати виноград себе, егда возвращу пленение людий Моих.

7 Егда изцелю Израиля, и открывается неправда Ефремова и злоба Самарийска, яко соделаша лжу: и тать к нему внидет, совлачай разбойник на пути его: 2 яко да воспоют вкупе, аки поющи сердцем своим. Вся злобы их помянух: ныне обыдоша их совети их, противу лицу Ми быша. 3 Злобами своими возвеселиша царя и лжами своими князей. 4 Вси любодеюши, яко пещь жегома на печение сожжения от пламене, от примешения туха, дондеже вскинет то все. 5 Во дни царей ваших

начаша князи яритися от вина, простроша руки своя с губительми: 6 зане разгорешася яко пещь сердца их, внегда устремлятися им: всю нощь сна Ефрем насытился, заутра бысть, и разгореся яко пламень огненный. 7 Вси согреяшася, яко пещь жегома, и огнь пяде судий их: вси царие их падоша, не бе в них моляйся ко Мне. 8 Ефрем в людех своих сам смеялся, Ефрем бысть опреснок необращаем. 9 И снедоша чуждии крепость его, сей же не разуме: и седины явишася на нем, он же не позна. 10 И смирился укоризна Израилева в лице ему: и не возвратиша ко Господу Богу своему и не взыскаша Его во всех сих. 11 И бяше Ефрем яко голубъ безумный, не имый сердца: Египта моляше, и во Ассирианы отидаша. 12 Якоже идут, возложу на ня мрежу Мою, якоже птицы небесныя свергу я, накажу я в слух скорбения их. 13 Горе им, яко отскочиша от Мене: боязливи суть, яко нечестоваша ко Мне: Аз же избавих я, сии же возглашала на Мя лжу. 14 И не возопиша ко Мне сердца их, но плакахуся на ложах своих: о пшенице и вине сечахуся. 15 Накажутся Мною, Аз же укрепих мышцу их, и на Мя помыслиша злая. 16 Совратишася ни во чюже, быша яко лук напряжен: падутся князи их мечем ради ненаказания языка своего. Сие ругание их в земли Египетстей.

8 В недре их, яко земля непроходима, яко орел в дому Господни: понеже преступиша завет Мой и на закон Мой нечестоваша. 2 Ко Мне возвовут: Боже, познахом Тя, з яко Израиль отвратиша благих, врага прогнаша. 4 Сами себе царя поставиша, а не Мною, началствоваша, и не явиша Ми: от сребра своего и от злата своего сотвориша себе кумиры, яко да потребятся. 5 Сокруши телца твоего, Самарие, разгневався ярость Моя на ня: доколе не могут очиститися, иже во Израили? 6 И то древодель сотвори, и несть бог: зане льстяй бяше телец твой, Самарие. 7 Яко ветром истлено всеяша, и разрушение их примет я: рукоять не имущая силы еже сотворити муку, аще же и сотворит, то чуждии пядят ю. 8 Поглощен бысть Израиль, ныне бысть во языщех яко сосуд непотребен, 9 понеже тии взыдоша ко Ассирианом: процвете о себе Ефрем, дары возлюби. 10 Сего ради предадутся во языки: ныне восприиму их, и почют мало еже помазати царя и князи. 11 Яко умножи Ефрем требища, во грехи быша ему требища возлюбленная. 12 Впишу ему множество, и законная его в чуждая вменишася требища возлюбленная. 13 Темже аще и пожрут жертву и снедят мяса, Господь не примет

их: ныне помянет неправды их и отмстит грехи их: тии во Египет возвратиша и во Ассирии нечистая снедят. 14 И забы Израиль Соторшаго и и возгради требища, и Иуда умножи грады утверждены: но послю огнь на грады его, и потребит основания его.

9 Не радуйся, Израилю, ни веселися якоже людие, понеже соблудил еси от Господа Бога твоего: возлюбил еси даяния на всячем гумне пшеницы. 2 Гумно и точило не позна их, и вино согла им. 3 Не вселишася на земли Господни: вселился Ефрем во Египте, и во Ассириях снедят нечистая. 4 Не возлияша Господеви вина, и не усладиша Ему требы их, яко хлеб жалости им: вси ядущии тиа осквернятся: понеже хлебы их душ их, не внидут в дом Господень. 5 Что сотворите во днех торжества и в день праздника Господня? 6 Сего ради, се, пойдут от труда Египетска, и приимет их Мемфис, и погребет я махмас: сребро их пагуба наследит, терние во дворех их. 7 Приспеша дние отмщения твоего, придоша дние воздаяния твоего, и озлобится Израиль, якоже пророк изумленный, человек духом носимый: от множества неправд твоих умнохиша изумление твое. 8 Страж Ефрем с Богом, пророк пругло строптиво на всех путех его: изумление в дому Божии утвердиша. 9 Растишася по днем холма: воспомянет неправды их, отмстит грехи их. 10 Якоже грезн в пустыни обретох Израиля и яко страж на смоковнице ранняго увидех отцы их: тии внидоша ко Веельфегору и отчуждишася на стыдение, и быша мерзостни якоже возлюбленни. 11 Ефрем яко птица отлете, славы их от порождений и болезней и от зачатий. 12 Темже аще и воскормят чада своя, безчадны будут от человек: понеже и люте им есть, (зане оставил я,) плоть моя от них. 13 Ефрем, якоже видех, в ловитву предпоставиша чада своя, и Ефрем еже извести на заколение чада своя. 14 Даждь им, Господи: что даси им? Даждь им утробу неплодящую и сосцы сухи. 15 Вся злобы их во Галгалех, яко тамо их возненавидех за злобы начинаний их: из дому Моего изжену я, (кему) не приложу любити их: 16 вси князи их непокориви. Поболе Ефрем: корение его изскоша, плода кему да не принесет: понеже аще и породят, побию вожделенная утроб их. 17 Отринет я Бог, яко не послушаша Его, и будут заблуждающии в языщех.

10 Виноград благолозен Израиль, плод обилен его: по множеству плодов его умножи требища, по благодатам земли его возгради капища. 2 Разделиша сердца своя, ныне погибнут: Сам раскопает требища их,

сокрушаются кумиры их. 3 Темже ныне рекут: несть царя в нас, яко не бояхомся Господа: царь же что сотворит нам? 4 Глаголяй словеса извинения ложная завещает завет: прозябнет суд аки троскот на лядине селней. 5 У телца Дому Онова возобитают живущии в Самарии, яко плакашася людие его о нем: и яко же разгневаша его, порадуются о славе его, яко преселися от них. 6 И связавше его, во Ассирию отведоша в дар царю Иариму: в дар Ефрему приимется, и усрамится Израиль о совете своем. 7 Отверже Самария царя своего, аки хвастие на лице воды. 8 Извергутся требища Онова согрешения Израилева, терние и волчец возникнут на требищих их: и рекут к горам: покрыйте ны: и холмом: падите на ны. 9 Отнележе холми, согреши Израиль: тамо сташа: не постигнет их на холме рать, на чада неправды. 10 Прииде наказати их по желанию Моему: и соберутся людие на ня, внегда наказатися им во двою неправдах своих. 11 Ефрем юница наученая, еже любити прение: Аз же найду на доброту выи ея, наступлю на Ефрема, умолчу о Иуде, укрепится себе Иаков. 12 Сейте себе в правду, соберите плод живота, просветите себе свет ведения, дондеже время, взыщите Господа, дондеже приидут вам жита правды. 13 Вскую премолчасте нечестие, и неправды его оымасте, изядосте плод лжив? Яко уповал еси на оружие твое, во множестве силы твоей. 14 И востанет пагуба в людех твоих, и вся ограды твоя погибнут, яко же (погибе) князь Саламан от дому Иеровоамля, во дни ратны матерь о чада разбиша: 15 тако сотворю вам, Доме Израилев, от лица неправды злоб ваших.

11 Заутра отвергшася, отвержеся царь Израилев, понеже младенец Израиль, и Аз возлюбих его и из Египта возвзвах сына Моего. 2 Яко же призвах я, такожде отхождаху от лица Моего: тии Ваалиму требу жряху и изваянным кадяху. 3 Аз же связах Ефрема, взях его на мышцу Мою, и не разумеша, яко изцелих я. 4 Во истлении человечесте привлекох я узами любления моего, и буди им яко ударяй человек по челюстем его: и возврлю к нему и премогу ему. 5 Вселися Ефрем во Египте, Ассур же сам царь его, яко не восхоте возвратитися. 6 И изнеможе оружие во градех его, и умолче в руку его: и снедят от умышлений своих. 7 И людие его висяще от обитания своего: и Бог на честная его разгневается, и не вознесет его. 8 Что тя устрою, Ефреме? Защищу ли тя, Израилю? Что тя положу? Яко же Адаму устрою тя, и яко же Севоим, превратися сердце Мое в Нем, смятесь раскаяние Мое. 9 Не сотворю по гневу ярости Моей, не

оставлю еже потребитися Ефремови, зане Бог Аз есмь, а не человек: в тебе Свят, и не вниду во град. 10 Вслед Господа имам ходити: яко лев возревет, понеже Той возревет, и ужаснутся чада вод, 11 и приидут яко птица из Египта и яко голубь от земли Ассириски: и возставлю я в домех их, глаголет Господь. 12 Обыде Мя лжею Ефрем, и нечестиями дом Израилев и Иуда: ныне позна я Бог, и людие святы прозвашася Богови.

12 Ефрем же зол дух, гоняще зной весь день: тщетная и суетная умножи, и завет со Ассирианы завеща, и елей во Египет посылаше. 2 И суд Господеви ко Иуде, еже отмстити Иакова: по путем его и по начинанием его воздаст ему. 3 Во утробе запя брата своего и труды своими укрепе к Богу: 4 и укрепе со Ангелом и превозможе. Плакашася и молишаши ми: в дому Онове обретоша мя, и ту глаголася к ним. 5 Господь же Бог Вседержитель будет память Его. 6 И ты о Бозе своем обратишися, милость и суд снабди, и приближайся к Богу своему присно. 7 Ханаан, в руце его мерило неправды, насильствовати возлюби. 8 И рече Ефрем: обаче обогатех, обретох прохлаждение себе: вси труды его не обрящутся ему ради неправд, имиже согреши. 9 Аз же Господь Бог твой, изведох тя из земли Египетски: еще вселю тя в кущах, яко же во дни праздника. 10 И глаголах ко пророком, и аз видения умножих, и в руках пророческих уподобихся. 11 Аще не Галаад есть, убо ложни быша во Галгалах князи требы кладуще, и требища их яко же желви на целинне польстей. 12 И отиде Иаков на поле Сирийско, и работа Израиль о жене и о жене снабде. 13 И пророком изведе Господь Израиля из земли Египетския, и пророком снабдеся. 14 Разгнева Мя Ефрем и возяри Мя: и кровь его на нем пролиется, и укоризну его воздаст ему Господь.

13 По словеси Ефремову оправдания прия сей во Израили, и положи я Ваалови, и умре. 2 И ныне приложиша согрешати и сотвориша себе слияние от золота и сребра своего по образу идолов, дела художников совершенна: им сии глаголют: покрите человеков, оскудеша бо телцы. 3 Сего ради будут яко облак утренний, яко же роса утренняя идущи, яко же плевы с тока (и прах с ветвия) развеивающий вихром, яко же дым из трубы. 4 Аз же Господь Бог твой утверждая небо и созидаю землю, Егоже руце создасте все воинство небесное, и не показах ти их, еже ходити вслед их: и Аз изведох тя из земли Египетския, и бога разве Мене да не познаеши, и спасающего несть разве Мене. 5 Аз пасох

тя в пустыни на земли ненаселенней, 6 на пажитех их, и насытишася до исполнения, и вознесошася сердца их, сего ради забыша Мя. 7 И буду им яко панфиры, и яко рысы на пути Ассириев: 8 и срящу их аки медведица лишаема, и разрушу соключение сердец их: и поядят я скимни дубравнин, и зверие польстии расторгнут я. 9 В погибели твоей, Израилю, кто поможет тебе? 10 Где царь твой сей? Той да спасет тя во всех градех твоих: и да судит ти, о немже глаголал еси: дажь ми царя и князя. 11 И дах тебе царя во гневе Моем, и утвержахся в ярости Моей. 12 Согромаждение неправды Ефрем, сокровен грех его: 13 болезни аки раждающие приидут ему: сей сын немудрый, зане ныне не устоит в сокрушении чад. 14 От руки адовых избавлю я и от смерти искуплю я: где пря твоя, смерте? Где оsten твой, аде? Утешение скрыся от очию Моему: (Sheol h7585) 15 зане сей между братиями разлучит: наведет Господь ветр зноен из пустыни нань, и изсушит жилы его и опустошит источники его: сей изсушит землю его и вся сосуды его любимыя. 16 Погибнет Самария, яко сопротивися и Богу своему: оружием падут сами, и младенцы их разбиваются, и во утробе имущыя их разсядутся.

14 Обратися, Израилю, ко Господу Богу твоему, зане изнемогл еси в неправдах твоих. 2 Возмите с собою словеса и обратитесь ко Господу Богу вашему, рцыте Ему: (можеши всяк отврещи грех:) яко да не примите неправды, но да примите благая, и воздадим плод устен наших. 3 Ассур не спасет нас, на кони не взыдем, ксему не речем: 4 бози наши, делам рук наших: яко в Тебе помилуется сирота. Изцелю селения их, возлюблю я явленно, яко отвратися гнев Мой от них. 5 Буду якоже роса Израилю, процветет яко крин и прострет корение свое якоже Ливан. 6 Пойдут ветви его, и будет якоже маслина плодовита, и обоняние его аки Ливана: 7 обратятся и сядут под кровом его, поживут и утвердятся пшеницею, и процветет яко виноград память его, якоже вино Ливаново. 8 Ефремови что ему еще и кумиром? Аз смирих его, Аз и укреплю его: аки смерчие учащеное, от Мене обретеся плод твой. 9 Кто премудр и уразумеет сия? И смыслен, и увесь сия? Яко правы путие Господни, и праведни пойдут в них, а нечестивии изнемогут в них.

Книга пророка Иоиля

1 Слово Господне, иже бысть ко Иоилю сыну Вафуилеву.
2 Слышите сия, старцы, и внушите, вси живущии на земли: аще быша сицевая во днех ваших или во днех отец ваших? 3 О сих чадом своим поведите, а чада ваша чадом своим, а чада их роду другому: 4 останок гусениц пядоша прузи, и останок пругов пядоша мшицы, и останок мшиц пядоша сиплеве. 5 Утрезвитеся, пияни, от вина своего и плачитеся: рыйдайте, вси пиющии вино до пиянства, яко отяся от уст ваших веселie и радость. 6 Понеже язык взыде на землю Мою крепок и безчислен: зубы его (якоже) зубы львовы, и членовныя его якоже львичища: 7 положи виноград Мой в погубление и смоквы Моя в сломление: взыскуя обыска и и сверже, обели лозие его. 8 Восплачуся ко мне паче невесты препоясаныя во вретище по мужи своем девственном. 9 Извержеся жертва и возлияние из дома Господня: плачитеся, жерцы, служащии жертвенному Господню, 10 яко опустеша поля. Плачуся, земле, яко пострада пшеница, и изсше вино, умалися елей, 11 посрамиша земледелателе. Плачитеся, села, по пшенице и по ячмени, яко погибе обымание от нивы, 12 виноград изсше, и смоквы умалиша: шипки, и финикс, и яблонь, и вся древа польская изсхоша, яко посрамиша радость сынове человечи. 13 Препояштесь и бийтесь, жерцы, плачитеся, служащии жертвенному: внидите, поспите во вретищах, служащии Богу, яко отяся от дома Бога вашего жертва и возлияние: 14 освятите пост, проповедите цельбу, соберите старейшины вся живущия на земли в дом Бога вашего и возвзовите ко Господу усердно: 15 увы мне, увы мне, увы мне в день! Яко близ есть день Господень, и яко беда от беды приидет: 16 яко пред очима вашими пищи взяша и от дома Бога вашего веселie и радость. 17 Вскочиша юницы у яслей своих, погибоша сокровища, раскопашася точила, яко пошле пшеница. 18 Что положим себе? Восплакашася стада волов, яко не бе пажити им, и паства овчия погибоша. 19 К Тебе, Господи, возопию, яко огнь потреби красная пустыни, и пламень поже вся древа польская, 20 и скоти польстии возвреща к Тебе, яко посхожа источницы водни, и огнь пяде красная пустыни.

2 Вострубите трубою в Сионе, проповедите в горе Моеи святей, и да смятутся вси живущии на земли, яко предстоит день Господень, яко близ, 2 день тмы и бури, день облака и мглы: якоже утро разлиются по горам

людие мнози и крепцы, подобни им не быша от века, и по них не приложится до лет в род и род: 3 яже пред ним огнь потребляй, и яже за ним возгараяся пламень: якоже рай Сладости земля пред лицем его, и яже созади его поле пагубы, и спасающагося не будет им: 4 якоже вид конский вид их, и якоже конницы, тако проженут: 5 якоже глас колесниц на верхи гор востекут, и яко глас пламене огненна попаляюща тростие, и яко людие мнози и крепцы воополчающи на брань. 6 От лица их сокрушатся людие: всякое лице аки опаление горнца. 7 Якоже борцы потекут, и якоже мужие храбри взыдут на ограды: и кийждо в путь свой пойдет, и не совратят путий своих, 8 и кийждо от брата своего не отступит: отягощени оружии своими пойдут и в стрелах своих падут, но не скончаются. 9 Града имутся, и на забрала востекут, и на храмины взлезут, и оконцами внидут, якоже татие. 10 Пред лицем его смятется земля и потрясется небо: солнце и луна померкнут, и звезды угасят свет свой. 11 И Господь даст глас Свой пред лицем силы Свои, яко мног есть зело полк Его, яко крепка дела словес Его: зане велик день Господень, велик и светел зело, и кто будет доволен ему? 12 И ныне глаголет Господь Бог ваш: обратитесь ко Мне всем сердцем вашим в посте и в плачи и в рыдании, 13 и расторгните сердца ваши, а не ризы ваша, и обратитесь ко Господу Богу вашему, яко милостив и щедр есть, долготерпелив и многомилостив и раскаявайся о злобах. 14 Кто весть, обратится ли, и раскается, и оставит за собою благословение и жертву и возлияние Господу Богу вашему? 15 Вострубите трубою в Сионе, освятите пост, проповедите цельбу, 16 соберите люди, освятите церковь, изберите старейшины, совокупите младенцы сущия сосцы: да изыдет жених от ложа своего, и невеста от чертога своего. 17 Между степеньми жертвеннника восплачутся жерцы служащии Господу и рекут: пощади, Господи, люди Твоя и не даждь достояния Твоего на укоризну, да не обладают ими языцы, да не рекут во языцах: где есть Бог их? 18 И возвревнова Господь о земли Своей и пощаде люди Своя. 19 И отвеша Господь людем Своим и рече: се, Аз вам послю пшеницу и вино и масло древяное, и насытитеся их, и не дам вас кему на поругание во языцах: 20 и сущаго от севера отжену от вас и отрину его на землю безводную, и погублю лице его в мори первом и задняя его в мори последнем, и взыдет гнильость его, и взыдет смрад его, яко возвеличи дела своя. 21 Дерзай, земле, радуйся и веселися, яко возвеличи Господь, еже соторвоти. 22 Дерзайте, скоти польстии, яко прозябнуша поля пустыни, яко древо

принесе плод свой, виноград и смокви даша силу свою. 23 И чада Сиона, радуйтесь и веселитесь о Господе Бозе вашем, яко даде вам пищу в правду и одаждит вам дождь ранний и поздний, яко же и прежде: 24 и наполнятся гумна ваша пшеницы, и преизлиются точилы вином и елеем. 25 И воздам вам вместо лет, в няже поядша прузы и мшица, и сиплеве и гусеницы, сила Моя великая, юже послах на вы: 26 и снесте ядуще и насытитесь, и похвалите имя Господа Бога вашего, Яже сотвори с вами чудеса: и не посрамятся людие Мои во век. 27 И уведите, яко посреде Израиля Аз есмь, и Аз Господь Бог ваш, и несть иного разве Мене: и не посрамятся ктому людие Мои во век. 28 И будет по сих, и излию от Духа Моего на всякую плоть, и прорекут сынове ваши и дщери ваша, и старцы ваши сония узрят, и юноты ваши видения увидят: 29 ибо на рабы Моя и на рабыни Моя во дни оны излию от Духа Моего: 30 и дам чудеса на небеси и на земли, кровь и огнь и курение дыма: 31 солнце обратится во тму, и луна в кровь, прежде неже приити дню Господню великому и просвещенному: 32 и будет, всяк иже призовет имя Господне, спасется: яко в горе Сионе и во Иерусалиме будет спасаемый, яко же рече Господь, и благовествуеми, ихже Господь призыва.

3 Яко се, Аз во дни тяя и во время оно, егда возвращу пленники Иудины и Иерусалимли, 2 и соберу вся языки, и сведу я на юдоль Иосафатову, и разсуждуся с ними ту о людех Моих и о наследии Моем Израили, иже разселяяша во языцах, и землю Мою разделиша. 3 И на люди Моя вергоща жребия, и даша отрочища блудницам, и отроковицы продаяху на вине и пияху. 4 И что вы Мне, Тире и Сидоне и вся Галилеа иноплеменников? Еда воздаяние вы воздаете Мне? Или памятозлобствуете вы на Мя? Остро и быстро воздам воздаяние ваше на главы ваша, 5 понеже сребро Мое и злато Мое взясте, и избранная Моя и добрая внесосте в требища ваша, 6 и сыны Иудины и сыны Иерусалимли продасте сыном Еллинским, яко да ижденете я от предел их. 7 И се, Аз возставил я от места, в неже продасте я тамо, и воздам воздаяние ваше на главы ваша: 8 и отдаи сыны ваша и дщери ваша в руце сынов Иудиних, и продадят я в плен во страну далече сущу, яко Господь глагола. 9 Проповедите сия во языцах, освятите рать, возставите сечцы, приведите и восходите, вси мужие воинстии, 10 разсечьте рала ваша на мечи и серпы ваша на копия: немощный да глаголет, яко могу аз: 11 совокупляйтесь и входите, вси языцы окрест, и соберитеся ту: кроткий да будет храбр. 12 Да востанут и взыдут вси языцы

на юдоль Иосафатову, яко тамо сяду разсудити вся языки яже окрест. 13 Испустите серпы, яко предстоит обымание винограда: ввидите, топчите, яко исполнъ точило, изливаются подточилия, яко умножишася злобы их. 14 Гласи прогласиша на поли судебнем, яко близ день Господень на юдоли судебней. 15 Солнце и луна померкнут, и звезды скроют свет свой. 16 Господь же от Сиона воззовет и от Иерусалима даст глас Свой, и потрясетя небо и земля: Господь же пощадит люди Своя и укрепит (Господь) сыны Израилевы. 17 И увесте, яко Аз Господь Бог ваш, вселяся в Сионе в горе Моеи святей: и будет Иерусалим свят, и иноплеменницы не пройдут сквозе его ктому. 18 И будет в той день, искаплют горы сладость, и холмы источат молоко, и вси источницы Иудины источат воды, и источник от дому Господня изыдет и напоит водотечь Сития. 19 Египет в погибель будет, и Идумеа в поле погибели будет за озлобление сынов Иудиних, понеже пролияша кровь праведную на земли своей. 20 Иудеа же во веки населится, и Иерусалим в роды родов. 21 И взыщу крови их и не обезвиню: и Господь вселится в Сионе.

Книга пророка Амоса

1 Словеса Амосова, яже быша в Кариафиариме от Фекуи, яже виде о Иерусалиме во дни Озии царя Иудина и во дни Иеровоама сына Иоасова царя Израилева, прежде двою лет труса. **2** И рече: Господь от Сиона возглагола и от Иерусалима даде глас Свой: и сетоваша пажити пастырей, и изсше верх Кармиль. **3** И рече Господь: за три нечестия Дамаска и за четыри не отвращуся его, понеже растроша пилами железными имущыя во утробе сущих в Галааде: **4** и послю огнь в дом Азаиль, и поист основание сына Адерова: **5** и сокрушу вереи Дамасковы, и потреблю живущая с поля Онова, и посеку племя от мужей Харраних, и пленятся людие Сирстии нарочитии, глаголет Господь. **6** Сия глаголет Господь: за три нечестия Газы и за четыри не отвращуся их, за еже пленити им пленение Соломоне, еже заключити во Идумею: **7** и послю огнь на забрала Газы, и поист основание ея: **8** и потреблю живущая из Азота, и извержется племя из Аскалона, и наведу руку Мою на Аккарона, и погибнут остаточнии иноплеменников, глаголет Господь. **9** Сия глаголет Господь: за три нечестия Тирова и за четыри не отвращуся его, понеже заключиша пленники Соломони во Идумею и не помянуша завета братня: **10** и послю огнь на забрала Тирова, и поист основания его. **11** Сия глаголет Господь: за три нечестия Идумейска и за четыри не отвращуся их, понеже прогнаша брата своего мечем и растлиша матери на земли, и восхити во свидение грозу свою, и устремление свое снабде на победу: **12** и послю огнь в Феман, и поист основания оград его. **13** Сия глаголет Господь: за три нечестия сынов Аммоних и за четыри не отвращуся их, понеже распоряху имущыя во утробе Галаадитов, яко да разширят пределы своя: **14** и разжегу огнь на забрала Раввафы, и поист основания ея с воплем в день рати, и потрясется в день скончания своего: **15** и пойдут царие ея в плен, жерцы их и князи их вкупе, глаголет Господь.

2 Сия глаголет Господь: за три нечестия Моавля и за четыри не отвращуся его, понеже сожгла кости царя Идумейска в пепел: **2** и послю огнь на Моава, и поист основания градов его, и умрет со безсилием Моав, с воплем и гласом трубным: **3** и потреблю судию из него и вся князи его избию с ним, глаголет Господь. **4** Сия глаголет Господь: за три нечестия сынов Иудиних и за четыри не отвращуся их, понеже отринуша закон

Господень и повелений Его не сохраниша, и прельстиша их суетная их, яже сотвориша, имже последоваша отцы их вслед их: **5** и послю огнь на Иуду, и поист основания Иерусалимля. **6** Сия глаголет Господь: за три нечестия Израиля и за четыри не отвращуся его, понеже продаша праведнаго на сребре и убогаго на сапозех, **7** ходящих на прасе земнем, и бияху пястю во главы убогих, и путь смиренных соврацаху: и сын и отец его влазяста ко единей рабыни, яко да оскверняват имя Бога своего: **8** и ризы своя связующе ужами, и завесы творяху держащыся требища, и вино от болганий пияху в дому бога своего. **9** Аз же отвергох Аморрея от лица их, егоже бе высота якоже высота кедрова, и крепок бяше якоже дуб, и изсущих плод его с верха и корение его из низу. **10** Аз же изведох вы из земли Египетския и обводих вы в пустыни четыредесять лет, еже прияти в наследие землю Аморрейску. **11** И пож от сынов ваших во пророки и от юнот ваших во освящение: еда несть сих, сынове Израилевы? Глаголет Господь. **12** И напаисте освященныя вином и пророком заповедасте глаголюще: не прорицайте. **13** Сего ради, се, Аз повращу под вами, якоже вратится колесница полна тростия: **14** и погибнет бегство от скоротекущаго, и крепкий не удержит крепости своея, и храбрый не спасет души своея, **15** и стреляй из лука не постоит, и быстрый ногама своим не уцелеет, и конник не спасет души своея, **16** и крепкий не обрящет сердца своего в силах, наг побегнет в той день, глаголет Господь.

3 Слышите слово сие, еже глагола Господь на вы, доме Израилев, и на все племя, еже изведох из земли Египетския, рекий: **2** вас точию познах от всех племен на земли, сего ради отмщу на вас вся грехи вашя. **3** Еда пойдут два вкупе всяко, аще не познают себе? **4** Или возревет лев из дубравы своея, ловитвы не имый? Или испустит глас свой львичищ из ложа своего всяко, аще не похитит чесого? **5** Или падет птица на землю без ловца? Или спадет пругло на землю, аще не иметничесоже? **6** Или возгласит труба во граде, и не убоятся людие? Или будет зло во граде, еже Господь не сотвори? **7** Понеже не сотворит Господь Бог дела, аще не откроет наказания Своего к рабом Своим пророком. **8** Лев возревет, и кто не убоится? Господь Бог глагола, и кто не проречет? **9** Поведите странам во Ассирианех и во странах Египетских и рцыте: соберитеся на гору Самарийскую и видите чудесная многа среде ея и насилиство еже в ней. **10** И не уразуме, яже будут противу ей, глаголет Господь, сокровищствуующи неправду и

старь в селех своих. 11 Сего ради сия глаголет Господь Бог: Тире, окрест земля твоя опустеет, и отимет от тебе крепость твою, и разграбятся страны твоя. 12 Сия глаголет Господь: яко же пастих, егда исторгнет от уст львовых две голени, или обуши уха, тако исторгнутся сынове Израилевы живущии в Самарии прямо племене и в Дамасце. 13 Жерцы, послушайте и засвидетельствуйте дому Иаковлю, глаголет Господь Бог Вседержитель: 14 понеже в день, егда отмщу нечестия Израилева на нем, и отмщу на требищих Вефилих, и раскопаю роги требища, и падутся на землю: 15 сокрушу и поражу дом с проклятыми с домом летним, и погибнут домове кости слоновья, и потребятся и друзии домове мнози, глаголет Господь.

4 Слышице слово сие, юницы Васанитидсия, яже в горе

Самарийстей, преобидящая убогих и попирающия нищих, глаголющия господем своим: подадите нам, да пием. 2 Клятся Господь святыми Своими, яко се, дни грядут на вы, и возмут вы во оружии, и сущих с вами ввергут в кононы подгнщаемыя огненний губитель: 3 и извержены будете наги прямо друг друга и отвержетесь в гору Ремман, глаголет Господь. 4 Внидосте в Вефиль и беззаконновасте, и в Галгалех умножисте еже нечестовати, и принесосте заутра требы вашя, в треденство десятины вашя: 5 и прочтоша извне закон и призыва исповедание: возвестите, яко сия возлюбиша сынове Израилевы, глаголет Господь Бог. 6 Аз же дам вам оскомину зубом во всех градех ваших и недостаток хлеба во всех местех ваших: и не обратистесь ко Мне, глаголет Господь. 7 И аз удержах дождь от вас прежде триех месяцев жатвы, и надождю на един град, а на другой (един) не надождю: часть едина надождится, и часть, на нюже не надождю, исхонет: 8 и соберутся два и три града во град един пiti воду и не насытятся: и не обратистесь ко Мне, глаголет Господь. 9 Побих вы раждением и златеницею: умножисте вертограды ваша, винограды ваша и смоквы ваша и масличия ваша: сия поядоша гусеницы: и ниже тако обратистесь ко Мне, глаголет Господь. 10 Послах на вы смерть на пути Египетстем, и избих оружием юноши ваши, с плном коней твоих, и изведох во огни Полки ваши во гневе Моем: и ниже тако обратистесь ко Мне, глаголет Господь. 11 Разорих вы, яко же разори Бог Содому и Гоморру, и бысте яко главня исторжена из огня: и ниже тако обратистесь ко Мне, глаголет Господь. 12 Сего ради сице соторю ти, Израилю: обаче, яко сице соторю ти, уготовися призывати Бога твоего, Израилю. 13 Се, Аз

утвержай гром и созидаи ветр и возвещаяй в человецех Христа Своего, творяй утро и мглу и восходяй на высокая земли: Господь Бог Вседержитель имя Ему.

5 Слышице слово Господне, имже аз приемлю на вы

плач: дом Израилев падеся и ктому не приложит востати: 2 девица Израилева повержена на земли своей, несть возставляющаго ю. 3 Понеже сия глаголет Господь Бог: из града, из негоже исходаше сто, останется в нем сто: и из негоже исходаше сто, останет в нем десять дому Израилеву. 4 Понеже сия глаголет Господь к дому Израилеву: взыщите Мене и поживете: 5 а не взыскуйте Вефиля и в Галгалу не входите и ко кладязу клятвы не ходите, яко Галгала пленяема пленится, и Вефиль будет аки не быв. 6 Взыщите Господа и поживете, яко да не возжется яко огнь дом Иосифов, и пояст его, и не будет угашающаго дому Израилева. 7 Господь творяй в высоту суд и правду на земли положи: 8 творяй вся и претворяй, и обращаяй во утро сень смертную и день в нощь помрачаяй, призывая воду морскую и разливаяй ю на лице земли: 9 Господь Бог Вседержитель имя Ему: разделяй сокрушение на крепость и бедство на твердыню наводяй. 10 Возненавидеша у врат наказующаго, и словом праведным возгнушащаяся. 11 Сего ради понеже пястыми биете убогих и дары избранныи приятсте от них: домы украшены соградисте, и не вселитеся в них, винограды вожделенны насадисте, и не имате пити вина от них. 12 Яко уведех многа нечестия ваша, и крепцы греси ваши, попирающе праведнаго, приемлюще премены и убогия от врат отрекающе. 13 Сего ради смысяль в то время премолчит, яко время лукаво есть. 14 Взыщите добра, а не зла, яко да поживете, и будет тако с вами Господь Бог Вседержитель, яко же ресте: 15 возненавидехом злая и возлюбихом добра: и возставите у врат суд, яко да помилует Господь Бог Вседержитель оставшая Иосифова. 16 Сего ради сия глаголет Господь Бог Вседержитель: на всех стогнах (будет) плачь, и на всех путех речется: увы люте, увы люте! Призовется земледелец на плачь и на рыданье, и на ведящих плачь, 17 и на всех путех плачь, понеже пройду среде тебе, рече Господь. 18 Увы люте желающим дне Господня! Вскую вам сей день Господень? Сей бо есть тма, а не свет: 19 яко же аще убежит человек от лица льва, и нападет на нань медведица: и вскочит в дом и опрется руками своими о стену, и усекнет его змия. 20 Несть ли день Господень тма, а не свет, и мгла не имущи света своего? 21 Возненавидех и отвергх

праздники вашя и не обоняю жертв в сонмех ваших: 22 зане аще принесете Ми всесожжения и жертвы вашя, не приему, и на спасительная явления вашего не призрю. 23 Отстави от Мене глас песней твоих, и песни органов твоих не послушаю. 24 И повалится якоже вода суд, и правда якоже водотеча непроходна. 25 Еда заколения и требы принесосте Ми в пустыни лет четыредесять, дому Израилев? 26 И восприясте скинию Молохову и звезду бога вашего Ремфана, образы, яже сотвористе себе. 27 И преселю вы далее Дамаска, глаголет Господь: Бог Вседержитель имя Ему.

6 Люте уничижающим Сиона и уповающим на гору

Самарийскую: оымаша начатки языков, и внидоша к ним дом Израилев. 2 Мимоидите Халану вси и видите, и прейдите оттуду во Емаф великий и снидите оттуду в Геф иноплеменников, крепчайшия от всех царств сих, аще болши суть пределы их предел ваших? 3 Приходящии в день зол, приближающиися и прикасающиися субботам лживым, 4 спящии на одрех от костей слоновых и ласкосердствующии на постелех своих, ядущии козлища от паств и телцы млеком питаемы от среды стад: 5 плещущии ко гласу пищалей, аки стояща мнеша, а не яко бежаша: 6 пиющии процеженое вино и первыми вонями мажущиися, и не страдахуничесоже в сокрушении Иосифове. 7 Сего ради ныне пленницы будут от начала сильных, и отимется ржание конско от Ефрема. 8 Яко клятся Господь Собою, глаголет Господь Бог Сил: понеже гнушаюся аз всею укоризною Иакова и села его возненавидех, и отвергупград со всеми живущими в нем. 9 И будет, аще останутся десять мужей во единем дому, умрут, и останутся остаточнии: 10 и возмут свои их, и понудятся изнести кости их из дому. И речет настоятелем дому: еще ли есть у тебе? И речет: несть еще. И речет: молчи, не именования ради имене Господня. 11 Понеже, се, Господь заповедает и побиет дом великий толчением и дом малый разседением. 12 Аще поженут в камениях кони? И аще умолкнут в женстем полу? Яко обратисте на гнев суд, и плод правды на горесть, 13 веселящиися ни о единем слове блазе, глаголющии: не крепостили наша имамы роги? 14 Темже, се, Аз воздвигну на вы, дому Израилев, язык, глаголет Господь Бог Сил, и сокрушат вас еже не внити во Емаф и до водотечи западов.

7 Сице показа ми Господь Бог, и се, приплод пружий идый утренний, и се, гусеница, един Гог царь. 2 И будет, аще скончает ядый траву земную, и рех: Господи,

Господи, милостив буди, кто возставит Иакова? Яко мал есть. 3 Раскайся о сем, Господи: и сие не будет, глаголет Господь. 4 Сице показа ми Господь, и се, призва прю во огни Господь Бог, и пойде бездну многу, и пойде часть. 5 И рех: Господи, Господи, престань ныне, кто возставит Иакова? Яко мал есть. 6 Раскайся о сем, Господи: и сие не будет, глаголет Господь. 7 Сице показа ми Господь: и се, Муж стой на ограде адамантове, и в руце Его адамант. 8 И рече Господь ко мне: что ты видиши, Амос? И рех: адамант. И рече Господь ко мне: се, Аз учиню адаманта среде людий Моих Израиля, кому не приложу, еже мимоити его: 9 и потребятся требища смеха, и требы Израилевы опустеют, и востану на дом Иеровоамль со оружием. 10 И посла Амасия жрец Вефильский ко Иеровоаму царю Израилеву глаголя: развраты творит на тя Амос среде дому Израилева, не возможет земля подяти всех словес его, 11 понеже сия глаголет Амос: оружием скончается Иеровоам, Израиль же пленен отведется от земли своея. 12 И рече Амасия ко Амосови: видяй гряди и отди ты на землю Иудину, и тамо живи, и тамо да прорицаши: 13 а в Вефили посем не приложи прорицати, яко освящение царя есть и дом есть царства. 14 И отвеща Амос и рече ко Амасии: не бех пророк аз, ниже сын пророчь, но пастьрь бех и ягодичия обирая: 15 и поя мя Господь от овец и рече ко мне: иди и прорцы на люди Моя Израиля. 16 И ныне слыши слово Господне: ты глаголеши: не прорицай на Израиля и не возмущай народа на дом Иаковль: 17 сего ради сия глаголет Господь: жена твоя во граде соблудит, сынове же твои и дщери оружием падут, и земля твоя ужем измерится, и ты на земли нечистей скончашися, и Израиль пленен отведется от земли своея.

8 Сице показа ми Господь Бог: и се, сосуд птицеловца. 2

И рече (Господь): что ты видиши, Амос? И рех: сосуд птицеловца. И рече Господь ко мне: присле конец на люди Моя Израиля, не приложу ксему еже мимоити его. 3 И восплачутся стропове храма в той день, глаголет Господь Бог: мнози падшии во всем месте, навергут молчание. 4 Слышише убо сия, сокрушающии из утра убогаго и насильствующии нищих от земли, 5 глаголющии: когда прейдет месяц, и продамы, и (когда прейдут) субботы, и отверзем сокровища наша, еже сотворити меру малу, и увеличите мерило, и сотворити вес неправеден, 6 яко да притяжем убогия сребром и нищаго за сапоги, и от всякаго жита куплю сотворим? 7 Кленется Господь на презорство Иаковле, аще забудет в конец вся дела ваша:

8 И о сих не возмаятесь ли земля, и восплачется всяк живый на ней? И взыдет яко река скончание (ея), и снидет яко же река Египетская. 9 И будет в той день, глаголет Господь Бог, зайдет солнце в полудне, и померкнет на земли в день свет: 10 и превращу праздники вашия в жалость и вся песни вашия в плач, и возложу на всяк хребет вретище и на всякую главу плешь, и положу его яко жалость любимаго и сущыя с ним яко день болезни. 11 Се, дни грядут, глаголет Господь, и послю глад на землю, не глад хлеба, ни жажду воды, но глад слышания слова Господня: 12 и поколеблются воды от моря до моря и от севера до восток, и обтекут ищуще словесе Господня, и не обрящут. 13 В той день оскудеют девы добрыя и юноши в жажды, 14 кленушиися очищением Самарийским и глаголющии: жив бог твой, Дане, и жив бог твой, Вирсавее. И падут и не востанут ктому.

9 Видех Господа стояща на жертвеннице, и рече: порази очистилище, и поколеблются преддверия, и пресечы в главы всех: и оставшя их оружием избию, не убежит от них бежай, и не уцелеет от них уцелеваяй: 2 аще скрьются во аде, то и оттуду рука Моя исторгнет я, и аще взыдут на небо, то и оттуду свергн я: (Sheol h7585) 3 и аще скрьются на версе Кармила, то и оттуду взыщу и возму я, и аще погрузятся от очио Моею во глубинах морских, то и тамо повелю змиеви, и угрьзет я: 4 и аще пойдут в плен пред лицем враг своих, и тамо повелю оружию, и избнет их: и утвржу очи Мои на них во злая, а не во благая. 5 И Господь Бог Вседержитель прикасаяйся земли и колебля ю, и возвращают вси живущии на ней, и взыдет яко река скончание ея, и снидет яко река Египетская: 6 сотворяй на небо восход Свой и обещание Свое на земли основаяй, призываи воду морскую и проливая ю на лице земли: Господь Бог Вседержитель имя Ему. 7 Не яко же ли сынове Ефиопстии вы есте Мне, сынове Израилевы? Глаголет Господь. Не Израиля ли изведох из земли Египетския и иноплеменники из Каппадокии и Сирии из Рова? 8 Се, очи Господа Бога на царство грешных, и отвергн е от лица земли: обаче не в конец отвергн дом Израилев, глаголет Господь. 9 Понеже, се, Аз заповедаю и развею дом Израилев во вся языки, яко же веется на веяле, и не падет сотрение на землю. 10 Оружием скончаются вси грешнии людий Моих, глаголющии: не приближатся, ни приидут на нас злая. 11 В той день возставлю скинию Давидову падшую, и возгражду падшая ея, и раскопаная ея возставлю, и возгражду ю яко же дни века: 12 яко да взыщут мене

оставшиися человецы и вси языцы, в нихже призвася имя Мое в них, глаголет Господь творяй сия вся. 13 Се, дни грядут, глаголет Господь, и постигнет жатва омынане винограда, и созреет гроздие в сеятву, и искапают горы сладость, и вси холми насаждени будут: 14 и возвращу плен людий Моих Израиля, и возграждат грады разореняя, и населятся, и насадят винограды и испиют вино их, и сотворят ветрограды и снедят плод их: 15 и насажду я на земли их, и не исторгнутся ктому от земли своея, юже дах им, глаголет Господь Бог Вседержитель.

Книга пророка Авдия

1 Видение Авдиино: сия глаголет Господь Бог Идумеи: слух слыхаш от Господа, известие во языки послано: востаните, и востанем на ню ратию. **2** Се, мала дах тя во языщех, безчестен ты еси зело. **3** Презорство сердца твоего воздвиге тя живущаго в пещерах каменных: возвышая храмину свою, глаголай в сердцы своем: кто мя свержет на землю? **4** Аще вознесеши якоже орел и аще положиши гнездо твое среде звезд, и оттуду свергутя, глаголет Господь. **5** Аще бы татие влезли к тебе, или разбойницы ношию, камо бы повержен был еси? Еда не украли бы доволных себе? Или аще бы объемлющий виноград влезли к тебе, еда бы не оставили гроздия? **6** Како обыскася Исаф, и взята быша сокровенная его? **7** Даже до предел испустиша тя: вси мужие завета твоего сопротивиша ти, премогоща тя мужие мирницы твои: (ядущии с тобою) положиша лесть под тобою, несть смысла в них. **8** В той день, глаголет Господь, погублю премудрья от Идумеи и смысл от горы Исафовы: **9** и убоятся воини твои, иже от Феман, да отимется человек от горы Исафовы. **10** Посечения ради и нечестия, еже на брата твоего Иакова, покрыет тя суд, и отвержен будеш во век. **11** От негоже дне сопротивился еси во дни пленяющих иноплеменников силу его, и чуждии внидоша во врата его и о Иерусалиме вергоща жребия, и ты был еси яко един от них. **12** И да не презиши дне брата твоего в день чуждих, и да не порадуешся о сынех Иудиных в день погибели их, и да не велеречиши в день скорби: **13** и не входи во врата людий Моих в день болезни их, и не презри и ты сонма их в день потребления их, и не совещайся на силу их в день погибели их: **14** ниже настой на исходы их потребити избегающия их, ниже заключай бежащия их в день скорби. **15** Понеже близ день Господень на вся языки: якоже соторил еси, сице будет ти, воздаяние твое воздастся на главу твою. **16** Понеже якоже еси пил на горе Мой святей, испиши вси языцы вино, испиши и сnidиши, и будут яко не бывши. **17** В горе же Сиони будет спасение, и будет свята: и наследят дом Иаковль наследивших я. **18** И будет дом Иаковль огнь, дом же Иосифов пламень, а дом Исафов в троствие, и возгорятся на них и пойдят я, и не будет избегаяй дому Исафову, яко Господь глагола. **19** И наследят иже во нагеве гору Исафову, и иже в раздолии иноплеменники: и возмут гору Ефремову и поле Самарийско, и Вениамина и Галаадитиду. **20** И преселения начало сие сыном Израилевым, земля

Хананейска до Сарепты: преселение же Иерусалимле до Ефрафа: и наследят грады Нагевовы. **21** И взыдут спасемии от горы Сиони, еже отмстити гору Исафлю, и будет царство Господеви.

Книга пророка Ионы

1 И бысть слово Господне ко Ионе сыну Амафину, глаголя: 2 востани и иди в Ниневию град великий и проповедъжь в нем, яко взыде вопль злобы его ко Мне. 3 И воста Иона, еже бежати в Фарсис от лица Господня и снide во Июппию и обрете корабль идущь в Фарсис, и даде наем свой и вниде в онь плыти с ними в Фарсис от лица Господня. 4 И Господь воздвиге ветр велий на мори, и бысть буря великая в мори, и корабль бедствование еже сокрушитися. 5 И убояшася корабельницы, и возопиша кийжко к богу своему, и изметание сотвориша сосудов иже в корабли в море, еже облегчитися от них: Иона же снide во дно корабля и спаше ту и храпляше. 6 И прииде к нему кормчий и рече ему что ты храплеши? Востани и моли Бога твоего, яко да спасет ны Бог, да не погибнем. 7 И рече кийжко ко искреннему своему приидите, вержим жребия и уразумеем, кого ради есть зло сие на нас? И метнуша жребия, и паде жребий на Иону. 8 И реша к нему взвести нам, кого ради сие зло на нас, что твое делание есть, и откуду грядеши и камо идеши, и от коей страны и от киих людей еси ты? 9 И рече к ним раб Господень есмъ аз и Господа Бога небеснаго аз чту, иже сотвори море и сушу. 10 И убояшася мужие страхом великим и реша к нему что сие сотворил еси? Зане разумеша мужие, яко от лица Господня бежаше, яко возвести им. 11 И реша к нему: что тебе сотворим, и утолится море от нас? Зане море восходаше и воздвигаше паче волнение. 12 И рече к ним Иона: возмите мя и вверзите в море, и утолится море от вас понеже познах аз, яко мене ради волнение сие великое на вы есть. 13 И нуждахуся мужие, возвратитися к земли, и не мохаху, яко море восходаше и воздвигашеся паче на них. 14 И возопиша ко Господеви и реша: никакоже, Господи, да не погибнем души ради человека сего, и не даждь на нас крове праведныя: зане Ты, Господи, яко же восхотел, сотворил еси. 15 И взяша Иону и ввергша его в море, и преста море от волнения своего. 16 И убояшася мужие страхом великим Господа и пожроша жертву Господеви и помолиша молитвами. 17 И повеле Господь киту великому пожрети Иону. И бе Иона во чреве китове три дни и три нощи.

2 И помолися Иона ко Господу Богу своему от чрева китова 2 и рече: возопих в скорби моей ко Господу Богу моему, и услыша мя из чрева адова вопль мой, услышал еси глас мой: (Sheol h7585) 3 отвергл мя еси во глубины сердца морскаго, и реки обыдоша мя вся

высоты Твоя и волны Твоя мне преидоша. 4 И аз реч: отринуся от очию Твою: еда приложу призрети ми ко храму святому Твоему? 5 Возлияся на мя вода до души моей, бездна обыде мя последняя, понре глава моя в разселины гор, 6 снidoх в землю, еяже вереи ея заклели вечнii: и да взыдет из истления живот мой к Тебе, Господи Боже мой. 7 Внегда скончаватися от мене души моей, Господа помянух, и да приидет к Тебе молитва моя ко храму святому Твоему. 8 Хранящи суетная и ложная милость свою оставиша: 9 аз же со гласом хваления и исповедания пожр Тебе, елика обещах, воздам Тебе во спасение мое Господеви. 10 И повеле Господь китови, и изверже Иону на сушу.

3 И бысть слово Господне ко Ионе вторицею глаголя: 2 востани и иди в Ниневию град великий, и проповедъжь в нем по проповеди прежней, юже Аз глаголах тебе. 3 И воста Иона и иде в Ниневию, яко же глагола Господь. Ниневия же бяше град велик Богу, яко шествия пути триех днij. 4 И начат Иона входити во град, яко шествие пути дне единаго, и проповеда и рече: еще три дни, и Ниневия превратится. 5 И вероваша мужие Ниневийстии Богови, и заповедаша пост, и облекоша во вретища от велика их даже до мала их. 6 И дойде слово ко царю Ниневийскому, и воста с престола своего и сверже ризы своя с себе, и облечеся во вретище и седе на пепеле. 7 И проповедася и речено бысть в Ниневию от царя и вельмож его глаголющих: человецы и скоти, и волове и овцы да не вкусятничесоже, ни да пасутся, ниже воды да пиют. 8 И облекоша во вретища человецы и скоти и возопиша прилежно к Богу, и возвратися кийжко от пути своего лукаваго и от неправды сущия в руках их, глаголюще: 9 кто весть, аще раскается и умолен будет Бог, и обратится от гнева ярости Своей, и не погибнем? 10 И виде Бог дела их, яко обратиша от путий своих лукавых, и раскаяя Бог о зле, еже глаголаше сотворити им, и не сотвори.

4 И опечалися Иона печалию великою и смутился, 2 и помолися ко Господу и рече: о Господи, не сияли убо слова моя, яже глаголах, еще сущу ми на земли моей? Сего ради предварих бежати в Фарсис, зане разумех, яко милостив Ты еси и щедр, долготерпелив и многомилостив, и каяйся о злобах (человеческих): 3 и ныне, Владыко Господи, приими душу мою от мене, яко уне ми умрети, нежели жити. 4 И рече Господь ко Ионе: аще зело опечалился еси ты? 5 И изыде Иона из града и седе прямо града, и сотвори себе кущу и

седящे под нею в сени, дондеже увидит, что будет граду.
6 И повеле Господь Бог тыкве, и возрасте над главою
его, еже осенити его от злых его. И возрадовася Иона
о тыкве радостию великою. 7 И повеле Господь Бог
червию раннему во утрие, и подяде тыкву, и изсше. 8
И бысть вкупе внегда возсияти солнцу, и повеле Бог
ветру знойну жегущу, и порази солнце на главу Ионину, и
малодушествоваше и отрицащеся души своея и рече: 9
уне ми умрети, нежели жити. И рече Господь Бог ко Ионе:
зело ли опечалился еси ты о тыкве? И рече (Иона): зело
опечалихся аз даже до смерти. 10 И рече Господь: ты
оскорбился еси о тыкве, о нейже не трудился еси, ни
воскормил еси ея, яже родися об нощь и об нощь погибе:
11 Аз же не пощажду ли Ниневии града великаго, в немже
живут множайшии неже дванадесять тем человек, иже не
познаша десницы своея, ниже шуйцы своея, и скоти их
мнози?

Книга пророка Михея

1 Слово Господне, еже бысть ко Михею Морасфитину, во дни Иоафама и Ахаза и Езекии царей Иудиних, о нихже виде о Самарии и о Иерусалиме. 2 Слышиште, людие вси, словеса, и внемли, земле и вси иже на ней, и будет Господь Бог в вас в послушствование, Господь от дому святаго Своего. 3 Понеже, се, Господь исходит от места Своего, и снидет и наступит на высоты земныя, 4 и поколеблются горы под Ним, и юдоли растают яко воск от лица огня и яко вода сходящи со устремлением. 5 Нечестия ради Иаковля вся сия и греха ради дому Израилева. Кое нечестие дому Иаковлю? Не Самария ли? И кий грех дому Иудина? Не Иерусалим ли? 6 И положу Самарию во овощное хранилище селное и в сад винограда, и развергу в пропасть камение ея, и основания ея открыю: 7 и вся изваянная ея сокрушат, и вся мэды ея запалят огнем, и вся кумиры ея положу в пагубу: понеже от найма блуда собра и от найма блуждения соврати. 8 Сего ради возьдет и восплачется, пойдет боса и нага, сотворит плачь аки змиев и рыдание аки дщерей сирийских: 9 яко одержа язва ея, понеже прииде даже до Иуды и коснуся до врат людий моих даже до Иерусалима. 10 Уже в Гефе, не величайтесь, и Иенакимляне, не сограждайте из дому на посмение, перстию посыпите посмение ваше. 11 Обитающая добре во градех своих, не изыде живущая в Сеннаре, плачитеся дому (сущаго) близ ея, примет от вас язву болезней. 12 Кто нача во благая вселившейся в болезнях, яко сндиша злая от Господа на врата Иерусалимля, 13 шум колесниц и конников: живущая в Лахисе начальница греха та есть дщери Сиони, яко в тебе обретошася нечестия Израилева. 14 Сего ради даст посылаемыя даже до наследия Гефова, домы суетны, вотще быша царем Израилевым, 15 дондеже наследники приведут тебе, живущая в Лахисе, наследие даже до Одоллама приидет, слава дщере Сиони. 16 Оброснися и остризися по чадех своих младых: разшири оброснение твое яко орел, понеже пленени быша от тебе.

2 Быша помышляюще труды и делающе злая на ложах своих, и купно со днем совершау тая, понеже не воздвигоша к Богу рук своих: 2 и желау сел, и грабляжу сирот, и домы отимаху, и расхищау мужа и дом его, и мужа и наследие его. 3 Сего ради сия глаголет Господь: се, Аз помышляю на племя сие злая, от нихже не подвигнете вый ваших и не пойдете прости внезапу, яко

время зло есть. 4 В той день примется на вы притча, и восплачется плачь с песнию, глаголющъ: бедство пострадаю: часть людий моих измерися ужем, и не бе возбраняй его, еже отвратитися: села ваша разделена быша. 5 Сего ради не будет тебе вмещущъ ужа в жребии в сонме Господни. 6 Не плачитеся слезами, ниже да слезят о сих: не отвержет бо укоризны 7 глаголяй: дом Иаковль разгнева Дух Господень: не сия ли суть начинания Его? Не словеса ли Его суть добра с ним, и правии ходиша? 8 И прежде людие Мои во вражду сопротивишася, противу миру своему: кожу его одраша, еже отяти упование, сокрушение ратное: 9 сего ради старейшины людий Моих извергутся из домов сладости своея, злых ради начинаний своих отриновени быша. Приближитеся горам вечным: 10 востани и пойди, яко несть тебе сей покой: нечистоты ради, истлесте тлением, 11 прогнастеся ни кимже гоними: дух постави лжу, искала тебе в вино и пиянство: и будет, от капли людий сих, 12 собираемь соберется Иаков со всеми: приемяй приму оставших Израилевых, вкупе положу возвращение его, аки овцы в скорби, яко паству посреде ложа их: изскочат от человек. 13 Взыди просечением пред лицем их: просекоша, и проиоша врата, и изыдоша ими. И изыде царь их пред лицем их, Господь же Вождь их будет.

3 И речет: слышите убо сия, власти дому Иаковля и оставши дому Израилева: не вам ли есть еже разумети суд? 2 Ненавидящи добра, а ищущи зла, похищающи кожи их с них и плоти их от костей их: 3 яко же объядоша плоти людий Моих, и кожи их от костей их одраша, и кости их столкоша и содробиша яко плоти в коноб и яко мяса в горнеч: 4 тако возопиют ко Господу, и не послушает их и отвратит лице Свое от них в то время, понеже скучновавша в начинаниях своих на Ня. 5 Сия глаголет Господь на пророки льстящыя людий Моих, угрызающыя зубы своими и проповедающыя мир на них, и не вдася во уста их, возставши на них рать: 6 сего ради нощь будет вам от видения, и тма будет вам от волхвования, и зайдет солнце на пророки, и померкнет на ня день: 7 и усрамятся видящи сония, и посмейни будут волсви, и возглаголют на них вси сии, зане не будет послушай их. 8 Аще аз не наполню силы Духом Господним и судом и силою, еже возвестити Иакову нечестия его и Израилеви грехи его. 9 Слыши сия, старейшины дому Иаковля и оставши дому Израилева, гнушающиися судом и вся правая развращающии, 10 созидающии Сиона кровьми и Иерусалима неправдами:

11 старейшины его на дарех суждаху, и жерцы его на мзде отвещаваху, и пророцы его на сребре волхвоваху, и на Господе почиваху, глаголюще: не Господь ли в нас есть? Не приидут на ны злая. 12 Сего ради вас дела Сион якоже нива изорется, и Иерусалим яко овощное хранилище будет, и гора дому якоже луг дубравный.

4 И будет в последния дни явлена гора Господня, уготована над верхи гор, и вознесется выше холмов, и потщатся к ней людие, 2 и приидут языцы мнози и рекут: приидите, взыдем на гору Господню и в дом Бога Иаковля: и покажут нам путь Его, и пойдем по стезям Его: яко от Сиона изыдет закон, и слово Господне из Иерусалима, 3 и разсудит среде людий многих и изобличит языки крепки даже до земли дальния: и раскуют мечы своя на рала и сулицы своя на серпы, и не ктому возмет язык на язык меча, и не научатся ксему воевати. 4 И почиет кийждо под лозою своею и кийждо под смоковницею своею, и не будет устрашающаго, зане уста Господа Вседержителя глаголаша сия. 5 Яко вси людие пойдут кийждо в путь свой, а мы пойдем во имя Господа Бога нашего в век и далечае. 6 В той день, глаголет Господь, соберу сокрушенную, и отриновенную приimu, и ихже отринух: 7 и положу сокрушенную во останок и отриновенную в язык крепок, и воцарится Господь над ними в горе Сионе отныне и до века. 8 И ты, столпе паствы мгланный, дщи Сиона, к тебе приидет и внидет власть первая, царство из Вавилона дщери Иерусалимли. 9 И ныне вскую познала еси зло? Не бе ли тебе царя? Или совет твой погибе, яко обыдоша тя болезни, аки раждающия? 10 Болезнуй и мужайся и приближайся, дщи Сиона, яко раждающая: зане ныне изыдеши из града и вселишися на поли и дойдеши Вавилона: оттуду изимет тя и оттуду избавит тя Господь Бог твой от руки враг твоих. 11 И ныне собирашася на тя языцы мнози глаголющии: порадуемся: и воззрят на Сион очи наши. 12 Сии же не разумеша помышления Господня и не домыслишася совета Его, яко собра их аки споны гуменныея. 13 Востани и измлати их, дщи Сиона, яко роги твоя положу железны и пазнокти твоя положу медяны, и истончиши люди многи, и возложиши Господеви множество их и крепость их Господеви всея земли.

5 Ныне оградится дщи Ефремова ограждением, рать учини на вы, жезлом поразят о челюсть племен Израилевых. 2 И ты, Вифлееме, доме Ефрафов, еда мал еси, еже быти в тысячах Иудиних? Из тебе бо

Мне изыдет Старейшина, Еже быти в Князя во Израили, исходи же Его из начала от дний века. 3 Сего ради даст я, до времене раждающая породит, и прочии от братии их обратятся к сыном Израилевым. 4 И станет, и узрит, и упасет паству Свою крепостию Господь, и в славе имени Господа Бога Своего пребудут: зане ныне возвеличится даже до конец земли. 5 И будет Сей мир, егда Ассур приидет на землю вашу, и егда взыдет на страну вашу, и востанут нань седмь пастырей и осмь язв человеческих, 6 и упасут Ассура оружием и землю Невродову копиями ея, и избавит от Ассура, егда приидет на землю вашу и егда вступит на пределы ваша. 7 И будет останок Иаковль в языцах среде людий многих, аки роса от Господа падающи и яко агнцы на злаче, яко да не соберется ни един, ниже постоит в сынех человеческих. 8 И будет останок Иаковль в языцах среде людий многих, аки лев в скотех в дубраве и яко львиць в стадех овчих, якоже егда пройдет, и отлучив восхитит, и не будет изимающаго. 9 Вознесется рука твоя на оскорбляющия тя, и вси врази твои потребятся. 10 И будет в той день, глаголет Господь, потреблю кони твоя из среды твоего и погублю колесницы твоя, 11 и потреблю грады земли твоей и развергу вся твердыни твоя, 12 и отвергу волхвования твоя от руки твою, и волхвующии не будут в тебе: 13 и потреблю изваянная твоя и кумиры твоя из среды тебе, и посем да не поклонишися делом рук твоих: 14 и посеку дубравы от среды тебе и погублю грады твоя: 15 и соторю со гневом и с яростю месть языком, понеже не послушаша Мене.

6 Слышите, яже глагола Господь: востани, судися с горами, и да слышат холми глас твой. 2 Слышите, горы, суд Господень, и дебри основания земли, яко суд Господень к людем Его, и со Израилем претися имать. 3 Людие Мои, что сотворих вам, или чим оскорбих вас, или чим стужих вам? Отвешайте Ми. 4 Зане изведох вас из земли Египетския и из дому работы избавих вас, и послах пред вами Моисея и Аарона и Мариам. 5 Людие Мои, помяните убо, что совеща на вы Валаам царь Моавитский, и что ему отвеша Валаам сын Веоров, от Сития до Галгал? Яко да познается правда Господня. 6 В чем постигну Господа, срящу Бога моего Вышняго? Срящу ли Его со всесожжением, телцы единолетными? 7 Еда приемет Господь в тысячах овнов, или во тмах козлиц тучных? Дам ли первенцы мои о нечестии моем, плод утробы моей, за грехи души моей? 8 Возвестися бо тебе, человече, что добро, или чесого Господь ищет

от тебе, разве еже творити суд и любити милость и готову быти еже ходити с Господем Богом твоим? 9 Глас Господень граду призовется, и спасет боящаяся имени Его: послушай, племя, и кто украсит град? 10 Еда огнь и дом беззаконного собирая имения беззаконная и со укоризною неправды? 11 Еда оправдится в мериле беззаконник и во вретици меры неправыя, 12 от нихже богатство свое нечестия наполниша? И живущи в ней глаголаху лжу, и язык их вознесеся во устех их. 13 И Аз начну поражати тя и погублю тя во гресех твоих. 14 Ты ясти будеши и не насытишися, и померкнет в тебе, и совратишися, и не спасешися: и елицы аще избудут, оружию предадятся. 15 Ты посеши, но не пожнеши: ты изгнешеши масличие, но не помажешеши маслом: и насадите вино, и не испиете: и погибнут законы людей Моих. 16 И хранил еси оправдания Замврина и вся дела дому Ахаавля, и ходисте в советех их, яко да предам тя в пагубу, и живущая в ней во звездание, и укоризны людей примите.

7 У, люте мне! Понеже бых аки собирая сламу на жатве, и яко пародок во омынании винограда не сущу гроздию, еже ясти первоплодная, яже вожделе душа моя. 2 У, люте мне, душе! Яко погибе благочестивый от земли, и исправляющаго в человецех несть: вси во кровех прятся, кийдо ближняго своего озлобляет озлоблением, 3 на зло руки своя уготовляют: князь просит, и судия мирная словеса глаголет, желание души его есть: и отиму благая их, 4 яко моль поядаяй, и ходяй по правилам в день стражбы. У, люте! У, люте! Отмщения Твоя приспеша, ныне будут плачи их. 5 Не верите другом, ни надейтесь на старейшины, и от сожитницы твоей хранися, еже сказати ей что: 6 понеже сын безчестит отца, дщерь востанет на матерь свою и невеста на свекровь свою, врази вси мужу домашнии его. 7 Аз же ко Господеви возврзю, потерплю Бога спаса моего, услышит мя Бог мой. 8 Не радуйся о мне, враждебница моя, яко падох, и востану: зане аще сяду во тме, Господъ осветит мя. 9 Гнев Господень стерплю, яко согреших Ему, дондеже оправдит про мою и сотворит суд мой: и изведет мя на свет, и узрю правду Его. 10 И узрит враждебница моя, и облечется в студ глаголющая ко мне: где есть Господъ Бог твой? Очи мои возврят на ню, ныне будет в попрание аки кал на путех. 11 День глааждения плинфа: изглаждение твое день оный, и сотрет законы твоя день оный. 12 И гради твои приидут на поравнение и в разделение Ассирийско, и гради твои твердии в разделение от Тира

даже до реки Сирския, и от моря даже до моря, и от горы даже до горы, дни воды и молвы. 13 И будет земля в пагубу со живущими на ней, от плодов начинаний их. 14 Паси люди Твоя жезлом Твоим, овцы наследия Твоего, вселяющияся едины в дубраве среде Кармила, попасут Васанитиду и Галаадитиду, яко же дни века. 15 И по днем исхода твоего из Египта узрите чудесная. 16 Узрят языцы и усрамятся от всея крепости своея, руце возложат на уста своя, и уши их оглохнут, 17 полижут персть яко змиеве плежуще по земли, смятутся во облежении своем: о Господе Бозе нашем ужаснутся и убоятся от Тебе. 18 Кто Бог яко же Ты, отемляй беззакония и оставляй нечестия останком наследия Своего? И не удержа гнева Своего во свидение, яко Волитель милости есть. 19 Той обратит и ущедрит ны, и погрузит неправды наша и ввержет в глубины морския вся грехи наша, 20 даст истину Иакову, (и) милость Аврааму, яко же клялся еси отцем нашим во дни первыя.

Книга пророка Наума

1 Пророчество о Ниневии: книга видения Наума сына Елкесеева. 2 Бог ревнiv и мстяй Господь, мстяй Господь с яростю, Господь мстяй сопостатом Своим и потребляй сам враги Своя. 3 Господь долготерпелив, и велика крепость Его, и очищай не очистит Господь: в скончании и трусе путь Его, и облаци прах ног Его: 4 запрещая морю и изсушая е и вся реки опустошая. Умалися Васанитида и Кармил, и процветающая Ливана оскудеша: 5 горы потрясающая от Него, и холми поколебашася, и ужасеся земля от лица Его, вселенная и вси живущи на ней. 6 От лица гнева Его кто постоит? И кто сопротивится во гневе ярости Его? Ярость Его растаивает власти, и камение сотроящася от Него. 7 Благ Господь терпящим Его в день скорбения, и знай боящсяся Его: 8 и в потопе пути скончание сотворит: встающая и враги Его поженет тма. 9 Что помышляете на Господа? Скончание Сам сотворит, не отмстит дважды купно в скорби: 10 понеже до основания своего оляденеет, и аки блющ и оплетающ снеден будет, и аки трость сухоты полна. 11 Из тебе изыдет помысл на Господа злый, совещавая сопротивная. 12 Сия глаголет Господь: обладаяй водами многими, и сице разступятся, и слух твой не услышится кому: 13 и ныне скорушу жезл его от тебе и узы твоя расторгну. 14 И заповесть о тебе Господь, не разсеется от имени твоего кому: от дому бога твоего потреблю изваянная и сляянная положу гроб твой, яко скори (есте). 15 Се, на горах ноги благовествующаго и возвещающаго мир: празднуй, Иудо, праздники твоя, воздаждь обеты твоя, зане не приложат кому еже проити сквозе тебе во обетование: скончая и извержеся.

2 Взыде вдыхаяй в лице твое, отемляй от оскорблени: усмотри путь, укрепи чресла, возмужай крепостию зело: 2 понеже отврати Господь укоризну Иаковию, якоже укоризну Израилеву: зане отрясающи отрясаша я и лозы их растлиша. 3 Оружия силы их от человек, мужы сильныя играющыя во огни: брозды колесниц их в день уготования его, и конницы возмутятся на путех, 4 и смятутся колесницы и сплетутся на стогнах: вид их яко свещи огненны, и яко молния протекающая. 5 И помянутся старейшины их, и побегнут в день, и изнемогут в пути своем, и потщатся на забрала его, и уготовят предния стражбы своя. 6 Врата градная отверзоящася, и царства падоша, и имение открыся. 7 Сия же восхождаше, и рабыни ея ведяхуся, яко голубицы

воркующа в сердцах своих: 8 и Ниневия, аки купель водная воды ея, и тии бежаще не сташа, и не бе взирающаго. 9 Расхищау сребро, расхищау злато, и не бяше конца имения ея: отяготиша паче всех сосудов вожделенная ея. 10 Истрясение и вострясение, и воскипление и сердца сокрушение, и разслабление колен и болезни по всем чреслом, и лице всех, аки опаление котла. 11 Где есть виталище львов и пажить сущая львицищем? Камо иде лев, еже влезти тамо львицищу, и не бяше устрашающаго. 12 Лев восхити доволная львицищем своим и удави львицам своим, и наполни ловитвы гнездо свое и виталище свое похищения. 13 Се, Аз на тя, глаголет Господь Вседержитель, и пожгу дымом множество твое, и львы твоя поист оружие: и потреблю от земли ловитву твою, и не услышатся кому дела твоя.

3 О, граде кровей, весь лживый, полн неправды! Не осяжется ловитва. 2 Глас бичей и глас труса колес, и коня текуща и колесницы шумящия, з и конника едуща, и блистающа меча и блистающих оружий, и множества язвеных и тяжкаго падения, и не бяше конца языком ея: и изнемогут в телесех своих от множества блужжения. 4 Блудница добра и приятна, начальница волхвований, продающая языки во блужжении своем и племена в чародеяниях своих. 5 Се, Аз на тя, глаголет Господь Бог Вседержитель, и открыю задняя твоя к лицу твоему, и покажу языком срамоту твою и царствам безчестие твое, 6 и возвергну на тя огнушение по нечистотам твоим, и положу тя в притчу. 7 И будет, всяк видяй тя снидет с тебе и речет: окаянная Ниневия, кто постенет по ней? Откуду взыщу утешение ей? 8 Уготовити часть, устроити струну, уготовити часть Аммону, живущая в реках, вода окрест ея, ейже начало море, и вода забрала ея: 9 и Ефиопия крепость ея и Египет, и несть конца бегству твоему: и Фуд и Ливиане быша помощницы ея. 10 И сия в преселение пойдет пленница, и младенцы ея разбият в началех всех путий ея, и о всех славных ея вергут жребия, и вси воеводы ея свяжутся путы. 11 И ты упиешся и будеши презрена, и ты сама себе взыщеш помощи от враг. 12 Вся твердели твоя яко смоквичие стражу имущее: аще поколеблются, впадут во уста ядущаго. 13 Се, людие твои, яко жены в тебе: врагом твоим отворяема отворятся врата земли твоей, и поист огнь вереи твоя. 14 Воду одержания восхити себе сама и утверди твердели твоя: влези в брение и поперися в плевах, утверди паче плинфа. 15 Тамо поист тя огнь, потребит тя мечь, поядят тя аки прузи, и

отягчаеши аки мшица. 16 Умножила еси купли твоя паче звезд небесных: мшицы устремиша и возлетеша. 17 Возскочи аки пруг смесник твой, аки акрида восходящая на ограду в день студеный: солнце взыде, и отлете, и не познася место ея: люте им! 18 Воздремашася пастуши твои, царь Ассирийск успи сильная твоя, воздвигоша людие твои на горы, и не бяше приемлющаго. 19 Несть цельбы сокрушению твоему, разгореся язва твоя: вси слышаши весть твою восплачут руками о тебе: понеже на кого не найде злоба твоя всегда?

Книга пророка Аввакума

1 Видение, еже виде Аввакум пророк. **2** Доколе, Господи, возвозу, и не услышиши? Возопию к Тебе обидимъ, и не избавиши? з Вскую мне показал еси труды и болезни, смотрити страсть и нечестие? Противу мне бысть суд, и судия вземлет. **4** Сего ради разорися закон, и не производится в совершение суд: яко нечестивый преобидит праведнаго, сего ради изыдет суд развращен. **5** Видите, презорливи, и смотрите, и чудитесь чудесем и изчезните: понеже дело Аз делаю во днех ваших, ему же не имате веровати, аще кто исповесть вам. **6** Зане, се, Аз возставляю Халдеи, язык горыкий и борзый, ходящий по широтам земли, еже наследити селения не своя: **7** страшен и явлен есть, от него суд его будет, и взятие его от него изыдет: **8** и изскочат паче рысей кони его и быстрее волков аравийских, и поедут конницы его и устремятся издалеча и полетят аки орел готов на ядъ. **9** Скончание на нечестивыя приидет, сопротивляющающимся лицам их противу, и соберет яко песок пленники. **10** И той над царьми посмеется, и мучительне игранье его, и той над всякою тверделию поругается, и обложит вал, и возобладает ею. **11** Тогда пременит дух и прейдет и помолится: сия крепость богу моему. **12** Неси ли Ты искони, Господи Боже, Святый мой? И не умрем. Господи, на суд учинил еси его, и созда мя обличати наказание его. **13** Чисто око еже не видети зла и взирати на труды болезненныя: вскую призираеш на презорливиya? Премолчаваеш, егда пожирает нечестивый праведнаго? **14** И сотвориши люди яко рыбы морския и яко гады не имущыя старейшины. **15** Скончание удою восхити и привлече его мрежею и собра его сетьми своими: сего ради возвеселится и возрадуется сердце его: **16** сего ради пожрет мрежи своей и покадит сеть свою, яко теми разблажи часть свою и пищи своя избранныя: **17** сего ради прострет мрежу свою и присно избивати языков не пощадит.

2 На стражи моей стану, и взыду на камень, и посмотрю еже видети, что возглаголет во мне и что отвешаю на обличение мое. **2** И отвеша Господь ко мне и рече: впиши видение, и яве на дске, яко да постигнет читая я. **3** Зане еще видение на время, и просияет в конец, а не вонще: аще умедлит, потерпи ему, яко идый приидет и не умедлит. **4** Аще усумнится, не благоволит душа моя в нем:

праведник же (мой) от веры жив будет. **5** Презорлиwy же и обидливый муж и величавыйничесоже скончает: икже разшири аки ад душу свою, и сей яко смерть ненасыщен: и соберет к себе вся языки и примет к себе вся люди. (Sheol h7585) **6** Не сия ли вся на него притчу примут и гадание в повесть его? И рекут: горе умножающему себе не сущая его, доколе? И отягчающему узу свою тяжце. **7** Яко внезапу востанут угрывающи его, и ободрятся наветницы твои, и будеши в разграбление им. **8** Понеже ты пленил еси страны многи, пленят тя вси оставши людие крове ради человечи и нечестия земли и града и всех живущих на ней. **9** Горе лихомиствующим лихомиство злое дому своему, еже учинити на высоте гнезда свое, еже исторгнути от руки злых. **10** Умыслил еси стыдение дому своему, скончал еси люди многи, и согреши душа твоя. **11** Зане камень из стены возопиет, и хрущъ от древа возглаголет сия: **12** у, люте созидающему град кровьми и уготовляющему град неправдами. **13** Не сия ли суть от Господа Вседержителя? И оскудеша людие мнози огнем, и языцы мнози изнемогоша: **14** яко наполнится вся земля ведения славы Господни, яко же вода многа в мори покрьет я. **15** Горе напаяющему подруга своего развращением мутным, и упоявающему, яко да взирает к пещерам их. **16** Сытость безчестия от славы испий и ты: сердце, поколеблися и сотряснися: обиде о тебе чаша десницы Господни, и собрася безчестие на главу твою. **17** Занеже нечестие Ливаново покрьет тя, и страсть зверей престрашит тя, крове ради человечи и нечестия земли и града и всех живущих на ней. **18** Что пользует извяное, яко извяша е? Создаша слияние, мечтание ложное, яко упова создавый на создание свое, сотворити кумиры немыя. **19** У, люте глаголющему ко древу: ободрися, востани: и камению: возвысися: и то есть мечтание, и сие есть скование злата и сребра, и всякаго духа несть в нем. **20** Господь же во храме святым Своем: да убоится от лица Его вся земля.

3 Молитва Аввакума пророка с песнию. Господи, услыхаш слух Твой и убояхся: **2** Господи, разумех дела Твоя и ужасохся: посреде двою животну познан будеши: всегда приближитися летом, познаешися: всегда приими времени, явишися: всегда смутитися души моей во гневе, милость (Твою) помяняши. **3** Бог от юга приидет, и Святый из горы Приосененныя чащи: покры небеса добродетель Его, и хваления Его исполнъ земля. **4** И сияние Его яко свет будет: рози в руках Его, и положи любовь державну крепости Свою. **5** Пред лицем Его предидет слово, и

изыдет на поле при ногу Его. 6 Ста, и подвижеся земля:
призре, и растаяша языцы: стрышася горы нуждею, и
растаяша холми вечни, шествия вечная Его, 7 за труд
видеша селения Ефиопская, убоятся и кровы земли
Мадиамский. 8 Еда в реках прогневаешися, Господи?
Еда в реках ярость Твоя? Или в мори устремление Твое?
Яко всядеш на кони Твоя, и яждение Твое спасение.
9 Наляцая налячеш лук Твой на скиптры, глаголет
Господ: реками разседяется земля. 10 Узрят тя и поболят
людие, расточая воды шествия Его: даде бездна глас
свой, высота привидения своя: 11 воздвижеся солнце, и
луна ста в чине своем: во свете стрелы Твоя пойдут, в
блистании молний оружий Твоих. 12 Прещением умалиши
землю и яростию низложиши языки. 13 Изшел еси во
спасение людий Твоих, спасти помазанныя Твоя, вложил
еси во главы беззаконных смерть, воздвигл еси узы
даже до выи в конец: 14 разsekл еси во изступлении
главы сильных, сотрясутся в ней: разверзут узы своя
яко снедаяй ниций тай. 15 И навел еси на море кони
Твоя, смущающыя воды многи. 16 Сохранихся, и убояся
сердце мое от гласа молитвы устен моих, и вниде трепет
в кости моя, и во мне смятеся крепость моя: почию в
день скорби моей, да взыду в люди пришествия моего.
17 Зане смоковь не плодопринесет, и не будет рода в
лозах: солжет дело маслинное, и поля не сотворят яди:
оскудеша овцы от пищи, и не будет волов при яслех. 18
Аз же о Господе возрадуюся, возвеселюся о Бозе спасе
моем. 19 Господь Бог мой сила моя, и учинит нозе мои
на совершение, и на высокая возводит мя, еже победити
ми в песни Его.

Книга пророка Софонии

1 Слово Господне, иже бысть к Софонии сыну Хусину,

сыну Годолину, Аморину, Езекиину, во дни Иосии сына Амона, царя Иудина. 2 Оскудением да оскудеют вся от лица земли, глаголет Господь: з да оскудеет человек и скоти, да оскудеют птицы небесныя и рыбы морския, и да изнемогут нечестивии, и изиму беззаконныя от лица земли, глаголет Господь. 4 И простру руку Мою на Иуду и на вся живущя во Иерусалиме: и изиму от места сего имени Ваалова и имена жреческа со жерцами, 5 и покланяющихся на покровех воинству небесному и кленующихся Господем и кленующихся царем своим, 6 и укланяющихся от Господа и не ищущих Господа и не придержающихся Господа. 7 Убойтесь от лица Господа Бога, зане близ день Господень, яко уготова Господь жертву Свою и освяти званья Своя. 8 И будет в день жертвы Господни: и отмщу на князи и на дом царский и на вся оболченныя во одеяния чуждая, 9 и отмщу яве на вся предвратная в день той, исполняющя храм Господа Бога своего нечестием и лестию. 10 И будет в день он, глаголет Господь, глас вопля от врат избодающих и плачь от вторых и сотрение велие от холмов. 11 Плачите, живущи в посеченней, яко уподобишаася вси людие ханаану, и потребишаася вси величающиися сребром. 12 И будет в той день, изыщу Иерусалима со светилником и отмщу на мужы нерадящыя о стражах своих, глаголющыя в сердцах своих: не имать блага сотворити Господь, ниже имать озлобити. 13 И будет сила их в расхищение и домы их в разорение: и созиждут жилища и не имут пожити в них, и насадят винограды и не имут пити вина их: 14 яко близ день Господень великий, близ и скор зело, глас дне Господня горек и жесток учинися. 15 Силен день гнева день той, день скорби и нужды, день безгодия и изчезновения, день тмы и мрака, день облака и мглы, 16 день трубы и вопля на грады твердяя и на углы высокия. 17 И оскорблю человека, и пойдут яко слепи, зане Господеви прегрешиша, и излиется кровь их яко перстъ, и плоти их яко лайна: 18 и сребро их и злато их не возможет изяти их в день гнева Господня, и огнем рвения Его пождена будет вся земля: зане скончание и тщание сотворит на вся живущя на земли.

2 Соберитесь и свяжитеся, язык ненаказанный, 2 прежде неже быти вам яко же цвету мимоходящу

в день, прежде неже приити на вы гневу Господню, прежде неже приити на вы дню ярости Господни. 3 Взыщите Господа, вси смиренни земли, суд содевайте и правды взыщите, (взыщите кротости) и отвещайте я, яко да покрытесь в день гнева Господня. 4 Зане Газа расхищена будет, и Аскalon во изчезновение будет: и Азот в полудни отвержется, и Аккарон искоренится. 5 Горе живущым на ужи морстем, пришелцы Критстии: слово Господне на вас, Ханаане, земле иноплеменников, и погублю вы от жилища: 6 и будет Крит пажить стадам и ограда овцам, 7 и будет уже морское оставшым дому Иудина: на них пожидают в домех Аскалоних, к вечеру витати имут от лица сынов Иудиних, яко присети их Господь Бог их и возврати плен их. 8 Слышах поношения Моавля и укоризны сынов Аммоних, о нихже поношаху людем Моим и величауся на пределы Моя. 9 Сего ради живу Аз, глаголет Господь Сил, Бог Израилев: зане Моав яко Содома будет, и сынове Аммони яко Гоморра, и Дамаск оставлен яко стог гуменный и разорен во век: и прочии людий Моих расхитят я, и оставшии языка Моего наследят их. 10 Сие им за досаждение их, зане поносиша и возвеличишаася на люди Господа Вседержителя. 11 Явится Господь на них и потребит вся боги языков земных: и поклоняются Ему кийдо от места своего, вси острови язычествии. 12 И вы, Мурини, язвени оружием Моим будете. 13 И прострет руку Свою на север и погубит Ассирианина, и положит Ниневию во изчезновение безводно, яко пустыню: 14 и пожидают посреде ея стада и вси зверие земнии, и хамелеоны и ежеве во гнездах ея вогнездятся: и зверие возвыают в разселинах ея, и вранове во вратех ея, зане кедр возношение ея. 15 Сей град презорливый, живяя на упованиян, глаголяй в сердцы своем: аз есмъ, и несть по мне еще: како бысть во изчезновение, пажить зверем? Всяк мимоходай сквозе его позвиждет и воздвигнет руце свои.

3 О, светлый и избавленный граде, голубице! 2 Не услыша гласа, не прият наказания, на Господа не упова и к Богу своему не приближися. 3 Князи его в нем, яко львы рыкающе, судии его яко волцы аравийстии, не оставляху на утро. 4 Пророцы его ветроносцы, мужие презорливи: священницы его сквернят святая и нечестивают в закон. 5 Господь же праведен посреде его и не имать сотворити неправды: утро утро даст суд Свой в свет: и не укрыся, и не весть неправды во истязании, ниже в распри обиды. 6 В растление

низложих величавыя, изчезоша углы их: опустошу пути их весьма, еже не проходити: изчезоша гради их, занеже ни единому быти, ни жити. 7 Рече: обаче убойтесь Мене и примите наказание, и не имате потребитися от очиу его, за вся елика отмстих на нем: готовися, утренюй, истле все листвие их. 8 Сего ради потерпи Мене, глаголет Господь, в день воскресения моего во свидетелство: зане суд Мои в сонмища языков еже прияти царей, еже излияти на ня гнев Мой весь, гнев ярости Моей: зане огнем рвения Моего пождена будет вся земля. 9 Яко тогда обращу к людем язык в род его, еже призывати: всем има Господне, работати Ему под игом единем. 10 От конец рек Ефиопских приму молящяя мя, в разсейнных Моих принесут жертвы Мне. 11 В день он не имаши постыдитися от всех начинаний твоих, имиже нечестовал еси в мя: яко тогда отиму от тебе укоризны досаждения твоего, и кому не имаши приложити величатися на горе святей Моей. 12 И оставлю в тебе люди кротки и смиренны, и будут благовети о имени Господни 13 останцы Израилевы, и не соторят неправды, и не возлаголют суетных, и не обрящется в устех их язык льстив: зане тии пожирут и угнездятся, и не будет устрашай их. 14 Радуйся, дщи Сионова, зело, проповедуй, дщи Иерусалимова, веселися и преукрашайся от всего сердца твоего, дщи Иерусалимля: 15 отят Господь неправды твоя, избавил тя есть из руки враг твоих: воцарится Господь посреде тебе, и не узриши зла кому. 16 Во время оно речет Господь Иерусалиму: дерзай, Сионе, да не ослабеют руце твои. 17 Господь Бог твой в тебе, Сильный спасет тя, наведет на тя веселье и обновит тя в любви Своей, и возвеселится о тебе во украшении, яко в день праздника. 18 И соберу сотреня твоя: горе, кто примет нань поношение? 19 Се, Аз соторю в тебе тебе ради, глаголет Господь, во время оно: и спасу утисненную и отриновенную приму, и положу я в похваление и имениты по всей земли. 20 И постыдятся во время оно, егда добро вам соторю, и во время, егда приму вы: зане дам вы имениты и в похваление во всех людех земли, внемла возвращати ми пленение ваше пред вами, глаголет Господь.

Книга пророка Аггея

1 Во второе лето, при Дарии цари, в шестый месяц, в первый (день) месяца, бысть слово Господне рукою Аггея пророка глаголя: рцы к Зоровавелю Салафиеву от колена Иудова и ко Иисусу сыну Иоседекову, иерею великому, глаголя: 2 сице глаголет Господь Вседержитель глаголя: людие сии глаголют: не прииде время создати храм Господень. 3 И бысть слово Господне рукою Аггея пророка глаголя: 4 аще время убо вам есть жити в домех ваших истесаных, храм же мой сей запусте? 5 И ныне сице глаголет Господь Вседержитель: устройте сердца ваша в пути вашя. 6 Сеясте много, и взясте мало: ядосте, и не в сътость: писте, и не в пиянство: облекостеся, и не согрестеся в них: и собирая мэды собра во влагалище драво. 7 Сице глаголет Господь Вседержитель: положите сердца ваша в пути вашя, 8 взыдите на гору и усещьте древа, и принесите и созиждите храм, и благоволю в нем и прославлюся, рече Господь. 9 Призресте на многа, и быша мала, и внесосте я в храм, и отдунух я: сего ради сице глаголет Господь Вседержитель: зане храм Мой есть пуст, вы же течете кийждо в дом свой, 10 сего ради удержится небо от росы, и земля оскудит изношения своя, 11 и наведу мечь на землю и на горы, и на пшеницу и на вино и на елей, и на вся, елика износит земля, и на человека и на скоты и на вся труды рук их. 12 И слыша Зоровавель Салафиев от колена Иудова, и Иисус Иоседеков, иерей великий, и все прочии людие глас Господа Бога своего и словеса Аггея пророка, якоже посла его Господь Бог их к ним, и убояшася людие от лица Господня. 13 И рече Аггей вестник Господень в вестницах Господних людем, глаголя: Аз есмь с вами, глаголет Господь. 14 И воздвиже Господь дух Зоровавеля Салафиева от колена Иудова и дух Иисуса Иоседекова, иерея великаго, и дух прочиих всех людий: и внидоша и творяха дела во храме Господа Вседержителя Бога своего. 15 В двадесять четвертый день месяца шестаго, во второе лето, при Дарии цари,

2 в седьмый месяц, в двадесять первый месяца, глагола Господь рукою Аггея пророка глаголя: 2 рцы ныне к Зоровавелю Салафиеву от колена Иудова и ко Иисусу сыну Иоседекову, иерею великому, и ко всем прочиим людем, глаголя: 3 кто от вас, иже виде храм сей в славе его прежней? И како вы видите его ныне якоже не суща пред вами? 4 И ныне укрепляйся, Зоровавело, глаголет Господь, и укрепляйся, Иисусе, сыне Иоседеков, иерею

великий, и да укрепляются все людие земли, глаголет Господь (Вседержитель), и творите: зане Аз с вами есмь, глаголет Господь Вседержитель: 5 слово, еже завещащ с вами, егда исходисте из земли Египетсия, и дух Мой настоит посреде вас: дерзайте, зане сице глаголет Господь Вседержитель: 6 еще единою Аз потрясу небом и землею, и морем и сущею, 7 и сотрясу вся языки, и приидут избранная всех языков: и исполню храм сей славы, глаголет Господь Вседержитель. 8 Мое сребро и Мое золото, глаголет Господь Вседержитель: 9 зане велия будет слава храма сего последняя паче первыя, глаголет Господь Вседержитель: и на месте сем дам мир, глаголет Господь Вседержитель, и мир души в снабдение всякому зиждущему, еже возставити церковь сию. 10 В двадесять четвертый девятаго месяца, во второе лето при Дарии цари, бысть слово Господне ко Аггею пророку глаголя: 11 сице глаголет Господь Вседержитель: вопросы иереев закона глаголя: 12 аще примет человек мясо свято вскрай ризы своея, и коснется край ризы его хлеба, или варива, или вина, или масла, или всякаго брашна, еда освятится? И отвещаша священницы и реша: ни. 13 И рече Аггей: аще прикоснется оскверненый или нечистый душою всякому сих, еда осквернится? И отвещаша иерее и реша: осквернится. 14 И отвеща Аггей и рече: сице людие сии, и сице язык сей предо Мною, глаголет Господь, и сице вся дела рук их: и иже аще приближится тамо, осквернится за приятия их утренняя, побоят от лица лукавств своих, и ненавидесте во вратах обличающаго. 15 И ныне положите на сердца ваших от дне сего и выше, прежде неже положити камень на камени в храме Господни. 16 Кто бысте, егда влагасте в мех ячмене двадесять сат, и быша ячмене десять сат? И входисте в подточилие черпати пятьдесят мер, и быша двадесять. 17 Поразих вы неплодием и ветротлением и градом вся дела рук ваших, и не обратистесь ко Мне, глаголет Господь. 18 Устройте же сердца ваша от сего дне и далее, от двадесять четвертаго дне девятаго месяца и от дне, в онъже основався церковь Господня: положите в сердцах ваших, 19 аще еще познается на гумне, и аще еще виноград, и смокви, и яблонь, и древа масличная не творящая плода? От дне сего благословлю. 20 И бысть слово Господне вторицею ко Аггею пророку в двадесять четвертый месяца глаголя: 21 рцы к Зоровавелю сыну Салафиеву от колена Иудова глаголя: Аз потрясу небом и землею, и морем и сущею, 22 и превращу престолы царей, и потреблю силу царей языческих, и превращу колесницы и всадники, и снайдут кони и

всадницы их, кийждо во оружии на брата своего. 23 В
той день, глаголет Господь Вседержитель, прииму тя,
Зоровавелю Салафиилев, рабе Мой, глаголет Господь, и
положу тя яко печать, понеже тя избрах, глаголет Господь
Вседержитель.

Книга пророка Захарии

1 Во осмый месяц, втораго лета, при Дарии, бысть слово Господне ко Захарии Варахину, сыну Аддову, пророку, глаголя: 2 прогневася Господь на отцы вашя гневом велиим, 3 и речеши к ним: сице глаголет Господь Вседержитель: обратитеся ко Мне, глаголет Господь Сил, и обращуся к вам, глаголет Господь Сил. 4 И не будите, якоже отцы ваши, ихже обличаю пророцы прежни, глаголюще: сице глаголет Господь

Вседержитель: отвратитеся от путий ваших лукавых и от начинаний ваших злых: и не послушаша и не вняша послушати Мене, глаголет Господь (Вседержитель). 5 Отцы ваши где суть и пророцы? Еда во век поживут? 6 Обаче словеса Моя и законы Моя приемлете, елика Аз заповедаю в Дусе Моем рабом Моим пророком, иже постигнуша отцев ваших. И отвещаша и решаша: якоже устави Господь Вседержитель сотворити нам по путем нашым и по начинанием нашым, тако сотвори нам. 7 В двадесять четвертый первагонадесять месяца, сей есть месяц Сават, во второе лето, при Дарии, бысть слово Господне ко Захарии Варахину, сыну Аддову, пророку, глаголя: 8 видех нощю, и се, муж всед на коня рыжа, и сей стояше между горами осеняющими, и за ним кони рыжи и сери, и пестри и бели, 9 и реч: что сии, господи? И рече ко мне Ангел глаголяй во мне: аз покажу ти, что суть сия. 10 И отвеща муж стояй между горами и рече ко мне: сии суть, ихже послал Господь оыти землю. 11 И отвещаша Ангелу Господню стоящему между горами и решаша: обыдохом всю землю, и се, вся земля населена есть и молчит. 12 И отвеща Ангел Господень и рече: Господи Вседержителю, доколе не имаши помиловати Иерусалима и грады Иудовы, яже презрел еси, сие седьмъдесятое лето? 13 И отвеща Господь Вседержитель Ангелу глаголющему во мне глаголголы добры и словеса утешна. 14 И рече ко мне Ангел глаголяй во мне: возопи глаголя: сице глаголет Господь Вседержитель: ревновах по Иерусалиму и Сиону рвением великим, 15 и гневом велиим Аз гневаюся на языки нападающыя: зане Аз убо прогневахся мало, они же налегоша во злая. 16 Сего ради сице глаголет Господь: обращуся ко Иерусалиму щедротами, и храм Мой созиждется в нем, глаголет Господь Вседержитель, и мера протягнется во Иерусалиме еще. 17 И рече ко мне Ангел глаголяй во мне: еще возопи глаголя: сице глаголет Господь Вседержитель: еще прелиятия имут гради благими, и помилует Господь еще Сиона и изберет

еще Иерусалима. 18 И возведох очи мои и видех, и се, четыри рози, 19 и рех ко Ангелу глаголющему во мне: что суть сия, господи? И рече ко мне: сии рози расточивши Иуду и Израиля и Иерусалима. 20 И показа ми Господь четыри древоделя. 21 И рех: что сии грядут сотворити, (господи)? И рече: сии рози расточивши Иуду, и Израиля сокрушиша, и никтоже от них воздвиге главы: и изыдоша сии поостртия в руках своих четыри рози, языцы возносящии рог на землю Господню, еже расточити ю.

2 И возведох очи мои и видех, и се, муж, и в руце его уже землемерно. 2 И рех к нему: камо грядеши ты? И рече ко мне: размерити Иерусалима, еже видети, колика широта его есть и колика долгота. 3 И се, Ангел глаголяй во мне стояше, и ин Ангел исходаще во сретение ему 4 и рече к нему глаголя: течи и рцы к юноши оному глаголя: плодовито населится Иерусалим от множества человеков и скотов, иже посрede его: 5 и Аз буду ему, глаголет Господь, стена огнена окрест и в славу буду посрede его. 6 О, о, бежите от земли северныя, глаголет Господь, зане от четырех ветров небесных соберу вы, глаголет Господь: 7 в Сион спасайтесь, живущии во дщери Вавилонстей. 8 Зане сице глаголет Господь Вседержитель: вслед славы посла Мя на языки пленившая вас, зане касаяйся вас яко касаяйся в зеници ока Его: 9 зане, се, Аз наношу руку Мою на ня, и будут корысть работающим им, и уразумеете, яко Господь Вседержитель посла Мя. 10 Красуйся и веселися, дщи Сиона, зане, се, Аз гряду и вселюся посрede тебе, глаголет Господь. 11 И прибегнут языцы мнози ко Господу в той день и будут Ему в люди и вселятся посрede тебе, и уразумеши, яко Господь Вседержитель посла Мя к тебе. 12 И наследит Господь Иуду, участие Свое на земли святей, и изберет еще Иерусалима. 13 Да благоговеет всяка плоть от лица Господня, яко воста из облак святых Своих.

3 И показа ми Господь Иисуса, иерея великаго, стояща пред лицем Ангела Господня, и диавол стояше одесную его, еже противитися ему. 2 И рече Господь ко диаволу: да запретит Господь тебе, диаволе, и да запретит Господь тебе, избрavyй Иерусалима: не се ли, сие яко главня исторжена из огня? 3 Иисус же бе оболчен в ризы гнусны и стояше пред лицем Ангела. 4 И отвеща и рече к стоящим пред лицем его глаголя: отимите ризы гнусныя от него. И рече к нему: се, отях от тебе беззакония твоя и грехи твоя очищу, и облечьтъ его в подир 5 и возложите кидар чист на главу его. И

возложиша кидар чист на главу его и облекоша его в ризы. И Ангел Господень стояше, 6 и засвидетельствование Ангел Господень ко Иисусу глаголя: 7 сице глаголет Господь Вседержитель: аще в путех Моих пойдеши и повеления Моя сохраниши, и ты разсудиши храм Мой: и аще сохраниши двор Мой, и дам ти соображающыся посреде стоящих сих. 8 Послушай убо, Иисусе, иерею великий, ты и искренини твои седящи пред лицем твоим, зане мужие дивозрители суть: зане, се, Аз ввожду раба Моего Востока: 9 зане камень, егоже дах пред лицем Иисусовым, на камени единем седьмь очес суть: се, Аз изрью ров, глаголет Господь Вседержитель, и осяжу всю обиду земли оныя в день един. 10 В день оный, глаголет Господь Вседержитель, созовете кийждо искренниго своего под виноград и под смоковницу.

4 И обратися Ангел глаголяй во мне и возведе мя, якоже егда востанет человек от сна своего, 2 и рече ко мне: что ты видиши? И рех: видех, и се, свещник злат весь, и светилце верху его, и седьмь светилник верху его, и седмь чашиц светилником верхним его, 3 и две маслины верху его, едина одесную светилца его и едина ошуюю. 4 И вопросих и рех ко Ангелу глаголющему во мне глаголя: что суть сия, господи? 5 И отвеша Ангел глаголяй во мне и рече ко мне глаголя: не разумеши ли, что суть сия? И рех: ни, господи. 6 И отвеша и рече ко мне глаголя: сие слово Господне к Зоровавелю глаголя: не в силе велицей, ни в крепости, но в Дусе Моем, глаголет Господь Вседержитель. 7 Что ты еси, горо великая, пред лицем Зоровавеля, еже исправити? И изнесу камень наследия, равенство благодати, благодать его. 8 И бысть слово Господне ко мне глаголя: 9 руце Зоровавелевы основаша храм сей и руце его совершат его: и уразумеши, яко Господь Вседержитель посла мя к вам: 10 зане кто укорил тя есть во дни малы? И возрадуются, и увидят камень, иже от чистаго олова, в руку Зоровавеля: седмь сия очеса Господня суть, призывающая на всю землю. 11 И отвеша и рех к нему: что суть две маслины сия, яже одесную свещника и ошуюю? 12 И вопросих вторицею и рех к нему: что суть две ветви масличны, яже в руку двух усекалниц златых возливающих и возношающих чашицы златыя? 13 И рече ко мне глаголя: не веси ли, что суть сия? И рех: ни, господи. 14 И рече: сии два сынове тучности, яже предстоят Господеви всяя земли.

5 И обратихся и возведох очи мои и видех, и се, серп летящ. 2 И рече ко мне: что ты видиши? И рех: аз виджу серп летящ, в долготу лактей двадесять и

в широту десяти лактей. 3 И рече ко мне: сия клятва исходящая на лице всяя земли: зане всяк татъ от сего даже до смерти отмщен будет, и всяк кленыйся во лжу от сего до смерти отмстится. 4 И изнесу его, глаголет Господь Вседержитель, и внидет в дом татя и в дом кленущагося именем Моим во лжу, и вселится посреде дому его, и скончает его и древа его и камение его. 5 И изыде Ангел глаголяй во мне и рече ко мне: воззри очима твоима и виждь исходящее сие. И рех: 6 что есть? И рече: сия мера исходящая. И рече: сия неправда их по всей земли. 7 И се, талант оловян вземляйся, и се, жена едина седяще посреде меры. 8 И рече: сия есть беззаконие. И верже ю в средину меры и вверже камень оловянный во уста ея. 9 И возведох очи мои и видех, и се, две жены исходящыя, и дух в крилех их, и те имаху крила, яко криле вдодовы: и взяша меру между землею и между небом. 10 И рех ко Ангелу глаголющему во мне: камо сия относят меру? 11 И рече ко мне: создати ей храмину в земли Вавилонстей и уготовати, и положат ю тамо на уготование свое.

6 И обратихся и возведох очи мои и видех, и се, четыри колесницы исходящыя из средины двух гор, горы же те беша горы медяны: 2 в колеснице первой кони рыжы, и в колеснице второй кони врани, 3 и в колеснице третьей кони бели, и в колеснице четвертей кони пестри скори. 4 И отвеша и рех ко Ангелу глаголющему во мне: что суть сия, господи? 5 И отвеша Ангел глаголяй во мне и рече: сия суть четыри ветри небеснин, иже исходят предстати Господу всяя земли. 6 Внейже беху кони врани, исходядаху на землю северскую, и белии исходядаху вслед их, и пестрии исходядаху на землю южную, 7 и скории исходядаху и озираху еже оыти землю. И рече: идите, обыдите землю. И обыдоша землю. 8 И возопи и рече ко мне глаголя: се, исходящии на землю северскую упокоиша яростъ Мою на земли северстей. 9 И бысть слово Господне ко мне глаголя: 10 приими, яже от плена от князей и от ключимых его и от разумевших его, и внидеш ты в день он в дом Иосии Софониина, грядущаго от Вавилона, 11 и примиши сребро и злато, и створиши венцы, и возложиши на главу Иисусу Иоседекову, иерею великому, 12 и речеши к нему: сице глаголет Господь Вседержитель: се, Муж, Восток имя Ему, и под Ним возсиает, и созиждет храм Господень: 13 и той примет добродетель, и сядет и возобладает на престоле Своем, и будет иерей одесную Его, и совет мирен будет между обема, 14 а венец будет терпящым и ключимым

Ему и разумевшым Его, и в благодать сыну Софонину, и в псалом во храме Господни: 15 и издалеча от сих приидут и созиждут во храме Господни, и уразумеете, яко Господь Вседержитель посла мя к вам: и будет, аще слушающе послушаете гласа Господа Бога вашего.

7 И бысть в четвертое лето, при Дарии цари, бысть слово Господне ко Захарии в четвертый месяца девятаго, иже есть Хаселев. 2 И посла в Вефиль Сарасар и Арвесеер царь и мужие его молити Господа, з глаголя ко священником, иже во храме Господа (Бога) Вседержителя, и пророком, глаголя: аще вниде зде в пятый месяц святыни, (плача или постыся,) яко же сотворих уже многа лета. 4 И бысть слово Господа Вседержителя ко мне глаголя: 5 рцы ко всем людем земли и ко священником глаголя: аще постистеся или плачеволльствисте в пятинах или седминах (месяца), и се, седмъдесят лет, постом ли постистеся Ми? 6 И аще ясте или пиете, не вы ли ясте и пиете? 7 Не сия ли суть словеса, яже глагола Господь руками пророков прежних, егда бе Иерусалим населен и гобзующ, и гради его окрест, и нагорная и подольная населена бяху? 8 И бысть слово Господне ко Захарии глаголя: 9 сице глаголет Господь Вседержитель: суд праведен судите и милость и щедроты творите кийждо ко брату своему, 10 а вдовицы и сира, и пришелца и убога не насильствуйте, и злобы кийждо брата своего да не помнит в сердцах своих. 11 И не покоришася, еже внимати, и даша плещи презирающыя, и ушеса своя отяготиша, еже не слышати, 12 и сердце свое учиниша непокориво, не послушати закона Моего и словес, яже посла Господь Вседержитель Духом Своим рукою пророков прежних: и бысть гнев великий от Господа Вседержителя. 13 И будет, яко же рече, и не услышаша Его: сице возопиют, и не имам услышати, глаголет Господь Вседержитель: 14 и отвергу я во вся языки, иже не разумеша, и земля запустеет последи их от проходящаго и от возвращающагося: и учиниша избранную землю в запустение.

8 И бысть слово Господа Вседержителя (ко мне) глаголя: 2 сице глаголет Господь Вседержитель: ревновах по Иерусалиме и Сионе рвением великим и яростю велиею ревновах по нем. 3 Тако глаголет Господь: обращуся к Сиону и вселюся посреде Иерусалима, и наречется Иерусалим град истинный, и гора Господа Вседержителя гора святая. 4 Сице глаголет Господь Вседержитель: еще сядут старцы и старицы на путех Иерусалимских, кийждо жезл свой имый в руце своей от множества дній: 5 и

путие града исполнятся отроцищ и отроковиц играющих на путех его. 6 Сице глаголет Господь Вседержитель: аще изнеможет пред останком людий сих во онех днех, еда и предо Мною изнеможет? Глаголет Господь Вседержитель. 7 Сице глаголет Господь Вседержитель: се, Аз спасу люди Моя от земли восточная и от земли западная 8 и введу их (в землю их), и вселюся посреде Иерусалима, и будут Ми в люди, и Аз буду им в Бога во истине и в правде. 9 Сице глаголет Господь Вседержитель: да укрепятся руце вас слышащих во днех сих словеса сия от уст пророческих, от негоже дне основався храм Господа Вседержителя, и церковь отнележе создася. 10 Зане прежде дний онех мэда человеком не бе во успех, и мэда скотом не бяше, и исходящему и входящему не бе мира от печали, и послио вся человеки коегождо на искренняго своего. 11 И ныне не по днем онем прежним Аз сотворю останку людий сих, глаголет Господь Вседержитель, 12 но покажу мир: виноград даст плод свой, и земля даст жита своя, и небо даст росу свою, и наследити сотворю останку людий Моих сих вся сия. 13 И будет, яко бесте в клятве во языщех, доме Иудов и доме Израилев, тако спасу вы, и будете в благословении: дерзайте и укрепляйтесь руками вашими. 14 Зане сице глаголет Господь Вседержитель: яко же помыслих озлобити вы, всегда прогневаша Мя отцы ваши, глаголет Господь Вседержитель, и не раскаяхся: 15 тако уставих и умыслих во дни сия добро сотворити Иерусалиму и дому Иудову: дерзайте. 16 Сия словеса, яже сотворите: глаголите истину кийждо искреннему своему, истину и суд мирен судите во вратех ваших, 17 и кийждо злобы искренняго своего не помышляйте в сердцах ваших, и клятвы лживыя не любите, зане вся сия возненавидех, глаголет Господь Вседержитель. 18 И бысть слово Господа Вседержителя ко мне глаголя: 19 сице глаголет Господь Вседержитель: пост четвертый и пост пятый, и пост седьмый и пост десятый будут дому Иудову в радость и в веселие и в праздники благи: и возвеселитеся и истину и мир возлюбите. 20 Сице глаголет Господь Вседержитель: еще людие мнози приидут и живущи во градех многих: 21 и снидутся живущи во пяти градех во един град, глаголюще: грядим помолитися лицу Господню и взыскати лице Господа Вседержителя: иду и аз. 22 И приидут людие мнози и языцы мнози взыскати лица Господа Вседержителя во Иерусалиме и умолити лице Господне. 23 Сице глаголет Господь Вседержитель: во оны дни имется десять мужей от всех племен языческих, и имутся

за ризу мужа Иудеанина, глаголюще: пойдем с тобою, зане слыхахом, яко Бог с вами есть.

9 Пророчество словесе Господня в земли Седраха и Дамаска жертвы его: зане Господь призирает на человека и на вся колена Израилева, 2 и во Имафе в пределех его Тир и Сидон, яко умудрена зело. 3 И созда Тир твердыни себе и собра сребро яко персть и злато яко брение путий. 4 Сего ради Господь наследит я и поразит в море силу его, и той огнем поястся. 5 Увидит Аскalon и убоится, и Газа и поболит зело, и Аккарон, яко постыдеся о упомании своем: и погибнет царь от Газы, и Аскalon не иметь населитися. 6 И вселятся иноплеменницы во Азоте, и разрушу досаждение иноплеменников, 7 и измут кровь их из уст их и мерзости их из средины зубов их, и оставятся и сии Богу нашему и будут яко тысящник во Иуде, и Аккарон яко же Иевусей. 8 И подставлю храму Моему воззвижене, еже не сквозе ходити, ниже возвращатися, и кому не иметь прийти на ня изгоянья: яко ныне видех очима Моима. 9 Радуйся зело, дщи Сиона, проповедуй, дщи Иерусалимля: се, Царь твой грядет тебе праведен и спасай, той кроток и всед на подъемника и жребца юна. 10 И потребит колесницы от Ефрема и кони от Иерусалима, и потребит лук бранный, и множество, и мир от языков: и обладает водами от моря до моря и от рек до исходищ земли. 11 И ты в крови завета твоего испустил еси узники твоя от рова не имуща воды. 12 Сядите в твердех, связани сонмища, и за един день пришелствия твоего сугубо воздам ти. 13 Занеже напрягох тя Себе, Иудо, яко лук, исполних Ефрема, и воздвигну чада твоя, Сионе, на чада Еллинска, и осажду тя яко мечь ратника. 14 И Господь на них явится, и изыдет яко молния стрела Его: и Господь Бог Вседержитель в трубу вострубит и пойдет в шуме прещения своего. 15 Господь Вседержитель защитит их, и поядят я, и посыплют их камением пращным, и испилют кровь их яко вино, и исполнят окрины яко жертвеник. 16 И спасет я Господь Бог их в день он, яко овцы люди Своя: зане камение свято валяется на земли Его. 17 Аще что благо его, и аще что добро его, пшеница юношам и вино благоуханно девам.

10 Просите от Господа дождя во время ранняго и поздняго: Господь сотвори привидения, и дождь зимен даст им, комуждо злак на селе. 2 Зане провещающи глаголаша труды, и вражбителе видения ложна и сония лживы глаголаху, суетными утешаху: сего ради изсехша яко овцы, и озлоблены быша, понеже не

бе изцеления. 3 На пастырей прогневася ярость Моя, и на агнцы посещу: и посетит Господь Бог Вседержитель стадо Свое, дом Иудин, и учинит я аки коня благолепна Своего во брани. 4 И от него призре, и от него учини, и от него лук в дусе ярости, и от него изыдет всяк изгоянья в том. 5 И будут яко ратницы попирающе брение на путех во брани, и ополчатся, яко Господь с ними, и постыдятся всадницы конни. 6 И укреплю дом Иудов и дом Иосифов спасу, и вселю я, понеже возлюбих я, и будут аки бы не отвратих их: зане Аз Господь Бог их и услышу я. 7 И будут яко ратницы Ефремовы, и возрадуется сердце их аки от вина: и чада их увидят и возвеселятся, и возрадуется сердце их о Господе. 8 Возвещу им и прииму я, зане искуплю их, и умножатся, яко же бяху мнози: 9 и всею я в людех, и дальнии помянут мя, и воспитают чада своя, и обратятся: 10 и возвращу я от земли Египетския и от Ассириан прииму я, и в Галаадит и в Ливан введу я, и не иметь остати от них ни един. 11 И пройдут морем узким и поразят в мори волны, и изсякнут вся глубины речные, и отимется всяко досаждение Ассирийско, и скипт Египетск отимется. 12 И укреплю я о Где Бозе их, и о имени Его восхвалятся, глаголет Господь.

11 Разверзи, Ливане, двери твоя, и да пояет огнь кедры твоя: 2 да плачеволльствит питис, зане паде кедр, яко вельможи вельми обеднеша. Восплачеволльствите, дуби Васанитидстии, яко посечеся дубрава насажденная. 3 Глас плачущих пастырей, яко возбедствова величие их: глас рыкающих львов, яко озлоблено бысть шатание Иорданово. 4 Сице глаголет Господь Вседержитель: пасите овцы заколения, 5 яже стяжавши закалаху и не раскаявахуся, и продающии я глаголаху: благословен Господь, и обогатихомся: и паstryrie их не печахуся ни чимже о них. 6 Сего ради не пощаджу кому на живущих на земли, глаголет Господь: и се, Аз предам человека, коего ждо в руце искреннему его и в руце царю своему: и изсекут землю, и не имам изяти от руки их. 7 И упасу овцы заколения в земли Ханаани: и прииму Себе два жезла, единаго нарекох доброту, а другаго нарекох уже, и упасу овцы. 8 И погублю три пастыри в месяц един, и отягчает душа Моя на ня: ибо души их рыкаху на мя. 9 И рех: не имам пасти вас: умирающее да умрет, и изчезающее да изчезнет, и прочая да пояет кийждо плоть ближняго своего. 10 И прииму жезл Мой добрый и отвергу его еже разорити завет Мой, егоже завещах ко всем людем: 11 и разорится в день оный, и уразумеют Хананее овцы хранимыя Мне, зане слово Господне есть.

12 И реку к ним: аще добро пред вами есть, дадите мзду Мюю, или отрецьтесь. И поставиша мзду Мюю тридесять сребреник. 13 И рече Господь ко мне: вложи я в горнило и смотри, аще искушено есть, имже образом искушен бых о них. И приях тридесять сребреник и вложих их в храм Господень в горнило. 14 И отвергох жезл второй уже, еже разорити завет иже посреде Иуды и посреде Израиля. 15 И рече Господь ко мне: еще приими себе сосуды пастьрски, пастьря неискусна: 16 зане, се, Аз воздвигну пастьря на землю: погибающаго не посетит и расточеннаго не имать взыскати, и сокрушенного не имать изцелити и здраваго не имать направити, и мяса избранных пояс и глезны их извиет. 17 О, пасущий суетная и оставльши овец! Мечь на мышцу его и на око ему десное: мышца его изсыхающи исхнет, и око ему десное ослепя ослепнет.

12 Пророчество словесе Господня на Израиля, глаголет

Господь, прострый небо и основай землю и созидаю дух человека в нем: 2 се, Аз полагаю Иерусалима яко преддверия движимая всем людем окрест, и во Иудеи будет обседение на Иерусалима: 3 и будет в день оный, положу Иерусалима камень попираемый всеми языки: всяк попираяй его ругаяся поругается, и соберутся нань вси языцы земли. 4 В день он, глаголет Господь Вседержитель, поражу всякаго коня во ужас и всадника его в безумие: и на дом Иудов отверзу очи Мои и вся кони людий поражу во ослепление. 5 И рекут тысящницы Иудины вси в сердцах своих: обрящем себе живущя во Иерусалиме о Господе Вседержители Бозе их. 6 В день он положу тысящники Иудины яко главню огненну в дровах и яко свещу огненну в стеблии, и поядят одесную и ошуюю вся люди окрест: и населится Иерусалим еще по себе во Иерусалиме: 7 и спасет Господь селения Иудова якоже исперва, яко да не величается похвала дому Давидова и величания живущих во Иерусалиме на Иуду. 8 И будет в день он, защитит Господь живущих во Иерусалиме: и будет немощный в них в той день яко Давид, а дом Давидов яко дом Божий, якоже Ангел Господень пред ними. 9 И будет в день он, взыщу изъти вся языки грядущыя на Иерусалим, 10 и излию на дом Давидов и на живущя во Иерусалиме дух благодати и щедрот, и воззрят Нань, Егоже прободоша, и восплачутся о Нем плаканием яко о возлюбленнем, и поболят о Нем болезнию яко о первенце. 11 В день он возвеличится плачевопльствие во Иерусалиме, яко плачевопльствие Ададримона на поли Магедоне. 12 И

восплачется земля по племеном племеном: колено о себе, и жены их о себе: колено дому Давидова о себе и жены их о себе: 13 колено дому Нафанова о себе, и жены их о себе: колено дому Левинина о себе, и жены их и себе: колено Симеоне о себе, и жены их о себе: 14 вся прочая колена, колено и колено о себе, и жены их о себе.

13 В день он будет всяко место отверзаемо дому

Давидову и живущым во Иерусалиме в предвижение и разделение. 2 И будет в день он, глаголет Господь Саваоф, потреблю имена идолов от земли, и кому не будет их памяти: и лживыя пророки и духа нечистаго изму от земли. 3 И будет, аще проречет человек еще, и речет к нему отец его и мати его, рождши его, внегда пророчествовати ему: не жив будеш, яко лжу глаголал еси во имя Господне: и запнут ему отец его и мати его, родивши его, егда пророчествовати начнет. 4 И будет в день он, постыдятся пророцы, кийждо от видения своего, внегда пророчествовати ему, и облекутся в кожу власяную, зане соглаша. 5 И речет: несмь пророк аз, яко человек делаяй землю аз есмь, зане человек родим от юности моей. 6 И реку к нему: что язвы сия посреде руку твою? И речет: имиже уязвлен бых в дому возлюбленного моего. 7 Мечу, востани на пастьря Моего и на мужа гражданина Моего, глаголет Господь Вседержитель: порази пастьря, и расточатся овцы стада: и наведу руку Мою на (малыя) пастьри. 8 И будет в день он на всей земли, глаголет Господь, две части ея потребятся и изчезнут, а третия останется на ней: 9 и проведу третию часть сквозе огнь, и разжгу я, якоже разжизнется сребро, и искушу я, якоже искушается злато: той призовет имя Мое, и Аз услышу его и реку: людие Мои сии суть. И тии рекут: Господь Бог мой.

14 Се, дни Господни грядут, и разделятся корысти

твоя в тебе: 2 и соберу вся языки на Иерусалим в брань, и пленится град, и расхитятся домове, и жены осквернятся: и изыдет пол града в пленение, а останок людий Моих не потребятся от града. 3 И изыдет Господь и ополчится на языки оны, якоже день ополчения его в день брани. 4 И станут нозе Его в день он на горе Елеонстей, яже есть прямо Иерусалиму на восток: и разделится гора Елеонская, пол ея к востоком и пол ея к морю, пропасть велия зело: и уклонится пол горы на север и пол ея на юг: 5 и засыплется дебрь гор Моих, и прильнет дебрь горния даже до Асаила и наполнится, якоже наполнися от лица труса во днех Озии

царя Иудова: и приидет Господь Бог мой, и вси святии с Ним. 6 И будет в день он, не будет свет, но зима и мраз: 7 и будет день един, и день той знаемъ будет Господеви, и не день и не нощъ, и при вечере будет свет. 8 И в день он изыдет вода жива из Иерусалима, пол ея в море первое и пол ея в море последнее: и в жатву и в весну будет тако. 9 И будет Господь в Царя по всей земли: в день он будет Господь един, и имя Его едино, 10 обходя всю землю и пустыню, от Гаваи и до Реммона, на юг Иерусалиму: и вознесется на месте и пребудет от врат Вениаминых до места врат первых, даже до врат уголных и до столпа Анамеиля и до подточия царева. 11 И вселятся в нем, и анафема не будет кому, и вселится Иерусалим надеяся. 12 И сие будет падение, имже изсечет Господь вся люди, елицы воеваша на Иерусалим: истают плоти их стоящих на ногах своих, и очеса им истекут из обочий их, и язык их истает во устех их. 13 И будет в день он ужас Господень велий на них: и имутся кийждо за руку ближняго своего, и соглется рука его к руце ближняго своего. 14 И Иуда ополчится во Иерусалиме и соберет крепость всех людей окрест, злато и сребро и ризы во множество зело. 15 И сие будет падение конем и мском, и велблудом и ослом, и всем скотом сущим в ползех онех, по падению сему. 16 И будет, елицы аще останутся от всех язык пришедших на Иерусалим, и взыдут на всякое лето покланяся Царю Господу Вседержителю и праздновати праздник скинопигии. 17 И будет, елицы аще не взыдут от всех племен земли во Иерусалим поклонитися Царю Господу Вседержителю, и сии онем приложатся, не будет на них дождя. 18 Аще же колено Египетское не взыдет, ни приидет, и на сих будет язва, юже поразит Господь вся языки, елицы аще не взыдут, еже праздновати праздник скинопигии. 19 Сей будет грех Египту и грех всем языкам, елицы аще не взыдут, еже праздновати праздник скинопигии. 20 В день он будет еже во узде коня, свято Господу Вседержителю: и будут коноби в дому Господни яко чаши пред лицем олтаря, 21 и будет всяк коноб во Иерусалиме и во Иуде свят Господеви Вседержителю: и приидут вси жрущии и примут от них и сварят в них, и не будет Хананей кому во храме Господа Вседержителя в день он.

Книга пророка Малахии

1 Пророчество словесе Господня на Израиля рукою ангела Его: положите убо на сердцах ваших. **2** Возлюбих вы, глаголет Господь. И ресте: о чём возлюбил еси ны? Не брат ли бе Исаи Иакову? Глаголет Господь: и возлюбих Иакова, Исава же возненавидех, з и учиних пределы его во изчезновение и достояние его в нырища пустынна. **4** Зане аще речет: Идумеа разорися, и обратимся и возсождем опустевшая ея: сице глаголет Господь Вседержитель: тии созиждут, и Аз разорю, и нарекутся им пределе беззакония, и людие, на няже ополчися Господь до века. **5** И очеса ваша увидят, и вы речете: возвеличивши Господь превыше предел Израилевых. **6** Сын славит отца, и раб господина своего убоится: и аще Отец есмь Аз, то где слава Моя? И аще Господь есмь Аз, то где есть страх Мой? Глаголет Господь Вседержитель. Вы священницы презирающии имя Мое. И ресте: о чесом презрехом имя Твое? **7** Приносяще ко олтареви Моему хлебы скверны. И ресте: о чесом осквернихом я? Внегда глаголати вам: трапеза Господня осквернена есть: и возложенная брашна уничили есте. **8** Зане аще приведете слепо на жертву, не зло ли? И аще приведете хромо или недужно, то не зло ли? Приведи е князю твоему, еда приимет е? Еда приимет лице твое? Глаголет Господь Вседержитель. **9** И ныне умилостивите лице Бога вашего и помолитесь Ему, (да помилует вы). В руках ваших быша сия, аще прииму от вас лица ваша? Глаголет Господь Вседержитель. **10** Зане и в вас затворятся двери, и не возгнется огня олтареви Моему туне: несть воля Моя в вас, глаголет Господь Вседержитель, и жертвы не прииму от рук ваших. **11** Зане от восток солнца и до запад имя Мое прославися во языцех, и на всяцем месте фимиам приносится имени Моему и жертва чиста: зане велие имя Мое во языцех, глаголет Господь Вседержитель. **12** Вы же скверните е глаголюще: трапеза Господня осквернена есть, и возлагаемая брашна его уничтожена быша. **13** И ресте: сия от злострадания суть. И отдунах я, глаголет Господь Вседержитель. И внесосте хищения и хромая и недужная, и приведете я на жертву, еда прииму их от рук ваших? Глаголет Господь Вседержитель. **14** И проклят, иже бе силен, и бе ему в стаде его мужеск пол, и обет его на нем, и жрет растленное Господеви: зане Царь велий Аз есмь, глаголет Господь Вседержитель, и имя Мое светло во языцех.


2 И ныне заповедь сия к вам, священницы: 2 аще не услышите и аще не положите на сердцах ваших, еже дати славу имени Моему, глаголет Господь Вседержитель, то посли на вы клятву и проклену благословение ваше и оклену е: и разорю благословение ваше, и не будет в вас, зане вы не влагаете в сердца ваша. **3** Се, Аз отлучу вам рамо, и раскидаю требухи на лица ваша, требухи праздников ваших, и прииму вы вкупе: **4** и уразумеете, яко Аз Господь послах к вам заповедь сию, еже быти завету Моему к Левитом, глаголет Господь Вседержитель. **5** Завет Мой бе с ним жизни и мира, и дах ему боязнию боятися Мене и от лица имени Моего устрашатися ему. **6** Закон истины бе во устех его, и неправда не обретеся во устнах его: в мире исправляй иде со Мною и многи обрати от неправды. **7** Понеже устне иереовы сохранят разум, и закона взыщут от уст его: яко ангел Господа Вседержителя есть. **8** Вы же уклонистеся от пути и изнемоществисте многих в законе, растлисте завет Левинин, глаголет Господь Вседержитель. **9** И Аз дах вы уничижены и отвержены во вся языки, зане вы не сохранисте путий Моих, но лиц обинустеся в законе. **10** Не Отец ли един всем вам? Не Бог ли един созда вас? Что яко остависте кийждо брата своего, осквернити завет отец ваших? **11** Оставлен бысть Иуда, и мерзость бысть во Израили и во Иерусалиме: зане оскверни Иуда святая Господня, яже возлюби, и прейде к богом чуждим. **12** Потребит Господь человека творящаго сия, дондеже смирится от селений Иаковлих и от приносящих жертву Господу Вседержителю. **13** И сия, яже ненавидех, твористе: покрывасте слезами олтарь Господень, и плачом и воздыханием от трудов: еще ли достойно призрети на жертву (вашу), или прияти приятно из рук ваших? **14** И ресте: чесо ради? Яко Господь засвидетелствова между тобою и между женою юности твоей, юже оставил еси, и та общница твоя и жена завета твоего: **15** и не добро ли соторви, и останок духа его? И ресте: что ино кроме семене ищет Бог? И сохраните духом вашим и жены юности твоей да не оставиши: **16** но аще возненавидев отпустиши ю, глаголет Господь Бог Израилев, и покрьет нечестие помышления твоя, глаголет Господь Вседержитель: и сохраните духом вашим и не оставите. **17** Прогневляющи Бога словесы вашими, и ресте: о чесом прогневахом Его? Зане ресте: всяк творяй зло добр пред Господем, и в них Сам благоволи: и где есть Бог правды?

3 Се, Аз посылаю Ангела Моего, и призрит на путь пред лицем Моим: и внезапу приидет в церковь Свою Господь, Егоже вы ищете, и Ангел завета, Егоже вы хощете: се, грядет, глаголет Господь Вседержитель. **2** И кто стерпит день пришествия Его? И кто постоит в видении Его? Зане Той входит яко огнь горнила и яко мыло перущих. **3** И сядет разваряя и очищая яко сребро и яко злато, и очистит сыны Левиины, и прелиет я яко злато и яко сребро: и будут Господеви приносяще жертву в правде. **4** И угодна будет Господеви жертва Иудова и Иерусалимля, якоже дни века и якоже лета преждняя. **5** И прииду к вам с судом, и буду свидетель скор на чародеи и на прелюбодейцы, и на кленущаяся именем Моим во лжу и на лишающия мзды наемника, и на насильствующая вдовиц и пхающия сиряя, и на укляняющия суд пришелца и на небоящаяся Мене, глаголет Господь Вседержитель: **6** зане Аз Господь Бог ваш, и не изменяюся, и вы сынове Иаковли не удаляйтесь от грех отец ваших. **7** Уклонистесь от законов Моих и не сохранисте: обратитесь ко Мне, и обращуся к вам, глаголет Господь Вседержитель. И ресте: в чесом обратимся? **8** Еда обольстит человек Бога? Зане вы обольщаете Мя. И ресте: в чесом обольстихом Тя? Яко десятины и начатцы с вами суть. **9** И взирающе вы взираете, и Мене вы обольщаете. **10** Лето скончася, и внесосте вся плоды в сокровища, и будет расхищение Его в дому Его: обратитесь убо о сем, глаголет Господь Вседержитель: аще не отверзу вам хлябий небесных и излию вам благословение Мое, дондеже удовлитесь: **11** и разделяю вам в брашно, и не имам истлить вам плодов земных, и не изнеможет ваш виноград на селе, глаголет Господь Вседержитель: **12** и ублажат вы вси языцы, зане будете вы земля пожеланная, глаголет Господь Вседержитель. **13** Отяготисте на Мя словеса ваша, глаголет Господь (Вседержитель). И ресте: о чем клеветахом на Тя? **14** Ресте: суетен работай Богу, и что более, яко сохранихом хранения Его и яко идохом молитвеницы пред лицем Господа Вседержителя? **15** И ныне мы блажим чуждих, и созидаются вси творящии беззаконная, сопротивишася Богови и спасошася. **16** Сия рекоша боящися Господа, кийждо ко искреннему своему: и внят Господь, и услыша, и написа книгу памяти пред Собою боящимся Господа и благоговеющим именем Его. **17** И будут Ми, глаголет Господь Вседержитель, в день, егоже Аз творю в снабдение, и изберу я, имже образом избирает человек сына своего (добре) работающа ему. **18** И обратитесь и увидите между праведным и между

беззаконным, и между служащим Богови и не служащим Ему.

4 Яко се, день грядет горящъ яко пещь и попалит я, и будут вси иноплеменници и вси творящии беззаконная яко стебли: и возжет я день Господень грядый, глаголет Господь Вседержитель, и не останется от них корень ниже ветвь. **2** И возсияет вам боящимся имене Моего Солнце правды и изцеление в крилех Его: и изыдете и взыграете, якоже телцы от уз разрешени: **3** и поперете беззаконники, и будут пепел под ногами вашими в день, в онъже Аз сотворю, глаголет Господь Вседержитель. **4** Помяните закон Моисея раба Моего, якоже повелех ему в Хориве ко всему Израилю повеления и оправдания. **5** И се, Аз послю вам Илию Фесвитянину, прежде пришествия дне Господня великаго и просвещеннаго, **6** иже устроит сердце отца к сыну и сердце человека ко искреннему его, да не пришел поражу землю в конец.

NEW TESTAMENT



Иисус же глаголаше: Отче, отпусти им: не ведят бо что творят.

Разделяюще же ризы Его, метаху жребия.

От Луки святое благовестование 23:34

От Матфея святое благовествование

1 Книга родства Иисуса Христа, Сына Давида, Сына

Авраамля. **2** Авраам роди Исаака. Исаак же роди Иакова. Иаков же роди Иуду и братию его. **3** Иуда же роди Фареса и Зару от Фамары. Фарес же роди Есрому. Есрому же роди Арама. **4** Арам же роди Аминадава. Аминадав же роди Наассона. Наассон же роди Салмона. **5** Салмон же роди Вооза от Рахавы. Вооз же роди Овида от Руфы. Овид же роди Иессея. **6** Иессей же роди Давида царя. Давид же царь роди Соломона от Уриины. **7** Соломон же роди Ровоама. Ровоам же роди Авию. Ави же роди Асу. **8** Аса же роди Иосафата. Иосафат же роди Иорама. Иорам же роди Озию. **9** Озия же роди Иоафама. Иоафам же роди Ахаза. Ахаз же роди Езекию. **10** Езекия же роди Манассию. Манассия же роди Амона. Амон же роди Иосию. **11** Иосия же роди Иехонию и братию его, в преселение Вавилонское (в неких греч.: Иосия же роди Иоакима и братию его. Иоаким же роди Иехонию в преселение Вавилонское.). **12** По преселении же Вавилонстем, Иехония роди Салафиля. Салафиль же роди Зоровавеля. **13** Зоровавель же роди Авиуда. Авиуд же роди Елиакима. Елиаким же роди Азора. **14** Азор же роди Садока. Садок же роди Ахима. Ахим же роди Елиуда. **15** Елиуд же роди Елеазара. Елеазар же роди Матфана. Матфан же роди Иакова. **16** Иаков же роди Иосифа, мужа Марины, из Неяже родися Иисус, глаголемый Христос. **17** Всех же родов от Авраама до Давида родове четыренадесяте: и от Давида до преселения Вавилонского родове четыренадесяте: и от преселения Вавилонского до Христа родове четыренадесяте. **18** Иисус Христово Рождество сице бе: обрученней бо бывши Матери Его Марии Иосифови, прежде даже не снитися има, обретеся имущи во чреве от Духа Свята. **19** Иосиф же муж Ея, праведен сый и не хотя Ея обличити, восхоте тай пустити Ю. **20** Сия же ему помыслившу, се, Ангел Господень во сне явися ему, глаголя: Иосифе, сыне Давидов, не убойся прияти Мариам жены твоей: рождеебося в Ней, от Духа есть Свята: **21** родит же Сына, и наречеши имя Ему Иисус: Той бо спасет люди Своя от грех их. **22** Сие же все бысть, да сбудется реченное от Господа пророком, глаголющим: **23** се, Дева во чреве примет и родит Сына, и нарекут имя Ему Еммануил, еже есть сказаемо: с нами Бог. **24** Востав же Иосиф от сна, сотвори якоже повеле ему Ангел

Господень, и прият жену свою, **25** и не знаяше Ея, дондеже роди Сына Своего первенца, и нарече имя Ему Иисус.

2 Иисусу же рождшуся в Вифлееме Иудейстем во дни Ирода царя, се, волсви от восток придоша во Иерусалим, глаголюще: **2** где есть рождеся Царь Иудейский? Видехом бо звезду Его на востоце и придохом поклонитися Ему. **3** Слышав же Ирод царь смутился, и весь Иерусалим с ним. **4** И собрав вся первосвященники и книжники людския, вопрошаše от них: где Христос рождается? **5** Они же рекоша ему: в Вифлееме Иудейстем, тако бо писано есть пророком: **6** и ты, Вифлееме, земле Иудова, ни чимже менши еси во владыках Иудовых: из тебе бо изыдет Вождь, Иже упасет люди Моя Израиля. **7** Тогда Ирод тай призыва волхвы, и испытоваše от них время явльшияся звезды, **8** и послав их в Вифлеем, рече: шедше испытайтъ известно о Отрочате: егда же обрящете, возвестите ми, яко да и аз шед поклонюся Ему. **9** Они же послушавше царя, идоша. И се, звезда, юже видеша на востоце, идяше пред ними, дондеже пришедши ста верху, идеже бе Отроча. **10** Видевше же звезду, возрадовашася радостию велию зело, **11** и пришедше в храмину, видеша Отроча с Марию Материю Его, и падше поклонишася Ему: и отверзше сокровища своя, принесоша Ему дары, злато и ливан и смирун. **12** И весть приемше во сне не возвратитися ко Ироду, иным путем отидаша во страну свою. **13** Отшедшим же им, се, Ангел Господень во сне явися Иосифу, глаголя: востав поими Отроча и Матерь Его, и бежи во Египет, и буди тамо, дондеже реку ти: хощет бо Ирод искати Отрочате, да погубит Е. **14** Он же востав, поят Отроча и Матерь Его нощию, и отиде во Египет, **15** и бе тамо до умртвия Иродова: да сбудется реченное от Господа пророком, глаголющим: от Египта возвзах Сына Моего. **16** Тогда Ирод видев, яко поруган бысть от волхвов, разгневався зело и послав изби вся дети сущыя в Вифлееме и во всех пределех его, от двою лету и нижайше, по времени, еже известно испыта от волхвов. **17** Тогда сбытсѧ реченное Иеремием пророком, глаголющим: **18** глас в Раме слышан бысть, плач и рыйдание и вопль мног: Рахиль плачущися чад своих, и не хотяше утешитися, яко не суть. **19** Умершу же Ироду, се, Ангел Господень во сне явися Иосифу во Египте, **20** глаголя: востав поими Отроча и Матерь Его И иди в землю Израилеву, изомроша бо ищащии души Отрочате. **21** Он же востав, поят Отроча и Матерь Его и прииде в

землю Израилеву. 22 Слышав же, яко Архелай царствует во Иудеи вместо Ирода отца своего, убояся тамо ити: весть же приемь во сне, отиде в пределы Галилейский 23 и пришед вселился во граде нарицаемем Назарет: яко да сбудется реченое пророки, яко Назорей наречется.

3 Во дни же оны прииде Иоанн Креститель, проповедая в пустыни Иудейстей 2 и глаголя: покайтесь, приближиося Царствие Небесное. 3 Сей бо есть реченный Исаием пророком, глаголющим: глас вопиющаго в пустыни: уготовайте путь Господень, правы творите стези Его. 4 Сам же Иоанн имяше ризу свою от влас велблудъ и пояс усмен о чреслех своих: снедь же его бе пружие и мед дивий. 5 Тогда исходжаше к нему Иерусалима, и вся Иудея, и вся страна Иорданская, 6 и крещахуся во Иордане от него, исповедающе грехи своя. 7 Видев же (Иоанн) многи фарисеи и саддукей грядущыя на крещение его, рече им: рождения ехиднова, кто сказа вам бежати от будущаго гнева? 8 Стороните убо плод достоин покаяния, 9 и не начинайте глаголати в себе: отца имамы Авраама: глаголю бо вам, яко может Бог от камения сего воздвигнути чада Аврааму: 10 уже бо и секира при корени дерева лежит: всяко убо дерво, еже не творит плода добра, посекаемо бывает и во огнь вметаемо: 11 аз убо крещаю вы водою в покаяние: Грядый же по мне креплий мене есть, Ему же несмы достоин сапоги понести: Той вы крестит Духом Святым и огнем: 12 ему же лопата в руце Его, и отребит гумно Свое, и соберет пшеницу Свою в житницу, плевы же сожжет огнем негасающим. 13 Тогда приходит Иисус от Галилеи на Иордан ко Иоанну креститися от него. 14 Иоанн же возбранише Ему, глаголя: аз требую Тобою креститися, и Ты ли грядеши ко мне? 15 Отвещав же Иисус рече к нему: остави ныне: тако бо подобает нам исполнити всяку правду. Тогда остави Его. 16 И крестився Иисус взыде аbie от воды: и се, отверзашася Ему небеса, и виде Духа Божия сходяща яко голубя и грядуща на Его. 17 И се, глас с небесе глаголя: Сей есть Сын Мой возлюбленный, о Немже благоволих.

4 Тогда Иисус возведен бысть Духом в пустыню искуситися от диавола, 2 и постився дний четыредесять и ноший четыредесять, последи взалка. 3 И приступль к Нему искуситель рече: аще Сын еси Божий, рцы, да камение сие хлебы будут. 4 Он же отвещав рече: писано есть: не о хлебе единем жив будет человек, но о всяцем глаголгле исходящем изо уст Божиих. 5 Тогда поят Его диавол во святый град, и постави Его на криле

церковнем, 6 и глагола Ему: аще Сын еси Божий, верзися низу: писано бо есть, яко Ангелом Своим заповесть о Тебе (сохранити Тя), и на руках возмут Тя, да не когда преткнеши о камень ногу Твою. 7 Рече (же) ему Иисус: паки писано есть: не искусиши Господа Бога твоего. 8 Паки поят Его диавол на гору высоку зело, и показа Ему вся царствия мира и славу их, 9 и глагола Ему: сия вся Тебе дам, аще пад поклонишимся. 10 Тогда глагола ему Иисус: иди за Мною, сатано: писано бо есть: Господу Богу твоему поклонишися и Тому единому послужиши. 11 Тогда остави Его диавол, и се, Ангели приступиша и служаху Ему. 12 Слышав же Иисус, яко Иоанн предан бысть, отиде в Галилею, 13 и оставил Назарет, пришед вселился в Капернаум в поморие, в пределех Завулоних и Неффалимлих: 14 да сбудется реченое Исаием пророком, глаголющим: 15 земля Завулоня и земля Неффалимля, путь моря об он пол Иордана, Галилеа язык, 16 людие седящии во тме видеша свет велий, и седящым в стране и сени смертней, свет возсия им. 17 Оттоле начат Иисус проповедати и глаголати: покайтесь, приближися бо Царство Небесное. 18 Ходя же при мори Галилейстем, виде два брата, Симона глаголемаго Петра, и Андрея брата его, вметающа мрежи в море, беста бо рыбаря: 19 и глагола има: грядита по Мне, и соторю вы ловца человеком. 20 Она же аbie оставльша мрежи, по Нем идоста. 21 И прешед оттуду, виде ина два брата, Иакова Зеведеева, и Иоанна брата его, в корабли с Зеведеом отцем ею, завяззывающа мрежи своя, и воззвая. 22 Она же аbie оставльша корабль и отца своего, по Нем идоста. 23 И проходжаše всю Галилею Иисус, учя на сонмищих их и проповедая Евангелие Царствия, изцеляя всяк недуг и всяку язю в людех. 24 И изыде слух Его по всей Сирии: и приведоша к Нему вся болящыя, различными недуги и страстьми одержимы, и бесны, и месячныя, и разслабленныя (жилами): и изцели их. 25 И по Нем идоша народи мнози от Галилеи и десяти град, и от Иерусалима и Иудеи, и со оного полу Иордана.

5 Узрев же народы, взыде на гору: и седшу Ему, приступиша к Нему ученицы Его. 2 И отверз уста Своя, учаше их, глаголя: з блажени нищии духом: яко тех есть Царствие Небесное. 4 Блажени плачущи: яко тии утешатся. 5 Блажени кротцы: яко тии наследят землю. 6 Блажени алчущи и жаждущи правды: яко тии насытятся. 7 Блажени милостивии: яко тии помилованы будут. 8 Блажени честии сердцем: яко тии Бога узрят. 9 Блажени миротворцы: яко тии сынове Божии нарекутся. 10 Блажени изгнани правды ради: яко тех есть Царствие

Небесное. 11 Блажени есте, егда поносят вам, и ижденут, и рекут всяк зол глагол на вы лжуще, Мене ради: 12 радуйтесь и веселитесь, яко мэда ваша многа на небесех: тако бо изгнаша пророки, иже (беша) прежде вас. 13 Вы есте соль земли: аще же соль обуяет, чим осолится? Ни во чюже будт ктому, точию да изсыпана будт вон и попираема человеки. 14 Вы есте свет мира: не может град укрытия верху горы стоя: 15 ниже вжигают светилника и поставляют его под спудом, но на свещнице, и светит всем, иже в храмине (суть). 16 Тако да просветится свет ваш пред человеки, яко да видят ваша добрая дела и прославят Отца вашего, Иже на небесех. 17 (Да) не мните, яко придох разорит закон, или пророки: не придох разорити, но исполнити. 18 Аминь бо глаголю вам: дондеже прейдет небо и земля, иота едини, или едини чёрта не прейдет от закона, дондеже вся будт. 19 Иже аще разорит едину заповеди сих малых и научит тако человеки, мний наречется в Царствии Небеснем: а иже сотворит и научит, сей велий наречется в Царствии Небеснем. 20 Глаголю бо вам, яко аще не избудет правда ваша паче книжник и фарисей, не внидете в Царствие Небесное. 21 Слышасте, яко речено бысть древним: не убиши: иже (бо) аще убииет, повинен есть суду. 22 Аз же глаголю вам, яко всяк гневаяйся на брата своего всуе повинен есть суду: иже бо аще речет брату своему: рака, повинен есть сонмищу: а иже речет: уроде, повинен есть геенне огненней. (Geenna g1067) 23 Аще убо принесеши дар твой ко олтарю и ту помяниши, яко брат твой имать нечто на тя: 24 остави ту дар твой пред олтарем и шед прежде смирися с братом твоим, и тогда пришед принеси дар твой. 25 Буди увещаваяся с соперником твоим скоро, дондеже еси на пути с ним, да не предаст тебе соперник судии, и судия тя предаст слузе, и в темнице ввержен будши: 26 аминь глаголю тебе: не изыдеши оттуду, дондеже воздаси последний кодрант. 27 Слышасте, яко речено бысть древним: не прелюбы сотовиши. 28 Аз же глаголю вам, яко всяк, иже возвзрит на жену ко еже вожделети ея, уже любодействова с нею в сердцы своем: 29 аще же око твое десное соблажняет тя, изми е и верзи от себе: уне бо ти есть, да погибнет един от уд твоих, а не все тело твое ввержено будет в геенну (огненную): (Geenna g1067) 30 и аще десная твоя рука соблажняет тя, усечи ю и верзи от себе: уне бо ти есть, да погибнет един от уд твоих, а не все тело твое ввержено будет в геенну. (Geenna g1067) 31 Речено же бысть, яко иже аще пустит жену свою, да даст ей книгу распустную. 32 Аз же глаголю вам, яко всяк отпущая жену свою, разве словесе любодейнаго,

творит ю прелюбодействовати: и иже пущеницу поймет, прелюбодействует. 33 Паки слышасте, яко речено бысть древним: не во лжу кленешися, воздаси же Господеви клятвы твоя. 34 Аз же глаголю вам не клятися всяко: ни небом, яко престол есть Божий: 35 ни землею, яко подножие есть ногама Его: ни Иерусалимом, яко град есть великаго Царя: 36 ниже главою твою кленися, яко не можеши власа единаго бела или черна сотворити: 37 буди же слово ваше: ей, ей: ни, ни: лишше же сео от неприязни есть. 38 Слышасте, яко речено бысть: око за око, и зуб за зуб. 39 Аз же глаголю вам не противитися злу: но аще тя кто ударит в десную твою ланиту, обрати ему и другую: 40 и хотящему судитися с тобою и ризу твою взяти, отпусти ему и срачицу: 41 и аще кто тя поймет по силе поприще едино, иди с ним два. 42 Просящему у тебе дай, и хотящаго от тебе зяти не отврати. 43 Слышасте, яко речено есть: возлюбиши искренняго твоего и возненавидиши врага твоего. 44 Аз же глаголю вам: любите враги вашия, благословите кленущая вы, добро творите ненавидящым вас, и молитесь за творящих вам напасть и изгонящая вы, 45 яко да будете сынове Отца вашего, Иже есть на небесех: яко солнце Свое сияет на злых и благия и дождит на праведных и на неправедных. 46 Аще бо любите любящих вас, кую мзду имате? Не и мытари ли тожде творят? 47 И аще целуете други вашия токмо, что лишше творите? Не и язычницы ли такожде творят? 48 Будите убо вы совершени, яко же Отец ваш Небесный совершен есть.

6 Внемлите милостыни ваше не творити пред человеки, да видими будете ими: аще ли же ни, мзды не имате от Отца вашего, Иже есть на небесех. 2 Егда убо твориши милостыню, не воструби пред собою, яко же лицемери творят в сонмищих и в стогнах, яко да прославятся от человек. Аминь глаголю вам, восприемлют мзду свою. 3 Тебе же творяща милостыню, да не увесьт шуйца твоя, что творит десница твоя, 4 яко да будет милостыня твоя в тайне: и Отец твой, видяй в тайне, той воздаст тебе яве. 5 И егда молишися, не буди яко же лицемери, яко любят в сонмищих и в стогнах путий стояще молитися, яко да явятся человеком. Аминь глаголю вам, яко восприемлют мзду свою. 6 Ты же, егда молишися, вниди в клеть твою, и затворив двери твоя, помолися Отцу твоему, Иже в тайне: и Отец твой, видяй в тайне, воздаст тебе яве. 7 Молящеся же не лишше глаголите, яко же язычницы: мнят бо, яко во многоглаголании своем услышани будут: 8 не подобитеся убо им: весть бо Отец ваш, ихже требуете, прежде прошения вашего. 9 Сице убо молитеся вы: Отче наш,

иже еси на небесех, да святится имя Твое: 10 да приидет Царствие Твое: да будет воля Твоя, яко на небеси, и на земли: 11 хлеб наш насыщный даждь нам днесь: 12 и остави нам долги нашия, яко и мы оставляем должником нашым: 13 и не введи нас в напасть, но избави нас от лукаваго: яко Твое есть Царствие и сила и слава во веки. Аминь. 14 Аще бо отпускаете человеком согрешения их, отпустит и вам Отец ваш Небесный: 15 аще ли не отпускаете человеком согрешения их, ни Отец ваш отпустит вам согрешений ваших. 16 Егда же поститесь, не будите якоже лицемери сетующе: помрачают бо лица своя, яко да явятся человеком постыщаеся. Аминь глаголю вам, яко восприемлют мзду свою. 17 Ты же постяся помажи главу твою, и лице твое умый, 18 яко да не явишися человеком постяся, но Отцу твоему, Иже втайне: и Отец твой, видяй втайне, воздаст тебе яве. 19 Не скрывайте себе сокровища на земли, идже черви и тля тлить, идже татие подкопывают и крадут: 20 скрывайте же себе сокровище на небеси, идже ни червь, ни тля тлить, идже татие не подкопывают, ни крадут: 21 идже бо есть сокровище ваше, ту будет и сердце ваше. 22 Светилник телу есть око. Аще убо будет око твое просто, все тело твое светло будет: 23 аще ли око твое лукаво будет, все тело твое темно будет. Аще убо свет, иже в тебе, тма есть, то тма кольми? 24 Никто же может двема господинома работати: любо единаго возлюбит, а другаго возненавидит: или единаго держится, о другем же нерадити начнет. Не можете Богу работати и мамоне. 25 Сего ради глаголю вам: не пецытеся душою вашею, что ясте, или что пиете: ни телом вашим, во что облечеся. Не душа ли болши есть пищи, и тело одежди? 26 Воззрите на птицы небесныя, яко не сеют, ни жнут, ни собирают в житницы, и Отец ваш Небесный питает их. Не вы ли паче лучши их есте? 27 Кто же от вас пекийся может приложити возрасту своему лакоть един? 28 И о одежди что печечеся? Смотрите крин селных, како растут: не труждаются, ни прядут: 29 глаголю же вам, яко ни Соломон во всей славе своей облечеся, яко един от сих: 30 аще же сено селное, днесь суще и утре в пещь вметаемо, Бог тако одевает, не много ли паче вас, маловери? 31 Не пецытеся убо, глаголюще: что ямы, или что пием, или чим одеждемся? 32 Всех бо сих языцы ищут: весть бо Отец ваш Небесный, яко требуете сих всех. 33 Ищите же прежде Царствия Божия и правды Его, и сия вся приложатся вам. 34 Не пецытеся убо на утрей, утрений бо собою печечеся: довлеет дневи злоба его.

7 Не судите, да не судими будете: 2 имже бо судом судите, судят вам: и в нюже меру мерите, возмерится вам. 3 Что же видиши сучец, иже во оце брата твоего, бервна же, еже есть во оце твоем, не чуеши? 4 Или како речеши брату твоему: остави, да изму сучец из очесе твоего: и се, бервно во оце твоем? 5 Лицемере, изми первее бервно из очесе твоего, и тогда узриши изяти сучец из очесе брата твоего. 6 Не дадите святая плом, ни пометайте бисер ваших пред свиниями, да не поперут их ногами своими и вращающеся расторгнут вы. 7 Просите, и дастся вам: ищите, и обрящете: толцыте, и отверзется вам: 8 всяк бо просяй приемлет, и ищяй обретает, и толкущему отверзется. 9 Или кто есть от вас человек, егоже аще воспросит сын его хлеба, еда камень подаст ему? 10 Или аще рыбы просит, еда змию подаст ему? 11 Аще убо вы, лукави суще, умеете даяния блага даяти чадом вашим, кольми паче Отец ваш Небесный даст блага просящым у Него. 12 Вся убо, елика аще хощете, да творят вам человечы, тако и вы творите им: се бо есть закон и пророцы. 13 Внайдите узкими враты: яко пространная врата и широкий путь вводяй в пагубу, и мнози суть входящии им: 14 что узкая врата, и тесный путь вводяй в живот, и мало их есть, иже обретают его. 15 Внемлите же от лживых пророк, иже приходят к вам во одеждах овчих, внутрь же суть волци хищницы: 16 от плод их познаете их. Еда объемлют от терния грозды, или от репия смоквы? 17 Тако всяко древо доброе плоды добры творит, а злое древо плоды злы творит: 18 не может древо добро плоды злы творити, ни древо зло плоды добры творити. 19 Всяко убо древо, еже не творит плода добра, посекают е и во огнь вметают. 20 Темже убо от плод их познаете их. 21 Не всяк глаголяй Ми: Господи, Господи, внидет в Царствие Небесное: но творяй волю Отца Моего, Иже есть на небесех. 22 Мнози рекут Мне во он день: Господи, Господи, не в Твоем ли имя пророчествахом, и Твоим именем бесы изгонихом, и Твоим именем силы многи сотворихом? 23 И тогда исповем им, яко николиже знах вас: отидите от Мене, делающии беззаконие. 24 Всяк убо, иже слышит словеса Моя сия и творит я, уподоблю его мужу мудру, иже созда храмину свою на камени: 25 и сниде дождь, и придоша реки, и возвеяша ветри, и нападоша на храмину ту: и не падеся, основана бо бе на камени. 26 И всяк слышай словеса Моя сия, и не творя их, уподобится мужу уродиву, иже созда храмину свою на песце: 27 и сниде дождь, и придоша реки, и возвеяша ветри, и опрошася храмине той, и падеся: и бе разрушение

ея велие. 28 И бысть егда сконча Иисус словеса сия, дивляхуся народи о учении Его: 29 бе бо уча их яко власть имея, и не яко книжницы (и фарисеи).

8 Сшедшу же Ему с горы, вслед Его идяխ народи мнози.

2 И се, прокажен пришед кланяшеся Ему, глаголя: Господи, аще хощеши, можеши мя очистити. 3 И простер руку Иисус, коснуся ему, глаголя: хощу, очистися. И аbie очистися ему проказа. 4 И глагола ему Иисус: виждь, ни комуже повежда: но шед покажися иерееви и принеси дар, егоже повеле (в законе) Моисей, во свидетельство им. 5 Вшедшу же Ему в Капернаум, приступи к Нему сотник, моля Его 6 и глаголя: Господи, отрок мой лежит в дому разслаблен, люте стражда. 7 И глагола ему Иисус: Аз пришед изцелю его. 8 И отвещав сотник, рече (Ему): Господи, несмъ достоин, да под кров мой внидиши: но токмо рцы слово, и изцелеет отрок мой: 9 ибо аз человек есмъ под властию, имый под собою воины: и глаголю сему: иди, и идет: и другому: приди, и приходит: и рабу моему: сотвори сие, и сотворит. 10 Слышав же Иисус, удивися, и рече грядущым по Нем: аминъ глаголю вам: ни во Израил толики веры обретох. 11 Глаголю же вам, яко мнози от восток и запад приидут и взглянут со Авраамом и Исааком и Иаковом во Царствии Небеснем: 12 сынове же царствия изgnани будут во тму кромешною: ту будет плачь и скрежет зубом. 13 И рече Иисус сотнику: иди, и якоже веровал еси, буди тебе. И изцеле отрок его в той час. 14 И пришед Иисус в дом Петров, виде тещу его лежашу и огнем же гому, 15 и прикоснуся руце ея, и остави ю огнь: и воста и служаше ему. 16 Позде же бывшу, приведоша к Нему бесны многи: и изгна духи словом и вся болящыя изцели: 17 да сбудется реченное Исаием пророком, глаголющим: Той недуги наша прият и болезни понесе. 18 Видев же Иисус многи народы окрест Себе, повеле (учеником) ити на он пол. 19 И приступль един книжник, рече Ему: Учителю, иду по Тебе, аможе аще идеши. 20 Глагола ему Иисус: лиси язвины имут, и птицы небесныя гнезда: Сын же Человеческий не имать где главы подклонити. 21 Другий же от ученик Его рече Ему: Господи, повели ми прежде ити и погребсти отца моего. 22 Иисус же рече ему: гряди по Мне и остави мертвых погребсти своя мертвые. 23 И влезшу Ему в корабль, по Нем идоша ученицы Его. 24 И се, трус велик бысть в мори, якоже кораблю покрываatisя волнами: Той же спаше. 25 И пришедше ученицы Его возбудиша Его, глаголюще: Господи, спаси ны, погибаем. 26 И глагола им: что страшливи есте, маловери? Тогда востав запрети

ветром и морю, и бысть тишина велия. 27 Человецы же чудишася, глаголюще: кто есть Сей, яко и ветри и море послушают Его? 28 И пришедшу Ему на он пол, в страну Гергесинскую, сретоста Его два бесна от гроб исходяща, лята зело, яко не мочи ни кому минути путем тем. 29 И се, возописта глаголюща: что нама и Тебе, Иисусе Сыне Божий? Пришел еси семо прежде времене мучити нас. 30 Бяша же далече от нею стадо свиний много пасомо. 31 Беси же моляху Его, глаголюще: аще изгониши ны, повели нам ити в стадо свиное. 32 И рече им: идите. Они же изшедшо идоша в стадо свиное: и се, (абие) устремися стадо все по брегу в море, и утопша в водах. 33 Пасущии же бежаша, и шедше во град, возвестиша вся, и о бесною. 34 И се, весь град изыде в сретение Иисусови: и видевше Его, молиша, яко дабы прешел от предел их.

9 И влез в корабль, прейде и прииде во Свой град. 2

И се, принесоша Ему разслаблена (жилами), на одре лежаша: и видев Иисус веру их, рече разслабленному: дерзай, чадо, отпускаются ти греси твои. 3 И се, нецы от книжник решав в себе: Сей хулит. 4 И видев Иисус помышления их, рече: вскую вы мыслите лукавая в сердцах своих? 5 Что бо есть удобее реци: отпускаются ти греси: или реци: востани и ходи? 6 Но да увесте, яко власть имать Сын Человеческий на земли отпускати грехи: тогда глагола разслабленному: востани, возми твой одр и иди в дом твой. 7 И востав, (взем одр свой,) иде в дом свой. 8 Видевше же народи чудишася и прославиша Бога, давшаго власть таковую человеком. 9 И преходя Иисус оттуду, виде человека седяща на мытнице, Матфея глаголема: и глагола ему: по Мне гряди. И востав по Нем иде. 10 И бысть Ему возлежашу в дому, и се, мнози мытари и грешницы пришедшо возлежаху со Иисусом и со ученики Его. 11 И видевше фарисеи, глаголаху учеником Его: почто с мытари и грешники Учитель ваш яст и пиет? 12 Иисус же слышав рече им: не требуют здравии врача, но болящии: 13 шедше же научитеся, что есть: милости хощу, а не жертвы? Не приидо бо призвати праведники, но грешники на покаяние. 14 Тогда приступиша к Нему ученицы Иоанновы, глаголюще: почто мы и фарисе постимся много, ученицы же Твои не постятся? 15 И рече им Иисус: еда могут сынове брачни плакати, елико время с ними есть жених? Приидут же дни, егда отимется от них жених, и тогда постятся. 16 Никтоже бо приставляет приставления платы небелена ризе ветсе: возмет бо кончину свою от ризы, и горша

дира будет. 17 Нике вливают вина нова в мехи ветхи: аще ли же ни, то просадятся меси, и вино пролиется, и меси погибнут: но вливают вино ново в мехи новы, и обое соблюдается. 18 Сия Ему глаголющу к ним, се, князь некий пришед кланяшеся Ему, глаголя, яко дщи моя ныне умре: но пришед возложи на ню руку Твою, и оживет. 19 И востав Иисус по нем иде, и ученицы Его. 20 И се, жена кровоточива дванадесяте лет, приступльши созади, прикоснуся воскрилию ризы Его, 21 глаголаше бо в себе: аще токмо прикоснуся ризе Его, спасена буду. 22 Иисус же обращься и видев ю, рече: дерзай, дщи, вера твоя спасе тя. И спасена бысть жена от часа того. 23 И пришед Иисус в дом княжь, и видев сопцы и народ молвящь, 24 глагола им: отидите, не умре бо девица, но спит. И ругахуся Ему. 25 Егда же изгнан бысть народ, вшед ят ю за руку: и воста девица. 26 И изыде весть сия по всей земли той. 27 И преходящу оттуду Иисусови, по Нем идоста два слепца, зовуща и глаголюща: помилуй ны, (Иисусе) сыне Давидов. 28 Пришедшу же Ему в дом, приступиста к Нему слепца, и глагола има Иисус: верует ли, яко могу сие сотворити? Глаголаста Ему: ей, Господи. 29 Тогда прикоснуся очию их, глаголя: по вере ваю буди вама. 30 И отверзостася очи има: и запрети има Иисус, глаголя: блюдита, да никтоже увест. 31 Она же изшедша прослависта Его по всей земли той. 32 Тема же исходящема, се, приведоша к Нему человека нема беснуема. 33 И изгнану бесу, проглагола немый. И дивиша народи, глаголюще, яко николиже явися тако во Израили. 34 Фарисее же глаголаху: о князи бесовстем изгонит бесы. 35 И проходжаще Иисус грады вся и веси, учя на сонмищих их, и проповедая Евангелие Царствия, и целя всяк недуг и всякуязю в людех. 36 Видев же народы, милосердова о них, яко бяху смятени и отвержени, яко овцы не имущыя пастьря. 37 Тогда глагола учеником Своим: жатва убо многа, делателей же мало: 38 молитесь убо Господину жатвы, яко да изведет делатели на жатву Свою.

10 И призва обанадесять ученики Своя, даде им власть на дусех нечистых, яко да изгонят их, и целити всяк недуг и всяку болезнь. 2 Дванадесятих же Апостолов имена суть сия: первый Симон, иже нарицается Петр, и Андрей брат его: Иаков Зеведеев и Иоанн брат его: 3 Филипп и Варфоломей: Фома и Матфей мытарь: Иаков Алфеев и Леввей, нареченный Фаддей: 4 Симон Кананит и Иуда Искриотский, иже и предаде Его. 5 Сия обанадесять посла Иисус, заповеда им, глаголя: на путь язык не идите и во град Самарянский не внидите: 6

идите же паче ко овцам погибшим дому Израилева: 7 ходяще же проповедуйте, глаголюще, яко приближися Царствие Небесное: в болящыя изцеляйте, прокаженные очищайте, мертвия воскрешайте, бесы изгоняйте: туне приятсте, туне дадите. 9 Не стяжите злата, ни сребра, ни меди при поясех ваших, 10 ни пиры в путь, ни двою ризу, ни сапог, ни жезла: достоин бо есть делатель мзды своея. 11 В онъже аще (колиждо) град или весь внидете, испытайте, кто в нем достоин есть, и ту пребудите, дондеже изыдете: 12 входяще же в дом целуйте его, глаголюще: мир дому сему: 13 и аще убо будет дом достоин, приидет мир ваш нанъ: аще ли же не будет достоин, мир ваш к вам возвратится. 14 И иже аще не приемет вас, ниже послушает словес ваших, исходяще из дому или из града того, оттрясите прах ног ваших: 15 аминь глаголю вам: отраднее будет земли Содомстей и Гоморрстей в день судный, неже граду тому. 16 Се, Аз посылаю вас яко овцы посреде волков: будите убо мудри яко змия, и цели яко голубие. 17 Внемлите же от человек: предадят бо вы на сонмы, и на соборищих их биют вас, 18 и пред владыки же и цари ведени будете Мене ради, во свидетелство им и языком. 19 Егда же предают вы, не пецитеся, како или что возлаголете: дастбося вам в той час, что возлаголете: 20 не вы бо будете глаголущи, но Дух Отца вашего глаголяй в вас. 21 Предаст же брат брата на смерть, и отец чадо: и востанут чада на родители и убият их: 22 и будете ненавидими всеми имене Моего ради: претерпевый же до конца, той спасен будет. 23 Егда же гонят вы во граде сем, бегайте в другой. Аминь бо глаголю вам: не имате скончати грады Израилевы, дондеже приидет Сын Человеческий. 24 Несть ученик над учителя (своего), ниже раб над господина своего: 25 дловеет ученику, да будет яко учитель его, и раб яко господь его. Аще господина дому веельзевула нарекоша, кольми паче домашния его? 26 Не убийтесь убо их: ничтоже бо есть покровено, еже не открывается, и тайно, еже не уведено будет. 27 Еже глаголю вам во тме, рцыте во свете: и еже во уши слышите, проповедите на кровех. 28 И не убийтесь от убивающих тело, души же не могущих убить: убийтесь же паче могущаго и душу и тело погубити в геенне. (Geenna g1067) 29 Не две ли птице ценитеся единому ассарии? И ни едини от них падет на земли без Отца вашего: 30 вам же и власи главнии вси изочтени суть: 31 не убийтесь убо: мнозех птиц лучши есте вы. 32 Всяк убо иже исповесть Мя пред человеки, исповем его и Аз пред Отцем Моим, иже на небесех: 33 а иже

отвергется Мене пред человеки, отвергуся его и Аз пред Отцем Моим, иже на небесех. 34 Не мните, яко придох воврещи мир на землю: не придох воврещи мир, но мечь: 35 придох бо разлучти человека на отца своего, и дщерь на мать свою, и невесту на свекровь свою. 36 И врази человеку домашний его. 37 Иже любит отца или мать паче Мене, несть Мене достоин: и иже любит сына или дщерь паче Мене, несть Мене достоин: 38 и иже не приемет креста своего и вслед Мене грядет, несть Мене достоин. 39 Обретый душу свою погубит ю: а иже погубит душу свою Мене ради, обрящет ю. 40 Иже вас приемлет, Мене приемлет: и иже приемлет Мене, приемлет Пославшаго мя: 41 приемляй пророка во имя пророчо, мзду пророчу приемет: и приемляй праведника во имя праведничо, мзду праведничу приемет: 42 и иже аще напоит единаго от малых сих чашею студены воды токмо, во имя ученика, аминь глаголю вам, не погубит мзды своея.

11 И бысть, егда соверши Иисус заповедая обеманадесяте ученикома Своима, прейде оттуду учити и проповедати во градех их. 2 Иоанн же слышав во узилищи дела Христова, посла два от ученик своих, з рече Ему: Ты ли еси Грядый, или иного чаем? 4 И отвешав Иисус рече има: шедша возвестита Иоаннови, яже слышита и видита: 5 слепии прозирают и хромии ходят, прокаженни очищаются и глусии слышат, мертвии востают и нищии благовествуют: 6 и блажен есть, иже аще не соблазнится о Мне. 7 Тема же исходящема, начат Иисус народом глаголати о Иоанне: чесо изыдосте в пустыню видети? Трость ли ветром колеблему? 8 Но чесо изыдосте видети? Человека ли в мягки ризы облеченну? Се, иже мягкая носящии, в домех царских суть. 9 Но чесо изыдосте видети? Пророка ли? Ей, глаголю вам, и лишше пророка. 10 Сей бо есть, о немже есть писано: се, Аз посылаю Ангела Моего пред лицем Твоим, иже уготовит путь Твой пред Тобою. 11 Аминь глаголю вам, не воста в рожденных женами болий Иоанна Крестителя: мний же во Царствии Небеснем болий его есть. 12 От дний же Иоанна Крестителя доселе Царствие Небесное нудится, и нуждницы восхищают е: 13 вси бо пророцы и закон до Иоанна прорекоша. 14 И аще хощете прияти, той есть Илия хотят приими: 15 имей уши слышати да слышит. 16 Кому же уподоблю род сей? Подобен есть детем седящым на торжищих, и возглашающим другом своим 17 и глаголющым: пискахом вам, и не плясасте: плакахом вам, и не рыдасте. 18 Прииде бо Иоанн ни

ядый, ни пияй: и глаголют: беса имать. 19 Прииде Сын Человеческий ядый и пияй: и глаголют: се, человек ядца и винопийца, мытарем друг и грешником. И оправдися премудрость от чад своих. 20 Тогда начат Иисус поношати градовом, в нихже быша множайшия силы Его, зане не покаяшася: 21 горе тебе, Хоразине, горе тебе, Вифсаидо: яко аще в Тире и Сидоне быша силы были бывшия в вас, древле убо во вретищи и пепеле покаялися быша: 22 обаче глаголю вам Тиру и Сидону отраднее будет в день судный, неже вам. 23 И ты, Капернауме, иже до небес вознесыйся, до ада снидеши: зане аще в Содомех быша силы были бывшия в тебе, пребыли убо быша до днешняго дне: (Hadēs g86) 24 обаче глаголю вам, яко земли Содомстей отраднее будет в день судный, неже тебе. 25 В то время отвешав Иисус рече: исповедаотися, Отче, Господи небесе и земли, яко утаил еси сия от премудрых и разумных и открыл еси та младенцем: 26 ей, Отче, яко тако бысть благоволение пред Тобою. 27 Вся Мне предана суть Отцем Моим: и никто же знает Сына, токмо Отец: ни Отца кто знает, токмо Сын, и емуже аще волит Сын открыти. 28 Приидите ко Мне вси тружающимися и обремененнии, и Аз упокою вы: 29 возмите иго Мое на себе и научитеся от Мене, яко кроток есмь и смирен сердцем: и обрящете покой душам вашим: 30 иго бо Мое благо, и бремя Мое легко есть.

12 В то время иде Иисус в субботы сквозе сеяния: ученицы же Его взалкаша и начаша востерзати класы и ясти. 2 Фарисеи же видевше реша Ему: се, ученицы Твои творят, егоже не достоит творити в субботу. 3 Он же рече им: несте ли чли, что сотвори Давид, егда взалка сам и сущии с ним? 4 Како вниде в храм Божий и хлебы предложения снеде, иихже не достойно бе ему ясти, ни сущим с ним, токмо иереем единстви? 5 Или несте чли в законе, яко в субботы священницы в церкви субботы сквернят и неповинни суть? 6 Глаголю же вам, яко церкве боле есть зде: 7 аще ли бысте ведали, что есть: милости хощу, а не жертвы, николиже убо бысте осуждали неповинных: 8 господь бо есть и субботы Сын Человеческий. 9 И прешед оттуду, прииде на сонмище их. 10 И се, человек бе ту, руку имый суху. И вопросиша Его, глаголюще: аще достоит в субботы целити? Да на Него возглаголют. 11 Он же рече им: кто есть от вас человек, иже имать овчу едину, и аще впадет сие в субботы в яму, не имет ли е и измет? 12 Кольми убо лучши есть человек овчате? Темже достоит в субботы добро творити. 13 Тогда глагола человеку:

прости руку твою. И простре: и утвердися цела яко другая. 14 Фарисеев же шедше совет сотвориша на Него, како Его погубят. Иисус же разумев отиде оттуду. 15 И по Нем идоша народи мнози, и изцели их всех: 16 и запрети им, да не яве Его творят: 17 яко да сбудется реченное Исаием пророком, глаголющим: 18 се, Отрок Мой, Егоже изволих, Возлюбленный Мой, Наньже благоволи душа Моя: положу дух Мой на Нем, и суд языком возвестит: 19 не преречет, ни возопиет, ниже услышит кто на распутных гласа Его: 20 трости сокрушенны не преломит и лена внемшася не угасит, дондеже изведет в победу суд: 21 и на имя Его языцы уповати имут. 22 Тогда приведоша к Нему беснующася слепа и нема: и изцели его, яко слепому и немому глаголати и глядати. 23 И дивляхуся вси народи глаголюще: еда Сей есть (Христос) сын Давидов? 24 Фарисеев же слышавше реша: Сей не изгонит бесы, токмо о веельзевуле князи бесовстем. 25 Ведьй же Иисус мысли их, рече им: всякое царство раздельшееся на ся запустеет, и всяк град или дом разделивыйся на ся не станет. 26 И аще сатана сатану изгонит, на ся разделился есть: како убо станет царство его? 27 И аще Аз о веельзевуле изгоню бесы, сынове ваши о ком изгонят? Сего ради тии вам будут судии. 28 Аще ли же Аз о Дусе Божии изгоню бесы, убо постиже на вас Царствие Божие. 29 Или како может кто внити в дом крепкаго и сосуды его расхитити, аще не первее свяжет крепкаго, и тогда дом его расхитит? 30 Иже несть со Мною, на Мя есть: и иже не собирает со Мною, расточает. 31 Сего ради глаголю вам: всяк грех и хула отпустится человеком: а яже на Духа хула не отпустится человеком: 32 и иже аще речет слово на Сына Человеческаго, отпустится ему: а иже речет на Духа Святаго, не отпустится ему ни в сей век, ни в будущий. (αἰδον g165) 33 Или сотворите древо добро и плод его добро: или сотворите древо зло и плод его зло: от плода бо древо познано будет. 34 Порождения ехиднова, како можете добро глаголати, зли суще? От избытка бо сердца уста глаголют. 35 Благий человек от благаго сокровища износит благая: и лукавый человек от лукаваго сокровища износит лукавая. 36 Глаголю же вам, яко всяко слово праздное, еже аще рекут человеки, воздадят о нем слово в день судный: 37 от словес бо своих оправдишися и от словес своих осудишися. 38 Тогда отвещаша нецы от книжник и фарисей, глаголюще: Учителю, хощем от Тебе знамение видети. 39 Он же отвещав рече им: род лукав и прелюбодей знамения ищет, и знамение не дастся ему, токмо знамение Ионы пророка: 40 яко же бо бе Иона

во чреве китове три дни и три нощи, тако будет и Сын Человеческий в сердцы земли три дни и три нощи. 41 Мужие Ниневитстии востанут на суд с родом сим и осудят его, яко покаяшася проповедию Иониною: и се, боле Ионы зде. 42 Царица южская востанет на суд с родом сим и осудит и, яко прииде от конец земли слышати премудрость Соломонову: и се, боле Соломона зде. 43 Егда же нечистый дух изыдет от человека, преходит сквозе безводная места, ища покоя, и не обретает: 44 тогда речет: возвращуся в дом мой, отнюдже изыдох. И пришед обрящет празден, пометен и украшен: 45 тогда идет и поймет с собою седмь иных духов лютейших себе, и вшедше живут ту: и будут последняя человеку тому горша первых. Тако будет и роду сему лукавому. 46 Еще же Ему глаголющу к народом, се, Мати (Его) и братия Его стояху вне, ищуще глаголати Ему. 47 Рече же некий Ему: се, Мати Твоя и братия Твоя вне стоят, хотяще глаголати Тебе. 48 Он же отвещав рече ко глаголющему Ему: кто есть Мати Моя, и кто суть братия Моя? 49 И простер руку Свою на ученики Своя, рече: се, мати Моя и братия Моя: 50 иже бо аще сотворит волю Отца Моего, Иже есть на небесех, той брат Мой, и сестра, и мати (Ми) есть.

13 В день же той изshed Иисус из дому, седяше при мори. 2 И собирахася к Нему народи мнози, якоже Ему в корабль влезти и сести: и весь народ на брезе стояше. 3 И глагола им притчами много, глаголя: се, изыде сеяй, да сеет: 4 и сеюЩу ему, ова падоша при пути, и придоша птицы и позобаша я: 5 другая же падоша на каменных, идже не имеяжу земли многи, и аbie прозябаша, зане не имеяжу глубины земли: 6 солнцу же возсиявшу присвянуша, и зане не имеяжу корения, изскоша: 7 другая же падоша в терни, и взыде терние и подави их: 8 другая же падоша на земли добрей и даяху плод, ово убо сто, ово же шестьдесят, ово же тридесят: 9 имей уши слышати да слышит. 10 И приступивше ученицы (Его) рекоша Ему: почто притчами глаголеши им? 11 Он же отвещав рече им: яко вам дано есть разумети тайны Царствия Небеснаго, онем же не дано есть: 12 иже бо имать, дастся ему и преизбудет (ему): а иже не имать, и еже имать, возмется от него: 13 сего ради в притчах глаголю им, яко видяще не видят, и слышаще не слышат, ни разумеют: 14 и сбываются в них пророчество Исаиино, глаголюще: слухом услышите, и не имате разумети: и зряще узрите, и не имате видети: 15 отолсте бо сердце людий сих, и ушиша тяжко слышаша, и очи свои смежиша, да не когда узрят очима, и ушима

услышат, и сердцем уразумеют, и обратятся, и изцелю их. 16 Ваша же блаженна очеса, яко видят, и уши ваши, яко слышат: 17 аминь бо глаголю вам, яко мнози пророцы и праведницы вожделеша видети, яже видите, и не видеша, и слышати, яже слышите, и не слышаша. 18 Вы же услышите притчу сеющаго: 19 всякому слышащему слово Царствия и не разумевающу, приходит лукавый и восхищает всеянное в сердцы его: сие есть, еже при пути сеянное. 20 А на камени сеянное, сие есть слышай слово и аbie с радостию приемлет е: 21 не иметь же корене в себе, но привременен есть: бывши же печали или гонению словесе ради, аbie соблажняется. 22 А сеянное в терни, се есть слышай слово, и печаль века сего и лесть богатства подавляет слово, и без плода бывает. (aiōn g165) 23 А сеянное на добрей земли, се есть слышай слово и разумевая: иже убо плод приносит и творит ово сто, ово же шестьдесят, ово тридесят. 24 Ину притчу предложи им, глаголя: уподобися Царствие Небесное человеку, севшу доброе семя на селе своем: 25 спящим же человеком, прииде враг его и вся плевелы посреде пшеницы и отиде: 26 егда же прозябе трава и плод сотори, тогда явишася и плевелье. 27 Пришедш же раби господина, реша ему: господи, не доброе ли семя сеял еси на селе твоем? Откуду убо имать плевелы? 28 Он же рече им: враг человек сие сотори. Раби же реша ему: хощеш ли убо, да шедше исплевем я? 29 Он же рече (им): ни: да не когда восторгающе плевелы, восторгнете купно с ними (и) пшеницу: 30 оставите расти обое купно до жатвы: и во время жатвы реку жателем: соберите первее плевелы и свяжите их в снопы, яко сожещи я: а пшеницу соберите в житницу мою. 31 Ину притчу предложи им, глаголя: подобно есть Царствие Небесное зерну горушичу, еже взем человек всея на селе своем, 32 еже малейше убо есть от всех семен: егда же возрастет, более (всех) зелий есть и бывает древо, яко приими птицам небесным и витати на ветвех его. 33 Ину притчу глагола им: подобно есть Царствие Небесное квасу, егоже вземши жена скры в сатех триех муки, дондеже вскисоша вся. 34 Сия вся глагола Иисус в притчах народом, и без притчиничесоже глаголаше к ним: 35 яко да сбудется реченное пророком, глаголющим: отверзу в притчах уста Моя: отрыгну сокровенная от сложения мира. 36 Тогда оставль народы, прииде в дом Иисус. И приступиша к Нему ученицы Его, глаголюще: скажи нам притчу плевел селных. 37 Он же отвешав рече им: сеявый доброе семя есть Сын Человеческий: 38 а село есть мир: доброе же семя, сии суть сынове

Царствия, а плевелие суть сынове неприязненни: 39 а враг всеявый их есть диавол: а жатва кончина века есть: а жатели Ангели суть. (aiōn g165) 40 Якоже убо собирают плевелы и огнем сожигают, тако будет в скончание века сего: (aiōn g165) 41 послет Сын Человеческий Ангелы Своя, и соберут от Царствия Его вся соблазны и творящих беззаконие 42 и ввергут их в пещь огненну: ту будет плачь и скрежет зубом: 43 тогда праведницы просветятся яко солнце в Царствии Отца их. Имей уши слышати да слышит. 44 Паки подобно есть Царствие Небесное сокровища сокровену на селе, еже обрет человек скры, и от радости его идет, и вся, елика имать, продает, и купует село то. 45 Паки подобно есть Царствие Небесное человеку купцу, ищащу добрых бисерей, 46 иже обрет един многоценен бисер, шед продаде вся, елика имяше, и купи его. 47 Паки подобно есть Царствие Небесное неводу ввержену в море и от всякаго рода собравшу, 48 иже егда исполнися, извлекоша и на край, и седше избраша добрыя в сосуды, а злыя извергла вон. 49 Тако будет в скончание века: изыдут Ангели, и отлучат злыя от среды праведных, (aiōn g165) 50 и ввергут их в пещь огненную: ту будет плачь и скрежет зубом. 51 Глагола им Иисус: разуместе ли сия вся? Глаголаша Ему: ей, Господи. 52 Он же рече им: сего ради всяк книжник, научився Царствию Небесному, подобен есть человеку домовиту, иже износит от сокровища своего новая и ветхая. 53 И бысть, егда сконча Иисус притчи сия, прейде оттуду. 54 И пришед во отечество Свое, учаще их на сонмици их, яко дивитися им и глаголати: откуду Сему премудрость сия и силы? 55 Не Сей ли есть тектонов сын? Не Мати ли Его нарицается Мариам, и братия Его Иаков и Иосий, и Симон и Иуда? 56 И сестры Его не вся ли в нас суть? Откуду убо Сему сия вся? 57 И блажняхуся о Нем. Иисус же рече им: несть пророк без чести, токмо во отечествии своем и в дому своем. 58 И не сотори ту сил многих за неверство их.

14 В то время услыша Ирод четвертвластник слух Иисусов 2 и рече отроком своим: сей есть Иоанн Креститель: той воскресе от мертвых, и сего ради силы деются о нем. 3 Ирод бо емь Иоанна, связа его и всади в темницу, Иродиады ради жены Филиппа брата своего: 4 глаголаше бо ему Иоанн: не достоит ти имети ея. 5 И хотящ его убить, убояся народа, зане яко пророка его имеяху. 6 Дню же бывшу рождества Иродова, пляса дци Иродиадина посреде и угоди Иродови: 7 темже и с клятвою изрече ей дати, егоже аще воспросит. 8 Она

же наваждена материю своею, даждь ми, рече, зде на блюде главу Иоанна Крестителя. 9 И печален бысть царь: клятвы же ради и за возлежащих с ним, повеле дати (ей) 10 и послав усекну Иоанна в темнице. 11 И принесоша главу его на блюде и даша девице: и отнесе матери своей. 12 И приступльше ученицы его взяша тело (его) и погребоша е: и пришедше возвестиша Иисусови. 13 И слышав Иисус отиде оттуду в корабли в пусто место един: и слышавше народы по Нем идоша пеши от градов. 14 И изshed Иисус виде мног народ, и милосердова о них, и изцели недужных их. 15 Позде же бывшу, приступиша к Нему ученицы Его, глаголюще: пусто есть место, и час уже мину: отпусти народы, да шедше в веси купят брашна себе. 16 Иисус же рече им: не требуют отити: дадите им вы ясти. 17 Они же глаголаша Ему: не имамы зде токмо пять хлеб и две рыбе. 18 Он же рече: принесите Ми их семо. 19 И повелев народом возлеши на траве, и приемь пять хлеб и обе рыбе, воззрев на небо, благослови и преломив даде учеником хлебы, ученицы же народом. 20 И ядоша вси и насытиша: и взяша избытки укрух, дванадесять коша исполнъ: 21 ядущих же бе мужей яко пять тысяч, разве жен и детей. 22 И абие понуди Иисус ученики Своя влезти в корабль и варити Его на оном полу, дондеже отпустит народы. 23 И отпустив народы, взыде на гору един помолитися: позде же бывшу, един бе ту. 24 Корабль же бе посреде моря вляся волнами: бе бо противен ветр. 25 В четвертую же стражу нощи иде к ним Иисус, ходя по морю. 26 И видевше Его ученицы по морю ходяща, смущиша, глаголюще, яко призрак есть: и от страха возопиша. 27 Абие же рече им Иисус, глаголя: дерзайте: Аз есмъ, не бойтесь. 28 Отвещав же Петр рече: Господи, аще Ты еси, повели ми прийти к Тебе по водам. Он же рече: прииди. 29 И излез из корабля Петр, хождаше по водам, приити ко Иисусови: 30 видя же ветр крепок, убояся, и начен утопати, возопи, глаголя: Господи, спаси мя. 31 И абие Иисус простер руку, ят его и глагола ему: маловере, почто усумнелся еси? 32 И влезшема има в корабль, преста ветр. 33 Сущии же в корабли пришедшемо поклониша Ему, глаголюще: воистинну Божий Сын еси. 34 И прешедше прииодоша в землю Геннисарефскую. 35 И познавше Его мужие места того, послаша во всю страну ту, и принесоша к Нему вся болящиа: 36 и моляху Его, да токмо прикоснутся вскрилию ризы Его: и елицы прикоснувшася, спасени быша.

15 Тогда приступиша ко Иисусови иже от Иерусалима книжницы и фарисе, глаголюще: 2 почто ученицы Твои преступают предание старец? Не умывают бо рук своих, егда хлеб ядят. 3 Он же отвещав рече им: почто и вы преступаете заповедь Божию за предание ваше? 4 Бог бо заповеда, глаголя: чти отца и матери: и: иже злословит отца или матери, смертию да умрет. 5 Вы же глаголете: иже аще речет отцу или матери: дар, имже бы от мене пользовался еси: 6 и да не почтит отца своего или матере: и разористе заповедь Божию за предание ваше. 7 Лицемери, добре пророчествова о вас Исаиа, глаголя: 8 приближаются Мне людие сии усты своими и устнами чтут мя: сердце же их далече отстоит от Мене: 9 всуе же чтут мя, учаще учением, заповедем человеческим. 10 И призывав народы, рече им: слышите и разумейте: 11 не входящее во уста сквернит человека: но исходящее изо уст, то сквернит человека. 12 Тогда приступльше ученицы Его реша Ему: веси ли, яко фарисе слышавше слово соблазнишася? 13 Он же отвещав рече: всяк сад, егоже не насади Отец Мой Небесный, искорениится: 14 оставите их: вожди суть слепи слепцем: слепец же слепца аще водит, оба в яму впадетася. 15 Отвещав же Петр рече Ему: скажи нам притчу сию. 16 Иисус же рече (им): единаче ли и вы без разума есте? 17 Не у ли разумеваете, яко всяко, еже входит во уста, во чрево вмествается и афедроном исходит? 18 Исходящая же изо уст, от сердца исходят, и та сквернят человека: 19 от сердца бо исходят помышления зла, убийства, прелюбодеяния, любодеяния, татьбы, лжесвидетелства, хулы: 20 сия суть сквернящая человека: а еже неумовенныма рукама ясти, не сквернит человека. 21 И изshed оттуду Иисус, отиде во страны Тирския и Сидонския. 22 И се, жена Хананейска, от предел тех изshedши, возопи к Нему глаголющи: помилуй мя, Господи, сыне Давидов, дщи моя зле беснуетя. 23 Он же не отвеша ей словесе. И приступльше ученицы Его, моляху Его, глаголюще: отпусти ю, яко вопиет вслед нас. 24 Он же отвещав рече: несмъ послан, токмо ко овцам погибшим дому Израилева. 25 Она же пришедши поклониша Ему, глаголющи: Господи, помози ми. 26 Он же отвещав рече: несть добро отяти хлеба чадом и повреши псом. 27 Она же рече: ей, Господи: ибо и пси ядят от крупиц падающих от трапезы господей своих. 28 Тогда отвещав Иисус рече ей: о, жено, велия вера твоя: буди тебе якоже хощеши. И изцеле дщи ея от того часа. 29 И прешед оттуду Иисус, прииде на море Галилейское, и возshed на гору, седе ту. 30 И приступиша к Нему народи

мнози, имуще с собою хромыя, слепыя, немыя, бедныя и ины многи, и привергша их к ногам Иисусовыма: и изцели их: 31 якоже народом дивитися, видящим немыя глаголюща, бедныя здравы, хромыя ходяща и слепыя видяща: и славляху Бога Израилева. 32 Иисус же призвав ученики Своя, рече (им): милосердую о народе (сем), яко уже дни три приседят Мне и не имут чесо ясти: и отпустити их не ядших не хощу, да не како ослабеют на пути. 33 И глаголаша Ему ученицы Его: откуду нам в пустыни хлеби толици, яко да насытится толик народ? 34 И глагола им Иисус: колико хлебы имате? Они же реша: седмь, и мало рыбц. 35 И повеле народом возлеши на земли, 36 и приемь седмь хлебы и рыбы, хвалу воздав преломи и даде учеником Своим, ученицы же народом. 37 И ядоша вси и насытиша: и взяша избытки укрух, седмь кошниц исполнъ: 38 ядших же баше четыре тысящи мужей, разве жен и детей. 39 И отпустив народы, влезе в корабль и прииде в пределы Магдалински.

16 И приступиша (к нему) фарисеи и саддукеи, искушающе просиша Его знамение с небесе показати им. 2 Он же отвещав рече им: вечеру бывшу, глаголете: ведро, чермнуетбося небо: 3 и утру: днес зима, чермнуетбося дряселя небо. Лицемери, лице убо небесе умеете разсуждати, знамений же временом не можете (искусити). 4 Род лукав и прелюбодейный знамения ищет: и знамение не дастся ему, токмо знамение Ионы пророка. И оставль их, отиде. 5 И прешедше ученицы Его на он пол, забыша хлебы взяти. 6 Иисус же рече им: внемлите и блудитеся от кваса фарисейска и саддуейска. 7 Они же помышляху в себе, глаголюще: яко хлебы не взяхом. 8 Разумев же Иисус рече им: что мыслите в себе, маловери, яко хлебы не взясте? 9 Не у ли разумеете, нижепомните пять хлебы пятим тысящам, и колико кош взясте? 10 Ни ли седмь хлебы четырем тысящам, и колико кошниц взясте? 11 Како не разумеете, яко не о хлебех рех вам внимати, (но) от кваса фарисейска и саддуейска? 12 Тогда разумеша, яко не рече хранитися от кваса хлебнаго, но от учения фарисейска и саддуейска. 13 Пришед же Иисус во страны Кесарии Филипповы, вопрошаše ученики Своя, глаголя: кого Мя глаголют человецы быти, Сына Человеческаго? 14 Они же реша: ови убо Иоанна Крестителя, ини же Илию, друзии же Иеремию или единаго от пророк. 15 Глагола им (Иисус): вы же кого Мя глаголете быти? 16 Отвещав же Симон Петр рече: Ты еси Христос, Сын Бога Живаго. 17 И отвещав Иисус рече ему: блажен еси, Симоне, вар Иона, яко плоть и

кровь не яви тебе, но Отец Мой, иже на небесех: 18 и Аз же тебе глаголю, яко ты еси Петр, и на сем камени созижду Церковь Мою, и врата адова не одолеют ей: (Hadēs g86) 19 и дам ти ключи Царства Небеснаго: и еже аще свяжеши на земли, будет связано на небесех: и еже аще разрешиши на земли, будет разрешено на небесех. 20 Тогда запрети Иисус учеником Своим, да ни комуже рекут, яко Сей есть Иисус Христос. 21 Оттоле начат Иисус сказовати учеником Своим, яко подобает Ему ити во Иерусалим и много пострадати от старец и архиерей и книжник, и убиену быти, и в третий день востати. 22 И поемь Его Петр, начат преречати Ему глаголя: милосерд Ты, Господи: не имать быти Тебе сие. 23 Он же обращься рече Петрови: иди за Мною, сатано, соблазн Ми еси: яко не мыслиши яже (суть) Божия, но человеческая. 24 Тогда Иисус рече учеником Своим: аще кто хощет по Мне ити, да отвергнется себе и возмет крест свой и по Мне грядет: 25 иже бо аще хощет душу свою спасти, погубит ю: и иже аще погубит душу свою Мене ради, обрящет ю: 26 кая бо польза человеку, аще мир весь приобрящет, душу же свою отщетит? Или что даст человек измену за душу свою? 27 Приими бо имать Сын Человеческий во славе Отца Своего со Ангелы Своими, и тогда воздаст комуждо по деянием его: 28 аминь глаголю вам, (яко) суть нецы от зде стоящих, иже не имут вкусити смерти, дондеже видят Сына Человеческаго грядуща во Царствии Своем.

17 И по днех шестих поят Иисус Петра и Иакова и Иоанна брата его, и возведе их на гору высоку едины, 2 и преобразися пред ними: и просветися лице Его яко солнце, ризы же Его быша белы яко свет. 3 И се, явистася им Моисей и Илия, с Ним глаголюща. 4 Отвещав же Петр рече (ко) Иисусови: Господи, добро есть нам зде быти: аще хощеши, сотворим зде три сени, Тебе едину, и Моисеови едину, и едину Илии. 5 Еще (же) ему глаголющ, се, облак светел осени их: и се, глас из облака глаголя: Сей есть Сын Мой Возлюбленный, о Немже благоволих: Того послушайте. 6 И слышавше ученицы падоша ницы и убояшася зело. 7 И приступль Иисус прикоснуся их и рече: востаните и не бойтесь. 8 Возведше же очи свои, ни когоже видеша, токмо Иисуса единаго. 9 И сходящим им с горы, заповеда им Иисус, глаголя: ни комуже поведите видения, дондеже Сын Человеческий из мертвых воскреснет. 10 И вопросиша Его ученицы Его, глаголюще: что убо книжницы глаголют, яко Илии подобает прийти прежде? 11 Иисус же отвещав рече им: Илия убо приидет прежде и устроит вся: 12

глаголю же вам, яко Илия уже прииде, и не познаша его, но сотвориша о нем, елика восхотеша: тако и Сын Человеческий имать пострадати от них. 13 Тогда разумеша ученицы, яко о Иоанне Крестители рече им. 14 И пришедшим им к народу, приступи к Нему человек, кланяся Ему 15 и глаголя: Господи, помилуй сына моего, яко на новы месяцы беснуется и зле страждёт: множицею бо падает во огнь и множицею в воду: 16 и приведох его ко ученику Твоим, и не возмогша его изцелити. 17 Отвещав же Иисус рече: о, роде неверный и развращенный, доколе буду с вами? Доколе терплю вам? Приведите Ми его семо. 18 И запрети ему Иисус, и изыде из него бес: и изцеле отрок от часа того. 19 Тогда приступльше ученицы ко Иисусу на едине, решая: почто мы не возмогохом изгнati его? 20 Иисус же рече им: за неверствие ваше: аминь бо глаголю вам: аще имате веру яко зерно горушно, речете горе сей: прейди отсюду тамо, и прейдет: и ничтоже невозможно будет вам: 21 сей же род не исходит, токмо молитвою и постом. 22 Живущим же им в Галилеи, рече им Иисус: предан имать быти Сын Человеческий в руце человеком, 23 и убият Его, и в третий день восстанет. И скорбни быша зело. 24 Пришедшим же им в Капернаум, приступиша приемлющи дидрахмы к Петрови и решая: Учитель ваш не даст ли дидрахмы? 25 Глаголя: ей. И егда вниде в дом, предвари его Иисус, глаголя: что ти мнится, Симоне? Царие земстии от киих приемлют дани или кинсон? От своих ли сынов, или от чужих? 26 Глагола Ему Петр: от чужих. Рече ему Иисус: убо свободни суть сынове: 27 но да не соблазним их, шед на море, верзи удицу, и, юже прежде имеши рыбу, возми: и отверз уста ей, обрящеши статир: той взем дажь им за мя и за ся.

18 В той час приступиша ученицы ко Иисусу, глаголюще: кто убо болий есть в Царствии Небеснем? 2 И призвав Иисус отроча, постави е посреде их 3 и рече: аминь глаголю вам, аще не обратитеся и будете яко дети, не внидете в Царство Небесное: 4 иже убо смирится яко отроча сие, той есть болий во Царствии Небеснем: 5 и иже аще приемет отроча таково во имя Мое, Мене приемлет: 6 а иже аще соблазнит единаго малых сих верующих в мя, уне есть ему, да обесится жернов оселский на выи его, и потонет в пучине морстей. 7 Горе миру от соблазн: нужда бо есть прийти соблазном: обаче горе человеку тому, имже соблазн приходит. 8 Аще ли рука твоя или нога твоя соблажняет тя, отсецы ю и верзи от себе: добрейше ти есть винти в живот хрому или

бедну, неже две руце и две нозе имущу ввержену быти во огнь вечный: (aiōnios g166) 9 и аще око твое соблажняетя, изми е и верзи от себе: добрейше ти есть со единем оком в живот винти, неже две оце имущу ввержену быти в геенну огненную. (Geenna g1067) 10 Блюдите, да не презирте единаго (от) малых сих: глаголю бо вам, яко Ангели их на небесех выну видят лице Отца Моего Небеснаго. 11 Прииде бо Сын Человеческий (взыскати и) спаси погибшаго. 12 Что вам мнится? Аще будет некоему человеку сто овец, и заблудит едини от них: не оставит ли девятьдесят и девять в горах и шед ищет заблуждшия? 13 И аще будет обрести ю, аминь глаголю вам, яко радуется о ней паче, неже о девятидесятих и девяти не заблуждших. 14 Тако несть воля пред Отцем вашим Небесным, да погибнет един от малых сих. 15 Аще же согрешит к тебе брат твой, иди и обличи его между тобою и тем единем: аще тебе послушает, приобрел еси брата твоего: 16 аще ли тебе не послушает, поими с собою еще единаго или два, да при устех двою или трех свидетелей станет всяк глагол: 17 аще же не послушает их, поваждь церкви: аще же и церковь преслушает, буди тебе яко же язычник и мытарь. 18 Аминь (бо) глаголю вам: елика аще свяжете на земли, будут связана на небеси: и елика аще разрешите на земли, будут разрешена на небесех. 19 Паки аминь глаголю вам, яко аще два от вас совещает на земли о всяcej вещи, еяже аще просита, будет има от Отца Моего, Иже на небесех: 20 идеже бо еста два или трие собрани во имя Мое, ту есьмь посреде их. 21 Тогда приступль к Нему Петр рече: Господи, колькраты аще согрешит в мя брат мой, и отпуши ли ему до седмь крат? 22 Глагола ему Иисус: не глаголю тебе: до седмь крат, но до седмъдесят крат седмерицею. 23 Сего ради уподобися Царствие Небесное человеку царю, иже восхоте стязатися о словеси с рабы своими. 24 Наченшу же ему стязатися, приведоша ему единаго должника тмою талант: 25 не имущу же ему воздати, повеле и господь его продати, и жену его, и чада, и вся, елика имеяше, и отдаши. 26 Пад убо раб той, кланяшеся ему, глаголя: господи, потерпи на мне, и вся ти воздам. 27 Милосердовав же господь раба того, прости его и долг отпусти ему. 28 Изшед же раб той, обрете единаго (от) клеврет своих, иже бе должен ему стом пенязь: и емь его давляше, глаголя: отдахъ мя, имже (ми) еси должен. 29 Пад убо клеврет его на нозе его, моляше его, глаголя: потерпи на мне, и вся воздам ти. 30 Он же не хотяше, но вед всади его в темницу, дондеже воздаст должное. 31 Видевше же клеврети его бывшая, сжалиша си зело

и пришедшему сказаша господину своему вся бывшая. 32 Тогда призвав его господин его, глагола ему: рабе лукавый, весь долг он отпустих тебе, понеже умолил мя еси: 33 не подобаше ли и тебе помиловати клеврета твоего, якоже и аз тя помиловах? 34 И прогневався господь его, предаде его мучителем, дондеже воздаст весь долг свой. 35 Тако и Отец Мой Небесный сотворит вам, аще не отпустите кийждо брату своему от сердец ваших прегрешения их.

19 И бысть егда сконча Иисус словеса сия, прейде от Галилеи и прииде в пределы Иудейских об он пол Иордана. 2 И по Нем идоша народи мнози, и изцели их ту. 3 И приступиша к Нему фарисеи искушающе Его и глаголаша Ему: аще достоит человеку пустити жену свою по всяцей вине? 4 Он же отвещав рече им: несте ли чли, яко Сотворивый искони, мужеский пол и женский сотворил я есть? 5 И рече: сего ради оставит человек отца (своего) и матери и прилепится к жене своей, и будета оба в плоть едину, 6 якоже ктому неста два, но плоть едина: еже убо Бог сочета, человек да не разлучает. 7 Глаголаша Ему: что убо Моисей заповеда дати книгу распустную и отпустити ю? 8 Глагола им: яко Моисей по жестосердию вашему повеле вам пустити жены вашя: изначала же не бысть тако: 9 глаголю же вам, яко иже аще пустит жену свою, разве словесе прелюбодейна, и оженится иною, прелюбы творит: и женяйся пущеницею прелюбы деет. 10 Глаголаша Ему ученицы Его: аще тако есть вина человеку с женою, лучше есть не женитися. 11 Он же рече им: не вси вмешают словесе сего, но имже дано есть: 12 суть бо скопцы, иже из чрева матеря родишася тако: и суть скопцы, иже скопиша от человека: и суть скопцы, иже исказиша сами себе Царствия ради Небеснаго: могий вместити да вместит. 13 Тогда приведоша к Нему дети, да руце возложит на них и помолится: ученицы же запретиша им. 14 Иисус же рече (им): оставите детей и не возбраняйте им прийти ко Мне: таковых бо есть Царство Небесное. 15 И возложь на них руце, отиде оттуду. 16 И се, един (некий) приступль рече Ему: Учителю благий, что благо сотворю, да имам живот вечный? (aiōnios g166) 17 Он же рече ему: что Мя глаголеши блага? Никтоже благ, токмо един Бог: аще ли хощеши винти в живот, соблюди заповеди. 18 Глагола Ему: кия? Иисус же рече: еже, не убиши: не прелюбы сотвориши: не украдеши: не лжесвидетельствуши: 19 чти отца и матери: и: возлюбиши искренния твоего яко сам себе. 20 Глагола Ему юноша: вся сия сохраних от юности моей: что есмь еще не

докончал? 21 Рече ему Иисус: аще хощеши совершен быти, иди, продаждь имение твое и дажь нищым: и имети имаши сокровище на небеси: и гряди вслед Мене. 22 Слышав же юноша слово, отиде скорбя: бе бо имея стяжания многа. 23 Иисус же рече учеником Своим: аминь глаголю вам, яко неудобъ богатый внидет в Царствие Небесное: 24 паки же глаголю вам: удобнее есть велбуду сквозе иглине уши пропти, неже богату в Царствие Божие винти. 25 Слышавше же ученицы Его, дивляхуся зело, глаголюще: кто убо может спасен быти? 26 Воззрев же Иисус рече им: у человек сие невозможна есть, у Бога же вся возможна. 27 Тогда отвещав Петр рече Ему: се, мы оставихом вся и вслед Тебе идохом: что убо будет нам? 28 Иисус же рече им: аминь глаголю вам, яко вы шедши по Мне, в паки бытие, егда сядет Сын Человеческий на престоле славы Своей, сядете и вы на двоюнадесяте престолу, судяще обеманадесяте коленома Израилевома: 29 и всяк, иже оставит дом, или братию, или сестры, или отца, или матери, или жену, или чада, или села, имене Моего ради, сторицею примет и живот вечный наследит: (aiōnios g166) 30 мнози же будут перви последни, и последни первии.

20 Подобно бо есть Царствие Небесное человеку домовиту, иже изыде купно утро наяты делатели в виноград свой, 2 и совещав с делатели по пенязю на день, послав их в виноград свой. 3 И изшед в третий час, виде ины стояща на торжищи праздны, 4 и тем рече: идите и вы в виноград мой, и еже будет правда, дам вам. Они же идоша. 5 Паки же изшед в шестый и девятый час, сотвори такоже. 6 Во единийженадесять час изшед, обрете другия стояща праздны и глагола им: что где стояте весь день праздни? 7 Глаголаша ему: яко никто же нас наят. Глагола им: идите и вы в виноград (мой), и еже будет праведно, приемете. 8 Вечеру же бывшу, глагола господин винограда к приставнику своему: призови делатели и дажь им мзду, начен от последних до первых. 9 И пришедшее иже во единийженадесять час, прияша по пенязю. 10 Пришедше же первии мняху, яко вящие примут: и прияша и тии по пенязю: 11 приемше же роптаху на господина, 12 глаголюще, яко сии последни един час сотвориша, и равных нам сотворил их еси, понесшым тяготу дне и вар. 13 Он же отвещав рече единому их: друже, не обижу тебе: не по пенязю ли совещал еси со мною? 14 Возми твое и иди: хощу же и сему последнему дати, якоже и тебе: 15 или несть ми леть сотворити, еже хощу, во своих ми? Аще око твое

лукаво есть, яко аз благ есмь? 16 Тако будут последни перви, и первии последни: мнози бо суть звани, мало же избранных. 17 И восходя Иисус во Иерусалим, поят обанадесяте ученика едини на пути и рече им: 18 се, восходим во Иерусалим, и Сын Человеческий предан будет архиереем и книжником: и осудят Его на смерть, 19 и предадят Его языком на поругание и биение и пропятие: и в третий день воскреснет. 20 Тогда приступи к Нему матери сыну Зеведеову с сынома своим, кланяющимся и просящи нечто от Него. 21 Он же рече ей: чесо хощеш? Глагола Ему: рцы, да сядета сия оба сына мои, един одесную Тебе, и един ошуюю (Тебе), во Царствии Твоем. 22 Отвешав же Иисус рече: не веста, чесо просита: можета ли пити чашу, юже Аз имам пити, или крещением, имже Аз крещаюся, креститися? Глаголаста Ему: можева. 23 И глагола има: чашу убо Мою испиета, и крещением, имже Аз крещаюся, имате креститися: а еже сести одесную Мене и ошуюю Мене, несть Мое дати, но имже уготовася от Отца Моего. 24 И слышавше десять, негодоваша о обою брату. 25 Иисус же призвав их, рече: весте, яко князи язык господствуют ими, и велицы обладают ими: 26 не тако же будет в вас: но иже аще хощет в вас вящий быти, да будет вам слуга: 27 и иже аще хощет в вас быти первый, буди вам раб: 28 яко же Сын Человеческий не прииде, да послужат Ему, но послужити и дати душу Свою избавление за многих. 29 И исходящу Ему от Иерихона, по Нем иде народ мног. 30 И се, два слепца седяща при пути, слышавша, яко Иисус мимоходит, возописта, глаголюща: помилуй ны, Господи, Сыне Давидов. 31 Народ же прещаше има, да умолчита: она же паче вопияста, глаголюща: помилуй ны, Господи, Сыне Давидов. 32 И востав Иисус возглasi я и рече: что хощета, да сотворю вам? 33 Глаголаста Ему: Господи, да отверзется очи наю. 34 Милосердовав же Иисус прикоснуся очию има: и аbie прозрета има очи, и по Нем идоста.

21 И егда приблишился во Иерусалим и прииша в Вифсфагию к горе Елеонской, тогда Иисус послал два ученика, 2 глаголя има: идита в весь, яже прямо вами: и аbie обрящета осля привязано, и жребя с ним: отршивши приведита Ми: 3 и аще вами кто речет что, речета, яко Господь ею требует: аbie же послет я. 4 Сие же все бысть, да сбудется реченное пророком, глаголющим: 5 рцыте дщери Сионове: се, Царь твой грядет тебе кроток, и всед на осля и жребя, сына подяремнича. 6 Шедша же ученика и сотворша,

яко же повеле има Иисус, 7 приведоста осля и жребя: и возложиша верху ею ризы своя, и вседе верху их. 8 Множайши же народи постилаху ризы своя по пути: друзии же резаху ветви от древ и постилаху по пути. 9 Народи же предходящи (ему) и вследствующи зваху, глаголюще: осанна Сыну Давидову: благословен Грядый во имя Господне: осанна в вышних. 10 И вшедшу Ему во Иерусалим, потрясеся весь град, глаголя: кто есть Сей? 11 Народи же глаголаху: Сей есть Иисус Пророк, иже от Назарета Галилейска. 12 И вниде Иисус в церковь Божию и изгна вся продающаяя и купующаяя в церкви, и трапезы торжником испроверже и седалища продающих голуби, 13 и глагола им: писано есть: храм Мой храм молитвы наречется: вы же сотвористе и вртеп разбойником. 14 И приступиша к Нему хромии и слепии в церкви: и изцели их. 15 Видевше же архиерее и книжници чудеса, яже сотвори, и отроки зовуща в церкви и глаголюща: осанна Сыну Давидову, негодоваша. 16 и реша Ему: слышиши ли, что сии глаголют? Иисус же рече им: ей: несте ли чли николиже, яко из уст младенец и ссущих совершил еси хвалу? 17 И оставль их, изыде вон из града в Вифанию и водворися ту. 18 Утру же возвращься во град, взалка: 19 и узрев смоковницу едину при пути, прииде к ней, и ничтоже обрете на ней, токмо листвие едино, и глагола ей: да николиже от тебе плода будет во веки. И аbie изсше смоковница. (αἰῶν γ165) 20 И видевше ученицы дивишася, глаголюще: како аbie изсше смоковница? 21 Отвешав же Иисус рече им: аминь глаголю вам: аще имате веру и не усомнитеся, не токмо смоковничное сотворите, но аще и горе сей речете: движнися и верзися в море, будет: 22 и вся, елика аще воспросите в молитве верующе, примите. 23 И пришедшу Ему в церковь, приступиша к Нему учаша архиерее и старцы людстии, глаголюще: кою властию сия твориши? И кто Ти даде власть сию? 24 Отвешав же Иисус рече им: вопрошу вы и Аз слово едино: еже аще речете Мне, и Аз вам реку, кою властию сия творю: 25 крещение Иоанново откуду бе? С небес ли, или от человек? Они же помышляху в себе, глаголюще: аще речем, с небесе: речет нам: почто убо не веровасте ему? 26 Аще ли речем, от человек: боимся народа: вси бо имут Иоанна яко пророка. 27 И отвешавше Иисусови реша: не вемы. Рече им и Той: ни Аз вам глаголю, кою властию сия творю. 28 Что же ся вам мнит? Человек некий имяше два сына, и пришед к первому, рече: чадо, иди днесъ, делай в винограде моем. 29 Он же отвешав рече: не хощу: последи же раскаявся, иде. 30 И приступль к другому, рече также.

Он же отвещав рече: аз, господи (иду): и не иде. 31 Кий от обою сотвори волю отчу? Глаголаша Ему: первый. Глагола им Иисус: аминь глаголю вам, яко мытари и любодейцы варяют вы в Царствии Божии: 32 прииде бо к вам Иоанн (Креститель) путем праведным, и не веровасте ему, мытари же и любодейцы вероваша ему: вы же видевше, не раскаястеся последи веровати ему. 33 Ину притчу слышите. Человек некий бе домовит, иже насади виноград, и оплотом огради его, и ископа в нем точило, и созда столп, и вдаде и делателем, и отиде. 34 Егда же приближися время плодов, посла рабы своя к делателем прияти плоды его: 35 и емше делателе рабов его, оваго убо биша, оваго же убиша, оваго же камением побиша. 36 Паки посла ины рабы множайша первых: и сотвориша им такоже. 37 Последи же посла к ним сына своего, глаголя: усримся сына моего. 38 Делателе же видевше сына, реша в себе: сей есть наследник: приидите, убием его и удержим достояние его. 39 И емше его изведоша вон из винограда и убиша. 40 Егда убо приидет господин винограда, что сотворит делателем тем? 41 Глаголаша Ему: злых зле погубит их, и виноград предаст иным делателем, иже воздадят ему плоды во времена своя. 42 Глагола им Иисус: несте ли чли николиже в Писаниях: камень, егоже не в ряду сотвориша зиждущии, сей бысть во главу угла? От Господа бысть сие, и есть дивно во очию вашею. 43 Сего ради глаголю вам, яко отимется от вас Царствие Божие и дастся языку творящему плоды его: 44 и падый на камени сем сокрушится: а на немже падет, сотрьет и. 45 И слышавше архиерее и фарисеев притчи Его, разумеша, яко о них глаголет: 46 и ищуще Его яти, убоявшись народа, понеже яко Пророка Его имеяху.

22 И отвещав Иисус, паки рече им в притчах, глаголя: 2 уподобися Царствие Небесное человеку царю, иже сотвори браки сыну своему 3 и посла рабы своя призвати званныя на браки: и не хотяху приити. 4 Паки посла ины рабы, глаголя: рците званным: се, обед мой уготовах, юнцы мои и упитанная исколена, и вся готова: приидите на браки. 5 Они же небрегше отидоша, овубо на село свое, ов же на купли своя: 6 прочии же емше рабов его, досадиша им и убиша их. 7 И слышав царь той разгневався, и послав воя своя, погуби убийцы оны и град их зажже. 8 Тогда глагола рабом своим: брак убо готов есть, званныи же не быша достойни: 9 идите убо на исходища путьи, и елицех аще обрящете, призовите на браки. 10 И изшедше раби они на распутья, собираша всех, елицех обретоша, злых же и добрых: и

исполнися брак возлежащих. 11 Вшед же царь видети возлежащих, виде ту человека не облечена во одеяние брачное, 12 и глагола ему: друже, како вшел еси семо не имый одеяния брачна? Он же умолча. 13 Тогда рече царь слугам: связавше ему руце и нозе, возмите его и вверзите во тму кромешню: ту будет плачь и скрежет зубом: 14 мнози бо суть звани, мало же избранных. 15 Тогда шедше фарисеев, совет восприяша, яко да обольстят Его словом. 16 И посылают к Нему ученики своя со иродианы, глаголюще: Учителю, вемы, яко истинен еси, и пути Божию воистинну учиши, и нерадиши ни о комже: не зриши бо на лице человеком: 17 рцы убо нам, что Ти ся мнит? Достойно ли есть дати кинсон кесареви, или ни? 18 Разумев же Иисус лукавство их, рече: что Мя искушаете, лицемери? 19 Покажите Ми златицу кинсонную. Они же принесоша Ему пенязь. 20 И глагола им: чий образ сей и написание? 21 (И) глаголаша Ему: кесарев. Тогда глагола им: воздадите убо кесарева кесареви, и Божия Богови. 22 И слышавше дивишася: и оставльше Его отидоша. 23 В той день приступиша к Нему саддукее, иже глаголют не быти воскресению, и вопросиша Его, 24 глаголюще: Учителю, Моисей рече: аще кто умрет не имый чад, (да) поймет брат его жену его и воскресит семя брата своего: 25 беша же в нас седмь братия: и первый оженься умре, и не имый семене, оставил жену свою брату своему: 26 такожде же и второй, и третий, даже до седмаго: 27 последи же всех умре и жена: 28 в воскресение убо, котораго от седмих будет жена? Вси бо имеша ю. 29 Отвещав же Иисус рече им: прельщаетесь, не ведуще Писания, ни силы Божия: 30 в воскресение бо ни женятся, ни посягают, но яко Ангели Божии на небеси суть: 31 о воскресении же мертвых несте ли чли реченного вам Богом, глаголющим: 32 Аз есмь Бог Авраамов, и Бог Исааков, и Бог Иаковль? Несть Бог Бог мертвых, но (Бог) живых. 33 И слышавше народи дивляхуся о учении Его. 34 Фарисеев же слышавше, яко посрами саддукеи, сбираша вкупе. 35 И вопросы един от них законоучитель, искушая Его и глаголя: 36 Учителю, кая заповедь болши (есть) в законе? 37 Иисус же рече ему: возлюбиши Господа Бога твоего всем сердцем твоим, и всею душою твою, и всею мыслию твою: 38 сия есть первая и большая заповедь: 39 вторая же подобна ей: возлюбиши искренняго твоего яко сам себе: 40 в сию обово заповедио весь закон и пророцы висят. 41 Собравшымся же фарисеом, вопросы их Иисус, 42 глаголя: что вам мнится о Христе? Чий есть Сын? Глаголаша Ему: Давидов. 43 Глагола им: како убо Давид

Духом Господа Его нарицает, глаголя: **44** рече Господь Господеви моему: седи одесную Мене, дондеже положу враги Твоя подножие ногама Твоима? **45** Аще убо Давид нарицает Его Господа, како сын ему есть? **46** И никтоже можаше отвещати Ему словесе: ниже смеяше кто от того дне вопросити Его ктому.

23 Тогда Иисус глагола к народом и учеником Своим, **2** глаголя: на Моисеове седалищи седоша книжници и фарисеи: з вся убо, елика аще рекут вам блюсти, соблюдайте и творите: по делом же их не творите: глаголют бо, и не творят: **4** связуют бо бремена тяжка и бедне носима, и возлагают на плеща человеческа, перстом же своим не хотят двигнути их. **5** Вся же дела своя творят, да видими будут человеки: разширяют же хранилища своя и величают воскреслия риз своих: **6** любят же преждевозлегания на вечерах, и преждеседания на сонмищих, **7** и целования на торжищих, и зватися от человек: учителю, учителю. **8** Вы же не нарицайтесь учителие: един бо есть ваш Учитель, Христос: вси же вы братия есте: **9** и отца не зовите себе на земли: един бо есть Отец ваш, Иже на небесех: **10** ниже нарицайтесь наставници: един бо есть Наставник ваш, Христос. **11** Болий же в вас да будет вам слуга: **12** иже бо вознесется, смирится: и смиряйся вознесется. **13** Горе вам, книжници и фарисеи, лицемери, яко затворяете Царствие Небесное пред человеки: вы бо не входите, ни входящих оставляете вити. **14** Горе вам, книжници и фарисеи, лицемери, яко снедаете домы вдовиц, и виною далече молитвы творяще: сего ради лишишее приемете осуждение. **15** Горе вам, книжници и фарисеи, лицемери, яко преходите море и сушу, сговорити единаго пришелца: и егда будет, творите его сына геенны сугубейша вас. (Geenna g1067) **16** Горе вам, вожди слепии, глаголущии: иже аще кленется церковию,ничесоже есть: а иже кленется златом церковным, должен есть. **17** Буи и слепии, что бо более есть, злато ли, или церковь, святящая злато? **18** И: иже аще кленется олтарем,ничесоже есть: а иже кленется даром, иже верху его, должен есть. **19** Буи и слепии, что бо более, дар ли, или олтарь, святый дар? **20** Иже убо кленется олтарем, кленется им и сущим верху его: **21** и иже кленется церковию, кленется ею и Живущим в ней: **22** и кленыйся небесем кленется Престолом Божиим и Седящим на нем. **23** Горе вам, книжници и фарисеи, лицемери, яко одесяствуете мяту и копр и кимин, и остависте вяящаша закона, суд и милость и веру: сия (же) подобаше творити, и онех не оставляти.

24 Вожди слепии, оцеждающии комары, велблуды же пожирающе. **25** Горе вам, книжници и фарисеи лицемери, яко очищаете внешнее стекляницы и блюда, внутрьуду же суть полни хищения и неправды: **26** фарисеи слепый, очисти прежде внутреннее стекляницы и блюда, да будет и внешнее има чисто. **27** Горе вам, книжници и фарисеи, лицемери, яко подобитеся гробом поваленным, иже внеуду убо являются красны, внутрьуду же полни суть костей мертвых и всякия нечистоты: **28** тако и вы, внеуду убо являетесь человеком праведни, внутрьуду же есте полни лицемерия и беззакония. **29** Горе вам, книжници и фарисеи, лицемери, яко зиждете гробы пророческия, и красите раки праведных, **30** и глаголете: аще быхом были во дни отец наших, не быхом убо общницы им были в крови пророк: **31** темже сами свидетелствуете себе, яко сынове есте избивших пророки: **32** и вы исполните меру отец ваших. **33** Змия, порождения ехиднова, како убежите от суда (огня) геенского? (Geenna g1067) **34** Сего ради, се, Аз послю к вам пророки и премудры и книжники: и от них убиете и распнете, и от них биете на сонмищих ваших, и изженете от града во град: **35** яко да приидет на вы всяка кровь праведна, проливаемая на земли, от крове Авеля праведного до крове Захарии сына Варахина, егоже убисте между церковию и олтарем. **36** Аминь глаголю вам: (яко) приидут вся сия на род сей. **37** Иерусалиме, Иерусалиме, избивый пророки и камением побивай посланныя к тебе, колькраты восхотех собрати чада твоя, якоже собирает кокош птенцы своя под криле, и не восхотесте? **38** Се, оставляется вам дом ваш пуст. **39** Глаголю бо вам: (яко) не имате Мене видети отселе, дондеже речете: благословен Грядый во имя Господне.

24 И изшед Иисус идяше от церкве. И приступиша (к Нему) ученицы Его показати Ему здания церковная. **2** Иисус же рече им: не видите ли вся сия? Аминь глаголю вам, не имать остати зде камень на камени, иже не разорится. **3** Седящу же Ему на горе Елеонстей, приступиша к Нему ученицы на едине, глаголюще: рцы нам, когда сия будут? И что есть знамение Твоего пришествия и кончина века? (aiōn g165) **4** И отвещав Иисус рече им: блюдите, да никтоже вас прельстит: **5** мнози бо приидут во имя Мое, глаголюще: Аз есмь Христос: и многи прельстят. **6** Услышати же имате брани и слышания бранем. Зрите, не ужасайтесь, подобает бо всем (сим) быти: но не тогда есть кончина. **7** Востанет бо язык на язык, и царство на царство: и будут глади и пагубы и труси по местом: **8** вся же сия начало

болезнем. 9 Тогда предадят вы в скорби и убият вы: и будете ненавидими всеми языки имене Моего ради. 10 И тогда соблазнятся мнози, и друг друга предадят, и возненавидят друг друга: 11 и мнози лжепророцы востанут и прельстят многия: 12 и за умножение беззакония, изсякнет любы многих. 13 Претерпевый же до конца, той спасется. 14 И проповестся сие Евангелие Царствия по всей вселенней, во свидетелство всем языком: и тогда приидет кончина. 15 Егда убо узрите мерзость запустения, реченнюю Даниилом пророком, стоящу на месте святе: иже чтет, да разумеет: 16 тогда сущии во Иудеи да бежат на горы: 17 (и) иже на крове, да не сходит взяти яже в дому его: 18 и иже на селе, да не возвратится вспять взяти риз своих. 19 Горе же непраздным и доящым в тяя дни. 20 Молитесь же, да не будет бегство ваше в зиме, ни в субботу. 21 Будет бо тогда скорбь велия, яковаже не была от начала мира доселе, ниже имать быти. 22 И аще не быша прекратилися дни оны, не бы убо спаслася всяка плоть: избранных же ради прекратятся дни оны. 23 Тогда аще кто речет вам: се, где Христос, или онде: не имите веры: 24 востанут бо лжехристи и лжепророцы и дадят знамения велия и чудеса, якоже прельстити, аще возможно, и избранныя. 25 Се, прежде рех вам. 26 Аще убо рекут вам: се, в пустыни есть, не изыдите: се, в сокровищах, не имите веры: 27 якоже бо молния исходит от восток и является до запад, тако будет пришествие Сына Человеческаго: 28 идеже бо аще будет труп, тамо соберутся орли. 29 Абие же, по скорби дний тех, солнце померкнет, и луна не даст света своего, и звезды спадут с небесе, и силы небесныя подвигнутся: 30 и тогда явится знамение Сына Человеческаго на небеси: и тогда восплачутся вся колена земная и узрят Сына Человеческаго грядуща на облацах небесных с силою и словою многою: 31 и послет Ангели Своя с трубным гласом велиим, и соберут избранныя Его от четырех ветр, от конец небес до конец их. 32 От смоковницы же научитеся притчи: егда уже вания ея будут млада, и листвие прозябнет, ведите, яко близ есть жатва: 33 тако и вы, егда видите сия вся, ведите, яко близ есть, при дверех. 34 Аминь глаголю вам, не мимоидет род сей, дондеже вся сия будут: 35 небо и земля мимоидет, словеса же Моя не мимоидут. 36 О дни же том и часе никто же весть, ни Ангели небесни, токмо Отец Мой един: 37 якоже (бо бысть во) дни Ноевы, тако будет и пришествие Сына Человеческаго: 38 якоже бо беху во дни прежде потопа ядуще и пиюще, женящеся и посягающе, до негоже дне вниде Ное в ковчег, 39

и не уведеша, дондеже прииде вода и взят вся: тако будет и пришествие Сына Человеческаго: 40 тогда два будета на селе: един поемлется, а другой оставляется: 41 две мелюще в жерновех: единна поемлется, и единна оставляется. 42 Бдите убо, яко не весте, в кий час Господь ваш приидет. 43 Сие же ведите, яко аще бы ведал дому владыка, в кую стражу тать приидет, бдел убо бы и не бы дал подкопати храма своего. 44 Сего ради и вы будите готови: яко, в онъже час не минте, Сын Человеческий приидет. 45 Кто убо есть верный раб и мудрый, егоже поставит господин его над домом своим, еже даяти им пищу во времяя (их)? 46 Блажен раб той, егоже, пришед господин его, обрящет тако творяща: 47 аминь глаголю вам, яко над всем именем своим поставит его. 48 Аще ли же речет злый раб той в сердцы своем: коснит господин мой прийти, 49 и начнет бити клевреты своя, ясти же и пити с пияницами: 50 приидет господин раба того в день, в онъже не чает, и в час, в онъже не весть, 51 и растешет его полма, и часть его с неверными положит: ту будет плач и скрежет зубом.

25 Тогда уподобися Царствие Небесное десятим девам, яже прияша светилники своя и изыдоша в сретение жениху: 2 пять же бе от них мудры и пять юродивы. 3 Юродивы же, приемша светилники своя, не взяша с собою елеа: 4 мудрыя же прияша елей в сосудех со светилники своими: 5 коснящу же жениху, воздремашася вся и спаху. 6 Полунощи же вопль бысть: се, жених грядет, исходите в сретение его. 7 Тогда восташа вся девы тяя и украсиша светилники своя. 8 Юродивы же мудрым реша: дадите нам от елеа вашего, яко светилницы наши угасают. 9 Отвещаша же мудрыя, глаголюща: еда како не достанет нам и вам: идите же паче к продающим и купите себе. 10 Идущым же им купити, прииде жених: и готовыя внидоша с ним на браки, и затворены быша двери. 11 Последи же прииодаша и прочыя девы, глаголюща: Господи, Господи, отверзи нам. 12 Он же отвещав рече им: аминь глаголю вам, не вем вас. 13 Бдите убо, яко не весте дне ни часа, в онъже Сын Человеческий приидет. 14 Якоже бо человек некий отходя призыва своя рабы и предаде им имение свое: 15 и овому убо даде пять талант, овому же два, овому же един, комуждо противу силы его: и отиде абие. 16 Шед же приемый пять талант, дела в них и сотвори другия пять талант: 17 такожде и иже два, приобрете и той другая два: 18 приемый же един, шед вкопа (его) в землю и скры сребро господина своего. 19 По мнозе же времени

прииде господин раб тех и стязася с ними о словеси. 20 И приступль пять талант приемый, принесе другия пять талант, глаголя: господи, пять талант ми еси предал: се, другия пять талант приобретох ими. 21 Рече же ему господь его: добре, рабе благий и верный: о мале был еси верен, над многими тя поставил: вниди в радость господа твоего. 22 Приступль же и иже два таланта приемый, рече: господи, два таланта ми еси предал: се, другая два таланта приобретох има. 23 Рече (же) ему господь его: добре, рабе благий и верный: о мале (ми) был еси верен, над многими тя поставил: вниди в радость господа твоего. 24 Приступль же и приемый един талант, рече: господи, ведях тя, яко жесток еси человек, жнеши, идже не сеял еси, и собираеши идже не расточил еси: 25 и убоявся, шед скрых талант твой в земли: (и) се, имаши твое. 26 Отвещав же господь его рече ему: лукавый рабе и ленивый, ведел еси, яко жну идже не сеях, и собираю идже не расточих: 27 подобаше убо тебе вдати сребро мое торжником, и пришед аз взял бых свое с лихвою: 28 возмите убо от него талант и дадите имущему десять талант: 29 имущему бо везде дано будет и преизбудет: от неимущаго же, и еже мнится имея, взято будет от него: 30 и неключимаго раба вверзите во тму кромешнюю: ту будет плачь и скрежет зубом. Сия глаголя возгласи: имея уши слышати да слышит. 31 Егда же приидет Сын Человеческий в славе Своей и вси святии Ангели с Ним, тогда сядет на престоле славы Своей, 32 и соберутся пред Ним вси языцы: и разлучит их друг от друга, якоже пастырь разлучает овцы от козлищ: 33 и поставит овцы одесную Себе, а козлища ошуюю. 34 Тогда речет Царь сущым одесную Его: приидите, благословеннии Отца Моего, наследуйте уготованное вам Царствие от сложения мира: 35 взлакахся бо, и дасте Ми ясти: возжадахся, и напоисте Мя: странен бех, и введосте Мене: 36 наг, и одеясте Мя: болен, и посетисте Мене: в темнице бех, и приидосте ко Мне. 37 Тогда отвещают Ему праведницы, глаголюще: Господи, когда Тя видехом алчуща, и напитахом? Или жаждуща, и напоихом? 38 Когда же Тя видехом странна, и введохом? Или нага, и одеяхом? 39 Когда же Тя видехом боляща, или в темнице, и приидохом к Тебе? 40 И отвещав Царь речет им: аминь глаголю вам, понеже сотвористе единому сих братий Моих меньших, Мне сотвористе. 41 Тогда речет и сущым ошуюю (Его): идите от Мене, проклятии, во огнь вечный, уготованный диаволу и агелом его: (aiōnios g166) 42 взлакахся бо, и не дасте Ми ясти: возжадахся, и не напоисте Мене: 43 странен бех, и не введосте Мене: наг,

и не одеясте Мене: болен и в темнице, и не посетисте Мене. 44 Тогда отвещают Ему и тии, глаголюще: Господи, когда Тя видехом алчуща, или жаждуща, или странна, или нага, или больна, или в темнице, и не послужихом Тебе? 45 Тогда отвещает им, глаголя: аминь глаголю вам, понеже не сотвористе единому сих меньших, ни Мне сотвористе. 46 И идут сии в муку вечную, праведницы же в живот вечный. (aiōnios g166)

26 И бысть, егда сконча Иисус вся словеса сия, рече учеником Своим: 2 весте, яко по двою дню Пасха будет, и Сын Человеческий предан будет на пропятие. 3 Тогда собирашася архиереи и книжницы и старцы людстии во двор архиереев, глаголемаго Кαιафы, 4 и совещаша, да Иисуса лестию имут и убият: 5 глаголаху же: но не в праздник, да не молва будет в людех. 6 Иисусу же бывшу в Вифании, в дому Симона прокаженного, 7 приступи к Нему жена, стекляницу мира имущи многоценнаго, и возливаше на главу Его возлежаща. 8 Видевше же ученицы Его негодоваша, глаголюще: чесо ради гибель сия (бысть)? 9 Можаше бо сие миро продано быти на мнозе и датися нищым. 10 Разумев же Иисус рече им: что труждаете жену? Дело бо добро содела о Мне: 11 всегда бо ницыя имате с собою, Мене же не всегда имате: 12 возлиявши бо сия миро сие на тело Мое, на погребение Мя сотвори: 13 аминь глаголю вам: идже аще проповедано будет Евангелие сие во всем мире, речется и еже сотвори сия, в память ея. 14 Тогда шед един от обоянадесяте, глаголемый Иуда Искариотский, ко архиереем, 15 рече: что ми хощете дати, и аз вам предам Его? Они же поставиша ему тридесять сребреник: 16 и оттоле искаше удобна времене, да Его предаст. 17 В первый же день опресночный приступиша ученицы ко Иисусу, глаголюще Ему: где хощеши уготоваем Ти ясти пасху? 18 Он же рече: идите во град ко онсице, и рците ему: Учитель глаголет: время Мое близ есть: у тебе сотворю пасху со ученики Моими. 19 И сотвориша ученицы, якоже повеле им Иисус, и уготоваша пасху. 20 Вечеру же бывшу, возлежаше со обеманадесяте учеником: 21 и ядущым им, рече: аминь глаголю вам, яко един от вас предаст Мя. 22 И скорбяще зело, начаша глаголати Ему един кийждо их: еда аз есмь, Господи? 23 Он же отвещав рече: омочивый со Мною в солило руку, той Мя предаст: 24 Сын убо Человеческий идет, якоже есть писано о Нем: горе же человеку тому, имже Сын Человеческий предастся: добро бы было ему, аще не родился человек той. 25 Отвещав же Иуда предаяй

Его, рече: еда аз есмъ, Равви? Глагола ему: ты рекл еси. 26 Ядущим же им, приемь Иисус хлеб и благословив преломи, и даяше учеником, и рече: приемите, ядите: сие есть Тело Мое. 27 И приемь чашу и хвалу воздав, даде им, глаголя: пийте от нея вси: 28 сия бо есть Кровь Моя, Нового Завета, яже за многия изливаема во оставление грехов. 29 Глаголю же вам, яко не имам пити отныне от сего плода лознаго, до дне того, егда е пию с вами ново во Царствии Отца Моего. 30 И воспевше изыдоша в гору Елеонску. 31 Тогда глагола им Иисус: вси вы соблазнитеся о Мне в нощь сию: писано бо есть: поражу пастыря, и разыдутся овцы стада: 32 по воскресении же Моем варяю вы в Галилеи. 33 Отвещав же Петр рече Ему: аще и все соблазняются о Тебе, аз никогдаже соблажнюся. 34 Рече ему Иисус: аминь глаголю тебе, яко в сию нощь, прежде даже алектор не возгласит, трикраты отвержешися Мене. 35 Глагола Ему Петр: аще ми есть и умрети с Тобою, не отвергуся Тебе. Такожде и все ученицы реша. 36 Тогда прииде с ними Иисус в весь, нарицаему Гефсимания, и глагола учеником: седите ту, дондеже шед помолюся тамо. 37 И поемь Петра и оба сына Зеведеова, начат скорбети и тужити. 38 Тогда глагола им Иисус: прискорбна есть душа Моя до смерти: пождите зде и бдите со Мною. 39 И прешед мало, паде на лицы Своем, моляся и глаголя: Отче Мой, аще возможно есть, да мимоидет от Мене чаша сия: обаче не якоже Аз хощу, но якоже Ты. 40 И пришед ко учеником, и обрете их спящих, и глагола Петрови: тако ли не возможсте единаго часа победи со Мною? 41 Бдите и молитеся, да не внидете в напасть: дух убо бодр, плоть же немощна. 42 Паки вторицею шед помолися, глаголя: Отче Мой, аще не может сия чаша мимоити от Мене, аще не пию ея, буди воля Твоя. 43 И пришед обрете их паки спящих: беста бо им очи отяготене. 44 И оставил их, шед паки, помолися третицею, тожде слово рек. 45 Тогда прииде ко учеником Своим и глагола им: спите прочее и почивайте: се, приближися час, и Сын Человеческий предается в руки грешников: 46 востаните, идем: се, приближися предаяй Мя. 47 И еще Ему глаголющу, се, Иуда, един от обоянадесяте, прииде, и с ним народ мног со оружием и дрекольми, от архиерей и старец людских. 48 Предаяй же Его даде им знамение, глаголя: Егоже аще лобжу, Той есть: имите Его. 49 И абие приступль ко Иисусови, рече: радуйся, Равви. И облобызыа Его. 50 Иисус же рече ему: друже, (твори,) на неже еси пришел. Тогда приступльше возложиша руце на Иисуса и яша Его. 51 И се, един от сущих со Иисусом, простер руку,

извлече нож свой, и удари раба архиереева, и уреза ему ухо. 52 Тогда глагола ему Иисус: возврати нож твой в место его: вси бо приемши нож ножем погибнут: 53 или мнится ти, яко не могу ныне умолити Отца Моего, и представит Ми вящше неже дванадесяте легиона Ангел? 54 Како убо сбудутся Писания, яко тако подобает быти? 55 В той час рече Иисус народом: яко на разбойника ли изыдосте со оружием и дрекольми яти Мя? По вся дни при вас седех учя в церкви, и не ясте Мене. 56 Се же все бысть, да сбудутся писания пророческая. Тогда ученицы все оставльше Его бежаша. 57 (Воини) же емше Иисуса ведоша к Каиафе архиерееви, идеже книжницы и старцы собираша. 58 Петр же идяше по Нем издалеча до двора архиереева: и вшед внутрь, седяше со слугами, видети кончину. 59 Архиерее же и старцы и сонм весь искаху лжесвидетелства на Иисуса, яко да убият Его, 60 и не обретаху: и многим лжесвидетелем приступльшым, не обретоша. Последже же приступивша два лжесвидетеля, 61 реста: Сей рече: могу разорити церковь Божию и треми денми создати ю. 62 И востав архиерей рече Ему:ничесоже ли отвещаваеш, что сии на Тя свидетелствуют? 63 Иисус же молчаше. И отвещав архиерей рече Ему: заклинаю Тя Богом живым, да речеш нам, аще Ты еси Христос, Сын Божий? 64 Глагола ему Иисус: ты рекл еси: обаче глаголю вам: отселе узрите Сына Человеческого седяща одесную силы и грядуща на облацах небесных. 65 Тогда архиерей растерза ризы своя, глаголя, яко хулу глагола: что еще требуем свидетелей? Се, ныне слышаще хулу Его: 66 что вам мнится? Они же отвещавше реша: повинен есть смерти. 67 Тогда заплеваша лицо Его и пакости Ему деяխ: овии же за ланиту удариша, 68 глаголюще: прорцы нам, Христе, кто есть ударей Тя? 69 Петр же вне седяше во дворе. И приступи к нему едина рабыня, глаголющи: и ты был еси со Иисусом Галилейским. 70 Он же отвержеся пред всеми, глаголя: не вем, что глаголеши. 71 Изшедшу же ему ко вратом, узре его другая, и глагола сущым тамо: и сей бе со Иисусом Назореом. 72 И паки отвержеся с клятвою, яко не знаю Человека. 73 Помале же приступивше стояции, реша Петрови: воистину и ты от них еси, ибо беседа твоя яве тя творит. 74 Тогда начат ротитися и клятися, яко не знаю Человека. И абие петель возгласи. 75 И помяну Петр глаголотл Иисусов, реченный ему, яко прежде даже петель не возгласит, трикраты отвержешися Мене. И изshed вон плакася горько.

27 Утру же бывшу, совет сотвориша вси архиерее и старцы людстии на Иисуса, яко убйти Его: 2 и связавше Его ведоша и предаша Его Понтийскому Пилату игемону. 3 Тогда видев Иуда предавый Его, яко осудиша Его, раскаявся возврати тридесять сребреники архиерее и старцем, 4 глаголя: согрехих предав кровь неповинную. Они же реша: что есть нам? Ты узриши. 5 И поверг сребреники в церкви, отиде: и шед удавися. 6 Архиерее же приемше сребреники, реша: недостойно есть вложити их в корвану, понеже цена крове есть. 7 Совет же сотвориша, купиша ими село скудельничко, в погребание странным: 8 темже наречеся село то село крове, до сего дне: 9 тогда сбыстся реченное Иеремием пророком, глаголющим: и прияша тридесять сребреник, цену Цененнаго, Егоже цениша от сынов Израилев, 10 и даша я на село скудельничко, якоже сказа мне Господь. 11 Иисус же ста пред игемоном. И вопросы Его игемон, глаголя: Ты ли еси Царь Иудейский? Иисус же рече ему: ты глаголеши. 12 И егда Нань глаголаху архиерее и старцы,ничесоже отвещаваше. 13 Тогда глагола Ему Пилат: не слышши ли, колика на Тя свидетелствуют? 14 И не отвеша ему ни к единому глаголу, яко дивитися игемону зело. 15 На (всяк) же праздник обычай бе игемону отпустити единаго народу связя, егоже хотяху: 16 имяху же тогда связана нарочита, глаголемаго Варавву: 17 собравшымся же им, рече им Пилат: кого хощете (от обою) отпущу вам: Варавву ли, или Иисуса глаголемаго Христа? 18 Ведяще бо, яко зависти ради предаша Его. 19 Седащу же ему на судици, посла к нему жена его, глаголющи:ничто же тебе и Праведнику Тому: много бо пострадах днесъ во сне Его ради. 20 Архиерее же и старцы наустиша народы, да испросят Варавву, Иисуса же погубят. 21 Отвещав же игемон рече им: кого хощете от обою отпущу вам? Они же реша: Варавву. 22 Глагола им Пилат: что убо сотворю Иисусу глаголемому Христу? Глаголаша ему вси: да распят будет. 23 Игемон же рече: кое убо зло сотвори? Они же излиха вопияху, глаголюще: да пропят будет. 24 Видев же Пилат, яко ничто же успевает, но паче молва бывает, приемъ воду, умы руце пред народом, глаголя: неповинен есмъ от крове Праведнаго Сего: вы узрите. 25 И отвещавше вси людие реша: кровь Его на нас и на чадех наших. 26 Тогда отпусти им Варавву: Иисуса же бив предаде (им), да Его пропнут. 27 Тогда воини игемоновы, приемше Иисуса на судице, собираша Нань все множество воин: 28 и совлекше Его, одеяша Его хламидию червленою: 29 и сплетше венец от терния, возложиша на главу Его, и трость в десницу

Его: и поклоньшеся на колену пред Ним ругахуся Ему, глаголюще: радуйся, Царю Иудейский. 30 И плюнувша Нань, прияша трость и бияху по главе Его. 31 И егда поругашася Ему, совлекоша с Него багряницу и облекоша Его в ризы Его: и ведоша Его на пропятие. 32 Исходяще же обретоша человека Киринейска, именем Симона: и сему задеша понести крест Его. 33 И пришедше на место нарицаемое Голгофа, еже есть глаголемо Краниево место, 34 даша Ему пити оцет с желчию смешен: и вкушь, не хотяше пити. 35 Распенши же Его разделиша ризы Его, вергше жребия: 36 и седаще стрежаху Его ту: 37 и возложиша верху главы Его вину Его написану: Сей есть Иисус, Царь Иудейский. 38 Тогда распяша с Ним два разбойника: единаго о деснью, и единаго о шуюю. 39 Мимоходящии же хуляху Его, покивающе главами своими 40 и глаголюще: Разоряй церковь и треми денми Созидай, спасися Сам: аще Сын еси Божий, сниди со креста. 41 Такожде же и архиерее ругающеся с книжники и старцы (и фарисеи), глаголаху: 42 иныя спасе, Себе ли не может спасти? Аще Царь Израилев есть, да снидет ныне со креста, и веруем в Него: 43 упова на Бога: да избавит ныне Его, аще хощет Ему. Рече бо, яко Божий есмъ Сын. 44 Тожде же и разбойника распятая с Ним поношаста Ему. 45 От шестаго же часа тма бысть по всей земли до часа девятаго: 46 о девятем же часе возопи Иисус гласом велиим, глаголя: Или, Или, лима савахфани? Еже есть, Боже Мой, Боже Мой, вскую Мя еси оставил? 47 Нецы же от ту стоящих слышавше глаголаху, яко Илио глашает Сей. 48 И абие тек един от них, и приемъ губу, исполнив же оцта, и вонзе на трость, напаяше Его. 49 Прочии же глаголаху: остави, да видим, аще приидет Илия спаси Его. 50 Иисус же, паки возопив гласом велиим, испусти дух. 51 И се, завеса церковная раздрася на двое с вышняго края до нижняго: и земля потрясеся: и камение распадеся: 52 и гроби отверзожася: и многа телеса усопших святых восташа: 53 и изшедше из гроб, по воскресении Его, внидоша во святый град и явишася мнозем. 54 Сотник же и иже с ним стрегущии Иисуса, видевше трус и бывшая, убоявшася зело, глаголюще: воистинну Божий Сын бе Сей. 55 Бяху же ту и жены многи издалеча зряща, яже идоша по Иисусе от Галилеи, служаща Ему: 56 в нихже бе Мария Магдалина, и Мария Иакова и Иосии мати, и мати сыну Зеведеову. 57 Позде же бывшу, прииде человек богат от Аримафея, именем Иосиф, иже и сам учися у Иисуса: 58 сей приступль к Пилату, проси телесе Иисусова. Тогда Пилат повеле дати тело. 59 И приемъ тело Иосиф, обвит

е плащаницею чистою 60 и положи е в новем своем гробе, егоже изсече в камени: и возвалив камень велий над двери гроба, отиде. 61 Бе же ту Мария Магдалина и другая Мария, седяще прямо гроба. 62 Во утрый же день, иже есть по пятце, собрашася архиерее и фарисе к Пилату, 63 глаголюще: господи, помянухом, яко лъстец он рече, еще сый жив: по триех днех востану: 64 повели убо утвердити гроб до третияго дне, да не како пришедше ученицы Его нощю украдут Его и рекут людем: воста от мертвых: и будет последняя лесть горша первыя. 65 Рече же им Пилат: имате кустодию: идите, утвердите, якоже весте. 66 Они же шедше утвердиша гроб, знаменавше камень с кустодией.

28 В вечер же субботный, свитающи во едину от суббот, прииде Мария Магдалина и другая Мария, видети гроб. 2 И се, трус бысть велий: Ангел бо Господень сшед с небесе, приступль отвали камень от дверий гроба и седяше на нем: 3 бе же зрак его яко молния, и одеяние его бело яко снег. 4 От страха же его сотрясояши стрегущии и быша яко мертви. 5 Отвещав же Ангел рече женам: не бойтесь вы: вем бо, яко Иисуса распятаго ищете: 6 несть зде: воста бо, якоже рече: приидите, видите место, идже лежа Господъ, 7 и скоро шедше ръците учеником Его, яко воста от мертвых и се, варяет вы в Галилеи: тамо Его узрите: се, рех вам. 8 И изшедшесе скоро от гроба со страхом и радостию велиею, текосте возвестити учеником Его. 9 Егда же идясте возвестити учеником Его, и се, Иисус срете я, глаголя: радуйтесь. Оне же приступльше ястеся за нозе Его и поклонистеся Ему. 10 Тогда глагола има Иисус: не бойтесь: идите, возвестите братии Моей, да идут в Галилею, и ту Мя видят. 11 Идущема же има, се, нецыи от кустодии пришедшесе во град, возвестиша архиереем вся бывшая. 12 И собравшеся со старцы, совет сотвориша, сребреники доволны даша воином, 13 глаголюще: ръците, яко ученицы Его нощю пришедшесе украдоша Его, нам спящим: 14 и аще сие услышано будет у игемона, мы утолим его и вас беспечальны сотворим. 15 Они же приемше сребреники, сотвориша, якоже научени быша. И промчеся слово сие во Иудеех даже до сего дне. 16 Единии же надесяте ученицы идоша в Галилею, в гору, аможе повеле им Иисус: 17 и видевше Его, поклонишася Ему: ови же усумнешася. 18 И приступль Иисус, рече им, глаголя: дадеся Ми всяка власть на небеси и на земли: 19 шедше убо научите вся языки, крестяще их во имя Отца и Сына и Святаго Духа, 20 учаще их блости вся, елика заповедах

вам: и се, Аз с вами есмь во вся дни до скончания века. Аминь. (aiōn g165)

От Марка святое благовествование

1 Зачало Евангелия Иисуса Христа, Сына Божия, 2 яко же есть писано во пророцех: се, Аз посылаю Ангела Моего пред лицем Твоим, иже уготовит путь Твой пред Тобою. 3 Глас вопиющаго в пустыни: уготовайте путь Господень, правы творите стези Его. 4 Бысть Иоанн крестяй в пустыни и проповедая крещение покаяния во отпущение грехов. 5 И исходаше к нему вся Иудейская страна и Иерусалимляне: и крещахуся вси во Иордане реце от него, исповедающе грехи своя. 6 Бе же Иоанн оболчен власы велблужди, и пояс усмен о чреслех его, и ядый акриды и мед дивий. 7 И проповедаше, глаголя: грядет Креплий мене вслед мене, Ему же несмъ достоин преклонься разрешити ремень сапог Его: 8 аз убо крестих вы водою: Той же крестит вы Духом Святым. 9 И бысть во онех днех, прииде Иисус от Назарета Галилейского и крестися от Иоанна во Иордане. 10 И аbie восходя от воды, виде разводящаяся небеса и Духа яко голубя, сходяща Нань. 11 И глас бысть с небесе: Ты еси Сын Мой возлюбленный, о Немже благоволих. 12 И аbie Дух изведе Его в пустыню. 13 И бе ту в пустыни дний четыредесять, искушаемъ сатаною, и бе со зверьми: и Ангели служаю Ему. 14 По предании же Иоаннове, прииде Иисус в Галилею, проповедая Евангелие Царствия Божия 15 и глаголя, яко исполнися время и приближися Царствие Божие: покайтесь и веруйте во Евангелие. 16 Ходя же при мори Галилейском, виде Симона и Андрея брата (того) Симона, вметающа мрежи в море: беста бо рыбаря. 17 И рече има Иисус: приидита вслед Мене, и соторю вас быти ловца человеком. 18 И аbie оставльша мрежи своя, по Нем идоста. 19 И прешед мало оттуду, узре Иакова Зеведеова и Иоанна брата его, и та в корабли строяща мрежа: 20 и аbie возвзва я. И оставльша отца своего Зеведеа в корабли с наемники, по Нем идоста. 21 И внидоша в Капернаум: и аbie в субботы вшед в сонмище, учаше. 22 И дивляхуся о учении Его: бе бо учя их яко власть имый, и не яко книжницы. 23 И бе в сонмищи их человек в дусе нечисте, и возвзва, 24 глаголя: остави, что нам и Тебе, Иисусе Назарянине? Пришел еси погубити нас: вем Тя, кто еси, Святый Божий. 25 И запрети ему Иисус, глаголя: умолчи и изыди из него. 26 И стрясе его дух нечистый, и возопи гласом великим, и изыде из него. 27 И ужасошася вси, яко же стязатися им к себе, глаголющым: что есть сие? (и) что учение

новое сие, яко по области и духовом нечистым велит, и послушают Его? 28 Изъиде же слух Его аbie во всю страну Галилейскую. 29 И аbie из сонмища изшедше, прииодаша в дом Симонов и Андреев со Иаковом и Иоанном. 30 Теща же Симонова лежаше огнем жегома: и аbie глаголаша Ему о ней. 31 И приступль воздвиге ю, емъ за руку ея: и остави ю огнь аbie, и служаше им. 32 Позде же бывшу, егда заходаше солнце, приношау к Нему вся недужныя и бесныя. 33 И бе весь град собрался к дверем. 34 И изцели многи зле страждущыя различными недуги: и бесы многи изгна, и не оставляше глаголати бесы, яко ведяю Его Христа суща. 35 И утро, нощи сущей зело, востав изъиде, и иде в пусто место, и ту молитву деяше. 36 И гнаша Его Симон и иже с ним: 37 и обретше Его, глаголаша Ему, яко вси Тебе ищут. 38 И глагола им: идем в ближния веси и грады, да и тамо проповем: на сие бо изыдох. 39 И бе проповедая на сонмищих их, во всей Галилеи, и бесы изгоня. 40 И прииде к Нему прокажен, моля Его и на колену припадая пред Ним, и глаголя Ему, яко, аще хощеш, можеша мя очистити. 41 Иисус же милосердовав, простер руку, коснуся его, и глагола ему: хощу, очистися. 42 И рекшу ему, аbie отиде от него прокажение, и чист бысть. 43 И запрещъ ему, аbie изгна его: 44 и глагола ему: блуди, ни комуженичесоже рцы: но шед покажися иерееви и принеси за очищение твое, яже повеле Моисей, во свидетельство им. 45 Он же изшед начат проповедати много и проносити слово, яко же ктому не мощи Ему яве во град вити: но вне в пустых местех бе. И приходя к Нему отвсюду.

2 И вниде паки в Капернаум по днех: и слышано бысть, яко в дому есть. 2 И аbie собрашася мнози, яко же ктому не вмещатися ни при дверех: и глаголаше им слово. 3 И прииодаша к Нему носяще разслабленна (жилами), носима четырьми: 4 и не могущым приближитися к Нему народа ради, открыша покров, идеже бе, и прокопавше свесиша одр, на немже разслабленный лежаше. 5 Видев же Иисус веру их, глагола разслабленному: чадо, отпускаются тебе греси твои. 6 Бяху же нецыи от книжник ту седяще и помышляюще в сердцах своих: 7 что Сей тако глаголет хулы? Кто может оставляти грехи, токмо един Бог? 8 И аbie разумев Иисус духом Своим, яко тако тии помышляют в себе, рече им: что сия помышляете в сердцах ваших? 9 Что есть удобее? Рещи разслабленному: отпускаются тебе греси? Или рещи: востани, и возми одр твой, и ходи? 10 Но да увестве, яко власть имать Сын Человеческий на земли отпушати

грехи: глагола разслабленному: 11 тебе глаголю: востани, и возми одр твой, и иди в дом твой. 12 И воста аbie, и взем одр, изыде пред всеми: яко дивитися всем и славити Бога, глаголющым, яко николиже тако видехом. 13 И изыде паки к морю: и весь народ идяше к Нему, и учаще их. 14 И мимогрядый виде Левию Алфеова, седяща на мытнице, и глагола ему: по Мне гряди. И востав вслед Его иде. 15 И бысть возлежашу Ему в дому его, и мнози мытари и грешницы возлежаху со Иисусом и со ученики Его: бяху бо мнози, и по Нем идоша. 16 И книжницы и фарисее, видевше Его ядуща с мытари и грешники, глаголаху учеником Его: что яко с мытари и грешники яст и пиет? 17 И слышав Иисус глагола им: не требуют здравии врача, но болящи: не придох призвати праведники, но грешники на покаяние. 18 И бяху ученицы Иоанновы и фарисейстии постящеся. И придоша и глаголаша Ему: почто ученицы Иоанновы и фарисейстии постятся, а Твои ученицы не постятся? 19 И рече им Иисус: еда могут сынове брачни, дондеже жених с ними есть, поститися? Елико время с собою имут жениха, не могут поститися: 20 приидут же дни, егда отимется от них жених, и тогда постятся в тыя дни: 21 и никтоже приложения платы небелена пришивает к ризе ветсе: аще ли же ни, возмет конец его новое от ветхаго, и горша дира будет: 22 и никтоже вливаает вина нова в мехи ветхи: аще ли же ни, просадит вино новое мехи, и вино пролиется, и меси погибнут: но вино новое в мехи новы влияти. 23 И бысть мимоходити Ему в субботы сквозе сеяния, и начаша ученицы Его путь творити, востерзающе класы. 24 И фарисее глаголаху Ему: виждь, что творят в субботы, егоже не достоит? 25 И Той глаголаше им: несте ли николиже чли, что сотвори Давид, егда требование име и взалка сам и иже с ним? 26 Како вниде в дом Божий при Авиафаре архиереи, и хлебы предложения снеде, ихже не достояще ясти токмо иереем, и даде и сущым с ним? 27 И глаголаше им: суббота человека ради бысть, а не человек субботы ради: 28 темже господь есть Сын Человеческий и субботе.

3 И вниде паки в сонмище: и бе тамо человек, суху имый руку. 2 И назираху Его, аще в субботы изцелит его, да Нань возглаголют. 3 И глагола человеку суху имущему руку: стани посреде. 4 И глагола им: достоит ли в субботы добро творити, или зло творити? Душу спасти, или погубити? Они же молчаху. 5 И воззрев на них со гневом, скорбя о окаменении сердец их, глагола человеку: простри руку твою. И простре: и утвердися

рука его цела яко другая. 6 И изшедше фарисее, аbie со иродианы совет творяху Нань, како Его погубят. 7 Иисус же отиде со ученики Своими к морю: и мног народ от Галилеи по Нем иде, и от Иудеи, 8 и от Иерусалима, и от Идумеи, и со онаго полу Иордана. И от Тира и Сидона множество многое, слышавше, елика творяше, (и) придоша к Нему. 9 И рече учеником Своим, да корабль будет у Него народа ради, да не стужают Ему. 10 Многи бо изцели, якоже нападати на Него, да Ему прикоснутся, елицы имеяху раны. 11 И дуси нечистии, егда видяху Его, припадаху к Нему и зваху, глаголюще, яко Ты еси Сын Божий. 12 И много прещаше им, да не явлена Его сотворят. 13 И взыде на гору и призыва, ихже хотяше Сам: и придоша к Нему. 14 И сотвори дванадесяте, да будут с Ним, и да посылает их проповедати, 15 и имети власть целити недуги и изгонити бесы: 16 и нарече Симону имя Петр: 17 и Иакова Зеведеова и Иоанна брата Иаковля: и нарече има имена Воанергес, еже есть сына громова: 18 и Андрея, и Филиппа, и Варфоломея, и Матфея, и Фому, и Иакова Алфеова, и Фаддея, и Симона Кананита, 19 и Иуду Искариотскаго, иже и предаде Его. 20 И придоша в дом: и сбрася паки народ, яко не мощи им ни хлеба ясти. 21 И слышавше иже бяху у Него, изыдоша, да имут Его: глаголаху бо, яко неистов есть. 22 И книжницы, иже от Иерусалима низшедши, глаголаху, яко веельзевула имать и яко о князи бесовствем изгонит бесы. 23 И призвав их, в притчах глаголаше им: како может сатана сатану изгонити? 24 И аще царство на ся разделится, не может стати царство то: 25 и аще дом на ся разделится, не может стати дом той: 26 и аще сатана воста на ся сам и разделися, не может стати, но конец имать. 27 Никтоже может сосуды крепкаго, вшед в дом его, расхитити, аще не первое крепкаго свяжет: и тогда дом его расхитит. 28 Аминь глаголю вам, яко вся отпustятся согрешения сионом человеческим, и хуления, елика аще восхулят: 29 а иже восхулит на Духа Святаго, не имать отпущения во веки, но повинен есть вечному суду. (αἰῶν g165, αἰώνιος g166) 30 Зане глаголаху: духа нечистаго имать. 31 Придоша убо Мати и братия Его, и вне стояще послаша к Нему, зовуще Его. 32 И седяще народ окрест Его. Реша же Ему: се, Мати Твоя и братия Твоя (и сестры Твоя) вне ищут Тебе. 33 И отвеша им, глаголя: кто есть мати Моя, или братия Моя? 34 И соглядев окрест Себе седящыя, глагола: се, мати Моя и братия Моя: 35 иже бо аще сотворит волю Божию, сей брат Мой и сестра Моя и мати (Ми) есть.

4 И паки начат учити при мори: и собрася к Нему народ мног, якоже Самому влезшу в корабль, седети в мори: и весь народ при мори на земли бяше. **2** И учаще их притчами много и глаголаше им во учении Своем: **3** слышите: се, изыде сей сеяти: **4** и бысть егда сеяше, ово паде при пути, и придоша птицы, и позобаша е: **5** другое же паде при камени, идеже не имаше земли многи, и аbie прозябе, зане не имаше глубины земныя: **6** солнцу же возсиявшу присяде, и зане не имаше корене, исшеше: **7** и другое паде в тернии, и взыде терние, и подави е: и плода не даде: **8** и другое паде на земли добрей, и даяше плод восходящъ и растущъ, и приплодоваше на тридесять, и на шестьдесят, и на сто. **9** И глаголаше: имея уши слышати да слышит. **10** Егда же бысть един, вопросиша Его, иже бяху с Ним, со обеманадесяте о притчи. **11** И глаголаше им: вам есть дано ведати тайны Царствия Божия: онем же внешним в притчах вся бывают, **12** да видяще видят, и не узрят: и слышаще слышат, и не разумеют: да не когда обратятся, и оставятся им греси. **13** И глагола им: не весте ли притчи сея? И како вся притчи уразумеете? **14** Сеяй, слово сеет. **15** Сии же суть, иже при пути, идеже сеется слово, и егда услышат, аbie приходит сатана и отемлет слово сеянное в сердцах их. **16** И сии суть такожде иже на каменных сеемии, иже егда услышат слово, аbie с радостию приемлют е: **17** и не имут корения в себе, но привременни суть: таже бывшъ печали или гонению словесе ради, аbie соблажняются. **18** А сии суть, иже в терни сеемии, слышаши слово: **19** и печали века сего, и лесть богатства, и о прочих похоти входящая подавляют слово, и бесплодно бывает. (аіоп 9165) **20** И сии суть, иже на земли добрей сеянни, иже слышат слово и приемлют, и плодствуют на тридесять, и на шестьдесят, и на сто. **21** И глаголаше им: еда светилник приходит, да под спудом положат его или под одром? Не да ли на свещнице положен будет? **22** Несть бо тайно, еже не явится, ниже бысть потаено, но да приидет в явление: **23** аще кто имать уши слышати, да слышит. **24** И глаголаше им: блюдите что слышите: в нюже меру мерите, возмерится вам, и приложится вам слышащым: **25** иже бо аще имать, дастся ему: а иже не имать, и еже имать, отимется от него. **26** И глаголаше: тако есть (и) Царствие Божие, якоже человек вметает семя в землю, **27** и спит, и востает ношию и днию: и семя прозябает и растет, якоже не весть он: **28** от себе бо земля плодит прежде траву, потом клас, также исполняет пшеницу в класе: **29** егда же созреет плод, аbie послет серп, яко наста жатва. **30** И глаголаше: чесому уподобим

Царствие Божие? Или коей притчи приложим е? **31** Яко зерно горушиочно, еже егда всеяно будет в земли, мнее всех семен есть земных: **32** и егда всеяно будет, возрастает, и бывает более всех зелий, и творит ветви велия, яко мощи под сению его птицам небесным витати. **33** И таковыми притчами многими глаголаше им слово, якоже можаху слышати. **34** Без притчи же не глаголаше им словесе: особь же учеником Своим сказаше вся. **35** И глагола им в той день, вечеру бывшу: прейдем на он пол. **36** И отпущше народы, пояша Его якоже бе в корабли: и ини же корабли бяху с Ним. **37** И бысть буря ветрена велика: волны же вливахуся в корабль, яко уже погружатися ему. **38** И бе Сам на корме на возглавнице спя. И возбудиша Его и глаголаша Ему: Учителю, не радиши ли, яко погибаем? **39** И востав запрети ветру и рече морю: молчи, престани. И улеже ветр, и бысть тишина велия. **40** И рече им: что тако страшливи есте? Како не имате веры? **41** И убояшася страхом велиим и глаголаху друг ко другу: кто убо Сей есть, яко и ветр и море послушают Его?

5 И придоша на он пол моря, во страну Гадаринскую. **2** И излезшу Ему из корабля, аbie срете Его от гробов человек в дусе нечисте, з иже жилище имаше во гробех, и ни веригами никотоже можаше его связати: **4** зане ему многажды путы и ужи (железны) связану сущу, и растерзатися от него ужем (железным) и путом сокрушатися: и никотоже можаше его умучити: **5** и выну нощь и день во гробех и в горах бе, вопия и толкийся камением. **6** Узрев же Иисуса издалеча, тече и поклониша Ему, **7** и возопив гласом велиим, рече: что мне и Тебе, Иисусе, Сыне Бога Вышняго? Заклинаю Тя Богом, не мучи мене. **8** Глаголаше бо ему: изыди, душе нечистый, от человека. **9** И вопрошаще его: что ти есть имя? И отвеша глаголя: легеон имя мне, яко мнози есмы. **10** И молиша Его много, да не послет их вне страны. **11** Бе же ту при горе стадо свиное велие пасомо. **12** И молиша Его вси беси, глаголюще: посли ны во свиния, да в ня внидем. **13** И повеле им аbie Иисус. И изшедшее дуси нечистии, внидоша во свиния: и устремися стадо по брегу в море, бяху же яко две тысячи, и утопаху в мори. **14** Пасущии же свиния бежаша и возвестиша во граде и в селех. И изыдоша видети, что есть бывшее. **15** И придоша ко Иисусови, и видеша бесновавшагося седяща и оболчена и смысляща, имевшаго легеон: и убояшася. **16** Поведаша же им видевшии, како бысть бесному, и о свиниях. **17** И начаша молити Его отити

от предел их. **18** И влезшу Ему в корабль, моляще Его бесновавыйся, дабы был с Ним. **19** Иисус же не даде ему, но рече ему: иди в дом твой ко твоим и возвести им, елика ти Господь сотвори и помилова тя. **20** И иде и нача проповедати в десяти градех, елика сотвори ему Иисус. И вси дивляхуся. **21** И прешедшу Иисусу в корабли паки на он пол, собрася народ мног о Нем. И бе при мори. **22** И се, прииде един от архисинагог, именем Иаир, и видев Его, паде при ногу Его **23** и моляще Его много, глаголя, яко дщи моя на кончине есть: да пришед возложиши на ню руце, яко да спасется и жива будет. **24** И иде с ним: и по Нем идяху народи мнози и угнетаху Его. **25** И жена некая сущи в точении крове лет дванадесяте, **26** и много пострадавши от мног врачев, и издавши своя вся, и ни единиля пользы обретши, но паче в горшее пришедши: **27** слышавши о Иисусе, пришедши в народе созади, прикоснуся ризе Его: **28** глаголаше бо, яко, аще прикоснуся ризам Его, спасена буду. **29** И абие изсякну источник крове ея: и разуме телом, яко изцеле от раны. **30** И абие Иисус разуме в Себе силу изшедшую от Него, (и) обращъся в народе, глаголаше: кто прикоснуся ризам Моим? **31** И глаголаху Ему ученицы Его: видиши народ угнетающ Тя, и глаголеши: кто прикоснуся Мне? **32** И обглядаше видети соторшую сие. **33** Жена же убоявшися и трепещущи, ведящи, еже бысть ей, прииде и припаде к Нему и рече Ему всю истину. **34** Он же рече ей: дщи, вера твоя спасе тя: иди в мире и буди цела от раны твоей. **35** Еще Ему глаголющу, (и) придоша от архисинагога, глаголюще, яко дщи твоя умре: что еще движеши Учителя? **36** Иисус же абие слышав слово глаголемое, глагола архисинагогови: не бойся, токмо веруй. **37** И не остави по Себе ни единаго ити, токмо Петра и Иакова и Иоанна брата Иаковля. **38** И прииде в дом архисинагогов и виде молву, плачущаяся и кричащая много. **39** И вшед глагола им: что молвите и плачетесь? Отроковица несть умерла, но спит. **40** И ругахуся Ему. Он же изгнав вся, поят отца отроковицы и матери, и иже (беху) с Ним, и вниде, идеже бе отроковица лежащи. **41** И емь за руку отроковицу, глагола ей: талифа куми: еже есть сказаемо: девице, тебе глаголю, востани. **42** И абие воста девица и хождаше: бе бо лет двоюнадесяте. И ужасошася ужасом велиим. **43** И запрети им много, да никто же увесь сего, и рече: дадите ей ясти.

6 И изыде оттуду и прииде во отечество Свое: и по Нем идоша ученицы Его. **2** И бывшей субботе, начат на сонмищи учити. И мнози слышащии дивляхуся,

глаголюще: откуду Сему сия? И что премудрость данная Ему, и силы таковы рукама Его бывают? **3** Не Сей ли есть тектон, сын Мариин, брат же Иакову и Иосии и Иуде и Симону? И не сестры ли Его зде (суть) в нас? И блажняхуся о Нем. **4** Глаголаше же им Иисус, яко несть пророк без чести, токмо во отечествии своем, и в сродстве и в дому своем. **5** И не можаше ту ни единиля силы соторити, токмо мало недужных, возложь руце, изцели. **6** И дивляхся за неверствие их: и обхождаше веси окрест учя. **7** И призыва обанадесяте, и начат их посылати два два, и даяше им власть над духи нечистыми. **8** И заповеда им, даничесоже возмут на путь, токмо жезл един: ни пиры, ни хлеба, ни при поясе меди: **9** но обувени в сандалия: и не облачитися в две ризе. **10** И глаголаше им: идеже аще внидете в дом, ту пребывайте, дондеже изыдете оттуду: **11** и елицы аще не примут вы, ниже послушают вас, исходяще оттуду, оттрясите прах, иже под ногами вашими, во свидетелство им: аминь глаголю вам, отраднее будет Содомом и Гоморром в день судный, неже граду тому. **12** И изшедше проповедаху, да покаются: **13** и бесы многи изгоняху: и мазаху маслом многи недужныя, и изцелеваху. **14** И услыша царь Ирод: яве бо бысть имя Его: и глаголаше, яко Иоанн Креститель от мертвых воста, и сего ради силы деются о нем. **15** Инии глаголаху, яко Илия есть: инии же глаголаху, яко пророк есть, или яко един от пророк. **16** Слышав же Ирод рече, яко, егоже аз усекнух Иоанна, той есть: той воста от мертвых. **17** Той бо Ирод послав, ят Иоанна и связа его в темнице, Иродиады ради жены Филиппа брата своего, яко оженяся ею. **18** Глаголаше бо Иоанн Иродови: не достоит тебе имети жену (Филиппа) брата твоего. **19** Иродиа же гневашеся на него и хотяше его убить: и не можаше. **20** Ирод бо боящеся Иоанна, ведый его мужа праведна и свята, и соблюдаше его: и послушав его, многа творяше, и в сладость его послушаше. **21** И приключшуся дню потребну, егда Ирод рождеству своему вечерю творяше князем своим и тысящником и старейшинам Галилейским: **22** и вшедши дщерь тоя Иродиады, и плясавши, и угождши Иродови и возлежашым с ним, рече царь девице: проси у мене егоже аще хощеши, и дам ти. **23** И клятся ей: яко егоже аще попросиши у мене, дам ти, и до пол царствия моего. **24** Она же изшедши рече матери своей: чесо прошу? Она же рече: главы Иоанна Крестителя. **25** И вшедши абие со тщанием к царю, просяще, глаголющи: хощу, да ми даси от него на блюде главу Иоанна Крестителя. **26** И прискорбен быв царь, клятвы (же) ради и за возлежащих с ним не

восхоте отреци ей. 27 И аbie послав царь спекулятора, повеле принести главу его. 28 Он же шед усекну его в темнице, и принесе главу его на блюде, и даде ю девице: и девица даде ю матери своей. 29 И слышавше ученицы его, приидоша и взяша труп его, и положиша его во гробе. 30 И собрашася Апостоли ко Иисусу и возвестиша Ему вся, и елика сотвориша, и елика научиша. 31 И рече им: приидите вы сами в пусто место едини и почийте мало. Бяху бо приходящи и отходящи мнози, и ни ясти им бе когда. 32 И идоша в пусто место кораблем едини. 33 И видеша их идущих народи, и познаша их мнози: и пеши от всех градов стицахуся тамо, и предвариша их, и снidoша к Нему. 34 И изшед виде Иисус народ мног и милосердова о них, зане бяху яко овцы не имущыя паstryя: и начат их учити много. 35 И уже часу многу бывшу, приступльше к Нему ученицы Его, глаголаша, яко пусто есть место, и уже час мног: 36 отпусти их, да шедше во окрестных селех и весех купят себе хлебы: не имут бо чесо ясти. 37 Он же отвещав рече им: дадите им вы ясти. И глаголаша Ему: да шедше купим двема стома пенязь хлебы и дамы им ясти? 38 Он же рече им: колико хлебы имате? Идите и видите. И уведевше глаголаша: пять (хлеб), и две рыбе. 39 И повеле им посадити вся на споды на споды на траве зелене. 40 И возлегоша на лехи на лехи по сту и по пятидесяти. 41 И приемь пять хлеб и две рыбе, возвррев на небо, благослови и преломи хлебы, и даяше учеником Своим, да предлагают пред ними: и обе рыбе раздели всем. 42 И ядоша вси и насытиша: 43 и взяша укрухи, дванадесят коша испольн, и от рыбу. 44 Бяше же ядших хлебы яко пять тысячиц мужей. 45 И аbie понуди ученики Своя внити в корабль и варити Его на он пол к Вифсаиде, дондеже Сам отпустит народы. 46 И отрекся им, иде в гору помолитися. 47 И вечеру бывшу, бе корабль посреде моря, и Сам един на земли. 48 И виде их страждущих в плавании: бе бо ветр противен им: и о четвертей стражи нощней прииде к ним, по морю ходяй, и хотяше минути их. 49 Они же видевше Его ходяща по морю, мняху призрак быти и возопиша. 50 Вси бо Его видеша и смутиша. И аbie глагола с ними и рече им: дерзайте: Аз есмь, не бойтесь. 51 И вниде к ним в корабль: и улеже ветр. И зело излиха в себе ужасахуся и дивляхуся. 52 Не разумеша бо о хлебех: бе бо сердце их окаменено. 53 И прешедше приидоша в землю Генинсаретску и присташа. 54 И изшедшым им из корабля, аbie познаша Его, 55 обтекше всю страну ту, начаша на одрех приносити боляща, идеже слышау, яко ту есть. 56 И аможе аще вхождаше в веси, или во

грады, или села, на распутиих полагаху недужныя и моляху Его, да поне воскрили ризы Его прикоснутся: и елицы аще прикасахуся Ему, спасахуся.

7 И собирашася к Нему фарисе и нецы от книжник, пришедши от Иерусалима: 2 и видевше неких от ученик Его нечистыми руками, сиречь неумовенными, ядущих хлебы, ругахуся. 3 З Фарисе бо и все Иудеи, аще не трьюще умлют рук, не ядят, держаще предания старец: 4 и от торжища, аще не покуплются, не ядят. И ина многа суть, яже прияша держати: погружения стекляницам и чваном и котлом и одром. 5 Потом же вопрошаху Его фарисе и книжницы: почто ученицы Твои не ходят по преданию старец, но неумовенными руками ядят хлеб? 6 Он же отвещав рече им, яко добре пророчествова Исаиа о вас лицемерех, якоже есть писано: сии людие устнами Мя чут, сердце же их далече отстоит от Мене, 7 всуе же чут Мя, учаще учением, заповедем человеческим: 8 оставльше бо заповедь Божию, держите предания человеческая, крещения чваном и стекляницам, и ина подобна такова многа творите. 9 И глаголаше им: добре отмечаете заповедь Божию, да предание ваше соблюдете: 10 Моисей бо рече: чти отца и матери твою: и иже злословит отца или матери, смертию да умрет: 11 вы же глаголете: аще речет человек отцу или матери: корван, еже есть дар, иже аще пользовался еси от мене: 12 и не кому оставляете его что сотворити отцу своему или матери своей, 13 преступающе слово Божие преданием вашим, еже предасте: и подобна такова многа творите. 14 И призывав весь народ, глаголаше им: послушайте Мене вси и разумейте: 15 ничтоже есть внеуду человека входимо в онъ, еже может осквернити его: но исходящая от него, та суть скверняща человека: 16 аще кто имать уши слышати, да слышит. 17 И егда вниде в дом от народа, вопрошаху Его ученицы Его о притчи. 18 И глагола им: тако ли и вы неразумливи есте? Не разумеете ли, яко все, еже извне входимое в человека, не может осквернити его? 19 Яко не входит ему в сердце, но во чрево: и афедроном исходит, истребляя вся брашна. 20 Глаголаше же, яко исходящее от человека, то сквернит человека: 21 извнутрь бо от сердца человеческа помышления злая исходят, прелюбодеяния, любодеяния, убийства, 22 татьбы, лихомиства, (обиды,) лукавствия, лесть, студодеяния, око лукаво, хула, гордыня, безумство: 23 вся сия злая извнутрь исходят и сквернят человека. 24 И оттуду востав, иде в преддели Тирски и Сидонски: и вшед в дом, ни когоже хотяше, дабы его чул: и не

може утаитися. 25 Слышавши бо жена о Нем, еяже дщи имяще духа нечиста, пришедши припаде к ногама Его: 26 жена же бе еллинска, сирофиникиssa родом: и моляше Его, да беса изженет из дщере ея. 27 Иисус же рече ей: остави, да первее насытятся чада: несть бо добро отяти хлеб чадом и повреши псом. 28 Она же отвещавши глагола Ему: ей, Господи: ибо и пси под трапезою ядят от крупиц детей. 29 И рече ей: за сие слово, иди: изыде бес из дщере твоей. 30 И шедши в дом свой, обрете беса изшедшего и дщерь лежашу на одре. 31 И паки изshed Иисус от предел Тирских и Сидонских, прииде на море Галилейско, между пределы Декапольски. 32 И приведоша к Нему глуха и гу涓ива, и моляху Его, да возложит нань руку. 33 И поемь его от народа единаго, вложи персты Своя во уши его и плонув коснуся языка его: 34 и воззрев на небо, воздохну и глагола ему: еффафа, еже есть разверзися. 35 И аbie разверзостася слуха его, и разрешился уз языка его, и глаголаше право. 36 И запрети им, да ни комуже поведат: елико же им Той запрещаше, паче излиха проповедаху. 37 И преизлиха дивляхся, глаголюще: добре все творит: и глухия творит слышати, и немья глаголати.

8 В тяя дни, зело многу народу сущу, и не имущым чесо ясти, призвав Иисус ученики Своя, глагола им: 2 милосердую о народе, яко уже три дни приседят Мне и не имут чесо ясти: 3 и аще отпущу их не ядших в домы своя, ослабеют на пути: мнози бо от них издалеча пришли суть. 4 И отвещаша Ему ученицы Его: откуду сих возможет кто зде насытити хлебы в пустыни? 5 И вопросы их: колико имате хлебов? Они же реша: седмь. 6 И повеле народу возлещи на земли: и приемь седмь хлебов, хвалу воздав, преломи и даяше учеником Своим, да предлагают: и предложиша пред народом. 7 И имаху рыбц мало: и (сия) благословив, рече предложити и тыя. 8 Ядоша же и насытишася: и взяша избытки укрух, седмь кошниц. 9 Бяху же ядших яко четыре тысячи. И отпусти их. 10 И аbie влез в корабль со ученики Своими, прииде во страны Далмануфански. 11 И изыдоша фарисеев и начаша стязатися с Ним, ищуще от Него знамения с небесе, искушающе Его. 12 И воздохнув духом Своим, глагола: что род сей знамения ищет? Аминь глаголю вам, аще дастся роду сему знамение. 13 И оставил их, влез паки в корабль, (и) иде на он пол. 14 И забыша ученицы Его взяти хлебы и разве единаго хлеба не имаху с собою в корабли. 15 И прещаше им, глагола: зрите, блюдитесь от кваса фарисейска и от кваса Иродова. 16 И помышляху,

друг ко другу глаголюще, яко хлебы не имамы. 17 И разумев Иисус, глагола им: что помышляете, яко хлебы не имате? Не у ли чувствуете, ниже разумеете? Еще ли окаменено сердце ваше имате? 18 Очи имуще не видите? И уши имуще не слышите? И не помните ли, 19 егда пять хлебы преломих в пять тысяч, колико кош исполнъ укрух приясте? Глаголаша Ему: дванадесять. 20 Егда же седмь в четыре тысячи, колико кошниц исполнения укрух взясте? Они же реша: седмь. 21 И глагола им: како не разумеете? 22 И прииде в Вифсаиду: и приведоша к Нему слепа, и моляху Его, да его коснется. 23 И емъ за руку слепаго, изведе его вон из веси: и плонув на очи его, (и) возложь руце нань, вопрошаще его, аще что видит? 24 И воззрев глаголаше: вижу человеки яко древие ходяща. 25 Потом (же) паки возложи руце на очи его и сотвори его прозрети: и утворися и узре светло все. 26 И посла его в дом его, глаголя: ни в весь вниди, ни повеждъ кому в веси. 27 И изыде Иисус и ученицы Его в веси Кесарии Филипповы: и на пути вопрошаще ученики Своя, глаголя им: кого Мя глаголют человецы быти? 28 Они же отвещаша: Иоанна Крестителя: и ини Илию: друзии же единаго от пророк. 29 И Той глагола им: вы же кого Мя глаголете быти? Отвещав же Петр глагола Ему: Ты еси Христос. 30 И запрети им, да ни комуже глаголют о Нем. 31 И начат учити их, яко подобает Сыну Человеческому много пострадати, и искушенну быти от старец и архиерей и книжник, и убиену быти, и в третий день воскреснути. 32 И не обинуясь слово глаголаше. И приемь Его Петр, начат претити Ему. 33 Он же обращаясь и воззрев на ученики Своя, запрети Петрови, глаголя: иди за Мною, сатано: яко не мыслиши, яже (суть) Божия, но яже человеческа. 34 И призвав народы со ученики Своими, рече им: иже хощет по Мне ити, да отвержется себе, и возмет крест свой, и по Мне грядет: 35 иже бо аще хощет душу свою спасти, погубит ю: а иже погубит душу свою Мене ради и Евангелия, той спасет ю: 36 кая бо польза человеку, аще приобряшет мир весь, и отщетит душу свою? 37 Или что даст человек измену на души своей? 38 Иже бо аще постыдится Мене и Моих словес в роде сем прелюбодейнем и грешнем, и Сын Человеческий постыдится его, егда приидет во славе Отца Своего со Ангелы святыми.

9 И глаголаше им: аминь глаголю вам, яко суть нецы от зде стоящих, иже не имут вкусити смерти, дондеже видят Царствие Божие пришедшее в силе. 2 И по шести днех поят Иисус Петра и Иакова и Иоанна, и возведе их на гору высоку особь едины: и преобразися пред

ними. 3 И ризы Его быша блещащяся, белы зело яко снег, ящеже не может белилник убелити на земли. 4 И явися им Илия с Моисеем: и беста со Иисусом глаголюща. 5 И отвещав Петр глагола Иисусови: Равви, добро есть нам зде быти: и соторим кровы три, Тебе един, и Моисееви един, и Илии един. 6 Не ведяше бо, что реци: бяху бо пристрашни. 7 И бысть облак осеняя их: и прииде глас из облака, глаголя: Сей есть Сын Мой возлюбленный, Того послушайте. 8 И внезапу воззвеше, кому ни когоже видеша, токмо Иисуса единаго с собою. 9 Сходящим же им с горы, запрети им, да ни комуже поведят, яже видеша, токмо егда Сын Человеческий из мертвых воскреснет. 10 И слово удержанша в себе, стяжающеся, что есть, еже из мертвых воскреснути. 11 И вопрошаху Его глаголюще: како глаголют книжницы, яко Илии подобает приими прежде? 12 Он же отвещав рече им: Илия убо пришед прежде, устроит вся: и како есть писано о Сыне Человечестем, да много постраждет и уничижен будет: 13 но глаголю вам, яко и Илия прииде, и соториша ему, елика хотеша, якоже есть писано о нем. 14 И пришед ко учеником, виде народ мног о них и книжники стяжающеся с ними. 15 И абие весь народ видев Его ужасеся, и пририщуще целоваху Его. 16 И вопросы книжники: что стяжаетесь к себе? 17 И отвещав един от народа рече: Учителю, приведох сына моего к Тебе, имуща духа нема: 18 и идеже колиждо имет его, разбивает его, и пены тещит, и скрежещет зубы своими, и оцепеневает: и рех учеником Твоим, да изженут его, и не возмогоша. 19 Он же отвещав ему глагола: о, роде неверен, доколе в вас буду? Доколе терплю вы? Приведите его ко Мне. 20 И приведоша его к Нему. И видев Его, абие дух стрясе его: и пад на земли, валяшеся, пены тещя. 21 И вопросы отца его: колико лет есть, отнележе сие бысть ему? Он же рече: издетска: 22 и многажды во огнь вверже его и в воды, да погубит его: но аще что можеши, помози нам, милосердовав о нас. 23 Иисус же рече ему: еже аще что можеши веровати, вся возможна верующему. 24 И абие возопив отец отрочате, со слезами глаголаше: верую, Господи: помози моему неверию. 25 Видев же Иисус, яко срищется народ, запрети духу нечистому, глаголя ему: душе немый и глухий, Аз ти повелеваю: изыди из него и кому не вниди в него. 26 И возопив и много пружався, изыде: и бысть яко мертв, якоже мнозем глаголати, яко умре. 27 Иисус же емь его за руку, воздвиже его: и воста. 28 И вшедшу Ему в дом, ученицы Его вопрошаху Его единаго: яко мы не возмогохом изгнati его? 29 И рече им: сей род

ничимже может изыти, токмо молитвою и постом. 30 И оттуду изшедше, идяху сквозе Галилею: и не хотяше, да кто увесь. 31 Учаще бо ученики Своя и глаголаше им, яко Сын Человеческий предан будет в руце человечесте, и убият Его: и убиен быв, в третий день воскреснет. 32 Они же не разумеваху глагола и бояхуся Его вопросити. 33 И прииде в Капернаум: и в дому быв, вопрошаše их: что на пути в себе помышлясте? 34 Они же молчаху: друг ко другу бо стяжащася на пути, кто (есть) болий. 35 И сед пригласи обанадесяте и глагола им: аще кто хощет старей быти, да будет всех меньшии и всем слуга. 36 И приими отроча, постави е посреде их: и объемь е, рече им: 37 иже аще едино таковых отрочат примет во имя Мое, Мене приемлет: и иже Мене приемлет, не Мене приемлет, но Пославшаго мя. 38 Отвеща Ему Иоанн, глаголя: Учителю, видехом некоего именем Твоим изгоняща бесы, иже не ходит по нас: и возбранихом ему, яко не последует нам. 39 Иисус же рече: не браните ему: никто же бо есть, иже соторит силу о имени Моем, и возможет вскоре злословити мя. 40 Иже бо несть на вы, по вас есть. 41 Иже бо аще напоит вы чашею воды во имя Мое, яко Христовы есте, аминъ глаголю вам, не погубит мзды своея. 42 И иже аще соблазнит единаго от малых сих верующих в мя, добнее есть ему паче, аще облежит камень жерновный о выи его, и ввержен будет в море. 43 И аще соблажняет тя рука твоя, отсцы ю: добнее ти есть беднику в животе внити, неже обе руце имущу винти в геенну, во огнь неугасающий, (Geenna g1067) 44 идеже червь их не умирает, и огнь не угасает. 45 И аще нога твоя соблажняет тя, отсцы ю: добнее ти есть винти в живот хрому, неже две нозе имущу ввержену быти в геенну, во огнь неугасающий, (Geenna g1067) 46 идеже червь их не умирает, и огнь не угасает. 47 И аще око твое соблажняет тя, исткни е: добнее ти есть со единем оком винти в Царствие Божие, неже две оце имущу ввержену быти в геенну огненную, (Geenna g1067) 48 идеже червь их не умирает, и огнь не угасает. 49 Всяк бо огнем осолится, и всяка жертва солию осолится. 50 Добро соль: аще же соль не слана будет, чим осолится? Имейте соль в себе, и мир имейте между собою.

10 И оттуду востав прейде в пределы Иудейския, об он пол Иордана. И снidoшася паки народи к Нему: и яко обычай име, паки учаще их. 2 И приступльше фарисее вопросы Его: аще достоит мужу жену пустити? Испукашаще Его. 3 Он же отвещав рече им: что вам заповеда Моисей? 4 Они же реша: Моисей повеле книгу

распустную написати, и пустити. 5 И отвещав Иисус рече им: по жестосердию вашему написа вам заповедь сию: 6 от начала же создания, мужа и жену сотворил я есть Бог: 7 сего ради оставит человек отца своего и матери 8 и прилепится к жене своей, и будета оба в плоть едину: темже уже неста два, но плоть едини: 9 еже убо Бог сочeta, человек да не разлучает. 10 И в дому паки ученицы Его о сем вопросиша Его. 11 И глагола им: иже аще пустит жену свою и оженится иною, прелюбы творит на ню: 12 и аще жена пустит мужа и посягнет за иного, прелюбы творит. 13 И приношау к Нему дети, да коснется их: ученицы же прещау приносящым. 14 Видев же Иисус негодова и рече им: оставите детей приходити ко Мне и не браните им, тацех бо есть Царствие Божие: 15 аминь глаголю вам: иже аще не приемет Царствия Божия яко отроча, не иметь внизи в не. 16 И объемь их, возложь руце на них, благословляше их. 17 И исходящу Ему на путь, притек некий и поклонься на колену Ему, вопрошаще Его: Учителю благий, что сотворю, да живот вечный наследствую? (aiōnios g166) 18 Иисус же рече ему: что Мя глаголеши блага? Никтоже благ, токмо един Бог. 19 Заповеди веси: не прелюбы сотвориши: не убий: не укради: не лжесвидетелствуй: не обиди: чти отца твоего и матери. 20 Он же отвещав рече Ему: Учителю, сия вся сохраних от юности моей. 21 Иисус же воззрев нань, возлюби его и рече ему: единаго еси не докончал: иди, елика имаши, продажь и даждь нищым, и имети имаши сокровище на небеси: и приди (и) ходи вслед Мене, взем крест. 22 Он же дряхл быв о словеси, отиде скорбя: бе бо имея стяжания многа. 23 И воззрев Иисус глагола учеником Своим: како неудобь имущи богатство в Царствие Божие внидут. 24 Ученицы же ужасахуся о словесех Его. Иисус же паки отвещав глагола им: чада, како неудобь уповающим на богатство в Царствие Божие внизи: 25 удобее бо есть вельбуду сквозе иглине уши пройти, неже богату в Царствие Божие внизи. 26 Они же излиха дивляхуся, глаголюще к себе: то кто может спасен быти? 27 Воззрев же на них Иисус глагола: у человек невозмъжно, но не у Бога: вся бо возможна суть у Бога. 28 Начат же Петр глаголати Ему: се, мы оставихом вся и вслед Тебе идохом. 29 Отвещав же Иисус рече: аминь глаголю вам: никтоже есть, иже оставил есть дом, или братию, или сестры, или отца, или матери, или жену, или чада, или села, Мене ради и Евангелия ради: 30 аще не приемет сторицю ныне во время сие, домов, и братий, и сестр, и отца, и матере, и чад, и сел, во изгнании, и в век грядущий живот вечный: (aiōn g165, aiōnios

g166) 31 мнози же будут первии последни, и последни перви. 32 Бяху же на пути, восходяще во Иерусалим: и бе варяя их Иисус, и ужасахуся, и вслед идуще, бояхуся. И поемь паки обанадесять, начат им глаголати, яже хотяху Ему быти: 33 яко, се, восходим во Иерусалим, и Сын Человеческий предан будет архиереом и книжником, и осудят Его на смерть, и предадят Его языком: 34 и поругаются Ему, и уязвят Его, и оплюют Его, и убият Его: и в третий день воскреснет. 35 И пред Него приидоста Иаков и Иоанн, сына Зеведеева, глаголюща: Учителю, хощева, да, еже аще просиша, сотвориши нама. 36 Он же рече има: что хощета, да сотворю вама? 37 Она же реста Ему: дажь нам, да един о десную Тебе и един о шую Тебе сядева во славе Твоей. 38 Иисус же рече има: не веста, чесо просита: можета ли пить чашу, юже Аз пию, и крещением, имже Аз крещаюся, креститися? 39 Она же реста Ему: можева. Иисус же рече има: чашу убо, юже Аз пию, испиeta, и крещением, имже Аз крещаюся, креститася: 40 а еже сести о десную Мене и о шую, несть Мне дати, но имже уготовано есть. 41 И слышавше десять, начаша негодовати о Иакове и Иоанне. 42 Иисус же призвав их, глагола им: весте, яко мнящися владети языки, соодлевают им, и велицы их обладают ими: 43 не тако же будет в вас: но иже аще хощет в вас вящий быти, да будет вам слуга: 44 и иже аще хощет в вас быти старей, да будет всем раб: 45 ибо Сын Человечь не прииде, да послужат Ему, но да послужит и даст душу Свою избавление за многи. 46 И приидоша во Иерихон. И исходящу Ему от Иерихона, и учеником Его, и народу многу, сын Тимеев Вартиней слепый седяше при пути, прося. 47 И слышав, яко Иисус Назорянин есть, начат звати и глаголати: Сыне Давидов Иисусе, помилуй мя. 48 И прещау ему мнози, да умолчит: он же множае паче зваше: Сыне Давидов, помилуй мя. 49 И став Иисус, рече его возгласити. И возгласиша слепца, глаголюще ему: дерзай, востани, зовет тя. 50 Он же отверг ризы своя, востав прииде ко Иисусови. 51 И отвещав глагола ему Иисус: что хощети, да сотворю Тебе? Слепый же глагола Ему: Учителю, да прозрю. 52 Иисус же рече ему: иди: вера твоя спасе тя. И аbie прозре и по Иисусе иде в путь.

11 И егда приближися во Иерусалим, в Вифсфагию и Вифанию, к горе Елеонстей, посла два от ученик Своих 2 и глагола има: идита в весь, яже есть прямо вами: и аbie входяща в ню, обръщета жребя привязано, на неже никтоже от человек вседе: отреша е, приведита:

3 и аще кто вама речет: что творита сие? Рцыта, яко Господь требует е: и абие послет е семо. 4 Идоста же, и обретоста жребя привязано при дверех вне на распутьи, и отрещиста е. 5 И нецы от стоящих ту глаголаху има: что деета отрещающа жребя? 6 Она же реста им, якоже заповеда има Иисус: и оставилаша я. 7 И приведоста жребя ко Иисусови: и возложиша на не ризы своя, и вседе на не. 8 Мнози же ризы своя постлаша по пути: друзии же вана резаху от древия и постилаху по пути. 9 И предходящи и вслед грядущии вопияху, глаголюще: осанна, благословен Грядый во имя Господне, 10 благословено грядущее царство во имя Господа отца нашего Давида: осанна в вышних. 11 И вниде во Иерусалим Иисус и в церковь: и соглядав вся, позде уже сущу часу, изыде в Вифанию со обемандесяте. 12 И наутрие изшедшым им от Вифании, взалка: 13 и видев смоковницу издалеча, имущу листвие, прииде, аще убо что обрящет на ней: и пришед к ней,ничесоже обрете, токмо листвие: не у бо време смоквам. 14 И отвещав Иисус рече ей: да не ктому от тебе во веки никто же плода снестъ. И слышау ученицы Его. (aiōn g165) 15 И придоша (паки) во Иерусалим. И вшед Иисус в церковь, начат изгонити продающыя и купующыя в церкви: и трапезы торжником и седалища продающих голуби испроверже: 16 и не даяше, да кто мимонесет сосуд сквозе церковь. 17 И учаше, глаголя им: несть ли писано, яко храм Мой храм молитвы наречется всем языком? Вс же сотвористе его вертеп разбойником. 18 И слышаша книжницы и архиерее, и искаху, како Его погубят: бояхуся Его, яко весь народ дивлящеся о учении Его. 19 И яко позде бысть, исходаше вон из града. 20 И утро мимоходяще, видеша смоковницу изсохшую из корения. 21 И воспомянув Петр глагола Ему: Равви, виждъ, смоковница, юже проклял еси, усще. 22 И отвещав Иисус глагола им: 23 имейте веру Божию: аминь бо глаголю вам, яко, иже аще речет горе сей: двигнися и верзися в море: и не размыслит в сердцы своем, но веру имет, яко еже глаголет, бывает: будет ему, еже аще речет: 24 сего ради глаголю вам: вся елика аще молящеся просите, веруйте, яко приемлете: и будет вам: 25 и егда стоите молящеся, отпушайте, аще что имате на кого, да и Отец ваш, Иже есть на небесех, отпустит вам согрешения ваша: 26 аще ли же вы не отпушаете, ни Отец ваш, Иже есть на небесех, отпустит вам согрешений ваших. 27 И придоша паки во Иерусалим. И в церкви ходящу Ему, придоша к Нему архиерее и книжницы и старцы 28 и глаголаша Ему: коею областю сия твориши? И кто Ти область сию даде, да сия твориши? 29 Иисус же отвещав

рече им: вопрошу вы и Аз словесе единаго, и отвещайте Ми: и реку вам, коею областю сия творю: 30 крещение Иоанново с небесе ли бе, или от человек? Отвещайте Ми. 31 И мысляху в себе, глаголюще: аще речем, с небесе, речет: почто убо не веровасте ему? 32 Но аще речем, от человек: бояхуся людий: вси бо имеяху Иоанна, яко воистину пророк бе. 33 И отвещавше глаголаша Иисусови: не вемы. И отвещав Иисус глагола им: ни Аз глаголю вам, коею областю сия творю.

12 И начат им в притчах глаголати: виноград насади человек, и огради оплотом, и ископа точило, и созда столп, и предаде его тяжателем, и отиде. 2 И послы к тяжателем во время раба, да от тяжатель примет от плода винограда: 3 они же емше его биша и отослаша тща. 4 И паки послы к ним другого раба: и того камением бивше, пробиша главу ему и послыша безчестна. 5 И паки иного послы: и того убиша: и многи ины, овы убо биюще, овы же убивающе. 6 Еще убо единаго сына име возлюбленного своего, послы и того к ним последи, глаголя, яко усраниятъ сына моего. 7 Они же тяжателе реша к себе, яко сей есть наследник: приидите, убием его, и наше будет наследствие. 8 И емше его убиша и извергша его вон из винограда. 9 Что убо сотворит господь винограда? Приидет и погубит тяжатели и даст виноград инем. 10 Ни Писания ли сего чли есте: камень, егоже не в ряду сотвориша зиждущии, сей бысть во главу угла: 11 от Господа бысть сие, и есть дивно во очию нашею? 12 И искаху Его яти, и убоявшись народа: разумеша бо, яко к ним притчу рече: и оставльше Его отиода. 13 И послыша к Нему некия от фарисеев и иродиан, да Его обольствят словом. 14 Они же пришедш глаголаша Ему: Учителю, вемы, яко истинен еси и не радиши ни о комже: не зриши бо на лице человеков, но воистину пути Божию учиши: достоит ли кинсон кесареви дати, или ни? Дамы ли, или не дамы? 15 Он же ведый их лицемерие, рече им: что Мя искушаете? Принесите Ми пенязь, да вижу. 16 Они же принесоша. И глагола им: чий образ сий и написание? Они же реша Ему: кесарев. 17 И отвещав Иисус рече им: воздадите кесарева кесареви и Божия Богови. И чудишася о Нем. 18 И придоша саддукее к Нему, иже глаголют воскресению не быти: и вопросиша Его, глаголюще: 19 Учителю, Моисей написа нам, яко аще кому брат умрет и оставит жену, а чад не оставит: да поймет брат его жену его и воскресит семя брату своему. 20 Седмь братий бе: и первый пойт жену и умирая не остави семене: 21 и второй пойт ю и умре, и ни той остави семене: и третий

такожде: 22 и пояса ю седмь и не оставиша семене: последи же всех умре и жена. 23 В воскресение убо, егда воскреснут, которому их будет жена: седмь бо имеша ю жену. 24 И отвещав Иисус рече им: не сего ли ради прельщаетесь, не ведуще Писания, ни силы Божия? 25 Егда бо из мертвых воскреснут, ни женятся, ни посягают, но суть яко Ангели на небесех: 26 о мертвых же, яко востают, несте ли чли в книгах Моисеевых, при купине яко рече ему Бог, глаголя: Аз Бог Авраамов и Бог Исааков и Бог Иаковль? 27 Несть Бог мертвых, но Бог живых: вы убо много прельщаетесь. 28 И приступль един от книжник, слышав их стязающихся и видев, яко добре отвеша им, вопроси Его: какая есть первая всех заповедий? 29 Иисус же отвеша ему: яко первейши всех заповедий: слыши, Израилю, Господь Бог ваш Господь един есть: 30 и возлюбиши Господа Бога твоего всем сердцем твоим, и всею душою твою, и всем умом твоим, и всею крепостию твою: сия есть первая заповедь. 31 И вторая подобна ей: возлюбиши ближняго своего яко сам себе. Большая сею ина заповедь несть. 32 И рече Ему книжник: добре, Учителю, воистинну рекл еси, яко един есть Бог, и несть ин разве Его: 33 и еже любити Его всем сердцем, и всем разумом, и всею душою, и всею крепостию: и еже любити ближняго яко себе, боле есть всех всесожжений и жертв. 34 Иисус же видев, яко смысленно отвеша, рече ему: не далече еси от Царствия Божия. И никтоже смеяше ктому Его вопросити. 35 И отвещав Иисус глаголаше, учя в церкви: како глаголют книжницы, яко Христос Сын есть Давидов? 36 Той бо Давид рече Духом Святым: глагола Господь Господеви моему: седи о десную Мене, дондеже положу враги Твоя подножие ногама Твоима. 37 Сам убо Давид глаголет Его Господа: и откуду Сын ему есть? И мног народ послушаше Его в сладость. 38 И глаголаше им во учении Своем: блюдитесь от книжник, хотящих во одеяниих ходити, и целования на торжищих, 39 и прежде седания на сонмищих, и первовозлежания на вечерях: 40 поядаше домы вдовиц и непещеванием надолзе молящеся, сии примут лишнее осуждение. 41 И сед Иисус прямо сокровищному хранилищу, зряше, како народ мещет медь в сокровищное хранилище. И мнози богатии вметаху многа. 42 И пришедши едини вдовица убога, вверже лепте две, еже есть кодрант. 43 И призвав ученики Своя, рече им: аминь глаголю вам, яко вдовица сия убогая множае всех вверже вметающих в сокровищное хранилище: 44 вси бо от избытка своего ввергоша: сия же от лишения своего вся, елика имеше, вверже, все житие свое.

13 И исходяще Ему от церкве, глагола Ему един от ученик Его: Учителю, виждь, каково камение и какова здания. 2 И отвещав Иисус рече ему: видиши ли сия великая здания? Не имать остати зде камень на камени, иже не разорится. 3 И седяще Ему на горе Елеонстей прямо церкве, вопрошау Его единаго Петр и Иаков, и Иоанн и Андрей: 4 рцы нам, когда сия будут? И кое (будет) знамение, егда имут вся сия скончатся? 5 Иисус же отвещав им, начат глаголати: блюдитесь, да не кто вас прельстит. 6 Мнози бо приидут во имя Мое, глаголюще, яко Аз есмь: и многи прельстят. 7 Егда же услышите брани и слышания бранем, не ужасайтесь: подобает бо быти: но не у кончина. 8 Востанет бо язык на язык, и царство на царство: и будут труси по местом, и будут глади и мятежи. Начало болезнем сия. 9 Блюдитесь же вы сами: предадят бо вы в сонмища, и на соборищах биени будете: и пред воеводы и цари ведени будете Мене ради, во свидетелство им. 10 И во всех языцах подобает прежде проповедатися Евангелию. 11 Егда же поведут вы предающе, не прежде пецытесь, что возглаголете, ни поучайтесь: но еже аще дастся вам в той час, се глаголите: не вы бо будете глаголющии, но Дух Святый. 12 Предаст же брат брата на смерть, и отец чадо: и востанут чада на родители и ублют их. 13 И будете ненавидими всеми имене Моего ради: претерпевый же до конца, той спасен будет. 14 Егда же узрите мерзость запустения, реченнуу Даниилом пророком, стоящу, идже не подобает: чый да разумеет: тогда сущии во Иудеи да бежат на горы: 15 и иже на крове, да не слазит в дом, ни да внидет взяти чесо от дому своего: 16 и иже на селе сый, да не возвратится вспять взяти ризу свою. 17 Горе же непраздным и доящым в тяя дни. 18 Молитесь же, да не будет бегство ваше в зиме. 19 Будут бо дни тии скорбь, якова не бысть такова от начала создания, еже созда Бог, доныне, и не будет. 20 И аще не бы Господь прекратил дний, не бы убо спаслася всяка плоть: но избранных ради, ихже избра, прекратит дни. 21 Тогда аще кто речет вам: се, зде Христос, или: се, онде: не имите веры. 22 Востанут бо лжехристи и лжепророцы и дадят знамения и чудеса, еже прельстити, аще возможно, и избранныя. 23 Вы же блюдитесь: се, прежде рех вам вся. 24 Но в тяя дни, по скорби той, солнце померкнет, и луна не даст света своего, 25 и звезды будут с небесе спадающа, и силы, яже на небесех, подвижутся. 26 И тогда узрят Сына Человеческаго грядуща на облацах с силою и славою многою. 27 И тогда послет Ангелы Своя и соберет

избранныя Своя от четырех ветр, от конца земли до конца неба. 28 От смоковницы же научится притчи: егда уже ветвие ея будет младо и изращает листвое, ведите, яко близ есть жатва: 29 тако и вы, егда сия видите бывающа, ведите, яко близ есть, при дверех. 30 Аминь глаголю вам, яко не имать прейти род сей, дондеже вся сия будут. 31 Небо и земля прейдут, словеса же Моя не прейдут. 32 О дни же том или о часе никто же весть, ни Ангели, иже суть на небесех, ни Сын, токмо Отец. 33 Блюдите, бдите и молитеся: не весте бо, когда время будет. 34 Якоже человек отходя оставил дом свой, и дав рабом своим власть, и комуждо дело свое, и вратарю повеле, да бдит. 35 Бдите убо: не весте бо, когда господь дому приидет, вечер, или полуночи, или в петлоглашение, или утро: 36 да не пришед внезапу, обрящет вы спящя. 37 А яже вам глаголю, всем глаголю: бдите.

14 Бе же Пасха и опресноцы по двою днию: и искаху архиерее и книжницы, како Его лестию емше убиют: 2 глаголаху же: (но) не в праздник, еда како молва будет людска. 3 И сущу Ему в Вифании, в дому Симона прокаженнаго, возлежашу Ему, прииде жена, имущи алавастр мира нарднаго пистикия многоценна: и сокруши алавастр, возливаше Ему на главу. 4 Бяху же нецы негодующе в себе и глаголюще: почто гибел сия мирная бысть? 5 Можаше бо сие продано быти вящще триех сот пенязь и датися нищым. И прещаеху ей. 6 Иисус же рече: оставите ю: что ей труды даете? Добро дело содела о Мне. 7 Всегда бо нищия имате с собою, и егда хощете, можете им добро творити: Мене же не всегда имате. 8 Еже име сия, сотвори: предвари помазати Мое тело на погребение. 9 Аминь глаголю вам: идже аще проповестся Евангелие сие во всем мире, и еже сотвори сия, глаголано будет в память ея. 10 И Иуда Искариотский, един от обоюнадесяте, иде ко архиереем, да предаст Его им. 11 Они же слышавше возрадовашася и обещаша ему сребренники дати. И искаше, како Его в удобно время предаст. 12 И в первый день опреснок, егда пасху жраху, глаголаша Ему ученицы Его: где хощеши, шедше уготоваем, да яси пасху? 13 И послала два от ученик Своих и глагола им: идита во град: и срящет вас человек в скудельнице воду нося: по нем идита, 14 и идже аще внидет, рцыта господину дому, яко Учитель глаголет: где есть виталница, идже пасху со ученики Моими снем? 15 И той вами покажет горницу велию, постлану, готову: ту уготовайта нам. 16 И изыдоста

ученика Его, и приидоста во град, и обретоста, якоже рече има: и уготоваста пасху. 17 И вечеру бывшу прииде со обеманадесяте. 18 И возлежащым им и ядущим, рече Иисус: аминь глаголю вам, яко един от вас предаст мя, ядый со Мною. 19 Они же начаша скорбети и глаголати Ему един по единому: еда аз? И другой: еда аз? 20 Он же отвещав рече им: един от обюонадесяте, омочивый со Мною в солило. 21 Сын убо Человеческий идет, якоже есть писано о Нем: горе же человеку тому, имже Сын Человеческий предастся: доб्रее было бы ему, аще не бы родился человек той. 22 И ядущим им, приемь Иисус хлеб, (и) благословив, преломи и даде им, и рече: приемите, ядите: сие есть Тело Мое. 23 И прием чашу, хвалу воздав, даде им: и пиша от нея вси. 24 И рече им: сия есть Кровь Моя Нового Завета, за многи изливаема: 25 аминь глаголю вам, яко кому не имам пити от плода лознаго до дне того, егда е пию ново во Царствии Божии. 26 И воспевше изыдоша в гору Елеонскую. 27 И глагола им Иисус, яко вси соблазнитеся о Мне в нощь сию: писано бо есть: поражу пастыря, и разыдутся овцы. 28 Но потом, егда воскресну, варяю вы в Галилеи. 29 Петр же рече Ему: аще и вси соблазнятся, но не аз. 30 И глагола ему Иисус: аминь глаголю тебе, яко ты днес в нощь сию, прежде даже вторицею петель не возгласит, трикраты отвержешися Мене. 31 Он же множае глаголаше паче: аще (же) ми есть с Тобою и умрети, не отвергуся Тебе. Такожде и вси глаголаху. 32 И придоша в весь, ейже имя Гефсимания: и глагола учеником Своим: седите зде, дондеже шед помолюся. 33 И поят Петра и Иакова и Иоанна с Собою: и начат ужасатися и тужити. 34 И глагола им: прискорбна есть душа Моя до смерти: будите зде и бдите. 35 И прешед мало, паде на земли и моляшеся, да, аще возможно есть, мимо идет от Него час: 36 и глаголаше: Авва Отче, вся возможна Тебе: мимо неси от Мене чашу сию: но не еже Аз хощу, но еже Ты. 37 И прииде, и обрете их спящих, и глагола Петрови: Симоне, спиши ли? Не возможг еси единаго часа победти? 38 Бдите и молитеся, да не внидете в напаст: дух убо бодр, плоть же немощна. 39 И паки шед помолися, тожде слово рек. 40 И возвращающя обрете я паки спящя: бяху бо очеса им тяготна: и не ведяху, что быша Ему отвещали. 41 И прииде третицею и глагола им: спите прочее и почивайте: приспе конец, прииде час: се, предается Сын Человеческий в руки грешником: 42 востаните, идем: се, предай мя приближися. 43 И абие, еще Ему глаголющу, прииде Иуда, един сый от обоюнадесяте, и с ним народ мног со оружием и

дрекольми, от архиерей и книжник и старец. 44 Даде же предаят Его знамение им, глаголя: Егоже аще лобжу, Той есть: имите Его и ведите (Его) сохранно. 45 И пришед, абие приступль к Нему, глагола (Ему): Равви, Равви. И облобыза Его. 46 Они же возложиша руце Свои на него и яша Его. 47 Един же некто от стоящих извлек нож, удари раба архиереова и уреза ему ухо. 48 И отвещав Иисус рече им: яко на разбойника ли изыдосте со оружием и дрекольми яти Мя? 49 По вся дни бех при вас в церкви учя, и не ясте Мене: но да сбудется Писание. 50 И оставилъше Его, вси бежаша. 51 И един некто юноша иде по Нем, одеян в плащаницу по нагу: и яша того юношу. 52 Он же оставил плащаницу, наг бежа от них. 53 И ведоша Иисуса ко архиерею: и снидошася к нему вси архиерее и книжницы и старцы. 54 И Петр издалеча вслед Его иде до внутрь во двор архиереев: и бе седя со слугами и грязя при свещи. 55 Архиерее же и весь сонм искаху на Иисуса свидетелства, да умертвят Его: и не обретаху. 56 Мнози бо лжесвидетельствоваху на Него, и равна свидетелства не бяху. 57 И нецы воставше лжесвидетельствоваху на Него, глаголюще: 58 яко мы слышахом Его глаголюща, яко Аз разорю церковь сию рукотвореную и треми денми ину нерукотворену созижду. 59 И ни тако равно бе свидетелство их. 60 И востав архиерей посреде, вопросы Иисуса, глаголя: не отвещаваеш линичесоже? Что сии на Тя свидетелствуют? 61 Он же молчаше и ничтоже отвещаваше. Паки архиерей вопросы Его и глагола Ему: Ты ли еси Христос, Сын Благословленного? 62 Иисус же рече: Аз есмъ: и узрите Сына Человеческого о десную седяща силы и грядуща со облаки небесными. 63 Архиерей же растерзав ризы своя, глагола: что еще требуем свидетелей? 64 Слышаще хулу: что вам мнится? Они же вси осудиша Его быти повинна смерти. 65 И начаша нецы плювати Нань, и прикрывати лице Его, и мучити Его, и глаголати Ему: прорцы. И слуги по ланитома Его бяху. 66 И сущу Петрови во дворе низу, прииде едина от рабынь архиереевых, 67 и видевши Петра греющася, возвревши на него, глагола: и ты с Назарянином Иисусом был еси. 68 Он же отвержеся, глаголя: не вем, ниже знаю, что ты глаголеши. И изыде вон на преддворие: и алектор возгласи. 69 И рабыня видевши его паки, начат глаголати предстоящим, яко сей от них есть. 70 Он же паки отметашся. И помале паки предстояции глаголаху Петрови: воистинну от них еси: ибо Галилеанин еси, и беседа твоя подобится. 71 Он же нача ротитися и клятися, яко не вем Человека Сего, Егоже вы глаголете. 72 И второе алектор возгласи. И

помяну Петр глаголол, егоже рече ему Иисус, яко прежде даже петель не возгласит двакраты, отвержешися Мене трикраты. И начен плакашеся.

15 И абие наутрие совет сотвориша архиерее со старцы и книжники, и весь сонм, связавше Иисуса ведоша и предаша (Его) Пилату. 2 И вопросы Его Пилат: Ты ли еси Царь Иудейский? Он же отвещав рече ему: ты глаголеши. 3 И глаголаху на Него архиерее много. 4 Пилат же паки вопросы Его, глаголя: не отвещаваеш линичтоже? Виждь, колика на Тя свидетелствуют. 5 Иисус же ктому ничтоже отвеща, яко дивитися Пилату. 6 На (всяк) же праздник отпускаше им единаго связня, егоже прошаху. 7 Бе же нарицаемый Варавва со сковники своими связан, иже в кове убийство сотвориша. 8 И возопив народ нача просити, якоже всегда творяше им. 9 Пилат же отвеща им, глаголя: хощете ли, пущу вам Царя Иудейска? 10 Ведяще бо, яко зависти ради предаша Его архиерее. 11 Архиерее же помануша народу, да паче Варавву пустит им. 12 Пилат же отвещав паки рече им: что убо хощете сотворю, Егоже глаголете Царя Иудейска? 13 Они же паки возопиша (глаголюще): пропни Его. 14 Пилат же глаголаше им: что бо зло сотвори? Они же излиха вопияху: пропни Его. 15 Пилат же хотя народу хотение сотворити, пусти им Варавву: и предаде Иисуса, бив, да пропнут Его. 16 Воини же ведоша Его внутрь двора, еже есть претор: и созваша всю спири, 17 и облекоша Его в препряду, и возложиша на Него сплетше тернов венец, 18 и начаша целовать Его (и глаголати): радуйся, Царю Иудейский. 19 И бяху Его по главе тростию, и плюваху на Него, и прегибающе колена покланяхуся Ему. 20 И егда поругашася Ему, совлекоша с Него препряду и облекоша Его в ризы Своя: и изведоша Его, да пропнут Его. 21 И задеша мимоходящу некоему Симону Киринею, грядущу с села, отцу Александрову и Руфову, да возмет крест Его. 22 И приведоша Его на Голгофу место, еже есть сказаемо Лобное место. 23 И даяху Ему пити есмирнисмено вино: Он же не прият. 24 И распенши Его разделиша ризы Его, метающе жребий о них, кто что возмет. 25 Бе же час третий, и распяша Его. 26 И бе написание вины Его написано: Царь Иудейск. 27 И с Ним распяша два разбойника, единаго о десную и единаго о шую Его. 28 И сбыстся Писание, еже глаголет: и со беззаконными вменися. 29 И мимоходящии хуляху Его, покивающе главами своими и глаголюще: уа, разоряй церковь и треми денми созидаяй, 30 спасися Сам и сиди со

креста. 31 Такожде и архиерее ругающеся, друг ко другу с книжники глаголаху: ины спасе, Себе ли не может спасти? 32 Христос, Царь Израилев, да снидет ныне со креста, да видим и веру имем Ему. И распятая с Ним поношаста Ему. 33 Бывшу же часу шестому, тма бысть по всей земли до часа девятаго. 34 И в час девятый возопи Иисус гласом велиим, глаголя: Елои, Елои, лама савахфани? Еже есть сказаemo: Боже Мой, Боже Мой, почто Мя оставил еси? 35 И нецы от предстоящих слышавше, глаголаху: се, Илию гласит. 36 Тек же един, и наполнив губу оцта, и возложь на трость, напаяше Его, глаголя: оставите, да видим, аще приидет Илия снятии Его. 37 Иисус же пущь глас велий, издше. 38 И завеса церковная раздрася на двое, свыше до низу. 39 Видев же сотник стояй прямо Ему, яко тако возопив издше, рече: воистинну Человек Сей Сын бе Божий. 40 Бяху же и жены издалеча зряща, в нихже бе Мария Магдалина, и Мария Иакова малаго и Иосии мати, и Саломии, 41 яже, и егда бе в Галилеи, хождаху по Нем и служаху Ему: и ины многия, яже взыдоша с Ним во Иерусалим. 42 И уже позде бывшу, понеже бе пяток, еже есть к субботе, 43 прииде Иосиф, иже от Ариамфеа, благообразен советник, иже и той бе чая Царствия Божия, дерзнув вниде к Пилату, и проси телесе Иисусова. 44 Пилат же дивися, аще уже умре: и призвав сотника, вопросы его: аще уже умре? 45 И уведев от сотника, даде тело Иосифови. 46 И купив плащаницу и снемъ Его, обвит плащаницею: и положи Его во гроб, иже бе изсечен от камене: и привали камень над двери гроба. 47 Мария же Магдалина и Мария Иосиева зрясте, где Его полагаху.

16 И минувшей субботе, Мария Магдалина и Мария Иаковля и Саломия купиша ароматы, да пришедши помажут Иисуса. 2 И зело заутра во едину от суббот придоша на гроб, возсиявшу солнцу, 3 и глаголаху к себе: кто отвалит нам камень от дверий гроба? 4 И возвревши видеша, яко отвален бе камень: бе бо велий зело. 5 И вшедши во гроб, видеша юношу седяща в десных, одеяна во одежду белу: и ужасошася. 6 Он же глагола им: не ужасайтесь: Иисуса ищете Назарянина распятаго: воста, несть зде: се, место, идеже положиша Его: 7 но идите, рцыте учеником Его и Петрови, яко варяют вы в Галилеи: тамо Его видите, якоже рече вам. 8 И изшедши бежаша от гроба: имяше же их трепет и ужас: и ни комуже ничтоже реша: бояхуся. 9 (note: The most reliable and earliest manuscripts do not include Mark 16:9-20.) Воскрес же (Иисус) заутра в первую субботу, явися

прежде Марии Магдалини, из неяже изгна седьмь бесов. 10 Она (же) шедши возвести с Ним бывшым, плачущимся и ръдающимся: 11 и они слышавше, яко жив есть и виден бысть от нея, не яша веры. 12 По сих же двема от них грядущема явися инем образом, идущема на село. 13 И та шедша возвестила прочым: и ни тема веры яша. 14 Последи (же) возлежащим им единомунасцяте явися, и поноси неверствию их и жестосердию, яко видевшым Его воставша не яша веры. 15 И рече им: шедше в мир весь, проповедите Евангелие всей твари. 16 Иже веру имет и крестится, спасен будет: а иже не имет веры, осужден будет. 17 Знамения же веровавшим сия последуют: именем Моим бесы ижденут: языки возглашуют новы: 18 змия возмут: аще и что смертно испиют, не вредит их: на недужныя руки возложат, и здрави будут. 19 Господь же убо, по глаголании (Его) к ним, вознесеся на небо и седе о десную Бога. 20 Они же изшедше проповедаша всюду, Господу поспешствующу и слово утверждающу последствующими знаменьми. Аминь.

От Луки святое благовествование

1 Понеже убо мнози начаша чинити повесть о известованных в нас вещех, **2** яко же предаша нам, иже исперва самовидцы и слуги бывши Словесе: **3** изволися и мне последовавшу выше вся испытно, поряду писати тебе, державный Феофиле, **4** да разумеши, о нихже научился еси словесех утверждение. **5** Бысть во дни Ирода царя Иудейска, иерей некий, именем Захария, от дневных чреды Авиани: и жена его от дщерей Аароновех, и имя ей Елисаветъ. **6** Беста же праведна оба пред Богом, ходяща во всех заповедех и оправданиих Господних безпорочна. **7** И не бе има чада, понеже Елисаветъ бе неплоды, и оба заматоревша во днех своих беста. **8** Бысть же служашу ему в чину чреды своея пред Богом, **9** по обычаю священничества ключися ему покадити вшедшу в церковь Господнюю: **10** и все множество людей бе молитву дея вне, в год фимиама: **11** явися же ему Ангел Господень, стоя о десную олтаря кадилнаго: **12** и смутился Захария видев, и страх нападе нань. **13** Рече же к нему Ангел: не бойся, Захарие: зане услышана бысть молитва твоя, и жена твоя Елисаветъ родит сына тебе, и наречеши имя ему Иоанн: **14** и будет тебе радость и веселие, и мнози о рождестве его возврадуются: **15** будет бо велий пред Господем: и вина и сикера не имать пити, и Духа Святаго исполнится еще из чрева матере своея: **16** и многих от сынов Израилевых обратит ко Господу Богу их: **17** и той предидет пред Ним духом и силою Илииною, обратити сердца отцем на чада, и противныя в мудрости праведных, уготовати Господеви люди совершенны. **18** И рече Захария ко Ангелу: по чесому разумею сие? Аз бо есмь стар, и жена моя заматоревши во днех своих. **19** И отвещав Ангел рече ему: аз есмь Гавриил предстояй пред Богом, и послан есмь глаголати к тебе и благовестити тебе сия: **20** и се, будеши молчя и не могий проглаголати, до негоже дне будут сия: зане не веровал еси словесем моим, яже сбудутся во время свое. **21** И беша людие ждуще Захарию: и чудяхуся коснящу ему в церкви. **22** Изшед же не можаше глаголати к ним: и разумеша, яко видение виде в церкви: и той бе помавая им, и пребываше нем. **23** И бысть яко исполнишася дни службы его, иде в дом свой. **24** По сих же днех зачат Елисаветъ жена его, и таящеся месяц пять, глаголющи: **25** яко тако мне сотвори Господъ во дни, в наже призре отято поношение мое в человекех. **26** В месяц же шестый

послан бысть Ангел Гавриил от Бога во град Галилейский, ему же имя Назарет, **27** к Деве оброченнеи мужеви, ему же имя Иосиф, от дому Давидова: и имя Деве Мариамъ. **28** И вшед к Ней Ангел рече: радуйся, Благодатная: Господъ с Тобою: благословена Ты в женах. **29** Она же видевши смутися о словеси его и помышляше, каково будет целование сие. **30** И рече Ангел Ей: не бойся, Мариамъ: обрела бо еси благодать у Бога. **31** И се зачнеши во чреве, и родиши Сына, и наречеши имя Ему Иисус: **32** Сей будет велий, и Сын Вышняго наречется: и даст Ему Господъ Бог престол Давида отца Его: **33** и воцарится в дому Иаковли во веки, и Царствию Его не будет конца. (αἰονὶ γ165) **34** Рече же Мариамъ ко Ангелу: како будет сие, идже мужа не знаю? **35** И отвещав Ангел рече Ей: Дух Святый найдет на Тя, и сила Вышняго осенит Тя: темже и раждаемое Свято наречется Сын Божий: **36** и се, Елисаветъ южика Твоя, и та зачат сына в старости своей: и сей месяц шестый есть ей нарицаемей неплоды: **37** яко не изнеможет у Бога всяк глаголот. **38** Рече же Мариамъ: се, Раба Господня: буди Мне по глаголу твоему. И отиде от Нея Ангел. **39** Воставши же Мариамъ во дни тыя, иде в горня со тщанием, во град Иудов: **40** и вниде в дом Захарии и целова Елисаветъ. **41** И бысть яко услыша Елисаветъ целование Мариину, взыграша младенец во чреве ея: и исполнися Духа Свята Елисаветъ, **42** и возопи гласом велиим, и рече: благословена Ты в женах, и благословен плод чрева Твоего: **43** и откуду мне сие, да приидет Мати Господа моего ко мне? **44** Се бо, яко бысть глас целования Твоего во ушию мою, взыграша младенец радощами во чреве моем: **45** и блаженна Веровавшая, яко будет совершение глагололанным Ей от Господа. **46** И рече Мариамъ: величит душа Моя Господа, **47** и вразрадовася дух Мой о Бозе Спасе Моем: **48** яко призре на смирение Рабы Своей: се бо, отныне ублажат Мя вси роди: **49** яко сотвори Мне величие Сильный, и свято имя Его: **50** и милость Его в роды родов боящымся Его: **51** сотвори державу мышцею Свою: расточи гордя мыслию сердца их? **52** Низложи сильныя со престол, и вознеси смиренныя: **53** алчущыя исполни благ и богатящися отпусти тычи: **54** восприят Израиля отрока Своего, помянути милости, **55** яко же глагола ко отцем нашым, Аврааму и семени его до века. (αἰονὶ γ165) **56** Пребысть же Мариамъ с нею яко три месяцы и возвратися в дом свой. **57** Елисавети же исполнися время родити ей, и роди сына. **58** И слышаша окрест живущии и ужки ея, яко возвеличил есть Господъ милость Свою с нею: и радовахуся с нею. **59** И бысть во осмый день,

придоша обрезати отроча, и нарицаху е именем отца его, Захарию. 60 И отвещавши матери его рече: ни, но да наречется Иоанн. 61 И реша к ней, яко никтоже есть в родстве твоем, иже нарицается именем тем. 62 И помаваху отцу его, еже како бы хотел нарещи е. 63 И испрошь дщцу, написа, глаголя: Иоанн будет имя ему. И чудяхуся вси. 64 Отверзоша же уста его абие и язык его, и глаголаше благословия Бога. 65 И бысть на всех страх живущих окрест их: и во всей стране Иудейстей поведаеми бяху вси глаголи сии. 66 И положиша вси слышавши в сердцы своем, глаголюще: что убо отроча сие будет? И рука Господня бе с ним. 67 И Захария отец его исполниси Духа Свята, и пророчествова, глаголя: 68 благословен Господь Бог Израилев, яко посети и сотвори избавление людем Своим: 69 и воздвиге рог спасения нам, в дому Давида отрока Своего: 70 яко же глагола усты святых сущих от века пророк Его, (αἰῶν γε) 71 спасение от враг наших и из руки всех ненавидящих нас: 72 сотвори милость со отцы нашими и помянути завет святый Свой, 73 клятву, еюже клятся ко Аврааму отцу нашему, дати нам, 74 без страха, из руки враг наших избавльшымся, 75 служити Ему преподобием и правдою пред Ним вся дни живота нашего. 76 И ты, отроча, пророк Вышняго наречеши: предидеши бо пред лицем Господним, уготовати пути Его, 77 дати разум спасения людем Его, во оставление грех их, 78 милосердия ради милости Бога нашего, в нижне посетил есть нас Восток свыше, 79 просветити во тме и сени смертней седящыя, направити ноги наша на путь мирен. 80 Отроча же растяше и крепляшеся духом: и бе в пустынех до дне явления своего ко Израилю.

2 Бысть же во дни тяя, изыде повеление от кесаря Августа написати всю вселенную. 2 Сие написание первое бысть владящу Сириею Киринию. 3 И идяху вси написатися, кождо во свой град. 4 Взыде же и Иосиф от Галилеи, из града Назарета, во Иудею, во град Давидов, иже нарицается Вифлеем, зане быти ему от дому и отечества Давидова, 5 написатися с Марию обрученою ему женою, сущею непраздною. 6 Бысть же, егда быста тамо, исполнишаася дние родити Ей: 7 и роди Сына своего Первенца, и повит Его, и положи Его в яслех: зане не бе им места во обители. 8 И пастыри беху в тойже стране, бдяще и стрегуще стражу нощную о стаде своем. 9 И се, Ангел Господень ста в них, и слава Господня осия их: и убояшася страхом велиим. 10 И рече им Ангел: не бойтесь: се бо, благовествую вам радость велию, яже

будет всем людем: 11 яко родися вам днесь Спас, Иже есть Христос Господь, во граде Давидове: 12 и се вам знамение: обрящете Младенца повита, лежаща в яслех. 13 И внезапу бысть со Ангелом множество вой небесных, хвалящих Бога и глаголующих: 14 слава в вышних Богу, и на земли мир, во человекех благоволение. 15 И бысть, яко отиода от них на небо Ангели, и человеки пастырие реша друг ко другу: прейдем до Вифлеема и видим глаголгол сей бывший, егоже Господь сказа нам. 16 И придоша поспешеши, и обретоша Мариам же и Иосифа, и Младенца лежаща во яслех. 17 Видевше же сказаша о глаголголе глаголланнем им о Отрочати Сем. 18 И вси слышавши дивишаася о глаголанных от пастырей к ним. 19 Мариам же соблюдаше вся глаголы сия, слагающи в сердцы Своем. 20 И возвратишаася пастырие, славяще и хваляще Бога о всех, яже слышаша и видеша, яко же глаголано бысть к ним. 21 И егда исполнишаася осмь дний, да обрежут Его, и нарекоша имя Ему Иисус, нареченное Ангелом прежде даже не зачатся во чреве. 22 И егда исполнишаася дние очищения ю, по закону Моисееву, вознесоста Его во Иерусалим, поставити Его пред Господем, 23 яко же есть писано в законе Господни: яко всяк младенец мужеска полу, разверзая ложесна, свято Господеви наречется: 24 и еже дати жертву, по реченному в законе Господни, два горличища или два птенца голубина. 25 И се, бе человек во Иерусалиме, ему же имя Симеон. И человек сей праведен и благочестив, чая утехи Израилевы: и Дух бе Свят в нем. 26 И бе ему обещанно Духом Святым, не видети смерти, прежде даже не видит Христа Господня. 27 И прииде Духом в церковь. И егда введоста родителя Отроча Иисуса, сотворити има по обычю законному о Нем, 28 и той приемь Его на руку своею, и благослови Бога, и рече: 29 ныне отпускаши раба Твоего, Владыко, по глаголгу Твоему, с миром: 30 яко видесте очи мои спасение Твое, 31 еже еси уготовал пред лицем всех людей: 32 свет во откровение языком, и славу людий Твоих Израиля. 33 И бе Иосиф и Мати Его чудящася о глаголемых о Нем. 34 И благослови я Симеон, и рече к Марии Матери Его: се, лежит Сей на падение и на востание многим во Израили, и в знамение пререкаемо: 35 и Тебе же Самой душу пройдет оружие: яко да открыются от многих сердец помышления. 36 И бе Анна пророчица, дщи Фануилева, от колена Асирова: сия заматоревши во днех мнозех, живши с мужем седьмь лет от девства своего: 37 и та вдова яко лет осмысдесят и четыре, яже не отходаше от церкве, постом и молитвами

служащи день и нощь. 38 И та в той час приставши исповедавшися Господеви и глаголаше о Нем всем чающим избавления во Иерусалиме. 39 И яко скончашася вся по закону Господню, возвратиша в Галилею, во град свой Назарет. 40 Отроча же растиша и креплящеся духом, исполняся премудрости: и благодать Божия бе на Нем. 41 И хождаста родителя Его на всяко лето во Иерусалим в праздник Пасхи. 42 И егда бысть двоюнадесяти лету, восходящим им во Иерусалим по обычаю праздника, 43 и скончавшим дни, и возвращающимся има, оста Отрок Иисус во Иерусалиме: и не разуме Иосиф и Мати Его: 44 мневша же Его в дружине суща, преидста дне путь, и искаста Его во сродницах и в знаемых: 45 и не обретша Его, возвратистася во Иерусалим, взыскающа Его. 46 И бысть по триех днех, обретоста Его в церкви, седящаго посреде учителей, и послушающаго их, и вопрошающаго их: 47 ужасахуся же вси послушающии Его о разуме и о ответех Его. 48 И видевша Его, дивистася: и к Нему Мати Его рече: Чадо, что сотвори нама тако? Се, отец Твой и Аз боляща искахома Тебе. 49 И рече к нима: что яко искаста Мене? Не веста ли, яко в тех, яже Отца Моего, достоит быти Ми? 50 И та не разуместа глаголгола, егоже глагола Има. 51 И снide с нима и прииде в Назарет: и бе повинуся има. И Мати Его соблюдаше вся глаголголы сия в сердцы Своем. 52 И Иисус преспеваше премудростию и возрастом и благодатию у Бога и человек.

3 В пятое же надесяте лето владычества Тиверия кесаря, обладающу Понтийскому Пилату Иудею, и четвертовластвующу Галилею Ироду, Филиппу же брату его четвертовластвующу Итурею и Трахонитскою страною, и Лисанию Авилинию четвертовластвующу, 2 при архиереи Анне и Каиафе, бысть глаголгол Божий ко Иоанну Захариину сыну в пустыни. 3 И прииде во всю страну Иорданскую, проповедая крещение покаяния во оставление грехов: 4 яко же есть писано в книзе словес Исаии пророка, глаголюща: глас вопиющаго в пустыни: уготовайте путь Господень: правы творите стези Его: 5 всяка дебрь исполнится, и всяка гора и холм смирится: и будут стропотная в правая, и острии в пути гладки: 6 и узрит всяка плоть спасение Божие. 7 Глаголаше же исходящим народом креститися от него: порождения ехиднова, кто сказа вам бежати от грядущаго гнева? 8 Соторите убо плоды достойны покаяния: и не начинайте глаголати в себе: отца имамы Авраама: глаголю бо вам, яко может Бог от камения сего воздвигнути чада Аврааму.

9 Уже бо и секира при корени дерева лежит: всяко убо древо не творящее плода добра посекается и во огнь вметается. 10 И вопрошаху его народи, глаголюще: что убо сотворим? 11 Отвешав же глагола им: имеяй две ризе, да подаст неимущему: и имеяй брашна, такожде да творит. 12 Придоша же и мытари креститися от него и реша к нему: учителю, что сотворим? 13 Он же рече к ним: ничтоже более от повеленаго вам творите. 14 Вопрошаху же его и воини, глаголюще: и мы что сотворим? И рече к ним: ни кого же обидите, ни оклеветавайте: и доволни будите оброки вашими. 15 Чающым же людем, и помышляющим всем в сердцах своих о Иоанне, еда той есть Христос, 16 отвешаваше Иоанн всем, глаголя: аз убо водою крещаю вы: грядет же Креплий мене, Ему же несмъ достоин отрешити ремень сапогу Его: Той вы крестит Духом Святым и огнем: 17 Ему же лопата в руку Его, и отребит гумно Свое, и соберет пшеницу в житницу Свою, плевы же сожжет огнем негасающим. 18 Многа же убо и ина утешая благовествоваша людем. 19 Ирод же четвертовластвник, обличаемъ от него о Иродиаде жене брата своего, и о всех, яже сотвори злая Ирод, 20 приложи и сие над всеми, и затвори Иоанна в темнице. 21 Бысть же егда крестиша вси людие, и Иисусу крещашу и молящую, отверзеся небо, 22 и снide Дух Святый телесным образом, яко голубь, Нань: и глас с небесе бысть, глаголя: Ты еси Сын Мой Возлюбленный, о Тебе благоволих. 23 И той бе Иисус яко лет тридесять начиная, сый, яко мнимъ, Сын Иосифов, Илиев, 24 Матфатов, Левин, Мелхин, Ианнаев, Иосифов, 25 Маттафиев, Амосов, Наумов, Еслимов, Наггеев, 26 Маафов, Маттафиев, Семеиев, Иосифов, Иудин, 27 Иоаннанов, Рисаев, Зоровавелев, Салафиев, Нириев, 28 Мелхиев, Аддиев, Косамов, Елмодамов, Иров, 29 Иосиев, Елиезеров, Иоримов, Матфатов, Левин, 30 Симеонов, Иудин, Иосифов, Ионанов, Елиакимов, 31 Мелеаев, Майнанов, Маттафаев, Нафанов, Давидов, 32 Иессеев, Овидов, Воозов, Салмонов, Наассонов, 33 Аминадавов, Арамов, Есромов, Фаресов, Иудин, 34 Иаковль, Исааков, Авраамов, Фарин, Нахоров, 35 Серухов, Рагавов, Фалеков, Еверов, Саланов, 36 Каинанов, Арфаксадов, Симов, Ноев, Ламехов, 37 Мафусалев, Енохов, Иаредов, Малелеилов, Каинанов, 38 Еносов, Сифов, Адамов, Божий.

4 Иисус же исполнъ Духа Свята возвратися от Иордана: и ведящеся Духом в пустыню, 2 дний четыридесять искушаемъ от диавола: и не ястничесоже во дни тиа: и

скончавшымся им, последи взалка. 3 И рече Ему диавол: аще Сын еси Божий, рцы каменеви сему, да будет хлеб. 4 И отвеша Иисус к нему, глаголя: писано есть, яко не о хлебе единем жив будет человек, но о всяцем глагололе Божии. 5 И возвед Его диавол на гору высоку, показа Ему вся царствия вселенныя в часе временне, 6 и рече Ему диавол: Тебе дам власть сию всю и славу их: яко мне предана есть, и, ему же аще хощу, дам ю: 7 Ты убо аще поклониши предо мною, будут Тебе вся. 8 И отвешав рече ему Иисус: иди за Мною, сатано: писано есть: поклонишися Господу Богу твоему, и Тому единствому послужиши. 9 И веде Его во Иерусалим, и постави Его на криле церковнем, и рече Ему: аще Сын еси Божий, верзися отсюду долу: 10 писано бо есть, яко Ангелом Своим заповесть о Тебе сохранити Тя: 11 и на руках возмут Тя, да не когда преткнеши о камень ногу Твою. 12 И отвешав рече ему Иисус, яко речено есть: не искусиши Господа Бога твоего. 13 И скончав все искушение диавол, отиде от Него до времене. 14 И возвратися Иисус в силе духовней в Галилею: и весть изыде по всей стране о Нем. 15 И той учаще на сонмищих их, славим всеми. 16 И прииде в Назарет, идже бе воспитан. И вниде, по обычаю Своему, в день субботный в сонмище, и воста чести. 17 И даша Ему книгу Исаии пророка: и разгнув книгу, обрете место, идже бе написано: 18 Дух Господень на Мне: Егоже ради помаза Мя благовестити нищым, посла Мя изцелити сокрушенныя сердцем, проповедати плененным отпущение и слепым прозрение, отпустити сокрушенныя во отраду, 19 проповедати лето Господне приятно. 20 И согнув книгу, отдав слuze, седе: и всем в сонмищи очи беху зряще Нань. 21 И начат глаголати к ним, яко днесъ сбытится писание сие во ушию вашею. 22 И все свидетелствоваху Ему, и дивляхуся о словесех благодати, исходящих из уст Его, и глаголаху: не Сей ли есть сын Иосифов? 23 И рече к ним: всяко речете Ми притчу сию: врачу, изцелися Сам: елика слышахом бывшая в Капернауме, сотвори и зде во отечествии Своем. 24 Рече же: аминь глаголю вам, яко ни который пророк приятен есть во отечествии своем: 25 поистинне же глаголю вам: многи вдовицы беша во дни Илиини во Израили, егда заключися небо три лета и месяц шесть, яко бысть глад велик по всей земли: 26 и ни ко единей их послан бысть Илия, токмо в Сарепту Сидонскую к жене вдовице: 27 и мнози прокажени беху при Елиссеи пророце во Израили: и ни един же от них очистися, токмо Нееман Сирианин. 28 И исполнишася вси ярости в сонмищи, слышавши сия: 29 и воставше изгнанша Его

вон из града, и ведоша Его до верху горы, на нейже град их создан бяше, да быша Его низринули: 30 Он же прошед посреде их, идяше. 31 И снide в Капернаум град Галилейский: и бе учя их в субботы. 32 И ужасахуся о учении Его: яко со властию бе слово Его. 33 И в сонмищи бе человек имый духа беса нечиста, и возопи гласом велиим, 34 глаголя: остави, что нам и Тебе, Иисусе Назарянине? Пришел еси погубити нас: вем Тя, кто еси, Святый Божий. 35 И запрети ему Иисус, глаголя: премолчи и изыди из него. И поверг его бес посреде, изыде из него, никакоже вредив его. 36 И бысть ужас на всех, и стязахуся друг ко другу, глаголюще: что слово сие, яко властию и силою велит нечистым духовом, и исходит? 37 И исходжаще глас о Нем во всяко место страны. 38 Востав же из сонмища, вниде в дом Симонов: теща же Симонова бе одержима огнем велиим: и молиша Его о ней. 39 И став над нею, запрети огню, и остави ю. Абие же воставши служаше им. 40 Заходящу же солнцу, вси, елицы имеяку болящя недуги различными, привождаху их к Нему: Он же на единаго коегождо их руце возложъ, изцеляше их. 41 Исходжаху же и беси от многих, вопиюще и глаголюще, яко Ты еси Христос Сын Божий. И запрещая не даяше им глаголати, яко ведяху Христа Самаго суща. 42 Бывшу же дню, изshed иде в пусто место: и народи искаху Его, и прииодаша к Нему, и удержаваху Его, дабы не отшел от них. 43 Он же рече к ним, яко и другим градовом благовестити Ми подобает Царствие Божие: яко на се послан есмь. 44 И бе проповедая на сонмищих галилейских.

5 Бысть же належащу Ему народу, да быша слышали слово Божие, и Той бе стоя при езере Генинисаретске: 2 и виде два корабля стояща при езере: рыбарие же отшедше от нею, измываху мрежи. 3 Влез же в един от кораблю, иже бе Симонов, моли его от земли отступити мало: и сед учаще из корабля народы. 4 Якоже преста глаголя, рече к Симону: поступи во глубину, и вверзите мрежи ваша в ловитву. 5 И отвешав Симон рече Ему: Наставниче, об нощь всю труждшеся,ничесоже яхом: по глагололу же Твоему ввергу мрежу. 6 И се соторвше, яша множество рыб много: пртерзашеся же мрежа их. 7 И помануша причастником, иже беху во дружем корабли, да пришедше помогут им: и прииодаша, и исполниша оба корабля, яко погружатися има. 8 Видев же Симон Петр, припаде к коленома Иисусовома, глаголя: изыди от мене, яко муж грешен есмь, Господи. 9 Ужас бо одержаше его и вся сущая с ним, о ловитве рыб, яже яша: 10

такожде же Иакова и Иоанна сына Зеведеова, яже беста обещника Симонови. И рече к Симону Иисус: не бойся: отселе будеши человеки ловя. 11 И извлекше (оба) корабля на землю, оставилше вся, вслед Его идоша. 12 И бысть егда бе Иисус во единем от градов, и се, муж исполнъ прокажения: и видев Иисуса, пад ниц, моляся Ему, глаголя: Господи, аще хощеши, можеш мя очистити. 13 И простер руку, коснуся его, рек: хощу, очистися. И аbie проказа отиде от него. 14 И Той заповеда ему ни комуже поведати: но шед покажися иереови, и принеси о очищении твоем, якоже повеле Моисей, во свидетельство им. 15 Проходжаše же паче слово о Нем: и сходжауся народи мнози слышати и целитися от Него от недуг своих. 16 Той же бе отходя в пустыню и моляся. 17 И бысть во един от дний, и Той бе учя: и беху седяще фарисеи и законоучителе, иже беху пришли от всякия веси Галилейския и Иудейския и Иерусалимския: и сила Господня бе изцеляющи их: 18 и се, мужие носяще на одре человека, иже бе разслаблен, и искаху внести его и положити пред Ним: 19 и не обретше куде внести его народа ради, взлезше на храм, сквозе скуделы низвесиша его со одром на среду пред Иисуса. 20 И видев веру их, рече ему: человече, оставляюттися греси твои. 21 И начаша помышляти книжницы и фарисеи, глаголюще: кто есть сей, иже глаголет хулы? Кто может оставляти грехи, токмо един Бог? 22 Разумев же Иисус помышления их, отвещав рече к ним: что помышляете в сердцах ваших? 23 Что есть удобее рещи: оставляюттися греси твои? Или рещи: востани и ходи? 24 Но да увесте, яко власть имать Сын Человеческий на земли отпущати грехи, рече разслабленному: тебе глаголю: востани, и возми одр твой, и иди в дом твой. 25 И аbie востав пред ними, взем, на немже лежаше, иде в дом свой, славя Бога. 26 И ужас прият всех, и славляху Бога: и исполнилася страха, глаголюще, яко видехом преславная днесъ. 27 И поsem изыде, и узре мытаря именем Левию, седяща на мытнице, и рече ему: иди по Мне. 28 И оставль вся, востав вслед Его иде. 29 И сотвори учреждение велие Левий Ему в дому своем: и бе народ мытарей мног, и инех, иже бяху с ним возлежаше. 30 И роптаху книжницы на Него и фарисеи, ко учеником Его глаголюще: почто с мытари и грешники ясте и пиете? 31 И отвещав Иисус рече к ним: не требуют здравии врача, но болияши: 32 не придох призвати праведных, но грешных в покаяние. 33 Они же реша к Нему: почто ученицы Иоанновы постятся часто и молитвы творят, такожде и фарисейстии, а Твои ядят и пируют? 34 Он же рече к ним: еда можете

сыны брачныя, дондеже жених с ними есть, сотворити поститися? 35 Приидут же дни, егда отят будет от них жених, и тогда постятся в тыя дни. 36 Глаголаше же и притчу к ним, яко никотоже приставления ризы новы приставляет на ризу ветху: аще ли же ни, и новую раздерет, и ветсей не согласует еже от новаго. 37 И никотоже вливает вина нова в мехи ветхи: аще ли же ни, расторгнет новое вино мехи, и само излиется, и меси погибнут: 38 но вино новое в мехи новы вливати: и обоя соблюдутся. 39 И никотоже пив ветхое, аbie хощет новаго: глаголет бо: ветхое лучше есть.

6 Бысть же в субботу второпервую ити Ему сквозе сияния: и восторгаху ученицы Его класы, и ядяху, стирающе руками. 2 Нецыи же от фарисей реша им: что творите, егоже не достоит творити в субботы? 3 И отвещав Иисус рече к ним: ни ли сего чли есте, еже сотвори Давид, егда взалкасся сам и иже с ним бяху? 4 Како вниде в дом Божий, и хлебы предложения взем, и яде, и даде и сущым с ним, ихже не достояше ясти, токмо единем иереем? 5 И глаголаше им, яко господь есть Сын Человеческий и субботе. 6 Бысть же и в другую субботу внити Ему в соннице и учити: и бе тамо человек, и рука ему десная бе суха. 7 Назираху же книжницы и фарисеи, аще в субботу изцелит, да обрящут речь Нань. 8 Он же ведяще помышления их и рече человеку имущему суху руку: востани и стани посреде. Он же востав ста. 9 Рече же Иисус к ним: вопрошу вы: что достоит в субботы, добро творити, или зло творити? Душу спасти, или погубити? Они же умолчаша. 10 И воззрев на всех их, рече ему: простри руку твою. Он же сотвори тако: и утвердися рука его здрава яко другая. 11 Они же исполнилася безумия и глаголаху друг ко другу, что быша сотворили Иисусови. 12 Бысть же во дни тыя, изыде в гору помолитися: и бе об нощь в молитве Божии. 13 И егда бысть день, призыва ученики Своя: и избра от них дванадесяте, ихже и Апостолы нарече: 14 Симона, егоже именова Петра, и Андреа брата его, Иакова и Иоанна, Филиппа и Варфоломеа, 15 Матфея и Фому, Иакова Алфеева и Симона нарицаемаго Зилота, 16 Иуду Иаковля, и Иуду Искариотскаго, иже и бысть предатель. 17 Изшед с ними, ста на месте равне: и народ ученик Его, и множество много людий от всея Иудеи и Иерусалима, и помория Тирска и Сидонска, 18 иже придоша послушати Его и изцелитися от недуг своих, и страждущии от дух нечистых: и изцеляхся. 19 И весь народ искаше прикасатися Ему: яко сила от

Него исходаше и изцеляше вся. 20 И Той возвед очи Свои на ученики Своя, глаголаше: блажени нищии духом: яко ваше есть Царствие Божие. 21 Блажени, алчущи ныне: яко насытитесь. Блажени, плачущи ныне: яко возсмеятеся. 22 Блажени будете, егда возненавидят вас человеки, и егда разлучат вы и поносят, и пронесут имя ваше яко зло, Сына Человеческаго ради. 23 Воздадитеся в той день и взыграйте: се бо, мзда ваша многа на небеси. По сим бо творяху пророком отцы их. 24 Обаче горе вам богатым: яко отстоите утешения вашего. 25 Горе вам, насыщенню ныне: яко взалчете. Горе вам смеющимся ныне: яко возрыдаете и восплачите. 26 Горе, егда добре рекут вам всеи человеки. По сим бо творяху лжепророком отцы их. 27 Но вам глаголю слышащым: любите враги вашия, добро творите ненавидящим вас, 28 благословите кленущия вы, и молитесь за творящих вам обиду. 29 Биющему тя в ланиту, подаждь и другую: и от взимающаго ти ризу, и срацицу не возбрани. 30 Всякому же просящему у тебе дай: и от взимающаго твоя не истязай. 31 И яко же хощете да творят вам человеки, и вы творите им такожде. 32 И аще любите любящия вы, кая вам благодать есть? Ибо и грешницы любящия их любят. 33 И аще благотворите благотворящим вам, кая вам благодать есть? Ибо и грешницы тожде творят. 34 И аще взаим даете, от нихже чаете восприяти, кая вам благодать есть, ибо и грешницы грешником взаим давают, да воспримут равная. 35 Обаче любите враги вашия, и благотворите, и взаим дайте,ничесоже чающе: и будет мзда ваша многа, и будете сынове Вышняго: яко Той благ есть на безблагодатныя и злыя. 36 Будите убо милосерди, яко же и Отец ваш милосерд есть. 37 И не судите, и не судят вам: (и) не осуждайте, да не осуждени будете: отпушайте, и отпустят вам: 38 дайте, и дастся вам: меру добру, наткану и потрясну и преливающуся дадят на лоно ваше: тою бо мерою, еюже мерите, возмерится вам. 39 Рече же притчу им: еда может слепец слепца водити? Не оба ли в яму впадетася? 40 Несть ученик над учителя своего: совершен же всяк будет, яко же и учитель его. 41 Что же видиши сучец, иже есть во очеси брата твоего, бервна же, еже есть во очеси твоем, не чуеши? 42 Или како можеши речи брату твоему: брате, остави, да изму сучец, иже есть во очеси твоем, сам сущаго во очеси твоем бервна не видя? Лицемере, изми первее бервно из очесе твоего, и тогда прозриши изяти сучец из очесе брата твоего. 43 Несть бо древо добро, творя плода зла: ниже древо зло, творя плода добра. 44 Всяко бо древо от плода своего познается: не от терния бо

чешут смоквы, ни от купины емлют гроздия. 45 Благий человек от благаго сокровища сердца своего износит благое: и злый человек от злого сокровища сердца своего износит злое: от избытка бо сердца глаголют уста его. 46 Что же Мя зовете: Господи, Господи, и не творите, яже глаголю? 47 Всяк грядый ко Мне и слышай словеса Моя и творя я, скажу вам, кому есть подобен: 48 подобен есть человеку зиждущу храмину, иже ископа и углуби, и положи основание на камени: наводнению же бывшу, припаде река ко храмине той, и не може поколебати я: основана бо бе на камени. 49 Слышавый же и не сотворивый подобен есть человеку создавшему храмину на земли без основания: к нейже припаде река, и аbie падеся, и бысть разрушение храмины той велие.

7 Егда же сконча вся глаголголы Своя в слухи людем, вниде в Капернаум. 2 Сотнику же некоему раб боля зле, хотяше умрети, иже бе ему честен. 3 Слышав же о Иисусе, посла к Нему старцы Иудейския, моля Его, яко да пришед спасет раба его. 4 Они же пришедше ко Иисусови, моляху Его тощно, глаголюще, яко достоин есть, ему же даси сие: 5 любит бо язык наш, и сонмище той созда нам. 6 Иисус же идяше с ними. И уже Ему не далече сущу от храмины, посла к Нему сотник други, глаголя Ему: Господи, не движися: несмь бо достоин, да под кров мой внидеши: 7 темже ни себе достойна сотворих прийти к Тебе: но рцы слово, и изцелеет отрок мой: 8 ибо и аз человек есмь под владыкою учинен, имея под собою воины: и глаголю сему: иди, и идет: и другому: приди, и приидет: и рабу моему: сотвори сие, и сотворит: 9 Слышав же сия Иисус, чудися ему, и обращаясь идущему по Нем народу рече: глаголю вам, ни во Израили толики веры обретох. 10 И возвращшеся посланини обретоша болящаго раба изцелевша. 11 И бысть посем, идяше во град, нарицаемый Найн: и с Ним идяху ученицы Его мнози и народ мног. 12 Яко же приближися ко вратом града, и се изношаху умерша, сына единородна матери своей, и та бе вдова: и народ от града мног с нею. 13 И видев ю Господь, милосердова о ней, и рече ей: не плачи. 14 И приступль коснуся во одр: носящии же сташа: и рече: юноше, тебе глаголю, востани. 15 И седе мертвый, и начат глаголати: и даде его матери его. 16 Прият же страх всех, и славляху Бога, глаголюще: яко пророк велий воста в нас, и яко посети Бог людий Своих. 17 И изъде слово сие по всей Иудеи о Нем, и по всей стране. 18 И возвестиша Иоанну ученицы его о всех сих. 19 И призвав два некая от ученик своих Иоанн, посла ко Иисусу, глаголя: Ты ли

еси Грядый, или иного чаем? 20 Пришедша же к Нему мужа, реста: Иоанн Креститель посла нас к Тебе, глаголя: Ты ли еси Грядый, или иного чаем, 21 в Той же час изцели многи от недуг и ран и дух злых и многим слепым дарова прозрение. 22 И отвещав Иисус рече има: шедша возвестита Иоанну, яже видеста и слышаста: яко слепии прозирают, хромии ходят, прокаженни очищаются, глусии слышат, мертвии востают, нищии благовествуют: 23 и блажен есть, иже аще не соблазнится о Мне. 24 Отшедшема же ученикома Иоанновома, начат глаголати к народом о Иоанне: чесо изыдосте в пустыню видети, трость ли ветром колеблему? 25 Но чесо изыдосте видети? Человека ли в мягки ризы одеяна? Се, иже во одежди славней и пищи сущии, во царствии суть. 26 Но чесо изыдосте видети? Пророка ли? Ей, глаголю вам, и лишше пророка. 27 Сей (бо) есть, о немже писано есть: се, Аз послю Ангела Моего пред лицем Твоим, иже устроит путь Твой пред Тобою. 28 Глаголю бо вам: болий в рожденных женами пророка Иоанна Крестителя никтоже есть: мний же во Царствии Божии болий его есть. 29 И вси людие слышавше и мытарие оправдиша Бога, крещеся крещением Иоанновым: 30 фарисее же и законници совет Божий отверглаша о себе, не крещеся от него. 31 Рече же Господь: кому убо уподоблю человека рода сего, и кому суть подобни? 32 Подобни суть отрочищем седящым на торжищих, и приглашающим друг друга, и глаголющим: писахом вам, и не плясасте: рыдахом вам, и не плакасте. 33 Прииде бо Иоанн Креститель ни хлеба ядый, ни вина пия, и глаголете: беса имать. 34 Прииде Сын Человеческий ядый и пия, и глаголете: сей человек ядца и винопийца, друг мытарем и грешником. 35 И оправдися премудрость от чад своих всех. 36 Моляще же Его некий от фарисеев, дабы ял с ним: и вшед в дом фарисеев, возлеже. 37 И се, жена во граде, яже бе грешница, и уведевши, яко возлежит во храмине фарисеове, принесши алавастр мира, 38 и ставши при ногу Его созади, плачущися, начат умывати нозе Его слезами, и власы главы своея отираше, и облобызаше нозе Его, и мазаше миром. 39 Видев же фарисей воззвавый Его, рече в себе, глаголя: Сей аще бы был пророк, ведел бы, кто и какова жена прикасается Ему: яко грешница есть. 40 И отвещав Иисус рече к нему: Симоне, имам ти нечто рещи. Он же рече: Учителю, рцы. 41 Иисус же рече: два должника беста заимодавцу некоему: един бе должен пятиосот динарий, другой же пятиюдесят: 42 не имущема же има воздати, обема отда. Который убо ю, рцы, паче возлюбит его? 43

Отвещав же Симон рече: мню, яко ему же вящше отда. Он же рече ему: право судил еси. 44 И обращься к жене, Симонови рече: видиши ли сию жену? Внидох в дом твой, воды на нозе Мои не дал еси: сия же слезами облия Ми нозе и власы главы своея отре. 45 Лобзания Ми не дал еси: сия же, отнелиже внидох, не преста облобызющи Ми нозе. 46 Маслом главы Моей не помазал еси: сия же миром помаза Ми нозе. 47 Егоже ради, глаголюти, отпускаются греси ея мнози, яко возлюби много: а ему же мало оставляется, менше любит. 48 Рече же ей: отпускаются тебе греси. 49 И начаша возлежации с Ним глаголати в себе: кто Сей есть, иже и грехи отпускает? 50 Рече же к жене: вера твоя спасе тя: иди в мири.

8 И бысть посем, и Той проходяше сквозе грады и веси, проповедуя и благовествуя Царствие Божие: и обанадесяте с Ним, 2 и жены некия, яже бяху изцелены от духов злых и недуг: Мария нарицаемая Магдалина, из неяже бесов седмь изыде, 3 и Иоанна жена Хузаня, приставника Иродова, и Сусанна, и ины многи, яже служаху Ему от имений своих. 4 Разумевающу же народу многу, и от всех градов грядущым к Нему, рече притчу: 5 изыде сей сеяти семене своего: и егда сеяше, ово паде при пути, и попрано бысть, и птицы небесныя позобаша е: 6 а другое паде на камени, и прозяб усше, зане не имеши влаги: 7 и другое паде посреде терния, и возрасте терние, и подави е: 8 другое же паде на земли блазе, и прозяб сотори плод сторицею. Сия глаголя, возгласи: имей уши слышати, да слышит. 9 Вопроша же Его ученицы Его, глаголюще: что есть притча сия? 10 Он же рече: вам есть дано ведати тайны Царствия Божия, прочым же в притчах, да видяще не видят и слышаще не разумеют. 11 Есть же сия притча: семя есть слово Божие: 12 а иже при пути, суть слышащии, потом (же) приходит диавол и вземлет слово от сердца их, да не веровавше спасутся: 13 а иже на камени, иже егда услышат, с радостию приемлют слово: и сии корене не имут, иже во время веруют, и во время напасти отпадают: 14 а еже в тернии падшее, сии суть слышавши, и от печали и богатства и сластими житейскими ходяще подавляются, и не совершают плода: 15 а иже на добрей земли, сии суть, иже добрым сердцем и благим слышавше слово, держат и плод творят в терпении. Сия глаголя, возгласи: имей уши слышати, да слышит. 16 Никтоже (убо) светилника вжег, покрывает его сосудом, или под одр подлагает: но на свещник возлагает, да входящии видят свет. 17 Несть бо тайно, еже не явлено будет: ниже утено, еже не

познается и в явление приидет. 18 Блюдитеся убо, како слышите: иже бо имать, дастся ему: и иже аще не имать, и еже мнится имея, возмется от него. 19 Придоша же к Нему Мати и братия Его, и не можаху беседовати к Нему народа ради. 20 И возвестиша Ему, глаголюще: Мати Твоя и братия Твоя вне стоят, видети Тя хотяще. 21 Он же отвещав рече к ним: мати Моя и братия Моя сии суть, слышащии слово Божие, и творящии е. 22 И бысть во един от дний, Той влезе в корабль и ученицы Его: и рече к ним: прейдем на он пол езера. И поидаша. 23 Идущим же им, успе. И снide буря ветреная в езеро, и скончавахуся и в беде беху. 24 И приступльше воздвигоша Его, глаголюще: Наставниче, Наставниче, погибаем. Он же востав запрети ветру и волнению водному: и улегоста, и бысть тишина. 25 Рече же им: где есть вера ваша? Убоявшеся же чудишася, глаголюще друг ко другу: кто убо Сей есть, яко и ветром повелевает и воде, и послушают Его? 26 И преидаша во страну Гадаринску, яже есть об он пол Галилеи. 27 Изшедшу же Ему на землю, срете Его муж некий от града, иже имяше бесы от лет многих, и в ризу не облачашеся, и во храме не живяше, но во гробех. 28 Узрев же Иисуса и возопив, припаде к Нему, и гласом велиим рече: что мне и Тебе, Иисусе Сыне Бога Вышняго? Молюся Ти, не мучи мене. 29 Повеле бо духови нечистому изыти от человека: от многих бо лет восхищаще его: и вязаху его узы (железы) и путы, стрегуще его: и растерзая узы, гонимъ бываше бесом сквозе пустыни. 30 Вопроси же его Иисус, глаголя: что ти есть имя? Он же рече: леген: яко беси мнози внидоша в онь. 31 И моляху Его, да не повелит им в бездну ити. (Abyssos g12) 32 Бе же ту стадо свиний много пасомо в горе: и моляху Его, да повелит им в ты внити. И повеле им. 33 Изшедше же беси от человека, внидоша во свиния: и устремися стадо по брегу в езеро, и истопе. 34 Видевше же пасущии бывшее, бежаша, и возвестиша во граде и в селех. 35 Изыдоша же видети бывшее: и придоша ко Иисусови и обретоша человека седяща, из негоже беси изыдоша, оболчена и смысляща, при ногу Иисусову: и убоявшася. 36 Возвестиша же им видевши, како спасеся бесновавыйся. 37 И моли Его весь народ страны Гадаринску отити от них, яко страхом велиим одержими беху. Он же влез в корабль, возвратися. 38 Молящеся же Ему муж, из негоже изыдоша беси, дабы с Ним был. Отпусти же его Иисус, глаголя: 39 возвратися в дом твой и поведай, елика ти сотвори Бог. И иде, по всему граду проповедая, елика сотвори ему Иисус. 40 Бысть же егда возвратися Иисус, прият Его народ: беху

бо вси чающе Его. 41 И се, прииде муж, ему же имя Иаир, и той князь сонмищу бе: и пад при ногу Иисусову, моляще Его внити в дом свой: 42 яко дци единородна бе ему, яко лет двоюнадесяте, и та умираше. Егда же идяше, народи угнетаху Его. 43 И жена сущи в точении крове от двоюнадесяте лету, яже врачам издавши все имение, (и) не возможе ни от единаго изцелити: 44 (и) приступльши созади, коснуся края риз Его: и аbie ста ток крове ея. 45 И рече Иисус: кто есть коснувыйся Мне? Отметающымся же всем, рече Петр и иже с Ним: Наставниче, народи одержат Тя и гнетут, и глаголеши: кто есть коснувыйся Мне? 46 Иисус же рече: прикоснуся Мне некто: Аз бо чух силу изшедшую из Мене. 47 Видевши же жена, яко не утаися, трепещущи прииде, и падши пред Ним, еяже ради вины прикоснуся Ему, поведа Ему пред всеми людьми, и яко изцеле аbie. 48 Он же рече ей: дерзай дци, вера твоя спасе тя: иди в мире. 49 Еще Ему глаголющу, прииде некий от архисинагога, глаголя ему, яко умре дци твоя: не движки Учителя. 50 Иисус же слышав отвеща ему, глаголя: не бойся, токмо веруй, и спасена будет. 51 Пришед же в дом, не остави ни единаго внити, токмо Петра и Иоанна и Иакова, и отца отроковицы, и матере. 52 Плакахуся же вси и рыдаху ея. Он же рече: не плачитеся: не умре (бо), но спит. 53 И ругахуся Ему, ведяще, яко умре. 54 Он же изгнав вон всех, и емъ за руку ея, возгласи, глаголя: отроковице, востани. 55 И возвратися дух ея, и воскресе аbie: и повеле дати ей ясти. 56 И дивистася родителя ея. Он же повеле има ни комуже поведати бывшаго.

9 Созвав же обанадесяте, даде им силу и власть на вся бесы, и недуги целити: 2 и посла их проповедати Царствие Божие и изцелити болящия. 3 И рече к ним: ничесоже возмите на путь: ни жезла, ни пирсы, ни хлеба, ни сребра, ни по двема ризама имети: 4 и в онъже дом внидете, ту пребывайте, и оттуду исходите: 5 и елици аще не приемлют вас, исходяще от града того, и прах от ног ваших оттрясите, во свидетелство на ня. 6 Исходяще же проходаху сквозе веси, благовествующе и изцеляюще всюду. 7 Слыша же Ирод четвертловластник бывающая от Него вся и недоумевавшеся: зане глаголемо бе от неких, яко Иоанн воста от мертвых: 8 от инех же, яко Илия явися: от других же, яко пророк един от древних воскресе. 9 И рече Ирод: Иоанна аз усекух: кто же есть Сей, о Немже аз слышу таковая? И искаше видети Его. 10 И возвращавшеся Апостоли поведаша Ему, елика сотвориша: и поимъ их, отиде един на место пусто

града, нарицаемаго Вифсаида. 11 Народи же разумевше, по Нем идоша: и приемь их, глаголаше им о Царствии Божии и требующыя из целения целяше. 12 День же начат прекланятия. Приступльше же обанадесяте рекоша Ему: отпусти народ, да шедше во окрестныя веси и села витают и обрящут брашно: яко зде в пусте месте есмы. 13 Рече же к ним: дадите им вы ясти. Они же реша: несть у нас вяще, токмо пять хлеб и рыбе две, аще убо не шедше мы купим во вся люди сия брашна. 14 Беху бо мужей яко пять тысящ. Рече же ко учеником Своим: посадите их на купы по пятидесяти. 15 И сотовриша тако, и посадиша их вся. 16 Приим же пять хлеб и обе рыбе, возврозв на небо, благослови их, и преломи, и даяше учеником, предложити народу. 17 И ядоша, и насытишася вси: и взяша избывшыя им укрухи коша дванадесяте. 18 И бысть егда молящеся един, с Ним беху ученицы: и вопросы их, глаголя: кого мя глаголют народи быти? 19 Они же отвещавше реша: Иоанна Крестителя: ини же Илию: друзии же, яко пророк некий от древних воскресе. 20 Рече же им: вы же кого мя глаголете быти? Отвещав же Петр рече: Христа Божия. 21 Он же запрещь им, повеле ни комуже глаголати сего, 22 рек, яко подобает Сыну Человеческому много пострадати, и искушены быти от старец и архиерей и книжник, и убиену быти, и в третий день востати. 23 Глаголаше же ко всем: аще кто хощет по Мне ити, да отвержется себе, и возмет крест свой, и последует Ми. 24 Иже бо аще хощет душу свою спасти, погубит ю: а иже погубит душу свою Мене ради, сей спасет ю. 25 Что бо пользы имать человек, приобрет мир весь, себе же погубив или отщетив? 26 Иже бо аще постыдится Мене и Моих словес, сего Сын Человеческий постыдится, егда приидет во славе Своей и Отчей и святых Ангел. 27 Глаголю же вам воистинну: суть нецы от зде стоящих, иже не имут вкусити смерти, дондеже видят Царствие Божие. 28 Бысть же по словесех сих яко дний осмь, и поемь Петра и Иоанна и Иакова, взыде на гору помолитсѧ. 29 И бысть егда молящеся, видение лица Его ино, и одеяние Его бело блестаяся. 30 И се, мужа два с Ним глаголюща, яже беста Моисей и Илия, 31 явльшася во славе, глаголаста же исход Его, егоже хотяше скончати во Иерусалиме. 32 Петр же и сущии с ним бяху отягчени сном: убуждшеся же видеша славу Его, и оба мужа стояща с Ним. 33 И бысть егда разлучистася от Него, рече Петр ко Иисусу: Наставниче, добро есть нам зде быти: и соторим сени три, едину Тебе, и едину Моисеови, и едину Илии: не ведый, еже глаголаше. 34 Се же ему глаголющу, бысть облак, и осени их: убояшася

же, вшедше во облак. 35 И глас бысть из облака, глаголя: Сей есть Сын Мой Возлюбленный, Того послушайте. 36 И егда бысть глас, обретеся Иисус един. И тии умолчаша, и ни комуже возвестиша в тыя дниничесоже от тех, яже видеша. 37 Бысть же в прочий день, сшедшым им с горы, срете Его народ мног. 38 И се, муж из народа возопи, глаголя: Учителю, молюся, призри на сына моего, яко единороден ми есть: 39 и се дух емлет его, и внезапу вопиет, и пружается с пенами, и едва отходит от него, сокрушая его: 40 и молихся учеником Твоим, да ижденут его: и не возмогоша. 41 Отвещав же Иисус рече: о, роде неверный и развращенный, доколе буду в вас и терплю вы? Приведи (Ми) сына твоего семо. 42 Еще же грядущу ему, поверже его бес и стрясе. Запрети же Иисус духови нечистому, и изцели отрока, и вдаде его отцу его. 43 Дивляхуся же вси о величии Божии. Всем же чудящимся о всех, яже творяше Иисус, рече ко учеником Своим: 44 вложите вы во уши ваши словеса сия: Сын бо Человеческий имать предатися в руце человечесте. 45 Они же не разумеша глаголгола сего, бе бо приковен от них, да не ощутят его: и бояхуся вопросити Его о глаголголе сем. 46 Вниде же помышление в них, кто их вящший бы был. 47 Иисус же ведый помышление сердец их, приемь отрока, постави е у Себе 48 и рече им: иже аще примет сие отрока во имя Мое, Мене приемлет: и иже аще Мене приемлет, приемлет Пославшаго мя: иже бо меньший есть в вас, сей есть велик. 49 Отвещав же Иоанн рече: Наставниче, видехом некоего о имени Твоем изгоняща бесы: и возбранюхом ему, яко вслед не ходит с нами. 50 И рече к нему Иисус: не браните: иже бо несть на вы, по вас есть. 51 Бысть же егда скончавахуся дни восхождению Его, и Той утверди лице Свое ити во Иерусалим: 52 и послы вестники пред лицем Своим: и изшедшеме внидоша в весь Самарянску, яко да уготовят Ему: 53 и не прияша Его, яко лице Его бе грядущее во Иерусалим. 54 Видевша же ученика Его Иаков и Иоанн, реста: Господи, хощеши ли, речема, да огнь снидет с небесе и потребит их, якоже и Илия сотоври? 55 Обращаць же запрети им, и рече: не веста, коего духа еста вы: 56 Сын бо Человеческий не прииде душ человеческих погубити, но спасти. И идоша во ину весь. 57 Бысть же идущым им по пути, рече некий к Нему: иду по Тебе, аможе аще идеши, Господи. 58 И рече ему Иисус: лиси язвины имут, и птицы небесныя гнезда: Сын же Человеческий не имать где главу подклонити. 59 Рече же ко другому: ходи вслед Мене. Он же рече: Господи, повели ми, да шед прежде погребу отца моего.

60 Рече же ему Иисус: остави мертвяя погребсти своя мертвцы: ты же шед возвещай Царствие Божие. 61 Рече же и другой: иду по Тебе, Господи: прежде же повели ми отвещатися, иже суть в дому моем. 62 Рече же к нему Иисус: никто же возложь руку свою на рало и зря вспять, управлен есть в Царствии Божии.

10 По сих же яви Господь и инех седьмъдесят, и послал их по двема пред лицем Своим во всяк град и место, аможе хотяше Сам ити: 2 глаголаше же к ним: жатва убо многа, делателей же мало: молитеся убо Господину жатве, да изведет делатели на жатву Свою. 3 Идите: се Аз посылаю вы яко агнцы посреде волков. 4 Не носите влагалища, ни пиры, ни сапог: и ни когоже на пути целуйте. 5 В онъже аще дом видете, первее глаголите: мир дому сему: 6 и аще убо будет ту сын мира, почиет на нем мир ваш: аще ли же ни, к вам возвратится: 7 в том же дому пребывайте, ядуще и пиюще, яже суть у них: достоин бо есть делатель мэды своея. Не преходите из дому в дом. 8 И в онъже аще град входите, и приемлют вы, ядите предлагаемая вам: 9 и изцелите недужныя, иже суть в нем, и глаголите им: приближися на вы Царствие Божие. 10 И в онъже аще град входите, и не приемлют вас, изшедшее на распутия его, рѣте: 11 и прах, прилепший нам от града вашего, оттрясаем вам. Обаче сие ведите, яко приближися на вы Царствие Божие: 12 глаголю вам, яко Содомляном в день той отраднее будет, неже граду тому. 13 Горе тебе, Хоразине, горе тебе, Вифсаидо: яко аще в Тире и Сидоне быша силы были бывшия в вяю, древле убо во вретищи и пепеле седяще покаялися быша: 14 обаче Тиру и Сидону отраднее будет на суде, неже вама. 15 И ты, Капернауме, иже до небес вознесыйся, до ада низведешися. (Hadēs g86) 16 Слушай вас, Мене слушает: и отметайся вас, Мене отмется: отметайся же Мене, отмется Пославшаго мя. 17 Возвратиша же седмъдесят с радостю, глаголюще: Господи, и беси повинуются нам о имени Твоем. 18 Рече же им: видех сатану яко молнию с небесе спадша. 19 Се, даю вам власть наступати на змию и на скорпию и на всю силу вражию: иничесоже вас вредит: 20 обаче о сем не радуйтесь, яко дуси вам повинуются: радуйтесь же, яко имена ваша написана суть на небесех. 21 В той час возрадовася духом Иисус и рече: исповедаюся, Отче, Господи небесе и земли, яко утаил еси сия от премудрых и разумных, и открыл еси та младенцем: ей, Отче, яко тако бысть благоволение пред Тобою. 22 И обращься ко

учеником, рече: вся Мне предана быша от Отца Моего: и никотоже весть, кто есть Сын, токмо Отец: и кто есть Отец, токмо Сын, и ему же аще хощет Сын открыти. 23 И обращься ко учеником, един рече: блажени очи видящии, яже видите: 24 глаголю бо вам, яко мнози пророки и царие восхотеша видети, яже вы видите, и не видеша: и слышати, яже слышите, и не слышаша.

25 И се, законник некий воста, искушая Его и глаголя: Учителю, что сотворив, живот вечный наследую? (aiōtios g166) 26 Он же рече к нему: в законе что писано есть? Како чтеши? 27 Он же отвещав рече: возлюбиши Господа Бога твоего от всего сердца твоего, и от всяя души твоея, и всею крепостию твою, и всем помышлением твоим: и ближняго своего яко сам себе. 28 Рече же ему: право отвещал еси: сие сотвори, и жив будеш. 29 Он же хотя оправдитися сам, рече ко Иисусу: и кто есть ближний мой? 30 Отвещав же Иисус рече: человек некий схождаше от Иерусалима во Иерихон, и в разбойники впаде, иже совлекше его, и язвы возложше отиодаша, оставльше едва жива суща. 31 По слухаю же священник некий схождаше путем тем, и видев его, мимоиде. 32 Такожде же и левит, быв на том месте, пришед и видев, мимоиде. 33 Самарянин же некто грядый, прииде над него, и видев его, милосердова: 34 и приступль обвяза струпы его, возливая масло и вино: всадив же его на свой скот, приведе его в гостиницу и прилежа ему: 35 и наутрия изshed, иземь два сребреника, даде гостиннику и рече ему: прилежи ему: и еже аще прииждивеши, аз егда возвращуся, воздам ти. 36 Кто убо от тех триех ближний мнилтия быти впадшему в разбойники? 37 Он же рече: сотворивый милость с ним. Рече же ему Иисус: иди, и ты твори такожде. 38 Бысть же ходящым им, и Сам винде в весь некую: жена же некая именем Марфа прият Его в дом свой: 39 и сестра ей бе нарицаемая Мария, яже и седши при ногу Иисусову, слышаше слово Его. 40 Марфа же молвяше о мнозе службе, ставши же рече: Господи, не брежеш ли, яко сестра моя едину мя остави служити? Рцы убо ей, да ми поможет. 41 Отвещав же Иисус рече ей: Марфо, Марфо, печахися и молвиши о мнозе, 42 едино же есть на потребу. Мария же благую часть избра, яже не отимется от нея.

11 И бысть внегда быти Ему на месте некоем молящуся, (и) яко преста, рече некий от ученик Его к Нему: Господи, научи ны молитися, якоже и Иоанн научи ученики своя. 2 Рече же им: егда молитеся, глаголите: Отче наш, иже на небесех, да святится имя Твое: да

приидет Царствие Твое: да будет воля Твоя, яко на небеси, и на земли: з хлеб наш насущный подавай нам на всякий день: 4 и остави нам грехи наша, ибо и сами оставляем всякому должнику нашему: и не введи нас во искушение, но избави нас от лукаваго. 5 И рече к ним: кто от вас имать друга, и идет к нему в полуночи, и речет ему: друже, дажъ ми взаим три хлебы: 6 понеже друг прииде с пути ко мне, и не имам чесо предложити ему. 7 И той извнутрь отвещав речет: не твори ми труды: уже двери затворены суть, и дети мои со мною на ложи суть: (и) не могу востав дати тебе. 8 Глаголю же вам: аще и не даст ему востав, зане друг ему есть: но за безочество его, востав даст ему, елика требует. 9 И Аз вам глаголю: просите, и дастся вам: ищите, и обрящете: толците, и отверзется вам: 10 всякий бо просяй приемлет, и ищяй обретает, и толкующему отверзется. 11 Котораго же вас отца воспросит сын хлеба, еда камень подаст ему? Или рыбы, еда в рыбы место змию подаст ему? 12 Или аще попросит яица, еда подаст ему скорпию? 13 Аще убо вы зли суще, умеете даяния блага даяти чадом вашым, кольми паче Отец, иже с небесе, даст Духа Святаго просящым у Него? 14 И бе изгоня беса, и той бе нем: бысть же бесу изшедшу, проглагола немый: и дивишася народи. 15 Нецы же от них реша: о веельзевуле князи бесовстем изгонит бесы. 16 Друзии же искушающе, знамения от Него искаху с небесе. 17 Он же ведый помышления их, рече им: всяко царство само в себе разделяся, запустеет: и дом на дом, падает. 18 Аще же и сатана сам в себе разделися, како станет царство его, яко же глаголете, о веельзевуле изгоняща Мя бесы. 19 Аще же Аз о веельзевуле изгоню бесы, сынове ваши о ком изгонят? Сего ради тии будут вам судии. 20 Аще ли же о персте Божии изгоню бесы, убо постиже на вас Царствие Божие. 21 Егда крепкий вооружився хранит свой двор, во смирении суть имения его: 22 егда же креплей его нашед победит его, все оружие его возмет, на неже уповаше, и корысть его раздаст. 23 Иже несть со Мною, на Мя есть: и иже не собирает со Мною, расточает. 24 Егда (же) нечистый дух изыдет от человека, преходит сквозе безводная места, ища покоя: и не обретая, глаголет: возвращуся в дом мой, отнюдже изыдох. 25 И пришед обрящет и пометен и украшен: 26 тогда идет и поймет седмь других духов горших себе, и вшедше живут ту: и бывают последняя человеку тому горша первых. 27 Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. 28 Он же рече: темже убо

блажени слышаши слово Божие и хранящии е. 29 Народом же собирающимся начат глаголати: род сей лукав есть: знамения ищет, и знамение не дастся ему, токмо знамение Ионы пророка: 30 якоже бо бысть Иона знамение Ниневитом, тако будет и Сын Человеческий роду сему. 31 Царица южская востанет на суд с мужи рода сего, и осудит их: яко прииде от конец земли слышати премудрость Соломонову: и се множа Соломона зде. 32 Мужие Ниневитстии востанут на суд с родом сим и осудят и: яко покаявшася проповедию Иониною: и се, множа Ионы зде. 33 Никтоже (убо) светилника вжег, в скрове полагает, ни под спудом, но на свещнице, да входящии свет видят. 34 Светилник телу есть око: егда убо око твое просто будет, все тело твое светло будет: егда же лукаво будет, и тело твое темно: 35 блюди убо, еда свет, иже в тебе, тма есть. 36 Аще бо тело твое все светло, не имый некия части темны, будет светло все, яко же егда светилник блистанием пресвещает тя. 37 Егда же глаголаше, моляще Его фарисей некий, да обедует у него: вшед же возлеже. 38 Фарисей же видев дивися, яко не прежде крестися прежде обеда. 39 Рече же Господь к нему: ныне вы, фарисе, внешняя стекляницы и блюда очищаете, внутреннее же ваше полно граблении есть и лукавства. 40 Безумни, не Иже ли сотвори внешнее, и внутреннее сотворил есть? 41 Обаче от сущих дадите милостыню: и се, вся чиста вам будет. 42 Но горе вам фарисеом, яко одесяствуете от мятвы и пигана и всякаго зелия, и мимоходите суд и любовь Божию: сия подобаше сотворити, и онех не оставляти. 43 Горе вам фарисеом, яко любите председания на сонмищих и целования на торжищих. 44 Горе вам, книжницы и фарисе, лицемери, яко есте яко гроби неведоми, и человече ходящии верху не ведят. 45 Отвещав же некий от законник рече Ему: Учителю, сия глаголя и нам досаждаети. 46 Он же рече: и вам законником горе, яко накладаете на человека бремена не удобь носима, и сами единем перстом вашим не прикасаетесь бременем. 47 Горе вам, яко зиждете гробы пророк, отцы же ваши извиши их: 48 убо свидетельствуете и соблаговолите делом отец ваших: яко тии убо извиши их, вы же зиждете их гробы. 49 Сего ради и премудрость Божия рече: послю в них пророки и Апостолы, и от них убийют и изженоут: 50 да взыщется кровь всех пророк, проливаемая от сложения мира, от рода сего, 51 от крове Авеля даже до крове Захарии, погибшаго между олтарем и храмом: ей, глаголю вам, взыщется от рода сего. 52 Горе вам законником, яко взясте ключ разумения: сами не внидосте, и входящым

возбранисте. 53 Глаголющу же Ему сия к ним, начаша книжницы и фарисеи бедне гневатися Нань и престати Его о мнозе, 54 лающе Его, ищуще уловити нечто от уст Его, да Нань возглаголют.

12 О нихже собравшымся тмам народа, яко попирати друг друга, начат глаголати учеником Своим первее: внемлите себе от кваса фарисейска, еже есть лицемерие. 2 Ничтоже бо покровено есть, еже не открывается, и тайно, еже не уразумеется: 3 зане, елика во тме ресте, во свете услышатся: и еже ко уху глаголасте во храмех, проповестя на кровех. 4 Глаголю же вам другом Своим: не убойтесь от убивающих тело и потом не могущих лишше что сотворити: 5 сказую же вам, кого убойтесь: убоятесь имущаго власть по убиении воврещи в дебры огненную: ей, глаголю вам, того убоятесь. (Geenna g1067) 6 Не пять ли птиц ценится пенязема двема? И ни едина от них несть забвена пред Богом. 7 Но и власи главы вашея вси изочтени суть. Не убоятесь убо: мнозех птиц унши есте вы. 8 Глаголю же вам: всяк, иже аще исповесть Мя пред человеки, и Сын Человеческий исповесть его пред Ангелы Божиими: 9 а отвергийся Мене пред человеки отвержен будет пред Ангелы Божиими. 10 И всяк иже речет слово на Сына Человеческаго, оставитя ему: а на Святаго Духа хулившему не оставится. 11 Егда же приведут вы на соборища и власти и владычества, не пецытесь, како или что отвещаете, или что речете: 12 Святый бо Дух научит вы в той час, яже подобает реши. 13 Рече же Ему некий от народа: Учителю, рцы брату моему разделити со мною достояние. 14 Он же рече ему: человече, кто Мя постави судиу или делителя над вами? 15 Рече же к ним: блюдите и хранитеся от лихомиства: яко не от избытка кому живот его есть от имения его. 16 Рече же притчу к ним, глаголя: человеку некоему богату угобзися нива: 17 и мысляше в себе, глаголя: что сотворю, яко не имам где собрати плодов моих? 18 И рече: се сотворю: разорю житницы моя, и большя созижду, и соберу ту вся жита моя и благая моя: 19 и реку души моей: душе, имаши многа блага, лежаша на лета многа: почивай, яждь, пий, веселися. 20 Рече же ему Бог: безумне, в сию ноць душу твою истяжут от тебе: а яже уготовал еси, кому будут? 21 Тако собирайаше себе, а не в Бога богатея. 22 Рече же ко учеником Своим: сего ради глаголю вам: не пецытесь душою вашею, что ясте: ни телом, во что облечетесь: 23 душа болши есть пищи, и тело одежды. 24 Смотрите вран, яко не сеют, ни жнут: имже несть сокровища, ни житницы, и

Бог питает их: кольми паче вы есте лучши птиц? 25 Кто же от вас пекийся может приложити возрасту своему лакоть един? 26 Аще убо ни мала чесо можете, что о прочих печетесь? 27 Смотрите крины, како растут: не труждаются, ни прядут: глаголю же вам, яко ни Соломон во всей славе своей облечеся, яко един от сих. 28 Аще же траву, на селе днесъ сущу и утре в пещь вмешему, Бог тако одевает: кольми паче вас, маловери? 29 И вы не ищите, что ясте, или что пиете: и не возноситеся: 30 всех бо сих языцы мира сего ищут: ваш же Отец весть, яко требуете сих: 31 обаче ищите Царствия Божия, и сия вся приложатся вам. 32 Не бойся, малое стадо: яко благоизволи Отец ваш дати вам Царство. 33 Продадите имения ваша и дадите милостыню. Створите себе влагалища неветшающа, сокровище неоскудеемо на небесех, идже тать не приближается, ни моль растлевает. 34 Идеже бо сокровище ваше, ту и сердце ваше будет. 35 Да будут чресла ваша препоясаны, и светилницы горящи: 36 и вы подобни человеком чающым господа своего, когда возвратится от брака, да пришедшу и толкнувшу, абие отверзут ему. 37 Блажени раби тии, ихже пришед господь обрящет бдящих: аминь глаголю вам, яко препояшется и посадит их, и минув послужит им. 38 И аще приидет во вторую стражу, и в третию стражу приидет, и обрящет (их) тако, блажени суть раби тии. 39 Се же ведите, яко аще бы ведал господин храмины, в кий час тать приидет, бдел убо бы, и не бы дал подкопати дому своего: 40 и вы убо будите готови: яко, в онъже час не мните, Сын Человеческий приидет. 41 Рече же Ему Петр: Господи, к нам ли притчу сию глаголеши, или ко всем? 42 Рече же Господь: кто убо есть верный строитель и мудрый, егоже поставит господь над челядию своею, даяти во время житомерие? 43 Блажен раб той, егоже пришед господь его обрящет творяща тако: 44 воистинну глаголю вам, яко над всем имением своим поставит его. 45 Аще же речет раб той в сердцы своем: коснит господин мой приити: и начнет бити рабы и рабыни, ясти же и пити и упиватися: 46 приидет господин раба того в день, в онъже не чает, и в час, в онъже не весть: и растешет его, и часть его с неверными положит. 47 Той же раб ведевый волю господина своего, и не уготовав, ни сотворив по воли его, биен будет много: 48 неведевый же, сотворив же достойная ранам, биен будет мало. Всякому же, ему же дано будет много, много взыщется от него: и ему же предаша множайше, множайше просят от него. 49 Огня приидох воврещи на землю, и что хощу, аще уже возгореся? 50 Крещением же

имам креститися, и како удержануся, дондеже скончаются? 51 Мните ли, яко мир придох дати на землю? Ни, глаголю вам, но разделение: 52 будут бо отселе пять во единем дому разделени, трие на два, и два на три: 53 разделится отец на сына, и сын на отца: мати на дщерь, и дщи на матери: свекры на невесту свою, и невеста на свекровь свою. 54 Глаголаше же и народом: егда узрите облак восходящъ от запада, абие глаголете: туча грядет: и бывает тако: 55 и егда юг веющъ, глаголете: зной будет: и бывает. 56 Лицемери, лице небу и земли весте искушати: времене же сего како не искушаете? 57 Что же и о себе не судите праведное? 58 Егда бо грядеши с соперником твоим ко князю, на пути дажъ делание избыти от него: да не како привлечет тебе к судии, и судия тя предаст слузе, и слуга всадит тя в темницу: 59 глаголю тебе: не изыдиши оттуду, дондеже и последнюю медницу воздаси.

13 Придоша же нецыи в то время, поведающе Ему о Галилеех, ихже кровь Пилат смеси с жертвами их. 2 И отвещав Иисус рече им: мните ли, яко Галилеане сии грешнейши паче всех Галилеан бяху, яко тако пострадаша? 3 Ни, глаголю вам: но аще не покаетесь, вси такожде погибнете. 4 Или они осмынадесяте, на нихже паде столп Силоамский и поби их, мните ли, яко тии должностнейши бяху паче всех живущих во Иерусалиме? 5 Ни, глаголю вам: но аще не покаетесь, вси такожде погибнете. 6 Глаголаше же сию притчу: смоковницу имяше некий в винограде своем всаждену: и прииде ища плода на ней, и не обрете: 7 рече же к винареви: се, третие лето, отнелиже приходжу ища плода на смоковнице сей, и не обретаю: посецы ю (убо), вскую и землю упражняет? 8 Он же отвещав рече ему: господи, остави ю и се лето, дондеже окопаю окрест ея и осыплю гноем: 9 и аще убо соторвит плод: аще ли же ни, во грядущее посечеш ю. 10 Бяше же учя на единем от сонмищ в субботу: 11 и се, жена бе имущи дух недужен лет осмынадесять, и бе сляка и не могущи восклонитися отнюд. 12 Видев же ю Иисус, пригласи и рече ей: жено, отпущена еси от недуга твоего. 13 И возложи на ню руце: и абие простреся и славляше Бога. 14 Отвещав же старейшина собору, негодяя, зане в субботу изцели (ю) Иисус, глаголаше народу: шесть дний есть, в няже достоит делати: в тяя убо приходяще целитеся, а не в день субботный. 15 Отвеша (же) убо ему Господь и рече: лицемере, кождо вас в субботу не отрешает ли своего вола или осла от яслий, и вед напаяет? 16 Сию же дщерь

Абраамлю сущу, юже связа сатана, се, осмоенадесяте лето, не достояше ли разрешитися ей от юзы сея в день субботный? 17 И сия Ему глаголющу, стыдяхуся вси противляющиися Ему: и вси людие радовахуся о всех славных бывающих от Него. 18 Глаголаше же: кому подобно есть Царствие Божие? И кому уподоблю е? 19 Подобно есть зерну горушну, еже приемь человек вверже в вортоград свой: и возрасте, и бысть древо велие, и птицы небесныя вселишася в ветвие его. 20 Паки рече: кому уподоблю Царствие Божие? 21 Подобно есть квасу, егоже приемши жена, скры в сатах триех муки, дондеже вскисе все. 22 И проходаше сквозе грады и веси, учя и шествие творя во Иерусалим. 23 Рече же некий Ему: Господи, аще мало есть спасающихся? Он же рече к ним: 24 подвизайтесь винти сквозе тесная врата: яко мнози, глаголю вам, взыщут винти, и не возмогут. 25 Отнележе востанет дому владыка и затворит двери, и начнете вне стояти и ударяти в двери, глаголюще: Господи, Господи, отверзи нам. И отвещав речет вам: не вем вас, откуду есте. 26 Тогда начнете глаголати: ядохом пред Тобою и пихом, и на распутиих наших учил еси. 27 И речет: глаголю вам, не вем вас, откуду есте: отступите от Мене, вси делателие неправды. 28 Ту будет плачь и скрежет зубом, егда узрите Авраама и Исаака и Иакова и вся пророки во Царствии Божии, вас же изгонимых вон. 29 И приидут от восток и запад и севера и юга, и возлягут в Царствии Божии. 30 И се, суть последний, иже будут перви, и суть первии, иже будут последни. 31 В той день приступиша нецыи от фарисей, глаголюще Ему: изыди иди отсюду, яко Ирод хощет Тя убить. 32 И рече им: шедше рцыте лису тому: се, изгоню бесы и изцеления творю днесь и утре, и в третий скончаются: 33 обаче подобает Ми днесь и утре и в ближний ити: яко невозможно есть пророку погибнути кроме Иерусалима. 34 Иерусалиме, Иерусалиме, избивый пророки и камением побивая посланныя к тебе, колькраты восхотех собрати чада твоя, яко же кокош гнездо свое под криле, и не восхотесте? 35 Се оставляется вам дом ваш пуст. Глаголю же вам, яко не имате Мене видети, дондеже приидет, егда речете: благословен Грядый во имя Господне.

14 И бысть егда винти Ему в дом некоего князя фарисейска в субботу хлеб ясти, и тии бяху назирающе Его: 2 и се, человек некий, имый водный труд, бе пред Ним. 3 И отвещав Иисус рече к законником и фарисеом, глаголя: аще достоит в субботу целити?

4 Они же умолчаша. И приемь изцели его, и отпусти. 5 И отвещав к ним рече: которого от вас осел или вол в студенец впадет, и не абие ли исторгнет его в день субботний? 6 И не возможоша отвещати Ему к сим. 7 Глаголаше же к званным притчу, обдеря, како председания избраху, глаголя к ним: 8 егда зван будеши ким на брак, не сяди на преднем месте: еда кто честнее тебе будет званных, 9 и пришед иже тебе звавый и оно, речет ти: даждь сему место: и тогда начнеши со студом последнее место держати. 10 Но егда зван будеши, шед сяди на последнем месте, да егда приидет звавый тя, речет ти: друже, посяди выше: тогда будет ти слава пред званными с тобою: 11 яко всяк возносяся смирится, и смиряйся вознесется. 12 Глаголаше же и ко звавшему Его: егда сотвориши обед или вечерю, не зови другов твоих, ни братии твоем, ни сродник твоих, ни сосед богатых: еда когда и тии тя такожде воззовут, и будет ти воздаяние. 13 Но егда твориши пир, зови нищия, маломощных, хромых, слепых: 14 и блажен будеши, яко не имут ти что воздати: воздаст же ти ся в воскрешение праведных. 15 Слыshaw же некий от возлежащих с Ним сия, рече Ему: блажен, иже снесть обед в Царствии Божии. 16 Он же рече ему: человек некий сотвори вечерю велию и зва многи: 17 и послал раба своего в год вечери речи званным: грядите, яко уже готова суть вся. 18 И начаша вкупе отрицатися вси. Первый рече ему: село купих и имам нужду изыти и видети е: молотися, имей мя отречена. 19 И другой рече: супруг волов купих пять и гряду искусити их: молю тя, имей мя отречена. 20 И другой рече: жену поях и сего ради не могу приити. 21 И пришед раб той поведа господину своему сия. Тогда разгневався дому владыка, рече рабу своему: изыди скоро на распутия и стогны града, и нищия и бедныя и слепых и хромых введи семо. 22 И рече раб: господи, бысть якоже повелел еси, и еще место есть. 23 И рече господин к рабу: изыди на пути и халуги, и убеди внути, да наполнится дом мой: 24 глаголю бо вам, яко ни един мужей тех званных вкусит моя вечери: мнози бо суть звани, мало же избранных. 25 Идяху же с Ним народи мнози: и обращься рече к ним: 26 аще кто грядет ко Мне, и не возненавидит отца своего и матери, и жену и чад, и братию и сестр, еще же и душу свою, не может Мой быти ученик: 27 и иже не носит креста своего и вслед Мене грядет, не может Мой быти ученик. 28 Кто бо от вас, хотяй столп создати, не прежде ли сед разчтет имение, аще имать, еже есть на совершение? 29 Да не, когда положит основание и не возможет совершити, вси

видящии начнут ругатися ему, 30 глаголюще, яко сей человек начат здати и не може совершити? 31 Или кий царь идый ко иному царю снитися с ним на брань, не сед ли прежде совещавает, аще силен есть срести с десятию тысящ грядущаго со двемадесятма тысящама нань? 32 Аще ли же ни, еще далече ему сущу, моление послав молится о смирении. 33 Тако убо всяк от вас, иже не отречется всего своего имения, не может быти Мой ученик. 34 Добро есть соль: аще же соль обляет, чим осолится? 35 Ни в землю, ни в гной потребна есть: вон изсыплют ю. Имей уши слышати, да слышит.

15 Бяху же приближающеся к Нему вси мытарие и грешницы, послушати Его. 2 И роптаху фарисеев и книжницы, глаголюще, яко Сей грешники приемлет и с ними яст. 3 Рече же к ним притчу сию, глаголя: 4 кий человек от вас имый сто овец, и погубль едину от них, не оставит ли девятидесяти и девяти в пустыни и идет вслед погибшия, дондеже обрящет ю? 5 И обрет возлагает на раме свои радуся: 6 и пришед в дом, созывает други и соседы, глаголя им: радуйтесь со мною, яко обретох овцу мою погибшую. 7 Глаголю вам, яко тако радость будет на небеси о единем грешнице кающемся, нежели о девятидесятих и девяти праведник, иже не требуют покаяния. 8 Или кая жена имущи десять драхм, аще погубит драхму едину, не вжигает ли светилника, и пометет храмину, и ищет прилежно, дондеже обрящет? 9 И обретши созывает другини и соседы, глаголющи: радуйтесь со мною, яко обретох драхму погибшую. 10 Тако, глаголю вам, радость бывает пред Ангелы Божиими о единем грешнице кающемся. 11 Рече же: человек некий име два сына: 12 и рече юнейший ею отцу: отче, даждь ми достойную часть имения. И раздели има имение. 13 И не по мнозех днех собрав все мний сын, отиде на страну далече, и ту расточи имение свое, живый блудно. 14 Изжившу же ему все, бысть глад крепок на стране той, и той начат лишатися: 15 и шед прилепися единому от житель тоя страны: и послал его на села своя пасти свиния: 16 и желаше насытити чрево свое от рожец, яже ядяху свиния: и никтоже даяше ему. 17 В себе же пришед, рече: колико наемником отца моего избывают хлебы, аз же гладом гиблю? 18 Востав иду ко отцу моему, и реку ему: отче, согреших на небо и пред тобою, 19 и уже несмъ достоин нарещися сын твой: сотвори мя яко единаго от наемник твоих. 20 И востав иде ко отцу своему. Еще же ему далече сущу, узре его отец его, и мил ему бысть, и тек нападе на вью его, и облобыза

его. 21 Рече же ему сын: отче, согреших на небо и пред тобою, и уже несмъ достоин нарещися сын твой. 22 Рече же отец к рабом своим: изнесите одежду первую и облещите его, и дадите перстень на руку его и сапоги на нозе: 23 и приведше телец упитанный заколите, и ядше веселимся: 24 яко сын мой сей мертв бе, и оживе: и изгил бе, и обретеся. И начаша веселитися. 25 Бе же сын его старей на селе: и яко грядый приближися к дому, слыша пение и лики: 26 и призвав единаго от отрок, вопрошаše: что (убо) сия суть? 27 Он же рече ему, яко брат твой прииде: и закла отец твой телца упитанна, яко здрава его прият. 28 Разгневався же, и не хотяше винти. Отец же его изshed моляше его. 29 Он же отвешав рече отцу: се, толико лет работаю тебе и николиже заповеди твоя преступих, и мне николиже дал еси козляте, да со други своими возвеселился бых: 30 егда же сын твой сей, изядый твое имение с любодейцами, прииде, заклал еси ему телца питомаго. 31 Он же рече ему: чадо, ты всегда со мною еси, и вся моя твоя суть: 32 возвеселитися и враздовать подобаше, яко брат твой сей мертв бе, и оживе: и изгил бе, и обретеся.

16 Глаголаше же ко учеником Своим: человек некий бе богат, иже имяше приставника: и той оклеветан бысть к нему, яко расточает имения его: 2 и пригласив его рече ему: что се слышу о тебе? Воздаждъ ответ о приставлении домовнем: не возможеши бо ктому дому строити. 3 Рече же в себе приставник дому: что соторю, яко господь мой отемлет строение дому от мене? Копати не могу, просити стыжуся: 4 разумех, что соторю, да егда отставлен буду от строения дому, примут мя в домы своя. 5 И призвав единаго когождо от должник господина своего, глаголаше первому: колицем должен еси господину моему? 6 Он же рече: сто мер масла. И рече ему: приими писание твое, и сед скоро напиши пятьдесят. 7 Потом же рече другому: ты же колицем должен еси? Он же рече: сто мер пшеницы. И глагола ему: приими писание твое, и напиши осьмидесят. 8 И похвали господь дому строителя неправеднаго, яко мудре сотори: яко сынове века сего мудрейши паче сынов света в роде своем суть. (αἰōn g165) 9 И Аз вам глаголю: соторите себе други от мамоны неправды, да, егда оскудеете, примут вы в вечныя кровы. (αἰōnios g166) 10 Верный в мале, и во мнозе верен есть: и неправедный в мале, и во мнозе неправеден есть. 11 Аще убо в неправеднем имении верни не бысте, во истиннем кто вам веру имет? 12 И аще в чужем верни не бысте,

ваше кто вам даст? 13 Ни кий же раб может двема господинома работати: ибо или единаго возненавидит, а другаго возлюбит: или единаго держится, о другем же нерадети начнет: не можете Богу работати и мамоне. 14 Слышау же сия вся и фарисеи, сребролюбцы суще, ругахуся Ему. 15 И рече им: вы есте оправдающе себе пред человеки, Бог же весть сердца ваша: яко, еже есть в человечех высоко, мерзость есть пред Богом. 16 Закон и пророцы до Иоанна: оттоле Царствие Божие благовествуется, и всяк в не нудится. 17 Удобее же есть небу и земли прейти, неже от закона единей черте погибнути. 18 Всяк пущая жену свою и приводя ину прелюбы деет: и женяйся пущеною от мужа прелюбы творит. 19 Человек же некий бе богат, и облачашеся в порфириу и виссон, веселяся на вся дни светло. 20 Нищ же бе некто, именем Лазарь, иже лежаше пред враты его гноен 21 и желаше насытитися от крупиц падающих от трапезы богатаго: но и пси приходяще облизаху гной его. 22 Бысть же умрети нищему и несено быти Ангелы на лоно Авраамле: умре же и богатый, и погребоша его: 23 и во аде возвед очи свои, сый в мухах, узре Авраама издалеча, и Лазаря на лоне его: (Hadēs g86) 24 и той возглашь рече: отче Аврааме, помилуй мя и посли Лазаря, да омочит конец перста своего в воде и устудит язык мой, яко стражду во пламени сем. 25 Рече же Авраам: чадо, помяни, яко восприял еси благая твоя в животе твоем, и Лазарь такожде злая: ныне же зде утешается, ты же страждеши: 26 и над всеми сими между нами и вами пропасть велика утвердися, яко да хотящи прейти отсюду к вам не возмогут, ни иже оттуду, к нам преходят. 27 Рече же: молю тя убо, отче, да послеша его в дом отца моего: 28 имам бо пять братий: яко да засвидетелствует им, да не и тии приидут на место сие мучения. 29 Глагола ему Авраам: имут Моисея и пророки: да послушают их. 30 Он же рече: ни, отче Аврааме: но аще кто от мертвых идет к ним, покается. 31 Рече же ему: аще Моисея и пророков не послушают, и аще кто от мертвых воскреснет, не имут веры.

17 Рече же ко учеником Своим: не возможно есть не приими соблазном, горе же, егоже ради приходят: 2 унее ему было бы, аще жернов оселский облежал бы о выи его, и ввержен в море, неже да соблазнит от малых сих единаго. 3 Внемлите себе. Аще согрешит к тебе брат твой, запрети ему: и аще покается, остави ему: 4 и аще седмици на день согрешит к тебе и седмици на день обратится, глаголя: каюся: остави ему.

5 И рекоша Апостоли Господеви: приложи нам веру. 6 Рече же Господь: аще бысте имели веру яко зерно горушно, глаголали бысте убо ягодичине сей: восторгнися и всадися в море: и послушала бы вас. 7 Который же от вас раба имея ороща или пасуща, иже пришедшу ему с села речет: абие минув взлязи? 8 Но не речет ли ему: уговаривай, что вечеряю, и препоясався служими, дондеже ям и пию: и потом яси и пиши ты? 9 Еда имать хвалу рабу тому, яко сотвори повеленная? Не мню. 10 Тако и вы, егда сотворите вся повеленная вам, глаголите, яко раби неключими есмы: яко, еже должны бехом сотворити, сотворихом. 11 И бысть идущи Ему во Иерусалим, и той проходжаше между Самариею и Галилею. 12 Входящу же Ему в некую весь, спротоша Его десять прокаженных мужей, иже сташа издалеча: 13 и тии вознесоша глас, глаголюще: Иисусе Наставниче, помилуй ны. 14 И видев рече им: шедше покажитеся священником. И бысть идущим им, очищася. 15 Един же от них, видев, яко изцеле, возвратися, со гласом велиим славя Бога, 16 и паде ниц при ногу Его, хвалу Ему воздая: и той бе Самарянин. 17 Отвешав же Иисус рече: не десять ли очищася? Да девять где? 18 Како не обретоша возвращающеся дати славу Богу, токмо иноплеменник сей? 19 И рече ему: востав иди: вера твоя спасе тя. 20 Вопрошан же быв от фарисей, когда приидет Царствие Божие, отвешав им рече: не приидет Царствие Божие с соблюдением: 21 ниже рекут: се зде, или: онде. Се бо, Царствие Божие внутрь вас есть. 22 Рече же ко учеником (Своим): приидут дни, егда вожделеете единаго дне Сына Человеческаго видети, и не узрите: 23 и рекут вам: се зде, или: се, онде: не изыдите, ни пожените: 24 яко бо молния блистающи от поднебесныя на поднебесней светится: тако будет Сын Человеческий в день Свой. 25 Прежде же подобает Ему много пострадати и искушену быти от рода сего. 26 И яко бысть во дни Ноевы, тако будет и во дни Сына Человеческаго: 27 ядяху, пияху, женяхуся, посягаху, до негоже дне вниде Ное в ковчег: и прииде потоп и погуби вся. 28 Такожде и яко бысть во дни Лотовы: ядяху, пияху, куповаху, продаяху, саждаху, здаху: 29 в онъже день изыде Лот от Содомлян, одожди камык горящъ и огнь с небесе и погуби вся: 30 по тому же будет и в день, в онъже Сын Человеческий явится. 31 В той день, иже будет на крове, и сосуди его в дому, да не слазит взятиих: и иже на селе, такожде да не возвратится вспять: 32 поминайте жену Лотову. 33 Иже аще взыщет душу свою спасти, погубит ю: и иже аще погубит ю, живит ю. 34

Глаголю вам: в ту нощ будета два на одре единем: един поемлется, а другой оставляется: 35 будета две вкупе мелюще: едина поемлется, а другая оставляется. 36 Два будета на селе: един поемлется, а другой оставляется. 37 И отвешавше глаголаша Ему: где, Господи? Он же рече им: идеже тело, тамо соберутся и орли.

18 Глаголаше же и притчу к ним, како подобает всегда молитися и не стужати (си), 2 глаголя: судия бе некий в некоем граде, Бога не бояся и человек не срамляся. 3 Вдова же некая бе во граде том: и приходаше к нему, глаголющи: отмсти мене от соперника моего. 4 И не хотяше на долзе времени. Последи же рече в себе: аще и Бога не боюся, и человек не срамляюся: 5 но зане творит ми труды вдовица сия, отмщу ея: да не до конца приходящи застоит мене. 6 Рече же Господь: слышите, что судия неправды глаголет? 7 Бог же не имать ли сотворити отмщение избранных Своих, вопиющих к Нему день и нощь, и долготерпя о них? 8 Глаголю вам, яко сотворит отмщение их вскоре: обаче Сын Человеческий пришед убо обрящет ли (си) веру на земли? 9 Рече же и ко другим уповающим собою, яко суть праведницы, и уничижающим прочих, притчу сию: 10 человека два внидоста в церковь помолитися: един фарисей, а другой мытарь. 11 Фарисей же став, сиц в себе молящеся: Боже, хвалу Тебе воздаю, яко несмъ якоже прочии человечы, хищницы, неправедницы, прелюбодее, или якоже сей мытарь: 12 пощуся двакраты в субботу, десятину даю всего елико притяжу. 13 Мытарь же издалеча стоя, не хотяше ни очию возвести на небо: но бияше перси своя, глаголя: Боже, милостив буди мне грешнику. 14 Глаголю вам, яко снide сей оправдан в дом свой паче онаго: яко всяк возносяйся смирятися, смиряя же себе вознесется. 15 Приноша же к Нему и младенцы, да их коснется: видевше же ученицы запретиша им. 16 Иисус же призвав их, глагола: оставите детей приходить ко Мне и не браните им: таковых бо есть Царствие Божие: 17 аминь бо глаголю вам: иже аще не примет Царствия Божия яко отрока, не имать внути в не. 18 И вопросы Его некий князь, глаголя: Учителю благий, что сотворив, живот вечный наследствую? (aiōnios g166) 19 Рече же ему Иисус: что Мя глаголеши блага? Никто же благ, токмо един Бог: 20 заповеди веши: не прелюбы твори, не убий, не укради, не лжесвидетелствуй, чти отца твоего и матери твою. 21 Он же рече: вся сия сохраних от юности моей. 22 Слышав же сия Иисус рече ему: еще единаго не докончал еси: вся, елика имаши, продаждь и раздай

нищым: и имети имаши сокровище на небеси: и гряди вслед Мене. 23 Он же слышав сие, прискорбен бысть: бе бо богат зело. 24 Видев же его Иисус прискорбна бывша, рече: како не удобь имущии богатство в Царствие Божие внидут: 25 удобее бо есть вельбуду сквозе иглине уши пройти, неже богату в Царствие Божие внити. 26 Реша же слышавши: то кто может спасен быти? 27 Он же рече: невозможная у человек возможна суть у Бога. 28 Рече же Петр: се, мы оставихом вся и по Тебе идохом. 29 Он же рече им: аминь глаголю вам, яко никто же есть, иже оставит дом, или родители, или братию, или сестры, или жену, или чада, Царствия ради Божия, 30 иже не приемет мнозицо во время сие, и в век грядущий живот вечный. (αἰῶν g165, αἰῶνιος g166) 31 Поемь же обанадесяте ученики Своя, рече к ним: се, восходим во Иерусалим, и скончаются вся писанная пророки о Сыне Человечесте: 32 предадят бо Его языком и поругаются Ему, и укорят Его и оплюют Его, 33 и бывше убият Его: и в третий день воскреснет. 34 И тииничесоже от сих разумеша: и бе глаголгол сей сокровен от них, и не разумеваху глаголголемых. 35 Бысть же егда приближишася во Иерихон, слепец некий седяще при пути прося: 36 слышав же народ мимоходящъ, вопрошаще: что убо есть се? 37 Поведаша же ему, яко Иисус Назарянин мимоходит. 38 И возопи, глаголя: Иисусе Сыне Давидов, помилуй мя. 39 И предидущии прещау ему, да умолчит: он же паче множе волияше: Сыне Давидов, помилуй мя. 40 Став же Иисус повеле привести его к Себе. Приближшуся же ему к Нему, вопросы его, 41 глаголя: что хощеши, да ти сотворю? Он же рече: Господи, да прозрю. 42 Иисус же рече ему: прозри: вера твоя спасе тя. 43 И абие прозре, и вслед Его идяше, славя Бога. И вси людие видевше воздаша хвалу Богови.

19 И вшед проходаше Иерихон. 2 И се, муж нарицаемый Закхей, и сей бе старей мытарем, и той бе богат: 3 и искаше видети Иисуса, кто есть, и не можаше от народа, яко возрастом мал бе: 4 и предитех, возлезе на ягодичину, да видит, яко хотяше мимо ея пройти. 5 И яко прииде на место, возврев Иисус виде его и рече к нему: Закхее, потщався слези: днесь бо в дому твоем подобает Ми быти. 6 И потщався слезе и прият Его радуяся. 7 И видевше вси роптаху, глаголюще, яко ко грешну мужу вниде витати. 8 Став же Закхей рече ко Господу: се, пол имения моего, Господи, дам нищым: и аще кого чим обидех, возвращу четверицею. 9 Рече же к нему Иисус, яко днесь спасение дому сему

бысть, зане и сей сын Авраамъ есть: 10 прииде бо Сын Человечъ взыскати и спаси погибшаго. 11 Слышащым же им сия, приложъ рече притчу, зане близ Ему быти Иерусалима, и мняху, яко абие Царство Божие хощет явити. 12 Рече убо: человек некий добра рода иде на страну далече прияти себе царство и возвратитися: 13 призвав же десять раб своих, даде им десять мнас и рече к ним: куплю дейте, дондеже прииду. 14 И граждане его ненавидяху его и послаша послы вслед его, глаголюще: не хощем сему, да царствует над нами. 15 И бысть егда возвратися приим царство, рече пригласити рабы тя, имже даде сребро, да увест, какову куплю суть сотворили. 16 Прииде же первый, глаголя: господи, мнас твоя придела десять мнас. 17 И рече ему: благо, рабе добрый: яко о мале верен был еси, буди область имя над десятию градов. 18 И прииде второй, глаголя: господи, мнас твоя сотвори пять мнас. 19 Рече же и тому: и ты буди над пятию градов. 20 И другой прииде, глаголя: господи, се, мнас твоя, юже имех положену во убрусе: 21 бояхся бо тебе, яко человек яр еси, вземлеши, егоже не положил еси, и жнеши, егоже не сеял еси. 22 Глагола же ему: от уст твоих сужду ти, лукавый рабе: ведел еси, яко аз человек яр есмъ, вземлю, егоже не положих, и жну, егоже не сеях: 23 и почто не вдал еси моего сребра купцем, и аз пришед с лихвою истязал бых е? 24 И предстоящим рече: возмите от него мнас и дадите имущему десять мнас. 25 И реша ему: господи, имать десять мнас. 26 Глаголю бо вам, яко всякому имущему дастся: а от неимущаго, и еже имать, отимется от него: 27 обаче враги мои оны, иже не восхотеша мене, да царь бых был над ними, приведите семо и изсечите предо мною. 28 И сия рек, идяше преди, восходя во Иерусалим. 29 И бысть яко приближися в Вифсфагию и Вифанию, к горе нарицаемей Елеон, посла два ученик Своих, 30 глаголя: идита в прямную весь: (и) в нюже входяща обрящета жребя привязано, на неже никто же николике от человек вседе: отрешша е приведита: 31 и аще кто вы вопрошаеш: почто отрешает? Сице речта ему, яко Господъ его требует. 32 Шедша же посланная обретоста, яко же рече има. 33 Отрешающема же има жребя, рекоша господие его к нима: что отрешает жребя? 34 Она же рекоста, яко Господъ его требует. 35 И приведоста е ко Иисусови: и возвергше ризы своя на жребя, всадиша Иисуса. 36 Идущу же Ему, постилаху ризы своя по пути. 37 Приближающуся Ему уже (абие) к низходению горе Елеонстей, начаша все множество ученик радующеся хвалити Бога гласом велиим о всех

силах, яже видеша, 38 глаголюще: благословен грядый Царь во имя Господне: мир на небеси и слава в вышних. 39 И нецы фарисе от народа реша к Нему: Учителю, запрети учеником Твоим. 40 И отвещав рече им: глаголю вам, яко, аще сии умолчат, камение возопиет. 41 И яко приближися, видев град, плакася о нем, 42 глаголя: яко аще бы разумел и ты, в день сей твой, еже к смириению твоему: ныне же скрыся от очию твою: 43 яко приидут дни на тя, и обложат врази твои острог о тебе, и обыдуть тя, и омыт тя отвсюду, 44 и разбият тя и чада твоя в тебе, и не оставят камень на камени в тебе: понеже не разумел еси времене посещения твоего. 45 И вшед в церковь, начат изгонити продающяя в ней и купующяя, 46 глаголя им: писано есть: дом Мой дом молитвы есть: вы же сотвористе его пещеру разбойником. 47 И бе учя по вся дни в церкви. Архиерее же и книжницы искаху Его погубити, и старейшины людем: 48 и не обретаху, что бы сотворили Ему: людие бо вси держахуся Его, послушающе Его.

20 И бысть во един от дний онех, учащу Ему люди в церкви и благовествующи, придоша священницы и книжницы со старцы 2 и реша к Нему, глаголюще: рцы нам, коею областю сия твориши, или кто есть давый Тебе власть сию? 3 Отвещав же рече к ним: вопрошу вы и Аз единаго словесе, и рците Ми: 4 крещение Иоанново с небесе ли бе, или от человек? 5 Они же помышляху в себе, глаголюще, яко аще речем: с небесе, речет: почто убо не веровасте ему? 6 Аще ли же речем: от человек, вси людие камением побиют ны: известно бо бе о Иоанне, яко пророк бе. 7 И отвещаша: не вемы откуду. 8 Иисус же рече им: ни Аз глаголю вам, коею областю сия творю. 9 Начат же к людем глаголати притчу сию: человек некий насади виноград, и вдаде его делателем, и отиде на лета многа: 10 и во время послы к делателем раба, да от плода винограда дадут ему: делатели же бивше его, послаша тща. 11 И приложи послати другаго раба: они же и того бивше и досадивше (ему), послаша тща. 12 И приложи послати третияго: они же и того уязвльше изгнаша. 13 Рече же господин винограда: что сотворю? Послю сына моего возлюбленного, еда како, его видевше, усримся. 14 Видевше же его делателе, мышляху в себе, глаголюще: сей есть наследник: приидите, убием его, да наше будет достояние. 15 И изведше его вон из винограда, убиша. Что убо сотворит им господин винограда? 16 Приидет и погубит делатели сия и вдадт виноград инем. Слышавше же рекоша: да не будет. 17

Он же воззрев на них, рече: что убо писаное сие: камень, егоже небрегоша зиждущии, сей бысть во главу угла? 18 Всяк падый на камени том, сокрушится: а на немже падет, стрыет его. 19 И взыскаша архиерее и книжницы возложити Нань руце в той час и убояшася народа: разумеша бо, яко к ним притчу сию рече. 20 И наблюдше послаша лаятели, притворяющих себе праведники быти: да имут Его в словеси, во еже предати Его началству и области игемонове. 21 И вопросиша Его, глаголюще: Учителю, вемы, яко право глаголеши и учиши, и не на лица зриши, но воистинну пути Божию учиши: 22 достоит ли нам кесареви дань даяти, или ни? 23 Разумев же их лукавство, рече к ним: что Мя искушаете? 24 Покажите Ми цату: чий иметь образ и надписание? Отвещавше же рекоша: кесарев. 25 Он же рече им: воздадите убо, яже кесарева, кесареви, и яже Божия, Богови. 26 И не могоша зазрети глаголгола Его пред людьми: и дивиша о ответе Его и умолчаша. 27 Приступиша же нецы от саддукей, глаголющии воскресению не быти, вопроша Его, 28 глаголюще: Учителю, Моисей написа нам: аще кому брат умрет имый жену, и той безчаден умрет, да брат его поймет жену и возставит семя брату своему: 29 седмь убо братий бе: и первый поят жену, умре безчаден: 30 и поят второй жену, и той умре безчаден: 31 и третий поят ю: такожде же и вси седмь: и не оставиша чад и умроща: 32 послежде же всех умре и жена: 33 в воскресение убо, котораго их будет жена? Седмь бо имеша ю жену. 34 И отвещав рече им Иисус: сынове века сего женятся и посягают: (αἰῶν g165) 35 а сподобльшия век он улучити и воскресение, еже от мертвых, ни женятся, ни посягают: (αἰῶν g165) 36 ни умрети бо кому могут: равни бо суть Ангелом и сынове суть Божии, воскресения сынове суще: 37 а яко востают мертвии, и Моисей сказа при купине, якоже глаголет Господа Бога Авраамля и Бога Исаакова и Бога Иаковля: 38 Бог же несть мертвых, но живых: вси бо Тому живи суть. 39 Отвещавше же нецы от книжник рекоша: Учителю, добре рекл еси. 40 Кому же не смеяху Его вопроситиничесоже. Рече же к ним: 41 како глаголют Христа Сына Давида быти? 42 Сам бо Давид глаголет в книзе псаломстей: рече Господь Господеви моему: седи о десную Мене, 43 дондеже положу враги Твоя подножие ногама Твоима. 44 Давид убо Господа Его нарицает, и како Сын ему есть? 45 Слышащым же всем людем, рече учеником Своим: 46 внемлите себе от книжник хотящих ходити во одеждах и любящих целования на торжищих и председания на сонмищих и прежде возложания на

вечерях: 47 иже снедают дома вдовиц и виною далече молятся: сии примут лишише осуждение.

21 Воззрев же виде вметающя в храм набдящий

имения дары своя богатыя: 2 виде же и некую вдовицу убогу вметающу ту две лепте, з и рече: воистинну глаголю вам, яко вдовица сия убогая множае всех вверже: 4 вси бо сии от избытка своего ввергша в дары Богови: сия же от лишения своего все житие, еже име, вверже. 5 И неким глаголющим о церкви, яко камением добрым и сосуды украшена, рече: 6 сия яже видите, приидут дние, в няже не останет камень на камени, иже не разорится. 7 Вопросиша же Его, глаголюще: Учителю, когда убо сия будут? И что есть знамение, егда хотят сия быти? 8 Он же рече: блюдите, да не прельщени будете: мнози бо приидут во имя Мое, глаголюще, яко Аз есмь: и время приближися. Не изыдите убо вслед их. 9 Егда же услышите брани и нестроения, не убоятесь: подобает бо сим быти прежде: но не у абие кончина. 10 Тогда глаголаше им: востанет (бо) язык на язык, и царство на царство: 11 труси же велицы по местом и глади и пагубы будут, страхования же и знамения велия с небес будут. 12 Прежде же сих всех возложат на вы руки своя и ижденут, предающе на сонмища и темницы, ведомы к царем и владыкам, имене Моего ради: 13 прилучится же вам во свидетельство. 14 Положите убо на сердцах ваших, не прежде поучатися отвешавати: 15 Аз бо дам вам уста и премудрость, ейже не возможут противитися или отвещати вси противляющися вам. 16 Предани же будете и родители и братиею и родом и други, и умертвят от вас: 17 и будете ненавидими от всех имене Моего ради: 18 и влас главы ваше не погибнет: 19 в терпении вашем стяжите души ваша. 20 Егда же узрите обстоимъ Иерусалим вои, тогда разумейте, яко приближися запустение ему: 21 тогда сущии во Иудеи да бегают в горы: и иже посреде его, да исходят: и иже во странах, да не входят в онъ: 22 яко дние отмщению сии суть, яко исполнитися всему писанному. 23 Горе же имущим во утробе и доящим в тяя дни: будет бо беда велия на земли и гнев на людех сих, 24 и падут во острии меча, и пленени будут во вся языки: и Иерусалим будет попираемъ языки, дондеже скончаются времена язык. 25 И будут знамения в солнце и луне и звездах: и на земли туга языком от нечаяния шума морскаго и возмущения, 26 изыхающимъ человеком от страха и чаяния грядущих на вселенную: силы бо небесныя подвигнутся, 27 и тогда узрят Сына Человеческа грядуща

на облацах с силою и славою многою. 28 Начинающим же сим бывати, восклонитеся и воздвигните главы ваши: зане приближается избавление ваше. 29 И рече притчу им: видите смоковницу и вся древа: 30 егда прошибаются уже, видяще сами весте, яко близ жатва есть. 31 Тако и вы, егда узрите сия бывающа, ведите, яко близ есть Царствие Божие. 32 Аминъ глаголю вам, яко не имать прейти род сей, дондеже вся сия будут: 33 небо и земля мимо идет, а словеса Моя не имут прейти. 34 Внемлите же себе, да не когда отягчают сердца ваша объядением и пиянством и печальми житейскими, и найдет на вы внезапу день той: 35 яко сеть бо приидет на вся живущя на лицы всея земли: 36 бдите убо на всяко время молящеся, да сподобитеся убежати всех сих хотящих быти, и стати пред Сыном Человеческим. 37 Бе же во дни во церкви уча: ношию же исходя водворяшеся в горе нарицаемъ Елеон. 38 И вси людие из утра приходжау к Нему во церковь послушати Его.

22 Приближашеся же праздник опреснок, глаголемый

Пасха: 2 и искаху архиерее и книжницы, како бы убили Его: бояхуся бо людий. 3 Вниде же сатана во Иуду нарицаемаго Искариот, суща от числа обоянадсяте, 4 и шед глагола архиереем и воеводам, како Его предаст им. 5 И возрадовашася и совещаша ему сребренники дати: 6 и исповеда и искаше удобна времене, да предаст Его им без народа. 7 Прииде же день опресноков, в онъже подобаше жрети пасху: 8 и посла Петра и Иоанна, рек: шедша уготовайта нам пасху, да ямы. 9 Она же рекоста Ему: где хощеши уготоваем? 10 Он же рече има: се, восходящема вами во град, срящет вы человек в скудельнице воду нося: по нем идeta в дом, в онъже входит, 11 и рцета дому владыце: глаголет тебе Учитель: где есть обитель, идеже пасху со ученики Моими снем? 12 И той вами покажет горницу велию постлану: ту уготовайта. 13 Шедша же обретоста, якоже рече има: и уготоваста пасху. 14 И егда бысть час, возлеже, и обанадсяте Апостола с Ним, 15 и рече к ним: желанием возжелех сию пасху ясти с вами, прежде даже не приму мук: 16 глаголю бо вам, яко отселе не имам ясти от нея, дондеже скончаются во Царствии Божии. 17 И примим чашу, хвалу воздав, рече: примите сию, и разделите себе: 18 глаголю бо вам, яко не имам пити от плода лознаго, дондеже Царствие Божие приидет. 19 И примим хлеб, хвалу воздав, преломи и даде им, глаголя: сие есть тело Мое, еже за вы даемо: сие творите в Мое воспоминание. 20 Такожде же и чашу по вечери,

глаголя: сия чаша Новый Завет Моею кровию, яже за вы проливается: 21 обаче се, рука предающаго мя со Мною (есть) на трапезе, 22 и Сын убо Человеческий идет по реченному: обаче горе человеку тому, имже предается. 23 И тии начаша искати в себе, который убо от них хощет сие сотворити. 24 Бысть же и пря в них, кий мнится их быти болий. 25 Он же рече им: царие язык господствуют ими, и обладающими ими благодателе нарицаются: 26 вы же не тако: но болий в вас, да будет яко мни: и старей, яко служай. 27 Кто бо болий, возлежай ли, или служай? Не возлежай ли? Аз же посреде вас есмь яко служай. 28 Вы же есте пребывше со Мною в напастех Моих, 29 и Аз завещава вам, якоже завеща Мне Отец Мой, Царство, 30 да ясте и пиете на трапезе Моеи во Царствии Моем: и сядете на престолех, судяще обеманадесяте коленома Израилевома. 31 Рече же Господь: Симоне, Симоне, се, сатана просит вас, дабы сеял, яко пшеницу: 32 Аз же молихся о тебе, да не оскудеет вера твоя: и ты некогда обращься утверди братию твою. 33 Он же рече Ему: Господи, с Тобою готов есмь и в темницу и на смерть ити. 34 Он же рече: глаголю ти, Петре, не возгласит петель днесъ, дондеже трикраты отвержешися Мене не ведети. 35 И рече им: егда послах вы без влагалища и без меха и без сапог, еда чесого лишени бысте? Они же реша:ничесоже. 36 Рече же им: но ныне иже имать влагалище, да возмет, такожде и мех: а иже не имать, да продаст ризу свою, и купит нож: 37 глаголю бо вам, яко еще писаное се, подобает, да скончается о Мне, еже: и со беззаконными вменися. Ибо еже о Мне, кончину имать. 38 Они же реша: Господи, се, ножа зде два. Он же рече им: доволно есть. 39 И изшед иде по обычаю в гору Елеонскую: по Нем же идоша ученицы Его. 40 Быв же на месте, рече им: молитесь, да не внидете в напасть. 41 И Сам отступи от них яко вержением камене, и поклонь колена молящеся, 42 глаголя: Отче, аще волиши мимонести чашу сию от Мене: обаче не Моя воля, но Твоя да будет. 43 Явиша же Ему Ангел с небесе, укрепляя Его. 44 И быв в подвize, прилежннее молящеся: бысть же пот Его яко капли крове каплющя на землю. 45 И востав от молитвы (и) пришед ко учеником, обрете их спящих от печали 46 и рече им: что спите? Воставше молитесь, да не внидете в напасть. 47 Еще же Ему глаголющу, се, народ, и нарицаемый Иуда, един от обюонадесяте, идяше пред ними, и приступи ко Иисусови целовати Его. Сие бо бе знамение дал им: Егоже аще лобжу, Той есть. 48 Иисус же рече ему: Иудо, лобзанием ли Сына Человеческаго предаеш? 49 Видевше же, иже беху с

Ним, бываємое, реша Ему: Господи, аще ударим ножем? 50 И удари един некий от них архиереова раба и уреза ему ухо десное. 51 Отвещав же Иисус рече: оставите до сего. И коснувся уха его, изцели его. 52 Рече же Иисус ко пришедшым Нань архиереем и воеводам церковным и старцем: яко на разбойника ли изыдосте со оружием и дрекольми яти мя? 53 По вся дни сущу Ми с вами в церкви, не прострости руки на мя: но се есть ваша година и область темная. 54 Емше же Его ведоша и введоша Его во двор архиереев. Петр же вслед идяше издалеча. 55 Возгнешшим же огнь посреде двора и вкупе седящим им, седяше Петр посреде их. 56 Узревши же его рабыня некая седяща при свете и воззревши на Нань, рече: и сей с Ним бе. 57 Он же отвержеся Его, глаголя: жено, не знаю Его. 58 И помале другой видев его, рече: и ты от них еси. Петр же рече: человече, несмь. 59 И мимошедшу яко часу единому, ин некий креплящеся глаголя: воистину и сей с Ним бе: ибо Галилеанин есть. 60 Рече же Петр: человече, не вем, еже глаголеши. И аби, еще глаголющу ему, возгласи петель. 61 И обращься Господь воззре на Петра: и помяну Петр слово Господне, якоже рече ему, яко прежде даже петель не возгласит, отвержешися Мене трикраты. 62 И изшед вон плакася горько. 63 И мужие держащи Иисуса ругахуся Ему, биюще: 64 и закрывше Его, бияху Его по лицу и вопрошаху Его, глаголюще: прорцы, кто есть ударей Тя? 65 И ина многа хуляще глаголаху Нань. 66 И яко бысть день, собирашася старцы людстии и архиерее и книжници, и ведоша Его на сонм свой, 67 глаголюще: аще Ты еси Христос? Рцы нам. Рече же им: аще вам реку, не имете веры: 68 аще же и вопрошу (вы), не отвещаете Ми, ни отпустите: 69 отселе будет Сын Человеческий седяй о десную силы Божия. 70 Реша же вси: Ты ли убо еси Сын Божий? Он же к ним рече: вы глаголете, яко Аз есмь. 71 Они же реша: что еще требуем свидетелства? Сами бо слышахом от уст Его.

23 И воставше все множество их, ведоша Его к Пилату, 2 начаша же Нань вадити, глаголюще: Сего обретохом развращающа язык наш и возбраняюща кесареви дань даяти, глаголюща Себе Христа Царя быти. 3 Пилат же вопросы Его, глаголя: Ты ли еси Царь Иудеом? Он же отвещав рече ему: ты глаголеши. 4 Пилат же рече ко архиереем и народу: ни коєяже обретаю вины в человеце сем. 5 Они же крепляхуся глаголюще, яко развращает люди, учя по всей Иудеи, начен от Галилеи до зде. 6 Пилат же слышав Галилею, вопросы, аще человек Галилеанин есть? 7 И разумев, яко от области

Иродовы есть, посла Его ко Ироду, сущу и тому во Иерусалиме в тыя дни. 8 Ирод же видев Иисуса рад бысть зело: бе бо желая от многа времене видети Его, зане слышаше многа о Нем: и надеяшеся знамение некое видети от Него бываемо: 9 вопрошаše же Его словесы многими: Он женичесоже отвещаваше ему. 10 Стояху же архиерее и книжницы, прилежно вадяще Нань. 11 Укорив же Его Ирод с вои своими и поругався, оболк его в ризу светлу, возврати Его к Пилату. 12 Быста же друга Ирод же и Пилат в той день с собою: прежде бо беста вражду имуща между собою. 13 Пилат же созвав архиерей и князи и люди, 14 рече к ним: приведосте ми человека сего, яко развращающа люди: и се, аз пред вами истязав, ни единъя же обретаю в человеке сем вины, яже Нань вадите: 15 но ни Ирод: послах бо Его к нему, и се, ничтоже достойно смерти сотворено есть о Нем: 16 наказав убо Его отпуши. 17 Нужду же имаше на вся праздники отпущати им единаго. 18 Возопиша же вси народи, глаголюще: возми Сего, отпусти же нам Варавву. 19 Иже бе за некую крамолу бывшую во граде и убийство ввержен в темницу. 20 Паки же Пилат возгласи, хотя отпустити Иисуса. 21 Они же возглашаху, глаголюще: распни, распни Его. 22 Он же третицю рече к ним: что бо зло сотвори Сей? Ничесоже достойна смерти обретох в Нем: наказав убо Его отпуши. 23 Они же прилежаху гласы великими, просяще Его на распятие: и устояху гласи их и архиерейстии. 24 Пилат же посуди быти прощению их: 25 отпусти же бывшаго за крамолу и убийство всаждена в темницу, егоже прошаху: Иисуса же предаде воли их. 26 И яко поведоша Его, емше Симона некоего Киринеа, грядуща с села, возложиша нань крест нести по Иисусе. 27 Идяше же вслед Его народ мног людей, и жены, яже и плакахуся и рыдаху Его. 28 Обращающа же к ним Иисус рече: дщери Иерусалимски, не плачитеся о Мне, обаче себе плачите и чад ваших: 29 яко се, дни грядут, в няже рекут: блажены неплоды, и утробы, яже не родиша, и сосцы, иже не доиша: 30 тогда начнут глаголати горам: падите на ны: и холмом: покрыйте ны: 31 зане, аще в сурое древе сия творят, в сусе что будет? 32 Ведяху же и ина два злодея с Ним убити. 33 И егда придоша на место, нарицаемое Любное, ту распяша Его и злодея, оваго убо о десную, а другаго о шуюю. 34 Иисус же глаголаше: Отче, отпусти им: не ведят бо что творят. Разделяюще же ризы Его, метаху жребия. 35 И стояху людие зряще. Ругахуся же и князи с ними, глаголюще: иныя спасе, да спасет и Себе, аще Той есть Христос Божий избранный. 36 Ругахуся же

Ему и воини, приступающе и оцет придеюще Ему, 37 и глаголаху: аще Ты еси Царь Иудейск, спасися Сам. 38 Бе же и написание написано над Ним писмены еллинскими и римскими и еврейскими: Сей есть Царь Иудейск. 39 Един же от обещеною злодею хуляще Его, глаголя: аще Ты еси Христос, спаси Себе и наю. 40 Отвещав же другой прещаше ему, глаголя: ни ли ты боишися Бога, яко в томже осужден еси? 41 И мы убо в правду: достойная бо по делом наю восприемлева: Сей же ни единаго зла сотвори. 42 И глаголаше Иисусови: помяни мя, Господи, егда приидеши во Царствии си. 43 И рече ему Иисус: аминъ глаголю тебе, днесъ со Мною будеши в раи. 44 Бе же час яко шестый, и тма бысть по всей земли до часа девятаго: 45 и померче солнце, и завеса церковная раздрася посреде. 46 И возглашь гласом велиим Иисус, рече: Отче, в руце Твои предаю дух Мой. И сия рек издше. 47 Видев же сотник бывшее, прослави Бога, глаголя: воистину человек сей праведен бе. 48 И вси пришедши народи на позор сей, видяще бывающа, биюще перси своя возвращауся. 49 Стояху же вси знаемии Его издалеча, и жены споследствовавши Ему от Галилеи, зряща сия. 50 И се, муж именем Иосиф, советник сый, муж благ и праведен 51 сей не бе пристал совету и делу их, от Ариамфея града Иудейска, иже чаяше и сам Царствия Божия: 52 сей приступль к Пилату, проси телесе Иисусова: 53 и снем е обвит плащаницею, и положи е во гробе изсеченен, в немже не бе никотоже никогдаже положен. 54 И день бе пяток, и суббота светаше. 55 Вслед же шедшыя жены, яже бяху пришли с Ним от Галилеи, видеша гроб, и яко положено бысть тело Его: 56 возвращающа же уготоваша ароматы и миро: и в субботу убо умолчаша по заповеди.

24 Во едину же от суббот зело рано придоша на гроб, носяща яже уготоваша ароматы: и другия с ними: 2 обретоша же камень отвален от гроба, 3 и вшедша не обретоша телесе Господа Иисуса. 4 И бысть не домышляющымся им о сем, и се, мужа два стаста пред ними в ризах блещащихся. 5 Пристрашным же бывшым им и поклоньшым лица на землю, рекоста к ним: что ищете живаго с мертвыми? 6 Несть здесь, но воста: помяните, яко же глагола вам, еще сый в Галилеи, 7 глаголя, яко подобает Сыну Человеческому предану быти в руце человек грешник, и проплюти быти, и в третий день воскреснути. 8 И помянуша глаголы Его, 9 и возвращающа от гроба, возвестиша вся сия единомунастяте и всем прочым. 10 Бяше же Магдалина

Мария и Иоанна и Мария Иаковля, и прочыя с ними, яже глаголаху ко Апостолом сия. 11 И явишася пред ними яко лжа глаголы их, и не вероваху им. 12 Петр же востав тече ко гробу и приник виде ризы едини лежаща: и отиде, в себе дивяся бывшему. 13 И се, два от них беста идуща в тойже день в весь отстоящу стадий шестьдесят от Иерусалима, ейже имя Еммаус: 14 и та беседоваста к себе о всех сих приключшихся. 15 И бысть беседующема има и совопрошающемсяя, и Сам Иисус приближився идяше с нима: 16 очи же ею держащеся, да Его не познаета. 17 Рече же к нима: что суть словеса сия, о нихже стязаестася к себе идуща, и еста дряхла? 18 Отвещав же един, ему же имя Клеопа, рече к Нему: Ты ли един пришлец еси во Иерусалим, и не уведел еси бывших в нем во дни сия? 19 И рече има: киих? Она же реста Ему: яже о Иисусе Назарянине, Иже бысть муж пророк, силен делом и словом пред Богом и всеми людьми: 20 како предаша Его архиерее и князи наши на осуждение смерти и распяша Его: 21 мы же надеяхомся, яко Сей есть хотя избавити Израиля: но и над всеми сими, третий сей день есть днесъ, отнелиже сия быша: 22 но и жены некия от нас ужасиша ны, бывшия рано у гроба: 23 и не обретша телесе Его, придоша, глаголюща, яко и явление Ангел видеша, иже глаголют Его жива: 24 и идоша нецыи от нас ко гробу и обретоша тако, яко же и жены реша: Самаго же не видеша. 25 И Той рече к нима: о несмысленная и косная сердцем, еже веровати о всех, яже глаголаша пророцы: 26 не сия ли подобаше пострадати Христу и внити в славу Свою? 27 И начен от Моисея и от всех пророк, сказаше има от всех Писаний яже о Нем. 28 И приближиша в весь, в нюже идяста: и Той творящеся далечайше ити: 29 и нуждаста Его, глаголюща: облязи с нама, яко к вечеру есть, и приклонился есть день. И вниде с нима облещи. 30 И бысть яко возлеже с нима, (и) приим хлеб благослови, и преломив даяше има: 31 онема же отверзостеся очи, и познаста Его: и Той невидимъ бысть има. 32 И рекоста к себе: не сердце ли наю горя бе в наю, егда глаголаше нама на пути и егда сказоваше нама Писания? 33 И воставша в той час, возвратистася во Иерусалим и обретоста совокупленых единонадесяти и иже бяху с ними, 34 глаголующих, яко воистинну воста Господь и явися Симону. 35 И та поведаста, яже быша на пути, и яко познася има в преломлении хлеба. 36 Сия же им глаголющим, (и) Сам Иисус ста посреде их и глагола им: мир вам. 37 Убоявшеся же и пристраши бывше, мняху дух видети: 38 и рече им: что смущени есте? И

почто помышления входят в сердца ваша? 39 Видите руце Мои и нозе Мои, яко сам Аз есмъ: осяжите Мя и видите: яко дух плоти и кости не иметь, якоже Мене видите имуща. 40 И сие рек, показа им руце и нозе. 41 Еще же неверующым им от радости и чудящимся, рече им: имате ли что снедно зде? 42 Они же даша Ему рыбы печены часть и от пчел сот. 43 И взем пред ними яде, 44 рече же им: сия суть словеса, яже глаголах к вам еще сый с вами, яко подобает скончатися всем написанным в законе Моисееве и пророцех и псалмех о Мне. 45 Тогда отверзе им ум разумети Писания 46 и рече им, яко тако писано есть, и тако подобаше пострадати Христу и воскреснути от мертвых в третий день, 47 и проповедатися во имя Его покаянию и отпущению грехов во всех языцех, наченше от Иерусалима: 48 вы же есте свидетели сим: 49 и се, Аз послю обетование Отца Моего на вы: вы же седите во граде Иерусалимсте, дондеже облечетесь силою свыше. 50 Извед же их вон до Вифании и воздвиг руце Свои, (и) благослови их. 51 И бысть егда благословляше их, отступи от них и возношащеся на небо. 52 И тии поклонишася Ему, и возвратишася во Иерусалим с радостию великою: 53 и бяху выну в церкви, хваляще и благословяще Бога. Аминь.

От Иоанна святое благовествование

1 В начале бе Слово, и Слово бе к Богу, и Бог бе Слово.

2 Сей бе искони к Богу: з вся Тем быша, и без Него ничтоже бысть, еже бысть. 4 В Том живот бе, и живот бе свет человеком: 5 и свет во тме светится, и тма его не объят. 6 Бысть человек послан от Бога, имя ему Иоанн: 7 Сей прииде во свидетелство, да свидетелствует о Свете, да вси веру имут ему. 8 Не бе той свет, но да свидетелствует о Свете: 9 бе Свет истинный, Иже просвещает всякого человека грядущаго в мир: 10 в мире бе, и мир Тем бысть, и мир Его не позна: 11 во своя прииде, и свои Его не приша. 12 Елицы же приша Его, даде им область чадом Божиим быти, верующим во имя Его, 13 иже не от крове, ни от похоти плотския, ни от похоти мужеския, но от Бога родишася. 14 И Слово плоть бысть и вселился в ны, и видехом славу Его, славу яко Единородного от Отца, исполнъ благодати и истины. 15 Иоанн свидетелствует о Нем и возвзва глаголя: Сей бе, Егоже рех, Иже по мне Грядый, предо мною бысть, яко первее мене бе. 16 И от исполнения Его мы вси прияхом и благодать воз благодать: 17 яко закон Моисеом дан бысть, благодать (же) и истина Иисус Христом бысть. 18 Бога никтоже виде нигдже: Единородный Сын, сый в лоне Отчи, Той исповеда. 19 И сие есть свидетелство Иоанново, егда послаша Жидове от Иерусалима иереев и левитов, да вопросят его: ты кто еси? 20 И исповеда и не отвержеся: и исповеда, яко несмъ аз Христос. 21 И вопросиша его: что убо? Илиа ли еси ты? И глагола: несмъ. Пророк ли еси? И отвеша: ни. 22 Реша же ему: кто еси? Да ответ дамы пославшым ны: что глаголеши о тебе самем? 23 Рече: аз глас вопиющаго в пустыни: исправите путь Господень, якоже рече Исаиа пророк. 24 И посланни беху от фарисей: 25 и вопросиша его и реша ему: что убо крещаши, аще ты неси Христос, ни Илиа, ни пророк? 26 Отвеша им Иоанн, глагола: аз крещаю водою: посреде же вас стоит, Егоже вы не весте: 27 Той есть Грядый по мне, Иже предо мною бысть, Ему же несмъ аз достоин, да отрешу ремень сапогу Его. 28 Сия в Вифаваре быша об он пол Иордана, идеже бе Иоанн крестя. 29 Во утрий (же) виде Иоанн Иисуса грядуща к себе и глагола: се, Агнец Божий, вземляй грехи мира: 30 Сей есть, о Немже аз рех: по мне грядет Муж, Иже предо мною бысть, яко первее мене бе: 31 и аз не ведех Его: но да явится Израилеви, сего ради придох аз

водою крестя. 32 И свидетелства Иоанн, глаголя, яко видех Духа сходяща яко голубя с небесе, и пребыть на Нем: 33 и аз не ведех Его: но Пославый мя крестити водою, Той мне рече: над Него же узриши Духа сходяща и пребывающа на Нем, Той есть крестия Духом Святым: 34 и аз видех и свидетелствах, яко Сей есть Сын Божий. 35 Во утрий (же) паки стояше Иоанн, и от ученик его два. 36 И узрев Иисуса грядуща, глагола: се, Агнец Божий. 37 И слышаща его оба ученика глаголющаго, и по Иисусе идоста. 38 Обращаъ же Иисус и видев я по Себе идуща, глагола има: чесо ищета? Она же реста Ему: Равви, еже глаголется сказаemo учителю, где живеш? 39 (И) глагола има: приидита и видита. Приидоста и видеста, где живяше, и у Него пребыста день той. Бе же час яко десятый. 40 Бе (же) Андрей, брат Симона Петра, един от обою слышавше от Иоанна и по Нем шедшею. 41 Обрете сей прежде брата своего Симона и глагола ему: обретохом Мессию, еже есть сказаemo Христос. 42 И приведе его ко Иисусови. Воззрев же нань Иисус рече: ты еси Симон сын Ионин: ты наречешися Кифа, еже сказается Петр. 43 Во утрий (же) восхоте изыти в Галилею: и обрете Филиппа и глагола ему: гряди по Мне. 44 Бе (же) Филипп от Вифсаиды, от града Андреева и Петрова. 45 Обрете Филипп Нафанаила и глагола ему: Егоже писа Моисей в законе и пророцы, обретохом Иисуса сына Иосифова, иже от Назарета. 46 И глагола ему Нафанаил: от Назарета может ли что добро быти? Глагола ему Филипп: прииди и виждь. 47 Виде (же) Иисус Нафанаила грядуща к Себе и глагола о нем: се, воистину Израилтянин, в немже льсти несть. 48 Глагола Ему Нафанаил: како мя знаеш? Отвеша Иисус и рече ему: прежде даже не возгласи тебе Филипп, суща под смоковницею видех тя. 49 Отвеша Нафанаил и глагола Ему: Равви, Ты еси Сын Божий, Ты еси Царь Израилев. 50 Отвеша Иисус и рече ему: зане рех ти, яко видех тя под смоковницею, веруши: болша сих узриши. 51 И глагола ему: аминь, аминь глаголю вам, отселе узрите небо отверсто и Ангелы Божия восходящыя и нисходящыя над Сына Человеческаго.

2 И в третий день брак бысть в Кане Галилейстей: и бе Мати Иисусова ту. 2 Зван же бысть Иисус и ученицы Его на брак. 3 И недоставшу вину, глаголгла Мати Иисусова к Нему: вина не имут. 4 Глагола Ей Иисус: что (есть) Мне и Тебе, Жено? Не у прииде час Мой. 5 Глаголгла Мати Его слугам: еже аще глаголет вам, сговорите. 6 Беху же ту водоноси каменни шесть, лежаще

по очищению Иудейску, вместящи по двема или трием мерам. 7 Глагола им Иисус: наполните водоносы воды. И наполниша их до верха. 8 И глагола им: почерпните ныне и принесите архитриклинови. И принесоша. 9 Якоже вкуси архитрикли вина бывшаго от воды, и не ведяше, откуду есть: слуги же ведяху почерпши воду: пригласи жениха архитрикли 10 и глагола ему: всяк человек прежде доброе вино полагает, и егда упинются, тогда хуждшее: ты (же) соблюл еси доброе вино доселе. 11 Се сотвори начаток знамением Иисус в Кане Галилейстей и яви славу Свою: и вероваша в Него ученицы Его. 12 По сем снide в Капернаум Сам и Мати Его, и братия Его и ученицы Его: и ту не многи дни пребыша. 13 И близ бе Пасха Иудейска, и взыде во Иерусалим Иисус 14 и обрете в церкви продающая овцы и волы и голуби, и пеняжники седящая. 15 И сотворив бичь от вервий, вся изгна из церкви, овцы и волы: и торжником разсыпа пенязи и дски опроверже: 16 и продающим голуби рече: возмите сия отсюду и не творите дому Отца Моего дому купленаго. 17 Помянуша же ученицы Его, яко писано есть: жалость дому Твоего снести Мя. 18 Отвещаша же Иудеи и реша Ему: кое знамение являши нам, яко сия твориши? 19 Отвеща Иисус и рече им: разорите церковь сию, и треми денми воздвигнущи ю. 20 Реша же Иудеи: четыредесять и шестиу лет создана бысть церковь сия, и Ты ли треми денми воздвигнеши ю? 21 Он же глаголаше о церкви тела Своего. 22 Егда убо воста от мертвых, помянуша ученицы Его, яко се глаголаше, и вероваша Писанию и словеси, еже рече Иисус. 23 Егда же бе в Иерусалимех в праздник Пасхи, мнози вероваша во имя Его, видяще знамения Его, яже творяше. 24 Сам же Иисус не вдаяше Себе в веру их, зане сам ведяше вся, 25 и яко не требоваше, да кто свидетелствует о человечех: Сам бо ведяше, что бе в человеке.

3 Бе же человек от фарисей, Никодим имя ему, князь Жидовский: 2 сей прииде ко Иисусу нощю и рече Ему: Равви, вем, яко от Бога пришел еси учитель: никтоже бо может знамений сих творити, яже Ты твориши, аще не будет Бог с ним. 3 Отвеща Иисус и рече ему: аминь, аминь глаголу тебе: аще кто не родится свыше, не может видети Царствия Божия. 4 Глагола к Нему Никодим: како может человек родитися стар сый? Еда может второе внити во утробу матере своея и родитися? 5 Отвеща Иисус: аминь, аминь глаголу тебе: аще кто не родится водою и Духом, не может внити во Царствие Божие: 6 рожденное от плоти плоть есть, и рожденное от Духа дух

есть. 7 Не дивися, яко рех ти: подобает вам родитися свыше. 8 Дух, идеже хощет, дышет, и глас его слышиши, но не веси, откуду приходит и камо идет: тако есть всяк (человек) рожденный от Духа. 9 Отвеща Никодим и рече Ему: како могут сия быти? 10 Отвеща Иисус и рече ему: ты еси учитель Израилев, и сих ли не веси? 11 Аминь, аминь глаголу тебе, яко, еже вемы, глаголем, и еже видехом, свидетелствуем, и свидетелства Нашего не приемлете: 12 аще земная рекох вам, и не веруете: како, аще реку вам небесная, уверуете? 13 И никотоже взыде на небо, токмо сшедый с небесе Сын Человеческий, сый на небеси: 14 и якоже Моисей вознене змию в пустыни, тако подобает вознестися Сыну Человеческому, 15 да всяк веруя в Онь не погибнет, но имать живот вечный. (aīōnios g166) 16 Тако бо возлюби Бог мир, яко и Сына Своего Единороднаго дал есть, да всяк веруя в Онь не погибнет, но имать живот вечный. (aīōnios g166) 17 Не посла бо Бог Сына Своего в мир, да судит мирови, но да спасется Им мир. 18 Веруя в Онь не будет осужден: а не веруя уже осужден есть, яко не верова во имя Единороднаго Сына Божия. 19 Сей же есть суд, яко свет прииде в мир, и возлюбиша человецы паче тму, неже свет: беша бо их дела зла. 20 Всяк бо делаяй злая ненавидит света и не приходит к свету, да не обличатся дела его, яко лукава суть: 21 творяй же истину грядет к свету, да явятся дела его, яко о Бозе суть соделана. 22 По сих (же) прииде Иисус и ученицы Его в Жидовскую землю: и ту живяше с ними и крещаше. 23 Бе же Иоанн крестя во Еноне близ Салима, яко воды многи бяху ту: и приходяшу и крещахуся: 24 не у бо бе всажден в темнице Иоанн. 25 Бысть же стязание от ученик Иоанновых со Иудеи о очищении: 26 и придоша ко Иоанну и рекоша ему: равви, Иже бе с тобою об он пол Иордана, Ему же ты свидетелствовал еси, се, Сей крещает, и вси грядут к Нему. 27 Отвеща Иоанн и рече: не может человек приниматиничесоже, аще не будет дано ему с небесе. 28 Вы сами мне свидетелствуете, яко рех: несмь аз Христос, но яко послан есмь пред Ним. 29 Имейай невесту жених есть: а друг женихов, стоя и послушая его, радостию радуется за глас женихов: сия убо радость моя исполнися: 30 оному подобает расти, мне же малитися. 31 Грядый свыше над всеми есть: сый от земли от земли есть и от земли глаголет: Грядый с небесе над всеми есть, 32 и еже виде и слыша, сие свидетелствует: и свидетелства Его никотоже приемлет. 33 Приемый Его свидетелство верова, яко Бог истинен есть. 34 Егоже бо посла Бог, глаголголы Божия глаголет:

не в меру бо Бог дает Духа. 35 Отец (бо) любит Сына и вся даде в руце Его. 36 Веруя в Сына имать живот вечный: а иже не верует в Сына, не узрит живота, но гнев Божий пребывает на нем. (aἰόνιος γ166)

4 Егда убо разуме Иисус, яко услышаша фарисеи, яко Иисус множайшыя ученики творит и крещает, неже Иоанн: 2 Иисус же Сам не крещаше, но ученици Его: 3 оставил Иудею и идёт паки в Галилею. 4 Подобаше же Ему пройти сквозе Самарию. 5 Прииде убо во град Самарийский, глаголемый Сихарь, близ веся, юже даде Иаков Иосифу сыну своему: 6 бе же ту источник Иаковль. Иисус же утруждся от пути, седяще тако на источнице: бе (же) яко час шестый. 7 Прииде жена от Самарии почерпати воду. Глагола ей Иисус: дажь Ми пити. 8 Ученицы бо Его отшли баху во град, да брашно купят. 9 Глагола Ему жена Самаряныя: како ты Жидовин сый от мене пити просиши, жены Самаряныни сущей? Не прикасаютбося Жидове Самаряном. 10 Отвеша Иисус и рече ей: аще бы ведала еси дар Божий, и Кто есть глаголия ти: дажь Ми пити: ты бы просила у Него, и дал бы ти воду живу. 11 Глагола Ему жена: господи, ни почерпала имаши, и студенец есть глубок: откуду убо имаши воду живу? 12 Еда ты болий еси отца нашего Иакова, иже даде нам студенец сей, и той из него пит и сынове его и скоти его? 13 Отвеша Иисус и рече ей: всякий пият от воды сея, вжаждется паки: 14 а иже пият от воды, юже Аз дам ему, не вжаждется во веки: но вода, юже (АЗ) дам ему, будет в нем источник воды текущий в живот вечный. (aἰόνιος γ165, aἰόνιος γ166) 15 Глагола к Нему жена: господи, дажь ми сию воду, да ни жажду, ни приходжу сего почерпати. 16 Глагола ей Иисус: иди, пригласи мужа твоего и приди сего. 17 Отвеша жена и рече (Ему): не имам мужа. Глагола ей Иисус: добрека еси, яко мужа не имам: 18 пять бо мужей имела еси, и ныне, егоже имаши, несть ти муж: се воистину рекла еси. 19 Глагола Ему жена: Господи, вижу, яко пророк еси Ты: 20 отцы наши в горе сей поклонишася: и вы глаголете, яко во Иерусалимех есть место, идёже кланятися подобает. 21 Глагола ей Иисус: жено, веру Ми ими, яко грядет час, егда ни в горе сей, ни во Иерусалимех поклонитяся Отцу: 22 вы кланяетсяе, егоже не весте: мы кланяемся, егоже вемы, яко спасение от Иудей есть: 23 но грядет час, и ныне есть, егда истинни поклонници поклоняются Отцу духом и истинною: ибо Отец таковых ищет покланяющихся Ему: 24 дух (есть) Бог: и иже кланяется Ему, духом и истинною достоит кланятися. 25 Глагола Ему жена:

вем, яко Мессия приидет, глаголемыи Христос: егда Той приидет, возвестит нам вся. 26 Глагола ей Иисус: Аз есмъ, глаголия с тобою. 27 И тогда придоша ученицы Его и чудяхся, яко с женою глаголаше: обаче никтоже рече: чесо ищеши? Или: что глаголеши с нею? 28 Оставил же водонос свой жена, и идёт во град, и глагола человеком: 29 приидите (и) видите Человека, Иже рече ми вся, елика сотворих: еда Той есть Христос? 30 Изъдоша же из града и грядя к Нему. 31 Между же сим моляху Его ученицы (Его), глаголюще: Равви, яждь. 32 Он же рече им: Аз брашно имам ясти, егоже вы не весте. 33 Глаголаху убо ученицы к себе: еда кто принес Ему ясти? 34 Глагола им Иисус: Мое брашно есть, да сотворю волю Пославшаго Мя и совершу дело Его. 35 Не вы ли глаголете, яко еще четыри месяцы суть, и жатва приидет? Се, глаголю вам: возведите очи ваши и видите нивы, яко плавы суть к жатве уже: 36 и жнай мзду приемлет и собирает плод в живот вечный, да и сей вкупе радуется и жнай: (aἰόνιος γ166) 37 о сем бо слово есть истинное, яко ин есть сей, и ин (есть) жнай: 38 аз послах вы жати, идёже вы не трудистеся: ини трудишася, и вы в труд их внидосте. 39 От града же того мнози вероваша в Онь от Самарян, за слово жены свидетельствующия, яко рече ми вся, елика сотворих. 40 Егда убо придоша к Нему Самаряне, моляху Его, дабы пребыл у них: и пребысть ту два дни. 41 И много паче вероваша за слово Его: 42 жнене же глаголаху, яко не кому за твою беседу веруем: сами бо слышахом и вемы, яко Сей есть воистину Спас миру, Христос. 43 По двою же дню изъде оттуду и идёт в Галилею: 44 Сам бо Иисус свидетельствова, яко пророк во своем отечествии чести не имать. 45 Егда же прииде в Галилею, приша Его Галилеане, вся видевше, яже сотвори во Иерусалимех в праздник: и ти бо придоша в праздник. 46 Прииде же паки Иисус в Кану Галилейскую, идёже претвори воду в вино. И бе некий царев муж, егоже сын боляше в Капернауме. 47 Сей слышав, яко Иисус прииде от Иудеи в Галилею, идёт к Нему и моляще Его, да снидет и исцелит сына Его: имеяще бо умрети. 48 Рече убо Иисус к нему: аще знамении и чудес не видите, не имате веровати. 49 Глагола к Нему царев муж: Господи, сниди, прежде даже не умрет отроча мое. 50 Глагола ему Иисус: иди, сын твой жив есть. И верова человек словеси, еже рече ему Иисус, и идяше. 51 Абие же входяще ему, (се,) раби его сретоша его и возвестиша (ему), глаголюще, яко сын твой жив есть. 52 Вопрошаše убо от них о часе, в который легчает ему бысть, и решая ему, яко вчера в час седмый оставил его огнь. 53 Разуме

же отец, яко той бе час, в онъже рече ему Иисус, яко сын твой жив есть: и верова сам и весь дом его. 54 Сие паки второе знамение сотвори Иисус, пришед от Иудеи в Галилею.

5 По сих (же) бе праздник Иудейский, и взыде Иисус во Иерусалим. 2 Есть же во Иерусалимех Овчая купель, яже глаголется еврейски Вифесда, пять притвор имущи: 3 в тех слежаше множество болящих, слепых, хромых, сухих, чающих движения воды: 4 Ангел бο Господень на (всяко) лето сходжаše в купель и возмущаше воду: (и) иже первее влазяше по возмущении воды, здрав бываше, яцем же недугом одержимъ бываше. 5 Бе же ту некий человек, тридесять и осмь лет имъ в недузе (своем). 6 Сего видев Иисус лежаща и разумев, яко многа лета уже имъша (в недузе), глагола ему: хощеши ли цел быти? 7 Отвѣща Ему недужный: ей, Господи, человека не имам, да, егда возмутится вода, ввержет мя в купель: егда же приходъ аз, ин прежде мене слазит. 8 Глагола ему Иисус: востани, возми одр твой и ходи. 9 И абие здрав бысть человек: и взем одр свой и хождаше. Бе же суббота в той день. 10 Глаголаху же Жидове исцелевшему: суббота есть, и не достоит ти взяти одра (твоего). 11 Он (же) отвѣща им: Иже мя сотвори цела, Той мне рече: возми одр твой и ходи. 12 Вопросиша же его: кто есть Человек рекий ти: возми одр твой и ходи? 13 Изцелевый же не ведяше, Кто есть: Иисус бο уклониша, народу сущу на месте. 14 Потом (же) обрете его Иисус в церкви и рече ему: се, здрав еси: ктому не согрешай, да не горше ти что будет. 15 Иде (же) человек и поведа Иудеом, яко Иисус есть, иже мя сотвори цела. 16 И сего ради гоняху Иисуса Иудеи и искаху Его убить, зане сия творяше в субботу. 17 Иисус же отвѣчаваше им: Отец Мой доселе делает, и Аз делаю. 18 И сего ради паче искаху Его Иудеи убить, яко не токмо разоряше субботу, но и Отца Своего глаголаше Бога, равен Ся творя Богу. 19 Отвѣща же Иисус и рече им: аминь, аминь глаголю вам, не может Сын творити о Себеничесоже, аще не еже видит Отца творяща: яже бо Он творит, сия и Сын такожде творит. 20 Отец бο любит Сына и вся показует Ему, яже Сам творит: и болша сих покажет Ему дела, да вы чудитеся. 21 Якоже бο Отец воскрешает мертвия и живит, тако и Сын, ижже хощет, живит. 22 Отец бο не судит ни комуже, но суд весь даде Сынови, 23 да вси чут Сына, якоже чут Отца. (а) иже не чут Сына, не чут Отца пославшаго Его. 24 Аминь, аминь глаголю вам, яко слушая словесе Моего и веруя Пославшему мя имать

живот вечный, и на суд не приидет, но прейдет от смерти в живот. (aīōnios g166) 25 Аминь, аминь глаголю вам, яко грядет час, и ныне есть, егда мертвии услышат глас Сына Божия и услышавше оживут. 26 Якоже бο Отец имать живот в Себе, тако даде и Сынови живот имети в Себе 27 и область даде Ему и суд творити, яко Сын Человечь есть. 28 Не дивитеся сему: яко грядет час, в онъже вси сущии во гробех услышат глас Сына Божия, 29 и изыдуть сотворши благая в воскрешение живота, а сотворши злая в воскрешение суда. 30 Не могу Аз о Себе творитиничесоже. Якоже слышу, сужду, и суд Мой праведен есть, яко не ищу воли Моя, но воли пославшаго мя Отца. 31 Аще Аз свидетелствую о Мне, свидетельство Мое несть истинно: 32 ин есть свидетелствуй о Мне, и вем, яко истинно есть свидетелство, еже свидетелствует о Мне: 33 вы поспасте ко Иоанну, и свидетелства о истине. 34 Аз же не от человека свидетелства приемлю, но сия глаголю, да вы спасени будете. 35 Он бе светилник горя и светя: вы же восхотите возрадоватися в час светения его. 36 Аз же имам свидетелство более Иоаннова: дела бо, яже даде Мне Отец, да совершу я, та дела, яже Аз творю, свидетелствуют о Мне, яко Отец мя посла. 37 И пославый мя Отец Сам свидетелства о Мне. Ни гласа Его нигдже слышасте, ни видения Его видесте, 38 и словесе Его не имате пребывающа в вас, зане, Егоже Той посла, Сему вы веры не емлете. 39 Испытайт Писаний, яко вы мните в них имети живот вечный: и та суть свидетелствующая о Мне. (aīōnios g166) 40 И не хощете приими ко Мне, да живот имате. 41 Славы от человека не приемлю, 42 но разумех вы, яко любове Божия не имате в себе. 43 Аз придох во имя Отца Моего, и не приемлете Мене: аще ин приидет во имя свое, того приемлете. 44 Како вы можете веровати, славу друг от друга приемлюще, и славы, яже от Единаго Бога, не ищете? 45 Не мните, яко Аз на вы реку ко Отцу: есть, иже на вы глаголет, Моисей, наньже вы уповаеете. 46 Аще бо бысте веровали Моисеови, веровали бысте (убо и) Мне: о Мне бо той писа. 47 Аще ли того писанием не веруете, како Моим глаголом веру имете?

6 По сих иде Иисус на он пол моря Галилеи Тивериадска: 2 и по Нем идяше народ мног, яко видяху знамения Его, яже творяше над недужными. 3 Взыде же на гору Иисус и ту седяше со ученики Своими. 4 Бе же близ Пасха, праздник Жидовский. 5 Возвед убо Иисус очи и видев, яко мног народ грядет к Нему, глагола к Филиппу: чим купим хлебы, да ядят сии? 6 Сие же глаголаше

искушая его: Сам бо ведяше, что хощет сотворити. 7 Отвеща Ему Филипп: двема стома пензей хлебы не довлеют им, да кийжо их мало что приемет. 8 Глагола Ему един от ученик Его, Андрей, брат Симона Петра: 9 есть отрочищ зде един, иже имать пять хлеб ячменных и две рыбе: но сии что суть на толико? 10 Рече же Иисус: сотворите люди возлещи. Бе же трава многа на месте. Возлеже убо мужей числом яко пять тысяч. 11 Прият же хлебы Иисус и, хвалу воздав, подаде учеником, ученицы же возлежащим: такожде и от рыбу, елико хотяху. 12 И яко насытиша, глагола учеником Своим: соберите избытки укрух, да не погибнет ничтоже. 13 Собраша же и исполниша дванадесяте коша укрух от пятих хлеб ячменных, иже избыша ядышм. 14 Человецы же видевше знамение, еже сотвори Иисус, глаголаху, яко Сей есть воистинну Пророк Грядый в мир. 15 Иисус убо разумев, яко хотят приими, да восхитят Его и сотворят Его царя, отиде паки в гору един. 16 Яко позде бысть, снidoша ученицы Его на море, 17 и влезоша в корабль, и идяху на он пол моря в Капернаум. И тма абие бысть, и не (у) бе пришел к ним Иисус. 18 Море же, ветру велию дыхающу, воздвигающеся. 19 Гребше же яко стадий двадесять пять или тридесять, узрела Иисуса ходяща по морю и близ корабля бывша, и убояшася. 20 Он же глагола им: Аз есмь, не бойтесь. 21 Хотяху убо приими Его в корабль: и абие корабль бысть на земли, в нюже идяху. 22 Во утрий (же) народ, иже стояше об он пол моря, видев, яко корабля иного не бе ту, токмо един той, в онъже внидоша ученицы Его, и яко не вниде со ученики Своими Иисус в корабль, но едини ученицы Его идоша: 23 и ини придоша корабли от Тивериады близ места, идже ядоша хлебы, хвалу воздавше Господеви: 24 егда же видеша народи, яко Иисуса не бысть ту, ни ученик Его, влезоша сами в корабли и придоша в Капернаум, ищуще Иисуса, 25 и обретше Его об он пол моря, реше Ему: Равви, когда где бысть? 26 Отвеща им Иисус и рече: аминь, аминь глаголю вам, ищете Мене, не яко видесте знамение, но яко яли есть хлебы и насытиштесь: 27 делайте не брашно гиблюще, но брашно пребывающе в живот вечный, еже Сын Человеческий вам даст: Сего бо Отец знамена Бог. (aiōnios g166) 28 Реша же к Нему: что сотворим, да делаем дела Божия? 29 Отвеща Иисус и рече им: се есть дело Божие, да веруете в Того, Егоже посла Он. 30 Реша же Ему: кое убо Ты твориши знамение, да видим и веру имем Тебе? Что делаеш? 31 Отцы наши ядоша манну в пустыни, яжко есть писано: хлеб с небесе даде им ясти. 32 Рече убо им Иисус: аминь, аминь

глаголю вам, не Моисей даде вам хлеб с небесе, но Отец Мой дает вам хлеб истинный с небесе: 33 хлеб бо Божий есть сходяй с небесе и дая живот миру. 34 Реша убо к Нему: Господи, всегда даждь нам хлеб сей. 35 Рече же им Иисус: Аз есмь хлеб животный: грядый ко Мне не имать взлакатися, и веруй в Мя не имать вжаждатися никогдаже. 36 Но рех вам, яко и видесте Мя, и не веруете. 37 Все, еже дает Мне Отец, ко Мне приидет, и грядущаго ко Мне не изжено вон: 38 яко снidoх с небесе, не да творю волю Мою, но волю пославшаго Мя Отца. 39 Се же есть воля пославшаго Мя Отца, да все, еже даде Ми, не погублю от Него, но воскрешу е в последний день. 40 Се же есть воля Пославшаго Мя, да всяк видяй Сына и веруй в Него имать живот вечный, и воскрешу его Аз в последний день. (aiōnios g166) 41 Роптаху убо Иудеи о Нем, яко рече: Аз есмь хлеб сшедый с небесе. 42 И глаголаху: не Сей ли есть Иисус сын Иосифов, Егоже мы знаем отца и Матерь? Како убо глаголет Сей, яко с небесе снidoх? 43 Отвеща убо Иисус и рече им: не ропщите между собою: 44 никто же может приими ко Мне, аще не Отец пославший Мя привлечет его, и Аз воскрешу его в последний день. 45 Есть писано во пророцах: и будут все научени Богом. Всяк слышавый от Отца и навык, приидет ко Мне. 46 Не яко Отца видел есть Кто, токмо сый от Бога, Сей виде Отца. 47 Аминь, аминь глаголю вам: веруй в Мя имать живот вечный. (aiōnios g166) 48 Аз есмь хлеб животный: 49 отцы ваши ядоша манну в пустыни и умроша: 50 сей есть хлеб сходяй с небесе, да, аще кто от него яст, не умрет: 51 Аз есмь хлеб животный, иже сшедый с небесе: аще кто снесте от хлеба сего, жив будет во веки: и хлеб, егоже Аз дам, Плоть Моя есть, юже Аз дам за живот мира. (aiōn g165) 52 Пряхуся же между собою Жидове, глаголюще: како может Сей нам дати Плоть (Свою) ясти? 53 Рече же им Иисус: аминь, аминь глаголю вам: аще не снесте Плоти Сына Человеческаго, ни пиете Крове Его, живота не имате в себе. 54 Ядый Мою Плоть и пияй Мою Кровь имать живот вечный, и Аз воскрешу его в последний день. (aiōnios g166) 55 Плоть бо Моя истинно есть брашно, и Кровь Моя истинно есть пиво. 56 Ядый Мою Плоть и пияй Мою Кровь во Мне пребывает, и Аз в нем. 57 Яжко посла Мя живый Отец, и Аз живу Отца ради: и ядый Мя, и той жив будет Мене ради. 58 Сей есть хлеб сшедый с небесе: не яжко ядоша отцы ваши манну и умроша: ядый хлеб сей жив будет во веки. (aiōn g165) 59 Сия рече на сонмищи, учя в Капернауме. 60 Мнози убо слышавше от ученик Его, реше: жестоко есть слово сие: (и) кто может Его

послушати? 61 Ведый же Иисус в Себе, яко ропщут о сем ученицы Его, рече им: сие ли вы блазнит? 62 Аще убо узрите Сына Человеческаго восходяща, идеже бе прежде? 63 Дух есть, иже оживляет, плоть не пользует ничтоже: глаголголы, яже Аз глаголах вам, дух суть и живот суть: 64 но суть от вас нецы, иже не веруют. Ведяше бо искони Иисус, кии суть неверующии, и кто есть предаяй Его. 65 И глаголаше: сего ради рех вам, яко никтоже может принити ко Мне, аще не будет ему дано от Отца Моего. 66 От сего мнози от ученик Его идоша вспять и ктому не хождаху с Ним. 67 Рече же Иисус обеманадесяте: еда и вы хощете ити? 68 Отвеша убо Ему Симон Петр: Господи, к кому идем? Глаголголы живота вечнаго имаши, (aiōnios g166) 69 и мы веровахом и познахом, яко Ты еси Христос, Сын Бога живаго. 70 Отвеша им Иисус: не Аз ли вас дванадесяте избрах? И един от вас диавол есть. 71 Глаголаше же Иуду Симонова Искариота: сей бо хотяше предати Его, един сый от обоюнадесяте.

7 И хождаше Иисус по сих в Галилеи: не хотяше бо во Иудеи ходити, яко искаху Его Иудеи убити. 2 Бе же близ праздник Иудейский, потчение сени. 3 Реша убо к Нему братия Его: прейди отсюду, и иди во Иудею, да и ученицы Твои видят дела Твоя, яже твориши: 4 никтоже бо в тайне творит что, и ищет сам яве быти: аще сия твориши, яви Себе мирови. 5 Ни братия бо Его вероваху в Его. 6 Глагола убо им Иисус: время Мое не у прииде: время же ваше всегда готово есть: 7 не может мир ненавидети вас, Мене же ненавидит, яко Аз свидетелствую о нем, яко дела Его зла суть: 8 вы взыдите в праздник сей, Аз не взыду в праздник сей, яко время Мое не у исполниси. 9 Сия рек им, оста в Галилеи. 10 Егда же взыдоша братия Его в праздник, тогда и Сам взыде, не яве, но яко тай. 11 Жидове же искаху Его в праздник и глаголаху: где есть Он? 12 И ропот мног бе о Нем в народех: овии глаголаху, яко благ есть: ини же глаголаху: ни, но льстит народы. 13 Никто же убо яве глаголаше о Нем, страха ради Иудейскаго. 14 Абие же в преполовение праздника взыде Иисус во церковь и учаше. 15 И дивляхся Иудеи, глаголюще: како Сей книги весть не учився? 16 Отвеша (убо) им Иисус и рече: Мое учение несть Мое, но Пославшаго Мя: 17 аще кто хощет волю Его творити, разумеет о учении, кое от Бога есть, или Аз от Себе глаголю: 18 глаголяй от себе славы своея ищет: а Ищай славы Пославшаго Его, Сей истинен есть, и несть неправды в Нем. 19 Не Моисей ли даде вам

закон? И никтоже от вас творит закона. Что Мене ищете убити? 20 Отвеша народ и рече: беса ли имаши? Кто Тебе ищет убити? 21 Отвеша Иисус и рече им: едино дело соторих, и вси дивитеся: 22 сего ради Моисей даде вам обрезание, не яко от Моисея есть, но от отец: и в субботу обрезаете человека: 23 аще обрезание приемлет человек в субботу, да не разорится закон Моисеев, на Мя ли гневается, яко всего человека здрава соторих в субботу? 24 Не судите на лица, но праведный суд судите. 25 Глаголаху убо нецы от Иерусалимлян: не Сей ли есть, Егоже ищут убити? 26 И се, не обинуяся глаголет, иничесоже Ему не глаголют: еда како разумеша князи, яко Сей есть Христос? 27 Но Сего вемы, откуду есть: Христос же егда приидет, никтоже весть, откуду будет. 28 Возвза убо в церкви учя Иисус и глаголя: и Мене весте, и весте, откуду есмь: и о Себе не придох, но есть истинен Пославший Мя, Егоже вы не весте: 29 Аз вем Его, яко от Него есмь, и Той Мя посла. 30 Искаху убо, да имут Его: и никтоже возложи Нань руки, яко не у бе пришел час Его. 31 Мнози же от народа вероваша в Его и глаголаху, яко Христос, егда приидет, еда болша знамения соторит, яже Сей творит? 32 Слышаша фарисеев народ ропщущ о Нем сия, и послаша фарисеев архиерее слуги, да имут Его. 33 Рече убо Иисус: еще мало время с вами есмь, и иду к Пославшему Мя: 34 взыщете Мене и не обрящете: и идеже есмь Аз, вы не можете приити. 35 Реша же Иудеи к себе: камо Сей хощет ити, яко мы не обрящем Его? Еда в разсение Еллинское хощет ити и учити Еллины? 36 Что есть сие слово, еже рече: взыщете Мене и не обрящете: и идеже есмь Аз, вы не можете приити? 37 В последний же день великий праздник стояше Иисус и зваше, глаголя: аще кто жаждет, да приидет ко Мне и пиет: 38 веруй в Мя, якоже рече Писание, реки от чрева его истекут воды живы. 39 Сие же рече о Дусе, Егоже хотяху принимати верующии во имя Его: не у бе дух Святый, яко Иисус не у бе прославлен. 40 Мнози же от народа слышавше слово, глаголаху: Сей есть воистинну пророк. 41 Друзии глаголаху: Сей есть Христос. Овии же глаголаху: еда от Галилеи Христос приходит? 42 Не Писание ли рече, яко от семене Давида и от Вифлеемския веси, идеже бе Давид, Христос приидет? 43 Распра убо бысть в народе Его ради. 44 Нецы же от них хотяху яти Его: но никтоже возложи Нань руце. 45 Придоша же слуги ко архиереем и фарисеем: и реше им тии: почто не приведосте Его? 46 Отвешаша слуги: николиже тако есть глаголал человек, яко Сей Человек. 47 Отвешаша убо им фарисеев: еда и вы прельщени бысте? 48 Еда кто от князь верова в Онь,

или от фарисей? 49 Но народ сей, иже не весть закона, прокляти суть. 50 Глагола Никодим к ним, иже пришедший к Нему ношию, един сый от них: 51 еда закон наш судит человеку, аще не слышит от него прежде и разумеет, что творит? 52 Отвещаша и рекоша ему: еда и ты от Галилеи еси? Испытай и виждъ, яко пророк от Галилеи не приходит. 53 И иде кийжо в дом свой.

8 Иисус же иде в гору Елеонску: 2 заутра же паки прииде в церковь, и вси людие идяխ к Нему: и сед учаще их. 3 Приведоша же книжницы и фарисе к Нему жену в прелюбодеянии яту, и поставивше ю посреде, 4 глаголаша Ему: Учителю, сия жена ята есть ныне в прелюбодеянии: 5 в законе же нам Моисей повелел таковыя камением побивати: Ты же что глаголеши? 6 Сие же реша искушающе Его, да быша имели что глаголати Нань. Иисус же долу преклонъся, перстом писаше на земли, не слагая (им). 7 Яко же прилежаху вопрошающе Его, восклонъся рече к ним: иже есть без греха в вас, прежде верзи камень на ню. 8 И паки долу преклонъся, писаше на земли. 9 Они же слышавше и совестию обличаеми, исходяху един по единому, наченше от старец до последних: и оста един Иисус, и жена посреде суши. 10 Восклонъся же Иисус и ни единаго видев, точию жену, рече ей: жено, где суть, иже важдаху на тя? Ни кийже ли тебе осуди? 11 Она же рече: никто же, Господи. Рече же ей Иисус: ни Аз тебе осуждаю: иди и (отселе) ктому не согрешай. 12 Паки же им Иисус рече глаголя: Аз есмь свет миру: ходяй по Мне не имать ходити в отмече, но имать свет животный. 13 Реша убо Ему фарисе: Ты о Себе Сам свидетелствуши: свидетелство Твое несть истинно. 14 Отвеща Иисус и рече им: аще Аз свидетелствую о Себе, истинно есть свидетелство Мое, яко вем, откуду прииох и камо иду: вы же не весте, откуду приходу и камо гряду: 15 вы по плоти судите, Аз не сужду ни комуже: 16 и аще сужду Аз, суд Мой истинен есть, яко един несмь, но Аз и пославый Мя Отец: 17 и в законе же вашем писано есть, яко двою человеку свидетелство истинно есть: 18 Аз есмь свидетелствуюй о Мне Самем, и свидетелствует о Мне пославый Мя Отец. 19 Глаголаху же Ему: где есть Отец Твой? Отвеща Иисус: ни Мене весте, ни Отца Моего: аще Мя бысте ведали, и Отца Моего ведали бысте. 20 Сия глаголголы глагола Иисус в газофиликии, учя в церкви: и никтоже ят Его, яко не у бе пришел час Его. 21 Рече же им паки Иисус: Аз иду, и взыщете Мене, и во грехе вашем умрете: аможе Аз иду, вы не можете приити. 22 Глаголаху убо

Иудеев: еда Ся Сам убииет, яко глаголет: аможе Аз иду, вы не можете приити? 23 И рече им: вы от нижних есте, Аз от вышних есмь: вы от мира сего есте, Аз несмь от мира сего: 24 рех убо вам, яко умрете во грехах ваших: аще бо не имете веры, яко Аз есмь, умрете во грехах ваших. 25 Глаголаху убо Ему: Ты кто еси? И рече им Иисус: Начаток, яко и глаголю вам: 26 многа имам о вас глаголати и судити: но Пославый Мя истинен есть, и Аз, яже слышах от Него, сия глаголю в мире. 27 Не разумеша (убо), яко Отца им глаголаше. 28 Рече же им Иисус: егда вознесете Сына Человеческаго, тогда уразумеете, яко Аз есмь, и о Себеничесоже творю, но, яко же научи Мя Отец Мой, сия глаголю: 29 и пославый Мя со Мною есть: не остави Мене единаго Отец, яко Аз угодная Ему всегда творю. 30 Сия Ему глаголющу, мнози вероваша в Него. 31 Глаголаша убо Иисус к веровавшим Ему Иудеом: аще вы пребудете во словеси Моем, воистинну ученицы Мои будете 32 и уразумеете истину, и истина свободит вы. 33 Отвещаша (и решаша) Ему: семя Авраамле есмы и ни комуже работахом николикже: како Ты глаголеши, яко свободни будете? 34 Отвеща им Иисус: аминь, аминь глаголю вам, яко всяк творяй грех раб есть греха: 35 раб же не пребывает в дому во век: сын пребывает во век: (αἰών g165) 36 аще убо Сын вы свободит, воистинну свободни будете: 37 вем, яко семя Авраамле есть: но ищете Мене убии, яко слово Мое не вмещается в вы: 38 Аз, еже видех у Отца Моего, глаголю: и вы убо, еже видесте у отца вашего, творите. 39 Отвещаша и решаша Ему: отец наш Авраам есть. Глагола им Иисус: аще чада Авраамля бысте были, дела Авраамля бысте творили: 40 ныне же ищете Мене убии, Человека, иже истину вам глаголах, юже слышах от Бога: сего Авраам несть соторил: 41 вы творите дела отца вашего. Реша же Ему: мы от любодеяния несмы рождени: единаго Отца имамы, Бога. 42 Рече же им Иисус: аще Бог Отец ваш (бы) был, любили бысте (убо) Мене: Аз бо от Бога изыдох и прииох: не о Себе бо прииох, но Той Мя послал: 43 почто беседы Мои не разумеете? Яко не можете слышати словесе Моего: 44 вы отца (вашего) диавола есте, и похоти отца вашего хощете творити: он человекоубийца бе искони и во истине не стоит, яко несть истины в нем: егда глаголет лже, от своих глаголет, яко ложь есть и отец лжи: 45 Аз же зане истину глаголю, не веруете Мне: 46 кто от вас обличает Мя о грехе? Аще ли истину глаголю, почто вы не веруете Мне? 47 Иже есть от Бога, глаголголов Божиих послушает: сего ради вы не послушаете, яко от Бога нестес. 48 Отвещаша

убо Иудеи и реша Ему: не добре ли мы глаголем, яко Самарянин еси Ты и беса имаши? 49 Отвеща Иисус: Аз беса не имам, но чу Отца Моего, и вы не чтете Мене: 50 Аз же не ищу славы Моей: есть Ища и Судя: 51 аминь, аминь глаголю вам: аще кто слово Мое соблюдет, смерти не иметь видети во веки. (aiōn g165) 52 Реша убо Ему Жидове: ныне разумехом, яко беса имаши: Авраам умре и пророцы, и Ты глаголеш: аще кто слово Мое соблюдет, смерти не иметь вкусити во веки: (aiōn g165) 53 еда Ты болий еси отца нашего Авраама, иже умре? И пророцы умроша: кого Себе Сам Ты твориши? 54 Отвеща Иисус: аще Аз славлюся Сам, слава Мояничесоже есть: есть Отец Мой славия Мя, Егоже вы глаголете, яко Бог ваш есть: 55 и не познасте Его, Аз же вем Его: и аще реку, яко не вем Его, буду подобен вам ложь: но вем Его и слово Его соблюдаю: 56 Авраам отец ваш рад бы был, дабы видел день Мой: и виде и возрадовася. 57 Реша убо Иудеи к Нему: пятидесяти лет не у имаши, и Авраама ли еси видел? 58 Рече (же) им Иисус: аминь, аминь глаголю вам: прежде даже Авраам не бысть, Аз есмь. 59 Взяша убо камение, да вергут Нань: Иисус же скрыся и изыде из церкви, прошед посреде их: и мимоходаше тако.

9 И мимоидый виде человека слепа от рождества. 2 И вопросиша Его ученицы Его, глаголюще: Равви, кто согреши, сей ли, или родителя его, яко слеп родися? 3 Отвеща Иисус: ни сей согреши, ни родителя его, но да явятся дела Божия на нем: 4 мне подобает делати дела Пославшаго Мя, дондеже день есть: приидет нощь, егда никто же может делати: 5 егда в мире есмь, свет есмь миру. 6 Сия рек, плюну на землю, и сотвори брение от плюновения, и помаза очи брением слепому, 7 и рече ему: иди, умыйся в купели Силоамсте, еже сказается послан. Иде убо и умыся, и прииде видя. 8 Соседи же и иже бяху видели его прежде, яко слеп бе, глаголаху: не сей ли есть седяй и просай? 9 Овии глаголаху, яко сей есть: инии же (глаголаху), яко подобен ему есть. Он (же) глаголаше, яко аз есмь. 10 Глаголаху же ему: како ти отверзостеся очи? 11 Отвеща он и рече: Человек нарицаемый Иисус брение сотвори и помаза очи мои и рече ми: иди в купель Силоамлю и умыйся. Шед же и умывся, прозрех. 12 Реша убо ему: кто Той есть? Глагола: не вем. 13 Ведоша (же) его к фарисеом, иже бе иногда слеп. 14 Бе же суббота, егда сотвори брение Иисус и отверзе очи. 15 Паки же вопрошаху его и фарисеев, како прозре. Он же рече им: брение положи мне на очи, и умыхся, и вижу. 16 Глаголаху убо от фарисей нецы:

неть Сей от Бога Человек, яко субботу не хранит. Овии глаголаху: како может человек грешен сицева знамения творити? И распра бе в них. 17 Глаголаху (убо) слепцу паки: ты что глаголеши о Нем, яко отверзе очи твои? Он же рече, яко пророк есть. 18 Не яша убо веры Иудеи о нем, яко слеп бе и прозре, дондеже возгласиша родителя того прозревшаго 19 и вопросиша я, глаголюще: сей ли есть сын вау, егоже вы глаголете, яко слеп родися? Како убо ныне видит? 20 Отвещаста (же) им родителя его и реста: вемы, яко сей есть сын нау и яко слеп родися: 21 како же ныне видит, не вемы, или кто отверзе ему очи, мы не вемы: сам возраст имать, самого вопросите, сам о себе да глаголет. 22 Сия рекоста родителя его, яко боястася Жидов: уже бо бяху сложилися Жидове, да, аще кто Его исповесть Христа, отлучен от сонмища будет: 23 сего ради родителя его рекоста, яко возраст имать, самого вопросите. 24 Возгласиша же вторицею человека, иже бе слеп, и реше ему: дажь славу Богу: мы вемы, яко Человек Сей грешен есть. 25 Отвеща убо он и рече: аще грешен есть, не вем: едино вем, яко слеп бех, ныне же вижу. 26 Реша же ему паки: что сотвори тебе? Како отверзе очи твои? 27 Отвеща им: рекох вам уже, и не слышасте: что паки хотите слышати? Еда и вы ученицы Его хотите быти? 28 Они же укориша его и реше (ему): ты ученик еси Того: мы же Моисеовы есмы ученицы: 29 мы вемы, яко Моисеови глагола Бог, Сего же не вемы, откуду есть. 30 Отвеща человек и рече им: о сем бо дивно есть, яко вы не весте, откуду есть, и отверзе очи мои: 31 вемы же, яко грешники Бог не послушает, но аще кто Богочец есть и волю Его творит, того послушает: 32 от века несть слышано, яко кто отверзе очи слепу рождену: (aiōn g165) 33 аще не бы был Сей от Бога, не мог бы творитиничесоже. 34 Отвещаша и реше ему: во гресех ты родился еси весь, и ты ли ны учши? И изгнаша его вон. 35 Услыша Иисус, яко изгнаша его вон, и обрет его, рече ему: ты веруеш ли в Сына Божия? 36 Отвеща он и рече: и кто есть, Господи, да верую в Него? 37 Рече же ему Иисус: и видел еси Его, и Глаголя с тобою Той есть. 38 Он же рече: верую, Господи. И поклонися Ему. 39 И рече Иисус: на суд Аз в мир сей придох, да невидящии видят, и видящии слепи будут. 40 И слышаша от фарисей сия сущии с Ним и реше Ему: еда и мы слепи есмы? 41 Рече им Иисус: аще бысте слепи были, не бысте имели греха: ныне же глаголете, яко видим, грех убо ваш пребывает.

10

Аминь, аминь глаголю вам: не входяй дверьми во двор овчий, но прелазя инуде, той тать есть и разбойник: 2 а входяй дверьми пастьрь есть овцам: 3 сему дверник отверзает, и овцы глас его слышат, и своя овцы глашает по имени, и изгонит их: 4 и егда своя овцы ижденет, пред ними ходит: и овцы по нем идут, яко ведят глас его: 5 по чуждем же не идут, но бежат от него, яко не знают чуждаго гласа. 6 Сию притчу рече им Иисус: они же не разумеша, что бяше, яже глаголаше им. 7 Рече же паки им Иисус: аминь, аминь глаголю вам, яко Аз есмь дверь овцам. 8 Вси, елико (их) прииде прежде Мене, татие суть и разбойницы: но не послушаша их овцы. 9 Аз есмь дверь: Мною аще кто внидет, спасется, и внидет и изыдет, и пажить обрящет. 10 Тать не приходит, разве да украдет и убийет и погубит: аз придох, да живот имут и лишише имут. 11 Аз есмь пастьрь добрый: пастьрь добрый душу свою полагает за овцы: 12 а наемник, иже несть пастьрь, ему же не суть овцы своя, видит волка грядуща и оставляет овцы и бегает, и волк восхитит их и распудит овцы: 13 а наемник бежит, яко наемник есть и нерадит о овцах. 14 Аз есмь пастьрь добрый: и знаю Моя, и знают Мя Моя: 15 якоже знает Мя Отец, и Аз знаю Отца: и душу Мою полагаю за овцы. 16 И ины овцы имам, яже не суть от двора сего, и тыя Ми подобает привести: и глас Мой услышат, и будет едино стадо (и) един Пастьрь. 17 Сего ради Мя Отец любит, яко Аз душу Мою полагаю, да паки приму ю: 18 никтоже возмет ю от Мене, но Аз полагаю ю о Себе: область имам положити ю и область имам паки прияти ю: сию заповедь приях от Отца Моего. 19 Распра же паки бысть во Иудеех за словеса сия. 20 Глаголаху же мнози от них: беса имать и неистов есть: что Его послушаете? 21 Инии глаголаху: сии глаголголи не суть беснующающа: еда может бес слепым очи отверсти? 22 Быша же (тогда) обновления во Иерусалимех, и зима бе. 23 И хождаше Иисус в церкви, в притворе Соломони. 24 Обыдоша же Его Иудеи и глаголаху Ему: доколе души наша вземлеши? Аще Ты еси Христос, рцы нам не обињуся. 25 Отвеща им Иисус: рех вам, и не веруете: дела, яже Аз творю о имени Отца Моего, та свидетелствуют о Мне: 26 но вы не веруете, несте бо от овец Моих, якоже рех вам: 27 овцы Моя гласа Моего слушают, и Аз знаю их, и по Мне грядут: 28 и Аз живот вечный дам им, и не погибнут во веки, и не восхитит их никтоже от руки Моей: (αἰών γι65, αἰώνιος γι66) 29 Отец Мой, Иже даде Мне, болий всех есть, и никтоже может восхитит их от руки Отца Моего: 30 Аз и Отец едино есма. 31 Взяша же камение паки Иудеи, да

побиют Его. 32 Отвеща им Иисус: многа добра дела явих вам от Отца Моего: за кое их дело камение мещете на Мя? 33 Отвещаша Ему Иудеи, глаголюще: о добрे деле камение не мещем на Тя, но о хуле, яко Ты, человек сый, твориши Себе Бога. 34 Отвеща им Иисус: несть ли писано в законе вашем: Аз рех: бози есте? 35 Аще оных рече богов, к нимже слово Божие бысть, и не может разоритися Писание: 36 Егоже Отец святы и посла в мир, вы глаголете, яко хулу глаголеши, зане рех: Сын Божий есмь. 37 Аще не творю дела Отца Моего, не имите Ми веры: 38 аще ли творю, аще и Мне не веруете, делом (Моим) веруйте: да разумеете и веруете, яко во Мне Отец, и Аз в Нем. 39 Искаку убо паки яти Его: и изыде от рук их, 40 и иде паки на он пол Иордана, на место, идеже бе Иоанн прежде крестя, и пребысть ту. 41 И мнози придоша к Нему и глаголаху, яко Иоанн убо знамения не сотвори ни единаго: вся же, елика рече Иоанн о Сем, истинна бяху. 42 И мнози вероваша в Него ту.

11

Бе же некто боля Лазарь от Вифании, от веси Мариини и Марфы сестры ея. 2 Бе же Мария помазавшая Господа миром и отершая нозе Его власы своими, яже брат Лазарь боляше. 3 Посласте убо сестре к Нему, глаголюще: Господи, се, егоже любиши, болит. 4 Слышав же Иисус рече: сия болезнь несть к смерти, но о славе Божии, да прославится Сын Божий ея ради. 5 Любляше же Иисус Марфу и сестру ея и Лазаря. 6 Егда же услыша, яко болит, тогда пребысть на немже бе месте два дни. 7 Потом же глагола учеником: идем во Иудею паки. 8 Глаголаша Ему ученицы: Равви, ныне искаку Тебе камением побити Иудеи, и паки ли идеши тамо? 9 Отвеща Иисус: не два ли надесяте часа еста во дни? Аще кто ходит во дни, не поткнется, яко свет мира сего видит: 10 аще же кто ходит в нощи, поткнется, яко несть света в нем. 11 Сия рече и поsem глагола им: Лазарь друг наш успе: но иду, да возбужу его. 12 Реша убо ученицы Его: Господи, аще успе, спасен будет. 13 Рече же Иисус о смерти его: они же мнеша, яко о успении сна глаголет. 14 Тогда рече им Иисус не обињуся: Лазарь умре: 15 и радуюся вас ради, да веруете, яко не бех тамо: но идем к нему. 16 Рече же Фома, глаголемый Близнец, учеником: идем и мы, да умрем с ним. 17 Пришед же Иисус, обрете его четыри дни уже имуща во гробе. 18 Бе же Вифания близ Иерусалима, яко стадий пятьнадесять, 19 и мнози от Иудей бяху пришли к Марфе и Марии, да утешат их о брате ею. 20 Марфа убо егда услыша, яко Иисус грядет, срете Его: Мария же дома седяше. 21 Рече же Марфа

ко Иисусу: Господи, аще бы еси зде был, не бы брат мой умерл: 22 но и ныне вем, яко елика аще просиши от Бога, даст Тебе Бог. 23 Глагола ей Иисус: воскреснет брат твой. 24 Глагола Ему Марфа: вем, яко воскреснет в воскрешение, в последний день. 25 Рече (же) ей Иисус: Аз есмъ воскрешение и живот: веруй в Мя, аще и умрет, оживет: 26 и всяк живый и веруяй в Мя не умрет во веки. Емлеши ли веру сему? (αἰσθὲ γε) 27 Глагола Ему: ей, Господи: аз веровах, яко Ты еси Христос Сын Божий, иже в мир грядый. 28 И сия рекши, иде и пригласи Марию сестру свою тай, рекши: Учитель пришел есть и глашает тя. 29 Она (же) яко услыша, воста скоро и иде к Нему. 30 Не уже бо бе пришел Иисус весь, но бе на месте, идеже срете Его Марфа. 31 Иудеи (же) убо сущии с нею в дому и утешающе ю, видевше Марию, яко скоро воста и изыде, по ней идоша, глаголюще, яко идет на гроб, да плачет тамо. 32 Мария же яко прииде, идеже бе Иисус, видевши Его, паде Ему на ногу, глаголющи Ему: Господи, аще бы еси был зде, не бы умерл мой брат. 33 Иисус убо, яко виде ю плачущиа и пришедшиа с нею Иудеи плачущя, запрети духу и возмутися Сам 34 и рече: где положисте его? Глаголаша Ему: Господи, прииди и виждь. 35 Прослезися Иисус. 36 Глаголаху убо Жидове: виждь, како любляше его. 37 Нецыи же от них реша: не можаше ли Сей, отверзый очи слепому, сотворити, да и сей не умрет? 38 Иисус же паки претя в себе, прииде ко гробу. Бе же пещера, и камень лежаше на ней. 39 Глагола Иисус: возмите камень. Глагола Ему сестра умершаго Марфа: Господи, уже смердит: четверодневен бо есть. 40 Глагола ей Иисус: не рех ли ти, яко аще веруеши, узриши славу Божию? 41 Взяша убо камень, идеже бе умерый лежя. Иисус же возведе очи горе и рече: Отче, хвалу Тебе воздаю, яко услышал еси Мя: 42 Аз же ведех, яко всегда Мя послушаеши: но народа ради стоящаго окрест рех, да веру имут, яко Ты Мя послал еси. 43 И сия рек, гласом великим возвзва: Лазаре, гряди вон. 44 И изыде умерый, обязан рукама и ногама укроем, и лице его убрусом обвязано. Глагола им Иисус: разрешите его и оставите ити. 45 Мнози убо от Иудей пришедши к Марии и видевше, яже сотвори Иисус, вероваша в Него: 46 нецыи же от них идоша к фарисеем и рекоша им, яже сотвори Иисус. 47 Собраша убо архиерее и фарисеи сонм и глаголаху: что сотворим? Яко Человек Сей многа знамения творит: 48 аще оставим Его тако, вси уверуют в Него: и приидут Римляне и возмут место и язык наш. 49 Един же некто от них Каиафа, архиерей сый лету тому, рече им: вы не вестеничесоже, 50 ни

помышляете, яко уне есть нам, да един человек умрет за люди, а не весь язык погибнет. 51 Сего же о себе не рече, но архиерей сый лету тому, прорече, яко хотяше Иисус умрети за люди, 52 и не токмо за люди, но да и чада Божия расточеная соберет во едино. 53 От того убо дне совещаша, да убият Его. 54 Иисус же ктому не яве хождаше во Иудеях, но иде оттуду во страну близ пустыни, во Ефрем нарицаемый град, и ту хождаше со ученики Своими. 55 Бе же близ Пасхи Иудейска, и взыдоша мнози во Иерусалим от стран прежде Пасхи, да очистятся. 56 Искаху убо Иисуса и глаголаху к себе, в церкви стояще: что мнится вам, яко не имать ли приими в праздник? 57 Даша же архиерее и фарисеи заповедь, да аще кто ощутит (Его), где будет, повесть, яко да имут Его.

12 Иисус же прежде шести дній Пасхи прииде в Вифанию, идеже бе Лазарь умерый, егоже воскреси от мертвых. 2 Сотвориша же Ему вечерю ту, и Марфа служаше: Лазарь же един бе от возлежащих с Ним. 3 Мария же приемши литру мира нарда пистика многоцenna, помаза нозе Иисусове, и отре власы своими нозе Его: храмина же исполнися от вони масти (благовония). 4 Глагола же един от ученик Его, Иуда Симонов Искариотский, иже хотяше Его предати: 5 чесо ради миро сие не продано бысть на триех стех пенязь и дано нищым? 6 Сие же рече, не яко о нищих печашеся, но яко тать бе, и ковчежец имеяше, и вметаемая ношаще. 7 Рече же Иисус: не дейте ея, да в день погребения Моего соблюдет е: 8 ницыя бо всегда имате с собою, Мене же не всегда имате. 9 Разуме же народ мног от Иудей, яко ту есть: и придоша не Иисуса ради токмо, но да и Лазаря видят, егоже воскреси от мертвых. 10 Совещаша же архиерее, да и Лазаря убият, 11 яко мнози его ради идяху от Иудей и вероваху во Иисуса. 12 Во утрий (же) день народ мног пришедши в праздник, слышавше, яко Иисус грядет во Иерусалим, 13 прияша вавиа от финик и изыдоша в сретение Ему, и зваху (глаголюще): осанна, благословен грядый во имя Господне, Царь Израилев. 14 Обрет же Иисус осля, вседе на не, якоже есть писано: 15 не бойся, дщи Сионя: се, Царь твой грядет, седя на жребяти осли. 16 Сих же не разумеша ученицы Его прежде: но егда прославися Иисус, тогда помянуша, яко сия быша о Нем писана, и сия сотвориша Ему. 17 Свидетельствование убо народ, иже бе (прежде) с Ним, егда Лазаря возгласи от гроба и воскреси его от мертвых: 18 сего ради и срете Его народ, яко слышаша Его сие

соторща знамение. 19 Фарисеи убо реша к себе: видите, яко ни каяже польза есть? Се, мир по Нем идет. 20 Бяху же нецы Еллини от пришедших, да поклонятся в праздник: 21 сии убо приступиша к Филиппу, иже бе от Вифсаиды Галилейский, и моляху его, глаголюще: господи, хощем Иисуса видети. 22 Прииде Филипп и глагола Андреови: и паки Андрей и Филипп глаголаста Иисусови. 23 Иисус же отвеща има, глаголя: прииде час, да прославится Сын Человеческий: 24 аминь, аминь глаголю вам: аще зерно пшенично пад на земли не умрет, то едино пребывает: аще же умрет, мног плод сотворит: 25 любя душу свою погубит ю, и ненавидя души своея в мире сем в живот вечный сохранит ю: (αἰῶνις g166) 26 аще кто Мне служит, Мне да последствует, и идеже есмь Аз, ту и слуга Мой будет: и аще кто Мне служит, почтит его Отец (Мой): 27 ныне душа Моя возмутится: и что реку? Отче, спаси мя от часа сего: но сего ради придох на час сей: 28 Отче, прослави имя Твое. Прииде же глас с небесе: и прославих, и паки прославлю. 29 Народ же стоял и слышав, глаголаху: гром бысть. Ини глаголаху: Ангел глагола Ему. 30 Отвеща Иисус и рече: не Мне ради глас сей бысть, но народа ради: 31 ныне суд есть миру сему: ныне князь мира сего изгнан будет вон: 32 и аще Аз вознесен буду от земли, вся привлеку к Себе. 33 Сие же глаголаше, назнаменуя, коею смертию хотяше умрети. 34 Отвеща Ему народ: мы слышахом от закона, яко Христос пребывает во веки: како Ты глаголеши: вознестися подобает Сыну Человеческому? Кто есть Сей Сын Человеческий? (αὶōn g165) 35 Рече же им Иисус: еще мало время свет в вас есть: ходите, дондеже свет имате, да тма вас не имет: и ходя во тме не весть, камо идет: 36 дондеже свет имате, веруйте во свет, да сынове света будете. Сия глагола Иисус, и отшед скрыся от них. 37 Толика знамения соторшу Ему пред ними, не вероваху в Него, 38 да сбудется слово Исаии пророка, еже рече: Господи, кто верова слуху нашему, и мыща Господня кому открыся? 39 Сего ради не можаху веровати, яко паки рече Исаия: 40 ослепи очи их и окаменил есть сердца их, да не видят очима, ни разумеют сердцем, и обратятся, и исцелю их. 41 Сия рече Исаия, егда виде славу Его и глагола о Нем. 42 Обаче убо и от князь мнози вероваша в Него, но фарисей ради не исповедоваху, да не из сонмищ изгнани будут: 43 возлюбиша бо паче славу человеческую, неже славу Божию. 44 Иисус же воззваша и рече: веруяй в мя не верует в мя, но в Пославшаго мя: 45 и видяй мя видит Пославшаго мя: 46 Аз свет в мир придох, да всяк веруяй в мя во тме не пребудет:

47 и аще кто услышит глаголы Моя и не верует, Аз не сужду ему: не придох бо, да сужду мирови, но да спасу мир: 48 отметаяся Мене и не приемляй глаголол Моих имать судящаго ему: слово, еже глаголах, то судит ему в последний день: 49 яко Аз от Себе не глаголах, но пославый мя Отец, Той Мне заповедь даде, что реку и что возглаголю: 50 и вем, яко заповедь Его живот вечный есть: яже убо Аз глаголю, якоже рече Мне Отец, тако глаголю. (αἰῶνις g166)

13 Прежде же праздника Пасхи, ведый Иисус, яко прииде Ему час, да прейдет от мира сего ко Отцу, возлюбль Своя сущыя в мире, до конца возлюби их. 2 И вечери бывшей, диаволу уже вложившу в сердце Иуде Симонову Искариотскому, да Его предаст, з ведый Иисус, яко вся даде Ему Отец в руце, и яко от Бога изыде и к Богу грядет: 4 воста от вечери и положи ризы, и приемль лентион, препоясася: 5 потом влия воду во умывалницу и начат умывать ноги учеником и отиристи лентием, имже бе препоясан. 6 Прииде же к Симону Петру, и глагола Ему той: Господи, Ты ли мои умыши ноге? 7 Отвеща Иисус и рече ему: еже Аз творю, ты не веси ныне, уразумеши же по сих. 8 Глагола Ему Петр: не умыши ногу мою во веки. Отвеща ему Иисус: аще не умью тебе, не имаша части со Мною. (αὶōn g165) 9 Глагола Ему Симон Петр: Господи, не нозе мои токмо, но и руце и главу. 10 Глагола ему Иисус: измовенный не требует, токмо нозе умыти, есть бо весь чист: и вы чисти есте, но не вси. 11 Ведяше бо предающаго Его: сего ради рече, яко не вси чисти есте. 12 Егда же умы ноги их, прият ризы Своя, возлег паки, рече им: весте ли, что соториши вам? 13 Вы глашаете мя Учителя и Господа, и доброе глаголете: есмь бо. 14 Аще убо Аз умы ваши нозе, Господь и Учитель, и вы должны есте друг другу умывать нозе: 15 образ бо дах вам, да, якоже Аз соториши вам, и вы творите. 16 Аминь, аминь глаголю вам: несть раб болий господа своего, ни посланник болий пославшаго его. 17 Аще сия весте, блажени есте, аще творите я. 18 Не о всех вас глаголю: Аз (бо) вем, ихже избрах: но да Писание сбудется: ядый со Мною хлеб воздвигне на мя пяту свою. 19 Отселе глаголю вам, прежде даже не будет, да, егда будет, веру имете, яко Аз есмь. 20 Аминь, аминь глаголю вам: приемляй, аще кого послю, Мене приемлет: а приемляй Мене приемлет Пославшаго мя. 21 Сия рек Иисус возмутится духом и свидетелствова и рече: аминь, аминь глаголю вам, яко един от вас предаст мя. 22 Сзирахуся убо между собою ученицы, недоумеющеся, о ком глаголет. 23 Бе же един

от ученик Его возлежя на лоне Иисусове, егоже любляше Иисус: 24 поману же сему Симон Петр вопросити, кто бы был, о немже глаголет. 25 Напад же той на перси Иисусовы, глагола Ему: Господи, кто есть? 26 Отвеша Иисус: той есть, ему же Аз омочив хлеб подам. И омочь хлеб, даде Иуде Симонову Искариотскому. 27 И по хлебе тогда вниде в онъ сатана. Глагола убо ему Иисус: еже твориши, сотвори скоро. 28 Сего же никтоже разуме от возлежащих, к чесому рече ему. 29 Нецыи же мняху, понеже ковчежец имяше Иуда, яко глаголет ему Иисус: купи, еже требуем на праздник: или нищым да нечто даст. 30 Приим же он хлеб, абие изыде: бе же нощъ. Егда изъиде, 31 глагола Иисус: ныне прославися Сын Человеческий, и Бог прославися о Нем: 32 аще Бог прославися о Нем, и Бог прославит Его в Себе, и абие прославит Его. 33 Чадца, еще с вами мало есмь: взыщете Мене, и якоже рех Иудеом, яко аможе Аз иду, вы не можете приими: и вам глаголю ныне. 34 Заповедь новую даю вам, да любите друг друга: якоже возлюбих вы, да и вы любите себе: 35 о сем разумеют вси, яко Мои ученицы есте, аще любовь имате между собою. 36 Глагола Ему Симон Петр: Господи, камо идеш? Отвеша ему Иисус: аможе (Аз) иду, не можеши ныне по Мне ити: последи же по Мне идеш. 37 Глагола Ему Петр: Господи, почто не могу ныне по Тебе ити? (ныне) душу мою за Тя положу. 38 Отвеша ему Иисус: душу ли твою за Мя положиши? Аминь, аминь глаголю тебе: не возгласит алектор, дондеже отвержешися Мене трищи.

14 Да не смущается сердце ваше: веруйте в Бога, и в Мя веруйте: 2 в дому Отца Моего обители многи суть: аще ли же ни, рекл бых вам: иду уготовати место вам: 3 и аще уготовлю место вам, паки прииду и поиму вы к Себе, да идеже есмь Аз, и вы будете: 4 и аможе Аз иду, весте, и путь весте. 5 Глагола Ему Фома: Господи, не вемы, камо идеш: и како можем путь ведети? 6 Глагола ему Иисус: Аз есмь путь и истина и живот: никтоже приидет ко Отцу, токмо Мною: 7 аще Мя бысте знали, и Отца Моего знали бысте (убо): и отселе познасте Его, и видесте Его. 8 Глагола Ему Филипп: Господи, покажи нам Отца, и довлеет нам. 9 Глагола ему Иисус: толико время с вами есмь, и не познал еси Мене, Филипп? Видевый Мене виде Отца: и како ты глаголеши: покажи нам Отца? 10 Не веруши ли, яко Аз во Отце, и Отец во Мне есть? Глаголголы, яже Аз глаголю вам, о Себе не глаголю: Отец же во Мне пребываяй, Той творит дела: 11 веруйте Мне, яко Аз во Отце, и Отец во Мне: аще ли же ни, за та дела веру имите Ми. 12 Аминь, аминь

глаголю вам: веруяй в Мя, дела, яже Аз творю, и той сотворит, и болша сих сотворит: яко Аз ко Отцу Моему гряду: 13 и еже аще что просите (от Отца) во имя Мое, то сотворю, да прославится Отец в Сыне: 14 (и) аще чесо просите во имя Мое, Аз сотворю. 15 Аще любите Мя, заповеди Моя соблюдите, 16 и Аз умлю Отца, и иного Утешителя даст вам, да будет с вами в век, (аіон 165) 17 Дух истины, Егоже мир не может прияти, яко не видит Его, ниже знает Его: вы же знаете Его, яко в вас пребывает и в вас будет. 18 Не оставлю вас сиры: прииду к вам: 19 еще мало, и мир ктому не увидит Мене: вы же увидите Мя, яко Аз живу, и вы живи будете: 20 в той день уразумеете вы, яко Аз во Отце Моем, и вы во Мне, и Аз в вас. 21 Имей заповеди Моя и соблюдаяй их, той есть любяй Мя: а любяй Мя возлюблен будет Отцем Моим, и Аз возлюблю его и явлюся ему Сам. 22 Глагола Ему Иуда не Искариотский: Господи, и что бысть, яко нам хощещи явитися, а не мирови? 23 Отвеша Иисус и рече ему: аще кто любит Мя, слово Мое соблюдет: и Отец Мой возлюбит его, и к нему приидема и обитель у него сотворима: 24 не любяй Мя словес Моих не соблюдет: и слово, еже слышасте, несть Мое, но пославшаго Мя Отца. 25 Сия глаголах вам в вас сый: 26 Утешитель же, Дух Святый, Егоже послет Отец во имя Мое, той вы научит всему и воспомянет вам вся, яже рех вам. 27 Мир оставляю вам, мир Мой даю вам: не якоже мир дает, Аз даю вам. Да не смущается сердце ваше, ни устрашаает. 28 Слышасте, яко Аз рех вам: иду и прииду к вам. Аще бысте любили Мя, возрадовалися бысте (убо), яко рех: иду ко Отцу: яко Отец Мой болий Мене есть. 29 И ныне рех вам, прежде даже не будет, да, егда будет, веру имете. 30 Ктому не много глаголю с вами: грядет бо сего мира князь и во Мне не иматьничесоже. 31 Но да разумеет мир, яко люблю Отца, и якоже заповеда Мне Отец, тако творю: востаните, идем отсюду.

15 Аз есмь лоза истинная, и Отец Мой делатель есть: 2 всяку розгу о Мне не творящую плода, измет ю: и всяку творящую плод, отребит ю, да множайший плод принесет. 3 Уже вы чисти есте за слово, еже глаголах вам. 4 Будите во Мне, и Аз в вас. Якоже розга не может плода сотворити о себе, аще не будет на лозе, тако и вы, аще во Мне не пребудете. 5 Аз есмь лоза, вы (же) рождие: (и) иже будет во Мне, и Аз в нем, той сотворит плод мног, яко без Мене не можете творитиничесоже: 6 аще кто во Мне не пребудет, извержется вон, якоже розга, и изсыщет: и собирают ю и во огнь влагают, и

сграет: 7 аще пребудете во Мне и глаголы Мои в вас пребудут, егоже аще хощете, просите, и будет вам: 8 о сем прославися Отец Мой, да плод мног соторите и будете Мои ученици. 9 Якоже возлюби мя Отец, и Аз возлюбих вас: будите в любви Моей: 10 аще заповеди Моя соблюдете, пребудете в любви Моей, якоже Аз заповеди Отца Моего соблюдох и пребываю в Его любви. 11 Сия глаголах вам, да радость Моя в вас будет и радость ваша исполнится. 12 Сия есть заповедь Моя, да любите друг друга, якоже возлюбих вы: 13 болши сея любви никтоже имать, да кто душу свою положит за други своя. 14 Вы друзи Мои есте, аще творите, елика Аз заповедао вам: 15 не ктому вас глаголю рабы, яко раб не весть, что творит господь его: вас же рекох други, яко вся, яже слышах от Отца Моего, сказах вам. 16 Не вы Мене избрасте, но Аз избрах вас и положих вас, да вы идете и плод принесете, и плод ваш пребудет, да, егоже аще просите от Отца во имя Мое, даст вам. 17 Сия заповедао вам, да любите друг друга. 18 Аще мир вас ненавидит, ведите, яко Мене прежде вас возненавиде: 19 аще от мира бысте были, мир убо свое любил бы: якоже от мира нечесте, но Аз избрах вы от мира, сего ради ненавидит вас мир. 20 Поминайте слово, еже Аз реч вам: несть раб болий господа своего: аще Мене изгнаша, и вас изжено: аще слово Мое соблюдоша, и ваше соблюдут: 21 но сия вся творят вам за имя Мое, яко не ведят Пославшаго мя. 22 Аще не бых пришел и глаголал им, греха не быша имели: ныне же вины не имут о грехе своем: 23 ненавидяй Мене, и Отца Моего ненавидит: 24 аще дел не бых соторил в них, ихже ин никтоже сотори, греха не быша имели: ныне же и видеша, и возненавидеша Мене и Отца Моего: 25 но да сбудется слово, писанное в законе их, яко возненавидеша мя туне. 26 Егда же приидет Утешитель, Егоже Аз послю вам от Отца, Дух истины, Иже от Отца исходит, Той свидетелствует о Мне: 27 и вы же свидетелствуете, яко искони со Мною есте.

16 Сия глаголах вам, да не соблазнитеся. 2 От сонмищ ижденут вы: но приидет час, да всяк, иже убийт вы, возмнится службу приносити Богу: 3 и сия соторят, яко не познаша Отца, ни Мене. 4 Но сия глаголах вам, да, егда приидет час, воспомянете сия, яко Аз реч вам: сих же вам исперва не реч, яко с вами бех. 5 Ныне же иду к Пославшему мя, и никтоже от вас вопросает Мене: камо идеш? 6 Но яко сия глаголах вам, скорби исполних сердца ваша. 7 Но Аз истину вам глаголю: уне есть вам, да Аз иду: аще бо не иду Аз, Утешитель не приидет к

вам: аще (ли) же иду, послю Его к вам, 8 и пришед Он обличит мир о грехе и о правде и о суде: 9 о грехе убо, яко не веруют в мя: 10 о правде же, яко ко Отцу Моему иду, и ктому не видите Мене: 11 о суде же, яко князь мира сего осужден бысть. 12 Еще много имам глаголати вам, но не можете носити ныне: 13 егда же приидет Он, Дух истины, наставит вы на всякую истину: не от Себе бо глаголати имать, но елика аще услышит, глаголати имать, и грядущая возвестит вам: 14 Он мя прославит, яко от Моего приемет и возвестит вам. 15 Вся, елика имать Отец, Моя суть: сего ради реч, яко от Моего приемет и возвестит вам. 16 В мале, и (ктому) не видите Мене: и паки в мале, и узрите мя, яко иду ко Отцу. 17 Реша же от ученик Его к себе: что есть сие, еже глаголет нам: в мале, и не видите Мене: и паки в мале, и узрите мя: и: яко Аз иду ко Отцу? 18 Глаголаху убо: что сие есть, еже глаголет: в мале? Не вемы, что глаголет. 19 Разуме же Иисус, яко хотяху Его вопрошати, и рече им: о сем ли стязается между собою, яко реч: в мале, и не видите Мене: и паки в мале, и узрите мя? 20 Аминь, аминь глаголю вам, яко восплачется и возвращаете вы, а мир возвращается: вы же печальни будете, но печаль ваша в радость будет: 21 жена егда раждает, скорбь имать, яко прииде год ея: егда же родит отроча, ктому не помнит скорби за радость, яко родися человек в мир: 22 и вы же печаль имате убо ныне: паки же узрю вы, и возвращается сердце ваше, и радости ваше никтоже возмет от вас: 23 и в той день Мене не воспроситеничесоже. Аминь, аминь глаголю вам, яко елика аще (чесо) просите от Отца во имя Мое, даст вам: 24 доселе не просистеничесоже во имя Мое: просите, и приемете, да радость ваша исполнена будет. 25 Сия в притчах глаголах вам: но приидет час, егда ктому в притчах не глаголю вам, но яве о Отце возвещу вам. 26 В той день во имя Мое воспросите, и не глаголю вам, яко Аз умоляю Отца о вас: 27 Сам бо Отец любит вы, яко вы Мене возлюбисте и веровасте, яко Аз от Бога изыдох. 28 Изыдох от Отца и придох в мир: (и) паки оставляю мир и иду ко Отцу. 29 Глаголаша Ему ученицы Его: се, ныне не обинуяся глаголеши, а притчи ни коеяже не глаголеши: 30 ныне вемы, яко веси вся и не требуеши, да кто Тя вопрошает: о сем веруем, яко от Бога изшел еси. 31 Отвеша им Иисус: ныне ли веруете? 32 Се, грядет час, и ныне прииде, да разыдется кийждо во своя и Мене единаго оставите: и несмы един, яко Отец со Мною есть: 33 сия глаголах вам, да во Мне мир имате: в мире скорбни будете: но дерзайте, (яко) Аз победих мир.

17 Сия глагола Иисус и возведе очи Свои на небо и рече: Отче, прииде час: прослави Сына Твоего, да и Сын Твой прославит Тя: **2** якоже дал еси Ему власть всякия плоти, да всяко, еже дал еси Ему, даст им живот вечный: (αἰῶνιος γ166) **3** се же есть живот вечный, да знают Тебе единаго истиннаго Бога, и Егоже послал еси Иисус Христа. (αἰῶνιος γ166) **4** Аз прославих Тя на земли, дело соверших, еже дал еси Мне да сотворю: **5** и ныне прослави мя Ты, Отче, у Тебе Самого словою, юже имех у Тебе прежде мир не бысть. **6** Явих имя Твое человеком, ихже дал еси Мне от мира: Твои беша, и Мне их дал еси, и слово Твое сохраниша: **7** ныне разумеша, яко вся, елика дал еси Мне, от Тебе суть: **8** яко глаголголы, ихже дал еси Мне, дах им, и тии прияша и разумеша воистинну, яко от Тебе изыдох, и вероваша, яко Ты мя послал еси. **9** Аз о сих молю: не о (всем) мире молю, но о тех, ихже дал еси Мне, яко Твои суть: **10** и Моя вся Твоя суть, и Твоя Моя: и прославихся в них: **11** и кому несмь в мире, и сии в мире суть, и Аз к Тебе гряду. Отче Святый, соблюди их во имя Твое, ихже дал еси Мне, да будут едино, якоже (и) Мы. **12** Егда бех с ними в мире, Аз соблюдах их во имя Твое: ихже дал еси Мне, сохраних, и никто же от них погибе, токмо сын погибельный, да сбудется Писание: **13** ныне же к Тебе гряду, и сия глаголю в мире, да имут радость Мою исполнену в себе. **14** Аз дах им слово Твое, и мир возненавиде их, яко не суть от мира, якоже (и) Аз от мира несмь: **15** не молю, да возмеша их от мира, но да соблюдеша их от неприязни: **16** от мира не суть, якоже (и) Аз от мира несмь: **17** святыи их во истину Твою: слово Твое истина есть. **18** Якоже Мене послал еси в мир, и Аз послах их в мир, **19** и за них Аз свящу Себе, да и тии будут священи во истину. **20** Не о сих же молю токмо, но и о верующих словесе их ради в мя, **21** да вси едино будут: якоже Ты, Отче, во Мне, и Аз в Тебе, да и тии в Нас едино будут: да (и) мир веру имет, яко Ты мя послал еси: **22** и Аз славу, юже дал еси Мне, дах им: да будут едино, якоже Мы едино есмь: **23** Аз в них, и Ты во Мне: да будут совершени во едино, и да разумеет мир, яко Ты мя послал еси и возлюбил еси их, якоже Мене возлюбил еси. **24** Отче, ихже дал еси Мне, ющу, да идеже есмь Аз, и тии будут со Мною, да видят славу Мою, юже дал еси Мне, яко возлюбил мя еси прежде сложения мира. **25** Отче праведный, и мир Тебе не позна, Аз же Тя познах, и сии познаша, яко Ты мя послал еси: **26** и сказах им имя Твое, и скажу, да любы, юже мя еси возлюбил, в них будет, и Аз в них.

18 (И) сия рек Иисус, изыде со ученики Своими на он пол потока Кедрска, идеже бе вертоград, в онъже вниде Сам и ученицы Его: **2** ведяше же Иуда предаяй Его место, яко множицо собиравшеся Иисус ту со ученики Своими. **3** Из Иуда убо прием спири и от архиерей и фарисей слуги, прииде тамо со светилы и свещами и оружии. **4** Иисус же ведый вся грядущая Нань, изшед рече им: кого ищете? **5** Отвещаша Ему: Иисуса Назореа. Глагола им Иисус: Аз есмь. Стояше же и Иуда, иже предаяше Его, с ними. **6** Егда же рече им: Аз есмь, идоша вспять и падоша на земли. **7** Паки убо вопросы их (Иисус): кого ищете? Они же реша: Иисуса Назореа. **8** Отвеща Иисус: рех вам, яко Аз есмь: аще убо Мене ищете, оставите сих ити: **9** да сбудется слово, еже рече, яко ихже дал еси Мне, не погубих от них ни когоже. **10** Симон же Петр, имый нож, извлече его и удари архиереова раба и уреза ему ухо десное: бе же имя рабу Малх. **11** Рече убо Иисус Петрови: воинзи нож в ножницу: чашу, юже даде Мне Отец, не имам ли пити ея? **12** Спира же и тысящник и слуги Иудейстии яша Иисуса и связаша Его, **13** и ведоша Его ко Анне первее: бе бо тесь Каиафе, иже бе архиерей лету тому: **14** бе же Каиафа давый совет Иудеом, яко уне есть единому человеку умрети за люди. **15** По Иисусе же идяше Симон Петр и другой ученик: ученик же той бе знаемъ архиереови и вниде со Иисусом во двор архиереов: **16** Петр же стояше при дверех вне. Изыде убо ученик той, иже бе знаемъ архиереови, и рече дверница и введе Петра. **17** Глагола же раба дверница Петрови: еда и ты ученик еси Человека Сего? Глагола он: несмь. **18** Стояху же раби и слуги огнь сотворше, яко зима бе, и греяхуся: бе же с ними Петр стоя и греяся. **19** Архиерей же вопросы Иисуса о ученицах Его и о учении Его. **20** Отвеща ему Иисус: Аз не обинуяся глаголах миру: Аз всегда учах на сонмищих и в церкви, идеже всегда Иудеи снемлются, и тай не глаголахничесоже: **21** что мя вопрошаеш? Вопроси слышавших, что глаголах им: се, сии ведят, яже рех Аз. **22** Сия же рекшу Ему, един от предстоящих слуг удари в ланиту Иисуса, рек: тако ли отвещаваеш архиереови? **23** Отвеща ему Иисус: аще зле глаголах, свидетелствуй о зле: аще ли добре, что мя биеш? **24** Посла же Его Анна связана к Каиафе архиереови. **25** Бе же Симон Петр стоя и греяся. Реша же ему: еда и ты от ученик Его еси? Он (же) отвержеся и рече: несмь. **26** Глагола един от раб архиереевых, южика сый, ему же Петр уреза ухо: не аз ли тя видех в вертограде с Ним? **27** Паки убо Петр отвержеся, и абие петель возгласи. **28**

Ведоша же Иисуса от Каиафы в претор. Бе же утро: и ти не внидоша в претор, да не осквернятся, но да ядят пасху. 29 Изъде же Пилат к ним вон и рече: кую речь приносите на Человека Сего? 30 Отвещаша и решаша ему: аще не бы (был) Сей злодей, не быхом предали Его тебе. 31 Рече же им Пилат: поимите Его вы и по закону вашему судите Ему. Реша же ему Иудеев: нам не достоин убить ни когоже: 32 да слово Иисусово сбудется, еже рече, назнаменуя, коею смертию хотяше умрети. 33 Внide убо паки Пилат в претор и пригласи Иисуса и рече Ему: Ты ли еси Царь Иудейск? 34 Отвеща ему Иисус: о себе ли ты сие глаголеши, или инии тебе рекоша о Мне? 35 Отвеща Пилат: еда аз Жидовин есмь? Род Твой и архиерее предаша Тя мне: что еси сотворил? 36 Отвеща Иисус: Царство Мое несть от мира сего: аще от мира сего было бы Царство Мое, слуги Мои (убо) подвизалися быша, да не предан бых был Иудеом: ныне же Царство Мое несть отсюду. 37 Рече же Ему Пилат: убо Царь ли еси Ты? Отвеща Иисус: ты глаголеши, яко Царь есмь Аз: Аз на сие родихся и на сие приидох в мир, да свидетелствую истину: (и) всяк, иже есть от истины, послушает гласа Моего. 38 Глагола Ему Пилат: что есть истина? И сие рек, паки изъде ко Иудеом и глагола им: аз ни единъя вины обретаю в Нем: 39 есть же обычай вам, да единаго вам отпущу на Пасху: хощете ли убо, (да) отпущу вам Царя Иудейска? 40 Возопиша же паки вси, глаголюще: не Сего, но Варавву. Бе же Варавва разбойник.

19 Тогда убо Пилат поят Иисуса и би (Его): 2 и воини сплетше венец от терния, возложиша Ему на главу, и в ризу багряну облекоша Его, 3 и глаголаху: радуйся, Царю Иудейский. И бияху Его по ланитома. 4 Изъде убо паки вон Пилат и глагола им: се, извожду Его вам вон, да разумеете, яко в Нем ни единъя вины обретаю. 5 Изъде же вон Иисус, нося терновен венец и багряну ризу. И глагола им: се, Человек. 6 Егда же видеша Его архиерее и слуги, возопиша глаголюще: распни, распни Его. Глагола им Пилат: поимите Его вы и распните, аз бо не обретаю в Нем вины. 7 Отвещаша ему Иудеев: мы закон имамы, и по закону нашему должен есть умрети, яко Себе Сына Божия сотвори. 8 Егда убо слыша Пилат сие слово, паче убояся, 9 и вниде в претор паки и глагола Иисусови: откуду еси Ты? Иисус же ответа не даде ему. 10 Глагола же Ему Пилат: мне ли не глаголеши? Не веси ли, яко власть имам распяти Тя и власть имам пустити Тя? 11 Отвеща Иисус: не имаши власти ни единъя на Мне, аще не бы ты дано свыше: сего ради предавый Мя тебе болий

грех имать. 12 От сего искаше Пилат пустити Его. Иудеев же волияху, глаголюще: аще Сего пустиши, неси друг кесарев: всяк, яже царя себе творит, противится кесарю. 13 Пилат убо слышав сие слово, изведе вон Иисуса и седе на судищи, на месте глаголемем Лифостротон, еврейски же Гаввафа. 14 Бе же пяток Пасце, час же яко шестый. И глагола Иудеом: се, Царь ваш. 15 Они же волияху: возми, возми, распни Его. Глагола им Пилат: Царя ли вашего распну? Отвещаша архиерее: не имамы царя токмо кесаря. 16 Тогда убо предаде Его им, да распнется. Поемше же Иисуса и ведоша: 17 и нося крест Свой, изъде на глаголемое Лобное место, еже глаголется еврейски Голгофа, 18 идеже пропяша Его и с Ним ина два сюду и сюду, посреде же Иисуса. 19 Написа же и титла Пилат и положи на кресте. Бе же написано: Иисус Назорянин, Царь Иудейский. 20 Сего же титла мнози чтоша от Иудей, яко близ бе место града, идеже пропяша Иисуса: и бе написано еврейски, гречески, римски. 21 Глаголаху убо Пилату архиерее Иудейстии: не пиши: Царь Иудейский: но яко Сам рече: Царь есмь Иудейский. 22 Отвеща Пилат: еже писах, писах. 23 Воини же, егда пропяша Иисуса, прияша ризы Его и сотвориша четыри части, коемуждо воину часть, и хитон: бе же хитон нешвен, свыше исткан весь. 24 Реша же к себе: не предадем его, но метнем жребия о нем, кому будет: да сбудется Писание, глаголюще: разделиша ризы Моя себе и о иматисме Моеи меташа жребия. Воини убо сия сотвориша. 25 Стояху же при кресте Иисусове Мати Его и сестра Матере Его Мария Клеопова и Мария Магдалина. 26 Иисус же видев Матерь и ученика стояща, егоже любляше, глагола Матери Своей: Жено, се, сын Твой. 27 Потом глагола ученику: се, Мати твоя. И от того часа поят Ю ученик во своя си. 28 Посем ведый Иисус, яко вся уже совершилася, да сбудется Писание, глагола: жажду. 29 Сосуд же стояше полн оцта. Они же исполнившие губу оцта и на трость вонзше, придаша ко устом Его. 30 Егда же прият оцет Иисус, рече: совершилася. И преклонь главу, предаде дух. 31 Иудеев же, понеже пяток бе, да не останут на кресте телеса в субботу, бе бо велик день тая субботы, молиша Пилата, да пребиют голени их и возмут. 32 Придоша же воини, и первому убо пребиша голени, и другому распятыму с Ним: 33 на Иисуса же пришедшему, яко видеша Его уже умерша, не пребиша Ему голени, 34 но един от воин копием ребра Ему прободе, и абие изъде кровь и вода. 35 И видевый свидетелствова, и истинно есть свидетельство его, и той весть, яко истину глаголет, да вы веру имете: 36 быша бо сия, да сбудется

Писание: кость не сокрушится от Него. 37 И паки другое Писание глаголет: возврят Нань, Егоже прободоша. 38 По сих же моли Пилата Иосиф, иже от Аримафеа, сый ученик Иисусов, потаен же страха ради Иудейска, да возмет тело Иисусово: и повеле Пилат. Прииде же и взят тело Иисусово. 39 Прииде же и Никодим, пришедший ко Иисусови ношию прежде, нося смешение смиренно и алойно, яко липт сто. 40 Прияста же тело Иисусово и обвиста е ризами со ароматы, якоже обычай есть Иудеом погребати. 41 Бе же на месте, идеже распятыя, верт, и в верте гроб нов, в немже николиже никоже положен бе: 42 ту убо пятка ради Иудейска, яко близ бяше гроб, положиста Иисуса.

20 Во едину же от суббот Мария Магдалина прииде

заутра, еще сущий тме, на гроб, и виде камень взят от гроба: 2 тече убо и прииде к Симону Петру и к другому ученику, егоже любляше Иисус, и глагола им: взяша Господа от гроба, и не вем, где положиша Его. 3 Изъиде же Петр и другой ученик и идяста ко гробу: 4 течаста же оба вкупе: и другой ученик тече скорее Петра и прииде прежде ко гробу, 5 и приник виде ризы лежаща: обаче не вниде. 6 Прииде же Симон Петр вслед его, и вниде во гроб, и виде ризы (едины) лежаща 7 и сударь, иже бе на главе Его, не с ризами лежащъ, но особъ свит на единем месте. 8 Тогда убо вниде и другой ученик, пришедший прежде ко гробу, и виде и верова: 9 не у бо ведяха Писания, яко подобает Ему из мертвых воскреснути. 10 Идоста же паки к себе ученика. 11 Мария же стояше у гроба вне плачуши: якоже плакашеся, приниче во гроб, 12 и виде два Ангела в белых (ризах) седяща, единаго у главы и единаго у ногу, идеже бе лежало тело Иисусово. 13 И глаголаста ей она: жено, что плачесиша? Глагола им: яко взяша Господа моего, и не вем, где положиша Его. 14 И сия рекши обратися вспять и виде Иисуса стояща, и не ведиша, яко Иисус есть. 15 Глагола ей Иисус: жено, что плачесиши? Кого ищеш? Она (же) мнящи, яко вертоградарь есть, глагола Ему: господи, аще ты еси взял Его, повеждъ ми, где еси положил Его, и аз возму Его. 16 Глагола ей Иисус: Марие. Она (же) обращиша глагола Ему: Раввуни, еже глаголется, Учителю. 17 Глагола ей Иисус: не прикасайся Мне, не у бо взыдох ко Отцу Моему: иди же ко братии Моей и рцы им: восходжу ко Отцу Моему и Отцу вашему, и Богу Моему и Богу вашему. 18 Прииде (же) Мария Магдалина поведающи учеником, яко виде Господа, и сия рече ей. 19 Сущу же позде в день той во едину от суббот, и дверем

затворенным, идеже бяху ученицы (Его) собрани, страха ради Иудейска, прииде Иисус и ста посреде и глагола им: мир вам. 20 И сие рек, показа им руце (и нозе) и ребра Своя. Возрадовашася убо ученицы, видевше Господа. 21 Рече же им Иисус паки: мир вам: якоже посла Мя Отец, и Аз посылаю вы. 22 И сие рек, дуну и глагола им: приемите Дух Свят: 23 имже отпустите грехи, отпустятся им: и имже держите, держатся. 24 Фома же, един от обоюонадеяте, глаголемыи Близнец, не бе (ту) с ними, егда прииде Иисус. 25 Глаголаху же ему друзии ученицы: видехом Господа. Он же рече им: аще не вижу на руку Его язвы гвоздинныя, и вложу перста моего в язвы гвоздинныя, и вложу руку мою в ребра Его, не иму веры. 26 И по днех осмих паки бяху внутрь ученицы Его, и Фома с ними. Прииде Иисус дверем затворенным, и ста посреде (их) и рече: мир вам. 27 Потом глагола Фоме: принеси перст твой семо и виждь руце Мои: и принеси руку твою и вложи в ребра Моя: и не буди неверен, но верен. 28 И отвеща Фома и рече Ему: Господъ мой и Бог мой. 29 Глагола ему Иисус: яко видев Мя, веровал еси: блажени не видевши и веровавше. 30 Многа же и ина знамения сотвори Иисус пред ученики Своими, яже не суть писана в книгах сих: 31 сия же писана быша, да веруете, яко Иисус есть Христос Сын Божий, и да верующе живот имате во имя Его.

21 Посем явися паки Иисус учеником (Своим, востав от мертвых,) на мори Тивериадстем. Явися же сице:

2 бяху вкупе Симон Петр, и Фома нарицаемыи Близнец, и Нафанаил, иже (бе) от Каны Галилейских, и сына Зеведеова, и ина от ученик Его два. 3 Глагола им Симон Петр: иду рыбы ловити. Глаголаша ему: идем и мы с тобою. Изъдоша (же) и вседоша абие в корабль, и в ту нощь не яшаничесоже. 4 Утру же бывшу, ста Иисус при брезе: не познаша же ученицы, яко Иисус есть. 5 Глагола же им Иисус: дети, еда что снедно имате? Отвещаша Ему: ни. 6 Он же рече им: вверзите мрежу о десную страну корабля и обрящете. Ввергаша же и ктому не можаху привлещи ея от множества рыб. 7 Глагола же ученик той, егоже любляше Иисус, Петрови: Господъ есть. Симон же Петр слышав, яко Господъ есть, епендиитом препоясаяся, бе бо наг, и ввержеся в море: 8 а друзии ученицы кораблецем придоша, не беша бо далече от земли, но яко две сте лактей, влекуще мрежу рыб. 9 Егда убо излезоша на землю, видеша огнь лежашъ и рыбу на нем лежашу и хлеб. 10 (И) глагола им Иисус: принесите от рыб, яже ясте ныне. 11 Влез (же) Симон

Петр, извлече мрежу на землю, полну великих рыб сто (и) пятьдесят (и) три: и толико сущым, не проторжеся мрежа. 12 Глагола им Иисус: приидите, обедуйте. Ни един же смеяше от ученик истязати Его: Ты кто еси? Ведяще, яко Господь есть. 13 Прииде же Иисус, и прият хлеб и даде им, и рыбу такожде. 14 Се уже третие явися Иисус учеником Своим, востав от мертвых. 15 Егда же обедоваше, глагола Симону Петру Иисус: Симоне Ионин, любиши ли Мя паче сих? Глагола Ему: ей, Господи, Ты веси, яко люблю Тя. Глагола ему паки второе: Симоне Ионин, любиши ли Мя? Глагола Ему: ей, Господи, Ты веси, яко люблю Тя. Глагола ему: паси овцы Моя. 17 Глагола ему третие: Симоне Ионин, любиши ли Мя? Оскорбе (же) Петр, яко рече ему третие: любиши ли Мя? И глагола Ему: Господи, Ты вся веси: Ты веси, яко люблю Тя. Глагола ему Иисус: паси овцы Моя: 18 аминь, аминь глаголю тебе: егда был еси юн, поясался еси сам и ходил еси, аможе хотел еси: егда же состарешися, воздежеши руце твои, и ин тя пояшет и ведет, аможе не хощеши. 19 Сие же рече, назнаменуя, коею смертию прославит Бога. И сия рек, глагола ему: иди по Мне. 20 Обращься же Петр виде ученика, егоже любляше Иисус, вслед идуща, иже и возлеже на вечери на перси Его и рече: Господи, кто есть предаяй Тя? 21 Сего видев Петр, глагола Иисусови: Господи, сей же что? 22 Глагола ему Иисус: аще хощу, да той пребывает, дондеже прииду, что к тебе? Ты по Мне гряди. 23 Изыде же слово се в братию, яко ученик той не умрет. И не рече ему Иисус, яко не умрет, но: аще хощу тому пребывать, дондеже прииду, что к тебе? 24 Сей есть ученик свидетелствуяй о сих, иже и написа сия: и вем, яко истинно есть свидетельство его. 25 Суть же и ина многа, яже сотвори Иисус, яже аще бы по единому писана быша, ни самому мню (всему) миру вместити пишемых книг. Аминь.

Деяния святых апостолов

1 Первое убо слово сотворих о всех, о, Феофиле, яже начат Иисус творити же и учити 2 даже до дне, в оньже, заповедав Апостолом Духом Святым, ихже избра, вознесеся: 3 пред нимиже и постави Себе жива по страдании Своем во мнозех истинных знамениих, деньми четыредесятыми являся им и глаголя яже о Царствии Божии: 4 с нимиже и ядый повеле им от Иерусалима не отлучатися, но ждати обетования Отча, еже слышасте от Мене: 5 яко Иоанн убо крестил есть водою, вы же имате креститися Духом Святым не по мнозех сих днех. 6 Они же убо сошедшеся вопрошаху Его, глаголюще: Господи, аще в лето сие устрояши царствие Израилево? 7 Рече же к ним: несть ваше разумети времена и лета, яже Отец положи во Своей власти: 8 но приимете силу, нашедшу Святому Духу на вы, и будете Ми свидетели во Иерусалиме же и во всей Иудеи и Самарии и даже до последних земли. 9 И сия рек, зрящим им взяться, и облак подят Его от очиу их. 10 И егда взирающе бяху на небо, идущу Ему, и се, мужа два стаста пред ними во одежди беле, 11 яже и рекоста: мужие Галилейстии, что стоите зряще на небо? Сей Иисус, вознесыйся от вас на небо, такожде приидет, имже образом видесте Его идуща на небо. 12 Тогда возвратишаася во Иерусалим от горы нарицаемыя Елеон, яже есть близ Иерусалима, субботы имущия путь. 13 И егда внидоша, взыдоша на горницу, идеже бяху пребывающе, Петр же и Иаков, и Иоанн и Андрей, Филипп и Фома, Варфоломей и Матфей, Иаков Алфеев и Симон Зилот и Иуда Иаковль: 14 сии вси бяху терпяще единодушно в молитве и молении, с женами и Марию Материю Иисусовою и с братию Его. 15 И во дни тяя востав Петр посреде ученик, рече, 16 бе же имен народа вкупе яко сто и двадесять: мужие братие, подобаше скончатися Писанию сему, еже предрече Дух Святый усты Давидовыми о Иуде, бывшем вохди емшым Иисуса: 17 яко причтен бе с нами и приял бяше жребий службы сея: 18 сей убо стяжа село от мзды неправедныя, и ниц быв проседеся посреде, и излияся вся утроба его: 19 и разумно бысть всем живущым во Иерусалиме, яко нарещися селу тому своим их языком Акелдама, еже есть село крове: 20 пишется бо в книзе Псаломстей: да будет двор его пуст, и да не будет живущаго в нем, и епископство его да приимет ин: 21 подобает убо от сходившихся с нами мужей во всяко лето, в неже вниде

и изыде в нас Господь Иисус, 22 начен от крещения Иоаннова даже до дне, в оньже вознесеся (на небо) от нас, свидетелю воскресения Его быти с нами единому от сих. 23 И поставиша два, Иосифа нарицаемаго Варсаву, иже наречен бысть Иуст, и Матфия, 24 и помолившеся реша: Ты, Господи, Сердцеведче всех, покажи, егоже избрал еси от сео двою единаго, 25 прияти жребий служения сего и Апостолства, из негоже испаде Иуда, ити в место свое. 26 И даша жребия има, и паде жребий на Матфия, и причтен бысть ко единонаадесяти Апостолом.

2 И егда скончавашася днне Пятьдесятницы, беша вси

Апостоли единодушно вкупе. 2 И бысть внезапу с небесе шум, яко носиму дыханию бурну, и исполни весь дом, идеже бяху седяще: 3 и явишаася им разделени языцы яко огненни, седе же на единем коемждо их. 4 И исполнишаася вси Духа Свята и начаша глаголати иными языками, якоже Дух даяше им провещавати. 5 Бяху же во Иерусалиме живущии Иудеи, мужие благовейни, от всего языка, иже под небесем. 6 Бывшу же гласу сему, снideся народ и смятесья, яко слышашу един кийждо их своим языком глаголющих их. 7 Дивляхуся же вси и чудяхуся, глаголюще друг ко другу: не се ли, вси сии суть глаголущии Галилеане? 8 И како мы слышим кийждо свой язык наш, в немже родиомся, 9 Парфяне и Мидяне и Еламите, и живущии в Месопотамии, во Иудеи же и Каппадокии, в Понте и во Асии, 10 во Фригии же и Памфилии, во Египте и странах Ливии, яже при Киринии, и приходящии Римляне, Иудеи же и пришелцы, 11 критяне и аравляне, слышим глаголущих их нашими языками величия Божия? 12 Ужасахуся же вси и недоумевахуся, друг ко другу глаголюще: что убо хощет сие быти? 13 Ини же ругающеся глаголаху, яко вином исполнени суть. 14 Став же Петр со единонаадесятьми, воздвиге глас свой и рече им: мужие Иудейстии и живущии во Иерусалиме вси, сие вам разумно да будет, и внушил глаголы мои: 15 не бо, якоже вы непещуете, сии пияни суть, есть бо час третий дне: 16 но сие есть реченное пророком Иоилем: 17 и будет в последния дни, глаголет Господь, излию от Духа Моего на всяку плоть, и прорекут сынове ваши и дщери ваши, и юноши ваши видения узрят, и старцы ваши сония видят: 18 ибо на рабы Моя и на рабыни Моя во дни оны излию от Духа Моего, и прорекут: 19 и дам чудеса на небеси горе и знамения на земли низу, кровь и огнь и курение дыма: 20 солнце преложится во тму, и луна в кровь, прежде даже не приити дню Господню великому и просвещенному: 21 и будет, всяк, иже аще призовет имя

Господне, спасется. 22 Мужие Израилстии, послушайте словес сих: Иисуса Назореа, Мужа от Бога известованна в вас силами и чудесы и знамении, яже сотвори Тем Бог посреде вас, якоже и сами весте, 23 Сего нарекованным советом и проразумением Божиим предана приемше, руками беззаконных пригвождше убисте: 24 Егоже Бог воскреси, разрешив болезни смертныя, якоже не бяше мощно держиму быти Ему от нея. 25 Давид бо глаголет о Нем: предзрех Господа предо мною выну, яко о десную мене есть, да не подвижуся: 26 сего ради возвеселися сердце мое, и возрадовася язык мой: еще же и плоть моя вселится на упование, 27 яко не оставиши души моей во аде, ниже даси преподобному Твоему видети истления: (Hadēs g86) 28 сказал ми еси пути живота: исполниши мя веселия с лицем Твоим. 29 Мужие братие, достоит речи с дерзновением к вам о патриарсе Давиде, яко и умре и погребен бысть, и гроб его есть в нас даже до дне сего: 30 пророк убо сый и ведый, яко клятвою клятся ему Бог от плода чреспо его по плоти воздвигнути Христа и посадити Его на престоле его, 31 предвидев глагола о воскресении Христове, яко не оставися душа Его во аде, ни плоть Его виде истления. (Hadēs g86) 32 Сего Иисуса воскреси Бог, ему же все мы есмы свидетелие. 33 Десницею убо Божию вознесеся, и обетование Святаго Духа приемь от Отца, излия сие, еже вы ныне видите и слышите. 34 Не бо Давид взыде на небеса, глаголет бо сам: рече Господь Господеви моему: седи о десную Мене, 35 дондеже положу враги Твоя подножие ног Твоих. 36 Твердо убо да разумеет весь дом Израилев, яко и Господа и Христа его Бог сотворил есть, Сего Иисуса, Егоже вы распясте. 37 Слышавше же умилившася сердцем и реша к Петру и прочым Апостолом: что сотворим, мужие братие? 38 Петр же рече к ним: покайтесь, и да крестится кийждо вас во имя Иисуса Христа во оставление грехов: и примите дар Святаго Духа: 39 вам бо есть обетование и чадом вашым и всем дальним, елики аще призовет Господь Бог наш. 40 И иными словесы множайшими засвидетелствование и моляще я, глаголя: спаситесь от рода строптиваго сего. 41 Уже убо любезно прияша слово его, крестишася: и приложишася в день той душ яко три тысящи: 42 бяху же терпяще во учении Апостол и во общении и в преломлении хлеба и в молитвах. 43 Бысть же на всякой души страх: многа бо чудеса и знамения Апостолы быша во Иерусалиме. 44 Страх же велий бяше на всех их. Вси же веровавши бяху вкупе и имаху вся обща: 45 и стяжания и имения продаяху, и раздаяху всем, егоже аще кто требоваше: 46 по вся же дни терпяще единодушно

в церкви и ломяще по домом хлеб, приимаху пищу в радости и в простоте сердца, 47 хваляще Бога и имуще благодать у всех людей. Господь же прилагаше по вся дни Церкви спасающыся.

3 Вкупе же Петр и Иоанн восхождаста во святилище на молитву в час девятый. 2 И некий муж, хром от чрева матере своея сый, носимъ бываше, егоже полагаху по вся дни пред дверьми церковными, рекомыми Красными, просити милостыни от входящих в церковь: 3 иже видев Петра и Иоанна хотящя внути в церковь, прошаще милостыни. 4 Воззрев же Петр нань со Иоанном, рече: воззри на ны. 5 Он же прилежаще има, мня нечто от нею прияти. 6 Рече же Петр: сребра и злата несть у мене, но еже имам, сие ти даю: во имя Иисуса Христа Назореа востани и ходи. 7 И емъ его за десную руку воздвиге: абие же утвердистеся его плесне и глезне, 8 и вскочив ста и хождаше, и вниде с нима в церковь, ходя и скакя и хваля Бога. 9 И видеша его все людие ходяща и хваляща Бога, 10 знаху же его, яко сей бяше, иже милостыни ради седяще при Красных дверех церковных: и исполнишася чуда и ужаса о приключившемся ему. 11 Держащуся исцелевшему хромому Петра и Иоанна, притекоша к нима все людие в притвор, нарицаемый Соломонов, ужасни. 12 Видев же Петр отвешаваше к людем: мужие Израилтане, что чудитеся о сем, или на ны что взираете, яко своею ли силою или благочестием сотворихо его ходити? 13 Бог Авраамов и Исааков и Иаковль, Бог отец наших, прослави Отрока Своего Иисуса, Егоже вы предасте, и отвергостеся Его пред лицем Пилатовым, сужьшу Оному пустити: 14 вы же Святаго и Праведнаго отвергостеся, и испросисте мужа убийцу дати вам, 15 Началника же жизни убисте: Егоже Бог воскреси от мертвых, ему же мы свидетелие есмы. 16 И о вере имени Его, сего, егоже видите и знаете, утверди имя Его: и вера, яже Его ради, даде ему всю целость сию пред всеми вами. 17 И ныне, братие, вем, яко по неведению сие сотвористе, якоже и князи ваши: 18 Бог же, яже предзвести усты всех пророк Своих пострадати Христу, исполни тако. 19 Покайтесь убо и обратитеся, да очиститеся от грех ваших, 20 яко да приидут времена прохладна от лица Господня, и послет пронареченного вам Христа Иисуса, 21 Егоже подобает небеси убо прияти даже до лет устроения всех, яже глагола Бог усты всех святых Своих пророк от века. (aiōn g165) 22 Моисей убо ко отцем рече: яко Пророка вам воздвигнет Господь Бог ваш от братии вашея, яко мене: Того послушайте

по всему, елика аще речет к вам: 23 будет же, всяка душа, яже аще не послушает Пророка оного, потребится от людей. 24 И вси же пророцы от Самуила и иже по сих, елицы глаголаша, такожде предзвестиша дни сия. 25 Вы есте сынове пророк и завета, егоже завеща Бог ко отцем вашым, глаголя ко Аврааму: и о семени твоем возблагословятся вся отечествия земная. 26 Вам первое Бог, воздвигий Отрока Своего Иисуса, посла Его благословяща вас, во еже отвратитися вам комуждо от злоб ваших.

4 Глаголющым же им к людем, наидоша на них священницы и воевода церковный и саддукее, 2 жаляще си, за еже учили им люди и возвещати о Иисусе воскресение мертвых: 3 и возложиша на них руки и положиша их в сблюденіе до утра: бе бо вечер уже. 4 Мнози же от слышавших слово вероваша: и бысть число мужей яко тысящ пять. 5 Бысть же наутрие собратиша князем их и старцем и книжником во Иерусалим, 6 и Анне архиерею и Каиафе и Иоанну и Александру, и елицы беша от рода архиерейска: 7 и поставльше их посреде, вопрошаю: коею силою или коим именем сотвористе сие вы? 8 Тогда Петр, исполнився Духа Свята, рече к ним: князи людстии и старцы Израилевы, 9 аще мы днесъ истиязуеми есмы о благодеянии человека немощна, о чесом сей спасеся, 10 разумно буди всем вам и всем людем Израилевым, яко во имя Иисуса Христа Назореа, Егоже вы распясте, Егоже Бог воскреси от мертвых, о Сем сей стоит пред вами здрав: 11 Сей есть камень укореный от вас зиждущих, бывый во главу угла, и несть ни о единем же инем спасения: 12 несть бо иного имене под небесем, даннаго в человечех, о немже подобает спастися нам. 13 Видяще же Петрово дерзновение и Иоанново и разумевше, яко человека некнижна еста и приста, дивляхуся, знаху же их, яко со Иисусом беста: 14 видяще же исцелевшаго человека с нима стояща, ничтоже имяху противу рещи. 15 Повелевше же има вон из сонмища изыти, стязахуся друг со другом, 16 глаголюще: что сотворим человекома сима? Яко убо нарочитое знамение бысть има, всем живущым во Иерусалиме яве, и не можем отврещися: 17 но да не более прострется в людех, прещением да запретим има ктому не глаголати о имени сем ни единому от человек. 18 И призвавше их, заповедаша има отнюдь не провещавати ниже учили о имени Иисусове. 19 Петр же и Иоанн отвещавша к ним реста: аще праведно есть пред Богом вас послушати паче, нежели Бога, судите: 20 не

можем бо мы, яже видехом и слышахом, не глаголати. 21 Они же призапрещше има, пустиша я, ничтоже обретше како мучити их, людий ради, яко вси прославляху Бога о бывшем: 22 лет бо бяше множе четыредесяти человек той, на немже бысть чудо сие исцеления. 23 Отпущена же бывша приидоста ко своим и возвестиста, елика к нима архиерее и старцы реша. 24 Они же слышавше единодушно воздвигоша глас к Богу и рекоша: Владыко, ты, Боже, сотворивый небо и землю и море и вся, яже в них, 25 иже Духом Святым усты отца нашего Давида отрока Твоего рекл еси: вскую шаташася языцы, и людие поучиашася тщетным? 26 Предсташа царие земстии, и князи собирашася вкупе на Господа и на Христа Его. 27 Собрашася бо воистину во граде сем на Святаго Отрока Твоего Иисуса, Егоже помазал еси, Ирод же и Понтийский Пилат с языками и людьми Израилевыми, 28 сотворити, елика рука Твоя и совет Твой преднарече быти: 29 и ныне, Господи, призри на прещения их и дажь рабом Твоим со всяким дерзновением глаголати слово Твое, 30 внегда руку Твою прострети Ти во исцеления, и знамением и чудесем бывати именем Святым Отрока Твоего Иисуса. 31 И помолившымся им, подвижеся место, идеже бяху собрани, и исполнишаася вси Духа Свята и глаголаху слово Божие со дерзновением. 32 Народу же веровавшему бе сердце и душа едини, и ни един же что от имений своих глаголаше свое быти, но бяху им вся обща. 33 И велию силою воздаяху свидетелство Апостоли воскресению Господа Иисуса Христа, благодать же бе велия на всех их. 34 Не бяше бо нищь ни един в них: елицы бо господие селом или домовом бяху, продающе приношаху цены продаемых 35 и полагаху при ногах Апостол: даяшеся же коемуждо, егоже аще кто требовалоше. 36 Иосиа же, нареченный Варнава от Апостол, еже есть сказаено сын утешения, левит, Кипрянин родом, 37 имея село, продав принесе цену и положи пред ногами Апостол.

5 Муж же некий, Анания именем, с Сапфирою женою своею, продаде село 2 и утаи от цены, сведущей и жене его: и принес часть некую, пред ногами Апостол положи. 3 Рече же Петр: Анание, почто исполни сатана сердце твое соглати Духу Святому и утаити от цены села? 4 Сущее тебе не твое ли бе, и проданое не в твоей ли власти бяше? Что яко положил еси в сердцы твоем веъщ сию? Не человеком соглал еси, но Богу. 5 Слышав же Анания слова сия, пад издше: и бысть страх велик на всех слышащих сия. 6 Вставше же юноши

взяша его и изнесше погребоша. 7 Бысть же яко трием часом минувшим, и жена его не ведущи бывшаго вниде. 8 Отвеша же ей Петр: рцы ми, аще на толице село отдаста? Она же рече: ей, на толице. 9 Петр же рече к ней: что яко согласистася искусити Духа Господня? Се, ноги погребших мужа твоего при дверех, и изнесут тя. 10 Паде же аbie пред ногама его и издше: вшедше же юноши обретоша ю мертву и изнесше погребоша близ мужа яя. 11 И бысть страх велик на всей церкви и на всех слышаших сия. 12 Руками же Апостолскими быша знамения и чудеса в людех многа: и бяху единодушно вси в притворе Соломони: 13 от прочих же никтоже смеяше прилеплятися им, но величаху их людие. 14 Паче же прилагахуся верующи Господви, множество мужей же и жен, 15 яко и на стогны износити недужных и полагати на постелех и на одрех, да грядущу Петру поне сень его осенит некоего от них. 16 Сходжашася же и множество от окрестных градов во Иерусалим, приносяще недужных и страждущая от дух нечистых, иже исцелевахуся вси. 17 Востав же архиерей и вси иже с ним, сущая ересь саддукейская, исполнишася зависти, 18 и возложиша руки своя на Апостолы и послаша их в соблюдение общее. 19 Ангел же Господень ношио отверзе двери темницы, извед же их, рече: 20 идите и ставше глаголите в церкви людем вся глаголы жизни сяя. 21 Слышавше же внидоша по утренице в церковь и учаху. Пришед же архиерей и иже с ним, созваша собор и вся старцы от сынов Израилевых и послаша во узилище, привести их. 22 Слуги же шедше не обретоша их в темнице, возвращежеся возвестиша, 23 глаголюще, яко темницу убо обретохом заключену со всяким утверждением и блюстители стоящая пред дверьми: отверзше же, внутрь ни единаго обретохом. 24 Якоже слышаша словеса сия архиерей же и воевода церковный и первосвященница, недоумевахуся о них, что убо будет сие. 25 Пришед же некто возвести им, глаголя, яко се, мужие, ихже всадисте в темницу, суть в церкви стояще и учаще люди. 26 Тогда шед воевода со слугами, приведе их не с нуждею, бояхуся бо людей, да не камением побиют их: 27 приведше же их, поставиша на сонмищи, и вопросы их архиерей, глаголя: 28 не запрещением ли запретихом вам не учiti о имени сем? И се, исполнисте Иерусалим учением вашим и хощете навести на ны кровь Человека Сего. 29 Отвешав же Петр и Апостоли реша: повиноватися подобает Богови паче, нежели человеком: 30 Бог отец наших воздвиге Иисуса, Еоже вы убисте, повесивше на древе: 31 Сего

Бог Началника и Спаса возвыси десницею Свою, дати покаяние Израилеви и оставление грехов: 32 и мы есмы Того свидетельство глагол сих, и Дух Святый, Еоже даде Бог повинующымся Ему. 33 Они же слышавше распыхахуся и совещаша убить их. 34 Востав же некий на сонмищи фарисей, именем Гамалиил, законоучитель честен всем людем, повеле вне мало что Апостолом уступити, 35 рече же к ним: мужие Израильяне, внимайте себе о человечех сих, что хощете сотворити: 36 пред сими боденьми воста Февда, глаголя быти велика некоего себе, ему же прилепишася числом мужей яко четыреста: иже убиен бысть, и вси, елицы повинувшиася ему, разыдошася и быша ни во чтоже: 37 по сем воста Иуда Галилеани во дни написания и отвлече люди доволны вслед себе: и той погибе, и вси, елицы послушаша его, разыпашася: 38 и ныне, глаголю вам, отступите от человек сих и оставите их: яко аще будет от человек совет сей или дело сие, разорится, 39 аще ли же от Бога есть, не можете разорити то, да не како и богооборцы обрящется. 40 Послушаша же его, и призвавше Апостолы, бивше запретиша им не глаголати о имени Иисусове и отпустиша их. 41 Они же убо идяху радующеся от лица собора, яко за имя Господа Иисуса сподобишася безчестие прияти: 42 по вся же дни в церкви и в домех не престаяху учаще и благовествующе Иисуса Христа.

6 Во днех же сих, умножившимся учеником, бысть роптание Еллинов ко Евреем, яко презираемы бываху во вседневнем служении вдовици их. 2 Призвавше же двадесять множество ученик, реша: не угодно есть нам, оставльшим слово Божие, служити трапезам: 3 усмотрите убо, братие, мужы от вас свидетельствованы седмь, исполнены Духа Свята и премудрости, ихже поставим над службою сею: 4 мы же в молитве и служении слова пребудем. 5 И угодно бысть слово сие пред всем народом: и избраша Стефана, мужа исполнена веры и Духа Свята, и Филиппа, и Прохора и Никанора, и Тимона и Пармена, и Николаа пришелца Антиохийскаго, 6 ихже поставиша пред Апостолы: и помолившеся возложиша на ня руце. 7 И слово Божие растяше, и множашеся число ученик во Иерусалиме зело: мног же народ священников послушаша веры. 8 Стефан же исполнъ веры и силы творяще знамения и чудеса велия в людех. 9 Восташа же нецы от сонма глаголемаго Ливертина и Киринейска и Александровска, и иже от Киликии и Асии, стязающеся со Стефаном: 10 и не можаху противустати премудрости и Духу, Имже

глаголаше. 11 Тогда подустиша мужы глаголющыя, яко слышахом его глаголюща глаголы хульныя на Моисея и на Бога. 12 Сподвигоша же люди и старцы и книжники, и нападше восхитиша его и приведоша на сонмище, 13 поставиша же свидетели ложны глаголющыя, яко человек сей не престает глаголы хульныя глаголя на место святое сие и закон: 14 слышахом бо его глаголюща, яко Иисус Назорей сей разорит место сие и изменит обычая, яже предаде нам Моисей. 15 И воззвеше нань вси седящии в сонмищи, видеша лице его яко лице Ангела.

7 Рече же архиерей: аще убо сия тако суть? 2 Он же рече: мужие братие и отцы, послушайте. Бог славы явися отцу нашему Аврааму сущу в Месопотамии, прежде даже не вселитися ему в Харрань, 3 и рече к нему: изыди от земли твоей и от рода твоего и от дому отца твоего, и приди в землю, юже аще ти покажу. 4 Тогда изшед от земли Халдейсия, вселися в Харрань: и оттуду, по умертвии отца его, пресели его в землю сию, на нейже вы ныне живете, 5 и не даде ему наследия в ней, ниже стопы ногу: и обеща дати ему ю во одержание и семени его по нем, не сущу ему чаду. 6 Глагола же сице Бог, яко будет семя его пришелцы в земли чуждей, и поработят е озлобят лет четыреста. 7 И языку, ему же поработают, сужд Аз, рече Бог: и по сих изыдут и послужат Ми на месте сем. 8 И даде ему завет обрезания. И тако роди Исаака и обреза его в день осмый: и Исаак Иакова, и Иаков двадесять патриарх. 9 И патриарси позавидевше Иосифу продаша его во Египет: и бе Бог с ним, 10 и изят его от всех скорбей его, и даде ему благодать и премудрость пред фараоном царем Египетским: и постави его начальника над Египтом и над всем домом своим. 11 Прииде же глад на всю землю Египетскую и Ханааню и скорбь велия, и не обретаху сътости отцы наши. 12 Слышав же Иаков сущую пшеницу во Египте, послы отцы наша первее, 13 и внегда второе (придоша), познан бысть Иосиф братии своей, и яве бысть фараону род Иосифов. 14 Послав же Иосиф призыва отца своего Иакова и все сродство свое, седьмидесят и пять душ. 15 Снide же Иаков во Египет, и скончася сам и отцы наши: 16 и принесени быша в Сихем и положени быша во гробе, егоже купи Авраам ценою сребра от сынов Еммора Сихемова. 17 И якоже приближашеся время обетования, имже клятся Бог Аврааму, возрасташи людие и умношиася во Египте, 18 дондеже наста царь ин (во Египте), иже не знаше Иосифа: 19 сей зле умыслив о роде нашем, озлоби отцы

наша, уморити младенцы их и не оживити. 20 В неже время родиша Моисей и бе угоден Богови, иже питан бысть месяцы три в дому отца своего: 21 извержена же его взят его дщи фараонова и воспита и себе в сына: 22 и наказан бысть Моисей всей премудрости Египетстей, бе же силен в словесех и делех. 23 Егда же исполняшеся ему лет четыредесятих время, взыде на сердце ему посетити братию свою сыны Израилевы: 24 и видев некоего обидима, пособствова и сотвори отмщение обидимому, убив Египтянина. 25 Мняше же разумети братиям своим, яко Бог рукою его даст им спасение: они же не разумеша. 26 Во утрий же день явися им тяжущимся и привлачаше их в примирение, рек: мужие, братия есте вы, вскую обидите друг друга? 27 Обидя же ближняго отрину его, рек: кто тя постави князя и судио над нами? 28 Еда убити мя ты хощеш, имже образом убил еси вчера Египтянина? 29 Бежа же Моисей о словеси сем и бысть пришлец в земли Мадиамстей, идеже роди сына два. 30 И исполнышимся летом четыредесятим, явися ему в пустыни горы Синайские Ангел Господень в пламени огнене в купине: 31 Моисей же видев дивляшеся видению: приступающу же ему разумети, бысть глас Господень к нему: 32 Аз Бог отец твоих, Бог Авраамов и Бог Исааков и Бог Иаковль. Трепетен же быв Моисей не смеяше смотрити. 33 Рече же ему Господь: изуй сапоги ногу твою, место бо, на немже стоиши, земля свята есть: 34 видя видех озлобление людей Моих, иже во Египте, и стенание их услышах, и снido изяти их: и ныне гряди, посли тя во Египет. 35 Сего Моисея, егоже отринуша, рекше: кто тя постави начальника и судио? Сего Бог князя и избавителя посла рукою Ангела явльшагося ему в купине: 36 сей изведе их, сотвори чудеса и знамения в земли Египетстей и в Чермнem мори, и в пустыни лет четыредесять. 37 Сей есть Моисей рекий сыном Израилевым: Пророка вам воздвигнет Господь Бог ваш от братии вашея яко мене: Того послушайте. 38 Сей есть бывый в церкви в пустыни со Ангелом, глаголавшим ему на горе Синайстей, и со отцы нашими, иже прият словеса жива дати нам, 39 егоже не восхотеша послушати отцы наши, но отринуша и и обратиша сердцем своим во Египет, 40 рекше Аарону: сотвори нам боги, иже предидут пред нами, Моисею бо сему, иже изведе нас от земли Египетской, не вемы, что бысть ему. 41 И сотвориша телца во дни оны, и принесоша жертву идолу, и веселяхуся в делех руку своею. 42 Отвратися же Бог и предаде их служити воем небесным, якоже писано есть в книзе пророк: еда заколения и

жертвы принесосте Ми лет четыредесять в пустыни, доме Израилев? 43 И восприясте скинию Молохову и звезду бога вашего Ремфана, образы, яже сотвористе покланятися им: и преселю вы далее Вавилона. 44 Сень свидения бяше отцем нашим в пустыни, якоже повеле Глаголят Моисеевы сотворити ю по образу, егоже виде: 45 юже и внесоша приемше отцы наши со Иисусом во одержание языков, ихже изрину Бог от лица отец наших, даже до дний Давида: 46 иже обрете благодать пред Богом и испроси обрести селение Богу Иаковлю. 47 Соломон же созда Ему храм. 48 Но Вышний не в рукотворенных церквах живет, якоже пророк глаголет: 49 Небо Мне престол есть, земля же подножие ногама Моима: кий храм созиждете Ми, глаголет Господь, или кое место покоищу Моему? 50 Не рука ли Моя сотвори сия вся? 51 Жестоковийни и необрезанни сердцы и ушесы, вы присно Духу Святому противитесь, якоже отцы ваши, тако и вы: 52 кого от пророк не изгнаша отцы ваши? И убиша предвозвестивши о пришествии Праведного, Егоже вы ныне предателе и убийцы бысте, 53 иже приясте закон устроением Ангелским и не сохранисте. 54 Слышаще же сия, распыхахуся сердцы своими и скрежетаху зубы нань. 55 Стефан же сый исполнъ Духа Свята, возврозв на небо, виде славу Божию и Иисуса стояща о десную Бога, 56 и рече: се, вижу небеса отверста и Сына Человеча о десную стояща Бога. 57 Возопивше же гласом велиим, затыкаху уши свои и устремиша единодушно нань, 58 и изведше вне града, камением побиваху его: и свидетелье (снемше) ризы своя положиша при ногу юноши нарицаемаго Савла, 59 и камением побиваху Стефана, молящася и глаголюща: Господи Иисусе, приими дух мой. 60 Преклонъ же колена, возопи гласом велиим: Господи, не постави им греха сего. И сия рек успе.

8 Савл же бе соизволяя убийству его. Бысть же в той день гонение велие на церковь Иерусалимскую: вси же разсияша по странам Иудейским и Самарийским, кроме Апостол: 2 погребоша же Стефана мужи благоговейни и сотвориша плачъ велий над ним. 3 Савл же озлобляше церковь, в домы входя, и влачя мужы и жены, предаяше в темницу. 4 Разсиявшиша же проходаху, благовествующе слово. 5 Филипп же сошед во град Самарийский, проповедаше им Христа: 6 внимаху же народи глаголемым от Филиппа единодушно, слышаще и видяще знамения, яже творяше: 7 дуси бо нечистии от многих имущих я, вопиюще гласом

велиим, исходжау, мнози же разслабленнии и хромии исцелиша: 8 и бысть радость велия во граде том. 9 Муж же некий, именем Симон, прежде бе во граде волхвия и удивляя язык Самарийский, глаголя некоего быти себе велика, 10 ему же внимаху вси от мала даже до велика, глаголюще: сей есть сила Божия велика. 11 Внимаху же ему, зане довольно время волхвовани удивляше их. 12 Егда же вероваша Филиппу благовествующу яже о Царствии Божии и о имени Иисус Христове, крещауся мужи же и жены. 13 Симон же и сам верова и крещься бе пребывая у Филиппа: видя же силы и знамения велия бываєма, ужасен дивляшеся. 14 Слышавше же иже во Иерусалиме Апостоли, яко прият Самария слово Божие, послаша к ним Петра и Иоанна, 15 иже сошедше помолишаася о них, яко да примут Духа Святаго: 16 еще бо ни на единаго их бе пришел, точию крещени бяху во имя Господа Иисуса: 17 тогда возложиша руце на ня, и прияша Духа Святаго. 18 Видев же Симон, яко возложением рук Апостолских дается Дух Святый, принесе им сребро, 19 глаголя: дадите и мне власть сию, да, на негоже аще положу руце, приимет Духа Святаго. 20 Петр же рече к нему: сребро твое с тобою да будет в погибель, яко дар Божий непещевал еси сребром стяжати: 21 несть ти части ни жребия в словеси сем, ибо сердце твое несть право пред Богом: 22 покайся убо о злобе твоей сей и молися Богу, аще убо отпустится ти помышление сердца твоего: 23 в желчи бо горести и союзе неправды зрю тя суща. 24 Отвешав же Симон рече: помолитеся вы о мне ко Господу, яко да ничтоже сих найдет на мя, яже рекосте. 25 Они же убо, засвидетелствовавше и глаголавше слово Господне, возвратишаася во Иерусалим и многим весем Самарийским благовестиша. 26 Ангел же Господень рече к Филиппу, глаголя: востани и иди на полудне, на путь сходящий от Иерусалима в Газу: и той есть пуст. 27 И востав пойде: и се, муж Мурин, евнух силен Кандакии царицы Муринской, иже бе над всеми сокровиши ея, иже прииде поклонитися во Иерусалим: 28 бе же возвращаяся, и седя на колеснице своей, чтяше пророка Исаию. 29 Рече же Дух к Филиппу: приступи и прилепися колеснице сей. 30 Притех же Филипп услыша его чтуща пророка Исаию и рече: убо разумеши ли, яже чтеши? 31 Он же рече: како убо могу (разумети), аще не кто наставит мя? Умоли же Филиппа, да возшед сядет с ним. 32 Слово же Писания, еже чтяше, бе сие: яко овча на заколение ведеся, и яко агнец прямо стригущему его безгласен, тако не отверзает уст Своих: 33 во смирении Его суд Его взялся, род же Его кто исповесть? Яко

вземлется от земли живот Его. 34 Отвещав же каженик к Филиппу, рече: молю тя, о ком пророк глаголет сие? О себе ли, или о инем некоем? 35 Отверз же Филипп уста своя и начен от Писания сего, благовести ему Иисуса. 36 Якоже идяху путем, придоша на некую воду, и рече каженик: се, вода: что возбраняет ми креститися? 37 Рече же ему Филипп: аще веруеши от всего сердца твоего, мощно ти есть. Отвещав же рече: верую Сына Божия быти Иисуса Христа. 38 И повеле стати колеснице: и снидоста оба на воду, Филипп же и каженик: и крести его. 39 Егда же изыдоста от воды, Дух Святый нападе на каженика: Ангел же Господень восхити Филиппа, и не виде его ктому каженик, идяше бо в путь свой радуяся. 40 Филипп же обретеся во Азоте и проходя благовествоваше градом всем, дондеже приими ему в Кесарию.

9 Савл же, еще дыхая прещением и убийством на ученики Господни, приступль ко архиерю, 2 испроси от него послания в Дамаск к соборищем, яко да аще некия обрящет того пути сущыя, мужы же и жены, связаны приведет во Иерусалим. 3 Внегда же ити, бысть ему приближитися к Дамаску, и внезапу облиста его свет от небесе: 4 и пад на землю, слыша глас глаголющъ ему: Савле, Савле, что Мя гониши? 5 Рече же: кто еси, Господи? Господъ же рече: Аз есь Иисус, Егоже ты гониши: жестоко ти есть противу рожну прати. 6 Трепещя же и ужасаясь глагола: Господи, что мя хощеш творити? И Господъ рече к нему: востани и вниди во град, и речется ти, что ти подобает творити. 7 Мужие же идущии с ним стояху чудящеся, глас убо слышаще, но ни когоже видяще. 8 Воста же Савл от земли и отверстыма очима своими ни единаго видяше: ведуще же его за руку, введоша в Дамаск: 9 и бе дни три не видя, и ни яде, ниже пияше. 10 Бе же некто ученик в Дамасце, именем Анания, и рече к нему Господъ в видении: Анание. Он же рече: се, аз, Господи. 11 Господъ же к нему: востав поиди на стогну нарицаемую Правую и взыщи в дому Иудове Савла именем, Тарсянина: се бо, молитву деет 12 и виде в видении мужа, именем Ананию, вшедша и возложша нань руку, яко да прозрит. 13 Отвеша же Анания: Господи, слышах от многих о мужи сем, колика зла сотвори святым Твоим во Иерусалиме: 14 и где имать власть от архиерей связати вся нарицающыя имя Твое. 15 Рече же к нему Господъ: иди, яко сосуд избран Ми есть сей, пронести имя Мое пред языки и цармы и сыны Израилевыми: 16 Аз бо скажу ему, елика подобает ему о имени Моем пострадати. 17 Пойде же Анания

и вниде в храмину, и возложь нань руце, рече: Савле брате, Господъ Иисус явлеитися на пути, имже шел еси, посла мя, яко да прозриши и исполниши Духа Свята. 18 И абие отпадоша от очио его яко чешуя: прозре же абие, и востав крестися, 19 и приемь пищу, укрепися. Бысть же Савл с сущими в Дамасце учениками дни некия: 20 и абие на сонмищих проповедаше Иисуса, яко Сей есть Сын Божий. 21 Дивляхуся же вси слышаши и глаголаху: не сей ли есть гонивый во Иерусалиме нарицающыя имя сие, и где на сие прииде, да связаны тяя приведет ко архиереем? 22 Савл же паче крепляхеся и смущаше Иудеи живущыя в Дамасце, препирая, яко Сей есть Христос. 23 Якоже исполнишася дни доволни, совещаша Иудеи убити его, 24 уведен же бысть Савлу совет их: стрежаху же врат день и нощь, яко да убият его: 25 поемше же его ученицы нощю, свесиша по стене в кошнице. 26 Пришед же Савл во Иерусалим, покушашеся прилеплятися учеником: и вси бояхуся его, не верующе, яко есть ученик. 27 Варнава же приемь его, приведе ко Апостолом и поведа им, како на пути виде Господа, и яко глагола ему, и како в Дамасце дерзаше о имени Иисусове. 28 И бяше с ними входя и исходя во Иерусалиме и дерзая о имени Господа Иисуса. 29 Глаголаше же и стязашеся с Еллины: они же искаху убить его. 30 Разумевше же братия, сведоша его в Кесарию и отпустиша его в Тарс. 31 Церкви же по всей Иудеи и Галилеи и Самарии имеяху мир, созидающыя и ходяща в страсе Господни, и утешением Святаго Духа умножахуся. 32 И бысть Петру, посещающу всех, снити и ко святым живущым в Лидде: 33 обрете же тамо человека некоего, именем Енеа, от осми лет лежаша на одре, иже бе разслаблен. 34 И рече ему Петр: Ене, исцеляет тя Иисус Христос: востани с постели твою. И абие воста: 35 и видеша его вси живущии в Лидде и во Ассароне, иже обратишася ко Господу. 36 Во Июпии же бе некая ученица, именем Тавифа, яже сказаема глаголется серна: сия бяше исполнена благих дел и милостынь, яже творяше. 37 Бысть же во дни тяя, болевшой ей умрети: омывше же ю, положиша в горнице. 38 Близ же сущей Лидде Июпии, ученицы слышавше, яко Петр есть в ней, послаша два мужа к нему, моляще его не обленитися приими до них. 39 Востав же Петр иде с нима: егоже пришедша возведоша в горницу, и предсташа ему вся вдовици плачуща и показующа ризы и одежды, елика творяше, с ними сущи, Серна. 40 Изгнав же вон вся Петр, преклонъ колена помолися, и обращься к телу, рече: Тавифо, востани. Она же отверзе очи свои,

и видевши Петра, седе. 41 Подав же ей руку, воздвиже ю, и призвав святыя и вдовицы, постави ю живу. 42 Уведано же бысть се по всей Июпии, и мнози вероваша в Господа. 43 Бысть же дни доволны пребыти ему во Июпии у некоего Симона усмаря.

10 Муж же некий бе в Кесарии, именем Корнилий, сотник от спиры нарицающийся Италийский, 2 благовеин и боялся Бога со всем домом своим, творий милостыни многи людем и моляся Богу всегда: 3 виде в видении яве, яко в час девятый дне, Ангела Божия сшедшя к нему и рекша ему: Корнилие. 4 Он же воззрев нань и пристрашен быв рече: что есть, Господи? Рече же ему: молитвы твоя и милостыни твоя взыдоша на память пред Бога: 5 и ныне посли во Июпию мужей и призови Симона, нарицаемаго Петра: 6 сей странствует у некоего Симона усмаря, ему же есть дом при мори: той речет тебе глаголы, в нихже спасешися ты и весь дом твой. 7 И яко же отиде Ангел глаголий Корнилию, пригласив два от рабов своих и воина благочестива от служащих ему 8 и сказав им вся, посла их во Июпию. 9 Воутрие же, путьшествующим им и ко граду приближающимся, взыде Петр на горницу помолитися, о часе шестем. 10 Бысть же приалчен и хотяше вкусити: готовящим же онем, нападе нань ужас, 11 и виде небо отверсто и сходящ нань сосуд некий, яко плащаницу велию, по четырем краем привязан и низу спущаemy на землю, 12 в немже бяху вся четвероногая земли и зверие и гади и птицы небесныя. 13 И бысть глас к нему: востав, Петре, заколи и яждь. 14 Петр же рече: никакоже, Господи, яко николиже ядох всяко скверно или нечисто. 15 И (се) глас паки к нему вторицею: яже Бог очистил есть, ты не скверни. 16 Сие же бысть трищи: и паки взяся сосуд на небо. 17 Яко же в себе недоумевашеся Петр, что бы было видение, еже виде, и се, мужие посланнии от Корнилия, вопрошише и уведевше дом Симонов, сташа пред враты 18 и возглашше вопрошуаху, аще Симон, нарицаемый Петр, зде странствует. 19 Петру же размышляющу о видении, рече ему Дух: се, мужие трие ищут тебе: 20 но востав снди и иди с ними, ничтоже разсуждая: зане Аз послах их. 21 Сошед же Петр к мужем посланным к нему от Корнилия, рече: се, аз есмь, егоже ищете: кая есть вина, еяже ради приидосте? 22 Они же рекоша: Корнилий сотник, муж праведен и боялся Бога, свидетелствован от всего языка Иудейска, увещен есть от Ангела свята призвати тя в дом свой и слышати глаголы от тебе. 23 Призвав же их учреди: наутрие же Петр востав иде с

ними, и нецыи от братий, иже от Июпии, идоша с ним: 24 и наутрие внидоша в Кесарию. Корнилий же бе чая их, созвав сродники своя и любезныя други. 25 Яко же бысть внизи Петру, срете его Корнилий, и пад на ногу его поклонися. 26 Петр же воздвиже его, глаголя: востани: и аз сам человек есмь. 27 И с ним беседуя, вниде и обрете собравшяся многи: 28 рече же к ним: вы весте, яко не лепо есть мужу Иудеанину прилепляти или приходить ко иноплеменнику: и мне Бог показа ни единаго скверна или нечиста глаголати человека: 29 темже и без сомнения придох призван: вопрошаю вы убо, коя ради вины посласте по мене? 30 И Корнилий рече: от четвертаго дне даже до сего часа бех постяся и в девятый час моляся в дому моем: и се, муж ста предо мною во одежди светле 31 и рече: Корнилие, услышана бысть молитва твоя, и милостыни твоя помянувшись пред Богом: 32 посли убо во Июпию и призови Симона, иже нарицаются Петр: сей странствует в дому Симона усмаря близ моря: иже пришед возглаголет тебе. 33 Абис убо послах к тебе, ты же добре сотворил еси пришед: ныне убо вси мы пред Богом предстоим слышати вся повеленная тебе от Бога. 34 Отверз же Петр уста, рече: поистинне разумеваю, яко не на лица зрит Бог, 35 но во всячем языце боялся Его и делаяй правду приятен Ему есть: 36 слово, еже посла сыном Израилевым, благовествуя мир Иисус Христом: Сей есть всем Господь: 37 вы весте глагол бывший по всей Иудеи, наченшийся от Галилеи, по крещении, еже проповеда Иоанн: 38 Иисуса, Иже от Назарета, яко помаза Его Бог Духом Святым и силою, Иже пройде благодателствуя и исцеляя вся насилиованныя от диавола, яко Бог бяше с Ним: 39 и мы есмы свидетеле всех, яже сотвори во стране Иудейстей и во Иерусалиме: Егоже и убиша, повешше на древе. 40 Сего Бог воскреси в третий день и даде Ему явлену быти, 41 не всем людем, но нам свидетелем преднареченным от Бога, иже с Ним ядохом и пихом, по воскресении Его от мертвых: 42 и повеле нам проповедати людем и засвидетелствовати, яко Той есть нареченный от Бога Судия живым и мертвым: 43 о Сем вси пророцы свидетелствуют, оставление грехов прияти именем Его всякому верующему в Онь. 44 Еще же глаголющу Петру глаголы сия, нападе Дух Святый на вся слышащя слово. 45 И ужасоша иже от обрезания вернии, елицы придоша с Петром, яко и на языки дар Святаго Духа излияся: 46 слышау бо их глаголющих языки и величающих Бога. Тогда отвеша Петр: 47 еда воду возбранити может кто, еже не креститися сим, иже Дух Святый прияша, яко же и мы? 48 Повеле же им

креститися во имя Иисус Христово. Тогда молиша его пребыти у них дни некия.

11 Слыша же Апостоли и братия сущии во Иудеи, яко и языцы прияша слово Божие. 2 И егда взыде Петр во Иерусалим, препирахуся с ним иже от обрезания, з глаголюще, яко к мужем обрезания не имущим вшел еси и ял еси с ними. 4 Начен же Петр, сказование им поряду, глаголя: 5 аз бех во граде Июпийстем моляся и видех во ужасе видение, сходящъ сосуд некий, яко плащаницу велию, от четырех краев низпущащему с небесе, и прииде даже до мене: 6 в нюже воззрев смотрях, и видех четвероногая земная и звери и гады и птицы небесныя. 7 Слышах же глас глаголющъ мнѣ: востав, Петре, заколи и яждь. 8 Реч же: никакоже, Господи, яко всяко скверно или нечисто николиже вниде во уста моя. 9 Отвѣща же ми глас вторицю с небесе глаголющъ: яже Бог очистил есть, ты не скверни. 10 Сие же бысть трижды: и паки взяша вся на небо. 11 И се, абие трие мужие сташа пред храминою, в нейже бех, послани от Кесарии ко мне. 12 Рече же ми Дух ити с ними, ничтоже разсуждая: придоша же со мною и шесть братия сии, и внидохом в дом мужа. 13 И возвести нам, како виде Ангела (святы) в дому своем, ставша и рекша ему: посли во Июпию мужы и призови Симона, нарицаемаго Петра, 14 иже речет глаголы к тебе, в нихже спасешися ты и весь дом твой. 15 Внегда же начах глаголати, нападе Дух Святый на них, якоже и на ны в начале. 16 Помянух же глаголгол Господень, якоже глаголаше: Иоанн убо крестил есть водою, вы же имате креститися Духом Святым. 17 Аще убо равен дар даде им Бог, якоже и нам веровавшим в Господа нашего Иисуса Христа, аз же кто бех могий возбранити Бога? 18 Слышавше же сия умолкоша и славляху Бога, глаголюще: убо и языком Бог покаяние даде в живот. 19 Разсеявшиися убо от скорби, бывши при Стефане, придоша даже до Финикии и Кипра и Антиохии, ни единому же глаголюще слово, токмо Иудеем. 20 Бяху же нецы от них мужие Кипрстии и Киринейстии, иже, вшедше во Антиохию, глаголаху к Еллином, благовествующе Господа Иисуса. 21 И бе рука Господня с ними: многое же число веровавше обратишася ко Господу. 22 Слышано же бысть слово о них во ушию церкве сущия во Иерусалиме, и послаша Варнаву преити даже до Антиохии: 23 иже пришед и видев благодать Божию, возрадовася и моляше всех изволением сердца терпети о Господе: 24 яко бе муж благ и исполнъ Духа Свята и веры. И приложися народ мног Господеви. 25

Изыде же Варнава в Тарс взыскати Савла, и обрет его, приведе его во Антиохию: 26 бысть же им лето цело собиратися в церкви и учити народ мног, нарещи же прежде во Антиохии ученики Христианы. 27 В тя же дни снидоша от Иерусалима пророцы во Антиохию: 28 востав же един от них, именем Агав, назнаменаше Духом глад велик хотящъ быти по всей вселенней, иже и бысть при Клавдии кесари: 29 от ученик же, по елику кто имеяше что, изволиша кийждо их на службу послати живущим во Иудеи братиям, 30 еже и сотвориша, пославше к старцем рукою Варнавлею и Савлею.

12 Во оно же время возложи Ирод царь руце озлобити некия иже от церкве, 2 уби же Иакова, брата Иоаннова, мечем: 3 и видев, яко годе есть Иудеем, приложи яти и Петра: бяху же дни опресночни: 4 егоже и емъ всади в темницу, предав четырем четверицам воинов стреци его, хотя по Пасце извести его к людем. 5 И убо Петра стрежаху в темнице: молитва же бе прилежна бываемая от церкве к Богу о нем. 6 Егда же хотяше его извести Ирод, в нощи той бе Петр спя между двема воинома, связан (железном) ужема двема, стражие же пред дверьми стрежаху темницы. 7 И се, Ангел Господень предста, и свет возсия в храмине: толкнув же в ребра Петра, воздвиге его, глаголя: востани вскоре. И спадоша ему ужа (железная) с руку. 8 Рече же Ангел к нему: препояшися и вступи в пленницы твоя. Сотвори же тако. И глагола ему: облецыся в ризу твою и последствуй ми. 9 И изshed вслед его идяше и не ведаше, яко истина есть бывшее от Ангела, мняше же видение зреши. 10 Прошедша же первую стражу и вторую, приидоста ко вратом железным, вводящым во град, яже о себе отверзоша има: и изshedша преидоста стогну едину, и абие отступи Ангел от него. 11 И Петр быв в себе, рече: ныне вем воистинну, яко посла Бог Ангела Своего и изят мя из руки Иродовы и от всего чаяния людий Иудейских. 12 Смотрив же прииде в дом Марии матере Иоанна, нарицаемаго Марка, идеже бяху мнози собрани и молящеся. 13 Толкнувшу же Петру во врата двора, приступи слышати отроковица, именем Роди, 14 и познавши глас Петров, от радости не отверзе врат, притекши же сказа Петра стояща пред враты. 15 Они же к ней решаша: беснуушися ли? Она же крепляшеся тако быти. Они же глаголаху: Ангел его есть. 16 Петр же пребываще толкий: отверзше же видеша его и ужасоша. 17 Помаав же им рукою молчали, сказа им, како Господь его изведе из темницы: рече же:

возвестите Иакову и братиям сия. И изшед иде во ино место. 18 Бывшу же дню, бе молва не мала в воинах, что убо Петру бысть: 19 Ирод же, поискав его и не обрет и истязав стражы, повеле отвести их: и изшед от Иудеи в Кесарнию, живяше. 20 Бе же Ирод гневаяся на Тирияны и Сидоняны: иже единодушно придоша к нему, и умоловиша Власта постельника царева, прошаху мира, понеже страны их от царства его питахуся. 21 В нареченный же день Ирод, оболкся во одежду царскую и сед на судище пред народом, глаголаше к ним, 22 народ же возглашаше: глас Божий, а не человечь. 23 Внезапу же порази его Ангел Господень, зане не даде славы Богу: и быв червьми изяден, издеш. 24 Слово же Божие растяше и множашеся. 25 Варнава же и Савл возвратистася из Иерусалима во Антиохию, исполнивша службу, поемша с собою и Иоанна, нарицаемаго Марка.

13 Бяху же нецыи во церкви сущей во Антиохии пророцы и учитель: Варнава же и Симеон нарицаемый Нигер, и Лукий Киринеанин, и Манаил со Иродом четвертовластником воспитанный, и Савл. 2 Служащым же им Господеви и постящимся, рече Дух Святый: отделите Ми Варнаву и Савла на дело, на неже призывах их. 3 Тогда постившеся и помолившеся и возложше руки на ня, отпустиша их. 4 Сия убо, послана бывша от Духа Свята, снидоста в Селевкию, оттуду же отплыста в Кипр, 5 и бывша в Саламине, возвещаста слово Божие в сонмищих Иудейских: имеяста же и Иоанна слугу. 6 Прошедша же остров даже до Пафа, обретоста некоего мужа волхва лжепророка Иудеанина, ему же имя Варисус, 7 иже бе со анфипатом Сергием Павлом, мужем разумным. Сей призвав Варнаву и Савла, взыска услышати слово Божие: 8 сопротивляшеся же има Елима волхв, тако бо скажется имя его, искый развратити анфипата от веры. 9 Савл же, иже и Павел, исполнился Духа Свята, и воззрев нань, 10 рече: о, исполнение всякия льсти и всякия злобы, сыне диаволь, враже всякия правды, не престанеши ли развращая пути Господни правыя? 11 И ныне, се, рука Господня на тя, и будеши слеп, не видя солнца до времене. Внезапу же нападе нань мрак и тма, и осязая искаше вожда. 12 Тогда видев анфипат бывшее, верова, дивяся о учении Господни. 13 Отвездешася же от Пафа Павел и сущии с ним, придоша в Пергию Памфилийскую: Иоанн же, отлучився от них, возвратися во Иерусалим. 14 Они же, прошедшо от Пергии, придоша во Антиохию Писидийскую, и вшедше в сонмище в день субботный, седоша. 15

По чтении же закона и пророк, послаша начальницы сонмища к ним, глаголюще: мужие братие, аще есть слово в вас утешения к людем, глаголите. 16 Востав же Павел и помаав рукою, рече: мужие Израильяне и боящися Бога, услышите: 17 Бог людий сих избра отцы наша и люди вознese в пришествии в земли Египетстей, и мышцею высокою изведе их из нея 18 и до четыредесяти лет препита их в пустыни: 19 и низложив язык седьм в земли Ханаанстей, даде им в наследие землю их, 20 и по сих, яко лет четыреста и пятьдесят, даде им судии до Самуила пророка: 21 и оттуду просиша царя, и даде им Бог Саула сына Кисова, мужа от колена Вениаминова, лет четыредесять: 22 и преставль его, воздвиге им Давида в царя, ему же и рече свидетелствовав: обретох Давида сына Иессеова, мужа по сердцу Моему, иже сотворит вся хотения Моя. 23 От сего семене Бог по обетованию воздвиге Израилю Спасение Иисуса, 24 проповедавшу Иоанну пред лицем внимия Его крещение покаяния всем людем Израилевым. 25 И яко же скончаваше Иоанн течение, глаголаше: кого мя нещуете быти? Несмь аз, но се, грядет по мне, Ему же несмь достоин разрешити ремень сапогу Его. 26 Мужие братие, сынове рода Авраамля, иже в вас боящися Бога, вам слово спасения сего послася. 27 Живущии бо во Иерусалиме и князи их, сего не разумевше, и гласы пророческия по вся субботы чомяя, осудивше (Его), исполниша, 28 и ни единяя вины смертныя обретше, просиша у Пилата убить Его: 29 яко же скончаша вся, яже о Нем писана, снемше с дерева, положиша во гробе. 30 Бог же воскреси Его от мертвых: 31 иже являшеся во дни многи совозшедшим с Ним от Галилеи во Иерусалим, иже ныне суть свидетели Его к людем. 32 И мы вам благовествуем обетование бывшее ко отцем, яко сие Бог исполнил есть нам чадом их, воздвиг Иисуса, 33 яко же и во псалме вторем писано есть: Сын Мой еси Ты, Аз днесъ родих Тя. 34 А яко же воскреси Его от мертвых, не кому хотяща возвратитися во истление, сице рече: яко дам вам преподобная Давидова верная. 35 Темже и в другом глаголет: не даси Преподобному Твоему видети истление. 36 Давид бо, своему роду послужив Божиим советом, успе, и приложися ко отцем своим, и виде истление: 37 а Егоже Бог воздвиге, не виде истления. 38 Ведомо убо да будет вам, мужие братие, яко Его ради вам оставление грехов проповедается: 39 и от всех, от нихже не возможосте в законе Моисееве оправдитися, о Сем всяк веруяй оправдается. 40 Блюдите убо, да не приидет на вас реченое во пророцах: 41 видите,

нерадивии, и чудитеся, и узрите и исчезнете: яко дело Аз соделаю во дни ваша, ему же не имате веровати, аще кто повесть вам. 42 Исходящим же им от сонмища Иудейска, моляху языцы в другую субботу глаголатися им глаголом сим: 43 разшедшуся же собору, последоваша мнози от Иудей и честивых пришлец Павлу и Варнаве, иже, глаголюща им, увещаста их пребывати в благодати Божией. 44 Во грядущую же субботу мало не весь град собрася послушати слова Божия: 45 видевше же Иудеи народы, исполнишася зависти и вопреки глаголаху глаголемым от Павла, сопротив глаголюще и хуляще. 46 Дерзнувша же Павел и Варнава рекоста: вам бе лепо первое глаголати слово Божие: а понеже отвергосте е и недостойны творите сами себе вечному животу, се, обращаемся во языки: (αἰῶνιος γιγνέσθαι) 47 тако бо заповеда нам Господь: положих Тя во свет языком, еже быти Тебе во спасение даже до последних земли. 48 Слышаще же языцы радовахуся и славляху слово Господне, и вероваша, елицы учинени бяху в жизнь вечную: (αἰῶνιος γιγνέσθαι) 49 проношашеся же слово Господне по всей стране. 50 Иудеи же наутиша честивыя жены и благообразныя и старейшины града, и воздвигоша гонение на Павла и Варнаву, и изгнаша я от предел своих. 51 Она же, отрясша прах от ног своих на них, приидста во Иконию. 52 Ученицы же исполняхуся радости и Духа Свята.

14 Бысть же во Иконии, вкупе внити има в сонмище Иудейское и глаголати тако, яко веровати Иудеев и Еллинов множеству многу. 2 Неверующии же Иудеи воздвигоша и озлобиша души языков на братию. 3 Доволно же убо время пребыста дерзающа о Господе, Свидетелствующем слову благодати Своей и дающем знамения и чудеса быти рукама их. 4 Разделишажеся множество града, и ови убо бяху со Иудеи, ови же со Апостолы. 5 И егда бысть стремление языком же и Иудеем с начальники их досадити и камением побити их, 6 уведевша же прибегоста во грады Ликаонсия, в Листру и Дервию, и во окрестныя их, 7 и тамо беста благовествующа. 8 И некто муж в Листрех немощен ногама седяше, хром от чрева матере своея сый, иже николиже бе ходил. 9 Сей слышаше Павла глаголюща: иже воззрев нань и видев, яко веру имать здрав быти, 10 рече велиим гласом: тебе глаголю во имя Господа Иисуса Христа, встани на ногу твою прав. И аbie возскочи и хождаше. 11 Народи же видевше, еже сотвори Павел, воздвигоша глас свой, ликаонски глаголюще: бози уподобльшеся человеком сидоша к нам. 12 Нарицаху

же убо Варнаву Диа, Павла же Ермия, понеже той бяше начальник слова. 13 Жрец же Диев, сущаго пред градом их, приведе юнцы и (принесе) венцы пред врата, с народы хотяше жрети. 14 Слышавша же Апостола Варнава и Павел, растерзавша ризы своя, вскочиста в народ, зовуща и глаголюща: 15 мужие, что сия творите? И мы подобострастна есма вам человека, благовествующа вам от сих суетных обращатися к Богу Живу, Иже сотвори небо и землю и море и вся, яже в них: 16 Иже в мимошедшия роды оставил бе вся языки ходити в путех их: 17 и убо не несвидетелствована Себе остави, благовторя, с небесе нам дожди дая и времена плодоносна, исполняя пищею и веселием сердца наша. 18 И сия глаголюща, едва устависта народы не жрети има, но отити коемуждо во своя си. Пребывающема же има и учащема, 19 придоша от Антиохии и Иконии нецыи Иудеи, и стязающемся има с дерзновением, наутиша народы отступити от нею, глаголюще, яко ничтоже истинно глаголета, но все лжета. И наутивша народы и камением побивше Павла, извлекоша вне града, мняще его умерша. 20 Окрест же ставшым его учеником, востав вниде во град и наутрие изыде с Варнавою в Дервию. 21 Благовестовавша же граду тому и научивша многи, возвратистася в Листру и Иконию и Антиохию, 22 утверждающа души учеников, моляща пребыти в вере, и яко многими скорбьми подобает нам внити в Царствие Божие. 23 Рукоположжа же им пресвитеры на вся церкви и помолившася с постом, предаста их Господеви, в Негоже увероваша. 24 И прошедша Писидию, приидста в Памфилию: 25 и глаголавша в Пергии слово Господне, снидоста во Атталию 26 и оттуду отплыста во Антиохию, отнюдуже беста предана благодати Божией в дело, еже скончаста. 27 Пришедша же и собравша церковь, сказаста, елика сотвори Бог с нима и яко отверзе языком дверь веры: 28 пребыста же тамо время не мало со ученики.

15 И нецыи сшедше от Иудеи, учаху братию, яко аще не обрежетеся по обычаяу Моисеову, не можете спастися. 2 Бывшей же распри и сязанию не малу Павлу и Варнаве к ним, учиниша взыти Павлу и Варнаве и неким другим от них ко Апостолом и старцем во Иерусалим о вопрошении сем. 3 Они же убо, пред посланы бывше от церкве, прохождаху Финикию и Самарию, поведающе обращение языков, и творяху радость велию всей братии. 4 Пришедше же во Иерусалим, прияти быша от церкве и Апостол и старец, сказаша же, елика сотвори Бог с ними и яко отверзе языком дверь веры. 5 Восташа же

нецы от ереси фарисейских веровавшии, глаголюще, яко подобает обрезати их, завещавати же блюсти закон Моисеев. 6 Собраша же Апостоли и старцы ведети о словеси сем. 7 Многу же взысканию бывшу, востав Петр рече к ним: мужие братие, вы весте, яко от дний первых Бог в нас избра усты моими услышати языком слово Благовестия и веровати: 8 и Сердцеведец Бог свидетелствова им, дав им Духа Святаго, якоже и нам, 9 и ничтоже разсуди между нами же и онеми, верою очищь сердца их: 10 ныне убо что искушаете Бога, (хотяще) возложити иго на выи учеником, егоже ни отцы наши, ни мы возможохом понести? 11 Но благодатию Господа Иисуса Христа веруем спастися, якоже и они. 12 Умолча же все множество и послушаху Варнавы и Павла поведающею, елика сотвори Бог знамения и чудеса во языщах има. 13 По умолчании же ею, отвеща Иаков глаголя: мужие братие, послушайте мене: 14 Симеон поведа, яко прежде Бог посети прияти от языка людии о имени Своем: 15 и сему согласуют словеса пророк, якоже пишет: 16 по сих обращуся и созижду кров Давидов падший, и раскопаная его созижду и исправлю его, 17 яко да взыщут прочии человечы Господь, и вси языцы, в нихже наречеся имя Мое, глаголет Господь, творяй сия вся. 18 Разумна от века суть Богови вся дела Его. (aiōn g165) 19 Сего ради аз сужду не стужати от язык обращающыся к Богу, 20 но заповедати им обретати от треб идолских и от блуда и удавленины и от крове, и елика неугодна себе суть, иным не творити. 21 Моисей бо от родов древних по всем градом проповедающыя его имать, в сонмищих по вся субботы чтомый. 22 Тогда изволися Апостолом и старцем со всею церковию, избравше мужа от них, послати во Антиохию с Павлом и Варнавою, Иуду нарицаемаго Варсаву, и Силу, мужа нарочита в братии, 23 написавше рукама их сия: Апостоли и старцы и братия, сущым во Антиохии и Сирии и Киликии братиям, иже от язык, (о Господе) радоватися. 24 Понеже слышахом, яко нецы от нас изшедше возмутиша вас словесы, развращающе души вашя, глаголюще обрезати и блюсти закон, имже мы не завещахом: 25 изволися нам собравшимся единодушно, избранныя мужы послати к вам, с возлюбленными нашими Варнавою и Павлом, 26 человекома предавшему души своя о имени Господа нашего Иисуса Христа: 27 послахом убо Иуду и Силу, и тех словом сказующих таяжде: 28 изволися бо Святому Духу и нам, ничтоже множае возложити вам тяготы, разве нуждных сих: 29 обретатися от идоложертвенных и крове, и удавленины и блуда: и елика не хощете вам

быти, другим не творите: от нихже соблюдающе себе, добре сотворите. Здравствуйте. 30 Они же убо послани бывше прииоша во Антиохию, и собравше народ, вдаша послание. 31 Прочетше же, возрадовашася о утешении. 32 Иуда же и Сила, и та пророка суща, словом мнозем утешиста братию и утвердиста. 33 Пребывша же тамо время, отпущена быста с миром от братий ко Апостолом. 34 Изволися же Силе пребыти тамо, Иуда же возвратися во Иерусалим. 35 Павел же и Варнава живяста во Антиохии, учаща и благовестующа слово Господне, и со инеми многими. 36 По неких же днех рече Павел к Варнаве: возвращающеся подобает посетити братию нашу во всех градех, в нихже проповедахом слово Господне, како пребывают. 37 Варнава же восхоте пойти с собою Иоанна нарицаемаго Марка: 38 Павел же глаголаше отступльшаго от наю от Памфилии и не шедшаго с нами на дело, на неже послани быхом, не пойти сего с собою. 39 Бысть убо распра, яко отлучитися има от себе: Варнава убо поемь Марка отплы в Кипр: 40 Павел же избрав Силу изыде предан благодати Божией от братий, 41 проходаша же Сирию и Киликию, утверждая церкви.

16 Прииде же в Дервию и Листру. И се, ученик некий бе ту, именем Тимофеем, сын жены некия Иудеаныни верны, отца же Еллина: 2 иже свидетелствован бе от сущих в Листрех и Иконии братии. 3 Сего восхоте Павел с собою изыти: и приемь обреза его, Иудей ради сущих на местех онех: ведяжу бо вси отца его, яко Еллин бяше. 4 И якоже проходаху грады, предаяще им хранити уставы сужденныя от Апостол и старец, иже во Иерусалиме. 5 Церкви же утверждахуся верою и прибываху в число по вся дни. 6 Прошедше же Фригию и Галатийскую страну, возбранени (быша) от Святаго Духа глаголати слово во Асии. 7 Пришедше же в Мисию, покушахуся в Вифинию пойти: и не остави их Дух. 8 Прошедше же Мисию, сидиша в Троаду. 9 И видение в нощи явися Павлу: муж некий бе Македонянин стоя, моля его и глаголя: пришед в Македонию, помози нам. 10 И якоже видение виде, аbie взыскахом изыти в Македонию, разумевше, яко призыва ны Господь благовестити им. 11 Отвездеся же от Троады, придохом в Самофрак, воутрие же в Неаполь, 12 оттуду же в Филиппы, иже есть первый град части Македонии, колония. Бехом же в том граде пребывающе дни некия. 13 В день же субботный изыдохом вон из града при рече, идеже мняшеся молитвенница быти, и седше глаголахом к собравшимся женам. 14 И некая жена, именем Лидиа, порфиропродалинца от града

Фиатирского, чтущи Бога, послушаше: ейже Господь отверзе сердце внимати глаголемым от Павла. **15** Якоже крестися та и дом ея, моляще ны глаголющи: аще усмотристе мя верну Господеви быти, вшедше в дом мой, пребудите. И принуди нас. **16** Бысть же идущым нам на молитву, отроковица некая имущая дух пытлив спрете нас, яже стяжение много даяше господем своим волхвующи. **17** Та последовавши Павлу и нам, взываще глаголющи: сии человечы раби Бога Вышнего суть, иже возвещают нам путь спасения. **18** Се же творяше на многи дни. Стужив же си Павел и обращься, духови рече: запрещаю ти именем Иисуса Христа, изыди из нея. И изыде в том часе. **19** Видевше же господие ея, яко изыде надежда стяжания их, поемше Павла и Силу, влекоша на торг ко князем, **20** и приведше их к воеводам, решаси сии человечы возмущают град наш, Иудеи суще, **21** и завещавают обычай, яже не достоит нам принимати ни творити, Римляном сущым. **22** И снideся народ на них, и воеводы растерзавше има ризы, веляху палицами бити их: **23** многи же давше има раны, всадиша в темницу, завещавше темничному стражу твердо стреци их: **24** иже таково завещание приемь, всади их во внутреннюю темницу и ноги их заби в кладе. **25** В полунощи же Павел и Сила молящася пояста Бога: послушау же их юзники. **26** Внезапу же трус бысть велий, яко поколебатися основанию темничному: отверзошася же аbie двери вся, и всем юзы ослабеша. **27** Возбуждясь же темничный страж и видев отверсты двери темницы, извлек нож, хотяше себе убити, мня избегшя юзники. **28** Возгласи же гласом велиим Павел глаголя: ничтоже сотвори себе зла, вси бо есмы зде. **29** Просив же свещи вскочи, и трепетен быв, припаде к Павлу и Силе, **30** и извед их вон, рече: господие, что ми подобает творити, да спасуся? **31** Она же рекоста: веруй в Господа Иисуса Христа, и спасешися ты и весь дом твой. **32** И глаголаста ему слово Господне, и всем, иже в дому его. **33** И поемь я в тойже час нощи, измы от ран и крестися сам и свои ему вси аbie: **34** введ же я в дом свой, постави трапезу и возрадовася со всем домом своим, веровав Богу. **35** Дню же бывшу, послаша воеводы паличники, глаголюще: отпусти человека она. **36** Сказа же темничный страж словеса сия Павлу, яко послаша воеводы, да отпущенна будета: ныне убо изшедша, идита с миром. **37** Павел же рече к ним: бивше наю пред людьми, неосужденна человека Римлянина суща, всадиша в темницу, и ныне отай изводят наю? Ни бо: но да пришедше сами изведут наю. **38** Сказаша же паличники воеводам глаголы

сия: и убояшася слышавше, яко Римлянина еста. **39** И пришедше умолиша их и изведше моляху изыти из града. **40** Изшедша же из темницы приидоста к Лидии, и видевша братию, утешила их и изыдоста.

17 Прешедша же Амфиполь и Аполлонию, внидоста в Солунь, идеже бе сонмище Иудейское. **2** По обычю же своему Павел вниде к ним и по субботы три стязашеся с ними от Писаний, **3** сказуя и предлагая им, яко Христу подобаше пострадати и воскреснути от мертвых, и яко Сей Иисус, Егоже аз проповедую вам, есть Христос. **4** И нецы от них вероваша и приложиша к Павлу и Силе, от честивых Еллин множество много и от жен благородных не мало. **5** Возревновавше же непокоршился Иудеи и приемше крамолники некия мужы злые, и собравше народ, моляху по граду: нашедше же на дом Иассонов, искаху их извести к народу. **6** Не обретше же их, влечаху Иассона и некия от братий ко градоначалником, вопиюще, яко, иже развратиша вселенную, сии и зде приидоша, **7** ихже прият Иассон: и сии вси противно велению кесаревым творят, царя глаголюще иного быти, Иисуса. **8** Смятоша же народ и градоначалники слышащя сия: **9** вземше же доволное от Иассона и от прочих, отпустиша их. **10** Братия же аbie в нощи отслаша Павла и Силу в Берию: иже пришедша, идоста в собор Иудейский. **11** Сии же бяху благороднейши живущих в Солуни, иже прияша слово со всем усердием, по вся дни разсуждающе Писания, аще суть сия тако. **12** Мнози убо от них вероваша, и от Еллинских жен благообразных и мужей не мало. **13** И яко уведаша иже от Солуния Иудеи, яко и в Берии проповедася от Павла слово Божие, приидоша и тамо движуще и смущающе народы. **14** Аbie же тогда братия отпустиша Павла ити на поморие: осталста же Сила и Тимофеи тамо. **15** Провождающи же Павла ведоша его даже до Афин, и приемше заповедь к Силе и Тимофею, да яко скорее приидут к нему, изыдоша. **16** Во Афинех же ждущи их Павлу, раздражашеся дух его в нем зрящем идол полн сущь град. **17** Стязашеся же убо на сонмищи со Иудеи и с честивыми, и на торжищи по вся дни с приключющимися. **18** Нецы же от епикур и от стоик философ стязахуся с ним: и нецы глаголаху: что убо хощет сусловивый сей глаголати? Ини же: чуждих богов мнится проповедник быти: яко Иисуса и воскресение благовествование им. **19** Поемше же его, ведоша на ареопаг, глаголюще: можем ли разумети, что новое сие глаголемое тобою учение? **20** Странна бо некая влагаеши

во ушеса наша: хощем убо разумети, что хотят сия быти? 21 Афине же вси и приходящии страннии ни во чуже ино упражняхуся, разве глаголати что или слышати новое. 22 Став же Павел посреде ареопага, рече: мужие Афинейстии, по всему зрю вы аки благочестивыя: 23 проходя бо и соглядая чествования ваша, обретох и капище, на немже бе написано: неведомому Богу. Егоже убо не ведуще (благолепне) чтете, Сего аз проповедую вам. 24 Бог сотворивый мир и вся, яже в нем, Сей небесе и земли Господь сый, не в рукотворенных храмех живет, 25 ни от рук человеческих угождения приемлет, требуя что, Сам дая всем живот и дыхание и вся: 26 сотворил же есть от единыя крове весь язык человечь, жити по всему лицу земному, уставив предучиненая времена и пределы селения их, 27 взыскати Господа, да поне осяжут Его и обрящут, яко не далече от единаго коегождо нас суща: 28 о Нем бо живем и движемся и есмы, якоже и нецы от ваших книжник рекоша: Сего бо и род есмы. 29 Род убо суще Божий, не должны есмы непещевати подобно быти Божество злату, или сребру, или каменю художне начертану, и смышлению человечу: 30 лета убо неведения презирая Бог, ныне повелевает человеком всем всюду покаятися: 31 зане уставил есть день, в онъже хощет судити вселенней в правде, о Мужи, Егоже предустави, веру подая всем, воскресив Его от мертвых. 32 Слышавше же воскресение мертвых, овии убо ругахуся, овии же реша: да слышим тя паки о семе. 33 И тако Павел изыде от среды их. 34 Нецы же мужие прилепившися ему, вероваша: в нижне бе и Дионисий Ареопагитский, и жена именем Дамарь, и друзии с ними.

18 По сих же отлучився Павел от Афин, прииде в Коринф: 2 и обрет некоего Иудеанина именем Акилу, Понтиянина родом, ново пришедша от Италии, и Прискиллу жену его: зане повелел бяше Клавдий отлучитися всем Иудеем от Рима: прииде к ним, 3 и зане единохудожником быти им, пребыть у них и делаше: бяху бо скиноторцы хитростию. 4 Стязашеся же на сонмищах по вся субботы и препираше Иудеи и Еллины. 5 И егда снидоста от Македонии Сила же и Тимофея, тужаше духом Павел, свидетелствуя Иудеом Иисуса быти Христа. 6 Противящимся же им и хулящим, отряс ризы своя, рече к ним: кровь ваша на главах ваших: чист аз, отныне во языки иду. 7 И прешед оттуду, прииде в дом некоего именем Иуста, чтуща Бога, ему же храмина бе вскрай сонмища. 8 Крисп же начальник собора верова Господеви со всем домом своим, и мнози от Коринфян

слушавше вероваху и крещахуся. 9 Рече же Господь в видении нощнем Павлу: не бойся, но глаголи и да не умолкнеши, 10 зане Аз есмь с тобою, и никто же приложит озлобити тя: зане людие суть Ми мнози во граде сем. 11 Пребыть же тамо лето и месяц шесть, уча в них слову Божию. 12 Галлиону же антипату сущу во Ахали, нападоша единодушно Иудеи на Павла и приведоша его на судилище, 13 глаголюще, яко противу закону сей увещавает человеки чтити Бога. 14 Хотяще же Павлу отверсти уста, рече Галлион ко Иудеем: аще убо неправда была бы кака или дело злое, о, Иудеи, по слову послушал бых вас: 15 аще ли же стязания суть о словеси и о именех и о законе вашем, ведите сами: судия бо аз сим не хощу быти. 16 И изгна их от судилища. 17 Емше же вси Еллини Сосфена начальника собора, бяху пред судилищем: и ни едино о сих Галлиону радение бысть. 18 Павел же, еще пребыв дни доволны и целовав братию, отплы в Сирию, и с ним Акила и Прискилла, остриг главу в Кегхреих: обрекся бо бе. 19 Присты же во Ефесе и тех остави тамо, сам же вшед в сонмище, стязашеся со Иудеи. 20 Молящым же им его на много время пребыти у них, не изволи, 21 но отречеся им, глаголя, яко подобает ми всяко праздник грядущий сотворити во Иерусалиме: паки же возвращуся к вам, Богу хотяще. И отвезеся от Ефеса: Акила же и Прискилла осталася во Ефесе. 22 И сошед в Кесарию, возшед и целовав церковь, сниде во Антиохию, 23 и сотворъ время некое, изыде, проходя поряду Галатийскую страну и Фригию, утверждая вся ученики. 24 Иудеанин же некто, Аполлос именем, Александрянин родом, муж словесен, прииде во Ефес, силен сый в книгах. 25 Сей бе оглашен пути Господню, и горя духом, глаголаше и учаще известно яже о Господе, ведый токмо крещение Иоанново. 26 Сей же начат дерзати на сонмищах. Слышавша же его Акила и Прискилла, прияты его и известнее тому сказаста путь Господень. 27 Хотяще же ему преити во Ахалию, предпославше братия написаша учеником прияти его: иже пришед тамо пособствова много веровавшим благодатию: 28 твердо бо Иудеи не престая обличаше пред людьми, сказуя Писаными, Иисуса быти Христа.

19 Бысть же внегда быти Аполлосу в Коринфе, Павел, прошед вышния страны, прииде во Ефес, и обрет некия ученики, 2 рече к ним: аще убо Дух Свят прияли есте веровавше? Они же реша к нему: но ниже аще Дух Святый есть, слышахом. 3 Рече же к ним: во что убо крестистесь? Они же рекоша: во Иоанново крещение. 4

Рече же Павел: Иоанн убо крести крещением покаяния, людем глаголя, да во Грядущаго по нем веруют, сиречь во Христа Иисуса. 5 Слышавше же крестиша во имя Господа Иисуса, 6 и возложшу Павлу на ня руце, прииде Дух Святый на ня, глаголаху же языки и пророчествоваху. 7 Бяше же всех мужей яко дванадесять. 8 Вшед же в сонмище, дерзаше, не обинуяся три месяцы беседуя и уверяя, яже о Царствии Божии. 9 И егда нецы ожесточахуся и пряхуся, злословяще путь Господень пред народом, отступль от них отлучи ученики, по вся дни стязаяся во училищи мучителя некоего. 10 Сие же бысть два лета, яко всем живущим во Асии слышати слово Господа Иисуса, Жидом же и Еллином. 11 Силы же не прости творяше Бог рукама Павловыма, 12 яко и на недужныя наносити от (пота) тела его главотяжы и убрусцы, исцелитися им от недуг, и духом лукавым исходити от них. 13 Начаша же нецы от скитающихся Иудей заклинателей именовати над имущими духи лукавыя имя Господа Иисуса, глаголюще: заклинаем вы Иисусом, Егоже Павел проповедует. 14 Бяжу же нецы сынове Скевы Иудеанина архиереа седьмь, иже сие творяху. 15 Отвещав же дух лукавый рече: Иисуса знаю и Павла свем, вы же кто есте? 16 И скяя на них человек, в немже бе дух лукавый, и одолев им, укрепися на них, якоже нагим и ураненым избежати от храма онаго. 17 Сие же бысть разумно всем живущим во Ефесе Иудеем же и Еллином, и нападе страх на всех их, и величашеся имя Господа Иисуса: 18 мнози же от веровавших приходжаху, исповедающе и сказающе дела своя: 19 доволни же от сотворших чародеяния, собравше книги своя, сожигаху пред всеми: и сложиша цены их и обретоша сребра пять тем. 20 Сице крепко слово Господне растяше и крепляшеся. 21 И якоже скончашася сия, положи Павел в дусе, прошед Македонию и Ахайю, ити во Иерусалим, рек, яко бывшу ми тамо, подобает ми и Рим видети. 22 Послав же в Македонию два от служащих ему, Тимофеа и Ерасту, сам же пребысть время во Асии. 23 Бысть же во время оно молва не мала о пути Господни: 24 Димитрий бо некто именем, сребрековачь, творя храмы сребряны Артемиде, подаяше хитрецем делание не мало, 25 ихже собрав и ины сицевых вещей делатели, рече: мужие, весте, яко от сего делания доволство житио нашему есть: 26 и видите и слышите, яко не токмо Ефес, но мало не всю Асию Павел сей препрев, обрати мног народ, глаголя, яко не суть бози, иже руками человеческими бывают: 27 не токмо же сия беду приемлет наша часть, еже бы во обличение не приими,

но дабы и великия богини Артемиды храм ни во чже не вменился, имать же разоритися и величество ея, юже вся Асия и вселенная почитает. 28 Слышавше же и бывше исполнени ярости, вопияху глаголюще: велика Артемида Ефесская. 29 И исполнися град весь мятежа: устремиша же единодушно на позорище, восхищше Гаиа и Аристарха Македоняны, други Павловы. 30 Павлу же хотящу внити в народ, не оставляху его ученицы: 31 нецы же от Асийских начальник, суще ему друзи, пославше к нему, моляху не вдати себе в позор. 32 Друзии же убо ино нечто вопияху: бе бо собрание смущено, и множайши от них не ведяху, чесо ради собрата. 33 От народа же избраша Александра, изведшым его Иудеем. Александр же, помаав рукою, хотяше отвещати народу. 34 Разумевше же, яко Иудеанин есть, глас бысть един от всех, яко на два часа вопиющих: велика Артемида Ефесская. 35 Утишив же книжник народ, рече: мужие Ефесстии, кто бо есть человек, иже не весть, яко Ефесский град служитель есть великия богини Артемиды и Диопета? 36 Без всякаго убо прекословия сим сице сущым, потребно есть вам безмолвным быти и ничтоже безчинно творити: 37 приведосте бо мужей сих, ни храм (Артемидин) окрадших, ниже богиню вашу хулящих: 38 аще убо Димитрий и иже с ним художници имут к кому слово, суды суть и анфипати суть: да поемлют друг на друга: 39 аще ли же что о иных ищете, в законнем собрании разрешится: 40 ибо бедствием порицаеми быти о крамоле днешней, ни единей вине сущей, о нейже возможем воздати слово стремления сего. 41 И сия рек распусти собравшийся народ.

20 По утишении же молвы, призвав Павел ученики, утишив и целовав их, изыде ити в Македонию. 2 Прошед же страны оны и утишив их словом многим, прииде во Елладу: 3 пожив же месяцы три, бывшу нань навету от Иудей, хотящу отвездитися в Сирию, бысть хотение возвратитися сквозе Македонию. 4 Последова же ему даже до Асии Сосипатр Пирров Берянин, Солуняне же Аристарх и Секунд, и Гай Дервянин и Тимофей, Асиан же Тихик и Трофим. 5 Сии предшедше ждаху нас в Троаде. 6 Мы же отвезохомся по днех опресночных от Филипп и придохом к ним в Троаду во днех пяти, идеже пребыхом днй седьмь. 7 Во едину же от суббот, собравшымся учеником преломити хлеб, Павел беседоваше к ним, хотя изыти на утрии, простре же слово до полуночи. 8 Бяжу же свещы многи в горнице, идеже бехом собрани. 9 Седя же некто юноша, именем

Евтих, во окне, отягчен сном глубоким, глаголющу Павлу о мнозе, преклонясь от сна, паде от трекровника долу, и взяша его мертвa. 10 Сошед же Павел нападе нань, и объемь его рече: не молвите, ибо душа его в нем есть. 11 Возшед же и преломль хлеб и вкушь, доволно же беседовав даже до зари, и тако изыде. 12 Приведоша же отрока жива и утешишася не мало. 13 Мы же, пришедшe в корабль, отвезохомся во Ассон, оттуду хотящe пояти Павла: тако бо нам бe повелел, хотя сам пeши ити. 14 И якоже снideся с нами во Ассоне, вземше его приидохом в Митилин. 15 И оттуду отвезшeся, во утрие пристахом противу Хию, в другой же отвезохомся в Самон, и пребывше в Тропиллии, в грядущий же день приидохом в Милит: 16 суди бо Павел мимо ити Ефес, яко да не будет ему закоснети во Асии, тщашебося, аще возможно будет, в день Пятьдесятный быти во Иерусалиме. 17 От Милита же послав во Ефес, призыва пресвитеты церковныя, 18 и якоже приидоша к нему, рече к ним: вы весте, яко от первого дне, отнелиже приидох во Асию, како с вами все время бых, 19 работая Господеви со всяким смиреномудрием и многими слезами и напастями, прилучившимися мне от Иудейских навет: 20 яко ни в чесом от полезных обинухся, еже сказать вам и научити вас пред людьми и по домом, 21 засвидетелствуя Иудеем же и Еллином еже к Богу покаяние и веру яже в Господа нашего Иисуса Христа. 22 И ныне, се, аз связан Духом гряду во Иерусалим, яже в нем хотящa приключитися мне не ведый: 23 точию яко Дух Святый по вся грады свидетельствует, глаголя, яко узы мене и скорби ждут. 24 Но ни едино же попечение творю, ниже имам душу мою честну себе, разве еже скончати течение мое с радостию и службу, юже приях от Господа Иисуса, засвидетелствовать Евангелие благодати Божия. 25 И ныне, се, аз вем, яко кому не узрите лица моего вы вси, в нихже проидох проповедуя Царствие Божие. 26 Темже свидетелствую вам во днешний день, яко чист аз от крове всех, 27 не обинухся бо сказать вам всю волю Божию. 28 Внимайте убо себе и всему стаду, в немже вас Дух Святый постави епископы, пасти Церковь Господа и Бога, юже стяжа Кровию Свою. 29 Аз бо вем сие, яко по отшествии моем внидут волцы тяжцы в вас, не щадящии стада: 30 и от вас самех востанут мужи глаголущи развращеная, еже отторгати ученики вслед себе. 31 Сего ради бдите, поминающе, яко три лета нощь и день не престаях учя со слезами единаго когождо вас. 32 И ныне предаю вас, братие, Богови и слову благодати Его, могущему наздати и дати вам наследие во осенних

всех. 33 Сребра или злата или риз ни единаго возжелах: 34 сами весте, яко требованию моему и сущим со мною послужисте руце мои сии. 35 Вся сказах вам, яко тако труждающымся подобает заступати немощных, поминати же слово Господа Иисуса, яко Сам рече: блаженнее есть паче даяти, нежели принимати. 36 И сия рек, преклонь колена своя, со всеми ими помолися. 37 Мног же бысть плачь всем: и нападше на выю Павлову, облобызаху его, 38 скорбяще наипаче о словеси, еже рече, яко кому не имут лица его узрети. Провождаху же его в корабль.

21 И якоже бысть отвезтися нам, отторгшымся от них, прямо шедше приидохом в Кон, в другой же день в Родос и оттуду в Патару: 2 и обретше корабль преходящ в Финикию, возшедше отвезохомся. 3 Возникший же нам Кипр оставльше ошуюю, плыхом в Сирию и пристахом в Тире, тамо бо бяше кораблю изложити бремя: 4 и обретше ученики, пребыхом ту дний седьмь: иже Павлови глаголаху Духом не восходить во Иерусалим. 5 Егда же бысть нам скончати дни, изшедше идохом, провождающим нас всем с женами и детьми даже до вне града: и преклоньше колена при брезе помолихомся. 6 И целовавше друг друга внидохом в корабль, они же возвратиша во своя си. 7 Мы же, плавание наченше от Тира, пристахом во Птолемаиде, и целовавше братию, пребыхом день един у них. 8 Во утрие же изшедше Павел и иже с ним, приидохом в Кесарию, и вшедше в дом Филиппа благовестника, суща от седми (диакон), пребыхом у него. 9 Сего же бяху дщери девицы четыри прорицающыя. 10 Пребывающим же нам тамо дни многи, снide некто от Иудеи пророк, именем Агав, 11 и пришед к нам и взем пояс Павлов, связав же свои руце и нозе, рече: тако глаголет Дух Святый: мужа, егоже есть пояс сей, тако свяжут (его) во Иерусалиме Иудеи и предадят в руце языков. 12 И якоже слышахом сия, моляхом мы же и наместнии, не восходить ему во Иерусалим. 13 Отвеща же Павел и рече: что творите, плачуще и сокрушающе ми сердце? Аз бо не точию связан быти (хощу), но и умрети во Иерусалиме готов есь за имя Господа Иисуса. 14 Не повинующуся же ему, умолчахом, рекше: воля Господня да будет. 15 По днех же сих уготовльшеся взыдохом во Иерусалим: 16 приидоша же с нами и нецы ученицы от Кесарии, ведуще с собою, у негоже бы обитати нам, Мнасона некоего Кипрянина, древняго ученика. 17 Бывшим же нам во Иерусалиме, любезно прияша нас братия. 18 На утрие же вниде Павел с нами ко Иакову, вси же приидоша старцы. 19 И

целовав их, сказаше по единому коеждо, еже сотвори Бог во языцах служением его. 20 Они же слышавше славляху Бога и рекоша ему: видиши ли, брате, колико тем есть Иудей веровавших? И вси ревнителie закона суть: 21 увестишася же о тебе, яко отступлению учиши от закона Моисеева живущая во языцах вся Иудеи, глаголя не обрезовати им чад своих, ниже во обычаях отеческих ходити. 22 Что убо есть? Всяко подобает народу снитися: услышат бо, яко пришел еси. 23 Сие убо сотвори, еже ти глаголем: суть у нас мужие четыри обещавше себе Богу: 24 сия поим очистися с ними и иждиви на них, да остирижут си главы: и разумеют вси, яко возведенная им о тебе ничтоже суть, но пребываеши и сам закон храня. 25 А о веровавших языцах мы послахом, судивше ничтоже таковое соблюдати им, токмо хранити себе от идоложертвенных и крове, и удавленныи и блуда. 26 Тогда Павел поемь мужы оны, на утрие с ними очищся вниде во святыище, возвещая исполнение дний очищения, дондеже принесено бысть за единаго коегождо их приношение. 27 И яко же хотяху седмь дний скончатися, иже от Асии Иудее, видевше его во святыищи, навадиша весь народ и возложиша нань руце, 28 вопиюще: мужие Израилстии, помозите: сей есть человек, иже на люди и закон и на место сие всех всюду учит: еще же и Еллины введе в церковь и оскверни святое место сие. 29 Баху бо видели Трофима Ефесянину во граде с ним, егоже мняху, яко в церковь ввел есть Павел. 30 Подвижеся же град весь, и бысть стечение людем: и емше Павла, влечаху его вон из церкве, и абие затвориша двери. 31 Ищущым же им убить его, взыде весть к тысящищу спиры, яко весь возмутися Иерусалим: 32 он же абие поим воины и сотники, притече на ня: они же видевше тысящища и воины, престаша бити Павла. 33 Приступль же тысящищик ят его и повеле связати его веригома железнома двема, и вопрошаще: кто убо есть и что есть сотворил. 34 Друзии же ино нечто вопияху в народе: не могий же разумети известное молвы ради, повеле отвести его в полк. 35 Егда же бысть на степенех, прилучися воздвижену быти ему от воин нужды ради народа, 36 последоваше бо множество людей зовущих: возьми его. 37 Хотя же винти в полк Павел глагола тысящищику: аще леть ми есть глаголати что тебе? Он же рече: гречески умеши ли? 38 Не ты ли еси Египтянин, прежде сих дний превещавый и изведеный в пустыню четыри тысящи мужей сикарей? 39 Рече же Павел: аз человек убо есть Иудеанин, Тарсянин, славнаго града в Киликии житель: молю же тя, повели ми

глаголати к людем. 40 Повелевшу же ему, Павел стоя на степенех помаав рукою к людем: многу же безмолвию бывшу, возгласи еврейским языком, глаголя:

22 Мужие братие и отцы, услышите мой к вам ныне ответ. 2 Слышавше же, яко еврейским языком возгласи к ним, паче приложиша безмолвие. И рече: 3 аз убо есмь муж Иудеанин, родився в Тарсе Киликийстем, воспитан же во граде сем при ногу Гамалиилову, наказан известно отеческому закону, ревнитель сый Божий, яко же вси вы есте днесь: 4 иже сей путь гоних даже до смерти, вяжя и предая в темницу мужы же и жены, 5 яко же и архиерей свидетелствует ми и вси старцы: от нихже и послания приемь к живущым в Дамасце братиям, идях привести сущыя тамо связаны во Иерусалим, да мучатся. 6 Бысть же ми идущу и приближающуся к Дамаску в полудне, внезапу с небесе облиста свет мног окрест мене. 7 Падох же на землю и слышах глас глаголющъ ми: Савле, Савле, что Мя гониши? 8 Аз же отвещах: кто еси, Господи? Рече же ко мне: Аз есмь Иисус Назорей, Егоже ты гониши. 9 Со мною же сущи свет убо видеша и пристраши быша, гласа же не слышаша Глаголющаго ко мне. 10 Рекох же: что сотворю, Господи? Господь же рече ко мне: востав иди в Дамаск, и тамо речется ти о всех, яже вчинено ти есть творити. 11 И яко же не видех от славы света онаго, за руку ведомъ от сущих со мною, внидох в Дамаск. 12 Анания же некий, муж благоговеин по закону, свидетелствован от всех живущих в Дамасце Иудей, 13 пришед ко мне и став рече ми: Савле брате, прозри. И аз в той час воззрех наль. 14 Он же рече ми: Бог отец наших изволи тя разумети хотение Его, и видети Праведника, и слышати глас от уст Его: 15 яко будеши Ему свидетель у всех человеков о сих, яже видел еси и слышал: 16 и ныне что медиши? Востав крестися и омый грехи твоя, призвав имя Господа Иисуса. 17 Бысть же возвратившумися во Иерусалим и молящумися в церкви, быти во изступлении 18 и видети Его глаголюща ми: потщиша и изыди скоро из Иерусалима, зане не примут свидетелства твоего, еже о Мне. 19 И аз рех: Господи, сами ведят, яко аз бех всаждая в темнице и бия по сонмищих верующая в Тя, 20 и егда изливавшеся кровь Стефана свидетеля Твоего, и сам бех стоя и соизволяя убиению его и стрегий риз убивающих его. 21 И рече ко мне: иди, яко Аз во языки далече посли тя. 22 Послушаху же его даже до сего словесе и воздвигоша глас свой, глаголюще: возьми от земли такового, не подобает бо ему жити. 23 Вопиющим же им и мещущим ризы и прах

возметающим на воздух, 24 повеле тысящник отвести его в полк, рек ранами истязати его, да разумеет, за кую вину тако вопияху нань. 25 И якоже протягла его вервьми, рече к стоящему сотнику Павел: человека Римлянина и неосуждена леть ли есть вам бити? 26 Слышав же сотник, приступи к тысящнику, сказа, глаголя: виджь, что хощеши соторити? Человек бо сей Римлянин есть. 27 Приступль же тысящник рече ему: глаголи ми, Римлянин ли еси ты? Он же рече: ей. 28 Отвеша же тысящник: аз многою ценою наречение жителства сего стяжах. Павел же рече: аз же и родихся в нем. 29 Абие убо отступиша от него хотящии его истязати, и тысящник же убояся, разумев, яко Римлянин есть, и яко бе его связал. 30 На утрье же, хотя разумети истину, чесо ради оклеветается от Иудей, разреши его от уз и повеле прийти архиереем и всему собору их: и свед Павла, постави (его) пред ними.

23 Воззрев же Павел на сонм, рече: мужие братие, аз всею совестию благою жителствах пред Богом даже до сего дне. 2 Архиерей же Анания повеле предстоящым ему бити его уста. 3 Тогда Павел рече к нему: бити тя имать Бог, стено поваленая: и ты седиши судя ми по закону, преступая же закон велиши, да биют мя. 4 Предстоящии же реша: архиерою ли Божию досаждашаши? 5 Рече же Павел: не ведах, братие, яко архиерей есть: писано бо есть: князю людий твоих да не речеши зла. 6 Разумев же Павел, яко едини часть есть саддукей, другая же фарисей, воззва в сонмищи: мужие братие, аз фарисей есмь, сын фарисеов: о упование и о воскресении мертвых аз суд приемлю. 7 Се же ему рекшу, бысть распра между саддукеи и фарисеи, и разделися народ: 8 саддукее бо глаголют не быти воскресения, ни Ангела, ни духа: фарисе же исповедуют обоя. 9 Бысть же кличь велик, и воставше книжницы части фарисейских прахуся между собою, глаголюще: ни едини зло обретаем в человеке сем: аще же дух глагола ему или Ангел, не противимся Богу. 10 Мнозе же бывшей распри, бояся тысящник, да не растерзан будет Павел от них, повеле воином снити и восхитити его от среды их и вести (его) в полк. 11 В наставшую же нощь представ ему Господь, рече: дерзай, Павле: якоже бо свидетелствовал еси яже о Мне во Иерусалиме, сице ти подобает и в Риме свидетелствовати. 12 Бывшу же дню, соторвше нецзы от Иудей совет, закляша себе, глаголюще не ясти ни пити, дондеже ублют Павла: 13 бяху же множе четыредесятих сию клятву соторвши, 14 иже приступльше ко архиереем и старцем, реша: клятвою прокляхом себе ничтоже

вкусити, дондеже ублют Павла: 15 ныне убо вы скажите тысящнику с собором, яко да утре сведет его к вам, аки бы хотяще разумети известнее яже о нем: мы же, прежде даже не приближитися ему, готови есмы ублюти его. 16 Слышав же сын сестры Павловы ков, пришед и вшед в полк, сказа Павлу. 17 Призвав же Павел единаго от сотник, рече: юношу сего отведи к тысящнику: имать бо нечто сказать ему. 18 Он же убо поим его приведе к тысящнику и рече: узник Павел призвав мя, умоли сего юношу привести к тебе, имуща нечто глаголати тебе. 19 Поим же его за руку тысящник и отшед на едине, вопрошаще его: что есть, еже имаши возвестити ми? 20 Рече же, яко Иудеев совещаша умолити тя, яко да утре сведеши Павла к ним в собор, аки бы хотящим известнее истязати яже о нем: 21 ты убо не послушай их: ловят бо его от них мужие множе четыредесяти, иже закляша себе ни ясти ни пити, дондеже ублют его: и ныне готови суть, чающе обещания, еже от тебе. 22 Тысящник убо отпусти юношу, завещав ни единому же поведати, яко сия явил еси мне. 23 И призвав два некия от сотник, рече: уготовита (ми) воинов вооруженных двесте, яко да идут до Кесарии, и конник седмьдесят, и стрелец двесте, от третияго часа нощи: 24 и скоты привести, да всадивше Павла проводят до Филикса игемона. 25 Написа же (и) послание имущее образ сей: 26 Клавдий Лисия державному игемону Филиксу радоватися: 27 мужа сего ята от Иудей и имуща убиена быти от них, приступль с воини отях его, уведев, яко Римлянин есть: 28 хотя же разумети вину, еяже ради поимаху нань, сведох его в сонмище их: 29 егоже обретох оглаголуема о взыскании закона их, ни едини же достойно смерти или узам согрешение имуща: 30 сказану же бывшу ми кову хотящу быти от Иудей на мужа сего, абие послах (его) к тебе, завещав и клеветником (его) глаголати пред тобою, яже нань: здрав буди. 31 Воини же убо по повеленному им, вземше Павла, ведша об нощь во Антипатриду: 32 во утрье же, оставльше конники ити с ним, возвратиша в полк. 33 Они же пришедше в Кесарию и вдавше послание игемону, представиша ему и Павла. 34 Прочет же игемон послание и вопроша, от коей области есть, и уведев, яко от Киликии, рече: 35 услышу о тебе, егда и клеветницы твои приидут. И повеле в преторе Иродове стречи его.

24 По пятих же днех сниде архиерей Анания со старцы и с ритором некиим Тертиллом, иже сказаша игемону о Павле. 2 Призвану же бывшу ему, начат клеветати Тертилл, глаголя: 3 мног мир улучающе тобою, и исправления бываемая языку сему твоим

промышлением, всяким же образом и везде приемлем, державный Филикс, со всяким благодарением: 4 но да не множае стужа тебе, молю тя послушати нас вкратце твою кротостию: 5 обретохом бо мужа сего губителя и движуща противление всем иудеем живущим по вселенней и предстателя (суща) Назорейстей ереси, 6 иже и церковь покусися осквернити, егоже и яхом и по закону нашему хотеху судити ему: 7 пришед же Лисиа тысящник, многою силою от рук наших исхити его и к тебе посла, 8 повелев (и нам) поемлющым нань ити к тебе: от негоже возможеши сам разсудив о всех сих познати, о нихже мы поемлем нань. 9 Сложиша же и Иудеи, глаголюще сим тако быти. 10 Отвеша же Павел, поманувшу ему игемону глаголати: от многих лет суща тя судио праведна языку сему сведый, благодушнее же о мне отвешаю, 11 могуши ти разумети, яко не множае ми есть дний дванадестих, отнележе взыдох поклонитися во Иерусалим: 12 и ни в церкви обретоша мя к кому глаголюща или разврат творяща народу, ни в сонмищах, ни во граде, 13 ниже довести могут, елика тебе ныне на мя глаголют: 14 исповедую же тебе сие, яко в пути, егоже сии глаголют ересь, тако служу отеческому Богу, веруя всем сущым в законе и пророцах писаным, 15 упование имый на Бога, яко воскресение хощет быти мертвым, праведником же и грешником, егоже и сами сии чают: 16 о сем же и аз подвизаюся, непорочну совесть имети всегда пред Богом же и человеки: 17 по летех же многих придох соторити милостыни во язык мой и приношения: 18 в ниже обретоша мя очищenna в церкви, ни с народом, ниже с мольвою, 19 нецыи от Асии Иудеи, имже подобаше пред тя приити и глаголати, аще имут что на мя: 20 или сами тии да глаголют, аще кую обретоша во мне неправду, ставшу ми в сонмищи, 21 разве единаго сего гласа, имже возопих стоя в них, яко о воскресении мертвых аз суд приемлю днесь от вас. 22 Слышав же сия Филикс отвеша им, известнее уведев яже о пути сем, глаголя: егда Лисиа тысящник приидет, рассужду яже о вас. 23 Повеле же сотнику стречи Павла, и имети ослабу, и ни единому же возбраняти от своих ему служити или приходить к нему. 24 По днех же некиих пришед Филикс со Друсилию женою своею сущею Иудеанынею, призва Павла, да слышит от него веру, яже во Христа Иисуса. 25 Глаголющу же ему о правде и о воздержании и о суде хотящем быти, пристрашен быв Филикс отвеша: ныне убо иди, время же получив призову тя. 26 Вкупе же и надеяся, яко мзда дастся ему от Павла, яко да отпустит его: темже и часто призываю его, беседоваше с ним.

27 Двема же летома скончавшемася прият изменение Филикс Поркиа Фиста: хотя же угодное соторити Иудеем Филикс, остави Павла связана.

25 Фист же убо примы власть, по триех днех взыде во Иерусалим от Кесарии. 2 Сказаша же ему архиерее и первии от Иудей на Павла и моляху его, з просяще благодати нань, яко да посет его во Иерусалим, ков творяще, яко да убият его на пути. 4 Фист же повеле Павла стречи в Кесарии, сам тамо хотя вскоре изыти: 5 иже убо сильнии в вас, рече, со мною шедше, аще есть кая неправда в мужи сем, да глаголют нань. 6 Пребыв же у них не множае десяти днй, снide в Кесарию: на уtrie сед на судищи, повеле Павла привести. 7 Приведену же бывшу ему, окрест сташа иже от Иерусалима сшедши Иудеи, многи и тяжки вины приносяще на Павла, ихже не можаху изявити: 8 отвешавающу ему, яко ни на закон Иудейский, ни на церковь, ни на кесаря что согреших. 9 Фист же хотя угодное Иудеем соторити, отвешав Павлови рече: хощеш ли, во Иерусалим возшед, тамо о сих суд прияти от мене? 10 Рече же Павел: на судищи кесареве стоя есмь, идеже ми достоит суд прияти: Иудей ни чимже обидех, якоже и ты добре веси: 11 аще бо неправдую или достойно смерти соторих что, не отмечуся умрети: аще ли же ничтоже есть во мне, еже сии на мя клевещут, никто же мя может тем выдати: кесаря нарицаю. 12 Тогда Фист состязався с советники, отвеша: кесаря ли нарекл еси? К кесарю пойдеши. 13 Днем же минувшым неким, Агриппа царь и Верникия снидоста в Кесарию целовати Фиста. 14 И якоже многи дни пребыста ту, Фист сказа царю яже о Павле, глаголя: муж некий есть оставлен от Филикса узник, 15 о немже, бывшу ми во Иерусалиме, явиша архиерее и старцы Иудейстии, просяще нань суда. 16 К нимже отвешах, яко несть обычай Римлянам выдати человека коего на погибель, прежде даже оклеветаемый не имать пред лицем клевещущих его и место ответа приимет о своем согрешении. 17 С shedшымся же им зде, закоснение ни едино соторь, на уtrie сед на судищи, повелех привести мужа. 18 Окрест же его ставше клеветницы, ни едину вину, яже аз непщевах, нанесоша: 19 стязания же некая о своей различней вере имаху к нему и о некоем Иисусе умершем, Егоже глаголаше Павел жива быти. 20 Недоумеяся же аз о взыскании сих, глаголах, аще хощет ити во Иерусалим и тамо суд прияти о сих. 21 Павлу же нарекшу блудену быти ему до разсуждения Августа, повелех блюсти его, дондеже послио его к

кесарю. 22 Агриппа же к Фисту рече: хотел бых и сам человека сего слышати. Он же рече: утре услышиши его. 23 На утрение же пришедшу Агриппе и Верникии со многою гордостию и вшедшым в судебную палату с тысячниками и с нарочитыми мужи града, и повелевшу Фисту, приведен бысть Павел. 24 И рече Фист: Агриппо царю и вси сущии с нами мужие, видите сего, о немже все множество Иудей стужаху ми во Иерусалиме же и здесь, вопиюще, яко не подобает жити ему ктому: 25 аз же разумев ничтоже достойно смерти соторваша его, и самому же сему нарекшу Севастиа, судих послати его: 26 о немже известное что писати господину не имам: темже и приведох его пред вас, наипаче же пред тя, Агриппо царю, яко да разсуждению бывшу имам что писати: 27 безсловесно бо мнится ми, посылающу юзника, а вины, яже нань, не сказать.

26 Агриппа же к Павлу рече: повелевается ти о себе самому глаголати. Тогда Павел простер руку отвешаваше: 2 о всех, о нижне оклеветаем есмь от Иудей, царю Агриппо, непщую себе блаженна быти, яко пред тобою отвещати днесъ имам, з паче же ведца тя суща сведъй всех Иудейских обычаев и взысканий. Темже молюся ти долготерпеливо послушати мене. 4 Житие убо мое еже от юности, исперва бывшее во языце моем во Иерусалиме, ведят вси Иудеи, 5 ведяще мя исперва, аще хотят свидетелствовать, яко по известней ереси наша веры жих фарисей. 6 И ныне о упование обетования, бывшаго от Бога ко отцем нашим, стою судимъ, 7 в неже обанадесяте колена наша безпрестани день и нощь служаще надеются доити: о немже упование оклеветаем есмь, царю Агриппо, от Иудей. 8 Что? Неверно ли судится вами, яко Бог мертвя возставляет? 9 Аз убо мнех, яко подобает ми многа сопротивна противу имени Иисуса Назореа соторвти: 10 еже и соторвих во Иерусалиме, и многи от святых аз в темницах затворях, власть от архиерей приемъ: убиваемым же им прилагах совет: 11 и на всех сонмищих множицею мучя их, принуждах хулити: преизлиха же враждуя на них, гонях даже и до внешних градов. 12 В нижне идый в Дамаск со властию и повелением, еже от архиерей, 13 в полудни на пути видех, царю, с небесе паче сияния солнечнаго осиявши мя свет и со мною идущих. 14 Всем же падшим нам на землю, слышах глас глаголющъ ко мне и вешающъ еврейским языком: Савле, Савле, что Мя гониши? Жестоко ти есть противу рожна прати. 15 Аз же реч: кто еси, Господи? Он же рече: Аз есмь Иисус, Егоже

ты гониши: 16 но востани и стани на ногу твою: на се бо явихся ти, соторвти тя слугу и свидетеля, яже видел еси и яже явлю тебе, 17 изимая тя от людий Иудейских и от языка, к нимже Аз тя послю, 18 отверсти очи их, да обратятся от тмы в свет и от области сатанины к Богу, еже прияти им оставление грехов и достояние во святых верою, яже в Мя. 19 Темже, царю Агриппо, не бых противен небесному видению, 20 но сущым в Дамасце прежде и во Иерусалиме, и во всяcej стране Иудейстей и языком проповедую покаятися и обратитися к Богу, достойна покаянию дела творяще. 21 Сих ради мя Иудеи емше во святилищи хотяху растерзати. 22 Помощь убо улучив яже от Бога, даже до дне сего стою, свидетелствуя малу же и велику, ничтоже вещая, разве яже пророцы рекоша хотящая быти и Моисей, 23 яко Христос имеяше пострадати, яко первый от воскресения мертвых свет хотяше проповедати людем (Иудейским) и языком. 24 Сия же ему отвещавающу, Фист велиим гласом рече: беснувшись ли, Павле? Многия тя книги в неистовство прелагают. 25 Он же: не беснуся, рече, державный Фисте, но истины и целомудрия глаголы вещаю: 26 весть бо о сих царь, к немуже и с дерзновением глаголю: утаитися бо ему от сих не верую ничесому же, несть бо во угле соторено сие: 27 веруеши ли, царю Агриппо, пророком? Вем, яко веруеши. 28 Агриппа же к Павлу рече: вмале мя препираеши Христианина быти. 29 Павел же рече: молил убо бых Бога, и вмале и во мнозе, не токмо тебе, но и всех слышащих мя днесъ, быти им тацем, яков и аз есмь, кроме уз сих. 30 И сия рекшу ему, воста царь и игемон, и Верникии и седящи с ними, 31 и отшедше беседоваху друг ко другу, глаголюще, яко ничтоже смерти достойно или уз творит человек сей. 32 Агриппа же Фисту рече: отпущен быти можаше человек сей, аще не бы кесаря нарицал. И тако суди игемон послати его к кесарю.

27 И яко же суждено бысть отплыти нам во Италию, предаху Павла же и иныя некия юзники сотнику, именем Иулию, спиры Севастийския. 2 Вшедше же в корабль Адрамитский, восхотевше плыти во Асийская места, отвездохомся, сущу с нами Аристарху Македонянину от Солнуя. 3 В другой же пристахом в Сидоне: человеколюбие же Иулий Павлови дя, повеле к другом шедшу прилежание улучити. 4 И оттуду отвездешся приплыхом в Кипр, зане ветри бяху противни: 5 пучину же, яже противу Киликии и Памфилии, преплывш, придохом в Миры Ликийския. 6 И тамо обрет сотник

корабль Александрийский пловуць во Италию, всади ны в онь. 7 Во многи же дни косно плавающе и едва бывше противу Книда, не оставляющу нас ветру, приплыхом под Крит при Салмоне: 8 едва же избирающе край, придохом на место некое, нарицаемое Доброе Пристанище, ему же близ бе град Ласей. 9 Многу же времени минувшу и сущу уже небезбедну плаванию, занеже и пост уже бе прешел, советоваше Павел, 10 глаголя им: мужие, вижду, яко с досаждением и многою тщетою не токмо бремене и корабля, но и душ наших хощет быти плавание. 11 Сотник же кормчия и навклира послушаше паче, нежели Павлом глаголемых. 12 Не добру же пристанищу сущу ко озимению, мнози совет даяху отвездися оттуду, аще како возмогут, достигше Финикии, озимети в пристанищи Критстем, зрящем к ливу и к хору. 13 Дхнувшу же югу, мневше волю свою улучти, воздвигше ветрила, плыху вскрай Крита. 14 Не по мнозе же возвея противен ему ветр бурен, нарицаемый евроклидон. 15 Восхищену же бывшу кораблю и не могуши сопротивитися ветру, вдавшеся волнам носими бехом. 16 Остров же некий мимотекше, нарицающа Клавдий, едва возможохом удержати ладию: 17 юже востягше, всяким образом помогаху, подтверждающе корабль: боящеся же, да не в сирьт впадут, низпустивша парус, сице носими беху. 18 Вельми же обуреваемым нам, на утрие изметание творяху, 19 и в третий день своими руками ядрило корабленое извергохом. 20 Ни солнцу же, ни звездам явльшымся на многи дни, и зиме не мале належащей, проче отимашся надежда вся, еже спастися нам. 21 Многу же неядению сущу, тогда став Павел посреде их, рече: подобаше убо, о, мужие, послушавше мене, не отвездися от Крита и избыти досаждения сего и тщеты: 22 и се, ныне молю вы благодушествовати, погибель бо ни единей души от вас будет, разве корабля: 23 предста бо ми в сию нощь Ангел Бога, Егоже аз есмь, Ему же и служу, 24 глаголя: не бойся, Павле, кесарю ти подобает предстати, и се, дарова тебе Бог вся плавающя с тобою. 25 Темже дерзайте, мужие, верую бо Богови, яко тако будет, имже образом речено ми бысть: 26 во остров же некий подобает нам пристати. 27 И егда четвертаянадесять нощь бысть, носимым нам во Адриатстей (пучине), в полуночи непещаваху корабленицы, яко приближаются к некоей стране, 28 и измеривше глубину обретоша саженей двадесять: мало же прешедше и паки измеривше, обретоша саженей пятьнадесять. 29 Боящеся же, да не како в прудная места впадут, от носа корабля вергше котвы четыри, моляхомся,

да день будет. 30 Кораблеником же ищущым бежати из корабля и низвесившым ладию в море, изветом аки от носа хотящим котвы простерти, 31 рече Павел сотнику и воином: аще не сии пребудут в корабли, вы спастися не можете. 32 Тогда воини отрезаша ужя ладии и оставиша ю отпасти. 33 Егда же хотяше день быти, моляше Павел всех, да примут пищу, глаголя: четыренадесятый днесъ день ждуще, не ядше пребываете, ничтоже вкусивше: 34 темже молю вас прияти пищу, се бо к вашему спасению есть: ни единому бо от вас влас главы отпадет. 35 Рек же сия и приемь хлеб, благодари Бога пред всеми и преломль начат ясти. 36 Благонадежни же бывше вси, и тии прияша пищу: 37 бе же в корабли всех душ двесте седмъдесят и шесть. 38 Насыщшеся же брашна, облегчиша корабль, изметающе пшеницу в море. 39 Егда же день бысть, земли не познаваху: недро же некое усмотреша имущее песок, в неже, аще мощно есть, совещаша извлечи корабль. 40 И котвы собравше, везяхуся по морю: купно ослабивше ужя кормилом и воздвигше малое ветрило к дышущему ветрецу, везохомся на край. 41 Впадше же в место испоное, увязиша корабль: и нос убо увязший пребысть недвижимъ, кормило же разбивашеся от нужды волн. 42 Воином же совет бысть, да узники убиют, да не кто поплыв избегнет. 43 Сотник же, хотя соблости Павла, возбрани совету их, повеле же могущым плавати, да изскочивше первое изыдуть на край, 44 а прочии, ови убо на дцицах, ови же на нечем от корабля. И тако бысть всем спастися на землю.

28 Спасени же бывше иже с Павлом от корабля, тогда разумеша, яко остров Мелит нарицается. 2 Варвари же творяху не малое милосердие нам: возгнеше бо огнь, прияша всех нас, за настоящий дождь и зиму. 3 Сгромаждшу же Павлу рождия множество и возложившу на огнь, ехидна от теплоты изshedши, секну в руку его. 4 И егда видеша варвари висящу змию от руки его, глаголаху друг ко другу: всяко убийца есть человек сей, егоже спасена от моря суд Божий жити не остави. 5 Той же убо, оттряс змию во огнь, ничтоже зло пострада. 6 Они же чаяху его имуща возгоретися, или пасти внезапу мертвa: на мнозе же того чающим и ничтоже зло в нем бывшее видящим, претворшеся, глаголаху Бога того быти. 7 Окрест же места онаго бяху села первого во острове, именем Поплиа, иже примимь нас, три дни любезне учреди. 8 Бысть же отцу Поплиеву огнем и водным трудом одержиму лежати: к немуже Павел вshed, и помолився, и возложъ руце свои нань, исцели его. 9 Сему же бывшу, и прочии имущии недуги во острове

том приходяху и исцелевахуся: **10** иже и многими честьми почтоша нас, и отвозящимся нам яже на потребу вложиша. **11** По триех же месяцех отвезохомся в корабли Александрийстем, подписаном Диоскуры, презимевшем во острове, **12** и доплыше в Сиракусы, пребыхом дни три: **13** оттуду же отплывше, придохом в Ригию, и по единем дни возвеявшу югу, во второй день придохом в Потиолы, **14** идеже обретше братию, умолени быхом от них пребыти дний седьмъ: и тако в Рим идохом. **15** И от тамо братия, слышавше яже о нас, изыдоша во сретение наше даже до Аппиева торга и триех корчемниц: ихже видев Павел и благодарив Бога, прият дерзновение. **16** Егда же придохом в Рим, сотник предаде узники воеводе, Павлу же повеле пребывать о себе, с соблюдающим его воином. **17** Бысть же по днех триех, созва Павел сущыя от Иудеев первыя: сшедшымся же им, глаголаше к ним: мужие братие, аз ничтоже противно сотворив людем или обычаем отеческим, узник от Иерусалимлян предан бых в руце Римляном, **18** иже разсудивше яже о мнѣ, хотяху пустити, зане ни едина вина смертная бысть во мнѣ: **19** сопротив же глаголющым Иудеем, нужда ми бысть нарещи кесаря, не яко язык мой имея в чесом оклеветати: **20** сея ради убо вины умолих вас, да вижду и беседую: надежды бо ради Израилевы веригами сими обложен есмъ. **21** Они же к нему реша: мы ниже писания о тебе прияхом от Иудей, ниже пришед кто от братий возвести или глагола что о тебе зло: **22** молимся же, да слышим от тебе, яже мудрствуши: о ереси бо сей ведомо есть нам, яко всюду сопротив глаголемо есть. **23** Уставивше же ему день, придоша к нему в странноприемницу множайши, имже сказаше свидетелствуя Царствие Божие и уверяя их, яже о Иисусе, от закона Моисеова и пророк, от утра даже до вечера. **24** И ови убо вероваху глаголемым, ови же не вероваху. **25** Несогласни же суще друг ко другу, отходядаху, рекшу Павлу глагол един, яко добре Дух Святый глагола Исаием пророком ко отцем нашым, **26** глаголя: иди к людем сим и рцы: слухом услышите и не имате разумети: и видяще узрите и не имате видети: **27** одебеле бо сердце людий сих, и уshima тяжко слышаша, и очи свои смежиша, да не како увидят очима, и уshima услышат, и сердцем уразумеют, и обратятся, и исцелю их. **28** Ведомо убо да будет вам, яко языком послася спасение Божие, сии и услышат. **29** И сия тому рекшу, отидаша Иудеи, многое имуще между собою состязание. **30** Пребысть же Павел два лета исполнив своею мздою (цела два лета на своем иждивении) и приимаше вся приходящыя к нему, **31** проповедуя Царствие Божие и учя яже о Господе нашем Иисусе Христе со всяким дерзновением невозбранно.

Послание к Римлянам

1 Павел, раб Иисус Христов, зван Апостол, избран в благовестие Божие, 2 еже прежде обеща пророки Своими в писаниях святых, 3 о Сыне Своем, бывшем от семени Давида по плоти, 4 нареченнем Сыне Божий в силе, по духу святыни, из воскресения от мертвых, Иисуса Христа Господа нашего, 5 Имже прияхом благодать и апостольство в послушание веры во всех языщех, о имени Его. 6 В нихже есте и вы, звани Иисусу Христу. 7 Всем сущим в Риме возлюбленным Богу, званным святым. Благодать вам и мир от Бога Отца нашего, и Господа Иисуса Христа. 8 Первое убо благодарю Бога моего Иисусом Христом о всех вас, яко вера ваша возвращается во всем мире. 9 Свидетель бо ми есть Бог, Ему же служу духом моим во благовествовании Сына Его, яко безпрестанни память о вас творю, 10 всегда в молитвах моих моляся, аще убо когда поспешен буду волею Божию прийти к вам. 11 Желаю бо видети вас, да некое подам вам дарование духовное, ко утверждению вашему. 12 Сие же есть, соутешитися в вас верою общею, вашею же и моею. 13 Не хощу же не ведети вам, братие, яко мнозицю восхотех прийти к вам, и возбранен бых доселе, да некий плод имею и в вас, яко же и в прочих языщех. 14 Еллинам же и варварам, мудрым же и неразумным должен есмь. 15 Тако есть, еже по моему усердию и вам сущим в Риме благовестити. 16 Не стыжуся бо благовествованием Христовым: сила бо Божия есть во спасение всякому верующему, Иудееви же прежде и Еллину. 17 Правда бо Божия в нем является от веры в веру, яко же есть писано. Праведный же от веры жив будет. 18 Открывается бо гнев Божий с небесе на всякое нечестие и неправду человеков, содержащих истину в неправде. 19 Зане разумное Божие яве есть в них, Бог бо явил есть им: 20 невидимая бо Его, от создания мира твореньми помышляема, видима суть, и присносущная сила Его и Божество, во еже быти им безответным. (aidios g126) 21 Занеже разумевше Бога, не яко Бога прославиша или благодариша, но осутишася помышлении своими, и омрачися неразумное их сердце. 22 Глаголющеся быти мудри, объюродеша, 23 и измениша славу нетленного Бога в подобие образа тленна человека и птиц и четвероног и гад. 24 Темже и предаде их Бог в похотех сердец их в нечистоту, во еже сквернитися телесем их в себе самех. 25 Иже премениша истину Божию во лже, и почтоша и послужиша твари паче Творца, Иже есть благословен во веки,

аминь. (aiōn g165) 26 Сего ради предаде их Бог в страсти безчестия. И жены бо их измениша естественную подобу в презественную. 27 Такожде и мужи, оставльше естественную подобу женска пола, разжегоша похотию своею друг на друга, мужи на мужех студ содевающе, и возмездие, еже подобаше прелести их, в себе восприемлюще. 28 И яко же не искусиша имети Бога в разуме, (сего ради) предаде их Бог в неискусен ум, творити неподобная, 29 исполненых всякия неправды, блуждения, лукавства, лихомания, злобы. Исполненых зависти, убийства, рвения, льсти, злонравия. 30 Шепотники, клеветники, богомерзки, досадители, величавы, горды, обретатели злых, родителем непокоривы, 31 неразумны, непримирителны, нелюбовны, неклятвоохранительны, немилостивы. 32 Нецы же и оправдание Божие разумевше, яко таковая творящии достойни смерти суть, не точию сами творят, но и соизволяют творящим.

2 Сего ради безответен еси, о, человече всяк судий: имже бо судом судиши друга, себе осуждаеш. Таяже бо твориши судяй. 2 Вемы же, яко суд Божий есть поистинне на творящих таковая. 3 Помышляеши ли же сие, о, человече, судяй таковая творящим и творя сам таяже, яко ты избежиши ли суда Божия, 4 или о богатстве благости Его и кротости и долготерпении нерадиши, не ведьй, яко благость Божия на покаяние тя ведет? 5 По жестокости же твоей и непокаянному сердцу, собираеши себе гнев в день гнева и откровения праведного суда Божия, 6 Иже воздаст коемуждо по делом его. 7 Овым убо, по терпению дела благого, славы и чести и нетления ищущым, живот вечный. (aiōnios g166) 8 А иже по рвению противляются убо истине, повинуются же неправде, ярость и гнев. 9 Скорбь и теснота на всякую душу человека творящаго злое, Иудея же прежде и Еллина. 10 Слава же и честь и мир всякому делающему благое, Иудееви же прежде и Еллину. 11 Несть бо на лица зрения у Бога. 12 Елицы бо беззаконно согрешиша, беззаконно и погибнут: и елицы в законе согрешиша, законом суд примут. 13 Не слышателие бо закона праведни пред Богом, но творцы закона, (сии) оправдятся: 14 егда бо языцы, не имуще закона, естеством законная творят, сии, закона не имуще, сами себе суть закон. 15 Иже являют дело законное написано в сердцах своих, спослушавши им совести, и между собою помыслом осуждающим или отвещающим, 16 в день, егда судит Бог тайна человеком, по благовестию моему, Иисусом Христом. 17 Се ты Иудей именуяшися,

и почиваеши на законе, и хвалишися о Бозе, 18 и разумеши волю, и разсуждаши лучшая, научаемъ от закона, 19 уповая же себе вожда быти слепым, света сущым во тме, 20 наказателя безумным, учителя младенцем, имуща образ разума и истины в законе. 21 Научая убо инаго, себе ли не учиши, 22 проповедая не красти, крадеши: глаголяй не прелюбы творити, прелюбы твориши: гнушаясь идол, святая крадеши: 23 иже в законе хвалишися, преступлением закона Бога безчестувиши. 24 Имя бо Божие вами хулился во языцах, якоже есть писано. 25 Обрезание бо пользует, аще закон твориши. Аще же закона преступник еси, обрезание твое необрязание бысть. 26 Аще убо необрязание оправдание закона сохранит, не необрязание ли его во обрезание вменится, 27 и осудит еже от естества необрязание, закон совершающе, тебе, иже Писанием и обрезанием еси преступник закона. 28 Не бо иже яве, Иудей есть, ни еже яве во плоти, обрезание. 29 Но иже в тайне Иудей, и обрезание сердца духом, (а) не писанием: ему же похвала не от человек, но от Бога.

3 Что убо лишнее Иудею? Или кая польза обрезания?

2 Много, по всякому образу: первое бо, яко вверена быша им словеса Божия. 3 Что бо, аще не вероваша нецы? Еда (убо) неверствие их веру Божию упразднит? 4 Да не будет: да будет же Бог истинен, всяк же человек ложь, якоже есть писано: яко да оправдишися во словесех Твоих, и победиши, всегда судити Ти. 5 Аще ли неправда наша Божию правду составляет, что речем? Еда ли неправеден Бог наносяй гнев? По человеку глаголю. 6 Да не будет: понеже како судити имать Бог миру? 7 Аще бо истина Божия в моей лжи избыточествова в славу Его, что еще и аз яко грешник осуждаюся, 8 и не якоже хулимся, и якоже глаголют нецы нас глаголати, яко соторим злая, да приидут благая: ихже суд праведен есть. 9 Что убо, преимеем ли? Никакоже: предукоихом бо Иудеи же и Еллины вся под грехом быти, 10 якоже есть писано. Яко несть праведен никтоже: 11 несть разумеваяи, и несть взыскай Бога: 12 вси уклонишися, вкупе непотребни быша. Несть творяй благостию, несть даже до единаго. 13 Гроб отверст гортань их, языки своими лъщау. Яд аспидов под устнами их. 14 Ихже уста клятвы и горести полна суть. 15 Скоры ноги их пролияти кровь: 16 сокрушение и озлобление на путех их, 17 и пути мирнаго не познаша. 18 Несть страха Божия пред очима их. 19 Вемы же, яко елика закон глаголет, сущым в законе глаголет: да всяка уста

заградяется, и повинен будет весь мир Богови: 20 зане от дел закона не оправдится всяка плоть пред Ним: законом бо познание греха. 21 Ныне же кроме закона правда Божия явися, свидетельствуема от закона и пророк. 22 Правда же Божия верою Иисус Христовою во всех и на всех верующих: несть бо разнствия, 23 вси бо согрешиша, и лишени суть славы Божия, 24 оправдаеми туне благодатию Его, избавлением, еже о Христе Иисусе, 25 Егоже предположи Бог очищение верою в Крови Его, в явление правды Своей, за отпущение прежде бывших грехов, 26 в долготерпении Божии, и в показание правды Его в нынешнее время, во еже быти Ему праведну и оправдающу сущаго от веры Иисусовы. 27 Где убо похвала, отгнася. Которым законом? Делы ли? Ни, но законом веры. 28 Мыслим убо верою оправдатися человеку, без дел закона. 29 Или Иудеев Бог токмо, а не и языков? Ей, и языков: 30 понеже един Бог, Иже оправдит обрезание от веры и необрязание верою. 31 Закон ли убо разоряем верою? Да не будет: но закон утверждаем.

4 Что убо речем Авраама отца нашего обрести по плоти? 2 Аще бо Авраам от дел оправдася, имать похвалу, но не у Бога. 3 Что бо Писание глаголет? Верова же Авраам Богови, и вменися ему в правду. 4 Делающему же мзда не вменяется по благодати, но по долгу: 5 а не делающему, верующему же во Оправдающаго нечестива, вменяется вера его в правду. 6 Якоже и Давид глаголет блаженство человека, ему же вменяет Бог правду, без дел закона: 7 блажени, ихже отпустишася беззакония и ихже прикрышася грехи: 8 блажен муж, ему же не вменит Господь греха. 9 Блаженство убо сие на обрезание ли, или на необрязание? Глаголем бо, яко вменися Аврааму вера в правду. 10 Како убо вменися ему, во обрезании ли сущу, или в необрязании, не во обрезании, но в необрязании. 11 И знамение прият обрезания, печать правды веры, яже в необрязании. Яко быти ему отцу всех верующих в необрязании, во еже вменитися и тем в правду. 12 И отцу обрезания, не сущым точию от обрезания, но и ходящым в стопах веры, яже (б)е) в необрязании отца нашего Авраама. 13 Не законом бо обетование Аврааму, или семени его, еже быти ему наследнику мирови, но правдою веры. 14 Аще бо сущи от закона наследницы, испраздниша вера, и разорися обетование: 15 закон бо гнев соделовает: идеже бо несть закона, (ту) ни преступления. 16 Сего ради от веры, да по благодати, во еже быти известну обетованию всему семени, не точию сущему от закона,

но и сущему от веры Авраамовы, иже есть отец всем нам, 17 якоже есть писано: яко отца многим языком положих тя, прямо Богу, Ему же верова, животворящему мертвия и нарицающу не сущая яко сущая. 18 Иже паче упования во упование верова, во еже быти ему отцу многим языком, по реченному: тако будет семя твое. 19 И не изнемог верою, ни усмотря своея плоти уже умерщвленная, столетен негде сый, и мертвости ложесн Сарриных: 20 во обетовании же Божии не усумнеся неверованием, но возможе верою, дав славу Богови 21 и известен быв, яко, еже обеща, силен есть и сговорити. 22 Темже и вменися ему в правду. 23 Не писано же бысть за того единаго точию, яко вменися ему, 24 но и за ны, имже хощет вменитися, верующым в Воскресившаго Иисуса Христа Господа нашего из мертвых, 25 Иже предан бысть за прегрешения наша и воста за оправдание наше.

5 Оправдившеся убо верою, мир имамы к Богу Господем нашим Иисус Христом, 2 Имже и приведение обретохом верою во благодать сию, в нейже стоим, и хвалимся упованиею славы Божия. 3 Не точию же, но и хвалимся в скорбех, ведяще, яко скорбь терпение соделовает, 4 терпение же искусство, искусство же упование: 5 упование же не посрамит. Яко любы Божия излияся в сердца наша Духом Святым данным нам. 6 Еще бо Христос сущим нам немощным, по времени за нечестивых умре. 7 Едва бо за праведника кто умрет: за благаго бо негли кто и дерзнет умрети. 8 Составляет же Свою любовь к нам Бог, яко, еще грешником сущим нам, Христос за ны умре. 9 Много убо паче, оправдани бывше ныне Кровию Его, спасемся Им от гнева. 10 Аще бо врази бывше примиримся Богу смертию Сына Его, множа паче примирившеся спасемся в животе Его: 11 не точию же, но и хвалимся о Бозе Господем нашим Иисус Христом, Имже ныне примирение прияхом. 12 Сего ради якоже единем человеком грех в мир вниде, и грехом смерть, и тако смерть во вся человеки вниде, в немже вси согрешиша. 13 До закона бо грех бе в мире: грех же не вменяшеся, не сущу закону. 14 Но царствова смерть от Адама даже до Моисея и над несогрешившими по подобию преступления Адамова, иже есть образ будущаго. 15 Но не якоже прегрешение, тако и дар. Аще бо прегрешением единаго множи умроща, множа паче благодать Божия и дар благодатию единаго Человека Иисуса Христа во многих преизлишествова. 16 И не якоже единем согрешшим, дарование. Грех бо из единаго во осуждение: дар же от многих прегрешени во

оправдание. 17 Аще бо единаго прегрешением смерть царствова единем, множа паче избыток благодати и дар правды приемлюще, в жизни воцаряется единем Иисус Христом. 18 Темже убо, якоже единаго прегрешением во вся человеки вниде осуждение, такожде и единаго оправданием во вся человеки вниде оправдание жизни. 19 Якоже бо ослушанием единаго человека грешни быша множи, сице и послушанием единаго праведни будут множи. 20 Закон же привынде, да умножится прегрешение. Идеже бо умножися грех, преизбыточествова благодать: 21 да якоже царствова грех во смерть, такожде и благодать воцарится правдою в жизнь вечную, Иисус Христом Господем нашим. (aiōnios g166)

6 Что убо речем, пребудем ли во грехе, да благодать преумножится? Да не будет. 2 Иже бо умрохом греху, како паки оживем о нем? 3 Или не разумеете, яко елицы во Христа Иисуса крестихомся, в смерть Его крестихомся? 4 Спогребохомся убо Ему крещением в смерть, да якоже воста Христос от мертвых славою Отчю, тако и мы во обновлении жизни ходити начнем. 5 Аще бо сообразни быхом подобию смерти Его, то и воскресения будем, 6 сие ведяще, яко ветхии наш человек с Ним распятся, да упразднится тело греховное, яко кому не работати нам греху. 7 Умерый бо свободися от греха. 8 Аще же умрохом со Христом, веруем, яко и живи будем с Ним, 9 ведяще, яко Христос воста от мертвых, кому уже не умирает: смерть Им кому не обладает. 10 Еже бо умре, греху умре единою: а еже живет, Богови живет. 11 Такожде и вы помышляйте себе мертвых убо быти греху, живых же Богови, о Христе Иисусе Господе нашем. 12 Да не царствует убо грех в мертвеннем вашем теле, во еже послушати его в похотех его: 13 ниже представляйте уды ваша оружия неправды греху: но представляйте себе Богови яко от мертвых живых, и уды ваша оружия правды Богови. 14 Грех бо вами да не обладает. Несте бо под законом, но под благодатию. 15 Что убо, согрешили ли, зане несмы под законом, но под благодатию, да не будет. 16 Не весте ли, яко ему же представляете себе рабы в послушание, раби есте, егоже послушаете, или греха в смерть, или послушания в правду? 17 Благодарим убо Бога, яко бесте раби греху, послушасте же от сердца, в онъже и предастеся образ учения. 18 Свобождешся же от греха, поработистеся правде. 19 Человеческо глаголю, за немощь плоти вашея. Якоже бо представисте уды ваша рабы нечистоте и беззаконию в беззаконие, тако

ныне представите уды вашя рабы правде во святыню. 20 Егда бо раби бесте греха, свободни бесте от правды. 21 Кий убо тогда иместе плод? О нихже ныне стыдитеся, кончина бо онех, смерть. 22 Ныне же свободждешся от греха, порабощдеся же Богови, имате плод ваш во святыню, кончину же жизнь вечную. (αἰῶνιος γ166) 23 Оброцы бо греха смерть: дарование же Божие живот вечный о Христе Иисусе Господе нашем. (αἰῶνιος γ166)

7 Или не разумеете, братие: ведущым бо закон глаголю: яко закон обладает над человеком, во елико время живет? 2 Ибо мужатая жена живу мужу привязана есть законом: аще ли же умрет муж ея, разрешится от закона мужескаго. 3 Темже убо, живу сущу мужу, прелюбодейца бывает, аще будет мужеви иному: аще ли умрет муж ея, свободна есть от закона, не быти ей прелюбодейце, бывшай мужу иному. 4 Темже, братие моя, и вы умрости закону телом Христовыим, во еже быти вам иному, Воставшему из мертвых, да плод принесем Богови. 5 Егда бо бехом во плоти, страсти греховныя, яже законом, действоваху во удех наших, во еже плод творити смерти: 6 ныне же упразднихомся от закона, умерше, имже держими бехом, яко работати нам (Богови) во обновлении духа, а не в ветхости писмене. 7 Что убо речем? Закон ли грех? Да не будет: но греха не знах, точию законом: похоти же не ведах, аще не бы закон глаголал: не похощеши. 8 Вину же прием грех заповедию, содела во мне всяку похоть: без закона бо грех мертв есть. 9 Аз же живях кроме закона иногда: пришедшей же заповеди, грех убо оживе, 10 аз же умрох: и обретеся ми заповедь, яже в живот, сия в смерть, 11 грех бо вину прием заповедию, прельсти мя, и тою умертви мя. 12 Темже убо закон свят, и заповедь свята и праведна и блага. 13 Благое ли убо бысть мне смерть? Да не будет: но грех, да явится грех, благим ми содевая смерть, да будет по премногу грешен грех заповедию. 14 Вемы бо, яко закон духовен есть: аз же плотян есмь, продан под грех. 15 Еже бо содеваю, не разумею: не еже бо хощу, сие творю, но еже ненавижду, то соделоваю. 16 Аще ли, еже не хощу, сие творю, хвалю закон яко добр, 17 ныне же не ктому аз сие содеваю, но живый во мне грех. 18 Вем бо, яко не живет во мне, сиречь во плоти моей, доброе: еже бо хотети прилежит ми, а еже содеяти доброе, не обретаю. 19 Не еже бо хощу доброе, творю, но еже не хощу злое, сие содеваю. 20 Аще ли, еже не хощу аз, сие творю, уже не аз сие творю, но живый во мне грех. 21 Обретаю убо закон, хотящу ми творити

добре, яко мне злое прилежит. 22 Соуслаждаюся бо закону Божиу по внутреннему человеку: 23 вижду же ин закон во удех моих, противу воюющъ закону ума моего и пленяющъ мя законом греховным, сущим во удех моих. 24 Окаянен аз человек: кто мя избавит от тела смерти ся? 25 Благодарю Бога моего Иисуса Христом Господем нашим. Темже убо сам аз умом моим работаю закону Божиу, плотию же закону греховному.

8 Ни едино убо ныне осуждение сущим о Христе Иисусе, не по плоти ходящым, но по духу: 2 закон бо духа жизни о Христе Иисусе свободил мя есть от закона греховнаго и смерти. 3 Немощное бо закона, в немже немоществоваше плотию, Бог Сына Своего посла в подобии плоти греха, и о гресе осуди грех во плоти, 4 да оправдание закона исполнится в нас, не по плоти ходящих, но по духу. 5 Сущии бо по плоти, плотская мудрствуют. А иже по духу, духовная. 6 Мудрование бо плотское смерть есть, а мудрование духовное живот и мир, 7 зане мудрование плотское вражда на Бога: закону бо Божиу не покаряется, ниже бо может. 8 Сущии же во плоти, Богу угодити не могут. 9 Вы же нестес во плоти, но в дусе, понеже Дух Божии живет в вас. Аще же кто Духа Христова не имать, сей несть Его. 10 Аще же Христос в вас, плоть убо мертвага ради, дух же живет правды ради. 11 Аще ли же Дух Воскресившаго Иисуса от мертвых живет в вас, Воздигий Христа из мертвых оживотворит и мертвенная телеса ваша, живущим Духом Его в вас. 12 Темже убо, братие, должны есмы не плоти, еже по плоти жити. 13 Аще бо по плоти живете, имате умрети, аще ли духом деяния плотская умерщвляете, живи будете: 14 елицы бо Духом Божиим водятся, сии суть сынове Божии: 15 не приятсте бо духа работы паки в боязнь, но приятсте Духа сыноположения, о Немже вопием: Аава Отче. 16 Самый Дух сплослушает духови нашему, яко есмы чада Божия. 17 Аще же чада, и наследницы: наследницы убо Богу, снаследницы же Христу, понеже с Ним страждем, да и с Ним прославимся. 18 Непщую бо, яко недостойны страсти нынешняго времене к хотящей славе явитися в нас. 19 Чаяние бо твари, откровения сынов Божиих чает: 20 суете бо тварь повинуся не волею, но за повинувшаго ю, на уповании, 21 яко и сама тварь свободится от работы истления в свободу славы чад Божиих. 22 Вемы бо, яко вся тварь с нами совоздыхает и сболезнет даже доныне: 23 не точию же, но и сами начаток Духа имуще, и мы сами в себе воздыхаем, всыновления чающе,

избавления телу нашему. 24 Упованием бо спасохомся. Упование же видимое, несть упование: еже бо видит кто, что и уповаает? 25 Аще ли, егоже не видим, надеемся, терпением ждем. 26 Сице же и Дух способствует нам в немощех наших: о чесом бо помолимся, якоже подобает, не вемы, но Сам Дух ходатайствует о нас воздыханий неизглаголанными. 27 Испытаяй же сердца весть, что есть мудрование Духа, яко по Богу приповедует о святых. 28 Вемы же, яко любящим Бога вся поспешствуют во благое, сущим по предуведению званным: 29 иихже бо предуведе, (тех) и предустави сообразных быти образу Сына Своего, яко быти Ему первородну во многих братиях: 30 а иихже предустави, тех и призыва: а иихже призыва, сих и оправда: а иихже оправда, сих и прослави. 31 Что убо речем к сим, аще Бог по нас, кто на ны, 32 Иже убо Своего Сына не пощаде, но за нас всех предал есть Его, како убо не и с Ним вся нам дарствует? 33 Кто поемлет на избранныя Божия, Бог оправдаяй. 34 Кто осуждаяй? Христос Иисус умерый, паче же и воскресый, Иже и есть о десную Бога, Иже и ходатайствует о нас. 35 Кто ны разлучит от любве Божия, скорбь ли, или теснота, или гонение, или глад, или нагота, или беда, или мечь? Якоже есть писано: 36 яко Тебе ради умерщвляеми есмы весь день: вменихомся якоже овцы заколения. 37 Но во всех сих препобеждаем за Возлюбленного ны. 38 Известихся бо, яко ни смерть, ни живот, ни Ангели, ни Начала, ниже Силы, ни настоящая, ни грядущая, 39 ни высота, ни глубина, ни ина тварь кая возможет нас разлучити от любве Божия, яже о Христе Иисусе Господе нашем.

9 Истину глаголю о Христе, не лгу, послушствующей ми совести моей Духом Святым, 2 яко скорбь ми есть велия и непрестающая болезнь сердцу моему: 3 молилых ся бо сам аз отлучен быти от Христа по братии моей, сродницех моих по плоти, 4 иже суть Израилите, иихже въсновление и слава, и завети и законоположение, и служение и обетования: 5 иихже отцы, и от нихже Христос по плоти, сый над всеми Бог благословен во веки, аминь. (aiōn g165) 6 Не также, яко отпаде слово Божие: не вси бо сущии от Израиля, сии Израиль, 7 ни зане суть семя Авраамле, вни чада: но во Исааце, рече, наречется ти семя. 8 Сиречь, не чада плотская, сия чада Божия: но чада обетования причитаются в семя. 9 Обетования бо слово сие: на сие время прииду, и будет Сарре сын. 10 Не точию же, но и Ревекка от единаго ложа Исаака отца нашего имущи: 11 еще бо не

рождышымся, ни сотворившым что благо или зло, да по избранию предложение Божие пребудет 12 не от дел, но от Призывающаго, речеся ей, яко болий поработает меньшему, 13 якоже есть писано: Иакова возлюбих, Иисус же возненавидех. 14 Что убо речем? Еда неправда у Бога? Да не будет. 15 Моисеови бо глаголет: помилую, егоже аще помилую, и ущедрю, егоже аще ущедрю. 16 Темже убо ни хотящаго, ни текущаго, но милующаго Бога. 17 Глаголет бо Писание фараонови: яко на истое сие воздвигох тя, яко да покажу тобою силу Мою и да возвестится имя Мое по всей земли. 18 Темже убо, егоже хощет, милует: а егоже хощет, ожесточает. 19 Речеши убо ми: чесо ради еще укоряет, воли бо Его кто противитися может? 20 Темже убо, о, человече, ты кто еси, против отвещай Богови? Еда речет здание создавшему е: почто мя сотворил еси тако? 21 Или не имать власти скудельник на брении, от тогожде смешения сотворити о убо сосуд в честь, ов же не в честь? 22 Аще же хотя Бог показати гнев Свой и явити силу Свою, пренесе во мнозе долготерпении сосуды гнева совершены в погибель: 23 и да скажет богатство славы Своей на сосудех милости, яже предуготова в славу, 24 иихже и призыва нас не точию от Иудей, но и от язык: 25 якоже и во Осии глаголет: нареку не люди Моя люди Моя, и невозлюбленую возлюблену: 26 и будет, на месте, идже речеся им: не людие Мои есте вы, тамо нарекутся сынове Бога живаго. 27 Исаиа же вопиет о Израили: аще будет число сынов Израилевых яко песок морский, останок спасется: 28 слово бо скончавая и сокращая в правде, яко слово сокращено сотворит Господь на земли, 29 и якоже прорече Исаиа: аще не бы Господь Саваоф оставил нам семене, якоже Содом убо были быхом, и якоже Гоморру уподобилися быхом. 30 Что убо речем, яко языцы, не гонящии правду, постигаша правду, правду же, яже от веры: 31 Израиль же, гоня закон правды, в закон правды не постиже. 32 Чесо ради? Зане не от веры, но от дел закона: преткнувшись бо о камень претыкания, 33 якоже есть писано: се, полагаю в Сионе камень претыкания и камень соблазна: и всяк веруя в Онь не постыдится.

10 Братие, благоволение убо моего сердца и молитва, яже к Богу по Израили, есть во спасение. 2 Свидетельствую бо им, яко ревность Божию имут, но не по разуму. 3 Не разумеюще бо Божия правды и свою правду ищуще поставити, правде Божией не повинушася: 4 кончина бо закона Христос, в правду всякоуму верующему.

5 Моисей бо пишет правду юже от закона: яко сотворивый та человек жив будет в них. 6 А яже от веры правда сице глаголет: да не речеши в сердцы твоем: кто взыдет на небо, сиречь Христа свести: 7 или кто снидет в бездну, сиречь Христа от мертвых возвести. (Abyssos g12) 8 Но что глаголет Писание? Близ ти глагол есть, во устех твоих и в сердцы твоем, сиречь глагол веры, егоже проповедаем: 9 яко аще исповеси усты твоими Господа Иисуса, и веруеши в сердцы твоем, яко Бог Того воздвиге из мертвых, спасешися: 10 сердцем бо веруется в правду, усты же исповедуется во спасение. 11 Глаголет бо Писание: всяк веруяй в Онь не постыдится. 12 Несть бо разнствия Иудееви же и Еллину: Той бо Бог всех, богатый во всех призывающих Его. 13 Всяк бо, иже аще призовет имя Господне, спасется. 14 Како убо призовут, в Него же не вероваша? Како же уверуют, Егоже не услышаша? Како же услышат без проповедающего? 15 Како же проповедят, аще не послани будут? Якоже есть писано: коль красны ноги благовествующих мир, благовествующих благая. 16 Но не вси послушаша благовествования. Исаиа бо глаголет: Господи, кто верова слуху нашему? 17 Темже убо вера от слуха, слух же глаголголом Божиим. 18 Но глаголю: еда не слышаша, темже убо, во всю землю изыде вещание их, и в концы вселенныя глаголы их. 19 Но глаголю: еда не разуме Израиль? Первый Моисей глаголет: Аз раздражу вы не о языце, но о языце неразумне прогневаю вас. 20 Исаиа же дерзает и глаголет: обретохся не ищущым Мене, явлен бых не вопрошающим о Мне. 21 Ко Израилю же глаголет: весь день воздух руце Мои к людем непокоривым и пререкающим.

11 Глаголю убо: еда отрину Бог люди Своя? Да не будет. Ибо и аз Израильтянин есмь, от семене Авраамля, колена Вениаминова. 2 Не отрину Бог людей Своих, ихже прежде разуме. Или не весте, о Илии что глаголет Писание, яко приповедует Богови на Израиля, глаголя: з Господи, пророки Твоя избиша и олтари Твоя раскопаша: и аз остах един, и ищут души моея, изяти ю. 4 Но что глаголет ему Божественный ответ? Оставил Себе седмь тысяч мужей, иже не преклониша колена пред Баалом. 5 Тако убо и в нынешнее время останок по избранию благодати бысть. 6 Аще ли по благодати, то не от дел: зане благодать уже не бывает благодать. Аще ли от дел, кому несть благодать: зане дело уже несть дело. 7 Что убо? Егоже искаше Израиль, сего не получи, а избрание получи. Прочии же ослепишася, 8

якоже есть писано: даде им Бог дух умиления, очи не видети и уши не слышати, даже до днешняго дне. 9 И Давид глаголет: да будет трапеза их в сеть и в лов, и в соблазн и в воздаяние им: 10 да помрачатся очи их еже не видети, и хребет их выну сляцай. 11 Глаголю убо: еда согрешиша, да отпадут? Да не будет. Но тех падением спасение языком, во еже раздражити их. 12 Аще ли же прегрешение их богатство мира, и отпадение их богатство языков: кольми паче исполнение их? 13 Вам бо глаголю языком: понеже убо есмь аз языком Апостол, службу мою прославляю. 14 Аще како раздражу мою плоть, и спасу некия от них? 15 Аще бо отложение их, примирение миру, что приятие, разве жизнь из мертвых? 16 Аще ли начаток свят, то и примешение: и аще корень свят, то и ветви. 17 Аще ли некия от ветвей отломишася, ты же, дивия маслины сый, прицепился еси в них, и причастник корене и масти маслинныя сотворился еси, 18 не хвалися на ветви: аще ли же хвалишися, не ты корень носиши, но корень тебе. 19 Речеши убо. Отломишася ветви, да аз прицеплюся. 20 Добре: неверием отломишася, ты же верою стоиши: не высокомудрствуй, но бойся. 21 Аще бо Бог естественных ветвей не пощаде, да не како и тебе не пощадит. 22 Виждь убо благость и непощадение Божие: на отпадших убо непощадение, а на тебе благость Божия, аще пребудеши в благости: аще ли же ни, то и ты отсечен будеши. 23 И они же, аще не пребудут в неверствии, прицепятся: силен бо есть Бог паки прицепити их. 24 Аще бо ты от естественных отсечен дивия маслины, и чрез естество прицепился еси к доброй маслине: кольми паче сии, иже по естеству, прицепятся своей маслине? 25 Не бо хощу вас не ведети тайны сея, братие, да не будете о себе мудри, яко ослепление от части Израильтянин бысть, дондеже исполнение языков внидет, 26 и тако весь Израиль спасется, якоже есть писано: приидет от Сиона Избавляй, и отвратит нечестие от Иакова: 27 и сей им от Мене завет, егда отиму грехи их. 28 По благовествованию убо, врази вас ради: по избранию же, возлюблены отец ради. 29 Нераскаянна бо дарования и звание Божие. 30 Якоже бо и вы иногда противистеся Богови, ныне же помилованы бысте сих противлением: 31 такожде и сии ныне противишася вашей милости, да и тии помилованы будут. 32 Затвори бо Бог всех в противление, да всех помилует. (eleēs g1653) 33 О, глубина богатства и премудрости и разума Божия! Яко неиспытани судове Его, и неизследовани путие Его. 34 Кто бо разуме ум Господень, или кто советник Ему бысть? 35 Или кто прежде даде Ему, и воздастся Ему, 36

яко из Того и Тем и в Нем всяческая. Тому слава во веки.
Аминь. (aiōn g165)

12 Молю убо вас, братие, щедротами Божиими, представите телеса ваша жертву живу, святы, благоугодну Богови, словесное служение ваше, 2 и не сообразуйтесь веку сему, но преобразуйтесь обновлением ума вашего, во еже искушати вам, что есть воля Божия благая и угодная и совершенная. (aiōn g165) 3 Глаголю бо благодатию давшеюся мне, всякому существу в вас не мудрствовати паче, еже подобает мудрствовати: но мудрствовати в целомудрии, коемуждо яко же Бог разделил есть меру веры. 4 Яко же бо во едином телеси многи уды имамы, уды же вси не тожде имут делание, 5 такожде мнози едино тело есмы о Христе, а по единому друг другу уди. 6 Имуще же дарования по благодати даннай нам различна: аще пророчество, по мере веры: 7 аще ли служение, в служении: аще учая, во учении: 8 аще утешаяй, во утешении: подаваяй, в простоте: предстояй, со тщанием: милуй, с добрым изволением. 9 Любы нелицемерна: ненавидяще злого, прилепляйтесь благому: 10 братолюбием друг ко другу любезни: честию друг друга болша творяще: 11 тщанием не лениви, духом горяще, Господви работающе. 12 Упованием радующеся, скобри терпяще, в молитве пребывающе: 13 требованием святых приюбщающеся, страннолюбия держащеся: 14 благословляйтесь гонящая вы: благословите, а не клените. 15 Радоватися с радующимися, и плакати с плачущими. 16 Тожде друг ко другу мудрствующе. Не высокая мудрствующе, но смиренными ведущеся: не бывайте мудри о себе: 17 ни единому же зла за зло воздающе, промышляюще добрая пред всеми человеки. 18 Аще возможно, еже от вас, со всеми человеки мир имейте. 19 Не себе отмывающе, возлюблении, но дадите место гневу. Писано бо есть: Мне отмщение, Аз воздам, глаголет Господъ. 20 Аще убо алчет враг твой, ухлеби его: аще ли жаждет, напой его: сие бо творя, углие огнено собираеши на главу его. 21 Не побежден бывай от зла, но побеждай благим злее.

13 Всяка душа властем предержащым да повинуется: несть бо власть аще не от Бога, сущая же власти от Бога учинены суть. 2 Темже противляйтесь власти, Божию повелению противляйтесь: противляющиися же себе грех приемлют. 3 Князи бо не суть боязнь добрым делом, но злым. Хощеши же ли не боятися власти? Благое твори, и имети будеши похвалу от него: 4 Божий бо слуга есть, тебе во благое. Аще ли злое твориши, бойся, не бо без

ума мечь носит: Божий бо слуга есть, отмститель в гнев злое творящему. 5 Темже потреба повиноватися не токмо за гнев, но и за совесть. 6 Сего бо ради и дани даете: служители бо Божии суть, во истое сие пребывающе. 7 Воздадите убо всем должна: ему же (убо) урок, урок: (а) ему же дань, дань: (а) ему же страх, страх: (и) ему же честь, честь. 8 Ни единому же ничимже должны бывайте, точию еже любити друг друга: любяй бо друга, закон исполнни. 9 Еже бо: не прелюбы створиши, не убиши, не украдеши, не лжесвидетелствуши, не похощеши, и аще кая ина заповедь, в сем словеси совершается, во еже: возлюбиши искренняго твоего, яко же сам себе. 10 Любы искреннему зла не творит. Исполнение убо закона любы есть. 11 И сие, ведающе время, яко час уже нам от сна востати. Ныне бо ближайшее нам спасение, нежели егда веровахом. 12 Ноющ убо прейде, а день приближися: отложим убо дела темная, и облечемся во оружие света. 13 Яко во дни, благообразно да ходим, не козлогласовани и пиянства, не любодеяни и студодеяни, не рвением и завистию: 14 но облецьтесь Господем нашим Иисусом Христом, и плоти угодия не творите в похоти.

14 Изнемогающаго же в вере приемлите, не в сомнение помышлении. 2 Ов бо верует ясти вся, а изнемогай зелия да яст. 3 Ядый не ядущаго да не укаряет: и не ядый ядущаго да не осуждает: Бог бо его прият. 4 Ты кто еси судя чуждему рабу? Своему Господви стоит, или падает. Станет же, силен бо есть Бог поставити его. 5 Ов убо разсуждает день чрез день, ов же судит на всякий день. Кийжо своею мыслию да известуется. 6 Мудрствуй день, Господеви мудрствует: и не мудрствуй день, Господеви не мудрствует. Ядый, Господеви яст. Благодарит бо Бога: и не ядый, Господеви не яст, и благодарит Бога. 7 Никтоже бо нас себе живет, и никтоже себе умирает: 8 аще бо живем, Господеви живем, аще же умираем, Господеви умираем: аще убо живем, аще умираем, Господни есмы. 9 На сие бо Христос и умре и воскресе и оживе, да и мертвими и живыми обладает. 10 Ты же почто осуждаеш брата твоего, или ты что уничижаеш брата твоего? Вси бо предстанем судищу Христову. 11 Писано бо есть: живу Аз, глаголет Господъ, яко Мне поклонится всяко колено, и всякий язык исповестся Богови. 12 Темже убо кийжо нас о себе слово даст Богу. 13 Не кому убо друг друга осуждаем, но сие паче судите, еже не полагати претыкания брату или соблазна. 14 Вем и извещен есмь о Христе Иисусе, яко ничтоже скверно само собою: точию помышляющему что скверно быти,

оному скверно есть. 15 Аще же брашна ради брат твой скорбит, уже не по любви ходиши: не брашном твоим того погубляй, за негоже Христос умре. 16 Да не хулится убо ваше благое. 17 Несть бо Царство Божие брашно и питие, но правда и мир и радость о Дусе Святе. 18 Иже бо сими служит Христови, благоугоден есть Богови и искусен человеком. 19 Темже убо мир возлюбим и яже к созиданию друг ко другу. 20 Не брашна ради разоряй дело Божие. Вся бо чиста, но зло человеку претыканием ядущему. 21 Добро не ясти мяс, ниже пити вина, ни о немже брат твой претыкается или соблазняется или изнемогает. 22 Ты веру имаш? О себе сам имей пред Богом. Блажен не осуждай себе, о немже искушается. 23 А сомняйся, аще яст, осуждается, зане не от веры: всяко же, еже не от веры, грех есть.

15 Должни есмы мы сильнии немощных носити, и не себе угождати: 2 киijdo же вас ближнему да угождает во благое к созиданию. 3 Ибо и Христос не Себе угоди, но якоже есть писано: поношения поносящих Тебе нападоша на мя. 4 Елика бо преднаписана быша, в наше наказание преднаписашася, да терпением и утешением Писаний упование имамы. 5 Бог же терпения и утешения да даст вам тожде мудрствовати друг ко другу о Христе Иисусе, 6 да единодушно едиными усты славите Бога и Отца Господа нашего Иисуса Христа. 7 Темже приемлите друг друга, якоже и Христос прият вас во славу Божию. 8 Глаголю же Христа Иисуса служителя бывша обрезания по истине Божией, во еже утвердити обетования отцев. 9 А языком по милости, прославити Бога, якоже есть писано: сего ради исповемся Тебе во языцах, Господи, и имени Твоему пою. 10 И паки глаголет: возвеселитесь, языцы, с людьми Его. 11 И паки: хвалите Господа, вси языцы, и похвалите Его, вси людие. 12 И паки Исаия глаголет: будет корень Иессеев, и востай владети над языки: на Того языцы уповают. 13 Бог же упования да исполнит вас всякия радости и мира в вере, избыточествовати вам во упении, силою Духа Святаго. 14 Извещен же есмь, братие моя, и сам аз о вас, яко и сами вы полни есте благости, исполнени всякаго разума, могуще и иныя научити: 15 дерзее же писах вам, братие моя, от части, яко воспоминая вам, за благодать данную ми от Бога, 16 во еже быти ми служителю Иисус Христову во языцах, священодействующу благовествование Божие, да будет приношение еже от язык благоприятно и освященно Духом Святым. 17 Имам убо похвалу о Христе Иисусе

в тех, яже к Богу: 18 не смею бо глаголати что, ихже не содея Христос мною, в послушание языков, словом и делом, 19 в силе знамений и чудес, силою Духа Божия, якоже ми от Иерусалима и окрест даже до Иллирика исполнити благовествование Христово. 20 Сице же потщахся благовестити, не идеже именовася Христос, да не на чужем основании созижду, 21 но якоже есть писано: имже не возвестися о Нем, узрят, и иже не слышаша, уразумеют. 22 Темже и возбранен бых многажды приити к вам. 23 Ныне же ктоому места не имыи в странах сих, желание же имый приити к вам от многих лет, 24 яко аще поиду во Испанию, прииуду к вам. Уповаю бо мимогрядый видети вас и вами проводитися тамо, аще вас прежде от части насыщуся. 25 Ныне же гряду во Иерусалим, служая святым, 26 благоволиша бо Македония и Ахайя общение некое сотворити к ницым святым живущым во Иерусалиме. 27 Благоволиша бо, и должны им суть. Аще бо в духовных их причастници быша языцы, должны суть и в плотских послужити им. 28 Сие убо скончав, и запечатлев им плод сей, поиуду вами во Испанию: 29 вем же, яко грядый к вам, во исполнении благословения благовестия Христова прииуду. 30 Молю же вы, братие, Господем нашим Иисус Христом и любовию Духа, споспешствуйте ми в молитвах о мне к Богу, 31 да избавлюся от противляющихся во Иудеи, и да служба моя, яже во Иерусалиме, благоприятна будет святым. 32 Да с радостию прииуду к вам волею Божию и упокоюся с вами. 33 Бог же мира со всеми вами. Аминь.

16 Вручаю же вам Фиву сестру нашу, сущу служительницу церкве яже в Кегхреех: 2 да примите ю о Господе достойне святым, и споспешствуйте ей, о нейже аще от вас потребует вещи: ибо сия заступница многим бысть, и самому мне. 3 Целуйте Прискиллу и Акилу, споспешника моя о Христе Иисусе, 4 иже по души моей своя выя положиста, ихже не аз един благодарю, но и вся церкви языческия: и домашнюю их церковь. 5 Целуйте Епенета возлюбленного ми, иже есть начаток Ахайи во Христе. 6 Целуйте Мариамъ, яже много трудися о нас. 7 Целуйте Андроника и Иунию, сродники мои и спленники моя, иже суть нарочиты во Апостолех, иже и прежде мене вероваста во Христа. 8 Целуйте Амплия возлюбленного ми о Господе. 9 Целуйте Урвана споспешника нашего о Христе, и Стахия возлюбленного ми. 10 Целуйте Апеллия искусна о Христе. Целуйте сущыя от Аристовула. 11 Целуйте Иродиона сродника моего. Целуйте иже от Наркисса сущыя о Господе. 12 Целуйте Трифену и Трифосу труждающыся о Господе. Целуйте

Персиду возлюбленную, яже много трудися о Господе.
13 Целуйте Руфа избранного о Господе, и матерь его и
мою. 14 Целуйте Асигкрита, Флегонта, Ерма, Патрова,
Ериа, и сущую с ними братию. 15 Целуйте Филолога
и Иулию, Ниреа и сестру его, и Олимпана, и сущия
с ними вся святыя. 16 Целуйте друг друга лобзанием
святым. Целуют вы вся церкви Христовы. 17 Молю же
вы, братие, блюдитесь от творящих распри и раздоры,
кроме учения, емуже вы научистесь, и уклонитеся от
них: 18 таковии бо Господеви нашему Иисусу Христу
не работают, но своему чреву: иже благими словесы
и благословением прельщают сердца незлобивых. 19
Ваше бо послушание ко всем достиче. Радуюся же еже
о вас. Хощу же вас мудрых убо быти во благое, простых
же в злое. 20 Бог же мира да сокрушит сатану под ноги
ваша вскоре. Благодать Господа нашего Иисуса Христа с
вами. Аминь. 21 Целует вас Тимофея споспешник мой, и
Лукий и Иасон и Сосипатр, сродницы мои. 22 Целую вы и
аз Тертий, написавый послание сие, о Господе. 23 Целует
вы Гаие странноприимец мой и церкве всея. Целует вы
Ераст строитель градский, и Куарт брат. 24 Благодать
Господа нашего Иисуса Христа со всеми вами. Аминь. 25
Могущему же вас утвердити по благовествованию моему
и проповеданию Иисус Христову, по откровению тайны,
леты вечными умолчанныя, (aiōnios g166) 26 явльшияся же
ныне, писании пророческими, по повелению вечнаго Бога,
в послушание веры во всех языцах познавшияся, (aiōnios
g166) 27 Единому Премудрому Богу, Иисусом Христом,
Ему же слава во веки. Аминь. (aiōn g165)

Первое послание к Коринфянам

1 Павел, зван Апостол Иисус Христов волею Божию, и Сосфен брат, 2 церкви Божией сущей в Коринфе, освященным о Христе Иисусе, званным святым, со всеми призывающими имя Господа нашего Иисуса Христа, во всяком месте, тех же и нашем: 3 благодать вам и мир от Бога Отца нашего и Господа Иисуса Христа. 4 Благодарю Бога моего всегда о вас, о благодати Божией данной вам о Христе Иисусе, 5 яко во всем обогащистесь о Нем, во всяком слове и всяком разуме, 6 яко же свидетельство Христово известится в вас: 7 яко вам не лишистися ни во единем даровании, чающим откровения Господа нашего Иисуса Христа, 8 Иже и утвердит вас даже до конца неповинных в день Господа нашего Иисуса Христа. 9 Верен Бог, Имже звани бысте во общение Сына Его Иисуса Христа, Господа нашего. 10 Молю же вы, братие, именем Господа нашего Иисуса Христа, да тожде глаголете вси, и да не будут в вас распри, да будете же утверждени в томже разумении и в тойже мысли. 11 Возвестися бо ми о вас, братие моя, (посланным) от Хлоиса, яко рвения в вас суть. 12 Глаголю же се, яко кийждо вас глаголет: аз убо есмь Павлов, аз же Апостол, аз же Кифин, аз же Христов. 13 Еда разделися Христос, еда Павел распялся по вас? Или во имя Павлово крестистесь? 14 Благодарю Бога, яко ни единаго от вас крестих, точию Кристла и Гаиа, 15 да не кто речет, яко в мое имя крестих. 16 Крестих же и Стефанинов дом: прочее не вем, аще кого иного крестих. 17 Не послало мне Христос крестити, но благовестити, не в премудрости слова, да не испразднится крест Христов. 18 Слово бо крестное погибающим убо юродство есть, а спасаемым нам сила Божия есть. 19 Писано бо есть: погублю премудрость премудрых, и разум разумных отвергу. 20 Где премудр? Где книжник? Где совопросник века сего? Не обуи ли Бог премудрость мира сего? (aiōn g165) 21 Понеже бо в премудрости Божией не разуме мир премудростию Бога, благоизволил Бог буйством проповеди спасти верующих. 22 Понеже и Иудеи знамения просят, и Еллини премудрости ищут: 23 мы же проповедуем Христа распята, Иудеем убо соблазн, Еллином же безумие, 24 самем же званным Иудеем же и Еллином Христа, Божиу силу и Божиу премудрость: 25 зане буе Божие премудрее человек есть, и немощное Божие крепчае человек есть. 26 Видите бо звание ваше, братие, яко не

мнози премудри по плоти, не мнози сильни, не мнози благородни: 27 но буяя мира избра Бог, да премудрья посрамит, и немощная мира избра Бог, да посрамит крепкая: 28 и худородная мира и уничиженная избра Бог, и не сущая, да сущая упразднит, 29 яко да не похвалится всяка плоть пред Богом. 30 Из Него же вы есте о Христе Иисусе, Иже бысть нам премудрость от Бога, правда же и освящение и избавление, 31 да, яко же пишется: хваляйся, о Господе да хвалится.

2 И аз пришед к вам, братие, придох не по превосходному словеси или премудрости возвещая вам свидетельство Божие: 2 не судих бо ведети что в вас, точию Иисуса Христа, и Сего распята: 3 и аз в немощи и страсе и трепете мнозе бых в вас. 4 И слово мое и проповедь моя не в препретелных человеческия премудрости словесех, но в явлении духа и силы, 5 да вера ваша не в мудрости человечестей, но в силе Божией будет. 6 Премудрость же глаголем в совершенных, премудрость же не века сего, ни князей века сего престающих, (aiōn g165) 7 но глаголем премудрость Божию, в тайне сокровенную, юже предустрои Бог прежде век в славу нашу, (aiōn g165) 8 юже никтоже от князей века сего разуме: аще бо быша разумели, не быша Господа славы распяли. (aiōn g165) 9 Но яко же есть писано: ижже око не виде, и ухо не слыша, и на сердце человеку не взыдоша, яже уготова Бог любящим Его. 10 Нам же Бог открыл есть Духом Своим: Дух бо вся испытует, и глубины Божия. 11 Кто бо весть от человек, яже в человеке, точию дух человека, живущий в нем? Такожде и Божия никтоже весть, точию Дух Божий. 12 Мы же не духа мира сего прияхом, но Духа иже от Бога, да вемы яже от Бога дарованная нам, 13 яже и глаголем не в наученых человеческия премудрости словесех, но в наученых Духа Святаго, духовная духовными сразсуждающе. 14 Душевен же человек не приемлет яже Духа Божия: юродство бо ему есть, и не может разумети, зане духовне востязуется. 15 Духовный же востязует убо вся, а сам той ни от единаго востязуется. 16 Кто бо разуме ум Господень, иже изясnit и? Мы же ум Христов имамы.

3 И аз, братие, не могох вам глаголати яко духовным, но яко плотяным, яко младенцем о Христе. 2 Млеком вы напоих, а не брашном: ибо не у можасте, но ниже еще можете ныне, з еще бо плотстии есте. Идеже бо в вас зависти и рвения и распри, не плотстии ли есте и по человеку ходите? 4 Егда бо глаголет кто: аз убо есмь Павлов, другий же: аз Апостол: не плотстии ли

есте? 5 Кто убо есть Павел? Кто же ли Аполлос? Но точию служите, имиже веровасте, и комуждо якоже Господь даде. 6 Аз насадих, Аполлос напои, Бог же возрасти: 7 темже ни насаждая есть что, ни напаяй, но возвращая Бог. 8 Насаждая же и напаяй едино еста: кийждо же свою мзду приимет по своему труду. 9 Богу бо есмы споспешницы: Божие тяжание, Божие здание есте. 10 По благодати Божией данней мне, яко премудр архитектон основание положих, ин же назидает: кийждо же да блудет, како назидает. 11 Основания бо иного никотоже может положити паче лежащаго, еже есть Иисус Христос. 12 Аще ли кто назидает на основании сем злато, сребро, камение честное, дрова, сено, тростие, 13 когождо дело явлено будет: день бо явит, зане огнем открывается: и когождо дело, яковоже есть, огнь искусит. 14 (И) егоже аще дело пребудет, еже назда, мзду приимет: 15 (а) егоже дело сгорит, отщетится: сам же спасется, такожде якоже огнем. 16 Не весте ли, яко храм Божий есте, и Дух Божий живет в вас? 17 Аще кто Божий храм растлит, растлит сего Бог: храм бо Божий свят есть, иже есте вы. 18 Никотоже себе да прельщает: аще кто мнится мудр быти в вас в веце сем, буй да бывает, яко да премудр будет. (аіðп g165) 19 Премудрость бо мира сего буйство у Бога есть, писано бо есть: запинай премудрым в коварстве их. 20 И паки: Господь весть помышления человеческа, яко суть суетна. 21 Темже никотоже да хвалитися в человечех, вся бо ваша суть: 22 аще Павел, или Аполлос, или Кифа, или мир, или живот, или смерть, или настоящая, или будущая, вся ваша суть: 23 вы же Христовы, Христос же Божий.

4 Тако нас да непщует человек, яко слуг Христовых и строителей тайн Божиих: 2 а еже прочее ищется в строителях, да верен кто обрящется. 3 Мне же не велико есть, да от вас истяжуся, или от человеческаго дне: но ни сам себе востязую. 4 Ничесоже бо в себе свем, но ни о сем оправдаюся: востязуй же мя Господь есть. 5 Темже прежде времене ничтоже судите, дондеже приидет Господь, Иже во свете приведет тайная тмы и объявит советы сердечныя, и тогда похвала будет комуждо от Бога. 6 Сия же, братие (моя), преобразих на себе и Аполлоса вас ради, да от наю научитеся не паче написанных мудрствовати, да не един по единому гордитесь на другаго. 7 Кто бо тя разсуждает? Что же имаши, егоже неси приял? Аще же и приял еси, что хвалишися яко не прием? 8 Се, съти есте, се, обогатистесь, без нас воцаристесь: и о, дабы воцарилися

есте, да и мы быхом с вами цартсвали. 9 Мню бо, яко Бог ны посланники последния яви, яко насмертники: зане позор быхом миру и Ангелом и человеком. 10 Мы (убо) буи Христа ради, вы же мудри о Христе: мы немощни, вы же крепцы: вы славни, мы же безчестни. 11 До нынешняго часа и алчем, и жаждем, и наготуем, и страждем, и скитаемся, 12 и труждаемся, делающе своими руками. Укоряеми, благословляем: гоними, терпим: 13 хулими, утешаемся: якоже отреби миру быхом, всем попрание доселе. 14 Не срамляя вас сия пишу, но якоже чада моя возлюбленная наказую. 15 Аще бо (и) многи пестуны имате о Христе, но не многи отцы: о Христе бо Иисусе благовествованием аз вы родих. 16 Молю же вас: подобни мне бывайте, якоже аз Христу. 17 Сего ради послах к вам Тимофея, иже ми есть чадо возлюблено и верно о Господе, иже вам воспомянет пути моя, яже о Христе Иисусе, якоже везде и во всяцей церкви учу. 18 Яко не грядущу ми к вам, разгордешася нецы: 19 прииду же скоро к вам, аще Господь восхощет, и уразумею не слово разгордевшихся, но силу: 20 не в словеси бо Царство Божие, но в силе. 21 Что хощете? С палицею ли прииду к вам, или с любовию и духом кротости?

5 Отнюдь слышится в вас блуждение, и таково блуждение, яковоже ни во языщех именуется, яко некоему имети жену отчую. 2 И вы разгордесте, и не паче плакасте, да измется от среды вас содеявый дело сие. 3 Зане аз убо аще не у вас сый телом, ту же живый духом, уже судих, яко тамо сый: содеявшаго сице сие, 4 о имени Господа нашего Иисуса Христа собравшымся вам и моему духу, с силою Господа нашего Иисуса Христа, 5 предати таковаго сатане во измождение плоти, да дух спасется в день Господа нашего Иисуса Христа. 6 Не добра похвала ваша. Не весте ли, яко мал квас все смешение квасит? 7 Очистите убо ветхий квас, да будете ново смешение, якоже есте безквасни: ибо Пасха наша за ны пожрен бысть Христос. 8 Темже да празднуем не в квасе ветсе, ни в квасе злобы и лукавства, но в безквасиих чистоты и истины. 9 Писах вам в послании не примешатися блудником: 10 и не всяко блудником мира сего, или лихомицем, или хищником, или идолослужителем, понеже убо должны бы есте были от мира (сего) изыти: 11 ныне же писах вам не примешатися, аще некий, брат именуемъ, будет блудник, или лихомиц, или идолослужитель, или досадитель, или пияница, или хищник: с таковым ниже ясти. 12 Что бо ми и внешних

судити? Не внутренних ли вы судите? 13 Внешних же Бог судит. И измите злого от вас самех.

6 Смеет ли кто от вас, вещь имея ко иному, судитися от неправедных, а не от святых? 2 Не весте ли, яко святии мирови имут судити? И аще вами суд примет мир, недостойни есте судищем худым? 3 Не весте ли, яко аггелов судити имамы, а не точию житейских? 4 Житейская бо судища аще имате, униженных в церкви, сих посаждаете. 5 К сраму вам глаголю: тако ли несть в вас мудр ни един, иже может разсудити между братий своих? 6 Но брат с братом судится, и то пред неверными. 7 Уже убо отнюдь вам срам есть, яко тяжбы имате между собою. Пачто не паче обидими есте? Пачто не паче лишени бываете? 8 Но вы (сами) обидите и лишаете, да еще братию. 9 Или не весте, яко неправедницы Царствия Божия не наследят? Не льстите себе: ни блудницы, ни идолослужителе, ни прелюбодее, (ни сквернителе,) ни малаки, ни мужеложницы, 10 ни лихоимцы, ни татие, ни пияницы, ни досадителе, ни хищницы Царствия Божия не наследят. 11 И сими (убо) нецы бесте, но омыстеся, но освятистеся, но оправдистеся именем Господа нашего Иисуса Христа и Духом Бога нашего. 12 Вся ми леть суть, но не вся на пользу: вся ми леть суть, но не аз обладан буду от чего. 13 Брашна чреву, и чрево брашном: Бог же и сие и сия упразднит. Тело же не блужению, но Господеви, и Господь телу. 14 Бог же и Господа воздвиге, и нас воздвигнет силою Свою. 15 Не весте ли, яко телеса ваша удове Христовы суть? Взмь ли убо уды Христовы, соторю уды блудничи? Да не будет. 16 Или не весте, яко прилепляйся сквернодейце едино тело есть (с блудодейце)? Будета бо, рече, оба в плоть едину. 17 Прилепляйся же Господеви един дух есть (с Господем). 18 Бегайте блудодеяния: всяк (бо) грех, егоже аще соторит человек, кроме тела есть: а блудяй во свое тело согрешает. 19 Или не весте, яко телеса ваша храм живущаго в вас Святаго Духа суть, Егоже имате от Бога, и несте свои? 20 Куплени бо есте ценою. Прославите убо Бога в телесех ваших и в душах ваших, яже суть Божия.

7 А о нихже писасте ми, добро человеку жене не прикастatisя. 2 Но блудодеяния ради кийждо свою жену да имать, и каяждо (жена) своего мужа да имать. 3 Жене муж должнаю любовь да воздает: такожде и жена мужу. 4 Жена своим телом не владеет, но муж: такожде и муж своим телом не владеет, но жена. 5 Не лишайте себе друг друга, точию по согласию до времене, да пребываете в посте и молитве, и паки вкупе собирайтесь,

да не искушает вас сатана невоздержанием вашим. 6 Сие же глаголю по совету, (а) не по повелению. 7 Хощу бо, да вси человецы будут, якоже и аз: но кийждо свое дарование имать от Бога, ов убо сице, ов же сице. 8 Глаголю же безбрачным и вдовицам: добро им есть, аще пребудут якоже и аз: 9 аще ли не удержанятся, да посягают: лучше бо есть женитися, нежели разжизнитися. 10 А оженившымся завещаваю не аз, но Господь: жене от мужа не разлучатися: 11 аще ли же и разлучится, да пребывает безбрачна, или да смирится с мужем (своим): и мужу жены не отпуши. 12 Прочым же аз глаголю, (а) не Господь: аще который брат жену имать неверну, и та благоволит жити с ним, да не оставляет ея: 13 и жена аще имать мужа неверна, и той благоволит жити с нею, да не оставляет его: 14 святится бо муж неверен о жене верне, и святится жена неверна о мужи верне: иначе бо чада ваша нечиста были бы, ныне же свята суть. 15 Аще ли неверный отлучается, да разлучится: не поработися (бо) брат или сестра в таковых: в мир бо призыва нас (Господь) Бог. 16 Что бо веси, жено, аще мужа спасеши? Или что веси, мужу, аще жену спасеши? 17 Точио коемуждо якоже разделил есть Бог, кийждо якоже призван бысть Господем, тако да ходит: и тако во всех церквах повелеваю. 18 Во обрезании ли кто призван бысть? Да не обрезуется. 19 Обрезание ничтоже есть, и необрезание ничтоже есть, но соблюдение заповедей Божиих. 20 Кийждо в звании, в немже призван бысть, в том да пребывает. 21 Раб ли призван был еси? Да не нерадиши: но аще и можеши свободен быти, больше поработи себе. 22 Призванный бо о Господе раб, свободник Господень есть: такожде и призванный свободник, раб есть Христов. 23 Ценою куплени есте: не будите раби человеком. 24 Кийждо, в немже призван бысть, братие, в том да пребывает пред Богом. 25 О девах же повеления Господня не имам, совет же даю, яко помилован от Господа верен быти. 26 Мню убо сие добро быти за настоящую нужду, яко добро человеку тако быти. 27 Привязался ли еси жене? Не ищи разрешения. Отрещился ли еси жены? Не ищи жены. 28 Аще ли же и оженишися, не согрешил еси: и аще посягнет дева, не согрешила есть. Скорбь же плоти имети будут таковии: аз же вы щажду. 29 Сие же глаголю, братие, яко время прекращено есть прочее, да и имущии жены, якоже не имущии будут: 30 и плачущиися, якоже не плачущии: и радующиися, якоже не радующеся: и купуюши, яко не содеряще: 31 и требующии мира сего,

яко не требующе: преходит бо образ мира сего. 32 Хощу же вас беспечальных быти. Не оженивыйся печется о Господних, како угодити Господеви: 33 а оженивыйся печется о мирских, како угодити жене. Разделися жена и дева: 34 непосягшая печется о Господних, како угодити Господеви, да будет свята и телом и духом: а посягшая печется о мирских, како угодити мужу. 35 Сие же на пользу вам самем глаголю: не да сило вам наложу, но к благообразию и благоприступанию Господеви безмолвну. 36 Аще ли же кто безобразити о деве своей непщет, аще есть превозрастна, и тако должна есть быти: еже хощет, да творит: не согрешает, аще посягнет. 37 А иже стоит твердо сердцем, не имый нужды, власть же имать о своей воли, и се разсудил есть в сердцы своем блести деву свою, добре творит. 38 Темже и вдай браку свою деву добре творит: и не вдай лучше творит. 39 Жена привязана есть законом, в елико время живет муж ея: аще же умрет муж ея, свободна есть, за негоже хощет, посягнути, точию о Господе. 40 Блаженнейша же есть, аще тако пребудет, по моему совету: мнося бо и аз Духа Божия имети.

8 О идоложертвенных же вемы: яко вси разум имамы.

Разум (убо) кичит, а любы созидает. 2 Аще ли кто мнится ведети что, не у что разуме, яко же подобает разумети: 3 аще же кто любит Бога, сей познан бысть от Его. 4 О ядении же идоложертвенных вемы, яко идол ничтоже есть в мире, и яко никтоже Бог ин, токмо Един. 5 Аще бо и суть глаголемии бози, или на небеси, или на земли: яко же суть бози мнози и господие мнози: 6 но нам един Бог Отец, из Негоже вся, и мы у Его, и един Господь Иисус Христос, Имже вся, и мы Тем. 7 Но не во всех разум: нецый же совестию идолскою даже доселе яко же идоложертвенное ядят, и совесть их, немощна суши, сквернится. 8 Брашно же нас не поставляет пред Богом: ниже бо аще ямы, избыточествуем: ниже аще не ямы, лишаемся. 9 Блюдите же, да не како власть ваша сия преткновение будет немощным. 10 Аще бо кто видитя, имуща разум, в требищи возлежаща, не совесть ли его немощна суши созиждется идоложертвенная ясти? 11 И погибнет немощный брат в твоем разуме, егоже ради Христос умре. 12 Такожде согрешающе в братию и биюще их совесть немощну суши, во Христа согрешаете. 13 Темже аще брашно соблазняет брата моего, не имам ясти мяса во веки, да не соблазню брата моего. (aiōn g165)

9 Несмы ли Апостол? Несмы ли свободъ? Не Иисуса Христа ли Господа нашего видех? Не дело ли мое

вы есте о Господе? 2 Аще иным (и) несмы Апостол, но обаче вам есмь: печать бо моего апостолства вы есте о Господе. 3 Мой ответ востязующым мене сей есть. 4 Еда не имамы власти ясти и пити? 5 Еда не имамы власти сестру жену водити, яко и прочии Апостоли, и братия Господня, и Кифа? 6 Или един аз и Варнава не имамы власти еже не делати? 7 Кто воинствует своими оброки когда? Или кто насаждает виноград, и от плода его не яст? Или кто пасет стадо, и от млека стада не яст? 8 Еда по человеку сия глаголю? Не и закон ли сия глаголет? 9 В Моисееве бо законе писано: да не заградиши устну вола молотяща. Еда о волех радит Бог? 10 Или нас ради всяко глаголет? Нас бо ради написася, яко о надежди должен есть орый орати, и молотяй с надеждею своего упования причащатися. 11 Аще мы духовная сеяхом вам, велико ли, аще мы ваша телесная пожнем? 12 Аще инии власти вашея причащаются, не паче ли мы? Но не сотворихом по области сей: но вся терпим, да не прекращение кое дамы благовествованию Христову. 13 Не весте ли, яко делающии священная от святыни ядят? (и) служащии олтарю со олтарем делятся? 14 Тако и Господь повеле проповедающим Благовестие от благовестия жити. 15 Аз же ни едино сотворих от сих. Не писах же сия, да тако будет о мне: добре бо мне паче умрети, нежели похвалу мою кто да испразднит. 16 Аще бо благовествую, несть ми похвалы, нужда бо ми належит: горе же мне есть, аще не благовествую. 17 Аще убо волею сие творю, мзду имам: аще же неволею, строение ми есть предано. 18 Кая убо ми есть мзда? Да благовествуяй без мзды положу Благовестие Христово, во еже не творити ми по области моей в благовествовании. 19 Свободен бо сый от всех, всем себе поработих, да множайшия приобряще: 20 бых Иудеем яко Иудей, да Иудеи приобряще: подзаконным яко подзаконен, да подзаконныя приобряще: 21 беззаконным яко беззаконен, не сый беззаконник Богу, но законник Христу, да приобряще беззаконныя. 22 Бых немощным яко немощен, да немощныя приобряще. Всем бых вся, да всяко некия спасу. 23 Сие же творю за Благовестие, да сообщник ему буду. 24 Не весте ли, яко текущии в позорищи вси убо текут, един же приемлет почесть? Тако течи, да постигнете. 25 Всяк же подвизаяся от всех воздержится: и они убо да истиленен венец приимут, мы же неистленен. 26 Аз убо тако теку, не яко безвестно, тако подвизаюся, не яко воздух бияй: 27 но умерщвляю тело мое и порабощаю, да не како, иным проповедуя, сам неключимь буду.

10 Не хощу же вас не ведети, братие, яко отцы наши все под облаком быша, и все сквозе море проиша: 2 и все в Моисея крестиша во облаце и в мори: 3 и все тожде брашно духовное ядоша: 4 и все тожде пиво духовное пиша, пияху бо от духовнаго последующаго камене: камень же бе Христос. 5 Но не во множайших их благоволи Бог, поражени бо быша в пустыни. 6 Сия же образи нам быша, яко не быти нам похотником злых, якоже и они похотеша. 7 Ни идолослужите бывайте, якоже нецы от них, якоже есть писано: седоша людие ясти и пити, и восташа играти. 8 Ниже соблудим, якоже нецы от них соблудиша, и падоша во един день двадесять три тысящи. 9 Ни да искушаем Христа, якоже нецы от них искусиша и от змий погибоша. 10 Ни ропщите, якоже нецы от них ропташа и погибоша от всегубителя. 11 Сия же вся образи прилучауся онем: писана же быша в научение наше, в нижне концы век достигоша. (αἰονὶς γε 165) 12 Темже мняйся стояти да блудется, да не падет. 13 Испущение вас не достиже, точию человеческое: верен же Бог, Иже не оставит вас искуситиша паче, еже можете, но сотворит со искущением и избытие, яко возмощи вам понести. 14 Темже, братие моя возлюбленная, бегайте от идолослужения. 15 Яко мудрым глаголю: судите вы, еже глаголю: 16 чаша благословения, юже благословляем, не общение ли Крове Христовы есть? Хлеб, егоже ломим, не общение ли Тела Христова есть? 17 Яко един хлеб, едино тело есмы мнози: все бо от единаго хлеба причащаемся. 18 Видите Израиля по плоти: не ядущи ли жертвы общницы олтареви суть? 19 Что убо глаголю? Яко идол что есть? Или идоложертвенное что есть? 20 Но зане, яже жрут языцы, бесом жрут, а не Богови: не хощу же вас общников быти бесом. 21 Не можете чашу Господню пити и чашу бесовскую: не можете трапезе Господней причащатися и трапезе бесовстей. 22 Или раздражаем Господа? Еда крепчайши Его есмы? 23 Вся ми леть суть, но не вся на пользу: вся ми леть суть, но не вся назидают. 24 Никтоже своего си да ищет, но еже ближнаго кийждо. 25 Все, еже на торжищи продаемое, ядите, ничтоже сумнящеся, за совесть: 26 Господня бо земля и исполнение ея. 27 Аще ли кто от неверных призываеты, и хощете ити, все предлагаемое вам ядите, ничтоже сумнящеся, за совесть. 28 Аще ли же кто вам речет: сие идоложертвенно есть: не ядите за оного поведавшаго, и совесть: Господня бо земля и исполнение ея. 29 Совесть же глаголю не свою, но другаго: вскую бо свобода моя судится от иныя совести? 30 Аще за

благодатию причащаюся, почто хулу приемлю, о немже аз благодарю? 31 Аще убо ясте, аще ли пиете, аще ли ино что творите, вся во славу Божию творите. 32 Безпреткновени бывайте Иудеем и Еллином и церкви Божией, 33 якоже и аз во всем всем угождаю, не искый своея пользы, но многих, да спасутся.

11 Подражателе мне бывайте, якоже и аз Христу. 2 Хвалю же вы, братие, яко вся моя помните, и якоже предах вам, предания держите. 3 Хощу же вас ведети, яко всяко му глава Христос есть, глава же жене муж, глава же Христу Бог. 4 Всяк муж, молитву дея или пророчествуя покрытою главою, срамляет главу свою: 5 и всяка жена, молитву деющая или пророчествующая откровенною главою, срамляет главу свою: едино бо есть и тожде остиженней: 6 аще бо не покрывается жена, да стрижется: аще ли же срам жене стрищися или бритися, да покрывается. 7 Муж убо не должен есть покрывати главу, образ и слава Божия сый: жена же слава мужу есть. 8 Несть бо муж от жены, но жена от мужа: 9 ибо не создан бысть муж жены ради, но жена мужа ради. 10 Сего ради должна есть жена власть имети на главе Ангел ради. 11 Обаче ни муж без жены, ни жена без мужа, о Господе. 12 Якоже бо жена от мужа, сице и муж женою: вся же от Бога. 13 В вас самех судите, лепо ли есть жене откровенней Богу молитися? 14 Или и не самое естество учит вы, яко муж убо аще власы растит, безчестие ему есть, 15 жена же аще власы растит, слава ей есть? Зане растение власов вместо одеяния дано бысть ей. 16 Аще ли кто мнится спорлив быти, мы такового обычая не имамы, ниже церкви Божия. 17 Сие же завещавая не хвалю, яко не на лучшее, но на хуждшее собирается. 18 Первое убо, сходящимся вам в церковь, слышу в вас распри сущыя, и часть некую (сих) верую. 19 Подобает бо и ересем в вас быти, да искусни явлени бывають в вас. 20 Сходящимся убо вам вкупе, несть Господскую вечерю ясти: 21 кийждо бо свою вечерю предваряет в сnedение, и ов убо алчет, ов же упивается. 22 Еда бо домов не имате, во еже ясти и пити? Или о церкви Божией нерадите и срамляете не имущыя? Что вам реку? Похвалю ли вы о сем? Не похвалю. 23 Аз бо приях от Господа, еже и предах вам, яко Господь Иисус в нощь, в ниюже предан бываше, приемь хлеб, 24 и благодарив преломи, и рече: приемите, ядите, сие есть Тело Мое, еже за вы ломимо: сие творите в Мое воспоминание. 25 Такожде и чашу по вечери, глаголя: сие чаша новый завет есть в Моей Крови: сие творите,

елижды аще пиете, в Мое воспоминание. 26 Елижды бо аще ясте хлеб сей и чашу сию пиете, смерть Господню возвещаете, дондеже приидет. 27 Темже иже аще яст хлеб сей или пиет чашу Господню недостойне, повинен будет Телу и Крови Господни. 28 Да искушает же человек себе, и тако от хлеба да яст и от чаши да пиет. 29 Ядый бо и пияй недостойне, суд себе яст и пиет, не разсуждая Тела Господня. 30 Сего ради в вас мнози немощни и недужливи, и слят доволни. 31 Аще бо быхом себе разсуждали, не быхом осуждени были. 32 Судими же, от Господа наказуемся, да не с миром осудимся. 33 Темже, братие моя, сходящеся ясти, друг друга ждите. 34 Аще ли кто алчет, в дому да яст, да не в грех сходитеся. О прочих же, егда прииду, устрою.

12 О духовных же, братие, не хощу вас не ведети.

2 Весте, яко егда неверни бесте, ко идолом безгласным яко ведоми ведостеся. 3 Темже скажу вам, яко никто же, Духом Божиим глаголяй, речет анафема Иисуса, и никто же может рещи Господа Иисуса, точию Духом Святым. 4 Разделения же дарований суть, а тойже Дух: 5 и разделения служений суть, а тойже Господь: 6 и разделения действий суть, а тойже есть Бог, действуяя вся во всех. 7 Комуждо же дается явление Духа на пользу: 8 овому бо Духом дается слово премудрости, иному же слово разума, о томже Дусе: 9 другому же вера, темже Духом: иному же дарования исцелений, о томже Дусе: 10 другому же действия сил, иному же пророчество, другому же разсуждения духовом, иному же роди языков, другому же сказания языков. 11 Вся же сия действует един и тойже Дух, разделяя властию коемуждо якоже хощет. 12 Акоже бо тело едино есть и уды имать многи, вси же уди единаго тела, мнози суще, едино суть тело: тако и Христос. 13 Ибо единем Духом мы вси во едино тело крестихомся, аще Иудеи, аще Еллини, или раби, или свободни: и вси единем Духом напоихомся. 14 Ибо тело несть един уд, но мнози. 15 Аще речет нога, яко несмь рука, несмь от тела: еда сего ради несть от тела? 16 И аще речет ухо, яко несмь око, несмь от тела: еда сего ради несть от тела? 17 Аще все тело око, где слух? Аще (же) все слух, гдеуханье? 18 Ныне же положи Бог уды, единаго коегождо их в телеси, якоже изволи. 19 Аще ли быша вси един уд, где тело? 20 Ныне же мнози убо удове, едино же тело. 21 Не может же око рещи руце: не требе ми еси: или паки глава ногама: не требе ми есте. 22 Но много паче, мнящися уди тела немощнейши быти, нужнейши суть, 23 и ихже мним безчестнейших быти тела, сим

честь множайшую прилагаем: 24 и неблагообразни наши благообразие множайше имут, а благообразни наши не требе имут. Но Бог раствори тело, худейшему болшу дав честь, 25 да не будет распри в телеси, но да тожде в себе пекутся уди. 26 И аще страждет един уд, с ним страждуть вси уди: аще ли же славится един уд, с ним радуются вси уди. 27 Вы же есте тело Христово, и уди от части. 28 И овых убо положи Бог в Церкви первее Apostолов, второе пророков, третие учителей: потом же силы, таже дарования исцелений, заступления, правления, роди языков. 29 Еда вси Apostoli? Еда вси пророцы? Еда вси учителе? Еда вси силы? 30 Еда вси дарования имут изцелений? Еда вси языки глаголют? Еда вси скажут? 31 Ревнуйте же дарований больших, и еще по превосхождению пути вам показую.

13 Аще языки человеческими глаголю и ангелскими, любве же не имам, бых (яко) медь звенящи, или кимвал звяцаяй. 2 И аще имам пророчество, и вем тайны вся и весь разум, и аще имам всю веру, яко и горы преставляти, любве же не имам, ничтоже есмь. 3 И аще раздам вся имения моя, и аще предам тело мое, во еже скжечи е, любве же не имам, ни кая польза ми есть. 4 Любы долготерпит, милосердствует, любы не завидит, любы не превозносится, не гордится, 5 не безчинствует, не ищет своих си, не раздражается, не мыслит зла, 6 не радуется о неправде, радуется же о истине: 7 вся любит, всему веру емлет, вся уповаєт, вся терпит. 8 Любы николиже отпадает, аще же пророчествия упразднятся, аще ли языцы умолкнут, аще разум испразднится. 9 От части бо разумеваем и от части пророчествуем: 10 егда же приидет совершенное, тогда, еже от части, упразднится. 11 Егда бех младенец, яко младенец глаголах, яко младенец мудрствовах, яко младенец смышлях: егда же бых муж, отвергох младенческая. 12 Видим убо ныне якоже зерцалом в гадании, тогда же лицем к лицу: ныне разумею от части, тогда же познаю, якоже и познан бых. 13 Ныне же пребывают вера, надежда, любы, три сия: болши же сих любы.

14 Держитеся любве: ревнуйте же духовным, паче же да пророчествуете. 2 Глаголяй бо языки, не человеком глаголет, но Богу: никто же бо слышит, духом же глаголет тайны: 3 пророчествуя же, человеком глаголет созидание и утешение и утверждение. 4 Глаголяй (бо) языки себе зиждет, а пророчествуя церковь зиждет. 5 Хощу же всех вас глаголати языки, паче же да прорицаете: болий бо пророчествуя, нежели глаголя языки, разве

аще (кто) сказует, да церковь созидание приемлет. 6 Ныне же, братие, аще прииду к вам языки глаголя, кую вам пользу соторю, аще вам не глаголю или во откровении, или в разуме, или в пророчествии, или в научении? 7 Обаче бездушная глас дающая, аще сопель, аще гусли, аще разнствия писканием не дадят, како разумно будет пискание или гудение? 8 Ибо аще безвестен глас труба даст, кто уготовится на брань? 9 Тако и вы аще не благоразумно слово дадите языком, како уразумеется глаголемое? Будете бо на воздух глаголюще. 10 Толицы убо, аще ключится, роди гласов суть в мире, и ни един их безгласен. 11 Аще убо не увем силы гласа, буду глаголющему иноязычник, и глаголющий мне иноязычник. 12 Тако и вы, понеже ревните есте духовом, (яже) к созиданию церкве просите, да избыточествуете. 13 Темже глаголай языком да молится, да сказует. 14 Аще бо молюся языком, дух мой молится, а ум мой без плода есть. 15 Что убо есть? Помолюся духом, помолюся же и умом: воспою духом, воспою же и умом. 16 Понеже аще благословиши духом, исполняй место невежды како речет аминь, по твоему благодарению? Понеже не весть, что глаголеши. 17 Ты убо добре благодариши, но другой не созидается. 18 Благодарю Бога моего, паче всех вас языки глаголя: 19 но в церкви хощу пять словес умом моим глаголати, да и ины пользу, нежели тмы словес языком. 20 Братие, не дети бывайте умы: но злобою младенствуйте, умы же совершени бывайте. 21 В законе пишет: яко иными языки и устны иными возглаголю людем сим, и ни тако послушают Мене, глаголет Господь. 22 Темже языцы в знамение суть не верующим, но неверным: а пророчество не неверным, но верующим. 23 Аще убо снится церковь вся вкупе, и вси языки глаголют, внидут же (и) неразумивии или неверни, не рекут ли, яко беснуетесь? 24 Аще же вси пророчествуют, внидет же некий неверен или невежда, обличается всеми, (и) истязуется от всех, 25 и сице тайная сердца его явлена бывають: и тако пад ниц поклонится Богови, возвещая, яко воистину Бог с вами есть. 26 Что убо есть, братие? Егда сходитеся, кийдо вас псалом имать, учение имать, язык имать откровение имать, сказание имать: вся (же) к созиданию да бывают. 27 Аще языком кто глаголет, по двема, или множе по трием, и по части: и един да сказует. 28 Аще ли не будет сказатель, да молчит в церкви, себе же да глаголет и Богови. 29 Пророцы же два или трие да глаголют, и друзии да разсуждают: 30 аще ли иному открывается седящу, первый да молчит. 31 Можете бо вси по единому пророчествовати, да вси

учатся и вси утешаются. 32 И души пророчестии пророком повинуются: 33 несть бо нестроения Бог, но мира, яко во всех церквах святых. 34 Жены ваши в церквах да молчат: не повелеся бо им глаголати, но повиноватися, яко же и закон глаголет. 35 Аще ли чесому научитися хотят, в дому своих мужей да вопрошают: срамно бо есть жене в церкви глаголати. 36 Или от вас слово Божие изыде? Или вас единых достиже? 37 Аще кто мнится пророк быти или духовен, да разумеет, яже пишу вам, зане Господни суть заповеди? 38 Аще ли кто не разумеет, да не разумевает. 39 Темже, братие моя, ревнуйте еже пророчествовати, и еже глаголати языки не возбраняйте: 40 вся же благообразно и по чину да бывают.

15 Сказую же вам, братие, Благовествование, еже благовестих вам, еже и приясте, в немже и стоите, 2 имже и спасаетесь, кацем словом благовестих вам, аще содержите: разве аще не всye веровасте. 3 Преда бо вам исперва, еже и приях, яко Христос умре грех наших ради, по Писанием, 4 и яко погребен бысть, и яко воста в третий день, по Писанием, 5 и яко явися Кифе, также единонадесятим: 6 потом же явися боле пяти сот братиям единою, от нихже множайши пребывают доселе, нецы же и почиша: 7 потом же явися Иакову, также Апостолом всем: 8 последи же всех, яко некоему извергу, явися и мне. 9 Аз бо есмь мний Апостолов, иже несмь достоин нарещися Апостол, зане гоних церковь Божию. 10 Благодатию же Божию есмь, еже есмь, и благодать Его, яже во мне, не тща бысть, но паче всех их потрудихся: не аз же, но благодать Божия, яже со мною. 11 Аще убо аз, аще ли они, тако проповедуем, и тако веровасте. 12 Аще же Христос проповедуется, яко из мертвых воста, како глаголют нецы в вас, яко воскресения мертвых несть? 13 И аще воскресения мертвых несть, то ни Христос воста: 14 аще же Христос не воста, тще убо проповедание наше, тща же и вера ваша. 15 Обретаемся же и лжесвидетеле Божии, яко послушствовахом на Бога, яко воскреси Христа, Егоже не воскреси, аще убо мертвии не востают: 16 аще бо мертвии не востают, то ни Христос воста: 17 аще же Христос не воста, суетна вера ваша, еще есте во гресех ваших: 18 убо и умершии о Христе, погибоша. 19 (И) аще в животе сем точию уповающе есмы во Христе, окаяннейши всех человек есмы. 20 Ныне же Христос воста от мертвых, начаток умершим бысть. 21 Понеже бо человеком смерть (бысть), и человеком воскресение мертвых. 22 Яко же бо о Адаме вси умирают, такожде и о

Христе вси оживут, 23 кийждо же во своем чину: начаток Христос, потом же Христу веровавши в пришествии Его. 24 Так же кончина, егда предаст Царство Богу и Отцу, егда испразднит всяко началство и всяку власть и силу: 25 подобает бо Ему царствовать, дондеже положит вся враги под ногами Своими. 26 Последний же враг испразднится смерть, 27 вся бо покори под нозе Его: внемда же рещи, яко вся покорена суть Ему, яве, яко разве Покоршаго Ему вся. 28 Егда же покорит Ему всяческая, тогда и Сам Сын покорится Покоршему Ему всяческая, да будет Бог всяческая во всех. 29 Понеже что сотворят крестящиися мертвых ради? Аще отнюд мертвии не востают, что и крещаются мертвых ради? 30 Почто (же) и мы беды приемлем на всякий час? 31 По вся дни умираю: тако ми ваша похвала, братие, юже имам о Христе Иисусе Господе нашем. 32 Аще (бо) по человеку со зверем боряхся в Ефесе, кая ми польза, аще мертвии не востают? Да ямы и пием, утре бо умрем. 33 Не льститесь: тлят обычай благи беседы злы. 34 Истрезвитеся праведно и не согрешайте: неведение бо Божие нецы имут, к сраму вам глаголю. 35 Но речет некто: како востанут мертвии? Коим же телом приидут? 36 Безумне, ты еже сееши, не оживет, аще не умрет: 37 и еже сееши, не тело будущее сееши, но голо зерно, аще случится, пшеницы или иного от прочих: 38 Бог же дает ему тело, якоже восходит, и коемуждо семени свое тело. 39 Не всяка плоть также плоть: но ина убо плоть человеком, ина же плоть скотом, ина же рыбам, ина же птицам. 40 И телеса небесная, и телеса земная: но ина убо небесным слава, и ина земным: 41 ина слава солнцу, и ина слава луне, и ина слава звездам: звезда бо от звезды разнствует во славе. 42 Такожде и воскресение мертвых: сеется в тление, востает в нетлении: 43 сеется не в честь, востает в славе: сеется в немощи, востает в силе: 44 сеется тело душевное, востает тело духовное. Есть тело душевное, и есть тело духовное. 45 Тако и писано есть: бысть первый человек Адам в душу живу, последний Адам в дух животворящий. 46 Но не прежде духовное, но душевное, потом же духовное. 47 Первый человек от земли, перстен: второй человек Господь с небесе. 48 Яков перстный, такови и перстнни: и яков небесный, тацы же и небесни: 49 и якоже облекохомся во образ перстнаго, да облечемся и во образ небеснаго. 50 Сие же глаголю, братие, яко плоть и кровь Царствия Божия наследити не могут, ниже тление нетления наследствует. 51 Се, тайну вам глаголю: вси бо не успнем, вси же изменимся 52 вскоре, во мгновении

ока, в последней трубе: вострубит бо, и мертвии востанут нетленни, и мы изменимся: 53 подобает бо тленному сему облещися в нетление и мертвенному сему облещися в бессмертие. 54 Егда же тленное сие облечется в нетление и смертное сие облечется в бессмертие, тогда будет слово написанное: пожерта бысть смерть победою. 55 Где ти, смерте, жало? Где ти, аде, победа? (hadēs g86) 56 Жало же смерти грех: сила же греха закон. 57 Богу же благодарение, давшему нам победу Господем нашим Иисус Христом. 58 Темже, братие моя возлюбленная, тверди бывайте, непоступни, избыточествующе в деле Господни всегда, ведяще, яко труд ваш несть тощь пред Господем.

16 О милостыни же, яже ко святым, якоже устроих церквам Галатийским, тако и вы сотворяйте: 2 по единей от суббот кийждо вас да полагает у себе сохраняя, еже аще что благопоспешится, да не егда прииду, тогда собрания бывают. 3 Егда же прииду, ихже аще искусите, с посланни сих посли отнести благодать вашу во Иерусалим. 4 Аще же достойно будет и мне ити, со мною пойдут. 5 Прииду же к вам, егда Македонию преиду: Македонию бо прохожду. 6 У вас же, аще случится мне, пребуду, или и озимо, да вы мя проводите, аможе аще поиду. 7 Не хощу бо вас ныне в мимохождении видети: уповаю же время некое пребыти у вас, аще Господь повелит. 8 Пребуду же во Ефесе до Пентикости: 9 дверь бо ми отверзеся велика и поспешна, и сопротивни мнози. 10 Аще же приидет Тимофей, блюдите, да без страха будет у вас: дело бо Господне делает, якоже и аз: 11 да никто же убо его унижит: проводите же его с миром, да приидет ко мне, жду бо его с братиев. 12 О Аполлосе же брате: много молих его, да приидет к вам с братиев: и всяко не бе воля, да ныне приидет, приидет же, егда упразднится. 13 Бодрствуйте, стойте в вере, мужайтесь, утверждайтесь: 14 вся вам любовию да бывают. 15 Молю же вы, братие: весте дом Стефанинов, яко есть начаток Ахайи, и в служение святым учениша себе: 16 да и вы повинуйтесь таковым и всякоум споспешствующи и тружающи. 17 Воздрадовахся же о пришествии Стефанинове и Фуртунатове и Ахайкове, яко ваше лишение сии исполниша: 18 упокоиша бо мой дух и ваш. Познавайте убо таковыя. 19 Целуют вы церкви Асийския: целуют вы о Господе много Акила и Прискилла с домашнею их церковию. 20 Целуют вы братия вся. Целуйте друг друга лобзанием святым. 21 Целование мою рукою Павлею. 22 Аще кто не любит

Господа Иисуса Христа, да будет проклят, маран афа. 23

Благодать Господа нашего Иисуса Христа с вами, 24 (и)

любы моя со всеми вами о Христе Иисусе. Аминь.

Второе послание к Коринфянам

1 Павел, посланник Иисус Христов волею Божию, и

Тимофея брат, церкви Божией сущей в Коринфе, со святыми всеми сущими во всей Ахии: 2 благодать вам и мир от Бога Отца нашего, и Господа Иисуса Христа. 3 Благословен Бог и Отец Господа нашего Иисуса Христа, Отец щедрот и Бог всякия утехи, 4 утешаяй нас о всяцей скорби нашей, яко возмощи нам утешити сущая во всяцей скорби, утешением, имже утешаемся сами от Бога. 5 Зане якоже избыточествуют страдания Христова в нас, тако Христом избыточествует и утешение наше. 6 Аще ли же скорбим, о вашем утешении и спасении, действующемя в терпении теже страданий, яже и мы страждем: 7 и упование наше известно о вас. Аще ли утешаемся, о вашем утешении и спасении, ведяще, зане якоже общницы есте страстем нашым, такожде и утешению. 8 Не бо хощем вас, братие, не ведети о скорби нашей бывшей нам во Асии, яко по премногу и паче силы отяготихомся, яко не надеятися нам и жити. 9 Но сами в себе осуждение смерти имехом, да не надеющеся будем на ся, но на Бога возставляющаго мертвяя, 10 Иже от толикия смерти избавил ны есть и избавляет, Нанъже и уповахом, яко и еще избавит, 11 споспешствующым и вам по нас молитвою, да от многих лиц, еже в нас дарование, многими благодарится о вас. 12 Похваление бо наше сие есть, свидетельство совести нашей, яко в простоте и чистоте Божией, а не в мудрости плоти, но благодатию Божию жихом в мире, множа же у вас. 13 Не иная бо пишем вам, но яже чтете и разумеваете: уповаю же, яко и до конца уразумеете, 14 якоже и разуместе нас от части, яко похваление вам есмы, якоже и вы нам, в день Господа нашего Иисуса Христа. 15 И сим упомианием хотех к вам приити прежде, да вторую благодать имате, 16 и вами проити в Македонию, и паки от Македонии приити к вам, и вами проводитися во Иудею. 17 Сие же хотя, еда что убо легкотою деях? Или яже совещаваю, по плоти совещаваю, да будет у мене еже ей, ей, и еже ни, ни. 18 Верен же Бог, яко слово наше, еже к вам, не бысть ей и ни. 19 Ибо Божий Сын Иисус Христос, иже у вас нами проповеданный, мною и Силуаном и Тимофеем, не бысть ей и ни, но в Нем Самем ей бысть: 20 елика бо обетования Божия, в Том ей и в Том аминь: Богу к славе нами. 21 Извествуя же нас с вами во Христа и

помазавый нас, Бог, 22 Иже и запечатле нас, и даде обручение Духа в сердца наша. 23 Аз же свидетеля Бога призываю на мою душу, яко щадя вас, ктому не придох в Коринф, 24 не яко обладаем верою вашею, но (яко) споспешницы есмы вашей радости: верою бо стоите.

2 Судих же в себе сие, не паки скорбию к вам приити.

2 Аще бо аз скорбь творю вам, то кто есть веселяй мя, точию приемляй скорбь от мене? 3 И писах вам сие истое, да не пришед скорбь на скорбь приму, о нихже подобаше ми радоватися, надеяся на вся вы, яко моя радость всех вас есть. 4 От печали бо многия и тути сердца написах вам многими слезами, не яко да оскорбитеся, но любовь да познаете, юже имам изобильно к вам. 5 Аще ли кто оскорбил мене, не мене оскорби, но от части, да не отягчу, всех вас. 6 Довольно бо таковому запрещение сие, еже от многих: 7 темже сопротивное паче вы да даруете и утешите, да не како многою скорбию пожерт будет таковый: 8 темже молю вы, утвердите к нему любовь. 9 На сие бо и писах, да разумею искусство ваше, аще во всем послушливи есте. 10 Ему же аще что даруете, и аз: ибо аз аще что даровах, ему же даровах, вас ради, о лица Иисус Христове, 11 да не обидими будем от сатаны: не не разумеваем бо умышлений его. 12 Пришед же в Троаду во благовестие Христово, и двери отверзене ми бывшей о Господе, 13 не имех покоя духу моему, не обретшу ми Тита брата моего: но отрекся им, изыдох в Македонию. 14 Богу же благодарение, всегда победители нас творящему о Христе Иисусе и воню разума Его являющу нами во всяцем месте. 15 Яко Христово благоухание есмы Богоvi в спасаемых и в погибающих. 16 Овем убо воня смертная в смерть, овем же воня животная в живот. И к сим кто доволен? 17 Несмы бо, якоже мнози, нечисто проповедаюши слово Божие, но яко от чистоты, но яко от Бога, пред Богом, во Христе глаголем.

3 Зачинаем ли паки нас самех извещавати вам? Или

требуем, якоже нецы, извещавательных посланий к вам, или от вас известительных? 2 Послание бо наше вы есте, написаное в сердцах наших, знаемое и прочитаемое от всех человек: 3 являеми, яко есте послание Христово служеное нами, написано не чернилом, но Духом Бога жива, не на скрижалех каменных, но на скрижалех сердца плотяных. 4 Надеяние же таково имамы Христом к Богу, 5 не яко довольни есмы от себе помыслити что, яко от себе, но довольство наше от Бога: 6 иже и удоволи нас служители быти Нову Завету, не писмени, но духу: писмя

бо убивает, а дух животворит. 7 Аще ли служение смерти писмены, образовано в каменех, бысть в славу, яко не мощи взирати сыном Израилевым на лице Моисеово, славы ради лица его престающия. 8 Како не множае паче служение духа будет в славе? 9 Аще бо служение осуждения, слава, много паче избыточествует служение правды в славе. 10 Ибо не прославися прославленное в части сей, за превосходящую славу. 11 Аще бо престающее, славою: много паче пребывающее, в славе. 12 Имуще убо таково упование, многим дерзновением действуем, 13 и не якоже Моисей полагаше покрывало на лица свое, за еже не мощи взирати сыном Израилевым на конец престающаго. 14 Но ослепишася помышления их: даже бо до сего дне тоже покрывало во чтении Ветхаго Завета пребывает не откровено, зане о Христе престает. 15 Но даже до днесъ, внегда чтется Моисей, покрывало на сердце их лежит: 16 внегда же обратятся ко Господу, взимается покрывало. 17 Господъ же Дух есть: а идоже Дух Господень, ту свобода. 18 Мы же вси откровенным лицем славу Господню взирающе, в тойже образ преобразуемся от славы в славу, якоже от Господня Духа.

4 Сего ради имуще служение сие, якоже помилованием, не стужаем си: 2 но отрекохомся тайных срама, не в лукавствии ходяще, ни лъстяще словесе Божия, но явлением истины представляюще себе ко всяцей совести человечестей, пред Богом. 3 Аще ли же есть покровено благовествование наше, в гибнущих есть покровено, 4 в нихже бог века сего ослепи разумы неверных, во еже не возсияти им свету благовествования славы Христовы, Иже есть образ Бога невидимаго. (aiōn g165) 5 Не себе бо проповедаем, но Христа Иисуса Господа: себе же самех рабов вам Иисуса Господа ради: 6 яко Бог рекий из тмы свету возсияти, иже возсия в сердцах наших, к просвещению разума славы Божия о лицы Иисуса Христове. 7 Имамы же сокровище сие в скудельных сосудех, да премножество силы будет Божия, а не от нас: 8 во всем скорбяще, но не стужающе си: нечаеми, но не отчаяваеми: 9 гоними, но не оставляеми: низлагаеми, но не погибающе: 10 всегда мертвость Господа Иисуса в теле носяще, да и живот Иисусов в теле нашем явится. 11 Присно бо мы живии в смерть предаемся Иисуса ради, да и живот Иисусов явится в мертвенней плоти нашей: 12 темже смерть убо в нас действует, а живот в вас. 13 Имуще же тойже дух веры, по писанному: веровах, темже возглаголах: и мы веруем, темже и глаголем, 14

ведяще, яко Воззвигий Господа Иисуса, и нас со Иисусом воззвигнет, и предпоставит с вами. 15 Вся бо вас ради, да благодать умножившаяся, множайшими благодарениями избыточествит в славу Божию. 16 Темже не стужаем си: но аще и внешний наш человек тлеет, обаче внутренний обновляется по вся дни. 17 Еже бо ныне легкое печали наша, по преумножению в преспление тяготы вечныя славы соделовает нам, (aiōnios g166) 18 не смотряющыем нам видимых, но невидимых: видимая бо временна, невидимая же вечна. (aiōnios g166)

5 Вемы бо, яко аще земная наша храмина тела разорится, создание от Бога имамы, храмину нерукотворену, вечно на небесех. (aiōnios g166) 2 Ибо о сем воздыхаем, в жилище наше небесное облещися желающе: 3 аще точию и облекшися, не нази обрящемся. 4 Ибо сущии в теле сем воздыхаем отягчаеми, понеже не хощем совлещися, но пооблещися, да пожерто будет мертвенное животом. 5 Соторивый же нас в сие истое Бог, Иже и даде нам обручение Духа. 6 Дерзающе убо всегда и ведяще, яко живуще в теле отходим от Господа: 7 верою бо ходим, а не видением: 8 дерзаем же и благоволим паче отити от тела и внити ко Господу: 9 темже и тщимся, аще входяще, аще отходяще, благогодни Ему быти: 10 всем бо явитися нам подобает пред судищем Христовым, да приемет кийждо, яже с телом содела, или блага, или зла. 11 Ведуще убо страх Господень, люди увершаем, Богови же явлени есмы: уповаляем же, яко и в совестех ваших явлени есмы. 12 Не паки бо себе хвалим пред вами, но вину даем вам похвалению о нас, да имате к хвалящимся в лица, а не в сердцы. 13 Аще бо изумихомся, Богови: аще ли целомудрствуем, вам. 14 Ибо любы Божия обдергит нас суждших сие: яко аще един за всех умре, то убо вси умроша. 15 Христос же за всех умре, да живущии не ктому себе живут, но умершему за них и воскресшему. 16 Темже и мы отныне ни единаго вемы по плоти: аще же и разумехом по плоти Христа, но ныне ктому не разумеем. 17 Темже аще кто во Христе, нова тварь: древняя мимоидоша, се быша вся нова: 18 всяческая же от Бога, примирившаго нас Себе Иисус Христом и давшаго нам служение примирения: 19 зане Бог бе во Христе мир примиря Себе, не вменяя им согрешений их и положив в нас слово примирения. 20 По Христе убо молим, яко Богу молящу нами, молим по Христе: примиряйтесь с Богом. 21 Не ведевшаго бо греха по нас грех соторви, да мы будем правда Божия о Нем.

6 Спопешствующе же и молим, не вотще благодать Божию прияти вам. 2 Глаголет бо: во время приятно послушах тебе, и в день спасения помогох ти. Се ныне время благоприятно, се ныне день спасения. 3 Ни едино ни в чемже дающе претыкание, да служение безпорочно будет, 4 но во всем представляюще себе якоже Божия слуги, в терпении мнозе, в скорбех, в бедах, в теснотах, 5 в ранах, в темницах, в нестроениих, в трудех, во бдениих, в пощениих, 6 во очищении, в разуме, в долготерпении, в благости, в Дусе Святе, в любви нелицемерне, 7 в словеси истины, в силе Божией, оружии правды десными и шуми, 8 славою и безчестием, гаждением и благохвалением: яко лестцы, и истинни: 9 яко незнаеми, и познаваеми: яко умирающе, и се живи есмы: яко наказуеми, а не умерщвляеми: 10 яко скорбяще, присно же радующеся: яко ници, а многи богатяще: яко ничтоже имуще, а вся содержаще. 11 Уста наша отверзашася к вам, Коринфяне, сердце наше распространися. 12 Не тесно вмещается в нас, утесняется же во утробах ваших. 13 Тожде же возмездие, якоже чадом глаголю, распространитеся и вы. 14 Не бывайте удобь преложни ко иному ярму, якоже неверни. Кое бо причастие правде к беззаконию? Или кое общение свету ко тьме? 15 Кое же согласие Христови с Велиаром? Или кая часть верну с неверным? 16 Или кое сложение церкви Божией со идолы? Ви бо есте церкви Бога жива, якоже рече Бог: яко вселюся в них и похожду, и буду им Бог, и тии будут Мне людие. 17 Темже изыдите от среды их и отлучитесь, глаголет Господь, и нечистоте не прикасайтесь, и Аз приими вы: 18 и буду вам во Отца, и вы будете Мне в сыны и дщери, глаголет Господь Вседержитель.

7 Сицева убо имуще обетования, о возлюбленнии, очистим себе от всякия скверны плоти и духа, творяще святыню в страсе Божии. 2 Вместите ны: ни единаго обидехом, ни единаго истлихом, ни единаго лихомствовахом. 3 Не на осуждение глаголю: прежде бо рех, яко в сердцах наших есте, во еже умрети с вами и сожити. 4 Много ми дерновение к вам, многа ми похвала о вас: исполнихся утехи, преизбыточествуя радостию о всяцей печали нашей. 5 Ибо пришедшим нам в Македонию, ни единаго име покоя плоть наша, но во всем скорбяще: внеуду брани, внутруду боязни. 6 Но утешай смиренныя, утеши нас Бог пришествием Титовым, 7 не токмо же пришествием его, но и утешением, имже утешися о вас, поведая нам ваше желание, ваше рыданье, вашу ревность по мне, яко ми паче возрадоватися. 8

Яко аще и оскорбих вас посланием, не раскаюся, аще и раскаял бых ся: виджу бо, яко послание оно, аще и к часу, оскорби вас. 9 Ныне радуюся, не яко скорбни бысте, но яко оскорбистесь в покаяние: оскорбесте бо по Бозе, да ни в чемже отщетитеся от нас. 10 Печаль бо, яже по Бозе, покаяние нераскаянно во спасение соделовает, а сего мира печаль смерть соделовает. 11 Се бо сие самое, еже по Бозе оскорбится вам, колико содела в вас тщание? Но ответ? Но негодование, но страх, но воожделение, но ревность, но отмщение? Во всем представисте себе чисты быти в вещи. 12 Аще бо и писах вам, не обидевшаго ради, ниже обидимаго ради, но за еже явитися в вас тщанию нашему, еже о вас пред Богом. 13 Сего ради утешихомся о утешении вашем: лишше же паче возрадовахомся о радости Титове, яко покоися дух его от всех вас: 14 яко аще что ему о вас похвалихся, не посрамихся: но яко вся воистинну глаголахом вам, тако и похваление наше, еже к Титу, истинно бысть: 15 и утроба его излиха к вам есть, воспоминающаго всех вас послушание, яко со страхом и трепетом прияте его. 16 Радуюся убо, яко во всем дерзаю в вас.

8 Сказуем же вам, братие, благодать Божию, данную в церквах Македонских: 2 яко во мнозем искущении скорбей избыток радости их, и яже во глубине нищета их избыточествова в богатство простоты их: 3 яко по силе их, свидетельствую, и паче силы доброхотни, 4 со многим молением моляще нас, благодать и общение служения, еже ко святым, прияти нам: 5 и не якоже надеяхомся, но себе вдаша первее Господеви, и нам волею Божиево: 6 во еже умолити нам Тита, да якоже прежде начат, токожде и скончает в вас и благодать сию. 7 Но якоже во всем избыточествуете, верою и словом, и разумом, и всяцем тщанием, и любовию, яже от вас к нам, да и в сей благодати избыточествуете. 8 Не по повелению глаголю, но за иных тщание и ваше любве истинное искушая. 9 Весте бо благодать Господа нашего Иисуса Христа, яко вас ради обнища богат сый, да вы нищетою Его обогатитеся. 10 И совет даю о сем: се бо вам есть на пользу, иже не точию, еже творити, но и еже хотети, прежде начасте от прешедшаго лета. 11 Ныне же и сие творити скончайте, да якоже бысть усердие хотети, тако будет и исполнити от сего, еже имате. 12 Аще бо усердие предлежит, по елику аще кто имать, благоприятен есть, а не по елику не имать. 13 Не бо да иным убо отрада, вам же скорбь: но по изравнению. 14 В нынешнее время ваше избыточествие во онех лишение, да и онех избыток

будет в ваше лишение, яко да будет равенство, 15 яко же есть писано: иже многое, не преумножил есть: и иже малое, не умалил. 16 Благодарение же Богови, давшему тожде тщание о вас в сердце Титово: 17 яко моление убо прият, тщаливейший же сый, своею волею изыде к вам. 18 Послахом же с ним и брата, егоже похвала во евангелии по всем церквам: 19 не точию же, но и освящен от церквей с нами ходити, со благодатию сею, служимио нами к Самого Господа славе и усердию вашему: 20 блюдущеся того, да не кто нас поречет во обилии сем служимем нами: 21 промышляюще добрая не токмо пред Богом, но и пред человеки. 22 Послахом же с ними и брата нашего, егоже искусихом во многих многащи встанлива суща, ныне же зело встанливейша, надеянием многим на вас. 23 Аще ли же о Тите, общник мне и к вам споспешник: аще ли братия наша, посланницы церквей, слава Христова. 24 Показание убо любве вашея и нашего хваления о вас, к ним покажите, и в лице церквей.

9 О службе бо, яже ко святым, лишше ми есть писати вам, 2 вем бо усердие ваше, имже о вас хвалияся Македоняном, яко Ахайя приготовися от мимошедшаго лета: и яже от вас ревность раздражи множайших. 3 Послах же братию, да не похваление наше, еже о вас, испразднится в части сей, но да, яко же глаголах, приготованы будете: 4 да не како, аще приидут со мною Македоняне и обрящут вас неприготованных, постыдимся мы, да не глаголем вы, в части сей похваления. 5 Потребно убо умыслих умолити братию, да прежде приидут к вам и предупроят прежде возвещенное благословение ваше, сие готово быти тако, яко же благословение, а не яко лихомство. 6 Се же глаголю: сей скудостию, скудостию и пожнет: а сей о благословении, о благословении и пожнет. 7 Кийждо яко же изволение имать сердцем, не от скорби, ни от нужды: доброхотна бо дателя любит Бог. 8 Силен же Бог всяку благодать изубиловати в вас, да о всем всегда всяко довольство имуще, избыточествуете во всяко дело благо, 9 яко же есть писано: расточи, даде убогим: правда его пребывает во век века. (aiōn g165) 10 Даяй же семя сеющему и хлеб в снедь, да подаст и умножит семя ваше, и да возрастит жита правды вашея, 11 да о всем богатящеся во всяку простоту, яже содевает нами благодарение Богу. 12 Яко работа сего служения не токмо есть исполняющая лишения святых, но и избыточествующая многими благодаренными Богови: 13 искущением служения сего славяще Бога о покорении исповедания вашего в

Благовествовании Христове, и о простоте сообщения к ним и ко всем, 14 и о тех молитве о вас, возжелеющих вас за премногую благодать Божию на вас. 15 Благодарение же Богови о неисповедимем Его даре.

10 Сам же аз Павел молю вы кротостию и тихостию Христовою, иже в лице убо смирен в вас, не сый же у вас дерзаю в вас. 2 Молю же, да не присущ дерзаю надеянием, имже помышляю смети на некия непещущая нас яко по плоти ходящих. 3 Во плоти бо ходяще, не по плоти воинствуем: 4 оружия бо воинства нашего не плотская, но сильна Богом на разорение твердем: помышления низлагающе, 5 и всяко возношение взимающееся на разум Божий, и пленяюще всяк разум в послушание Христово, 6 и в готовости имуще отмстити всяко преслушание, егда исполнится ваше послушание. 7 Иже ли пред лицем, зрите? Аще кто надеется себе Христова быти, да помышляет паки от себе, зане, яко же он Христов, такожде и мы Христовы. 8 Аще бо и лишише что похвалюся о власти нашей, юже даде нам Господь в создание, а не на разорение ваше, не постыжуся. 9 Но да не явлюся, яко страша вас посланниими. 10 Яко послания убо, рече, тяжка и крепка, а пришествие тела немощно, и слово уничиженно: 11 сие да помышляет таковий, яко яцы же есмы словом посланий, отстояще, таковии и ту суще есмы делом. 12 Не смеем бо судити, или прикладовати себе иным хвалящым себе самех: но сами в себе себе измеряюще, и прилагающе себе самим себе, не разумевают. 13 Мы же не в безмерная похвалимся, но по мере правила, егоже раздели нам Бог меру, достизати даже и до вас. 14 Не яко бо не досяжуще до вас, паче простираем себе, даже бо и до вас достигохом благовестием Христовым: 15 не в безмерная хвалящеся в чуждих трудах, упование же имуще, растущей вере вашей, в вас величатися по правилу нашему изобильно, 16 во еже и в дальних вас странах благовестити, не чужим правилом в готовых похвалитися. 17 Хваляйся же, о Господе да хвалится: 18 не хваляй бо себе сей искусен, но егоже Бог восхваляет.

11 О, да бысте мало потерпели безумию моему! Но и потерпите мя. 2 Ревную бо по вас Божию ревностию: обруших бо вас единому мужу деву чисту представити Христови. 3 Боюся же, да не како, яко же змий Еву прельсти лукавством своим, тако истлеют и разумы ваши от простоты, яже о Христе. 4 Аще бо грядый иначе Иисуса проповедает, егоже не проповедахом, или Духа иначе приемлете, егоже не приясте, или благовествование

ино, еже не приясте, добре бысте потерпели. 5 Непущю бо ничимже лишитися предних Апостол: 6 аще бо и невежда словом, но не разумом: но везде явльшеся о всем в вас. 7 Или грех сотворих себе смиряя, да вы вознесетесь, яко туне Божие Благовествование благовестих вам? 8 От иных церквей уях, приим оброк к вашему служению: и пришед к вам, и в скудости быв, не стужих ни единому: 9 скудость бо мою исполниша братия, пришедшее от Македонии: и во всем без стужения вам себе соблюдох и соблюдю. 10 Есть истина Христова во мне, яко похвальное сие не заградится о мне в странах Ахайских. 11 Почто? Зане не люблю ли вас? Бог весть. А еже творю, и сотворю, 12 да отсеку вину хотящым вины, да, о немже хвалятся, обрящутся яко же и мы. 13 Таковии бо лживи апостоли, делателе лъстивии, преобразующеся во Апостолы Христовы. 14 И не дивно: сам бо сатана преобразуется во Ангела светла: 15 не велие убо, аще и служителие его преобразуются яко служители правды: имже кончина будет по делом их. 16 Паки глаголю: да никтоже мнит мя безумна быти: аще ли ни, поне яко безумна приимите мя, да и аз мало что похвалюся. 17 А еже глаголю, не глаголю по Господе, но яко в безумии в сей части похвалы: 18 понеже мнози хвалятся по плоти, и аз похвалюся. 19 Любезно бо приемлете безумныя, мудри суще: 20 приемлете бо, аще кто вас порабощает, аще кто пойдает, аще кто не влепоту проторит, аще кто по лицу биет вы, аще кто величается. 21 По досаждению глаголю, зане аки мы изнемогохом. О немже аще дерзает кто, несмысленно глаголю, дерзаю и аз. 22 Евреи ли суть? И аз. Израилите ли суть? И аз. Семя Авраамле ли суть? И аз. 23 Служителие ли Христовы суть? Не в мудрости глаголю, паче аз. В трудех множае, в ранах преболе, в темницах излиха, в смертех многащи. 24 От Иудей пять краты четыредесять разве единыя приях: 25 трищи палицами биен бых, единою каменьми наметан бых, трикраты корабль опровергялся со мною: нощь и день во глубине сотворих: 26 в путных шествиих множицою: беды в реках, беды от разбойник, беды от сродник, беды от язык, беды во градех, беды в пустыни, беды в мори, беды во лжебратии: 27 в труде и подвиге, во бдениях множицою, во алчбе и жажди, в пощениих многащи, в зиме и наготе. 28 Кроме внешних, нападение еже по вся дни, и попечение всех церквей. 29 Кто изнемогает, и не изнемогает? Кто соблазняется, и аз не разжизнаюся? 30 Аще хвалитися ми подобает, о немощи моей похвалюся. 31 Бог и Отец Господа нашего Иисуса Христа весть, сый благословен во веки, яко не лгу. (αἰση γ165) 32 В Дамасце

языческий князь Арефы царя стрежаше Дамаск град, яти мя хотя: 33 и оконцем в кошнице свешен бых по стене, и избегох из руку его.

12 Похвалитися же не пользует ми: прииду бо в видения и откровения Господня. 2 Вем человека о Христе, прежде лет четыренадесяти: аще в теле, не вем, аще ли кроме тела, не вем, Бог весть: восхищена бывша такового до третяго небесе. 3 И вем такова человека: аще в теле, или кроме тела, не вем: Бог весть: 4 яко восхищен бысть в рай, и слыша неизречены глаголголы, ихже не леть есть человеку глаголати. 5 О таковем похваляся: о себе же не похваляся, токмо о немощех моих. 6 Аще бо восхощу похвалитися, не буду безумен, истину бо реку: жажду же, да не како кто вознепощет о мне паче, еже видит мя, или слышит что от мене. 7 И за премногая откровения да не превозношуся, дадеся ми пакостник плоти, аггел сатанин, да ми пакости деет, да не превозношуся. 8 О сем трикраты Господа молих, да отступит от мене, 9 и рече ми: довлеет ти благодать Моя: сила бо Моя в немощи совершается. Сладце убо похваляся паче в немощех моих, да вселится в мя сила Христова. 10 Темже благоволю в немощех, в досаждениих, в бедах, во изгнаниих, в теснотах по Христе: егда бо немощтвую, тогда силен есмь. 11 Бых несмыслен хваляся: вы мя понудисте. Аз бо должен бех от вас хвалимь бывати: ничимже бо лишихся первейших Апостол, аще и ничтоже есмь: 12 знамения бо Апостолова содеяшася в вас во всяцем терпении, в знамениих и чудесех и силах. 13 Что бо есть, егоже лишиштесь паче прочих церквей, разве точио яко аз сам не стужих вам? Дадите ми неправду сию. 14 Се третие готов есмь принести к вам, и не стужу вам: не ишу бо ваших, но вас. Не должна бо суть чада родителем снискати имения, но родителе чадом. 15 Аз же в сладость иждиву и иждивен буду по душах ваших, аще и излишише вас любя, менше любимъ есмь. 16 Буди же, аз не отягчих вас, но коварен сый, лестию вас приях. 17 Еда коим от посланных к вам лихомиствовах вас? 18 Умолих Тита, и с ним послах брата: еда лихомиствова чим вас Тит? Не темже ли духом ходихома? Не темиже ли стопами? 19 Паки ли мните, яко ответ вам творим? Пред Богом, о Христе глаголем: вся же, возлюбленни, о вашем созидании и утверждении. 20 Боюся же, еда како пришед, не яzech же хощу, обрящу вас, и аз обрящуся вам, якова же не хощете: да не како будут рвения, зависти, ярости, рети, клеветы, шептания, кичения, нестроения: 21 да не паки

пришедшя мя смирит Бог мой у вас, и восплачуся многих
прежде согрешших и не покаявшихся о нечистоте и
блуждении и студоложствии, яже содеяша.

13 Третицею се гряду к вам: при устех двою или триех
свидетелей станет всяк глагол. 2 Прежде рех и
предглаголю, яко у вас быв второе, и отсутствуя ныне
пишу прежде согрешившим и прочым всем, яко аще
прииду паки, не пощажду: 3 понеже искушения ищете
глаголющаго во мне Христа, Иже в вас не изнемогает,
но может в вас: 4 ибо аще и распят бысть от немощи,
но жив есть от силы Божия: ибо и мы немоществуем
в Нем, но живи будем с Ним от силы Божия в вас: 5
себе искушайте, аще есте в вере: себе искушайте. Или
не знаете себе, яко Иисус Христос в вас есть? Разве
точию чим неискусни есте. 6 Уповаю же, яко разумети
имате, яко мы несмы неискусни. 7 Молимся же к Богу,
не сговорити вам ни единаго зла, не яко да мы искусни
явимся, но да вы доброе сговорите, мы же яко неискусни
будем. 8 Ничтоже бо можем на истину, но по истине.
9 Радуемся бо, егда мы немоществуем, вы же сильни
бываете: о сем же и молимся, о вашем совершении. 10
Сего ради не сый у вас сия пишу, да не пришед беззадно
сговорю по власти, юже Господь дал ми есть в создание,
а не на разорение. 11 Прочее же, братие, радуйтесь,
совершайтесь, утешайтесь, тожде мудрствуйте, мир
имейте. И Бог любве и мира будет с вами. 12 Целуйте
друг друга лобзанием святым. 13 Целуют вы святии вси.
14 Благодать Господа нашего Иисуса Христа, и любы Бога
и Отца, и общение Святаго Духа со всеми вами. Аминь.

Послание к Галатам

1 Павел, Апостол ни от человек, ни человеком, но Иисус Христом и Богом Отцем воскресившим Его из мертвых, 2 и иже со мною вся братия, церквам Галатийским: з благодать вам и мир от Бога Отца и Господа нашего Иисуса Христа, 4 давшаго Себе по грехам наших, яко да избавит нас от настоящаго века лукаваго, по воли Бога и Отца нашего, (αἰών γε) 5 Ему же слава во веки веков. Аминь. (αἰών γε) 6 Чуждуся, яко тако скоро прелагается от звавшаго вы благодатию Христовою, во ино благовествование: 7 еже несть ино, точию нецы суть смущающи вы и хотяющи превратити благовествование Христово. 8 Но и аще мы, или Ангел с небесе благовестит вам паче, еже благовестихом вам, анафема да будет. 9 Якоже предрекохом, и ныне паки глаголю: аще кто вам благовестит паче, еже прияте, анафема да будет. 10 Ныне бо люди препираю, или Бога, или ищу человеком угодати? Аще бо бых еще человеком угоджал, Христов раб не бых убо был. 11 Сказую же вам, братие, Благовествование благовещенное от мене, яко несть по человеку: 12 ни бо аз от человека приях е, ниже научихся, но явлением Иисус Христовы. 13 Слышаще бо мое житие иногда в Жидовстве, яко по премногу гоних Церковь Божию и разрушах ю, 14 и преспавах в Жидовстве паче многих сверстник моих в роде моем, излиха ревнитель сый отеческих моих преданий. 15 Егда же благоволи Бог, избравый мя от чрева матере моей и призвавый благодатию Свою, 16 явити Сына Своего во мне, да благовествую Его во языцах, аbie не приложихся плоти и крови, 17 ни взыдох во Иерусалим к первейшым мене Апостолом, но идох во Аравию, и паки возвратихся в Дамаск. 18 Потом же по триех летех взыдох во Иерусалим соглядати Петра, и пребых у него дний пятьнадесять. 19 Иного же от Апостол не видех, токмо Иакова брата Господня. 20 А яже пишу вам, се пред Богом, яко не лгу. 21 Потом же придох в страны Сирских и Киликийских. 22 Бех же не знаемъ лицем церквам Иудейским, яже о Христе, 23 точию же слышаще бяху, яко гоняй нас иногда, ныне благовествует веру, юже иногда разрушаше: 24 и славляху о мне Бога.

2 Потом же по четыренадесяти летех паки взыдох во Иерусалим с Варнавою, поем с собою и Тита. 2 Взыхоже по откровению, и предложих им благовествование, еже проповедую во языцах, наедине же мнимым, да не како вотще теку, или текох. 3 Но ни Тит, иже со мною,

Еллин сый, нужден бысть обрезатися. 4 И за пришедшую лжебратию, иже привидоша соглядати свободы нашея, юже имамы о Христе Иисусе, да нас поработят: 5 имже ни к часу повинуемся в покорение, да истина благовестия пребудет в вас. 6 От мнящихся же быти что, якови некогда беша, ничто же ми разнствует: лица Бог человека не приемлет. Мне бо мнимии ничто же привозложиша: 7 но сопротивное, уразумевше, яко уверено ми бысть благовестие необрезания, яко же Петру обрезания: 8 ибо Споспешествовавый Петру в послание обрезания, споспешествова и мне во языки: 9 и познавше благодать данную ми, Иаков и Кифа и Иоанн, мнимии столпи быти, десницы даша мне и Варнаве общения, да мы во языки, они же во обрезание, 10 точию нищих да помниша: еже и потщахся сие истое сотворити. 11 Егда же прииде Петр во Антиохию, в лице ему противустах, яко зазорен бе. 12 Прежде бо даже не приими неким от Иакова, с языки ядяше: егда же приидоша, опрятавшися и отлучашася, бояся сущих от обрезания. 13 И лицемеришася с ним и прочии Иудеи, яко и Варнаве пристати лицемерству их. 14 Но егда видех, яко не право ходят ко истине Благовествования, рекох Петру пред всеми: аще ты, Иудей сый, язычески, а не иудейски живеш, почто языки нудиши иудейски жительствовать? 15 Мы естеством Иудеев, а не от язык грешницы: 16 уведевше же, яко не оправдится человек от дел закона, но токмо верою Иисус Христовою, и мы во Христа Иисуса веровахом, да оправдимся от веры Христовы, а не от дел закона: зане не оправдится от дел закона всяка плоть. 17 Аще ли, ищуше оправдитися о Христе, обретохомся и сами грешницы, Христос убо греху ли служитель? Да не будет. 18 Аще бо, яже разорих, сия паки созидаю, преступника себе представляю. 19 Аз бо законом закону умрох, да Богови жив буду. Христови сраспяхся: 20 живу же не кому аз, но живет во мне Христос. А еже ныне живу во плоти, верою живу Сына Божия, возлюбившаго мене и предавшаго Себе по мне. 21 Не отметаю благодати Божия. Аще бо законом правда, убо Христос туне умре.

3 О, несмысленни Галате, кто вы прельстил есть не покоритися истине, имже пред очима Иисус Христос преднаписан бысть, в вас распят? 2 Сие едино хощу уведети от вас: от дел ли закона Духа прияте, или от слуха веры? 3 Тако ли несмысленни есте? Наченше духом, ныне плотию скончаваете? 4 Толика пострадасте туне? Аще точию и туне. 5 Подаяй убо вам Духа и действуя силы в вас, от дел ли закона, или от слуха

веры? 6 Якоже Авраам верова Богу, и вменися ему в правду. 7 Разумейте убо, яко сущии от веры, сии суть сынове Авраамли. 8 Предвидевшее же Писание, яко от веры оправдывает языки Бог, прежде благовестрова Аврааму, яко благословятся о тебе вси языцы. 9 Темже сущии от веры, благословятся с верным Авраамом: 10 елицы бо от дел закона суть, под клятвою суть. Писано бо есть: проклят всяк, иже не пребудет во всех писанных в книзе законней, яко творити я. 11 А яко в законе никтоже оправдается от Бога, яве, яко праведный от веры жив будет. 12 Закон же несть от веры: но сотворивый та человек жив будет в них. 13 Христос ны искупил есть от клятвы законныя, быв по нас клятва: писано бо есть: проклят всяк висяй на древе: 14 да в языщех благословение Авраамле будет о Христе Иисусе, да обетование Духа приимем верою. 15 Братие, по человеку глаголю: обаче человеческаго предутвержденна завета никтоже отмает или приповелевает. 16 Аврааму же речени быша обеты, и семени его. Не глаголет же: и семенем, яко о мнозех, но яко о едином: и семени твоему, иже есть Христос. 17 Сие же глаголю, завета предутвержденнаго от Бога во Христа, бывый по летех четыриста и тридесятых закон не отмает, во еже разорити обетование. 18 Аще бо от закона наследие, не комууже от обетования: Аврааму же обетованием дарова Бог. 19 Что убо закон? Преступлений ради приложися, дондеже приидет семя, ему же обетовася, вчинен Ангелы, рукою ходатая. 20 Ходатай же единаго несть, Бог же един есть. 21 Закон ли убо противу обетованием Божим? Да не будет. Аще бо дан бысть закон могий оживити, воистину от закона бы была правда: 22 но затвори Писание всех под грехом, да обетование от веры Иисус Христовы дастся верующым. 23 Прежде же пришествия веры, под законом стрегоми бехом, затворени в хотящую веру открытися. 24 Темже закон пестун нам бысть во Христа, да от веры оправдимся: 25 пришедшей же вере, уже не под пестуном есмы. 26 Вси бо вы сынове Божии есте верою о Христе Иисусе: 27 елицы бо во Христа крестистеся, во Христа облекостеся. 28 Несть Иудей, ни Еллин: несть раб, ни свободъ: несть мужеский пол, ни женский: вси бо вы едино есте о Христе Иисусе. 29 Аще ли вы Христовы, убо Авраамле семя есте, и по обетованию наследницы.

4 Глаголю же: в елико время наследник млад есть, ничимже лучший есть раба, господъ сый всех: 2 но под повелители и приставники есть даже до нарока отча.

3 Такожде и мы, егда бехом млади, под стихиами бехом мира порабощени: 4 егда же прииде кончина лета, послы Бог Сына Своего Единороднаго, Раждаемаго от жены, бываема под законом, 5 да подзаконныя искупит, да всыновление восприимем. 6 И понеже есте сынове, послы Бог Духа Сына Своего в сердца ваша, вопиюща: Авва Отче. 7 Темже уже неси раб, но сын: аще ли же сын, и наследник Божий Иисус Христом. 8 Но тогда убо, не ведуще Бога, служисте не по естеству сущым богом: 9 нынне же, познавше Бога, паче же познани бывше от Бога, како возвращаитесь паки на немощныя и худыя стихии, имже паки свыше служити хощете? 10 Дни смотряте, и месяцы, и времена, и лета. 11 Боюся о вас, еда како всуе трудихся в вас. 12 Будите якоже аз, зане и аз, якоже вы: братие, молю вы. Ничимже мене обидесте: 13 весте же, яко за немощь плоти благовестих вам первее. 14 И искушения моего, еже во плоти моей, не уничижисте, ни оплевасте, но якоже Ангела Божия приясте мя, яко Христа Иисуса. 15 Кое убо бяше блаженство ваше, свидетельствую бо вам, яко, аще бы было мощно, очеса ваша извертевше дали бысте ми. 16 Темже враг вам бых, истину вам глаголя? 17 Ревнуют по вас не добре, но отлучити вас хотят, да им ревнуете. 18 Добро же, еже ревновати всегда в добром, и не точию внегда приходити ми к вам. 19 Чадца моя, имиже паки болезнью, дондеже вообразится Христос в вас: 20 хотел же бых прийти к вам ныне и изменити глас мой, яко не домышляюся о вас. 21 Глаголите ми, иже под законом хощете быти: закона ли не слышаете? 22 Писано бо есть, яко Авраам два сына име: единаго от рабы, а другаго от свободныя. 23 Но иже от рабы, по плоти родися: а иже от свободныя, по обетованию. 24 Иже суть иносказаема: сия бо еста два завета: един убо от горы Синайскаго, в работу раждай, иже есть Агарь: 25 Агарь бо, Сина гора есть во Аравии, прилагается же нынешнему Иерусалиму, работает же с чады своими: 26 а вышний Иерусалим свободъ есть, иже есть мати всем нам. 27 Писано бо есть: возвеселися, неплоды, не раждающая: расторгни и возопи, неболящая: яко многа чада пустыя паче, нежели имущия мужа. 28 Мы же, братие, по Исааку обетования чада есмы. 29 Но якоже тогда по плоти родивыйся гоняше духовнаго, тако и ныне. 30 Но что глаголет Писание? Изжени рабу и сына ея, не имать бо наследовати сын рабынин с сыном свободныя. 31 Темже, братие, несмы рабынина чада, но свободныя.

5 Свободою убо, еюже Христос нас свободи, стойте, и не паки под игом работы держитеся. **2** Се аз Павел глаголю вам, яко аще обрезаетесь, Христос вас ничтоже пользует. **3** Свидетельствую же паки всякому человеку обрезающемуся, яко должен есть весь закон творити. **4** Упразднитеся от Христа, иже законом оправдатесь, от благодати отпадосте: **5** мы бо духом от веры улования правды ждем. **6** О Христе бо Иисусе ни обрезание что может, ни необрезание, но вера любовию поспешествуема. **7** Течасте добре: кто вам возбрани не покарятися истине? **8** Препрение не от Призвавшаго вы. **9** Мал квас все смешение квасит. **10** Аз надеяся о вас в Господе, яко ничтоже ино разумети будете: смущая же вас понесет грех, кто бы ни был. **11** Аз же, братие, аще обрезание еще проповедую, почто еще гонимъ есмъ? Убо упраздниша соблазн креста. **12** О, дабы отсечени были развращающии вас. **13** Вы бо на свободу звани бысте, братие: точию да не свобода ваша в вину плоти, но любовию работайте друг другу. **14** Ибо весь закон в единем словеси исполняется, во еже: возлюбиши ближняго твоего якоже себе. **15** Аще же друг друга угрывают и снедаете, блюдитесь, да не друг от друга истреблены будете. **16** Глаголю же: духом ходите, и похоти плотския не совершайте: **17** плоть бо похотствует на духа, дух же на плоть: сия же друг другу противятся, да не яже хощете, сия творите. **18** Аще ли духом водими есте, несте под законом. **19** Явлена же суть дела плотская, яже суть прелюбодеяние, блуд, нечистота, студодеяние, **20** идоложжение, чародения, вражды, рвения, завиды, ярости, разжжения, распри, соблазны, ереси, **21** зависти, убийства, пиянства, безчинни кличи и подобная сим: яже предлаголю вам, якоже и предрекох, яко таковая творящии Царствия Божия не наследят. **22** Плод же духовный есть любы, радость, мир, долготерпение, благость, милосердие, вера, **23** кротость, воздержание: на таковых несть закона. **24** А иже Христовы суть, плоть распяша со страстями и похотями. **25** Аще живем духом, духом и да ходим. **26** Не бываим тщеславни, друг друга раздражающе, друг другу завидяще.

6 Братие, аще и впадет человек в некое прегрешение, вы духовни исправляйте такового духом кротости: блюдый себе, да не и ты искушен будеши. **2** Друг друга тяготы носите, и тако исполните закон Христов. **3** Аще бо кто мнит себе быти что, ничтоже сый, умом льстит себе. **4** Дело же свое да искушает кийждо, и тогда в себе точию хваление да имать, а не во инем: **5** кийждо бо

свое бремя понесет. **6** Да общается же учаяся словеси учащему во всех благих. **7** Не льститеся: Бог поругаемь не бывает. Еже бо аще сеет человек, тожде и пожнет: **8** яко сеяи в плоть свою, от плоти пожнет истиление: а сеяи в дух, от духа пожнет живот вечный. (aiōnios g166) **9** Доброе же творяще, да не стужаем си: во время бо свое пожнем, не ослабеюще. **10** Темже убо, дондеже время имамы, да делаем благое ко всем, паче же к присным в вере. **11** Видите, колицими книгами писах вам мою рукою. **12** Елицы хотят хвалитися по плоти, сии нудят вы обрезатися, точию да не креста ради Христова гоними будут: **13** ни бо обрезающии сами закон хранят, но хотят вам обрезоватися, да в вашей плоти похвалятся: **14** мне же да не будет хвалитися, токмо о кресте Господа нашего Иисуса Христа, имже мне мир распялся, и аз миру. **15** О Христе бо Иисусе ни обрезание что может, ни необрезание, но нова тварь. **16** И елицы правилом сим жительствуют, мир на них и милость, и на Израиля Божии. **17** Прочее, труды да никтоже ми дает: аз бо язвы Господа Иисуса на теле моем ношу. **18** Благодать Господа нашего Иисуса Христа со духом вашим, братие. Аминь.

Послание к Ефесянам

1 Павел, посланник Иисус Христов волею Божиего, святым сущим во Ефесе и верным о Христе Иисусе: 2 благодать вам и мир от Бога Отца нашего и Господа Иисуса Христа. 3 Благословен Бог и Отец Господа нашего Иисуса Христа, благословивый нас всячем благословением духовным в небесных о Христе. 4 Якоже избра нас в Нем прежде сложения мира, быти нам святым и непорочным пред Ним в любви, 5 прежде нарек нас во усыновление Иисус Христом в Него, по благоволению хотения Своего, 6 в похвалу славы благодати Своей, юже облагодати нас о Возлюбленнем: 7 о Немже имамы избавление Кровию Его, и оставление прегрешении, по богатству благодати Его, 8 юже преумножил есть в нас во всячей премудрости и разуме, 9 сказав нам тайну воли Своей по благоволению Своему, еже прежде положи в Нем, 10 в смотрение исполнения времен, возглавити всяческая о Христе, яже на небесех и яже на земли в нем: 11 в Немже и наследницы сотворихомся, прежде наречени бывше по прозрению Божию вся Действующаго по совету воли Своей, 12 яко быти нам в похваление славы Его, прежде уповавшым во Христа: 13 в Немже и вы, слышавше слово истины, благовествование спасения нашего, в Немже и веровавше знаменастеся Духом обетования Святым, 14 Иже есть обручение наследия нашего, во избавление снабдения, в похвалу славы Его. 15 Сего ради и аз слышав вашу веру о Христе Иисусе и любовь, яже ко всем святым, 16 не престаю благодаря о вас, поминание о вас творя в молитвах моих, 17 да Бог Господа нашего Иисуса Христа, Отец славы, даст вам Духа премудрости и откровения, в познание Его, 18 просвещенна очеса сердца вашего, яко уведети вам, кое есть упование звания Его, и кое богатство славы достояния Его во святых, 19 и кое преспоещее величество силы Его в нас верующих по действу державы крепости Его, 20 юже содея о Христе, воскресив Его от мертвых и посадив одесную Себе на небесных, 21 превыше всякаго Началства и Власти и Силы и Господства, и всякаго имене именуемаго не точию в веце сем, но и во грядущем: (aiōn g165) 22 и вся покори под нозе Его, и Того даде главу выше всех Церкви, 23 яже есть Тело Его, исполнение Исполняющего всяческая во всех.

2 И вас сущих прегрешенными мертвых и грехи вашими, 2 в нихже иногда ходисте по веку мира сего, по

князю власти воздушныя, духа, иже ныне действует в сынех противления, (aiōn g165) 3 в нихже и мы вси жихом иногда в похотех плоти нашея, творяще волю плоти и помышлений, и бехом естеством чада гнева, якоже и прочии: 4 Бог же, богат сый в милости, за премногую любовь Свою, юже возлюби нас, 5 и сущих нас мертвых прегрешенными, сооживи Христом: благодатию есте спасени: 6 и с Ним воскреси, и спосади на небесных во Христе Иисусе, 7 да явит в вецах грядущих презелое богатство благодати Своей благостынею на нас о Христе Иисусе. (aiōn g165) 8 Благодатию бо есте спасени чрез веру: и сие не от вас, Божии дар: 9 не от дел, да никотоже похвалится. 10 Того бо есмы творение, созданы во Христе Иисусе на дела благая, яже прежде уготова Бог, да в них ходим. 11 Темже поминайте, яко вы, иже иногда языцы во плоти, глаголемии необрязнение от рекомаго обрезания во плоти, рукотворенного, 12 яко бесте во время оно без Христа, отчуждени жития Израилева и чужди от завет обетования, упования не имуще и безбожни в мире: 13 ныне же о Христе Иисусе вы, бывши иногда далече, близ бысте Кровию Христовою. 14 Той бо есть мир наш, соторивый обоя едино, и средостение ограды разоривый, 15 вражду Плотию Свою, закон заповедий учеными упразднив, да оба созиждат Собою во единаго нового человека, творя мир, 16 и примирит обоих во единем теле Богою крестом, убив вражду на нем: 17 и пришед благовести мир вам, дальним и ближним, 18 зане Тем имамы приведение обои во единем Дусе ко Отцу. 19 Темже убо кому несте странни и пришелцы, но сожителе святым и приснии Богу, 20 наздани бывше на основании Апостол и пророк, сущу краеугольну Самому Иисусу Христу, 21 о немже всяко создание составляемо растет в церковь святую о Господе: 22 о немже и вы созидастеся в жилище Божиye Духом.

3 Сего ради аз Павел юзник Иисус Христов о вас языщех. 2 Аще убо слышасте смотрение благодати Божиия даннага мне в вас, з яко по откровению сказася мне тайна, якоже преднаписах вмале: 4 о немже можете чуще разумети разум мой в тайне Христове, 5 яже во инех родах не сказася сыном человеческим, якоже ныне открыся святым Его Апостолом и пророком Духом Святым: 6 яко быти языком наследником и стелесником и спричастником обетования Его о Христе Иисусе, благовествованием, 7 ему же бых служитель по дару благодати Божиия, даннага мне по действу силы Его. 8 Мне меньшему всех святых дана бысть благодать сия,

во языцах благовестити неизследованное богатство Христово **9** и просветити всех, что есть смотрение тайны сокровенныя от веков в Бозе, создавшем всяческая Иисус Христом, (aiōn g165) **10** да скажется ныне началом и властем на небесных Церковиу многоразличная премудрость Божия, **11** по предложению век, еже сотвори о Христе Иисусе Господе нашем, (aiōn g165) **12** о Немже имамы дерзновение и приведение в надеянии верою Его. **13** Темже молю (вы) не стужати си в скорбех моих о вас, яже есть слава ваша. **14** Сего ради преклоняю колена моя ко Отцу Господа нашего Иисуса Христа, **15** из Негоже всяко отечество на небесех и на земли именуется: **16** да даст вам по богатству славы Своей, силою утвердитися Духом Его во внутреннем человеке, **17** вселитися Христу верою в сердца ваша: в любви вкоренени и основани, **18** да возможете разумети со всеми святыми, что широта и долгота и глубина и высота, **19** разумети же преспевающую разум любовь Христову, да исполнитеся во всяко исполнение Божие. **20** Могущему же паче вся творити по преизбыточествию, ихже просим или разумеем, по силе действуемей в нас, **21** Тому слава в Церкви о Христе Иисусе во вся роды века веков. Амины. (aiōn g165)

4 Молю убо вас аз юзник о Господе, достойно ходити звания, в неже звани бысте, **2** со всяким смиреномудрием и кротостию, с долготерпением, терпяще друг другу любовию, **3** тщащеся блюсти единение духа в союзе мира. **4** Едино тело, един дух, яко же и звани бысте во единем упования звания вашего: **5** един Господь, едина вера, едино крещение, **6** един Бог и Отец всех, Иже над всеми и чрез всех и во всех нас. **7** Единому же комуждо нас дадеся благодать по мере дарования Христова. **8** Темже глаголет: возшед на высоту, пленил еси плен, и даде даяния человеком. **9** А еже, взыде, что есть, точию яко и сниде прежде в долнейшыя страны земли? **10** Сшедый, Той есть и возшедый превыше всех небес, да исполнит всяческая. **11** И Той дал есть овы убо Апостолы, овы же пророки, овы же Благовестники, овы же пастыри и учители, **12** к совершению святых, в дело служения, в созидание Тела Христова, **13** дондеже достигнем всеи в соединение веры и познания Сына Божия, в мужа совершенна, в меру возраста исполнения Христова: **14** да не бываем ктому младенцы, влащащеся и скитающеся всяким ветром учения, во лжи человечестей, в коварстве козней льщения: **15** истинствующе же в любви, да возрастим в Него всяческая, Иже есть глава Христос, **16** из Негоже все тело, составляемо и

чиневаемо приличне всяцем осязанием подаяния, по действу в мере единыя коеждо части, возвращение тела творит в создание самого себе любовию. **17** Сие убо глаголю и послушствую о Господе, ктому не ходити вам, яко же и прочии языцы ходят в суете ума их, **18** помрачени смыслом, суще отчуждени от жизни Божия, за невежество сущее в них, за окаменение сердец их: **19** иже в нечаяние вложешся, предаша себе студеянию, в делание всякия нечистоты в лихоимании. **20** Вы же не тако познасте Христа: **21** аще убо слышасте Его и о Нем научистесь, яко же есть истина о Иисусе: **22** отложити вам, по первому житию, ветхаго человека, тлеющаго в похотех прелестных, **23** обновлятия же духом ума вашего, **24** и облещися в нового человека, созданного по Богу в правде и в преподобии истины. **25** Темже отложше лжу, глаголите истину кийдо ко искреннему своему. Зане есмы друг другу удове. **26** Гневайтесь и не согрешайте: солнце да не зайдет в гневе вашем: **27** ниже дадите места диаволу. **28** Крадый ктому да не крадет, но паче да труждается, делая своима руками благое, да имать подаяти требующему. **29** Всяко слово гнило да не исходит из уст ваших, но точию еже есть благо к созданию веры, да даст благодать слышащым. **30** И не оскорблайте Духа Святаго Божия, Имже знаменастеся в день избавления. **31** Всяка горесть, и гнев, и ярость, и клич, и хула да возмется от вас, со всякою злобою: **32** бывайте же друг ко другу блази, милосерди, прощающе друг другу, яко же и Бог во Христе прости爾 есть вам.

5 Бывайте убо подражателе Богу, яко же чада возлюбленная, **2** и ходите в любви, яко же и Христос возлюбил есть нас, и предаде Себе за ны приношение и жертву Богу в воню благоухания. **3** Блуд же и всяка нечистота и лихоимство ниже да именуется в вас, яко же подобает святым: **4** и сквернсловие, и буесловие, или кощуны, яже неподобная, но паче благодарение: **5** сие бо да весте, яко всяк блудник, или нечист, или лихоимец, иже есть идолослужитель, не имать достояния в Царствии Христа и Бога. **6** Никто же вас да льстит суетными словесы, сих бо ради грядет гнев Божий на сыны непокоривыя. **7** Не бывайте убо сопричастницы сим. **8** Бесте бо иногда тма, ныне же свет о Господе: яко же чада света ходите: **9** плод бо духовный есть во всяцей благости и правде и истине: **10** искушающе, что есть благоугодно Богови: **11** и не приобщайтесь к делом неплодным тмы, паче же и обличайте. **12** Бываемая бо отай от них, срамно есть и глаголати. **13** Вся же обличаемая от света являются, все бо являемое свет

есть: 14 сего ради глаголет: востани, спай, и воскресни от мертвых, и осветит тя Христос. 15 Блюдите убо, како опасно ходите, не якоже немудри, но якоже премудри, 16 искупующе время, яко дни лукави суть. 17 Сего ради не бывайте несмысленни, но разумевайте, что есть воля Божия. 18 И не упивайтесь вином, в немже есть блуд: но паче исполняйтесь Духом, 19 глаголюще себе во псалмех и пениях и песнех духовных, воспевающе и поюще в сердцах ваших Господеви, 20 благодаряще всегда о всех о имени Господа нашего Иисуса Христа Богу и Отцу, 21 повинующеся друг другу в страсе Божии. 22 Жены, своим мужем повинуйтесь, якоже Господу, 23 зане муж глава есть жены, якоже и Христос глава Церкве, и Той есть Спаситель тела: 24 но якоже Церковь повинуется Христу, такожде и жены своим мужем во всем. 25 Мужие, любите своя жены, якоже и Христос возлюби Церковь, и Себе предаде за ню, 26 да освятит ю, очестив банею водною в глагололе: 27 да представит ю Себе славну Церковь, не имущу скверны, или порока, или нечто от таковых, но да будет свята и непорочна. 28 Тако должны суть мужие любити своя жены, яко своя телеса: любяй бо свою жену, себе самаго любит. 29 Никотоже бо когда свою плоть возненавиде, но питает и греет ю, якоже и Господь Церковь: 30 зане уди есмы Тела Его, от плоти Его и от костей Его. 31 Сего ради оставит человек отца своего и мать, и прилепится к жене своей, и будета два в плоть едину. 32 Тайна сия велика есть: аз же глаголю во Христа и во Церковь. 33 Обаче и вы, по единому кийждо свою жену сице да любит, якоже (и) себе: а жена да боится (своего) мужа.

6 Чада, послушайте своих родителей о Господе: сие бо есть праведно. 2 Чи отца твоего и матери: яже есть заповедь первая во обетовании: 3 да благо ты будет, и будеш долголетен на земли. 4 И отцы, не раздражайте чад своих, но воспитовайте их в наказании и учении Господни. 5 Раби, послушайте господий своих по плоти со страхом и трепетом, в простоте сердца вашего, якоже и Христа, 6 не пред очима точию работающе яко человекоугодницы, но якоже раби Христовы, творяще волю Божию от души, 7 со благоразумием служаще якоже Господу, а не яко человеком, 8 ведяще, яко кийждо, еже аще сотворит благое, сие приимет от Господа, аще раб, аще свободъ. 9 И господие, таяжде творите к ним, послабляюще им прещения, ведуще, яко и вам самем и тем Господь есть на небесех, и обновения лица несть у Него. 10 Прочее же, братие моя, возмогайте

во Господе и в державе крепости Его: 11 облецьтесь во вся оружия Божия, яко возмощи вам стати противу кознем диаволским, 12 яко несть наша брань к крови и плоти, но к началом и ко властем (и) к миродержителем тмы века сего, к духовом злобы поднебесным. (аіон g165) 13 Сего ради примите вся оружия Божия, да возможете противитися в день лют и вся содеявше стати. 14 Станите убо препоясани чресла ваша истиною, и оболкшеся в броня правды, 15 и обувше нозе во уготование благовествования мира: 16 над всеми же восприимше щит веры, в немже возможете вся стрелы лукаваго разжженныя угасити: 17 и шлем спасения восприимите, и меч духовныи, иже есть Глаголгол Божий: 18 всякою молитвою и молением молящеся на всяко время духом, и в сие истое бдяще во всяком терпении и молитве о всех святых 19 и о мне, да дастся ми слово во отверзение уст моих, с дерзновением сказати тайну благовествования, 20 о немже посолству во узах, да в нем дерзаю, якоже подобает ми глаголати. 21 Да увесте же и вы, яже о мне, что делаю, вся скажет вам Тихик, возлюбленный брат и верен служитель о Господе, 22 егоже послах к вам на сие истое, да увесте, яже о нас, и да утешит сердца ваша. 23 Мир братии и любовь с верою от Бога Отца и Господа Иисуса Христа. 24 Благодать со всеми любящими Господа нашего Иисуса Христа в неистлении. Аминь.

Послание к Филиппийцам

1 Павел и Тимофея, раби Иисус Христовы, всем святым о Христе Иисусе сущым в Филиппех, с епископы и диаконы: 2 благодать вам и мир от Бога Отца нашего и Господа Иисуса Христа. з Благодарю Бога моего о всей памяти вашей, 4 всегда во всячей молитве моей за всех вас с радостию молитву мою творя, 5 о общении вашем в благовествование от первого дне даже и доныне, 6 надеялся на сие истое, яко начный дело благо в вас совершил е даже до дне Иисус Христова: 7 яко же есть праведно мне сие мудрствовати о всех вас, за еже имети ми в сердцы вас, во узах моих и во ответе и извещении благовестия, сообщников мне благодати всех вас сущих. 8 Свидетель бо ми есть Бог, яко люблю всех вас по милости Иисус Христове: 9 и о сем молюся, да любовь ваша еще паче и паче избыточествует в разуме и во всячем чувствии, 10 во еже искушати вам лучшая, да будете чисти и непреткновени в день Христов, 11 исполнени плодов правды Иисус Христом, в славу и похвалу Божию. 12 Разумети же хощу вам, братие, яко яже о мне паче во успех благовествования придоша, 13 яко узы моя явленны о Христе быша во всем судиши и в прочих всех, 14 и множайши братия о Господе, надеявшись о узах моих, паче дерзают без страха слово Божие глаголати. 15 Нецы убо по зависти и ревности, друзии же и за благоволение Христа проповедают: 16 ови убо от рвения Христа возвещают нечисте, мняще печаль нанести узам моим: 17 ови же от любве, ведяще, яко во ответе благовествования лежу. 18 Что убо? Обаче всячем образом, аще виною, аще истиною Христос проповедаем есть, и о сем радуюся, но и возрадуюся: 19 вем бо, яко сие сбудется ми во спасение вашею молитвою и подаянием Духа Иисус Христова, 20 по чаянию и упнованию моему, яко ни о единем же постыжуся, но во всячем дерновении, яко же всегда, и ныне возвеличится Христос в теле моем, аще животом, аще ли смертию. 21 Мне бо еже жити, Христос, и еже умрети, приобретение (есть). 22 Аще же, еже жити (ми) телом, сие мне плод дела: и что изволю, не вем. 23 Обдергимъ же есмь от обою, желание имый разрешитися и со Христом быти, много паче лучше: 24 а еже пребывать во плоти, нужнейше (есть) вас ради. 25 И сие известне вем, яко буди и спребуду вам всем в ваш успех и радость веры, 26 яко да похвала ваша избыточествует о Христе

Иисусе во мне, моим пришествием паки к вам. 27 Точию достойне благовествованию Христову жителствуйте, да аще пришед и видев вас, аще и не сый у вас, услышу же о вас, яко (истиною) стойте во единем дусе, и единодушне сподвигающеся по вере Благовествования (волею), 28 и не колеблющеся ни о единем же от сопротивных: еже тем убо есть явление погибели, вам же спасения. И сие от Бога: 29 яко вам даровася, еже о Христе, не токмо еже в Него веровати, но и еже по Нем страдати, 30 тойже подвиг имуще, яков же во мне видесте и ныне слышите о мне.

2 Аще убо кое утешение о Христе, (или) аще кая утха любве, аще кое общение духа, аще кое милосердие и щедроты, 2 исполните мою радость, да тожде мудрствуете, ту же любовь имуще, единодушни, единомудернни: 3 ничтоже по рвению или тщеславию, но смиреномуудрием друг друга честию болша себе творяще. 4 Не своих си кийждо, но и дружних кийждо смотряйте. 5 Сие бо да мудрствуется в вас, еже и во Христе Иисусе: 6 Иже, во образе Божии сый, не восхищением непещева быти равен Богу: 7 но Себе умалил, зрак раба приим, в подобии человечествем быв, и образом обретеся яко же человек: 8 смирил Себе, послушлив быв даже до смерти, смерти же крестныя. 9 Темже и Бог Его превознесе и дарова Ему имя, еже паче всякаго имене, 10 да о имени Иисусове всяко колено поклонится небесных и земных и преисподних, 11 и всяк язык исповесть, яко Господь Иисус Христос в славу Бога Отца. 12 Темже, возлюбленни мои, яко же всегда послушасте мене, не яко же в пришествии моем точию, но ныне много паче во отшествии моем, со страхом и трепетом свое спасение содевайте: 13 Бог бо есть действуй в вас и еже хотети и еже деяти о благоволении. 14 Вся творите без роптания и размышления, 15 да будете неповинни и цели, чада Божия непорочна посреде рода строптива и развращена, в нихже является яко же светила в мире, 16 слово животно придержаще, в похвалу мне в день Христов, яко не вотще текох, ни вотще трудихся. 17 Но аще и жрен бываю о жертве и службе веры вашея, радуюся и сорадуюся всем вам: 18 такожде и вы радуйтесь и сорадуйтесь мне. 19 Уповаю же о Господе Иисусе Тимофеа вскоре послати к вам, да и аз благодушствуя, уведев яже о вас. 20 Ни единаго бо имам равнодушна, иже приснег о вас попечется: 21 вси бо своих си ищут, (а) не яже Христа Иисуса. 22 Искусство же его знаете, зане яко же отцу чадо, со мною поработал в благовестии.

23 Сего же убо уповаю послати аbie, повнегда увем яже о мне. 24 Надеюся же о Господе, яко и сам скоро прииду к вам. 25 Потребнее же возмнех Епафродита брата и споспешника и свойника моего, вашего же посланника и служителя потребе моей, послати к вам, 26 понеже желанием желаше видети всех вас, и тужаше, зане слышаште, яко боле. 27 Ибо боле близ смерти: но Бог помилова его, не его же токмо, но и мене, да не скорбь на скорбь приму. 28 Скорее убо послах его, да видевше его паки, возврадуетесь, и аз беспечален пребуду. 29 Приимите убо его о Господе со всякою радостию, и таковыя честны имейте, 30 зане за дело Христово даже до смерти приближися, понудив себе вседушно, да исполнит ваше лишение службы яже ко мне.

3 Прочее же, братие моя, радуйтесь о Господе. Таяжде (бо) писати вам, мне убо неленоство, вам же твердо. 2 Блюдитесь от псов, блюдитесь от злых делателей, блюдитесь от сечения: 3 мы бо есмы обрезание, иже духом Богу служим и хвалимся о Христе Иисусе, а не в плоти надеемся: 4 ибо и аз имею надеяние такожде во плоти. Аще кто ин мнит надеятися во плоти, аз паче, 5 обрезан осмодневно, от рода Израилева, колена Вениаминова, Евреин от Ерей, по закону фарисей, 6 по ревности гоних Церковь Божию, по правде законней быв непорочен. 7 Но яже ми бяху приобретения, сия вмених Христа ради тщету. 8 Но убо вменяю вся тщету быти за превосходящее разумение Христа Иисуса Господа моего, Егоже ради всех отщетихся, и вменяю вся уметы быти, да Христа приобрящу 9 и обрящуся в Нем, не имый моей правды, яже от закона, но яже верою (Иисус) Христовою, сущую от Бога правду в вере: 10 яко разумети Его, и силу воскресения Его, и сообщение страстей Его, сообразуяся смерти Его, 11 аще како достигну в воскресение мертвых. 12 Не зане уже достигох, или уже совершихся: гоню же, аще и постигну, о немже и постижен бых от Христа Иисуса. 13 Братие, аз себе не у помышляю достигша: едино же, задняя убо забывая, в предняя же простираяся, 14 со усердием гоню, к почести вышняго звания Божия о Христе Иисусе. 15 Елицы убо совершенни, сие да мудрствум: и еже аще ино что мыслите, и сие Бог вам открыет. 16 Обаче в неже достигохом, тоже да мудрствуем и темже правилом жителствуем. 17 Подобни ми бывайте, братие, и смотряйте тако ходящия, яко же имате образ нас. 18 Мнози бо ходят, ихже многажды глаголах вам, ныне же и плача глаголю, враги креста Христова: 19 имже кончина погибель, имже бог чрево, и слава в стude их, иже земная мудрствуют. 20 Наше бо

житие на небесех есть, отюнудже и Спасителя ждем, Господа (нашего) Иисуса Христа, 21 Иже преобразит тело смирения нашего, яко быти сему сообразну телу славы Его, по действу еже возмогати Ему и покорити Себе всяческая.

4 Темже, братие моя возлюбленная и вожделенная, радосте и венче мой, тако стойте о Господе, возлюбленни. 2 Еводию молю и Синтихию молю тожде мудрствовати о Господе: 3 ей, молю и тебе, супружнице присны, споспешствуй им, яже во благовествовании сподвигашася со мною и с Климентом и с прочими споспешниками моими, ихже имена в книгах животных. 4 Радуйтесь всегда о Господе: и паки реку: радуйтесь. 5 Кротость ваша разумна да будет всем человеком. Господь близ. 6 Ни о чемже пецытеся, но во всем молитвою и молением со благодарением прошения ваша да скажутся к Богу: 7 и мир Божий, превосходяй всяк ум, да соблюдет сердца ваша и разумения ваша о Христе Иисусе. 8 Прочее же, братие (моя), елика суть истинна, елика честна, елика праведна, елика пречиста, елика прелюбезна, елика доброхвальна, аще кая добродетель и аще кая похвала, сия помышляйте. 9 Умже и научистесь, и прияте, и слышаште, и видесте во мне, сия творите: и Бог мира будет с вами. 10 Возрадовахся же о Господе вельми, яко уже когда воспомянусте пещися о мне: понеже и печащеся, но непогодным временем обдергастесь. 11 Не яко по скудости глаголю: аз бо навыкох, в нихже есмь, доволен быти: 12 вем и смиритися, вем и избыточествовати: во всем и во всех навыкох, и насыщатися и алкати, и избыточествовати и лишатися. 13 Вся могу о укрепляющем мя (Иисусе) Христе. 14 Обаче добре сотвористе, сприобщившеся печали моей. 15 Весте же и вы, Филипписиане, яко в начале благовествования, егда изыдох от Македонии, ни едини ми церковь общевася в слово даяния и приятия, точию вы едини: 16 яко и в Солунь и единою и дващи в требование (мое) посласте ми. 17 Не яко ишу даяния, но ишу плода множащагося в слово ваше. 18 Приях же вся и избыточствую: исполнихся, приемь от Епафродита посланная от вас, воню благоухания, жертву приятну, благоугодну Богу. 19 Бог же мой да исполнит всякое требование ваше по богатству Своему в славе, о Христе Иисусе. 20 Богу же и Отцу нашему слава во веки веков. Аминь. (аіён 9:165) 21 Целуйте всякаго свята о Христе Иисусе. Целуют вы сущая со мною братия. 22 Целуют вы

святии всеи, паче же иже от кесарева дому. 23 Благодать
Господа нашего Иисуса Христа со всеми вами. Аминь.

Послание к Колоссянам

1 Павел, Апостол Иисус Христов волею Божию, и Тимофея брат, 2 сущим в Колоссах святым и верным братиям о Христе Иисусе: 3 благодать вам и мир от Бога Отца нашего, и Господа Иисуса Христа. Благодарим Бога и Отца Господа нашего Иисуса Христа, всегда о вас молящиеся, 4 слышавше веру вашу, яже о Христе Иисусе, и любовь, юже имате ко всем святым, 5 за упование отложенное вам на небесех, еже прежде слышасте в словеси истины благовествования, 6 сущаго в вас, якоже и во всем мире: и есть плодоносно и растимо, якоже и в вас, от негоже дне слышасте и разуместе благодать Божию во истине: 7 якоже и уведесте от Епафраса, возлюбленного соработника нашего, иже есть верен о вас служитель Христов, 8 иже и яви нам вашу любовь в дусе. 9 Сего ради и мы, от негоже дне слышахом, не престаем о вас молящиеся и просяще, да исполнитеся в разуме воли Его, во всяцей премудрости и разуме духовнем, 10 яко ходити вам достоине Богу во всяцем угощении и всяком деле блазе, плодоносяще и возрастающе в разуме Божии, 11 всякою силою возмогающе по державе славы Его, во всяцем терпении и долготерпении с радостию. 12 Благодаряще Бога и Отца, призвавшаго вас в причастие наследия святых во свете. 13 Иже избави нас от власти темных и престави в Царство Сына любве Своей, 14 о Немже имамы избавление Кровию Его и оставление грехов. 15 Иже есть образ Бога невидимаго, перворожден всея твари. 16 Яко Тем создана быша всяческая, яже на небеси и яже на земли, видимая и невидимая, аще престоли, аще господствия, аще начала, аще власти: всяческая Тем и о Нем создашася. 17 И Той есть прежде всех, и всяческая в Нем состоятся. 18 И Той есть глава телу Церкви, Иже есть начаток, перворожден из мертвых, яко да будет во всех Той первенствует. 19 Яко в Нем благоизволи всему исполнению вселитися, 20 и Тем примирити всяческая к Себе, умиротворив Кровию креста Его, через Него, аще земная, аще ли небесная. 21 И вас, иногда сущих отчужденных и врагов помышленными в делах лукавых, 22 ныне же примири в теле Плоти Его смертию Его, представити вас святых и непорочных и неповинных пред Собою, 23 аще убо пребываете в вере основани и тверди, и неподвижими от упования благовествования, еже слышасте, проповеданное всей твари поднебесней, емуже бых аз Павел служитель. 24 Ныне радуюся во страданиях моих о вас, яко исполняю лишене скорбей Христовых во плоти моей за Тело

Его, еже есть Церковь. 25 Ейже бых аз служитель по смотрению Божию, данному мне в вас, исполнити слово Божие, 26 тайну сокровенную от век и от родов: ныне же явися святым Его, (αῑον γι65) 27 Имже восходе Бог сказать, кое богатство славы тайны сея во языцах, иже есть Христос в вас, упование славы, 28 Егоже мы проповедуем, наказующе всякаго человека и учаще всяцей премудрости, да представим всякаго человека совершенна о Христе Иисусе: 29 в немже и тружаюся и подвizaюся по действу Его действуемому во мне силою.

2 Хощу убо вас ведети, колик подвиг имам о вас и о сущих в Лаодикии и во Иераполи, и елицы не видеша лица моего во плоти, 2 да утешатся сердца их, снемшихся в любви и во всяцем богатстве извещения разума, в познание тайны Бога и Отца и Христа, 3 в Немже суть вся сокровища премудрости и разума сокровенна. 4 Сие же глаголю, да никтоже вас прельстит в словопрении. 5 Аще бо и плотию отстою, но духом с вами есмь, радуяся и видя ваш чин и утверждение ваше веры, яже во Христе. 6 Якоже убо прияте Христа Иисуса Господа, такожде в Нем ходите, 7 укоренени и наздани в Нем и известовани верою, якоже научистеся, избыточествующе в ней благодарением. 8 (Братие,) блюдитеся, да никтоже вас будет прельщая философию и тщетною лестию, по преданию человеческому, по стихиам мира, а не по Христе. 9 Яко в Том живет всяко исполнение Божества телесне: 10 и да будете в Нем исполнени, Иже есть глава всякому началу и власти: 11 о Немже и обрезани бысте обрезанием нерукотворенным, в совлечении тела греховнаго плоти, во обрезании Христове, 12 спогребшеся Ему крещением: о Немже и совостасте верою действия Бога, Воскресившаго Его из мертвых. 13 И вас, мертвых сущих в прегрешениих и в необрезании плоти вашея, сооживил есть с Ним, даровав нам вся прегрешения, 14 истребив еже на нас рукописание ученьми, еже бе сопротивно нам, и то взят от среды, пригвоздив е на кресте: 15 совлек начала и власти, изведе в позор дерзновением, изобличив их в Себе. 16 Да никтоже убо вас осуждает о ядении, или о питии, или о части праздника, или о новомесячии, или о субботах: 17 яже суть стень грядущих, тело же Христово. 18 Никто же вас да прельщает изволенным ему смиреномудрием и службою Ангелов, яже не уведе учя, без ума дмсяя от ума плоти своея, 19 а не держя главы, из неяже все тело, составы и соузы подаемо и снемлемо, растит возвращение Божие. 20 Аще убо

умрости со Христом от стихий мира, почто аки живуще в мире стязаитесь? 21 Не коснися, ниже вкуси, ниже осяжи: 22 яже суть вся во истление употреблением, по заповедем и учением человеческим: 23 яже суть слово убо имуща премудрости в самовольней службе и смиреномудрии и непощадении тела, не в чести коей к сътости плоти.

3 Аще убо воскреснусте со Христом, вышних ищите, идеже есть Христос о десную Бога седя: 2 горяя мудрствуйте, (а) не земная. 3 Умрости бо, и живот ваш сокровен есть со Христом в Бозе: 4 егда же Христос явится, живот ваш, тогда и вы с Ним явитеся в славе. 5 Умртвите убо уды вашя, яже на земли: блуд, нечистоту, страсть, похоть злую и лихоимание, еже есть идолослужение, 6 ихже ради грядет гнев Божии на сыны противления. 7 В нихже и вы иногда ходисте, егда живясте в них. 8 Ныне же отложите и вы та вся: гнев, ярость, злобу, хуление, срамословие от уст ваших: 9 не лжите друг на друга, совлекшеся ветхаго человека с деяньми его 10 и облекшеся в новаго, обновляемаго в разум по образу Создавшаго его, 11 идеже несть Еллин, ни Иудей, обрезание и необрязание, варвар и Скиф, раб и свободь, но всяческая и во всех Христос. 12 Облецьтесь убо якоже избранныи Божии, святы и возлюбленни, во утробы щедрот, благость, смиреномудрие, кротость и долготерпение, 13 приемлюще друг друга и прощающе себе, аще кто на кого имать поречение: якоже и Христос простил есть вам, тако и вы. 14 Над всеми же сими (стяжите) любовь, яже есть соуз совершенства: 15 и мир Божии да водворяется в сердцах ваших, в оньже и звани бысте во едином теле: и благодарни бывайте. 16 Слово Христово да вселяется в вас богатно, во всякой премудрости: учаще и вразумляюще себе самех во псалмех и пениях и песнех духовных, во благодати поюще в сердцах ваших Господеви. 17 И все, еже аще что творите словом или делом, вся во имя Господа Иисуса Христа, благодаряще Бога и Отца Тем. 18 Жены, повинуйтесь своим мужем, якоже подобает о Господе. 19 Мужие, любите жены вашя, и не огорчайтесь к ним. 20 Чада, послушайте родителей (своих) во всем: сие бо угодно есть Господеви. 21 Отцы, не раздражайте чад ваших, да не унывают. 22 Раби, послушайте по всему плотских господии (ваших), не пред очима точию работающе аки человекоугодницы, но в простоте сердца, боящеся Бога. 23 И всяко, еже аще что творите, от души делайте, якоже Господу, а не человеком, 24 ведяще, яко от Господа приимете воздаяние достояния: Господу бо

Христу работаете. 25 А обидя восприимет, еже обиде: и несть лица обиновения.

4 Господие, правду и уравнение рабом подавайте, ведяще, яко и вы имате Господа на небесех. 2 в молитве терпите, бодрствующе в ней со благодарением: з молящеся и о нас вкупе, да Бог отверзет нам двери слова, проглаголати тайну Христову, еяже ради и связан есмь: 4 да явлю ю, якоже подобает ми глаголати. 5 В премудрости ходите ко внешним, время искупующе. 6 Слово ваше (да бывает) всегда во благодати, солию растворено, ведети, како подобает вам единому комуждо отвещавати. 7 Иже о мне, вся скажет вам Тихик, возлюбленный брат и верен служитель и соработник о Господе, 8 егоже послах к вам на се истое, да разумеет яже о вас и утешит сердца ваша, 9 со Онисимом, верным и возлюбленным братом нашим, иже есть от вас: вся вам скажут, яже где. 10 Целует вы Аристарх спленник мой, и Марко анепсий Варнавин, о немже прияте заповеди: аще приидет к вам, примите его: 11 и Иисус нареченный Иуст, сущий от обрезания: сии едини споспешницы во Царство Божие, иже быша ми утешение. 12 Целует вы Епафрас, иже от вас, раб Иисуса Христа, всегда подвизаяся о вас в молитвах, да будете совершени и исполнени во всяцей воли Божией. 13 Свидетелствую бо о нем, яко имать ревность многу (и болезнь) о вас и о сущих в Лаодикии и во Иераполи. 14 Целует вы Лука врачъ возлюбленный, и Димас. 15 Целуйте братию сущую в Лаодикии, и Нимфана, и домашнюю его церковь. 16 И егда прочтется послание сие у вас, соторвите, да и в Лаодикистей церкви прочтено будет, и написаное от Лаодикии да и вы прочтете. 17 И рцыте Архиппу: блюди служение, еже принял еси о Господе, да довершиши е. 18 Целование моемо рукою Павлею. Поминайте моя узы. Благодать со (всеми) вами. Аминь.

Первое послание к Фессалоникийцам

1 Павел и Силуан и Тимофеи церкви Солунстей о Бозе
Отце и Господе Иисусе Христе: благодать вам и мир от
Бога Отца нашего и Господа Иисуса Христа. **2** Благодарим
Бога всегда о всех вас, поминание о вас творяще в
молитвах наших, **3** непрестанно поминающе ваше дело
веры, и труд любве, и терпение упования Господа нашего
Иисуса Христа, пред Богом и Отцем нашим, **4** ведяще,
братие возлюбленная, от Бога избрание ваше: **5** яко
благовествование наше не бысть к вам в слове точию,
но и в силе, и в Дусе Святе, и во извещении мнозе,
яко же и весте, какови быхом в вас ради вас. **6** И вы
подобницы бысте нам и Господу, приемше слово в скорби
мнозе с радостию Духа Святаго, **7** яко быти вам образ
всем верующым в Македонии и Ахали. **8** От вас бо
промчеся слово Господне не токмо в Македонии и Ахали,
но и во всяко место вера ваша, яже к Богу, изыде,
яко не требовати нам глаголати что. **9** Тии бо о нас
возвещают, каков вход имехом к вам, и како обратистеся
к Богу от идол, работати Богу живу и истинну **10** и ждати
Сына Его с небес, Егоже воскреси из мертвых, Иисуса,
избавляющаго нас от гнева грядущаго.

2 Сами бо весте, братие, вход наш иже к вам, яко не
вотще бысть: **2** но предпострадавше и досаждени
бывше, яко же весте, в Филиппех, дерзнухом о Бозе
нашем глаголати к вам благовествование Божие со
многим подвигом. **3** Утешение бо наше не от прелести, ни
от нечистоты, ни лестию: **4** но яко же искусихомся от Бога
верни быти прияти благовествование, тако глаголем, не
аки человеком угощающе, но Богу искушающему сердца
наша. **5** Никогдаже бо в словеси ласкания быхом к вам,
яко же весте, ниже в вине лихомания: Бог свидетель! **6**
Ни ищуще от человек славы, ни от вас, ни от инех: **7**
могуще в тяготе быти, яко же Христовы Апостоли, но
быхом тиси посреде вас, яко же доилица греет своя
чада. **8** Тако желающе вас, благоволихом подати вам не
точию благовествование Божие, но и души своя, занеже
взлюблени бысте нам. **9** Помните бо, братие, труд наш
и подвиг: нощь бо и день делающе, да не отяготим ни
единаго от вас, проповедахом вам благовествование
Божие. **10** Вы свидете и Бог, яко преподобно и праведно
и непорочно вам верующым быхом, **11** яко же весте,
зане единаго когождо вас, яко же отец чада своя, **12**

моляще и утешающе вас, и свидетельствующе вам
ходити достойно Богу, призвавшему вы во Свое Царство
и славу. **13** Сего ради и мы благодарим Бога непрестанно,
яко приемше слово слышания Божия от нас, прияте не
аки слово человеческо, но, яко же есть воистинну, слово
Божие, еже и действуетя в вас верующих. **14** Вы бо
подобницы бысте, братие, церквам Божиим сущым во
Иудеи о Христе Иисусе, зане таяже и вы пострадасте
от своих сплеменник, яко же и тии от Иудей, **15** убивших и
Господа Иисуса и Его пророки, и нас изгнавших, и Богу
не угодивших, и всем человеком противящихся, **16** и
возбраняющих нам глаголати языком, да спасутся, во
еже исполнити им грехи своя всегда: постиже же на них
гнев до конца. **17** Мы же, братие, осиротевше от вас ко
времени часа лицем, а не сердцем, лишише тщахомся
лице ваше видети многим желанием. **18** Темже хотехом
прийти к вам, аз убо Павел, едину и дважды: и возбрани
нам сатана. **19** Кто бо нам упование или радость или
венец похваления? Не и вы ли пред Господем нашим
Иисус Христом во пришествии Его? **20** Вы бо есте слава
наша и радость.

3 Темже уже не терпяще, благоволихом остатися во
Афинех едини, **2** и послахом Тимофея, брата нашего и
служителя Божия и споспешника нашего во благовестии
Христове, утвердити вас и утешити о вере вашей, **3** яко
ни единому смущатися в скорбех сих: сами бо весте, яко
на сие истое лежим. **4** Ибо егда у вас бехом, предрекохом
вам, яко имамы скорбети, еже и бысть, и весте. **5** Сего
ради и аз ктому не терпя, послах разумети веру вашу,
да не како искусили вы искушай, и вотще будет труд
наш. **6** Ныне же пришедшу Тимофею к нам от вас и
благовестившу нам веру вашу и любовь, и яко имате
память о нас благу, всегда желающе нас видети, яко же
и мы вас: **7** сего ради утешахомся, братие, о вас, во
всякой скорби и нужде нашей, вашею верою: **8** яко
мы ныне живи есмы, аще вы стоите о Господе. **9** Кое
бо благодарение Богу можем воздати о вас, о всякой
радости, еюже радуемся вас ради пред Богом нашим, **10**
нощь и день преизлиха молящеся видети лице ваше и
совершити лишение веры вашея? **11** Сам же Бог и Отец
наш и Господь наш Иисус Христос да исправит путь наш
к вам. **12** Вас же Господь да умножит и да избыточествит
любовию друг ко другу и ко всем, яко же и мы к вам, **13** во
еже утвердити сердца ваша непорочна в святыни пред
Богом и Отцем нашим, в пришествие Господа нашего
Иисуса Христа со всеми святыми Его. Аминь.

4 Темже убо, братие, просим вы и молим о Христе Иисусе, якоже прияте от нас, како подобает вам ходити и угождати Богови, якоже и ходите, да избыточествуете паче: 2 весте бо, какова повеления дахом вам Господем Иисусом. 3 Сия бо есть воля Божия, святость ваша, хранити себе самех от блуда, 4 и ведети комуждо от вас свой сосуд стяжавати во святыни и чести, 5 а не в страсти похотней, якоже и языцы не ведящии Бога, 6 и еже не преступати и лихоимствовати в вещи брата своего: зане мститель есть Господь о всех сих, якоже и прежде рекохом к вам и засвидетельствовахом. 7 Не призыва бо нас Бог на нечистоту, но во святость. 8 Темже убо отметая не человека отмечает, но Бога, Давшаго Духа Своего Святаго в нас. 9 О братолюбии же, не требуете, да пишется к вам, сами бо вы Богом учени есте, еже любити друг друга: 10 ибо творите то ко всей братии, сущей во всей Македонии. Молим же вы, братие, избыточествовати паче, 11 и любезно прилежати, еже безмолвствовати и деяти своя и делати своими руками, якоже повелехом вам: 12 да ходите благообразно ко внешним и ни чесогоже требуете. 13 Не хощу же вас, братие, не ведети о умерших, да не скорбите, якоже и прочии не имущи упования. 14 Аще бо веруем, яко Иисус умре и воскресе, тако и Бог умершя во Иисусе приведет с Ним. 15 Сие бо вам глаголем словом Господним, яко мы живущии, оставши в пришествие Господне, не имамы предварити умерших: 16 яко Сам Господь в повелении, во гласе Архангелов и в трубе Божии снидет с небесе, и мертвии о Христе воскреснут первее: 17 потом же мы, живущии оставши, купно с ними восхищени будем на облаzech в сретение Господне на воздухе, и тако всегда с Господем будем. 18 Темже утешайте друг друга в словесех сих.

5 А о летех и о временех, братие, не требе есть вам писати, 2 сами бо вы известно весте, яко день Господень, якоже тать в нощи, тако приидет. 3 Егда бо рекут: мир и утверждение, тогда внезапу нападет на них всегубительство, якоже болезнь во чреве имущей, и не имут избежати. 4 Вы же, братие, несте во тме, да день вас якоже тать постигнет: 5 вси бо вы сынове света есте: и сынове дне: несмы нощи, ниже тьмы. 6 Темже убо да не спим, якоже и прочии, но да бодрствуим и трезвимся. 7 Спящии бо, в нощи спят, и упивающиися в нощи упиваются. 8 Мы же, сынове суще дне, да трезвимся, оболкшеся в броню веры и любве и шлем упования спасения, 9 яко не положи нас Бог в гнев, но в получение

спасения Господем нашим Иисусом Христом, 10 умершим за нас, да, аще бдим, аще ли спим, купно с Ним живем. 11 Сего ради утешайте друг друга, и созидайте кийждо ближняго, якоже и творите. 12 Молим же вы, братие, знайте трущающихся у вас, и настоятелей ваших о Господе, и наказующих вы, 13 и имейте их по преизлиха в любви за дело их: мирствуйте в себе. 14 Молим же вы, братие, вразумляйте безчинныя, утешайте малодушныя, заступайте немощныя, долготерпите ко всем. 15 Блюдите, да никто же зла за зло кому воздаст: но всегда доброе гоните и друг ко другу и ко всем. 16 Всегда радуйтесь. 17 Непрестанно молитеся. 18 О всем благодарите: сия бо есть воля Божия о Христе Иисусе в вас. 19 Духа не угашайте. 20 Пророчествия не унижайтесь. 21 Вся же искушающе, добрая держите. 22 От всякия вещи злия ограбейтесь. 23 Сам же Бог мира да освятит вас всесовершенных во всем: и всесовершен ваш дух и душа и тело непорочно в пришествие Господа нашего Иисуса Христа да сохранится. 24 Верен Призвавый вас, Иже и сотворит. 25 Братие, молитеся о нас. 26 Целуйте братию всю лобзанием святым. 27 Заклинао вы Господем, прочести послание сие пред всею святою братиею. 28 Благодать Господа нашего Иисуса Христа с вами. Аминь.

Второе послание к Фессалоникийцам

1 Павел и Силуан и Тимофея, церкви Солунстей, о Бозе
Отце нашем и Господе Иисусе Христе: 2 благодать
вам и мир от Бога Отца нашего, и Господа Иисуса Христа.
3 Благодарити должны есмы Бога всегда о вас, братие,
якоже достойно есть, яко превозрастает вера ваша, и
множится любовь единаго коегождо всех вас друг ко
другу: 4 яко самем нам хвалитися о вас в церквах Божиих,
о терпении вашем и вере во всех гонениях ваших и
скорбех, яже приемлете, 5 показание праведнаго суда
Божия, во еже сподобитися вам Царствия Божия, егоже
ради и страждете. 6 Аще убо праведно у Бога, воздати
скорбь оскорбляющим вас, 7 а вам оскорбляемым отраду
с нами, во откровении Господа Иисуса с небесе, со Ангелы
силы Своея, 8 во огни пламенне дающего отмщение не
ведущым Бога и не послушающим благовествования
Господа нашего Иисуса Христа: 9 иже муку примут,
погибель вечную, от лица Господня и от славы крепости
Его, (aiōnios g166) 10 егда приидет прославитися во святых
Своих и дивен быти во всех веровавших, яко уверися
свидетельство наше в вас, в день он. 11 За сие и молимся
всегда о вас, да вы сподобит званию Бог наш и исполнит
всяко благоволение благости и дело веры в силе, 12 яко
да прославится имя Господа нашего Иисуса Христа в
vas, и вы в Нем, по благодати Бога нашего и Господа
Иисуса Христа.

2 Молим же вы, братие, о пришествии Господа нашего
Иисуса Христа и нашем собрании о Нем, 2 не скоро
подвизатися вам от ума, ни ужасатися ниже духом, ниже
словом, ни посланием аки от нас посланным, яко уже
настоит день Христов. 3 Да никотоже вас прельстит ни по
единому же образу: яко аще не приидет отступление
прежде, и открыется человек беззакония, сын погибели, 4
противник и превозносяйся паче всякаго глаголемаго Бога
или чтилища, якоже ему сести в церкви Божией аки Богу,
показующ себе, яко Бог есть. 5 Не помните ли, яко еще
живый у вас, сия глаголах вам? 6 И ныне удержавающее
весте, во еже явитися ему в свое ему время. 7 Тайна бо
уже деется беззакония, точию держай ныне дондеже от
среды будет: 8 и тогда явится беззаконник, егоже Господь
Иисус убийет духом уст Своих, и упразднит явлением
пришествия Своего, 9 егоже есть пришествие по действу
сатанину во всяцей силе и знамениих и чудесех ложных,

10 и во всякой льсти неправды в погибающих, зане
любве истины не прияша, во еже спастися им. 11 И сего
ради послет им Бог действо льсти, во еже веровати
им лжи, 12 да суд примут вси не веровавши истине,
но благоволивши в неправде. 13 Мы же должны есмы
благодарити Бога всегда о вас, братие возлюбленная от
Господа, яко избрал есть вас Бог от начала во спасение
во святыни Духа и веры истины, 14 в неже призыва вас
благовествованием нашим, в получение славы Господа
нашего Иисуса Христа. 15 Темже убо, братие, стойте
и держите предания, имже научистеся или словом,
или посланием нашим. 16 Сам же Господь наш Иисус
Христос, и Бог и Отец наш, возлюбивый нас и давый
утешение вечно и упование благо в благодати, (aiōnios
g166) 17 да утешит сердца ваша и да утвердит во всяком
слове и деле блазе.

3 Прочее, молитеся о нас, братие, да слово Господне
течет и славится, якоже и в вас, 2 и да избавимся
от злых и лукавых человек: не всех бо есть вера. 3
Верен же есть Господь, Иже утвердит вас и сохранит
от лукаваго. 4 Уповаем же на Господа о вас, яко, яже
повелеваем вам, и творите и створите. 5 Господь же да
исправит сердца ваши в любовь Божию и в терпение
Христово. 6 Повелеваем же вам, братие, о имени Господа
нашего Иисуса Христа, отлучатися вам от всякаго брата
безчинно ходяща, а не по преданию, еже прияша от нас:
7 сами бо весте, како лепо есть вам подобитися нам:
яко не безчинновахом у вас, 8 ниже туне хлеб ядохом у
кого, но в труде и подвизе, нощь и день делающе, да не
отягчим никогоже от вас: 9 не яко не имамы власти, но
да себе образ дамы вам, во еже уподобитися нам. 10
Ибо егда бехом у вас, сие завещавахом вам: яко аще
кто не хошет делати ниже да яст. 11 Слышим бо некия
безчинно ходящыя у вас, ничтоже делающыя, но лукавно
обходящыя: 12 таковым запрещаем и молим о Господе
нашем Иисусе Христе, да с безмолвием делающе, свой
хлеб ядят. 13 Вы же, братие, не стужайте, доброе
творяще. 14 Аще же кто не послушает словесе нашего
посланием, сего назнаменуйте и не примешайтесь ему,
да посрамится: 15 и не аки врага имейте его, но наказуйте
якоже брата. 16 Сам же Господь мира да даст вам мир
всегда во всяком образе: Господь со всеми вами. 17
Целование моею рукою Павлею, еже есть знамение
во всяком послании: сице пишу: 18 благодать Господа
нашего Иисуса Христа со всеми вами. Аминь.

Первое послание к Тимофею

1 Павел, посланник Иисус Христов по повелению Бога

Спаса нашего и Господа Иисуса Христа упования нашего, **2** Тимофею присному чаду в вере: благодать, милость, мир от Бога Отца нашего и Христа Иисуса Господа нашего. **3** Якоже умолях тя пребыти во Ефесе, идый в Македонию, да завещаеш неким не иначе учити, **4** ниже внимати баснем и родословием безконечным, яже стязания творят паче, нежели Божие строение, еже в вере. **5** Конец же завещания есть любы от чиста сердца и совести благия и веры нелицемерная, **6** в нихже нецы погрешивше, уклониша в суетловия, **7** хотяще быти законоучителе, не разумеюще ни яже глаголют, ни о нихже утверждают. **8** Вемы же, яко добр закон (есть), аще кто его законне творит, **9** ведый сие, яко праведнику закон не лежит, но беззаконным и непокоривым, нечестивым (же) и грешником, неправедным и скверным, отца и матере досадителем, мужеубийцам, **10** блудником, мужеложником, разбойником, (клеветником, скотоложником,) лживым, клятвопреступником, и аще что ино здравому учению противится, **11** по благовестию славы блаженного Бога, еже мне уверено бысть. **12** И благодарю укрепляющаго мя Христа Иисуса Господа нашего, яко верна мя непещева, положив (мя) в службу, **13** бывша мя иногда хульника и гонителя и досадителя: но помилован бых, яко неведый соторвих в неверствии: **14** упремножися же благодать Господа нашего (Иисуса Христа) с верою и любовию яже о Христе Иисусе. **15** Верно слово и всяко приятия достойно, яко Христос Иисус прииде в мир грешники спаси, от нихже первый есмь аз. **16** Но сего ради помилован бых, да во мне первом покажет Иисус Христос все долготерпение, за образ хотящих веровати Ему в жизнь вечную. (αἰῶνις **166**) **17** Царю же веков нетленному, невидимому, единому премудрому Богу, честь и слава во веки веков. Аминь. (αἰῶνις **165**) **18** Сие же завещание предаю ти, чадо Тимофею, по бывших на тя прежде пророчествиих, да воинствуши в них доброе воинство, **19** имея веру и благую совесть, юже нецы отринувше, от веры отпадоша: **20** от нихже есть Именей и Александр, ихже предах сатане, да накажутся не хулити.

2 Молю убо прежде всех творити молитвы, моления, прошения, благодарения за вся человеки, **2** за царя и

за всех, иже во власти суть, да тихое и безмолвное житие поживем во всяцем благочестии и чистоте: **3** сие бо добро и приятно пред Спасителем нашим Богом, **4** Иже всем человеком хощет спастися и в разум истины приити. **5** Един бо есть Бог, и един ходатай Бога и человеков, человек Христос Иисус, **6** давый Себе избавление за всех: свидетельство времены своими, **7** в неже поставлен бых аз проповедник и Апостол, истину глаголю о Христе, не лгу, учитель языков в вере и истине. **8** Хощу убо, да молитвы творят мужие на всяцем месте, воздеюще преподобныя руки без гнева и размышления: **9** такожде и жены во укращении лепотнем, со стыдением и целомудрием да укращают себе не в плетениих, ни златом, или бисерми, или ризами многоценными, **10** но, еже подобает женам обещавающимся благочестию, дельы благими. **11** Жена в безмолвии да учится со всяким покорением: **12** жene же учити не повелеваю, ниже владети мужем, но быти в безмолвии. **13** Адам бо прежде создан бысть, потом же Ева: **14** и Адам не прельстися, жена же прельстившия, в преступлении бысть: **15** спасется же чадородия ради, аще пребудет в вере и любви и во святыни с целомудрием.

3 Верно слово: аще кто епископства хощет, добра дела

желает. **2** Подобает убо епископу быти непорочну, единяя жены мужу, трезвену, целомудру, (благовейну,) честну, страннолюбиву, учителну, з не пиянице, не бийце, не сварливу, не мшелоимцу, но кротку, (не завистливу,) не сребролюбцу, **4** свой дом добре правяще, чада имущу в послушании со всякою чистотою: **5** аще же кто своего дому не умеет правити, како о Церкви Божией прилежати возможет? **6** Не новокрещену, да не разгордевся в суд впадет диаволь. **7** Подобает же ему и свидетельство добро имети от внешних, да не в поношение впадет и в сеть неприязнену. **8** Диаконом такожде чистым, не двоязычным, не вину многу внимающим, не скверностяжательным, **9** имущим таинство веры в чистей совести. **10** И сии убо да искушаются прежде, потом же да служат, непорочни суще. **11** Женам такожде чистым, не клеветивым, (не навадницам,) трезвенным, верным во всем. **12** Диакони да бывают единяя жены мужие, чада добре правяще и своя домы: **13** ибо служивши добре степень себе добр снискают и многое дерзновение в вере, яже о Христе Иисусе. **14** Сия пишу тебе, уповая приити к тебе скоро: **15** аще же замедлю, да увеси, како подобает в дому Божии жити, яже есть Церковь Бога жива, столп и утверждение истины. **16** И исповедуемо велия есть благочестия тайна: Бог явися во плоти,

оправдася в Дусе, показася Ангелом, проповедан бысть во языщех, веровася в мире, вознесеся во славе.

4 Дух же явственне глаголет, яко в последня времена отступят нецы от веры, внемлюще духовом лестчым и учением бесовским, 2 в лицемерии лжесловесник, сожженных своею совестию, 3 возбраняющих женитися, удалятися от брашен, яже Бог сотвори в сnedение со благодарением верным и познавшым истину. 4 Зане всякое создание Божие добро, и ничтоже отменно, со благодарением приемлемо, 5 освящается бо словом Божиим и молитвою. 6 Сия вся сказуя братии, добр будеши служитель Иисуса Христа, питаемъ словесы веры и добрым учением, ему же последовал еси. 7 Скверных же и бабиих басней отрицайся, обучай же себе ко благочестию: 8 телесное бо обучение вмале есть полезно, а благочестие на все полезно есть, обетование имеюще живота нынешняго и грядущаго. 9 Верно слово и всякаго приятия достойно. 10 На сие бо и труждаемся и поношаемъ есмы, яко уповахом на Бога жива, Иже есть Спаситель всем человеком, паче же верным. 11 Завещавай сия и учи. 12 Никтоже о юности твоей да нерадит: но образ буди верным словом, житием, любовию, духом, верою, чистотою. 13 Дондеже прииду, внемли чтению, утешению, учению. 14 Не неради о своем даровании живущем в тебе, еже дано тебе бысть пророчеством с возложением рук священничества. 15 В сих поучайся, в сих пребывай, (в сих разумевай,) да престяжение твое явлено будет во всех. 16 Внимай себе и учению и пребывай в них: сия бо творя, и сам спасешися и послушающии тебе.

5 Старцу не твори пакости, но утешай яко же отца: юноши, яко же братию: 2 старицы, яко же матери: юныя, яко же сестры, со всякою чистотою. 3 Вдовици чти сущыя истинныя вдовицы. 4 Аще же кая вдовица чада или внуата имать, да учатся прежде свой дом благочестиво устроити и взаем воздаяти родителем: сие бо есть благоугодно пред Богом. 5 А сущая истинная вдовица и уединена, уповаает на Бога и пребывает в молитвах и молениях день и нощь: 6 питающаяся же пространно, жива умерла. 7 И сия завещавай, да непорочни будут. 8 Аще же кто о своих, паче же о присных не промышляет, веры отверглся есть и невернаго горший есть. 9 Вдовица же да причитается не менши лет шестидесятих, бывши единому мужу жена, 10 в делах добрых свидетелствуема, аще чада воспитала есть, аще святых нозе умы, аще странная прият, аще

скорбным утешение бысть, аще всякому делу благу последовала есть. 11 Юных же вдовиц отрицайся: егда бо разсвирепеют о Христе, посягати хотят, 12 имущыя грех, яко первыя веры отвергощася: 13 купно же и праздны учатся обходить дома, не точию же праздны, но и блядивы и оплазивы, глаголющыя, яже не подобает. 14 Хощу убо юным вдовицам посягати, чада раждати, дом строити, ни едини же вины даяти противному хулы ради: 15 се бо некия развратишаася вслед сатаны. 16 Аще кто верен или верна имать вдовицы, да довлит их, и да не тяготится Церковь, да сущих истинных вдовиц удоволит. 17 Прилежащии же добре пресвитери сугубяя чести да сподобляются: паче же труждающиися в слове и учении. 18 Глаголет бо Писание: вола молотяща не обротиши: и: достоин делатель мзды своея. 19 На пресвитера хулы не приемли, разве при двою или триех свидетелех. 20 Согрешающих же пред всеми обличай, да и прочии страх имут. 21 Засвидетельству пред Богом, и Господем Иисус Христом, и избранными (его) Ангелы, да сия сохраниши без лицемерия,ничесоже творя по уклонению. 22 Руки скоро не возлагай ни на когоже, ниже приобщайся чужым грехом: себе чиста соблюдай. 23 Ктому не пий воды, но мало вина приемли, стомаха ради твоего и частых твоих недугов. 24 Неких (же) человек грехи предявлены суть, предваряюще на суд: неким же и последствуют. 25 Такоже и добрыя дела предявлены суть: и сущая иначо, утаитися не могут.

6 Елицы суть под игом раби, своих господий всякия чести да сподобляют, да имя Божие не хулится и учение. 2 Имуции же верных господий да не нерадят о них, понеже братия суть: но паче да работают, зане верни суть и возлюблены, иже благодать восприемлюции. Сия учи и моли. 3 Аще ли кто иначо учит и не приступает к здравым словесем Господа нашего Иисуса Христа и учению, еже по благоверию, 4 разгордяся, ничтоже ведый, но недугуяй о стязаниях и словопрениих, от нихже бывает зависть, рвение, хулы, непщевания лукава, 5 беседы злъя растленных человеков умом и лишенных истины, непощущущих приобретение быти благочестие. Отступай от таковых. 6 Есть же снискание велие благочестие с доволством. 7 Ничтоже бо внесохом в мир сей: яве, яко ниже изнести что можем. 8 Имеюще же пищу и одеяние, сими доволни будем. 9 А хотящии богатитися впадают в напасти и сеть, и в похоти многи несмысленны и вреждающыя, яже погружают люди во всегубительство и погибель: 10 корень бо

всем злым сребролюбие есть, егоже нецыи желающе заблудиша от веры, и себе пригвоздиша болезнем многим. 11 Ты же, о, человече Божий, сих бегай: гони же правду, благочестие, веру, любовь, терпение, кротость: 12 подвизайся добрым подвигом веры, емлися за вечную жизнь, в нюже и зван был еси, и исповедал еси доброе исповедание пред многими свидетели.

(*aiōnios g166*) 13 Завещава ти пред Богом оживляющим всяческая, и Христом Иисусом свидетельствавшим при Понтийском Пилате доброе исповедание: 14 соблюсти тебе заповедь нескверну и незазорну, даже до явления Господа нашего Иисуса Христа, 15 еже во своя времена явит блаженный и един сильный, Царь царствующих и Господь господствующих, 16 един имей безсмертие и во свете живый неприступнем, Егоже никтоже видел есть от человека, ниже видети может: ему же честь и держава вечная. Аминь. (*aiōnios g166*) 17 Богатым в нынешнем веце запрещай не высокомудрствовать, ниже уповать на богатство погибающее, но на Бога жива, дающего нам вся обильно в наслаждение: (*aiōn g165*) 18 благое делати, богатитися в делах добрых, благодатливым быти, общителным, 19 сокровищающе себе основание добро в будущее, да примут вечную жизнь. 20 О, Тимофею, предание сохрани, уклоняся скверных суесловий и прекословий лжеименного разума: 21 о немже нецыи хвалящеся, о вере погрешиша. Благодать с тобою. Аминь.

Второе послание к Тимофею

1 Павел, Апостол Иисус Христов волею Божию, по обетованию жизни, яже о Христе Иисусе, **2** Тимофею возлюбленному чаду: благодать, милость, мир от Бога Отца и Христа Иисуса Господа нашего. **3** Благодарю Бога, Ему же служу от прародителей чистою совестию, яко непрестанную имам о тебе память в молитвах моих день и нощь, **4** желая видети тя, поминая слезы твоя, да радости исполнюся, **5** воспоминание приемля о сущей в тебе нeliцемерней вере, яже вселися прежде в бабу твою Лоиду и в матерь твою Евникую: известен же есмь, яко и в тебе. **6** Еяже ради вины воспоминаю тебе возгревати дар Божий живущий в тебе возложением руки мою: **7** не бо даде нам Бог духа страха, но силы и любве и целомудрия. **8** Не постыдися убо страстию Господа нашего Иисуса Христа, ни мною юзником Его: но спостражди благовествованию (Христову) по силе Бога, **9** спасшаго нас и призвавшаго званием святым, не по делом нашым, но по Своему благоволению и благодати даннай нам о Христе Иисусе прежде лет вечных, (αἰώνιος **g166**) **10** явльшайся же ныне просвещением Спасителя нашего Иисуса Христа, разрушившаго убо смерть и возсиявшаго жизнь и нетление благовествованием, **11** в неже поставлен бых аз проповедник и Апостол и учитель языков. **12** Еяже ради вины и сия стражду: но не стыжуся. Вем бо, Ему же веровах, и известихся, яко силен есть предание мое сохранити в день он. **13** Образ имей здравых словес, ихже от мене слышал еси, в вере и любви, яже о Христе Иисусе. **14** Доброе завещание собыди Духом Святым живущим в нас. **15** Веси ли сие, яко отвратиша от мене вси, иже от Асии, от низже есть Фигелл и Ермоген. **16** Да даст (же) милость Господь Онисифорову дому, яко многажды мя упокои и вериг моих не постыдеся, **17** но пришед в Рим, тощнее взыска мя и обрете: **18** да даст ему Господь обрести милость от Господа в день он: и елико во Ефесе послужи ми, добрее ты веси.

2 Ты убо, чадо мое, возмогай во благодати, яже о Христе Иисусе, **2** и яже слышал еси от мене многими свидетели, сия предаждь верным человеком, иже доволни будут и иных научити. **3** Ты убо злопостражди яко добр воин Иисус Христов. **4** Никтоже (бо) воин бывая обязуется куплями житейскими, да воеводе угоден будет. **5** Аще же

и постраждет кто, не венчается, аще не законно мучен будет. **6** Тружающемуся делателю прежде подобает от плода вкусити. **7** Разумей, яже глаголю: да даст убо тебе Господь разум о всем. **8** Поминай (Господа) Иисуса Христа воставшаго от мертвых, от семене Давида, по благовествованию моему, **9** в немже злостражду даже до уз, яко злодей: но слово Божие не вяжется. **10** Сего ради вся терплю избранных ради, да и тии спасение улучат еже о Христе Иисусе, со славою вечною. (αἰώνιος **g166**) **11** Верно слово: аще бо с Ним умрохом, то с Ним и оживем: **12** аще терпим, с Ним и воцаримся: аще отвержемся, и Той отвергется нас: **13** аще не веруем, Он верен пребывает: отрещися бо Себе не может. **14** Сия воспоминай, засвидетелствуя пред Господем, не словопретися, ни на куюже потребу, на разорение слышащих. **15** Потщися себе искусна поставити пред Богом, делателя непостыдна, право правяща слово истины. **16** Скверных же тщегласий отметайся: наипаче бо пресплют в нечестие, **17** и слово их яко гагрена жир обрящет: от низже есть Именей и Филит, **18** иже о истине погрешиста, глаголюща, яко воскресение уже бысть: и возмущают некоторых веру. **19** Твердое убо основание Божие стоит, имущее печать сию: позна Господь сущыя Своя, и: да отступит от неправды всяк именуяй имя Господне. **20** В велицем же дому не точию сосуди злати и сребряни суть, но и древяни и глиняни: и ови убо в честь, ови же не в честь. **21** Аще убо кто очистит себе от сих, будет сосуд в честь, освящен и благопотребен Владыце, на всякое дело благое уготован. **22** Похотей юных бегай, держися же правды, веры, любве, мира со всеми призывающими Господа от чистаго сердца. **23** Буих же и ненаказанных стязаний отрицайся, ведьй, яко рождают свары: **24** рабу же Господню не подобает сваритися, но тиху быти ко всем, учителну, незлобиву, **25** с кротостию наказующу противния, еда како даст им Бог покаяние в разум истины, **26** и возникнут от диаволския сети, живи уловлени от него в свою его волю.

3 Сие же веждъ, яко в последния дни настанут времена лютя. **2** Будут бо человекцы самолюбцы, сребролюбцы, величави, горди, хулницы, родителем противищаися, неблагодарни, неправедни, нелюбовни, з непримирителни, (продерзиви, возносливи, прелагатае,) клеветницы, невоздержницы, некротцы, неблаголюбцы, **4** предателе, нагли, напыщени, сластолюбцы паче нежели боголюбцы, **5** имущии образ благочестия, силы же его отвергшия. И сих отвращайся. **6** От сих бо суть поныряющии в домы и пленяющии женища отягощенные

грехами, водимыя похотьми различными, 7 всегда учащяся и николихе в разум истины приити могущыя. 8 Яко же Ианний и Иамврий противистася Моисею, такожде и сии противляются истине, человецы растленни умом (и) неискусни о вере. 9 Но не преуспеют более: безумие бо их явлено будет всем, яко же и онех бысть. 10 Ты же последовал еси моему учению, житию, привету, вере, долготерпению, любви, терпению, 11 изгнанием, страданием, якова ми быша во Антиохии, (и) во Иконии, (и) в Листрех: якова изгнания приях, и от всех мя избавил есть Господь. 12 И вси же хотящии благочестно жити о Христе Иисусе, гоними будут: 13 лукавии же человецы и чародее преупеют на горшее, прельщающе и прельщающими. 14 Ты же пребывай в нихже научен еси и яже вверена суть тебе, ведый, от кого научился еси: 15 и яко измлада священная писания умееши, могущая тя умудрити во спасение верою, яже о Христе Иисусе. 16 Всяко Писание богодухновенно и полезно (есть) ко учению, ко обличению, ко исправлению, к наказанию еже в правде, 17 да совершен будет Божий человек, на всякое дело благое уготован.

4 Засвидетелствуя убо аз пред Богом и Господем нашим Иисусом Христом, хотящим судити живым и мертвым в явлении Его и Царствии Его: 2 проповедуй слово, настой благовременне и безвременне, обличи, запрети, умоли со всяким долготерпением и учением. 3 Будет бо время, егда здраваго учения не послушают, но по своих похотех изберут себе учители, чешеми слухом: 4 и от истины слух отвратят, и к баснем уклонятся. 5 Ты же трезвися о всем, злопостражди, дело сотвори благовестника, служение твое известно сотвори. 6 Аз бо уже жрен бываю, и время моего отшествия наста: 7 подвигом добрым подвизахся, течение скончах, веру соблюдох: 8 прочее убо соблюдается мне венец правды, егоже воздаст ми Господь в день он, праведный Судия: не токмо же мне, но и всем возлюбльшым явление Его. 9 Потщися скоро приити ко мне. 10 Димас бо мене оставил, возлюбив нынешний век, и иде в Солунь: Крискент в Галатию, Тит в Далматию: Лука един есть со мною. (аіðп g165) 11 Марка поемь приведи с собою, есть бо ми благопотребен в службу. 12 Тихика же послах во Ефес. 13 Фелон, егоже оставил в Троаде у Карпа, грядый принеси, и книги, паче же кожаныя. 14 Александр ковачь многа ми зла сотвори: да воздаст ему Господь по делом его: 15 от негоже и ты себе блюди, зело бо противится словесем нашым. 16 В первый мой ответ никтоже бысть со мною,

но вси мя оставиша: да не вменится им. 17 Господь же мне предста и укрепи мя, да мною проповедание известно будет, и услышат вси языцы: и избавлен бых от уст львов. 18 И избавит мя Господь от всякаго дела лукава и спасет во Царствие Свое Небесное: Ему же слава во веки веков. Аминь. (аіðп g165) 19 Целуй Прискиллу и Акилу и Онисифоров дом. 20 Ераст оста в Коринфе: Трофима же оставил в Милите боляща. 21 Потщися прежде зими приити. Целует тя Еввул и Пуд, и Лин и Клавдия и братия вся. 22 Господь Иисус Христос со духом твоим. Благодать с вами. Аминь.

Послание к Титу

1 Павел, раб Божий, Апостол же Иисус Христов, по вере избранных Божиих и разуму истины, яже по благочестию, **2** о уповании жизни вечныя, юже обетова неложный Бог прежде лет вечных, (aiōnios g166) **3** яви же во времена своя слово Свое проповеданием, еже мне поручено бысть по повелению Спасителя нашего Бога: **4** Титу, присному чаду по общей вере: благодать, милость, мир от Бога Отца и Господа Иисуса Христа Спаса нашего. **5** Сего ради оставил тя в Крите, да недокончанная исправиши и устроиши по всем градом пресвиртеры, яко же тебе аз повелех: **6** аще кто есть непорочен, единъя жены муж, чада имъя верна, не во укорении блуда, или непокорива. **7** Подобает бо епископу без порока быти, яко же Божиу строителю: не себе угождающу, (не дерзу, не напрасливу,) не гневливу, не пиянице, не биице, не скверностяжательну, **8** но страннолюбиву, благолюбцу, целомудренну, праведну, преподобну, воздержателну, **9** держащемуся вернаго словесе по учению, да силен будет и утешати во здравем учении, и противящися обличати. **10** Суть бо мнози непокориви, суесловцы и умом прельщени, наипаче же сущии от обрезания, **11** ихже подобает уста заграждати: иже вся домы развращают, учаще яже не подобает, сквернаго ради прибытка. **12** Рече же некто от них, свой им пророк: Критяне присно лживи, злии зверие, утробы праздныя. **13** Свидетельство сие истинно есть. Еяже ради вины обличай их нещадно, да здрави будут в вере, **14** не внимаше Иудейским баснем, ни заповедем человек отвращающиhsя от истины. **15** Вся убо чиста чистым: оскверненым же и неверным ничтоже чисто, но осквернися их и ум и совесть. **16** Бога исповедуют ведети, а делы отмечутся Его, мерзцы суще и непокориви и на всякое дело благое неискусни.

2 Ты же глаголи, яже подобает здравому учению: **2** старцем трезвенным быти, честным, целомудренным, здравствующым верою, любовию, терпением: **3** старицам такожде во украшении святолепным, не клеветивым, не вину многу порабощенным, доброучителным, **4** да уцеломудрят юныя, мужелюбицам быти, чадолюбицам, **5** целомудренным, чистым, домы добре правяющим, благим, покаряющимся своим мужем, да не слово Божие хулиится: **6** юноши такожде моли целомудрствовати. **7** О всем (же) сам себе подавая образ добрых дел, во учении независтное, честность, нетление, **8**

слово здравое, незазорное. Да противный посрамится, ничтоже имея глаголати о нас укорю. **9** Рабы, своим господем повиноватися, во всем благоугодным быти, не прокословным, **10** не крадущим, но веру всяку являющим благу. Да учение Спасителя нашего Бога украшают во всем. **11** Явися бо благодать Божия спасителная всем человеком, **12** наказующи нас, да отвергшеся нечестия и мирских похотей, целомудренно и праведно и благочестно поживем в нынешнем веке, (aiōn g165) **13** ждуще блаженного упования и явления славы великаго Бога и Спаса нашего Иисуса Христа, **14** Иже дал есть Себе за ны, да избавит ны от всякаго беззакония и очестит Себе люди избранны, ревнители добрым делом. **15** Сия глаголи, и моли, и обличай со всяким повелением. Да никто же тя преобидит.

3 Вспоминай тем начальствующим и владеющим повиноватися и покарятися, и ко всякому делу благу готовым быти: **2** ни единаго хулити, не сварливым быти, но тихим, всяку являющим кротость ко всем человеком. **3** Бехом бо иногда и мы несмысленни, и непокориви, и прельщени, работающе похотем и сластем различным, в злобе и зависти живуще, мерзцы (суще и) ненавидяще друг друга. **4** Егда же благодать и человеколюбие явися Спаса нашего Бога, **5** не от дел праведных, ихже створихом мы, но по Своей Его милости, спасе нас банею пакибытия и обновления Духа Святаго, **6** Егоже излия на нас обильно Иисус Христом, Спасителем нашим, **7** да оправдившеся благодатию Его, наследницы будем по упнованию жизни вечныя. (aiōnios g166) **8** (Чадо Тите,) верно слово, и о сих хощу тя извещати, да пекутся добрым делом прилежати веровавшии Богу: сия суть полезна человеком и добра. **9** Буих же стязаний и родословий и рвений и сваров законных отступай: суть бо неполезны и суетны. **10** Еретика человека по первом и вторем наказании отрицайся, **11** ведый, яко развратися таковий, и согрешает, и есть самоосужден. **12** Егда посплю Артему к тебе или Тихика, потщися прийти ко мне в Никополь: тамо бо судих озимети. **13** Зину законника и Аполлоса скоро предпосли, и да ничтоже им скудно будет. **14** Да учатся же и наши добрым делом прилежати в нужная требования, да не будут безплодни. **15** Целуют тя со мною сущии вси. Целуй любящыя ны в вере. Благодать со всеми вами. Аминь.

Послание к Филимону

1 Павел юзник Иисус Христов, и Тимофей брат, Филимону возлюбленному и споспешнику нашему, **2** и Апфии сестре возлюбленнеи, и Архиппу совоинственнику нашему, и домашней твоей церкви: **3** благодать вам и мир от Бога Отца нашего, и Господа Иисуса Христа. **4** Благодарю Бога моего, всегда память о тебе творя в молитвах моих, **5** слышав любовь твою и веру, юже имаши ко Господу Иисусу и ко всем святым. **6** Яко да общение твоего веры действительно будет в разуме всякаго блага, еже в вас, о Христе Иисусе. **7** Радость бо имам многу и утешение о любви твоей, яко утробы святых почиша тобою, брате. **8** Сего ради многое дерзновение имея во Христе повелевати тебе, еже потребно есть, **9** любове же ради паче молю, таков сый якоже Павел старец, ныне же и узник Иисуса Христа: **10** молю тя о моем чаде, егоже родих во узах моих Онисима, **11** иногда тебе непотребного, ныне же тебе и мне благопотребна, егоже возпослах тебе, **12** ты же его, сиречь мою утробу, приими. **13** Егоже аз хотех у себе держати, да вместо тебе послужит ми во узах благовествования: **14** без твоего же воли ничтоже восхотех сотворити, да не аки по нужди благое твое будет, но по воли. **15** Негли бо ради сего разлучися на час, да вечна того приимеши, (aiōnios g166) **16** не ктому аки раба, но выше раба, брата возлюбленна, паче же мне, кольми же паче тебе, и по плоти и о Господе. **17** Аще убо имаши мене общника, приими сего якоже мене. **18** Аще же в чесом обиде тебе, или должен есть, мне сие вмени. **19** Аз Павел написах рукою мою: аз воздам: да не реку тебе, яко и сам себе ми еси должен. **20** Ей, брате, аз да получу еже прошу у тебе о Господе: упокой мою утробу о Господе. **21** Надеявся на послушание твое написах тебе, ведый, яко и паче, еже глаголю, сотвориши. **22** Купно же и уготови ми обитель: уповаю бо, яко молитвами вашими дарован буду вам. **23** Целует тя Епафрас, спленник мой о Христе Иисусе, **24** Марко, Аристарх, Димас, Лука, споспешницы мои. **25** Благодать Господа нашего Иисуса Христа со духом вашим. Аминь.

Послание к Евреям

1 Многочастне и многообразне древле Бог глаголавый отцем во пророцах, **2** в последок дний сих глагола нам в Сыне, Егоже положи наследника всем, Имже и веки сотвори. (aiōn g165) **3** Иже сый сияние славы и образ ипостаси Его, нося же всяческая глаголголом силы Своея, Собою очищение сотворив грехов наших, седе о десную престола величествия на высоких, **4** толико лучший быв Ангелов, елико преславнее паче их наследства имя. **5** Кому бо рече когда от Ангел: Сын Мой еси Ты, Аз днесъ родих Тя? **И** паки: Аз буду Ему во Отца, и Той будет Мне в Сына? **6** Егда же паки вводит Первороднаго во вселенную, глаголет: и да поклонятся Ему вси Ангели Божии. **7** И ко Ангелом убо глаголет: творяй Ангелы Своя духи и слуги Своя огнь палящъ. **8** К Сыну же: престол Твой, Боже, в век века: жезл правости жезл Царствия Твоего: (aiōn g165) **9** возлюбил еси правду и возненавидел еси беззаконие: сего ради помаза Тя, Боже, Бог Твой елеем радости паче причастник Твоих. **10** И (паки): в начале Ты, Господи, землю основал еси, и дела руку Твою суть небеса: **11** та погибнут, Ты же пребываеш: и вся, якоже риза, обетшают, **12** и яко одежду свиеша их, и изменятся: Ты же тойже еси, и лета Твоя не оскудеют. **13** Кому же от Ангел рече когда: седи о десную Мене, дондеже положу враги Твоя подножие ног Твоих? **14** Не вси ли суть служебнии дуси, в служение посылаеми за хотящих наследовать спасение?

2 Сего ради подобает нам лище внимати слышанным, да не когда отпадем. **2** Аще бо глаголанное Ангелы слово бысть известно, и всяко преступление и ослушание праведное прият мздовоздаяние: **3** како мы убежим, о толицем нерадивше спасении, еже зачало приемь глаголатися от Господа, слышавшии в нас известися, **4** сосвидетельствующе Богу знаменными же и чудесы, и различными силами, и Духа Святаго разделенными, по Своей Ему воли? **5** Не Ангелом бо покори Бог вселенную грядущую, о нейже глаголем: **6** засвидетельствова же негде некто, глаголя: что есть человек, яко помниши его? Или сын человеческий, яко посещаеши и? **7** Умалил еси его малым нечим от Ангел: славою и честию венчал еси его и поставил еси его над дельы руку Твою, **8** вся покорил еси под нозе его. Внегда же покорити ему всяческая, ничтоже остави ему непокорено. Ныне же не у видим ему всяческая покорена: **9** а умаленаго малым чим от Ангел видим Иисуса, за приятие смерти

славою и честию венчанна, яко да благодатию Божию за всех вкусит смерти. **10** Подобаше бо ему, Егоже ради всяческая и Имже всяческая, приведшу многи сыны в славу, начальника спасения их страданьми совершити. **11** И святай бо и освящаемии, от Единаго вси: еяже ради вины не стыдится братию нарицати их, глаголя: **12** возвещу имя Твое братии Моеи, посреде церкве воспою Тя. **13** И паки: Аз буду надеяся Нань. И паки: се, Аз и дети, яже Ми дал есть Бог. **14** Понеже убо дети приобщиша плоти и крови, и Той прискренне приобщиша тежже, да смертию упразднит имущаго державу смерти, сиречь диавола, **15** и избавит сих, елицы страхом смерти чрез все житие повинни беша работе. **16** Не от Ангел бо когда приемлет, но от семене Авраамова приемлет: **17** отнюдуже должен бе по всему подобитися братии, да милостив будет и верен первосвященник в тех, яже к Богу, во еже очестити грехи людския. **18** В немже бо пострада, Сас искущен быв, может и искушаемым помощи.

3 Темже, братие святая, звания небеснаго причастницы, разумейте Посланника и Святителя исповедания нашего Иисуса Христа, **2** верна суща Сотворшему Его, якоже и Моисей во всем дому Его. **3** Множайш би славе Сей паче Моисея сподобися, елико множайшую честь имать паче дому сотворивый его: **4** всяк бо дом созидается от некоего: а сотворивый всяческая Бог. **5** И Моисей убо верен бе во всем дому Его, якоже слуга, во свидетельство глаголатися имевшим: **6** Христос же якоже Сын в дому Своем: Егоже дом мы есмы, аще дерновение и похвалу упования даже до конца известно удержим. **7** Темже, якоже глаголет Дух Святый, днесъ, аще глас Его услышите, **8** не ожесточите сердец ваших, якоже в прогневании, во дни искушения в пустыни, **9** идеже искусиша Мя отцы ваши, искусиша Мя и видеша дела Моя четыредесять лет. **10** Сего ради негодовах рода того и рех: присно заблуждают сердцем, тии же не познаша путь Моих: **11** яко кляхся во гневе Моем, аще внидут в покой Мой. **12** Блюдите, братие, да не когда будет в некоем от вас сердце лукаво, (исполнено) неверия, во еже отступити от Бога жива. **13** Но утешайте себе на всяк день дондеже днесъ нарицается, да не ожесточится некто от вас лестию греховною: **14** причастницы бо быхом Христу, аще точию начаток состава даже до конца известен удержим: **15** внегда глаголет: днесъ, аще глас Его услышите, не ожесточите сердец ваших, якоже в прогневании. **16** Нецы бо слышавше прогневаша, но не вси изшедши из Египта с Моисеем. **17** Коих же

негодова четыредесять лет? Не согрешивших ли, иихже кости падоша в пустыни? 18 Которым же клялся не внити в покоище Его? Яве, яко противльшымся. 19 И видим, яко не возмогоша внити за неверствие.

4 Да убоимся убо, да не когда оставлену обетованию внити в покой Его, явится кто от вас лишился. 2 Ибо нам благовествовано есть, якоже и онем: но не пользова онех слово слуха, не растворенное верою слышавших. 3 Входим бо в покой веровавших, якоже рече: яко кляхся во гневе Моем, аще внидут в покой Мой: аще и делом от сложения мира бывшим. 4 Рече бо негде о седмем сице: и почি Бог в день седмый от всех дел Своих. 5 И в сем паки: аще внидут в покой Мой. 6 Понеже убо лишени нецыи внити в него, и имже прежде благовествовано бе, не внидоша за непослушание: 7 паки некий уставляет день, днесь, в Давиде глаголя, по толицех летех, якоже прежде глаголася: днесь, аще глас Его услышите, не ожесточите сердец ваших. 8 Аще бо бы онех Иисус упокоил, не бы о инем дни глаголал по сих. 9 Убо оставлено есть (и еще) субботство людем Божиим: 10 вшедый бо в покой Его, и той почи от дел своих, якоже от Своих Бог. 11 Потщимся убо внити во оный покой, да не кто в ту же притчу противления впадет. 12 Живо бо слово Божие и действенно, и острейше паче всякаго меча обояду остра, и проходящее даже до разделения души же и духа, членов же и мозгов, и судително помышлением и мыслем сердечным. 13 И несть тварь неявленна пред Ним, вся же нага и объявлена пред очима Его, к Немуже нам слово. 14 Имуще убо Архиереа велика, прошедшаго небеса, Иисуса Сына Божия, да держимся исповедания. 15 Не имамы бо архиереа не могуща спострадати немощем нашым, но искушена по всяческим по подобию, разве греха. 16 Да приступаем убо с дерзновением к престолу благодати, да приемем милость и благодать обрящем во благовременну помощь.

5 Всяк бо первосвященник, от человек приемлемъ, за человека поставляется на службы яже к Богу, да приносит дары же и жертвы о грехах, 2 спострадати могий невежествующым и заблуждающим, понеже и той немощию обложен есть: 3 и сего ради должен есть якоже о людех, такожде и о себе приносити за грехи. 4 И никтоже сам себе приемлет честь, но званный от Бога, якоже и Аарон. 5 Тако и Христос не Себе прослави быти первосвященника, но Глаголавый к Нему: Сын Мой еси Ты, Аз днесь родих Тя: 6 якоже и инде глаголет: Ты

еси священник во век по чину Мелхиседекову. (aiōn g165)
7 Иже во днех плоти Своей моления же и молитвы к Могущему спасти Его от смерти с воплем крепким и со слезами принес, и услышан быв от благоговеинства, 8 аще и Сын бяше, обаче навыче от сих, яже пострада, послушанию, 9 и совершився бысть всем послушающим Еgo виновен спасения вечнаго, (aiōnios g166) 10 наречен от Бога Первосвященник по чину Мелхиседекову. 11 О немже многое нам слово и неудобъ сказаемое глаголати, понеже немощни бысте слухи. 12 Ибо, должны суще быти учителье лет ради, паки требуете учитися, кая писмена начала словес Божиих: и бысте требующе млека, а не крепкия пищи. 13 Всяк бо причащаися млека неискусен слова правды, младенец бо есть: 14 совершенных же есть твердая пища, имущих чувствия обучена долгим учением в разсуждение добра же и зла.

6 Темже оставльше начала Христова слово, на совершение да ведемся, не паки основание покаяния полагающе от мертвых дел, и веры в Бога, 2 крещений учения, возложения же рук, воскресения же мертвых и суда вечнаго. (aiōnios g166) 3 И сие сотворим, аще Бог повелит. 4 Невозможно бо просвещенных единою и вкусивших дара небеснаго, и причастников бывших Духа Святаго, 5 и доброго вкусивших Божия глаголгола и силы грядущаго века, (aiōn g165) 6 и отпадших, паки обновляти в покаяние, второе распинающих Сына Божия себе и обличающих. 7 Земля бо пившая сходящий на ню множицю дождь и раждающая былия добрая оним, имиже и делаема бывает, приемлет благословение от Бога: 8 а износящая терния и волчец непотребна есть и клятвы близ, еяже кончина в пожжение. 9 Надеемся же о вас, возлюбленни, лучших и придержащихся спасения, аще и тако глаголем. 10 Не обидлив бо Бог, забыти дела вашего и труда любве, юже показасте во имя Его, послуживше святым и служаще. 11 Желаем же, да кийждо вас являет тожде тщание ко извещению упования даже до конца, 12 да не лениви будете, но подражателе наследствующих обетования верою и долготерпением. 13 Аврааму бо обетовая Бог, понеже ни единем имяше большим клятися, клятся Собою, 14 глаголя: воистину благословлю тя и умножая умножу тя. 15 И тако долготерпев, полуи обетование. 16 Человецы бо большим кленутся, и всякою их прекословию кончина во извещение клятва (есть). 17 В немже лишше хотя Бог показати наследником обетования непреложное совета Своего, ходатайства клятвою: 18 да двема

вещьми непреложными, в нихже невозможно соглать Богу, крепкое утешение имамы прибегши ятися за предлежащее упование, 19 еже аки котву имамы души, тверду же и известну, и входящую во внутреннейшее завесы, 20 идеже предтеча о нас вниде Иисус, по чину Мелхиседекову Первосященник быв во веки. (aiōn g165)

7 Сей бо Мелхиседек, царь Салимский, священник Бога Вышняго, иже срете Авраама возвращашся от сеча царей и благослови его, 2 ему же и десятину от всех отдели Авраам, первое убо сказуется царь правды, потом же царь Салимский, еже есть, царь мира, з без отца, без матере, без причта рода, ни начала днем, ни животу конца имея, уподоблен же Сыну Божию, пребывает священник выну. 4 Видите же, елик сей, ему же и десятину дал есть Авраам патриарх от избранных. 5 И приемлючи убо священство от сынов Левииин заповедь имут одесяствовати люди по закону, сиречь, братию свою, аще и от чреспл Авраамовых изшедшую: 6 не причитаемый же родом к ним, одесяствова Авраама и имущаго обетования благослови: 7 без всякаго же прекословия меншее от большаго благословляется. 8 И где убо десятины человецы умирающи приемлют: тамо же свидетелствуйый, яко жив есть. 9 И да сице реку, Авраамом и Левий, приемляй десятины, десятины дал есть: 10 еще бо в чресплех отчиих бяше, егда срете его Мелхиседек. 11 Аще убо совершенство левитским священством было, людие бо на нем взаконени быша: кака еще потреба по чину Мелхиседекову иному востати священнику, а не по чину Ааронову глаголатися? 12 Прелагаюбо священству, по нужди и закону пременение бывает. 13 О Немже бо глаголются сия, колену иному причастися, от негоже никтоже приступи ко олтарю: 14 яве бо, яко от колена Иудова возсия Господь наш, о немже колене Моисей о священственичесоже глагола. 15 И лишише еще яве есть, яко по подобию Мелхиседекову востает Священник ин, 16 Иже не по закону заповеди плотския бысть, но по силе живота неразрушаемаго. 17 Свидетелствует бо, яко Ты еси священник во век по чину Мелхиседекову. (aiōn g165) 18 Отлагание убо бывает прежде бывшия заповеди за немощное ея и неполезное: 19 ничтоже бо совершил закон: привведение же есть лучшему упнованию, имже приближаемся к Богу. 20 И по елику не без клятвы: 21 они бо без клятвы священници быша, Сей же с клятвою чрез глаголющаго к Нему: клятся Господь и не раскается: Ты еси священник во век по чину Мелхиседекову: (aiōn g165) 22 по толику лучшаго завета

бысть испоручник Иисус. 23 И они множайши священницы быша, зане смертию возранени суть пребывать: 24 Сей же, занеже пребывает во веки, непреступное имать священство, (aiōn g165) 25 темже и спсти до конца может приходящих чрез Него к Богу, всегда жив сый, во еже ходатайствовати о них. 26 Таков бо нам подобаше Архиерей: преподобен, незлобив, безсквернен, отлучен от грешник и вышше небес бывый, 27 Иже не имать по вся дни нужды, якоже первосвященницы, прежде о своих грехах жертвы приносити, потом же о людских: сие бо сотвори едино, Себе принес. 28 Закон бо человеки поставляет первосвященники, имущыя немощь: слово же клятвенное, еже по законе, Сына во веки совершенна. (aiōn g165)

8 Глава же о глаголемых: такова имамы Первосященника, Иже седе о десную престола величествия на небесех, 2 святым служитель и скинии истинней, юже водрузи Господь, а не человек. 3 Всяк бо первосвященник, во еже приносити дары же и жертвы, поставляем бывает: темже потреба имети что и Сему, еже принесет. 4 Аще бы бо был на земли, не бы был священник, сущым священником приносящым по закону дары, 5 иже образу и стени служат небесных, якоже глаголано бысть Моисею, хотяющ створити скинию: виждь бо, рече, сотвориши вся по образу показанному ти на горе. 6 Ныне же лучшее улучи служение, по елику и лучшаго завета есть ходатай, иже на лучших обетованиих узаконися. 7 Аще бо бы первый он непорочен был, не бы второму искался место. 8 Укоряя бо их глаголет: се, дние грядут, глаголет Господь, и совершу на дом Израилев и на дом Иудов завет нов, 9 не по завету, егоже сотворих отцем их в день, в онъже емшу ми их за руку, извести их от земли Египетския: зане тии не пребыша в завете Моем, и Аз нерадих о них, глаголет Господь. 10 Яко сей завет, егоже завещаю дому Израилеву по онех днех, глаголет Господь, дая законы Моя в мысли их, и на сердцах их напишу их, и буду им Бог, и тии будут Мне людие. 11 И не имать научити кийждо искренняго своего и кийждо брата своего, глаголя: познай Господа: яко вси уведят Мя от мала даже и до велика их, 12 зане милостив буду неправдам их и грехов их и беззаконий их не имам помянути ктому. 13 Внегда же глаголет нов, обетвши перваго: а обетшавающе и состаревающеся близ есть истления.

9 Имехше убо первая скиния оправдания службы, святое же людское: 2 скиния бо сооружена бысть

первая, в нейже светилник и трапеза и предложение хлебов, яже глаголется святая. 3 По второй же завесе скиния глаголемая Святая святых, 4 злату имущи кадилницу и ковчег завета окован всюду златом, в немже стамна злата имущая манну, и жезл Ааронов прозябший, и скрижали завета: 5 превышше же его херувими славы, осеняющи олтарь: о нихже не леть ныне глаголати подробну. 6 Сим же тако устроенным, в первую убо скинию выну вхождау священницы, службы совершающе: 7 во вторую же единою в лето един архиерей, не без крове, юже приносит за себе и о людских невежествиих. 8 Сие являющу Духу Святому, яко не у явися святых путь, еще первой скинии имущей стояние. 9 Яже притча во время настояще утверждися, в неже дарове и жертвы приносятся, не могущая по совести совершити служащаго, 10 тоюю в брашнах и питиях, и различных омовениих, и оправданиих плоти, даже до времене исправления належащая. 11 Христос же пришед Архиерей грядущих благ, большю и совершеннейшею скинию, нерукотворенною, сиречь, не ся твари, 12 ни кровию козлею ниже телчею, но Свою Кровию, вниде единою во святая, вечное искупление обретый. (aiōnios g166) 13 Аще бо кровь козляя и телчая и пепел юнций кропящий оскверненя освящает к плотстей чистоте: 14 кольми паче Кровь Христова, Иже Духом Святым Себе принесе непорочна Богу, очистит совесть нашу от мертвых дел, во еже служити нам Богу живу и истинну? (aiōnios g166) 15 И сего ради новому завету ходатай есть, да смерти бывшей, во искупление преступлений бывших в первом завете, обетование вечнаго наследия примут звании. (aiōnios g166) 16 Идеже бо завет, смерти нужно есть вноситися завещающим, 17 завет бо в мертвых известен есть: понеженичесоже может, егда жив есть завещаваяй. 18 Темже ни первый без крове обновлен бысть. 19 Реченней бо бывшей всяцей заповеди по закону от Моисея всем людем, приемь кровь козлюю и телчую, с водою и волною червленою и иссопом, самия же тыя книги и вся люди покропи, 20 глаголя: сия кровь завета, егоже завеща к вам Бог. 21 И скинию же и вся сосуды служебныя кровию такожде покропи. 22 И отнюдь кровию вся очищаются по закону, и без кровопролития не бывает оставление. 23 Нужда убо бяше образом небесных сими очищающимися: самем же небесным лучшими жертвами, паче сих. 24 Не в рукотворенная бо святая вниде Христос, противообразная истинных, но в самое небо, ныне да явится лицу Божию о нас, 25 ниже да многажды приносит Себе, яко же первосвященник входит во святая (святых)

по вся лета с кровию чуждею: 26 понеже подобаше бы Ему множицю страдати от сложения мира: ныне же единою в кончину веков, во отметление греха, жертвою Свою явися. (aiōn g165) 27 И якоже лежит человеком единою умрети, потом же суд, 28 тако и Христос единою принесеся, во еже вознести многих грехи, второе без греха явится, ждущым Его во спасение.

10 Сень бо имый закон грядущих благ, (а) не самый образ вещей, на всякое лето темиже жертвами, ихже приносят выну, никогдаже может приступающих совершити. 2 Понеже престали бы быти приносимы, ни едину ктому имущим совесть о грехах служащим, единою очищенным. 3 Но в них воспоминание грехов на коеждо лето бывает, 4 невозможно бо крови юнчей и козлей отпущати грехи. 5 Темже входя в мир, глаголет: жертвы и приношения не восхотел еси, тело же совершил Ми еси: 6 всесожжений и о грехе не благоволил еси. 7 Тогда реч: се, иду: в главизне книжней написася о Мне, еже сотворити волю Твою, Боже. 8 Выше глаголя: яко жертвы и приношения и всесожжений и о грехах не восхотел еси, ниже благоволил еси: яже по закону приносятся: 9 тогда рече: се, иду сотворити волю Твою, Боже. Отемлет первое, да второе поставит. 10 О нейже воли освящени есмы принесением тела Иисус Христова единою. 11 И всяк убо священник стоит на всяк день служя и тяжде множицю принося жертвы, яже никогдаже могут отяти грехов. 12 Он же едину о грехах принес жертву, всегда седит о десную Бога, 13 прочее ожидая, дондеже положатся врази Его подножие ног Его: 14 единем бо приношением совершил есть во веки освящаемых. 15 Свидетельствует же нам и Дух Святый, по реченному бо прежде: 16 сей завет, егоже завещаю к ним по днех онех, глаголет Господь, дая законы Моя на сердца их, и в помышлениих их напишу их: 17 (также глаголет Господь:) и грехов их и беззаконий их не имам помянуть ктому. 18 А идеже отпущение сих, ктому несть приношения о грехах. 19 Имуще убо дерзновение, братие, входити во святая Кровию Иисус Христовою, путем новым и живым, 20 егоже обновил есть нам завесою, сиречь плотию Свою, 21 и Иереа велика над домом Божиим, 22 да приступаем со истинным сердцем во извещении веры, окроплени сердцы от совести лукавья и измовени телесы водою чистою: 23 да держим исповедание упования неуклонное, верен бо есть Обещавый: 24 и да разумееваем друг друга в поощрении любви и добрых дел, 25 не оставляюще собрания своего, якоже есть

неким обычай, но (друг друга) подвзывающе, и толико паче, елико видите приближающийся день (судный). 26 Волею бо согрешающим нам по приятии разума истины, кому о грехах не обретается жертва, 27 страшно же некое чаяние суда и огня ревность, поисти хотящаго сопротивныя. 28 Отверглся кто закона Моисеева, без милосердия при двоих или триех свидетелех умирает: 29 колико мните горшия сподобится муки, иже Сына Божия поправый, и Кровь заветную скверну возмнив, еюже освятился, и Духа благодати укоривый? 30 Вемы бо Рекшаго: Мне отмщение, Аз воздам, глаголет Господь. И паки: яко судит Господь людем Своим. 31 Страшно (есть) еже впости в руце Бога живаго. 32 Воспоминайте же первыя дни вашя, в нихже просветившеся, многия страсти претерпесте страданий, 33 ово убо, поношеньми и скорбьми позор бывше, ово же, общницы бывше живущим тако: 34 ибо узам моим спострадасте и разграбление имений ваших с радостию приятсте, ведающе имети себе имение на небесех пребывающе и лучшее. 35 Не отлагайте убо дерзновения вашего, еже имать мздовоздаяние велико. 36 Терпения бо имате потребу, да волю Божию соторвше, приемете обетование: 37 еще бо мало елико елико, Грядый приидет и не укоснит. 38 А праведный от веры жив будет: и аще обинется, не благоволит душа Моя о нем. 39 Мы же (братие) несмы обиновения в погибель, но веры в снабдение души.

11 Есть же вера уповаемых извещение, вещей обличение невидимых. 2 В сей бо свидетелствовании быва древнии. 3 Верию разумеваем совершился веком глаголом Божиим, во еже от неявляемых видимым быти. (aiōn g165) 4 Верию множайшую жертву Авель паче Каина принес Богу, еюже свидетелствован бысть быти праведник, свидетельствующу о дарех его Богу: и тою умерый еще глаголет. 5 Верию Енох преложен бысть не видети смерти: и не обреташеся, зане преложи его Бог: прежде бо преложения его свидетелствован бысть, яко угоди Богу. 6 Без веры же невозможно угодити (Богу): веровати же подобает приходящему к Богу, яко есть, и взыскающим Его мздовоздатель бывает. 7 Верию ответ приим Ное о сих, яже не у виде, убоявся соторви ковчег во спасение дому своего: еюже осуди (весь) мир, и правды, яже по вере, бысть наследник. 8 Верию зовом Авраам послуша изыти на место, еже хотяще прияти в наследие, и изыде не ведый, камо грядет. 9 Верию прииде Авраам на землю обетования, якоже на чужду, в кровы вселился со Исааком и Иаковом наследникома

обетования тогожде: 10 ждаше бо основания имущаго града, емуже художник и содетель Бог. 11 Верою и сама Сарра неплоды силу во удержание семене прият и паче времене возраста роди, понеже верна непещева Обетовавшаго. 12 Темже и от единаго родишаася, да еще умерщвленного, якоже звезды небесныя множеством и яко песок вскрай моря безчисленный. 13 По вере умроша сии вси, не приемше обетований, но издалеча видевше я, и целовавше, и исповедавше, яко страннии и пришелцы суть на земли: 14 ибо таковая глаголюции являются, яко отечествия взыскуют. 15 И аще бы убо оно помнили, из него же изыдоша, имели бы время возвратитися: 16 ныне же лучшаго желают, сиречь небеснаго: темже не стыдится сими Бог, Бог нарицатися их: уготова бо им град. 17 Верою приведе Авраам Исаака искушаем, и единороднаго приношаще, обетования приемый, 18 к немуже глаголано бысть: яко о Исааце наречется тебе семя: 19 помыслив, яко и из мертвых воскресити силен (есть) Бог, темже того и в притче прият. 20 Верою о грядущих благослови Исаак Иакова и Иисава. 21 Верою Иаков умирая коегождо сына Иосифова благослови и поклонися на верх жезла его. 22 Верою Иосиф умирая о исходении сынов Израилевых памятства и о костех своих заповеда. 23 Верою Моисей родився сокровен бысть три месяцы от отец своих, зане видеша красно отроча и не убояшася повеления царева. 24 Верою Моисей, велик быв, отвержеся нарицатися сын дщере фараоновы: 25 паче (же) изволи страдати с людьми Божиими, нежели имети временную греха сладость, 26 большее богатство вменив Египетских сокровищ поношение Христово: взираше бо на мздовоздаяние. 27 Верою остави Египет, не убоявся ярости царевы: Невидимаго бо яко видя, терпяше. 28 Верою соторви Пасху и пролитие крове, да не погубляй перворожденная коснется их. 29 Верою преиша Чермное море аки по сусе земли: егоже искушение приемше Египтяне истопишаася. 30 Верою стены Иерихонские падоша обхождением седмих днй. 31 Верою Раав блудница не погибе с сопротивльшимися, приемши сходники с миром (и иным путем изведши). 32 И что еще глаголю? Не достанет бо ми повествующу времене о Гедеоне, Вараце же и Сампсоне и Иеффаи, о Давиде же и Самуиле, и о (других) пророцах, 33 иже верою победиша царствия, содеяша правду, получиша обетования, заградиша уста львов, 34 угасиша силу огненную, избегоша острея меча, возмогоша от немощи, быша крепцы во бранех, обратиша в бегство полки чуждих: 35 прияша жены от воскресения мертвых своих:

инии же избиени быша, не приемше избавления, да лучшее воскресение улучат: 36 друзии же руганием и ранами искушение прияша, еще же и узами и темницею, 37 камением побиени быша, претрени быша, искушени быша, убийством меча умроша, проиодаша в милотех (и) в козиях кожах, лишени, скорбяще, озлоблени: 38 ижже не бе достоин (весь) мир, в пустынех скитающеся и в горах и в вертепах и в пропастех земных. 39 И сии вси послушствани бывше верою, не прияша обетования, 40 Богу лучшее что о нас предзревшу, да не без нас совершенство примут.

12 Темже убо и мы, толик имуще облежащъ нас облак свидетелей, гордость всяку отложше и удобь обстоятельный грех, терпением да течем на предлежащий нам подвиг, 2 взирающе на начальника веры и совершиителя Иисуса, Иже вместо предлежащия Ему радости претерпе крест, о срамоте нерадив, о десную же престола Божия седе. 3 Помыслите убо таковое Пострадавшаго от грешник на Себе прекословие, да не стужаете, душами своими ослабляеми. 4 Не у до крове стасте, противу греха подвзывающеся, 5 и забысте утешение, еже вам яко сыном глаголет: сыне мой, не пренемогай наказанием Господним, ниже ослабей, от Него обличаемъ. 6 Егоже бо любит Господъ, наказует: биет же всякаго сына, егоже приемлет. 7 Аще наказание терпите, якоже сыновом обретается вам Бог. Который бо есть сын, егоже не наказует отец? 8 Аще же без наказания есте, ему же причастницы быша вси, убо прелюбодейщи есте, а не сынове. 9 К сим, плоти нашей отцы имехом наказатели, и срамляхомся: не много ли паче повинемся Отцу духовом, и живи будем? 10 Они бо в мало дний, якоже где им бе, наказоваху нас: а Сей на пользу, да причастимся святыни Его. 11 Всякое бо наказание в настоящее время не мнится радость быти, но печаль: последние же плод мирен наученым тем воздает правды. 12 Темже ослабленныя руки и ослабленная колена исправите 13 и стези правы сотворите ногами вашими, да не хромое совратится, но паче да изцелеет. 14 Мир имейте и святыню со всеми, ихже кроме никто же узрит Господа: 15 смотряюще, да не кто лишится благодати Божия: да не кий корень горести, выспрь прозябай, пакость сотворит, и тем оскверняться мнози: 16 да не кто блудодей, или сквернитель, якоже Иса, иже за ядъ едину отдал есть первородство свое. 17 Весте бо, яко и потом похотев наследовать благословение, отвержен бысть: покаяния бо места не обрете, аще и со слезами поискал его. 18

Не приступисте бо к горе осязаемей и разгоревшемуся огню, и облаку и сумраку, и буре 19 и трубному звуку, и гласу глаголгол, егоже слышавши отрекошася, да не приложится им слово, 20 не терпяху бо повелевающаго: аще и зверь прикоснется горе, камением побиен будет: 21 и тако страшно бе видимое, Моисей рече: пристрашен есмь и трепетен. 22 Но приступисте к Сионстей горе и ко граду Бога живаго, Иерусалиму небесному и тмам Ангелов, 23 торжеству и церкви первородных на небесех написанных, и Судии всех Богу и духом праведник совершенных, 24 и к Ходатаю завета нового Иисусу и Крови кропления, лучше глаголющей, нежели Авелева. 25 Блюдите (же), да не отречетесь Глаголющаго. Аще бо не избежаша они отрекшия пророчествующаго на земли, множе паче мы отрицающиися небеснаго, 26 Егоже глас землю тогда поколеба, ныне же обетова, глаголя: еще единою Аз потрясу не токмо землею, но и небом. 27 А еже еще единою, скажут колеблемых преложение, аки сотворенных, да предбудут, яже суть неподвижимая. 28 Темже царство непоколебимо приемлюще, да имамы благодать, еюже служим благоугодно Богу с благоговением и страхом, 29 ибо Бог наш огнь поядаяй (есть).

13 Братолюбие да пребывает: 2 страннолюбия не забывайте, тем бо не ведяще нецы странноприяша Ангелы. 3 Поминайте юзники, аки с ними связани: озлобляемыя, аки и сами суще в теле. 4 Честна женитва во всех и ложе нескверно: блудником же и прелюбодеем судит Бог. 5 Не сребролюбцы нравом, доволни сущими. Той бо рече: не имам тебе оставити, ниже имам от тебе отступити: 6 яко дерзающим нам глаголати: Господь мне помощник, и не убоюся: что сотворит мне человек? 7 Поминайте наставники ваша, иже глаголаша вам слово Божие: ихже взирающе на скончание жителства, подражайте вере (их). 8 Иисус Христос вчера и днес Тойже, и во веки. (αὶον γ165) 9 В научения странна и различна не прилагайтесь: добро бо благодатию утверждати сердца, (а) не брашны, от нихже не прияша пользы ходивши в них. 10 Имамы (же) олтарь, от негоже не имут власти ясти служации сени. 11 Ихже бо кровь животных вносится во святая за грехи первосвященником, сих телеса сжигаются вне стана: 12 темже Иисус, да освятит люди Свою Кровию, вне врат пострадати изволил. 13 Темже убо да исходим к Нему вне стана, поношение Его носяще: 14 не имамы бо зде пребывающаго града, но грядущаго взыскуем. 15 Тем убо приносим жертву хваления выну

Богу, сиречь плод устен исповедающихся имени Его. 16
Благотворения же и общения не забывайте: таковыми
бо жертвами благоугождается Бог. 17 Повинуйтесь
наставником вашим и покаряйтесь: тии бо бдят о душах
ваших, яко слово воздати хотяще: да с радостию сие
творят, а не вздыхающе, несть бо полезно вам сие. 18
Молитесь о нас: уповаем бо, яко добру совесть имамы,
во всех добре хотяще жити. 19 Лишше же молю, сие
творите, да вскоре устрося вам. 20 Бог же мира,
возведый из мертвых Пастыря овцам великаго Кровию
завета вечнаго, Господа нашего Иисуса Христа, (aiōnios
g166) 21 да совершил вы во всяком деле блазе, сотворити
волю Его, творя в вас благоугодное пред Ним Иисус
Христом: Ему же слава во веки веков. Аминь. (aiōn g165)
22 Молю же вы, братие, приемите слово утешения: ибо
вмале написав послан вам. 23 Знайте брата нашего
отпущенна Тимофея, с нимже, аще скорее приидет, узрю
вас. 24 Целуйте вся наставники вашя и вся святыя.
Целуют вы иже от Италии сущии. 25 Благодать со всеми
вами. Аминь.

Послание Иакова

1 Иаков, Богу и Господу Иисусу Христу раб, обеманадесятъ коленома, иже в разсиянии, радоватися. **2** Всяку радость имейте, братие моя, егда во искушении впадаете различна, з ведяще, яко искушение ваше веры соделовает терпение: **4** терпение же дело совершенно да имать, яко да будете совершенни и всецели, ни в чёмже лишени. **5** Аще же кто от вас лишен есть премудрости, да просит от дающего Бога всем нелицеприемне и не поношающего, и дастся ему. **6** Да просит же верою, ничтоже сумняся: сумняся бо уподобися волнению морскому, ветры возметаему и развеяваему. **7** Да не мнит бо человек он, яко примет что от Бога. **8** Муж двоедущен неустроен во всех путех своих. **9** Да хвалится же брат смиренный в высоте своей, **10** богатый же во смирении своем, зане якоже цвет травный мимоидет: **11** возсия бо солнце со зноем, и изсуши траву, и цвет ея отпаде, и благолепие лица ея погибет: сице и богатый в хождении своемувядает. **12** Блажен муж, иже претерпит искушение: зане искусен быв, примет венец жизни, егоже обеща Бог любящим Его. **13** Никтоже искушаем да глаголет, яко от Бога искушаем есмъ: Бог бо несть искуситель злым, не искушает же Той ни когоже, **14** кийждо же искушается, от своего похоти влекомъ и прельщающе: **15** также похоть заченши раждает грех, грех же содеян раждает смерть. **16** Не льститесь, братие моя возлюбленная: **17** всяко даяние благо и всяк дар совершен свыше есть, сходяй от Отца светлов, у Него же несть пременение, или преложения стень. **18** Восхотев бо породи нас словом истины, во еже быти нам начаток некий созданием Его. **19** Темже, братие моя возлюбленная, да будет всяк человек скор услышати и косен глаголати, косен во гнев, **20** гнев бо мужа, правды Божия не соделовает. **21** Сего ради отложше всяку скверну и избыток злобы, в кротости примите всажденное слово, могущее спаси души ваша. **22** Бывайте же творцы слова, а не точию слышатели, прельщающе себе самех. **23** Зане аще кто есть слышатель слова, а не творец, таковъ уподобися мужу смотряющу лицо бытия своего в зерцале: **24** усмотри бо себе и отиде, и абие забы, каков бе. **25** Приникий же в закон совершен свободы, и пребыв, сей не слышатель забытлив быв, но творец дела, сей блажен в делании своем будет. **26** Аще кто мнится верен быти в вас, и не обуздовает языка своего, но льстит сердце свое, сего суетна есть вера. **27** Вера бо чиста и нескверна пред Богом и Отцем сия есть, еже

посещати сирых и вдовиц в скорбех их, (и) нескверна себе блести от мира.

2 Братие моя, не на лица зряще имейте веру Господа нашего Иисуса Христа славы. **2** Аще бо внидет в сонмище ваше муж, злат перстень нося, в ризе светле, внидет же и ницъ в худе одежди, **3** и воззрите на носящаго ризу светлу, и речете ему: ты сяди зде добре: и нищему речете: ты стани тамо, или сяди зде на подножии моем: **4** и не разсмотристе в себе, и бысте судии помышлений злых. **5** Слышите, братие моя возлюбленная, не Бог ли избра ницъя мира сего богаты в вере и наследники Царствия, еже обеща любящим Его? **6** Вы же укористе ницаго. Не богатии ли насилиуют вам, и тии влекут вы на судища? **7** Не тии ли хулят доброе имя нареченное на вас? **8** Аще убо закон совершае царский, по Писанию: возлюбиши искренняго своего якоже себе самаго, доброе творите: **9** аще же на лица зрите, то грех содеаваете, обличаеми от закона якоже преступници. **10** Иже бо весь закон соблюдет, согрешит же во единем, бысть всем повинен. **11** Рекий бо: не прелюбы створиши, рекл есть и: не убиши. Аще же не прелюбы створиши, убиши же, был еси преступник закона. **12** Тако глаголите и тако творите, яко законом свободным имущи суд прияти. **13** Суд бо без милости не створшему милости: и хвалится милость на суде. **14** Кая польза, братие моя, аще веру глаголет кто имети, дел же не имать? Еда может вера спаси его? **15** Аще же брат или сестра нага будета и лишена будета дневныя пищи, **16** речет же има кто от вас: идита с миром, грейтася и насыщайтася? Не даст же има требования телеснаго: кая польза? **17** Такожде и вера, аще дел не имать, мертвя есть о себе. **18** Но речет кто: ты веру имаши, аз же дела имам: покажи ми веру твою от дел твоих, и аз тебе покажу от дел моих веру мою. **19** Ты веруши, яко Бог един есть: добре твориши: и беси веруют, и трепещут. **20** Хощеши же ли разумети, о, человече суетне, яко вера без дел мертвя есть? **21** Авраам отец наш не от дел ли оправдася, вознес Исаака сына своего на жертвенник? **22** Видиши ли, яко вера поспешествоваше делом его, и от дел совершия вера? **23** И совершия Писание глаголюще: верова же Авраам Богови, и вменися ему в правду, и друг Божий наречеся. **24** Зрите ли убо, яко от дел оправдается человек, а не от веры единъ? **25** Такожде же и Раав блудница не от дел ли оправдася, приемши сходники и иным путем изведши их? **26** Якоже бо тело без духа мертвя есть, тако и вера без дел мертвя есть.

3 Не мнози учителье бывайте, братие моя, ведяще, яко большее осуждение приемем, 2 много бо согрешаем вси. Аще кто в слове не согрешает, сей совершен муж, силен обуздати и все тело. 3 Се бо и конем узды во уста влагаем, да повинуются нам, и все тело их обращаем: 4 се, и корабли велицы суще и от жестоких ветров заточаем, обращаются малым кормилицем, аможе стремление правящаго хощет: 5 такожде же и язык мал уд есть, и вельми хвалится. Се мал огнь, и коль велики вещи сожигает. 6 И язык огнь, лепота неправды: сице и язык водворяется во удах наших, скверна все тело, и паля коло рождения нашего, и опаляяся от геенны: (Geenna g1067) 7 всяко бо естество зверей же и птиц, гад же и рыб, укрощается и укротится естеством человеческим, 8 языка же никтоже может от человек укротити: не удержано бо зло, исполнъ яда смертоносна. 9 Тем благословляем Бога и Отца, и тем кленем человеки бывшя по подобию Божию: 10 от теже уст исходит благословение и клятва. Не подобает, братие моя возлюбленная, сим тако бывати. 11 Еда ли источник от единаго устия источает сладкое и горькое? 12 Еда может, братие моя, смоковница маслины творити, или виноградная лоза смоквы? Такожде ни един источник слану и сладку творит воду. 13 Кто премудр и худог в вас, да покажет от доброго жития дела своя в кротости и премудрости. 14 Аще же зависть горьку имате и рвение в сердцах ваших, не хвалитесь, ни лжите на истину: 15 несть сия премудрость свыше низходящи, но земна, душевна, бесовска: 16 идеже бо зависть и рвение, ту нестроение и всяка зла вещь. 17 А яже свыше премудрость, первее убо чиста есть, потом же мирна, кротка, благопокорлива, исполнъ милости и плодов благих, несуменна и нелицемерна. 18 Плод же правды в мире сеется творящим мир.

4 Откуду брани и свары в вас? Не отсюду ли, от сластей ваших, воюющих во удах ваших? 2 Желаете, и не имате: убиваете и завидите, и не можете улучити: сваряется и борете, и не имате, зане не просите: 3 просите, и не приемлете, зане зле просите, да в сластех ваших иждивете. 4 Прелюбодее и прелюбодейцы, не весте ли, яко любы мира сего вражда Богу есть, иже бо восходит друг быти миру, враг Божии бывает. 5 Или мните, яко всуе Писание глаголет: к зависти желает дух, иже вселился в ны? 6 Большую же дает благодать: темже глаголет: Господь гордым противится, смиренным же дает благодать. 7 Повинитеся убо Богу, противитесь же диаволу, и бежит от вас. 8 Приближитесь Богу, и

приближится вам: очистите руце, грешницы, исправите сердца ваша, двоедущи: 9 постраждите и слезите и плачитеся: смех ваш в плаче да обратится, и радость в сетование: 10 смиритеся пред Господем, и вознесет вы. 11 Не оклеветайте друг друга, братие: оклеветая бо брата, или осуждая брата своего, оклеветает закон и осуждает закон: аще же закон осуждаеши, неси творец закона, но судия. 12 Един есть Законоположник и Судия, могий спаси и погуби: ты же кто еси осуждай друга? 13 Слышите ныне, глаголющи: днесь или утре пойдем во он град, и сотворим ту лето едино, и куплю деем и приобретение: 14 иже не весте, что утре случится: кая бо жизнь ваша, пара бо есть, яже вмале является, потом же исчезает. 15 Вместо еже бы глаголати вам: аще Господь восходит, и живи будем, и сотворим сие или оно: 16 ныне же хвалитесь в гордынях ваших: всяка хвала такова зла есть. 17 Ведущему убо добро творити, и не творящему, грех ему есть.

5 Приидите ныне, богатии, плачитеся и рыдайте о лютых скорбех ваших грядущих на вы. 2 Богатство ваше изгни, и ризы ваша молие поядоша. 3 Злато ваше и сребро изоржаве, и ржа их в послушство на вас будет, и снести плоти ваши аки огнь: егоже снискасте в последния дни. 4 Се, мзда делателей делавших нивы ваши, удержаная от вас, вопиет, и вопиения жавших во уши Господа Саваофа внидоша. 5 Возвеселистеся на земли, и насладистеся: упитасте сердца ваша аки в день заколения. 6 Осудисте, убисте Праведнаго: не противится вам. 7 Долготерпите убо, братие моя, до пришествия Господня. Се земледелец ждет честнаго плода от земли, долготерпя о нем, дондеже примет дождь ран и позден: 8 долготерпите убо и вы, утвердите сердца ваша, яко пришествие Господне приближися. 9 Не воздыхайте друг на друга, братие, да не осуждени будете: се, Судия пред дверьми стоит. 10 Образ примите, братие моя, злострадания и долготерпения пророки, иже глаголаша именем Господним. 11 Се, блажим терпящия. Терпение Иовле слышаше, и кончину Господню видесте, яко многомилостив есть Господь и щедр. 12 Прежде же всех, братие моя, не кленитеся ни небом, ни землею, ни иною коею клятвою: буди же вам еже ей, ей, и еже ни, ни: да не в лицемерие впадете. 13 Злостраждеть ли кто в вас? Да молитву деет: благодушествует ли кто? Да поет. 14 Болит ли кто в вас, да призовет пресвитеры Церковныя, и да молитву сотворят над ним, помазавше его елеем во имя Господне: 15 и молитва веры спасет

болящаго, и воздвигнет его Господь: и аще грехи сотворил
есть, отпустятся ему. **16** Исповедайте убо друг другу
согрешения и молитеся друг за друга, яко да исцелеете:
много бо может молитва праведнаго поспешествуема.
17 Илиа человек бе подобострастен нам, и молитвою
помолися, да не будет дождь, и не одожди по земли лета
три и месяц шесть: **18** и паки помолися, и небо дождь
даде, и земля прозябе плод свой. **19** Братие, аще кто в
вас заблудит от пути истины, и обратит кто его, **20** да
весь, яко обративый грешника от заблуждения пути его
спасет душу от смерти и покрыт множество грехов.

Первое послание Петра

1 Петр, Апостол Иисус Христов, избранным пришельцем разсения Понта, Галатии, Каппадокии, Асии и Вифинии, 2 по прозрению Бога Отца, во святыни Духа, в послушание и кропление Крове Иисус Христовы: благодать вам и мир да умножится. 3 Благословен Бог и Отец Господа нашего Иисуса Христа, Иже по мнозей Своей милости порождай нас во упование живо воскресением Иисус Христовым от мертвых, 4 в наследие нетленно и нескверно и неувядаемо, соблюдено на небесех вас ради, 5 иже силою Божиего соблюдаеми есте чрез веру, во спасение готовое явитися во время последнее. 6 О немже радуйтесь, мало ныне, аще лепо есть, прискорбни бывше в различных напастех: 7 да искушение ваше веры многочестнейше злата гибнуща, огнем же искушена, обрящется в похвалу и честь и славу, во откровении Иисус Христове, 8 Етоже не видевше любите, и на Него же ныне не зряще, верующе же, радуетесь радостию неизглаголанною и прославленною, 9 приемлюще кончину вере вашей, спасение душам: 10 о немже спасении взыскаша и испыташа пророцы, иже о вашей благодати прорекоша, 11 испытывающе, в каково или в кое время являше в них Дух Христов, прежде свидетельствуя о Христовых страстех, и о славах, яже по сих: 12 имже открыся, яко не им самем, но нам служаху сия, яже ныне возвестишася вам благовестовавшими вам Духом Святым посланным с небесе, в няже желают Ангели приникнути. 13 Темже, возлюбленнии, препоясавше чресла помышления вашего, трезвящиеся, совершенне уповаите на приносимую вам благодать откровением Иисус Христовым. 14 Яко чада послушания, не преобразующеся первыми неведения вашего похотении, 15 но по звавшему вы Святыму, и сами святи во всем житии будите. 16 Зане писано есть: святы будите, яко Аз свят есмъ. 17 И аще Отца называете нелицемерно судяща комуждо по делу, со страхом жития вашего время жительствуйте, 18 ведяще, яко не истленным сребром или златом избавистеся от суетного вашего жития отцы преданного, 19 но честною Кровию яко Агнца непорочна и пречиста Христа, 20 предуведена убо прежде сложения мира, явльшася же в последняя лета вас ради, 21 иже Его ради веруете в Бога Воздвигшаго Его из мертвых и славу Ему давша, яко да вера ваша и упование будет на Бога. 22 Души ваша очистивше в послушании истины Духом, в братолюбие нелицемерно, от чиста сердца друг друга

любите прилежно, 23 порождени не от семене истленна, но неистленна, словом живаго Бога и пребывающа во веки. (aiōn g165) 24 Зане всяка плоть яко трава, и всяка слава человечя яко цвет травный: изсше трава, и цвет ея отпаде: 25 глаголол же Господнь пребывает во веки. Се же есть глаголол благовестованный в вас. (aiōn g165)

2 Отложше убо всяку злобу и всяку лесть и лицемерие и зависть и вся клеветы, 2 яко новорождени младенцы, словесное и нелестное млеко возлюбите, яко да о нем возрастете во спасение: 3 понеже вкусисте, яко благ Господъ. 4 К Немуже приходяще, камени живу, от человек убо унижену, от Бога же избрану, честну, 5 и сами яко камение живо зиждитеся во храм духовен, святительство свято, возносити жертвы духовны, благоприятны Богови Иисус Христом. 6 Зане писано есть в Писании: се полагаю в Сионе камень краеуголен, избран, честен: и веруй вонъ не постыдится. 7 Вам убо честь верующим, а противящимся камень, егоже небрегоша зиждущии, сей бысть во главу угла, и камень претыкания и камень соблазна: 8 о немже и претыкаются слову противляющимся, на неже и положени быша. 9 Вы же род избран, царское священне, язык свят, людие обновления, яко да добродетели возвестите из тмы вас Призвавшаго в чудный Свой свет: 10 иже иногда не людие, ныне же людие Божии: иже не помилованы, ныне же помилованы бысте. 11 Возлюбленни, молю яко пришелцев и странников, ограбатися от плотских похотей, яже воюют на душу, 12 житие ваше имуще добро во языцах, да о немже клевещут вас аки злодеев, от добрых дел видевше, прославят Бога в день посещения. 13 Повинитесь убо всякому человечу созданию Господа ради: аще царю, яко преобладающу. 14 аще ли же князем, яко от него посланным, во отмщение убо злодеем, в похвалу же благотворцем. 15 Яко тако есть воля Божия, благотворящим обуздовати безумных человек невежество: 16 яко свободни, а не яко приковение имуще злобы свободу, но яко раби Божии. 17 Всех почитайте, братство возлюбите, Бога бойтесь, царя чтите. 18 Раби, повинуйтесь во всяком страсе владыкам, не токмо благим и кротким, но и строптивым. 19 Се бо есть угодно пред Богом, аще совести ради Божия терпит кто скорби, стражда без правды. 20 Кая бо похвала, аще согрешающе мучими терпит? Но аще добро творяще и страждуще терпит, сие угодно пред Богом, 21 на сие бо и звани бысте: зане и Христос пострада по нас, нам оставль образ, да последуем стопам Его: 22 иже греха не

створи, ни обретеся лесть во устех Его: 23 иже укаряемъ противу не укаряше, стражда не прещаше, предаяше же Судящему праведно: 24 иже грехи наша Самъ вознесе на теле Своемъ на древо, да от греха избывше, правдою поживемъ: Егоже язвою изцелесте. 25 Бесте бо яко овцы заблуждшыя не имуща пастыря: но возвратистеся ныне к Пастырю и Посетителю душъ вашихъ.

3 Такожде же и жены, повинующяся своимъ мужемъ, да и аще нецы не повинуются слову, женскимъ житиемъ безъ слова пленени будут, 2 видевше еже со страхомъ чисто житие ваше. 3 Умже да будет не внешняя, плетения влас и обложения злата, или одеяния риз, лепота, 4 но потаеный сердца человекъ, в неистлении кроткаго и молчаливаго духа, еже есть пред Богомъ многоценно. 5 Тако бо иногда и святыя жены, уповающыя на Бога, украшаху себе, повинующяся своимъ мужемъ: 6 якоже Сарра послушаше Авраама, господина того зовущи: еяже бысте чада, благотворяща и не боящяся ни единаго страха. 7 Мужи такожде, вкупе живуще со своими женами по разуму, яко немощнейшу сосуду женскому воздающе честь, яко и наследницы благодатныя жизни, во еже не прекращатися молитвамъ вашимъ. 8 Конецъ же, вси единомудрени будите, милостиви, братолюбцы, милосердни, благотрубы, мудролюбцы, смиреномудри: 9 не воздающе зла за зло, или досаждения за досаждение: супротивное же, благословяще, ведяще, яко на се звани бысте, да благословение наследите. 10 Хотяй бо животъ любити и видети дни благи, да удержитъ языкъ свой отъ зла, и устне свои еже не глаголати льсти. 11 Да уклонитъся отъ зла, и да соторвитъ благо, да взыщетъ мира и да держится его: 12 зане очи Господни на праведныя, и уши Его в молитву ихъ, лице же Господне на творяща злая, еже потребити ихъ отъ земли. 13 И кто озлобитъ васъ, аще благому подобницы будете? 14 Но аще и страждете правды ради, блахени есте: страха же ихъ не убоятесь, ниже смущайтесь. 15 Господа же Бога освятите въ сердцахъ вашихъ: готови же присно ко ответу всякому вопрошающему вы словесе о вашемъ упоминании, съ кротостию и страхомъ: 16 совесть имуще благу, да о немже клевещутъ васъ аки злодеевъ, постыдятся злословящи ваше благое о Христе житие. 17 Лучше бо есть благое творящимъ, аще хощетъ воля Божия, пострадати, нежели зло творящимъ: 18 зане и Христосъ единъ о грехахъ нашихъ пострада, праведникъ за неправедники, да приведетъ ны Богови, умерщвленъ убо бывъ плотию, ожив же духомъ: 19 о немже и сущимъ въ темнице духовомъ сошед проповеда, 20 противльшымъ

иногда, егда ожидаше Божие долготерпение, во дни Ноевы, делаему ковчегу, в немже мало, сиречь осмь душъ, спасоша отъ воды. 21 Егоже воображение ныне и насъ спасает крещение, не плотския отложение скверны, но совести благи вопрошение у Бога, воскресениемъ Иисуса Христовыемъ, 22 Иже есть о десную Бога, возшед на небо, покоршымся Ему Ангеломъ и Властемъ и Силамъ.

4 Христу убо пострадавшу за ны плотию, и вы въ туже мысль вооружитеся: зане пострадавый плотию, преста отъ греха, 2 во еже не ктому человеческимъ похотемъ, но воли Божией прочее во плоти жити время. 3 Довлеетъ бо вамъ мимошедшее время жития, волю языческую творившымъ, хождымъ въ нечистотахъ, въ похотехъ, въ мужеложстве, въ скотоложстве, въ помыслехъ, въ пиянстве, въ козлогогласованиихъ, въ лихомании и богомерзкихъ идолослужениихъ: 4 о немже дивятся, не сходящимся вамъ въ тоже блуда разлияние, хуляще: 5 иже воздадятъ слово готову Сущему судити живымъ и мертвымъ. 6 На се бо и мертвымъ благовестися, да суд убо примутъ по человеку плотию, поживутъ же по Бозе духомъ. 7 Всемъ же кончина приближися. Уцеломудритеся убо и трезвитеся въ молитвахъ. 8 Прежде же всехъ другъ ко другу любовь прилежну имейте, зане любовь покрываетъ множество греховъ. 9 Страннолюбцы другъ ко другу, безъ роптаний. 10 Кийждо яко же приятъ дарование, между себѣ симъ служаще, яко добрии строителье различныя благодати Божия. 11 Аще кто глаголетъ, яко словеса Божия: аще кто служитъ, яко отъ крепости, юже подаетъ Богъ: да о всемъ славится Богъ Иисусъ Христомъ, Ему же есть слава и держава во веки вековъ. Аминъ. (аіðп 9165) 12 Возлюбленни, не дивитеся еже въ васъ раждению ко искущению вамъ бывающему, яко чужду вамъ случающуся: 13 но понеже приобщаетесь Христовыемъ страстемъ, радуйтесь, яко да и въ явление славы Его возрадуетесь веселящеся. 14 Аще укоряемы бываете о имени Христове, блахени есте яко Славы и Божий Духъ на васъ почиваетъ: онеми убо хулился, а вами прославляется. 15 Да не убо отъ васъ постраждетъ яко убийца, или яко тать, или яко злодей, или яко чуждопосетитель: 16 аще ли же яко Христианинъ, да не стыдится, да прославляетъ же Бога въ части сей. 17 Яко время начати судъ отъ дому Божия: аще же прежде отъ васъ, кая кончина противляющыяся Божию Евангелию? 18 И аще праведникъ едва спасется, нечестивый и грешный где явится? 19 Темже и страждущий по воли Божией, яко верну Зиждителю да предадятъ души своя во благотворении.

5 Старцы иже в вас молю, яко старец сый и свидетель Христовым страстем, иже и хотящей славе явитися общник: 2 пасите еже в вас стадо Божие, посещающе не нуждею, но волею и по Бозе, ниже неправедными прибытки, но усердно, 3 ни яко обладающе причту, но образи бывайте стаду: 4 и явльшуся Пастыреначальнику, приемете неувядаемый славы венец. 5 Такоже юнии, повинитесь старцем: вси же друг другу повинующеся, смиренномудрие стяжите, зане Бог гордым противится, смиренным же дает благодать. 6 Смиритеся убо под крепкую руку Божию, да вы вознесет во время: 7 всю печаль вашу возвергше Нань, яко Той печется о вас. 8 Трезвитеся, бодрствуите, зане супостат ваш диавол, яко лев рыкая, ходит, искый кого поглотити: 9 ему же противитесь тверди верою, ведуще, яко теже страсти случаются вашему братству, еже в мире. 10 Бог же всякия благодати, призвавый вас в вечную Свою славу о Христе Иисусе, мало пострадавшыя, Той да совершиты, да утвердит, да укрепит, да оснует. (αἰδοῖος γ166) 11 Тому слава и держава во веки веков. Аминь. (αἰδον γ165) 12 Силуаном вам верным братом, яко непящую, вмале написах, моля и засвидетельствуя сей быти истинней благодати Божией, в нейже стоите. 13 Целует вы яже в Вавилоне соизбранная, и Марко сын мой. 14 Целуйте друг друга лобзанием любве. Мир вам всем о Христе Иисусе. Аминь.

Второе послание Петра

1 Симон Петр, раб и посланник Иисус Христов, равночистную с нами получившими веру в правде Бога нашего и Спаса Иисуса Христа: **2** благодать вам и мир да умножится в познании Бога, и Христа Иисуса Господа нашего. **3** Яко вся нам Божественные силы Его, яже к животу и благочестию, подана разумом Призвавшаго нас славою и добродетелию. **4** Имиже честная нам и великая обетования даровашася, да сих ради будете Божественного причастницы естества, отбегше, яже в мире, похотныя тли: **5** и в самое же сие, тщание все привнесше, подадите в вере вашей добродетель, в добродетели же разум, **6** в разуме же воздержание, в воздержании же терпение, в терпении же благочестие, **7** во благочестии же братолюбие, в братолюбии же любовь. **8** Сия бо сущая в вас и множащаяся, не праздных ниже бесплодных сътворят вы в Господа нашего Иисуса Христа познание: **9** ему же бо несть сих, слеп есть, мжай, забвение приемь очищения древних своих грехов. **10** Темже паче, братие, потщитеся известно ваше звание и избрание творити: сия бо творяще, не имате согрешити никогдаже, **11** сице бо обильно приподастся вам вход в вечное Царство Господа нашего и Спаса Иисуса Христа. (aīōpīos g166) **12** Сего ради не обленюся воспоминати присно вам о сих, аще и ведите, и утверждени есте в настоящей истине. **13** Праведно бо мню, донележе есмь в сем телеси, возставляти вас воспоминанием, **14** ведый, яко скоро есть отложение телесе моего, якоже и Господъ наш Иисус Христос сказа мне. **15** Потщуся же и всегда имети вас по моем исходе память о сих творити. **16** Не ухищренным бо баснем последовавше сказахом вам силу и пришествие Господа нашего Иисуса Христа, но самовидцы бывше величествия Онаго. **17** Прием бо от Бога Отца честь и славу, гласу пришедшу к Нему от велелепныя славы. Сей есть Сын Мой возлюбленный, о Немже Аз благоизволих. **18** И сей глас мы слышахом с небес сшедши, с Ним суще на горе святей. **19** И имамы известнейшее пророческое слово: ему же внимающе якоже светилу сияющу в темнем месте, добре творите, дондеже день озарит, и денница возсияет в сердцах ваших, **20** сие прежде ведуще, яко всяко пророчество книжное по своему сказанию не бывает. **21** Ни бо волею бысть когда человеком пророчество, но от Святаго Духа просвещаеми глаголаша святии Божии человече.

2 Быша же и лживии пророцы в людех, якоже и в вас будут лживии учителье, иже внесут ереси погибели, и искупльшаго их Владыки отмитающеся, приводяще себе скору погибель. **2** И мнози последствуют их нечистотам, ихже ради путь истинный похулитя. **3** И в преумножении льстивых словес вас уловят: ихже суд искони не коснит, и погибель их не дремлет. **4** Аще бо Бог ангелов согрешивших не пощаде, но пленицами мрака связав, предаде на суд мучимых блюсти: (Tartaroō g5020) **5** и первого мира не пощаде, но осмаго Ноа правды проповедника сохрани, потоп миру нечестивавших наведе: **6** и грады Содомския и Гоморрския сжег, разорением осуди, образ хотящым нечестивати положив: **7** и праведнаго Лота, обидима от беззаконных в нечистоте сожития, избави. **8** Видением бо и слухом праведный, живый в них, день от дне душу праведну беззаконными дель мучаше: **9** весть Господъ благочестивыя от напасти избавляти, неправедники же на день судны мучимы блюсти, **10** напаще же вслед плотския похоти сквернения ходящая и о господстве нерадящая: продерзателе, себе угодницы, славы не трепещут хуляще: **11** идже Ангели крепостию и силою больши суще, не терпят на ся от Господа укоризнен суд. **12** Сии же, яко скоти животни естеством бывше в погибель и тлю, в нихже не разумеют хуляще, во истлении своем истлеют, **13** приемлюще мзду неправедну, сласть мняще вседневное насыщение, сквернители и порочницы, питающеся лестьми своими, ядуще с вами, **14** очи имуще исполнъ блудодеяния и непрестаемаго греха, прельщающе души неутверждены, сердце научено лихоимству имуще, клятвы чада: **15** оставльше правый путь заблудиша, последовавше пути Валаама Восорова, иже мзду неправедну возлюби, **16** обличение же име своего беззакония: подяремник безгласен, человеческим гласом провещавшъ, возбрани пророка безумие. **17** Сии суть источницы безводни, облаци и мглы от ветр преносими, имже мрак темный во веки блюдетя. (questioned) **18** Прегордая бо суеты вещающе, прельщают в скверны плотския похоти, отбегающих всячески от них живущих во льсти, **19** свободу им обещавающе, сами раби суще тления: имже бо кто побежден бывает, сему и работен есть. **20** Аще бо отбегше скверн мира в разум Господа и Спаса нашего Иисуса Христа, сими же паки сплетшеся побеждаеми бывают, быша им последняя горша первых. **21** Лучше бо им не познати пути правды, нежели познавшым возвратитися вспять от преданныя им святыя заповеди. **22** Случися бо им истинная притча:

пес возвращься на свою блевотину, и: свиния, омывшись,
в кал тинный.

3 Сие уже, возлюбленни, второе вам пишу послание, в
нихже возбуждаю воспоминанием ваш чистый смысл,
2 помянути прежде реченные глаголы от святых пророк, и
Апостол ваших заповедь Господа и Спаса: з сие прежде
ведяще, яко приидут в последния дни ругателе, по своих
похотех ходяще 4 и глаголюще: где есть обетование
пришествия Его, отнележе бо отцы успоша, вся тако
пребывают от начала создания. 5 Таится бо им сие
хотящым, яко небеса беша исперва, и земля от воды и
водою составлена, Божиим словом: 6 темже тогдашний
мир, водою потоплен быв, погиб. 7 А нынешняя небеса
и земля темже Словом сокровена суть, огню блюдома на
день суда и погибели нечестивых человек. 8 Едино же
сие да не утайся вас, возлюбленни, яко един день пред
Господем яко тысяча лет, и тысяча лет яко день един. 9
Не коснит Господь обетования, якоже нецы коснение
мнят: но долготерпит на нас, не хотя да кто погибнет,
но да вси в покаяние приидут. 10 Приидет же день
Господень яко тать в нощи, в оньже небеса убо с шумом
мимо идут, стихии же сжигаемы разорятся, земля же и
яже на ней дела сгорят. 11 Сим убо всем разоряемым,
кацем подобает быти вам во святых пребываниих и
благочестиих, 12 чающым и скорее быти желающим
пришествия Божияго дне, егоже ради небеса жегома
разорятся, и стихии опаляемы растаются? 13 Нова же
небесе и новы земли по обетованию Его чаем, в нихже
правда живет. 14 Темже, возлюбленни, сих чающе,
потщится нескверни и непорочни Тому обрестися в
мире, 15 и Господа нашего долготерпение спасение
непщите, якоже и возлюбленный наш брат Павел по
данней ему премудрости написа вам, 16 якоже и во
всех своих посланиях, глаголя в них о сих: в нихже суть
неудобь разумна некая, яже ненаучени и неутверждени
развращают, якоже и прочая Писания, к своей погибели
им. 17 Вы же убо, возлюбленни, предведяще хранитеся,
да не лестию беззаконных сведени бывше, отпадете
своего утверждения. 18 Но да растете во благодати и
разуме Господа нашего и Спаса Иисуса Христа. Тому
слава и ныне и в день века. Аминь. (aiōn g165)

Первое послание Иоанна

1 Еже бе исперва, еже слышахом, еже видехом очима нашима, еже узрехом, и руки нашия осязаша, о Словеси животнем: 2 и живот явися, и видехом, и свидетелствуем, и возвещаем вам живот вечный, иже бе у Отца и явися нам: (aiōnios g166) 3 еже видехом и слышахом, поведаем вам, да и вы общение имате с нами: общение же наше со Отцем и с Сыном Его Иисусом Христом. 4 И сия пишем вам, да радость ваша будет исполнена. 5 И сие есть обетование, еже слышахом от Него и поведаем вам, яко Бог свет есть, и тмы в Нем несть ни единия. 6 Аще речем, яко общение имамы с Ним, и во тме ходим, лжем и не творим истины: 7 аще же во свете ходим, якоже Сам Той есть во свете, общение имамы друг ко другу, и Кровь Иисуса Христа Сына Его очищает нас от всякаго греха. 8 Аще речем, яко греха не имамы, себе прельщаем, и истины несть в нас. 9 Аще исповедаем грехи нашя, верен есть и праведен да оставит нам грехи нашя и очистит нас от всякия неправды. 10 Аще речем, яко не согрешихом, лжа творим Его, и слово Его несть в нас.

2 Чадца моя, сия пишу вам, да не согрешаете: и аще кто согрешил, ходатая имамы ко Отцу, Иисуса Христа праведника: 2 и Той очищение есть о грехах наших, не о наших же точию, но и о всего мира. 3 И о сем разумеем, яко познахом Его, аще заповеди Его соблюдаем. 4 Глаголай, яко познах Его, и заповеди Его не соблюдет, ложь есть, и в сем истины несть: 5 а иже аще соблюдет слово Его, поистинне в сем любы Божия совершенна есть: о сем разумеем, яко в Нем есмы. 6 Глаголай, в Нем пребывати, должен есть, якоже Он ходил есть, и сей такожде да ходит. 7 Возлюбленнии, не заповедь нову пишу вам, но заповедь ветху, юже иместе исперва. Заповедь ветхя есть слово, еже слышасте исперва. 8 Паки заповедь нову пишу вам, еже есть поистинне в Нем и в вас: яко тма мимоходит и свет истинный сей уже сияет. 9 Глаголай себе во свете быти, а брата своего ненавидай, во тме есть доселе. 10 Любай брата своего во свете пребывает, и соблазна в нем несть. 11 А ненавидай брата своего во тме есть, и во тме ходит, и не весть, камо идет, яко тма ослепи очи ему. 12 Пишу вам, чадца, яко оставляются вам грехи имене Его ради. 13 Пишу вам, отцы, яко познасте Безначалного. Пишу вам, юноши, яко победисте лукаваго. Пишу вам, дети, яко познасте Отца. 14 Писах вам, отцы, яко познасте Исконнаго:

писах вам, юноши, яко крепцы есте, и слово Божие в вас пребывает, и победисте лукаваго. 15 Не любите мира, ни яже в мире: аще кто любит мир, несть любве Отчи в нем: 16 яко все, еже в мире, похоть плотская и похоть очима и гордость житейская, несть от Отца, но от мира сего есть. 17 И мир преходит, и похоть его, а творяй волю Божию пребывает во веки. (aiōn g165) 18 Дети, последняя година есть. И якоже слышасте, яко антихрист грядет, и ныне антихристи мнози быва, от сего разумеваем, яко последний час есть. 19 От нас изыдоша, но не беша от нас: аще бы от нас бывши, пребыли убо быва с нами: но да явятся, яко не суть вси от нас. 20 И вы помазание имате от Святаго, и весте вся. 21 Не писах вам, яко не весте истины, но яко весте ю и яко всяка лжа от истины несть. 22 Кто есть лживый, точию отметаяйся, яко Иисус несть Христос? Сей есть антихрист, отметаяйся Отца и Сына. 23 Всяк отметаяйся Сына, ни Отца имать: а исповедай Сына, и Отца имать. 24 Вы убо еже слышасте исперва, в вас да пребывает: (и) аще в вас пребудет, еже исперва слышасте, и вы в Сыне и Отце пребудете. 25 И сие есть обетование, еже Сам обеща нам, живот вечный. (aiōnios g166) 26 Сия писах вам о льстящих вас. 27 И вы еже помазание прияте от Него, в вас пребывает, и не требуете, да кто учит вы: но яко то само помазание учит вы о всем, и истинно есть, и несть ложно: и якоже научи вас, пребывайте в нем. 28 И ныне, чадца, пребывайте в Нем, да егда явится, имамы дерзновение и не посрамимся от Него в пришествии Его. 29 Аще весте, яко праведник есть, разумейте, яко всяк творяй правду от Него родися.

3 Видите, какову любовь дал есть Отец нам, да чада Божия наречемся, и будем. Сего ради мир не знает нас, зане не позна Его. 2 Возлюбленни, ныне чада Божия есмы, и не у явися, что будем: вемы же, яко, егда явится, подобни Ему будем, ибо узрим Его, якоже есть. 3 И всяк имей надежду сию Нань, очищает себе, якоже Он чист есть. 4 Всяк творяй грех, и беззаконие творит: и грех есть беззаконие. 5 И весте, яко Он явися, да грехи нашя возмет, и греха в Нем несть. 6 Всяк, иже в Нем пребывает, не согрешает: всяк согрешаяй не виде Его, ни позна Его. 7 Чадца, никто же да льстит вас. Творяй правду праведник есть, якоже Он праведен есть. 8 Творяй грех от диавола есть, яко исперва диавол согрешает. Сего ради явися Сын Божий да разрушит дела диавола. 9 Всяк рожденный от Бога греха не творит, яко семя Его в нем пребывает: и не может согрешати,

яко от Бога рожден есть. 10 Сего ради явлена суть чада Божия и чада диавола: всяк не творяй правды несть от Бога, и не любяй брата своего. 11 Яко се есть завещание, еже слышасте исперва, да любим друг друга, 12 не якоже Каин от лукаваго бе и закла брата своего. И за кую вину закла его? Яко дела его лукава беша, а брата его праведна. 13 Не чудитесь, братие моя, аще ненавидит вас мир. 14 Мы вемы, яко преидохом от смерти в живот, яко любим братию: не любяй бо брата пребывает в смерти. 15 Всяк ненавидяй брата своего человекаубийца есть: и весте, яко всяк человекаубийца не иметь живота вечнаго в себе пребывающа. (aiōnios g166) 16 О сем познахом любовь, яко Он по нас душу Свою положи: и мы должны есмы по братии души полагати. 17 Иже убо имать богатство мира сего, и видит брата своего требующа, и затворит утробу свою от него, како любы Божия пребывает в нем? 18 Чадца моя, не любим словом ниже языком, но делом и истиною. 19 И о сем разумеем, яко от истины есмы, и пред Ним смиряем сердца наша: 20 зане аще зазирает нам сердце наше, яко болий есть Бог сердца нашего и весть вся. 21 Возлюбленни, аще сердце наше не зазрит нам, дерзновение имамы к Богу, 22 и егоже аще просим, приемлем от Него, яко заповеди Его соблюдаем и угодная пред Ним творим. 23 И сия есть заповедь Его, да веруем во имя Сына Его Иисуса Христа и любим друг друга, якоже дал есть заповедь нам. 24 И соблюдаяй заповеди Его в Нем пребывает, и Той в нем. И о сем разумеем, яко пребывает в нас, от духа, егоже дал есть нам.

4 Возлюбленни, не всякому духу веруйте, но искушайте духи, аще от Бога суть: яко мнози лжепророки изыдоша в мир. 2 О сем познавайте Духа Божия и духа лестча: всяк дух, иже исповедует Иисуса Христа во плоти пришедшя, от Бога есть: з и всяк дух, иже не исповедует Иисуса Христа во плоти пришедшя, от Бога несть: и сей есть антихристов, егоже слышасте, яко грядет, и ныне в мире есть уже. 4 Вы от Бога есте, чадца, и победисте тех: яко болий есть Иже в вас, нежели иже в мире. 5 Они от мира суть: сего ради от мира глаголют, и мир тех послушает. 6 Мы от Бога есмы: иже знает Бога, послушает нас, и иже несть от Бога, не послушает нас. О сем познаваем духа истины и духа лестча. 7 Возлюбленни, возлюбим друг друга, яко любы от Бога есть, и всяк любяй от Бога рожден есть, и знает Бога: 8 а не любяй не позна Бога, яко Бог любы есть. 9 О сем явися любы Божия в нас, яко Сына Своего Единороднаго

посла Бог в мир, да живи будем Им. 10 О сем есть любы, не яко мы возлюбихом Бога, но яко Той возлюби нас, и посла Сына Своего очищение о грехах наших. 11 Возлюбленни, аще сице возлюбил есть нас Бог, и мы должны есмы друг друга любити. 12 Бога никтоже нигдезе виде. Аще друг друга любим, Бог в нас пребывает, и любы Его совершенна есть в нас. 13 О сем разумеем, яко в Нем пребываем, и Той в нас, яко от Духа Своего дал есть нам. 14 И мы видехом и свидетелствуем, яко Отец посла Сына Спасителя миру. 15 Иже аще исповесть, яко Иисус есть Сын Божий, Бог в нем пребывает, и той в Бозе. 16 И мы познахом и веровахом любовь, юже иметь Бог к нам. Бог любы есть, и пребываяй в любви в Бозе пребывает, и Бог в нем пребывает. 17 О сем совершается любы с нами, да дерзновение имамы в день судный, зане, якоже Он есть, и мы есмы в мире сем. 18 Страха несть в любви, но совершенна любы вон изгоняет страх, яко страх муку имать: боялся же не совершился в любви. 19 Мы любим Его, яко Той первее возлюбил есть нас. 20 Аще кто речет, яко люблю Бога, а брата своего ненавидит, ложь есть: ибо не любяй брата своего, егоже виде, Бога, Егоже не виде, како может любити? 21 И сию заповедь имамы от Него, да любяй Бога любит и брата своего.

5 Всяк веруяй, яко Иисус есть Христос, от Бога рожден есть: и всяк любяй Рождшаго любит и Рожденнаго от Него. 2 О сем вемы, яко любим чада Божия, егда Бога любим и заповеди Его соблюдаем. 3 Сия бо есть любы Божия, да заповеди Его соблюдаем: и заповеди Его тяжки не суть. 4 Яко всяк рожденный от Бога побеждает мир: и сия есть победа, победившая мир, вера наша. 5 Кто есть побеждаяй мир, токмо веруяй, яко Иисус есть Сын Божий? 6 Сей есть пришедый водою и кровию и Духом, Иисус Христос, не водою точию, но водою и кровию: и Дух есть свидетелствуяй, яко Дух есть истина. 7 Яко трие суть свидетелствующи на небеси, Отец, Слово и Святый Дух: и Сии три едино суть. 8 И трие суть свидетелствующи на земли, дух и вода и кровь: и трие во едино суть. 9 Аще свидетелство человеческое приемлем, свидетелство Божие более есть: яко сие есть свидетелство Божие, еже свидетелствова о Сыне Своем. 10 Веруй в Сына Божия имать свидетелство в себе: не веруяй Богови лжа сотворил есть Его, яко не верова во свидетелство, еже свидетелствова Бог о Сыне Своем. 11 И сие есть свидетелство, яко живот вечный дал есть нам Бог, и сей живот в Сыне Его есть. (aiōnios g166) 12 Имей Сына Божия имать живот: а не имей Сына Божия живота не имать. 13 Сия писах вам верующым во имя

Сына Божия, да весте, яко живот вечный имате, и да веруete во имя Сына Божия. (aiōnios g166) 14 И сие есть дерновение, еже имамы к Нему, яко аще чесо просим по воли Его, послушает нас: 15 и аще вемы, яко послушает нас, еже аще просим, вемы, яко имамы прошения, ихже просихом от Него. 16 Аще кто узрит брата своего согрешающа грех не к смерти, да просит, и даст ему живот, согрешающим не к смерти. Есть грех к смерти: не о том, глаголю, да молится. 17 Всяка неправда грех есть, и есть грех не к смерти. 18 Вемы, яко всяк рожденный от Бога не согрешает: но рожденный от Бога блудет себе, и лукавый не прикасается ему. 19 Вемы, яко от Бога есмы, и мир весь во зле лежит. 20 Вемы же, яко Сын Божий прииде и дал есть нам (свет и) разум, да познаем Бога истиннаго и да будем во истиннем Сыне Его Иисусе Христе: Сей есть истинный Бог и живот вечный. (aiōnios g166) 21 Чадца, храните себе от треб идолских. Аминь.

Второе послание Иоанна

1 Старец избранней госпоже и чадом ея, ихже аз люблю воистинну, и не аз точию, но и вси разумевши истину.

2 За истину пребывающую в нас, и с нами будет во веки.

(aiōn g165) **3** Да будет с вами благость, милость, мир от Бога Отца, и от Господа Иисуса Христа, Сына Отца, во истине и любви. **4** Возрадовахся зело, яко обретох от чад твоих ходящих во истине, якоже заповедь прияхом от Отца. **5** И ныне молю тя, госпоже, не яко заповедь пишу тебе нову, но юже имамы исперва, да любим друг друга. **6** И сия есть любы, да ходим по заповедем Его. Сия есть заповедь, якоже слышасте исперва, да в ней ходите: **7** зане мнози лестцы внидоша в мир, не исповедающе Иисуса Христа пришедшаго во плоти, сей есть льстец и антихрист. **8** Блюдите себе, да не погубите яже деласте добрая, но да мзду совершенну восприимете. **9** Всяк преступаяй и не пребываяй во учении Христове, Бога не иметь: пребываяй же во учении Христове, сей и Отца и Сына имать. **10** Аще кто приходит к вам, и сего учения не приносит, не приемлите его в дом, и радоватися ему не глаголите. **11** Глаголяи бо ему радоватися, сообщается делом его злым. **12** Многа имех писати вам, и не восхотех хартиею и чернилом, но надеюся прийти к вам и усты ко устом глаголати, да радость ваша будет исполнена. **13** Целуют тя чада сестры твоего избранныя. Аминь.

Третье послание Иоанна

1 Старец Гаиеви возлюбленному, егоже аз люблю воистинну. **2** Возлюбленне, во всех моляся (о тебе) благоспятися тебе и здравствовати, якоже благоспеется тебе душа. **3** Возрадовахся зело, пришедшим братиям и свидетельствующым твою истину, якоже ты во истине ходиши. **4** Болши сея не имам радости, да слышу моя чада во истине ходяща. **5** Возлюбленне, верно твориши, еже аще делаеши в братию и в странныя, **6** иже свидетельствоваша о твоей любви пред церковию. Ихже предпослав достойно Богу, добре твориши. **7** О имени бо Его изыдоша, ничтоже приемлюще от язык. **8** Мы убо должны есмы приемати таковых, да поспешницы будем истине. **9** Писах церкви: но первенстволюбец их Диотреф не приемлет нас. **10** Сего ради, аще прииду, воспомяну его дела, яже творит, словесы лукавыми укоряя нас: и недоволен бывая о сих, ни сам приемлет братию, и хотящим возбраняет, и от церкви изгонит. **11** Возлюбленне, не уподобляяся злому, но благому. Благотворяй от Бога есть: а злоторяй не виде Бога. **12** Димитриеви свидетельствовася от всех и от самыя истины: и мы же свидетельствуем, и весте, яко свидетельство наше истинно есть. **13** Многа имех писати, но не хощу чернилом и тростию писати тебе, **14** уповаю же аbie видети тя и усты ко устом глаголати. Мир тебе. Целуют тя друзья: целуй други по имени. Аминь.

Послание Иуды

1 Иуда, Иисуса Христа раб, брат же Иакова, сущим о Бозе Отце освященным, Иисус Христом соблюденным званным: 2 милость вам и мир и любы да умножится. 3 Взлюбленни, всяко тщание творя писати вам о общем спасении вашем, нужду возимех писати вам, моля подвизатися о преданнеи вере святым единю. 4 Привидоша бо нецы человечы, древле представлениии на сие осуждение, нечестивии, Бога нашего благодать прелагающи в скверну, и единаго Владыки Бога и Господа нашего Иисуса Христа отметающиися. 5 Вспомянути же вам хощу, ведущим и вам едино сие, яко Господь люди от земли Египетския спасе, последи неверовавшия погуби: 6 аггелы же не соблюдшия своего начальства, но оставльшия свое жилище, на суд великаго дне узами вечными под мраком соблюде. (aidios g126) 7 Яко же Содома и Гоморра и окрестни их грады, подобным им образом преблудивше и ходивше вслед плоти иныя, предлежат в показание, огня вечнаго суд подемше, (aiōnios g166) 8 такожде убо и сии, сония видяще, плоть убо сквернят, господства же отмечаются, славы же хуляще (не трепещут). 9 Михаил же Архангел, егда со диаволом разсуждая глаголаше о Моисеове телеси, не смеяше суда навести хульна, но рече: да запретит тебе Господь. 10 Сии же, елика убо не ведят, хулят: елика же по естеству яко безсловесная животная ведят, в сих сквернятся. 11 Горе им. Яко в путь Кайнов поидаша, и в лесть Валаамовы мзды устремишаися, и в пререкании Корреове погибоша. 12 Сии суть в любвах ваших сквернители, с вами ядуще, без боязни себе пасуще: облаци безводни, от ветр преносими: древеса есенна, бесплодна, дважды умерша, искоренена. 13 Волны свирепыя моря, воспеняющя своя стыдения: звезды прелестныя, имже мрак тьмы во веки блoudется. (aiōn g165) 14 Пророчествова же и о сих седмый от Адама Енох, глаголя: се приидет Господь во тьмах святых Ангел Своих, 15 сотворити суд о всех и изобличити всех нечестивых о всех делех нечестия их, имиже нечестоваша, и о всех жестоких словесех их, яже глаголаша Нань грешницы нечестивии. 16 Сии суть ропотницы, укорители, (часть порочна,) в похотех своих ходяще нечестием и законопреступлением: и уста их глаголют прегордая: чудящеся лицам пользы ради. 17 Вы же, взлюбленни, поминайте глаголы преждереченныйя от Апостол Господа нашего Иисуса Христа. 18 Зане глаголаху вам, яко в последнее время будут ругатели,

по своих похотех ходяще и нечестиих. 19 Сии суть отделяюще себе (от единости веры, и суть) телесни, духа не имуще. 20 Вы же, возлюбленни, стою вашею верою назидающе себе, Духом Святым молящеся, 21 сами себе в любви Божией соблюдайте, ждуще милости Господа нашего Иисуса Христа, в жизнь вечную. (aiōnios g166) 22 И овех убо милуйте разсуждающе. 23 Овех же страхом спасайте, от огня восхищающе. Обличайте же с боязни, ненавидяще и яже от плоти оскверненную ризу. 24 Могущему же сохранити вы без греха и без скверны и поставити пред славою Свою непорочных в радости, 25 Единому Премудрому Богу и Спасу нашему, Иисусом Христом Господем нашим, слава и величие, держава и власть, прежде всего века, и ныне, и во вся веки. Аминь. (aiōn g165)

Откровение ап. Иоанна Богослова

1 Апокалипсис Иисуса Христа, егоже даде Ему Бог, показати рабом Своим, имже подобает быти вскоре. И сказа, послав чрез Ангела Своего рабу Своему Иоанну, **2** иже свидетельства слово Божие и свидетельство Иисус Христово, и елика виде. **3** Блажен чтый, и слышащий словеса пророчествия, и соблюдающий писаная в нем: время бо близ. **4** Иоанн седмим церквам, яже суть во Асии: благодать вам и мир от Сущаго, и Иже бе, и Грядущаго, и от седми духов, иже пред престолом Его суть, **5** и от Иисуса Христа, Иже есть свидетель верный, первенец из мертвых и князь царей земных: любящу ны и омывшу нас от грех наших Кровию Свою, **6** и сотворил есть нас цари и иереи Богу и Отцу Своему, Тому слава и держава во веки веков. Аминь. (aiōn g165) **7** Се, грядет со облаки, и узрит Его всяко око и иже Его прободоша, и плаче сотворят о Нем вся колена земная. Ей, аминь. **8** Аз есмь Алфа и Омега, начаток и конец, глаголет Господь, сый, и Иже бе, и грядый, Вседержитель. **9** Аз Иоанн, иже и брат ваш и общник в печали и во царствии и в терпении Иисус Христове, бых во острове нарицаем Патмос за слово Божие и за свидетельство Иисус Христово. **10** Бых в дусе в день неделный, и слышах за собою глас велий яко трубы глаголющия: Аз есмь Алфа и Омега, Первый и Последний: **11** и: яже видиши, напиши в книгу, и посли церквам, яже суть во Асии: во Ефес и в Смирну, в Пергам и в Фиатир, и в Сардис и в Филаделфию и в Лаодикию. **12** И обратихся видети глас, иже глаголаше со мною: и обратився видех седмь светилник златых, **13** и поспреде седми светилников подобна Сыну Человечу, облечена в подир и препоясана при сосцу поясом златым: **14** глава же Его и власи белы аки ярина белая, якоже снег: и очи Его яко пламень огнен: **15** и нозе Его подобне халколивану, якоже в пещи разжжене: и глас Его яко глас вод мног: **16** и держя в руце Своей десней седмь звезд: и из уст Его мечь обояду остр изострен исходяй: и лице Его якоже солнце сияет в силе своей. **17** И егда видех Его, падох к ногам Его яко мертв. И положи десницу Свою на мне, глаголя ми: не бойся: Аз есмь Первый и Последний **18** и живый: и бых мертв, и се, жив есмь во веки веков, аминь: и имам ключи ада и смерти. (aiōn g165, Hadēs g86) **19** Напиши убо, яже видел еси, и яже суть, и имже подобает быти по сем. **20** Таинство седми звезд, яже видел еси на деснице Моея, и седмь

светилник златых: седмь звезд Ангели седми церквей суть: и седмь светилников, яже видел еси, седмь церквей суть.

2 Ангелу Ефесским церкве напиши: тако глаголет Держай седмь звезд в деснице Своей, Ходяй посреде седми светилников златых: **2** вем твоя дела, и труд твой, и терпение твое, и яко не можеши носити злых, и искусили еси глаголюща быти апостолы, и не суть, и обрел еси их ложных: **3** и понесл еси, и терпение имаши, и за имя Мое трудился еси и не изнемогл еси. **4** Но имам на тя, яко любовь твою первую оставил еси. **5** Помяни убо, откуда спал еси, и покайся, и первая дела сотвори: аще же ни, гряду тебе скоро и двигну светилник твой от места своего, аще не покаешися. **6** Но се имаши, яко ненавидиши дел Николаитских, иже и Аз ненавижду. **7** Имеяй ухо да слышит, что Дух глаголет церквам: побеждающему дам ясти от древа животнаго, еже есть посреде рая Божия. **8** И Ангелу церкве Смирнския напиши: тако глаголет Первый и Последний, Иже бысть мертв, и (се,) жив есть: **9** вем твоя дела и скорбь и нищету, но богат еси, и хулы глаголющихя быти Иудей, и не суть, но сонмище сатанино. **10** Не бойсяничесоже, яже имаши пострадати. Се, имать диавол всаждати от вас в темницы, да искуситеся: и имети будете скорбь до десяти дній. Буди верен даже до смерти, и дам ти венец живота. **11** Имеяй ухо слышати да слышит, что Дух глаголет церквам: побеждаяй не имать вредитися от смерти вторыя. **12** И Ангелу Пергамския церкве напиши: тако глаголет Имеяй мечь обояду изощрен: **13** вем дела твоя, и где живеши, идже престол сатанин: и держиши имя Мое, и не отверглся еси веры Моей и в (Моя) дни, в няже Антипас свидетель Мой верный, иже убиен бысть в вас, идже живет сатана. **14** Но имам на тя мало, яко имаши ту держащих учение Валаамово, иже учаще Валака положити соблазн пред сынми Израилевыми, ясти жертвы идолския и любы творити. **15** Тако имаши и ты держащя учение Николаитско, егоже ненавижду. **16** Покайся: аще ли ни, прииду тебе скоро и брань сотворю с ними мечем уст Моих. **17** Имеяй ухо слышати да слышит, что Дух глаголет церквам: побеждающему дам ясти от манны сокровенныя, и дам ему камень бел и на камени имя ново написано, егоже никто же весть, токмо приемляй. **18** И Ангелу Фиатирския церкве напиши: тако глаголет Сын Божий, Имеяй очи свои яко пламень огнен, и нозе Его подобне халколивану: **19** вем твоя дела и любовь, и службу и веру, и терпение твое и дела твоя,

и последняя болша первых. 20 Но имам на тя мало, яко оставляши жене Иезавели, глаголющей себе быти пророчицу, учити и льстити Моя рабы, любодействовати и снести жертву идолскую. 21 И дах ей время, да покается от любодейства своего, и не покаяся. 22 Се, Аз полагаю на одре и любодеющыя с нею в скорбь велию, аще не покаются от дел своих: 23 и чада их умрут смертию: и уразумеют вся церкви, яко Аз есмь испытаяй сердца и утробы: и дам вам комуждо по делом вашим. 24 Вам же глаголю и прочым сущым в Фиатире, иже не имут учения сего и иже не разумеют глубин сатаниных, якоже глаголют: не возложу на вы тяготы иныя: 25 токмо, еже имате, держите, дондеже прииду. 26 И побеждающему и соблюдающему дела Моя до конца, дам ему власть на языцах, 27 и упасет я жезлом железным, яко сосуды скудельничи сокрушатся, якоже и Аз приях от Отца Моего: 28 и дам ему звезду утреннюю. 29 Имей ухо слышати да слышит, что Дух глаголет церквам.

3 И Ангелу Сардийский церкве напиши: тако глаголет

Имей седмь духов Божиих и седмь звезд: вем твоя дела, яко имаши яко жив, а мертв еси. 2 Буди бдя и утверждая прочая, имже умрети: не обретох бо дел твоих скончаных пред Богом (твоим). 3 Поминай убо, како принял еси и слышал еси, и соблюдай и покайся. Аще убо не бдиши, прииду на тя яко тать, и не имаши почуты, в кий час прииду на тя. 4 Но имаши мало имен и в Сардии, иже не оскверниша риз своих, и ходити имут со Мною в белых, яко достойни суть. 5 Побеждаяй, той облечется в ризы белыя, и не имам отмыти имене его от книг животных, и исповем имя его пред Отцем Моим и пред Ангелы Его. 6 Имей ухо да слышит, что Дух глаголет церквам. 7 И Ангелу Филадельфийский церкве напиши: тако глаголет Святый Истинный, имей ключь Давидов, отверзаяй, и никтоже затворит, затворяй, и никтоже отверзет: 8 вем твоя дела: се, дах пред тобою двери отверсты, и никтоже может затворити их: яко малу имаши силу, и соблюл еси Мое слово, и не отверглся еси имене Моего. 9 Се, даю от сонмища сатанина глаголующаяся быти Иудеи, и не суть, но лгут: се, соторю их, да приидут и поклонятся пред ногами твоими, и уразумеют, яко Аз возлюбих тя. 10 Яко соблюл еси слово терпения Моего, и Аз тя соблюду от годины искушения, хотящя приити на всю вселенную искусити живущая на земли. 11 Се, гряду скоро: держи, еже имаши, да никтоже примет венца твоего. 12 Побеждающего сотворю столпа в церкви Бога Моего, и боле не имать изыти кому: и напиши на

нем имя Бога Моего и имя града Бога Моего, нового Иерусалима, сходящаго с небес от Бога Моего, и имя Мое новое. 13 Имей ухо да слышит, что Дух глаголет церквам. 14 И Ангелу Лаодикийский церкве напиши: тако глаголет Аминь, свидетель верный и истинный, начаток создания Божия: 15 вем твоя дела, яко ни студен еси ни тепл: не да студен бы был ни тепл. 16 Тако, яко обуморен еси, и ни тепл ни студен, изблевати тя от уст Моих имам. 17 Зане глаголеши, яко богат есмь и обогатихся и ничтоже требую: и не веси, яко ты еси окаянен и беден, и нищъ и слеп и наг. 18 Совещаю тебе купити от Мене злато разжено огнем, да обогатишися, и одеяние бело, да облечешися, и да не явится срамота наготы твоей: и коллурием помажи очи твои, да видиши. 19 Аз, ихже аще люблю, обличаю и наказую. Ревнуй убо и покайся. 20 Се, стою при дверех и толку: аще кто услышит глас Мой и отверзет двери, вниду к нему и вечеряю с ним, и той со Мною. 21 Побеждающему дам сести со Мною на престоле Моем, якоже и Аз победих и седох со Отцем Моим на престоле Его. 22 Имей ухо да слышит, что Дух глаголет церквам.

4 По сих видех: и се, двери отверсты на небеси, и глас

первый, егоже слышах яко трубу глаголющ со мною, глаголя: взыди семо, и покажу ти, ему же подобает быти по сих. 2 И абие бых в дусе: и се, престол стояше на небеси, и на престоле Седящъ: з и Седяй бе подобен видением камени иаспису и сардинови: и (б) дуга окрест престола подобна видением смарагдови. 4 И окрест престола престоли двадесять и четыри: и на престолех видех двадесять и четыри старцы седящыя, облечены в белыя ризы, и имаху венцы златы на главах своих. 5 И от престола исходаху молния и громи и гласи: и седмь свещников огненных горящих пред престолом, иже суть седмь духов Божиих: 6 и пред престолом море стекляно, подобно кристаллу: и посреде престола и окрест престола четыри животна исполнена очес спреди и созади. 7 И животно первое подобно льву, и второе животно подобно телцу, и третие животно имущее лице яко человек, и четвертое животно подобно орлу летящу. 8 И животна четыри, едино коеждо их имеяжу по шесть крил окрест, и внутрьду исполнена очес: и покоя не имут день и нощъ, глаголюще: свят, свят, свят Господь Бог Вседержитель, Иже бе и сый и грядый. 9 И егда даша животная славу и честь и благодарение Седящему на престоле, Живущему во веки веков, (αἰών γ165) 10 падоша двадесять и четыри старцы пред Седящим на престоле,

и поклониша ся Живущему во веки веков, и положиша венцы своя пред престолом, глаголюще: (aiōn g165) 11 достоин еси, Господи, прияти славу и честь и силу, яко Ты еси создал всяческая, и волею Твою суть, и створена.

5 И видех в деснице Седящаго на престоле книгу написану внутрьуду и внеуду, запечатану седмию печатию. 2 И видех Ангела крепка проповедающа гласом великим: кто есть достоин разгнути книгу и разрешити печати ея? 3 И никтоже можаше ни на небеси, ни на земли, ниже под землею, разгнути книгу, ниже зреши ю. 4 И из плакахся много, яко ни един обретеся достоин разгнути и прочести книгу, ниже зреши ю. 5 И един от старец глагола ми: не плачиши: се, победил есть лев, иже сый от колена Иудова, корень Давидов, разгнути книгу и разрешити седмь печатей ея. 6 И видех, и се, посреде престола и четырех животных и посреде старец Агнец стоящъ яко заколен, имущъ рогов седмь и очес седмь, еже есть седмь духов Божиих, посланныхъ во всю землю. 7 И прииде и прият книгу от десницы Седящаго на престоле. 8 И егда прият книгу, четыри животна и двадесять и четыри старцы падоша пред Агнцем, имуще кийждо гусли и фиалы златы полны фимиама, иже суть молитвы святых: 9 и поют песнь нову, глаголюще: достоин еси прияти книгу и отверзти печати ея, яко заклался и искупил еси Богови нас Кровию Свою от всякаго колена и языка и людий и племен, 10 и створил еси нас Богови нашему цари и иереи: и воцаримся на земли. 11 И видех, и слышах глас Ангелов многих окрест престола и животных и старец, и бе число их тысяща тысящами, 12 глаголюще гласом великим: достоин есть Агнец заколенный прияти силу и богатство, и премудрость и крепость, и честь и славу и благословение. 13 И всяко создание, еже есть на небеси и на земли, и под землею и на мори яже суть, и сущая в них, вся слышах глаголющыя: Седящему на престоле и Агнцу благословение и честь, и слава и держава во веки веков. (aiōn g165) 14 И четыри животна глаголаху: аминь. И двадесять и четыри старцы падоша и поклониша ся Живущему во веки веков.

6 И видех, егда отверзе Агнец едину от седми печатей, и слышах единаго от четырех животных глаголюща якоже глас громный: гряди и виждь. 2 И видех, и се, конь бел, и седай на нем имеяше лук, и дан бысть ему венец: и изыде побеждаяй, и да победит. 3 И егда отверзе печать вторую, слышах второе животно глаголюще: гряди и виждь. 4 И изыде другой конь рыжъ: и седящему на нем

дано бысть взяти мир от земли, и да убият друг друга: и дан бысть ему мечъ великий. 5 И егда отверзе третию печать, слышах третие животно глаголюще: гряди и виждь. И видех, и се, конь ворон, и седай на нем имеяше мерило в руце своей. 6 И слышах глас посреде четырех животных глаголющий: мера пшеницы за динарь и три меры ячменя за динарь: и елеа и вина не вреди. 7 И егда отверзе четвертую печать, слышах глас четвертаго животна глаголющий: гряди и виждь. 8 И видех, и се, конь блед, и седай на нем, имя ему смерть: и ад идяше вслед его: и дана бысть ему область на четвертей части земли убить оружием и гладом, и смертию и зверьми земными. (Hadēs g86) 9 И егда отверзе пятую печать, видех под олтарем души избиенных за слово Божие и за свидетелство, еже имеаху. 10 И возопиша гласом великим, глаголюще: доколе, Владыко Святый и Истинный, не судиши и не мстиши крове нашея от живущих на земли? 11 И даны быша коемуждо их ризы бельы, и речено бысть им, да почют еще время мало, дондеже скончаются и клеврети их и братия их, имущии избиени быти, якоже и тии. 12 И видех, егда отверзе шестую печать, и се, бысть трус велий, и солнце мрачно бысть яко вретище власяно, и луна бысть яко кровь: 13 и звезды небесныя падоша на землю, якоже смоковница отмает пупы своя, от ветра велика движима: 14 и небо отлучися яко свиток свиваемо, и всяка гора и остров от мест своих двигнуша: 15 и царие земстии и вельможи, и богатии и тысящицы и сильнии, и всяк раб и всяк свободъ скрыша ся в пещерах и камени горстем, 16 и глаголаша горам и камению: падите на ны и покрыйте ны от лица Седящаго на престоле и от гнева Агнца: 17 яко прииде день великий гнева Его, и кто может стати?

7 И по сем видех четыри Ангела стоящя на четырех углех земли, держащя четыри ветры земския, да не дышет ветр на землю, ни на море, ни на всяко древо. 2 И видех иного Ангела восходяща от восхода солнца, имуща печать Бога живаго. И возопи гласом велиим к четырем Ангелом, имже дано бысть вредити землю и море, глаголя: з не вредите ни земли, ни моря, ни древес, дондеже запечатлеем рабы Бога нашего на челех их. 4 И слышах число запечатленных: сто четыредесять четыри тысячи запечатленных от всякаго колена сынов Израилевых. 5 От колена Иудова двадесять тысячи запечатленных: от колена Рувимова двадесять тысячи запечатленных: от колена Гадова двадесять тысячи запечатленных: 6 от колена

Асирова дванадесять тысяч запечатленных: от колена Неффалимля дванадесять тысяч запечатленных: от колена Манассина дванадесять тысяч запечатленных: 7 от колена Симеонова дванадесять тысяч запечатленных: от колена Левинна дванадесять тысяч запечатленных: от колена Иссахарова дванадесять тысяч запечатленных: 8 от колена Завулона дванадесять тысяч запечатленных: от колена Иосифова дванадесять тысяч запечатленных: от колена Вениамина дванадесять тысяч запечатленных. 9 По сих видах, и се, народ мног, егоже изчести никтоже может, от всякого языка и колена, и людий и племен, стояще пред престолом и пред Агнцем, облечены в ризы белы, и финицы в руках их. 10 И возопиша гласом велиим, глаголюще: спасение седящему на престоле Богу нашему и Агнцу. 11 И вси Ангели стояху окрест престола и старец и четырех животных: и падоша на лицы пред престолом и поклонишася Богу, 12 глаголюще: аминь: благословение и слава, и премудрость и хвала, и честь и сила и крепость Богу нашему во веки веков. Аминь. (aiōn g165) 13 И отвеша един от старец, глаголя ми: сии облеченнини в ризы белыя кто суть и откуду придоша? 14 И рех ему: господи, ты веси. И рече ми: сии суть, иже придоша от скорби великия, и испраша ризы своя, и убелиша ризы своя в Крови Агнчи: 15 сего ради суть пред престолом Божиим и служат Ему день и нощь в церкви Его, и Седяй на престоле вселится в них: 16 не взалчат кому, ниже вжаждут, не имать же пасти на них солнце, ниже всяк знай: 17 яко Агнец, Иже посреде престола, упасет я и наставит их на животныя источники вод, и отимет Бог всяку слезу от очио их.

8 И егда отверзе седмую печать, бысть безмолвие на небеси яко пол часа. 2 И видех седьмь Ангелов, иже пред Богом стояху: и дано бысть им седьмь труб. 3 И другий Ангел прииде и ста пред олтарем, имеяй кадилницу злату: и даны быша ему фимиами мнози, да даст молитвам святых всех на олтарь златый сущий пред престолом. 4 И изыде дым кадилный молитвами святых от руки Ангела пред Бога. 5 И взят Ангел кадилницу, и наполни ю от огня сущаго на олтари, и положи на земли: и быша гласи и громи и блистания и трусы. 6 И седьмь Ангел, иже имеяху седьмь труб, уготовашася, да вострубят. 7 И первому Ангелу вострубившу, бысть град и огнь, смешены с кровию, и падоша на землю: и третия часть древа погоре, и всяка трава злачная погоре. 8 И второй Ангел воструби, и яко гора велика огнем жегома ввержена бысть в море: и бысть третия часть моря кровь,

9 и умре третия часть созданий сущих в мори, имущих души, и третия часть кораблей погибе. 10 И третий ангел воструби, и паде с небесе звезда велика, горящи яко свеща, и паде на третию часть рек и на источники водныя: 11 и имя звезде глаголется апсинфос: и бысть третия часть вод яко пельнь, и мнози от человек умроша от вод, яко горьки беша. 12 И четвертый Ангел воструби, и уязвена бысть третия часть солнца и третия часть луны и третия часть звезд, да затмится третия часть их, и дне третия часть да не светит, и нощь такожде. 13 И видах и слышах единаго Ангела паряща посреде небесе, глаголюща гласом великим: горе, горе, горе живущим на земли от прочих гласов трубных триех Ангел хотящих трубыти.

9 И пятый Ангел воструби, и видех звезду с небесе спадшу на землю: и дан бысть ей ключь студенца бездны: (Abyssos g12) 2 и отверзе студенца бездны, и взыде дым от студенца яко дым пещи велики, и омерче солнце и воздух от дыма студеничаго. (Abyssos g12) 3 И от дыма изыдоша прузы на землю, и дана бысть им область, якоже имут область скорпии земныя. 4 И речено бысть им, да не вредят травы земныя, ни всякаго злака, ни всякаго древа, но человеки точию, иже не имут печати Божия на челех своих. 5 И дано бысть им, да не убият их, но да муку примут пять месяцей: и мучение их яко мучение скорпиево, егда усекнет человека. 6 И в тыя дни взыщут человецы смерти, и не обрящут ея: и вожделеют умрети, и убежит от них смерть. 7 И уподобления пругов подобна конем уготовленым на брань: и на главах их яко венцы уподоблени злату, и лица их яко лица человеческа: 8 и имеяху власы, яко власы женския, и зубы их, яко львов беша: 9 и имеяху броня, яко броня железны, и глас крил их, яко глас колесниц, егда кони мнози текут на брань: 10 и имеяху ошибы подобны скорпиинным, и жала бяху во ошибех их: и дана бе область им вредити человеки пять месяц. 11 И имели над собою царя аггела бездны, ему же имя еврейски Аваддон, а еллински Аполлион. (Abyssos g12) 12 Горе едино отиде: се, грядут еще два горя по сих. 13 И шестый Ангел воструби, и слышах глас един от четырех рогов олтаря златаго сущаго пред Богом, 14 глаголющий шестому Ангелу имеющу трубу: разреши четыри Ангелы связаны при реце велицей Евфрат. 15 И разрешени быша четыри Ангели уготовани на час и день, и месяц и лето, да избият третию часть человек. 16 И число воинов конных две тме тем: и слышах число их. 17 И тако видех в видении кони, и седящия на них

имущыя броня огненны и иакинфовы и жупелны: и главы конем (их) яко главы львом, и из уст их исходаше огнь и дым и жупел. 18 И от триех язв сих погибе третия часть человеков, от огня и от дыма и от жупела, исходящих из уст их: 19 область бо коней во устех их бе, и ошиби их подобни змием, имуще главы и теми пакости деюще. 20 И прочии от человек, иже не вреждени быша язвами сими, ниже покаяшася от дел рук своих, да не поклоняются демоном, ни идолом златым и сребряным, и медным и каменным и древяным, иже ни видети могут, ни слышати, ни ходити: 21 и не покаяшася от убийств своих, ни от волхвований своих, ниже от блуда своего, ниже от татьб своих.

10 И видех иного Ангела крепка сходяща с небеса,

оболчена во облак, и дуга над главою (его), и лицо его яко солнце, и нозе его яко столпи огнени, 2 и имеяше в руце своей книгу разгibenу: и постави ногу свою десную на мори, а шую на земли, 3 и возопи гласом великим, яко лев рыкая: и егда возгласи, глаголаша седмь громов гласы своя. 4 И егда возгласиша седмь громов гласы своя, хотех писати: и слышах глас с небесе глаголющъ ми: запечатлей, яже глаголаша седмь громов, и сего не пиши. 5 И Ангел, егоже видех стояща на мори и на земли, воздвиге руку свою на небо 6 и клятся Живущим во веки веков, Иже созда небо и яже на нем, и землю и яже на ней, и море и яже в нем, яко лета уже не будет: (αἰῶν γ165) 7 но во дни гласа седмаго Ангела, егда имать вострубити, тогда скончается тайна Божия, якоже благовести Своими рабы пророки. 8 И глас его слышах с небесе паки глаголющъ со мною, и глагола: иди и приими книжицу разгнутую в руце Ангела стоящаго на мори и на земли. 9 И идох ко Ангелу, глаголя ему: даждь ми книжицу. И рече ми: приими и снедъ ю: и горька будет во чреве твоем, но во устех ти сладка будет яко мед. 10 И приях книгу от руки Ангела и снедох ю: и бе во устех моих яко мед сладка: и егда снедох ю, горька бяше во чреве моем. 11 И рече ми: подобает ти паки пророчествовать в людех и во племенех, и во языщех и в царех мнозех.

11 И дана ми бысть трость подобна жезлу, глаголя:

востани и измери церковь Божию и олтарь, и кланяющыся в ней: 2 а двор сущий внутрь церкве изнеси внеуду, ниже измери его, зане дан бысть языком: и град святый поперут четыредесять и два месяцы. 3 И дам обема свидетелема Моима, и прорицати будут дний тысячу двесте и шестьдесят, оболчена во вретище. 4 Сии суть две маслицы и два свещника пред Богом земли

стояща. 5 И иже им неправду сотворит, огнь исходит из уст их и поист враги их: и иже восхощет обидети их, сему подобает убиену быти. 6 И сии имут область затворити небо, да не снидет дождь (на землю) во дни прорицания их, и область имут на водах, обращати я в кровь и поразити землю всякою язвою, елижды аще восхощут. 7 И егда скончают свидетелство свое, зверь, иже исходит от бездны, сотворит с ними брань и победит их и убийт я, (Abyssos γ12) 8 и трупы их оставит на стогнах града великаго, иже нарицается духовне Содом и Египет, идеже и Господь наш распят бысть. 9 И зреши имут от людий и племен, и от язык и колен, телеса их дни три и пол, и трупы их не оставят положити во гробех. 10 И живущи на земли возрадуются и возвеселятся о них, и дары послют друг ко другу, яко оба сия пророка мучиста живущыя на земли. 11 И по триех днех и пол, дух животен внидет в ня от Бога, и станут (оба) на ногах своих: и страх велий нападет на зрящих их. 12 И услышат глас велий с небесе, глаголющъ им: взыдита семо. И взыдоста на небо на облацах, и видеша я врази их. 13 И в час той трус бысть велий, и десятая часть града паде, и погибе трусом имен человеческих седмь тысящ: и прочии пристраши быша и даша славу Богу небесному. 14 Горе второе отиде: се, горе третие грядет скоро. 15 И седмый Ангел воструби, и быша гласи велицы на небесех, глаголюще: бысть царство мира Господа нашего и Христа Его, и воцарится во веки веков. (αἰῶν γ165) 16 И двадесять и четыри старцы, пред Богом седящии на престолех своих, падоша на лица своя и поклонишася Богу, 17 глаголюще: хвалим Тя, Господи Боже Вседержителю, Иже сый и бе и грядый, яко принял еси силу Твою великую и воцарился еси: 18 и языцы прогневашася: и прииде гнев Твой, и время мертвым суд прияти, и дати мзду рабом Твоим пророком и святым и боящымся имене Твоего, малым и великим, и растлiti посмраждыша землю. 19 И отверзеся храм Божий на небеси, и явися кивот завета Его в храме Его: и быша блистания и гласи, и громи и трус, и град велик.

12 И знамение велие явися на небеси: жена облечена

в солнце, и луна под ногама ея, и на главе ея венец от звезд двоюнадесяте: 2 и во чреве имущи, вопиет болящи и страждущи родити. 3 И явися ино знамение на небеси: и се, змий велик чермен, имея глав седмь и рогов десять, и на главах его седмь венец: 4 и хобот его отторже третию часть звезд небесных и положи я в землю. И змий стояше пред женою хотяще родити, да, егда родит, снести чадо ея. 5 И роди сына мужеска, иже имать упости вся языки жезлом железным: и восхищено

бысть чадо ея к Богу и престолу Его. 6 А жена бежа в пустыню, идяже име место уготовано от Бога, да тамо питается дній тысячу двесте шестьдесят. 7 И бысть брань на небеси: Михаил и Ангели его брань сотвориша со змием, и змий брася и агели его, 8 и не возмогоша, и места не обретется им кто на небеси. 9 И вложен бысть змий великий, змий древний, нарицаемый диавол и сатана, льстяй вселенную всю, и вложен бысть на землю, и агели его с ним низвержени быша. 10 И слышах глас велий на небеси, глаголющъ: ныне бысть спасение и сила и царство Бога нашего и область Христа Его, яко низложен бысть клеветник братии нашей, оклевещая их пред Богом нашим день и нощъ. 11 И тии победиша его кровию Агнчею и словом свидетельства своего, и не возлюбиша душ своих даже до смерти. 12 Сего ради веселитесь, небеса и живущии на них. Горе живущим на земли и мори, яко снide диавол к вам, имея яростъ великую, ведый, яко время мало имать. 13 И егда виде змий, яко низложен бысть на землю, гоняще жену, яже роди мужеска. 14 И дана быша жене два крила орла великаго, да парит в пустыню в место свое, идяже препитана бяше ту время и времен и пол времене, от лица змина. 15 И испусти змий за женою из уст своих воду яко реку, да ю в реце потопит. 16 И поможет земля жене, и отверзе земля уста своя, и пожре реку, юже изведе змий от уст своих. 17 И разгневавася змий на жену и иде сотворити брань со оставшим семенем ея, иже соблюдают заповеди Божия и имеют свидетельство Иисус Христово.

13 И стах на песце морстем: и видех из моря зверя исходяща, имуща глав седьмь и рогов десять, и на розех его венец десять, а на главах его имена хулна. 2 Зверь, егоже видех, бе подобен рыси, и нозе ему яко медведи, и уста его яко уста львова: и даде ему змий силу свою и престол свой и область великую. 3 И видех едину от глав его яко заколену в смерть, и язва смерти его изцеле. И чудися вся земля вслед зверя, и поклонишася змию, иже даде область зверю, 4 и поклонишася зверю, глаголющъ: кто подобен зверю и кто может ратоватися с ним? 5 И дана быша ему уста глаголюща велика и хулна, и дана бысть ему область творити месяц четыредесять два. 6 И отверзе уста своя в хуление к Богу, хулити имя Его и селение Его и живущая на небеси. 7 И дано бысть ему брань творити со святыми и победити я: и дана бысть ему область на всячем колене (людий) и на языщех и племенех. 8 И поклоняются ему вси

живущии на земли, имже не написана суть имена в книгах животных Агнца заколенаго от сложения мира. 9 Аще кто имать ухо, да слышит. 10 Иже аще в пленение ведет, в пленение пойдет: аще кто оружием убийет, подобает ему оружием убиену быти. Зде есть терпение и вера святых. 11 И видех иного зверя восходящаго от земли, и имеяше рога два, подобна агнчым, и глаголаше яко змий. 12 И власть первого зверя всю творяше пред ним: и творяше землю и вся живущия на ней поклонитися первому зверю, ему же изцелена бысть язва смертная: 13 и сотвори чудеса велика, да и огнь сотворит сходiti с небес на землю пред человеки. 14 И льстит живущия на земли, ради знамений, яже дана быша ему пред зверем творити, глаголя живущим на земли, сотворити образ зверю, иже имать язvu оружную и жив бысть. 15 И дано бысть ему дати дух образу зверину, да проглаголет икона зверина и сотворит, да иже аще не поклоняются образу звериному, убиени будут. 16 И сотворит вся малыя и великия, богатыя и убогия, свободныя и работныя, да даст им начертание на десней руце их или на челех их, 17 да никтоже возможет ни купитьти, ни продати, токмо кто имать начертание, или имя зверя, или число имене его. 18 Зде мудрость есть. Иже имать ум, да почтет число зверино: число бо человеческо есть, и число его шесть сот шестьдесят шесть.

14 И видех, и се, Агнец стояше на горе Сионстей, и с Ним сто и четыредесять и четыри тысячи, имуще имя Отца Его написано на челех своих. 2 И слышах глас с небесе, яко глас вод многих и яко глас грома велика: и глас слышах гудец гудущих в гусли своя 3 и поющих яко песнь нову пред престолом и пред четыри животными и старцы: и никтоже можаше навыкнути песни, токмо сии сто и четыредесять и четыри тысячи искуплени от земли. 4 Сии суть, иже с женами не оскверниша, зане девственницы суть: сии последуют Агнцу, аможе аще пойдет. Сии суть куплени от людий первенцы Богу и Агнцу, 5 и во устех их не обретеся лесть: без порока бо суть пред престолом Божиим. 6 И видех иного Ангела паряща посреде небесе, имущаго Евангелие вечно благовестити живущым на земли и всякому племени и языку, и колену и людем, (αἰῶνις γ166) 7 глаголюща гласом великим: убойтесь Бога и дадите Ему славу, яко прииде час суда Его, и поклонитеся Сотворшему небо и землю, и море и источники водныя. 8 И ин Ангел вслед иде, глаголя: паде, паде Вавилон град великий, зане от вина ярости любодеяния своего

напои вся языки. 9 И третий Ангел вслед его идет, глаголя гласом великом: иже аще кто покланяется зверю и иконе его и приемлет начертание на челе своем или на руце своей, 10 и той имать пити от вина ярости Божия, вина нерастворена в чаши гнева Его, и будет мучен огнем и жупелом пред Ангелы святыми и пред Агнцем: 11 и дым мучения их во веки веков восходит, и не имут покоя день и нощь покланяющиися зверю и образу его и приемлющи начертание имене его. (аіп g165) 12 Зде есть терпение святых, иже соблюдают заповеди Божия и веру Иисусову. 13 И слышах глас с небесе, глаголющъ ми: напиши: блажени мертвии, умирающии о Господе отныне. Ей, глаголет Дух, да почиют от трудов своих: дела бо их ходят вслед с ними. 14 И видех, и се, облак светел, и на облаце седай подобен Сыну Человеческому, имея на главе своей венец злат, и в руце его серп остр. 15 И ин Ангел изыде из храма, вопия велиим гласом седящему на облаце: посли серп твой и жни, яко прииде час пожати, зане изсше трава земная. 16 И положи седай на облаце серп свой на землю, и пожата бысть земля. 17 И ин Ангел изыде из церкве сущия на небеси, имый и той серп остр. 18 И ин Ангел изыде от олтаря, имый область на огни, и возопи кличем великим ко имущему серп острый, глаголя: посли серп твой острый и объемли грозды винограда земнаго, яко созревша уже гроздие ея. 19 И положи Ангел серп свой на земли, и обере виноград земский и вложи в точило великия ярости Божия. 20 И испрано бысть точило вне града, и изыде кровь от точила даже до узд конских, от стадий тысяча и шесть сот.

15 И видех ино знамение на небеси велие и чудно, седьмь Ангел имущих седьмь язв последних, зане в тех скончается ярость Божия. 2 И видех яко море стекляно смешено со огнем, и победившия зверя и образ его, и начертание его и число имене его, стоящия на мори стеклянем, имущия гусли Божия: 3 и похя песьнъ Моисеа раба Божия и песьнъ Агнчу, глаголюще: велия и дивна дела Твоя, Господи Боже Вседержителю: праведни и истинни путие Твои, Царю святых: 4 кто не убоится Тебе, Господи, и прославит имя Твое? Яко един преподобен еси, яко вси языцы приидут и поклоняются пред Тобою: яко оправдания Твоя явишася. 5 И по сих видех, и се, отверзся храм скинии свидения на небеси: 6 и изыдоша седьмь Ангел из храма, иже имеяху седьмь язв, облечени в ризы льняны чисты и светлы, и препоясаны на персех поясы златыми. 7 И едино от четырех животных даде седмим Ангелом седьмь фиал златых, исполненых ярости

Бога живущаго во веки веков. (аіп g165) 8 И наполнися храм дыма от славы Божия и от силы Его, и никотоже можаше винти во храм, дондеже скончаются седмь язв седмих Ангел.

16 И слышах глас велий от храма глаголющъ седмим

Ангелом: идите и излийте седьмь фиал ярости Божия на землю. 2 И иде первый Ангел и излия фиал свой на землю: и бысть гной зол и лют на человечех имущих начертание зверино и кланяющиися иконе его. 3 И второй Ангел излия фиал свой в море: и бысть кровь яко мертвца, и всяка душа жива умре в мори. 4 И третий Ангел излия фиал свой на реки и на источники водныя: и бысть кровь. 5 И слышах Ангела водного глаголюща: праведен еси, Господи, сый и Иже бе, и преподобн, яко сия судил еси: 6 зане кровь святых и пророк излияша, и кровь им дал еси пити: достойни бо суть. 7 И слышах другаго от олтаря глаголюща: ей, Господи Боже Вседержителю, истинни и прави суди Твои. 8 И четвертый Ангел излия фиал свой на солнце: и дано бысть ему опалити человеки огнем. 9 И опалишася человечы зноем великим, и хулиша имя Божие, иже имать область на язвах сих, и не покаяшася дати Ему славы. 10 И пятый Ангел излия фиал свой на престол зверин: и бысть царство его омрачено, и жваху языки своя от болезни, 11 и хулиша Бога небеснаго от болезни и от язв своих, и не покаяшася от дел своих. 12 И шестый Ангел излия фиал свой на реку велику Евфрат: и изсяче вода ея, да уготовится путь царем сущым от восток солнечных. 13 И видех из уст змия и из уст зверя и из уст лжаго пророка духи три нечистыя, яко жабы исходящыя: 14 суть бо дуси демонстии творяще знамения, иже исходят к царем всея вселенныя, собрати я на брань в день той великий Бога Вседержителя. 15 Се, гряду яко тать: блажен бдяи и блюдый ризы своя, да не наг ходит и узрят срамоту его. 16 И собра их на место нарицаемое еврейски Армагеддон. 17 И седьмый Ангел излия фиал свой на воздух: и изыде глас велий от храма небесе от престола, глаголя: бысть. 18 И быша блистания и громи и гласи, и бысть трус велик, яков николихе бысть, отнележе быша человечы на земли, толик трус, тако велий. 19 И бысть град велик в три части, и гради язычестии падоша, и Вавилон великий помяновен бысть пред Богом, дати ему чашу вина ярости гнева Своего. 20 И всяк остров бежа, и горы не обретошаися: 21 и град велик, яко талантес, сниде с небесе на человечы: и

хулиша человецы Бога от язвы градныя, яко велия есть язва его зело.

17 И прииде един от седми Ангел имущих седьмь фиал, и глагола со мною, глаголя ми: приди, да покажу ти суд любодеиц великия, седящия на водах многих: 2 с неюже любодеяша царие земстии, и упившися живущии на земли от вина любодеяния ея. 3 И веде мя в пусто место духом: и видех жену седящу на звери червлene, исполненем имен хулных, иже имеяше глав седьмь и рогов десять. 4 И жена бе облечена в порфиру и червленицу, и позлащена златом и камением драгим и бисером, имущи чашу злату в руце своей полну мерзости и скверн любодеяния ея: 5 и на челе ея написано имя: тайна, Вавилон великий, мати любодеицам и мерзостем земским. 6 И видех жену пияну кровьми святых и кровьми свидетелей Иисусовых, и дивихся, видев ю, дивом великим. 7 И рече ми Ангел: что дивишися? Аз ти реку тайну жены (сех) и зверя носящаго ю, седмь глав имуща и рогов десять. 8 Зверь, егоже видел еси, бе, и несть, и имать взыти от бездны, и в пагубу пойдет: и удивятся живущии на земли, имже имена не написана суть в книгу животную от сложения мира, видяще, яко зверь бе, и несть, и преста. (Abyssos g12) 9 Зде ум, иже имать мудрость. Седмь глав горы суть седмь, идеже жена седит на них, 10 и царие седмь суть: пять их пало, и един есть, (а) другой еще не прииде: и егда приидет, мало ему есть пребыти. 11 И зверь, иже бе и несть, и той осмый есть, и от седмех есть, и в пагубу идет. 12 И десять рогов, яже видел еси, десять царей суть, иже царства еще не прияша, но область яко царие на един час примут со зверем. 13 Сии едину волю имут, и силу и область свою зверю дадут: 14 сии со Агнцем брань соторят, и Агнец победит я, яко Господь господем есть и Царь царем: и сущии с Ним званни и избранни и верни. 15 И глагола ми: воды, яже еси видел, идеже любодеяца седит, люди и народи суть, и племена и языцы. 16 И десять рогов, яже видел еси на звери, сии любодеицу возненавидят, и запустевшу соторят ю и нагу, и плоть ея снедят, и сожгут ю огнем: 17 Бог бо дал есть в сердца их, соторити волю Его, и соторити едину волю, и дати царство свое зверю, дондеже скончаются глаголглы Божии. 18 И жена, юже видел еси, град есть великий, иже имать царство над цари земными.

18 И по сих видех ина Ангела сходяща с небесе, имуща область велию: и земля просветися от славы его. 2 И возопи в крепости, гласом велиим глаголя: паде, паде

Вавилон великий, и бысть жилище бесом и хранитель всякому духу нечисту, и хранилище всех птиц нечистых и ненавидимых: яко от вина ярости любодеяния своего напои вся языки, 3 и царие земстии с нею любы деяша, и купцы земстии от силы пищи ея разбогатеша. 4 И слышах глас ин с небесе, глаголющъ: изыдите из нея, людие Мои, да не причаститеся грехом ея и от язв ея да не вредитеся: 5 яко прилепиша греси ея даже до небесе, и помяну Бог неправды ея. 6 Воздадите ей, яко и та воздаде вам, и усугубите ей сугубо по делом ея: чашею, еюже черпа (вам), черплите ей сугубо. 7 Елико прославися и разсвирепе, толико дадите ей мук и рыданий: яко в сердцы своем глаголет, (яко) сежу царицею, и вдова несмъ, и рыдания не имам видети. 8 Сего ради во един день приидут язвы ей, смерть и плачь и глад, и огнем сожжена будет, яко крепок Господь Бог судяй ей. 9 И взорыдают и восплачутся ея царие земстии, любы деявшии с нею и разсвирепевши, егда узрят дым запаления ея, 10 издалеча стояще за страх мук ея, глаголюще: горе, горе, град великий Вавилон, град крепкий, яко во един час прииде суд твой. 11 И купцы земстии взорыдают и восплачутся о нем, яко бремен их никтоже купует ктому, 12 бремен злата и сребра, и камения драгаго и бисера, и висса и порфиры, и шелка и червени, и всякаго древа финнна, и всякаго сосуда из кости слоновыя, и всякаго сосуда от древа честнаго, и медяна и железна и мраморна, 13 и корици и фимиама, и мира и ливана, и вина и елеа, и семидала и пшеницы, и скота и овец, и коней и колесниц, и телес и душ человеческих. 14 И овощи похотей души твою отидаша от тебе, и вся тучная и светлая отидаша от тебе, и ктому не имаши обрести их. 15 Купцы сими обогащшеся от нея, издалеча станут за страх мучения ея, рыдающе и плачущеся, 16 и глаголюще: горе, горе, град великий, облеченный виссом и порфирио и червленицею, и позлащеный златом и камением драгим и бисером 17 яко во един час погибе толико богатство. И всяк кормчий, и всяк плаваяй в кораблех, и всяк елик в мори делаяй, издалеча сташа, 18 и волияху, видяще дым раждения его, глаголюще: кий подобен граду великому? 19 И положиша персть на главах своих, и возопиша плачущеся и рыдающе, глаголюще: горе, горе, град великий, в немже обогатиша вси имущии корабли в мори, от чести его: яко единем часом запусте. 20 Веселися о сем, небо, и святии Апостоли и пророцы, яко суди Бог суд ваш от него. 21 И взят един Ангел крепок камень велик яко жернов и верже в море, глаголя: тако стремлением ввержен будет

Вавилон град великий, и не имать обрестися ктому: 22 и глас гудец и мусикий, и пискателей и труб не имать слышатися ктому в тебе: и всяк хитрец всякия хитрости не обрящется ктому в тебе, и шум жерновный не будет слышан в тебе: 23 и свет светилника не имать светити в тебе ктому, и глас жениха и невесты не имать слышан быти в тебе ктому: яко купцы твои беша вельможи земстии, яко волхвованием твоими прельщени быша вси языцы. 24 И в нем кровь пророческа и святых обретеся и всех избииенных на земли.

19 И по сих слышах глас велий народа многа на небеси, глаголющаго: аллилуиа: спасение и слава, и честь и сила Господу нашему, 2 яко истинни и прави суди Его: яко судил есть любодеицу велику, яже посмради землю любодеянием своим, и отмстил кровь рабов Своих от руки ея. 3 И второе реша: аллилуиа. И дым ея восходяше во веки веков. (aīōn g165) 4 И падоша двадесять и четыри старцы и четыри животна и поклонишася Богови седящему на престоле, глаголюще: аминь, аллилуиа. 5 И глас изыде от престола глаголющ: пойте Богу нашему, вси раби Его и боящися Его, и малии и величию. 6 И слышах яко глас народа многа, и яко глас вод многих, и яко глас громов крепких, глаголющих: аллилуиа, яко воцарися Господь Бог Вседержителе: 7 радуимся и веселимся, и дадим славу Ему: яко прииде брак Агнчий, и жена Его уготовила есть себе. 8 И дано бысть ей облещися в виссон чист и светел: виссон бо оправдания святых есть. 9 И глагола ми: напиши: блажени званни на вечерю брака Агнча. И глагола ми: сия словеса истинна Божия суть. 10 И пад пред ногама его, поклониhsя ему: и глагола ми: виждь, ни: клеврет ти есмь и братий твоих имущих свидетельство Иисусово: Богу поклониhsя: свидетельство бо Иисусово есть дух пророчествия. 11 И видех небо отверсто, и се, конь бел, и седай на нем Верен и Истинен, и Правосудный и Воинственный: 12 очи же Ему (еста) яко пламень огнен, и на главе Его венцы мнози: имый имя написано, еже никтоже весть, токмо Он Сам: 13 и облечен в ризу червлену кровию. И нарицается имя Его Слово Божие. 14 И воинства небесная идяху вслед Его на конех белых, облечени в виссон бел и чист. 15 И из уст Его изыде оружие остро, да тем избииет языки: и Той упасет я жезлом железным, и Той перет точило вина ярости и гнева Божия Вседержителева. 16 И имать на ризе и на стегне Своем имя написано: Царь царем и Господь господем. 17 И видех единаго Ангела стояща на солнце: и возопи гласом велиим, глаголя всем птицам

парящым посреде небесе: приидите и соберитеся на вечерю великую Божию, 18 да снесте плоти царей и плоти крепких и плоти тысящников, и плоти коней и седящих на них, и плоти всех свободных и рабов, и малых и великих. 19 И видех зверя и цари земныя и вои их собраны сотворити брань с Седящим на кони и с воинства Его. 20 И ят бысть зверь и с ним лживый пророк, сотворивый знамения пред ним, имиже прельсти приемшия начертание зверино и покланяющыся иконе его: жива ввержена быста оба в езеро огненное горяще жупелом: (Limnē Purg 93041 g4442) 21 а прочии убиени быша оружием Седящаго на кони, изшедшими из уст Его: и вся птицы насытишася от плотей их.

20 И видех Ангела сходяща с небесе, имеюща ключь бездны и уже велико в руце своей: (Abyssos g12) 2 и ят змия, змия древняго, иже есть диавол и сатана, и связа и на тысячу лет, 3 и в бездну затвори его, и заключи его, и запечатле над ним, да не прельстит ктому языки, дондеже скончается тысяча лет: и по сих подобает ему отрешену быти на мало время. (Abyssos g12) 4 И видех престолы и седящая на них, и суд дан бысть им: и души растесаных за свидетельство Иисусово и за слово Божие, иже не поклонишаася зверю, ни иконе его, и не прияша начертания на челех своих и на руце своей. И ожиша и воцаришаася со Христом тысячу лет: 5 прочии же мертвцы не ожиша, дондеже скончается тысяча лет. Се воскресение первое. 6 Блажен и свят, иже имать часть в воскресении первем: на них же смерть вторая не имать области, но будут иеропе Богу и Христу и воцарятся с Ним тысячу лет. 7 И егда скончается тысяча лет, разрешен будет сатана от темницы своея и изыдет прельстити языки сущыя на четырех углех земли, Гога и Магога, собрати их на брань, ихже число яко песок морский. 8 И взыдоша на широту земли и обыдоша святых стан и град возлюбленный. 9 И снide огнь от Бога с небесе и пойдя я: 10 и диавол льстяй их ввержен будет в езеро огненно и жупелно, идже зверь и лживый пророк: и мучени будут день и нощь во веки веков. (aīōn g165, Limnē Purg 93041 g4442) 11 И видех престол велик бел и Седящаго на нем, Егоже от лица бежа небо и земля, и место не обретеся им. 12 И видех мертвцы малыя и великия стояща пред Богом, и книги разгнушася: и ина книга отверзеся, яже есть животная: и суд прияша мертвцы от написаных в книгах, по делом их. 13 И даде море мертвцы своя, и смерть и ад даста своя мертвцы: и суд прияша по делом своим, (Hadēs g86) 14 И


смерть и ад ввержена быста в езеро огненное. И се есть вторая смерть. (Hadēs g86, Limnē Pyr g3041 g4442) 15 И иже не обретется в книже животней написан, ввержен будет в езеро огненное. (Limnē Pyr g3041 g4442)

21 И видех небо ново и землю нову: первое бо небо и земля первая преидоста, и моря несть ктому. 2 И аз Иоанн видех град святый, Иерусалим нов сходящъ от Бога с небесе, приготован яко невесту украшены мужу своему. 3 И слышах глас велий с небесе, глаголющъ: се, скиния Божия с человеки, и вселится с ними: и тии людие Его будут, и Сам Бог будет с ними Бог их: 4 и отимет Бог всяку слезу от очи их, и смерти не будет ктому: ни плача, ни вопля, ни болезни не будет ктому, яко первая мимоидоша. 5 И рече Седяй на престоле: се, нова вся творю. И глагола ми: напиши, яко сия словеса истинна и верна суть. 6 И рече ми: совершишася. Аз есь Алфа и Омега, начаток и конец: аз жаждущему дам от источника воды животныя туне. 7 Побеждаяй наследит вся, и буду ему Бог, и той будет Мне в сына. 8 Страшливым же и неверным, и скверным и убийцам, и блуд творящым и чары творящим, идоложерцем и всем лживым, часть им в езере горящем огнем и жупелом, еже есть смерть вторая. (Limnē Pyr g3041 g4442) 9 И прииде ко мне един от седми Ангел, имущих седьм фиал исполненных седмых язв последних, и рече ко мне, глаголя: гряди, покажу ти невесту Агнчу жену. 10 И веде мя духом на гору велику и высоку и показа ми град великий, святый Иерусалим низходящъ с небесе от Бога, 11 имущъ славу Божию: и светило его подобно камени драгому, яко камени иаспису кристаловидну: 12 имущъ стену велику и высоку, имущъ врат дванадесять, и на вратах Ангелов дванадесять и имена написана, яже суть имена дванадесятим коленом сынов Израилевых: 13 от востока врата троя и от севера врата троя, от юга врата троя и от запада врата троя. 14 И стена града имеяше оснований дванадесять, и на них имен дванадесять Apostolov Agnchix. 15 И глаголяй со мною имеяше трость злату, да измерит град и врата его и стены его. 16 И град на четыри углы стоит, и долгота его толика есть, елика же и широта. И измери град тростию на стадий дванадесять тысящ: долгота и широта и высота его равна суть. 17 И размери стену его во сто и четыридесять и четыри лакти, в меру человеческу, яже есть Ангела. 18 И бе создание стены его иаспис: и град злато чисто, подобен стклу чисту. 19 И основания стены града всяким драгим камением украшена бяху: основание первое иаспис,

второе сапфир, третие халкидон, четвертое смарагд, 20 пятое сардоникс, шестое сардий, седьмое хрисолиф, осмое вирилл, девятое топазий, десятое хрисопрас, первоенадесять иакинф, второенадесять амевист. 21 И дванадесять врат дванадесять бисеров: едини каяждо врата беша от единаго бисера. И стогны града злато чисто, яко сткло пресветло. 22 И храма не видех в нем: Господь бо Бог Вседержитель храм ему есть, и Агнец. 23 И град не требуя солнца и луны, да светят в нем, слава бо Божия просвети его, и светилник его Агнец. 24 И языцы спасени во свете его пойдут, и царие земстии принесут славу и честь свою в него. 25 И врата его не имут затворитися во дни: нощи бо не будет ту. 26 И принесут славу и честь языков в него: 27 и не имать в него винти всяко скверно, и творяй мерзость и лжу, но токмо написаныя в книгах животных Агнца.

22 И показа ми чисту реку воды животныя, светлу яко кристалл, исходящу от престола Божия и Агнча. 2 Посреде стогны его и по обаполы реки древо животное, еже творит плодов дванадесяте, на кийждо месяц воздая плод свой: и листвие древа во изцеление языком. 3 И всяка анафема не будет ктому: и престол Божий и Агнечь будет в нем, и раби Его послужат Ему, 4 и узрят лице Его, и имя Его на челех их. 5 И нощи не будет тамо, и не потребуют света от светилника, ни света солнечнаго, яко Господь Бог просвещает я: и воцаряется во веки веков. (aiōn g165) 6 И рече ми: сия словеса верна и истинна: и Господь Бог святых пророков посла Ангела Своего показати рабом Своим, имже подобает быти вскоре. 7 Се, гряду скоро: блажен соблюдаяй словеса пророчества книги сея. 8 И аз Иоанн видех сия и слышах. И егда слышах и видех, падох поклонитися на ногу Ангела показующаго ми сие: 9 и глагола ми: виждь, ни: клеврет бо твой есь и братии твоема пророков и соблюдающих словеса книги сея: Богу поклонися. 10 И глагола ми: не запечатлей словес пророчествия книги сея: яко время близ есть. 11 Обидяй да обидит еще, и скверный да осквернится еще: и праведный правду да творит еще: и святый да святится еще. 12 И се, гряду скоро, и мзда Моя со Мною, воздати коемуждо по делом его. 13 Аз есь Алфа и Омега, начаток и конец, Первый и Последний. 14 Блажени творящи заповеди Его, да будет область им на древо животное, и врата внидут во град. 15 Вне же пси и чародее, и любодее и убийцы, и идолослужителю и всяк любяй и творяй лжу. 16 Аз Иисус послах Ангела Моего засвидетелствовать вам сия в церквах. Аз есь

корень и род Давидов, и звезда утренняя и денница.
17 И Дух и невеста глаголют: прииди, и слышай да
глаголет: прииди. И жаждай да приидет, и хотяй да
приимет воду животную туне. 18 Сосвидетелствую бо
всякому слышащему слова пророчества книги сея:
аще кто приложит к сим, наложит Бог на него язв
написанных в книзе сей: 19 и аще кто отимет от словес
книги пророчествия сего, отимет Бог часть его от книги
животныя, и от града святаго, и написанных в книзе сей.
20 Глаголет свидетелствуяй сия: ей, гряду скоро: аминь.
Ей, гряди Господи Иисусе. 21 Благодать Господа нашего
Иисуса Христа со всеми вами. Аминь.



H. PISAN.

И аз Иоанн видех град святый, Иерусалим нов сходящъ от Бога с небесе, приготован
яко невесту укращену мужу своему. И слышах глас велий с небесе, глаголющъ: се,
скиния Божия с человеки, и вселится с ними: и тии людие Его будут,
и Сам Бог будет с ними Бог их:
Откровение ап. Иоанна Богослова 21:2-3

Reader's Guide

церковно-славянском at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

церковно-славянском at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

ādios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the *aiōns*, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonomous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/SlavonicChurch---Church-Slavonic-Elizabeth/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

От Луки святое благовествование 8:31
Послание к Римлянам 10:7
Откровение ап. Иоанна Богослова 9:1
Откровение ап. Иоанна Богослова 9:2
Откровение ап. Иоанна Богослова 9:11
Откровение ап. Иоанна Богослова 11:7
Откровение ап. Иоанна Богослова 17:8
Откровение ап. Иоанна Богослова 20:1
Откровение ап. Иоанна Богослова 20:3

aïdios

Послание к Римлянам 1:20
Послание Иуды 1:6

aiōn

От Матфея святое благовествование 12:32
От Матфея святое благовествование 13:22
От Матфея святое благовествование 13:39
От Матфея святое благовествование 13:40
От Матфея святое благовествование 13:49
От Матфея святое благовествование 21:19
От Матфея святое благовествование 24:3
От Матфея святое благовествование 28:20
От Марка святое благовествование 3:29
От Марка святое благовествование 4:19
От Марка святое благовествование 10:30
От Марка святое благовествование 11:14
От Луки святое благовествование 1:33
От Луки святое благовествование 1:55
От Луки святое благовествование 1:70
От Луки святое благовествование 16:8
От Луки святое благовествование 18:30
От Луки святое благовествование 20:34
От Луки святое благовествование 20:35
От Иоанна святое благовествование 4:14
От Иоанна святое благовествование 6:51
От Иоанна святое благовествование 6:58
От Иоанна святое благовествование 8:35
От Иоанна святое благовествование 8:51
От Иоанна святое благовествование 8:52
От Иоанна святое благовествование 9:32
От Иоанна святое благовествование 10:28
От Иоанна святое благовествование 11:26
От Иоанна святое благовествование 12:34
От Иоанна святое благовествование 13:8
От Иоанна святое благовествование 14:16

Деяния святых апостолов 3:21
Деяния святых апостолов 15:18
Послание к Римлянам 1:25
Послание к Римлянам 9:5
Послание к Римлянам 11:36
Послание к Римлянам 12:2
Послание к Римлянам 16:27
Первое послание к Коринфянам 1:20
Первое послание к Коринфянам 2:6
Первое послание к Коринфянам 2:7
Первое послание к Коринфянам 2:8
Первое послание к Коринфянам 3:18
Первое послание к Коринфянам 8:13
Первое послание к Коринфянам 10:11
Второе послание к Коринфянам 4:4
Второе послание к Коринфянам 9:9
Второе послание к Коринфянам 11:31
Послание к Галатам 1:4
Послание к Галатам 1:5
Послание к Ефесянам 1:21
Послание к Ефесянам 2:2
Послание к Ефесянам 2:7
Послание к Ефесянам 3:9
Послание к Ефесянам 3:11
Послание к Ефесянам 3:21
Послание к Ефесянам 6:12
Послание к Филиппийцам 4:20
Послание к Колоссянам 1:26
Первое послание к Тимофею 1:17
Первое послание к Тимофею 6:17
Второе послание к Тимофею 4:10
Второе послание к Тимофею 4:18
Послание к Титу 2:12
Послание к Евреям 1:2
Послание к Евреям 1:8
Послание к Евреям 5:6
Послание к Евреям 6:5
Послание к Евреям 6:20
Послание к Евреям 7:17
Послание к Евреям 7:21
Послание к Евреям 7:24
Послание к Евреям 7:28
Послание к Евреям 9:26
Послание к Евреям 11:3
Послание к Евреям 13:8
Послание к Евреям 13:21
Первое послание Петра 1:23

Первое послание Петра 1:25
Первое послание Петра 4:11
Первое послание Петра 5:11
Второе послание Петра 3:18
Первое послание Иоанна 2:17
Второе послание Иоанна 1:2
Послание Иуды 1:13
Послание Иуды 1:25
Откровение ап. Иоанна Богослова 1:6
Откровение ап. Иоанна Богослова 1:18
Откровение ап. Иоанна Богослова 4:9
Откровение ап. Иоанна Богослова 4:10
Откровение ап. Иоанна Богослова 5:13
Откровение ап. Иоанна Богослова 7:12
Откровение ап. Иоанна Богослова 10:6
Откровение ап. Иоанна Богослова 11:15
Откровение ап. Иоанна Богослова 14:11
Откровение ап. Иоанна Богослова 15:7
Откровение ап. Иоанна Богослова 19:3
Откровение ап. Иоанна Богослова 20:10
Откровение ап. Иоанна Богослова 22:5

aiōnios

От Матфея святое благовествование 18:8
От Матфея святое благовествование 19:16
От Матфея святое благовествование 19:29
От Матфея святое благовествование 25:41
От Матфея святое благовествование 25:46
От Марка святое благовествование 3:29
От Марка святое благовествование 10:17
От Марка святое благовествование 10:30
От Луки святое благовествование 10:25
От Луки святое благовествование 16:9
От Луки святое благовествование 18:18
От Луки святое благовествование 18:30
От Иоанна святое благовествование 3:15
От Иоанна святое благовествование 3:16
От Иоанна святое благовествование 3:36
От Иоанна святое благовествование 4:14
От Иоанна святое благовествование 4:36
От Иоанна святое благовествование 5:24
От Иоанна святое благовествование 5:39
От Иоанна святое благовествование 6:27
От Иоанна святое благовествование 6:40
От Иоанна святое благовествование 6:47
От Иоанна святое благовествование 6:54
От Иоанна святое благовествование 6:68

От Иоанна святое благовествование 10:28
От Иоанна святое благовествование 12:25
От Иоанна святое благовествование 12:50
От Иоанна святое благовествование 17:2
От Иоанна святое благовествование 17:3
Деяния святых апостолов 13:46
Деяния святых апостолов 13:48
Послание к Римлянам 2:7
Послание к Римлянам 5:21
Послание к Римлянам 6:22
Послание к Римлянам 6:23
Послание к Римлянам 16:25
Послание к Римлянам 16:26
Второе послание к Коринфянам 4:17
Второе послание к Коринфянам 4:18
Второе послание к Коринфянам 5:1
Послание к Галатам 6:8
Второе послание к Фессалоникцам 1:9
Второе послание к Фессалоникцам 2:16
Первое послание к Тимофею 1:16
Первое послание к Тимофею 6:12
Первое послание к Тимофею 6:16
Второе послание к Тимофею 1:9
Второе послание к Тимофею 2:10
Послание к Титу 1:2
Послание к Титу 3:7
Послание к Филимону 1:15
Послание к Евреям 5:9
Послание к Евреям 6:2
Послание к Евреям 9:12
Послание к Евреям 9:14
Послание к Евреям 9:15
Послание к Евреям 13:20
Первое послание Петра 5:10
Второе послание Петра 1:11
Первое послание Иоанна 1:2
Первое послание Иоанна 2:25
Первое послание Иоанна 3:15
Первое послание Иоанна 5:11
Первое послание Иоанна 5:13
Первое послание Иоанна 5:20
Послание Иуды 1:7
Послание Иуды 1:21
Откровение ап. Иоанна Богослова 14:6

eleēsē

Послание к Римлянам 11:32

Geenna

От Матфея святое благовествование 5:22
От Матфея святое благовествование 5:29
От Матфея святое благовествование 5:30
От Матфея святое благовествование 10:28
От Матфея святое благовествование 18:9
От Матфея святое благовествование 23:15
От Матфея святое благовествование 23:33
От Марка святое благовествование 9:43

От Марка святое благовествование 9:45
От Марка святое благовествование 9:47
От Луки святое благовествование 12:5
Послание Иакова 3:6
Hadēs
От Матфея святое благовествование 11:23
От Матфея святое благовествование 16:18
От Луки святое благовествование 10:15
От Луки святое благовествование 16:23
Деяния святых апостолов 2:27
Деяния святых апостолов 2:31
Первое послание к Коринфянам 15:55
Откровение ап. Иоанна Богослова 1:18
Откровение ап. Иоанна Богослова 6:8
Откровение ап. Иоанна Богослова 20:13
Откровение ап. Иоанна Богослова 20:14

Limnē Pyr

Откровение ап. Иоанна Богослова 19:20
Откровение ап. Иоанна Богослова 20:10
Откровение ап. Иоанна Богослова 20:14
Откровение ап. Иоанна Богослова 20:15
Откровение ап. Иоанна Богослова 21:8

Sheol

Бытие 37:35
Бытие 42:38
Бытие 44:29
Бытие 44:31
Числа 16:30
Числа 16:33
Второзаконие 32:22
Первая книга Царств 2:6
Вторая книга Царств 22:6
Третья книга Царств 2:6
Третья книга Царств 2:9
Книга Иова 7:9
Книга Иова 11:8
Книга Иова 14:13
Книга Иова 17:13
Книга Иова 17:16
Книга Иова 21:13
Книга Иова 24:19
Книга Иова 26:6
Псалтир 6:5
Псалтир 9:17
Псалтир 16:10
Псалтир 18:5
Псалтир 30:3
Псалтир 31:17
Псалтир 49:14
Псалтир 49:15
Псалтир 55:15
Псалтир 86:13
Псалтир 88:3
Псалтир 89:48


Псалтир 116:3
Псалтир 139:8
Псалтир 141:7
Притчи Соломона 1:12
Притчи Соломона 5:5
Притчи Соломона 7:27
Притчи Соломона 9:18
Притчи Соломона 15:11
Притчи Соломона 15:24
Притчи Соломона 23:14
Притчи Соломона 27:20
Притчи Соломона 30:16
Книга Екклезиаста 9:10
Песнь песней Соломона 8:6
Книга пророка Исаии 5:14
Книга пророка Исаии 7:11
Книга пророка Исаии 14:9
Книга пророка Исаии 14:11
Книга пророка Исаии 14:15
Книга пророка Исаии 28:15
Книга пророка Исаии 28:18
Книга пророка Исаии 38:10
Книга пророка Исаии 38:18
Книга пророка Исаии 57:9
Книга пророка Иезекииля 31:15
Книга пророка Иезекииля 31:16
Книга пророка Иезекииля 31:17
Книга пророка Иезекииля 32:21
Книга пророка Иезекииля 32:27
Книга пророка Осии 13:14
Книга пророка Амоса 9:2
Книга пророка Ионы 2:2
Книга пророка Аввакума 2:5

Tartaroō

Второе послание Петра 2:4

Questioned


Книга Иова 33:22
Псалтир 63:9
Притчи Соломона 2:18
Притчи Соломона 14:12
Второе послание Петра 2:17




Верою зовом Авраам послуша изыти на место, еже хотяше прияти в наследие, и изыде не ведый, камо грядет. - Послание к Евреям 11:8

Israel's Exodus

N



Егда же отпусти фараон людя, не поведе их Бог путем земли Филистимския, яко близ бяше, ибо рече Бог:
да не когда раскаются людие, видевше рать, и возвратятся во Египет. - Исход 13:17



ибо Сын Человечь не прииде, да послужат Ему, но да послужит и да ста душу Свою избавление за manyi. - От Марка святое благовествование 10:45



Павел, раб Иисус Христов, зван Апостол, избран в благовестие Божие, - Послание к Римлянам 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophesies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth

1956	Christ returns for his people
1830	Jim Elliot martyred in Ecuador
1731	John Williams reaches Polynesia
1614	Zinzendorf leads Moravian mission
1572	Japanese kill 40,000 Christians
1517	Jesuits reach Mexico
1455	Martin Luther leads Reformation
1323	Gutenberg prints first Bible
1276	Franciscans reach Sumatra
1100	Ramon Llull trains missionaries
1054	Crusades tarnish the church
997	The Great Schism
864	Adalbert martyred in Prussia
716	Bulgarian Prince Boris converts
635	Boniface reaches Germany
569	Alopen reaches China
432	Longinus reaches Alodia / Sudan
397	Saint Patrick reaches Ireland
341	Carthage ratifies Bible Canon
325	Ulfilas reaches Goth / Romania
250	Niceae proclaims God is Trinity
197	Denis reaches Paris, France
70	Tertullian writes Christian literature
61	Paul imprisoned in Rome, Italy
52	Titus destroys the Jewish Temple
39	Thomas reaches Malabar, India
33	Peter reaches Gentile Cornelius
	Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we? ►			Genesis 1:26 - 2:3		Mankind is created in God's image, male and female He created us							
How are we sinful? ►			Romans 5:12-19		Sin entered the world through Adam and then death through sin							
Where are we? ◀			When are we? ▼									
			Innocence		Fallen				Glory			
Who are we? ▶	God	Eternity Past	Creation 4004 B.C.	Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth				
		Father	John 10:30 God's perfect fellowship	Genesis 1:31 God's perfect fellowship with Adam in The Garden of Eden	1 Timothy 6:16 Living in unapproachable light			Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City				
		Son			John 8:58 Pre-incarnate	John 1:14 Incarnate	Luke 23:43 Paradise					
		Holy Spirit			Psalm 139:7 Everywhere	John 14:17 Living in believers						
	Mankind	Living			Ephesians 2:1-5 Serving the Savior or Satan on Earth							
		Deceased believing			Luke 16:22 Blessed in Paradise							
		Deceased unbelieving			Luke 16:23, Revelation 20:5,13 Punished in Hades until the final judgment							
	Angels	Holy	Genesis 1:1 No Creation No people		Hebrews 1:14 Serving mankind at God's command			Matthew 25:41 Revelation 20:10 Lake of Fire prepared for the Devil and his Angels				
		Imprisoned			2 Peter 2:4, Jude 6 Imprisoned in Tartarus							
		Fugitive			Revelation 20:13 Thalaasa							
		First Beast			1 Peter 5:8, Revelation 12:10 Rebelling against Christ Accusing mankind							
		False Prophet			Revelation 19:20 Lake of Fire							
		Satan			Revelation 20:2 Abyss							
Why are we? ►			Romans 11:25-36, Ephesian 2:7		For God has bound all over to disobedience in order to show mercy to all							

Destiny

церковно-славянском at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'*" Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you*," John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



шедше убо научите вся языки, крестяще их во имя Отца и Сына и Святаго Духа, - От Матфея святое благовествование 28:19